





S0-BPY-267













R L  
281.1  
M588p<sup>130</sup>



11


12

13

14

15





Digitized by the Internet Archive  
in 2025



# PATROLOGIÆ

## CURSUS COMPLETUS

SIVE

BIBLIOTHECA UNIVERSALIS, INTEGRÆ, UNIFORMIS, COMMODA, OECONOMICA,  
OMNIUM SS. PATRUM, DOCTORUM SCRIPTORUMQUE ECCLESIASTICORUM

QUI

AB ÆVO APOSTOLICO AD INNOCENTII III TEMPORA

FLORUERUNT;

### RECUSIO CHRONOLOGICA

OMNIUM QUÆ EXSTITERE MONUMENTORUM CATHOLICÆ TRADITIONIS PER DUODECIM PRIORA  
ECCLESIE SÆCULA,

JUXTA EDITIONES ACCURATISSIMAS, INTER SE CUMQUE NONNULLIS CODICIBUS MANUSCRIPTIS COLLATAS,  
PERQUAM DILIGENTER CASTIGATA;

DISSERTATIONIBUS, COMMENTARIIS LECTIONIBUSQUE VARIANTIBUS CONTINENTER ILLUSTRATA;  
OMNIBUS OPERIBUS POST AMPLISSIMAS EDITIONES QUÆ TRIBUS NOVISSIMIS SÆCULIS DEBENTUR ABSOLUTAS  
DETECTIS, AUCTA;

INDICIBUS PARTICULARIBUS ANALYTICIS, SINGULOS SIVE TOMOS, SIVE AUCTORES ALICUIUS MOMENTI  
SUBSEQUENTIBUS, DONATA;

CAPITULIS INTRA IPSUM TEXTUM RITE DISPOSITIS, NECNON ET TITULIS SINGULARUM PAGINARUM MARGINEM  
SUPERIOREM DISTINGUENTIBUS SUBJECTAMQUE MATERIAM SIGNIFICANTIBUS, ADORNATA;

OPERIBUS CUM DUBIIS TUM APOCRYPHIS, ALIQUA VERO AUCTORITATE IN ORDINE AD TRADITIONEM  
ECCLESIASTICAM POLLENTIBUS, AMPLIFICATA;

DUOBUS INDICIBUS GENERALIBUS LOCUPLETATA: ALTERO SCILICET RERUM, QUO CONSULTO, QUIDQUID

UNUSQUISQUE PATRUM IN QUODLIBET THEMA SCRIPSERIT UNO INTUITU CONSPICIATUR; ALTERO

SCRIPTURÆ SACRÆ, EX QUO LECTORI COMPERIRE SIT OBVIUM QUINAM PATRES

ET IN QUIBUS OPERUM SUORUM LOCIS SINGULOS SINGULORUM LIBRORUM

SCRIPTURÆ TEXTUS COMMENTATI SINT.

EDITIO ACCURATISSIMA, CÆTERISQUE OMNIBUS FACILE ANTEPONENDA, SI PERPENDANTUR: CHARACTERUM NITIDITAS

CHARTÆ QUALITAS, INTEGRITAS TEXTUS, PERFECTIO CORRECTIONIS, OPERUM RECUSORUM TUM VARIETAS

TUM NUMERUS, FORMA VOLUMINUM PERQUAM COMMODA SIBIQUE IN TOTO OPERIS DECURSU CONSTANter

SIMILIS, PRETII EXIGUITAS, PRÆSERTIMQUE ISTA COLLECTIO, UNA, METHODICA ET CHRONOLOGICA,

SEXCENTORUM FRAGMENTORUM OPUSCULORUMQUE HACTENUS HIC ILLIC SPARSORUM,

PRIMUM AUTEM IN NOSTRA BIBLIOTHECA, EX OPERIBUS AD OMNES ÆTATES,

LOCOS, LINGUAS FORMASQUE PERTINENTIBUS, COADUNATORUM.

### SERIES SECUNDA,

IN QUA PRODEUNT PATRES, DOCTORES SCRIPTORESQUE ECCLESIE LATINÆ  
A GREGORIO MAGNO AD INNOCENTIIUM III.

Accurante J.-P. Migne,

BIBLIOTHECÆ CLERI UNIVERSÆ,

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

PATROLOGIA BINA EDITIONE TYPIS MANDATA EST, ALIA NEMPE LATINA, ALIA GRÆCO-LATINA. —

VENEUNT MILLE FRANCIS DUCENTA VOLUMINA EDITIONIS LATINÆ; OCTINGENTIS ET

MILLE TRECENTA GRÆCO-LATINÆ. — MERE LATINA UNIVERSOS AUCTORES TUM OCCIDENTALES, TUM  
ORIENTALES EQUIDEM AMPECTITUR; HI AUTEM, IN EA, SOLA VERSIONE LATINA DONANTUR.

### PATROLOGIÆ TOMUS CXXX.

APPENDIX AD SÆCULUM IX. — ISIDORUS MERCATOR, MARCUS VALERIUS PROBUS.

TOMUS UNICUS.

EXCUDEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTROUGE.



# PATROLOGIA

## CERTUS COMPITUS

ANNO 1820

### INTRODUCTIO

IN QUA AGITUR DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

DE SIGNIFICATO ET SCOPO PATROLOGIAE

22130



**APPENDIX AD SÆCULUM IX.**  
**ISIDORI MERCATORIS**  
**DECRETALIAM COLLECTIO**

POST EDITIONEM, PRINCIPEM, JACOBO MERLINO PROCURANTE, DATAM, AD PRÆLUM  
NUNC PRIMUM REVOCATA, INNUMERIS QUIBUS SCATEBAT MENDIS REPUR-  
GATA ET INDICE FIDELISSIMO LOCUPLETATA; ADDITIS ETIAM  
IN TEXTU, QUÆ DEERANT, SCRIPTURÆ SACRÆ  
LOCORUM NOTATIONIBUS.

ACCEDUNT

**PROLEGOMENA AMPLISSIMA**

CURA ET STUDIO

**HENRICI DENZINGER**

In Universitate Herbipolensi theologiæ nunc professoris.

TOMUM CLAUDUNT

**MARCI VALER'II PROBI OPUSCULUM DE NOTIS ANTIQUIS**

ET

**ÆVI CAROLINI CARMINA.**

ACCURANTE J.-P. MIGNE,

**BIBLIOTHECÆ CLERI UNIVERSÆ,**

SIVE

CURSUM COMPLETORUM IN SINGULOS SCIENTIÆ ECCLESIASTICÆ RAMOS EDITORE.

---

**TOMUS UNICUS.**

---

VENIT 7 FRANCIS GALLICIS.

EXCUEBATUR ET VENIT APUD J.-P. MIGNE EDITOREM,  
IN VIA DICTA D'AMBOISE, PROPE PORTAM LUTETIÆ PARISIORUM VULGO D'ENFER NOMINATAM,  
SEU PETIT-MONTRouGE.

1853



## ELENCHUS

AUCTORUM ET OPERUM QUI IN HOC TOMO CXXX CONTINENTUR.

### ISIDORUS MERCATOR.

Prolegomena.

V-XXV

Collectio Decretalium.

Col. 2

### MARCUS VALERIUS PROBUS.

De notis antiquis.

1177

ÆVI CAROLINI CARMINA.

1195



# ISIDORUS MERCATOR.

## PROLEGOMENA.

### HENRICI DENZINGER

IN UNIVERSITATE HERBIPOLENSI THEOLOGICÆ PROFESSORIS

### ECLOGE ET EPICRISIS

*Eorum quæ a recentioribus criticis de Pseudoisidorianis Decretalibus statuta sunt.*

1. Mira sorte nostris hisce temporibus actum est, ut ii ipsi qui quondam, ut Romanæ sedis prærogativas impeterent, merces Pseudoisidorianas pontificum fraudi tribuebant, modo præ omnibus feliciter atque subtilius genuinum ejusmodi decretalium ortum indigitarent. Verumtamen, ut plurimum eo non sunt progressi, ut Romanos pontifices fraudi jam a multis receptæ non favisce, et Romanæ sedis privilegia exinde plus æquo non profecisse fateantur. Quinimo res satis implexa nequidem catholicis omnibus ita eliquata est, ut aliquam saltem disciplinæ ecclesiasticæ mutationem hisce decretalibus inductam fuisse, non admittant. Hinc nos, ut inveteratis istiusmodi præjudiciis pro posse finem imponamus, edendis Decretalibus præludere statuimus, ea quæ a recentioribus criticis præclare acta sunt, colligentes, ea quæ minus nobis probantur, novo examini subjicientes. Tria igitur erunt de quibus nobis inquirendum erit breviter :

- 1<sup>o</sup> Ubi, quando et quo potissimum sine confectæ fuerint Decretales Pseudoisidorianæ ;
- 2<sup>o</sup> Utrum fraudi jam actæ Romani illius temporis pontifices faverint ;
- 3<sup>o</sup> Utrum, si nullatenus in partem fraudis venerint pontifices, saltem eædem ipsæ Decretales iis quæ de pontificis auctoritate docent novi quidpiam induxerint

#### § I.

2. Multiplices recentiorum de Pseudoisidorianæ collectionis ortu opiniones in tres potissimum classes dividere lubet.

Prima sit eorum, qui pauciores numero et quasi ab omnibus derelicti, Decretales Romæ augendæ pontificiæ potestati confectas autumant. His annumerandus est infausti nominis catholicus Antonius Theiner (1) et H. E. Eichhorn (2). Qui tamen addunt, Decretales Romæ sæculo VIII ortas et a Franco quodam clerico sæculo IX mediante, auctas fuisse.

Alii vix non innocuum omnino Pseudoisidorum illum statuunt, inter quos nominandi sunt A. Walter (3) et Rosshirt (4), ille Bonnæ, Heidelbergæ hic professor. Censet Walter auctorem nostrum, quem Benedictum Levitam collectorem Pseudocapitularium fuisse suspicatur, nonnisi collectionem canonum integram Ecclesiæ disciplinam complectentem intendisse et in ea maxime instituisse, quæ tunc temporis magis negligebantur. Idem fere Rosshirt, qui ex codice Bambergensi a se detecto se eruisse putat, Mercatorem nostrum prius confecta ut plurimum apocrypha adhibuisse quæ Græcæ potissimum originis fuisse censet,

(1) Antonii Theiner, quem a fratre Augustino distinguas velim, de Pseudoisidoriana canonum collectione. Vratislaviæ, 1827.

(2) Abhandlungen der Berliner Academie. Jahrg. 1834 et in Savigny's Zeitschrift fürge, schiedliche Rechtswissenschafts, Bd. IX Heft II, p. 119 et seqq.

(3) Walter, Hirchenrecht, 10. Aufl. § 79.

(4) C. T. Rosshirt ; Von den falschen Decretalen, Voranzeige Heidelberg 1847. et : Zu den Kirchenrechtlichen Quellen des ersten Jahrtausends n. Zu den Pseudoisidorischen Decretalen, Heidelberg, 1849.



neque tunc temporis id pro fraude habitum ejusmodi documenta, quæ personis et rebus convenirent, deficientibus genuinis, componere.

His accensendus est et inclytus ille fidei propugnator Moehler (5), qui Decretales fraudem piam fuisse censet in bonum libertatis ecclesiasticæ peractam. Cum enim tristissimis illis temporibus humana divinaque omnia permiscerentur, atque omnis auctoritas viventium contemptui haberetur, produxisse auctorem illum quasi obloquentes venerandæ antiquitatis personas.

Tertiæ classis auctores veram fraudem admittunt, quæ tamen neque Romæ processerit, neque Romanorum utilitatem intenderit. Vel enim ut Spittler (6), Plank (7) et Drosle-Hülshoff (8) Decretales adversus potestatem metropolitancam directas dicunt, vel ut Knust (9), qui et ipse Benedictum Levitam Moguntinum auctorem vocat, ad vindicanda jura episcoporum tum adversus laicalia, tum synodalia judicia confictas censent. Quibus accensendi sunt, qui præ cæteris nobis genuinum Decretalium fontem prælucentibus sane aliis indiguisse videntur. A. Wasserschleben (10) et Gfrörer (11) censent enim Otgarium sive Autgarium archiepiscopum Moguntinum ad vindicanda sedi Moguntinæ primatialia in Germaniam jura, porro ad tuenda adversus principes et synodos episcoporum jura, post conventum Theonissvillanum anni 855 Decretales congeri curasse. Cui opinioni saltem ut probabiliori accedit vir non sine laude nominandus Carolus Kefe (12), licet pro ea, qua est modestia et judicii moderatione difficultates non dissimulet.

Nos his ducibus tria potissimum ad enodandum istud ænigma statuimus: 1º Decretales neque Romæ, neque sæculo VIII, sed 2º, sæculo IX mediante in Francorum ditone confectas; denique 3º verisimile admodum videri Otgarium Moguntinum archiepiscopum auctorem, uti dicunt moralem Decretalium fuisse.

Qui Pseudoisidorum Romæ sæculo VIII collectum dicunt, eo potissimum argumento nituntur, capitula quæ dicuntur Hadriani I, sive Angilramni Metensis (13) ex Pseudoisidoro excerpta, eadem ipsa autem testantibus pluribus codicibus (14) ab Hadriano I Angilramno Romæ tradita fuisse.

Verumtamen invicte ostendit Wasserschleben illam codicum inscriptionem præferendam, quæ ab Angilramno pontifici oblata testatur, cum 785 Romæ accusationis amovendæ causa versaretur. Nam in omnibus magis conveniunt disciplinæ, quæ in Francorum regno præsertim quoad synodos provinciales vigeat quam illi, quam tunc temporis pontifices propugnabant; imo nonnulla sunt quæ juribus pontificum minus favere videntur, ut capitula 6, 20, 27, 28. Fontes denique, ex quibus hausta sunt capitula, ii non sunt ex quibus Romanus pontifex hausisset, verbi gratia, synodorum hispanarum et gallicanarum decreta, lex Visigothorum, breviarium Alaricianum. Imo non desunt (15), qui censeant, dicta capitula senioris esse ætatis et ab ipso Mercatore ficta.

Invalidum est igitur argumentum quod ei innititur prætensæ rationi, capitula Angilramni Romæ confecta fuisse; deficit ergo locus. Verum falsum est etiam ex ipso Mercatore excerpta fuisse; ergo deficit et tempus. Nihil in iis est quod scopo et principiis Pseudoisidorianis præsertim circa accusationes episcoporum conveniat. Nam quæ in duobus capitulis ex Isidoro inveniuntur desumpta, in codice uno melioris notæ deesse seriusque interpolata fuisse testatur Wasserschleben. Imo nonnulla sunt in iis, quæ Isidoro contradicant, ut cap. 6, 12, 27, 28. Manifestum est e contrario Isidorum ex Angilramno hausisse, cum nonnunquam, ubi hic fontes suos accuratius allegaverit, ille vario modo immutatos reddat.

Neque melius Theiner et Eichhorn nonnullas Pseudoisidorianæ collectionis partes, ut epistolas Pseudoclementinas, donationem Constantini, gesta Sylvestri, a testibus sæculi octavi, ut Hadriano I in epistola ad Carolum Magnum directa, capitulari quodam anni 806, dictis quibusdam Agobardi Lugdunensis et Theodulfi Aurelianensis jam advocatas fuisse. Nam satis constat, ejusmodi documenta jam ante Isidorum ficta fuisse, qui sane non solum decepit, sed et ipse in multis deceptus est.

Alii, quos jam sæculo VIII exstantis Mercatoris documenta volunt esse, juniores Decretalium auctore facile probantur. Huc pertinet Remedii Curiensis collectio canonum, quam jussu Caroli Magni conscripsisse dicitur, cum titulus, cui dicta opinio innititur, plane confictus sit (16). Huc et reponendum est argu-

(5) Fragmente aus und über Pseudoisidor, Tübinger Quartalschrift 1829. Heft 3. u. Jahrg. 1832. Heft 1.

(6) Geschichte des canonischen Rechts.

(7) Geschichte der christlich-Kirchlichen Gesellschafts versassung, Bd. II, p. 800 ff.

(8) Grundsätze des gemeinen Kirchenrechts.

(9) Knust de fontibus et consilio Pseudoisidorianæ collectionis, Göttingæ 1852.

(10) W. Beiträge zur geschichte der falschen Decretalen, Breslau 1844.

(11) Gfrörer, Freiburger theol. Zeitschrift 1847, et: Untersuchung über Alter, Ursprung, Zweck der Decretalen des falschen Isidors, Freiburg 1848, et: Geschichte der ostund Westfränkischen Caro-

linger, Freit. 1848. I Bd.

(12) Hefe, Tübinger theol. Zeitschrift, Jahrg. 1847. Heft 4.

(13) Vide ap. Mansi t. XII, p. 904 sqq.

(14) Cf. Ballerini de antiquis collectionibus et collectoribus canonum, part. III, c. 6, § 2, n. 8, ad calcem operum S. Leonis, Patrologiæ tom. LVI, col. 244.

(15) Knust, Walter, Rettberg, Kirchengeschichte Deutsch. land's Band I, Anhang et jam ante istos Ballerini l. c.

(16) Ita Ballerini l. c. cap. 4, § 4, n. 13, Patrol. t. LVI, col. 249. c. Knust, Wasserschleben, Richter, Walter, Kunsmann, die Canonensammlung des Remedius von chur, Tübingen 1836.



mentum desumptum ex epistola Gregorii IV ad episcopos Galix et Germanix anni 832, si nothra sit, ut Richter censet. Verumtamen ponamus et genuinam esse, tunc plane non liquet, utrum ipsa ex Isidoro, an Isidorus ex ipsa hauserit.

Magnum denique quiddam se præstare sibi visus est Eichhorn, ut idem evinceret, quod Librum Pontificalem, quo præprimis usus est Mercator, extra Italiam incognitum fuisse, uti putabat detexerit. Quod oppido falsum est, cum et Beda Venerabilis sæculo viii illo usus fuerit, neque desint ejusdem temporis codices Gallicani. Sed quid tempus terimus refellendis istorum ratiunculis, cum pontifices duo, annis adhuc 850 et 863, ipsi canonicas auctoritates enumerantes, quibus Romana Ecclesia utatur, nonnisi decretalium, quæ in collectione Dionysiana auctiore continentur, mentionem faciunt. Ita Leo IV, epistola 2 ad episcopos Britannix (17) : « De libellis et commentariis aliorum non convenit aliquem judicare et sanctorum conciliorum canones relinquare vel decretalium regulas, id est, quæ habentur apud nos simul cum illis in canone et quibus in omnibus ecclesiasticis utimur judiciis, id est, Apostolorum, Nicænorum, Ancyranorum, Neocæsariensium, Gangrensiarum, Antiochensium, Laodicensium, Chalcedonensium, Sardicensium, Carthaginensium, Africanensium et cum illis regulæ præsulorum Romanorum, Silvestri, Siricii, Innocentii, Zosimi, Cælestini, Leonis, Gelasii, Hilarii, Symmachi, Simplicii. Isti omnino sunt, per quos judicant episcopi et per quos episcopi simul et clerici judicantur. Nam si tale emergerit vel contigerit inusitatum negotium, quod minime posset per istos finire, tunc si illorum, quorum meministi, dicta Hieronymi, Augustini, Isidori vel cæterorum similiter sanctorum doctorum similium reperia fuerint, magnanimitè sunt retinenda ac promulganda vel ad apostolicam sedem referatur de talibus.

Nec minus Nicolaus I episcopus ad Hincmarum Rhemensem a. 863 (18) : « Præterea quidem et sanctus, ne quilibet.... impune audeat seu valeat aliena expetere aut expectare judicia aut alienas contra canones ordinationes suscipere vel ad alias provincias irregulariter convolare, sed ita ut Nicænorum et cæterorum conciliorum canonicis definitionibus est promulgatum et beatorum Siricii, Innocentii, Zosimi, Cælestini, Bonifacii, Leonis, Hilarii, Gelasii, Gregorii ac cæterorum Romanæ sedis pontificum constitutionibus est decretum, salvo in omnibus jure apostolicæ sedis. »

Quid igitur longiori examine opus est, cum ipsi pontifices se ab ejus modi fictione alienissimos ostendant, saltem, quod modo nobis sufficiat, ad annum usque 863, quo certe jam undequaque in Galliis sparse erant merces Pseudoisidorianæ.

3. Amotis quæ obstant, ad positiva argumenta procedamus atque quando et ubi confictus fuerit Pseudoisidorus statuamus. Id præprimis certum videtur ex iis, quæ Ballerinii (19), Knust, Wasserschleben congresserunt, rationibus, in ditone Francorum fraudis cunabula esse requirenda. Nam codices omnes et ipse Vaticanus n. 630, qui omnium antiquissimus est, inde originem traxerunt, Decretales a Francis auctoribus primum allegantur, fontes ex quibus hausit Pseudoisidorus, nempe decreta conciliorum Hispanix et Gallix, Breviarium Alaricianum cum interpretatione Aniani, Collectio canonum Quesnelli, epistolæ S. Bonifacii Moguntini ad regnum Carolingorum spectant. Collectio Hispanica, quam suæ fundamentum fecit Pseudoisidorus iis mutationibus affecta apud ipsum apparet, quæ in codicibus originis Gallicanæ reperiuntur (20) : sed et loquela Francum prodit : v. g. *missi* dicuntur legati, *seniores* pro dominis feudalibus, *comites* sensu, qui tunc invaluit, leguntur; *venire, habere, modernus, custodire* vocabula ad usum Franco-Germanorum adhibentur.

In statuendo fraudis tempore terminum ad quem indubium habemus in Conventu Carisiacensi anni 857, qui Pseudodecretalibus certissime usus est. Terminum a quo Blondellus et Ballerinii, Wasserschleben, Gfrörer in synodum Parisiensem anno 829, Walter in epistolam Gregorii IV a. 832, Knust in synodum Aquensem 836, reposuere, eo quod impostor ex ipsis hausisse videatur.

At istiusmodi argumentum non solidum satis videtur. Quæritur enim in ejusmodi casibus, quis ex duobus, quos ita consonare videas, ut ab invicem pendere necesse sit, alterum secutus fuerit, quis præcesserit. Sufficiat igitur præprimis nobis aliquanto ante conventum Carisiacensem tempore, sæculo ix mediante, Pseudoisidorum in lucem erupisse.

4. Ut autem penitus in tenebras, quæ epocham, auctorem, scopum Pseudodecretalium contegunt intropiciamus, oportet, ut ad alium falsatorem ejusdem ævi, qui Pseudoisidoro conjunctissimus videtur, animum advertamus. Benedictus is est, Levita Moguntinus (21), qui ut ipse in sui operis præfatione ait, jubente archiepiscopo suo Otgaro, novam collectionem Capitularium, quæ Ansegisii syllogen suppleret, ex schedulis quas Riculphus quondam archiepiscopus congresserat, conficiendam sibi proposuit. Ista vero

47) Mansi., T. XIV, 884

(18) Mansi, T. XV, 374

(19) L. c., § 4, n. 14. Patol. t. LIV, col. 250.

(20) Ballerinii, ibid. et n. 19, coll. 255. D.

(21) Ejus opus vide in Baluzii Capitular. regum Franc. et apud Pertz Monum. Germanix historica. Tom. IV, pag. 39. App.



prætensa Capitularia merces sunt ad modum Pseudoisidori undique corrasæ. Porro pars circiter vicesima, nempe 57 capitularia, ex Pseudoisidoro desumpta sunt, ita ut negari possit nexum inter utrumque impostorem interesse, ut vix non dicas unum atque eundem esse, qui canones et capitularia supposuit, eademque principia spargenda, eundemque finem legibus tum ecclesiasticis tum civilibus supponendis attingendum sibi proposuisse. Utrumque librum jungit, eidemque auctori tribuit Hincmarus Rhemensis in opusculo contra Hincmarum Laudunensem; c. 24, vocat Pseudoisidorianam syllogen librum collectarum epistolarum ab Isidoro, quem de Hispania allatum Riculfus Moguntinus episcopus in hujusmodi, *sicut et in capitulis regiis* obtinuit.

Hoc supposito intra arctiores fines Pseudoisidoriani operis ortum restringere licebit. Nimirum Benedictus ille Levita iterato (22) testatur, se opus suum defuncto Ludovico Pio, regnantibus ejus filiis, quos reges jam vocat, jussu Otgarii archiepiscopi conscripsisse. Atqui Ludovicus 840, Otgarius 847 defunctus est; tempus proinde intermedium epochæ Benedicti Levitæ assignandum erit, proindeque Pseudoisidorus, quo ille utitur, aliquanto tempore præcedit.

5. Verumtamen id minimum erit emolumenti, quod ex Benedicti cum Pseudoisidoro nexu nostræ questioni proficiat. Jam vestigium aliquod auctoris apparet, jamque scopum ipsius ex temporum locorumque circumstantiis eruere, epochamque confecti operis accuratissime determinare licebit.

Duo sunt, qui ad Pseudoisidorianas merces fabricandas concurrere potuerunt: Riculfus, qui schedulas, ex quibus Benedictus, proindeque ejus parens vel frater Pseudoisidorus hauserunt, congessit, et Otgarius, quem Benedictus sibi opus intulisse fatetur.

Riculfum jam Hincmarus senior plerique antiquiores post ipsum auctorem Decretalium suspicati sunt. Scripsit ille in opusculo contra Hincmarum Laudunensem c. 24: « Si vero ideo talia, quæ tibi visa sunt, de præfatis sententiis (Angilramni) ac sæpe memoratis epistolis detruncando et præposterando atque disordinando collegisti, quia forte putasti neminem alium easdem sententias vel ipsas epistolas præter se habere, et ideo talia libere te existimasti posse colligere; res mira est, cum de ipsis sententiis plena sit ista terra, sicut et de libro collectarum epistolarum ab Isidoro, quem de Hispania allatum Riculfus Moguntinus episcopus in hujusmodi sicut et in capitulis regiis studiosus obtinuit et istas regiones ex illo repleti fecit. » Atqui certissimum est Hincmarum hic errasse collectionemque Pseudoisidorianam cum genuina Hispana confudisse.

Nam ex monumentis (25) certum est, Rachionem Argenteratensem episcopum Riculfi suffraganeum a. 788 Isidorianam genuinam canonum collectionem conscribi curasse. Verisimillimum est autographum illud ipsum fuisse, quod Riculfum ex Hispania attulisse Hincmarus contendit. Porro illo tempore, quo Moguntia sedit Riculfus, nempe ab anno 787 ad annum usque 813 non eæ erant temporum circumstantiæ, quas supponit Pseudoisidorus, ut sacerdotes opprimerentur, bona ecclesiastica diriperentur, hisque similia, quæ Carolo Magno regnante non occurrunt. Riculfum Blondellus novi aliquid intulisse colligit ex l. vii Capitular. 281, ubi ille in conventu Wormaciensi Gregorii epistolam attulisse traditur, cujus nulla ante nec post memoria exstitit. Verum hæc sincera erat epistola Gregorii II ad S. Bonifacium. Ait quidem Benedictus in suorum Capitularium præfatione. « Hæc vero capitula, quæ in subsequentibus tribus libellis coadunare studuimus, in diversis locis et in diversis schedulis, sicut in diversis synodis ac placitis generalibus edita erant, sparsim invenimus et maxime in sanctæ Moguntiacensis metropolis ecclesiæ scrinio a Riculfo ejusdem sanctæ sedis metropolitano recondita et demum ab Autcario secundo ejus successore atque consanguineo inventa reperimus, quæ in hoc opusculo tenore suprascripto inserere maluimus. » At quis est tam cæcus, ut non videat id ab impostore fictum fuisse, ut suis figmentis auctoritatem conciliaret, cum tam longe lateque notum esset, Riculfum incognitam hucusque illis in regionibus canonum syllogen ex Hispania detulisse. Denique Benedictus ne quidem omnia se ex Riculfi schedulis traxisse contendit, sed ex diversis locis et chartis.

6. Longe aliter res se habet, si ad Otgarum indolem resque ab eo gestas respiciamus. Duo sunt, quæ impostorem intendisse manifestum est: vindicare episcopos a laicalibus (24) et synodalibus (25) judiciis falsisque accusationibus eorumque bona a direptione sæcularium tueri (26), et primates, quos primus ille latius inducendos docet (27), quos judices esse vult, ad quos a judicio metropolitani appellare liceat, effer-

(22) Pertz leg. II, b. p. 59, p. 40.

(25) Grandier, Histoire de l'Eglise de Strasbourg, I. 315, et pièces justificat. n. 78.

(24) Pii ep. 1, 2. Pontiani ep. 1. Zephyrini ep. 1.

(25) Damasi ep. 5. Julii ep. 1. Zephyrini ep. 1. Damasi 4. Sixti 2.

(26) Pii ep. 2. Zephyrini ep. 2. cf. Præfationem.

(27) Ep. Amiceti ad episc. Gallia: « Nulli archiepiscopi primates vocentur, nisi illi, qui primas te-

nent civitates, quarum episcopos apostoli et successores apostolorum regulariter patriarchas et primates esse constituerunt, nisi aliqua gens deinceps ad fidem convertatur, cui necesse sit propter multitudinem eorum primatum constitui. Reliqui vero, qui alias metropolitanas sedes adepti sunt, non primates, sed metropolitani nominentur. » Mansi t. I, 684. — Clem. ep. 1, Julii ep. 2, c. 12. Felicis II ep. 1, c. 12. V. Aegyptiorum ep. ad Felicem II Victoris ep. 1.



re. Alii duos fines, quos prosequi ipsum videas, pontificiam auctoritatem jusque appellationum tueri, metropolitanorum prærogativas deprimere, secundarii plane sunt atque prioribus illis subordinati. Ad pontifices enim recurrit eo, quod episcopos in ipsis validissimum adversus oppressores tutamen habituros confidat. Hinc et causas episcoporum majores atque pontificibus reservatas tam acriter tuetur. Quæ omnia, si Otgarii ævum vitamque conferamus, sicut impressam ceram sigillo respondere videbimus.

Ludovicus Pius cum ex altera uxore Juditha filium Carolum, qui Calvus postea dictus est, genuisset, una cum imperatrice eo tendebat, ut imperii partem secundarum nuptiarum filio compararet. Hinc filii Irmengardis, prioris uxoris, quibus lege a. 817 de successione lata imperium diviserat, armis patrem impetierunt. Ex ipsorum partibus plurimi ex prælatis stabant, ut Wala, Hilduinus, Elizachar, abbates; Ebbo Rhemensis, Agobardus Lugdunensis, Jesse Ambianensis, Otgarius Moguntinus, episcopi. Res eo deductæ sunt, ut imperator poenitentiam publicam, suadente potissimum Ebbone Rhemensi, agere compulsus fuerit. Imperatore autem misere oppresso, mutati sunt in meliorum sensum subditorum filiorumque Ludovici et Pippini animi, ita ut in regnum restitueretur. Tunc in synodo Theonisvillana a. 835 depositus est Ebbo, postquam se indignum episcopatu scripto fassus fuisset, alii diversis modis pœnas dederunt. Otgarius humiliter veniam petens post brevem carcerem dimissus est. Defuncto Ludovico, nova inter filios discordia exarsit, Lothario eo tendente, ut universum Caroli Magni regnum sibi subiceret; Ludovico Caroloque partes suas sibi vindicantibus. Qua in rixa Otgarius unitati imperii servandæ jugiter studens, a Lotharii partibus et Nikardo teste (28) omnium infensissimus Ludovici Germanici adversarius fuit, ita ut devicto etiam Lothario cum aliis ejusdem vasallibus ad Rhenum tenderet, quo Ludovicum a trajiciendo flumine impediret. Res autem cum male cederet, a Ludovici ira aufugit. Post pactum Virodunense demum in gratiam Ludovici rediit. Certe anno 845 episcopale munus exercentem et Ludovici favore fruentem videmus.

Quam male tantis in turbis eoque barbariei tempore habitæ fuerint ecclesiæ, earumque bona et ministri vix operæ pretium est, ut ex ejusdem epochæ synodis auctoribusque probemus. Hinc igitur illæ de direptis ecclesiis querelæ. Neque mirum est, Otgarium post synodi Theodonisvillanæ contra se et suos decreta, in synodorum judicia invectum fuisse, tantaque de formis judiciorum in episcopos habendorum congestisse, quæ vel ictum ferendum averterent, vel potius latum injustitiæ arguerent. Aliqua etiam occurrunt in Decretalibus, quæ ut ostendit Acele (29), perspicue satis Ebbonis confessionem atque depositionem indigitare videantur. Hæc enim scribit Pseudoalexander (30): « Similiter si hujusmodi personis quædam scripturæ quoquo modo per metum, fraudem aut per vim extortæ fuerint, vel ut se liberare possint, quocunque ab eis conscriptæ vel roboratæ fuerint ingenio, ad nullum eis præjudicium aut momentum pervenire censemus, neque ullam eis infamiam vel calumniam aut a suis sequestrationem bonis, unquam auctore Deo et sanctis apostolis eorumque successoribus sustinere permittimus. » Imo quædam Decretalibus inesse nobis videntur ex iis, quæ ad primam sedem respiciunt, quod a nemine judicetur, quæ ab illius temporis eventibus pendeant. Gregorius nempe IV, ut pacem inter patrem filiosque conciliaret ex Italia accedens, cum a Lothario retentus filii favere videretur, in eum insurrexerunt Germaniæ præsules, qui ex Ludovici partibus stabant, et eo progressi sunt, ut pontificis excommunicationem molirentur. Jam tunc factum est ut Wala, Corbeiensis abbas, quem supra inter filiorum assecclas nominavimus, pontifici syllogen quamdam auctoritatum a. 833 offerret, quibus pontifici omnem B. Petri auctoritatem excellentem et potestatem vivam inesse, ipsum omnes judicare et a nemine judicari ostenderet. Ejusmodi porro serius et Isidorus noster congressit.

Alter finis, quem Pseudoisidorus sibi proposuit, nec minus Levita Benedictus promovit, is erat, ut dicebamus, ut primatialia pura ecclesiæ Moguntinæ vindicaret, similia illis, quibus metropolita Carthaginiensis in Africa, vicarii pontificii aliis in partibus patriarchatus Romani fruebantur. Quam præclare hæc in Otgarium quadrent videbimus, si a S. Bonifacio usque ad ipsum, quenam hujus dignitatis in sede Moguntina sors fuerit, inquiramus. Sanctissimus ille Germaniæ apostolus a Zacharia papa Moguntinam sedem in metropolim evectam accepit, cui subjicerentur Ecclesiæ Tongrensis, Coloniensis, Wormaciensis, Spirensis, Trajectensis et omnes illi, qui ab eo conversi fuerant, Germaniæ populi, nempe recenter ab eo erectæ sedes Herbipolensis, Buraburgensis, Erfurtensis, Eichstettensis, quibus posterius Augustana, Constantiensis, Curiensis, Argentoratensis accesserunt. Quæ potestas vere primatialis erat, cum omnes integræ nationis ecclesiæ Moguntinæ subjicerentur. Mox tamen, sedente Lullo Bonifacii successore, ab Hadriano I diœcesis Trajectensis a metropoli Moguntia divisa est et Coloniensi ecclesiæ subjecta. Imo potestas illa vicarii apostolici et primatis non videtur ad Bonifacii successores transiisse, ut egregie ostendit

Sixti II ep. 1. Felicis I ep. 1. Benedictus Levita I. II. can. 309, 381. III. I. 83, 89, 156, 171, 314, 321, 439, 460

(28). Histor. II. 7. Periz II. 659.

(29) L. c., p. 627.

(30) Ep. 1.



Blascus, c. 7 suæ de Collectione Isidori Mercatoris dissertationis, (30\*) Moguntia tamen primum locum inter imperii Francorum sedes longo tempore retinuit, ut idem c. 13 ostendit latius. Adeoque facile Bonifacii successor ei ambitio in mentem venit, ut Bonifacii prærogativas in se tum servari, tum restitui postulare. Riculfus, qui Lullum secutus est, Salisburgum et Coloniam in metropoles erigi invitus vidit. Otgario sedente in eo erat, ut pars major suffraganeorum Moguntiae eriperetur, proindeque et diœcesis metropolitica minueretur, cum Ludovicus Germanicus partes imperii cisrhenanas ut sibi proprias vindicaret, provinciæ vero ecclesiasticæ fines regnorum sequi solerent. Hinc factum est, ut Otgarius tantopere unitati imperii studeret, Ludovico Pio adversaretur, cum Alsatiâ, Sueviâ et partem Burgundiæ filio Carolo concederet, Lothario faveret, cum integram Caroli Magni hæreditatem appeteret. Quod apprime in Decretalibus expressum reperias. Pelagium II papam sic loquentem inducit atque exponentem, quid sit justa provincia ecclesiastica (31): « De cætero, fratres, super provinciæ causa unde sedem apostolicam dudum consulere voluistis, videtur nobis sufficienter tractatum a sanctis prædecessoribus nostris. Sed quia denuo nostram mediocritatem de eadem re interrogare dignum duxistis, scitote, certam provinciam esse, quæ habet decem vel undecim civitates et unum regem et totidem minores potestates sub se, et unum episcopum aliosque suffragatores decem vel undecim episcopos iudices, ad quorum iudicium omnes causæ episcoporum et reliquorum sacerdotum ac civitatum causæ referantur, ut ab his omnibus juste consona voce discernantur, nisi ad maiorem auctoritatem fuerit ab his, qui iudicandi sunt, appellatum. Unde non oportet, ut degradetur vel dehonoretur unaquaque provincia, sed apud semetipsam habeat iudices, sacerdotes et episcopos singulos videlicet juxta ordines suos. » Atqui quarto post pacem Virodunensem anno, quæ ne provinciæ Moguntinæ discerneretur, ex Otgarii votis avertit, Rhabanus Maurus ejus successor synodum Moguntiae celebrans, undecim habuit suffraganeos, Salomonem Wormatiensem, Gebhardum Spirensen, Gozboldum Herbipolensem, Otgarium Eichstettensem, Baturatum Paderbornensem, Ebonem Hildesiensem, Haymonem Halberstadiensem, Waltgarium Verdensem, Gerbrathum Curiensem, Latonem Augustanum, Salomonem Constantiensem, (32) uno verbo tot episcopos sibi subditos, quos Pseudopelagius provinciam constituere voluit. Nota etiam a Pseudodecretali requiri, ut provincia in unius regis ditione sit. Requirit insuper ut urbes, in quibus primates sessuri sint, jam ante Christi adventum majores atque primariæ urbes fuerint (33). Non deerant autem, qui Moguntiae ortum a Magontio, Herculis filio, vel a Magog, filio Japheetis, vel a Magis Treveris expulsis deducerent. Certe a Druso aliquo ante Christum natum tempore civitatis nomine donata est. His addas in epistola Aniceti supra citata primatem non admitti præter constitutos ab apostolis, nisi populo posterius converso qui tantus sit numero, ut tali capite egeat; habebisque Moguntiam ejusque provinciam quasi depictam.

Neque majori difficultate explicare nobis licebit, cur post pacem Virodunensem Otgarium videamus ab ejusmodi fraudibus abstinere, atque Ludovico Germanico reconciliari altumque de Pseudoisidorianis decretalibus silentium tum a Rhabano successore, tum longo post tempore in Germania esse. Id inde deducendum est, quod pace Virodunensi ejusmodi imperii divisio inducta sit, quæ Moguntiacæ provinciæ amplitudinem intactam omnino relinqueret. Tunc ipse fraudis inventor proprias merces utpote sibi jam inutilis neglexit.

Hæc omnia si complectamur, verisimillimum videtur Otgarium Moguntinum saltem causam moralem Decretalium fuisse. Utrum Benedictus Levita, ut Walter, Knust et alii probabiliter autumant, ipse Mercator fuerit, necne, id equidem definire nolum, neque puto unquam in dubio detegi posse. Id sane favet suspitioni, quod partes Pseudoisidorianas, quibus utitur, quadam libertate immutando transtulerit, sicut is, qui proprias lucubrationes adhibeat, non ad verbum allegando ut is, qui aliena transcriberet.

Jam vero patet, Decretales et posteriora Benedicti Capitularia non ante conventum Theodoni villanum a. 855 confecta fuisse neque post pacem Virodunensem a 834 esse reponenda. Utrum denique, ut Gfrörer suspicatur postmodum a Wenilone Senonensi, qui et ipse Ecclesiæ suæ primatum in Galliis affectabat (quod et Anegisio ejus successor contigit), et a Rothadio Suessionensi aucta fuerint, vix est, ut quis decernat, neque ejusmodi suspicio rationibus, quæ prudentem moveant, innititur. Neque iis possumus, his statutis, assentiri, qui innocuum tantopere Mercatorem illum depingunt. Quis enim in animum inducat, hominem, qui ejusmodi mendacium in mundum inexit, adeo columbinæ fuisse simplicitatis, ut mentiendo vix non recte se agere putaret. Pias fraudes nos non novimus, neque piorum unquam fuisse credimus. Multo minus vero dicendum est, ejusmodi falsa tunc non pro fraudibus, sed pro modo quodam propria principia exponendi habita fuisse.

(30\*) Carolus Blascus, de collectione canonum Isidori Mercatoris, commentarius ap. Gallandium de vetustis canonum collectionibus, dissertationum sylloge T II ed. Moguntinæ, 1790.

(31) ep. alias 8.

(32) Harzheim, Conc. Germ. II. a. 152.

(33) ep. 11. Stephani I. c. 4, Anaclet. ep. 2, c. 4.



Locus denique præfationis Pseudoisidori, ex quo cl. Rosshirt (33\*) ostendere nititur, merces istas ex Græcis fontibus haustas fuisse, nihil plane probat. Nam præfationis illius auctor de conciliis loquitur, non de decretalibus. En verba: « Ea vero concilia, quæ Græco sunt edita stylo, amplius quam tripliciter aut quadrupliciter interpretata aut conscripta reperimus. Quod si veritas quærenda, ex pluribus Græcorum sequamur styllum eorumque imitemur dictiones atque exemplaria, etc. » Quæ vero ex codicibus Bambergensibus attulit monumenta, in quibus Pseudodecretales ante Mercatorem habeantur, post ipsum conscripta fuere, utpote quæ ad ordinationes Formosi referantur. Illud autem opusculum quod ex Bambergensibus codicibus erutum, omnino incognitum fuisse putat, ac Pseudoisidoro priorem, ex quo hausisse Mercatorem supponit, non est nisi liber prior Auxilii de ordinationibus Formosi, qui multo post Mercatorem tempore scripsit. Proinde licet verum sit, Pseudoisidorum multa jam exstantia adhibuisse, non tamen dicendum est eum plurima non proprio Marte conseruisse.

7. Audiamus modo, quæ a Cl. Hefele per modum dubii, cum ipsi hypothesi nostræ faveat, in contrarium opposita sunt (34). Tot partes in Pseudodecretalibus exstare, quæ prætenso auctoris scopo nullatenus inserviant; quod metropolitica potestas adeo deprimatur, non quadrare in Otgarium, qui ipse metropolita fuerit, Benedictum Levitam, quem Isidoro conjunctum supponimus, multo minus metropolitæ infensum esse. Mirum videri, si Otgarium decretalium auctorem habeas, ab ejus successore Rhabano eas plane ignorari, imo nullum earum longo post tempore usum factum fuisse in Germania, ita ut in synodo Gerstungensi 1085 episcopi Germaniæ una cum legato apostolico nonnisi cum quodam despectu earum mentionem facerent.

At enimvero quis nescit, ejusmodi falsarios iis, quæ præprimis in hominum mentes inducere intendunt, multa admiscere, quæ indifferentia sint et innocua videantur, ne prava intentio perfracte nimis nudeque exposita, statim appareat. Isidorum metropolitæ deprimere non est, cur miremur, cum superiorem primatis auctoritatem sibi arroget. Veruntamen nolim dicere Decretales directe metropolitæ adversari, neque synodos, quarum celebrationem inculcat (35); id tantum modo intendit, ne synodorum judicia arbitrario modo habeantur, neque ullum sit ab iniquis sententiis refugium, neve in aliena provincia iudicium exerceatur, quod in Theodonis villa factum fuerat; imo vult causas primo ad metropolitam, deinde ad synodum, postmodum ad primatem, denique ad pontificem deferri, nisi statim ad ipsum appellatum fuerit (36). Benedictum itaque Levitam in metropolitæ minus iniquum fuisse, non recte opponas; adde quod eundem cum Isidoro fuisse nullatenus certum sit, proindeque diversitatem aliquantulum admittere absonum non sit, diversam denique fuisse Pseudocapitularium materiam.

Qua de causa ab episcopis Germaniæ et a Rhabano, silentio præterita, imo ab ipso demum Otgaro derelicta fuerit congeries Pseudodecretalium, egregie exposuit Gfrörer, neque quidquam illis addendum est, quæ supra ex ipso excerptimus, præter id, episcopos Germaniæ plerosque a parte Ludovici Pii et cognominis postmodum filii stetisse proindeque non tam ad ipsos mitti ab ipsisque recipi potuisse collectionem canonum, quam ad Otgarii sodales in Neustria degentes, apud quos late sparsam postmodum invenias, cum ab auctore a Ludovico in gratiam recepto jam derelinqueretur. Falsum etiam est Germaniæ episcopos neque ad annum 1085 et ultra decretales vel neglexisse, vel sprevisse. Nam in synodo Coloniensi a. 887, epistola Anacleti, in Moguntina 888 epistola Urbani, in Triburiensi demum 895 pluribus decretalibus Pseudoisidorianis utuntur. Alia, quæ facile solvuntur, brevitate causa omittimus.

## § II.

8. Licet modo critici quasi omnes fateantur, Decretales Pseudoisidorianas neque Romæ neque ut Pontificibus inservirent, inventas fuisse, multi tamen Pontifices iis postmodum favisse ipsisque in proprium commodum usos esse contendunt. Wasserscheleben censet Sergium II jam a. 844 Drogonem Metensem episcopum Galliarum primatem sedisque apostolicæ vicarium ad normam juris Pseudoisidoriani creare voluisse. Verum iis in actis nihil occurrit, quod speciali forma Decretalium vestigium præ se ferat, neque ea dignitas, quam Drogoni imoliebatur pontifex, novella adeo erat.

Nicolai I epistola ad Gallos in causa Thietgaudi Trevirensis (37), quæ Alexandri I Pseudodecretalem allegat, quamque Hontheim ad annum 861 refert, suspectæ auctoritatis est, eamque Kunstmann (38) Nicolai II esse censet, cum ea, quæ de Trevirensi antistite dicantur, non in Thietgaudio, sed in Eberhardum quadrent, qui a Conrado comite Lutzelburgensi captus est. Res confecta est, usque ad annum 863, quo Nicolaus ad Hinemarum Rhemensem scribens, nonnisi Decretales Hadrianæ collectionis enumerat, ut supra retulimus, Romanos pontifices Pseudoisidoriana plane nescisse. Eodem fere tempore Lupus Ferrariensis

(33\*) L. c. p. 52.

(34) L. c. p. 628.

(35) Anacleti ep. 1. Felicis ep. 1. Julii ep. 2.

(36) Cf. ep. 8 Pelagii I.

(37) Ap. Hontheim, Hist. Trevir. T. I. p. 197.

(38) Neue Sion 1845. N. 54.



abbas eundem pontificem de quadam Pseudoisidoriana Melchiadis decretali consuluit his verbis (39) : « Dicitur autem Melchiades papa decrevisse, ne quis unquam pontifex sine consensu papæ Romani deponeretur. Unde supplicamus ut statuta illius integra, sicut penes vos habentur, nobis dirigere dignemini. »

Pontifex autem ad Wenilonem ejusque coepiscopos, quibus conjunctus Lupus scripserat, respondens, hæc de re plane tacet, sane eo quod decretalem non invenerit, vel si mavis responsum ad Lupum datum intercidisse, idem tamen inde sequitur, quod Nicolaus decretali, quæ tantopere pontificiæ auctoritati favebat, ad Wenilonem respondens uti spreverit.

9. Hinc plurimi censent, eundem Nicolaum tandem a Rothadio Suessionensi, cum Romæ adversus Hincmarum Rhemensem appellatus versaretur Decretalium notitiam accepisse. Ita Gfrörer, Spittler (40).

Quidquid sit, certum est Nicolaum a. 865 ad Gallicanos episcopos hæc de Rothadii causa scribentem Hincmarum refellere, quod Decretales pontificum, quæ in codice canonum, hoc est Hadriana collectione non habeantur, hæc de causa nullius esse roboris prætendat. Hæc sunt verba (41) : « Quod tamen vos, ut servata vobiscum medullitis charitate dicam, postposuisse dolemus et diversorum sedis apostolicæ præsulum decreta in hoc vos contempsisse negotio non immerito reprehendimus. Absit enim, ut cujuscunque, usque ad ultimum vitæ suæ diem qui in fide catholica perseveraverit, vel decretalia constituta vel de ecclesiastica disciplina quælibet exposita, debito cultu et cum summa discretionem non amplectamur opuscula, quæ duntaxat et antiquitus sancta Romana Ecclesia conservans nobis quoque custodienda mandavit et pene se in suis archivis et vetustis rite monumentis recondita veneratur. . . . Quamquam quidam vestrum scripserint, haud illa decretalia priscorum pontificum in toto codicis canonum corpore contineri descripta, cum ipsi, ubi suæ intentioni hæc suffragari conspiciunt, illis indifferenter utantur et solum nunc ad immutationem potestatis sedis apostolicæ et ad suorum argumentum privilegiorum minus accepta esse perhibeant. Nam nonnulla eorum scripta penes nos habentur, quæ non solum quorumcunque Romanorum pontificum, verum etiam priorum decreta in suis causis præferre noscuntur. »

Neque opus est, ut cum Kunstmanno dicamus, Nicolaum hic loci ad Pseudodecretales minime respicere, quod ex ipso verborum tenore refellitur.

Verumtamen oppido errat, qui inde concludit, Nicolaum Decretales ipsas recepisse, vel illis unquam usum fuisse. Hefele (42) quidem epistolam Nicolai ad Carolum Calvum ejusdem anni (43) allegat, in qua Julii Pseudodecretali utatur. Sed pace egregii viri dictum sit, nullibi in Decretalibus falsis ea invenire potuimus, quæ de Julio refert Nicolaus. Neque verba aliud præ se ferunt, nisi brevem gestorum narrationem, quam ex historia tripartita vel ex genuina Julii ad Orientales epistola desumpsit. En verba : « Sed et papa Julius Orientalibus scribens, utramque partem Athanasii scilicet et adversariorum ejus accelerare præsentiam, quatenus utraque parte præsentem audiretur reus et ab omnibus condemnatus, de cætero cohiberetur a sacerdotio. » In altera ejusdem anni epistola ad Gallos genuinam Julii decretalem attulit. Nunquam Nicolaus Decretalibus usus est, nunquam aliquam speciali mentione advocat, licet toties occasio occurrerit.

Quod ad illam epistolam attinet, ad Hincmarum directam, quæ unica est, in qua pontifex ad Pseudodecretales respiciat, duo sunt, quæ dicenda nobis erunt.

Præprimis notandum est, Nicolaum nonnisi confusam quamdam generalemque Decretalium illarum notitiam præ se ferre, neque unquam eas præ oculis, nisi in aliquot ab Hincmaro citatis locis, habuisse videri. Nam nonnisi una vice generalibus quibusdam verbis de ipsis loquitur.

Alterum, quod maximi momenti habendum, id est, Nicolaum minime de authentia Decretalium agere, sed statutum tantummodo ab Hincmaro principium impugnare, decretales illas, licet genuinæ forent, nullius esse auctoritatis eo quod in Codicem Canonum, collectionem nempe Hadrianam, non fuerint receptæ. Questionem de authentia Decretalium inductam omnino reliquit Nicolaus, prudentissime agens, ut dubia neque admitteret inconsideratus, neque præceps rejiceret. Neque ulla data fuerat, ut ea attingeret, occasio. Nam neque ipse Hincmarus tunc de authentia dubitabat. Cum hæc a. 865 acta sint circa annum 868 ad Carolum Calvum scribens (44) Pseudodecretales Urbani, Lucii atque Stephani adhuc in præsidium vocat. Gfrörer quidem censet (45) Hincmarum non ausum fuisse Decretalium authentiam publice impetere, postquam a Nicolao I defensa fuerat, et saltem ut subsidiarium juris fontem admisisse. Quæ si ita fuissent, certe tacuisset, non vero usus fuisset, uti revera usus est. Idipsum confirmatur eo Hincmari opere, quod libello ab Hincmaro Laudunensi nepote suo ex Pseudoisidorianis confecto in synodo Altiiniacensi a. 870 opposuit. Authentiam Decretalium vel Capitulorum Angilramni, qui Decretalibus juncti fuerant, nullo modo

(39) Mansi T. XV. 397.

(40) Geschichte des canonischen Rechtes p. 256.

(41) Mansi T. XV. 694. 695.

(42) L. c. p. 637.

(43) ep. 40. Mansi T. XV. 658.

(44) ep. 29.

(45) l. c. p. 172. 185.



impugnat : « Si vero ideo talia, inquit (46), quæ tibi visa sunt, de præfatis sententiis (Angirami) ac sæpe memoratis epistolis detruncando et præposterando atque disordinando collegisti, quia forte putasti, neminem alium easdem sententias vel ipsas epistolas præ te habere, et ideo talia libere te existimasti posse colligere, res mira est, cum de ipsis sententiis plena sit ista terra, sicut et de libro collectarum epistolarum ab Isidoro, quem de Hispania allatum Riculfus Moguntinus episcopus in hujusmodi, sicut et in capitulis regiis studiosus, obtinuit et istas regiones ex illis repleti fecit. »

Vides, Hincmarum adhuc capitularia pro genuina Isidori collectione habere, idque tantummodo reprehendere, quod male ipsis junior Hincmarus, sicut et Angirami capitulis usus fuerit.

Ipsæ Decretalibus Clementis, Anacleti, Zephyrini, Stephani aliorumque utitur (47), ut ab episcopis metropolitanis debitam obedientiam præstandam esse, evincat. Quis vero fuerit Hincmari sensus, ex eodem opusculo patet. In eo totus est, ut ostendat eos tantummodo canones sequendos « quos apostolica sedes. . . . et omnis catholica Ecclesia canones appellat, » et qui fecit, « in nostris codicibus, quos ab apostolica sede majores nostri acceperunt sequendos (48). »

Distinguit nimirum Hincmarus (49) inter canones et decretales epistolas eo natus, quod Gelasius in synodo Romana de libris recipiendis et non recipiendis agens dicat, concilia *recipienda et custodienda*, decretales vero epistolas *venerabiliter recipiendas*. Locum Leonis, quem Nicolaus ad episcopos Gallie scribens allegaverat (50), ita interpretatur, decreta pontificum in tantum valere, in quantum generalibus Ecclesie statutis consonent, aliud esse leges dare, aliud ad leges jam datas hoc vel illud decernere. Conciliorum placita supremam esse juris ecclesiastici regulam, neque Petri sedem quidquam, quod auctoritati conciliorum repugnet, præcipere posse. Vocat quidem (51) excerptum a nepote ex Pseudoisidorianis libellum « circumpositam omnibus metropolitanis muscipulam, » non autem eo, quod ipsas Decretales pro fraude habuerit, sed quod, ut supra vidimus, ita excerpta et collecta sint testimonia, ut multa omittantur, quæ suffraganeis debitam erga metropolitas subjectionem inculcent (52), imo in ipsas Decretales invehitur, non vero quod pro authenticis non haberet, sed quod conciliis non consonas putaret, præter quæ pontificibus nihil esse definiendum, autumabat, neque ullam ipsis auctoritatem tribuebat, eo quod in codicem canonum non fuerint receptæ, proindeque nullius adversus jura metropolitanorum synodorumque roboris

Exinde repetenda est norma, ad quam exigenda est interpretatio illius epistolæ, in qua Nicolaus de Pseudoisidorianis decretalibus loquitur. Cum status controversiæ inter pontificem Hincmarumque nequaquam circa authenticam versaretur, neque authenticam defendisse censendus est Nicolaus

Anno denum 872 Hincmarus epistolam nomine Caroli Calvi ad Hadrianum II scribens, plenam invectivis et iracundia, authenticam Decretalium impetit. Sacras Scripturas, Patrum traditionem, conciliorum definitiones sequendas « quod secus, ait (53), a quodam fuerit compilatum sive confictum, non solum respuendum, sed et redarguendum esse cognoscimus. » Verum hæc septem integris post Nicolai epistolam annis dicta fuisse ne obliviscaris.

Quod ad insequentes Pontifices attinet, vere dicendi sunt Decretales Isidori neglexisse, neque Romæ collectionem integram notam fuisse atque invaluisse nisi sæculo xi mediante, postquam longo temporis tractu omne dubium obmutuisset et communi omnium usu admissæ, atque adeo in collectiones canonum Reginonis, Prumiensis et Burchardi Wormatiensis receptæ fuissent (53<sup>a</sup>). Nicolaus I (53<sup>b</sup>), Joannes VIII (53<sup>c</sup>), imo S. Gregorius VII (53<sup>d</sup>), restituendos clericos fornicarios et homicidas negant contra ea, quæ Pseudoisidorus in epistola Callisti secunda et additamento ad epistolam Gregorii Magni ad Secundinum docet. Joannes diaconus Romanus, qui vitam S. Gregorii scripsit et Joanni VIII dicavit, cum de accusationibus et judiciis ex Gregorii moribus et doctrina tractet (53<sup>e</sup>), nihil habet de iis quæ in Pseudoisidoriana Gregorii epistola ad Felicem Messanensem de hoc argumento proferuntur. Quæ vero alibi (53<sup>f</sup>) adfert de gradibus et impedimentis cognationis illi epistolæ similia, non ex ea, sed ex Egberto hausit. Solos reperimus Hadrianum II et Stephanum V ex pontificibus, qui ante Leonis IX tempora falsas decretales allegant. Ille in epistola (53<sup>g</sup>) ad synodum Duziacensem de causa Actardi Turonensis a. 871 scripta epistolam Anteri papæ invocat. Verumtamen cum nullibi cæteroquin, licet sæpissime data fuerit occasio, Pseudoisidorianum quid alleget, dicendum est, eum integram collectionem non vidisse et locum istum singularem nonnisi suggerente Actardo cognos-

(46) c. 24.

(47) C. 11-15.

(48) T. II. p. 545 ed. Sirmondi.

(49) C. 25. 26.

(50) Mansi XV. col. 695.

(51) C. 40. Opp. II. p. 815.

(52) Cf. C. 11-19.

(53) Opp. T. II. p. 701-706

(53<sup>a</sup>) Cf. Carolum Blascum diff. c. 3. p. 18.

(53<sup>b</sup>) Ep. ad Arduicum Vasionensem apud Dacher. Spicileg. T. 12 et ad ep. germ. ap. Marten. vet. scriptt. coll. T. I.

(53<sup>c</sup>) Ed. ad Cenomaticum Muticensem can. 4. dist. 50.

(53<sup>d</sup>) Ep. ad Lincolnensem episc. l. vii. epist. 34

(53<sup>e</sup>) L. 4. c. 5-6.

(53<sup>f</sup>) L. 2 c. 10.

(53<sup>g</sup>) Ep. 32. ap. Mansi XV. col. 832.

visse. Adde id integro anno antequam prima vice ab Hincmaro authentia impeteretur factum fuisse. Alter pontifex, Stephanus nempe V ad Luitpertum Moguntinum episcopum (53<sup>b</sup>) scribens de numero Nicænorum canonum ait ex testimonio Athanasii septuaginta esse, quod in epistola Isidoriana Athanasii ad Marcum papam habetur. Sed cum non laudet neque epistolam Marci ipsius, neque Julii, neque Felicis II, quæ huc etiam faciebant, valet idem quod de Hadriano dicebamus. Neque omittendum est, id in ejusmodi materiis factum ab utroque pontifice, quæ jura primatus minime attingerent illamque septuaginta canonum Nicænorum fraudem, licet a Mercatore in Occidentem inducta fuerit, in Oriente tamen longe antea ortum habuisse. Auxilius, qui sæculi x initio pro ordinationibus Formosi libellum scripsit, unicam Anteri epistolam, neglectis quæ sibi magnæ utilitatis potuissent esse, Evaristi secunda, Callisti secunda, Pelagii II prima adducit, videturque proinde ex Hadriani II epistola traxisse, qui eandem in eadem causa translationis episcoporum allegaverat. Viæ Pontificum, quæ Luitprando Cremonensi, sæculi x auctori, tribuuntur et Pseudoisidorianis late utuntur, non sunt Luitprandi, ut apud omnes constat, sed ad ignotum Germanum quendam spectant. Imo adhuc a. 1085 Otto cardinalis Ostiensis et legatus pontificius, qui postmodum Urbanus II papa fuit, in synodo Gerstungensi nonnisi contemptim de Pseudoisidorianis locutus est, his utens verbis: « Quod illæ scripturarum sententiæ, quarum nos testimonio usi sumus, notæ in Ecclesia reverentiæ semper fuerint, et auctores nequaquam vel obscuro vel incerti nominis sint. »

Vides quomodo per duorum sæculorum tractum vere dicendi sint pontifices collectionem ipsam ignorasse et neglexisse, nec nisi una vel altera vice testimoniis, qualiter ab aliis suggererentur usos, imo ipsam in Italia plane receptam non fuisse. Non nescimus adversarios nostros in id magna vi insistere, non quidem verba Decretalium, principia tamen admisisse pontifices longe lateque jus Isidorianum propagasse. Verum ab ejusmodi criminatione eos vindicabimus, si paucis ostenderimus, auctoritatem pontificiam ex Decretalibus profectum non traxisse, sed longiori jam tractu temporis eas prerogativas pontifices Romanos exercuisse, quas mediante sæculo nono adversus Hincmarum tuebantur, quæ sane ejusmodi sunt, ut ex ipsa primatus natura necessario fluant.

## § III.

Jam ex ipsis Protestantibus multi (54) non diffitentur, Pseudoisidorianis Decretalibus nihil novi pontificibus profecisse. Manifestum est enim ejusmodi fraudes ab hominibus tam late non admitti, nisi ea contineant, quæ non jam recepta sint a plurimis. Sane si Decretales ea docuissent, quæ tunc temporis plane inaudita fuissent, quæ nullis antiquitatis documentis defendi potuissent, quomodo non omnium oculis fraudis manifesta illuxisset? Quidquid jam certum sit, minus in eo falsatorem Pseudoisidorum fuisse, quod nova cuderet, quam quod ex antiquis monumentis nova componeret, et ea quæ vere dicta vel scripta fuerant, alienis auctoribus tribueret. Genuinam Isidori syllogen, quam Riculfus Moguntinus ex Hispania advexerat, veluti fundamentum compilationis suæ posuit, cetera corrasit ex authenticis Decretalibus Pontificum, genuinis conciliorum Actis Patrumque scriptis, ex Capitularibus Francorum, Codice Theodosiano, Breviario Alariciano ejusque commentatoribus, ex regula S. Benedicti Libroque Pontificali, genuinis quibusdam patriarcharum Constantinopoleos, S. Bonifacii ejusque amicorum epistolis. Acta Sylvestri, quibus usus est, falsa quidem sunt, sed tunc jam recepta ab omnibus erant. Quomodo igitur fieri potuit, ut novi adeo essent sensus, cum ne quidem verba nova essent? Non negamus in Pseudoisidoriano jure esse nonnulla, quæ in primæva disciplina nonnisi implicite continerentur, nonnulla quorum non nisi rariora exempla primis Ecclesiæ sæculis suppeditarentur. Veruntamen ejusmodi disciplinæ ecclesiasticæ mutationes jam ante decretales confectas pro temporum varietate inductæ fuerant, vel induci incipiebant, neque aliud ille sibi proposuit, qui collectionem congegit, nisi ea tueri atque propugnare multis cum aliis, quæ jam in jus ecclesiasticum admissa et a pontificibus, cum certissime decretales adhuc ignorarent, sancita fuerant, quæ denique recepta fuissent, etiamsi nunquam Pseudoisidorus scripsisset. Quid quod longo temporis tractu nullius plane in Italia atque in Germania auctoritatis fuerit Pseudoisidorus.

Quæ adversus Protestantibus Febronianosque generalius dicta sufficiant. Jam satis in hoc sudarunt antiquiores critici, ut Ballerini, Blasius, Zaccaria, ut adversus istiusmodi homines jura primatus ex Pseudodecretalibus impetita defenderent. Nos heic loci ea recantare quæ toties dicta sunt supersedemus; subtilioresque tantum quasdam difficultates, quæ a catholicis etiam nonnunquam moventur, solvendas suscipimus (55).

Concedunt plurimi ex nostri, sicuti concedere debent, appellationes ad Romanum pontificem nunquam non admissis fuisse. Veruntamen id jam Hincmarus contendeat, pontificem ex antiquioris disciplinæ norma

(53<sup>b</sup>) Ap. Ivonem p. 4. c. 252 et Gratian. can. 15. dist. 16.

(54) Luden, Allgem. Geschichte Th. II. Bd. II. c. 40. Geschichte des deutschen Volkes Bd. V p. 475.

Leo, Universalgeschichte II Bd. p. 400, Gfrörer, l. c. p. 215. Schönemann ad Böhmer princip. jur. can. ed. VII § 122. not. b.

(55) Cf. Walter, Kirchenrecht § 92.



judices in provincia rei delegare debuissent, neque licitum fuisse dicunt, quod toties (56) decernat Pseudo-Isidorus ante latam sententiam suspectos judices appellatione facta excludere. Verum prius oppido falsissimum est, cum Sardicensis canon 8 expresse dicat: « Si proclamaverit agendum sibi negotium *in urbe Roma*, » neque desint creberrima antiquitatis exempla. Neque minus alterum caput rejiciendum est, cum hujus juris, quod ex ipsa cujuscunque judicii natura sequitur, vestigia jam antiquissimis temporibus, certa exempla jam ante decretales vel confictas vel undequaque sparsas occurrant.

Leo IV a. 850 (57) de judiciis episcoporum agens jam hæc statuerat: « Et si inter eos, quos damnandos esse homines dixerunt, fuerit episcopus, qui suam causam in præsentia Romanæ sedis episcopi petierit audiri, nullus super illum finitivam præsumat dare sententiam, sed omnino audiri eum decernimus, » quod statutum jam ante datam sententiam appellationem, vel causæ devolutionem admittit, ipsamque auditionem, hoc est processum informationem Romam, si voluerit ille, amandat. Idem Gregorius IV a. 855 in favorem Aldrici Cenomanensis, qui a multis vexabatur, statuerat: (58) « Mandamus, inquit, ut si aliquis, quod non optamus, suorum æmulorum Aldricum Cenomanicæ ecclesiæ episcopum accusare damnabiliter attentaverit, ut honoretur B. Petri apostolorum principis memoria, Ecclesiæque Romanæ, cui præsedet privilegium et nostri nominis auctoritas, liceat illi post auditionem primatum dioceseos, si necesse fuerit nos appellare et nostra auctoritate aut ante nos, aut ante legatos nostro ex latere missos, juxta Patrum decreta suas exercere atque finire actiones, nullusque illum ante hæc judicet, aut judicare præsumat. Sed si quid, quod absit, grave intolerandumque ei objectum fuerit, nostra erit expectanda censura, ut nihil prius de eo, qui ad sinum sanctæ Ecclesiæ Romæ confugit, ejusque implorat auxilium, decernatur, quam ab ejusdem Ecclesiæ auctoritate fuerit præceptum, quæ sic vices suas aliis impertivit Ecclesiis, ut in partem sint vocatæ sollicitudinis, non in plenitudinem potestatis. » Vides, quomodo Aldrico concedat ut, si velit, sola auditio penes synodum remaneat, sententia sibi reservetur.

Ea nempe fuerat temporum conditio, ut necesse esset causas episcoporum magis atque magis ad sedem apostolicam deferri. Præcesserat tempestas rudis atque barbara, in qua per octoginta annos in Galliis synodi habitæ non fuerant, ut testatur S. Bonifacius (59), qui synodorum celebrationem ex oblivione revocavit. Restituto autem pristino ordine, sæpissime metropolitani suo jure abutebantur, præsertim cum multoties a sæculari potestate penderent vel insontes tueri non valerent. Qua de causa consultum jam non erat episcopos ita quorumcunque arbitrio tradere, ut nullus esset ex angustiis exitus.

Hoc ipso modo velim tibi solvas, quæ aliis difficultatem pariunt, in eo nempe jus novum inductum fuisse, quod Pseudoisidorus causas episcoporum plane omnes, nec solum dubias, ad causas majores pontificibus reservatas amandet; sententiasque in ejusmodi causis a synodis, nonisi concedente pontifice ferri posse (60).

Verumtamen id tunc temporis non solus Isidorus requisivit. Synodus Tricassina sex provinciarum a. 867 habita, cui ipse Hincmarus interfuit, a Nicolao I petiit, ne episcopum absque sedis Romanæ consensu deponi pateretur. Quod sane non deprimendorum metropolitanorum synodorumque causa, sed ad declinandam regum procerumque vim, ut validius in Romano pontifice præsidium haberent, factum esse manifestum est. Appellant quidem ad Decretales; sed ex ipsis Hincmarus qui jam eorum auctoritatem rejecerat, neque ullus ex ejus sodalibus id juris suscepisset, imo postulasset, si ex solis decretalibus id secutum, neque ex tota temporum conditione necessarium visum fuisset. Jam idem Gregorius IV in ea, de qua supra diximus epistola, præstiterat. Nam concessi Aldrico Cenomanensi privilegii rationem inde longa tractatione deducit, quod majores causæ ex Patrum decreto Romanis pontificibus sint reservandæ: « Expectandi atque corrigendi magis sunt retores Ecclesiæ, quam statim et absque nostro consulto judicandi, cum majora negotia et difficiliore causarum exitus, sanctorum Patrum canones spiritu Dei conditi et totius mundi reverentia consecrati, jubeant sub nostræ sententiæ expectatione suspendi, nostroque moderamine finiri. .... Non novum aliquid præsentī jussione præcipimus, sed illa, quæ olim videntur indulta firmamus, cum nulli dubium sit, quod non solum pontificalis causatio, sed omnis sanctæ religionis relatio, ad sedem apostolicam, quasi ad caput Ecclesiarum debet referri. » Apud Græcos, qui certe Decretalibus illis decipi non potuerunt, jam eadem disciplina invaluerat, ut causæ episcoporum patriarchis reservarentur ut a concilio Constantinopolitano IV anni 869 statutum fuerat (61).

(56) Anitii ep. c. 3. Victoris ep. 1. c. 3. Sixti II ep. 1. Julii ep. 2. c. 3. v. 10. Felic. II ep. 1. c. 19 (in quibus locis Pseudoisidorus conc. Chalced. c. 9. 17 imitatur). Fabiani ep. 3. c. 2. Felic. I ep. 2. Sixti III ep. 3 (quæ ad verbum desumpta sunt ex Interpret. c. 2. 15. C. Th. de appell. 11. 50). Eleutherii ep. 1. c. 3. Felic. I ep. 1. c. 8 (ex Interpret. Nov. Martiani I. III T. 7. 1.

(57) Ep. 2.

(58) Ep. 1.

(59) Ep. 49 ad Zachariam.

(60) Eleutherii ep. 1. c. 2. Victoris ep. 1. c. 3. Zephyrini ep. 1. Sixti III ep. 1. Marcelli ep. 1. Julii ep. 1. c. 2. Julii ep. 1. proëm. Felicis II ep. c. 17. 18. Dam. ep. 4. c. 2.

(61) C. 26.

Novam denique dicunt regulam, quæ statuit, ut omnes synodi etiam particulares nonnisi auctoritate pontificis summi habeantur (62). Atqui hæc ex historia tripartita hausit, quæ « regulam ecclesiasticam jubere ait, non oportere præter sententiam Romani pontificis concilia celebrari (63). » Quæ sane Pseudoisidorus ita intellexisse videtur, ut expressam licentiam pontificis exquireret. Verum et hoc tunc temporis jam ante exortas Decretales et requiri et observari cœperat. Sergius II epistola ad episcopos transalpinos, qua a. 844 Drogonem Metensem suum in Gallia et Germania vicarium constituit, hæc ait inter alia : « Huic in congregandis generalibus synodis in omnibus prædictarum regionum partibus nostram commodamus auctoritatem, et quidquid provinciali synodo fuerit definitum, ad ejus absque dilatione statuimus notitiam perducendum. » Leo IV ad Hinemarum scribens (64), concilium Suessionense a se non confirmandum iri declarat, tum ex aliis rationibus, tum « eo quod legati sedis apostolicæ præsentibus ibidem non fuerint, » quos in eadem epistola ad sarcium defectum delegat, Petrum Spoletinum et cognominem Arctinum episcopum.

Quod et agnatum videmus ex verbis Nicolai I : « (65) Regalis excellentia vestra nuper apostolatui nostro direxit, ut pro perficienda synodo missos e latere nostro dirigere dignaremur. » Idem porro religiose observatum fuerat a S. Bonifacio, qui non solum ad synodos habendas, quibus in Galliis præsedet, (66) etiam ad eas quas in Germania jam archiepiscopus celebravit, (67) auctoritatem sedis apostolicæ expetiit et impetravit. Quod autem parum hac in re effecerint, exinde patet quod postmodum id in usum non transierit, ut tanto rigore specialis illa pontificis jussio et auctoritas requireretur (68).

Ad inaudita quæ a Pseudoisidoro inducta fuerint, addidit Theiner illam propositionem, primam sedem a nemine in terris judicari. At doctrinam illam nonnisi in actis Sylvestri (69) Pseudoisidorus exposuit, quæ, licet apocrypha, nullo tamen antiquiora sunt. Pluries id etiam in genuinis documentis ante Isidorum dictum reperitur (70). Leonem III accusatum Patres synodi Romanæ paucis ante annis a. 800 a Carolo Magno congregatæ judicare detrectaverunt. Gregorio IV minis episcoporum Germaniæ perterrefacto, Wala, Corbeiensis abbas documentorum syllogen a. 803 obtulit, qua Romanos pontifices a nemine judicari demonstrabat. Hac eadem doctrina ab ipso sancto Bonifacio, Germaniæ apostolo imbutus fuerat Otgarus vel quicumque Moguntinus Decretales collegit. Ex illius namque dictis traditum est illud de Romano pontifice pronuntiatum : « Cunctos ipse judicaturus a nemine est judicandus (71). »

Neque primatum dignitatem omnino invenit, quod sane ab omnibus fuisset explosum, cum in vicariis apostolicis ejusmodi aliquid jamdudum inveniatur, propius etiam in primate Africæ, qui et dignitate et nomine idem omnino erat, quod Ecclesiæ Moguntinæ Pseudodecretales vindicandum sibi proposuerant.

Ex quibus omnibus concludamus Pseudoisidorum disciplinæ mutationem non effecisse, sed factam expressisse et propugnasse, incipientemque concomitatum fuisse.

(62) Julii ep. 2, c. 29. Epist. Ægypt. ad Felic. II. Marcelli ep. 1, 2. Damasi ep. 4. c. 2.

(63) L. iv. c. 9, 19.

(64) Mansi t. XIV, col. 886.

(65) Ep. 17 ibid. t. XV. 278, cf. ep. 28, 19, 22.

(66) Ep. 49, 63. Zachariæ ep. 2, 9.

(67) Gregorii III ep. 4, 7.

(68) Cf. Thomassini Vetus et nova Ecclesiæ disci-

plina, t. II, l. III, c. 57, Blascus, de Collectione can. Isidor.

(69) Canon Sylvestri, c. 3, 20.

(70) Gelas. ep. IV ad Faustum, ep. 14 ad Dardan. Synodus Rom. sub Symmacho a. 501. Ennod. libell. apolog. a. 502. Avili Viennen. ep. ad senatum a. 502.

(71) Apud card. Densdedit, l. I De Rebus eccl., c. 231. Naclerum gen. 26. Gratian., c. 6, diss. 40.

## D. GEORG. PHILLIPS

DE

### COLLECTIONE PSEUDO - ISIDORI DISQUISITIO.

(E Germanico idiomate *Kirchenrecht*, Regensburg 1851, p. 61, in Latinum translata.)

I.

Collectio describitur.

Collectionem Hispanam, propter insignem ex ea susceptam utilitatem, necesse fuit extra fines, intra



quos originem duxit, brevi tempore diffundi (72). Primus omnium Argentinensis episcopus Rachio, anno 787, illius exemplar rescribendum curavit. Quæ quidem Rikulfi, archiepiscopi Moguntini Rachionis metropolitæ, opera multiplicata per totum Francorum regnum propagata fuit. Rachionis manuscripti, quod adhuc exstat, præcæmum Ordinem de celebrando concilio, a quarto Toletano desumptum (73) primo continet; ideo fortasse quia dicti codicis descriptor Francorum regnum præcipue intendebat, cum concilia ad Hispanorum conciliorum normam instituenda proponeret (74).

Qui Rachionis codex, ex Collectione Hispana descriptus, non ultra concilium toletanum xii procedebat (681); generatim autem Francorum manuscripta decimum tertium (683), non vero decimum quartum concilium Toletanum (686) complectuntur. Cujusmodi manuscripta, pluribus falsis decretalibus aliisque apocryphis aucta, nono ad finem vergente sæculo, sub nomine Collectionis Isidori (75) ubique in Francorum regno circumferebantur. Sub judice lis est utrum tale nomen (76) vera Hispana obtinuerit antea, an fuerit sic appellata (77) ex quo in præcæmum, operi recentius assuto, Isidorus ut auctor loquens inducitur (78). Qua ex ratione, novissimis temporibus, Collectioni Hispanæ auctæ Pseudo-Isidori nomen inditum (79). Quidam Historici hujus operis honore Isidorum II Setabensem vel Xantivensem (685) episcopum dignantur (80); quæ quidem opinio non majorem fidem sibi vindicat quam ea quæ ipsi collectionem canonum ascribit. Non admodum improbabile esset ipsum, sicut et alii, diversis temporibus antiquiorem Hispanam Collectionem complere conatum, hanc ad decimum tertium usque Toletanum concilium (81) prosecutum esse, ita ut nomen Isidori, Collectioni aggregatum, cum nomine sancti episcopi Hispanensis confunderetur (82). Mera est suppositio, quæ sane judicanti non ultra fines conjecturæ facto oppositæ progreditur: factum illud præcipuum in hoc consistit quod illius Hispanæ Collectionis auctæ compiler, qualem nobis præbet nonum sæculum, sese vel *Mercatorem* (83) vel *Peccatorem* cognominaverit. Priorem lectionem tuentur antiquissima manuscripta (84), posteriorem mos apud episcopos et monachos hujus sæculi usitatissimus (85), sese *Peccatoris* cognomine designandi.

(72) Hincmarus Rhemensis nepoti suo Hincmaro Laudunensi scribit (HINC. RHÉM., *Opusc.* LV, cap. adv. Hincm. Laud., c. 24, Opp., tom. II, p. 476): « Si vero ideo talia, quæ tibi visa sunt, de præfatis sentiis ac sæpe memoratis epistolis detruncando et præposterando atque disordinando collegisti, quia forte putasti neminem alium easdem sentiis vel ipsas epistolas præter te habere, et idcirco talia libere te existimasti posse colligere, res mira est, quam de ipsis sentiis plena sit ista terra, sicut et de libro collectarum epistolarum ab Isidoro, quem de Hispania allatum Riculfus Moguntinus episcopus, in hujusmodi sicut in capitulis regiis studiosus, obtinuit, et istas regiones ex illo repleti fecit. »

(73) Conc. Tolet. iv, an. 653, cap. 4.

(74) Dolendum est quod Koch, tam parcimoniose ex Rachionis codice citationes communicaverit. Multum interesset scire an in præcæmum codicis aliquid legeretur non alienum a verbis Pseudo-Isidori in sua præfatione: « In principio vero voluminis hujus, qualiter concilium apud nos celebratur, posuimus, ut qui nostrum ordinem sequi vulerint, sciant qualiter hoc agere debeant. » Quibus verbis auctor videtur innuere se apud externos scribere. Qui in Hispania reperiuntur Hispanæ collectionis manuscripti codices ordinem de quo Pseudo-Isidorus non nisi in actibus Conc. Tolet. iv, exhibent. Conf. Batterini p. iv, cap. 4, § 4, n. 16, p. 519.

(75) Hincm. Rhém. opusc. XLVIII, cap. 21 (tom. II, p. 793). Scriptum namque est in quodam sermone sine exceptoris nomine de gestis S. Sylvestri excepto, quem Isidorus episcopus Hispanensis collegit cum epistolis Romanæ sedis pontificum, a S. Clemente usque ad B. Gregorium, eundem S. Sylvestrum decrevisse ut nullus laicus crimen clerico audeat inferre.

(76) Quod adhuc omnino incompertum. Conf. Arevalo, Isidoriana, c. 91 (*Opp.* S. Isid. tom. II, p. 176, n. 18).

(77) Conf. Eichhorn, p. 459.

(78) Apud Merlin: *Isidorus servus Christi lectori conservo suo* (sic legit etiam usque ad hoc verbum Gratian in can.: *Placuit* 4, d. 16) *et parenti Domino fidei salutem.* De additione *Mercator* seu *Peccator*, vide supra textum et sequentes notas. Pro *fidei* alius legitur *fidei*, et pro *lector* Arevalo,

loc. cit., opp. vi, p. 607, legit, *Hectori*. Cujus nominis episcopus tempore Isidori nullus cognoscitur; anno 516 apparet Hector quidam ep. Carthaginensis in concilio Tarraconensi (Vide Harduin., *Conc.* tom. II, col. 1045).

(79) Unica editio hæc est: MERLIN, *Conciliorum quatuor generalium tomus primus. Quadraginta quoque septem conciliorum provincialium authenticorum. Decretorum etiam sexaginta novem pontificum, ab apostolis et eorundem canonibus usque ad Zachariam primum, Isidoro auctore.* Item *Bulla Aurea Caroli IV imperatoris, de electione regis Romanorum.* (Paris, 1523; Colon. 1550. 2 tom. fol.) Paris, 1553, 2 tom. 8 (ex officina litteraria honesti viri Francisci Regnaulti). Multa fragmenta quæ in antiquioribus manuscriptis desiderantur assumpsit illa editio. — Conf. Camus *Notice de Manuscrits contenant des Collections de Canons et de Décrétales* (Notices et Extraits des Manuscrits de la Bibliothèque nationale, tom. VI, p. 270, not. 12). Cf. quoque Ballerini, loc. cit. cap. 7, p. 559 sqq.

(80) Vide Blasco, loc. cit., cap. 6, p. 33. — Conf. quoque Florez, *España Sagrada*, tom. VIII, p. 48 sqq.

(81) Adfuit concilio Toletano xv, anno 688. (Harduin. *Conc.* tom. III, col. 1771); ratione habitæ temporis potuit esse unus eorum qui denuo Hispanæ Collectioni operam navarunt. Alius est ac Isidorus I, cui successit (677-682; *conc. Tolet.* xii, ann. 681, col. 1726).

(82) Codex Mutinensis ut Vatic.: *Incipit præfatio sancti Isidori libri hujus.* V. Zaccaria, loc. cit., v. 42): *In nomine Domini nostri Jesu Christi incipit præfatio sancti Isidori libri hujus.*

(83) Codex unus, inter Arevalianos, legit *Mercatus* (Arevalo, loc. cit., p. 209, n. 52).

(84) Arevalo, loc. cit.

(85) Vide Elipandi epist. ad Migetium, n. 10 (apud Florez, loc. cit., tom. V, p. 551): « De sacerdotibus vero quod asseris quomodo se pronuntiant peccatores, si vere sancti sunt? aut si certe se peccatores esse fatentur, quare ad ministerium accedere præsumunt. » Vide etiam Blasco, loc. cit. p. 35 sqq. — Devoti Jus canon. univ., Proleg., cap. 18, § 15, not. 1 (tom. I, p. 357). Vide conc. Trull. ann. 692: « Andreas peccator, Philippus episcopus et plures alii (Harduin.,

Inter exemplaria Pseudo-Isidoriana antiquissima, habetur cod. Vatic. (630), ex Gallia Romam translatus. Nicolao I regnante sumpsisse creditur exordium (858-862) [86]. Quo in manuscripto (87) modus compilationis ita indicatur. Collectio in tres partes dividitur. Opus præcedunt in modum præfationis diversa opuscula, scilicet series summorum pontificum usque ad Nicolaum I; diversa de œcumenicis et particularibus conciliis, et quæ pluribus authenticæ Hispanæ fragmentis commiscuntur, deinde Romani imperii provinciarum descriptio, et epistola Luitardi Vercensis ad Venilonem Rothomagensem; postea præmium cui inscribitur nomen Isidori Mercatoris; ibidem declarat auctor se tum multis (octoginta) episcopis, tum aliis presbyteris compellentibus laborem suum suscepisse (88); eo fine, ut, omni ecclesiastica disciplina in unum corpus collecta, episcopis et presbyteris et laicis (89) opus doctrinale relinquit. Cui præmio adjungitur Aurelii episcopi Carthaginensis ad Damasum cum epistola postulatio, ut antiquiores decretales simul et Romani pontificis responsum obtineat. Damasi rescriptum sequitur *Ordo de celebrando concilio* et altera quædam synodorum enumeratio; postremo duæ leguntur epistolæ spurix quæ Hieronymo et Damaso ascribuntur.

Collectionis istius in tres partes divisio, cum Hispana duabus tantum constet, orta est ex eo, quod posterior a concilio Nicæno incipiat; in Pseudo-Isidoriana autem præponatur series decretalium supra dicto antiquiorum concilio (90-91), quæ cum apostolicis quinquaginta canonibus (92) hic adjunctis, primam partem efficiunt. Quæ quidem decretales, numero quinquaginta novem, triginta summis pontificibus, a Clemente I (93) ad Melchiam (94) usque (314) ascribuntur (95). Decretales subsequitur dissertatio de primitiva Ecclesia

*Concil.*, tom. III, col. 1702). Rachio quoque Argentinensis se cognominavit *Peccatorem*; V. Koch, loc. cit., p. 174. — V. præsertim subscriptiones ad Chrodegangi privil. anno 751 (apud Harjuin., col. 2008).

(86) Non multo recentior, saltem non anno 881 junior est codex cathedralis Mutinensis, cujus meminit Zaccaria, loc. cit., p. 284, 291; ex Gallia oriundus etiam: continet autem, ut supra nominatus codex Bamb. (V. Rosshirt, loc. cit., p. 49) tantummodo decretales. Manuscriptum Mutinense ab eruditis cura quæ parerat non videtur excussum fuisse. Pertzio (*Archiv. societatis pro Germana historiologia*, tom. V, p. 34) in itinere suo bibliothecam cathedralis Mutinensis invisere non licuit; in aliis Annalium voluminibus nulla ejusdem codicis mentio.

(87) De hoc codice vide Ballerinius, loc. cit. cap. 6, § 5, n. 16; — d'Aguirre, *Concil. Hisp., Ratio oper.*, n. 9, p. 5; Montfaucon, *biblioth. manuscr.*, tom. I, p. 428; Camus, loc. cit., p. 288 (*Tableau comparatif des cinq manuscrits avec l'édition de Merlin*). — Vide etiam Rosshirt, loc. cit., p. 51. Cui manuscriptum non tam antiquum videtur. Vide quoque Wasser-schleben, loc. cit., p. 25, qui codicem Mutinensem minoris judicat momenti quam vulgo audit.

(88) Præf.: « Compellor a multis tam episcopis quam reliquis servis Christi canonum sententias colligere et de multis unum facere. — Scire autem vos volo octuaginta episcopos, qui hoc opus me incipere et perficere cogistis, » etc. Apud Merlin. Brevius præmium quod exhibet Arevalo, loc. cit., p. 607, innuit esse originale et ex eo prolixius manasse præmium. Arevali sententia Richtero (*Jus eccles.*, c. 69, not. 4), non adeo probata videtur. Adhuc sub judice lis est.

(89) Verbis sequentibus in præfatione sua Merlinus finem quem sibi collector proposuit, indigitat: « Quatenus ecclesiastici ordinis disciplina in unum a nobis coacta atque digesta et sancti præules paternis instituantur regulis et obediens Ecclesiæ ministri vel populi spiritualibus imbuantur exemplis, et non maiorum hominum pravitatibus decipiantur. Multi enim pravitate et cupiditate depressi accusantes sacerdotes oppresserunt. Ideo sancti Patres leges constituerunt, quas sanctos canones appellaverunt. Multi ergo idcirco alios accusant, ut se per illos excusent, aut eorum bonis ditentur. Plerique vero boni Christiani propterea tacent et portant aliorum peccata quæ noverunt, quod documentis sæpe deseruntur quibus ea quæ ipsi sciunt iudicibus ecclesiasticis probare non possunt, cum licet vera sint

quædam, non tamen iudicibus credenda sunt, nisi quæ certis indiciis demonstrantur, nisi quæ manifesto iudicio convincuntur, nisi quæ iudiciario ordine publicantur. Nullus enim qui suis rebus est spoliatus aut a sede propria vi aut terrore pulsus, antequam omnia sibi ablata ei legibus restituantur, et ipse pacifice diu suis fruatur honoribus, sedique propriæ regulariter restitutus ejus multo tempore libere patitur, juxta canonicam accusari, vocari, iudicari, aut damnari institutionem non potest. » (Præfatio apud Arevalum, post locum in nota præcedenti citatum, ad sequentia, etiam apud illum contracta, transit.) « Unde et ecclesiastica historia ab Eusebio Cæsariensi episcopo confecta de muliere quadam, quæ pro castitate a marito accusabatur ait: Præceptum vel interdictum est ab imperatore lege lata, ut primo permitteretur ei rem familiarem libere diutius ordinare, tum deinde responderet objectis. Hæc omnes leges tam ecclesiasticæ quam vulgares, publicæque præcipiunt. Horum vero concinantia si omnia ponerentur, ante deficerent dies, et nimis proluxa fieret epistola. Ex plurimis tamen aliqua ad provocationem aliorum inserere iudicavimus. Ait namque sanctus Leo Romanæ Ecclesiæ episcopus in epistola Chalcedonensi concilio missa, etc. — Si enim de mulieribus et sæcularibus hominibus hæc constituta sunt, multo magis ecclesiasticis viris et sacerdotibus sunt concessa. Hæc eadem vero ecclesiastica jura præcipiunt. Similiter accusatores et accusantes, quæ sæculi leges prohibent canonica funditus repellit auctoritas. Synodorum vero congregandarum auctoritas apostolicæ sedi privata commissa est potestate, nec ullam synodum ratam esse legimus, quæ ejus non fuerit auctoritate congregata vel fulta. Hæc canonica testatur auctoritas, hæc historia ecclesiastica roborat, hæc sancti Patres confirmant.

(90-91) Præfatio Merlini: « Deinde quorundam epistolarum decreta virorum apostolicorum interse-rimus, id est Clementis, Anacleti, Evaristi et cæterorum apostolicorum, quas potuimus hactenus reperire epistolas usque ad Silvestrum papam. — Eadem et antiqui apostolici, qui fuerant ante synodum Nicænam sanxerunt. »

(92) Cod. Bamb. illas non continet, V. Rosshirt, loc. cit., p. 52.

(93) De epistolis Clementinis, vide Ballerinius loc. cit., n. 18.

(94) Cod. Bamb. usque ad Damasum. Rosshirt, loc. cit., p. 52.

(95) Hæc procedendi ratio in Dionysii præclara collectione, indigitata fuerat.



et synodo Nicæna quam Gratianus, ea re deceptus, inter Melchiadis decretales computavit (96). Primam partem claudunt spurie imperatoris Constantini (97) donationis litteræ.

Altera pars, nempe conciliorum collectio, a fragmento proœmii Hispanæ Collectionis (98), sicut et ab altero Collectionis Quesnelianæ (99) fragmento, initium habet. In cæteris nihil ista pars a prima parte Collectionis Hispanæ differt. Eade n est utrisque divisio, eadem et conciliorum series (100). In tertia parte proœmium item ex Hispana assumptum fuit. Sequuntur gesta Sylvestri (335) simul et decretales hujus papæ sequentiumque summorum pontificum, usque ad Gregorium II (751), quo sedem tenente, spuria quinque et triginta rursus fragmenta addebantur. Huc usque recte quidem originale manuscriptum agnoscitur. Postea sequitur vacuum folium; deinde, eadem manu scriptæ, quinta et sexta spurie synodi Symmachi et quædam de hoc papa scripta apologetica, cum duabus ipsius epistolis? Post folium aliud vacuum leguntur supposititia quædam Angelramni capitula (176); deinde octoginta de actionibus contra episcopos et clericos sententiæ, sicut et alia minoris momenti fragmenta (101).

Pseudo-Isidori Collectio multo copiosior est quam Hispana, nempe cum in spuris decretalibus multæ de dogmatica et morali occurrant solutiones, scilicet: Ordinatio, baptismus, confirmatio, matrimonium et sacrificium, jejunium, paschalis solemnitas, inventio crucis, corporum apostolorum translatio, chrisma, aqua benedicta, ecclesiarum consecratio, frugum, vasium sacrorum et ornamentorum benedictio.

In eo autem imprimis præstat Isidoriana Collectio quod accuratissime quæ ad constitutionem Ecclesiæ spectant evolvat et ordinet. De apostoli Petri primatu agit sicut et de ejus in sede Romana successoribus, de singulis hierarchiæ gradibus, et, ante omnia, de primatibus, de accusatione et processu adversus episcopos et laicos, de eorum ad papam appellatione, necnon de conciliorum provincialium cum eodem relatione.

## II.

### *Pseudo-Isidoriana collectio circa fontes juris ecclesiastici.*

Spurie decretales, quibus Hispana Collectio, tum initio, tum posteris temporibus aucta fuerat, parum animos commovere, atque, sepositis quibusdam haud practicis propositionibus, obtinere ubique; siquidem nullo modo disciplinæ ecclesiasticæ adversabantur (102). Pseudo-Isidori sententiæ de divina apostolatus origine, de episcopatus (103) successione, de divino primatus Romani pontificis instituto qui, ut est caput Ecclesiæ, nulli in terris judici subicitur, et universali Ecclesiæ leges imponit, eadem sunt quæ ex Scriptura sacra, ex sanctis Patribus, ex traditionis testibus, ex authenticis juris ecclesiastici fontibus, suppeditantur (104). Aliæ propositiones, quæ primo aspectu novitatem sapere videntur, ad examen revocatæ tales demonstrantur, quales jam in fontibus etiam antiquioribus, vel in actuali tunc usu approbatas ubique reperies (105); deinde aliæ, tanquam necessaria ex fundamentalibus ecclesiasticæ constitutionis principiis corollaria flunt, ita ut parum referat an in canonis seu decretalis forma, necne, expressæ fuissent. Ex quo sequitur, omnibus bene elucidatis, in Pseudo-Isidori doctrina fere nihil novi superesse (106), excerpta tamen una alterave propositione, exempli gratia: «Nullo laico licet clericum accusare;» quod quidem nusquam in praxim transit (107).

n qua tamen Collectione aliquas de episcoporum cum Romano primatu relatione videbis propositiones, quæ ut omnino novæ habentur et Pseudo-Isidoro ascribendæ. Sic legitur ista, in praxi tamen nunquam adhibita, propositio: «Concilia provincialia sine summi pontificis consensu non licet congregari (108), aut ejus saltem, ad gestorum in synodo validitatem, approbatione indigent;» deinde: «In accusationibus adversus

(96) Ballerini loc. cit., n. 49, p. 547.

(97) V. Can. *Constantinus* 14, d. 96. — Conf. Biener De collect. canon. Eccl. Græcæ, § 14, p. 72 seqq.

(98) *Canones generalium*; etc.

(99) Epistola vel præfatio conc. Nic. beatissimo Sylvestro.

(100) Pseudo-Isidorus, præter concilia omnia Græca quæ in collectione Hispana continentur, sequentia exhibet: Conc. Carth. i-vii, et Conc. Milev.; Conc. Arelat. i-iii; Valent. Taurin. Rejens. Arausie. Vassens. i; Agath. et Aurelian. i; Eliberit. Tarrag. Gerund. Casaraug. i; Ilerd. Valent. Tolet. i-xiii; Bracar. i et ii; Capitula Martini Bracar. iii (675); Hispal. i et ii.

(101) Conf. Mœhler loc. cit., p. 283-504. — Walter loc. cit., § 95, p. 187, § 98.

(102) Conf. Doellinger, Liber instructionis historiæ ecclesiasticæ, tom. II, p. 46; Hebele loc. cit., p. 595. — Rosshirt loc. cit., p. 56.

(103) Propterea episcopi, juxta Pseudo-Isidorum, nullo modo ut delegati sedis Romanæ habentur.

Conf. Walter. loc. cit., p. 201, not. y.

(104) In duobus locis: Anaclet., epist. 3, c. 2 (Can. *In novo* 2, d. 21) et c. 3. (Can. *Sacrosancta, Inter*, 5) occurrunt hæc verba: «(Apostoli) ipsum (Petrum) principem eorum esse voluerunt;» cum duo capitula divinam primatus institutionem singulari modo extollant, voluntatis apostolorum cum divina voluntate concordiam significare conantur; non autem videtur fieri mentionem de Electione. (Walter loc. cit., p. 199. Not. o.)

(105) Vide apud Walter loc. cit., § 98, horum fontium expositionem.

(106) Conf. Hebele loc. cit. v. 640, etc.

(107) V. gr. Clement. epist. 1. (Can. *Beatus*, 5, c. 5, q. 1.) Conf. Walter loc. cit., p. 209, not. p.

(108) Jul., epist. 1, c. 2. (Can. *Dudum*, 9, c. 3, q. 6.) Ep. 2, proem.: «Non oportere præter sententiam Romani pontificis ullo modo concilia celebrari.» (Apud Merlin. fol. 162. A.) c. 29. (Can. *Regula* 2, d. 17). Vid. etiam supra citatum locum (§ 173, not. 89). — Conf. Walter loc. cit. V. 202, not. e in fin

episcopos informatio duntaxat (109), et istius informationis ad summum pontificem relatio (110), illis competit conciliis; summi vero pontificis jus est (111), ut ipse in omnibus episcoporum judiciis, scilicet tanquam in causis majoribus, decideret; accusati autem episcopi est, ut non solum post, sed jam ante concilii judicium appelleret ad summum pontificem, quando judices sibi vel adversarios vel suspectos habet (112).

Quæ quidem propositiones, ex omnium consensu ad principium fere inconcussum ducunt, scilicet episcopatus, cum sit ex institutione divina, et vi hujus institutionis, capiti suo, successori Petri, intime conjungatur, ab hac unione, quæ salutis Ecclesiæ necessaria est, nulla, neque ecclesiastica, neque civili auctoritate evelli potest. Fatendum quidem est pro statu imperii Francorum (113), dignitatem metropolitaram, mera historica institutione vigentem, episcopos auctoritatis quasi primatialis participes facientem, etiam quod ad regimen politicum unioni papam inter et episcopos non potuisse non obesse. Præterea ipsius rei veritate ac hujus principii certitudine seposita, et regni Francorum statum non amplius attendentes, quæritur an propositionum supra dictarum prima enuntiatio, quæ ex spuris decretalibus canonice expressæ sunt, ipsi pseudo-Isidoro, necne, ascribenda sit. Quas ipsas propositiones summus pontifex Nicolaus I, pseudo-Isidori cœvus, in allocutione quam habuit in vigilia Nativitatis Domini 864, in basilica sanctæ Mariæ Majoris (114), ad verbum fere expressit, sicut et per epistolam ad Francorum episcopos missam de rebus Rothadi (115) Suessionensis (116) qui post depositionem suam ad sedem apostolicam appellaverat (117).

Quoad illa quæ propius ad conciliorum convocationem eorumque decisionem confirmationem spectant, expresse Nicolaus I dicit, « Concilium generale, id est concilium episcoporum omnium regni provinciarum, non sine summi pontificis præscripto posse congregari (118). » Immo, jampridem ante hunc pontificem idem circa omnia sine discrimine concilia, in Historia Tripartita (119) principium fuit sancitum. Cæteroqui, etiamsi non ita res ante se habuisset, ista tamen propositio, si recte intelligatur, verum adeo et inexpugnabile continet principium, ut neque summi pontificis allocutione, neque Historia Tripartita, neque alio antiquiore documento indigeret. Nam si ex una parte negari nequit plura concilia absque prævio summi pontificis consensu congregata valida sine ejus confirmatione edixisse decreta, qui ad hodiernam usque diem usus viguit, ex altera non minus certum est, nullam in Ecclesia valere decisionem, cui summus pontifex, tanquam caput episcopatus, contradicat. Si aliquid valet, id valet propterea quod summus pontifex vel tacite vel expresse illud approbaverit. Si igitur summus aliquis pontifex, exemplum Nicolai I antiquioraque documenta (120) secutus, istam circa synodos propositionem enuntiaret, quia, quemadmodum periculose olim in Francorum regno dispositiones fuerant, ita et nunc unitati episcopatus periculum inde immineret, is recte uteretur jure salutis Ecclesiæ convenientissimo. Collector, etiam qui in istis circumstantiis positus, anteriorem sibi hujusmodi propositionem vidit et enuntiavit, decretali quidem forma deliquit, novitatis autem sub hoc respectu insimulandus non esset.

Cæteræ, de quibus supra, sententiæ ad causas referuntur episcoporum, qui coram provincialibus a metropolita rite convocatis conciliis in jus vocantur. Quibus in causis, ideo *causarum majorum* titulo a pseudo-Isidoro insignitis, appellatur ad summum pontificem; unde patet conciliis quidem litis ordinationem, soli vero papæ competere judicium (121). Cui doctrinæ, tanquam juri ubique jam obtinenti, expressis verbis Nicolaus I adhæsit (122).

Appellationem post sententiam, jam in Sardicensi (123) concilio lege (124) sancitam a Carolo Magno

(109) Falso a quibusdam dictum est Pseudo-Isidorum episcopales causas conciliis provincialibus penitus subtrahere voluisse. V. Walter loc. cit., p. 201, not. c.

(110) V. gr. Eleuth. epist. 1, c. 2. (Can. *Quamvis* 7, c. 3, q. 5. Conf. Walter loc. cit., p. 205; not. s.)

(111) Jul. epist. 1, c. 2.

(112) V. gr. Victor epist. 1, c. 3. (cap. *Si quis* 7, c. 2. Conf. Walter loc. cit., p. 204, not. q.)

(113) Con. German. historiam, tom. II, p. 302, etc.

(114) Nicol. I P., *Sermo de Rothadi causa*. (Harduin., *Concilia*, tom. V, col. 585.)

(115) Nicol. I P., epist. 42, ad *Univ. Gall. episc.* (Harduin., loc. cit., col. 590 sqq.)

(116) De causa Rothadi Suessionensis, vide Gess., *De vita et scriptis præclaris Hincmari Remensis*, § 10, p. 239, etc., etc.; Hefele in *Friburgensi ecclesiastico Lexico*, tom. V, p. 205, etc.

(117) Conf. Kunstmann in *n. Sion*, p. 245, etc., ubi de hoc copiosius et ex professo.

(118) *Sermo* cit., col. 585: Cujus rei gratia facto concilio generali quod sine apostolicæ sedis præ-

cepto nulli fas est vocandi, vocaverunt hunc (Rothadum) episcopi, quos Hincmari Remorum archiepiscopi suggestionem regia fecerat allusio convenire, quatenus rationem de illo presbytero coram synodo redderet.

(119) Cassiodor., *Hist. Tripart.*, lib. IV, c. 9, n. 19. (Ex Socrate, *Hist. ecclesiast.* lib. II, cap. 8, n. 17.) Vide Walter loc. cit., p. 202, not. e.

(120) Can. *Confidimus* 1, c. 25, q. 1. (Gelas-ann. 495.)

(121) Walter loc. cit., pag. 205, not 1, loquens de concil. Const. IV, ann. 869, cap. 26, annotat in Oriente, ubi certe nulla Pseudo-Isidorianæ decreta les auctoritate pollebant, graviori disciplinam immutatam esse modo, ibique episcopos immediato patriarchæ judicio subjectos.

(122) Kunstmann, loc. cit., pag. 246.

(123) Placuit Justello nonnulla e manuscripto-quousus est folia rescare, unde nonnisi mutilatum Sardicense concilium in medium prodiit. Vid. Kunstmann, loc. cit., pag. 241.

(124) Concil. Sard. c. 3. — Confer Walter, loc. cit., § 19, pag. 44, not. a.



abrogatam fuisse (125), ut quidam sentiunt (126), minime concedimus. Episcopis Chalcedonense concilium (127) ad primatem aut patriarcham ante latam sententiam appellandi potestatem fecerat; quanto magis ad summum Ecclesiæ pontificem. Quemadmodum Gregorius IV (128) et Leo II (129), ita et Nicolaus I, et quidem ea qua concilium mente, ad papam in causis episcopalibus esse appellandum decrevit. Quam, ut ipse notat, e Leonis Magni ad Anastasium Thessalonicensem (150) epistola doctrinam hausit, ubi de negotiis gravioribus et difficilioribus litibus (151) ad causas majores speciatim spectantibus agitur. Qua in re, sicut Leo et quisvis alius post illum romanus pontifex, si res postulasset, ita et Nicolaus pro suo jure statuit. Et qui antea in suo ad Hinemarus Rhemensem rescripto monuerat » etiamsi nunquam Rothadus appellasset (152), ejus nihilominus a Roma præstolandum fuisse iudicium, is nunc ad Francorum episcopos, inter episcoporum causas et causas metropolitanorum, quas solas majores affirmabant, distinguentes, his verbis optime respondit: « Sed dicitur » etc. Vide *Nicolai epistolam* 75.

Hæc igitur cum statueret, datam sibi a Deo potestatem pro temporum necessitate (153) exercuit, nedum opus fuerit ut Decretalium ab antecessoribus editarum aut œcumenici cujusdam concilii auctoritate niteretur. — Cum itaque eadem, et quidem similibus verbis, quæ laudatus pontifex principia statuat, in nullam, minime vero in talem incidisse novitatis notam dicendus est, quæ ecclesiasticæ disciplinæ periculo fuisset.

Interea tenuere nonnulli Nicolaum I sua a Pseudo-Isidoro dicta mutuatum esse (154); imo ex his ipsius dictis contenderunt spurias decretales Romæ non viguisse modo, sed et editas fuisse. Ast hoc Nicolai I cum Pseudo-Isidoro consortium (155) nullis fulcitur argumentis (156). Jam demonstravimus papam alio prorsus innixum fundamento atque aliis adhibitis fontibus elocutum. Quos enim ad episcoporum judicia spectantes, protulit sententias, has juris pontificalis vi astruit, dum e contra, Pseudo-Isidorus nonnisi episcoporum commoda respicit. Ad statuendas leges opera Pseudo-Isidori nulla ratione indigebat, sicut nec alii summi pontifices, siquidem non illi sed Francorum episcopi ad spurias decretales recurrerant, inprimis Hinemarus Rhemensis a quo cum propriæ ipsius sententiæ favent, adducuntur, qui vero secus earum nisi authenticitatem at certe auctoritatem impugnat (157). Præterea, e prolato a summi pontificis legato, in cœtu Gerstungensi, (1085) assentientibus Saxonum episcopis, de spuriis decretalibus testimonio elucet, earum collectionem exigua admodum eo tempore auctoritate polluisse. Tandem, cum labente jam sæculo undecimo, decretales illæ, simul ac tum authentica tum apocrypha additamenta non pauca, in diffusas ubique juris canonici collectiones irrepsissent, a summis pontificibus citatas habes. Quod fecit inprimis Nicolaus II, quem propterea ab ejusdem nominis antecessore sedulo distinguas.

Ex quo colligitur Ecclesiæ institutum atque disciplinam, nulla Pseudo-Isidori ope (158), sed divino annexa fundamento in dies coaluisse, ac Pseudo-Isidoricam collectionem ingenuis ecclesiasticis juris fontibus indebitè annumerari. Accedit quod spurie decretales nonnisi in occidentali Francorum regni parte circumferebantur, nam perrara tantum et hæc quidem a Francorum regione manifeste oriunda, apud Germanos et Italos exemplaria manuscripta reperire fuit. Ad Hispanos Pseudo-Isidori nullos omnino codices prius pervenisse dicitur quam cum jam prelo in lucem prodissent (159). De cætero, decretalium collectionem sancto Isidoro

(125) Verbi gratia Gfroerer (loc. cit., pag. 5).

(126) Cf. Reithberg, Kircheng. Deutschlands, II, 596.

(127) Conc. Chalced. can. 9. — Conf. Walter loc. cit., § 95, pag. 204, not. q.

(128) Can. *Decreto* II, c. 2, q. 5 (Greg. IV ann. 832).

(129) Can. *Nullam* 3, C. 2, q. 4. (Leo IV ann. 850).

(130) Leo M., epist. 14 ad Athan.: « Nam cum majora negotia et liberum tibi esset sub nostræ sententiæ expectatione suspendere, » etc.

(131) Conf. de cætero Innoc. I. P. Epist. ad Victricum et pro posteriori tempore: can. *Concilia* 6, D. 47. (Ennod. Libell. apol. pro syn. IV Rom. — Vide Richter, Kirchenr., § 24, not. 7.)

(132) Nicol. I epist. 23: « Debuerat certe Beatitudo tua, cum Rothadum toties examinaveras, scribens sancti Petri memoriam honorare, ejusque iudicium etiamsi nunquam appellasset idem Rothadus, modis omnibus præstolari. »

(133) Optime Walter loc. cit. pag. 205, not. u: « Animos tum antecedentibus factis, tum perpensa insigni episcoporum dignitate, eo adductos esse, ut iudicia episcoporum causæ majores haberentur, » etc.

(134) Wasserschleben loc. cit., pag. 76 et seqq. — Eichhorn loc. cit., pag. 179.

(135) Ideo quia erat spuriarum decretalium inscius, anxia dubitatione papa correptus est, cum ab illo decretalis quedam Melchias peteretur. — Conf. Walter loc. cit., § 95, pag. 188, not. b. Hefele loc. cit., pag. 649. — Kunstmann loc. cit., pag. 245.

(136) Vid. Blasco loc. cit., cap. 3, p. 24 et seqq.

Ex uno tantum ejus epistolæ ad Galliarum episcopos loco erui posset eum harum decretalium rudem non fuisse; sed infirmum admodum inde deducitur argumentum. Sic enim legitur (Vid. Kunstmann loc. cit., pag. 247): « Nam nonnulla eorum scripta penes nos habentur, quæ non solum quorumcumque Romanorum pontificum, verum etiam priorum decreta in suis causis præferre noscuntur. »

(137) Conf. Hefele loc. cit., p. 657. — Kunstmann *Remedius von Churr.*, pag. 9. — Vide et Gess. loc. cit., cap. 41, pag. 271 et seqq.

(138) Conf. Kunstmann. De syn. Gerstungensi. (Freiburger Zeitschrift Bd. IV, pag. 416); fragmente neber Pseudo-Isidor. pag. 254. — Dixerat omnimodum prout in edito a Kunstmann manuscripto Sancti-Emerentiano: « Sperabant autem illud factum eorum ideo ad præsens non posse deprehendi, quod illa Isidori dicta non de excellentioribus illis auctoritatibus sint, ac proinde minus agitata et magis ignota. » — In fine legitur: « Novit prudentia vestra quod illæ scripturarum sententiæ, quarum nos testimonio usi sumus, notæ in Ecclesiâ reverentè semper fuerint, et auctoris nequaquam obicuri vel incerti nominis sint. »

(139) Conf. De la Serna Santander loc. cit., § 6, n. 145, pag. 90 et seqq. — Quid sentiendum de codd. Matrill. A. 151. (Pertz *Archiv.* Bd. 8, pag. 771), et Tolet., 15 n. 16 (ibid. 822) ubi, in textu Isidorus episcopus, et in indice *Mercator*, appellatur, — et de codd. Abrincat 109 (pag. 581) et Bonon. 109 (pag. 406) ubi ambo confunduntur?

per plura sæcula tribui solitam, neminique curæ fuisse utrum ea, quibus constabat, acta certi auctoris essent nec ne, nemo nescit. Huic ætati utpote artis diplomaticæ prorsus experti, ignorantia illa si vitio verti nequeat, quid refert utrum Anacletus an Leo, Evaristus an Gregorius, Telesphorus an Nicolaus singula prior elocutus sit?

## III.

*Summa censuræ.*

Ad sæculum usque quintum decimum Pseudo-Isidorianæ decretales pro veris habebantur. Spūrias quidem esse suspectare visus est Joannes Wiclefius (140); nihil tamen aliud nisi odium quo leges pontificias omnes prosequeretur ex ejus argumentis rite colligitur. Primo omnium Nicolao de Cusa (141) († 1464) et, post eum, Joanni de Turrecremata (142) († 1468), ut verisimile est, de veterimorum pontificum decretalium interpolatione suspicio subiit. Collectionem cum semel typis in lucem prodidisset, censura accuratior apprehendit, primo Erasmi, deinde Centuriatorum Magdeburgensium, necnon aliquorum Gallorum, quos inter Dumoulin (143) atque Lecomte, quorum studio de Decretalium adulteratione nulli jam dubio locus est (144). Sed propter Historiæ atque Ecclesiæ jurium inscitiam, quanto magis propter exortas, tunc temporis, apud Germanos de fide controversias, simul ac serpentes jam apud Francos Gallicanas opiniones, detectam nuper adulterationem hostili modo interpretati sunt. Collatorem mendacii reum, atque Ecclesiæ institutum, imprimis pontificis primatum nulli alii nisi Pseudo-Isidori scriptis, fundamento niti veluere. Quo factum est ut, ad impugnanda divina Ecclesiæ fundamenta, perversis simul ac dolosis viris ipse inscius arma subministraverit. Quod si revera Ecclesiæ astruendæ causa laborem subiit, de illius inutili opere ad hanc usque diem merito dolet Ecclesia (145).

Ineunte sæculo decimo septimo interpolatio jam negari nequibat. Valuit quidem Jesuita Franciscus Torrea Pseudo-Isidorum ab hæreseos criminatione liberare (146), minime vero Decretalium authenticitatem astruere. Imo ansam præbuit Calvinistæ Blondello (147), qui, docta admodum et acerba confutatione, adulteratas esse Decretales invictis argumentis demonstravit, et e quibus hauserit Pseudo-Isidor, fontes patefecit.

Multo igitur inaniori conatu Bonaventura Malvasia (148), ordinis S. Francisci, in comprobanda Decretalium authenticitate iterum desudavit, quam doctiores catholici scriptores adhuc diligentiori quam Blondellus critice labefactabant (149). Quos inter, nullo repugnante, principes exstiterunt fratres Ballerini, presbyteri Veronenses, quibus, inter recentiores, se Walterus haud imparem exhibuit (150).

His et similibus doctorum investigationibus præsentem materiam penitus exploratam, aliasque permultas de Pseudo-Isidori fontibus, ætate, patria, magni momenti quæstiones definitas habes. Quandiu vero deerit nova e manuscriptis accurate desumpta editio, nonnullorum quæsitum enodatio desiderabitur, si tamen enodari ullo modo valeant.

Præcipua a recentioribus criticis detecta documenta spectant ad fontes, unde hausit Pseudo-Isidorus (151), et ad modum quo adulteratio successit. Permultorum spuriorum actuum, qui, ante Pseudo-Isidori tempora, in omnium oculis versabantur (152), V. G. Constantinianæ donationis, eum auctorem haud esse per se patet. Inde probabiliter tenetur spurias decretales non simul sed progressu temporis in lucem editas (153), aliasque nonnullas ignoti auctoris Pseudo-Isidorum ætate pariter præcessisse. Accedit quod ejusmodi decretalium et Græca manuscripta circumferebantur (154).

Attamen, quia ex suppositis Decretalibus non paucæ Pseudo-Isidoro tribui nequeunt, non ideo ab omni interpolationis labe eximitur, tantummodo magis a culpa distat. Sed adsunt et alia quædam non minoris ponderis argumenta, quæ probatur Pseudo-Isidoro odii vel fraudis notam, inde a sæculo sextodecimo, immerito a pluribus fuisse illatam. Rem enim aliter se habere luce clarius est, si concedatur, quod negari nequit, ipsam Decretalium summam a vero non abesse (155). Permultis siquidem, quas posterioris ætatis pontificis reipsa edidit, nonnisi antiquiorem diem collector addixit, aliaque prioribus sæculis edita et traditione accepta documenta ac Decretalium formam docte redegit. Non igitur districtiori collector appeten-

fuisse Ecclesiæ disciplinam.

(140) Blasco, loc. cit., pag. 33.

(141) Vid. sup. ill. Haas, in Freiburger Kirchenlexicon Bd. 2, pag. 47 et seqq.

(142) Scripto titulus erat: *Nuntius veritatis David Blondello missus*. Rom. 1635. 8. — Eo sensu et cardinalis d'Aquirre scripsit (*Conc. Hisp.* tom. I).

(143) Conf. Zaccaria, loc. cit., pag. 298.

(144) Hac de re et Knust docte disputavit; quem optime recensuit Rosshirt, loc. cit., pag. 9.

(145) Conf. Blondell, loc. cit. proleg. cap. 12. — Knust. l. c. p. 16. — Walter. l. c., § 98, in notis.

(146) Vide testim. secundum Ballerini, apud Walter. l. c., § 95, p. 185, not. o. — Richter l. c., § 69, n. 1.

(147) Conf. Zaccaria in den Kritischen Jahrbüchern für deutsche Rechtswissenschaften. Jahrg. 1846, p. 822.

(148) Conf. Rosshirt loc. cit., p. 8 et 44, 47, 48.

(149) Rosshirt loc. cit., p. 56.

(140) Dicebat: « Decretales epistolæ sunt apocryphæ et seducunt a Christi fide, et clerici sunt stulti qui student eis. » — Confer Blasco, loc. cit., cap. 5, p. 30. — Ballerini, loc. cit., p. iv, c. 6, § 1, n. 2.

(141) De concord. cathol. lib. iii, cap. 5: illo fortasse prior fuit Dominicanus Katteisen. — Vid. Blasco loc. cit., p. 32. — De epist. Clement. jam Petro Comestori dubium subierat.

(142) Summa Eccl. lib. ii, cap. 101. — Vid. sup. ill. Just. Fontiniani, Præf. ad Joan. de Turrecrem. Gratiani Decret. lib. v. — Dux in Freiburger Lexicon. Bd. 5, p. 742 et seqq.

(143) Decret. c. l. 1554, ad c. 2, D. 22. — Conf. Walter, loc. cit., § 96, p. 190, n. g.

(144) Richter, De emend. Gratiani (Lips. 1855), p. 26.

(145) Pergraves inter catholicos scriptores sentiebant universam a Pseudo-Isidoro immutatam



us est sententia quam ii, quorum opera apostolorum canones et constitutiones nobis innotuere. Præcipuum conscribendo libro materiem ministrarunt historica per totam Ecclesiam tunc temporis diffusa Rufini et Cassiodori opera, necnon vitæ summorum pontificum, de quibus disserebat Liber pontificalis (156), ejus non semel ipsa et nonnisi ipsa verba apud Pseudo-Isidorum leguntur (157). Præter hæc fontes illi fuere Scriptura sacra, opera Patrum, conciliorum dicta, et, quo utebantur Wisigothi, Romani juris breviarium.

Patet ergo Pseudo-Isidorum multa tum apocrypha quæ in promptu erant documenta, tum incertorum auctorum Decretales adhibuisse. Nullam videtur ex propriis, sed tantum ex aliunde ascitis Decretalem conscripsisse (158). Fraus, si qua latet, non ideo tibi probetur; sed, ut de ea æque statuas, ad tempus quo irrepsit attendas oportet. Quam multa ex apocryphis fontibus, non tam ad decipiendos animos quam ad stabiliendam aliquam veritatem documenta tunc prodire (159)!

Wisigotho idiomate edita Romani juris interpretatio, quam sequitur Pseudo-Isidorus, totam collectionem ex Hispania vel Gallia oriundam non obscure indicat. Quæ opinio nullis a Pontificali, quo tum Angli, tum Galli utebantur (160), Libro desumptis argumentis infirmatur (161). Hispani scriptores, qui de divo Isidoro tanquam suo gloriantur, iis vehementer adversantur qui impudentissimum deceptorem, quem non puduit sancti viri nomen usurpare, in Hispaniis natales habuisse contendunt (162). Sed ad quid tam operosus labor? Manuscriptorum Gallicæ originis manifesta vestigia (163), idiotismi, allatæ nonnisi a Gallicis auctoribus spurie decretales, nonne palam faciunt Francorum regnum Pseudo-Isidoro natale solum exstitisse (164)? Qui fit igitur ut novissimis adhuc temporibus fautores habuerit (165) absurda illa in odium sanctæ Sedis a Febronio (166) prolata hypothesis, juxta quam collectio septimo jam sæculo integra viguisset? (167.) Attamen concilium Parisiense (an. 829) collectori nostro obviam fuisse nemo non videt. Et nonne ex eo quod prima sollemnis Pseudo-Isidori in synodo Chiersiensi (168) (an. 857) mentio facta sit, illius modo quodam generali ætate colligis? Utrum collector ex Aquisgranensi concilio, aut concilium ex auctore quid desumpserit controvertitur (169). Primum a vero eo minus distat (170) quod studium, quorum de singulis quibusque ad primates spectantibus disputat, vix aliter quam restituta, anno 844, primatiali Metensi sede (171) explicari queat. Cum alias non minus probabile sit Pseudo-Isidorum tractatus de chorepiscopis (172) a Rabano Mauro (173), intra annos 845 et 849, editi non insecum fuisse, laudatusque abbas et archiepiscopus spurias decretales penitus ignoraverit, collectio nonnisi mediante sæculo nono absoluta fuisse merito creditur.

Vouëre nonnulli collectionem Mogunticæ conflata (174-75). Sed hæc opinio inde refellitur quod Rabano Mauro, qui defuncti Otgarii in se le Moguntina successor fuit, Pseudo-Isidorus ignotus fuerit. Non quidem negatur Moguntinum levitam Benedictum in sua, intra annos 840 et 847, edita Capitularium collectione Pseudo-Isidoricis non absimiles sententias protulisse, imo affirmasse sua dicta e conscriptis a Riculpho super jus canonicum schedulis desumpta; quæ schedulæ in Moguntiacensis Ecclesiæ serinio olim recondite, postea ab Otgaro inventa sunt. Sed levitæ Benedicti et Pseudo-Isidori sententiæ non adeo concordant ut alias ab aliis dignosci nequeant (176), cum ambo, licet principiis discrepent, ex eodem potuerint fonte haurire. Cæteroquin non defuere nostro tempore qui, renovata oblitterata dudum hypothesi (177), dicerent archiepiscopum Otgarium ipsum esse auctorem, Benedictum vero nonnisi curatorem operis; quibus repugnant non levis ponderis argumenta (178).

Si quis vero ad ea respicere velit quæ supra diximus et e quibus eruitur Pseudo-Isidorum fuisse Franco

(156) Editus a Bianchini, Rom. 1718, 4 vol. in fol. Muratori Rerum Ital. Script. tom. III, p. 1, Mediol. 1723. — Joann. Vignoli 5 vol. Romæ, 1724. — Conf. Ciampini Examen lib. Pont. Romæ, 1688. — Devoti Juscian. univ. Prol., cap. 18, § 23, not. 5. (Tom. I, p. 370.) — *Les origines de l'Eglise romaine*, chap. 9, p. 520, chap. 10, p. 338.

(157) V. g. Anastas. I ep. ad episc. Burg. Vid. Walter loc. cit., § 97, p. 196, not. a.

(158) Hefele loc. cit., p. 592.

(159) Rosshirt. loc. cit., p. x, n. 2.

(160) Conf. Bunsen. Beschreib. der Stadt Rom. p. 208.

(161) Sicut fecit Eichhorn, cui contradicit Walter loc. cit., § 192, not. r. — Confer. Knust. loc. cit., p. 8. — Kunstmann, Remedius von chur.

(162) De la Serna loc. cit., § 6, n. 140 sqq.

(163) Invicti argumenti loco esset si probaretur, quod insinuat Richter, Pseudo-Isidorum vulgata editione, quam recognovit Alcuinus, usum esse.

(164) Conf. Ballerini p. III, cap. 6, n. 14, pag. 541 et seqq. — Walter § 97, p. 191, 192. — Richter § 70, p. 126. — Wasserschleben p. 42 et seqq. Hefele pag. 607. — Item Mohler p. 571 et seqq.

(165) Vide Theiner et Eichhorn, quorum verba supra citata; contra quos Walter loc. cit., § 97, p. 192, not. r et s, pag. 192, not. x. Richter loc.

cit., § 70, not. 9. — Wasserschleben pag. 44 et seqq. — Hefele pag. 609.

(166) De quo scripsit Zaecaria, p. 288: « Ma quale impostura più nera, più maligna di tutte le Isidoriane e quella di Febronio, il quale ha l'impudenza di affermare che quella Raccolta fosse uscita in Roma. »

(167) Vide contra Wasserschleben, pag. 55.

(168) Apud Pertz, Mon. Germ. hist., t. III, pag. 452, et Hardouin Conc. t. V, col. 118.

(169) Sicut sentit Wasserschleben, et longe ante sensit Daude, *Hist. univers., réflex.* 10 in c. 2 lib. III.

(170) Vide Knust pag. 38-40. — Kunstmann Fragmente p. 250. — Remedius von chur. p. 11.

(171) Cf. Walter l. c., § 97, p. 194; § 98, p. 198, not. m.

(172) Chorepiscopis Pseudo-Isidorus vehementer adversatur. Vide Kunstmann, Fragmente p. 258. Bonner Kirchenlexikon Bd. 4, p. 691.

(173) Vid. sup. ill. Kunstmann: Rabanus Maurus. Historische Monographie. Mainz, 1841.

(174-75) Kunstmann, Fragmente p. 254.

(176) Vide præfationem Benedicti Levitæ.

(177) Quam jam Blasco defendit cap. 6, p. 44, et inter recentiores, Wasserschleben docte et acute. — Conf. Gfrörer pag. 42. Vide notam sequentem.

(178) Collata apud Hefele, p. 628, qui tamen hypothesi aliquo modo favet, p. 653.

ortum genere, duo occurrunt quæ fidem faciunt memoratum librum in occidentali Caroli Calvi (179) regni parte primum in lucem prodixisse; videlicet quod veterrima manuscripta Franco idiomate edita sint, et quod illic Pseudo-Isidorus primo citatus reperitur. Imo si concederetur, — quod tamen in sensu quo communiter res accipitur concedi nequit, — auctorem eo consilio scripsisse ut metropolitanam impugnaret potestatem, certe Rothadum Suessionensem (180) Pseudo-Isidoro ope adfuisse vix ullus non libenter admitteret (181).

Qua in re quisque in suo sensu abundet. Id autem notatu dignum videtur quod hypothesis quæ collectionis Pseudo-Isidorianæ auctorem Otgarium fingit, nullis nitatur argumentis, nisi forte quod Moguntinus episcopus hierarchicæ faverit potestati (182). In hoc vero nullius quidem momenti negotio maxime desudarunt critici, quodnam nempe fuerit Pseudo-Isidori in conscribendo opere genuinum propositum. Qui de industria decipere voluisset, is et a qualibuscunque mediis etsi pessimis non abhorruisset papalia promovere jura, conciliorum impugnare auctoritatem, favere primatibus. Metropolitam deprimere, oppresso a laicis consulere clero (183), illi vicissim scopo fuisset. Quidquid a Pseudo-Isidoro quilibet criticus eruere intenderet, hoc et eruebat, unde patet quam recte de se ipso auctor prædicarit, « se episcopis et clero et laicis perutile, et universam complectens Ecclesiæ disciplinam, opus scribere velle. » Quod et revera habita de Ecclesiæ tunc temporis in Francorum regno statu ratione, pro suo modo perfecerat, cum ea quæ in ecclesiasticarum legum codicibus deficiebant, e recentioribus fontibus, quos tamen non penitus perspectos habuit (184), supplenda esse existimaret. In quo labore, prout notatum est, Libri Pontificalis eloquia ipsi et fundamento et regulæ fuere (185).

Denique non defuerunt docti qui nauseabile de Joanna papissa (186) commentum inter et Pseudo-Isidorianam collectionem, quamdam affinitatem latuisse suspicarentur. Sincerum esse mere figmentum rati, spuriarum decretalium collectionem papissæ fictæ spuriæ filii typo allegorice designari opinantur (187). *Quisque in suo sensu abundet* (188).

#### AUCTORES DE PSEUDO-ISIDORIANA COLLECTIONE CONSULENDI.

- Ecclesiastica historia Centuriatorum Magdeburgensium*, tom. II, cap. 7; tom. III, cap. 7.  
 FR. TURRIANUS, *Adversus Magdeburgenses centuriatores pro canonibus apostolorum et epistolis decretalibus Pontificum apostolicorum* Libr. v. Florent., 1572; Colon., 1573, in-4.  
 BLONDELLUS, *Pseudo-Isidorus et Turrianus vapulantes*. Genev., 1628, 1635, in-4.  
 VAN ESPEN, *De collectione Isidori vulgo Mercatoris* (Comment. in canones et decreta juris veteris. Opp. tom. III).  
 BALLERINI, *De antiquis collectionibus*, p. III, cap. 6. (Gallandi, *Sylloge*, tom. I, p. 528 sqq.)  
 BLASCOUS, *De collectione canonum Isidori Mercatoris*. (Gallandi, *loco citato*, tom. II, p. 1 sqq.)  
 ZACCARIA, *Antifebronio*, tom. I, dissert. III, cap. 3-5. (Edit. Pesarij, p. 283 sqq.)  
 SPITTLER, *Geschichte des kanonischen Rechts bis auf die Zeiten des falschen Isidor*. Halle, 1778, S. 243 u. ff.  
 MARCHETTI, *Saggio critico sopra la storia di C. Fleury*. Roma, 1781.  
 ANTON. TREINER, *De Pseudo-Isidoriana canonum collectione*. Vratisl., 1827. BIENER, *in der Krit. Zeitschr. für Rechtswissenschaft*, Bd. 5, Heft 1.  
 KNUST, *De fontibus et consilio Pseudo-Isidor. Collect.* Gott., 1852, in-4.  
 MOHLER, *Fragm. aus und über Pseud.-Isid.* (Tüb. Quartalsch., 1829, 32.—Vermischte Schrif. Bd. 1, S. 285.)  
 EICHORN, *Die Spanische Sammlung*.  
 WASSERSCHULEN, *De patria decretalium Pseudo-Isidor.* Vratisl., 1845. *Beiträge zur Geschichte der falschen Decretalen*. Breslau, 1844.  
 KUNSTMANN, *Fragmente über Pseudo-Isidor.* (Neue Sion, Jahrg. 1845, N. 52 u. ff.) — *Pseudo-Isidorische Sammlung im Bonner Kirchenlexikon*, Bd. 4, S. 689 u. ff.  
 HEFELE, *Ueber den gegenwärtigen Stand der Pseudo-Isidor. Frage.* (Tüb. Quartalschr., 1847, S. 583 u. ff.)  
 GEROKER, *Untersuchung über Alter, Ursprung, Zweck der Decretalen des falschen Isidorus*. Freib., 1848. (*Geschichte der ostund westfränkischen Carolinger*, Bd. 1, S. 71 u. ff; S. 210.) S—r in der *Hall. Allg. Zeit.*, Jahrg. 1849, N. 277 u. ff.  
 ROSSHIRT, *Zu den kirchenrechtlichen Quellen des ersten Jahrtausends, und zu den Pseudo-Isidorischen Decretalen. Mit besonderer Rücksicht auf noch nicht bekannte Handschriften.* Heidelb., 1849. (Vergl. Gengler, *Deutsche Rechtsgeschichte im Grundrisse*. Erlang., 1850, § 422 u. ff.)  
 WALTER, *Kirchenrecht*, § 95-98. — RICHTER, *Kirchenrecht*, §§ 24, 69, 70.

(179) Cf. Kunstmann p. 254. Hefele p. 651-656.  
 (180) Nonnisi casu evenit, ut de Rothado supersit documentum, in quo se peccatorem dicit.  
 (181) Sed et Glörer, etsi spurias Decretales Moguntinæ ortas temerit, Pseudo-Isidoricam Collectionem a Rothado absolutam fuisse sentit.  
 (182) Conf. Walter § 97, p. 195, not. y.  
 (183) Walter adnotat, p. 197, not. f, merito ad-  
 jungi posse: « Pietatem augere, perficere Christianos mores, divinum ordinare cultum, res Ecclesiæ in tuto ponere. De his enim omnibus multo et gravi sermone agitur ex spuriis Decretalibus. » Hefele

pag. 595, de variis quæ Pseudo-Isidoro ad conscribendum opus incitamento exstiteret.  
 (184) Rosshirt, p. 19.  
 (185) Dollinger, *Lehrbuch der Kirchengeschichte* Bd. 2, p. 46.  
 (186) Blasco, *loc. cit.*, cap. 16, p. 153 et seqq. — *Geschichte der Karolinger*, Bd. 1, p. 288. — *De ipso commentario*. Haas in *Freiburger Kirchenlexikon* Bd. 5, p. 705 et seqq.  
 (187) Vid. sup. ill. Rosshirt, p. 60 et seqq.  
 (188) Devoti § 5, p. 358, hypothesis non penitus adversatur.



# ISIDORI MERCATORIS COLLECTIO DECRETALIU.

(Apud Merlitum, Collect. Concil., Coloniae 1530.)

## JACOBI MERLINI DOCTORIS EPISTOLA NUNCUPATORIA.

Reverendissimis in Christo Patribus et dominis meis præstantissimis STEPHANO et FRANCISCO PONCHERIIS, Senonensis et Parisiensis Ecclesiæ præsulibus circumspectissimis, JACOBUS MERLINUS doctor theologus, S. P. D.

Sacrosanctorum conciliorum orthodoxorumque pontificum instituta, quæ partim dudum beatus Isidorus in unum comportaverat, partim tu, reverendissime Pater, plumbo obfirmata publicanda dedisti, in unum referre volumen non dissimulavi, conducibilis reipublicæ nihil fore existimans, quippe cum tam copiose tamque catholice singula quæ aut ad atterendos mortalium errores, aut ad instaurandum jam prope collapsum orbem præseferant, ut facile nunc quisque ad manum habeat unde hæreses et hæreticos jugulet, elatos deprimat, voluptuosos defatiget, excitet torpentes, exinaniat ambitiosos, vulpes capiat parvulas vineam ecclesiasticam demolientes. Si igitur posthac monstra a republica arcere pellereque quispiam contendat, quid præstantius lapidibus David, quos hic Jordanis copiosissime subministrat? Si item votis esurientium satisfacere tentet, quid copiosius suaviusque opibus quas hæc de remotissimis oris veniens navis attulit? Si vero semitam et veritatis splendorem concupiscat, ex quibus optimo jure pellantur errorum tenebræ, et procul abeant cum suis auctoribus, quid apertius Patrum parentumque sententiis, quas impellente sancto Spiritu in hunc acervum comportarunt? Ille nempe, velut ex prato floribus universis pleno, facile colliguntur quæcunque ad rem conferunt ecclesiasticam, quæcunque ad comprimenda vitia extinguendosque concupiscentiæ ardores conducunt. Ille præstantissima margarita mox, si paululum effoderis, occurret. Ille quoscunque dæmon suscitavit hæreticos, jugulatos, confossos, prostratosque intueberis. Ille rituum atque orthodoxæ Ecclesiæ sacramentorum osos, plagis impositis, semimortuos agnosces. Ille quo Sponsi Ecclesiæ jura tuearis, hic sponsæ libertates, et quæcunque reliqua quæ ad pacificum convictum hominum conspirant, facile depromes. Ille velut ad petram parvuli Novatus Helchesaite, Sabellius, Cerinthus, Nepotianus cum Paulo Samosateno eliduntur. Ille scintilla Arianæ perfidie, ne magnum tandem præberet incendium, Photinus, Eunomius, Hebion, Montanus prisca emoriuntur. Ille velut condensissima silva latitant orthodoxi, qui, instar ursorum, Pelagium, Apollinarem, Priscillianum, Nestorium et Cataphrygas, cum filiis Hierico laniant lacerantque. Ille Eutyches Manichæus, Acephali, Dioscorus et Theodorus prosternuntur. Ille Severus Aquilegiensis gladio Phinees jugulatur. Ille Monothelitæ mandibula asini dejiciuntur. Ille Sergius, Pyrrhus, Macharius, velut vulpes parvulæ tenentur. Ille Hussitæ perfidi, Wiclefistæ insani, et Bohemi apostatæ atque schismatici, cum sua tota posteritate, ut singularis fetus, perpetuo feriuntur anathemate. Ille regum et imperatorum tyrannis velut chamo et freno reprimitur. Ille præsulum et pontificum luxus coarguitur. Si dissentiant principes, hic sincera pax latitat. Si de primatu disceptent præsules, hic magni consilii angelus præficiendum cæteris patefacit. Si pestilens zizania agrum Dominicum labefactare incipiat, mox pater excitatur evangelicus, qui in fasciculos, incendio dandam, colligere præcipiat, quorum vim atque conditionem si semel degustaverint auctoritates illæ supremæ, principum scilicet et pontificum, ecclesiasticam mox excitabunt potestatem, quæ dudum a Basiliensi concilio toties commonita, vires resumere non valuit, excitata tandem brachium vibravit, nec prius ab instituto manus revocabit, donec olim perditam drachmam (veritatem dico vitæ doctrinæ, et justitiæ) invenerit. Cum itaque ex hujusmodi argumentis tam copiosum utileque reipublicæ antidotum expectetur, vobis reverendissimis Patribus, qui verissimam cicatricem Christi tenetis, supremisque studiis sanctam Hierusalem, sponsam Christi electissimam, restituere illustrareque, pulsus omnibus errorum fucis, contenditis, hunc nostrum tantillum laborem per vos reipublicæ offerendum, dignum duxi: non parum mercedis me assecuturum existimans, modo ex alumno vestro (cujus animum vix humeri sufferunt) qualibascunque studiis (velut mel

de petra, et oleum de saxo durissimo) argumenta proferatis, quibus a Gallorum sedibus pellantur hæreses, refloreat veritas, inanesque, et nullius momenti contentiones evanescent. Accipite igitur, optimi patres, has nostras lucubrationes rei ecclesiasticæ, imo et toti orbi mea sententia profuturas, unde docti pariter et indocti in promptu habeant quo delectentur; quo se item adversus pestilentes, nescio quorum hominum rabies, juvent, protegant, tueantur; quo item cessent pariter et amputentur singula errorum seminaria, cedant bella paci, unioni schismata, veritati error: et luceat veritatis lumen in Sion, et agnoscatur verus zeli caminus in Hierusalem, Christus scilicet, qui ventis procellisque, rursus atque iterum utinam imperet

## ORIGO CONCILIORUM GENERALIUM.

*Quo tempore concilia celebrari cœperunt, et de quatuor conciliis.*

Canones generalium conciliorum a temporibus Constantini corperunt. In præcedentibus namque annis, persecutione sævient, docendarum plebium minime dabatur facultas; deinde Christianitas in diversas hæreses scissa est, quia non erat licentia episcopis in unum convenire nisi tempore supradicti imperatoris. Ipse enim dedit facultatem Christianis libere congregari. Sub hoc etiam sancti Patres in concilio Nicæno de omni orbe terrarum convenientes juxta fidem evangelicam et apostolicam secundum post apostolos Symbolum tradiderunt. Quatuor autem principalia esse concilia ex quibus plenissimam fidei doctrinam tenent Ecclesiæ tam de Patris, et Filii, et Spiritus sancti divinitate, quam prædicti Filii et Salvatoris nostri incarnatione. Prior harum Nicæna synodus est trecentorum decem et octo episcoporum, sub Constantino Augusto imperante peracta, in qua Ariana perfidiæ blasphemiam condemnata, quæ inæqualitatem sanctæ Trinitatis idem Arius assererat, consubstantialem Deo Patri Dei Filium eadem sancta synodus per symbolum definivit. Secunda synodus est centum quinquaginta Patrum, sub Theodosio seniore Constantinopoli congregata, quæ Macedonium, Spiritum sanctum Deum esse negantem, condemnans, consubstantialem Pa-

tri et Filio eundem Paraclitum demonstravit, dans latius symboli formam, quam tota Græcia et Latinitas in Ecclesiis prædicat. Tertia synodus est Ephesina prima ducentorum episcoporum, sub juniore Theodosio Augusto edita, quæ Nestorium duas personas in Christo asserentem justo anathemate condemnavit, ostendens manere in duabus naturis unam Domini nostri Jesu Christi personam. Quarta synodus est Chalcedonensis sexcentorum triginta sacerdotum, sub Martino principe habita, in qua Eutychem Constantinopolitanum abbatem Verbi Domini et carnis unam naturam pronuntiantem, et ejus defensorem Dioscorum quondam Alexandrinum episcopum, et ipsum Nestorium cum reliquis hæreticis una Patrum sententia prædamnavit, prædicans eadem synodus Christum Dominum sic natum de Virgine, ut in eo substantiam et divinæ et humanæ confiteamur naturæ. Hæ sunt, ut prædiximus, quatuor principales, et venerabiles synodi fidem catholicam complectentes. Sed et si quæ sint concilia quæ sancti Patres Spiritu Dei pleni sanxerunt, post istorum quatuor auctoritatem omni manent stabilita vigore. Quorum etiam gesta in hoc corpore condita continentur.

*Item de synodis principalibus, quibus in locis, quibus pro causis, quibus temporibus, quibus auctoribus celebrata sint.*

Prima synodus in Nicæa trecentorum decem et octo Patrum contra Ariam, Alexandrinum presbyterum, qui tres gradus in Trinitate assererat, Patrem scilicet majorem, Filium minorem, Spiritum sanctum creaturam, temporibus Constantinii principis, Silvestri papæ Romani, Macharii Hierosolymitani, Alexandri Constantinopolitani, qui condemnata hæresi statuerunt canones viginti. Quorum auctor maxime præfatus sanctus Alexander episcopus fuit. Secunda in Constantinopoli centum quinquaginta Patrum contra Macedonium Constantinopolitanum episcopum, qui negabat Spiritum sanctum Deum esse, temporibus Gratiani et Theodosii principum, Damasi papæ Romani, Cyrilli Hierosolymitani, Nectarii Constantinopolitani, qui, condemnata hæresi, statuerunt canones tres. Quorum maxime auctor Nectarius Constantinopolitanus fuit. Tertia in Epheso ducentorum Patrum contra Nestorium Constantinopolitanum episcopum, qui dicebat beatam virginem Mariam non Dei, sed hominis tantummodo genitricem, ut aliam personam carnis, aliam faceret divinitatis, temporibus Theodosii Magni principis, Celestini papæ Romani, Juvenalis Constantinopolitani, Cyrilli Alexandrini. Qui duodecim capitula contra Nestorii blasphemias, totidem capitula, auctore eodem sancto Cyrillo, anathematizando conscripse-

runt. Quarta in Chalcedone sexcentorum triginta Patrum, contra Eutychem Constantinopolitanum abbatem qui assererat Christum post humanam assumptionem non ex duabus naturis existere, sed solam in eo divinam naturam permanere, temporibus Martiani principis, Leonis papæ Romani, Juvenalis Hierosolymitani, Anatolii Constantinopolitani. Qui condemnata hæresi statuerunt canones viginti septem, quorum auctor maxime idem sanctus Anatolius Constantinopolitanus episcopus fuit. Quinta Constantinopoli contra Theodorum Mopsuestenum, et omnes hæreticos. Qui Theodorus dicebat alium Deum esse Verbum, et alium Christum, et sacram Virginem Mariam negabat Dei genitricem fuisse, temporibus Justiniani principis, Vigili papæ, Domini Antiocheni, Eutychii Constantinopolitani, qui quatuordecim capitula anathematizando scripserunt contra Theodori et sociorum ejus blasphemias. Sexta in Constantinopoli, centum quinquaginta Patrum contra Macharium Antiochenum episcopum et socios ejus, qui unam voluntatem et operationem in Christo falsa suspitione astruebant, temporibus Constantinii principis, Agathonis papæ Romani, Georgii Constantinopolitani. Qui condemnata hæresi anathematizando scripserunt octa capitula.

*Item adnotatio synodorum quarum gesta in hoc codice continentur*

Prima adnotatio Aquitanæ synodi, qui ante Nicænam fertur fuisse, sed propter auctoritatem ma-

jorem postponitur: in qua Patres octodecim statuerunt canones viginti quatuor. Quorum auctor



maxime Vitalis Antiochenus episcopus exstitit. Secunda Neocesariensis, quæ post Aquitanam et Nicænam legitur fuisse, in qua Patres sedecim statuerunt canones quatuordecim, quorum auctor maxime Vitalis Salaminus exstitit. Tertia Gangrensis, quæ post Nicænam legitur fuisse, in qua Patres sedecim statuerunt canones viginti unum propter quasdam necessitates ecclesiasticas, maxime contra Eustachium, qui dicebat quod nullus in conjugali ordine positus, nec ullus fidelis qui non omnibus renuntiaret quæ possideret, spem apud Dominum haberet, et multa alia venenosa, quæ enumerare longum est. Quarta Sardicensis, in qua Patres quadraginta statuerunt canones viginti unum, quorum auctor maxime Osius Cordubensis episcopus, et Vincentius Capuanus episcopus, et sanctæ Romanæ Ecclesiæ legatus exstiterunt. Quinta Antiochena, in qua Patres triginta statuerunt canones viginti quinque, quorum auctor maxime Eusebius Palæstinensis episcopus exstitit. Sexta Laodicensis, in qua Patres viginti duo statuerunt canones quadraginta novem, quorum auctor maxime Theodosius episcopus exstitit. Septima Carthaginensis, in qua Patres ducenti decem et septem, statuerunt canones triginta tres, quorum auctor maxime Aurelius Carthaginensis episcopus exstitit. Etiam sanctus Augustinus Hippo-nensis episcopus in eadem synodo legitur fuisse temporibus Honorii Augusti. Octava Africana sub Theodosio minore Augusto, in qua Patres ducenti quatuordecim recitaverunt et firmaverunt canones centum et quinque qui per diversa concilia Africa-

nae provinciæ, temporibus Aurelii Carthaginensis episcopi, leguntur esse conscripti. Nona Arelatensis, in qua Patres statuerunt canones, etc., quorum auctores maxime Silvester urbis Romæ episcopus, et sanctus Marinus Arelatensis episcopus exstiterunt, temporibus Constantini Augusti, sicut quidam asserunt. Decima item Arelatensis, in qua Patres novemdecim statuerunt canones, quorum auctor maxime sanctus Cæsarius Arelatensis episcopus exstitit. Undecima item Arelatensis, in qua Patres sedecim statuerunt canones. Duodecima item Arelatensis, in vico Ortinsico, in qua Patres undecim statuerunt canones, quorum maxime auctor sanctus Cæsarius Arelatensis episcopus exstitit. Tertia decima item Arelatensis, in qua Patres novemdecim statuerunt canones, quorum auctor maxime Sapardus Arelatensis episcopus exstitit. Quarta decima Arausicensis, in qua Patres sedecim statuerunt canones, quorum auctor maxime Hilarius episcopus exstitit. Sexta decima Agathensis, in qua Patres triginta quatuor statuerunt canones, quorum auctor maxime Cæsarius episcopus exstitit. Septima decima Aurelianensis, in qua Patres septuaginta duos statuerunt canones, quorum auctor maxime Aurelius Arelatensis episcopus exstitit temporibus Clodovici regis. Octava decima item Aurelianensis, in qua Patres triginta unum statuerunt canones, quorum auctor maxime Melanius Redensis episcopus exstitit. Nona decima item Aurelianensis, in qua Patres viginti tres statuerunt canones, quorum auctor maxime sanctus Albinus Andegavensis episcopus exstitit.

## INCIPIT EPISTOLA AURELII CARTHAGINENSIS EPISCOPI

AD DAMASUM PAPAM.

Reverendissimo papæ DAMASO AURELIUS Carthaginensis episcopus.

Gloriam apostolicæ sedis et vestræ sublimitatis gratiam nostra humilitas exorat ut statuta quæ reperire poteritis post finem beati principis apostolorum Petri usque ad vestræ sanctitatis principium, juxta apostolicæ sedis auctoritatem, quam cognovimus per vestræ sapientiæ sanctitatem gubernari,

## RESCRIPTUM DAMASI AD AURELIUM CARTHAGINENSEM EPISCOPUM.

Beatissimo fratri et coepiscopo AURELIO DAMASO. Scripta sanctitatis tuæ debita veneratione suscepimus, in quibus sitire venerationem ac prudentiam tuam apostolica instituta (ut dignum erat) cognovimus. Quæ de re quædam ex his quæ petisti misimus, et quædam adhuc cum iterum miseris, mittere cupimus. Nullum tamen a beati Petri principis apostolorum fine prædecessorum nostrorum prætermisimus, de quorum statutis aliquid tibi per Ammonium presbyterum et Felicem diaconum sub certis signaculis non mitteremus. Quæ te et custodire optamus, et aliis prædicanda ac publicanda mandamus, ut ab omnibus inviolate debita veneratione custodiantur, et inviolate serventur, atque ab omnibus futuris temporibus diligenter venerentur, quia violatores voluntarie canonum graviter a sanctis Patribus judicantur, et a Spiritu sancto (cujus instinctu ac dono dictati sunt) damnantur, quoniam blasphemare Spiritum sanctum non incongrue videntur, qui contra eosdem sanctos canones non necessitate compulsi, sed libenter, ut præfixum est, aliquid proterve agunt, aut loqui præsumunt, aut facere volentibus sponte consentiunt. Talis enim præsumptio manifeste unum genus est blasphemantium Spiritum san-

nobis scripta mittere dignemini. Quatenus per vestræ sanctitatis nobilitatem atque prudentiam nosse valeamus quæ in præfata sancta sede supradictis temporibus sunt decreta, et qui adversus canonum apostolorum instituta gesserunt cognoscantur. Bene valete, sanctissime papa, et orate pro nobis, amantissime pater. Data viii Kalend. Martii, et lecta Romæ Nonas Maii.

etum, quoniam, ut jam prælibatum est, contra eum agit cujus impulsu et gratia iidem sancti editi sunt canones. Diabolica vero nequitia plerosque subtiliter fallere solet, et ita quorundam imprudentiam per similitudinem pietatis sæpissime illudit, ut pro salutaribus nocitura persuadeat. Idcirco norma sanctorum canonum qui sunt Spiritu Dei conditi, et totius reverentia consecrati, fideliter a nobis est scienda, et diligenter tractanda, ne quovis modo sanctorum Patrum statuta absque inevitabili necessitate (quod absit) transgrediamur, sed fidelissime per ea gradientes, cum eis qui eos instinctu condiderunt divino mercedis gloriam, et laboris cumulum eorum meritis auxiliante Domino habere mereamur. His itaque rite deliberatis, et ad ecclesiarum vestrarum notitiam nostra deliberatione perlatis, parere vos eorundem sanctorum canonum regulis summopere convenit, ne in aliquo eis obviare quorundam ignavia faciat, sed vestra sapiens et sana doctrina quæ cupit vos per omnia placere Deo illis cohæredes et comparticipes cœlestis regni in sedibus fideles cooperatores ostendat. Data xvi Kalend. Junii, Gratiano et Cirilio IV consiliis.

## PRÆFATIO ISIDORI IN SEQUENS OPUS.

ISIDORUS servus Christi lectori conservo suo et varenti in Domino fidei salutem.

Compellor a multis tam episcopis quam reliquis servis Christi canonum sententias colligere, et in uno volumine redigere, et de multis unum facere. Sed hoc oppido conturbat, quod diversæ interpretationes varias sententias faciunt, et licet unus sit sensus, diversæ tamen sunt sententiæ, et aliæ longiores, aliæ breviores. Ea vero concilia quæ Græco sunt edita stylo, amplius quam tripliciter aut quadrupliciter interpretata atque conscripta reperimus. Quod si veritas est querenda e pluribus, Græcorum sequamur styllum, eorumque imitemur dictiones atque exemplaria; sin minus, ipsi dicant atque exponant quibus tot sunt exemplaria quot codices. Nobis tamen videtur, cum in nostro discrepaverint sermone, ut unitas, et veritas ab ipsis querenda sit, quorum lingua edita esse noscuntur. Quod et nos fecimus, et sicut a veris eorum reperimus magistros, in volumine cui hæc præponitur præfatiuncula inserere curavimus. Canon autem Græcæ, Latine *regula* nuncupatur. Regula autem dicta quod recte ducit, nec aliquando aliorum trahit. Alii dixerunt regulam dictam vel quod regat, vel quod normam vivendi præbeat, sive quod distortum pravumque quid corrigat. Synodum autem ex Græco interpretari *comitatum* vel *cætum*. Concilium vero nomen tractum ex communi intentione, eo quod in unum omnes dirigant mentis obtutum. Cilia enim oculorum sunt. Unde et qui sibimet dissentiant, non agunt concilium, quia non sentiunt unum. Cætus vero conventus est, vel congregatio a coeundo, id est conveniendo in unum, unde et conventus est nuncupatus, quod omnes ibi conveniunt, sicut conventus, cætus vel concilium a societate multorum in unum.

In principio vero voluminis hujus qualiter concilium apud nos celebratur posuimus, ut qui nostrum ordinem sequi voluerint, sciant qualiter hoc agere debeant. Qui autem hoc agere melius elegerint, faciant quod justo canonicoque atque sapientissimo consilio judicaverint. Denique propter eorum auctoritatem cæteris conciliis præposuimus canones qui dicuntur apostolorum, licet a quibusdam apocryphi dicantur, quoniam plures eos recipiunt, et sancti Patres eorum sententias synodali auctoritate roboraverunt, et inter canonicas posuerunt constitutiones. Deinde quarundam epistolarum decreta virorum apostolicorum interserviimus, id est Clementis, Anacleti, Evaristi et cæterorum apostolicorum, quas potuimus hactenus reperire epistolas usque ad Silvestrum papam. Postmodum vero Nicænam synodum constituimus propter auctoritatem ejusdem magni concilii. Deinceps diversorum conciliorum Græcorum et Latinorum,

sive quæ antea, seu quæ postmodum facta sunt, sub ordine numerorum ac temporum capitulis suis distincta sub hujus voluminis aspectu locamus, subjicientes etiam reliqua decreta præsulum Romanorum usque ad sanctum Gregorium, et quasdam epistolas ipsius in quibus pro culmine sedis apostolicæ non impar conciliorum exstat auctoritas, quatenus ecclesiastici ordinis disciplina in unum a nobis coacta atque digesta et sancti præsules paternis instituantur regulis, et obediens Ecclesiæ ministri vel populi spiritualibus imbuantur exemplis, et non malorum hominum pravitatibus decipiantur. Multi enim, pravitate et cupiditate depressi, accusantes sacerdotes oppresserunt. Ideo sancti Patres leges constituerunt quas sanctos canones appellaverunt. Multi ergo idcirco alios accusant, ut se per illos excusent, aut eorum bonis ditentur. Plerique vero boni Christiani propterea tacent, et portant aliorum peccata quæ noverunt, quia documentis sæpe deseruntur quibus ea quæ ipsi sciunt iudicibus ecclesiasticis probare non possunt, quoniam licet vera sint quædam, non tamen iudicibus credenda sunt, nisi quæ certis indiciiis demonstrantur, nisi quæ manifesto iudicio convincuntur, nisi quæ iudiciario ordine publicantur. Nullus enim qui suis rebus est spoliatus, aut a sede propria vi aut terrore pulsus, antequam omnia sibi ablata ei legibus restituantur, et ipse pacifice diu suis fruatur honoribus, sedique proprie regulariter restitutus ejus multo tempore libere potiatur honore, juxta canonicam accusari, vocari, judicari aut damnari institutionem non potest. Unde et ecclesiastica Historia, ab Eusebio Cæsariensi episcopo confecta, de muliere quadam quæ pro castitate a marito accusabatur ait: « Præceptum, vel interdictum est ab imperatore lege lata, ut primo permetteretur ei rem familiarem libere diutius ordinare, tum deinde responderet objectis. » Hæc omnes leges tam ecclesiasticæ quam et vulgares publicæque præcipiunt.

Horum vero concinnantia si omnia ponerentur, ante delicerent dies, et nimis prolixa fieret epistola. Ex pluribus tamen aliqua hic ad provocationem aliorum inserere judicavimus. Ait namque sanctus Leo Romanæ Ecclesiæ antistes in epistola Chalcedonensi concilio missa, cujus initium est: « Leo episcopus synodo Chalcedonensi. Optaveram quidem, dilectissimi, » et cætera. In qua inter cætera sic testatur dicens: « Quia vero non ignoramus per pravas æmulationes multarum Ecclesiarum statum fuisse turbatum, plurimosque fratres injuste sedibus suis pulsos et in exilia deportatos atque in locum superstitum alios substitutos; his primitus vulneribus adhibeatur medicina justitiæ. Ne quisquam



ita careat proprius, ut alter utatur alienis. Quem A ita errorem omnes relinquant, ut nemini quidem perire honor debeat, sed prioribus episcopis cum omni privilegio suo jus proprium reformetur. Eadem et antiqui apostolici qui fuerunt ante synodum Nicænam sanxerunt. Eadem synodus quæ habita est in Larissa sub Valeriano loquitur. Eadem plurimæ Romanæ synodi testantur, eadem papa Symmachus et cæteri sancti Patres sanxerunt. Quorum statuta prolixitatem vitantes hic inserere distulimus. Si quis autem hæc plenius scire et legere voluerit, suis in auctoribus invenire et legere pleniter poterit. Nobis vero hac in præfatiuncula ista sufficiant. Et sicut militi ex multis armis illa sufficiunt, quæ ferre congruenter super se poterit, sic nobis de multis sententiis una, aut duæ, vel quantum tunc necesse fuerit, sufficiunt, quoniam sicut cum uno telo aut duobus inimicum vincimus, sic cum una aut duabus sententiis auctoritate plenis æmulum superamus. Si enim de mulieribus et sæcularibus hominibus hæc constituta sunt, multo magis ecclesiasticis viris et sacerdotibus sunt concessa. Hæc eadem vero ecclesiastica jura jubent et sæculi leges præcipiunt. Similiter accusatores et accusationes, quas sæculi leges prohibent, canonica funditus repellit auctoritas. Synodorum vero congregandarum auctoritas apostolicæ sedi privata commissa est potestate, nec ullam synodum ratam esse legimus, quæ ejus non fuerit auctoritate congregata vel fulta. Hæc canonica testatur auctoritas, hæc historia ecclesiastica roborat, hæc sancti Patres confirmant.

Scire autem vos volo, octoginta episcopos, qui hoc opus me incipere, et perficere coegistis, et cunctos reliquos Domini sacerdotes oportet, quod plura quam illa viginti capitula quæ apud nos habentur Nicæænæ synodi reperimus, et in decretis Julii papæ septuaginta capitula ejusdem synodi esse debere legimus. Quam epistolam in suo ordine inter cætera decreta apostolicorum posuimus, hæc scrutantibus et cunctis nosse volentibus rimandam. Nam quod plura quam viginti capitula sint Nicæni concilii, in multis invenitur locis. Legitur enim in Constantinopolitano concilio ita: « Manifestum est quod illa quæ sunt per unamquamque provinciam ipsius provincie synodus dispenset, sicut Nicæna constat decretum esse concilio. » Legitur et in epistola Innocentii papæ Vietricio Rothomagensi episcopo directa, ita: « Si quæ causæ vel contentiones inter clericos et laicos, vel inter clericos tam majoris ordinis quam etiam inferioris fuerint exortæ, placuit ut secundum synodum Nicænam congregatis omnibus ejusdem provincie episcopis judicium terminetur, » et reliqua. Sanctæ etiam memoriæ Theophilus Alexandrinus episcopus suis in epistolis meminit in concilio Nicæno statutum esse ut ab viii Idus Martii usque in idem Nonas Aprilis, diebus scilicet 28, qualiscunque luna nata fuerit in quolibet medio spatio, perhibet facere initium primi mensis, quartam decimam vero

a xii Kalend. Aprilis usque in xviii Kalend. Maii solenter inquiri, et si die Sabbatorum inciderit, consequenti die Dominico, id est luna xv, Pascha celebrare conscripsit, et si die Dominico luna xiii ejusdem mensis, id est primi mensis, venerit ipsa hebdomada transmissa in alterum diem Dominicum, Pascha sine dubio celebrare conscripsit. His et aliis quamplurimis exemplis patet plura esse quam viginti Nicæni concilii capitula, et veram esse prædictam Julii papæ epistolam. Nobis autem quidam e consortio fratrum nostrorum Orientales testati sunt se vidisse concilium Nicænum habens potiore quatuor Evangeliorum magnitudinem, continens in se sessiones episcoporum, et introductiones, judiciaque querimoniarum, atque definitiones et constitutiones, necnon et subscriptiones eorum. Ad cujus similitudinem magnum Chalcedonense concilium conscriptum esse confirmaverunt, et demum alia Constantinopoli condita, unum videlicet sub Justiniano imperatore, contra Dei impugnatores Origenem, Didymum, et Evagrium, et aliud temporibus Agathonis papæ et Constantini imperatoris contra Macharium episcopum, et Stephanum ejus discipulum, ac reliquos episcopos, qui pro frumento zizania Ecclesiis seminaverunt, vinum miscuerunt aquæ, et proximo potum dederunt eversione turbida, et tanquam lupi agni simulabant mendacium, et veritas ut mendacium refutabatur.

Nosse etiam oportet (licet certa non infirmantur, quatuor esse principalia concilia ex quibus plenissimam fidei doctrinam tenent Ecclesiæ, tam de Patris, et Filii, et Spiritus sancti divinitate, quam de prædicti Filii et Salvatoris nostri incarnatione. Prior harum Nicæna synodus est trecentorum decem et octo episcoporum sub Constantino Augusto peracta, in qua Ariane perfidiæ blasphemia condemnata, qua inæqualitatem sanctæ Trinitatis idem Arius asserebat, consubstantiali Deo Patri Deum Filium eadem sancta synodus per Symbolum definivit. Secunda synodus centum quinquaginta Patrum, sub Theodosio seniore Constantinopoli congregata, quæ Macedonium, sanctum Spiritum Dominum esse negantem, condemnans, consubstantiali Patri et Filio eundem Paracletum demonstravit, dans latius Symboli formam, quam tota Græcia et Latinitas in Ecclesiis prædicant. Tertia synodus est Ephesina prima ducentorum episcoporum, sub minore Theodosio Augusto edita, quæ Nestorium duas personas in Christo asserentem justo anathemate condemnavit, ostendens manere in duabus naturis unam Domini nostri Jesu Christi personam. Quarta est synodus Chalcedonensis sexcentorum triginta sacerdotum, sub Martino principe habita, in qua Eutychem Constantinopolitanum abbatem Verbi Dei et carnis unam naturam pronuntiantem, et ejus defensorem Dioscorum quondam Alexandrinum episcopum, et ipsum rursum Nestorium cum reliquis hæreticis una Patrum sententia prædamnavit, prædicans eadem synodus Christum Dominum sic natum de,

Virgine, ut in una substantia divina et humana A vigore. Primo quidem ordo, ut prædictum est, de continetur naturæ. Hæ sunt, ut prædiximus, quatuor principales et venerabiles synodi, fidem catholicam complectentes. Sed si qua sint concilia quæ sancti Patres Spiritu Dei pleni sanxerunt, post ipsorum quatuor auctoritatem omni manent stabilita celebrando concilio insertus habetur, et postmodum canonum apostolorum, ac primorum apostolicorum, id est a sancto Clemente usque ad sanctum Silvestrum sequens ordinem suum.

# Incipiunt canones

ID EST

## REGULÆ ECCLESIASTICÆ

*A sanctis Patribus constitutæ, et ab ISIDORO in unius codicis corpus collectæ*

### I ORDO DE CELEBRANDO CONCILIO.

Hora diei prima, ante solis ortum, ejiciantur B ut in sinistrum nos non ignorantia trahat, non favor omnes ab ecclesia, obseratisque foribus cunctis inflectat, non acceptio muneris vel personæ corrupta; sed jungat nos tibi efficaciter solius tuæ gratiæ ad unam januam per quam sacerdotes ingredi oportet, dono, ut simus in te unum, et in nullo deviemus a ostiarii stabunt. Et convenientes omnes episcopi vero, qualiter in nomine tuo collecti, sic in cunctis pariter introibunt, et secundum ordinationis suæ teneamus cum moderamine pietatis justitiam, ut et hic a te in nullo dissentiat sententia nostra, et in futuro pro bene gestis consequamur præmia sempiterna.

Post ingressum episcoporum omnium atque consensum, vocentur deinde presbyteri, quos causa probaverit introire, nullusque se inter eos ingerat diaconorum. Post hos ingrediantur diacones probabiles, quos ordo poposcerit interesse. Et corona facta de sedibus episcoporum, presbyteri a tergo eorum resideant, quos tamen sessuros secum metropolitanus elegerit, qui utique et cum eo judicare aliquid, et definire possunt. Diaconi in conspectu episcoporum stent, deinde ingrediantur laici, qui electione concilii interesse meruerunt. Ingressi quoque notarii, quos ad recitandum vel excipiendum ordo requirit. Observatisque januis, et sedentibus in diuturno silentio sacerdotibus, atque cor totum habentibus ad Dominum, dicturus est archidiaconus, *Orate*, statimque in terram omnes prosternentur, tam episcopi quem presbyteri, et orantes diutius, tacite cum fletibus atque gemitibus, unus ex episcopis senioribus surgens, orationem palam fundat ad Dominum, cunctis adhuc in terra jacentibus, dicens hanc orationem :

*Oratio.*

Adsumus, domine sancte Spiritus, adsumus peccati quidem immanitate detenti, sed in nomine tuo specialiter aggregati; veni ad nos, et esto nobiscum, dignare illabi cordibus nostris, doce nos quid agamus, quo gradiamur, et ostende quid efficere debeamus, ut, te auxiliante, tibi in omnibus placere valeamus. Esto salus, et suggestor, et effector judiciorum nostrorum, qui solus cum Deo Patre, et ejus Filio nomen possides gloriosum. Non nos patiaris perturbatores esse justitiæ, qui summam diligis æquitatem,

In qua oratione *Pater noster* non dicatur, nec *benedictio*, sed ipsa solummodo oratio confirmetur. Finita autem oratione, et responso ab omnibus *Amen*, rursus dicat archidiaconus : *Erigite vos*. Confestim omnes surgant et cum omni timore Dei et disciplina tam episcopi quem presbyteri sedeant; sicque omnibus in suis locis, in silentio consedentibus, diaconus alba indutus, codicem canonum in medio proferens, capitula de conciliis agendis pronuntiet, id est, de concilio Toletano tertio, æra xviii. Item, ex concilio Toletano quarto, æra iii. Item, ex capitulis Orientalium partium, quæ Martinus episcopus de Græco in Latinum vertit, æra xviii, de Synodo facienda. Item, ex concilio Chalcedonensi, æra xviii. Item, ex concilio Agathensi, æra xxv, vel xxvi, vel aliud de canonibus, quod metropolitano aptius visum fuerit, ut legatur. Finitisque titulis, metropolitanus episcopus, concilium alloquatur exhortatione, ita dicens : Ecce, sanctissimi sacerdotes, præmissis Deo precibus, fraternitatem vestram cum pia exhortatione convenio, et per divinum nomen obtestor ut ea, quæ a nobis de Deo, et de sacris ordinibus, vel sanctis moribus vobis fuerint dicta, cum omni pietate suscipiatis et cum summa reverentia perficere intendatis. Quod si forsitan aliquis vestrum aliter quam dicta fuerint senserit, sine aliquo scrupulo contentionis in nostrorum omnium copulatione, ea ipsa, de quibus dubitaverit, conferenda reducat, qualiter, Deo auxi-



liante, aut doceri possit, aut doceat. Deinde simili vos obtestatione convenio, et obsecro, ut nullus vestrum in iudicando, aut personam accipiat, aut quolibet favore, aut munere pulsatus, a justo iudicio scienter avertatur, aut discedat; sed cum tota pietate, quidquid cœtui nostro se iudicandum intulerit retractate, ut nec discordans contentio ad subversionem justitiæ inter nos locum inveniat, nec item in perquirenda æquitate vigor nostri ordinis vel sollicitudo tepescat.

Post hanc exhortationem introibunt omnes, quicunque fuerint presbyteri, diacones, vel religiosi universi ad audiendum doctrinam. Sicque archidiaconus lecturus est canonem Toletani concilii undecimi, æra prima, ne tumultu concilium agitetur. Quo canone perfecto, concilium Ephesinum ex ordine perlegatur. Deinde collatio pariter et instructio de mysterio sanctæ Trinitatis habeatur, simulque et de officiorum ordinibus, si in omnium sedibus ejusdem celebritatis unitas teneatur. Pro his quoque causis, prout spatium diei permiserit, et epistolæ papæ Leonis ad Flavianum episcopum de erroribus Eutychetis, et mysterio Trinitatis, legendæ sunt. Canones quoque de unitate officiorum, nec ad aliud aliquid antea transeat, quam ista omnia explicentur, ita tamen ut in totos tres dies litaniarum nihil aliud agatur nec tractetur, nisi sola collatio de mysterio sanctæ Trinitatis, et de ordinibus vel sacris, vel officiorum institutis, ita ut hæc tota partiantur per totos illos tres dies, ut nihil aliud (sicut dictum est), nisi sola quæstio de his quæ prædicta sunt, habeatur, ita ut lectio semper congruens ordini, et causæ quæ quærenda est, antecedit. Post hæc, in quarto die reliquæ per ordinem admittendæ sunt, sicque omnes qui de religiosis in retroactis diebus pro spirituali instructione interfuerant in concilio, foris egrediantur, residentibus aliquibus presbyteris in concilio, quos metropolitanus probaverit honorandos. Per singulos tamen illos tres dies rogationum litaniarum, episcopi vel presbyteri cum admonitore primum orationibus se prosternant. Sicque collecta a metropolitano oratione consurgant et de divinis tantum (ut dictum est) rebus collationem habeant, in reliquis autem diebus, cunctis assistantibus oratio colligenda est, et sic considerantes causarum negotia, juste et religiose colligant. Nullus tamen tumultus, aut inter confidentes, aut inter astantes habeatur. Eodem tamen modo, eodemque ordine ad concilium omnes per singulos dies ingrediantur, quo superius jam præmissum est. Nam etsi presbyteri reliqui aut diaconi, clerici sive laici de his qui foris steterunt, concilium pro qualibet re crediderint appellandum, Ecclesiæ metropolitanæ archidiacono causam suam intiment, et ille concilio denuntiet. Tunc illis et introeundi singulatum et proponendi licentia concedatur. Nullus autem episcoporum a cœtu communi secedat, antequam hora generalis secessionis adveniat.

Concilium quoque nullus solvere audeat, nisi

A fuerint cuncta determinata, ita ut quæcunque deliberatione communi finiuntur episcoporum singulorum manibus subscribantur, ita tamen ut ante duos vel tres dies quam solvant concilium omnes constitutiones a se editas diligenti consideratione retractent, ne in aliquo offensus. Item, in die quo concilium absolvendum est, canones qui in sancta synodo constituti sunt, coram ecclesia in publico relegantur. Quibus explicitis, respondeatur in choro : *Amen*. Deinde ad locum redeunt, ubi in concilio resederunt, canones ipsos subscribant. Admonendi quoque a metropolitano sunt de Pascha venturo, quo veniat die. Admonendi etiam sunt quo tempore supervenienti anno ad faciendum concilium veniant. Eligendi etiam sunt de episcopis, qui cum metropolitano dies festos Natalis Domini et sanctum Pascha debeant celebrare. Post hæc, dicente archidiacono : *Orate*, omnes simul in terra pariter se prosternant, ubi diutissime orantes, hanc unus ex majoribus orationem dicat :

#### Oratio

Nulla est, Domine, humanæ conscientie virtus, quæ inoffense possit tuæ voluntatis iudicia expedire, et ideo quia imperfectum nostrum viderunt oculi tui, perfectioni deputa, quæsumus, quæ perfecto æquitatis fine concludere peroptamus. Te in nostris principiis occurrentem poposcimus, te quoque in hoc fine iudiciorum nostrorum excessibus adesse precamur, scilicet, ut ignorantie parcas, ut errori indulgeas, ut perfectis votis perfectam operis efficaciam largiaris. Et quia conscientia remordente tabescimus, ne aut ignorantia nos traxerit in errorem, aut præceptis forsitan voluntas impulerit justitiam declinare, ob hoc te poscimus, te rogamus, ut si quid offensionis in hac concilii celebritate attraximus, condonare ac remissibile facere digneris, ut in eo quod soluturi sumus aggregatum concilium, a cunctis primum absolvamur nostrorum nexibus delictorum, qualiter et transgressores venia, et confitentes tibi subsequatur remuneratio sempiterna.

Huic orationi oratio *Pater noster* adjungatur, et cunctis adhuc jacentibus, hæc benedictio explicetur.

#### Benedictio.

D Christus Dei Filius, qui est initium et finis, complementum vobis tribuat charitatis. Amen. Et qui vos ad expletionem hujus fecit pervenire concilii absolutos vos efficiat ab omni contagione delicti. Amen. Et ab omni reatu liberiores effecti, absoluti etiam per donum Spiritus sancti, felici reditu vestrarum sedium cubilia repetatis illasi. Amen. Quod ipso præstare dignetur, cujus regnum et imperium permanet in sæcula sæculorum. Amen.

Quibus expletis, cum dictum fuerit ab archidiacono : *In nomine Domini nostri Jesu Christi, eamus cum pace*, omnes illico pariter exsurgentes, residente metropolitano ab ipso primum incipiente, osculum sibi invicem omnes pariter dabunt. Sicque data sibi invicem pace, conventus concilii absolvatur.

*Oratio diei secundæ.*

A

*Oratio diei tertiæ.*

Nostrorum tibi, Domine, curvantes genua cordium, quæsumus, ut bonum quod nobis a te requiritur exsequamur, ut prompta semper sollicitudine gradientes, discretionis arduæ subtile iudicium faciamus, ac misericordiam diligentes clareamus studiis tibi placitæ actionis.

Ad te, Domine, interni clamoris vocibus proclamantes, unanimiter postulamus, ut respectu gratiæ tuæ solidati, præcones virtutis tuæ efficiamur in te, tumque valeamus verbum cum omni fiducia loqui.

## 2 INCIPIUNT CANONES APOSTOLORUM,

PER CLEMENTEM PAPAM PROLATH.

CAP. I. Episcopus a duobus aut tribus episcopis B suspensus, seu communicans, ad aliam properet civitatem, et suscipiatur propter commendatitias litteras, et qui susceperunt, et qui susceptus est, communione priventur. Excommunicato vero proteletur ipsa correptio, tanquam qui mentitus sit, et Ecclesiam Dei seduxit.

II. Presbyter ab uno episcopo ordinetur, et diaconus et reliqui clerici.

III. Si quis episcopus aut presbyter præter ordinationem Domini, alia quædam in sacrificio offerat super altare, id est, aut mel, aut lac, aut pro vino siceram, et confecta quædam, aut volatilia, aut animalia quædam, aut legumina, contra constitutionem Domini faciens, congruo tempore deponatur.

IV. Offerri non liceat aliquid ad altare præter novas spicas, et uvas et oleum ad luminarium, et thymiana, id est incensum, tempore quo sacra celebratur oblatio.

V. Reliqua poma omnia ad domum primitiæ episcopo et presbyteris dirigantur, nec offerantur in C altari. Certum est autem quod episcopus et presbyteri dividant diaconis et reliquis clericis.

VI. Episcopus aut presbyter uxorem propriam nequaquam sub obtentu religionis abiciat. Si vero rejecerit, excommunicetur, sed et si perseveraverit, deiciatur.

VII. Episcopus, aut presbyter, aut diaconus nequaquam sæculares curas assumat; sin autem, deiciatur.

VIII. Si quis episcopus, aut presbyter, aut diaconus sanctum Paschæ diem ante vernale æquinoctium cum Judæis celebraverit, abiciatur.

IX. Si quis episcopus, aut presbyter, aut diaconus, vel quilibet ex sacerdotali catalogo facta oblatione, non communicaverit, aut causam dicat (si rationalis fuerit, veniam consequatur) aut si non dixerit, communione privetur, tanquam qui populo causa lisionis exstiterit, dans suspicionem de eo qui sacrificavit, quod recte non obtulerit.

X. Omnes fideles qui ingrediuntur ecclesiam et Scripturas audiunt, non autem perseverant in oratione, nec sanctam communionem percipiunt, velut inquietudines Ecclesiæ commoventes, convenit communionem privari.

XI. Si quis cum excommunicato saltem in domo simul oraverit, iste communionem privetur.

XII. Si quis cum damnato clerico veluti cum clerico simul oraverit, iste damnatur.

XIII. Si quis clericus, aut laicus, a communione

suspensus, seu communicans, ad aliam properet civitatem, et suscipiatur propter commendatitias litteras, et qui susceperunt, et qui susceptus est, communione priventur. Excommunicato vero proteletur ipsa correptio, tanquam qui mentitus sit, et Ecclesiam Dei seduxit.

XIV. Episcopo non licet animam parochiam, propria relicta, pervadere, licet cogatur a plurimis, nisi forte quis eum rationabili causa compellat, tanquam qui possit ibidem constitutis plus lucri conferre, et in causa religionis aliquid profectus prospicere. Et hoc non a semetipso pertinet, sed multorum episcoporum iudicio et maxima supplicatione perficiat.

XV. Si quis presbyter aut diaconus, aut quilibet de numero clericorum relinquens propriam parochiam pergat ad alienam et omnino demigrat, præter episcopi sui conscientiam ut in aliena parochia commoretur, hunc ulterius ministrare non patimur, præcipue si vocatus ab episcopo redire contempserit, in sua inquietudine perseverans, verumtamen tanquam laicus ibi communicet.

XVI. Episcopus vero apud quem moratus esse constiterit, si contra eos decretam cessationem pro nihilo reputans, tanquam clericos forte susceperit, velut magister inquietudinis communione privetur.

XVII. Si quis post baptismum secundis fuerit nuptiis copulatus, aut concubinam habuerit, non potest esse episcopus, nec presbyter, aut diaconus, aut prorsus ex numero illorum qui ministerio sacro deserviunt.

XVIII. Si quis viduam et ejectam acceperit, aut meretricem, aut ancillam, vel aliquam de his quæ publicis spectaculis mancipantur, non potest esse episcopus, aut presbyter, aut diaconus, aut ex eo numero qui ministerio sacro deserviunt.

XIX. Qui duas in conjugium sorores acceperit, vel filiam fratris, clericus esse non poterit.

XX. Clericus fidejussionibus inserviens, abiciatur.

XXI. Eunuchus si per insidias hominum factus est, vel si in persecutione ejus sunt amputata virilia, vel si ita natus est et est dignus, efficiatur episcopus.

XXII. Si quis abscidit semetipsum, id est, si quis amputavit sibi virilia, non fiat clericus, quia su-



ipsius homicida est, Dei conditionis inimicus. A

XXIII. Si quis, cum clericus fuerit, absciderit semetipsum, omnino damnetur, quia suus homicida est.

XXIV. Laicus semetipsum abscindens, annis tribus communione privetur, quia suæ vitæ insidiator existit.

XXV. Episcopus, aut presbyter, aut diaconus, qui in fornicatione, aut perjurio, aut furto captus est, deponatur, non tamen communione privetur, dicit enim Scriptura: Non judicabit Dominus bis in idipsum.

XXVI. Similiter et reliqui clerici huic conditioni subiaceant.

XXVII. In nuptiis autem qui ad clerum proveci sunt, præcipimus, ut si voluerint, uxores accipiant, B sed lectores cantoresque tantummodo.

XXVIII. Episcopum aut presbyterum, aut diaconum percutientem fideles delinquentes, aut infideles inique agentes, et per huiusmodi volentem timeri, deici ab officio suo præcipimus, quia nusquam nos hoc Deus docuit. Econtrario vero, ipse cum percuteretur, non reperiatur; cum malediceretur, non maledicebat; cum pateretur, non comminabatur.

XXIX. Si quis episcopus, aut presbyter, aut diaconus depositus iuste super certis criminibus, ausus fuerit attrahere ministerium dudum sibi commissum, hic ab Ecclesia penitus abscindatur.

XXX. Si quis episcopus, aut presbyter, aut diaconus per pecunias hanc obtinuerit dignitatem, deiciatur, et ordinator ejus, et a communione modis C omnibus abscindatur, sicut Simon Magnus a Petro.

XXXI. Si quis episcopus sæcularibus potestatibus usus, ecclesiam per ipsas obtineat, deponatur, et segregentur omnes quicumque illi communicant.

XXXII. Si quis presbyter contemnens episcopum suum, seorsum populum collegerit, et altare aliud erexerit, nihil habens quo reprehendat episcopum in causa pietatis et justitiæ, deponatur, quasi principatus amator existens. Est enim tyrannus, et cæteri clerici quicumque tali consentiunt, deponantur: laici vero segregentur. Hæc tamen post unam et secundam et tertiam episcopi obsecrationem fieri conveniant.

XXXIII. Si quis presbyter aut diaconus ab episcopo suo segregatus, hunc non licere ab alio recipi, sed ab ipso qui eum sequestraverat, nisi forsitan obierit episcopus iose qui eum segregasse cognoscitur.

XXXIV. Nullus episcoporum peregrinorum, aut presbyterorum, aut diaconorum, sine commendatitiis suscipiatur epistolis. Et cum scripta detulerint, discutiantur attentius et ita suscipiantur, si prædicatores pietatis exstiterint. Sin minus, nec quæ sunt necessaria subministrent eis, et ad communionem nullatenus admittantur, quia per subreptionem multa proveniunt.

XXXV. Episcopos gentium singularum scire convenit, quis inter eos primus habeatur, quem velut ca-

put existiment, et nihil amplius præter ejus conscientiam gerant, quam illa sola singulique parochiæ propriæ et villis quæ sub ea sunt, competunt. Sed nec ille præter omnium conscientiam faciat aliquid in eorum parochiis, sic enim unanimitas erit, et glorificabitur Deus per Christum in Spiritu sancto.

XXXVI. Episcopum non audere extra terminos proprios ordinatores facere in civitatibus et villis quæ illi nullo jure subjectæ sunt. Si vero convictus fuerit hoc fecisse præter eorum conscientiam qui civitates ipsas et villas detinent, et ipse deponatur et qui ab illo sunt ordinati.

XXXVII. Si quis episcopus non susceperit officium et curam populi sui commissam, hic communione privetur, quoadusque consentiat obedientiam commodans. Similiter et presbyter et diaconus; si vero perrexerit, nec receptus fuerit, non pro sua sententia, sed pro malitia populi, ipse quidem maneat episcopus: clerici vero civitatis communione priventur, eo quod eruditores inobedientis populi non fuerunt.

XXXVIII. Bis in anno concilia episcoporum celebrentur, ut inter se invicem dogmata pietatis explorent, et exsurgentes ecclesiasticas contentiones amoveant, semel quidem quarta septimana Pentecostes, secundo vero duodecimo die mensis Iperberetæ, id est, juxta Romanos, iv Idus Octobris.

XXXIX. Omnium negotiorum ecclesiasticorum curam episcopus habeat, et ea, velut Deo contemplante, dispenset, nec ei liceat ex his omnibus aliquid omnino contingere, aut parentibus propriis quæ Dei sunt condonare. Quod si pauperes sunt, tanquam pauperibus subministretur, nec eorum occasione Ecclesiæ negotia deprædentur.

XL. Presbyteri et diaconi præter episcopum nihil agere pertinent. Nam Domini populus ipsi commissus est, et pro animabus eorum hic redditurus est rationem, sin autem manifeste res propriæ episcopi (si tamen habet proprias) et manifeste Dominicæ ut potestatem habeat de propriis moriens episcopus, sicut voluerit, et quibus voluerit, relinquere, ne sub occasione ecclesiasticarum rerum quæ episcopi esse probantur, interdicant. Fortassis enim aut uxorem habet, aut filios, aut propinquos, aut servos, et justum est hoc apud Deum et homines, ut nec Ecclesia patiatur detrimentum ignorance rerum pontificis, nec episcopus, nec ejus propinqui sub obtentu ecclesiæ proscribantur, et in causas incidant quæ ad eum pertinent morsque ejus injuriis malæ famæ subiaceat.

XLI. Præcipimus ut in potestate sua episcopus res ecclesiæ habeat: si enim animæ hominum pretiosæ illi sunt creditæ, multo magis oportet eum curam pecuniarum gerere, ita ut potestate ejus, indigentibus omnia dispensentur per presbyteros et diaconos, et cum timore omni sollicitudine ministrentur. Ex his autem qui indiget (si tamen indiget) ad suas necessitates et ad peregrinorum fra-

trum usus et ipse percipiat, ut nihil eis possit omnino A deesse. Lex enim Dei præcipit ut qui altari deserviunt, de altari pascantur, quia nec miles stipendiis propriis contra hostes arma sustulit (*I Cor. ix.*).

XLII. Episcopus, aut presbyter, aut diaconus alæ aut ebrietati deserviens, aut desinat, aut certe damnetur.

XLIII. Subdiaconus, aut lector, aut cantor similia faciens, aut desinat, aut communione privetur : similiter etiam laicus.

XLIV. Episcopus, aut presbyter, aut diaconus usuras a debitoribus exigens, aut desinat, aut certe damnetur.

XLV. Episcopus, presbyter aut diaconus, qui cum hæreticis oraverit, tantummodo communione prive- tur. Si vero tanquam clericos hortatus eos fuerit B agere vel orare, damnetur.

3 XLVI. Episcopum aut presbyterum hæretico- rum suscipientem baptismum damnari præcipimus. « Quæ enim conventio Christi ad Belial? aut quæ pars fidei cum infideli (*II Cor. vii, 15*)? »

XLVII. Episcopus aut presbyter, si cum qui secundum veritatem habuerit baptismum, denuo baptizaverit, aut si pollutum ab impiis non baptizaverit, deponatur, tanquam deridens crucem et mortem Domini, nec veros sacerdotes a falsis sacerdotibus jure discernens.

XLVIII. Si quis laicus uxorem propriam pellens, alteram, vel ab alio dimissam duxerit, communione privetur.

XLIX. Si quis episcopus aut presbyter, juxta præceptum Domini non baptizaverit in nomine Patris et Filii et Spiritus sancti, sed in tribus sine initio principiis, aut in tribus Filiis, aut in tribus Paracletis, abjiciatur.

L. Si quis episcopus aut presbyter, non in trina B mersione unius mysterii baptismum celebret, sed semel mergat in baptismo, quod dari videtur in Domini morte, deponatur. Non enim dixit nobis Dominus : In morte mea baptizate, sed, « Euntes docete omnes gentes, baptizantes eos in nomine Patris, et Filii, et Spiritus sancti (*Matth. xxviii.*) »

## INCIPIT EPISTOLA PRIMA CLEMENTIS AD JACOBUM FRATREM DOMINI.

CLEMENS, JACOBO domino episcopo episcoporum, regenti Hebræorum sanctam Ecclesiam Hierosolymis, sed et omnes Ecclesias, quæ ubique Dei providentia C fundate sunt, cum Patribus, et diaconibus et cæteris omnibus Patribus, pax tibi sit semper.

Notum tibi facio, domine, quia Simon Petrus, qui veræ fidei merito et integræ prædicationis ob- tentu fundamentum esse Ecclesiæ definitus est, qua de causa etiam Domini ore cognominatus est Petrus, qui fuit primitiæ electionis Domini apostolorum pri- mus, cui et primo Deus Pater Filium revelavit (*Matth. xvi, 17*), cui et Christus competenter bea- titudinem contulit, quia et vocatus est, et electus, et conviva Domini, et comes effectus, tanquam bo- nus et probatissimus discipulus, qui obscuriorem mundi plagam occidentis velut omnium potentior il- luminare præceptus est, quique et integre potuit implere præceptum. Sed quousque sermonem pro- traham refugiens indicare quod triste est, quod qui- dem necesse est, licet tarde, proferre. Hic denique ipse Petrus qui pro immensa charitate, quam erga omnes homines gerebat, palam, cum omni fiducia, ad- versante etiam tyranno, totius mundi bonum prædicare non destitit, et regem omnium sæculorum per or- bem terræ usque ad ipsius Romanæ urbis hujus no- titiam, etiam ut ipsa salvaretur invexit. Hic, inquam pro pietate pati volens, præsentem vitam finivit. In ipsis autem diebus quibus finem sibi imminere præ- sensit, in conventu fratrum positus, apprehensa manu mea, repente consurgens in auribus totius Ec- clesiæ, hæc protulit verba. « Audite me, fratres, et conservi mei, quoniam ut edoctus sum ab eo qui

misit me Domino et magistro meo Jesu Christo, dies mortis meæ instat, Clementem hunc episcopum vo- bis ordino, cui soli meæ prædicationis et doctrinæ C cathedram trado, qui mihi ab initio usque ad finem comes in omnibus fuit, et per hoc veritatem totius meæ prædicationis agnovit. Qui in omnibus meis so- cius exstitit fideliter perseverans. Quem præ cæte- ris expertus sum Dominum colentem, homines dili- gentem, castum, discendi studiis deditum, sobrium, benignum, justum, patientem, scientem ferre nonnul- lorum, etiam ex his qui in verbo Domini instituuntur, injurias. Propter quod ipsi trado a Domino mihi traditam potestatem ligandi et solvendi, ut de om- nibus quibuscumque decreverit in terris hoc decre- tum sit et in cælis. Ligabit enim quod oportet li- gari, et solvet quod expedit solvi, tanquam qui ad liquidum Ecclesiæ regulam noverit. Ipsum ergo au- dite, scientes, quia quicumque contristaverit docto- rem veritatis peccat in Christum, et patrem omnium exacerbat Deum, propter quod et vita carebit. Ip- sum autem qui præest cæteris oportet medici vicem agere, et non feræ bestiæ furore commoveri. » Hæc eo dicente, ego procidens ad pedes ejus, rogabam excusans me et declinans honorem cathedræ vel po- testatem. At ille respondens : pro hoc, inquit, ne me rogaveris, hoc enim fieri statutum est mihi, et eo magis quo te excusas, quia hæc cathedra eum, qui cupit eam et audacter expetit, non requirit, sed ornatum moribus et in verbis eruditum. Quod si es- set alius melior, si quis mihi alius adjutor tam se- dulus astitisset, si quis tam plenæ doctrinæ meæ rationem cœpisset, sed et ecclesiasticas dispositio-



nes a me tam plane didicisset, habens alium talem, non te cogere opus bonum suscipere nolentem. Superfluum est ergo alium quærere, cum primitias eorum qui ex gentilibus per me salvantur, et præcipue hujus urbis te primum obtulerim Deo. Sed et illud intueri, quia, si periculum peccati timens, suscipere refugis Ecclesiæ gubernacula, certus esto quia amplius peccas, qui si populum Dei velut in fluctibus positum et periclitantem (cum juvare possis) subterfugis, tui tantummodo habens considerationem, et non quod in commune omnibus expedit providens. Sed certus esto quod necesse est te suscipere omne periculum, quia nec ego pro salute omnium obsecrando cessabo. Quanto ergo mihi citius acquieveris, tanto me citius laboris et tristitiæ meæ mœnore relevabis. Novi etiam hoc, o Clemens, quod tibi tædia et molestias, pericula etiam et opprobria ineruditi vulgi indocilisque conciliem, quare, tu, tamen, scio quam constanter et fortiter feras, respiciens ad aliam spem, quæ tibi apud Deum patientiæ præparat coronam. Sed et illud cupio te mecum juxta rationem perspicere, quando maxima opera tua indiget Christus nunc, cum inimicus adversus sponsam ejus commovet bellum, an in futuro tempore quando jam Christus post victoriam triumphabit, nec ultra ullius opera indigebit? Quis non etiam parvi sensus intelligat quod istud est tempus in quo operam tuam Christus requirit? Tota igitur mente in præsentī necessitate præbe operam tuam, et auxilium in præliis exhibe Regi optimo remunerationes magnificas post victoriam reddituro. Libenter ergo suscipe episcopatus officium, eo maxime quo ecclesiasticas dispositiones a me probabiliter didicisti, ut salus eorum qui per nos confugerunt ad Dominum nequaquam vacillet, verumtamen et breviter te de ipsius dispensationis ordine coram omnibus commonere necessarium duxi. Te quidem oportet irreprehensibiliter vivere, et summo studio niti, ut omnes vitæ hujus occupationes abjicias, ne fidejussor existas, ne advocatus litium fias, ne in ulla aliqua occupatione prorsus inveniaris mundialis negotii occasione perplexus. Neque enim judicem, aut cognitorem sæcularium negotiorum, hodie te ordinare vult Christus, ne præfocatus præsentibus hominum curis, non possis verbo Dei vacare, et secundum veritatis regulam discernere bonos a malis. Ista namque opera, quæ tibi minus congruere superius exposuimus, exhibeant sibi invicem discen-  
tes, id est laici, et te nemo occupet ab his studiis per quæ salus omnibus datur, sicut enim tibi impietatis crimen est, neglectis verbi Dei studiis, sollicitudines suscipere sæculares, ita et unicuique laicorum peccatum est, nisi invicem sibi, etiam in his quæ ad communis vitæ usum pertinent, operam fideliter dederint. Te vero securum facere, et his quibus debes vacantem, omnes communiter laborent. Quod si forte a semetipsis hoc laici non intelligunt, per diaconos edocendi sunt, ut tibi solius ecclesiæ sollicitudines derelinquant, quod ipsam (ut dignum

A est) dispensare sufficiat, et veritatis verbo abundantius et studiosius deservire. Si enim mundalibus curis fueris occupatus, et teipsum decipies, et eos qui te audiunt, non enim poteris quæ ad salutem pertinent plenius singulis quibusque distinguere, et ex eo fiet ut et tu tanquam qui non docueris quæ ad salutem hominum pertinent deponaris, et discipuli per ignorantiam pereant; idcirco tu quidem ad hoc solum vacato, ut opportune et sine intermissione doceas verbum Dei, per quod salutem consequi possint, illi vero cum tanta reverentia tua verba suscipiant, tanquam qui sciant legatum te et præconem esse veritatis, et quodcumque ligaveris super terram, esse ligatum et in cælo, et quodcumque solveris, etiam ibi esse solvendum. Quoniam quidem et tu (ut dixi) quæ oportet ligabis, et quæ expedit solves, et ad te qui præes ista sint monita, et his similia.

Ad presbyteros vero sint ista. Ante omnia ut pudicitia studentes adolescentes nuptiis jungant, quo calorem ferventis ætatis conjugali lege præveniant, sed ne in provectoribus quidem curam habere hujusmodi negligant, quia in multis, etiam cum se-  
nuerit corpus concupiscentia viget, ne forte ergo fornicationis labes (occasione accepta) tanquam venenum pessimum serpat in nobis, cavere et antevenire necessarium est, ne quod in nobis adulterii occultum calescat incendium. Et quid in omnibus peccatis adulterio gravius? Secundum namque in pœnis obtinet locum, quoniam quidem primum illi habent qui aberrant a Deo, etiam si sobrie vixerint. Propter quod vos presbyteri Ecclesiam excolite et adornate sponsam Christi ad pudicitiam, sponsam autem dico, omnem Ecclesiæ congregationem, quæ si pudica fuerit inventa a sponso suo, ingentibus ab eo donis et muneribus honorabitur, et vos velut ministri sponsæ, et amici sponsi ingenti gaudio et lætitia perfruamini. Si vero sponsa hæc reperta fuerit commaculata peccatis, ipsa quidem tanquam indigna non tradetur regalibus thoris, vos autem pœnas dabit, si forte per vestram negligentiam vel desidiam, obrepserit contagio sæva peccati. Idcirco ante omnia sobrietatis et pudicitia sollicitudinem gerite. Valde enim apud Deum grave crimen ducitur fornicatio, cujus species sunt quidem plures, sicut vobis et ipse Clemens diligenter exponet: verumtamen prima species adulterii est virum propria uxore solummodo non esse contentum, et mulierem non proprio tantum servare se viro. Si ergo castus fuerit quis, potest et humanus et misericors fieri, per quod et ipse æternam a Deo misericordiam consequatur, sane sicut adulterii venenum cunctis malis perniciosius est, ita amor fraternus et charitas totius boni fastigium tenet. Et ideo diligite omnes fratres vestros, et cum religione ac misericordia respicite ad omnes, orphanis exhibete vosmetipsos parentes, viduis virorum curam impendite, cum omni castitate quæ necessaria sunt præbentes, juniores tamen viduas nuptiis copulate. His qui ignorant artificia,

exquirite honestas aliquas occasiones quibus victum A necessarium quærant. Artificibus vero operam providete, debilibus misericordiam facite. Scio autem hæc omnia facturos vos, si charitatem præ cæteris, et ante omnia in vestro corde figatis. Cujus charitatis et recipiendæ et habendæ maximum erit fomentum, si frequenter inter vosmetipsos communem cibum vestrum, mensamque faciatis, et quantum unusquisque prævalet, crebrius panes ac sales suos cum fratribus suis sumat, per hæc enim præcipue charitas comparatur, et causa totius boni in hujusmodi communione consistit; ubi autem pax, et **4** bonitas, ibi est salus; propter quod communes facite cibos vestros cum his qui secundum Dominum fratres sunt, quia per hæc temporalia officia, pacis et charitatis fructibus gaudia æterna merebimini. Multo autem sollicitius esurientes reficite, et sitientibus potum date, nudis vestimentum, ægros visitate, et eos qui in carcere sunt, prout possibile est, juvate, peregrinos satis prompte in domibus vestris suscipite, et ne omnia nunc singulatim dicam, omne bonum ipsa per se, si in vobis fuerit charitas, facere vos docebit, sicut et **3** contrario, eos qui a salute alieni sunt omne malum facere odium docet. Si qui ex fratribus negotia habent inter se, apud cognitores sæculi non judicentur: sed apud presbyteros Ecclesiæ quidquid illud est, dirimatur, et omni modo obediant statutis eorum.

Super omnia autem avaritiam fugite, quæ homines occasione præsentis lucri ab æternis separat bonis. Pondera, mensuras, stateras pro locis quibusque æquissima custodite; deposita fideliter restituite. Quæ omnia, et si qua sunt similia his, ita demum sollicite et diligenter implebitis, si futurum iudicium Dei sine intermissione in vestro corde volvatis. Quis enim peccare poterit, si semper ante oculos suos Dei iudicium ponat? quid in fine mundi certum est agitandum, ut tandem qui bene in hac vita egerunt consequantur bona reposita, peccatores autem, ut consequantur præparatas poenas, de quibus ita futurum dubitare omnino non possumus? Si quidem hæc omnia ita esse ventura verus nobis propheta prædixit. Unde et vos, qui estis veri prophetæ discipuli, abjicite a cordibus vestris ante omnia discordias et animorum dissensiones, ex quibus omne malum opus procedit, benignitatem et simplicitatem tota mente servate. Quod si forte alicujus vel cor, vel livor, vel infidelitas, vel aliquid malum ex his quæ superius memoravimus latenter irreperit, non erubescat qui animæ suæ curam gerit confiteri hæc huic qui potest ut ab ipso per verbum Domini et concilium salubre curetur, quo possit integra fide, et operibus bonis poenas æterni ignis effugere, et ad perpetuæ vitæ præmia pervenire.

Diaconi vero Ecclesiæ tanquam oculi sint episcopi, oberrantes et circumlustrantes cum verecundia actus totius Ecclesiæ, et perscrutantes diligentius si quem videant vicinum fieri præcipitio, et proximum esse peccato, ut referant hæc ad episcopum, et

commoneri ab eo possit his qui in præcipitum lapsurus est, uti revocetur et non corruat in peccatum. Negligentiores quoque et eos qui rarius ad audiendum verbum Dei accedunt, nec sollicitè ad episcopi tractatum conveniunt ipsi commoneant et hortentur. Si enim assidui sunt ad audiendum, non solum vitæ æternæ ex salubri commonitione capiunt lucra, verum et quæcunque illæ sunt tristitiæ, vel mœores quæ ex præsentis vitæ necessitatibus, et cladibus temporum veniunt, quæcunque sermonibus suis in corde, velut jacula defixa circumferunt, abjiciuntur omnia prædicatione veritatis, et vitæ æternæ doctrina et eruditione purgata. Alioquin, si multo tempore auditum subtrahant a verbo Dei, et remaneant in cultu vitiorum, sine dubio spinis erunt ac sentibus occupati. Et quid aliud nisi ad ignem, talis hæc terra præparatur? De his ergo, ut diximus, diaconis cura sit. Sed eos, qui secundum carnem ægrotant, sollicite perquirant, et plebi, si forte plebs ignorat, indicent de his ut et ipsi visitent eos, et quæ necessaria sunt præbeant eis cum conscientia ejus, qui præest. Quod tamen si etiam clam fecerint, non peccabunt.

Sed et de peregrinis similiter episcopo suggerant refovendis, et cætera his similia quæ ad cultum Ecclesiæ et disciplinam ejus pertinent diaconis curæ sint. Qui catechizant, id est, qui verbo instruunt incipientes, primo oportet quod ipsi instructi sint, de anima enim agitur hominum, et oportet eum qui docet et instruit animas tales esse talem ut pro ingenio discentium, semetipsum possit aptare, et verbi ordinem pro audientis capacitate dirigere. Debet ergo ipse præcipue apprime esse eruditus, et doctus, irreprehensibilis, maturus, impavidus, sicut ipsi probabitis fore Clementem hunc post me.

Multum est autem si ego nunc de singulis, quæ unusquisque habere debeat, persequar, verumtamen illud est, quod præ cæteris ab omnibus vobis cupio in commune servari, ut concordiam teneatis: per quod solum potestis portum quietis intrare, et civitatem suam Regis, quæ pax nominatur, habitare.

Similis namque est omnis status Ecclesiæ magne navi quæ per undosum pelagus diversis e locis et regionibus viros portat ad unam Potentis regni urbem properare cupientes. Sit ergo navis hujus Dominus ipse omnipotens Deus, gubernator vero sit Christus. Tum deinde prætæ officium episcopus impleat; presbyteri nautarum, diaconi dispensatorum locum teneant; hi qui catechizant nautologis conferantur; epibatis autem totius fraternitatis multitudo similis sit; ipsum quoque mare hic mundus habeatur; ventorum vero varietas et turbium diversis tentationibus conferatur; persecutiones, tribulationes et pericula fluctibus exsequantur. Terreni vero spiritus, qui vel de torrentibus, vel de vallibus spirant, pseudoprophetarum et seductorum, seu praviæ doctrinæ verba ducantur; promontoria vero, et loca confragosa, hi qui in potestatibus sæculi sunt ju-



cliees, et pericula minantur et mortes. Bithalassa vero loca, quæ duplicibus undæ fallacis æstibus verberantur, dubiis mente et de repromissionum veritate nutantibus conferantur, atque his qui irrationabili fidem nostram ratione discutiantur. Hypocritæ vero, et dolosi piratis similes habeantur. Jam vero rapidus vertex, et tartarea Carybdis, et saxis illisa naufragia, ac mortiferæ subversiones, quid aliud æstimanda sunt, quam peccata? Restat igitur ut hæc navis cursu prospero tuta possit portum desideratæ urbis intrare, ita Deo precem fundere convenit, ut navigantes mereantur audiri. Audiri autem a Deo ita demum merebitur quis, si orationes ipsæ, bonis moribus et bonis operibus adjuventur.

Sed ante omnia, cum quiete et silentio epibatæ, id est, laici in suis unusquisque resideant locis, ne forte per inquietudinem, et inconditos inutilesque discursus, si passim vagari cœperint, vel ab officio suò nautas impendant, vel in alterum latus, per inquietudinem eorum, navis pressa demergatur. Nautologi de mercedibus commoneant et nihil omnino quod ad diligentiam, vel ad disciplinam pertinet diaconi negligant, presbyteri velut nautæ aptent singula ad instructionem navis diligenter et instruant quæ in suo tempore requirenda sunt. Episcopus, tanquam proreta, vigilanter et sollicitè gubernatoris verba custodiat Christi. Salvator Dominus, gubernator Ecclesiæ suæ, diligatur ab omnibus, et ipsius solius præceptis ac jussis credat et obediat omnis Ecclesia. Deo quoque indesinenter supplicetur a cunctis de prosperitate ventorum, ut navigantes omnem tribulationem et omne periculum superent, tanquam in mare profundum mundi istius et vitæ humanæ pelagus navigantes, in quo esuriendum sit, et sitiendum, nuditatem quoque ferendam, morbos etiam corporis, et ægritudines tolerandas. Insuper et hominum insidiis, ac dolo sæpe laborandum, quippe qui dispergendos se nonnunquam noverint, sed aliquando etiam congregandos, vomitus quoque et sugillationes ferendas, cum ex confusione peccatorum, et rejectione criminum, velut male congregatis in visceribus fellis, jactura facienda est, et abjicienda prorsus e corde omnis intrinsecus quæ latet amaritudo peccati, si qua forte ex desideriis iniquis velut ex cibis noxiis congregata est. Quam utique cum evomuerit quis et abjecerit, ingentis ægritudinis liberabitur morbo, si tamen post vomitum, quæ ad sanitatem pertinent, sumat.

Verumtamen scitote cuncti quod supra omnes vos laboret episcopus quia unusquisque vestrum suum laborem fert, ille vero et suum, et singulorum. Propter quod, o Clemens, tanquam qui omnibus prodesse te noveris singulos, prout potueris, juva, et singulos releva, qui et singulorum onus, et sollicitudinem portas. Unde et ego nunc hanc tibi injungens dispensationem, et scio quia accipio gratiam, magis quam præsto. Sed esto confidens, et fortiter ferens, certus quia laboris tui meritum recipies, cum ad portum quietis, incolumem hanc provexeris

navem ubi mercedes et præmia pro omnium salute suscipies, si hic pro omnium incolumitate vigilaveris. Itaque si te multi e fratribus propter rigorem justitiæ odio habuerint, ex hoc quidem non læderis, sed ex hujusmodi odiis amor tibi conciliabitur Dei. Et ideo satage magis et refuge ne lauderis ab iniquis, et ne a pessime agentibus diligaris, sed potius, propter justitiæ dispensationem et æquissimam regulam disciplinæ, a Christo collaudari merearis. Hæc cum dixisset et his similia quamplurima, rursum respiciens ad populum, dixit :

Sed et vos, charissimi fratres, et conservi mei, huic qui præsidet vobis ad veritatem docendam in omnibus obedite. Scientes quod si quis hunc contristaverit, Christum, quæ ei docendi creditur cathedram, non recipit, et qui Christum non suscepit, nec Deum patrem suscepisse judicabitur (*Luc. ix, 48*). Et ideo nec ipse suscipietur in regno cœlorum. Propter quod satis agite, ad omnem collectam congregationem semper convenite, ut non velut negligentes et desides a iudice Christo condemnemini. Convenientes vero sæpe ad Clementem, date omnes operam pro ipso sentire, et summo studio favorem verum erga ipsum dependere, scientes quia propter singulos vos ipsi magis soli infestat inimicus et in ipso majora suscitata bella. Oportet ergo vos summo studio niti, ut omni erga illum vinculo amoris innexi, plenissimo erga eum inhæreatis affectu. Sed et vos quoque ipsi unanimes in omni concordia perdurate quo facilius etiam illi obedire omnes pariter consensu et unanimitate possitis. Propter quod et vos salutem consequi, et ille possit obtemperantibus sibi vobis promptius impositi oneris pondus evehere. Quædam ex vobis etiam ipsis intelligere debetis, si qua sint, quæ ipse propter insidias hominum malorum non potest evidentius et manifestius proloqui; verbi gratia, si inimicus est alicui malorum, pro actibus suis vos nolite expectare ut ipse vobis dicat cum illo: Nolite amici esse. Sed prudenter observare debetis et voluntati ejus absque communicatione observare et avertere vos ab eo cui ipsum sentitis adversum. Sed nec loqui his quibus ipse non loquitur, ut unusquisque qui in culpa est, dum cupit omnium vestrum amicitias ferre, festinet citius reconciliari ei qui omnibus præest, et per hoc redeat ad salutem et sanitatem cum obedire cœperit monitis præsentis. Si vero quis amicus fuerit his quibus ipse amicus non est, et locutus fuerit cum his quibus ipse non loquitur, unus est et ipse ex illis qui exterminare voluit Ecclesiam Dei, et cum corpore vobiscum esse videatur, mente et animo contra vos est. Et multo est nequior hostis hic quam illi qui foris sunt, et evidenter inimici sunt, hic enim per amicitiarum speciem quæ inimica sunt gerit, et Ecclesiam dispergit ac vastat.

Et cum hoc dixisset in medio coram omnibus manus mihi imposuit, et in cathedra sua ingenti verecundia fatigatum sedere me compulit. Cumque sedissem, hæc ad me rursum locutus est: Deprecor

te, o Clemens, coram omnibus qui præsentes sunt, **A** remissionem peccatorum sacro baptismo renatis contulerit, et resurrectionem humani generis in eadem carne in vitam æternam futuram sic docuerunt. Symbolum enim Græce, Latine collectio dicitur. Et hoc prædicti sancti Apostoli inter se per Spiritum sanctum salubriter, ut dictum est, condiderunt. Dicitur et indicium, quod per hoc qui recte crediderit indicatur.

Unde et ego, mi domine Jacobe, cum hæc ab eo præcepta susceperim, necesse habui implere quod iusserat indicans tibi, et de ipsis simul et de illis breviter comprehendens, quæ per singulas quasque urbes digrediens, aut in prædicationis sermone protulerit, aut in gestorum virtute perfecit, quamvis tibi de his plurima jam et plenius ante descripta ipso iubente transmiserim sub eo ipso titulo quem ipse præcepit affigi, id est, Clementis itinerarium, non prædicationis Petri. Sed et nunc exponere jam præcepit, Domino opem ferente incipiam. Pœnitementini (inquit) et veram agite pœnitentiam. Omnes ergo homines, qui Christiano censentur vocabulo, Patrem, et Filium, et Spiritum sanctum, unum Deum et Dominum veraciter credere et confiteri, eumque tota mente et toto corde, et tota virtute diligere, et proximos suos tanquam semetipsos, docibiles quæ usque ad perfectam doctrinam ad hæc proficienda sumere oportet.

Unde et ego, mi domine Jacobe, cum hæc ab eo præcepta susceperim, necesse habui implere quod iusserat indicans tibi, et de ipsis simul et de illis breviter comprehendens, quæ per singulas quasque urbes digrediens, aut in prædicationis sermone protulerit, aut in gestorum virtute perfecit, quamvis tibi de his plurima jam et plenius ante descripta ipso iubente transmiserim sub eo ipso titulo quem ipse præcepit affigi, id est, Clementis itinerarium, non prædicationis Petri. Sed et nunc exponere jam præcepit, Domino opem ferente incipiam. Pœnitementini (inquit) et veram agite pœnitentiam. Omnes ergo homines, qui Christiano censentur vocabulo, Patrem, et Filium, et Spiritum sanctum, unum Deum et Dominum veraciter credere et confiteri, eumque tota mente et toto corde, et tota virtute diligere, et proximos suos tanquam semetipsos, docibiles quæ usque ad perfectam doctrinam ad hæc proficienda sumere oportet.

Fides enim et dilectio totius bonitatis est fundamentum. « Sine fide autem placere Deo nemo poterit (Hebr. xi, 6). »

Christo itaque resurgente et ascendente in cælum, misso sancto Spiritu, collata apostolis scientia linguarum, adhuc in uno positi symbolum quod fidelis nunc tenet Ecclesia unusquisque quod sensit, dicendo condiderunt, ut discedentes ab invicem hanc regulam per omnes gentes prædicarent. Summam ergo totius fidei catholicæ recensentes, in qua et integritas credulitatis conditur, et unius Dei omnipotentis, id est sanctæ Trinitatis æqualitas declaratur, et mysterium incarnationis Filii Dei, qui pro salute humani generis, a tempore de cælo descendens de Virgine nasci dignatus est, quo ordine vel quando protulerit, quomodo sepultus surrexerit, et in carne ipsa cælos ascenderit, ad dexteramque Patris consederit, iudex venturus sit, aut qualiter

remissionem peccatorum sacro baptismo renatis contulerit, et resurrectionem humani generis in eadem carne in vitam æternam futuram sic docuerunt. Symbolum enim Græce, Latine collectio dicitur. Et hoc prædicti sancti Apostoli inter se per Spiritum sanctum salubriter, ut dictum est, condiderunt. Dicitur et indicium, quod per hoc qui recte crediderit indicatur.

Ergo cunctis credentibus quæ continentur in præfato symbolo, salus animarum, et vita perpetua bonis actibus præparatur. Ergo quod in primordio ejusdem symboli præponitur: *Credo in Deum Patrem omnipotentem*, præclarum fidei testimonium, et fundamentum in prima fronte monstratur, quia salvus esse poterit qui recte crediderit. « Credere enim oportet accedentem ad Deum (Hebr. xi, 6), » quoniam « corde creditur ad justitiam, ore confessio fit ad salutem (Rom. x, 10). » Unde ait propheta: « Credidi propter quod locutus sum (Psal. cxv, 10). » Et illud: « Justus ex fide vivit (Rom. i, 17). » Et: « Nisi credideritis, non intelligetis (Luc. xxiv, 25). » Ergo in rebus humanis, nullum opus incipitur nisi labor omnis ad effectum venire credatur, unde credendum est in Deum a quo tam præsens vita quam futura tribuatur.

Deus autem appellatio est substantiæ sempiternæ, sive timoris divini, igitur Deus sine principio, sine fine, simplex, incorporeus et incomprehensibilis; Patrem autem cum audis, agnosce quod habeat Filium veraciter genitum, sicut possessor dicitur qui aliquid possidet, et Dominus qui habet cui dominetur. Deus ergo Pater secreti sacramenti vocabulum est cujus vere Filius est Verbum, et speculum, et character et imago vivens Patris viventis, in omnibus Patri similis, ejusdem naturæ, in divinitate genitus, genitori per omnia cœqualis. Nec quærat quomodo genuit Filium, quod et angeli nesciunt, prophetis incognitum est. Unde illud dictum est: « Generationem ejus quis narrabit (Isa. LIII, 8)? » Quam secretam originem cum proprio Filio novit ipse solus qui genuit, nec Deus a nobis discutiendus est, sed credendus, qui in nobis ipsis nescimus, quod sapimus, quomodo sapientia, ingenium, aut intellectus, aut consilium aut mens nostra generat verbum. Sed sufficit nosse quia lux genuit splendorem, sicut ait Propheta: « In splendoribus sanctorum ex utero ante luciferum genui te (Psal. cxxiii, 3). » Et illud: « Hic Deus noster et non reputabitur alter ad eum, » et post, « in terra visus est, et inter homines conversatus est (Bar. iv, 36, 38). »

Diligere ergo Deum, unumquemque ex toto corde, et ex tota anima, ut præfixum est, et ex tota fortitudine oportet, et proximum tanquam semetipsum, respondente Domino cuidam Scribarum, ac dicente: Primum omnium mandatum est: « Audi, Israel, Dominus Deus tuus, Deus unus est, et diliges Dominum Deum tuum, ex toto corde tuo, et ex tota anima tua, et ex tota mente tua, et ex tota virtute tua, hoc est primum mandatum. Secundum autem



simile est illi : Diliges proximum tuum tanquam A teipsum. Majus horum aliud mandatum non est (Marc. xii, 29, 30 et 31). »

Quod magis est omnibus holocaustomatibus et sacrificiis, unde et in Veteri Testamento scriptum habetur : « Quod tibi fieri non vis, alteri ne feceris (Tob. iv, 16), » et Dominus ait : « Omnia quaecunque vultis ut faciant vobis homines, et vos facite similiter illis (Matth. vii, 12). » Quibus utrisque mandatis, per unum malitia compescitur, et per aliud benignitas propagatur, ut ne malum quis inferat, sed bonum impendat. Primum, ut caveat lædere. Secundum, præstare, « Si enim fratrem quem vides, non diligis ; Deum quem non vides quomodo potes diligere ? » (1 Joan. iv, 20.) Sic ergo nos docet exercere curam nostram, ut non dimittamus curam vestram, et sic diligere nos, ne negligatur dilectio proximi. Quia Dei dilectio morti comparatur, dicente Sapientia : « Valida est dilectio ut mors (Cant. viii), » idcirco, quia sicut mors violenter separat animam a corpore, ita dilectio Dei separat animam a mundano et carnali amore. « Qui enim (Dominus inquit) diligit me, mandata mea servabit (Joan. xiv, 23). » Nam qui Dei præcepta contemnit, Deum non diligit, unde scriptum est. « Nolite putare ut maneatis in dilectione mea, si non servaveritis præcepta mea (Joan. xv, 10). » Neque enim regem diligimus, si odio leges ejus habemus. Neque enim ex toto corde poterit ille Dominum diligere qui noscitur in proximi corrumpere dilectionem ; quia per dilectionem Domini pervenitur ad charitatem Christi.

Quoniam, ut prælibatum est, his duobus præceptis tota lex pendet, et prophetæ, docibiles ergo qui perfecte docti non sunt ad hæc peragenda oportet omnes esse, et ut ipsi docti sint, et alios prudenter instruere, et perfecte possint docere, juxta Danielem prophetam, qui ait : « Populus autem sciens Deum suum obtinebit et faciet, et docti in populo docebunt plurimos (Dan. xi, 32). » Omnes docibiles, ut jam dictum est, qui docti non sunt, esse oportet, sed sacerdotes doctiores cæteris populis necesse fore docebat Christus, dicens : « quia si cæcus cæco ducatum præbet, ambo in foveam cadunt (Matth. xv, 14). » Sacerdotes vero sal terræ, et mundi lumen doctores præcepit in splendore operum Patrem glorificare Deum, de quibus Dominus ait : « Beati estis cum maledixerint vobis, et persecuti vos fuerint, et dixerint vobis omne malum adversum vos, mentientes propter me : Gaudete et exultate, quoniam merces vestra copiosa est in cœlis. Sic enim persecuti sunt prophetas, qui fuerunt ante vos (Luc. vi, 23). » « Vos estis sal terræ. Quod si sal evanuerit, in quo salietur, ad nihilum valet ultra, nisi ut foras mittatur, et conculcetur ab hominibus. Non potest civitas abscondi supra montem posita, neque accendunt lucernam, et ponunt eam sub modio, sed super candelabrum, ut luceat omnibus qui in domo sunt, et qui ingrediuntur lumen, videant : sic luceat lux vestra coram hominibus, ut videant bona opera

vestra, et glorificent Patrem vestrum qui in cœlis est (Matth. v, 13 et 14). »

Episcopos autem per singulas civitates quibus ille non miserat, per doctos et prudentes sicut serpentes, simplices sicut columbæ (juxta Domini præceptionem) nobis mittere præcepit. Quod etiam facere inchoavimus et Domino opem ferente facturi sumus, vos autem per vestras dioceses episcopos facite et mittite, quia nos ad alias partes (quod isdem jussit agere) curabimus. Aliquos vero ad Gallias, Hispaniasque mittemus, et quosdam ad Germaniam et Italiam, atque ad reliquas gentes dirigere cupimus, ubi autem ferociores et rebelliores gentes fore cognoverimus, illuc dirigere sapientiores et austeriores necesse habemus. Qui quotidie non cessant divina seminare semina, et multos Christo lucrari, et ad rectam fidem, et viam veritatis perducere, ut plures manipulos Domino valeant præsentare. In illis vero civitatibus, in quibus olim apud ethnicos archiflammes eorum atque primi legis doctores erant, episcoporum primates poni, vel patriarchas qui reliquorum episcoporum judicia et majora (quoties necesse foret) negotia, in fide agitent, et secundum Dei voluntatem, sicut constituerint sancti apostoli, ita ut ne quis injuste periclitaretur, definirent, in illis autem civitatibus, in quibus dudum apud prædictos erant archiflammes (quos tamen minores tenebant) quam memoratos primates, archiepiscopos institui præcepit, qui non tantum primatum, sed archiepiscoporum fruerentur nomine. Episcoporum quoque judicia, ut superius memoratum est, et majora Ecclesiarum negotia, si ipsi reclamaverint, aut aliquem timorem, aut istos vel alios suspectos habuerint, ad jam dictos primates, vel patriarchas, ne aliquis nocenter periret, transferri perducit, in singulis vero quoque civitatibus, singulos et non binos, vel ternos, aut plures episcopos, constitui præcepit, qui non primatum, aut archiepiscoporum, sed metropolitanorum nomine (quia minores civitatum non tenent) sed episcoporum tantum vocabulo potirentur, quoniam nec inter ipsos apostolos par institutio fuit, sed unus omnibus præfuit. Hoc tantum providendum instituit, ne in villis, aut castellis, vel modicis civitatibus, instituerentur episcopi, ne vile eorum nomen fieret. Episcopos ergo vicem apostolorum gerere Dominum docuisse dicebat, et reliquorum discipulorum vicem tenere presbyteros debere insinuabat. Et si quis aliquem ex his scandalizaret, gravissimam sibi poenam inferri debere prædicabat. Cunctos se invicem diligere, et adjuvare debere, et neminem ab adjutorio fratris se subtrahere instruebat.

Homicidas veros, et adulteros ac cunctos criminabilibus nexibus alligatos, et qui eis coæquales non erant, ab eorum vexatione, et accusatione (dicente Domino) prohibebat, et non nisi a coæqualibus, aliquid sibi inferre debere, docebat. « Quia discipulum supra magistrum esse (Matth. x, 24), » aut ullam ei injuriam inferre, nullatenus debere oportet.

Infames namque omnes, et quos primates legis sæculi, non recipiunt, sed et laicos ab eorum accusatione, et vexatione semper repellere debere rogabat, et cunctos sibi subditos esse, præcipiebat. Cunctorum sacerdotum vitam superiorem, sanctionemque ac discretam a sæcularibus et laicis hominibus esse, et spirituales, atque sacerdotes super carnales ac laicos semper constituere, et fore debere docebat. « Quoniam pro minimo, nobis esse debet, ut a talibus arguamur, et judicemur, vel ab alio humano die (*I Cor. iv, 5*). » Majores vero a minoribus, nec accusari, nec judicari, ullatenus posse dicebat. Quoniam non solum hoc divinas, sed leges sæculi inhibere dicebat. Omnes ergo legum divinarum libenter perturbatores, ecclesiastica indignos regula, et sancta communione judicabat. Operatores vero earumdem, eisque obedientes utrarumque ac cæterarum bonarum dignos esse dicebat, unde et prophetas in testimonium sumebat. Audite, cœli, et auribus percipe, terra, quoniam Dominus locutus est : « Filios enutrivimus, et exaltavi, ipsi autem spreverunt me, cognovit hos possessorem suum, et asinus præsepe domini sui, Israel non cognovit me, populus meus non intellexit. Væ genti peccatrici, populo gravi iniquitate, semini nequam, filiis sceleratis. Dereliquerunt **6** Dominum, blasphemaverunt sanctum Israel, abalienati sunt retrorsum. Super quo percutiam vos ultra addentes prævaricationem. Omne caput languidum, et omne cor mœrens, a planta pedis usque ad verticem, non est in eo sanitas, vulnus, et livor, et plaga tumens, non est circumligata, nec curata medicamine neque fota oleo. Terra vestra deserta, civitates vestrae igne succensæ, regionem vestram coram vobis alieni devorant, et desolabitur, sicut in vastitate hostili, et derelinquetur (*Isa. i, 2 et seq.*). Væ (inquit) qui dicitis bonum malum, et malum bonum, ponentes tenebras lucem, et lucem tenebras, ponentes amarum in dulce, et dulce in amarum (*Isa. vi, 21*). Propterea, captivus ductus est populus meus, quia non habuit scientiam, et nobiles ejus interierunt fame, et multitudo ejus siti exaruit. Propterea dilatavit infernus animam suam, et aperuit os suum, absque ullo termino, et descendunt fortes ejus, et populus ejus, et sublimes gloriosique ejus ad eum. Et incurvabitur homo, et humiliabitur vir, et oculi sublimium deprimentur. Et exaltabitur Dominus in judicio, et Deus sanctus sanctificabitur in justitia (*Isa. v, 13 et seq.*). »

Carnales spiritualibus resistere prohibebat, et de his qui cervices suas contra magistros et seniores suos erigebant in diaboli exemplum dicebat : Detracta est ad inferos superbia tua, cecidit cadaver tuum, subter te sternetur linea, et operimentum tuum erunt vermes. Quomodo cecidisti de cœlo, Lucifer, qui mane oriebaris, corruisti in terram, qui vulnerabas gentes? Qui dicebas in corde tuo, In cœlum ascendam, supra astra Dei exaltabo solium meum, sedebo in monte Testamenti, in lateribus

aquilonis, ascendam super altitudinem nubium, similis ero Altissimo. Verumtamen ad infernum detraheris, in profundum laci. Qui te viderint, ad te inclinabuntur, teque prospicient : Nunquid iste est vir, qui conturbavit terram, qui concussit regna, qui posuit orbem desertum, et urbes ejus destruxit, vinctis ejus non aperuit carcerem?

Ebrietatem oppido prohibebat, et ebriosos corpore et animo mortuos esse prædicabat, de quibus et in exemplum aiebat : Væ qui consurgitis mane ad ebrietatem sectandam, et potandum usque ad vesperam, ut vino æstuetis. « Cithara et lyra, et tympanum, et tibia, et vinum in conviviis vestris, et opus Domini non respicitis, nec opera manuum ejus consideratis (*Isa. v, 11 et seq.*). » Et iterum ; « Væ qui potentes estis ad bibendum vinum, et viri fortes ad miscendum ebrietatem. Qui justificatis impium pro muneribus, et justitiam justii aufertis ab eo. Propter hoc sicut devorat stipulam lingua ignis, et calor flammæ exurit, sic radix eorum quasi favilla erit, et germen eorum ut pulvis ascendet. Abjecerunt enim legem Domini exercituum, et eloquium sancti Israel blasphemaverunt. Ideo iratus est furor Domini in populo suo, et extendit manum suam super eum, et percussit eum, et conturbati sunt montes, et facta sunt morticina eorum, quasi stercus in medio platearum. « In omnibus his, non est aversus furor ejus, sed adhuc manus ejus extenta (*Ibid., 22 et seq.*). »

Nullum enim presbyterum, in alicujus episcopi parochia, aliquid agere debere, absque ejus permissu docebat, cunctos presbyteros, propriis episcopis in omnibus, absque mora obedientes, instituente Domino, esse debere. Nullum enim aliena concupiscere, aut præsumere eorum, sed unumquemque suis, sibi que commissis, contentos esse docebat. « Neminem etiam alicui aliquid facere, nisi quod sibi vellet fieri (*Tob. iv, 16*), » instruebat. Sanctam ergo Ecclesiam immaculatam omnes servare debere, evangelizabat, cujus claves episcopos esse dicebat. Ipsi enim habent potestatem claudere cœlum et aperire portas ejus, quia claves cœli facti sunt.

Amovere autem eos neminem debere docebat, quia oculi Domini sunt, et qui eos tangit, tangit pupillam oculi ejus (*Zach. ii, 8*). Et quantæ poenæ dignus sit, qui eos scandalizat, ipsum Dominum docuisse dicebat, ubi ait : « Qui scandalizaverit unum de pusillis estis qui in me credunt, expedit ei ut suspendatur mola asinaria in collo ejus, et demergatur in profundum maris. Væ mundo a scandalis, necesse est enim veniant scandala ; verumtamen, væ homini illi per quem scandalum venit. Si autem manus tua scandalizat te, abscinde eam, et projice abs te. Bonum est tibi ad vitam ingredi debilem, quam duas manus habentem, mitti in gehennam ignis. Et si pes tuus scandalizat te, abscinde eum, et projice abs te. Bonum est tibi introire ad vitam claudum, quam duos pedes habentem, mitti in ignem æternum. Et si oculus tuus scandalizat te, erue eum, et projice abs te. Bonum est tibi unum oculum ha-



bentem in vitam introire, quam duos oculos habentem mitti in gehennam ignis. Videte ne condemnatis unum ex his pusillis (*Matth. xviii, 6 et seq.*). » Amen dico vobis, quæcunque alligaveritis super terram erunt alligata et in cælo, et quæcunque solveritis super terram erunt soluta et in cælo. « Iterum dico vobis, quia si duo ex vobis consenserint super terram, de omni re quæcunque petierint, fiet illis a Patre meo, qui in cælis est. Ubi enim sunt duo vel tres congregati in nomine meo, ibi sum in medio eorum (*Matth. xviii, 18 et seq.*) » Et iterum per prophetam loquitur, dicens : Expavit (inquit) cælum super hoc, et horruit amplius vehementer, dicit Dominus : O intolerabilem malignitatem, o linguam iniquitatem loquentem contra Dominum, et mentem in altitudinem cornu extollentem. Et iterum : « Imponere, homo, tuæ linguæ ostium et seram, cessa cornu in altitudinem extollens, et loquens adversus Dominum, et proximum tuum, quousque insultas patienti Christo et fratribus? » (*Eccl. xxviii, 28 et seq.*) Sic autem peccantes in fratribus, et percutientes eorum infirmam conscientiam in Christum graviter peccatis, et rei iudicio effecti, infames efficiemini, et juste repellemini. Et iterum per Prophetam loquitur, dicens : « Vos autem, sacerdotes Domini, vocabimini ministri Dei nostri, dicetur vobis, fortitudinem gentium comedetis, et in gloria eorum superbiētis, pro confusione vestra duplici rubore laudabunt partem eorum, propter hoc in terra sua duplicia possidebunt, et lætitia sempiterna erit eis. Quia ego Dominus diligens iudicium, et odio habens rapinam in holocaustum, et dabo opus eorum in veritate, et fœdus perpetuum feriam eis. Et sciatur in gentibus semen eorum et germen eorum in medio populorum. Omnes qui viderint eos cognoscent eos, quia isti sunt semen cui benedixit Dominus : Gaudens gaudebo, et exsultabit anima mea in Deo meo, quia induit me vestimento salutis, et indumento iustitiæ circumdedit me, quasi sponsum decoratum corona, et quasi sponsam ornatam monilibus suis. Sicut enim terra profert germen suum, et sicut hortus semen suum germinat, sic Dominus Deus germinabit iustitiam, et laudem coram universis gentibus (*Isa. lxi, 6 et seq.*). »

Eos autem a solo Domino iudicandos aut removendos, et non ab aliis esse dicebat, quia sui sunt et non alterius. Et quis est qui alterius iudicet servum? Nam et si ista non patiuntur homines, nec Deus deorum et Dominus dominantium hæc ullatenus patitur, unde et prophetas sibi testes esse dicebat, per quos Dominus loquitur, dicens : « Ecce excoci te, sed non quasi argentum elegi te in camino paupertatis, propter me faciam, ut non blasphemem, et gloriam meam alteri non dabo. Audi me, Jacob, et Israel quem ego voco. Ego ipse, ego primus, et ego novissimus, manus quoque mea fundavit terram, et dextera mea mensa est cælos. Ego vocabo eos, et stabunt simul (*Isa. xlviii, 10 et seq.*), me insulæ expectabunt, et brachium meum sustinebunt. Salus

A autem mea in sempiternum erit, et iustitia mea non deficiet (*Isa. li, 5 et 6*). »

« Audite me, qui scitis iustum, populus lex mea in corde eorum. Nolite timere opprobria hominum, et blasphemias eorum ne metuatis. Sicut enim vestimentum, sic comedet eos vermis, et sicut lanam sic devorabit eos tineæ. Salus autem mea in sempiternum erit, et iustitia mea in generatione generatio-num (*Ibid. 7 et 8*). » Et iterum : « Abscondita est vita mea a Domino, et a Domino meo iudicium meum transibit. Nunquid nescis aut non audisti? Deus sempiternus, Dominus, qui creavit terminos terræ, non deficiet neque laborabit, nec est investigatio sapientiæ ejus. Qui dat lasso virtutem, et his qui non sunt fortitudinem, et robur multiplicat. Deficient B pueri, et laborabunt, et juvenes in infirmitate cadent. Qui autem sperant in Domino mutabunt fortitudinem, assument pennas sicut aquilæ, current et non laborabunt, ambulabunt, et non deficient. Transeant ad me insulæ, et gentes mutant fortitudinem, accedant et tunc loquentur, simul ad iudicium propinquemus (*Isa. xli, 27 et seq.*). » Hos autem qui eos vetant, aut amovere vel damnare nituntur, ipsum Dominum per prophetam damnare, et usque ad satisfactionem eorum et Ecclesiæ damnatos esse docebat, ubi ait : « Talia elegerunt in viis suis, et in abominationibus suis anima eorum delectata est, unde et ego eligam illusiones eorum, et damnationem adducam eis, quia locutus sum eis, et non audierunt, feceruntque malum in oculis meis, et quæ nolui C elegerunt. Audite verbum Domini, qui tremitis ad verbum ejus. Dixerunt fratres vestri odientes vos, et vos abicientes propter nomen meum : Glorificetur Dominus, et videbimus in lætitia nostra, ipsi autem confundentur (*Isa. lxvi, 3-5*). » non enim laborabunt frustra in conturbatione præsules mei, quia semen benedictionum Domini est, antequam clament ego exaudiam, et adhuc illis loquentibus, ego exaudiam (*Isai. lxi, 23, 24*). » Ad glorificandum se, et divina mandata seminanda, et evangelizanda, eos Dominus elegit, et non ut prohibeantur, aut perturbentur, aiebat, quoniam qui eos lædit, eum lædit cuius legatione funguntur (*II Cor. v, 20*). Prædicare eos assidue et mandata Domini sine intermissione annuntiare rogabat. Opera eorum bona coram hominibus monstrare, et conscientiam bonam coram Deo habere insinuabat, omnes principes terræ et cunctos homines eis obedire, et capita sua submittere, eorumque adjutores existere præcipiebat, ut omnes pariter fideles et cooperatores legis Domini monstrarentur, ne de eis dicatur. « Confundantur, et erubescant omnes qui pugnant adversum te, et erunt quasi non sint, et peribunt viri qui contradicunt tibi. Quæres eos et non invenes viros rebelles tuos. Erunt quasi non sint, et veluti consumptio hominis bellantis adversum te (*Isa. xli, 11 et 12*). » Omnis ergo, qui eis contravenit, ita damnatos et infames usque ad satisfactionem monstrabat, et nisi converterentur a liminibus Ecclesiæ alienos esse præcipiebat.

Homicidiorum vero tria genera esse dicebat, et poenam eorum patentem fore docebat. Sicut enim homicidas, interfectores fratrum, ita et detractores eorum eosque odientes homicidas esse manifestabat, quia et qui occidit fratrem suum et qui odit, et qui detrahit pariter, homicidæ esse monstrantur.

Omnes enim a carnalibus desideriis quæ militant adversus animam (*II Petr. II, 11*) abstinere, et bonam eorum conversationem ac innocentem omnibus monstrare rogabat. Ex corde enim cunctos attentius invicem diligere insinuabat, et veram fraternitatem inter se habere docebat. Quotidiana enim illius prædicatio, inter cætera divina, hæc erat, mandata, quam in ejus exemplum etiam tibi, frater charissime, significare curavi. Bonorum (inquit) operum inter cætera semina ac negotia sunt quantum unusquisque sapit, et potest totis intimi cordis (ut prælibatum est), visceribus Deum diligere, et proximum velut seipsum. Abnegare seipsum sibi, ut Jesum Christum Dominum nostrum sequatur, et nihil ejus amoris præponere, veritatem corde et ore proferre debere, et totam suam Domino semper committere instruebat, actus suæ vitæ omni hora custodire, et omni loco Deum se respicere firmiter scire. Cogitationes malas cordi suo advenientes mox ad Christum allidere, et sacerdotibus Domini manifestare.

Os suum a malo, vel pravo eloquio custodire, et verba vana aut mendacia non loqui, quia « os quod mentitur occidit animam (*Sap. I, 11*) »; verba divina libenter audire, et sacerdotibus suis libenter obtemperare, atque **7** obedientes esse docebat. Prædicationi atque orationi ac lectioni frequenter incumbere, et eleemosynas veras perficere. « Desideria carnis non perficere (*Gal. v, 16*) », sed propriam frangere voluntatem; boni aliquid in se cum viderit Deo applicet, non sibi, et malum a se factum cognoscat, et sibi reputet. Multum loqui non amare, sed custodire labia sua ne dolum aut malum loquantur, diem judicii timere, gehennam expavescere, vitam æternam omni concupiscentia desiderare; non occidere, non adulterari, non furtum facere, non rem proximi concupiscere, non falsum testimonium dicere (*Exod. xx, 13 et seq.*), sed omnes homines honorare, corpus custodire, vanas et caducas non amplecti delicias, jejunium et vigilias sanctas amare, pauperes recreare, nudos vestire, infirmos visitare, sitientes potare, mortuos sepelire, et diligenter eorum exsequias peragere, pro eisque orare, et eleemosynas dare. Dolentes consolari, et suis bonis refovere et a malis actibus se alienum facere; non esse superbum, « non vinolentum (*Tit. I, 7*) », nec multum edacem, non somnolentum, non pigrum, non murmuratorem, nec detractorem, quia qui detrahit, non solum se, sed multos alios occidit; iram non perficere, nec iracundiæ tempus reservare. Dolum in corde non tenere, nec pacem falsam dare, charitatem non derelinquere, nec jurare, ne forte perjurus (quod absit) fiat. Malum pro malo

non reddere, nec injuriam facere, sed factam patienter sufferre, inimicos diligere, maledicentes se non remaledicere, sed magis benedicere, et persecutionem pro justitia sustinere. Charitatem amare, et nullum odio habere, quia « qui odit fratrem suum, homicida est (*I Joan. III, 15*) ». Elationem fugere, zelum malum non habere. Invidiam non exercere, nec contentionem amare. Cum discordantibus ante solis occasum in pacem redire, et de Dei misericordia nunquam desperare. Seniores venerari, et juniores diligere. Episcopos, sacerdotes suos ac cunctos reliquos Ecclesiæ ministros atque omnem plebem sibi commissam verba divina et mandata instruere et amare, hosque omnes eorum episcopos tota animi virtute diligere ut oculos suos, quia oculi sunt illorum. Eorum præceptis in omnibus obedire, etiamsi ipsi aliter (quod absit) agant, memores scilicet illius Dominici præcepti: « Quæ dicunt facite, quæ autem faciunt facere nolite (*Matth. xxiii, 3*). » Ipsi autem episcopi si exorbitaverint ab istis, non sunt reprehendendi, vel arguendi, sed portandi, nisi in fide erraverint. Hi ergo super hos sunt, non illi super istos, quoniam major a minore nec argui, nec judicari potest. Nullus se extollat erga doctores ac magistros suos, quia « discipulus super magistrum non esse (*Matth. x, 24*) » debet nec potest. Nullus velit dici sanctus, antequam sit, sed prius sit, ut verius dicatur. Præcepta Domini doctorumque ac magistrorum factis quotidie adimplere, et in Christi nomine pro inimicis orare oportet. Obedientia enim et humiliatio, quæ magistris agitur, Domino exhibetur. « Timor Domini delectabit, et dabit lætitiæ et gaudium in longitudinem dierum. Timentium Dominum bene erit in extremis et in die dysfunctionis suæ benedicet (*Eccli. I, 12, 13*). » Væ dissolutis corde, qui non crediderunt Deo, et resistunt mandatis ejus, et inobedientes ac contumaces sunt his qui ejus legatione funguntur, et ideo non proteguntur ab eo. Væ his qui perdiderunt sustinentiam, qui dereliquerunt vias rectas, et diverterunt ad vias pravas. Et quid facient, cum inspicere cœperit Dominus. Qui timent Dominum, non erunt incredibiles verbo illius, et qui diligunt illum, conservabunt viam illius. Qui timent Dominum, inquirent quæ beneplacita sunt illi, et qui diligunt eum, replebuntur lege ipsius. Qui timent Dominum, præparabunt corda sua, et in conspectu illius sanctificabunt animas suas. Qui timent Dominum, custodiunt mandata illius, et patientiam habebunt usque ad inspectionem illius, dicentis: « Si poenitentiam non egerimus, incidemus in manus Domini, et non in manus hominum, secundum enim magnitudinem illius, sic et misericordia ipsius cum ipso est (*Eccli. II, 15 et seq.*). » Venite (inquit), filii, audite me, timorem Domini docebo vos (*Psal. xxxiii, 12*). « Carrite dum lumen vitæ habetis, ne tenebræ mortis vos comprehendant (*Joan. XII, 35*). » « Omnis qui vult vitam et cupit videre dies bonos, prohibeat linguam ejus a malo, et labia sua ne loquantur



dolum, divertat a malo, et faciat bonum, inquirat pacem et prosequatur eam, quia oculi Domini super justos, et aures ejus ad preces eorum. Vultus autem Domini super facientes mala, ut perdat de terra memoriam eorum (*Psal. xxxiii, 13 et seq.*). » Propterea nolite fieri sicut equus et mulus, in quibus non est intellectus. Sed letamini in Domino et exsultate, just!, et gloriamini, omnes recti corde (*Psal. xxxi, et 11*). « Quia multi venient ab oriente et occidente (Domino dicente) et a septentrione atque meridie, et recumbent cum Abraham, et Isaac, et Jacob (*Matth. viii*). »

Propter quod deprecor te, frater charissime, ut doceas attentius hunc prædicationis ordinem et absolutionis dies, ut salventur animæ hominum quæ occulta Dei virtute quem debeant diligere priusquam doceatur, agnoscant. Operum vero ratio potestati et arbitrio uniuscujusque permittitur, et hoc ipsorum est proprium; desiderium vero habere erga doctorem veritatis, hoc a Patre cœlesti donatum est. Sed salus in eo est ut voluntatem ejus cujus amorem et desiderium, Deo largiente, conceperis, facias, ne dicatur ille sermo ejus ad nos, quem idem dixit: « Quid autem me dicitis, Domine, Domine, et non facitis quæ dico? Est ergo proprii muneris, ut unusquisque sit prout Dominus noster dederit perfectus in Ecclesia, metensque semina divina, ut de nobis non prædictus sermo, sed ille dicatur quem alibi Dominus noster dixit. Ideo (inquit), Omnis scribe doctus in regno cœlorum, similis est homini patrifamilias, qui profert de thesauro suo nova et vetera (*Matth. xiii, 52*). » Nullus ergo, inquit, impediat ordinem, aut locum occupet irrationabiliter, vel temporum permutet vices, sed primo quæ sit justitia ejus, quæ voluntas requiramus, ut bonis operibus ac Dei gratia repleamur. Deus enim his qui recte sentiunt et bona agunt præsto est, quo-

niam est, quoniam his manifestat seipsum. Nam si quis velit antequam actus suos emendet, de his requirere quæ non potest invenire, stulta et inefficax erit homini inquisitio. Tempus enim breve est, et judicium Dei gestorum causa agitur non questionum. Ideoque ante hoc omnia quæramus, quod nos aut qualiter agere oporteat, ut æternam vitam consequi mereamur. Nam si exiguum hoc tempus vitæ per inanes occupemus et inutiles quæstiones, inanes sine dubio et vacui ab operibus bonis pergemus ad Dominum, ubi judicium operum nostrorum fiet, unaquæque enim res suum tempus habet et locum. Operum hic locus, hoc tempus est meritum est sæculum futurum. Currat igitur per viam mandatorum Domini, et ab eorum præceptorum institutis et Spiritus sancti doctrina non recedatur. Quapropter præparanda sunt corda nostra ac corpora, et sanctæ mandatorum ejus suorumque episcoporum ac prædictorum obedientiæ militatura, ut suæ gratiæ jubeat nobis auxilium ministrare, et fugientibus gehennæ pœnam ad vitam valeant omnes pervenire æternam.

Hæc itaque, frater charissime Jacobe, ab ore sancti Petri jubentis accepi, tibi que ut optabas insinuare studui, ut servare omnia immaculata præcipias, quia ecclesiastica non oportet negligenter, sed diligenter expleri negotia. Hæc ergo præcepta nemo credat absque suo periculo negligere, vel dissimulare, quia judicio Dei ignis æterni tormenta sustinebit qui ecclesiastica decreta neglexerit. Qui vero te audierit, ut jusserat minister Christi Jesu, gloriam accipiet. Qui autem te non audierit imo loquentem Dominum per te ipsi sibi damnationem accipiet. Curandum ergo, et attendendum est nobis omnibus quod in perpetuum expedit, ut Christi passionibus per patientiam participemus atque regni ejus mereamur esse consortes. Amen.

## EPISTOLA CLEMENTIS PAPÆ AD JACOBUM FRATREM DOMINI

*De sacris vestibus et vasis*

CLEMENS Romanæ Ecclesiæ præsul, Jacobo Hierosolymorum episcopo.

Quoniam sicut a beato Petro apostolo accepimus omnium apostolorum patre, qui claves regni cœlestis accepit, qualiter tenere debemus, de sacramentis quæ geruntur in sanctis te ex ordine nos decet instruere.

Tribus enim gradibus commissa sunt sacramenta divinorum secretorum, id est, presbytero, diacono, et ministro, qui cum timore, et tremore clericorum, reliquias corporis Dominici debent custodire fragmentorum, ne qua putredo in sacrario inveniatur, ut cum negligenter agitur portio corporis Domini, gravis inferatur injuria. Communio enim corporis Domini nostri Jesu Christi, si negligenter erogetur, et presbyter minora non curet admonere officia,

gravi anathemate digna humiliationis plaga feriat. Certe tanta in altario holocausta offerantur, quanta populo sufficere debeant. Quod si remanserint, in crastino non reserventur, sed cum timore et tremore clericorum, et diligentia consumantur. Qui autem residua corporis Domini quæ in sacrario relictæ sunt consumunt, non statim ad communes accipiendos cibos convenient, ne putent sanctæ portioni commiscere cibum qui per aqualiculos digestus in secessum funditur. Si ergo mane Dominica portio editur, usque ad sextam jejune ministri qui eam consumperint. Et si tertia vel quarta hora acceperint, jejune usque ad vespere. Sic, secreta sanctificatione, æterna custodienda sunt sacramenta.

De vasis sane sacris ita gerendum est: altaris

palla, cathedra, candelabrum et velum, si fuerint vetustate consumpta, incendio dentur, quoniam non licet ea quæ in sanctuario fuerint, male tractare, sed incendio universa tradantur. Cineres quoque eorum in baptisterio inferantur, ubi nullus transitum habeat, aut in pariete, aut in fossis pavimentorum jactentur, ne introeuntium pedibus inquinentur. Nemo per ignorantiam clericus palla mortuum credat obvolvendum, aut diaconus scapulas operire velit, quæ fuit in altari, aut certe quæ data est in mensam Domini. Qui hæc fecerit vel leviter quasi nihil, et negligenter habuerit divina mysteria, diaconus triennio sexque mensibus a Dominico alienus erit altari, gravi percussus anathemate. Quod si clericum presbyter non commonuerit, decem annis et quinque mensibus excommunicatus sit, propter quod de Dominicis sacramentis subjecta sibi non commonuerit ministeria, et postea cum grandi et gravi humilitate matri reconcilietur Ecclesiæ. Pallas vero et vela quæ in sanctuarii sordidata fuerint ministerio, diaconi cum humilibus ministris juxta sacrarium lavent, non ejicientes foras a sacrario velamina Dominicæ mensæ, ne forte pulvis Domini corporis male decadat a sindone foris abluto, et erit hoc operanti peccatum, idcirco intra sacrarium ministris præcipimus hæc sancta cum diligentia custodire. Sane pelvis nova comparetur, et præter hæc nihil aliud tangat. Sed non ipsa pelvis ullis apponatur lavandis, nisi quæ ad Domini altaris cultum pertinent, pallæ altaris solæ in ea laventur, et in alia vela januarum.

De velis autem januarum cura sit ostiariis ex admonitione majorum, ne quis negligens, aut ignarus ad velum januæ domus Domini manus incondite tergat, sed statim coercitus discat omnis homo quia velum atrii domus Domini sanctum est.

Præcipimus etiam, ne unquam extero clerico sive laico de fragmentis oblationum Domini ponatur ad mensam. Unde scis tu qui passim sacrarii panes indignis impendis, unde nosti si a mulieribus mundi sunt? Unde et David ab Abimelech sacerdote interrogatus cum panes sibi ad comedendum posceret, si mundus esset a muliere, cum se mundum ante triduum profiteretur, panes propositionis manducavit.

Ad Dominica autem mysteria tales eligantur qui ante ordinationem conjuges suas non noverint. Quod si post ordinationem ministro contigerit proprium invadere cubile uxoris, sacrarii non intret limina, nec sacrificii potitor fiat, nec altare contingat, nec ab offerentibus holocausti oblationem suscipiat, nec ad Domini corporis portionem accedat, sed aquam sacerdotibus porrigat ad manus, sed ostia forinsecus claudat, minora gerat officia, urceum sive calicem ad altare non suserat.

Si forte quispiam presbyter sive diaconus sacrarii sindonem vel velum subtracta vendiderit, Judæ similis æstimabitur Iscariothis; qui propter cupiditatem

A fecerit hoc opus, noverit se supradicti Judæ suscepturum pœnam.

Clericus vero solus ad feminæ tabernaculum non accedat, nec properet sine majoris natu principis jussione. Nec presbyter solus cum sola adjungatur, sed duobus adductis testibus, visitet infirmam, nec solus cum sola femina fabulas misceat, nec archidiaconus aut diaconus sub prætextu humilitatis officii frequentet domicilia matronarum, aut forte per clericos aut domesticos ejus matronæ mandent secreti aliquid. Si cognitum fuerit, et ille deponatur, et illa a liminibus arceatur ecclesiæ. Sed si forte aliqua intercessio fuerit, episcopo suggeratur. Et si talis est ad quam debeat ire pio interventu ipse pergat. Sin autem de latere suo dirigat, cum duobus aut tribus qui hoc scire debeant. Sane ad visitandam mulierem infirmam nullus clericus ingrediatur, nisi cum duobus aut tribus. Nemo tamen cum extranea habitet femina, nisi proxima aut soror fuerit. Et hoc cum magna sollicitudine fiat. Non ignoramus malitias Satanæ. Universa hæc cum mansuetudine ecclesiastica complenda sunt ministeria. Negotium enim Dei non decet negligenter expleri.

Iterum atque iterum de fragmentis Domini corporis demandamus, calicem vero ad proferendum sanguinem Domini præparatum, cum tota munditia ministerii, minister præparet, ne non bene lotus calix diacono peccatum fiat offerenti, ita cum omni honestate cuncta, quam supra exposuimus, oportet impleri. Tales ad ministerium eligantur clerici, qui digne possint Dominica sacrata tractare. Melius est enim sacerdoti paucos habere ministros qui possint digne opus Dei exercere, quam multos inutiles qui onus grave ordinatori adducant.

A principio epistolæ usque ad locum hunc de sacramentis delegavi bene intuendis, ubi non murium stercora inter fragmenta Dominicæ portionis appareant, neque putrida per negligentiam remaneant clericorum, et convenientes qui accipere sibi medicinam desiderant, putrida cum viderint, magis cum ridiculo et fastidio videantur accipere, et in peccatum magis decident per negligentiam clericorum. Quapropter nemo clericorum ultra hæc dissimulet, aut negligere ullatenus audeat, sed libenter quæ jussa sunt expleat, et sacrata divina nequaquam negligenter contractet. Ideoque tam juvenes quam senes de his, et de omni conversatione sua, et conversatione et poenitentia valde esse sollicitos oportet, satisque agere, ut hæc condigne agant, et de reliquo ornent tam clerici quam sæculares animas suas ornamentis dignissimis, dogmatibus scilicet veritatis, decore pudicitiae, splendore justitiæ, candore pietatis, aliisque omnibus quibus compositam decet esse rationabilem mentem. Tum præterea declinare a consortiis inhonestis et infidelibus, et societates habere fidelium, atque illos frequentare conventus in quibus de pudicitia, de justitia, de pietate tractatur. Orare spe Deum ex toto corde, et ab ipso petere quæ decet, ipsi gratias agere, veram poenitentiam



gerere præteritorum gestorum, aliquantulum etiam, si possibile est, per misericordias pauperum juvare pœnitentiam. Per hæc enim facilius venia dabitur, et indulgenti citius indulgebatur. Quod si provectionis ætatis sit is qui ad pœnitentiam venit, eo magis gratias agere debet Deo. Quod postquam finis est, omnis impetus concupiscentiæ carnalis, scientia veritatis accepta, nulla ei imminet pugna certaminis, per quam insurgentes adversus animam reprimat corporis voluntates. Superest ergo ei in agnitione veritatis, et misericordiæ operibus exerceri, ut afferat fructus dignos pœnitentiæ. Nec putet quia in temporis longitudine documentum conversionis ostenditur, et non in devotionis ac propositi firmitate, Deo enim manifeste sunt mentes, quia non temporum rationem colligit, sed animorum, ipse enim probat si quis agnita veritatis prædicatione non distulit, neque tempus negligendo consumpsit, sed statim et, si dici potest, eodem momento præterita perhorrescens futurorum desiderium cepit, et in amore regni cœlestis exarsit. Propter quod nemo vestrum ultra dissimulet, nec retro respiciat, sed ad Evangelium regni Dei libenter accedat. Non dicat pauper quia, cum dives factus fuero, tunc convertar. Non requirit a te Deus pecuniam, sed animam misericordem et piam mentem. Neque dives conversionem suam differat, pro sollicitudine sæculari, dum cogitat quomodo dispenset abundantiam frugum. Neque dicat intra semetipsum, Quid faciam? ubi recondam fructus meos? Neque dicat animæ suæ. « Habes multa bona reposita in annos multos, epulare et lætare. Nam dicitur ei. Stulte, hac nocte auferetur abs te anima tua, et quæ parasti, cujus erunt? (*Luc. xii, 19 et 20*) » Itaque festinet ad pœnitentiam omnis ætas, omnis sexus, omnisque conditio, ut vitam consequatur æternam, juvenes quidem in eo grati sint, quod in ipso impetu desideriorum, cervices suas iugo subjiciunt disciplinæ. Senes et ipsi laudabiles multi temporis consuetudinem in qua male præventi sunt pro Dei amore commutent. Nemo ergo differat, nemo cunctetur. Quæ enim causa cunctandi est ad bene agendum? Animus sibi male conscius dum videtur sibi nullam pœnam pati, credit quia non judicet Dominus, cum abuti patientia Dei et non intelligere parentis benignitatem jam sit magna damnatio. Unde scriptum est: « Maledictus omnis qui opus Domini negligenter agit (*Jer. XLVIII, 10*). » Quapropter pastoralis ordinis est infatigabiliter revocare quicquid ad correctionem populorum, imo magis filiorum spiritualium (quantum est fas intelligere) cognoverit pertinere, et non (quod absit) cum suo periculo alienæ spei per solam negligentiam facere detrimentum, sed quod ad generalis salutis spectat compendium, salubri necesse est providere tractatu.

Homini religioso parum esse debet inimicitias aliorum non exercere, vel non augere male loquendo, nisi eas etiam extinguere bene loquendo studuerit. Ecce oris nostri buccina ad aures hominum

A personamus, neque se deinceps excusabit non monitum, qui quicquid sequi debeat, tam verbis quam litteris, edocetur.

Qualis autem condemnatio, et qualis imminet maledictio his qui in patres peccant, divina nos docet Scriptura. Si enim Cham filius Noe, cum vidisset nudum suum patrem, quoniam non cooperuit patris corporalis nuditatem, sed egressus nuntiavit eam fratribus, et illi vestimento eum cooperuerunt, ipse quidem Cham, et illi qui ex eo nati sunt sub maledicto facti sunt, qui autem cooperuerunt magnam benedictionem meruerunt: multo magis isti majore et ampliore condemnatione digni sunt, qui patribus obviare, aut contra eos insurgere nituntur, aut injuriam vel contumeliam eis inferre moliantur, quoniam qui eis resistit et Deo resistit, et qui eis injuriam vel contumeliam facit, Deo, cujus legatione funguntur facit. Expavit cœlum super hoc et horruit amplius vehementer, dicit Dominus. O intolerabilem malignitatem, o linguam loquentem iniquitatem contra Deum, et mentem in altitudinem cornu extolentem! Et iterum: Impone, homo, tuæ linguæ ostium et seram. Cessa in altitudinem cornu extollens et loquens adversus Dominum iniquitatem et proximum tuum, quousque insultas patienti Christo et fratribus?

Hæc nos familiarius docebat, et hæc nobis publicitus prædictus magister, et instructor atque ordinator noster princeps apostolorum Petrus in Ecclesia prædicabat, exemplum dans ut nos similiter faciamus. Humiliamini (inquit) in conspectu Domini, et exaltabit vos. Nolite detrahare alterutrum quoniam qui detrahit fratri, aut qui judicat fratrem suum, detrahit legi, et judicat legem. Qui autem judicat legem non est factor legis, sed iudex, unus est enim legislator et iudex, qui potest perdere et liberare. « Tu autem qui es qui iudicas proximum? (*Jac. iv, 10 et seq.*) » Non oportet, non præcepit nos iudicare invicem, sed magis auxilium ferre: vae erit (inquit) his qui fratres tribulant, et eis qui eos persequuntur, vos autem quanto amplius tribulamini, tanto purgatiores atque beatiores efficiemini, si tamen ipsa tribulatio patienter fuerit supportata, quod etiam ipse nos Dominus docuit. « Beati qui persecutionem patientur propter justitiam. » Et item: « Beati eritis cum vos oderint homines, » et « persecuti vos fuerint, et ejecerint nomen vestrum tanquam malum. Gaudete in illa die, et exultate, quoniam merces vestra multa est in cœlo (*Matth. v, 10*), » unde et ipse ait: « Diliges Dominum Deum tuum ex toto corde tuo, et ex tota anima tua, et ex totis viribus tuis, et proximum tuum sicut teipsum (*Marc. xii, 30, 31*). » Non enim, inquit, recte diligit Deum qui fratrem insequitur, nec diligit proximum qui ei detrahit, vel qui illum accusat, quia quod sibi quis fieri non vult, hoc alteri nullatenus facere debet. Discite, inquit, filii mei, sapientiam et tenetote fidem rectam, et amplectimini charitatem, ut non excidatis; data est enim vobis a Domino potestas, et virtus ab Altis-

simo, qui interrogabit opera vestra, et cogitationes scrutabitur vestras. Qui autem custodierint iustitiam, iuste iudicabuntur, et qui crediderint iusta iuste invenient quid respondeant. Semper cavetote quæ præcepit, ne aliquando peccato consentiamus, et prætermittamus præcepta Dei nostri.

Ecclesias per congrua et utilia facite loca, quæ divinis precibus sacrare oportet, et in singulis sacerdotes divinis orationibus Deo dicatos poni. Quos ab omnibus venerari oportet, et non a quoquam gravari. Semper vitate mala, et pro animabus vestris ne confundamini dicere verum. Mendacia fugite, et veritatem corde proferte, quoniam multos iam supplantavit suspicio. Charitatem semper diligite, et fratres adjuvate. Erunt enim quasi non sint, et peribunt viri qui contradicunt vobis; unde et Dominus ait: « Qui vos audit, me audit, et qui vos spernit, me spernit, et qui spernit me, spernit eum qui me misit (*Luc. x, 16*). » Et item: « Qui enim non est adversum vos pro vobis est. Quisquis enim potum dederit vobis calicem aquæ in nomine meo (quia Christi estis), amen dico vobis, non perdet mercedem suam. Et qui scandalizaverit unum ex pusillis credentibus in me, bonum est ei magis si circumdaretur mola asinaria collo ejus et in mare mitteretur. Et si scandalizaverit te manus tua, abscede illam, bonum est tibi debilem introire in vitam, quam duas manus habentem ingredi in gehennam ignis, inextinguibilem, ubi vermis eorum non moritur, et ignis non exstinguitur; et si pes tuus scandalizat te, amputa eum. Bonum est tibi claudum introire in vitam æternam, quam duos pedes habentem

A mitti in gehennam ignis inextinguibilis, ubi vermis eorum non moritur, et ignis non exstinguitur. Quod si oculus tuus scandalizat te, ejice eum. Bonum est tibi luscum introire in regnum Dei, quam duos oculos habentem mitti in gehennam ignis, ubi vermis eorum non moritur, et ignis non exstinguitur. Omnis enim igne salietur et omnis victima salietur, bonum est sal, quod si sal insulsum fuerit, in quo illud salietis? habete sal in vobis et pacem habete inter vos (*Marc. ix, 39 et seq.*), » quia quisquis vestrum recte docuerit et iuste vixerit, habebit gloriam. Qui autem secus egerit indubitanter pœnam sustinebit, ideo bona agere vos semper oportet, ut **9** bravium æternæ vitæ percipiat, his ergo bene parete sententiis, ne quis hæc præcepta minime credat implenda, et iudicio Domini æterni ignis tormenta sustineat, qui ecclesiastici operis sacra neglexerit.

Hæc igitur, frater Jacobe, de ore sancti Petri iuventis audi. Si quis præcepta hæc non integra custodierit, sit anathema usque ad adventum Domini nostri Jesu Christi. Hæc præcepta a sancto Petro apostolo accepi, et tibi, frater charissime, insinuare curavi, ut servare omnia præcipias sine macula. Si quis vero audierit te, utilis erit minister Jesu Christi; qui autem non audierit te, imo loquentem Dominum per te, ipse sibi damnationem accipiet. Omnipotens Deus, charissime, sua te protectione custodiat, atque ad cœlestis remunerationem patriæ multiplici animarum fructu perducatur. Deus te iterum **C** iterumque incolumem custodiat, reverendissime frater. Amen.

## EPISTOLA TERTIA SANCTI CLEMENTIS PAPÆ

### *De officio sacerdotii et clericorum.*

CLEMENS urbis Romæ episcopus, omnibus coepiscopis, presbyteris, diaconibus, ac reliquis clericis, et cunctis principibus, maioribus, minoribusque omnibus generaliter fidelibus benedictio, claritas, et gloria, in gratia Dei quæ data est nobis in Christo Jesu Domino nostro.

Urget nos, fratres, multus amor vester, et religiosa vestra devotio, quia debitores sumus ut quædam vobis scribamus; vobis ergo, qui sacerdotio Domini fruimini, et in specula estis positi plus scire oportet ut subditos vobis populos pleniter docere possitis, eisque ad regna cœlorum ducatum præbere, Deo annuente, valeatis. Unde et ipsa per se Veritas ait: « Vobis datum est nosse mysterium regni Dei, cæteris autem in parabolis (*Luc. viii, 10*), » et reliqua. Propter quod consilium do unicuique vestrum constanter docere verba divina, et discentibus libenter accommodare aurem verbo Dei. Vestrum enim, quia legatione Domini fungimini, est docere populos, eorum vero est vobis obedire ut Deo. Si autem vobis episcopis non obedierint omnes presbyteri, diaconi, ac subdiaconi, et reliqui clerici cuncti

omnesque principes, tam majoris quam inferioris ordinis, atque reliqui populi, tribus et linguæ non obtemperaverint, non solum infames, sed et extores a regno Domini et consortio fidelium a liminibus sanctæ Dei Ecclesiæ alieni erunt. Nam vestrum est eos instruere, eorum est vobis obedire, ut Domino cujus legatione fungimini, dicente Domino: « Qui vos audit, me audit, et qui vos spernit, me spernit, et qui vos recipit, me recipit, et qui me recipit, recipit eum qui me misit (*Matth. x, 40*), » nihil enim injustius vel inhonestius est quam filios patribus rebelles, aut clericos vel laicos doctoribus seu discipulos magistris inobedientes vel protervos existere. Novimus enim primum hominem per inobedientiam cecidisse, idcirco omnes hoc vitium summopere cavere monemus. Et quia Dominus superbis resistit, humilibus autem dat gratiam Dominus (*Jac. iv, 6*), mittens vos vice sua in loco apostolorum ad prædicandum, præcepit vobis docere, omnesque vobis fideliter obedientes existere, quoniam nec aliter terra pariet fructus suos, nisi culta receperit semen et irrigata germina-



verit et pariat quæ est paritura. Sic omnis homo A qui libenter non recipit verbum Dei, illudque in corde suo germinare non sinit, ac minime crediderit doctoribus et episcopis suis, non benevolus sed rebellis atque inobediens exsisterit, fructum non germinabit, nec pariet, sed similis est arbori illi de qua Dominus ait : « Omnis arbor, quæ non facit fructum bonum, excidetur et in ignem mittetur (*Matth. iii, 19*). » Primus enim pontifex, Aaron, chrismate compositionis perunctus, princeps populi fuit, et tanquam rex primitias et tributum per capita accepit a populo, et iudicandi populos sorte suscepta de mundis immundisque iudicabat. Sed si alius ex ipso unguento perunctus est, virtute inde concepta, etiam ipse rex, aut propheta aut pontifex fiebat. Quod si temporalis gratia ab hominibus composita tantum potuit, intelligite jam quantum sit illud unguentum quod a Domino de virgulto vitæ prolatum est, cum hoc quod ab hominibus factum est tam eximias inter nomines conferat dignitates. Quid enim in præsentī sæculo propheta gloriosius, pontifice clarius, rege sublimius? Omnis enim pontifex sacro chrismate perunctus, et in civitate constitutus, Scripturis sacris conditus, charus et pretiosus hominibus oppido esse debet. Quem quasi Christi locum tenentem honorare omnes debent, eique servire, et obediētes ad salutem suam fideliter existere, scientes, quod sive honor, sive injuria quæ ei defertur, in Christum redundat, et a Christo in Dominum; audire ergo eum attentius oportet, et ab ipso suscipere doctrinam fidei, monita autem vitæ a Patribus inquirere. A diaconibus vero ordinem disciplinæ, propter quod deprecor vos conservos et adjuutores meos, ut discatis attentius animarum curam gerere, et pro omnibus stare, maxime tamen pro his qui in cultu divino laborant. Ecclesiarum omnium curam habetote, servisque eorum adiutorium præbete, viduarum religiosam curam gerite, pupillos enixius liberate, pauperibus misericordiam facite, juvenes pudicitiam docete. Et (ut breviter totum dicam) alterutrum vos, in quibus res poposcerit, sustentate. Deum colite qui creavit cælum et terram, et Christo credite; invicem vos diligite et misericordes estote in omnes. Non verbo solo, sed opere et rebus replete charitatem. Agite pro viribus, conservi dilectissimi, quia bonum est ut unusquisque vestrum secundum quod potest prosit accedentibus ad fidem religionis nostræ. Et ideo non vos pigeat secundum sapientiam quæ nobis per Dei providentiam collata est instruere ignaros et docere. Desiderium ergo habere omnes erga doctorem veritatis eumque ut oculos suos amare oportet, quia et ipsum populum sibi commissum eum proprios filios amare, et docere eum decet, hoc enim a Patre cœlesti donatum est, sed salus in eo est ut voluntatem ejus cujus amorem et desiderium, Deo largiente, conceperint, faciant. Si quis ergo fidelis voluerit existere et desiderat baptizari, exutus prioribus malis de reliquo pro bonis actibus hæres

bonorum cœlestium ex gestis propriis fiet. Accedat autem qui vult ad sacerdotem suum, et ipsi det nomen suum atque ab eo audiat mysteria regni cœlorum, jejuniis frequentibus operam impendat, ac semetipsum in omnibus probet ut tribus mensibus jam consummando in die festo possit baptizari. Baptizetur autem unusquisque in aquis perennibus, nomine trinæ beatitudinis invocato super se, perunctus primo oleo per orationem sanctificato, ut ita demum per hoc consecratus possit percipere locum cum sanctis. Nullus enim propter opprobrium senectutis aut juventutis vel nobilitatem generis a parvulis et minus eruditis, si quid forte enim utilitatis aut salutis, inquirere negligat. Qui enim rebelliter vivit, et discere atque agere bona recusat, magis diaboli quam Christi membrum esse ostenditur, et potius infidelis quam fidelis monstratur. Quomodo ergo non omnibus hoc amabile est cunctisque exoptatum, aut quæ ignorat discat, et quæ didicerit doceat? Certissimum namque est quod neque amicitia, neque propinquitas generis, neque regni sublimitas, homini debet esse pretiosior veritate, quia nihil est pretiosius anima. Dominus autem creator omnium ex initio ad imaginem suam hominem fecit, eique dominationem terræ, marisque et aeris ipsius dedit, veritatemque inquirere præcepit, sicut et verus nobis Propheta enarravit et ipsa rerum ratio docet. Solus enim homo rationalis est, et consequens est, ut ratio irrationabilibus dominetur. Hic enim ab initio cum adhuc justus esset cunctis vitiis, et omni fragilitate superior erat, ubi autem peccavit et factus est servus peccati, simul et fragilitati efficitur debitor obnoxius. Quod ideo scriptum est ut sciant homines quia sicut ex impietate passibiles facti sunt, ita per pietatem possunt esse impassibiles, et non solum impassibiles, verum et parva in Deum fide aliorum passionibus curantes, ita enim verus ipse Propheta promisit, dicens : « Amen, amen dico vobis, si habueritis fidem sicut granum sinapis, dicetis monti huic : Transi hinc et transibit (*Matth. xvii, 19*), » hujus vocis etiam vos ipsi documenta cepistis, et jam facta quædam per magistros nostros, ipsos videlicet apostolos, non ignoratis, quia astantibus nobis eorum meritis dæmones cum passionibus quas hominibus invexerant transierunt, et fugati sunt.

D Quia ergo alii quidem homines patiuntur, alii patientes sanant, causa sine dubio vel patiendi vel curandi noscenda est. Quæ non alia esse quam patientibus quidem infidelitatis, curantibus vero fidei demonstratur; infidelitas enim, dum non credit futurum Domini iudicium, peccandi licentiam præbet, peccatum vero hominem passionibus obnoxium facit. Fides autem futurum Dei iudicium esse credens, continet homines a peccato. Non peccantes vero non solum liberi sunt a dæmonibus et passionibus, verum et aliorum dæmones et passiones fugare possunt. Ex his ergo omnibus colligitur quod origo totius mali ab ignorantia descendat, et ipsa sit omnium malorum mater, quæ incuria quædam et ignavia gi

gnatur. Negligentia vero alitur et augetur atque in sensibus hominum radicatur, dum amatur: quam si quis forte doceat effugandam, velut antiquis et hæreditariis sedibus moleste et indignanter avellitur. Et ideo paululum laborandum nobis est, ut indignantes ignorantiae præsumptiones scientiae ratione reseceamus in his præcipue qui in aliquibus minus rectis opinionibus præventi sunt, per quas quasi sub specie alicujus scientiae ignorantia in his vehementius radicata est. Nihil enim est gravius quam si id quod ignorat quis, scire se credat et defendat verum esse quod falsum est, quod tale est, quale si quis ebrius sobrium se putet, et agat quidam cuncta ut ebrius, sobrium se tamen et ipse putet, et dici a cæteris velit: ita sunt ergo et hi ignorantes quod verum est, speciem tamen alicujus scientiae tenent et mala quasi bona gerunt atque ad perniciem quasi ad salutem festinant, propter quod ante omnia properandum est ad agnitionem veritatis, ut possimus quasi lumine nobis inde accenso errorum tenebras depellere.

Grande enim malum est, ut diximus, ignorantia, sed quia substantiam non habet facile ab his qui studiosi sunt effugatur. Non enim aliud est ignorantia, nisi non cognovisse quod expedit, ubi autem cognoveris perit ignorantia, queri ergo in agone debet veritatis agnitio, quam nemo alius assignare potest nisi verus Propheta. Hæc enim via est vitam volentibus ingredi, et summum iter bonorum operum pergentibus ad civitatem salutis. Si quis sane audiens sermonem veri Prophetæ velit recipere aut nolit et amplecti onus ejus, id est mandata vitæ habet in sua potestate, liberi enim sumus arbitrii. Nam si hoc esset ut audientes ea, jam non haberent in potestate aliud facere quam audierant; vis erat quædam naturæ per quam liberum non est ad aliam migrare sententiam, aut si rursus ex audientibus nullo omnino reciperet, et hoc naturæ vis erat, quæ aliquid unum cogeret fieri, et alteri parti non claret locum, nunc autem quia liberum est animo in quam velit partem declinare judicium suum, et quam probaverit eligere viam, constat evidenter inesse hominibus arbitrii libertatem, igitur priusquam audiat quis quod ei expedit, certum est quia ignoret, et ignorans vult, et desiderat quod non expedit agere, propter quod pro hoc non judicatur. Cum vero audierit causas erroris sui et rationem veritatis acceperit, tunc **10** si permanserit in his erroribus quibus dudum fuerat præventus, recte jam vocabitur ad judicium daturus pœnas, quia vitæ hujus spatium quod ad bene vivendum accipit, in ludibriis consumpsit errorum. Qui vero audiens hæc libenter accepit, et gratulanter bonorum sibi doctrinam fuisse delatam requirat intentius et discere non desinat usquequo cognoscat, si est vere aliud sæculum in quo bonis præmia præparata sint, et cum certus de hoc fuerit, gratias agat Deo. Quod si veritatis lumen ostenderit de cætero dirigat actus suos in omnibus operibus bonis, quorum sibi in futuro mercedem certus est

**A** præparatam demirans per omnia, et stupens cæterorum hominum errores, et quod ante oculos positam veritatem nemo videbat. Ipse tantum gaudens super divitiis sapientiæ quas invenit satiabiliter his perfruatur, et exercitio bonorum operum delectetur, festinans ad sæculum futurum mundo corde et pura conscientia pervenire, et etiam videre Deum Regem omnium possit. His autem omnibus carere nos, et fraudari sola facit ignorantia. Dum enim ignorant homines quantum boni habeat scientia, ignorantiae malum de se non patiuntur excludi. Nesciunt enim quanta sit in horum permutatione diversitas, pariter quod consilium do unicuique discenti, libenter præbere aurem verbo Dei, et cum amore veritatis Domini audire quæ dicimus, ut mens, optimo semine suscepto, per bonos actus lætos afferat fructus. Nam si me docente ea quæ ad salutem pertinent, recipere quis abnuvit, et animo pravis opinionibus occupato obsistere nititur, non ex vobis, sed ex semetipso habebit pereundi causam. Debet enim justo judicio examinare quæ dicimus, et intelligere quia verba loquimur veritatis, ut cognitis his quæ sunt ut sunt, in bonis actibus dirigens viam suam regni cælorum possit particeps inveniri, subjiciens sibi carnis desideria, et dominus eorum factus, ut ita demum etiam ipse fiat dominatoris omnium jucunda possessio. Nam qui permanet in malo et servus est mali, non potest effici portio boni, donec permanet in malo, quia ab initio, ut ante jam diximus, duo regna statuit Deus, et potestatem dedit unicuique hominum, ut illius regni fiat portio cui se ad obediendum ipse subjecerit. Et quia definitum est apud Dominum non posse unum hominem utriusque regni esse servum, omni studio date operam in boni regis aulam ac jura concurrere. Propter hoc denique verus propheta, cum esset præsens nobiscum et quosdam ex divitibus negligentes erga Domini cultum videret, hujus rei ita aperuit veritatem. « Nemo potest, inquit, duobus dominis servire, et non potestis Domino servire et mammonæ (*Luc. xvi, 13*). » mammona, patria eorum voce, divitias vocans.

Hic ergo verus Propheta est quia in Judæa nobis apparuit, ut audistis, qui stans publice sola jussione faciebat cæcos videre, surdos audire, fugabat dæmones, ægris sanitatem reddebat, et mortuis vitam, cumque nihil esset ei impossibile etiam cogitationes hominum prævidebat, quod nulli est possibile nisi soli Deo; hic annuntiabat regnum Dei, cui nos de omnibus quæ dicebat tanquam vero Prophetæ credimus, firmitatem fidei nostræ non solum ex verbis ejus, sed ex operibus assumentes, qui dicta legis quam ante multas generationes de pœnitentia ejus exposuerant in ipso designantur, et imaginem gestorum Moysi, et ante ipsum patriarchæ Jacob ipsius per omnia typum ferebant. Tempus quoque adventus ejus, hoc est ipsum in quo venerat prædictum ab his constat, et super omnia quod esset a gentibus expectandus sacris litteris com-



prehensum est. Quæ in eo pariter universa completa sunt. Quod autem Judæorum propheta prædixit eum a gentibus expectandum, supra modum in eo fidem veram firmat. Si enim dixisset a Judæis expectandum, non aliquid eximium prophetasse videretur, quod a contribuli populo et a propria gente speraretur is cujus adventus ad salutem mundi fuerat repromissus, videtur enim magis consequens ratio esse ut hoc fieret quam magnificentia prophetalis. Nunc autem cum prophetæ dicant omnem illam spem quæ de salute mundi repromittitur, et novitatem regni quæ instruenda per Christum est, atque omnia quæ de eo judicantur ad gentes esse transferenda, jam non secundum consequentiam rerum, sed incredibili quodam vaticinationis eventu, magnificentia prophetica confirmatur. Judæi namque ex initio affore aliquando hunc virum, per quem cuncta reparantur verissima traditione susceperunt, et quotidie meditantes, ac perspicientes quando ejus fieret adventus, ubi adesse eum viderunt, et signa ac prodigia sicut de eo ascriptum fuerat adimplentem, invidia excæcati agnoscere nequiverunt præsentem, in cujus spe lætabantur absentes. Intellexerunt tantum sancti apostoli qui a Deo electi sunt, et nos qui post ab eis electi sumus. Hoc autem providentia Domini factum est, ut agnitio boni hujus etiam gentibus traderetur, et hi, qui nunquam de eo audierant, nec a prophetis didicerant, agnoscerent eum: illi vero qui quotidianis meditationibus evanuerant ignorarent. Ecce enim nunc per vos qui præsentis estis, et desideratis audire doctrinam fidei ejus, et agnoscere quis, et quomodo, et qualis sit ejus adventus, prophetica veritas adimpletur: hoc enim quod prophetæ prædixerant quia a vobis quærendus esset qui de eo nunquam audistis. Et ideo videntes in vobis ipsis prophetica dicta compleri, huic uni recte creditis, hunc recte expectatis, de hoc recte inquiritis, ut non solum expectetis eum, sed et hæreditatem regni ejus credentes consequamini, secundum quod ipse dixit, quia unusquisque illius sit servus cui se ipse subjecerit. Propterea ergo vigilate et Dominum Deumque nostrum vobis conscribite Dominum, qui et cæli ac terræ Dominus est. Et ad ipsius vos imaginem ac similitudinem reformatæ, sicut ipse verus Propheta docet dicens: « Estote boni et misericordes sicut et Pater vester cælestis misericors est (Luc. vi, 36), qui oriri facit solem suum super bonos et malos et pluit super justos et injustos (Matth. v, 45). » Hunc ergo imitamini, et hunc time, et, sicut mandatum datur hominibus, Dominum Deum tuum timebis, et illi soli servies. Infidelibus quidem dormit Dominus, et absens habetur his a quibus esse non creditur, et mandatis ejus non obediunt, atque ob illis videtur quasi dormire Dominus, quia pro peccatis suis non exaudiuntur.

Quapropter cunctis fidelibus, et summopere omnibus presbyteris, et diaconibus, ac reliquis clericis, attendendum est, ut nihil absque episcopi proprii

licentia agant. Non utique missas sine ejus jussu quisque presbyterorum in sua parochia agat, non baptizet, nec quidquam absque ejus permissu faciat. Similiter et reliqui populi, majores scilicet ac minores, per ejus licentiam quidquid agendum est, agant, nec sine ejus permissu a sua parochia abscedant, vel in ea adventantes morari præsumant. Animæ vero eorum ei creditæ sunt. Ideo omnia ejus consilio agere debent, et eo inconsulto nihil. Quicumque enim obediunt episcopis suis, videntur quidem aliquid gratiæ conferre Deo. Qui autem eis non obediunt, indubitanter rei et reprobi existunt. Porro ipsi a Deo donum summi muneris consequuntur, qui justitiæ et præcepti ejus semitas incidentes, doctoribus suis (qui recte episcopi intelliguntur) libenter obediunt. De quibus et beatus Petrus instructor, et ordinator noster, et princeps apostolorum manifeste cunctos audientes instruebat, dicens: Videntur mihi qui loquuntur verba veritatis, et qui illuminant animas hominum similes esse radiis solis. Qui ut processerint et apparuerint mundo, celari ultra, aut occultari nullatenus possunt, dum non tam videntur ab hominibus quam videre omnibus præstant. Unde et bene ipsa per se Veritas ad veritatis præcones ait: « Vos estis lux mundi, et non potest civitas abscondi supra montem posita, neque accendunt lucernam, et ponunt eam sub modio, sed supra candelabrum, ut luceat omnibus qui in domo sunt (Matth. v, 14). » Si quis ergo his obedierit, Deo, ut dictum est, magnum munus offert. Qui autem his restiterit, aut inobediens exstiterit, non his, sed Domino Salvatori nostro, cujus legatione funguntur, resistit, propter quod primum est omnium justitiam Dei regnumque ejus inquirere, et suis jussionibus obtemperare. Justitiam quidem, ut recte agere doceamus; Regnum vero, ut quæ sit merces posita laboris et patientiæ noverimus, in quo est bonis quidem æternorum bonorum remuneratio, his autem qui contra voluntatem ejus egerunt: pro uniusejusque gestis pœnarum digna restitutio, hic ergo, hoc est, in præsentis vita positos, oportet nos agnoscere voluntatem Dei, ubi et agendi et sacrificandi est locus. Quoniam in aliis locis sacrificare et missas celebrare non licet, nisi in his in quibus episcopus proprius juserit, aut ab episcopo regulariter ordinato tenente videlicet civitatem ubi consecratus fuerit. Aliter enim non sunt hæc agenda, nec rite celebranda, docente nos Novo et Veteri Testamento. Hæc apostoli a Domino acceperunt, et nobis tradiderunt, hæc nos docemus, vobisque et omnibus absque reprehensione tenere et docere quibus agendum est mandamus, unaquæque etenim res tempus suum habet et locum. Operum hic locus est, tempus vero meritum est sæculum futurum. Ne ergo impediatur, ordinem locorum ac temporum permutantes, primo quæ sit Dei justitia requiramus, et tanquam iter acturi abundanti viatico bonis operibus repleamur, quo possimus ad regnum Domini tanquam ad urbem maximam pervenire. Deus enim his qui recte

sentiunt per ipsa opera mundi quæ facit manifestus est, ipsius creaturæ suæ utens testimonio, et ideo cum de Deo dubitatio esse non debeat, de sola nunc ejus justitia requiramus et regno. Ideo persuadeo primum justitiam ejus esse requirendam, ut per hanc iter agentes, et in via veritatis positi verum prophetam invenire possimus, non velocitate pedum, sed bonorum operum velocitate currentes, ut ipso duce usi, nullum viæ hujus patiamur errorem. Si enim ipsum sequentes ingredi meruerimus, illam quo pervenire cupimus civitatem, omnia jam (de quibus quæritur) oculis videbimus tanquam hæredes omnium facti. Intelligite itaque viam esse hunc vitæ nostræ cursum, viatores qui nos instruunt, vel bona opera gerunt, portam vero Prophetam, de quo dicimus, urbem regnum esse in quo residet omnipotens Pater, quem soli videre possunt hi qui mundo sunt corde. Non ergo nobis difficilis videatur hujus itineris labor, quia in fine ejus requies erit. Nam et ipse verus Propheta ab initio mundi per sæculum currens, festinat ad requiem. Adest enim nobis omnibus diebus, et si quando necesse est apparet, et corrigit nos, ut obtemperantes sibi ad vitam perducatur æternam. De his autem qui negligunt viam suæ salutis, et adhuc non bene fideles, et præceptis ejus suorumque pontificum jussionibus inobedientes vel contumaces eis existunt, Dominus noster Jesus Christus mittens discipulos suos, præcepit nobis, dicens, ut in quacunque civitatem aut domum introierimus, dicamus : « Pax huic domui. Et si quidem, inquit, fuerit tibi filius pacis, veniet super eum pax vestra. Si vero non fuerit, pax vestra ad vos revertetur. Exeuntes autem de domo vel de civitate illa, etiam pulverem quæ adhæserit pedibus vestris excutatis super eos. Tolerabilis erit terræ Sodomorum et Gomorrhæorum in die judicii, quam illi civitati vel domui (*Matth. x, 42 et seq.*). » Quod utique ita demum fieri præcepit, si prius in civitate vel domo veritatis sermo prædicetur, ex quo recipientes veritatis fidem filii pacis et filii Domini fiant, vel non recipientes arguant quasi inimici pacis et Domini. Ita ergo et nos magistri instituta sectantes pacem proponamus auditoribus, ut absque ulla perturbatione possit via salutis agnoscere. Quod si quis pacis verba non suscipit, nequæ acquiescit veritati, scimus adversus eum pugnam verbi movere, et arguere acrius confutando ignorantiam, et redarguendo peccata. Necessario igitur pacem proponimus, ut si quis est filius pacis, pax nostra veniat super eum, ab eo autem qui se alienum pacis effecerit, regreditur **II** ad nos pax nostra. Et iterum in mandatis habemus, ut venientes ad civitatem discamus quis in ea dignus sit, ut apud eum cibum sumamus, ut quanto magis convenit noscere quis qualis priusve sit is cui immortalitatis verba credenda sunt. Solliciti enim et valde solliciti esse debemus, ne « margaritas nostras mittamus ante porcos (*Matth., vii, 6*). »

Sed et alias ob causas utile est viri hujus habere

notitiam. Si enim sciam quia in his de quibus non potest dubitari quod bona sint, emendatus est et inculpabilis, hoc est si sobrius, si misericors, si justus, si mitis et humanus, quæ utique bona esse nullus ambigit, tunc consequens videbitur ut ei qui obtinet bona virtutum etiam quod deest fidei et scientiæ conferatur, et in quibus maculari videtur ejus vita, quæ est in reliquis probabilis, emendetur. Si vero in his quæ palam sunt peccata involutus permanet inquinatus, non me oportet aliquid de secretioribus et remotis divinæ scientiæ proloqui, sed magis protestari et convenire eum, ut peccare desinat et actus suos a vitiis emendet. Quod si ingesserit se, et provocaverit nos dicere quæ eum minus recte agentem non oporteat audire, prudenter eum debemus eludere. Nam nihil omnino respondere, auditorum causa, utile non videtur, ne forte existiment nos responsionis penuria declinare certamen, et fides eorum lædatur, non intelligentia propositi nostri. Magna contumelia et grave nobis erit peccatum, si ita desipiamus ut videamus eum qui idola colit esse sobrium, nos qui Deum colimus sobrii esse recusemus. Non hoc sit inter nos, sed magnum habeamus studium, ut si illi qui errant homicidium non faciunt, nos ne irascamur quidem. Et si illi adulterium non committunt, nos nec concupiscamus quidem alienam mulierem. Si illi amant proximos suos, nos diligamus etiam inimicos nostros. Si illi mutuo dant his qui habent unde reddant, nos etiam his demus a quibus recipere non speramus. Et per omnia nos qui æterni sæculi hæreditatem speramus, debemus præcedere eos qui præsens tamen sæculum noverunt, scientes quia si opera illorum nostris operibus collata, in die judicii similia inveniantur ac paria, confusio nobis erit quod æquales invenimur in operibus his, quæ propter ignorantiam condemnantur, et nullam spem futuri sæculi habuerunt. Et vere digna confusio est, ubi nihil amplius gessimus ab his quibus amplius intelleximus. Quod si confusio nobis erit, æquales his inveniri in operibus bonis, quid erit nobis si inferiores nos ac deteriores examinatio futura reperiat? Audite ergo quomodo de his nos ipse verus Propheta docuerit.

Ad eos autem qui negligunt audire verba sapientiæ ita ait : « Regina austri surget in iudicio cum generatione hac, et condemnabit eam, quia venit a finibus terræ audire sapientiam Salomonis. Et ecce plusquam Salomon hic et non audiunt (*Matth. xii, 42*). » Ad eos vero qui de malis actibus gerere detrahebant pœnitentiam, ita ait : « Viri Ninivitæ surgent in iudicio cum generatione hac, et condemnabunt eam, quia pœnitentiam egerunt in prædicatione Jonæ, et ecce plusquam Jonas hic (*Luc. xi, 32*). » Videtis ergo quomodo eos qui erudiebantur ex lege, adductis ad exemplum illis qui ex gentili ignorantia veniebant, et ostendens eos nec æquales illis esse qui in errore positi videbantur, ex ipsa tamen comparatione condemnatos. Ex quibus omnibus sermo quem proposuimus approbatur, ut testimonia quæ aliqua-



tenuis etiam ab his qui in errore sunt positi custoditur, A multo purius et attentius per singulas quisque, sicut supra ostendimus, species a nobis qui veritatem sequimur teneatur, eo magis quod apud nos observantia ejus præmia æterna sunt posita. Aliter enim ne-

mo salvus esse poterit, nisi his observationibus pro viribus operam dederit. Deus vos in sua voluntate unumquemque in suo ordine semper custodiat, fratres, et sibi placere in omnibus concedat. Amen.

## EPISTOLA QUARTA SANCTI CLEMENTIS PAPÆ

*Scripta discipulis suis, qui malorum hominum persuasionibus aliquatenus deviarant, et gentibus inter quas habitabant.*

CLEMENS, Romanæ urbis episcopus, charissimis fratribus JULIO et JULIANO ac reliquis consodalibus nostris, gentibusque quæ circa vos sunt. Oportet, fratres, omnes doctores qui ad salutem animarum instituti sunt, et ad lucrandas animas episcopi sunt consecrati, pro cunctis sollicitudinem gerere, et errantes ad viam veritatis et ad portum salutis reducere. Et licet propter gentes quæ circa vos sunt in modico vos errasse contigerit, melius est tamen redire ad veritatis viam quam diutius in ipso errore perseverare. Quosunque enim de his qui vos errare fecerunt, vel de his qui adhuc verbum prædicationis non audierunt, potestis, vobiscum assumite, et ad viam veritatis reducite, ne infructuosi Domino inveniamini. Et quoniam quidem sicut a cultore neglecta terra spinas et tribulos necessario producit, ita sensus vester longi temporis incuria multas et noxias opiniones rerum et intelligentias falsæ scientiæ germinavit, opus est nunc multa diligentia ad excolendum rus mentis vestræ, ut hoc sermo veritatis (qui est verus et diligens cordis colonus) assiduis excolat disciplinis. Vestrum ergo est præbere obedientiam et occupationes, ac sollicitudines superfluas amputare, ne bonum verbi semen enecet noxium germen: potest enim fieri ut multi temporis negligentiam, brevis et assidua reparet diligentia. Incertum namque est uniuscujusque tempus vitæ. Et ideo festinandum est ad salutem, ne forte cunctantem mors repentina præveniat; et ob hoc acrius innitendum est, ut (dum est temporis spatium) collecta malæ consuetudinis vitia resecantur. Quod non aliter facere poteritis, nisi ut irascamini quodammodo adversum vosmetipsos pro his quæ inutiliter gessistis, ac turpiter. Hæc enim est utilis vita, et justa, et necessaria iracundia, ut unusquisque in quibus erravit et perperam gessit, indignetur et semetipsum accuset. Ex qua indignatione accenditur in nobis ignis quidam, qui velut agro sterili immissus, consumptis et excoctis radicibus pessimæ voluntatis, bono semini verbo Dei fecundiorum cordis præparet glebam. Puto autem quod satis dignas habeatis causas iracundiæ, ex quibus justissimus ignis iste coalescat, si consideretis in quantos vos errores deduxerit ignorantia malum, quantosque lapsus et quanta præcipitia ad peccandum dedit, a quantis vos bonis abstraxit, et in quæ præcipitavit mala, et, quod est super omnia gravius, quod vos in futuro sæculo æternis pœnis obnoxios fecit. Nonne pro his omnibus ubi vobis ve-

ritatis lumen effulsit, ignis justissimæ indignationis accenditur, et iracundiæ Deo placitæ intra vos consurgit incendium, quo consumatur et radicitus intereat omne germen quod forte in terra malæ concupiscentiæ pullulavit? Unde et ipse qui misit nos cum venisset, et omnem mundum vidisset ad malitiam declinasse, non continuo ei pacem, in erroribus posito, dedit, ne eum confirmaret in malis, sed ignorantia ejus ruinis scientiam veritatis opposuit, ut, si qui forte resipiscerent, et lumen veritatis aspicerent, deceptos se, et in præcipitia erroris abstractos merito dolerent, et iracundiæ salutaris ignem adversum deceptricem suam conciperent ignorantiam. Ob hoc itaque dicebat: « Ignem veni mittere in terram, quem volo ut accendatur (Luc. xii, 49). »

Est ergo pugna quædam quæ gerenda nobis est in hac vita. Sermo enim veritatis et scientiæ necessario separat homines ab errore et ignorantia, sicut sæpe videmus putrefactas et emortuas carnes corporis a connexione viventium membrorum ferro secantis separari. Tale ergo aliquid est quod agit veritatis agnitio. Necesse est enim, ut salutis causa filius (verbi gratia) qui sermonem receperit veritatis a parentibus separetur incredulis, aut rursus, pater separetur a filio, aut filia a matre. Et hoc modo inter propinquos atque consanguineos credentes, atque incredulos, scientiæ atque ignorantia veritatisque et erroris pugna consistit. Et ob hoc iterum dicebat qui nos misit: « Non veni pacem mittere in terram sed gladium (Matth. x, 34). » Quod si dicit aliquis: Et quomodo justum videtur separari filios a parentibus (Ibid., 35)? Audi quomodo: quia cum ipsis si in errore permaneant, neque illis proderunt, et ipsi cum illis pariter interibunt, justum igitur et valde justum est separari eum qui salvari vult ab eo qui non vult. Sed et illud adverte, quia non ex illis qui rectius intelligunt, venit ista separatio, illi enim volunt esse pariter et prodesse his et docere meliora. Sed proprium est ignorantia vitium, ut confutantem se, veritatis lucem non ferat habere de proximo. Et ideo ex illis ista nascitur separatio. Nam qui scientiam veritatis accipiunt, quia bonitatis plena est, tanquam a bono Deo datam, cupiunt eam si fieri potest cum omnibus habere communem. Etiam cum his qui oderunt eos, et persequuntur. Sciunt enim quia peccatum ipsorum causa ignorantia est. Propterea denique ipse Magister cum ab his qui ignorabant eum duceretur ad crucem, orabat Patrem pro in-

interfectoribus suis, et dicebat : « Pater, dimitte eis peccatum, quia nesciunt quid faciunt (*Luc. xiiii, 34*). » Imitantes quoque discipuli magistrum, etiam ipsi cum paterentur, similiter pro interfectoribus suis orabant. Quod si disciplina nobis est orare etiam pro interfectoribus et persecutoribus nostris, quomodo non etiam parentum et propinquorum persecutiones ferre, et pro conversione eorum, orare credimur?

Tum deinde etiam diligentius consideremus quæ sit nobis causa parentes diligendi, pro eo, inquit, quia vitæ nostræ videntur auctores. Auctores quidem vitæ nostræ, parentes non sunt, sed ministri. Non enim vitam præbent, sed ingrediendi nobis ad hanc vitam exhibent ministerium, auctor autem vitæ unus et solus est Deus. Si autem auctorem vitæ diligere volumus, illum nobis esse diligendum sciamus, sed illum, inquit, cognoscere non potuimus, istos autem et novimus, et in affectu habemus. Esto, non potuistis cognoscere quis sit Deus, quid tamen non sit Deus perfacile scire potuistis. Nam quomodo latere potuit hominem, quod lignum aut lapis aut æs vel huiusmodi materia Deus non sit? Quod si in his quæ facile deprehendere potuistis animum ad discutiendum voluistis intendere, certum est quia et in agnitione Dei impediti estis, non impossibilitatis sed ignaviæ vitio, nam si voluissetis ex his ipsis inutilibus simulacris profecto accepissetis intelligentiæ viam. Certum est, quia per ferrum facta sunt simulacra, ferrum vero per ignem confectum est. Qui ignis aqua exstinguitur, aqua autem per spiritum movetur. Spiritus autem a Deo initium habet. Sic enim dixit Moyses propheta : « In principio fecit Deus cælum et terram. Terra autem erat invisibilis et incomposita, et tenebræ erant super faciem abyssi, et Spiritus Dei erat super aquas (*Gen. i, 4, 2*). » Qui Spiritus Domini jussu quasi ipsa manus Conditoris lucem separavit a tenebris, et post illud invisibile cælum istud visibile produxit, ut superiora quidem habitaculum faceret angelis, inferiora vero hominibus. Propter vos jussu Dei aqua quæ erat super faciem terræ secessit, ut terra vobis produceret fructus. Cui etiam humorum venas latenter inseruit ut vobis ex ea profluerent fontes et flumina. Propter nos producere jussa est animantia et omnia quæ nostro usui voluntatique servirent. An non propter vos venti spirant? ut ex ipsis concipiens fructus vobis terra parturiant? Nonne propter vos imbres profluunt et tempora vicissitudines mutant? Num propter vos sol oritur, et occidit, et mutationes luna perpetitur? propter vos mare exhibet famulatum suum, ut vobis ingratis cuncta subiaceant? Nonne pro his omnibus justa erit ultionis pœna, quia horum omnium largitorem quem ante omnia et agnoscere et venerari debuistis, solum **12** præ cæteris ignoratis? Sed et nunc per idem vos adhuc in intelligentiam ejus duco. Videtis etenim quod omnia gignuntur ex aquis, aqua vero per Unigenitum ex initio facta est, Unigeniti vero omnipotens Deus caput est, per quem tali ordine, ut supra

A diximus, pervenitur ad Patrem. Cum autem perveneritis, agnoscite hanc esse voluntatem ejus, ut per aquas, quæ primæ creatæ sunt, denuo renascamini. Qui enim regeneratus fuerit per aquam, bonis operibus repletus, hæres efficitur ejus a quo in incorruptione regeneratus est. Propter quod, paratis animis accedite, quasi filii ad patrem, ut peccata vestra diluantur et causa eorum sola ignorantia fuisse probetur apud Dominum. Nam si post agnitionem horum permanetis in incredulitate, vobis jam perditionis vestræ causa, et non ignorantia, reputabitur; nec putetis etiam quod si omnem pietatem colatis omnemque justitiam, baptismum vero non accipiat, spem possitis habere apud Dominum, imo majore pœna digni eritis qui bona opera non bene operati estis. Confertur enim meritum homini ex bonis gestis, sed si ita gerantur sicut Deus jubet : Deus autem jussit omnem colentem se baptismo consignari. Quod si vos renueritis, ut vestræ voluntati magis quam Dei obtemperetis, contrarii sine dubio et inimici estis voluntati ejus. Sed dicetis fortasse :

Quid confert aquæ baptismus ad Dei cultum? Primo quidem, quia quod Domino placuit impletur. Secundo, quia regenerato ex aquis et Deo renato fragilitas prioris nativitatis quæ vobis per hominem facta est amputatur, et ita demum pervenire poteritis ad salutem. Aliter impossibile est. Sic enim nobis cum sacramento verus Propheta testatus est, dicens : « Amen, amen dico vobis, nisi quis denuo renatus fuerit ex aqua viva, non introibit in regnum cælorum (*Joan. iii, 3*). » Et ideo accelerate. Est enim in aquis istis misericordia ejus quædam quæ ex initio ferebatur super eas, et agnoscit eos qui baptizantur sub appellatione triplicis sacramenti, et eripit eos de suppliciis, futuris, quasi donum quoddam offerens Deo animas per baptismum consecratas. Confugite ergo ad aquas istas, solæ sunt enim quæ possunt vim futuri ignis exstinguere. Ad quas qui moratur accedere, constat in eo adhuc infidelitatis idolum permanere, et ab ipso prohiberi ad aquas properare quæ salutem conferunt. Sive enim justus, sive sit injustus, baptismus per omnia necessarius est, justo quidem ut adimpleatur in eo perfectio et regeneretur Deo, injusto vero ut peccatorum quæ gessit remissio concedatur. Omnibus ergo festinandum est sine mora renasci Deo, et demum consignari ab episcopo, id est, septiformem gratiam Spiritus sancti percipere, quia incertus est uniuscujusque exitus vitæ. Cum autem regeneratus fuerit per aquam, et postmodum septiformis Spiritus gratia ab episcopo, ut memoratum est, confirmatus, quia aliter perfectus esse Christianus nequaquam poterit, nec sedem habere inter perfectos si non necessitate, sed incuria aut voluntate remanserit, ut a beato Petro apostolo accepimus et cæteri sancti apostoli præcipiente Domino docuerunt, et demum ex operibus bonis ostendat in se similitudinem ejus, qui cum genuit, Patris. Post hæc vero agnoscat Dominum honorare, honor autem ejus est, ut ita vivat sicut ipse vult;



vult enim unumquemque ita vivere, ut homicidium, A et adulterium nesciat, odium et avaritiam fugiat, iram, superbiam, jactantiam respuat et exsecratur. Invidiam quoque et cætera his similia penitus ad se ducat aliena. Est sane propria quædam nostræ religionis observantia, quæ non tam imponitur hominibus quam proprie ab unoquoque Dominum colente causa puritatis expetitur, de castimonie dico cautela cujus species multæ sunt. Sed ut primo observet unusquisque, ne menstruata mulieri misceatur, hoc enim execrabile ducit lex Domini. Quod si lex de his non admonisset, nos ut catuli libenter volveremur in stercore. Debemus aliquid amplius habere animalibus, utpote rationabiles homines et cælestium sensuum capaces, quibus summi studii esse debet ab omni inquinamento cordis conscientiam custodire. B Bonum est autem et puritati conveniens etiam corpus aqua diluere. Bonum vero dico non quasi principale illud in quo mens purificatur, sed quod sequela sit illius boni hoc, in quo caro diluitur, sicut enim et Magister noster quosdam Phariseorum et Scribarum, qui videbantur esse cæteris meliores et a vulgo separati, increpabat, dicens eos hypocritas, quia eo solummodo quæ hominibus videbantur, purificabant, corda vero, quæ solus Deus aspicit, inquinata relinquebant et sordida (*Matth. xxiii, 25,*

26). Ad quosdam ergo ex ipsis, non ad omnes, dicebat: Væ vobis, Scribæ et Pharisei hypocritæ, quia mundatis calicis et paropsidis quod deforis est, intus autem plena sunt sordibus. Phariseæ cæcæ, munda prius quod intus est, et quod deforis est erit mundum. Vere enim si mens mundetur luce scientiæ, cum ipsa fuerit munda ac splendida, tunc etiam ejus qui deforis est hominis ipsa necessario curam gerit, id est carnis suæ, ut ipsa purificetur; ubi autem ista quæ deforis est purificatio carnis negligitur, certum est neque de puritate mentis ac munditia cordis curam geri. Ita ergo fit ut is qui intrinsecus mundus est mundetur sine dubio et extrinsecus; non semper autem is qui mundatur extrinsecus, etiam intrinsecus mundus est, videlicet cum agit hæc ut hominibus placeat, sed et illa species castimonie observanda est, uti ne passim et libidinis solius causa feminis coeat quis, sed posteritatis reparandæ gratia, quæ observantia cum etiam in nonnullis pecudibus inveniat, pudoris est si non ab omnibus rationabilibus et Deum colentibus observetur. Ergo omnes peccaverunt, et egent auxilio Dei. Propter quod, charissimi, sectamini semper charitatem et æmulamini meliora et spiritualia, et adjuvate vos invicem, ut Domino semper in omnibus placere valeatis. Amen.

## EPISTOLA QUINTA SANCTI CLEMENTIS PAPÆ

*De communi vita, reliquis suis discipulis scripta Hierosolymisque directa.*

Dilectissimis fratribus, et condiscipulis Hierosolymis cum charissimo fratre Jacobo coepiscopo habitantibus, CLEMENS episcopus.

Communis vita, fratres, omnibus necessaria est, et maxime his qui Deo irreprehensibiliter militare cupiunt, et vitam apostolorum eorumque discipulorum imitari volunt. Communis enim usus omnium quæ sunt in hoc mundo omnibus esse hominibus debuit, sed per iniquitatem alius suum esse dixit, et alius istud, et sic inter mortales facta divisio est. Denique Græcorum quidem sapientissimus, hæc ita sciens esse, ait communia debere esse amicorum omnia. In omnibus autem sunt sine dubio et conjuges. Et sicut non potest, inquit, dividi aer neque splendor solis, ita nec reliqua quæ communiter in hoc mundo omnibus data sunt ad habendum dividi debere, sed habenda esse communia. Unde et Dominus per prophetam loquitur, dicens: « Ecce quam bonum, et quam jucundum, habitare fratres in unum (*Psal. cxxxii, 1*), » et reliqua. Istius enim consuetudinis more retento, etiam apostoli eorumque discipuli (ut prædictum est) una nobiscum et vobiscum communem vitam duxere, unde (ut bene nostis) « erat multitudinis eorum cor unum et anima una, nec quisquam eorum aut nostrum de his quæ possidebat aliquid suum esse dicebat, sed omnia illis et nobis erant communia, nec quisquam egens erat inter nos. Omnes autem qui

domos vel agros possidebant vendebant eos, et pretia eorum et reliquas res quas habebant, afferebant ponentes ante pedes apostolorum (*Act. iv, 32, 34, 35*), » sicut nobiscum quidam vestrum cognoverunt et viderunt; et dividebant singulis, prout cuique opus erat (*Ibid., 35*). Ananias autem vir austerus, et Zaphira uxor ejus, qui mentiti sunt apostolis de pretio agrorum suorum quos vendiderant, nobis præsentibus in conspectu omnium astantium, a conspectu apostolorum propter peccatum eorum, et mendacium quod fecerunt, mortui delati sunt ambo (*Act. v, 1 et seq.*). Cætera quæ de talibus cognovimus et vidimus, nec recordatione, nec demonstratione digna sunt. Quapropter hæc vobis cavenda mandamus, et doctrinis et exemplis apostolorum obedire precipimus, quia hi qui mandata eorum postponunt, non solum rei, sed D extorres fiunt. Quæ non solum nobis cavenda, sed omnibus prædicanda sunt.

Relatum est etiam quod quidam in vestris partibus commorantes, adversantur sanis doctrinis, et prout eis videtur, non secundum traditionem Patrum, sed juxta sensum suum docere videntur. Multas enim quidam, ut audivimus, vestrarum partium, secundum ingenium hominum ex his quæ legunt, verisimilitudines capiunt, et ideo diligenter observandum est, ut et lex Dei cum legit, non secundum propriam ingenii intelligentiam legatur vel doceatur. Sunt enim

multa verba in Scripturis divinis quæ possunt trahi ad eum sensum quem sibi unusquisque sponte præsumpsit, sed fieri non oportet : non enim sensum quem extrinsecus adulteratis, alienum et extraneum debetis quærere, aut quomodo ipsum ex Scripturarum auctoritate confirmetis, sed ex ipsis Scripturis sensum capere veritatis. Et ideo oportet ab eo intelligentiam discere Scripturarum qui eam a maioribus secundum veritatem sibi traditam servat, ut et ipse possit ea quæ recte suscepit competenter asserere. Cum enim ex divinis Scripturis integrum quis et firmam regulam veritatis susceperit, absurdum non erit, si aliquid etiam ex eruditione communi ac liberalibus studiis quæ forte in pueritia attingit, ad assertionem veri dogmatis conferat, ita tamen ut ubi vera didicit, falsa et simulata declinet. Incertum est enim etiam juvenibus vitæ tem-

pus, senibus autem jam nec incertum est, non enim dubitatur quin quantumcunque est quod putatur superesse breve sit. Et ideo tam juvenes quam senes oportet de conversione et poenitentia valde esse sollicitos, et satis agere ut de reliquo ornent animam suam ornamentis dignissimis, id est dogmatibus veritatis, decore pudicitiae, splendore justitiae, candore pietatis, aliisque omnibus, quibus comptam decet esse rationabilem mentem. Unde, consilium dantes, vestram pudicam prudentiam hortamur, ut ab apostolicis regulis non recedatis, sed communem vitam ducentes et Scripturas sanctas intelligentes, quæ Domino vovistis, adimplere satagatis. Et cum oratione assidua obtinere merueritis, tunc, sine suspicionem mali interitus, vota possint celebrari festiva. Deus autem pacis sit cum omnibus vobis. Amen.

## INCIPIUNT DECRETA ANACLETI PAPÆ

*De oppressione episcoporum, et de accusatione episcoporum, et de ordinatione archiepiscoporum, et de primatibus et de patriarchis eorumque ministris.*

(Hic fuit anno Christo 104, tempore Trajani imperatoris).

ANACLETUS, servus Christi Jesu, in sede apostolica Domino serviens, episcopis omnibus, et cæteris cunctis fidelibus qui coæqualem nobiscum sortiti sunt fidem, gratia vobis et pax, atque consolatio multiplicetur a Domino in sæcula.

Benedictus Deus et Pater Domini nostri Jesu Christi, qui secundum magnam misericordiam suam regeneravit nos in spem vivam, per resurrectionem Jesu Christi ex mortuis in hæreditatem incorruptibilem, et incontaminatam et immarcessibilem, conservatam in cœlis, in vobis qui in virtute Dei custodimini per fidem in salutem paratam revelari in tempore novissimo, in quo exultabitis, modicum nunc si oportet contristari in variis tribulationibus, ut probatio vestræ fidei multo pretiosior sit auro, quando per ignem probatur (*1 Petr. 1, 3 et seq.*), si tantum tribulationibus experti probati inveniamini.

**13** « Patientes estote (*Jac. v, 7*), » dilectissimi, quia « patientia probationem operatur, probatio vero spem, spes autem non confundit (*Rom. v; Jac. 1, 3*). » « Ecce agricola expectat pretiosum fructum terræ, patienter ferens, donec accipiat temporaneum et serotinum (*Jac. v, 7*). » Si agricolæ hæc patienter ferunt pro temporalibus fructibus, quanto magis vos pro æternis patientes esse debetis? Estote ergo patientes, et confirmate corda vestra, ut adveniente iudice Christo, læti et probati esse valeatis. « Nolite ingemiscere in alterutrum, ut non judicemini. Ecce iudex ante januam assistit. Exemplum accipite, charissimi, laboris et patientiæ prophetas, qui locuti in nomine Domini sunt. En beatificamus eos qui sustinuerunt. Sufferentiam Job audistis, et finem Domini vi-

distis, quoniam misericors et miserator Dominus est (*Ibid.*, 10-12). » Tribulationes vestras audivimus, fratres, tam per nostros quam et per aliorum apoerisarios, super quibus valde dolemus, vobisque compatimur, et auxilium ferre, prout ipse largitus fuerit qui pro nobis non solum tribulatus, sed etiam passus est, parati sumus. « Nolite mirari, charissimi, qui persecutiones patimini, quasi novi vobis aliquid contingat; sed communicantes Christi passionibus gaudete, ut in revelatione gloriæ ejus gaudeatis exultantes. Si exprobramini in nomine Christi, beati eritis, quoniam quod est honoris, gloriæ, et virtutis Domini, et qui est ejus spiritus, super vos requiescit. Nemo autem vestrum patiaturs quasi homicida, aut fur, aut maleficus, aut alienorum appetitor. Si autem ut Christianus, non erubescat, glorificet autem Dominum in isto nomine, quoniam tempus est ut incipiat judicium de domo Domini. Si autem a nobis primum, quis finis eorum qui non credunt Dei Evangelio? Et si vix justus salvabitur, impius et peccator ubi parebunt? (*1 Petr. iv, 12-18.*) » Itaque et hi qui patiuntur, fideli Creatori commendent animas suas secundum voluntatem Domini in benefactis. Nam (ut ait beatus Clemens prædictus, antecessor noster) similis est omnis ecclesiæ status navi magnæ, quæ per undosum pelagus diversis e locis et regionibus viros portat, ad unam potentis regni urbem prope-rare cupientes. Sit ergo navis auctor hujus omnipotens ipse Deus, gubernator vero sit Christus, tum deinde proretæ officium episcopus impleat, presbyter nautarum, diaconi dispensatorum locum teneant, hi qui catechizant nautologis conferantur. Epibatis



autem totius fraternitatis multitudo sit similis. **A** quoque mare hic mundus habeatur. Ventorum vero varietates et turbinum diversis tentationibus conferrantur; persecutiones, tribulationes sive pericula fluctibus exsequuntur. Terreni vero spiritus qui vel de torrentibus, vel de convallibus spirant, pseudo-prophetarum et seductorum seu pravae doctrinae verba docentur; promontoria vero et loca confragosa hi qui in potestatibus saeculi sunt iudices, et pericula minantur ac mortes; dithalassa vero loca quae duplicibus undae fallacis aestibus verberantur dubiis mente et de repromissionum veritate nutantibus conferantur, atque his qui irrationabili fidem nostram ratione discutunt. Hypocritae vero et dolosi piratis similes habeantur. Jam vero rapidus vertex et tartarea charybdis et saxis illisa naufragia ac mortiferae submersiones, quid aliud aestimanda sunt quam peccata? Restat igitur ut haec navis cursu prospero tuta possit portum desideratae urbis intrare, et ita Domino pacem fundere, ut navigantes mereantur audiri. Audimus, fratres, quod quidam detrahunt et accusant sacerdotes Domini, cupientes eos damnari, non intelligentes forsitan quod injuria sacerdotum ad Christum pertinet, ejus vice funguntur. Nec hoc aspiciunt quod beatus Petrus princeps apostolorum, instructor noster, ait: « Deponentes igitur omnem malitiam, et omnem dolum et simulationes et invidias et omnes detractiones, sicut modo geniti infantes, rationabile, sine dolo lac concupiscite, ut in eo crescatis in salutem (*I Petr. II, 1*), » et Dominus per prophetam inquit: « Qui vult vitam diligere et videre dies bonos, coerceat linguam suam a malo, et labia ejus ne loquantur dolum (*I Petr. III, 10*), » etc. Qui autem ista transgrediuntur, profecto transgressores legis Domini et contemptores atque inobedientes ejus praeceptis existunt. Unde et beatus Jacobus apostolus ait: « Si diligitis proximos sicut vosipsos, bene facitis. Si autem personas accipitis, peccatum operamini, redarguti a lege quasi transgressores (*Jac. II, 9*), » etc. Et beatus praedecessor noster Clemens, vir apostolicus et spiritu Domini plenus, una cum reliquis sanctis collegis suis statuit, dicens: Accusandi vel testificandi licentia denegetur omnibus qui Christianae religionis et nominis dignitatem, et suae legis vel sui propositi normam aut regulariter prohibita neglexerunt. Transgressores enim sponte legis suae, ejusque violatores et recedentes, apostatae nominentur. Omnis enim apostata refutandus est ante reversionem suam, non in accusatione recte agentium, aut testimonio suscipiendus, quia vir duplex animo inconstans est in omnibus viis suis. « Quicumque autem (ut ait apostolus Jacobus) totam legem servaverit, offendat autem in uno, factus est reus omnium. Qui autem dixit, Non moechaberis, dixit et, Non occides. Quod si non moechaberis, occidas autem, factus es transgressor legis. Sic loquimini et sic facite, sic ut per legem libertatis incipientes judicari. Judicium enim sine misericordia fiet illi qui non fecit misericordiam, superexcellit

autem misericordia judicium (*Jac. II, 10*), » et Dominus ait: « Nolo mortem peccatoris, sed ut magis convertatur, et vivat (*Ezech. XXXIII, 11*). » Et multa talia horum similia. « Nemo enim (inquit Apostolus), vestrum sibi vivit, et nemo sibi moritur; sive ergo vivimus, sive morimur, Domini sumus. In hoc enim Christus mortuus est et revixit, ut et virorum et mortuorum dominetur. Tu autem quid judicas fratrem tuum, aut tu quare spernis fratrem tuum? Omnes enim stabunt ante tribunal Domini; scriptum est enim: « Vivo ego, dicit Dominus, quoniam flectetur mihi omne genu, et omnis lingua confitebitur Domino. Itaque unusquisque vestrum per se rationem reddet Domino. » Non ergo amplius invicem judicemus, sed hoc judicate magis, nec ponatis offendiculum fratri vel scandalum (*Rom. XIV, 11-13*). » Scimus enim quia multum derogatio praevalet, quando derogator creditur fide dignus; ideo, fratres, variis detractionibus et accusationibus non oportet labefactari iudices et primates Ecclesiae, sed magis apostolorum et doctorum regulis informari et roborari, unde justum est omnes in universo Romanorum orbe doctores legis, ea quae legis sunt recta sapere et operari, et non regulas nascentis ecclesiae confundi, aut fidem aut doctrinam apostolorum variis maculare doctrinis, nec fratres infestare. Si autem omnia in hoc saeculo vindicata essent, locum divina judicia non haberent, supervacuis enim ad beneficia laborat impendiis, qui solem certat facibus adjuvare; ideo si aliquis putat Domino in hoc placere quod servos suos accusat, et ut meliores fiant, dicit se hoc agere, in vanum laborat et plus invidiae stimulis agitur quam charitatis, quoniam gratiae plenitudo adjectione non indiget, nec ulla requirit commendationis augmenta. Erigunt ergo doctores conscientias suas, et si quando incertis temporum flatibus opponuntur, sustinent mala quae saeculis magis sunt ascribenda quam meritis. Datam enim scimus Satanæ potestatem, ut servos Christi cribraret, ut quod de tritico inveniri posset, horreis ingereretur; et quod de paleis, ac ignium alimentum transiret. Ad vos specialiter dictum est: « Nolite timere pusillus grex, placuit Patri vestro dare vobis regnum (*Luc. XII, 32*), » venit inter vos gladius perfidorum, ut marcida Ecclesiae membra resicaret, et ad caelestem gloriam perduceret. Quos habeat Christus milites, certamen ostendit, qui triumphum mereantur per bella cognoscuntur. Scimus autem multos ob id infestare doctores, ut eos perdant et propriae voluntatis placita adimpleant. Non propterea tamen doctores inquantum vires suppetunt a recta aemulatione, et bona intentione recedere debent, scientes quia « beati qui persecutionem patiuntur propter justitiam (*Matth. V, 10*). » Nihil autem illo est pastore miserius, qui luporum laudibus gloriatur. Quibus si placere voluerit atque ab his amari delegerit, erit hinc ovibus magna perniciēs. Nullus ergo pastorum placere lupis et gregibus ovium potest, perdit enim laboris memoriam mens terrenis obligata carceribus.

Sicut artium in suo quoque opere invenitur mater instantia, ita noverca eruditionis est negligentia. Nullus ergo præjudicium alteri faciat, neque quod sibi fieri non vult exerceat. Nemo dictum de aliquo inveniat, quod in ejus actibus non agnoscat. Ego autem labefactatam, non solum quietem meam, sed et salutem inimicorum valetudine et rumorum procellis agnosco. Potens est divinitas immensa tempestatis incerta bono serenitatis amovere. Et quid aliud si « Christus passus est pro nobis, nobis relinquens exemplum, ut sequamur vestigia ejus (*I Petr.* II, 21), » et apostoli passi sunt, sequentes ejus exemplum, et reliqui patres, nisi ut sequamur vestigia ejus, tam doctrinam eorum quam exemplum, et patiamur adversa pro Christo, et cum patribus atque cum fratribus crucem portemus, eorumque tribulationibus compatiamur, ut Christi veri discipuli inveniamur, qui dixit: Qui vult post me venire, abneget semetipsum, et tollat crucem suam et sequatur me (*Luc.* IX, 23), » et reliqua? Præsumptio est si dominorum beneficia famuli non sequantur.

Obsequium ergo æstimandum puto, quod pariturus impendo. Quid est enim, quod plus creditur filii vocabulum valere quam obsequium, et non quaeritur quid in amoris lance promoveas, sed quale ad præjudicium æstimanti nomen apponas, cum apud prudentes frustra sobolem diximus, nisi exhibeat quod videtur. Ego vero nolo errore meo alienas culpas asserere, ut factum quod doleo admisisse convincar. « Odisti, inquit Dominus per prophetam, omnes operantes iniquitatem, perdes loquentes mendacium. Virum sanguinum et dolosum abominabitur Dominus; ego autem in multitudine misericordiæ tuæ introibo in domum tuam, adoraboque in templo sancto tuo, in timore tuo (*Psal.* V, 7). » Domine, deduc me in justitia tua propter incantatores meos, dirige ante faciem tuam viam meam, non est enim in ore eorum rectum, interiora eorum insidiae. Sepulchrum patens est guttur eorum, linguam suam lenificant. Condemna eos, Deus, decident a consiliis suis; juxta multitudinem scelerum eorum expelle eos, quoniam provocaverunt te. Et lætentur omnes qui sperant in te, in æternum laudabunt nomen tuum. Et proteges eos, et lætabuntur in te qui diligunt nomen tuum, quoniam tu benedices justo. Domine, ut hasta placabilitatis coronabis eum (*Ibid.*). Deo enim sacrificantes perfecte, non debent vexari, sed portari, consolari, atque ab hominibus venerari. Ipsi autem quando Domino sacrificant non soli hoc agere debent, sed testes secum adhibeant, ut Domino perfecte in sacratis Deo sacrificare locis probentur. Ait namque auctoritas legis divinæ: Vide ne offeras holocausta tua in omni loco quem videris, sed in loco quem elegit Dominus Deus tuus. Episcopus Domino sacrificans, testes (ut præfixum est) secum habeat, et plures quam alius sacerdos. Sicut enim majoris honoris gradu fruitur, sic majoris testimonii incrementatione indiget. In solemnioribus quippe diebus aut septem, aut quinque, aut tres diaconos, qui ejus

oculi dicuntur, et subdiaconos, atque reliquos ministros secum habeat, qui sacris induti vestimentis in fronte et a tergo, et presbyteri e regione dextra levaque, contrito corde et humiliato spiritu, ac prono stent vultu, custodientes eum a malivolis hominibus, et consensum ejus præbeant sacrificio, peracta autem consecratione, omnes communicent qui noluerint ecclesiasticis carere liminibus. Sic enim et apostoli statuerunt, et sancta Romana tenet Ecclesia. « Servite, » inquit Dominus per prophetam David, « in timore, et exultate ei cum tremore (*Psal.* II, 11), » adore pure, ne quando irascatur, et pereatis de via. Ille enim non perit de via qui recte graditur, et præcepta custodit majorum. Doceri ergo omnes oportet qui Domini sacerdotio funguntur, ut cæteros instruunt et sibi proficiant, scriptum est autem: « Qui docti fuerint, fulgebunt quasi splendor firmamenti, et qui ad justitiam erudiunt multos, quasi stellæ in perpetuas æternitates (*Dan.* XII, 3). » Et alibi: « Populus autem sciens Dominum suum obtinebit et faciet, et docti in populo docebunt plurimos (*Dan.* XI, 32). » Ipsa enim veritas **14** per se infert et dicit: « Beatus qui non fuerit scandalizatus in me (*Luc.* VII, 23); » ille procul dubio scandalizatus est in Deum qui recte non docet, et qui ejus scandalizat episcopum vel sacerdotem. Impie namque agentes sunt impii, neque intelligunt omnes impii, porro docti intelligent, omnes enim invicem humilitatem insinuate, « quia Deus superbis resistit, humilibus autem dat gratiam (*I Petr.* V, 5). » « Nolite, inquit Joannes apostolus, omni spiritui credere, sed probate spiritus si ex Deo sunt. Quoniam pseudoprophetæ exierunt in mundum (*I Joan.* IV, 1). » Et idem ipse alibi ait: « Vos quod audistis ab initio, in vobis permaneat; si in vobis permanserit quod ab initio audistis, et vos in Filio et Patre manebitis. Et hæc est repromissio quam ipse pollicitus est vobis vitam æternam. Hæc scripsi vobis de his qui seducunt vos. Et vos unctio quam accepistis ab eo, maneat in vobis. Et non necesse habetis ut aliquis doceat vos, sed sicut unctio ejus docet vos de omnibus et verum est, et non est mendacium, et sicut docuit vos, manete in eo. Et nunc, filioli, manete in eo, ut cum apparuerit habeamus fiduciam, et non confundamur ab eo in adventu ejus. Si scitis quoniam justus est, scitote quoniam et omnis qui facit justitiam, ex ipso natus est. Videte qualem charitatem dedit nobis Pater, ut filii Dei nominemur et simus, propter hoc mundus non novit nos, quia non novit eum. Charissimi, nunc filii Dei sumus et nondum apparuit quod erimus. Scimus quoniam eum apparuerit, similes ei erimus, quoniam videbimus eum sicuti est. Et omnis qui habet spem hanc in eo, sanctificat se, sicut et ille sanctus est. Omnis qui facit peccatum, et iniquitatem facit, et peccatum est iniquitas. Et scitis quia ille apparuit ut peccata tolleretur, et peccatum in eo non est. Omnis qui in eo manet, non peccat, et omnis qui peccat, non vidit eum, nec cognovit eum. Filioli, nemo vos seducat. Qui facit justitiam justus est, sicut et ille justus est.



Qui facit peccatum ex diabolo est, quoniam ab initio A diabolus peccat. In hoc apparuit Filius Dei, ut dissolvat opera diaboli. Omnis qui natus est ex Deo, peccatum non facit, quoniam semen ipsius in eo manet, et non potest peccare, quoniam ex Deo natus est. In hoc manifesti sunt filii Dei et filii diaboli. Omnis qui non est justus, non est ex Deo, et qui non diligit fratrem suum, quoniam hæc est annuntiatio, quam audistis ab initio, ut diligamus alterutrum, non sicut Cain qui ex maligno erat, et occidit fratrem suum, et propter hoc occidit eum, quoniam opera ejus maligna erant, fratris autem justa. Nolite mirari, fratres, si odit vos mundus. Nos scimus quoniam translati sumus de morte ad vitam, quia diligimus fratres. Qui non diligit manet in morte; omnis qui odit fratrem suum, homicida est. Et scitis quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille pro nobis animam suam posuit, et nos debemus pro fratribus animas ponere. Qui habuerit substantiam hujus mundi, et viderit fratrem suum necessitatem habere, et clausit viscera sua ab eo, quomodo charitas Dei manet in eo? Filioli, non diligamus verbo, neque lingua, sed opere et veritate. In hoc cognovimus quoniam ex veritate sumus, et in conspectu ejus suadebimus cordi nostro, quoniam si reprehenderit nos cor nostrum, major est Deus corde nostro, et novit omnia. Charissimi, si cor nostrum non reprehendit nos, fiduciam habemus ad Deum, et quidquid petierimus, accipiemus ab eo, si mandata ejus custodimus, et ea, que sunt placita coram eo, facimus. Et hoc est mandatum ejus, ut credamus in nomine filii ejus Jesu Christi et diligamus alterutrum, sicut dedit mandatum nobis. Et qui servat mandata ejus, in illo manet, et ipse in eo, et in hoc scimus quoniam manet in nobis de Spiritu quem dedit nobis (1 Joan. ii, 24). Et sicut Deus Creator qui hominem ad similitudinem suam creavit, est charitas, est bonus, justus, patiens, atque mitis et misericors, et cætera sanctarum virtutum insignia, quæ de eo leguntur, ita homo creatus est, ut charitatem haberet, ut bonus esset et justus, ut patiens atque mitis, mundus, et misericors foret. Quas virtutes quanto plus quisque in seipso habet, tanto propior est Deo et major est, ac sui Conditoris gerit similitudinem. Si vero (quod absit) aliquis per devia vitiorum et divortia criminum ab hac nobilissima sui Conditoris similitudine degener aberrat, tunc fiet de eo quod scriptum est: « Homo cum in honore esset non intellexit, comparatus est jumentis insipientibus, et similis factus est illis (Psal. xlviii, 2). » Quis major honor potuit homini esse quam ut ad similitudinem sui factoris conderetur et eisdem virtutum vestimentis ornaretur, quibus et Conditor? De quo legitur: « Dominus regnavit, decorem indutus est (Psal. xcii, 4), » id est, omnium virtutum splendore et totius bonitatis decore ornatus, vel, quod majus homini potest esse decus aut infeliciores miseria, quam ut hæc similitudinis gloria

sui Conditoris amissa, ad informem et irrationabilem brutorum, jumentorumque similitudinem delabatur? Quapropter quisque diligentius attendat primæ conditionis suæ excellentiam, et venerandam sanctæ Trinitatis in seipso imaginem agnoscat, honoremque similitudinis divinæ ad quam creatus est nobilitatem morum, executionem virtutum, dignitatem meritum habere contendat, ut quando apparuerit qualis sit, tunc similis ei appareat qui se mirabiliter ad similitudinem suam in primo Adam condidit, mirabilisque in secundo reformavit. Omnis ergo homo qui ad imaginem Dei factus est, illum debet imitari, cujus ad imaginem conditus est, illius debet sequi vestigia, qui eum ad imaginem sui condidit. Consiliarium vero ac protectorem meliorem reperire non poterit, quam illum qui eum ad imaginem sui condidit, qui eum pretioso sanguine suo redemit, et propter eum homo fieri non est dedignatus: quem procul dubio inveniet si in eum totam spem juxta Psalmistæ vocem projecerit; ait namque, projice « super Dominum curam tuam, et ipse te eruet, nec dabit in æternum fluctationem justo (Psal. lrv, 25). » Omnis enim homo in sua causa deficiens, et in suis hæsitans consiliis quærit sibi amicum fidelem, in cujus consiliis confidat, qui in suis diffidebat, et talem fiduciam habet in illo, ut omne secretum sui pectoris ei pandat et aperiat.

Quid dulcius est quam ut habearis illum cum quo omnia possis loqui ut tecum? Si ista cum hominibus sunt, quanto magis cum Deo hoc est agendum, qui omnes vult salvos fieri et neminem perire? Nam, si veraciter Deum credimus, eumque diligimus ut debemus, et proximos sicut nosmetipsos, in eum quoque totam spem projecerimus nostram, ipse nos eripiet et consolabitur. Et, sicut per angelum suum Habacuc prophetam cum prandio in lacum leonum ad Danielem vatem misit, et Philippum, unum de septem diaconibus, ad Eunuchum, ita dabit nobis consolationem et liberationem. Hæc sectamini, charissimi, et nulli unquam nocete. Fratres estis, invicem vos diligite ut veri Dei discipuli effici mereamini. Nam qui rancida corda virorum inficit, malitiam inter homines spargit, et qui detrahit fratrem suum, hic homicida est. Et qui abstulerit aliquid patri vel matri, dicitque hoc peccatum non esse, homicidæ particeps est. Pater noster sine dubio Deus est, qui nos creavit; mater nostra vero Ecclesia, quæ nos in baptismæ spiritualiter regeneravit. Ergo qui Christi pecunias et Ecclesiæ rapit, aufert, vel fraudat, homicida est, atque homicida ante conspectum justiciæ Judicis esse deputabitur; qui rapit pecuniam proximi sui, iniquitatem operatur, qui autem pecuniam vel res Ecclesiæ abstulerit, sacrilegium facit. Privilegia enim Ecclesiarum et sacerdotum sancti apostoli jussu Salvatoris intemerata et inviolata omnibus decreverunt manere temporibus. Leges Ecclesiæ apostolicæ firmamus auctoritate et peregrina iudicia submovemus, unde et Dominus mentionem faciens Loth per Moysen loquitur, dicens:

« Ingressus es (quidam inquit) ut advena, nunquid ut iudices? (Gen. xix, 9.) » Unaquæque provincia tam juxta ecclesiasticas quam juxta sæculi leges suos debet justos et non iniquos habere iudices, et non externos, nisi apostolicæ Sedis hujus decreverit auctoritas, quatenus quicumque causam habuerit apud suos iudices judicetur, et non ad alienos causa vagandi stimulante propter suam vitam despicens patriam transeat. Sed ad duodecim ejusdem provinciæ iudices, ad quorum iudicium omnes causæ civitatum referuntur, deferatur negotium. Si autem fuerit ecclesiasticus apud episcopos, interveniente primatu, siquidem major causa fuerit; si vero minor metropolitano; si vero fuerit sæculare, apud ejusdem ordinis viros iudicio tam episcoporum, cum Apostolus privatorum Christianorum causas magis Ecclesiis deferri, et ibidem sacerdotali iudicio terminari voluit. Omnis enim oppressus libere sacerdotum, si voluerit, appellet iudicium et a nullo prohibeatur, sed ab his fulciatur et liberetur. Si autem difficiles causæ aut majora negotia orta fuerint, ad majorem sedem referantur, et si illic facile discerni non potuerint aut juste terminari, ubi fuerit summorum congregata congregatio, quæ per singulos annos bis fieri solet et debet, iuste et Deo placite coram patriarcha aut primatu ecclesiastico et coram patricio sæculari iudicentur negotia in commune. Quod si difficiliore ortæ fuerint quæstiones aut episcoporum vel majorum iudicia aut majores causæ fuerint, ad Sedem apostolicam, si appellatum fuerit, referantur, quoniam apostoli hoc statuerunt jussione Salvatoris, ut majores et difficiles quæstiones semper ad Sedem deferantur apostolicam, super quam Christus universam construxit Ecclesiam, dicente ipso ad beatum principem apostolorum Petrum: « Tu es (inquit) Petrus, et super hanc petram ædificabo ecclesiam meam (Matth. xvi, 18), » et reliqua. Sit ergo, fratres, constantia nostra adversus contentiones eorum qui adversa sapiunt et non quæ Dei sunt sapiunt, et erit fortior petra constantia nostra, sicut scriptum est, ne timueritis ab eis, neque terreamini a facie eorum qui corpus occidunt, animam autem non possunt occidere. Quod autem in aure auditis, prædicate in lumine, illum timentes qui potest animam et corpus occidere, et mittere in gehennam. Fratres mei, « in

A carne ambulantes, non secundum carnem militamus. Arma enim militiæ nostræ, non carnalia, sed potentia Deo ad destructionem munitionum consilia destruentes et omnem exaltationem extollentem se adversus scientiam Dei, et in captivitatem redigentes omnem cogitationem, in obsequium Christo perducetes (II Cor. x, 5). » « De cætero, fratres, confortamini in Domino et in potentia fortitudinis ejus (Ephes. vi, 10), » ut pax vobis multa et gratia a Deo et Domino nostro Jesu Christo ministretur. Amplectimur et osculamur ac si præsentem charitatem vestram in unitate spiritus, in vinculo pacis, et charitatis Christi. « Propter quod, charissimi, expectantes, satagite immaculati et inviolati inveniri in pace, et Domini nostri longanimitatem salutem arbitramini. Sicut et charissimus noster Paulus secundum datam sibi sapientiam scripsit vobis sicut et in omnibus epistolis loquens in eis de his, in quibus sunt quædam difficilia intellectu, quæ indocti et instabiles depravant, sicut et cæteras scripturas, ad suam perditionem. Vos ergo, fratres, præscientes custodite ne insipientium errore traducti excidatis a propria firmitate. Crescite vero in gratia et cognitione Domini nostri Jesu Christi et Salvatoris (II Petr. iii, 14). » « Vos autem, charissimi, memores estote verborum, quæ prædicta sunt ab apostolis Domini nostri Jesu Christi, qui dicebant vobis quoniam in novissimo tempore venient illusores secundum desideria sua ambulantes in impietate. Hi sunt qui segregant semetipsos, animales, spiritum non habentes, vos autem, charissimi, superædificantes vosmetipsos sanctissimæ vestræ fidei in Spiritu sancto orantes. Ipsos vos in dilectione Domini servate, expectantes misericordiam Domini nostri Jesu Christi in vitam æternam. Et hos quidem arguite iudicatos, illos vero salvate de igne rapientes, aliis autem miseremini in timore, odientes eam quæ carnalis est maculatam tunicam. Ei autem qui potens est vos conservare sine peccato, et constituere ante conspectum gloriæ suæ immaculatos in exultatione, soli Deo Salvatori nostro per Jesum Christum Dominum nostrum gloria, magnificentia, et imperium, et potestas ante omnia sæcula, nunc et per omnia sæcula sæculorum. Amen (Jud. 1, 17). »

#### ITEM EPISTOLA ANACLETI PAPÆ.

*De ordinatione archiepiscoporum et reliquorum episcoporum, atque sacerdotum. De fide, cæterisque causis.*

ANACLETUS episcopus universis episcopis in Italia constitutis.

Quoniam apostolicæ Sedi debitam reverentiam erga me charitas vestra distribuit, quia plurimum, charissimi filii, præbuitis. Nam licet Ecclesiæ in qua sanctus apostolus residens docuit quodammodo nos gubernacula teneamus, tamen profiteamur

D honore et sanctitate minores esse, et propterea omnino festinamus, ut ad gloriam ejus beatitudinis pervenire possimus. Igitur consultationibus vestris plenius respondissemus si licuisset, sed infirmitatis ac reliquarum oppressionum onere pressi, breviter, prout Dominus tribuit, et ut a beato Petro principe apostolorum sumus instructi, a quo et presbyter



sum ordinatus, scribere vobis, sicut petistis, non A denegavimus. Ordinationes episcoporum auctoritate apostolica ab omnibus qui in eadem fuerint provincia episcopis, sunt celebrandæ. Qui simul convenientes scrupulum diligenter agant jejuniumque cum omnibus celebrent precibus, et manus cum sanctis Evangeliiis, quæ prædicatûri sunt, imponentes, Dominica die hora tertia orantes, sacraque unctione, exemplo prophetarum et regum capita eorum, more apostolorum, et Moysis ungentes, quia omnis sanctificatio constat in Spiritu sancto, cujus virtus invisibilis sancto chrismati est permista, et hoc ritu solemnem celebrent ordinationem. Quod si simul omnes convenire minime potuerint, assensum tamen suis precibus præbeant, ut ab ipsa ordinatione animo non desint. Porro et Hierosolymitarum primus archiepiscopus beatus Jacobus qui justus dicebatur, et secundum carnem, Domini nuncupatus est frater, a Petro, Jacobo et Joanne apostolis est ordinatus, successoribus videlicet dantes formam eorum, ut non minus quam a tribus episcopis, reliquisque omnibus assensum præbentibus ullatenus episcopus ordinetur, et communi voto ordinatio celebretur. Reliqui vero sacerdotes a proprio ordinentur episcopo, ita ut cives et alii sacerdotes assensum præbeant, et jejunantes ordinationem celebrent, similiter et diaconi ordinentur. Cæterorum autem graduum distributioni trium veracium testimonium cum episcopi scilicet probatione sufficere potest. Accusatio quoque eorum super qua nos consulere voluistis, non nisi ab idoneis et probatissimis viris, qui et suspicionibus et sceleribus careant, fieri debet, quia Dominus sacri sui corporis tractatores a vilibus et reprobis et non idoneis personis infamari noluit nec calumniari permisit, sed ipse proprio flagello peccantes sacerdotes a templo ejecit, unde liquet quod summi sacerdotes, id est, episcopi, a Deo sunt judicandi, non ab humanis aut prævæ vitæ hominibus lacerandi, sed potius ab hominibus fidelibus portandi, ipso Domino exemplum dante, quando per seipsum et non per alium vendentes et ementes ejecit de templo, et mensas nummulariorum et cathedras vendentium proprio evertit flagello et ejecit de templo. Et sicut alibi ait : « Deus stetit in synagoga deorum, in medio autem deos (*Psal. lxxxi, 1*) » decernit. Et alibi : « Ego dixi, dii estis et filii excelsi omnes (*Psal. lxxxi, 6*) ; » nullus enim (ut reor) invenitur inter nos qui velit suum servum ab alio quam a se judicari. Quod si præsumptum fuerit, aut multa ipse indignatione irascitur, aut potius ultionem quærit super eo. Si vero hoc inter homines agitur, quid putatis faciet Deus deorum, et Dominus dominantium, qui ultionem suorum promisit non differre servorum? Unde et ipse per Prophetam loquitur, dicens. « Deus ultionum Dominus, Deus ultionum libere egit (*Psal. xciii, 1*), » et reliqua. Et Apostolus, inquit : « Tu quis es qui judicas servum alienum? suo enim Domino stat aut cadit (*Rom. xiv, 4*), » et ipse : « Nolite judicare invicem, sed hoc

judicate magis ne ponatis offendiculum fratri vel scandalum (*Rom. xiv, 13*). » Et Dominus per prophetam inquit : « Qui vos tangit, tangit pupillam oculi mei (*Zach. ii, 8*). » Nam si aliquis nunc in malum oculos alicujus principis incipit tractare, manifeste reus majestatis judicatur, et infamis efficitur, aut potius capitali sententiæ subiacet. Hæc, fratres, valde cavenda sunt, et quod homines volunt sibi fieri Deo deorum non debent inferre, ne forte irascatur Dominus, et faciat vindictam eorum, etiam in eos qui non peccaverunt, quia perit sæpissime justus pro impio. Imitandus est etiam propheta, per quem Dominus ait : Perambulabo in simplicitate cordis mei, in medio domus meæ, non proponebam coram oculis meis verbum Belial, detrahentem in abscondito sodalem suum, hunc interficiebam, et hi cavendi sunt, de quibus Salomon ait : « Sicut noxius est qui mittit lanceas et sagittas in mortem, sic vir qui fraudulenter nocet amico suo, et cum fuerit deprehensus, dicit : Ludens feci. Sicut carbonem ad prunas, et ligna ad ignem, sic homo iracundus suscitatur rixas, » verba susurronis quasi simplicia, et ipsa perveniunt ad intima ventris (*Prov. xxvi, 18*). » Et si detractores quorumque graviter judicantur et in perditionis laqueum cadunt, multo magis laceratores et detractores atque accusatores memoratorum ejus famulorum atque persecutorum damnantur, et in baratrum, nisi se correxerint et per eorum satisfactionem condignam egerint poenitentiam, indubitanter vadunt et vindicibus flammis exuruntur. C Quapropter oportet omnes ab his cavere, et non solum non facere, sed nec facientibus consentire, quia non solum qui faciunt damnantur, sed qui consentiunt facientibus; de talibus et his similibus ipsa Veritas ait : « Vulpes foveas habent, et volucres cœli nidos, Filius autem hominis non habet ubi caput suum reclinet (*Matth. viii, 20*; *Luc. ix, 58*), » id est, in talibus non habitat Dominus, nec ipsi manent in eo; et Salomon loquitur dicens : « Qui fodit foveam, incidet in eam, et qui volvit lapidem revertetur ad eum. Lingua fallax non amat veritatem, et os lubricum operatur ruinas (*Prov. xxvi, 27*). » Grave est saxum et onerosa arena, sed ira stulti utroque gravior, hominem qui calumniatur animæ sanguinem, si usque ad lacum fugerit, nemo sustinet; qui se jactat et dilatat, jurgia concitat; qui sperat in Domino, sanabitur; qui confidit in corde suo stultus est, qui autem graditur sapienter, ipse salvabitur; qui fortiter premit ubera ad eliciendum lac, exprimit butyrum; qui vehementer emungit, elicit sanguinem, et qui provocat iras, producit discordias.

#### Ordo accusationis.

Hæc et alia periculosa considerantes apostoli, statuerunt, ne facile commoverentur aut lacerarentur vel accusarentur columnæ sanctæ Dei Ecclesiæ, quæ apostoli et successores eorum non immerito dicuntur. Sed si quis adversus eos vel Ecclesias eorum commotus fuerit, aut causas habuerit, prius ad eos

recurrat charitatis studio, ut familiari colloquio com-  
moniti ea sanent quæ sananda sunt, et charitative  
emendent quæ juste emendanda agnoverint. Si autem  
aliqui eos, priusquam egerint hæc, lacerare, accu-  
sare, aut infestare præsumperint, excommunicentur  
et minime absolvantur antequam per satisfactionem,  
at jam dictum est, condignam egerint pœnitentiam,  
quoniam injuria eorum ad Christum pertinet, ejus  
legatione funguntur, nec hoc mirum, quia si quisque  
nostrum cuidam servorum legationem injungeret,  
et a quoquam impediretur aut subditorum suorum  
despiceretur, mox indignatus irasceretur, aut talia,  
prout posset, vindicaret, et ad injuriam ad contu-  
meliam suam hoc factum reputaret, et talionem, si  
in præsentī non posset, futuris temporibus redderet.  
Nam, si in hominis causa hæc fiunt, quid patatis  
Deus faciet de suis qui nec capillum capitis eorum  
perire dixerit? unde et Dominus per Nahum pro-  
phetam loquitur dicens: « Deus æmulator et ulci-  
scens Dominus, et habens furorem; ulciscens Domi-  
nus in hostes suos, et irascens ipse inimicis suis;  
ante faciem indignationis ejus quis stabit, et quis  
resistet in ira furoris ejus? Indignatio ejus effusa est  
sicut ignis et petrae dissolutæ sunt ab eo. Bonus est  
Dominus et confortans in die tribulationis et sciens  
sperantes in se (*Nahum. 1, 2*), » et reliqua. Quædam  
autem ex his jam aliis fratribus scripsimus, quæ  
toties sunt replicanda quotiens fuerint necessaria.  
Ejectionem quoque (ut supra memoratum est) sum-  
morum sacerdotum sibi Dominus reservavit, licet  
electionem eorum bonis sacerdotibus et spiritualibus  
populis concessisset. Electionem enim illorum taliter  
apostolus fieri jubet: « Si quis sine crimine est, unius  
uxoris virum filios habentem fideles, non in accusa-  
tione luxuriæ, aut non subditos (*Tit. 1, 6*), » et reli-  
qua. Si enim sine crimine sacerdos eligi præcipitur,  
nullatenus ab hominibus criminibus irretitus accu-  
sari aut calumniari permittitur, nec ab aliis quam  
ab his qui sine crimine sunt, et justa electione,  
si necessitas fuerit, aut ipsi volendo Domino ser-  
vire elegerint, sacerdotesque sine crimine fieri et  
ordinari possint, et tales per omnia fuerint quales  
eligi sacerdotes jubentur. Porro et Moysi præcipitur  
ut eligat presbyteros, unde et in Proverbiis dicitur,  
gloria senum canities. Hæc vero canities sapientiam  
designat, de qua scriptum est. Canities hominum  
prudentia est, cumque nongentos et amplius annos  
ab Adam usque ad Abraham vixisse homines lege-  
rimus, nullus alius primus appellatus est presbyter,  
id est senior, nisi Abraham qui multo paucioribus  
vixisse annis convincitur: non ergo propter decre-  
pitam senectutem, sed propter sapientiam presbyteri  
nominantur. Initium enim sacerdotii Aaron fuit,  
licet Melchisedech prior obtulerit sacrificium, et  
post hunc Abraham, Isaac et Jacob. Sed hi sponta-  
nea voluntate non sacerdotali auctoritate, ista fece-  
runt. Cæterum Aaron primus in lege sacerdotale  
nomen accepit primusque pontificali stola indutus,  
victimas obtulit, jubente Domino ac loquente ad

A Moysen: « Accipe (inquit) Aaron et filios ejus, et  
applicabis ad ostium tabernaculi testimonii. Cumque  
laveris patrem cum filiis aqua, indues Aaron vesti-  
mentis suis, id est, lineam tunicam et superhumera le  
et rationale quod constringes balteo, et pones tiaram  
in capite ejus, et laminam sanctam super tiaram, et  
oleum unctionis fundes super caput ejus, atque hoc  
ritu consecrabitur Domino. Filios quoque illius ap-  
plicabis et indues tunicis lineis cingesque balteo  
Aaron et liberos ejus et impones mitras eis, erunt-  
que sacerdotes mihi religione perpetua (*Exod. xxix,  
4*). » Quo loco contemplari oportet Aaron summum  
sacerdotem, id est episcopum fuisse, porro filios  
ejus presbyterorum demonstrasse figuram. Hoc enim  
fuit inter Aaron summum sacerdotem et filios ejus  
qui sacerdotes erant, quod Aaron super tunicam  
accipiebat poderem, stolam sanctam, et coronam  
auream, mitram et zonam auream, et superhume-  
rale, et reliqua quæ præfixa sunt: filii autem Aaron  
super tunicas lineas cincti tantummodo et tiarati  
assistebant sacrificio Domini; in Novo autem Testa-  
mento post Christum Dominum nostrum a Petro  
sacerdotalis cœpit ordo, quia ipsi primo pontificatus  
in Ecclesia Christi datus est, dicente Domino ad  
eum: « Tu es (inquit) Petrus et super hanc petram  
ædificabo Ecclesiam meam, et portæ inferi non  
prævalebunt adversus eam, et tibi dabo claves **16**  
regni cœlorum (*Matth. xvi, 18*). » Hic ergo ligandi  
atque solvendi potestatem primus accepit a Domino,  
primusque ad fidem populum gratia Dei, virtute suæ  
prædicationis adduxit. Cæteri vero apostoli cum  
eodem pari consortio honorem et potestatem acce-  
perunt, ipsumque principem eorum esse voluerunt.  
Qui etiam, jubente Domino, in toto orbe dispersi  
Evangelium prædicaverunt, ipsis quoque deceden-  
tibus in locum eorum successerunt episcopi, quo-  
rum ordinatio prætaxato fieri debet ordine et modo:  
quos qui recipit et verba eorum, Dominum recipit.  
Qui autem eos spernit, eum a quo missi sunt, et  
cujus funguntur legatione spernit et ipse indubi-  
tante spernetur a Domino.

Videntes autem ipsi apostoli messem esse multam  
et operarios paucos, rogaverunt Dominum messis  
ut mitteret operarios in messem suam. Unde electi  
sunt ab eis septuaginta discipuli, quorum typum  
gerunt presbyteri, atque in eorum locum sunt con-  
stituti in Ecclesia, de quorum ordinatione, et reli-  
quorum ministrorum, dixisse supra sufficiat. Porro  
quod episcopus non ab uno, sed a cunctis, consensu  
aut præsentia comprovincialium est ordinandus,  
et nullatenus minus quam a tribus cæteris consen-  
tientibus cunctis, idcirco, instituentem Domino, fieri  
jubetur, ne aliquid contra fidem Ecclesiæ unius  
tyrannica auctoritas moliretur, et regula vel fides  
confunderetur credentium. Provinciæ autem multo  
ante Christi adventum tempore divisæ sunt maxima  
ex parte, et postea ab apostolis, et beato Clemente  
prædecessore nostro, ipsa divisio est renovata, et in  
capite provinciarum, ubi dudum primates legis erant



sæculi ac prima judiciaria potestas, ad quos qui per A reliquas civitates commorabantur, quando eis necesse erat qui ad aulam imperatorum, ut regum confugere non poterant, vel quibus permissum non erat, confugiebant pro oppressionibus suis, vel injustitiis suis, ipsosque appellabant, quoties opus erat, sicut in lege eorum præceptum erat, ipsis quoque in civitatibus vel locis nostris, patriarchas vel primates qui unam formam tenent, licet diversa sint nomina, leges divinæ et ecclesiasticæ poni et esse jussæ sunt, ad quos episcopi, si necesse fuerit, confugerent, eosque appellarent, et ipsi primatum nomine frentur, et non alii. Reliquæ vero metropolitanæ civitates, quæ minores judices habebant, licet majores comitibus essent, haberent metropolitanos suos, qui prædictis juste obedirent primatibus, sicut B in legibus sæculi olim ordinatum erat, qui non primatum, sed aut metropolitanorum, aut archiepiscoporum nomine fuerunt; et licet singulæ metropoles civitates suas provincias habeant, et suos metropolitanos judices habere debeant episcopos, sicut prius metropolitanos judices habebant sæculares, primates tamen, ut præfixum est, et tunc et nunc habere jussæ sunt, ad quos post sedem apostolicam summa negotia conveniant, ut ibidem quibus necesse fuerit, releventur, et juste restituantur, et hi qui injuste opprimuntur, juste reformentur atque fulciantur, episcoporumque causæ, et summorum negotiorum judicia (salva apostolicæ Sedis auctoritate) justissime terminentur. Hæc ab antiquis, hæc ab apostolis, hæc a sanctis patribus accepimus, vobisque (ut postulastis) rimanda et futuris

tenenda temporibus mittimus, et reliquis fratribus prædicanda, ac cunctis fidelibus tradenda mandamus, ne pastorum imperitia qui sequuntur deteriores fiant, dicente Domino per prophetam: « Ipsi pastores ignoraverunt intelligentiam (*Isai. lvi, 11*), » quos rursus Dominus detestatur, dicens: « Et tenentes legem nescierunt me (*Jer. ii, 8*). » Nesciri ergo veritas se ab eis conqueritur, et nescire se principatum nescientium protestatur, quia profecto hi qui ea quæ sunt Domini nesciunt, a Domino nesciuntur, Paulo attestante, qui ait: « Si quis ignorat, ignorabitur (*I Cor. xiv, 38*): » hinc et Psalmista non optantis animo, sed prophetantis mysterio, denuntiat, dicens: « Obscurentur oculi eorum ne videant, et dorsum eorum semper incurva (*Psal. lxxviii, 24*); » obscuratis ergo oculis, dorsum flectitur, quoniam cum lumen scientiæ perdunt qui præeunt, sine dubio ad portanda peccatorum onera inclinantur sequentes. Hic ergo inter manus latronum, et dentes furentium luporum utcumque versamur. Ideo docere alios et nosipsos, prout Dominus dederit, providere debemus. Sane percussor ille dicitur doctor, qui sermone inutili conscientiam percutit infirmorum. Ideo tenere vos et omnes fideles oportet eum qui secundum doctrinam est fidelem sermonem, ut potens sit consolari in doctrina sancta, et contradicentes redarguere, et recte viventes atque rectam fidem tenentes consolidare. Illis ergo qui dicunt quod Filius in eo minor est, quia propheta inquit, verbum faciet Dominus brevium universo orbi, ita respondendum est divinis testimoniis.

## DE EPISCOPIS, ET PRIMATIBUS ET PATRIARCHIS EORUMQUE MINISTRIS.

Verbum brevium quod Dominus faciet super terram non minutionem deitatis in Filio Dei significat, sed dispensationem susceptæ carnis annuntiat; in quali dispensatione non solum patre hominis filium, sed etiam angelis legimus, minoratum, Paulo attestante apostolo. Eum autem, inquit, modice minus ab angelis minoratum vidimus Jesum, propter passionem mortis gloria et honore coronatum. Et infra: Propter quam causam non confunditur fratres eos vocare, dicens: Annuntiabo « nomen tuum fratribus meis, in medio Ecclesiæ laudabo te (*Psal. xxi, 23*), » et propheta inquit: « Minorasti eum paulo minus ab angelis, gloria et honore coronasti eum (*Hebr. ii, 7*), » et ut verbum Dei Patris brevium in Filio non esse doceamus, hanc Isaie D prophetæ volumine approbamus sententiam. Nunquid abbreviatus factus est sermo meus, aut ita parvus, ut non possim redimere, aut non est in me virtus ad liberandum, dicit Dominus omnipotens, et iterum: Hæc dicit Dominus omnipotens: Nunquid abbreviata est manus mea, ut salvare non possim? Aut non potest vivificare cor humilium et spiritum contritorum? Et ut brachium Patris quæ manus est Filium

esse doceretur, intulit, dicens: « Paravit Dominus brachium sanctum suum in oculis omnium gentium, et videbunt omnes fines terræ salutare ejus (*Isai. lii, 10*). » Nam et in novissimo tempore hic sensus non inaniter poterit coaptari, in quo tempore Dominus ex cœlesti aula ac empireo domicilio pessimi dæmonis jam ferre dedignans tyrannidem in creaturas suas crudelissime sævientem plasmati condolens, ac suæ immensæ charitatis thesaurum reserare volens, in castissimæ virginis purissimum uterum omnis tori virilis nescium inenerrabili mysterio, pro redemptione nostra carnem suscipiens advenit, ut et illum qui habebat mortis imperium sua morte destrueret, et eos quos in tenebris et umbra mortis captivos subegerat, virtutis suæ potentia, in ipso parvo et exiguo temporis spatio, liberaret. De hoc etiam, exiguo tempore discipulos instruebat, dum eos in lucem (cum adhuc tempus haberent) incedere præmonerat. « Pueri (inquit) novissima hora est (*I Joan. ii*), » « dum lucem habetis, ambulate in lucem, ne vos tenebræ comprehendant (*Joan. xii, 35*). » Et in canonicis Apostolorum legitur epistolis: Filioli, novissima hora est, quia multi

pseudo-prophetæ exierunt, in hunc mundum (*I Joan.* A n, 18; iv, 1). » Et Paulus apostolus : « Tempus enim breve est (*I Cor.* vii, 29). » Et iterum : Præterit enim figura hujus mundi (*Ibid.*, 51) : » Et iterum : Omnia ad correctionem nostram facta sunt, in quos fines sæculorum obvenerunt. Nam Dominus in ipsa oratione Dominica brevavit nobis sermonem, dum nos a multiloquio prohibens, pauca docuerit quæ pertinent ad salutem. Cum oratis (inquit), « nolite multum loqui (*Matth.* vi, 7). » Et infra : Vos autem cum oratis, dicite : « Pater noster qui es in cœlis (*Ibid.*, 9), » etc. Non enim propheta Filium Dei in hoc capitulo minoratum designavit in verbo, quoniam ipse in prophetis retro tempore loquebatur, qui etiam nunc per apostolos et apostolicos viros novissimo tempore loquitur. Ego (inquit) qui loquebar B Amen

### EJUSDEM ANACLETI EPISTOLA ALTERA.

*De patriarchis et primatibus ac reliquis episcopis ; et quod Ecclesia Romana cardo et caput omnium Ecclesiarum sit.*

ANACLETUS servus Christi Jesu, in apostolica Sede a Domino constitutus, et a sancto Petro apostolorum principe presbyter ordinatus, omnibus episcopis ac reliquis Christi sacerdotibus salutem.

« Benedictus Deus, et Pater Domini nostri Jesu Christi, qui benedixit nos in omni benedictione spirituali in cœlestibus in Christo. Sicut elegit nos in ipso ante mundi constitutionem, ut essemus sancti et immaculati in conspectu ejus in charitate, prædestinans nos in adoptionem filiorum per Jesum Christum, in ipsum secundum propositum voluntatis suæ, in laudem gloriæ, gratiæ suæ, in qua gratificatus est nobis in dilecto Filio suo, in quo habemus redemptionem per sanguinem ejus, remissionem peccatorum secundum divitias gratiæ ejus, quæ C abundavit in nobis, in omni sapientia, et prudentia, ut notum nobis faceret sacramentum voluntatis suæ secundum beneplacitum ejus, quod proposuit in eo, in dispensatione plenitudinis temporum, instaurare omnia in Christo, quæ in cœlo, et quæ in terra sunt in ipso. In quo etiam sorte vocati sumus, prædestinati secundum propositum ejus qui omnia operatur secundum consilium voluntatis suæ, ut simus in laudem gloriæ ejus qui ante speravimus in Christo (*Ephes.* i, 5-12). » De primatibus, charissimi, super quibus me quidam vestrum consuluerunt et apostolicæ auctoritatis (qua licet indigni Domino dispensante fungimur) decretum postulaverunt, aut si esse deberent, aut non, quantum hactenus de his

a beato Petro apostolico, et a reliquis apostolicis, ac a beato Clemente nostro sancto prædecessore et martyre novimus statutum, denegare vobis minime possumus. Et quis est qui quærentibus fratribus denegare possit dubitationes, vel necessitates eorum ?

Sacerdotum, fratres, ordo bipertitus est, et sicut Dominus illum constituit, a nullo debet perturbari. Scitis autem a Domino apostolos esse electos et constitutos, et postea per diversas provincias ad prædicandum dispersos. Cum vero messis cœpisset crescere, videns paucos esse operarios, ad eorum adjumentum septuaginta eligi, præcepit discipulos. Episcopi vero Domini apostolorum, presbyteri quoque septuaginta discipulorum locum tenent. Episcopi autem non in castellis, aut modicis civitatibus debent constitui, sed presbyteri per castella, et modicas civitates atque villas debent ab episcopis ordinari et poni, singuli tamen per singulos titulos suos. Et episcopus non ab uno, sed a pluribus debet episcopis ordinari, et, ut dictum est, non ad modicam civitatem, ne vilescat nomen episcopi, aut alicubi, sed ad honorabilem 17 urbem titulandus et denominandus est. Presbyter vero ad quemcunque locum vel ecclesiam in eo constitutam est præficiendus, atque in ea diebus vitæ suæ duraturus; amplius quam isti duo ordines sacerdotum, nec nobis a Deo collati sunt, nec apostoli docuerunt.

### DE ORDINE EPISCOPORUM VEL PRIMATUM.

Episcoporum vero unus est ordo, licet sint primates illi, qui primas civitates tenent, qui et in quibusdam locis patriarchæ a nonnullis vocantur. Illi autem qui in metropoli a beato Petro apostolo, ordinante Domino, et a prædecessore nostro prædicto

D sancto Clemente, seu a nobis constituti sunt, non omnes primates vel patriarchæ esse possunt, sed illæ urbes, quæ præfatis et priscis temporibus primatum tenere, episcoporum, patriarcharum aut primatum nomine fruuntur, reliquæ vero metropoles archiepisco-



porum, aut metropolitanorum, et non patriarcharum, aut primatum utantur nominibus, quia hæc eadem et leges sæculi in suis continent principibus, aliæ autem primæ civitates quas vobis conscriptas in quodam tomo mittimus, a sanctis apostolis et a beato Clemente, sive a nobis, primates prædicatores acceperunt. Hæc vero sacrosancta Romana et apostolica Ecclesia non ab apostolis, sed ab ipso Domino Salvatore nostro primatum obtinuit, et eminentiam potestatis super universas Ecclesias, ac totum Christiani populi gregem assecuta est, sicut ipse beato Petro apostolo dixit: « Tu es Petrus, et super hanc petram ædificabo Ecclesiam meam, et portæ inferi non prævalent adversus eam, et tibi dabo claves regni cælorum. Et quæcunque ligaveris super terram, erunt ligata et in cælo, et quæcunque solveris super terram, erunt soluta et in cælo (Matth. xvi, 18). » Adhibita est etiam societas in eadem Romana urbe beatissimi apostoli Pauli vasis electionis, qui uno die, uno quoque tempore, gloriosa morte, cum beato Petro, sub principe Nerone agonizans coronatus est, et ambo sanctam Romanam Ecclesiam consecrarunt, aliisque omnibus urbibus, in universo mundo, eam sua præsentia atque venerando triumpho prætulerunt. Et, licet pro omnibus assidua apud Dominum omnium sanctorum fundatur oratio, his tamen verbis Paulus beatissimus apostolus Romanis proprio chirographo pollicetur, dicens: « Testis enim mihi est Deus, cui servio in spiritu meo in Evangelio filii ejus, quod sine intermissione memoriam vestri facio semper in orationibus meis (Rom. i, 9). »

#### *De sede Romana.*

Prima ergo sedes est cælesti beneficio Romanæ Ecclesiæ, quam (ut memoratum est) beatissimi Petrus, et Paulus, suo martyrio consecrarunt. Sic Roma, quæ prius erat cacodæmonis artificio omnium errorum mater et altrix, excussis tenebris, et vanis superstitionum ritibus abjectis, filiorum Dei, exorto sole justitiæ, facta est copiosa propagatrix.

#### *De sede Alexandrina.*

Secunda autem sedes apud Alexandriam beati Petri nomine a Marco ejus discipulo atque Evangelista consecrata est, quia ipse et in Ægypto primum verbum veritatis directus a Petro prædicavit et gloriosum suscepit martyrium. Cui venerabilis successit Abilius.

#### *De sede Antiochena.*

Tertia autem sedes apud Antiochiam ejusdem, id est beati Petri apostoli habetur honorabilis, quia illic, priusquam Romam veniret, habitavit, et Ignatium episcopum constituit, et illic primum nomen Christianorum novellæ gentis exortum est. Reliquas vero, ut prædiximus, in quodam tomo, proximitatem vitantes epistolæ, vobis conscriptas direximus. Inde namque et beati Apostoli inter se statuerunt ut episcopi singularum scirent gentium, quis inter eos primus esset: quatenus ad eum potior eorum solli-

citudo pertineret. Nam et inter beatos apostolos quædam fuit discretio. Et licet omnes essent apostoli, Petro tamen a Domino est concessum, et ipsi inter se idipsum voluerunt, ut reliquis omnibus præesset apostolis, et Cephas, id est caput, et principium teneret apostolatus. Qui et eandem formam suis successoribus et reliquis episcopis tenendam tradidit. Et non solum hoc in Novo Testamento est constitutum, sed etiam in Veteri fuit. Unde scriptum est: « Moyses et Aaron in sacerdotibus ejus (Psal. xcvi, 6), » id est primi inter eos fuerunt. Et quamvis ita ordinatum fuerit, nemo tamen quod suum est, querat, sed quod alterius, unde ait beatus apostolus Paulus: « Unusquisque placeat proximo suo in bonum ad ædificationem (Rom. xv, 2). » Et sicut ipse Salvator suis ait discipulis: « Qui major est vestrum, erit minister vester (Matth. xxiii, 11), » et reliqua. Et licet super his aliqua dicta fuerint, repetentes tamen sæpius, admonemus ut semper in omnibus, et ab omnibus vitentur elationes mentis et corporis. Et quanto major unusquisque videtur esse, tanto sit humilior, sicut Dominus Salvator noster non venit ministrari, sed ministrare. Et, si frater aliquis præoccupatus fuerit in aliquo delicto, vos qui spirituales estis, instruite eum in spiritu lenitatis. Si quæ vero animæ causæ difficiliore inter vos ortæ fuerint, ad hujus sanctæ Sedis apicem eas quasi ad caput referte, ut apostolico terminentur judicio, quia sic Dominum velle ab eoque ita constitutum esse antedictis testimoniis declaratur. Hæc vero apostolica Sedes cardo et caput factum est a Domino, et non ab alio constituta, et sicut cardine ostium regitur. Sic hujus sanctæ Sedis auctoritate omnes Ecclesiæ, Domino disponente, reguntur.

Accusatores autem et testes esse non possunt, qui ante hesternum diem aut nudiustertius inimici fuerint, ne irati nocere cupiant, vel læsi ulcisci velint. Inoffensus igitur accusatorum et testium affectus quærendus est, et non suspectus. Causam enim vestram alieno nolite committere judicio, valde enim iniquum est ut omissis suis, alii quilibet aliorum se causis immisceant, quoniam nullis in locis spiritualis cura deficit, sed se per omnia, qua nomen Domini prædicatur, extendit. Studendum est omnibus, ne (ut sunt) æmulationes malæ, sed piæ sint inter vos dilectiones, quia in hoc vos omnes Domini discipulos esse veros noverint, si dilectionem habueritis adinvicem. Ex omni ergo genere plurimos Deus dignatur attrahere, quos exitus de potestate tenebrarum transferat in regnum filii charitatis suæ, et de vasis iræ faciat vasa misericordie.

Unde nobis summo opere studendum est, ut cooperatores simus gratiæ Dei, quia ad hoc vocati sumus ejusque familiari colloquio sociati, et sacerdotes sacrati, ut fructuosos illi manipulos reportemus, cooperante gratia ejus. Necesse est enim ut rectores a subtilis timeantur, ab ipsisque corrigantur, ut

humana formidine peccare metuunt, qui divina iudicia non formidant: deteriores quippe sunt qui doctorum vitam, moresque corrumpunt, his qui substantias aliorum, prædiaque diripiunt, ipsi autem ea quæ extra nos, licet nostra sint, auferunt, nostri quoque detractores et morum corruptores nostrorum sive qui adversus nos armantur, proprie nosipsos decipiunt. Et ideo iuste infames sunt, et merito ab Ecclesia extorres fiunt.

Pro meritis ergo plebis sæpe pastores depravantur Ecclesiæ, ut proclivius corruant qui sequuntur. Capite videlicet languescente, facilius reliqua membra corporis inficiuntur, ut scriptum est: « Omne caput languidum, et omne cor mœrens, a planta pedis usque ad verticem capitis, non est in eo sanitas (*Isai. i, 5*). » Quapropter manifestum est diabolus (qui sicut leo rugiens circuit, quærens quem possit devorare) cordibus plebium suadere, ut doctores atque pastores suos detractoribus irrogent vel accusent ut plebibus languescentibus, vel mala agentibus, non tenentibus pastoribus frena eorum lasciviant atque in ima ruant. Multum vero distant damna morum a damnis rerum temporalium,

A cum ista extra nos sint, illa vero in nobis. Sententia quoque Cham filii Noe damnantur, qui suorum doctorum vel præpositorum culpam produnt, sicut Cham qui patris pudenda non operuit, sed magis deridenda monstravit. Doctor autem vel pastor Ecclesiæ, si a fide exorbitaverit, erit a fidelibus corrigendus, sed pro reprobis moribus magis est tolerandus quam distringendus, quia rectores Ecclesiæ a Deo iudicandi sunt, sicut ait Propheta: « Deus stetit in synagoga deorum, in medio autem deos dijudicat (*Psal. lxxxii, 1*); » unde oportet unumquemque fidelem, si viderit aut cognoverit plebes suas adversus pastorem suum tumescere, aut clerum detractoribus vacare, hoc vitium pro viribus extirpare prudenterque corrigere satagat, nec eis in quibuscunque negotiis misceri, si incorrigibiles apparuerint antequam suo reconcilientur doctori, præsumat, quoniam tam sacerdotes quam reliqui fideles omnes debent habere summam curam de his qui pereunt, quatenus eorum redargutione, aut corrigantur a peccatis, aut si incorrigibiles apparuerint, ab Ecclesia separentur.

#### DE SUBJECTIS QUI AMICI SUNT INIMICIS EPISCOPORUM SUORUM.

Ait ergo beatus princeps apostolorum Petrus de sancto prædecessore nostro Clemente plebibus prædicando, quando docebat eas qualiter ei obedire deberent, eumque observare inter cætera, ait: Si inimicus est alicui pro actibus suis, vos nolite expectare, ut ipse vobis dicat, cum illo nolite amici esse, sed prudenter observare debetis, et voluntati ejus absque communicatione obsecundare, et avertere vos ab eo, cui ipsum sentitis adversum, sed nec loqui his quibus ipse non loquitur: ut unusquisque qui hic in culpa est, dum cupit omnium virum amicitias ferre, festinet citius reconciliari ei qui omnibus præest, et per hoc redeat ad salutem, cum obedire cœperit monitis præsentis. Si vero quis amicus fuerit his quibus ipse amicus non est, et locutus fuerit his quibus ipse non loquitur, unus est: et ipse ex illis qui exterminare Dei Ecclesiam volunt, et reliqua. His aliisque quamplurimis documentis facile unusquisque advertere potest, qualiter obedire, et obtemperare debet præpositis suis, et qualiter circa eos agendum sit, quibus ipsi aut amici sunt aut inimici. Si quis enim hæc præcepta non observaverit, hostis est animæ suæ, et non tantum infamis, sed et excommunicatus atque alienus ab Ecclesia efficitur, quoniam necesse est ea vitia ferro abscindere quæ aliis medicaminibus non sanantur. Parcat unusquisque a laceratione, vel detractone linguæ suæ, caveatque ne aut linguam, aut aures habeat prurientes, id est, ne aut aliis derogat, detrahatque quoscunque, aut alios audiat derogantes vel detrahentes, custodiatque quisque sermones suos, et sciat quia quicunque de aliis loquitur, sua sententia iudicabitur. Caveat

C etiam omnis fidelis, ne derogando quod in domo cujusquam agitur, alia domus per eum cognoscat, sed omnium Christianorum domos quasi proprias amet. Nemo enim invito auditori libenter refert, sitque uniuscujusque studium, non solum oculos castos servare, sed et linguam. Vos autem, charissimi, qui estis sub disciplina Domini constituti, sic vos exhibete, ut veri ministri et dispensatores mysteriorum ejus, ut non vituperetur ministerium vestrum, ne fiat in vobis sicut scriptum est: « Ecce sicut populus sic sacerdos (*Isai. xxiv, 2*). » Sic enim vos vestrosque et cunctos corrigite, ut nemini noceatis, quatenus et ab hominibus bonam acquiratis famam **18** et a Deo mercedis præmium in æterna beatitudine percipere mereamini. Et si quid adversi de unitate Ecclesiæ acciderit, radicitus amputetur, ut Dei Ecclesia fructusque servorum maneat inconcussa. « Propter quod, charissimi, expectantes sategite immaculati ei inveniri in pace, et Domini nostri Jesu Christi longanimitatem salutem arbitramini (*II Petr. iii, 14*). » « Estote ergo prudentes, atque vigilate in orationibus, ante omnia autem mutuam in vobismetipsis charitatem continuam habentes, quia charitas operit multitudinem peccatorum, hospitales invicem sine murmuratione. Unusquisque, sicut accepit gratiam, in alterutrum illam administrans, sicut boni dispensatores multiformis gratiæ Dei; si quis loquitur quasi sermones Dei, si quis ministrat tanquam ex virtute quam administrat Deus, ut in omnibus honorificetur Deus, per Jesum Christum, cui est gloria et imperium in sæcula sæculorum. Amen (*I Petr. iv, 7*). »



## INCIPIUNT DECRETA EVARISTI PAPÆ.

*De ordinatione diaconorum et legitimo conjugio, atque de fide et non injuriandis episcopis aut lacerandis.*

(Hic successit Anacleto anno Domini 110, sub Trajano imperatore.)

Dilectissimis fratribus universis Africæ regionis A  
episcopis EVARISTUS.

Consulentibus vobis, fratres charissimi, quid super his, quæ in vestris continebantur scriptis visum esset, vel quid docilis ratio persuaderet, aut quid a beatis apostolis nobis traditum, aut custoditum remaneret, optantes (ut retulistis) nostris institui documentis. Si quidem dilectio vestra normam secuta prudentium ad sedem Apostolicam referre maluit, quasi ad caput, quid deberet de rebus dubiis custodire potius quam usurpatione præsumere.

### *De ordinatione septem diaconorum.*

Diaconi (qui quasi oculi videntur esse episcopi) in unaquaque civitate juxta apostolorum constituta septem debent esse, qui custodiant episcopum prædicantem, ne aut ipse ab insidiatoribus quoquo modo B infestetur, aut lædatur a suis, aut verba divina detrahendo aut insidiando polluantur, vel despiciantur, sed veritas spirituali redolet fervore, pax prædicata labiis animi cum voluntate concordet.

### *De conjugio legitimo.*

Similiter custoditum et traditum habemus, ut uxor legitime viro jungatur. Aliter enim legitimum, ut a Patribus accepimus, et a sanctis apostolis, eorumque successoribus traditum, invenimus, non fit conjugium, nisi ab his qui super ipsam feminam dominationem videntur habere, et a quibus custoditur, uxor petatur, et a parentibus aut propinquioribus sponse-  
tur, et legibus detur, et suo tempore sacerdotaliter, ut mos est, cum precibus et oblationibus a sacerdote benedicatur, et a paranympis, ut consuetudo docet, custodita et sociata a proximis tempore congruo petita legibus detur, et solemniter accipiat. Nam fructus C vel triduo orationibus vacent et castitatem custodiant, ut bonæ soboles generentur, et Domino in actibus suis placeant. Taliter enim et Domino placebunt, et filios non spurios, sed legitimos, atque hæreditabiles generabunt. Quapropter, filii charissimi, et merito illustres fide catholica suffragante, ita peracta legitima scitote esse conjugia. Aliter vero præsumpta non conjugia, sed aut adulteria, aut contubernia, aut stupra, vel fornicationes potius quam legitima conjugia esse non dubitate, nisi voluntas propria suffragata fuerit et vota succurrerint legitima. Nam fructus D divinus est præcepta divina custodire. Ea quoque deserere præsumptionem fieri nulli dubium est. Cur ergo indignum est unitatem Ecclesiæ custodiri? idemque omnes pariter et sentiamus, et pronuntiemus. Si enim aliter præsumpta fuerint, perdunt profecto ipsi transgressores seipsos quia semetipsos decipiunt.

Hæc cuncta recitanda per omnes Ecclesias Africanas scripta dirigite, et istis connectite, quas adjunximus litteras perfectorum, ut de his quæ inique laudantur (si quid tale probari poterit) judicium fiat, et inhibita coerceantur, et præterita mala, et illicita conjugia, si doceantur admissa, digna severitate corripiantur. De cætero vero caveantur talia per omnes Ecclesias, ne Ecclesiæ sanctitas per nostram fatigata negligentiam, perdat privilegia quæ est per viros venerabiles consecuta.

De his vero quibus ab insidiatoribus fatigamini, unde et nos consulere, et a nobis edoceri inter cætera voluistis, eo quod sint quidam qui arbitrantur de Patre solo dictum esse, quia ipse solus habet immortalitatem et lucem habitat inaccessibilem, ita eos apostolicis percutite ferulis, et divinis redarguite præceptis: Non enim solus Pater sine Filio lucem inaccessibilem habitat, quia ubi Pater est, ibi etiam Filium esse indubitabili fide credendum est; nam si solus Pater sine Filio (quod dicere nefas est) lucem habitat inaccessibilem, necesse est ut sequestratam Pater a Filio habeat mansionem; quod si ita est, quonam modo idem Filius ad dexteram Patris astans a beato martyre Stephano dicitur conspici, si Pater secundum eos solus dicitur sedibus lucis contineri. Absit hoc a sensu fidelium Christo in unitate fidei adhærentium, quoniam sicut non obest Filio cum solus dicitur Pater lucem inaccessibilem habitare, ita non obest Patri cum sapientia, quæ est Filius, dicitur gyrum cœli sola circuire; Pater itaque, cum sit invisibilis et ingenuus in se, in Filio visus Apostoli testimonio comprobatur, et in Filio a se inenarrabiliter genito mansisse ac requievisse monstratur, ipso Filio in propheta loquente: « Qui me genuit, requievit in tabernaculo meo (Eccli. xxiv, 12); » et in Evangelio: « Pater in me manens facit opera hæc (Joan. xiv, 10), » et, « Deum nemo vidit unquam, nisi unigenitus Filius qui est in sinu Patris (Joan. i, 18); » si enim in sinu Patris erat Filius ab initio, et ex corde Patris verbum bonum eructatum est, quomodo non in corde paterno consistens lucem cum eodem inaccessibilem habitasse credendus est? Nunquid Pater absque ulla luce in Filio potuit commanere, aut in tabernaculo Filii sine eadem potuit requiescere, cum idem Filius candor sit æternæ lucis, et speculum sine macula deitatis, quam Salomon super salutem suam dilexisse se dicit, in cuius spem semper delectari gestivit: super salutem et spem (inquit) dilexi illam, et pro luce proposui habere eam, quoniam inextinguibile est

lumen ejus. Hanc ergo David propheta lucem desiderans anxius proclamât, dicens: « Emitte lucem tuam et veritatem tuam (*Psal. XLII, 3*), » et iterum: « In lumine tuo videbimus lumen (*Psal. XXXV, 10*). » In hujus igitur luminis claritate Filius se ipsum in monte tribus discipulis præostendit, qui metu mortis perterriti, prostratique in faciem, sibi vitæ finem adesse senserunt: hanc, inquam, lucem in se fuisse demonstrans Filius proclamabat, et ut in eadem incederent. discipulos præmonebat: « Dum lucem habetis (inquit), ambulate in lucem (*Joan. XII, 35*); » et iterum: « Ego sum lux mundi. Qui sequitur me non ambulat in tenebris, sed habebit lumen vitæ æternæ (*Joan. VIII, 12*); » et evangelista: « Erat lux vera, ait, quæ illuminat omnem hominem venientem in hunc mundum (*Joan. I, 9*). » Si hæc lux, quæ credentibus promittitur, in Filio esse probatur, et cum æterno æterna esse dicitur, quomodo a vobis inaccessiblei luce Patris Filius separatur. Si enim Filius Deus verus et vita æterna est, sine dubio in hac luce simul cum Patre habitare credendus est, quam nullus modo nostrum in hoc mortali corpore constitutus potest aliquatenus contueri. Sed dum apparuerit, tunc vere illum videbit sicuti est, qui ejus conspectibus fuerit dignus coaptari, et non sicut Moyses cæterique prophætæ per ænigmata et figuram, sed ipsam veraciter in Filio, secundum Apostolum, contuebatur deitatis imaginem. Nam si hunc eundemque, prophætæ sub testimonio, subsequente sereno mentis intuitu, investigare volueris, invenies Filium non posse ab hac luce Patris penitus separari, quoniam cum solum Filium dixerit in terra cum hominibus conversatum, Patrem ab illo non est credendum fieri alienum,

« Si testimonium enim hominum accipimus, testimonium Dei majus est: quoniam hoc est testimonium Dei quod majus est, quia testificatus est de Filio suo. Qui credit in Filium Dei, habet testimonium Dei in se; qui non credit in Filium mendacem facit eum, quia non credit in testimonium quod testificatus est Deus de Filio suo. Et hoc testimonium est, quoniam vitam æternam dedit nobis Deus, et hæc vita est in Filio ejus: qui habet Filium, habet vitam æternam, qui non habet Filium Dei, non habet vitam. Hæc scribo vobis, ut sciatis quoniam vitam habetis æternam, qui creditis in nomine Filii Dei. Et hæc est fiducia quam habemus ad eum, quia quodcumque petierimus secundum voluntatem ejus audit nos, et scimus quia audit nos quicquid petierimus, scimus quoniam habemus petitiones quas postulamus ab eo. Qui scit fratrem suum peccare peccatum non ad mortem, petat, et dabitur ei vita peccanti non ad mortem. Est peccatum ad mortem, non pro illo dico ut roget quis: Omnis iniquitas peccatum est, et est peccatum ad mortem. Scimus quia omnis qui natus est ex Deo non peccat, sed generatio Dei conservat eum, et malignus non tangit eum. Scimus quoniam ex Deo sumus et mundus totus in maligno positus est. Et scimus quoniam Filius Dei venit, et dedit nobis sensum, ut cognoscamus verum Deum, et simus in vero Filio ejus. Hic est verus Deus et vita æterna (*IJoan. V, 9-20*). » Hæc vero, fratres, prædicate, hæc omnibus nuntiate; vos vero invicem exhortamini, perfecti estote, semperque gaudete, pacem autem sectamini in omnes, et Deus pacis et dilectionis erit vobiscum; Deo autem et Patri nostro gloria in sæcula sæculorum. Amen.

#### ITEM EPISTOLA EVARISTI PAPÆ.

*Quod Christus sit caput et sponsus Ecclesiæ, et qualiter sacerdotes suas ecclesias et ecclesiæ eorum eos debeant diligere.*

EVARISTUS urbis Romæ episcopus omnibus per Ægyptum conglutinatîs fratribus in Domino salutem.

Unum nos, fratres, sentire oportet et agere, ut (sicut legimus) in nobis unum cor et una anima esse probetur. Scimus namque, sicut a Patribus accepimus, Christum esse caput, ejus et membra sumus. Ipse enim est sponsus, et Ecclesia sponsa, ejus filii nos sumus. Et ideo unum Patrem habemus in cœlis Dominum. Sacerdotes vero vice Christi legatione funguntur in Ecclesia. Et sicut ei sua conjuncta est sponsa, id est Ecclesia, sic episcopis junguntur Ecclesiæ unicuique pro portione sua. Et sicut vir non debet negligere uxorem suam, sed diligere et caste custodire, sic episcopus et multo magis custodire, et amare, atque prudenter regere debet Ecclesiam. Et, velut uxor quæ sub manu est viri, obedire debet viro suo, eumque diligere et amare, ita potius Ecclesia etiam episcopo suo in omnibus

obedire eumque diligere et amare, ut animam suam debet, quia illud fit carnaliter, istud spiritualiter; et, sicut vir non debet adulterare uxorem suam, ita nec episcopus Ecclesiam suam, id est, ut illam dimittat ad quam sacratus est, absque inevitabili necessitate, aut apostolica, vel regulari mutatione, et alteri se, ambitus causa, conjungat. Et sicut uxori non licet **19** dimittere virum suum, ut alteri se (vivente eo) matrimonio societ, aut eum adulteret, licet fornicatus sit vir ejus, sed juxta Apostolum, aut viro suo reconciliari debet, aut manere innupta: ita Ecclesiæ non licet dimittere aut ab ea segregare episcopum suum, ut alterum (vivente eo) accipiat, sed aut ipsum habeat, aut innupta maneat, id est, ne alterum episcopum, suo vivente, accipiat, ne fornicationis aut adulterii sui crimen incurrat. Nam, si adulterata fuerit, id est, si se alteri episcopo junxerit, aut super se alterum episcopum adduxerit, aut esse fecerit vel desideraverit, per ætèrrimam



pœnitentiam, aut suo reconcilietur episcopo, aut A innupta permaneat. Unde et Dominus loquitur in Evangelio, dicens: « Si quis viderit mulierem ad concupiscendum, jam mœchatus est eam in corde suo (*Matth.* v, 28). » Episcopum vero oportet opportune atque sine intermissione Ecclesiam suam docere, eamque prudenter regere et amare, ut a vitiis se absteineat et salutem consequi possit æternam. Et illa cum tanta reverentia ejus doctrinam debet suscipere, eumque amare et diligere, ut legatum Dei et præconem veritatis, quia, testante Veritate: « Quæcunque ligaverit super terram, erunt ligata et in cœlo, et quæcunque solverit super terram, erunt soluta et in cœlo (*Matth.* xvi, 19). » Nimis timenda est, fratres, hæc sententia, et prævidendum est vobis ne offendatis eos qui tantam a Domino habent potestatem. Et ideo potius obediendi, diligendi, et summopere venerandi sunt, non detrahendi vel lace- randi aut ejiciendi, sed portandi et amandi, ipso dicente Domino: « Qui vos audit, me audit, et qui vos spernit, me spernit (*Luc.* x, 16). » Ideo hæc vobis et omnibus fidelibus scribimus, fratres, ut ab his vos caveatis, et posteris vestris non malum, sed bonum exemplum relinquatis, quoniam injuria episcoporum ad Christum pertinet, cujus vice funguntur. Audivimus enim quosdam a vobis infamatos et dilaceratos episcopos, ac a civitatibus propriis pulsos, quia alibi episcopi constitui non possunt, nisi in civitatibus non minimis, et alios in eis ipsis viventibus constitutos. Ideo hæc vobis scribimus, ut sciatis hoc fieri non licere, sed proprios revocari et integerrime restitui debere, illos vero qui adulterina feditate sponsas suas quas et uxores eorum præfixo tenore esse intelligimus, tenent, ejici ut adulteros atque infames fieri, eosque ab ecclesiasticis honoribus arceri jubemus. Si autem adversus eos aliquam querelam habueritis, his peractis, inquirendum erit et auctoritate hujus sanctæ Sedis terminandum. Et, ne omnia nunc sigillatim dicam, omne bonum (si ipsa per se in vobis fuerit) charitas facere vos docebit, sicut econtrario eos qui a salute alieni sunt, omne malum facere, odium docet. Unde ut vos qui veri Dei estis discipuli, abjicite a cordibus vestris ante omnia discordias et aliorum dissensiones, ex quibus omne opus malum, procedit, et benignitatem ac simplicitatem tota mente servate. Verumtamen scitote cuncti quod supra omnes vos laboret episcopus, quia unusquisque vestrum suum proprium fert laborem, ille vero et suum et singulorum. Et ideo sicut ille pro vobis omnibus, ita et vos omnes summopere laborare pro eo debetis, intantum ut si etiam necesse fuerit, animas vestras pro eo ponatis, sicut et ipse animam suam pro vobis, si necesse fuerit, ponere debet, ipso dicente Salvatore: « Bonus pastor animam suam dat pro ovibus suis (*Joan.* x, 11), » vos vero obedite eis, et vigilate pro eis, quia ipsi pro vobis vigilant, quasi rationem pro animabus vestris reddituri, ut cum gaudio hoc faciant et non gementes.

Non est itaque a plebe aut vulgaribus hominibus arguendus, vel accusandus episcopus, licet sit inordinatus, quia pro meritis subditorum disponitur a Deo vita rectorum, exemplo David peccantis ad compensationem principum qui ex merito plebis prævaricantur. Sacerdotes enim exquirere debent peccata populorum, et sagaci sollicitudine unumquemque probare, juxta testimonium Domini ad Jeremiam loquentis: « Probatorem (inquit) dedi te populo meo robustum, et scies et probabis viam eorum (*Jer.* vi, 27). » Ideo ista dico, quia insidiator bona sæpissime solet convertere in malum, et in electis ponit maculam. Unde si qui sunt vituperatores aut accusatores episcoporum, vel reliquorum sacerdotum, non oportet eos a iudicibus Ecclesiæ audiri, antequam eorum discutiatur æstimationis suspicio vel opinio, qua intentione, qua fide, qua veritate, qua vita, qua conscientia, quove merito, si pro Deo, aut pro vana gloria, aut inimicitia, vel odio, aut cupiditate ista sumpserint necne. Hæc omnia fideliter sunt perscrutanda et diligenter pertractanda. Nam sunt nonnulli qui præpositos suos perverse reprehendunt, si vel parum ipsis molesti exstiterint. Idcirco recto oculo primatibus Ecclesiarum providendum est, ne quisquam eorum innocens vexetur aut scandalizetur, intendentibus sententiæ Domini qua ait: « Si quis scandalizaverit unum de pusillis istis, melius est illi ut suspendatur mola asinaria collo ejus, et demergatur in profundum maris (*Matth.* xviii, 6), » et reliqua. Deus autem omnipotens, ut nos a præcipitatæ sententiæ probatione compe- sceret (cum omnia nuda et aperta sint oculis ejus), mala tamen Sodomæ noluit audita judicare priusquam manifeste agnosceret quæ dicebantur, unde ipse ait: « Descendam et videbo utrum clamorem qui venit ad me, opere compleverint, an non est ita ut sciam (*Gen.* xviii, 21). » Deus omnipotens, cui nihil absconditum est, sed omnia ei manifesta sunt, etiam antequam fiant, non ob aliud hæc et alia multa (quæ hic prolixitatem vitantes non inseruimus) per se inquirere dignatus est, nisi ut nobis exemplum daret ne præcípites in discutiendis et judicandis negotiis essemus, et ne mala quorundam prius quisquam præsumat credere quam probare. Cujus exemplo D præcípites simus, aut temere, indiligenterque indiscussa quæque quoquomodo judicemus, dicente Veritatis voce: « Nolite judicare ut non judicemini, in quo enim iudicio judicaveritis judicabimini (*Matth.* vii, 1), » et reliqua. Nam mala audita nullum moveant, nec passim dicta absque certa probatione quisquam unquam credat; sed ante audita diligenter inquireat, ne præcipitando quidquam aliquis agat. Si enim Dominus omnium Sodomorum mala, quorum clamor ad cælum usque pervenerat, omnia sciens, prius credere nec judicare voluit quam ipse ea cum fidelibus testibus diligenter investigans, quæ audierat et opere veraciter cognosceret: multo magis nos, bonos et peccatores homines, quibus incognita

sunt occulta judicia Dei, et hæc præcavere, et nullum ante veram justamque probationem judicare, aut damnare debemus, manifeste Apostolo dicente Paulo qui ait : « Tu quis es qui judicas servum alienum ? suo enim Domino stabit aut cadet (*Rom. xiv. 4*) ; » unde et per prophetam David Dominus loquitur dicens : « Nolite exaltare in excelsum cornu vestrum (*Psal. lxxiv. 6*) » loquentes in cervice veteri, quia neque ab oriente, neque occidente, neque a solitudine montium, sed Dominus iudex hunc humiliabit et exaltabit, quia calix in manu Domini ex vino meraco ad plenum mistus, et propinabit ex eo, verumtamen fæces ejus potabunt bibentes omnes impii terræ. Ego autem annuntiabo in sempiternum, psallam Deo Jacob. Et alibi idem ait propheta : « Ab increpatione tua Deus Jacob (*Psal. lxxv. 7*), » consopitus est et currus et equus. Tu terribilis es, et quis stabit adversum te ? Ex tunc ira tua, de cælo autem fecisti judicium, terra timens, et tacebit cum surrexerit, ad judicandum Deus, ut salvos faceret omnes mites terræ. Et Apostolus ait : « Mihi vindictam, ego retribuam (*Rom. xii. 19*). » Et alibi inquit idem apostolus : « Sufficit unicuique oburgatio quæ sit a plurimis, ita ut magis donetis et consolemini, ne forte abundantiori tristitia absorbeatur is qui in angustia est. Propter quod obsecro vos ut confirmetis in illo charitatem (*II Cor. ii. 6*). » Et Dominus in Evangelio ait : « Diliges Dominum Deum tuum ex toto corde tuo, et ex tota anima tua, et ex omnibus viribus tuis, et proximum tuum sicut teipsum (*Luc. x. 27*). » Dilectio enim proximi malum non operatur. Propter quod juxta Apostolum inexcusabilis es, o homo omnis qui judicas; in quo enim judicas alterum teipsum condemnas, eadem agens quæ judicas. Scimus enim quoniam judicium Dei est secundum veritatem in eos qui talia agunt. Existimas autem hoc, o homo omnis qui judicas eos qui talia agunt et facis ea, quia tu effugies judicium Dei ? An divitias bonitatis ejus, et patientiæ, et longanimitatis contemnis ? Ignoras quoniam benignitas Dei ad poenitentiam te adduxit. Secundum autem duritiam tuam, et impoenitens cor thesaurizas tibi iram in die iræ et revelationis justiciæ Dei qui reddit unicuique secundum opera ejus. His quidem qui secundum patientiam boni operis gloriam et honorem et incorruptionem, quærentibus vitam æternam. His autem qui ex contentione, et qui non acquiescunt veritati, credunt autem iniquitati, ira et indignatio, tribulatio et angustia in omnem animam hominis operantis malum, Judæi primum et Græci. Gloria autem et honor et pax omni operanti bonum, et alibi idem apostolus : « Causati enim sumus omnes sub peccato esse, sicut scriptum est, quia non est justus quisquam, non est intelligens, non est requirens Deum, omnes declinaverunt, simul inutiles facti sunt, non est qui faciat bonum non est usque ad unum. Sepulcrum patens est guttur eorum, linguis suis dolose agebant, venenum aspidum sub labiis eorum. Quorum os maledictione et amaritu-

dine plenum est, veloces pedes eorum ad effundendum sanguinem, contritio et infelicitas in viis eorum et viam pacis non cognoverunt, non est timor Domini ante oculos eorum. Scimus autem quoniam quæcunque lex loquitur his qui in lege sunt loquitur, ut omne os obstruatur et subditus fiat omnis mundus Deo, quoniam ex operibus legis non justificabitur omnis caro coram illo; per legem enim cognitio peccati. Nunc autem sine lege justitia Dei manifestata est et testificata a lege et prophetis. Justitia autem Dei per fidem Jesu Christi super omnes qui credunt. Non enim est distinctio. Omnes enim peccaverunt et egent gloria Dei, justificati gratis per gratiam ipsius, per redemptionem quæ in Christo Jesu, quem proposuit Deus propitiatorem per fidem in sanguine ipsius, ad ostensionem justitiæ suæ, propter remissionem præcedentium delictorum, in sustentationem Dei, ad ostensionem justitiæ ejus in hoc tempore, ut sit ipse justus et justificans eum qui ex fide est Jesu Christi (*Rom. iii. 3*). » Item idem : « Quis accusabit adversus electos Dei ? Deus qui justificat. Quis est qui condemnet ? Christus Jesus qui mortuus est, imo et resurrexit, qui est ad dexteram Dei, qui etiam interpellat pro nobis. Quis ergo nos separabit a charitate Christi ? Tribulatio, an angustia, an persecutio, an fames, an nuditas, an periculum, an gladius ? sicut scriptum est : Quia propter te mortificamur tota die, æstimati sumus sicut oves occisionis, sed in his omnibus superamus propter eum qui dilexit nos. Certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia, poterit nos separare a charitate Dei quæ est in Christo Jesu Domino nostro (*Rom. viii. 38*). » Debemus autem nos, ut ait idem apostolus, firmiores, inbecillitates infirmorum sustinere, et non nobis placere, unusquisque vestrum proximo suo placeat in bonum ad edificationem. Etenim Christus non sibi placuit, sed, sicut scriptum est : « Improperia improperantium tibi ceciderunt super me (*Rom. xv. 4*). » « Benedictus Deus et Pater Domini nostri Jesu Christi, Pater misericordiarum et Deus totius consolationis, qui consolatur nos in omni tribulatione nostra, ut possimus et ipsi consolari eos qui in omni pressura sunt, per exhortationem qua exhortamur ipsi a Deo, quoniam sicut abundant passionibus Christi in nobis, ita et per Christum abundat consolatio nostra, sive autem tribulamur pro vestra exhortatione et salute, sive exhortamur pro vestra exhortatione quæ operatur **20** in vobis tolerantiam earundem passionum quas et nos patimur : et spes nostra firma est pro vobis, scientes quoniam sicut socii passionum estis, sic eritis et consolationis (*II Cor. i. 5*). » « Fidelis autem Deus qui non patietur vos tentari super id quod potestis, sed faciet cum tentatione etiam proventum ut possitis sustinere (*I Cor. x. 13*). » Propter quod, charissimi, sectamini charitatem invicem, et



æmulamini meliora et spiritualia, et adjuvate vos invicem, ut Deo semper in omnibus placere valeatis. Deus autem pacis sit cum omnibus vobis.

Amen. Data Kalend. Novembris, Gallio et Bradua CC.

## INCIPIUNT DECRETA ALEXANDRI PRIMI PAPÆ.

*De sacerdotibus non vexandis, nec scriptis ab eis per metum aut aliquam fraudem exigendis; et de passione Domini in consecratione corporis ejus miscenda; et de aqua cum sale populis benedicenda; et de fide sanctæ Trinitatis.*

(Anno Domini, 119, sub Bello Adriano imperatore.)

ALEXANDER episcopus omnibus orthodoxis per diversas provincias Christo Domino famulantibus.

Cogitantibus nobis metum divini iudicii, fratres charissimi, et post vitam hanc unumquemque prout gesserit recepturum, quid veniat in querelam, tacere non licuit, sed nobis vobis loqui necessitas imperavit, dicente propheta: « Exalta ut tuba vocem tuam (Isa. LVIII, 1), » et cui omnium Ecclesiarum commissa est cura, si dissimulem, audiam, Domino dicente, rejecistis mandatum Dei, ut statuatis traditiones vestras. Quid enim aliud est rejicere mandatum Dei, quam privato consilio, iudicio humano novis rebus constituendis liberius delectari? Unde et alibi scriptum est: « Ne transgrediaris terminos antiquos quos posuerunt patres tui (Prov. XXII, 28). » Terminos indubitanter transgreditur qui statuta patrum postponit atque confundit. Pervenit namque ad conscientiam apostolicæ Sedis, quod nonnulli sunt tam stolidi qui Dominicæ præcepta et apostolorum eorumque successorum statuta minime observant, et eos de quibus Dominus ait: « Qui vos tangit, tangit pupillam oculi mei (Zach. II, 8), » non solum tangere minime dubitant, sed etiam persequi non formidant. Et licet nos persequantur, quia nec nos sine illis, nec illos sine nobis persequi possunt, quoniam illius sumus discipuli qui animas pro fratribus præcepit ponere, tamen eis pericula et perditiones eorum non sumus ausi celare, ne prophetica (quod absit) damnemur sententia, quæ ait: « Si annuntiaveris iniquam iniquitatem suam (Ezech. III, 19), » animam tuam liberasti. Si autem non annuntiaveris ei, sanguinem ejus de manu tua requiram. Est etiam et hoc ad hanc sanctam Sedem perlatum (quod pudet dicere) et non solum sacerdotali, sed etiam omni Christiano nomini est inimicum, id est, quod nonnullos episcopos vel sacerdotes aut metu compellunt, aut vi extorquent, aut fraude decipiunt, aliquas confessionis suæ in alteram partem quam debeant, aut pro suarum non requisitione rerum, aut, quod deterius est, pro alieni erroris secta scripturas facere et propriis manibus roborare, et coram populis recitare atque confiteri. Aliquos dicunt carceribus et ergastulis recludi, ut saltem his territi insidiis, deviant Domini sacerdotes, et suis faveant voluntatibus. Relatum insuper est ad hujus sanctæ et

B apostolicæ sedis apicem, cui summarum dispositiones causarum et omnium negotia Ecclesiarum ab ipso Domino tradita sunt, quasi ad caput, ipso dicente principi apostolorum Petro: « Tu es Petrus, et super hanc petram Ecclesiam meam ædificabo (Matth. XVI, 18). » Quod quidam æmuli Christi, ejusque sanctæ Ecclesiæ insidiatores, sacerdotes Dei ad iudices publicos accusare præsumant, cum magis apostolus Christianorum causas ad Ecclesias deferri et ibidem terminari præcipiat. Taliter prævaricantes prævaricati sunt in Dominum suum, et non obediunt præceptis ejus, de quibus Dominus per prophetam Osce loquitur, dicens: « Quasi vacæ lascivientes declinaverunt (Osce IV, 16), » et dilexerunt afferre ignominiam protectoribus suis. Et idem: « Vae eis quoniam recesserunt a me, vastabuntur quia prævaricati sunt in me, et ego redemi eos, et ipsi locuti sunt contra me mendacia, et non clamaverunt ad me in corde suo, sed ululabant in cubilibus suis, super triticum et vinum ruminabant, et recesserunt a me. Ego erudiavi et confortavi brachia eorum, et in me cogitaverunt malitiam. Reversi sunt ut essent absque iugo, facti sunt quasi arcus dolosus (Osce VII, 13). » « Abjiciet eos Dominus (ait idem propheta), quia non audierunt eum, et erunt vagi in nationibus (Osce IX, 17). » De his enim clericis vel laicis qui episcopos vel reliquos sacerdotes prius tam ad primates eorum quam ad reliquos accusant iudices, quam auribus eorum a quibus se læsos æstimant, inculcent, ut ab eis aut jus suum aut justam recipiant apologiam. Item per eundem ait Dominus prophetam: « Audi, domus Israël, et domus regis, ausculta; et attendite, sacerdotes, quia vobiscum iudicium est, quoniam laqueus facti estis speculationi et rete expansum super Thabor, victimasque declinastis in profundum (Osce V, 1). » Et ego eruditor omnium vestrum. Et alibi: « Omnes calefacti estis quasi clibanus, quia devoratis iudices vestros (Osce VII, 7). » Ipsi autem declinant victimas Domini in profundum, qui eos devorant vel injuste lacerant, quia oculi Domini dicuntur. Nam si modo quisquam principis sæcularis oculos laceraret aut amoveret, esset reus majestatis an non? Profecto aut morti traderetur aut perpetua notaretur infamia. Si pro sæculi potestatibus talia ab homini-

bus fiunt, quid pro his fieri putatis, de quibus Dominus ait: « Qui vos tangit, tangit pupillam oculi mei (*Zach. II, 8*). » Proculdubio illi qui eos persequuntur et amovere nituntur injuste contra apostolicam auctoritatem si a morte prohibentur, dicente Domino: « Nolo mortem peccatoris, sed ut convertatur et vivat (*Ezech. xxxiii, 11*); » perpetua tamen notantur infamia, et exilio digni judicantur finitimo, de quibus a temporibus apostolorum et infra ista teneamus atque decreta habemus quibus eorum accusandi episcopos vel testificandi in eos vocem obstruimus, quos non humanis, sed divinis actibus mortuos esse scimus; de quibus Dominus loquitur per eundem prophetam: « Calumniam patiens Ephraim fractus est iudicio, quoniam cœpit abire post sordem, et ego quasi tineam Ephraim, et quasi putredo domui Juda. Et vidit Ephraim languorem suum et Juda vinculum suum, et abiit Ephraim ad Assur, et misit ad regem ultorem, et ipse non poterit sanare vos nec solvere poterit a vobis vinculum (*Osee v, 11*). » Qui enim sacrilega persequuntur persuasionem et lacerare nituntur episcopos, vel eos qui Domino recte sacrificant, indubitanter eum persequuntur et dilaniant cujus vice funguntur, unde ait Dominus per Joel prophetam: « Nunquid ultionem reddidistis mihi? Et si ulciscimini vos contra me, cito, velociter reddam vicissitudinem vobis super caput vestrum (*Joel III, 4*). » Et per Oseam prophetam Dominus inquit: « Quis sapiens, et intelliget ista, intelligens et sciet ea? Quia rectæ viæ Domini, et justi ambulabunt in eis (*Osee XIV, 10*), » prævaricatores vero corruent in eis. Et ipsa per se Veritas ait: « Qui vos audit me audit, et qui vos spernit me spernit (*Luc. x, 16*). » His et aliis fulti quamplurimis Dominicis præceptis, vitantes hominum perditiones, cum omnibus hujus sanctæ Sedis, quam Dominus caput totius Ecclesiæ constituit, membris, talia fieri prohibemus, ne confundatur populus Domini in æternum. Nam et a prædecessoribus nostris inhibitu legimus, ut nemo contristet doctores, neque accusationem adversus eos suscipiat. Ipse namque apostolorum princeps in ordinatione beati Clementis populum instruens, ait: Quicumque contristaverit doctorem veritatis peccat in Christum, et Patrem omnium exacerbat Deum, propter quod vita carebit; et doctor gentium inquit: « Si præoccupatus fuerit homo in aliquo delicto, vos qui spirituales estis, sustentate illum in spiritu lenitatis, considerans teipsum, ne et tu tenteris, alter alterius onera portate, et sic adimplebitis legem Christi (*Gal. vi, 1*). »

Has considerantes pietates, et pericula vitantes animarum, una cum omnibus Domini sacerdotibus qui nobiscum in hanc sacram convenerunt urbem, et cum omnibus hujus capitis membris, sicut a beatis apostolis, et a reliquis sanctis Patribus, et a successoribus eorum accepimus, statuantes decernimus omnes qui sanctos Patres persequuntur, aut amovere, vel dilacerare manifeste nituntur, infames esse et alienos a liminibus Ecclesiæ usque ad satisfactio-

nem fieri, quia sic odit Deus eos qui adversus patres armantur ut patrum invasores vel destructores. Qui ideo infames efficiuntur, quia patres persequuntur. Quod si nec loqui eis licet, quibus doctores summi (quos episcopos vocamus) propter eorum scelera adversantur, quanto magis eis qui eos infestant, nec consentiendum est, nec loquendum, ne participes eorum inveniantur sceleribus; quia non solum qui faciunt, sed qui consentiunt facientibus rei sunt. Unde et beatus princeps apostolorum Petrus, in ordinatione sancti prædecessoris nostri Clementis, instruens clerum et populum ait: Si inimicus fuerit Clemens alicui pro actibus suis, vos nolite expectare ut ipse vobis dicat: Cum illo nolite amici esse, sed prudenter observare debetis, et voluntati ejus absque communicatione obsecundare, et avertere vos ab eo cui ipsum sentitis adversum, sed nec loqui his quibus ipse non loquitur, ut unusquisque qui in culpa est, dum omnium vestrum cupit amicitias ferre, festinet citius reconciliari ei qui omnibus præest, ut per hoc redeat ad salutem, cum obedire cœperit monitis præidentis. Si vero quis amicus fuerit his quibus amicus non est, et locutus fuerit his quibus ipse non loquitur, unus est et ipse ex illis qui exterminare Ecclesiam Dei volunt; et cum corpore vobiscum esse videatur, mente et animo contra vos est, et est multo nequior hostis hic, quam illi qui foris sunt, et evidenter inimici sunt. Illic enim per amicitiarum speciem quæ inimica sunt gerit, et Ecclesiam dispergit ac vastat. Similiter si hujusmodi personis quædam scripturæ quoquomodo per metum, aut fraudem, aut per vim extortæ fuerint, vel ut se liberare possint, quocunque modo ab eis conscriptæ vel roboratæ fuerint ingenio, ad nullum eis præjudicium aut nocumentum pervenire censemus, neque ullam ejus infamiam vel calumniam, aut a suis sequestrationem bonis unquam, auctore Domino, et sanctis apostolis eorumque successoribus sustinere permitimus. Confessio vero in talibus non compulsæ, sed spontanea fieri debet, ipso attestante, qui ait: « Ex corde enim procedunt homicidia, adulteria, fornicationes, blasphemiæ (*Matth. xv, 19*) » et cætera quæ sunt ad hæc pertinentia. Nec tantum attendenda sunt quæ fiunt quantum quo animo fiant, quorum exempla, si omnia scribere cœperimus, ante dies quam exempla deficient. Unde et illud est quod Dominus ad munera Abel respexit et non ad Cain, quia magis intendit ad offerentis animum quam ad ea quæ offeruntur. Inde et Dominus per Prophetam inquit: « Dominus scit cogitationes hominum (*Psal. xciii, 11*). » Et per Oseam ait: « In gutture tuo sit tuba quasi aquila super domum Domini (*Osee viii, 1*), » et reliqua. Et Dominus inquit in Evangelio: « Tu autem cum oraveris, intra in cubiculum, et clauso ostio ora Patrem tuum (*Matth. vi, 6*). » Omnis enim confessio quæ fit ex necessitate fides non est. Et Apostolus ait: « Corde enim creditur ad justitiam, ore autem confessio fit ad salutem (*Rom. x, 10*). » Amplius autem respicit Deus ad cogitationes



et spontaneas voluntates, quam ad actus qui per simplicitatem aut per necessitatem fiunt. Confessio enim non extorqueri debet in talibus, sed potius sponte profiteri, pessimum est enim de suspicione aut extorta confessione quemquam judicare, cum magis inspector cordis **21** sit Dominus quam operis, et potius requirit Dominus cogitationes puras et voluntates bonas, quam labia mendacia. Unde et Dominus per prophetam loquens ait: « Populus iste labiis me honorat, cor eorum autem longe est a me (*Isai. xxix, 13*). » Pejus malum fore non aestimo, quam Christianos suis invidere sacerdotibus. Novit enim Dominus qui sunt ejus. Non potest autem humano condemnari examine, quem Deus suo reservavit iudicio. Si omnia namque in hoc sæculo vindicata essent, locum divina non haberent iudicia. Quod autem ad alios iudices prius non debeant, quam ad sacerdotes vel auditores Ecclesiæ accusari, ita a tempore apostolorum et infra observatum et diffinitum invenimus. Si quis erga episcopum vel actores Ecclesiæ quamlibet querelam aut actionem iuste se habere crediderit, ipse Redemptoris sui (cujus actio nostra est institutio) viarum non immemor, sed sectator egregius, qui cura malediceretur non maledicebat, sed tanquam ovis coram tendente se obmutuit, ac pro suis persecutoribus in crucem pendens apud Patrem intercessit, non prius primates superiores aut alios iudices adeat quam ipsos a quibus se læsum aestimat, conveniat familiariter, et non semel, sed sæpissime, ut ab eis aut suam justitiam accipiat, aut iuste excusationem. Boni nempe et vere Christiani hominis est rem ipsam omnibus amicitiae ac pacis legibus prius tentare quam in iudicio (ubi frequenter amarissimus animæ rancor innascitur) suum jus pertinaciter experiri. Si quis enim cum Deo, qui pacis est auctor, habitare cupiat, ei necesse est ut pacem inquirat. Si ergo secus egerit, ab ipsis et ab aliis communione privetur tanquam apostolorum Patrumque aliorum contemptor. De quibus ait propheta: « Erunt quasi non sint, et peribunt viri qui contradicunt vobis (*Isai. xli, 11*). »

In sacramentorum quoque oblationibus, quæ inter missarum solemniam Domino offeruntur, passio Domini miscenda est, ut ejus, cujus corpus et sanguis conficitur, passio celebretur, ita ut, repulsis opinionibus superstitionum panis tantum et vinum aqua permistum in sacrificio offerantur. Non debet enim, ut a Patribus accepimus et ipsa ratio docet, in calice Domini, aut vinum solum, aut aqua sola offerri, sed utrumque permistum, quia utrumque ex latere ejus in passione sua profluxisse legitur; ipsa vero Veritas nos instruit calicem et panem in sacramento offerre, quando ait: « Accipit Jesus panem et benedixit, deditque discipulis suis, dicens: Accipite et manducate, hoc est enim corpus meum, quod pro vobis tradetur. » Similiter postquam cœnavit, accepit calicem, deditque discipulis suis, dicens: « Accipite et bibite ex eo omnes, quia hic est calix sanguinis mei, qui pro vobis fundetur in remissionem peccatorum

(*Matth. xxvi, 26*). » Crimina enim atque peccata, oblatis his Domino sacrificiis, delentur, idcirco et passio ejus in his commemoranda est, qua redempti sumus, et sæpius recitanda, atque hæc Domino offerenda, talibus hostiis delectabitur, et placabitur Dominus, et peccata dimittet ingentia. Nihil enim in sacrificiis majus esse potest quam corpus et sanguis Christi. Nec ulla oblatio hac potior est, sed hæc omnes præcellit. Quæ pura conscientia Domino offerenda est, et pura mente sumenda, atque ab omnibus veneranda. Et sicut potior est cæteris, ita potius excoli et venerari debet. Aquam enim sale conspersam populis benedicimus, ut ea cuncti aspersi sanctificentur ac purificentur, quod et omnibus sacerdotibus faciendum esse mandamus. Nam si cinis vitulæ aspersus sanguine populum sanctificabat atque mundabat, multo magis aqua sale aspersa divinisque precibus sacrata, populum sanctificat atque mundat. Et, si sale asperso per Eliæum prophetam, sterilitas aquæ sanata est, quanto magis divinis precibus sacratus, sterilitatem rerum aufert humanarum, et coinquinos sanctificat, atque mundat, et expurgat, et cætera bona multiplicat, et insidias diaboli avertit, et a phantasmatis versutiis hominem defendit! Nam si tactu fimbriæ vestimenti Salvatoris salvatos infirmos esse non dubitamus, quanto magis virtute sacrorum ejus verborum divinitus sacrantur elementa, quibus sanitatem corporis et animæ humana percipit fragilitas! His ergo et aliis instructi documentis, vota singulorum Domini sacerdotes respicite, et in virtute Spiritus sancti divinis precibus, per ministerium vobis divinitus collatum, perficere certate. Elementa quoque, tam ea quæ prædiximus quam cætera divinis apta usibus et humanis necessaria infirmitatibus sacrare, infirmos curate, et cætera quæ ad vos pertinent diligenter perficite, ipse enim Salvator tribuendo nobis exemplum, discipulis suis ait: « In nomine meo dæmonia ejicite, infirmos curate, ægros sanate, leprosos mundate, etc. Super infirmos etiam manus imponite, et bene habebunt (*Marc. xvi, 17*). »

Fidem quoque sanctæ Trinitatis sic docendam a Patribus accepimus, vobisque tradendam subditis destinamus. Isaïas namque propheta ait: « Vidi Dominum Sabaoth sedentem super thronum excelsum, et Seraphim stabant in circuitu ejus, sex alæ uni, et sex alæ alteri, duabus velabant faciem ejus, duabus volabant, et clamabant ad alterutrum, dicentes: Sanctus, sanctus, sanctus Dominus Deus Sabaoth (*Isai. vi, 1*). » Si Trinitas non est, quare tertio sanctus dixerunt? aut si unitas non est, quare sub trina repetitione unum Deum ac Dominum intimaverunt? Si Trinitas non est, cur in Genesios libro dicitur: Dixit Deus, fecit Deus et benedixit Deus? Si unitas non est, quare tertio dixit: Deus et deos plurali numero non commendavit? Si Trinitas non est, quare in Exodo dictum est tertio: Domine Domine, miserator et misericors? Si unitas non est, quare dum tertio, o Domine, diceret, postea singu-

lariter miserator dixit, et non miseratores, ut plures ostenderet, intimavit? Si Trinitas non est, cur Abraham ad illicem Mambre sedens tribusque occurrens, uni, Domine, dixit, et non ut viderat tribus salutationis obsequium reddidit? Si unitas non est, cur cum Moysi Deus Abraham et Deus Isaac et Deus Jacob, tertio diceret, unitatem ostendens: hoc mihi nomen esse, dixit, et non, hæc sunt nostra nomina, designavit? Si Trinitas non est, quare David tertio dixit: « Benedicat nos Deus, Deus noster, benedicat nos Deus (*Psal. lxxvi, 8*)? » Si unitas non est, quare cum tertio Deum nominasset, benedicat dixit, et non benedicant, adjunxit? Si Trinitas non est, cur Isaias denuo dixit: « Dominus Deus Sabaoth, Deus Israel qui sedes super Cherubim (*Isai. xxxvii, 18*)? » Si unitas non est, cur qui sedes dixit et non qui sedetis astruxit? Si Trinitas non est, cur in libro Regnorum dicitur: « Domine, Deus omnipotens, Deus Israel, sermones tui fideles sunt? » Si unitas non est, cur tui dicitur et non vestri potius intimatur? Si Trinitas non est, cur in psalmo quinquagesimo octavo cantatur, « Domine Deus virtutum, Deus Israel, intende ad visitandas omnes gentes? » Si unitas non est, cur intende posuit et non intendite, ut prædicatus est intimavit? Si Trinitas non est, cur in Apocalypsi tertio dixit: « Sanctus Dominus Deus omnipotens, qui est, et qui erat? » Si unitas non est, quare qui est et non qui sunt pluraliter designatur? Si Trinitas non est, quare in Deuteronomio dictum est: « Dominus Deus tuus misericors est et audiet vocem tuam? » Si unitas non est, quare posuit audiet, et non audient intimavit? Si Trinitas non est, quare in Jesu Nave dicitur libro: « Dominus Deus decorum est? » Si unitas non est, quare est dixit, et non sunt, more locutionis, induxit? Si Trinitas non est, quare Elias loquendo in oratione; « Domine, Domine Deus Israel ostende, quia tu es Deus meus dixit? » Si unitas non est, quare ostende posuit, et non ostendite? Si Trinitas non est, cur Mardocheus orando: « Domine Domine, Deus omnipotens, omnia in potestate tua sunt dixit? » Si unitas non est, quare in tua posuit, et non in vestra signavit? Si Trinitas non est, cur etiam Judith orando dixit: « Domine, Domine, Deus omnium virtutum, respice in orationem meam? » Si unitas non est, quare respice et non respicite designavit? Si Trinitas non est, quare in Jeremia dicitur: « Dominus Deus vester, Deus verax est? » Si unitas non est, quare verax est dixit, et non veraces potius intimavit? Si Trinitas non est, quare in Apocalypsi scriptum est: « Dominus Deus et spiritus prophetarum, misit angelum suum ostendere servis suis quæ oportet fieri cito? » Si unitas non est, cur cum Patrem et Filium et Spiritum sanctum nominasset, misit dixit, et non miserunt sub prætaxato trium personarum et nominum numero introduxit. Si Trinitas non est, quare in Deuteronomio dicit: « Dominus Deus vester hic est. » Si unitas non est, quare hic est dixit, et non hi sunt plurali numero designa-

vit? Si Trinitas non est, quare in eodem dicitur libro: « Dominus Deus tuus, Deus magnus et potens est? » Si unitas non est, quare magnus et potens pluraliter non nominatur? Si Trinitas non est, cur Tobias cum filium suum in Rages civitatem cum Raphael archangelo mitteret, benedicens eos, ita dixisse docetur: « Deus Abraham, et Deus Isaac, et Deus Jacob ipse impleat benedictionem suam in vobis? » Si unitas non est, quare ipse impleat dixit, et non ipsi impleant intimavit? Postremo si Trinitas non est, quare Dominus discipulos suos in nomine Patris, et Filii, et Spiritus sancti universas gentes misit baptizare? Si unitas non est, quare in nomine dixit, et non in nominibus præcipiendo perdocuit. Si Trinitas non est, quare Paulus apostolus ait: « Ex ipso, et per ipsum et in ipso sunt omnia? » Si unitas non est, quare ex ipso posuit et non ex ipsis astruxit? Si enim certò certius volueritis unitatem Trinitatis agnoscere, a sæpe dicto doctore gentium Apostolo potestis universa condiscere est sequi catholicam fidem, et horum respuere pravitatem. Gratia Domini nostri Jesu Christi (inquit) et charitas Dei est communicatio sancti Spiritus ipsa et Patris et Filii, et Spiritus sancti gratia, et sic fidem sanctæ Trinitatis et intelligere et docere, Domino adjuvante, plenitèr potestis.

Idecirco igitur, charissimi, fidei regulas juxta hujus epistolæ finem posuimus, ut in ejus confessione fideliter perseveremus, et, Domino auxiliante, bonam fidem habere mereamur. « Quicumque voluerit esse amicus sæculi hujus, inimicus Dei constituitur. An putatis quia inaniter Scriptura dixit: ad invidiam concupiscit spiritus qui habitat in vobis? Majorem autem dat gratiam, propter quod dicitur: Deus superbis resistit, humilibus autem dat gratiam. Subditi igitur estote Deo; resistite autem diabolo et fugiet a vobis. Appropinquate Domino et appropinquabit vobis. Emundate vobis manus, peccatores, et purificate corda, duplices animo. Miseri estote et lugete et plorate, risus vester in luctum convertetur, et gaudium in mœrorem, humiliamini in conspectu Domini, et exaltabit vos. Nolite detrahare vobis alterutrum, fratres mei, quia qui detrahit fratri aut qui judicat fratrem suum, detrahit legi et judicat legem. Si autem judicas legem, non es factor legis, sed judex, unus enim est legislator et judex, qui potest perdere et liberare. Tu autem quis es qui judicas proximum tuum (*Jac. iv, 4-15*). Agite nunc, divites, plorate ululantes in miseriis vestris quæ advenient vobis. Divitiæ vestræ putrefactæ sunt et vestimenta vestra a tineis comesta sunt. Aurum et argentum vestrum æruginavit, et ærugo eorum in testimonium vobis erit, et manducabit carnes vestras sicut ignis. Thesaurizatis vobis iram in novissimis diebus. Ecce merces operariorum, qui messuerunt regiones vestras, quæ fraudata est a vobis, clamat, vindictam poscens retenti laboris, et clamor eorum in aures Domini Sabaoth introivit. Epulati estis super terram, et in luxuriis enutristis



corpora vestra. In die occisionis adduxistis, occidistis justum, et non restitit vobis (*Jac. v, 1-6*). Væ, fratres, his qui tribulant vos, vos vero quanto amplius tribulamini, tanto purgatiores atque beatiores efficiemini, si tamen ipsa tribulatio patienter fuerit supportata. Unde ipsa Veritas per se dixit: « Beati qui persecutionem patiuntur propter justitiam

(*Matth. v, 10*), » et alibi: « Beati eritis cum vos oderint homines, et persecuti vos fuerint et ejectionem nomen vestrum tanquam malum. Gaudete in illa die et exsultate, quoniam merces vestra multa est in cœlo (*Matth. v, 11*). » Data ix Kalend. Augusti, Trajano et Heliano cc. consul.

## 22 EPISTOLA PRIMA ALEXANDRI PAPÆ.

### *De causis vel gravationibus sacerdotum.*

Dilectissimis fratribus omnibus episcopis per diversas constitutis regiones, ALEXANDER episcopus.

Nulli, fratres, dubium est, quia boni a malis semper persequuntur et tribulantur. Propter quod humilimur sub potenti manu Dei, ut liberet nos in tempore tribulationis. Nam, sicut leo rugiens circuit: quærens quem devoret, sic diabolus non cessat circuire et quærere quos ex fidelibus perdat, et maxime illos quos ardentiores in servitio Salvatoris, eique familiares invenerit, familiares dico eos quos sibi sacrari et in ordine apostolatus constitui voluit. Ipsi enim pro populo interpellant, et populi peccata comedunt, quia precibus suis et oblationibus ea delectant atque consumunt. Qui quanto digniores fuerint, tanto facilius pro necessitatibus quibus clamant exaudiuntur. « Multum enim (ut ait beatus Jacobus apostolus) valet deprecatio justis assidua (*Jac. v, 16*). » Qui enim vos persequitur ipsum cujus legatione fungimini persequitur, quia sicut ipse Filius Dei mediator fuit Dei et hominum, ita et vos ejus vice in Ecclesia estis constituti, ut inter Dominum et homines legatione fungamini. Si quis autem legationem vestram impedit, non unius sed multorum profectum evertit. Et, sicut multis nocet, ita a multis arguendus est, et bonorum societate arcendus. Et quia Dei causa impedit et statum conturbat Ecclesiæ, ideoque ab ejus liminibus Ecclesiæ arceatur. Ab hominibus quoque talis est cavendus et non in communione fidelium usque ad satisfactionem recipiendus. Est enim statutum olim, ut qui statum conturbat Ecclesiæ, ab ejus liminibus arceatur, ne cum fidelibus communiceat qui eorum bona avertit. Vos ergo, si dilectionem habueritis adinvicem et unanimes fueritis, facile tales superare poteritis. Si vero (quod absit) discordes fueritis, et canino dente vos derodere cœperitis, non solum eos non superabitis, sed et vobis ipsis nocebitis atque ab eis superabimini, et innocenter forte peribitis. Qui autem ex vestro collegio fuerit et ab auxilio vestro se subtraxerit, magis schismaticus et non sacerdos esse probabitur. « Ecce, inquit propheta, quam bonum et quam jucundum habitare fratres in unum (*Psal. cxxxii, 1*). » Illi vero in unum non habitant, qui a fratrum solatio se subtrahunt, aut, quod deterius est, fratribus insidias præparant aut laqueos ponunt. De his enim et eorum similibus Dominus per Osee prophetam loquitur dicens: « Propter vos lugebit terra et infir-

mabitur omnis qui habitat in ea in bestia agri et in volucre cœli, sed et pisces maris congregabuntur; verumtamen unusquisque non judicet, et non arguatur vir, populus enim tuus sicut hi qui contradicunt sacerdoti; et corrues hodie, et corruet etiam propheta tecum. Nocte feci tacere matrem tuam; conticuit populus meus eo quod non habuit scientiam, quia tu scientiam repulisti, repellam te, ne sacerdotio fungaris mihi. Et oblita es legis Dei tui, obviscar filiorum tuorum et ego. Secundum multitudinem eorum sic peccaverunt mihi, gloriam eorum ad ignominiam commutabo. Peccata populi mei comedent, et ad iniquitatem eorum sublevarunt animas eorum. Et erit sicut populus sic sacerdos, et visitabo super eum vias ejus, et cogitationes ejus reddam ei. Et comedent et non saturabuntur, fornicati sunt et non cessaverunt, quoniam Dominum dereliquerunt in non custodiendo (*Osee. iv, 3*). » Hæc cavete, fratres, et bona semper agere festinate, quia in hoc cognoscent omnes, dicit Dominus, quoniam mei estis discipuli si dilectionem habueritis adinvicem. Bonum est namque procububio, et omnibus timentibus Deum desiderabile, cohædere dissensiones et altercationes, fratribusque subvenire, et invicem non invidere, sed adjuvare. Nos ergo qui discipuli Domini et dici et esse cupimus, portare crucem Christi et compati fratribus debemus, et non quascunque eis insidias aut foveas præparare, quia talionem meretur qui fratribus foveam præparat. Nolite errare, fratres, quia Deus non irridetur. Hujus rei gratia Dominus vobis commisit Ecclesiam suam, ut pro omnibus laboretis, et cunctis oppressis operemur non negligatis; unde Dominus per prophetam loquitur dicens: « Hæc dixit Dominus: Judicate mane judicium et eruite vi oppressos de manu calumniantis, ne forte egrediatur quasi ignis indignatio mea, et succendatur et non sit qui exstinguat (*Jer. xxi, 12*). » Vos ergo qui in summo speculo a Domino constituti estis, attendere eos et opprimere oportet qui in fratres seditiones et scandala excitant, ne simul cum eis pereatis. Salutate omnes qui recte laborant in Evangelio Christi et juste gubernant navem ejus ne cohabitantes in ea demergantur aut suffocentur. Salutat vos omnis apostolica Ecclesia in Domino. Amen. Data vii Kalend. Novembris Trajano et Heliano, cc. consul.

## EPISTOLA ALEXANDRI PAPÆ SECUNDA

*Ut vitentur detractioes et injustæ pulsationes*

ALEXANDER episcopus omnibus divino sacerdotio fungentibus pax et misericordia multiplicetur, et sapientia atque bona voluntas in omnibus augeatur et fructificetur in Domino.

Gratia Dei sumus, fratres charissimi, id quod sumus. Idcirco nobis providendum est et oppido decertandum ne in ea vacui inveniamur, sed, eadem nobis cooperante gratia, fructum Domino plurimum reportemus. Quod aliter fieri non potest, nisi sapientiam sectando, ejusque præcepta lectionibus et hymnis meditando, atque eo adminiculante implendo, orando, vigilando, et voluntatem ejus (in quantum ipse largitus fuerit), perficere studeamus. Nec eandem negligendam gratiam nobis Dominus dedit, sed fideliter exercendam tribuit. Dilectio enim sine simulatione in nobis esse, et apparere debet, quia omnis qui odit fratrem suum homicida est. Qui vero diligit eum, in Deo manet, et Deus in eo, unde et Apostolus ait: « Nolite judicare, fratres, invicem, sed hoc judicate magis, ne ponatis offendiculum fratri vel scandalum; » et Dominus inquit: « Quod tibi non vis fieri, alteri ne facias; » et alibi. « In hoc cognoscent omnes quia mei estis discipuli, si dilectionem habueritis ad invicem; » et Salomon ait: « Sacrificium salutare est attendere mandatis et discedere ab omni iniquitate. » Summa enim iniquitas est fratres detrahare, et accusare, unde scriptum est: « Omnis qui detrahit fratrem suum homicida est. » Et omnis homicida non habet partem aut hæreditatem in regno Dei, et alibi: « Cavete vos, fratres charissimi, ne participes efficiamini (quod absit) malis eorum, » et non solum vos cavete a talibus, sed et cavere alios ab eis, et avertere docete, de his enim Dominus ait per prophetam Michæam: « Væ qui cogitatis inutile, et operamini malum in cubilibus vestris. In luce matutina facient illud quoniam contra Deum est manus eorum. Et concupierunt agros, et violenter tulerunt, et domos rauerunt, et calumniabantur virum, et domum ejus, virum et hæreditatem ejus. Idcirco dicit Dominus hæc: Ecce ego cogito super familiam istam malum, unde non auferetis colla vestra, et non ambulabitis superbi, quoniam tempus pessimum est. In die illa sumetur super vos parabola, et cantabunt canticum cum suavitate, dicentium: Depopulatione vastati sumus, pars po-

puli mei commutata est. Quomodo recedet a me cum revertatur, qui regiones vestras devorat? Propter quod non erit tibi mittens funiculum sortis in cætu Domini, o Israel. Ne loquamini loquentes. Non stillabit super istos, non comprehendet confusio, dicit Dominus, Jacob: Numquid abbreviatus est spiritus Domini, aut tales sunt cogitationes ejus? Nonne verba mea bona sunt, cum eo qui recte graditur? Et econtra, populus meus in adversarium consurrexit, desuper tunicam pallium sustulistis et eos qui transibant simpliciter, convertistis ad bellum. » Et econtra: De his qui accusantur vel tribulantur per Nahum prophetam confortans eos sic loquitur Dominus, dicens: « Et confortans in die tribulationis, et sciens sperantes in se. Et in dilavio prætereunte consummationem faciet loci ejus, et inimicos ejus persequentur tenebræ. Quid cogitatis contra Dominum? Confirmationem ipse faciet. Non consurget duplex tribulatio, quia sicut spinæ se invicem complectuntur, sic convivium eorum pariter potantium, consumuntur quasi stipula ariditate plena. Ex te exhibit cogitans contra Dominum malitiam, mente pertractans prævaricationem. Hæc dixit Dominus: Si perfecti fuerint, ita et plures, sic quoque attendentur et pertransibit. Afflixit te et non affligam te ultra. » Facile est, fratres, verbo fallere hominem, sed non Deum. Sapiens non est qui nocet, nec vir linguosus in malum se dirigit in terra, nihil vero mali vult, qui fidelis est. Malo enim et pravo ingenio fides aliena est, ait enim Apostolus de infidelium ignorantia: « Si enim cognovissent nunquam Dominum gloriæ crucifixissent. » Crucifigunt enim Dominum qui eum in sacerdotibus suis persequuntur: quia crux a cruciatu dicitur. Magnum vero sacrum sustinet qui compatitur: sed, tamen beati qui persecutionem patiuntur propter justitiam. Ecce ait Judas Apostolus: « Veniet Dominus in millibus suis facere judicium, et perdere omnes impios, et arguere omnem carnem, de omnibus impietatibus eorum. » Hæc, fratres, valde timenda sunt et perpendenda, ne veniens unusquisque ad judicium pœnam cum impiis recipiat, sed cum justis gloriam. Quod pius Dominus præstare dignetur, qui vivit et regnat per sæcula cuncta. Data Kalend. Maii, Heliano et Vetere cc. consulibus.

## INCIPIUNT DECRETA SIXTI PAPÆ PRIMI.

(Anno Domini 129, tempore Adriani.)

Omnibus in Deo Patre, et Domino nostro Jesu Christo dilectis fratribus in charitate Domini nostri Jesu Christi, SIXTUS Romanæ Ecclesiæ archiepiscopus salutem.

Charissimi, fideliter agite in omnibus, ut fideles et non infideles inveniamini. Nolite imitari malum, sed quod bonum est agite, quia qui ex Deo est bene facit, qui autem male, non ex Deo, sed ex diabolo

est. Fidem enim rectam vos tenere oportet, ut dissidentes ab apostolica non sitis doctrina. Unum enim verum Deum Patrem et Filium a prophetis et apostolis ostendimus prædicatum, a quibus etiam Spiritum sanctum credimus non esse discretum, Isaia propheta dicente: « Ego sum Deus et non est alius præter me. Et per meipsum juro, quia exivit ex ore meo veritas; et sermo meus non avertitur,



quia m.n. inclinabitur omne genu, et omnis lingua A confitebitur per Dominum, dicens : Justitia et gloria ad eum veniet. » Et ut in hoc testimonio Patrem et Filium simul fuisse cognoscatis Paulum apostolum audite dicentem : « Ut in nomine, inquit, Jesu omne genu flectatur cœlestium, terrestrium, et infernorum, et omnis lingua confiteatur, quia Dominus Jesus Christus in gloria est Dei Patris omnipotentis. » Quod si secundum aliquos Filius est minor Patre suo, ergo minorata **23** est et gloria Patris in Filio. Et ubi est quod in Salomone Scriptura loquitur dicens : « Sicut enim in conspectu eorum, inquit, magnificatus es in nobis, ita in conspectu nostro magnificaberis in illis ut cognoscant te sicut et nos cognovimus, quoniam non est Deus præter te, Domine? » Diligenter attende et agnosce Filium esse qui magnificabitur in judicio, B dum venerit vivos et mortuos judicare. Item Isaias : « Audite domus Jacob, et residui domus Israel, qui egredimini ex utero et erudimini a puero usque ad senectutem. Ab initio ego sum et quousque senescatis ego sum. Ego vos feci et ego sustineo, ego remittam, ego suscipiam, dicit Dominus. » Et iterum : « Ego sum Dominus Deus, præter me non est alius Deus, annuntians novissima priusquam fiant, et statim consummata sunt. » Item alibi : « Audi me Jacob et Israel, quoniam ego feci. Ego sum Dominus Deus tuus, et non est alius præter me. » Item ibi : « Ego sum Dominus Deus tuus primus et ego novissimus et in ea quæ superventura sunt in novissimis ego sum. Ego sum Deus qui te creavi, qui te adjuvi, et communi vi dextera mea. » Et unitatem Patris et Filii assignans loquitur dicens : « Ego testis vester, C dicit Dominus Deus, et puer meus tu quem ego elegi, ut sciatis et credatis, quia ego sum, et ante me non fuit alius Deus, et post me non erit. » Unum hi qui non sane sapiunt, eligant ex duobus aut fateantur Patrem et Filium Deum unum, aut si solum Patrem Deum esse contendunt, ergo illis Dominus noster Jesus Christus Dei Filius non erit Deus, quia scriptum est : « Ante me non fuit alius Deus et post me non erit. » Si secundum tales ita est, cur Apostolus talia prædicat et eundem Filium Deum super omnes benedictum insinuat : « Quorum patres, inquit, ex quibus Christus secundum carnem qui est super omnia Deus benedictus in sæcula. » Item Isaias ait : « Dominus Deus Israel qui liberavit eum de Ægypto. Ego sum primus et ego post hæc et præter me non est D Deus sicut ego sum qui stet et vocet, et præparet mihi, ex quo hominem feci in sæculo. » Item alibi : « In te est Deus et nesciebam et non est alius Deus præter te. Tu es enim Deus et nesciebam, Deus Israel Salvator. » Unus Deus non sunt Pater et Filius? Quis est hic Deus, in quo esse dicitur Deus Pater quem alium Deum non esse propheta sæpenumero protestatur? Et Baruch : « Hic Deus noster, ait, et non applicabitur alter ad eum qui invenit omnem viam scientiæ et dedit eam Jacob puero suo et Israel dilecto suo. Post hæc in terris visus est et inter homines conversatus est. » Et in Salomone ha-

betur : « Miserere nobis Deus omnium et ostende nobis lumen miserationis, et immitte timorem tuum super gentes, qui non exquisierunt te, ut cognoscant quia non est alius Deus nisi tu. » Item alibi : « Domine Deus Israel, non est tibi similis in celo sursum, neque in terra deorsum. » Et in psalmo septimo decimo : « Quoniam quis Deus præter Dominum, aut quis Deus, præter Deum nostrum. » Et in Genesi : « Et pluit Dominus a Domino ignem et sulphur super Sodomam et Gomorrhæm et evertit civitates illas. » Si solus Pater Deus est, quis pluit ignem et sulphur supra prædictas civitates, ut eas everteret? Quæso, responde. Et in Deuteronomio : « Dominus solus deducebat eos et non fuit cum illis Deus alienus. » Et Paulus apostolus : « Unus Deus qui justificat circumcissionem ex fide, et præputium per fidem; » et ad Corinthios : « Deus erat in Christo mundum reconcilians sibi; » et iterum : « Non est Deus nisi unus; » et ad Galatas : « Mediator autem unius non est, Deus autem unus est; » et unitatem Patris et Filii, et Spiritus sancti demonstrans, Ephesiis scribens, ita confirmat : « Sufferentes invicem in charitate, solliciti servate unitatem spiritus in vinculo pacis. Unum corpus et unus spiritus, sicut vocati estis in una spe vocationis vestræ, unus Deus, una fides, unum baptisma, unus Deus (Ephes. iv, 2). » Si non sane sapientes unitatem fidei voluerint simplici corde recipere, ex hoc itaque testimonio in uno spiritu poterunt simul Patris et Filii unitatem condiscere. Patrem igitur, ut superius comprehensum est, in divinis litteris, ingenitum, proprie positum nec legere possunt penitus nec probare. Sed quia id ipsum fides exigit christiana absque ulla dubitatione ingenitus creditur qui tamen secundum seriem Scripturarum in Filio a se genito unus esse monstratur

De cætero placuit propter malorum hominum infestationes, ut in accusatione Domini ministrorum, primo persona, fides, vita, et conversatio blasphemantium enucleatim perscrutetur. Nam fides omnes actus hominis præcedere debet, quia dubius in fide infidelis est, nec eis omnino est credendum qui veritatis fidem ignorant, nec rectæ conversationis vitam ducunt. Quoniam tales facile et indifferenter lacerant et criminantur recte et pie viventes, idcirco suspicio eorum discutienda primum, et corrigenda, neque accusatoribus suspectis vel de inimicorum domo produntibus est credendum. Erant enim quidam qui prius videbantur esse ex nobis, sed non erant ex nobis. Si vero essent ex nobis, mansissent utique nobiscum, et non conturbassent fratres. « Exacuerunt enim, » ut ait Propheta, « linguas suas sicut serpentes, venenum aspidum sub labiis eorum (Psalm. cxxxix, 4). » Quapropter hi respuendi sunt si incorrigibiles apparuerint, et vitandi ne Domino decipiant famulantes. State ergo, dilectissimi, super vias aspicientes et interrogantes de semitis Domini antiquis : et videte quæ est via Domini bona et recta, et ambulate in ea, et invenietis requiem animabus vestris. Data decima sexta Kalen. Maii sub Adriano et Vero.

## ITEM EPISTOLA SIXTI PAPÆ

SIXTUS universalis apostolicæ Ecclesiæ episcopus A bus possit. Ab hac enim sancta Sede, a sanctis omnibus episcopis in Domino salutem.

Cognoscat vestra sapientia, charissimi fratres, quia in hac sancta sede apostolica a nobis et reliquis episcopis cæterisque Domini sacerdotibus statutum est, ut sacra vasa non ab aliis quam a sacris Dominoque dicatis contrectentur hominibus. Indignum valde est ut sacra Domini vasa quæcunque sint humanis usibus serviant, aut ab aliis quam a Domino famulantibus ei que dicatis tractentur viris. Ne pro talibus præsumptionibus iratus Dominus plagam imponat populo suo, et hi etiam qui non peccaverunt mala patiantur aut pereant, quia perit justus sapissime pro impio. Attendite, fratres, ne talia viris in Ecclesiis permittatis deinceps fieri, ne grex pretioso sanguine Christi redemptus in præcipitium (quod B absit) ruat; propter quod assumite armaturam Dei, ut possitis resistere his qui contradicunt veritati, et induite vos lorica justitiæ, calceati pedes in præparatione Evangelii pacis. Si quis vero vestrum pulsatus fuerit in aliqua adversitate licenter hanc sanctam et apostolicam appellet Sedem, et ad eam quasi ad caput suffugium habeat, ne innocens damnetur, aut Ecclesia sua detrimentum patiatur. Si autem ei necesse fuerit eamque appellare minime ausus fuerit, et vocatus tamen ab hac sancta Sede fuerit, non renuat venire, sed confestim, ut ei nuntiatum fuerit, venire festinet, et causas pro quibus vocatus est prudenter disponat, atque si necesse aliquid corrigere fuerit, cum his quos hic primos invenerit, corrigat; ad Ecclesiam tamen suam non prius revertatur quam C litteris apostolicis vel formatis pleniter instructus atque purgatus, si fuerit unde. Et postquam domum reversus fuerit, cognoscant vicini sui qualiter hic sua aliorumque causa discussa fuerit, quatenus eam absque aliqua ambiguitate nuntiare et prædicare omni-

bus possit. Ab hac enim sancta Sede, a sanctis apostolis tueri, defendi et liberari episcopi jussi sunt, ut sicut eorum dispositione ordinante Domino primitus sunt constituti, sic hujus sanctæ Sedis, cuius dispositioni eorum causas et judicia servaverunt, protectione, futuris temporibus sint ab omnibus perversitatibus semper liberi. Unde culpantur hi qui aliter circa fratres egerint, quam hujus sedis rectoribus placere cognoverint. His taliter consideratis atque cum reliquis episcopis decretis tanquam omnium curam gerentes, propter sedis propriæ apicem decernimus, ut nemo pontificum aliquem suis rebus exspoliatum episcopum aut a sede pulsum excommunicare, aut judicare præsumat, quia non est privilegium quo exspoliari possit jam nudatus. Si quis autem aliter agere præsumperit, sciat censuram hujus Sedis cum omnibus membris suis sibi venturam, et sicut egerit, ita recipiet. Si bene bene, grave grave. Si pessime pessime, quoniam dignus est operarius mercede sua. Nos, fratres, nullum perdere volumus, sed ipse perdit se qui pie considerata avertit, et qui Apostolorum et hujus sanctæ Sedis decreta libenter violat. Sed nunc, fratres, commendamus vos omnes Domino, et verbo gratiæ ejus, qui potest perficere et dare hæreditatem cum omnibus sanctis; ipse autem Deus pacis et consolationis det vobis idipsum sapere in alterutrum, ut vobis invicem succurratis, et non sitis divisi, ut unanimes, uno ore et uno corde honorificemus eum in concordia et consolatione fratrum, qui potens est confirmare nos secundum Evangelium ejus, juxta revelationem mysterii æterni, temporibus scilicet perpetuis, quibus vobis munera futurorum gaudiorum largienda sunt. Data nono Kalen. Aprilis, Adriano et Vero cc. consul.

## INCIPIUNT DECRETA TELESPHORI PAPÆ.

*De jejuniis septem hebdomadarum ante Pascha, et de missarum celebratione in nocte sancta Natalis Domini, et quo tempore aliis diebus missæ celebrentur, et de episcoporum defensione.*

(Anno Domini 134, Autonino Pio imperatore.)

Charissimis fratribus et dilectissimis episcopis TELESPHORUS Romanæ urbis archiepiscopus salutem in Domino.

Credimus sanctam fidem vestram in apostolorum eruditione fundatam, hanc tenere et hanc populis universis exponere, quæ videlicet a constitutis apostolorum, eorumque successorum nulla ratione dissentit, per quos justum est cæteros erudiri. Quapropter cognoscite a nobis et a cunctis episcopis in hanc sanctam et apostolicam Sedem congregatis statutum esse, ut septem hebdomadas plenas ante san-

D ctum Pascha omnes clerici in sortem Domini vocati a carne jejument; quia sicut discreta debet esse vita clericorum a laicorum conversatione, ita et in jejuniis debet fieri discretio, et sicut laici et sæculares homines nolunt eos recipere in accusationibus et infamationibus suis, ita nec clerici debent eos recipere in impulsationibus suis; quoniam in omnibus discreta debet semper esse, et segregata vita, et conversatio clericorum ac sæcularium laicorum. Et, sicut hi amplius sunt applicati divinis cultibus, et familiares Domini dicun-



tur Salvatoris, ita moribus et conversatione atque A sanctitate debent esse distincti. Has ergo septem hebdomadas omnes clerici a carne et deliciis jejulent, et hymnis, et vigiliis, atque orationibus, Domino inhærere die noctuque studeant. Nocte vero sancta nativitatis Domini Salvatoris missas celebrent, et hymnum angelicum in eis solemniter decantent, quoniam et in eadem nocte ab angelo pastoribus nuntiatum est, sicut ipsa Veritas testatur, dicens : « Pastores erant in regione eadem vigilantes et custodientes vigilias noctis supra gregem suum. Et ecce angelus Domini stetit juxta illos et timuerunt timore magno, et dixit illis angelus : Nolite timere, ecce enim evangelizo vobis gaudium magnum quod erit omni populo, quia natus est vobis hodie Salvator, qui est Christus Dominus, in civitate David. Et hoc vobis B signum : Invenietis infantem pannis involutum, et positum in præsepio; et subito facta est cum angelis multitudo militiæ cœlestis, laudantium Dominum et dicentium : Gloria in altissimis Deo, et in terra pax hominibus bonæ voluntatis (*Luc. ii, 8-14*). »

Cæterum considerat impius justum, et querit ut occidat 24 eum. Dominus non derelinquet eum in manus ejus, et non condemnabit eum cum judicabitur illi. Expecta Dominum et custodi viam ejus, et exaltabit te ut possideas terram, cum interibunt impii, videbis. Vidi impium robustum, et fortissimum, sicut indigenam virentem, et transivi et ecce non erat, et quæsi eum, et non est inventus. Custodi simplicitatem et vide rectum, quia erit in extremum viro pax; prævaricatores autem interibunt pariter, et novissimum impiorum peribit. Salus autem justorum a Domino, fortitudo eorum in tempore tribulationis, et auxiliabitur eis Dominus, et salvabit eos et eripiet eos ab impiis et salvabit eos, quia separaverunt in eum; et alibi : « Quid gloriaris in malitia potens? Misericordia Dei tota die. Insidias cogitavit lingua tua quasi novacula acuta faciens dolum. Dilexisti malitiam magis quam bonum, mendacium magis quam loqui justitiam. Dilexisti omnia verba ad devorandum, lingua dolosa, sed Deus destruet te in sempiternum, terrebit et evellet te de tabernaculo et eradicabit te de terra viventium, et videbunt justi et timebunt et super eum ridebunt. Ecce vir qui non posuit fortitudinem suam Deum, sed speravit in multitudine divitiarum suarum, confortatus est in insidiis suis. Ego autem sicut oliva virens in domo Dei, speravi in misericordia Dei, in sæculum et in æternum. Confitebor tibi in sæculum, quoniam fecisti et expectabo nomen tuum, quoniam bonum est in conspectu misericordiarum tuarum. » Reliquis enim temporibus missarum celebrationes ante horam diei tertiam minime sunt celebrandæ, quia et eadem hora Dominus crucifixus est, et super apostolos Spiritus sanctus descendisse legitur. Ab episcopis autem idem angelicus hymnus pro tempore et loco in missarum solemnibus celebrandus est atque solemniter recitandus.

Ipsi enim qui proprio ore corpus Domini conficiunt, ab omnibus sunt obediendi atque timendi, et non dilacerandi aut detrahendi, quia a quibus se Domini populus benedici, salvari et instrui cupit, nullatenus debet eos arguere, nec vulgus in eorum accusatione suscipi. Populus enim ab eis docendus est, et corripiendus non ipsi ab eo, quia non est discipulus super magistrum. Nullomodo igitur Domini pontifices et reliqui sacerdotes quibus Domini commissa est plebs, rite populum possunt corrigere, si deceptionis se cognoverint laqueo infestari. Unde justum est omnes in universo orbe doctores legis, ea quæ legis sunt sapere et non sacerdotes Domini labiis suis, aut quibuslibet machinationibus maculare, dum ipsos disponunt aut cupiunt maculare, potius seipsos maculant et vulnerant. Dei ergo accusat ordinationem qui eos qui ab eo constituuntur, sacerdotes accusat, et damnari cupit, a quibus se omnes fideles cavere debent, quia non solum qui faciunt, sed etiam qui consentiunt facientibus rei sunt.

Christus enim Dei Filius Dominus noster, humano generi salutem condonans plenam, de nobis ait : « Qui vos recipit, me recipit, et qui vos spernit, me spernit (*Matth. x, 40; Luc. x, 16*). » Si ergo Dominus in eis recipitur, et rejicitur, proculdubio ipsius sunt qui in eis rejicitur, vel suscipitur. Et tu quis es, qui judicas servum alienum? Proculdubio transgressores legis Dei et apostolorum, atque prophetarum, et non solum harum, sed etiam legum humanarum. Omnes enim leges tam divinæ quam humanæ alienum servum judicare prohibent. Quid putas erit de te, cum transgressores et conculcatores legis Dei damnabuntur? Profecto et tu damnaberis, quia postposuisti mandatum Dei, et tuam adimplesti voluntatem, quoniam sicut digni sunt vita qui mandatum Dei adimplent atque custodiunt, ita rei et perditioni sunt morte, qui ea postponunt et in vanum ducunt. Est enim in apostolicis scriptum institutis, alterius vitam nemo laceret, et de malo alieno os suum non coinquinet. Accusatores vero et accusationes, quas leges sæculi non admittunt, et nos submovemus, et accusatori omnino non credi decernimus, qui absente adversario causam suggerit ante utriusque partis justam discussionem. Nec hi qui D non sunt idonei suscipiantur ad accusationem, et omnes qui adversus patres armantur, infames esse censemus. Patres enim omnes venerandi sunt, non respuendi, aut insidiandi. Hi vero qui cum inimicis morantur, aut qui suspecti habentur, minime recipiantur, quia eorum æmulatio lacerat etiam innocentes. Hunc murum firmissimum statuerunt patres nostri, et nos cum eis contra persecutores nostros, ut hoc remedio eorum pellantur machinamenta, et vos securiores et sanctiores famulari mereamini vestro Salvatori. De talibus enim insidiatoribus et accusatoribus servorum suorum loquitur Dominus per prophetam dicens : « Os tuum misisti ad malitiam, et lingua tua concinnabat dolum,

sedens adversus fratrem tuum loquebaris, et in filium matris tuæ fabricabas opprobrium. Hæc fecisti et tacui, existimasti similem tui me futurum? arguam te, et proponam ante oculos tuos. Intelligite hæc qui obliviscimini Dominum ne forte rapiat et non sit qui liberet. »

Languentes autem in isto conamine notandi sunt, et a talibus repellendi. Tales enim membra sunt diaboli, qui sursum atque deorsum pervolans quærit quod possit occidere, quos possit separare, quos possit devorare. Propter quam rem vigilandum est, et armis cœlestibus sumus muniendi, ne in ejus compedes incidamus aut ejus foveis illaqueemur. Decet enim in talibus causis hoc maxime provideri, ut sine strepitu concertationum et charitas custodiatur et veritas defendatur, atque innocentes et Domini ministri illæsi liberentur. De bonis ergo et legem Domini custodientibus fratribusque adjuvan-

tibus et non nocentibus, sed supportantibus ait per Prophetam Dominus : « Non sedi cum viris vanitatis, et cum superbis non ingrediar. Odivi ecclesiam pessimorum et cum impiis non sedebo. Lavabo in innocentia palmas meas, et circuibo altare tuum, Domine, ut clara voce prædicem laudem tuam, et enarrem omnia mirabilia tua. Domine, dilexi habitaculum domus tuæ, et locum tabernaculi gloriæ tuæ : ne ponas cum peccatoribus animam meam, et cum viris sanguinum vitam meam. In quorum manibus scelus, et dextera eorum repleta est muneribus, ego autem in simplicitate mea gradiar, redime me, et miserere mei; pes meus stetit in via, in Ecclesiis benedicam Domino. » Concordent igitur cum omnibus Dei sacerdotibus hæc charitatis sententiæ, in quibus vos fixos et firmos exstiterere judicamus. Deus vos incolumes custodiat, filii charissimi. Data xv Kalend. Martii, Antonio et Marco IV ec. consul.

## INCIPIUNT DECRETA IGINII PAPÆ DE FIDE ET RELIQUIS CAUSIS.

*De fide et reliquis causis.*

(Anno Domini 143, tempore Antonini Pii imperatoris.)

Ignius in Christi nomine ahræ urbis Romæ episcopus, cunctis in apostolica fide et doctrina degentibus, salutem.

Charissimi, Deus Filium suum misit in similitudinem carnis peccati, et de peccato damnavit peccatum in carne, ut iustitia legis impleretur. Filius non secundum deitatem solam a Patre missus est, sed secundum carnem, quam clementer et pie pro nobis assumere non dedignatus est. Nam quod semetipsum, exinanita majestatis suæ potentia, idem Filius miserit, Apostolus contestatur et dicit : « Semetipsum exinanivit, formam servi accipiens, humiliavit semetipsum, factus obediens usque ad mortem, mortem autem crucis (Philipp. II, 7, 8). » Et Isaias : « Non legatus, neque angelus, sed Deus ipse veniet, et salvabit nos; » item ibi : « Palam apparui non quærentibus me. » Et Jeremias : « Dereliqui domum meam, dimisi hæreditatem meam, veni et factus sum illis in opprobrium. » Et in Michæa : « Ecce Dominus veniet, et commovebuntur sub eo montes; » et in Zacharia : « Gaude et exsulta filia Sion, quia ecce ego venio, et commorabor in medio tui, dicit Dominus; » et Apostolus ad Timotheum : « Humanus sermo et omni acceptione dignus, quoniam Jesus Christus venit in hunc mundum peccatores salvos facere; » et Malachias : « Ecce subito veniet in templo suo Dominus quem vos quæritis, et angelus Testamenti quem vos vultis; » in Evangelio : « Non veni vocare justos, sed peccatores in poenitentiam. » Item ibi : « Quid nobis, et quid tibi Jesu, Filii Dei, ve-

nisti ante tempus perdere nos? venit Filius hominis salvare et quærere quod perierat. » Item ibi : « Ego veni ut vitam habeant, et abundantius habeant; » item ibi : « Nemo ascendit in cœlum, nisi qui de cœlo descendit, Filius hominis qui est in cœlo. » Nunquid in his tantis ac talibus testimoniis quibus se Filius Dei a semetipso venisse testatus est, poterit quis dicere ab alio et non a semetipso venisse? dum manifestum est, quod qui carnem nostram dignanter assumpsit, voluntarie et non ab alio missus advenerit; nam qui in Patre manens, ubique potentia sua consistit, ubi quo a Patre mitteretur omni modo non habuit, quoniam nulla pars cœlorum ac terræ a conspectu Patris excipitur, ubi secundum vos a Patre Filius mitteretur? et Paulus : « Renovamini, inquit, spiritu mentis vestræ, et induite novum hominem qui secundum Deum creatus est in iustitia et sanctitate veritatis. » Et ad Hebræos : « In eo enim in quo passus est ipse et tentatus est, potens est eis qui tentantur auxiliari, » unde sanctæ vocationis semper cœlestis participes. Considerate Apostolum confessionis nostræ, et pontificem Jesum fidelem existentem qui vocavit eum. Et ad Colossenses : « Nunc autem deponite et vos universa, iram, indignationem, malitiam, blasphemiam, turpiaque verba ex ore vestro non procedant. Nolite mentiri invicem. Exspoliantes vos veterem hominem cum actibus suis, induite novum eum qui renovatur in agnitionem secundum imaginem ejus qui creavit eum. » Nunquid is qui universam



creaturam, visibilia et invisibilia propriæ virtute potestatis procreavit ac fecit, seipsum ante, aut postmodum (quod dicere nefas est). creavit vel facere potuit? Et Dominus in Evangelio ait : « Ego et Pater unum sumus; » et iterum : « Qui me videt, videt et Patrem; » et iterum : « Qui me odit, et Patrem meum odit; » et iterum : « Ut omnes honorificent Filium, sicut honorificent Patrem; » et iterum : « Ut sint in nobis unum, sicut et nos unum sumus. Tu in me, et ego in eis; » et iterum : « Omnia mea tua sunt; » et iterum : « Ego in Patre, et Pater in me; » et iterum : « Pater in me manens facit opera hæc. » Et Joannes evangelista ait : « In principio erat Verbum, et Verbum erat apud Deum, et Deus erat Verbum (*Joan. 1, 1*); » et iterum ipse ad Parthos : « Tres sunt, inquit, qui testimonium perhibent in terra : aqua, sanguis et caro, tres in nobis sunt; et tres sunt qui testimonium perhibent in cælo : Pater, Verbum, et Spiritus, et hi tres unum sunt. » Nos itaque in natura divinitatis, quia unum sunt, Pater, et Filius, et Spiritus sanctus, nec Patrem aliquo tempore credimus præcessisse, ut major sit Filio, nec Filium postea natum esse ut divinitate Patris minoretur.

Cæterum, fratres, salvo in omnibus Romanæ Ecclesiæ privilegio, nullus metropolitanus absque cæterorum omnium comprovincialium episcoporum instantia aliquorum audiat causas eorum, quia irritæ erunt aliter actæ quam in conspectu eorum omnium ventilatæ, et ipse, si fecerit, coerceatur a fratribus.

#### EPISTOLA IGINII PAPÆ AD ATHENIENSES

Papa IGINIUS Atheniensibus salutem.

Multa mihi fiducia est apud vos, fratres, et multa gloriatio pro vobis. Repletus sum consolatione, superabundo gaudio in omni tribulatione nostra. Tribulor enim quando de vobis audio quod non oportet. Consolor vero quoties ea inter vos fieri cognovero quæ bonos christianos deest implere. « Nolite, fratres, jugum ducere cum infidelibus, » unde doctor gentium loquitur dicens : « Quæ participatio justitiæ cum iniquitate? quis autem consensus templo Dei cum idolis? vos enim estis templum Dei vivi, sicut dicit Dominus. Quoniam inhabitabo in illis, et inambulabo, et ero illorum Deus, et ipsi erunt mihi populus (*II Cor. vi, 14, 16*). » Si enim Deus angelis peccantibus non pepercit, sed rudentibus inferni detractos in tartarum tradidit, in judicio cruciandos reservari, et originali mundo non pepercit, sed octavum Noe justitiæ præeonem custodivit, diluvium mundo impiorum inducens, et civitates Sodomorum et Gomorrhæorum in cinerem redigens, eversione damnavit, exemplum eorum qui impie acturi sunt ponens, quid putatis iniquis et impiis perseverantibus in nequitia eorum erit? Justum vero Lot oppressum a nefandorum injuria conversatione eruit, aspectu enim et auditu justus erat, habitans apud eos

A Criminationes majorum natu per alios non fiant, nisi per ipsos qui crimina intendunt, si tamen ipsi digni et irreprehensibiles apparuerint, et actis publicis docuerint omni se suspicione carere et inimicitia 25, atque irreprehensibilem fidem ac conversationem ducere : necnon et peregrina negotia et judicia prohibemus, quia indignum est ut ab externis judicentur qui provinciales et a se electos debent habere judices. Nos quidem ex omni parte carpendo occasiones abscidimus. Nos supernæ memores disciplinæ, quibuscumque cadentibus dexteram porrigimus, et a ruinæ præcipitio quos possumus relevamus et defensionis adminiculum totis viribus præbere cupimus. Certe si vel mens sit recti conscia, vindicta dignus est qui aliis existit causa periculi ; qui vero innocentem vel fratrem quocumque ingenio persequitur, ipse in se jugulum mortis impingit, ut ait divinus et beatus præco : Noli detrudere, ne eradiceris, noli accusare, ne accuseris, noli judicare, ne judiceris, quia in quo judicio judicaveris, judicabitur de te. Nemo creditur nos odisse quorum relatione non læditur, dicit enim Dominus : Omne regnum in se divisum non stabit, et omnis scientia aut regula adversum se divisa non stabit. Ideoque necesse est, ut concorditer salubres suscipiatis, hortans, nihil per contentionem agentes, sed ad omne studium devotionis unanimis, divinis et apostolicis constitutionibus pareatis. Data xvii Kalend. Octobris. Magno et Camerino consulibus.

C qui de die in diem animam justam iniquis operibus cruciabant. Novit Deus pios de tentatione eripere, iniquos vero in diem judicii cruciandos reservare, magis autem eos qui post carnem in concupiscentiam immunditiæ ambulant, damnationemque contemnunt, audaces, sibi placentes sectas non metuunt facere, blasphemantes. Unde alieni erroris socium a sui propositi tramite non recedentem, aut apostolicæ sedis jussionibus inobedientem suscipere non possumus, quia inter fideles credentes vel sanctorum Patrum jussionibus obtemperantes permittimus, quia inter fideles magna debet esse discretio et infideles. Si Deus, fratres, justis non pepercit, quid de nobis peccatoribus fieri putatis? Custodite vos ab omni inquinamento carnis et corporis, ut salvi sitis in die adventus Domini, unum autem hoc non lateat vos, ut ait Apostolus : Charissimi, quia unus dies apud Dominum sicut mille anni, et mille anni, sicut unus dies. Non tardat Dominus promissis, sed patienter expectat propter vos, nolens aliquos perire, sed omnes ad pœnitentiam reverti. Adveniet autem dies Domini ut fur, in qua cœli magno impetu transient, elementa vero calore solventur. Cum hæc ergo omnia dissolvenda sint, quales oportet vos esse in sanctis conversationibus et pietatibus, expectantes et

properantes in adventum diei Dei, per quem cœli ardentis solvantur, et elementa ignis calore tabescent. Nos vero cœlos novos et terram novam et promissa ipsius expectamus, in quibus iustitia inhabitat. Deus autem omnis gratiæ qui vocavit vos in æter-

A nam suam gloriam, in Christo Jesu modicum passus ipse perficiet, confirmabit, et consolidabit. Ipsi gloria et imperium in sæcula sæculorum, Amen. Data x Kalend. Martii, Magno et Camerino consilibus.

## INCIPIUNT DECRETA PII PAPÆ.

*Ut die Dominico Pascha celebretur.*

(Anno 147, imperante Ant. Vero.)

Omnibus Ecclesiis in eadem qua sumus fide et doctrina manentibus, Pius apostolicæ sedis archiepiscopus.

Gratias agimus, fratres, Deo, quoniam crescit fides vestra et abundat charitas uniuscujusque omnium vestrum invicem, ita ut nos ipsi in vobis gloriemur in Ecclesiis Dei. Videte, fratres, videte ut nemo vos seducat, volens in humilitate et religione angelorum, quæ non vidit, ambulans frustra, inflatus sensu carnis suæ, et non tenens caput, ex quo totum corpus per nexus et conjunctiones ministratum et constructum crescit in augmentum Domini; sed induite vos sicut electi Dei, sancti et dilecti, viscera misericordiæ, benignitatem, humilitatem, modestiam, patientiam, supportantes invicem et donantes vobismetipsis si quis habet querelam. Et sicut Christus donavit vobis, ita et vos.

Caterum nosse vos volumus quod Pascha Domini, die Dominica annuis solemnitatibus sit celebrandum. Istis ergo temporibus Hermes doctor fidei et Scripturarum effulsit inter nos. Et licet nos idem Pascha prædicta die celebremus, et quidam inde dubitent, ad corroborandas tamen animas eorum eidem Hermæ angelus Domini in habitu pastoris apparuit et præcepit ei, ut Pascha die Dominico ab omnibus celebraretur tempore suo; unde et vos apostolica auctoritate instruimus omnes eadem servare debere, quia et nos eadem servamus, nec debetis a capite quoquomodo dissidere.

Cavete diligenter omnes, ne quis vos decipiat per aliquam astrologiam vel philosophiam et inanem fallaciam, secundum traditionem hominum, secundum elementa mundi, et non secundum Christum et traditionem rectam. « In Christo enim habitat omnis plenitudo divinitatis corporaliter ut sitis in illo repleti, qui est caput omnis principatus et potestatis, » qui sine dubio qui contra mandata Dei agit peccat, et qui consensum præstat erranti. Hanc sanctam sedem apostolicam omnium Ecclesiarum caput esse præcepit, ipso dicente principi apostolorum Petro: « Tu es Petrus et super hanc petram ædificabo Ecclesiam meam, et portæ inferi non prævalebunt adversus eam, et tibi dabo claves regni cœlorum. Et quodcumque ligaveris super terram erit ligatum et in cœlo, et quodcumque erit solutum super terram erit solutum et in cœlo (Matth. xvi, 18). » Quid enim prodest illi suo errore non pollui qui

B consensum præstat erranti. Oves enim pastorem suum non reprehendant, plebs vero episcopum non accuset, nec vulgus eum arguat, quoniam non est discipulus super magistrum, neque servus supra Dominum. Episcopi autem a Deo sunt judicandi, qui eos sibi oculos elegit; nam a subditis aut pravæ vitæ hominibus non sunt arguendi vel accusandi, aut lacerandi, ipso Domino exemplum dante, quando per seipsum, et non per alium vendentes sacerdotes, et ementes ejecit de templo, et mensas nummulariorum proprio evertit flagello, et ejecit de templo; et sicut alibi per prophetam loquitur dicens: Deus stetit in synagoga deorum, in medio autem deos discernit. Si quis vero a suo proposito retrorsum exorbitaverit, et jussum apostolicæ sedis libenter transgressus fuerit, infamis efficitur. Reprobari ergo oportet eorum redargutiones qui in recta fide suspecti sunt. Fides autem et conversatio primum scrutanda est, et denuo qui irreprehensibiles apparuerint sunt recipiendi, et non prius, quia « bonus homo, » testante Veritatis voce, « ex bono thesauro cordis sui profert bona, malus homo ex malo thesauro cordis sui profert mala. Ex abundantia enim cordis os loquitur, » ideo persona et opinio ac vita uniuscujusque in initio rimanda est, quia boni semper infestantur a malis. Boni enim cum malis, licet misti sint in Ecclesia, vix concordare inveniuntur, quoniam dissimilis est eorum cogitatio, voluntas et actus. Nihil enim prodest homini jejuna et orare, et alia religionis bona agere, nisi mens ab iniquitate revocetur, et ab obsecrationibus lingua cohibeatur, unde ait propheta: « Cohibe linguam tuam a malo, et labia tua ne loquantur dolum, diverte a malo et fac bonum, » Nemo enim bonum faciens alteri verbo aut facto nocere vult, quanto minus in suspicionem debet venire fidelis homo ut dicat aut faciat ea quæ pati non vult! Quia omnis suspicio potius repellenda est quam approbanda vel recipienda. « Charitas enim non quærit quæ sua sunt, » sed quæ aliorum, quia unius causa multorum non est præferenda. « Sectamini charitatem, æmulamini spiritualia. Charitas enim patiens est, benigna est. Charitas enim non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate; congaudet autem veritati, omnia suffert, omnia credit, omnia sperat, omnia sustinet. Charitas nunquam



excidit. » Semper rogo vos, ut deteriora rejiciatis, et **A**mus quæ a Deo donata sunt nobis, et ea sectemini meliora perficiatis, quia nos non spiritum mundi indifferenter. Data vi Idus Aprilis Claro et Severo accepimus, sed Spiritum qui ex Deo est, ut scia- consulibus.

### EPISTOLA PII PAPÆ ITALICIS DIRECTA.

Pius Romanæ urbis archiepiscopus, Italicis fra-  
tribus salutem in Domino.

Scitis, fratres, quia Dei agricultura sumus, ideo  
ejus adjutores esse debemus, secundum gratiam  
quam ipse dedit nobis; si hoc autem esse neglexe-  
rimus, nulli dubium est quod damnabimur. Si vero  
in ejus servitio pro viribus laboraverimus, verique  
ejus adjutores fuerimus, ejusque voluntatem implere  
studuerimus, profecto ab illo ditabimur, quia unius-  
cujusque opus quale sit, ut ait Apostolus, dies Do- **B**  
mini declarabit, et ignis probabit. Ad sedem autem  
apostolicam perlatum est quod sint inter vos conten-  
tiones et æmulationes, et prædia divinis usibus tra-  
dita, quidam humanis applicant usibus, et Domino  
Deo cui tradita sunt ea subtrahunt ut suis usibus  
inserviant. Quapropter ab omnibus illius usurpationis  
contumelia depellenda est, ne prædia sibi secreto-  
rum cœlestium dicata a quibusdam irruentibus ve-  
xentur. Quod si quisquam præsumpserit, sacrilegus  
habeatur, et sicut sacrilegus judicetur. Ipsos autem  
qui hoc agunt, clericos et Domini sacerdotes perse-  
qui, eosque infamare audivimus, ut malum super  
malum addant, et deteriores fiant; non intelligentes  
quod Ecclesia Domini in sacerdotibus consistit et  
crescit in templum Dei. Et sicut qui Ecclesiam **C**  
Dei vastat et ejus prædia et donaria exspoliatur et  
invadit sit sacrilegus, sic et ille qui ejus sacerdotes  
insequitur sacrilegii reus existit, et sacrilegus ju-  
dicatur. Æmulamini, fratres, charismata meliora,  
et nolite talia agere, nec eis commisci aut consen-  
tire qui talia agunt, quoniam non solum qui talia  
agunt sunt hujus criminis rei, sed qui facientibus  
**26** consentiunt. Non ergo gravius peccatum est  
fornicatio quam sacrilegium, sed sicut majus est  
peccatum quod in Deum committitur quam quod in  
hominem, sic gravius est sacrilegium agere, quam  
fornicari; de talibus enim ait Apostolus: « Et vos  
inflati estis, et non magis luctum habuistis ut tolla-  
tur de medio vestrum, qui hoc opus fecit. Ego qui-  
dem absens corpore, præsens autem spiritu, jam ju- **D**  
dicavi ut præseps eum qui sic operatus est in no-  
mine Domini nostri Jesu Christi, congregatis vobis  
et meo spiritu in virtute Domini nostri Jesu Christi  
hujusmodi tradere Satanæ in interitum carnis, ut  
spiritus salvus sit in die Domini nostri Jesu Christi.  
Non est bona gloriatio vestra. Nescitis quia modi-  
cum fermentum totam massam corrumpit? Expur-  
gate, inquit Apostolus, vetus fermentum ut sitis no-  
va conspersio, sicut estis azymi. Etenim Pascha no-  
strum immolatus est Christus. Itaque epulemur,

non in fermento veteri, neque in fermento malitiæ  
et nequitiae, sed in azymis sinceritatis et veritatis.  
Scripsi vobis in epistola, ait idem ipse Apostolus, ne  
commisceamini fornicariis, non utique fornicariis  
hujus mundi, aut avaris, aut rapacibus, aut idolis  
servientibus. Alioquin debueratis de hoc mundo  
exisse. Nunc autem scripsi vobis non commisci.  
Si quis autem frater nominatus est fornicator, aut  
avarus, aut idolis serviens, aut maledicus, aut ebri-  
sus, aut rapax, cum hujusmodi nec cibum sumere.  
Quid enim mihi de his qui foris sunt judicare?  
Nonne de his qui intus sunt vos judicatis? Nam eos  
qui foris sunt Deus judicabit. Auferte malum ex  
vobis ipsis. Audet aliquis vestrum, habens negotium  
adversus alterum, judicari apud iniquos et non  
apud sanctos? An nescitis quoniam sancti Dei de  
mundo judicabunt? Et si in vobis judicabitur mun-  
dus, indigni estis quidem ut de minimis judicetis,  
nescitis quoniam angelos judicabimus? quanto ma-  
gis sæcularia! Sæcularia igitur judicia si habueritis,  
contemptibiles qui sunt in Ecclesia illos constituite  
ad judicandum. Ad verecundiam vestram dico, sic  
non est inter vos sapiens quisquam qui possit judi-  
care fratrem suum, sed frater cum fratre judicio  
contendit, et hoc apud infideles. Jam quidem om-  
nino delictum est in vobis quod judicia habetis in-  
ter vos. Quare non magis injuriam accipitis? Quare  
non magis fraudem patimini? Sed vos injuriam  
facitis et fraudatis, et hoc fratribus. An nescitis  
quia iniqui regnum Dei non possidebunt? Nolite  
errare. Neque fornicarii, neque idolis servien-  
tes, neque adulteri, neque molles, neque mascu-  
lorum concubitores, neque fures, neque avari,  
neque ebriosi, neque maledici, neque rapaces re-  
gnum Dei possidebunt. Et hæc quidem fuistis, sed  
abluti estis et sanctificati estis in nomine Domini  
nostri Jesu Christi, et in Spiritu Dei nostri (*I Cor. v.*  
*2-13; vi, 1-11*). » De cætero salva in omnibus apo-  
stolica auctoritate quaecumque sunt ad religionis  
observantiam pertinentia, locis suis et a suæ diœce-  
seos synodis audiantur. Et si quis sacerdotum vel  
reliquorum clericorum suo episcopo inobediens fue-  
rit, aut insidias ei paraverit, aut contumeliam, aut  
calumniam, et convinci potuerit, mox curiæ tradatur.  
Qui autem facit injuriam, recipiat hoc quod  
inique gessit. « Corruptunt enim mores bonos col-  
loquia mala. Evigilate justi et nolite peccare (*I Cor.*  
*xv, 33, 34*). » Data Idus Martii, Claro et Severo IV  
cc. consul.

## INCIPIUNT DECRETA ANITII PAPÆ.

*De ordinatione archiepiscoporum et reliquorum episcoporum; et de appellationibus minorum ad majorum sedes, vel ad Romanam Ecclesiam.*

(Anno 164, imp. Lucio Anto. Commodo.)

ANITIUS universis Ecclesiis per Galliæ provincias A constitutis, in Domino salutem.

Bonorum operum et spiritualium studiorum Deum auctorem esse non dubium est, qui bonorum hominum incitat mentes et adjuvat actiones; quod nobis evidenter apparuit, cum inter longinqua spatia regionum unum corda vestra senserunt consilium, et quæ desiderabatis responsa, non unius, sed plurimorum epistolæ intimarunt. De ordinationibus vero episcoporum super quibus nos consulere voluistis, olim in sancti prædecessoris nostri Anacleti ordinationibus quædam jam decreta reperimus. Scimus enim beatissimum Jacobum qui dicebatur justus, qui etiam secundum carnem frater Domini nuncupatus est, a Petro, Jacobo et Joanne apostolis, Hierosolymorum episcopum esse ordinatum. Si autem non minus quam a tribus apostolis tantus vir fuit ordinatus episcopus, patet profecto eos formam instituente Domino tradidisse, non a minus quam a tribus episcopis episcopum ordinari debere. Sed crescente numero episcoporum, nisi necessitas intervenerit, debent etiam plures augeri. Id est si archiepiscopus diem obierit, et alter ordinandus archiepiscopus electus fuerit, omnes ejusdem provinciæ episcopi ad sedem metropoleos conveniant, ut ab omnibus ipse ordinetur. Oportet autem ut ipse qui illis omnibus præesse debet, ab omnibus illis eligatur et ordinetur. Reliqui vero provinciales episcopi, si necesse fuerit, cæteris consentientibus, a tribus jussu archiepiscopi consecrari possunt episcopis. Sed melius, est si ipse cum omnibus, eum qui dignus est elegerit et cuncti pariter sacraverint pontificem. Et licet istud necessitate cogente concessum sit, illud tamen quod de archiepiscopi consecratione prædictum est atque præceptum, id est, ut omnes suffraganei eum ordinent, nullatenus immutari licet; quia qui illis præest, ab omnibus episcopis quibus præest debet constitui. Sin aliter præsumptum fuerit, viribus carere non dubium est, quia irrita erit ejus secus acta ordinatio; ipse autem archiepiscopus nihil de eorum causis, aut de aliis communibus juxta statuta apostolorum absque cunctorum illorum agat consilio; nec illi, nisi quantum ad proprias parochias pertinet sine suo, quoniam tali gaudet concordia Altissimus et gloriatur in membris suis. Nulli archiepiscopi primates vocentur, nisi illi qui primas tenent civitates, quarum episcopos apostoli et successores apostolorum regulariter patriarchas et primates esse constituerunt, nisi ali-

qua gens deinceps ad fidem convertatur, cui necesse sit propter multitudinem eorum primatem constitui. Reliqui vero qui alias metropolitanas sedes adepti sunt, non primates, sed metropolitani nominentur. Si autem aliquis metropolitanorum inflatus fuerit, et sine omnium comprovincialium præsentia vel consilio episcoporum, aut eorum, aut alias causas, nisi eas tantum quæ ad propriam suam parochiam pertinent, agere, aut eos gravare voluerit, ab omnibus districte corrigatur, ne talia deinceps præsumere audeat. Si vero incorrigibilis, eisque inobediens apparuerit, ad hanc apostolicam sedem, cui omnia episcoporum judicia terminare præcepta sunt, ejus contumacia referatur, ut vindicta de eo fiat, et cæteri timorem habeant. Si autem propter nimiam longinquitatem, aut temporis incommoditatem, vel itineris asperitatem, grave ad hanc sedem ejus causam deferre fuerit, tunc ad ejus primatem causa deferatur, et penes ipsum hujus sanctæ sedis auctoritate judicetur. Similiter si aliquis episcoporum metropolitanum suspectum habuerit, apud primatem dioceseos, aut apud hanc apostolicam sedem audiatur. Qui major est vestrum, secundum Dominicam jussionem, sit vester minister, et quanto major es in omnibus, humilia te ipsum. Charissimi, nolite inter vos contendere, nec quærat aliquis major esse, sed, juxta Apostolum, Diligite vos invicem, « quia charitas ex Deo est, et omnis qui diligit, ex Deo natus est, et cognoscit Dominum. Qui non diligit, non novit Deum, quoniam Deus charitas est. Pascite, » inquit princeps apostolorum, « qui in vobis est gregem Dei, providentes non coacte, sed spontanee secundum Deum, neque turpis lucri gratia, sed voluntarie. Neque ut dominantes in eleris, sed forma facti gregi ex animo. Et cum apparuerit princeps pastorum, percipietis immarcescibilem gloriæ coronam (I Petr. v, 24). » Et juxta alium apostolum: « Fratres, memores estote verborum quæ prædicta sunt ab apostolis Jesu Christi qui dicebant vobis, quoniam in novissimo tempore venient illusores secundum desideria ambulantes impietatum. Hi sunt qui segregant semetipsos animales, spiritum non habentes. Vos autem, charissimi, superædificantes vosmetipsos sanctissimæ vestræ fidei, in Spiritu sancto orantes, ipsos vos in dilectione Dei servate, exspectantes misericordiam Domini nostri Jesu Christi in vitam æternam. Et hos quidem arguite judicantes, illos vero servate de igne recipientes. Aliis autem miseremini in timore,



odientes eam quæ carnalis est maculatam tunicam (Jud., 17-23). » Prohibete, fratres, per universas regionumstrarum Ecclesias, ut clerici, qui laicis et simplicibus, virtutis, honestatis, pudicitiae et gravitatis exemplar esse debent ac seipsos tanquam signum purioris vitæ rudiioribus ad imitationem prudenter exhibere, juxta Apostolum, comam non nutriant, sed desuper caput in modum spheræ radant, quia sicut discreti debent esse in conversa-

atione, ita et in tonsura et omni habitu discreti debent apparere. Hæc vobis, fratres, ut petistis custodienda mittimus, et custodire præcipimus, « ut in nomine Jesu omne genu flectatur, cœlestium, terrestrium et infernorum, et omnis lingua confiteatur, quia Dominus Jesus Christus in gloria est Dei Patris, » cui honor et imperium per æterna sæcula. Data octavo Kalend. Junii, Galliano et Rufino consulibus.

## INCIPIUNT DECRETA SOTHERIS PAPÆ.

*De fide.*

(Anno Domini 168, tempore Antonini Commodi.)

SOTHER apostolicæ sedis archiepiscopus, Campanis omnibus salutem in Domino.

Gaudere vos oportet, fratres, quod divina largiente gratia familiares Domini vocamini, ejusque sacerdotii dignitate fungimini. Nunc autem rogo vos ut circa plebes vobis commissas laborare dignemini, et fructuosos manipulos Domino reportare nitamini. Paulus enim apostolus de fide ita loquitur, dicens : « Quod ante promiserat, ait, per prophetas suos in Scripturis sanctis de Filio suo qui factus est ei ex semine David, secundum carnem (Rom. 1, 2). » Item ipse ad Galatas : « Postquam autem venit plenitudo temporis, misit Deus Filium suum ex muliere factum sub lege (Galat. 4, 4). » Et ad Philipenses : « In similitudinem hominum factus et habitu inventus ut homo (Philipp. 2, 7). » Et in psalmo tricesimo : « Infirmata est in paupertate virtus mea, et ossa mea conturbata sunt, et super inimicos meos factus sum opprobrium (Psal. xxx, 11). » Item ibi : « Oblivioni datus sum tanquam mortuus a corde. Factus sum tanquam vas perditum (Ibid., 13). » Et in septuagesimo : « Tanquam prodigium factus sum multis, et tu adjutor fortis (Psal. lxx, 7). » Et in septuagesimo secundo : « Ut jumentum factus sum apud te, et ego semper tecum (Psal. lxxii, 22). » Et in octogesimo sexto : « Mater Sion dicet : Homo, et homo natus est in ea, et ipse fundavit eam Altissimus (Psal. lxxxvi, 5). » Et in septuagesimo septimo : « Factus sum sicut homo sine adjutorio inter mortuos liber (Psal. lxxvii, 5). » Et in centesimo octavo : « Et factus sum illis opprobrium, viderunt me, et moverunt capita sua (Psal. cviii, 13). » Et in centesimo primo : « Vigilavi et factus sum sicut passer solitarius in tecto (Psal. ci, 5). » Et in Evangelio : « Verbum caro factum est, et habitavit in nobis (Joan. 1, 14). » Filius igitur secundum carnem dicitur factus. Nam secundum divinitatem a Patre nusquam dicitur factus, sed genitus; dum enim Pater loquitur, Filius loquitur, et cum Filius loquitur Patrem in illo esse loquentem documentis cœlestibus comprobatur, Paulo apostolo attestante, qui ait : Multis partibus multisque modis olim **27** Deus locutus est Patribus in prophetis, novissime autem locutus est nobis in Filio. Et ut eundem

Filius, excepto Patris præcepto, vocem fuisse locutum, ex Isaïæ prophetæ volumine proferimus documentum. « Hæc dicit Dominus : In illa die sciet populus meus, quoniam ego ipse qui loquebar in servis meis prophetis, evangelizans auditum pacis, et ecce adsum. » Item ibi : « Ego sum dominus qui loquor justitiam, et annuntio veritatem. » Item ibi : « Cogitavi, et locutus sum, et adduxi, et creavi et feci. » Et Apostolus : « An experimentum queritis ejus qui in me loquitur Christus (II Cor. xiii, 3). » Et in psalmo centesimo decimo octavo : « Loquebar de testimoniis tuis in conspectu regum, et non confundebar (Psal. cxviii, 46). » Et ipse Dominus in Evangelio cæco a se illuminato dicit : « Et vidisti eum et quia loquitur tecum ipse est (Joan. ix, 36). » Et Samaritanæ mulieri ait : « Ego sum qui loquor tecum (Joan. iv, 26). » Et ad discipulos : « Verba quæ locutus sum vobis, spiritus et vita sunt (Joan. vi, 64). » Et ad Patrem : Ego ad te venio, et hæc loquor in mundo. Et iterum Judæis dixit : Loquor vobis, et non auditis. Si autem venerit alius, illum audietis. Et iterum : Hæc locutus est Dominus in gazophylacio docens in templo. Et nemo apprehendit eum, quia nondum venerat hora ejus. Ecce in his omnibus, quæ superius dicta sunt, non docetur Filius præcepto Patris fuisse locutus, sed magis proprium exercuisse in loquendo sermonem. Isaïas quoque propheta ait : Hæc dicit Dominus : Ego feci terram sensu meo, et hominem super eam, ego solidavi cœlum manu mea, ego omnibus sideribus mandavi ut lucerent in cœlo. Item ibi : Ego omne consilium meum statui, et omnia quæcunque cogitavi ego feci, Item ibi : Sic dicit Dominus, qui constituit cœlum et terram, et fecit eam et fundavit eam. Item ibi : Ego primus, et ego in æternum, manus mea fundavit terram. Dextera mea solidavit cœlum. Et in Jeremia : Ego feci terram in fortitudine mea magna, et in brachio meo excelso. Item ibi : Dominus fecit terram in virtute sua magna, et erexit orbem terre in sapientia, et prudentia sua extendit cœlum et posuit sonum aquæ in cœlo. Defendite, charissimi, ego rogo vos, contra malos homines inconcussam Ecclesiæ statum, ut vos Christi dextera defendat in ævum. Data Nonas Maii, Rustico et Aquilino IV consulibus.

## EPISTOLA SOTHERIS PAPÆ.

Dilectissimis fratribus per Italiæ provincias sanctis constitutis episcopis, SOTHER papa.

Divinis præceptis et apostolicis monitis informamur, ut pro omnium Ecclesiarum statu impigro vigilemus affectu, at si quid usquam reprehensioni invenitur obnoxium, celeri sollicitudine ab ignorantie imperitia et præsumptionis usurpatione revocemus. Sacratas Deo feminas vel monachas, sacra vasa vel sacratas pallas penes vos contingere et incensum circa altaria deferre perlatum est ad apostolicam sedem, quæ omnia reprehensione et vituperatione plena esse, nulli recte sapientium dubium est. Quapropter hujus sanctæ sedis auctoritate, hæc omnia vobis rescare funditus, quanto citius poteritis, censemus, et ne pestis hæc latius divulgetur per omnes provincias, abstergeri citissime mandamus, ait enim Apostolus: « Despondi enim vos uni viro virginem castam exhibere Christo (II Cor. xi, 2). » Illa est enim virgo Ecclesia, sponsa unius viri Christi, quæ nullo se patitur errore vel inhonesta reprehensione vitiari, ut per totum mundum una sit nobis unius castæ communionis integritas. Unde consurgite, charissimi, cum Domino, et assistite ei induentes arma spiritus adversus malignantes contra fidem ejus, et probetur spiritus sapientiæ, id est, verba illorum si ex Deo sunt. Scriptum est enim in Jeremia: « Probatorem dedi te in populum meum robustum, et scies, et facies, et probabis viam illorum (Jerem. vi, 27). » Multum namque nobis necessaria

est vigilantia tanti sacramenti sapientiæ discretionis, quæ occulta tenebrarum revelat, ad requisitionem hujusmodi rei et scrutationem, quoniam latet quodammodo et absconditur, vixque comprehenditur dolosa existens malitia pro eo quod sibi pietatem callide blandiatur, ut valeat scrutantium mentem latere. Quod utique sciens beatus Apostolus, ait: « Nam hujusmodi pseudoapostoli, operarii subdoli, transfigurant se in apostolos Christi (II Cor. xi, 13). » Sed non mirum quando ipse Satanas transfiguratur se in angelum lucis, si ministri ejus transfigurantur velut ministri justitiæ, quorum finis secundum opera eorum. Sed et Dominus in hoc præmuniens nos, ait: « Attendite a falsis prophetis qui veniunt ad vos in vestimentis ovium, intrinsecus autem sunt lupi rapaces; a fructibus eorum cognoscetis eos (Matth. vii, 15, 16). » Ergo in idipsum ex toto corde vestro referentes, ante omnia, super tali questione deprecationem, et dicentes cum David: « Revela oculos meos, et considerabo mirabilia de lege tua; lucerna pedibus meis verbum tuum, et lumen semitis meis (Psal. cxviii, 18, 105). » Quoniam, ut ait beatus Daniel propheta, « sapientia et fortitudo ejus sunt (Dan. ii, 20), » dat sapientiam sapientibus, et scientiam intelligentibus et disciplinam; ipse revelat profunda et abscondita, et novit in tenebris constituta, et lux cum eo est. Quia sapientiam et fortitudinem dedisti mihi et ostendisti mihi quæ rogavi te. Data x Kalend. Junii, Cetero et Clero IV consulibus.

## INCIPIUNT DECRETA ELEUTHERII PAPÆ.

(Anno Domini 177, tempore Antonini Commodi.)

ELEUTHERIUS episcopus, universis Ecclesiis per Gallie provincias Domino militantibus, in Domino salutem.

Magno munere misericordiæ Dei totius Ecclesiæ catholicæ multiplicata sunt gaudia, cum multis populos ad Domini servitium festinare cognovimus. Qua de re necessarium judicavimus vos instruere, ut escas quas vitare vos audivimus irrationabiliter non respuatis. Scitis, fratres, legislatorem docuisse, omnia quæ creavit Deus erant valde bona, et ipsa per se Veritas ait: « Non quod intrat in os coinquinat hominem, sed quod exit de ore (Matth. xv, 11). » Unde constat non debere refutare escas communes quas Deus ad cibos tribuit fidelibus suis. Et in Actibus apostolorum, de mundis escis legitur ita: « Postera autem die iter tribus facientibus domesticis cum Petro, et appropinquantibus civitati, ascendit Petrus in superiora, ut oraret circa horam sextam, et cum esuriret, voluit gustare. Parantibus autem eis cecidit super eum mentis excessus: et vidit cælum apertum et descendens vas quoddam,

velut linteam magnum, quatuor initiis submitti de cælo in terram, in quo erant omnia quadrupedia et serpentina terræ, et volatilia cæli. Et facta est vox ad eum: Surge, Petre, occide et manduca. Ait autem Petrus: Absit, Domine, quia nunquam manducavi omne commune et immundum. Et vox iterum secundo ad eum: Quæ Dominus purificavit, tu commune ne dixeris. Hoc autem factum est per te, et statim vas receptum est in cælum (Act. x, 9, 16). »

De accusationibus ergo clericorum, super quibus consulti sumus, quia omnes eorum accusationes difficile est ad sedem apostolicam deferre, finitiva episcoporum tantum judicia huc deferantur, et hujus sanctæ sedis auctoritate finiantur, sicut ab apostolis eorumque successoribus multorum consensu episcoporum jam definitum est. Nec in eorum Ecclesiæ alii aut præponantur, aut ordinentur antequam hic eorum juste terminentur negotia, quoniam quamvis liceat apud provinciales et metropolitanos atque primates eorum ventilare accusationes vel criminationes, non tamen licet diffinire secus quam præ-



dictum est. Reliquorum vero clericorum causas apud provinciales et metropolitanos ac primates et ventilare et juste diffinire licet, judicantem tamen oportet cuncta rimari, et ordinem rerum plena inquisitione discutere, interrogandi ac proponendi, adjiciendique præbita patientia ab eo, ut ibi actio ambarum partium limitata sit pleniter. Nec litigantibus iudex prius sua velit sententia obviare nisi quando ipsi jam peractis omnibus nihil habeant in quæstione quod proponant, et tandiu actio ventiletur, quousque rei veritas inveniatur. Frequenter interrogare oportet, ne aliquid prætermisum forte remaneat quod annecti conveniat; induciæ enim non modicæ ad inquirendum dandæ sunt, ne aliquid præpropere agi a quacunque parte videatur, quia per subreptionem multa proveniunt. Nihil tamen absque legitimo et idoneo accusatore fiat. Nam et Dominus noster Jesus Christus Judam furem esse sciebat, sed quia non est accusatus, ideo non est ejectus. Et quidquid inter apostolos egit, pro dignitate ministerii ratum mansit. Nam si leges sæculi accusatores requirunt, quanto magis ecclesiasticæ regulæ! docent enim terrestria et humana quæ sint ecclesiastica atque cœlestia. De accusationibus vero comprovincialibus ita legitur esse statutum: Si quis super quibuslibet criminibus quemlibet clericum pulsandum crediderit in provincia in qua consistit ille qui pulsatur suas exerceat actiones, nec æstimet eum alibi aut longius ad iudicium protrahendum. Illi vero qui pulsatus fuerit, si iudicem suspectum habuerit, liceat appellare. Caveant etiam iudices Ecclesiæ ne absente eo cuius causa ventilatur, sententiam proferant, quia irrita erit, imo etiam causam pro facto dabunt. Proditoris vero nec calumnia nec vox audiatur. Nemo enim debitore amplius potest cognoscere quam ille qui injuriam, ejusque sustinuit nequitiam.

**A** Oppressis namque ab omnibus in cunctis subveniatur causis. Hæc omnia summopere sunt attendenda. Nec criminatio minorum, quanto magis episcoporum facile est recipienda, dicente Domino: « Non sequeris turbas ad faciendum malum (*Exod. xxiii, 2*). » Et alibi: « Non suscipias vocem mendacii (*Ibid. 1*). » Et in Paralipomenon legitur: « Omnia corda scrutatur Dominus (*I Psal. xxviii, 9*), » et omnem cogitationem novit; homo vero videt in facie, Deus autem in corde. Et alibi scriptum est: Non potest humano condemnari examine quem Deus suo reservavit iudicio. Igitur omne pondus et circumstantia adversariorum documenta per patientiam, fratres, comprimere satagite, scientes quia subversi sunt huiusmodi et delinquent proprio ore damnati, quia qui fratres accusant vel infestant, non eos diligunt, sed magis negligunt et peccant, dicente Apostolo: « Dilectio proximi malum non operatur (*Rom. xiii, 10*). » Et alibi: « Qui non diligit fratrem suum quem videt, Deum quem non videt quomodo potest diligere? » Nos enim humiles corde, ad ea quæ recta sunt, adiutore Domino sapienter vinculo charitatis vobiscum sumus constricti, religionem catholicam in omnibus fortiter defensantes, improbis probe resistere non negligimus, unde dictum est: Negligere enim, cum possis deturbare perversos, nihil aliud est quam fovere, nec caret scrupulo societatis occultæ, qui manifesto facinori desinit obviare. Hujus rei gratia universalis vobis a Christo Jesu commissa est Ecclesia, ut pro omnibus laboretis, et cunctis opem ferre non negligatis; frater autem fratrem adjuvans exaltabitur, et illudens dissipabitur. Quapropter relegate semper oppressos, corripite inquietos, ut zizania Dominicam messem non possit suffocare. Data v Idus Julii, Paterno et Bardua consulibus.

## 28 INCIPIUNT DECRETA VICTORIS PAPÆ.

*De Pascha et causis reliquis.*

(Anno Domini 189, tempore Helvii Pertinacis.)

VICTOR Romanæ ac universalis Ecclesiæ archiepiscopus Theophilo episcopo et cunctis fratribus in Alexandria Domino famulantibus in Domino salutem.

Multa mihi gratulatio, dilectissimi fratres, quod manifestato sicut optamus per gratiam Dei lumine evangelicæ claritatis et ab Ecclesia jam magna ex parte perniciosi erroris nocte depulsa, creditæ nobis dispensationis fructus crescit, et augmentatur in Domino. Celebritatem sancti Paschæ die Dominica agi debere prædecessores nostri jam statuerunt, et nos illud eadem die celebrari solemniter mandamus, quia non decet ut membra a capite

discrepent, nec contraria gerant. A quarta decima vero luna primi mensis usque ad vicesimum primum ejusdem mensis diem eadem celebretur festivitas. Eodem vero tempore baptismus celebrandus est catholicus, sed tamen si necesse fuerit, aut mortis periculum ingruerit gentiles ad fidem venientes quocunque loco, vel momento, ubicunque evenierit, sive in flumine, sive in mari, sive in fontibus, tamen, Christianæ confessione credulitatis clarificata, baptizentur. Ipsi quoque quod in baptismo polliciti sunt summopere est attendendum, ne infideles, sed fideles inveniantur. Ipsi vero qui infidelitatis nota asperguntur, infames efficiuntur, atque inter fideles

minime reputantur. Hæc vero statuta nulla debent improbitate convelli, nulla novitate mutari, quia alia ratio est causarum sæcularium, alia est divinarum.

Audivimus namque apud vos vestrosque diversa judicia fieri, et incerta judicari. Incerta, charissimi, nullatenus judicemus, quoadusque veniat Dominus, qui latentia producet in lucem, et illuminabit abscondita tenebrarum, et manifestabit consilia cordium, quia quamvis vera sint, non tamen credenda, nisi quæ manifestis judiciis comprobantur, nisi quæ manifesto judicio convincuntur, nisi quæ judiciario ordine publicantur. Similiter ea vos judicare ad apostolicam delatum est sedem, quæ præter nostram vobis definire non licet auctoritatem episcoporum causas, unde ita constitutum liquet a tempore apostolorum et deinceps placuit ut accusatus vel judicatus a comprovincialibus in aliquam causam episcopus licenter appellet et adeat apostolicæ sedis pontificem, qui aut per se, aut per vicarios suos ejus retractari negotium procuret; et dum iterato judicio pontifex causam suam agat, nullus alius in ejus loco ponatur aut ordinetur episcopus, quoniam, quanquam comprovincialibus episcopis accusati causam pontificis scrutari liceat, non tamen diffinire inconsulto Romano pontifice permissum est, cum beato Petro apostolo non ab alio quam ab ipso dictum sit Domino: Quæcumque ligaveris super terram, erunt ligata et in cælo, et quæcumque solveris super terram, erunt soluta et in cælo. Et alibi in institutis legitur apostolicis: Si quis putaverit se a proprio metropolitano gravari, apud patriarcham vel primatem dioceseos, aut penes universalis apostolicæ Ecclesiæ judicetur sedem. Nihil aliud est, fratres, talis præsumptio, nisi apostolorum suorumque successorum terminos transgredi, eorumque decreta violare. Culpantur enim, ut scriptum est, fratres, quia aliter circa episcopos judicare præsumunt quam apostolicæ sedis papæ fieri placuerit. Et quis est qui judicat eum quem Dominus sibi et huic sanctæ sedi reservari voluit judicandum? Ait namque Dominus per prophetam Isaiam: « Domine Deus auxiliator meus, ideo non sum confusus, ideo posui faciem meam ut petram durissimam, et scio quia non confundar, juxta est qui justificat me. Quis contradicit

A mihi? stemus simul. Quis est adversarius meus? accedat ad me, ecce Dominus Deus meus, auxiliator meus. Quis est qui condemnet me? Ecce omnes quasi vestimentum conterentur, tinea comedet eos. Quis ex vobis timens Dominum, audiens vocem servi sui? Quis ambulavit in tenebris, et non est lumen ei? Speret in nomine Domini, et innitatur super Deum suum. Ecce vos omnes accendentes ignem, accincti flammis, ambulate in lumine ignis vestri, et in flammis quas succendistis. De manu mea factum est hoc vobis, in doloribus dormietis. Audite me qui sequimini quod justum est, et quæritis Dominum, attendite ad petram, unde excisi estis, et ad cavernam laci, de qua præcisi estis. Attendite ad Abraham patrem vestrum, et ad Saram quæ peperit vos, quia unum vocavi eum, et benedixi ei, et multiplicavi eum. Consolabitur ergo Dominus Sion, et consolabitur omnes ruinas ejus. Et ponet desertum ejus quasi delicias, et solitudinem ejus quasi hortum Domini; gaudium et lætitia invenietur in ea, gratiarum actio et vox laudis. Attendite ad me, populus meus, et tribus mea, me audite. Quia lex a me exiit et judicium meum in lucem populorum requiescet; prope est justus meus, egressus est salvator meus, et brachium meum populos judicabit; me insulæ expectabunt et brachium meum sustinebunt. Levate in cælum oculos vestros, et videte sub terra deorsum, quia cæli sicut fumus liquescent, et terra sicut vestimentum atteretur, et habitatores ejus sicut hæc interibunt. Salus autem mea in sempiternum erit, et justitia mea non deficiet. Audite me qui scitis justum, populus meus, lex mea in corde eorum. Nolite timere opprobrium hominum et blasphemias eorum; sicut enim vestimentum, sic comedet eos vermis, et sicut lanam, sic devorabit eos tinea. Salus autem mea in sempiternum erit, et justitia mea in generatione et generationem (*Isa. L, 7, 21; LI, 1, 2*). » Multis mundi hujus illecebris, multis vanitatibus resistendum est, ut veræ charitatis et continentiae obtineatur integritas. Dominus enim nullum vult perire, sed omnes salvos fieri. Certus autem sum vos ad hæc emendanda vel defendenda Domino auxiliante proficere. Data XIII Kal. Augusti, Commodo et Gratiano IV consulibus.

### CUJUS SUPRA EPISTOLA AD APHROS.

#### *De causis superioribus.*

VICTOR Romanæ Ecclesiæ urbis archiepiscopus, universis episcopis per Africam constitutis in Domino salutem.

Semper enim in æterno consilio Dei mansit humani generis incommutabiliter præordinata reparatio, sed ordo rerum per Dominum nostrum Jesum Christum temporaliter gerendarum dispositione verbi divini sumpsit exordium. Quapropter oportet vos, fratres, unanimes esse, et adminiculum vicissim ferre: in recta ergo fide et in sacramentis divinis

D non discrepare, sed concordare esse, quia licet paucis malorum comparatione, si tamen concordare fueritis, facile, auxiliante Domino, vestros insidiatores superabitis. Si vero discordes, quod absit, fueritis, non superabitis, sed superabimini. Perlatum est enim ad sedem apostolicam aliquos vestrum nocere fratres velle, et ut cadant, decertare, similiter in sacramentis discrepare, et ob id contentiones et æmulationes inter vos fieri; a quibus dissensionibus vos avertere, et in his omnibus concordare, et opem ferre vicissim



mandamus. Nam si hoc agere cito neglexeritis, et vicissim reconciliari non studueritis, ab apostolicæ sedis et totius Ecclesiæ communione vos pelli non dubitetis, nec attenditis, charissimi, qualiter Dominus per Isaiam prophetam talibus comminatus est, dicens: « Dominus eis locutus est verbum hoc, luxit et defluxit terra, et infirmata est, defluxit orbis, et infirmata est altitudo populi terræ, et terra interfecta est ab habitatoribus suis, quia transgressi sunt leges, mutaverunt jus, dissipaverunt fœdus sempiternum. Propter hoc maledictio vorabit terram, et peccabunt habitatores ejus, ideoque insipientes cultores ejus, et relinquentur homines pauci, luxit vindemia, infirmata est vitis; ingemuerunt omnes qui lætabantur corde; cessavit gaudium tympanorum, quievit sonitus lætantium, conticuit dulcedo citharæ; cum cantico non bibent vinum, amara erit potio bibentibus illam; attrita est civitas vanitatis, clausa est omnis domus nullo introeunte. Clamor erit super vino in plateis, deserta est omnis lætitia; translatum est gaudium terræ, relicta

est in urbe solitudo, et calamitas opprimet portas. Quia hæc erunt in medio terræ, et in medio populorum, quomodo si paucæ olivæ quæ remanserunt, excutiantur ex olea, et racemi, cum fuerit finitima vindemia. Ii levabunt vocem suam atque laudabunt: cum glorificatus fuerit Dominus, hincient de mari. Propter hoc in doctrinis glorificate Dominum, et in insulis maris nomen Domini Dei Israel (*Isa. xxiv, 3, 15*). » Et Dominus, in oratione quam discipulos suos docuit orare, ait: « Pater noster, qui es in cœlis, sanctificetur nomen tuum. » In bonis et justis hominibus sanctificatur nomen Domini, et in malis blasphematur, et ipsa per se Veritas ait: « Si offers munus tuum ad altare, et recordatus fueris quia frater tuus habet aliquid adversum te, relinque ibi munus tuum ad altare, et vade prius reconciliari fratri tuo, et postea offeres munus tuum. » Nulli vero liceat doctrinam evangelicam deserere, et sacerdotali honore gaudere. Data Kal. Septembris, Laterano et Ruffino IV cc. consulibus

## INCIPIUNT DECRETA ZEPHERINI PAPÆ.

(Anno Domini 208, tempore Severi imperatoris.)

Romanæ urbis archiepiscopus ZEPHERINUS omnibus per Siciliam constitutis episcopis in Domino salutem.

Divinæ circa nos gratiæ memores esse debemus quæ nos per dignationis suæ misericordiam ob hoc ad fastigium sacerdotale provexit, ut mandatis ipsius inhærentes, et in quadam sacerdotum ejus speculatione constituti, prohibeamus illicita et sequenda doceamus. Sicut stellas cœli non exstinguit nox, sic mentes fidelium firmamento inhærentes sanctæ Scripturæ non obscurat mundana iniquitas. Idecirco meditari vos oportet et Scripturas, et præcepta divina, quæ in Scripturis continentur, diligenter attendere, ne transgressores legis Dei, sed imitatores appareatis. Patriarchæ vero vel primates accusatum discutientes episcopum, non ante sententiam proferant finitivam, quam apostolica fulta auctoritate, ac reum seipsum constiteatur, aut per innocentes et regulariter examinatos convineatur testes. Qui minori non sint numero quam illi discipuli fuerunt, quos Dominus ad adjumentum apostolorum eligere præcepit, id est septuaginta duo. Detractores quoque divina auctoritate eradicandi sunt, et auctores inimicorum ab episcopali submoveamus accusatione vel testimonio, nec summorum quispian minorum accusationibus impetatur aut dispareat, neque in re dubia certa judicetur sententia, nec ullum judicium, nisi ordinabiliter habitum teneatur. Absens vero nemo judicetur, quia et divinæ et humanæ hoc prohibent leges. Accusatores autem eorum omni careant suspicione, quia columnas suas Dominus fir-

miter stare voluit, non a quibuslibet agitari. Nullum autem eorum sententia a non suo iudice dicta constringat, quia et leges sæculi id ipsum fieri præcipiunt. Duodecim enim iudices quilibet episcopus accusatus, si necesse fuerit, eligat, a quibus ejus causa juste judicetur, nec prius audiatur, aut excommunicetur, vel judicetur, quam ipsi per se eligantur, et regulariter vocatus ad suorum primo conventum episcoporum, per eos ejus causa juste audiatur et rationabiliter discernatur. Finis vero ejus causæ ad sedem apostolicam deferatur, ut ibidem terminetur. Nec antea finiatur, sicut ab apostolis vel successoribus eorum olim statutum est, quam ejus auctoritate fulciatur; ad eam quoque ab omnibus (maxime tamen ab oppressis) appellandum est et concurrendum quasi ad matrem, ut ejus uberibus nutriantur, auctoritate defendantur, et a suis oppressionibus releventur, quia non potest, nec debet mater oblivisci filium suum.

**29** Judicia enim episcoporum, majoresque Ecclesiæ causæ a sede apostolica et non ab alia, sicut apostoli et sancti successores eorum statuerunt, cum aliis episcopis sunt terminandæ; quia licet in alios transferantur episcopos, beato tamen apostolo Petro dictum est: Quæcumque ligaveris super terram erunt ligata et in cœlis, et quæcumque solveris super terram erunt soluta et in cœlis. Et reliqua privilegia quæ soli huic sanctæ sedi concessa sunt, et in constitutis apostolorum, eorumque successorum, aliis quamplurimis cum eis concinentibus, habentur inserta. Septuaginta enim apostoli sententias præfixerunt cum aliis quamplurimis

episcopis, et servandas censuerunt. De occultis enim alieni cordis temere judicare peccatum est, et eum ejus non videntur opera nisi bona, iniquum est ex suspitione reprehendere, cum eorum quæ hominibus sunt incognita solus Deus iudex sit; ipse vero novit abscondita cordis, et non alius; injusta enim judicia ab omnibus cavenda sunt, maxime tamen a servis Domini. Servum autem Dei non oportet litigare, nec quemquam damnare. Episcopi namque a plebibus, et clero, et Domini a servis ferendi sunt, ut sub exercitatione tolerantiae sustineantur temporalia, sperentur æterna. Auget enim merita virtutis quod propositum non violat religionis. Sotagendum est nobis ne aliquis fratrum nostrorum graviter læceretur vel pereat. Succurrere ergo vos oportet oppressis, et liberare eos de manu persequentium, ut cum beato Job dicatis: « Benedictio

A perituri super me veniebat, et cor viduæ consolatus sum, justitia indutus sum, et vestivi me vestimento et diademate, iudicio meo; oculus fui cæco, et pes claudus; pater eram pauperum, et causam quam nesciebam diligentissime investigabam. Conterebam molas iniqui, et de dentibus illius auferebam prædā (*Job. xxix, 15*), » et reliqua. Vos ergo, qui in specula a Domino estis positi, comprimere et repellere eos summiopere debetis qui fratribus insidias præparant, aut in eos seditiones et scandala excitant. Facile est enim verbo fallere hominem, non tamen Deum. Ideo hos repellere, et ab his vos cavere oportet, quatenus extincta funditus hujus modi caligine, lucifer eis resplendeat, et lætitia oriatur, sanctissimi fratres. Data xii Kalendas Octobris, Saturnino et Gallicano IV cc. consul.

#### ITEM EPISTOLA EJUSDĒM ZEPHIRINI PAP.Æ.

Charissimis fratribus per Ægyptum Domino militantibus ZEPHERINTS Romanæ urbis archiepiscopus.

Tantam a Domino hujus sanctæ sedis, et apostolicæ Ecclesiæ fundatore, et beato Petro principe apostolorum, acceperimus fiduciam, ut pro universali Christi sanguine redempta Ecclesia, impigro laboremus affectu, et omnibus Domino famulantibus succurramus, et cunctis pie viventibus apostolica auctoritate opem feramus. Omnes qui in Christo volunt pie vivere, necesse est, ut ab impiis et dissimilibus patiuntur opprobria, et despiciantur tanquam stulti et insani, ut meliores et purgatiores efficiantur. Qui bona temporalia perdunt ut percipiant æterna. Eorum vero despectio et irrisio in ipsos retorquetur qui eos affligunt et contumeliis afficiunt, cum et abundantia eorum in egestatem, et superbia transierit in confusionem. Nuntiatum est enim sedi apostolicæ per apocriarios nostros quosdam fratrum nostrorum episcoporum videlicet ab Ecclesiis et sedibus propriis pelli, suaque eis auferri suppellectilia, et sic nudos et exspoliatos ad judicia vocari, quod omni ratione caret, cum constituta apostolorum eorumque successorum, et præcepta imperatorum, ac constitutiones legum idipsum prohibeant, et apostolicæ sedis auctoritas idipsum fieri vetet. Præceptum est ergo, in antiquis statutis, episcopos ejectos atque suis rebus exspoliatos in Ecclesiis propriis recipi, et primo sua omnia eis reddi, et demum quos eos juste accusare voluerit æquo periculo facere. Judices esse decernentes, episcopos recta sapientes, et in Ecclesia convenientes ubi testes essent singulorum qui oppressi videbantur. Nec prius eos respondere debere quam omnia sua eis et Ecclesiis eorum legibus integerrime restituantur. Nec mirum, fratres, si vos persequuntur cum caput verum Christum Dominum nostrum usque ad mortem sunt persecuti. Ipsæ tamen persecutiones patienter portandæ sunt, ut ejus discipuli esse cognoscamini, pro quo et pati-

mini, unde et ipse ait: « Beati qui persecutionem patiuntur propter justitiam (*Matth. v, 10*); » his fulti suffragiis non multum debemus timere opprobrium hominum, neque eorum exprobrationibus vinci, quoniam hoc nobis Dominus jubet per Isaiam prophetam dicens: Audite me qui scitis iudicium, populus meus in quorum cordibus lex mea est. Nolite timere opprobrium hominum, et blasphemias eorum ne timeatis, considerantes quod in psalmo scriptum est: « Nonne Deus requirit ista, ipse enim novit abscondita cordis (*Psal. xliii, 22*), » et cogitationes talium hominum quoniam vanæ sunt; « Vana autem locuti sunt unusquisque ad proximum suum, labia dolosa in corde et corde locuti sunt mala. Sed disperdet Deus universa labia dolosa et linguam magniloquam. Qui dixerunt labia nostra et nobis sunt, quis noster Dominus est (*Psal. xi, 5*)? » Nam si hæc in memoria retinerent, minime ad tantam prosilirent iniquitatem. Non enim probabili et paterna doctrina hoc faciunt, sed ut suam exerceant in servos Dei vindictam. Scriptum namque est: « Via stulti recta in oculis ejus (*Prov. xii, 15*). » Et: « Sunt viæ quæ videntur homini justæ, novissima autem earum deducunt ad mortem (*Prov. xiv, 12*). » Nos enim qui hæc patimur, iudicio Dei hæc reservare debemus, qui reddet unicuique secundum opera ejus. Quietiam per ministros suos intonuit dicens: « Mihi vindictam, ego retribuam (*Rom. xii, 19*). » Vos enim in recta fide et opere ac bona voluntate succurrite vicissim, nec aliquis a supplemento fratris subtrahat manum, quoniam in hoc ait Dominus: « Cognoscent omnes quia mei estis discipuli, si dilectionem habueritis ad invicem (*Joan. xiii, 35*); » unde et ipse per Prophetam loquitur, dicens: « Ecce quam bonum et quam jucundum habitare fratres in unum (*Psal. cxxxii, 1*). » Spirituali dico habitaculo et concordia quæ in Deo est et unitate fidei, hujus delectabilis secundum veritatem habitaculi quæ videlicet in



Aaron magis decorabatur, atque sacerdotibus induentes dignitatem sicut unguentum super caput principalem intellectum irrigans, et usque ad ipsam extremam scientiam deducens. In hoc enim habitaculo benedictionem et æternam vitam promisit Dominus. Hujus igitur propheticae vaticinationis meritum amplectentes, præsentem fraternam syllabam exposuimus, nostra propter charitatem minime quærentes, aut quæsituri. Non enim detrahentibus bonum est detrudere, aut palo secundum vulgarem fabulam excutere palum. Absit; non enim sunt ista nostra. Hæc enim avertat Divinitas. Justo judicio Dei datur plerumque peccatoribus potestas, qua sanctos ipsius persequantur, ut qui spiritu Dei juvantur et aguntur, fiant per laborum exercitia clariores, ipsis tamen qui eos persequuntur et exprobrant atque detrahunt, erit proculdubio vae. Vae, vae illis qui detrahunt servis Dei, quia detractio eorum ad eum pertinet, cujus ministerium agunt, et vice funguntur. Oramus autem, ostium circumstantiæ (qui neminem perire aut labiis suis pollui volumus) eorum moribus imponi, et verbum minime nocivum con-

cipere, aut ore proferre unde, et Dominus per prophetam loquitur, dicens: « Dixi: Custodiam vias meas, ut non delinquam in lingua mea (Psalm. xxxviii, 2). » Dominus omnipotens et ejus unigenitus Filius, et Salvator noster Jesus Christus hoc vobis tribuat incitamentum, ut omnibus fratribus, quibuscunque tribulationum molestiis laborantibus, viribus quibus potestis, succurratis, et eorum, ut dignum est, injurias vestras aestimetis, maximum adminiculum eis verbis et factis præbeatis, ut ejus discipuli inveniamini veri qui fratres ut se omnibus diligere præcepit. Ordinationes vero presbyterorum et levitarum tempore congruo et multis eorum astantibus solemniter agite, et probabiles ac doctos viros ad hoc opus provehite, ut de eorum societate et adjumento plurimum gaudeatis. Ponite indesinenter gorda vestra in virtute Dei et enarrate hæc et cæteta divina verba in progenies alteras, quoniam hic est Deus noster in æternum, et ipse reget nos in sæcula. Data vii Idus Novembris, Saturnino et Gallicano consulibus.

## INCIPIUNT DECRETA CALIXTI PAPÆ

*De jejunio quatuor temporum, et reliquis causis.*

(Anno Domini 217, tempore Severi imperatoris.)

CALIXTUS archiepiscopus Ecclesiæ catholicæ urbis Romæ BENEDICTO, fratri et coepiscopo, salutem in Domino.

Fraternitatis amore constringimur, et apostolico moderamine cogimur, ut consultis fratrum prout Dominus dederit, respondeamus, eosque apostolicæ sedis auctoritate instruamus. Jejunium quod ter in anno apud nos celebrare didicistis, convenientius nunc per quatuor tempora fieri decernimus, ut sicut annus per quatuor volvitur tempora, sic et nos quaternum solemne agamus jejunium, per anni quatuor tempora, et sicut replemur frumento, vino et oleo ad alenda corpora, sic repleamur jejunio ad alendas animas, juxta prophetæ Zachariæ vocem, qui ait: « Factum est verbum Domini ad me dicens: Hæc dicit Dominus exercituum. Sicut cogitavi ut affligerem vos cum ad iracundiam provocassent me patres vestri, et non sum misertus, sic conversus cogitavi in diebus istis ut benefaciam Jerusalem et domui Judæ. Nolite timere, hæc sunt verba que facietis. Loquimini veritatem unusquisque cum proximo suo, veritatem et judicium pacis judicate in portis vestris, et unusquisque malum contra amicum suum ne cogitis in cordibus vestris, et juramentum mendax ne diligatis. Omnia enim hæc sunt quæ odivi, dixit Dominus exercituum. Et factum est verbum Domini exercituum ad me dicens: Hæc dicit Dominus exercituum: Jejunium quarti, et jejunium quinti,

et jejunium septimi, et jejunium decimi erit domui Judæ in gaudium et lætitiā, et in solemnitates præclaras; veritatem tantum et pacem diligite, dixit Dominus exercituum. » In hoc ergo omnes nos unanimis oportet esse, ut secundum apostolicam doctrinam idipsum dicamus omnes, et non sint in nobis schismata. Simus autem perfecti in eodem sensu, et in eadem scientia, in cujus operis devotione gratulamur dilectionem tuam esse consortem. Non decet enim a capite membra dissidere, sed juxta sacræ Scripturæ testimonium omnia membra caput sequantur. Nulli vero dubium est, quod apostolica Ecclesia mater sit omnium Ecclesiarum a cujus vos regulis nullatenus convenit deviare. Et sicut Filius venit facere voluntatem Patris, sic et vos voluntatem vestræ impleatis matris, quæ est Ecclesia, cujus caput, ut prædictum est, Romana existit Ecclesia. Quidquid ergo sine discretionem justitiæ contra hujus disciplinam actum fuerit, ratum haberi ratio nulla permittit.

Criminationes vero contra doctorem nemo suscipiat, quia non oportet filios reprehendere patres, nec servos dominos lacerare. Filii ergo sunt doctorem omnes quos instruunt. Et sicut filii patres carnales, sic et hi patres debent diligere spirituales. Non enim bene vivit, qui non recte credit, aut patres reprehendit, vel detrahit suos; doctores ergo qui et patres vocantur magis portandi quam reprehendendi sunt, nisi in recta fide erraverint. Nullus

ergo doctorem per scripta accuset, nec nisi fideli et legitimo qui etiam irreprehensibilem vitam ac conversationem ducat accusatori, respondeat, quia indignum est ut doctor stulto et indocto atque reprehensibiliter viventi respondeat juxta stultitiam suam, dicente Scriptura: « Non respondeas stulto juxta stultitiam suam (*Prov. xxvi, 4*); » non bene vivit qui non recte credit. Nihil mali vult qui fidelis est. Si quis fidelis est, videat ne falsa loquatur, aut cuiquam insidias ponat. Fidelis homo semper fideliter agit, et infidelis callide insidiatur, atque fideles et pie ac juste viventes perdere nititur, quia similis similem sibi querit. Infidelis homo mortuus est in corpore vivente. Et contra sermones fidelis hominis vitam custodiunt auditorum. Doctorem enim catholicum, et præcipue domini sacerdotem, sicut nullo errore implicari, ita nulla oportet machinatione, aut cupiditate violari, dicente quippe Scriptura sancta: « Post concupiscentias tuas non eas, et a voluntate tua avertere (*Ecdi. xviii, 30*); » multis hujus mundi illecebris, multis vanitatibus resistendum est ut veræ continentiae obtineatur integritas. Cujus prima est labes superbia, initium transgressionis, et origo peccati, quoniam mens sponte avida nec abstinere novit nec pietati adhibere consensus. Nullus bonorum inimicum habet nisi malum. Qui ideo esse permittitur, ut aut corrigatur, aut per ipsum bonus exerceatur. Quidquid ergo irreprehensibile est catho-

lica defendit Ecclesia. Nuli imperatori vel cuiquam pietatem custodienti, licet aliquid contra mandata divina præsumere. Injustum ergo judicium, et diffinitio injusta regio metu aut jussu, aut cujuscunque episcopi aut potentis a judicibus ordinata vel acta non valeat, homini religioso parum esse debet inimicitias aliorum non exercere, vel non augere male loquendo, nisi etiam eas extinguere bene loquendo studuerit. Melior est in malis factis humilis confessio quam in bonis superba gloriatio. Omnes vero qui amant vitam beatam, malunt eam tranquillitatis suæ et justitiæ statu currere quam nostrorum peccatorum pœnis ultricibus interpolari. Memor enim sum me sub illius nomine Ecclesiæ præsidere, cujus a Domino Jesu Christo est glorificata confessio, et cuius fides omnes semper destruit errores. Et intelligo aliter mihi non licere quam ut omnes conatus meos ei causæ in qua universalis Ecclesiæ salus infestatur, impendam. Spero autem adfuturam misericordiam Dei quod cooperante ejus clementia omnis pestifer morbus ipso pellente auferatur. Et quidquid ipso inspirante atque auxiliante poterit salubriter fieri, cum tuæ fidei et devotionis laude peragatur, quoniam res omnes aliter tutæ esse non possunt, nisi quæ ad divini muneris famulatum pertinent, sacerdotalis defendat auctoritas. Data xi Kalen. Decembris, Antonio et Alexandro consulibus.

#### EPISTOLA PAPÆ CALIXTI AD OMNES GALLIÆ EPISCOPOS

##### *De conspiracyonibus et reliquis causis illicitis ne fiant.*

Dilectissimis fratribus per Gallias constitutis, universis episcopis CALIXTUS.

Plurimorum relatu comperimus, dilectionem vestram fervore Spiritus sancti ita Ecclesiæ gubernacula firmiter contra impetus tenere et regere, ut naufragia aut naufragiorum detrimenta Deo auctore non sentiat. Talibus igitur gloriantes indiciis, rogamus ne in illis partibus contra statuta apostolica quidquam fieri sinatis; sed nostra fulti auctoritate nociva compescite, illicita prohibete. Conspiracyonum vero crimina vestris in partibus vigere audivimus, et plebes contra episcopos suos conspirare nobis mandatum est. Cujus criminis astutia non solum inter Christianos abominabilis est, sed etiam inter ethnicos, et ab exteris legibus prohibita. Et idcirco hujus criminis reos non solum ecclesiasticæ, sed etiam sæculi damnant leges, et non solum conspirantes, sed etiam consentientes eis. Antecessores vero nostri eum plurima turba episcoporum, quicumque eorum in sacerdotali honore sunt positi, aut existunt clerici, honore quo utuntur cadere præceperunt. Cæteros vero communione privari, et ab Ecclesia extorres fieri jusserunt, omnesque simul utriusque ordinis viros infames esse censuerunt, et non solum facientes, sed et eis consentientes. Justum est enim, ut qui divina contemnunt mandata, et inobedientes patrum

existunt jussionibus, severioribus corrigantur vindictis, quatenus cæteri timorem habeant talia committere, et Deus gaudeat fraternitate ac concordia, et cuncti sumant severitatis atque bonitatis exemplum. Nam, si, quod absit, ecclesiasticam sollicitudinem vigoremque negligimus, perdit desidia disciplinam, et animabus fidelium profecto nocebitur. Hi vero in nullius accusationem sunt recipiendi, nec eorum vel anathematizatorum vox ulli nocere vel accusare potest.

Excommunicatos quoque a sacerdotibus nullus recipiat ante utriusque partis justam examinationem, nec cum eis in oratione, aut cibo, aut potu, aut osculo communicet, nec ave eis dicat. Quia quicumque in his vel in aliis prohibitis scienter excommunicatis communicaverit, juxta apostolorum institutionem et ipse simili excommunicationi subiacet. Ab his ergo clerici et laici se absteineant qui eadem pati noluerint. Infidelibus quoque nolite conjungi, nec cum eis ullam participationem habere. Talia vero agentes non fideles, sed infideles judicantur, unde ait Apostolus: « Quæ pars fideli cum infideli, (*II Cor. vi, 15*), » aut quæ participatio justitiæ cum iniquitate. Nemo quoque alterius terminos usurpet, nec alterius parochianum judicare, aut excommunicare præsumperit, quia talis judicatio, aut exco-



municatio, vel damnatio, nec rata erit, nec vires ullas habebit, quoniam nullus alterius iudicis nisi sui sententia tenebitur, aut damnabitur, unde et Dominus loquitur, dicens: « Ne transgrediaris terminos antiquos quos posuerunt patres tui (Prov. xxii, 28). » Nullus autem primas vel metropolitanus diœcesani Ecclesiam vel parochiam aut aliquem de ejus parochia præsumat excommunicare, vel judicare, vel aliquid agere absque ejus consilio vel iudicio; sed hoc observet, quod ab apostolis ac patribus et prædecessoribus nostris est statutum et a nobis confirmatum, id est si quis metropolitanus episcopus, nisi quod ad suam solummodo propriam pertinet parochiam sine consilio ac voluntate omnium comprovincialium episcoporum extra aliquid agere tentaverit, gradus sui periculo subiacebit, et quod egerit, irritum habeatur et vacuum. Sed quidquid de provincialium coepiscoporum causis eorumque ecclesiarum et clericorum, atque sæcularium necessitatibus agere, aut disponere, necesse fuerit, hoc cum omnium consensu provincialium agatur pontificum, nec aliquo dominationis fastu, sed humilissima et concordia administratione, sicut Dominus ait: Non veni ministrari, sed ministrare; et alibi: Qui majorem virtutem, erit minister vester, et reliqua. Similiter ipsi comprovinciales episcopi cum eis consilio (nisi quantum ad proprias pertinet parochias) agant juxta sanctorum constituta patrum, qui quavis aliquo temporum intervallo nos antecesserint, ab uno tamen eodemque puritatis fonte veritatis et fidei lumen hausserunt, et eodem illustratore et directore spiritu, Ecclesiæ Dei stabilimentum et omnium Christianorum communem quæsierunt utilitatem, ut uno animo, uno ore concorditer sancta glorificetur Trinitas in sæcula.

Nullus primas, nullus metropolitanus, nullusque reliquorum episcoporum alterius adeat civitatem, aut ad possessionem accedat quæ ad eum non pertinet, et alterius episcopi est parochiæ super cujusquam dispositione, nisi vocatus ab eo cujus juris esse dignoscitur, quidquid ibi disponat, vel ordinet, aut judicet, si sui gradus honore potiri voluerit. Si aliter præsumpserit, damnabitur. Et non solum ille, sed cooperatorum atque consentientes, quia sicut ordinatio, ita eis et judicatio, et aliarum rerum dispositio prohibetur. Nam qui ordinare non poterit, qualiter judicabit? Nullatenus proculdubio judicabit aut judicare poterit, quoniam sicut alterius uxor, nec adulterari ab aliquo, vel judicari, aut disponi, nisi a proprio viro eo vivente permittitur, sic nec uxor episcopi quæ ejus Ecclesiæ vel parochiæ indubitanter intelligitur, eo vivente absque ejus iudicio et voluntate alteri judicari vel disponi, aut ejus concubitu frui, id est ordinatione, nullatenus conceditur, unde ait Apostolus: Alligata est uxor legi quandiu vir ejus vivit, eo vero defuncto, soluta est a lege viri. Similiter et sponsa episcopi (quia sponsa uxor ejus dicitur Ecclesiæ) illo vivente ei est alligata. Eo vero defuncto, soluta est, cui voluerit nubat tantum in Domino, id est

A regulariter. Si enim eo vivente, alteri nupserit, adultera judicabitur. Similiter et ille, si alteram sponte duxerit, adulter æstimabitur et communione privabitur. Si autem persecutus fuerit in Ecclesiâ, fugiendum illi est ad alteram eique associandus, dicente Domino: Si persecuti vos fuerint in una civitate, fugite in aliam. Si autem utilitatis causa fuerit mutandus non per se hoc agat, sed fratribus invitantibus et auctoritate hujus sanctæ sedis faciat, non ambitus causa, sed utilitatis.

Conjunctiones autem consanguineorum fieri prohibetæ, quando has et divinæ et sæculi prohibent leges. Leges ergo divinæ hæc agentes, et eos qui ex eis, prodeunt, non solum ejiciunt, sed et maledictos appellant. Leges ergo sæculi infames tales vocant, B et ab hæreditate repellunt. Nos vero sequentes patres nostros, et eorum vestigiis inhærentes, infamia eos notamus, et infames esse censemus, quia infamiæ maculis sunt aspersi. Nec eos viros vel accusatores quos leges sæculi rejiciunt suscipere debemus. Quis enim dubitat leges humanas rationi et honestati non repugnantes esse amplectendas? præsertim ubi vel publicæ consulunt utilitati, vel ecclesiasticæ dignitatis auctoritatem defendunt, ac pro adminiculo tumentur? Eos autem consanguineos diximus, quos et divinæ imperatorum, ac Romanorum, atque Græcorum leges consanguineos appellant, et in hæreditate suscipiunt, nec repellere possunt. Talium enim conjunctiones, nec legitimæ sunt, nec manere possunt, sed sunt repellendæ, et si quæ ausu temerario tentatæ sint, auctoritate apostolica rescindendæ veniunt. C Quisquis ergo qui non est legitime conjunctus, vel absque dotali titulo, ac benedictione sacerdotis constat copulatus, sacerdotes vel legitime conjunctos criminari, vel in eos testificari minime potest, quoniam omnis incesti macula pollutus infamis est, et accusare supradictos non permittitur; non solum ergo hi rejiciendi sunt, et infames efficiuntur, sed etiam omnes eis consentientes. Similiter de raptoribus, vel eis qui seniores impetunt fieri censemus. Hos ergo sæculi leges interficiunt, sed nos misericordia præeunte sub infamiæ nota ad pœnitentiam recipimus, ipsam quoque infamiam qua sunt aspersi, delere non possumus, sed animas eorum per pœnitentiam publicam, et Ecclesiæ satisfactionem sanare cupimus, quia manifesta peccata non sunt occulta correctione purganda. Omnes ergo qui in recta fide suspecti sunt, in accusatione sacerdotum et eorum super quorum fide non hæsitatur, minime recipiantur, et in testimonio humano dubii habeantur. Infirmari ergo oportet eorum vocem de quorum fide dubitatur, nec eis omnino esse credendum qui rectam fidem ignorant. Quærendum est ergo in iudicio, cujus sit conversationis et fidei is qui accusat, et is qui accusatur, quoniam hi qui non sunt rectæ conversationis ac fidei, et quorum vita est accusabilis non permittuntur majores natu accusare, nec quorum fides, vita et libertas nescitur, neque viles personæ in eorum recipiuntur accusationem. Rimandæ vero sunt enucleatim

personæ accusatorum, quæ sine scripto difficile, per scriptum autem nunquam recipiantur, quia per scripturam nullus accusare vel accusari potest, sed propria voce et præsentē eo quem accusare voluerit, suam quisque agat accusationem, nec absente eo quem accusare voluerit, quicumque accusator credatur. Similiter testes per quamcunque scripturam testimonium non proferant, sed præsentēs de his quæ viderunt et noverunt, veraciter testimonium dicant. Nec de aliis causis vel negotiis dicant testimonium, nisi de his quæ sub præsentia eorum acta esse noscuntur. Accusatores vero consanguinei adversus extraneos testimonium non dicant, nec familiares vel de domo prodeuntes, sed si voluerint, et invicem consenserint, inter se parentes tantummodo testificentur, et non in alios. Nec accusatores **31** vel testes suspecti recipiantur, quia propinquitatis et familiaritatis, ac dominationis affectio veritatem impedire solet, amor carnalis et timor atque avaritia plerumque sensus hebetant humanos, et pervertunt opiniones, et quæstum pietatem putent, et pecuniam quasi mercedem prudentiæ. Nemo enim in dolo loquatur ad proximum suum, fovea alta est os malevoli, innocens dum credit facile, cito labitur. Sed iste lapsus surgit, et tergiversator suis artibus præcipitatur, unde nunquam exsiliat atque evadat. Ponderet ergo unusquisque sermones suos, et quod sibi loqui non vult, alteri non loquatur, unde bene sacra ait Scriptura: « Quod tibi non vis fieri, alteri ne feceris. » Nos enim tempore indigemus, ut aliquid maturius agamus, nec præcipitemus consilia et opera nostra, neque ordinem corrumpamus. Sed si aliquis lapsus quocunque modo fuerit non perdamus eum, sed fraterno corripiamus affectu, sicut ait beatus Apostolus: « Si præoccupatus fuerit homo in aliquo delicto, vos, qui spirituales estis, instruite hujusmodi in spiritu lenitatis, considerans teipsum ne et tu tenteris, alter alterius onera portate, et sic adimplebitis legem Christi, (Gal. vi, 1, 2.) » Porro sanctus David de criminibus mortiferis egit poenitentiam, et tamen in honore permansit. Beatus quoque Petrus amarissimas lacrymas fudit quando Dominum negasse poenituit, sed tamen apostolus permansit. Et Dominus per prophetam peccantibus pollicetur dicens: Peccator in quacunque die conversus ingemuerit, omnium iniquitatum illius non recordabor amplius.

Errant enim qui putant sacerdotes post lapsum, si condignam egerint poenitentiam, Domino ministrare non posse et suis honoribus frui, si bonam deinceps vitam duxerint, et suum sacerdotium condigne custodierint. Et ipsi qui hoc putant non solum errant, sed etiam contra traditas Ecclesiæ claves disputare et agere videntur, de quibus dictum est: « Quæcunque solveritis in terra, erunt soluta et in cælo (Matth. xvi, 18), » alioquin hæc sententia aut Domini non est, aut vera. Nos vero indubitanter tam domini sacerdotes quam reliquos fideles post dignam satisfactionem posse redire ad honores

A credimus, testante Domino per prophetam: « Nunquid qui cadit non adjiciet ut resurgat, et qui aversus est, non revertetur? (Jer. viii, 4.) » Et alibi: Nolo, inquit Dominus, mortem peccatoris, sed ut convertatur et vivat. Et propheta David poenitentiam agens, dixit: « Redde mihi lætitiā salutaris tui, et spiritu principali confirma me (Psal. l, 14). » Ipse namque post poenitentiam et alios docuit, et sacrificium Deo obtulit, dans exemplum doctoribus sanctæ Ecclesiæ, si lapsi fuerint et condignam poenitentiam Deo gesserint, utrumque facere posse. Docuit enim quando dixit: « Docebo iniquos vias tuas, et impii ad te convertentur (Ibid., 15). » Et sacrificium Deo pro se obtulit dum dicebat: « Sacrificium Deo spiritus contribulatus (Ibid., 19). » Videns enim propheta scelera sua mundata per poenitentiam, non dubitavi prædicando, et Domino libando curare aliena. Lacrymarum ergo effusio movet animi passionem. Satisfactione autem impleta avertitur animus ab ira; qui enim non ignoscit alteri, quomodo sibi putat subveniri? Superabundant ergo peccata, superabundet et misericordia. Quoniam apud Dominum misericordia, et copiosa apud eum redemptio; penes enim Dominum omnium abundantia est, quia Dominus virtutum ipse est rex gloriæ; ait enim Apostolus: « Omnes peccaverunt et egent gloria Dei, justificati gratis per gratiam ipsius, per redemptionem quæ est in Christo Jesu, quem proposuit Deus propitiatorum, per fidem in sanguine ipsius ad ostensionem justitiæ suæ propter remissionem præcedentium delictorum, in sustentationem Dei, ad ostensionem justitiæ ejus in hoc tempore, ut sit ipse justus et justificans eum qui ex fide est Jesu Christi (Rom. iii, 21 et seq.) » David enim dicit: « Beati quorum remissæ sunt iniquitates, et quorum tecta sunt peccata. » Mundatur ergo homo a peccato, et resurgit gratia Dei lapsus, et in pristino manet officio juxta prædictas auctoritates, videat ne amplius peccet ut sententia Evangelii maneat in eo, vade et amplius noli peccare; unde ait Apostolus: « Non ergo regnet peccatum in vestro mortali corpore, ut obediatis concupiscentiæ ejus; sed neque exhibeatis membra vestra arma iniquitatis peccato, sed exhibete vos tanquam ex mortuis viventes et membra vestra arma justitiæ Deo. Peccatum enim vobis non damnabitur; **D** non enim sub lege estis, sed sub gratia. Quid ergo peccabimus, quoniam non sumus sub lege, sed sub gratia? Absit. Nescitis quoniam cui exhibetis vos servos ad obediendum, servi estis ejus cui obeditis, sive peccati ad mortem, sive obeditionis ad justitiam? Gratias autem Deo quod fuistis servi peccati, obedistis autem ex corde in eam formam doctrinæ in qua traditi estis. Liberati autem a peccato, servi autem facti estis justitiæ, humanum dico (Rom. vi, 12 et seq.) » Majus enim peccatum est judicantis quam ejus qui judicatur. « Existimas, inquit Apostolus, o homo, omnis qui judicas eos qui talia agunt et facis ea, quia tu effugies judicium Dei? An divitiis bonitatis ejus et patientiæ et longanimitatis con-



temnis? Ignoras quoniam benignitas Dei ad pœnitentiam te adduxit? Secundum duritiam autem tuam et impœnitens cor, thesaurizas tibi iram in die iræ et revelationis iusti iudicii Dei, qui reddet unicuique secundum opera ejus. His quidem qui secundum patientiam boni operis gloriam et honorem, et in corruptionem quærentibus vitam æternam; his autem qui ex contentione, et qui non acquiescunt veritati, credunt autem iniquitati, ira et indignatio; tribulatio et angustia in omnem animam hominis

operantis malum, Judæi primum et Græci. Gloria autem et honor, et pax omni operanti bonum (*Rom. II, 3 et seq.*) » Sententiam, fratres, quæ misericordiam vetat, non solum tenere, sed et audire refugite, quia potior est misericordia omnibus holocaustomatibus et sacrificiis. Consultis vestris breviter respondimus, quia oppressos nimis et præoccupatos aliis iudiciis litteræ nos invenere vestræ. Data VIII Idus Octobris, Antonio et Alexandro consulibus.

## INCIPIUNT DECRETA URBANI PAPÆ.

### *De communi vita et oblatione fidelium.*

(Anno 222, tempore Aurelii Antonini imperatoris.)

URBANUS episcopus omnibus Christianis in sanctificationem spiritus, in obedientiam et asperisionem sanguinis Domini nostri Jesu Christi salutem.

Decet omnes Christianos, charissimi, ut eum imitentur cujus nomen sortiti sunt: « Quid prodest, fratres mei, apostolus Jacobus ait, si fidem quis dicat se habere, opera autem non habeat? (*Jac. II, 14.*) » Nolite plures magistri fieri, fratres mei, scientes quoniam majus iudicium sumitis; in multis enim offendimus omnes. Qui sapiens et disciplinatus inter vos, ostendat ex bona conversatione operam suam in mansuetudine sapientiæ. Scimus vos non ignorare, quia hactenus vita communis inter bonos Christianos viguit, et adhuc gratia Dei viget, et maxime inter eos qui in sorte Domini sunt electi, id est clericos sicut in Actibus legitur apostolorum: « Multitudinis autem credentium erat cor unum et anima una; nec quisquam eorum quæ possidebat aliquid suum esse dicebat, sed erant illis omnia communia. Et virtute magna reddebant apostoli testimonium resurrectionis Jesu Christi; et gratia magna erat in omnibus illis. Neque enim quisquam egens erat inter illos, quotquot enim possessores agrorum aut domorum erant vendentes afferebant pretia eorum quæ vendebant et ponebant ante pedes apostolorum. Dividebantur autem singulis prout cuique opus erat. Joseph autem qui cognominatus est Barnabas ab apostolis, quod est interpretatum filius consolationis, levites et cyprius genere, cum haberet agrum, vendidit illum et attulit pretium ante pedes apostolorum (*Act. IV, 32*), » et reliqua.

Videntes ergo sacerdotes summi et alii atque levitæ, et reliqui fideles plus utilitatis posse afferre, si hæreditates et agros quos ante vendebant, ecclesiis quibus præsidebant episcopi traderent, eo quod ex sumptibus eorum tam præsentibus quam futuris temporibus plurima et elegantiora possent ministrare fidelibus communem vitam ducentibus quam

ex pretio eorum, cœperunt predia et agros quos vendere solebant, matricibus ecclesiis tradere, et ex sumptibus eorum vivere. Ipsæ vero res in ditione singularum parochiarum, episcoporum qui locum tenent apostolorum erant, et sunt usque adhuc, et futuris semper debent esse temporibus. Et quibus episcopi et fideles dispensatores eorum omnibus communem vitam degere volentibus ministrare cuncta necessaria debent, prout melius potuerint, ut nemo in eis egens inveniatur. Ipsæ enim res fidelium oblationes appellantur, quia Domino offeruntur. Non ergo debent in aliis usibus quam ecclesiasticis et prædictorum Christianorum fratrum vel indigentium converti, quia vota sunt fidelium, et pretia peccatorum, ac patrimonia pauperum, atque ad prædictum opus explendum Domino traditæ. Si quis autem, quod absit, secus egerit, videat ne damnationem Ananiæ et Saphiræ percipiat, et reus sacrilegii efficiatur sicut illi effecti sunt qui pretia prædictarum rerum fraudaverunt, de quibus legitur in prædictis apostolorum Actibus: « Vir erat quidam nomine Ananias, cum Saphira uxore sua, vendidit agrum, et fraudavit de pretio agri, conscia uxore sua; et afferens partem quamdam, ad pedes apostolorum posuit. Dixit autem Petrus Ananiæ: Cur tentavit Satanas cor tuum mentiri te Spiritui sancto, et fraudare de pretio agri? Nonne manens tibi manebat et venundatum erat in tua potestate? Quare posuisti in corde tuo hanc rem? Non es hominibus mentitus, sed Domino. Audiens autem Ananias hæc verba, cecidit et expiravit. Et factus est timor magnus in omnes qui audierant. Surgentes autem juvenes amoverunt eum, et efferentes sepelierunt. Factum est autem quasi horarum trium spatium, et uxor ipsius nesciens quod factum fuerat introivit. Respondens autem Petrus ei dixit: Dic mihi si tanti agrum vendidisti? At illa dixit. Etiam tanti. Petrus autem ad eam: Quid utique convenit vobis tentare Spiritum Domini? Ecce pedes eorum qui sepelierunt virum tuum ad ostium, et efferent te

Confestim cecidit ad pedes ejus, et expiravit. Intran-  
tes autem juvenes invenerunt illam mortuam, et  
extulerunt et sepelierunt ad virum suum. Et factus  
est timor magnus in universam Ecclesiam et in  
omnes qui audierant hæc (*Act. v, 1 et seq.*). » Hæc,  
fratres, valde cavenda sunt et timenda, quia res  
ecclesiæ non quasi propriæ, sed ut communes et  
Domino oblata, cum summo timore non in alios  
quam in præfatos usus sunt fideliter dispensandæ,  
ne sacrilegii reatum incurrant qui eas inde abstra-  
hant ubi traditæ sunt, ne poenam et mortem Ana-  
niæ et Saphiræ incurrant, et (quod pejus est) ana-  
thema maranatha fiant. Et si non corpore, ut Ana-  
nias et Saphira, mortui ceciderunt, anima tamen,  
quæ potior est corpore, mortua et alienata a con-  
sortio fidelium cadat, et in profundum barathri la-  
batur. Unde attendendum est omnibus et fideliter  
custodiendum, et illius usurpationis contumelia de-  
pellenda, ne prædia usibus decretorum cœlestium  
dedicata a quibusdam irruentibus vexentur. Quod si  
quis fecerit, post debitæ ultionis acrimoniam quæ  
erga sacrilegos jure promenda est, perpetua damne-  
tur infamia, et carceri tradatur aut exsilio perpetuæ  
deportationis utatur, quoniam juxta Apostolum tra-  
dere oportet hujusmodi hominem Satanæ, ut spiritus  
salvus sit in die Domini. Memoratis ergo augmenta-  
tionibus ac cultibus intantum ecclesiæ quibus  
episcopi præsent, Domino adminiculante, creve-  
runt, et tantis maxima pars earum abundant rebus,  
ut nullus sit in eis communem eligens vitam indi-  
gens, sed omnia necessaria ab episcopo suisque  
ministris percipit. Ideo si aliquis exstiterit moder-  
nis aut futuris temporibus qui hoc avellere **32**  
nitatur, jam dicta damnatione feriatur.

Quod autem sedes in episcoporum ecclesiis ex-  
celsæ constitutæ et præparatæ inveniuntur ut thronus,  
speculationem et potestatem judicandi et solvendi  
atque ligandi a Domino sibi datam materiam docet,  
unde ipse Salvator in Evangelio ait : « Quæcunque  
ligaveritis super terram erunt ligata et in cœlo ; et  
quæcunque solveritis super terram erunt soluta et  
in cœlo (*Matth. xviii, 18*). » Et alibi : « Accipite  
Spiritus sanctum ; quorum remiseritis peccata re-  
mittuntur eis, et quorum retinueritis retenta sunt  
(*Joan. xx, 23*). » Ideo ista prætulimus, charissimi,  
ut intelligatis potestatem episcoporum vestrorum, in  
eisque Dominum veneremini, et eos ut animas vestras  
diligatis, et quibus illi non communicant non com-  
municetis, et quod ejecerint non recipiatis. Valde enim  
timenda est sententia episcopi, licet injuste liget ali-  
quem, quod tamen summopere prævidere debet. Vos  
autem hortantes monemus omnes qui Christianitatem  
suscepistis, et a Christo vocabulum Christiani sum-  
pistis, ne in aliquo Christianitatem vestram irritam

A faciatis, sed sponsonem quam Domino in baptismo  
fecistis, firmiter teneatis, ne reprobi, sed condigni  
coram eo inveniamini. Et quicumque vestram com-  
munem vitam susceptam habet, et vovit se nihil pro-  
prium habere, videat ne pollicitationem suam irri-  
tam faciat, sed hoc quod Domino est pollicitus, fide-  
liter custodiat ne damnationem, sed præmium sibi  
acquirat, quoniam satius est non vovere quam votum,  
prout melius potest, non perficere. Gravius enim  
puniantur qui votum fecerunt, et votum non per-  
fecerunt, aut fidem perceperunt, et in malis vitam  
finierunt, quam illi qui vitam sine voto finierunt,  
aut sine fide mortui sunt, et tamen bona egerunt  
opera. Ad hoc enim sensum rationabilem nature  
munere et secundæ nativitatis reparationem susce-  
B pimus, ut secundum Apostolum « magis quæ sursum  
sunt sapiamus, non quæ super terram, quia sapien-  
tia hujus mundi stultitia est apud Deum. » Quid  
autem suadet, charissimi, sapientia hujus sæculi,  
nisi nocitura quærere, et amare peritura, negligere  
salutaria, pro nihilo reputare perpetua? Cupiditatem  
commendat, de qua dicit : « Radix omnium malo-  
rum est cupiditas. » Quæ in primis hoc malum ha-  
bet, quod dum ingerit transitoria, abscondit æterna ;  
et dum a foris posita conspicit intra se latentia non  
introspectit, et dum aliena quærit, sectatori suo se-  
metipsum alienum facit. Ecce quod suadet sæculi  
sapientia, vivere in deliciis, unde dicitur : « Anima  
quæ in deliciis est vivens, mortua est. » Suadet ergo  
mollissimis suavitatibus, peccatis et vitiis et flammis  
nutrire carnem, cibi et vini intemperantia animam  
C premere, ac vitam spiritus intercludere, et contra  
se hosti suo de se gladium ministrare. Ecce quod  
suadet sæculi sapientia, ut qui boni facti sunt, mali  
esse malint, et per errorem mentis fieri etiam stu-  
deant peccatores, et non cogitent illam terribilem  
Dei vocem, cum exurentur peccatores sicut fe-  
num.

Omnes enim fideles per manus impositionem epi-  
scoporum Spiritum sanctum post baptismum accipere  
debent, ut plene Christiani inveniantur ; quia, cum  
Spiritus sanctus infunditur, cor fidele ad prudentiam  
et constantiam dilatatur. De Spiritu sancto accipi-  
mus, ut efficiamur spirituales, quia animalis homo non  
percipit ea quæ sunt Spiritus Dei. De Spiritu sancto  
D accipimus, ut sapiamus inter bonum malumque dis-  
cernere, justa diligere, injusta respuere, ut malitiæ  
ac superbix repugnemus, ut luxuriæ ac diversis il-  
lecebris et fedis indignisque cupiditatibus resista-  
mus. De Spiritu sancto accipimus ut amore vitæ et  
gloriæ ardore succensi, erigere a terrenis mentem ad  
superna et divina valeamus. Data Nonas Septembris,  
id est quinta die ejusdem mensis, Antonio et Alexan-  
dro IV cc. consul.



## INCIPIUNT DECRETA PONTIANI PAPÆ.

(Anno Domini, 230, tempore Alexandri imperatoris.)

PONTIANUS episcopus FELICI succriboni salutem. A  
Oppido cor nostrum charitati vestræ congaudet, quod studium sanctæ religionis summo opere adimplere studetis, et fratres mœrentes, ac destitutos in fide et religione confortatis. Unde Redemptoris nostri misericordiam exoramus, ut sua nobis in omnibus gratia suffragetur, et effectu implere tribuat quod velle concessit. In hoc itaque bono, tanto commoda retributionis accrescunt, quanto et studium laboris augetur. Et quia in his omnibus divinæ gratiæ adjutorio opus est, omnipotentis Dei assiduis precibus clementiam exoramus, quatenus hæc vobis semper operanda bona et velle tribuat et posse concedat, atque in ea vos via, cum fructu boni operis, quam se Pastor pastorum esse testatus est dirigat, ut sine quo nihil agi potest, per ipsum implere bona quæ cœpistis valeatis. De sacerdotibus autem Domini quos vos audivimus contra pravorum hominum insidias adjuvare, eorumque causas portare, scitote vos in eo valde Deo placere, qui sibi eos ad serviendum ascivit, et familiares intantum sibi esse voluit, ut etiam aliorum hostias per eos acceptaret, atque eorum peccata donaret sibi que reconciliaret, ipsi quoque proprio ore corpus Domini conficiant et populis tradunt. De illis enim dictum est: « Qui vos contristabit me contristabit, et qui vobis facit injuriam, recipiet id quod inique gessit. » Et alibi: « Qui vos audit me audit, et qui vos spernit me spernit. Qui autem me spernit, spernit eum qui me misit (Luc. x, 16). » Hi enim non sunt infestandi, sed honorandi. In eis quoque Dominus honoratur, cujus legatione funguntur. Hi ergo, si forte ceciderint a fidelibus, sunt sublevandi et portandi. Accusandi autem non sunt ab infamibus, aut sceleratis, vel inimicis, aut alterius sectæ hominibus vel religionis; si peccaverint, a reliquis arguantur sacerdotibus, sed et a summis pontificibus constringantur, et non a sæcularibus aut malæ vitæ hominibus arguantur vel arceantur. Quod ergo de fratris vestri transitu vos

contristari audivimus, non modico compulsi sumus mœrere. Unde omnipotentem Deum rogamus, ut suæ vos gratiæ aspiratione consoletur, vosque et a malignis spiritibus et a perversis hominibus cœlesti protectione custodiat. Nam et si quos post illius obitum tumultus quorundam adversantium sustinetis, nolite mirari si vos qui frui bonis in terra vestra, id est in terra viventium, quæritis, mala hominum in terra aliena portatis. Peregrinatio quippe est vita pœnitens, et qui suspirat ad patriam ei tormentum est peregrinationis locus, etiam si blandus esse videatur, vobis autem qui patriam quæritis inter suspiria quæ habetis, etiam gemitus audio humanæ oppressionis exsurgere. Quod mira omnipotentis Dei dispositione agitur, ut dum veritas per amorem vocat, mundus pœnitens a se ipso animam vestram per tribulationes quas ingerit, rejiciat. Tantoque facilius ab amore hujus sæculi mens exeat, quanto et impellitur dum vocatur. Itaque quod cœpistis, hospitalitatis curam impendite, in oratione et lacrymis instantissime laborate. Eleemosynas quas semper amastis jam nunc largius atque uberius date operam, ut tanto post crescat vobis in retributione fructus muneris, quanto hic excreverit studium laboris. Præterea salutantes paterna dulcedine bonitatem vestram, petimus ut in bonis quæ cœpistis ne deficiatis. Neque ullus vos ab eis avertere possit, sed in cunctis affectum vestræ charitatis, clerici et servi Dei ac cuncti Christiani qui in illis partibus commorantur, amore Christi et sancti Petri pleniter inveniant, et favoris vestri solatiis quocunque modo necesse fuerit potiantur, quatenus vestra cuncti opo defensi atque adjuti, et nos vobis gratiarum possimus existere debitores, et Christus Dominus noster atque beatus Petrus apostolorum princeps in quorum vos causis impenditis, Jesus Christus æternam gloriam compenset, et beatus apostolus Petrus ipsius gloriæ januam aperiatur. Data x Kalendas Februarii, Severo et Quintiano IV cc. consul.

## EPISTOLA PONTIANI PAPÆ

*De fraterna dilectione et vitandis malis.*

PONTIANUS sanctæ et universalis Ecclesiæ episcopus omnibus recte Dominum colentibus et divinum cultum amantibus, salutem.

Gloria in excelsis Deo, et in terra pax hominibus bonæ voluntatis. Hæc verba, charissimi, non hominum sunt, sed angelorum, et non humano sensu excogitata, sed ab angelis in ortu Salvatoris annuntiata, quibus indubitanter ab omnibus intelligi potest, quod non malæ voluntatis, sed hominibus bonæ, pax sit a Domino data, unde et Dominus per pro-

phetam loquitur dicens: « Quam bonus Israel Deus his qui recto sunt corde, mei autem pene moti sunt pedes, pene effusi sunt gressus mei quia æmulatus sum contra iniquos pacem impiorum videns (Psal. lxxii et seqq.). » De bonis vero ipsa per se Veritas ait: « Beati mundo corde, quoniam ipsi Deum videbunt (Matth. v, 8). » Mundi enim non sunt corde qui mala cogitant, aut nociva adversus fratres suos, quia nihil mali vult qui fidelis est. Fidelis ergo homo magis diligit audire quæ oportet quam dicere quæ

non oportet. Et si quis fidelis est, videat ne mala loquatur, aut cuiquam insidias ponat. In hoc ergo discernuntur filii Dei et filii diaboli. Filii namque Dei semper cogitant et agere contendunt quæ Dei sunt, et fratres indesinenter adjuvant, et nulli nocere volunt. Filii autem diaboli e contra mala et nociva semper meditantur, quia opera eorum mala sunt. De quibus loquitur Dominus per Jeremiam prophetam, dicens : « Loquar iudicia mea cum eis super omni malitia eorum (*Jer. 1, 16*). Propterea iudicio contendam adhuc vobiscum, ait Dominus, et cum filiis vestris disceptabo (*Jer. 11, 9*). Ecce ego fingam contra vos malum et cogito contra vos cogitationem (*Jer. xviii, 11*). » Hæc, fratres, valde sunt timenda et ab omnibus cavenda, quoniam super quem iudicium Dei ceciderit, non exiit impunitus. Et ideo unusquisque prævideat ne hoc machinetur aut agat in fratrem quod ipse pati noluerit. Et nec in suspensionem veniat homo fidelis, ut dicat aut faciat ea quæ pati non vult, unde suspectos et inimicos, aut facile litigantes, et eos qui non sunt bonæ conversationis, aut quorum vita est accusabilis, qui rectam non tenent aut docent fidem, accusatores antecessores nostri apostolica repulerunt auctoritate, et nos submovemus atque futuris temporibus excludimus ne libenter labi possint quos nos tenere et salvare debemus, ne, quod absit, prædictum Dei iudicium super utrosque veniat, et nos eorum vitio, quod Deus avertat, pereamus. Scriptum est enim : « Rectorem te posuerunt? curam illorum habe, ut keteris propter illos, et ornamentum gratiæ accipias, et coronam et dignationem consequaris cum rogatione (*Eccli. xxxii, 1 et seqq.*) » Verbum enim nequam immutavit cor ex quo quatuor partes oriuntur. Bonum et malum, vita et mors, et dominatrix est eorum assidua lingua. Pro talibus prædicti vitandi admodum sunt, et priusquam prædictæ enucleantur examinentur opiniones, et ab illis alieni inveniantur non sunt suscipiendi, quoniam sacrificium salutare est attendere mandatis et discedere ab omni iniquitate. Beneplacitum est Domino recedere ab iniquitate, et laudatio recedere ab iniustitia. Quoniam scriptum est : « Dilige proximum tuum et conjungere fide cum illo; quoniam si denudaveris absconsa illius, non persequeris post eum. Sicut enim homo qui perdit amicum suum, sic qui perdit amicitiam proximi sui. Et sicut qui dimittit avem de manu sua, sic qui dereliquisti proximum tuum, et non eum capies. Non illum sequaris quoniam longe abest: effugit enim quasi caprea de laqueo, quia vulnerata est anima ejus; ultra eum non poteris colligare, et maledicti est concordatio: denudare enim amici mysteria, desperatio est animæ infidelis. Annuens oculo fabricat iniqua, et nemo eum **33** abiciet. In conspectu oculorum tuorum conculeabit os suum, et super sermones tuos admirabitur. Novissime autem pervertet os suum, et in verbis tuis dabit scandalum. Multa odisti et non coæquavi ei, et Dominus odiet illum. Qui in altum lapidem mittit, super ejus caput cadet, et plaga dolosi

dividet vulnera. Quoniam qui fodit foveam, incidet in illam, et qui statuit lapidem proximo, offendet in eo, et qui laqueum alii ponit, peribit in illo. Facienti nequissimum consilium, super eum devolvetur, et non cognoscet unde adveniet illi. Illusio et improprium superbiorum et vindicta sicut leo insidiabitur illi. Laqueo peribunt qui oblectantur casu iustorum, dolor autem consumet illos antequam moriantur, ira et furor utraque execrabilia, et vir peccator continens erit illorum. Qui vindicari vult, a Deo inveniet vindictam, et peccata illius servans servabit. Relinque proximo tuo nocenti te, et tunc deprecanti tibi peccata solvantur. Homo homini servat iram, et a Deo quærit medelam? In hominem similem sibi non habet misericordiam, et de peccatis suis deprecatur Altissimum? Ipse dum caro sit, servat iram et propitiationem petit a Deo? Quis exorabit pro delictis illius? Memento novissimorum et desine inimicari, tabitudo enim et mors imminet mandatis. Memorare timorem Dei altissimi, et non irascaris proximo tuo. Memorare testamenti Altissimi, et despicere ignorantiam proximi. Abstine te a lite, et minues peccata. Homo enim iracundus incendit litem, et vir peccator turbabit amicos, et in medio pacem habentium immittet inimicitias. Secundum enim ligna silvæ, sic ignis exardescit, et secundum virtutem hominis iracundia illius erit, et secundum substantiam suam exaltabit iram suam. Certamen festinatum incendit ignem, et lis festinans effundet sanguinem, et lingua testificans adducet mortem, si sufflaveris quasi ignis ardebit, et si exspueris super illam, exstinguetur, et utraque ex ore proficiscuntur. Sursus et bilinguis, maledictus, multos enim turbavit pacem habentes, lingua tertia multos commovit, et dispersit illos de gente in gentem. Civitates divitum munitas destruxit, et domos magnatum effodit; virtutes populorum concidit, et gentes fortes dissolvit. Lingua tertia mulieres viratas ejecit, et privavit illas de laboribus suis. Qui respicit illam, non habebit requiem, nec habitabit cum requie; flagelli plaga livorem facit, plaga autem lingue comminuit ossa. Multi ceciderunt in ore gladii, sed nec sic quod qui interierunt per linguam suam. Beatus qui tectus est a lingua nequam, et qui in iracundiam illius non transivit et qui non attraxit jugum ejus et vinculis illius non est ligatus. Jugum enim illius jugum ferreum est, et vinculum illius vinculum æreum est. Mors illius mors nequissima est, et utilis potius infernus quam illa. Perseverantia illius non permanebit, sed obtinebit vias injustorum et flamma sua non comburet justos. Qui derelinquant Deum incendant in illam, et exardescet in illis et non exstinguetur, et immittetur in eos quasi leo et quasi pardus lædet eos. Sepi aures tuas spinis et noli audire linguam nequam, et ori tuo facito ostia, et seras auribus tuis. Aurum tuum et argentum conflat, et verbis tuis facito stateram, et frenos ori tuo rectos, et attende ne forte labaris in lingua tua, et cadas in conspectu inimicorum insidiantium tibi, et sit casus tuus insae-



nabilis ad mortem (*Eccli.* xxvii, 18 et seq.; xxviii, A 1 et seq.) » « Ne tardes converti ad Dominum, et ne differas de die in diem. Subito enim veniet ira illius, et in tempore vindictæ disperdet te. Noli anxius esse in divitiis injustis, nihil enim proderunt tibi in die obductionis et vindictæ. Non ventiles te in omnem ventum, et non eas in omni via. Sic enim peccator probatur duplici lingua. Esto firmus in via Domini, et in veritate sensus tui et scientia, et prosequatur te verbum pacis et justitiæ. Esto mansuetus ad audiendum verbum ut intelligas, et cum sapientia fer responsum verum. Si est tibi intellectus responde proximo, sin autem, sit manus tua super os tuum ne capiaris in verbo indisciplinato et confundaris, honor et gloria in sermone sensati, lingua imprudentis subversio ipsius. Non appelleris susurro, et in lingua tua ne capiaris et confundaris. Super furem enim est confusio et poenitentia, denotatio pessima super bilinguem. Susurratori autem odium est, inimicitia et contumelia. Justifica pusillum et magnum simili-

ter. Noli fieri pro amico inimicus proximo. Improperium enim et contumeliam malus hæreditabit, et omnis peccator invidus et bilinguis. Non te extollas in cogitatione animæ tuæ velut taurus, ne forte elidatur virtus tua super stultitiam, et folia tua comedat et fructus tuos perdat, et relinquareis velut lignum aridum in eremo. Anima enim nequam disperdit qui se habet, et in gaudium inimicis dat illum, et deducet in sortem impiorum (*Eccli.* v, vi). » Charissimi, oppressos erigere studete, et necesse habentes semper adjuvate, quoniam qui fratrem afflictum relevat apprehensum eripit, mœrentem consolatur, ab illo sibi retribui cui totum impendit non dubitet qui ait : « Quod uni ex minimis meis fecistis, mihi fecistis. » Taliter enim bona indesinenter agere studete, ut fructum boni operis et hic consequamini, et in futuro gratia Dei perfruamini, quatenus cœlestis regni aulam introire postea mereamini. Data quinto Kalen. Maii, Severo et Quintanio IV cc. consulibus.

## INCIPIUNT DECRETA ANTERI PAPÆ.

(Anno Domini 359, tempore Maximini imperatoris.)

Charissimis fratribus per Bæticæ atque Toletanæ provincias episcopis constitutis, ANTERUS episcopus in Domino salutem.

Optavi, fratres charissimi, semper dilectionis et pacis vestræ sinceritatis gaudia audire, ita ut vicissim discurrentibus litteris sospitatis indicia juvarentur, si quietos nos ab incursione sua vacare hostis antiquus sineret. Qui ab initio mendax, inimicus veritatis, æmulus hominis, quem ut deciperet se ante decepit, pudicitie adversarius, luxuriæ magister, crudelitatibus pascitur, abstinentia punitur. Odit jejunia ministris suis prædicantibus, dum dicit esse superflua, spem non habens de futuris, apostoli sententia repereussus dicentis : « Manducemus et bibamus, cras enim moriemur (*I Cor.* xv, 32). » O infelix audacia, o desperatæ mentis astutia. Ipse enim hortatur odia et fugat concordiam; et quia facile ad deteriorem partem mens humana transducitur, volens magis per spatiosam viam ambulare, quam arctæ viæ iter cum labore transire, qua de re, fratres dilectissimi, sectamini meliora, et semper relinquit deteriora. Bona agite, mala vitate, ut vere discipuli Domini esse inveniamini. De mutatione ergo episcoporum unde sanctam sedem apostolicam consulere voluistis, scitote eam communi utilitate atque necessitate fieri licere, sed non libitu cujusquam aut dominatione. Petrus, sanctus magister noster, et princeps apostolorum, de Antiochia utilitatis causa translatus est Romam, ut ibidem potius proficere posset. Eusebius quoque de quadam parva civitate apostolica auctoritate mutatus est Alexandriam. Similiter Felix de civitate qua ordinatus erat electione civium

propter doctrinam et bonam vitam quam habebat, communi episcoporum et reliquorum sacerdotum ac populorum consilio translatus est Ephesum. Non enim transit de civitate ad civitatem qui non suo libitu aut ambitu hoc facit, sed utilitate quadam aut necessitate aliorum, hortatu et consilio potiorum transfertur. Non transfertur de minori civitate ad majorem qui non ambitu, nec propria voluntate facit, sed aut vi a propria sede pulsus, aut necessitate coactus, aut utilitate loci, aut populi, non superbe, sed cum humilitate ab aliis translatus et intronizatus est, quia homo videt in facie, Deus autem in corde. Et Dominus per prophetam loquitur dicens : « Dominus scit cogitationes hominum quoniam vanæ sunt (*Psal.* xciii, 11). » Non ergo mutat sedem qui non mutat mentem; nec mutat civitatem qui non sua sponte, sed consilio et electione aliorum mutatur. Non ergo migrat de civitate ad civitatem, qui non avaritiæ causa, nec sponte dimittit suam, sed ut jam dictum est, aut pulsus a sua, aut necessitate coactus aut electione et exhortatione sacerdotum et populorum translatus est ad alteram civitatem. Nam sicut episcopi habent potestatem ordinare regulariter episcopos et reliquos sacerdotes, sic quoties utilitas aut necessitas exposcerit supradicto modo et mutare et intronizare potestatem habent : hæc, ut petistis, licet vobis ignota non sint tenenda mandamus, ne ignorantia quorundam meliora et utiliora vitentur, et inutiliora sumantur, sicut in sancto legitur Evangelio : « Vae vobis, hypocritæ, quia decimatis mentham et anethum et cuminum, et reliquistis quæ graviora sunt legis, judi-

ciur et misericordiam et fidem, hæc oportuit facere et illa non omittere; duces cæci, excolantes culicem, camelum autem glutientes. » Quod licet non licet, et quod non licet licet. Quemadmodum Jannes et Mambres restiterunt veritati, sic et illi mente reprobi, amantes voluptatem magis quam Deum. Quod licet docent non licere, id est episcopos migrare de civitate ad civitatem prætaxato modo. Et quod non licet docent licere, id est misericordiam non agere circa patientes necessitatem, hoc est eis qui episcopum non habent et sacro episcopali indigent ministerio, episcopum de alia civitate causa utilitatis vel necessitatis tribui, et episcopis persecutionem aut necessitatem patientibus, aliam cathedram dari negant. Contradiciunt enim sacræ Scripturæ, quæ testatur velle Deum misericordiam quam judicium. Quæ precor major charitas aut efficacius pietatis patrocinium potest a quoquam alicui impendi quam si ignorantie tenebras et imperitiæ caliginem ab eo repellat, demum veræ fidei doctrinæ pabulo, non ad quæstum, non ad ambitionem, sed eruditionem et ædificationem reficiat? Tanquam enim mutilo sit manus, claudō pes, oculus cæco qui ignorantie tenebris obvoluto sapientiæ et scientiæ thesaurum reserat et candorem lucis viasque Domini benigniter aperit. Utrisque autem, id est et famem verbi Dei patientibus et episcopis necessitatem, quando intronizantur propter communem utilitatem in aliis civitatibus non modica exhibetur misericordia. Negantes autem hæc, ut speciem habeant pietatis, virtutem tamen ejus abnegant. Nam in tali negotio prosapiam non agnosco, si quis tamen sapientium quos insipientibus tempestatis hujus procella aliis sociavit auctoribus, facinorum participatione maculatur, splendor sapientis, et si communionem criminum incurrit, nescit tamen ducem se præbere peccantibus. Alia quoque est causa utilitatis et necessitatis, et alia avaritiæ et præsumptionis aut propriæ voluntatis. Avaritiæ quoque causa vel præsumptionis aut propriæ voluntatis non sunt episcopi mutandi de civitate ad civitatem, sed utilitatis et necessitatis. Quod nemo negat nisi hi de quibus dictum est: « Erraverunt in ebrietate, nescierunt videntem, ignoraverunt judicium (*Isa. xxviii, 7*); » nam si enarrando cogerer aperire transacta, ostenderem vobis nullum evenire solatium de comparatione factorum.

Cæterum state, charissimi, super vias, aspicientes et interrogantes de semitis Domini antiquis, et videte quæ est via bona et recta, et ambulate in ea, et invenietis requiem animabus vestris. Et ut juxta Sapientiæ vocem dicamus: « Diligite justitiam qui judicatis terram. Sentite de Domino in bonitate, et in simplicitate cordis quærite illum; quoniam invenitur ab his qui non tentant illum; apparet autem eis, qui fidem habent in illum. Perversæ enim cogitationes separant a Domino, probata autem virtus corripit insipientes, quoniam in malevolam animam non introibit sapientia, nec habitabit in corpore subdito peccatis. Spiritus enim sanctus disciplinæ

A effugiet fictum et auferet se a cogitationibus quæ sunt sine intellectu, et corripietur a superveniente iniquitate. Benignus est enim Spiritus sapientiæ, et non liberabit maledictum a labiis suis, quoniam renum illius testis est Deus, et cordis ejus scrutator est verus, et linguæ illius auditor, quoniam Spiritus Domini replevit orbem terrarum, et hoc quod continet omnia, scientiam habet vocis. Propter hoc qui loquitur iniqua non potest latere, nec præteriet illum corripiens judicium. In cogitationibus enim impii interrogatio erit; sermonum autem illius auditio ad Dominum veniet, et ad correptionem iniquitatum illius, quoniam auris zeli audit omnia, et tumultus murmurationum non abscondetur. Custodite ergo vos a murmuratione quæ nihil prodest; et a detractiōe parcite linguæ, quoniam sermo obscurus in vacuum non ibit; os quod mentitur, occidit animam. Nolite zelare mortem inferre vitæ vestræ, neque acquiratis perditionem in operibus manuum vestrarum, quoniam Deus mortem non fecit, nec lætatur in perditione vivorum. Creavit enim ut essent omnia et sanabiles esse voluit nationes orbis terrarum. Non est in illis medicamentum exterminii, nec inferorum regnum in terra viventium. Justitia perpetua est et immortalis, injustitia autem mortis est acquisitio; impii autem manibus et verbis accersierunt illam, et æstimantes eam amicam, defluerunt et sponsiones posuerunt ad illam, quoniam morte digni sunt ex parte illius. Dixerunt enim apud se cogitantes non recte: Exiguum est, et cum tædio tempus vitæ nostræ, et non est refrigerium in fine hominis, et non est qui agnitus sit reversus ab inferis, quoniam ex nihilo facti sumus, et post hoc erimus tanquam si non fuerimus, quoniam fumus afflatus est in naribus nostris, et sermo scintilla ad commovendum cor nostrum, qua extincta, cinis erit corpus nostrum, et spiritus diffundetur tanquam mollis aer. Et transibit vita nostra tanquam vestigium nubis, et sicut nebula dissolvetur quæ fugata est a radiis solis et a calore illius aggravata. Et nomen nostrum oblivionem accipiet per tempus, et nemo memoriam habebit operum nostrorum; umbræ enim transitus est tempus nostrum, et non est reversio finis nostri, quoniam consignata est, et nemo revertetur (*Sap. i, 11*). » Propterea unicuique providendum est, ut summopere se custodiat, et utiliter se provideat, ut cum dies extrema finisque vitæ advenerit non transcat ad perpetuam mortem, sed ad vitam æternam.

Facta enim subditorum judicantur a nobis, nostra vero judicat Deus. Ex merito vero plebis nonnunquam episcopi depravantur, quatenus proclivius cadant qui sequuntur. Capite languesciente cætera corporis membra inficiuntur. Deteriores sunt qui vitam moresque bonorum corrumpunt, his qui substantias aliorum prædique diripiunt. Caveat unusquisque ne aut linguam, aut aures habeat prurientes, id est ne aut ipse aliis detrahat, aut



alios auaiat ocranentes. Sedens, inquit, adversus A fratrem tuum loquebaris detrahendo, et adversus filium matris tuæ ponebas scandalum, etc : Parcant singuli detractiōni linguæ, custodiant quæ atque sermones suos, et sciant, quia cuncta quæ de aliis loquuntur sua sententiâ iudicabuntur. Nemo invito auditori libenter refert. Officii singulorum sit, dilectissimi, non solum oculos castos servare, sed et linguam. Nec quid in cuiusquam domo agatur, alia domus per vos unquam noverit. Habeant omnes simplicitatem columbæ ne cuiquam machinentur dolos et serpentis astutiam, ne aliorum supplantentur insidiis. Non est humilitatis meæ neque mensuræ iudicare de cæteris et de ministris ecclesiarum sinistrum quippiam dicere. Absit ut quicquam sinistrum de his loquar, qui apostolico gradui succedentes, B Christi corpus sacro ore conficiunt, per quos nos etiam Christiani sumus, qui claves regni cælorum habentes ante iudicii diem iudicant. Veteri quidem lege habetur, quicumque sacerdotibus non obtemperasset, aut extra castra positus lapidabatur a populo, aut gladio cervice subjecta contemptum expiabat eruore. Nunc vero inobediens spirituali animadversione truncatur, et ejectus ab Ecclesia, rabido dæmonum ore decerpitur. Oportet enim, ut qui Deum hæreditate possident, absque ullo impedimento sæculi Deo serviant, ut dicere possint : Dominus pars hæreditatis meæ; o quam bonus et suavis est spiritus tuus, Domine, in omnibus. Parcis autem omnibus quoniam tua sunt, Domine, qui animas amas. Ideoque hos qui exerrant partibus corripis, et de quibus peccant admones et alloqueris, ut relictâ malitiâ credant in te, Domine. Tu autem, Deus noster, suavis et verus es patiens et in misericordia disponens omnia. Etenim, si peccaverimus, tui sumus scientes magnitudinem tuam. Et si non peccaverimus, scimus quoniam apud te sumus computati. Spiritus timentium Dominum quæritur ab eo, et in respectu illius benedicuntur. Quapropter, fratres charissimi, « omnis sermo malus ex ore vestro non procedat, sed si quis bonus est ad ædificationem opportunitatis ut det gratiam audientibus; et nolite contristare Spiritum sanctum Dei in quo signati estis in diem redemptionis. Omnis amaritudo, et ira, et indignatio, et clamor, et blasphemia tollatur a vobis cum omni malitiâ. Estote autem invicem benigni, misericordes, donantes invicem sicut et Deus in Christo donavit vobis. Estote ergo imitatores Dei sicut filii charissimi, et ambulate in dilectione sicut et Christus dilexit nos et tradidit semetipsum pro nobis oblationem et hostiam Deo in odorem suavitatis; fornicatio autem et omnis immunditia aut avaritia non nominetur in vobis, sicut decet sanctos, aut turpitudine, aut stultiloquium, aut scurrilitas quæ ad rem non pertinet, sed magis gratiarum actio. Hoc enim scitote intelligentes quod omnis fornicator aut immundus aut avarus, quod est idolorum servitus, non habet hæreditatem in

regno Christi et Dei. Nemo vos seducat inanibus verbis propter enim venit ira Dei in filios diffidentiae, nolite ergo effici participes eorum. Eratis enim aliquando tenebræ, nunc autem lux in Domino, ut filii lucis ambulate. Fructus enim lucis est in omni bonitate, et iustitia et veritate, probantes quid sit beneplacitum Deo. Et nolite communicare operibus infructuosis tenebrarum, magis autem redarguite. Quæ enim in occulto fiunt ab ipsis turpe est dicere. Omnia autem quæ arguuntur a lumine manifestantur; omne enim quod manifestatur lumen est; propter quod dicit : Surge qui dormis, et exurge a mortuis, et illuminabit te Christus. Videte itaque, fratres, quomodo caute ambuletis, non quasi insipientes, scilicet ut sapientes, redimentes tempus, quoniam dies mali sunt. Propterea nolite fieri imprudentes, sed intelligentes quæ sit voluntas Dei, et nolite inebriari vino, in quo est luxuria, sed implemini Spiritu sancto, loquentes vobismetipsis in psalmis, hymnis et canticis spiritualibus, cantantes et psallentes in cordibus vestris, Domino; Domino gratias agentes semper pro omnibus, in nomine Domini nostri Jesu Christi Deo et Patri subjecti invicem in timore Christi (*Ephes. iv, 29-32 v, 1-21*). »

State itaque fratres, et tenete traditiones apostolorum et apostolicæ sedis, ut Dominus noster Jesus Christus, et Pater noster, qui dilexit nos, et dedit consolationem æternam, et spem bonam in gratia, exhortetur corda vestra, et confirmet in omni opere et in sermone bono. De cætero, fratres, orate C pro nobis ut sermo Domini currat et clarificetur sicut et apud vos, et ut liberemur ab importunis et malis hominibus. Non enim omnium est fides. Fidelis autem Deus est qui confirmabit vos, et custodiet a malo. Quapropter ponite indesinenter corda vestra in virtute Dei, et resistite semper malis et enarrate hæc juxta vocem prophetæ in progenies alteras, quoniam hic est Deus Deus noster in æternum, et ipse reget nos in sæcula.

Unde vos, qui in specula a Domino estis constituti, comprimere et repellere eos summopere debetis, qui fratribus insidias præparant, aut in eos seditiones, et scandala excitant; facile est enim hominem verbo fallere, sed non Dominum. Ideo hos reprehendere, et ab his vos avertere oportet, quatenus extincta funditus hujusmodi caligine, lucifer eis resplendeat, et lætitia oriatur in cordibus eorum. Confidimus autem de vobis, fratres, in Domino, quoniam quæ præcepimus et facitis, et facietis. Quanto enim beneficia vestra his amplius exhibetis, tanto majorem vicissitudinem ab omnipotenti Deo cui serviunt expectatis. Omnipotens Deus sua vos protectione custodiat honoremque et præceptum servare concedat, et gloria honorque Deo Patri omnipotenti, ejusque unigenito Filio Salvatori nostro cum Spiritu sancto sit in sæcula sæculorum, Amen.

## INCIPIUNT DECRETA FABIANI PAPÆ.

(Anno Domini 242, Decio imperante.)

Dilectissimis ubique catholicæ Ecclesiæ comministris Fabianus, salutem in Domino. Divinis præceptis et apostolicis monemur institutis ut pro cunctarum Ecclesiarum statu impigro vigilemus affectu, unde consequens est debere vos scire, quæ apud Romanam in sacro aguntur ritu Ecclesiam, ut ejus sequentes exempla, ejus veri filii inveniamini, quæ vestra est mater vocata. Septem ergo diaconos in urbe Roma per septem regiones civitatis, sicut a patribus accepimus, habemus, qui per singulas hebdomadas et Dominicos dies atque festivitatum solemniam cum subdiaconibus et acolytis, ac sequentium ordinum ministris, injuncta sibi observant ministeria et parati omni hora sunt ad divinum officium et quidquid eis injungitur peragendum. Similiter et vobis, prout opportunum fuerit, per singulas civitates est faciendum, ut divinum absque ulla mora et negligentia studiose ac solemniter agatur officium. Denique septem similiter subdiaconos ordinavimus qui septem notariis imminerent et gesta martyrum veraciter in integro colligerent nobisque rimanda manifestarent, quod etiam vos omnes agere monemus, ne in posterum aliqua ex his dubitatio fiat, questioque oriatur, « quoniam omnia quæ scripta sunt ad nostram doctrinam scripta sunt. » Et quæ nostris temporibus veraciter scribuntur ad futurorum doctrinam diriguntur. Et ideo fidelissimis hæc negotia committi præcipimus, ne aliqua in eis illusio inveniat ex qua fidelibus scandalum, quod absit, oriatur, unde et charitatem vestram paterna dulcedine petimus ut in cunctis affectum vestræ charitatis sancta modo Ecclesia inveniat et favoris vestri solatiis quocunque necesse fuerit, potiatur. Et sicut bonitas studii vestri de se nobis certitudinem præbet, ut in nullo diffidere debeamus de ea, sed magis ut sapientibus filiis Ecclesiæ nostræ, hæc fiducialiter commendemus, ita post positas opportunitatis occasiones vestra efficacia elaborare enixius debet, atque in modis quibus possibile fuerit omni studio abigere contumelias. Hortamur etiam vos, juxta dictum Apostoli, stabiles esse et immobiles, abundantes in opere Domini semper, scientes quod labor vester non est inanis in Domino, et alibi : « Vigilate et orate et state in fide, viriliter agite et confortamini, omnia vestra in charitate fiant (I Cor. xvi, 13, 14). »

Insuper et illud vos scire desideramus, quia nostris temporibus præpedientibus quidem nostris peccatis, suadente antiquo hoste qui semper, « ut leo rugiens, circuit quærens quem devoret. » Supervenit Novatus ex Africa, et separavit de Ecclesia Christi Novatianum et quosdam alios Christi confessores,

A et convertit in pravam doctrinam. A quibus vos, fratres, avertite et cavete ab omnibus qui alteram fidem et doctrinam tenent quam apostoli et successores eorum tenuerunt et docuerunt, ne, quod absit, post eum abeuntes, in laqueum satanæ cadatis et compedibus ejus teneamini. Unde fraternitatis vestræ charitatem intimis obsecramus precibus, ut nostræ parvitat in vestris sacris orationibus memores esse dignemini, orantes ac deprecantes Dominum cœli, ut tam nos quam sancta mater Ecclesia Christi pretioso sanguine redempta, a laqueis venantis satanæ et ab importunis et malis hominibus liberemur, et sermo Dei currat et clarificetur, et prava eorum et omnium perversa docentium corruat doctrina atque deficiat. Precamur etiam ut pietatis vestræ precibus impetrare studeatis, ut Deus et Dominus noster Jesus Christus **35** qui vult omnes homines salvos fieri et neminem perire sua ingenti omnipotentia reverti faciat corda eorum ad sanam doctrinam et catholicam fidem, quatenus respiscant a diaboli laqueis quibus capti tenentur, et aggregentur filiis matris Ecclesiæ; reminiscetes quoque fratrum vestrorum, miseremini illorum quibus potestis bonis studiis vestris ne perdantur, sed et precibus et aliis bonitatis vestræ studiis Domino salventur. Ita ergo in his agite, ut obediētes filii et fideles sanctæ Dei Ecclesiæ appareatis, et ut mercedis præmia percipiatis.

C Hi et omnes qui rectam non docent doctrinam vel rectam non tenent fidem, accusatores neminem recte credentium accusare possunt, quia infamia sunt notati, et a sinu sanctæ matris Ecclesiæ apostolico mucrone usque ad rectam conversationem et reversionem eorum abscisi; unde apostolica auctoritate cum omnibus ejusdem apostolicæ atque universalis Ecclesiæ filiis statuentes sancimus, ut omnes qui in catholica fide suspecti sunt in accusatione recte credentium non suscipiantur, quia suspensiones semper sunt amovendæ. Merito ergo eorum reprobatum accusatio, qui in recta fide suspecti sunt, nec eis omnino est credendum qui Trinitatis fidem ignorant. Similiter omnes quos sanctorum Patrum statuta tam præteritis quam futuris temporibus anathematizant submovemus, et ab omni accusatione fidelium alienamus. Discreti ergo semper debent esse fideles ab infidelibus, et justi ab injustis, quoniam infideles et malivoli modis quibus possunt semper infestant fideles et perdere nituntur, et ideo non sunt suscipiendi, sed repellendi et procul abjiciendi, ne perdere fideles aut infamare possint. Quapropter, charissimi, cavete talium foveam in



quam multos cecidisse cognovimus; cavete talium jacula et antiqui hostis tentamenta, per quæ etiam proprios propinquos coram nobis vulneratos cadere vidimus. Attendite laqueos insidiantium quibus notos et commilitones strangulare solent; nolite tales sequi, sed procul repellite eos. Estote, juxta Veritatis vocem, prudentes ut serpentes, et simplices ut columbæ. Videte ne in vacuum quoque curratis aut laboretis, sed alterutrum fulti precibus et orationibus voluntatem Dei facere contendite, et a memoratis, si incorrigibiles apparuerint, vos in omnibus separate. Similiter et ab omnibus quos Apostolus commemorat dicens, cum eis nec cibum sumere, quia et illi sicut et isti sunt repellendi et ante satisfactionem Ecclesiæ non sunt suscipiendi, quoniam illi cum quibus cibum sumere non licet, manifeste apparent sequestrati usque ad satisfactionem a reliquis fratribus; quamobrem non debent nec possunt in accusationem fidelium suscipi, sed etiam ab eorum consortio usque ad jam dictam satisfactionem repelli, ne similes eis efficiantur, aut eorum excommunicationi subjaceant, quoniam sic apostoli statuerunt dicentes: Cum excommunicatis non est communicandum, et si quis cum excommunicatis avertendo regulas scienter psallat in domo, aut simul locutus fuerit, aut oraverit, ille communione privetur. Tales ergo in omnibus sunt cavendi et non suscipiendi, quia juxta Apostolum non solum qui faciunt damnantur, sed qui consentiunt facientibus. Unde et beatus apostolorum princeps Petrus, in ordinatione Clementis alloquens populum, inter cætera ait: Si inimicus est iste Clemens alicui pro actibus suis, vos nolite expectare, ut ipse vobis dicat, cum illo nolite amici esse, sed prudenter observare debetis, et voluntati ejus absque communicatione obsecundare et avertere vos ab eo cui ipsum sentitis adversum, sed nec loqui his quibus ipse non loquitur, ut unusquisque qui in culpa est, dum cupit omnium vestrum amicitias ferre, festinet citius reconciliari ei qui omnibus præest, et per hoc redeat ad salutem cum obedire cœperit monitis præsentis. Si vero quis amicus fuerit his quibus ipse non loquitur, unus est et ipse ex illis qui externi-

nare Dei Ecclesiam volunt, et cum corpore vobiscum esse videatur mente et animo contra vos est, et est multo nequior hostis hic quam illi qui foris sunt, et evidenter inimici sunt; hic enim per amicitiarum speciem quæ sunt inimica gerit, et ecclesiam dispergit ac vastat.

Ideoque, charissimi, his apostolicis institutis vos monentes instruimus, ut effecta certior charitas vestra sollicitius deinceps agere studeat et cautius, ne perversi et infideles homines lædendi fideles ac benevolos habeant facultatem, quoniam spes talium et omnium impiorum tanquam lanugo est quæ a vento tollitur, et tanquam spuma gracilis quæ a procella dispergitur, et tanquam fumus qui a vento diffusus est, et tanquam memoria hospitii unius diei prætereuntis. Summo opere, charissimi, tales cavendi sunt et avertendi atque rejiciendi si nocentes apparuerint, quia non solum ecclesiasticæ, sed etiam sæculi leges, si nocentes, non suscipiunt, sed repellunt. Unde scriptum est, os impiorum devorat iniquitatem, et Dominus per prophetam loquitur dicens: « Cum sancto sanctus eris, et cum perverso perverteris, et cum electo electus eris, et cum viro nocenti nocens eris (*Psal. xvi, 26 et seq.*); » et Apostolus inquit: « Perverterunt bonos mores colloquia mala (*I Cor. xv, 35*). » Idcirco, ut prælibatum est, jam mali sunt semper cavendi, et bonis atque benevolis est inhærendum, ut periculum desidiæ quantum possumus declinemus. Et ne pestis hæc latius divulgetur, severitate qua possumus abscindamus, quoniam non temeritas intervenit præsumptionis ubi est diligentia pietatis. Agat semper unusquisque vestrum hac informatione apostolica fultus juxta vires suas, et fraterna dilectione et sancta religione mores proprios conservare et in commune alterorum adjuvare et in charitate permanere, et in Dei voluntate indesinenter studeat inhære, ut simul laudantes Dominum indefessas semper illi gratias agamus. Valet in Domino, charissimi, et prædicta, ut melius potestis, Domino opem ferente, adimplere studete. Data Kalen. Julii, Maximio et Aphrico IV consulibus.

#### EPISTOLA CUJUS SUPRA AD OMNES EPISCOPOS.

FABIANUS episcopus urbis Romæ omnibus Orientalibus episcopis, et cunctis fidelibus in Domino salutem.

Exigit dilectio vestra sedis apostolicæ consulta, quæ vobis denegare non possumus, nec debemus, hoc autem et prædecessores nostros multarum regionum episcopis egisse liquet, et nos qui in eadem sede Domino largiente collocati sumus, agere debere fraterna charitas et obedientiæ debitum compellit. Cura est ergo vestræ sollicitudini adhibenda, ut ea quæ sunt ab apostolis eorumque successoribus ordinata, et instigante sancto Spiritu instituta, nec dissimulatio negligere, nec aliqua præsumptio valeat per-

turbare. Sed sicut hoc quod rationis exigebat utilitas oportuit definire, ita quod definitum est non debet violari. Litteris vestris vero inter cætera insertum invenimus quosdam regionis vestræ episcopos a vestro nostroque ordine discrepare, et non per singulos annos in cœna Domini chrisma conficere, sed duos aut tres annos confectionem sancti chrismatis semel actam conservare. Dicunt enim, ut in memoratis apicibus reperimus, nec balsamum per singulos annos posse reperire, nec necesse fore per singulos annos chrisma conficere, sed dum una confectio chrismatis abundat, aliam fieri necesse non habere. Errant enim qui talia excogitant, et mente

vesana potius quam recta sentientes, hæc dicunt. In illa enim die Dominus Jesus, postquam cœnavit cum discipulis suis, et lavit eorum pedes, sicut a sanctis apostolis prædecessores nostri acceperunt nobisque reliquerunt, chrisma conficere docuit; ipsa enim lavatio pedum nostrorum significat baptismum, quando sancti chrismatis unctione perficiuntur atque confirmantur. Nam sicut ipsius diei solemnitas per singulos annos est celebranda, ita ipsius sancti chrismatis confectio per singulos annos est agenda, et de anno in annum renovanda et fidelibus tradenda, quia novum sacramentum est per singulos annos, et jam dicto die innovandum, et vetus in sanctis Ecclesiis cremandum. Ista a sanctis apostolis et successoribus eorum accepimus, vobisque tenenda mandamus. Hæc sancta Romana Ecclesia et Antiochena a tempore apostolorum custodit; hæc Hierosolymorum et Ephesianorum tenet, in quibus apostoli præsidentes hæc docuerunt, et vetus chrisma incendi, et non amplius quam uno anno uti permiserunt, atque deinceps novo frui, et non veteri, jubentes docuerunt. Si quis ergo his obviare tentaverit, omnem sibi per vos et per omnes recte intelligentes, indulgentiæ aditum intelligat obsecratum, quia praviissimarum mentium perversa doctrina, dum indulgentius frenis utitur, in prævaricationem presumptionis delabitur. Et nullatenus eruitur, nisi prudentium sustentatione et correctione liberetur. Illa autem quæ circa divina mysteria et erga baptizandos in universo mundo sancta Ecclesia uniformiter agit, non otioso, contemplanda sunt intuitu, ne locum supervacuis intentionibus et superstitionibus faciamus. Rudes ergo fidelium mentes ad talia non debemus inducere, quia docendi potius sunt quam illudendi. Ad nostram enim lætitiā bene facta perveniunt, et maioris aculeis nos quæ fuerint male facta compungunt. Hic vero inter manus latronum et dentes luporum furentium utcumque versamur, et contumaces sunt subditi atque oves. Nam latratu canum baculoque pastoris luporum rabies deterrenda est; illa vero quæ fomentis non sanantur vulnera ferro abscindi necesse est. Nec silere possumus ut cum hic ab illicitis revocemus aliquos, officii nostri provocemur instinctu, in speculis a Domino constituti, ut vigilantia nostræ diligentiam comprobantes, et quæ coercenda sunt resecemus, et quæ observanda sunt censeamus.

Consulere etiam nos, ut in prædictis litteris vestris invenimus, super accusatione sacerdotum voluistis, quæ oppido apud vos, ut in eisdem apicibus reperimus, crebrescit. Significastis insuper plerisque attendere, multos in ipsis honoribus ecclesiasticis non congruenter vivere sermonibus et sacramentis quæ per eos populis ministrantur. O miseros homines, qui hos intuendo Christum obliviscuntur, qui et multo ante prædixit, ut legi Dei potius obtemperetur quam imitandi videantur illi qui ea quæ dicunt non faciunt et traditorem suum tolerans usque in finem ad evangelizandum cum cæteris mi-

sit. Nam apostoli talem consuetudinem non habuerunt, nec habendam docuerunt; similiter et successores eorum, quanquam multa de talibus, prævidentes Spiritu Dei futura, statuerunt. Porro, ut legitis in Actibus apostolorum, erat eo tempore inter fideles cor unum et anima una, neque aliquis eorum aliquid suum proprium dicebat, sed erant illis omnia communia. Nulla enim inter eos accusatio nisi familiaris erat, nec unquam inter imitatores eorum aut fideles fieri debet, dicente Domino: « Quod tibi non vis fieri, alteri ne facias. » Et idem: « Diliges proximum tuum sicut teipsum, et dilectio proximi malum non operatur. » Ipsi ergo apostoli et successores eorum olim statuerunt eos ad accusationem non recipi qui sunt suspecti vel qui heri aut nudiustertius vel dudum fuerunt inimici, quoniam suspecti facti sunt, et qui non sunt bonæ conversationis, vel quorum vita est accensibilis, aut dubii in recta fide. Similiter quorum fides, vita et libertas nescitur, vel qui infamiae maculis sunt aspersi, aut sceleribus irretiti; neque eos sacerdotes debere vel posse aut clericos accusare qui rite sacerdotes fieri non possunt, nec sui sunt ordinis. Quoniam sicut sacerdotes vel reliqui clerici a sæcularium laicorum excluduntur accusatione, ita illi ab istorum sunt excludendi et alienandi criminatione; et sicut isti ab illis, ita et illi ab istis non recipiantur, quoniam sicut Domini sacerdotum segregata debet esse conversatio ab eorum, ita et litigatio, quia servum Dei non oportet litigare.

Tales, charissimi fratres, accusationes et injustas aut nocivas emulationes pro viribus prohibete, quia contentio summopere est vitanda: septies enim cecidit justus in die et resurgit, impii autem corrueunt in malum: « Cum ceciderit inimicus tuus, ait Salomon, ne gaudeas, et in ruina ejus non exultet cor tuum, ne forte videat Dominus et displiceat ei, et auferat ab eo iram suam. Ne contendas cum pessimis, nec æmuleris impios, quoniam non habent futurorum spem mali, et lucerna impiorum exstinguetur, nec æmuleris viros malos, nec desideres esse cum eis, quia rapinam meditatur mens eorum et fraudes labia eorum loquuntur, » hæc cavete, charissimi.

Hæc meditamini et fratribus in omnibus solatium præstate, quia in hoc cognoscent omnes, ut ipsa per se Veritas ait, quoniam mei estis discipuli, si dilectionem habueritis ad invicem. Si enim in rebus sæcularibus suum cuiusque jus et proprius ordo servandus est, quanto magis in ecclesiasticis disputationibus nulla debet induci confusio! Quod ista observatione observabitur si nihil potestati, sed totum aequitati retribuitur.

Unde constat episcopos locorum singulorum omnium qui sub eorum degunt moderamine cura habere sollicitam, et causas utilitatesque eorum cum Dei timore disponere. Valde ergo iniquum est, ut alii quilibet, omissis suis, se illorum causis admisceant, sed illi eorum vitam et judicium competenti



regularique debeant moderamine disponere, qui eos in sacerdotium ordinant, et a quibus jam ordinati sunt, quoniam, ut lex loquitur, maledictus omnis est qui transfert terminos proximi sui; et dixit omnis populus: Amen. Deus ergo, fratres, ad hoc præordinavit vos, ut omnes qui summo sacerdotio funguntur, ut injustitias removeatis, et præsumptiones abscindatis, et in sacerdotio laborantibus succurratis, et opprobriis et calamitatibus eorum locum non præbeatis, sed ei qui calumniam et opprobrium patitur adiutorium feratis; illum vero qui calumniam vel opprobrium facit, abscindatis et Domino in suis sacerdotibus opem feratis.

Sacerdotes quoque Dominus sibi elegit ut sacrificent ei et offerant oblationes Domino; levitas quoque sub eis esse iussit in ministeriis eorum, unde ad Moysen loquitur dicens: « Princeps autem principum levitarum Eleazar filius Aaron sacerdotis erit super excubitores ecclesiæ sanctuarii: » de his enim locutus est Dominus ad Moysen. « Tolle levitas pro primogenitis filiorum Israel, et pecora levitarum pro pecoribus eorum, eruntque levitæ mei, ego Dominus (Num. iii, 34, 44, 45). » Si levitas suos esse Dominus voluit, quanto magis sacerdotes sibi ascivit? De quibus ait, si quis exteriorum accesserit morietur. Omnia vero quæ Domini sunt caute tractanda sunt et non leviter præcipitanda, quoniam et inter homines pro fidelibus habentur qui dominorum suorum causas bene custodiunt, et fideliter tractant atque præcepta dominorum suorum bene custodiunt et non transgrediuntur. Pro infidelibus vero reputantur hi qui dominorum suorum causas incaute et negligenter tractant et præcepta eorum despiciunt, et non, ut debent, custodiunt. Ideo hæc præmissimus ut cognoscatur ab his quibus incognitum est quod et sacerdotes (quos sibi Dominus de omnibus ascivit, et suos esse voluit) non sunt leviter tractandi nec lacerandi nec temere accusandi, aut reprehendendi nisi a magistris suis, quoniam eorum causas sibi Dominus reservare voluit, et suo iudicio vindicare. Nam in his et in aliis præceptis Domini et fideles cognoscuntur et infideles reprobantur; tolerandi enim hi sunt potius a fidelibus quam exprobandi, veluti palea cum tritico usque ad ultimum ventilabrum, sicut pisces mali cum bonis usque ad segregationem quæ futura est in littore, hoc est in fine sæculi. Nullatenus ergo potest condemnari humano examine quem Deus suo iudicio reservavit, ut propositum Dei quod decrevit salvare quod perierat fiat immobile. Et ideo, quia voluntas ejus non immutatur, nullus præsumat ea quæ sibi non sunt concessa; unde est illud quod Apostolus loquitur dicens: « Jam quidem omnino delictum est, quia iudicia habetis vobiscum, quare non magis iniquitatem patimini? quare non potius fraudamini? (I Cor. vi, 7.) » Ad illud redeatur quod Dominus ait: « Si quis voluerit tunicam tuam tollere, et in iudicio tecum contendere, dimitte ei et pallium (Math. v, 40). » Et alio loco: « Qui aufert quæ tua

A sunt, ne repetas (Luc. vi, 30). » Sunt autem quedam quæ levissima putarentur nisi in Scripturis demonstrarentur opinione graviora. Quis unquam dicenti fratri suo fatue reum g-hennæ putaret nisi ipsa Veritas diceret?

Illi vero qui illa peccata perpetrant de quibus Apostolus ait, quoniam qui talia agunt, regnum Dei non consequentur, valde cavendi sunt et ad emendationem, si voluntarie noluerint, compellendi, quia infamæ maculis sunt aspersi, et in barathrum delabuntur nisi eis sacerdotali auctoritate subventum fuerit; similiter, et illi de quibus ipse ait, cum huiusmodi hominibus nec cibum sumere, quia infamia sunt notati, antequam sacerdotali auctoritate sanentur, et in gremio sanctæ matris Ecclesiæ redintegrentur; quia qui extra nos sunt, nobiscum communicare non possunt. Manifestum est enim quod hi extra nos sunt et a nobis discreti esse debent, cum quibus nos nec edere, nec cibum sumere licet; similiter et omnes personæ quibuslibet turpitudinibus ac scurrilitatibus subjectæ infames sunt effectæ, et omnes qui adversus patres armantur, infames efficiuntur.

Arenam vero et salem et massam ferri facilius est portare quam hominem imprudentem et fatuum, atque impium; quoniam qui minoratur corde cogitat inania, et vir imprudens et errans cogitat stulta; multo enim supplantavit suspicio illorum, et in vanitate detinuit sensus illorum. Cor durum male habebit in novissimo, et qui amat periculum in ipso peribit. C cor ingrediens duas vias non habebit requiem, et pravi cordis in illis scandalizabitur; cor nequam gravabitur in doloribus, et peccator adjiciet ad peccandum.

Talia cogitantes sancti apostoli, eorumque successores Spiritu Dei repleti, malos homines prævidentes et simplices considerantes, difficilem aut nunquam voluerunt esse accusationem sacerdotum, ne a malis potuissent everti aut submoveri, quia si hoc facile concederetur sæcularibus et malis hominibus, aut nullus aut vix perpauci remanerent, quoniam semper fuit et est, et, quod peius est, nimis viget, ut mali bonos persequantur, et carnales spirituales infestent; ideoque, ut prædictum est, statuerunt ne accusarentur, aut si aliter fieri non possit, perdifficilis eorum fieret accusatio, et a quibus, prædictum est, non præsumeretur, neque a propriis selibus aut Ecclesiis episcopi ejicerentur; quod si quomodo præsumptum fuerit, antequam et proprius locus et sua omnia eis legibus redintegrentur, nullatenus a quoquam accusarentur, aut criminerentur, et nisi sponte elegerint, cuiquam pro talibus non reprehenderent, sed postquam, ut præfixum est, restituti fuerint, et sua omnia eis legibus redintegrata, dispositis ordinatisque suis magnum spatium tractandi causa eis concederetur. Et postea, si necesse fuerit, regulariter vocati venirent ad causam, et si justum visum fuerit, accusantium propositionibus sustentationem fratrum reprehenderent. Nulla enim per-

mittit ratio, dum ad tempus eorum bona, vel Ecclesiae, atque res ab æmulis aut a quibuscunque detinentur, ut aliquid illis objici debeat, nec quisquam potest eis quoquo modo quidlibet majorum vel minorum objicere dum Ecclesiis, rebus aut potestatibus carent suis.

Similiter statutum est, et nos eadem statuta firmantes, statuimus ut si aliquis clericorum suis episcopis infestus aut insidiator fuerit, eosque criminari voluerit, aut conspirator fuerit, ut mox ante examinatum judicium submotus a clero curiae tradatur, cui diebus vitae suae deserviat, et infamis absque ulla restitutionis spe permaneat.

Nec ullus unquam præsumat accusator simul esse et iudex vel testis, quoniam in omni judicio quatuor personas necesse est semper adesse, id est iudices electos et accusatores, ac defensores, atque testes. Similiter statuentes apostolica auctoritate jubemus, ne pastorem suum oves quæ ei commissæ fuerant, nisi in fide erraverit, reprehendere audeant, quia facta præpositorum oris gladio ferienda non sunt, neque potest esse discipulus super magistrum, dicente Veritatis voce: « Non est discipulus super magistrum nec servus super dominum suum. » Odibilis autem coram Deo et hominibus est superbia, et execrabilis omnis iniquitas; perdit Deus memoriam superborum, et relinquit memoriam humilium sensu. Semen hominum honorabitur hoc quod timet Deum. Semen autem hoc exhonorabitur hominum, quod præterit mandata Domini. In medio fratrum rector illorum in honore, et qui timent Dominum erunt in oculis ejus. « Fili, ait Salomon, in mansuetudine serva animam tuam, et da illi honorem cui honor competit. Priusquam interroges ne vituperes quemquam, et cum interrogaveris, corripere juste. Priusquam audias ne respondeas verbum, et in medio seniorum ne adjicias loqui. » Exemplo Cham filii Noe damnantur, qui patrum suorum culpas in

A publicum produnt, aut eos accusare vel detrachere præsumunt, veluti Cham qui patris sui Noe pudenda non operuit, sed deridenda monstravit. Similiter et illi exemplo Sem et Japhet justificantur, qui reverenter operiunt, et non produnt ea quæ patres suos excessisse cognoscunt. Si enim a fide deviaverit episcopus, erit corrigendus prius secrete a subditis suis; quod si incorrigibilis, quod absit, apparuerit, tunc erit accusandus ad primates suos aut ad sedem apostolicam.

Pro aliis vero actibus suis magis est tolerandus ab ovibus et subditis suis quam accusandus, aut publice derogandus, quia cum in eis a subditis delinquitur, ejus ordinationi obviat qui eos ei prætulit dicente Apostolo: « Dei ordinationi resistit qui potestati resistit (*Rom. xiii, 2*). » Qui vero omnipotentem Deum metuit, nec contra Evangelium, nec contra apostolos, nec contra prophetas, vel sanctorum patrum instituta aliquid ullo modo agere consentit; sacerdotes ergo honorandi sunt, non lacerandi vel exprobrandi sunt; legitur in Ecclesiaste: « In tota anima tua time Deum, et sacerdotes illius sanctifica; in omni virtute tua dilige eum qui te fecit, et ministros ejus non derelinquas. Honora Deum ex tota anima tua, et honorifica sacerdotes, et propurga te cum brachiis; da illis partem, sicut mandatum est tibi, primitiarum et purgationis, et de negligentia purga te cum paucis. Datum brachiorum tuorum et sacrificium sanctificationis offerens Domino, et initia sanctorum; et pauperi porrige manum tuam, ut perficiatur propitiatio et benedictio tua (*Eccli. vii, 31 et seq.*). » Hæc non tantummodo vobis, sed omnibus fratribus per vos nota fieri volumus, ut unanimes, unum sentientes, permaneamus in Christo, nihil per contentionem nobis, neque per inanem gloriam vindicantes, non hominibus, sed Deo Salvatori nostro placentes, cui est honor et gloria in sæcula sæculorum. Amen.

#### EPISTOLA FABIANI PAPÆ.

Dilectissimo fratri HILARIO episcopo FABIANUS.

Divinæ circa nos gratiæ memores esse debemus, qui nos per dignationis suæ misericordiam ob hoc ad fastigium sacerdotale provexit, ut mandatis ipsius inhærentes, et in quadam sacerdotum ejus specula constituti prohibeamus illicita, et sequenda doceamus. Intantum enim in occiduis partibus quibus moraris audivimus astutiam diaboli sævire in populum Christianum, atque in multiplici deceptione prorumpere, ut non solum laicos sæculares, sed ipsos quoque Domini sacerdotes premat atque vexet. Unde in grandi mœrore positi dissimulare non possumus quod corrigere atrociter debemus, quapropter competens adhibenda est talibus medela vulneribus, ne immatura curandi facilitas mortifera capitis peste nihil possit, sed segnius tracta perniciēs reatu non legitime curationis

involvat pariter sauciatos et medentes. Ob id ergo statuentes decernimus, ut hi qui non sunt D 37 bonæ conversationis, aut quorum vita est accusabilis, aut quorum fides, vita et libertas nescitur, non possint Domini sacerdotes accusare, ne viles personæ ad accusationem eorum admittantur. Similiter qui in aliquibus criminibus irretiti sunt, vel qui sunt suspiciosi, vocem adversum majores natu non habeant accusandi, quia suspiciosa vox et inimica veritatem solet opprimere. Peregrina vero judicia salva in omnibus apostolica auctoritate generali sanctione prohibemus, quia indignum est ab externis ut judicetur, qui provinciales et a se electos debet habere iudices, nisi fuerit appellatum. Unde oportet, si aliquis episcoporum super certis accusetur criminibus, ut ab omnibus audiatur, qui sunt in provincia episcopis, quia non oportet accusatum ali-



cubi quam in foro suo audiri. Si quis vero judicem adversum sibi senserit, vocem appellationis exhibeat, appellentem aut non debet afflictio ulla aut detentionis injuriari custodia. Sed liceat appellatori vitiatam causam appellationis remedio sublevare. Liceat etiam in causis criminalibus appellare, nec vox appellandi denegetur ei quem supplicio sententia destinavit. Pulsatus ante suum judicem causam dicat, et non ante suum judicem pulsatus si voluerit taceat, et ut pulsatis quoties appellaverint induciæ dentur. Si quis ergo iratus crimen aliquod cui libet temere objecerit, convicium non est pro accusatione habendum, sed permissio tractandi spatio, id quod iratus dixit per Scripturam se probaturum esse fateatur, ut si fortasse respiciens quæ pro iracundia dixit iterare aut scribere noluerit, non ut reus criminis teneatur. Omnis ergo qui crimen objicit scribat se probaturum. Revera semper ibi causa agatur, ubi crimen admittitur. Et qui non probaverit quod objecit, pœnam quam intulerit ipse patiatur. Placuit etiam ut si episcopus accusatus appellaverit ad apostolicam sedem, id statuendum quod ejusdem sedis pontifex censuerit; hæc tamen omnino in sacerdotum causa forma servetur, ne quemquam sententia non a suo iudice dicta constingat.

Occurrere quoque quisque fidelium ruinis debet oppressorum et miserorum subsidio, quo valeant ex relevatione alienæ vindictæ a se Dei removere vindictam. Libat enim Domino prospera qui ab afflictis pellit adversa, unde scriptum est: « Frater fratrem adjuvans exaltabitur. » Ecclesia enim Dei sine macula et ruga debet existere, et ideo non oportet eam a quibusdam conculcari aut maculari, quia scriptum est, « Una est columba mea perfecta mea (Cant. vi, 8). » Hinc iterum Dominus ad Moysen ait: « Est locus penes me, et stabis super petra (Exod. xxxiii, 21). » Quis est locus qui non sit Domini dum cuncta in ipso per quem creata sunt continentur. Est tamen locus apud eum, videlicet sanctæ Ecclesiæ unitas, in qua supra petram statur, dum confessionis soliditas humiliter tenetur, Te, frater, et omnes fratres nostros Ecclesiam Christi sanguine redemptam regentes monemus, ut omnes a præcepto in quo fratres et Domini pastoribus detrahendo et persequendo verbis et factis labuntur, laqueis quibus potestis retentetis, et lacerari eos in hamo iræ non permittatis, quia scriptum est: « Ira enim viri iustitiam Dei non operatur (Jac., 1, 20). » Hinc rursum dicitur. « Sit omnis homo velox ad audiendum, tardus autem ad loquendum, et tardus ad iram (Jac., 1, 19). » Hæc autem vos auctore Deo omnia servare non ambigo, sed occasione admonitionis exorta bonis vestris desideris, et operibus me furtive subjungo, ut quod non admoniti facitis, quando vobis etiam admonens, additur, jam non soli faciatis. Quapropter fratres oportet vos et omnes fideles diligere invicem, et non detrahare aut accusare alterutrum. Scriptum est enim: « Dilige proximum et con-

PATROL. CXXX.

jungere fide cum illo. Quod si denudaveris absconsa illius non persequeris post eum. Sicut enim homo qui perdit amicum suum, sic, qui perdit amicitiam proximi sui. Et sicut qui dimittit avem de manu sua, sic dereliquisti proximum tuum et non eum capies. Non illum sequeris, quoniam longe abest, effugit enim quasi capræa de laqueo, quoniam vulnerata est anima ejus. Ultra eum non poteris colligare, et maledicti est concordatio. Denudare autem amici mysteria desperatio est animæ infidelis. Annuens oculo fabricat iniqua, et nemo eum abjiciet; in conspectu oculorum tuorum conculcabit os suum, et super sermones tuos admirabitur: Novissime autem pervertet os suum, et in verbis tuis dabit scandalum. Multa audivi et non cœquavi ei, et Dominus odiet illum. Qui in altum mittit lapidem, super caput ejus cadit, et plaga dolosa dolosi dividet vulnera; qui fodit foveam decidet in illam, et qui statuit lapidem proximo offendet in eo, et qui laqueum alii ponit peribit in illo. Facienti consilium nequissimum super ipsum devolvetur, et non agnoscet unde adveniet illi. Illusio et improprium superborum et vindicta sicut leo insidiabitur illis. Laqueo peribunt qui oblectantur casu justorum: dolor autem consumet illos antequam moriantur. Ira et furor utraque execrabilia, et vir peccator continens erit illorum. Qui vindicari vult a Deo inveniet vindictam, et peccata illius servans servabit. Relinque proximo tuo nocenti tibi, et tunc deprecanti tibi peccata solventur. Homo homini servat iram et a Deo quærit medelam. In hominem sibi similem non habet misericordiam, et de peccatis suis deprecatur Altissimum. Ipse dum caro sit servat iram et propitiationem petit a Deo? Quis exorabit pro delictis suis? Memento novissimorum tuorum et desine inimicari. Tabitudo enim et mors imminet in mandatis. Memorare timorem Domini et non irascaris proximo. Memorare testamenti Altissimi, et despice ignorantiam proximi. Abstine te a lite et minues peccata: homo enim iracundus incendit litem, et ut peccator turbabit amicos, et in medio pacem habentium immittet inimicitiam. Secundum enim ligna silvæ, sic ignis exardescet, et secundum virtutem hominis iracundia illius erit, et secundum substantiam suam, sic exaltabit iram suam. Certamen festinatum incendit ignem, et lis festinans effundet sanguinem: et lingua testificans adducet mortem. Si sufflaveris, in scintillam quasi ignis exardebit, et si expueris super illam, exstinguetur et utraque ex ore proficiscuntur. Susurro et bilinguis maledictus, multos enim turbavit pacem habentes. Lingua tertia multos commovit, et dispersit illos a gente in gentem. Civitates muratas divitum destruxit, et domos magnatorum effodit: virtutes populorum concedit et gentes fortes dissolvit. Lingua tertia mulieres veridicas eiecit et privavit illas de laboribus suis. Qui respicit illam non habebit requiem, nec habitabit in requie. Flagelli plaga livorem facit, plaga autem linguæ comminuit ossa. Multi ceciderunt in

ore gladii, sed non sic quomodo qui interierunt per linguam suam. Beatus est qui tectus est a lingua nequam, et qui in iracundiam illius non transiit, et qui non attraxit jugum ejus, et vinculis ejus non est ligatus.

Jugum enim illius jugum ferreum est, et vinculum illius vinculum æreum est; mors illius mors nequissima, et utilis potius infernus quam illa. Perseverantia illius non permanebit, sed obtinebit vias injustorum, et flamma sua non comburet justos. Qui derelinquunt Deum incidunt in illam, et exardescet in illis et non exstinguetur et immittetur in illos quasi leo, et quasi pardus lædet illos. Sepi aures tuas spinis et noli audire linguam nequam, et ori tuo facito ostia et seras auribus tuis. Aurum tuum et argentum conflat, et verbis tuis facito stateram, et frenos ori tuo rectos. Attende ne forte labaris in lingua tua et cadas in conspectu inimicorum insidiantium tibi, et sit casus tuus insanabilis in mortem (*Eccli. xxvii, xxviii*). » Ista caveant omnes et cohibeant linguas suas a malo, et labia eorum ne loquantur dolum.

De cætero, charissimi confortamini, in Domino et

A in potentia virtutis ejus, induite vos arma Dei, ut possitis stare adversus insidias diaboli, quoniam non est nobis coluctatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitiae in cœlestibus, propterea accipite armaturam Dei ut possitis resistere in die malo et in omnibus perfecti stare. State ergo succincti lumbos vestros in veritate et induti lorica justitiæ et calceati pedes in præparatione evangelii pacis, in omnibus sumentes scutum fidei in quo possitis omnia tela nequissimi ignea exstinguere. Et galeam salutis assumite, et gladium Spiritus sancti quod est verbum Dei. Hæc frater quæ tibi scripsimus generaliter omnibus nota fieri volumus, ut quæ cæteros tangunt, omnibus nota fiant. Omnipotens Deus te, frater, et reliquos fratres nostros ubique consistentes, protegat usque in finem, qui cunctum mundum dignatus est redimere Jesus Christus Dominus noster qui est benedictus in sæcula, Amen. Data xvii Kalend. Novemb. Africano et Decio IV cc. consul.

## INCIPIUNT DECRETA CORNELII PAPÆ.

*De translatione corporum apostolorum, et quibusdam hæreticis.*

(Anno Domini 255, Decio imperatore regnante.)

Charissimis atque dilectissimis fratribus sanctæ Dei Ecclesiæ filiis et omnibus Domino recta fide famulantibus, CORNELIUS episcopus.

Videns charitatis vestræ benevolentiam quia apostolorum amatores estis, eorumque fidem et doctrinam tenetis, decrevi vobis scribere Domino auctore quædam ex his quæ nunc temporis necessaria sunt sciri, et quæ apud nos in Ecclesia auxiliante Domino Romana meritis apostolorum nuper acta sunt sive geruntur, quoniam patrocinate charitate credo vos paternam gratia scripta sedis apostolicæ libenter suscipere et mandata ejus peragere, atque de ejus profectibus gratulari, quia quisque se in radice charitatis inserit, nec a viriditate deficit, nec a fructibus inanescit, nec amore fecunditatis opus efficax amittit. Ipsa enim charitas exercet corda fidelium, sensus corroborat, ut nihil grave, nihil difficile, sed fiat totum dulce quod agitur, dum ejus proprium sit nutrire concordiam, servare mandata, atque dissociata conjungere, prava dirigere, et cæteras virtutes perfectionis suæ munimine solidare. Quapropter rogo vos nobis congratulari, quia rogatu cujusdam devotæ feminæ atque nobilissimæ matronæ Lucinæ levata sunt corpora apostolorum Petri et Pauli de Catacumbis; et primo quidem beati Pauli corpus levatum silentio ac positum est in

C prædium prædictæ matronæ, via Ostiensi, ad latus ubi decollatus est. Postea vero beati apostolorum principis Petri accepimus corpus, et condecenter posuimus illud juxta locum ubi crucifixus est inter corpora sanctorum episcoporum, in templo Apollinis, in monte Aureo in Vaticano palatii Neronis tertio Kalendarum Juliarum die, orantes Deum et Dominum nostrum Jesum Christum, ut intercedentibus suis sanctis apostolis maculas vestrorum purget peccatorum, et in sua vos conservet voluntate diebus vitæ vestræ, et in fructu boni operis vos perseverabiles reddat. Vos vero his congaudete quia et ipsi sancti apostoli de vestro congratulantur gaudio. Vos semper Deum laudate et ipse glorificetur in vobis; scriptum est enim: « Quid retribuam Domino pro omnibus quæ retribuit mihi? Calicem salutaris accipiam et nomen Domini invocabo (*Psal. cxv, 12, 13*). » Tantum enim a nobis exigitur quantum possumus famulatus nostri obsequio commodare; unde quidem tanto nos necesse est importunis prædicationibus insistere, quanto nobis perfectæ negotiationis creditur duplicata talentorum assignatio, atque Dominicæ vocis ad suscipiendam ejus requiem suadet assertio.

Hæc invidens antiquus hostis suscitavit nobis adversarium Novatum, rectæ fidei et sanctæ do-



ctinæ æmulum, qui extra Ecclesiam ordinavit Novatianum, et in Africa Nicostratum, utrosque hæreticos sicut ille erat. Illi vero conatibus, quibus potuerunt, multos a recta et catholica fide suadentes recedere fecerunt, et post se in perversam et Deo odibilem doctrinam corrumpere persuaserunt. Sed sicut istorum tergiversationibus nimis sumus contristati et de eorum perditione contriti, sic de aliorum conversatione Domino auxiliante sumus lætificati. Deus autem omnipotens qui tristibus miscet læta, oppido nos lætificavit, quo quidam confessores qui dudum fuerant fideles, a nobis et a recta fide diabolo instigante se separantes, cum Maximo presbytero ad Ecclesiam Catholicam et fidem rectam sunt reversi, et denuo sicut prius facti sunt confessores fideles. Quapropter, charissimi, hortamur vos et deprecamur per Dominum nostrum Jesum Christum, ut et prædictos hæreticos, et omnes quos a recta fide et doctrina apostatare cognoveritis, exhortationibus et bonis studiis vestris ad catholicam fidem et rectam doctrinam **38** convertere contendite, et in Dei voluntate persistere suadete. Et non solum hos, sed omnes qui nondum fidem rectam perceperunt, ad catholicam fidem perducere festinate, « quia neque mors, neque vita, neque angeli, neque principatus, neque instantia, neque futura, neque fortitudo, neque altitudo, neque profundum, neque creatura alia (magistro gentium docente) poterit nos separare a charitate Domini nostri Jesu Christi, et quæ in ipso est « recta fide (Rom. viii, 38, 39). » Nolite itaque amittere confidentiam vestram, quæ magnam habet remunerationem (Hebr. x, 35). » Patientia enim nobis necessaria est ad colluctationes adversariorum, quatenus fidem intemeratam usque in finem conservantes repromissionem percipiamus quam repromisit his qui legitime certare properant. « Adhuc enim modicum aliquantulum, qui venturus est,

veniet et non tardabit (Ibid., 37). » Ecce enim iudex ante januam assistit, coronas hilariter promittens his qui pro eo passionibus submituntur. Quod si subtraxerit se quis, non placebit animæ meæ, sed cadet de promissione propter negationem. Nos autem non sumus subtractionis filii in perditionem, sed fidei in acquisitionem animæ. Propter quod assumite arma Dei, ut possitis resistere in die malo adversus omnes inimicos sanctæ Ecclesiæ et vestros, et induite vos lorica iustitiæ, et calceati pedes in præparatione Evangelii pacis, in omnibus assumentes scutum fidei, in quo possitis omnia jacula nequissimi ignita exstinguere. Et galeam salutis assumite, et gladium Spiritus, quod est verbum Dei, per omnem orationem et obsecrationem radicati et fundati in solatio fratrum pro Christo Jesu Domino nostro. Sed et nunc, fratres, commendamus vos Domino et omnes verbo gratiæ ejus, qui potest perficere et dare hæreditatem nobis cum omnibus sanctis. Ipse autem Deus pacis et consolationis det vobis idipsum sapere in alterutrum, ut vobis invicem succurratis et non sitis divisi, ut unanimes, uno ore et uno corde honorificetis eum in concordiam et consolationem fratrum, qui potest confirmare vos secundum Evangelium ejus, juxta revelationem æterni mysterii, temporibus scilicet perpetuis, quibus vobis futurorum gaudiorum largienda sunt munera. Summopere considerare etiam debetis quod illi qui fratribus invident eosque damnare atque perdere cupiunt, per se sua dogmata destruunt. Dicit enim Dominus : « Omne regnum in se divisum non stabit (Matth. xii, 25), » et omnis scientia et lex adversum se divisa non stabit. Ideoque necesse est ut concordati salubres suscipiatis hortatus, et nihil per contentionem agentes, sed ad omne studium devotionis unanimes divinis et apostolicis constitutionibus pareatis. Data vii Idus Septembris, Decio et Maximo iii cc.

#### ITEM EPISTOLA CORNELII PAPÆ ORIENTALI EPISCOPO DIRECTA.

*Ne sacerdotes Domini jurare præsumant vel compellantur.*

CORNELIUS episcopus RURO coepiscopo in Domino salutem.

Exigit dilectio tua, frater charissime, ut ex auctoritate sedis apostolicæ tuis deberemus consultibus respondere. Quod licet non prolixè, sed succincte agere festinarem propter quasdam importunitates quæ nostris præpredientibus peccatis in nos supervenire, tuis tamen per reliqua sanctorum patrum instituta studiis perquirere latius, et investigare permittimus. Non enim potest mens attrita et oneribus atque importunitatibus gravata tantum boni peragere, quantum delectata et oppressionibus soluta. Non ergo ista ob id prætulimus, ut hæc et alia quæ necessaria fore cognoverimus tuæ Sanctitati velimus denegare, sed quod hic minus invenitur, latius perquiratur. Sacramentum autem hac-

tenus a summis sacerdotibus vel reliquis exigi, nisi pro fide recta minime cognovimus, nec spontaneos jurasse reperimus. Summopere ergo sanctus Jacobus apostolus prohibens sacramentum loquitur dicens : « Ante omnia, fratres mei, nolite jurare, neque per cælum, neque per terram, neque aliud quodcunque juramentum. Sit autem sermo vester, est, est, non non, ut non sub judicio decidatis (Jac. v, 12). » Et Dominus in Evangelio ait : « Audistis quia dictum est antiquis, non perjurabis, reddes autem Domino juramenta tua. Ego autem dico vobis, non jurare omnino; neque per cælum, quia thronus Dei est, neque per terram quia scabellum est pedum ejus, neque per Hierosolimam, quia civitas magni regis est, neque per caput tuum juraveris, quia non potes unum capillum album facere aut nigrum. Sit autem

sermo vester, est est, non non. Quod autem his abundantius est; a malo est (*Matth. v, 33-37*), id est ab exigente et a jurante. Hæc, frater charissime, ipse Dominus prohibet, id est non debere jurare, hæc apostoli maxime omnes, hæc sancti viri prædecessores nostri qui huic sanctæ universali apostolicæ Ecclesiæ præfuerunt ante nos, hæc prophetae et reliqui sancti doctores per universum mundum dispersi ad prædicandum, juramenta fieri vetant. Quorum nos exempla si cœperimus enumerare, aut in schedula hac inserere, ante deficeret hora diei quam eorum exempla de hac causa prohibita. Quæ nos sanctorum sequentes apostolorum eorumque successorum jura firmamus, et sacramenta incauta fieri prohibemus. Unde et ipse Dominus in tabulis lapideis quas Moysi dedit, propria manu scripsit, dicens. « Vide ne assumas nomen Dei tui in vanum (*Exod. xx, 7*), » et reliqua. Nos autem (ut paulo superius prælibavimus) sacramentum episcopis nescimus oblatum, nec unquam fieri debet, quoniam (ut supra memoratum est) præceptum est nobis a Domino non jurandum, neque per cælum, quia thronus Dei est, neque per terram, quia scabellum est pedum ejus, neque per caput suum, quia nullus potest unum capillum creare. Unusquisque enim sicut ante altare stans Dei timorem habet præ oculis et propriam conscientiam mundam servat Deo, quod in memoria retinet, nullatenus habet intermittere, quoniam os quod mentitur occidit animam. Et Apostolus ait : « Loquimini veritatem unusquisque cum proximo suo, quoniam sumus invicem membra (*Ephes. iv, 25*). » Et alibi : « Nolite mentiri invicem (*Col. iii, 9*). » Hæc sunt præcepta Salvatoris, hæc prophetarum, hæc sanctorum Patrum instituta. Quæ si quis in vanum duxerit, hostis est animæ suæ, quia nemo contra prophetas, nemo contra apostolum, nemo contra Evangelium facit aliquid absque periculo. Et summopere prævidendum est, ne pastorem suum oves quæ ei commissæ fuerant reprehendere (nisi a fide exorbitaverit) neque accusare præsumant, quoniam tales accusationes vim non habent, neque eis nocere possunt. « Unum vero, charissimi, » ut ait beatus apostolus Petrus, « non lateat vos, quia unus dies apud Dominum, sicut mille anni, et mille anni sicut unus dies. Non tardat Dominus promissis, sed patienter agit propter vos, nolens aliquos perire, sed omnes ad poenitentiam reverti. Adveniet autem dies Domini ut fur, in qua cœli magno impetu transierint, elementa vero calore solventur. Cum hæc igitur omnia dissolvenda sunt, ex his potestis considerare quales oportet vos esse in sanctis conversationibus et pietatibus, expectantes et properantes in adventum diei per quem cœli ardentes solventur, et elementa ignis ardore tabescent (*II Petr. iii, 8-12*). » Vos autem, charissimi, dixit Judas apostolus, memores estote verborum quæ prædicta sunt ab apostolis Domini nostri Jesu Christi, qui dicebant vobis, quoniam in novissimo tempore venient illusores secundum sua desideria ambulantes impietatum. Hi sunt qui segregant semetipsos, animales, spiritum non habentes. Vos autem, charissimi, superædificantes vosmetipsos sanctissimæ vestræ fidei in Spiritu sancto orantes ipsos vos in dilectione Dei servate, expectantes misericordiam Domini nostri Jesu Christi in vitam æternam. Et hos quidem arguite judicatos, illos vero salvate de igne rapientes. Aliis autem miseremini in timore, odientes eam quæ carnalis est maculatam tunicam. Nullus enim sacerdotum causam suam alieno committat judicio, nisi ad sedem apostolicam fuerit appellatum, sed unusquisque comprovinciales judices et notos habeat, nisi aliquam vim temerariæ multitudinis illic timuerit, aut infestos, aut suspectos inibi judices habuerit, pro quibus causis ad majoris auctoritatis judices, et ad alias provincias appellare et venire concessum est. Omnia ergo quæ adversus absentes in omni negotio aut loco aguntur aut judicantur omnino vacuentur, quoniam absente nullus addicit, nec ulla lex damnat, facile ergo homo hominem fallere potest, non tamen Deum, cujus oculis omnia nuda sunt et aperta. Unde ait propheta : « Dominus novit cogitationes hominum quoniam vanæ sunt (*I Cor. iii, 20*). » Sapiens ergo non est qui nocet, nec quidquam mali vult qui fidelis est, aut cuiquam insidias machinatur.

Hortamur, frater, et monemus tuam dilectionem, ut omnes semper, prout melius potueris, adjuves, confortes et consoleris, et sacramenta super quibus hanc sanctam Romanam ac universalem Ecclesiam consulere voluisti, fieri prohibeas et neminem unquam infestes, aut noceas. Hæc, frater ad reliquorum fratrum notitiam tua faciat sanctitas pervenire, ut omnes hæc mala caveant, et sicut generaliter tam ab ipso Domino quam a sanctis et reliquis apostolicis viris, et cæteris patribus sunt prohibita, ita generaliter ab omnibus custodiantur. Bene valere beatitudinem tuam semper optamus, et sacris virtutibus proficere te desideramus, frater charissime atque amantissime. Data xi Kalendas Junii, Maximo et Decio IV consulibus.

## INCIPIUNT DECRETA LUCII PAPÆ.

(Anno Domini 258, Gallo Hosuliano imperatore regnante.)

Dilectissimis fratribus omnibus episcopis in partibus occidentalibus tam Gallis quam et Hispanis consistentibus, Luctus episcopus in Domino salutem.

Litteras dilectionis vestræ quas ad beati Petri apostoli sedem pro vestri causa negotii misistis, libenter suscepimus, sed de vestris afflictionibus



non modice contristati sumus. Significastis enim vos tam a quibusdam non rectam fidem tenentibus, sed erroribus implicitis, quam et ab aliis eos imitantibus vos persequi et infamari, atque vestras ecclesias suis dotibus, et fidelium oblationibus exspoliari, vestrosque ministros nimis vexari, et ideo multos a vobis et a recta fide discedere, quoniam eis non potestis defensionem impendere nec ea quæ necessaria sunt ministrare. Nolite mirari, fratres, si vos malevoli et impii persequuntur, cum ipsum Christum caput nostrum sint persecuti, unde et consolatricem ipsam habetis Veritatem, quæ ait : « Si patremfamilias Belzebuth vocaverunt, quanto magis domesticos ejus (*Matth. x, 25*) ! » Ipsa iterum consolans nos, loquitur dicens. « Si de hoc mundo fuissetis, mundus quod suum erat diligeret, sed quia non estis de hoc mundo, sed ego elegi vos de mundo, propterea odit vos mundus (*Joan. xv, 19*). » Propter tales, fratres, hortamur vos sicut et in hac sancta Ecclesia constitutum habemus, ut semper testes vobiscum sacerdotes et diaconos habeatis, et licet conscientiam sufficere possit propria, tamen propter malevolos, juxta apostolum etiam testimonium vos oportet habere bonum ab his qui foris sunt. Quoniam in hac sancta sede constitutum habemus, ut duo presbyteri, vel tres diaconi in omni loco episcopum non deserant propter testimonium ecclesiasticum. Episcopi ergo non sunt leviter accusandi vel detrahendi, quia injuria eorum ad Christum pertinet, cujus vice et legatione funguntur in Ecclesia. Unde vobis omnibus et qui vobiscum sunt in nostro solatio, sicut et olim factum invenimus, constitui placuit, ut criminationes majorum natu per alios non fiant, nisi per ipsos qui crimina intendunt, si tamen ipsi et digni et irreprehensibiles apparuerint, et actis docuerint publicis, omni se carere suspitione atque inimicitia, et irreprehensibilem fidem ac conversationem **39** ducere. Unde placuit ut a quibuscunque judicibus ecclesiasticis ad alios judices ecclesiasticos, ubi est major auctoritas (si fuerit provocatum), audientia non negetur. Item constituimus sicut et a sanctis apostolis, eorumque successoribus decretum reperimus : si quis metropolitanus episcopus nisi quod solummodo ad propriam pertinet parochiam sine consilio et voluntate omnium comprovincialium episcoporum extra aliquid agere tentaverit, gradus sui periculo subjacebit, et quod egerit irritum habeatur et vacuum. Sed quidquid de comprovincialium coepiscoporum causis eorumque ecclesiarum et clericorum atque sæcularium necessitatibus, aut de quibuscunque communibus causis agere aut disponere necesse fuerit, hoc cum omnium consensu comprovincialium agatur pontificum, non aliquo dominationis fastu, sed concordii et humillima administratione, sicut Dominus ait : « Non veni ministrari, sed ministrare (*Marc. x, 45*) » Et alibi : « Qui major est vestrum, erit minister vester (*Matth. xxiii, 11*), » et reliqua. Similiter et ipsi comprovinciales episcopi cuncta cum ejus consilio,

nisi quantum ad proprias pertinet parochias, agant juxta sanctorum constituta patrum, ut uno animo, uno ore concorditer sancta glorificetur Trinitas in sæcula. Similiter auctoritate fulti apostolica, præcipimus, ut nullus metropolitanus episcopus absque cæterorum omnium comprovincialium episcoporum instantia aliquorum audiat causas eorum, quia irrita erunt, et ipse causam pro facto dabit. Episcopi vero per singulas provincias observent ne posteriores se prioribus suis præferant, nec eis inconsultis, nisi quantum ad propriam pertinet parochiam, aliquid agant, sed omnes de communibus eorum causis consonam sententiam proferant et determinent, quoniam aliter acta nullas vires habebunt, nec ecclesiastica reputabuntur.

**B** Bonum esset, fratres, et valde Deum timentibus, et pie vivere volentibus necessarium, si intra catholicam Ecclesiam nullius mali aut infestationis alicujus erga Domini sacerdotes aut juste et pie volentes vivere germen exsurgeret. Sed quia prævalente invidia, quod deterius est, surgit et crescit atque nimis se in omnes partes extendit, ideo necesse est illud ecclesiastico et apostolico abscondi mucrone, ne servos Dei ac Domini sacerdotibus valeat nocere aut perdere. « Exhonoravit enim Dominus, » ut in Ecclesiastico legitur libro, » conventus malorum, et destruxit Deus eos usque in finem. Sedes ducum superbiorum destruxit Deus, et sedere fecit mites pro eis. Radices gentium superbarum arefecit Deus, et plantavit humiles ex ipsis gentibus. Terras gentium evertit Dominus, et perdidit eas usque ad fundamentum. Arefecit ex ipsis et disperdidit eos, et cessare fecit memoriam eorum de terra. Perdidit Deus memoriam superbiorum, et reliquit memoriam humilium sensu. Non est creata hominibus superbia neque iracundia nationi mulierum. Semen hominum honorabitur hoc quod timet Deum, semen autem hoc exhonorabitur hominum quod præterit mandata Domini. In medio fratrum rector illorum in honore, et qui timent Dominum, erunt in oculis ejus. Gloria divitum honoratorum et pauperum timor Dei est : noli despiciere hominem justum pauperem, et noli magnificare virum peccatorem divitem. Magnus est Judex, et potens est honore, et non est major illo qui timet Deum. Servo sensato liberi serviunt, et vir prudens et disciplinatus non murmurabit correptus, et inscius non honorabitur. Noli te extollere in faciendo opera tua, et noli cunctari in tempore angustiae. Melior est qui operatur et abundat in omnibus quam qui gloriatur et eget pane. Fili, in mansuetudine serva animam tuam et da illi honorem secundum meritum suum. Peccantem in animam suam quis justificabit ? et quis honorificabit exhonorantem animam suam ? Pauper gloriatur per disciplinam et timorem suum, et est homo qui honorificatur propter substantiam suam. Qui gloriatur in paupertate, quanto magis in substantia ? et qui gloriatur in substantia, paupertatem vereatur.

Sapientia humiliati exaltabit caput ejus, et in medio magnatorum considerare illum faciet. Non laudes virum in specie sua, neque spernas hominem in visu suo. Brevis in volatilibus est apis, et initium dulcoris habet fructus illius. In vestitu ne glorieris unquam, nec in die honoris tui extollaris, quoniam mirabilia opera Aluissimi solius, et gloriosa et absconsa et invisa opera illius. Multi tyranni sederunt in throno, et insuspicabilis portavit diadema. Multi potentes oppressi sunt valide, et gloriosi traditi sunt in manus alterorum. Priusquam interroges, ne vituperes quemquam, et cum interrogaveris, corripe juste. Priusquam audias, ne respondeas verbum, et in medio seniorum ne adjicias loqui. De ea re quæ te non molestat ne certaris, et in judicio peccantium ne consistas. Fili mi, ne in multis sint actus tui, et si dives fueris non eris immunis a delicto. Si enim secutus fueris non apprehendes, et non effugies si præcucurreris. Est homo laborans et festinans et dolens impius, et tanto magis non abundat. Est homo marcidus, egens recuperatione, plus deficiens virtute, et abundans paupertate : et oculus Dei respexit illum in bono, et crexit illum ab humilitate ipsius et exaltabit caput ejus, et mirati sunt in illo multi et honoraverunt Deum. Bona et mala, vita et mors, paupertas et honestas a Deo sunt. Datio Dei permanet justis, et profectus illius successus habebunt in æternum. Est qui locupletatur parce agendo, et hæc pars mercedis illius in eo quod dicit : « Inveni requiem mihi, et non manducabo de bonis meis solus (*Luc. xii, 19*) ; » et nescit quod tempus prætereat illum, et relinquet omnia aliis et morietur. Sta in testamento tuo, et in illo colloquere et in opera mandatorum tuorum veterasce. Ne manseris in operibus peccatorum. Confide autem in Deo, et mane in loco tuo ; facile est enim in oculis Dei subito honestare pauperem. Benedictio Dei in mercedem justi festinat, et in honore veloci processus illius justificat. Ne dicas : Quid est mihi opus et quæ erunt mihi ex hoc bona ? Ne dicas : Sufficiens mihi sum et quid ex hoc pessimabor ? In die bonorum ne immemor sis malorum, et in die malorum ne immemor sis bonorum, quoniam facile est coram Deo in die obitus retribuere unicuique secundum vias suas. Malitia horæ oblivionem facit luxuriæ magnæ, et in fine hominis denudatio operum illius. Ante mortem ne laudes hominem quemquam, quoniam in filiis suis agnoscitur vir. Non omnem hominem inducas in domum tuam, multæ enim insidiæ sunt dolosi. Sicut enim eruant præcordia fœtentium et sicut perdix inducitur in caveam, et ut caprea in laqueum, sic et cor superbiorum, et sicut prospector videns casum proximi sui. Bona in malum convertit insidiator, et in electis imponit maculam. A scintilla una augetur ignis, et ab uno doloso augetur sanguis. Homo vero peccator sanguini insidiatur. Attende tibi a pestifero, fabricat enim mala ne forte inducat super te subsannationem in perpetuum. Admitte ad te

A alienigenam, et subvertet te in turbine, et abalienabit te a tuis propriis (*Eccli. x, xi*). »

« Tales, charissimi, valde sunt cavendi usque dum aut convertantur, aut abscondantur verbo divino »  
 « Beatus autem est ille qui non est lapsus in verbo ex ore suo, et non est stimulatus in tristitia delicti. Felix qui non habet animi sui tristitiam, et non abscedit ab spe sua (*Eccli. xiv, 1-3*). »  
 Scriptum est enim : « Melior est unus timens Deum quam mille impii (*Eccli. xvi, 3*). » Sapiens vero non est omnis qui nocet. Res quoque ecclesiarum vestrarum et oblationes fidelium quas significastis a quibusdam irruentibus vexari, vobisque et ecclesiis vestris auferri, indubitanter maximum est peccatum, testante ipsa Scriptura, quæ ait : Qui abstulerit aliquid patri vel matri, et dicit hoc non esse peccatum, homicidæ particeps est. Pater ergo noster sine dubio Deus est, qui nos creavit, et mater nostra Ecclesia quæ nos in baptismo spiritualiter generavit. Et ideo qui Christi pecunias et Ecclesiæ aufert, fraudat et rapit, homicida in conspectu justis iudicis esse deputabitur, unde scriptum est : Qui rapit pecuniam proximi sui iniquitatem facit, qui autem pecunias vel res Ecclesiæ abstulerit, sacrilegium facit. Unde et Judas qui pecuniam fraudavit, quæ usibus Ecclesiæ, id est pauperibus quos Ecclesia pascere debet, distribuebatur jussu Salvatoris, cujus vicem episcopi tenent, non solum fur, sed fur et sacrilegus factus est. De talibus enim, id est, qui facultates Ecclesiæ rapiunt, fraudant, vel auferunt, Dominus comminans omnibus, per prophetam loquitur, dicens : « Deus, ne taceas tibi, ne sileas et non quiescas, Deus, quia ecce inimici tui tumultuati sunt, et qui oderunt te levaverunt caput. Contra populum tuum nequiter tractaverunt, et inierunt consilium adversus arcanium tuum, dixerunt, venite et conteramus eos de gente, et non sit memoria nominis Israel ultra. Quoniam tacuerunt corde, pariter contra fœdus pepigerunt tabernacula Idumææ et Ismaelitarum, Moab, et Agareni, Gebal, et Ammon, et Amalech, Palestina cum habitatoribus Tyri. Sed et Assur junxit se cum eis, facti sunt brachium filiorum Loth. Fac illis sicut Madian, sicut Sisare, sicut Jabin in torrente Cison. Contriti sunt in Endor, fuerunt quasi sterquilinum terræ. Pone duces eorum sicut Oreb et Zeb, sicut Zebee, et Salmana. Omnes principes eorum qui dixerunt, possideamus nobis pulchritudinem Dei. Deus meus, pone illos ut rotam, quasi stipulam ante faciem venti. Quomodo ignis comburit silvam et sicut flamma devorat montes, sic persequeris eos in tempestate tua et in turbine turbabis eos. Imple facies eorum ignominia, et quærent nomen tuum, Domine. Confundantur et conturbentur usque in æternum, et erubescant, et pereant, et sciant quia nomen tuum Dominus, solus tu excelsus super omnem terram. Hæc fieri prophetæ, hæc apostoli, hæc successores eorum et omnium catholicorum Patrum vetant decreta, et tales præsumptiones sacrilegium esse



dijudicant. Quorum nos sequentes exempla omnes tales præsumptores et Ecclesiæ raptores, atque suarum facultatum alienatores, una nobiscum a liminibus sanctæ matris Ecclesiæ anathematizatos apostolica auctoritate pellimus et damnamus, atque sacrilegos esse judicamus, et non solum eos, sed omnes consentientes eis, quia non solum qui faciunt rei judicantur, sed etiam qui consentiunt facientibus, par enim poena et agentes et consentientes comprehendit. Vos ergo, fratres, vigilate et orate, viriliter agite et confortamini in Domino, et omnia vestra juxta Apostolum, in charitate fiant. A recta ergo fide et apostolico tramite propter ullam perturbationem nolite recedere, scientes quia juxta Salvatoris sententiam, beati sunt qui persecutionem patiuntur propter justitiam (*Matth. v, 10*). Hæc est apostolorum viva traditio, hæc vera charitas quæ prædicanda est, et præcipue diligenda ac fovenda atque fiducialiter ab omnibus tenenda. Hæc sancta et apostolica mater omnium Ecclesiarum Christi Ecclesia quæ per Dei omnipotentis gratiam a tramite apostolicæ traditionis nunquam errasse probatur, nec hæreticis novitatibus depravanda succubuit, sed ut in exordio normam fidei apostolicæ percepit ab auctoribus suis, apostolorum Christi principibus illibata finetenus manet secundum ipsius Domini Salvatoris divinam pollicitationem, qui discipulorum suorum principi in suis fatus est Evangeliiis : « Petre, inquit, ecce Satan expetivit, ut cribraret vos sicut qui cribrat triticum, ego autem pro te rogavi, ut non deficiat fides tua, et tu aliquando conversus confirma fratres tuos (*Luc xxii, 38, 32*). »

Consideret itaque vestra excellens prudentia quam bonum sit persistere in dispensatione vobis credita,

A et in fide recta, atque hæreticis et æmulis Christi repugnare, et nunquam a veritatis tramite declinare, quoniam Dominus et Salvator omnium ejus fides est, qui pro nobis mori non dubitavit, et proprio nos suo redemit sanguine, qui fidem beati Petri non defecturam promisit, et confirmare eum fratres suos admonuit, quod apostolicos pontifices meæ exiguitatis prædecessores confidenter fecisse semper cunctis est cognitum. Quorum et pusillitas mea, licet impar et minima, pro suscepto tamen divina dignatione ministerio pedissequa eupit existere. Væ enim erit nobis qui hujus ministerii onus susceptum habemus, si veritatem Salvatoris nostri Jesu Christi quam apostoli prædicaverunt, prædicare neglexerimus, væ erit nobis si silentio veritatem oppresserimus, quam erogare nummulariis jubemur, id est, christianos populos imbuere et docere. Quid in ipsius Christi futuro dicturi sumus examine si sermonum ejus veritatem confundimur prædicare? Quid erit de nobis cum de commissis nobis animabus, et de officio suscepto rationem justus judex Christus Dominus noster districtam exegerit? Ideo, fratres, hortor dilectionem vestram, obtestor et moneo, ut qua debetis et potestis sollicitudine vigiletis ad investigandos hæreticos et inimicos sanctæ Dei Ecclesiæ, et a sanis mentibus ne pestis hæc latius divulgetur, severitate, qua potestis pro viribus extirpetis. Quoniam ut habebit a Deo dignæ remunerationis præmium qui diligentius quod ad salutem commissæ sibi plebis proficiat, fuerit executus, ita ante tribunal Domini de reatu negligentiae se non poterit excusare quicumque plebem suam contra sacrilegæ persuasionis auctores noluerit custodire. Data Kalen. Aprilis Gallio et Volusiano IV cc. consul.

## INCIPIUNT DECRETA STEPHANI PAPÆ.

(Anno Domini 261. Illic destruxit templum Martis, Valeriano et Galeno imperantibus, ut dicit Rauderus.)

Dilectissimo fratri atque familiari amico HILARIO STEPHANUS episcopus intimæ charitatis salutem.

Quamquam sperem dilectionem tuam ad omne opus bonum esse devotam, tamen pro familiaritate qua nobis conjunctus esse cognosceris, ut tua efficacior fiat industria, congruum nobis visum est, has fraternitatis litteras tuæ dilectioni debere dirigere. Monemus te, charissime, semper in bonis manere, et a malis cavere. Cum bonis et rectæ fidei ac sanctæ conversationis hominibus assidue esse, et a perveris ac fratrum insidiatoribus nisi ut eos convertas, et ad concordiam reducas, separari. « Quoniam, ut ait Apostolus, corrumpunt mores bonos colloquia mala (*I Cor. xv, 33*). » Et ipsa per se Veritas dicit : Si oculus tuus scandalizaverit te, erue eum et projice abs te. Et si manus tua scandalizaverit te, ab-

scinde eam, et projice abs te. Similiter et de pede agendum est, quia melius est tibi luscum aut claudum intrare in regnum cælorum quam duos oculos, aut duas manus, aut duos pedes habentem mitti in gehennam ignis (*Matth. v, 29*). Et in Ecclesiastico invenietur libro : « In bonis viri inimici illius, in tristitia vero et in malitia illius, amicus agnitus est. In labiis suis indulcat inimicus, et in corde suo insidiatur, ut subvertat te in foveam. Et qui tetigerit picem, inquinabitur ab ea. Et qui communicaverit superbo induetur superbia, pondus super se tollit qui honestiori se communicat, ditiori te ne fueris socius. Quid communicabit cacabus ad ollam? Quando se colliserint, confringetur. Dives injuste aget et fremet, pauper autem læsus tacebit. Si largitus ei fueris, assumet te, et si non habueris, derelinquet te.

Si habes, convivet tecum, et evacuabit te, et ipse non dolebit super te. Si necessarius illi fueris, supplantabit te, et subridens spem dabit, narrans tibi bona, et dicit: Quid opus est tibi? Et confundet te in cibis suis, donec te exinaniat bis et ter, et in novissimo deridebit te. Postea videns derelinquet te, et caput suum movebit ad te. Humiliare Deo, et exspecta manus ejus. Attende ne seductus in stultitia humilieris. Noli esse humilis in sapientia tua, ne humiliatus in stultitiam seducaris. Advocatus a potentiore discede, ex hoc enim magis te advocabit. Ne improbus sis, ne impingaris, et ne longe sis ab eo, et eas in oblivionem. Ne retineas ex æquo loqui cum illo, et ne credas multis verbis illius: ex multa enim loquela tentabit, et subridens interrogabit te de absconditis tuis. Immitis animus illius conservabit verba tua, et non parcat de malitia, et de vinctulis. Cave tibi, et attende diligenter auditui tuo, quoniam in subversione tua ambulas. Audiens vero illa quasi in somnis, vide et vigilabis. Omni vita tua dilige Deum, et invoca eum in salute tua. Omne animal diligit simile sibi, sic et omnis homo, proximum sibi. Omnis caro ad similem sibi conjungitur, et omnis homo simili sibi sociatur. Si communicabit lupus agno aliquando, sic peccator justo. Quæ communicatio sancto homini ad canem? aut quæ pax bona diviti ad pauperem? venatio leonis onager in eremo, sic pascua divitum sunt pauperes. Et sicut abominatio est superbo humilitas, sic exsecratio diviti pauper. Dives commotus confirmatur ab amicis, humilis autem cum ceciderit, expelletur et a notis. Diviti decepto multi recuperatores, locutus est superba, et justificaverit illum, humilis deceptus est, et insuper arguitur, locutus est sensate, et non est datus ei locus. Dives locutus est, et omnes tacuerunt, et verbum illius usque ad nubes perducent. Pauper locutus est et dicunt: Quis est hic? Et si offenderit, subvertunt illum. Bona est substantia, cui non est peccatum in conscientia, et nequissima paupertas in ore impii. Cor hominis immutat faciem illius, sive in bona, sive in mala. Vestigium boni cordis, et faciem bonam difficile invenies et cum labore (*Eccli.* XII, 9-15; XIII, 1-32).

Hæc, frater, cave tibi, et post concupiscentias tuas non vadas. Quid vero consului sedem apostolicam? qui sunt infames, aut qui ad gradus Ecclesiasticos non sunt admittendi, et nosse te credimus, et pro auctoritate sedis apostolicæ te informare non denegamus. Infames autem esse eas personas dicimus quæ pro aliqua culpa notantur infamia, id est omnes qui Christianæ legis normam abjiciunt, et statuta Ecclesiastica contemnunt, similiter fures, sacrilegos, et omnes capitalibus criminibus irretitos. Sepulchrorum quoque violatores, et apostolorum, atque successorum eorum, reliquorumque Patrum statuta libenter violantes, et omnes qui adversus Patres armantur, qui in omni mundo infamia notantur. Similiter incestuosos, homicidas, perjuros, raptos, maleficos, veneficos, adulteros, de bellis

fugientes. Et qui indigna sibi petunt loca tenere, aut facultates Ecclesiæ abstrahunt injuste, et qui fratres calumniantur, aut accusant, et non probant. vel qui contra innocentes principum animos ad iracundiam provocant, et omnes anathematizatos, vel pro suis sceleribus ab Ecclesia pulsos, et omnes quos ecclesiasticæ vel sæculi leges infames pronuntiant. Hos vero non ad sacros ordines licet promovere, nec servos ante legitimum libertatem, nec poenitentes, nec bigamos, nec eos qui curiæ deserviunt, vel qui non sunt integri corpore, aut sanam non habent mentem, vel intellectum, aut inobedientes sanctorum decretis existunt, aut furiosi manifestantur. Hi omnes nec ad sacros gradus debent provehi, nec isti, nec liberti, neque suspecti, nec rectam fidem vel dignam conversationem non habentes, summos sacerdotes possunt accusare. Sed et qualiter obedientia vel reverentia sit præpositis exhibenda, ex tuis quoque subjectis ipse non ambigis; in qua re valde est utile, si id quod disciplinæ vigor imponit, nullo cogente humilitas laudanda servaverit. Omnipotens Deus in cujus manu sunt omnia, de quo scriptum est: « Non est sapientia, non est prudentia, non est consilium contra Dominum (*Prov.* XXI, 30); » ipse te, tuosque et divina, et apostolicæ sedis instituta illibata servare, et ad potiora semper conscendere, et de die in diem deteriora cavere, et meliora ac Deo placita sectari atque perficere concedat.

Vestimenta vero ecclesiastica quibus Domino ministratur, cultusque divinus omni cum honorificentia et honestate a sacerdotibus reliquisque Ecclesiæ ministris celebratur, sacrata debent esse, et honesta. Quibus aliis in usibus, cum Deo ejusque servitio consecrata et dedicata sint, nemo debet frui quam ecclesiasticis et dignis officiis. Quæ nec ab aliis debent contingi, aut ferri, nisi a sacratis hominibus, ne ultio quæ Balthasar percussit super hæc transgredientibus et talia præsumptibus veniat divina, et corruere eos faciat divinæ ultionis justum flagellum ad ima. Hæc illis partibus quibus moraris et in omnibus quibus potueris cunctis nota facito, et observare apostolica mandato auctoritate, quia et nostri nobisque commissi in sancta apostolica et universali Ecclesia omnes hæc observare, nunc et futuris temporibus professi sunt. His breviter tuis frater magnifice respondi litteris. Quibus tua dilectio ita societur, ut nihil in his quæ ad universalis Ecclesiæ statum pertinent, aut dubie agatur, aut segniter. Et cum tali moderatione agantur cuncta, ut nec benevolentiae partes, nec justitiæ negligantur, sed absque personarum acceptione divinum in omnibus judicium cogitetur. Quod ut recta observantia valeat custodiri catholicæ primitus servetur fidei integritas. Et quia per omnia angusta et arcta via est quæ ducit ad vitam, neque in sinistram, neque in dextram ab ejus tramite devietur. Data quinto Nonas Maii Valeriano et Gallicano IV consulibus.



## ITEM EPISTOLA STEPHANI PAPÆ DE ACCUSATIONIBUS SACERDOTUM.

STEPHANUS sanctæ apostolicæ et universalis Romanæ Ecclesiæ episcopus, omnibus per diversas provincias constitutis episcopis, in Domino salutem.

Plurimum gaudemus in Domino, et in dono gratiæ ipsius gloriamur, quod fides vestra per bona opera crescit magnifice, et dilatatur amplissime. Sed nimis affligimur et tribulamur de vestra oppressione super qua crebrior commeantium usque ad nos fratrum sermo perlatus est. Non oportuerat quidem ab illis a quibus sustentari, et portari, et honorari debueratis, tantis vos oppressionibus concuti. Quapropter necessarium est, ut remotis talium tergiversationibus, quibus venenosa malitia revelari, atque obscurari bonitas et veritas solet, adminiculum non modicum vobis a fidelibus impendatur, atque ab hac apostolica sede suffragetur, quos per divinam gratiam Christi auxilio dignum est adjuvari, ne in totius Ecclesiæ perturbationem imprudens procedat intentio, et ea quæ a sanctis prædecessoribus nostris, et reliquis sanctis Patribus dudum fuerant prohibita, denuo reviviscant. Loci namque nostri consideratione compellimur ea quæ ad notitiam nostram emendanda pervenerunt, propter Dominum non derelinquere, sed digna emendatione corrigere. Et si sæcularibus officiis ordo suus et tradita a maioribus disciplina servanda est, quis ferat ecclesiasticos ordines temeraria præsumptione confundi, audita negligere, et emendanda non opem ferendo postponere? Audivimus enim vos a quibusdam accusari non tam pro vestra culpa, quam pro eorum libitu; ut vestra rapere possint, et ideo vos nimis affligi et concuti intantum, ut etiam a sedibus propriis pellamini, et tali occasione Ecclesiæ facultatesque vestræ vastentur ac deprædentur. Ista, charissimi, non oportet fieri, nec denuo replicari. Tamen necesse est quæ toties usurpantur, sæpius replicentur et prohibeantur. Nam quidquid in sacratis Deo rebus et episcopis injuste agitur pro sacrilegio reputabitur, quia sacra sunt, et violari a quoquam non debent.

Nullus enim episcoporum, dum suis fuerit rebus exspoliatus, aut a sede propria qualibet occasione pulsus, debet accusari, aut a quoquam ei potest crimen objici, priusquam integerrime restauretur, et omnia quæ illi ablata quocunque ingenio fuerant, legibus redintegrentur, et ipse propriæ sedi et pristino statui regulariter reddatur, ita ut omnes possessiones, et cuncta sibi injuste ablata, atque fructus omnes ante cœptam accusationem primates et synodus episcopo de quo agitur funditus restituant, quia hoc non solum ecclesiasticæ, sed etiam sæculi leges fieri prohibent. Neque aliquis eorum aut Ecclesiarum actorum vel defensorum ad aliquos prius accusari debet quam ipsi charitative bis, et ter ab eis qui se læsos aestimant, vel eos pro aliquibus erroribus corrumpere cupiunt, conveniantur, ut ab eis aut familiarem emendationem, aut justam percipiant excusationem. Quod qui præsumpserit, liminibus ar-

ceatur ecclesiæ usque ad condignam satisfactionem. Accusatores vero et accusationes quas sæculi leges non recipiunt, et antecessores nostri prohibuerunt, et nos submovemus. Nullus enim alienigena aut accusator eorum fiat aut iudex. Unde et de Lot scriptum est: « Ingressus es ut advena, nunquid ut iudices (*Genes. xix, 9*)? » Accusator autem vestrorum nullus sit servus aut libertus, nullaque suspecta persona aut infamis. Repellantur etiam cohabitantes inimicis et omnes laici, quia infestationem blasphemæ affectio amicitiae incitare solet. Nec illi in vestra sunt suscipiendi accusatione, qui vos in sua volunt recipere infamatione. Nullus enim anathema suscipiatur, nec a quoquam credantur quæ ab eis vel dicuntur vel conscribuntur. Eos quoque dico anathematizatos esse, quos episcopi suis scriptis anathematizaverunt, aut eorum statuta anathematizant. Per scripta enim nullius accusatio suscipiatur, sed propria voce, si legitima et condigna accusatoris persona fuerit, præsentem videlicet eo quem accusare desiderat, quia nullus absens aut accusari potest aut accusare. Nullus tamen præfati ordinis vir accusari potest, aut respondere suis accusatoribus debet, priusquam regulariter a suo primato vocatus sit, locumque defendendi et inquirendi accipiat ad ablucanda crimina.

Nulli enim metropolitani aut alii episcopi appellantur primates, nisi qui primas sedes tenent, et quorum civitates antiqui primates esse censuerunt. Reliqui vero qui cæteras metropolitanas civitates adepti sunt, non primates, sed aut archiepiscopi, aut metropolitani vocentur. Urbes enim et loca quibus primates præsidere debent, non modernis, sed etiam multis ante adventum Christi sunt statutæ temporibus, quarum primates etiam gentiles pro majoribus etiam negotiis appellabant. In ipsis vero urbibus post Christi adventum apostoli et successores eorum patriarchas vel primates posuerunt. Ad quos episcoporum negotia, salva in omnibus apostolica auctoritate, et majores causæ post apostolicam sedem sunt referendæ. Et licet, Apostolo prohibente, inter Christianos non debeant accusationes exerceri, sed si prohiberi non potuerunt, accusationes episcoporum ad memoratos primates debent ab accusatoribus deferri. Studendum est tamen episcopis, ut dissidentes fratres magis ad pacem quam ad iudicium coerceantur. Episcopus autem aliter non debet audiri aut iudicari, nisi in præsentia omnium comprovincialium, et ab omnibus comprovincialibus episcopis, quia ipsis absentibus, nec debet, nec potest. Quæ vero personæ ad accusationem eorum non sunt admittendæ, et superius ex parte dictum est, et latius tam hi quam et infames personæ, in epistola quam dudum Hilario misimus, sunt adnumeratæ. Ultra provinciam vero terminos accusandi licentiam non progrediatur, sed omnis accusatio intra provinciam audiatur, et a comprovincialibus terminetur, nisi

ad apostolicam sedem fuerit tantum appellatum. Et neganda est accusatis licentia criminandi priusquam se crimine quo premuntur exuerint, quia non est credendum contra alios eorum confessioni qui criminibus implicati sunt, nisi se prius probaverint innocentes quoniam periculosa est, et admitti non debetur rei adversus quemcunque professio. Familiæ vero et sponte confessi atque sceleribus irretiti non debent admitti, nec hi qui hesternæ die, aut pridie, aut ante fuerunt inimici. Clericus ergo qui episcopum suum accusaverit, aut ei insidiator exstiterit, non est recipiendus, quia infamis effectus est, et a gradu debet recedere, aut curiæ tradi serviturus. Laicis quoque, quamvis religiosi sint, nulli tamen de ecclesiasticis facultatibus aliquid disponendi legitur unquam attributa facultas. Scimus, dilectissimi, quia semper carnales spirituales solent persequi, et malevoli benevolos infamare et lacerare. Ideoque apostoli et successores eorum ac reliqui sancti Patres noluerunt fieri facilem episcoporum accusationem, quoniam si facilis esset, aut nullus, aut vix aliquis modo inveniretur. Throni enim Dei vocantur, ideo non debent moveri, aut affligi, vel perturbari. De ipsis ergo ait propheta : « Coeli enarrant gloriam Dei, et opera manuum ejus annuntiat firmamentum (Psal. xviii, 3). » Hi vero qui non sunt bonæ conversationis, et quorum vita est accusabilis, aut quorum fides, vita et libertas nescitur, non possunt eos accusare. Primo semper accusatorum personæ, fides, vita, et conversatio est enucleatim inquirenda, et postea quæ obijciunt fideliter sunt pertractanda, quia nihil prius fieri debet, quam impetitorum personæ fidesque vita et conversatio diligenter discutiantur, ne alicujus invidia, aut inimizitia vel intentione mala quisquam vexetur.

Criminationes adversus doctorem nemo suscipiat, quia magis sunt doctores portandi quam lædendi aut infamandi. Unde ait Apostolus : « Alter alterius onera portate, et sic adimplebitis legem Christi (Galat. vi, 2). » Charitas autem non est ambitiosa, non æmulatur, non inflatur, non querit quæ sua sunt, sed quæ Jesu Christi. Qui manet in charitate, in Deo manet, et Deus in eo. Et qui in Deo manet, nulli vult nocere, sed omnes desiderat adjuvare et sustentare, sicut ipse Dominus omnes venit salvare, et animam suam dare in redemptionem pro nobis. Eorum autem accusandi sacerdotes vel testificandi in eos vocem obstruimus, quos humanis et divinis vocibus damnatos vel mortuos esse agnoscimus. Prævidere ergo summopere debent omnes qui sacerdotes Domini persequuntur tam occulte quam manifeste, ne subjectis Domini damnentur præceptis. Per Jeremiam autem prophetam talibus comminando Dominus loquitur dicens : « Iniquitates nostræ declinaverunt omnia, et peccata nostra amoverunt bona a nobis, quia inventi sunt in populo meo impii, et loquentes vana. Statuerunt ad disperdendos viros, et comprehenderunt, ut laqueus venantis plenus volatilibus, sic domus eorum plena

dolo (Jerem. v, 25-27). » Et per David ait : « Qui cogitaverunt malitias in corde tota die versati sunt in præliis. Exaceruerunt linguas suas sicut serpentes, venenum aspidum sub labiis eorum (Psal. cxxxix, 3, 4). » Et paulo post : « Cadent super eos carbones in igne, dejicies eos in foveas, ut non consurgant. Vir linguosus non dirigetur in terra, virum injustum mala capient in interitu. Scio quia faciet Dominus causam inopis, judicia pauperum (Psal. v, 12, 13). » Item idem : « Muta fiant labia dolosa (Psal. xxx, 19). » Et iterum per Jeremiam inquit : « Omnes in sanguine judicantur; unusquisque proximum suum tribulat: omnes in malum manus suas præparant (Mich. vii, 2). » Hos Dominus prævidens apostolis præcepit, ne facile servi sui lacerarentur, ne forte perderentur, aut in talem tentationem inciderent, quam ferre minime possent. Idcirco sancti apostoli et successores eorum decretorum normas statuerunt, ne talium vox (quæ magis perdere nititur innocentes et simplices quam salvare) facile reciperetur, sed ipsi his jaculis pellerentur procul, et Domini discipulos juxta voluntates et versutias eorum minime perdere possent. Unde et ipse Dominus ait : « Excutite pulverem de pedibus vestris in testimonium illis (Luc. ix, 5). » Et alibi ipsa per se Veritas de talibus dicit : « Melius est illi, ut suspendatur mola asinaria in collo ejus, et demergatur in profundum maris, quam scandalizet unum de pusillis istis (Matth. xviii, 6). » Et Jacobus apostolus inquit : « Iudicium sine misericordia fiet illi, qui non fecerit misericordiam (Jac. ii, 13). » Quia enim fronte quis peccatorum suorum veniam sperat a Deo se impetraturum, qui delinquenti fratri nihil per pietatis et clementiæ officium vult condonare? Profecto necesse est ut æstimet se talem in iudicio Deum experturum, cum ante justis iudicis tribunal fuerit constitutus, qualem se fratri suo exhibuerit : « Nam qua mensura mensi fuerimus, eadem remetietur nobis (Marc. iv, 24). » Et Joannes apostolus et evangelista ait : « Qui odit fratrem suum homicida est. Et scitis quia omnis homicida non habet vitam æternam in se manentem (I Joan. iii, 15). »

D Vos tamen, filii charissimi, hortamur ut patienter mala vobis illata Domini adminiculo portetis, et his apostolicis præceptis tales procul pellite, ne more canino vos lacerare, aut mordere valeant. Mementote etiam quia juxta psalmographi vocem homo sicut fœnum dies ejus, et ut flos agri ita foret. Et Apostolus ait : « Totus mundus in maligno positus est (I Joan. v, 19). » Unde precamur ne tales multum timeatis, quia infames sunt et non multum vobis nocere possunt, quia eorum vox extincta est, quoniam sic odit Deus eos, qui adversus patres armantur, ut patrum invasores, qui in omni mundo infamia sunt notati. Armamini ergo his apostolicis adminiculis contra eos, et spiritu principali roborate corda vestra, ut Deus qui vos pastores in populo suo vocari voluit, non negligentes aut



epidos, lupis supervenientibus fugientes inveniat, sed exemplo boni pastoris agnos pariter cum matribus et filiis ac filiabus viriliter defensantes, atque ad sanctam matrem Ecclesiam fideliter reportantes semper inveniat. Et quanquam dies mali sint, vos tamen nolite esse imprudentes, sed intelligentes quæ sit voluntas Dei. Quamobrem confortamini, et state in fide, viriliter agentes, ac omnia vestra in charitate fiant, et secundum sanctum Evangelium: « In patientia vestra possidebitis animas vestras (*Luc. xxi, 19*). » Recordamini quoque sanctorum apostolorum et prophetarum, et quia multum laboraverunt in Domino, ideo adepti sunt præmia sempiterna. Scitote etiam quoniam juxta Psalmistæ vocem: « Multæ tribulationes iustorum et de omnibus his liberabit eos Dominus (*Psal. vii, 20*). » Quapropter, filii charissimi, hortamur vos et deprecamur, ut crebris orationumstrarum precibus Deum exoretis ut liberemur nos et vos juxta dictum Apostoli ab importunis et malis hominibus quia, non omnium est fides. Flagitate etiam, ut Deus et Dominus noster qui est refugium pauperum, et spes humilium, sanctam suam Ecclesiam pretioso videlicet sanguine suo redemptam, et nos qui eandem sanctam Ecclesiam docere, regere, portare, et tueri debemus, de prædictis oppressionibus, et tentationibus hujus sæculi nequam, atque de omnibus necessitatibus nostris misericorditer eruat, ut sermo Dei currat, et glorificetur gloriosum Evangelium Domini nostri Jesu Christi, et gratia ejus in nobis vacua non fiat, ne sine fructu Evangelii, quod absit, steriles in conspectu Dei appareamus, et vacui filiorum filiarumque numero revertamur, nec de abscondito talento Domino veniente rei esse judicemur; ista enim

A semper invidet Satanas. Et idcirco tales adversum nos suscitatur, qui nos premant, et suffocent, ut Domini oves absque nobis rapiat, et in ima, non existentibus pastoribus qui nos custodiant, et defendant, ruere faciat. Vos igitur pro viribus laborate et orate atque vigilate, ne hæc fiant, scientes nos semper paratos esse in omnibus quibuscunque Dominus posse dederit modis, vobis opem ferre, licet nos ab ipsis æmulis sanctæ Dei Ecclesiæ et nostris, non simus excepti, et tribulationes cordis nostri, pro nostra et vestra tribulatione sive ovium nobis commissarum admodum sint dilatæ. Vos quoque obsecramus, ut injunctum vobis a Domino famulatum non negligatis, et omnes oppressos, et cunctos Dei servos atque generaliter omnes Christianos, prout Dominus posse dederit, adjuvare studeatis, ut ante tribunal Christi mercedem habeatis perpetuam. Et scitote quod memoria vestri coram Deo est assidue. Nam quemadmodum dolentes cognoscimus, vos ab iniquis, et scelestis hominibus obturbari, ita continuo vobis compatimur, Deum orantes pro liberatione ac sublevatione vestræ afflictionis, quæ vobis (unde graviter angimur) ab iniquis in dies irrogatur, et ante corpora apostolorum pro vobis preces fiunt quotidie, ut et vos liberemini ab importunis et malis hominibus Domini auxilio, et oves vobis commissæ ad pascua æternæ vitæ una vobiscum perveniant sempiterna. Unitatem et conjunctionem dilectionis vestræ valentem atque proficientem in salutem omnium populorum creator omnium Dominus omnipotens memorem nostri æternaliter custodiat, amen. Data Nonas Aprilis Valeriano et Gallicano IV cc. consul.

## 42 INCIPIUNT DECRETA SIXTI PAPÆ SECUNDI.

(Anno Domini 264, Deciano et Valeriano imperatoribus.)

Episcopus SIXTUS GRATO coepiscopo salutem.

Lætari et gaudere me plurimum in Christo Jesu Domino nostro dilectionis tuæ scripta fecerunt, quibus evidenter ostenditur quantum catholicam diligis fidem, et quantum pravorum hominum detestaris errorem, omnis enim hæresis nimis est impia, et Evangelicæ veritatis inimica, quæ non portionem aliquam lædere, sed ipsa Christianæ religionis conatur fundamenta convellere. Memor enim sum me sub illius nomine Ecclesiæ præsidere, cujus a Domino Jesu Christo est glorificata confessio, et cujus fides nullum unquam fallit, sed omnes quidem hæreses destruit. Intellego autem mihi aliter non licere quam ut omnes conatus meos ei causæ in qua universalis Ecclesiæ salus infestatur impendam. Agnosce, fili charissime, non ex tempore neque post tempora Filium Dei natum, sed ante omnia tempora de paterno utero inenarra-

biliter generatum, ipso Deo Patre per prophetam dicente: « In splendoribus sanctorum ex utero ante luciferum genui te (*Psal. cix, 5*). » Quam sententiam et Isaïas propheta dubiis atque incredulis evidenter expressit, dum non aliunde Filium quam de Patre natum ineffabiliter ostendit: « In humilitate, inquit, judicium ejus sublatum est, nativitate ejus quis enarrabit? » (*Isai. LIII, 8*). Et in libro Job: « Sapientiam Dei, ait, unde invenies? Latet enim ab oculis hominum, et a volucribus cœli absconsa est (*Job xxviii, 12*). » Expergiscere paululum, et si lumen scientiæ in te ipsum aliquantum habes, invenies, cujus nativitas a propheta non potuit enarrari ex tempore vel ut assequi ipse conaris, non potuit generari. « In principio, inquit Joannes Evangelista, erat Verbum, et Verbum erat apud Deum, et Deus erat Verbum, hoc erat in principio apud Deum. Omnia per ipsum facta

sunt, et sine ipso factum est nihil (*Joan.* 1, 4-5). » Et iterum : « Erat lux vera quæ illuminat omnem hominem venientem in hunc mundum (*Ibid.*, 9). » In isto igitur quod dicitur *erat*, si tempus quærere volueris, non inuenies, quoniam ex quo Pater, ex illo et Filius, et quod Pater est, id est etiam Filius, Salomone dicente : « Ego ex ore Altissimi prodii, primogenita ante omnem creaturam. Ego feci ut in cælo oriretur lumen indeficiens et sicut nebula texi omnem terram. Ego in altissimis habito, et thronus meus in columna nubis. Gyrum cæli circuivi sola, et profundum abyssi penetraui. In omnem terram steti, et populo primatum habui (*Eccli.* xxiv, 7-10). » Item ibi : « Cum pararet cælum aderam illi : et cum sedem suam secerneret. Quando super ventos fortes faciebat in summo nubes, et cum certos ponebat fontes sub cælo, cum fortia faciebat fundamenta terræ, ego eram cum illo componens, et ego eram cui adgaudebat cum lætaretur orbe perfecto (*Proverb.* viii, 27-30). » Et in psalmo centesimo primo : « Tu, Domine, in principio terram fundasti, et opera manuum tuarum sunt cæli. Ipsi peribunt, tu autem permanes, et sicut opertorium mutabis eos et mutabuntur ; tu autem idem ipse es, et anni tui non deficient (*Psal.* ci, 26, 29). » Non enim erat ætas, aut aliquid tempus antequam de Patre Filius nasceretur, quoniam qui tempora universa propria potestate constituit, ex tempore vel post tempora nasci non potuit. His paucis sententiis breviter consultis tuis respondi, frater charissime.

De cætero tuam moneo dilectionem, ut cunctos quos errare cognoveris, ad catholicam fidem et ad unitatem recte credentium convertere studeas, et tu nunquam ab apostolico tramite recedas. Si autem te non audierint et errantes, quod absit, permanserint, nobis eos manifestare quam citius poteris non tardes, ut apostolica auctoritate aut cito ad Ecclesiam convertantur, aut ab Ecclesia separentur. Audivimus etiam quod quidam erronei et consentientes eis te et reliquos infestent episcopos, et episcopos aliquos comprovinciales ad vestram infamationem atque damnationem secum trahant ; quapropter in hac sancta sede dudum a multis episcopis constitutum erat, et modo ad vestrum et cæterorum fratrum auxilium est denuo roboratum, ut omnes episcopi qui in quibusdam gravioribus pulsantur, vel criminantur causis, quoties necesse fuerit, libere apostolicam appellent sedem, atque ad eam quasi ad matrem confugiant, ut ab ea, sicut semper fuit, pie fulciantur, defendantur et liberentur. Cujus dispositioni omnes majores eccle-

siasticas causas et episcoporum judicia antiqua apostolorum eorumque successorum atque canonum auctoritas reservavit, quoniam culpantur episcopi, qui aliter erga fratres egerint quam ejusdem sedis papæ fieri placuerit. Unde placuit ut accusatus vel iudicatus a comprovincialibus in aliqua causa episcopus licenter appellet et adeat apostolicæ sedis pontificem, qui aut per se aut per vicarios suos ejus tractari negotium procuret ; et dum iterato iudicio pontifex causam suam agit, nullus alius in ejus loco ponatur, aut ordinetur episcopus, quoniam quanquam a comprovincialibus episcopis accusati causam pontificis scrutari liceat, non tamen diffiniri, inconsulto Romano pontifice, permissum est, cum beato Petro apostolo non ab alio quam ab ipso dictum sit a Domino : « Quæcunque ligaveris super terram, erunt ligata et in cælo. Et quæcunque solveris super terram, erunt soluta et in cælo (*Matth.* xviii, 18). » Et si quis putaverit se a proprio metropolitano gravari, apud primatem dioceseos aut penes universalis apostolicæ Ecclesiæ papam iudicetur. Ait enim Jacobus apostolus : « Iudicium sine misericordia illi fiet qui non fecit misericordiam. Superextollit autem misericordiam iudicio (*Jac.* ii, 13). » In omnibus ergo, fili dilectissime, cor custodi, sicut scriptum est : « Omni custodia custodi cor tuum, quia ex ipso vita procedit (*Prov.* iv, 23). » Hæc breviter pro commemoratione rescripsi, sed peto ut pro me orare debeas, quatenus omnipotens Deus et a malignis me spiritibus et a perversis hominibus custodire dignetur, quia in hac vitæ meæ peregrinatione mala me simul et multa circumdant, ita ut cum Psalmista jure dicam : « In me transierunt iræ tuæ, et terrores tui conturbaverunt me. Circumdederunt me sicut aquæ tota die, circumdederunt me simul (*Psal.* lxxxvii, 17, 18). » Cælestis gratia et nos in urbibus, et vos ubique protegat, quia antiquus hostis terrarum locis a tentatione non excluditur, quia si in paradiso hominem stravit, quis locus extra paradisum esse potest in quo mentes hominum penetrare non valeat ? Antiqui enim hostis cujus invidia mors introivit in orbem terrarum) sunt semper oculi vigiles ad animas hominum illaqueandum, multosque sua pravitate secum in perditionem trahere cupit qui suapte malitia a gloria lapsus est in miseriam. In sola ergo Creatoris nostri protectione fidendum est, cui ex intimo corde clamemus : Esto mihi in Deum protectorem, et in locum munitum, ut salvum me facias. Data Kalend. Septembris Valeriano et Decimo IV cc. consul.

#### ITEM EPISTOLA SIXTI PAPÆ.

Dilectissimis fratribus per Hispaniarum provincias constitutis SIXTUS episcopus in Domino salutem.

Magno munere misericordiæ Dei totius Ecclesiæ catholicæ multiplicata sunt gaudia, cum Ecclesiarum status eo viget ordine quo Apostoli eorumque successores illum statuerunt. Et cum antiqui hostis astutia cum turbari cognoscimus, non modico contristamur morore. Quam ob causam, fratres, hor-

tamur vos, monemus et flagitamus, ut a tramite apostolicæ institutionis nequaquam recedatis, nec a capite dissideatis, sed fidem et ordinem quem apostoli et apostolici viri statuerunt absque hæsitatione teneatis. Nam si columnæ alicujus magnæ domus corruerint, ipsa postea domus minime stabit. Sic et vos qui columnæ Ecclesiæ estis, si labefactari cœperitis, sancta Ecclesia (quæ per vos regitur) tabesceat et labetur ; hæc,



fratres, quæ dico valde timenda sunt, et summo moderamine pensanda, atque ne fiant cavenda; ipsa enim Veritas per se dixit: « Vos estis sal terræ. Quod si sal evanuerit, in quo salietur? (Matth. v, 13) etc. Ideo vos, charissimi, moneo, quia vobis debitor sum, et valde vos diligo. Et quando bona audio de vobis, congratulor satis, et econtra quando adversa, nimis conturbor. Ego vero quamvis a vobis per longa terrarum intervalla disjunctus sim, sum tamen omnino vobiscum corde conjunctus. Ideoque de vestra beatitudine erga me modis omnibus confido, quia cum me vicissim diligitis a me longe non estis, unde magis gratias referimus illi grano sinapis quod ex modici despicabilisque seminis specie, ita ramis ex eadem radice surgentibus atque se distendentibus usque quaque diffusum est, ut in eis volatilia cœli cuncta nidificent. Gratiæque sit fermento illi quod tribus farinæ satis totius humani generis massam in unitate conspersit, atque parvo lapidi qui abscissus de monte sine manibus, occupavit universam faciem orbis terræ: qui ad hoc naturam nostræ carnis, et status servilis formam assumens, humiliter usquequaque distendit, ut omni humano genere in unitatem redacto, totius corpus unitum perficeret Ecclesiæ, atque ita ad totius compaginis pertinere commodum membrorum partialis ista distinctio. Unde nos quoque a vobis longe non sumus, quia in illo qui ubique est unum sumus. Agamus ergo ei gratias qui solutis inimicitiis in carne sua, fecit ut in omni orbe terrarum unus esset greges, et unum ovile sub uno pastore, semper memores quod vos veritatis Predicator admoveat, dicens: « Solliciti servate unitatem spiritus in vinculo pacis (Ephes. iv, 3); » vinculum enim pacis nemo servat dum alium infestat, aut verbis, aut factis persequitur.

Ideo, fratres, ista prætulimus, quia audivimus inter vos accusationes exerceri, et pulsos a sedibus episcopos, aut suis rebus exspoliatos judicari. Quapropter statutum est, ut si quis contra episcopum vel actores Ecclesiæ se proprium crediderit habere negotium, non prius adeat iudices quam ad eos recurrit charitatis studio in familiari colloquio commoiti, ea sanare debeant, quæ in querimoniam deducuntur. Quod si aliter egerit communione privetur. Nemo pontificum deinceps aliquem episcopum suis exspoliatis rebus, aut a sede pulsum excommunicare aut judicare præsumat, quia non est privilegium quo exspoliari possit jam nudatus. Nullus episcopus alterius parochianum præsumat retinere aut ordinare absque ejus voluntate vel judicare, quia sicut irrita ejus erit ordinatio, ita et dijudicatio, quoniam censemus nullum alterius iudicis, nisi sui, sententia teneri. Nam qui eum ordinare non potuit, nec judicare ullatenus poterit. Ista enim vobis deinceps tenenda, et fratres vicissim adjuvare mandamus. Fratres vero quos timore terreno injuste damnastis, scitote a nobis juste esse restitutos. Quibus ex auctoritate sancti Petri et apostolica auctoritate omnia quæ eis ablata sunt integerrime reddi præcipimus, si non vultis vos, et principes vestri a collegio nostro et membris Ecclesiæ sepa-

rari. Justo enim judicio Dei datur plerumque peccatoribus potestas qua sanctos ipsius persequantur, ut qui Spiritu Dei juvantur et aguntur fiant per laborum exercitia clariores. Illi tamen qui hoc agunt nullatenus evadant pœnam, quia, ut ait Dominus: « Væ illi per quem scandalum venit (Matth. xviii, 7). » Et quanquam juxta Salvatoris sententiam necesse sit venire scandala, væ tamen per quem veniunt. De occultis enim cordis alieni temere judicare peccatum est, et eum cujus non videntur opera nisi bona, iniquum est ex suspitione reprehendere, cum eorum quæ homini sunt incognita, solus Deus iudex sit justus, qui inspector est verus. Unde scriptum est: Incerta non judicemus quoad  
**43** usque veniat Dominus qui illuminabit abscondita tenebrarum, et manifestabit consilia cordium (I Cor. iv, 5.) Et quamvis vera sint, non tamen credenda sunt, nisi certis indiciis comprobentur, nisi quæ manifesto judicio convincuntur, nisi quæ judiciario ordine publicantur. Nullus ergo potest ex humano condemnari examine quem Deus suo judicio reservavit. Hæc omnia summopere sunt præcavenda ne præsumptores esse videamur. Et accusatio episcoporum non est facile recipienda, dicente Domino: « Non suscipias vocem mendacii (Exod. xxiii, 1). » Et Apostolus inquit adversus presbyterum inscriptionem non recipiendam absque duobus vel tribus idoneis testibus. Si hæc de presbyteris vel cæteris fidelibus sunt præcavenda, quanto magis de episcopis? Quibus cognitis, magis vos damari velle manifestum est quam consulere fratribus, aut sustentare eos, quia honor inflat superbiam, et quod provisum est ad concordiam tendit ad noxam. Decuerat namque juxta præfatas regulas, ut si aliquid egissent contra suum ordinem mandare nobis, et exspectare quid ad vestra consulta rescriberemus, intantum ut si etiam quidquid grave intolerandumque committerent, nostra præstolaretur censura, ut nihil prius aut aliquid aliud decerneretis quam quod nobis placere cognoveritis et a regulis præstitutis nulla aut negligentia aut presumptione recederetis. Cesset hujusmodi pressa nostra auctoritate præsumptio, vitentur hujusmodi nocumenta, quia nequaquam talia patienter ferre possumus machinamenta, quoniam convenit nobis paternarum sanctionum diligentes esse custodes. Merito namque  
**D** causa nos respicit si silentio faveamus errori. Est insuper a sanctis prædecessoribus nostris plerumque jam statutum, ut nemo anathema in nostra suscipiatur accusatione, nec illi qui nos in sua nolunt recipere querela vel accusatione, cum nos super illos sciamus a Domino constitutos, non illos super nos. Et sicut major non potest a minore judicari, ita nec colligari, quia rarum est omne quod magnum est. Portemus onera omnium qui gravantur, quinimo hæc portat in nobis beatus apostolus Petrus, cujus vice fungimur legatione, et cujus regula informamur quatenus ejus fulti auxilio ab omnibus nunc et in perpetuum tueamur adversis. Data xvii Kalen. Augusti, Valeriano et Decio IV cc. consul.

## INCIPIUNT DECRETA DIONYSII PAPÆ.

(Anno Domini 266, tempore Claudii, ut dicit Platina.)

DIONYSIUS episcopis URBANO præfecto salutem.

Summum bonum est amare amantes se. Et econtra, pejus malum non est quam ut cives civibus invideant. Gratias siquidem agimus tuæ charitati quod fideles sancti Petri benè suscipis et adjuvas, unde scias te et a nobis nostrisque diligi, et tui tuorumque non modicum curam habere. Quapropter tuam hortamur dilectionem, ut bonum quod cœpisti semper implere non differas, quia non laudatur initium, sed finis. Sapientiam etiam te hortamur diligere, et scrutari, ut rationabiliter et sapienter disponas et judices ea quæ tibi commissa sunt, dicente Domino per prophetam. « Erudimini qui iudicatis terram (*Psal. 11, 10*). » Time ergo Deum et mandata ejus conserva, et dilige eum totis visceribus, et proximum tuum sicut te ipsum. Deus altissimus creavit sapientiam in Spiritu sancto. Et vidit et dinumeravit et mensus est, et effudit illam super omnia opera sua, et super omnem carnem. Secundum datum suum præbuit illam diligentibus se. Timor Domini gloria et gloriatio, et lætitia, et corona exsultationis. Timor Domini delectabit cor, et dabit lætitiā et gaudium in longitudine dierum. Timenti Deum bene erit in extremis, et in die defunctionis suæ benedicetur, dilectio Dei honorabilis sapientiā. Quibus autem apparuerit in visu diligunt eum in visione, et in agnitione magnum suorum. Initium sapientiæ timor Domini. Et cum fidelibus in vulva concreatus est, et cum electis feminis graditur, et cum justis fidelibus agnoscitur. Timor Domini scientiæ religiositas, religiositas custodiet et justificabit cor, jucunditatem atque gaudium dabit. Timenti Deum bene erit. Et in diebus consummationis illius benedicetur. Plenitudo sapientiæ est timere Deum, et plenitudo a fructibus illius. Omnem domum illius implevit a generationibus, et receptacula a thesauris illius. Corona sapientiæ timor Domini, replens pacem et salutis fructum, et vidit et dinumeravit eam. Utraque autem sunt dona Dei, scientia et intellectus. Sapientia compartietur prudentiæ et gloriam tenentium se exultat. Radix sapientiæ est timere Deum, rami enim illius longævi, in thesauris sapientiæ, intellectus et scientiæ, religiositas, execratio autem peccatoribus sapientia. Timor Domini repellit peccatum, nam qui sine timore est, non poterit justificari. Iracundia enim animositatis illius subversio illius est. Usque in tempus sustinebit patiens, et postea redditio jucunditatis. Bonus sensus usque ad tempus abscondet verba illius, et labia multorum enarrabunt sensum illius. In thesau-

A ris sapientiæ significatio disciplinæ, execratio autem peccatori cultura Dei. Fili, concupiscens sapientiam, conserva justitiam, et Deus præbebit illam tibi. Sapientia enim et disciplina timor Domini. Et quod beneplacitum est illi, fides et mansuetudo, et adimplebit thesauros ejus. Contumax non sis et incredibilis timori Domini, et ne accesseris ad eum duplici corde. Ne fueris hypocrita in conspectu hominum, et non scandalizeris labiis tuis. Attende in illis ne forte cadas; et ponas scandalum animæ tuæ, et adducas inhonorationem tibi, et revelet Deus absconsa tua. Pro fide frater et justitia ac pro salute animæ tuæ certa semper, et pro adiutorio fratrum viriliter age, ut a Domino recipias remunerationem. Scriptum est enim: « Fili, conserva tempus, et devota malo, pro anima tua non confundaris dicere verum (*Eccli. iv, 23, 24*). » Est enim confusio adducens peccatum, et est confusio adducens gloriam et gratiam. Ne accipias faciem adversus faciem tuam, nec adversus animam tuam mendacium. Non reverearis proximum tuum in casu suo, nec retineas verbum in tempore salutis. Non abscondas sapientiam tuam in decore ejus. In lingua enim agnoscitur sapientia, et sensus, et scientia, et doctrina in verbis veritatis, et firmamentum in operibus justitiæ. Non contradicas veritati ullo modo, et de mendacio ineruditionis tuæ confundere. Non confundaris confiteri peccata tua, et ne subicias te homini pro peccato. Noli resistere contra faciem potentis, nec coneris contra ictum fluvii. Pro justitia agonizare pro anima tua, et usque ad mortem certa pro justitia, et Deus expugnabit pro te inimicos tuos, et eos evertet viriliter, noli citatus esse in lingua tua et inutilis et remissus in operibus tuis. Noli esse sicut leo in domo tua, evertens domesticos tuos et opprimens subjectos tibi. Non sit porrecta manus tua ad accipiendum et ad dandum collecta. (*Ibid., 25 et seqq.*) His fultus Scripturarum auctoritatibus semper, sta rectus et a via veritatis ne avertaris, ut gratiam Dei semper acquiras, et bonorum hominum amicitia semper fruaris, tantoque tua facilius ab amore hujus sæculi mens exeat, quanto et impellitur dum vocatur. Nam vos et præsentis videre cupimus et absentibus colloqui saltem per epistolam desideramus. Unde optamus ut vos beatus Petrus apostolorum princeps ad sua limina feliciter perducatur, quatenus in omnipotentis gratia perfrui vestra poenitentia mereamur. Data iv Nonas Februarii Aureliano et Basso IV cc. consul.

### EPISTOLA DIONYSII PAPÆ AD SEVERUM EPISCOPUM.

DIONYSIUS episcopus SEVERO episcopo salutem.

Olim et ab initio tantam percepimus a beato Petro

apostolorum principe fiduciam, ut habeamus auctoritatem universali Ecclesiæ auxiliante Domino sub-



venire et quicquid noxium est auctoritate apostolica A corrigere et emendare. Ad hoc enim divinæ dispensationis provisio gradus et diversos constituit ordines esse distinctos, ut dum reverentiam minores potioribus exhiberent, et potiores minoribus dilectionem impenderent, una concordia fieret ex diversitate contextio, et recte officiorum generaretur administratio singulorum. Neque enim universitas alia poterat ratione subsistere, nisi huiusmodi magnus eam differentia ordo servaret. Quia vero creatura in una eademque æqualitate gubernari vel vivere non potest, cœlestium militiarum exemplar nos instruit, quia dum sint angeli, sint archangeli liquet quia non æquales sunt, sed in potestate et ordine sicut nostri differt alter ab altero. Si ergo inter eos qui sine peccato sunt ista constat esse distinctio, quis hominum B abnuat huic se libenter dispositioni submittere? Hinc etenim pax et charitas mutua se vice complectuntur, et manet firma concordia in alterna et Deo placita dilectione sinceritas. Quia igitur unumquodque tunc salubriter completur officium, cum fuerit unus ad quem possit recurrere præpositus. De ecclesiis ergo parochianis unde apostolicam sedem consulere voluisti, qualiter sint custodiendæ per Cordubensem provinciam ac dividendæ sacerdotibus, nihil tuæ charitati melius nobis videtur intimare, quam ut sequaris quod nos in Romana Ecclesia nuper egisse cognoscitur. Ecclesias vero singulas singulis presbyteris dedimus, parochias et cœmeteria eis divisimus, sed unicuique jus proprium habere statuimus, ita videlicet ut nullus alterius parochia terminos aut C jus invadat, sed unusquisque suis terminis sit contentus, et taliter ecclesiam et plebem sibi commissam custodiat, ut ante tribunal æterni iudicis ex omnibus sibi commissis rationem reddat et non iudicium, sed gloriam pro suis actibus accipiat. Ilanc quoque normam, charissime, te et omnes episcopos sequi convenit, et quod tibi scribitur, omnibus quibuscunque potueris notum facias, ut non specialis, sed generalis fiat ista præceptio. Crimina vero quæ episcopis impingere dicis, per alios non sinas ullo modo fieri nisi per ipsos qui crimina intendunt. Si

tamen ipsi digni et irreprehensibiles apparuerint, et actis docuerint publicis omni se carere suspitione et inimicitia, et irreprehensibilem fidem conversationemque ducere. Nemini enim de se confesso credi potest super crimen alienum, quoniam omnis ejusque rei confessio periculosa est, et admitti non debet. Similiter alieni erroris socium vel a sui voluntarie propositi tramite recedentem, aut sacris patrum regulis et constitutionibus inobedientem, suscipere non possumus, nec debemus, nec impetere recte credentes vel sanctorum Patrum sanctionibus obtemperantes permittimus, quia infames omnes esse censemus, qui suam aut Christianam prævaricantur legem, aut apostolicam vel regularem libenter postponunt auctoritatem. Hæc itaque, frater charissime, quæ pro affectu sacerdotalis nominis et honoris impendimus, tibi tuisque subditis et omnibus tenenda et aliis nuntianda atque prædicanda mandamus, quibus et pietas ad utilitatem, et sit ad fructum dilectio. Unde objurgando, hortando, suadendo, blandiendo, consolando, prodesse quibus possumus festinemus. Lingua nostra bonis fomentum sit, pravis aculeus. Tumidos retundat, iratos mitiget, pigros exacuet, desides hortando succendat, refugientibus suadeat, asperis blandiatur, desperatos consoletur, ut quia doctores dicimur, viam salutis gradientibus ostendamus. Simus in custodia vigilantes, aditum contra hostis insidias solliciti muniamus. Et si quando perditam ovem de commissis gregibus error abduxerit, toto illam annisu ad caulas dominicas revocare contendamus, ut de pastoris nomine quod habemus, non supplicium sed præmium 44 consequamur. Quia ergo in his omnibus divinæ gratiæ adiutorium opus est, omnipotentis Dei assiduis precibus clementiam exoremus, quatenus ad hæc nobis operanda et velle tribuat et posse concedat, atque in ea nos via cum fructu boni operis quam se pastorum esse testatus est dirigat, ut sine quo nihil agere possumus, per ipsum implere omnia valeamus. Data v Idus Septembris, Claudio et Paterno IV cc. consul.

## INCIPIUNT DECRETA FELICIS PAPÆ.

(Anno Domini 269-274.)

Charissimo atque dilectissimo PATERNO coepiscopo D FELIX episcopus in Domino salutem.

Gaudere me plurimum et exultare in Domino dilectionis tuæ scripta fecerunt, quibus evidenter ostenditur quantum catholicam diligis fidem, et quantum hæreticum detestaris errorem. Hæresis quippe est nimis impia et Evangelicæ veritatis inimica, quæ non portionem aliquam lædere, sed ipsa Christianæ religionis conatur fundamenta convellere.

Quoscunque enim rapit ad se, non solum in hoc vitium, sed in multa alia vitia ruere facit, et ipso suadente artitquo hoste non solum persecutores Ecclesiæ, sed etiam sacerdotum ejus fiunt. Una igitur mente corrigere curemus et insequamur tales, et ab hoste suo Ecclesiam, ejusque fideles et sacerdotes Domini nitamur liberare. Præstabit vires omnipotens redemptor noster charitati atque justitiæ. Præstabit nobis longe a se positam unitatem

spiritus sui ipse cujus artificio quasi in arcæ modum quatuor mundi constructa lateribus atque imputribilium lignorum compage, et bitumine charitatis astricta, ut nullius adversitate spiritus, nullius venientis extrinsecus tumore fluctus perturbetur Ecclesia. Sed quemadmodum illius gubernante gratia petendum est, ut nulla nos superveniens exterius unda conturbet, ita ex totis orandum est visceribus, frater charissime, ut suæ providentiæ dextera cumulum sententiæ nobis interioris exhaustiat. Adversarius quippe diabolus qui contra humiles sæviens sicut leo rugiens circuit quærens quem devoret, non jam ut cernimus caulas circumvit, sed ita valide in quibusdam ecclesiæ necessariis membris dentem figit, ut nulli sit dubium, quia nisi unanimiter favente Domino cunctorum provida pastorum turba concurrat, omne (quod absit) citius ovile dilaniet. Quapropter detractores qui divina auctoritate eradicandi sunt, et fautores inimicorum ab episcopali submovemus accusatione. Similiter ne summorum quispiam minorum accusationibus impetatur, aut dispereat, neque in re dubia certa judicetur sententia, nec ullum iudicium, nisi ordinabiliter habitum, teneatur. Si quis super quibuslibet criminibus clericum pulsandum crediderit, in provincia in qua consistit ille qui pulsatur suas exerceat actiones, nec æstimet eum accusator alibi aut longius pertrahendum ad iudicium. Illi vero qui pulsatus fuerit, si iudices suspectos habuerit, liceat appellare primates. Primates quoque accusatum discutientes episcopum non ante sententiam proferant damnationis quam apostolica freti auctoritate aut reum se ipse confiteatur, aut per innocentes et canonicè examinatos regulariter testes convincatur; aliter irritam esse censemus et injustam episcoporum damnationem, et idcirco a synodo retractandam, ita ut oppressis ab omnibus in cunctis subveniatur causis. Caveant iudices Ecclesiæ ne absente eo cuius causa ventilatur, sententiam proferant, quia irrita erit qui etiam rationem pro actione fratrum in præsentia dabunt. Proditorum vero nec calumnia, nec vox audiat. Nemo enim debitorem amplius potest cognoscere, quam ille qui injuriam ejusque sustinuit nequitiam. Omnes ergo qui in Christo volunt pie vivere, necesse est ut ab impiis et dissimilibus patiantur opprobria, et despiciantur tanquam stulti et insani, qui præsentia bona perdunt, ut invisibilia et futura acquirant. Despectio tamen et irrisio talium in ipsos retorquetur qui ipsos infestant, quia et abundantia eorum in egestatem, et superbia transibit in confusionem. Et quidquid justis adversitatum vel malorum irrogatur, non est pœna criminis, sed virtutis examen. Et sicut aurum, quanto plus excoquitur, tanto melius efficitur, sic justus, quanto plus tribulatur (si ipsam tribulationem patienter portaverit) multo purior et clarior Deo redditur. Unde ipsa per se Veritas dicit: « Beati qui persecutionem patiuntur propter justitiam, quoniam ipsorum est regnum cælorum (Math. v, 10). » De talibus Dominus per Isaiam loquitur, dicens: « Au-

дите verbum Domini qui tremitis ad verbum ejus. Dixerunt fratres vestri odientes vos et abjicientes propter nomen meum. Glorificetur Dominus et videbimus in lætitia vestra, ipsi autem confundentur. Vox populi de civitate, vox de templo, vox Domini reddentis retributionem inimicis suis. Antequam parturiret, peperit, antequam veniret partus ejus, peperit masculum. Quis audivit unquam tale, et quis vidit huic similiter? Nunquid parturiet terra in die una, aut parturietur gens simul quia parturivit et peperit Sion filios suos? Nunquid ego qui alios parere facio, ipse non pariam, dicit Dominus? Si ego qui generationem cæteris tribuo, sterilis ero, ait Dominus Deus tuus? Lætamini cum Jerusalem et exsultate in ea omnes qui diligitis eam, gaudete cum ea gaudio universi, qui lugetis super eam, ut surgatis et repleamini ab ubere consolationis ejus, ut mulgeatis, et deliciis affluatis ab omnimoda gloria ejus. Quia hæc dicit Dominus: Ecce ego declinabo super eam quasi fluvium pacis, et quasi torrentem inundantem gloriam gentium quam sugetis. Ad ubera portabimini, et super genua blandientur vobis. Quomodo si cui mater blandiatur, ita ego consolabor vos, et in Israel consolabimini; videbitis et gaudebit cor vestrum, et ossa vestra sicut herba germinabunt: et cognoscetur manus Domini servis et indignabitur inimicis suis, quia ecce Dominus in igne veniet et quasi turbo quadriga ejus: reddere in indignatione furorem suum et increpationem suam in flamma ignis. Quia in igne Dominus dijudicat, et in gladio suo ad omnem carnem, et multiplicabuntur interfecti a Domino. Qui sanctificabantur et mundos se putabant in ortis post januam intrinsecus, qui comedebant carnem suillam, et abominationem et murem, simul consumentur, dicit Dominus. Ego autem opera eorum et cogitationes eorum, venio ut congregem cum omnibus gentibus et linguis, et venient et videbunt gloriam meam, et ponam in eis signum. Et mittam ex eis qui salvati fuerint ad gentes, in mari, in Africa et Lydia, tenentes sagittam in Italiam et Græciam, ad insulas longe, ad eos qui non audierunt de me et non viderunt gloriam meam, et annuntiabunt gloriam meam gentibus, et adducent omnes fratres vestros de cunctis gentibus donum Domino, in equis et in quadrigis, et in lecticis, et in mulis, et in carrucis, ad montem sanctum meum Jerusalem, dicit Dominus, quomodo si inferant filii Israel munus in vase mundo in domum Domini, et assumam ex eis in sacerdotes et in levitas, dicit Dominus: Quia sicut cæli novi, et terra nova quæ ego facio stare coram me, dicit Dominus, sic stabit semen vestrum et nomen vestrum. Et erit mensis ex mense, et Sabbatum ex Sabbato, et veniet omnis caro ut adoret coram facie mea, dicit Dominus. Et egredientur et videbunt cadavera virorum qui prævaricati sunt in me, vermis eorum non morietur, et ignis eorum non exstinguetur, et erunt usque ad satietatem visionis omni carni. (Isa. LXVI, 5-24.) Quid aliud detrahentes faciunt,



nisi in pulverem flant, atque in oculos suos terram excitant? Ei unde plus detractationis perfiant inde magis nihil veritatis vident? Tales tamen, frater charissime, portandi sunt et corrigendi, quia cæci sunt et duces cæcorum. His charissime respondi breviter consultis tuis quæ te et omnes episcopos regulariter tenere mandamus. Tuam tamen, frater,

A monemus prudentiam, ut pro statu Ecclesiæ et sacerdotum ejus pro viribus elaborare studeas, et ordinem sanctæ Romane et apostolicæ Ecclesiæ per omnia teneas et violari sanctorum decreta non permittas, sed omnes quoscunque potueris instruas, ut fructuosos manipulos Domino repræsentes. Vale. Data ix Junii, Claudio et Aureliano IV, cc. cons.

### EPISTOLA FELICIS PAPÆ.

FELIX episcopus universis episcopis per Galliæ provincias constitutis in Domino salutem.

Bonorum operum et spiritualium studiorum Deum auctorem esse non dubium est, qui eorum incitat mentes et adjuvat actiones. Unde letari me fecerunt scripta vestra ex bono studio et ex integritate fidei devotionis vitæ, sed ex afflictione et contritione vestra magna ex parte tristavere. Tristis enim tristes legi litteras vestras, et scripta mœsta mœrore debito percucurri, quia sicut nos ecclesiarum pax sacerdotumque ejus concordia et tranquillitas plebis audire facit gaudium cœleste, ita nos affligit et deiecit fraterna afflictio. Vos tamen nolite multum tristari, quia sicut ipsa per se Veritas ait: « Si de mundo fuissetis, mundus quod suum erat diligeret, sed quia de hoc mundo non estis, sed ego elegi vos de mundo, propterea odit vos mundus (*Joan. xv, 19*), » id est mundi amatores. Quidquid tamen hi loquantur aut adversum vos agant, vos tamen semper integram servate fidem, et puram habetote conscientiam, ut integer spiritus et anima servetur in die Domini. Nos vero ad supplementum vestrum, fratres, et coepiscopos nostros vocavimus amplius quam septuaginta cum quibus hæc quæ subter habentur inserta, regulariter tractando decrevimus. Vestris enim epistolis in omnium audientia perfectis, quæ multas (ut nostis) querimonias et oppressiones in se continebant vestras, decretisque quæ sunt de accusationibus episcoporum sancta synodus dixit. Hæc sunt quæ deinceps propter malorum hominum insidias qui in Ecclesiam et in ecclesiasticos sæviunt viros indifferenter conservare firmissime volumus in sæcula. Si quis episcopus ab illis accusatoribus qui recipiendi sunt fuerit accusatus, postquam ipse ab eis charitative conventus fuerit, ut ipsam causam emendare debeat, et eam corrigere noluerit, non olim, sed tunc ad summos primates causa ejus canonice deferatur, qui in congruo loco infra ipsam provinciam tempore congruo, id est autumnali vel æstivo concilium regulariter convocare debebunt, ita ut ab omnibus ejusdem provinciæ episcopis inibi audiatur. Quo et ipse regulariter convocatus si cum aut infirmitas, aut alia gravis necessitas non detinuerit adesse debet, quia ultra provinciæ terminos accusandi ante licentia non est, quam audientia rogetur. Nam si suis fuerit aut Ecclesiæ sibi commissæ rebus exspoliatus, aut (quod absit) quod alienum ab omnibus esse debet fidelibus a sede pro-

pria ejectus, aut in detentione aliqua a suis ovibus fuerit sequestratus, tunc canonice antequam in pristino restituatur cum omni privilegio suo honore et sua omnia quæ insidiis inimicorum suorum ei ablata fuerunt legibus redintegrentur, nec convocari, nec judicari poterit, nisi ipse pro sua necessitate (minime tamen judicandus) advenire sponte elegerit. Nullatenus ergo a quoquam respondere rogetur antequam integerrime omnia quæ per suggestiones inimicorum suorum amiserat potestati ejus ab honorabili concilio legali ordine redintegrentur; præsul vero cum omni honore statui pristino reddatur, et ipse dispositis ordinatisque libere atque secure diu suis tunc regulariter, infra quatuor vel quinque aut septem menses, juxta quod possibilitas ei fuerit, et non ante convocatus ad tempus concilio in legitimo et canonico veniat ad eam, et si ita juste videtur accusantium propositionibus respondeat. Nam hoc summopere providendum est, ne antequam hæc omnia fiant coactus respondeat, quia contentio semper vitanda est. Adimi namque episcopo episcopatum antequam causæ ejus exitus appareat nulli Christiani videri jure potest, quia talis præsumptio sacrilegium est, et auctor talium sacrilegus. Quod si ægotans fuerit episcopus, aut aliqua eum gravis necessitas detinuerit, pro se legatum ad synodum mittat, nec a communione suspendatur cui crimen intenditur, nisi ad causam suam dicendam electorum judicium die statuta litteris evocatus minime occurrerit, hoc est, nisi alia præoccupatione necessitatis infra spatium prædictorum mensium et eo amplius, prout causam dictaverit. Quod si ex utraque parte ad causam dicendam venerint, quia unus absque altero audiri non debet, querendum est in judicio ejus sint conversationis et fidei atque suspitionis accusatores, aut qua intentione hoc faciant; quia ad hoc admitti non debent, nisi bonæ conversationis et rectæ fidei viri, hi videlicet qui omni suspicione careant, et bona vita clareant, neque infames existant. Quod si accusatorum personæ in judicio episcoporum culpabiles apparuerint, ad arguendum non admittantur, nisi proprias causas asserere, non tamen criminales vel ecclesiasticas voluerint. Infamis enim persona nec procurator potest esse nec cognitor. Absente vero adversario non audiatur accusator; nec sententia, absente parte alia, a iudice dicta ullam obtinebit firmitatem; neque absens per alium accusari aut accusare potest, nec

affinis testis admittatur. Neminem ergo exhiberi de provincia ad provinciam vel ad comitatum oportet, nisi ad relationem iudicis ad quem fuerit appellatum, id est, ut actor semper rei forum sequatur. Si quis autem iudicem adversum sibi senserit vocem appellationis exhibeat, quoniam nulli oportet negari. Peregrina vero iudicia generali sanctione prohibemus, quia indignum est ut ab externis iudicetur, qui comprovinciales et a se electos debet habere iudices.

Hæc, fratres, ad vestram et omnium coepiscoporum opem et defensionem in synodo unanimiter sunt decreta, ut si forte aliqui stultorum vos accusare (qui diabolicæ deceptionis errore decepti sunt) voluerint, dum ista legerint vel audierint respiscant, et ad unitatis concordiam revertantur, et quod prius erat in ultionem transibit in gloriam. Nam, procul dubio multi sunt qui secundum Apostoli vocem, « prurientes auribus a veritate quidem auditum avertunt, ad fabulas autem convertentur (II Tim. iv, 3, 4), » et ad nocumenta bonorum transeunt. Ait autem idem Apostolus de infidelium ignorantia: « Si cognovissent, nunquam Dominum gloriæ crucifixissent (I Cor. ii, 8). » Similiter si hi Dominum perfecte agnovissent et amassent, nunquam servos ejus perturbassent, nec verbis aut factis persecuti essent. Quod vero idem Apostolus dicit: « Si enim cum inimici essemus, reconciliati sumus Deo per mortem Filii ejus (Rom. v, 10), » cur insequimur, fratres, cur perturbamus statum Ecclesiæ Dei, et eos qui ei servire debent affligimus? Martyres enim passi sunt, non tamen animæ eorum occisæ sunt in corporis passione, ore Veritatis attestante. « Nolite timere eos qui occidunt corpus, animam autem non possunt occidere (Math. x, 28). » Ubi agnoscitur oportet quippe si animæ martyrum corpore perempto supplicii exstingui non possunt, nec animæ prædicatorum et doctorum persequi debuissent aut perturbari et a Dei famulatu averti, quia cum corporibus non deficiunt. Tales autem perturbatores Ecclesiæ non solum prædicta agunt mala, sed et memorias martyrum exsecrantur. Quapropter in præfata constituimus synodo, vobisque et omnibus Ecclesiis tenendum et agendum mandamus, ut super memorias martyrum missæ celebrentur, ne memoriæ eorum a talibus exstingui aut veneratio possit prohiberi. Vos vero, fratres, nolite multum turbari, nolite vexari, sed confortamini in Domino, et in potentia claritatis ejus. Habetote interim ista ad suffragium vestrum apostolica auctoritate decreta, et scitote nos semper paratos habere, etiam (si necesse fuerit) usque ad mortem ad quæcunque vobis necessaria fuerint (Domino opem ferente) perficienda. Illi tamen, auctore Deo, peribunt, et vos stabitis, si tamen labor vester non fuerit inanis, sed plenus fide et charitate. « Væ, inquit pro-

A pheta, qui potum dat amico suo mittens fel suum (Habac. ii, 15). » Et iterum sapientissimus Salomon ait: « Qui loquitur iniqua, non potest latere, nec præteriet illum corripiens iudicium. In cogitationibus enim impii interrogatio erit: Sermonum autem illius auditio ad Dominum veniet, et ad correptionem iniquitatum illius, quoniam auris zeli audit omnia, et tumultus murmurationum non abscondetur (Sap. i, 8-10). » Hæc enim si amplecti voluissent proprio et sano sensu, ad reprobum sensum minime laberentur, sed per Dei timorem sermonum suorum præcavescentes custodiam, piam sanctorum Patrum diffinitionem sine quadam nocuementi præsumptione utique conservassent, quoniam dicit sacrum eloquium, consilium bonum conservabit te, et mens bona custodiet te. Non enim de fontibus salutaribus spiritualiter ad acquisitionem æternæ vitæ procedunt tales accusationes et detractiones, atque ideo competenter nos beatus Paulus apostolus præmuniens ait: « Non debere plus sapere quam oportet sapere, sed sapere ad sobrietatem (Rom. xii, 3), » in definitione pietatis perdurantes. Qui enim hanc prætereunt, non tamen læsi sunt decedentes a corroboratione sua, sed insipientiæ suæ dereliquerunt domibus memoriam, ut in his in quibus peccaverunt minime latere potuissent. Gloria enim et contumelia in loquela et in loquela linguae hominis casus illius est. Ideoque conveniens est hanc quidem ostensionem reprehensionum illorum nostris actibus inseri, ne ulterius jam talia patiamini seminantibus eis zizania et scandala, sed lætari in officiis et dogmatibus vestris mereamini. Igitur erubescant, ac talia et huiusmodi blasphemiam subtrahere festinent, si noluerint a sacerdotali nostro collegio segregari, et a totius Christiani populi societate divelli. Licet namque de his plura et pernecessaria quæ in decretis sedis apostolicæ, et ab apostolis eorumque successoribus nostris videlicet prædecessoribus statuta inveniuntur dicere et conscribere potuissimus, tamen melius nobis visum est ut epistolam oratione claudamus. Deus omnipotens et hujus unigenitus filius, et salvator noster Christus Jesus hoc vobis tribuat incitamentum, ut omnibus fratribus et coepiscopis nostris quibuscunque tribulationibus laborantibus totis succurratis viribus, et cum eis compatiens crucem ejusdem Domini salvatoris portetis ut veri ipsius discipuli coram omnibus appareatis, ut et vos et qui vobiscum sunt hic et in futuro meliora possideatis quæ oculus non vidit, nec auris audivit, nec in cor hominis ascendit quæ præparavit Deus diligentibus se. Per Dominum nostrum Jesum Christum, per quem, et cum quo omnipotenti Deo gloria in sæcula sæculorum. Amen. Valere vos opto, charissimi fratres. Data v Idus Augusti Claudio et Paterno, IV cc. consulibus.

#### ITEM EPISTOLA EJUSDEM AD BENIGNUM.

Dilectissimo fratri BENIGNO episcopo, FELIX episcopus in Domino salutem.

Suscipientes fraternitatis tuæ epistolas quibus me super fidei documentis quæ ab aliis habebatur aliter



quam recte fidei contineant sacramenta, prout Dominus dedit, pro fraternitatis amore respondere non resultavimus. Semper enim dubia et majora negotia terminum ab hac sancta sede a tempore apostolorum qui eam suis documentis instruxerunt, accipere consueverunt, et ideo tu recte fecisti quod hujus sanctæ sedis consultis te ceterosque firmari et instrui voluisti. Continebant enim litteræ tuæ fratrumque tuorum quod quidam dicunt Filium non posse proprie videre Patrem, quia scriptum est: « Deum enim nemo vidit unquam (*I Joan. iv, 12*), » et alii fingunt. Ideo minor est Pater Filius quoniam Pater illi perhibet testimonium. Quidam autem garriunt quod ideo Pater minor est, quia invisibilis ipse dicitur, Filius vero visibilis comprobatur.

Illi enim ignorantes divinarum Scripturarum et apostolorum jura, ex proprio aut adulterino sensu talia fabricant, et seducere corda fidelium quærunt. Nos vero ad ipsius fontis originem redeamus, ex quo Filium Patrem semper videre potuisse vel posse evidentioribus testimoniis de veteris et novi instrumenti litteris doceamus, Salomone dicente: « Est tecum sapientia quæ novit opera tua, et affuit tuncum orbem terrarum faceres, et sciebat quod esset placitum coram oculis tuis (*Sap. ix, 9*). » Et Dominus in Evangelio: « Nemo novit Filium nisi Pater, neque Patrem quis novit nisi Filius et cui voluerit Filius revelare (*Matth. xi, 27*). » Et iterum: « Nemo Deum vidit unquam, nisi unigenitus Filius qui est in sinu Patris, ipse narravit (*Joan. i, 18*). » Et iterum Judæis dixit: « Vos non nostis eum, ego autem novi eum. Quod si dixero quia non novi eum, ero similis vobis mendax (*Joan. viii, 55*). » Item ibi: « Qui ex Deo est, hic novit eum. » Et iterum. « Ego scio eum quia ab ipso sum (*Joan. vii, 29*). »

Ecce docuimus, quia videt semper Filius Patrem. Quomodo astruunt eum Patrem non posse videre, in cujus sinu noscitur permanere. Si sereno sensu divinas recenseas Scripturas, invenies non solum Patrem Filio testimonium perhibentem, sed totam simul inseparabilem Trinitatem ipso Domino protestante, qui ait: « Ego sum qui testimonium perhibeo de meipso, et testimonium perhibet de me, qui misit me, Pater (*Joan. viii, 18*). » Et iterum: « Si Ego testimonium perhibeo de meipso, testimonium meum verum est, quia scio unde venio et quo vado (*Joan. viii, 14*). » Et de Spiritu sancto: « Dum venerit paracletus Spiritus veritatis ille testimonium perhibebit de me (*Joan. xv, 26*); » intende, quæso, intende quoniam in quibus una testificationis virtus ostenditur, nullus ab alio neque potior neque inferior judicatur. Sæpius ista jam diximus, quia secundum hominis formam Filius visibilis dicitur, secundum vero Deitatis substantiam invisibilis prædicatur Paulo attestante apostolo: « O altitudo, inquit, divitiarum sapientiæ et scientiæ Dei, quam incomprehensibilia sunt judicia ejus et investigabiles viæ ejus (*Rom. xi, 33*). » Et in Isaia: Cui similem æstimatis eum cum sit ipse invisibilis. Et item Apostolus: « Mihi

omnium sanctorum minime data est gratia hæc in gentibus evangelizare investigabiles divitias Christi, et illuminare omnes quæ sit dispensatio sacramenti absconditi a sæculis in quibus omnia creavit (*Ephes. iii, 8, 9*). » Item ipse: « Qui est, ait, imago Dei invisibilis (*Coloss. i, 15*). » Et ad Colossenses: « Ego Paulus minister qui nunc gaudeo in passionibus meis pro vobis et suppleo quæ desunt tribulationum Christi in carne mea pro corpore ejus, quod est Ecclesia, cujus factus sum ego minister secundum dispensationem Dei in ministerium Christi, quod absconditum fuit a sæculis et a generationibus (*Coloss. i, 23-26*). » Item ibi ut consolentur corda eorum in charitate, in omnes divitias adimpletionis intellectus in agnitionem mysterii quod est Christus, in quo sunt omnes thesauri sapientiæ et scientiæ absconditi, et in psalmo septuagesimo sexto: « In mari est via tua, et semitæ tuæ in aquis multis, et vestigia tua non cognoscentur (*Psal. lxxvi, 20*). » Et in Salomone: « Sapientiam Dei præcedentem omnia quis investigabit? (*Eccli. i, 3*). » Item ibi: « Radix sapientiæ cui revelata est, et astutias illius quis agnovit? » (*Ibid.*, 6.) Item ibi: « Disciplina sapientiæ cui manifestata est, et multiplicationem ingressus illius quis intellexit? » (*Ibid.*, 7.) Item ibi: « Quoniam mirabilia sunt opera Altissimi solius, et gloriosa et absconsa, et invisa opera illius? » (*Ibid.*, xi, 4.) » Ecce sicut Pater invisibilis est, ita et jam et Filius invenitur. Quomodo ergo ab illis qui hoc dicunt quod mandastis in eo quod nobis carnaliter se videri dignatus est Pater inferior judicatur? Talibus nolite credere vos et alios ab eorum sensu avertere docete: Vos ergo servite Domino in timore, et exsultate ei cum tremore. Apprehendite disciplinam ne pereatis de via justa.

Hæc vero apostolorum est viva traditio, hæc vera charitas quæ prædicanda est, et veraciter diligenda, ac fovenda, atque fiducialiter ab omnibus tenenda. Hæc sancta et apostolica mater omnium Ecclesiarum Christi Ecclesia quæ per Dei omnipotentis gratiam a tramite apostolicæ traditionis nunquam errasse probatur, nec ab hæreticis novitatibus depravanda succubuit: sed, ut in exordio normam fidei Christianæ percepit ab auctoribus suis apostolorum Christi principibus illibata, sine teus manet, secundum ipsius Domini Salvatoris divinam pollicitationem qui suorum 46 discipulorum principi in suis fatus est evangelis: « Petre, inquit, ecce satanas expetivit ut eribraret vossicut qui cribrat triticum. Ego autem rogavi pro te ut non deficiat fides tua, et tu aliquando conversus confirma fratres tuos (*Luc. xxi, 31, 32*). » Consideret itaque vestra excellens prudentia quam bonum sit persistere in dispensatione nobis credita et in fide recta, atque hæreticis et æmulis Christi repugnare, et nunquam a veritatis tramite declinare: quoniam Dominus et Salvator omnium cujus fides est qui pro nobis mori non dubitavit, et proprio nos suo redemit sanguine, qui fidem beati Petri non defecturam promisit, et confirmare eum fratres suos ad-

monuit quod apostolicos pontifices meæ exiguitatis prædecessores confidenter fecisse semper cunctis est cognitum. Quorum et pusillitas mea, licet impar et minima, pro suscepto tamen divina dignatione ministerio pedissequa cupit existere: Væ enim nobis erit, qui hujus ministerii onus susceptum habemus, si veritatem Salvatoris nostri Jesu Christi, quam apostoli prædicaverunt prædicare neglexerimus. Væ erit nobis, si silentio veritatem oppresserimus, quam erogare nummulariis jubemur, id est, Christianos populos juvare et docere. Quid in ipsius futuro Christi dicturi sumus examine si sermonum ejus veritatem confundimur prædicare? Quid erit de nobis cum de commissis nobis animabus et de officio

A suscepto rationem justus judex Christus Deus noster districtam exegerit? Ideo, fratres, hortor dilectionem vestram, obtestor et moneo, ut qua potestis et debetis sollicitudine vigiletis ad investigandos hæreticos et inimicos sanctæ Dei Ecclesiæ, et a sanis mentibus, ne pestis hæc latius divulgetur, severitate quam potestis pro viribus extirpetis; quoniam ut habebit a Deo digne remunerationis præmium qui diligentius quod ad salutem commissæ sibi plebis perficiat fuerit exsecutus, ita ante tribunal Domini de reatu negligentiae se non poterit excusare quicumque plebem suam contra sacrilegæ persuasionis auctores noluerit custodire. Data Nonas Februarii, Claudio et Paterno IV cc. consul

## INCIPIUNT DECRETA EUTICIANI PAPÆ.

(Anno Domini 276, Aureliano et Tacito imperantibus.)

Charissimis fratribus JOANNI et omnibus per Beticam provinciam constitutis episcopis, EUTICIANUS episcopus in Domino salutem.

Hortatur nos æquitas postulationis desiderio fraternitatis tuæ gratanter annuere, et consultis tuis breviter respondere. Et quamvis dilectionem tuam sciam ad omne opus omne bonum esse devotam ut tamen efficacior fiat ad illos qui sane non sapiunt qualiter eos de Incarnatione Salvatoris nostri informare debeas, mandamas.

Unum igitur hoc immobile fundamentum, una hæc felix fidei petra Petri ore confessa. Tu es, inquit, Christus Filius Dei vivi, tanta in se argumenta sustinens veritatis quantæ perversitatis questiones et infidelitatis calumniæ movebuntur. Jam in cæteris dispensatio voluntatis paternæ sit. Ergo pectus et corpus, postquam crux, mors inferni, salus nostra est.

Humani enim generis causa Dei Filius natus ex Virgine est, et Spiritu sancto ipso sibi in hac operatione famulante, et sua (Dei videlicet) inumbrante virtute, corporis sibi initia consevit et exordia carnis instituit, ut homo factus ex Virgine naturam in se carnis acciperet, per quam hujus admisionis societatem sanctificationem in eo universi humani generis corpus existeret. Et, quemadmodum omnes in ipso per id quod corporeum se esse voluit conderentur, ita rursum in omnes ipse, per id quod ejus est, invisibile referretur. Dei igitur imago invisibilis pudorem humani exordii non recusavit, et per conceptionem patrum vagitum et cunas, omnesque nostræ naturæ contumelias transcurrit. Quid tandem dignum a nobis tantæ dignationis affectu rependetur? Inenarrabilis ergo a Deo originis unus unigenitus Deus in corporis humani formam sanctæ Virginis utero insertus accrescit, qui omnia continet, intra quem et per quem cuncta sunt humani profectus, lege

B profertur. Ad cujus vocem archangeli atque angeli tremunt, cælum et terra et omnia hujus mundi resolvunt elementa, vagitus infantiae auditur. Qui invisibilis et incomprehensibilis est, non visu, sensu, tactuque moderandus, cunis est obvolutus; hæc si quis indigna Deo recolit, tanto se majoris beneficii obnoxium confitetur, quanto minus hæc Dei conveniunt majestati. Non ille eguit homo effici per quem homo factus est, sed nos eguimus ut Deus caro fieret, et habitaret in nobis, id est, assumptione carnis unus interna universæ carnis incoheret: humilitas ejus nostra nobilitas est, contumelia ejus honor noster est. Quod ille Deus in carne consistens, hoc nos vicissim in Deum ex carne renovati. Plane vitam suam nescit qui Christum Jesum ut verum C Deum, ita et verum ignorat hominem, et ejusdem periculi res est Jesum Christum vel Spiritum sanctum Deum non credere, vel carnem nostri corporis denegare. « Omnis ergo qui confitebitur me coram hominibus, confitebor et ego eum coram Patre meo qui in cælis est. Qui autem negaverit me coram hominibus, negabo et ego eum coram Patre meo qui in cælis est (Matth. x, 32, 33). » Hæc verbum caro factum loquebatur et homo Jesus Christus Dominus majestatis docebat, mediator ipse in se ad salutem Ecclesiæ constitutus, et ipso illo inter Deum et homines mediatoris sacramento utrumque unus existens dum ipse ex unitis in idipsum naturis, naturæ utriusque res eadem est, ita tamen ut neutro careret in utroque, ne forte Deus esse homo nascendo desineret, et homo rursum Deus manendo non esset. Hæc itaque humanæ beatitudinis fides vera est, Deum et hominem prædicare, verbum et carnem confiteri, neque Deum nescire quod homo sit, neque, carnem ignorare quod Verbum sit. Natus igitur unigenitus Deus ex Virgine homo, et secundum plenitudinem temporum in semetipso profuturus



Deum hominem hunc per omnia evangelici sermonis A modum tenuit, ut se Dei Filium credi doceret, et hominis filium prædicaret, et admoneret loquens et gerens, homo universa quæ Dei sunt loquens et gerens, deinde Deus universa quæ hominis sunt, ita tamen ut in ipso illo utriusque generis sermone nunquam nisi cum significatione hominis locutus, et Dei sit. Hæc itaque fallendi simplices atque ignorantes hæreticis occasio est, ut quæ ab eo secundum hominem dicta sunt, dicta esse secundum divinæ naturæ infirmitatem mentiantur. Et quia unus atque idem est, loquens omnia quæ loquitur de semetipso, omnia eum de divinitate locutum esse contendunt. Nec sane negamus totum illum qui ei manet naturæ suæ esse sermonem. Sed si Jesus Christus et homo et Deus, et nequam cum homo sit, tum primum Deus, neque tum cum et homo sit et Deus, tum non etiam et Deus, neque post hominem in Deo non totus homo, totus Deus, unum atque idem necesse est, dicatur ejus esse sacramentum quod generis. Et cum in eo secundum tempus discernis hominem a Deo, Dei tunc atque hominis discerne sermonem. Et cum Deum atque hominem in tempore confiteris, Dei tunc atque hominis in tempore dicta dijudica. Cum vero ex homine et Deo rursum totius hominis, totius jam Dei tempus intelligis, si quidem illud ad demonstrationem temporis dictum est, tempori coaptatiæ quæ dicta sunt, ut cum aliud sit ante hominem Deus, aliud sit homo : et Deus, aliud sit post hominem et Deum, totus homo et totus Deus, non confundas temporibus et generibus dispensationis sacramentum, cum pro qualitate generum ac naturarum aliud cum sacramento hominis necesse est sermonem fuisse non nato, aliud adhuc morituro, aliud etiam æterno. Nostri igitur causa hæc omnia Jesus Christus gerens et corporis nostri homo natus secundum consuetudinem naturæ nostræ locutus est, non tamen omittens naturæ suæ esse quod Deus est. Nam tametsi in partu, et passione, et morte naturæ nostræ rem peregerit, res tamen ipsas omnes virtute naturæ suæ gessit. Vides ne ita Deum et hominem prædicari ut mors homini, Deo vero carnis excitatio deputetur, non tamen alius sit qui mortuus est, et alius sit per quem mortuus resurgit. Spoliata enim carne Christus est mortuus, et rursum Christum a mortuis excitans, idem Christus est carne se exspoliens. Naturam Dei in virtute resurrectionis intellige, dispensationem hominis in morte agnosce. Et cum sint utraque suis gesta naturis, unum tamen Christum Jesum, eum memento esse qui utrumque est. Hæc igitur demonstranda a me paucis fuerunt, ut utriusque naturæ formam tractari in Domino nostro Jesu Christo meminissimus, quia qui manens in forma Dei, formam servi suscepit, ipse divinitatem nequam amisit.

Cæterum, fratres, hortamur vos, ut moneatis eos converti ad Deum. Unde scriptum est : « Fili, ne tardes converti ad Deum, ne differas de die in diem. Subito enim veniet ira illius, et in tempore vindictæ

disperdet te. Noli anxius esse in divitiis injustis, nihil proderunt tibi in die obductionis et vindictæ. Non ventiles te in omnem ventum, et non eas in omni via. Sic enim omnis peccator probatur duplici lingua. Esto firmus in via Dei, et in veritate sensus tui, et scientia, et prosequatur te verbum pacis et justitiæ. Esto mansuetus ad audiendum verbum, ut intelligas, et cum sapientia fer responsum. Si est tibi intellectus, responde proximo; sin autem sit manus tua super os tuum ne capiaris in verbo indisciplinato, et confundaris. Honor et gloria in sermone sensati, lingua vero imprudentis subversio illius. Non appelleris susurro, et lingua tua ne capiaris, et confundaris. Super furem enim est confusio, et poenitentia, et denotatio pessima super bilinguem : susurratori autem odium, et inimicitia, et contumelia, justifica pusillum et magnum similiter. Noli fieri pro amico inimicus proximo. Improperium enim et contumeliam malus hæreditabit, et omnis peccator invidus et bilinguis. Non te extollas in cogitatione animæ tuæ velut taurus, ne forte elidatur virtus tua per stultitiam, et folia tua comedat, et fructus tuos perdat, et relinquareis velut lignum aridum in eremo. Anima enim nequam disperdit quæ se habet, et in gaudium inimici dat illum, et deducit in sortem impiorum (*Eccli.* v, 8-18; vi, 1-4). » Talibus vos exhortationibus, fratres, vicissim monetote, et bona semper sectamini, malaque vitate. Magis enim studiis secundum beatum Apostolum præcavendum est, ne fides et disciplina Domini blasphementur. Et si illa nonnunquam sinenda sunt, quæ (si cæterorum constet integritas) sola nocere non valeant, illa tamen sunt magnopere præcavenda quæ recipi sine manifesta decoloratione non possunt, ac si ea ipsa quæ nullo detrimento aliquoties intelligenda credentur, vel rerum temporumque cogit intuitus, vel acceleratæ provisionis respectus accusat, quanto magis illa sunt nullatenus mutilanda quæ nec ulla necessitas, nec ecclesiastica prorsus extorquet utilitas? Idcirco, fratres, ista prætulimus ut hæc species quas non licet offerri super altare juxta constitutionem apostolorum, eorumque successorum ad domum sacerdotum deferantur, et a sacerdotibus benedicantur, et per simplicem benedictionem benedicta demum a populis sumantur, fabæ tantum et uvæ, et cætera quæ apostoli constituerunt super altare offerantur.

Optamus igitur, fratres charissimi, et totis omnipotentem Dominum precibus exoramus ut dilectionem vestram in amoris sui constantiam faciat magis magisque fervescere, atque in pace Ecclesiæ in unanimes concordat manere concordia. Admonemus etiam fraternitatem vestram, ut in commissis vobis animabus solerter invigiletis, animarumque magis lucris quam commodis vitæ præsentis intendatis. In continendis vero ac disponendis rebus ecclesiasticis diligentes custodes existatis, ut ex omni parte susceptum vos condigne gessisse pastoris officium, venturus iudex, cum ad judicandum venerit, debeat appro-

nare. Omnipotens autem Deus sua vos protectione custodiat honoremque a Deo vobis collatum moribus servare concedat, atque cum multiplici fructu animas vobis commissas ad pascua æterna adducere

sibi que condigne representare adjuvet, vosque inter sanctos et electos suos collocare dignetur. Data Idus Aprilis Aureliano, et Marcello IV cœ. consul.

# ITEM EPISTOLA EUTICIANI PAPÆ UNIVERSIS EPISCOPIS PER SICILIAM CONSTITUTIS DIRECTA.

**47** Dilectissimis fratribus universis episcopis per Siciliam constitutis EUTICIANUS.

Benedictus Deus et Pater Domini nostri Jesu Christi qui benedixit nos in omni benedictione spiritali in cœlestibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in charitate, prædestinans nos in adoptionem filiorum per Jesum Christum in ipsum, secundum propositum voluntatis suæ in laudem gloriæ gratiæ suæ, in qua gratificatus est nobis in dilecto Filio suo in quo habemus redemptionem per sanguinem ejus remissionem peccatorum, secundum divitias gratiæ ejus quæ abundavit in nobis, in omni sapientia et prudentia, ut notum faceret nobis sacramentum voluntatis suæ secundum beneplacitum ejus, quod proposuit in eo in dispensatione plenitudinis temporum instaurare omnia in Christo, quæ in cœlis et quæ in terra sunt in ipso : in quo etiam sorte vocati sumus prædestinati secundum propositum ejus, qui omnia operatur secundum consilium voluntatis suæ, ut simus in laudem et gloriam ejus qui ante speravimus in Christo, in quo et vos cum audissetis verbum veritatis Evangelium salutis vestræ in quo et credentes signati estis Spiritu promissionis sancto, qui est pignus hæreditatis nostræ in redemptionem acquisitionis in laudem gloriæ ipsius. Propterea et ego audiens fidem vestram in Domino Jesu Christo et dilectionem in omnes sanctos, non cesso gratias agens pro vobis, memoriam vestri faciens in orationibus meis, ut Deus Domini nostri Jesu Christi Pater gloriæ det vobis spiritum sapientiæ et revelationis in agnitionem ejus illuminatos oculos cordi vestri, ut sciatis quæ sit spes vocationis ejus, et quæ divitiæ gloriæ hæreditatis ejus in sanctis, et quæ sit supereminens magnitudo virtutis ejus in nos, qui credidimus secundum operationem potentiæ virtutis ejus quam operatus est in Christo suscitans illum a mortuis, et constituens ad dexteram suam in cœlestibus super omnem principatum, et potestatem, et virtutem, et dominationem, et omne nomen quod nominatur non solum in hoc sæculo sed in futuro. Et omnia subjecit sub pedibus ejus, et ipsum dedit caput super omnem quæ est corpus ejus et plenitudo ejus qui omnia in omnibus adimpletur. Et vos cum essetis mortui delictis et peccatis vestris, in quibus aliquando ambulastis secundum sæculum mundi hujus, secundum principem potestatis aeris hujus, spiritus qui nunc operatur in filiis dissidentiae, in quibus et nos aliquando conversati sumus in desideriis carnis nostræ, facientes voluntatem carnis et

cogitationum, et eramus natura filii iræ sicut et cæteri. Modo, fratres, quia ex filiis iræ sua gratia et gratuita miseratione fecit nos Deus filios suos, et nos, qui digni servi non eramus nullis meritis præcedentibus, sed sua, ut diximus, gratia facti sumus filii ejus, in quo clamamus : abba pater, sequentes ejus exempla, simus filii misericordiæ et justitiæ, atque dilectionis, ut veri filii Dei et dici et esse ipso auxiliante valeamus. « Deponentes igitur, juxta apostolum, omnem malitiam, et omnem dolum, et simulationes, et invidias, et omnes detractiones, etc. (1 Petr. II, 1). » Hi vero qui talia agunt non filii Dei sed potius filii nequam esse comprobantur, sicut idem ait Apostolus : « Manifesta sunt opera carnis quæ sunt fornicatio, immunditia, luxuria, idolorum servitus, veneficia, inimicitiae, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comessationes, et his similia, quæ prædico vobis sicut prædixi, quoniam qui talia agunt regnum Dei non consequentur (Gal. v, 19-21). » Grave, fratres, verbum et horrendum nimis, quod ait, quoniam qui talia agunt regnum Dei non consequentur. Et ipsa per se Veritas dicit : « Quid prodest homini universum mundum lucrari, animæ vero suæ detrimentum patiat? » (Marc. VIII, 36.) Gravia sunt nimis quæ prætulimus et pervalde cavenda. Quibus enim regnum Dei excluditur procul dubio et Ecclesia denegatur, de quibus Dominus in Evangelio potestatem apostolorum eorumque successorum annuntians, ait : Quorum dimiseritis peccata dimituntur eis, et quorum alligaveritis alligata erunt, id est, quibus ecclesiam interdixeritis nisi reconciliati per satisfactionem fuerint ipsis et janua regni cœlestis clausa erit.

Unde ista præcaves et stultorum animos prævidentes, cura pastoralis, cum omnibus episcopis et sanctæ Romanæ atque universalis Ecclesiæ utriusque ordinis fidelibus, statuimus non ita in ecclesiasticis agendum esse negotiis sicut in sæcularibus. Nam in sæcularibus legibus postquam vocatus quis venerit, et in foro decertare cœperit, non licet ei ante peractam causam recedere. In ecclesiasticis vero dicta causa recedere licet si necesse fuerit, aut si pergravari viderit.

Accusationes vero ordinem talem et didicimus et servari debemus, id est, si quis clericorum in crimine impetitur non statim reus æstimetur, quia accusari potuit ne subjectam innocentiam faciamus. Sed quisque ille est qui crimen intendit, in judicium veniat, nomen rei indicet, vinculum inscriptionis arripiat, custodiat, similitudinem, habita tamen di-



gnitatis aestimatione, patiat. Nec fore sibi noverit licentiam mentiendi cum calumniantes ad vindictam poscat similitudo supplicii. Hæretici enim omnes et suspecti, et excommunicati, homicidæ quoque, atque malefici, fures, sacrilegi, raptores, venefici, adulteri, et qui raptum fecerint, vel falsum testimonium dixerint, seu qui ad sortilegos magosque concurreant, nullatenus ad accusationem sunt admittendi. Nulli infami unquam atque sacrilego de quocunque negotio liceat adversus religiosum Christianum, quanvis humilis servilisque persona sit testimonium dicere, nec de qualibet re actione vel inscriptione Christianum impetere. Omnibus quoque similiter accusandi vel testificandi licentia denegetur qui Christianæ religionis et nominis dignitatem et suæ legis vel sui præpositi normam aut regulariter prohibita neglexerint. Similiter prohibemus ut nullæ causæ a iudiciis Ecclesiasticis audiantur, quæ legibus non continentur, vel quæ prohibitæ esse noscuntur. Hæc non solum Ecclesiasticæ, sed et sæculi leges observare præcipiunt. Non enim passim vageque sacerdotum accusatio debet fieri. Nam, si facile admitteretur, perpauci nimis invenirentur, quia omnes qui pie volunt vivere in Christo, persecutionem patiuntur. Beati tamen qui persecutionem patiuntur propter justitiam. Unde et ipsa per se Veritas ait : « Pater, manifestavi nomen tuum hominibus quos dedisti mihi de mundo : Tui erant et mihi eos dedisti, et sermonem tuum servaverunt. Nunc cognoverunt quia omnia quæ dedisti mihi abs te sunt, quia verba quæ dedisti eis, et ipsi acceperunt et cognoverunt vere quia a te exivi, et crediderunt, quia tu me misisti. Ego pro eis rogo, non pro mundo rogo, sed pro eis quos dedisti mihi, quia tui sunt. Et mea omnia tua sunt, et tua mea sunt, et clarificatus sum in eis. Et jam non sum in mundo, et hi in mundo sunt, et ego ad te venio. Pater sancte, serva eos in nomine tuo quos dedisti mihi, ut unum sint sicut et nos. Cum essem cum eis ego servabam eos in nomine tuo. Quos dedisti mihi, custodivi, et nemo ex his periit, nisi filius perditionis, ut Scriptura impleatur. Nunc autem ad te venio, et hæc loquor in mundo, ut habeant gaudium meum impletum in semetipsis. Ego dedi eis sermonem tuum et mundus odio habuit eos, quia non sunt de mundo, sicut et ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut ego non sum de mundo. Sanctifica eos in veritate. Sermo tuus veritas est. Sicut me misisti in mundum, et ego misi eos in mundum. Et pro eis ego sanctifico meipsum, ut sint et ipsi sanctificati in veritate; non pro eis autem rogo tantum, sed et pro eis qui credituri sunt per verbum eorum in me, ut omnes unum sint, sicut tu Pater in me, et ego in te, ut et ipsi in nobis unum sint, ut mundus credat quia tu me misisti. Et ego claritatem quam dedisti mihi, dedi eis, ut sint unum sicut et nos unum sumus. Ego in eis et tu in me, ut sint consummati in unum, ut cognoscat mundus, quia tu me misisti et

A dilexi eos sicut me dilexisti. Pater, quos dedisti mihi, volo, ut ubi ego sum et illi sint mecum, ut videant claritatem meam quam dedisti mihi, quia dilexisti me ante constitutionem mundi. Pater juste, mundus te non cognovit, ego autem te cognovi, et hi cognoverunt, quia tu me misisti; et notum feci eis nomen tuum, et notum faciam, ut dilectio qua dilexisti me in ipsis sit et ego in ipsis (*Joan. xvii, 6-26*). » Et idem Joannes apostolus et evangelista in prima epistola sua loquitur, dicens : « Charissimi, diligamus invicem, quia charitas ex Deo est. Et omnis qui diligit, ex Deo natus est, et cognoscit Deum. Qui non diligit, non novit Deum, quia Deus charitas est. In hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum. In hoc est charitas, non quasi nos dilexerimus Deum, sed quoniam ipse dilexit nos, et misit Filium suum propitiationem pro peccatis nostris. Charissimi, si sic Deus dilexit nos, et nos debemus alterutrum diligere. Deum nemo vidit unquam. Si diligamus invicem, Deus in nobis manet, et charitas ejus in nobis perfecta est. In hoc cognoscimus, quoniam in eo manemus, et ipse in nobis, quoniam de Spiritu suo dedit nobis. Et nos vidimus et testificamur, quoniam Pater misit Filium suum salvatorem mundi. Quisquis confessus fuerit, quoniam Jesus est Filius Dei, Deus in eo manet, et ipse in Deo. Et nos cognovimus, et credidimus charitati quam habet Deus in nobis. Deus charitas est et qui manet in charitate, in Deo manet, et Deus in eo. In hoc perfecta est charitas nobiscum, ut fiduciam habeamus in die iudicii, quia sicut ille est, et nos sumus in hoc mundo. Timor non est in charitate, sed perfecta charitas foras mittit timorem, quoniam timor pœnam habet. Qui autem timet, non est perfectus in charitate. Nos ergo diligamus Deum, et quoniam Deus prior dilexit nos. Si quis dixerit quoniam diligo Deum et fratrem suum oderit, mendax est. Qui autem non diligit fratrem suum quem videt, Deum quem non videt quomodo potest diligere? et hoc mandatum habemus a Deo, ut qui diligit Deum, et diligit fratrem suum. Omnis qui credit quoniam Jesus est Christus ex Deo natus, et omnis qui diligit eum qui genuit, diligit eum qui natus est ex eo. In hoc cognoscimus, quoniam diligimus natos Dei, cum Deum diligamus, et mandata ejus faciamus, hæc est enim charitas Dei, ut mandata ejus custodiamus, et mandata ejus gravia non sunt (*I Joan. iv, 7-21; v, 1-4*). »

Et per prophetam Dominus monendo ne lædantur discipuli sui, eorumque successores, inquit : Circumdatus angelus Domini in gyro timentes eum, et eruet eos. Gustate et videte quoniam bonus est Dominus. Beatus vir qui sperat in eo. Time-te Dominum omnes sancti ejus, quoniam non est inopia timentibus eum. Leones indiguerunt et esurierunt, quærentibus autem Dominum non deerit omne bonum. Ambulate, filii, audite me, timorem Domini docebo vos. Quis est vir qui velit vitam, diligit dies videre

bonos? Custodi linguam tuam a malo, et labia tua ne loquantur dolum. Recede a malo et fac bonum, quære pacem et persequere eam. Oculi Domini super justos, et aures ejus ad clamorem eorum. Vultus autem Domini in facientes malum, ut perdat de terra memoriam eorum. Clamaverunt justi et Dominus exaudivit eos, et ex omnibus tribulationibus eorum liberavit eos Dominus. Juxta est Dominus contritis corde, et contractos spiritu salvabit. Multa mala justo, et ex omnibus illis liberavit eum Dominus. Custodit Dominus omnia ossa ejus, unum ex his non confringetur. Interficiet impium malitia, et odientes justum culpabuntur. Redimet Dominus animas ser-

vorum suorum, et liberabit eos. Vos ergo, fratres, super Dominum ponite corda vestra, et ipse enutriet vos, quia non dabit in æternum fluctuationem justis. Deus autem Dominus noster deducet **48** inimicos nostros juxta prophetæ vocem : « In puteum interitus, quoniam viri sanguinum et dolosi non dimidiabunt dies suos (*Psal.* LIV, 24). » Vos autem semper sperate in Domino et fiduciam habetote in eo, quia ipse liberabit nos, ipse est enim benedictus a sæculo usque in sæculum, et regni ejus non erit finis. Data xiii Kalend. Octobris, Caro Vero et Carino IV cc. consul.

## INCIPIUNT DECRETA GAII PAPÆ.

(Anno Domini 283-295.)

Dilectissimo fratri FELICI episcopo GAIUS.

Directas ad nos tuæ charitatis epistolas plenas catholicæ inquisitionis sollicitudine gratanter accepimus, benedicentes Domini nostri clementiam, quia tales extremis mundi partibus dignatur suis ovibus providere pastores per quos et pascuis valeant salutaribus abundare, et ab iniqui lupi rapacitate servari, ut insidias nequeant ejus subreptionis incurrere. Unde certum est quia promisse vos beatitudinis gratia subsequatur, quando a vobis celestium perfectiæ doctrinarum tam votiva sciscitatione perquiritur, scriptum est enim : « Beati qui scrutantur testimonia ejus, et in toto corde exquirunt eum (*Psal.* cxviii, 2). » Hoc ergo, frater charissime, propositum tuæ consultationis tota mente tractantes, de te quoque provenire confidimus, qui regulam catholicæ fidei iisdem studeas tenere vestigiis, quibus eam in apostolica sede cognoscis esse fundatam. Et quamvis sonus eorum toto orbe diffusus, et usque ad fines orbis terræ verba eorum distensa dilectionis tuæ corda Christo probaverunt esse fidelia, tamen si quid ex his in Ecclesia quæ tuæ gubernationi, Domino auxiliante, commissæ est, nec dum plena luce claruerit, ad eundem fontem de quo illa salutaris manarat lympa recurritis, id est, quod debita charitate sumus amplexi, quia fiducialiter de his unde apud eos observantiam esse dixistis ambiguam nostram voluistis responsione firmari. Quapropter dilectionem tuam in Domino salutantes, de singulis quod juxta catholicam disciplinam teneat apostolicæ sedis auctoritas, subjectis aliquibus etiam sanctarum capitulis regularum te credimus instruendum. Primo quidem scias paganos et hereticos non posse Christianos accusare, aut vocem infamationis inferre, deinde nemo unquam episcopum apud iudices sæculares aut alios clericos accusare præsumat. Et si quis episcopus, presbyter aut diaconus, vel quilibet clericus apud episcopos (quia alibi non oportet a quolibet persona, et quæ rite recipienda est) fuerint

**B** accusati, quicumque fuerit, sive ille sublimis vir honoris, sive ullius alterius dignitatis qui hoc genus illaudabilis intentionis arripuerit, noverit probationis documenta se debere inferre. Si quis ergo circa hujusmodi personas non probanda detulerit, auctoritate hujus sanctionis intelligat se jacturam infamiæ sustinere, ut damno pudoris æstimationis dispendio, discat sibi alienæ verecundiæ impune insidiari saltem de cætero non licere. Nam qualiter ad conciliium veniatur, aut qualiter de suis rebus exspoliatis, vel ejectis a sedibus propriis, aut qui accusatores sunt recipiendi, quive non sint, aut qualiter ejectis et exspoliatis sint omnia legibus redintegrandæ quæ eis ablata sunt, quia priusquam hoc factum fuerit nulum crimen eis obicere poterit, et qualiter illis induciæ post integram restorationem anniversariæ vel sex mensium indulgendi sint, et qualiter sua omnia licenter et pacifice absque ullius gravi impedimento disponere, et suorum amicorum et ecclesiasticorum Patrum conciliis uti debeant sufficienter ab apostolis suorumque decessoribus ac nostris predecessoribus statutum esse putamus; super his autem non reor amplius nunc fore disputandum, nisi si surrexerint talia quæ adhuc non sunt manifesta. Si eorum autem statuta non habueritis, mittite fidelissimos scriptores qui hæc coram fidelibus testibus excipere, vobisque [reportare] sub stipulatione valeant.

**C** Cæterum ut satis faciam consultis tuis, de verbo incarnationis et veritatis, quicumque illi sunt ita obcæcati et a lumine veritatis alieni, ut verbi Dei a tempore incarnationis denegent veritatem, ostendant in quo sibi Christianum nomen usurpent, et cum Evangelio veritatis æqua ratione concordent. Si per Virginis partum aut caro sine Deitate, aut Deitas est orta sine carne, sicut enim negari non potest evangelista dicente quod « Verbum caro factum est, et habitavit in nobis (*Joan.* I, 1), » ita negari non potest (beato apostolo Paulo prædicante) « quoniam quidem



Deus erat in Christo mundum reconcilians sibi (II Cor. v, 19); » quæ autem reconciliatio posset esse qua humano generi repropitiaretur Deus, si hominis causam mediator Dei hominumque non susciperet? Qua vero ratione veritatem mediatoris impleret, nisi qui in forma Dei æqualis est Patri, in forma servi particeps esset et nostri ut mortis vinculum unius prævaricatione contractum, unius morte qui solus morti nihil debuit solveretur? Effusio enim justi sanguinis Christi tam fuit dives ad pretium, ut si universitas captivorum in Redemptorem suum crederet, nullum diaboli vincula retinerent, quoniam sicut Apostolus ait: « Ubi autem abundavit delictum superabundavit gratia (Rom. v, 20). » Et cum sub peccati præjudicio nati potestatem acceperint ad justitiam renascendi, validius factum est donum libertatis quam debitum servitutis. Quam itaque in hujus sacramenti præsidio spem relinquunt qui in Salvatore nostro negant humani corporis veritatem? Quis est, ut ait Apostolus, qui « tradidit semetipsum pro nobis oblationem et hostiam Deo in odorem suavitatis? (Ephes. v, 2.) » Aut quod unquam sacrificium sacratius fuit quam quod verus æternus Pontifex altari crucis per immolationem suæ carnis imposuit. Licet in conspectu Domini pretiosa justorum mors fuit, nullius tamen insontis occisio redemptio fuit mundi. Acceperunt justi, non dederunt coronas. De fortitudine fidelium exempla nata sunt patientiæ non dona justitiæ, singulares quippe in singulis mortes fuerunt, nec alterius quisquam debitum suo fine persolvit, cum Filius hominis unus solus Dominus noster Jesus Christus qui vere erat agnus immaculatus exstiterit, in quo omnes crucifixi, omnes mortui, omnes sepulti, omnes sunt etiam suscitati. De quibus ipse dicebat: « Si exaltatus fuero a terra, omnia traham ad meipsum (Joan. xii, 32). » Fides etenim justificans impios, et creans justos ad humanitatis retracta participium in illo acquirit salutem, in quo solus homo se invenit innocentem, liberum habens per gratiam Dei de ejus potentia gloriari, qui contra hostem humani generis in carnis nostræ humilitate congressus, his victoriam suam tribuit, in quorum corpore triumphavit; licet ergo in uno Domino nostro Jesu Christo vero Dei atque hominis filio Verbi et carnis una persona sit, quæ inseparabiliter atque indivisæ communes habeat actiones, intelligendæ tamen sunt ipsorum operum qualitates. Et sic veræ fidei contemplatione cernendum est ad quæ provehat humilitas carnis, et ad quæ inclinetur altitudo Deitatis, quod sit quod caro sine Verbo non agit, et quod sit quod Verbum sine carne non efficit. Sine Verbi enim potentia nec conciperet Virgo, nec pareret, et sine veritate carnis obvoluta pannis infantia non jaceret. Sine Verbi enim potentia non adorarent Magi puerum stella indice declaratum; sine veritate carnis non juberetur transferri in Ægyptum puer et ab Herodis persecutione subduci: sine Verbi potentia non diceret vox Patris missa de cælo: « Hic est Filius meus dilectus in

A quo mihi complacui, ipsam audite (Matth. xvii, 5); » et sine veritate carnis non protestaretur Joannes: « Ecce Agnus Dei, ecce qui tollit peccata mundi (Joan. i, 29): » sine Verbi potentia non fieret reintegratio debilium et vivificatio mortuorum, et sine veritate carnis, nec cibis jejuniis, nec somnis esset necessarius fatigato, postremo sine Verbi potentia non se Dominus Patri profiteretur æqualem, et sine veritate carnis non idem diceret Patrem se esse majorem, cum catholica fides utrumque suscipiat, utrumque defendat, quæ secundum confessionem beati Petri apostoli unum Christum Dei Filium et hominem credit et verbum. Quamvis itaque in illo ex quo in utero Virginis Verbum caro factum est, nihil unquam in utraque forma aliquid divisionis exstiterit, et per omnia incrementa corporea unius personæ fuerint totius temporis actiones. Ea ipsa namque, ut ita dicam, quæ inseparabiliter facta sunt nulla commistione confundimus, sed quod cujusque formæ sit ex operum qualitate sentimus. Dicant ergo isti hypocritæ qui cæcis mentibus lumen nolunt recipere veritatis in qua forma crucis ligno Dominus majestatis Christus affixus sit, quod jacuerit in sepulchro, et revoluti lapide monumenti quæ tertia die caro resurrexit? Et quia post resurrectionem suam non credentes quosdam discipulos arguebat, et hæsitantem cunctantium confutabat cum diceret: « Palpate et videte quia spiritus carnem et ossa non habet, sicut me videbitis habere (Luc. xxiv, 39), » et apostolo Thomæ: « Infer manum tuam in latus meum, et vide manus meas et pedes, et noli esse incredulus, sed fidelis (Joan. xx, 27), » quia utique manifestatione corporis sui jam hæreticorum mendacia destruebat, ut universa Ecclesia Christi innovanda doctoris hoc non sibi dubitaret credendum, quod apostoli susceperant prædicandum, ac si in tantam lucem veritatis tenebras suas hæretica obturatio non relinquit, ostendant unde sibi spem vitæ polliceantur æternæ, ad quam nisi per mediatorem Dei et hominum hominem Jesum Christum non potest perveniri. Sicut enim ait beatus Petrus apostolus: « Nec est aliud nomen datum hominibus, sub cælo in quo oporteat nos salvos fieri (Act. iv, 12), » nec est redemptio captivitatis humanæ, nisi in sanguine ejus qui dedit semetipsum redemptionem pro omnibus, et qui, sicut prædicat apostolus Paulus: « Cum in forma Dei esset non rapinam arbitratus est se esse æqualem Deo, sed semetipsum exinanivit formam servi accipiens, in similitudinem hominum factus et habitu inventus ut homo. Humiliavit semetipsum factus obediens Patri usque ad mortem, mortem autem crucis; propter quod et Deus exaltavit illum, et donavit illi nomen quod est super omne cœlestium, terrestrium et infernorum. Et omnis lingua confiteatur quia Dominus Jesus Christus in gloria est Dei Patris (Philip. ii, 6-11). » Cum ergo unus sit Dominus Jesus Christus et veræ Deitatis veræque humanitatis in ipso una pror-

sus eademque persona sit, exaltationem tamen quam illum, sicut doctor gentilium dixit, exaltavit Deus et donavit illi nomen quod est super omne nomen, ad eam intelligimus pertinere formam quæ dandam erat tantæ glorificationis augmento. In forma quippe Dei æqualis erat Filius Patri, et inter genitorem atque unigenitum nulla erat in essentia discretio, nulla in maiestate diversitas, nec per incarnationis mysterium aliquid decesserat verbo, quod ei Patris munere redderetur. Forma autem servi, per quam impassibilis Deitas sacramentum magnæ pietatis implevit, humana humilitas est, in gloria divinæ pietatis evecta est, in tanta unitate ab ipso conceptu Virginis deitate et humanitate conserta, ut nec sine homine divina, nec sine Deo agerentur humana.

Propter quod sicut Dominus maiestatis dicitur crucifixus, ita qui ex sempiternitate æqualis est Deo dicitur exaltatus, quia inseparabiliter manente unitate personæ unus atque idem est et totus hominis filius propter carnem, et totus Dei Filius propter unam cum Patre deitatem. Quidquid enim in tempore accepit Christus secundum hominem accepit, cui quæ non habuit conferrentur; nam secundum potentiam divinitatis indifferenter omnia quæ habet Pater, etiam Filius, et quæ in forma servi a Patre accepit eadem forma Dei etiam ipse donavit, secundum Dei enim formam ipse et Pater unum sunt. Secundum formam servi non venit facere voluntatem suam, sed voluntatem ejus qui misit eum, secundum formam servi tristis est anima ejus usque ad mortem. Et idem ipse, sicut Apostolus prædicat, est dives et pauper; dives quia Evangelista dicente: « In principio erat Verbum et Verbum erat apud Deum et Deus erat Verbum (*Joan. 1, 1*), » hoc erat in principio apud Deum, omnia per ipsum facta sunt, et sine ipso factum est nihil. Pauper vero quia propter nos verbum caro factum est, et habitavit in nobis. Quæ autem est exinanitio ejus quæve paupertas, nisi formæ servilis acceptio per quam verbi maiestate revelata dispensatio humanæ redemptionis impleta est? Nam quia captivitatis nostræ resolveri originalia vincula non poterant, nisi existeret homo nostri generis quem naturæ, quem peccati præjudicia non tenerent, et qui immaculato sanguine suo chirographum lætale dilueret, sicut ab initio erat divinitus præordinatum, ita est in plenitudine temporis perfectum, ut multis modis significata promissio in diu expectatum veniret effectum, nec posset esse ambiguum quod continuis testificationibus semper fuerat nuntiatum. In magno autem sacrilegio se versari hæreticorum manifestat impietas, cum specie divinitatis honorandæ humanæ carnis in Christo denegant veritatem, et religiose existimant credi, si dicatur in Salvatore nostro verum non esse quod salvat, cum ita secundum promissionem

A omnia sæcula percurrentem mundus sit Deo reconciliatus in Christo, ut, nisi Verbum dignaretur caro fieri, nulla posset caro salvari. Omne enim sacramentum Christianæ fidei magno (ut hæretici volunt) decoloratur obscuro, si lux veritatis sub mendacio putatur latuisse phantasmatis. Non ergo quisquam sibi erubescendum existimet Christianus de nostri in Christo corporis veritate, quia omnes apostoli apostolorumque discipuli, et præclari Ecclesiarum quique doctores qui ad martyrii coronam vel ad confessionis meruerunt gloriam pervenire, in hujus fidei lumine splenderunt consonis utique sententiis innotantes, quod in Domino Jesu Christo deitatis et carnis una sit confitenda persona. Qua autem rationis similitudine, qua divinorum voluminum portione hæretica impietas se æstimat adjuvari, quæ veritatem negat corporis Christi, cum hanc non lex testificari, non propheta præcinere, non Evangelia docere, non ipse destiterit Christus ostendere? Quærant per omnem seriem Scripturarum quo tenebras fugiant, non quo verum lumen obscurent; et per omnia sæcula ita veritatem inveniunt coruscantem ut magnum hoc mirabile sacramentum ab initio videant creditum, quod est in fine completum. De quo cum sanctarum litterarum nulla pars sileat, sufficit quædam consona veritatis signa posuisse quibus diligentia fidei in splendidissimam latitudinem dirigatur et sincera intelligentia luce prospiciat, quod in Filio Dei, qui se incessabiliter filium hominis hominem profitetur, non sit Christianis erubescendum, sed constantissime gloriandum, quoniam (sicut ait beatus Apostolus): « Magnum est pietatis sacramentum quod manifestatum est in carne justificatum est, in spiritu apparuit angelis, prædicatum est gentibus, creditum est in hoc mundo, assumptum est in gloria (*I Tim. III, 16*). »

De episcoporum vero, et presbyterorum, diaconorumque et sequentium clericorum ordinationibus sanctos apostolos et successores eorum, ac præcipue Anacletum, et præterea alios sufficienter statuuisse cognoscimus; et ideo non est necesse nunc replicari, nisi quod illi non statuerunt. Illud tamen nos statuantes, vobis et omnibus servare mandamus, ut ad ordines ecclesiasticos sic accedant, in ecclesia qui ordinari merentur, id est: si quis episcopus esse mereretur sit primo ostiarius, deinde lector, postea exorcista, inde sacretur accolitus, demum vero subdiaconus, deinde diaconus, et postea presbyter, et exinde, si meretur, episcopus ordinetur. Et regiones, sicut in hac urbe fecimus, per singulas urbes quæ populosæ fuerint diaconibus dividuntur. Et quæcunque difficiles quæstiones per singulas provincias exortæ fuerint, semper ad sedem apostolicam referantur. Bene vale, frater, et ora pro nobis. Data Kalend., Martii, Diocletiano et Constantio Vero IV cc. cons



## INCIPIUNT DECRETA MARCELLINI PAPÆ.

(Anno Domini 295, imperatore Maximiano.)

MARCELLINUS, episcopus sancte Ecclesie catholice urbis Romanæ, SALOMONI coepiscopo in Domino salutem.

Quam laudabiliter pro catholice fidei veritate movearis et qui sollicitè Dominico gregi devotionem officii pastoris impendas, tradita nobis per diaconum tuum fraternitatis tue scripta demonstrant, quibus notitiæ nostræ insinuare curasti qui errorum morbi in regionibus vestris modo exorti sunt. Nam epistolæ sermo, et commonitorii series et libelli tui textus eloquitur quod quidam, errore decepti, dicunt ideo Patrem majorem Filio esse, quia illi soli sacrificium immolatur et quod Filius nullam cum Patre communionis operam habeat, et quod illud propheticum de solo Patre dictum sit: « Sciant gentes, quoniam nomen tibi Deus, tu solus Altissimus super omnem terram (Psal. LXXXII, 19), » sive quod ideo minor est Filius, quia ipse in cruce pendens dixit: « Deus, Deus meus, quare me dereliquisti (Matth. xxvii, 46; Marc. xv, 34). » Quibus competens et congruum reddatur responsum, quia sicut Patre, ita etiam Filio non solum Christianis temporibus, verumetiam a priscis temporibus sacerdotibus, variis multisque modis probamus sacrificium fuisse oblatum, Daniele, propheta dicente: « Non est locus (inquiunt tres pueri) ad sacrificandum nomini tuo et invenire misericordiam, sed in anima contrita et in spiritu humilitatis suscipiamur. Et sicut holocaustomata arietum et taurorum agnorumque pinguum, ita fiat sacrificium nostrum in conspectu tuo hodie ut placeat tibi (Dan. iii, 38 et seq.), » et ut Filium fuisse agnoscas, cui hic tres pueri sacrificium se confessi sunt obtulisse, ex ipsius regis ac tyranni qui eos in fornacem ignis mitti præceperat confessione addisce qui se cum tribus, quantum in ipso æstuantis camini incendio sociatum prodidit conspexisse. « Nonne, inquit, tres viros misimus in fornacem vinetos? Et dixerunt ei: Vere rex; et dixit: Ecce ego video quatuor viros solutos, et deambulantes in medio ignis, et aspectus quarti similis Filio Dei est (Ibid., 91 et 92). » Idem Dei Filius per prophetam loquitur dicens: « Tibi offerent reges munera (Psal. Lxvii, 30). » Et ut hæc de Filio Dei se dixisse doceret, dixit: « Reges Tharsis et insulæ munera offerent, reges Arabum et Saba dona adducent, et adorabunt eum omnes reges, omnes gentes servient ei (Psal. Lxxi, 10 et 11). » Et ut hæc omnia superius designata Christo Filio Dei doceamus fuisse oblata, in nativitate ejusdem Dei quæ secundum carnem facta est probamus fuisse completa Evangelio comprobante: « Cum natus esset Jesus in Bethlehem Judæ in diebus regis Herodis, ecce magi ab Oriente venerunt Hierosolymam, dicentes: Ubi est qui natus

A est rex Judæorum (Matth. ii, 1 et 2). » Et infra: « Et intrantes domum invenerunt puerum cum Maria matre ejus, et procidentes adoraverunt eum, et apertis thesauris suis obtulerunt ei munera, aurum, thus, myrram (Ibid., 11). » Sacrificium itaque quod a Christianis sacris altaribus admoveatur non solum Deo Patri sed etiam Filio communi devotione offertur, quoniam nec Pater sine Filio potest offerri, neque a Filio sine Patre sentiri.

Quod autem communem operam habeant Pater et Filius, hoc modo docetur dum primi hominis plasma Deus ad imaginem Dei communi operationis virtute fecisse fertur, Scriptura dicente: « Faciamus hominem ad imaginem et similitudinem nostram (Gen. i, 26). » Item ibi: « Descendamus et confundamus ibi linguam eorum (Gen. ii, 7). » Et pluit Dominus a Domino ignem et sulphur super Sodomam (Gen. xix, 24). » Et in Evangelio: « Pater meus usque modo operatur et ego operor (Joan. v, 17). » Similiter et « opera quæ ego facio non sunt mea, sed ejus qui misit me Patris (Ibid., 36), » quæ omnia non discretam Patris et Filii potentiam monstrant, sed unam divinitatis operationem annuntiant. Et is qui paternum opus exsequitur, a paternis operibus alienus esse non creditur. Si autem ex evangelio Filium Dei cognosceres Altissimum nuncupatum, nunquam Filio derogans hoc de solo Deo Patre dicium poneres testimonium, cum scriptum sit: « Tu, puer, propheta Altissimi vocaberis (Luc. i, 76). » Et ut Filius cum Patre indiscrete in altissimis habitasse credatur, Salomonis testimonio comprobatur: « Ego (Sapientia inquit) habitavi in altissimis et thronus meus in columna nubis (Eccli., xxiv, 7). » Et in psalmo nonagesimo secundo: « Tu autem Altissimus es in æternum, Domine, quoniam ecce inimici tui peribunt. » Nam cum diabolus thronum suum contra Creatoris sui thronum in altissimis collocaret, elatus superbia, hæc ausus est nefando ore depromere: « Ponam sedem meam ad Aquilonem (inquit); ascendam super sidera cœli, sedebo super montes excelsos, et ero similis Altissimo (Isa. xiv, 13 et 14). » Item in Salomone: « Ne dixeris, peccavi, et quid accidit mihi triste, Altissimus enim patiens est redditorum (Eccli. v, 4). » Si auditum cordis tui Scripturis non vis accommodare divinis, quæ Filium doceant Altissimum nuncupatum, vel diabolo crede qui contra Opificis sui thronum sedem sibi voluit collocare. Ut eum agnoscat Filium a Patre (ut vos suspicamini) non fuisse penitus derelictum, hoc de se in Evangelio posuit testimonium: « Pater qui me misit, mecum est et non reliquit me solum, quia quæ placita sunt ei facio semper (Joan. viii, 29). » Unde pro surreptione mandamus, ut omnis cura at-

que sollicitudo invigilet, nec fides temeretur aut violetur. Jam nullus est ignorantiae locus, nullus utatur simplicitatis excusatione præterita. Scienti peccare necessaria est confusio, et quod errore contraxit scientia reformetur. Ista, frater, tene, et hæc doce. Utinam ad plenioris affatus satietatem præsentiae tuæ nobis gaudia contigissent, ut gratularemur nos et colloquio et præsentia tui frui quam sumus ante scripta complexi. Verumtamen probasti, dilectissime frater, quo christianam fidem veneraris affectu, dum ea quæ ad regulas Patrum pertinent, et ad mandata catholica sine aliqua culpæ transgressionem servare et, sprete hæretica et nociva doctrina, catholica et apostolica tenere præcepta, et rectæ fidei regulas docere atque servare. Hæc, frater charissime, et alia quæ Patrum regulis continentur in labiis et cordibus nostris indivisa retractatione meditemur, et sicut

A scriptum est: « Narremus ea fims nostris, ut ea meditentur in cordibus suis, sedentes in domo, ambulantes in itinere, dormientes atque surgentes (*Deut. vi, 7*), » quia « beatus in Domino, qui in lege ejus meditabitur die ac nocte (*Psal. i, 2*). » Hoc et Magister gentium secutus discipulum suum instruens admonet; « Hæc meditare, in his est (*I Tim. iv, 15*), » subicies plenitudinem, attende doctrinæ tibi, quoniam si fidelibus sine intermissione incumbimus institutis, separamur a vitiis, dum impensa cura divino operi, humano locum non relinquit errori. Quod si ea quæ prædicta sunt validis teneantur fixa radicibus, nec a paterna traditione receditur, et constanter quæstionibus obviatur ac pravorum intentio cassatur, bonorumque fides et constantia roboratur. Data viii Idus Septemb., Diocletiano et Constantino C. cc. consulibus.

#### TEM EPISTOLA MARCELLINI PAPÆ.

Dilectissimis tratribus universis episcopis, per orientales provincias constitutis, MARCELLINUS episcopus.

Quid tam dulce sollicito quam quod mihi de vobis innotescunt illa quæ cupio? Quid tam religiosis conveniens institutis quam ut inter se sacerdotes pacem (quam necesse est aliis pro officio annuntiare) conservent? Plena fateor, gratulatione suscepti quod votiva mihi de charitate quæ inter vos est Ecclesiarum pacem in litteris indicastis, sponte mihi quidquid hortari poteram, quidquid monere delatum est, « confirmet hoc Deus, quod est operatus in nobis (*Psal. lxxvii, 29*), » et quæ præcepit pro animarum salute facienda, hæc ipse, qui præcepit, pro ea qua nos redemit pietate, faciat. Et his tam bonis nuntiis nos quoque religiosas sanctorum vicem reddimus nuntiorum. Quidquid cum Orientalibus quos ad Ecclesiae corpus unitatemque revocatos dudum Dei nostri ope litteris significavimus destinatis, denuo cum apertum fuerit repetitis vobiscum participamus indiciiis. Mox pro nostro edicto ab Orientalibus missa legatio est, certa speravit, certa consuluit, sed facimus de his quæ fuerunt dicenda compendia. Ipsius potius ad instruendam notitiam vestram quæ a nobis sunt responsa dirigentes, ne quod sibi sub spatio prolixiore terrarum aut opinio vindicet, aut error assumat, cum ad rerum fidem ipsam teneri sufficiat veritatem. Quid autem, ad continentiam nostrarum pertinet litterarum, oportuit quidem desideria plenius expedire. Quapropter scitote vos a persecutione fratrum et ab omni litigio abstinere debere, dicente Scriptura: « Servum Dei non oportet litigare (*II Tim. ii, 24*), » nec quidquam nocere, sed omnes persecutores Ecclesiae servorumque ejus vestris redargutionibus corrigere, testante Apostolo: « argue, obsecra, increpa (*II Tim. iv, 2*). » Quæcunque ergo contentiones inter Christianos ortæ fuerint ad Ecclesiam deferantur et ab Ecclesiasticis viris terminentur. Major autem non potest a minore judicari, nec episcopi pontifici a quo consecrari probantur, præjudicium in-

B ferre ullum possunt. Quod si præsumptum fuisse cognoscitur, viribus carere non dubium est, nec posse inter ecclesiastica ullo modo statuta censi; clericus vero cujuslibet ordinis absque pontificis sui permisso nullum præsumat ad sæculare judicium attrahere, nec laico quemlibet clericum liceat accusare, detractiones tamen et accusationes atque persecutiones inter Christianos oppido vitandæ sunt; quia licet pauci simus in comparatione aliorum, si tamen unanimes fuerimus facilius adversariis resistemus. Sanctus enim protomartyr Stephanus lapidabatur, sed Jesus suscipiebat plagas, ideo unicuique providendum est, ne aliquem injuste judicet aut puniat, ne Jesum judicet aut puniat. Et Dominus in Evangelio ait: « Nolite judicare, ut non judicemini, in quo enim iudicio judicaveritis, judicabimini (*Matth. vii, 1 et 2*). » Unde et Doctor gentium loquitur dicens: « Hoc igitur dico et testificor in Domino, ut jam non ambuletis, sicut gentes ambulant, in vanitate sensus sui tenebris obscuratum habentes intellectum, alienati a vita Dei per ignorantiam quæ est in illis propter cæcitatem cordis ipsorum. Qui desperantes semetipsos tradiderunt impudicitiae in operationem immunditiae omnisque avaritiæ. Vos autem non ita didicistis Christum, si tamen illum audistis, et in ipso edocti estis, sicut est veritas in Jesu deponere vos secundum pristinam conversationem veterem hominem qui corrumpitur secundum desideria erroris. Renovamini autem spiritu mentis vestræ et induite novum hominem qui secundum Deum creatus est, in iustitia et sanctitate veritatis. Propter quod deponentes mendacium loquimini veritatem unusquisque cum proximo suo, quoniam sumus invicem membra. Irascimini et nolite peccare. Sol non occidat super iracundiam vestram; nolite locum dare diabolo, qui furabatur jam non foretur, magis autem laboret operando manibus suis quod bonum est, ut habeat unde tribuat necessitatem patienti. Omnis sermo malus ex ore vestro non procedat. Sed, si quis



bonus est ad ædificationem opportunitatis, ut det A gratiam audientibus. Et nolite contristare Spiritum sanctum Dei, in quo signati estis in diem redemptionis. Omnis amaritudo, et ira, et indignatio, et clamor, et blasphemia tollatur a vobis cum omni malitia. Estote autem invicem benigni, et misericordes donantes invicem, sicut et Deus in Christo donavit vobis. Estote ergo imitatores Dei sicut filii charissimi, et ambulate in dilectione sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. Fornicatio autem et omnis immunditia, aut avaritia nec notetur in vobis, sicut decet sanctos, aut turpitudine, aut stultiloquium, aut scurrilitas quæ ad rem non pertinet, sed magis gratiarum actio; hoc enim scitote intelligentes, quod omnis fornicator, aut immundus, B aut avarus, quod est idolorum servitus, non habet hæreditatem in regno Christi et Dei; nemo vos seducat inanibus verbis, propter hæc enim venit ira Dei in filios diffidentiae, nolite ergo effici participes eorum. Eratis enim aliquando tenebræ, nunc autem lux in Domino, ut filii lucis ambulate. Fructus enim lucis est in omni bonitate et iustitia et veritate, probantes quid sit beneplacitum Deo. Et nolite communicare operibus infructuosis tenebrarum, magis autem redarguite. Quæ enim in occulto fiunt ab ipsis turpe est dicere. Omnia autem quæ arguuntur a lumine manifestantur. Omne enim quod manifestatur lumen est, propter quod dicit: Surge qui dormis, et exsurge a mortuis et illuminabit te Christus. Videte itaque, fratres, quomodo caute ambuletis, non quasi C insipientes, sed ut sapientes redimentes tempus, quoniam dies mali sunt. Propterea nolite fieri imprudentes, sed intelligentes quæ sit voluntas Dei. Et nolite inebriari vino in quo est luxuria, sed imple-

mini Spiritu loquentes vobismetipsis in psalmis et hymnis et canticis spiritualibus, cantantes et psallentes in cordibus vestris, Domino gratias agentes semper pro omnibus in nomine Domini nostri Jesu Christi, Deo et Patri subjecti invicem in timore Christi (Eph. iv 17-32, v, 1-21). » Omne enim quod irreprehensibile est, catholica defendit Ecclesia. Non licet ergo imperatori vel cuiquam pietatem custodienti aliquid contra mandata divina præsumere, nec quidquam quod evangelicis prophetisque et apostolicis regulis obviat agere. Injustum enim iudicium et definitio injusta regis metu vel jussu a iudicibus ordinata non valeat, nec quidquid quod contra evangelicæ, vel propheticæ, aut apostolicæ doctrinæ constitutionem, successorumve eorum, sive sanctorum Patrum actum fuerit, stabit. Et quod ab infidelibus aut hæreticis factum fuerit omnino cessabit. Vos autem state in fide, viriliter agite, et omnia vestra cum charitate fiant, hujus rei gratia (ut ait Apostolus) flecto genua mea ad Patrem Domini nostri Jesu Christi, ex quo omnis paternitas in cælis et in terra nominatur, ut det vobis secundum divitias gloriæ suæ virtutem corroborari per Spiritum ejus, in interiore homine habitare Christum per fidem in cordibus vestris in charitate radicati et fundati, ut possitis comprehendere cum omnibus sanctis quæ sit latitudo, longitudo et profundum et altitudo, scire etiam supereminenter scientiæ charitatem Christi, ut impleamini in omnem plenitudinem Dei. Ei autem qui potens est omnia facere superabundanter quam D petimus aut intelligimus secundum virtutem quæ operatur in nobis, ipsi gloria in Ecclesia et in Christo Jesu in omnibus generationibus sæculi sæculorum. Amen. Data v Idus Decemb. Diocletiano VI, et Maximo VIII, IV cc. consul.

## INCIPIUNT DECRETA MARCELLI PAPÆ.

(Anno Domini 304, sub Constantio et Galero.)

Dilectissimis fratribus, universis episcopis per Antiochanam provinciam constitutis, MARCELLUS.

Sollicitudinem omnium Ecclesiarum, juxta Apostolum circumferentes divinæ circa nos gratiæ memores esse debemus, qui nos per dignationis suæ misericordiam ob hoc ad fastigium sacerdotale provexit, ut mandatis ipsius inhaerentes, in quadam sacerdotum ejus specula constituti prohibeamus illicita, et sequenda doceamus. Unde, directis per Bonifacium diaconum nostrum litteris, admonemus ut quæ male pullulant abscindantur, et malefacta corrigantur, atque bona sectentur, et Patrum nostrorum exempla et statuta imitentur. Rogamus ergo vos, fratres, ut non aliud doceatis, neque sentialis quam quod a beato Petro apostolo, et a reliquis apostolis et Patribus acceperitis. Ab illo enim primo instructi estis, ideo non oportet vos proprium derelinquere Patrem,

et alteros sequi, ipse enim caput est totius Ecclesiæ, cui ait Dominus: « Tu es Petrus, et super hanc petram ædificabo Ecclesiam meam (Matth. xvi, 18), » et reliqua. Ejus enim sedes primitus apud vos fuit quæ postea jubente Domino Romam translata est, cui adminiculante gratia divina hodierna præsidemus die. Nec ab ejus dispositione nos deviare oportet, ad quam cuncta majora ecclesiastica negotia divina disponente gratia jussa sunt referenda, ut ab ea regulariter disponantur a qua sumpserunt principia, si vestra vero Antiochæna, quæ olim prima erat, Romanæ cessit sedi, nulla est quæ ejus non subiecta sit ditioni, ad quam omnes quasi ad caput, juxta apostolorum eorumque successorum sanctiones, episcopi qui voluerint vel quibus necesse fuerit suffugere, canque appellare debent, ut inde accipiant tuitionem et liberationem unde acceperunt

informationem atque consecrationem. Quod omnibus minime convenit denegare episcopis, sed absque ulla custodia aut excommunicatione, vel damnatione, vel exspoliatione libere ire concedatur. Simulque idem inspirante Domino constituerunt ut nulla synodus fieret præter ejusdem sedis auctoritatem, nec ullus episcopus, nisi in legitima synodo suo tempore apostolica auctoritate convocata, super quibuslibet criminibus pulsatus, audiatur vel judicetur, quia (ut paulo superius prælibatum est) episcoporum judicia et summarum causarum negotia, sive cuncta dubia apostolicæ sedis auctoritate sunt agenda et finienda, et omnia comprovincialia negotia hujus sanctæ, universalis, et apostolicæ Ecclesiæ sunt retractanda iudicio, si hujus Ecclesiæ pontifex præceperit. Nec cui liceat sine præjudicio Romanæ Ecclesiæ (cui in omnibus causis debetur reverentia) custodire, relictis his sacerdotibus qui in eadem provincia Dei Ecclesias nutu divino gubernant, ad alias convolare provincias, vel aliarum provinciarum episcoporum iudicium experiri vel pati, sed omnibus ejusdem provincie episcopis congregatis iudicium auctoritate hujus sedis terminetur; quod tamen (ut præfatum est) per ejus vicarios, si libuerit, erit tractandum, et quidquid injuste actum est reformandum. Pastoralis ergo cura officii nos admonet et destitutis succurrere, et cuncta neglecta vel male acta reformare, ut ignis ille, quem Dominus veniens misit in terram, motu crebro emendationis, vel crebræ meditationis agitatus. sic calescat ut ferveat, et sic inflammetur ut luceat.

Sæpe enim dicendum et agendum est quia mala pullulantia fraterna charitate oportet resecari, ut bona crescendi et augmentandi amplissimum locum inveniant. « Nolite ergo (ut Apostolus ait) plures fieri magistri mei, fratres, scientes, quoniam majus iudicium sumitis. » In multis enim offendimus omnes. Si quis in verbo non offendit, hic perfectus est vir, potest etiam freno circumducere totum corpus. Si autem equorum frenos in ora mittimus, ad consentiendum nobis et omne corpus illorum circumferimus. Ecce et naves, cum magnæ sint et a ventis validis minentur, circumferuntur autem a modico gubernaculo ubi impetus dirigentis voluerit, ita et lingua modicum quidem membrum est et magna exalat. Ecce quantus ignis qui magnam silvam incendit! Et lingua ignis est, universitas iniquitatis. Lingua constituitur in membris nostris, quæ maculat totum corpus et inflammat rotam nativitatæ nostræ inflammata a gehenna. Omnes enim naturæ bestiarum et volucrum et serpentum, etiam cæterorum domantur, et domita sunt a natura humana. Lingua autem nullus hominum domare potest; inquietum malum, plena veneno mortifero. In ipsa benedicimus Deum et Patrem, et in ipsa maledicimus homines qui ad similitudinem Dei facti sunt. Ex ipso ore benedictio procedit et maledictio. Non oportet, fratres mei, hæc ita fieri. Nunquid fons de eodem foramine emanat dulcem et amarum aquam? Nun-

quid potest, fratres mei, ficus olivas facere, aut vitis ficus? Sic neque salsa dulcem potest facere aquam. Quis sapiens et disciplinatus inter nos, ostendat ex bona conversatione opera sua in mansuetudine sapientiæ? Quod si zelum animarum habetis et contentiones sunt in cordibus vestris, nolite gloriari et mendaces esse adversus veritatem; non enim est ista desursum descendens, sed terrena, animalis, et diabolica. Ubi enim zelus et contentio, ibi inconstantia et omne opus prævum. Quæ ante desursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia, et fructibus bonis, indicans sine dissimulatione. « Fructus autem justitiæ in pace seminatur facientibus pacem (Jac. III, 1 et seq.). » « Propter quod succincti lumbos mentis vestræ, sobrii, perfecti sperate in eam quæ offertur vobis gratiam, in revelatione Jesu Christi, quasi filii obedientiæ non configurati prioribus ignorantiae vestræ desideriis, sed secundum eum qui vocavit vos sanctum, ut et ipsi facti sancti in omni conversatione sitis, quoniam scriptum est: Sancti eritis, quoniam ego sanctus sum. Et si Patrem, invocatis eum qui sine acceptione personarum judicat, secundum uniuscujusque opus in timore incolatus vestri tempore conversamini. Scientes quod non corruptibili auro vel argento redempti estis de vana vestra conversatione paternæ traditionis, sed pretioso sanguine Agni, quasi incontaminati et immaculati Jesu Christi, præcogniti quidem ante constitutionem mundi, manifestati autem novissimis temporibus propter vos, qui per ipsum fideles estis in Deo, qui suscitavit eum a mortuis, et dedit ei gloriam ut fides nostra et spes esset in Deo. » **51** Animas vestras castificantes in obedientia charitatis, in fraternitatis amore, simplici ex corde invicem diligite attentius, renati non ex semine corruptibili, sed incorruptibili per verbum Dei vivi et permanentis, quia omnis caro ut fenum, et omnis gloria ejus tanquam flos feni; exaruit fenum et flos ejus decidit, verbum autem Domini manet in æternum. Hoc est autem verbum quod evangelizatum est in vobis. Deponentes quidem omnem malitiam et omnem dolum et simulationes, et invidias et omnes detractiones, sicut modo geniti infantes rationabiles sine dolo lac concupiscite, ut in eo crescat in salutem, si gustatis quoniam dulcis est Dominus. At quem attendentes lapidem vivum ab hominibus quidem reprobatum, a Deo autem electum et honorificatum, et ipsi tanquam lapides vivi superædificamini, domos spirituales, sacerdotium sanctum offerre spirituales hostias acceptabiles Deo per Jesum Christum, propter quod continet Scriptura: Ecce pono in Sion lapidem summum, angularem et electum, pretiosum, et qui crediderit in eum non confundetur, vobis igitur honor credentibus, non credentibus autem lapis, quem repronaverunt ædificantes, hic factus est in caput anguli. Et lapis offensionis et petra scandali his qui offendunt verbo, nec erunt in quo et positi sunt. Vos autem genus electum,



regale sacerdotium, gens sancta, populus acquisitionis, ut virtutes annuntietis ejus qui de tenebris vos revocavit in admirabile lumen suum (*I Petr. I, 13-25; 1-9*). Estote ergo, charissimij, prudentes [et vigilate in orationibus; ante omnia autem mutuam in vobismetipsis charitatem continuam habentes, quia charitas operit multitudinem peccatorum, hospitales invicem sine murmuratione unusquisque sicut acce-

pit gratiam in alterutrum illam administrantes sicut boni dispensatores multiformis gratiæ Dei. Si quis loquitur quasi sermones Dei. Si quis ministrat tanquam ex virtute quam administrat Deus ut in omnibus honorificetur Deus per Jesum Christum, cui est gloria et imperium in sæcula sæculorum. Amen. (*I Petr. IV, 7 et seq.*) » Data Kalend. Aprilis, Maxentio et Maximo IV cc. consul.

#### EPISTOLA MARCELLI PAPÆ AD MAXENTIIUM TYRANNUM.

MARCELLUS episcopus sanctæ et apostolicæ et catholicæ urbis Romæ, MAXENTIO.

Magistra bonorum omnium charitas quæ nihil rapit extraneum, nihil agit asperum, nihil confusum, nihil factiosum, nihil quod honori divino repugnet, animæ propriæ noceat, aut proximi commodo deroget, oblita sui, non quæ sua sunt, sed quæ Dei vel proximi quærens, nemini invidens omnibus consulens, non sæviens, sed compatiens, non rapiens, sed largiens, non murmurans, sed omnia æquanimiter tolerans, si in te perfecte habitaret, temperares animum a malis, sævire desineres, id est, Dei Ecclesiam ac sanctos ejus persequi cessares, tyrannidi modum imponeres, furorem cohiberes, humanitati invigilares, modestiam amplectereris, et bonis potioribus frui satageres. Charitas enim exercet corda, sensus corroborat, ut nihil grave, nihil difficile, sed totum fiat dulce quod agitur, dum ejus sit proprium nutrire pacifica, servare composita, dissociata conjungere, prava dirigere, et virtutes reliquas perfectionis suæ munimine solidare. De ipsa ergo omnes monens Apostolus, ita loquitur, dicens : « Si linguis hominum loquar et angelorum, charitatem autem non habeam, factus sum velut æs sonans aut cymbalum tinniens; et si habuero omnem prophetiam, et noverim mysteria omnia et omnem scientiam, et habuero omnem fidem, ita ut montes transferam, charitatem autem non habeam, nihil sum; et si distribuero in cibos pauperum omnes facultates meas, et si tradidero corpus meum ita ut ardeam, charitatem autem non habeam, nihil mihi prodest. Charitas patiens est, benigna est. Charitas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congaudet autem veritati. Omnia suffert, omnia credit, omnia sperat, omnia sustinet. Charitas nunquam excedit (*I Cor. XIII, 1 et seq.*). » Quisquis ergo in ejus se radice inserit nec a viriditate deficit, nec a fructibus inanescit, quia amore fecunditatis opus efficax non admittit. Licet modo charitas in persecutoribus Ecclesiæ servorum quæ Dei arefacta sit, viget tamen in amatoribus ejus, et in eos qui patiuntur propter justitiam, de quibus, ipsa per se Veritas testatur dicens : « Beati qui persecutionem patiuntur propter justitiam (*Matth. V, 10*). » Et alibi : « Si me persecuti sunt, et vos persequantur (*Joan. XV, 20*), » potius enim nos et omnes Domini sacer-

dotes, qui ejus videlicet sunt veri sacerdotes elegimus propter justitiam, et veram fidem persequi, et pro Christi nomine pati, quam multis divitiis ditari, honoribusque copiosissimis abundare, et cœlesti regno carere. Ista enim temporalia sunt, illa æterna, ista caduca, et ad horam transeuntia, illa vero perpetua et sine fine mansura. Tu ergo, qui nos suades cultum dimittere divinum, et a recta fide recedere, diisque immolare, melius tibi foret, ut tu prius mutabilem te præberes, omnesque exhortareris fidei documenta et divini cultus ministeria ita tenere, sicut Patres nostri, sancti apostoli, sibi tradita prædicaverant et docuerunt. Boni enim principis ac regis est ecclesias contritas atque scissas restaurare, novas ædificare, et Dei sacerdotes honorare atque tueri. Unde sanctos apostolos eorumque successores sub divina contestatione constituisse legimus, non debere fieri persecutiones, nec inferri fluctuationes, nec invidere laborantibus in agro Dominico, neque expellere æterni Regis dispensatores, sed si qui expulsi fuerint aut suis rebus exspoliati primo omnia legaliter reddi, quæ eis ab inimicis aut a persecutoribus ablata sunt, et sedes proprias cum omnibus ad se pertinentibus regulariter restitui, et postea tempore congruo vocari ad synodum regulariter congregatam, nec liceret ei, priusquam fiant hæc, de se juxta statuta prædictorum respondere, aut de suis impetitionibus, si se viderit prægravari, reddere rationem. Sed, his rite peractis, suisque omnibus libere dispositis, si tum juste videtur, suis respondeat accusatoribus, et inducias, si ei necesse fuerit, accipiat non modicas ut explorare valeat ea quæ obiciuntur ei, ne aliquando delusus fraude innocenter ruat, quoniam non oportet quemquam judicare vel damnare priusquam legitimos habeat præsentis accusatores, locumque defendendi accipiat ad abluenda crimina. Unde ait propheta : « Priusquam agnoscas, non iudices quemquam (*Eccli. XI, 7*). » In hoc ergo qui episcopi et reliqui servi Dei persequuntur, non tantum ipsi persequuntur quantum ille cujus vice funguntur, sicut scriptum est, « Qui vos tangit, tangit pupillam oculi mei (*Zach. II, 8*). » Et alibi : « Qui vos contristavit, me contristavit (*Col. III, 25*) » ; et : « Qui facit injuriam, recipiet id quod inique gessit (*II Cor. II, 5*), » vos ergo, licet « corpora nostra possitis occidere, animas tamen non potestis occidere (*Matth. X, 28*), » nec gradus nobis divinitus collatos potestis auferre. Synodum ergo absque hujus sanctæ sedis

auctoritate episcoporum, quanquam quosdam episcopos possitis congregare, non potestis regulariter facere, neque ullum episcopum qui hanc appellaverit apostolicam sedem damnare, antequam hinc sententia definitiva procedat. Nam si sæculares in publicis iudiciis libellis utuntur appellatoriis, quanto magis sacerdotibus hæc eadem agere licet, qui super illos sunt? de quibus dictum est : « Ego dixi : Dii estis et filii excelsi omnes (*Psal. lxxxii, 6*). » Et ideo nullus episcopus nisi in legitima synodo suo tempore, apostolica aut regulari auctoritate convocata, super quibuslibet pulsatus criminibus audiatur vel iudicetur, ne innocens damnetur aut perdat communionem. Quod laici, aut suspecti episcopos non debeant accusare, neque accusatoribus de inimici domo prodeuntibus credendum sit, et a beato Clemente ipsis eum instruentibus apostolis legimus definitum, et nos eadem firmamus, quoniam iidem odio multoties incensi recte viventes, atque credentes perturbantur. Propterea persona, fides, vita, et conversatio atque suspicio accusantium enucleatim primo inquirenda est, deinde quæ obijciuntur fideliter pertractanda, quia nihil ante fieri debet quam impetitorum vita, et suspicio atque odium inquiretur. Et si bonæ conversationis non fuerint aut laici, vel manifesti inimici aut odio respersi fuerint, nequaquam in episcoporum recipiantur accusatione. Hæc vobis a quibus minis infeste persequimur scienda mandamus, ut ab his vos caveatis, et cessetis persequi eos qui Deo ministrant, quorum orationibus et terrena bella sedantur, et Deus peccatoribus conciliatur; et si amplius nos elegeritis persequi quam Deo placere, et nos magis eligimus sustinere persecutionem quam regulam confundi ecclesiasticam, hortante nos ipsa Veritatis voce, atque ita testante : « Nolite timere eos qui occidunt corpus, animam autem non possunt occidere (*Matth. x, 28*). » Et iterum : « Si quis vult venire post me, abneget semetipsum et tollat crucem suam et sequatur me. Qui enim voluerit animam suam salvam facere, perdet eam. Qui autem perdiderit animam suam propter me inveniet eam. Quid enim prodest homini si mundum universum lucretur, animæ vero suæ detrimentum patiat? Aut quam dabit homo commutationem pro anima sua? Filius enim hominis venturus est in gloria Patris sui cum angelis suis, et tunc reddet unicuique secundum ejus opus (*Matth. xvi, 24 et seq.*). » Ista vobis valde timenda et cavenda sunt, a quibus Ecclesia Dei ejusque ministri vexantur et persequuntur, quibus Dominus per Prophetam minando loquitur dicens : « Homo in honore non commorabitur, assimilatus jumentis exæquatus est. Hæc est via eorum, insipientia eorum, et post eos juxta os eorum curret, quasi oves in inferno positi sunt, mors pascet eos, et subjicient eos recti in matutino, et figura eorum conteretur in inferno post habitaculum suum, verumtamen Deus redimet animam meam de manu inferi cum assumpserit me. Noli timere, cum ditatus fuerit vir, cum multiplicata fuerit gloria domus ejus

A neque enim moriens tollet omnia, nec descendet post eum gloria ejus. Quia animæ suæ in vita sua benedicet. Laudabunt te cum bene fuerit tibi. Intra-bit usque ad generationem patrum suorum, usque in finem non videbit lumen, homo cum in honore esset, non commovebitur, assimilatus jumentis exæquatus est (*Psal. xlviii, 13 et seq.*). » Et alibi : « Quid gloriaris in malitia, potens misericordia Dei, tota die insidias cogitavit lingua tua, quasi novacula acuta faciens dolum. Dilexisti malitiam magis quam bonum, mendacium magis quam loqui justitiam. Dilexisti omnia verba ad devorandum, lingua dolosa. Sed Deus destruet te in sempiternum, terrebit et evellat te de tabernaculo, et eradicabit te de terra viventium. Et videbunt justi et timebunt, et super eum ridebunt. Ecce vir qui non posuit Deum fortitudinem suam, sed speravit in multitudine divitiarum suarum confortatus est in insidiis suis. Ego autem sicut oliva virens, in domo Dei speravi in misericordia Dei in sæculum, et in æternum confitebor tibi in sæculum quam fecisti, et expectabo nomen tuum quam bonum in conspectu sanctorum tuorum (*Psal. li, 3 et seq.*). » Ista vobis omnia ad interitum, nobis autem ad confortationem, ne pereamus, dicta sunt. Vobis ergo ideo hæc scribimus, quia debitores vobis sumus, dicente Domino : « Diligite inimicos vestros, benefacite eis qui vos oderunt (*Rom. xii, 20*). » Et alibi Scriptura loquitur dicens : « Si esurierit inimicus tuus, ciba illum; si sitit, potum da illi. Hoc enim faciens carbones ignis congregas super caput ejus (*Matth. 5, 44*). » His fulti auctoritatibus bellum quod adversum nos excitis adeo feliciter dextera Domini protegente nos atque pro nobis pugnante pacifice portare cupimus ut triumphante Christo omnium verorum fiat una victoria sacerdotum et coruscante lumine veritatis, solem erroris tenebræ cum suis auctoribus pellantur, quia non est in hominis potestate consilium Dei. « Justus est enim Dominus et omnia judicia ejus justa sunt, atque omnes viæ ejus misericordia et veritas et judicium (*Tob. iii, 2*). In manu Domini potestas terræ, cui execrabilis est omnis iniquitas, in manu Dei potestas hominis, et super faciem scribæ imponent honorem suum. Perdidit Deus memoriam superborum, **52** et inique agentium, et non dereliquit memoriam humilium, et bonorum hominum (*Eccli. x, 4, 7, 5, 21*). Hoc autem pro certo habet omnis qui recte colit Deum, quia si vita ejus in probatione fuerit corroborabitur, et si in tribulatione liberabitur. Si vero in correptione fuerit, ad miseriam perveniet. Tu ergo ne delecteris in perditionibus nostris, quia post tempestatem facit Deus tranquillitatem, et post lacrymationem et fletum exultationem infundit. Benedictus Dominus Deus Patrum nostrorum, qui, cum iratus fuerit, misericordiam faciet, et in tempore tribulationis peccata dimittit (*Tob. iii, 21, 23*). Magnus est Dominus in æternum, et ipse reget nos in sæcula (*Ps. xlvii*). » quoniam regnum ejus permanet in sæcula sæculorum, Amen. Data xvi Kal. Februarii Maxentio et Maximo IV cc. consul.



## INCIPIUNT DECRETA EUSEBII PAPÆ.

(Anno Domini 309, tempore Constantini imperatoris.)

Charissimis fratribus Domino et Deo dilectis episcopis omnibus per Gallicanas provincias constitutis EUSEBIUS.

Scripta sanctitatis vestræ cum magna gratiarum actione suscepi, gavisus scilicet de vestra sospitate, sed contristatus nimis de vestra oppressione. Quod significastis enim quid de conversis hæreticis fieri debuisset, scitote nos eos qui in sanctæ Trinitatis fide baptizati sunt per impositionem manus suscipere. De accusationibus vero clericorum super quibus mandastis, scitote, a tempore apostolorum in hac sancta urbe servatum esse accusatores et accusationes, quas exterarum consuetudinum leges non asciscunt, a clericorum accusatione submotas. Similiter laicos non accusasse episcopos hactenus observatum et constitutum est, quia ejusdem non sunt conversationis. Et oppido eis quidem infesti existunt, quippe cum vita et secreta eorum a laicorum actibus debeant esse remota, nec ab his impeti debeant, quorum castitatem et gravitatem nolunt imitari, maxime cum nec hi eos in suis volunt recipere accusationibus. De ipsis vero, suis videlicet agricultoribus atque ministris, dominus laicis et cunctis eos persequentibus ait : « Nolite tangere christos meos, et in prophetis meis nolite malignari (I Par. xvi, 22). » Et ipsa sacra Scriptura dicit : « Qui vos tangit, tangit pupillam oculi mei (Zach. ii, 8). » Talia enim et his similia sancti Patres prævidentes periculum, laicos sæculo militantes ab accusatione sacerdotum prohibuere, similiter servos et liberos atque censibus publicis vel privatis subjugatos, omnesque infames ab eadem accusatione vel tergiversatione submoverunt. Non enim oportet ut permittantur carnales spirituales persequi, nec sceleribus irretiti, vel sæculo militantes episcopos infamare, vel lacerare aut crimen opponere. Nam si hoc apostoli aut successores eorum permitterent, perpauca remansissent qui Domino in sacerdotali ordine militassent. Idcirco et nos, sequentes Patrum vestigia, per Salvatorem servorum Dei, quascunque ad accusationem personas leges publicæ non admittunt, his impugnandi alterum, et nos licentiam submovemus, et nullæ accusationes a iudicibus audiantur ecclesiasticis quæ legibus sæculi prohibentur. Quapropter illi, quibus indita non est ad unguem polita perfectio, talia silere debent, ita ut nec mutilentur, nec præponantur, nec illi qui aut in fide catholica, aut inimicitia suspecti sunt ad pulsationem prædictorum admittantur, quia veritatis professores infidelitas et inimicitia impedire solet. Nec illi credendi sunt, aut admittendi, qui aliorum sponte crimina confitentur, et ideo replicanda est sollicita veritas, quam

A sponte prolata in illis vox habere non potest; hanc diversis cruciatibus et latebris suis religiosus tortor exigere debet, ut dum poenis corpora solvuntur, quæ gesta sunt fideliter et veraciter exquirantur. Unde, quæso, primum ad leges publicas, deinde ad iudices ora convertite, qui possunt et volunt in defensione omnium juste loqui. Nos enim quos Dei servitium post istarum rerum abjectionem fecit ingenuos, qui talium insultationes, aut contumelias, aut despiciamus, aut deridemus, quibus scriptum est de famulis et vulgi hominibus per Apostolum : Mementote quia vester et illorum Dominus in cœlis est, ad hæc sæculi mala revocabimur? Faciendum a nobis est, quod facientem alterum profanum esse contendimus? Quod per ministerium jussionis et manus alienæ incestaret aspectum, nostro peragetur imperio, nolite hanc per universas Ecclesias mentem rapacium luporum more et natura servare, quia postquam nos maculat, forte pro desideriis eorum cruenta discussio effectum in his quod tendunt non habebunt, dicente nobis propheta : « Ponamus circulum in naribus eorum, et frenum in labiis, et reducamus eos in viam rectam (Isa. xxxvii, 29), » quia eodem propheta asserente, impugnantur qui dicunt, erunt quasi non sint, et peribunt viri qui contradicunt nobis. Infames enim sunt proculdubio impugnatores episcoporum omnesque qui adversus Patres armantur, et conculcatores Ecclesiarum sacerdotumque ejus; et qui de publicis fugiunt præliis, et mandata Dei contemnuunt, et qui aliqua culpa infamiæ asperguntur maculis omnibus impugnandi episcopos, Patrum sequentes instituta, et nos licentiam submovemus, quia odit Deus eos, qui Patres persequuntur, ut Patrum invasores, qui in omni mundo infamia notantur, et ideo juste et regulariter respuuntur. Nunc longa non opus est admonitione; jam perditis odium debemus operire, de quibus jam non superest quod damnetur auctoribus, de quibus Dominus per prophetam loquitur, dicens : « Reprobantes verbum, sperastis in calumniâ et in tumultum et innixi estis in eo. Propterea erit vobis iniquitas hæc sicut interruptio (Isa. xxx, 12 et 13), » rursus etiam de talibus propheta clamat dicens : « Accedite huc, semen adulterii et fornicarii. Super quem iurastis, super quem dilatastis os et ejecistis linguam. Nunquid non vos filii scelesti estis, semen mendax? » (Isa. lvii, 3, 4.) Cessent impii commentitia adversus simplices jam fraude mentiri. « Custodi, inquit propheta, linguam tuam a malo, et labia tua ne loquantur dolum. Recede a malo, et fac bonum, quære pacem et persequere eam. Oculi Domini ad justos, et aures ejus ad clamorem eorum. Vultus

autem Domini super facientes mala, ut perdat de terra memoriam eorum (*Psal. xxxiii, 14 et seq.*) » et paulo post : « Interficiet impium malitia, et odientes justum culpabuntur (*Ibid., 22*). » Nos quancumque multa patiamur a talibus, « Diligamus nos, charissimi, invicem, quoniam charitas ex Deo est. » Et omnis qui diligit, ex Deo natus est, et cognoscit Deum. Qui non diligit, non novit Deum, quia Deus charitas est. In hoc apparuit charitas Dei in nobis, quoniam Filium suum unigenitum misit Deus in mundum ut vivamus per eum. In hoc est charitas, non quasi nos dilexerimus Deum, sed quoniam ipse dilexit nos, et misit Filium suum propitiationem pro peccatis nostris. Charissimi, si Deus dilexit nos, et nos debemus alterutrum diligere. Deum nemo vidit unquam. Si diligamus invicem, Deus in nobis manet, et charitas ejus in nobis perfecta est. In hoc intelligimus, quoniam in eo manemus et ipse in nobis, quoniam de Spiritu suo dedit nobis, et nos vidimus, et testificamur, quoniam Pater misit Filium suum salvatorem mundi. Quisquis confessus fuerit quoniam Jesus est Filius Dei, Deus in eo manet et ipse in Deo. Et nos agnovimus et credimus veritati, quam habet Deus in nobis. Deus charitas est, et qui manet in charitate in Deo manet, et Deus in eo. In hoc perfecta est charitas nobiscum, ut fiduciam habeamus in die judicii, quia sicut ille est, et nos sumus in hoc mundo. Timor non est in charitate, sed perfecta charitas foras mittit timorem, quia timor poenam habet. Qui autem timet, non est perfectus in charitate. Nos ergo diligamus Deum, quoniam Deus prior dilexit nos. Si quis dixerit, quoniam diligo Deum, et fratrem suum oderit, mendax est. Qui autem non diligit fratrem suum quem videt, Deum quomodo potest diligere? Et hoc mandatum a Deo habemus, ut qui diligit Deum, diligat et fratrem suum. Omnis qui credit quoniam Jesus est Christus, ex Deo natus, et omnis qui diligit eum qui genuit, diligit eum qui natus est ex eo. In hoc cognovimus quoniam diligimus natos Dei, cum Deum diligamus, et mandata ejus faciamus. Hæc est enim charitas Dei ut mandata ejus custodiamus. Et mandata ejus gravia non sunt, quia omne quod natum est ex Deo, vincit mundum. Et hæc est victoria quæ vincit mundum fides nostra. Quis est qui vincit mundum nisi qui credit, quoniam Jesus est Filius Dei? Hic est qui venit per aquam et sanguinem Je-

sus Christus, non in aqua solum, sed in aqua et sanguine. Et Spiritus est qui testificatur, quoniam Christus est veritas, quoniam tres sunt qui testimonium dant, spiritus, sanguis, et aqua, et hi tres unum sunt. Si testimonium hominum accipimus, testimonium Dei majus est, quia testificatus est de Filio suo. Qui credit in Filium Dei, habet testimonium Dei in se. Qui non credit Filio, mendacem facit eum, qui non credit in testimonio, quod testificatus est de Filio suo Deus. Et hoc testimonium est, quoniam vitam æternam dedit nobis Deus. Et hæc vita in ejus Filio. Qui habet Filium habet vitam, qui non habet Filium Dei non habet vitam. Hæc scribo vobis, ut sciatis, quoniam vitam habebitis æternam, qui creditis in nomine Filii Dei. Et hæc est fiducia, quam habemus ad eum, quia quodcumque petierimus secundum voluntatem ejus audit nos. Et scimus quia audit nos quicquid petierimus. Scimus quoniam habemus petitiones quas postulamus ab eo. Qui scit fratrem suum peccare peccatum non ad mortem, petat et dabitur ei vita peccanti non ad mortem. Est peccatum ad mortem, non pro illo dico ut roget quis. Omnis iniquitas peccatum est, et est peccatum ad mortem. Scimus, quia omnis qui natus est ex Deo non peccat, sed generatio Dei conservat eum, et malignus non tangit eum. Scimus enim quoniam ex Deo sumus, et mundus totus in maligno positus est. Et scimus quoniam Filius Dei venit, et dedit nobis sensum, ut cognoscamus Deum verum, et simus in vero Filio ejus, hic est verus Deus, et vita æterna (*I Joan. iv, 7-21, v, 1 et seq.*). Propter mala sua multi potentes oppressi sunt valde, et gloriosi traditi sunt in manus alterorum. Benedictio autem Dei in mercedem justis festinat et in honore boni processus illius fructificat. Beatus vir qui non est lapsus verbo ex ore suo, et non est stimulatus in tristitia delicti. Scitote, charissimi, pro ea pietate quæ vobis Dei famulis impendenda est, omnes suggestiones vestras fidei catholice profuturas, me dignanter suscepisse, ut ipsarum quoque opera, et pax Christiana reparari, et error ipsius possit aboliri. Et si amplius de talibus aut his similibus aliquid fuerit deliberandum, celeriter ad nos relatio dirigatur, ut pertractata qualitate horum nostra quid observari debeat sollicitudo constituat. Data vi Kal. August. Constante cons.

#### EPISTOLA EUSEBII PAPÆ AD ÆGYPTIOS.

EUSEBIUS Romanæ et apostolicæ Ecclesiæ episcopus dilectissimis in charitate Christi unanims charitatis glutino connexis, fratribus per Alexandriam et Ægyptum Domino militantibus, et rectam fidem tenentibus in Domino salutem.

« Benedictus Deus et Pater Domini nostri Jesu Christi, Pater misericordiarum, et Deus totius consolationis qui consolatur nos in omni tribulatione nostra, ut possimus et ipsi consolari eos qui in omni

pressura sunt per exhortationem qua exhortamur ipsi a Deo: quoniam sicut abundant passionem Christi in nobis, ita et per Christum abundat consolatio nostra. Sive autem tribulamur pro vestra exhortatione et salute, sive exhortamur pro vestra exhortatione et salute, quæ operatur tolerantiam eorundem passionum quas et nos patimur, et spes nostra firma est pro vobis scientes, quoniam sicut socii passionum estis, sic critis et consolationis (*II Cor. 1, 3*,



et seq.). » « Vetera, dilectissimi, transierunt et ecce facta sunt nova. Omnia autem ex Deo qui reconciliavit nos sibi per Christum, et dedit nobis ministerium reconciliationis, quoniam quidem Deus erat in Christo mundum reconcilians sibi, non reputans illis delicta **53** ipsorum, et posuit in nobis verbum reconciliationis, pro Christo ergo legatione fungimur tanquam Deo exhortante per nos. Obsecramus, pro Christo reconciliamini Deo. Eum qui non noverat peccatum, pro nobis peccatum fecit, ut nos efficeremur iustitia Dei in ipso. Adjuvantes autem exhortamur, ne in vacuum gratiam Dei recipiatis. Ait enim: Tempore accepto exaudivi te, et in die salutis adjuvi te. Ecce nunc tempus acceptabile, ecce nunc dies salutis. Nemini dantes ullam offensionem, ut non vituperetur ministerium nostrum, sed in omnibus exhibeamus nosmetipsos, sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate et suavitate, in Spiritu sancto, in charitate non ficta, in verbo veritatis, in virtute Dei, per arma iustitiæ a dextris et a sinistris, per gratiam et ignobilitatem, per infamiam et bonam famam, ut seductores et veraces, sicut qui ignoti et cogniti, quasi morientes, et ecce vivimus, ut castigati et non mortificati, quasi tristes, semper autem gaudentes, sicut egentes, multos autem locupletantes, tanquam nihil habentes et omnia possidentes. Os nostrum patet ad vos, charissimi, cor nostrum dilatatum est. Non angustiamini in carnalibus, angustiamini autem in spiritualibus. Eandem autem habentes remunerationem, tanquam filiis dico dilatamini et vos. Nolite jugum ducere cum infidelibus. Quæ autem participatio iustitiæ cum iniquitate, aut quæ societas luci ad tenebras? Quæ autem conventio Christi ad Belial? Aut quæ pars fidei cum infidei, quis autem consensus templo Dei cum idolis? Vos enim estis templum Dei vivi, sicut dicit Dominus. Quoniam inhabitabo in illis, et inambulabo, et ero illorum Deus, et ipsi erunt mihi populus, propter quod exite de medio eorum, et separamini de medio eorum dicit Dominus, et immundum ne tetigeritis, et ego recipiam vos, et ero vobis in patrem, et vos eritis mihi in filios et filias, dicit Dominus optimus. Has igitur habentes promissiones, charissimi, mundemus nos ab omni inquinamento carnis et spiritus, perficientes sanctificationem in timore Dei (*II Cor. v, 17-21; vi, 1-18; vii, 1*). » Errorem vestrum corrigite, fratres, et ab omni erroris macula vos custodite, ut purum Deo munus offerre valeatis. Servos Dei nolite persequi. Episcopos nolite infamare neque accusare, quia Deus eos suo iudicio voluit reservari. Quod enim non ab humanis, aut prævæ vitæ hominibus eos depravari, aut accusari voluit, ipse dedit exemplum, quando per se ipsos et non per alium, negotiantes ejecit sacerdotes de templo, et mensas nummulariorum proprio evertit flagello, et ejecit de templo, et sicut alibi ait: « Deus stetit in synagoga deorum, in medio autem

A deos discernit (*Psal. lxxxi, 1*). » Dei ergo ordinationem accusat, qui episcopos accusat vel condemnat dum minus spiritualia quam terrena sectatur. Causa enim fidei et dilectionis quibus salus Christiana consistit, multa me sollicitudine laborare compellit, metuentem ne pravitas quæ in suis fuerat amputanda principiis, processu temporis, et pertinacior fiat et altior. Nam inimicum nimis est atque incongruum eos qui episcopos vel reliquos veros sacerdotes sua persecutione vexant, catholicorum nominibus sine discretione misceri, cum jam natam impietatem non deserentes, ipsi sua pravitate condemnantur, quos convenit percelli pro perfidia, aut liberari pro venia, quia sicut plenum pietatis est oppressis charitatem Dominicam reddi, ita justum est omnia perturbantis auctoritatem amputari. Miror, charissimi, quare tam cito movemini, atque a vestro sensu transferimini, cum scriptum sit: « Post concupiscentias tuas non eas, et a voluntate tua avertere. Si præstes animæ tuæ concupiscentias ejus, faciet te in gaudium inimicis tuis. Ne oblecteris in turbis, nec in medicis. Adest enim commissio illorum. Ne fueris medicus in contentione ex fenore, et non est tibi nihil in saeculo. Eris enim invidus tuæ vitæ. Operarius ebriosus non locupletabitur, et qui spernit modica paulatim decidet, et mulieres apostatare faciunt sapientes, et arguunt sensatos, et qui se jungit fornicariis erit nequam; putredo et vermis hæreditabunt illum, et extolletur in exemplum majus, et tolletur de numero anima ejus. Qui credit cito levis corde est, et minorabitur, et qui delinquit in animam suam insuper habebitur. Qui gaudet iniquitate denotabitur; et qui odit correptionem minuetur vita. Et qui odit loquacitatem, exstinguit malitiam. Qui peccat in animam suam poenitebit, et qui jucundatur in malitia denotabitur. Ne iteres verbum nequam et durum, et non minoraberis. Amico et inimico noli enarrare sensum tuum, et si est tibi delictum, noli denudare. Audiet enim te, et custodiet te, et, quasi defendens peccatum, odiet te, et sic adhærebit tibi semper. Audisti verbum adversus proximum? commoriatur in te fidens quoniam non te disrumpet, a facie verbi parturit fatuus, tanquam gemitus partus infantis. Sagitta infixa femori carnis, sic verbum in corde stulti. Corripe amicum, ne forte cum fecerit injuriam et non intellexerit, dicat: Non feci, aut si fecerit, ne iterum addat facere. Corripe proximum ne forte non dixerit, et si dixerit, ne forte iteret. Corripe amicum, sæpe enim fit commissio, et non omni verbo credas. Est qui labitur in lingua sua, sed non ex animo. Quis est enim qui non deliquerit in lingua sua? Corripe proximum antequam commineris, et da locum timori Altissimi, quia omnis sapientia et scientia timor Dei, et in illa est timere Deum, et in omni sapientia dispositio legis. Non est sapientia neque scientia, et non est cogitatus bonus, nisi in illa. Peccatorum prudentia est nequitia, et in ipsa execratio, et est insipiens, qui imminuitur sapientia. Melior est homo qui deficit sapientia, et deficiens sensu in timore

quam qui abundat sensu, et transgreditur legem Altissimi. Est solertia certa, et ipsa iniqua, et est qui emittit verbum certum enarrans veritatem. Est qui nequiter humiliat se, et interiora ejus plena sunt dolo. Et est justus qui se nimium submittit a multa humilitate, et est justus qui inclinat faciem, et fingit non videre se quod ignoratum est. Et si ab imbecillitate virium veletur peccare, si invenerit tempus malefaciendi malefaciet. Ex visu cognoscitur vir, et ab occursu faciei cognoscitur sensatus, amictus corporis et risus dentium, et ingressus hominis enuntiat de illo. Est correptio mendax in ore contumeliosi et est iudicium quod non probatur esse bonum, et est tacens, et ipse est prudens. Quam bonum est arguere quam irasci, et confitentem in oratione non prohibere! Concupiscentia spadonis devirginavit juvenulam, sic qui facit per vim iudicium iniquum. Quam bonum est correpto manifestare poenitentiam, sic enim effugies voluntarium peccatum. Est tacens qui invenitur sapiens, et est odibilis qui procax est ad loquendum. Est autem tacens non habens sensum loquelæ, est et tacens tempus, sciens apti temporis. Homo sapiens tacebit usque ad tempus, lascivus autem et imprudens non servabit tempus. Qui multis utitur verbis lædit animam suam, et qui potestatem sibi assumit injuste odietur. Est processio in malis viro indisciplinato, et est inventio in detrimentum. Est datum quod non est utile, et est datum, cujus retributio duplex, sed propter gloriam minoratio, et est qui ab humilitate levabit caput. Est qui multa redimat modico pretio, et est restituens ea septuplum. Sapiens in verbis seipsum amabilem facit, gratiæ autem fatuorum effunduntur, datum insipientis non erit utile tibi. Oculi enim illius septemplices sunt. Exigua dabit, et multa improperebit, et apertio oris illius inflammatio est, hodie fenerat quis, et cras expetit, et odibilis homo huiusmodi. Fatuo non erit amicus, et non erit gloria bonis illius. Qui enim edunt panem illius, falsæ linguæ sunt, quoties et quanti irridebunt eum! neque enim quod habendum erat directo sensu distribuit, similiter et quod non erat habendum. Lapsus falsæ linguæ quasi qui a pavimento cadens, sic casus malorum festinanter venient. Homo ingratus quasi fabula vana in ore indisciplinatorum assidue erit. Ex ore fatui reprobandi parabola, non enim dicit illam in tempore suo. Est qui vetatur peccare ab inopia, et in requie sua stimulabitur. Est qui perdet animam suam pro confusione, et ab imprudenti persona perdet eam, personæ autem acceptione perdet se. Est qui præ confusione promittit pro amico, et lucratus est eum inimicum gratis. Opprobrium enim nequam in homine mendacium, et in ore indisciplinatorum assidue erit. Laudat furem assiduitas viri mendacis, perditionem autem ambo hæreditabunt. Mores hominum mendacium sine honore, et confusio illorum cum ipsis sine intermissione (*Eccli. xviii, 30-33; xix, 1-28; xx, 1-28*).

Vos, fratres, admonemus profutura hominibus invicem indesinenter sectari in charitate Christi, si-

A militer obsecramur vos in Domino « ut digne ambuletis vocatione qua vocati estis cum omni humilitate et mansuetudine, cum patientia invicem supportantes in charitate, solliciti servare unitatem spiritus in vinculo pacis, unum corpus et unus spiritus, sicut vocati estis in una spe vocationis vestræ, unus Dominus, una fides, unum baptisma, unus Deus, et Pater omnium, qui super omnes, et per omnia, in omnibus nobis. Unicuique autem nostrum data est gratia secundum mensuram donationis Christi, propter quod dicit: Ascendens in altum captivam duxit captivitatem, dedit bona hominibus. Quod autem ascendit, quid est nisi quia et descendit primum in inferiores partes terræ. Qui descendit ipse est et qui ascendit super omnes cælos, ut adimpleret omnia. Et ipse dedit quosdam quidem apostolos, quosdam autem prophetas, alios vero evangelistas, alios autem pastores et doctores ad consummationem sanctorum in opus ministerii, in ædificationem corporis Christi, donec occurramus omnes in unitatem fidei, et agnitionis Filii Dei in virum perfectum, in mensuram ætatis plenitudinis Christi, ut jam non simus parvuli fluctuantes, et circumferamur omni vento doctrinæ in nequitia hominum, in astutia ad circumventionem erroris (*Eph. iv, 1 et seq.*). » De occultis enim cordis alieni temere judicare iniquum est et eum cujus non videntur nisi opera bona, peccatum est ex suspitione reprehendere. Oves ergo quæ pastori suo commissæ sunt, eum nec reprehendere (nisi a recta fide exorbitaverit) debent, nec ullatenus accusare possunt, quia facta pastorum oris gladio ferienda non sunt, quanquam recte reprehendenda videantur.

Ideo ista dicimus, quia in scripturis vestris reperimus quosdam episcopos nostris in partibus a propriis ovibus accusatos, aliquos videlicet ex suspitione, et aliquos ex certa ratione. Et ideo quosdam esse rebus suis exspoliatos, quosdam vero a propria sede pulsos. Quos sciatis, nec ad synodum comprovincialem, nec ad generalem posse vocari, nec in aliquid judicare antequam cuncta quæ eis sublata sunt legibus potestati eorum redintegrentur. Prius ergo oportet omnia illis legibus redintegrari, et Ecclesias quæ eis sublatae sunt cum omni privilegio suo restitui et, post modum non sub angustis temporis spatio, sed tantum temporis spatium eis indulgeatur, quantum exspoliati vel expulsi esse videntur antequam ad synodum convocentur, et ab omnibus quibusque suæ provincie episcopis audiantur. Nam nec convocari ad causam, nec dijudicari potest exspoliatus vel expulsus, quia non est privilegium, quo exspoliari possit jam nudatus. Unde et antiquitus decretum est, ut omnes possessiones, et omnia sibi sublata atque fructus cunctos ante litem contestatam præceptor vel primas possessori restituat. Et alibi scriptum habetur: Ille qui violentiam pertulit universa in statu quo fuerant recipiat, et quæ possidet securus teneat. Et alibi: In synodali-bus Patrum decretis, et regum edictis legitur statutum: Redintegranda sunt omnia exspoliatis vel ejectis episcopis poenitentialiter ordinatione pontificum



et in eorum unde abscesserunt loca funditus revocanda quacunque conditione temporis, aut dolo, aut captivitate, aut virtute majorum, aut per quascunque injustas causas res Ecclesiæ, vel proprias, aut substantias suas perdidisse noscuntur, ante accusationem aut regularem ad synodum vocationem eorum, et reliqua. Est etiam in antiquis Ecclesiæ statutis decretum, ut qui aliena invadit non exeat impunitus, sed cum multiplicatione omnia restituat. Unde et in Evangelio scriptum est : « Quod si aliquid defraudavi, reddo quadruplum (*Luc. xix, 8*). » Et in legibus sæculi cautum habet : Qui rem subripit alienam, illi cuius res direpta est in decuplum quæ sublata sunt restituat. Et in lege divina legitur : **54** « Maledictus omnis qui transfert terminos proximi sui. Et dicit om-

nis populus, Amen (*Deut. xxvii, 17*). » Talia ergo non presumantur absque ultione, nec exerceantur absque sua damnatione. Pacem et non damnum, aut injustitiam alicujus sectamini invicem et in omnes. Veritatem autem facientes in charitate, crescamus in illo per omnia qui est caput Christus, ex quo totum corpus compactum et connexum per omnem juncturam subministrationis secundum operationem in mensuram uniuscujusque membri, augmentum corporis facit in ædificationem sui in charitate. De cætero, charissimi, gaudete et perfecti estote, exhortamini. Idem sapite, pacem habete, et Deus pacis et dilectionis erit vobiscum. Dominus custodiat vos et nunc, et in die æternitatis. Amen. Data ix Kalen. Octobris, Constante. cc. consul.

#### ITEM EPISTOLA EUSEBII PAPÆ EPISCOPIS THUSCIÆ ET CAMPANIÆ.

Dilectissimis fratribus, universis episcopis per Campaniam et Thusciam constitutis, EUSEBIUS.

Benedictus Dominus Deus noster, qui per misericordiam suam Romanam Ecclesiam beati Petri, apostolorum principis, sacerdotio ditavit, nobisque viam monstrandam circa nos propter universalem curam quæ nobis propter privilegium ejusdem Ecclesiæ charitatis indulsit, ut qui cohaeremus firmitate fidei, jungamur quoque votiva jucunditate colloquii, quo facilius dum per litterarum ministeria ad vos usque pertendimus, etiam corda vestra ad religiosum cultum apostolicis admonitionibus incitemus, et dum dilectionis nostræ spei reddimus velut quoddam debitum, plenum circa Deum monstremus affectum. Jungamus ergo, dilectissimi fratres, continuas et humiles preces, et Deum nostrum oris et cordis lacrymis supplicantes jugi deprecatione poscamus, ut institutione et opere illi cuius esse membra cupimus, hæreamus, nec unquam ab illa via quæ Christus est devio tramite declinemus, ne ab eo juste quem nos impie relinquimus, deseramus infideles. Quod cum superni favoris auxilio ea nobis potest ratione contingere, si apostolica dogmata, si Patrum mandata servavimus, dicit enim Dominus noster : « Qui diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus (*Joan. xiv, 23*). » Et licet hæc possint generaliter dicta sufficere, ut vel declinemus errata, vel custodiamus catholica, ab apostolis tamen eorumque successoribus novimus constitutum criminationes adversus doctores non debere suscipi, nec peregrina judicia fieri, nec quemquam alterius judicis quam sui sententia debere constringi. Caput enim Ecclesiæ Christus est, Christi autem vicarii sacerdotes sunt, qui vice Christi legatione funguntur in Ecclesia. Idcirco quidquid ad eorum fit injuriam, ad Christum pertinet, qui dixit : « Qui vos audit, me audit; et qui vos spernit, me spernit. Et qui spernit me, spernit eum qui misit me (*Luc. x, 16*). » Ista, fratres, terribilia sunt et oppido diligenter

B consideranda et cavenda, et tam propter eos qui semetipsos, aut cupiditate, aut avaritia, aut invidia perdere moluntur (ne in profunda labantur, aut in talia incidant mala) quam propter persecutores Ecclesiæ servorumque ejus, qui juxta veritatis vocem oculos habentes non vident, et aures habentes non audiunt, nec intelligunt quæ placent Deo, sequentes in omnibus apostolicam regulam, et prædicantes ejus omnia constituta ob custodiam episcoporum, qui columnæ Ecclesiæ a Deo dicti sunt et cæterorum verorum sacerdotum firmantes cana Patrum statuta, statuimus iterum cum omnibus qui nobiscum sunt episcopis, sicut dudum decretum reperimus, ut homicidæ, malefici, fures, sacrilegi, raptores, adulteri, incesti, venefici, suspecti, criminosi, domestici, perjuri, et qui raptum fecerunt, vel falsum testimonium dixerunt, seu qui ad sacrilegos divinosque concurrerunt similesque eorum nullatenus ad accusationem vel ad testimonium erunt admittendi, quia infames sunt et juste repellendi, quia funesta est vox eorum. Vocem enim funestam in omnibus interdici potius quam audiri oportet. Periculum ergo quod doctoribus imminet summopere semper cavendum est et declinandum, et illi sunt a cunctis portandi et custodiendi, dicente Domino : « Quod uni ex minimis meis fecistis, mihi fecistis (*Matth. xxv, 40*). » Prima enim salus est rectæ fidei regulas custodire, et a constitutis Patrum nullatenus deviare. Nec potest Domini nostri Jesu Christi prætermitti sententia dicentis : « Tu es Petrus et super hanc petram ædificabo Ecclesiam meam (*Matth. xvi, 18*). » et hæc quæ dicta sunt rerum probantur effectibus, quia in sede apostolica extra maculam semper est catholica servata religio. Ideo, charissimi, et vos juxta sanctam Scripturam discite benefacere, et mala declinare, et Patrum regulis imbui, sicut scriptum est : « Fili, si habes bene fac tecum, et Deo dignas oblationes offer. Memor esto, quoniam mors non tardat, et testamentum inferorum, quia demonstratum est tibi. Testamentum hujus mundi morte morietur. Ante mortem bene,

fac amico tuo, et secundum vires tuas exporrigens da pauperi. Non defrauderis a die bona et particula boni doni non te prætereat. Nonne aliis relinquis dolores et labores tuos? In divisione sortis da et accipe, iustitiam animam tuam. Ante obitum tuum operare iustitiam quia non est apud inferos invenire cibum. Omnis caro sicut fenum veterascet, et sicut folium fructificans in arbore viridi. Alia generantur, et alia deiciuntur. Sic generatio carnis et sanguinis, alia finitur, et alia nascitur. Omne opus corruptibile in fine deficiet, et qui illud operatur ibit cum ipso. Et omne opus electum iustificabitur, et qui operatur illud honorabitur in illo. Beatus vir qui in sapientia sua morabitur, et qui in iustitia sua meditabitur, et in sensu cogitabit circumspectionem Dei. Qui excogitat vias illius in corde suo et in absconsis illius intelligens erit, vadens post illam quasi investigator, et in visis illius consistens. Qui respicit per fenestram ejus, et in januam illius audiens. Qui requiescit juxta domum illius, et in parietibus illius figens palum. Statuit casulam suam ad manus illius et requiescunt in casula illius dona per ævum. Statuet filios suos sub tegmine illius, et sub ramis illius morabitur, protegitur sub ramis illius a fervore, et in gloria ejus requiescet. Qui timet Dominum faciet illud, et qui continens est iustitiæ apprehendet illam, et obviabit illi quasi mater honorificata, et quasi mulier a virginitate suscipiet illum. Cibabit illum pane vitæ et intellectus, et aqua sapientiæ salutaris potabit illum. Et firmabitur in illo, et non flectetur, et continebit illum, et non confundetur, et exaltabit eum apud proximos suos, et in medio ecclesiæ aperiet os ejus, et implebit eum spiritu sapientiæ et intellectus, et stola gloriæ vestiet illum, jucunditatem et exultationem thesaurizabit super illum, et nomine æterno hæreditabit illum. Homines stulti non apprehendent illam, et homines sensati obviabunt illi, homines stulti non videbunt illam. Longe enim abest a superbia et dolo. Viri mendaces non erunt illius, et viri veraces invenientur in illa, et accessum habebunt usque ad inspectionem Dei. Non est speciosa laus in ore peccatoris, quoniam a Deo perfecta est sapientia. Sapientia enim Dei stabit laus, et in ore fideli abundabit, et dominator dabit eam illi. Non dixeris: Per Dominum abest, quæ odit non feceris, non dicas: Ille me implanavit. Non enim necessarii sunt illi homines impii. Omne execramentum erroris odit Deus et non erit amabile timentibus eum. Deus ab initio constituit hominem, et reliquit illum in manu consilii sui, adjecit mandata et præcepta sua. Si volueris mandata, conservabunt te et in perpetuum fidem placitam facere. Apposuit tibi aquam et ignem, ad quod volueris porrigere manum, ante hominem vitam et mors, bonum et malum, quod placuerit ei, dabitur illi, quoniam multa patientia Dei, et fortis in patientia, videns omnes sine intermissione. Oculi Domini ad timentes eum et ipse cognoscit omnem operam hominis. Nemini mandavit impie agere, et nemini dedit spatium peccandi. Non

A enim concupiscit multitudines filiorum infidelium et inutilium. Ne jucunderis in filiis impiis, si multiplicentur, nec oblecteris super ipsos, si non est timor Dei cum illis. Non credas vitæ illorum, et non respexeris in labores eorum. Melior est enim unus timens Deum, quam mille filii impii. Et utile mori sine filiis, quam relinquere filios impios. Ab uno sensato inhabitabitur patria, et a tribus impiis desertur. Multa alia vidit oculus meus, et fortiora horum audivit auris mea. In synagoga peccantium exardabit ignis, in gente incredibili exardescet ira. Non exoraverunt pro peccatis suis antiqui gigantes, qui destruxerunt confidentes suæ virtuti, et non pepercit peregrinationi illorum, sed percussit eos, et execratus est illos præ superbia verbi illorum. Non misertus est illis, totam gentem perdens, et extollentes se in suis peccatis. Et sicut sexcenta millia peditum, qui congregati sunt in duritia cordis sui. Et si unus fuisset cervicatus, mirum si fuisset immunis. Misericordia enim et ira est cum illo, potens exoratio et effundens iram secundum misericordiam suam. Sic correptio illius homines secundum opera sua judicabit. Non effugiet in rapina sua peccator, et non retardabit sufferentiam facientis misericordiam. Omnis misericordia faciet locum unicuique secundum meritum operum suorum, et secundum intellectum peregrinationis. Non dicas: A Deo abscondar, et ex summo quis mei memorabitur? In populo magno non agnoscar. Quæ est enim anima mea in tam immensa creatura? Ecce cælum et cæli cælorum abyssus, universa terra et quæ in eis sunt, in conspectu illius commovebuntur, montes similiter et colles et fundamenta terræ. Et cum conspexerit illa Deus, tremore concutientur, et in omnibus his insensatum est cor. Et omne cor intelligitur ab illo, et vias illius quis intelligit? Et procellam quam nec oculus vidit hominis? Nam plurima opera illius sunt in absconsis, sed opera iustitiæ illius quis enarrabit, aut quis sustinebit? Large enim est testamentum a quibusdam, et interrogatio hominum in consummatione est. Qui minoratur corde cogitat mala, et vir imprudens et errans cogitat stulta (*Eccli.* xiv, 11-27; xv, 1-22; xvi, 1-23). « Omnis ergo, fratres, sermo malus de ore vestro non procedat, sed si quis bonus est ad ædificationem opportunitatis, ut det gratiam audientibus. Et nolite contristare Spiritum sanctum Dei, in quo signati estis in die redemptionis. Omnis amaritudo, et ira, et indignatio, et clamor, et blasphemia tollatur a vobis cum omni malitia. Estote autem invicem benigni, misericordes, donantes invicem, sicut et Deus in Christo donavit vobis. Estote ergo imitatores Dei sicut filii charissimi, et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. Fornicatio autem et omnis immunditia, aut avaritia, nec nominetur in vobis, sicut decet sanctos, aut turpitudine, aut stultiloquium, aut scurrilitas, quæ ad rem non pertinet, sed



magis gratiarum actio. Hoc enim scitote intelligentes, quod omnis fornicator, aut immundus, aut avarus (quod est idolorum servitus) non habet hæreditatem in regno Christi et Dei. Nemo vos seducat inanibus verbis. Propter hæc enim venit ira Dei in filios diffidentiae. Nolite ergo effici participes eorum. Eratis enim aliquando tenebrae, nunc autem lux in Domino, ut filii lucis ambulate. Fructus enim lucis est in bonitate, et iustitia, et veritate. Probantes quid sit beneplacitum Deo, et nolite communicare operibus infructuosis tenebrarum, magis autem redarguite. Quæ enim in occulto fiunt ab ipsis turpe est dicere. Omnia autem quæ arguuntur a lumine manifestantur. Omne enim, quod manifestatur, lumen est. Propter quod dicit : Surge qui dormis, et exsurge a mortuis, et illuminabit te Christus. Videte itaque, fratres, quomodo caute ambuletis, non quasi insipientes, sed ut sapientes, redimentes tempus, quoniam dies mali sunt, propterea, nolite fieri imprudentes, sed intelligentes quæ sit voluntas Dei. Et nolite inebriari vino, in quo est luxuria, sed impleamini Spiritu sancto, loquentes vobismetipsis in psalmis et hymnis in cordibus vestris Domino, gratias agentes semper pro omnibus in nomine Domini nostri Jesu Christi, Deo et Patri, subjecti invicem in timore Christi (*Eph. iv, 29-32; v, 1-21*). »

A Crucis ergo Domini nostri Jesu Christi quæ nuper nobis gubernacula sanctæ Romanæ Ecclesiæ tenentibus quinto Nonas Maii inventa est, in prædicto Kalendarum die inventionis festum vobis solemniter celebrare mandamus. Similiter et hæreticos omnes quicumque Dei gratia convertuntur, in sanctæ Trinitatis nomine credentes baptizati **55** sunt, Romanæ Ecclesiæ regulam tenentes, per manus impositionem reconciliari præcipimus. Manus impositionis sacramentum magna veneratione tenendum est, quod ab aliis perfici non potest, nisi a summis sacerdotibus. Nec tempore apostolorum ab aliis quam ab ipsis apostolis legitur aut scitur peractum esse, neque ab aliis (sicut jam dictum est) quam ab illis qui eorum locum tenent unquam perfici potest, aut fieri debet. Nam si aliter præsumptum fuerit, irritum habeatur et vacuum, nec inter ecclesiastica unquam reputabitur sacramenta. De cætero, fratres, gaudete et exsultate in Domino, ut sancti Spiritus gratia illuminati et confortati, vos vestrosque ad pascua æternæ vitæ pervenire atque perducere adminiculante Domino valeatis. Gratia Domini nostri Jesu Christi et charitas Dei et communicatio Spiritus sancti sit semper cum omnibus nobis. Amen. Data viii Kalen. Septem. Constante c. consule.

## INCIPIUNT DECRETA MELCHIADIS PAPÆ.

(Anno Domini 344, tempore Maximini imper.)

Dilectissimis fratribus, MARINO, BENEDICTO, LEON-  
TIO, et cæteris Hispaniarum ac illis in partibus constitutis episcopis MELCHIADES.

Apostolici præcepti verba sunt apud Judæos atque gentiles sine offensione nos esse debere, hoc quisque Christianus est tota animi virtute custodit. Quod cum ita sit, non parum periculi illi manere poterit ante Deum, qui hoc detrectat etiam fidelibus exhibere. Nam qualiter nos qui neminem perire volumus, ista contristent quæ auctoribus Christianis percellunt alios Christianos, Dominicus in Evangelio sermo testatur. Ait enim ipse Salvator quod « expediat scandalizanti unum de pusillis in maris profundum demergi (*Matth. xviii, 6*). » Ideo quæ sit ejus pœna queramus cui tale supplicium legimus expedire. Quapropter ista, charissimi, valde sunt verba ponderanda et cavenda, ne pro temporalibus æterna, et pro caducis mansura, et pro pravissimis temporalibus perdantur (quod absit) perpetua gaudia. Unde vos rogavimus et obsecramus ut nullus alteri noceat, neque infestus, aut nocens existat, sed juxta Apostolum « Alter alterius onera portet ut legem Christi adimpleat (*Gal. vi, 2*) » et nolite judicare invicem, sed juxta eundem Apostolum « hoc judicate magis, ne ponatis offendiculum fratri vel scandalum (*Rom. xiv,*

C 15). » Primo semper omnia diligenter inquireite, ut cum iustitia et veritate definiatis. Neminem condemnatis ante verum et justum judicium. Nullum suspicionis arbitrio judicetis, sed primum probate, et postea charitativam proferte sententiam. « Et quod vobis non vultis fieri, alteri nolite facere (*Luc. vi, 31*). » Mementote sermonis Domini semper, qui ait : « Nolite judicare, et non judicabimini : Nolite condemnare, ut non condemnemini, in quo enim judicio judicaveritis, judicabimini (*Matth. vii, 1 et 2*). » Episcopos nolite judicare, nolite condemnare absque sedis hujus auctoritate. Quod si feceritis, irrita erunt vestra judicia, et vos condemnabimini. Hoc enim privilegium huic sanctæ sedi a temporibus apostolorum statutum est servare, quod illæsum manet usque in hodiernum diem. Episcopos ergo quos sibi Dominus oculus elegit et columnas Ecclesiæ esse voluit, quibus etiam ligandi et solvendi dedit potestatem suo judicio reservavit, hocque privilegium beato clavigero Petro sua vice solummodo commisit. Quod ejus juste prærogativum succrescit sedi, futuris hæreditandum atque tenendum temporibus, quoniam et inter beatos apostolos fuit quidam discretio potestatis. Et licet cunctorum par electio foret, beato tamen Petro concessum est ut aliis præmereret,

eorumque quæ ad querelam venirent causas et interrogationes prudenter disponeret. Quod Dei ordinatione taliter ordinatum esse credimus, ne omnes posterorum cuncta sibi vindicarent, sed semper majores causæ sicut sunt episcoporum et potiorum curæ negotiorum ad unam beati principis apostolorum Petri sedem confluerent ut inde suscipiant finem judiciorum, unde acceperunt initium institutionum, ne quandoque a suo discreparent capite. Si vero se viderit quisquam vestrum prægravari, hanc sedem appellet, huc recurrat, ut semper instituta fuit consuetudo, quia et voluntarie eis compatiemur et libenter prout Dominus dederit adminiculum feremus. Nec a quoquam, fratres, inhibeat aut objurgetur qui nostræ consors communionis esse voluerit,

magis ei veniendi auxilium præstat, quia sufficit unicuique objurgatio quæ fit a plurimis, ut juxta Apostolum « magis donetis et consolemini, ne forte abundantiori tristitia absorbeatur qui in angustia est Propter quod obsecro vos, ut ipse ait, ut confirmetis in illo charitatem. » (II Cor. II, 7.) Eorum enim os accusandi sacerdotes vel testificandi in eos obstruimus, quos non humanis, sed divinis vocibus mortuos esse scimus, quoniam infidelis homo mortuus est in corpore vivente, nec in suspicionem veniat homo fidelis, ut dicat aut faciat ea quæ pati non vult. Si quis fidelis est videat ne falsa loquatur, aut cuiquam insidias ponat. Facile est ergo hominem fallere, non tamen Deum. Sapiens non est qui nocet. Et nihil mali vult qui est fidelis, in his enim fidelem et infidelem hominem cognoscere possumus in nocendo et adjuvando, ut ipsa Veritas ait : « Bonus homo ex bono thesauro cordis sui profert bona, et malus homo ex malo thesauro cordis sui profert mala, ex abundantia enim cordis os loquitur (Matth. XII, 34, 35). » Pro nobis enim dicit Dominus per prophetam. Eos vero qui judicant vos, ego judicabo. Et iterum ad servos dixit : Nolite timere opprobrium hominum et blasphemias eorum ne metuatis. De talibus quoque propheta canit, dicens : « Non sic impii, sed tanquam pulvis quem projicit ventus, propterea non resurgent impii in judicio neque peccatores in congregatione justorum. Quoniam novit Dominus viam justorum et iter impiorum peribit (Psal. I, 4 et seq.). » « Quare conturbatæ sunt gentes, et plebes meditantur inania ? Consurgent reges terræ, et principes tractabunt pariter adversus Dominum et adversus Christum ejus. Disrumpamus vincula eorum, et projiciamus a nobis jugum ipsorum. Habitatator cœli ridebit, et Dominus subsannabit eos. Tunc loquetur ad eos in ira sua, et in furore suo conturbabit eos (Psal. II, 1 et seq.). » Et alibi dixit : « Scelus impii in medio cordis ejus, non est timor Dei ante oculos ejus (Psal. XIII, 3). » « Quoniam dolose egit adversus eum in oculis ejus, ut inveniret iniquitatem ad odium. Verba oris ejus iniquitas et dolus, cessavit cogitare ut beneficeret. Iniquitatem cogitat in cubili suo, stabit in via non bona, malum non abjiciet. Domine, in cœlo miseri-

cordia tua, fides tua usque ad nubes, justitia tua sicut montes Dei, judicia tua abyssum multa. Homines et jumenta salvos facies, Domine, quam pretiosa misericordia tua, Deus. Et filii Adam in umbra alarum tuarum sperabunt. Inebriabuntur de pinguedine domus tuæ et torrente deliciarum tuarum potabis eos. Quoniam tecum est fons vitæ, et in lumine tuo videbimus lumen. Attrahe misericordiam tuam scientibus te, et justitiam tuam rectis corde. Non veniat mihi pes superbix, et manus impiorum non me commoveat, ibi ceciderunt operantes iniquitatem, expulsi sunt et non potuerunt surgere (Psal. xxxv, 2 et seq.). » Audivimus a quibusdam fratribus quibus infesti eratis nimis quod jurgia et discordiæ sint inter vos. Propterea ista scripsimus vobis mandantes ut ita teneatis sicut et ab apostolica sede vobis tenenda mandantur. Unde Dominus in Evangelio militibus interrogantibus respondit dicens : « Neminem concutatis neque calumniam faciatis, sed contenti estote stipendiis vestris (Luc. III, 14). » Concutit enim hominem qui illum injuste conturbat, de his hæc vobis interdum sufficiant. Si autem majoribus indigeritis, vita comite mittite, et mittentur vobis. De his vero super quibus rogastis vos informari, id est utrum majus esset sacramentum manus impositio episcoporum aut baptismus, scitote utrumque magnum esse sacramentum. Et sicut unum a majoribus fit, id est, a summis pontificibus, quod a minoribus perfici non potest, ita et majori veneratione venerandum et tenendum est, sed ita conjuncta sunt hæc duo sacramenta, ut ab invicem nisi morte præveniente nullatenus possint segregari, et unum sine altero rite perfici non potest. Nam unum præveniente morte salvare sine altero potest, aliud autem non potest. Unde scriptum est : « In diebus illis dicit Dominus : Effundam de Spiritu meo super omnem carnem (Joel. II, 28). » Advertamus summas divitias bonitatis Dei. Quod in confirmandis neophytis manus impositio tribuit singulis, hoc tunc Spiritus sancti descensio in credentium populus donavit universis. Sed quia dicimus quod manus impositio, et confirmatio, et qui jam regeneratus in Christo est confirmare aliquid possit, forte cogitat sibi aliquis : Quid mihi prodest post mysterium baptismatis mysterium confirmationis ? Aut quantum video non totum de fonte suscepimus, si post fontem adjectione novi generis indigemus. Non ita, dilectissimi, attendat charitas vestra. Sicut exigit militaris ordo ut, cum imperator quemcumque in militum receperit numerum, non solum signet receptum, sed etiam armis competentibus instruat pugnaturum ; ita in baptizato benedictio illa munitio est. Dedisti militem, da ei adjumentum militiæ. Nunquid prodest, si quisquam parentum magnam pupillo conferat facultatem, nisi providere studeat et tutorem ? Itaque Paracletus regeneratis in Christo custos, et consolator et tutor est. Ideo dicit sermo divinus : « Nisi Dominus custodierit civitatem frustra vigilat qui custodit eam (Psal. cxxvi, 1). » Ergo Spiritus san-



ctus, qui super aquas baptismi salutifero descendit illapsu, in fonte pulchritudinem tribuit ad innocentiam, in confirmatione augmentum præstat ad gratiam, quia in hoc mundo tota ætate victuris inter invisibiles hostes et pericula gradiendum est, in baptismo regeneramur ad vitam, post baptismum confirmamur ad pugnam. In baptismo abluimur, post baptismum roboramur, at si continuo transituris sufficiant regenerationis beneficia, victuris tamen necessaria sunt confirmationis auxilia. Regeneratio per se salvat mox in pace beati sæculi recipiendos, confirmatio autem armat et instruit ad agones mundi hujus et prælia reservandos. Qui autem post baptismum cum acquisita innocentia immaculatus pervenit ad mortem confirmatur morte, quia non potest peccare post mortem. Hic si forte illud etiam requirere velimus, post passionem et resurrectionem Christi, quid apostolis profuerit adventus Spiritus sancti, ipse Dominus eis evidenter exponit. « Quæ dico, inquit, vobis non potestis ea portare modo, cum autem venerit ille Spiritus veritatis, ipse docebit omnem veritatem (*Joan. xvi, 12 et 13*). » Vides quia cum Spiritus sanctus infunditur, cor fidele ad prudentiam et constantiam dilatatur. Itaque ante descensionem Spiritus sancti usque ad negationem apostoli deterrentur, post visitationem vero ejus usque ad martyrium contemptu salutis armanur, secundum hoc per Christum redimimur, per Spiritum vero sanctum dono sapientiæ spiritualis illuminamur, ædificamur, erudimur, instrui-mur, consummamur, ut illam sancti Spiritus vocem audire possimus. « Intellectum tibi dabo et instrua-m te in via hac qua gradieris (*Psal. xxxi, 8*). » De Spiritu sancto accipimus, ut spirituales efficiamur, quia « animalis homo non percipit ea qua sunt Spiritus Dei (*I Cor. ii, 14*). » De Spiritu sancto accipimus, ut sapiamus inter bonum malumque discernere, justa diligere, injusta respuere, ut malitiæ ac superbix repugnemus, ut luxuriæ ac diversis illecebris et fœdis indignisque cupiditatibus resistamus. De Spiritu sancto accipimus vitæ amorem et gloriæ ardorem, ut succensi divinitus erigere a terrenis mentem ad superna et divina valeamus. Jejunium ergo Dominici diei et quintæ feriæ nemo celebrare debet, ut inter jejunium Christianorum et gentilium veraciter credentium atque infidelium et hæreticorum vera et non falsa discretio habeatur, unde scriptum est : « Quæ pars Christi ad Belial ? aut quæ pars fidei cum infideli ? Quæ aut participatio justitiæ cum iniquitate ? » (*II Cor. vi, 15*.) Et iterum : « Nolite jugum ducere cum infidelibus (*Ibid. 14*). » « De cætero, fratres, videte ne quis vos decipiat inanibus verbis, neque per philosophiam et inanem fallaciam secundum traditionem hominum, secundum 56 elementa mundi, et non secundum Christum, quia in Christo habitat omnis plenitudo divinitatis corporaliter, et estis in illo repleti, qui est caput omnis principatus et potestatis, in quo et circumcisi estis, circumcisione non manufacta in exspoliatione corporis carnis, in circumcisione Christi, conseputi

enim in baptismo in quo resurrexistis per fidem operationis Dei, qui suscitavit illum a mortuis. Et vos, cum mortui essetis in delictis et præputio carnis vestræ, convivificavit cum illo, donans vobis omnia delicta, delens quod adversum vos erat chirographum decreti, quod erat contrarium nobis, et ipsum tulit de medio et affigens illud cruci, exspolians principatus et potestates, traduxit confidenter, palam triumphans illos in semetipso. Nemo ergo vos judicet in cibo et potu, aut in parte diei festi, aut neomeniæ, aut sabbatorum, quæ sunt umbra futurorum, corpus autem Christi. Nemo vos seducat, volens in humilitate et religione angelorum quæ non vidit, ambulans frustra, inflatus sensu carnis suæ, et non tenens caput ex quo totum corpus per nexum, et conjunctionem subministratum et constructum crescit in augmentum fidei. Si mortui estis cum Christo ab elementis hujus mundi, quid adhuc tanquam viventes in mundo decernitis ? Ne tetigeritis neque gustaveritis, neque contrectaveritis quæ sunt omnia in interitu ipso usu secundum præcepta et doctrinas hominum, quæ sunt rationem quidem habentia sapientiæ in superstitione et humilitate, et non ad parcendum corpori, non in honore aliquo ad saturitatem carnis. Igitur, si consurrexistis cum Christo, quæ sursum sunt quærite, ubi Christus est in dextera Dei sedens, quæ sursum sunt sapite, non quæ super terram. Mortui enim estis, et vita vestra abscondita est cum Christo in Deo. Cum Christus apparuerit vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam et avaritiam quæ est simulacrorum servitus, propter quæ venit ira Dei in filios incredulitatis. In quibus et vos ambulastis aliquando cum viveretis cum illis. Nunc autem deponite vos omnem iram, indignationem, malitiam, blasphemiam, turpem sermonem de ore vestro. Nolite mentiri invicem, exspoliantes vos veterem hominem cum actibus suis, et induentes novum, eum qui renovatur in agnitione secundum imaginem ejus qui creavit eum, ubi non est Judeus, et gentilis circumcisio, et præputium, barbarus Scythæ, servus et liber, sed omnia in omnibus Christus. Induite ergo vos, sicut electi Dei, sancti et dilecti, viscera misericordiæ, benignitatem, humilitatem, modestiam, patientiam, supportantes invicem, et donantes vobismetipsis, si quis adversus aliquem habet querelam. Sicut et Christus donavit vobis, ita et vos. Super autem omnia hæc, charitatem habentes, quod est vinculum perfectionis. Et pax Christi vigeat in cordibus vestris, in qua et vocati estis in uno corpore, et grati estote. Verbum Dei habitet in vobis abundanter in omni sapientia, docentes et commonentes vosmetipsos psalmis, hymnis et canticis, spiritualibus in gratia cantantes in cordibus vestris Deo. Omne quodeunque facitis in verbo aut in opere, omnia in nomine Domini nostri Jesu Christi facite, gratias agentes Deo et Patri per ipsum

(*Cel. II, 8-25; III, 1-17*). » Vos, charissimi, nolite deficere benefacientes. Quod si aliquis fuerit qui non obediit verbis apostolicis, hunc notate, et non commisceamini cum illo, ut confundatur. Et nolite quasi inimicum existimare, sed corripite ut fratrem,

A Deus autem pacis det vobis idipsum sapere in alterutrum et in omnes, et ipse sit semper vobiscum in omni loco. Amen. Data Kal. Martias, Volusiano et Rufino viris clarissimis consulibus.

## DE PRIMITIVA ECCLESIA ET SYNODO NICÆNA.

Nemo, qui Scripturas divinas legit ignorat quod, in principio nascentis Ecclesiæ, discipulis in unum congregatis, cum multitudine credentium, in quibus erat cor unum et anima una, quique vendentes prædia et possessiones suas afferebant, et dividebatur singulis, prout cuique opus erat (*Act. IV, 32 et seq.*). Futuram namque Ecclesiam in gentibus apostoli prævidebant, maximeque quia Dominus illis prædixerat; Euntes in mundum universum, prædicantes evangelium (*Marc. XVI, 15*), vel quia expellendi erant a Judæa, noverant se in gentibus dispergendos, Ecclesiamque congregandam ex rudi populo. Idcirco prædia in Judæam minime sunt adepti, sed pretia tantummodo ad fovendos egentes. At vero cum inter turbines et adversa mundi succresceret Ecclesia, eo usque pervenit ut non solum gentes, sed etiam Romani principes (qui pene totius orbis monarchiam tenebant) ad fidem Christi et baptismi sacramenta concurrerent. Et quibus vir religiosissimus, Constantinus primus, fidem veritatis patenter adeptus, licentiam dedit per universum orbem suo degentes imperio non solum fieri Christianos, sed etiam fabricandas ecclesias, et prædia tribuenda constituit. Denique idem præfatus princeps donaria immensa, et fabricam templi primæ sedis beati principis apostolorum instituit, adeo ut sedem imperialem, quam Romani principes possederant, relinqueret, et beato Petro suisque præsulibus profuturam concederet. Idem vero presidens in sancta synodo, quæ apud Nicænam congregata est, cum querelam quorundam conspiceret coram se deferendam, ait: Vos a nemine dijudicari potestis, quia solius Dei iudicio reservamini, dii etenim vocati estis. Idcirco, non potestis ab hominibus judicari. Ab illo etenim tempore et deinceps, viri religiosissimi non solum possessiones et prædia quæ possederant, sed etiam semetipsos Domino consecrarunt, ædificantes basilicas in suis fundis, in honore sanctorum, martyrum, per civitates ac monasteria innumera, in quibus cœtus Domino servitium conveniret. Denique reges, et præsidēs ac magistratus non solum hanc licentiam tribuere, sed etiam ipsi propria largiti sunt per universa regna terrarum, unde alerentur egentes qui nihil in mundo possidebant ecclesiæque Dei fabricarentur atque restaurarentur, Deoque et Ecclesiæ ejus rite famulantibus servisque illius supplementa (ut absque necessitate essent) tribuerentur, ut, hæc accipientes, possent, secundum monita

Apostoli, « orationes, postulationes, obsecrationes, gratiarum actiones facere pro omnibus, pro regibus, et qui in sublimitate sunt, ut quietam et tranquillam vitam habeant. Et hoc bonum et acceptum esse coram Deo (*I Tim. II, 1 et seq.*). » Ideo magister gentium protestatur, cui « sollicitudo omnium Ecclesiarum incumbit (*II Cor. II, 28*), » quique « episcopos regere per Spiritum sanctum constituit Ecclesiam Dei (*Act. XX, 26*). » Quibus ait: « Pascite qui in vobis est gregem Dei, providentes non coacte sed sponte secundum Deum, neque turpis lucri gratia sed voluntarie (*I Petr. V, 2*). » Cum enim dicat: « Nemo militans Deo implicat se negotiis sæcularibus (*II Tim. II, 4*). » Quæ enim sunt negotia sæcularia, sancti canones manifestant et inhihent perspicue, quod quidam qui in clero videntur electi propter lucra turpia conductores alienarum possessionum fiant, et sæcularia negotia sub cura sua accipiant, Domini quidem ministerium parvipendentes, sæcularium vero discurrentes domos, et propter avaritiam patrimoniorum, sollicitudinem sumentes, decrevit sancta synodus nullum deinceps clericum aut possessiones conducere, aut negotiis sæcularibus se miscere præter pupillorum et orphanorum, aut si forte episcopus civitatis, ecclesiasticarum rerum sollicitudinem habere præcipiat, ut liquido patet, quia alia sunt negotia sæcularia, alia ecclesiastica. Nonne Moyses in sæculo erat cum crebro « tabernaculum intraret et exiret, qui intus contemplatione raptus (*Exod. XXXIII, 8*), » foris infirmantium negotiis urgebatur, intus Dei arcana considerans, foris onera carnalium portabat? Cujus typum sacerdotes in Ecclesia agere debent, ut dum foras exeunt ad execranda negotia pro necessitatibus subditorum, intus ad se redeant per contemplationem mandatorum, sicut Paulus, « qui cœlestibus secretis inseritur (*II Cor. XII, 4*) » et tamen per condescensionis viscera carnalium cubile perscrutatur. Sic et Jacob ascendentes et descendentes angelos vidit (*Gen. XXVIII, 12*), quia videlicet rectores Ecclesiæ non solum Deo contemplando superna appetunt, sed deorsum quoque ad membra illius miserando descendunt. Et, dum sacerdotes horum facta imitantur et se custodiunt, et subditorum onera portant, et videntur tales esse, quales idem egregius prædicator dicit, ut « qui utuntur hoc mundo tanquam non utantur, et qui gaudent tanquam non gaudentes, et qui emunt tanquam non possidentes (*I Cor. VII, 30*). »



## EDICTUM DOMINI CONSTANTINI IMPERATORIS.

In nomine sanctæ et individue Trinitatis, Patris A scilicet, et Filii, et Spiritus sancti, imperator Cæsar FLAVIUS CONSTANTINUS, in Christo Jesu, uno ex eadem Trinitate sancta, Salvatore, Domino Deo nostro fidelis, mansuetus, beneficus, Alemannicus, Gothicus, Sarmaticus, Germanicus, Britannicus, unicus, pius, felix, victor, ac triumphator, semper augustus, sanctissimo ac beatissimo Patri SILVESTRO, urbis Romæ episcopo et papæ, atque omnibus ejus successoribus, qui in sede beati Petri usque in finem sæculi sessuri sunt, pontificibus nec non et omnibus reverendissimis et Deo amabilibus catholicis episcopis eidem sacrosanctæ Rom. Ecclesiæ per hanc nostram imperialem constitutionem subjectis in universo orbe terrarum, nunc et in posteris cunctis retro temporibus constitutis, gratia, pax, charitas, B gaudium, longanimitas, misericordia, a Deo Patre omnipotente et Jesu Christo Filio ejus, et Spiritu sancto cum omnibus vobis.

Ea quæ salvator et redemptor noster, Dominus noster Jesus Christus altissimi Patris Filius per suos sanctos apostolos Petrum et Paulum, interveniente Patre nostro Silvestro, summo pontifice et universali papa mirabiliter dignatus est operari, liquida narratione, per hujus nostræ imperialis institutionis paginam, ad cognitionem omnium populorum in universo orbe terrarum studuit propagare nostra mansuetissima serenitas. Primum quidem nostram fidem, quam a prælato beatissimo Patre et oratore nostro Silvestro universali pontifice docti sumus, intima cordis confessione ad instruendas omnium vestrum mentes proferentes, et ita demum Dei misericordiam super vos diffusam annuntiantes. Nosse enim vos volumus, sicut per anteriorem nostram sacram pragmaticam jussionem significavimus, nos a culturis idolorum, simulacris mutis et surdis manufactis, diabolicis compositionibus atque ab omnibus Satanæ pompis recessisse, et ad integram Christianorum fidem quæ est vera lux et vita perpetua pervenisse, credentes juxta id quod nos idem almi-  
ficus, summus Pater et doctor noster Silvester instruxit pontifex, in Deum Patrem omnipotentem, factorem cæli et terræ, visibilium omnium et invisibilium. Et in Jesum Christum Filium ejus unigenitum Dominum nostrum, per quem creata sunt omnia. Et in Spiritum sanctum Dominum, et vivificatorem universæ creaturæ, hos Patrem et Filium, et Spiritum sanctum confitemur, ita ut in Trinitate perfecta, et plenitudo sit divinitatis, et unitas potestatis, Pater Deus, Filius Deus, et Spiritus sanctus Deus, et tres unum sunt in Jesu Christo. Tres itaque formæ, sed una potestas. Nam sapiens retro semper Deus edidit ex se, per quod semper erant gignenda sæcula, Verbum. Et, quando eodem solo suæ sapientiæ Verbo universam ex nihilo formavit creaturam, cum eo erat cuncta suo arcano componens mysterio, igitur perfectis coelorum

virtutibus, et universis terræ materiis pio sapientiæ suæ nutu ad imaginem et similitudinem suam 57 primum de limo terræ fingens hominem hunc in paradiso posuit voluptatis. Quem antiquus serpens et hostis invidens diabolus per amarissimum ligni vetiti gustum, exsulem ab eisdem fecit gaudiis (Gen. 1, 11), eoque expulso non desinit sua venenosa multis modis protelare jacula, ut a via veritatis humanum abstrahens genus, idolorum culturæ, videlicet creaturæ, et non Creatori deservire suadeat, quatenus per hos eos quos suis voluerit irretire insidiis, secum æterno efficiat concremandos supplicio. Sed Deus noster, misertus plasmatis sui, dirigens sanctos suos prophetas, per quos lumen futuræ vitæ, adventum videlicet Filii sui Domini Dei et salvatoris nostri Jesu Christi, annuntians misit eundem unigenitum Filium suum et sapientiæ Verbum. Qui, descendens de cælis propter nostram salutem, natus de Spiritu sancto ex Maria virgine, Verbum caro factum est, et habitavit in nobis (Joan. 1, 14), non amisit quod fuerat, sed cœpit esse quod non erat. Deum perfectum et hominem perfectum ut Deus, mirabilia perficiens, et ut homo humanas passiones sustinens, ita Verbum hominem et Verbum Deum, prædicante Patre nostro Silvestro summo pontifice, intelligimus, ut verum Deum, verum hominem fuisse nullo modo ambigamus. Electisque duodecim apostolis, miraculis coram eis et innumerabilis populi multitudine coruscavit. Confitemur eundem Dominum Jesum Christum adimplesse legem et prophetas, passum, crucifixum secundum Scripturas, tertia die a mortuis resurrexisse, assumptum in cælos, atque sedentem ad dexteram Patris. Inde venturum judicare vivos et mortuos, cujus imperii non erit finis. Hæc est enim fides nostra, catholica, orthodoxa, a beatissimo Patre nostro Silvestro summo pontifice nobis prolata.

Exhortans ideoque omnem populum, et diversas gentium nationes hanc fidem tenere, colere et prædicare, et in sanctæ Trinitatis nomine aptissime gratiam consequi, et Dominum nostrum Jesum Christum salvatorem, qui cum Patre et Spiritu sancto per infinita sæcula vivit et regnat. Quem Silvester, beatissimus Pater noster universalis, prædicat pontifex corde devoto adorare. Ipse enim Dominus noster misertus mihi peccatori, misit sanctos suos apostolos ad visitandum nos, et lumen sui splendoris infulsit nobis, et abstractum a tenebris ad veram lucem et agnitionem me venisse gratulamini. Nam, dum valida squaloris lepra totam mei corporis invasisset carnem, et multorum medicorum convenientium cura adhiberetur, nec ullius quidem cura promeruissemus salutem, ad hoc venerunt sacerdotes Capitolii dicentes, mihi debere fieri fontem in Capitolio et compleri hunc innocentium sanguine, et in eo calente loco me posse mundari. Et secundo eorum dicta, aggregatis plurimis innocentibus

infantibus, dum vellent sacrilegi paganorum sacerdotes eos mactari, et ex eorum sanguine fontem reperi, cernens serenitas nostra lacrymas matrum eorum, illico exhorui facinus, miseratusque eas, proprios illis restitui præcepimus filios suos, datisque vehiculis et donis concessis gaudentes, ad propria relaxavimus.

Eadem igitur transacta die, per nocturna nobis facta silentia, dum somni tempus advenisset, adsunt apostoli sanctus Petrus et Paulus, dicentes mihi: « Quoniam flagitiis posuisti terminum, et effusionem sanguinis innocentis horruisti, missi sumus a Christo Domino Deo nostro dare tibi sanitatis recuperandæ consilium. Audi ergo monita nostra, et fac quodeunque indicamus tibi. Silvester, episcopus hujus civitatis, ad montem Soractæ persecutiones tuas fugiens, in cavernis petrarum cum suis clericis latebram foveat, hunc ad te cum adduxeris, ipse tibi piscinam pietatis ostendet, in qua dum te tertio merserit, omnis te valetudo ista deseret lepræ. Quod dum factum fuerit, hanc vicissitudinem tuo salvatori compensa, ut omnes jussu tuo per totum orbem restantur ecclesiæ. Te autem ipsum in hac parte purifica, ut relicta omni superstitione idolorum, Deum vivum et verum, qui solus est et verus, adores et excolas, ut ad voluntatem attingas. » Exurgens igitur a somno, protinus juxta id quod a sanctis apostolis admonitus sum, peregi, advocatoque eodem præcipuo et magnifico Patre et illuminatore nostro Silvestro, universali papa, omnia a sanctis apostolis mihi præcepta dixi verba. Percontati sumus ab eo qui isti dii essent Petrus et Paulus. Ille vero non eos deos vere dici, sed apostolos salvatoris nostri Domini Dei Jesu Christi respondit. Et rursus interrogare cœpimus eundem beatissimum papam, utrum istorum apostolorum imagines expressas haberet, ut ex pictura disceremus hos esse quos revelatio docuerat. Tunc idem venerabilis Pater imagines eorundem apostolorum per diaconum suum exhiberi præcepit, quas dum aspicerem et eorum, quos in somno videram figuratos in ipsis imaginibus cognovissem vultus, ingenti clamore coram omnibus satrapis meis confessus sum eos esse quos in somno videram.

Ad hæc beatissimus idem Silvester Pater noster, urbis Romæ episcopus indixit nobis poenitentiae tempus intra palatium nostrum Lateranense, in uno cilicio, ut omnia quæ a nobis impie peracta atque injuste disposita fuerant, vigiliis, jejuniis atque lacrymis et orationibus apud Dominum nostrum Jesum Christum salvatorem impetramus. Deinde per manus impositionem clericorum usque ad ipsum præsulem veni, ibique renuntians Satanæ, pompis et operibus ejus, vel universis idolis manufactis, credere me in Deum Patrem omnipotentem, factorem cœli et terræ, visibilium et invisibilium, et in Jesum Christum Filium ejus unicum Dominum nostrum, qui natus est de Spiritu sancto ex Maria virgine, spontanea voluntate coram omni populo professus sum.

A Benedictoque fonte, illic me trina mersione unda salutis purificavit. Postoque me in fontis gremio manum de cœlo me contingentem propriis oculis vidi. De qua mundus exurgens ab omni me lepræ squalore mundatum agnoscite, levatoque me de venerabili fonte indutus vestibus candidis septiformis gratiæ sancti Spiritus consignationem adhibuit beati chrismatis unctione, et vexillum sanctæ crucis in mea fronte linivit dicens: *Signat te Deus sigillo fidei suæ; In nomine Patris, et Filii, et Spiritus sancti, in consignatione fidei.* Cunctusque clerus respondit, *Amen.* Et adjecit præsul: *Pax tibi.* Prima itaque die post perceptum sacri baptismatis mysterium et post curationem corporis mei a lepræ squalore agnovi non esse alium Deum nisi Patrem et Filium et Spiritum sanctum, quem beatus Silvester papa prædicat, *trinitatem in unitate, unitatem in trinitate.* Nam omnes dii gentium quos usque hactenus colui, dæmonia, opera hominum manufacta comprobantur. Etenim quantam potestatem idem Salvator noster suo apostolo beato Petro contulerit in cœlo ac terra lucidissime nobis idem venerabilis Pater edixit, dum fidelem eum in sua interrogatione inveniens ait: « Tu es Petrus et super hanc petram ædificabo Ecclesiam meam et portæ inferi non prævalebunt adversus eam (*Matth. xvi, 18*). » Adverteite potentes et aure cordis intendite, quid bonus Magister et Dominus suo discipulo adjunxit, inquires: « Quodeunque ligaveris super terram, erit ligatum et in cœlis (*Ibid. 19*). » Mirum est hoc valde et gloriosum in terra ligare et solvere, et in cœlo ligatum et solutum esse. Et, dum hæc prædicante beato Silvestro agnoscerem et beneficiis ipsius beati Petri integerrime sanitati me comperi restitutum, utile judicavimus una cum omnibus nostris satrapis et universo senatu, optimatibus meis, etiam et cuncto populo Romano gloriæ imperii subjacenti, ut sicut in terris vicarius Filii Dei esse videtur constitutus, etiam et pontifices, qui ipsius principis apostolorum gerunt vices principatus, potestatem amplius quam terrenam, imperialis nostræ serenitatis mansuetudo habere videtur concessam a nobis nostroque imperio obtineant, eligentes nobis ipsum principem apostolorum vel ejus vicarios firmos apud Deum esse patronos, et sicut nostra est terrena imperialis potentia, ejus sacrosanctam Romanam ecclesiam decrevimus veneranter honorare et amplius quam nostrum imperium et terrenum thronum sedem sacratissimam beati Petri gloriose exaltari, tribuentes ei potestatem et gloriæ dignitatem atque vigorem et honorificentiam imperialem, atque decernentes sancimus, ut principatum teneat tam super quatuor præcipuas sedes Antiochenam, Alexandrinam, Constantinopolitanam, et Hierosolymitanam, quamque etiam super omnes in universo orbe terrarum Dei Ecclesias. Et pontifex, qui pro tempore ipsius sacrosanctæ Romanæ Ecclesiæ exstiterit, celsior et princeps cunctis sacerdotibus totius mundi exsistat, et ejus judicio quæque ad cultum Dei, vel fidei Christiano-



rum stabilitatem procurandam fuerint disponantur, A justum quippe est ut ibi lex sancta caput teneat principatus, ubi sanetarum legum institutor Salvator noster beatum Petrum apostolatus obtinere præcepit cathedram, ubi, et crucis patibulum sustinens, beatæ mortis sumpsit poculum, sui que Magistri et Domini imitator apparuit. Et ibi gentes pro Christi nominis confessione colla flectant ubi eorum doctor, beatus Paulus apostolus pro Christo extenso collo martyrio coronatus est, illic usque in finem quærant doctorem ubi sanctum doctoris quiescit corpus, et ibi proni ac humiliati cœlestis regis Dei salvatoris nostri Jesu Christi famulentur officio, ubi superbi terreni regis serviebant imperio. Interea nosse volumus omnem populum universarum gentium ac nationum, per totum orbem terrarum construxisse B nos, intra palatium nostrum Lateranense eidem salvatori nostro Domino Jesu Christo ecclesiam a fundamentis cum baptisterio, et duodecim nos sciatas de ejus fundamentis, secundum numerum duodecim apostolorum, cophinos terræ onustatos propriis asportasse humeris, quam sacrosantam Ecclesiam caput et verticem omnium Ecclesiarum universo orbe terrarum dici, coli, venerari ac prædicari saneimus, sicut per alia nostra imperialia decreta constituimus. Construximus itaque ecclesias beatorum Petri et Pauli, primorum apostolorum, quas auro et argento locupletavimus, ubi et sacratissima eorum corpora cum magno honore recondentes, thecas ipsorum ex electro cui nulla fortitudo prævalet elementorum construximus, et crucem ex auro purissimo, et gemmis pretiosissimis per singulas eorum thecas posuimus, et clavis aureis confiximus. Quibus pro concinnatione luminariorum, possessionum prædia contulimus, et rebus diversis eas ditavimus, et per nostram imperialem jussionem sacram, tam in oriente quam in occidente vel etiam septentrionali et meridiana plaga, videlicet in Judæa, Græcia, Asia, Thracia, Africa et Italia, vel diversis insulis nostra largitate eis concessimus, ea prorsus ratione ut per manus beatissimi Patris nostri Silvestri pontificis successorumque omnia disponantur. Gaudeat enim una nobiscum omnis populus et gentium nationes universo orbe terrarum exhortantes omnes ut Deo nostro et salvatori Jesu Christo immensas una nobiscum referatis gratias, quam ipse Deus in cœlis desuper et in terra deorsum, qui nos, per suos sanctos apostolos visitans, sanctum baptismatis sacramentum percipere, et corporis sanitate dignos effecit, pro quo concedimus ipsis sanctis apostolis, dominis meis beatissimis Petro et Paulo, et per eos etiam beato Silvestro Patri nostro summo pontifici, et universalis urbis Romæ papæ, et omnibus ejus successoribus pontificibus, qui usque in finem mundi in sede beati Petri erunt sessuri, atque de præsentem concedimus palatium imperii nostri Lateranense quod omnibus in toto orbe terrarum præfertur atque præcellit palatiis, deinde diadema, videlicet coronam capitis nostri simulque pallium, vel mitram,

A phrygium, necnon et superhumera, videlicet lorum quod imperiale circumdare assolet collum, verum etiam et chlamydem purpuream atque tunicam coccineam, et omnia imperialia indumenta, seu et dignitatem imperialium præidentium, equitum, conferentes etiam et imperialia sceptrâ, simulque et cuncta signa atque banna etiam et diversa ornamenta imperialia, et omnem processionem imperialis culminis et gloriæ potestatis nostræ.

58 Viris enim reverendissimis, clericis diversis ordinibus, eidem sacrosanctæ Rom. Ecclesiæ servientibus illud culmen singularitatem, potentiam et præcellentiam habere sancimus, cujus amplissimus noster senatus videtur gloria adornari, id est patricios atque consules effici, necnon et cæteris dignitatibus imperialibus eos promulgantibus decorari. Et sicut imperialibus militia, ita et clerum sanctæ Romanæ Ecclesiæ ornari decernimus. Et quemadmodum imperialis potentia officiis diversis cubiculariorum, nempe hostiariorum, atque omnium excubiarum ornatu, ita et sanctam Romanam Ecclesiam decorari volumus, et ut amplissime pontificale decus præfulgeat, decernimus et hoc ut clerici ejusdem sanctæ Romanæ Ecclesiæ manipulis et linteaminibus, id est candidissimo colore decorari equos et ita equitari. Et sicut noster senatus calceamentis utitur cum udonibus, id est candido linteamine illustrati, ut sicut cœlestia, ita et terrena ad laudem Dei decorentur. Præ omnibus autem licentiam tribuentes ipsi sanctissimo Patri nostro Silvestro, urbis Romæ episcopo, et papæ et omnibus, qui post eum in successum et perpetuis temporibus advenierint beatissimis pontificibus pro honore et gloria Christi Dei nostri, in eadem Dei magna catholica et apostolica Ecclesia, ex nostro judicio quem placatus proprio consilio clericare voluerit, et in numero religiosorum clericorum connumerare nullum ex omnibus præsumendum superbe agere. Decrevimus itaque et hoc, ut idem venerabilis Pater noster Silvester, summus pontifex, vel omnes ejus successores pontifices diadema, videlicet coronam quam ex capite nostro illi concessimus, ex auro purissimo et gemmis pretiosis uti debeant, et eorum capite ad laudem Dei pro honore beati Petri gestare, ipse vero beatissimus papa super coronam clericatus quam gerit ad gloriam beati Petri omnino ipsa ex auro non est passus uti corona, phrygium quoque candido nitore splendidum resurrectionem Dominicam designans, ejus sacratissimo vertici manibus nostris imposuimus, et tenentes frenum equi illius, pro reverentia beati Petri stratoris officium illi exhibuimus, statuentes eodem phrygio omnes ejus successores singulariter uti in processionibus ad imitationem imperii nostri. Unde ut pontificalis apex non vilescat, sed magis amplius quam terreni imperii dignitas et gloriæ potentia decoretur, ecce tam palatium nostrum, ut prædictum est, quamque Romanæ vobis, et omnes Italiæ seu occidentalium regionum, provincias, loca et civitates præfato beatissimo

pontifici nostro Silvestro universali papæ concedimus atque relinquimus, et successorum ipsius pontificum potestati et ditione firma imperiali censura per hanc divalem nostram sacram potestatem et pragmaticum constitutum decernimus disponendum, atque juri sanctæ Romanæ Ecclesiæ concedimus permansurum. Unde congruum prospeximus nostrum imperium, et regni potestatem orientalibus transferri et transmutari regionibus, et in Bizantiæ provinciæ, in optimo loco, nomini nostro civitatem ædificari, et nostrum illic constitui imperium, quoniam ubi principatus sacerdotum et Christianæ religionis caput, ab imperatore cœlesti constitutum est, justum non est ut illic imperator terrenus habeat potestatem; hæc vero omnia quæ per hanc nostram imperialem sacram, et per alia divalia decreta statuimus atque confirmavimus, usque in finem mundi illibata et inconcussa permanenda decernimus. Unde coram Deo vivo, qui nos regnare præcepit, et coram terribili ejus judicio obtestamur, per hoc nostrum imperiale constitutum, omnes nostros successores, imperatores, vel cunctos optimates, satrapas etiam amplissimum senatum et universum populum in toto orbe terrarum, nunc, et in posterum cunctis temporibus, imperio nostro subjacentem, nulli eorum quoquomodo licere

hæc quæ a nobis imperiali sanctione sacrosanctæ Romanæ Ecclesiæ vel ejus omnibus pontificibus concessa sunt, refragari aut confringere vel in quoquam convellere. Si quis autem (quod non credimus) in hoc temerator aut contemptor exstiterit, æternis condemnationibus subiaceat innodatus, et sanctos Dei principes apostolorum Petrum et Paulum, sibi in præsentem et futura vita sentiat contrarios, atque in inferno inferiori concrematus cum diabolo et omnibus deficiat impiis. Hujus vero imperialis decreti nostri paginam propriis manibus roborantes, super venerandum corpus beati Petri principis apostolorum posuimus, ibique eidem cum apostolo spondentes nos cuncta inviolabiliter conservare, et nostris successoribus imperatoribus conservanda in mandatis relinqui, Patri nostro Silvestro summo pontifici et universali papæ, ejusque cunctis successoribus pontificibus Domino Deo et salvatore nostro Jesu Christo annuente tradimus perenniter atque feliciter possidenda. Et subscriptio imperialis, divinitas vos conservet per multos annos, sanctissimi ac beatissimi Patres. Datum Romæ, sub tertio die Kalen. Aprilium, domino nostro Flavio Constantino Augusto quarto et Galliano IV, viris clarissimis consulibus.

#### QUO TEMPORE ACTUM SIT NICÆNUM CONCILIUM.

Canones generalium conciliorum a temporibus Constantini cœperunt. In præcedentibus namque annis persecutione fervente, docendarum plebium, nisi quæ a Romana processerunt sede, minime dabatur facultas. Inde Christianitas in diversas hæreses scissa est, quia non erat licentia episcopis in

unum convenire nisi tempore supradicti imperatoris, ipse enim dedit facultatem Christianis libere congregari. Sub hoc etiam sancti Patres, in concilio Nicæno de omni orbe terrarum convenientes juxta fidem evangelicam et apostolicam, secundum post apostolos symbolum tradiderunt.

#### PRÆFATIO NICÆNI CONCILII.

Beatissimo Silvano in urbe Roma apostolicæ sedis antistite, Constantino Augusto et Licinio Cæsare, consulatu Paulini et Juliani virorum clarissimorum, ab Alexandro trecentesimo tricesimo sexto anno, mense Julio, xiii Kalen. Julii, propter insurgentes hæreses fides catholica exposita est apud Nicæam Bythinæ, quam sanctam et reverendissimam Romanam complectitur et veneratur Ecclesia, quippe quam trecenti decem et octo Patres mediantibus Victore atque Vincentio religiosissimis Romanæ sedis presbyteris, inspirante Deo, ad obstruenda Arii venena protulerunt. Nam et nonnullæ regulæ subnexæ sunt, quas memorata suspiciens confirmavit Ecclesia. Sciendum est sane ab omnibus catholicis, quoniam sancta Ecclesia Romana nullis synodicis decretis prælata est, sed evangelica voce Domini, et Salvatoris nostri primatum obtinuit, ubi dixit beato Petro apostolo: « Tu es Petrus et super hanc petram ædificabo Ecclesiam meam, et portæ inferi non prævalebunt adversus eam. Et tibi dabo claves regni cœlorum, et quæcunque ligaveris super terram erunt ligata et in

cœlo, et quæcunque solveris super terram erunt soluta et in cœlo (*Matth. xvi, 18, 19*). » Adhibita est etiam societas in eadem Romana urbe beatissimi apostoli Pauli, vasis electionis, qui uno die, unoque tempore gloriosa morte cum Petro, sub principe Nerone, agonizans coronatus est, et ambo pariter Ecclesiam sanctam Romanam Christo Domino consecraverunt, aliisque urbibus omnibus in universo mundo sua potentia, atque venerando triumpho prætulerunt. Et licet pro omnibus assidua apud Dominum omnium sanctorum fundatur oratio, his tamen verbis Paulus beatissimus apostolus Romanis proprio chirographo pollicetur, dicens: « Testis enim mihi est Deus, cui servio in spiritu meo in Evangelio Filii ejus quod sine intermissione memoriam vestri facio in orationibus meis (*Rom. i, 9, 10*). » Prima ergo sedes cœlesti beneficio Romanæ Ecclesiæ, quam beatissimi Petrus atque Paulus suo martyrio dedicaverunt. Secunda autem sedes apud Alexandriam beati Petri nomine a Marco ejus discipulo atque evangelistâ consecrata est, quia et ipse in Ægypto



primus verbum veritatis directus a Petro prædicavit, et gloriosum suscepit martyrium. Cui venerabilis successit Abilius. Tertia vero sedes apud Antiochiam ejusdem beati Petri apostoli habetur honorabilis, quia illic, priusquam Romam veniret, habitavit, et Ignatium episcopum constituit, et illic primum nomen Christianorum novellæ gentis exortum est. Nam et Hierosolymitanus episcopus, pro tanti loci reverentia, ab omnibus habetur honorabilis. Maxime quod illic primus beatissimus Jacobus, qui dicebatur justus, qui etiam secundum carnem frater Domini nuncupatus est, a Petro, Jacobo et Joanne apostolis est episcopus ordinatus, itaque, secundum antiquorum Patrum definitionem, sedes prima in Hierosolymis esse minime dicitur, ne forte ab infidelibus aut idiotis sedes Domini nostri Jesu Christi, quæ in cælo est, in terra esse putaretur. Etenim sedes ejus cælum, terra autem scabellum pedum ejus, quoniam ipse est, per quem omnia facta sunt, et sine quo factum est nihil (*Joan. 1, 3*), « quoniam ex ipso, et per ipsum, et in ipso sunt omnia, ipsi gloria in sæcula sæculorum. Amen (*Rom. 11, 36*). »

Apud Ephesum vero beatissimus Joannes, apostolus et evangelista, multo tempore post Domini resurrectionem et ascensionem in cælos, divina inspiratione Evangelium conscripsit atque requievit. Et ob hoc episcopus Ephesinus, pro tanti apostoli et evangelistæ memoria, cæteris episcopis metropolitanis in synodis honorabiliorem obtinet sedem.

Sed quoniam de concilio Nicæno disserendum est, quæ hæc fecit causa, ut post illam apostolorum gloriosam prædicationem, quæ in omnem terram mirabiliter diffusa est, sub Constantino Augusto tanti congregarentur episcopi? Rufini nobis decimus liber, qui conjunctus est novem libris ecclesiasticæ Historiæ quos vir eruditissimus Eusebius Cæsariensis edidit, necessario præfertur ad medium, ut parva quæ ejus inter initia de Arii perversitate conscripta sunt, memorentur, quia dubium non est, ideo trecentos decem et octo sanctissimos Patres, ex universo orientali orbe in Nicæa Bythinæ congregatos, ut Arii impium dogma Christi auxilio funditus damnetur. Et salubri providentia constitueretur quod in sancta catholica Ecclesia debeat observari. Item ad locum ex libro decimo Rufini: Igitur cum apud Alexandriam post Achillem, qui Petri martyrio successit, suscepisset Alexander sacerdotium, quia pax nostris et quies a persecutionibus erat, atque Ecclesiarum gloria confessorum meritis gaudebat, prosperitas rerumstrarum domestica contentione turbabatur. Etenim presbyter quidam apud Alexandriam, nomine Arius, vir ipse et forma magis quam virtute religiosus, sed gloriæ laudisque et novitatis improbe percupidus, prava quædam de Christi fide proferre, et quæ arte inquisitionis invenerat cœpit. Abscindere enim, ac separare ab illa æterna et ineffabili Dei Patris substantia vel natura Filium conabatur. Quæ res in Ecclesia plurimos conturbabat, et a dulci mentis tranquillitate dimovebat. Sed cum Alexan-

der, episcopus, natura lenis et quietus, assidue commotionibus Arium cuperet a pravo incepto et assertionibus impiis revocare, nec tamen res ex sententia procederet, et quod plerosque quodam contagio pestiferæ assertionis infecerat, non solum apud Alexandriam, verum et per alias provincias disperserat urbes, perniciosum fore credens, si dissimularet a talibus, plurimis consacerdotibus suis rem indicat. Quæstio laicis innotescit. Sermo usque ad aures religiosi principis (quippe qui omni studio et diligentia curaret quæ nostra sunt) pervenit. Tum ille ex sententia sacerdotum apud urbem Nicæam **59** episcopale concilium convocat, trecentis ibique Arium decem et octo episcopis residentibus adesse jubet, ac de ejus propositionibus et quæstionibus judicare. Sed in eo concilio admirabile factum principis non puto reticendum. Etenim cum ex omnibus pene locis episcopi convenissent, et, ut fieri solet, diversis ex causis inter se quædam jurgia detulissent, interpellabatur frequenter a singulis, offerebantur libelli, culpæ proferebantur, et magis ad hæc quam ad id pro quo fuerat ventum animos dabant. At ille, videns quod per hujusmodi jurgia causa summi negotii frustraretur, diem certum statuit quo unusquisque episcoporum, si quid querimoniæ habere videretur, deferret. Cum resedisset, suscepit a singulis libellos. Quos simul omnes in sinu suo continens nec in eis quod contineretur aperiens, ait ad episcopos: « Deus vos constituit sacerdotes, et potestatem vobis dedit de nobis quoque judicandi. Et ideo nos a vobis recte judicamur, vos autem non potestis ab hominibus judicari. Propter quod Dei solius inter vos exspectate judicium, ut et vestra jurgia quæcunque sunt ad illud divinum reserventur examen, vos etenim nobis a Deo dati estis dii. Conveniens non est ut homo iudicet deos, sed ille solus de quo scriptum est: « Deus stetit in synagoga deorum, in medio autem deos discernit (*Psal. LXXXI, 1*). » Et ideo, his omissis, alia quæ ad fidem Dei pertinent absque ulla animorum contentione discutite. Cum hæc dixisset omnes querimoniarum libellos jussit exuri, ne innotesceret illi odium et suggillatio sacerdotum. Verum cum per dies multos in episcoporum concilio de fide quæstio verteretur, et nonnulli diversa sentirent ac vehementer ceptis Arii faverent, **D** plures tamen erant qui impium execrarentur inceptum. Cumque in eodem concilio esset confessorum magnus numerus sacerdotum, omnes Arii novitatibus adversabantur. Favebant vero ei viri in quæstionibus callidi, et ob id simplicitati fidei adversabantur. Quantam vero habeat virtutem fidei simplicitas, etiam ex his quæ ibi gesta sunt, cognoscimus. Etenim cum pro studio religiosi imperatoris ex omni terra sacerdotes Dei convenissent, opinione commoti philosophi quoque et dialectici valde nobiles et opinatissimi convenerunt. In quibus quidam insignis in arte dialectica per dies singulos conflictum summi certaminis cum episcopis nostris viris æque in dialectica non improbabili eruditus mo-

vebat. Et fiebat ingens spectaculum convenientibus ad audiendum doctis et litteratis viris. Nec tamen ullo genere philosophus concludi a quodam poterat aut constringi. Tanta enim dicendi arte objectis quæstionibus occurrebat, ut ubi maxime putaretur astrictus velut anguis lubricus elaberetur. Sed ut ostenderet Deus, quia « non in sermone regnum Dei, sed in virtute consistit (I Cor. iv, 20), » quidam ex confessoribus, simplicissimæ naturæ vir, et nihil aliud sciens « nisi Christum Jesum, et hunc crucifixum (I Cor. ii, 2), » inter cæteros auditores episcopos aderat. Qui cum vidisset philosophum insultantem nostris, et callida se disputationis arte jactantem, poscit ab omnibus locum velle se paucis cum philosopho sermocinari. Tum vero nostri qui simplicitatem viri et imperitiam in sermone duntaxat nossent, pavere et velut pudorem quemdam pati ne forte apud callidos homines risui efficeretur sancta simplicitas. Perstitit tamen senior, et hinc movit sermonis exordium. « In nomine, inquit, Jesu Christi, philosophe, audi quæ vera sunt. Deus unus est qui fecit cælum et terram, quique homini quem de limo terræ formaverat spiritum dedit, universa quæ videntur sibi virtute Verbi sui creavit, et Spiritus sui sanctificatione firmavit, hoc verbum ac sapientia quam nos Filium dicimus humanos miseratus errores ex Virgine nascitur, et per passionem mortis a perpetua nos morte liberavit, ac resurrectione sua æternam nobis contulit vitam, quem expectamus judicem omnium quæ egerimus esse venturum. Credis hæc ita esse, philosophe? » At ille ac si nunquam ullum sermonem contradicendi didicisset, ita obstu-

A pefactus virtute dictorum mutus ad omnia hoc solum potuit respondere : Ita sibi videri, nec aliud verum esse quam dixerat. Tunc senior hæc inquit : Si ita esse credidisti, surge, et sequere me ad Dominicum, et hujus fidei signaculum suscipe. Et ita philosophus Christianus effectus tandem se gratulatus est victum. In illo etiam concilio fuit Paphnutius homo Dei episcopus Ægypti, in quo tanta virtute inerat gratia, ut signa per eum non minus quam dudum per apostolos fierent. Quo etiam in tempore et Spyridion Cyprius episcopus insignis habebatur. Tales igitur in illis adhuc temporibus multi viri in Ecclesiis Domini refulgebant, ex quibus plurimi in illo concilio fuerunt. Interea per dies singulos agitabatur conventus, nec facile aut temere tanta statuere audebant, et vocabatur Arius frequenter in concilium, et assiduo tractatu assertiones ejus discutiebantur, et quod adversum hæc tenere deberent ac statui summa cum deliberatione quærebant. Verum post diutinum multumque tractatum placuit omnibus ac velut uno cunctorum ore et corde decernitur *Omou-sion* conscribi debere, id est ejusdem cum Patre substantiæ Filium confiteri. Atque firmissima omnium sententia pronuntiatur. Decem et septem soli tunc fuisse dicuntur quibus Arii magis fides placeret extrinsecus creatum Dei Filium ex nullis substantibus, et non ex ipsa Patris deitate progenitum confirman-tes. Defertur ad Constantinum sacerdotalis concilii sententia. Ille tanquam a Deo prolatam veneratur. Cui si quis tentasset obniti velut contra divina statuta venientem, in exsilium se protestatur acturum.

C *Explicit præfatio.*

#### INCIPIUNT CAPITULA NICÆNI CONCILII.

1. De Eunuchis qui seipsos abscindunt.
2. De his qui post baptismum statim ad clerum applicantur.
3. De subintroductis mulieribus.
4. Qualiter episcopi debeant ordinari.
5. De excommunicatis clericis vel laicis.
6. De primatibus episcoporum metropolitano- rum.
7. De honore episcopi Hierosolymitani.
8. De Novatianis.
9. De presbyteris sine examinatione constitutis.
10. De lapsis clericis ordinatis.
11. De his qui sponte lapsi sunt qualiter debeant pœnitere.
12. De excommunicatis a sæculo exeuntibus.

13. De cathecuminis lapsis.
14. De diaconibus, ne corpus Christi tradant presbyteris, vel ante presbyteros communicent.
15. De clericis temere ab Ecclesia recedentibus.
16. De presbyteris, et diaconibus vel clericis qui ad alias civitates transeunt.
17. De clericis alienis sine conniventia proprii episcopi ab alio in sua ecclesia non ordinandis.
18. De clericis usuram vel ampliationem accipientibus.
19. De Paulianistis et Cataphrigris rebaptizandis.
20. De diebus Dominicis et Pentecostes, ut in eis stantes oremus.

D

#### INCIPIUNT CANONES NICÆNI CONCILII.

*Quod actum est sub Constantino imperatore Paulino et Juliano consulibus fratribus, an. 363, III Kal. Jul.*

Cum convenisset hoc sanctum et magnum concilium apud Nicæam civitatem provincie Bithyniæ, statuta sunt ab eis hæc quæ infra scripta sunt, ex Græco in Latinum versa sermonem.

I. Si quis in ægitudine vel a medicis sectus est, vel a barbaris castratus, placuit ut iste permaneat in clero. Si quis autem sanus seipsum abscindat, etiamsi est in clero, cessare debet et ex hoc nullum



talem oportet ordinari. Sicut autem de his qui vel affectaverint hæc vel ausi sunt seipsos abscindere, hæc, quæ dicimus, statuta sunt. Ita si qui a barbaris vel a dominis suis secti, et probabilis vitæ sint, tales suscipit ecclesiastica regula in clerum.

II. Quoniam multa sive per necessitatem, sive ex quacunque causa contra regulam gesta sunt, ita ut homines ex vita gentili nuper adhuc catechizati, vel instituti statim ad spirituales baptismum venissent, et continuo cum baptizati sunt, etiam ad episcopatum, vel ad presbyterium proveci sunt. Recte igitur visum est de cætero nihil tale debere fieri. Nam et tempore opus est ut sit catechumenus, et post baptismum multa probatione indiget. Evidens namque est apostolicum præceptum dicens: « Non neophytum ne forte elatus in iudicium incurrat et laqueum diaboli (*I Tim. iii, 6*). » Si vero procedente tempore aliquod peccatum admiserit, et convictus duobus vel tribus testibus fuerit, cesset a clero qui huiusmodi est. Si quis vero præter hæc facit, tanquam contraria statutis sancti concilii gerens, ipse periclitabitur de statu sui cleri.

III. Omnibus modis interdixit sancta synodus neque episcopo, neque presbytero, neque diacono, neque ulli clericorum omnino licere habere secum mulierem extraneam, nisi forte mater, aut soror, aut avia, aut amita, vel matertera sit. In his namque solis personis, et harum similibus omnis quæ ex mulieribus est suspicio declinatur, qui autem præter hæc agit periclitatur de clero.

IV. Episcopum oportet ab omnibus episcopis, si fieri potest, qui sunt in provincia ejus ordinari. Si vero hoc difficile fuerit, vel aliqua urgente necessitate, vel itineris longitudine, certe tres episcopi debent in unum esse congregati, ita ut etiam cæterorum qui absentes sunt consensum litteris teneant, et ita faciant ordinationem. Potestas sane vel confirmatio pertinebit per singulas provincias ad metropolitanum episcopum.

V. Servetur ista sententia, ut hi qui ab aliis excommunicantur ab aliis ad communionem non recipiantur. Requiritur sane si forte aliqua indignatione, aut contentione, aut qualibet commotione episcopi sui excommunicati sint. Ut ergo digna hæc possint examinatione perquiri recte visum est, per singulos annos, in singulis provinciis bis in anno episcoporum concilium fieri, ut simul in unum convenientes ex communi provincia huiusmodi examinent quæstiones, ut ita demum hi qui ob culpas suas episcoporum suorum offensas merito contraxerunt digne etiam a cæteris excommunicati similiter habeantur, quousque in communi vel ipsi episcopo suo visum fuerit humaniorem circa eos ferre sententiam. Habeatur autem semel concilium ante dies Quadragesimæ, ut omnibus, si quæ sunt, simultatibus amputatis, mundum solemne Deo munus possit offerri. Secundum vero agatur circa tempus autumnii.

VI. Mos antiquus perduret in Ægypto, vel Libya,

PATROL. CXXX.

et Pentapoli, ut Alexandrinus episcopus horum omnium habeat potestatem, quoniam quidem et Romano episcopo parilis mos est. Similiter autem et apud Antiochiam **60** cæterasque provincias honor suus unicuique servetur Ecclesiæ. Per omnia autem manifestum est quod si quis præter voluntatem et conscientiam metropolitani episcopi fuerit ordinatus, hunc concilium magnum et sanctum censuit non debere esse episcopum. Sane si communi omnium consensu rationabiliter probato, secundum ecclesiasticam regulam duo vel tres animositate ducti, per contentionem contradicant, obtineat plurimorum sententiam sacerdotum.

VII. Quoniam mos antiquus obtinuit, et vetusta traditio ut Eliæ, id est Hierosolymorum episcopo honor deferatur, habeat consequenter honorem, manente tamen metropolitana civitatis propria dignitate.

VIII. Si qui voluerint venire ad Ecclesiam catholicam ex Novatianis, placuit sancto concilio ut ordinentur et sic maneant in clero. Ante omnia autem hanc habeant confessionem, quam per Scripturam exigi oportet, ut fateantur se communi consensu catholicæ Ecclesiæ statuta observaturos, id est communicaturos se, et his qui forte secundas nuptias experti sunt, vel his qui persecutionis tempore lapsi sunt, quibus tamen lapsis poenitentiae modus et tempus ascriptum est, ut in omnibus sequantur ea quæ in Ecclesia catholica observantur. Et sicubi iidem ipsi fuerint inventi, sive in vicis seu in urbibus clerici ordinati a catholicis, sic etiam in clero persistent, unusquisque tamen in suo ordine. Si vero episcopus vel presbyter catholicæ Ecclesiæ fuerit ad quem aliqui ex his accedunt, certum est quod episcopus quidem catholicus suam habeat dignitatem. Similiter autem presbyteri et diaconi habeant. Hi vero qui ab istis veniunt, si forte episcopus fuerit, habeat sacerdotii dignitatem, nisi forte placeat episcopo catholico concedere ei etiam episcopalis nominis honorem. Si vero non placuerit inveniat ei locum, ut sit in parochia coepiscopus, aut in clero presbyter, et in civitate una non videantur duo episcopi esse, et ille omnimode in clero permanere videatur.

IX. Si qui sine examinatione promoti presbyteri sunt, et postea examinati, confessi sunt peccata sua, et cum confessi fuissent, contra regulam venientes homines manus eis temere imposuerunt, hos ecclesiasticus ordo non recipit. In omnibus enim quod irreprehensibile est defendit Ecclesia.

X. Quicumque ex lapsis per ignorantiam sunt ordinati, vel contemptum eorum qui eos ordinaverunt, hoc non præjudicat regulæ ecclesiasticæ, cum enim compertum fuerit deponantur.

XI. Placuit sanctæ synodo, licet indigni sint misericordiæ, tamen aliquid circa eos humanitatis ostendi. Si quos ergo ex animo poenitet tribus annis inter poenitentes habeantur. Si tamen fideles sunt, septem annis aliis inter poenitentes sint, duobus

autem annis idem sine oblatione in oratione sola participant populo. Si qui vero, per Dei gratiam vocati primo quidem ostenderunt fidem suam, deposito militiæ cingulo, post hæc autem ad proprium vomitum reversi sunt, ut et pecunias darent et ambirent redire rursus ad militiam, isti decem annis sint inter poenitentes, post primum triennium quo fuerint, inter audientes, ab omnibus vero illud præcipue observetur, ut animus eorum et fructus poenitentiae observetur. Quicumque enim cum omni timore et lacrimis perseverantibus et operibus bonis conversationem suam non verbis solis, sed opere et veritate demonstrant, cum tempus statutum etiam ab his fuerit impletum, et orationibus jam cœperunt communicare, licebit etiam episcopo humanius circa eos aliquid cogitare. Qui vero indifferenter habuerint lapsum, et sufficere sibi quod Ecclesiam introierunt arbitrantur, isti omnimodo tempora statuta complebunt.

II. De his vero qui recedunt ex corpore, antiquæ legis regula observabitur etiam nunc, ita ut si forte quis recedit ex corpore, necessario vitæ suæ viatico non defraudatur, quod si desperatus aliquis recepta communione supervixerit, sit inter eos qui sola oratione communicant. De omnibus tamen his qui a corpore recedunt, in tradendo eis communionem et cura et probatio sit episcopi.

XIII. Placuit hoc sancto et magno concilio de catechumenis qui lapsi sunt, ut tribus annis inter audientes verbum sint tantummodo, post hæc vero orent cum catechumenis.

XIV. Pervenit ad sanctum concilium quod, in locis quibusdam et civitatibus, presbyteris sacramenta diaconi porrigant, hoc neque regula, neque consuetudo tradidit ut hi qui offerendi sacrificii non habent potestatem, his qui offerunt corpus Christi porrigant, sed et illud innotuit quod quidem diacones etiam ante episcopos sacramenta sumunt.

Hæc omnia amputentur et accipiant secundum ordinem post presbyteros ab episcopo vel a presbytero sacram communionem. Quod si non fuerit in præsentem vel episcopus vel presbyter, tunc ipsi proferant et edant. Sed nec sedere quidem licet in medio presbyterorum diacones. Si quis autem non vult his sufficiens esse, post hanc definitionem cesset esse diaconus.

XV. Propter multas perturbationes et frequentes tumultus seditionum, quæ fieri solent, placuit omnimodo istam abscindi consuetudinem quæ contra regulam est, sicubi tamen sit, id est ne de civitate ad civitatem transeat vel episcopus, vel presbyter, vel diaconus. Si quis vero post hæc statuta sancti huius concilii tale aliquid agere tentaverit, infringetur omni genere huiusmodi conatus et restituatur propriæ Ecclesiæ in qua ordinatus est.

XVI. Si qui vero timorem Dei ante oculos non habentes, neque ecclesiastica statuta custodientes, recesserit ab Ecclesia sua sive presbyter sive diaconus, vel in quocunque ecclesiastico ordine positi

A fuerint, non debent suscipi in Ecclesia, sed cum omni necessitate cogantur, ut redeant ad Ecclesiam suam, quod si permanserint, excommunicare eos oportet.

XVII. Si quis ausus fuerit aliquem, qui ad alterum pertinet, ordinare in sua Ecclesia, cum non habeat consensum episcopi ipsius a quo recessit clericus, irrita erit huiusmodi ordinatio.

XVIII. Quoniam multi clerici, avaritiæ causa turpia lucra sectantes, obliiti sunt divini præcepti, quod dictum est, qui pecuniam suam non dedit ad usuram, fenerantes centesimas exigant, statuit hoc sanctum concilium, si quis inventus fuerit post hanc definitionem usuras accipere, vel ex quolibet tali negotio turpia lucra sectari, vel etiam species frumentorum ad sextuplum dare, omnis qui tale aliquid conatus fuerit ad quæstum dejiciatur a clero, et alienus ab ecclesiastico habeatur gradu.

XIX. Si quis confugit ad Ecclesiam catholicam de Paulianistis et Cataphrigris statutum est rebaptizari eos debere. Si qui vero clerici erant apud eos, si quidem inculpati fuerint et irreprehensibiles, rebaptizati rursus etiam ordinentur ab episcopo Ecclesiæ catholice. Si vero examinati minus fuerint apti deprehensi, deponi eos oportet. Similiter autem et circa diacones et de omnibus qui in eodem clero inveniuntur, eadem forma servabitur. Commemoravimus autem diaconissas quæ in hoc ordine inventæ sunt, quæ nec manus impositionem aliquam habeant, ut omnimodo inter laicas habeantur. Similiter autem diaconissæ quæ in catholico canone non habentur simili loco, id est laicæ et tanquam non consecratæ deputentur.

XX. Quoniam sunt in die Dominica quidam ad orationem genua flectentes, et in diebus Pentecostes, propterea est itaque statutum a sancta synodo quoniam consona et conveniens per omnes ecclesias custodienda consuetudo est ut stantes ad orationem Domino vota reddamus.

*Symbolum ejusdem Nicæni concilii.*

Credimus in unum Deum Patrem omnipotentem, visibilibus et invisibilibus conditorem. Et in unum Dominum Jesum Christum, Filium Dei, natum de Patre unigenitum, hoc est, de substantia Patris, Deum de Deo, lumen de lumine, Deum verum de Deo vero, natum, non factum, consubstantialem Patri, id est, unius substantiæ cum Patre (quod Græci *omousion* dicunt) per quem omnia facta sunt quæ in cælo et in terra. Qui propter nos homines, et propter nostram salutem descendit de cælis, et incarnatus est, atque homo factus, passus, mortuus est, et resurrexit tertia die, ascendit ad cælos, venturus judicare vivos et mortuos. Et in Spiritum sanctum. Eos autem qui dicunt erat, quando non erat et antequam nasceretur non erat, et quod ex nullis existentibus factus est, aut ex aliqua substantia vel natura, eum dicentes esse mutabilem, et convertibilem Filium Dei, perhibendo hos anathematizat, et condemnat catholica et apostolica Ecclesia. Hæc est



fides quam exposuerunt Patres primum quidem adversus Arium blasphemum, dicentem creaturam esse Filium Dei, et adversus omnem hæresim, Sabellii, Photini, Pauli Samosatani, Manichæi, Valentini, Marcionis, et adversus omnem omnino hæresim, si quæ insurrexerit contra catholicam et apostolicam Ecclesiam quam omnes condemnaverunt Nicæa congregati episcopi trecenti decem et octo.

*Fides Gregorii majoris.*

Unus Deus, principium, et Pater Verbi viventis, sapientiæ existentis, et virtutis, et imaginis propriæ, perfectus perfecti genitor, et unus Dominus ex uno, Pater filii unigeniti, et unus Dominus ex uno, Deus de Deo, figura substantiæ Patris, imago Dei, Deus Verbum mundi, et totius substantiæ opifex, sapien-

tia, continens omnia quæ existent, Filius verus de Patre vero, invisibilis de invisibili, incorruptibilis de incorruptibili, immortalis de immortali, et sempiternus de sempiterno, et unus Spiritus sanctus, perfectus, perfecta vita, viventium sanctitas, et fons sanctitatis, et ædificationis ministrator, per quem Deus in omnes credentes et super omnes, et Filius qui per omnes. Trinitas, perfecta gloria, et regnum sempiternum, individuum, et inalienabile. Neque igitur creatum aliquid, et servum seu famulum in Trinitate, neque adventitium, vel subintroducendum tanquam quod ante non existerit, et novissimum subintraverit, neque enim desinit aliquando Filius Patri, aut Filio, Spiritus sanctus, sed immutabilis et inconvertibilis hæc eadem Trinitas semper.

### INCIPIUNT CAPITULA CONCILII ANCYRANI.

1. De presbyteris lapsis in persecutione.
2. De diaconibus qui immolaverunt.
3. De clericis sive laicis quorum manus alii cum injuria super idolorum sacrificia posuerunt.
4. De his qui in templis idolorum cœnaverunt, de quibus supra.
5. De his qui timore ritus gentilium peregrunt.
6. De his qui in locis idolorum manducaverunt.
7. De his qui frequenter idolis immolaverunt.
8. De his qui coacti uti idolis immolaverunt.
9. De his qui aliis sacrificandi causam attulerunt.
10. De diaconibus.
11. De desponsatis puellis et ab aliis corruptis.

- B 12. De his qui ante baptismum sacrificaverunt idolis.
13. De coepiscopis.
14. De presbyteris a carne se abstinentibus.
15. Non debere presbyteros ecclesiastica jura vendere.
16. De his qui irrationabiliter vixerunt.
17. De his qui sicut muta animalia vixerunt.
18. De episcopis qui ordinati non suscipiuntur.
19. De his qui virginitatem profitentur.
20. De adulteris.
21. De mulieribus quæ fornicatæ partus suos necant.
22. De his qui volentes homicidium fecerunt.
23. De his qui more gentilium vivunt.
24. De eo qui sororem sponsæ suæ vitavit.

### 61 INCIPIT CONCILIUM ANCYRANUM.

(Anno Domini 600.)

Isti quidem canones, seu regulæ, priores sunt Nicænis, sed ideo Nicæni canones priores scribuntur, propter auctoritatem magni et sancti concilii apud Nicæam habiti.

Convenerunt autem in synodum memoratam, Ancyram civitatem, hi, qui infra scripti sunt, Marcellus Ancyranus, Agricolaus Cæsariensis, Lupus Tharsensis, Vitalio Antiochensis, Basilius Amasenus, Philadelphus Juliopolitanus, Testulus Nicomedensis, Heraclius Zolonensis, Petrus Iconiensis, Munecius Laodiensis, Pergianus Antiochæus Phisidiæ, Narcissus Nerodiensis.

CAP. I. Presbyteros, qui immolaverunt et postea iterum certamen inierunt, si hoc ipsum ex fide, et non aliquo argumento sibimet præparantes egerunt, ut iterum teneri viderentur, aut tormentis subijci putentur tanquam invitati, si ex fide ergo luctati sunt et non ex compacto, ad ostentationem, ut offerrent ipsi fecerunt, hos placuit honorem quidem sedis pro-

priæ retinere, offerre autem illis et sermonem ad populum facere, aut aliquibus sacerdotalibus officiis fungi non liceat.

II. Diacones similiter, qui immolaverunt, postea autem iterum reluctati sunt, illos quidem honore carere oportet cessare vero debere ab omni sacro ministerio, ita ut nec panem nec calicem offerant, nec pronuntient, nisi forte aliqui episcoporum conscii sint laboris eorum et humilitatis, et mansuetudinis, et voluerint eis aliquid amplius tribuere vel adinere, penes ipsos ergo de his erit potestas.

III. Qui fugientes timore persecutionis, comprehensi sunt, vel a familiaribus seu a domesticis traditi, et vel bona propria amiserunt, vel sustinuerunt tormenta, vel etiam carceribus inclusi sunt. Et tamen proclamaverunt se esse Christianos, quin etiam, perseverante violentia, ad id usque perducti sunt ut manus eorum apprehensas, et violentè attractas super sacrificia imponerent, illis scilicet perseveran-

tibus in fide, et Christianos se esse vociferantibus, A hoc ergo quod eis invitis et aliis cogentibus contingit, si luctu et mœrore animi acerbè se ferre demonstrant, ipsique humili per bonam conversationem habitu incedentes dolere se quod inviti coacti sunt doceant, hos tanquam inculpato a communione non vetari. Si autem jam prohibiti sunt ab aliquibus a communione majoris diligentiae inquisitionis causa, aut per aliquorum ignorantiam statim recipi oportere, hoc autem observari oportet, et de clericis et de laicis omnibus. Laicos sane qui in similem necessitatis causam inciderunt, tanquam si nihil peccaverint, maxime si eos probabilis vita commendet, ad ordinationem recipi placuit.

IV. De his, qui sacrificare coacti sunt, insuper in templis idolorum cœnaverunt, si qui eorum cum habitu cultiore ad templa producti sunt, atque ibi pretiosiori veste adhuc mutata cœnæ participes facti sunt, idolorum indifferenter sumentes omnia qui fuerant apposita, placuit inter audientes uno anno constitui, tribus autem aliis annis agere pœnitentiam, sed ex ipso triennio per biennium tantummodo orationi communicare, tertio autem anno reconciliare sacramentis.

V. Quotquot autem ascenderunt templa cum veste lugubri, et recumbentes inter alios manducaverint flentes, si compleverint pœnitentiam triennii temporis, sine oblatione suscipiuntur ad communionem, id est ut ipsi oblationem non offerant. Si autem producti ad templa non manducaverint, biennio maneant in pœnitentia. Tertio vero communicent, sed sine oblatione, ut dictum est, in quarto jam anno perfectionem suam recipiant. Episcopum autem hanc habere licentiam oportet, ut pro his peccata singulorum consideret, et prout viderit conversationem, normam, regulamque conversationis attribuat, id est, ut humanius agens secundum vitæ modum tempus alicui brevare, aut etiam prolixius quod correctionis necessarium viderit, addere. Discutiatur autem omnium horum, et præcedens vita, et posterior, et ita circa eos sacerdotalis humanitas moderetur.

VI. De his qui minis tantum cesserint, aut bonorum oblatione, aut transportationis pœna deterrii sacrificaverunt, et nunc usque non pœnituerunt neque conversi sunt, modo autem, id est, tempore hujus synodi, se obtulerunt conversionis suæ consilium capientes, placuit eos usque ad magnum diem inter audientes suscipi, pœnitentiam autem agere triennio, et post duos alios annos sine oblatione communicare, et ita demum sex annis completis ad perfectum pervenire. Quod si aliqui ante hoc concilium suscepti sunt ad pœnitentiam, ex illo tempore imputabitur eis initium sexennii constituti. Quod si alicui horum quodlibet mortis periculum aut ex ægritudine aut ex aliqua causa acciderit, his communionem propter vaticium suum non negari.

VII. De his qui festis diebus paganorum in remotis eorum locis conviviis interfuerunt, et suas nihilo-

minus epulas ibidem portaverunt et comederunt, placuit ut post biennii pœnitentiam suscipiantur ita tamen utrum aut cum oblatione recipiendi sint, an ad solam communionem admitti debeant unusquisque episcoporum examinet vitam eorum, et præterita ac præsentia habita consideratione perpendat.

VIII. Hi autem qui secundo vel tertio sacrificaverunt vi coacti, quatuor annis sese ad pœnitentiam submittant, duobus autem aliis sine oblatione communicent, septimo anno perfectionem recepturi communionis.

IX. Quotquot autem non solum a fide Dominica deviarunt, sed etiam insurrexerunt in alios, et fratribus persuaserunt, et rei facti sunt persuasionis, hi per triennium quidem inter catechumenos habeantur, per aliud autem sexennium pœnitentiæ recipiant locum, alio vero anno, id est decimo, communionem sine oblatione recipiant ut completo decennio perfectione fruuntur. Ideo autem ipso tempore, etiam vita eorum et conversatio consideranda est.

X. De diaconis, quicumque cum ordinantur, si in ipsa ordinatione protestati sunt, dicentes velle se habere uxores, nec posse se continere, hi postea, si ad nuptias venerint, maneant in ministerio, propterea quod his episcopus licentiam dederit. Quicumque sane tacuerunt, et susceperunt manus impositionem, professi continentiam, si postea ad nuptias convenerint, a ministerio cessare debebunt.

XI. Desponsatas puellas, et postea ab aliis corruptas, placuit erui, et his reddi quibus fuerant desponsatæ, etiam si eas a rapteribus florem pudoris amisisse constiterit.

XII. Eos, qui ante baptismum sacrificaverunt idolis, et postea baptismum consecuti sunt, placuit ad ordinem promoveri, tanquam ab omni crimine lavacri salutaris sanctificatione purgatos.

XIII. Vicariis episcoporum (quos Græci coepiscopos vocant) non licere, vel presbyteros, vel diaconos ordinare. Sed nec presbyteris civitatis sine episcopi præcepto aliquid imperare, nec sine auctoritate literarum ejus in unaquaque parochia aliquid agere.

XIV. De his qui in clero sunt presbyteri vel diaconi, et abstinent se a carnibus, hoc placuit statui, ut non eas tanquam immundas contemnant, sed contingant. A quibus quidem, qui se abstinere volunt, habeant potestatem, ita tamen, ut si quando cum oleribus coquantur, eadem tanquam carnibus polluta non judicent, sed ex his cibum assumant, quamvis a carnibus se abstineant. Quod si in tantum eas immundas et abominabiles judicaverint, ut nec olera quæ cum carnibus coquantur æstiment comedenda, tanquam non consentientes huic regulæ, cessare eos oportet et a ministerio et ordine suo. Si quis autem hujus regulæ monitis non obediit, sed carnes (ut dictum est) immundas et abominandas existimaverit, cessare debet ab ordine suo.

XV. Si qua de rebus ecclesiæ, cum episcopus non est, presbyteri vendiderint, placuit rescisso contractu ad jus ecclesiasticum revocari. In judicio autem erit



episcopi, si constitutum pretium debet recipi necne, A propter quod sæpe contingit distractarum rerum redditus ampliozem summam pro accepto pretio reddi.

XVI. In hoc titulo verba Græca hæc sunt; *Περὶ τῶν ἀλογῶς διαγόντων καὶ διαγόνται*, quæ nos Latine possumus dicere de his qui irrationabiliter versati sunt sive versantur. Sensus autem, in hac sententia duplex esse potest, qui ex subjectis conjicitur, aut de his qui cum pecoribus coitu misti sunt, aut more pecudum incesta cum propinquis sanguinum commiscuerunt. Quotquot igitur ante vigesimum ætatis suæ annum tale crimen admiserint, quindecim annis in pœnitentia peractis, orationi tantum incipiant communicare. Et quinquennium alterum in communione orationis solius perdurantes. Post vigesimum cum oblatione ad communionem suscipiantur, B discutiatur autem et vita eorum qualis fuerit tempore pœnitentiæ. Et juxta hanc humanitatem consequantur. Quod si quis perseverantius abusus fuerit, hoc crimine prolixius tempus, id est viginti annorum pœnitentiam suscipiat. Qui vero, exacta viginti annorum ætate, et uxores habentes in hoc crimen inciderint, post viginti et quinque annos pœnitentia acta ad communionem orationum admittantur, in qua communione orationum altero quinquennio perdurantes plenam communionem cum oratione recipiant. Quod si aliqui et uxores habentes, et excedentes quinquagesimum ætatis suæ annum in hoc prolapsi sunt scelere ad exitum tantum vitæ communionem mœreantur.

XVII. Hos eosdem, sane non solum leprosos crimine hujusmodi factos, sed et alios isto morbo replentes, placuit inter eos orare qui tempestate jactantur, qui a nobis energumeni intelliguntur.

XVIII. Si qui episcopi suscepti non sunt a sua diœcesi in qua fuerant denominati, compellantur ad eandem judicis edicto redire. Quod si voluerint alias Ecclesias occupare, et vim facere aliis episcopis quos ibi invenerint, seditiones excitando adversus eos, hos segregare oportet. Quod si volunt in presbyterio in ecclesia ubi prius fuerant tanquam presbyteri residere, non repellantur a propria digni-

tate. Quod si etiam ibi seditiones concitare probantur, episcopis ibidem constitutis, segregari eos necesse est, et nihilominus presbyterii dignitate privari.

XIX. Quotquot virginitatem pollicitam prævaricatae sunt, professione contempta, inter bigamos, id est qui ad secundas nuptias transierunt, haberi debent. Virgines autem puellas 62 quæ tanquam sorores cum nonnullis viris habitare volunt, ab eorum consortio prohibemus.

XX. Si quis adulterium commiserit, septem annis in pœnitentia completis, perfectioni reddatur secundum pristinos gradus.

XXI. De mulieribus quæ fornicantur, et partus suos necant, sed et de his quæ agunt secum ut utero B conceptus excutiantur, antiqua quidem definitio usque ad exitum vitæ eas ab ecclesia removet, humanis nunc definimus, ut eis decem annorum tempus pœnitentiæ tribuatur.

XXII. Qui voluntarie homicidium fecerint, ad pœnitentiam quidem jugiter se submittant. Circa autem exitum vitæ, communione digni habeantur. Eos vero qui non voluntate, sed casu homicidium fecerint, prior regula post septem annorum pœnitentiam, communioni sociavit secundum gradus constitutos. Hæc vero humanior definitio quinquennii tempus tribuit.

XXIII. Qui auguria vel auspicia sive somnia vel divinationes quaslibet secundum morem gentilium observant, aut in domos suas hujusmodi homines C introducunt in exquirendis aliquibus arte maleficæ, aut domus lustrant, confessi, quinquennio pœnitentiam agant secundum antiquas regulas constitutas.

XXIV. Si quis sponsam habens, sorori ejus forsitan intulerit vitium, eique inhæserit tanquam suæ et sibi expetendam esse conjunctionem, hac autem decepta, postea uxorem duxerit desponsatam. Illa vero quæ vitium passa est, si forte necem sibi intulerit, omnes hi qui hujus facti sunt conscii, decem annis in pœnitentiam redigantur secundum canones constitutos.

Explicit concilium Ancyranum.

#### INCIPIUNT CAPITULA NEOCÆSARIENSIS CONCILII.

1. De presbyteris qui uxorem ducere non debeant. D
2. De muliere duobus fratribus nubere non licere.
3. De his qui multis nuptiis communicaverunt.
4. De concupiscentia non consummata.
5. De catechumenis peccantibus.
6. De prægnantibus baptizandis.
7. Presbyteros in secundis nuptiis non debere orare.
8. Uxoris adulteræ virum, clericum fieri non debere.
9. De presbyteris corporali peccato præoccupatis.
10. De diaconibus corporali peccato præoccupatis.
11. De presbytero minus triginta annorum minime ordinando.
12. De his qui in ægitudine sunt baptizati.
13. De presbyteris alterius regionis.
14. De diaconibus septem.

## INCIPIIT CONCILIUM NEOCÆSARIENSE.

Et hi quidem canones secundi sunt eorum qui in Ancyra et Cæsarea expositi sunt, Nicanis vero priores inveniuntur.

Convenerunt autem in synodum memoratam in Neocæsariense civitate hi qui infra scripti sunt: Vitalis, Germanus, Sedus, Hystrius, Lupus, Geronius, Salamnus, Leontius, sanctus Basilius, Valentinus, Stephanus, Gregorius, Longinus, Narcissus, Decasius, Leontius, Heraclius, Alipius, a quibus regulæ prolatae sunt quæ infra scriptæ sunt.

CAP. I. Presbyter si uxorem duxerit, ab ordine illum deponi debere. Quod si fornicatus fuerit, vel adulterium commiserit, extra ecclesiam abjici et ad poenitentiam inter laicos redigi oportet.

II. Mulier, si duobus nupserit fratribus, abjieatur usque ad diem mortis. Sed, propter humanitatem in extremis suis sacramentis reconciliari oportet, ita tamen ut si forte sanitatem recuperaverit, matrimonio soluto ad poenitentiam admittatur. Quod si defuncta fuerit mulier in huiusmodi consortio constituta, difficilis erit poenitentia remanenti, quæ sententia tam viros quam mulieres tenere debet.

III. De his qui frequenter uxores ducunt, et de his qui sæpius nubunt, tempus quidem his constitutum manifestum est, sed conversatio et fides eorum tempus abbreviat.

IV. Si quis, concupita muliere, etiam si concubitus ejus desiderium habet, non autem subsequatur effectus, manifestum est hunc fuisse per divinam gratiam liberatum.

V. Catechumenus, id est audiens, qui ingreditur in ecclesiam, et stat cum catechumenis, si peccare fuerit visus figens genita, audiat verbum, ut se abtineat ab illo peccato quod fecit. Quod si in eo perdurat abjici omnino debere.

VI. De prægnantibus, quod oportet eas baptizari quando volunt, nihil enim in hoc sacramento commune est parituræ et illi qui de ejus utero fuerit editus, quia unusquisque in illa confessione libertas arbitrii declaratur.

VII. Presbyterum convivio sæcularium nuptiarum interesse non debere, maxime cum præcipiatur secundis nuptiis poenitentiam tribuere, quis erit presbyter qui propter convivium illis consentiat nuptiis.

VIII. Si cujus uxorem adulterium commisisse, cum esset laicus, fuerit comprobatum, hic ad ministerium ecclesiasticum admitti non potest. Quod si in clericali jam constituto eo adulteravit, dato repudio dimittere eam debet. Si vero retinere ejus consortium velit, non potest suscepto ministerio perfrui.

IX. Qui admiserit corporale peccatum et hic postea presbyter ordinatus est, si confessus fuerit quod ante ordinationem suam peccaverit, non quidem offerat, maneat autem in aliis officiis propter ejus studii utilitatem. Nam cætera peccata censuerunt plurimi etiam ordinatione privari. Quod si de his non fuerit confessus, nec ab aliquibus potest manifeste convinci, huic ipsi de se potestas est committenda.

X. Similiter et diaconus si in eodem culpæ gemine fuerit involutus, sese a ministerio cohibebit.

XI. Presbyter ante triginta annorum ætatem non ordinetur, quamvis sit probabilis vitæ, sed observetur usque ad præfinitum tempus; Dominus enim trigesimo anno baptizatus est et tunc prædicavit.

XII. Si quis, in ægritudine constitutus, fuerit baptizatus, presbyter ordinari non debet. Non enim fides illius voluntaria, sed ex necessitate est, nisi forte postea ipsius studium et fides probabilis fuerit, aut hominum raritas cogat.

XIII. Presbyteri qui conregionales non sunt, in ecclesia præsentibus episcopis vel presbyteris civitatis offerre non possunt, nec dare panem sanctificatum, nec calicem porrigere. Quod si absentes sunt civitatis sacerdotes, et fuerint invitati ad dandam orationem, soli debebunt dare. Vicarii autem episcoporum (quos Græci coepiscopos vocant) constituti sunt quidem ad exemplum septuaginta seniorum. Sed tanquam consacerdotes propter sollicitudinem et studium quod in pauperes agunt, offerant, et honorabiles habeantur.

XIV. Diaconi septem esse debent secundum regulam, quamvis magna sit civitas, regulæ tamen auctoritas ista est, quod et liber actorum apostolorum insinuat.

Explicit concilium Neocæsariense, quod fuit, Anno Domini 314 in Ponto Polemoniaco.

## INCIPIUNT CAPITULA GANGRENSIS CONCILII.

1. De his qui nuptias damnant.
2. De his qui carnes manducantes damnant.
3. Non debere servum occasione religionis dominum contemnere.
4. De oblatione presbyteri conjugati.
5. Orationes ecclesiæ non debere contemni.
6. Non debere extra ecclesiam congregari.

- D 7. De fructibus in ecclesiam et non alibi dandis.
8. De his quæ in usus pauperum conferuntur.
9. Virginitati studentem non debere nuptias exacerari.
10. De his qui pro virginitate superbiunt.
11. Agapem fratrum non debere contemni.
12. De continentibus et usu passionum.



13. Non debere mulierem continentiae causa virilem habitum usurpare.

14. Non debere condemnantem nuptias a viro discedere.

15. Non debere quemquam continentiae causa filios suos negligere.

16. Ne filii occasione religionis parentes suos despiciant.

17. Caput tondere mulieri non licere.

18. Non debere die Dominico jejunare.

19. Non licere communia jejunia solvere.

20. Communicandum in basilicis martyrum.

## INCIPIT CONCILIUM GANGRENSE.

(Anno Domini 353 in Paplagonia.)

Dominis honorabilibus consacerdotibus, in Armenia constitutis episcopis. Eusebius, Alpius, Philetus, Eulalius, Pappus, Basilius, Bithinicus, Heratius, Ipatius, Bassus, Eugenius, Gregorius, Elianus, Presius, Eugenius, qui convenerunt in Gangrense concilium in Domino salutem.

Quoniam conveniens sancta synodus episcoporum, in Ecclesiam Gangrensem: propter quasdam ecclesiasticas et necessarias causas inquirendas, et ea quæ secundum Eustachium gesta sunt dignoscenda invenit multa fieri indecenter ab his qui eundem Eustachium secuti sunt, necessario statuit palam omnibus factis amputare universa quæ ab eodem male commissa sunt.

Declaratum est enim hos eosdem nuptias accusare, et docere quod nullus in conjugali positus gradu spem habebat apud Deum, unde factum est ut mulieres multæ seductæ, relictis propriis viris, et viri, uxoribus destitutis, vinculum **63** conjugale dissolverent, continentiam profitentes, quam cum retinere non possent, adulterium commiserunt. Inveni enim sunt dissensiones ac separationes in Dominicis ecclesiis docere, id est traditiones ecclesiasticas, et ea quæ in ecclesiis aguntur debere contemni, privatisque conventiculis institutis atque ad imitationem eorum quæ in domo Dei aguntur omnia præsumere celebrare. Adhuc etiam vestibus communibus spretis novos et insolitos habitus assumpsisse. Primitias quoque fructuum et oblationes eorum quas veterum institutio ecclesiis tribuit, sibi vindicasse, id est propria ratione doctrinæ, tanquam sanctis sibi eas offerri debere, apud se et inter se dispensandas, servos a dominis recedentes, per hunc inusitatum religionis suæ habitum, sub specie suæ religionis dominos contempsisse. Mulieres quoque præter consuetudinem, et sui sexus ornatum hinc se justificare, credentes virilem habitum suscepisse, pluresque earum occasione religionis, tonsas genuini decoris comas penitus amputasse. Jejunia quæ in ecclesia prædicant contemnenda asseruisse. Nonnullos etiam cibos carniū tanquam illicitos reputasse, in domibus conjugatorum nec orationes quidem debere celebrari persuasisse, in tantum ut easdem fieri vetent, et oblationibus quæ in domibus factæ fuerint minime communicandum esse decernant. Presbyteros vero qui matrimonia contraxerunt, sperni debere dicunt, nec sacramenta quæ ab eis conficiuntur attingi. Loca sanctorum martyrum vel basilicas contemnere, et omnes qui illuc

conveniunt et sacramenta conficiunt reprehendere. Divites fideles, qui non omnibus renuntiant quæ possident spem apud Dominum non habere. Et multa alia quæ enumerare nulli possibile est singulos quoque eorum pro suo arbitrio constituere, unusquisque enim eorum per talem institutionem ab ecclesiastico canone recessit, tanquam proprias leges sibi condidisse præsumens. Sed nec communis his omnibus et una sententia est. Singuli enim, prout videtur et libet, accusationem Ecclesiæ nitendo tanquam rector non sit, vel addidit decreta vel minuit. Propter hoc ergo coactum est hoc concilium in Gangrensi Ecclesia habitum canones istos exponere, quibus probantur memorati extra Ecclesiam esse. Quod si per poenitentiam condemnaverint omnia hæc quæ male senserunt, tanquam a se non bene prolata acceptabiles fiant, atque ad eos singula quæ debent condemnare, synodus credidit exponenda. Quod si quis renuerit hæc quæ hodie constituta sunt tanquam hæreticus anathematizatus et damnatus abjiciatur. Et erit non solum excommunicatus, verum etiam ab ecclesia abjiciatur extorris, donec deprecetur episcopos, et de universis quæ penes eos deprehensa atque detecta sunt, providerit, quid horum susceperit observandum.

**CAP. I.** Si quis nuptias in accusatione duxerit, et mulierem fidem ac religiosam cum viro suo dormientem abominandam crediderit, aut etiam accusandam tanquam non posse conjugatos in regnum Dei ingredi, anathema sit.

**II.** Si quis carnem manducantem ex fide cum religione præter sanguinem et idolo immolatum et suffocatum crediderit, condemnandum tanquam spem non habentem quod eas manducat, anathema sit.

**III.** Si quis servum alienum occasione religionis doceat dominum suum debere contemnere et ejus ministerium destituere, ac potius non docuerit suo domino bona fide et cum omni honorificentia servire, anathema sit.

**IV.** Si quis discernit presbyterum conjugatum, tanquam occasione nuptiarum offerre non debeat, et ab ejus oblatione ideo se absteineat, anathema sit.

**V.** Si quis docet domum Dei contemptibilem esse debere et congregationes quæ in ea fiunt, anathema sit.

**VI.** Si quis extra ecclesiam privatim populos congregans, contemnat ecclesiasticas sanctiones, aliter ea quæ sunt ecclesiæ voluerit usurpare, non conve-

niente presbytero juxta decretum episcopi, ipsamque ecclesiam apud se sine consilio episcopi cum presbytero agat, anathema sit.

VII. Si quis oblationes fructuum vel primitias ecclesiæ debitas voluerit extra ecclesiam accipere aut dare, præter conscientiam episcopi, vel hujus cui hujusmodi officia commissa sunt, et non magis cum consilio ejusdem hæc agenda putaverit, anathema sit.

VIII. Si quis dederit vel acceperit fructuum oblationes præter episcopum, vel eum qui constitutus est ab eo ad dispensandam misericordiam pauperibus, qui dat et qui accipit, anathema sit.

IX. Si quis virginitatem vel continentiam professus, tanquam abominabiles nuptias judicat, et non propter hoc solum quod continentiae et virginitatis bonum sanctum propositum est, anathema sit.

X. Si quis propter Dominum virginitatem professus in conjugio positos per arrogantiam vituperaverit, anathema sit.

XI. Si quis contemnendos duxerit agapem facientes, et propter honorem Domini fratres pauperes convocantes noluerit communicare, vocationibus eorum tanquam nihili et quod sit ducens, anathema sit.

XII. Si quis virorum putaverit sancto proposito, id est continentiae, convenire ut pallio utatur tanquam ex eo justitiam habiturus, et reprehendat vel judicet alios qui cum reverentia birris utuntur et alia veste communi quæ in usu est, anathema sit.

XIII. Si qua mulier, suo proposito utile judicans ut virili veste utatur, ad hoc ut in viri habitum mutetur, anathema sit.

XIV. Si qua mulier derelicto viro discedere voluerit, soluto vinculo conjugali, nuptias condemnando, anathema sit.

XV. Si quis dereliquerit proprios filios suos, et non eos aluerit, et quod pietatis est necessaria non præbuerit, sed sub occasione continentiae negligendos putaverit, anathema sit.

XVI. Si qui filii parentes maxime fideles deseruerint occasione Dei cultus, hoc justum judicantes esse, et non potius debitum honorem parentibus reddiderint, ut hoc ipsum in eis venerentur quod fideles sunt, anathema sit.

XVII. Quæcunque mulier religioni judicans con-

venire comam sibi amputaverit, quam Deus ad vultum ejus, et ad memoriam subjectionis illi dedit, tanquam resolvens jus subjectionis, anathema sit.

XVIII. Si quis, tanquam hoc convenire judicans, die Dominico jejunaverit in ejusdem diei contemptum, anathema sit.

XIX. Si quis eorum qui proposito sunt continentiae præter necessitatem corporalem superbiat, et jejunia communia totius Ecclesiæ putaverit contemnenda, perfectam in sua scientia vindicans rationem, anathema sit.

XX. Si quis per superbiam tanquam perfectum se existimans conventus qui per loca et basilicas sanctorum martyrum fiunt vel accusaverit, vel etiam oblationes quæ ibidem celebrantur spernendas esse crediderit, memoriasque sanctorum contemnendas, anathema sit.

XXI. Hæc autem scripsimus, non abscindentes eos qui in Ecclesia Dei secundum Scripturas sanctum propositum continentiae eligunt, sed eos qui suscipiunt habitum ejus, et in superbiam efferuntur adversus eos qui simpliciis vivunt. Sed et hos condemnamus qui se extollunt adversus Scripturas et ecclesiasticos canones, et nova introducunt præcepta, et nos autem virginitatem cum humilitate admiramur, et continentiam cum castitate et religione Deo acceptissimam dicimus, et renuntiationem sæcularium negotiorum atque actuum cum humilitate approbandam laudamus, et nuptiarum vinculum, quod secundum castitatem secum perdurat, honoramus, et divites cum justitia et operibus bonis non abjicimus, et parcimoniam cum veste humili non reprobamus, sicut etiam ornatum, præter corporis diligentiam, infucatum laudamus. Dissolutos autem et fractos in vestibus incessus non recipimus, et domos Dei honoramus, et conventus qui in his fiunt, tanquam sanctos et utiles recipimus, proprietatem in privatis domibus non concludentes, et omnem locum in nomine Dei ædificatum honoramus, et congregationem in ecclesia factam ad utilitatem communem recipimus, et bona opera, quæ juxta vires in fratres pauperes exercentur, secundum ecclesiasticas traditiones beatificamus, et omnia quæ conveniunt traditionibus apostolicis et sanctorum Scripturarum præceptis in ecclesia fieri exoptamus.

Explicit concilium Gangrense.

#### INCIPIUNT CAPITULA CONCILII SARDICENSIS.

1. Episcopum non debere ad aliam civitatem transferri.

2. Episcopum de provincia ad provincias non transire, nisi fuerit invitatus.

3. De duobus episcopis unius provinciae inter se contentionem habentibus.

4. De episcopo adjudicato.

5. De episcopis a synodo depositis.

6. De quibus supra.

7. De episcopis accusatis.

8. Ut episcopi passim ad comitatum non pergant.

9. De quibus supra.

10. De quibus supra.

11. De quibus supra.

12. De quibus supra.

13. Ut ne ex laico quilibet episcopus ordinetur.

14. Ut episcopus in aliena provincia non immoretur.



15. De episcopis in aliena provincia possessiones A  
habentibus.
16. De clericorum excommunicatione.
17. Licere clericis, si injuste fuerint excommuni-  
cati, vicinos adire episcopos.
18. Non licere episcopo alterius clericum in sua  
ecclesia ordinare.

19. De quibus supra.
20. Ut extranei clerici apud Thessalonicam non  
tradent.
21. Clerici vim passi, aut persecutionem, si ad aliam  
accesserint civitatem, non vetentur ibi morari quan-  
diu potuerint redire.

## 64 INCIPIT CONCILIUM SARDICENSE TRECENTORUM EPISCOPORUM.

(Anno Domini 351 in Thracia.)

Anno sexto Constantini imperatoris, Leontio et Sallustio consulis, æra 371, Sardicensis synodus congregata est, ubi omnes per Orientem Ariani episcopi condemnati sunt, qui conventi ad concilium occurrere reatus conscientia noluerunt, in quo concilio inter cætera hæ regulæ pro disciplina ecclesiastica institutæ sunt.

CAP. I. Osius episcopus dixit : Non minus mala consuetudo quam pernicioza corruptela funditus eradicanda est, ne cui liceat episcopo de civitate sua ad aliam civitatem transire. Manifesta est enim causa qua hoc facere tentant, cum nullus in hac re inventus sit episcopus qui de majore civitate ad minorem transiret, unde apparet avaritiæ eos ardore inflammari et ambitioni servire, et ut dominationem exerceant. Si ergo omnibus placet ut hujusmodi perniciēs austerius vindicetur, nec laicam communionem habeat, qui talis est universi dixerunt, placet etiam si talis aliquis exstiterit temerarius, ut forsitan excusationem afferrat, quod populi litteras acceperit, cum manifestum sit præmio et mercede paucos qui sinceram fidem non habent potuisse corrumpi ut clamarent in Ecclesia et ipsum petere viderentur episcopum, omnino has fraudes removendas esse damnamus, ita ut nec laicam communionem in finem accipiat talis, quod si vobis omnibus placet, statuite. Universi dixerunt : Placet.

II. Osius episcopus dixit : Illud quoque statutum sit, ut episcopus de sua provincia ad aliam provinciam in qua sunt episcopi non transeat nisi forte a fratribus invitatus, ne videamur januam charitatis claudere.

III. Osius episcopus dixit : Providendum est etiam ut si in aliqua provincia forte aliquis episcopus contra fratrem suum episcopum litem habuerit, ne unus e duobus ex alia provincia advocet episcopos ad iudicium.

IV. Osius episcopus dixit : Quod si aliquis episcopus adjudicatus fuerit in aliqua causa, et putat se bonam causam habere, ut iterum iudicium removetur, si vobis placet, sancti Petri apostoli memoriam honoremus, ut scribatur, vel ab his qui causam examinaverunt, vel etiam ab aliis episcopis, qui in provincia, propinqua morantur Romano episcopo. Et si iudicaverit renovandum esse iudicium, revocetur et det iudices. Si autem probaverit talem causam, ut ea non refricentur quæ acta sunt, quæ

decreverit Romanus episcopus, confirmata erunt, si ergo omnibus placet, statuatur. Synodus respondit : Placet.

V. Gaudentius episcopus dixit : Addendum est si placet huic sententiæ quam plenam sanctitate protulisti ut cum aliquis episcopus depositus fuerit, eorum episcoporum iudicio qui in vicinis comorantur locis et proclamaverit, agendum sibi negotium in urbe Roma. Alter episcopus, in eadem cathedra post appellationem ejus qui videtur esse depositus, omnino non ordinetur, nisi causa fuerit in iudicio Romani episcopi determinata.

VI. Osius episcopus dixit : Si contigerit, in una provincia in qua fuerint plurimi episcopi unum forte remanere episcopum, ille vero per negligentiam noluerit ordinare episcopum et populi convenerint episcopos vicinæ provinciæ, debent illum prius convenire episcopum, qui in eadem provincia moratur, et ostendere quod populi petant sibi rectorem, et hoc justum esse, ut et ipsi veniant, et cum eo ordinent episcopum, quod si conventus litteris tacuerit, et dissimulaverit, nihilque responderit, tunc satisfaciendum esse populis, ut veniant ex vicinis provinciis, et ordinent episcopum. Iterum licentia ordinandi episcopum danda passim non est, si enim subito aut vicus aliquis aut modica civitas cui satis est unus presbyter voluerit sibi episcopum ordinari ad hoc, ut vilescat nomen episcopi et summi honoris auctoritas, non debent illi ex alia provincia invitati facere episcopum, nisi aut in civitatibus quæ episcopos habuerunt, aut si qua tam populosa est civitas, vel locus qui mereatur habere episcopum. Synodus respondit : Placet.

VII. Osius episcopus dixit : Et hoc placuit, ut si episcopus accusatus fuerit, et omnes iudicaverint congregati episcopi regionis ipsius, et de gradu suo ejecerint eum, si appellaverit qui dejectus videtur, et confugerit ad beatissimum Romanæ Ecclesiæ episcopum, et voluerit se audiri, si justum putaverit, ut renovetur, examen scribere episcopis dignetur Romanus episcopus his qui in finitima et propinqua altera provincia sunt, ut ipsi diligenter omnia requirant, et juxta fidem veritatis omnia definiant, quod si is qui rogat causam suam iterum audiri deprecatione sua moverit episcopum Romanum, ut de latere suo presbyteros mittat, erit in potestate ipsius quid velit, et quid æstimet, et si decreverit

mittendos esse, qui præsentibus cum episcopis judicent, ut habeant etiam auctoritatem personæ illius a quo destinati sunt, erit in ejus arbitrio. Si vero crediderit sufficere episcopos comprovinciales, ut negotio terminum imponant, faciet quod sapientissimo consilio suo judicaverit.

VIII. Osius episcopus dixit: Importunitatis nostræ nimia frequentia, et injustæ petitiones fecerunt nos non tantam habere gratiam aut fiduciam, dum quidam non cessant ad comitatum ire episcopi maxime Afri, qui sicuti cognovimus, sanctissimi fratris coepiscopi nostri grati consilia salutaria spernunt, atque contemnunt, et non solum ad comitatum multas et diversas Ecclesiæ non profuturas præferunt causas, ut fieri solet aut oportet, ut aut pauperibus, aut viduis, aut pupillis subveniatur, sed et dignitates sæculares, et administrationes quibusquam postulant, hæc itaque pravitas olim non solum murmuraciones, sed et scandala excitat. Honestum est autem ut episcopus intercessionem suam his præstet qui aliqua iniqua vi opprimuntur, aut si vidua affligatur, aut pupillus expolietur, tamen et ista omnia si justam habeant causam et petitionem. Si vobis ergo, fratres charissimi, placet, decernite, ne episcopi ad comitatum accedant, nisi forte hi qui religiosissimi imperatoris litteris, vel invitati fuerint vel vocati, sed quoniam sepe contingit, ut ad misericordiam Ecclesiæ confugiant, qui injuriam patiuntur, et qui peccantes in exilium, vel insulas damnantur, aut certe quancunque sententiam suscipiunt, ideoque subveniendum est his, et sine dubitatione eis petenda per Ecclesiæ indulgentia. Si vero hoc vobis placet, statuatur. Universi dixerunt: Placet, et constituatur.

IX. Osius episcopus dixit: Hæc quoque prudentia vestra tractare debet, quia ut decrevistis ne episcopi improbitas notetur ad comitatum pergendum, quæcunque ergo quales superius memoravimus preces habuerint, vel acceperint per diaconum suum mittat, quia persona ministri non erit invidiosa, quæ celerius poterit quæ impetraverit referre. Et hoc consequens esse videtur, ut unusquisque qui preces habuerit eas ad fratres et coepiscopos nostros qui in maxima civitate, id est, qui metropoli consistunt, mittant, et illi per suos diaconos destinent,tribuendo commendatitias epistolas pari ratione ad fratres et coepiscopos nostros qui in illo tempore in his regionibus et urbibus morantur, in quibus felix et beatus Augustinus rempublicam gubernat. Si vero habet quis episcoporum amicos in palatio, qui cupit aliquid quod tamen honestum est impetrare non prohibeatur per diaconum suum rogare, et significare eis quos scit benigna intercessione sibi absenti posse præstare. Qui vero Romam venerit, sicut dictum est, sanctissimo fratri et coepiscopo nostro Romanæ Ecclesiæ preces quas habet, tradat, ut ipse prius examinet si honeste, et justæ sunt, et præstet diligentiam atque sollicitudinem ut ad comitatum perferantur. Universi dixerunt: Placere sibi.

X. Aliphius episcopus dixit: Si propter pupillos et viduas vel laborantes, qui causas non iniquas habent, susceperint peregrinationis incommoda, habebunt aliquid justæ rationis, nunc vero cum ea postulent, quæ sine invidia omnium, et reprehensione esse non possunt, non necesse eos ire ad comitatum.

XI. Gaudentius episcopus dixit: Ea quæ salubriter providistis convenienti æstimatione omniumque Deo placitura et hominibus tenere hactenus fortitudinem possunt, si metus huic sententiæ conjungatur, scimus enim etiam ipsi sæpissime propter paucorum imprudentiam sacrum ac religiosum sacerdotale nomen fuisse reprehensum. Si igitur contra omnium sententiam aliquis visus fuerit ambitioni placere magis quam Deo, debet scire causis redditus honorem atque dignitatem se amissurum, hoc autem sciri, et comperiri poterit si unusquisque nostrum qui in canali constitutus est cum progredientem episcopum viderit, inquirat transitum ejus, causas videat, quo tendit, agnoscat. Et si quidem eum agnoverit ire ad comitatum, requirat illud quod superius comprehensum est, ne forte invitatus sit, ut ei facultas eundi permittatur, si vero ut superius meminit sanctitas vestra propter desideria et ambitiones ire ad comitatum tentaverit, neque litteris ejus subscribatur, neque in communione recipiatur. Si vobis placet, debet omnium sententia confirmari. Universi dixerunt: Hoc honestum esse, et placere sibi constitutionem.

XII. Osius episcopus dixit: Sed et moderatio est necessaria, dilectissimi fratres, ne subito adhuc, quidam nescientes quid decretum sit in synodo, venerint subito ad civitates eas, quæ in canali sunt, debet episcopos civitatis ipsius admonere et instruere illum, et ex eo loco ille mittat diaconum, admonitus tamen ipse redeat ad parochiam suam.

XIII. Osius episcopus dixit: Necessarium, arbitror, ut diligentissime tractetis, si forte aut dives, aut scholasticus de foro, aut ex administratione episcopus fuerit postulatus, non prius ordinetur, nisi et ante lectoris munere, et officio diaconi et presbyteri fuerit perfunctus. Et ita per singulos gradus, si dignus fuerit, ascendat ad culmen episcopatus, potest enim per has, promotiones quæ habent utique prolixum tempus probari, qua fide sit, quæve modestia, et gravitate et verecundia. Et, si dignus fuerit, probatus divino sacerdotio illustretur. Nam nec conveniens est, nec rationis disciplina patitur, ut temere ac leviter ordinetur episcopus, aut presbyter, aut diaconus, qui neophytus est, maxime cum beatissimus Apostolus magister gentium, ne hoc fieret denuntiasset et prohibuisse videatur, sed hi quorum per longum tempus examinata sit vita et merita comprobata. Universi dixerunt placere sibi hæc.

XIV. Osius episcopus dixit: Hoc quoque statuere debetis, ut episcopus ex alia civitate cum venerit ad aliam civitatem, vel ex provincia sua ad aliam provinciam, et ambitioni magis serviat quam



levotioni, ita ut si voluerit in aliena civitate A multo tempore residere, et contingat ut episcopus civitatis ipsius non tam instructus sit, nec tam doctus, is vero qui advenit incipiat contemnere eum, et frequenter facere sermonem, ut dehonestet et deformet illius personam. **65** Qua occasione fit, ut non dubitet relinquere sibi assignatam ecclesiam, et transire ad alienam, definite ergo tempus, quia et non recipere episcopum inhumanum est, et diutius residere perniciosum est. Ne fiat ergo hoc providendum est. Memini autem superiori consilio fratres nostros constituisse, ut si quis laicus in ea qua commoratur civitate tres Dominicas, id est, per tres septimanas non celebrasset conventum communionem privaretur. Si ergo hæc circa laicos constituta sunt, quanto magis nec licet nec decet ut episcopus si B ullam tam gravem habeat necessitatem nec tam difficilem rationem, ut tandiu desit ab ecclesia ne populum contristet. Universi dixerunt placere sibi.

XV. Osius episcopus dixit: Quia nihil prætermitti oportet, sunt quidam fratres et coepiscopi nostri, qui non in ea civitate resident, in qua episcopi videntur esse constituti, vel certe parvam rem ibi, alibi autem idonea prædia habere noscuntur vel affectiones proximorum quibus indulgeant, hactenus autem eis permitti oportet, ut accedant ad possessiones suas, et disponant vel ordinent fructum laboris sui, ut, post Dominicas tres, id est post tres septimanas, si morari necesse est, in suis potius fundis morentur. Et si est proxima civitas in qua presbyter est, ne sine ecclesia facere videatur die Dominico, illuc accedat ut nec res ejus domesticæ per absentiam ejus detrimentum sustineant. Et non frequenter veniendo ad aliam civitatem, in qua est episcopus suspitione jactantiæ et ambitionis incurrat. Universi dixerunt placere sibi.

XVI. Osius episcopus dixit: Si hoc quoque omnibus placet, ut sive diaconus, sive presbyter, sive quis clericorum ab episcopo suo fuerit communionem privatus, et ad alterum perrexerit episcopum, et scierit ille ad quem confugerit eum ab episcopo suo fuisse abjectum, non oportuerit eum, ut ei communionem indulgeat. Quod si fecerit, sciat se convocatis episcopis causas esse dicturum. Universi dixerunt: Hoc statutum et pacem servabit, et concordiam custodiet.

XVII. Osius episcopus dixit: Quod me adhuc movet reticere non debeo. Si episcopus quis forte iracundus (quod esse non debet) cito, aut aspere commoveatur adversus presbyterum, aut diaconum suum

exterminare eum de ecclesia voluerit, providendum est ne innocens damnetur, aut perdat communionem. Et ideo habeat potestatem qui dejectus est, ut finitimos episcopos interpellat, et causa ejus audiat, et diligentius tractetur, quia non oportet ei negari audientiam roganti. Et ille episcopus, qui aut juste, aut injuste eum abjecit, patienter accipiat ut negotium discutiatur, ut vel probeatur sententia a plurimis, vel emendetur. Tamen priusquam omnia diligenter et fideliter fuerint examinata, eum qui fuerit a communionem separatus, nullus alius debet præsumere ut recipiat et communioni societ. Qui autem convenerint ad audiendum, si clericorum esse fastigium viderint et superbiam, non decet ut episcopus aut injuriam aut contumeliam patiat, austerioribus eos verbis castigant, ut obediant honesta præcipienti episcopo, quia sicut ille sincerum amorem debet clericis exhibere charitatis, ita quoque vicisim ministri infucata debent episcopo suo obsequia exhibere.

XVIII. Januarius episcopus dixit: Illud quoque sanctitas vestra statuat, ut nulli episcopo liceat alterius episcopi civitatis ministrum ecclesiasticum sollicitare, ut in sua diœcesi ordinare clericum, quia ex his contentionibus solent nasci discordiæ. Et ideo prohibeat omnium sententia, ne quis hoc facere audeat.

XIX. Osius episcopus dixit: Et hoc universi constituimus, ut quicumque ex alia parochia voluerit alienum ministrum sine consensu episcopi ipsius, et sine voluntate ordinare, non sit rata ordinatio ejus C Quicumque autem hoc usurpaverit a fratribus et coepiscopis nostris admoneri et corrigi debet.

XX. Cletitius episcopus dixit: Non ignoratis quanta et qualis sit Thessalonicensium civitas, sæpe enim ad eam veniunt ex aliis regionibus presbyteri et diaconi, et non sunt contenti, ut brevi tempore remorentur, aut resideant ibi, aut certe vix post longa spatia ad sua redire coguntur. Universi dixerunt: Et tempora quæ constituta sunt circa episcopos, et erga horum personas observari debent.

XXI. Osius episcopus dixit: Suggestente fratre et coepiscopo nostro Olympio, hoc etiam placuit, ut si aliquis vim perpressus est et inique pulsatus pro disciplina vel catholica defensione, vel confessione veritatis fugiens pericula innocens, et devolutus ad aliam venerit civitatem non prohibeatur immorari, quandiu aut redire potuerit aut injuria ejus remedium acceperit. Durum est enim qui persecutiones patitur non recipi. Etiam et larga benevolentia et humanitas est ei exhibenda.

#### INCIPIUNT CAPITULA CONCILII ANTIOCHENI.

1. Non licere Pascha diverso tempore facere, neque cum Judæis celebrare.

2. Non licere communionem ecclesiæ contemnere, aut excommunicatis communicare.

3. Non debere clericum ad ecclesiam migrantem ibi perseverare

4. Non licere episcopo vel cuiquam clerico, si exauctoratus fuerit, ministrare.

5. Non licere clericis contempto episcopo seorsum a se colligere.

6. De excommunicatis.

7. Nullum peregrinum absque episcopis suscipi.

8. Ut epistolæ a solo coepiscopo fiant.

9. De metropolitanis episcopis.

10. De coepiscopis.

11. De his episcopis vel clericis qui sine litteris episcoporum ad imperatorem vadunt.

12. De episcopis vel clericis depositis.

13. Non licere episcopis in aliena provincia clericos ordinare.

14. De episcopis accusatis.

15. De quibus supra.

16. De episcopis vacantibus.

17. De episcopis qui accepta manus impositione non acquiescunt suscipere ministerium.

18. De his quibus supra.

19. Non licere sine consilio metropolitani episcopi episcopum ordinari.

20. Ut his in anno synodus celebretur.

21. Episcopum de diœcesi ad diœcesim non debere transire.

22. Episcopum non debere in alienam irruere civitatem.

23. Episcopo non licere successorem sibi constituere.

24. De rebus ecclesiasticis et episcopalibus.

25. Episcopum habere potestatem in rebus ecclesiasticis exponendis.

### INCIPIIT CONCILIUM ANTIOCHENUM.

Sancta et pacatissima synodus in unum congregata, his qui per singulas provincias sunt unanimis sanctis et consacerdotibus in Domino salutem. Gratia et veritas Jesu Christi Domini et Salvatoris nostri sanctam Antiochenam Ecclesiam visitans, et in unum connectens per concordiam pacatissimi spiritus multa quidem et alia perfecit, in omnibus autem, suggerente sancto et pacifico spiritu, etiam hoc perfecit, ut quæ visa sunt recte constitui cum plurima consideratione et judicio una cum omnibus nobis Antiochiam ex diversis provinciis in unum collectis episcopis in vestram notitiam deferantur, credimus autem gratiæ Domini et Spiritui sancto pacis, quod ipsi conspirabitis nobis tanquam in unam fuissetis virtutem, et nobiscum orationibus adnitentes magis autem muniti, et in Spiritu sancto præsentem, si iisdem ipsis quæ definita sunt, consentientes, et ea quæ visa sunt, recta roborantes consensu sancti Spiritus consignabitis. Sunt autem præfiniti canones ecclesiastici hi qui infra sunt scripti, quos subter inserti promulgare episcopi, Eusebius, Archelaus, Æneas, Macedonius, Niceta, Esicius, Bassus, Antiochus, Jacobus, Moyses, Agaphius, Petrus, Mocinius, Alexander, Narcissus, Etherius, Patricius, Siricius, Magnus, Paulus, Eustachius, Manicius, Petrus, Paulus, Theurus, Municius, Aliphius, Petrus, Tarcodunantus, Anatholius, Theodorus, Alius, Theurus, Sirion. Ex provinciis Syriæ cæles et Phœnicis veris Arabiæ, Mesopotamiæ, et hæc constituerunt quæ infra scripta sunt.

CAP. I. Omnes qui audent dissolvere regulam sancti et magni concilii Nicæni, quod celebratum est in præsentia Dei amantissimi Constantini imperatoris, de sancta et salutari festività Paschali Salvatoris nostri, excommunicatos et abjectos esse debere ab Ecclesia, maxime si perseverent studio contentionis ad subvertenda ea quæ optime constituta sunt. Et hæc quidem dicta sunt de laicis. Si autem præpositis Ecclesiæ aliqui, id est, vel episcopus, vel presbyter, vel diaconus post hanc diffinitionem, et hunc terminum ausi fuerint in subversionem populorum et per-

turbationem Ecclesiarum seorsum colligere, et cum Judæis Pascha voluerint celebrare, hunc sancta synodus jam alienum ab Ecclesia esse judicabit, tanquam eum qui non solum proprii peccati reus sit, sed aliorum corruptæ mentis conversationis supplantator exstiterit. Et non solum hujusmodi deponi a sacerdotio et ministerio jubet, sed eos qui ausi fuerint his communicare post damnationem. Depositos autem etiam honore qui extrinsecus est privari oportet quem sanctus canon et Dei sacerdotium promeruit.

II. Omnes qui ingrediuntur ecclesiam Dei, et sacras Scripturas audiunt, non autem cum populo in oratione communicant, aversantur autem sanctam assumptionem Dominici sacramenti secundum aliquam propriam disciplinam, hos ab ecclesia abjici oportet, donec confitentes fructum pœnitentiæ demonstrent, et deprecati fuerint, ut data venia suscipi mereantur, non autem licet communicare excommunicatis, neque cum his per domos ingredi, et cum eis orare, qui ecclesiæ participant in oratione, nec in alteram ecclesiam recipi qui ab alia excommunicantur, quod si quis fuerit deprehensus episcoporum, vel presbyterorum, vel diaconorum, vel etiam qui in canone detinentur excommunicatis communicare, et hunc oportet communione privari tanquam Ecclesiæ regulas confundentem.

III. Si quis presbyter, vel diaconus, vel quilibet clericus, deserta sua ecclesia ad aliam transeundum esse crediderit, et ibi paulatim tentet quo migravit perpetuo manere ulterius, ministrare non debet, præsertim si ab episcopo suo ad revertendum fuerit exhortatus quod, et si post evocationem sui episcopi non obedierit, sed inobediens perseveraverit, omnimode ab officio suo deponi debere, nec aliquando spem restitutionis habere. Si vero propter hanc culpam depositum alius episcopus suscepit, et ipse a communi synodo pœnam merebitur increpationis, tanquam ecclesiastica jura dissolvens.

IV. Si quis episcopus a synodo fuerit depositus, vel presbyter, vel diaconus a proprio episcopo con-



demnatus, et præsumpsérît sacerdotii seu sacri mysterii quippiam, non ei amplius liceat, neque in alia synodo spem restitutionis habere, neque assertionis alicujus locum, sed et communicantes ei abjici omnes ab ecclesia, maxime si postquam cognoverunt sententiam adversus eum fuisse prolatam, contumaciter communicaverunt.

**66 V.** Si quis presbyter vel diaconus contempto episcopo seipsum ab ecclesia segregaverit et privatum apud se collectis populis altare erigere ausus fuerit, et nihilominus episcopo suo exhortante, et semel et iterum revocante inobediens extiterit; hunc modis omnibus deponendum, nec aliquando consequi curationem, aut proprium honorem recipere speret. Quod si etiam perseveraverit, perturbans cunctam Ecclesiam quæ foris est, hunc tanquam seditiosum corripi oportet.

**VI.** Si quis a proprio episcopo excommunicatus est, non eum prius ab aliis debere suscipi, nisi aut a suo fuerit receptus episcopo, aut concilio facto episcopis occurrat et respondeat, et si synodo satisfecerit, statuimus sub alia sententia eum recipi, quod etiam circa laicos, et presbyteros, et diaconos et omnes qui in clero sunt convenit observari.

**VII.** Nullum absque formata (quod Græci epistolam dicunt) peregrinorum clericorum suscipi oportet.

**VIII.** Neque presbyter ad regiones longinquas, formatas, id est canonicas epistolas, nisi ad finitimos episcopos simplices epistolas mittere præsumat, vicariis vero episcopis qui a Græcis coepiscopi vocantur, formatas facere liceat.

**IX.** Per singulas provincias episcopos singulos scire oportet, episcopum metropolitanum, qui præest curam et sollicitudinem totius provincie suscepisse. Propter quod ad metropolitanam civitatem ab his qui causas habent concurratur. Quapropter placuit eum, et honore præcellere, et nihil ultra sine episcopo reliquos episcopos agere secundum antiquum Patrum nostrorum canonem, nisi hoc tantum quod unicuique ecclesie per suam diocesim competit. Unumquemque enim oportet episcopum habere suæ diocesis potestatem ut regat et gubernet secundum competentem singulis reverentiam, et providentiam gerat omnis regionis quæ sub ipsius est civitate, ita ut etiam ordinare ei presbyteros, et diaconos probabili iudicio liceat, et de singulis illius regionis causis moderatione et pondere disceptare, ultra autem nihil agere permittitur citra metropolitani episcopi conscientiam, nec metropolitanus sine cæterorum aliquid gerat consilio sacerdotum.

**X.** Coepiscopi qui manus impositionem ab episcopis susceperunt et ut episcopi sunt consecrati, tamen placuit sanctæ synodo eos modum proprium retinere, et gubernare adjacentes sibi civitates et esse contentos propria sollicitudine et gubernatione quam susceperunt, constituere autem his permittitur lectores, et subdiaconos atque exorcistas,

A quibus sufficiat istorum tantum graduum licentiam accepisse. Non autem presbyterum, non diaconum audeant ordinare præter conscientiam episcopi civitatis, vel ecclesie cui adjacens invenitur, seu ipse seu regio in qua præesse dignoscitur. Quod si quis prævaricari ausus fuerit constituta, deponi eum, et dignitate qua præditus est debere privari. Coepiscopus autem ab episcopo civitatis vel loci cui idem adjacet ordinandus est.

**XI.** Si quis episcopus, vel presbyter, vel omnis omnino qui est sub ecclesiastica regula constitutus, præter consilium vel litteras eorum episcoporum qui sunt intra provinciam, et maxime metropolitani ad imperatorem perrexerit, hunc abdicari et ejici non solum de communione, sed etiam propria dignitate privari, tanquam molestum et importunum imperialibus auribus contra ecclesiastica constituta. Si autem necessitas cogit ad imperatorem excurrere propter aliquam actionem, cum deliberatione et consilio metropolitani ipsius provincie episcopi, et cæterorum conscientia episcoporum qui in eadem provincia sunt atque cum litteris eorum ire debet.

**XII.** Si quis a proprio episcopo depositus presbyter, vel diaconus, aut etiam si a synodo quilibet episcopus fuerit exauctoratus, molestiam imperialibus auribus inferre non præsumat, sed ad majorem episcoporum synodum sese convertat, et quæ se putat habere, justa in eorum concilio alleget, atque ab his de se expectet quæ fuerit deprompta sententia. Quod si deficiens pusillanimitate hoc noluerit facere, sed imperatori fuerit importunus, hujusmodi nullam veniam habeat, neque locum illius assertionis suæ, nec spem recipiendi gradus habeat in futurum.

**XIII.** Nullum episcopum audere debere ex alia provincia ad aliam transitum facere, et ordinare aliquos Ecclesiis aut referre ad sacrum ministerium, nec alios illuc attrahat episcopos, nisi forte per litteras rogatus abierit, non solum autem a metropolitano, sed et ab his qui cum eo sunt omnibus ipsius provincie episcopis. Quod si nullo invitante inordinate superveniat, et aliquos vel ordinare præsumpserit, vel quoslibet actus illi ecclesie competentes quæ ad se minime pertinent, usurpare tentaverit, vacua quidem et inania erunt omnia quæ gesserit, ipse vero hujus indisciplinati ausus irrationalis cœpti dignas causas expediat, tanquam depositus a synodo sancta, et propter hujusmodi præsumptionem jam prædamnatus.

**XIV.** Si quis de aliquibus causis criminalibus in iudicio episcoporum fuerit accusatus, contingat autem de ipsis episcopis provincie qui convenerunt diversas habere sententias, et alios quidem innocentem eum pronuntiare, alios reum, propter hujusmodi itaque controversiam amputandam placuit sanctæ synodo metropolitanum episcopum alterius vicinæ provincie advocari, et aliquantos cum eo episcopos alios. Qui pariter residentes quæcunque fuerint, dirimant quæstiones propter hoc ut

firmum sit iudicium quod ab unius provinciae episcopis fuerit promulgatum.

XV. Si quis episcopus criminaliter accusatus ab omnibus qui sunt intra provinciam episcopis acceperit unam consonamque sententiam, ab aliis ulterius iudicari non poterit, sed manere circa eum oportet tanquam convenientem quæ ab omnibus prolata est firmam ratamque sententiam.

XVI. Si quis episcopus vacans in Ecclesiam vacantem supervenerit, et hanc obripienter præter plenariam synodum occupandam esse crediderit, hunc abjici oportet, quamvis eum plebs quam diripuerit, velit sibi episcopum retinere. Illa autem dicitur synodus plenaria in qua etiam episcopus metropolitanus adfuerit.

XVII. Si quis episcopus, suscepta manus impositione, et deputatus populis præesse, non suscipiat ministerium sacerdotii, nec consentiat habere Ecclesiam, in qua fuerat ordinatus, hunc incommunicabilem esse debere, donec coactus consentiat plebem suscipere sibiimet deputatam, aut provincie plenaria synodus episcoporum de eo aliquid statuatur.

XVIII. Si quis episcopus ordinatus non abierit in parochiam cui ordinatus est, si non suo vitio, sed plebis forsitan contradictione, hic honorem susceptum retinere debebit, et sacerdotio fungi, ita ut nihil molestiæ afferat Ecclesie illi in qua fuerat constitutus. Exspectare autem eum oportet provincie plenariam synodum, donec de eo quod competit statuatur.

XIX. Episcopum non ordinandum sine consilio et præsentia metropolitani episcopi, cui melius erit si ex omni provincia congregentur episcopi. Quod si fieri non potest, hi qui adesse non possunt propriis litteris consensum suum de ipso designent, et tunc demum post plurimorum sive per præsentiam sive per litteras sententiam consonam ordinetur. Quod si aliter quam statuta sunt fiat, nihil valere huiusmodi ordinationem. Si vero etiam secundum definitas regulas ordinatio celebretur, contradicant autem aliqui propter proprias et domesticas similitudines, his contentis, sententia de eo obtineat plurimorum.

XX. Propter ecclesiasticas causas, et quæ existunt controversias dissolvendas sufficere visum est bis in anno per singulas provincias episcoporum consilium fieri. Semel quidem post tertiam hebdomadam Paschalis festivitatis, ita ut in quarta hebdomada quæ consequitur, id est media Pentecoste compleatur, admoneant autem provinciales episcopos hi qui in civitatibus, id est in metropolitanis civitatibus degunt, secundum vero concilium Idibus Octobris habeatur, qui dies apud Græcos Yperberetei mensis decimus invenitur, in ipsis autem conciliis et presbyteros et diaconos præsentem esse oportet, et omnes quotquot se læsos existimant, et synodicam exspectare sententiam, nec liceat aliquibus apud semetipsos concilia sine me-

ropolitano episcoporum conscientia facere, quibus de omnibus causis constat permissum esse iudicium.

XXI. Episcopum de diocesi ad diocesim alteram non debere transire, neque si seipsum ingesserit, neque si a populis fuerit violenter attractus, neque si etiam hoc ei ab episcopis suadeatur, manere autem eum debere in Ecclesia Dei quam ab initio sortitus est, et non alibi demigrare secundum regulam super hoc olim a Patribus constitutam.

XXII. Episcopum non debere in alienam irruere provinciam, quæ illi probatur non esse subjecta, neque in regionem quæ ad ejus curam minime noscitur pertinere ad aliquid ordinandum, neque presbyteros, neque diaconos constituere, ad alios episcopos pertinentes, nisi forte cum voluntate et testimonio propriæ regionis episcopi. Quod si quispiam horum tale facere voluerit irrita quidem erit huiusmodi ordinatio, et quæ male usurpaverit a synodo arguantur. Nam si ordinare non potuerit, nullatenus alterius parochianum judicare præsumat.

XXIII. Episcopum non debere tanquam successorem sibi futurum constituere alterum, quamvis circa vicinia mortis habeatur, quod si tale aliquid factum fuerit irrita erit huiusmodi ordinatio, custodire autem debet ecclesiastica constituta quæ si ita continent, non posse aliter episcopum fieri, nisi in consilio, et consensu episcoporum eorum duntaxat qui post obitum ejus qui præcessit, habuerint potestatem eum qui dignus fuerit prævehendi.

XXIV. Quæcunque res Ecclesiæ sunt, convenit cum omni diligentia, et bona fide quæ Deo debetur, qui omnia providet atque iudicat quæque gubernare oportet, et dispensare cum iudicio et potestate episcopi, cui totius plebis animæ videntur esse commissæ. Manifesta autem esse oportet quæ Ecclesiæ competunt cum notitia eorum presbyterorum et diaconorum, qui circa ipsum sunt, ut ipsi non ignorent, nec eos aliquid lateat eorum qui sunt propria Ecclesiæ, ut si contigerit episcopum de hac vita migrare, manifestæ sint et notæ res ecclesiasticæ, ne interdicant atque depereant, sed nec res propriæ episcopi tanquam obnoxie rerum ecclesiasticarum occasione ullius pulsantur injuria, quia justum et acceptum est apud Deum et homines quæ propria sunt episcopi quibus ipse iudicaverit, derelinqui, et quæ Ecclesiæ ipsi reservari. Ita enim sit ut nec Ecclesia damno aliquo affligatur, nec episcopus occasione rerum ecclesiasticarum proscribatur, neque pertinentes ad eum causas incurrant, atque post mortem memoria ejus maledictis aliquibus oneretur.

**67** XXV. Episcopum habere oportet rerum ecclesiasticarum potestatem ad dispensandum omnibus indigentibus cum omni timore et reverentia Dei, ipsum quoque ex eis percipere atque uti debere quibus indiget, si tamen indiget, vel ad suas necessarias expensas vel fratrum, qui apud eum hospitalitatis gra-



tia morantur, ut nulla ex parte per inopiam defraudentur secundum Apostolum dicentem : « Habentes victum quotidianum et tegumentum corporis his contenti simus (1 Tim. VI, 8). » Quod si his minime contentus atque sufficiens transferat in necessitates ecclesiasticas res vel commoda quælibet ecclesiæ, aut agrorum ecclesiasticorum fructus sine conscientia presbyterorum apud se redigat, et domesticis suis vel etiam affinibus aut fratribus, aut filiis earum rerum tribuat potestatem, ut per eorum secretam diligentiam ecclesiastici lædi videantur, reatum hunc qui hujusmodi est apud metropolitanum provinciæ præstare debebit, quod si taliter reprehendatur episcopus, vel hi qui cum ipso sunt presbyteri quo dicantur hæc quæ ad ecclesiam perti-

nent, sive de agris, sive de aliis quibuscunque ecclesiasticis causis, eos sibimet usurpare, pauperes vero necessitate et penuria opprimi, atque ex hoc ipso non solum ecclesiasticæ rationi, verum etiam dispensatoribus ejus maledicta reprehensio augeatur. Hunc enim correctionem oportet mereri, id quoque concedet sancta synodo cognoscente. Eusebius omnibus quæ constituta sunt præsens scripsit. Theodorus, Niceta, Macedonius, Anatolius, Marcodonanetus, Atherius, Narcissus, Eustachius, Esichius, Manicius, Paulus, et cæteri, quorum nomina in Græco jam superius continentur, consenserunt et subscripserunt.

Explicit concilium Antiochenum.

### INCIPIUNT CAPITULA CONCILII LAUDICENI.

1. De bigamis.
2. De his qui diversorum peccatorum lapsus incurrunt.
3. De neophitis non promovendis ad sacerdotium.
4. Non licebit coram catechumenis clericos fieri.
5. Non licere clerieis usuram vel sexcupla accipere.
6. Non debere hæreticos in hæresi permanentes in ecclesiam ingredi.
7. De Novatianis et Quartodecimanis.
8. De Cataphrygis ad Ecclesiam venientibus.
9. Non debere catholicos, in ea quæ martyria sua hæretici dicunt, intrare.
10. Non debere catholicam hæreticorum matrimonio sociari.
11. De catechumenis Ecclesiæ.
12. De ordinandis episcopis cum concilio metropolitani et finitimorum episcoporum.
13. Non licere populo ministros altaris eligere.
14. Sanctas oblationes pro eulogiis in festivitate Paschali ad alias parochias non debere transmitti.
15. De psalmistis.
16. Ut sanctum Evangelium Sabbatis legatur.
17. Psalmos sparsim non licere confundi.
18. De orationibus quotidianis.
19. De ordine orationum catechumenorum atque fidelium et communione.
20. De disciplina atque molestia clericorum.
21. De ministerio subdiaconorum.
22. De ministris, ut orario non utantur.
23. Quoniam non oportet lectores vel psalmistas orario uti et sic legere.
24. De lectoribus et psalmistis, ut tabernas non intrent.
25. Non licere ministris panem dare, aut calicem benedicere.
26. De exorcistis.
27. Non debere clericos sive laicos ad agapem vocatos partes tollere.
28. Non licere in ecclesiis accubitus sternere vel agapem facere.
29. Non debere Christianos sabbatizare.

- B 30. Nulli Christiano licere cum mulieribus lavacra excercere.
31. De cavendis hæreticorum connubiis.
32. Non licere ab hæreticis eulogias accipere.
33. Non debere cum hæreticis, aut schismaticis orare.
34. Non eundem ad falsos martyres.
35. Non licere Christianos derelicta ecclesia ad angulorum congregationes colligi.
36. Non licere clericos, magos, vel incantatores esse, aut phylacteria facere.
37. Non licere ab hæreticis vel Judæis feriatica quæ mittuntur accipere.
38. Non licere a Judæis azymas accipere.
39. Non licere cum paganis festa celebrare.
40. Episcopos ad synodum vocatos non debere contemnere.
41. Non debere clericum vel laicum sine episcopis peregrinari.
42. Nullum clericum debere sine episcopi sui iussione peregrinari et signum suscipere.
43. Ministros non debere ab hostiis recedere.
44. Non oportet per duas septimanas Quadragesimæ aliquem ad baptismum suscipere.
45. Non debere mulierem ingredi ad altare.
46. Baptizandos debere symbolum fidei et discere et reddere.
47. De his qui in ægritudine baptizantur.
48. Quia post baptismum chrismandum est.
49. In Quadragesima Sabbato tantum et Dominica offerendum est.
50. Non licere quintam feriam septimanæ majoris jejunii solvi
51. Non debere in Quadragesima nisi Sabbato et Dominica natalitia martyrum celebrare.
52. Non licere nuptias fieri in Quadragesima.
53. Non licere Christianos ad nuptias euntes cantare aut balare.
54. Non licere ministros altaris vel cæteros quolibet spectaculis quæ in nuptiis, aut in scenis exhibentur interesse.

55. Non debere clericum vel laicum Christianum A ex symbolis convivia celebrare.

56. Non oportet presbyteros ante ingressum episcopi ingredi, aut sedere in tribunalibus.

57. Non debere in vicis et villis episcopos ordinare, neque presbyteros sine præcepto vel consilio episcopi aliquid agere.

58. Non oportet in domibus ab episcopis vel presbyteris oblationem fieri.

59. Non licere psalmos ab idiotis compositos in ecclesia dici, nec libros qui non sunt canonici legere.

### INCIPIT CONCILIUM LAUDICENUM.

Sancta synodus, quæ apud Laodicæam Phrygiæ pacativæ convenit ex diversis provinciis Asiæ, regulas exposuit ecclesiasticas, sicut infra scriptum est.

CAP. I. De eo quod oportet, secundum ecclesiasticum canonem eos qui libere et legitime secundis nuptiis B juncti sunt, nec occultam permissionem operati sunt, paucio tempore exempto vacare orationibus et jeuniis, et secundum veniam reddi eis communionem.

II. His qui diversorum peccatorum lapsus incurrunt et oratione, confessione ac pœnitentia malorum suorum perfectam conversationem demonstrant, pro qualitate peccati, pœnitentiæ tempus attribuendum est propter misericordiam et bonitatem Dei. Qui ergo hujusmodi sunt revocandi et ad communionem sunt applicandi.

III. Non oportet neophytum promoveri ad ordinem sacerdotalem.

IV. Non licere manus impositione super ordinandos præsentibus catechumenis fieri.

V. Non licere fenerare ministris altaris, vel in sacerdotali ordine constitutis, vel usuras vel lucra, quæ sexcupla dicuntur, accipere.

VI. Non concedendum hæreticis ingressum domus Dei in hæresi permanentibus.

VII. Novatianos vel etiam Quartodecimanos, quos Græci Thesserescedatires appellant, id est, qui quartadecima luna primi mensis cum Judæis Pascha celebrant, sed et catechumenos eorum fideles non recipi, priusquam condemnationem omnem hæresim in qua detinebantur, plenissime autem ante omnia et nunc qui apud eos fideles dicuntur symbolum fidei doceantur, atque ita unctos etiam sancto chrismate divino sacramento communicare convenit.

VIII. Eos qui convertuntur ab hæresi quæ dicitur Cataphrygarum, qui se in clero constitutos existimant, quamvis magni dicantur hujusmodi cum omni diligentia catechizari oportet et baptizari ab Ecclesiæ catholicæ episcopis et presbyteris.

IX. Non concedendum in cœmeteria, vel quæ martyria hæreticorum dicuntur, catholicos orationis gratia et petendæ curationis intrare. Sed et qui ierunt, si sunt fideles, incommunicabiles factos ad pœnitentiam usque ad aliquod tempus redigi, pœnitentes autem eos et errasse confitentes suscipi oportet.

X. Mulieres quæ apud Græcos presbyteræ appellantur, apud vos viduæ, seniores univiræ, matricuriæ appellantur, in Ecclesia tanquam ordinantes constitui non debere.

XI. Eos qui ad Ecclesiam pertinent indifferenter filios proprios hæreticorum nuptiis minime sociare debere.

XII. Episcopum non oportet præter iudicium metropolitanorum et finitimorum episcoporum constitui ad Ecclesiæ principatum, nec eligantur nisi hi quos multo ante nota probabilisque vita commendat. Et nihilominus si in sermone fidei et recta operatione per suam conversationem fuerint probati.

XIII. De eo quod non sit populis concedendum electionem facere eorum qui altaris ministerio sunt applicandi.

XIV. Sanctas oblationes ad vicem eulogiarum per festivitatem Paschalem ad alias parochias mitti minime oportet.

XV. Non licere præter canonicos psalmos nisi qui regulariter cantores existunt, qui quæ pulpitem ascendunt et de codice legunt alium, quemlibet in ecclesia psallere.

XVI. Sabbatis Evangelia cum aliis Scripturis legendi esse censemur.

XVII. In processionibus non connectere, id est, ex diversis versibus et sensibus libri in unum canticum minime conjungere. Sed singulorum psalmorum ordinabiliter debere fieri lectionem.

**68** XVIII. De eo quod semper supplicationes orationum, et ad horam nonam et vesperam, oportet celebrari.

XIX. Quoniam catechumenorum orationem separatim et prius prostratis eis episcopum oportet celebrare. Quibus egressis orent etiam hi qui in pœnitentia sunt constituti. Et post manus impositionem, his quoque abscedentibus, tunc fideles orare debent. Quorum tres orationes fiant, una quidem, id est prima, per silentium, secunda vero et tertia, per vocis pronuntiationem, et tunc demum osculum pacis dare debere. Et postea quam presbyteri episcopo pacem dederint, tunc etiam laicos dare et tunc oblatio offeratur, solis autem ministris altaris liceat ingredi ad altare et ibidem communicare.

XX. Quoniam non oportet diaconum sedere ante presbyterum, sed ex iussione presbyteri sedeat, similiter autem honorificetur et diaconus a ministris inferioribus et omnibus clericis.

XXI. Quoniam non oportet subdiaconos licentiam habere in secretarium, sive sacrarium, (quod Græci *diaconicon* appellant) ingredi, et contingere vasa Dominica.



XXII. Ministrum non oportet orariis uti, nec hostia derelinquere.

XXIII. Quoniam non oportet lectores aut psalmistas orariis uti, et sic legere aut psallere.

XXIV. Quoniam non oportet clericos servientes a presbyteris usque ad diaconos, et deinceps ordinis ecclesiastici omnes usque ad ministros, aut lectores, aut psalmistas, aut exorcistas, aut hostiarios, aut etiam eos qui in proposito continentie sunt, tabernas intrare.

XXV. Non oportet diaconem panem dare, nec calicem benedicere.

XXVI. Non oportet ergo exorcizare eos qui necdum ab episcopis sunt provecti, neque in ecclesiis neque intra domos.

XXVII. Non oportet ministros altaris, vel quoslibet ecclesiasticos ad agapem vocatos, partes tollere, propter injuriam quæ ex hac occasione ecclesiastico ordini possit deputari.

XXVIII. Non oportet in basilicis seu ecclesiis agapem facere, et intus manducare vel accubitus sternere.

XXIX. Non oportet Christianos judaizare et in Sabbato vacare, sed operari eos in eadem die, Dominicam præponendo eidem diei. Si hoc eis placet, vacent tanquam Christiani. Quod si inventi fuerint judaizare, anathema sint.

XXX. Quoniam non oportet ministros altaris, vel etiam clericos quoslibet, aut continentes se, aut omnem omnino Christianum cum mulieribus lavaera habere communia. Est enim apud gentiles prima reprehensio.

XXXI. Quoniam non oportet cum hæreticis commiscere connubia, et vel filios et filias dare, sed potius accipere, si tamen profiteantur Christianos se futuros esse et catholicos.

XXXII. Non oportet hæreticorum benedictiones accipere, quoniam maledictiones magis sunt quam benedictiones.

XXXIII. Non oportet cum hæreticis vel schismaticis orare.

XXXIV. Non oportet omnino Christianum derelictis martyribus Christi abire ad falsos martyres, hi enim alieni a Deo sunt. Quicumque autem abire voluerit, anathema sit.

XXXV. Non oportet Christianos, derelicta Ecclesia Dei, abire ad angulos idololatriæ abominandæ congregationes facere, quæ omnia interdicta sunt. Quicumque autem inventus fuerit occulte huic idololatriæ vacans, anathema sit, quoniam; derelinquens Dominum nostrum Jesum Christum Filium Dei, accessit ad idola.

XXXVI. Quoniam non oportet ministros altaris aut clericos magos et incantatores esse aut facere quæ dicuntur phylacteria, quæ sunt magna obligamenta animarum, hos autem qui talibus rebus utuntur projici ab Ecclesia jussimus.

XXXVII. Quoniam non oportet a Judæis vel hæ-

reticis feriaticis quæ mittuntur accipere, nec cum eis dies agere feriatos.

XXXVIII. Non oportet a Judæis azymas accipere, aut communicare impietatibus eorum.

XXXIX. Non oportet cum paganis festâ celebrare et cum impietatibus eorum habere societatem.

XL. Non oportet vocatos episcopos ad synodum contemnere, sed abire debere, et aut docere aut doceri quæ sunt ad Ecclesiæ cæterorumque correctionem utilia. Quod si contempserit, seipsum videtur accusasse, nisi forte pro infirmitate ire non possit.

XLI. Non oportet ministrum altaris vel etiam laicum sine canonicis litteris, id est formata alicubi proficisci.

XLII. Non oportet ministrum altaris vel quemlibet clericum præter jussionem episcopi ad peregrinandum proficisci.

XLIII. Non oportet ministros, id est hostiarios, vel brevi tempore ab hostiis deesse, et orationi vacare.

XLIV. Non oportet post duas hebdomadas Quadragesimæ quemlibet ad baptismum suscipi.

XLV. Non oportet mulieres ingredi ad altare.

XLVI. Baptizandos oportet fidei symbolum discere, et quinta feria ultimæ septimanæ, vel episcopo vel presbytero reddere.

XLVII. Qui in ægritudine constituti baptismum perceperunt, facti sani, fidei symbolum doceantur ut noverint qua donatione digni sunt habiti.

XLVIII. Oportet baptizatos post baptismum sacramentissimum chrismâ percipere, et cœlestis regni participes fieri.

XLIX. Non oportet in Quadragesima panem offerri, nisi Sabbato et Dominica tantum.

L. Non oportet, in Quadragesimæ quinta feria ultimæ hebdomadæ, jejunium dissolvere et totam Quadragesimam inhonorari, sed per totos dies jejunare, et escis abstinentiæ convenientibus, id est aridioribus uti.

LI. Non oportet in Quadragesima martyrum natalitia celebrari, sed eorum in Sabbato et Dominica tantum memoriam fieri.

LII. Non oportet in Quadragesima aut nuptias vel quælibet natalitia celebrare.

LIII. Non oportet Christianos ad nuptias euntes vel balare vel saltare, sed caste cœnare vel prandere competit Christianis.

LIV. Non oportet ministros altaris vel quoslibet clericos spectaculis aliquibus, quæ aut in nuptiis aut in scenis exhibentur interesse, sed antequam thermelici ingrediantur surgere eos de convivio et abire debere.

LV. Non oportet ministros altaris, vel quoslibet clericos vel etiam laicos Christianos, ex symbolis quæ vulgus commissalia appellat, convivia celebrare.

LVI. Non oportet presbyteros ante ingressum episcopi ingredi ecclesiam, et sedere in tribunalibus,

sed cum episcopo ingredi, nisi forte aut ægrotet episcopus, aut in peregrinationis comodo eum abesse constiterit.

LVII. Non debere in villis et vicis episcopos ordinari, sed visitatores, id est, qui circumeant constitui; his autem qui ante hoc ordinati sunt nihil agere censemus, nisi conscientia episcopi civitatis. Similiter etiam presbyteri, nihil sine præcepto et consilio episcopi agant.

LVIII. Non oportet in domibus oblationes ab episcopis sive presbyteris fieri.

LIX. Non oportet ab idiotis psalmos compositos et vulgares in ecclesiis dici, neque libros qui sunt extra canonem legere, nisi solos canonicos Novi et Veteris Testamenti; quæ autem oporteat legi et in auctoritatem recipi hæc sunt :

Genesis. Exodus, Leviticus, Numeri, Deuterono-

mium, Jesu Nave, Judicum, Ruth, Regum libri quatuor, Paralipomenon libri duo, Esdra, liber Psalmorum numero 150, Proverbia Salomonis, Ecclesiastes, Cantica canticorum, Job, Esther, 12 Prophetarum libri, id est Osee et Amos, Joel, Abdias, Jonas, Michæas, Nahum, Habacuc, Sophonias, Aggæus, Zacharias, Malachias, Isaias, Jeremias, Ezechiel, Daniel; Novi Testamenti, id est, evangelium secundum Matthæum, secundum Marcum, secundum Lucam, secundum Joannem, Actus apostolorum; canonicæ Epistolæ 7: Jacobi una, Petri duæ, 1 et 2; Joannis tres, 1, 2 et 3; Judæ una; Epistolæ Pauli apostoli numero 14: ad Romanos, ad Corinthios 1 et 2, ad Galathas, ad Ephesios, ad Philippenses una, ad Collossenses una, ad Thessalonicenses duæ 1 et 2, ad Thimotheum duæ 1 et 2, ad Titum, ad Philemonem, ad Hebræos.

### INCIPIUNT CAPITULA CONCILII CONSTANTINOPOLITANI.

1. Custodiendum esse fidem Patrum trecentorum decem et octo.

2. Ut episcopi suam diœcesim gubernent nec ad alias accedant.

3. Non invitatos episcopos ultra diœcesim propriam accedere non debere.

4. De Ecclesiis in barbaricis compositis.

5. De honore Constantinopolitani episcopi.

6. De Maximo cynico philosopho.

7. De fide symboli apud Constantinopolim constituti.

### INCIPIT CONCILIUM CONSTANTINOPOLITANUM

*Habitu ab c. l. episcopis sub Theodosio majore, Siagrio et Eucherio consulibus, æra ccccix, adversus Macedonium.*

69 Hæ regulæ sive diffinitiones sunt expositæ ab episcopis c. l., qui in unum Constantinopolim convenerunt, quando beatus Nectarius episcopus ordinatus est, damnato Maximo cynico, quorum nomina et provinciæ continentur in Græco.

Cap. I. Non spernendam esse fidem Patrum trecentorum decem et octo, qui in Nicæa Bithyniæ convenerunt, sed manere eam ratam oportet, et anathematizare omnem hæresim, specialiter autem Eunomianorum, imo Anomianorum, qui Latine sine lege dicuntur, et Arianorum sive Eudoxianorum semina Arianorum, necnon Pneumatomachorum, id est, qui contra Spiritum sanctum pugnant, et Sabellianorum et Marcellianorum et Fotinianorum et Apollinaristafum.

II. Episcopi qui extra diœcesim sunt, ad ecclesias quæ extra terminos eorum sunt, non accedant, neque confundant et permisceant ecclesias secundum regulas constitutas, Alexandriæ quidem episcopi solius Orientis curam gerant, servatis honoribus primatus Ecclesiæ Antiocheæ, qui in regulis Nicæne synodi continentur. Sed et Asiæ diœcesis episcopi ea quæ sunt in Asia, et quæ ad Asianam tantummodo diœcesim pertinent, gubernent. Ponti autem episcopi Pontice tantum diœcesis habeant curam, Thraciæ vero ipsius tantummodo Thraciæ.

III. Non invitati episcopi ultra diœcesim accedere non debent super ordinandis aliquibus, vel quibus-

cunque disponendis ecclesiasticis causis, servata regula quæ supra scripta est, de unaquaque diœcesi, manifestum namque est quod per singulas quasque provincias provincialis synodus administrare et gubernare omnia debeat, secundum ea quæ sunt in Nicæa definita.

IV. Ecclesias autem Dei quæ sunt in Barbaricis gentibus constitutæ, regere atque administrare oportet secundum consuetudinem quæ a Patribus obtinuisse dignoscitur.

V. Constantinopolitanæ civitatis episcopum habere oportet primatus honorem post Romanum episcopum, propter quod sit nova Roma.

VI. Propter totius indisciplinationis ejus doctrinam quæ Constantinopoli orta est, ut neque maximus fuisse aut esse etiam putetur episcopus statutum est, neque hi qui ab eo sunt ordinati qualemunque gradum clericatus obtineant, omnibus scilicet quæ circa eum vel ab eo gesta sunt in irritum revocatis.

*Symbolum ejusdem concilii Constantinopolitani.*

VII. Credimus in unum Deum, Patrem omnipotentem, factorem cœli et terræ, visibilium omnium et invisibilium conditorem, et in unum Dominum Jesum Christum Filium Dei unigenitum ex Patre natum ante omnia sæcula, Deum ex Deo, lumen ex lumine, Deum verum ex Deo vero, natum, non factum, omnisium Patri, hoc



est ejusdem cum Patre substantiæ, per quem omnia facta sunt quæ in cælo et quæ in terra; qui propter nos homines et propter nostram salutem descendit de cælis, et incarnatus est de Spiritu sancto, ex Maria Virgine homo factus, passus est sub Pontio Pilato, ac sepultus, et tertia die resurrexit, ascendit in cælos, sedet ad dexteram Patris, inde venturus est cum gloria judicare vivos et mortuos, cujus regni non erit finis. Credimus in Spiritum sanctum, Dominum et vivificantem, ex Patre procedentem, cum Patre et Filio adorandum et conglorificandum, qui locutus est per prophetas; unam catholicam atque apostolicam Ecclesiam; con-

A fitemur unum baptismum in remissionem peccatorum; expectamus resurrectionem mortuorum, et vitam futuri sæculi, Amen. Nomina cl. Sæctarius Constantinopolitanus. Timotheus Alexandriæ, Dorotheus a Corintho, Cyrillus Hierosolymitanus, Calasius Cæsariensis, Macer Hiericontius, Dionysius, Diospolitanus, Priscianus Nicopolitanus, Saturninus, Sebastienus, Auxentius Ascholonitanus, Elianus Raniensis, Zenon Tyrius, Paulus Sydoniensis. Deibus a Ptolomaida, Philippus Damascenus. Varachus Peneacensis, Timotheus, Basilides, Abbibo, Mochinus Aracleensis, et cæteri.

Finis.

### INCIPIT SYNODUS EPHESINA.

INCIPIT SYNODUS EPHESINA PRIMA ducentorum episcoporum, habita adversus Nestorium Constantinopolitanum episcopum, qui purum hominem ex sancta Virgine Maria natum asseruit, ut aliam personam carnis, aliam faceret deitatis, nec unum Christum in Verbo Dei et carne sentiret, sed separatim atque sejunctim alterum Filium Dei, alterum hominis

prædicaret. Convenit autem hæc synodus Theodosio juniore tertio decimo et Valentiniano tertio consulibus, æra CCCCLXVIII. Cui synodo præsedit beatissimus quondam Cyrillus Alexandriæ episcopus, qui cum omni concilio ad eundem Nestorium hæc synodalia decreta transmisit.

### EPISTOLA EPHESINI CONCILII AD NESTORIUM.

Religioso et Deo amabili consacerdote NESTORIO CYRILLES, vel quicumque sunt apud Ephesi synodum.

Cum Salvator noster aperte pronuntiet: Qui diligit patrem aut matrem super me non est me dignus, et qui diligit filium aut filiam super me non est me dignus (*Matth. x, 37*), quid nos patiemur qui deprecimur a tua religione ut te super Christum Salvatorem omnium diligamus? Quid enim nobis in die judicii proderit, aut quam satisfactionem reperire poterimus propter tam diuturnum silentium de prolatis a te contra eum blasphemis? Et si quidem te tantummodo læderes, docens ista vel sentiens, sollicitudo nobis minor existeret. Cum vero totam scandalizaveris Ecclesiam, et fermentum insolitæ pravitatis et novæ hæresis miscueris in populis, nec tantum ibidem positus, sed ubique consistentibus. Nam tuarum expositionum libri per cuncta vulgati sunt, pro nostro silentio quæ ratio ultra vel excusationis sermo sufficiat? Aut quando non necesse sit meminisse Christi Domini sic dicentis: « Non putetis quod venerim pacem mittere in terram, non veni pacem mittere, sed gladium, veni enim separare hominem adversus patrem suum, et filiam adversus matrem suam (*Ibid., 34.*) » Nam cum læditur fides, parentum reverentia velut inutilis et periculosa despicitur, et amor erga filios fratresque vitatur, ad postremum etiam super ipsam vitam mors potius a piis viris eligitur, ut meliorem resurrectionem, sicut scriptum est, consequantur (*Hebr. ii, 35*). Ecce itaque te simul cum sancta synodo, quæ apud amplam urbem Romani

congregata est, præsidente sanctissimo et reverendissimo Patre et consacerdote nostro Cœlestino episcopo, his scriptis synodicis te etiam tertio convenimus, consilium dantes ut a tam pravis abstineas dogmatibus quæ et sentire cognosceris et docere. Recipias vero fidem rectam Ecclesiis per beatissimos apostolos et evangelistas ab initio traditam, qui et oculis inspexerunt et ministri Verbi fuisse monstrantur. Quod si hoc religio tua facere distulerit, juxta dilationem litteris præfinitam sanctissimi et reverendissimi consacerdotis nostri Romanæ præsulis Ecclesiæ Cœlestini, scias te nullam sortem habere nobiscum, nec locum aut convivium cum Dei sacerdotibus et episcopis obtinere. Non enim fas est conteri non solum Ecclesias ita turbatas et scandalizatas populis, fidemque rectissimam violatam dissipatamque, quin etiam gregem quem custodire debueras, siquidem juxta nos amator recti dogmatis exstitisses, sanctorum Patrum vestigia pia consecrans.

Omnes itaque quos propter fidem tua religio a communione removet, aut ab ordine suo deposuit laicos et clericos in nostram communionem recipimus, non enim justum est eos tuis decretis opprimi qui noverunt recta sentire. Qui etiam benefacientes tibi prudentissime restiterunt, hoc idem namque in epistola quam misisti ad præsulem amplæ Romæ, sanctum et coepiscopum nostrum Cœlestinum, significare curasti. Non autem sufficit vel tuæ religioni tantummodo fidei symbolum confiteri quod expositum est per idem tempus, Spiritu sancto

largiente, et venerando et magno concilio apud A Nicæam congregato.

Hoc enim non intellexisti nec recte interpretatus es, quinimo perverse, licet sono vocis eadem verba prætuleris. Sed consequens est etiam iurejurando fateri te quod anathematizes quidem tua polluta et profana dogmata, sentias autem et doceas quæ nos universi, per Orientem seu per Occidentem episcopi et magistri, præsulesque populorum credimus, et docemus. Epistolis autem ab Alexandrina tuæ religioni directis Ecclesia consensum præbuit, tam ea quæ apud urbem Romanam convenit sancta synodus, quam etiam nos omnes velut recte irreprehensibiliterque conscriptis; subdidimus autem his nostris quæ sentire oporteat et docere, et a quibus abstinere conveniat. Hæc est enim fides catholice Ecclesiæ, cui cuncti consentiunt orthodoxi per Orientem Occidentemque pontifices.

Credimus in unum Deum Patrem, omnipotentem, omnium visibilium et invisibilium conditorem; et in unum Dominum nostrum Jesum Christum Filium Dei natum de Patre unigenitum, hoc est ex substantia Patris, Deum ex Deo, lumen de lumine, Deum verum ex Deo vero, natum non factum, omousion Patris, hoc est unius cum Patre substantiæ; per quem omnia facta sunt in cælo et in terra, qui propter nos homines et propter nostram salutem descendit de cælis. Et incarnatus est, et homo factus, passus est, et resurgens tertia die, ascendit in cælos, inde venturus iudicare vivos et mortuos; et in Spiritum sanctum. Eos autem qui dicunt: Erat tempus quando non erat, et antequam nasceretur non erat, et quia ex nullis existentibus factus est, aut ex alia substantia vel essentia esse dicunt, aut convertibilem vel commutabilem Dei Filium, anathematizat catholica et apostolica Ecclesia. Sequentes itaque omnium sanctorum Patrum confessiones, quas loquente in eis sancto Spiritu protulerunt, et intentioni quæ est in eorum intellectibus æquis vestigiis inherentes, atque iter ambulantes regium, profiteamur quod ipsum unigenitum Dei Verbum natum ex ipsa Patris essentia, de Deo vero Deus verus, lumen de lumine, per quem omnia facta sunt, sive in cælis sive in terra, salutis nostræ causa, descendens ad exinanitionem sese dignatus est inclinare, natus autem et homo factus, id est carnem de Virgine sancta suscipiens, eamque propriam faciens nativitatem nostram ex vulva sustinuit, homo de muliere procedens, nec quod erat abiciens. Nam licet factus sit in assumptione carnis et sanguinis, tamen etiam quod erat Deus natura scilicet et veritate persistens. Nec carnem itaque dicimus in naturam deitatis esse conversam, nec in substantiam carnis inseparabilem Dei Verbi essentiam comitantem.

Inconvertibilis est enim et incommutabilis idemque ipse juxta Scripturas jugiter permanens. Visus est autem et parvulus, positusque in cunabilis et sini-

bus genitricis Virginis constitutus universam creaturam replebat ut Deus genitori suo indivisus existeret. Quod divinum est enim sine quantitate et sine mole cognoscitur, nec ullis terminis continetur. Verbum Dei secundum subsistentiam confitentes, unum adoramus Filium et Dominum Jesum Christum non seorsum ponentes, et determinantes hominem Deum velut invicem sibi dignitatis et auctoritatis unitati conjunctum, hoc enim novitas vocis est et nihil aliud, nec item Christum specialiter nominantes Dei Verbum quod ex Deo est, nec alterum similiter Christum specialiter qui de muliere natus est, sed unum solummodo Christum Dei Patris Verbum cum propria carne cognoscimus. Tunc enim etiam juxta nos unctus est, quamvis Spiritum dignis ipse contulerit et non ad mensuram, sicut beatus Joannes evangelista asseruit. Sed nec illud dicimus quod Dei Verbum velut hominem communem qui de sancta Virgine natus est habitaverit, nec Deum homo Christus habitatorem possidere credatur. Quamvis enim Verbum habitaverit in nobis **70** et dictum sit in Christo habitare omnem plenitudinem deitatis corporaliter, attamen intelligimus Verbum quod caro factum est, non sicut in sanctis habitare dicitur, nec talem in ipso habitationem factam diffiniretentabimus, sed unus juxta naturam nec in carnem penitus commutatus talem sibi fecit habitationem qualem et anima hominis habere creditur, ad proprium corpus. Unus igitur est Christus et Dominus non velut conjunctione qualibet in unitate dignitatis, et auctoritatis hominis habentis ad Deum. Non enim potest unire naturam sola dignitatis æqualitas. Denique Petrus et Joannes æqualis sunt ad alterutrum dignitatis, propter quod apostoli et sancti discipuli esse monstrantur, verumtamen uterque non unus est. Nec juxta collationem vel connexionem modum conjunctionis advertimus, hoc enim ad unitatem non sufficit naturalem, nec secundum participationis effectum; nos etiam sicut adherentes Domino unus cum eo spiritus sumus, imo potius conjunctionis nomen evitamus tanquam non existens idoneum quod significat unitatis arcanum.

Sed neque Deum aut Dominum Christi Verbum Dei Patris asserimus, ne iterum manifestius in duo dividamus, unum Christum Filium et Dominum, et in crimen sacrilegii recidamus, Deum illi seipsum facientes et Dominum. Unitus quippe, sicut superius diximus, Deus Verbum carni secundum substantiam Deus quidem est omnium et dominator universitatis. Verumtamen nec servus est sibi ipsi nec Dominus, quoniam ineptum est vel potius impium hoc sentire vel dicere. Quamvis enim dicat Deum suum Patrem, cum sit Deus et de substantia ejus, tamen nullatenus ignoramus quod manens Deus, homo quoque factus est, qui sub Deo debitam legem naturæ humanitatis assumeret, ipse vero sibi quomodo vel Deus poterit esse vel Dominus, ergo sicut homo quantum decenter exinanitionis mensuræ congruit sub Deo esse nobiscum esse decrevit. Hoc etiam quomodo sub lege



factus est quamvis ipse promulgaverit legem et legislator ut Deus existeret, cavemus de Christo dicere. Propter assumptam veneror assumptum. Et propter invisibilem adoro visibilem. Horrendum vero super hoc est etiam illud dicere : Is qui susceptus est cum eo qui suscipit nuncupatur Deus. Qui enim hæc dicit dividit iterum in duos Christos eum qui unus est, hominem seorsum in parte, et Deum similiter in parte constituens. Evidenter enim denegat unitatem, secundum quam non alter cum altero coadoratur, aut nuncupatur Deus, sed unus intelligitur Christus Jesus, Filius Dei unigenitus, una servitute cum propria carne venerandus.

Confitemur etiam quod idem ipse qui ex Deo Patre natus est Filius unigenitus Deus, licet juxta naturam suam expers passionis exstiterit, pro nobis tamen secundum Scripturas carne percussus vel perpressus sit, et erat in crucifixo corpore propriæ carnis impassibiliter ad se referens passionem. Gratia vero Dei pro omnibus gustavit mortem, tradens et proprium corpus quamvis et naturaliter ipse vita sit, et resurrectio mortuorum. Nam ut mortem ineffabili potentia proculcaret ac prius in sua carne primogenitus, Deus, licet juxta naturam suam, mortis expers ex mortuis fieret « primitiæ dormientium (I Cor. xv, 20), » viamque faceret humanæ naturæ ad incorruptionis recursum, gratia Dei, sicut supra dictum est, pro hominibus gustavit mortem, et, tertia die resurgens, exspoliavit infernum. Idcirco quamvis dicatur quod per hominem facta sit resurrectio mortuorum, tamen intelligimus hominem factum Verbum quod ex Deo est, et per ipsum mortis imperium fuisse destructum.

Veniet autem temporibus prefinitis sicut est unus Filius et Dominus in gloria Patris « ut judicet orbem terrarum in æquitate (Psal. ix, 9), » sicut Scriptura testatur.

Necessarie igitur et hoc adjicimus. Annuntiantes enim sicut secundum carnem mortem unigeniti Filii Dei, id est, Jesu Christi et resurrectionem ejus, et in cælis ascensionem pariter confitentes, in euentam celebramus in ecclesiis sacrificii servitutem. Sic etiam ad mysticas benedictiones accedimus et sanctificamur participes sancti corporis et pretiosi sanguinis Christi omnium nostrum Redemptoris effecti, non ut communem carnem percipientes; quod absit, nec ut viri sanctificati et Verbo conjuncti secundum dignitatis unitatem aut sicut divinam possidentes habitationem, sed vere vivificatricem et ipsius Verbi propriam factam. Vita enim naturaliter ut Deus existens, quia propriæ carne unitus est, vivificatricem eam esse professus est. Et ideo quamvis dicat ad nos : « Amen, amen dico vobis, nisi manducaveritis carnem Filii hominis et biberitis ejus sanguinem (Joan. vi, 54), » non tamen eam ut hominis unius ex nobis existimare debemus, quomodo enim juxta naturam suam vivificatrix esse caro poterit hominis? sed ut vere proprium ejus factam qui propter nos filius hominis est factus et vocatus. Eas autem vo-

ces quas Salvator in Evangeliiis protulit, non in duabus substantiis aut personis omnino partimur. Non enim duplex est unus Christus et Deus solus, quamvis ex duabus diversisque rebus ad unitatem cognoscitur individuum convenisse, sicut homo quoque ex anima constat et corpore non duplex unus, sed potius est ex utroque.

Humanas ergo et divinas insuper voces ab uno Christo dictas animadvertentes recte sentimus. Cum enim de duobus dignissime loquitur de seipso : « Qui me videt, videt et Patrem (Joan. xiv, 9) » et : « Ego et Pater unum sumus (Joan. x, 30), » divinam ejus intelligimus ineffabilemque naturam, secundum quam unus est cum Patre suo propter unam eandemque substantiam, « imago et character splendor gloriæ ejus existens (Hebr. i, 3). » Cum vero humanæ naturæ mensuram nullatenus ignorans Judæos alloquitur, nunc « me queritis occidere (Joan. vii, 20), » hominem qui veritatem locutus sum vobis, item non minus eum qui in similitudinem et æqualitatem Patris est Deum verum etiam in mensuris humanitatis ejus agnoscimus. Si autem necessario creditur quod natura Deus existens factus sit caro, imo potius homo animatus anima rationali, quæ causa est ut in ejus quilibet vocibus erubescat, si eas homine dignas effatus est? Quod si sermones homini congruentes abjicit, juxta nos hominem fieri quid coegit? Cum vero se propter nos ad exinanitionem spontaneam misericorditer inclinaverit, quam ob causam dignos examinatione sermonis effugerit? Uni igitur personæ cuncta ejus in Evangelio ascribimus, uni substantiæ Verbi, id est, incarnati, quia unus est Dominus Jesus Christus, ut scriptum est : Appellatum vero ab Apostolo « Pontificem confessionis nostræ (Hebr. iii, 1) » tanquam sacrificantem Deo et Patri fidei nostræ confessionem, quæ a nobis ipsi Deo Patri incessanter offertur; iterum ipsum esse dicimus ex Deo secundum naturam Filium unigenitum, nec homini præter eum alteri sacerdotii nomen et officium deputamus, factus est enim « mediator Dei et hominum (Tim. ii, 5), » et reconciliator ad pacem semetipsum Deo et Patri pro nobis offerens « in odorem suavitatis (Eph. v, 2). » Ideoque dicebat : « Sacrificium et oblationem noluisti, holocausta pro peccato non tibi placuerunt, corpus autem perfecisti mihi, tunc dixi : Ecce venio. In capite libri scriptum est de me, ut facerem, Deus, voluntatem tuam (Hebr. x, 5 et seq.). » Obtulit enim proprium corpus non pro se, sed pro nobis in odorem suavitatis. Nam qua pro se vel oblatione vel sacrificio indigeret, omni peccato liber, ut Deus, existens? Quod si omnes peccaverint, et egerit gloria Dei (Rom. iii, 23). Secundum hoc quod sumus ad mutabilitatis excessum proniores effecti peccatis ægrotavit humana natura. Ipse vero non ita. Ideoque nos gloria ejus egemus. Cur erit ultra jam dubium, quod Agnus verus pro nobis sit immolatus. Qui autem dicit, quia seipsum tam pro se quam pro nobis obtulerit, nullatenus impietatis crimen effi-

giet, cum nihil prorsus iste deliquerit, nec ullum A fecerit omnino peccatum. Qua igitur egeret oblatione nullo suo existente facinore? Pro quo, si esset satis ad modum convenienter offerret?

De Spiritu quoque, cum dicit: « Ille me clarificabit (Joan. xvi, 14), » hoc rectissime sentientes, unum Christum Dominum et Filium, non velut alterius egentem gloria confitemur, a Spiritu sancto gloriam consecutum, quia ejus Spiritus, nec melior, nec superior ipso est. Sed quia humana opera faciens, ad demonstrationem suæ deitatis virtute proprii Spiritus utebatur, ab ipso glorificari dicitur, quod virtus sua vel disciplina quelibet unumquemque clarificet. Quamvis enim in sua sit substantia Spiritus ejus, et intelligatur in persona proprietas juxta id quod Spiritus est et non Filius, attamen alienus ab illo non est. Nam Spiritus appellatus est veritatis, et veritas Christus est; unde et ab isto similiter sicut ex Deo Patre procedit. Denique hic et ipse Spiritus etiam per sanctorum manus apostolorum miracula gloriosa perficiens Dominum glorificavit Jesum Christum, postquam ascendit in cælum. Nam creditus est Christus natura Deus existens per suum Spiritum virtutes efficiens, ideoque dicebat: De meo accipiet, et annuntiabit vobis (Ibid.). Nequaquam vero participatione alterius idem Spiritus sapiens aut potens dicitur, quia per omnia perfectus est, et nullo prorsus indigens bono. Nam paternæ virtutis et sapientiæ, id est, Filii Spiritus creditur, et ideo ipse re et subsistente virtute virtus et sapientia comprobatur. Igitur quia Deum carne unitum juxta subsistentiam sancta Virgo corporaliter peperit, idcirco eam Dei Genitricem esse profitemur, non quod Verbi natura existendi principium de carne sortita sit: « Erat enim in principio Verbum, et Deus erat Verbum, et Verbum erat apud Deum (Joan. 1, 1), » et ipse conditor sæculorum Patri coæternus et universitatis conditor, sed, quod superius diximus, juxta subsistentiam sibimet uniens humanam naturam nativitate sustineret ex ipsa vulva corporea. Non quod eguerit necessario propter suam naturam nativitate quæ est in extremis sæculi facta temporibus, sed ut ipsas benediceret substantiæ nostræ primitias. Et dum Deum carne unitum muliere edidisset, illa quæ adversus omne genus humanum maledictio fuerat prolata desineret, nec iam morti nostra corpora destinaret. Illud quoque quod dictum est: « In tristitia paries filios (Gen. iii, 16) » ipse dissolvens, verum esse monstraret quod prophetæ voce prædixerat: « Absorpta est mors in victoria (I Cor. xv, 54). » Et iterum: « Abstulit Deus omnem lacrymam ab omni facie (Apoc. vii, 17). » Propter hanc enim causam dicimus eum dispensatorie, et ipsis tunc benedixisse nuptiis cum in Cana Galiliæ cum sanctis vocatus fuit apostolis (Joan. ii, 1). Hæc sapere edocti sumus tam a sanctis apostolis quam evangelistis, et ab omni Scriptura divinitus inspirata, nec non et a beatis Patrum confessionibus veritate subnixis. Illis omnibus etiam religionem tuam concordare, et præter aliquem dolum consen-

tire convenit. Quæ vero huic religioni tuæ anathematizare necesse est huic epistolæ nostræ subjecta sunt.

Cap. I. Si quis non confitetur Deum esse veraciter Emmanuel, et propterea non Dei genitricem sanctam Virginem; peperit enim secundum carnem, carnem Dei factum Verbum, secundum quod scriptum est; « Verbum caro factum est, » anathema sit.

II. Si quis non confitetur carni secundum substantiam unitum Dei Patris Verbum, unumque esse Christum cum propria carne eundem, scilicet, Deum simul et hominem, anathema sit.

III. Si quis in uno Christo dividit substantias post unitatem, sola eas connexion conjungens ea quæ secundum carnis dignitatem fit, vel etiam auctoritatem et potestatem ac non potius conventu qui per unitatem factus est naturalem, anathema sit.

IV. Si quis personis duabus vel subsistentiis eas voces, quæ in apostolicis scriptis continentur et evangelicis dividit, vel quæ de Christo dicuntur a sanctis vel ab ipso, et aliquas quidem ex his velut homini qui præter Dei Verbum specialiter intelligatur aptaverit, illas autem tanquam dignas Deo soli, Dei Patris Verbo, deputaverit, anathema sit.

**¶** V. Si quis audeat dicere hominem Christum Theophoron, id est deiferum, ac non potius Deum esse veraciter dixerit, tanquam Filium per naturam secundum quod Verbum factum est caro, et communicavit similiter ut nos carni et sanguini, anathema sit.

VI. Si quis dicit Deum esse vel Dominum Christi Dei Patris Verbum, et non magis eundem ipsum confitetur Deum simul et hominem propterea quod Verbum caro factum est secundum Scripturas, anathema sit.

VII. Si quis velut hominem Jesum, operante Deo Verbo, dicit adjutum et unigeniti gloriam tanquam propter ipsum existenti tribuit, anathema sit.

VIII. Si quis audet dicere assumptum hominem coadorandum Deo Verbo et conglorificandum et connuncupandum Deum tanquam alterum cum altero, nam con syllaba superadjecta hæc cogit intelligi, ac non potius una supplicatione veneratur Emmanuel unamque ei glorificationem dependit juxta quod Verbum caro factum est, anathema sit.

IX. Si quis unum Dominum Jesum Christum glorificatum dicit a Spiritu sancto tanquam qui aliena virtute per eum usus fuerit, et ab eo acceperit efficaciam contra immundos spiritus, posse et coram hominibus divina signa perficere, ac non potius proprium fatetur ejus spiritum per quem divina signa explevit, anathema sit.

X. Pontificem et Apostolum confessionis nostræ factum esse Christum divina Scriptura commemorat. Obtulit enim semetipsum pro nobis « in odorem suavitatis » Deo et Patri. Si quis ergo Pontificem et Apostolum nostrum dicit factum non ipsum Dei Verbum, quando caro factum est et homo,



juxta nos homines, sed velut alterum præter ipsum A specialiter hominem ex muliere; aut qui dicit quod pro se obtulisset semetipsum oblationem et non potius pro nobis solis, non enim eguit oblatione qui peccatorum omnino nescivit, anathema sit.

XI. Si quis non confitetur carnem Domini vivificatricem esse, et propriam ipsius Verbi Dei Patris, sed velut alterius præter ipsum conjuncti eidem per dignitatem aut quasi divinam habentis habitationem ac non potius vivificatricem esse quia facta est propria Verbi vivificare valentis, anathema sit.

XII. Si quis non confitetur Dei Verbum passum carne, et crucifixum carne, et mortem carne gustasse, factum primogenitum ex mortuis secundum quod vita est, et vivificator ut Deus, anathema sit.

XIII. Ait igitur magna et sancta synodus ipsum B qui est ex Deo Patre naturaliter natus Filium unigenitum Deum de Deo vero, lumen de lumine, per quem et cum quo omnia fecerit Pater, hunc descendisse, incarnatum esse, et hominem factum, passum esse, et resurrexisse tertia die, ascendisse rursus in cœlos. Hæc nos sequi verba debemus, his nos convenit obtemperare dogmatibus, considerantes quid sit incarnatum esse et hominem factum Dei Verbum.

Non enim dicimus quod Dei natura conversa vel immutata sit, sed magis quod carnem animatam anima rationali sibi copulaverit, Verbumque substantialiter ineffabiliter et incomprehensibiliter factus sit homo, et nuncupatus sit etiam filius hominis non nuda tantummodo voluntate, sed nec assumptione sola personæ, sed quod diversæ quidem naturæ in unum convenerunt, unus tamen ex ambobus Christus et Filius non evacuata vel sublata diversitate naturarum per conjunctiones, sed quia simul nobis effecerunt, ut unum Deum et Christum et Filium, id est divinitas et humanitas per arcanam illam ineffabilemque copulationem ad humanitatem. Itaque is qui ante sæcula omnia est natus ex Patre, etiam ex muliere carnaliter est procreatus. Non quia divina ipsius natura de sacra Virgine sumpsit exordium, nec propter seipsum opus habuit secundo nasci post illam nativitatem quam habebat ex Patre. Est enim ineptum et stultum hoc dicere, quod is qui ante omnia sæcula est concepiternus Patri, secundæ generationis eguerit ut esse inciperet, sed quia propter nostram salutem naturam sibi copulavit humanam, et processit ex muliere, idcirco dicitur esse natus carnaliter. Neque enim primum natus est homo communis de sancta Virgine et tunc demum inhabitavit in eo Verbum, sed in ipsa vulva uteroque virginali secum carnem conjunxit et sustinuit generationem carnalem carnis suæ nativitatem faciens. Sic illum diximus passum esse et resurrexisse, non quia Deus Verbum in sua natura passus sit aut plagas, aut clavos, et trans-

fixiones, aut alia vulnera suscepit, Deus nãmq̃ue incorporalis et extra passionem est, sed quia corpus illud quod ipsius proprium factum est hoc sustinuit. Ideo hæc omnia pro nobis ipsis dicitur passus, inerat enim in eo corpore quid patiebatur Deus, qui pati non poterat. Simili modo et mortem ipsius intelligimus, immortale enim et incorruptibile esse naturaliter et vita et vivificans Deus Verbum; sed quia corpus ipsius proprium gratia Dei juxta Pauli vocem « pro omnibus mortem gustavit (Heb. II, 9), » idcirco ipse dicitur mortem passus pro nobis. Non quod ipse mortem esset expertus, quantum ad ipsius naturam pertinet (insania enim est hoc vel sentire, vel dicere), sed quod, ut diximus, vera caro ipsius mortem gustavit, ita et resurgente carne ipsius rursus resurrectionem dicimus, non quia in corruptionem ceciderat, quod absit, sed quia ejus resurrexit corpus; ita Christum unum et Dominum confitemur, tanquam hominem cum Verbo coadorantes ut divisionis quædam species inducatur, sed unum jam et eundem adorantes, quia non est alienum a Verbo corpus suum cum quo ipse etiam assidet Patri, nec hoc ita dicimus quasi duobus filiis assidentibus, sed una cum carne per unitatem, quia si talem copulationem factam per substantiam, aut quasi per passibilem, aut quasi parum decoram voluerimus accipere, in id incidemus, ut duos filios esse dicamus. Necesse est enim discernere, et dicere hominem separatim fuisse, sola Filii appellatione honoratum, et rursus Verbum quod est ex Deo in homine, in veritate Filium Dei. Sed discernere in duos filios non debemus unum Dominum Jesum Christum. Neque enim adjuvat rectam fidei rationem, licet nonnulli copulationem, nescio quam, perhibeant personarum. Non enim dicit Scriptura Verbum Dei personam sibi hominis assumpsisse, sed carnem factum esse, id autem est ostendere Dei Verbum similiter ac nos principium habuisse carnis et sanguinis, et corpus nostrum proprie suum fecisse, et hominem ex muliere processisse non abjecta vel deposita deitate, ut generationem illam amitteret, quam habebat ex Patre, sed mansisse etiam in assumptione carnis Deum quod erat. Hoc itaque rectæ fidei ratio protestatur. In tali sensu sanctos Patres fuisse compe- D rimus, ideoque illi non dubitaverunt sanctam Virginem dicere *theotochon*, non quia Verbi natura deitasque in sanctam Virginem sumpsit exordium, sed quod ex ea natum sit sacrum illud corpus animatum anima rationali cui substantialiter adunatum Dei Verbum carnaliter natum esse dicitur. Hæc igitur pro charitate in Christo scribo tibi, quærens tanquam fratrem et contestans coram Deo et electis ejus angelis, ut hæc nobiscum sentias simul et doceas, ut Ecclesiarum pax salvetur, et concordie charitatisque vinculum indissolubile maneat sacerdotibus.

## CONCILIIUM CHALCEDONENSE

*Sexcentorum triginta episcoporum, Valentiniano VI et Ahino consulibus, æra CDLXIX (Anno Domini 454), adversus Eutychetem et Dioscorum.*

Consulatu piissimi et amatoris Christi, Flavii Martiani perpetui Augusti, die Idus Octobris, synodus facta in Chalcedonensi civitate, metropoli provincie Bithyniæ, ex decreto synodorum et fidelissimorum verborum imperatorum Valentiniani et Martiani, convenientibus in ecclesia sanctæ ac triumphatricis martyris Eupheniæ, gloriosissimis principibus, id est, magnificentissimo et gloriosissimo magistro militum expræfecto et exconsule, patricio Anatholio et magnificentissimo et gloriosissimo præfecto sacri prætorii præfecturæ palladio, et magnificentissimo præfecto urbis Tatiano, et magnificentissimo et gloriosissimo magistro divini officii Vincemalo, et magnificentissimo et gloriosissimo magistro Martiali, et gloriosissimo et magnificentissimo comite domesticorum Sporatio et magno comite rerum privatarum Geneholio, appositis etiam ex glorioso senatu, id est, magnificentissimo et gloriosissimo expræfecto prætorii sexies exconsule ordinario, et patricio Florentio et magnificentissimo et gloriosissimo exconsule ordinario et patricio senatore, et magnificentissimo et gloriosissimo magistro exconsule ordinario patricio Nomo, et magnificentissimo et gloriosissimo expræfecto et exconsule ordinario et patricio Protogenio, et magnificentissimo et gloriosissimo magistro expræfecto Zoilo, et magno et glorioso expræfecto urbis Apollonio, et magnificentissimo ex præposito urbis Artaxerse, concilio autem totius orbis secundum divinum præceptum in Chalcedona civitate congregato, id est, Paschasino et Lucentio episcopis, et Bonifacio presbytero, convenientibus legatis venerabilis et sancti archiepiscopi antiquæ Romæ Leonis, conveniente et sancto Anatholio archiepiscopo magnificentissimo et Constantinopolitano novæ Romæ, et reliquis sanctissimis, et reverendissimis sexcentis triginta episcopis.

Ecce advenientibus omnibus ante cancellos sancti altaris cum magnificentissimo et eximio senatu, adveniente etiam piissimo imperatore Martiano in supradicta sanctissima basilica. Præsentem etiam zelo divino calore fidei accensa piissima et fidelissima regina, Augusta pulcherrima, sanctam synodum allocuta est hæc : Cum primum per electionem in regnum de secreto Dei provecti sumus inter tantas publicas utilitates, nullum magis nos constrinximus ad negotium quam rectam et veram fidem Christianam, quæ sancta et veneranda consistit, indubitabiliter omnibus declarare. Manifestum est enim quod ex avaritia vel vano studio hi qui precedentibus temporibus diversa sapuerunt, et docuerunt populo, quod illis placuit, non prout convenit, neque quod

veritas, aut doctrina Patrum exquirat, multi ad errorem seducti sunt, unde sanctam synodum, scilicet ad istam fieri perfectionem properamus, et laborem vobis arbitrati sumus imponere, ut omni errore caliginis deterso secundum quod ipsa divinitas hominibus se fieri manifestam esse voluit, et Patrum demonstravit doctrina, sic fides nostra, quæ pura et sancta consistit, in omnium ingrediens animas propriæ veritatis effulgeat luce. De cætero audeat nemo de nativitate Domini et Salvatoris nostri Jesu Christi aliud disputare, præter quod apostolicum præmium 518 sanctorum Patrum consonans huic doctrinæ tradidisse noscitur, sicut sanctissimi papæ Leonis, quia apostolicum gubernat thronum ad sanctæ memoriæ Flavianum regie urbis Constantinopolitanæ quondam episcopum testantur litteræ ; nos enim ad confirmandam fidem, non ad condendam virtutem exemplo imperatoris Constantini adesse synodo excogitavimus, ne in posterum multitudo populi institutionibus pravis atraucta inveniat dissensiens, facile enim simplicitas quorundam commentis seu locuti sumus usque nunc delusa est, quoniam manifeste diversorum pravis doctrinis discordiæ et hæreses ostensæ sunt.

**72** Nobis autem omne studium adhibendum est, ut populum propter veram sanctamque doctrinam idipsum sentientem uni rectæ applicare Ecclesiæ, et ideo veram fidem catholicamque etiam exponere secundum Patrum doctrinam, concordantibus animis vestris, vestra properet reverentia, ut qualiter in Nicæna synodo usque in hoc tempore, abscisso errore, vera fides est hominibus cognita, sic et nunc per hanc sanctam synodum deposita nebula quæ in eis paucis annis, ut superius diximus, ex pravitate et avaritia quorundam visa est exoriri, semper serventur quæ statuta sunt. Erit quidem divinæ providentiæ quod pie fieri volumus in sæcula hoc conservare firmissime. Et post regis hæc verba, omnes episcopi clamaverunt : Martiano novo Constantino : Multi anni regi, Multi anni reginæ. Orthodoxis multi anni. Martiani amatoris Christi regnum in sæcula permaneat, digni orthodoxæ fidei amatoris Christi. Sit a nobis procul invidia. Et post hæc Etius, archidiaconus Constantinopolitanæ novæ Romæ et primicerius notariorum dixit : Nutu supernæ gratiæ, zelo divino serenitatis vestræ, piissimi, quibus a Deo omne regnum concessum est, imperatores, circa sanctionem vestram, congregata hæc sancta et magna totius mundi synodus, sicut cum plurima multorum dierum vocatione, et divina diligentia omnem quidem in præterito quomodo exorta est contra rectam



et inviolabilem catholicam nostram fidem verbo veritatis discordiam effugavit, omnem abigendo innovationem, sicut in scriptis per sæcula quæ subsequuntur acta demonstrant. Terminum vero simplicem statuit divinarum Scripturarum virtute munitam, et sanctorum ac beatissimorum in ipso conservat sententiam, ad veram quidem scientiam sincere legentium, et ad longævam coronam vestri imperii. Et habeo ipsum præ manibus, et si videtur nutui vestræ serenitatis perlegam. Piissimus et fidelissimus imperator dixit: Perlege. Etius archidiaconus perlegit: Sancta et magna et venerabilis synodus, quæ secundum gratiam Dei ex decreto piissimorum imperatorum Valentiniani et Martiani augustorum congregata est in Chalcedonensi civitate metropoli provincie Bithyniæ in basilica sancta ac triumphatrice martyris Euphemie statuit quæ subter comprehensa sunt.

Dominus et salvator noster Jesus Christus, fidei agnitione proprios confirmans discipulos, ait: « Pacem meam do vobis, pacem meam relinquo vobis (Joan. xiv, 27), » ut nulla fidei dissensio in proximis oriatur, sed ex æquo veritatis prædicatio ostendatur. Sed quia non desinit malignus in ipsis pietatis seminibus zizania sua inserere, et novi aliquid adversus veritatem semper excogitare, ideo Dominus noster humano generi solito cupiens providere, piissimum hunc et fidelissimum imperatorem erexit ad zelum, qui undique sacerdotum pontifices ad se convocavit ut, gratia Domini nostri Jesu Christi cooperante, omnem mendacii pestilentiam ab ovibus Christi removeat, easque veritatis germinibus reficiat. Quod ex communi decreto peregrinas erroris quidem sectas abicientes, et Patrum rectam fidem renovantes trecentorum decem et octo symbolum omnibus prædicantes. Et velut horum domesticos centum quinquaginta præsules qui Constantinopolim convenerant huic piissimo titulo ascribimus, quoniam et ipsi eandem fidem subsignaverunt. Statuimus igitur ordinem, et omnes fidei formulas custodientes etiam sanctam synodum Ephesi factam, cujus auctores fuerunt venerabilis memorie Cælestinus Romanæ urbis et Cyrillus Alexandrinæ Ecclesiæ sacerdotes, ut præfulgeat quidem rectæ et inculpabilis fidei expositio trecentorum decem et octo sanctorum Patrum qui in Nicæa, sub Constantino piæ memorie imperatore, convenerunt, contineatur et centum quinquaginta sanctorum Patrum in urbe Constantinopolitana decretum ad pereceptionem quidem sectarum tunc pullulantium, confirmationem vero ipsius catholice atque apostolicæ nostræ fidei.

#### *Symbolum Nicæni concilii.*

Credimus in unum Deum, Patrem omnipotentem, omnium visibilium et invisibilium conditorem. Et in unum Dominum Jesum Christum Filium Dei, de Patre natum, unigenitum, hoc est de substantia Patris, Deum verum de Deo vero, natum non factum, omousion Patri, hoc est ejusdem cum Patre

A substantiæ, per quem omnia facta sunt quæ in cælo et quæ in terra, qui propter nos et propter nostram salutem descendit, et incarnatus est. Homo factus passus est, et resurrexit tertia die, et ascendit in cælos, inde venturus est judicare vivos et mortuos. Et in Spiritum sanctum. Eos autem qui dicunt: Erat quando non erat, et antequam nasceretur non erat, et quia ex nullis existentibus factus est, aut ex alia subsistentia vel substantia dicunt esse, aut convertibilem Filium Dei, anathematizat catholica et apostolica Ecclesia, et idipsum centum quinquaginta Patrum symbolum. Credimus in unum Deum Patrem, omnipotentem, factorem cæli et terræ, visibilium et invisibilium conditorem. Et in unum Dominum Jesum Christum Filium Dei, unigenitum, ex B Patre natum ante omnia sæcula, Deum de Deo, lumen de lumine, Deum verum de Deo vero, natum non factum, omousion Patri, id est, ejusdem cum Patre substantiæ, per quem omnia facta sunt, qui propter nos et propter nostram salutem descendit; et incarnatus est de Spiritu sancto ex Maria Virgine, et homo factus passus est sub Pontio Pilato; sepultus est, tertia die resurrexit a mortuis, ascendit in cælos, sedet ad dexteram Dei Patris, iterum venturus judicare vivos et mortuos, cujus regni non erit finis. Et in Spiritum sanctum, C Dominum et vivificantem, ex Patre procedentem, cum Patre et Filio adorandum et glorificandum, qui locutus est per prophetas. Unam catholicam et apostolicam Ecclesiam. Confitemur unum baptismum, in remissionem omnium peccatorum. Expectamus resurrectionem mortuorum, et vitam futuri sæculi. Amen.

Sufficeret quidem ad plenissimam pietatis agnitionem, et confirmationem, cautissimum et salutare divinæ gratiæ symbolum; de Patre enim et Filio, et Spiritu sancto doctrinam perfectam edocet, et incarnationem Dominicam fideliter suscipientibus manifestat. Sed quoniam hi, qui prædicationem veritatis destruere conantur, quasdam propriæ hæreseos novitates parturiunt, quidam enim mysterium pro nobis actum divinæ dispensationis audent corrumpere, et vocem illam divini Patris factam ad Virginem denegant. Alii temperamentum confusionemque inducentes, et unam esse naturam carnis et deitatis D insensate componentes, passibilem Unigeniti divinam naturam tali confusione prodigiosa divulgant. Ideo omnem adversus veritatem opponendam aliis machinationem volens excludere, sancta et magna universalis synodus hanc prædicationem immobilem docens statuit, præcipue trecentorum decem et octo sanctorum Patrum fidem incontaminatam manere. Et propter eos qui Spiritui sancto adversantur, centum quinquaginta Patrum paulo posteriore tempore in urbe Constantinopolitana convenientium de substantia Spiritus sancti traditam doctrinam corroborat, quam etiam illi omnibus insinnaverunt, non quod in præcedentibus aliquid deesset adjuvantes sed de Spiritu eorumdem in-

tellectum, adversus eos qui deitatis ejus dominationem nituntur demergere Scripturarum testimoniis plenius manifestantes.

Propter eos sane qui dispensationis mysterium tentant corrumpere, et purum hominem esse, qui ex sancta Maria Virgine natus est, imprudenter divulgant, beatissimi quondam Cyrilli Alexandrinæ Ecclesiæ sacerdotis synodicas epistolas tam ad Nestorium quam ad cæteros per Orientem congruas et sibi consentientes suscepit ad confutationem quidem Nestorianæ amentię, et ad interpretationem eorum qui religioso zelo salutaris symboli cupiunt intellectum. Quibus et epistolam sancti ac beatissimi primæ sedis archiepiscopi Leonis scriptam ad Flavianum sanctæ recordationis archiepiscopum, ad perimendam Eutychetis ma ignitatem, quæque magni Petri confessioni concordantem communem quamdam pugnam consistentem contra eos qui non recte glorificant ad confirmationem catholicæ religionis, evidenter subjunxit. Nam eos qui in duos filios dispensationis Dominicæ mysterium scindere moluntur execrati, et eos qui passibilem divinitatem unigeniti Filii audent asserere de concilio sacerdotum repellit, et eis qui in duabus naturis Christi permissionem, vel confusionem argumentantur, adversatur. Et qui cœlestem aut alterius cujusque substantiam existere formam servi quam ex nobis assumpsit, insaniendo asserunt, procul abjicit. Et eos qui duas ante adunationem naturas Domini delirant, unam vero post adunationem conflungunt, anathematizat. Consentientes sanctis Patribus unum eum-

demque filium confiteri Dominum nostrum Jesum Christum consona voce edocemus pariter perfectum eundem in deitate Deum, et hominem verum eundem ex anima rationali et corpore, secundum divinitatem unius cum Patre naturæ, secundum humanitatem eundem unius naturæ nobiscum, per omnia similem nobis absque peccato; ante sæcula quidem ex Patre natum secundum divinitatem, in novissimis vero diebus eundem propter nos et propter nostram salutem hominem factum; hunc unum eundemque Christum Filium Dominum unigenitum, in duas naturas, inconfuse, immutabiliter, indivise, inseparabiliter, cognoscendum, in nullo naturarum differentias propter unitatem perimendas, magis autem salva utriusque naturæ proprietate et in una coeunte persona, unoque statu concurrente; non in duabus personis partiendum, vel dividendum, sed unum eundemque filium unigenitum Deum Verbum Dominum Jesum Christum, sicut ab exordio prophetæ de eo, et ipse nos erudit, et nobis tradidit symbolum. His itaque cum omni undique subtilitate et diligentia a nobis ordinatis, statuit sancta et universalis synodus aliam fidem nulli licere profiteri, aut scribere, aut docere, aut dicere aliter. Qui autem audent exponere aliam fidem, aut proferre, aut docere aliud symbolum, volentibus converti ad scientiam veritatis, ex gentilibus, ex Judæis, vel hæreticis quibuscunque, si quidem episcopi aut clerici fuerint, alienos esse episcopos ab episcopatu, et clericos a clero. Si vero monachi vel laici fuerint, anathema fieri.

#### CAPITULA EJUSDEM CHALCEDONENSIS CONCILII.

1. De canonibus uniuscujusque concilii conservandis.

2. Quod non oportet clericos aut monachos præcia secularia vel causas suscipere.

3. Quod non oporteat episcopos aut quoslibet ex clero per pecunias ordinare.

4. De honore monachis competente, et ut nullus eorum tentet ecclesiastica aut sæcularia inquietare negotia, nec alienum servum præter conscientiam Domini ejus suscipere.

5. Quod non liceat episcopo aut cuilibet ex clero de alia ad aliam transire civitatem.

6. Quod non oportet absolute quoslibet ordinari.

7. De clericis et monachis in suo proposito non manentibus.

8. De clericis qui sunt in parocniis, monasteriis, atque martyriis quæ sub potestate episcoporum uniuscujusque civitatis existunt.

9. Quod non oporteat clericis prætermisso episcopo ad sæcularia judicia commovere.

10. Quod non liceat clericos in duabus ecclesiis ministrare.

11. Quod non oporteat egenis epistolam tribui, honestiores autem commendatitiis litteris approbare.

12. Quod nequaquam duobus metropolitanis provincia dividatur.

**73** 13. Quod non oporteat extraneos clericos sine commendatitiis litteris ministrare.

14. Quod non liceat clerico uxorem sectæ alterius accipere, nisi forte spondeat se ad veram fidem venire.

15. De diaconissis mulieribus, quod non liceat nisi quadragenariis ordinari.

16. De monachis vel puellis Deo dicatis; quod non liceat eis nuptiis jungi.

17. De ecclesiis in parochiis per triginta annos ab episcopo habitis vel renovatis urbibus.

18. De conspiratione clericorum, quod Græci *fratrias* dicunt.

**D** 19. Quod oporteat per provincias bis in anno concilia fieri.

20. Quod minime clericis in aliam civitatem transigrare liceat, nisi eis qui pro persecutione proprias amiserint civitates.

21. De episcoporum aut clericorum accusatoribus, quales debeant suscipi in accusationem.

22. Quod non liceat clericis post mortem sui episcopi res ad eum pertinentes diripere.



23. De clericis et monachis excommunicandis, A qui præter voluntatem sui episcopi ad urbem regiam veniunt.

24. Quod non liceat monasteria quæ consecrata sunt diversoria sæcularia fieri.

25. Quod non oporteat post obitum episcopi ordinationem alterius differre episcopi.

26. De œconomis, id est dispensatoribus singulis Ecclesiis habendis.

27. De his qui sibi rapiunt uxores.

## INCIPIUNT DECRETA CONCILII CHALCEDONENSIS.

(Anno Domini 454, in Asia.)

Regulas sanctis Patribus in unaquaque synodo usque nunc volutas, proprium robur obtinere statuimus.

II. Si quis episcoporum accepta pecunia ordinationem fecerit, et sub pretium deduxerit impretiabilem gratiam atque ordinaverit per pecunias episcopum, sive coepiscopum, sive presbyterum, sive diaconum, aut quemcumque alium qui connumeratur inter clericos, aut accepta pecunia ordinaverit æconomum, id est defensorem sive paramonarium, quicumque ergo hæc meditatus fuerit, sive convictus fuerit, ipse quidem subeat gradus sui periculi, et qui sic ordinatus fuerit, nullum habeat fructum ex huiusmodi mercimonio et creatione probrosa, sed sit alienus et dignitatis et sollicitudinis ejus quam per pecunias intravit, sed et ille qui tam turpibus et illicitis intercessor apparuit, siquidem clericus fuerit, de proprio discedat gradu. Si vero laicus sive monachus fuerit, anathema sit.

III. Pervenit in sanctam synodum quia de his qui in clero connumerantur, quidam propter turpis lucri gratiam majorum possessionum conductiones et causas sæculares suscipiunt, et seipsos quidem a ministeriis sanctis per desidiam separant, ad domos autem sæcularium concurrunt et substantiarum eorum gubernationes avaritiæ causa suscipiunt. Decrevit ergo sancta et magna synodus, neminem deinceps eorum, hoc est, non episcopum, sive clericum, aut monachum conducere possessiones, aut misceri sæcularibus procurationibus, nisi forte qui legibus ad minorum tutelam ætatum, sive curationes inexcusabiles attrahuntur, aut cui ipsius civitatis episcopus ecclesiasticarum rerum commiserit gubernacula, vel orphanorum, aut viduarum quæ indefensæ sunt, aut earum personarum quæ maxime ecclesiastico indigent adminiculo, propter timorem Dei. Si quis vero transgressus fuerit statuta, correptioni ecclesiasticæ subjaceat.

IV. Qui vere et pure solitariam eligunt vitam, digni sunt convenienti honore. Quia tamen quidam monachi habitu utentes indifferenter per civitates, necnon et monasteria seipsos propria præsumptione commendant, placuit neminem, aut ædificare, aut constituere monasteria, aut oratorii domum sine conscientia ipsius civitatis episcopi. Eos vero qui per singulas civitates seu possessiones in monasteriis

sunt, subjectos esse debere episcopo et quieti operam dare, atque observare jejunia et orationes in locis in quibus semel Deo se devoverunt permanentes, et neque communicare ecclesiasticas neque sæculares aliquas attrahere actiones relinquentes propria monasteria, nisi forte jubeantur propter urgentes necessitates ab ipsius civitatis episcopo; et neminem servorum suscipi in monasterium ut sit cum eis monachus, nisi cum Domini proprii conscientia, prætereuntem vero hæc decrevimus extra communionem esse, ne nomen Domini blasphemetur. Convenit ergo civitatis episcopo curam sollicitudinemque necessariam monasteriis exhibere.

V. Propter eos episcopos sive clericos qui de civitate ad civitatem transeunt, placuit definitiones datas a sanctis Patribus habere propriam firmitatem.

VI. Neminem absolute ordinari presbyterum vel diaconum, nec quemlibet in ecclesiastica ordinatione constitutum, nisi manifeste in Ecclesia civitatis, sive possessionis, aut in martyrio, aut in monasterio hic qui ordinatur mereatur ordinationis publicare vocabulum. Eorum qui absolute ordinantur, decrevit sancta synodus vacuum habere manus impositionem, et nullum tale factum valere ad injuriam ejus qui eum ordinavit.

VII. Eos qui semel in clero taxati fuerunt, sive in monasteriis deputati, decrevimus, neque ad militiam, neque ad honores sæculares venire. Eos autem qui hoc ausi fuerunt facere et non actum rei poenitere maluerint, ut ad hoc idem revertantur, quod ante obtentum Dei proposuerunt sibi anathematizari.

VIII. Clerici in parochiis, monasteriis aut martyriis constituti, sub potestate sint ejus qui in ea est civitate episcopus secundum traditionem sanctorum Patrum, nec per præsumptionem recedant a suo episcopo. Eos vero qui ausi fuerunt rescindere huiusmodi institutionem quocumque modo, vel si noluerint subjacere proprio episcopo, si quidem fuerint clerici, pro personarum ordinatione subjaceant condemnationibus canonum. Si vero monachi seu laici fuerint, communionem priventur.

IX. Si clericus adversus clericum habeat negotium, non relinquat suum episcopum et ad sæcularia iudicia concurrat, sed prius negotium agitur ad

propriū episcopum, vel certe si fuerit iudiciū ipsius episcopi, apud arbitros ex utraque parte electos audiatur negotium. Si quis vero contra hæc fecerit, canonum subjaceat correptionibus. Et si clericus adversus suum vel alium episcopum habeat causam, apud audientiam synodi provinciæ conquerratur. Si vero contra ipsius provinciæ metropolitanum episcopum episcopus sive clericus habeat controversiam, pergat ad ipsius diœcesis primatem, aut certe ad Constantinopolitanæ regiæ civitatis sedem, ut eorum ibi propriū negotium exquiratur.

X. Non licere clericum in ecclesiis duarum civitatum ordinari, sed in ea in qua ab initio ordinatus est, et ejus expetitiō erat ante profugium. Et si propter vanæ gloriæ desiderium contigerit, ut post ad majorem ecclesiam confugerit, eum indubitanter revocari debere ad eam in qua ab exordio ordinatus est, et ibi tantummodo ministrare. Si quis vero jam translatus est ab alia in aliam ecclesiam, nihil habeat commune cum priore ecclesia, sive sub ecclesia constitutis martyriis, sive in parochiis vel xenodochiis, aut eorum negotiis. Eos vero qui ausi fuerint post ordinationem hujus magnæ et universalis synodi agere quæ prohibita sunt, statuit sancta synodus cadere de proprio gradu.

XI. Omnes pauperes et indigentes ecclesiasticis auxiliis cum proficiscuntur sub probatione epistolæ, sive pacis, quæ dicuntur ecclesiasticæ, tantummodo commendari statuimus, et non commendatitiis epistolis, quia commendatitiis epistolas quas dicimus, eos tantum accipere convenit qui in opere sunt clariores, ut eis tantummodo præbeantur.

XII. Pervenit ad nos eo quod quidam præter ecclesiasticos ordines affectantes potentiam per pragmaticam formam unam provinciam in duas dividant, ita ut ex hoc inveniantur duo metropolitani episcopi in eadem una esse provincia. Statuit ergo sancta synodus deinceps nihil tale attentari a quolibet episcopo. Eos vero qui tale aliquid tentaverint, de proprio gradu cadere. Si quæ vero ante civitates per pragmaticam imperialem metropolitani nominis honore decoratæ sunt nomine solo perfruantur, et qui ecclesiam ejus regit episcopus, privilegio metropolitano episcopo jure proprio reservato.

XIII. Extraneum clericum et lectorem extra civitatem suam sine commendatitiis litteris proprii episcopi nusquam penitus liceat ministrare.

XIV. Quia in quibusdam provinciis conceditur psalmistis et lectoribus uxores accipere, statuit sancta synodus prorsus non licere cuiquam ex his alterius sectæ accipere uxorem. Si quis vero prævenit et habet jam de tali connubio filios, si forte prævenit eos jam apud hæreticos baptizari, debet eos offerre sanctæ Ecclesiæ catholicæ, ut ibi communicent. Qui vero adhuc baptizati non sunt, omnimodo non posse eos in hæretica Ecclesia baptizari, nec in matrimonio jungi hæretico, Juthæo vel pagano, nisi forte spoponderit se venire ad ortho-loxam fidem, cum conjungitur sponsæ ortho-loxæ. Si quis vero

A hanc diffinitionem sanctæ synodi præterierit, regulam condemnationibus subjaceat.

XV. Diaconissam non debere ante quadraginta annos ordinari, et hoc cum diligenti probatione. Si vero susceperit ordinationem et quantocunque tempore observaverit ministerium, et postea se nuptiis tradiderit, injuriam faciens Dei gratiæ, hæc anathema sit, cum eo qui in illius nuptiis convenit.

XVI. Si qua virgo se dedicaverit Deo, similiter monachus, non licere eis jungi nuptiis. Si vero inventi fuerint hoc facientes, maneat excommunicati. Statuimus vero posse in eis facere humanitatem, si ita probaverit loci episcopus.

XVII. Per singulas ecclesias rusticanas, parochias sive possessiones, manere immobiles apud eos qui eas retinent episcopos, et maxime qui eas sine violentia jam per triginta annos tenentes gubernaverunt. Si vero intra triginta annos jam facta fuerit, aut fiat, de his altercatio licere eis **74** qui se dixerunt lassos propter eas movere apud synodum provinciæ certamen. Si quis vero putaverit se a proprio metropolitano gravari apud primatem diœceseos, aut apud Constantinopolitanæ civitatis sedem, agat iudiciū, sicut dictum est. Si vero quælibet civitas per auctoritatem imperialem renovata est, aut si renovetur, in posterum civilibus et publicis ordinationibus, etiam ecclesiarum parochianarum sequatur ordinatio.

XVIII. Conjuratum et conspirationum crimen, quod apud Græcos dicitur *fratrea*, publicis etiam legibus certum est penitus inhiberi, hoc multo magis in sancta Dei Ecclesia, ne fiat, convenit abdicari. Si qui vero clerici vel monachi inventi fuerint conjurantes, aut fratreas vel factiones componentes aliquas suis episcopis, aut aliis clericis, omnino cadant de proprio gradu.

XIX. Pervenit ad aures nostras quod in provinciis constituta episcoporum concilia minime celebrentur. Ex hoc probatur, quod multæ quæ correctione opus habeant ecclesiasticæ res negligantur. Statuit igitur sancta synodus hæc secundum Patrum regulas, bis in anno in unum convenire per singulas provincias episcopos, ubi singula quæ emergerint, corrigantur. Qui vero noluerint convenire episcopi constituti, in suis civitatibus, et hoc maxime cum sui corporis sanitate consistentes, etiam omnibus aliis urgentibus et inexcusabilibus negotiis liberi sunt, licere eos fraternæ charitatis admonitionibus corripi.

XX. Clericos in suis ecclesiis constitutos, sicut jam definivimus, non licere in alterius civitatis ecclesiis ordinari, sed acquiescere in ea in qua ab initio ministrare meruerunt, exceptis illis qui proprias civitates perdiderunt, et ex necessitate ad alias ecclesias migraverunt. Si vero quicumque episcopus post diffinitionem istam ad alium episcopum pertinentem clericum susceperit, placuit sanctæ synodo et hunc qui susceperit, et eum qui susceptus est, tandiu excommunicatos manere quandiu ipse clericus ad propriam revertatur ecclesiam.



XXI. Clericos sive laicos qui accusaverint episcopum aut clericos, temere atque indifferenter non debere suscipi in accusationem, nisi prius eorum opinio fuerit perscrutata.

XXII. Non licere clericis post mortem episcopi rapere pertinentes ad eum res, sicut jam præcedentibus regulis statutum habetur. Si vero hæc fecerint, periclitari se noverint a proprio gradu.

XXIII. Pervenit ad aures sanctæ synodi, quia clerici quidam et monachi nihil sibi habentes injunctum a proprio episcopo, interdum vero etiam illi qui ab eo fuerant excommunicati, veniant ad regiam civitatem Constantinopolitanam, et multis temporibus in ea consistentes perturbationes tranquillitati ecclesiasticæ ferant, et diversorum domos corrumpant. Statuit sancta synodus hos quidem primum commonere per defensorem Constantinopolitanæ sanctæ Ecclesiæ, ut exeant de regia civitate. Si autem in eodem proposito improbe perduraverint, etiam invitos eos ipse expellat defensor ut ad sua loca perveniant.

XXIV. Quæ semel consecrata fuerint monasteria, cum iudicio sui episcopi maneant perpetua, et pertinentes ad ea res conservari ipsis monasteriis decrevimus, nec ulterius posse ea fieri sæcularia habitacula. Qui vero permiserint hæc fieri, subjaceant his condemnationibus, quæ per canones constitutæ sunt.

XXV. Quoniam quidam metropolitanorum, sicut ad nos perlatum est, negligunt creditum sibi gregem, et differunt ordinationes facere episcoporum, placuit sanctæ synodo intra tres menses fieri ordinationes episcoporum, nisi forte inexcusabilis necessitas coegerit tempus ordinationis propagari. Si autem quis episcoporum hæc non observaverit, ipsum debere ecclesiasticæ condemnationi subjacere, redditus vero ejusdem viduatæ ecclesiæ integros reservari apud œconomum ejusdem ecclesiæ placuit.

XXVI. Quia in quibusdam ecclesiis sicut ad nos pervenit, sine œconomo episcopi res ecclesiasticas tractant, placuit omnes ecclesias episcopos habentes, habere œconomos de proprio clero, qui gubernent ecclesiæ res cum arbitrio sui episcopi, ut non sine testimonio sit gubernatio ipsarum rerum ecclesiasticarum, et ex hoc deveniat dispergi ejusdem res ecclesiæ, et sacerdotali dignitati obrectatio generetur. Si vero quis non observaverit hæc, divinis subiaceat regulis.

XXVII. Eos qui sibi rapiunt uxores, vel eos qui auxilium præstiterunt, statuit sancta synodus, siquidem clerici fuerint, cadere de proprio gradu. Si vero laici fuerint, anathema sint.

#### *Subscriptio episcoporum.*

Paschasius episcopus civitatis Lilibitanæ, vicem agens beatissimi episcopi Leonis, definiens subscripsit. Lucentius episcopus, civitatis Ausculitanæ, id est, vicem agens sanctissimi Leonis episcopi, definiens subscripsit. Bonifacius presbyter urbis Romæ, vicem agens apostolicæ Sedis, definiens subscripsit.

A Anatolius episcopus Constantinopolitane civitatis novæ Romæ, definiens subscripsit. Juvenculus episcopus Hierosolymitanus definiens subscripsit. Maximus episcopus Antiochenus definiens subscripsit. Quintilius episcopus Cappadociæ Cæsariensis, definiens subscripsit. Palafindus episcopus Heracleæ Macedoniensis, vicem agens sanctissimi viri Anastasii, definiens subscripsit. Stephanus episcopus Ephesus definiens subscripsit. Lucianus episcopus Bizensis, vicem agens sanctissimi episcopi Quiriaci Heraclie Traciensis, definiens subscripsit. Eusebius episcopus Galathie Anquiensis definiens subscripsit. Diogenes episcopus Quiriensis definiens subscripsit. Petrus episcopus Corinthensis definiens subscripsit. Florus episcopus Sardinensis definiens subscripsit. Eunomius episcopus Nicomedensis definiens subscripsit. Anastasius episcopus Nicensis definiens subscripsit. Eleutherius episcopus Chalcedonensis definiens subscripsit. Item omnes episcopi 630, definiens subscripserunt.

Postquam recitata est, piissimus imperator a sanctum concilium dixit : Dicat sanctum concilium si ex consensu omnium episcoporum definitio, quæ nunc lecta est, prolata sit. Omnes reverendissimi episcopi responderunt : Omnes sic credimus, una fides, una sententia, omnino idem faciamus. Omnes consentientes subscripsimus. Omnes orthodoxi sumus, hæc fides Patrum, hæc fides apostolorum, hæc recte credentium, hæc est fides quæ orbem terrarum salvat. Martiano, novo Constantino, novo Paulo, novo David, imperatori piissimo domino Augusto vita ejus. Et post has voces piissimus et fidelissimus imperator ad sanctam synodum dixit : Veneranda catholica fides a sancta et universali synodo secundum Patrum expositionem manifesta est. Et si laborem reverentiæ vestræ et convicium fecimus, maxime agimus gratias omnipotenti Deo Salvatori nostro, quia multorum errantium circa fidem amputata discordia in unam eandemque fidem omnes nunc convenimus, sperantes celebrem vestris precibus et meliorem super omnes partem a Deo donari. Sancta synodus iterum exclamavit : Hæc digna vestri imperii, hæc propria vestri imperii, hæc correctio vestri imperii digna Christo, digna imperii fide, propterea pacificatur orbis terræ. Et post has voces piissimus et fidelissimus imperator ad sanctam synodum dixit : Venerandam catholicam fidem sanctæ venerabilis synodo si secundum Patrum expositionem manifestam, juxta legem et convenientem esse, vestra tranquillitas probet, et omnem in posterum contentionis occasionem circa suam fidem amputari. Si quis igitur idiota, vel militaris, seu clericus publice turbam congregans sub obtentu dispositionis tumultum fecerit, siquidem idiota proscriptus expellatur a regia urbe, militaris vero seu clericus gradus sui periculum sustinebit, et aliis poenis subiacet.

*Edictum Martiani imperatoris in confirmatione concilii Chalcedonensis.*

Imperatores Valentinianus, Martianus Augusti,

universis populis. Tandem aliquando quod summis volis atque studiis optabamus evenit, remota est de orthodoxa Christianorum lege contentio, tandem remedia culpabilis erroris inventa sunt, et discors populorum sententia in unum consensum, concordiamque convenit; ab universis etiam provinciis religiosissimi sacerdotes Chalcedonam venerunt, juxta nostra præcepta, et quod observari in religione debeat perspicua diffinitione docuerunt. Discessit igitur jam profana contentio. Nam vere impius atque sacrilegus est qui post tot sacerdotum sententiam opinionem suam aliquid tractandum reliquit. Extremæ quippe dementiae est in medio et perspicuo die commentitium lumen quærere. Quisquis enim post veritatem repertam aliquid ulterius discutit, mendaciora quærit. Nemo itaque vel clericus militans et alterius cujuslibet conditionis de fide Christiana publice terminata coadunatis et audientibus tractare conetur in posterum, ex hoc tumultus et perfidia occasionem requirens. Nam injuriam facit judicio religiosissimæ synodi, si quis semel judicata recte disposita revolvere, et publice disputare contendit. Cum ea quæ nunc de Christiana fide statuta sunt juxta apostolicas expositiones et instituta sanctorum Patrum 318 et 450 definita esse noscuntur. Nam in contemptoribus hujus legis pœna non deerit, quia non solum contra fidem bene compositam veniunt, sed etiam Judei et pagani et hujusmodi certamine profanant veneranda mysteria. Igitur si clericus erit, qui publice tractare de religione ausus fuerit, a consortio clericorum removebitur. Si vero militia præditus sit, cingulo exspoliabitur. Cæteri etiam hujus criminis rei de hac sanctissima urbe pellentur pro vigore judicario, etiam competentibus supplicis subjugandi. Constat enim hæreticæ insanix exordia fomitemque nutriri, dum publice quidam disputant atque contendunt. Universa ergo quæ a sancta synodo Chalcedonia constituta sunt, custodire debent, nihil postea dubitaturi. Hoc itaque commoniti nostræ sinceritatis edicto, obsistite profanis vocibus, ulterius desinite de divinis disputare quod nefas est, quia non solum divino judicio peccatum hoc, prout credimus, punietur, verum etiam legum et judicium auctoritate coercebitur. Proposita vii Kalend. Februarii Constantinopoli Patricio consule.

*Incipit sacra Valentiniani et Martiani Augustorum post concilium Chalcedonense in confirmatione ejusdem concilii et damnatione hæreticorum sententia.*

Imperatores VALENTINIANUS ET MARTIANUS Augusti PALLADIO præfecto prætorii.

Divinæ semper potentia referendæ atque agenda sunt gratiæ, quæ auctores hæresis, quæ occulta, nec latere concedit, nec durare impunita permittit. Quorum unum malorum legendi habet plenam facultatem, alterum præcavendi cæteris præstat exemplum. Curæ igitur esse divinitati hominum actus, et maxime reverentiam religionis proxime in confirmanda catholica fide evidenter apparuit, cum nec Eutichetem sceleratorum dogmatum sectatorem ne-

gligere quod diu latuerat, scivit, nec patefacto scelere passa est pœnam sceleris evitare. Sententiis itaque divinis humanisque damnatus, synodicum decretum, ut merebatur, accepit, reus divinitati, cui faciebat injuriam, reus hominibus, quos decipere conabatur. Proxime etenim innumera-biles ex toto orbe beatissimi episcopi Chalcedonæ congregati improba prædicti Eutichetis una cum synodo ejus causa habita expulere commenta, sicut sanctorum definita majorum quæ vel apud Nicæam a trecentis decem et octo constituta sunt, vel in hac postea alma urbe a centum quinquaginta sunt episcopis declarata, vel apud Ephesum, cum Nestorii est error exclusus, præsentibus Romanæ urbis Cœlestino, Cyrillo et Alexandrinæ civitatis episcopis. Ea igitur quæ sunt juxta pristinam disciplinam a venerabili synodo Chalcedonensi definita illa fide qua Deum colimus per omnia servanda censuimus atque censem, quia valde consequens est ut sacerdotum pura mente Deum colentium definita, quæ pro orthodoxorum fide sacrosancta secundum Patrum regulas præcesserunt, una cum veneratione conservare. Quoniam principalis providentiæ est omne malum inter initia opprimere, et serpentum morbum legum medicina resecare, hac lege decernimus eos qui Eutichetis errore decipiuntur ad exemplum Appollinariorum quos Eutiches secutus est, quos venerabiles Patrum regulæ, id est, ecclesiastici canones et divorum principum sacratissimæ sanctiones condemnant, nullum episcopum, nullum presbyterum, nullos creare vel appellare clericos, ipsumque Eutichetem nomine presbyteri quo indigne utens exspoliatus est, in totum carere. Si qui tamen contra definita nostra episcopos, presbyteros, cæterosque clericos ausi fuerint ex his creare, tam factos quam facientes vel præsumentes sibi, cunctorum bonorum amissioni periculoque subjacere exilii perpetui præcipimus. Congregandi autem monachos, aut ædificandi monasteria nullum eorum jubemus habere licentiam, loca forte in quæ ausi convenire aliquando tentaverint confiscari, si tamen domino loci sciente convenerint. Quod si ignorante auctore convenerint, conductores loci, fustibus cæcos deportationem subire censem. Ipsos præterea nihil ex testamento cujuscunque capere, nihil eis qui ejusdem erroris sint relinquere per testamenta, ad nullam eos patimur spirare militiam, nisi forte ad cohortaliam vel limitaneam. Si quis etiam extra prædictam militiam inventus fuerit militare, vel quia ejus in religione ignorabatur perversitas, vel quia post adeptum cingulum ad hunc devenit errorem, solutus militia infidelitatis suæ fructum hunc habeat, ut optimorum et palatii communione privetur, nec alibi quam in quo natus est vico vel civitate versetur. Quod si qui eorum in hac alma urbe, quod credi nefas est, geniti sunt, tam de hac civitate venerabili quam sacratissimo comitatu et ex omni excludantur metropolitana civitate. Et hoc quidem generaliter circa omnes constituimus, qui



hac clade pollutionis polluti sunt vel polluuntur. Eos autem qui ante clerici orthodoxorum fidei et monachi quidam qui Eutichetis habuere diversorium, quod neque monasterium dicendum est, eo quod in se religionis habuit inimicos, qui adhuc usque in tantam insaniam recesserunt, ut relicto venerabilis cultu religionis in synodico decreto Chalcedonio quod totius pene orbis adunati definire sacerdotes, infau-  
 stam Eutichetis secuti sunt assertionem, qui, vera luce deserta, tenebras eligendas esse crediderunt, omnibus pœnis quæ præcedentibus legibus adversus hæreticos definitæ sunt, jubemus teneri, imo extra Romanum expelli solum, sicut præcedentes religiosissimæ constitutiones de Manichæis constituere, ne eorum venenatis fraudibus sceleratisque commentis innocentum vel infirmorum animi decipiantur. Comperimus præterea quædam eos in contumeliam religionis et invidiam venerabilis synodice diffinitionis fuisse mentitos, conscriptisque libris et chartarum tomis plura finxisse, quæ eorum insaniam adversus veram fidem aperte signarent, atque ideo præcipimus ubicunque hujusmodi scriptura reperta fuerit ignibus concremari. Eos vero qui sequendi studio audierint sic scelerata disserentem, denarum librarum auri multatione compescimus. Eos vero qui vel scripserint vel aliis legenda tradiderint docendi studio vel discendi, censum deportationis puniri; delenda est enim hæc infau-  
 sta hæresis, sicut pridem edictis serenitatis nostræ continetur. Omnibus autem adimimus facultatem qua ultimo supplicio coercerentur qui illicita docere tentaverint, ita enim materia subtrahetur erroris, si peccatorum et doctor defuerit et auditor, Palladi parens charissime atque amantissime, illustris itaque et magnifica auctoritas tua edictis, propositis omnibus faciat nota quæ jussimus, ut cognoscentibus moderatoribus provinciarum eorumque officariis, defensoribus etiam civitatum, quod sanctam veramque fidem sancto proposito custodiendam esse censemus. Quam si neglexerint aut permiserint temerari denarum librarum auri multatione percussi, ut religionis legumque proditores, etiam de æstimatione laborabunt. Data xv Kalen. Augusti Constantinopoli, Aspirato et qui fuerit nuntiatus consulis.

*Item alia Martiani imperatoris contra eosdem hæreticos.*

Imperator MARTIANUS Augustus PALLADIO prætori.

Licet jam sacratissima constitutione mansuetudinis meæ cautum ac definitum sit, quia in eos severitas exercenda sit, qui Eutichetis vel Apollinaris hæreticam perversitatem secuti a religione et fide catholica deviarunt, Alexandrinæ tamen urbis cives atque habitatores tantis Apollinaris infecti sunt venenis, ut necessarium fuerit ea quam ante sanximus, repetita etiam lege nunc decernere. Quicunque ergo vel in hac sacra urbe, vel in Alexandrina civitate, vel in omni Ægyptiaca diocesi et diversis aliis provinciis Eutichetis profanam perversitatem sequuntur, et ita non credunt ut tre-

centi decem et octo sancti Patres tradiderunt, catholicam sanctam fidem in Nicæa civitate fundantes, vel ita ut 450 alii venerabiles episcopi qui in hac alma urbe Constantinopolitana postea convenerunt, sicut Athanasius et Theophilus, et Cyrillus sanctæ recordationis episcopi Alexandrinæ civitatis, crediderunt, quos etiam Ephesina synodus, cui beatae memoriæ Cyrillus præfuit, in qua Nestorii error expulsus est, universos secuta esse, quos et nuper venerabilis Chalcedone synodus est secuta, prioribus conciliis sacerdotum ex omni prorsus parte consentientibus, nihilque adimens a sacrosancto symbolo neque adjiciens seu Eutichetis dogmata funesta condemnans: sciant se esse hæreticos; Apollinaris enim facinorosissimam sectam Eutiches et Dioscorus sunt secuti. Ideoque omnes hi qui Apollinaris vel Eutichetis perversitatem sequuntur illis pœnis quas divi retro principes contra Apollinaristas vel serenitas nostra post modum contra Eutichianistas sanxit, noverint se esse plectendos. Idcirco Apollinaristas, hoc est Eutichianistas, quibus etsi est in appellatione diversitas, esse tamen in hæresi conjunctio, et dispar quidem nomen, sed idem sacrilegium, sive in hac alma urbe, vel in Alexandrina civitate, seu intra Ægyptum sunt, neque ita credunt sicut prædicti venerabiles credebant, neque viro reverendissimo Alexandrinæ urbis antistiti Protherio fidem orthodoxam tenenti communicant secundum divorum retro principum constitutiones quæ de Apollinaristis promulgatæ sunt, non habeant potestatem faciendi testamentum, neque id acquirant quod ipsis ex testamento cujusquam fuerit relictum, nihil etiam ex donatione aliqua consequantur; sed si quid ipsis vel liberalitate acciderit, vel viventis vel morientis fuerit voluntate collatum, id protinus fisco nostro addicatur. Ipsi vero in nullos aliquid ex rebus suis donare possint. Episcopos quoque vel presbyteros aliosque clericos illis creare et habere non liceat. Scientes tam Eutichianistæ quam Apollinaristæ qui ausi fuerint cuiquam episcopi vel presbyteri vel clerici nomen imponere, quam hi qui conati fuerint impositum nomen sacerdotale retinere, exilio, rerumque suarum amissionem plectendos. Eos vero qui de hac catholica Roma ecclesiarum clerici vel orthodoxæ fidei monachi fuerant, derelicto vero Dei cultu, Apollinaris vel Eutichetis hæresim sectati sunt, vel post hæc sectabuntur, omnibus pœnis quæ vel prioribus legibus adversus hæreticos constitutæ sunt jubemus teneri, et extra ipsum quoque Romani imperii solum pelli. Universi præterea Apollinaristæ vel Eutichianistæ non ecclesias, non monasteria sibi construant, neque synaxes, neque conventicula contrahant, neque ad domum, neque ad possessionem cujuscunque, neque ad monasterium, neque ad quemcunque alterius locum operatores sectæ funestissimæ congregentur. Quod si fecerint, et hoc factum fuisse Domino volente constiterit, postremo judicialiter notum, domus vel possessio in quam convenerint, fisco societur, mona-

sterium vero ejus civitatis orthodoxæ Ecclesiæ in A  
cujus territorio est, jubemus addici. Si vero igno-  
rante domino, sciente vero qui dispensationes do-  
mus exigit, vel conductore, vel procuratore, vel  
prædii parasinaxis conventicula interdicta conveni-  
runt, conductor vel procurator sive auctor, vel qui-  
cunque in domum vel possessionem vel monaste-  
rium receperint, vel passi fuerint illicitas parasynaxes,  
conventusque celebrari, si vilis et abjectæ conditionis  
sint fustibus publice et in pœnam suam et in aliorum  
exerceantur exemplum. Si honestæ vero personæ  
sunt, decem libras auri fisco nostro cogantur in-  
ferre. Nullum præterea Apollinaristam vel Eutichia-  
nistam ad aliquam jubemus aspirare militiam, nisi  
ad cohortalem vel limitaneam; si qui vero contra  
fecerint, soluto cingulo honestorum hominum et B  
palatii communione priventur, nec in aliqua, nisi in  
ea in qua nati sunt civitate vel vico ac regione ver-  
sentur. Si qui vero in hac alma urbe nati sunt, tam  
sacratissimo comitatu quam omni per provinciam  
metropolitana civitate pellantur. Nulli insuper Eu-  
tichianistæ vel Apollinaristæ publice vel privatim  
advocandi cœtus, aut perversitatem facinorosi do-  
gmatis asserendi sit facultas. Nulli etiam contra  
venerabilem Chalcedonensem synodum liceat aliquid,  
vel dictare, vel scribere, vel legere, atque emittere,

nemo hujusmodi habere libros audeat, Quod si in  
his criminibus fuerint inventi, perpetua deporta-  
tione damnetur; hi vero qui discendi studio audie-  
rint de infausta hæresi disputantes, decem librarum  
auri quæ fisco nostro applicabuntur, subeant dispen-  
dium. Omnes vero chartæ ac libri qui funestum  
Eutichetis dogma fuerint complexi, concrementur.  
Parens charissime, tua illustris igitur auctoritas quæ  
hæc sacratissima constitutione decrevimus in hac alma  
urbe, diversisque provinciis ac præcipue in Alexan-  
drina civitate et per universam Ægyptiacam diœce-  
sim edictis ex more propositis, ad omnium notitiam  
faciat pervenire, ut cuncta quæ statuimus, in eos  
qui rei fuerint deprehensi, severitas protinus exer-  
ceatur, scientibus moderatoribus provinciarum eo-  
rumque apparitoribus qui legis hujusquam religio-  
sissima sanctione custodiendam decrevimus, aut  
neglexerint, aut aliquam permiserint temeritate vio-  
lari, denarum librarum auri multam fisco nostro  
cogantur inferre, insuper etiam existimationis suæ  
periculum sustinebunt; ea quoque de paganis per  
omne Romanum imperium æqualiter valitura ele-  
gimus, instantissime in eos exerceantur quos con-  
stititit profanos ritus celebrare. Data sub die Kalen.  
Augusti, Constantinopoli, Divo VIII et Antemio IV.  
CC. concess.

#### ATTICUS EPISCOPUS, QUALITER FORMATA EPISTOLA FIAT.

Græca elementa litterarum numeros etiam ex-  
primere nullus qui vel tenuiter Græci sermonis no-  
titiam habet, ignorat. Ne igitur in faciendis epistolis  
canonicis, quas mos Latinus formatas appellat, aliqua  
fraus falsitatis temere præsumeretur, hoc a Patribus  
trecentis decem et octo Nicæa congregatis saluber-  
rime inventum est et constitutum, ut formatae epi-  
stolæ hanc calculationis seu supputationis habeant  
rationem, id est, ut assumantur in supputationem  
prima Græca elementa, Patris et Filii et Spiritus  
sancti, hoc est, Π, Υ, Α. Quæ elementa et octogena-  
rium et quadringentesimum et primum significant  
numerus. Petri quoque apostoli prima littera, id

est, qui numerum 80 significat, ejus quoque qui  
scripsit epistolam prima littera, cui scribitur secunda  
littera, accipientis tertia littera, civitatis quoque de  
C qua scribitur quarta, et indictionis quæcunque est  
temporis, idem qui fuit numerus assumatur: atque  
ita his omnibus Græcis litteris quæ, ut diximus,  
numeros exprimunt in unum ductis, unam quæcun-  
que fuerit collecta, summam epistolam teneat, hanc  
quis suscipit, omni cum cautela requirat expresse, ad-  
dat præterea separatim in epistola nonagenarium et  
novum numerum qui secundum Græca elementa si-  
gnificant. Valete in Domino.

Hucusque Concilia Græcorum.

## 76 CONCILIA LATINORUM

### SEQUUNTUR

### QUORUM PRIUS EST CARTHAGINENSE.

#### INCIPIUNT CAPITULA CONCILII PRIMI CARTHAGINENSIS.

1. Ut baptism. in Trinitate susceptum non iteretur.
2. De martyrum sepulchris et honorificentia.
5. Ut clerici et sanctimoniales femine cum extra-  
neis viris vel feminis non habitent.

- D 4. Ut cum viduis vel aliis extraneis personis non  
commorentur.
5. Ut clerici vel laici in alterius Ecclesia non or-  
dinentur



6. Ut clerici actus sæcularium vel procuraciones A non suscipiant.

7. Ut clerici vel laici in aliena Ecclesia non communicent sub litteris sui episcopi.

8. Ut implicati negotiis alienis ante redditam rationem clerici non ordinentur.

9. Ut laici clericos actores vel ratiocinatores sibi non constituent.

10. Ne episcopus alterius episcopi plebes vel fines usurpet.

11. De clericis contumacibus et de numero iudicantium presbyterorum et diaconorum.

12. Ut pacta inter episcopos inita custodiantur.

13. Ut non liceat clericis fenerare.

14. Ut laici contemptores canonum excommunicentur, clerici vero honore priventur.

## INCIPIT CONCILIUM PRIMUM CARTHAGINENSE.

Cum Gratus episcopus Carthaginiensi in concilio una cum collegis suis consedisset, et qui ex diversis provinciis Africanis ad Carthaginem convenerunt, Felice Baianensi, Fortunatiano Ramptano, Crescente Baiensi, Vindiciano Lacubaiensi, Abundantio Adrumetino, Priato Begesilitano, Gaudentio Turretaliensi, Patricio Sincensi, Quietio Uticensi, Rumulo Tebestiano, et cæteris quorum manus continentur, idem Gratus episcopus dixit: Gratias Deo omnipotenti et Christo Jesu, qui dedit malis schismatibus finem, et respexit Ecclesiam suam, ut in ejus gremium erigeret universa membra dispersa, qui imperavit religiosissimo Constantio imperatori, ut votum gereret unitatis, et mitteret ministros sancti operis famulos Dei, Paulum et Macharium. Dei ergo nutu congregati ad unitatem, ut per diversas provincias concilia celebremus, et universæ provinciæ Africæ hodierna die concilium gratia Dei Carthaginem veniret, unde considerantibus vobis cum mea mediocritate tractentur tituli necessarii, de quibus necesse est nos memores præceptorum divinorum et magisterii divinarum Scripturarum contemplantes unitatis tempus, id de singulis definire quod nec Carthago vigorem legis infringat, nec tamen tempore unitatis aliquid durissimum statuamus.

CAP. I. Ergo si vobis placet, consideremus primum titulum rebaptizationis, unde sanctitatem vestram postulo ut mentis vestræ placita producatis ad descendentem in aquam, et interrogatum in Trinitate secundum Evangelii fidem, et apostolorum doctrinam, et confessum bonam conscientiam in Deum, de resurrectione Jesu Christi, si liceat iterum interrogari in eadem fide, et in aqua iterum intingi, universi episcopi dixerunt: Absit, absit. Illicitas esse sancimus rebaptizationes, et satis esse alienum a sincera fide, et catholica disciplina. Gratus episcopus dixit: Magna beatitudo a Deo Patre, per Dominum Christum concessa est tempore nostro, ut liceat religiosis mentibus insinuare ecclesiasticam disciplinam, ut auditores percipientes regulam rectam et Deo placentem, præmia multorum bonorum percipiant, ut in ipsis Deus in omnibus, et pro omnibus honoretur, discussus est titulus necessarius rebaptizationis, in quo plus schismatis rabies delitescebat, et habita moderatione legis vigore, et auctoritate fides custodita est. Illud sane sapientissimis vestris sensibus insinuare contendo,

licet vestra prudentia sit instructa a Deo, et mereatur in pace, et unitate consequi desuper munera larga, tamen et ego unus ex vobis, et quo parem vobiscum sollicitudinem gero, propter ecclesiasticum ordinem illud insinuare curabo.

II. Martyrum dignitatem nemo profanus infamet, neque passiva corpora quæ sepulturæ tantum propter memoriam ecclesiasticam commendari mandatum est, redigant, ut aut insaniam præcipitatos, aut alia ratione peccati disjunctos non ratione vel tempore competenti, quo martyria celebrentur martyrum nomina appellent, ut si quis ad injuriam martyrum claritatis eorum adjungat insanos, placet eos, si laici sint, ad penitentiam redigi. Si autem sunt clerici, post commonitionem et post cognitionem honore privari. Universi dixerunt, recte stabilit sanctitas vestra, hoc et singulis conciliis statutum est.

III. Gratus episcopus dixit: Et illud præcipue, si videtur vestræ dilectioni, cavendum est, ut pastoris cura quantum debet et potest regularis providentia præmoneat, ut nullis liceat ab affectu abstinentibus carnali apud extraneos pariter commorari; occasionem enim amputandæ sunt peccatorum, et tollendæ omnes suspiciones quibus subtilitas diaboli sub prætextu charitatis et dilectionis incautas animas vel ignaras irretire consuevit. Nullus igitur nullaque sanctimoniam et virginitati deserviens propter blasphemiam Ecclesiæ, si vobis placet, in una domo cum extraneis penitus commorari debent; universi dixerunt: Qui nolunt nubere, et pudicitiam meliorem eligunt partem, hæc vitare debent, et non solum habitare simul, sed nec habere ad se aliquem accessum; hoc ergo et lex jubet, et sanctitas vestra commendat, ut in singulis conciliis statutum est. Gratus episcopus dixit: Ergo persuasio interdum prudentes solet arcere a peccatis, dum imprudentes debet metus hujusmodi constringere, si sanum consilium respuunt, et salutare mandatum. Si ergo laici sunt, post commonitionem si contempserint, a communione separentur. Universi dixerunt, placet.

IV. Gratus episcopus dixit, et si infinita sunt, quæ lege perscripta proficiencia disciplinæ, et unus quisque nostrum tractatu assiduo et commonitione frequentiper singulas quasque species proficientes ad disciplinam poterit populos invitare, tamen aliqua ex eis propter blasphemias suggerenda sunt a

nobis et in concilio statuenda, si videtur vobis pari sententia teneantur etiam hi qui cum viduis commorantur, et nulla secum germanitate conjuncti sunt. Universi dixerunt, juxta viduos et viduas eadem lex maneat et sententia.

V. Primatus episcopus Begisilitanus dixit, suggero sanctitati vestræ, ut statuatis non licere clericum alienum ab aliquo suscipi sine litteris episcopi sui, neque apud se retinere, nec laicum usurpare sibi de plebe aliena, ut eum ordinet sine conscientia ejus-episcopi, de cujus plebe est. Gratus episcopus dixit, hæc observantia pacem custodit. Nam et memini in sanctissimo concilio Sardicensi statutum, ut nemo alterius plebis hominem usurpet, sed si forte erit necessarius, petat a collega suo, et per consensum habeat.

VI. Nicasius episcopus Culustitanus dixit, credo placere suggestionem meam sanctitati vestræ et displicere vobis, ut qui serviunt Deo et annexi sunt clero, non accedant ad actus seu administrationem vel procuratorem domorum. Gratus episcopus dixit, et apostolorum statuta sunt quæ dicunt, nemo militans Deo ingerit se negotiis sæcularibus; proinde aut clerici sint sine actionibus domorum, aut actores sine officio clericorum. Universi dixerunt, hoc observemus.

VII. Casianus Usulensis episcopus dixit, statuam gravitas vestra, ut unusquisque clericus vel laicus non communicet in aliena plebe sine litteris episcopi sui. Gratus episcopus dixit, nisi hoc observatum fuerit communio fiet passiva. Nam si cum litteris receptus fuerit, et concordia inter episcopos servatur, et nemo subtilis alterius fugiens communionem ad alterum latenter accedit. Universi dixerunt, omnibus provides et clero et laicis consulis.

VIII. Magnus episcopus Astuagensis dixit, quid dilectioni vestræ videtur procuratores et actores etiam per se tutores pupillorum si debeant ordinari? Gratus episcopus dixit, si post deposita universa, et reddita ratiocinia, si actus vitæ ipsorum fuerint probati in omnibus, debent cum laude clerici, si postulati fuerint honore munerari. Si enim ante libertatem negotiorum vel officiorum ab aliquo sine consideratione fuerit ordinatus, Ecclesia infamatur. Universi dixerunt, recte omnia statuit sanctitas tua, ideoque ita est et nostra est quoque sententia.

IX. Metus Canonensis episcopus dixit, recte statutum est, ut obnoxii alienis negotiis non ordinentur. Tamen dimissi et gratias referre debent, et a clericorum injuria temperare, et ipsis non liceat clericos nostros eligere apothecarios vel ratiocinatores. Gratus episcopus dixit: Nulli dubium est quod omnes, vel domini, vel procuratores, vel quicunque præsent, cum audierint saluberrima instituta concilii, et sibi esset consultum, nec impeditum, propriam debebunt temperare injuriam in clericis nostris, quod si injuria constitutionis imperatoris clericos inquietandos putaverint, si defensio ecclesiastica nos non deridet, pudor publicus vindica-

bitur. Universi dixerunt, saluberrimæ professiones debuerunt a tanto concedi consilio.

X. Felix episcopus Baiensis dixit: Nullus debet collegæ suo facere injuriam, multi enim et transcendunt sua, et usurpant aliena ipsis invitis. Gratus episcopus dixit, avaritiæ cupiditatem radicem omnium malorum esse nemo est qui dubitet. Proinde inhibendum est, ne quis alienos fines usurpet, aut transcendat episcopum collegam suum, aut usurpet alterius plebes sine ejus petitu, quia inde cætera mala omnia generantur. Universi dixerunt, placet, placet.

XI. Elpidophorus Cuicalitanus episcopus dixit, statuam sanctitas vestra ut clerici qui superbi vel contumaces sunt, coerceantur, ut qui minores majoribus irrogaverint injurias, metum habeant. Gratus episcopus dixit, manifestum est illum non esse Dei, qui humilitatem contemnit, sed diaboli, qui superbiæ inventor et princeps est; unde si quis tumidus vel contumeliosus exstiterit in majorem natu, vel aliquam causam habuerit, a tribus vicinis episcopis, si diaconus est arguatur, si presbyter a sex, si episcopus a duodecim consacerdotibus audiatur. Universi dixerunt episcopi, contemptus debet contumaciæ et superbiæ in omnibus frangi, causa vero pro personis ab statuto numero audiatur.

XII. Antigonus episcopus Matirensis dixit, gravem injuriam patior, et credo dolere sanctitatem vestram contumeliam meam, et computare communem injuriam. Optantius cum se repræsentaret, pactum meum habuit, et divisum est, ut illiciat populorum imperitorum animas contra disciplinam, contra evangelicam traditionem, contra pacem placitam. Nam si sibi posse contingere arbitrarentur nunquam profecto in fratrem aliquis deliquisset, unde aut initam pacti sui obtineat firmitatem, aut conventus si se non cohibuerit, ecclesiasticam sentiat disciplinam. Universi dixerunt, pax servetur, pacta custodiantur.

XIII. Abundantius episcopus Adumetinus dixit, in nostro concilio statutum est, ut non liceat clericis fenerare; quod sanctitati tuæ et huic concilio videatur præsentī placito designetur. Gratus episcopus dixit, novellæ suggestiones quæ vel obscuræ sunt, vel sub genere latent inspectæ a nobis formam accipient. Cæterum de quibus apertissime divina Scriptura sanxit non differenda sententia est, sed potius exsequenda, proinde quod in laicis reprehenditur, id multo magis clericis oportet prædamnari; universi dixerunt, nemo contra prophetas nemo contra Evangelia facit sine periculo.

XIV. Gratus episcopus dixit, juxta statuta concilii et meæ mediocritatis sententiam, placet facere rerum omnium conclusionem, universi tituli designati et digesti teneant sententias suas. Sane credo vos retinere multis conciliis a patribus nostris, et traditionem temerariam esse damnatam, et rebaptizationis impietatem esse puniendam, quas res etiam nostro concilio credo jam terminum accepisse, reliqua vero



quæ vel facta vel dicta superius comprehensa sunt, vel aliis conciliis conscripta, quæ secundum legem inveniuntur, custodire nos oportet. Si quis vero statuta supergressus corruerit vel pro nihilo habenda putaverit, si laicus est, communione, si clericus est, honore privetur. Universi dixerunt placet, placet.

A Gratus episcopus dixit, superest jam ut placita omnium nostrorum quæ ad consensum vestrum sunt scripta, vestra quoque subscriptione firmetis. Universi dixerunt, et consensisse nos concilii hujus scripta testantur, et subscriptione nostra consensus declarabitur noster; et subscripserunt.

### INCIPIUNT CAPITULA CONCILII CARTHAGINENSIS SECUNDI.

1. Ut Trinitas et credatur, et prædicetur.
2. Ut castitas a levitis et a sacerdotibus custodiatur.
3. Ut chrisma et benedictio puellarum, et reconciliatio poenitentium a presbyteris non fiant.
4. Ut presbyter poenitentem iussus ab episcopo suo reconciliet.
5. Ut diœcesis quæ episcopum nunquam habuit, non habeat.
6. Ut qui criminibus implicati sunt, clericos non accusent.
7. Ut qui excommunicatum alterius susceperit, excommunicetur.

8. Ut si presbyter excommunicatus sacrificare præsumperit, anathematizetur.
9. Ut si presbyter inconsulto episcopo agenda celebraverit, honore privetur.
10. Quanti debeant judicare sacerdotem atque levitem.
11. Ut nullus parochiam alienam præsumat.
12. Ut sine consultu metropolitani nullus ordinetur episcopus.
13. Ut qui contra professionem et subscriptionem suam venerit in concilio, deponatur.

### INCIPIT CONCILIUM SECUNDUM CARTHAGINENSE

*Habitu æra ccccxviii.*

Gloriosissimo imperatore Valentiniano Augusto quarto et Theodosio, viris clarissimis consulibus, xiv Kalend. Junii Carthagine in basilica perpetua restituta cum Genedius episcopus una cum Victore Adriano et alio Victore Pupinianense et cæteris coepiscopis suis provinciarum diversarum condisset, Genedius episcopus dixit:

CAP. I. Omnipotenti Deo gratias refero, qui permisit ut secundum commune consilium habitum in prætorio etiam ita juxta tenorem petitionis litterarum mearum ad Carthaginem pro fide atque utilitate ecclesiastica veniretis, licet non omnes, tamen quoniam charitas totum persuadet, ut qui corpore sunt absentes, nobiscum in spiritu videantur esse conjuncti, idcirco Deo propitio, quia præsentis estis pari professione fides ecclesiastica quæ per nos traditur in hoc cœtu glorioso primitus confitenda est, unde nunc ordo ecclesiasticus singulorum ex consensu omnium est extruendus atque roborandus, ut fratrum et coepiscoporum nuper promotorum mentes de his quæ proponenda sunt, roborentur. Et sicut a patribus certa dispositione accepimus ut Trinitatem quam in nostris sinibus consecratam retinemus Patris et Filii et Spiritus sancti unitatem, quæ nullam noscitur habere notitiam, sicut didicimus, Dei populos instruamus, ab universis episcopis dictum est, plane sic accepimus, sic tenemus fidem apostolicam sequentes.

II. Aurelius episcopus dixit, cum in præterito concilio de continentia et castitatis moderamine tractaretur, gradus isti tres conscriptione quadam

castitatis per consecrationes annexi sunt. Episcopos, inquam, presbyteros et diaconos ita placuit, ut concederet sacrosanctos antistites et Dei sacerdotes, necnon et levitas, vel qui sacramentis divinis inseruiunt, continentes esse in omnibus quo possint simpliciter quod a Deo postulant impetrare, ut quod apostoli docuerunt et ipsa servavit antiquitas, nosque custodiamus, ab universis episcopis dictum est. Omnibus placet, ut episcopi, presbyteri, et diaconi, vel qui sacramenta contrectant pudicitia custodes etiam ab uxoribus se abstineant, ab omnibus dictum est, placet, et ut in omnibus, et ab omnibus pudicitia custodiatur, qui altario deserviunt.

III. Fortunatus episcopus dixit, si jubet sanctitas vestra suggero, nam memini præterito concilio fuisse statutum, ut chrisma, vel reconciliatio poenitentium, necnon puellarum consecratio a presbyteris non fiant; si quis autem emergerit hoc faciens, quid de eo statuendum sit? Aurelius episcopus dixit, audivit dignatio vestra suggestionem fratris et coepiscopi nostri Fortunati, quid ad hæc dicitis? ab universis episcopis dictum est: Chrismatis confectio, et puellarum consecratio a presbyteris non fiat, vel reconciliare quemque in publica missa presbytero non licere, hoc omnibus placet.

IV. Aurelius episcopus dixit, si quisquam in periculo fuerit constitutus, et se reconciliari divinis altaribus petierit, si episcopus absens fuerit, debet utique presbyter consulere episcopum, et sic periclitantem ejus præcepto reconciliare; quam rem debemus salubri consilio corroborare, ab universis

episcopis dictum est, placet quod sanctitas vestra necessario nos instruere dignata est.

V. Felix episcopus Selemselitanus dixit, etiam si hoc placet sanctitati vestræ insinuo, ut diœceses quæ nunquam episcopos acceperunt, non habeant, et illa diœcesis quæ aliquando habuit, habeat proprium, et si accedente tempore, crescente fide Dei, populus multiplicatus desideraverit proprium habere rectorem, ejus videlicet voluntate, in cujus potestate est diœcesis constituta, habeat episcopum, secundum autem hanc prosecutionem sanctitas vestra æstimet quid fieri debeat. Genedius episcopus dixit, si placet, insinuatio fratris et coepiscopi nostri Felicis ab omnibus confirmetur; ab universis episcopis dictum est placet.

VI. Numidius episcopus Massilitanus dixit, præterea sunt quamplurimi non bonæ conversationis qui existimant majores natu vel episcopos passim vageque in accusationem pulsandos, debent tam facile admitti necne? Aurelius episcopus dixit, placet ergo charitati vestræ, ut is qui aliquibus sceleribus irretitus est vocem adversus majores natu non habeat accusandi, ab universis episcopis dictum est, si criminosus est, non admittatur, omnibus placet.

VII. Felix episcopus Selemselitanus dixit, illud autem vestræ suggero sanctitati, ut hi qui pro facinoribus suis de Ecclesia pelluntur, et ausi fuerint ad comitatum pergere, aut ad judicia publica prosilire, aut si forsitan Ecclesiæ catholicæ limina conturbare, episcopus vel clericus cujuslibet plebis eos sine consensu susceperit, de his quid censetis? Epigonius episcopus Bullensium regionum dixit, si quis episcopus communionem tenens catholicam hujusmodi homines vanis blandimentis incedentes temere susceperit, sciat cum his se rectissime depravatum vel damnatum. Genedius episcopus dixit, ergo recte suggerunt fratres et coepiscopi, ut qui merito facinorum suorum ab Ecclesia pulsati sunt, si ab aliquo episcopo presbytero vel clerico fuerint in communionem suscepti, etiam ipse pari cum eis crimine teneatur obnoxius, refugientes, sui episcopi regulare judicium; ab universis episcopis dictum est, omnibus placet.

VIII. Aliphius episcopus Ecclesiæ Tagastensis legatus provinciae Numidiæ dixit, nec illud prætermittendum est, ut si quis forte presbyter ab episcopo suo correptus aut excommunicatus, timore vel superbia inflatus, putaverit separatim Domino sacrificia offerenda, vel aliud erigendum altare contra ecclesiasticam fidem disciplinamque crediderit agendum, non exeat impunitus. Valentinus primæ sedis provinciae Numidiæ dixit, necessario disciplinæ ecclesiasticæ et fidei congrua sunt quæ frater noster Aliphius persecutus est, proinde quid exinde videtur, vestræ dilectioni edicite, si quis presbyter contra episcopum suum inflatus schisma fecerit, anathema sit, ab universis episcopis dictum est. Si quis presbyter a præposito suo excommunicatus vel

correptus fuerit, decet utique apud vicinos episcopos conqueri ut ab ipsis ejus causa possit audiri, ac per ipsos suo episcopo reconciliari; quod nisi fecerit, sed superbia, quod absit, inflatus secernendum se ab episcopi sui communione duxerit, ac separatim cum aliquibus schisma faciens sacrificium Deo obtulerit, loco amisso anathema habeatur, et locum amittat, nihilominus et de civitate et congregatione in qua fuerit, longius repellatur, ne vel ignorantes, vel simpliciter viventes, serpentina fraude decipiat, quoniam secundum Apostolum, Ecclesia una est, una fides, unum baptisma, et si querimoniam justam adversus episcopum non habuerit, inquirendum erit.

IX. Numidius episcopus Massilitanus dixit, in quibusdam locis sunt presbyteri qui aut ignorantes simpliciter aut dissimulantes audaciter præsentem et inconsulto episcopo complurimis in domiciliis agant agenda, quod disciplinæ incongruum cognoscit esse sanctitas vestra. Genedius episcopus dixit, fratris et coepiscopi nostri digna satisfactione respondere non moremur; ab universis episcopis dictum est, quisquis presbyter inconsulto episcopo agenda in quolibet loco voluerit celebrare, ipse honori suo contrarius existit.

X. Felix episcopus Selemselitanus dixit, etiam hoc adjicio secundum statuta veterum conciliorum, ut si quis episcopus, quod non opinamur, in reatum aliquem incurrerit, et fuerit ei nimia necessitas non posse plurimos congregare, ne in crimine remaneat, a duodecim episcopis audiatur, et a sex presbyteris, et a tribus diaconibus cum proprio suo episcopo. Genedius episcopus dixit, quid ad hoc dicit sanctitas vestra? Ab universis episcopis dictum est, a nobis veterum statuta debere servari.

XI. 78 Victor episcopus Abziriditanus dixit, roboranda est ecclesiastica disciplina, ne quisquam episcoporum alterius plebes vel diœcesim sua importunitate pulsare debeat, qui hoc facere tentaverit quemadmodum coercendus est? Genedius episcopus dixit, et lex sancta prohibet, et ipsa Veritas definit non debere quemquam aliena concupiscere. Proinde quid etiam vobis omnibus placeat propria voce signate; ab universis episcopis dictum est, placet secundum divinæ legis et sancti Evangelii auctoritatem, ut nemo nostrum alienos limites transgrediatur.

XII. Numidius episcopus Massilitanus dixit, aliqui episcopi usurpatione quadam existimant contempto primatu cujuslibet provinciae, sive ad desiderium populi episcopum ordinare sine litteris ad se primæ cathedræ manantibus, neque postea acceptis; quid de hoc statuit sanctitas vestra? Genedius episcopus dixit, quoniam communis est honorificentia quæ unicuique servari oportet, idipsum fraternitati vestræ convenit pronuntiare; ab universis episcopis dictum est, placet omnibus, ut inconsulto primatu cujuslibet provinciae, tam facile nemo præsumat, licet cum multis episcopis in quocunque loco sine ejus, ut dictum est, præcepto episcopum ordinare, si autem



necessitas fuerit, tres episcopi, in-quoecunque loco sint, cum primatis præcepto ordinare debeant episcopum.

XIII. Genedius episcopus dixit, omnia ergo quæ a vestro cœtu gloriosissimo statuta sunt, placet omnibus custodiri, ab universis episcopis dictum est, placet ut custodiantur ab omnibus. Genedius episcopus dixit: Si, quod non opinamur, ab aliquo fuerint violata, quid statuitis quod fieri debeat? Ab univer-

sis episcopis dictum est, qui contra suam professionem vel subscriptionem venerit, ipse se ab hoc cœtu separabit. Genedius episcopis dixit, gratulamur Domino nostro præstante quod pro statu Ecclesiæ catholicæ cuncta nos salubri consilio servanda decrevimus. Et ideo quæ ab omnibus sunt dicta propria debemus subscriptione firmare; ab universis episcopis dictum est, fiat, fiat, et subscripserunt.

#### INCIPIUNT CAPITULA CONCILII TERTII CARTHAGINENSIS.

1. Ut comprovinciales episcopi de iascha suum inquirant primatem.

2. Ut per singulos annos concilium fiat.

3. Ut episcopus priusquam ordinetur, canone agnoscat.

4. Ut levitæ et virgines ante viginti quinque annos non consecrentur.

5. Ut sacramentum catechumenis non præbeatur.

6. Ut baptismum mortuis vel eucharistia non detur.

7. Ut episcopus accusatus, ubi vel infra quod tempus examinetur.

8. De presbyteris et diaconibus, quanti episcopi eos audiant.

9. Ut clerici publica judicia non appellent.

10. Si a quoquam ab aliis iudicibus ecclesiasticis ad alios iudices et ecclesiasticos majoris auctoritatis provocatum fuerit, non obesse prioribus diversarum sententiarum proferentibus.

11. Ut filii clericorum ad spectacula non accedant.

12. Ut clericorum matrimoniis infideles non sociantur.

13. Ut clerici de rebus suis nihil infidelibus conferant.

14. Ut clerici filios suos a sua potestate exire non sinant, nisi ætate et moribus comprobatos.

15. Ut clerici non sint conductores vel negotiatores.

16. Ut clerici non usurarii sint.

17. Ut cum clericis extraneæ feminæ non cohabitent.

18. Ut clerici non ordinentur, nisi omnes qui cum eis sunt, fideles existant.

19. Ut clerici cum ad pubertatem venerint, aut conjugium, aut castitatem profiteantur.

20. Ut plebes alienas alius episcopus non usurpet.

21. Ut nullus episcopus alienum clericum audeat retinere vel ordinare.

22. Ut nullus clericus ordinetur, nisi fuerit probabilis.

23. De precibus et orationibus.

24. Ut in sacrificio tantum panis et calix offeratur.

25. Ne clerici vel continentes ad viduas vel virgines soli habeant accessum.

26. Ut primæ sedis episcopus princeps sacerdotum non appelletur.

27. Ut clerici tabernas non ingrediantur.

28. Ut episcopus sine formata metropolitani longius non proficiscatur.

29. Ut missa a jejuniis celebretur.

30. Ut nullus in Ecclesia convivetur.

31. Ut pœnitentibus juxta peccatorum modum pœnitentia detur.

32. Ut presbyter præter jussa vel absentiam episcopi non reconciliet pœnitentes.

33. De custodia sacrarum virginum.

34. De baptizandis ægrotis qui jam loqui non possunt.

35. Ne apostatis vel histrionibus conversis pœnitentia negetur.

36. Ut presbyter chrisma non conficiat.

37. Ut clerici sine necessitate in aliena civitate non immorentur.

38. Ut non liceat fieri translationes episcoporum.

39. Ut non præsumant duo episcopi ordinare pontificem.

40. Ut dum episcopus eligitur, si contradictores habeat, quinque sacerdotes conveniant.

41. Ut per singulos annos convenientes episcopi ad concilium etiam de paschali solemnitate a primæ suæ informantur.

42. Ut non accipiat alium episcopum plebs quæ in diœcesi semper subiacebit.

43. Ut qui plebe sua contempta ad concilium venire detrectant, et plebem et honorem amittant.

44. Ut clericum alienum nullus sibi præsumat episcopus ordinare.

45. Ut episcopus qui plures habet clericos ei qui eget ad ordinandum postulatus largiatur.

46. Ut episcopus qui in diœcesi factus solum eam plebem teneat qua exstitit ordinatus

47. Ut præter scripturas canonicas nihil in Ecclesia legatur sub nomine divinarum Scripturarum.

48. De baptizatis a Donatistis.

49. Ut ea quæ quis in ecclesiastico positus gradu acquisivit, Ecclesiæ conferantur.

50. Ut gesta concilii episcoporum subscriptionibus confirmantur.

## INCIPIT CONCILIUM CARTHAGINENSE TERTIUM

*Habitu ab episcopis numero nonaginta septem, æra CDXXXV.*

**C**æsario et Attico viris clarissimis consulibus **Kalend. Septembris** Carthagine in secretario basilicæ restitutæ cum Aurelius episcopus una cum coepiscopis suis consedisset, astantibus etiam diaconibus, constituta sunt hæc quæ præsentî concilio definita sunt.

**CAP. I.** Placuit ergo in principio propter errorem qui sæpe solet oboriri ut omnes Africanæ provincæ episcopi observationem paschalem ab Ecclesia Carthaginensi curent accipere

**II.** Similiter placuit, ut propter causas ecclesiasticas quæ ad perniciem plebium sæpe veterascunt singulis quibusque annis concilium vocetur, ad quod omnes provincie quæ primas sedes habent de conciliis suis binos aut quintos elegerint episcopos mittant, ut et minus invidiosi minusque hostilibus sumptuosi existant, ut congregato conventu plena possit esse auctoritas, de Tripoli autem propter inopiam episcoporum unus episcopus veniat.

**III.** Item placuit ut ordinatis episcopis vel clericis prius ab ordinatoribus suis decreta conciliorum auribus eorum inculcentur, ne se aliquid contra statuta concilii fecisse poeniteat.

**IV.** Item placet ut ante viginti quinque annos ætatis, nec diaconi ordinentur, nec virgines consecrentur, et ut lectores populos non saluent.

**V.** Item placuit per solemmissimos paschales dies sacramentum catechumenis non detur, nisi solitum sal, quia si fideles per illos dies sacramenta non mutant, nec catechumenis oportet mutare.

**VI.** Item placuit ut corporibus defunctorum eucharistia non detur, dictum est enim a Domino: Accipite et edite. Cadavera autem nec accipere possunt, nec edere. Cavendum est etiam, ne mortuos baptizari posse fratrum infirmitas credat, quibus nec Eucharistia dari licitum est.

**VII.** Aurelius episcopus dixit, quisquis episcoporum accusator ad primates provincie ipsius causam deferat accusator, nec a communione suspendatur, cui crimen intenditur, nisi ad causam suam dicendam electorum iudicium die statuta litteris evocatus minime occurrerit, hoc est, infra spatium mensis ex ea die qua eum litteras accepisse constiterit quod si aliquas veras necessitatis causas probaverit, quibus eum occurrere non potuisse manifestum sit, causæ suæ dicendæ intra alterum mensem integram habeat facultatem, verum tandiu post mensem secundum non communicet, donec purgetur. Si autem ad concilium universale anniversarium occurrere noluerit, vel ibi causa ejus terminetur, ipse in se damnationis suæ sententiam dixisse iudicetur. Tempore sane quo non communicat nec in sua Ecclesia vel parochia communicet, accusator autem ejus, si nunquam diebus causæ discendæ de-

**A** fuerit, communione non removeatur. Si vero aliquando defuerit, subtrahens se, restituto in communione episcopo removeatur a communione accusator, ita tamen ut nec ipsi adimatur facultas causæ peragenda, si se occurrere voluisse, sed non potuisse probaverit. Illud vero placuit, ut cum agere coeperit in episcoporum iudicio, si fuerit accusatoris persona culpabilis, ad arguendum non admittatur nisi proprias causas, non tamen ecclesiasticas, asserere voluerit.

**VIII.** Si autem presbyteri vel diaconi fuerint accusati, adjuncto sibi ex vicinis locis proprius episcopus legitimo numero collegarum quos ab eodem accusati petierint, id est, una secum in presbyterii nomine episcopi sex, in diaconii tres, qui ipsorum causas discutiant, eadem dierum et dilationum et a communione remotionum et discussione **79** personarum inter accusatores et eos qui accusantur forma servata, reliquorum autem clericorum causas etiam solus episcopus loci agnoscat et finiat.

**IX.** De diversis ordinibus Ecclesiæ servientibus, ut si quis in causam criminis incurrerit, et abnuerit iudicium ecclesiasticum debet periclitari, et ut filii sacerdotum spectacula sæcularia non adeant. Item placuit, quisquis episcoporum, presbyterorum, et diaconorum, seu clericorum, cum in Ecclesia ei crimen fuerit intentatum, vel civilis causa fuerit commota, si derelicto ecclesiastico iudicio, publicis iudiciis purgari voluerit, etiam si pro ipso ei fuerit prolata sententia, locum suum amittat, et hoc in criminali actione. In civili vero perdat quod evicit, si locum suum obtinere maluerit, siquidem ad eligendos iudices sibi de Ecclesiæ consortio dubitat, vileque Ecclesiæ consortium iudicat, qui de universa Ecclesia male sentiendo de iudicio sæculari poscit auxilium, cum privatorum causam Apostolus etiam ad Ecclesiam deferri, atque ibi determinari præcipiat.

**X.** Hoc etiam placuit, ut a quibuscunque iudicibus ecclesiasticis ad alios iudices ecclesiasticos ubi est major auctoritas fuerit provocatum, non eis obsit quorum fuerit soluta sententia si convinci non potuerint, vel inimico animo iudicasse, vel aliqua cupiditate, aut gratia depravari. Sane si ex consensu partium iudices electi fuerint, etiam a pauciore numero quam constitutum est, non liceat provocari.

**XI.** Ut filii sacerdotum vel clericorum spectacula sæcularia non exhibeant, sed nec spectent, quanquam quidem ab spectaculo et omnes laici prohibeantur, semper enim christianis omnibus hoc interdictum est, ut ubi blasphemii sunt, non accedant.

**XII.** Item placuit, ut filii vel filiæ episcoporum vel quorumlibet clericorum gentilibus vel



hæreticis aut schismaticis matrimonio non jungantur.

XIII. Ut episcopi vel clerici in eos qui catholici, christiani non sunt, etiam si consanguinei fuerint, per donationes rerum suarum nihil conferant.

XIV. Ut episcopi vel clerici suos finos a sua potestate per emancipationem exire non sinant, nisi de moribus eorum fuerint et ætate securi, ut possint ad eos jam propria pertinere pecata.

XV. Item placuit ut episcopi et presbyteri et diaconi vel clerici non sint conductores, neque procuratores, neque ullo turpi lucro, vel inhonesto negotio victum quærant, quia respicere debent scriptum esse: nemo militans Deo, implicat se negotiis B

XVI. Ut nullus clericorum amplius recipiat quam accommodaverit; si pecuniam, pecuniam suscipiat, si speciem, eandem speciem quantum dederit accipiat, et quidquid aliud tantum quantum dederit accipiat.

XVII. Ut cum omnibus omnino clericis extraneæ feminæ non cohabitent; sed solæ matres, aviæ, materteræ, amitæ, sorores, et filiæ fratrum aut sororum, et quæcunque ex familia domestica necessitate, etiam antequam ordinarentur, jam cum eis habitabant, vel si filii eorum jam ordinatis parentibus uxores acceperunt, aut servis non habentibus in domo quas ducant, aliunde ducere necessitas fuit.

XVIII. Ut episcopi, presbyteri et diaconi, non ordinentur, priusquam omnes qui sunt in domo eorum Christianos catholicos fecerint.

XIX. Placuit ut lectores cum ad annos pubertatis venerint, cogantur aut uxores ducere, aut continentiani profiteri.

XX. Placuit ut a nullo episcopo usurpentur plebes alienæ, nec aliquis episcoporum supergre diatur in diœcesi suum collegam.

XXI. Ut clericum alienum, nisi concedente ejus episcopo, nemo audeat vel retinere vel promovere in Ecclesia sibi credita, clericorum autem nomen etiam lectores et psalmistæ et ostiarii retinent.

XXII. Ut nullus ordinetur clericus non probatus, vel episcoporum examine vel populi testimonio.

XXIII. Ut nemo precibus vel patrem pro filio, vel filium pro patre nominet, et cum ad altare assistitur, semper ad patrem dirigatur oratio, et quascunque sibi preces aliquis describit, non eis utatur, nisi prius eas instructiones fratribus contulerit.

XXIV. Ut in sacramentis corporis et sanguinis Domini nihil amplius offeratur quam ipse Dominus tradidit, hoc est, panis et vinum aquæ mistum, nec amplius in sacrificiis offeratur quam de uvis et frumentis.

XXV. Ut clerici vel continentes ad viduas vel virgines, nisi jussu vel permissu episcoporum et presbyterorum, non accedant. Et hoc non soli faciant, sed cum clericis vel cum his cum quibus episcopus jusserit vel presbyter. Nec episcopi aut presbyteri soli habeant accessum ad hujusmodi feminas, nisi aut clerici præsentés sint aut graves aliqui Christiani.

XXVI. Ut primæ sedis episcopus non appelletur princeps sacerdotum, aut summus sacerdos, aut aliquid hujusmodi, sed tantum primæ sedis episcopus.

XXVII. Ut clerici edendi vel bibendi causa tabernas non ingrediantur, nisi peregrinationis necessitate compulsi.

XXVIII. Item placuit ut episcopi trans mare non proficiscantur, nisi consulto primæ sedis episcopo sive cujuscunque provinciæ primate, ut ab episcopo præcipue possit sumere formatam vel commendationem.

XXIX. Ut sacramenta altaris non nisi a jejunis hominibus celebrentur, excepto uno die anniversario quo cœna Domini celebratur. Nam si aliquorum meridiano tempore defunctorum sive episcoporum sive cæterorum commendatio facienda est, solis orationibus fiat si illi qui faciunt, jam pransi inveniantur.

XXX. Ut nulli episcopi vel clerici in ecclesia conviventur, nisi forte transeuntes hospitiorum necessitate illic reficiantur. Populi etiam ab hujusmodi convivis quantum fieri potest prohibeantur. C

XXXI. Ut pœnitentibus secundum peccatorum differentiam, episcopi arbitrio pœnitentiæ tempora decernantur.

XXXII. Ut presbyter inconsulto episcopo non reconciliet pœnitentem nisi absente episcopo necessitate cogente cujuscunque pœnitentis; publicum et vulgatissimum crimen est quod universam Ecclesiam commoverit, ante absidam manus ei imponatur.

XXXIII. Ut virgines sacræ si a parentibus a quibus custodiebantur privatæ fuerint, episcopi providentia vel presbyteri ubi episcopus absens est, in monasterio virginum vel gravioribus feminis commendentur, ut simul habitantes, invicem se custodiant, ne passim vagantes Ecclesiæ lædant opinionem.

XXXIV. Ut ægrotantes, si pro se respondere non possunt cum voluntatis eorum testimonium sui dixerint, baptizentur, similiter et de pœnitentibus agendum est.

XXXV. Ut scenicis atque histrionibus certisque hujusmodi personis vel apøstatis conversis vel reversis ad Dominum gratia vel reconciliatio non negetur.

XXXVI. Ut presbyter inconsulto episcopo virgines non consecret, chrisma vero nunquam conficiat.

XXXVII. Ut clerici in aliena civitate non immorentur, nisi causas eorum iustas episcopi loci vel presbyteri locorum perviderint.

XXXVIII. Illud autem suggerimus mandatum nobis, quod etiam in Capuensi plenaria synodo videtur statutum, quod non liceat fieri rebaptizationes et reordinationes vel translationes episcoporum. Nam Cresconius villæ Regiensis episcopus plebe sua derelicta Tiburnensem invasit Ecclesiam, et usque hodie communitus secundum quod statutum fuerat relinquere eandem quam invaserat plebem contempsit, adversus statuta quæ pronuntiata fuerant, confirmata quidem audivimus, sed petimus secundum quod nobis mandatum est, ut dignemini dare fiduciam, quo necessitate ipsa cogente liberum sit nobis rectorem provinciæ secundum statuta gloriosissimorum principum adversus illum adire, ut qui miti admonitioni vestræ acquiescere noluit et emendare illicitum, auctoritate judiciaria protinus excludatur. Aurelius episcopus dixit, servata forma disciplinæ non æstimabitur appetitus, si vestra charitate modestius, conventus recedere detraxerit, cum fuerit suo contemptu et contumacia faciente etiam auctoritate judiciaria conventus. Honoratus et Urbanus episcopi dixerunt, hoc enim omnibus placet, ab universis episcopis dictum est, iustum est, placet.

XXXIX. Honoratus et Urbanus episcopi dixerunt, et illud nobis mandatum est, ut quia proximæ fratres nostri Numidiæ duo episcopi ordinare præsumperunt pontificem, non nisi a duodecim censeatis episcoporum celebrari ordinationes. Aurelius episcopus dixit, forma antiqua servabitur, ut non minus quam tres sufficiant qui fuerint a metropolitano directi ad episcopum ordinandum, propterea quia in Tripoli forte et Arguze interjacere videntur barbaræ gentes. Nam in Tripoli, ut asseritur, episcopi sunt quinque tantummodo et possunt forte de ipso numero vel duo necessitate aliqua occupari, difficile est enim ut de quolibet numero omnes possint occurrere. Nunquid debet hoc ipsum impedimento ecclesiasticæ esse utilitati? Nam et in hac Ecclesia dignata est sanctitas vestra humaniter convenire crebro ac pene per diem Dominicam ordinandos habemus. Nunquidnam frequenter potero duodecim vel decem vel multominus advocare episcopos, sed facile est mihi duos adjungere meæ parvitati episcopos vicinos, quapropter cernit mecum charitas vestra hoc ipsum observari non posse.

XL. Et illud est statuendum, ut quando ad eligendum episcopum convenerimus si qua contradictio fuerit oborta, quia talia facta sunt apud nos, non præsumant ad purgandum eum qui ordinatus est tres jam, sed postulentur ad numerum supradictorum duo vel tres, et in eadem plebe cui ordinandus est discutiatur. Primo personæ contradicentium, postremo illa etiam quæ obijciuntur pertractentur, et cum **80** purgatus fuerit sub conspectu publico, ita demum ordinetur, si hoc cum vestræ sanctitatis

A animo concordat, roboretur vestræ dignitatis responsione; ab universis episcopis dictum est, placet satis.

XLI. Honoratus et Urbanus episcopi dixerunt: Quoniam de concilio quædam tractata noscuntur, adjicimus etiam de die Paschæ nobis esse mandatum, ut de Ecclesia semper Carthaginensi, sicut prædictum est, instruamur, et non sub angusto temporis spatio. Aurelius episcopus: Si sanctitati vestræ videtur, quoniam nos spopondisse jam superius meminimus, ut singulis quibusque annis ad tractandum conveniamus, et cum convenerimus in unum, tunc divulgabitur sanctus Paschæ dies per legatos qui fuerunt in concilio. Honoratus et Urbanus episcopi dixerunt: Nunc de præsentī cœtu petimus, ut litteris B provinciam nostram de hac die informare dignemini. Aurelius episcopus dixit: Ita fiat necesse est.

XLII. Epigonius episcopus dixit: Multis in conciliis hoc statutum est a cœtu sacerdotali, ut plebes quæ in diœcesibus ab episcopis tenentur quæ episcopos nunquam hahuerunt, non nisi cum voluntate ejus episcopi a quo tenentur, proprios accipiant rectores, id est episcopos; at vero quia nonnulli quodam dominatu adepto communionem fratrum abhorrent, vel certe, cum elevati fuerint, quasi in quadam arce tyrannicam sibi dominationem vindicant, quod plerique stolidi adversus episcopos suos cervices erigunt presbyteri, vel conviviis sibi conciliantes plebem ut persuasu maligno et illicito eosdem velint sibi collocare rectores, quod quidem insigne mentis tuæ tenemus votum, frater religiose Aureli, quia C hæc sæpe oppressisti non curando tales petitiones, sed propter eorum malos cogitatus et prave concinnata concilia hoc dico non debere rectorem accipere eam plebem quæ in diœcesi semper subjacuit, nec unquam proprium episcopum habuit, quapropter si universo sanctissimo concilio complacet hoc quod prosecutus sum, confirmetur. Aurelius episcopus dixit: Fratris et consacerdotis nostri prosecutioni non obsisto, sed hoc me fecisse, et facturum esse, confiteor.

XLIII. Circa eos sane qui fuerint concordēs, non solum circa Ecclesiam Carthaginensem, sed circa omne sacerdotale consortium. Sunt enim plerique conspirantes cum propriis plebibus, quas decipiunt, D ut dictum est, earum scalpentes aures ad seducendum vitiosæ vitæ homines, vel certe inflati et ab hoc consortio separati, qui putant propriæ plebi incubandum, et nonnunquam conventi ad concilium venire refugiunt et detractant, sua forte ne prodantur flagitia metuentes, dico, si placet, contra hos non tantum diœceses non esse servandas, verum etiam et de propria Ecclesia, quæ illis male fuerit omnino adnitendum, ut etiam auctoritate publica rejiciantur, atque ab ipsis principalibus cathedris removeantur; oportet enim ut qui universis fratribus ac toti concilio inhæserit, non solum sua jure integro, sed et diœceses possideat, at vero qui sibimet putant plebes suas sufficere fraterna dilectione contempta, nec



tantum diœceses amittant, sed, ut dixi, etiam propriis publica careant auctoritate, ut rebelles. Honoratus et Urbanus dixerunt episcopi : Summa provisio sanctitatis tuæ cohæsit mentibus singulorum, et puto omnium responsione ea qua prosequi dignatus es probanda. Universi episcopi dixerunt : Placet, placet.

XLIV. Epigonius episcopus dixit : In multis conciliis hoc statutum est, etiam nunc hoc confirmatum est vestra providentia, fratres charissimi, ut clericum alienum nullus sibi præripiat episcopus, præter ejus arbitrium cujus fuerit clericus ; dico autem Julianum qui ingratus est Dei beneficiis per meam parvitatem in se collatis ita temerarium et audacem exstitisse, ut eum qui a me baptizatus est cum esset puer egen-tissimus, mihi ab eodem commendatum, cumque multis annis a me aleretur atque incresceret, hunc, ut dixi, baptizatum in ecclesia mea per manum parvitatismæ constat, idem in diœcesi Appabensi lector esse cœperat, imo annis ferme duobus legerat, nescio quo contemptu humilitatis meæ idem Julianus arripuit, quem dicit quasi proprium civem sui loci Nazaritani me inconsulto usurpare, nam et diaconum illum ordinavit, hoc scilicet pareat, hæc licentia vobis, beatissimi fratres, sin minus tam impudens cohibeatur, nec se misceat communioni cujusquam. Numidius episcopus dixit : Si non postulata neque consulta tua dignatione id videatur fecisse Julianus, judicamus omnes inique factum atque indigne, quapropter nisi idem Julianus correxerit errorem suum, et cum satisfactione eundem clericum quem fuit ausus ordinare, revocaverit tuæ plebi, contra statuta concilii faciens, contumacia sua separatus a nobis excipiet judicium. Epigonius episcopus dixit, ætate pater et ipsa promotione antiquissimus vir, laudabilis frater et collega noster Victor vult hanc petitionem generalem omnibus effici.

XLV. Aurelius episcopus dixit : Sermonem meum admittite, fratres ; contingit nonnunquam ut postulentur ab ecclesiis quæ præpositis egent vel episcopis vel presbyteris, et tamen memor statutorum id sequor ut conveniam episcopum ejus, atque ei inculcem quod ejus clericus a qualibet ecclesia postuletur, sed forte in hodierno non reluctati sunt, et ne quando contingat ut reluctantur cum fuerint a me in hac causa postulati quem scitis multarum ecclesiarum et ordinandorum causam sustinere. Justum est ergo ut quemlibet consacerdotum conveniam cum duobus e consortio nostro vel tribus testibus ; si vero indevotus exstiterit, quid censet charitas vestra faciendum ? ego enim cunctarum Ecclesiarum dignatione Dei, ut scitis, fratres, sollicitudinem sustineo. Numidius episcopus dixit : Fuit hæc semper licentia huic sedi, unde vellet et de cujus nomine finisset conventus pro desiderio ejusque Ecclesiæ ordinaret episcopum. Epigonius episcopus dixit : Bonitas sequestrat possibilitatem. Minus enim præsumis, frater, et cum te bonum et clementem omnibus reddis, habes enim hoc in arbitrio, satis est ut satisfiat personæ uniuscu-

A jusque episcopi, in prima tantummodo conventionem. Si autem quodlibet huic sedi vindicandum fuerit sibi arbitratus, necesse habes tu omnes Ecclesias suffulcire. Unde tibi non potestatem damus, sed etiam assignamus ut liceat voluntati tuæ semper tenere quem voles, ut præpositos plebibus vel ecclesiis constituas qui postulati fuerint, et unde voles. Posthumianus episcopus dixit : Deinde qui unum habuerit, nunquid debet ei unus presbyter ipse auferri ? Aurelius episcopus dixit : Sed episcopus unus esse potest, per quem dignatione divina presbyteri multi constitui possunt, unus autem episcopus difficile invenitur constituendus ; quapropter si necessarium episcopatu quis habet presbyterium, et unum, ut dixisti, frater, habuerit, et ipsum ad promotionem dare debet. Posthumianus episcopus dixit : Ergo si habet alius abundantes clericos, debet mihi alia plebs subvenire. Aurelius episcopus dixit : Sane quomodo ecclesiæ alterius tu subveneris, persuadebitur illi qui plures habet clericos, ut unum tibi ordinandum largiatur.

XLVI. Honoratus et Urbanus episcopi dixerunt : Audivimus constitutum ut diœceses non mereantur episcopum accipere, nisi cum consensu ejus sub quo fuerint constitutæ, sed in provincia nostra cum aliqui forte in diœcesi, concedente eo episcopo in cujus potestate fuerant constitutæ, ordinati sunt episcopi, etiam diœceses sibi vindicant, hoc et corrigi charitatis vestræ judicio et inhiberi de cætero debet. Epigonius episcopus dixit : Singulis episcopis servatum est quod decebat, ut ex massa diœcesium nulla caperetur, ut proprium episcopum habuisset ; nisi ipse consensum adhibuisset concedendi, sufficiat enim si consenserit ut eadem diœcesis permissa proprium tantum episcopum habeat, et cæteras sibi non vindicet diœceses, quæ exempta de fasce multarum sola meruit honorem apostolatus suscipere. Aurelius episcopus dixit : Non dubito charitati vestræ omnium placere eum qui in diœcesi concedente episcopo matricem tenuit, solam eandem retinere plebem in qua fuit ordinatus.

XLVII. Item placuit, ut præter scripturas canonicas nihil in ecclesia legatur sub nomine divinarum Scripturarum. Sunt autem canonicæ scripturæ, id est, primus Genesis, secundus Exodus, tertius Leviticus, quartus Numeri, quintus Deuteronomium, sextus Jesu Nave, septimus Judicum, octavus Ruth, nonus Regum libri 4, Paralipomenon libri duo, Job unus, Psalterium Daviticum, Salomouis libri 5, libri duodecim prophetarum, Isaïas, Jeremias, Ezechiel, Daniel, Tobias, Judith, Esther, Esdræ libri 2, Machab. libri 2, Novi autem Testamenti 27, Evangeliorum libri 4, Actuum apostolorum liber unus, Pauli apostoli Epistolæ 14, ejusdem ad Hebræos una, Petri apostoli duæ, Joannis apostoli tres, Judæ apostoli una, et Jacobi una, Apocalypsis Joannis liber unus qui sunt 27, hoc etiam fratri et consacerdoti nostro Bonifacio, vel aliis earum partium episcopis pro confirmando isto canone innotescat, quia a patribus

ista accepimus in ecclesia legenda, liceat etiam legi **A** vel quicumque clerici qui nihil habentes ordinantur, et tempore episcopatus vel clericatus sui agros vel quæcunque prædia nomine suo comparant tanquam rerum divinarum invasionis crimine teneantur, nisi admoniti ecclesiæ eadem ipsa contulerint. Si autem ipsis proprie aliquid liberalitate alicujus vel successione cognationis venerit, faciant inde quod eorum proposito congruit. Quod si a suo proposito retrorsum exorbitaverint, honore ecclesiastico indigni tanquam reprobi judicentur.

**XLVIII.** Placuit ut consulamus fratres et sacerdotes nostros Siricium et Simplicianum de solis infantibus qui baptizantur penes eosdem ne quod suo non fecerint iudicio cum ad Ecclesiam Dei salubri proposito fuerint conversi, parentum illis error impediatur ne provehantur sacri altaris ministri, quibus insertis Honoratus et Urbanus episcopi, legati provinciae Mauritaniae Sitifensis, dixerunt: Jam dudum cum apud sanctitatem vestram allegarem scripta, dilati sumus ea contemplatione quod fratres nostri advenire possent de Numidia legati, sed quia non parvi dies sunt quibus expectati minime venerunt ultra prætermittere quæ nobis mandata sunt a nostris coepiscopis non oportet, atque ideo, fratres, suggestionem nostram libenter admittite, de fide enim Nicaeni tractatus audivimus, verum et de sacrificiis inhibendis post prandium, ut a jejuniis, sicut dictum est, offerantur, et tunc et nunc confirmatum est.

**XLIX.** Placuit ut episcopi, presbyteri, diaconi,

**L.** Aurelius episcopus dixit: Quoniam igitur universa arbitror fuisse tractata, si omnia cum animo vestro convenerunt, sermone vestro cuncta roborate. Universi episcopi dixerunt: Omnibus hæc placuerunt, et hæc nostra subscriptione firmamus, et subscripserunt: Aurelius episcopus Ecclesiæ Carthaginensis huic decreto consensi, et relecto subscripsi, Epigonius episcopus Bulensis regionis subscripsi, Augustinus episcopus plebis Hipponensis subscripsi. Similiter et omnes episcopi 44 numero subscripserunt.

Explicit concilium Carthaginense.

## 81 INCIPIUNT CAPITULA CONCILII QUARTI CARTHAGINENSIS.

1. Qualiter debeant episcopi ordinari.
2. Qualiter consecrentur episcopi.
3. Qualiter presbyteri ordinentur.
4. Quemadmodum diacones constituantur.
5. Quemadmodum subdiaconi ordinentur.
6. Quemadmodum acolythi ordinentur.
7. Qualiter exorcistæ constituantur.
8. Qualiter lectores fiant.
9. Qualiter ostiarii ordinentur.
10. Qualiter psalmistæ.
11. Qualiter virgines sanctimoniales.
12. Qualiter viduæ vel sanctimoniales ad baptisterium ordinentur.
13. Qualiter sponsi et sponsæ benedicantur.
14. De cellula sacerdotis.
15. De victu et habitu sacerdotis.
16. Ut episcopus libros gentilium non legat.
17. Ut episcopus indigentium curam per presbyteros et diacones agat.
18. Ut episcopus per testamentum tuitionem non suscipiat.
19. Ut episcopi pro rebus secularibus non litigent.
20. Ut episcopus tantum divinis vacet.
21. Ut episcopus ægotans pro se legatum ad synodum mittat.
22. Ut episcopus sine testimonio clericorum et plebis clericos non instituat.
23. Ut episcopus causas clericis præsentibus audiat.
24. Ut quando episcopus verbum facit, nullus discedat.
25. De discordantibus episcopis.
26. Ut episcopus dissidentes concordare compellat.
27. De episcopo vel clerico in alio loco non transferendo.
28. De damnatione episcoporum a synodo tractanda.
29. De episcopo qui alicui crimen objecerit.
30. Quod irrita sit sententia episcoporum in absentem.
31. Qualiter res ecclesiæ ab episcopo habeantur.
32. De irritis distractionibus episcoporum.
33. De episcopis vel presbyteris ut a cujuscunque ecclesia in ordine suo recipiantur.
34. De primatu consessus presbyterorum cum episcopo.
35. De consessu presbyterorum in ecclesia cum episcopo.
36. Ut presbyteri parochiani aut per se aut per alios qui sacrum tractant chrisma ab episcopo petant.
37. De obedientia diaconorum erga presbyteros.
38. Ut diaconus eucharistiam jussu presbyteri ministret.
39. Ut diaconus jubente presbytero sedeat.
40. Ut diaconus coram presbyteris interrogatus respondeat.
41. Ut diaconus tempore tantum officii albam induat.
42. De clericis qui pro fide tentati sunt.
43. De his qui pro fide ab infidelibus persecutiones passi sunt.
44. De tonsura clericorum.



45. De habitu clericorum.
46. De continentia clericorum.
47. De incesso clericorum.
48. De clericis qui extra necessitatem ad nundinas vadunt.
49. De vigiliis clericorum.
50. De clericis ab officio continentibus.
51. De clericis ut artificio victum quærant.
52. De clericis qualiter sibi victum et vestitum quærant.
53. Ut legant clerici qui orare non possunt.
54. De clericis invidis.
55. De clericis accusatoribus.
56. De clericis maledicis.
57. De clericis adulatoribus et proditoribus.
58. De clericis frequenter litigantibus.
59. De clericis concordantibus.
60. De clericis turpiloquis, sive vagis.
61. De clericis per creaturas jurantibus.
62. De clericis inter epulas cantantibus.
63. De clericis sanis jejunia pollutentibus.
64. De his qui studiose Dominico die jejunant.
65. De Pascha suo tempore celebrando.
66. Ut clericus ab episcopo injuste damnatus recurrat ad synodum.
67. De seditionariis, aut usurariis, ne clerici fiant.
68. Ut ex pœnitentibus ornatus clericus deponatur.
69. Ut episcopus viduæ vel repudiatæ maritum ad clerum promovens, deponatur.
70. Ut clericus hæreticorum convivia vel consortia fugiat.
71. Quod hæreticorum cœtus, non ecclesia, sed conciliabulum sit.
72. Quod cum hæreticis nec orandum sit, nec psallendum.
73. Ut cum excommunicatis communicans, vel orans, excommunicetur.
74. De pœnitentium lege.
75. De negligentioribus pœnitentibus.
76. De poscentibus pœnitentiam si postea obmutescant.
77. De pœnitentibus, ut in morte viaticum accipiant.

- A 78. De pœnitentibus, si post viaticum supervivant.
79. De pœnitentibus, si casu aliquo moriantur.
80. De manus impositione super pœnitentes.
81. Ut pœnitentes mortuos efferant et sepe- liant.
82. Ut pœnitentes semper genua flectant.
83. De senibus honorandis.
84. Ut fideles pro audienda ratione in ecclesia usque ad missam stent.
85. Ut qui baptizandi sunt nomen dent, et a vino et a carne abstineant.
86. Ut nuper baptizati caste et continenter vivant.
- B 87. De catholicis qui causam apud infideles proponunt.
88. De his qui ecclesia prætermissa ad spectacula pergunt.
89. De his qui auguriis, vel incantationibus, vel judaicis superstitionibus serviunt.
90. De energumenis.
91. Item de energumenis.
92. De victu energumenorum.
93. Ut oblationes discordantium non recipiantur.
94. Ut oppressorum pauperum oblationes non suscipiantur.
95. De his qui oblationes defunctorum ecclesiis fraudant.
- C 96. De accusatore et accusato.
97. De eo qui religiosis feminis præficitur ut probetur.
98. Ut laicus pœnitentibus clericis non doceat.
99. Ut mulieres publice docere non præsumant.
100. Ut mulieres baptizare non præsumant.
101. De viduis, adolescentibus, et infirmis.
102. Ne clerici viduarum familiaritate associen- tur.
103. De viduis, quæ ecclesiæ stipendiis susten- tantur.
104. De viduis quæ professæ continentiam præ- varicatae sunt.

## INCIPIT CONCILIUM QUARTUM CARTHAGINENSE

*Habitu m ab episcopis ducentis quatuordecim, æra cccqxxvi.*

Augusto Honorio IV, et Euticiano consulibus, vi D Idus Novembris, cum Aurelius episcopus in concilio universali Carthagine, in secretario cum omnibus consacerdotibus suis consedisset, placuit cum eo cunctis qui fuerunt in eadem sancta synodo constituere hæc quæ ad ordines ecclesiasticos canonicis sunt necessaria disciplinis, ibi in principio constitutum est qualis ordinari debeat episcopus.

CAP. I. Cum episcopus ordinandus est, antea examinetur, si natura sit prudens, si docibilis, si moribus temperatus, si vita castus, si sobrius, si semper sui negotii cavens, si humilis, si affabilis, si misericors, si litteratus, si in lege Domini instructus, si in Scripturarum sensibus cautus, si in dogmatibus ecclesiasticis exercitatus, et ante omnia, si fidei documenta verbis duplicibus asserat, id est Patrem et Fi-

lium et Spiritum sanctum unum Deum esse confirmans, totamque Trinitatis deitatem coessentialem, et consubstantialem, et coeternalem, et coomnipotentem prædicans, si singulas quasque in Trinitate personas plenum Deum, et totas tres personas unum Deum, si incarnationem divinam non in Patre neque in Spiritu sancto factam, sed in Filio tantum credat, ut qui erat in divinitate Dei Patris filius ipse fieret in homine hominis matris filius, Deus verus ex Patre, homo verus ex matre, carnem ex matris visceribus habens, et animam humanam rationalem simul in eo utriusque naturæ, id est Deus et homo, una persona, unus Filius, unus Christus, unus Dominus, creator omnium quæ sunt et auctor, Dominus et rector cum Patre et Spiritu sancto omnium creaturarum, qui passus sit vera carnis passione, mortuus vera corporis sui morte, resurrexit vera carnis suæ receptione, et vera animæ resurrectione in qua veniet judicare vivos et mortuos. Quærendum etiam ab eo si Novi et Veteris Testamenti, id est legis et prophetarum, et apostolorum unum eundemque credat auctorem et Dominum, si diabolus non per conditionem, sed per arbitrium factus sit malus; quærendum etiam ab eo, si credat hujus quam gestamus, et non alterius carnis resurrectionem, si credat judicium futurum, et recepturos singulos pro his quæ in carne gesserunt, vel pœnas vel præmia, si nuptias non prohibeat, si secunda matrimonia non damnet, si carniū perceptionem non culpet, si pœnitentibus reconciliatis communicet, si in baptismo omnia peccata, id est tam illud originale contractum quam illa quæ voluntarie admissa sunt dimittantur, si extra Ecclesiam catholicam nullus salvetur. Cum in his omnibus examinatus fuerit inventus plene instructus, tunc cum consensu clericorum et laicorum, et conventu totius provinciae episcoporum, maximeque metropolitani, ut auctoritate, vel præsentia ordinetur episcopus, suscepto in nomine Christi episcopatu, non suæ delectationi, nec suis motibus, sed his patrum diffinitionibus acquiescat. Dehinc disponitur qualiter ecclesiastica officia ordinentur.

**82 II.** Episcopus cum ordinatur, duo episcopi ponant et teneant Evangeliorum codicem super caput et cervicem ejus, et uno super eum fundente benedictionem, reliqui omnes episcopi qui adsunt manibus suis caput ejus tangant.

**III.** Presbyter cum ordinatur, episcopo eum benedicente, et manum super caput ejus tenente, etiam omnes presbyteri qui præsentem sunt manus suas juxta manus episcopi super caput illius teneant.

**IV.** Diaconus cum ordinatur, solus episcopus qui eum benedicit manus super caput illius ponat, quia non ad sacerdotium, sed ad ministerium consecratur.

**V.** Subdiaconus cum ordinatur solus episcopus quia manus impositionem non accepit, patenam de episcopi manu accipiat vacuum et calicem vacuum, de manu vero archidiaconi urceolum cum aqua et mantile et manutergium.

**VI.** Acolythus cum ordinatur, ab episcopo quidem doceatur qualiter se in officio suo agere debeat, sed ab archidiacono accipiat cerofarium cum cereo, ut sciat se ad accendenda Ecclesiae luminaria mancipari. Accipiat et urceolum vacuum ad suggerendum vinum in Eucharistiam sanguinis Christi.

**VII.** Exorcista cum ordinatur, accipiat de manu episcopi libellum in quo scripti sunt exorcismi dicente sibi episcopo: Accipe et commenda memoriam, et habeto potestatem imponendi manus super energumenum, sive baptizatum, sive catechumenum.

**VIII.** Lector cum ordinatur, faciat de illo verbum episcopus ad plebem, indicans ejus fidem, ac vitam atque ingenium; post hæc spectante plebe tradat ei codicem de quo lecturus est dicens ad eum: Accipe, et esto lector verbi Dei, habiturus, si fideliter et utiliter impleveris officium, partem cum eis qui verbum Dei ministraverunt.

**IX.** Ostiarius cum ordinatur, postquam ab archidiacono instructus fuerit qualiter in domo Dei debeat conversari, ad suggestionem archidiaconi tradat ei episcopus claves ecclesiae de altario dicens: Sic age quasi redditurus Domino rationem pro his rebus quæ his clavibus recluduntur.

**X.** Psalmista, id est cantor, potest absque scientia episcopi sola jussione presbyteri officium suscipere cantandi, dicente sibi presbytero, vide ut quod ore cantas corde credas, et quod corde credis operibus comprobet.

**XI.** Sanctimonialis virgo cum ad consecrationem sui episcopo offertur, in talibus vestibus applicetur, quolibet semper usura est professioni, et sanctimonie suæque religioni susceptæ aptis.

**XII.** Viduæ vel sanctimoniales quæ ad ministerium baptizandarum mulierum eliguntur, instructæ sint ad officium, ut possint apto et sano sermone docere imperitas et rusticas mulieres tempore quo baptizandæ sunt, qualiter baptizatori interrogatæ respondeant, et qualiter accepto baptismate vivant.

**XIII.** Sponsus et sponsa cum benedicendi sunt a sacerdote, a parentibus suis, vel a paranympis offerantur, qui cum benedictionem acceperint, eadem nocte pro reverentia ipsius benedictionis in virginitate permaneant.

**XIV.** Ut episcopus non longe ab ecclesia hospitalium habeat.

**XV.** Ut episcopus vilem supellectilem, et mensam ac victum pauperem habeat, et dignitatis suæ auctoritatem fide et vitæ meritis quærat.

**XVI.** Ut episcopus gentilium libros non legat, hæreticorum autem pro necessitate et tempore.

**XVII.** Ut episcopus gubernationem viduarum et pupillorum ac peregrinorum non per se ipsum, sed per archidiaconum, aut per archipresbyterum agat.

**XVIII.** Ut episcopus tuitionem testamentorum non suscipiat.

**XIX.** Ut episcopus non provocatus, pro rebus transitoriis litiget.



XX. Ut episcopus nullam rei familiaris curam ad se revocet, sed ut lectioni et orationi et verbo prædicationis tantummodo vacet.

XXI. Ut episcopus ad synodum ire non sine satis gravi necessitate inhibeat, sic tamen ut in sua persona legatum mittat suscepturus salva fidei veritate quidquid sacra synodus statuerit.

XXII. Ut episcopus sine concilio clericorum suorum clericos non ordinet, ita ut civium assensum et conniventiam et testimonium quærat.

XXIII. Ut episcopus nullius causam audiat absque præsentia clericorum suorum, alioquin irrita erit sententia episcopi, nisi clericorum præsentia confirmetur.

XXIV. Sacerdote verbum faciente in ecclesia, qui egressus de auditorio fuerit, excommunicetur.

XXV. Dissidentes episcopos, si non timor Dei, synodus reconciliet.

XXVI. Studendum est episcopis, ut dissidentes fratres, sive clericos, sive laicos ad pacem magis quam ad iudicium cohortentur.

XXVII. Ut episcopus de loco ignobili ad nobilem per ambitionem non transeat, nec quisquam inferioris ordinis clericus, sane si pro utilitate Ecclesiæ faciendum poposcerit decreto pro eo clericorum et laicorum episcopis porrecto in præsentiam synodi transferatur, nihilominus alio in loco ejus episcopo subrogato, inferioris vero gradus sacerdotes, vel alii clerici concessione suorum episcoporum possunt ad alias ecclesias transmigrare.

XXVIII. Irritam esse injustam episcoporum damnationem ideo a synodo retractandam.

XXIX. Episcopus si clerico vel laico crimen imposuerit, deducatur ad probationem in synodum.

XXX. Caveant iudices Ecclesiæ ne absente eo, cujus causa ventilatur, sententiam proferant, quia irrita erit, imo et causam in synodo pro facto dabunt.

XXXI. Ut episcopus de rebus tanquam commendatis non tanquam propriis utatur.

XXXII. Irrita erit donatio episcoporum, vel venditio, vel commutatio rei ecclesiasticæ absque conniventia et subscriptione clericorum.

XXXIII. Episcopi vel presbyteri si causa visitandæ Ecclesiæ alterius episcopi ad ecclesiam venerint, et in gradu suscipiantur, et tam ad verbum faciendum, quam ad oblationem consecrandam invitentur.

XXXIV. Ut episcopus in quolibet loco sedens stare presbyterum non patiat.

XXXV. Ut episcopus in ecclesia in consessu presbyterorum sublimiorum sedeatur, intra domum vero collegam se presbyterorum esse cognoscat.

XXXVI. Presbyteri qui per dioceses ecclesias regunt non a quibuslibet episcopis, sed a suis, nec per juniorem clericum, sed omni anno aut per seipsos, aut per illum qui sacrarium tenet ante Paschæ solemnitatem, chrisma petant.

XXXVII. Ut diaconus, ita se presbyteri ut episcopi ministrum esse cognoscat.

XXXVIII. Ut diaconus præsentem presbytero Eucharistiam corporis Christi populo si necessitas cogit, jussus, eroget.

XXXIX. Ut diaconus quolibet loco jubente presbytero sedeatur.

XL. Ut diaconus in conventu presbyterorum interrogatus loquatur.

XLI. Ut diaconus tempore oblationis tantum, vel lectionis alba induatur.

XLII. Clericum inter tentationes officio suo incumbantem gradibus sublimandum.

XLIII. Christianum catholicum qui pro catholica fide tribulationes patitur honore omni a sacerdotibus honorandum, etiam et per diaconum ei victus ministretur.

B XLIV. Clericus nec comam nutriat, nec barbam radat.

XLV. Clericus professionem suam, et in habitu, et in incessu probet, et ideo nec vestibus, nec calceamentis decorem quærat.

XLVI. Clericus cum extraneis mulieribus non habitet.

XLVII. Clericus per plateas et andronas, nisi certa et maxima officii sui necessitate, non ambulet.

XLVIII. Clericus qui non pro emendo aliquid, in nundinis vel in foro deambulat, ab officio suo degradetur.

XLIX. Clericus qui absque corpusculi sui inæqualitate vigiliis deest, stipendiis privatus excommunicetur.

C L. Clericum inter tentationes ab officio suo declinantem, vel negligentius agentem, ab officio suo removendum.

LI. Clericus quatumlibet verbo Dei eruditus officio victum quærat.

LII. Clericus victum et vestimentum sibi artificulo, vel agricultura absque officii sui duntaxat detrimento præparet.

LIII. Omnes clerici qui ad operandum validi sunt, et artificiola, et litteras discant.

**83** LIV. Clericus invidens fratrum profectibus, donec in vitio est, non promoveatur.

LV. Ut episcopus accusatores fratrum excommunicet, et si emendaverit vitium, recipiat eos ad communionem, non ad clerum.

D LVI. Clericus qui adulationi, et proditiōibus vacare apprehenditur, ab officio degradetur.

LVII. Clericus maledicus maximeque in sacerdotibus cogatur ad postulandam veniam, si noluerit, degradetur, nec unquam ad officium absque satisfactione revocetur.

LVIII. Clerici qui frequenter litigant, et ad causandum facilis est, testimonium nemo absque grandi examine recipiat.

LIX. Discordantes clericos episcopus, vel ratione vel potestate ad concordiam trahat, inobedientes synodus per audientiam damnet.

LX. Clericum scurrilem et verbis turpibus joculari ab officio retrahendum.

LXI. Clericum per creaturas jurantem a crimine **A**rum et orationibus et oblationibus commendetur. objurgandum, si perstiterit in vitio, excommunicandum.

LXII. Clericum inter epulas cantantem supradictæ sententiæ severitate coercendum.

LXIII. Clericum qui tempore indicti jejunii absque inevitabili necessitate jejunium rumpit, minorem habendum.

LXIV. Qui Dominico die studiose jejunat, non credatur catholicus.

LXV. Paschæ solemnitas uno die, et tempore celebranda.

LXVI. Clericus qui episcopi circa se districtiorem injustam putat, recurat ad synodum.

LXVII. Seditarios nunquam ordinandos clericos, sicut nec usurarios, nec injuriarum suarum ultores.

LXVIII. Ex pœnitentibus, quamvis sit bonus, clericus non ordinetur.

LXIX. Si per ignorantiam episcopi factum fuerit, deponatur a clero, quia se ordinationis tempore non prodidit fuisse pœnitentem, si autem sciens episcopus ordinaverit talem, etiam ipse ab episcopatu sui ordinandi duntaxat potestate privetur. Simili sententiæ subiacebit episcopus, si sciens ordinaverit clericum eum qui viduam, aut repudiatam uxorem habuit, aut secundam.

LXX. Clericus hæreticorum, aut schismaticorum tam convivia quam sodalitates evitet æqualiter.

LXXI. Quod hæreticorum cœtus non ecclesia, sed conciliabulum sit.

LXXII. Cum hæreticis nec orandum, nec psallendum.

LXXIII. Qui communicaverit vel oraverit cum excommunicato, sive clericus sive laicus, excommunicetur.

LXXIV. Ut sacerdos pœnitentiam imploranti absque personæ acceptione pœnitentiæ leges injungat.

LXXV. Ut negligentiores pœnitentes tardius reconcilientur.

LXXVI. Is qui pœnitentiam in infirmitate petit, si casu dum ad eum sacerdos invitatus venit oppressus infirmitate obmutuerit, vel in phrenesim versus fuerit, dent testimonium qui eum audierunt, et accipiat pœnitentiam, et si continuo creditur moriturus, reconcilietur per manus impositionem, et infundatur ori ejus Eucharistia, si supervixerit admoneatur a supradictis testibus petitioni suæ satisfactum, et subdatur statutis pœnitentiæ legibus, quoniam diu sacerdos qui per pœnitentiam dedit, probaverit.

LXXVII. Pœnitentes qui in infirmitate sunt viaticum accipiant.

LXXVIII. Pœnitentes qui in infirmitate viaticum Eucharistiæ acceperint non se credant absolutos sine manus impositione si supervixerint.

LXXIX. Pœnitentes qui attente leges pœnitentiæ exsequuntur, si casu in itinere vel in mari mortui fuerint, ubi eis subveniri non possit, memoria eo-

rum et orationibus et oblationibus commendetur.

LXXX. Omni tempore jejunii manus pœnitentibus a sacerdotibus imponantur.

LXXXI. Mortuos ecclesiæ pœnitentes efferant et sepeliant.

LXXXII. Venientes etiam diebus remissionis genua flectant.

LXXXIII. Pauperes et senes Ecclesiæ plus cæteris honorandos.

LXXXIV. Ut episcopus nullum prohibeat ingredi ecclesiam, et audire verbum Dei, sive gentilem, sive hæreticum, sive Judæum usque ad missam catechumenorum.

LXXXV. Baptizandi nomen suum dent, et diu sub abstinence vini et carni, ac manus impositione, crebra examinatione baptismum percipiant.

LXXXVI. Neophyti aliquandiu et lautioribus epulis et spectaculis, vel conjugibus abstineant.

LXXXVII. Qui causam suam catholicis sive justam, sive injustam ad judicium alterius fidei judicis provocat, excommunicetur.

LXXXVIII. Qui die solemnī prætermisso solemnī ecclesiæ conventu ad spectacula vadit, excommunicetur.

LXXXIX. Auguriis vel incantationibus servientem a conventu Ecclesiæ separandum, similiter et superstitionibus judaicis, vel feriis inhærentem.

XC. Omni die exorcistæ energumenis manus imponat.

XCI. Pavimenta domorum Dei energumeni verant.

**C** XCII. Energumenis in domo Dei assidentibus victus quotidianus per exorcistas opportuno tempore ministretur.

XCIII. Oblationes dissidentium fratrum, neque in sacrario, neque in gazophylacio recipiantur.

XCIV. Horum qui pauperes opprimunt dona a sacerdotibus refutanda.

XCV. Qui oblationes defunctorum, aut negant ecclesiis, aut cum difficultate reddunt tanquam egeniū necatores excommunicentur.

XCVI. Querendum in judicio, cujus sit conversationis et fidei is qui accusat, et is qui accusatur.

XCVII. Qui religiosis feminis præponendus est ab episcopo loci probetur.

XCVIII. Laicus præsentibus clericis nisi ipsis rogantibus docere non audeat.

XCIX. Mulier, quamvis docta et sancta viros in conventu docere non præsumat.

C. Mulier baptizare non præsumat.

CI. Ut viduæ adolescentes quæ corpore debiles sunt, sumptu ecclesiæ cujus viduæ sunt, sustententur.

CII. Ad reatum episcopi pertinet, vel presbyteri qui parochiæ præest, si sustentandæ vitæ præsentis causa adolescentiores viduæ, vel sanctimoniales aliorum familiaritatibus subiciantur.

CIII. Viduæ quæ stipendio ecclesiæ sustentantur tam assidue in Dei opere esse debent, ut et meritis et orationibus suis Ecclesiam adjuvent.

CIV. Sicut bonum castitatis præmium, ita et ma-



jori observantia et præceptione custodiendum est, ut si quæ viduæ, quantumlibet adhuc in minoribus annis positæ et matura ætate a viro relictæ, se devoverunt Domino, et veste laicali abjecta sub testimonio episcopi et ecclesiæ religioso habitu apparuerint, postea vero ad nuptias sæculares transierunt, secundum Apostolum damnationem habebunt, quoniam fidei castitatis quam Domino voverunt irritam facere ausæ sunt; tales ergo personæ sine Christianorum communione maneant, quæ etiam nec in convivio cum christianis communicent; nam si adulteræ conjuges reatu sunt viris suis obnoxie, quanto magis viduæ quæ religiositatem mutaverunt, crimine adul-

terii notabuntur, si devotionem quam Deo sponte obtulerunt libidinosæ corruperint voluptate, atque ad secundas nuptias transitum fecerint, quæ et si violentia irruente ab aliquo præreptæ fuerint, ac postea delectatione libidinis permanere in conjugium raptori vel violento viro consenserint, damnatione superius comprehensa teneantur obnoxie; de talibus ait Apostolus, cum luxuriatæ fuerint, nubere volunt habentes damnationem; quia primam fidem irritam fecerunt. Aurelius episcopus Ecclesiæ Carthaginensis subscripsi; Donatianus Taleprensis primæ sedis subscripsi; Augustinus Hippone Regiensi, subscripsi; similiter omnes episcopi subscripserunt.

#### INCIPIUNT CAPITULA CONCILII QUINTI CARTHAGINENSIS.

1. De clericis ad testimonium non pulsandis.
2. De clericis pro crimine suo damnatis, ut a quolibet non defensentur.
3. De sacerdotibus et levitis, ut ab uxoribus se contineant.
4. De rebus ecclesiæ sine consilio metropolitani episcopi non alienandis.
5. Ut nullus episcopus relictæ cathedra in diœcesi resideat.
6. De his qui nullo testimonio se baptizatos novērunt ut baptizentur, similiter de consecratione ecclesiarum faciendum est.
7. De tempore paschali, seu concilii.
8. De intercessoribus ne cathedram morientis

B episcopi diu retineant, sed infra annum sacerdotem provideant.

9. De defensore ecclesiarum a principe postulando.

10. Ut episcopi ad diem concilii occurrant.

11. Ut lapsis sacerdotibus, manus sicut laicis non imponatur.

12. De clericis excommunicatis quandiu eis asserere liceat innocentiam suam.

13. De clericis vel monachis ab alio episcopo ordinatis.

14. De basilicis quæ sine martyrum reliquiis dedicatæ sunt.

15. De idololatriis destruendis.

#### 84 INCIPIT CONCILIUM QUINTUM CARTHAGINENSE

*Habitu ab episcopis septuaginta quatuor æra CDXXXVIII.*

Post consulatum placuit ut die sexta Kalendas Junii Carthagine, in secretario basilicæ restitutæ subtus inserta statuerentur, cum Aurelius episcopus una cum episcopis suis consedisset astantibus diaconibus, constituta sunt hæc quæ in sequente concilio definita sunt.

CAP. I. In principio statuendum est, ut qui forte in ecclesia quamlibet causam jure apostolico ecclesiisimposito agere voluerit et fortasse discussio clericorum uni parti displicuerit, non liceat clericum in iudicium ad testimonium devocari eum, qui cognitor vel præsens fuit, et nulla ad testimonium dicendum ecclesiastici cujuslibet persona pulsetur.

II. Et illud statuendum, ut si quis cujuslibet honoris clericus iudicio episcoporum quocunque crimine fuerit damnatus, non liceat eum sive ab ecclesiis quibus præfuit, sive a quolibet homine defendari, interposita pœna damni pecunie atque honoris, quo nec ætatem, nec sexum excusandum esse præcipimus.

III. Propterea, cum de quorundam clericorum quamvis erga uxores proprias incontinentia referretur, placuit episcopos et presbyteros et diaconos

C secundum propria statuta etiam ab uxoribus continere, quod nisi fecerint, ad ecclesiastico removeantur officio. Cæteros autem clericos ad hoc non cogi, sed secundum uniuscujusque ecclesiæ consuetudinem observari debere.

IV. Placuit etiam, ut rem ecclesiæ nemo vendat; quod si aliqua necessitas cogit, hanc insinuandam esse primati provincie, ut cum statuto numero episcoporum, utrum faciendum sit arbitretur; quod si tanta urget necessitas ecclesiæ, ut non possit ante consulere, saltem post factum curiositatem habeat et vicinis episcopis hoc ante indicare, et ad concilium referre eas ecclesiæ necessitates; quod si non fecerit, reus concilii venditor teneatur.

V. Placuit ut nemini sit facultas relictæ principali cathedra, ad aliquam ecclesiam in diœcesi constitutam se conferre, vel in re propria diutius quam oportet constitutum curam vel frequentationem propriæ cathedræ negligere.

VI. Placuit de infantibus, quoties non inveniuntur certissimi testes qui eos baptizatos esse sine dubitatione testentur, neque ipsi sunt per ætatem idonei de traditis sibi sacramentis respondere absque ullo

scrupulo eos esse baptizandos, ne ista trepidatio eos faciat sacramentorum purgatione privari, huic enim legati Maurorum fratres nostri consuluerunt, quia multos tales a barbaris redimunt; similiter et de ecclesiis (quoties super earum consecratione hæsitatur) agendum est, id est ut sine ulla trepidatione consecrentur.

VII. Placuit ut dies venerabilis Paschæ formatarum subscriptione omnibus intimetur, dies vero concilii undecimo Kalendas Novembris servetur, et scribendum ad singularum quarumcunque provinciarum primates, ut quando apud se concilium congregant istum diem non impédiant.

VIII. Item constitutum est, ut nulli intercessori licitum sit cathedram cui intercessor datus est quibuslibet populorum studiis vel seditionibus retinere, sed dare operam ut intra annum eisdem episcopum provideat, quod si neglexerit anno exempto, interventor alius tribuatur.

IX. Ab imperatoribus universis visum est postulandum propter afflictionem pauperum, quorum molestiis sine intermissione fatigatur Ecclesia, ut defensores eis adversus potentias divitum cum episcoporum provisione delegentur.

X. Item placuit, ut quotiescunque congregandum est concilium, episcopi qui neque ætate, neque ægritudine, neque alia graviore necessitate impediuntur competenter occurrant, primatibusque suarum provinciarum intimetur, ut de universis episcopis vel duæ vel tres fiant turmae, ac de singulis turmis vicissim quotquot electi fuerint ad diem concilii instantissime occurrant; quod si non potuerint occurrere, excusationes suas in tractatoria subscribant, vel si post adventum tractatoriæ aliquæ necessitates repente forsitan ortæ fuerint, nisi rationem impediementi sui apud suum primatem reddiderint, ab Ecclesiæ communione debere esse contemptos.

XI. Item confirmatum est, ut si quando presbyteri, vel diaconi in alia graviore culpa convicti fuerint, quam eos a ministerio necesse fuerit removeri, non eis manus tanquam poenitentibus, vel tanquam fide-

libus laicis imponatur, neque unquam permittendum ut rebaptizati ad clericatus gradum promoveantur.

XII. Rursus constitutum est, ut quoties clericis convictis, et confessis in aliquo crimine, vel propter eorum quorum verecundiæ parcitur, vel propter Ecclesiæ opprobrium, aut insolentem insultationem hæreticorum atque gentilium, si forte causæ suæ adesse voluerint, et innocentiam suam asserere, intra annum excommunicationis hoc faciant, si vero intra annum causam suam purgare contempserint, nulla eorum postea penitus audiat.

XIII. Item placuit, ut si quis de aterius monasterio repertum vel ad clericatum promovere voluerit, vel in suo monasterio majorem monasterii constituere, episcopus qui hoc fecerit, a cæterorum communione sejunctus, suæ tantum plebis communione contentus sit, et ille neque clericus, neque præpositus perseveret.

XIV. Item placuit ut altaria quæ passim per agros aut vias tanquam memoriæ martyrum constituuntur in quibus nullum corpus aut reliquiæ martyrum conditæ probantur, ab episcopis qui eisdem locis præsent, si fieri potest, evertantur. Si autem hoc propter tumultus populares non sinitur, plebes tamen admoneantur, ne illa loca frequentent, ut qui recte sapiunt nulla ibi superstitione devincti teneantur. Et omnino nulla memoria martyrum probabiliter acceptetur, nisi ubi corpus, aut aliquæ certe reliquiæ sunt, aut origo alicujus habitationis vel possessionis, vel passionis fidelissima origine traditur. Nam quæ per somnia, et per inanes quasi revelationes quorumlibet hominum ubique constituuntur altaria, omnimodo reprobentur.

XV. Item placuit ab imperatoribus gloriosissimis peti, ut reliquiæ non solum in simulacris, sed in quibuscunque locis vel lucis, vel arboribus omnimodo doleantur. Aurelius episcopus Ecclesiæ Carthaginis supra comprehensis in nostro concilio statutis subscripsi; similiter septuaginta duo episcopi subscriperunt.

#### INCIPIUNT CAPITULA CONCILII SEXTI CARTHAGINENSIS.

1. Allocutio Aurelii episcopi sancti ad synodum.
2. Responsio Faustini episcopi legati Romanæ Ecclesiæ de his quæ in Ecclesia partim canone, partim consuetudine sunt firmata.
3. De commonitorio Romani papæ recitato.
4. Alippii episcopi responsio pro veris exemplaribus Nicæni concilii perquirendis.
5. Ubi Faustinus ep. dixit, ut Romano papæ synodus pro inquirenda Nicænæ synodi veritate innotescat.
6. 7. De sententia Sardicensis concilii recitata a postulante Novato episcopo.
8. Ubi Augustinus episcopus cum synodo Nicænum concilium servare promittit.

9. Ubi Faustinus episcopus pro dubietate recitati capituli Romano papæ petit scribendum.

10. Ubi synodus exemplaria Nicæni concilii magis ab orientalibus competenda decrevit.

11. Professio fidei Nicæni concilii.

12. Rescriptum episcopi Romæ, Alexandriæ, Constantinopolitani, cum exemplaribus Nicæni concilii Africanæ synodo constitutis.

13. Scripta Africanæ episcopi ad Bonifacium urbis Romæ episcopum.

14. Scripta Africanæ concilii ad Cœlestinum urbis Romæ episcopum.



## 84 INCIPIT CONCILIUM CARTHAGINENSE SEXTUM

*Gestum ab episcopis ducentis decem et septem, æra CDLVII.*

In hoc concilio actum est ut Nicænum concilium A ab episcopis orientalibus peteretur, cui synodo interfuit legatio Ecclesiæ Romanæ, Faustinus episcopus, Philippus et Asellus presbyteri. Post consulationem gloriosissimorum imperatorum Honorii duodecimi, et Theodosii octavum Augustorum, viii Kalendas Junii, scripta hæc sunt Carthagine in secretario basilicæ Fausti, cum Aurelius papa una cum Valentino primæ sedis Numidiæ, et Faustino Ecclesiæ Potentinæ primæ sedis provinciæ Italiæ Piceni legato Ecclesiæ Romanæ, sed et legatis diversarum provinciarum Africanarum, id est, Numidiarum duarum, Bizancenæ, Mauritanie Sitifensis, et Mauritanie Cæsariensis, sed et Tripolis, et Vincentio Culsitano, Fortunatiano, et cæteris episcopis provinciæ proconsularis, ducentis decem et septem, necnon B Philippo et Asello presbyteris Romanæ Ecclesiæ, cum consedisset astantibus diaconibus Aurelius episcopus dixit.

CAP. I. Post diem præstitutam concilii, ut recordamini, fratres beatissimi, multa flagitata sunt per exspectantes fratres nostros qui nunc ad præsentem synodum legati advenerunt quæ gestis necesse est consocientur. Qua de re Domino nostro de tantæ congregationis cœtu gratias referimus, superest ut tam exemplaria Nicæni concilii quæ nunc habemus, et a Patribus constituta sunt, quam etiam hic a decessoribus nostris eandem firmantes synodum, vel quæ secundum eam formam per omnes clericorum gradus a summo usque in ultimum salubriter ordinata sunt in medium proferantur, ab universo concilio dictum est, proferantur, Daniel notarius recitavit, Nicæni concilii fidei professio vel statuta sic se habent.

II. Et cum legisset Faustinus episcopus plebis Potentinæ, provinciæ Italiæ Piceni, legatus Romanæ Ecclesiæ dixit: Injuncta nobis sunt a Sede apostolica aliqua per scripturam, aliqua etiam in mandatis cum vestra beatitudine retractanda, sicut et gestis superioribus meminimus, hoc est, de Nicænis canonibus ut conserventur, et constitutio eorum et consuetudo, quia aliqua ordine et canone tenentur, aliqua consuetudine firmata sunt, de his ergo si placet beatitudini vestræ tractemus, et postea cætera quæ acta vel inchoata sunt, inserta firmabuntur, ut ad Sedem apostolicam rescriptis vestris intimare possitis, atque vos nos admonuisse apud venerabilem papam evidenter pateat, licet capitula actionum jam inserta sint gestis, de ipsis ergo (ut dictum est superius) quid vestræ beatitudini placeat, agere debemus, veniat ergo commonitorium in medium, ut scire possit vestra beatitudo quid in eo contineatur, ut ad singulare spondeatur.

III. Aurelius episcopus dixit: Proferatur commonitorium quod fratres et consacerdotes nostri

PATROL. CXXX.

A actis nuper allegaverunt, et cætera quæ acta sunt vel quæ agenda sunt, subsequantur. Daniel notarius recitavit commonitorium fratri Faustino et filiis Philippo et Asello presbyteris. Zosimus episcopus: Vobis commissa negotia non latent, vos ita ut nostra, imo quia nostra ibi in vobis præsentia est, cuncta peragite, maxime cum et hoc nostrum possitis habere mandatum, et verba canonum quæ in pleniorum firmitatem huic commonitorio inscripsimus, ita enim dixerunt, dilectissimi fratres, in concilio Nicæno, cum de episcoporum appellatione decernerent. Placuit autem ut si episcopus accusatus fuerit, et judicaverint congregati episcopi regionis ipsius, et de gradu suo dejecerint eum, et appellasse episcopus videatur, et confugerit ad beatissimum Ecclesiæ Romanæ episcopum, et voluerit audiri et justum putaverit ut renovetur examen, scribere his episcopis dignetur, qui in finitima et propinqua provincia sunt, ut ipsi diligenter omnia requirant, et juxta fidem veritatis definiant; quod si is qui rogat causam suam iterum audiri deprecatione sua moverit episcopum Romanum ut e latere suo presbyterum mittat, erit in potestate episcopi Romani quid velit et quid existimet, et si decreverit mittendos esse qui præsentibus cum episcopis judicent, habentes auctoritatem ejus a quo destinati sunt, erit in suo arbitrio. Si vero crediderit sufficere episcopos ut negotio terminum imponant, faciat quod sapientissimo consilio suo judicaverit.

C IV. Et cum recitaret, Alippius episcopus Tagastensis legatus provinciæ Numidiæ dixit: De hoc jam superioribus etiam litteris concilii nostri rescripsimus, et id nos servaturos profiteamur quod in Nicæno concilio constitutum est, ad hoc tantum me movet, quoniam cum inspiceremus Græca exemplaria hujus synodi Nicænæ, ista ibi, nescio qua ratione, minime invenimus, unde petimus venerationem tuam, sancte papa Aureli, ut quia hoc authenticum concilium Nicænum in urbe dicitur esse Constantinopolitana aliquos cum scriptis tuæ sanctitatis mittere digneris, et non solum ad ipsum sanctum fratrem nostrum Constantinopolitanum episcopum, sed etiam ad Alexandrinum et Antiochenum venerabiles sacerdotes qui hoc nobis concilium sub stipulatione litterarum suarum dirigant, ut omnis postmodum ambiguitas auferatur, quia nos ita (ut frater Faustinus attulit) minime invenimus ista. Nos tamen tantisper servaturos (ut antea dixi) donec integra exemplaria veniant profiteamur, petendus est autem litteris nostris et venerabilis Ecclesiæ Romanæ episcopus Bonifacius, ut ipse quoque dignetur ad memoratas ecclesias aliquos mittere, qui eadem exemplaria prædicti Nicæni concilii secundum ejus possint scripta proferre, nunc autem memo-

rati concilii Nicæni qualia exemplaria habeamus his A  
gestis sociemus.

V. Faustinus episcopus, legatus Ecclesiæ Romanæ, dixit: Nec vestra sanctitas præjudicat ecclesiæ Romanæ, sive de hoc capitulo, sive de aliis, quia dicere dignatus est frater noster et coepiscopus Alipius dubios esse canones. Sed hæc ipsa ad sanctum et beatissimum papam nostrum scribere dignemini, ut ipse integros canones inquirens cum vestra sanctitate de omnibus constitutis tractare possit. Sufficit autem ut et ipse beatissimus episcopus urbis Romæ sicuti vestra sanctitas apud se tractat, ita et ipse inquirat, ne contentio inter ecclesias nasci videatur, sed magis charitate fraterna deliberare possitis ipso rescribente quid melius observari debeat. Aurelius episcopus dixit: Præter ista quæ promissimus actis necesse est, ut etiam nostræ parvitas litteris sancto fratri et consacerdoti nostro Bonifacio singula quæ tractamus plenissime intimemus; ergo si omnibus placet, prosecutio nostra ore omnium condiscamus. Universum concilium dixit: Placet.

VI, VII. Novatus episcopus legatus Mauritanie Sitifensis dixit: Nunc meminimus in hoc præsentis comonitorio lectum etiam de presbyteris sive diaconibus contineri qualiter ab episcopis suis vel a finitimis audiri debeant, quod in Nicæno concilio minime legimus. Unde hoc ipsum jubeat sanctitas vestra nobis recitari. Aurelius episcopus dixit: Recitetur ad locum, etiam hoc quod deposcitur; Daniel notarius recitavit, de appellationibus autem clericorum, id est, minoris loci restat ipsius synodi certa responsio, de qua re quod acturi sitis, credimus inserenda, quod taliter dictum est ex Sardicensi concilio. Osius episcopus dixit: Quid adhuc moveat reticere non debeo, si episcopus forte iracundus (quod esse non debet) cito aut aspere commoveatur adversus presbyterum sive diaconum suum, et exterminare eum de ecclesia voluerit, providendum est ne innocens damnetur, aut perdat communionem, habeat potestatem ejectus ut finitimos interpellat episcopos, ut causam suam audiant, et diligenter tractent, quia non oportet negari audientiam roganti, et ille episcopus qui aut juste aut injuste ejecit, patienter accipiat, vel negotium discutiatur, aut probetur ejus aut emendetur sententia, etc.

VIII. Cumque recitaretur, Augustinus Ecclesiæ D  
Hipponis Regiensis legatus provincie Numidiæ dixit: Et hoc nos servaturos profitemur, salva diligentiore inquisitione concilii Nicæni. Aurelius episcopus dixit: Si hoc etiam omnium vestræ charitati placet, responsione firmate. Universum concilium dixit: Omnia quæ in Nicæno concilio statuta sunt, nobis omnibus placent. Jocundus episcopus Ecclesiæ Suffulæ legatus provincie Bizancæ dixit: Quod statutum est in Nicæno concilio, violari a quoquam nullatenus potest.

IX. Faustinus episcopus legatus ecclesiæ Romanæ dixit: Adhuc secundum professionem sanctitatis vestræ tam sancti Alipii quam et fratris nostri

Jocundi aliqua firmari credo, aliqua firmari debeant, cum jam in dubium ipsi canones venerint. Ergo ut placet et vobis et beatitudini vestræ ad sanctum et venerabilem Ecclesiæ Romanæ Bonifacium episcopum vestra scribere dignetur sanctitas, ut et ipse quod sanctus Augustinus statuere dignatus est, deliberare possit, utrum et hoc concedendum sit an reticendum hoc est, de appellationibus inferioris gradus, si ergo adhuc in dubium venit de hoc capitulo, justum est ut beatissimæ Romanæ sedis episcopus informari debeat, si tamen in approbatis canonibus hoc inveniri possit.

X. Aurelius episcopus dixit: Etiam quæ dudum vestræ charitati intimavimus, non patimini exemplaria statutorum Nicæni concilii, sed et quæ hic salubriter a nostris decessoribus secundum ejusdem concilii normam formata sunt, vel quæ nunc ordinata sunt, a nobis recitari et gestis inseri. Omne concilium dixit: Exemplaria fidei et statuta Nicænæ synodi quæ ad nostrum concilium, quæ per beatæ recordationis olim prædecessorem tuæ sanctitatis qui interfuit, Cecilianum episcopum allata sunt, sed et quæ patres exemplaria sequentes hic constituerunt, vel nunc communi tractatu statuimus, his gestis ecclesiasticis inserta manebunt, ita (ut superius dictum est) venerabilibus viris Antiochenæ et Alexandrinæ, sed et Constantinopolitanæ ecclesiarum episcopis scribere vestra beatitudo dignetur ut exemplaria verissima concilii Nicæni sub stipulatione litterarum suarum dirigant, quo clara veritas ea capitula quæ in comonitorio præsens frater et coepiscopus noster Faustinus, et compresbyteri Philippus et Asellus secum attulerunt, aut ibidem reperta a nobis firmabitur, aut si non inveniuntur collecta synodo de hoc in sequenti tractabimus. Daniel notarius Nicæni concilii professionem fidei vel ejus statuta recitavit in concilio Africano.

#### *Symbolum Nicænum.*

XI. Credimus in unum Deum Patrem omnipotentem; omnium visibilium et invisibilium conditorem, et in unum Dominum Jesum Christum Filium Dei, natum de Patre unigenitum, hoc est de substantia Patris, Deum de Deo, lumen de lumine, Deum verum de Deo vero, natum, non factum, unius substantiæ cum Patre (quod Græci dicunt *omousion*), per quem omnia facta sunt, sive quæ in cœlis, sive quæ in terris, qui propter nos homines et propter nostram salutem descendit et incarnatus est de Spiritu sancto, et homo factus, passus est, et resurrexit tertia die, ascendit in cœlos, sedet ad dexteram Patris, inde venturus judicare vivos et mortuos, et in Spiritum sanctum. Eos autem qui dicunt, erat quando non erat, et priusquam nasceretur non erat, et quia ex nullis existentibus factus est, vel alia substantia, vel natura, dicentes mutabilem et convertibilem Filium Dei, hos anathematizat catholica et apostolica Ecclesia.

*Epistola Africani concilii ad Bonifacium papam.*

XII. Domino beatissimo et honorabili fratri BONIFA-



CIO AURELIUS, VALENTINUS primæ sedis provinciæ Numidiæ, et cæteri qui præsentibus adfuimus, numero ducenti decem et septem ex omni concilio Africæ.

Quoniam Deo placuit, ut de his quæ vobiscum egerunt sancti fratres nostri coepiscopus Faustinus et compresbyteri Philippus et Asellus, necnon beatæ memoriæ episcopo Zozimo, a quo ad nos mandata et litteras attulerunt, sed tuæ venerationi, qui in ejus loco es divina providentia cum rei christianæ felici proventu constitutus, humilitas nostra rescriberet, ea breviter insinuare debemus quæ utrorumque concordia terminalata sunt, non ea quæ prolixis gestorum voluminibus continentur, in quibus salva quidem charitate, non tamen sine parvo altercationis labore demorati sumus, ea gestis deliberantes quæ nunc ad causam pertinent, quanquam et ille si adhuc esset in corpore, acciperet gratius quod videret pacatis terminatum. Domine frater Apiarius presbyter, de cuius et ordinatione et excommunicatione, ac vocatione fuerat exortum, non solum succensi, verum etiam toti Africanæ ecclesiæ non leve scandalum de omnibus erroribus suis veniam petens, communioni est restitutus, prior autem coepiscopus noster Siccensis Urbanus, quod in eo corrigendum visum est sine ulla dubitatione correxit, quia vero paci et quieti ecclesiæ non tantum ad præsens, sed etiam in posterum prospiciendum fuit, quoniam multa talia præcesserant, ut vel similia, vel etiam graviora, deinceps præcavèri oporteret, placuit nobis, ut de Siccensi Ecclesia retento scilicet honore gradus sui presbyter removeretur Apiarius, et accepto epistolo, ubicumque alibi vellet et posset, presbyterii munere fungeretur, quod eidem ipsi per litteras proprias postulanti sine difficultate concessimus. Sane priusquam hæc causa isto termino clauderetur inter alia quæ diuturnis disceptationibus versabamur, quia rogatio ipsa poscebat, ut apud acta ecclesiastica a nostris fratribus Faustino coepiscopo et Philippo atque Asello, compresbyteris quæreremus, ut promerent quidquid eis nobiscum agendum fuisset injunctum, nonnulla quidem sine ullo scripto persecuti sunt verbis, sed cum id potius flagitaremus quod in litteris ferrent commonitorium, protulerunt, quod recitatum nobis etiam gestis quæ secum ad vos deferrent, est allegatum, in quo eis quatuor quædam nobiscum gerenda mandata sunt, unum de appellationibus episcoporum ad Romanæ ecclesiæ sacerdotem. Alterum ne ad comitatum episcopi importune navigent. Tertium de tractandis presbyterorum et diaconorum causis apud finitimos episcopos si a suis excommunicati leviter vel culpabiliter fuerint. Quartum de Urbano episcopo excommunicando, vel etiam Romani evocando, nisi ea quæ videbantur corrigenda, corrigeret, quorum omnium de primo et tertio, id est, ut Romam liceat episcopis provocare, et ut clericorum querelæ apud suarum provinciarum episcopos finiantur, jam priore anno etiam litteris nostris ad eundem venerabilis memoriæ Zosimum episcopum datis insinuare curavimus,

ut ea servare sine ulla ejus injuria paulisper sineremus, usque ad inquisitionem statutorum Nicæni concilii, et nunc de tua postulamus sanctitate, ut quemadmodum ea apud Nicæam a Patribus acta vel constituta sunt, sic ea a nobis facias custodiri, et ibi apud vos quæ in commonitorio attulerunt, facias exerceri, id est, si episcopus accusatus fuerit et judicaverint congregati episcopi regionis ipsius, et dejecerint eum de suo gradu, et appellasse videatur, et confugerit ad beatissimum Romanæ Ecclesiæ episcopum, et voluerit audiri, et justum putaverit, ut renovetur examen, scribere his episcopis diligenter qui in finitima et propinqua provincia sunt, ut ipsi diligenter requirant omnia et juxta fidem veritatis definiant; quod si is qui rogat causam suam iterum audiri, deprecatione sua moverit episcopum Romanum, ut a latere suo presbyterum mittat, erit in potestate episcopi qui velit et quid existimet, et si deceiverit mittendos esse qui præsentibus cum episcopis judicent, habentes auctoritatem ejus a quo destinati sunt, erit in suo arbitrio; si vero crediderit sufficere episcopos, ut negotio terminum imponant, faciet quod sapientissimo suo consilio judicaverit. Si quis episcopus iracundus, quod esse non debet, cito aut aspere commoveatur adversus presbyterum sive diaconum suum, et exterminare eum de ecclesia voluerit, providendum est ne innocens damnetur aut perdat communionem, habeat potestatem ejectus, ut finitimos in terpellet episcopos, et causa ejus audiat, et diligentius tractetur quod non oportet ei negare audientiam roganti, et ille episcopus qui aut juste, aut injuste rejecit, patienter accipiat negotium, ut discutatur, aut probetur ejus aut emendetur sententia. Hæc utique ad adventum verissimorum exemplariorum Nicæni concilii inserta gestis sunt, quæ sibi quemadmodum ipso quod apud nos fratres ex apostolica sede directi allegaverunt commonitorio continerentur de eorum ordine, vel apud vos in Italia custodirentur, nullo modo nos talia qualia commemorare jam volumus, vel tolerare cogeremur, vel intolerabilia pateremur, sed credimus, adjuvante misericordia Domini Dei nostri, quod tua sanctitate Romanæ Ecclesiæ præsidenti non sumus, jam istum typum passuri, et servabuntur erga nos ea quæ nobis etiam non disserentibus custodiri debeant cum fraterna charitate quæ secundum sapientiam et justitiam quam tibi donavit Altissimus, etiam ipse perspicis esse servanda, si forte aliter habent canones Nicæni concilii. Quamvis enim plurimos codices legerimus, sed nusquam in Nicæno concilio Latinis in codicibus legimus, quemadmodum in supradicto commonitorio mihi directa sunt, ea tamen quia hic in nullo Græco codice potuimus invenire, ex orientalibus Ecclesiis ubi perhibentur eadem decreta posse etiam authentica reperiri magis nobis desideramus afferri, pro qua re tuam quoque venerationem obsecramus, ut scribere etiam ipse digneris ad illarum partium sacerdotes, hoc est Ecclesiæ Antiochenæ, Alexandrinæ, Constantinopolitanæ, et si aliis

etiam placuerit tuæ sanctitati, ut inde ad nos iidem canones apud Nicæam civitatem a patribus constituti veniant, te potissimum hoc beneficium cunctis occidentalibus Ecclesiis in Domini adiutorio conferente. Quis enim dubitet exemplaria esse verissima concilii in Græcia Nicænæ synodi congregatæ, quæ tam de diversis locis et de nobilibus Græcis Ecclesiis allata et comparata concordant? Quod donec fiat, hæc quæ in commonitorio supradicto nobis allegata sunt de appellationibus episcoporum ad Romanæ Ecclesiæ sacerdotem et de clericorum causis apud suarum provinciarum episcopos terminandis nos utique ad probationem servaturos esse profiteamur, beatitudinem tuam ad hoc nos adiuturam in Dei voluntate confidimus; cætera vero quæ in nostra synodo gesta vel firmata sunt, quoniam supradicti fratres nostri, Faustinus coepiscopus, Philippus et Asellus presbyteri secum ferunt, si dignatus fueris tuæ nota faciant sanctitati. Et alia manu, Dominus noster te nobis annis plurimis custodiat, beatissime frater. Amen. Aurelius episcopus Carthaginis, Alippius, Augustinus, Possidius, Marinus, cæteri episcopi ducenti quatuordecim subscripserunt.

**XIII. Incipiunt rescripta ad concilium Africanum Cyrilli Alexandrini episcopi, ubi authentica Nicæni concilii translata de Græco per Innocentium presbyterum transmisit, quæ et epistolæ cum concilio Nicæno per memoratum presbyterum Innocentium et Marcellum subdiaconum Ecclesiæ Carthaginensis sancto Bonifacio episcopo Romanæ Ecclesiæ, die sexta Kalend. Decembris sunt directæ.**

Dominis honorabilibus sanctis fratribus et coepiscopis AURELIO et VALENTINIANO, sed et omni sanctæ congregationi in Carthaginensi synodo congregatæ CYRILLUS salutans in Domino charitatem vestram.

Scripta venerationis vestræ multam habentia quærimoniæ cum omni lætitia per filium nostrum Innocentium presbyterum suscepti, quibus a nobis speratis, ut de scrinio nostræ Ecclesiæ verissima exemplaria ex authentica synodo apud Nicæam civitatem metropolim Bithyniæ a sanctis patribus constituta atque firmata sub nostræ fidei professione vestræ dilectioni dirigamus; unde, domini honorabiles fratres, salute præeunte, necesse habui per harum latorem filium nostrum Innocentium presbyterum fidelissima exemplaria ex authentica synodo in Nicæa civitate Bithyniæ habita vestræ charitati dirigere, quod et in ecclesiastica historia inquirentes invenietis. De Pascha (ut scripsistis) nuntiamus vobis, xvii Kalend. Maii nos futura indictione celebrare. Et alia manu, Deus et Dominus noster sanctam virginem congregationem vestram custodiat, quod optamus, charissimi fratres.

*Epistola Attici Constantinopolitani episcopi ad eosdem.*

Dominis sanctis merito beatissimis fratribus et coepiscopis, Aurelio, Valentino, vel cæteris charissimis in synodo apud Carthaginem habita constitutis, Atticus episcopus. Per filium nostrum Marcellum subdiaconum nostrum scripta dilectionis vestræ cum omni gratiarum actione suscepti, Domino gratias agens, quod merui tantorum fratrum benedictione

A perfrui, Domini beatissimi fratres. Scripsistis sane ut verissimos canones apud Nicæam civitatem metropolim Bithyniæ a Patribus constitutos, sub astipulatione dirigam. Et quis est qui communem fidem vel statuta a Patribus firmata suis fratribus deneget? Qua de re per eundem filium meum Marcellum subdiaconum nostrum nimium festinantem, sicuti statuti sunt in Nicæa civitate a Patribus, canones integros (ut iussistis) direxi, petens ut pro me plurimum vestra sancta congregatio orare jubeat. Et alia manu, Dominus noster sanctitatem vestram custodiat, quod optamus, sanctissimi fratres.

*Incipiunt exemplaria Nicæni concilii directæ Africano concilio a memoratis pontificibus post consulatum gloriosissimorum imperatorum, Honorii XII, Theodosii VII consulibus sexto Kalend. Decembris.*

#### SYMBOLUM.

Credimus in unum Deum Patrem omnipotentem, visibilium necnon invisibilium conditorem, et in unum Dominum nostrum Jesum Christum Filium Dei, natum ex Patre, unigenitum, hoc est ex substantia Patris, Deum ex Deo, lumen ex lumine, Deum verum ex Deo vero, natum, non creatum, ejusdem cum Patre substantiæ, per quem omnia facta sunt, cœlestia et terrena. Qui propter nos homines et propter nostram salutem descendit, et incarnatus est, et homo factus, passus est, et resurrexit tertia die. Ascendit in cœlum, venturus inde judicare vivos et mortuos, et in Spiritum sanctum. Eos vero qui dicunt, erat tempus quando non erat, et quia ex nihilo factus, vel ex alia substantia vel essentia esse, aut mutabilem, aut convertibilem Filium Dei dicunt, anathematizat catholica et apostolica Ecclesia.

Huic symbolo fidei etiam exemplaria statutorum ejusdem concilii Nicæni annexa sunt de Græco in Latinum translata a Teilone et Thearisto Constantinopolitano.

*Incipiunt capitula ejusdem Nicæni concilii.*

1. De eunuchis qui seipsos abscindunt.
2. De his qui ex gentibus post baptismum ad clericatus ordinem promoventur.
3. De comanentibus cum mulieribus.
4. De ordinatione episcoporum.
5. De excommunicatis.
6. De privilegiis quæ quibusdam civitatibus competunt.

7. De episcopo Eliæ, id est Hierosolymorum.
8. De his qui dicuntur Cathari, id est mundi.
9. De his qui ad sacerdotium sine examinatione promoti sunt.
10. De lapsis ignoranter ordinatis.
11. De his qui negaverunt, et habentur in locis.
12. De his qui abrenuntiant, et iterum ad sæculum sunt reversi.
13. De his qui in exitu communionem requirunt.
14. De catechumenis lapsis.
15. De clericis ne de civitate ad aliam transeant.
16. De his qui in ecclesiis in quibus proveci sunt minime perduraverunt.
17. De clericis qui usuras accipiunt.



48. De privilegiis presbyterorum.

49. De his qui a Paulo Samosateno ad ecclesiam veniunt.

20. De flectendo genu.

21. De observatione Nicæni concilii, ut nulla de reliquo varietas oriatur in ecclesiis.

CAP. 1. Si quis per languorem a medicis sectus est, aut a barbaris abscissus est, iste remaneat in clero. Si quis autem sanus se abscidit, istum et in clero positum abstinere oportet, et de cætero nullum talium debere promoveri. Sicut autem hoc manifestum est, quia de his qui hanc rem excogitant, audentque seipsos abscindere dictum sit, sic eos qui a barbaris, aut a dominis castrati sunt, inveniuntur autem alias digni, tales ad clerum applicat canon.

2. Quia multa aut necessitate, aut aliter cogen-  
tibus hominibus facta sunt contra canonem eccle-  
siasticum, ut homines ex gentili vita nuper acce-  
dentes ad fidem, et in parvo tempore catechizati,  
statim ad spiritale lavacrum ducantur, et simul cum  
baptizati fuerint promoveantur ad episcopatum; aut  
ad presbyterium, placuit de cætero nihil tale fieri.  
Nam et tempore opus est ei qui catechizatur, et  
post baptismum approbatio amplior, manifesta enim  
est apostolica scriptura, quæ dicit: Non neophytum,  
ne forte in superbiam elatus in iudicium incidat,  
et laqueum diaboli. Si autem, procedente tempore,  
aliquid animi peccatum inveniatur circa huiusmodi  
85 personam, et convincatur a duobus aut tribus  
testibus, ipse cesset a clero. Si quis autem præter  
hæc facit quasi adversus magnum concilium se effe-  
rens, ipse periclitabitur de clero.

3. Interdixit omnimodo sanctum concilium, neque  
episcopum, neque presbyterum, neque diaconum, ne-  
que ex toto eum qui in clero est, habere secum subintro-  
ductam mulierem, nisi forte matrem aut sororem, aut  
eas solas personas quæ refugiantur omnes suspicione.

4. Episcopum oportet maxime quidem ab omni-  
bus qui sunt intra provinciam episcopis ordinari;  
si autem hoc difficile fuerit, aut propter urgentem  
necessitatem, aut propter longitudinem itineris,  
omni modo tres in unum convenientes consentien-  
tibus, et his qui absentes sunt episcopis et sponden-  
tibus per scripta, tunc manus impositionem fieri.  
Confirmatio autem eorum quæ fiunt danda est uni-  
cuique a suæ provincie metropolitano.

5. De eis qui excommunicantur, sive de clero  
sint, sive de laico agmine, ab episcopis per singulas  
provincias obtineat sententia, juxta canones eos qui  
ab aliis abiciuntur, ab aliis non recipiendos. Re-  
quiratur autem ne pusillanimitate, aut pertinacia,  
aut aliqua alia molestia episcopi sint excommunicati.  
Ut ergo hoc decentius requiratur bene placuit, sin-  
gulis annis per singulas provincias bis in anno con-  
cilia fieri, omnibus simul episcopis in unum congre-  
gatis, ut tales quæstiones requirantur. Et ita qui  
manifeste offenderint episcopum, rationabiliter ex-  
communicati apud omnes esse putentur, quandiu  
aut in commune aut episcopo placeat humaniorem

A pro his ferre sententiam. Concilia autem fiant, unum  
quidem ante quadragesimam Paschæ, ut omni pu-  
sillanimitate sublata, munus mundum offeratur Deo,  
secundum autem circa tempus autumnii.

6. Antiquiores obtineant qui apud Ægyptum  
sunt, et Lybiam, et Pentapolin, ita ut Alexandrinus  
episcopus horum omnium exhibeat sollicitudinem,  
quia et urbis Romæ episcopo similis mos est. Simi-  
liter autem et circa Antiochiam et in cæteris pro-  
vinciis privilegia propria reserventur metropolitani  
Ecclesiis. Omnino autem manifestum est illud, quia  
si quis præter consilium metropolitani factus fuerit  
episcopus, hunc concilium magnum definiivit non  
debere esse episcopum, si vero communi omnium  
decreto rationabili secundum canonem ecclesiasticum  
comprobato, duo aut tres propter proprias inimicitias  
contradixerint, obtineat sententia plurimorum.

7. Hierosolymitana consuetudo antiqua servetur,  
ut Eliæ episcopus honoretur et habeat ordinem  
honoris, salva tamen metropolitani dignitate ejusdem  
provinciæ.

8. Si aliquando venerint ad catholicam Eccle-  
siam Cathari, placuit sicut et magnæ synodo eos  
ordinatos sic manere in clero. Ante omnia autem  
hæc profiteri ipsos per scripturam oportet quod con-  
sentiant et sequantur catholica et apostolica dog-  
mata. Hoc est et bigamis communicare, et his qui in  
persecutione lapsi sunt, circa quos et tempus consti-  
tutum est et dies definitus, et sequantur in omnibus,  
quæ placuerunt catholicæ Ecclesiæ episcopo, vel  
presbytero, ubicunque autem omnes, sive in castel-  
lis, sive in civitatibus ipsi juncti fuerint, ordinati,  
qui inveniuntur in clero sint in eodem habitu, quot-  
quot autem catholicæ Ecclesiæ episcopo vel presby-  
tero exstante accedunt, manifestum est quod episco-  
pus ecclesiæ habeat dignitatem episcopi. Qui autem  
nominatur apud eos episcopus presbyteri honorem  
habeat, nisi forte placuerit episcopo honoris eum  
nomine frui, sin vero non hoc ei placuerit, provide-  
bit ei locum aut cor episcopatus aut presbyterii, ut  
in clero omnino esse videatur, quatenus non in civi-  
tate duo sint episcopi.

9. Si qui sine examinatione promoti sunt epi-  
scopi aut presbyteri, vel cum discutuntur confessi  
sunt quæ peccaverunt, vel si ab aliis convincantur,  
et confitentibus contra canonem homines commoti  
manus eis imposuerunt, tales canon non suscipit,  
sed abicit, hoc enim quod irreprehensibile est, de-  
fendit catholica Ecclesia.

10. Quicumque de lapsis ordinati sunt per ignoran-  
tiam aut dissimulationem ordinantium, hoc non  
præjudicat canonem ecclesiastico, cogniti etenim de-  
ponuntur.

11. De his qui prævaricati sunt præter necessita-  
tem aut præter oblationem facultatum, aut præter  
periculum, vel tale aliquid quod factum est sub ty-  
rannide Licinii, placuit sancto concilio (licet indigni  
sint) humanitate tamen subvenire eis, quotquot igitur  
sincere poenitent, tres annos inter audientes sint.

Qui lapsi sunt fideles, septem annos succumbant, A  
duobus vero annis sine oblatione populo communi-  
cent in orationibus.

12. Quicumque vocati sunt per gratiam et pri-  
mordia demonstrantes bona deposuerunt cingulum  
militiæ, postea vero ad proprium vomitum revoluti  
sunt, ita ut aliqui et pecuniam conferant et beneficiis  
militiam repetant, isti decem annos succumbant post  
triennium auditionis tempus. Sed in his omnibus  
oportet discutere voluntatem et speciem pœnitentiæ,  
quotquot enim timore et lacrymis et perseverantia  
et bonis operibus conversationem non simulatione  
demonstrant, isti adimplentes constitutum tempus  
auditionis orationibus merito communicabunt, et  
postea licebit episcopo humanius de his aliquid cog-  
itare, qui autem indiserete tulerunt et ingressum B  
sibi sufficere arbitrati sunt ad conversionem, defini-  
tum omne compleant tempus.

13. De exeuntibus de corpore vetus et canonica  
lex custodiatur et nunc, ut qui mori sperantur novis-  
simo juvamine non priventur. Si vero desperatus  
communione sumpta, et oblatione percepta, iterum  
convalescat, sit inter eos qui orationibus tantum  
communicant, generaliter autem homini morituro  
petenti sibi communionis gratiam episcopus proba-  
biliter oblationem ei contradat.

14. De catechumenis lapsis placuit sicut et magnæ  
synodo, ut triennio tantum audiant, postea orent cum  
catechumenis.

15. Propter grandem tumultum et seditiones quæ  
fiunt, placuit omnimode auferri consuetudinem quæ C  
est contra canonem in aliquibus partibus admissa,  
ita ut de civitate in civitatem, nec episcopum, nec  
presbyterum, neque diaconum transferri liceat. Si  
quis autem post sancti et magni concilii definitionem  
tale aliquid agere tentaverit, aut se dederit hujusce-  
modi negotio, cassabitur hujusmodi machinatio, et  
restituatur ecclesiæ in qua aut episcopus aut presby-  
ter aut diaconus fuerit ordinatus.

16. Hi qui facile se periculis ingerentes, neque  
timorem Dei ante oculos habentes, neque ecclesiasti-  
cum canonem scientes discedunt ab ecclesia pre-  
sbyteri aut diaconi, aut quicumque sunt in canone  
constituti, isti nullo modo suscipi debent ab alia  
ecclesia, sed omnem eis necessitatem imponi oport-  
ere ut ad proprias parochias revertantur, pertina-  
ces autem excommunicatos esse oportet, si autem  
aliquis ausu temerario subriperit ad alterum perti-  
nentem et ordinaverit in sua ecclesia, non consen-  
tiente episcopo a quo discesserat clericus qui in ca-  
none constituitur, infirma sit hujusmodi manus im-  
positio.

17. Quoniam plures in canone constituti cupi-  
ditatem et luera turpia sectantur, oblitque sæpe  
Scripturæ dicentis, « Qui pecuniam suam non dedit ad  
usuram, » cum teneantur aliis centesimas exigunt,  
juste statuit sanctum et magnum concilium, ut si quis  
inventus fuerit post hanc definitionem usuram acci-

piens, aut aliud aliquid excogitans turpis lucri gra-  
tia, abjiciatur a clero, et alienus a canone sit.

18. Pervenit ad sanctum et magnum concilium  
quod in quibusdam locis aut civitatibus presbyteris  
gratiam sacrae communionis diaconi porrigant, quod  
neque canon neque consuetudo tradidit, ut qui po-  
testatem offerendi non habent his qui offerunt corpus  
Christi porrigant. Sed etiam hoc quoque innotuit  
quod quidam diaconi ante episcopos contingant eu-  
charistiam. Omnia igitur hæc amputentur, et ma-  
neant diaconi in proprio ordine, scientes quod episco-  
porum quidem ministri sunt, presbyteris autem  
inferiores existunt, accipiant autem ex ordine eu-  
charistiam post presbyteros eis dante aut episcopo  
aut presbytero, sed nec sedere eis in medio presby-  
terorum liceat. Quod si hoc fiat, præter canonem et  
præter ordinem probatur existere, si quis autem  
obtemperare noluerit, post hanc definitionem cesset  
a diaconio.

19. De Paulianistis refugientibus ad Ecclesiam  
catholicam definitio prolata est rebaptizari eos om-  
nino, si qui vero ex eis, præterito tempore, fuerit in  
clero, si quidem sine querela et reprehensione fue-  
rint, post baptismum ordinentur ab episcopo Ecclesiæ  
catholicæ, si vero discussio eos minus idoneos inve-  
nerit, deponi eos convenit. Similiter autem et de  
diaconibus et omnino de his qui sub canone conver-  
santur, eadem forma servabitur. Meminimus autem  
de diaconissis quæ in eadem specie sunt, quia manus  
impositionem aliquam non habent, ut omnino inter  
laicos computentur.

20. Quoniam sunt quidam qui die Dominico  
flectant genua, et in diebus Pentecostes, placuit de  
hoc sanctæ et magnæ synode cunctos in omnibus  
locis consonanter et consentienter stantes Deum  
orare debere.

21. Sanctum concilium traditis omnibus et rite  
dispositis ut Ecclesiarum pax et fides in orientis  
atque occidentis partibus una eademque servetur, hæc  
ecclesiastica statuta necessario credimus inferenda.

Explicit exemplar Nicæni concilii.

*Epistola Africani concilii ad Cœlestinum.*

XIV. Domino dilectissimo et honorabili patri Cœle-  
stino, Aurelius, Palestinus, Antonius, Tutus servus  
D Dei, Terentius, Fortunatus, Martianus, Januarius, Op-  
tatus, Celticius, Donatus, Theasius, Vincentius, For-  
tunatianus, et cæteri qui universali Africano concilio  
Carthaginis adfuimus, optaremus si quemadmodum  
sanctitas vestra de adventu Apiarii lætatos vos fuisse  
missis per compresbyterum nostrum Leonem litteris  
intimavit, ita nos quoque de ejus purgatione hæc  
scripta cum lætitia mitteremus, esset profecto et  
nostra et vestra modo alacritas certior, nec festinata  
præpropere viderentur quæ adhuc tam de audiendo  
quam de audito præcesserant. Adveniente sane ad  
nos sancto fratre et coepiscopo nostro Faustino con-  
cilium congregavimus, et credidimus ideo cum illo mis-  
sum, quoniam sicut per ejus operam presbyterio ante



redditus fuerat, ita nunc posset de tantis criminibus A  
**86** Thabracenis objectis eo laborante purgari, cuius tanta ac tam immania flagitia decursus nostri concilii examen invenit, ut memorati patrocinium potius quam iudicium ac defensoris magis operam quam disceptatoris iustitiam superarent. Nam primum quantum obstiterit omni congregationi diversas injurias ingerendo, quasi ecclesiae Romanae asserens privilegia, et volens eum a nobis in communionem suscipi, quem tua sanctitas credens appellasse quod probare non potuit communioni reddiderat, quod minime tamen licuit, quod etiam gestorum melius ex lectione cognosces, triduo tamen laboriosissimo agitato iudicio cum diversa eidem objecta afflictissime quaereremus vel moras coepiscopi nostri Faustini, vel tergiversationes ipsius Apiarii, quibus nefandas B  
 turpitudines occultare conabatur, Deus justus iudex, fortis et patiens et longanimis, magno compendio resecauit. Tetriore quippe ac putridiore obstinatione compressa, qua tantum lividum coenum impudentia negationis volebat obruere, Deo nostro ejus conscientiam cohortante, et occulta quae illius in corde tanquam in volutabro criminum jam dam-nabat etiam hominibus publicante, repente in confessione cunctorum objectorum flagitiorum dolosus negator erupit, et tandem de omnibus incredibilibus opprobriis spontaneus, se ipse convicit, atque ipsam quoque nostram spem, qua eum et credebamus, et optabamus de tam pudendis maculis posse purgari, convertit in gemitus, nisi quoniam istam nostram mœ- C  
 stitiam uno tantum solatio mitigavit, quod et nos labore diuturnioris quaestionis absolvit, et suis vulneribus qualemcunque medelam, et si in vita ac sua conscientia reluctante confessione providit, domine frater. Praefato itaque debita salutationis officio plurimum impendio deprecamur, ut deinceps ad vestras aures hinc venientes non facilius admittatis nec a nobis excommunicatos in communionem ultra velitis excipere, quia hoc etiam Nicæno concilio definitum facile advertit venerabilitas tua. Nam et si de inferioribus clericis vel laicis videtur ibi praecaveri, quanto magis hoc de episcopis voluit observari, nec in sua provincia communionem suspensi a tua sanctitate temere vel festinato, praepropere vel indebita videantur communioni restitui, presbyterorum D  
 quoque et sequentium clericorum improba refugia, sicut te dignum est, repellat sanctitas tua, quia et nulla patrum definitione hoc ecclesiae derogatum est Africanæ, et decreta Nicæna sive inferioris gradus clericos, sive episcopos ipsos suis metropolitanis episcopis apertissime commiserit. Prudentissime enim justissimeque viderunt quaecumque negotia in suis locis ubi orta sunt finienda, nec unicuique providentiae gratiam spiritus defuturam qua aequitas a Christi sacerdotibus, et prudenter videatur, et constantissime teneatur, maximeque unicuique concessum est, si iudicio fuerit offensus cognitorum, ad concilia provinciae suae, vel etiam universale provocare, nisi forte quisquam est qui credat unicuique posse Deum nostrum examinis inspirare iustitiam, et innumerabilibus congregatis in concilium Nicænum sacerdotibus denegare, aut quomodo ipsum transmarinum iudicium ratum erit, ad quod testium necessariae personae vel propter senectutis infirmitatem, vel multis aliis intercurrentibus impedimentis adduci non potuerunt. Nam ut aliqui tanquam a tuae sanctitatis latere mittantur, nulla invenimus patrum synodo constitutum, quia illud quod pridem per eundem coepiscopum nostrum Faustinum tanquam ex parte Nicæni concilii exinde transmisistis in conciliis verioribus, quae accipiuntur Nicæni a sancto Cyrillo coepiscopo nostro Alexandrinae ecclesiae et a venerabili Attico Constantinopolitano antistite ex Authentico missis, quae etiam antehac per Innocentium presbyterum et Marcellum subdiaconum, per quos ad nos ab eis directa sunt, venerabilis memoriae Bonifacio episcopo praedecessori nostro a nobis transmissa sunt, in quibus tale aliquid non potuimus reperire. Exsecutores etiam clericos vestros quibusque petentibus nolite mittere, nolite concedere, ne famosum typum saeculi in Ecclesiam Christi quae lucem simplicitatis et humilitatis diem Domini videre cupientibus praefert, videamur inducere. Nam de fratre nostro Faustino, amoto jam pro suis nefandis nequitias de Christi Ecclesia dolendo Apiario securi sumus, quod eum probitate ac moderatione tuae sanctitatis, salva fraterna charitate ulterius in Africa minime sustinere patiatur, et alia manu : Dominus noster sanctitatem vestram aeo longiore orantem pro nobis custodiat, domine frater.

#### INCIPIUNT CAPITULA CONCILII CARTHAGINENSIS SEPTIMI.

1. De excommunicatis ut ad clericorum accusationem non admittantur.
2. De personis quibus clericorum accusatio interdicitur.
3. De his qui primum crimen objectum non pro-

barunt ut ad cætera non admittantur.

4. De personis quae adversus clericos testimonium dicere prohibentur.
5. De eo quem solo testimonio praesumpserit excommunicandum.

#### INCIPIIT CONCILIUM CARTHAGINENSE SEPTIMUM TRIGINTA OCTO EPISCOPORUM.

Post consulatum gloriosissimorum imperatorum Honorii tertii, et Theodosii octavi, Augustorum,

tertio Kalendis Julii Carthagine, in secretario basilicae restitutae, cum Aurelius episcopus una cum

Faustino ecclesiæ Potentinæ provinciæ Italiæ Picensi A legato Romanæ Ecclesiæ, Vincentio Culusiano, Fortunatiano Neapolitano, Mauriano Uzipparensi, Adeodato Simidico, Pentadio Carpitano, Rufiniano Muzensio, Prætexato Sicilibensi, Quodvultdeo Verensi, Candido Abiritano, Galloniano Uticensi legatis, provinciæ Numidiæ, proconsularis, Alippio Tagensi, Augustino Hipponæ Regiensi, et Possidio Calamensi legatis provinciæ Numidiæ, Maximiano Aquiregni, Jocundo Suffetulensi, et Hilarino Herreocolorum legatis provinciæ Bizancenæ, Novato Sititensi, et Leone Optensi legatis provinciæ Mauritanie Sitifensis, Nivello Rusurensi, Laurentio Icositano, et Numeriano Nusgumensi legatis, provinciæ Mauritanie Cæsariensis, ab universis concilio iudicibus delectis astantibus diaconibus consedisset, et quibusdam peractis multi episcopi cæterorum peragendorum moras se conquærerentur sustinere non posse, et ad proprias ecclesias festinarent, placuit universo concilio, ut ab omnibus eligerentur de singulis quibusque provinciis, qui propter alia peragenda residerent, et factum est ut hi adessent quorum subscriptiones eos adfuisse testantur.

CAP. I. Placuitque, quoniam superioribus conciliorum decretis de personis quæ admittendæ sunt ad accusationem clericorum jam constitutum est, et quæ personæ non admittantur jam expressum est, idcirco definimus eum rite ad accusationem non admitti, qui posteaquam excommunicatus fuerit in ipsa adhuc excommunicatione constitutus, sive sit clericus, sive laicus, accusare voluerit.

II. Item placuit, ut omnes servi vel proprii liberti ad accusationem non admittantur, vel omnes quos ad accusanda publica crimina leges publicæ non admittunt, omnes enim infamiæ maculis aspersi, id est, histriones ac turpitudinibus subjectæ personæ, hæretici etiam, sive pagani, sive Judæi, sed tamen omnibus quibus accusatio denegatur, in causis propriis accusandi licentia non neganda.

III. Item placuit, quotiescunque clericis ab accusatoribus multa crimina obijciuntur, et unum ex ipsis de quo prius egerit, probare non voluerit, ad cætera non admittatur.

IV. Testes autem ad testimonium non admittendos, qui nec ad accusationem admitti præcepti sunt, vel etiam quos ipse accusator de domo sua produxerit, ad testimonium autem infra annos quatuordecim ætatis suæ non admittantur.

V. Item placuit, ut si quando episcopus dicit aliquem sibi soli proprium crimen fuisse confessum, atque ille neget, non putet ad injuriam suam episcopus pertinere, quod illi soli non creditur, et si scrupulo propriæ conscientie se dixit neganti nolle communicare, quamdiu excommunicato non communicaverit suus episcopus eidem episcopo, ab aliis non communicetur episcopis, ut magis caveat episcopus, ne dicat in quemquam quod aliis documentis convincere non potest. Et subscripserunt Aurelius episcopus ecclesiæ Carthaginensis, Faustinus Potentinæ provinciæ Picensi, Alippius Tagastensis legatus provinciæ Numidiæ, Augustinus Hipponæ Regiensi legatus Numidiæ provinciæ, Possidius episcopus Calamensis legatus provinciæ Numidiæ, Novatus Sitifensis legatus provinciæ ejusdem, Leo Optensis legatus provinciæ Mauritanie Sitifensis, Mauritanus Uzipparitanus, Rufianus Muzensis, Quodvultdeus Verensis, Candidus Abiritanus Germanicianorum, Gallonianus Uticensis, Jocundus Suffetule legatus provinciæ Bizancenæ, Hilarinus Horreocellensis legatus provinciæ Bizancenæ, Maximianus Suffetulensis legatus provinciæ Bizancenæ, Maximianus Aquiregnis legatus provinciæ Bizancenæ, Nivellos Rusurensis legatus provinciæ Cæsariensis, Laurentius Icositanus legatus provinciæ Cæsariensis, Numerianus Nusgumensis legatus provinciæ Cæsariensis, Philippus presbyter ecclesiæ Romanæ, Asellus presbyter legatus Ecclesiæ Romanæ.

#### INCIPIUNT CAPITULA CONCILII MILEVITANI.

1. Contra Pelagianos qui dicunt etiam sine peccato mori potuisse Adam.

2. Quod juxta Apostoli testimonium etiam parvuli qui nihil peccati adhuc commiserunt omnes in peccatorum remissione veraciter baptizentur.

3. Quod gratia Dei non solum peccata dimittit, sed etiam adjuvat ne committantur.

4. Quod per gratiam Dei sciamus quid facere debeamus et diligere ut faciamus.

5. Quod gratia Dei præstet ut lex impleatur, non (sicut ait Pelagius) facile quasi sine gratia Dei difficilius possit impleri.

6. Quod juxta sententiam Joannis evangelistæ: Nemo sit qui esse possit sine peccato.

7. Quod unicuique etiam justo non solum pro aliis, sed et pro semetipso dicere oporteat: Dimitte nobis debita nostra.

8. Quod a sanctis veraciter dicitur: Dimitte nobis debita nostra.

9. Quod ad communes causas Ecclesiæ generale concilium congregari oporteat, in privatis vero causis speciale uniuscujusque provinciæ.

10. Ut epistolas ad concilium evocandum metropolitanus subscribat, et dirigat.

11. Ut de hæreticis et infidelibus quidquid in concilio constituitur a principe impleatur.

12. Ut preces et orationes compositæ (nisi probatæ fuerint in concilio) non dicantur.

13. Ut posteriores anterioribus episcopis non præferantur, nec inconsultis primatibus suis aliquid agere præsumant.

14. Ut episcopi pro tempore consecrationis suæ litteras ab ordinatoribus habeant.



**87** 15. Ut ubi primum quis legerit, ibi permaneat **A** clericus.

16. Ut pro causis ecclesiarum executores vel advocati a principe postulentur.

17. Ut neque dimissus, neque dimissa alteri conjugantur.

18. De his qui in sua provincia non communicant ubi alibi non communicent.

19. De clericis qui apud principem sæculare iudicium aut synodale impleverint.

20. Ut sine formatis nemo ad comitatum proficiascatur, et qualiter formatæ fiant.

21. De episcopis qui quod repetere poterant, pretermissa synodo invaserunt.

22. De clericis qui de iudicio episcoporum suorum conqueruntur.

23. De his qui apud hæreticos pœnitentiam acceperunt.

24. De episcopis negligentibus adversus hæreticos.

25. Unde supra.

26. De virginibus quæ infra viginti quinque annos, necessitate cogente, velantur.

27. De episcopis qui post acta Carthaginensis synodi retenti sunt ad reliqua peragenda.

## INCIPIT CONCILIUM MILEVITANUM.

Gloriosissimis imperatoribus Arcadio et Honorio, **B** Augustis viris, clarissimis consulibus, sexto Kalendas Septembris in civitate Milevitana, in secretario basilicæ cum Aurelius episcopus Ecclesiæ Carthaginensis in concilio universali consedisset, astantibus diaconibus, Aurelius episcopus dixit: Quoniam Ecclesiæ sanctæ unum est corpus, omniumque membrorum caput est, unum factum est, volente Domino, ac nostram infirmitatem juvante, ut ad hanc ecclesiam conveniremus dilectionis et fraternitatis gratia invitati, unde quæso charitatem vestram, quia ita credendum est, quod noster accessus ad vos nec superfluous nec insuavis est cunctis, ideoque pariter quædam de causis fidei, unde nunc questio Pelagianorum imminet, in hoc cœtu sanctissimo primitus tractentur, deinde subsequantur, et aliqua quæ disciplinæ ecclesiasticæ necessaria existunt.

**C** **Cap. I.** Placuit ergo omnibus episcopis qui fuerunt in hac sancta synodo, constituere hæc quæ in præsentī concilio definita sunt, ut quicumque dicit: Adam primum hominem mortalem factum, ita ut sive peccaret, sive non peccaret, moreretur in corpore, hoc est de corpore exiret, non peccati merito, sed necessitate naturæ, anathema sit.

**II.** Item placuit, ut quicumque parvulos recentes ab uteris matrum baptizandos negat, aut dicit quidem: In remissionem peccatorum eos baptizari, sed nihil ex Adam trahere originalis peccati quod regenerationis lavacro expiatur, unde fit consequens, ut in eis forma baptismatis in remissionem peccatorum non vera, sed falsa intelligatur, anathema sit, quoniam non aliter intelligendum est quod ait Apostolus, per unum hominem peccatum intravit in mundum, et per peccatum in nos, et ita in omnes homines pertransiit, in quo omnes peccaverunt, nisi quemadmodum Ecclesia catholica ubique diffusa semper intellexit, propter hanc enim regulam fidei etiam parvuli qui nihil peccatorum in semetipsis adhuc committere potuerunt, ideo in peccatorum remissione veraciter baptizantur, ut in eis regeneratione veretur quod generatione traxerunt.

**III.** Item placuit ut quicumque dixerit gratiam Dei,

in qua justificamur per Jesum Christum Dominum nostrum ad solam remissionem peccatorum valere, quæ jam commissa sunt, non etiam ad adiutorium ut non committantur, anathema sit

**IV.** Item quisquis dixerit eandem gratiam Dei per Jesum Christum Dominum nostrum propter hoc tantum nos adjuvare ad solam non peccandum, quia per ipsam nobis revelatur et aperitur intelligentia mandatorum ut sciamus quid appetere, quid vitare debeamus, non autem per illam nobis præstari, ut quod faciendum cognoverimus etiam facere diligamus atque valeamus, anathema sit, cum dicat Apostolus: Scientia inflat, charitas vero ædificat, valde impium est ut credamus ad eam quæ inflat nos habere gratiam Christi, ad eam quæ ædificat non habere, cum sit utrumque donum Dei, et scire quid facere debeamus, et diligere ut faciamus, ut ædificante charitate scientia non possit inflare, sicut autem de Deo scriptum est, qui docet hominem scientiam, ita etiam scriptum est.

**V.** Item placuit ut quicumque dixerit ideo nobis gratiam justificationis (charitas ex Deo est) dari, ut quod facere per liberum jubemur arbitrium, facilius possimus implere per gratiam, tanquam et si gratia non daretur non quidem facile, sed tamen possimus etiam sine illa implere divina mandata, anathema sit. De fructibus enim mandatorum Dominus loquebatur, ubi non ait, sine me difficilius potestis facere, sed ait, sine me nihil potestis facere.

**VI.** Item placuit, quod ait sanctus Joannes apostolus, si dixerimus quia peccatum non habemus, nos ipsos seducimus, et veritas in nobis non est, quisquis sic accipiendum putaverit, ut dicat propter humanitatem non oportere dici, nos non habere peccatum, non quia veritas est, anathema sit. Sequitur cum Apostolus, et adjungit: Si autem confessi fuerimus peccata nostra, fidelis est et justus qui remittat nobis peccata, et mundet nos ab omni iniquitate, ubi satis apparet hoc non tantum humiliter, sed etiam veraciter dici; poterat enim Apostolus dicere: Si dixerimus quia non habemus peccatum, nos ipsos extollimus, et humilitas in nobis non est; sed cum

ait nos ipsos accepimus, et veritas in nobis non est, A aliquid contra fidem per ignorantiam, vel per minus satis ostendit eum qui se dixerit non habere peccatum, non verum loqui sed falsum.

VII. Item placuit, ut quicumque dixerit in oratione Dominica, ideo dicere sanctos, dimitte nobis debita nostra, ut non pro seipsis hoc dicant, quia non est eis jam necessaria ista petitio, sed pro aliis qui sunt in suo populo peccatores, et ideo non dicere unumquemque sanctorum, dimitte mihi debita mea, sed dimitte nobis debita nostra, ut hoc pro aliis potius quam pro se justus petere intelligatur, anathema sit. Sanctus enim et justus erat apostolus Jacobus cum dicebat, in multis enim offendimus omnes. Nam quare additum est omnes, nisi ut ista sententia conveniret, et in psalmo ubi legitur: Non intres in iudicium cum servo tuo, quia non justificabitur in conspectu tuo omnis vivens; et in oratione sapientissimi Salomonis: Non est homo qui non peccet; et in libro Job: In manu omnis hominis signat, ut sciat omnis homo infirmitatem suam. Unde etiam Daniel sanctus et justus cum in oratione pluraliter diceret: Peccavimus, iniquitatem fecimus, et cætera, quæ ibi veraciter et humiliter confitetur, ne putaretur, quemadmodum quidam sentiunt hæc non de suis, sed de populi sui potius dixisse peccatis, postea dixit: Cum orarem et confiterer peccata mea et peccata populi mei Domino Deo nostro, noluit dicere peccata nostra, sed populi sui dixit et sua, quia futuros istos qui tam male intelligunt, tanquam propheta prævidit.

VIII. Item placuit, ut quicumque verba ipsa Dominicæ orationis ubi dicimus: Dimitte nobis debita nostra, ita volunt a sanctis dici, ut humiliter non veraciter hoc dicatur, anathema sit. Quis enim ferat orantem et non hominibus, sed ipsi Domino mentientem qui labiis sibi dicit dimitti velle, et corde dicit, quæ sibi dimittantur, debita non habere? Hucusque de fide contra Pelagianos, nunc regulæ tractantur ecclesiasticæ.

IX. Placuit ut non sit ultra fatigandis fratribus anniversaria necessitas, sed quoties exegerit causa communis, id est, totius Africæ undecunque ad hanc sedem pro concilio datæ litteræ fuerint, congregandam esse synodum in ea provincia ubi opportunitas persuaserit, causæ autem quæ communes non sunt, suis provinciis iudicentur.

X. Placuit etiam pati ut omnium episcoporum epistolis omnibus de concilio dandis sanctitas tua sola subscribat.

XI. Placuit et illud adversus hæreticos, vel paganos, vel eorum superstitiones, ut legati missi de hoc glorioso concilio quidquid utile providerint a gloriosissimis principibus impetrent.

XII. Placuit etiam et illud, ut preces vel orationes, seu mixtæ quæ probatæ fuerint in concilio, sive præfationes, sive commendationes, seu manus impositiones ab omnibus celebrentur, nec aliæ omnino dicantur in ecclesia, nisi quæ a prudentioribus tractatæ vel comprobatæ in synodo fuerint, ne forte

aliquid contra fidem per ignorantiam, vel per minus studium sit compositum.

XIII. Palentinus episcopus dixit: Si permittit bonum patientiæ vestræ, prosequar ea quæ necessaria sunt ecclesiasticæ disciplinæ. Scimus enim sic inviolatam permansisse ecclesiasticam disciplinam, ita ut nullus fratrum prioribus suis se aliquando auderet antepone, sed officiis legitimis id semper exhibitum est prioribus, quod ab insequentibus rationabiliter semper acciperetur. Hunc ordinem jubeat sanctitas vestra melius vestris interlocutionibus roborare. Aurelius episcopus dixit: Non decueat quidem ut hæc repeteremus, nisi forte existerent inconsideratæ mentes quorundam quæ ad hæc statuenda nostros acuerent sensus, sed et communis hæc causa est quam insinuavit frater et coepiscopus noster, ut unusquisque nostrum ordinem sibi decretum a Deo cognoscat, et posteriores anterioribus deferant, nec eis inconsultis aliquid agere præsumant. Qua de re oportet eos qui putaverint spretis majoribus aliquid præsumendum competenter esse ab omni concilio coercendos. Universi episcopi dixerunt: Hic ordo et a patribus et a majoribus est servatus, et a nobis Deo propitio servabitur, salvo etiam jure primatus Numidiæ et Mauritanicæ.

XIV. Deinde placuit ut quicumque deinceps ab episcopis ordinantur, litteras accipiant ab ordinatioribus suis manu eorum subscriptas, continentes consulem et diem, ut nulla altercatio de posterioribus vel anterioribus oriatur.

XV. Item placuit ut quicumque in ecclesia vel semel legerit ab alia ecclesia, ad clericatum non teneatur.

XVI. Placuit præterea, ut exsecutoribus in omnibus justis desideriis impartiat, placuit etiam ut petatur a gloriosissimis imperatoribus, ut jubeant iudicibus dare petitis sibi defensores scholasticos qui in actu sint, vel in officio defensionum causarum ecclesiasticarum, ut more sacerdotum provinciarum, id est, ipsi qui defensionem ecclesiarum susceperint, habeant facultatem pro negotiis ecclesiarum (quoties necessitas flagitaverit) vel ad obstandum callide decipientibus vel obrepentibus, vel ad necessaria suggerenda ingredi iudicium secretaria.

XVII. Placuit ut secundum evangelicam et apostolicam disciplinam, neque dimissus ab uxore neque dimissa a marito alteri conjungantur, sed ita maneant, aut sibimet reconcilientur, quod si contempserint ad poenitentiam redigantur, in qua causa legem imperialem petendam promulgari.

XVIII. Placuit, ut quicumque non communicans in provincia propria in aliis provinciis vel transmarinis partibus ad communicandum obrepserit, jacturam communionis vel Clericatus excipiat.

XIX. Placuit, ut quicumque ad imperatorem cognitionem iudiciorum publicorum ab episcopis petierit, honore proprio privetur, si autem episcopale



judicium ab imperatore postulaverit, nihil ei obsit. A

XX. Placuit, ut quicumque clericus propter necessitatem suam alicubi ad comitatum ire voluerit, formatam ab episcopo suo accipiat, quod si sine formata voluerit pergere, a communione removeatur, quod si alicubi ei repentina necessitas orta fuerit ad comitatum pergendi, alleget apud episcopum loci ejus ipsam necessitatem, et de hoc scripta ejusdem episcopi deferat, formatæ autem quæ a primatibus, vel a quibuscunque episcopis clericis propriis dantur, habeant diem Paschæ. Quod si adhuc ejusdem anni Paschæ dies incerta est, ille præcedens adjungatur quomodo solet post consulatum in publicis gestis ascribi.

XXI. Item placuit, ut quicumque episcopi, quasunque ecclesias vel plebes quas ad suam cathedram æstimant pertinere, non ita repetunt ut causas suas episcopis judicantibus agant, sed si in alio retinente irruerint, sive volentibus sive nolentibus plebibus causæ suæ detrimentum patiantur, et quicumque jam hoc fecerint, si nondum est inter episcopos finita contentio, sed adhuc inde contendunt, ille inde discedat, quem constiterit prætermisissis judiciis ecclesiasticis irruisse, nec sibi quisque blandiatur, si a primate ut retineat litteras, impetrarit, sed sive habeat litteras, sive non habeat, conveniat eum qui tenet, et ejus litteras accipiat, ut eum appareat pacifice tenuisse ecclesiam ad se pertinentem; si autem ille aliquam quæstionem retulerit per episcopos judices causa finiatur, sive eis primates dederint, sive quos ipsos vicinos ex consensu delegerint.

XXII. Item placuit, ut presbyteri, diaconi, vel cæteri inferiores clerici in causas quas habuerint, si de judiciis episcoporum suorum questi fuerint, vicini episcopi eos audiant, et inter eos quidquid est, finiant adhibiti ab eis ex consensu episcoporum suorum. Quod si et ab eis provocandum putaverint, non provocent, nisi ad Africana concilia, vel ad primates provinciarum suarum, ad transmarina autem qui putaverit appellandum a nullo intra Africam in communione suscipiatur.

XXIII. Placuit, ut quicumque conversus ab hæreticis dixerit se apud eos pœnitentiam accipere, unusquisque catholicus episcopus requirat, ubi et ob quam causam apud eosdem hæreticos pœnitentiam susceperit, ut cum documentis certis hoc ipsum approbaverit sibi pro qualitate peccati, sicut eidem episcopo catholico visum fuerit, tempus pœnitentiæ vel reconciliationis decernat.

XXIV. Item placuit, ut quicumque negligunt loca ad suam cathedram pertinentia in catholicam unitatem lucrari conveniantur a diligentibus vicinis episcopis, ut id agere non morentur, quod si intra sex menses a die conventionis non hoc fecerint, qui potuerit eas lucrari ad ipsum pertineant, ita sane ut si ille ad quem pertinuisse videbantur, probare potuerit magis illius electam negligentiam ab hære-

ticis impune ut ibi sint et suam diligentiam fuisse præventam, ut eo modo ejus cura solentior vitaretur, cum hoc judices episcopi cognoverint, sive cathedræ loca restituant. Sane si episcopi inter quos causa versatur, diversarum sunt provinciarum, ille primas det judices in cujus provincia est locus de quo contenditur, si autem ex communi placito vicinos judices elegerint, aut duo eligantur aut tres, quod si tres elegerint, aut omnium sententiam sequantur, aut duorum, judicibus autem quos communis consensus elegerit, non liceat provocare, et quisquis probatus fuerit pro contumacia nolle obtemperare judicibus, cum hoc primæ sedis episcopo fuerit probatum, det litteras ut nullus ei communicet episcoporum donec obtemperet.

B XXV. Si in matricibus cathedris episcopus negligens fuerit adversus hæreticos, conveniatur a vicinis episcopis diligentibus, et ei sua negligentia demonstretur, ut se excusare non possit; quod si ex die quo convenitur intra sex menses, si in ejus provincia exsecutio fuerit, et non eos ad unitatem catholicam convertendos curaverit, non ei communicetur donec impleat; si autem exsecutor ad loca non venerit, non ascribatur episcopo, si autem probatum fuerit eum de communione illorum fuisse mentitum dicendo eos communicasse quos eo sciente non communicasse constiterit, etiam episcopatum amittat.

C XXVI. Item placuit, ut quicumque episcoporum necessitate periclitantis pudicitia virginalis, cum vel petitor potens, vel raptor aliquis formidatur, vel si aliquo etiam mortis scrupulo periculoso compuncta fuerit, nec non velata fuerit, aut exigentibus parentibus, aut his ad quorum curam pertinet, velaverit virginem, seu velavit intra viginti quinque annos ætatis, non ei obsit concilium, quod de isto annorum numero constitutum est.

D XXVII. Item placuit ne diutius universi episcopi qui ad concilium congregati sunt, tenerentur ab universo concilio ternos judices de singulis provinciis eligi, et electi sunt de provincia Carthaginensi Vincentius, Fortunatianus et Clarus de provincia Numidiæ, Alippius Augustinus, et Restitutus de provincia Bizancena, cum sancto sene Domitiano primate Cresconius, Jocundus et Melianus, de Mauritania Sitifensi, Severianus, Asiaticus, et Donatus, de provincia Tripolitana, Plantius qui ex more legatus unus est missus. Qui omnes cum sancto sene Aurelio universa cognoscant, a quo petit universum concilium, ut cunctis sive gestis quæ confecta jam sunt, sive episcopis ipse subscribat, et subscripserunt. Aurelius episcopus Ecclesiæ Carthaginensis, huic decreto consensit et perlecto subscripsi; Donatianus Telepsensis primæ sedis subscripsi; Augustinus Hipponæ Regiensis subscripsi. Similiter et omnes episcopi subscripserunt.

Hucusque concilia Africæ.

## SEQUUNTUR CONCILIA GALLIÆ.

### INCIPIUNT CAPITULA CONCILII ARELATENSIS.

1. Ut uno die et tempore Pascha celebretur.
2. Ut ubi quisque ordinatur, ibi permaneat.
3. Ut qui in pace arma projiciunt, excommunicentur.
4. Ut aurigæ dum agitant excommunicentur.
5. Ut qui in theatris conveniunt, excommunicentur.
6. Ut in infirmitate conversi manus impositionem accipiant.
7. De præsilibus, ut cum conscientia episcopi sui communicent.
8. Ut ex hæresi conversi in Trinitate baptizentur.
9. Ut qui confessorum litteras portant, alias accipiant.
10. Ut cujus uxor adulteravit, ipse aliam non accipiat.
11. Ut feminæ fideles quæ gentibus se junxerunt, excommunicentur.
12. Ut clerici feneratores excommunicentur.

- A 13. Ut proditores fratrum, vel vasorum, seu Scripturarum cum verberibus deponantur.
14. Ut falsi accusatores fratrum usque ad exitum excommunicentur.
15. Ut levitæ non offerant.
16. Ut pœnitentes ubi acceperint onerationem ibi communicent.
17. Ut nullus episcopus alium conculcet episcopum.
18. Ut diaconus nihil sine presbytero suo agat.
19. Ut presbyteri sine conscientia episcoporum suorum nihil faciant.
20. Ut peregrino episcopo locus sacrificandi detur.
21. Ut sine tribus episcopis nullus episcopus ordinetur.
- B 22. Ut clericus alibi transiens excommunicetur.
23. Ut apostatæ qui tardius revertuntur, nisi per dignam pœnitentiam non recipiantur.

### INCIPIT CONCILIUM ARELATENSE PRIMUM

*Habitu tempore Constantini imperatoris.*

Domino et sanctissimo Sylvestro episcopo cœtus C episcoporum qui adunati fuerunt in oppido Arelatensi. Quæ decrevimus communi concilio charitative significamus, ut omnes sciant quid in futurum observare debeant.

CAP. I. De observatione Paschæ Domini, ut uno die et tempore per omnem orbem observetur, et juxta consuetudinem litteras ad omnes tu dirigas.

II. De his qui in quibuscunque locis ordinati fuerint ministri, in ipsis locis perseverent.

III. De his qui arma projiciunt in pace, placuit, abstinere eos a communione.

IV. De agitatoribus qui fideles sunt, placuit eos quandiu agitant a communione separari.

V. De theatricis, et ipsos placuit (quandiu agunt) a communione separari.

VI. De his qui infirmitate credere volunt, placuit debere his manum imponi.

89 VII. De præsilibus qui fideles ad præsdatum prosiliunt ita placuit, ut cum promoti fuerint litteras accipiant ecclesiasticas communicatorias, ita tamen ut quibuscunque locis gesserint ab episcopo ejusdem loci cura de illis agatur, ut cum cœperint cum disciplina publica agere, tunc demum a communione

excludantur, similiter et de his fiat qui rempublicam agere volunt.

VIII. De Arianis qui propria lege sua utuntur, ut rebaptizentur placuit. Si ad ecclesiam aliqui de hac hæresi venerint, interrogent eos nostræ fidei sacerdotes symbolum, et si præviderint in Patre et Filio et Spiritu sancto eos baptizatos, manus eis tantum imponatur, ut accipiant Spiritum sanctum. Quod si interrogati, non responderint hanc Trinitatem, non baptizentur.

IX. De his qui confessorum litteras afferunt, placuit ut sublati eis litteris, alias accipiant communicatorias.

X. De his qui conjuges suas in adulterio deprehendunt, et iidem sunt adolescentes fideles et prohibentur nubere, placuit ut in quantum potest consilium eis detur, ne viventibus uxoribus suis, licet adulteris, alias accipiant.

XI. De puellis fidelibus quæ gentibus junguntur, placuit ut aliquanto tempore a communione separantur.

XII. De ministris qui fenerantur, placuit eos juxta formam divinitus datam a communione abstinere.

XIII. De his qui Scripturas sanctas tradidisse dicun-



tur, vel vasa Dominica, vel nomina fratrum suorum, A placuit nobis, ut quicumque eorum in actis publicis fuerit detectus, vel verbis nudis ab ordine cleri amoveatur. Nam si iidem aliquos ordinasse fuerint deprehensi, et si in his qui ordinauerunt, ratio subsistit, non tamen illis subsistat ordinatio, quoniam multi sunt qui contra ecclesiasticam regulam pugare videntur, et per testes redemptos putant se ad accusationem admitti debere, qui omnino non admittantur, nisi (ut supra diximus) actis publicis docuerint omni se suspicione carere.

XIV. De his qui falso accusant fratres suos, placuit eos usque ad exitum non communicare, sed falsum testem (juxta Scripturam) impunitum non licere esse.

XV. De diaconibus, quos cognovimus multis locis B offerre, placuit minime fieri debere.

XVI. De his qui pro delicto suo a communione separantur, ita placuit, ut quibuscunque locis fuerant exclusi, eodem loco communionem consequantur.

XVII. Ut nullus episcoporum alium episcopum conculcet.

XVIII. De diaconibus urbicis, ut non aliquid per se præsument, sed honor presbyteris reservetur.

XIX. Ut presbyteri sine conscientia episcoporum nihil faciant.

XX. Ut peregrino episcopo locus satisfaciendi detur.

XXI. De his qui usurpant sibi quod soli debeant episcopum ordinare, placuit, ut nullus hoc sibi præsumat, nisi assumptis sibi aliis septem episcopis, si tamen non potuerint septem, sine tribus fratribus non audeant ordinare.

XXII. De presbyteris aut diaconibus qui solent dimittere loca sua in quibus ordinati sunt et ad alia loca se transtulerunt, placuit ut his locis ministrant quibus præfixi sunt; qui, relictis locis suis, ad alium locum se deferre voluerint, deponantur.

XXIII. De his qui apostatant, et antequam se ad ecclesiam repræsentent, nec quidem poenitentiam agere quærunt, et postea in infirmitate arrepti, petunt communionem, placuit eis non dandam communionem, nisi revelaverint se perierint dignos fructus poenitentiae.

Explicit concilium Arelatense primum.

#### INCIPIUNT CAPITULA CONCILII SECUNDI ARELATENSIS.

1. De neophitis clericis non ordinandis.
2. Qualiter conjugati ad sacerdotium provehantur.
3. Ut nullus clericus aut diaconus in solatio suo extraneam habeat mulierem
4. Ut nullus clericus in cellario vel in secreto intromittat puellam.
5. Ut episcopus cum ordinatur cum consensu metropolitani, tres eum ordinent episcopi.
6. De episcopo qui sine metropolitani consensu fuerit ordinatus.
7. De his qui seipos abscindunt.
8. De his qui excommunicatos alterius suscipiunt.
9. Ut Novatiani in communionem non suscipiantur.
10. De his qui in persecutione prævaricati sunt.
11. De his qui poenis victi, sacrificare compulsi D sunt.
12. De his qui in poenitentia positi vitam excesserunt.

13. Ut ne quis qualibet necessitate suam relinquat ecclesiam.
  14. Ne clericus usuram accipiat.
  15. Ne diaconus coram presbytero sedeat vel Eucharistiam tradat.
  16. Ut Fotiniani et Paulianistæ baptizentur.
  17. Ut hæretici qui in Trinitate baptizati sunt, cum chrismate et manus impositione recipiantur.
  18. Ut metropolitani arbitrio synodus congregetur.
  19. Ut nulli episcopo liceat a synodo deesse, vel ante peractam synodum discedere.
  20. De aurigis et theatricis fidelibus.
  21. Si post acceptam poenitentiam quis nupserit.
  22. Ut poenitentia conjugatis ex consensu detur.
  23. De sacerdotibus qui idololatriam non evertunt.
  24. De accusatoribus fratrum.
  25. De apostatis si non revertuntur.
- F' ant capitula.

#### INCIPIIT CONCILIUM ARELATENSE SECUNDUM.

*Nomina auctorum ejusdem concilii.*

Ex Sicilia Syracusanorum Sixtus episcopus, et Florus diaconus ex provincia Campaniæ civitatis, Prothus episcopus et Agrippa, et Tutus diaconus ex provincia Apauli, Pardus episcopus, et Crescens diaconus ex provincia Damulti, Theodorus episcopus, et Agathon diaconus ex urbe Roma quos Sil-

vester episcopus misit, Claudianus et Abitus presbyteri, Eugenius et Quiriacus diaconi ex provincia Italiæ, Orosius episcopus, Nazareus lector, ex provincia Viennensium civitatis Arelas, Martinus episcopus, Salanias presbyter, Nicetus Afer, Ursinis, et Petrus diacones ex provincia qua supra Vien-

nensium, Verus episcopus, Bedas exorcista, ex civitate Vasionis Dammas episcopus, Victor exorcista, ex civitate Aurasicorum, Laustinus presbyter ex porta, Innocentius diaconus, Agapius exorcista, ex provincia Gallia civitatis Remorum, Ibethanius episcopus, Prigenius diaconus ex civitate Rothomagensium, Avidamus episcopus, Nicetius diaconus, ex civitate Augusta, Idonupetius episcopus, Amandus presbyter, Filomatis diaconus, ex civitate Helvidono, Volius episcopus, Pitulius exorcista, ex civitate Agrippina, Maternus episcopus, Maurinus diaconus ex provincia Aquitanica civitatis Vagalii, Genialis episcopus ex civitate Burdegala, Orientalis episcopus, Flavius diaconus, ex civitate Verorum, Artius episcopus, Felix exorcista ex civitate Tholosa, Martinus episcopus, Leontius diaconus ex provincia Bitania, Eburius episcopus ex civitate Culnia, Adelsius ex civitate Romanorum, Liberius episcopus, Floneticus diaconus ex civitate Betica, Sabinus presbyter ex civitate Tarcacona, Probatus presbyter, Castorius diaconus ex civitate Caesaraugusta, Clementinus presbyter, Rovinus exorcista ex civitate Tebestigenstium, Trimanus presbyter, Victor diaconus ex provincia Mauritania Caesariensi, Fortunatus episcopus, Deuterius diaconus ex provincia Sardinia, Quintus episcopus, Admonius presbyter ex provincia Africa, Cecilianus presbyter, Sperantius diaconus ex civitate Onina, Lampadius episcopus ex civitate Utica, Victor episcopus ex civitate Beneventina, Anastasius episcopus ex civitate Turbistina, Faustus episcopus ex civitate Cocofeltis, Surgentius episcopus ex Numidia, Victor episcopus ex civitate Virensium, Vitalis episcopus ex portu urbis Romæ, Gregorius episcopus ex Centumcellis, Epitatus episcopus ex civitate Ostensi, Leontius et Macharius presbyteri.

I. Ordinari ad diaconatus vel sacerdotii officium neophitum non debere.

II. Assumi aliquem ad sacerdotium non posse in conjugii vinculo constitutum, nisi fuerit promissa conversio.

III. Si quis de clericis a gradu diaconatus in solatio suo mulierem præter aviam, matrem, sororem, filiam, neptem, vel conversam secum uxorem habere præsumpserit, a communione alienus habeatur; par quoque et mulierem (si se separare noluerit) poena percipiat.

IV. Nullus diaconus, vel presbyter, vel episcopus ad cellarii secretum intronittat puellam vel ingenuam, vel ancillam.

V. Nullus episcopus sine metropolitani permissu, nec episcopus metropolitanus sine tribus episcopis comprovincialibus, præsumat episcopum ordinare, ita ut alii comprovinciales epistolis admoneantur, ut se suo responso consensisse significant. Quod si inter partes aliqua fuerit dubitatio-majori numero metropolitani in electione consentiat.

VI. Illud autem ante omnia clareat, cum qui sine conscientia metropolitani constitutus fuerit epi-

scopus juxta magnam synodum esse episcopum non debere.

VII. Si qui se carnali vitio repugnare nescientes absceundunt, ad clerum pervenire non possunt.

VIII. Si quis excommunicatum alterius sive clericum, sive sæcularem recipere post interdictum præsumpserit, **90** noverit se reum fraternitatis factum causam in concilio redditurum.

IX. Novatianum in communionem recipi non debere, nisi suscepta poenitentia incredulitatis præteritum damnet errorem.

X. De his qui in persecutione prævaricati sunt, si voluntarie fidem negaverint, hoc de eis Nicæna synodus statuit, ut quinque annis inter catechumenos exeant, et duos inter discommunicantes, ita ut communionem inter poenitentes non præsumant, in potestate tamen vel arbitrio erit episcopi, ut si eos ex animo errorem defflere et agere poenitentiam viderit, si ad communionem in propria ecclesia velit humanitate suscipere.

XI. Si qui vero dolore victi et pondere persecutionis negare et sacrificare compulsi sunt, duobus annis inter catechumenos, triennio inter poenitentes habeantur a communione suspensi.

XII. De his qui in poenitentia positi vitam excesserunt, placuit, nullum communionem vacuum debere dimitti, sed pro eo quod honoravit poenitentiam, oblatio illius recipiatur.

XIII. Nullus cujuscumque ordinis clericus, non diaconus, non presbyter, non episcopus, quacumque occasione faciente, propriam relinquat ecclesiam, sed omnimode aut excommunicetur, aut redire cogatur. Quod si aliquis commorationis tempore, invito episcopo suo, in aliena ecclesia habitans, ab episcopo loci clericus fuerit ordinatus, hujusmodi ordinatio irrita habeatur.

XIV. Si quis clericus pecuniam dedit ad usuram, aut conductor alienæ rei voluerit esse, aut turpis lucri gratia aliquod genus negotiationis exerceat, depositus a clero, a communione alienus habeatur.

XV. In secretario diaconos inter presbyteros sedere non liceat, vel corpus Christi præsentem presbytero tradere non præsumant, quod si fecerint, ab officio diaconatus abscedant.

XVI. Fotinianus sive Paulianistas secundum patrum statuta baptizari oportet.

XVII. Bononianos autem ex eodem errore venientes (quos sicut Arianos baptizari in Trinitate manifestum est) dum interrogati fidem nostram ex toto corde confessi fuerint, cum christiæ et manus impositione in ecclesia recipi sufficit.

XVIII. Ad Arclatensis episcopi arbitrium synodus est congreganda, ad quam urbem ex omnibus mundi partibus sub sancti Martini tempore legimus celebratum fuisse concilium atque conventum, si quis commonitus infirmitatis causa defuerit, personam vice sua dirigat.

XIX. Si quis autem adesse neglexerit, aut cœtum fratrum, antequam dissolvatur concilium, crediderit



deserendum, alienum se a fratrum communione cognoscat, nec eum recipi liceat, nisi in sequenti synodo fuerit absolutus.

XX. De agitatoribus sive theatricis qui fideles sunt, placuit eos quandiu agunt, a communione separari.

XXI. Pœnitentes quæ defuncto viro aliis nubere præsumpserint, vel suspecta, vel interdicta familiaritate cum extraneo junxerint, cum eodem ab Ecclesiæ liminibus arceantur. Hæc etiam de viro in pœnitentia posito placuit observari.

XXII. Pœnitentiam conjugatis nonnisi ex consensu dandam.

XXIII. Si in alicujus presbyterio infideles, aut faculas accenderint, aut arbores, fontes vel saxa venerentur, si hæc, ~~et~~ <sup>et</sup> neglexerit, sacrilegi se esse reum cognoscat, dominus autem ordinator rei ipsius, B

A si admonitus emendare noluerit, communione privetur.

XXIV. Eos qui falsa fratribus capitalia objecisse convicti fuerint, placuit eos usque ad exitum non communicare, sicut magna synodus ante constituit, nisi digna satisfactione pœniterint.

XXV. Si qui post sanctam religionis professionem apostatant, et ad sæculum redeunt, et postmodum pœnitentiæ remedia non requirunt, sine pœnitentia communionem penitus non accipiant, quos etiam jubemus ad clericatus officium non admitti, et quicumque ille sit, post pœnitentiam, sæcularem habitum non præsumat, quod si præsumpserit, ab ecclesia alienus habeatur.

Explicit concilium Arelatense secundum.

### INCIPIUNT CAPITULA CONCILII TERTII ARELATENSIS.

1. Ut diaconus ante 25, et sacerdos ante 30 annos non ordinetur.

2. Ut digami vel pœnitentes vel repudiatarum mariti ad sacerdotium non provehantur.

3. Ut laicus ante annum conversionis non ordinetur.

4. Ut qui clericum alienum defendere nititur, communione privetur.

## INCIPIT CONCILIUM ARELATENSE TERTIUM

*Viginti quatuor episcoporum, æra CCCCLXI.*

Martiano Augusto Opilione et Vincomalone consulibus, viii Idus Julii cum voluntate Dei ad dedicationem basilicæ sanctæ Mariæ in Arelatensi civitate sacerdotes Domini convenissent, congruum eis et rationabile visum est, ut primum de observandis canonibus attentissima sollicitudine pertractantes qualiter ab ipsis ecclesiasticæ regulæ servarentur, salubri concilio definirent.

CAP. I. Et quia in ordinandis clericis antiquorum patrum statuta non ad integrum (sicut expedit) observata esse cognoscuntur ne forte quorumcumque importunis et inordinatis precibus sacerdotes Domini fatigentur, et ea quæ toties sunt præcepta transgredi compellantur, hoc inter se observandum esse definiunt, ut nullus episcoporum diaconum antequam viginti quinque annos impleat ordinare præsumat, episcopatus vero vel presbyteri honorem nullus laicus ante præmissam anni conversionem, vel ante triginta annos ætatis accipiat.

II. Nullus pœnitentem, nullus digamum, nullus viduarum maritos in prædictis honoribus audeat ordinare, et licet hæc jam prope omnium canonum instituta contineant, tamen ne cuiquam sacerdotum supplicantium (sicut jam diximus) importunitas vel suggestio iniqua subrepat necesse fuit, ut nunc severiorem regulam sibi velint Domini sacerdotes imponere, et ideo quicumque ab hac die contra ea quæ superius sunt comprehensa clericum ordinare præsumpserit, ab ea die qua ei potuit hoc approbati anno integro missas facere non præsumat. Quam rem si quis observare noluerit, et contra consessum fratrum faciens missas celebrare præsumpserit, ab

C omnium fratrum charitate noverit se alienum, quia dignum est ut severitatem ecclesiasticæ disciplinæ sentiat qui salubriter a sanctis Patribus instituta observare contemnit.

III. Et licet de laicis prolixiora tempora antiqui Patres ordinaverint observanda, tamen quia accrescunt numeri ecclesiarum, necesse est nobis sine præjudicio duntaxat canonum constituere antiquorum, ut nullus metropolitanorum quicumque laico dignitatem episcopatus tribuat, sed nec reliqui pontifices presbyterii vel diaconatus honorem conferre præsumant, nisi anno integro fuerit præmissa conversio.

IV. Si forte aliquis clericorum regulam disciplinæ ecclesiasticæ subterfugiens fuerit evagatus quicumque eum susceperit, et illum pontifici suo non reconciliaverit, sed magis defensare præsumpserit ecclesiæ communione privetur. Cæsarius in Christi nomine episcopus definitionem hanc sanctorum fratrum meorum vel meam relegi et subscripsi; Contumeliosus episcopus consensi et subscripsi; Filiargius episcopus subscripsi; Pretaxatus episcopus subs.; Maximus episcopus sub.; Julianus episcopus sub.; Florentius episcopus subscripsi. Item Cyprianus episcopus sub.; Coelestinus episcopus subscripsi; Proitianus episcopus sub.; Eucherius episcopus subsc.; Catafronius presbyter directus a dominis meis Agricio et Severo episcopis subscripsi; ego Desiderius presbyter directus a domino meo Joanne episcopo consensi et subscripsi; Leontius presbyter directus a domino meo Constantino episcopo subscripsi; ego Metherrius directus a domino meo Galliano episcopo consensi et subscripsi.

## INCIPIUNT CAPITULA CONCILII VALENTINI.

1. De digamis non consecrandis.
2. Ut devota, si se maritaverit vel mœchata fuerit, poenitentiae deputetur.
3. Circa eorum vero personas qui se post unum et

A sanctum lavacrum vel profanis sacrificiis dæmonum, vel incesta lavatione polluerunt.

4. Ut sacerdotes vel levita, si de se crimen aliquod confitetur, deponatur.

## INCIPIT CONCILIUM VALENTINUM

*Triginta episcoporum, æra ccccxiii, sub Gratiano et Valentiniano imperatoribus, Gratiano III. et Quintino consulibus.*

Dilectissimis fratribus per Gallias et quinque provincias constitutis episcopis, Fegadius, Emerius Florentius, Artimus, Emilianus, Britto, Justus, Eufodius, Rodamius, Evortius, Cretus, Concordius, Constantinus, Paulus, Anterius, Felix, Neuterius, Urbanus, Simplicius et Vincentius episcopi in Domino salutem.

Transactis Valentinum omnibus et in Dei nomine in statu meliore compositis quæ fuerunt cepta causa dissidii, quorumdam fuit patrum utilis et religiosa suggestio retractata de his quæ nec recipere possumus ob Ecclesiæ sanctitatem, nec tamen usquequaque consuetudinis causa damnare, ita enim per omnes ecclesias ejusmodi vitii germen inolevit, ut ad plena remedia non facilis sit recursus, certe non sine verecundia eorum quibus causa contigit subeisivum quod circa fratres generat odium, **91** moderatoque consilio ea cautelæ ratio servata est, quæ et scandala submoveret et sanctitatem Ecclesiæ custodiret.

CAP. I. Decet ergo neminem post hanc synodum, qua ejusmodi illicitis vel sero succurritur, de digamis, aut inter nuptiarum maritos ordinari clericos posse, nec requirendum utrumne initiati sacramentis divinis, aut gentiles hac se infelici sorte necessitate maculaverunt.

II. De puellis vero quæ se Deo voverunt, si ad terrenas, nuptias sponte transierunt, id custodiendum esse decrevimus, ut poenitentes non statim ad poenitentiam recipiantur, et cum data tamen fuerit, nisi plene satisfecerint Deo in quantum ratio poposce- rit, eisdem communio differatur.

III. Circa eorum vero personas qui se post unum et sanctum lavacrum vel profanis sacrificiis dæmonum vel incesta lavatione polluerunt, eam censuræ ornam diximus esse servandam, ut his juxta synodum Nicænam satisfactionis quidam aditus non negetur, ne infelicibus lacrymis vel solatii janua desperatione claudatur, acturi vero poenitentiam usque in diem mortis, non sine spe tamen remissionis, quam ab eo plene sperare debebunt, qui ejus

B largitatem et solus obtinet, et tam dives misericordia est, ut nemo desperet; Deus enim mortem non fecit, nec lætatur in perditione vivorum.

IV. Nec illud, fratres, scribere alienum ab ecclesiæ utilitate censuimus, ut sciretis quicunque sub ordinatione vel diaconatus, vel presbyterii, vel episcopatus, mortali crimine dixerint se esse pollutos, a supradictis ordinationibus submovendos reos scilicet vel veri confessione vel mendacio falsitatis. Neque enim absolvi potest is qui in se ipsum dixerit mortis causam, quia major homicida fit. Divina pietas vos in æternum custodiat, dilectissimi fratres.

*Item epistola ejusdem concilii.*

Dilectissimis fratribus, clero et plebi ecclesiæ Forojuliensis, Fegadius, Emerius, Florentius, Artemius, Emilianus, Britto, Justus, Eufodius, Rodamius, Evortius, Constantius, Paulus, Cretus, Concordius, Anterius, Neuterius, Nicecius, Urbanus, Felix, Simplicius et Vincentius, episcopi in Domino salutem. Quamvis tam ea Benedictus frater de sanctissimi accepti persona suggerit quæ prudenti et Christiano viro sunt condigna, quam quod studio omnium vestrum ad honorem sacerdotii poscatur edixerit, tamen quia in synodo jam sederat ordinationes ejusmodi submovendas quæ sine scandalo esse non possunt, non potuimus uni præstare quod cæteris negabatur. Et licet non ignoremus multos verecundia, et nonnullos honore suscipiendi sacerdotium, et ut trepidos, quæ utique signa sunt sanctitatis falsa in se rejiciendi honoris causa dixisse, tamen **D** quia omnium fere ad ea quæ sunt pejora proclive judicium est, et hinc materies disputationum in obtrectatores sacerdotum Dei quæritur, sedit in synodo, ut quisque de se vel vera, vel falsa dixisset, fides quam suimet testimonio confirmaret, haberetur, quapropter decretum est submovendos protinus esse ab eo gradu quem ab omni scandalo liberum esse decet, divina pietas vos in æternum protegat.

Explicit concilium Valentinum.

## INCIPIUNT CAPITULA CONCILII LAURINATIS.

1. Ut qui approbaverit suam civitatem metropolim fuisse, teneat primatum.

2. Ut episc. qui contra statuta faciunt, honore priventur.
3. De laicis qui clericis crimen intendunt.



4. De clericis qui per culpam ab episcopo suo A  
excommunicantur.
5. De his qui se ab hæreticis separare voluerint ut  
ab ecclesia catholica suscipiantur.
6. Ut alterius clericum non promoveat alter, nec  
abjectum recipiat.
7. De his qui contra interdictum sunt ordinati,  
vel in honore filios genuerunt.

## INCIPIT CONCILIUM TAURINATE.

Fratribus dilectissimis per Gallias et quinque  
provincias constitutis sancta synodus quæ convenit  
in urbe Taurinatum.

Cum ad postulationem provinciarum Galliæ sacer-  
dotes convenissemus ad Taurinatum civitatem, at-  
que in ejusdem urbis ecclesia auditore Domino vel  
mediatore sederemus, auditis allegationibus episco-  
porum, eorum videlicet qui ad iudicium fuerant, de  
singulis negotiis hæc sententiæ forma processit,  
quod a paucis statuta canonum servarentur, et plu-  
rimorum contentionibus adhiberetur utilis medi-  
cina.

CAP. I. Jam cum primus omnium vir sanctus  
Proculus Massiliensis episcopus civitatis se tanquam  
metropolitanum ecclesiis quæ in secunda provincia B  
Narbonensi positæ videbantur diceret præesse de-  
bere, atque per se ordinationes in memorata provin-  
cia summorum fieri sacerdotum, siquidem assereret  
easdem ecclesias vel suas fuisse, vel episcopos a se  
in eisdem ecclesiis ordinatos, et e diverso ejusdem  
regionis episcopi aliud defensarent, ac sibi alterius  
provinciæ sacerdotem præesse non debere contende-  
rent, id iudicatum a sancta synodo contemplatione  
pacis atque concordiæ, ut non tam civitati ejus quæ  
in altera provincia sita est, cuius magnitudinem  
penitus nesciremus, quam, nisi potissimum deferretur,  
ut filiis honore primatus existeret. Dignum  
enim visum est, ut quamvis unitate provinciæ  
minime teneretur, constringerentur tamen pietatis  
affectu. Hæc ipsi tantum in die vitæ ejus forma serva-  
bitur, ut in ecclesiis provinciæ secundæ Narbonæ  
quis suas parochias vel suos discipulos fuisse con-  
stiterit ordinatos primatus habeat dignitatem. Illud a  
partibus suis observandum quod licet ex superfluo  
non tamen inutiliter commonetur, ut ipse Proculus  
tanquam pius pater consacerdotes suos honoret  
ut filios, et memoratæ provinciæ sacerdotes tanquam  
boni filii eundem habeant ut parentem, et invicem  
sibi exhibeant charitatis affectum, impleto hoc quod  
ait beatus Apostolus: Honore mutuo prævenientes,  
non alta sapientes, sed humilibus consentientes.  
Illud deinde inter episcopos urbium Arelatensis et  
Viennensis qui de primatus apud nos honore certa-  
bant a sancta synodo definitum est, ut qui ex eis  
comprobaverit suam civitatem esse metropolim, is D  
totius provinciæ honorem primatus obtineat, et ipse  
canonum ordinationum habeat potestatem. Certe ad  
pacis vinculum conservandum hoc concilio utiliori  
decretum est ut, si placet, memoratarum urbium  
episcopis, unaquaque de his viciniores sibi inter  
provincias muniat civitates, atque eas ecclesias

visitet quas oppidis suis maximas magis esse con-  
sterit, ita ut memores unanimiæ atque concordiæ  
non alterum sibi longius usurpando quod est alii  
propius inquietet.

II. Placuit itaque perpeti disciplinam quam circa  
Octavum, Ursionem, Remigium et Triferium episco-  
pos sancta synodus decrevit, qui usurpatione qua-  
dam de ordinatione sacerdotum ad invidiam voca-  
bantur, quod eis hactenus idcirco videtur indultum,  
ut de cætero hac auctoritate commoniti nihil usur-  
pare conentur, siquidem ea ab hac causa excusatione  
defenderint, qua dicerent prius se non esse conven-  
tos. Proinde iudicavit synodus, ut si quis ex hoc  
fecerit contra statuta majorum, sciat is qui ordi-  
natus fuerit sacerdotii se honore privandum, ille  
vero qui ordinaverit auctoritatem se in ordinationi-  
bus vel in conciliis minime retinendam. Non solum  
autem circa memoratos episcopos hæc sententia  
prævalebit, sed circa omnes qui simili errore decepti  
ordinationes hujusmodi perpetrarunt.

III. De Palladio autem laico, qui Spano presby-  
tero non leve crimen intenderat, inter quos episcopus  
Triferius ejusdem criminis causas se cognovisse  
testatus est, id concilii decrevit auctoritas, ut idem  
Palladius in eadem sententia maneret, qua cogni-  
tionis tempore a Triferio fuerat sacerdote multatus,  
hoc ei humanitate reseryato concilii ut ipse Tri-  
ferius in potestate habeat, quando ei voluerit re-  
laxare.

IV. Statuit quoque de Exuperantio presbytero  
sancta synodus, qui in injuriam sancti episcopi sui  
Triferii gravia et multa consenserat, et frequentibus  
eum contumeliis provocaverat, ita ut nonnulla fecerit  
contra ecclesiasticam disciplinam, propter quam  
causam ab eo fuerat Dominica communione privatus.  
ut in ejus sit arbitrio restitutio ipsius in cuius po-  
testate ejus fuit abjectio, hoc est, ut quando vel  
idem Exuperantius satisfecerit, vel episcopo Triferio  
visum fuerit, tunc gratiam communionis accipiat.

V. Illud decrevit præterea sancta synodus, ut quo-  
niam legatos episcopi Galliarum qui Felici commu-  
nicant destinarunt, ut si quis ab ejus communione  
se voluerit sequestrare, in sanctæ pacis consor-  
tium suscipiatur juxta litteras venerabilis memoriæ  
Ambrosii episcopi vel Romanæ Ecclesiæ sacerdotis  
eundem latas, quæ in concilio legatis pœnitentibus  
recitatæ sunt.

VI. Nec illud prætermittendum fuit quod synodi  
sententia definitum est, ut ecclesiam alterius secun-  
dum statuta canonum nemo suscipiat, neque suæ

ecclesiæ in alio gradu audeat ordinare neque abjectum recipiat in communionem.

VII. Hi autem qui contra interdictum sunt ordinati, vel in ministerio genuerunt filios, ne ad

A majores gradus ordinum permittantur [f.] accedant, synodi decrevit auctoritas. Incolumes vos Dominus noster ævo longissimo conservare dignetur, domini fratres dilectissimi.

### INCIPIUNT CAPITULA CONCILII REGIENSIS.

1. Ut perversi ordinatores nullis denuo ordinationibus intersint.

2. Ut a duobus episcopis ordinatus aliquando episcopus possit non esse.

3. De hæreticis et schismaticis episcopis, si ad catholicam fidem venerint, quid observari debeat.

4. Ut episcopus et benedicat et confirmet neophytum.

5. Ut episcopus, cum sepelierit episcopum, curam habeat ecclesiæ ipsius.

6. Ut absque metropolitani litteris et consensu, nullus accedat ad destitutam ecclesiam episcopo.

### INCIPIT CONCILIUM REGIENSE.

Sub imperatoribus Theodosio juniore et Valentiniano, Theodosio septimo et Festo consulibus, cum in voluntate Domini apud Regiensem ecclesiam convenissemus, et transgressionis apud Ebredunensem ecclesiam habitæ remedium quæreretur, qua sanctis Ecclesiæ canonibus, ac reverendis Patrum constitutionibus omni parte neglectis, absque trium præsentia, absque provincialium litteris, absque metropolitani auctoritate irritam ordinationis speciem a duobus temere convenientibus **92** præsumptam esse clarebat, non minus doloris de præsumpto lapsu quam de ecclesiæ ipsius convulsione in pectoribus omnium diutina collatione versatum est. Primum itaque quia non ulciscendi, sed remediandi studium nutu Domini universorum pectoribus prorsus sacerdotali consilio insederat, in sermonibus singulis pro pietate perspecta patuit, quod sicut reproba quæ præsumpta essent in irritum devocanda, ita eos qui reproba præsumpsissent, quamvis confundere censura cogeret charitati liceret absolvere, præsertim cum hi qui in tam perversa incidissent a primo lapsu ipsius diei adhibitis passim precibus culpam sibi pœnitentes, aut ignorantie proscriptioni imputassent, quia et si inveniale crederetur sacerdotem sacerdotalia statuta nescisse, levius tamen erat quam si ore impudenti fateretur se nota calcasse.

CAP. I. Item eos qui tam incondita actam instabilia usurpaverant, placuit misericordiæ et charitatis occursu ita in communionem dilectionemque recipi, ut scirent secundum recentem et saluberrimam Taurinatis synodi definitionem ad perpetuam vitæ istius suffusionem nullis se de cætero ordinationibus, nullis ordinariis futuros interesse consiliis, quia nihil salubre ab illis statuendum expectaretur, qui tante occupationis tam detestanda exempla præbuerant Ebredunensi ecclesiæ. Ante omnia mature visum, consulendum, quia quatuor de biennii mensibus sacerdote legitimo destituta hoc gravius agrotaverat,

B quod clericus innocens disciplinæ (ut probatum est) memor quorundam insolentia, ac varia perturbatione vexatus, etiam in sacerdotibus ac ministris minas, ac jurgia et vim acerbissimam perniciose nuper cæde pertulerat, nec poterat differri. Bonorum ac disciplinæ memor ne vel expectatione videatur contumacium et inquietorum vota palpare, quorum conspirationes quæ in præteritum (quantum deprehendi potest) animadversione ecclesiastica puniendæ, et in futurum mancipandæ erant. Itaque ordinationem quam canones irritam definiunt, nos quoque vacuandam esse censuimus, in qua prætermissa trium præsentia, nec expetitis comprovincialium litteris, metropolitani quoque voluntate neglecta, prorsus nihil quod episcopum faceret, ostensum est.

C II. Itaque in voluntate placuit Domini, remoto hoc qui perperam assumptus erat episcopus, fieri omnino fratrum constitutionem ecclesiastica traditione servata; verum quia hæc sancta synodus non disciplinam tantum, sed et misericordiam gessit, cumque occurreret, quod se armentarius diebus proximis eidem ecclesiæ multa assentatorum insolentia retulisset, occurrebant tamen quod ante admonitionem discessisset quod a nonnullis sacerdotibus in hoc ipsum confirmatus, se etiam private domui reddidisset, quod epistolas ad clerum ipsum emiserat, quibus episcopatum quem se indeptum agnoscebat appetere renuntiaverat, erat in nomen suum potens, et hoc ipsum quod stabiliter et impræsumptum erat, jam tunc inordinatum et irritum futurum, protestatum esse confirmans in illam potius partem declinata sententia est, ut juveni edocto in timore Domini plus suffragaretur, quod in acto vitiosissimo interdum sana sensisset, quam quod juvenilibus titillationibus aliqua in parte cessisset. Itaque prætermisiss his quæ in ingressu ipsius eum absque ullius excusationis effugio culpæ associatum asseverant, velut innocentem eundem præterire sacerdotes



Domini qui huic concilio aderant damnatione vacuum maluerunt.

III. Quod ergo in quibusdam schismaticis recipiendis Nicænum concilium potuit a singulis per territoria sua, hoc etiam præsens conventus statuit ab omnibus servari debere, id est, ut cuicumque de fratribus tale aliquid charitatis concilia dictaverint, liceat unam parochiarum suarum ecclesiam cedere in qua aut chorepiscopi nomine, ut idem canon loquitur, aut peregrina, ut aiunt, communione foveantur. Primum itaque statuitur, ut hoc in qualibet provincia præterquam in Alpina maritima liceat, quam si in aliqua parte accesserit, ut malorum incitator et quietis impatiens damnationi quam in se provocaverat subiacebit. Sed si quis eidem quidquam ex his quæ statuta sunt transgredienti communicaverit, a communione omnium fiat alienus, deinde nec quolibet in loco, præterquam in publico gerentur, ne quisquam ei laicus decernatur, quem curiæ et civitatis species aut ordo nobilitat. Additur ne unquam in civitatibus vel episcoporum absentia offerre præsumat, nec ordinare vel ultimum clericum nec in eadem ecclesia, quæ illi cujuscunque minima fuerit attributa, nec ulli episcoporum vel succedente ætate assumpto aliquo in rudimentis suis huic quasi pro ætatis reverentia cedere liceat, nec usquam ipsi quidquam de episcopalibus officiis usurpare, præterquam in ecclesia quam cujusquam misericordia fuerit indeptus, in qua ei solum neophytos confirmare, et ante presbyteros offerre conceditur. Quod si unquam taliter aliquis charitate alterius provocatus habitationis commutationem variaverit, non aliter in alia ecclesia requiem accipiat, quam in priori habuit cui renuntiaverat, nec omnino unquam duarum ecclesiarum gubernationem obtineat, cui etiam in ea quæ ipsi ceditur ministros a civitatis episcopo necesse est ordinari, sane quia ministrorum mentio facta est, et nonnulli ab ipso inventi sunt excommunicati temere in clero profecti, statutum est eos qui ita assumpti sunt deponendos. Quibus autem nulla macula conversationis præjudicaverit, prout Ebredunensi sacerdoti constituendo visum est, aut in ecclesiæ suæ ministerio tenendos, aut ad ipsum quocunque habitasset transferendos, plebisque acciperent licentiam ex constitutionis hujus permissu benedicere, ut supra definitum est, et in una eademque ecclesia neophytos confirmare. In castellis ac vicis totum illis ante presbyteros sicubi venerint liceat quod in civitatibus omnino præscribitur.

IV. Ut presbyteri privatim fidelibus desiderantibus benedicant, et interminatas has discussiones visum in definitas omnino presbytero per familias, per agros, per privatas domos pro desiderio fidelium facultatem benedictionis aperire, quod non-

nullas jam provincias habere occurrit, huic autem etiam in ecclesiarum plebibus per loca tamen magis quam per urbes hoc visum est esse tribuendum. In ecclesia quoque qua ordinatus fuerit, consecranda virginem, sicut confirmandi neophytum, jus habebit, et per omnia ut sit multæ indulgentiæ testimonium semper se inferiorem episcopo, superiorem presbytero agat, mandatis votisque omnium sanctorum prosequentibus vivat in timore Domini, et episcopum suum colat, Deo serviat, synodi circa se benevolentiae gratias agat, semperque indignum se indultis negatis, et imparem esse fateatur.

V. In commune autem omnes qui convenerant sacerdotes sibimetipsis contra hujusmodi scandala præcavendum censuerunt. Itaque propter ejusmodi temeritatem stabili definitione consultum est, ut de cætero observaretur, ne quis ad eam ecclesiam quæ episcopum perdidisset, nisi vicinæ ecclesiæ episcopus exsequiarum tempore accederet, qui tamen statim ecclesiæ ipsius curam districtissime gereret, ne quid ante ordinationem discordantium in novitatibus clericorum subversioni liceret. Itaque cum tale aliquid accidit, vicinis vicinarum ecclesiarum inspectio, descriptio, recensioque rerum mandatur.

VI. Hæc autem omnia exsequiarum tempore usque ad septimam defuncti agat diem, exinde ecclesiæ referens mandatum metropolitani simul cum omnibus sanctis episcopis sepeliatur, ne quisquam ad ecclesiam quæ summum amiserat sacerdotem nisi metropolitani litteris invitatus (ne a plebe decipiatur) accedat, et vim pati voluisse videatur. Ego Hilarius episcopus juxta id quod universis sanctis episcopis meis, qui mecum subscripserunt, placuit statuta Patrum his definitionibus subscripsi sub die xvi Kalendas Decembris, Theodosio Augusto VII, Festo IV consulibus. Ego Severianus episcopus huic definitioni interfui, et subscripsi die consulibus superscriptis. Ego Audentius episcopus statutis interfui, die consulibus superscriptis. Ego Julius episcopus statutis interfui, et subscripsi die consulibus superscriptis. Ego Achadius episcopus his definitionibus interfui, et subscripsi die consulibus superscriptis. Ego Auspicius episcopus his definitionibus interfui, et subscripsi consulibus die superscriptis. Ego Severinus episcopus definitionibus his interfui, et subscripsi. Ego Valerius episcopus his definitionibus interfui, et subscripsi. Ego Neuterius episcopus his definitionibus interfui, et subscripsi. Ego Asclepius episcopus his definitionibus interfui, et subscripsi. Ego Theodorus episcopus his definitionibus interfui et subscripsi. Ego Vincentius presbyter episcopi Constantiniani ab eodem ordinatus interfui vice ipsius et subscripsi.

#### INCIPIUNT CAPITULA AURACENSIS CONCILII.

1. Ut nullus minister sine chrismate proficeatur.
2. De hæreticis si in mortis discrimine convertantur.

3. De poenitentibus qui de corpore exeunt.
4. De clericis poenitentiam volentibus.

5. De his qui ad ecclesiam confugiunt, ne tra-
- antur.
6. Nullus pro suis mancipiis qui ad ecclesiam
- confugiant clericorum mancipia occupet.
- 7 De libertis qui in ecclesia commendati sunt ne
- opprimantur.
8. De his qui clericum alienum ordinare præsu-
- mununt.
9. De his qui cives alienos ordinaverint.
10. De episcopis qui in possessione, et in aliena
- diœcesi basilicam construxerunt.
11. De episcopis qui excommunicatum alterius
- suscipiunt.
12. De his qui subito obmutescunt, quod et ba-
- p-tismum et poenitentiam accipere possunt.
13. De his qui mente desipiunt.
14. De energumenis baptizatis.
15. Ut energumenis et catechumenis de baptismo
- consulatur.
16. Ut energumeni ad clerum non promoveantur.

17. Ut in unum propositio sacramenti consecratur.
18. Ut Evangelia catechumeni non audiant.
19. Ut catechumeni ad baptisteria non accedant.
20. Ut catechumeni cum fidelibus benedictionem
- non accipiant.
21. Ut duo episcopi episcopum non faciant.
22. Ut clerici conjugati, nisi continentiam profi-
- teantur, diaconi non fiant.
23. De his qui post acceptum diaconatum incon-
- continentes inveniuntur.
24. De his qui priusquam ordinarentur, incont-
- inentes inventi sunt.
25. De viris probatis si conjugia duplicaverint.
26. De diaconissis non ordinandis.
27. De feminis quæ viduitatem professæ sunt co-
- ram episcopo.
28. De his qui professi sunt castitatem, si præva-
- ricati fuerint.
29. Ut nullus episcopus de concilio sine consensu
- discedat, aut ad concilium ire recuset.

## II CIPIT CONCILIUM AURAIENSE.

*Tempore Theodosii junioris et Cyri consulum vi Idus novemb. in ecclesia Justinianensi.*

CAP. I. Nullus ministrorum qui baptizandi recipit officium sine chrismate usquam debet progredi, quia inter nos placuit semel in baptismate chrismari, de eo autem qui baptismate quacunque necessitate faciente non chrismatus fuerit, in confirmatione sacerdos commonebitur. Nam inter nos chrismatis ipsius non nisi una benedictio est, ut non præjudicans quidquam dico, sed ut necessaria habeatur rechrismatio.

II. Hæreticos in mortis discrimine positos, si catholici esse desiderent, si desit episcopus, presbyteris cum chrismate et benedictione consignare placet.

III. Qui recedunt de corpore poenitentia accepta, placuit sine reconciliatoria manus impositione eis communicare, quod morientis sufficit consolationi secundum definitiones Patrum, qui hujusmodi communionem congruenter viaticum nominaverunt; quod si supervixerint, stent in ordine poenitentium, ut ostensis necessariis poenitentiae fructibus legitimam communionem cum reconciliatoria manus impositione recipiant.

IV. Poenitentiam desiderantibus clericis non negandam.

V. Eos qui ad ecclesiam fugerint tradi non oportere, sed loci sancti reverentia et intercessionem defendi.

VI. Si quis autem mancipia clericorum pro suis mancipiis ad ecclesiam confugientibus crediderit occupanda, per omnes ecclesias districtissima damnatione feriatur.

VII. In ecclesia manumissos et per testamentum Ecclesiae commendatos, si quis in servitutem, vel

obsequium, vel ad coloniarum conditionem impingere tentaverit, animadversione ecclesiastica coercetur.

VIII. Si quis alibi consistentem clericum ordinandum putaverit, prius definiat ut cum ipso habitet, nec eum sine consultatione ejus episcopi cum quo ante habitavit ordinare præsumat, quia non sine causa diu ab alio non ordinatus remansit.

IX. Si qui autem alienos cives aut alibi consistentes ordinaverint, ne ordinati in ullo accusentur, aut ad se eos revocent, aut ipsi eis imperent cum quibus habitent.

X. Si quis episcoporum in alienæ civitatis territorio ecclesiam ædificare disponit, vel pro fundi sui negotio, aut ecclesiastica utilitate vel pro quacunque sua opportunitate permissa licentia ædificandi (quia prohibere hoc nefas est), non præsumat dedicationem, quæ illi omnimode reservatur in cujus territorio ecclesia assurgit, reservata vero ædificatori episcopo hac gratia, ut quos desiderat clericos in re sua videre, ipsos ordinet, his civitatis in cujus territorium est, vel si ordinati jam sunt ipsi habere acquiescat. Et omnis ecclesiæ ipsius gubernatio ad eum (in cujus civitatis territorio ecclesia surrexerit) pertinebit; quod si etiam sæcularium quicumque ædificaverit ecclesiam et alium magis quam eum in cujus territorio ædificat invitandum putaverit, tam ipse cui contra constitutionem ac disciplinam gratificari vult, quam omnes episcopi qui ad hujusmodi dedicationem invitantur a conventu abstinerebunt; si quis excesserit, in reatum devocabitur, si quis excesserit, ordinem recognoscat canonicum.

XI. Placuit in reatum venire episcopum, qui ad-



monitus excommunicatione cujusque sine reconcilia-  
tione ejus qui eum excommunicavit ei communicare  
præsumperit, ut integra omnia (si reconciliatio in-  
tercesserit) de injustitia vel iniquitate excommuni-  
cationis proximæ synodo reserventur.

XII. Subito obmutescens prout statutum est ba-  
ptizari, aut pœnitentiam accipere potest, si volun-  
tatis præteritæ testimonium aliorum verbis habet,  
aut præsentis in suo nutu.

XIII. Amentibus quæcunque sunt pietatis confe-  
renda.

XIV. Energumenis baptizatis si de purgatione sua  
curent, et se sollicitudini clericorum tradant, moni-  
tisquæ obtemperent, omnimode communicent sa-  
cramenti ipsius virtute vel muniendi ab incursu dæ-  
monum quo infestantur, vel purgandi, quorum jam  
ostenditur vita purgatur.

XV. In quantum vel necessitas exegerit, vel op-  
portunitas præmiserit, de baptismo consulendum.

XVI. Energumeni non solum non assumendi sunt  
ad ullum ordinem clericatus, sed et illi qui ordi-  
nati sunt ab imposito officio sunt repellendi.

XVII. Admitionem Eucharistiæ simul consecran-  
dam censuimus.

XVIII. Placuit catechumenis non legi Evangelium  
in Ecclesia.

XIX. Catechumeni nonnunquam admittendi sunt,  
etiam inter domesticas orationes.

XX. Segregandi informandique sunt catechumeni,  
ut si revocent et signandos vel benedicendos semo-  
tim offerant eos fideles.

XXI. Duo si præsumperint ordinare episcopum in  
vestris provinciis, placuit de præsumptoribus, ut si-  
ubi contigerit duos episcopos invitum episcopum  
facere auctoribus damnatis, unius Ecclesiæ eorum  
ipse qui passus est, substituatur, si tamen vita re-  
spondet, et alter in alterius dejecti loco nihilomi-  
nus ordinatur; si voluntarium duo fecerint, et ipse  
damnabitur, quo cautius ea quæ sunt antiquitus in-  
stituta servantur.

XXII. Sedit præterea ut deinceps non ordinentur  
diacones conjugati, nisi qui prius conversionis pro-  
posito confessi fuerint castitatem.

XXIII. Si quis autem post acceptam benedictio-  
nem leviticam cum uxore sua incontinens invenit-  
ur, ab officio abjiciatur.

XXIV. De his autem qui priusquam ordinati fue-  
rint in hoc ipsum inciderint, Taurinatis synodi se-  
quendam esse sententiam qua jubentur non ulterius  
promoveri.

XXV. De idoneis autem probatisque viris, et cle-  
ricatui alligatis ipsa vitæ gratia ita gerit, si forte  
inciderint in duplicata matrimonia, ut non ultra  
subdiaconatum vel ecclesiasticas capiant dignitates.

XXVI. Diaconissæ omnimode non ordinandæ, si

A quæ jam sunt, benedictioni quæ populo impenditur  
capita submittant.

XXVII. Ut viduitatis servandæ professione coram  
episcopo in secretario habita impositam a presby-  
tero vestem vidualem non esse violandam. Ejus vero  
repudiatorem, vel ipsam talis professionis desertri-  
cem merito esse damnandam.

XXVIII. Hi vero qui sunt desertores professæ  
castitatis prævaricatores habendi, et omnibus per  
pœnitentiam legitimam consulendum.

XXIX. Hæc quæ subscripsimus cum eorum quo-  
que concordia qui consensus dederunt rata deinceps  
inter nos ac nostros haberi volumus, et habenda  
sanctimus, non prætereuntes eos qui synodo aut  
per se, aut per consensus suos, vel ad vicem sub-  
legatos destinando adesse detractant, ut quid  
sibi de illis placeat qui Patrum statuta despiciunt,  
innotescat, non quod nobis temporum qualitate  
difficile sit ad sanctam synodum convenire, ad-  
jicientes quod si similibus deinceps paganis pro  
salubritate ecclesiastica ac remediis congregare  
conventus voluerimus, constituamus, ut nullus  
conventus sine alterius conventus denuntiatione  
solvatur. Itaque sequenti anno si Domino Deo no-  
stro Jesu Christo permittente conceditur, die de-  
cimoquinto Kalendas Novembris in Aurasico ter-  
ritorio conventum habeamus, qui ideo tanto prius  
ante denuntiatur, ut tam excusationis libertas  
quam invitationis necessitas non sit. De die enim  
ac loco per ipsos nos commonebimur, singuli

C nobis cum exemplaribus et ea quæ per nos sunt  
constituta referentes aliquos qui defuerunt, bea-  
tissimi fratres nostri, Hilarii sollicitudini relin-  
quamus, datis ad ipsos exemplaribus commone-  
dos. Si post omnia occurrerit imbecillitas fragilita-  
tis humanæ, ut si quis episcopus per infirmitatem  
debilitatemve aliquam aut hebetudinem sensus inci-  
derit, aut officium oris amiserit, ea quæ non nisi per  
episcopos geruntur, non sub præsentia sua presby-  
teros agere permittat, sed episcopum in hoc quod  
in ecclesia agendum fuerit, imponat. Ego Hilarius  
episcopus subscripsi. Ego Claudius episcopus sub-  
scripsi. Ego Constantinus episcopus subscripsi. Ego  
Audentius episcopus subscripsi. Ego Egrestius epi-  
scopus subscripsi. Ego Julianus episcopus subscri-  
psi. Ego AuspitiuŦ episcopus subscripsi. Ego Maxi-  
mus episcopus subscripsi. Ego Theuderius episco-  
pus subscripsi. Ego Eucherius episcopus subscri-  
psi. Sanctorum sacerdotum comprovincialium meo-  
rum qui superius sunt memorati expectantes  
assensum Nectarius subscripsi. Justus episcopus  
subscripsi. Augustalis episcopus subscripsi. Inge-  
nius episcopus subscripsi. Salonius episcopus sub-  
scripsi. Ego superventor pro patre meo episcopo  
Claudio subscripsi et recognovi.

#### INCIPIUNT CAPITULA CONCILII VALENSIS.

1. Ut Gallicani episcopi in Galliis non discutian-  
tur

2. De pœnitentibus subito mortuis ut oblationes  
eorum recipiantur.

3. Ut alterius episcopi chrisma nullus accipiat, A sed tantummodo proprii.

4. Ut qui oblationes defunctorum retinent, excommunicentur.

5. Ut qui sententiæ episcopi sui non acquiescit recurrat ad synodum.

6. Ut excommunicatus humiliet semetipsum ut festinus reconcilietur.

7. Ut accusatores de levibus causis non audiantur, 94 de criminibus vero discutiuntur.

8. Ut episcopus alienum clericum redarguat peccantem.

9. Ut qui expositum invenerit, ecclesiam contestetur.

10. Ut qui præter constitutum exposcit, ut homicida habeatur.

## INCIPIT CONCILIUM VALENSE.

*Æra CDLXXX.*

Constitutiones synodi tractatu habitæ in civitate Valensi apud episcopum Urbicum Ecclesiæ catholicæ, temporibus Theodosii junioris et Dioscori consulis sub die Iduum Novemb.

CAP. I. Placuit episcopos de Gallicanis provinciis venientes intra Gallias non discutiendos, sed solum sufficere si nullus communionem eis interdixerit, quia inter circumhabitantes ac sibi pene invicem notos non tam testimonio indigent probi, quam denotatione et denuntiationibus depravati.

II. Horum qui poenitentia accepta in bono vitæ cursu satisfactoria compunctione viventes, sine communionem inopinato nonnunquam transitu in agris aut in itineribus præveniuntur oblationem recipiendam, et eorum funera ac deinceps memoriam ecclesiastico affectu prosequendam, quia nefas est eorum commemorationes excludi a salutaribus sacris, qui ad eadem sacra fidei affectu contententes, dum se diutius reos statuunt indignos salutaris mysteriis iudicant, ac purgatiores restitui desiderant: ab his pro quibus sacramentorum viatico intercipiuntur, quibus fortasse nec absolutissimam reconciliationem sacerdos denegandam putasset.

III. Per singula territoria presbyteri vel ministri ab episcopis, non prout libitum fuerit a vicinioribus, sed a suis propriis per annos singulos petant chrisma appropinquante solemnitate paschali, nec per quemcumque ecclesiasticum, sed si qua necessitas aut ministrorum occupatio est per subdiaconum, quia inhonorem est inferioribus summa committi. Optimum est autem ut ipse suscipiat qui tradendo usurus est, si quid autem obstat saltem is cuius officium est sacrarium disponere et sacramenta suscipere.

IV. Qui oblationes defunctorum retinent et ecclesiis tradere demorantur, ut infideles sunt ab ecclesia abijciendi, quia usque ad inanitionem fidei pervenire certum est hanc divinæ pietatis exacerbationem, quia et fideles de corpore recedentes votorum plenitudine, et pauperes consolatu alimonix, et necessaria sustentatione fraudantur; hi enim tales quasi egentium necatores, nec credentes iudicium Dei habendi sunt; unde et quidam Patrum hoc scriptis suis inseruerunt congruente sententia quæ ait: amico quidpiam rapere furtum est, et ecclesiam fraudare sacrilegium.

B V. Si quis episcopi sententiæ non acquiescit, recurrat ad synodum.

VI. Ex epistola sancti Clementis utilia quæ præsentī tempore ecclesiis necessaria sunt honorifice proferenda, et cum reverentia ab omnibus fidelibus ac præcipue clericis recipienda, ex quibus quod specialiter placuit propter venerandam antiquitatem statutis præsentibus roboramus, quod supradictus beatus martyr de beatissimi Petri constitutione commemorat dicens: Quedam autem etiam ex vobis ipsis intelligere debetis, si qua sunt quæ ipse propter insidias hominum malorum non potest evidentius et manifestius proloqui, verbi gratia, inimicus est alicui pro actibus suis, vos nolite expectare, ut ipse vobis dicat, cum illo nolite amici esse, sed prudenter observare debetis et voluntati ejus videlicet qui ecclesiæ curam gerit absque commotione obseculare, et averti ab eo cui ipsum sentitis adversum, sed nec loqui his quibus non loquitur, ut unusquisque qui in culpa est dum cupit omnium vestrum sibi gratiam reparare citius festinet reconciliari ei qui omnibus præest, ut per hoc redeat ad salutem cum obedire cœperit monitis præsentis, et cætera quæ in consequentibus denotant amicos eorum qui veritati inimici sunt. Sciat itaque deinceps clerus ad reatum, sed et populus fidelium ad culpam sibi ascribendum, si quis in hoc vitium malorum computantur, et disciplinæ subversor cognoscitur.

D VII. Placuit præterea accusandi licentiam in vestris ordinibus, si qua existat, levitate comprimere, quod si episcopus aliquem iudicat abstinendum pro humiliatione et correctione fratris, et assurgitur exorari, a cæteris acquiescat fratri de quo agitur. correptione et comminatione adhibita. Sin autem de crimine aliquem putet esse damnandum, accusatoris vice discutiendum, si sciat; fas est enim ut quæ uni probantur, probentur ab omnibus.

VIII. Quod si tantus episcopus alieni clerici se conscium novit, quandiu probare non potest nihil proferat, sed cum episcopo ad compunctionem ejus secretis correptionibus elaboret; quod si correptus pertinacior fuerit, et se communioni publice ingesserit, etiamsi episcopus in redarguendo illo quem reum iudicat probatione deficiat, indamnatus licet ab



his qui nihil sciunt secedere ad tempus pro persona A majoris auctoritatis jubeatur, illo quandiu probari nihil potest in communione omnium præterquam ejus qui eum reum judicat permanente.

IX. De expositis quia collata ab omnibus querela processit eos non misericordiæ jam sed canibus exponi, quos colligere calumniarum metu quamvis infelix a præceptis misericordiæ mens humana detractet reservandum est, et secundum statuta fidelissimorum, piissimorum, angustorumque principum quisquis expositum colligit ecclesiam contestetur

contestationem colligat, nihilominus de altario Dominico die minister annuntiet ab ecclesiastico expositum esse collectum, ut intra dies decem ab expositionis die expositum recipiat, si quis probaverit se agnovisse collectori pro ipsorum decem dierum misericordia prout valuerit ad præsens retribuatur, aut in perpetuum cum Dei gratia, si voluerit, possideat.

X. Si quis expositorum hoc ordine collectorum repetitor vel calumniator exstiterit, ut homicida habendus est.

### INCIPIUNT CAPITULA AGATHENSIS CONCILII.

1. De bigamis clericis ut non ministrent.
2. De contumacibus clericis, et ad officium tardis.
3. De episcopis qui vel innocentes, vel pro minimis causis aliquos excommunicant.
4. De his qui suas vel propinquorum oblationes ecclesiæ defraudant.
5. Si clericus furtum ecclesiæ fecerit.
6. Si episcopo a quibusbilibet quidquam fuerit derelictum.
7. De rebus ecclesiæ quomodo ab episcopis habeantur, et de servis ecclesiæ qualiter ab episcopo manumittantur.
8. De clericis qui ad sæculares confugiunt.
9. De presbyteris et diaconibus qui ad conjugalem coitum revertuntur.
10. Ut nullus clericorum cum extraneis feminis habitet
11. Ut nullus clericus in cellario, vel in secreto feminam intromittat.
12. Ut omni quadragesimæ Sabbato jejunetur.
13. Ut symbolum ante octo dies Paschæ competentibus prædicetur.
14. Ut altare et benedicatur et ungatur.
15. Qualiter majores, qualiter minores pœnitentiam accipiant.
16. Qua ætate diacones ordinentur.
17. Qua ætate episcopi vel presbyteri consecrentur.
18. De laicis quibus temporibus communicare debeant.
19. De sanctimonialibus qua ætate velentur.
20. De clericis qui comam nutriunt.
21. Ut solemnitates majores in civitatibus celebrentur.
22. Ut non liceat presbyterum, aut clericum rem ecclesiæ vendere, aut donare.
23. Ut clericus minor seniori non præponatur.
24. De expositis inventis.
25. De sæcularibus qui suas uxores derelinquunt.
26. Ut si voluntarie clericus damnum ecclesiæ fecerit et satisfaciat et excommunicetur.

- B 27. Ut monasterium inconsulto episcopo nullus constituat de monachis
28. Ut monasterium puellarum proci a monachis constituatur.
29. De libertis ut in necessitate ab ecclesia tueantur.
30. Ut post antiphonas orationes dicantur.
31. De his qui propter odium ad pacem non revertuntur.
32. Ut clericus inconsulto episcopo ad judicem sæcularem non pergat.
33. Si episcopus hæredes non habens ecclesiam sui præfuit hæredem non fecerit.
34. De Judæis qui converti cupiunt, qualiter suscipiantur.
- C 35. Si episcopus a Metropolitano admonitus pro synodo, vel ordinatione episcopali venire distulerit.
36. Ut stipendia clericorum juxta meritum distribuantur.
37. De homicidis et falsis testibus.
38. Ut sine episcopi sui epistola non liceat clericum vel monachum proficisci, et de monachis vel abbatibus.
39. Ut clerici nuptialia vitent convivia.
40. Ne Christiani Judeorum utantur conviviis.
41. Ut a clericis vitetur ebrietas.
42. De sortilegis vel auguratoribus ut ab ecclesia separentur.
43. Ne de pœnitentibus clericus ordinetur, et ut presbyter altare non erigat.
- D 44. Ne presbyter benedictionem populo, vel pœnitenti in ecclesia dare præsumat.
45. Ut episcopus exiguum aliquid sine clericorum conniventia (si necesse fuerit) distrahat.
46. Ut servos ecclesiæ fugitivos liceat vendere episcopo.
47. Ut ante missam expletam egregi populus non præsumat.
48. De rebus ecclesiæ propriis vel acquisitis.
49. De non alienandis ab aliquo rebus ecclesiæ, et de libertis.
50. De clericis capitale crimen incurrentibus.
51. De testamento episcopi.

**95** 52. De clericis qui sine epistolis sui pontificis proficiscuntur.

53. De presbyteris parochianis res ecclesiæ distrahentibus.

54. De eisdem ut quidquid emerint in nomine comparent ecclesiæ.

55. Ut sacerdotes et levitæ canibus ad venandum et accipitribus non utantur.

56. De venditionibus quas abbates facere præsumunt.

57. Ne unus abbas duobus cœnobiis præponatur.

58. Ne monasterium sine notitia episcopi constitutur.

59. De rebus ecclesiæ usui collatis ut præscriptionis tempore non defendantur.

60. De lapsis qui de catholica fide in hæresim transeunt.

61. De incestis conjugis.

62. De his qui servos suos extra judicem necant.

63. De laicis qui in solemnitatibus majoribus ad civitatem non occurrunt.

64. De clericis qui ab ecclesiæ officio diebus solemnibus desunt.

65. De levitis ut non sine jussu presbyteri se deant.

66. De ministris ne secretarium ingrediantur.

67. De catholicis ne hæreticorum connubiis copulentur.

68. De levitis et clericis ne magi vel incantatores sint.

69. De seditionariis clericis.

70. De scurris et jocularibus clericis.

71. De synodo annis singulis congreganda.

## INCIPIT CONCILIUM AGATHENSE.

*Tertio Idus Septembris, Massale consule.*

Cum in Dei nomine in civitate Agathensi convenissemus, et in sancti Andreæ basilica consedissemus, de disciplina et ordinationibus clericorum atque pontificum, vel de ecclesiarum utilitatibus tractaturi, in primis id placuit, ut canones et statuta Patrum per ordinem legerentur.

**CAP. I.** Placuit de digamis aut nuptiarum maritis (quanquam aliud Patrum statuta decreverint) ut qui huc usque ordinati sunt, habita miseratione presbyteri vel diaconi nomen tantum obtineant, officium vero consecrandi presbyteri et ministrandi hujusmodi diaconem non præsumant.

**II.** Contumaces vero clerici, prout dignitatis ordo permiserit, ab episcopis corrigantur, et si qui prioris gradus elati superbia communionem fortasse contempserint, aut ecclesiam frequentare, vel officium suum implere neglexerint, peregrina eis communicatio tribuatur, ita ut cum eos poenitentia correxerit, rescripti matricula gradum suum dignitatemque recipiant.

**III.** Episcopi vero si sacerdotali moderatione postposita, innocentes, aut minimis causis culpabiles excommunicare præsumperint, aut ad gratiam festinantes recipere fortasse noluerint, a vicinis episcopis cujuslibet provinciae litteris moneantur, et si parcere noluerint, communicatio illis ad tempus synodi a reliquis episcopis denegetur, ne fortasse propter excommunicatoris peccatum excommunicati longo tempore morte præveniantur.

**IV.** Clerici etiam vel sæculares qui oblationes parentum aut donatas, aut testamento relictas retinere persisterint, aut id quod ipsi donaverunt ecclesiis vel monasteriis crediderint auferendum, sicut synodus sancta constituit, velut necatores pauperum quousque reddant, ab ecclesia excludantur.

**V.** Si quis clericus furtum ecclesiæ fecerit, peregrina ei communicatio tribuatur.

**VI.** Pontifices vero quibus in summo sacerdotio constitutis ab extraneis duntaxat aliquid, aut cum ecclesia, aut sequestratim, aut dimittitur, aut donatur, quia hoc ille qui donat pro redemptione animæ suæ, non pro commodo sacerdotis offerre probatur, non quasi suum proprium, sed quasi dimissum ecclesiæ inter facultates ecclesiæ computabitur, quia justum est, ut sicut sacerdos habet quod ecclesiæ dimissum est, ita et ecclesia habeat quod relinquitur sacerdoti. Sane quidquid per fidei commissum aut sacerdoti, aut ecclesiæ fortasse dimittitur cuicumque alii postmodum profuturum, id inter facultates suas ecclesia computare, aut retinere non poterit.

**VII.** Casellas vero vel mancipiola ecclesiæ episcopi, sicut prisca canonum præcepit auctoritas, vel vasa ministerii, quasi commendata fidei proposito in integro ecclesiæ jure possideat, id est ut neque vendere, neque per quoscunque contractus res unde pauperes vivunt alienare præsumant; quod si necessitas compulerit, ut pro ecclesiæ necessitate, aut utilitate, vel usufructus vel indirecta venditione aliquid distrahat, apud duos vel tres comprovinciales vel vicinos episcopos causa qua necesse sit vendi primitus comprobetur, ut habita discussione sacerdotali, eorum subscriptione quæ facta fuerit venditio roboretur, aliter facta venditio vel transactio non valebit. Sane si quos de servis ecclesiæ bene meritos sibi episcopus libertati donaverit, collatam a successoribus libertatem placuit custodiri, cum hoc quod eis manumissor in libertate contulerit, quod tamen jubemus viginti solidorum numerum in terrula vineola, vel hospitio tenere,



quod amplius datum fuerit post manumissoris mortem ecclesiæ revocetur. Minus utiles peregrinis vel clericis salvo jure ecclesiæ in usum præstare permittimus.

VIII. Id etiam placuit, ut si clericus relicto officio suo propter distractionem ad sæcularem fortasse confugerit, et is ad quem recurrit solatium ei defensionis impenderit, cum eodem de ecclesiæ communione pellatur.

IX. Placuit etiam, ut si presbyteri vel diaconi conjugati ad torum uxorum suarum redire voluerint, papæ Innocentii ordinatio, vel Siricii episcopi auctoritas conservetur; quod si ad aliquos formula illa ecclesiasticæ vitæ, pariter et disciplinæ quæ a Siricio episcopo ad provincias commeavit, non probabitur pervenisse, eissigno rationis venia remittitur, ita ut de cætero penitus incipiant abstinere, et ita gradus suos in quibus inventi fuerint sic retineant, ut ad potiora eis non liceat ascendere, quibus in beneficio esse debet, quod locum ipsum quem retinent non amittunt; si qui autem scisse formam vivendi missam a sancto Siricio episcopo deteguntur, neque statim cupiditates libidinis abjecisse, illi sunt modis omnibus submovendi, eo quod post admonitionem cognitam præponendam arbitrati sunt voluptatem.

X. Id etiam ad custodiendam vitam et famam speciali ordinatione præcipimus, ut nullus clerico-rum extraneæ mulieri qualibet collatione, aut familiaritate jungatur, et non solum in domo illius extranea mulier non accedat, sed nec ipse frequentandi extraneam mulierem habeat potestatem; sed cum matre tantum, sorore, filia vel nepte, si habuerit, aut voluerit vivendi liberam habet potestatem, de quibus nominibus nefas est aliud quam natura constituit suspicari.

XI. Ancillas vel libertas a cellario vel secreto ministerio, et ab eadem mansione in qua clericus manet, placuit removeri.

XII. Placuit etiam, ut omnes ecclesiæ, exceptis diebus Dominicis in quadragesima, etiam die Sabbato, sacerdotali oratione, et discretionis comminatione jejunent.

XIII. Symbolum etiam placuit ab omnibus ecclesiis una die, id est ante octo dies Dominicæ resurrectionis, publice in ecclesia competentibus prædicare.

XIV. Altaria placuit non solum unctione chrismatis, sed etiam sacerdotati benedictione sacrari.

XV. Pœnitentes tempore quo pœnitentiam petunt, impositionem manuum et cilicium super caput a sacerdote, sicut ubique constitutum est, consequantur: si autem comas non deposuerint, aut vestimenta non mutaverint, abjiciantur, et nisi digne pœnituerint, non recipiantur; juvenibus etiam pœnitentia non facile committenda est propter ætatis fragilitatem, viaticum tamen in morte omnibus positum non negandum.

XVI. Episcopus benedictionem diaconatus mino-

ribus quam viginti quinque annorum penitus non committat, sane si conjugati juvenes consenserint ordinari, et uxorum voluntas ita requirenda est, ut sequestrato mansionis cubiculo, religione præmissa, posteaquam pariter conversi fuerint, ordinentur.

XVII. Presbyterum vero vel episcopum ante triginta annos, id est antequam ad viri perfecti ætatem perveniat, nullus metropolitanorum ordinare præsumat, ne per ætatem (quod aliquoties evenit) aliquo errore culpentur.

XVIII. Sæculares qui in natali Domini, Pascha, Pentecoste non communicaverint, catholici non credantur, nec inter catholicos habeantur.

XIX. Sanctimonialia, quantumlibet vita eorum et mores probati sint, ante annum ætatis suæ quadragesimum non velentur.

XX. Clerici qui comam nutriunt, ab archidiacono, etiamsi noluerint, inviti detondeantur; vestimenta vel calciamenta etiam eis, nisi quæ religionem deceant, uti aut habere non liceat.

XXI. Si quis etiam extra parochias in quibus legitimus est ordinariusque conventus, oratorium in agro habere voluerit, reliquis festivitibus, ut ibi missas teneat propter fatigationem familiæ juxta ordinem permittimus, Pascha vero, natali Domini, Epiphania, Ascensione Domini, Pentecoste, et natali sancti Joannis Baptistæ, et si quæ maxime dies in festivitibus habentur, non nisi in civitatibus, aut parochiis teneant, clerici vero si qui in festivitibus quas supra diximus in oratoriis, nisi jubente aut permittente episcopo, facere aut tenere voluerint, a communione pellantur.

XXII. Et licet superfluum sit de re nota et antiquis canonibus prohibita, aliquid iterato definire, tamen ut facilius cupiditas, aut improbitas reprimatur, id statuimus quod omnes jubent, ut civitanenses, sive diœcesani presbyteri, vel clerici, salvo jure ecclesiæ, rem ecclesiæ (sicut permiserunt episcopi) teneant, vendere, aut donare penitus non præsumant; quod si fecerint, et facta venditio non valebit, et de facultatibus, si quas habent proprias indemnem ecclesiam reddant, et communione priventur.

XXIII. Episcoporum etiam quorum vita non reprehenditur, posteriorem priori nullus **96** præponat, nisi forte elatus superbia, quod pro necessitate ecclesiæ episcopus jusserit implere, contemnat, sane si officium archidiaconatus propter simpliciore naturam implere, aut expedire nequiverit, ille loci sui nomen teneat et ordinationem ecclesiæ quem elegerit episcopus præponendum.

XXIV. De expositis inventis id observandum quod jamdudum synodus sancta constituit.

XXV. Si vero sæculares qui conjugale consortium culpa graviore dimittunt, vel etiam dimiserunt, et nullas causas dissidii probabiliter proponentes, propterea matrimonia sua dimittunt, ut aut illicita, aut aliena præsumant, si antequam apud episcopos provinciales dissidii causas dixerint, et prius uxores quam judicio damnetur abjecerint, a communione

ecclesiæ, et sancto populi cœtu (pro eo quod fidem et conjugia maculant) excludantur.

XXVI. Si quis de clericis documenta quibus ecclesiæ possessio firmatur, aut suppressere, aut negare, aut adversariis fortasse tradere damnabili et puniendâ obstinatione præsumperit, quidquid per absentiam documentorum damni ecclesiæ illatum est de propriis facultatibus reddant, et communione priventur; hi etiam qui in damno ecclesiæ impie sollicitati a traditoribus aliquid acceperint, superiori sententia teneantur.

XXVII. Ut de monachis monasterium novum, nisi episcopo aut permittente aut probante, nullus incipere, aut fundare præsumat. Monachi etiam vagantes ad officium clericatus, nisi eis testimonium abbas suus dederit, nec in civitatibus, nec in parochiis ordinentur. Monachum, nisi abbatis sui aut permissu aut voluntate ad alterum monasterium commigrantem, nullus abbas suscipere aut retinere præsumat, sed ubicunque fuerit, abbati suo auctoritate canonum revocetur, si enim necesse fuerit clericum de monachis ordinari, cum consensu et voluntate abbatis præsumat episcopus.

XXVIII. Monasteria puellarum longius a monasterio monachorum, aut propter insidias diaboli, aut propter oblocutiones hominum collocentur.

XXIX. Libertos legitime a dominis suis factos, ecclesia, si necessitas exigerit, tueatur; quod si quis ante audientiam, aut pervadere, aut exspoliare præsumperit, ab ecclesia repellatur.

XXX. Et quia convenit ordinem ecclesiæ ab omnibus æqualiter custodiri, studendum est ut ubique (sicut fit) et post antiphonas collectiones per ordinem ab episcopis vel presbyteris dici, et hymnos matutinos vel vespertinos decantari diebus omnibus, et in conclusione matutinarum vel vespertinarum missarum post hymnos capitella de psalmis dici, et plebem collecta oratione ad vesperam ab episcopo cum benedictione dimitti.

XXXI. Placuit etiam ut (sicut plerumque fit) quicunque odio, aut longinqua inter se lite dissenserint, et ad pacem revocari diutina intentione nequiverit, a civitatis primitus sacerdotibus arguantur; qui si inimicitias deponere perniciose intentione noluerint, de ecclesiæ cœtu justissima excommunicatione pellantur.

XXXII. Clericus nec quemquam præsumat apud sæcularem judicem, episcopo non permittente, pulsare, sed si pulsatus fuerit, non respondeat, nec proponat, nec audeat criminale negotium in iudicio sæculari proponere. Si quis vero sæcularium per calumniam ecclesiam, aut clerum fatigare tentaverit, et victus fuerit, ab ecclesiæ liminibus et a catholicorum communione (si digne poenituerit) coercetur.

XXXIII. Episcopus qui filios aut nepotes non habens alium quam ecclesiam reliquit hæredem, si quid de ecclesia, non in ecclesiæ causa aut necessitate insumperit, quod distraxit, aut donavit, irritum labatur.

XXXIV. Judæi (quorum perfidia frequenter ad vomitum redit) si ad legem catholicam venire voluerint, octo menses inter catechumenos ecclesiæ limen introcant, et si pura fide noscuntur venire, tunc demum baptismatis gratiam mereantur; quod si casu aliquo periculum infirmitatis intra præscriptum tempus incurrerint, et desperati fuerint, baptizentur.

XXXV. Si episcopus metropolitanus ad provinciales episcopos epistolas direxerit, in quibus eos ad ordinationem summi pontificis, aut ad synodum invitat, postpositis omnibus, excepta gravi infirmitate corporis, aut præceptione regia ad constitutum diem adesse non differant, quod si defuerint, (sicut præsea canonum præcepit auctoritas, usque ad proximam synodum, a charitate fratrum, et ecclesiæ communione priventur.

XXXVI. Clerici etiam omnes qui ecclesiæ fideliter vigilanterque deserviunt, stipendia sanctis laboribus debita secundum servitii sui meritum vel ordinationem a sacerdotibus consequantur.

XXXVII. Itaque censuimus homicidas et falsos testes a communione ecclesiastica submovendos, nisi poenitentiae satisfactione crimina diluerint.

XXXVIII. Clericis sine commendatiis epistolis episcopi sui licentia non pateat evagandi. In monachis quoque præsentis sententiæ forma servetur; quod si verborum increpatio non emendaverit, etiam verbis statuimus coerceri. Servandum quoque de monachis, ne eis ad solitarias cellulas liceat a congregatione discedere, nisi forte probatis post emeritos labores, aut propter infirmitatis necessitatem asperior abbatis regula remittatur, quod ita demum fiet ut intra eadem monasterii septa, manentes tamen sub abbatis potestate, separatas habere cellulas permittantur; abbatibus quoque singulis diversas cellulas, aut plura monasteria habere non liceat, nisi tantum propter incursum hostilitatis intra muros receptaculo collocare.

XXXIX. Presbyteri, diacones, subdiacones, vel deinceps quibus ducendi uxores licentia non est, etiam alienarum nuptiarum evitent convivia, nec his cœtibus misceantur ubi amatoria cantantur, et turpia, aut obsceni motus corporum, echoris et saltationibus efferuntur, ne auditus, et obtutus sacris mysteriis deputatus turpium spectaculorum atque verborum contagione polluantur.

XL. Omnes deinceps clerici sive laici Judæorum convivia evitent, nec eos ad convivium quisque excipiat, quia cum apud Christianos cibus communibus non utuntur, indignum est atque sacrilegum eorum cibos a Christianis sumi, cum ea quæ (Apostolo permittente) nos sumimus, ab illis iudicentur immunda, ac si inferiores incipient esse Christiani quam Judæi, si nos quæ ab illis apponuntur utamur, illi vero a nobis oblata contemnant.

XLI. Ante omnia clericis vitetur ebrietas, quæ omnium vitiorum fomes ac nutrix est. Itaque cum quem ebrium fuisse constiterit, ut ordo patitur, aut



triginta dierum spatio communione statuimus submovendum, aut corporali subdendum supplicio.

XLII. Et ne id fortasse videatur omissum, quod maxime fidem catholicæ religionis infestat, quod aliquanti clerici sive laici student auguriis, et sub nomine fictæ religionis, quas sanctorum sortes vocant, divinationis scientiam profitentur, aut quarcunque scripturarum inspectione permittunt, hoc quicunque clericus vel laicus detectus fuerit, vel consulere vel docere, ab ecclesia habeatur extraneus.

XLIII. De pœnitentibus id placuit observare, quod sancti Patres nostri synodali sententia censuerunt, ut nullus de his clericus ordinetur, et qui jam sunt per ignorantiam ordinati, aut sicut bigami, aut inter nuptiarum maritos locum teneant, ministrare diaconis consecrare altare presbyter non præsumat.

XLIV. Benedictionem super plebem in ecclesia fundere, aut pœnitentem in ecclesia benedicere presbytero penitus non licebit.

XLV. Terrulas aut vineolas exiguas ecclesiæ minus utiles, aut longe positas parvas episcopus sine consilio fratrum (si necessitas fuerit) distrahendi habeat potestatem.

XLVI. Fûgitivi domos suas, aut familias deserentes, qui etiamsi revocati fuerint, aut si ita illi meruerint, distrahantur.

XLVII. Missas die Dominica sæcularibus totas tenere speciali ordine præcipimus, ita ut ante benedictionem sacerdotis egredi populus non præsumat, qui si fecerint, ab episcopo publice confundantur.

XLVIII. Ut de rebus episcopi propriis vel acquisitis, vel quidquid episcopus de suo proprio habet, hæredibus suis si voluerit derelinquat, quidquid vero de provisione ecclesiæ suæ fuerit, sive de agris, sive de frugibus, sive de oblationibus, omnia iure ecclesiæ reservare censuimus.

XLIX. Diacones vel presbyteri in parochia constituti de rebus ecclesiæ sibi creditis nihil audeant commutare, vendere vel donare, quia res sacratæ Deo esse noscuntur. Similiter et sacerdotes nihil de rebus ecclesiæ sibi commissæ (ut superius comprehensum est) alienare præsumant; quod si fecerint convicti in consilio, et ab honore depositi, de suo aliud restituant quantum visi sunt præsumpsisse. Sane si quis pro qualibet conditione de rebus ecclesiæ aliquid alienare præsumperit, si de suo proprio tantum ecclesiæ contulerit quantum visus est abstulisse, tunc demum istud stare licebit, liberos tamen quos sacerdotes vel diaconos de ecclesia sibi commissæ facere voluerint actus ecclesiæ prosequi iubemus, quod si facere contempserint, placuit eos ad proprium reverti servitium.

L. Si episcopus, presbyter aut diaconus capitale crimen commiserit, aut chartam falsaverit, aut testimonium falsum dixerit, ab officii honore depositus in monasterium retrudatur, et ibi tantummodo quandiu vixerit laicam communionem accipiat.

LI. Si episcopus condito testamento aliquid de ecclesiastici juris proprietate legaverit, aliter non valebit, nisi tantum de juris proprii facultate suppleverit.

LII. Presbytero aut diacono, vel clerico sine antistitis sui epistolis ambulanti, communionem nullus impendat.

LIII. Quidquid parochiarum presbyter de ecclesiastici juris possessione distraxerit inane habeatur, et vacuum, venditore comparantis et auctione vendentis.

LIV. Presbyter dum diœcesim tenet, de his quæ emerit ad ecclesiæ nomen scripturam faciat, aut ab ejus quam tenet ecclesiæ ordinatione discedat.

LV. Episcopis, presbyteris, diaconibus canes ad venandum, aut accipitres habere non liceat: quod si quis talium personarum in hac voluntate detectus fuerit, si episcopus est tribus mensibus se suspendat a communione, presbyter duobus mensibus se abtineat, diaconus vero ab omni officio vel communione cessabit.

LVI. In venditionibus, quas abbates facere præsumunt, hæc forma servetur, ut quidquid sine episcopi notitia venditum fuerit, ad potestatem episcopi revocetur, mancipia vero monachis donata ab abbate non liceat manumitti, injustum enim putamus, ut monachis quotidianum rurale opus facientibus, servi eorum libertatis otio potiantur.

LVII. Unum abbatem duobus monasteriis interdiciamus præsidere.

LVIII. Cellulas novas, aut congregatiunculas monachorum absque notitia episcopi prohibemus institui.

LIX. Clerici quilibet quæcunque diuturnitate temporis de ecclesiæ remuneratione possederint, in jus proprium præscriptione temporis non vocentur, dummodo pateat ecclesiæ rem fuisse, ne videantur etiam episcopi administrationes prolixas, aut precatórias cum ordinati sunt facere debuisse, aut diu retentas facultates in jus proprietatis suæ posse transcribere.

LX. Lapsis, id est qui in catholica fide baptizati sunt, si prævaricatione damnabili post in hæresim transierint, grandem redeundi difficultatem sanxit antiquitas, quibus nos annorum multitudine breviate pœnitentiam biennii conditione infrascriptæ observationis imponimus, ut præscripto biennio, tertio sine relaxatione jejument, et ecclesiam studeant frequentare, in pœnitentium loco standi et orandi humilitatem ita noverint observandam, ut etiam ipsi cum catechumini egredi commonentur, abscedant, hoc si observare voluerint constituto tempore admittendis ad altarium observatio relaxetur; quod si ardua vel dura forte putaverint, statuta præteritorum canonum implere debebunt.

LXI. De incestis conjunctionibus nihil prorsus veniæ reservamus, nisi cum adulterium separatione sanaverint, incestos vero nullo conjugii nomine deputandos, quos etiam designare funestum est, hos

enim censemus esse si quis relictam fratris quæ pene A prius soror exstiterat carnali conjunctione polluerit. Si quis frater germanam uxorem acceperit, si quis novercam duxerit, si quis consobrinæ se sociaverit, si quis relictæ vel filiæ avunculi misceatur, aut patri filiæ vel privignæ suæ, aut qui ex propria consanguinitate aliquam, aut quam consanguineus habuit concubitu, polluat, aut duxerit uxorem. Quos omnes et olim atque sub hac constitutione incestos esse non dubitamus, et inter catechumenos usque ad legitimam satisfactionem manere et orare præcipimus, quod ita præsentī tempore prohibemus, ut ea quæ sunt hactenus instituta, non dissolvamus. Sane quibus conjunctio illicita interdicitur, habebunt ineundi melioris conjugii libertatem.

LXII. Si quis servum proprium sine conscientia B judicis occiderit, excommunicatione vel pœnitentia biennii reatum sanguinis emendabit.

LXIII. Ut cives qui superiorum solemnitatē, id est, Paschæ ac natalis Domini, vel Pentecostes festivitatis cum episcopis interesse neglexerint (cum in civitatibus communionis vel benedictionis accipiendæ causa positos se nosse debeant), triennio a communione priventur ecclesiæ.

LXIV. Si quis in clero constitutus ab ecclesia sua diebus solemnibus defuerit, id est, nativitate Domini, Epiphania, Pascha, vel Pentecoste, dum potius singulari lucro studeat, quam servitio suo parere, convenit ut triennio a communione suspendatur. Similiter diaconus vel presbyter si tres hebdomadas ab ecclesia sua defuerit, huic damnationi succum- C bat.

LXV. Quoniam non oportet diaconem sedere præ-  
sente presbytero, sed ex jussione presbyteri sedeat, similiter autem honorificetur diaconus a ministris inferioribus et omnibus clericis.

LXVI. Quoniam non oportet in sacros ministros licentiam habere in secretarium, quod Græci diaconicon appellant, ingredi, et vasa contingere Dominica.

LXVII. Quoniam non oportet cum omnibus hæreticis miscere connubia, vel filios vel filias dare, sed potius accipere, si tamen profitentur Christianos futuros esse et catholicos.

LXVIII. Quoniam non oportet ministros altaris aut clericos magos et incantatores esse, aut facere quæ dicunt, phylacteria, quæ sunt magna obligamenta animarum, hos autem qui talibus utuntur, projici ab ecclesia jussimus.

LXIX. Seditionarios nunquam ordinandos clericos, sicut nec usurarios, vel injuriarum suarum ultores.

LXX. Clericum scurrilem et verbis turpibus jocularē, ab officio retrahendum.

LXXI. Synodum etiam secundum constituta Patrum etiam annis singulis placuit congregari, quoniam cum pace dimittimus gratias Deo agimus, orantes ejus clementiam, ut hæc eadem facere in honorem Domini multos per annos possimus. Ego Cæsarius in Christi nomine episcopus juxta id quod universis coepiscopis meis mecum scripserunt, placuit instituta Patrum secutus, his diffinitionibus annuens sub die quinto Kalendas Septembris, sub-  
scripsi, similiter et alii subscripserunt.

Explicit concilium Agathense.

#### INCIPIUNT CAPITULA CONCILII AURELIANENSIS.

1. De homicidis et adulteris et furibus, si ad ecclesiam confugerint.

2. De raptoribus ad ecclesiam confugientibus.

3. De servis si ad ecclesiam confugerint.

4. De eo qui ab episcopo aliquid repetit, ut pro ipsa conventionē ab ecclesia non privetur.

5. Si episcopus servum alterius clericum fecerit.

6. Si diaconus aut presbyter crimen capitale commiserit.

7. De his qui pœnitentiam violaverunt.

8. Si presbyter aut diaconus se pro reatu aliquo ab Eucharistia suspenderit.

9. Si relictæ presbyteri aut diaconi alii se conjunxerit.

10. De his quæ in altario offeruntur.

11. De his quæ a fidelibus in parochianis ecclesiis offeruntur.

12. Ut episcopus et pauperes et infirmos tueatur.

13. Ut basilicæ in cujus territorio sunt, in ejus episcopi maneant potestate.

14. De incestis, ut excommunicentur.

15. Ut abbates in potestate episcoporum sint, et de monachis vagis.

16. Ut monachi oratorio vel zonis non utantur.

17. Si monachus uxorem duxerit.

18. Ut monachus sine permissu episcopi vel abbatis cellulas non construat.

19. Si episcopis cuiquam terrulas præstiterit excolendas, sine præjudicio juris ecclesiæ tenebuntur.

20. Ut ante Pascha quadragesima teneatur.

21. Ut nullus civium festivitates majores in villa celebret.

22. Ut populus ante completam missam et benedictionem acceptam egredi non præsumat.

D 23. Ut litanie ante Ascensionem Domini celebrentur.

24. De clericis qui ad officium venire contem-  
nunt.

25. De familiaritate extraneorum mulierum.

26. De religiosis sæcularibus qui divinationibus attendunt.

27. Quod episcopus die Dominica ab ecclesia abesse non debet.



# INCIPIT CONCILIUM AURELIANENSE

## *Triginta episcoporum.*

Cum auctore Deo in Aurelianensi urbe fuisset concilium summorum antistitum congregatum, communi omnium collatione complacuit, ut hoc quod verbis statuerunt, etiam Scripturæ testimonio roborarent.

**CAP. I.** Id constituimus observandum quod ecclesiastici canones decreverunt, et lex Romana constituit, ut ab ecclesiæ atriiis, vel domo episcopi reos abstrahere omnino non liceat, sed nec alteri consignari, nisi ad Evangelia datis sacramentis de morte, et debilitate, et omnium pœnarum genere sint securi, ita ut ei cui reus fuerit criminosus de satisfactione conveniat; quod si sua sacramenta convictus fuerit violasse, reus perjurii, non solum a communione ecclesiæ, vel omnium clericorum, verumetiam a catholicorum convivio separetur. Quod si is cui reus est, noluerit, intentione faciente componi, et ipse reus de ecclesia actus timore discesserit, ab ecclesiæ clericis non queratur.

**II.** De raptoribus autem id constituendum esse censuimus, ut si ad ecclesiam raptor cum rapta confugerit, et feminam ipsam violentiam pertulisse constiterit, statim liberetur de potestate raptoris, et raptor mortis vel pœnarum impunitate concessa aut serviendi conditioni subjectus sit, aut redimendi se liberam habeat facultatem. Si vero quæ rapitur patrem habere constiterit, et puella raptori consenserit, potestati patris excusata reddatur, et raptor a patre superiori conditionis satisfactioni teneatur obnoxius.

**III.** Servus qui ad ecclesiam confugerit pro qualibet culpa, si domino pro admissa culpa sacramentum susceperit, statim ad servitium domini sui redire cogatur, et postea quod dato sacramento domino fuerit consignatus, si aliquid pœnæ pro eadem culpa a qua excusatur probatus fuerit pertulisse, pro contemptu Ecclesiæ, et prævaricatione fidei a communione, et convivio catholicorum extraneus habeatur, si vero servus pro culpa sua ab Ecclesia defensatus sacramenta Domini clericis exigentibus de impunitate perceperit, exire nolentem a domino liceat occupari.

**IV.** Si quis ab episcopo suo, vel de ecclesia, vel de proprio jure crediderit aliquid ad repetendum, si nihil convitiis aut criminationis objecerit, eum pro sola contentione a communione ecclesiæ non liceat submoveri.

**V.** Si servus absente vel nesciente domino, episcopo sciente quod servus diaconus aut presbyter fuerit ordinatus, ipso in clericatus officio permanente, episcopus eum domino duplici satisfactione compenset. Si vero episcopus eum servum nescierit, qui testimonium perhibent, aut eum supplicaverint ordinari simili redhibitioni teneantur obnoxii.

**A VI.** Si diaconi, aut presbyteri crimen capitale commiserint, simul et ab officio et communione pellantur.

**VII.** De his qui suscepta pœnitentia religionem suæ professionis obliti ad sæcularia relabuntur, placuit eos et a communione suspendi, et ab omnium catholicorum conviviis separari; quod si post interdictum cum eis quisquam præsumpserit manducare, et ipse communione privetur.

**VIII.** Si diaconus vel presbyter pro reatu suo se ab altaris communione sub pœnitentis professione submoverint, sic quoque si alii defuerint, et causa certæ necessitatis exoritur, poscentem baptismum liceat baptizare.

**B IX.** Si se cuicumque mulier duplici conjugio presbyteri vel diaconi relicta junxerit, aut castigati separentur, aut certe si in criminum intentione persistierint pari excommunicatione plectantur.

**X.** Antiquos canones relegentes priora statuta credimus renovanda, ut de his quæ in altario oblatione fidei conferuntur, medietatem episcopus sibi vindicet, et medietatem sibi dispensandam secundum gradus clerus accipiat, tam de prædiis quam de omni commoditate in episcoporum potestate durantibus.

**C XI.** De his quæ parochiis in terris, vineis, mancipiis, atque pecuniis quicumque fideles obtulerint antiquorum canonum statuta servant, et omnia in episcopi potestate consistent, de his tamen quæ in altario accesserint, tertia fideliter episcopis deferatur.

**XII.** Episcopus pauperibus, vel infirmis, qui debilitate faciente non possunt suis manibus laborare, victum et vestimentum in quantum possibilitas habuerit, largiatur.

**XIII.** Omnes basilicæ quæ per diversa loca constructæ sunt vel quotidie construuntur placuit, secundum priorum canonum regulam, ut in eis episcopi territorio in cuius positæ sunt, potestate consistent.

**XIV.** Ne superstes frater torum defuncti fratris ascendat, nec se quisque amissæ uxoris sorori audeat sociare, quod qui fecerint, ecclesiastica distributione feriantur.

**D XV.** Abbates pro humilitate religionis in episcoporum potestate consistent, et si quid extra regulam fecerint ab episcopis corrigantur, qui semel in anno in loco ubi episcopus elegerit, accepta vocatione conveniant, monachi autem abbatibus omni obedientia et devotione subiaceant. Quod si quis per contumaciam exstiterit indevotus, aut per aliqua loca vagari, aut peculiare aliquid habere præsumpserit, omnia quæ acquisierit, ab abbatibus auferantur secundum regulam monasterio profutura, ipsi autem

qui fuerant pervagati, ubi inventi fuerint, cum auxilio episcopi tanquam fugaces sub custodia revocentur, et reum scilicet abbas futurum esse cognoscat qui in huiusmodi personis non regulari animadversione dixerit, vel qui susceperit monachum alienum.

XVI. Monacho orarium in monasterio vel zonas habere non liceat.

XVII. Et si postea uxori fuerit sociatus tantæ prævaricationis reus, nunquam ecclesiastici gradus officium sortiatur.

XVIII. Nullus monachus congregatione monasterii derelicta ambitionis et vanitatis impulsu, cellulam construere sine episcopi permissione, vel abbatis sui voluntate præsumat.

XIX. Si episcopus humanitatis intuitu, mancipiola, vineolas, vel terrulas clericis vel monachis præstiterit excolendas, vel pro tempore tenendas, etiam si longa transisse annorum spatia comprobentur, nec nullum ecclesiæ præjudicium patiatur, sæcularis legis scriptio, quæ ecclesiæ aliquid impedit, apponatur.

XX. Id sacerdotibus omnibus est decretum, ut ante Paschæ solemnitate non quinquagesima, sed quadragesima, teneatur.

XXI. Ut nulli civium Paschæ, natalis Domini, vel quadragesimæ solemnia in villa liceat celebrare, nisi quem infirmitas probabitur tenuisse.

*Hucusque concilia Gallie.*

XXII. Cum ad celebrandas missas in Dei nomine convenitur populus, non ante discedat quam missæ solemnitas compleatur, et ubi episcopus non fuerit, benedictionem accipiat sacerdotis.

XXIII. Rogationes, id est, litanias ante Ascensionem Domini placuit celebrari, ita ut præmissum triduanum jejunium in Dominicæ Passionis solemnitate solvatur, per quod triduum servi et ancillæ ab opere relaxentur, quo magis plebs universa conveniat, quo triduo omnes abstineant, et quadragesimalibus cibis utantur.

XXIV. Clerici vero qui ad opus sanctum adesse contempserint, secundum arbitrium episcopi ecclesiasticam suscipiant disciplinam.

XXV. De familiaritate extraneorum mulierum tam episcopi quam presbyteri, vel diaconi præteritorum canonum statuta custodiant.

XXVI. Si quis clericus, monachus, vel sæcularis divinationem vel auguria crediderit observanda, vel sortes quas mentiuntur esse sanctorum quibuscumque putaverint intimandas, cum his qui eis crediderint, ab ecclesiæ communione pellantur.

XXVII. Episcopus si infirmitate non fuerit impeditus, ecclesiæ cui proximus fuerit, die Dominico deesse non debet, similiter et alii qui mecum scripserunt, numero triginta et tres.

## SEQUUNTUR CONCILIA HISPANIÆ.

### INCIPIUNT CAPITULA CONCILII ELIBERTINI.

1. De his qui post baptismum idolis sacrificant.
2. De sacerdotibus gentilium qui post baptismum immolaverunt.
3. De eisdem si idolis tantum munus dederint.
4. De eisdem si catechumeni adhuc immolant quando baptizabuntur.
5. Si domina per zelum ancillam occiderit.
6. Si quicumque per militiam hominem interfecerit.
7. De poenitentibus mœchiæ si rursus peccaverint.
8. De feminis quæ adulteros maritos relinquunt, et aliis nubunt.
9. De feminis quæ, relictis viris suis, aliis nubunt.
10. De relictis catechumeni si alterum duxerit.
11. De relictis catechumena si graviter ægrotaverint.
12. De mulieribus quæ lenocinium fecerint.
13. De virginibus Deo sacratis si adulteraverunt.
14. De virginibus sæcularibus si mœchate sint.
15. De conjugio eorum qui ex Gentilitate veniunt.

- C 16. De puellis fidelibus, ne infidelibus conjungantur.
17. De eis qui filias sacerdotibus gentilibus conjungunt.
18. De sacerdotibus et ministris si mœchati fuerint.
19. De clericis negotia vel nundinas sectantibus.
20. De clericis et laicis usurariis.
21. De his qui tardius ad ecclesiam accedunt.
22. De catholicis in hæresim transeuntibus, si non revertuntur.
23. De temporibus jejuniorum.
24. De his qui peregre baptizantur, ut ad clerum non veniant.
25. De epistolis communicatoris confessorum.
- D 26. De hoc ut omni sabbato jejunetur.
27. De clericis ut extraneam mulierem in domo non habeant.
28. De oblationibus eorum qui non communicant.
29. De energumenis qualiter habeantur.
30. De his qui post lavacrum mœchati fuerint, ut nec subdiacones fiant.



31. De adolescentibus qui post lavacrum mœchati A  
sunt.

32. De excommunicationis presbyteris, ut in neces-  
sitate communionem dent.

33. De episcopis et ministris, ut ab uxoribus  
abstineant.\*

34. Ne cerei cœmeteriis incendantur.

35. Ne feminae in cœmeteriis pervigilant.

36. Ne picturae in ecclesiae fiant.

37. De energumenis baptizandis.

38. Ut in necessitate, et fideles baptizent.

39. Ne de hoc quod idololatratum est, fideles ac-  
cipiant.

40. Ut prohibeant domini idola colere servis.

41. De his qui ad fidem veniant, quomodo ba-  
ptizentur.

42. De celebratione Pentecostes.

43. De meretricibus paganis si convertuntur.

44. De catechumenis qui ecclesiam non fre-  
quentant.

45. De fidelibus si apostataverint quandiu pœni-  
teant.

46. De eo qui uxorem habet, si sæpius mœchatur.

99 47. De baptizandis ut nihil accipiant clerici.

48. De frugibus fidelium, ne a Judæis bene-  
ficiantur.

49. De Christianis qui cum Judæis vescuntur.

50. De hæreticis ut ad clerum non promoveantur.

51. De his qui in ecclesia libellos famosos po-  
nunt.

52. De episcopis qui excommunicato alieno com-  
municant.

53. De parentibus qui fidem sponsaliorum fran-  
gunt.

54. De sacerdotibus gentilium qui jam non sacri-  
ficient.

55. De magistratibus et dominantibus.

56. De his qui vestimenta ad ornandam pompam  
dederint.

57. De his qui communicatorias litteras portant.

58. De fidelibus ne ad Capitolium causa sacrifi-  
candi ascendant.

59. De his qui destruentes idola occiduntur.

60. De his qui duabus sororibus copulantur.

61. De auguribus et pantomimis si convertantur.

62. De uxoribus quæ filios de adulteris necant.

63. De feminis quæ usque ad mortem cum alienis  
viris adulterantur.

64. De adulteris uxoribus clericorum.

65. De his qui privignas suas ducunt.

66. De conjugio catechumenæ feminae.

B 67. De catechumena adultera quæ filium necat.

68. De viris conjugatis postea in adulterium  
lapsis.

69. De feminis quæ consociis maritis adulterantur.

70. De stupratoribus puerorum.

71. De viduis mœchis si eundem postea maritum  
duxerint.

72. De delatoribus.

73. De falsis testibus.

74. De his qui sacerdotes accusant, nec pro-

75. De diaconibus si ante honorem peccasse pro-  
bant.

bentur.

76. De baptizatis qui nondum confirmati mo-  
riuntur.

C 77. De fidelibus conjugatis si cum Judæa vel  
gentili mœchati sint.

78. De his qui tabula ludunt.

79. De libertis.

80. De feminarum epistolis.

## INCIPIT CONCILIUM ELIBERTINUM

*Decem et novem episcoporum, tempore Constantini.*

Cum convenissent sancti et religiosi episcopi in  
ecclesia Elibertina, hoc est, Felix episcopus Aquit-  
tanus, Consciis episcopus Cordubensis, Savinus  
episcopus Spalensis, Camerinus episcopus Tacitanus,  
Sinagius episcopus Pegrensis, Secundinus episcopus  
Catalensis, Pardius episcopus Mentasanus, Flavianus  
episcopus Elibertinus, Catonus episcopus Corsi-  
tanus, Liberius episcopus Emeritanus, Valerius  
episcopus Cæsaraugustanus, Decentius episcopus  
Legionensis, Melantius episcopus Toletanus, Janua-  
rius episcopus de Siblaria, Vincentius episcopus  
Ossolobensis, Quintianus episcopus Elhorensis, Suc-  
cessus episcopus de Elieroca, Euticianus episcopus  
Bastitanus, Patricius episcopus Malacitanus, resi-  
dentibus etiam triginta sex presbyteris astantibus  
diaconibus, et omni plebe, universi episcopi dixe-  
runt.

CAP. I. Placuit ut quicumque post fidem baptismi

D salutaris, adulta ætate ad templum idoli idololatraturus  
accesserit, et fecerit quod est crimen, nec in finem  
eum ad communionem suscipere.

II. Flamines qui post fidem lavacri et regenera-  
tionis sacrificaverint, eo quod geminaverint scelera  
accedente homicidio, vel triplicaverint facinus co-  
hærente mœchia, placuit eos nec in finem accipere  
communione.

III. Item flamines qui non immolaverunt, sed  
munus tantum dederunt, eo quod se a funestis  
abstinuerunt sacrificiis, placuit in finem eis præ-  
stare communionem, acta tamen legitima pœnitentia.  
Item ipsi si post pœnitentiam fuerint mœchati,  
placuit ulterius eis non esse dandam communionem,  
ne lusisse de Dominica communione videantur.

IV. Item flamines si fuerint catechumeni, et se  
a sacrificiis abstinuerunt, post triennii tempora  
placuit ad baptismum admitti debere.

V. Si qua femina, furore zeli accensa, flagellis verberaverit ancillam suam, ita ut intra tertium diem animam cum cruciatu effundat, eo quod incertum sit, voluntate, an casu occiderit, si voluntate, post septem annos; si casu, per quinque annorum tempora, acta legitima poenitentia, ad communionem placuit admitti; quod si intra tempora constituta fuerit infirmata, accipiat communionem.

VI. Si quis vero maleficio interficiat alterum, eo quod sine idololatria perficere scelus non potuit, nec in finem impartendam esse illi communionem.

VII. Si quis forte fidelis post lapsum mœchiæ post tempora constituta acta poenitentia denuo fuerit fornicatus, placuit eum nec in finem habere communionem.

VIII. Item feminae quæ nulla præcedente causa reliquerunt viros suos, et alteris se copulaverunt, nec in finem accipiant communionem.

IX. Item fidelis femina quæ adulterum maritum reliquerit fidelem, et alterum duxerit, prohibeatur ne ducat; si autem duxerit, non prius accipiat communionem, quam is quem reliquerit de sæculo exierit, nisi necessitas infirmatis dare compulerit.

X. Si ea quam catechumenus reliquit, duxerit maritum, potest ad fontem lavacri admitti, hoc et circa feminas catechumenas erit observandum. Quod si fuerit, quæ ducitur ab eo qui uxorem inculpatam reliquit, et cum scierit illum ab uxore quam sine causa reliquit, placuit huiusmodi in finem dare communionem.

XI. Intra quinquennii autem tempora catechumena si graviter fuerit infirmata, addendum ei baptismum placuit non denegari.

XII. Pater vel parens vel quælibet fidelis si lenocinium exercuerit, eo quod alienum vendiderit corpus vel potius suum, placuit eam nec in finem accipere communionem.

XIII. Virgines quæ se Deo dedicaverunt, si pactum perdiderint virginitatis, atque eadem libidini servierint, non intelligentes quod amiserint, placuit nec in fine dandam eis esse communionem; quod si semetipsas poenituerint, quod infirmitate corporis lapsæ fuerint, etiam tempore vitæ suæ huiusmodi feminae egerint poenitentiam, et abstinerint se a coitu, eo quod lapsæ potius videantur, placuit eas in fine communionem accipere debere.

XIV. Virgines quæ virginitatem suam non custodierint, si eosdem qui eas violaverunt duxerint et tenuerint maritos, eo quod solas nuptias violaverint, post annum sine poenitentia reconciliari debebunt, vel si alios cognoverint viros, eo quod mœchæ sint, placuit per quinquennii tempora acta legitima poenitentia admitti eas ad communionem.

XV. Propter copiam puellarum gentilibus minime in matrimonium dandæ sunt virgines Christianæ, ne ætas in flore tumens in adulterio resolvatur animæ.

XVI. Hæreticis qui errant ab Ecclesia catholica nec ipsis catholicas dandas puellas, sed neque Judæis,

neque hæreticis dare placuit, eo quod nulla possit esse societas fidelis cum infideli. Si contra interdictum fecerint, parentes abstinere per quinquennium placet.

XVII. Si qui forte sacerdotibus idolorum filias suas junxerint, placuit nec in finem eis dandam communionem.

XVIII. Episcopi, presbyteri, diacones, si in ministerio positi, detecti fuerint, quod sint mœchati, placuit, et propter scandalum, et propter nefandum crimen, nec in finem eos communionem accipere debere.

XIX. Episcopi, presbyteri, et diaconi, de locis suis negotiandi causa non discedant, nec circumcunctes provincias quæstuosas nundinas sectentur. Sane ad victum sibi conquirendum aut filium, aut libertum, aut mercenarium, aut amicum, aut quemlibet mittant, et si voluerint negotiari, intra provinciam negotientur.

XX. Si quis clericorum deditus fuerit usuras accipere, placuit degradari, et abstinere. Si quis etiam laicus accepisse probatur usuras, et promiserit correptus jam cessaturum, nec ulterius exacturum, placet ei veniam tribui. Si vero in ea iniquitate duraverit, ab ecclesia sciat se esse projiciendum.

XXI. Si quis in civitate positus, tres Dominicas ecclesiam non accesserit, pauco tempore abstinence, ut correptus esse videatur.

XXII. Si quis de catholica Ecclesia ad hæresim transitum fecerit, rursusque ad Ecclesiam recurrit, placuit huic poenitentiam non esse denegandam, eo quod cognoverit peccatum suum, qui etiam decem annis agat poenitentiam, cui post decem annos præstari communio debet. Si vero infantes fuerint transducti quod non suo vitio peccaverint, incunctanter recipi debeant.

XXIII. Jejunii super abstinentias per singulos menses placuit celebrari exceptis diebus duorum mensium Julii et Augusti ob eorundem infirmitatem.

XXIV. Omnes qui peregre fuerint baptizati, eo quod eorum minime sit cognita vita, placuit ad clerum non esse promovendos in alienis provinciis.

XXV. Omnis qui attulerit litteras confessorias sublato nomine confessoris, eo quod sub hac nominis gloria partim concutiant simplices, confessoriarum ei dandæ sunt litteræ.

XXVI. Errorem placuit corrigi, ut omni Sabbati die jejunium super positionem celebremus.

**100** XXVII. Episcopus vel quilibet clericus alius, aut sororem, aut filiam virginem dicatam Deo tantum secum habeat, extraneam vero nequaquam secum habeat.

XXVIII. Episcopum placuit ab eo qui non communicat, munera accipere non debere.

XXIX. Energumenum qui ab erratico spiritu excitatur, huius nomen neque ad altare cum oblatione esse recitandum, neque permittendum ut sua manu in ecclesia ministret.



XXX. Subdiaconem eum ordinari non debere qui in adolescentia sua fuerit mœchatus, eo quod postmodum per subscriptionem ad altiorem gradum non sit promovendus; si autem aliqui sunt in præteritum ordinati, amoveantur.

XXXI. Adolescentes qui post fidem lavacri salutaris fuerint mœchati, cum duxerint uxores acta legitima pœnitentia, placuit ad communionem eos admitti debere.

XXXII. Si quis gravi lapsu in ruinam mortis inciderit, placuit agere pœnitentiam non debere sine episcopi consultu, sed potius apud episcopum agat, cogente tamen infirmitate. Non est presbyterorum, diaconorum, communionem talibus præstare debere, nisi eis jusserit episcopus.

XXXIII. Placuit in totum prohibere episcopis, presbyteris, diaconibus, ac subdiaconibus positis in ministerio abstinere se a conjugibus suis, et non generare filios. Quod quicunque fecerit, ab honore clericatus exterminetur.

XXXIV. Cereos per diem placuit in cœmeterio non incendi, inquietandi enim sanctorum spiritus non sunt. Qui hæc non observaverint, arceantur ab Ecclesiæ communione.

XXXV. Placuit prohiberi ne feminæ in cœmeterio pervigilent, eo quod sæpe sub obtentu orationis scelera latenter committant.

XXXVI. Placuit picturas in ecclesia esse non debere, ne quod colitur aut adoratur in parietibus depingatur.

XXXVII. Eos qui a spiritibus immundis vexantur, si in fine mortis fuerint, constituti baptizari placet. Si vero fideles fuerint, dandam eis esse communionem. Prohibendum etiam ne lucernas publice accendant: si facere contra interdictum voluerint, abstineant a communione.

XXXVIII. Peregre navigantes aut si ecclesia in proximo non fuerit, posse fidelem qui lavacrum suum integrum habet, nec sit bigamus, baptizare in necessitate infirmitatis positum catechumenum, ita ut si supervixerit ad episcopum eum perducatur, ut per manus impositionem perfici possit.

Gentiles si in infirmitate desideraverint sibi manus imponi, si fuerit eorum ex aliqua parte honesta vitæ, placuit eis manum imponi, et fieri Christianos.

XXXIX. Placuit prohiberi, ut cum rationes suas accipiunt possessores, quidquid ad idolum datum fuerit, acceptum non inferant. Si vero post interdictum fecerint, per quinquennii spatia temporis a communione esse arcendos.

XI. Admonere placuit fideles, ut quantum possunt prohibeant, ne idola in domibus suis habeant. Si vero vim metuunt servorum, vel seipso puros conservent. Si non fecerint, alieni ab Ecclesia habeantur.

XLI. Eos qui ad primam credulitatis fidem accedunt (si bonæ fuerint conversationis) intra biennium temporis placuit ad baptismi gratiam admitti

A debere, nisi infirmitate compellente coegerit ratio vel socio subvenire periclitanti, vel gratiam postulanti.

XLII. Pravam institutionem emendari placuit juxta auctoritatem Scripturarum, ut cuncti diem Pentecostes celebremus; quod qui non fecerit, quasi novam hæresim induxisse notetur.

XLIII. Meretrix quæ aliquando fuerit, et postea habuerit maritum, si postmodum ad credulitatem venerit, incunctanter placuit esse recipendam.

XLIV. Qui aliquando fuerit catechumenus per infinita tempora, et nunquam ad ecclesiam accesserit: si enim de clero quisquam agnoverit voluisse esse Christianum, aut testes aliqui exstiterint fideles, placuit baptismum ei non negari, eo quod in vetere homine deliquisse videatur.

B XLV. Si quis fidelis apostata per infinita tempora ad ecclesiam non accesserit, si tamen aliquando fuerit reversus, nec fuerit idololatra, post decem annos placuit eum communionem accipere.

XLVI. Si quis fidelis habens uxorem, non semel sed sæpe fuerit mœchatus, in finem mortis est conveniendus. Quod si se promiserit cessaturum, detur ei communio; si resuscitatus rursus fuerit mœchatus, placuit ulterius non edere eum de communione pacis.

XLVII. Emendare placuit, ut hi qui baptizantur (ut fieri solebat) nummos in coucham non mittant, ne sacerdos quod gratis accepit pretio distrahere videatur, neque pedes eorum lavandi sunt a sacerdotibus vel clericis.

C XLVIII. Admonere placuit possessores ut non patiantur fructus suos quos a Deo percipiunt, cum gratiarum actione a Judæis benedici, ne nostram et infirmam faciant benedictionem. Si quis post interdictum facere usurpaverit, penitus ab Ecclesia abjiciatur.

XLIX. Si vero aliquis clericus sive fidelis fuerit, qui cum Judæis cibum sumpserit, placuit eum a communione abstinere, ut debeat emendari.

L. Ex omni hæresi qui ad nos fidelis venerit minime est ad clerum promovendus, vel si qui sunt in præteritum ordinati, sine dubio deponentur.

LI. Si qui inventi fuerint libellos famosos in ecclesia ponere, anathematizentur.

D LII. Placuit cunctis, ut ab eo episcopo quis recipiat communionem, a quo abstentus in crimine aliquo fuerit. Quod si aliquis episcopus præsumpserit eum admittere illo adhuc minime sciente vel consentiente a quo fuerat communionem privatus, sciat se hujusmodi causas inter fratres esse cum status sui periculo præstaturum.

LIII. Si qui parentes fidem fregerint sponsaliorum triennii tempore, abstineant se a communione. Si tamen iidem sponsus vel sponsa in gravi crimine fuerint deprehensi, excusati erunt parentes. Si vero in eodem vitio et polluerint se consentiendo, superior sententia servetur.

LIV. Sacerdotes qui tantum sacrificantium coronam portant, nec sacrificant, nec de suis sumptibus

aliquid idolis præstant, placuit post biennium accipere communionem.

LV. Magistratum vero, anno quo agit duumviratum, prohibere placet ut se ab ecclesia cohibeat.

LVI. Matronæ vel earum mariti vestimenta sua ad ornandum sæculariter pompam non dent, et si fecerint triennii tempore absteineant.

LVII. Placuit ubicunque, et maxime in eo loco in quo primæ cathedræ constitutus est episcopus, ut interrogentur hi qui communicatorias litteras tradunt, an omnia recta habeant et suo testimonio comprobent.

LVIII. Prohibendum ne quis Christianus, aut Gentilis, ad idolum Capitolii sacrificandi causa ascendat et videat. Quod si fecerit pari crimine teneatur; si fuerit fidelis, post decem annos acta pœnitentia recipiatur.

LIX. Si quis idola fregerit, et ibidem fuerit occisus, quia in Evangelio non est scriptum, neque invenitur ab apostolis unquam factum, placuit in numerum eum non recipi martyrum.

LX. Si quis post obitum uxoris suæ sororem ejus duxerit, et ipsa sit fidelis, quinquennio a communione placuit abstinere, nisi forte velocius dari pacem necessitas coegerit infirmitatis.

LXI. Si augur aut pantomimus credere voluerit, placuit ut prius artibus suis renuntient et tunc demum suscipiantur, ita ut ulterius non revertantur. Quod si facere contra interdictum tentaverint, projiciantur ab Ecclesia.

LXII. Si qua mulier per adulterium absente marito conceperit, idque post facinus occiderit, placuit ei nec in finem dandam esse communionem, eo quod geminaverit scelus.

LXIII. Si qua mulier usque in finem mortis suæ cum alieno fuerit viro mœchata, placuit nec in finem dandam esse communionem. Si vero eum reliquerit, post decem annos recipi ad communionem acta legitima pœnitentia.

LXIV. Si cujus clerici uxor fuerit mœchnata, et sciat eam maritus suus mœchari, et eam non statim projecerit, nec in finem accipiat communionem, ne ab his qui exemplum bonæ conversationis esse debent videantur magisteria scelerum procedere.

LXV. Si quis privignam suam duxerit uxorem, eo quod sit incestus, placuit nec in finem dandam esse communionem.

LXVI. Prohibendum ne qua fidelis vel catechumena, aut comicos, aut viros scenicos habeat, quæcunque hoc fecerit a communione arceatur.

LXVII. Catechumena si per adulterium conceperit, et conceptum necaverit, placuit eam in fine baptizari.

LXVIII. Si quis forte habens uxorem semel fuerit lapsus, placuit eum quinquennio agere debere pœnitentiam, et sic reconciliari, nisi necessitatis coegerit ante tempus dare communionem; hoc et circa feminas observandum.

LXIX. Si conscio marito fuerit mœchata uxor, placuit nec in finem dandam ei communionem. Si vero eam reliquerit, post decem annos accipiat communionem, si eam cum scierit adulteram aliquo tempore in domo sua retinuit.

101 LXX. Stupratoribus puerorum nec in finem dandam esse communionem.

LXXI. Si qua vidua fuerit mœchata, et eundem postea habuerit maritum, post quinquennii tempus acta legitima pœnitentia, placuit eam communione reconciliari. Si alium duxerit, relicto illo, nec in finem dandam esse communionem, vel si fuerit ille fidelis quem acceperit, communionem non accipiat, nisi post decem annos acta legitima pœnitentia, nisi infirmitas coegerit velocius dare communionem.

LXXII. Delator si quis exstiterit fidelis, et per delationem ejus aliquis fuerit proscriptus, vel interfectus, placuit eum nec in finem accipere communionem. Si levior causa fuerit, intra quinquennium accipere poterit communionem. Si catechumenus fuerit, post quinquennii tempora admittatur ad baptismum.

LXXIII. Falsus testis prout crimen est, absteinebit, si tamen non fuerit mortis quod objecit, et si probaverit quod diu tacuerit, biennii tempore absteinebit. Si autem non probaverit in conventu clericorum, placuit per quinquennium abstinere.

LXXIV. Si quis autem episcopum, presbyterum, vel diaconem falsis criminibus appetierit, et probare non potuerit, nec in fine dandam ei esse communionem.

LXXV. Si quis diaconum se permiserit ordinari, et postea fuerit in crimine detectus mortis, quod aliquando commiserit, si sponte fuerit confessus, placuit eum acta legitima pœnitentia post triennium accipere communionem. Quod si alius detexerit, post quinquennium acta pœnitentia accipere communionem laicam debere.

LXXVI. Si quis diaconus regens plebem sine episcopo vel presbytero aliquos baptizaverit, episcopus eos per benedictionem perficere debet; quod si ante de sæculo recesserit, sub fide qua quis crediderit, poterit esse justus.

LXXVII. Si quis fidelis habens uxorem, cum Judæa vel gentili fuerit mœchatus, a communione arceatur. Quod si alius eum detexerit, post quinquennium acta legitima pœnitentia poterit Dominicæ sociari communioni.

LXXVIII. Si quis fidelis, alea, id est tabula, luserit, placuit eum abstinere, et si emendatus cessaverit, post annum poterit communione reconciliari.

LXXIX. Prohibendum ut liberti, quorum patroni in sæculo fuerint, ad clerum non provehantur.

LXXX. Ne feminæ suo potius, absque maritorum nominibus, laicis scribere audeant qui fideles sunt, vel litteras alicujus pacificas ad suum solum nomen scriptas accipiant.

Explicit concilium Elibertinum.



## INCIPIUNT CAPITULA CONCILII TARRACONENSIS.

1. Ut etiam ad proximas sanguinis cum testimo- A nio clerici vadant.
2. Ut clericis emendi vilius, vel vendendi charius non permittatur licentia.
3. Ut quantum clericus præstiterit, tantum recipiat.
4. Ut nullus episcopus vel infra positus die Dominica causas judicare præsumat.
5. Ut qui in metropolitana civitate episcopus non fuerit ordinatus, post duos menses se metropolitano præsentet.
6. Ut episcopus qui a metropolitano commonitus ad synodum non venerit, excommunicetur.
7. Ut diocesani clerici septimanas teneant, et die sabbato omnes in unum conveniant.
8. Ut annis singulis episcopi diocesim visitent, et non plus quam tertiam partem de parochiis accipiant.
9. De clericis et ostiariis qui adulteris mulieribus admiscetur, ut prohibeantur.
10. Ut nullus episcopus pro judiciis munera accipiat.
11. Ut monachus missus alicubi ministerium clericatus agere non præsumat, nec negotiator existat.
12. Ut si episcopus intestatus obierit, inventarium de rebus ejus clerici faciant, et nullus exinde aliquid auferat.
13. Ut episcopus diocesanos presbyteros, et quosdam ex laicis moneat litteris convenire.

B

## INCIPIT CONCILIUM TARRACONENSE

*Decem episcoporum; æra XLIV.*

In nomine Christi habita synodus Tarracone, anno 6 Theodoric regis, consulatu Petri, sub die octavo Idus Novembris. Antiquorum Patrum statuta de his censis videntur, quæ in tempore, aut ad illos relicta pervenerunt, aut acta certe testimonio proprio comprobaverunt; cujus rei et nos sequentes exemplum, illa quæ non fiunt placuit observanda decernere, aut præterita absque ambage custodiantur, et præsentia hac observatione sint firma. Igitur cum in unum pariter convenissemus in urbem Tarraconensem quæ est metropolitana observantissime fundata, titulos superannexos conscripsimus observandos.

CAP. I. De his quibus cura properante proximitatem habere permittitur, ut ea cautela earum necessitates sustentent, ut pietatis beneficia quæ eis sunt necessaria a longius præbeant. Ipsi vero pro visendis eis cum ingressi fuerint clerici salutatione recurrant, nec ibi faciant mansionem. Qui tamen non ad earum visitationem pergunt, testem solatii sui fide et actione ante probatum adhibeant secum. Si quis hæc a nobis statuta contempserit, si clericus est loci sui dignitate privetur. Si vero religiosus vel monachus, in cella monasterii inclusus poenitentiae lamenti incumbat, ubi singulari afflictione panis et aquæ victum ex abbatis ordinatione percipiat.

II. Canonum statutis firmatum est, ut quicumque in clero esse voluerit, emendi vilius, vel vendendi charius studio non utatur. Certe si voluerit exercere, cohibeatur a clero.

III. Si quis clericus solidum in necessitate præstiterit, hoc de vino vel frumento accipiat, quod mercandi causa tempore statuto decretum est vendicare. Cæteram si speciem non habuerit necessariam, ipsum quod dedit sine ullo augmento recipiat.

IV. Ut nulli episcoporum aut presbyterorum vel clericorum, die Dominico propositum cujuscunque causæ negotium audeant judicare, nisi hoc tantum ut Deo statuta solemniter peragant, cæteris vero diebus cohibentibus personis illa quæ justa sunt habeant licentiam judicandi exceptis criminalibus negotiis.

V. Si quis in metropolitana civitate non fuerit episcopus ordinatus, postea quam suscepta benedictione per metropolitani litteras honorem fuerit episcopi adeptus, id optimum esse decrevimus, ut postmodum statuto tempore, id est impletis duobus mensibus se metropolitani sui præsentet aspectibus, ut ab illo monitis ecclesiasticis instructus, plenius quid observare debeat recognoscat. Quod si forte hoc implere neglexerit, in synodo increpatus a fratribus corrigatur. Et si forte infirmitate aliqua (ne hoc impleat fuerit impeditus, hoc suis litteris metropolitano indicare procuret.

VI. Si quis episcoporum commonitus a metropolitano ad synodum nulla gravi intercedente necessitate corporali venire contempserit, sicut statuta Patrum censuerunt, usque ad futurum concilium cunctorum episcoporum charitatis communione privetur.

VII. De diocesanis ecclesiis vel clero id placuit definiri, ut presbyteri vel diaconi, qui inibi constituti sunt cum clericis septimanas observent, id est, ut presbyteri unam faciant hebdomadam, qua expleta succedat diaconus ei similiter, ea conditione servata ut omnis clerus die sabbati ad vesperam sit paratus, quo facilius die Dominico solemnitas cum omni præsentia celebretur, ita tamen ut omnibus diebus vespere et matutinis celebrent, quia desistente clero, quod est pessimum, comperimus in basilicis nec lu-

D

minaria ministrari. Si qui sane negligentiae vitio hæc implere noluerint, noverint se secundum statuta canonum pro modo personarum canonicae disciplinae subdendos.

VIII. Multorum causa experientia magistrante reperimus nonnullas diœcesanas ecclesias destitutas. Ob quam rem hac constitutione decrevimus, ut antiquae consuetudinis ordo servetur, et annuis vicibus ab episcopo diœceses visitentur, et si qua forte basilica reperta fuerit destituta, ordinatione ipsius reparari præcipiatur, quia tertia ex omnibus antiqua traditione ut accipiat ab episcopis, novimus statutum.

IX. Si quis lectorum adulterae mulieris voluerit misceri vel adhærere consortio, aut relinquat adulteram, aut a clero habeatur extraneus. Simili sententia ostiariorum punitur lascivia.

X. Observandum quoque decrevimus, ne quis sacerdotum vel clericorum more sæcularium iudicium audeat accipere pro impensis patrociniiis munera, nisi forte in ecclesiis oblata gratuita, quæ non favore muneris videantur accepta, sed collatione devotionis illata. Quod si quæsita probatur accipere, veluti exactor fenoris, aut usurarum possessor, secundum statuta Patrum se noverit degradandum.

XI. Monachi a monasterio foras egredientes ne

aliquod ministerium ecclesiasticum præsumant agere prohibemus, nisi forte cum abbatis imperio. Similiter ut nullus eorum, id est monachorum, forensis negotii susceptor vel exsecutor existat, nisi id quod monasterii exposcit utilitas, abbate sibi nihilominus imperante, canonum ante omnia Gallicanorum de his constitutione servata.

XII. Sicubi defunctus fuerit episcopus intestatus, post defunctionem ejus a presbyteris et diaconibus de rebus ipsius inventarium fideliter conscribatur a minimo usque ad maximum, id est, utensilibus vel omni suppellectile, ita tamen ut si quis exinde vel præsumpsisse aliquid vel occulte fuerit tulisse convictus, secundum furti tenorem restituat universa.

XIII. Epistolæ tales per partes a metropolitano sunt dirigendæ, ut non solum a cathedralibus ecclesiæ presbyteris, verumetiam diœcesanis ad concilium trahant, et aliquos de filiis ecclesiæ sæcularibus secum adducere debeant. Joannes in Christi nomine episcopus Tarraconensis civitatis, constitutionibus a nobis conscriptis subscripsi. Paulus in Christi nomine episcopus subscripsi, et coepiscopus subscripsi. Fortunianus subscripsi. Agriculus subscripsi. Orontius subscripsi. Vincentius subscripsi. Ursus subscripsi. Emidius subscripsi. Nibridius subscripsi.

#### INCIPIUNT CAPITULA CONCILII GERUNDENSIS.

1. Ut unaquæque provincia in officio unum ordinem teneat.
2. Ut litanie post Pentecosten a quinta feria usque in sabbato celebrentur.
3. De secundis litiis faciendis Kalendis Novembris.
4. Ut Pascha tantum et Pentecoste baptismum detur, exceptis his qui in languore consistunt.
5. Ut unius diei infans, si in discrimine est, baptizetur.
6. Ut qui sine uxoris ordinantur, extraneas in domo non habeant.
7. Ne laici qui viduam aut dimissam acceperint, in clero non admittantur.
8. De his qui publice poenitentiam non accipiunt, sed tantum viaticum ut in clero promoveantur.
9. Ut omnibus diebus horis vespertinis et matutinis oratio Dominica dicatur.

#### INCIPIT CONCILIUM GERUNDENSE.

Anno 7 Theodoric regis, septimo Idus Junii, Agapeto III consule.

CAP. I. Ut institutio missarum sicut in metropolitana ecclesia agitur, ita in Dei nomine in omni Tarraconensi provincia, tam ipsius missæ ordo quam psallendi vel ministrandi consuetudo servetur.

II. Ut expleta solemnitate Pentecostes, in sequenti septimana a quinta feria in sabbatum, per hoc triiduum abstinencia celebretur.

III. Item, secunda litania facienda est Kalendis Novembris, ea tamen conditione servata, ut in iisdem diebus Dominica intercesserit, in alia hebdomada secundum prioris abstinenciae observantiam a quinta feria incipiatur, et in sabbato vespere missa facta finiatur, quibus tamen diebus a carnibus et vino decrevimus abstinendum.

IV. De catechumenis baptizandis id statutum est ut in Paschæ solemnitate, vel Pentecostes ad baptizandum veniant. Cæteris solemnitatibus infirmi tantummodo debeant baptizari, quibus quocunque tempore convenit baptismum non negari.

V. De parvulis qui immaturo utero editi sunt, placuit constitui, ut si infirmi, ut assolet, fuerint et lac maternum non appetunt, etiam eadem die qua nati sunt, si oblatis fuerint, baptizentur.

VI. De his qui sine uxoris ordinantur et familias domus habent, habito secum pro vitæ conversatione patre in testimonium, non per quancunque feminei sexus personam eorum substantia gubernetur, sed per puerum, aut per amicam domum suam debeant ordinare, nisi matrem, aut sororem in domo



habuerint, ut secundum priorum canonum statuta per earum personas, eorum debeat contutari substantia.

VII. Si quis de laicis post uxorem aliam cujuscunque conditionis cognoverit mulierem, in clero nullatenus admittatur.

VIII. Is vero qui ægritudinis languore depressus pœnitentiæ benedictionem quam viatico deputamus per communionem acceperit, et postmodum reconvalescens caput pœnitentiæ in ecclesia publice non

subdiderit, si prohibitis vitis non detinetur obnoxius, admittatur ad clerum.

IX. Id semper placuit observari omnibus diebus, ut post matutinas et vespas oratio Dominica a sacerdote proferatur. Joannes in Christi nomine episcopus subscripsi. Fortunianus episcopus subscripsi. Paulus episcopus subscripsi. Agricus episcopus subscripsi. Emidius episcopus subscripsi. Nibridius episcopus subscripsi. Orontius episcopus subscripsi.

Explicit concilium Gerundense.

#### INCIPIUNT CAPITULA CONCILII CÆSARAUGUSTANI.

1. Ut feminae fideles a virorum clericorum cœtibus B separentur.

2. Ut qui eucharistiam in ecclesia accipit, et ibi eam non consumit, anathematizetur.

3. Ut diebus Dominicis nullus jejundet, nec diebus quadragesimæ ab ecclesia se absintet.

4. Ut tribus hebdomadis quæ sunt ante Epiphaniam ab ecclesia nemo recedat.

5. Ut qui a suis episcopis communione privantur, ab aliis non recipiantur.

6. Ut clericus qui propter luxum monachus voluerit esse, excommunicetur.

7. Ut doctoris sibi nomen quis non imponat, cui concessum non est.

8. Ut ante quadraginta annos sanctimoniales virgines non velentur.

#### INCIPIT CONCILIUM CÆSARAUGUSTANUM

##### *Duodecim episcoporum.*

Quarto Nonas Octobris Cæsaraugusta in secretario residentibus episcopis, Siradio, Delphino, Raticio, Ampelio, Augentio, Lucio, Italio, Splendino, Valerio, Simposio, Caterio et Italio, ab universis dictum est, Recitentur sententiæ; Lucius episcopus legit.

CAP. I. Ut mulieres omnes Ecclesiæ catholicæ fideles a virorum alienorum lectione et cœtibus separentur, ne ad ipsas legentes alii studio vel docendi, vel discendi convenient, quoniam et hoc Apostolus jubet. Ab universis episcopis dictum est anathema futuros qui hanc concilii sententiam non observaverint.

II. Item legit: Eucharistiæ gratiam si quis præbatur acceptam non consumpsisse in ecclesia, anathema sit in perpetuum. Ab universis episcopis dictum est: Placet.

III. Item legit: Ne quis jejundet die Dominica causa temporis, aut persuasionis, aut subreptionis, nec quadragesimarum diebus ab ecclesiis fideles desint, nec habitent in latibulis cubitorum ac montium qui in suspicionibus perseverant, sed exemplum et præceptum custodiant sacerdotum, et ad alienas nullas agendorum conventuum causas convenient. Ab universis episcopis dictum est: Anathema sit qui hoc commiserit.

IV. Item legit: Viginti et uno die, id est, a xvi Kalendarum Januarii usque in diem Epiphaniæ qui est octavo Idus Januarii, continuis diebus nulli liceat

C de ecclesia absentare in domibus, nec sedere ad villam nec montes petere, nec nudis pedibus incedere, sed concurrere ad ecclesiam. Quod qui non observaverit de susceptis, anathema sit in perpetuum. Ab universis episcopis dictum est: Anathema sit.

V. Item dictum est, ut hi qui per disciplinam, aut sententiam episcopi ab Ecclesia fuerint separati ab aliis episcopis non sint recipiendi; quod si scientes fecerint, non habeant communionem. Ab universis episcopis dictum est: Qui hoc commiserit, episcopo- rum non habeat communionem.

VI. Item legit: Si quis clericus propter luxum vanitatisque præsumptum de officio sponte disces- serit ac velut observatorem legis monachum videri se maluerit esse quam clericum, ita de Ecclesia repellendum, ut nisi rogando atque obsecrando plurimis temporibus satisfecerit, non recipiatur. Ab universis episcopis dictum est: Ita fiat.

VII. Item lectum est: Ne quis doctoris nomen sibi imponat, præter has personas quibus concessum est, secundum quod scriptum est. Ab universis episcopis dictum est: Placet.

VIII. Item lectum est: Non velandas esse virgines quæ se Deo voverunt, nisi quadraginta annorum probata ætate, quam sacerdos comprobaverit. Ab universis episcopis dictum est: Placet.

#### INCIPIUNT CAPITULA CONCILII ILERDENSIS.

1. De his qui altario ministrant, ut a sanguine hominis se abstineant.

2. De his qui abortivum faciunt, vel natos suos extinguunt.

3. De monachis, ut clerici ordinentur cum voluntate abbatis, et quum monasterio offeruntur non auferantur; et de basilicis quas laici fecerint.

4. De incestis, ut quandiu in scelere sunt inter catechumenos habeantur.

5. De his qui altario serviunt, si subito in fragilitatem carnis inciderint.

6. De eo qui viduæ pœnitenti vel religiosæ virgini stuprum intulerit.

7. De his qui sacramento se obligant, ne ad pacem redeant.

8. Si clericus servum vel discipulum de ecclesia traxerit, ut pœnitentiam agat.

9. De his qui rebaptizati sunt, quantum pœniteant.

10. De his qui jubente episcopo remissa culpa ab ecclesia exire contemnunt.

11. De clericis qui in mutuam cædem prorumpunt.

12. De his qui contra canones ordinati sunt, ut deponantur.

13. De catholicis qui filios suos hæreticorum baptismati tradiderunt.

14. De catholicis, ut cum rebaptizatis non conversentur.

15. Ut clerici cum extraneis mulieribus non habitent.

16. Cum sacerdos moritur, quid de rebus ecclesiæ observetur.

## INCIPIT CONCILIUM ILERDENSE HABITUM

*Habutum anno auodecimo Theodorici regis, octavo Idus Augusti.*

CAP. I. De his clericis qui in obsessionibus necessitate positi fuerint, id statutum est ut qui altario ministrant, et Christi corpus et sanguinem tradunt, vel vasa sacra officio deputata contrectant, ut ab omni humano sanguine etiam hostili se abstineant; quod si in hoc inciderint, duobus annis, tam officio quam communione priventur, ita ut duobus annis, vigiliis, jejuniis, orationibus et eleemosynis pro viribus quas Dominus donaverit expientur, et ita demum officio **103** vel communioni reddantur, ea tamen ratione ne ulterius ad officia potiora provehantur. Quod si infinito tempore negligentiores circa salutem suam exstiterint, protelandi ipsius pœnitentiæ tempus in potestate manet sacerdotis.

II. Hi vero qui male conceptos ex adulterio fetus vel editos necare studuerint, vel in ventribus matrum potionibus aliquibus colliserint, in utroque sexu adulteris, post septem annorum curricula communio tribuatur, ita tamen ut omni tempore vitæ suæ fletibus et humilitati insistant. Si vero clerici fuerint, officium eis ministrandi recuperare non liceat, attamen in choro psallentium a tempore receptæ communionis intersint ipsis beneficiis. In exitu tantum, si facinora sua omni tempore vitæ suæ deflexerint, communio eis tribuatur.

III. De monachis id observari placuit, quod synodus Agathensis noscitur decrevisse, hoc tantummodo adjiciendo, ut cum pro Ecclesiæ utilitate aliquis episcopus probaverit in clericatus officio promovendos, cum abbatis voluntate debeant ordinari. Ea vero quæ in jure monasterii de facultatibus offeruntur, in nullo diœcesana lege ab episcopis contingantur. Si autem ex laicis quisquam a se factam basilicam consecrari dêsiderat, nequaquam eam sub monasterii specie ubi congregatio non colligitur, vel regula ab episcopo non constituitur, a diœcesana lege audeat segregare.

IV. De his qui se incestus pollutione commu-

culant, placuit quousque in ipso detestando et illicito carnis contubernio perseverant, usque ad missas tantum catechumenorum in ecclesia admittantur, cum quibus etiam nec cibum sumere ullum Christianorum, sicut Apostolus jussit, oportet

V. Si qui altario Dei deserviunt, si subito in silenda carnis fragilitate corruerint, et Domino respiciente digne pœniterint, ita ut mortificato corpore cordis contriti sacrificium Deo offerant, maneat in potestate pontificis vel veraciter afflictos non diu suspendere, vel desidiosos prolixiore tempore ab Ecclesiæ corpore segregare, ita tamen, ut sic officiorum loca recipiant, ne possint ad altiora officia ulterius promoveri; quod si iterato velut canes ad vomitum reversi fuerint, non solum dignitate officii careant, sed etiam sanctam communionem, nisi in exitu, non percipiant.

VI. Qui pœnitenti viduæ, vel virgini religiosæ stuprum intulerit, si se ab eo sequestrare noluerit, pariter a communione Christianorum et consortio segregetur. Si vero illa quæ vim pertulit ad sanctam religionem redierit, in illo solo sententia excommunicationis teneatur, quoad usque publice pœniteat.

VII. Qui sacramento se obligaverit, ut litigans cum quolibet ad pacem nullo modo redeat, pro perjurio uno anno a communione sanguinis et corporis Domini segregatus, reatum suum eleemosynis, fletibus, et quantis potuerit jejuniis, absolvat; ad charitatem vero, quæ operit multitudinem peccatorum, celeriter venire festinet.

VIII. Nullus clericorum servum aut discipulum suum ad ecclesiam confugientem extrahere audeat, vel flagellare præsumat; quod si fecerit, donec digne pœniteat, a loco cui honorem non dedit segregetur.

IX. De his qui in prævaricatione rebaptizati, sine aliqua necessitate vel tormento delapsi sint, placuit



ut circa eos illa Nicænæ synodi statuta servantur quæ a de prævaricatoribus censita esse noscuntur, id est, ut septem annis inter catechumenos orent, et duos inter catholicos, et postea moderatione et clementia episcopi fidelibus in oblatione eucharistiæ communicent.

X. Qui jubente sacerdote pro quacunque culpa ecclesiam exire contempserit, pro noxa contumaciæ tardius accipiat ad veniam.

XI. Si qui clerici in mutuam cædem proruperint, prout dignitas officiorum in tali excessu contumeliam protulerit, a pontifice districtius vindicetur.

XII. Qui contra decreta canonum indiscrete clericos usque nunc ordinaverunt, eis Dominus, vel sancta et ecclesiastica charitas ignoscat. Amodo vero si in tali usu proruperint, decretum canonum quod circa eorum personas statutum est, id est, ut nullum ordinare jam audeant observetur, vel qui deinceps ordinati fuerint, deponantur; hi vero qui tales hactenus ordinati sunt, nullo tempore promoveantur.

XIII. Catholicus qui filios suos in hæresi baptizandos obtulerit, oblatio illius in ecclesia nullatenus recipiatur.

XIV. Cum rebaptizatis fideles religiosi nec in cibo participant.

XV. Familiaritatem extranearum mulierum licet ex toto sancti Patres antiquis monitionibus præceperint ecclesiis evitandam, id nunc tamen nobis visum est, ut qui talis probabitur, si post primam et secundam commonitionem se emendare neglexerit, donec in vitio perseverat, officii sui dignitate privetur, quod si Deo juvante correxerit, sancto ministerio restauretur.

XVI. Licet de re huiusmodi quam constituere salubri ordinatione decernimus præca auctoritas canonum non siluerit, sed evidenti sanctione præceperit ut cujuscunque ecclesiæ pontifice defuncto non passim pro libitu suo, in earum rerum direptionem quas obiens dereliquit quisquam irruat, domumque subvertat, sed sacerdos qui exsequiarum tempore est ea omnia quæ ad utilitatem et conservationem pertinent debeat diligenti circumspectione munire,

A tamen quia ipsa sanctio, quod pejus est, a multis clericis cognoscitur violari, ita ut non jubente sacerdote expectorato affectu, totaque disciplinæ severitate posthabita, immaniter quæ in domo pontificali reperiuntur invadunt et abradunt: ideo nunc hæc hujus placiti constitutione inter nos censoria placuit custodiri, ut defuncto antistite vel etiam adhuc in supremis agente, nullus clericorum cujuslibet ordinis, officii, gradusve sit, quidquam de domo præsumat, vel quod de utilitate instrumenti domus esse agnoscitur, id est mobilis et immobilis, rei ecclesiasticæ conetur invadere, nihil furto, nihil dolo supprimens, auferens atque abscondens, sed is cui domus commissa est subjectis sibi cum consilio uno vel duobus fidelissimis, omnia ad tempus pontificis substituti debet conservare, vel his qui in domo inveniuntur clericis consuetam alimoniam administrare. Substitutus autem antistes susceptæ sedis commoda ordinabit, velut Deus imperavit ut eis uti cum his debeat quos cognoverit disciplinæ et charitati predecessoris sui fideliter paruisse. Quod si quisquam post hæc cujuslibet ordinis, ut superius dictum est, quacunque clericus occasione de omni facultate quippiam probatus fuerit abstulisse vel forsitan dolo aliquo sumpsisse, reus sacrilegii prolixiori anathemate condemnatur, et vix quoque peregrina ei communio concedatur, quia durum est ut hi quos constat in servitio Domini cum primæ sedis antistite desudasse, ab his qui suarum rerum incubitatores atque vagantes fuisse cognoscuntur despecti aliquatenus crucientur. Sergius in Christi nomine episcopus has constitutiones, secundum quod nobis cum fratribus Deo inspirante complacuit, relegi et subscripsi; Justus in Christi nomine subscripsi; Joannes in Christi nomine episcopus subscripsi; Petrus in Christi nomine episcopus subscripsi; Marulio in Christi nomine episcopus subscripsi; Taurus in Christi nomine episcopus subscripsi; Febrorius in Christi nomine episcopus subscripsi; Gratus in Christi nomine episcopus directus a domino meo Stephano episcopo his constitutionibus interfui et subscripsi.

## INCIPIUNT CAPITULA CONCILII VALENTINI.

1. Ut Evangelium post Apostolum legatur.
2. Ut defuncto episcopo de rebus ipsius, vel ecclesiæ, nullus quidquam præsumat invadere.
3. Ut propinqui morientis episcopi de rebus ejus nihil usurpent sine metropolitani et comprovincialis conscientia.

- D 4. De exsequiis morientis episcopi, et qualiter humetur.
5. De vagis et inobedientibus clericis.
6. Ut clericum alienum nullus ordinet, nec sit clericus qui non spondeat locum ubi sit delegatus.

## INCIPIT CONCILIUM VALENTINUM

*Sex episcoporum, dxxxiii habitum anno 15 Theodorici regis.*

CAP. I. Anno quinto decimo Theodorici regis sub die secundo Nonas Decembris, in nomine Domini

nostri Jesu Christi Valentino concilio congregato, dum ecclesiasticas regulas tractaremus antiquos canones

relegentes, inter cætera hoc esse censuimus observandum, ut sacrosancta Evangelia ante munerum illationem in missa catechumenorum in ordine lectionum post legantur, quatenus salutaria præcepta Domini nostri Jesu Christi, vel sermones sacerdotis non solum fideles, sed etiam catechumeni ac poenitentes, et omnes qui e diverso sunt, audire licitum habeant, sic enim pontificum prædicatione audita nonnullos attractos ad fidem evidenter scimus.

II. Hoc etiam placuit, ut episcopo a sæculo jubente Domino accersito, clerici ab omni omnino suppellectili, vel quæcunque sunt in domo ecclesiæ, vel episcopi in libris, speciebus, utensilibus, vasculis, frugibus, gregibus, animalibus, vel omni omnino re, rapaces manus abstineant, et nihil latronum more diripiant. Qui si canonum auctoritate prohibiti aliqua pervaserint metropolitani, vel omnium comprovincialium sacerdotum districtione coacti in pristinum statum omnia reintegrare cogantur, ut nihil antistiti vel dispensatori futuro necessariorum sub hac justa constitutione depereat. Quod ut confidentius justitia manente servetur, secundum Regiensi synodi constituta, episcopo e corpore recedente, vicinior illi accedat episcopus, qui ex more exsequiis celebratis, statim ecclesiæ ipsius curam districtissime gerat, ne quid ante ordinationem futuri pontificis remanentium clericorum subversioni vel direptioni jam liceat, ita ut, perspectis omnibus, inspectio certior, descriptio fidelissima **104**, si fieri potest, intra octavas defuncti sub diligentia præsentis episcopi peragatur. Dehinc ad metropolitani notitiam habita ordinate districtio deferatur, ut ejus electione talis persona ordinandæ domus ecclesiasticæ procuretur, quæ vel consueta clericis stipendia dispenset, et creditarum sibi rerum, si forsitan tarditas in episcopo ordinando successerit, metropolitano congruis temporibus reddere possit rationem, ut sub hac salubri constitutione clerici stipendiis suis omnino contenti labores non diripiant episcopi decedentis, et in vacuam ecclesiæ domum futurus pontifex non sine dolore succedat, sed magis de prædecessoris sui dimisso possit et ipse gaudere, et aliis ministrare.

III. Simili quoque modo parentibus et propinquis decedentis episcopi, si intestatus obierit denuntietur, ut sine metropolitani vel comprovincialium sacerdotum conscientia, nihil de rebus defuncti occupare pertentent, ne forte cum hæreditariis rebus etiam aliqua ad ecclesiam pertinentia vel permista usurpent, sed usque ad ordinationem futuri expectent antistitis, aut certe, si longum fuerit, ad metropolitani, ut dictum est, ordinationem recurrant. Si quis autem contemptor divini timoris contra hæc sancta synodica clericus quisque vel laicus venire improba mente tentaverit, et communione, et con-

A sortio privetur Ecclesiæ, quia durum est ut ad illam conveniat quam expoliare non metuit, nisi forte spiritu meliore correptus dum a præsumptione cessaverit, recuperet indulgentiam. Si autem rationabiliter modesteque unusquisque repetit quod sibi jure debetur, ei absque aliqua animadversione a metropolitano vel cui injunxerit, aut res, aut ratio non negetur. Hos autem omnes constringunt, qui tam in præteritum quam in futurum res ecclesiæ vel episcopi usurpantes diripuerint.

IV. Illud etiam provido consilio decernentes, ut quia sæpe sanctorum antistitum per absentiam commendatoris episcopi exsequiæ differuntur, ita ut veneranda pontificis membra dum tardius funerantur injuriæ omnino subiaceant, episcopus qui post mortem fratris ad sepeliendum eum solet invitatus occurrere, infirmum magis et adhuc in corpore positum admonitus visitare non differat, ut aut de revelatione sacerdotis amplius gaudeat, aut certe de ordinatione domus suæ fratrem admoncat, ejusque probabilem voluntatem in effectum transmittat ac recedentem a sæculo, oblatum in ejus commendatione sacrificium Deo offerens, mox sepulture tradat diligentissime et superius constituta canonice non differat adimplere. Si autem, ut fieri solet, antistes repentino obitu decesserit, et collimitanei sacerdotes de longinquo minime adesse potuerint, uno die tantum cum sua nocte exanimatum corpusculum sacerdotis maneat, nec sine fratrum ac religiosorum frequentia, vel psallentium excubatione servatum, a presbyteris cum omni diligentia in loco conditum seorsum non statim humetur, sed honorifice commendetur, donec sine mora invitato undecunque pontifice, ab ipso, ut condecet, solemniter tumuletur, ut et injuriæ tollatur occasio, et mos antiquus in sepeliendis sacerdotibus observetur.

V. Hoc etiam placuit, ut vagus atque instabilis clericus, sive etiam in diaconi ministerio vel presbyteri officio constitutus, si episcopi a quo ordinatus est præceptis non obedierit, ut in delegata sibi ecclesia officium dependat assiduam quousque in vitio permanserit, et communione et honore privetur.

VI. Ut nullus alienum clericum secundum decreta canonum sine consensu episcopi sui audeat ordinare, sed nec ullum sanctorum sacerdotum quispiam ordinet, qui localem se futurum primitus non sponderit, ut per hæc nullus a regula vel disciplina ecclesiastica deviare permittatur impune. Celsivus in Christi nomine episcopus subscripsi. Setabius episcopus subscripsi. Benagius episcopus subscripsi, Ampelius episcopus subscripsi. Sallustius archidiaconus vicarius domini mei Marcelli episcopi, subscripsi.

#### INCIPIUNT CAPITULA CONCILII TOLETANI PRIMI.

1. De presbyteris et diaconibus si post ordinationem filios genuerint.

2. Ut poenitens, si necessitas cogat, lector ant ostiarius fiat.



3. De his qui viduas acceperint, ne diaconi efficiantur.

4. Ut subdiaconus si defuncta uxore aliam duxerit, ostiarius fiat.

5. Ut si cujuslibet ordinis clericus tardius ad ecclesiam venerit, deponatur.

6. Ut religiosa puella virorum familiaritatem in domo non habeat.

7. Ut clericus cujus uxor peccaverit præter necem potestatem habeat distringendi eam, et cum ea cibum non sumat.

8. De eo qui post baptismum militaverit, ut ad diaconatum non permittatur.

9. Ut nulla professa vel vidua, absente sacerdote, in domo sua sacerdotale officium vel lucernale impleat.

10. Ut nullus obligatum cuiquam absque consensu domini vel patroni clericum faciat.

11. Ut si quis potentum exspoliaverit quemlibet et admonente episcopo non reddiderit, excommunicetur.

12. Ut nullus clericus ab episcopo recedat et ad alium se transferat.

13. De his qui in ecclesiam intrant, et non communicant, ut excommunicentur.

14. De eo qui acceperit eucharistiam, et non sumpserit, ut sacrilegus repellatur.

15. De his qui excommunicantur a sacerdotibus, ut nullus ad eos accedat.

16. Ut devota si adulterata fuerit decem annos pœniteat; si maritum duxerit, non permittendam ad pœnitentiam, nisi maritus decesserit.

17. De eo qui uxorem habet, si concubinam habuerit, non communicet.

18. Si vidua episcopi, presbyteri, vel diaconi, maritum acceperit.

19. Si sacerdotis, vel diaconi, filia religiosa peccaverit, in fine tantum communicet.

20. Ut nullus præter episcopum chrisma conficiat.

21. De regulis fidei catholicæ contra Priscillianos.

## INCIPIT CONCILIUM PRIMUM TOLETANUM

*Decem et octo episcoporum, tempore Honorii et Arcadii, Stilicone consule, habitum.*

Convenientibus episcopis in ecclesia Toletu, id est, Patrono, Marcello, Alitiano, Aphrodisio, Jocondo, Olympo, Severo, Astutio, Hilario, Lampadio, Eustochio, Exuperantio, Sereno, Floro, Leporio, Aureliano, Lampiade, Gallia, Lucentio. His conventus municipiis Celenis actus est, isti sunt qui in aliis gestis adversus Priscilliani sectatores, et hæresim quam astruxerat libellarem dedere sententiam. Con-sidentibus presbyteris, astantibus diaconibus, et cæteris qui intererant concilio congregatis, Patronus episcopus dixit: Quoniam singuli cœpimus in ecclesiis nostris facere diversa, et inde tanta scandala sunt, quæ usque ad schisma perveniunt, si placet, communi concilio decernamus quid ab omnibus episcopis in ordinandis clericis sit sequendum. Mihi autem placet constitutum primitus Nicæni concilii perpetuo esse servandum, nec ab hoc esse recedendum. Universi episcopi dixerunt: Hoc nobis placet, ita ut si quis cognitis gestis Nicæni concilii aliud quam statutum est facere præsumperit, et non in eo perseverandum putaverit, tunc excommunicatus habeatur, nisi per correptionem fratrum emendaverit errorem.

Cap. I. Placuit, ut diacones si vel integri, vel casti sint, et continentis vitæ, etiam si uxores habeant, in ministerio constituentur, ita tamen ut si qui etiam ante interdictum quod per priores ante nos episcopos constitutum est incontinenter cum uxoribus vixerint, presbyteri honore non cumulentur; si quis vero ex presbyteris ante interdictum filios suos susceperit, de presbytero ad episcopum non admittatur.

II. Item placuit, ut pœnitentes non admittantur ad clerum, nisi tantum, si necessitas, aut usus ex-

gerit, inter ostiarios deputentur, vel inter lectores, ita ut Evangelia, aut Apostolum non legant. Si qui autem ante ordinati sunt diacones, inter subdiacones habeantur, ita ut manum non imponant, nec sacra contingant. Ex eo vero pœnitente dicimus qui post baptismum, aut pro homicidio, aut pro diversis criminibus gravissimisque peccatis publicam pœnitentiam generis sub consilio divino fuerit reconciliatus altario.

III. Item constituit sancta synodus, ut lector fidelis si viduam alterius uxorem acceperit, amplius nihil sit, sed semper lector habeatur, aut forte subdiaconus.

IV. Subdiaconus autem defuncta uxore si uxorem aliam duxerit, ab officio in quo ordinatus fuerat removeatur, et habeatur inter ostiarios vel lectores, ita ut Evangelium et Apostolum non legat, propterea ne qui ecclesiæ servierit publicis officiis servire videatur; qui vero tertiam, quod nec dicendum est, acceperit, abstentus biennio postea inter laicos reconciliatus per pœnitentiam communicet.

V. Presbyter, vel diaconus vel subdiaconus, vel quilibet ecclesiæ deputatus clericus, si intra civitatem non fuerit, vel in loco in quo ecclesia est, aut castella, aut vici sunt, aut villæ, si ad ecclesiam, aut ad sacrificium quotidianum non venerit, clericus non habeatur, si castigatus per satisfactionem veniam ab episcopo voluit promereri.

VI. Itemque puella Dei nec familiaritatem habeat cum confessore, aut cum quolibet laico sanguinis alieni, aut convivium sola adeat, nisi ubi seniorum, aut honestorum, aut viduarum honestarumque frequentia, ubi honeste confessor quilibet cum plurimorum testimonio testium convivio interesse possit,

cum lectoribus autem in ipsorum domibus non admittendas penitus nec videndas, nisi forte consanguinea soror sit vel uterina.

VII. Placuit ut si quorumcunque clericorum uxores peccaverint, ne forte licentiam peccandi plus habeant, accipiant mariti earum hanc potestatem præter necem custodiendi, ligandi in domo sua, ad jejunia salutaria, non mortifera, eas cogentes, ita ut invicem sibi clerici pauperes auxilium ferant, si servitia non habeant; cum uxoribus autem ipsis quæ peccaverint, nec cibos sumant, nisi forte ad timorem Dei acta pœnitentia revertantur.

VIII. Si quis post baptismum militaverit, et chlamydem sumpserit, aut cingulum ad necandos fideles, etiam si gravia non admiserit, si ad clerum admissus fuerit diaconi non accipiat dignitatem.

IX. Nulla professa vel vidua absente episcopo vel presbytero in domo sua antiphonas **105** cum confessore vel servo suo faciat; lucernarium vero nisi in ecclesia non legatur, aut si legatur in villa præsentem episcopo vel presbytero vel diacono legatur.

X. Clericos, siquidem obligati sint vel pro æquatione, vel de genere alienius domus, non ordinandos nisi probatæ vitæ fuerint, et patroni consensus accesserit.

XI. Si quis de potentibus clericum aut quemlibet pauperiorem, aut religiosum expoliaverit, et mandaverit eum ad se venire episcopus ut audiat, et contempserit, invicem mox scripta percurrant per omnes provinciæ episcopos, et quoscunque audire potuerint, ut excommunicatus habeatur ipse donec obediat ut reddat aliena.

XII. Item ut liberum nulli clerico sit discedere ab episcopo suo, et alteri episcopo communicare, ni forte ei quem episcopus alius libenter habeat de hæreticorum schismate discedentem, et ad fidem catholicam revertentem. Si qui autem de catholicis discesserint et communionem eorum, vel palam, vel occulte cum eis qui vel excommunicati sunt, vel per sententiam jam notati fuerint inventi, habeant illorum ad quos ire voluerint, etiam in damnatione, consortium.

XIII. De his qui intrant in ecclesiam, et apprehenduntur nunquam communicare admoneantur. Quod si non communicant, ad pœnitentiam accedant; si communicant, non semper abstineant, si non fecerint, abstineantur.

XIV. Si quis autem acceptam a sacerdote eucharistiam non sumpserit, velut sacrilegus propellatur.

XV. Si quis laicus abstinetur, ad domum ejus, vel clericorum, vel religiosorum, nullus accedat, similiter et clericus, si abstinetur, a clericis devitetur; si quis cum illo colloqui, aut convivari fuerit deprehensus, etiam ipse abstineatur, sed hoc pertineat ad eos clericos qui ejus sunt episcopi, et ad omnes qui commoniti fuerint de eo qui abstinetur, sive laico quolibet sive clerico.

XVI. Devotam peccantem non recipiendam in ecclesiam nisi peccare desierit, et si desinens egerit aptam pœnitentiam decem annis recipiat commu-

nionem, priusquam autem in ecclesiam admittatur ad orationem ad nullius convivium Christianæ mulieris accedat, quod si admissa fuerit, etiam hæc quæ eam receperit habeatur in absentia, corruptorem etiam par pœna constringat. Quæ autem maritum acceperit non admittatur ad pœnitentiam, nisi adhuc ipso vivente marito caste vivere cœperit, aut postquam ipse decesserit.

XVII. Si quis habens uxorem fidelis, si concubinam habeat non communicet. Cæterum is qui non habet uxorem et pro uxore concubinam habet a communione non repellatur, tamen ut unius mulieris, aut uxoris, aut concubinæ, ut ei placuerit sit conjunctione contentus, alias vero vivens abjiciatur, donec desinat et ad pœnitentiam revertatur.

XVIII. Si qua vidua episcopi aut presbyteri, aut diaconi maritum acceperit, nullus clericus, nulla religiosa cum ea conviviumumat, nunquam communicet, morienti tantum ei sacramentum subveniat.

XIX. Episcopi vel presbyteri sive diaconi filia, si devota fuerit et peccaverit, et maritum duxerit, si eam pater vel mater in affectum receperint, a communione habeantur alieni, pater vero causas in concilio noverit se præstaturum. Mulier autem non admittatur ad communionem, nisi marito defuncto egerit pœnitentiam, si autem vivente eo secesserit et pœnituerit, nullo modo nisi vitæ deficiens accipiat communionem.

XX. Quamvis pene ubique custodiatur, ut absque episcopo chrisma nemo conficiat, tamen quia in aliquibus locis vel provinciis presbyteri dicuntur chrisma conficere, placuit ex hac die nullum alium nisi episcopum chrisma conficere, et per diœcesim destinare, ita ut de singulis ecclesiis ad episcopum ante diem Paschæ diaconi destinentur, aut subdiaconi qui confectum chrisma ab episcopo destinatum ad diem Paschæ possint ad tempus deferre. Episcopo sane certum est quod omni tempore licet chrisma conficere, sine conscientia autem episcopi nihil penitus presbyteri agere præsumant. Statutum vero est diaconum non chrismare, sed presbyterum absente episcopo, præsentem vero non, nisi ab ipso fuerit præceptum. Hujusmodi constitutionem meminerit semper archidiaconus vel præsentibus vel absentibus episcopis suggerendam, ut eam et episcopi custodiant, et presbyteri non relinquunt.

Patronus episcopus subscripsi; Marcellus episcopus subscripsi; Afrodisius episcopus subscripsi; Alicianus episcopus subscripsi; Olimpius episcopus subscripsi; Asterius episcopus subscripsi; Lampadius episcopus subscripsi; Serenus episcopus subscripsi; Jocundus episcopus subscripsi; Severus episcopus subscripsi; Leonas episcopus subscripsi; Hilarius episcopus subscripsi; Florus episcopus subscripsi; Leporius episcopus subscripsi; Aurelianus episcopus subscripsi; Eustochius episcopus subscripsi; Lampadius episcopus subscripsi; Exuperantius episcopus subscripsi.

XXI. Regula fidei contra omnes hæreses quam maxime contra Priscillianistas episcopi Tarraconen-



sis, Carthaginensis, Lusitani et Beticī fecerunt ex praecepto papae Leonis, et ad Balconium episcopum Galliciae transmiserunt. Ipsi etiam et suprascripta viginti canonum capitula statuerunt in concilio Toletano.

*Assertio fidei ejusdem concilii.*

Credimus in unum verum Deum Patrem omnipotentem, et Filium, et Spiritum sanctum, visibilium factorem, per quem omnia facta sunt in caelo et in terra, unum Deum, et unam esse divinae substantiae Trinitatem. Patrem autem non esse Filium ipsum, sed habere Filium qui Pater non sit; Filium non esse Patrem, sed Filium Dei de Patris esse naturā; Spiritum quoque esse Paracletum, qui nec Pater sit ipse, nec Filius, sed a Patre Filioque procedens. Est ergo ingenitus Pater, genitus Filius, non genitus Paracletus sed a Patre Filioque procedens. Pater est cujus vox haec audita est de caelis: « Hic est Filius meus dilectus, in quo mihi bene complacui, ipsum audite (*Matth. xvii, 5*). » Filius est qui ait: « Ego a Patre exivi, et a Deo veni in hunc mundum (*Joan. xvi, 28*). » Paracletus est Spiritus de quo Filius ait: « Nisi ego abiero ad Patrem, Paracletus non veniet (*Joan. xvi, 7*). » Hanc Trinitatem personis distinctam substantia unica, virtute et potestate et maiestate indivisibilem, indifferentem, praeter hanc nullam credimus divinam esse naturam, vel angeli, vel spiritus, vel virtutis alicujus quae Deus credatur. Hunc ergo Filium Dei Deum natum a Patre, ante omne omnino principium sanctificasse uterum virginis Mariae, atque ex ea verum hominem sine virili generatum semine suscepisse, duabus duntaxat naturis, id est deitatis et carnis, in unam convenientibus omnino personam, id est Dominum nostrum Jesum Christum. Nec imaginarium corpus, aut phantasmatis alicujus in eo fuisse, sed solidum atque verum hunc et esurisse, et sitisse, et doluisse, et flevisse, et omnes corporis injurias pertulisse. Postremo a Judaeis crucifixum, et sepultum, et tertia die resurrexisse, conversatum postmodum cum discipulis suis, et quadragesima post resurrectionem die ad caelum ascendisse. Hunc filium hominis etiam Filium Dei, et Filium Dei et hominis filium appellamus. Resurrectionem vero futuram humanae credimus carnis, **an**imam autem hominis non divinae esse substantiae, aut Dei Patris, sed creaturam Dei voluntate creatam. **D**

**A** Si quis autem dixerit, aut crediderit a Deo omnipotente mundum hunc factum non fuisse, atque omnia ejus instrumenta, anathema sit. Si quis dixerit vel crediderit Filium eundem esse Patrem, vel Paracletum, anathema sit. Si quis dixerit atque crediderit Deum Patrem eundem esse Filium, vel Paracletum, anathema sit. Si quis dixerit vel crediderit Paracletum esse, vel Patrem, vel Filium, anathema sit. Si quis crediderit vel dixerit carnem tantum sine anima a Filio Dei fuisse susceptam, anathema sit. Si quis dixerit vel crediderit Christum innascibilem esse, anathema sit. Si quis dixerit vel crediderit deitatem nascibilem esse, anathema sit. Si quis dixerit vel crediderit deitatem Christi convertibilem fuisse, vel passibilem, anathema sit. Si quis dixerit vel crediderit alterum Deum esse praeae legis, alterum Evangeliorum, anathema sit. Si quis dixerit vel crediderit ab altero Deo mundum factum fuisse, et non ab eo de quo scriptum est: In principio fecit Deus caelum et terram, anathema sit. Si quis dixerit, vel crediderit corpora humana non resurgere post mortem, anathema sit. Si quis dixerit, vel crediderit animam humanam Dei portionem, vel Dei esse substantiam, anathema sit. Si quis dixerit vel crediderit alias scripturas praeter quas Ecclesia catholica recipit in auctoritate habendas vel esse venerandas, anathema sit. Si quis dixerit vel crediderit deitatis et carnis unam in Christo esse naturam, anathema sit. Si quis dixerit, vel crediderit esse aliquid quod se extra divinam Trinitatem possit ostendere, anathema sit. Si quis astrologiae vel mathesi existimat esse credendum, anathema sit. Si quis dixerit vel crediderit conjugia hominum quae secundum legem divinam licet habere execrabilia esse, anathema sit. Si quis dixerit, vel crediderit carnes avium seu pecudum quae ad escam datae sunt, non tantum pro castigatione hominum abstinendas, seu execrandas esse, anathema sit. Si quis in errore Priscilliani sectam sequitur, vel profitetur, ut aliud in salubri baptismo contra sedem sancti Petri faciat, anathema sit.

Explicit regula fidei catholicae adversus Priscillianistas. Patronus episcopus subscripsi; Marcellianus episcopus subscripsi; Afridius episcopus subscripsi; sancti et alii episcopi qui interfuerunt concilio.

INCIPIUNT CAPITULA CONCILII SECUNDI TOLETANI.

1. De his quos parentes ab infantia in clericatus officio mancipaverunt, si postea voluntatem habeant nubendi.

2. De clerico qui ad aliam transit ecclesiam, et qui eum receperit.

3. Ut nullus a subdiaconatu et supra extraneam habeat mulierem.

4. Ut quicquid de jure ecclesiae clerici tenuerunt, post obitum eorum ad ecclesiam revertatur.

5. De his qui se proximis suis copulant, ut a communione Christi separentur

# INCIPIT CONCILIUM TOLETANUM SECUNDUM

*Habitu æra DLXV, anno quinto Amalrici regis.*

Cum in voluntate Domini apud Toletanam urbem A sanctorum episcoporum presentia convenisset, et de institutis sanctorum Patrum canonumque decretis commemoratio haberetur, nobis in unum positis placuit, ut si qua in antiquis canonibus minime commemorata sunt salubri tractatu ac diligenti consideratione instituantur. Si qua vero in anterioribus **106** sunt neglecta, redivivam ordinationis censuram obtineant, quatenus dum his quæ in conciliis sunt decreta, sed abusione temporum hactenus dimissa, et ad cultum fidei pertinent, studium religiosæ impendimus observationis, Dei misericordiam facilius impetremus.

CAP. I. De his quos voluntas parentum a primis infantie annis in clericatus officio vel monachali posuit pariter statuimus observandum, ut mox cum detonsi vel ministerio electorum contraditi fuerint, in domo ecclesiæ sub episcopali presentia a præposito sibi debeant erudiri. At ubi octavum decimum ætatis suæ compleverint annum, coram totius cleri plebisque conspectu voluntas eorum de expetendo conjugio ab episcopo perscrutetur; quibus si gratia castitatis Deo inspirante placuerit, et promissionem castimonie suæ absque conjugali necessitate responderint servaturos, hi tanquam appetitores arctissimæ viæ lenissimo Domini iugo subdantur, ac primo subdiaconatus ministerium probatione habita professionis suæ a vigesimo anno suscipiant. Quod si inculpabiliter ac inoffensæ vicesimum et quintum annum ætatis suæ peregerint, ad diaconatus officium, si scientes implere posse ab episcopo comprobentur, promoveri debent, cavendum tamen est his ne quando suæ sponsionis immemores ad terrenas nuptias aut abortivos concubitus ultra recurrant. Quod si forte fecerint, ut sacrilegii rei ab Ecclesia habeantur extranei. His autem quibus voluntas propria interrogationis tempore desiderium nubendi persuaserit, concessam ab episcopis sententiam auferre non possumus, ita ut provecæ ætatis in conjugio positi renuntiâturos se pari consensu operibus carnis spoponderint, ad sacros gradus aspirent.

II. Similiter placuit custodire ne quis ex eis qui tali educatione imbuuntur qualibet occasione cogente propriam relinquentes ecclesiam, ad aliam transire præsumant, episcopus vero qui eum suscipere absque conscientia proprii sacerdotis fortasse præsumperit, totius fraternitatis se reum esse noverit, quia durum est ut eum quem alius rurali sensu ac scelere infantie exiit, alius suscipere ac vindicare præsumat.

III. Illud vero præterea speciali ordinatione decrevimus, quod nec antiqua concilia in universis canonibus siluerunt, ut nullo clericorum a gradu subdiaconatus et supra in consortio familiaritatis

habeat mulierem vel ingenuam, vel libertam, vel ancillam, sed si sunt ei huiusmodi servitia, matri, vel sorori, vel alii propinquæ contradat, et quidquid suis manibus perfecit, proprio domino deferatur. Aut si propinquitatis memoria deest, alterius domus adhaerentis habitaculum requiratur, dum in toto modo nulla occasio introeundi domum clerici feminae permittatur, unde aliqua possit incurrere noxialis famæ innocentis portas injuria. Sane deinceps post datam hanc admonitionem quisque earum consortio frui voluerit, noverit se non solum a clericatus officio retrahi vel ecclesiæ foribus expelli, sed etiam omnium catholicorum clericorum vel laicorum communionem privari, nulla prorsus vel colloquii consolatione relicta quatenus male consuetudinis abrasa rubigo in posteris radicis suæ veneno serpere non possit.

IV. Si quis sane clericorum agellos, vel vineolas in terris ecclesiæ sibi fecisse probatur sustentandæ vitæ causa, usque ad diem obitus sui possideat, post suum vero de hac luce decessum juxta priorum canonum constitutiones jus suum ecclesiæ sanctæ restituat, nec testamentum successorio jure cuiquam hæredum aut probæredum relinquat, nisi forsitan cui episcopus pro servitiis ac præstatione ecclesiæ largiri voluerit.

V. Nam et hæc præcavenda salubriter sancimus, ne quis fidelium propinquam sanguinis sui usquequo affinitatis lineamenta generis successione cognoscit in matrimonio sibi desideret copulari, quoniam scriptum est: Omnis homo ad proximam sanguinis sui non accedat, ut revelet turpitudinem ejus, nec sine denuntiatione sit sententiæ, nam paulo post infert et dicit: Anima quæ fecerit de abominationibus istis quidpiam, peribit de medio populi sui. Si quis ergo hujus decreti temerator exstiterit, ac velutum violare præsumperit, tanto graviore sententia multandus se recognoscat, quanto eam propinquiorem cui copulari se maluit serie originis esse non ambigit, tantoque annosioris excommunicationis tempore a Christi corpore et fraternitatis consortio sequestretur, quanto fuerit propinquiore sanguinis contagione pollutus. Hujus institutionis regulam qui subscripsimus irrefragabili auctoritate nos spondemus servaturos. Si quis autem tam nostram vel eorum qui nunc sanctæ synodo ex hac provincia defuerunt, huic tam salubri ordinationi obviare præsumperit, vel solerter adimplere neglexerit, convictus totius fraternæ charitatis aliquandiu habeatur extraneus. Sane juxta priorum canonum decreta concilium apud fratrem nostrum Montanum episcopum si Dominus voluerit futurum pronuntiamus. Itaque statuimus, ut frater et coepiscopus noster Montanus qui in metropoli est ad comprovinciales nostros Domini sacerdotes litteras de congreganda synodo adve-



niente tempore debeat destinare. Nunc ergo in nomine Domini finitis his quæ in consultationem venerunt, gratias agimus omnipotenti Deo, deinde Domino nostro glorioso Amalrico regi divinam clementiam postulantes, ut innumeris regni ejus ea quæ ad cultum fidei perveniunt peragendi nobis licentiam præstet. Montanus in Christi nomine episcopus his constitutionibus acquievi, relegi et subscripsi die et anno quo supra. Pancarius episcopus his constitutio-

nibus acquievi, et relegi, et subscripsi. Canonius episcopus subscripsi. Paulus episcopus subscripsi. Domitianus episcopus subscripsi. Marracinus episcopus subscripsi. Nibridius episcopus subscripsi. Justus in Christi nomine Ecclesiæ catholicæ Urgellitanæ episcopus, hanc constitutionem consacerdotum meorum in Toletana urbe habitam, cum post aliquantum temporis advenissem, salva auctoritate priscorum canonum relegi, probavi et subscripsi.

## INCIPIT CONCILIUM TOLETANUM TERTIUM

*In quo Arii hæresis in Hispania condemnatur.*

In nomine Domini nostri Jesu Christi anno 4, regnante gloriosissimo atque piissimo, et Deo fidelissimo domino Richardo rege, die viii Iduum Maiarum, æra d. c. xxvii. Hæc sancta synodus habita in sancta civitate regia Toletana ab episcopis totius Hispaniæ, vel Galliciæ qui infra scripti sunt.

CAP. I. Cum pro fidei suæ sinceritate idem gloriosissimus princeps omnes regiminis sui pontifices in unum convenire mandasset, ut tam de ejus conversione quam de gentis Gothorum innovatione in Domino exsultarent, et divinæ dignationi pro tanto munere gratias agerent, memoratus sanctissimus princeps sic venerandum concilium alloquitur, dicens: Non incognitum reor esse vobis, reverendissimi sacerdotes, quod propter instaurandam disciplinæ ecclesiasticæ formam, ad nostræ vos serenitatis præsentiam evocaverim, et quia recursis retro temporibus hæresis imminens in tota Ecclesia catholica agere synodica negotia denegabat, Deus, cui placuit per nos ejusdem hæresis obicem depellere, admonuit de more ecclesiastico reparare. Ergo sit vobis jucunditati, si gaudio quod mos canonicus prospectu Dei per nostram gloriam ad paternos reducetur terminos. Prius tamen admoneo pariter et exhortor jejuniis vos et vigiliis atque orationibus operam dare ut ordo canonicus quem a sacerdotalibus sensibus detraxerat longa ac diuturna oblivio, quam ætas nostra se nescire fatetur, divino dono vobis rursus patefiat. Ad hæc autem gratias Deo agentes, et religiosissimo principi universo concilio in laudibus acclamante, triduanum est exinde prædicatum jejunium. Sed cum die octava Iduum Maiarum in unum cœtum Dei sacerdotes adessent, et oratione præmissa, unusquisque sacerdotum competentis loco resedisset, ecce in medio eorum adfuit serenissimus princeps seque cum Dei sacerdotibus orationi communicans, divino flamine plenus sic ad loquendum exorsus est, dicens: Non credimus vestram latere sanctitatem quanto tempore in errore Arianorum laborasset Hispania, et non multos post decessum genitoris nostri dies, quibus nos vestra beatitudo fidei sanctæ catholicæ cognovit esse sociatos. Credimus generaliter magnum, et æternum gaudium habuisse, et ideo, venerandi pa-

B tres, ad hanc vos peragendam congregavimus synodum, ut de omnibus nuper advenientibus ad Christum ipsi æternas Domino gratias deferatis. Quidquid vero verbis apud sacerdotium vestrum nobis agendum erat de fide atque spe vestra quam gerimus in hoc tomo conscripta, atque allegata nota facimus, relegatur enim in medio vestri, et in judicio synodali examinata per omne successivum tempus gloriosa nostra ejusdem fidei testimonio declarata clarescat. Susceptus est autem ab omnibus Dei sacerdotibus offerente rege saerosanctæ fidei tomus, et pronuntiantie notario clara voce recensitus est.

II. Quamvis Deus omnipotens pro utilitatibus populorum regni nobis cultum subire tribuerit, et moderamen gentium non paucarum regiæ nostræ curæ commiserit, meminimus tamen nos mortalium conditione perstringi, nec posse felicitatem futuræ beatitudinis aliter promereri, nisi nos cultu veræ fidei reputemus, et Conditori nostro salutis confessione qua dignus est ipse placeamus. Pro qua re quanto subditorum gloria regali extollimur, tanto providi esse debemus in his quæ a Deo sunt, vel nostram spem augere, vel gentibus nobis a Deo creditis consulere. Cæterum quid pro tantis beneficiorum collationibus omnipotentis divinæ valemus tribuere, quando omnia ipsius sunt, et bonorum nostrorum nihil egeat, nisi ut in eum sic tota devotione credamus, quemadmodum per Scripturas sacras se ipse intelligi voluit, et credi præcepit, id est, ut confiteamur esse Patrem qui genuerit ex substantia sua Filium sibi et coæqualem et coæternum. Non tamen ut idem ipse sit natus ingenuus, sed persona alius sit Pater qui genuit, alius sit Filius qui fuerit generatus, unus tamen utraque substantiæ in divinitate subsistat, Pater ex quo sit Filius, ipse vero ex nullo sit alio. Filius qui habeat Patrem, sed sine initio et diminutione in ea qua Patri coequalis et coæternus est divinitate subsistat. Spiritus quoque sanctus confitendus a nobis et prædicandus a Patre esse, et Filio procedere, et cum Patre et Filio unius esse substantiæ. Tertiam vero in trinitate Spiritus sancti esse personam, qui tamen communionem habet cum Patre et Filio divinitatis essentia. Hæc enim sancta Trinitas unus est Deus, Pater et

Filius et Spiritus sanctus, cujus bonitate hominis licet bona sit condita creatura, per assumptam tamen a Filio humani habitus formam a damnata progenie reformamur ad beatitudinem pristinam; sed sicut veræ salutis indicium est trinitatem in **107** unitate et unitatem in Trinitate sentire, ita erit consummata sententia, si eadem intra universalem Ecclesiam teneamus, et apostolicam unitatem in apostolico positi fundamento servemus. Tamen vos Dei sacerdotes meminisse oportet, quantis huc usque Ecclesia catholica per Hispanias aversæ partis molestiis laboraverit, dum et catholici constanter fidei suæ tenerent ac defenderent unitatem, et hæretici pertinaciori animositate propriæ niterentur perfidiæ quoque ut res ipsa conspiciat calore fidei accensum in hoc Dominus excitavit, ut depulsa obstinatione infidelitatis, et discordiæ submoto furore, populum qui sub nomine religionis famulabatur errori, ad agnitionem fidei et Ecclesiæ catholicæ consortium revocarem. Adest enim omnis gens Gothorum incluta et fere omnium gentium virilitate illustrata, quæ licet suorum pravitate doctorum a fide hactenus vel unitate fuerit Ecclesiæ catholicæ segregata, toto nunc tamen modo assensu concordans ejus Ecclesiæ communioni participatur, quæ diversarum gentium multitudinem materno in sinu suscipit, et charitatis uberibus nutrit, de qua propheta canente, dicitur: « Domus mea domus orationis vocabitur (*Matth. xxi, 13*) » omnibus gentibus. Nec enim sola Gothorum conversio ad cumulum nostræ mercedis accedit, quinimo et Suevorum gentis infinita multitudo, quam præsidio cœlesti nostro regno subjecimus alieno iudicio in hæresim deductam, nostro tamen ad veritatis originem studio revocavimus. Proinde, sanctissimi patres, has nobilissimas gentes quæ lucris gratiæ per nos Dominicis applicatæ sunt, quasi sanctum, et placabile sacrificium per vestras manus æterno Deo offero. Erit enim mihi inmarcescibilis corona vel gaudium in retributione justorum, si hi populi qui nostra ad unitatem Ecclesiæ solertia transcurrerint fundati in eadem et stabiliti permaneant. Sicut enim divino nutu nostræ curæ fuit hos populos ad unitatem Christi et Ecclesiæ pertrahere, ita sit vestræ docilitatis eos catholicis dogmatibus instruere, quo in tota cognitione veritatis instructi, noverint ex toto errores perniciosos respuere, et veræ fidei tramitem ex charitate retinere, vel catholicæ Ecclesiæ communionem desiderio avidiori complecti. Cæterum sicut facile ad veniam pervenisse confido, quod nescia huc usque tam clarissima erraverit gens, ita gravius esse non dubito si agnitam veritatem dubio corde teneat, atque a patenti lumine, quod absit, oculos suos avertat. Unde et valde pernecessarium esse perspexi beatitudinem vestram in unum convenire, habens sententiæ Dominicæ fidem qua dicit: Ubi fuerint duo vel tres collecti in nomine meo, ibi sum in medio eorum. Credo enim beatam sanctæ Trinitatis divinitatem huic sancto interesse concilio,

et ideo tanquam ante conspectum Dei ita in medio vestri fidem meam quam protuli conscius admodum sententiæ dicentis: Non celavi misericordiam tuam a congregatione multa. Vel apostolum Paulum Timotheo discipulo præcipientem audiui: « Certa bonum certamen fidei, apprehende vitam æternam in qua vocatus es, confessus bonam confessionem coram multis testibus (*I Tim. vi, 12*). » Vera est enim Redemptoris nostri ex Evangelio sententia qua « confitentem se coram hominibus confiteri dicit coram Patre, et negantem se esse negaturam (*Matth. x, 33*) » Expediit enim nobis id ore profiteri quod credimus corde, secundum cœlestem mandatum, quo dicitur: « Corde enim creditur ad justitiam, ore autem confessio fit ad salutem (*Rom. x, 10*). » Proinde sicut anathematizo Arium cum omnibus dogmatibus et complicibus suis, qui unigenitum Dei Filium a paterna degenerem asserebat esse substantia, nec a Patre genitum, sed ex nihilo dicebat esse creatum, vel omnia consilia malignantium quæ adversus sanctam synodum Nicænam instituerunt, ita in honorem et in laudem Dei fidem sanctam Nicæni observo concilii, et honoro ea quæ contra rectæ fidei eundem pestem Arium trecentorum decem et octo sancta episcopalis scripsit synodus. Amplector itaque et teneo fidem centum quinquaginta episcoporum Constantinopoli congregatorum, qui Macedonium Spiritus sancti substantiam minorantem et a Patris et Filii unitate et essentia segregantem jugulo veritatis interemit. Primæ quoque Ephesinæ synodi fidem, quæ adversus Nestorium ejusque doctrinam lata est, credo pariter et honoro. Similiter et Chalcedonensis concilii fidem quam plena sanctitate et eruditione adversus Euticem et Dioscorum protulit, cum Ecclesia catholica reverenter suscipio. Omnium quoque orthodoxorum venerabilium sacerdotum concilia quæ ab ipsis supra scriptis quatuor synodis fidei puritate non dissonant, pari veneratione observo. Properet ergo reverentia vestra fidem hanc nostram canonicis applicare monumentis ut ab episcopis vel religiosis et gentis nostræ primoribus solerter fides quam in Ecclesia catholica crediderunt legatur; quam renovatam et apicibus vel eorum subscriptionibus roboratam, futuris olim temporibus in testimonium Dei atque omnium fidelium reservare, ut gentes quas in Dei nomine regia potestate percellimus, et quæ relicto antiquo errore per unctionem sacrosancti chrismatis, vel manus impositionem Paracleti intra Dei Ecclesiam perceperint Spiritum, quem unum et æqualem cum Patre et Filio confitentes, quæ dono Dei in sinu Ecclesiæ sanctæ catholicæ collatæ sunt. Quod si eorum aliqui hanc credulitatem et sanctam confessionem nostram minime credere voluerint, iram Dei cum anathemate æterno suscipiant, ut de interitu suo fidelibus gaudium, infidelibus sint in exemplum. Huic vero confessioni meæ sanctarum Scripturarum et conciliorum constitutionibus consentiens testimonio divino tota cordis simplicitate subscripsi.



*Fides Nicæni concilii.*

Credimus in unum Deum Patrem omnipotentem, omnium visibilium et invisibilium conditorem; et in unum Dominum Jesum Christum Filium Dei de Patre natum unigenitum, hoc est de substantia Patris, Deum ex Deo, lumen ex lumine, Deum verum ex Deo vero, natum, non factum, omousion Patri, hoc est ejusdem cum Patre substantiæ, per quem omnia facta sunt, et quæ in cælo et quæ in terra, qui propter nos et propter nostram salutem descendit et incarnatus est, homo factus, passus est sub Pontio Pilato, et sepultus est, et die tertia resurrexit, et ascendit in cælos, inde venturus est judicare vivos et mortuos. Et in Spiritum sanctum. Eos autem qui dicunt: Erat, quando non erat, et antequam nasceretur non erat, et quia ex nullis existentibus factus est, aut ex alia substantia vel substantia dicunt mutabilem esse et convertibilem Filium Dei, anathematizat catholica et apostolica Ecclesia.

*Symbolum centum quinquaginta Patrum Constantinopolitanæ concilii.*

Credimus in unum Deum, Patrem omnipotentem, factorem cæli et terræ, visibilium omnium et invisibilium conditorem. Et in unum Dominum Jesum Christum Filium Dei unigenitum, ex Patre natum ante omnia sæcula, Deum ex Deo, lumen ex lumine, Deum verum ex Deo vero, natum, non factum, omousion Patri, hoc est ejusdem cum Patre substantiæ, per quem omnia facta sunt, et quæ in cælo et quæ in terra. Qui propter nos et propter nostram salutem descendit, et incarnatus est de Spiritu sancto ex Maria virgine, homo factus, passus est sub Pontio Pilato, et sepultus est, et die tertia resurrexit, ascendit in cælos, sedet ad dexteram Patris, iterum venturus cum gloria judicare vivos et mortuos, ejus regni non erit finis. Et in Spiritum sanctum Dominum et vivificantem ex Patre procedentem, cum Patre et Filio adorandum et conglorificandum, qui locutus est per prophetas. Unam catholicam atque apostolicam Ecclesiam. Confitemur unum baptismum in remissionem peccatorum, expectamus resurrectionem mortuorum, vitam futuri sæculi. Amen.

*Item, tractatus Chalcedonensis concilii.*

Suffecerat quidem ad plenissimam pietatis agnitionem et confirmationem cautissimum hoc et salutare divinæ gratiæ symbolum. De Patre enim et Filio et Spiritu sancto doctrinam perfectam edocet, et incarnationem Dominicam fideliter suscipientibus manifestat. Sed quoniam qui prædicationem veritatis destruere nituntur, quasdam propriæ hæreseos novitates pariunt: quidam enim ministerium pro nobis actum divinæ dispensationis audent corrumpere, et vocem illam virginis partus ad virginem denegant; alii temperamentum confusionum inducentes, et unam esse naturam carnis deitatisque insensate componentes, passibilem unigeniti divinam naturam tali confusione

A prodigiose divulgant, idcirco omnem adversus veritatem opponendam ab ipsis machinationem volens excludere sancta et magna universalis synodus, antiquam prædicationem immobilem docens statuit, præcipue trecentorum decem et octo sanctorum Patrum fidem incontaminatam manere. Et propter eos qui Spiritui sancto adversantur, centum quinquaginta Patrum paulo posteriori tempore in urbe Constantinopolitana convenientium de substantia Spiritus sancti traditam doctrinam corroborat, quam etiam omnibus illi insinuaverunt. non quod in præcedentibus aliquid deesset, adjucentes de Spiritu sancto eorumdem intellectum adversus eos qui deitatis ejus dominationem nituntur adimere Scripturarum testimoniis plenius manifestant. Propter eos sane qui dispensationis mysterium tentant corrumpere, et purum hominem esse qui ex sancta Virgine natus est, impudenter divulgant, beatissimi quondam Cyrilli Alexandrinæ Ecclesiæ sacerdotis synodicas epistolas, tam ad Nestorium quam ad cæteros per Orientem congruas et sibi consentientes scripsit, ad confutationem quidam Nestorianæ amentię, interpretationem vero eorum qui religioso zelo salutaris symboli capiunt intellectum. Quibus et epistolam sancti et beatissimi primæ sedis archiepiscopi Leonis ad Flavianum scriptam esse recordamur ad penitus perimendam Euticetis malignitatem, quæ magni Petri confessioni concordat, et commune quamdam paginam existentem contra eos qui recte non glorificant ad confirmationem catholicæ religionis evidenter subjunxit, et eos qui in duos filios dispensationis Dominicæ mysterium scindere moluntur, exsecratur, et eos qui in duas naturas Christi temperamentum vel confusionem argumentantur, aversatur, et qui cœlestem aut alterius cujusunque substantiæ existere formam quam pro nobis assumpsit insaniendo asserunt, procul abjicit, et eos qui duas quidem ante unionem naturas, unam vero post unionem confingunt, anathema facit. Consistentes ergo sanctis Patribus unum eundemque Filium confiteri Dominum nostrum Jesum Christum consona voce pariter edocemur, perfectum verum Deum eundem in unitate, Deum verum et hominem ex anima rationali et corpore, secundum divinitatem unius cum Patre naturæ, secundum humanitatem D eundem unius naturæ nobiscum, per omnia similem nobis absque peccato, ante sæcula quidem ex Patre natum secundum divinitatem, novissimis vero diebus eundem propter nos et propter nostram salutem ex Maria virgine Dei genitrice secundum humanitatem, unum eundemque Christum Filium Dominum unigenitum in duabus naturis inconfuse, immutabiliter, indivise, inseparabiliter, cognoscendo, in nullo naturarum differentiam propter unitatem perimendam, magis autem salva utriusque naturæ proprietate, et in una coeunte persona, uno quoque statu concurrente, non in duabus personis partiendum vel dividendum, sed unum eundemque Christum Filium Dominum unigenitum verum Deum Jesum Christum, sicut ab exordio prophetæ de eo et ipse

nos erudit, et Patrum nobis tradidit symbolum His itaque cum omni subtilitate et diligentia a nobis ordinatis, statuit sancta et universalis synodus, aliam fidem nulli licere proferre, aut scribere, aut credere, aut separare, aut docere aliter. Qui autem audient aut disponere aliam fidem, aut proferre, aut tradere aliud symbolum volentibus converti ad scientiam veritatis, vel ex gentibus, vel Judæis, vel hæreticis quibuscunque, si quidem aut episcopi aut clerici fuerint, alienos esse episcopos ab episcopatu, et clericos a clero **108** præcipimus. Si vero monachi, aut laici, aut clerici fuerint, anathemate feriri. Ego Reccaredus rex fidem hanc sanctam et confessionem quam una per totum orbem catholica confitetur Ecclesia, corde retinens, ore confirmans, mea dextera Deo protegente subscripsi. Ego Badda gloriosa regina hanc fidem credidi et suscepi, manu mea de toto corde subscripsi. Tunc acclamatum est laudibus Dei et in favore principis ab universo concilio: Gloria Deo Patri, et Filio, et Spiritui sancto, cui cura est pacem et unitatem Ecclesiæ sanctæ catholicæ providere; gloria Domino nostro Jesu Christo, qui pretio sanguinis sui Ecclesiam catholicam ex omnibus gentibus congregavit; gloria Domino nostro Jesu Christo qui tam illustrem gentem unitati fidei veræ copulavit, et unum gregem et unum pastorem instituit. Cui a Deo æternum meritum, nisi vero catholico Reccaredo regi? Cui a Deo æterna corona, nisi vero orthodoxo Reccaredo regi? Cui præsens gloria et æterna, nisi amatori Dei Reccaredo regi? Ipse novarum plebium in Ecclesia conqueritor, ipse mereatur veraciter apostolicum meritum, qui apostolicum implevit officium, ipse sit Deo et omnibus amabilis, qui tam mirabiliter Deum glorificavit in terris, præstante Domino nostro, qui cum Patre Deo vivit et regnat in unitate Spiritus sancti in sæcula sæculorum.

*Item, fidei confessio episcoporum, presbyterorum, vel primorum Gothicæ gentis, qui infra subscripserunt.*

Præcipiente autem universo venerabili concilio atque jubente, unus episcoporum catholicorum ad episcopos et religiosos clericos vel majores natu ab hærese Ariana conversos ejusmodi allocutione exorsus est, dicens: Officii nostri cura et fidelissimi et gloriosissimi principis admonitione compellimur, diligenter a vestra charitate perquirere, vel quid damnetis in hærese, aut quid intra sanctam catholicam credatis Ecclesiam; nam dicente Psalmista, dicimus, incipiente Domino in confessione. Optimum est, et vestræ saluti conveniens palam confiteri quod creditis, et sub auditu universorum anathematizare quod respuistis. Tunc prorsus optime poteritis evangelicæ et apostolicæ sedis fidei participes fieri, si eandem fidem catholicam ex confessione catholica incipiat, vel propria subscriptione firmetis, et sicuti Deo jam de bona confessione cogniti estis

A conscientia, ita et proximos vos Christi esse corporis membra significetis, et nostra exiguitas nihil dubium, nihil infidum unquam de vestra suspicetur fraternitate, dum patuerit vos pestem Arianæ perfidiæ cum omnibus dogmatibus, regulis, officiis, communione, codicibus condemnare, ac detestandæ hæreseos expoliati contagione, innovati quodammodo intra Ecclesiam Dei splendido habitu veræ fidei claritatis. Tunc episcopi omnes una cum clericis suis primoresque gentis Gothicæ pari consensione dixerunt: Licet hoc quod paternitas atque fraternitas vestra a nobis cupit audire, vel fieri, jam olim conversionis nostræ tempore egerimus, quando secuti gloriosissimum dominum nostrum, Reccaredum regem, hac die ad Ecclesiam transivimus, et B perfidiam Arianam cum omnibus superstitionibus suis anathematizavimus, pariterque abjecimus. Nunc vero charitatem et devotionem quam vel Deo vel Ecclesiæ catholicæ sanctæ meminimus nos debere, non tantum hæc eadem quæ petitis promptissime agere properamus, sed et si qua adhuc congrua fidei esse perspicitis, ac nobis charitate persuadetis, faciemus. Nos etenim semel rectæ fidei amor in eam fidei devotionem advexit, ut omne quod nobis verius fraternitate vestra patefacitis teneamus, et libera fateamur confessione. Omnis ergo qui fidem et communionem ab Ario venientem, et usque ad nos retentam adhuc tenere desiderat, et de tota cordis intentione non damnat, anathema sit. Quicumque Filium Dei Dominum Jesum negaverit a paterna substantia sine initio genitum, et æqualem Patri esse vel consubstantialem, anathema sit. Quicumque C Spiritum sanctum non credit aut non credit a Patre et Filio procedere, eumque non dixerit coæternum esse Patri et Filio, et coessentialem, anathema sit. Quicumque in Patre et Filio et Spiritu sancto et personas non distinguit, et unius divinitatis substantiam non agnoscit, anathema sit. Quicumque Filium Dei Dominum nostrum Jesum et Spiritum sanctum esse juxta deitatem Patre minorem asseruerit, et gradibus separaverit, creaturamque esse dixerit, anathema sit. Quicumque Patrem et Filium et Spiritum sanctum unius substantiæ, omnipotentis, æternitatis esse non crediderit, anathema sit. Quicumque nescire D Filium quod Deus Pater sciat dixerit, anathema sit. Quicumque initium Filio Dei et Spiritui sancto deputaverit, anathema sit. Quicumque Filium Dei secundum divinitatem suam visibilem aut passibilem ausus fuerit profiteri, anathema sit. Quicumque Spiritum sanctum sicut Patrem et Filium verum Deum omnipotentem esse non credit, anathema sit. Quicumque alibi fidem et communionem catholicam præter in Ecclesia quam Nicæni et Constantinopolitani et primi Ephesini, et Chalcedonensis concilii decreta tenent, pariter et honorant, anathema sit. Quicumque Patrem et Filium honore et gloria et divinitate separat aut disjungit, anathema sit. Quicumque Filium Dei et Spiritum sanctum cum Patre non crediderit esse glorificandos et honorandos,



anathema sit. Quicumque non dixerit, gloria Patri et Filio et Spiritui sancto, anathema sit. Quicumque rebaptizandi sacrilegium opus esse bonum credit aut crediderit agere, et egerit, anathema sit. Quicumque libellum detestabilem duodecimo anno Leobigildi regis a nobis editum, in quo continetur Romanorum ad Arianam hæresim traductio, et in quo gloria Patri per Filium in Spiritu sancto, et in quo male a nobis instituta continentur, habuerit, anathema sit in æternum.

Confitemur enim nos ex hæresi Ariana toto corde, tota anima, et de tota mente nostra ad ecclesiam catholicam fuisse conversos. Nulli dubium sit, nos nostrosque successores errasse in hæresi Ariana et fidem evangelicam atque apostolicam nunc intra Ecclesiam catholicam didicisse. Proinde fidem sanctam quam religiosissimus dominus noster patefecit in medio concilio, et manu sua subscripsit, hanc et nos tenemus, hanc confitemur pariter et suscipimus, hanc in populis prædicare atque docere permitimus. Hæc est vera fides (quam omnis Ecclesia dum per totum mundum tenet) catholica esse creditur et probatur. Cui hæc fides non placet aut non placuerit, anathema sit maranatha in adventu Domini nostri Jesu Christi. Qui fidem spernit Nicæni concilii et Constantinopolitani centum quinquaginta episcoporum veramque esse non dixerit, anathema sit. Qui fidem Ephesinæ synodi primæ et Chalcedonensis non tenet, et ea non delectatur, anathema sit. Qui concilia omnium orthodoxorum episcoporum consona conciliis Nicæno, Constantinopolitano primo, Ephesino et Chalcedonensi non recipit, anathema sit. Proinde et damnationem hanc perfidiæ communionis Arianae et omnium conciliorum hæresem Arianam foventium cum anathemate eorum manu propria subscribimus. Constitutiones vero sanctorum conciliorum Nicæni, Ephesini, Constantinopolitani vel Chalcedonensis quas gratissima aure audivimus, consensione nostra veras esse probavimus, de toto corde, et de tota anima, et de tota mente nostra subscripsimus, nihil ad cognitionem veritatis lucidius arbitantes quam quæ supradictorum conciliorum continent auctoritates. De trinitate autem et unitate Patris et Filii et Spiritus sancti nihil his verius, nihil lucidius unquam potest vel poterit demonstrari, de mysterio Incarnationis unigeniti Filii Dei pro salute humani generis quo vera probatur humanæ naturæ sine peccati contagione susceptio, et permanentis incorruptæ in eo divinitatis plenitudo, dum hæc natura utraque non deperit, et una sit ex utraque Domini nostri Jesu Christi persona satis plane in his conciliis probatur patefieri veritas, quæ a nobis credatur, omni remota dubitatione. Qui unquam hanc fidem sanctam depravare, corrumpere, mutare tentaverit, aut ab eadem fide vel communionem catholicam (quam nuper sumus Deo miserante adepti) sese separare vel dissociare voluerit, sit Deo et universo mundo crimini infidelitatis in æternum obnoxius. Floreat autem sancta catholica Ecclesia

A per omnem mundum pacatissime et emineat doctrinæ sanctitate et potestate. Si qui intra eam fuerint, communicaverintque, hi audient, ad dexteram Patris positi: Venite, benedicti Patris mei, percipite regnum quod vobis paratum est ab origine mundi. Si qui autem ab ea recesserint, ejusque detraxerint fidei, et communionem spreverint, hi audient ore divino in die judicii: Discedite a me, maledicti, nescio vos. Ite in ignem æternum qui paratus est diabolo et angelis ejus. Sint ergo damnata in cœlo et in terra, quæcunque per hanc catholicam fidem damnantur, et sint accepta in cœlo et in terra, quæcunque per hanc fidem accipiuntur, regnante Domino nostro Jesu Christo, cui cum Patre et Spiritu sancto est gloria in sæcula sæculorum.

B *Symbolum trecentorum decem et octo Patrum Nicæni concilii.*

Credimus in unum Dominum Deum Patrem omnipotentem, omnium visibilium et invisibilium conditorem. Et in unum Dominum Jesum Christum Filium Dei de Patre natum unigenitum, hoc est de substantia Patris, Deum ex Deo, lumen de lumine, Deum verum ex Deo vero, natum, non factum, omousion Patri, hoc est ejusdem cum Patre substantiæ, per quem omnia facta sunt, quæ in cœlis et quæ in terris, qui propter nos et propter nostram salutem descendit et incarnatus est, homo factus, passus est, et resurrexit tertia die, ascendit in cœlos, inde venturus est judicare vivos et mortuos, et in Spiritum sanctum, eos autem qui dicunt, erat, quando non erat, et antequam nasceretur non erat, et quia ex nullis exstantibus factus est, aut ex alia substantia vel subsistentia, dicunt esse, aut convertibilem, aut commutabilem Filium Dei, anathematizat catholica et apostolica Ecclesia.

*Symbolum CL Patrum Constantinopolitam concilii.*

D Credimus in unum Deum Patrem omnipotentem, factorem cœli et terræ, visibilium omnium et invisibilium conditorem. Et in unum Dominum Jesum Filium Dei unigenitum ex Patre natum ante omnia sæcula, Deum ex Deo, lumen ex lumine, Deum verum ex Deo vero, natum, non factum, omousion Patri, hoc est ejusdem cum Patre substantiæ, per quem omnia facta sunt, quæ in cœlis et quæ in terris sunt. Qui propter nostram salutem descendit, et incarnatus est de Spiritu sancto ex Maria virgine, homo factus, passus est sub Pontio Pilato, sepultus, tertia die resurrexit. Ascendit in cœlos, sedet ad dexteram Dei Patris, iterum venturus in gloria judicare vivos et mortuos. Cujus regni non erit finis, et in Spiritum Dominum et vivificantem, ex Patre procedentem, cum Patre et Filio adorandum et glorificandum, qui locutus est per prophetas, unam, catholicam et apostolicam Ecclesiam. Confiteor unum baptisma in remissionem peccatorum. Expectamus resurrectionem mortuorum, vitam futuri sæculi. Amen.

*Tractatus Chalcedonensis concilii. Subscriptio episcoporum.*

Suffecerat quidem ad plenissimam pietatis agnitionem et confirmationem cautissimum hoc divinæ gratiæ symbolum, ut supra. Anastasius in Christi nomine episcopus anathematizans hæresim Ariani dogmatis superius damnatam, fidem hanc sanctam catholicam quam in Ecclesia catholica veniens credidi, manu mea de toto corde subscripsi. Murla in Christi nomine episcopus anathematizans hæresim Ariani dogmatis, ut supra. Vuilgiscus in Christi nomine episcopus anathema. Sumnila in Christi nomine episcopus anathema. Cardingus in Christi nomine episcopus civitatis Tudensis anathema. Bec-cila in Christi nomine episcopus civitatis Lucensis anathema. Arbitrus in Christi nomine episcopus civitatis Portucalensis anathema. Eruiscius in Christi nomine episcopus civitatis Desercosanæ anathema. Similiter et reliqui **109** presbyteri, et diacones ex hæresi Ariana conversi subscripserunt. Signum Gussini viri illustris proceris; Fonsa vir illustrissimus anathematizans subscripsi. Afrila vir illustrissimus anathematizans subscripsi. Abila vir illustrissimus anathematizans subscripsi. Flavi vir illustrissimus subscripsi. Similiter et omnes seniores Gothorum subscripserunt.

Post confessionem ergo et subscriptionem omnium episcoporum, et totius gentis Gothicæ seniorum, gloriosissimus dominus noster Reccaredus rex, pro parandis simul et confirmandis disciplinæ ecclesiasticæ moribus Dei sacerdotes taliter affatus est dicens: Regia cura usque in eum modum protendi debet et dirigi, quousque plenam constiterit ætatis et scientiæ capere rationem. Nam sicut in rebus humanis gloriosius eminet potestas regia, ita et prospiciendæ commoditati comprovincialium major debet esse et providentia. Ac nunc, beatissimi sacerdotes, non in eis tantummodo rebus diffundimus solertiam nostram, quibus populi sub nostro regimine positi patetissime gubernentur et vivant, sed etiam in adiutorio Christi extendimus nos ad ea quæ sunt cœlestia excogitare, et quo populos fideles efficiant satagimus non nescire. Cæterum si totis nitendum est viribus humanis moribus modum ponere et insolentium rabiem regia potestate refrenare, si quieti et paci propagandæ, opem debemus impendere, multo magis est adhibenda sollicitudo desiderare et cogitare divina, inhiare ad sublimia et ab errore retractis populis veritatem eis serenæ lucis ostendere. Sic enim agit qui multipliciter a Deo remunerari intendit. Sic enim audit qui super id quod ei committitur augeat, dum illi dicitur: Quidquid supererogaveris, ego, cum rediero, reddam tibi. Ergo quia jam fidei nostræ et confessionis formam plena serie vestra beatitudo recensuit, simul et sacerdotum, nostrorumque procerum fides atque confessio sanctitati vestræ perpatuit hoc a Deo necessario pro firmitate catholicæ fidei nostra Deo supplex instituere decrevit auctoritas, ut propter roborandam gentis nostræ novellam con-

A versionem omnes Hispaniarum et Gallaciæ ecclesiæ hanc regulam servant, omni sacrificii tempore ante communicationem corporis Christi et sanguinis juxta orientalium partium morem unanimiter clara voce sacratissimum fidei recenseant symbolum, ut primum populi quam credulitatem teneant, fateantur, et sic corda fide purificata ad Christi corpus et sanguinem percipiendum exhibeant. Dum enim hæc constitutio fuerit perenniter conservata in Dei Ecclesia, et fidelium ex sollicitudine corroboratur credulitas et perfidia infidelium concitata ad id quod repetitum sæpius recognoscit quid catholica teneat et credat Ecclesia. Omnibus ergo capitulis quæ adhuc per vestram sanctitatem regulis ecclesiasticis adji-cienda sunt hoc pro fidei sanctæ reverentia et firmitate proponite, quod de proferendo symbolo nostra Deo docente decrevit serenitas. Decætero autem prohibendis insolentium moribus mediat vobis consentiente clementia sententiis terminate districtioribus et firma disciplina qua facienda non sunt, prohibete et quæ fieri debent immobili constitutione firmate.

*Incipiunt capitula ejusdem concilii.*

1. Ut conciliorum statuta et præsulum Romanorum decreta custodiantur.
2. Ut in omnibus ecclesiis die Dominica symbolum recitetur.
3. Ut ne quis extra necessitatem rem ecclesiæ alienet.
4. Ut liceat episcopo unam ex parochiis basilicam monasterium facere.
5. Ut sacerdotes et levitæ cum uxoribus suis non vivant.
6. Ut servus ecclesiæ ab episcopo manumissus a patrimonio ecclesiæ nunquam recedat, et ut liberti aliorum ab episcopo defendantur.
7. Ut ad mensam episcopi Scripturæ divinæ legantur.
8. Ut clerici de familia fisci a principe non donentur.
9. Ut ecclesiæ Arianorum ad catholicum episcopum, in cujus diœcesi sunt permaneant.
10. Ut viduis pro castitate violentiam nullus inferat, et ut mulier invita virum non ducat.
11. Ut potens pœnitentiam agat.
12. De his qui pœnitentiam poscunt si vir est, prius tondeatur, si femina prius habitum mutet.
13. Ut clerici qui sæculares judices appetunt, excommunicentur.
14. De Judæis.
15. Ut servi fisci qui ecclesiam construunt, eisdem dotem faciant.
16. Ut episcopi cum iudicibus idola destruant, ut domini idololatram servis prohibeant.
17. Ut episcopi cum iudicibus necatores filiorum acriore disciplina corripiant.
18. Ut semel in anno synodus fiat, et iudices et actores fisci præsentés sint.
19. Ut ecclesia cum rebus ejus ad episcopi ordinationem pertineat.



20. Ut episcopus angarias vel indictiones in diocesi non imponat.

21. Ut non liceat iudicibus clericos vel servos ecclesie in suis angariis occupare.

22. Ut religiosorum corpora psallendo tantum deducantur.

23. Ut in sanctorum natalitiis ballimathie prohibeantur.

### INCIPIUNT DECRETA CONCILII.

CAP. I. Post damnationem hæresis Arianæ, et fidei sanctæ catholicæ expositionem, hoc sanctum præcepit concilium: Ut quia a nonnullis vel hæresis, vel gentilitatis necessitate per Hispaniarum ecclesias canonicus prætermisus est ordo, dum et licentia abundaret transgrediendi, et disciplinæ optio negaretur, dum omnis excessus hæresis probaretur patrociniis, et abundantia mali temporis procul esset districtio disciplinæ. At nunc pace ecclesiæ Christi misericordia reparata, quod priscorum canonum auctoritas prohibet, sit resurgente disciplina inhibendum, et agatur omne quod præcepit, permaneat in suo vigore conciliorum omnium constituta simul et synodice sanctorum præsulum Romanorum epistolæ. Nullus deinceps ad promerendos honores ecclesiasticos contra canonum statuta aspiret indignus, nihil ex hoc fiat quod sancti Patres Spiritu Dei pleni sanxerunt debere non fieri, et qui præsumpserit severitate priorum canonum distringatur.

II. Pro reverentia et exaltatione sanctissimæ atque intemeratissimæ Christi fidei propter corroborandas et fulciendas hominum invalidas mentes, quæ frequenter partim ignorantie vitio (quo naturaliter ab ipsis vitæ auspiciis nascimur obtenebrati) a via veritatis aberrare solent, partim educationis infelici corruptela depravatæ nonnunquam quod recta ratio monet et naturalis docet instinctus, et sequi veritatis puritas exhortatur, non sine gravi animæ dispendio despiciantur. Hinc ubi anima rationalis nobile Dei plasma et egregium artificium sanctissimæ Trinitatis habens in se vestigia ad sui Creatoris amorem per veram intelligentiam deberet elevari ignorantie tenebris obvoluta, ad hæresis pravitatem flexa, sui Creatoris verum cultum deserit diis alienis inserviens. His igitur incommodis occurrendi causa, ut erroris nubes longe repellantur, et veritatis ac unicæ fidei splendor illuceat, hominumque mentibus puritatis et viæ infallibilis pulchritudo inseratur, per quam totus animæ affectus in Deum suum elevetur, et illius rapta desiderio prudenti indagine oculorum acies ad lumen veritatis inextinguibile (quæ Deus est) prorsus convertat, sine cujus obtentu nihil aliud agit mens quam cæcutire, quam aberrare, quam a felicitatis scopo dimoveri, consulto piissimi et gloriosissimi. Reccaredi regis constituit synodus, ut per omnes ecclesias Hispaniæ et Gallaciæ secundum formam orientalium ecclesiarum concilii Constantinopolitani, hoc est centum quinquaginta episcoporum symbolum fidei recitetur et priusquam Dominica dicatur oratio, voce clara prædicetur, quo fides vera

manifesta sit et testimonium habeat, et ad Christi corpus et sanguinem prælibandum pectora populorum fide purificata accedant.

III. Hæc sancta synodus nulli episcoporum licentiam tribuit res alienare ecclesiæ, quoniam et antiquioribus canonibus hoc prohibetur. Si quid vero quod utilitatem non gravet ecclesiæ pro suffragio monachorum vel ecclesiis ad suam parochiam pertinentium dederint, firmum maneat. Peregrinorum vel clericorum et egenorum necessitati salvo jure Ecclesiæ præstare permittuntur pro tempore quæ potuerunt.

IV. Si episcopus unam de parochianis ecclesiis suis monasterium dicare voluerit, ut in ea monachorum regulariter congregatio vivat, hoc de consensu concilii sui habeat licentiam faciendi, qui etiam si de rebus ecclesiæ pro eorum substantia aliquid quod detrimentum ecclesiæ non exhibeat, eidem loco donaverit, sit stabile. Rei bonæ statuendæ sanctum concilium dat consensum.

V. Compertum est a sancto concilio, episcopos, presbyteros et diaconos, venientes ex hæresi carnalæ adhuc desiderio uxoris copulari. Ne ergo de cætero hoc fiat præcipitur, quod et canonibus prioribus continetur, ut non liceat eis vivere libidinosi societate, sed manente inter eos conjugali lege communem utilitatem habeant, et non sub uno conclavi maneant, vel certe si suffragatur virtus in alia domo suam uxorem faciat habitare, ut castitas apud Deum et apud homines habeat testimonium bonum. Si qui vero post hanc conventionem obscene cum uxore elegerit vivere, ut nec lector habeatur, qui vero semper sub canone ecclesiastico jacuerint, si contra veterum imperata in suis cellulis mulieres quæ infamiæ suspicionem possunt generare, consortium habuerint, illi canonice quidem distringantur, mulierum vero res ab episcopis veniuntur, et pretium ipsum pauperibus erogetur.

VI. De libertis autem hoc præcepit sancta synodus, ut si qui presbyteri vel diaconi ab episcopis facti sunt secundum modum quo canones antiqui dant licentiam, sint liberi, et tamen a patrociniis ecclesiæ tam clerici quam ab eis progeniti non recedant, ab aliis quoque libertati traditi et ecclesiis commendati patrociniis episcopi colligantur, et ne cuiquam donentur a principe hoc episcopus postulet.

VII. Pro reverentia Dei et sacerdotum id universa sancta constituit synodus, ut quia solent crebro mensis otiosæ fabulæ interponi, in omni sacerdotali convivio lectio Scripturarum divinarum misceatur, per hoc enim et animæ edificatur ad bonum, et fabulæ non necessariae prohibentur.

VIII. Jubente autem atque consentiente Domino Reccaredo id præcepit sacerdotale concilium, ut clericos ex familia fisci nullus audeat a principe donatos expetere, sed traditi capitis sui tributum ecclesiæ Dei, cui sunt alligati usque dum vivunt, regulariter administrent.

IX. Decreto hujus concilii hoc statuitur, ut eccle-

sive quæ fuerunt in hæresi Ariana. nunc autem sunt catholicæ ad eos episcopos cum suis rebus pertineant, ad quos parochiæ ipsæ in quibus ipsæ ecclesiæ fundatæ sunt, pertinere videntur.

**110 X.** Pro consulto castitatis, quod maxime hortamento concilii proficere debeat, annuente glorioso domino nostro Reccaredo rege, hoc sanctum affirmat concilium, ut viduæ quibus placuerit, teneant castitatem, et nulla vidua ad nuptias intrandas venire cogatur, quod si priusquam profiteantur continentiam nubere elegerint, illis nubant quos propria voluntate voluerint habere maritos, similis conditio et de virginibus habeatur, nec extra voluntatem parentum, et suam, maritos cogantur accipere. Si quis vero propositum castitatis viduæ vel virginis impenderit, a sancta communione et a liminibus ecclesiæ habeatur extraneus.

**XI.** Quoniam comperimus per quasdam Hispaniarum ecclesias non secundum canonem, sed foedissime pro suis peccatis homines agere pœnitentiam, et quotiens peccare libuerit, totiens a presbyteris reconciliari expostulent, et ideo pro coercenda tam execrabili præsumptione, id a sancto concilio jubetur, ut secundum formam canonum antiquorum detur pœnitentia, hoc est, ut prius eum quem sui pœnitet facti a communione suspensum faciat inter reliquos pœnitentes ad manus impositionem crebro recurrere, expleto autem satisfactionis tempore, sicuti sacerdotalis contemplatio probaverit, eum communioni restituat. Qui vero ad propria vitia, vel infra pœnitentiæ tempus, vel post reconciliationem relabuntur, secundum priorum canonum severitatem damnentur.

**XII.** Quicumque ab episcopo, vel presbytero sanus vel infirmus pœnitentiam postulat, id ante omnia episcopus servet et presbyter, ut si vir est, sive sanus, sive infirmus prius eum tondeat, aut in cinere et cilicio habitum mutare faciat, et sic pœnitentiam ei tradat. Si vero mulier fuerit, non accipiat pœnitentiam, nisi prius aut velata fuerit, aut mutaverit habitum, sæpius enim laicis cum feminis tribuendo desidiose pœnitentiam, ad lamentanda rursus facinora post acceptam pœnitentiam relabuntur.

**XIII.** Inoleta præsumptio usque adeo illicitus ausibus aditum patefecit, ut clerici concelericos suos relicto pontifice suo ad iudicia publica pertrahant. Proinde statuimus, ut hoc de cætero non præsumentur. Si quis hoc præsumpserit facere, et causam perdat, a communione efficiatur extraneus.

**XIV.** Conventus noster hoc canonibus inserendum præcepit, ut Judæis non liceat Christianas habere uxores, vel concubinas, neque mancipium Christianum in usus proprios comparare, sed et filios qui ex tali conjugio nati sunt, assumendos esse ad baptismum. Nulla officia publica eis injungantur per quæ eis occasio tribuatur Christianis poenam inferre. Si qui vero Christiani ab eis Judæismi ritu sunt maculati, vel etiam circumceisi, non reddito

A pretio, ad libertatem et religionem redeant Christianam.

**XV.** Si qui ex servis fiscalibus fortasse ecclesias construxerint, easque de sua paupertate dotaverint, has procuret episcopus prece sua auctoritate regia confirmari.

**XVI.** Quoniam pene per omnem Hispaniam, sive Gallæciam idololatriæ sacrilegium inolevit hoc cum consensu gloriosissimi principis sancta synodus ordinavit, ut omnis sacerdos in loco suo una cum iudice, territorii sacrilegium memoratum studiose perquirat, exterminare inventum non differat, omnes vero qui ad talem errorem concurrunt, sine discrimine, quæ potuerunt animadversione, coerceant, quod si neglexerint, sciant se utrique excommunicationis periculum esse subituros. Si qui vero Domini exstirpare hoc malum de possessione sua neglexerint, et familiæ prohibere noluerint, ab episcopo et ipsi a communione pellantur.

**XVII.** Cum multæ querelæ ad aures sancti concilii deferrentur, inter cætera tantæ crudelitatis opus nuntiatur, quantum confidentium aures sacerdotum non possent sustinere, ut in quibusdam Hispaniæ partibus filios suos parentes interimant fornicationis avidi, pietatis alieni, quibus si tædium est filios numerosius agere, prius seipsum debent castigare a fornicatione, nam dum causa propagandæ prolis sociantur conjugia, parricidio et fornicatione teneantur obnoxii qui filios necando proprios, docent se non pro filiis, sed pro libidine uxores duxisse. Proinde tamen nefas ad cognitionem gloriosissimi Domini nostri Reccaredi regis perlatum est, cujus gloria dignata est iudicibus earundem partium imperare, ut amovendum tantum facinus diligenter cum sacerdote procurent, et habita severitate prohibeant. Ergo et sacerdotes locorum eorumdem in quibus sceles hujus immanitas peragitur, sancta synodus præcipiendo convenit, ut idem scelus cum iudice curiosius quærant, et sine capitali vindicta acriori disciplina prohibeant.

**XVIII.** Præcepit hæc sancta et universalis synodus, ut stante priorum auctoritate canonum, quæ bis in anno præcepit congregari concilia itineris longitudine, et paupertate ecclesiarum Hispaniæ, semel in anno in loco quem metropolitanus elegerit, episcopi congregentur, iudices vero locorum aut auctores fiscalium patrimoniorum ex decreto domini nostri simul cum sacerdotum concilio autumnali tempore die Calendarum Novembrium in unum conveniant, ut discant, quam pie, juste, et humaniter, cum populis agere debeant, nec injustis vectigalibus, et immoderatis exactionibus ipsos premant, sed potius per miserationem compatiens a gravaminibus defendant, ut bonos populi tutores facere decet, nec in angariis, aut in operationibus superfluis, sive privatum onerent, sive fiscalem gravent. Sunt enim perspectatores episcopi secundum regis ammonitionem, qualiter iudices cum populis agant, ut ipsos præmonitos corrigant, aut insolentias eorum prin-



episcopum auribus innotescant. Quod si correptos A emendare nequiverint, et ab ecclesia et a communione suspendant, a sacerdote vero et senioribus deliberetur, quid per provincias in suo detrimento præstare debeant iudices, si ad concilium non venerint. Concilium vero non solvatur, nisi prius locum elegerint quo succedente tempore, iterum ad concilium conveniatur, ut jam non necesse habeat metropolitanus episcopus pro congregando concilio litteras destinare, si in priore concilio tempus omnibus denuntiatur et locus.

**XXIX.** Quidam contra omnem auctoritatem, sic ecclesias quas ædificaverint, postulant consecrari, ut dolem quam eidem ecclesiæ contulerint censeant ad episcopi ordinationem non pertinere, quod factum est taliter, in præterito corrigatur, et in futuro ne fiat, prohibeatur, sed omnia secundum constitutionem antiquam ad episcopi ordinationem et potestatem pertineant.

**XX.** Quia cognovimus episcopos per parochias suas non sacerdotaliter deservire, sed crudeliter deservire, et dum scriptum sit. Forma estote gregi, non ut dominantes in clero, exactionesque diocesis suæ, vel damna infligant, ideoque censemur excepto quod veterum constitutiones parochiis habere jubent episcopos, ut alia illis quæ hucusque præsumpta sunt denegentur, hoc est, neque in angariis presbyteri aut diacones, neque in aliquibus fatigentur a iudicibus, ne videamur in ecclesia Dei exactores potius quam Dei pontifices nominari, hi vero clerici tam locales, quam diocesani qui se ab episcopo gravari cognoverint, querelas suas ad metropolitanum deferre non differant, ut metropolitanus non moretur ejusmodi præsumptiones coercere.

**XXI.** Ecclesiarum servos, et episcoporum vel omnium clericorum a iudicibus vel actoribus publicis in diversis angariis fatigari dolemus, propter quod omne concilium a pietate gloriosissimi domini nostri poposcit ut tales deinceps ausus inhibeat, sed servi suprascriptorum officiorum in eorum usibus vel ecclesiæ laborent. Si qui vero iudicum, aut actorum clericum, aut servum clerici vel ecclesiæ in publicis ac privatis negotiis occupare voluerit, a communione ecclesiastica (cui impedimentum facit) efficiatur extraneus.

**XXII.** Qui divina vocatione ab hac vita recedunt cum psalmis tantummodo, et psallentium vocibus debere ad sepulchra deferri, nam funeris precam in quod vulgo defunctis eantari solet, vel pectoribus se aut proximos, aut familias ecclesiæ omnino prohibemus. Sufficiat autem quod in spe resurrectionis Christianorum corporibus famulatus divinorum inpenditur canticorum. Prohibet enim nos Apostolus sanctus lugere defunctos, dicens: « De dormientibus autem nolo vos contristari, sicut et cæteri qui spem non habent (I Thess. iv, 12). » Et Dominus non flevit Lazarum mortuum, sed ad vitam hujus ploravit ærumnas resuscitatum. Si enim potest hoc episcopus omnes Christianos prohibere, agere non moretur.

Religiosis tantum Christianis omnino aliter fieri non debere censemus. Sic enim Christianorum per omnem mundum humari oportet corpora defunctorum.

**XXIII.** Irreligiosa consuetudo est, quam vulgus per sanctorum solemnitates agere consuevit. Populi qui debent officia divina attendere, salutationibus turpibus invigilant, cantica non solum mala canentes, sed et religiosorum officii perstreperentes. Hoc enim ut ab omni Hispania depellatur, sacerdotum, et iudicium a concilio sanctæ curæ committitur.

*Edictum regis de confirmatione concilii.*

Gloriosissimus Dominus Reccaredus rex universis sub regimine nostræ potestatis consistentibus. Amatores nos sui divina faciens veritas nostris principaliter sensibus inspiravit, ut causa instaurandæ fidei, ac disciplinæ ecclesiasticæ, episcopos omnes Hispaniæ nostro præsentari culmini juberemus. Præcedente autem diligenti et cauta deliberatione, sive quæ ad fidem conveniunt, seu quæ ad morum correptionem respiciunt, sensus maturitate et intelligentiæ gravitate constant esse digesta. Nostra proinde auctoritas hoc omnibus hominibus ad regnum nostrum pertinentibus jubet, ut si qua definita sunt, in hoc sancto concilio acto in urbe Tolitana anno regni nostri feliciter quarto nulli contemnere liceat, nullus præterire præsumat. Capitula enim quæ nostris sensibus placita, et disciplina congrua, ac præsentī conscripta sunt synodo, in omni auctoritate, sive clericorum, sive quorumcumque omnium observentur, et maneant, id est, de observatione priorum canonum, de symbolo proferendo a populis in ecclesia, de episcopis ut eis non liceat rem alienare ecclesiæ, ut episcopo liceat unam de parochianis ecclesiis monasterium facere, ut episcopis, et presbyteris, et diaconibus ex hæresi conversis jam non liceat misceri uxoribus, vel quod hi qui semper catholici fuerint in cellulis suis cum mulieribus extraneis non morentur, quod liberti ab episcopis vel ab aliis facti, et ecclesiis commendati permanere debeant liberi, quod lectio in omnibus sacerdotalibus mensis legi debeat, quod clericos ex familiis fisci nostri unquam nullus agere præsumat, et qui acceperit irrita talis donatio maneat, de ecclesiis ab hæresi translatis ut ad episcopos in quorum sunt parochiis pertineant, de viduis quod quæ voluerint continentiam teneant, et quæ nubere elegerint, quibus voluerint, nubant, æque de virginibus quod pœnitentes secundum modum canonum antiquorum debeant agere pœnitentiam, quod qui voluerint agere pœnitentiam prius tonsdeantur, aut habitum mutent, quod non liceat Judæis de Christianis ducere uxores vel concubinas, si comparare mancipia Christiana, et Judæis non liceat vel publica officia peragere, quod manere debeat firmum, si servi fisci nostri ecclesias fecerint, easque de peculio suo dotaverint, quod idololatriæ cultura a sacerdotibus vel iudicibus exquirenda sit atque exterminanda, quod qui filium suum

necaverit, a sacerdotibus vel iudicibus distringatur, quod semel in anno ad concilium sacerdotes, et iudices, atque actores patrimonii nostri debeant convenire quod ecclesiarum omnium causa ad episcopi ordinationem pertinere debeat, quod sacerdotes moderanter agere debeant per parochias, quod servi ecclesiæ sive clericorum non debeant a nostris actoribus in angaria aliqua fatigari. Quod religiosorum corpora cum hymnis et canticis tantum deferenda sint ad sepulcra. Quod Ballimathiæ et turpia cantica prohibenda a sanctorum solemnibus. Has omnes constitutiones ecclesiasticas quas summatim breviterque perstrinximus (sicut plenius in canone continentur) manere perenni stabilitate sancimus. Si quis clericus ergo aut laicus harum

A sanctionum obediens observator esse noluerit, superba fronte majorum statutis repugnans, si episcopus, presbyter, diaconus, aut clericus fuerit, ab omni concilio excommunicationi subjaceat, si vero laicus fuerit, et honestioris loci persona fuerit, medietatem facultatum suarum amittat fisci juribus profuturam. Si vero minoris loci persona est amissione rerum suarum multatus in exilium deputetur. Flavius Reccaredus rex hanc deliberationem quam cum sancta definivimus synodo confirmans subscripsi. Mausona in Christi nomine ecclesiæ catholicæ Emerrecensis metropolitani episcopus provinciæ Lusitaniæ his constitutionibus quibus in urbe Toletana interfui, manu mea subscripsi. Similiter et alii episcopi subscripserunt.

### INCIPIUNT CAPITULA CONCILII QUARTI TOLETANI.

1. De oratione et fidei confessione quæ in sancta Dei Ecclesia prædicatur.

2. Nulla pene res magis disciplinæ mores ab Ecclesia Christi depulit, quam inordinata diversitas officii.

3. De formula secundum quam debeat sancta synodus in Dei nomine fieri.

4. In solemnitate paschali qualiter solet in Hispaniis varietas existere.

5. De baptismi sacramento.

6. Comperimus quod per nonnullas ecclesias in die sextæ feriæ passionis Domini clausis basilicarum foribus non celebretur officium.

7. Quidam in die ejusdem dominicæ passionis ad horam nonam jejunium solvunt.

8. Lucerna et cereus infra vigiliis apud quasdam ecclesias non benedicuntur, et cur a nobis benedicantur, inquirunt.

9. Nonnulli sacerdotum per Hispanias reperiuntur qui Dominicam orationem quam salvator noster docuit et præcepit non quotidie, sed tantum die Dominico dicunt.

10. Quod sacerdotes Hispaniæ diebus quadragesimæ alleluia decantent.

11. Quod in quibusdam Hispaniarum ecclesiis iudes post Apostolum decantent.

12. De hymnis etiam canendis.

13. De hymno quoque trium puerorum in quo universa cœli terræque creatura Deum collaudat.

14. Quod in finem psalmorum non sicut a quibusdam gloria Patri, sed honor et gloria Patri dicatur.

15. Sunt quidam qui in fine responsorium gloriam non dicunt.

16. De Apocalypsi libro, ut teneatur, et quando legatur.

17. Quod quidam sacerdotes non rite post dictam orationem Dominicam statim communicant, et postea benedictionem in populo dant.

18. Quod perniciose consuetudo nequaquam est retinenda.

19. Quod in veteri lege ab anno vigesimo quinto levitæ ordinari mandantur.

20. Quod sacerdotes Dei irreprehensibiles esse debent.

21. Quod apud Deum conscientiam puram et apud homines famam optimam nos habere oporteat.

22. Quemadmodum antistites ita presbyteri et levitæ sicut nomine, ita et meritis vitam teneant et testimonium vitæ.

23. Quod prona sit omnis ætas ab adolescentia in malum.

24. Quod maxime in sacerdotibus Dei vitanda est errorum ignorantia.

25. De presbyteris parochitanis dum ordiantur quod libellum officialem a sacerdote suo accipere debent.

26. Quando presbyteri, aut diaconi in parochias constituuntur, oportet eos professionem episcopo suo facere.

27. Si episcopus, presbyter, diaconus, aut subdiaconus a gradu suo dejecti fuerint, et in secunda synodo innocentes inveniantur, qualiter recipi debeant.

28. Si episcopus, presbyter, seu diaconus, vel ex ordine clericorum magos, aruspices, ariolos, augures vel sortilegos consulere fuerint deprehensi, quid de eis agendum sit.

29. Confinitimi hostium sacerdotes propter eos qui a regia potestate licentiam acceperint in synodo mundandi sunt.

30. Quod sæpe principes contra quoslibet majestatis obnoxios sacerdotibus sua negotia committunt.

31. Ut episcopi in protegendis populis ac defendendis impositam a Deo sibi curam non ambigant.

32. Quod avaritia radix cunctorum malorum aliquorum sacerdotum mentes obtineat.

33. Quicumque episcopus alterius episcopi diocesim per triginta annos sine aliqua interpellatione possederit, ut teneat eam.



34. Ut sicut diœcesim alienam tricennalis possessio tollit, ita territorii conventum non amittit.

35. Quod episcopos per cunctas diœceses parochiasque suas ire oporteat per singulos annos.

36. Quicumque episcopi suffragio cujuslibet aliquid de ecclesiasticis utilitatibus providerint quid agendum sit.

37. Præbendum a sacerdotibus vitæ solatium indigentibus, et maxime his quibus restituenda vicissitudo est.

38. Nonnulli diacones in tantam erumpunt superbiam, ut presbyteris se præferant.

39. Si non licet episcopis, nec presbyteris oraria duo indui, quanto magis diaconis qui ministri eorum sunt.

40. Ut omnes clerici vel lectores sicut levitæ et sacerdotes detonso superius capite inferius solam circuli coronam relinquunt.

41. Ut extraneæ feminæ cum clericis non habitent.

42. De clericis qui non habentes legitimum conjugium extranearum mulierum, vel ancillarum suarum, interdicta sibi consortia appetunt.

43. De clericis qui sine consultu episcopi sui uxorem duxerunt.

44. De clericis qui in quacunque seditione arma volentes sumpserunt.

45. Si quis clericus in demoliendis sepulcris fuerit deprehensus.

46. De præcepto domini nostri Sisenangi regis.

47. De eligendis œconomis.

48. De professione monachi, ut quidquid fuerit allegatum, teneat.

49. De clericis quis monachorum propositum appetunt.

50. Quale jus episcopi in monasteriis habere debeant.

51. De monachis qui egredientes de monasterio non solum ad sæculum revertuntur, sed etiam uxores accipiunt.

52. De religiosis propriæ regionis qui nec inter clericos, nec inter monachos habentur.

53. De eis qui in discrimine constituti pœnitentiam accipiunt.

54. De sæcularibus qui accipientes pœnitentiam se totonderant et rursus prævaricantes laici effecti sunt.

55. Quod duo sunt genera viduarum, sæculares et sanctimoniales.

56. De Judæis ne vi ad credendum cogantur.

57. De cupiditate episcopi, presbyteri, vel diaconi sive clericorum qui contra fidem Christianam Judæis suffragium præstant.

58. De prævaricatione eorum qui dudum ad Christianam fidem promoti sunt.

59. De Judæorum filiis vel filiabus, ne parentum ultra involvantur erroribus.

60. De Judæis baptizatis, si postea prævaricati fuerint in Christo.

61. De malorum consortiis, quod etiam bonos corrumpunt.

62. De Judæis qui Christianas mulieres in conjugio habent.

63. Non potest erga homines esse fidelis, qui extiterit impius in Deum.

64. Præcipiente Domino, atque excellentissimo Sisenando rege, ut Judæi aut qui ex Judæis sunt officia publica nullatenus appetant.

65. Ut Christianos servos non liceat Judæis habere.

66. De his qui de rebus suis pauperibus Christi nullatenus distribuunt

67. De episcopis qui mancipium juris ecclesiæ non retento ecclesiastico patrocinio manumitti desiderant.

68. Ut sacerdotes qui aut res suas ecclesiæ relinquunt, aut nihil habentes aliqua prædia ecclesiis suis conquirunt, si voluerint possunt de ecclesiæ famulis aliquos liberos facere.

69. De libertis ecclesiæ, quia nunquam moritur eorum patrona, a patrocinio ejusdem nunquam discedant.

70. De libertis ecclesiæ qui a patrocinio ejusdem discedunt.

71. De libertis qui a quibuscunque manumissi sunt atque ecclesiæ patrocinio commendati existunt.

72. Ut qui libertatem a dominis suis ita percipiunt, ut nullum in eis obsequium patronus detinet, suscipiantur ad clerum.

73. De famulis ecclesiæ constituere presbyteros vel diaconos per parochias licet.

74. De ecclesiastici ordinis institutis vel decretis, quæ ad quorundam pertinent disciplinam.

## INCIPIT CONCILIUM TOLETANUM QUARTUM.

**112** CAP. I. Anno tertio regnante Domino nostro gloriosissimo principe Sisenando, die nonas Decembris, æra DCLXXXI, dum studio amoris Christi ac diligentia religiosissimi Sisenandi regis Hispaniæ atque Gallæciæ sacerdotes apud Toletanam urbem in nomine Domini convenissemus, ut ejus imperiis atque jussis commoti a nobis ageretur de quibusdam

ecclesiæ disciplinis tractatus. Primum gratias Salvatori nostro Deo omnipotentii egimus, posthæc antefato ministro excellentissimo et glorioso regi, cujus tanta erga Deum devotio exstat, ut non solum in rebus humanis, sed etiam in causis divinis sollicitus maneant, hic quippe dum in basilica beatissimæ et sanctæ martyris Leocadiæ omnium nostrum pa-

riter jam cœtus adesset, pro merito fidei suæ cum magnificientissimis et nobilissimis viris ingressus, primum coram sacerdotibus Dei humiprostratus, cum lacrymis et gemitibus pro se interveniendum Domino postulavit. Deinde religiosa prosecutione synodum exhortatus est, ut paternorum decretorum memores ad confirmanda in nobis jura ecclesiastica studium præberemus, et illa corrigere quæ dum per negligentiam in usum venerunt contra ecclesiasticos mores licentiam sibi usurpationemque fecerunt. Talibus ergo ejus monitis congaudentes necessarium existit, juxta ejus nostrumque votum tractare quæ competunt sive in sacramentis divinis, quæ diverso atque illicito modo in Hispaniarum ecclesiis celebrantur, seu quæ in moribus prave usurpata noscuntur. Et quoniam generale concilium agimus, oportet primum nostræ vocis sermonem de Deo esse, ut post professionem fidei sequentia operis nostri vota, quasi super fundamentum firmissimum disponantur. Quenadmodum a sanctis Patribus accepimus, Patrem et Filium, et Spiritum sanctum unius deitatis atque substantiæ confitemur, in personarum diversitate Trinitatem credentes, in divinitate unitatem prædicantes, nec personas confundimus, nec substantiam separamus. Patrem a nullo factum vel genitum dicimus, Filium a Patre non factum, sed genitum asserimus. Spiritum sanctum vero nec creatum, nec genitum, sed procedentem ex Patre et Filio profitemur. Ipsum autem Dominum Jesum Christum Dei Filium, et creatorem omnium ex substantia Patris ante sæcula genitum descendisse ultimo tempore pro redemptione mundi a Patre, qui nunquam desinit esse cum Patre. Incarnatus est enim ex Spiritu sancto et gloriosa sancta Dei genitricis virgine Maria, et natus ex ipsa solus idem Dominus Jesus Christus, unus in sancta Trinitate, anima et carne perfectus, sine peccato suscipiens hominem, manens quod erat, assumens quod non erat, æqualis Patri secundum divinitatem, minor Patre secundum humanitatem, habens in una persona duarum naturarum proprietatem. Naturæ enim in illo duæ, Deus et homo. Non autem duo filii, sed dii duo, sed idem una persona in utraque natura perferens passionem, et mortem pro nostra salute, non in virtute divinitatis, sed in infirmitate humanitatis. Descendit ad inferos, ut sanctos qui ibi tenebantur, erueret, et devicto mortis imperio resurrexit. Assumptus in cœlis venturus est in futurum ad judicium vivorum et mortuorum. Cujus morte et sanguine mundati, remissionem peccatorum consecuti sumus, resuscitandi ab eo in die novissima, in ea qua nunc vivimus carne et in ea qua resurrexit idem Dominus forma percepturi ab ipso, alii pro justitiæ meritis vitam æternam, alii pro peccatis supplicii æterni sententiam. Hæc est Ecclesiæ catholicæ fides, hanc confessionem servamus atque tenemus quam quisque firmissime custodierit perpetuam salutem habebit.

II. Post rectæ fidei confessionem quæ in sancta

A Dei Ecclesia prædicatur, placuit omnes sacerdotes qui catholicæ fidei unitate complectimur, ut nihil ultra diversum aut dissonum in ecclesiasticis sacramentis agamus, ne quælibet nostra diversitas apud ignotos seu carnales schismaticis errorem videatur ostendere, et multis exstet scandalum varietas ecclesiarum. Unus ergo ordo orandi atque psallendi a nobis per omnem Hispaniam atque Gallæciam conservetur, unus modus in missarum solemnitatibus, unus in vespertinis officiis, nec diversa sit ultra in nobis ecclesiastica consuetudo, quia una fide continemur et regno. Hoc enim et antiqui Patres decreverunt, ut unaquæque provincia et psallendi, et ministrandi parem consuetudinem teneat.

III. Nulla pene res disciplinæ mores ab ecclesia B Christi magis depulit, quam sacerdotum negligentia qui contemptis canonibus ad corrigendos ecclesiasticos mores synodum facere negligunt, ob hoc a nobis universaliter definitum est, ut quia juxta Patrum antiqua decreta bis in anno difficultas temporis fieri concilium non sinit, saltem vel semel a nobis celebretur, ita tamen aut si fidei causa est, aut quælibet alia ecclesia communis generalis, totius Hispaniæ et Gallæciæ synodus convocetur. Si vero nec de fide, nec de communi ecclesiæ utilitate tractabitur, sed speciale erit concilium, prout uniuscujusque provinciæ metropolitanus elegerit peragendum esse. Omnes autem qui causas contra episcopos, ac judices, ac potentes aut contra quoslibet alios honore noscuntur, ad idem concilium concurrant, et quæcunque examine synodali a quibuslibet prave usurpata inveniuntur regii exsecutoris instantia justissime his quibus jura sunt reformentur, ita ut pro compellendis judicibus vel sæcularibus viris ad synodum metropolitani studio quidam exsecutor a principe constituetur.

Quintadecima autem Kalendarum Juniarum congreganda est in quacunque provincia synodus propter vernale tempus, quando herbis terra vestitur, et pabula germinum inveniuntur. Hora itaque diei prima ante solis ortum ejiciantur omnes ab ecclesia, obseratisque foribus eunctis, ad unam januam per quam sacerdotes ingredi oportet, ostiarii sedeant. Et convenientes omnes episcopi pariter introeant, et secundum ordinationis suæ tempora resideant. D Post ingressum omnium episcoporum atque consessum vocentur, deinde presbyteri quos causa probaverit introire. Nullus se inter eos ingerat diaconorum. Post hos ingrediantur diacones probabiles, quos ordo poposcerit interesse. Et corona facta de sedibus episcoporum, presbyteri a tergo eorum resideant, diaconi in conspectu eorum stent, deinde ingrediantur laici, qui electioni concilii interesse meruerant. Tunc quoque et notarii quos ad recitandum vel excipiendum ordo requirit, et obserantur januæ. Sedentibusque in diuturno silentio sacerdotibus, et cor tantum habentibus ad Deum, dicat archidiaconus: Orate, statimque omnes in terram prosternantur, et orantibus diutius tacite cum fletu-



bus atque gemitibus, tunc unus ex episcopis senioribus surgens, orationem palam ad Dominum fundat, cunctis adhuc in terra jacentibus. Finita autem oratione, et responso ab omnibus: Amen, rursus diaconus dicat: Erigite vos, et confestim omnes surgant, et cum timore omni et disciplina, tam episcopi quam presbyteri sedeant. Sicque omnibus in suis locis in silentio consistentibus, diaconus alba indutus codicem canonum in medio proferens, capitula de conciliis agendis pronuntiet. Finitisque titulis metropolitanus episcopus concilium alloquatur, dicens: Ecce, sanctissimi sacerdotes, recitatæ sunt ex canonibus priscorum Patrum sententiæ de concilio celebrando. Si qua ergo quempiam virum actio commovet coram suis fratribus proponat. Tunc si aliquis quancunque querelam quæ contra canonem agit in audientiam sacerdotalem protulerit, non prius ad aliud transeat capitulum, nisi primum quod proposita est actio terminetur. Nam et si presbyter aliquis, aut diaconus, vel clericus, sive laicus, de his qui foris steterit, concilium pro qualibet re crediderit appellandum, ecclesiæ metropolitanæ archidiacono causam suam intimet, et ille concilio denuntiet. Et tunc illi et introeundi et proponendi licentia concedatur. Nullus autem episcoporum a cœtu communi secedat antequam hora generalis secessionis adveniat. Concilium quoque nullus solvere audeat, nisi fuerint cuncta determinata, ita ut quæcunque deliberationi communi finiuntur, episcoporum singulorum manibus scribantur. Tunc enim Deus suorum sacerdotum concilio interesse credendus est, si tumultu omni abjecto, sollicitè atque tranquille ecclesiastica negotia terminentur.

IV. Solet in Hispaniis de solemnitate paschali varietas existere prædicationis, diversa enim observantia Laterculorum paschalis festivitatis interdum errorem parturit. Proinde placuit, ut ante tres menses Epiphaniorum metropolitani sacerdotes libris se invicem inquirant, ut communi scientia docti, diem resurrectionis Christi compvincialibus suis insinuent ut uno tempore celebrandum annuntient.

V. De baptismi sacramento, propter quod in Hispaniis quidam sacerdotes trinam, simplam quidam mersionem faciunt, a nonnullis schisma esse conspicitur, et unitas fidei scindi videtur. Nam dum partes diversæ in baptizandis aliqua contrario modo agunt, ab aliis non baptizatos esse contendunt. Proinde quid a nobis in sacramento diversitate finiendum sit, apostolicæ Sedis informemur præceptis, non nostra, sed paternam institutionem sequentes. Beatæ ergo memoriæ Gregorius Romanæ ecclesiæ pontifex qui non solum partes Italiæ illustravit, sed et longe existentes ecclesias sua doctrina perdocuit, efflagitante sanctissimo Leandro episcopo de hac Hispaniæ diversitate quid potius esset sequendum, inter cætera rescribens, sic ait: De trina vero mersione baptismatis nihil responderi verius potest, quam ipsi sensistis, quia in una fide nihil officit sanctæ Ecclesiæ

A consuetudo diversa. Nos autem quod tertio mergimus triduanæ sepulturæ sacramenta signamus, ut dum tertio infans ab aquis educitur, resurrectio tridui temporis exprimatur. Quod si quis forte etiam pro summi Trinitatis veneratione existimet fieri, neque ad hoc aliquid obsistit baptizandum semel in aquas mergere, quia dum in tribus subsistentiis una substantia est, potest infantem in baptismo in aquam vel ter, vel semel mergere, quando et in tribus mersionibus personarum trinitas, et in una potest divinitatis singularitas designari. Sed quod hucusque ab hæreticis infans in baptismo tertio mergebatur, faciendum apud vos esse non censeo, ne dum mersiones numerant, divinitatem dividant, dumque quod faciebant, faciunt, morem nostrum se fecisse gloriantur. Quapropter quia de utroque sacramento quod sit in sancto baptismo a tanto viro redita est ratio, quod utrumque irreprehensibile in sancta Dei Ecclesia habeatur, propter vitandum autem schismatis scandalum, vel hæretici dogmatis usum simplam teneamus baptismi mersionem, ne videantur apud nos qui tertio mergunt hæreticorum approbare assertionem, dum sequuntur et morem. Et ne forte cuiquam sit dubium huius simpli mysterii sacramenti, videat in eo mortem, et resurrectionem, dum sequuntur et morem Christi significare. Nam in aquas mersio quasi ad infernum descensio est et rursus ab aquis emersio resurrectio est. Item videat in eo unitatem divinitatis, et trinitatem personarum ostendi: unitatem, dum semel mergimus; trinitatem, dum in nomine Patris et Filii et Spiritus sancti baptizamus. Panditur huius singularis baptismi mysterium etiam Scripturarum sanctarum exemplis, Paulo apostolo attestante: « Nolo vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari (1 Cor. x, 1). » Mare quippe Rubrum significat baptismum Christi sanguine consecratum, per quod populus Dei sub columna ignis et nubis semel transiit, ubi tamen tota erat Trinitas præcedente **113** populum columna ignis et nubis. In igne quippe significatur Pater, in columna Filius, in nube Spiritus sanctus. Jordanis quoque fluenta cum arca populus Dei semel transiit, per quod significatur simpla mersio baptismatis, cujus sacramento Ecclesiæ abluitur, et de fidei huius laboribus per baptismum quasi per Jordanem ad terram cœlestis repromotionis ingreditur.

VI. Comperimus quod per nonnullas ecclesias in die sextæ feriæ passionis Domini clausis basilicarum foribus non celebratur officium, nec passio Domini populis prædicatur, dum idem Salvator noster apostolis suis præcepit dicens, passionem et mortem et resurrectionem meam omnibus prædicare. Ideoque oportet eodem die mysterium crucis (quod ipse cunctis annuntiandum voluit) prædicari atque indulgentiam criminum clara voce omnem populum præstolari, ut poenitiæ compunctione mundati venera-

h le festum Dominicæ resurrectionis remissis iniquitatibus suscipere mereamur, corporisque ejus et sanguinis sacramentum mundi a peccato sumamus.

VII. Quidam in die ejusdem passionis Dominicæ ab hora nona jejunium solvunt, conviviis adhibentur, et dum sol ipse eadem die tenebris palluerit, lumen subdlexerit, ipsaque elementa turbata morositiam totius mundi ostenderint, illi jejunium tanti diei polluant, epulisque inserviunt. Et quia totum eundem diem universalis ecclesia propter passionem Domini in mœrore et abstinence peragit, quicumque in eo jejunium præter parvulos senes et languidos ante peractas indulgentiæ preces persolverit, a paschali gaudio depellatur, nec in eo sacramentum corporis et sanguinis Domini percipiat, qui diem passionis ejus per abstinence non honoravit.

VIII. Lucerna et cereus infra vigilias apud quasdam ecclesias non benedicitur, et a nobis cur benedicatur, inquirunt. Propter gloriosum enim noctis ipsius sacramentum hæc solemniter benedicimus, ut sacræ resurrectionis Christi mysterium quod tempore hujus noctis votive advenit benedictione sanctificati luminis suscipiamus. Et quia hæc observatio per multarum loca terrarum, regionesque Hispaniæ in Ecclesiis commendatur, dignum est propter unitatem pacis, ut in Gallicanis ecclesiis conservetur. Nulli autem impune erit qui hoc contempserit, sed patrum regulis subiacebit.

IX. Nonnulli sacerdotum in Hispanis reperiuntur, qui Dominicam orationem quam Salvator docuit, et præcepit non quotidie, sed tantum die Dominica dicunt. Et quia sine intermissione ut oremus, apostolus docuit, qualiter autem oremus, Christus præcepit dicens, cum autem oratis, dicite: « Pater noster qui es in cœlis (*Matth.* vi, 9). » Quomodo ergo quotidie non dicitur, quod sine intermissione dici jubetur? Nam in tantum quotidie hæc oratio dicenda est, ut etiam ipso titulo utatur. Nam vocatur oratio quotidiana, sic eam sancti Patres nuncupaverunt, quod etiam apud doctores, quorum illustris doctrina est, invenitur. Sanctus quoque Cyprianus dicit: Itaque in oratione Dominica, panem nostrum, id est Christum dari nobis quotidie petimus, ut qui in Christo manemus et vivimus, a sanctificatione et corpore ejus non recedamus. Sanctus Hilarius dicit: « Panem nostrum quotidianum da nobis hodie (*Matth.* vi, 11). » Quid enim tam vult Deus quam ut quotidie Christus habitet in nobis, qui est panis vitæ et panis e cœlo, et quia quotidiana oratio est, quotidie quoque ut detur oratur? Sanctus Augustinus dicit: De quotidianis autem brevibusque peccatis sine quibus vita hæc non ducitur, quotidiana oratio fidelium satisfacit. Eorum est enim dicere: Pater noster qui es in cœlis, quia jam Patri tales regenerati sunt ex aqua et Spiritu sancto. Delet ergo hæc quotidiana oratio minima quotidiana peccata, delet illa a quibus vita fidelium, etiam scelerate gesta, pœnitendo in melius discedit mutata.

A Ergo sicut Christus præcepit, sic Apostolus monuit. Et quemadmodum doctores ecclesiastici instituerunt, quia quotidie vel cogitatione, vel verbo delinquimus quotidie et hanc orationem effundere in conspectu Dei debemus. Quisquis ergo sacerdotum vel subdiaconum clericorum hanc orationem Dominicam quotidie, aut in publico, aut in privato officio præterierit propter superbiam, judicatus ordinis sui honore privetur.

X. Item, cognovimus quosdam Hispaniæ sacerdotes, qui in quadragesimæ diebus alleluia decantant præter in ultima hebdomada Paschæ, quod deinceps fieri interdiximus, statuantes ut in omnibus prædictis Quadragesimæ diebus (quia tempus non est gaudii, sed mœroris) alleluia non decantetur. Tunc enim opus est fletibus ac jejuniis insistere, corpus cilicio et cinere induere, animum mœroribus dejicere, gaudium in tristitiam vertere quousque veniat tempus resurrectionis Christi, quando oporteat jam in lætitia manere, et mœrorem in gaudium mutare. Hoc enim Ecclesiæ universalis consensus in cunctis terrarum partibus roboravit, quod et a nobis omnibus ut conservetur per Hispanias Gallæciasque provincias oportebit. In temporibus vero reliquis, id est Calend. Januarii, quæ propter errorem gentilitatis aguntur, omnino alleluia non decantabitur, in quibus etiam præter piscem et olus, sicut et in illis quadragesima diebus cæteris carnibus abstinetur, et a quibusdam etiam nec vinum bibitur. Si quis ergo episcopus, aut presbyter, aut diaconus, aut quilibet ex ordine clericorum fuerit repertus qui arbitrium suum huic constitutioni æstimet præferendum, ordinis officio carere cogatur, et communione ejusdem paschæ privetur.

XI. In quibusdam quoque Hispaniarum ecclesiis laudes post Apostolum decantantur priusquam Evangelium prædicetur, dum præcipiant post Apostolum non laudes sed Evangelium annuntiare, presumptio est enim ut anteponantur ea quæ sequi debent. Nam Laudes ideo Evangelium sequuntur propter gloriam Christi, quæ per idem Evangelium prædicatur circa omnes gentes. A sacerdotibus hic ordo deinceps retineatur, excommunicationis pœnam suscepturis, qui hunc ordinem perturbaverint.

D XII. De hymnis etiam canendis et Salvatoris et apostolorum habemus exemplum. Nam et ipse Dominus hymnum dixisse perhibetur Matthæo attestante: « Et hymno dicto exierunt in montem Oliveti (*Matth.* xxvi, 30), et Paulus apostolus ad Ephesios scripsit dicens: « Implemini spiritu loquentes in psalmis, et hymnis, et canticis spiritualibus (*Ephes.* v, 19). » Et quia a nonnullis hymni humano studio in laudem Dei atque apostolorum et martyrum triumphos compositi esse noscuntur, sicut hi quos beatissimi doctores Hilarius atque Ambrosius ediderunt, quos tamen quidam specialiter reprobant, pro eo quod de scripturis sanctorum canonum vel apostolica traditione non existunt. Respuant ergo et illum hymnum ab hominibus compositum, quem



quotidie publico privatoque officio in fine omnium psalmorum dicimus : Gloria et honor Patri et Filio, et Spiritui sancto, in sæcula sæculorum. Amen. Nam et ille hymnus quem nato in carne Christo angeli cecinerunt : « Gloria in excelsis Deo, et in terra pax hominibus bonæ voluntatis (*Luc. II, 14*). » Reliqua quæ ibi sequuntur ecclesiastici doctores composuerunt. Ergo nec ipsi in ecclesiis canendi sunt, quia in sanctarum Scripturarum libris non inveniuntur. Componuntur missæ sive preces, vel orationes, sive commendationes seu manus impositiones, ex quibus si nulla decantetur in ecclesia, vacant officia omnia ecclesiastica. Admonet hæc fieri atque hortatur Timotheum Apostolus dicens : « Obsecro ergo primo omnium fieri obsecrationes, orationes, postulationes, gratiarum actiones pro omnibus hominibus, pro regibus et pro omnibus qui in sublimitatibus sunt (*I Tim. II, 1*). » Sicut ergo orationes, ita et hymnos in laude Dei compositos nullus nostrum ulterius improbet, sed pari modo in Gallicia Hispaniaque celebret; excommunicatione plectendi qui hymnos rejicere fuerint ausi.

XIII. Hymnum quoque trium puerorum in quo universa cæli terræque creatura Deum collaudat et quem Ecclesia catholica per totum orbem diffusa celebrat, quidam sacerdotes in missa Dominicorum dierum, et in solemnitatibus martyrum canere negligunt. Proinde sanctum concilium instituit, ut per omnes Hispaniæ ecclesias vel Gallicie in omnium missarum solemnitate idem in publico decantetur, communionem amissuri qui antiquam hujus hymni consuetudinem, nostramque definitionem excesserint.

XIV. In fine psalmorum non sicut a quibusdam hucusque Gloria Patri, sed gloria et honor Patri dicatur, David propheta dicente : « Afferte Domino gloriam et honorem (*Psal. xcvi, 7*), » et Joanne evangelista : « Exercitus dicentium, honor et gloria Deo nostro sedenti in throno (*Apoc. v, 13*). » Ac per hæc duo sic oportet in terris dici sicut in cælis resonant. Universis ergo ecclesiasticis hanc observationem damus, quam quisque præterierit communionis jacturam habebit.

XV. Sunt quidam qui in fine responsorium gloriam non dicunt, propter quod interdum inconvenienter resonat, sed hæc est discretio, ut in lætis sequatur gloria, in tristioribus repetatur principium.

XVI. Apocalypsim librum multorum conciliorum auctoritas et synodica sanctorum præsulum Romanorum decreta Joannis evangelistæ esse præscribunt, et inter divinos libros recipiendam constituerunt. Et quia plurimi sunt qui ejus auctoritatem non recipiunt, eamque in Ecclesia Dei prædicare contemnunt. Si quis eum deinceps aut non receperit, aut a Pascha usque ad Pentecosten in Ecclesia non prædicaverit, excommunicationis sententiam habebit.

XVII. Nonnulli sacerdotes post dictam orationem Dominicam statim communicant, et postea benedic-

tionem in populo dant, quod deinceps interdicimus, sed post orationem Dominicam benedictio in populum sequatur, et tunc demum corporis et sanguinis Domini sacramentum sumatur, eo videlicet ordine ut sacerdotes et levitæ ante altare communicent, in choro clerus, extra chorum populus.

XVIII. Perniciosa consuetudo nequaquam est recipienda quæ majorum statuta præteriens, omnem ecclesiæ ordinem perturbaverit, dum alii per ambitus sacerdotia appetunt, alii oblatiis muneribus pontificatum assumunt, nonnulli etiam sceleribus implicati, vel sæculari militiæ dediti, indigni ad honorem summi ac sacri ordinis pervenerunt, de quorum scilicet causa atque remotione oportuerat quidem statuere, sed ne perturbatio quamplurima ecclesiæ oriretur præteritis omissis deinceps qui non promoveantur ad sacerdotium ex regulis canonum, necessario credimus inserendum, id est, qui in aliquo crimine detecti sunt, qui infamiae nota aspersi sunt, qui scelera antiqua per publicam penitentiam admisisse confessi sunt, qui in hæresim lapsi sunt, qui in hæresi baptizati aut rebaptizati esse noscuntur, qui semetipsos absciderunt, aut naturaliter defectu membrorum aut decisione aliquid minus habere noscuntur, qui secundæ uxoris cognitionem sortiti sunt, aut numerosa conjugia frequentaverunt, qui viduam, vel a marito relictam duxerunt, aut corruptarum mariti fuerunt, qui concubinas, aut fornicarias habuerunt, qui servili conditioni obnoxii sunt, qui ignoti sunt, qui neophyti, vel laici **114** sunt, qui sæculari militiæ dediti sunt, qui curiæ nexibus obligati sunt, qui inscii litterarum sunt, qui nondum ad triginta annos pervenerint, qui per gradus ecclesiasticos non accesserunt, qui ambitu honorem quærunt qui muneribus honorem obtinere moliantur, qui a decessoribus in sacerdotium eliguntur. Sed nec ille deinceps sacerdos erit, quem nec clerus nec populus propriæ civitatis elegit, vel auctoritas metropolitani, vel comprovincialium sacerdotum assensio exquisivit. Quicumque ergo deinceps ad ordinem sacerdotii postulatus, et in his quæ prædicta sunt exquisitus in nullo horum deprehensus fuerit, et examinatus probabili vita atque doctrina exstiterit, tunc secundum synodica, vel decretalia constituta cum omnium clericorum vel civium voluntate ab universis comprovincialibus episcopis, aut certe a tribus in sacerdotem die Dominica consecrabitur, convenientibus cæteris qui absentes sunt litteris suis, et magis auctoritate vel præsentia ejus qui est metropoli constitutus. Episcopus autem comprovincialis ibi consecrandus est, ubi metropolitani elegerit. Metropolitanus autem non nisi in civitate metropoli et comprovincialibus ibidem convenientibus. Si quis autem deinceps contra prædicta vetita canonum ad gradum sacerdotum indignum aspirare contenderit, cum ordinatioribus suis adepti honoris periculo subiacebit.

XIX. In veteri lege ab anno vigesimo quinto, levite in tabernaculo servire mandantur, ejus auctori-

tatem in canonibus et sancti Patres secuti sunt. Nos et divinæ legis et conciliorum præcepti immemores, infantes et pueros levitas facimus ante legitimam ætatem, ante experientiam vitæ. Ideoque ne ulterius fiat a nobis, et divinæ legis et canonum admonemur sententiis, sed viginti quinque annorum ætate levitæ consecrentur, et triginta presbyteri ordinentur, ita ut secundum præceptum probentur primum, et sic ministrent nullum crimen habentes.

XX. Quicumque in sacerdotio Dei positi sunt, irreprehensibiles esse debent, Paulo attestante: « Oportet episcopum irreprehensibilem esse (*I Tim. III, 2*). » Inoffensos ergo et immaculatos decet existere sacerdotes, nec ullius eos fornicationis contagio pollui, sed caste viventes, mundos semetipsos celebrandis exhibeant sacramentis. Abstineamus ergo nos ab omni opere malo et ab omni inquinamento carnis liberi maneamus, ut mundi corpore, purgati mente possimus ad sacrificium Christi digni accedere, et Deum pro delictis omnium deprecari.

XXI. Quamvis conscientiam puram apud Deum nos habere oporteat, tamen et apud homines famam optimam custodire convenit, ut juxta præceptum apostolicum non tantum coram Deo, sed etiam coram hominibus vitæ sanctæ testimonium habeamus. Quidam enim huc usque sacerdotum non modicum scandalum creaverunt, dum in conversatione vitæ non bonæ famæ existunt. Ut ergo excludatur deinceps omnis nefanda suspitionis occasio, et ne detur ultra sæcularibus locus obtrectandi, oportet episcopos testimonium probabiliū personarum conversationis et vitæ in conclavi suo habere, ut Deo placeant per conversationem bonam, et ecclesiæ per omnium famam.

XXII. Non aliter placuit, ut quemadmodum antistites, ita presbyteri atque levitæ quos forte infirmitas atque ætatis gravitas in conclavi suo manere non sinit, ut iidem in cellulis suis testes vitæ habeant, vitamque suam sicut nomine, ita meritis teneant.

XXIII. Prona est omnis ætas ab adolescentia in malum, nihil enim incertius quam vitæ adolescentium; ob hoc constituendum oportuit, ut si qui in clero pueri aut adolescentes existunt, omnes in uno conclavi atrii commorentur, ut lubricæ ætatis annos non in luxuria, sed in disciplinis ecclesiasticis agant, deputato probatissimo seniore, quem et magistrum disciplinæ et testem vitæ habeant. Quod si aliqui ex his pupilli existunt, sacerdotali tutela foveantur, ut et vita eorum a criminibus intacta sit, et res ab injuria reprobiorum. Qui autem his præceptis reserverint, monasteriis deputentur, ut vagantes animi et superbi severiori regula dstringantur.

XXIV. Ignorantia mater cunctorum errorum, maxime in sacerdotibus Dei vitanda est, qui docendi officium in populis susceperunt, sacerdotes enim legere sanctas Scripturas frequenter admonet Paulus apostolus dicens ad Timotheum: « Intende lectioni et exhortationi (*I Tim. IV, 13*). » Doctores semper manere in his se sciant. Igitur sacerdotes Scripturas

sanctas et canones meditentur, ut omne opus eorum in prædicatione divina et doctrina consistat, atque ædificent cunctos tam fidei scientia, quam operibus disciplina.

XXV. Quando presbyteri in parochiis ordinantur, libellum officialem a suo sacerdote accipiant ut ad ecclesias sibi deputatas instructi succedant, ne per ignorantiam etiam in ipsis divinis sacramentis offendant, ut quando vel ad litanias, vel ad concilium venerint, rationem episcopo reddant, qualiter susceptum officium celebrent vel baptizent.

XXVI. Quando presbyteri aut diaconi per parochias constituuntur, oportet eos primum professionem episcopo suo facere ut caste et pie vivant sub Dei timore, ut dum eos tali professione obligaverit, sanctam disciplinam retineant.

XXVII. Episcopus, presbyter, aut diaconus si a gradu suo injuste dejectus in sancta synodo innocens reperiatur, non potest esse quod fuerat, nisi gradus amissos recipiat coram altario de manu episcoporum, si episcopus est, orarium, annulum et baculum, si presbyter, orarium et patenam, si diaconus, orarium et albam, si subdiaconus patenam et calicem, sic et reliqui gradus cum reparationem sui recipiant quem cum ordinarentur perceperant.

XXVIII. Si episcopus aut presbyter, sive diaconus, vel quilibet ex ordine clericorum magos aut aruspices, aut ariolos, aut certe augures, vel sortilegos, vel eos qui profitentur artem aliquam, aut aliquem eorum simili exercentem consuluisse fuerit deprehensus, ab honore dignitatis suæ depositus monasterii curam excipiat, ibique perpetuæ poenitentiae deditus scelus admissum sacrilegii solvat.

XXIX. Confinitimi hostium sacerdotes præter eos qui a regie potestatis sublimi auctoritate licentiam acceperunt, a quolibet mandatum agentes extraneum occulte accipere vel dirigere non præsumant; qui autem deprehenditur, aut convincitur denuntiatio principi apud concilium condigna animadversione multabitur.

XXX. Sæpe principes contra quoslibet majestatis obnoxios sacerdotibus negotia sua committunt, et quia sacerdotes a Christo ad ministerium salutis electi sunt, ibi consentiunt regibus fieri iudices, ubi jurejurando supplicii indulgentia promittitur, non ubi discriminis sententia præparatur. Si quis ergo sacerdotum contra hoc communione consultum discussor in alienis periculis exstiterit, fit reus effusi sanguinis apud Christum, et apud ecclesiam perdat proprium gradum.

XXXI. Episcopi in protegendis populis ac defendendis impositam a Deo sibi curam non ambigant, ideoque dum conspiciunt iudices ac potentes pauperum oppressores existere, et prius eos sacerdotali admonitione redarguant, et si contempserint emendari, eorum insolentiam regis auribus intiment, ut quos sacerdotalis admonitio non flectit ad justitiam regalis potestas ab improbitate coerceat. Si quis



autem episcoporum id neglexerit, concilio erit A reus.

XXXII. Avaritia radix est cunctorum malorum, cuius sitis etiam sacerdotum mentes obtinet. Multi fidelium in amore Christi et martyrum in parochiis episcoporum basilicas construunt, oblationes sanctas tribuunt, sacerdotes hæc auferunt, atque in usus suos convertunt, inde est quod cultores sacrorum deficiunt, dum stipendia sua perdunt, inde labentium basilicarum ruinæ non reparantur, quia avaritia sacerdotali omnia auferuntur. Pro qua re constitutum est a præsentī concilio episcopos ita dioceses suas regere, ut nihil ex earum jure præsumant auferre, sed juxta priorum auctoritatem conciliorum, tam de oblationibus quam de tributis, ac frugibus tertiam consequantur, quod si amplius quidpiam ab eis præsumptum exstiterit, per concilium restauretur, appellantibus autem ipsis conditoribus, aut certe propinquis eorum, si jam illi a sæculo decesserunt. Noverint ergo conditores basilicarum in rebus quas eisdem ecclesiis conferunt nullam potestatem habere, sed juxta canonum instituta sicut ecclesia, ita et dos ejus ad ordinationem episcopi pertineat.

XXXIII. Quicumque episcopus alterius episcopi diocesim per triginta annos sine aliqua interpellatione possiderit, quia secundum jus legis ejus videtur esse diocesis, admittenda non est contra eum actio reposcendi, sed hoc intra unam parochiam, extra vero nullo modo, ne dum diocesis defenditur, provinciarum termini confundantur.

XXXIV. Sicut diocesim alienam tricennalis possessio tollit, ita territorii conventum non amittit, ideoque basilicæ, quæ novæ conditæ fuerint, ad eum procul dubio episcopum pertinebant, cujus conventus esse constiterit.

XXXV. Episcopum per cunctas dioceses, parochiasque suas per singulos annos ire oportet, ut exquirat quid unaquæque basilica in reparationem sui indiget, quod si ipse aut languore detentus, aut aliis occupationibus implicatus id adimplere nequeverit, presbyteros probabiles aut diacones mittat, qui et redditus basilicarum et reparationes et ministrantium vitam inquirent.

XXXVI. Quicumque episcopi suffragio ejuslibet aliquid ecclesiasticæ utilitatis providerint, et pro eo quodcumque commodum in remunerationem promiserint, promissi solutionem eos exsolvere oportebit, ita ut id ad concilium provinciale deferatur, ut eorum convivia confirmetur quia sicut Paulus ait : « Dignus est operarius mercede sua (1<sup>a</sup> Tim. v, 18). »

XXXVII. Præbendum est a sacerdotibus vitæ solatium indigentibus, et maxime his quibus restituenda vicissitudo est. Quicumque ergo fidelium de facultatibus suis ecclesiæ aliquid devotione propria contulerint, si forte ipsi aut filii eorum redacti fuerint ad inopiam, ab eadem ecclesia suffragium vitæ pro temporis usu percipiant. Si enim clericis seu monachis vel peregrinis aut quamlibet necessitatem

sustinentibus pro solo religionis intuitu in usum res ecclesiasticæ largiuntur, quanto magis consulendum est, quibus retributio justa debetur !

XXXVIII. Nonnulli diacones in tantam erumpunt superbiam, ut sese presbyteris anteponan, atque in primo ipsi priores stare præsumant, presbyteris in secundo choro constitutis. Ergo ut sublimiores sibi presbyteros agnoscant, tam hi quam illi in utroque choro consistant.

XXXIX. Si oraria duo nec episcopo induere quidem licet nec presbytero, utique multo minus diacono qui minister eorum est, unum ergo orarium oportet levitam gestare in sinistro humero, propter quod **115** orat, id est prædicat. Dexteram autem oportet habere liberam, ut expeditius ad ministerium sacerdotale discurrat. Caveant ergo amodo levitæ gemino uti orario, sed unum tantum et purum, nec ullis coloribus aut a tyro ornatum ferant.

XL. Omnes clerici vel lectores sicut levitæ et sacerdotes detonso superius capite toto inferius solam circuli coronam relinquant, non sicut huc usque in Galliciæ partibus facere lectores videntur, qui prolaxis, ut laici, comis in solo capitis apice modicum circulum tondent, ritus enim iste in Hispaniis hucusque hæreticorum fuit, unde oportet ut pro amputando ab ecclesiis scandalo hoc signum dedecoris auferatur, et sit una tonsura vel habitus sicut totius Hispaniæ est usus. Qui autem hoc non custodierit, fidei catholicæ reus erit.

XLI. Cum clericis extraneæ feminæ nullatenus habitent, nisi tantum mater, et soror, filia, amita, in quibus personis nihil sceleris æstimari naturæ fœdus permittit, id enim et constitutio antiquorum Patrum decrevit.

XLII. Quidam clerici legitime non habentes conjugium, extranearum mulierum vel ancillarum suarum interdicta sibi consortia appetunt, ideo quæ conjuncte taliter cum clericis sunt ab episcopo, auferantur et venundentur, illis pro tempore religatis ad poenitentiam quos sua libidine infecerunt.

XLIII. Clerici qui sine consultu episcopi sui uxores duxerint, aut viduam, vel tripudiatam, vel meretricem in conjugium acceperint, separari eos a proprio episcopo oportebit.

XLIV. Clerici qui in quacunque seditione arma volentes sumpserint, aut sumpserunt, reperti, amisso ordinis sui gradu in monasterium contradantur poenitentiae.

XLV. Si quis clericus in demoliendis sepulcris fuerit deprehensus, quia facinus hoc pro sacrilegio legibus publicis sanguine vindicatur, oportet canonicis in tali scelere proditum a clericatus ordine submoveri, et poenitentiae triennio deputari.

XLVI. Præcipiente domino nostro atque excellentissimo Sisenando rege, id constituit sanctum concilium, ut omnes ingenui clerici pro officio religionis ab omni publica indictione atque labore habeantur immunes, ut liberi Deo serviant, nullaque prædicti necessitate ab ecclesiasticis officiis retrahantur.

XLVII. Eos quos œconomos Græci vocant, hoc est, qui vice episcoporum res ecclesiasticas tractant, sicut sancta synodus Chalcedonensis instituit, omnes episcopos de proprio clero ad regendas ecclesias habere oportet, qui autem deinceps contempserit, obnoxius ejusdem magni concilii erit.

XLVIII. Monachum aut paterna devotio, aut propria professio facit, quidquid horum fuerit alligatum tenebit, proinde his ad mundum reverti intercludimus aditum, et omnes ad sæculum interdicimus regressus.

XLIX. Clerici qui monachorum propositum appetunt, quia meliorem vitam sequi cupiunt liberos, eis ab episcopo in monasteriis largiri oportet ingressus, nec interdicti propositum eorum qui ad contemplationis desiderium transire nituntur.

L. Nuntiatum est præsentī concilio, eo quod monachi episcopali imperio servili opere mancipientur, et jura monasteriorum contra instituta canonum illicita præsumptione usurpentur, ita ut pene ex coenobio possessio fiat, atque illustris portio Christi ad inanitionem servitutemque perveniat. Quapropter monemus eos qui ecclesiis præsumunt, ut ultra talia non præsumant, sed hoc tantum sibi in monasterio vendicent sacerdotes quod præcipiunt canones, id est monachos ad conversationem sanctam præmonere abbates, aliaque officia construere, atque extra regulam facta corrigere, quod si aliquid in monachis canonibus interdictum præsumpserint, aut usurpare quidpiam de monasterii rebus tentaverint, non deerit ab illis sententia excommunicationis, qui se deinceps nequaquam sustulerit ab illicitis.

LI. Nonnulli monachorum egredientes a monasterio non solum ad sæculum revertuntur, sed etiam et uxores accipiunt, igitur revocati in eodem monasterio a quo exierant, poenitentiae deputentur, ibique defleant crimina sua unde discesserunt.

LII. Religiosi propriæ regionis qui nec inter clericos nec inter monachos habentur, sive hi qui per diversa loca vagi feruntur, ab episcopis in quorum conventu commorari noscuntur, licentia eorum coerceatur, ut aut in clero aut in monasterio deputentur propter eos qui ab episcopo suo aut propter languorem fuerint absoluti.

LIII. Si qui in discrimine constituti poenitentiam accipiunt nulla manifesta scelera confitentes, sed tantum se peccatores esse prædicantes, hujusmodi si revelaverint, possunt etiam per morum probitatem ad gradus ecclesiasticos pervenire. Qui vero ita poenitentiam accipiunt, ut aliquod mortale peccatum perpetrasset publice fateantur, ad clerum vel honores ecclesiasticos pervenire nullatenus poterunt, quia se confessione propria notaverunt.

LIV. Quicumque ex sæcularibus accipientes poenitentiam totonderunt se, et rursus prævaricantes laici effecti sunt, comprehensi ab episcopo suo ad poenitentiam ex qua recesserunt revocentur. Quod si aliqui per poenitentiam irrevocabiles sunt nec admoniti revertuntur, ut vere apostatæ coram eccle-

sia anathematis sententia condemnentur. Non aliter hi qui a parentibus detonsi fuerunt aut sponte amissis parentibus seipsos religioni devoverunt, et postea habitum sæcularem sumpserunt, et iidem a sacerdote comprehensi ad cultum religionis acta prius poenitentia revocentur. Quod si converti non possunt velut apostatæ anathematis sententiæ subjiciantur, quæ forma servabitur etiam in viduis, virginibus sacris, ac poenitentibus feminis, quæ sanctimoniam habitum induerunt, et postea aut vestem mutaverunt, aut ad nuptias transierunt.

LV. Duo sunt genera viduarum, sæculares et sanctimoniales, sæculares viduæ sunt quæ adhuc disponentes nubere laicalem habitum non deposuerunt, sanctimoniales sunt quæ jam mutato habitu sæculari sub religioso cultu in conspectu sacerdotis et ecclesiæ apparuerunt, hæ si ad nuptias transierint juxta Apostolum non sine damnatione erunt, quia se primum Deo voventes postea castitatis propositum abjecerunt.

LVI. De Judæis autem præcepit sancta synodus nemini deinceps ad credendum vim inferre. Cui enim vult Deus miseretur, et quem vult indurat, non enim tales inviti salvandi sunt, sed volentes, ut integra sit forma justitiæ. Sicut enim homo propria arbitrii voluntate serpenti obediens periit, sic vocante se gratia Dei propriæ mentis conversione, homo quisque credendo salvatur. Ergo non vi, sed libera arbitrii voluntate, ut convertantur suadendi sunt non potius impellendi. Qui autem jampridem ad christianitatem coacti sunt sicut factum est temporibus religiosissimi principis Sisebuti, quia jam constat eos sacramentis divinis associatos et baptismi gratiam suscepisse, et chrismate unctos esse, et corporis Domini et sanguinis exstitisse participes, oportet ut fidem etiam quam vi vel necessitate susceperunt, tenere cogantur, ne nomen Domini blasphemetur, et fides quam susceperunt vilis ac contemptibilis habeatur.

LVII. Tanta est quorundam cupiditas, ut quidam eam appetentes (juxta quod ait Apostolus) etiam a fide erraverunt (I Tim. vi, 10). Multi quippe hucusque ex sacerdotibus atque laicis accipientes a Judæis munera, perfidiam eorum suo patrocinio fovent, qui non immerito ex corpore Antichristi esse noscuntur, quia contra Christum faciunt. Quicumque ergo deinceps episcopus sive clericus sive sæcularis illis contra fidem Christianam suffragium, vel auxilium vel favorem præstiterit, ut profanus et sacrilegus anathema effectus ab Ecclesia catholica habeatur extraneus, quia dignus est, ut a corpore Christi separetur, qui inimicis Christi patronus efficitur.

LVIII. Plerique qui ex Judæis dudum ad Christianam fidem promoti sunt, nunc blasphemantes in Christo, non solum judæicos ritus perpetrare noscuntur, sed etiam abominandas circumcisiones exercere præsumpserunt, de quibus consulto piissimi ac religiosissimi domini nostri Sisebuti regis



hoc sanctum decrevit concilium, ut hujusmodi A transgressores pontificali auctoritate correcti ad cultum Christiani dogmatis revocentur ut quos voluntas propria non emendat animadversio sacerdotalis coerceat. Eos autem quos circumcidunt, si filii eorum sunt, a parentum consortio separentur, si servi, pro injuria corporis sui libertati tradantur.

LIX. Judæorum filios vel filias ne parentum ultra involvantur erroribus, ab eorum consortio separari decernimus deputatos, aut monasteriis aut Christianis viris, aut mulieribus Deum timentibus, ut sub eorum conversatione cultum fidei discant, atque in melius instituti, tam in moribus, quam in fide proficiant.

LX. Judæi baptizati, si postea prævaricantes in Christum qualibet pœna damnati exstiterint, a rebus eorum fideles filios excludi non oportebit, quia scriptum est. « Filius non portabit patris iniquitatem (Ezech. xviii, 20). »

LXI. Sæpe malorum consortia etiam bonos corrumpunt, quanto magis eos qui ad vitia proni sunt. Nulla ergo communio ultra sit Hæbreis ad fidem Christianam translatis cum his qui adhuc in veteri ritu consistunt, ne forte eorum participio subvertantur. Quicumque ergo amodo ex his qui baptizati sunt infidelium consortia non vitaverint, et hi Christianis donentur, et illi publicis cædibus deputentur.

LXII. Judæi qui Christianas mulieres in conjugio habent, admoneantur ab episcopo civitatis ipsius, ut si cum eis permanere cupiunt, Christiani efficiantur, quod si admoniti noluerint, separentur, quia non potest infidelis in ejus permanere conjunctione, quæ jam in Christianam translata est fidem, filii autem qui ex talibus nati existunt fidem atque conditionem matris sequantur, similiter et hi qui procreati sunt de infidelibus mulieribus et fidelibus viris Christianam religionem sequantur, non Judaicam superstitionem.

LXIII. Non potest erga homines esse fidelis qui Deo exstiterit infidelis. Judæi ergo qui dudum Christiani effecti sunt, et nunc Christi fidem prævaricati sunt, ad testimonium dicendum **116** admitti non debent, quamvis esse se Christianos annuntient, quia sicut in fide Christi suspecti sunt, ita in testimonio humano dubii habentur. Infirmari ergo oportet eorum testimonium qui in fide falsi docentur, nec eis esse credendum qui veritatis a se fidem abjecerunt.

LXIV. Præcipiente Domino atque excellentissimo Sisenando rege constituit id sanctum concilium, ut Judæi aut hi qui ex Judæis sunt officia publica nullatenus appetant, quia sub hac occasione Christianis injuriam faciunt, ideoque judices provinciarum cum sacerdotibus eorum subreptiones fraudulenter relictas suspendant, et officia publica eos agere non permittant. Si quis autem hæc permiserit, velut in sacrilegum excommunicatio proferatur, et is qui subreperit publicis cædibus deputetur.

LXV. Ex decreto gloriosissimi principis hoc san-

ctum elegit concilium, ut Judæis non liceat Christianos servos, nec Christiana mancipia emere, nec cujusquam consequi largitatem. Nefas enim est, ut membra Christi serviant Antichristi ministris, quod si deinceps servos Christianos vel ancillas Judæi habere præsumpserint, sublatis ab eorum dominio libertatem a principe consequantur.

LXVI. Et si illi qui nulla ex rebus suis pauperibus Christi distribuunt, æterni judicis voce in futuro condemnabuntur, quanto magis hi qui auferunt pauperibus quæ non dederunt? Quapropter episcopi qui nihil ex proprio suo ecclesiæ Christi compensaverunt, hanc divinam sententiam metuant, et liberos ex familiis ecclesiæ ad condemnationem suam facere non præsumant, impium est enim ut qui res suas ecclesiæ non contulerit damnum inferat, et jus ecclesiæ alienare contendat. Tales ergo liberos successor episcopus absque aliqua oppositione ad jus ecclesiæ revocabit, quia eos non æquitas, sed improbitas absolvit.

LXVII. Episcopus qui mancipium juris ecclesiæ non retento ecclesiastico patrocinio manumitti desiderat, duos meriti ejusdem et peculii coram concilio ecclesiæ cui præeminet per commutationem subscriberibus sacerdotibus offerat, ut rata et justa inveniat definitio commutantis. Tunc enim liberam manumissionem, sine patrocinio ecclesiæ concedere poterit, qui eum quem libertati tradere disponit, jam juri proprio acquisivit. Hujusmodi autem liberto adversus ecclesiam cujus juris exstitit accusandi vel **C** testificandi denegetur licentia. Quod si præsumpserit, placet ut stante commutatione in servitutem propriam revocetur cui nocere conatur.

LXVIII. Consensus totius concilii definivit, ut sacerdotes qui aut res suas ecclesiæ relinquunt, aut nihil habentes, aliqua tamen prædia, aut familias ecclesiis suis conquirunt, licebit illis aliquos de famulis ejusdem ecclesiæ manumittere juxta rei collatæ modum quem antiqui canones decreverunt, ita ut cum peculio et posteritate sua ingenui sub patrocinio ecclesiæ maneant, utilitates injectas sibi juxta **quod** potuerint prosequentes.

LXIX. Liberti ecclesiæ (quia nunquam moritur eorum patrona) a patrocinio ejusdem nunquam discedant, nec posteritas quidem eorum sicut priores canones decreverunt. Ac ne libertas eorum in futura prole non pateat, ipsaque posteritas naturali ingenuitate obnitens sese ab ecclesiæ patrocinio subtrahat necesse est, ut tam hi liberti, quam ab eis progeniti professionem episcopo suo faciant, per quam ex familia ecclesiæ liberos effectos se esse fateantur, ejusque patrocinium non relinquunt, sed juxta virtutem suam obsequium vel obedientiam præbeant.

LXX. Liberti ecclesiæ qui a patrocinio ejus discedentes quibuslibet personis adhæserunt, si admoniti redire contempserint, manumissio eorum irrita sit, quia per inobedientiæ contemtum ingrati actione tenentur.

LXXI. Liberti ecclesiæ qui a quibuscunque manu-

missi sunt, et ecclesiæ patrocínio commendati existunt, sicut regulæ antiquorum Patrum constituerunt, sacerdotali defensione a cujuslibet insolentia protegantur sive in statu libertatis, sive in peculio quod habere noscuntur,

LXXII. Quicumque libertatem a dominis suis ita percipiunt, ut nullum sibi in eis obsequium patronus retinet, isti si sine crimine sunt ad clericatus ordinem suscipiantur, quia directa manumissione absoluti noscuntur; qui vero retento obsequio manumissi sunt, pro eo quod adhuc patroni servitute tenentur obnoxii, nullatenus sunt ad ecclesiasticum ordinem promovendi, ne quando voluerint eorum domini, fiant ex clericis servi.

LXXIII. De familiis ecclesiæ constituere presbyteros, et diacones per parochias liceat, quos tamen vitæ rectitudo, et probitas morum commendat, ea tamen ratione ut antea manumissi libertatem status sui percipiant, et denuo ad ecclesiasticos honores succedant. Est enim irreligiösus obligatos existere servituti, qui sacri ordinis suscipiunt dignitatem, quidquid autem talibus aut per libertatem concessum, aut successione exstiterit datum, aut quolibet commodo collatum, non licebit eis quippiam inde in extraneas personas transmittere, sed omnia ad ejus ecclesiam qua manumissi sunt post eorum obitum pertinere. His quoque sicut et cæteris ecclesiæ libertis accusandi vel testificandi adversus ecclesiam aditus intercluditur, ad quod si aspiraverint, non solum libertatis beneficio careant, sed etiam honoris gradu, quem non dignitate naturæ, sed tempore necessitatis promeruerunt.

LXXIV. Post instituta quædam ecclesiastici ordinis vel decreta quæ ad quorundam pertinent disciplinam, postrema nobis cunctis sacerdotibus sententia est, pro robore nostrorum regum, et stabilitate gentis Gothorum pontificale ultimum sub Deo iudice ferre decretum. Multarum quippe gentium (ut fama est) tanta exstat perfidia animorum, ut fidem sacramento promissam regibus suis observare contemnant, et ore simulent juramenti professionem, dum retineant mente perfidiæ impietatem, jurant enim regibus suis, et fidem quam pollicentur, prævaricantur, nec metuunt volumen illud iudicii Dei, per quod inducitur maledictio, multaque pœnarum comminatio super eos, qui jurant in nomine Dei mendaciter. Quæ ergo spes talibus populis contra hostes laborantibus erit? Quæ fides ultra cum aliis gentibus in pace credenda post fœdus non violandum? Quæ in hostibus jura stabili permanebunt sponsione, quando nec ipsis propriis regibus juratam fidem conservant, quis enim adeo furiosus est, qui caput suum manu sua propria desecet? Illi, ut notum est, immemores salutis suæ propria manu seipsum interimit in semetipsos suosque reges proprias convertendo vires. Et cum Dominus dicat: « Nolite tangere Christos meos (I Par. xvi, 22), » et David: « Quis extendit manum suam in Christum Domini, et innocens erit? » (I Reg. xxvi, 9) illis nec vitare metus

est perjurium, nec regibus inferre exitium. Hostibus quippe fides pacti datur, nec violatur. Quod si in bello fides vigeat, quanto magis in cæteris servanda est! Sacrilegium quippe est, si violetur a gentibus regum suorum promissa fides, quia non solum in eos fit pacti transgressio, sed et in Deum, in cujus nomine pollicetur ipsa promissio. Inde est quod multa regna terrarum cœlestis iracundia, ita permutavit ut pro impietate fidei et morum, alter ab altero solveretur. Unde et nos cavere oportet causam hujusmodi gentium, ne similiter plaga feriamur præcipiti, et pœna puniamur crudeli. Si enim Deus angelis in se prævaricantibus non pepercit, qui per inobedientiam cœleste habitaculum perdiderunt, unde et per Isaiam dicit, « inebriatus est gladius meus in cœlo (Isai. xxxiv, 5), » quanto magis nos nostræ salutis interitum timere debemus, ne per infidelitatem eodem sæviante pereamus! Quod si divinam iracundiam vitare volumus, et severitatem ejus ad clementiam provocare cupimus, servemus erga Deum religionis cultum atque timorem, custodiamus erga principes nostros pollicitam fidem atque sponsonem. Non sit in nobis ut in quibusdam gentibus infidelitatis subtilitas impia, non subdolæ mentis perfidia, non perjurii nefas, et conjurationum nefanda molimina. Nullus apud nos præsumptione regnum accipiat, nullus excitet mutuas seditiones civium, nemo meditetur interitus regum, sed defuncto in pace principe, primates gentis cum sacerdotibus successorem regni concilio communi constituant ut dum unitatis concordia a nobis retinetur, nullum patriæ gentisque dissidium per vim ambitionis moveatur. Quod si hæc admonitio mentes nostras non corrigit, et ad salutem communem cor nostrum nequaquam perducit, audi sententiam nostram. Quicumque ergo ex nobis, vel totius Hispaniæ populis qualibet conjuratione, vel studio sacramentum fidei suæ, quod pro patriæ gentisque Gothorum statu, vel conservatione regiæ salutis pollicitus est, temeraverit, aut regem nece attraxerit, aut potestate regni exuerit, aut præsumptione tyrannica regni fastigium usurpaverit, anathema sit in conspectu Dei Patris, et angelorum, atque ab Ecclesia catholica quam perjurio profanaverit, efficiatur extraneus, et ab omni cœtu Christianorum alienus cum omnibus impietatis suæ sociis, quia oportet ut una pœna teneat obnoxios quos similis error invenerit implicatos. Quod iterum secundo replicamus, dicentes: Quicumque amodo ex nobis, vel cunctis Hispaniæ populis quolibet tractatu, vel studio sacramentum fidei suæ quod pro patriæ gentisque Gothorum statu, vel conservatione regiæ salutis pollicitus est, violaverit, aut regem nece attraxerit, aut potestate regni exuerit, aut præsumptione tyrannica regni fastigium usurpaverit, anathema in conspectu Christi et apostolorum ejus sit, atque ab Ecclesia catholica quam perjurio profanaverit, efficiatur extraneus, et ab omni consortio Christianorum alienus et damnatus in futuro iudicio Dei. Habeatur cum participibus suis, quia dignum est,



ut qui talibus sociantur, ipsi etiam damnationis eorum participatione obnoxii teneantur. Hoc etiam tertio acclamamus, dicentes: Quicumque amodo ex nobis vel cunctis Hispaniæ populis qualibet meditatione, vel studio, sacramentum fidei suæ, quod propriæ salutis gentisque Gothorum statu, vel incolumitate regiæ potestatis pollicitus est, violaverit, aut regem nece attraxerit, aut potestate regni exuerit, aut præsumptione tyrannica regni fastigium usurpaverit, anathema sit in conspectu Spiritus sancti et martyrum Christi, atque ab Ecclesia catholica, quam perjurio profanaverit, extraneus efficiatur, et ab omni communione Christianorum alienus, nec partem habeat justorum, sed cum diabolo et angelis ejus æternis suppliciis condemnatur unâ cum eis qui eandem conjurationem nituntur, ut par pœna perditionis constringat quos in perniciem prava societas copulat. Et ideo, si placet omnibus qui adestis, hoc tertio reiterata sententia vestræ vocis consensu firmate. Ab universo clero et populo dictum est: Qui contra hanc nostram definitionem præsumperint, anathema maranatha, hoc est, perditio in adventu Domini sint, et cum Jûda Iscarioth partem habeant ipsi, et socii eorum. Amen. Quapropter nos ipsi, et sacerdotes omnes sanctam Ecclesiam Christi, ac populum admonemus, ut hæc tremenda, et totiens reiterata sententia nullum ex nobis præsentem atque æterno condemnet judicio, sed fidem promissam erga gloriosissimum dominum nostrum Sisenandum regem custodientes, ac sincera illi devotione famulantes, non solum divinæ pietatis in nobis clementiam provocemus **117**, sed etiam gratiam antefati principis percipere mereamur. Te quoque præsentem regem ac futuros ætatum sequentium principes humilitate debita deposcimus, ut moderati et mites erga subjectos existentes, cum justitia et pietate populos a Deo vobis creditos regatis, bonamque vicissitudinem qui vos nobis constituit largitori Christo rependatis, regnantes in humilitate cordis cum studio bonæ actionis. Nec quisquam vestrum solus in causa captivum, aut reum sententia feriat, sed consensu publico cum rectoribus ex judicio manifesto delinquentium culpa pateat servata a vobis in offensis mansuetudine, ut non severitate magis in illis quam indulgentia polleatis, et dum omnia hæc auctore Deo pio a vobis moderamine conserventur, et reges in populis, et populi in regibus, et Deus in utrisque lætetur. Sane de futuris regibus hanc sententiam promulgamus, ut si quis ex eis contra reverentiam

A legum superba dominatione et fastigio in flagitiis, et facinore, sive cupiditate crudelissima potestatem in populis exercuerit, anathematis sententia a Christo domino condemnatur, et habeat a Deo separationem atque judicium propter quod præsumperit prava agere et in perniciem regnum deducere. De Simithilane vero qui propria scelera metuens seipsum regno privavit, et potestatis fascibus exiit id cum gentis consensu decrevimus, ut neque eum vel uxorem ejus propter mala quæ commiserunt neque filios eorum unitati nostræ unquam consociemus, nec eos ad honores a quibus ob iniquitatem dejecti sunt aliquando promoveamus. Quique etiam sicut in fastigio regni habentur extranei, ita possessione rerum quas de miserorum B sumptibus auxerant maneat alieni præter id quod pietate piissimi principis nostri fuerunt consecuti. Non aliter et Geillanem memorati Simithilane et sanguine et scelere fratrem, qui nec in germanitatis fide stabili exstitit, nec fidem glorioso domino nostro pollicitam conservavit, hunc ergo cum conjuge sua, sicut et ante factum est, a societate gentis atque consortio nostro placuit separari, nec in amissis facultatibus in quibus per iniquitatem creverant reduces fieri, præter id quod consecuti fuerint pietate clementissimi principis, ejus gratia bonos donorum præmiis ditat, et malos a beneficentia sua non separat. Gloria autem et honor omnipotenti Deo nostro in ejus nomine congregati sumus. Post hæc pax et salus et diuturnitas piissimo et amatori Christi domino nostro C Sisenando regi, cujus devotio nos ad hoc decretum salutiferum convocavit. Corrobores ergo gratia regnum illius, gentesque Gothorum in fide catholica, annis et meritis protegat illum usque ad ultimam senectutem summi Dei gratia, et post præsentis regni gloriam ad æternum regnum transeat, ut sine fine regnet, qui in sæculo feliciter imperat, ipso præstante qui est Rex regum et Dominus dominorum cum Patre et Spiritu sancto in sæcula sæculorum. Amen. Definitis itaque his quæ superius comprehensa sunt, annuente religiosissimo principe, placuit deinde nulla re impediende a quolibet nostrorum quæ constituta sunt temerari, sed cuncta salubri concilio conservari. Et quia profectibus ecclesiæ et animæ nostræ conveniunt, etiam propria subscriptione (ut permaneant) roboramus. Ego Isidorus in Christi nomine Spalensis ecclesiæ metropolitani episcopus hæc constituens subscripsi. Similiter et alii episcopi subscripserunt numero quadraginta. D

#### INCIPIUNT CAPITULA CONCILII TOLETANI QUINTI.

*Habiti æra DLXXXIV, anno primo Chintillani.*

1. De institutione novarum litaniarum.
2. De custodia salutis regum et defensione prolis tium principum.

PATROL. CXXX.

3. De reprobatione personarum quæ prohibentur adipisci regnum.

4. De his qui sibi blandiantur spe rege superstite.

5. De his qui principes maledicere præsumunt. A probationem vocis clare ob custodiam sui cunctis debeat innotescere.
6. Ut regum fideles a successoribus regum reum jure non fraudentur pro servitutis mercede.
7. Quod in celebritate cunctorum conciliorum synodus Toletana temporibus Sisenandi habita per
8. De indulgentia principum noxiis servata.
9. De favore principum concilii acclamatione concesso.

## INCIPIT CONCILIUM TOLETANI QUINTUM.

Apud urbem Toletanam diversis ex provinciis Hispaniæ sacerdotes Domini qui in uno pacis osculo in basilica sanctæ martyris Leochadiæ consedimus gratiarum actiones omnipotenti Deo persolvimus, propter suam misericordiam magnam, cujus nutu in hanc convenimus concordiam, et gloriosi principis nostri Chintillani regis initia, ob cujus salutis et felicitatis constantiam supernam imploramus clementiam, qui se in medio nostri cœtus ingressus cum optimatibus et senioribus palatii supplex omnium orationibus commendavit, suosque fideles ita facere sancta exhortatione coegit, atque hanc institutionem quam ex præcepto ejus et decreto nostro sancimus, divina inspiratione præmisit.

CAP. I. Scilicet ut in cuncto regno a Deo concesso specialiter et propria hæc religiosa omni tempore teneatur observantia, ut a die Iduum Decembrium litania triduo ubique annua successione peragatur, et indulgentia delictorum lacrymis impetretur. Quod si dies Dominica intercesserit, in sequenti hebdomada celebretur, ut quoniam abundante iniquitate efficitur, ut usquequaque prolata malitia nova exerceat facinora, nova quoque hæc ipsa consurgat consuetudo, quæ possit ante omnipotentis oculos nostra esse purgatio.

II. Summa autem nobis vigilantia et grandi religionis cura providendum est, ut mala quæ assidue perhibita perpetrantur circumspecta disciplina ecclesiastica extirpentur. Non enim est incassum scriptum: Pestilente flagellato stultus sapientior erit. Quamobrem quoniam preponderante onere delictorum experientia pœnæ semper ac sæpe fieri discimus quod magnopere vitare debemus. Quod etiam custoditur cum hoc quod divinis sacramentis spondimus, temeritate non violamus. Ideoque est compescendum quod crebro invenitur transgressum. Sed ne succedentes præcedant, ac deinde sequentes invadeant altioribus, et cuncta quieta et pacata permaneant, hæc in concilio communiter considerata deferitur sententia, ut servetis quæcunque universali et magna synodo provisa conscriptaque circa principum salutem et utilitatem sunt. Hæc quoque adjecta custodiantur, videlicet ut omni benignitate omnique firmitate circa omnem potestatem principis nostri Chintillani regis teneatur dilectio, et præbeatur rationabile defensionis adminiculum, ne rebus iuste provis (aut etiam parentum digna provisione procuratis vel juris proprietate injuste fraudentur, nec a quoquam causa illicite exqui-

sita lædendi eos præbeatur, nec quocunque modo quibuslibet rebus sprete dilectione molestantur. Hæc enim licentia efficit et principes in subjectis suspectos, et subjectos in bonis principum cupidos. Quocirca ne et præmissa contemnantur, et ut cupiditas radix omnium malorum auferatur, contestamur omnes præsentés et absentes, vel etiam futuris temporibus consequentes, coram Deo et angelis ejus, quod si quisquam contestationis temerator exstiterit atque contemptor, et quacunque argumentatione odiose eos molestare, aut in aliquo fuerit conatus lædere, sit anathema in Christianorum omnium cœtu, atque superno condemnatur judicio, sicut exprobrabilis omnibus catholicis et abominabilis sanctis angelis in ministerio Dei constitutis, sit hoc sæculo perditus, et in futuro condemnatus qui tam rectæ provisioni noluit præbere consensum.

III. Inexpertis novis moribus novam decet invenire medelam, quapropter quoniam sunt inconsideratæ quorundam mentes, et se minime capientes, quos nec origo ornat, nec virtus decorat, qui passim putant licenterque ad regalia majestatis pervenire fastigia: hujus rei causa nostra omnium cum invocatione divina præbetur sententia, ut si quis talia meditatus fuerit, quem nec electio omnium præficit nec Gothicæ gentis nobilitas ad hunc apicem trahit, sit consortio catholicorum privatus, et divino anathemate condemnatus.

IV. Ergo quia et religioni inimicum et hominibus constat esse perniciosum futura illicite cogitare, et casus principum exquirere, ac sibi in posterum providere cum scriptum sit: « Non est vestrum nosse momenta vel tempora quæ Pater posuit in sua potestate (Act. 1, 7), » hoc decreto censuerimus, ut quisquis inventus fuerit talia perquisisse, et vivente principe in alium attendisse pro futura regni spe, aut alios in se propter id attraxisse, a conventu catholicorum cum excommunicationis sententia expellatur.

V. Sed et hoc pro pestilentiosis hominum moribus salubri deliberatione censuerimus, ne quis in principem maledicta congerat, scriptum est enim a legislatore: « Principem populi tui ne maledixeris (Exod. xxii, 28). » Quod si quis fecerit, excommunicatione ecclesiastica plectatur: nam si maledicti regnum Dei non possidebunt, quanto magis talis ab Ecclesia necessario pellitur, qui divinæ violator sententiæ invenitur?



VI. Simili providentia pro fidelibus regum nostra A latur sententia, ut quisquis superstes principum exstiterit, juste in rebus profligatis aut largitate principis acquisitis nullam debeat habere jacturam, nam si licenter et injuste perturbentur fidelium mentes, nemo optabit proprium ac fidele præbere obsequium, dum cuncta nutant in incertum, et in futuro discriminis formidant causam, sed saluti et rebus eorum principalis pietas debet præbere suffragia, exemplis enim cæteri provocantur ad fidem cum fideles non fraudantur mercede.

VII. Propter malarum mentium facilitatem et memoria oblivionis hoc sacratissima statuit synodus, at in omni concilio episcoporum Hispaniæ universa-  
B  
is concilii decretum quod propter principum nostrorum est salutem constitutum, peractis omnibus in synodo publica voce debeat pronuntiari, quatenus sæpe replicatum auribus vel assiduitate iniquorum mens territa corrigatur, quæ ad prævaricandum et oblivione et facilitate perducitur.

VIII. In his omnibus quæ præmisimus potestatem indulgentiæ in culpis delinquentium principi reservamus, ut juxta bonitatis suæ moderamen ubi emendationem prospexerit mentium, veniam tribuat culparum.

IX. His vero omnibus finem et robur subscriptione nostra facientes, gloriam et laudem omnipotenti Domino Deo in quantum mortalium validum sinit, reddimus; post hæc gratias excellentissimo et gloriosissimo principi nostro Chintillano regi peragimus, cujus ardor fidei studium bonæ intentionis, et unanimitatis **118** concordiam nobis tribuit et charitatis. Donet ei Dominus de inimicis triumphum, et de beatitudine gaudium, custodiat eum protectione assidua, et muniat bonæ voluntatis suæ circumspectione tutissima, cujus regnum manet in sæcula seculorum. Ego Eugenius Toletanæ Ecclesiæ, provinciæ Carthaginensis metropolitanus episcopus, his omnibus de cæteris annuens sub. Similiter et alii episcopi subscripserunt numero viginti.

### INCIPIUNT CAPITULA CONCILII TOLETANI SEXTI.

1. De penitudine fidei catholicæ.
2. De observatione litaniarum.
3. De custodia fidei Judæorum.
4. De damnatione clericorum per pecuniam ecclesiasticos gradus assequentium.
5. De stipendiis clericorum ne a jure alienentur ecclesiarum.
6. De viris et feminis sacris propositum transgredientibus sacrum.
7. De pœnitentibus transgressoribus.
8. Quod quibusdam pœnitentibus pristina tradantur collegia.
9. De professoribus et obedientia libertorum ecclesiæ.
10. De progenie libertorum ecclesiæ ne eis vel pronuntiatione ab ecclesia liceat evagari.

11. Ne in accusatione legitima quispiam condemnatur.

12. De confugientibus ad hostes.

13. De honore primatum palatii.

14. De remuneratione collata fidelibus regum.

C 15. Ut res ecclesiæ a quibuslibet juste collatæ earum firma stabilitate permanent.

16. De incolumitate et adhibenda dilectione regiæ prolis.

17. De his qui rege superstite aut sibi aut aliis adfuturum provident regnum, et de personis quæ prohibentur ad regnum accedere.

18. De custodia vitæ principum et defensione procedentium regum a sequentibus adhibenda.

19. De gratiarum actionibus in communione concilii Deo et principi datis.

### INCIPIT CONCILIUM TOLETANUM SEXTUM.

Convenientibus nobis Hispaniarum Galliciæque pontificibus cum orthodoxi et gloriosi Chintillani regis salutaribus hortamentis, absque impedimento in prætorio Toletano, in ecclesia sanctæ Leocha-diæ martyris sedibus collocatis, sub die sexta Idus Januarii, anno primo prædicti principis et triumphatoris Christi, æra dclxxx, statuimus subter inserta.

CAP. I. Cum primum omnipotenti Deo pro corona fratrum, ita numerosæ gratiæ in nobis fuissent peractæ, nihil melius, nihil salubrius omnium insedit animo quam more synodi universalis post solennia perfunctæ orationis quod mente interius ruminabamus lingua narraremus, et quod corde credebamus, ore ructaremus superna favente sententia quæ ait : « Eructavit cor meum verbum bonum (Psal.

D xlii, 2), » et juxta prophetam : Verbum fecit Dominus abbreviatum super terram. Quamobrem ex abundantia nostri cordis sit confessio vocis ut fidem quam omnium mens intrinsecus gestat, in confessione interpret lingua foris effundat. Itaque credimus et profiteamur sacratissimam omnipotentissimam Trinitatem, Patrem, et Filium, et Spiritum sanctum, unum Deum solum non, solitarium, unius essentiæ, virtutis, potestatis, majestatis, uniusque naturæ, discretam in separabilibus personis, indiscretam essentialiter substantia deitatis, creatricem omnium creaturarum, Patrem ingentum increatum, fontem et originem totius divinitatis, Filium a Patre intemporaliter ante omnem creaturam sine initio genitum non creaturam, nam nec Pater unquam sine

Filio, nec Filius exstitit sine Patre, sed tamen Filius Deus de Patre Deo, non Pater Deus de Filio Deo, ille autem Filius Patris, et Deus de Patre per omnia cœqualis Patri, Deus verus de Deo vero, Spiritum verum sanctum neque genitum neque creatum, sed de Patre Filioque procedentem utriusque esse Spiritum. Ac per hoc substantialiter unum sunt qui et unus ab utroque procedit. In hac autem Trinitate tanta est unitas substantiæ, ut pluralitate careat, et æqualitatem teneat. Nec minor in singulis quam in omnibus, nec major quam in singulis personis manet. Ex his tribus divinitatis personis solum Filium fatemur ad redemptionem humani generis, propter culpam debitam quæ per inobedientiam Adæ originaliter, et nostro libero arbitrio contraximus resolvenda secreto Patris, ex arcano prodidisse, et hominem sine peccato de sancta semper virgine Maria assumpsisse, ut idem Filius Dei Patris esset Filius hominis, Deus perfectus et homo perfectus, ut homo perfectus et Deus esset unus Christus, naturis in duabus una persona, ne quaternitas Trinitati accederet, si in Christo geminata persona esset. Ergo a Patre, et Spiritu sancto separabilis creditur persona, ab homine autem assumpto natura, idem cum eodem homine unus exstat persona cum Patre et Spiritu sancto natura, ac, sicut diximus, ex duabus naturis et una persona, unus est Dominus noster Jesus Christus, in forma divinitatis æqualis Patri, in forma servi minor Patre. Hæc est enim vox ejus in psalmo: « De ventre matris meæ Deus meus es tu (*Psal. xxi, 11*). » Natus itaque a Deo sine matre, natus a virgine sine Patre, solus « Verbum caro factum est, et habitavit in nobis (*Joann. i, 14*). » Et cum tota cooperata sit Trinitas formationes suscepti hominis, quoniam inseparabilia sunt opera Trinitatis, solus tamen Filius suscepit hominem in singularitate personæ, non in unitate divini naturæ, id est quod proprium est Filii non quod commune est Trinitati. Nam si unam nati hominis, Dei alteram confecisset personam, tota Trinitas corpus assumpsisset, quoniam constat naturam Trinitatis esse unam, non tamen personam. Ille ergo Dominus noster Jesus Christus missus a Patre suscipiens quod non erat, nec amittens quod erat, inviolabilis de suo, mortalis de nostro, venit in hunc mundum peccatores salvos facere et credentes justificare, faciensque mirabilia traditus est propter delicta nostra, mortuus est propter expiationem nostram, resurrexit propter justificationem nostram, hujus livore sanati, hujus morte Deo Patri reconciliati, hujus resurrectione sumus resuscitati. Quem etiam venturum in fine exspectamus sæculorum, cum resurrectione omnium æquissimo suo judicio redditurum justis præmia, impiis pœnas. Ecclesiam quoque catholicam credimus sine macula et ruga, corpus ejus esse, regnumque habituram cum capite suo omnipotenti Christo Jesu, postquam hoc corruptibile induerit incorruptionem, et mortale immortalitatem, ut sit Deus omnia in omnibus. Hac fide corda purificantur, hac

A hæreses extirpantur, in hac omnis Ecclesia collata jam cœlesti regno deinceps in sæculo præsentis gloriatur, et non in alia fide est « salus, nec enim nomen aliud est sub cœlo datum hominibus in quo oporteat nos salvos fieri (*Act. iv, 12*). »

II. Religiosissimi principis nostri devotionem et nostrorum consacerdotum primo anno regni sui constitutionem cum magna reverentia et veneratione suscipientes, quam constat jam in omni regno suo annua vice celebrari, quam placuit etiam nostra assertione firmari: proinde universalis auctoritate censemus concilii, ut hi dies litaniarum quæ in synodo præmissa sunt instituti, eodem in tempore quo jussi sunt excoli, annuo recursum omni observatione habeantur celeberrimi, ut pro illis quibus nunc B usque simul sumus implicati delictis, sit nostra expiatio ante oculos Dei omnipotentis.

III. Inflexibilis Judæorum perfidia deflexa tandem videtur pietate et potentia superna. Hinc enim liquet quod in spiramine summi Dei excellentissimus et Christianissimus princeps ardore fidei inflammatus, cum regni sui sacerdotibus prævaricationes et superstitiones eorum eradicare elegit funditus, nec sinit degere in regno suo eum qui non est catholicus, ob cujus fervorem fidei gratias omnipotenti Domino cœlorum agimus, eo quod tam illustrem creaverit animam et sua repleverit sapientia, ipse quoque donet ei et in præsentis sæculo longævam vitam, et in futuro gloriam æternam. Illud autem provida nobis cura, et valde est decernendum vigilantibus solertia, ne ejus fidei calor, et noster labor quandoque in posteris tepefactus liquescat. Quocirca consonam cum eo corde et ore promulgamus Deo placituram sententiam, simul etiam cum suorum optimatum illustriumque virorum consensu et deliberatione sancimus, ut quisquis succedentium temporum regni sortitus fuerit apicem, non ante conscendat regum sedem, quam inter reliqua conditionum sacramenta pollicitus fuerit hanc se catholicam non permissurum eos violare fidem, sed et nullatenus eorum perfidiæ favens vel quolibet neglectu, aut cupiditate illectus, ad præcipitia infidelitatis aditum præbeat prævaricationis, sed quod magnopere nostro est tempore conquisitum debeat illibatum perseverare in futurum. Nam incassum bonum agitur, si non ejus D providetur perseverantia. Ergo postquam ordine præmissorum ad gubernacula accesserit regni, si ipse temerator hujus exstiterit præmissi, sit anathema marathana in conspectu Dei, et pabulum efficiatur ignis æterni, simulque cum eo damnatione percussus quicumque sacerdotum vel quilibet Christianorum eorum implicati fuerint terrore. Nos etenim in præsentia decernimus, ut præterita quæ in universali synodo de Judæis conscripta sunt confirmemus, quoniam ea quæ necessaria pro eorum salvatione scribi potuerunt, in eisdem esse cauta sancimus. Quapropter quæ tunc decreta sunt valitura esse censemus.

IV. Sæpe pullulantia pravitatis germina licet sæ-



pissime primum justa noverimus severitate damnata, quia tamen crebris conspiciuntur denuo vigere radicibus, iustitiæ acriore vigore radicitus amputare sancimus. Proinde quicumque Simonis imitator simoniacæ quoque hæresis exstiterit sectator ut ecclesiasticorum ordinum gradus non dignitate morum obtineat, sed munerum impensione conquirat et per oblata munera capiat, quibus hunc nec rationis ordo, nec dignitas morum ulla commendat, talis inventus sacrorum ordinum apices penitus adipisci nullo modo permittatur, sed et si adeptus fuerit, communione privatus cum ordinatoribus suis priorum bonorum amissione damnetur.

V. Sæpe fit ut proprietati originis obsistat longinquitas temporis. Quapropter providentes decernimus, ut quis clericorum stipendium de rebus ecclesiæ cuiusquam episcopi percipit largitate, sub precariæ nomine debeat professionem scribere, nec prætentione diuturna præjudicium afferat ecclesiæ, et quæcunque in usu perceperit, debeat utiliter laborare, ut nec res divini juris videantur aliqua occasione negligi, et subsidium ab ecclesia cui deserviunt percipere possint clerici. Quod si quis eorum contempserit facere, ipse se stipendio suo videbitur privare.

VI. Proclivis cursus est ad voluptatem et imitatrix natura vitiorum: quamobrem quisquis virorum vel mulierum habitum semel induerit spontanee religiosum, aut si vir deditur ecclesiæ, vel femina fuerit aut fuit delegata puellarum monasterio, in utroque sexu prævaricator ad propositum invitus reverti cogatur, ut vir detondeatur, et puella ad monasterium regrediatur. Si autem quolibet patrocínio desertores permanere voluerint, sacerdotali sententia a Christianorum cœtu habeantur extorres, ut nec locus eis ullus sit communionis. Viduæ quoque sicut universalis synodus jam statuit professionis vel habitus sui desertrices superiori sententia condemnentur.

**119** VII. Quamvis priora nunquam siluerint de tanto facinore concilia, ratio tamen deposcit ut ea quæ frequenti prævaricatione iterantur, frequenti sententia condemnentur. Et ideo, tanta exstitit perversitas hominum ut hi, quos sub religioso habitu pœnitentiæ professio pro venia peccatorum ad manum sacerdotis deducit vel adduxit, iterum rediviva malitia ad vitæ pristinæ sordes revocet. Hujus rei causa, sancta synodus decernit ut, si qui ingenuorum utriusque sexus sub nomine pœnitentis in habitu religioso sunt conversati, post hæc autem comam nutriendes vel vestimenta secularia sumentes, ad id quod reliquerant, redierunt, ab episcopo civitatis, in cujus territorio sunt conversi, comprehensi rursus legibus pœnitentiæ in monasteriis subdantur inviti; quod si fieri propter alicujus potestatis vigorem difficile fuerit, tunc sicut priscorum canonum statuerunt decreta, quousque ad dimissum ordinem revertantur, excommunicati et anathemate condemnati habeantur. Similiter et hi qui post communionem vel interdictum cum ipsis communicaverint. Sacerdos autem ad quem pertinere noscuntur,

si eos quolibet munere vel favore aut negligentia admonere noluerit ut aut revertentes suscipiat, aut contemnentes de ecclesia rejiciat, simili sententia plectatur, quousque emendationis eorum vel damnationis ab eo sententia promulgetur.

VIII. Antiqui et sanctissimi est Patris sententia papæ Leonis, ut is qui in ætate adolescentiæ positus, dum mortis formidat casum, pervenerit ad pœnitentiæ remedium, si conjugatus forte fuerit incontinens, ne postea adulterii incurrat lapsum, redeat ad pristinum conjugium quousque possit adipisci temporis maturitate continentiæ statum. Quod nos sicut de viris ita de feminis æquo modo censemus, non quidem hoc generaliter et canonice præceptum, sed constat a nobis pro humana fragilitate indultum, ea duntaxat ratione, ut si is qui pœnitentiæ non est legibus deditus ante ab hac vita decesserit quam ex consensu ad continentiam eorum unde fuerit regressus, superstii non liceat denuo ad uxoris transire amplexus. Si autem illius vita exstiterit superstes qui non accepit benedictionem pœnitentis nubat, si se continere non potest, et ulterius consortio fruatur uxoris, quod de utroque sexu pari modo a nobis manifestum est decretum esse, ita videlicet, ut in his omnibus sacerdotis ordinatio expectetur, ut juxta quod ætatem aptam perspexerit, continentie absolutionis vel distractionis tribuat legem.

IX. Longinquitate sæpe fit temporis ut non pateat conditio originis, unde jam decretum est in anterioris universalis concilii canone ut, professionem suam liberti Ecclesiæ debeant facere qui profiteantur se et de familiis esse Ecclesiæ, et Ecclesiæ obsequium nunquam relicturos. Unde his quoque nos adjicimus ut, quotiens cursum vitæ sacerdos impleverit, et de hac vita migraverit, mox cum successor ejus advenerit, omnes liberti Ecclesiæ vel ab eis progeniti chartulas suas in conspectu omnium debeant ipsi, qui substituitur, pontifici publicare et professionem conspectu Ecclesiæ renovare, quatenus status sui vigorem obtineant, et obedientia eorum Ecclesia non careat. Si autem aut scripturas libertatis suæ intra annum ordinationis novi pontificis manifestare contempserint, aut professiones renovare noluerint, vacuæ et inanes chartulæ ipsæ remaneant, et illi origini suæ redditus sint perpetuo servi.

X. Etenim decet ut hi quorum parentes titulum libertatis de familiis ecclesiæ perceperint, intra ecclesiam cui obsequium debent causa eruditionis enutrientur. Contemptus quippe est patronorum si, ipsis neglectis, aliis ad educandum detur progenies manumissorum.

Itaque censemus ut sine status sui præjudicio ab episcopo habeantur in doctrinæ obsequio, quatenus et illi debitum reddant famulatum, et nullum patiantur suæ ingenuitatis detrimentum. Eos vero qui aliter quam sententia nostra decreverit agere tentaverint, invitos jubemus ab episcopis ad hæc ipsos reduci. Quod si forte parentes eorum pontificibus

suis dare contempserint, et alios sibi patronos A adoptaverint, ingratorum feriantur lege libertorum.

XI. Dignum est ut vita innocentis nulla maculetur perniciæ accusatoris. Ideo quisquis a quolibet eriminatur, non ante accusatus supplicio detur, quam accusator præsentetur, atque legum et canonum sententia exquiretur. Quod si indigna ad accusandum persona invenitur, ad ejus accusationem non judicetur.

XII. Pravarum audacia mentium sæpe malitia cogitationum aut causa culparum refugium appetit hostium. Unde quisquis patrator culparum exstiterit talium, virtutem petens defendere adversarium, et patriæ vel genti suæ detrimenta intulerit rerum, potestate regis ac gentis reductus, excommunicatus et retrusus longinquioris pœnitentiæ legibus subdatur; quod si ipse mali sui prius reminiscens ad ecclesiam fecerit confugium, intercessu sacerdotum et reverentia loci regia in eis pietas reservetur comitante justitia.

XIII. Qui primatu dignitatis atque reverentiæ vel gratiæ ob meritum in palatio honorabiles habentur, his a junioribus modestus honor per omnia deferatur, qui etiam minores a senioribus et dilectionis amplectantur affectu, et utilitatis imbuantur exemplo.

XIV. Præmium fraudare fidelibus non solum inhumanum, sed etiam existit injustum. Ideoque cum fidei meritum tam in rebus divinis quam in humanis non habeatur ingratum, dignum videtur ut sacerdotali sententia consulamus fidelibus regis. Proinde ut anno primo serenissimi principis nostri decrevit concilio sanctum omnes fideles qui obsequio et sincero servitio voluntatibus vel jussis paruerint principis totaque intentione salutis ejus custodiam habuerint, a regni successoribus, nec a dignitate nec a rebus pristinis causa repellantur injusta, sed nunc ita pro uniuscujusque utilitate principis moderentur discretione, sicut eos perspexerit necessarios esse patriæ; et sic illis impartiatu benignitas, ut in cæteris magnæ monstretur gratiæ potestas, quatenus ita omnia in rebus juste conquisita lucrentur ut posteris relinquendi vel quibus voluntas eorum decreverit conferendi spontaneo fruantur arbitrio. Cæterum si infidelis quisquam in capite regio aut inutilis in rebus commissis, præsentem domino nostro piissimo Chintillano rege exstiterit, in clementia ejus maneat potestatis suo nutu constituenda hujusmodi moderatio, nefas est enim in dubium deducere ejus potestatem, cui omnium gubernatio superno constat delegata judicio. Quod si post decessum quispiam repertus fuerit ejus vitæ fuisse infidelis, quidquid largitate ipsius in rebus habuit conquisitis careat, confiscando illo et fidelibus largiendo.

XV. Quia his qui principibus digne deserviunt, atque deferentibus fidele illis obsequium constat nos optimum ministrasse suffragium, dum juste a principibus acquisita in eorum jure persistere sanc-

mus indivisa: æquum est maxime ut rebus ecclesiarum Dei adhibeatur a nobis providentia opportuna, adeo ut quæcumque res ecclesiis Dei a principibus juste concessæ sunt, vel fuerint, vel cujuscunque alterius personæ quolibet titulo illis non injuste collatæ sunt vel exstiterint, ita in earum jure persistere firma stabilitate jubemus, ut evelli quoquo casu vel tempore nullatenus possint. Opportunum est enim, ut sicut fidelia hominum servitia non existere censuimus ingrata, ita ecclesiis collata, quæ propria sunt pauperum alimenta, eorum injuriæ pro mercede offerentium maneant inconversa.

XVI. Sicut insolentia malorum regum odiosa et execrabilis semper existit subjectis, ita bonorum provida utilitas amabilis efficitur populis. Quocirca quis ferat, aut quis talem errantem Christianum videat qui regiam sobolem, aut posteritatem conetur exspoliare rebus, aut privare dignitatibus? quod ne fiat, cum generalis promatur de principis filiis sententia, de præsentem excellentissimi Chintillani regis posteritate dantur apta decreta a nobis, ut ea quæ synodus præterito anno in hac ecclesia habita constituit, circa omnem posteritatem ejus universitas regni sui conservet, hoc est ut præbeatur filiis ejus dilectio benigna et firma, et tribuantur ubi loci opportunitas exhibuerit defensionis adminicula justa, ne de rebus juste profligatis, aut parentum dignitate procuratis, vel largitate principum, vel alicujus impensis, aut etiam proprietate debitis fraudentur quibuslibet insidiis calliditatis, neque a quoquam lædendi eos præbeantur argumenta machinationis, quia dignum est ut ejus regimine habemus securitatem, ejus posteritati decreto concilii impertiamus quietem. Denique tanta erga nos nostri principis exstant beneficia, ut longum sit sigillatim ea promere lingua. Ipse enim auctore Deo nobis pacem, ipse quasi captivam reduxit charitatem, ipsius ope quieti, ipsius sumus largitione ditati, ipse medicamine bonitatis suæ, et reis pepercit, et rectos sublimavit. Cui si dignis voluerimus respondere beneficiis, non tantis exstamus copiis virtutis, quibus tanta voto sufficiamus voluntatis.

XVII. Quoniam in concilio anteriori, quo l'anno primo gloriosi principis nostri habitum es, de hujusmodi re fuerit promulgata sententia, tamen placet iterare quod convenit custodiri. Itaque regis vita constante, nullus sibi aliquo opere, vel deliberatione cujuscunque dignitatis laicus, seu gradus episcopi, aut presbyteri, aut diaconi consecratus, cæterisque clericatus officiis deditus futurum regem provideat contra viventis regis utilitatem, et procul dubio voluntatem, nullo blandimento, vel suasionem pro eadem spe, aut alios in se trahat, aut ipse in alium acquiescat. Iniquum enim, et valde execrabile Christianis debet haberi futuri temporis illicitis prospicere, et vitæ suæ ignaros ventura disponere. Quod si quisque jam talia iniqua deliberatione cum quocunque est meditatus, hoc sibi noverit esse sacerdotali moderatione concessum, si veniabiliter poscit, ut hoc



sine mora præsentis principis auribus studeat publicare. Si autem retineat, et deliberationis suæ machinamenta noluerit dicere, pessimo plectatur anathemate; rege vero defuncto, nullus tyrannica præsumptione regnum assumat, nullus sub religionis habitu detonsus, aut turpiter decalvatus, aut servilem originem trahens, vel extraneæ gentis homo, nisi genere et moribus dignis promoveatur ad apicem regni. Temeror autem hujus præceptionis sanctissimæ perpetuo anathemate damnetur.

XVIII. Jam quidem in antecedenti universali synodo salutis nostrorum principum constat esse consultum, sed libet iterare bene sancita, et digna auctoritate munire salubriter ordinata: ideoque testamur coram Deo et omni ordine angelorum, coram prophetarum atque apostolorum vel omni martyrum choro, coram omni Ecclesia catholica et Christianorum cœtu, ut nemo intendant in interitum regis, nemo vitam principis attrectet, nemo regni eum gubernaculis privet, nemo tyrannica præsumptione apicem regni sibi usurpet, nemo quolibet machinamento in ejus adversitate sibi conjuratorum manum associet; quod si quidquam horum quisquam nostrorum temerate præsumperit, anathemate divino percussus absque ullo remedii loco habeatur condemnatus aeterno judicio. Is autem qui ejus sedem fuerit assecutus, **120** si vult tanto expiari pia-

culò quasi proprii patris ejus ulciscatur interitum. In cujus defensionis auxilium universi regni Gothorum consentiat fortitudo. Si autem desidie causa, et minori zelo, tam funestum noluerit vindicare scelus, sint omnes ex nostra sententia opprobrium cæteris gentibus.

XIX. His omnibus rite dispositis, et diuturna collatione deliberatis, benedictionem, gloriam et honorem invisibili omnium auctori rependimus luminum Patri, et in conservandis ejus imploramus opem suffragii, ut constitutionibus nostris robur tribuat, seu virtutem, fragilitatemque humanam huic dispositioni reddat efficacem, id est salubrem, ut non judicet prævaricatricem. Nos ergo omnia superscripta omni auctoritate priscorum canonum subscriptione nostra firmamus, et gratias agimus Christianissimo et gloriosissimo Chintillano principi nostro, cujus studio advocati et instantia collecti sumus. Cujus voluntas probata ordinatio exstitit religiosa, donec ei Dominus optimo principi diuturnum in sæculo præsentis triumphum, et in parte justorum perpetuum regnum, felicibusque annis felix ipse in longa felicitate fruatur, et divinæ dexteræ protectione ubique muniatur. Ego Silva, etsi indignus, Ecclesiæ episcopus Narbonensis, in his constitutionibus a nobis editis subscripsi. Similiter et alii episcopi subscripserunt, numero triginta septem.

#### INCIPIUNT CAPITULA CONCILII SEPTIMI TOLETANI.

1. De refugis atque perfidis clericis sive laicis.
2. De languoris eventu ministrantium clerico-rum.
3. De exsequiis morientis episcopi.

4. De exactione Ecclesiarum Galliciæ provinciarum.
5. De reclusis inhonestis, sive vagis.
6. De concivinis episcopis in urbe regia commo-randis.

### INCIPIT CONCILIUM SEPTIMUM TOLETANUM.

*Triginta episcoporum, anno sexto Cindasiundi regis, æra DCLXXX, quinto Kalend. Novembris.*

CAP. I. Cum in nomine sanctæ Trinitatis, pro quibusdam disciplinis ecclesiasticis tam nostra devotione quam studio serenissimi et amatoris Christi Chindasiundi regis nostri, apud Toletanam urbem conventus adesset, competenter visum est mutua collatione decernere, quod sollicitè conservandum et presentibus et futuris commodis nimium, ut confidimus, prodesse constabit, magisque semper est magnopere providendum quidquid ecclesiasticis moribus, vel publicæ utilitati, sine qua quieti non vivimus, opportunum esse perpenditur. Nam licet et ante constitutiones canonum existant, quæ ad omnem possint correptionem sufficere, si quis eas dignetur libenter attendere, tanto tamen luminis claritas amplius emicat, quanto fuerit studiosius sæpissime contrectata. Non parum proficit ad emendationem multorum, si ea quæ constituta sunt per fraternam collationem ad memoriam reducantur, si illa etiam adjiciantur quæ aut deesse videntur, aut omnino

constituenda competenter existimantur. Quis enim nesciat quanta sint hactenus per tyrannos et refugas transferendo se in externas partes, illicite perpetrata, et quam nefanda eorum superbia jugiter frequentata quæ et patriæ diminutionem afferrent, et exercitui Gothorum indesinentem laborem imponerent? Quod siquidem laicorum insania fuisset factum, tolerandum a nobis forsitan aliquotiens videretur: illud tamen est vehementius stupendum, quod pejus est tantæ religionis proposito in hac interdum præsumptione præcipientes efferuntur, ut ad non levem confusionem nostram pertineat, si res ullatenus remaneat, quam et mundana lege et ecclesiastica convenit disciplina corrigere. Ideoque placuit nunc concordî sententia definire ut, quisquis in ordine clericatus a maximo gradu usque ad minimum constitutus in alienæ gentis regionem se quacunque occasionem transduxerit, ut exinde superbiendo vel redditum suum vel quodlibet aliud vi-

deatur expetere, sive etiam quod genti Gothorum, vel patrie vel regno specialiter sub hac occasione possit nocere vel dari disposuerit, vel aliquatenus fecerit, sed et quicumque talibus conscius reperitur, eisque vel concilium vel opem administrare cognoscitur, qualiter aut ad gentem alienam fugam appeteret, aut in malis quæ cœperant perdurarent, seu quamcumque lesionem genti Gothorum vel patriæ aut principi post fugam inferrent, atque in eadem pravitate perseverarent: quisquis hoc fecisse dignoscitur, iste ita indubitanter omni honoris sui gradu privetur, ut locum ejus in quo ministraverat alter continuo perpetim regendum accipiat. Ipse vero transgressor sub poenitentia constitutus, si remi-niscens mali quod fecerat usque in diem mortis suæ rectissime poenitent, in solo tantum fine communio ei danda est, ita ut antequam finis ejus tempus adveniat. Si quisquam sacerdotum etiam ordinante ei principe communicare consenserit, princeps criminis illius effectus, anathema fiat in perpetuum, ac simili cum eo cui communicaverit sententia condemnatur, quoniam potestate principis nullus sacerdotum in hoc præbere debet assensum, unde vel perjurium videatur incurrere. Vel (quod absit) si quicumque catholice fidei prævaricator princeps surrexerit, sacerdos nullatenus favore principis, vel terrore a rectæ credulitatis lumine ad tenebras cogatur reverti. Sic enim nec super annexa capitula vel imperiis principum, vel terroribus oportebit unquam evacuare, quia novimus omnes pene Hispaniæ sacerdotes, omnesque seniores, vel judices ac cæteros homines officii palatini jurasse, atque ita nunc legibus decretum fuisse, ut nullus refuga vel perfidus qui contra gentem Gothorum vel patriam seu regem agere alterius gentis societatem se transducere reperitur, integritate rerum suarum nullatenus reformetur, nisi forsitan principes humanitatis aliquid personis talibus impartire voluerint, cui tamen non amplius quam vigesimam partem rerum ei qui perfidus existit de rebus unde rex elegerit tribuendi potestatem habebit. Sed quia plerosque clericos instantis levitatis interdum pravitatis præsumptio ita elevat ut prætermissa ordinis sui gravitate, ac polliciti sacramenti immemores, constante principe cui fidem servare promiserant, in alterius electionem temeraria levitate consentiant, abrogari decet hanc omnino licentiam, et a nostro consortio penitus exstirpari, ita ut, si quicumque laicorum quandoque intra fines patriæ Gothorum superbiens, regni apicem sumere fortasse tentaverit, eique clericorum quilibet adiutorium vel favorem præstiterit, atque hunc qui superbire videtur ad eandem regni ambitionem prævalente delicto pervenire contigerit, ex eo quodam die, vel tempore eundem episcopum, vel cujuslibet ordinis clericum excommunicatum manere perpetim oportebit qui tali se scelere impitavit, tamen si propter improbitatem principis, cui inique consensit, non potuerit instantia sacerdotum a communione suspendi, sal-

tem si superstitem post ejusdem regis obitum tempus invenerit superiori anathematis correctioni subjaceat, et quicumque illi præter in ultimo vite suæ fine (si tamen eum legitime poenitere probaverit) communionis gratiam consenserit impendendam. Nobis interim ratio persuasit synodali super hoc constitutione decernere ut quicumque etiam laicorum interdictis capitulis hac in adversitatem gradus, aut patriæ potestatisve regie in externas partes se conferendo vel talibus opem præstendo mixtus fuerit ultra repertus, non solum (ut dictum est) omnium rerum suarum proprietate privetur, sed et perpetua excommunicatione damnetur, et nunquam illi, nisi in ultimo mortis suæ tempore communicatio tribuatur, excepto si communionis ejus remedium vel eorum, de quibus supra tractavimus, imploratione sacerdotum apud principem fuerit impetratum. Nam si in derogationem aut contumeliam principis reperitur aliquis nequiter loqui, aut in necem regis, seu directionem intendere, vel consensum præbere, nos quidem hujusmodi excommunicatione dignum censemus, utrum tamen sit illi quandoque communicanda pietati principis decernentium relinquimus, cujus procul dubio potestatis est subgecorum culpas misericordie judicique sententia temperare. Contestamur autem clementissimos principes, et per ineffabile divini nominis sacramentum obstantes unanimiter obsecramus, ne quandocunque absque iusta (ubi necesse fuerit) imploratione sacerdotali excommunicationis hujus sententiam a perfidis clericis, vel laicis ad externas partes se transferentibus vel consensum præbentibus quacumque temeritate suspendant, nam hoc magis utilitatibus videtur ferre consultum si constitutionis nostræ forma servetur. Exsecrandum anathema fiat, et velut prævaricator catholice fidei semper ad Dominum reus existat, quicumque regum deinceps canonis hujus censuram in quocunque crediderit, vel permiserit violandum.

II. Nihil contra ordinis statutum temeritatis ausu præsumatur, neque illa quæ summa veneratione censentur, vel minimo præsumptionis tactu solvantur, cum ad hoc tantum fieri jussa sunt ne interrupta noscantur, vel languoris proventu robore salutis privetur natura. Non ergo fragilitati solum consolat humanæ, sed etiam sacris mysteriorum Dei providetur haberi sollicitudinem. Censuimus ergo convenire, ut cum a sacerdotibus missarum tempore sancta mysteria consecrantur, si gratitudinis accidit cujuslibet eventus, quo cœptum nequeat consecrationis expleri mysterium, sit liberum episcopo, vel presbytero alteri, consecrationem exsequi officii cœpti. Non enim aliud ad supplementum initiatis mysteriis competit quam aut incipientis, aut subsequents completa benedictione sacerdotis, quia nec perfecta videri possunt, nisi perfectionis ordine compleantur. Dum enim sumus omnes unum in Christo, nihil contrarium diversitas format, ubi



efficaciam prosperitatis unitas fidei repræsentat, A quod etiam consultum cuncti ordinis clerici individuum esse sibi non ambigant, sed (ut præmissum est) præcedentibus libenter alii pro complemento succedant, nec tamen quod natura languoris causa consulitur in præsumptionis perniciem convertatur. Nullus post cibum potumque quemlibet minimum sumptum missas facere, nullus absque patenti proventu molestiæ minister vel sacerdos, cum cœperit imperfecta officia, præsumat omnino relinquere. Si quis hæc temerare præsumperit, excommunicationis sententiam sustinebit.

III. Ea quæ competunt honestati contingit sæpe quorundam desidia non impleri. Proinde quia notum est quæ dignitas in exsequiis morientis episcopi ex canonibus conservetur traditione moris antiqui, B hoc tantum adjicimus, ut si quis sacerdotum secundum statuta concilii Valentini ad humanda decedentis episcopi membra venire commonitus pigra voluntate distulerit, appellantis clericis obeuntis episcopi apud synodum, sive apud metropolitanum episcopum, tempore anni unius non faciendi missam, nec communicandi habeat omnino licentiam. Presbyteri autem sive cæteri clerici, quibus major honoris locus apud eandem ecclesiam fuerit ejus sacerdos obierit, sed omni sollicitudine pro exsequiis aut jam mortui, aut continuo antistitis morituri ad commonendum tardi inveniantur, aut per quameunque molestiam animi id negligere comprobentur, totius anni spatio ad pœnitentiam in monasteriis deputentur.

121 IV. Inter cætera denique quæ communi consensu nos conferre competenter oportuit, querimonias etiam parochianorum presbyterorum Gallitiæ provinciæ solertissime discernere decuit, quas contra pontificum suorum rapacitates necessitas (ut comperimus) tandem compulsi in publicum examen deferri; hic enim pontifices (ut evidens inquisitio patefecit) indiscreto moderamine parochianas ecclesias prægravantes, dum in exactionibus superflui frequenter existunt, pene usque ad exactionem extremæ virtutis quasdam basilicas perduxisse probantur. Ne ergo fiat de cætero quod constat hactenus inordinate præsumptu, non amplius quam duos solidos unusquisque episcoporum privatæ provinciæ per singulas diœceses, vel singulas ecclesias juxta synodum Braccarensem annua illatione sibi expectet inferri, monasteriorum tamen basilicis ab hac solutionis expensione sejunctis. Cum vero episcopus diœcesem visitat nulli præ multitudine onerosus existat, nec unquam quinarium numerum evectionis excedat, aut amplius quam una die per unamquamque basilicam remorandi licentiam habeat. Quicumque vero pontificum eorundem aliter quam decernimus agendum præsumperit, correptioni procul dubio canonum subiacet, tanquam constitutionum synodali transgressor, et priscorum Patrum edicti corruptor.

V. Quosdam Paternarum ignaros vel oblitos tra-

ditionum, in tantam conspicimus corruisse desidiam, ut eorum execrando usu pene oblita patescant quæ exstiterunt legitime constituta. Dum enim indocti docere appetunt, quid aliud quam quia ignorantia errore vexentur, ostendunt? Et quia gressu præpostero innitentes, præsumptionem doctrinæ docendi studio anteponunt, patet quod non summæ humilitatis gratiam petunt, sed exactioni depravationis inserviunt. Ex hoc ergo juste severitatis talia decernentes, opportuno amputare judicio innuimus eos quos in cellulis propriis reclusa sanctæ vitæ ambitio tenet, quosque ejusdem sancti propositi et merita juvant, et probitas ornat, quia hos Dei auxilio, et nostro favore tutos esse constat, illos vero quos in tali proposito ignavia impulit, non prudentiæ cognitio deputavit, quosque nulla vitæ dignitas ornat, sed (quod est deterius) et ignorantia fœdat, et morum execratio turbat, decernimus ab his abjici cellulis atque locis in quibus aut feruntur vagi, aut tenentur inclusi, atque ab episcopis sive rectoribus monasteriorum ex quorum congregatione fuerunt, vel in quorum vicinitate consistunt, in monasteriis omnimodo deputentur, ut illic sancti ordinis meditates doctrinas primum possint discere quæ sunt a Patribus instituta, ut postea valeant docere quæ sunt sancta meditatione percepta, atque tunc demum si doctrinæ et sancti operis fructu exstiterint fecundati ad summam virtutis properent exercitio sanctæ intentionis imbuti. Deinceps autem quicumque ad hoc sanctum propositum venire disposuerint, non aliter illis iterum dabitur assequi, nec hoc antea poterunt adipisci, nisi, prius in monasteriis instituti, et secundum sanctas monasteriorum regulas plenius eruditi, et dignitatem honestæ vitæ, et notitiam potuerint sanctæ promereri doctrinæ. Illos autem quos tantum extrema vesania occupavit, ut in certis locis vagi, ac morum depravationibus inhonesti, ullam prorsus, nec stabilitatem sedis, nec honestatem mentis habere exstiterint cogniti, quicumque ex sacerdotibus vel ministris vagantes repererint, aut si fuerint prope, cœnobiorum Patribus corrigendos assignent, aut si difficile est pro sola honestate vigoris suæ potestati erudiendos inclinent.

VI. Id etiam placuit, ut pro reverentia principis D ac regis sedis honore, vel metropolitani civitatis ipsius, et consolatione convicini Toletanæ urbis episcopi, qui ejusdem pontificis admonitionem acceperint, singulis per annum mensibus in eadem urbe debeant commorari, messivis ac vindemialibus feriis relaxatis. Nos autem immortalis Deo, et glorioso Cindasiundo principi, ob cujus votum in hanc urbem sancta devotione convenimus, gratias unanimiter offerentes, optabili annisu deprecamur, ut sanctæ Ecclesiæ catholicæ fidei semper ac pacis cumuletur affectus et memorato principi cum prosperitate presentis regni futuri etiam largiantur præmia gaudii, ipso præstante qui in Trinitate unus Deus vivit et gloriatur in sæcula sæculorum. Honoratius in Christi

nomine sanctæ Emeritensis Ecclesiæ metropolitanus A liter et alii episcopi subscripserunt, numero, triginta episcopus, hæc constituta definiens subscripsi. Simi- octo.

### INCIPIUNT CAPITULA CONCILII OCTAVI TOLETANI.

Alloctio Reccesinthus regis ad synodum.

De catholicæ fidei plenitudine.

1. De incauto juramento.

2. De his qui sacrosanctos ordines muneribus as- sejuuntur, et fautoribus eorum.

5. De incontinentibus episcopis.

4. De incontinentibus presbyteris, ac diaconibus, et feminis quæ talibus conjunguntur.

5. De incontinentibus diaconibus.

6. De his qui post assumpta ecclesiasticarum di- gnitatum officia, ad conjugia redeunt.

7. De non ordinandis his qui psalmorum cantico- rum, seu hymnorum, gnari sunt.

8. De his qui prætextu incommodæ ægritudinis Quadragesimæ jejunium solvunt.

9. De his qui aut per auctoritatem aut per vim or- dinati sunt.

10. De confirmatione universalium decretorum.

11. De Judæis.

## INCIPIT CONCILIUM TOLETANUM OCTAVUM.

*Celebratum æra DCLI, sexto Kalendas Januarii*

Anno quinto orthodoxi atque gloriosi, et vera ele- mentariæ dignitate præcipui Reccesinthus regis, cum omnes nos divinæ ordinatio voluntatis ejusdem prin- cipis serenissimo jussu in basilica sanctorum apo- stolorum ad sacrum synodi coegisset congregari conventum, dies tandem lætitiæ appetitu diutissime præceptatus et gratus adfuit, et jocundus tanto nostri pectoris avidiori voto susceptus, quanto ad reme- dium salutis exstiterat, anhelantium præcordiis ex- quisitus. Cumque ex more unusquisque nostri ordi- nis sedes debitas occupasset, et eventum rei tran- quillæ intentionis expectatio sustineret, adest serene- tissimus princeps pia religione plenissimus, et summo laudum titulo gloriosus, qui se nostro cœtui reddens acclivem, ut hunc omnipotenti Domino precibus commendaremus astans dulcibus ut filius nos cohori- tatus est verbis, grates deferens Deo virtutum, quod C suæ jussionis implentes decretum in unum fuissenus adunati concilium; sed cum tamen humilem cogno- vissemus ejus animæ voluntatem, et tam sublimis gloriæ celsitudinem videremus acclivem, tanta sumus inde gloria exsultationis succensi, ut grates illi debitas et honorem, et læti redderemus, et cernui, sed quantum extulerat principem humilitatis ordo sublimis, tantum ad exercitia summæ virtutis instruebant exempla sacratissimi principis formam nostræ reli- gionis. Tum relatis Deo laudibus de unitatis alternæ proventu, magna nos cum tranquillitatis gratia allo- cutus est dicens: Etsi summus Auctor rerum me divæ memoriæ domini genitoris mei temporibus regni sede subvexit, atque ipsius gloriæ deferens participem fecit, nunc tamen cum ipse requiem æternam adeptus est mansionum, ea quæ in me totius regiminis transfusa jura reliquit ex toto divina mihi potentia subjugavit, unde quia regendorum membro- rum causa salus est capitis, et felicitas populorum non nisi mansuetudo est principum, votive decrevi vobis coram positis et votorum meorum deliberationes sanctione patula reserare, et studiorum apta decreta sincera exhibitione deferre. At vero quia

anheum pectus se in promissionum compita diffundit, ne pigritiæ fessum retardationis oneribus se sub- mittat, longam prosecutionem compendio brevitatis astrinxi, et quod productionibus loquularum in con- cione diffundere potui, totum in tomi hujus complica- mento prorsus almæ vestræ sanctitudini offerre de- crevi, id magno precatu deliberationis exhortans, ut quæcunque illic tenentur ascripta valido attendatis intuitu, sagaci perscrutemini studio, et quæcunque exstiterint placita Deo, vestri oris ad nos sacro referantur oraculo. Accepto deinde oblato nobis tomo, agentes Domino gratias acclamavimus: « Gloria in excelsis Deo, et in terra pax hominibus bonæ volun- tatis (Luc. II, 14). » Post hujus exsultationis beatæ gaudium, et cœlestis gloriæ hymnum eidem sacro principi benediximus, reseratoque tomo, hæc in Mi contexta reperimus:

In nomine Domini, Flavius Reccesinthus rex re- verendissimis Patribus in hac sancta synodo resi- dentibus, sanctis episcopis. Admirabili dono regu- lam fidei meæ solidam tenens, et instructam agnos- cens, atque in honore ejus diadema gloriæ cum cor- dis humilitate prosternens, illo lætus auditu quod omnes reges terræ serviunt et obediunt Deo, eo re- verendi Patres excelsiori mihi venerationis honore sublimes, coram vobis advenio in gratiam mansue- tudinis vestræ studium convocans, et testimonium visionis vestræ me et coram omnipotentis Dei nutibus tremendis acclinans, referens illi corde læto gratias opulentas, quod vos clementia voluntatis ipsius ex nostræ jussu celsitudinis ad hujus sanctæ congre- gationis votivum dignatus est deducere cœlum, con- fidens tam mihi quam vobis et in præsentium serie temporum, et futurorum longitudine sæculorum ejus adesse gratiæ præmium, quoniam vestra con- cordia in conveniendo unanimum ac religiosum de- monstratis affectum, et dispositionis meæ in regen- dis populis quam pium sit poteritis patenter agnos- cere votum. Nunc igitur quia monens prælocutio longæ dictionis non capit excessum, quid de sanctam



fide noverim quam cœlitus illapsam mihi per sanctorum apostolorum frequentiumque Patrum ora cognovi, seu quid de secuturis negotiis, pro quibus hunc conventum congregationis coadunari percensui intimare decreverim, in hujus tomi serie conscripta tenete, ac relictâ pernoscite, et cunctis quæ tenori ejus nostræ amplitudinis potestas impressit, vestræ beatitudinis gravitas effectum tam eis promat ac miseranter impendat, quam nostræ mansuetudinis serenitas hoc nobis implenda commendat.

Exordium itaque allocutionis meæ ex definitione sanctæ fidei inchoans, cætera quæ futuris sunt prosecutionibus intimanda, velut supra soliditatem petræ constructurus, a Deo etiam operis mei ædificium congressurus, eo consequentia validius ponam, quo decentius firmissima prætulim. Primo itaque coram se reverentia vestra habeat quod nosse non ambigit me orthodoxæ fidei veram, sanctam, et sinceram regulam de corde puro et conscientia bona plenissime habere, veraciter scire et firmissime retinere, atque eam ita complecti atque venerari, atque diligere, sicut eam sancta apostolica traditio docet, sicut etiam sancta synodus Nicæna constituit, sicut Constantinopoli sanctorum Patrum congregatio definivit, sicut Ephesini primi cœtus unitas affirmavit, sicut Chalcedonensis concilii definitio prætulit, hanc cum fidelibus servans, ad hanc salvandos infideles invitans, in hanc subjectos populos regens, hanc propriis gentibus tenendam insinuans, hanc in populis alienis annuntians, ut in illa glorificans Deum, et inter mortales me summæ divinitatis felicitas assequatur, et in terra viventium hæreditas a me gloriæ capiatur. En, reverendissimi Patres, quantum ad veritatem fidei sanctæ pertinuit ex toto animam meam suæ confessionis titulos explicuisse, honorificentia vestra **122** pensavit. Jam nunc magnopere arbitror esse mihi opportunum quæ tendimus societati ejusdem veræ fidei studia sanctæ operationis innectere, ne hanc aut sine operibus mortuam habeamus, aut non plenitudinis suæ dignitate perspicua decadat inhonesta, dum Scriptura non silente, de quibusdam inferat, quæ dicunt se nosse, Deum autem negant. Ut ergo hanc fidem super lapidem illum solidatam, « quem reprobaverunt quidam ædificantes, idem tamen a Domino factus est in caput anguli et est admirabilis in oculis nostris (*Psal. cxvii, 22 et 25*), » plenius habeamus, ejusque insignibus decentius exornemur, attendite cujus operis fructum, cujusque operationis augmentum studiis hujus sanctæ fidei consociare velimus, et innectere quantopere optemus. Itaque revolutis retro temporibus, ita vos omnemque populum jurasse recolimus, ut cujuscunque ordinis vel honoris persona quæ in necem regiam excidiumque Gothorum gentis ac patriæ detecta fuisset vel cogitasse noxia vel egisse, irrevocabilis sententiæ multatus atrocitate, nusquam mereretur veniæ remedium, vel alicujus temperantiæ percipere qualecunque subsidium. At nunc quia grave onerosumque censetur, quia pietatis

A actibus gravi contradictione hæc sententia resultare perpenditur, et sic funditus damnationis astipulatio retinetur, ne pietati quæ Apostolo præcinente ad omnia utilis est (*I Tim. iv, 8*), quicumque aditus reservetur, vestris hæc committo fidenti animo sacris pertractanda judiciis, ac dirimenda sententiis, unde jam vestrum erit, inspirante vobis miseratione divina, ita utriusque discriminis temperare mensuram, ne aut in juramento conditio teneat reos, aut impietatis ultio habeat inhumanos, sicque vestri nos instruat forma judicii, ut subjectos populos, nec in profanationibus habeamus subditos, nec impietatis vinculis doleamus contaminatos. Post hujus contentionis alloquium, sequentium causas negotiorum simili quoque subjungimus vos intendere attentione.

B Decernimus attestantes universitatem nostram per summæ divinitatis cœqualem, et cœternam, et inseparabilem Trinitatem, atque illius mysterii sacramentum quod incarnatum Dei Filium de Spiritu sancto, a Maria Virgine pro salute mundi, vera fides in toto orbe denuntiat, atque adventum ejusdem Jesu Christi Filii Dei, nostri Domini, quo perimendi sunt impii, et regnum ejus quo glorificandi sunt sancti, ut quæcunque negotia de quorumlibet querelarum auditibus exsiterint, patefacta cum justitia et vigore misericorditer et cum temperamento miserationis justissimæ concorditer terminentur in legum sententiis quæ aut depravata consistant, aut ex superfluo, vel indebito conjecta videntur, nostræ serenitatis accomodante consensu hæc solum quæ ad sinceram justitiam et negotiorum sufficientiam convenient ordinetis, canonum obscura quædam et in dubium versa, in meridiem lucidæ intelligentiæ reducat, omniumque negotiorum conventus ordinumque status, qui in vestram exsiterint devoluti præsentiam, ita majorum regulis concordantes justissime, pieque ac temperanter constituere studeatis, ut et mihi qui ad studiorum fructus honorum anhelio pars beatorum adveniat et vos qui adimplentes voluntatem Dei, me non spernit, imprecantem religio beatitudinis æternæ suscipiat, et visio delectationis Dei sibi perenniter inhærere concedat. Vos etiam illustres viros quos ex officio palatino huic sanctæ synodo interesse primatus obtinuit, ac nobilitas spectabilis honoravit, et experientia æqualitatis plebium rectores exegit, quos in regimine socios, in adversitate fidos. et in prosperis amplector strenuos, per quos justitia leges implet, misratio legis impletur, contra justitiam legum moderatio æquitatis temperantiam legis extorquet, adjurans obtestor per omne illud admirabile, et solum unius sacræ fidei sacramentum, et per venerabilem omnium sanctorum Patrum per quem obtestor sanctum conventum, ut ad cunctæ veritatis ac discretionis justissimæ formulam, ita animos dirigatis, ut nihil a consensu præsentium Patrum, sanctorumque virorum aliorum mentis obtutum, quidquid innocentie vicinum, quidquid justitiæ proximum, quidquid a pietate non alienum,

vel soli Deo agnoveritis existere placitum, instanter, A  
modeste, et cum omni dignemini intentione com-  
plere. Scientes quia in eo quod hæc mea sobria  
vota completis, vos amabiles Deo assignatis, et in  
eo quod decretorum nostrorum edicta favoris exhi-  
bitione corroboro, me vobiscum simul cum Domino  
placitum assigno. In commune jam vobis cunctis,  
et divini cultus ministris idoneis, et ex aula regia  
rektoribus divini nominis adjuratione constrictis,  
adjicio consensionis meæ verum purumque promissum,  
ut quodcumque justitiæ ac pietati, salutarique  
discretionis vicinum decernere, seu adimplere cum  
consensu elegeritis, omnia favente Deo perficiam, et  
adversus (1) commoda controversiarum promissis illis  
quæ ad domesticos fidei regula veritatis pertinuisse  
probavit, adhuc aliud a beatitudinis vestræ conven-  
tu ejusdem fidei aviditas deposcit, connectens  
me in sequendis traditionibus confirmo causam  
quæ vestræ dignitati probatur non extranea, quam-  
libet per me lucrari Christus exhortetur, inimicam  
sibi tamen esse non ambigit, donec quod ardentem  
optat, obtineat: Judæorum scilicet et vitam mores-  
que denuntio, quorum tantummodo novi terram  
regiminis mei pollutam esse peste contagii. Nam  
cum Deus omnipotens omnes ex hac regione radi-  
citus extirpaverit hæreses, hoc solum sacrilegii dedecus  
remansisse dignoscitur, quod aut nostræ devo-  
tionis instantiam corrigat, aut ultionis suæ vin-  
dicta disperdat. Ex eis enim quosdam traditionis  
errore vetusto video retinere jura perfidiæ, quosdam  
vero sacri baptismatis expiatis ablutione, ita in  
apostasie denuo relapsos errorem, ut detestabilior  
inveniat in eis prolatio blasphemix, quam in eis  
quos nondum constat purificatos esse regenerationis  
sacræ liquore, pro quo longæ intentionis agone, et  
lucro fidei veræ obsecro reverentiam beatitudinis  
vestræ atque supra taxato contestor tremendæ  
conjuracionis tenore, ut absque omni favore, absque  
omni personarum partis ipsorum acceptione, quid-  
quid ad Domini et redemptoris mei Jesu Christi  
veram fidem, verumque pertinet honorem, de his  
jubeatis ardentem, et verissime Deo ac fidei meæ  
placitam sententiam dare, ut sicut mihi divina pietas  
regnum fidelium dedit cum quibus eam cognoscit,  
ita quoque infidelium assequi tribuat lucrum, in  
quibus voluntatis suæ fieri bonum, et in ejus  
congaudeam venerabile regnum. Datum sub  
die Kalendarum Januariarum, anno feliciter quinto  
gloriæ regni nostri. In nomine Domini Flavii  
Reccesinthus rex hanc fidei et bonæ voluntatis  
meæ deliberationem manu mea subscripsi.

CAP. I. Relecta omni pagina vel finita, cum glori-  
ficassemus Deum de fidei principalis auditu, et de bonæ  
voluntatis ejus affectu, ad peragendarum causarum  
cæterarum negotium statim vertimus animum, simul-  
que sumus exorsi initium. Tunc primæ narrationis  
exortu veræ fidei nobis tractatus occurrit, incæpi-

mus de illa primitus loqui ut inde soliditatis auspi-  
cemur exordium, unde sacræ sumpsimus nativitatis  
initium, quatenus assertionum sanctarum forti præ-  
missa sententia, quidquid imposterum subsequenter  
adveniret de actis negotiorum fortius sustinere va-  
leat seriem decretorum. Unam ergo sacræ fidei veram  
professionem veramque regulam tenere, nos  
tota virtute animi et profitemur, et acclama-  
mus, cunctisque percipiendam ac retinendam plena  
deliberatione incessanter prædicamus, sicut a san-  
ctis apostolis ostensa docetur, sicut a sequentibus  
Patribus orthodoxis disserta probatur, sicut etiam  
a sanctis illis synodalibus gestis vere sancteque  
confirmata dignoscitur, in quibus Arii vel Eutichetis  
insanissimus error deprehenditur, et radicitus  
extirpatur, sicut denique in sacris missarum  
solemnitatibus concordī voce profitemur ac dici-  
mus.

Credimus in unum Deum Patrem omnipotentem,  
factorem cœli et terræ, visibilium omnium et invi-  
sibilium conditorem. Et in unum Dominum Jesum  
Christum, Filium Dei unigenitum, et ex Patre na-  
tum ante omnia sæcula, Deum ex Deo, lumen ex lumi-  
ne, Deum verum ex Deo vero, natum non factum,  
omnisoni Patri, hoc est, ejusdem cum Patre substan-  
tiæ, per quem omnia facta sunt, quæ in cœlo et quæ  
in terra; qui propter nos et propter nostram salu-  
tem descendit, et incarnatus est de Spiritu sancto  
ex Maria Virgine, homo factus et passus sub Pontio  
Pilato, ac sepultus, et tertia die resurrexit. Ascen-  
dit in cœlos, sedet ad dexteram Patris, inde ventu-  
rus judicare in gloria vivos et mortuos, cujus regni  
non erit finis. Credimus et in Spiritum sanctum  
vivificantem, ex Patre et Filio procedentem, cum  
Patre et Filio adorandum et glorificandum, qui  
locutus est per prophetas. Et unam catholicam atque  
apostolicam Ecclesiam. Confitemur unum baptisma  
in remissione peccatorum. Expectamus resurrectionem  
mortuorum, et vitam futuri sæculi. Amen.  
Hujus fidei sanctæ regula idcirco nunc tractatum non  
recipit aperturam, quia et a sacris doctoribus abunde  
constat exposita, et imminens causarum negotia  
ad alia trahunt peragenda.

II. Secundæ disputationis occursum adfuit nego-  
tium, tam facile quam et grave, in quo de refugis  
atque perfidis disputatione commota, utrum ne  
possit eorumdem contemperari sententia damnato-  
rum, magno satis conatu est exquisitum; sed cum  
illarum series conditionum ad quas decursus non  
longe temporibus pro eorum penuria hostilitatis  
vastitas nos jurare coegerat, nostris esset auditibus  
recensita, tantam reperimus obligationis illic inesse  
censuram, ut macularum suarum nodositas non  
tantum videretur prohibitionem dedisse transgres-  
sionum, quantum conclusisse viscera pietatum.  
Aderat enim quod in utroque pavor agebat, et ne  
sancti nominis profanatio fieret, et ne miserationis

(1) Sic legendum: et adversus omnimodam controversiarum querelam principali auctoritate muniam ac de-  
fendam. Præmissis illis, etc., etc.



operatio interiret, quia ex Dei nominis profanatione non aberat quod terrebat, prohibitione pietatis aderat quod tendebat. Dum quoque alterno periculorum objectu sibi prolatae sententiae repugnarent, periclitabamur ancipites in bifido partium dissidentium calle, quo diremptionis tramite iudicium properaret. Sed cum gressibus disputationis nostrae esset difficultatis congressio, et de via nos dejecisset, properandi tandem relicto discrimine cum fragore singultuum, et imbris lacrymarum ad Deum qui pietatis fons est verba simul et corda convertimus orantia. Spira, sancte Spiritus, et ducto nos in portum voluntatis tuae (*Psal. cvi, 30*), sedatis fluctibus ignorantiae nostrae, ecce enim periculorum syrtis in litore cursus nostri proveniunt, atque hinc inde obviantibus naufragiorum obicibus, quo disputationis nostrae vela pandamus attentionis consideratione non cernimus; sed aspira, tu sancte Spiritus, et dato nobis te donante nosse quod jubeas, ac te jubente implere posse quod jusseris, ut perlustrando illumines quod nescimus, et adjuvando perficias, quod implere pavemus. Sinus ergo in te requiescentes, et erroneorum fluctuum pavoribus abjectis commercia nos jube disponere pacis. Inchoemus illa quae et in gloriam tuae omnipotentiae conferantur, et humanae saluti te annuente donentur. Temporibus non procul excursis cum quorundam refutatorum tumultuosa seditio frequenter vastationes terris inferret, et scandala populis cum excidiis irrogaret, adeo ut captivorum turmas ducerent, et desolationes ecclesiarum facerent, quae tali concussae sunt peste, ut quilibet conatus nequeat reparare, exactum est vi potius necessitatis exortae quam deliberatione iudicii, ut contra eosdem eisdemque simillimos cum omni fere populo acerrima iuramenta daremus. Unde jurasse nos per attractionem divini nominis conditio iuramenti demonstrat, et ne resolvi queat sacrae Scripturae auctoritas instat. Scriptum namque in Exodo est (*xx, 7*). « Non assumes nomen Domini Dei tui in vanum, nec insontem enim habebit Dominus eum qui assumpserit nomen Dei sui frustra. » Item in Levitico (*xix, 12*):

**123** « Non perjurabis nomine meo, nec pollues nomen Domini Dei tui, ego Dominus. » At vero quia illata pressurarum acerbitas resolvi possit, ac debeat, tam vinculorum et lamentorum horum asperitas insinuat, quam ejusdem auctoritatis Dominicae praecepta commendant, etenim juxta veterem translationem ita quosdam per Isaiam gravi exprobratione Dominus increpat, et arguit, dicens: « Vae filiis desertionis, dicit Dominus, fecistis concilium non per me et sponsonem, non per Spiritum meum, adicere peccatum super peccatum (*Isa. xxx, 1*). » Item in Jeremia: « Iniquitates nostrae declinaverunt omnia, et peccata nostra amoverunt bona a nobis, quia inventi sunt in populo meo impii, et loquentes vana, statuerunt ad dispergendos viros, et comprehenderunt; ut laqueus venantis plenus volatilibus, sic domus eorum plenae dolo (*Jer. v, 25 et seq.*) »

A Et per Michaeam: « Vae mihi, anima mea, quia periit revertens a terra, et qui corrigit inter homines non est, omnes in sanguine judicantur, unusquisque proximum suum tribulat, omnes in malum suas manus preparant. » Ad beneficentiam certe quae divinis oculis tanto est gratior, quanto et invenitur esse praesentior, sic nos Isaias instruit, dicens: « Dissolve colligationes impietatis, solve fasciculos deprimentes (*Isa. lviii, 6*). » Paulus etiam vas electionis: « Pietas ad omnia utilis est (*I Tim. iv, 8*). » Et Jacobus: « Judicium sine misericordia illi fiet, qui non fecit misericordiam. Superexcellit autem misericordia iudicio (*Jac. ii, 13*). » Joannes item: « Qui odit fratrem suum homicida est, et scitis, quia omnis homicida non habet vitam aeternam in se manentem (*I Joan. iii, 15*). » Et per semetipsum Veritas. « Diligite inimicos vestros, benefacite his qui vos odiant (*Matth. v, 44*). » Et iterum: Dimittite, et dimittetur vobis. Si autem non dimiseritis, nec Pater vester coelestis dimittet vobis peccata vestra (*Matth. vi, 12 et seq.*). Ecce sunt Dominicae jussionis hinc inde astipulata firmissima cautione praecepta, ac proinde quia sunt divini oris prosecutione taxata manebunt per omnia aeterna lege praefixa. Quid ergo? Nunquid iuramenta justitiae et iuramenta pacis sibi contra ire narrabimus dum scriptum sit: « Misericordia et veritas obviaverunt sibi, justitia et pax complexae sunt se (*Psal. lxxxiv, 11*). » At quia controversiarum lapsus sese in contentione diffundit, adeo unius partis assertionem

C narravimus non implendam, cur alterius assertio partis iacturae patietur instantiam? Et quia iuramenti custodia ultionem non temperat pavescendam, idcirco impietatis atrocitas mortem pariat execrandam? absit. Etenim si publicis sacrorum gestis (quod Deus avertat) a quibuslibet illicita, vel non bona exstitisse conditio allegatur, quae aut jugulare animam patris, aut agere compelleret stuprum sacratissimae virginis, nunquid tolerabilis esset stultae promissionis ejicere vota, quam inutiliam promissorum custodia, exhorrendam criminum implere mensuram? Quod si ita esset, quomodo crederetur unius observantia jussionis fons pietatis, cum emitteret tribulos ultionis? Aut quanam illa esset sacrae observatio legis, quae sacrilegia committeret probitatis? vel cujus mensurae iniquitas videretur, ut ex unius praecepti cautela necis exoriretur immanitas truculenta? At nunc non ita contendimus ut contentionum divortis concitatis nos ipsos contentionibus certaminibus misceamus. Est vera pax in utroque quod dicimus, quia sic Spiritus sanctus iter nostrum, ac cursum temperat, ut in nullo devius nos casus a dispositione secludat. Unde plena jam voce, pleniori fide, plenissimaque intentione predicimus, atque in tota sanctae Ecclesiae universitate praedicamus pariter et optamus, nulla profanatione solius et summae Divinitatis nomen existere assumendum, nullo perjurio sacrilegii indebito profanandum, nullo unquam contactu fallaciae contingendum: Nam

si, attestante veritate, propter profanationem perjurii evitandam prohibetur omnino jurare, cum dicitur: Sit sermo vester, est, est: non, non: quod autem plus est, a malo est (*Matth. v, 37*), quomodo impunitum erit nomen tantæ gloriæ voluntarie profanasse, dum in eo taxata fides dignoscitur interisse? vel quatenus pacis fœdera inter gentium dissidia ligantur, si non juramenti pacta sanctioni integritate serventur? Etenim omne quod in pacis fœdera venit, tunc solidius subsistit, cum juramenti hoc interpositio roborat, sed et omne quod animos amicorum conciliat tunc fixius durat, cum eos sacramenti vincula ligant. Omne etiam quod testis astipulatur, tunc verius constat cum id adjectio iurationis affirmat; quod si et gestis deficiat, innocentis fidem sola jurisjurandi taxatio manifestat. Hinc ut mentibus humanis divina voluntas panderet quod volebat, ne labans fragilitas pro incerto teneret, quod inviolatæ veritatis promissio exprimebat, per Isaiam loquitur, dicens: « Ego Dominus et non est alius, in memetipso juraui (*Isa. xlv, 23*). » Si ergo tantæ institutionis limite sunt votiva juramenta servanda, quis alienus a veritate constituat execrabiliter violanda? Stabunt ergo sacræ auctoritatis vivifica jussa, nec vana profanatione erunt aliquatenus temeranda. Verum ne juramenta quæ data sunt, videantur in nos ita penitus miserationum conclusisse præcordia, ut nullam depietatis affectu animæ viscera concipiant indulgentiam parituram, sic stabilitis contractibus juramenti sinum misericordiæ aperimus, atque illa cunctis Deo placita misereri censemus, ut nos nec juramenti teneat cautio reos, nec inhumanitas faciat execrandos. Occurrere certe miserorum ruinis debet subsidio unusquisque quo valet, et ex relevatione alienæ vindictæ a se Dei amovere vindictam; libat enim Domino prospera qui ab afflictis pellit adversa. Unde Job juvante passionis experientia, impendens patientibus passionis suæ patientiam memorabat, suarum virtutum catalogum texens inter cætera sic connectit: « Benedictio perituri super me veniebat, et cor viduæ consolatus sum (*Job xxix, 13*). » Et paulo post: « Flebam quondam super eo qui afflictus erat, et compatiebatur anima mea pauperi (*Job xxx, 23*). » Hinc et Salomon: « Erue eos qui ducuntur ad mortem, et qui trahuntur ad interitum liberare ne cesses (*Prov. xxiv, 11*). » Quibus sanctæ auctoritatis instructi decretis, nec sanctum nomen profanasse nos constat, quod nullatenus pro sanandum jus nostræ prædicationis insinuat, et, indulgentiæ visceribus adaperitis, licet oris sui professione damnati difficile mereantur absolvi, juxta quod scriptum est: « Sanguis tuus super caput tuum, os enim tuum locutum est adversum te (*III Reg. ii, 37*); » et iterum: « Ex ore tuo condemnaberis, et ex ore tuo justificaberis (*Matth. xii, 37*), » tamen pietatis intuitu, et parcendi viam pandimus, et misericordiam prorogamus; hujus sane promissionis ineapte crudam cruentamque temperare sententiam, illa quam maxime compellimur causa, quod hæc duo

A mala licet sint omnino cautissime præcavenda, tamen s' periculi necessitas ex his unum temperare compulerit, id debemus resolvere, quod minori nexu noscitur obligari; quid autem ex his levius, quidve sit gravius pietatis acumine vestigemus. Etenim dum perjurare compellimur, creatorem quidem offendimus, sed nos tantummodo maculamus. Cum vero noxia promissa complemus, et Dei jussa superbe contemnimus, et proximis impia crudelitate noceamus, et nosipsos crudeliori gladio trucidamus. Illic enim 'duplici culparum telo percutimur, hic tripliciter jugulamur. Restat ergo ut eo nostra pergat sententia quo misericordiæ patuerit via, quæ ita in Domino probatur accepta, ut plus jam cupiat quam sacrificia veneranda, dicente ipso: « Misericordiam volo et non sacrificium (*Matth. ix, 13*). » Hac indulgentiæ concessa licentia miserationis ipsius opus in gloriosi principis potestate redigimus, ut quia Deus illi miserendi aditum patefecit, remedia pietatis ipse quoque non deneget. Quæ ita principali discretionem moderata persistent, ut et illis sit aliquatenus misericordia contributa, et nusquam gens aut patria per eosdem aut periculum quodcumque perferat aut jacturam, hæc miserationis obtentu temperasse sufficiat. Cæterum, quæcumque juramenta pro regiæ potestatis salute, et contutatione gentis et patriæ, vel hactenus sunt exacta, vel deinceps exstiterint exigenda, omni custodia, omnique vigilantia indissolubiliter decernimus observanda, a membrorum truncatione mortisque sententia religione penitus absoluta. Sed ne pravarum mentium versuta nequitia nosmetipsos ad perjurii quandoque devocet culpam, nec a sanctæ fidei regula hanc asserat venire sententiam, tam divinæ auctoritatis oracula quam præcedentium Patrum asserta huic narrationi curavimus innectenda. Etenim immutabilis deitatis licet dicta sint firmissima, crebro tamen ejus et juramenta leguntur et poenitentia, quæ in sacris exstant mysteriis adopenita. Jurare namque Dei est a se nullatenus ordinata convellere, poenitere vero eadem ordinata cum voluerit immutare. Sic enim per Hieremiam dicit: Repente loquar adversum gentem, et adversum regnum, ut eradicem, et destruam, et disperdam illud. Si poenitentiam egerit gens illa super malo suo quod locutus sum adversus eam, agam et ego poenitentiam super malo quod cogitavi, ut facerem ei (*Jer. xviii, 7 et 8*). Et per Ezechielem. « Si dixero justo viro quod vita vivat, et conversus a justitia sua fecerit iniquitatem, omnes justitiæ ejus oblivioni tradentur, et iniquitate sua quam operatus est in ipsa morietur. Si autem dixero impio: Morte morieris, et egerit poenitentiam a peccato suo, vita vivet, et non morietur (*Ezech. xviii, 24 et seq.*). » Si ergo nostra conversio sic divinam mutat sententiam, cur miserorum tantæ lacrymæ, vel pressura tam crudam non temperant ex miseratione vindictam? Hinc etiam Israelitico populo sæpe ultio promissa suspenditur, et Ninivitarum perditio divinæ sententiæ permutatione sedatur. At



vero illustrium laudum titulo præclarus auctor Ambrosius, in libro de Officiis primo, huiusce rei causa sic loquitur: Est etiam contra officium nonnunquam promissum sacramentum custodire, ut Herodes, qui iuravit quoniam quidquid petitura esset, daret filiæ Herodiadis et necem Joannis præstitit, ne promissum denegaret (*Marc. vi, 22 et seq.*). Nam de Jephthe quid dicam? Qui immolavit filiam, quæ sibi victori primum occurrerat, quo votum impleret quod sponderat ut quidquid sibi primum occurrisset, offerret Deo (*Judic. xi, 34 et seq.*). Melius fuerat nihil tale promittere, quam promissum solvere parricidio. Item in libro tertio: Primum ergo sincerum oportet esse affectum, et unusquisque simplicem sermonem proferat, vas suum in sanctitate possideat, nec fratrem circumscriptione verborum seducat, nihil promittat inhonestum, ac si promiserit, tolerabilius est promissum non facere, quam facere quod turpe sit. Sepe plerique constringunt se iurandi sacramento, et cum ipsi cognoverint promittendum non fuisse, sacramenti tamen contemplatione faciunt quod sponderint, sicut de Herode suprascripsimus, qui saltatrici præmium turpiter promisit, crudeliter solvit, turpe est quod regnum pro saltatione promittitur, crudele quod mors pro professâ iurandi religione datur. Quanto tolerabilius tale fuisset perjurium sacramento? Et pauca de Jephthe disputans: Miserabilis necessitas quæ solvitur parricidio. Melius est votum non solvere quam id, quod sibi is cui promittitur nolit exolvere. Et post paululum: Non semper igitur promissa solvenda omnia sunt. Denique ipse Deus, sicut Scriptura indicat, frequenter mutat suam sententiam.

Vir quoque sanctissimus Augustinus, vestigationis acumine cautus, inveniendi arte præcipuus, asserendi copia proflus, eloquentiæ flore venustus, sapientiæ fructu secundus, hæc in suis narrat affatibus: Duo sunt omnino genera mendaciorum, in quibus non magna culpa est, sed tamen non est sine culpa cum aut jocamur, aut promissum mentimur; illud primum in jocando non est perniciosissimum, quia non fallit, novit enim ille cui dicitur joci causa esse dictum, secundum autem minus est, ideo quia retinet nonnullam benevolentiam. Idem ipse: Non auferat (inquit) veritas misericordiam, nec misericordia impediât veritatem, si enim pro veritate, aut quasi rigida veritate oblitus fueris misericordiam, non ambulabis in via Domini, in qua misericordia et veritas obviaverunt sibi (*Psal. xxxix, 12*).

**124** Beatus etiam papa Gregorius, et vitæ meritis honorandus, atque in ethicis assertionibus pene cunctis merito præferendus, sic in libris infert moralibus: Quia ergo Beemoth iste tam inexplicabilibus modis ligatur, ut plerumque mens in dubio adducta, unde se a culpa solvere nititur, inde culpa arctius astringatur, recte dicitur: Nervi testiculorum ejus perplexi sunt, argumenta namque machinationum illius, quo magis relaxantur ut relinquunt, eo magis implicantur ut teneant. Est tamen quod ad destru-

das versutias utiliter fiat, ut cum mens minori et maximo peccato constringitur, si omnino nullus sine peccato aditus evadendi patet, minora semper eligantur, quia et qui mororum ambitu ne fugiat, clauditur, ibi se in fugam præcipitat, ubi brevior murus invenitur. Nostri quoque sæculi doctor, egregius Ecclesiæ catholici novissimum decus, præcedentibus ætate postremus, doctrinæ comparatione non infimus, atque, et quod majus est, jam sæculorum finitorum doctissimus, cum reverentia nominandus Isidorus in libro sententiarum, secundo hæc pro tali narrat negotio: Non est conservandum sacramentum quod male et incaute promittitur, velut si quispiam adulteræ perpetuam cum ea permanendi fidem polliceatur. Tolerabilius est enim non implere sacramentum quam permanere in stupri flagitio. Similiter in Synonymis: In malis promissis rescinde fidem, in turpi voto muta decretum, quod incaute novisti, impia est promissio quæ scelere adimpletur. Hæc de sacris paginis auctoribusque præcipuis brevissime sufficiat prælibasse. Nam plurimâ colligere poterit qui hæc attentius legendo quæsierit. Cæterum quibus hæc nequaquam sufficiunt, vel hæc sumant cum rubore silentium, quia optat Vaselectionis anathema esse a Christo pro fratribus suis quam perdurare crudelibus in delictis.

III. Tercio ratiocinationis alloquio doluimus contra priora monita Patrum vota, perniciosissima posterorum, nam quanto frequentius illi noxia veterunt, tanto studiosius isti perpetrare vetita non quiescunt. Sicque per contrarium quod penitus occumbere debuit, insultare non desinit, et res quæ tot excisa decretis arescere potuit, ad vicem Lernæi capitis (ut ferunt fabulæ) truncata virescit. Denique quod non sine magno dolore dicendum est, reperiuntur quamplurimi negotio muneris perituri mercari velle gratiam Spiritus sancti, dum ille præmium donat, ut pontificalis ordinis sui subline culmen accipiat oblitus verborum Petri qui dixit ad Simonem: «Pecunia tua tecum sit ad perditionem, quoniam donum Dei existimasti per pecuniam possidere (*Act. viii, 20*).» Proinde quia et usitatum est tamen malum, et majorum frequenter constat mucrone succisum, nos quoque huic vulneri canceroso ignitum quod superest adhuc injicimus ferrum, decernentes omnino, ut quicumque deinceps propter accipiendam sacerdotii dignitatem, quodlibet præmium fuerit detectus obtulisse, ex eodem tempore se noverit, anathematis opprobrio et condemnatum atque participatione Christi corporis et sanguinis alienum, ex quo illud constat execrabile Christi perpetrasse flagitium. Quod si aliquis exstiterit, qui accuset, ille qui hunc ordinem munerum fuerat acceptione lucratus, et suscepto honoris gradu privetur, et in monasterio sub perenni pœnitentia religetur; illi vero qui hac causa munerum acceptatores exstiterint, si clerici fuerint honoris amissione mulcentur. Si vero laici, anathemate perpetuo condemnentur.

IV. Quartæ congregationis eventu obvius sese nobis intulit pontificalis culminis lapsus, quoniam ante flere quam dispendere compulsi ex ordine sumus;

nam cum secundum carnis assumptæ mysterium A  
Ecclesiæ suæ fuerit dignatus caput existere Christus,  
merito in membris ejus intentio episcoporum officia  
peragere cernitur oculorum. Ipsi enim de sublimio-  
ribus celsitudine ordinis regunt, et disponunt sub-  
jectas multitudines plebium; unde quanto ipsi fiunt  
ductores, tanto meritorum lumine debent præfulgere,  
quapropter omnes episcopi inter cætera virtutum  
ornamenta nitore carnis debent propensius enitere,  
ut ex hoc audientes munditiam appetant, ex quo do-  
ctores immunditia non deturpat, adeo ut si deinceps  
episcopi detecti fuerint execrabilibus flagitiis cum  
quibuslibet feminis pollui, ac familiari peculiaritate  
versari, noverint se irrevocabili sententia Patrum  
ulcisci, id est, et loci et ordinis dignitate privari.

V. Quintæ actionis impulsu pervenit ad totius B  
concilii sacrum auditum quosdam sacerdotes et mi-  
nistros, obliviscentes majorum et veterum consti-  
tutorum, aut uxorum, aut quarumcunque femina-  
rum immunda societate et execrabili contagione  
turpari, et pessima cordis obstinatione, tam sacris  
litteris quam Patrum regulis obviantes, nec levi qui-  
dem respiramine contemplantes quod scriptum est :  
« Sancti estote, quoniam et ego sanctus sum (*Levit. II,*  
44), dicit Dominus; » et illud Apostolicum : « Mor-  
tificate membra vestra, quæ sunt super terram  
(*Col. III, 5*), » id est, fornicationem et immunditiam,  
concupiscentiam malam, et avaritiam, quibus quanto  
est pertinacior vis in malis, tanto austerioribus con-  
venit obviare decretis. Propter quod flagitiis detectis  
specialiter hoc a sancto concilio definitur, ut omnes  
episcopi id ipsum in suis quærere sollicitè curent.  
Et cum hoc verissime reperire potuerint, omnes  
placita cautione taliter distingant, ut nunquam ul-  
terius tam abominanda committant. Mulieres vero  
seu liberæ sint, seu ancillæ tam turpiter sociatæ,  
ita omnimode separentur, aut certe vendantur, ut  
ulterius ad consocios sui criminis revertendi omnem  
habeant aditum denegatum. Illi vero, si omnino  
coerceri nequiverint, usque ad exitum vitæ suæ mo-  
nasteriis deputati disciplinis monasticis maneant om-  
nino subjecti.

VI. Sextæ discussionis objectu, quorundam male sibi  
consciorum patuit denotatum elogium. Nam relatum  
est nobis quosdam subdiaconos postquam ad sacri  
ordinis pervenerint gradum, non solum carnis im-  
munditia sordidari, cum scriptum sit : « Mundamini  
qui fertis vasa Domini (*Isa. LII*), » sed etiam quod dic-  
tu nefas est) quoque uxoribus copulari, asserentes  
hoc ideo sibi licere, quia benedictionem a pontifice ne-  
sciunt percepissee. Proinde, omni excusationum discisso  
velamine, id præcipimus observari, ut cum iidem sub-  
diacones ordinantur cum vasis ministerii benedictio eis  
ab episcopo detur, sicut in quibusdam Ecclesiis vetustas  
tradit antiqua, et sacra dignoscitur consuetudo sub-  
stare prolata, omni penitus ab illis sorde mulierum ac  
familiaritate remota. Quod si hoc vulnere deinceps  
fuerint sauciati, mox erunt sub poenitentiae oneribus  
usque ad extremum vitæ monasteriis religandi.

VII. Septimæ assertionis accessu adiit cœtum no-  
strum tam inverecunda progressio, quam ignobilis ac  
detestanda præsumptio, quosdam enim aut eventu  
necessitatum, aut metu periculorum, ab episcopis  
sumpsisse novimus ecclesiasticarum officia dignita-  
tum. Et quoniam cum illis hæc imponerentur, id  
sibi fieri noluisse testati sunt, ideo id spernere  
atque ad pristina pertentant conjugia moresque re-  
dire, tam nequiter cœlestia jura solventes, quam  
prompte sæculi exstant illecebris inhiantes. Qua de  
re nosse nos convenit, quod episcopalis eminenti-  
æ culmen non immerito sacris omnibus esse  
summa percensuit, quæ cæteris sacerdotibus exer-  
cenda perhibuit, scilicet templorum Dei sacratio-  
nem, chrismatis benedictionem, sacerorumque or-  
dinum restitutionem, quæ tandiu aliter ordinata  
persistent, quam excellentissime conferuntur,  
quia et tanto ab eis singulariter impenduntur,  
quanto eidem summo culmini peragenda servantur.  
Quomodo ergo qui ea in se recipit a se rejicere  
poterit, cum hæc a nullo altero conferri quam a  
solis pontificibus novit, quibus nec ligata solvi, nec  
soluta potuerunt ab aliquo religari? Sic enim ad  
Petrum Veritas ait : Quodcumque ligaveris super  
terram erit ligatum et in cœlo, et quodcumque sol-  
veris super terram erit solutum et in cœlo (*Math.*  
xvi, 19), nequaquam aliquando poterit profanari  
quod divinæ jussionis simulque apostolicæ traditionis  
auctoritate sacrum noscitur exstitisse. Verum sicut  
sanctum chrisma collatum et altaris honor evelli  
non queunt, ita quoque sacrum decus honorum, quod  
his compar habetur et socium, qualibet fuerit occa-  
sione perceptum, manebit omnimode inconvulsum.  
Ad extirpandum vero radicibus hujus callidæ machi-  
nationis inutile argumentum, id sibi rationabiliter  
dari noluerunt, in objectu quod sacrosancti baptis-  
matis inappreciable donum est semper, et sæpe non  
solum nolentibus, verum etiam (quod majus est)  
nescientibus impartitur, sed hoc a nullo penitus  
profanari permittitur. Quod si et hic opponitur, nec-  
dum rationis capacem existere qui hoc probatur ac-  
cipere, hinc omnimodo cognoscant, quia si majores  
impune non deserunt quod parvuli vel nesciendo  
vel nolendo percipiunt, quanto magis non convenit  
violari, quod pro mortis aut poenarum eradenda per-  
niciæ occulta Dei dispensatione dignoscitur obvenisse?  
D Recedant ergo talium desideriorum sine verecundia  
impuderati favores, et licet inviti perceperint quod  
non merebantur habere, libenter tamen ac cœleste  
retineant meritum, quod nolendo propter terrenæ  
consecuti sunt necessitatis eventu, ut tam inviti  
appetant bona diligere, quam sponte videntur desi-  
dentes impugnare. Quod si quis post hoc perennis  
dispositionis edictum non sinceriter sacris inhaeserit  
culibus, et abiciens a se gratiam quam accepit, re-  
labitur ad conjugium, moresque sæculi attentaverit,  
vel eum redire ad hoc constitierit, mox omni  
ecclesiastici ordinis dignitate privetur, et ut apostata  
a sanctæ Ecclesiæ liminibus, et societate fidelium



habeatur prorsus exclusus, monasterii claustris donec vixerit sub pœnitentia retrudendus.

VIII. Reperimus quosdam divinis officiis mancipatos, tanta nescientiæ socordia plenos, ita litterarum et disciplinæ ignaros, ut nec in illis probentur instructi competenter ordinibus, qui quotidianos versantur in usus. Proinde sollicite constituitur atque decernitur ut nullus cujuscunque dignitatis ecclesiasticæ deinceps percipiat gradum, qui non totum psalterium, vel canticorum usualium et hymnorum, sive baptizandi perfecte noverit supplementum. Illi sane qui jam honore dignitatis funguntur, hujusce tamen ignorantie cœcitate vexantur, aut sponte sumant intentionem necessaria perdiscendi, aut a majoribus ad lectoris exercitia cogantur invitati. Absurdum siquidem est eos, qui cæteros simpliciores et laicos habent docere, quibus et disciplinæ et vitæ debent esse veluti quoddam speculum, ad alicujus ordinis, vel dignitatis promoveri statum, qui legem Dei ignorant, nec litterarum saltem mediocritate sunt insigniti. Nullus igitur ad sacra Dei mysteria tractanda veniat illotus aliquis, ignorantie tenebris cœcutiens, sed solus is accedat quem morum innocentia et litterarum splendor reddunt illustrem, aliter ordinaturis et ordinandis imminente in posterum Dei et ejus Ecclesiæ vindicta.

IX. Nonæ intentionis admonitu detecta est ingluviæ horrenda voracium quæ dum freno parcimoniæ non astringitur, religioni contraire monstratur, dicente enim Scriptura: « Qui spernit minima paulatim decidit (*Ecclesi. xix, 1*), » illi tantæ edacitatis improbe grassantur, ut cœlestia et pene summa contemnere videantur. Et etiam quicumque quadragesimæ dies quæ anni totius decimæ putantur, quæ et in oblatione jejunii Domino consecrantur, quibus etiam saluberrima conditio humani generis expiatur, dum a quatuor mundi partibus **125** ad hanc homo religionem crediturus adducitur, et quatuor elementis formatur, et propter transgressionem Decalogi quater decies convenienter affligitur, illi qui temerarie hæc omnia contemnunt, nec voracitatis ingluviem frenant, et quod pejus est Paschalia festa illicitorum esum perceptione profanant, quibus ex hoc adeo acerrime interdicitur, ut quisquis sine inevitabili necessitate, atque fragilitate, et evidente languore, seu etiam impossibilitate ætatis, diebus Quadragesimæ esum carniū præsumpserit attentare, non solum reus erit resurrectionis Dominicæ, verum etiam alienus ab ejusdem diei sancta communione, et hoc illi cumuletur ad pœnam, ut ipsius anni tempore ab omni esu carniū abstinere gulam, quia sacris diebus abstinentiæ oblitus est disciplinam. Illi vero quos aut ætas incurvat, aut languor extenuat, aut necessitas arctat, non ante prohibita violare præsumant, quam a sacerdote permissum percipiant.

X. Decimæ colloctionis assensu molestis actibus quibus sagax indagatio pietatis obviaret, decrevit,

A non tam bene regendi licentia, quam se mansuetudo impugnasse probatur, satis (ut opinamur) illi et gloriosi principis et decreto sanctæ synodi hujus contradictum esse conspeximus. Ita enim sanctus Spiritus per utrasque definitiones mortalium corda perflavit, ut vitali flatu verborum in posterum omnem exureret male concupiscentium rabiem animorum. Actum namque est definitionibus ipsis ut, quia pietatis divinæ in comprehensibilis natura se conditioni mortalium in unione personæ conjunxit mysterio redemptionis humanæ, nos quoque membra capitis hujus et perfidiæ malum et concupiscentiam, quæ « radix malorum est omnium (*I Tim. vi, 10*), » et « avaritiam quæ invenitur servitus idolorum (*Eph. v, 5*) » pari simul igne ac mucrone totoque B artificio radicitus evellamus ac descemus. Ab hinc ergo deinceps ita erunt in regni gloriam præficiendi rectores, ut aut in urbe regia, aut in loco ubi princeps decesserit cum pontificum majorumque palatii omnimodo eligantur assensu, non forinsecus cœtu, aut conspiratione paucorum, aut rusticarum plebium seditione tumultuosa, sed erunt catholicæ fidei assertores, eamque et hanc quæ imminet Judæorum perfidiam et cunctarum hæresum injuriarum defendentes, erunt actibus iudices et vita modesti, erunt in provisionibus rerum parci plus quam extenti, ut factione Scripturarum vel definitionum qualiumcunque contractus a subditis, vel exigant vel exigendos intendant, erunt in conquisitis obligationis C gratissime rebus non prospectantes proprii jura commodi, sed consulentes patriæ atque genti. De rebus congregatis ab eis, illas tantum sibi vendicent partes quas dictaverit auctoritas principalis verum; quæcunque inordinata reliquerint, hæreditabunt successores proprii eorum, et ante regnum justissime conquisita, aut filii, aut hæredes capiant jure proximitatis. De affinium successione vel munere, quamvis inordinata relicta sint, aut primo tantum filiis, aut hæredibus frequenter proficiant vel propinquis. Ita in eorum cunctis actibus, moribus atque rebus privata legis auctoritas erit valitura, ut et perenniter maneat inconvulsa, et non prius apicem regni quisque percipiat, quam se illam per omnia suppleturum jurisjurandi taxatione definia. Cui etiam legi vel decreto episcopali, non solum in futuro sed etiam in presenti reverentiam apponentes, D decernimus, ut quicumque detractor et non potius venerator decreti ejusdem atque legis esse maluerit, sive religiosus ille sit, sive laicus, non solum ecclesiastica excommunicatione plectatur, verum et sui ordinis dignitate privetur.

XI. Undecimæ occasionis articulo decretorum universalium perenne dedimus firmamentum, scientes quod multimodis semper Deus oppositione judiciorum ærumnas relevat oppressorum; et sicut malis exigentibus hominum permittit exerceri penurias ultionum, ita cum voluerit gravedines relevat pressurarum; hinc et decreta præcedentium Patrum ad contentionis jurgium radicitus evellendum rite syno-

dalem fieri censuere conventum, ut illic de diversitate judiciorum protensæ lites habeant terminum ubi sanctus Spiritus universalem coadunaverit cœtum. Ab hoc ergo Spiritu sancto successiones quælibet in posterum aut impune valeant commoveri, ut generalitas tuta valeat consistere, plena decernimus unanimitate connexi, ut quæcumque pro fidei causis ecclesiasticisque negotiis aut in præteritis gestis, aut in præsentibus constitutis, aut in futuris etiam decretis, vel sunt vel fuerint definitione conscriptæ universalis auctoritatis, nullus deinceps contradicere audeat, nullus vertere præsumat, nullus non implere contendat. Nam si quis ex religione contra hæc inobediens, aut susurrans, aut certe lacerator, aut invidus, ac non potius eorumdem factor exstiterit, gratia et honoris sui et communionis sacræ luceat amissione multatus. Cum vero aut quælibet sancta synodus agitur, aut pacifice inter pontifices quidpiam definitur, si pauciores per nescientiam vel contentionem forte dissentiant, aut communiti a plurimorum cœtu cum dedecore confusionis abscedant, aut excommunicationis annuæ sententiam luant.

XII. Duodecimæ quæstionis propositionem, sacratissimi principis obsecrationem, piissima pro Judæorum abominabili ac nefanda perfidia execranda, nostro cœtui perpatuit causa, quam idcirco in fine sententiarum censuimus esse ponendam; quoniam eandem gentem delicti sui merito reductam per divinæ sanctionis oracula capite positam, deflemus nunc esse in cauda, sed quia Christus ut pro nobis, ita quoque pro illis mortuus est, juxta quod ipse ait: « Non sum missus nisi ad oves quæ perierant domus Israel (*Matth.* xv, 24), » necessarium duximus summam pro eis impendere curam, pro quibus « suam ponere non dedignatus est animam (*Joan.* x, 15) » id quoque principali clementia devotissime approbante, quæ ob hoc sui regni apicem a Deo solidari præcepit, si catholicæ fidei pereuntium turmas acquirat, indignum reputans orthodoxæ fidei principem sacrilegis imperare, et infidelium societate pollui. Nihil aliud pro his ex nostra sententia definitur, quam ut decreta concilii Toletani, quod divæ memoriæ Sisenandi regis aggregatum est tempore, a nobis ac posteris omnimoda suppleantur intentione. Qui autem ab ejusdem synodi voluerit sententia dissentire, ut vere sacrilegum, noverit se condemnari. Divinæ Trinitatis inseparabile nomen sicut inspiratione mirabili nostrum tractatum primordio illuminavit, ita consummatione sublimi eundem jam perficiendo concludat, ut in illo sit nostrum explicuisse a quo nobis fuit inchoasse. Damus ergo gloriam et honorem eidem sanctæ et indivisibili Trinitati, quæ nobis et hæc dicere contulit, et in se dicta complexit, quæ reformavit in extremitate sæculorum remedia ætatum, et resolvit ligamina vinculorum. Sit gratiarum salus et benedictio exercituum Domino superserenissimo Reccesintho, prin-

cipe glorioso, gratiarum actio, et reverentiæ plenitudo a nobis omnibus in commune ipsi clementissimo principi, bonorum gratifico largitori, cui votorum instantia benigna Deus attulit complenda, ejus dispositio piissima pressurarum removit exitia, ejus temporibus confert justitiæ vigorem, et exuberat omnia opulenta, cui Dominus, post præsentis ævi tempora diuturnam cum sanctis omnibus tribuat in remuneratione coronam. Nos autem omnes hanc decretorum seriem justorum et rectæ fidei, vel pietatis, ac justitiæ fontem manantem, coram Deo et angelis ejus orthodoxis omnibus et nunc et in futuro impensius commendamus, obsecrantes ut hanc et reverenter adimpleant, et ab æmulis benigne defendant. Contemnentibus autem eam divinæ severitatis ultio pavenda proveniat; observantibus autem omnia profluens pax perpetua et gloria sempiterna contingat. Hujus quoque sententiæ fortitudine vel vigore decreti nostri seriem quam in serenissimi Domini nostri Reccesinthi regis edidimus nomine, pro rebus a divæ memoriæ patre suo quolibet titulo exquisitis decernimus omnino constare; legem denique quam pro execranda principum horrenda cupiditate idem clementissimus edidit princeps simili robore firmamus, atque ut futuris retro temporibus modis omnibus observetur, pari sententia decrevimus; quæ etiam ne taciturna temporum vel obliviosa vetustate descendant, huic nostræ constitutioni decrevimus utraque innectenda, ita cunctorum memoriæ commendamus, ut a cunctis regulis superius ordinatis nequaquam maneant segregata. Cætera quoque decretorum nostrorum judicia, quæ ab hac sancta synodo noscuntur esse confecta, si quis convellere forsitan decreverit, aut temere implere neglexerit, vel infringere quandoque voluerit, per judicium omnipotentis Dei anathema sit. Soli autem Deo nostro gloria in sæcula sæculorum. Amen.

*Subscriptio episcoporum numero LIX. Decretum universalis concilii editum in nomine principis.*

Soliditatem reddidisse fracturæ atque fecisse consurgere quod exstiterat collisum, et incrementum est hujus mercedis et plenitudo consummatæ perfectionis. Ponderi etenim collidentis ruinæ si æqualium proximorum cura convenit obviare, quanto grandioris erit culpæ prælibatæ incuriæ discrimen incurrere, si non quo valent, ex communi onere sibi commissos procurent populos sublimare! Properandum ergo est inter ruinas collisionum catervas eripere collisorum, ut ex hoc jugiter et ultra nec vigorem nocendi habeat execranda pressura, et omnis compressus noverit sanctæ sanctionis esse sibi collata remedia.

Cum decursis ergo temporibus duræ damnationis sese potestas gravis attolleret, et in subiectis populis impiorum dominatus non reforma-



ret jura regiminis sed excidia ultionis, aspeximus subditorum statum non ex ordine vegetari rectoris, sed dejici ex gravedine potestatis. Contraxerunt enim reges elata fastigia in bifronti dissidio motoris, et aut in culpis lex ardua sævebat, aut in spoliis favorem lex voluntaria commodabat, inde mœstos animos non spes fovebat ex munere, sed tolerantia vexabat in funere. Unde jam in reparationis occurso, non tamen nos abire sola ratio cogit, verum et ipsa commotio rerum impellit, ut ex omnium deliberatione animorum concordia illa maneat sententia dicti, quæ et finem ausibus rite ponat illicitis, et consultum salvandis jure ferat populis. Quosdam namque conspeximus reges, postquam fuerint regni gloriæ assecuti, extenuatis viribus populorum regis propriæ congerere lucrum, et, obliti quod reges sint vocati, defensionem in vastationem convertunt, et vastationem defensione pellere defugiunt, illud gravius innectentes quod ea quæ videntur acquirere non regni deputant honori vel gloriæ, sed ita malunt in suo jure confundi, ut veluti ex debito decernant hæc in liberorum posteritatem transmitti. Quamobrem in proprietatis illa conantur redigere sinu, quæ pro solo constat illos imperii percepisse fastigium, et illud in juris proprii collocant antro, quod populi utilitatis acquisitum esse constat obtentu. Nam numquid ad illos, aut populorum adventus, aut rerum poterat concurrere census, nisi exstitissent gloriæ sublimati culminibus, aut ab æqualibus illi potuerint rerum coacervatione ditari, nisi per subjectos glorioso apice potuissent attolli? Omnia recte totius plebis memoria subjecta ad principale caput revelat, attentum debitæ jussionis obtutu negotiorum ab illo prospectant remedium, cui modo gratum, modo debitum irrogant censum. **126** Regalis proinde orthodoxa sublimitas hæc cuncta sibi debere convincit, ex quo se regem recognoscit, et inde conquisita non alteri quam sibi juste defendit. Unde non personæ, sed potentiæ subdi hæc debere non ambigit. Regem æterna jura faciunt, non persona, quia non constat sui mediocritate, sed sublimitatis honore. Quæ ergo honori debeant honori deserviant, et quæ reges accumulunt regno relinquunt, ut quia eos regni gloria decorat, ipsi quoque regni gloriam non extenuent, sed exornent. Habeant deinceps jure conditi reges in regendo judicia justa, in parcendo pectora prompta, in conqui-  
rendo studia parca, in conservando vota sincera, ut tanto gloriam regni cum felicitate retentent, quanto jura regiminis et mansuetudinis conservaverint et æquitate direxerint promissæ præmium ditionis. Ne non prodixisse putetur ex fomite rationis, revelare convenit evidentissima specie operis, ut ex illo nos idoneos assertores habeat probitas veritatis, ex quo semper semetipsam reservaverit qualitas actionis. Ecce enim ita ex gentis nostræ mediocribus majoribusque personis multos hactenus corruisse reperi-

mus et dessemus, ut eorum agnitis ruinis non aliud possimus quam divinæ judicia considerare promissionis, quorum domorum spolia et potentiarum divitias simul ac prædia ita conspiciamus prorsus exinanita, ut nec fisci usibus commoda, nec palatinis officiis reperiantur in remedium salutare collata. Cujus rei serie ex utroque concurrente, dum et judicatos sententia judiciorum elisit, in eorum bonis ad ipsorum vicem munificatus nemo surrexit, pene non tenuisse disciplinam in ordine, sed defectum posuisse pensantur in gente, illo majori salutis dispendio cumulo, quia tam hæc quæ a judiciis vigor judiciorum abstraxerat quam illa quæ qualiscunque proventus ordine profligationis contriverat, tota proprietatis principum amplitudo in sinum suæ receptionis incluserat. Sicque solo principali ventre suppleto, cuncta totius membra gentis vacuata languescerent ex defuncto. Unde venit ut nec subsidium mediocres, nec dignitatem valerent obtinere majores, quia dum solius potestatis vigor maxima occupavit, totius plebis status nec minima jura defendit, atque cum omni palatino officio simulque cum majorum minorumque conventu, nos omnes, tam pontifices quam etiam sacerdotes et universi sacris ordinibus famulantes, concordia definitione decernimus et optamus, ut omnis conquisitionis profligatio in omnium rerum viventium immobiliumque, et moveri valentium corpore vel specie, forma vel genere, quæ a gloriosæ memoriæ Cindasiuntho rege a die quo in regnum dignoscitur conscendisse repertus, quolibet modo exstiterit, omnia in serenissimi atque elementissimi domini nostri Reccesinthus principis perenni transeant potestate et perpetuo deputentur in jure, non habenda parentali successu sed possidenda regali congressione: ita ut juste sibi debita quisque percipiat, et de rebus ad remedia subjectorum quæcumque elegerit principis voluntas exerceat, illis tantummodo exceptis quæ memoratus divæ memoriæ Cindasiunthus princeps ante regnum aut ex propriis, aut ex justissime conquisitis visus est habuisse. In quibus cunctis filiis una cum glorioso domino nostro Reccesinthus rege maneat divisio libera, et possessio pace plenissima. Sed illæ res quas prædictus princeps de justis proventus filiis suis, vel quibuslibet justissime visus est contulisse vel reliquisse omnes in eorum jure maneant inconvulsæ, illa hujus negotii servata veritate, ut quia grata voluntas domini nostri Reccesinthus regis reddere decernit unicuique justissime debita, nemo invasionis calumniam moveat, aut damna requirat præter quæ gloriosæ memoriæ genitorem ejus quædam indebite habuisse constat.

*Lex edita in eodem concilio, imperante principe glorioso.*

In nomine Domini, Flavius Reccesinthus rex, eminentiæ celsitudo terrenæ tunc salubrius sublimia probatur appetere, cum saluti proximorum pia cernitur compassione prodesse, unde solet contingere ut plus commodi de aliena salute conquirit, quam

cujus adjutorio electi ut resistere valeant fulciuntur? Multi enim nunc vias Antichristi judicantes corripiunt, sed hoc quasi in ejus absentia faciunt, dum illum arguunt quem adhuc specialiter non intuentur. Cum vero in illo damnato homine venerit, quisquis ejus præsentiæ resistit coram eo viam ejus arguet, cujus vires conspiciet et contemnit. Vel certe viam ejus arguere est, prosperitatem cursus ejus æterno supplicio interveniente turbare. Quod quia Dominus solus propria virtute facturus est, de quo scriptum est: « Quem Dominus Jesus interficiet spiritu oris sui et destruet illustratione adventus sui (II Thess. II, 8), » recte dicitur: *Quis arguet coram eo viam ejus?* Unde et sequitur: *Et quæ fecit quis reddet ei?* Quis nimirum nisi Dominus qui solus illi perduto homini quæ fecit reddet, dum potestatem ejus tam validam per adventum suum æterna damnatione contriverit. Sequitur:

VERS. 32. *Ipsæ ad sepulcra ducetur, et in congerie mortuorum vigilabit.* — Quia sepulcra mortuos contingunt, quid aliud [per sepulcra, quam reproborum corda signantur, in quibus extinctæ a vita beatitudinis animæ velut in sepulchris latent? Iniquus ergo iste ad sepulcra deducitur, quia in pravorum cordibus recipietur, quomodo soli illi eum suscipiunt, in quibus mortuæ animæ a Deo reperiuntur. De quo recte etiam, dum ejus supplicia describerentur, per prophetam dicitur: « In circuitu illius sepulcra ejus, omnes interfecti et qui ceciderunt gladio (Ezech. xxxi, 22). » Illi quippe in inferno juxta illum sunt, Satanae itaque in congerie mortuorum vigilare est, in reproborum cordibus malitiæ suæ astutias exercere. Sequitur:

VERS. 33. *Dulcis fuit glareis Cocyti.* — Græca lingua Cocytus, luctus dicitur, qui tamen luctus feminarum vel quorumlibet infirmantium solet intelligi. Sapientes hujus sæculi a luce veritatis exclusi, quasi umbras quasdam de veritatis inquisitione tenere conati sunt. Unde Cocytum fluvium currere apud inferos putaverunt, videlicet designantes quod hi qui digna doloribus opera faciunt, in infernum ad luctum decurrunt. Scriptum quippe est: « Viriliter agite, et confortetur cor vestrum (Psal. xxx, 25). » Qui enim in Domino confortari renuunt, ad luctum per animi infirmitatem tendunt. Glaream lapillos fluminum appellare consuevimus, quos aqua defluens trahit. Quid ergo per glaream, nisi reprobi designantur, qui suis volupta-

libus dediti, quasi semper ad ima trahuntur? Qui enim contra voluptates hujus sæculi stare fortiter nolunt, glareæ Cocyti fiunt, quia suis quotidie lapsibus ad luctum tendunt: ut in æternum postea luceant, qui modo se in suis voluptatibus delectabiliter relaxant. Et quia antiquus hostis suum vas illum reprobum hominem ingressus dum dona perversis tribuit, dum eos in hoc mundo honoribus extollit, dum eorum oculis prodigia ostendit, dum fluxæ mentes hunc in suis prodigiis mirantur et sequuntur, bene de eo dicitur: *Dulcis fuit glareis Cocyti.* Cum enim hunc electi despiciunt, cum mentis calce contemnant, illi eum sequentes diligunt, qui velut ab aqua voluptatis ad perpetuum luctum trahuntur, qui per terrenam concupiscentiam more glareæ quotidianis lapsibus ad ima dilabuntur. Sequitur: *Et post se omnem hominem trahet, et ante se innumerabiles.* — Hoc loco homo humana sapiens dicitur. Sed cum plus sint omnes quam innumerabiles, querendum nobis est cur ante se innumerabiles, et post se omnes trahere dicitur, nisi quod antiquus hostis in reprobum tunc hominem ingressus, cunctos quos carnales invenerit, sub suæ jugum ditionis rapit. Qui et nunc priusquam appareat innumerabiles quidem, non tamen omnes carnales trahit, quia quotidie a carnali opere ad vitam multi revocantur, atque ad statum justitiæ alii per brevem, alii vero per longam pœnitentiam redeunt; et nunc innumerabiles rapit, cum falsitatis suæ stupenda hominibus signa non exhibet. Cum vero coram carnalium oculis miranda eis prodigia fecerit, post se tunc non innumerabiles, sed omnes trahit; quia bonis præsentiis delectantur, potestati illius se absque retractatione subiciunt. Hæc beatus Job, qui contra iniquorum principem mire disseruit, qui in hac vita extolli permittitur, sed in adventu Domini destruetur, de se patenter ostendit quia flagella Domini non ex offensione susceperit, quomodo si iniquus quisque in hac vita permittitur prosperari, necesse est ut electus Dei debeat sub flagelli fervore teneri, ex qua re amicos arguit dicens:

VERS. 34. *Quomodo igitur consolamini me frustra, cum responsio vestra repugnare ostensa sit veritati?* — Amici beati Job eum consolari non poterant, in quo suis sermonibus veritati contraibant. Cumque hinc hypocritam vel impium dicerent, per hoc quod ipsi mentientes perpetrabant culpam, augebant procul dubio pœnam justis vulneribus afflicti.

## LIBER SEXTUS DECIMUS.

### CAPUT XXII.

Qui contra veritatis verba... allegatione deficiunt, sæpe etiam nota replicant, ne tacendo victi videantur. Unde Eliphaz, beati Job sermonibus pressus, ea dicit quæ nullus ignorat, ait enim:

VERS. 1, 2. *Nunquid Deo comparari potest homo, etiam cum perfectæ fuerit scientiæ?* — In comparatione etenim Dei, scientia nostra ignorantia est. Ex Dei namque participatione sapimus, non comparatione. Sequitur:



4. Quod de conquisitis rebus inter ecclesiam et A sacerdotis hæredes æqualis divisio fiat.
5. Si episcopus monasterium facit vel parochiam ecclesiam datat, quartam partem de rebus ecclesie conferat.
6. Ut episcopus tertiam partem ecclesiasticarum rerum sibi debitam, cui elegerit, conferat.
7. Ne extra constitutum ordinem morientis sacerdotis hæredes rem ejus adire præsumant.
8. Ut in scripturis quas sacerdotes vel ministri injuste fecerint, post mortem habeant annorum numerum computatum.
9. Quantum commodum si episcopus tollat de ecclesia cujus tululaverit sacerdotem.
10. De damnatione filiorum qui ex sacerdotibus et ministris geniti probantur.
11. Quod servilibus clericis dare debeant episcopi libertatem.
12. Quod post mortem sacerdotis in libertate servis collata annorum tempus debeat computari.
13. Ut ex libertis ecclesie et personis ingenuis geniti ab obsequiis ecclesie non recedant.
14. Quod si liberti ecclesie ad eam reverti noluerint, omnis eorum regula juri applicetur ecclesie.
15. De obsequio et disciplina libertorum ecclesie.
16. Quod liberto ecclesie nihil de rebus suis in alienum liceat transferre.
17. Ut baptizati Judæi cum episcopis celebrent dies festos.

## 127 INCIPIT CONCILIUM NONUM TOLETANU

*Habitu æra DCLXIII, anno tertio Reccesinthus regis. Kal. Novemb. ab episcopis septemdecim.*

Cum canonicæ diffinitionis edicto, in Toletana urbe pro peragendo concilio, post dies Kalend. Novembrium, anno septimo Reccesinthus principis gloriosi, in basilica sanctæ Mariæ semper Virginis in unum fuisset Dominum favente collecti, id communi definitione decrevimus ut, capitula quæ in priscis canonibus minime habebantur inserta, pari promulgarentur sententia, et antiquis jungerentur regulis perenni jugitate mansura, et omni reverentia conservanda. Sed quia nequaquam recte subditos judicat qui non seipsum prius justitiæ censura castigat, aptum nobis et expeditibile visum est ante nostris excessibus imponere modum, et sic errata corrigere subditorum. Tunc namque melius judiciorum exordia dicuntur, cum judicium ante disponitur, eo quod potius judicii forma compleatur cum negotiorum principiis æquitas judicantium antefertur. Ideo exordium æquitatis inchoari a iudicibus debet, ut perfecta juris causatio limitem apertius formet.

CAP. I. Omnis itaque rei ecclesiasticæ quantitas sicut remedium veniæ tribuit conferenti, ita damnum rite præparat fraudatori. Et ideo nullus sacerdotum vel ministrorum ex rebus ecclesie quæ in quibuscunque locis a fidelibus largiuntur aliquid auferat, et juri suo aut cathedræ civitati connectat. Devotio enim uniuscujusque sicut gratanter votum contulit Deo, ita definivit quod plenitudo votorum conservaretur in loco in quo velut si locata tenentur, manet gratia offerentis, ita si frustrantur, imminet perniciēs defraudantis. Verum ut hujus rei potior soliditas habeatur, condignis filiis, vel nepotibus, honestioribusque propinquis ejus qui construxit vel ditavit ecclesiam licitum sit hanc bonæ intentionis habere solertiam, ut si sacerdotem seu ministrum aliquid ex collatis rebus præviderint defraudare, aut commotionis honeste conventionē compescant, aut episcopo vel iudici corrigenda denuntient. Quod

si talia episcopis lagere tentet, metropolitano ejus hæc insinuare procurent. Si autem metropolitans talia gerat, regis hæc auribus intimare non differant. Ipsi tamen hæredibus in eisdem rebus non liceat quasi juris proprii potestatem proferre, non rapinam, non fraudem ingerere, nec violentiam quancunque præsumere; sed hoc solum in salutarem sollicitudinem adhibere, quod aut ut in nullam noxam operatio nocens attingat, aut ut in multam aut partem aliquam salutaris merces assumat. Si quis vero deinceps hæc monita temerare voluerit, et male rapta cum confusione restituet et excommunicationis annuæ sententiam sustinebit.

II. Cum sæpe sit solitum, etiam illa quæ non debentur prece supplicationis et vi quodammodo extorqueri doloris, quanto magis et sine obstaculo concedi debent exquisita simul et ordine juris et dolore compassionis? Quia ergo fieri plerumque cognoscitur, ut ecclesie parochiales, vel sacra monasteria, ita quorundam episcoporum vel insolentia vel incuria horrendam decendant in ruinam ut gravior exoritur ædificantibus mœror, quam instruendo gaudii exstiterat labor, unde pia compassione decernimus ut quandiu earundem fundatores ecclesiarum in hac vita supersites exstiterint, pro eisdem locis curam permittantur habere sollicitam et sollicitudinem ferre præcipuam, atque rectores idoneos in eisdem basilicis iidem ipsi offerant episcopi ordinandos. Quod si tales forsitan non inveniantur ab eis, tunc quos episcopus loci probaverit Deo placitos sacris cultibus instituat cum eorum conniventia servituros. Quod si superstitionibus eisdem fundatoribus rectores ibidem præsumpserit episcopus ordinare, et ordinationem suam irritam noverit esse, et ad verecundiam suam alios in eorum loco quos iidem ipsi fundatores condignos elegerint ordinari.

III. Si sacerdotes vel ministri de rebus ecclesie

quidpiam alicui sub præstationis obtentu concedant, A instrumenti causam evidenter exponant, ut hoc aut juste confecta transactio innotescat, aut fraus incompetens quæ latet appareat, aliter vero pro hujus negotii causa deinceps scriptura confecta non valeat.

IV. Sacerdotes vel quicumque illi sunt quibus ecclesiasticarum rerum cura commissæ est, quæcunque administrationis suæ tempore emerint, si de rebus propriis, vel vile, vel parum habuerint, ad ecclesiæ nomen, cui chartarum præsent instrumenta conficere, procurent. Non enim convenit ut ecclesia, quæ suspicit externum efficiat in alieno divitem, et in suo retineat fraudatorem. Hi vero qui suarum rerum noscuntur habere compendium, ex omni re quam post ordinationis suæ diem visi sunt acquisisse, sive aliqua sint instrumenta confecta, compensata B tam juris sui quam ecclesiasticarum rerum habitudine, si se utriusque rei quantitas exæquaverit, inter ecclesiam et decedentis hæredes æquo jure conquisitio pertinebit. Si autem quælibet pars majori cumulo sui juris excreverit, majorem portionem etiam in divisione percipiet. Quicumque vero de prædictis sacerdotibus vel ministris pro sui utilitate atque amicitia vel præstatione, aut quocunque modo, aut per scripturæ seriem aliquid meruerint a quolibet præcipere, in rebus ecclesiasticis non poterunt numerari, sed quod exinde voluerint facere in ipsorum voluntatis arbitrio subiacebit, quia si hoc post eorum mortem inordinatum fortasse remanserit, ecclesia hæc sibi cui præfuit, vel minister exstiterit, in perpetuum vindicabit.

V. Bonæ rei dare consultum, et præsentis habetur vitæ subsidium et æternæ remunerationis expectari cernitur præmium. Quisquis itaque episcoporum in parochia sua monasterium construere forte voluerit, et hoc rebus ecclesiæ cui præsidet ditaverit, non amplius ibidem quam quinquagesimam partem dare debebit, ut hac temperamenti æquitate servata et cui tribuit competens subsidium conferat, et cui tollit damna gravia non infligat. Ecclesiam vero quæ monasticis non informabitur regulis, aut quam pro suis magnificare noluerit scripturis, non amplius quam centesimam partem census ecclesiæ cui præsidet ibidem conferre licebit, ea tamen cautela servata, ut unam tantummodo quæ placuerit ex duabus remunerationem assumat.

VI. Cum præteritis sanctionibus notissimum habetur, quæ de rebus parochialium ecclesiarum pars episcopo conferatur, opportune tamen duximus decernendum, ut si episcopus tertiam quam de rebus eisdem sanctione pariter sibi debitam novit, aut ipsi ecclesiæ ejus res esse patebit, aut alteri ecclesiæ cui elegit conferre decreverit, et licitum maneat et irrevocabile robur ejus sententia ferat.

VII. Propinqui morientis episcopi nihil de rebus ejus absque metropolitani cognitione usurpare præsumant; quod si is qui recesserit metropolitanus fuerit, successores sententiam ejus aut concilium susci-  
piant, ne passim hæreditatis adeundæ danda li-

centia de rebus ecclesiæ, aut non refineat ratio plena, aut fraus non inveniatur illata. Quod si presbyteri aut diaconi fuerint, quos obiisse constiterit, non sine agnitione sui episcopi rem ejus hæredibus adire licebit. Quisquis sane post hæc transgressor inventus exstiterit, pro his quæ non expectato ordine adierit invasionis damno legis sententiæ subja-  
cebit.

VIII. Si sacerdos vel minister, dum gubernacula ecclesiarum administrare videtur, contra Patrum sanctiones de rebus ecclesiæ defuisse aliquid dignoscitur, non ex die quo talia scribendo decrevit, sed ex quo talia moriendo definita reliquit supputationis ordo substabit, nusquam enim ad triennium temporis pertinebit vita irritæ judicantis, quia status contractuum initia non sumpsit ab origine æquitas.

IX. Plerique, dum rapinis inhiant ut non debent, aut miserationis opus condigne non implent, aut indebita ipsi miserationi damna permiscunt. Ideoque ne amplius misericordia opus execrabiliter labatur, id communi decreto sancimus ut, cum pontificem mori contigerit, episcopus qui ad humandum corpus advenerit, descriptis thesauris atque ornamentis omnibus, si locuples decedentis ecclesia fuerit, non amplius quam libram auri exceptis ornamentis ecclesiæ cum gratia offerentium auferre pertentet. Si vero minor rebus exstiterit, dimidiam libram sibi licenter usurpet, nam et hæc usurpare ipsa ratio nulla permitteret, nisi ejus qui convenit sacerdotis injuriæ contemplatione antiquitas hoc usurpata servasset. Porro breve descriptarum rerum sub fideli ratione hic qui descripsit dirigere metropolitano curabit. Metropolitanus autem ex eadem morientis ecclesia nihil prorsus auferre præsumat, sed solam quæ ad eum pertinet curam salutarem impendat.

X. Cum multæ super incontinentia ordinis clericorum hactenus emanaverint sententiæ Patrum, et nullatenus ipsorum formari quiverit correctio morum, usque adeo sententiam judicantium protractare commissa culparum, ut non tantum ferretur ultio in auctoribus scelerum, verum et in progenie damnatorum. Ideoque quilibet ab episcopo usque ad subdiaconum deinceps vel ex ancillæ, vel ex ingenuæ detestando connubio in honore constituti filios procrearent, illi quidem ex quibus geniti probantur canonica censura damnentur. Proles autem aliena pollutione non solum hæreditatem parentum nusquam accipiet, sed etiam in servitutem ejus ecclesiæ, de ejus sacerdotis vel ministri ignominia nati sunt jure perenni manebunt.

XI. Qui ex familiis ecclesiæ servituri devocantur in clerum ab episcopis suis, libertatis necesse est ut percipiant donum, et si honestæ vitæ claruerint meritis, tum demum majoribus fungantur officiis. Quos vero flagitii sordidaverit incorrigibilis noxa, perpetua servitus conditionis religet in catena.

XII. Si sacerdos libertatem servis ecclesiæ conferre voluerit, non a die confectionis scriptura ten-



pus annorum computatum tenebit, sed ex quo A eum qui scripturam confecit verius obiisse constiterit.

XIII. Excessibus libertorum ecclesiæ plerumque paternam videmus ecclesiam conversari, et bicipiti coacti sumus tædio condolare, uno, dum superbia reluctantis auctor contemnitur libertatis, altero, dum libertas superbientis in conditionem relabi cogitur servitutis. Ideo cum jam præteritis Patrum regulis multæ super hoc diversæ constitutionis emanaverint sanctiones, tamen quoddam in plenitudinem rei aptum conspeximus adhuc innectere complementum. Igitur sicut legum reverenda sanctio censuit, ita servari totius generationis nobilitas dedit, ut in nullo aliena commistio maculet, quod generositas propria decoravit. Unde cunctis ecclesiarum libertis, tam viris quam feminis eorumque propagini, interdicitur iudicio generali, ne deinceps causa connubii aut Romanis ingenuis copulentur aut Gothis. Quod si hoc factum quandoque patuerit, permistione tali

**128** genita proles nunquam merebitur jus debitæ dignitatis, nec ecclesiæ unquam carebit obsequiis, cujus beneficio donum meruisse noscitur libertatis.

XIV. Si contingat quemcunque de libertis ecclesiæ eorumque prosapiæ, contra primævas modernasque Patrum regulas, aut Gothis, aut Romanis ingenuis copulari, tam illis quam eorum stirpi non licebit ab ecclesiæ patrocínio evagari, sed ad debita obsequia reverti cogendi sunt; aut si redire noluerint, quæcunque vel parentes eorum vel ipsi ab ecclesiis sunt adepti, vel in ejus patrocínio visi sunt conquisisse, insistente pontifice, in ditionem propriæ reducantur ecclesiæ.

XV. Ecclesiæ liberti eorumque progenies eidem basilicæ, de qua libertatis gratiam meruerunt, obsequia prompta, sinceraque parabunt, quia sicut in hoc obsequio pro possibilitate sui quod utiles ingenui dabunt, ita quoque in emendatione culparum quod inutiles ingenui sustinebunt.

XVI. Libertis ecclesiæ eorumque propagini ex omnibus quæ de jure ecclesiæ noscuntur habere,

nihil licebit in extraneum dominium transactione quacunque deducere, sed si ex his quælibet vendere fortasse voluerint, sacerdoti ejusdem ecclesiæ offerant convenienter emenda, earumque rerum pretia ut eis placuerit aut dispensent, aut habeant. Nam et in dominium partis alterius rei suæ censum nullomodo transire permittimus. Suis ergo filiis vel propinquis ejusdem ecclesiæ vel servitio vel patrocínio subjugatis quæcunque vendere vel donare voluerint aditus omnino patebit.

XVII. Baptizati Judæi quocunque loco certo tempore conversentur, festis tamen præcipuis Novi Testamenti serie consecratis, ac diebus illis quos olim sanctione veteris legis sibi met censebant esse solemnes, in civitatibus publicisque conventibus cum summis Dei sacerdotibus celebrare præcipimus, ut eorum conversationem et fidem et pontifex approbet et veritas servet. Hujus vero temerator edicti, prout episcopus permiserit, aut flagris aut abstinentiæ subiacebit. Expletis omnibus quæ ad honestatis regulam in collationem venere fraternam, grates exsolvimus immortalī Domino soli cujus dispositione mirabili ad hunc sanctæ congregationis cœtum mœruimus adunari, ut communis visio prosperitatem ostenderet, et pari junctione concordiam assignaret. Obsecrantes ejus misericordiam largam, ut serenissimo Domino et amabili Christo, Reccesinthus principi glorioso, ita præsentis vitæ felicitatem impendat, at angelicæ beatitudinis gloriam post longæva tempora concedat, atque ita nos ejusdem felicitatis lætos efficiat, ut in terra viventium remuneraturos attollat. Antiquitatis dehinc ordinem saluberrime retinentes postquam rationem festi Paschalis fraternitas vestra cognovit, noverit se anno venturo die Kalendarum Novembrium causa peragendi concilii in hac urbe favente Domino congregari, ut simili disceptatu, aut quæ prospexerimus congrua decernamus, aut solius pacis conventu lætemur. Consummatum est hoc sanctum concilium die octava Kalendarum Novembrium, anno feliciter septimo regni serenissimi atque clementissimi domini nostri Reccesinthus regis, æra DCLXVII.

#### INCIPIUNT CAPITULA CONCILII TOLETANI DECIMI.

1. De celebritate annuntiationis Dominicæ.
2. De his qui adversus principem conjuraverunt.
3. De episcopis qui monasteriis vel ecclesiis consanguineos suos, vel sibi faventes præficiunt.
4. De professione et habitu viduarum sanctimonialium.

D 5. De sanctimonialibus feminis quæ propositum abjecerunt.

6. De his qui in parva ætate coram parentibus religionis habitum tenuerint, vel usque ad quartum annum liceat parentibus filios tradere religioni.

### INCIPIIT CONCILIUM TOLETANUM DECIMUM

*Æra DCLXVIII, anno octavo Reccesinthus regis.*

Gratulationem nobis spiritualem contulit divina gratia, quando tribuit inter nos et salutaris disciplinæ frequentiam convenire ad pacificorum studia præceptata. Congregatis ergo nobis et in concordiam

animi, et in conventum loci, referentes gratias invisibili Deo, et glorioso rerum domino Reccesinthus regi, cujus sanctissimo voto relenta paternitatis sanctæ traditione ad sacrum quivimus adunari con-

ventum, has subter annexas regulas concordie definitione prolata æterna statuimus manere lege præfixas.

CAP. I. De celebritate festivitatis divinæ Matris, cum nihil fidei sinceritas per diversitatem adversum incurrat, et unitatem catholicæ regulæ varietas nulla decerpatur, est tamen quod nisi temporum unitate servetur, et dissidium indiscissæ unitatis parturiat et sacramentorum unitate constare non valeat. Hinc est enim quod Paschale festum uno die celebremus et tempore, ne in Judaicum decidamus errorem. Hinc adventum sancti Spiritus post resurrectionem Domini nisi expectemus tempore definito æternum numero, non possumus impleri ejusdem Spiritus dono, quoniam si caret plenitudine numeri, carere potest et mysterii sacramento; hinc nativitas Dominicæ sacrum quo evidenter de utero Virginali Verbum prodiit caro factum absque dubio servat et temporis cursum, et representat speciale Dei momentum. Si ergo nativitas et mortis humani incarnati Verbi dies absque immutatione ita certus habetur, ut absque diversitate in toto orbe terrarum ab omni concordia Ecclesia celebretur, cur non festivitas gloriosæ matris ejus eadem observantia uno simul ubique die, simulque habeatur honore? Invenitur etenim in multis Hispaniæ partibus hujus sanctæ Virginis festum non uno die, per omnes annorum circulos agi. Quo enim transducit homines diversitas temporum dum varietatem celebritatis non habere probantur. Qua de re quoniam die qua invenitur angelus Virgini Verbi conceptum, et nuntiasset verbis, et indidisse miraculis, eadem die festivitas non potest celebrari condigne, quod interdum Quadragesima vel Paschale festum videatur incumbere, in quibus nihil de sanctorum solemnitatibus sicut ex antiquitate regulari cautum est, convenit celebrari, cum secundum ipsam incarnationem Verbi non conveniat, tunc celebritatibus prædicari, quando constat idipsum post mortem carnis gloria resurrectionis attolli; ideo speciali constitutione sancitur, ut ante octavum diem quo natus est Dominus, genitricis quoque ejus dies habeatur celeberrimus et præclarus; ex pari enim honore constat, ut sicut nativitatem Filii sequentium dierum insequitur dignitas, ita festivitatem matris tot dierum sequatur sacra solemnitas. Nam quid festum matris est nisi incarnatio Verbi? Cujus festum ita debet esse solemne, sicut est, et ejusdem nativitatis Verbi. Quod tamen, nec sine exemplo decentis moris, qui per diversas mundi partes dignoscitur observari, videtur institui. In multis itaque Ecclesiis a nobis et spatio remotis, et terris, hic mos agnoscitur retineri, proinde ut de cætero quidquid est dubium sit remotum, solemnitas Dominicæ matris die decimo quinto Kalendarum Januariarum omnimodo celebretur, et nativitas Filii ejus Salvatoris nostri die octavo Kalendarum earundem, sicut mos est, sollemnis in omnibus habeatur.

II. Frequentium molestiarum nocens impulsus

A contemni quidem magnitudine decentis poterit gravitatis, sed quia honesta sollicitudo cohibere prope-  
rat, quod frequentata usitatio vitare non curat, ideo et cum quorundam paternorum sanctionibus decretorum et institutionibus sit legalibus cautum ne contra salutem principum, gentisque, aut propriæ patriæ quisquam meditari conetur adversum, hoc unum specialiter nunc depromitur observandum, ut si quis religiosorum ab episcopo usque ad extremum ordinis clericorum sive monachorum generalia juramenta in salutem regiam gentisque aut patriæ data reperiatur violasse voluntate profana, mox propria dignitate privatus, et loco et honore habeatur exclusus, eo miserationis obtentu tantummodo reservato, ut an locum, an honorem, an utraque possideat concedendi jus licentiamque principalis potestas obtineat.

III. Reverentiæ totius auditu percipiatur; quia res dura non frustra cogitur hæc duriori extirpari censura. Agnovimus enim quosdam pontifices præcepti Principis apostolorum, qui ait: « Pascite qui in vobis est gregem, non coacte, sed spontanee, neque dominantes in clero, sed forma facta gregis (I Petr. v, 2); » ita esse immemores, ut quibusdam monasteriis, parochialibusque ecclesiis, aut suæ consanguinitatis personas, aut favoris participes iniquum sæpe statuunt in prælatum, ita illis providentes commoda inhonesta, ut aut eis deferantur quæ proprio episcopo dare justus ordo depoposcerit, aut quæ rapere deputati exactoris violentia poterit. C Proinde decenter omnibus placet in præsentem tale rescindere factum, et non esse de cætero faciendum, nam quisquis pontificum deinceps, aut sanguine propinquis, aut favore personis quibuscunque devinctis, talia commendare lucra tentaverit et suum nefandæ præsumptionis excidium, et quod jussum fuerit devocetur in irritum, et qui ordinavit annuæ excommunicationi subjaceat, quæ vero ablata fortasse fuerint, ab eo qui tulit reddantur in duplum.

IV. Bene per Spiritum Domini possumus cum sancto Apostolo dicere, « non ignorare vos astutiam Satanæ (II Cor. ii, 11) » quia impellimur « zelo domus Dei (Joan. ii, 17), » et ardore cremari. Videmus enim ad tanta fraudum studia convalescentem excrevisse perniciem, ut et primæva Patrum constitutio a quibusdam æstimetur illudi, et nova judicium putetur intentio pelli. Nam inveniuntur nonnullæ viduæ diversis excusationibus se adeo contingentes, ut blandiantur sibi se non Patrum plena religionis alligatas institutione teneri. Unde antiquis inconcusse permanentibus regulis hoc adjicitur novæ oraculo sanctionis, ut vidua, quæ sanctæ religionis obtinere propositum voluerit, sacerdoti et ministro ad quem aut ipsa venerit, aut quem ad se venire contigerit, scriptis professionem faciat a se aut signo, aut subscriptione notatam, continentem se et religionis propositum velle hoc perenniter, inviolate servare. Tunc accepta a sacerdote vel ministro apta religionis hujus veste seu lectulo quic-



seens, sive quocunque in loco consistens incunctanter ea utatur, nec diversi coloris aut diversæ partis eadem sit notabilis vestis, sed religiosa et non suspecta, quæ careat varietatibus colorum, et diversitatibus specierum, adeo ut absque ulla suspicione transgressionis maneat usui tantum apta sanctæ religionis, et sui sexui competens ad testimonium probitatis. Ut autem deinceps nil devocetur in dubium, pallio purpureo, vel nigri coloris caput contegat ab initio susceptæ religionis, ut dum illic tulerit signum probabilis sanctitatis, ubi nullius falli poterit visio intuitus, nunquam attentet astus detestandæ præsumptionis.

V. Omnes feminae quæ jam in præteritum religionis veste probantur indutæ fuisse, nihil excusationis **129** valeat in oppositionem qualibet objectio, quamvis diversis ac callidis adumbrare se velint fallaciæ argumentis, sed ad sacratissimam sanctionem disciplina sanctiores teneat religatas atque subnexas. Commoneantur sane sacerdotis auctoritate ut redeant sponte. Qui si redire noluerint impulsu sacerdotis, ad religionis cultum reducantur, et in monasteriis redactæ excommunicationis condigne sententia feriantur. Hic idem quoque ordo in illarum condemnatione manebit, quæ quamlibet a sacerdote sanctimonix vestem non accepissent, ipsæ tamen aut indutæ sunt, aut in illo diu habitu consenserunt, qui religionis esse cultus ab intuitibus crederetur, si coram Ecclesia, vel sacerdote aut etiam competentibus testibus quinque indutæ certis indicibus aut testimoniis approbantur, omnes tamen hæc seu venientes ad primam religionem, seu post transgressum resumentes iteratam conversionem, sicut præmissum est, et pallio capita contegant et conscriptam roboratamque professionis faciant scripturam, per quam ulterius non sinantur relabi ad prævaricationis audaciam. Quæ vero ex omnibus his fuerint repertæ animum aut vestem in transgressionem dedisse, excommunicationis sententiam ferant, et rursus mutato habitu in monasteriis, donec diem ultimum claudant, sub ærumnis arduæ poenitentix maneat religatæ.

VI. De his qui in parva ætate coram parentibus religionis habitum tenuerunt, qui usque huc dissolutæ operationis effectus interdum mutare fecit honestum constitutionis edictum, dum incondite **D** resolvi putatur, quod indissolubile sanctionis auctoritate tenetur. Ideo quidquid obvium ex incerto occurrit evidenter abjici debet, ut de cætero nihil supersit quod in dubium notet; ideoque si in qualibet minori ætate vel religionis tonsuram vel religioni debitam vestem in utroque sexu filiis, aut unus aut ambo parentes dederunt, certe aut nolentibus vel nescientibus se susceptam, non mox visam in filiis abdicaverint, sed vel coram se vel coram Ecclesia, palamque in conventu eosdem filios talia habere permiserint, ad sæcularem reverti habitum ipsis filiis quandoque penitus non licebit, sed convicti quod tonsuram aut religiosas vestem ali-

**A** quando habuerint, mox ad religionis cultum habitumque revocentur, et sub strenua districtione hujusmodi observantiæ inservire cogantur. Parentibus sane filios suos religioni contradere non amplius quam usque ad decimum ætatis eorum annum licentia poterit esse; postea vero an cum voluntate parentum, an suæ devotionis sit solitarium votum, erit filiis licitum religionis assumere cultum. Quisquis autem vel abolitione tonsuræ vel sæcularis vestis assumptione detectus fuerit attigisse transgressionem, et excommunicationis censuram accipiat, et religioni semper inhæreat. Opitulante miseratione divina, et gloriosissimi Reccesinthus principis inhærente voluntate religiosa, his testibus decentissime alligatis, in pace connexis, ex totis præcordiorum **B** visceribus damus gloriam et honorem soli æterno et immortalis Deo Patri et Filio et Spiritui sancto, cujus dono collatum nobis agnoscimus pro ejus Ecclesiæ statu, et regere curam et posse sacri regiminis competentia disponere jura, a quo petimus et optamus ut porrectam in longitudine felicitum dierum sacratissimi principis vitam, et omni gloriarum decore perpetui faciat pollere salute. Nobis quoque attribuat susceptum Ecclesiæ suæ regnum, cum æquitate disponere, in sollicitudine gubernare et in pace tenere, ut post hujus mundi suscepta pericula pervenire possimus ad cœlestia regna. Amen. Eugenius, indignus Toletanæ sedis metropolitanus episcopus, hæc nostrarum definitionum statuta subscripsi. Similiter et alii episcopi subscripserunt numero sexdecim.

#### *Decretum pro Potamio episcopo.*

**C** Assumere poteramus canoram in cantu fraternæ lætitiæ tibiam, quia divina pietas conventum nostrum ad concordix convocaverat studia, et convenerat mœstitiam vitare, quoniam usitatione disciplinæ videbamur paternas regulas innovasse, sed gravius sistrum pro cymbalo suminus, et funus pro carmine decantamus, gementesque cum Jeremiæ fletibus dicimus: Dissolutum est gaudium cordis nostri, versus est in luctum chorus noster. Unde et væ, coram nobis conspicimus, quoniam cecidisse coronam capitis nostri videmus, dum tam nobile in infirmum corrui, quod tam in sublinæ sanctitatis optimum stetit. Ecce etenim tractantibus nobis in pace de ecclesiasticis regulis delatum est conventui nostro epistolium confusæ confessionis et abolendæ subscriptionis, quod Potamius Bracarensis Ecclesiæ episcopus de factis propriis suis annotarat articulis. Quo reserato, quid oblitteranda pagina, et abolenda litterarum panderent elementa, fletibus potius quam sermonibus lacrymosa contritio recensuit. Tunc solitarie tantum secretimque adunatis pontificibus Dei, prædictum episcopum adesse coram nobis fecimus, quem singultibus aggredientes amplius quam loquelis, reseratam illi suæ deformitatis, et nostræ confusionis scripturam protulimus. Quam accipiens ac recurrens sciscitantibus nobis, utrum sui operis, et suæ annotationis intimatio esset; illico suum actum sui que oris eloquium, suorum digitorum esse robur

asseruit; quod illic relegendo prævidit. Rursum sub A divini nominis contestatione hunc adjuvantes obtestati sumus, ut an de se sponte mendacium diceret, aut alicujus violentia premeretur et perterritus talia enarraret, veraciter indicaret. Qui mox flebili voce luminibusque ploratu madentibus, et fragore singultuum, cum unius Dei nominis juramento, clamavit se et vera eadem mala de se confiteri, et ad hæc confitenda nulla se violentia prægravari, unde etiam ferme per novem menses sponte deseruisse regimen Ecclesiæ suæ, et ergastulo quodam pro admissio flagitio acturus pœnitentiam se conclusisse prædixit. Tunc per fidelem confessionem est agnitio, quod tactu femineo sordidisset deflorata. Licet hunc paternam antiquitas sacris regulis dejicere ab honore decernat, nos tamen miserationis jura servantes non B abstulimus nomen honoris, quod ipse sibi sui criminis confessione jam abstulerat, sed valida auctoritate decrevimus perpetuæ pœnitentiæ hunc inservire officiis et ærumnis, providentes melius illum per asperam ire pœnitentiæ solitudinem, ut quandoque perveniret ad refrigerii mansionem quam relictum in voluntatis suæ latitudine ad præcipitum deieci æterna damnatione. Tunc venerabilem Fructuosum Ecclesiæ Dunilensis episcopum communi omnium nostrorum electione constituimus Ecclesiæ Bracarensis gubernacula continere, ita ut omnem metropolim provincie Gallicie cunctosque episcopos populosque conventus ipsius omniumque curam animarum Bracarensis Ecclesiæ sic gubernandam suscipiens ita componat atque conservet, ut et Dominum nostrum de rectitudine operis sui glorificet et nobis de incolunitate Ecclesiæ ejus gaudium præstet. Quia vero ad futura prospicere convenit, ne exoriat in statu pacis quædam commotio litis, Patrum sententiam, quæ jam dictum Potamium episcopum rectitudine damnat, huic decreto connectere nostra vigilantia procurat.

*Ex concilio Valentino, titulo 4.*

Nec illud, fratres, scribere alienum ob Ecclesiæ utilitatem censuimus, ut sciretis quicunque sub ordinatione, vel diaconatus, vel presbyterii, vel episcopatus mortali crimine dixerint se esse pollutos, a supradictis ordinibus submovendos, reos scilicet vel veri confessione, vel mendacio falsitatis. Neque enim absolvi potest in his, si in seipsis dixerint, quod dictum in alios puniretur, quoniam omnis qui sibi fuerit mortis causa major homicida sit. Multæ quidem et aliæ sententiæ huic poterant innecti decreto, quæ prædictum Potamium episcopum severissima auctoritate abjicere jubent, sed ex omnibus hanc conscriptam ponere sententiam maluimus, ne, si totius damnationis edicta replicassemus, gravissimæ ultionis auctores existere videremur. Factum decretum sub die Kalendarum Decembris, anno feliciter octavo regni gloriosissimi Domini Reccesinthus regis. Engenius, indignus Toletanæ sedis metropolitanus episcopus, hoc iudicii nostri decretum subscripsi. Similiter et alii episcopi subscripserunt numero 17.

*Decretum testamentorum.*

Vidimus tractatibus invenire quod justum est, et experientia esse judicantium comprobatum, et juxta summi iudicii statuta plenior invenit auctoritas. Ideo mentis intentionem orisque simul studia deducen- tes, in cognitionem audiendi negotii delatum est ad nos conventum sancti concilii ex directo gloriosi domini nostri Reccesinthus regis per illustrem virum Vuambanem testamentum gloriosæ memoriæ sancti Martini Ecclesiæ Bracarensis episcopi, qui et Dunilense monasterium visus est construxisse, ut reserato eo quod hic memoratus beatissimus vir decrevisset nostræ cognitioni patesceret. Quo testamento in omnium convectu relecto, comperimus ex ordine a memorato principe ad nos esse directum, quoniam idem gloriosæ memoriæ sanctus vir ita decreverat, ut succedentibus per ordinem regibus ad complementum ejus ipsius constitutio commendata maneret. Tunc deinde allatum est nobis testamentum Ricuniri, memoratæ Ecclesiæ Dunilensis episcopi, quod de rebus suis in eadem Ecclesia decreverat examinatione veridica dirimendum. Quo relecto cognovimus eundem auctorem suum illi diversæ constitutionis edidisse conditiones, inter quas unam validam conatus est relegatione constringere, deputans et illationes tributorum, et pretia frugum absque aliqua diminutione annua voce pauperibus erogare, nihilque esse absque deliberatione relictum, quod usibus Ecclesiæ posset quadam liberalitate servire. Tunc ex voce patris Dunilensis Ecclesiæ, astructum est quod C universas species generis et corporis, rerum quæ in ejusdem Ecclesiæ domo intrinsecus ad usus domesticos et tempore suæ ordinationis idem episcopus Ricimirus invenit, et quæ ipse aut de opere utriusque sexus artificum familiarum Ecclesiæ potuit habere confecta atque illata, aut quæ sua professione habuisse visus est conquisita, omnia moriens jussisse pauperibus erogare. Quædam vero ita vili pretio vendere ordinasse ut negotiatio harum rerum perditio potius quam mercatio censeretur. Edidisse quoque quosdam liberos ex ejusdem Ecclesiæ familiis, quibus etiam cum aliis ad se pertinentibus omnibus amplius quam quinquaginta reperitur utriusque sexus dedisse mancipia; quibus damnis ita cognitis, quia et cuncta remedia intrinsecus domus tam indiscrete largita fuerant, ne quod ad integritatem Ecclesiæ reliquum superesset, cum nulla imminens causa pauperum necessitatis existeret, quæ hoc tam integre et perfecte examussim erogare deposceret, atque pro libertis illis nihil secundum canonicam sanctionem datum in communionem patesceret, sed ne pro mancipiis et reliquis rebus eisdem libertis collatis aliquid in repensationem ecclesiæ relictum notesceret, verum et suam rem ita in nomine pauperum relegasset, ne aliquid remedii ex hoc ecclesiasticus usus attingeret, ducti sumus tam rationis intuitu quam paternerum sanctionum dicto, ipsius testamenti seriem, etsi non usquequaque in irritum devocare, in quodam tamen rationabili auctoritate



temperamento deducere, scilicet, quia tantorum dispendiorum damnis a memorato Ricimiro episcopo factis, res ecclesiasticas dignoscitur subiacere, omnis res ejus quam indelegatam reliquit pauperum nomini tandiu Dunilensi Ecclesiæ plena deserviat facultate donec omne hoc damnum quod in utensilibus domus sustinuit, valeat evidentiùs reparari. At tunc com-  
**130** pleta restitutione damni observetur sicut decreta est series testamenti, liberti vero qui ex familiis ecclesiæ facti sunt, et seu res et universa quæ in mancipiis aliisque corporibus, vel illis, vel suis hominibus collata esse dignoscuntur, cuncta in discretionem venerabilis fratris nostri Fructuosi episcopi

A disponenda relinquimus, ut quia hæc evidens ordo Patrum in irritum devocat, illius temperamentum hæc ad miserationem adducat, qualiter nec regulam paternam modus excedat et miserationem severitas exstinguat, ut secundum merita servientium et libertatis præmia et rerum, vel subtrahat donaria, vel concedat. Editum sub die Kalendarum Decembris, anno feliciter septimo regni gloriosissimi domini nostri Reccesinthus regis. Eugenius, indignus Toletanæ sedis metropolitanus episcopus, hoc iudicii nostri decretum subscripsi. Similiter et alii episcopi subscripserunt numero decem.

### INCIPIUNT CAPITULA CONCILII TOLETANI UNDECIMI

1. Ne tumultu concilium agitur.
2. Non debere metropolitanum a confinitimorum instructione cessare.
3. Ut in una provincia diversitas officiorum non teneatur.
4. De discordia sacerdotum.
5. De compescendis excessibus sacerdotum.
6. Non debere sacerdotes qualibet in ecclesia familliis truncationes membrorum facere, nec aliquid quod morte plectendum est judicare.
7. Quæ debeat discretio ecclesiarum esse rectoribus, ne per inconditam disciplinam subeant homicidii notam.
8. Ne quidquam præmii pro divinis sacramentis accipiatur.
9. Quid custodiri debeat si per præmium quis episcopus fiat, vel qua sententia feriat qui ad honorem acceptum per pecuniam ordinatus fuisse detegitur.

B 10. Ut omnes pontifices rectoresque ecclesiarum tempore quo ordinandi sunt sub cautione promittant quod justissime vivere debeant.

11. De elucidatione antiqui canonis quo præcipitur, ut si quis acceptam a sacerdote Eucharistiam non sumpserit, velut sacrilegus propellatur.

12. Ne in confinio mortis poenitens a reconciliatione divina suspendatur, et ut oblatio ejus poenitentis qui nec tamen reconciliatus de hac vita exierit ab ecclesia receptetur.

13. De sacerdotibus qui vexati cadere videntur.

14. Ut qui Domino canunt atque sacrificant post se semper habeant aditoria constituta.

15. De institutione certi temporis quo concilium agatur.

C 16. De relatione gratiarum pro consummatione concilii.

### INCIPIT CONCILIUM TOLETANUM UNDECIMUM,

*Habitu era dcccxiii, anno 13 Wamebani regis, vi Idus Novembris.*

In nomine sanctæ Trinitatis, coniectis in unum Carthaginensium provinciæ sacerdotibus in Toletana urbe, in beatæ matris Domini Mariæ Virginis sede, anno quarto excellentissimi ac religiosi Wambani principis, sub die septimo Idus Novembris. Res votiva gaudii, et dies nimium optatæ gratulationis occurrit, in quo nobis datum est conspiciere pariter et defflere quid lacrymarum de præteritis Domino debeamus; eramus enim hucusque prolabantis sæculi colluvione instabiles, quia annosa series temporum subtracta luce conciliorum non tam vitia aufererat quam matrem omnium errorum ignorantiam otiosis mentibus ingerebat. Hactenus enim florentem Domini vineam devastaverunt apri frendentes, sponsam Christi, quam sui pretiosissimi sanguinis effusione conciliavit, conspurcare et pollueri conata est hæreticorum subdola machinatio, et inconsultilem Domini vestem dividere, unitatem fidei scindere, charitatis tollere fomenta, cum suo proprio pertina-

citer sensui volens inhærere, sacre Scripturæ puritatem suæ pravitatis intelligentia profanat. Præterea sacrosanctam Ecclesiam Dei vulnerant etiam custodes ejus, qui cum deberent ob dignitatis excellentiam cæteros per suæ virtutis imitationem provocare ad charitatis et unitatis observantiam, tanquam sal infatuatum, potius scandali quam ædificationis dant materiam. Hinc cernentibus quomodo Babylonice confusionis olla succensa, nunc tempora averteret conciliorum, nunc sacerdotes Domini de resolutis moribus irretiret, purpurate enim meretricis sequebantur incitamenta, quia ecclesiastici conventus non aderat disciplina, nec erat qui errantium corrigeret partes, cum sermo divinus haberetur exosus. Et quia non erat adunandorum pontificum ulla præceptio, crescebat immanis vita deteriorum, cum tandem nos divina clementia operis manuum suarum perditioni condolens, prava indirecta reducens, suum sanctum Sabaoth novis propaginibus æ plan-

tis novellis fundare volens, negligentiae subrogans diligentiam, pro ignorantia disciplinam immittens, pro socordia solertiam, pro schismate unitatem inducens, pro zizania veræ pacis vinculum largiens, pro caducis cœlestium desideria infundens, pro turpibus honesta sectarii stimulans, a terrenis et infimis ad sublimia erigens, nos in hac lacrymarum valle potius morientes quam viventes, in hoc vasto periculorum mari vagantes sine remige, sine clavo huc illucque tempestatum fluctibus per abrupta collisos, in continua malorum acie confligentes, ubi nos circumstant mille discrimina, ubi versutissimus insidiatur hostis mille nocendi artibus instructus, ex alto cœli domicilio respiciens asperitatem nostræ se occurruram præbuit et saluti, præparans nostris sæculis religiosi principis mentem devotam pariter et instructam. Cujus providæ sollicitudinis voto, et lux conciliorum renovata resplenduit, et alterna charitas se mutuo in corrigendis vel instruendis moribus excitavit, dum et aggregandi nobis hortatu principis gloriosi facultas data est, et opportuna corrigendis præparata est disciplina ut, qui decursis longe ante temporibus post decem et octo, scilicet labentium annorum excursus, in unum meruimus aggregari conventum, mereri possimus spiritali gratia sanitatem, nec enim numerus iste alienus est a salute, sic quippe « mulier illa in Evangelio ter senis annorum excursibus curva (*Luc. xiii, 11, et seq.*) » quæ figuram totius humani generis gestabat sub sacramento hujus numeri salutis pristinae sanitate donatur. Nos ergo per annos curvo nostri ordinis persistente statu, in eo quod nulla nos conciliorum definitio jungeret, nullus etiam conventus ecclesiastici ordinis adunaret, tandem divinæ voluntatis imperio, et religiosi principis jussu evocati in Toletanam urbem convenimus; qui cum in ecclesia beatae Mariæ Virginis debitis in sedibus locaremur, inter cætera quæ subterius discreto capitulorum ordine sunt digesta, non aliunde primum cœpimus habere sermonem, nisi de fidei puritate; ut quia initiandis ad beatum vitam hominibus, hæc prima semper est via salutis, prævia quoque nostris fieret præceptis, unde sacræ instructionis arcana sanctorum Nicæni, scilicet Constantinopolitani, Ephesini, atque Calcedonensis conciliorum monimenta amplectentes, per quæ radicitus hæreticorum falsa conciliabula destruantur, et fidei catholice norma declaratur. Hoc communi alternoque judicio definivimus, ut hanc ipsam fidei nostræ regulam verbis simplicibus niteremur alternatim nobis singulariterque referre, ita ut quidquam triduum de hujusmodi quæstionibus unicuique nostrum lectionis visæ memoria occurreret, omni sobrietatis compendio simplici notaretur stylo. Relatio tamen ipsius sacramenti pura et evidens, et a capite primum inciperet, et sic ad membra reliqua perveniret, nullas obscuritatis in se lineas habens, nullas etiam inusitatæ locutionis regulas continens, sed puritas sola esset clara sermonum, quæ posset evidentiam exprimere, suaque

A excitazione magis ad intelligendum verborum redderet simplex collatio quam relata condensæ lectionis instructio, quia et revera tantæ rei mysterium ita sacerdotes Dei convenit nosse, ut non superficie verborum efferantur incogniti, sed sane sensu intelligentiæ reperiantur instructi, ut in disserendo præcipue hujus sanctæ Trinitatis arcana plus evidentia quam eloquentia eos efficiat saporatos. Sic enim et divini muneris dono attracti sunt, ut justa definitionis alternæ promissio monstraretur in opere. Unde quod primo die præsidentis metropolitani lingua profudit, die tertia omnium nostrum vox sigillatim collative repetiit. Iste ergo tenor fidei nostræ qui et a capite copiose profluxit, et a membris probatus gloriose emicuit.

B Confitemur et credimus sanctam atque ineffabilem Trinitatem, Patrem, et Filium, et Spiritum sanctum, unum Deum naturaliter esse, unius substantiæ, unius naturæ, unius quoque majestatis atque virtutis. Et Patrem quidem non genitum, non creatum, sed ingenitum profitemur. Ipse enim a nullo originem ducit, ex quo et Filius nativitatem, et Spiritus sanctus processionem accepit. Fons ergo et origo totius divinitatis ipse est. Ipse quoque Pater essentia quidem ineffabilis substantiæ suæ Filium ineffabiliter genuit, nec tamen aliud quam quod ipse est, genuit, Deus Deum, lux lucem. Ab ipso ergo est omnis « paternitas in cœlo et in terra (*Eph. iii, 15*); » Filium quoque de substantia Patris sine initio ante sæcula natum, nec tamen factum esse fatemur, C quia nec Pater sine Filio, nec Filius sine Patre aliquando exstitit. Et tamen non ut Filius de Patre, ita Pater de Filio, quia non Pater a Filio, sed Filius a Patre generationem accepit, Filius ergo Deus de Patre, Pater autem Deus, sed non de Filio, ille autem Filius Patris, et Deus de Patre, æqualis, tamen per omnia Filius Deo Patri, quia nec nasci cœpit aliquando, nec desiit. Ille etiam unius cum Patre substantiæ creditur, propter quod et *homousion Patri* dicitur, hoc est, ejusdem cum Patre substantiæ, homines enim Græce unum housia vero substantia dicitur, quod utrumque conjunctum sonat una substantia, nec enim de nihilo, neque de alia aliqua substantia, sed de Patris utero, id est, de substantia ejus idem Filius genitus vel natus esse credendus, est sempiternus, etsi Filius. Quod si Pater semper fuit, semper habuit Filium cujus Pater esset, et ob hoc Filium de Patre natum sine initio confitemur. Nec enim eundem Filium Dei pro eo quod de Patre sit genitus, dissectæ naturæ portiunculam nominamus, sed perfectum Patrem, perfectum Filium sine imminutione, sine defectione genuisse asserimus, quia solius divinitatis est inæqualem Filium non habere. Hinc etiam Filius Dei, natura est Filius, non optione, quem Deus Pater nec voluntate, nec necessitate genuisse credendus est, quia nec ulla in Deo necessitas cadit, nec voluntas sapientiam prævenit. Spiritum quoque sanctum, qui est tertia in Trinitate persona, unum atque æqualem cum Deo Patre et Filio credi-



mus esse Deum, unius substantiæ, unius quoque esse nature, non tamen genitum vel creatum, sed ab utrisque procedentem, amborum esse Spiritum; hic etiam Spiritus sanctus, nec ingenuus, nec genitus creditur, ne aut si ingenuum dicimus, duos patres dicamus, aut si genitum duos filios prædicare monstemur, qui tamen nec Patris tantum, nec Filii tantum, sed simul Patris, et Filii Spiritus dicitur. Nec enim de Patre procedit in Filium, vel de Filio procedit ad sanctificandam creaturam, sed simul ab utrisque processisse monstratur, quia charitas sive sanctitas amborum esse agnoscitur. Hic ergo Spiritus sanctus missus ab utrisque, sicut Filius creditur, sed minor Patre et Filio non habetur, sicut Filius

**131** propter assumptam carnem minorem se Patre et Spiritu sancto esse testatur. Hæc est sanctæ Trinitatis relata narratio, quæ non triplex, sed trinitas, et dici et credi debet, nec recte dici potest, ut in uno Deo sit Trinitas, sed unus Deus Trinitas. In relativis vero personarum nominibus, Pater ad Filium, Filius ad Patrem, Spiritus sanctus ad utrosque refertur, quæ cum relative tres personæ dicantur, una tamen naturalis substantia creditur, nec sicut tres personas, ita tres substantias prædicamus, sed unam substantiam, tres autem personas, quod enim Pater est, non ad se, sed ad Filium, et quod Filius est, non ad se, sed ad Patrem. Similiter et Spiritus sanctus, non ad se, sed ad Patrem et Filium relative refertur, in eo quod Spiritus Patris et Filii prædicatur. Item, cum dicimus, Deus, non ad aliquid dicitur, sicut Pater ad Filium, vel Filius ad Patrem, vel Spiritus sanctus ad Patrem et Filium, sed ad se specialiter, Deus dicitur. Nam si de singulis personis interrogemur, Deum necesse est fateamur. Deus ergo Pater, Deus Filius, Deus Spiritus sanctus singulariter dicitur, nec tamen tres dii, sed unus est Deus. Item, et Pater omnipotens, et Filius omnipotens, et Spiritus sanctus omnipotens singulariter dicitur, nec tamen tres omnipotentes, sed unus Omnipotens, sicut et unum lumen unumque principium prædicatur. Singulariter ergo unaquæque persona, unus Deus confitetur et creditur, una illis et indivisa atque æqualis deitas, majestas, sive potestas, nec minoratur in singulis, nec augetur in tribus, quia nec minus aliquid habetur, cum unaquæque persona Deus singulariter dicitur, nec amplius cum totæ tres personæ enuntiantur. Hæc ergo sancta Trinitas, quæ unus et verus est Deus, nec recedit a numero, nec capitur numero. In relatione enim personarum numerus cernitur, in divinitatis vero substantia quid enumeratum sit, non comprehenditur. Ergo hoc solum numerum insinuat, quod ad invicem sunt, et in hoc numero carent, quod in se sunt. Nam ita sanctæ huic Trinitati unum naturale convenit nomen ut in tribus personis non possit esse plurale. Ob hoc ergo credimus istud in sacris litteris dictum: « Magnus Dominus noster, et magna virtus ejus, et sapientiæ ejus non est numerus (Psal. cxlvi, 5). » Nec quia tres has per-

sonas esse diximus, unum Deum, eundem esse Patrem quem Filium, vel eum esse Filium qui est Pater, aut eum qui est Spiritus sanctus, vel Patrem et Filium dicere poterimus. Non enim ipse est Pater, nec Filius, nec Spiritus sanctus, ipse qui est, vel Pater, vel Filius, cum tamen ipsum sit Pater quod Filius, ipsum Filius quod Pater, ipsum Pater et Filius quod est et Spiritus sanctus, id est natura unus Deus. Cum enim dicimus non ipsum Patrem quem Filium, ad personarum distinctionem refertur, cum autem dicimus ipsum esse Patrem quod Filium, et ipsum Filium quod Patrem, ipsum Spiritum sanctum quod Patrem et Filium, ad naturam qua Deus est vel substantiam pertinere monstratur, quia substantia unum sunt, personas enim distinguimus, non deitatem separamus. Trinitatem igitur in personarum distinctione agnoscimus, unitatem propter naturam vel substantiam profitemur. Tria ergo ista unum sunt, natura scilicet non persona, nec tamen istæ personæ tres personæ æstimandæ sunt separabiles, cum nulla ante aliam, nulla post aliam, nulla sine alia vel exstitisse, vel quidpiam operata esse aliquando creditur. Inseparabiles enim inveniuntur et in eo quod sunt, et in eo quod faciunt, quia inter generantem Patrem et generatum Filium, vel procedentem Spiritum Sanctum, nullum fuisse credimus temporis intervallum, quo aut genitor genitum aliquando præcederet, aut genitus genitori deesset, aut procedens Spiritus Patri vel Filio posterior appareret. Ob hoc ergo inseparabilis et inconfusa hæc Trinitas a nobis et creditur et prædicatur. Tres igitur personæ istæ dicuntur, juxta quod majores definiunt, ut agnoscantur. Nam si attendamus illud quod Scriptura sancta dicit de sapientia, splendor est lucis æternæ, sicut splendorem luci videmus inseparabiliter inhærere, sic confitemur Filium a Patre separari non posse.

Tres ergo illas unius atque inseparabilis naturæ personas, sicut non confundimus, ita separabiles nullatenus prædicamus, quandoquidem hoc nobis dignata est ipsa Trinitas evidenter ostendere, ut etiam in omnibus quibus voluit sigillatim personas agnosci, unam sine altera non permittat intelligi, nec enim Pater absque Filio cognoscitur, nec sine Patre Filius invenitur. Relatio quippe ipsa vocabuli personalis personas separari vetat. Qua etiam non simul nominat, simul insinuat. Nemo audire potest unumquodque istorum nominum, in quo non intelligere cogatur et alterum. Cum ergo hæc tria sint unum, et in unum tria, est tamen unicuique personæ manens sua proprietas. Pater enim æternitatem habet sine nativitate, Filius æternitatem cum nativitate, Spiritus vero sanctus processionem sine nativitate. De his tribus personis solam Filii personam pro liberatione humani generis hominem verum sine peccato de sancta et immaculata Maria Virgine credimus assumpsisse, de qua novo ordine, novaque nativitate est genitus, quia invisibilis divinitate visibilis monstratur in carne, nova autem

nativitate est genitus, quia intacta virginitas et virilem coitum nescivit et secundata per Spiritum sanctum carnis materiam ministravit. Qui partus Virginis nec ratione colligitur, nec exemplo erit enim singulare. Nec tamen Spiritus sanctus Pater esse credendus est Filii pro eo quod Maria eodem Spiritu sancto obumbrante, concepit, ne duos patres Filii videamur asserere, quod utique nefas est dici. In quo mirabili conceptu « ædificans sibi sapientia domum (Prov. ix, 1). » « Verbum caro factum est, et habitavit in nobis (Joan. i, 14). » Nec tamen Verbum ipsum ita in carnem conversum atque mutatum est, ut desisteret Deus esse qui homo esse voluisset, ut non tantum ibi sit Verbum Dei, sed et hominis omnia, atque hoc totum, et Deus dicatur propter Deum, et homo propter hominem. In quo Dei Filio duas credimus esse naturas, unam divinitatis, alteram humanitatis, quas ita in se una Christi persona univit, ut nec divinitas ab humanitate, nec humanitas a divinitate possit aliquando sejungi. Unde perfectus Deus, perfectus et homo in unitate personæ. Nec tamen quia duas in Filio diximus esse naturas, duas profitemur in eo esse personas, ne Trinitati (quod absit) accidere videatur quaternitas. Deus enim Verbum non accepit personam hominis, sed naturam, et in æternum persona divinitatis temporalem accepit substantiam carnis. Item unius substantiæ credimus esse Deum Patrem, et Filium et Spiritum sanctum, non tamen dicimus, ut hujus Trinitatis unitatem Maria Virgo genuerit, sed tantummodo Filium, qui solus naturam nostram in unitate personæ suæ assumpsit, incarnationem quoque hujus Filii Dei tota Trinitas operata esse credenda est, quia inseparabilia sunt opera Trinitatis. Solus tamen Filius formam servi accepit in singularitate personæ, non in unitate divinx naturæ, in id quod proprium est Filii, non quod commune Trinitati, quæ forma illi ad unitatem personæ coaptata est, ut Filius Dei et Filius hominis unus sit Christus. Item idem Christus in his duabus naturis tribus exstat substantiis, Verbi quod ad solius Dei essentiam referendum est, corporis et animæ, quod ad verum hominem pertinet. Habet ergo in se geminam substantiam divinitatis suæ et humanitatis nostræ, hic tamen per hoc quod de Deo Patre sine initio prodiit natus tantum. Nam neque factus, neque prædestinatus accipitur, per hoc tamen quod de Maria Virgine factus est et natus, et factus et prædestinatus esse credendus est. Ambæ tamen illæ generationes mirabiles, quia et de Patre ante sæcula sine matre est genitus, et in fine sæculorum de matre sine Patre est generatus; qui tamen secundum quod homo creatus, Mariæ matris est Filius. Item, per hoc quod Deus est, æqualis est Patri; per hoc quod homo, minor est Patre. Item, et major et minor se ipso credendus est; in forma enim Dei etiam ipse Filius se ipso major est propter humanitatem assumptam, quia divinitas major est. In forma autem servi se ipso minor est, id est humanitate, quæ minor divini-

tate accipitur. Nam sicut per assumptam carnem non tantum Patre, sed seipso minor accipitur, ita secundum divinitatem qua est æqualis Patri, et ipse et Pater major est homine, quem sola Filii persona assumpsit.

Item, in eo quod quæritur utrum possit Filius sic æqualis, et minor esse Spiritu sancto, sicut nunc æqualis est, nunc minor Patre creditur esse, respondemus, secundum formam Dei æqualis est et Patri et Spiritui sancto; secundum formam servi minor est et a Patre, et a Spiritu sancto, quia nec Spiritus sanctus, nec Deus Pater, sed sola Filii persona suscepit carnem, per quam minor esse creditur illis personis duabus. Item, hic Filius a Deo Patre et Spiritu sancto separabiliter discretus creditur esse persona, ab homine autem assumpta natura. Item, cum homine unus exstat persona, cum Patre vero et Spiritu sancto, natura divinitatis suæ, Filius tamen non solum a Patre, sed et a Spiritu sancto, missus esse credendus est in eo quod per prophetam dicitur: « Et nunc Dominus misit me et Spiritus sanctus (Isa. vi) ». Ab ipso quoque missus accipitur, pro eo quod inseparabilis, non solum voluntas, sed operatio totius Trinitatis agnoscitur. Hic enim qui ante sæcula unigenitus est vocatus, temporaliter primogenitus propter assumptam carnem, in qua suscepit hominis formam, juxta Evangelicam veritatem sine peccato mortuus creditur qui solus pro nobis passionem ipsam (tamen salva divinitate sua) pro delictis nostris sustinuit, mortique adjudicatus, et cruci veram carnis mortem accepit. Tertio quoque die virtute propria suscitatus a sepulchro surrexit. Hoc ergo exemplo capitis nostri confitemur vera fide resurrectionem carnis omnium mortuorum, nec in aere vel qualibet alia carne, ut quidam delirantes surrecturos nos credunt, sed in ista qua vivimus, consistimus et movemur, peracto hujus sanctæ resurrectionis exemplo, idem Dominus noster atque Salvator paternam ascendendo sedem repetiit, de qua nunquam per divinitatem discessit. Illic ad dexteram Patris sedens, expectatur in fine sæculorum iudex omnium vivorum et mortuorum. Inde cum sanctis omnibus veniet ad ferendum iudicium, reddere unicuique mercedis propriæ debitum, prout quisque gesserit in corpore positus, sive bonum, sive malum; Ecclesiam sane catholicam pretio sui sanguinis comparatam cum eo credimus in perpetuum regnaturam, intra cujus gremium constituti unum baptismum credimus; et confitemur remissionem omnium peccatorum, sub qua fide et resurrectionem mortuorum veraciter credimus, et futuri sæculi gaudia exspectamus. Hoc tantum orandum est nobis et petendum, ut cum peracto finitoque iudicio tradiderit Filius regnum Deo et Patri, participes efficiat nos regni sui, ut per hanc fidem qua illi inhæsimus, cum illo sine fine regnemus. Hoc est confessionis nostræ fides exposita, per quam omnium hæreticorum dogma perimitur, per quam omnium fidelium corda mundantur, per quam et ad Deum gloriose acceditur, cujus sacrosanctum saporem sub triduoano jejunio continua relatio-



num conatione rorantes ad ea quæ subnexa sunt A  
sequenti die decernenda transivimus.

CAP. I. In loco benedictionis consedentes Domini sacerdotes, nullis debent, aut indiscretis vocibus perstrepere, aut quibuslibet tumultibus perturbari, nullis etiam vanis fabulis vel risibus agi, et (quod deterius est) obstinatis disceptationibus tumultuosas voces effundere. « Si quis enim (ut Apostolus ait) putat se religiosum esse, non refrenans linguam suam, sed seducens cor suum, hujus vana est religio (Jac. 1, 26). » Cultum enim suum justitia perdit, quando silentium perit, et judicium obstrepentium turba confundit, dicente propheta: « Erit cultus justitiæ silentium (Isa. xxxii, 17). » Debet ergo quidquid ante consultationes consedentium 132 agitur, aut causantium parte proponitur sic mitissima verborum relatione proferri, ut nec contentiosis vocibus sensus audientium turbent, nec judicantium vigorem de tumultu enervent. Quicumque ergo in conventu concilii hæc quæ præmissa sunt violanda crediderit, et contra hæc interdicta, aut tumultu, aut contumeliis, vel risibus concilium conturbaverit, juxta divinæ legis edictum, quo præcipitur, ejice derisorem, et exhibit cum eo jurgium, cum omni dedecore de confessione abstractus a communi cœtu secedat, et trium dierum excommunicationis sententiam perferat.

II. Quantum quis præcelsi culminis obtinet locum, tantum necesse est præcedat cæteros gratia meritum, ut in eo quod præsidet singulis, singulariter ornatur eminentia sanctitatis, habens et in ore gladium veritatis, et in opere efficientiam luminis, ut juxta C Paulum potens sit exhortari in doctrina sana et contradicentem revincere (Tit. 1, 9). Nos proximum nostri ordinis gradum, vel suscepti regiminis modum magnopere cogitare debemus, ut qui officium prædicationis suscepimus, nullis curis a divina lectione privemur. Nam quorundam mentes pontificum ita corporis otio a lectionis gratia secludunt, ut quid doctrinæ gregibus subditis exhibeat, non inveniat præco mutus. Insistendum ergo semper erit majoribus, ut quos sol regiminis cura tuentur fame verbi Dei perire non sinant. Sicut metropolitanis in confinitimos cæterosque ecclesiasticis ordinibus deditos, sic confinitimis in commissos sibi religiosos ex numero vigilandum est, qualiter nescientia talium divinæ legis eruditionibus imbuatur. Ita indesinenti sollicitudine prælatus quisque subditos quærens, aut profectum eorum lætabundus agnoscat, aut nescientiam sine arrogantia instruat. Placuit ergo de talibus juxta instituta Toletani concilii hoc specialiter definire, ut aut sponte sumant intentionem necessariam perdiscendi, aut a majoribus ad lectionis exercitia cogantur invit.

III. De his qui contra apostoli voluntatem « circumferuntur omni vento doctrinæ (Eph. iv, 14), » placuit hoc sancto concilio, ut metropolitana sedis auctoritate coacti, unusquisque provincie cives rectoresque Ecclesiarum unum eundemque in psalendo teneant modum quem in metropolitana sede

cognoverint institutum, nec aliqua diversitate cujuscunque ordinis vel officii a metropolitana se patiantur sede disjungi. Sic enim justum est, ut inde unusquisque sumat regulas magisterii unde honoris consecrationem accepit, ut juxta majorum decreta sedes quæ unicuique sacedotalis mater est dignitatis sit et ecclesiasticæ magistra rationis. Abbatibus sane indultis officiis quæ juxta voluntatem sui episcopi, regulariter illis implenda sunt, cætera officia publica id est vespere, matutinum, sive missam aliter quam in principali ecclesia celebrare non liceat. Quisquis autem horum decretorum violator exstiterit, sex mensibus communionem privetur, ac apud metropolitanum sub pœnitentiæ censura permaneat corrigendus, qualiter apud illum et præterita transgressionis culpam lacrymis diluat, et necessariam officiorum doctrinam studiose addiscat. Sub ista ergo regula non solum metropolitanus totius provincie pontifex vel sacerdotes astringat, sed etiam cæteri episcopi subjectos sibi ecclesiarum rectores obtemperare institutionibus cogant.

IV. Sicut omnis qui diligit fratrem suum, ex Deo (Joan. iv, 7), ita omnis qui odit proximum, ex diabolo est (I Joan. iii, 17). Dilectione enim sola discernitur quis ex quo genitus approbetur, dicente Joanne: « In hoc manifestati sunt filii Dei, et filii diaboli; omnis qui non facit justitiam non est ex Deo, et non diligit fratrem suum (I Joan. ii, 29). » Quoniam hæc est annuntiatio quam ab initio audistis, ut diligamus alterutrum, et post paululum: « Omnis qui odit proximum suum, homicida est, et scitis quoniam omnis homicida non habet vitam æternam in se manentem (I Joan. iii, 15). » Ecce homicida esse probabiliter declaratur, qui a fraterna societate dividitur. Nam etsi manus non moveat ad occidendum, pro eo tamen quia immitis est ad occidendum, jam a Deo homicida tenetur. Vivit ille, et iste jam interfectior esse convincitur. Cum ergo his præceptis beatus apostolus Paulus cum sana prædicatione concordet dicens: « Non occidat sol super iracundiam vestram, et nolite locum dare diabolo (Eph. iv, 26 et 27); » relatæ sunt nobis quorundam sacerdotum personæ in tantam obstinationis effervuisse discordiam, ut non solum illos ab ira occasus solis non revocet, sed nec annosa quidem transactio temporum ad bonum charitatis reclinet, quippe in quorum cordibus sol justitiæ Christus occubuit, ut ad lumen charitatis redire vix possint. Horum ergo et similium discordantium fratrum oblationes juxta antiqui canonis definitionem nullo modo recipiendas esse censuimus, personis tamen discordantium id speciali definitione præcipimus, ut antequam eos reconciliatio vera innectat, nullus eorum accedere ad altare Domini audeat vel gratiam communionis sanctæ percipiat, sed geminato tempore per pœnitentiam compensabunt, quo discordiæ servierunt. Quod si unus alio contemnente ad satisfactionem charitatis eueurrerit, ex eo tempore ut pacificus intra ecclesiam reputetur, ex quo ad concordiam festi-

nasse convincitur, sententia tamen superiori servata. A ut tempus quod in ira expendit geminatum in pœnitentiæ satisfactione persolvat.

V. Nullis vita præsulum perturbari debet excessibus, quia valde indignum est, ut qui throni Dei vocantur, levi motione turbentur, et qui debent esse iter justitiæ, ipsi efficiantur seminarium litis atque rapinæ. Quomodo ergo hujusmodi (juxta Apostolum) « irreprehensibiles (*I Tim. v, 7*) » erunt, qui non solum reprehensibilia faciunt, sed mortifera potius et execranda committunt? Relati enim nobis sunt quidam ex sacerdotibus, quod omni gravitate sacerdotalis ordinis prætermissa, audientium judicium furore præveniant et excessu inhonestæ motionis judicia audire refugiunt, pro quibus eos oportuerat æquitatis judicia sustinere. Dum enim de honoris sui culmine blandiuntur, patientiam habere refugiunt, et qui inconcusse debuerant veritatis conservare statum, subito religionis mutant propositum, et præcipiti furore judicium antecedunt. Sicque in quo decuerat eos judicii sustinere conventum pervasione agunt unde de præsumptionibus confundantur. Qui tamen aut damno pariter et excommunicatione plectendi sunt, aut omissis compositionibus rerum sola satisfactione pœnitentiæ curabuntur. Illi enim qui rei propriæ facultate suffulti sunt, aut qui rem suam jam antea in nomine Ecclesiæ præseniter transfudisse noscuntur, si aut per se, aut per subditos, seu per quoslibet aliena diripiunt, vel præsumptionis, seu cædis quidpiam agunt, tam in rebus fiscalibus, quam etiam in quorumlibet dominio constitutis, et C pervasa vel præsumpta de rebus, juxta legem excellentissimi principis sarciant, et pro excessu religioni contrario, quod inhoneste ante judicium perpetraverunt, duarum hebdomadarum excommunicatione plectendi sunt, et qui nihil proprietatis habere videntur, magna discretionis arte medendi sunt, quo nec ausus illicitos ecclesiarum facultatibus redimant, nec ipsi penitus extorres a pœna persistent. Nec enim justum est ut pro pravis actibus sacerdotum Ecclesiæ, quibus præminent, sustineant damnum, et pro excessibus talibus satisfactio ab Ecclesiis exigatur, cum Ecclesia cultores suos non ad litem, sed honestatem informet. De talibus ergo placuit definire, qui nullis habitis rebus propriis, aut in quocunque pervasores exstiterint, aut quibuslibet personis cædes, vel quodcunque præsumptionis intulerint, nulla eos incurvatione status sui servituti hominum debere addici, sed juxta quod præsumptuosus quisquis ille exstiterit, ita et pœnitentiæ legibus subjacebit; id est si in decem solidorum summam præsumptor esse convicitur, viginti dierum pœnitentiæ satisfactione purgetur, ita ut sive minoris, sive majoris summæ excessum peregerit, similiter geminata hoc semper satisfactione pœnitentiæ recompenset. Servos autem ecclesiarum qui hujusmodi excessus operasse noscuntur, ad leges sæculares audiendos remittimus. Et hæc quidem de generali excessu dicta sufficiant. Cæterum specialitatis ordinem prosequentes,

decernimus: Si quis episcoporum magnatis cujusquam uxorem, filiam, neptem, seu quolibet illum gradu adhibito pertingente quacunque fraude vel subtilitate adulterina pollutione fœdaverit, et honoris proprii gradum amittat, et sub exsiliî relegatione perpetuam excommunicationis sententiam perferat, qui tamen circa finem vitæ communionis remedio adjuvandus est. Hanc sane et illi sententiam merebuntur, qui aut volentes homicidium fecerint, aut primatibus palatii generosisque personis seu nobilioribus quibuscunque mulieribus, aut puellis aliquid per necem aut per quamcunque irrogatam injuriam visi fuerint intulisse. Unde eos juxta legum sæcularium instituta, aut talionem recipere, aut traditionem de his fieri vel proscriptionem oporteat.

VI. His a quibus Domini sacramenta tractanda sunt judicium sanguinis agitare non licet; et ideo magnopere talibus excessibus prohibendum est, ne indiscretæ præsumptionis motibus agitati, aut quod morte plectendum est, sententia propria judicare præsumant, aut truncationes quibuslibet personis, aut per se interant, aut inferendas præcipiant. Quod si quisquam horum immemor præceptorum, aut in ecclesiæ suæ familiis, aut in quibuslibet personis tale aliquid fecerit, et concessi ordinis honore privetur et loco, sub perpetuo damnationis teneatur religatus ergastulo. Cui tamen communio exeunti ex hac vita non neganda est, propter Domini misericordiam, et qui non vult peccatoris mortem, sed ut convertatur et vivat (*Ezech. xxxiii, 11*). »

VII. Cum juxta antiquæ institutionis edictum plus erga corrigendos agere debeat benevolentia quam severitas, plus cōhortatio quam commotio, plus charitas quam potestas, relatum est nobis quod quidam ex fratribus plus livore odii quam correctionis studio subditos insequentes, dum se simulant spiritualem eis adhibere correctionem, indiscretam subito afferunt mortem, cum inauditos a se projiciunt, et illicitis eos judiciis sub pœnitentia puniunt. Non ergo de cætero perversis voluntatibus sit liberum simulare se quod fingunt, sed quotiescunque quilibet ex subditis corrigendus est, aut publica debet a sacerdote disciplina curari, aut si aliter rectoribus placet, duorum vel trium fratrum spiritualium testimonio peculiariter adhibito, et modus criminis agnoscat, et modus pœnitentiæ irrogetur; ita tamen ut si exsilio vel retrusione dignum eum esse cognoverit, aut quid aliud peculiare decreverit modus pœnitentiæ, quem coram tribus fratribus sacerdos transgressori indixerit, speciali debeat ejus qui sententiam protulit manus propriæ subscriptione notari. Sicque fiet ut nec transgressores sine testimonio excidia vitæ suæ incurrant, nec rectores accusatos se de quorumlibet tentationibus erubescant.

VIII. Quiaquid invisibilis gratiæ collatione tribuitur, nunquam quæstu vel quibuslibet præmiis venundari penitus debet, dicente Domino: « Quod gratis accepistis, gratis date (*Matth. x, 8*), » etc., quicumque deinceps in ecclesiastico ordine constitutus, aut pro



baptizandis consignandisque fideibus, aut collatione A  
 chrismatis vel promotionibus graduum, pretia quæ-  
 libet vel præmia, nisi voluntarie oblata pro hujusmodi  
**133** ambitione susceperit. Equidem si sciente loci  
 episcopo, tale quidquam a subditis perpetratur, idem  
 episcopus duobus mensibus excommunicationi sub-  
 jaceat, pro eo quod scientiæ mala contextit, et cor-  
 reptionem necessariam non adhibuit. Sin autem suo-  
 rum quispiam eodem nesciente de supradictis quod-  
 cunque capitulis accipiendum esse sibi crediderit,  
 si presbyter est, trium mensium excommunicatione  
 plectatur, si diaconus, quatuor, subdiaconus vero  
 vel clericus his cupiditatibus serviens et competenti  
 pœna et debita excommunicatione plectendus est.

IX. Multæ super hoc capitulo Patrum sententiæ B  
 manaverunt, scilicet ne impreffiabilem sancti Spiri-  
 tus gratiam donis vel muneribus quis existimet  
 comparandam. Sed quod non sine gravi dolore  
 dicendum est, quanto hæc frequenti decretorum est  
 præceptione prohibita, tanto a nobis fraudibus  
 cognoscitur iterata, dum hi, qui tali pretio mercari  
 nituntur gratiam ordinationis suæ tempora præve-  
 niunt munere, aut post acceptum honorem promissis  
 suis conferunt apparatusibus turpis lucri mercedem.  
 Et ideo, ut horum et similium argumentorum  
 deinceps amputetur occasio, hæc sancta synodus  
 definivit, ut cum quisque pontificale culmen ante  
 Domini altare percepturus accesserit, exactione  
 astringatur quod pro conferenda sibi consecratione  
 honoris nulli personæ cujuslibet præmii collationem  
 vel aliquando dedisset, vel aliquando in futurum C  
 dare procuraret. Sicque aut mundus ab hoc contagio  
 praelationis consecrationem accipiat, aut publicato  
 hoc scelere manifeste denudet coram Ecclesia, et ad  
 honorem quem mercari voluit non accedat. Illos  
 autem quos deinceps post praelationem per præmia  
 ordinatorum fuisse patuit, sub definitis pœnitentiæ  
 legibus, ut hæresimoniachos ab Ecclesia separandos  
 esse censemus, id est, ut duorum annorum spatio  
 exsilio relegati, et digna satisfactione, vel excommu-  
 nicationis sententia coerciti honoris gradum, quem  
 præmiis emerant, lacrymis conquirere et reparare  
 intendant. Unde si digna satisfactio eos pœnitentiæ  
 tempore invenerit, non tantum communioni, sed et  
 loco et totius ordinis officiis, a quibus separati fue-  
 rant, restaurandi sunt.

X. Quanquam omnes qui sacris mancipantur ordi-  
 nibus canonicis regulis teneantur astricti, expedi-  
 bile tamen est ut promissionis suæ vota sub cautione  
 spondeant, quod ad promotionis gradus ecclesiastica  
 probat disciplina. Solet enim plus timeri quod sin-  
 gulariter pollicetur, quam quod generali sponsione  
 concluditur. Et ideo placuit huic sancto concilio, ut  
 unusquisque qui ad ecclesiasticos gradus est acces-  
 surus, non ante honoris consecrationem accipiat,  
 quam placita sibi adnotatione promittat, ut fidem  
 catholicam sincera cordis devotione custodiens,  
 juste et pie vivere debeat, ut in nullis operibus suis  
 canonicis regulis contradicat, atque ut debitum per

A omnia honorem atque obsequii reverentiam præmi-  
 nenti sibi unusquisque dependat, juxta illud beati  
 papæ Leonis edictum: Qui se scit aliquibus esse præ-  
 positum, non moleste ferat aliquem sibi esse præla-  
 tum, sed obedientiam quam exigit, etiam ipse de-  
 pendat. Pœna tamen juxta ecclesiasticæ consuetudi-  
 nis morem, et placitis talium inferenda, et ab his,  
 qui transgressores fuerint, persolvenda est.

XI. Cum nihil in divino canone debeat esse con-  
 fusum, nihil dubium, nihil etiam indiscretum in  
 collatione nostri cœtus, relectus est canon Toletani  
 concilii primi, in quo præceptum est, ut si quis ac-  
 ceptam a sacerdote Eucharistiam non sumpserit,  
 velut sacrilegus propellatur, nec adjecta est discretio  
 voluntatum, cum et fidelis fideliter accipiat quod B  
 naturaliter illum necessitas deglutire non sinat.  
 Solet enim humanæ naturæ infirmitas in ipso mor-  
 tis exitu prægravata tanto siccitatis pondere deprimi  
 ut nullis ciborum illationibus refici, sed vix tantum-  
 dem illati delectetur poculi gratia sustentari. Quod  
 etiam in multorum exitu vidimus qui optatum suis  
 votis sive communionis expetentes viaticum, collatam  
 sibi a sacerdote Eucharistiam rejecerunt, non quod  
 infidelitate hoc agerent, sed quod propter Dominici  
 calicis haustum traditam sibi non possent Eucharis-  
 tiam deglutire. Non ergo hujusmodi a corpore Ec-  
 clesiæ separandi sunt, qui talia non infidelitate, sed  
 necessitate fecerunt, præsertim hi de quibus nihil  
 fidei sinistræ sentitur. Placuit ergo definire quod nec  
 fidelis officiat, nec infideli inultum existat. Quicunque C  
 ergo fidelis inevitabili qualibet infirmitate coactus  
 Eucharistiam perceptam rejecerit in nulla ecclesia-  
 sticæ damnationis, damnationi subjaceat. Similiter  
 nec illos cujusquam punitionis censura redarguet,  
 qui talia aut tempore infantie faciunt, aut in quali-  
 bet mentis alienatione positi, qui quod fecerint igno-  
 rare videntur. Jam vero quicunque aut de fidelium  
 vel infidelium numero corpus Domini absque inevi-  
 tabili, ut dictum est, infirmitate projecit, si fidelis  
 est, perpetua communionem privetur; si infidelis est,  
 et verberibus subdatur et perpetuo exsilio relegetur.  
 Quod si horum quilibet hujusmodi excessus digna  
 pœnitentiæ satisfactione defleverit, post quinquen-  
 nium licebit illum communioni pristinae reformari.

XII. Qui pœnitentiam in mortis agit periculo, non D  
 cœtine a reconciliationis gratia differendus est, sed  
 si procincto mortis urgeatur periculo pœnitentia per  
 manus impositionem accepta, statim ei reconciliatio  
 adhibenda est, ne prius ab humanis rebus æger ab-  
 scedat, quam donum reconciliationis accipiat, sic-  
 que superstitionis quodammodo doloris videatur  
 esse perpetui, si præcisum ab Ecclesiæ membris  
 eum qui utique reconciliationem non meruerit rap-  
 tum a præsentī vita mortis natura subduxerit. Unde  
 (juxta papæ Leonis edictum) his qui in tempore ne-  
 cessitatis et in periculi urgentis instantia præsidium  
 pœnitentiæ ex more reconciliationis implorant, nec  
 satisfactio interdicenda est, nec reconciliatio dene-  
 ganda, quia in misericordia Dei, nec mensuræ

possumus ponere, nec tempora definire. De his autem qui accepta pœnitentia, antequam reconcilientur ab hac vita recesserint, quanquam diversitas præceptorum de hoc capitulo habeatur. Illorum tamen nobis sententia placuit qui multiplici numero de hujusmodi humanius decreverunt, ut et memoria talium in ecclesiis commendetur, et oblatio pro eorum delicto a presbyteris recipiatur.

XIII. Bene siquidem majorum regulis definitum est, ut demoniis aliisque passionibus irretitis ministeria sacra tractare non liceat. Cum præcepto, consensu rationis adhibito, id communiter definimus, ut nullus de his qui aut in terra accepti a dæmonibus eliduntur, aut quolibet modo vexationis incursibus efferuntur, vel sacris audeant ministrare altaribus, vel indiscussi se divinis ingerant sacramentis, exceptis illis qui in variis corporis incommoditatibus dediti in ejusmodi passionibus in terra approbantur elisi. Qui tamen et ipsi tandiu erunt ab officii sui et ordine et loco suspensi, quousque unius anni spatio per discretionem episcopi inveniantur ab incursu dæmonum alieni.

XIV. Et illud divini oraculi monentis singuli præcaveant, quo scribitur; vae soli, quia cum ceciderit non habet sublevantem (*Eccli. iv, 10*). Summopere verendum nobis est et cavendum, ne horis illis atque temporibus, quibus Domino psallitur vel sacrificatur, unicuique divinis singulariter officiis insistenti perniciose passio, vel corporis quælibet valetudo occurrat, qua aut corpus subito subruï faciat, aut mentem alienatione vel terrore confundat. Pro hujusmodi ergo ausibus præcavescentes necessarium duximus instituere, ut ubi temporis vel loci, sive cleri copia suffragatur, habeat quisquis ille canens Deo, atque sacrificans post se vicini solaminis adiutorem, ut si aliquo casu ille qui officia impleturus accedet, turbatus fuerit, vel ad terram elisus a tergo semper habeat, qui ejus vicem exsequatur intrepidus.

XV. Peractis omnibus quæ ad correctionem nostri ordinis in hoc concilio promulgata sunt, placuit definire, ut paternis institutionibus obsequentes, omni anno ad peragendum celebritatem concilii in metropolitana sede, tempore quo principis vel metropolitani electio definierit, devotis semper animorum studiis conferamus, nec quibuslibet requisitis

A occasionibus absentemur, sed in præparato die quo judicium fuerit, adunatis in metropolitana sede omnibus provinciæ pontificibus, concilium Deo præsule celebretur. Quisquis autem episcoporum excepta inevitabili causa vel necessitate de peragendo se concilio absentaverit, per unius anni metas erit excommunicatione plectendus. Quod si deinceps absque celebratione concilii anni unius metas transierit, omnium in commune pontificum Carthaginis provinciæ superioris censuræ sententiam obnoxius retinebit, id est, si nulla eum impediende principis potestate vel infirmitate, aut inevitabili causa, sed solius propriæ voluntatis libitu sese ad celebrandum concilium non collegerit.

B XVI. Illis ergo constitutionibus nostris quas necessario gerendas credidimus, finalem manus nostræ subscriptionem adjecimus, immortalī Deo nostro et Domino gloriam et honorem reddentes, qui nos de conventu alternæ visionis lætos efficit, qui os nostrum in confessione laudis suæ aperuit, qui etiam decreta hujus nostri concilii honestate complevit. Post hæc religioso Domino nostro, et amabili principi nostro Vuambano regi gratiarum actiones persolvimus, ejus et studio aggregati sumus. Qui ecclesiasticæ disciplinæ nostris sæculis novus reparator occurrens omissos conciliorum ordines non solum restaurare intendit, sed etiam annuis recursibus celebrandos instituit, et alterna morum correctione annuo tempore alacriter concurrentes, juxta prophetæ vaticinium, quod in nobis « defractum est, alligetur, et quod abjectum est, reducatur (*Ezech. xxxiv, 4*). » C Det ergo eidem principi Dominus pro huius sacræ sollicitudinis voto et cursum præsentis vitæ in pace transire, et post diuturna tempora ad se in pace remissis iniquitatibus pervenire, qualiter et ille felicia tempora ducat, et felix cum omnibus quibus principatur ad Christum sine confusione perveniat, ut quia per eum corona nostri ordinis in melius restauratur, coronam futuri regni capiat ex hoc in regione vivorum regnans cum Christo in sæcula sæculorum. Amen. Interfuerunt huic concilio pontifices decem et septem. Ego Quiricus, urbis regiæ metropolitanus episcopus, hæc gesta synodica a nobis definita, subscripsi. Similiter et alii episcopi subscripserunt decem et septem.

## INCIPIT CONCILIUM TOLETANUM DUODECIMUM.

*Habitu æra dcccix anno primo Eringii regis, quinto Idus Januarii.*

Cum ex glorioso prædicti principis jussu in unum fuisset aggregati conventum, et in basilica sanctorum apostolorum debitis in sedibus locarentur, adfuit coram nobis idem clementissimus princeps, humanitatis gratia plenus, et claro pietatis cultu perspicuus, qui nostro se cœtui reclivem exhibens ac devotum, imprimis omnium sacerdotum se commisit precibus adjuvandum, deinde grates

D 134 multiplices omnipotenti Domino egit de conventu concilii totius, ut suæ gloriosæ jussionis, cum in unum adessent, impleverint votum, et alternæ visionis innovationem fecerint gaudiorum, deinde adjiciens sic omne concilium est allocutus: Non dubium est, sanctissimi Patres, quod optima conciliorum adjutoria ruenti mundo subveniant, si officiosis quæ corrigenda sunt studiis peragantur. Et



ideo quibus plagis pro eventu dierum succedentium pereamus paternitati vestræ non reor esse incognitum. Ob inde quia certum apud nos gerimus quod pro contemptu divinorum præceptorum terra perniciem sustineat pressurarum, dicente Domino per prophetam: « Propter hoc lugebit terra, et infirmabitur omnis qui habitat in ea (Jer. iv, 28). » Ideo oportet, ut quia os Salvatoris nostri, et Domini oracula esse probamini, per vos salvationis obtineat lucrum per quos regenerationis percepit sacramentum, ut diligentia dignationis vestræ ab omni mundata contagione et ab infirmitatis peste sit libera, et honorum omnium proventibus gratiosa sit. Jam nunc quidquid me adhuc dicere opportuna ratio sinit, quidquid etiam narrandum auribus vestris convenit, aut memoriæ titulorum intercapedo subducit, aut fastidium prolixæ orationis intercipit, ecce in brevi complexa vel exarata devotionis meæ negotia, in hujus tomo complicationis agnoscenda perlegite, perfecta discutite, discussa elimatis ac discretis titulorum sententiis definite, ut pura et placens Deostrarum definitionum valitura discretio et regni nostri primordia decoret exhortatione justitiæ et terrores plebium digna cohibeat severitate censuræ, scriptum est enim: « Justitia elevet gentem, miseros facit populos peccatum (Prov. xiv, 34). » Tunc suscepto a glorioso principe hoc tomo pro tam salubri invitamento, et copiosas grates retulimus Domino Jesu Christo, et item benediximus principi glorioso. Post egressum ergo ejusdem serenissimi principis hæc in am dicto tomo scripta reperimus.

*Compellatio regis Eringii ad concilium.*

In nomine Domini FLAVIUS ERINGIUS rex, sanctissimis Patribus in hac sancta synodo residentibus, Reverendissimi Patres, si Patres et honorabiles ministeriorum cœlestium sacerdotes soliditatem sanctæ fidei veraciter teneant, sincera cordis devotione amplectantur, testimonium paternitatis vestræ fortissimum in salutis nostræ advoco adjumentum, ut qui regnum factore Deo ad salutationem terræ, et sublevationem plebium suscepisse nos credimus, sanctitudinis vestræ conciliis adjuvemur. Unde licet sublimationis nostræ primordia paternitatis vestræ cœtum opinabili relatione non lateant, quibus clara divinorum judiciorum dispositione proventus, et regnandi conscenderim sedem, et sacrosancti regni perceperim unctionem, nunc tamen melius id poteritis et scripti relatione cognoscere, et promulgationis vestræ sententiis publicare, ut sicut eadem regni nostri primordia conventus vestræ sanctitudinis comperit divinitus ordinata, ita in his et orationibus solamen impendat, et salubrium conciliorum nutrimenta impertiat, quo susceptum regnum sicut jam vestris assensionibus teneo gratum, ita benedictionum vestrarum perfruar definitionibus consecrandus, ut innovatio quodammodo nostri videatur imperii hæc numerositas vestri ordinis aggregata. Et ideo quia Dominus præcepit in Evangelio, dicens: « Amen dico vobis: Si duo ex vobis consenserint

A super terram de omni re quacunque petierint, fiet illis a Patre meo qui in cœlis est (Matth. xviii, 19). » Ob hoc venerabilem paternitatis vestræ cœtum cum lacrymarum effusione conveni, ut zelo vestri regiminis purgetur terra contagione pravitatis. Exsurgite, quæso, exsurgite, culpatorum solvite nodos, transgressorum mores corrigite inhonestos, et excitate zeli disciplinam in perfidos, superbiorum mordacitates extinguite, oppressorum ponderibus subvenite, et quod plus omnibus est; Judæorum pestem, quæ in novam semper recrudescebat insaniam radicibus extirpate, leges quoque quæ in eorundem Judæorum perfidiam propter vanam gloriam noviter promulgatæ sunt omni examinationis probitate percurrite, et tam eisdem legibus tenorem inconvulsum adiciate, quam pro eorundem perfidorum excessibus complexas in unum sententias promulgatæ. Etenim valde nobis cavendum ne tot antiquorum canonum regulæ quæ pro eorum erroribus sunt promulgatæ, nos illorum culpis obnoxios reddant, si nostri regni temporibus eorundem canonum constructio dissoluta pertranseat. Præsertim si legis illius (quod absit) serenitatis nostræ in tempore illa clara fidei institutio cesset, ubi divæ memoriæ Dominus atque præcessor noster, Sisebutus rex omnes successores suos sub perpetua maledictionis censura obstrinxit, quicumque regum mancipium Christianum Judæo servire et famulari permiserit, etc. Posthæc illud quoque vestris Deo placitis infero sensibus corrigendum quod decessoris nostri præceptio promulgata lege sancivit, ut omnis C aut in expeditionem exercitus non progrediens, aut de exercitu fugiens, testimonio dignitatis suæ sit irrevocabiliter carens. Cujus severitatis institutio, dum non per totos Hispaniæ fines ordinata decurrit, dimidiam fere partem populi ignobilitati perpetuæ subjugavit, ita ut, quia in quibusdam villulis, vel territoriis sive vicis, portis hujus infamationis habitatores ipsorum locorum sint degeneres redditii, et quia testificandi nullam habent licentiam veritatis, ex toto videatur interiisse censura, sicque gemino malo terra atteritur, dum et lege et repudiandæ veritatis destituitur adjumento. Unde licet eandem legem nostræ gloriæ mansuetudo temperare disponat, vestræ tamen paternitatis sententia hos qui per illam infamiæ notam titulum dignitatis amiserant, revestiri iterum claro pristinae generositatis testimonio devotissime optat. Nunc vero misericordia præeunte taliter hæc disponite qualiter nec nostra gloria ministerium crudelitatis adhibeat, nec tamen severa præceptio terram sub diutino infamationis jugulo premat. Nam et hoc generaliter obsecro, ut quidquid in nostræ gloriæ legibus absurdum, quidquid justitiæ videatur contrarium, humanitatis vestræ judicio corrigatur. De cæteris autem causis atque negotiis quæ novella competunt institutione formari, videntarum sententiarum titulis exaranda conscribite, ut quia præsto sunt religiosi provinciarum rectores, et clarissimorum ordinum totius Hispaniæ duces promulgationis vestræ sententias coram positi præno-

perum exspoliant, quia doctos non prævalent, indoctos quosque a velamine fidei prædicatione pestifera denudant. Sequitur :

VERS. 10. *Nudis et incedentibus absque vestitu, et esurientibus tulerunt spicas.* — Quod ait nudis, hoc replicat, absque vestitu. Sed aliud est nudum esse, aliud nudum incedere. Omnis enim qui nec bona nec mala operatur nudus est, et otiosus : qui autem mala agit nudus incedit, quia sine velamine boni operis per iter pravitatis pergit. Sunt vero nonnulli, qui sacri eloquii dicta desiderant, qui quoties Patrum sententias pro ædificandis mentibus in cogitatione versant, quasi de bona segete spicas portant. Hæretici igitur nudis et incedentibus absque vestitu, et esurientibus spicas tollunt, quia sive quidem otiosi sint, et in nullis se bonis exerceant, seu per iter impudentiæ absque velamine boni operis pergant, etiam si quando jam ad poenitentiam redire cupiunt, et pabulum verbi concupiscunt, eis esurientibus spicas tollunt, quia in eorum mente perniciosis persuasionibus Patrum sententias destruunt. Sequitur :

VERS. 11. *Inter acervos eorum meridiati sunt, qui calcatis torcularibus sitiunt.* — Omnes qui sanctam Ecclesiam persequuntur, quid aliud quam torcular calcant? Quod divina dispensatione agi permittitur, ut animarum botri in spiritale vinum defluant, quæ carne corruptibili exuta ad regna cœlestia velut in apotheca currant. Sed omnes qui vitam fidelium persequuntur, calcant et sitiunt, quia ad agenda crudelia ferociore sunt, et impietatis suæ meritis cæcati, eo ambiunt graviora facere, quo jam gravia fecerunt. Hæretici autem cum per se persecutionis potestatem non habent, huius sæculi potentes commovent, eorumque mentes ad persequendum pertrahunt, et quibus valent persuasionibus accendunt. Quos cum crudelia agere contra catholicorum vitam conspiciunt, quasi in ipso solis fervore requiescunt. Sequitur :

VERS. 12. *De civitatibus fecerunt viros gemere.* — Quia civitates a conviventibus populis appellantur, non immerito civitatum nomine veræ sunt fidei Ecclesiæ designatæ, quæ in singulis mundi partibus positæ, unam catholicam faciunt, in qua fideles omnes de Deo recta sentientes concorditer vivunt. Hæretici igitur quia perversis sæpe huius mundi potentibus adherentes, bonorum socialem vitam atque concordiam persequuntur, recte nunc dicitur. *De civitatibus fecerunt viros gemere.* Quos recte B. Job, viros memorat, quia illos magis hæretici extinguere ambiunt, qui perfectis gressibus per viam Dei non fluxe et enerviter, sed viriliter currunt. Sequitur : *Et anima vulneratorum clamavit, et Deus inultum abire non patitur.* — Vulneratur quippe anima iustum, cum fides turbatur infirmorum, quibus jam hoc ipsum clamare est, de alieno lapsu tabescere. Sed *Deus inultum abire non patitur*, quia etsi injusto ordine injuste aliquid fieri permittit, inultum tamen abire non sinit injustum, quod fieri permisit injuste

quia et de reproborum injustitia quasdam, quas inesse considerat, culpas percussit electorum, et tamen æterna justitia ferire non negligit injustitiam ferientium. Sequitur :

VERS. 13. *Ipsi fuerunt rebelles lumini.* — Pleurumque perversi, et cognoscunt recta quæ sequi debeant, et tamen sequi despiciunt quæ cognoscunt. Lumini ergo rebelles sunt, quia sua desideria sequendo, bonum despiciunt quod noverunt. Sequitur : *Nescierunt vias ejus, nec reversi sunt per semitas ejus.* — Qui enim prius sciendo rebelles sunt, postmodum sequuntur ut nesciant, sicut de quibusdam scriptum est : « Quia cum cognovissent Deum, non sicut Deum glorificaverunt, aut gratias egerunt (Rom. 1, 21). » De quibus paulo post additur : « Tradidit illos Deus in reprobum sensum, ut faciant ea quæ non conveniunt (Rom. 1, 28). » Angustior est quippe semita quam via. Qui autem bona manifestiora agere contemnunt, nequaquam ad subtiliora intelligenda perveniunt. Expectavit omnipotens Deus, ut per ejus semitas pergerent, sed utinam per eas vel reverti voluissent, ut vitæ itinera quæ noluerunt per innocentiam, saltem per poenitentiam tenerent. Sequitur :

VERS. 14. *Mane primo consurgit homicida, interficit egenum et pauperem, per noctem vero erit quasi fur.* — Cum homicida in nece proximorum per nocturnum maxime silentium soleat grassari, cur hoc in loco mane primo consurgere ad interficiendum egenum et pauperem dicitur, in nocte vero quasi fur esse perhibetur? Sed ipsis verbis litteræ dum sibi non congruunt, ad indaganda spiritus secreta revocamur. In Scriptura sacra mane aliquando adventus Dominicæ incarnationis designatur, ut illud propheta : « Venit mane et nox (Isa. xxi, 12). » Quia et novæ lucis primordia in Redemptoris nostri præsentia fulserunt, et tamen a persecutorum cordibus suæ perfidiæ tenebræ non sunt deterasæ. Aliquando adventus jam terribilis et districti iudicis. Ut illud : « In matutino interficiebam omnes peccatores terræ (Psal. cxviii, 8). » Et illud : « Mane astabo tibi, et videbo (Psal. v, 5). » Aliquando vero præsentis vitæ prosperitas poni consuevit, sicut per Salomonem dicitur : « Væ terræ cujus rex est puer, et cujus principes mane comedunt (Eccl. x, 16). » Scriptum est enim : « Omnis qui odit fratrem suum, homicida est (I Joan. iii, 15). » Mane itaque primo consurgit homicida, quia in præsentis vitæ gloria perversus quisque erigitur, et illorum vita deprimitur, qui dum sequentem gloriam sitiunt, quasi satiari in vespere exquirunt. Præterea enim quisque in hoc mundo dignitatem transitorie potestatis arripiens, tanto se ad peragenda mala acrius dilatat, quanto per charitatis viscera nullum amat. Totis enim cogitationibus contra bonos sevit, et innocentie vitam interimit. *Per noctem vero erit quasi fur.* In nocte quippe tribulationis et delectationis suæ etsi exercere crudelitatis manum non valet, eis tamen quos prævalere con-



num nostrum Eringium post se pereiegit regnaturum, et sacerdotali benedictione ungendum. Vidimus enim, et pariter patulo alternæ visionis intuitu prælucente perspeximus, hujus præmissi ordinis scripturas, id est notitiam manu seniorum palatii roboratam, coram quibus antecedens princeps et religionis cultum, et tonsuræ sacræ adeptus est venerabile signum, scripturam quoque definitionis ab eodem edictam, ubi gloriosum dominum nostrum Eringium post se fieri regem exoptat, aliam quoque informationem jam dicti viri in nomine honorabilis et sanctissimi fratris nostri Juliani Toletanæ sedis episcopi, ubi eum separavit pariter et instruxit, ut cum omni diligentia jam dictum dominum nostrum Eringium in regno ungere deberet, et omni diligentia unctionis ipsius celebritas fieret. In qua scriptura et subscriptio nobis ejusdem Vuambæ principis claruit, et omnis evidentia confirmationis earundem scripturarum se manifeste monstravit. Quibus omnibus approbatis atque amplectis dignum sane nostro cœtui visum est, ut prædictis definitionibus, scripturarum nostrorum omnium confirmationi apponatur, ut quam ante tempora in occultis judiciis præscitus est regnaturus, nunc manifeste in tempore generaliter omnium sacerdotum habeatur definitionibus consecratus. Et ideo soluta manus populi ab omni vinculo juramenti, quæ prædicto viro Vuambæ, dum regnum adhuc teneret, alligata est, hunc solum qui permansit serenissimum Eringium principem obsecutura græte servitutis famulatu sequatur, et libera, quem et divinum judicium in regno prælegit, et decessor princeps successorem sibi instituit, et quod superest, quem totius populi amabilitas exquisivit. Unde his præcognitis atque præscitis serviendum est Deo cœli, et prædicto principi nostro Eringio regi, eique pia devotione obsequendum et promptissima voluntate agendum, et eritendum quidquid ejus salutis proficiat, quidquid gentis suæ utilitatibus et patriæ consuluerit. Unde non erit jam deinceps ab anathematis sententia alienus, aut divinæ animadversionis ultione securus quisque contra salutem ejus deinceps aut crexerit vocem aut commoverit eadem, aut quamenunque exquiserit lædendi ultionem.

II. Plerumque his, quibus miseratio Domini etiam volentibus subvenit, beneficiis Dei videntur esse ingrati, et abuti gratia largitoris qua bene usi poterant consequi absolutionem facinoris. Impugnant sæpe quod honorare debuerunt, et profanis quæstionibus indultæ græte munus a se rejiciunt quod summis votis amplecti debuerunt. Etenim multos sæpe aspeximus in salute positos, ultimum desiderantes poenitentiae fructum, ut rursus nimietate ægritudinis ita loquendi et sentiendi naturale prodidisse officium, ut nulla illis cura salutis suæ videretur inesse, nullo etiam pristinae devotionis noscerentur desiderio anhelare. Quorum tamen casibus fraternitas condolens, ita talium necessitates in fide susceperit sua, ut ultimum illis tribuatur viaticum, scilicet ne sine fructu poenitentiae videantur transire e sæculo. Quod si

A forsitan respiciente Domino salutis pristinae reformatur, agunt cautionibus vanis et oppositionibus execrandis, qualiter a se tonsuræ venerabile signum expellant, atque habitum religionis abjiciant, imprudentissime asserentes ideo se nullis regulis ecclesiasticæ disciplinæ sub hoc voto teneri, quia poenitentiam, nec ipsi petierunt, nec consentientes acceperunt, quorum impudentia divinæ bonitatis quæ eos ad tam venerabile ac fecundi fructus vocavit sacramentum turpiter immemor, et obstinata procacitas non aliquando diceret talia, si qualiter ad vitam per sacrosancti lavacri gratiam veniret, meminisset etenim parvulorum infantium vita originali peccato obnoxia, quæ nulli propter ætatem discernendi vel expetendi sensui aptior judicetur, nisi ex sponsione B fidelium baptismi accipiant sacramentum, nullo sensu, nulla etiam discretionis industria id appetere possunt. Unde sicut baptismus, quod nescientibus parvulis sine ulla contentione in fide tantum proximorum accipitur, ita poenitentia donum, quod nescientibus illabitur, aliisque impugnantia violationis, hi qui illud exceperint, observabunt. Si quis autem quolibet modo poenitentiam accipiens, hoc violaverit synodale institutum, ut vere transgressor paternis regulis ferietur. Nec enim ista statuentes sacerdotes, quosque ut passim et licenter donum poenitentia non poenitentibus audeant prorogare, absolvimus, sed hos qui qualibet sorte poenitentiam susceperint, ne ulterius ad militare cingulum redeant religamus. Sacerdotes tamen qui non consentiendo, C neque poenitentia, ausu temerario poenitentiam dederint, neque se exhortatu ejus qui poenitentiam accipit vel manuum indicii, vel quibuslibet aliis evidentibus significationibus invitatum fuisse probaverit, unius anni excommunicationis sententiæ subiacet.

III. Vidimus quosdam, et flevimus ex numero culpatorum receptos, in gratiam principum extorres exstitisse a collegio sacerdotum, quod denotabile malum illa res agit, quia licentia principalis in quo se solvi licentius curat, ibi alios alligat, et quos in suam communionem videtur suscipere, a communione et pace Ecclesiæ videtur separare, ut qui cum illo convalescunt sacerdotum communione sola priventur. Et ideo quia remissio talium, qui contra legem, gentem, vel patriam agunt, per definitiones canonum antiquorum potestate solum regia punitur, cui et peccasse noscuntur ab eis nulla se deinceps abstinebit sacerdotum communio, sed quos regia potestas, aut in gratiam benignitatis receperit, aut participes mensæ suæ effecerit, hos etiam sacerdotum et populorum conventus suscipere in ecclesiasticam communionem debebit, ut quod principalis pietas habet acceptum non a sacerdotibus Dei debet esse extraneum.

IV. Majorum institutionibus ausu temerario contraire, et sanctorum Patrum decreta convellere et superiorum suorum effrenata libidine contra sanctissimam Apostoli doctrinam sanctionibus reniti, quid

aliud est, quam « vinculum societatis Christi » **A** (I Joan. 1, 3) abrumpere, et usurpatæ præsumptionis licentia statum Ecclesiæ dissipare? Prosequente igitur venerabili, et sanctissimo viro, fratre nostro Stephano, Emeritensis sedis episcopo, res nobis novellæ præsumptionis usurpatione sese intulit pertractanda, tanto communi nostro iudicio convellenda, quanto et pravitatis ausu noscitur perpetrata. Dixit enim violentia principali se impulsus fuisse ut in monasterio villulæ, in quo venerabile corpus sanctissimi Pinevii confessoris debito quiescit honore, novam episcopalis honoris ordinationem efficeret, et ideo ex indiscreto et facillimo assensu injustis Vuambæ principis iussionibus parens, novam et injustam illic pontificalis sedis prælectionem induxit, ubi canonica constitutio id fieri omnimoda ratione refellit, prædictus idem vir prostratus humi medicamine nostri præcepti, et sibi dare veniam petit et quod potissimum fieri oporteat de persona ejus qui illic ordinatus fuerat nostri oris sententia decerni possit. Sed quia veraciter, imo communiter noveramus prædictum principem concilio levitatis agentem non solum præcepisse, ut in prædicto loco aliquis episcopus fieret, sed etiam ita cum consuetis obstinationibus desinisset, ut in suburbio Toletano in ecclesiâ Prætorienti sanctorum Petri et Pauli episcopum ordinaret, necnon et in aliis vicis vel villulis similiter faceret. Ideo pro tam insolenti hujusmodi exstirpationis licentia, quod de hac re habent instituta canonum in medium proferri præcepimus. Tunc hæc in ordine constituta perlecta sunt. In primis, ex Epistola Pauli Tito discipulo, ut episcopos per civitates constituere debeat præcepit. Item ex concilio Nicæno, titulo octavo, ubi inter cætera præcipitur ut in civitate una non videantur duo episcopi esse. Item ex concilio Laodicæno, titulo quinquagesimo septimo, ubi dicit: Non oportet in vicis et in villulis episcopos ordinari, et cætera. Item ex concilio Africæ secundo, titulo quinto, ubi Felix episcopus Selseitanus dixit: Etiam si hoc placuit sanctitati vestræ, insinuo ut diœceses quæ nunquam habuerunt episcopos non habeant, diœcesis quæ aliquando habuit, habeat proprium episcopum. Secundum autem hanc prosecutionem sanctitatis vestræ est æstimare. Quod fieri debeat Genedius episcopus dixit: Si placet insinuatio fratris et coepiscopi nostri Felicis, ab omnibus confirmetur. Ab universis episcopis dictum est: Placet. Item ex concilio Africæ III, titulo 42, ubi dicit, ut non accipiat alterum episcopum plebs quæ in diœcesi semper subjacuit. Epigonius episcopus inter cætera sic dixit: Hoc dico non debere rectorem accipere eam plebem quæ in diœcesi semper subjacuit, nec unquam proprium episcopum habuit. Quapropter si universo sanctissimo cœtui placet hoc, quod præfatus sum, confirmetur. Aurelius episcopus dixit: Fratris et consacerdotis nostri prosecutioni non obsisto, sed hoc me fecisse,

et facturum esse profiteor. Item ex concilio Sardicensi ubi inter cætera præcipitur: Licentia passim danda non est. Si enim subito aut vicus aliquis, aut modica civitas, cui satis est unus presbyter, voluerit sibi episcopum ordinari ad hoc ut vilescat nomen episcopi et auctoritas, non debent illi ex alia provincia invitati facere episcopum in quibus antea non fuit. Item de sententia eorum qui hujusmodi ordinationes faciunt, vel de his qui contra hæc instituta canonum ordinantur, ex concilio Tauritano, titulo ubi dicit: Gestorum quoque seriem conscribi placuit ad perpetuam disciplinam quod circa octavum Ursionem Remigium Adrephæ episcopum synodus sancta decrevit, qui in usurpationem quamdam de ordinatione sacerdotum ad invidiam vocabatur, quod ita his videtur indultum, ut de cætero hæc auctoritate. **B** commoniti nihil usurpare conentur, siquidem se ab hac causa tali excusatione defenderint, qua dicerent se non esse prius conventos. Proinde judicavit synodus, ut si quis ex hoc fecerit contra instituta majorum, sciat is, qui ordinatus fuerit, sacerdotis se honore privandum, et ille qui ordinaverit auctoritate se in ordinationibus, vel in conciliis minime retenturum. Non solum autem circa memoratum episcopum hæc sententia prævalebit, sed et circa omnes simili errore deceptos qui ordinationes hujusmodi perpetrarunt. His ergo fortissimis regulis effectum pii operis opposuit, in communi definitione elegimus, ut in loco villulæ supradictæ deinceps sedes episcopalis non remaneat, neque episcopus illic ultra constituendus **C** existat, hic tamen Convildus qui contra majorum decreta illic videtur institutus fuisse episcopus, nullis canonum erit ad condemnationem sui sententiis ulciscendus, quia non ambitione, sed principis impulsione constitit ordinatus. Et ideo hoc illi remedium humilitatis concedimus ut in sedem aliam decedentis ejuslibet **136** episcopi transferatur, et prædictus locus sub monastica deinceps institutione mansurus non episcopali ultra privilegio fretus, nec sub regimine abbatis (sicut hucusque fuit) erit modis omnibus mancipandus. Jam vero de cætero generale ponentes edictum. Si quis contra hæc canonum interdicta venire conatus fuerit, ut in locis illis episcopum eligat fieri ubi episcopus nunquam fuit, anathema sit in conspectu Dei omnipotentis, et insuper tam ordinator quam ordinatus gradus sui ordinis perdat, quia non solum antiquorum Patrum decreta sed apostolica ausus est convellere instituta.

**D** V. Relatum nobis est quosdam de sacerdotibus non tot vicibus communionis sanctæ gratiam sumere quot sacrificia in una die videntur offerre, sed in uno die, si plurima per se Deo offerant sacrificia, in omnibus se oblationibus a communione suspendunt, et in sola tamen extremi sacrificii oblatione communionis sanctæ gratiam sumunt, quasi non sit toties illi vero et singulari sacrificio participandum quoties corporis et sanguinis Domini nostri Jesu Christi immolatio facta constiterit. Nam ecce Apostolus dicit: « Nonne qui edunt hostias, participes



sunt altaris? » (*I Cor. x, 18.*) Certum est quod hi, A qui sacrificantes non edunt, rei sunt Dominicis sacramentis. Quicumque ergo sacerdotum deinceps divino altario sacrificium oblaturus accesserit, et se a communione suspenderit, ab ipsa, qua se indecenter privavit, gratia communionis anno uno repulsum se noverit. Nam quale erit illud sacrificium, cui nec ipse sacrificans particeps esse cognoscitur? Ergo modis omnibus est tenendum ut quotiescunque sacrificans corpus, et sanguinem Jesu Christi Domini nostri in altario immolat, toties perceptionis corporis et sanguinis Christi participem se præbeat.

VI. Illud quoque collatione mutua decernendum nobis occurrit, quod in quibusdam civitatibus, decedentibus episcopis propriis, dum differtur diu B ordinatio successoris, non minima creatur officiorum divinorum offensio, dum tractu terrarum comitantium impeditur celeritas nuntiorum, quo aut non queat regis auribus decedentis præsulis transitus innotesci, aut de successore morientis episcopi libera principis electio præstolari. Nascitur sæpe et nostro ordini de relatione talium difficultas, et regie potestati, dum consultum nostrum pro subrogandis pontificibus sustinet, injuriosa necessitas. Unde placuit omnibus pontificibus Hispaniæ atque Gallæciæ, salvo privilegio uniuscujusque provinciæ, licitum maneat deinceps Toletano pontifici quoscunque regalis potestas elegerit, et jam dicti Toletani pontificis judicium dignos esse probaverit, in quibuslibet provinciis præcedentium sedibus præficere præsules, C et decedentibus episcopis eligere successores; sic tamen ut quisquis ille fuerit ordinatus, post ordinationis suæ tempus infra trium mensium spatium proprii metropolitani præsentiam visurus accedat, qualiter ejus auctoritate vel disciplina instructus condignæ susceptæ sedis gubernacula teneat. Quod si per desidiam, aut neglectum quilibet constituti temporis metas excesserit, quibus nequeat metropolitani sui obtutibus præsentari, excommunicatum se per omnia noverit, excepto si regia jussione impeditum se esse probaverit. Hanc quoque definitionibus formulam sicut de episcopis, ita de cæteris ecclesiarum rectoribus placuit observandum.

VII. Omnis disciplina sic subjectos debet arguere, ut spem veniæ non videatur auferre, nec fruditus D curvationis indicere jugum, sed temperantiæ semper adhibere consultum. Et ideo quia legem illam a domino Vuambano principe edictam, quæ de prodicione est adnotata, hujus principis nostri domini Eringii mansuetudo temperare disposuit, ideo, annuente nobis glorioso, et religiosissimo Eringio, principe nostro, necessarie hoc sanctum concilium definivit, ut hi, qui per superiorem legem testificandi dignitatem perdidierint, recepto testimonio pristinae dignitatis, causas exsequi possint debitæ actionis, æqualiter nobilitatis solidæ titulum reportantes, et quæque de præteritis legitime testificari voluerint, licentiæ obtineant votum, et iudiciis nullis prohi-

bentibus arceantur, hoc videlicet adjicientes ut, si quid in præteritis testificari voluerint, si pro sola hujus rei informatione rejecti sunt, testimonio suo nuper conquirant. Quod in præteritis conquirere potuerant, tamen si illo tempore, quo in præteritis ad testimonium dicendum vocati sunt et supradictæ legis institutionibus reprobat, et aliam criminis notam eos tunc non habuisse patuerit, aut tricennium tunc effluxisse, cum ad testimonium fuerant prolati, hi qui eos reprobaverant, manifeste convicerint.

VIII. Præceptum Domini est ut, excepta causa fornicationis, uxor a viro dimitti non debeat. Et ideo quicumque citra culpam criminis supradicti, uxorem suam quacunque occasione dimiserit, quia quod B Deus junxit ille separare disposuit, tandiu ab ecclesiastica communione privatus, et a cœtu omnium Christianorum maneat alienatus quandiu societatem relictæ conjugis sinceriter amplectatur et foveat, ita tamen ut, qui, jam admoniti a sacerdote semel, bis, terque ut corrigerentur, ad torum suæ conjugis noluerint redire, ipsi se suis meritis et a palatinæ dignitatis officio separabunt, et insuper generosæ dignitatis testimonium quandiu in culpa fuerint amissuri sunt, quia carnem suam dissidii jugulo traderunt.

IX. De Judæorum autem execranda perfidia, discretis titulorum sententiis, deditas noviter a glorioso principe leges vigilantibus sensuum intentione perlegimus, districto etiam gravitatis pondere earum instituta probavimus. Proinde quæ debitæ rationis judicio editæ synodali dignatione probatæ sunt, irrevocabili deinceps iudiciorum ordinæ pro earum excessibus tenebuntur, id est, reges quæ de commemoratione priscarum cæremoniarum Judæorum transgressionibus promulgatæ sunt, atque de novella confirmatione earum. Item de blasphematoribus sanctæ Trinitatis. Item ne Judæi aut se, aut filios suos, vel famulos a baptismi gratia subtrahant. Item ne Judæi more suo celebrent Pascha, vel carnis circumcisiones exerceant, ac ne Christianum quemquam a fide Christi dimoveant. Item ne Judæi Sabbata cæterasque festivitates ritus sui celebrare præsumant. Item ut omnis Judæus diebus Dominicis, et in prænotatis diebus ab opere cesset. D Item ne Judæi more suo dijudicent escas. Item ne Judæi ex propinquitate sui sanguinis connubia ducant, et ut sine benedictione sacerdotis nubere non audeant. Item ne Judæi religioni nostræ insultantes sectam suam defendere audeant, nec a fide refugientes alibi se transducant. Et ne quilibet refugientes eos suscipiat. Item ne Christianus a Judæis quodcumque muneris contra fidem Christi accipiat. Item ne Judæi libros legere audeant, quos Christiana fides repudiat. Item ne Judæis mancipia deserviant, vel adhæreant Christiana. Item si Judeus se Christianum esse testetur, et ob hoc non velit a se rejicere mancipium Christianum. Item professio Judæorum, quomodo unusquisque ad fidem veniens, iudicium

professionis suæ conscribere debeat. Item, conditiones Judæorum quas jurare debeant hi, qui ex eis ad fidem venientes, professiones suas dederint. Item de Christianis mancipiis Judæorum quæ se non prodiderint Christianos sive de publicatoribus eorum. Item ne Judæi a quolibet potestate accepta extra regiam ordinationem Christianum quemque impedire, plectere vel distringere audeant. Item, ut si Judæorum servi, necdum adhuc conversi ad Christi gratiam convolverint libertati donentur. Item, ne Judæi administratorio usu in ordinem villicorum atque actorum Christianam familiam redigere audeant, et de damnis eorum qui talia ordinanda injunxerint. Item Judæus ex aliis provinciis vel territoriis ad regis nostri ditionem pertinentibus veniens episcopo loci, vel sacerdoti se præsentare non differat, ut quid sciat eum in toto observare conveniat. Item, ut concursus Judæorum diebus institutis ad episcopum fieri debeant. Item, ut quicumque Judæum secum assequentem habuerit, expetente sacerdote eum apud se retinere non audeat. Item, ut cura omnis distringendi Judæos solis sacerdotibus debeat. Item, de damnis sacerdotum, vel judicum qui Judæis instituta legum adimplere distulerint. Item, ne iudices quidquid de perfidorum excessibus extra sacerdotum conniventiam judicare præsumant. Item, ut episcopi tunc immunes habeantur a damnis, cum eorum presbyteros ad ea quæ ipsi non correxerint, remiserint corrigenda. Item, de servata principibus miserendi potestate in his qui conversi ad fidem Christi veraciter fuerint. Item, ut episcopi omnes Judæis ad se pertinentibus libellum de suis editum erroribus tradant, et ut professiones eorum, vel conditiones in scriniis ecclesiæ condant. Quarum omnium legum promulgatio gravis sicut synodali judicio comprobata, ita generali omnium nostrorum definitione in eorum erit deinceps excessus exercenda.

X. Pro his qui quolibet metu vel terrore ecclesiam appetunt, consentiente pariter gloriosissimo Domino nostro Eringio rege, hoc sanctum concilium definivit, ut nullus audeat confugientes ad ecclesiam, vel residentes abstrahere, aut quodcumque nocibilitatis vel damni, seu spoliis residentibus in loco sancto inferre, sed esse potius his ipsis qui ecclesiam petunt, per omnia licitum in triginta passus ab ecclesiæ januis progredi. In quibus triginta passibus uniuscujusque ecclesiæ in toto circuitu reverentia defendatur, sic tamen ut hi qui ad eam confugiunt in extraneis vel longe separatis ab ecclesia domibus, nullo modo abscendant, sed in hoc triginta passuum numero absque domorum extranearum receptaculo progredientes aditum obstinebunt, ut ad requisitæ naturæ usum debitæ exeant locis. Et nullo modo teneantur eventu necessitudinis, qui Dominicis se diffidendo commiserint claustris. Si quis autem hoc decretum tentaverit violare, et ecclesiasticæ excommunicationi subiaceat, et severitatis regię feriat sententia, ipsos tamen qui ad Ecclesiam confugium

A fecerint, si juxta priscorum canonum instituta, hi qui eos repetunt sacram reddiderint, et sacerdos ecclesiæ ipsius, ab ecclesia non abstraxerit foribus aut fuga, talium si evenerit sacerdoti querenda est, aut damnorum sententia secundum electionem principis hujusmodi sacerdotibus irroganda.

XI. Præcepta Domini sunt dicentis: « Non facies tibi sculptile, neque omnem similitudinem quæ est in cælo desuper, et quæ in terra deorsum, nec eorum quæ sunt in aquis sub terra, nec adorabis ea, neque coles (*Exod. xx, 4 et 5*). » Item: « Qui immolat diis, occidetur, præterquam Domino soli (*Exod. xxii, 20*). » Item: « Vir aut mulier qui faciunt malum ante conspectum Domini Dei sui, et transgrediuntur pactum illius, ut vadant, et serviant diis alienis, et adorent eos, vel solem et lunam, et omnem militiam cæli, quæ non percepti, et hoc tibi fuerit nuntiatum, audiensque inquisieris diligenter, et verum esse repereris, et abominatio facta est in Israel: educes virum ac mulierem qui rem sceleratissimam perpetraverunt ad portas civitatis, et lapidibus obruentur (*Deut. xvi, 2 et seq.*). » Præcepta Domini hæc non in ultione, sed in terrore delinquentium apponentes non mortis sententiam. promulgamus, sed cultores idolorum, veneratores lapidum, accensores facularum, et excultores fontium admonemus, ut agnoscant quod ipsi spontaneæ se morti subiciunt, qui diabolo sacrificare videntur, mortis enim nomine diabolus appellatur, sicut de eo scriptum est, et erat illi nomen mors. Ac provide omne sacrilegium idololatriæ, vel quidquid illud est contra sanctam **137** fidem, in quo insipientes homines captivati diabolicis culturis inserviunt, sacerdotis vel judicis instantia inventum ut sacrilegia eradicantur, et exterminata truncentur. Eos vero qui ad talem errorem accurrunt, et verberibus coerceant, et onustos ferro dominis suis tradant, si tamen domini eorum per jujusandum attestationem promittant se eos tam sollicitè custodire, ut ultra eis non liceat tale nefas committere. Quod si domini eorum nolint hujusmodi reos in fide sua suscipere, tunc ab eis a quibus coerciti sunt regis aspectibus præsententur, ut princeps auctoritatem ac liberam de talibus dominandi potestatem obtineat. Domini tamen eorum qui nuntiatos sibi talium servorum errores ulcisci noluerunt, et excommunicationis sententiam preferant, et jura servi illius quem coercere noluerunt, se amisisse cognoscant. Quod si ingenuorum personæ his erroribus fuerint implicatæ, et perpetua excommunicationis sententia feriantur, et arctiori exilio ulciscantur.

XII. Placuit huic sancto concilio, ut juxta priorum episcoporum singularium provinciarum canonum instituta annis singulis in unaquaque provincia Kalendis Novembris concilium celebraturi conveniant, quisquis autem in prædictis Kalendis Novembris pro celebratione synodi venire distulerit, excommunicationi debite subiacebit.

XIII. Premissis his omnibus synodalibus gestis



quæ honesto decretorum sine complevimus perpetuum his robur per manuumstrarum subscriptionem annectimus, dantes pro his gloriam et honorem immortalis Deo et Domino nostro, quo inspirante, et determinationis nostræ sententia viguit, et probitas causarum honesto se sine complevit. Unde sanctæ Trinitatis poscimus inenarrabile nomen et gloriosam ineffabilis potentie majestatem, ut det amatori Christi serenissimo Domino nostro atque amantissimo Eringio principi, cujus jussu ad hunc meruimus advocari adventum, imperare clementer, regnare feliciter, habere de clementia fructum, obtinere Dei justitia præmium, de pietate tropæum, quo et hic invictus victor hostium semper appareat et post diuturna hujus sæculi curricula ad regnum æternum cum suis omnibus coronandus perveniat, præstante Deo et Salvatore Jesu Christo Domino, qui cum Patre et Spiritu sancto in Trinitate vivit et regnat Deus in sæcula sæculorum. Amen.

Confirmatum est hoc sanctum concilium, die octava Kalendarum Februariarum anno feliciter primo serenissimi domini nostri Eringii regis, æra DCCXVIII.

*Subscriptio episcoporum.*

Julianus Dei gratia Spalensis ecclesiæ sedis episcopus hæc synodica instituta a nobis edita subscripsi. Ego Julius indignus urbis regie Toletanæ sedis episcopus hæc synodica a nobis instituta subscripsi. Ego Liuba indignus Braccarensis sedis episcopus hæc synodica a nobis instituta edita subscripsi. Ego Stephanus sanctæ Emeritinensis ecclesiæ episcopus hæc synodica a nobis instituta edita subscripsi. Affalius Dei miseratione Avelensis ecclesiæ episcopus hæc synodica a nobis instituta edita subscripsi. In Christi nomine Leander Illicitanæ et Iotanæ episcopus hæc synodica a nobis instituta edita subscripsi. In Christi nomine Palinatius Urcitanæ ecclesiæ episcopus, hæc synodica instituta a nobis subscripsi. Concordius Palatinæ sedis episcopus, similiter subscripsi. Riccila Illicitanæ ecclesiæ episcopus similiter sub. Sinpernus Erpavensis episcopus, similiter sub. Sparendeo Talicensis episcopus sedis, similiter sub. Geta Elipensis ecclesiæ episcopus, similiter sub. Memorius Ego binensis ecclesiæ episcopus, similiter sub. Tructimundus Elborensis episcopus sub. Isidorus Sitalensis episcopus, similiter sub. Gendentius Valevensis episcopus, similiter sub. Deodatus Segoniensis episcopus, similiter sub. Gentinus Tudensis episcopus subscripsi. Eroarius Portucaliensis episcopus, similiter sub. Felix Irriensis ecclesiæ episcopus, similiter sub.

**A** Antonius Bastinæ ecclesiæ episcopus, similiter sub. Proculus Jugastrensis ecclesiæ episcopus, similiter sub. Atala Cauriensis ecclesiæ episcopus, similiter sub. Separatus Vesensis ecclesiæ episcopus, similiter sub. Providentius Salamanticensis ecclesiæ episcopus, similiter sub. Argibado Eliberitanæ episcopus ecclesiæ, similiter sub. Sisebado Ducitæ ecclesiæ sedis episcopus, sub. Ellasegotiensis episcopus, similiter sub. Sebarianus Noxiensis episcopus, similiter sub. Joannes Pacensis episcopus, similiter sub. Teudolphus Astigitanæ episcopus sub. Samuel, Gundolphus, Euphrasius, Terdoratus, Baleradus abbas subscripserunt. Annibonius presbyter tenens vicem domini nostri Subdemi ecclesiæ Complutensis episcopi sub. Sesulphus hæc instituta quibus interfui annuens sub. Raccaredus, similiter sub. Vuitiza, similiter sub. Vuimars, similiter subscripsi. Theuditendila, similiter subscripsi. Ostulphus, similiter sub. Salimurius, similiter sub. Theudefridus, similiter sub. Hildigisus, similiter sub. Vitulus, similiter sub. Edila, similiter sub. Adeluibus, similiter sub. Attulphus, similiter subscripsi.

**B** Quibus omnibus synodalibus gestis, decretis atque pactis, et debitam reverentiam honoris impendimus, et patulum auctoritatis nostræ vigorem his innectere properamus. Ideoque præmissas has constitutiones synodicas a præsentis die vel tempore, id est ab octavo Kalend. Februarii, anno primo regni nostri nullus audeat contemnere, nullus etiam præterire, nemo earundem constitutionum audeat jura convellere, nullus temerator hæc decreta subvertere. **C** Nemo illicitator vel contemptor vigorem his institutionibus subtrahat, sed generaliter per cunctas regni nostri provincias hæc canonum instituta nostræ gloriæ temporibus acta, et auctoritatis debite fastigio præpollerunt, et inviolabili tenore judiciorum habebuntur. Si quis autem hæc instituta contemnat, contemptorum se noverit damnari sententia, id est, ut juxta voluntatem nostræ gloriæ, et excommunicatus a cœtu nostro resiliat, et insuper partem decimam facultatis suæ fisci partibus sociandam amittat; quod si nihil habuerit facultatis unde prædictam compositionem exsolvere possit, absque alia infamia sui quinquaginta oportebit cum ictibus verberari, ut semper infamis permaneat. **D** Editæ lex in confirmatione concilii Toletani, sub die octava Kalend. Februarii, anno feliciter primo regni gloriæ nostræ. In nomine Domini, Flavio Eringius rex hoc legis nostræ edictum in confirmatione hujus concilii promulgatum subscripsi.

## INCIPIT CONCILIUM TOLETANUM DECIMUM TERTIUM

*Actum Æra DCCXXI, anno quarto Eringii regis.*

Illibatæ charitatis instinctu alternis visionum obtutibus redditus et in unum cœtum factore Deo pariter aggregati in ecclesia, videlicet sanctorum apostolo-

rum Petri et Pauli, anno regni 4 serenissimi Eringii principis, sub die secunda Nonas Novembris, æra DCCXXI, cum unusquisque nostrum debitis locare-

tur in sedibus, adfuit idem princeps pleno fidei ardore subnixus, et humilitatis gratia decoratus, qui synodo deliberationis suæ vota commendans, ut pro se Deum instantissime deprecaretur exostulans, hoc præsertim est allocutus sufficienti exhortatione concilium, ut ecclesiasticæ disciplinæ quæ congruunt et corrigendis moribus quæ conveniunt tractus nostri evidentia sancirentur. Deinde religiosis votis suæ clementiæ, quibus subveniendum miseris definivit, synodali conventu confirmanda commisit, offerens videlicet sacris pontificibus tomum, obsecrans pariter, et contestans, ut quidquid illic venustioris esset calami respersione congestum, synodalis potentiae conderetur ordine titulorum. Tunc nos pro suscepto a principe tomo gloriam dedimus Deo, et eidem principi benediximus glorioso. Idem tamen princeps postquam votorum suorum actionem peregit, a conventu concilii gratiosus exivit. Tunc post præsentis principalis abscessum, hoc in tomi ipsius allegatione reperimus exaratum.

In nomine Domini Flavius Eringius rex, sanctissimis Patribus in hac sancta synodo residentibus. Ecce, sanctissimi religiosa pietate excolendi pontifices et divini cultus instantissimi sectatores, coram cœtus vestri reverentia humilis devotusque proster-nor. Reclivis assisto, promptus astipulor, primum de conventus vestri aggregatione Patri luminum gratiarum copiam solvens, deinde votorum meorum studia vestris judiciis dirimenda committens. Nec enim fas est quemquam, etiam si bonum sit opus, sine collegio agere, cum multa tamen permisit Deus bona cum concilio bonorum egisse, unde ut brevi exhortatione perorem, vota mea quibus remedia pietatum exercere delector sensibus paternitatis vestræ agnoscenda innuo. Quæ tamen ne oblivione quadam memoriam fugiant, et relationi propriæ curarum intercapedo subducat, in hujus tomi complicatione accipite annotata. Illud primum volenti mihi miseris parcere, convenit intimare, quod divolsam per tyrannidem nostri corporis partem in societatis nostræ gremium conamur reducere. Etenim retroactis divæ memoriæ præcessoris nostri Uambæ regis temporibus, quæ in profanatoribus patriæ, qui cum Paulo quondam tyrannidem assumpserunt, illata est sententia ultionum, qui per iudicii universalis edictum amiserunt testimonium, rebusque propriis caruerunt, quæ cuncta vestræ sanctitudini nota sunt, quos tamen et in collegio societatis nostræ recipere, et rebus quibus fas fuerit devovimus devestire. Nam et de accusatis modum volumus ponere justissimæ perquisitionis, quo sive de religiosis, sive de laicis quisque accusationes cujusquam studio fuerit propulsatus non occultis fraudibus, vel violentiis comprimatur, nec clam professione violenter arceatur, sed in communi omnium examine judicetur, quo, secundum publicæ professionis suæ tenorem, aut offensibilis debitas damnationis pœnas excipiat, aut innocens ex iudicio omnium comprobatus clarescat. Nam quid jam de tributorum fiscalium exactionibus

A referam, quorum redhibitiones tantis debitorum cumulis increverunt, ut si exigi penitus jubeantur et status subruatur funditus populorum, et fragmine collisionis eorum ultimum terræ sentiant propriæ prolapsionis excidium? Unde talibus non solum privatis, sed etiam fiscalibus servis remedia pietatis præoptans nostra gloria affluenter impendere, ut omnes tributorum exactiones quæ apud illos de retroactis temporibus adjacent, usque ad primum annum mansuetudo nostra illis remittendas laxavit, et stylo propriæ auctoritatis sacro sancto cœlui nostro relegendas elegit. Illud quoque adjiciens loquar quod votis nostris horribile et animis execrabile est semper. Ignobilitatis conditio libertorum vel servorum, et adæquata gentis nostræ statum degenerat, ob quam rem hoc nostræ gloriæ animis placet, ut exceptis fiscalibus servis vel libertis, abrasa deinceps hujus malæ præsumptionis licentia, nullus qui ex servitute quorumlibet servus sit vel libertus ad palatina officia transeat. Quod si fecerit illic servitutum procul dubio recludendum se noverit, ex quo aut conditionis propriæ originem sumpsit, aut libertatis titulum reportavit. His votorum meorum insinuationibus allegatis, quæso ut fortia paternitatis vestræ adjutoria prærogetis. Luce enim clarius constat, quod aggregatio sacrosancta pontificum quidquid censuerit observandum per sancti Spiritus donum omnino est ad æternitatem præfixum. Et ideo universitatem paternitatis vestræ atque **138** sublimium virorum nobilitatem, qui ex aulæ regalis officio in hac sancta synodo nobiscum sessuri præelecti sunt; obtestor pariter et conjuro atque per ineffabile illud sacramentum convenio, ut quisquis in medio vestri se judicandum vel retractandum invexerit, tam quæ per nos dicta, quam etiam cætera quæ vestris auditibus se ingesserint audienda communi vigore justitiæ et temperamento misericordiæ dirimere procuretis, quo cum omni reverentia patrum præcedentium regulis subditi totius unanimiatis vestræ sententia non aliunde quam ex veritatis fonte procedat. Sicque et his quæ præmissa sunt solidum deliberationis styllum promptissime apponatis, et reliqua adhuc quæ necessaria sunt in peragendis ecclesiasticæ regulæ disciplinis et dirimenda tractetis, et dirempta religiosioribus diligenter conscribatis, qualiter dum doctrinam dispergitis salutarem in populis, Christum Dominum in cumulando justitiæ fructu capiat, ut vobis prædicantibus et implentibus, et quæ divinis oculis complacent, et quæ nobis proficiant semper agere valeamus. Sit utrisque parentibus in hoc sæculo, de lucro animarum ineffabile gaudium, et in futuro de perventione æternitatis præmium inconvulsum. Datum sub die quinto Nonas Novembris, anno feliciter quarto regni gloriæ nostræ in Dei nomine, Toletæ. Perlecto ergo coram cunctis Tomi necessariæ institutionis exorsu, prius de fide sanctæ Trinitatis sermocinationis nostræ cœpit esse principium, profitentes pariter et credentes ea quæ de hac sancta Trinitate et Evangelia tradunt, et apostolorum sanctiones insti-



tuunt, sicut Nicæna synodus hoc pietatis sacramentum exposuit, sicut Constantinopolitana definitio sanxit, vel primi Ephesini cœtus atque Chalcedonensis evidens doctrina constituit, juxta quod etiam sacrosancti symboli elucubrata professio claret, quæ in missarum solemnitatibus patula cunctorum acclamatur fidelium voce.

*Fides Nicæni concilii.*

Credimus in unum Deum Patrem omnipotentem factorem cœli et terræ, visibilium omnium et invisibilium conditorem; et in unum Dominum Jesum Christum Filium Dei unigenitum, ex Patre natum ante omnia sæcula, Deum ex Deo, lumen ex lumine, Deum verum ex Deo vero, natum, non factum, omousion Patri, hoc est ejusdem cum Patre substantiæ, per quem omnia facta sunt, quæ in cœlo et quæ in terra; qui propter nos et propter nostram salutem descendit, et incarnatus est de Spiritu sancto ex Maria virgine; homo factus, passus est sub

A Pontio Pilatio, sepultus, tertia die resurrexit. Ascendit in cœlos, sedet ad dexteram Patris, iterum venturus in gloria judicare vivos et mortuos. Cujus regni non erit finis. Credimus in Spiritum sanctum Dominum et vivificatorem, ex Patre et Filio procedentem, cum Patre adorandum et glorificandum, qui locutus est per prophetas. Unam catholicam atque apostolicam Ecclesiam. Confiteor unum baptismam in remissionem peccatorum; expectamus resurrectionem mortuorum, et vitam venturi sæculi. Amen.

Post hujus sanctæ fidei dispositam scripturam, quasi super solidissimam petram cæterorum sequentium construximus fabricam, ut firmitate inconvulsibili durent, quæ super fundamentum veræ fidei fuerint perenne constructa. Unde et has omnium in commune sententias quas principis hortatu construendas accepimus communi voto edidimus, quas etiam æterno reverentiæ vigore observandas fore censimus.

## INCIPIT CONCILIUM BRACCARENSE PRIMUM.

*Æra DLXIX, anno tertio Ariamiri regis, Kalendis Maii.*

Anno tertio Ariamiri regis Kalendis Maii, cum Galliciæ provinciæ episcopi Lucretius, Andreas, Martinus, Cottus, Hildericus, Lucetius, Timotheus, Maliosus ex præceptis præfati gloriosissimi Ariamiri regis in metropolitana ejusdem provinciæ ecclesia convenissent, considentibus simul episcopis, presentibusque presbyteris, assistantibusque ministris, vel universo clero, Lucretius memoratæ metropolitanæ ecclesiæ episcopus dixit: Diu est, sanctissimi fratres, quod secundum instituta venerabilium canonum et decreta catholicæ et apostolicæ disciplinæ desiderabamus sacerdotalem inter nos fieri debere conventum, quia non solum ecclesiasticis regulis et ordinibus opportunam, sed stabilem etiam semper efficit charitatis fraternæ concordiam, dum congregati simul in nomine Domini sacerdotes ea inter se salutari collatione requirunt, quæ secundum doctrinam apostolicam unitatem spiritus in vinculo pacis obtineant. Nunc ergo, quoniam optatum nobis hujus congregationis diem gloriosissimus atque piissimus filius noster aspirante sibi Domino utiliter commendavit, prius de statu fidei (sicut superius dictum est) conferamus. Nam, licet jam olim Priscillianæ hæresis contagio in Hispaniarum provinciis detecta sit et damnata, ne quis tamen per ignorantiam, aut aliquibus (ut assolet) scripturis deceptus apocryphis aliqua adhuc ipsius erroris pestilentia sit infectus, manifestius ignaris hominibus declaretur qui ipsi in extremitate et in ultimis hujus provinciæ finibus constituti aut exiguum aut pene nullam rectæ eruditionis notitiam contigerunt. Credo autem vestræ beatitudinis fraternitatem nosse, quia eo tempore quando in regionibus nefandissimæ Priscillianæ sectæ venena serpebant, beatissimus papa urbis

Romæ Leo, qui quadragesimus fere apostoli Petri successor exstitit, per Turpium notarium sedis suæ ad synodum Galliciæ contra impiam Priscillianæ hæresis sectam scripta sua direxit. Cujus etiam præcepta Tarraconenses et Carthaginenses episcopi, Lusitani quoque et Beticæ, facto inter se concilio, regulam fidei contra Priscillianam hæresim cum aliquibus capitulis conscribentes, ad Baleonium tunc hujus Braccarensis ecclesiæ præsulem direxerunt; unde et quia ipsum præscriptæ fidei exemplar cum suis capitulis præ manibus hic habemus, pro instructione ignorantium (si vestræ placet reverentiæ) recitetur. Omnes episcopi dixerunt: Valde necessaria horum capitulorum est lectio, ut dum simplicioribus quibusque pristina sanctorum instituta panduntur, abominata jam olim a sede beatissimi Petri apostoli, et damnata Priscillianæ hæresis figmenta cognoscantur. Lectum est exemplar fidei, cum capitulis suis, quæ ne prolixitatem facerent his gestis minime sunt inserta. Post lectionem capitulorum licet lectio necessaria recensita est, tamen evidentius et simplicius ea quæ sunt execrabilia ita positæ etiam capitulis modo declarentur: ut qui minus est eruditus intelligat, et sic anathematis sententia explosa jam Priscillianiani erroris figmenta damnentur; ut quisquis clericus, vel monachus, sive laicus, tale aliquid sentire adhuc, vel defendere fuerit deprehensus, tanquam vere putridum membrum continuo de corpore abscindatur catholicæ Ecclesiæ, ne aut societatis sive pravitatis ejus macula a recte credentibus de permistione talium aliquid orthodoxis reputetur opprobrium. Proposita contra Priscillianam hæresim capita, et relecta continent hæc:

I. Si quis Patrem et Filium et Spiritum sanctum non

confitetur tres personas unius substantiæ et virtutis ac potestatis sicut catholica et apostolica Ecclesia docet, sed unam tantum ac solitariam dicit esse personam, ita ut ipse sit Pater qui Filius, etiam sit Paracletus Spiritus, sicut Sabellius et Priscillianus dixerunt, anathema sit.

II. Si quis extra sanctam Trinitatem mala nescio quæ divinitatis nomina introducit, dicens, quod ipsa divinitas sit trinitas, sicut Gnostici et Priscillianus dixerunt, anathema sit.

III. Si quis dicit Filium Dei Dominum nostrum antequam ex virgine nasceretur non fuisse, sicut Paulus Samosatenus et Photinus et Priscillianus dixerunt, anathema sit.

IV. Si quis natale Christi secundum carnem non vere honorat, sed honorare simulat se, jejunans in eodem die vel in Dominico, quia Christum in hominis natura esse non credit, sicut Cerdon, Marcion, Manichæus et Priscillianus dixerunt, anathema sit.

V. Si quis animas humanas, vel angelos ex Dei credit substantia existisse, sicut Manichæus et Priscillianus dixerunt, anathema sit.

VI. Si quis animas humanas dicit prius in cœlesti habitatione peccasse, et pro hoc in corpora humana in terram dejectas, sicut Priscillianus dixit, anathema sit.

VII. Si quis dicit diabolum non fuisse prius angelum bonum a Deo factum, nec Dei opificium fuisse naturam ejus, sed dicit eum ex tenebris emersisse, non aliquem sui habere auctorem, sed ipsum esse principium absque substantia mala, sicut Manichæus et Priscillianus dixerunt, anathema sit.

VIII. Si quis credit quod aliquas immundas creaturas diabolus fecerit, et tonitrua, et fulgura, et tempestates, et siccitates ipse diabolus sua auctoritate facit, sicut Priscillianus dixit, anathema sit.

IX. Si quis animas et corpora humana fatali signo credit astringi, sicut Paganus et Priscillianus dixerunt, anathema sit.

X. Si quis duodecim signa, id est sidera quæ mathematici observare solent per singula animæ vel corporis membra disposita credunt, et nominibus patriarcharum ascripta dicunt, sicut Priscillianus dixit, anathema sit.

XI. Si quis conjugia humana damnat, et procreationem nascentium perhorrescit, sicut Manichæus et Priscillianus dixerunt, anathema sit.

XII. Si quis plasmationem humani corporis diaboli dicit figmentum esse, et conceptiones in utero matrum operibus dicit demonum fieri, propter quod resurrectionem carnis non credit, sicut Manichæus et Priscillianus dixerunt, anathema sit.

XIII. Si quis dicit creationem universæ carnis non opificium esse Dei, sed malorum angelorum, sicut Manichæus et Priscillianus dixerunt, anathema sit.

XIV. Si quis immundos putat cibos carniū quas Deus in usu hominum dedit, et non propter afflictionem sui corporis, sed quia immunditiam putaverit,

ita abstineat ab eis, ut nec olera cocta cum carnibus pergustet, sicut Manichæus et Priscillianus docuerunt, anathema sit.

XV. Si quis clericorum præter matrem aut germanam vel etiam quæ proxima consanguinitate junguntur, alias aliquas quasi adoptivas feminas secum retinent, et cum ipsis habitant, sicut Priscilliani secta docuit, anathema sit.

XVI. Si quis quinta feria paschan, quæ vocatur cœna Domini, hora legitima post nonam jejunos in ecclesiis missas non tenet, sed secundum sectam Priscilliani festivitatem ipsius ab hora tertia per missas defunctorum soluto jejuniū colit, anathema sit.

**139** XVII. Si quis scripturas, quas Priscillianus secundum suum depravavit errorem, vel tractatus Dictinii, quos ipse Dictinius antequam converteretur scripsit, vel scripta quæ sub nomine patriarcharum, prophetarum et apostolorum et suo errori consona confinxit, legit, et impia eorum figmenta sequitur aut defendit, anathema sit.

XVIII. Propositis his capitulis et relectis Lucretius episcopus dixit : Quoniam etiam ea quæ a catholicis abominata sunt et damnata manifestius et apertius etiam ignorantibus declarata sunt, necessarium post hoc arbitror si vestræ fraternitati videtur, ut instituta nobis sanctorum Patrum recensitis antiquis canonibus innotescant, quæ etsi non omnia certe vel pauca, quæ ad instructionem clericalis disciplinæ pertinent, relegantur. Omnes episcopi dixerunt : Placet hoc edictum et congrua res est, ut quibus fortasse et per incuriam abolita sunt ecclesiastica constituta, audiant sanctorum canonum regulam et observent. Relectis ex codice coram concilio tam generalium synodorum canonibus quam localium; post quorum lectionem Lucretius episcopus dixit : Ecce ex ipsa canonum lectione cognoscat sancta fraternitas vestra, non solum generalibus conciliis, sed et in localibus congregatos simul sacerdotes uno consensu ea quæ ecclesiastico conveniebant ordini statuuisse, et secundum quod uniuscujusque rei expetebat ratio prospexisse, sequentes sententiam doctrinæ apostolicæ dicentis : Probate quæ bona sunt et tenete. Si ergo placet charitati vestræ, quia sunt aliqua ecclesiasticæ institutionis obsequia, quæ in hujus præsertim extremitate provinciæ non per contentionem, quod absit, sed magis (sicut præfati sumus) fiunt per incuriam aut per ignorantiam, constituamus quædam inter nos capitula, ut quæ non uno modo tenentur a nobis ad unam omnino formulam revocentur? Omnes episcopi dixerunt : Necessarium et valde utile arbitramur, ut ea quæ apud unumquemque nostrum varia et inordinata consuetudine retinentur, unito inter nos Dei gratia et concordi celebrentur officio. Et idcirco si quid illud est magnum vel parvum quod variari videmus, ad unam (sicut dictum est) formulam præfixis rationaliter capitulis revocetur, præcipue cum et de certis quibusdam causis instructionem apud nos Sedis apo-



stolicæ habeamus, quæ ad interrogationes suas quondam venerandæ memoriæ præcessoris tui prudentia Profuturi ab ipsa beatissimi Petri accepit cathedra. Lucretius episcopus dixit: Recte fraternitas vestra auctoritatem Sedis apostolicæ recordata est, quæ licet eodem tempore innotuerit quo directæ est, tamen pro firmitate testimonii et instructione multorum (si vestræ unanimitati complacet) quia præ manibus est, coram omnibus legatur. Omnes episcopi dixerunt: Justum est ut quia mentio ipsius auctoritatis est habita, quæ est ejus doctrina a circumstantibus audiatur. Relecta est auctoritas Sedis apostolicæ ad quemdam Profuturum directæ episcopum, quæ propter prolixitatem his gestis minime est inserta; post cujus lectionem Lucretius episcopus dixit: Manifestius patet apostolicam nobis opitulari doctrinam, et ideo sicut fraternitas vestra prædixit, si quid per ignorantiam apud quosdam variatur, ad unam formulam concordie regula præscriptis inter nos capitulis astringatur. Proposita sunt capitula quæ continent hæc.

XIX. Placuit omnibus communi consensu, ut unus atque idem psallendi ordo in matutinis, vel vespertinis officiis teneatur, et non diversæ ac privatæ monasteriorum consuetudines contra ecclesiasticas regulas sint permixtæ.

XX. Item placuit, ut per solemniū dierum vigiliis vel missas omnes easdem et non diversas lectiones in ecclesia legantur.

XXI. Item placuit ut non aliter episcopi et aliter presbyteri populum, sed uno modo salutent dicentes: *Dominus sit vobiscum*, sicut in libro Ruth legitur; et ut respondeatur a populo: *Et cum spiritu tuo*, sicut et ab ipsis apostolis traditum omnis retinet Oriens, et non sicut Priscillianæ hæresis permutavit.

XXII. Item placuit ut eodem ordine missæ celebrantur ab omnibus quo Profuturus quondam hujus metropolitane ecclesiæ episcopus ab ipsa apostolicæ Sedis auctoritate suscepit scriptum.

XXIII. Item placuit ut nullus eum baptizandi ordinem prætermittat, quem et antea tenuit metropolitana Braccarensis ecclesia, et pro amputanda aliquorum dubietate prædictus Profuturus episcopus scriptum sibi et directum a Sede beatissimi Petri apostoli suscepit.

XXIV. Item placuit, ut conservato metropolitani episcopi primatu cæteri episcoporum secundum suæ ordinationis tempus alius alio sedendi deferat locum.

XXV. Item placuit, de rebus ecclesiasticis tres æquæ fiant portiones; id est, una episcopi, alia clericorum, tertia in reparatione vel in luminaribus ecclesiæ. De quarta parte sive archipresbyter, sive archidiaconus illam administrans episcopo faciat rationem.

XXVI. Item placuit, ut nullus episcopus clericum alterius ordinare præsumat, sicut et antiqui canones vetuerunt, nisi forte signata ipsius scripta suscepit.

XXVII. Item placuit, quia in aliquantis hujus provincie ecclesiis diacones absconsis infra tunicam

utuntur orariis, ita ut nihil differre a subdiacono videantur, ut de cætero superpositis scapulis, sicut decet, utantur orariis.

XXVIII. Item placuit ut non liceat cuilibet ex lectoribus sacra altaris vasa portare, nec aliis nisi his qui ab episcopo subdiaconi fuerint ordinati.

XXIX. Item placuit ut lectores in ecclesia in habitu sæculari ordinati non psallant, neque granos gentili ritu dimittant.

XXX. Item placuit, ut Veteris Testamenti nihil poetice compositum in ecclesia psallatur, sicut et sancti præcipiunt canones.

XXXI. Item placuit, ut ingredi ad communicandum non liceat sacrarium laicis viris, vel mulieribus, nisi tantum clericis, sicut et antiquis canonibus institutum est.

XXXII. Item placuit, ut quicumque in clero cibo carniū non utuntur, pro amputanda suspicione Priscillianæ hæresis, vel olera cocta carniibus tamen prægustare cogantur. Quod si contempserint, secundum quod de talibus sancti Patres antiquitus statuerunt, necesse est, pro suspitione hæresis, hujus officio excommunicatos omnimodo removeri.

XXXIII. Item placuit, ut qui pro hæresi aut pro crimine aliquo excommunicantur, nullus eis communicare præsumat, sicut et antiqua canonum continent statuta; quod si quis spernit, voluntarie se ipsum alienum a communione facit.

XXXIV. Item placuit, ut hi qui sibi ipsis, aut per ferrum, aut per venenum, aut per præcipitium, aut suspendium, aut quolibet modo violentiæ inferunt mortem, nulla pro illis in oblatione commemoratio fiat, neque cum psalmis ad sepulturam eorum cadavera deducantur, multi enim sibi hoc per ignorantiam usurpant. Similiter et de his placuit fieri qui pro suis sceleribus puniuntur.

XXXV. Item placuit, ut catechumenis sine redemptione baptismi defunctis similis modo non oblationis commemoratio, neque psallendi impendatur officium, nam et hoc per ignorantiam usurpatum est.

XXXVI. Item placuit ut corpora defunctorum nullo modo basilicam sanctorum sepeliantur, sed si necesse est, de foris circa murum basilicæ usque adeo non abhorreat. Nam si firmissimum hoc privilegium usque nunc retinent civitates, ut res nullo modo intra ambitum murorum cujuslibet defuncti corpus sit humatum, quanto magis hoc venerabilium martyrum debet reverentia obtinere?

XXXVII. Item placuit, ut si quis presbyter post hoc interdictum ausus fuerit chrisma benedicere, aut ecclesiam, aut altarium consecrare, a suo officio deponatur. Nam et antiqui canones hoc vetuerunt.

XXXVIII. Item placuit, ut ex laico ad gradum sacerdotii nemo veniat, nisi prius anno integro in officio lectorum, vel diaconatus disciplinam ecclesiasticam discat, et sic per singulos gradus eruditus ad sacerdotium veniat; nam satis reprehensibile est, ut qui nondum didicit, jam docere præsumat, dum et antiquis hoc Patrum institutionibus interdictum sit.

XXXIX. Item placuit, ut si quid ex collatione fidelium, aut per festivitates martyrum, aut per commemorationem defunctorum offertur, apud unum clericorum fideliter colligatur, et constituto tempore, aut semel, aut bis in anno inter omnes clericos dividatur; nam non modice ex ipsa inæqualitate discordiæ generantur, sic unusquisque in sua septimana quod oblatum fuerit sibi dependat.

XL. Item placuit, ut præcepta antiquorum canonum (quomodo in concilio recitata sunt) nullus audeat præterire; si quis autem contumax transgreditur ista, necesse est ut de suo degradetur officio. Relectis capitulis Lucretius episcopus dixit: Quia opitulante Domino nobis ea quæ infirmitatem catholicæ et orthodoxæ fidei, vel quæ ad officium ordinis ecclesiastici pertinebant unanimi (sicut oportebat) collatione decrevimus; restat nunc, ut ex omnibus his quæ Dei gratia salubriter instituta sunt propriam unusquisque nostrum studeat docere atque informare diocesim. Si quis autem ex nobis in parochiis suis post agnita hujus concilii instituta, aut clericum,

A aut monachum sanæ huic doctrinæ resistantem invenerit, aut in aliquo adhuc Priscillianæ sectæ errore latitare persenserit, et non continuo illum excommunicatum et anathematizatum de ecclesia ejecerit foras (ita ut cum hujusmodi homine, nec cibum aliquis fidelis sumere, nec communicare præsumat), noverit se is, qui talem receperit, fraternæ esse excommunicationi obnoxium, et divinæ procul dubio sententiæ reum. Omnes episcopi dixerunt: Quæcunque a nobis unito per Dei gratiam consensu decreta sunt, pervigili necesse est sollicitudine observentur. Quæ ut stabilitatem placitæ constitutionis obtineant firmitatem, propria unusquisque his gestis manu subscribat. Et post episcoporum subscriptio subsecuta est. Lucretius episcopus subscripsi. Andreas episcopus subscripsi. Martius episcopus subscripsi. Cottus episcopus subscripsi. Hildericus episcopus subscripsi. Lucentius episcopus subscripsi. Theodorus episcopus subscripsi. Maliosus episcopus subscripsi.

## 140 INCIPIT CONCILIUM BRACCARENSE SECUNDUM.

Regnante Domino nostro Jesu Christo currente æra DCX, anno secundo regis Ariamiri, die decimo octavo Kalendarum Januariarum, cum Galliciæ provincie episcopi tam ex Braccarensi quam ex Lucensi synodo cum suis metropolitans præcepto præfati gloriosissimi regis simul in metropolitana Braccarensi ecclesia convenissent, id est, Martinus, Nitigis, Remisol, Andreas, Lucentius, Adoriens, Vectimer, Sardinarius, Viator, Avila, Polemus, Mailoc, considentibus simul episcopis, atque universo clero præsentē, Martinus Braccarense ecclesiæ episcopus dixit: Inspiratione hoc Dei credam provenisse, sanctissimi Patres, ut per ordinationem gloriosissimi filii nostri regis ex utroque concilio conveniremus in unum, ut non solum de visione alterutra gratulareremur, sed etiam ea quæ ad ordinationem et disciplinam ecclesiasticam pertinent, pariter colloquamur. Scriptum est enim in Evangelio, dicente Domino: « Ubique fuerint duo vel tres in nomine meo congregati, ibi ero in medio eorum (Matth. XVIII, 20). » Nitigis Lucensis ecclesiæ episcopus dixit: Nec aliud potest credi, nisi ea quæ ad utilitatem nostrarum pertinent animarum divina inspiratione et inchoari et perfici oportere.

Et ideo unanimis atque idipsum in Domino sentientes, quæcunque ad instructionem nostram pertinent, in medium prolata desideramus agnoscere. Martinus episcopus dixit: Arbitramur vestram beatitudinem recordari quia cum primum in ecclesia Braccarensi episcoporum concilium congregatum est, post multa quæ ad concordiam fidei fuerant robodata, aliqua etiam quæ regularum sanctorum cano-

rum continent discretionem firmavimus. Quorum utilitas ut possit evidentius in memoriam revocari, ipsa, si vobis placet, epistola vestra in præsentia relegatur. Omnes episcopi dixerunt: Oportet omnimode ut in omnium auribus qui hic assistunt recitetur. Recitatis ergo capitulis superioris concilii, quæ ne prolixitatem facerent his gestis sunt inserta, Martinus episcopus dixit: Hæc ergo quæ modo sunt recitata quæ nobis tunc aut varia, aut dubia, aut inordinata sunt visa, auxiliante Deo, ordinentur, et suam immobiliter obtineant firmitatem; quæ autem tunc in memoriam non venerunt aut onerosum fuit in illo primo concilio multa similiter ingerere, necessarium videtur, modo ad notitiam sanctæ charitatis deferri, eis specialiter prospectis, ut spiritali ventilata examine purgentur; sancti enim Patres præcessores nostri, aut generales synodos undique colligi pro unitate rectæ fidei fecerunt: sicut in Nicæa contra Arium trecenti decem et octo, et in Constantinopoli centum quinquaginta contra Macedonium, et in Epheso contra Nestorium ducenti, et in Chalcedona Eutichetem sexcenti triginta, aut certe speciales synodos per suas unusquisque provincias pro resecandis contentionibus, vel emendandis aliquorum negligentis collegerunt; et prout eventus culparum aut qualiscunque excessus exegit, per singulas quasque divinas canonum sententias, mediante inter eos Dei spiritu, conscripserunt, quas oportet nos relegere et tenere; et quia opitulante Christi gratia de unitate et rectitudine fidei in hæc provincia nihil est dubium, nobis modo specialius est agendum, ut si quid fortasse ex apostolica disci-



plina per ignorantiam aut per negligentiam reprehensibile invenitur in nobis, recurrentes ad testimonia sanctarum Scripturarum vel antiquorum canonum instituta, adhibito communi consensu animi, quæ displicuerint rationabili iudicio corrigamus. Et primum, si placet, in relectis beati Petri apostoli præceptis quæ pro regula sacerdotum in sua epistola evidenter adscripsit, quidquid non eodem tenore sicut princeps apostolorum edocuit, agi videtur, a nobis sine ulla cunctatione ad emendationem deducere festinamus, ne forte dum aliis prædicamus ipsi reprobis effecti divino illo condemnemur eloquio, dicente : « Tu vero odisti disciplinam, et projecisti sermones meos post te (*Psal. XLIX, 17*). » Omnes episcopi dixerunt : Cupimus memoratam apostoli Petri epistolam ad locum afferri ipsum ubi sacerdotes decet audire. Tunc allato libro hæc ex eadem epistola recitata sunt : « Seniores obsecro consenior, pascite qui in vobis est gregem Dei, providentes non coacte, sed spontanee secundum Dominum, neque turpis lucri gratia, sed voluntarie, neque dominantes in clericis, sed forma facti gregi et ex animo, ut cum apparuerit princeps pastorum percipiat immarcescibilem gloriæ coronam. » His relectis, omnes episcopi dixerunt : Cognitis his quæ ex epistola beati Petri apostoli sunt recitata, desideramus, auxiliante Dei gratia, divinis obedire præceptis, et apostolicæ epistolæ quæ nobis recitata est in his omnibus formulam imitari, ne forte in aliquibus inordinate ambulantes divino (quod absit) iudicio condemnemur, sed sanctorum Patrum vestigia subsequentes in ipsorum requie mereamur esse participes, et immarcescibilem illam gloriæ coronam, quæ repromissa est, cum ipsis percipere mereamur. Ob hoc ergo tuam simul omnes deposcimus charitatem, ut has omnes causas singulis capitulis breviter comprehensas, vel qualiter corrigi debeant, his gestis subter annectas. Quæ cum studiosius relecta et in notitiam omnium nostrum evidenter fuerint peracta, propria unusquisque manu pro eorum emendatione et confirmatione subscribat, ut non solum nobis sed etiam successoribus nostris, hæc ad perfectionem episcopalis officii decreta proficiant.

CAP. I. Placuit omnibus episcopis atque convenit, ut per singulas ecclesias episcopi, et per dioceses ambulantes primum discutiant clericos, quomodo ordinem baptismi teneant, vel missarum qualiter officia in ecclesia peragant, et si recte quidem invenerint, Deo gratias, sin autem minime, docere debent ignaros. Et hoc modis omnibus præcipite sicut antiqui canones jubent, ut ante dies viginti baptismi ad purgationem exorcismi concurrant catechumeni, in quibus viginti diebus omnes catechumeni symbolum quod est : Credo in Deum Patrem omnipotentem, specialiter doceantur. Postquam ergo hæc suis clericis discussuerint vel docuerint episcopi, alia die convocata plebe ipsius ecclesiæ doceant illos, ut errores fugiant idolorum, vel diversa crimina, id est, homicidium, adulterium, perjurium, falsum testimonium, et reliqua peccata mortifera, et quod nolunt

A sibi fieri, alteri non faciant, et ut credant resurrectionem omnium hominum, et diem iudicii in quo unusquisque secundum opera sua recepturus sit. Et sic postea episcopus de ecclesia illa proficiscatur ad aliam.

II. Placuit ut nullus episcoporum per suas dioceses ambulans præter honorem cathedræ suæ, id est, solidos duos, aliquid aliud per ecclesias tollat; neque tertiam partem ex quacunque oblatione populi in ecclesiis parochialibus requirat; sed illic tertia pars pro luminaribus ecclesiæ vel recuperatione servetur, et per singulos annos episcopo inde ratio fiat. Nam si tertiam partem illam episcopus tollat, lumen et sacra tecta abstulit ecclesiæ. Similiter ut parochiales clerici servili more in aliquibus operibus episcopis servire non cogantur, quia scriptum est : Neque vi dominantes in clero.

III. Placuit ut de ordinatione clericorum episcopi munera nulla accipiant, sed sicut scriptum est, quod gratis donante Deo accipiunt, gratis dent. Non in aliquo pretio gratia Dei, et impositio manuum venundetur; quia antiqua definitio Patrum, ita de ecclesiasticis ordinationibus statuit, dicens : Anathema sit danti et accipienti. Propterea quia aliquanti multis sceleribus obnoxii sancto indigni ministrantes altari non hoc testimonio honorum actuum, sed profusione munerum obtinent, oportet ergo non per gratiam munerum, sed per diligentem prius discussionem, deinde per multorum testimonium clericos ordinare.

IV. Placuit ut modicum balsami quod benedictum pro baptismi sacramento per ecclesias datur, quia a singulis tremisses pro ipso exiguntur, nihil ulterius exigatur : ne forte quod pro salute animarum per invocationem sancti Spiritus consecratur, sicut Simon magus donum Dei pecunia voluit emere, ita nos venundantes damnabiliter venundemur.

V. Placuit ut quotiens ab aliquo fidelium ad consecrandas ecclesias episcopi invitantur, non quasi ex debito munus aliquod a fundatore requirant, sed si ipse quidem aliquid ex suo voto obtulerit, non respuatur. Si vero aut paupertas illum, aut necessitas retinet, nihil exigatur ab illo. Attamen unusquisque episcoporum meminerit, ut non prius dedicit ecclesiam, nisi antea dotem basilicæ et obsequium ipsius per donationem chartulæ confirmatum accipiat. Nam non levis est ista temeritas sine luminaribus, vel sine substantiali sustentatione eorum qui ibidem servituri sunt, tanquam domus privata consecratur ecclesia.

VI. Placuit si quis basilicam non pro devotione fidei, sed pro questu cupiditatis ædificat, ut quidquid ibi de oblatione populi colligitur, medium cum clericis dividat, eo quod basilicam in terra sua questus causa condiderit, quod in aliquibus locis usque modo dicitur fieri. Hoc ergo de cætero observari debet, ut nullus episcoporum tam abominabili voto consentiat, nec basilicam quæ non pro sacrorum patrocinio, sed magis sub tributaria conditione est condita, audeat consecrare.

VII. Placuit ut unusquisque episcopus per ecclesias suas hoc præcipiat, ut hi qui infantes suos ad baptismum offerunt, si quid voluntarie pro suo offerunt voto, suscipiatur ab eis. Si vero per necessitatem paupertatis aliquid non habent quod offerant, nullum illi pignus violenter tollatur a clericis. Nam multi pauperes hoc timentes filios a baptismo retrahunt, qui forte differunt. Si sine gratia baptismi de hac vita recesserint, necesse est ut ab illis eorum perditio requiratur, quorum spolia pertimescentes a baptismi gratia se retraxerunt.

VIII. Placuit ut si quis aliquem clericorum in accusatione fornicationis impetit, secundum præceptum Pauli apostoli duo vel tria testimonia requirantur ab illo. Quod si non potuerit, datis testimoniis, approbati quod dixit, excommunicationem accusati accusator accipiat.

IX. Placuit ut priusquam omnia in concilio sacerdotum fuerint ordinata, illud observetur ut superventurum ipsius anni Pascha quo Kalendarum die vel quota luna debet suscipi, a metropolitano episcopo nuntietur, quod ceteri episcopi, vel clerici reliquis breviculo subnotantes, unusquisque in sua ecclesia adveniente natalis Domini die, astante populo, post lectionem Evangelicam nuntiet; in cuius principio convenientes in unum vicinæ ecclesiæ per triduum cum psalmis, per sanctorum basilicas ambulantes celebrent litanias. Tertio autem die, celebratis hora nona sive decima missis, dimisso populo præcipiant Quadragesimæ jejuniis servire, et mediante Quadragesima ex viginti diebus baptizandos infantes ad exorcismi purgationem offerre.

**141** X. Placuit, ut quia per stultitiam præsumpti

nuper erroris, aut certe ex veteris Priscillianæ adhuc hæresis fetore corrupto cognovimus quosdam presbyteros in hujus præsumptionis audacia retineri, ut missas mortuorum etiam post acceptum merum vel oblationem ausi sunt consecrare: ideoque hoc præfixæ evidentis sententiæ admonitione servetur, ut si quis presbyter post hoc edictum nostrum amplius in hac vesania fuerit deprehensus, hoc est non jejunos, sed quocunque cibo præsumpto oblationem consecraverit in altari, continuo ab officio suo privatus a proprio deponatur episcopo. His ita gestis, placuit omnibus pro confirmanda horum observantia unumquemque propria manu subscribere eo placitorum facto, ut si quis eorum capitulorum terminum transgressus ad inordinatas consuetudines reverti voluerit, totius concilii excommunicatione correptus, verissimam sibi de sui ordinis inclinatione noverit imminere sententiam. Martinus Braccarensis metropolitane ecclesiæ episcopus his gestis subscripsi. Remisol Besensis ecclesiæ episcopus his gestis subscripsi. Lucentius Conimbrigensis ecclesiæ episcopus his gestis subscripsi. Adoricus Getanæ ecclesiæ episcopus his gestis sub. Sardinarius Lamucensis ecclesiæ episcopus his gestis sub. Viator Magnatensis ecclesiæ episcopus his gestis sub. Alitigitis Lucensis metropolitane ecclesiæ episcopus his gestis sub. Andreas Herensis ecclesiæ episcopus his gestis sub. Anila Tudensis ecclesiæ episcopus his gestis subscripsi. Pulensus Asturicensis ecclesiæ episcopus his gestis sub. Mailoc Brittonum ecclesiæ episcopus his gestis sub. Victimer Auriensis ecclesiæ episcopus subscripsi.

# INCIPIT PRÆFATIO SANCTI MARTINI BRACCARENSIS EPISCOPI IN LIBRO CAPITULORUM EX GRÆCORUM SYNODIS COLLECTORUM.

Domino meo beatissimo atque apostolicæ Sedis honore suscipiendo in Christo fratri Nigesio episcopo, vel universo Concilio Lucensis ecclesiæ episcopus Martinus. Canones qui in partibus orientis ab antiquis Patribus constituti sunt, Græco prius sermone conscripti sunt, postea autem succedenti tempore in Latinam linguam translati sunt. Et quia difficile est, ut simplicius aliquid ex alia lingua transferatur in aliam, simulque et illud accidit, ut in tantis temporibus scriptores aut non intelligentes, aut dormitan-

tes multa prætermittant, et propterea in ipsis canonibus aliqua simplicioribus videantur obscura: ideo visum est ut cum omni diligentia, et quæ per translatores obscurius dicta sunt, et ea quæ per scriptores sunt immutata simplicius et emendatius restaurarem, id primum observans, ut illa quæ ad episcopos, vel universum clerum pertinent una in parte conscripta sint, similiter et quæ ad laicos pertinent simul sint adunata, ut de quo capitulo scire aliquis voluerit, possit celerius invenire.

1. De electione episcopi.
2. De ordinatione episcopi.
3. De evacuanda ordinatione quæ absente metropolitano fuerit facta.
4. De primatu metropolitani.
5. De eo qui per ambitionem de inferiori civitate ad majorem transire voluerit.
6. De non mutandis parochiis.
7. De præsumptione alienæ diocesis.
8. De non constituendo episcopo successore.
9. De irruptione vacantis ecclesiæ.

10. De episcopo per necessitatem vacante.
11. De contemptore episcopo.
12. De seditioso episcopo.
13. De senioribus iudicii.
14. De episcopi præsumptione in rebus ecclesiæ.
15. De rebus ecclesiasticis gubernandis.
16. De rebus ecclesiæ dispensandis.
17. De his qui de ministerio ecclesiæ aliquid vendunt.
18. De synodo facienda.
19. De episcopo qui noluerit venire ad synodum.



20. De legitima ætate ordinandi presbyteros.
21. De eunuchis qui ab aliis fiunt, vel qui sibi naturalia abscindunt.
22. De neophytis.
23. De poenitente non admittendo ad clerum.
24. De his qui indiscussi, aut presbyteri, aut diaconi ordinati sunt.
25. De presbyteris vel diaconibus qui post ordinationem denotantur.
26. De his qui viduas, aut dimissas ducunt.
27. De fornicatoribus clericis.
28. De his quorum uxores mœchantur.
29. De viduis clericorum.
30. De filia episcopi vel presbyteri quæ fuerit devota et peccaverit.
31. De devota vel peccante que se maritaverit.
32. De subintroductis adoptivis mulieribus.
33. De non recipiendis clericis, et de infirmanda ordinatione ejus qui sine episcopi sui licentia ab alio episcopo ordinatur.
34. De clericis desertoribus.
35. De importunis clericis.
36. De purganda opinione hæresis.
37. De clericis excommunicatis.
38. De presbyteris ut ad secundas non vadant nuptias.
39. De his qui ad diaconum eliguntur.
40. Quod non licet diaconum nisi jussum sedere.
41. De eo quod non licet quemlibet sacra mysteria tangere.
42. Ut mulieres in sacrarium non intrent.
43. Ne lector alterius viduam duxerit.
44. Si subdiaconus secundam duxerit uxorem.
45. Ut non ascendat in pulpitem nisi lector.
46. De conditionalibus non ordinandis, nisi consensu patroni.
47. De non suscipiendis servis in Clero alienis.
48. De non celebrandis natalitiis martyrum in quadragesima.
49. Non suscipi debere ante duas hebdomadas sed ante tres infantes ad baptismum.
50. De non solvendo jejunio in quinta feria Paschæ.
51. De chrismate conficiendo.
52. Non liceat presbytero coram episcopo chrismare.
53. Non licet presbytero ante episcopum in baptisterium introire.
54. De prænantibus baptizandis.
55. Quæ in altari offerri oportet.
56. De presbyteris forasticis.

CAP. I. Non licet populo electionem facere eorum qui ad sacerdotium provocantur, sed judicium episcoporum est, ut ipsi eum qui ordinandus est, proderent, si in sermone et fide, et in vita edoctus sit.

II. Episcopum oportet maxime quidem ab omni concilio constitui, sed si hoc aut pro necessitate, aut pro longinquitate itineris difficile fuerit, ex om-

PATROL. CXXX.

- A 57. De non jejunando in die Dominico neque genua flectendo.
58. De gustandis carnibus, et non exsecrandis.
59. De eo quod non liceat sacerdotibus vel clericis spectaculis interesse.
60. De eo quod non liceat sacerdotibus vel clericis incantatorias et contrarias ligaturas facere.
61. De eo quod non liceat convivia facere de confertis.
62. De usuris vel negotiorum lucris.
63. De clericis qui ad matutinum vel vespertinum non conveniunt.
64. De eo quod non liceat clericis die Dominico ab ecclesia absentari.
65. De eo quod non liceat clericis ante horam tertiam prandere.
- B 66. De attendenda coma clericorum et habitu ordinato.
67. De eo quod non liceat poeticos psalmos in ecclesia dicere, et libros apocryphos legere.
68. De eo quod non liceat super monumenta mortuorum missas tenere.
- Capitula canonum ad laicos pertinentium sequuntur.
69. De eo quod non liceat christianis prandia ad monumenta portare.
70. De eo quod non liceat clericis vel laicis catholicis cathedras ab hæreticis eulogias accipere, aut cum ipsis et schismaticis orare.
71. De eo quod non liceat Christianis observationes diversas attendere.
- C 72. De eo quod non liceat Christianis tenere traditiones gentilium.
73. Ut non liceat observare lunas, aut stellarum cursus.
74. De eo quod non liceat observare Kalendas.
75. De eo quod non liceat medicinales herbas cum aliqua observatione colligere.
76. De eo quod non liceat feminas christianas in lanificiis aliquid observare.
77. De adulteriis.
78. De mulieribus fornicariis, et abortivum facientibus.
79. De homicidio voluntario, vel non voluntario.
80. De muliere quæ duos fratres conjugio, et viro qui duas sorores habuit.
- D 81. De his qui nuptias iteraverint.
82. De his qui se cum animalibus commiscuerint.
83. De his qui usque ad finem vitæ in peccatis perdurant, et in exitu communionem petunt.
84. De his qui intrantes ecclesiam propter luxuriam sacramento se abstinere.
85. De excommunicatis.

nibus tres colligantur, et omnium præsentium vel absentium subscriptiones teneantur, et sic postea ordinatio fiat. Hujus autem rei potestas in omni provincia ad metropolitanum pertinet episcopum.

III. Non debet ordinari episcopus absque consilio, et præsentia metropolitani episcopi. Adesse autem omnes oportet qui sunt in provincia sacerdotes, quos

per suam debet epistolam convocare. Et quidem si omnes occurrerint, bene. Sin autem hoc difficile fuerit, plures oportet concurrere. Qui autem non convenerint præsentiam sui per epistolas faciant, et sic omnium facto consensu ordinationem episcopi fieri oportet. Si autem aliter præterquod terminatum est a nobis fuerit factum, talem ordinationem nihil prævalere decernimus. Sin autem secundum canones ordinatio episcopi fuerit facta, et si quis cum malitia in aliquo contradixerit, plurimorum consensus obtineat.

IV. Per singulas provincias oportet episcopos cognoscere metropolitanum episcopum, et ipsum primatus curam suscipere, nihil autem agere reliquos episcopos præter eum, secundum quod antiquitus a patribus nostris constitutum continetur in canone, propter quod et metropolitanus episcopus **142** nihil presumptive assumat absque consilio cæterorum.

V. Si quis particeps alicujus fuerit ambitionis inventus, sive episcopus, sive presbyter vel diaconus, de inferiori civitate non transeat ad majorem. Sed si quis contra hæc magni concilii constituta importunus exstiterit, omnimodo evacuetur hujusmodi factum, et suæ iterum restauretur ecclesiæ cui episcopus, aut presbyter, aut diaconus prius fuerat constitutus.

VI. Episcopum a propria parochia non liceat transire in aliam neque sua sponte introire, neque invitatum, neque ab episcopo coactum, sed permaneat in loco, in quo a Deo est ordinatus, et in ea quam sortitus est ecclesia secundum antiquorum canonum constitutum.

VII. Si quis episcopus, non per scripturam metropolitani episcopi, aut qui cum eo sunt, rogatus, de alia provincia in aliam venerit, sed presumptive intruens ad ordinationem et constitutionem clericorum, qui ad illum non pertinent importunus existat, vacua sunt et inania omnia quæ ab eo fuerunt constituta. ipse autem digna increpatione excommunicetur, et alienetur a sancto concilio.

VIII. Episcopo non liceat ante finem vite alium in loco suo constituere successorem. Si quis autem hoc usurpare tentaverit, talis constitutio irrita erit. Non aliter ergo fieri oportet nisi enim concilio et iudicatu episcoporum qui post exitum prædecessoris potestatem habent dignum eligere.

IX. Si quis episcopus vacans in ecclesiam non habentem episcopum subrepens populo sine concilio integri ordinis irruperit, etiamsi populus quem seduxit desideret illum, alienum ab ecclesia esse oportet. Integrum autem et perfectum consilium dicimus illud, in quo metropolitanus episcopus fuerit.

X. Si quis ordinatus per contentionem populi, aut pro aliqua ratione et non pro sua culpa in parochiam quæ ei fuerit data non ierit, hunc oportet ordinem sacerdotii tantummodo contingere, ita ut de rebus ecclesiæ in qua convenit nihil sibi præsumat, sustineat autem quod de eo sanctum concilium iudicare voluerit.

XI. Si quis episcopus ordinatus noluerit agere sacerdotium, neque consenserit in sibi commissæ ecclesiæ ambulare, istum talem excommunicare oportet quod si coactus contempserit, sanctum concilium quod placet de eodem terminet.

XII. Si quis episcopus ordinatus fuerit, et non vult ipsam parochiam suscipere in qua nominatus est, sed alibi vult ordinari, et vim facit, ac seditiones concitat contra eos qui illum ordinaverunt, hunc ab honore oportet removeri; si autem in pristino honore presbyterii vult stare, non vetetur ut gradum quem habuit retineat. Quod si reluctatus fuerit, etiam ab honore presbyterii deponatur.

XIII. Si quis episcopus in aliquibus causationibus iudicatur, et viderit ipsos episcopos qui in provincia sunt inter se iudicio discrepare, ut alii videantur eum qui iudicatur iustificare, alii condemnare, pro definitione hujus dissensionis hoc placuit sancto concilio, ut de provincia vicina alter metropolitanus convocetur episcopus, ut per eum confirmetur quod secundum rectum placuerit canonem.

XIV. Si quis episcopus nulla ecclesiasticæ rationis necessitate compulsus in seculo elero, aut ubi forte non est presbyter de rebus ecclesiasticis aliquid præsumpserit vendere, res ipsas ecclesiæ propriæ restaurare cogatur, et in iudicio episcoporum dejiciatur auditus, et tanquam furti aut latrocinii reus a suo privetur honore.

XV. Quæ sunt ecclesiæ conservari communi diligentia, et bona conscientia, et fide Dei qui omnia videt, et iudicat gubernari oportet cum iudicio et potestate episcopi, cui et omnis populus et congregatio commissæ est animarum. Manifesta autem debent esse quæ ad ecclesiam pertinent in conscientia eorum, qui circa episcopos sunt presbyter et diaconus, ut hi omnes sciant quæ sunt ecclesiæ propria, ut si episcopi contigerit transitus, eos nihil latere possit ex his quæ ad ecclesiam pertinent, ut nullomodo possint minui et perire, neque res propriæ episcopi debent importunitatem pro rebus ecclesiæ pati. Dignum vero et justum est apud Deum et homines, ut ea quæ ipsi propria sunt, cui voluerit derelinquat, et quæ ecclesiæ sunt eidem conserventur ecclesiæ, ut nec ecclesia patiatur damnum, neque episcopus pro rebus ecclesiæ in suis proscribatur, ne post ejus obitum in causas incidant, qui ad eum pertinent, nec ipse in maledictum incidere videatur.

XVI. Episcopus habeat potestatem in rebus ecclesiæ, ut dispenset necessitatem habentibus cum omni reverentia et timore Dei. Participare et eum oportet quæ necessaria sunt, si tamen ipse, aut qui cum eo sunt fratres indiguerint aliquo, ut necessitatem nullomodo patiantur secundum Apostolum dicentem: Victu et tegumento his contenti sumus. Si autem res ecclesiasticas episcopus in suas voluntates usurpare voluerit, et loca ecclesiæ et fructus agrorum non cum presbyterorum vel diaconorum consilio contaminaverit, aut fratribus vel filiis vel quibuscunque propinquis dederit potestatem, ut per eos latenter lædantur



res ecclesiæ, hunc oportet obnoxium esse concilio. **A** tempore in aliquo gravi peccato a duobus vel tribus Sin aliter episcopus vel qui cum eo sunt presbyteri aut diaconi accusentur, quia quæ ex reddito vel ex quolibet actu ecclesiæ veniunt in sinus suos colligunt, et pauperes fraudant et fame faciunt, hos enim corripere oportet secundum quod ordinatum fuerit a sancto concilio.

**XVII.** Si quis presbyter, aut diaconus inventus fuerit aliquid de ministeriis ecclesiæ venundasse, quia sacrilegium commisit, placuit eum in ordinatione ecclesiastica non haberi. In iudicio tamen episcopi dimittendus est, sive dignus, sive indignus in suo recipi debeat gradu, quia multoties hoc ipsum quod de sacro sancto altario contaminatum est in episcopi potestate dimissum est.

**XVIII.** Propter ecclesiasticas curas et altercationum solutiones bene placuit per singulas provincias Lis in anno concilium fieri, convocante metropolitano episcopo omnes provinciales episcopos, ita ut ad concilium præcedant omnes presbyteri et diacones, ut eorum qui se lesos existimant in concilio causæ examinatæ ad iustum iudicium perducantur. Et si qui manifeste episcopi, vel presbyteri, aut diaconi inventi fuerint in offensa secundum rationem excommunicentur, quandiu communi consensu de his placuerit dare sententiam. Nulli autem episcopo liceat propria apud semetipsum concilia facere præter eos quibus metropoles sunt creditæ.

**XIX.** Ad concilium convocatus episcopus non debet contemnere, sed ire, et ea quæ ad utilitatem ecclesiæ, vel cæterorum pertinent docere si novit, aut doceri si nescit, nam si contempserit ire extra ægritudinem, reus erit fraterni concilii.

**XX.** Si quis triginta ætatis suæ non impleverit annos nullo modo presbyter ordinetur, etiamsi valde sit dignus, quia et ipse Dominus trigesimo anno baptizatus est, et sic cæpit docere. Oportet ergo eum qui ordinandus est usque ad hanc ætatem legitimam conservari.

**XXI.** Si quis præ ægritudine naturalia a medicis habuit secta, similiter et qui a barbaris aut dominis stultis fuerint castrati, et moribus digni fuerint visi, hos canon admittit ad clericatus officium promoveri. Si quis autem sanus non per disciplinam religionis et abstinentiæ, sed per abscisionem plasmati a Deo corporis, existimans posse a se carnales concupiscentias amputari, castraverit se, non eum admitti decernimus ad aliquod clericatus officium; quod si etiam jam fuerat promotus ad clerum, prohibitus a suo ministerio deponatur.

**XXII.** Qui baptizatus fuerit jam ætate legitima, non continuo licebit eum ad ecclesiasticum ordinem promoveri, quia oportet illum prius doceri quomodo possit docere, et multo tempore post baptismum probari, ut bene probatus veniat ad clerum secundum præceptum Apostoli dicentis: « Neophytum, ne forte in superbiam elatus in iudicium incidat et laqueum diaboli (*1 Tim. iii, 6*). » Si autem succedente

fuerit devictus, depositus de gradu suo cesset a clero. Si quis contra regulam facere præsumpserit, quod sit contrarius magni concilii projiciatur a clero.

**XXIII.** Pœnitens tantum si necessitas aut usus coegerit inter ostiarios prius deputetur vel inter lectores, ita ut Evangelia vel Apostolum legat. Si quis autem ante ordinatus est, inter subdiaconos habeatur, ita ut manus non imponat, aut sacra contingat. Ex pœnitente enim dicimus, de eo qui post baptismum pro homicidio, aut pro diversis criminibus, aut gravissimis peccatis publicam pœnitentiam sub illicio gerens divino fuerit reconciliatus altario.

**XXIV.** Si quis presbyter aut diaconus sine aliqua examinatione ordinati sunt, aut certe, cum discutiantur, confessi sunt criminosa peccata sua, aut post ordinationem ab aliis sunt detecti, abjiciantur ex clero. Similiter vero et de universo ordine clericorum servetur, nam hoc sibi quod irreprehensibile est sancta catholica defendit Ecclesia.

**XXV.** Si quis presbyter ante ordinationem peccaverit, et post ordinationem peccatum confessus fuerit quod ante erravit, non offerat, sed tamen pro religione nomen presbyteri portet; si autem ipse non confessus, sed ab alio publice fuerit convictus, non ad hoc ipsum habeat potestatem, ut nomen presbyteri portet. Similiter et de diaconibus observandum est, ut si ipse confessus fuerit ordinem subdiaconi accipiat.

**XXVI.** Si quis viduam aut ab alio dimissam duxerit, non admittatur ad clericatum; quod si obrepperit deiciatur. Similiter si homicidii, aut facti, aut præcepti, aut consilio, aut assensione post baptismum conscius fuerit, et per aliquam subreptionem ad clericatum venerit, deiciatur, et in finem vite suæ communionem recipiat.

**XXVII.** Si quis presbyter aut diaconus fuerit fornicatus aut mæchatus, projiciatur et agat pœnitentiam.

**XXVIII.** Si laici uxor in adulterio fuerit deprehensa, hic talis ad ministerium ecclesiasticum nullo modo adducatur. Si autem post ordinationem alicujus clerici uxor adulterata fuerit, dimittat **143** eam; si autem cum ipsa voluerit permanere, a ministerio alienus sit.

**XXIX.** Si qua vidua episcopi, vel presbyteri, aut diaconi maritum acceperit, nullus clericus, nulla religiosa cum ea convivium sumat, nunquam communicet, morienti tantum ei sacramentum subveniat.

**XXX.** De filia episcopi, vel presbyteri, sive diaconi, si Deo devota fuerit et maritum duxerit, si eam pater vel mater in affectum receperint, a communione habeantur alieni. Pater vero causas in concilio se noverit præstaturum. Mulier vero non admittatur ad communionem, nisi marito defuncto egerit pœnitentiam. Sin autem vivente recesserit et pœnituerit, communionem in ultimo fine vite deficiens, accipiat.

XXXI. Devotam peccantem non recipiendam in ecclesia, nisi peccare desierit, et desinens egerit aptam poenitentiam decem annis, et recipiat communionem. Prius autem quam in ecclesia admittatur, ad orationem, ad nullius convivium christianæ mulieris accedat; quod si admissa fuerit, etiam hæc quæ eam receperit habeatur absens, corruptorem etiam par poena constringat. Quæ autem maritum acceperit, non admittatur ad poenitentiam, nisi adhuc vivente ipso marito caste vixerit, aut postquam ipse de hac vita decesserit.

XXXII. Nullus episcopus, neque presbyter, neque diaconus, neque omnino aliquis ex clero licentiam habeat intromittendi ad se, quasi adoptivam aliquam mulierem, quasi in loco filiæ, aut sororis, aut matris, nisi forte sororem patris vel matris, et illas solas personas quæ ab omni mala suspitione alienæ sunt. Similiter et religiosi feminis laicorum alienorum familiaritatem et consortium prohibemus, eorum scilicet, qui nec Dei timori subjecti, nec continentiae retinent disciplinam.

XXXIII. Si quis in contemptu positus presbyter, aut diaconus, vel quicunque ex clero recesserit ab ecclesia sua, nullo modo in alia suscipiatur ecclesia, sed omnino compellatur ut ad suam revertatur ecclesiam; si autem permanserit in superbia, et reverti noluerit, excommunicetur et projiciatur. Si quis autem episcopus ausus fuerit eum ordinare in sua ecclesia, non consentiente episcopo suo a quo recessit, ordinatio illius vacua deputetur.

XXXIV. Si quis presbyter, aut diaconus, aut aliquis de clero propriam ecclesiam derelinquens, ad alteram ecclesiam vadit, et multo tempore ibi demoratur, omnino nunquam ministret in clero, et si admonuerit eum episcopus suus, ut ad suam redeat parochiam, et redire noluerit, ubi est, ibi de officio suo deponatur, ita ut nunquam in suum revertatur gradum propter dissolutionis peccatum. Si autem episcopus alter eum receperit qui de reatu ejus est conscius, oportet ipsum episcopum sine increpatione in communi concilio non admitti, ut ecclesiasticum canonem ultra non solvat.

XXXV. Si quis episcopus, presbyter, aut diaconus excommunicatus, in concilio injuste se queritur condemnatum, ad majorum episcoporum concilium revertatur, ut eorum inquisitionem et judicium expectans (si quas se justas causas habere putat) illis exponat. Si autem contempserit, et importunas se palatio aures principum inquietare voluerit, hic ad nullam veniam poterit pervenire, neque spem futuræ reconciliationis habebit.

XXXVI. Si quis episcopus, sive alicujus episcopi presbyter, aut diaconus, in alienius hæresis opinionem offenderit, et ob hanc causam fuerit excommunicatus, nullus episcopus eum in communionem recipiat, nisi prius in communi concilio porrecto fidei suæ libello satisfaciat omnibus. Hoc idem et de fide-

libas laicis sit decretum, si in aliquam hæresis opinionem fuerint nominati.

XXXVII. Si quis episcopus in concilio excommunicatus fuerit, sive presbyter, aut diaconus, a suo episcopo, et post excommunicationem præsumperit, sive episcopus ille, aut presbyter, vel diaconus, facere oblationem vel matutinum, aut vespertinum sacrificium quasi in officio suo agere sicut prius, non liceat ei nec in alio concilio spem reconciliationis habere, nec ultra reconciliari, sed etiam eos, qui communicaverint, omnes ab ecclesia respui, maxime eos qui sciebant eum esse dejectum. Si autem permanserit turbans et concitans ecclesiam per forasticam potestatem, oportet eum sicut seditonarium ab omni plebe compelli.

XXXVIII. Presbyterum ad secundas nuptias convivam fieri non oportet, quod si ad secundas nuptias venerit, poenitentiam postulet. Quomodo presbyter ille potest esse qui propter convivium interest tali conjugio?

XXXIX. Diaconus qui eligitur, si contestatus fuerit pro accipiendo matrimonio, et dixerit non posse in castitate permanere, hic non ordinetur; quod si in ordinatione tacuerit, et ordinatus fuerit, et postea matrimonium desideraverit, alienus sit a ministerio, ut vacet a clero.

XL. Non liceat diaconum ante presbyteram sedere, nisi cum jussione presbyteri.

XLI. Non liceat cuilibet ministeria tangere, nisi subdiacono aut acolytho, in secretario vasa Domini.

XLII. Non liceat mulierem in secretarium ingredi.

XLIII. Lector, si viduam alterius in uxorem acceperit, in lectoris statu permaneat, aut si forte necessitas sit, diaconus fiat, nihil autem supra. Similiter et si bigamus fuerit.

XLIV. Si subdiaconus secundam duxerit uxorem, inter lectores vel ostiarios habeatur, ita ut Apostolum non legat.

XLV. Non liceat in pulpito psallere aut legere, nisi qui ab episcopo lectores sunt ordinati.

XLVI. Si quis obligatus est tributo servili, vel aliqua conditione, vel patrocinio cujuslibet, non est ordinandus clericus, nisi probatæ vitæ fuerit, et patroni consensus accesserit.

XLVII. Si quis servum alienum causa religionis doceat contemnere dominum suum, et recedere a servitio ejus, durissime in omnibus arguatur.

XLVIII. Non liceat in quadragesima natales martyrum celebrare, sed tantum sabbato et Dominica, pro commemoratione eorum oblationes offerre, sed nec natalitia, nec nuptias liceat in quadragesima celebrari.

XLIX. Non liceat ante duas septimanas Paschæ, sed ante tres, ad baptismum suscipere aliquem. Oportet autem ut in ipsis diebus qui baptizandi sunt, symbolum discant, et in quinta feria no-



vissimæ septimanæ episcopo vel presbytero reddant. A Scripturam quæ dicit : « pecuniam suam non dedit

L. Non liceat quinta feria novissimæ septimanæ jejuniū solvere, et omnem exhonore Quadragesimam, sed sincere abstinentes totam Quadragesimam peragere.

LI. Omni tempore episcopo liceat chrisma conficere, et per suas diœceses destinare, ita ut ad dirigendum chrisma diaconus aut subdiaconus ante diem Paschæ de singulis ecclesiis ad episcopum destinetur.

LII. Presbyter præsentē episcopo non signet infantes, nisi forte ab episcopo fuerit illi præceptum.

LIII. Non liceat presbytero prius episcopo introire in baptisterium, sed cum episcopo, nisi forte aut absens fuerit, aut ægrotus.

LIV. Si qua mulier prægnans desideraverit gratiam baptismi percipere, quando voluerit habeat potestatem. Nam nihil participat in hoc mater infanti qui nascitur, propterea quod unicuique propria voluntas in confessione monstretur.

LV. Non oportet aliquid aliud in sanctuario offerri, præter panem et vinum et aquam, quæ in typo Christi benediciuntur, quia dum in cruce penderet, de corpore ejus sanguis effluxit et aqua, hæc tria unum sunt in Christo Jesu. Hæc hostia et oblatio Dei in odorem suavitatis.

LVI. Foracis presbyteris præsentē episcopo vel presbyteris civitatis offerre non liceat neque ministrare in populo, nisi forte illis absentibus.

LVII. Si quis presbyter publica poenitentia a sacerdote accepta, aut aliqua necessitate die Dominica pro quadam religione jejuna-verit, sicut Manichæi, anathema sit.

Similiter et quod ab apostolis traditum, canon tenet antiquus, placuit ut per omnes Dominicas, et per omnes dies Paschæ usque ad quinquagesimum, non prosternant se in oratione humilitatis, sed recto vultu ad Dominum fungantur orationis officio, quia in his diebus gaudium resurrectionis Domini celebramus.

LVIII. Si quis non pro abstinentia, sed pro execratione escarum abstinere, placuit sancto concilio, ut prægustet, et sic si vult abstinere, abstineat. Sin autem spernit, ita ut olera cocta cum carnibus non degustet, iste non obediens, nec suspicionem hæresis a se removens, deponatur de ordine clericatus.

LIX. Non liceat sacerdotibus vel clericis aliqua spectacula in nuptiis vel in conviviis spectare, sed oportet antequam ingrediantur, ipsa spectacula surgere, et redire inde.

LX. Non liceat clericos incantatores esse et ligaturas facere, quod est colligatio animarum; si quis hæc facit, de Ecclesia projiciatur.

LXI. Non liceat sacerdotes vel clericos, sed nec religiosos laicos convivia facere de confertis.

LXII. Si quis oblitus timorem Domini, et sanctam

ad usuram (Psalm. xiv, 5), » post hanc agnitionem sancti concilii feneraverit, et centesimam exegerit, aut ex quolibet negotio turpe lucrum quæsierit, et per diversas species vini vel frugis, vel cujuslibet rei emendo vel vendendo aliqua incrementa susceperit, depositus de gradu ~~144~~ suo, alienus habeatur a clero.

LXIII. Si quis presbyter aut diaconus vel clericus ecclesiæ deputatus, si intra civitatem fuerit, aut in quolibet loco in quo ecclesia est, et ad quotidianum psallendi sacrificium matutinis vel vespertinis horis ad ecclesiam non convenit, deponatur a clero, si tamen castigatus veniam ab episcopo per satisfactionem noluerit promereri.

B LXIV. Non liceat quenlibet clericum die Dominico ab ecclesia absentem esse, sed missarum solemnibus interesse et jejunio.

LXV. Non oportet clericos vel laicos religiosos ante sacram horam diei tertiam inire convivia, neque aliquando clericos, nisi hymno dicto edere panem, et post cibos gratias auctori Deo referre.

LXVI. Non oportet clericos comam nutrire, et sic ministrare, sed attonso capite, patentibus auribus, et secundum Aaron talem vestem induere, ut sint in habitu ornato.

LXVII. Non oportet psalmos compositos et vulgares in ecclesia dicere, neque libros qui sunt extra canonem legere, nisi solos canonicos Novi et Veteris Testamenti.

C LXVIII. Non oportet clericos ignaros presumptores super monumenta in campum mysteria portare, aut distribuere sacramenta, sed aut in ecclesia, aut in basilica ubi martyrum reliquæ sunt positæ, ibi pro defunctis oblationem offerri.

*Sequuntur Canones ad laicos pertinentes.*

LXIX. Non liceat Christianis prandia ad defunctorum sepulcra deferre et sacrificare mortuis.

LXX. Non liceat laicis vel clericis ab hæreticis eulogias accipere, quia maledictiones magis sunt quam benedictiones, neque liceat aut cum hæreticis aut cum schismaticis orare.

LXXI. Si quis paganorum consuetudinem sequens, divinos et sortilegos in domum suam introduxerit, quasi ut malum foras mittant, aut maleficia inveniant, vel lustrationes paganorum faciant, quinque annis poenitentiam agant.

LXXII. Non liceat Christianis tenere traditiones gentilium.

LXXIII. Non liceat Christianis observare et colere elementa, aut lunæ, aut stellarum cursus, aut inanem signorum fallaciam pro domo faciendam, aut propter segetes vel arbores plantandas, vel conjugia socianda. Scriptum est enim : « Omnia quæ facitis, aut in verbo, aut in opere, omnia in nomine Domini nostri Jesu Christi facite, gratias agentes Deo (Coloss. iii, 17). »

LXXIV. Non liceat agere diem Kalendarum cunctis vacare gentilibus, neque lauro aut viriditate

arborum cingere domos. Omnis hæc observatio pa-  
ganissima est.

LXXV. Non liceat in herbarum collectionibus, quæ  
medicinales sunt, aliquas observationes, aut incan-  
tationes attendere, nisi tantum cum symbolo divino  
et oratione Dominica, ut tantum Deus creator om-  
nium et Dominus honoretur.

LXXVI. Non liceat mulieres christianas aliquam  
vanitatem in suis lanificiis observare, sed Deum in-  
vocent adiutorem, qui eis sapientiam texendi do-  
navit.

LXXVII. Si ejus uxor adulterium fecerit, aut vir  
in alienam uxorem irruerit, septem annis pœnitentiam agat.

LXXVIII. Si qua mulier fornicata fuerit, et infan-  
tem qui exinde fuerit natus occiderit, et quæ studuerit  
aborsum facere, et quod conceptum est necare, aut  
certe ut non concipiat elaborare, sive ex adulterio, sive  
ex legitimo conjugio, has tales mulieres in morte re-  
cipere communionem priores canones decreverunt,  
nos tamen pro misericordia, sive tales mulieres, sive  
conscias scelerum ipsarum, decem annis agere pœ-  
nitentiam judicamus.

LXXIX. Si quis voluntarie homicidium fecerit, ad  
januam ecclesiæ catholicæ semper subjaceat, et  
communione in exitu vitæ suæ recipiat; si autem  
non voluntarie, sed casu aliquo homicidium fecerit,  
prior canon septem annis agere pœnitentiam jussit,  
secundus canon quinque mandavit.

LXXX. Si qua mulier duos fratres, aut si quis vir  
duas sorores habuerit, a communione abstineant  
usque ad mortem, in morte autem ab eis commu-  
nione accepta, si de infirmitate convalescerint, agant  
plenam pœnitentiam tempore constituto.

LXXXI. Si quis multis nuptiis fuerit copulatus,  
pœnitentiam agat, conversio autem et fides pœnitentis  
compendit tempus.

LXXXII. Si quis cujuslibet animalis commistione  
peccaverit, quindecim annis in humilitate subjaceat

ad ecclesiæ januam, et post hos aliis quinque annis  
in orationis communionem receptus pœnitentiam  
agat, et sic gratiam suscipiat sacramenti. Interro-  
gantur autem alii de eo qualem vitam in pœnitentia  
egerit, et sic communionis misericordiam consequatur.  
Si quis autem post viginti annos habens uxorem,  
huic peccato irruerit, viginti quinque annis  
humilitati subjaceat, et quinque annis orationibus  
tantum communicans, postea recipiat sacramentum.  
Quod si hanc mensuram aliquis transgressus fuerit,  
sacramentum in exitu consequatur, oportet enim ta-  
les inter dæmonios orare.

LXXXIII. Si quis de corpore exiens novissimum  
et necessarium communionis viaticum expetit, non  
ei denegetur; quod si in desperatione positus, post  
perceptam communionem iterum sarius fuerit factus,  
tantum oratione particeps sit. Nam non accipiat sa-  
cramentum, donec constitutum pure impleat tem-  
pus. Qui ergo in exitu mortis sunt, et desiderant ac-  
cipere sacramentum, cum consideratione et proba-  
tione episcopi accipere debent.

LXXXIV. Si quis intrat in ecclesiam Dei et sacras  
Scripturas audit, et pro luxuria sua avertit se a  
communione sacramenti, et in observandis mysteriis  
declinat constitutam regulam disciplinæ, illum ta-  
lem projiciendum de Ecclesia catholica esse decer-  
nimus, donec pœnitentiam agat et ostendat fructum  
pœnitentiæ suæ, ut possit, communione percepta, in-  
dulgentiam promereri.

LXXXV. Non liceat communicare excommunica-  
tis, neque in domos eorum introeuntēs orare cum  
eis, neque liceat cum eis in alia ecclesia segregari;  
si autem aliquis episcopus, aut presbyter, aut dia-  
conus, aut quilibet ecclesiasticus excommunicato  
communicaverit, quasi perturbans omnem discipli-  
nam ecclesiasticam excommunicetur.

Explicit liber excerptorum sancti Martini Bracca-  
rensis episcopi ex synodis Orientalium.

## INCIPIT CONCILIUM BRACCARENSE TERTIUM

*Habitu anno quarto Wambani regis æra dccciii.*

Decenter satis per divinum Spiritum in Bracca-  
rensi urbe collecti, et de his quæ intra ecclesiam  
perversa actione geruntur tractaturi convenimus, ut  
adjuvante nos illo qui dicit: « Ubique duo vel  
tres collecti fuerint in nomine meo, ibi ero in medio  
eorum (Matth. xviii, 20), » pari animo parique de-  
votionis studio exsurgentes, male habitos extirpe-  
mus errores. Etenim dum nos in unum synodalis  
actio aggregasset, debitis in sedibus collocati, pri-  
mum de sanctæ fidei sacramento cœpimus habere  
sermonem, scilicet, ne aut vanitate disputantium,  
aut nescientia simplicium erroris quippiam in hoc  
sacramento fidei teneretur, unde cum omnes nos in  
vera fide ut speculum perlustraremus illæsos, in eo

quia nullum nostrorum schismatici erroris fatigaverat  
turbo, sed vera nos et simplex in hoc sacramento  
apostolica ostendit idoneos prædicatio, grates omni-  
potenti peregrinus Deo, quod hanc nostræ fidei re-  
gulam ipsis verbis atque sententiis commemoranter  
preteximus, quibus et in conventu Nicæni concilii  
declaratam esse scimus.

Credimus in unum Deum Patrem omnipotentem,  
factorem cœli et terræ, visibilium omnium et invi-  
sibilium conditorem. Et in unum Dominum Jesum  
Christum Filium Dei unigenitum, ex Patre natum  
ante omnia sæcula. Deum ex Deo, lumen ex lumine,  
Deum verum ex Deo vero, natum, non factum,  
omnisoni Patri, hoc est ejusdem cum Patre sub-



stantiæ, per quem omnia facta sunt quæ in cœlo et in terra, qui propter nos et propter nostram salutem descendit. Et incarnatus est de Spiritu sancto, natus ex Maria virgine, passus sub Pontio Pilato, sepultus, tertia die resurrexit, ascendit in cœlos, sedet ad dexteram Dei Patris, iterum venturus judicare vivos et mortuos. Cujus regni non erit finis. Credimus et in Spiritum sanctum Dominum vivificantem, ex Patre et Filio procedentem, cum Patre et Filio adorandum et glorificandum. Qui locutus est per prophetas. Et unam sanctam, catholicam et apostolicam Ecclesiam. Confitemur unum baptismum in remissionem peccatorum. Expectamus resurrectionem mortuorum. Et vitam futuri sæculi. Amen.

Post hujus sanctæ fidei sacramentum relatus est in concione omnium nostrorum error manifestus pariter et diversus, qui tanta debet disciplinæ arte retundi, quanta et perversitate comprobatur infundi. Quidam enim in sacrificiis Domini relati sunt lac pro vino offerre, eucharistiam quoque vino madi-

dam pro complemento communionis credunt populo porrigendam, et quod pejus his omnibus est, quidam sacerdotum in vasis Domini epulas sibi apponunt, et manducare in eis præsumunt, quidam etiam ex sacerdotibus relati sunt, quod ecclesiasticæ consuetudinis ordine prætermisso, missam sine prece orationis audeant dicere, et quod in solemnitatibus martyrum reliquias suo collo imponant, et in sellulis non ab aliis se portandos, nisi ab albatis diaconibus credant. Illud quoque quod plerique sacerdotum absque testimonio cum feminis commorantur, et quod quidam illorum honoratos fratres suos verberibus indiscretis subjiciunt. Necnon et illud, quod quidam Simonis cupiditate arrepti, quos ordinaturi sunt sub cautione dimittant qualiter postquam ordinati fuerint, pecuniam ab illis promissam accipiant. Illud quoque quod familiam ecclesiæ in propriis laboribus quassant damnum e Dominicis facientes; quæ omnia, ne confuse videantur esse prolata, discretis titulorum ordinibus credimus subnectenda.

#### INCIPIUNT CAPITULA.

1. Ut repulsis omnibus opinionibus superstitionum, panis tantum et vinum aqua permistum in sacrificio offerantur.

2. Ne vasa Domino sacrata humanis usibus serviant.

3. Ne sacerdos sine orario missam audeat celebrare.

4. Ne sacerdotes sive quicumque ex clero sine testimonio cum quiblibet feminis habitent.

CAP. I. Cum omne crimen atque peccatum oblati Deo sacrificiis deleatur, quid de cætero pro delictorum expiatione Domino dabitur, quando in ipsa sacrificii oblatione erratur? Audivimus enim quosdam schismatica ambitione delictos contra divinos ordines, et apostolicas institutiones lac pro vino in divinis sacrificiis dedicare, alios quippe intinctam eucharistiam populis pro complemento communionis porrigere, quosdam etiam non expressum vinum in sacramentis Domini calicis offerre, sed oblati tantum populos communicare. Quod quam sit evangelicæ atque apostolicæ doctrinæ contrarium et consuetudini ecclesiasticæ adversum, non difficile ab ipso fonte veritatis probatur, a quo ordinata sacramentorum mysteria processerunt. Cum enim magister veritatis verum salutis nostræ sacrificium suis commendaret discipulis, non illis lac, sed panem tantum et calicem sub hoc sacramento cognoscimus commendata. Ait enim evangelica Veritas: « Accipit Jesus panem et calicem, et benedicens dedit discipulis suis (Marc. xiv, 22). » Cesset ergo lac in sacrificio offerri, quia manifestum et evidens exemplum evangelicæ Veritatis illuxit, quod præter panem et vinum aliud offerri non sinit. Illud vero, quod pro

5. De damnata præsumptione quorundam episcoporum qui in festivitatis martyrum ad ecclesiam procedentes, appensis collo reliquiis, a diaconibus in sellulis vectantur.

6. De honestate honoratorum et disciplina.

7. Ne promissione munerum, honoris gratia vendatur.

8. Ne rectores ecclesiæ prius propria quam ecclesiastica jura laborare intendant.

complemento communionis intinctam tradunt eucharistiam populis, nec hoc prolatum testimonium ex Evangelio recipit, ubi apostolis corpus suum et sanguinem commendavit, seorsum enim panis, et seorsum calicis commendatio memoratur. Nam intinctum panem aliis Christum præbuisse non legimus, excepto illo tantum discipulo, quem intincta buccella magistri proditorem ostenderet, non quæ sacramenti hujus institutionem monstraret. Nam quod de expresso botro, id est, uvarum gravis populus communicatur, valde est omnino confusum. Calix enim Dominicus (juxta quod quidam doctor edisserit) vino et aqua permistus debet offerri, quia videmus in aqua populum intelligi, in vino vero ostendi sanguinem Christi. Ergo quando in calice vino aqua miscetur, Christo populus adunatur, et credentium plebs ei in quem credidit copulatur, et jungitur. Quæ copulatio et conjunctio aquæ et vini sic miscetur in calice Domini, ut conjunctio illa non possit separari; nam si vinum tantum quis offerat, sanguis Christi incipit esse sine nobis, si vero aqua sit sola, plebs incipit esse sine Christo. Ergo quando botrus solus offertur, in quo vini tantum efficientia demonstratur, sacramentum nostræ salutis negligitur, quod per

aquam significatur. Non enim potest calix Domini esse aqua sola, aut vinum solum, nisi utrumque sibi misceatur, et ideo quia jam ex eo plurima et multiplex majorum manavit sententia, quorum pietas in Deum religiosa sacramentorum horum et efficientias copiosas disseruit, et institutiones verissimas declaravit, omnis talis error atque præsumptio cessare jam de cætero debet, ne perversorum inordinata compago statum veritatis enervet. Et ideo nulli deinceps licitum sit aliud in sacrificiis divinis offerre, nisi juxta antiquorum sententiam conciliorum, panem tantum et calicem vino et aqua permistum. De cætero aliter quam præceptum est faciens tandiu a sacrificando cessabit, quandiu legitima pœnitentiæ satisfactio correptus, ad gradus sui officii redeat quod amisit.

II. Omni cura omnique studio providendum est, ne hi qui locum videntur obtinere regiminiis, contumeliam videantur inferre cœlestibus sacramentis. Etenim quod et auditui terribile et visui execrabile indicatur, relatum est nobis quod quidam sacerdotum sacrilega temeritate præcipientes vasa Domini in proprios usus assumant, epulasque sibi in eis comedendas apponant, quod malum et obstupentes deflemus, et deflentes obstupescimus, ut illic humana temeritas sibi epulum præparet, ubi sanctum Spiritum cognoscitur advocasse, et ibi esum carniū crapulatus assumat, ubi divina visus est celebrasse mysteria, et in quibus tantum sibi offerri sacramenta pro expiatione delictorum præcepit, in his expleat voluntatem ludibrii sui. Et ideo hujus decreto præsumptionis persona quæ sciendo divina vasa, vel ministeria aut in usus transtulerit, aut comedere in his, vel poculum sibi sumendum elegerit, gradus sui vel officii periculum sustinebit, ita tamen ut si de sæcularibus fuerit, perpetua excommunicatione damnetur; si vero religiosus ab officio deponatur. Sub hac quoque damnationis sententia et illi obnoxii tenebuntur ecclesiastica ornamenta, vel alia quolibet indumenta, atque etiam utensilia sciendo in suos usus transtulerint, vel alii donanda, vel vendenda crediderint.

III. Quoniam antiqua ecclesiastica noverimus institutione præfixum, ut omnis sacerdos cum ordinatur, orario utroque humero ambiatur, scilicet ut qui imperturbatus præcipitur consistere inter prospera et adversa virtutum semper ornamento utrobique circumseptus appareat humero, qua ratione tempore sacrificii non assumit quod se in sacramento accepisse non dubitatur? Proinde nobis omnibus convenit, ut quod quisque percepit in consecratione honoris, hoc retineat et in oblatione, vel perceptione suæ salutis, scilicet ut cum sacerdos ad solemnia missarum accedit, aut ipse Deo sacrificium oblaturus, aut sacramentum corporis et sanguinis Domini nostri Jesu Christi sumpturus, non aliter accedat, quam orario utroque humero circumseptus, sicut et tempore ordinationis suæ dignoscitur consecratus, ita ut de uno eodemque orario cervicem pariter et utrumque humerum premens signum in suo pectore

A præparet crucis; si quis aliter egerit, excommunicationi debitæ subjaceat.

IV. Quanquam antiqua canonum institutio de hujusmodi præsumptione absolutas et multiplices disciplinas atque institutiones ediderit, nos tamen brevitate causa omnem fornicandi occasionem cupientes auferre, id omnimoda sancimus auctoritate tenendum, ut nullus sacerdotum sive quisque de clero absque honesto et competenti testimonio, excepta sola matre, cum quibuslibet feminis secrete se præsumat adjungere, et non solum cum extraneis mulieribus, sed cum ipsis etiam sororibus, vel propinquis, ne licentia sororum, vel propinquarum mulierum quisque solutus familiarior habeatur ad perpetrandum scelus. Hujus ergo præceptionis transgressor sex mensibus se noverit pœnitentiæ legibus subjacere.

V. Bona siquidem res est divina sacerdotibus contrectare mysteria, sed cavendum valde est, ne hoc quisque ad usum pravitatis suæ intorqueat, unde soli Deo de bona conscientia placere debuerat. Scriptum est enim, « Vae his qui faciunt opus Domini fraudulenter et desidiose (*Jerem. XLVIII, 10*); » ut enim quorundam episcoporum detestanda præsumptio nostro se cœtui intulit dirimenda, agnovimus quosdam de episcopis quod in solemnitatibus martyrum ad ecclesias progressuri reliquias collo suo imponant, ut majoris fastus apud homines gloria intumescant, quasi ipsi sint reliquiarum arca, levitæ albis induti in sellulis eos deportent. Quæ detestanda præsumptio abrogari per omnia debet, ne sub sanctitatis specie simulata vanitas sola prævaleat, si modum suum uniuscujusque ordinis reverentia non agnoscat, et ideo antiqua in hac parte, et sollemnis consuetudo servabitur, ut in festis quibusque diebus arcam Domini cum reliquiis non episcopi, sed levitæ in humeris gestent, quibus et in veteri Lege onus idem impositum novimus esse præceptum. Quod si et episcopus reliquias per se deportare elegerit, non ipse a diaconibus in sellula vehatur, sed potius pedisequa eo una cum populis progressionem procedente ad conventicula sanctarum ecclesiarum sanctæ Dei reliquiæ per eundem episcopum portabuntur; jam vero qui hæc instituta sciendo adimplere distulerit, quandiu in vitio fuerit a sacrificando cessabit.

VI. Cum beatus Apostolus arguere, obsecrare vel increpare in omni patientia præcipiat, extra hanc doctrinam novimus quosdam ex fratribus tantis cædibus in honoratos effervescere, quantas poterant latrocinantium promereri personæ. Et ideo qui gradus jam ecclesiasticos meruerunt, id est, presbyteri, abbates et levitæ, qui excepto gravioribus et mortalibus culpis, nullis debent verberibus subjacere; non est dignum ut passim unusquisque prælatus honorabilia membra sua, prout voluerit et ei placeuerit, verberibus subjiciat et dolori, ne dum incaute subdita percutit membra, ipse quoque debitam sibi subditorum reverentiam subtrahat, juxta illud quod quidam sapiens dixit: Leniter castigatus reverentiam exhibet castiganti; asperitate autem nimis increpa-



tio, nec increpationem recipit nec salutem. Et ideo si quis aliter quam dictum est prædictos honorabiles subditos licentia perceptæ potestatis elatus, malitia tantum crediderit verberandos, juxta modum verberum quem intulerit, excommunicationem pariter et exsilli sententiam sustinebit.

VII. Quia non expedit, ut donum sancti Spiritus pecuniis comparetur, quanquam ex hoc antiquorum canonum disciplinæ maneant diversæ, tamen quia necesse est ut frequentius retundatur quod sine intermissione præsumitur, ideo novellæ hujus institutionis formulam instituentes decernimus, quicumque pro conferendo cuiquam sacerdoti gradu, aut munus quodcumque aut promissiones muneris antequam ordinetur acceperit, vel etiam postquam ordinatus fuerit in aliquo se pro hoc ipso præsumpserit munerari, sive qui dederit, sive ille qui acceperit, juxta sententiam Calcedonensis concilii, gradus sui periculum sustinebit.

VIII. Non decet rectores ecclesiæ in suis strenuos, et in ecclesiasticis rebus esse remissos. Nam quorundam fertur opinio quod quidam sacerdotum familias ecclesiæ sic in suis laboribus quassent, rei propriæ profectum augentes, Dominicis vero dispendium nutriendis. Unde quicumque sub hoc neglectu res divinas laborare distulerit placito speciali distringendus est, qualiter si de rebus seu augmentis ecclesiæ sic quæstum laboribus suis propriè auxit,

Explicit concilium Braccarense tertium.

et ex hoc ecclesiasticis rebus aut neglectum laboris exhibuit, aut minorationem, vel perditionem induxit, quidquid in rebus ecclesiæ minuit illi restituat, ex cujus rebus atque suffragiis snos convictus fuerit ampliasse labores. Quod si **146** aliquid pro utilitatibus ecclesiæ aut substantiæ expendit, aut dispendii, vel perditionis quippiam tulit, si hoc comprobari potuerit, totum illi a rebus ecclesiæ ejusdem reformabitur, pro cujus utilitatibus id expendisse probatur. Gratias itaque Omnipotenti peragimus, post hæc sit pax, salus, et diuturnitas piissimo, et amatori Christi domino nostro Wambano regi, cujus devotio nos ad hoc decretum salutiferum convocavit, divinam postulantes clementiam, ut gloria Christi regnum ejus corroboret usque ad ultimam senectutem, præstante ipso, qui cum Patre et Spiritu sancto vivit et gloriatur in Trinitate Deus, in sæcula sæculorum. Amen. Leodigius in Christi nomine episcopus subscripsi. Julianus in Christi nomine episcopus subscripsi. Genitivus in Christi nomine Tudensis ecclesiæ episcopus subscripsi. Froaricus Deo jubente Portu galensis ecclesiæ episcopus sub. Beia in Christi nomine Britanniensis episcopus ecclesiæ sub. Isidorus Asturensis ecclesiæ episcopus sub. Alarius Auresinæ ecclesiæ episcopus sub. Rectogerus Lucensis ecclesiæ episcopus subscripsi. Hidulphus, qui cognominor Felix, Hiriensis ecclesiæ episcopus subscripsi.

#### INCIPIUNT CAPITULA CONCILII SPALENSIS PRIMI.

1. De concilio Spalensi ad Pegasium episcopum missa.
2. De mancipiis Ecclesiæ ab episcopo proximis suis collatis.
3. De clericis cum quibus mulieres cohabitant.

#### INCIPIT CONCILIUM SPALENSE PRIMUM.

Domino sancto et reverenter a nobis honorando charissimo fratri PEGASIO episcopo, Leander, Joannes, Agapius, Stephanus, Basilus, Velatus, Fintitio, et Petrus, episcopi, qui in una urbe Spalensi adsumus. Sanctitatem tuam charitatis studio salutantes precamur Dominum qui nos de salute mutua, vel visione lætificare dignatur te lætum multo conservet in tempore.

CAP. I. Interea consedentibus nobis in Ecclesia Spalensi sancta Hierusalem breve mancipiorum ecclesiæ quæ liberasse visus fuerat decessor tuus sanctæ recordationis Gaudentius episcopus, vestri nobis diaconi obtulerunt, et non solum quæ liberaverat ibidem relegimus, sed etiam quæ proximis suis de famulis ecclesiæ donaverat in eodem brevi invenimus annotata. Qua de re canonum instituta consulimus, si talis libertas, aut transactio potuisset esse stabilis. Comperimus autem in canone, ut episcopus qui res proprias, excepto filiis et nepotibus, alteri, et non ecclesiæ suæ dimiserit, quidquid de ecclesiæ rebus, aut donavit, aut vendidit aut quo-

C quo modo ab ecclesia transtulit, irritum haberetur. Et ideo si res præcessoris tui Gaudentii episcopi ecclesia vestra non possidet, liberi qui ab eo facti sunt, non sunt legitime absoluti. Cæterum si res illius in compensationem ecclesiæ vestræ deserviunt, illi prorsus maneant liberi. Nam (ut prædictum est) si præstitum de rebus suis non fecit, tale damnum utique ferre non debuit. Propterea ergo de uno consensu omnes significamus, magis humanius quam severius cogitantes, ut hi quos constat tali conditione fuisse liberatos in jure ecclesiæ maneant ut idonei, et peculium suum non aliis personis, sed tantum filiis suis derelinquant, ipsis quoque filiis et nepotibus cum pecuniis ipsorum quasi idoneis in jure ecclesiæ permanentibus in extraneam eis non liceat personam quidpiam transmittere. Si qui eorum sine hærede decesserint, peculium eorum sanctæ proficiat ecclesiæ.

II. Ea vero mancipia quæ memoratus episcopus de jure ecclesiæ sublata, suis proximis contulit, si similia de proprio suo ecclesiæ ipsi non compensavit,

ecclesia vestra absque aliqua oppositione recipiat. Hanc formam non solum vestra, hoc est Astigitana servabit ecclesia, sed et omnes qui per omnem Bæticam provinciam tali conditione vel sorte de jure ecclesiæ commearunt, pari sententiæ subjacebunt. Durum est enim atque irreligiosum, ut episcopus qui ecclesiasticis stipendiis vivit, et proprietatem suam lucris ecclesiæ minime confert, aliorum oblationes a ure ecclesiastico privet.

III. Inter cætera vero cognoscite a nobis hoc definitum pro abolendis maculis clericorum, quia quidam episcoporum non observantes nuper editum concilii Toletani decretum minus solliciti in subjectis existunt, placuit proinde ut si presbyter, diaconi vel clerici consortia extranearum feminarum, vel ancillarum familiaritatem per sacerdotis sui ad-

monitionem a se minus removerint, sæculi iudices easdem mulieres cum voluntate et permissu episcopi comprehensas in suis lucris usurpent, ut vitium hoc, dum sacerdos inhibere non prævalet, potestas judicialis coerceat, dato tamen ab eisdem iudicibus sacramento episcopis, ut eas clericis nulla arte restituant; quod si restituerint, ipsi iudices sententiæ excommunicationis feriantur. Mulieribus vero illis juxta priores canones a sacerdote distractis, pretium earum indigentibus dispensetur; quæ statuta manu nostra subscripsimus, data ad sanctitatem vestram die secundo Nonas Novembris, anno quinto gloriosi domini nostri Reccaredi, regis, æra DCXXXVIII. Leander ecclesiæ sanctæ Spalensis episcopus hanc constitutionem firmavi et subscripsi. Joannes episcopus Agabrensis hanc constitutionem firmavi et sub. Agapius ecclesiæ sanctæ Cordubensis episcopus hanc constitutionem firmavi et sub. Stephanus episcopus Eliberitanus hanc constitutionem firmavi et sub. Basilius episcopus Elipensis hanc constitutionem firmavi et subscripsi. Celatus episcopus Tuicitanus hanc constitutionem firmavi et subscripsi. Petrus episcopus Alberitanus hanc constitutionem firmavi et subscripsi.

### INCIPIUNT CAPITULA CONCILII SPALENSIS SECUNDI.

1. De Theodulphi Malacitanæ Ecclesiæ querimoniis adversus reliquos epp. pro quibusdam parochiis.
2. De querimoniis Fulgentii et Honorii episcoporum pro quibusdam parochiis.
3. De desertoribus clericis, ut episcopis suis restituantur.
4. De bigamis ad presbyterium vel diaconatum non promovendis.
5. Ne presbyteri diaconum, vel presbyterum ordinare præsumant.
6. De presbyteris vel diaconibus ab uno episcopo non deponendis.

7. De his quæ prohibentur corepiscopis presbyteris in ecclesiasticis sacramentis agere.

8. De superbis ecclesiæ libertis, ut ad servitium revocentur.

9. De oconomis, ne ex laicis constituentur.

10. De monasteriis non convellendis.

11. De monasteriis virginum, ut a monachis tucantur.

12. De quodam accephalorum episcopo.

13. De duabus in Christo naturis et una persona.

### INCIPIT CONCILIUM SPALENSE SECUNDUM.

*Habitu æra DCLIX, tempore Sisebuti regis.*

In nomine Domini Salvatoris nostri Jesu Christi Isidorus, Bisinnus, Rufinus, Fulgentius, Cambra, Fidentius, Theodulphus, et Honorius episcopi; qui pariter in urbe Spalensi pro aliquibus ecclesiasticis negotiis coadunati sumus. Considentibus ergo nobis in secretario sacrosanctæ Hierusalem Spalensis ecclesiæ cum illustribus viris, Sisibuto rectore rerum publicarum atque Sualane actore rerum fiscalium stante religiosissimo clericorum cœtu.

CAP. I. Prima actione Theodulphi Malacitanæ antistitis ecclesiæ ad nos oblata precatio est assentis antiquam ejusdem urbis parochiam militaris quondam hostilitatis discrimine fuisse decisam, et ex parte aliqua ab ecclesiis Astrigitanæ, Celeberitanæ atque Agabrensis urbium esse retentam, pro qua re placuit, ut omnis parochia quæ ab antiqua ditione ante militarem hostilitatem retinuisse ecclesiam suam quisquis comprobaret, ejus privilegio restitueretur. Sicut enim per legem mundialem, his quos barbarica avaritas captiva necessitate transvexit, postliminio

revertentibus redditur antiqua possessio, non aliter et ecclesia receptura parochiam, quam ante tenuit cum rebus suis, sive ab aliis ecclesiis possideatur, sive in cujuslibet possessionem transfusa sit, non enim erit obijcienda præscriptio temporis, ubi necessitas interest hostilitatis.

II. Inter memoratos fratres nostros Fulgentium, Fastigitanum, et Honorium Cordubensem episcopos discussio agitata est propter parochiam basilicæ cujusdam, quam horum alter Celticensem, alter Reginensem asseruit, et quia inter utrasque partes hactenus limitis actio vindicata est, cui quamvis vetustata retentione nullum juris præjudicium afferret. Ideoque ne in dubium ultra inter eos nostra devocaretur sententia, prolatis canonibus synodalia decreta perfecta sunt, quorum auctoritas præmonet ita oportere inhiberi cupiditatem, ut ne quis terminos alienos usurpet. Ob hoc placuit inter alternas partes inspectionis viros mittendos, ita ut si in diocesis possidentis sitam basilicam veteribus signis



limes prævisus monstraverit, ecclesiæ cuius jus est retentionis sit æternum dominium. Quod et si limes legitimus eamdem basilicam non recludit, et tamen longi temporis probatur objecta præscriptio, appellatio repetentis episcopi non valebit, quia illi trigonalis objectio silentium imponit, hoc enim et sæcularium principum edicta præcipiunt, et præsulum Romanorum decrevit auctoritas; sin vero infra metas trigenas temporis extra alienos terminos basilicæ injusta retentio reperitur, repetentis episcopi juri sine mora restituetur.

III. Tertia definitione ad nos oblata precatio est a reverendissimo fratre nostro Cambra Italicensi episcopo pro quodam clerico Passando, qui de ecclesiæ suæ cultu in qua dicatus ab exordiis infantiae fuerat, ad ecclesiam Cordubensem se contulit, quem elegimus ut si nihil proponeretur de eo, sine dilationis objectu proprio reformaretur episcopo. Scribitur enim in lege mundiali de colonis agrorum, ut ubi esse quisque jam cœpit ibi perduret. Non aliter et de clericis qui in agro ecclesiæ operantur, canonum decreto præcipitur, nisi ubi permanent ubi esse cœperunt. Ideoque placuit, ut si quis clericus ministeriis **147** ecclesiæ propriæ destitutus, ad aliam transitum fecerit, compellente ad quem fugerit sacerdote, ad ecclesiam quam prius incoluerat remittatur; qui vero eum susceperit, nec statim sine ullo nisu exceptionis ad propriam ecclesiam remittendum elegerit, quandiu eum restituit communionem se privatam agnoscat, desertorem autem clericum cingulo honoris atque ordinationis suæ exutum, aliquo tempore monasterio religari convenit, sicque postea in ministerio ecclesiastici ordinis revocari, nam non poterit in talibus pervagationibus aboleri licentia, nisi fuerit in eis propter correptionem disciplinæ subsecuta censura.

IV. Quarta actione nuntiatum est nobis apud Astigitanam ecclesiam quasdam nuper ordinationes illicitas existisse, ita ut quasdam viduarum mariti levitarum ministerio sacrentur; quos quidem convenit a gradu suscepto in irritum devocari, nec ultra proveli ad diaconii ministerium qui contra divina atque ecclesiastica jura instituti reperiuntur.

V. Quinto judicio ad agnitionem nostri examinis Agabrensis diaconi relatu deductum est de quibusdam ipsius ecclesiæ clericis, quorum dum unus ad presbyteri, duo ad levitarum mysterium sacrentur, episcopus eorum oculorum dolore detentus fertur manum suam super hoc tantum posuisse, et presbyter quidam illis contra ecclesiasticum ordinem benedictionem dedisse, qui licet propter tantam præsumptionis audaciam poterat accusatus judicio præsentari damnari, si adhuc in corpore positus non fuisset mortis vocatione præventus, sed quia jam illo examini divino relictus, humano judicio accusari non potest, hi qui supersunt et ab eo non consecrationis titulum, sed ignominia elogium perceperunt, ne sibi licentiam talis usurpatio faciat, decrevimus ut a gradu sacerdotalis vel levitici ordinis quem per-

verse adepti sunt, depositi, æquo judicio abjiciantur, tales enim merito judicati sunt removendi, quia prave inventi sunt constituti.

VI. Sexta actione comperimus Fragitanum Cordubensis ecclesiæ presbyterum a pontifice suo injuste olim dejectum, et innocentem exilio condemnatum, quem rursus ordini suo restituentes, id denuo adversus præsumptionem nostram decrevimus, ut juxta priscorum patrum decretum synodali sententia nullus nostrum sine concilii examine deiciendum quemlibet presbyterum vel diaconum audeat. Nam multi sunt qui indiscussos potestate tyrannica, non auctoritate canonica damnant, et sicut nonnullos gratia favoris sublimant, ita quosdam odio, invidiaque permoti humiliant, et levi opinionis aura condemnant, quorum crimen non approbant. Episcopus enim sacerdotibus ac ministris solus honorem dare potest, auferre solus non potest. Si enim hi qui in sæculo a dominis suis honorem libertatis adepti sunt in servitutis nexum non revolvuntur, nisi publice apud prætores tribunali foro fuerint accusati, quanto magis hi qui divinis altaribus consecrati honore ecclesiastico decorantur, qui pro peccato nec ab uno damnari, nec uno judicante poterunt honoris sui privilegiis exui, sed præsentati synodali judicio quod canon de illis præceperit definiri.

VII. Septimo examine relatum est nobis venerandissimum quondam Agapium Cordubensis urbis episcopum frequenter corepiscopos, vel presbyteros destinasse, qui tamen juxta canones unus sunt, qui absente pontifice altaria erigerent, basilicas consecrarent, quod quidem non est mirum id præcepisse virum ecclesiasticæ disciplinæ ignarum et statim a sæculari militia in sacerdotale ministerium delegatum; ergo ne ultra talis a nobis licentia usurpetur, communi sententia statuendum oportuit, scientes quia sicut presbytero vel corepiscopo illicita consecratio est altaris, ita est constitutio. Exiit altare solus Aaron, ipse unxit, quia summus utique sacerdos Dei erat, sicut scriptum est de eo: « Moyses et Aaron in sacerdotibus ejus (*Psal.* xcvi, 6). » Ideoque id quod tantum facere principibus sacerdotum jussum est, quorum typum Moyses et Aaron tenuerunt, presbyteri qui filiorum Aaron gestant figuram, corripere non præsumant. Nam quamvis cum episcopis plurima illis ministeriorum communionis sit dispensatio, quædam tamen auctoritate veteris Legis, quædam novellis et ecclesiasticis regulis sibi prohibita noverint, sicut presbyterorum et diaconorum, ac virginum consecratio, sicut constitutio altaris, benedictio vel unctio, siquidem nec licere benedicere eis ecclesiam, vel altaria consecrare, nec per impositiones manus fidelibus baptizatis, vel conversis ex hæresi Spiritum tradere, nec chrisma conficere, nec chrismate baptizatorum frontem signare, sed nec publice quidem in missa, quanquam pœnitentem, reconciliare, nec formatas cuilibet epistolas mittere. Hæc omnia illicita esse presbyteris vel corepiscopis, quia pontificatus apicem non habent, quem solis de-

beri episcopis auctoritate canonum præcipitur, ut per hoc et discretio graduum et dignitatis fastigium summi pontificis demonstraretur, sed neque coram episcopo licere eis in baptisterium introire, nec præsentem antistitem infantem tingere, aut signare, nec poenitentem sine præcepto episcopi sui reconciliare, nec eo præsentem sacramentum corporis et sanguinis Christi conficere, nec eo coram posito populum docere, vel benedicere, aut salutare, nec plebem utique exhortari, quæ omnia eis a sede apostolica prohibita esse noscuntur.

VIII. Octava discussio agitata est de quodam Helisæo ex familia Agabrensis ecclesiæ, qui ab episcopo suo traditus libertati de libertate confestim ad contumaciæ morbum transiit, sicque per superbiam non solum ejusdem episcopi maleficis artibus salutem lædere voluit, sed etiam patronam ecclesiam libertatis immemor prædammavit. Adversus quem ingratum actio canonum ac legum auctoritas juste dirigitur, scilicet ut immeritæ libertatis damno multatus, ad servitutis nexum revocetur. Talium enim status qui contra episcopum suum vel patronam ecclesiam nituntur decidere potius quam conservare convenit, ut quorum libertas perniciosa est sit salutifera servitus, ut qui superbiere noverint adepta libertate præditi discant obedire subiecti.

IX. Nona actione didicimus quosdam ex nostro collegio contra mores ecclesiasticos laicos habere in rebus divinis constitutos œconomos. Proinde pariter tractantes eligimus, ut unusquisque nostrum secundum Calcedonensium patrum decreta ex proprio elero œconomum sibi constituat. Indecorum est etiam laicum vicarium esse episcopi, et sæculares in ecclesia judicare. In uno enim eodemque officio non debet dispar esse professio, quod etiam in lege divina prohibetur dicente Moyse: « Non arabis in bove simul et asino (*Deut. xxii, 10*), » id est homines diversæ professionis in officio uno non sociabis. Unde et oportet nos et divinis libris sanctorum Patrum obedire præceptis, constituentes ut hi qui in administrationibus ecclesiæ pontificibus sociantur discrepare non debeant, aut nec professione, nec habitu, nam coherere et conjungi non possunt, quibus et studia et vota diversa sunt. Si quis autem episcopus posthac ecclesiasticam rem aut per laicalem procuracionem administrandam elegerit, aut sine testimonio œconomi gubernandam crediderit, vere ut contemptor canonum, et fraudator ecclesiasticarum rerum non solum a Christo de rebus pauperum judicabitur reus, sed etiam et concilio manebit obnoxius.

X. Decima actione poscentibus monasteriorum patribus pari sententia statuimus, ut cœnobita nuper condita in provincia Bætica, sicut et illa quæ sunt antiqua immobili et inconcussa stabilitate permaneant solidata. Si quis autem (quod absit) nostrum, vel nobis succedentium sacerdotum quodlibet monasterium aut vi cupiditatis expoliandum, aut simulatione aliqua fraudis convellendum, aut dissolvendum tentaverit, anathema affectus maneat, et a regno Dei

A extraneus, nec proficiat illi bonum fidei vel operis ad salutem, qui tantæ et salutaris vitæ destruxerit tramitem. Super hoc etiam universi Bætici provincie episcopi congregati eundem sacrilegum cœlus sui eversorem a communione suspendant, et convulsum monasterium cum rebus suis restaurent, ut quod impie unus subverterit, omnes reforment.

XI. Undecima actione communi consensu decrevimus, ut monasteria virginum in provincia Bætica monachorum administratione ac præsidio gubernentur; tunc enim salubria Christo dicatis virginibus præbemus, quando eis patres spirituales eligimus, quorum non solum gubernaculis tueri, sed etiam doctrinis ædificari possunt, ea tamen circa monachos cautela servata, ut remoti ab earum familiaritate nec usque ad vestibulum habeant accedendi familiare permissum, sed neque abbatem vel eum qui præficitur extra eam quæ præest loqui virginibus Christi aliquid quod ad institutionem morum pertinet flicebit, neque cumea sola quæ præest frequenter eos loqui oportet, sed sub testimonio duarum vel trium sororum, ita ut rara sit accessio, et brevis omnino locutio. Absit enim ut monachos (quod etiam dictum nefas est) Christi virginibus familiares esse velimus, sed juxta quod jussa regularum vel canonum admonent longe discretos atque sejunctos, eorum tamen easdem gubernaculis deputamus, constituentes ut unus monachorum probatissimus eligatur, ejus curæ sit prædiis earum rusticis, vel urbanis intendere, fabricas extruere, et si quid aliud est ad necessitatem monasterii providere, ut Christi famulæ pro animæ suæ tantum utilitate sollicitæ, solis divinis cultibus, operibusque sanctis inserviant. Sane is qui ab abbate proponitur, judicio sui episcopi comprobetur, vestes autem illæ iisdem faciant a quibus tuitionem expectant, et ab iisdem denno (ut prædictum est) laborum fructus et procuracionis suffragium recepturæ. Si qui autem monachorum hanc ordinationem aut contempserint aut qualibet inertie dissolutione neglexerint, sciant quod eorum temeritas atque superbia excommunicationis sit plectenda censura.

XII. Duodecima actione ingressus est ad nos quidam ex hæresi Acephalorum natione Syrus, ut asserit ipse episcopus, duarum in Christo naturarum proprietatem abnegans, et deitatem passibilem asserens. Cujus dum nostris sensibus tanti erroris confusio patuisset, prolatis illi de incarnatione Domini Jesu Christi testimonii, sanctorumque Patrum sententia recitatis, omni eum deinde exhortatione ad veræ fidei rectitudinem sacerdotali modestia invitavimus, qui salutaribus monitis pertinaciter permultos diuturnosque conflictus retinens, tandem gratia divina docuit coram cunctis astantibus hæresim propriam abdicavit, duasque naturas et unam personam in uno eodemque Domino nostro Jesu Christo confessus est, credens impassibilem naturam deitatis atque in sola humanitate suscepisse infirmitates passionis et crucis. Conversus itaque atque receptus



susceptæ fidei confessionem cum astipulatione protulit, atque ab omnibus suis erroribus purgatus apparuit. Talique pro merito gaudentes Christo gratias egimus, quod eundem post pravitatem hæresis ad rectitudinem fidei divina gratia promovisset, quem optamus ut permanens in Christi fide pure ac devotissime conservetur.

XIII. Tertia decima prosecutione breviter narrandum putavimus ad refutationem eorumdem hæreticorum qui duas naturas Christi post unionem delirantes confundunt, et passibilem in eo divinitatis substantiam asserunt. Contra quorum blasphemias oportet nos in una persona Christi geminæ naturæ proprietatem ostendere, passionemque ejus in sola humanitatis susceptione manifestare, ut si forte aliqui stultorum hujus sententiæ errore decepti sunt, dum ista legerint respiscant, rectæque fidei veritatem firmiter teneant. Nam procul dubio multi sunt, qui secundum apostoli vocem prurientes auribus a veritate auditum avertunt, ad fabulas autem convertuntur. Ergo sicut immaculata fides, et sancta Dei Ecclesia docet, confitemur Dominum nostrum Jesum Christum intemporaliter ex Patre Deo natum, temporaliter ex utero gloriæ virginis Mariæ hominem editum, et ob hoc in una existente persona duas naturas habentem, deitatis qua ante sæcula genitus, et humanitatis in qua diebus ultimis editus est, in illa secundum formam Dei, in ista secundum formam servi consistens; in illa Patri manens æqualis, in ista sine peccato similis nostræ conditioni; in illa inviolabilis, in ista passibilis; in illa ex qua mori non potuit, in ista in qua mortem suscepit. Cujus geminæ naturæ distinctio primum ex litteris legis, deinde ex prophetiis, et evangelicis atque apostolicis promenda est paginis, ut ea quæ asserimus non argumentis, sed exemplis Scripturarum firmemus. Lex in una eademque persona Salvatoris nostri sic demonstrat utramque naturam, divinam, Domino loquente ad Moysen: « Ecce, inquit, mitto angelum meum qui præcedat te, observa eum et audi vocem ejus (Exod. xxiii, 20), » quia est nomen meum in illo, humanam, loquente eodem Domino ad Abraham: « In semine tuo benedicentur omnes gentes (Gen. xxii, 18), » id est, in carne Christi, quæ de Abraham stirpe descendit. Prophetia in psalmis sub una eademque Christi persona sic ostendit utramque naturam, divinam, secundum illud, « ex utero ante luciferum genui te (Psal. cix, 3), » humanam, secundum hoc, « et homo natus est in ea, et ipse fundavit eam (Psal. lxxxvi, 5); » divinam, secundum illud: « Eructavit cor meum verbum bonum (Psal. xlv, 2), » humanam, secundum hoc: « Speciosus forma præ filiis hominum (Psal. xlv, 8). » Prophetia in Proverbiis in una eademque Christi persona sic declarat utramque naturam, divinam secundum illud, « ante colles genui me (Job xv, 7), » humanam secundum hoc, « Dominus creavit me in initio viarum suarum (Prov. viii, 22); » divinam secundum illud, « nec-

A dum erant abyssi, et ego jam concepta eram (Prov. viii, 24), » humanam secundum hoc, « sapientia ædificavit sibi domum (Prov. xxiv, 5), » corporis utique sui templum, in quo filius Dei inhabitaret, dum Verbum est caro factum. Prophetia in Isaia sub una eademque Christi persona sic demonstrat utramque naturam, deitatis secundum illud: « Nunquid qui alios parere facio, ipse non pariam, dicit Dominus? (Isai. lxxvi, 9.) » humanitatis secundum hoc: « Ecce virgo in utero concipiet et pariet filium (Isa. vii, 14); » divinitatis secundum illud: « Rorate, cœli desuper, et nubes pluant justum, aperiatur terra et germinet Salvatorem, et justitia oriatur simul (Isa. xlv, 8). » Item alibi, humanitatis secundum hoc, « Parvulus natus est nobis (Isa. ix, 6), » divinitatis secundum illud, « Filius datus est nobis (Ibid.) » Parvulus enim Christus ad susceptæ humanitatis naturam pertinet, quia homo est factus, filius autem datus, ad divinitatem, quia Dei Filius. Et ut ostenderet in utraque natura unam esse personam parvuli nati et filii dati, adjecit: « Vocabitur nomen ejus magni consilii angelus, Deus fortis, princeps futuri sæculi (Isa. ix, 6). » In Evangelio quoque in uno eodemque Christo divinæ naturæ significatio, « Omnia per ipsum facta sunt (Rom. i, 37), » humanæ naturæ significatio, « Non veni facere voluntatem meam, sed voluntatem ejus qui misit me Patris (Joan. vi, 38). » Paulus quoque apostolus in uno eodemque Christo naturam divinitatis exprimit, cum dicit: « Primogenitus omnis creaturæ ipse est ante omnes, et omnia in illo constant (Coloss. i, 17), » humanitatis declarat naturam, cum dicit, « Ipse est caput corporis Ecclesiæ (Coloss. i, 18), » et alibi: « Qui cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens (Philip. ii, 6). » Per hoc enim quod dicit, qui cum in forma Dei esset, naturam in eo divinæ majestatis ostendit, per hoc autem quod adjecit, formam servi accepit, naturam humanitatis significat, et iterum: « Cum esset, inquit, dives, pauper factus est (II Cor. viii, 9), » ut illius inopia nos divites essemus; ubi enim dixit, cum esset dives, divinæ naturæ gloria panditur, et ubi adjecit, pauper factus est, humanæ infirmitatis subjectio demonstratur atque servilis habitus assumptio. D Item in ipso initio apostolici symboli gentia sic ostenditur in uno eodemque Christo naturæ distinctio, deitatis ex Patre, dum dicit: Credo in unum Deum Patrem omnipotentem, et in Christum Jesum Filium ejus unicum, Dominum nostrum, humanitatis ex matre, dum adjecit, natum de Spiritu sancto ex utero Mariæ virginis. Ecce ex utroque Testamento duæ naturæ in Christo, divinitatis una, humanitatis altera, quæ quidem gemina unam fecit personam, quia unus idemque mediator Dei et hominum, homo Christus Jesus.

Jam vero de passione ejusdem Salvatoris nostri et Domini Jesu Christi quam in sola humanitate, non in deitate sustinuit, sicut superius legis et pro-

phetarum auctoritas, Evangeliorum quoque et apostolorum prædicatio adhibenda est: lex de passione corporis Christi sic dicit. «Lavabit in vino stolam suam, et in sanguine uvæ pallium suum (*Gen. XLIX, 11*).» Quid hic pallium? quid stola, nisi caro Christi passionis sanguine decorata? hæc enim sola contumelias crucis sustinuit, divinæ vero naturæ majestas nihil injuriæ sensit; propheta quoque in psalmis passionem Christi in carne sola sic asserit: «Foderunt manus meas et pedes meos, dinumeraverunt omnia ossa mea (*Psal. xxi, 17*),» ubi non deitatis, sed tantum corporis injuria intelligitur. Ibi enim membrorum significatione sola caro clavis suspensa in ligno atque suffixa pronuntiatur, sicut et in Jeremia legitur, «Venite, mittamus lignum in panem ejus (*Jer. xi, 19*),» id est, crucem in corpore ejus. Neque enim divinitas ligno suspendi potuit, sed sola humanitas in cruce suffixa pendit. Cujus etiam caro tolerantiam mortis perpessa sic ostenditur alibi dum dicitur: «Caro mea requiescet in spe (*Psal. xv, 9*),» utique quia sola in Christo materia carnis mortis fragilitate defuncta, spem resurrectionis suæ expectabat, et sine corruptione recepturam dum adjicit: «Nec dabis sanctum tuum videre corruptionem (*Act. ii, 27*).» Salomon autem in Canticis cantorum passionem carnis Christi sic prædicans dicit: «Manus meæ distillaverunt myrrham, et digiti mei guttam (*Cant. v, 5*),» ubi specialiter ostenditur in manibus ac digitis solam carnem Christi infixam stipite, sicut in psalmo centesimo octavo decimo legitur: «Confice clavis timoris tui carnes meas (*Psal. cxviii, 120*).» Isaïas autem Christum in sola humanitate quæ apparuit, passionis injuriam suscepisse ita prædixit: «Homo, inquit, in plaga et sciens ferre infirmitates, vere languores nostros ipse portavit (*Isa. LIII, 4*);» quis ipse nisi utique homo? Nam pati, et deficere in illo natura Dei non potuit, sed homo portavit in eo passionem et mortem, in quo et ipsa mors habet conditionem. Nam cum eum diceret venire de Edon tinctis vestibus de Bosra adjecit: «Quare rubrum est vestimentum tuum, et indumentum tuum tanquam calcantium in torculari? (*Isa. LXIII, 2*).» Quid hic per vestimentum suum tanquam calcantium in torculari? Quid hic per indumentum et vestimentum rubrum voluit ostendere, nisi solam Christi carnis passionem crucis infectam cruore? Unde et ipsa passione chlamyde coccinea Christus induitur, ut imago sanguinis tantum in carne demonstretur. Jeremias quoque corpus suum obtulisse Christum in passione sic loquitur: «Non sum, inquit, contumax, neque contradico, corpus meum dedi percutientibus (*Isa. I, 6*),» non dixit divinitatem quæ passionem nescit perferre. Et iterum: «Posui scapulas meas ad flagella, maxillas ad palmas (*Ibid.*),» quod et ipsum ad carnis patientiam, non ad deitatis refertur injuriam. Et Zacharias: «Videbunt, inquit, in quem confixerunt (*Zach. xii, 10*);» quem alium, nisi indubitanter hominem quem Judæi crucifixerunt, et in

A carne judicantem videbunt? Ecce pronuntiaur ex lege et prophetis. Cujus quidem fidei veritas est tam efficax, ut eam nec tyranni sua potuerint crudelitate confundere, nec hæreticorum subdola circumventio pessundare, nec hypocritarum diminueret fallax simulatio.

Transeamus inde ad Evangelia, ibi quaeramus Christum Filium Dei in sola carne portasse valitudines passionis et injuriam crucis, loquente ipso discipulis: «Ecce ascendimus Jerosolymam, et consummabuntur omnia quæ scripta sunt per prophetas de Filio hominis, tradetur enim gentibus, et illudetur et flagellabitur, et conspuetur, et postquam flagellaverint, occident eum, et in die tertio a resurget (*Luc. xviii, 31, 33*),» quod totum in Christo secundum hominem dictum, non ad substantiam deitatis, sed ad naturam pertinet carnis, quod etiam in sequentibus docetur, Judæis dicentibus Christo, «Quod signum ostendis nobis, quia hoc facis? (*Joan. ii, 18*).» Et dixit Jesus: «Solvite hoc templum, et post triduum suscitabo illud (*Joan. ii, 19*),» hoc autem dixit de templo corporis sui, nam et in passione sua, dum corripiens proditorem, diceret: «Juda, osculo Filium hominis tradis? (*Luc. xxii, 48*).» Quem tradere proditorem significat, nisi hominem quem et comprehenderunt? Non deitatem quam cæcati perfidia agnoscere non potuerunt. Beatus autem apostolus Paulus Christum in homine solum pertulisse crucem sic asserit: «Ut homo, inquit, humiliavit semetipsum, factus obediens usque ad mortem, mortem autem crucis (*Philip. ii, 8*).» Qui proinde dixit ut homo, ut nuncupatione hominis distinctio naturæ insinualetur passibilis, quod confirmandus alias ait: «An experimentum queritis ejus qui in me loquitur Christus? qui non infirmatur, sed potens est in vobis. Nam et si crucifixus est ex infirmitate, sed vivit ex virtute Dei (*II Cor. xiii, 34*).» Passus est ergo Christus et mortuus, sed ex nostra infirmitate, vivit autem impassibilis et immortalis, sed ex sua virtute, quæ tanta est, ut in se nec passionem recipiat, nec mortem admittat. Petrus quoque apostolus, princeps apostolorum, Christi supplicium sic prædicat in solo corpore consummatum: «Qui peccata, inquit, nostra pertulit in corpore suo super lignum, ut peccatis carui, justitiæ viveremus, ejus livore sanati sumus (*I Petr. ii, 24*);» et paulo post: «Christo igitur passo in carne.» Ergo si Christus in carne passus est non secundum Deum, sed secundum hominem crucifixus. Ecce perpatuit de Filio Dei quod passus est, quod mortuus est, corporis tantum fuisse, non deitatis. Aliena sunt enim ista de eo, testante propheta de illo: «Deus sempiternus Dominus creans fines terræ, non laborabit, neque deficiet (*Isa. XL, 28*),» et in psalmo: «Tu autem idem ipse es, et anni tui non deficiunt (*Psal. cii, 28*);» omnes enim in Christo infirmitates humanitas sola portavit. Caro enim habuit vagitus infantis, non divinitas. Caro est panis involuta, non deitas. Caro habuit alimenta. Caro



portavit ætatum commercia. Nam et quod fatigatus est, quod esuriit, quod dormivit, quod flexit, quod passioni proximus tristis fuit, quod postremo ipsam passionem et mortis conditionem sustinuit, totum hoc ad infirmitatem pertinet humanitatis, non ad incomprehensibilem substantiam deitatis. Unus est enim Christus Deus et homo, caro et Verbum. Sed unde Deus, inde habet immortalitatem, unde homo, inde pertulit passionem, et unde caro, inde mortuus, et unde Verbum, inde æternus. Neque enim potest esse deitate passibilis, qui est virtute paternæ gloriæ naturæ æqualis, unde Patri derogatur, dum natura deitatis in Filio passibilis creditur. Nam si una Patris et Filii substantia est, utique sicut Pater, ita et Filius immortalis. Et ego et Pater unum sumus, sicut in Patre non est mors, ita nec in Dei Filio mors. Et si verum est, omnia quæ habet Pater mea sunt, ergo immortalitas Patris cum Filio communis est. Nam, quod ait Apostolus de infidelium ignorantia, « Si enim cognovissent, nunquam Dominum gloriæ crucifixissent (*I Cor. II, 8*), » non quod quasi Dominus gloriæ sit crucifixus, ut natura deitatis videatur esse passibilis, sed quia unus in utraque natura est Christus, secundum assumptam hominis formam Dominus gloriæ dicitur passus, sicut e contrario est illud: Nemo ascendit in cælum, nisi qui descendit de cælo Filius hominis, dum de cælo non descendisset, nisi tantum Dei Filius, nondum idem æctus Filius hominis. Propter personæ ergo unitatem **149** et ad hominem referuntur in Christo quæ Dei propria sunt, et divinitati ascribuntur quæ hominis sunt, et ideo dum pati ac mori dicitur, non est deitatis, sed carnis proprium, sic tamen propter unitatem personæ ipse Deus, et natus ex virgine, et passus et mortuus prædicatur, sed infirmitate carnis nostræ, non virtute divinitatis suæ. Quod verò idem Apostolus ait: « Si enim inimici essemus, reconciliati sumus Deo per mortem Filii ejus (*Rom. V, 10*), » sic dicitur Dei Filius mortuus, sicut dicitur de martyribus passis ac mortuis, quorum tamen non sunt animæ occisæ in corporis passione, ore Veritatis testante: « Nolite timere eos qui occidunt corpus, animam autem non possunt occidere (*Matth. X, 28*), » ubi agnosci oportet, si animæ martyrum corpore precepto supplicii extingui non possunt, Deus qui conditor est animarum, quomodo per crucem carnis pati potuit exitium mortis? Quod etiam alibi apertius declaratur, eodem Filio Dei loquente: « Potestatem habeo ponendi animam meam, et potestatem habeo iterum sumendi eam (*Joan. X, 17*). » Quod si ipsa deitas mortua exstitit, quero quis animam ipsius resumpsit, stultum est ergo crucis passionem divinæ applicare naturæ, sed tantum creabili et humane, sola enim caro crucis exitium sensit, sola caro lanceam pertulit, sola, sanguine et aqua manavit, ipsa sola mortua, ipsa sola in sepulcro posita, ipsa sola tertia die resuscitata, etiam glorificata cælos adiit, in qua venturus est judicare in gloria Patris, judi-

catarius de vivis ac mortuis. Prolatis ergo Novi ac Veteris Testamenti testimoniis in quibus duæ naturæ Christi patefactæ sunt in una subsistentes persona, in quibus et passio ejus apparuit in homine solo expleta.

Deinde oportuit sententias subnecti sanctorum patrum qui in sacris litteris ingenti gloria refulserant, ut etiam eorum traditione perpateat, quia Dominus noster Jesus Christus ex duabus naturis et una persona subsistit, quia mortem et passionem in sola carne suscepit. Sanctus ergo Hilarius in explanatione epistolæ ad Timotheum sic loquitur: Nam et cum dicit Scriptura, homo Christus, et cum dicit Christus mortuus est, cum dicit Verbum caro factum est, non est spoliandus per fraudulentiam legentis expositionibus suis sermo. Nam ubi homo Christus est, præcedit mediator Dei atque hominum, ex Deo homo uterque unum et inter hominem et Deum medius confessione in se utriusque naturæ, ubi Christus mortuus est subjicitur, qui resurrexit, qui est in dextera Dei. In morte ejus carnis nostræ infirmitas est, in resurrectione virtus ejus, in consensu Dei dignitas. Sanctus quoque Ambrosius in expositione Evangelii secundum Lucam sic asserit: Non enim suam, sed nostram crucem Christus ascendit, nec mors illa divinitatis, sed hominis fuit; et paulo post: Etenim Christus omnia, et in Christo omnia, et in singulis Christus. Caro tamen moritur, ut resurgat. Item in eodem libro exponens inter alia dicit: Tristis est anima mea; et alibi: Nunc anima mea turbata est valde. Non ergo suscipiens, sed suscepta turbatur, anima enim obnoxia passionibus, divinitas libera, etenim spiritus promptus, caro autem infirma. Tristis autem non ipse est, sed anima, non est tristis sapientia, non divina substantia, sed anima. Suscepit corpus meum, non me fefellit, ut aliud esset et aliud videretur. Sanctus Athanasius in tractatu quem scripsit de Christi nativitate sic dicit: In hoc sit ergo, fratres charissimi, fides nostra, in hoc tota salus et vita consistat, ut credamus Deum Dei Filium primum, ante omnia sæcula a Deo Patre invisibiliter genitum, deinde a Maria virgine secundum hominem natum, secundum hunc hominem passum, mortuum, sepultum, resurrexisse ab inferis, ascendisse in cælum. Item idem in expositione fidei: Verbum, inquit, nascitur de Maria virgine accipiens corpus animale, sed neque sermo comprehensus est carne, sed in carne et supra carnem, et sicut Dei præsciens, ita Dei virtus, Dei veritas. Passus autem humana carne, sed sermo Dei impassibilis est. In passione quidem moritur homo, ut vividicaret protoplastum qui ceciderat per inobedientiam. Sanctus Gregorius scribens ad Caledonium dicit: Naturæ enim duæ in Christo, Deus et homo, non autem duo Filii, nec dii duo. Item idem in sermone de Filio: Uno autem, inquit, capitulo moneo, ut altiora quidem ascribas divinitati et illi naturæ quæ passionibus et corpore probatur esse superior,

humiliora autem naturæ humanæ attribuas, quæ ex parte infirmitatis nostræ assumpta est. Item ipse in quarto libro contra Eunomium : Et ne aliquis incorruptibili naturæ deitatis crucem passionis applicet, per alia manifestius talem emendat errorem, mediatorem ipsum Dei hominum et hominem et Deum ipsum nominans, ut cum duo de uno dicantur, congruum intelligatur circa utrumque. Circa Deum tamen quidem impassibilitas, circa humanitatem autem dispensatio passionis. Sanctus quoque Basilius in quarto libro contra Eunomium ita scribit : Quid est Dominus creavit me et ante omnes colles genui me? Ubi intelligendum est, hoc quod genui de Dei Filio, hoc autem quod dicit creavit de ea parte, qua in forma servi est, ut utramque naturam in una persona ostenderet. Sanctus Cyrillus in prima ad Successum epistola dicit : Ergo quantum quidem ad intellectum pertinet et fidem, tantumdem oculis animæ, quemadmodum incarnatus est unigenitus, duas naturas esse dicimus, unum autem Filium et Christum Dominum Deum, Verbum incarnatum et hominem factum confitemur. Item in secunda ad eundem Successum epistola sic ait : Cum unus, inquit, sit solus Filius Christus, idem ipse Deus et homo sicut in deitate perfectus, ita et in humanitate. Non autem ipsum unigenitum Filium Dei secundum quod intelligitur et est Deus, passum esse in sua natura, sed terrena natura. Oportet etenim necessario utraque servare uni et vero Filio, et non pati secundum deitatem, et dici passum esse eundem secundum humanitatem, ipsius enim passa est caro. Item in expositione Levitici inter alia : Totum in his iterum circumspecte Salvatoris nostri mysterium, et emundationem quæ per sanctum baptismum fit, duas enim aviculas sumi jubetur, vivas et mundas, ut intelligas per volatilia cœlestem hominem simul et Deum in duabus naturis, quantum pertinet ad rationem, dividendum unicuique convenientem. Item sanctus Augustinus : Neque enim in illa susceptione alterum eorum in alterum conversum atque mutatum est, nec divinitas quippe in creaturam mutata est, nec creatura in divinitatem augmentavit aliquid deitatis. Sed absit ut augmentum recipiat ineffabilis et incomprehensibilis plenitudo, manet ergo utraque Filii Dei natura et una persona. Rursus ipse adversus Maximum : Si ergo attendas distinctiones naturarum, Filius Dei de cœlo descendit, Filius hominis crucifixus est; si unitatem personæ, Filius de cœlo descendit et Filius crucifixus est in terra; idem in sequentibus : Oportebat Christum pati et resurgere a mortuis die tertia, ubi resurgit, nisi in eo quod potuit cadere? ubi resurrexit nisi in eo ubi mortuus? Quære mortem in carne, plane ibi fuit, et ideo ibi fuit quia mors vera fuit; et paulo post : Quid miraris? Certe vita est Christus, quære mortuam vitam, nec anima mortua est, nec Verbum mortuum est. Caro tantum mortua est, quare? ut in ea mors moreretur. Idem in expo-

sitione Joannis evangelistæ : Quis ergo est per quem factus est mundus? Christus Jesus, sed in forma Dei; quis est sub Pontio Pilato crucifixus? idem ipse Christus, sed in forma servi. Beatus quoque Leo apostolicæ sedis antistes in sua epistola quam scripsit ad Flavianum Constantinopolitanum episcopum sic ait : Salva ergo proprietate utriusque naturæ et in unam cocunte personam, suscepta est a majestate humilitas, a virtute infirmitas, ab æternitate mortalitas, et ad resolvendum conditionis nostræ debitum inviolabilis natura est unita naturæ passibili, ut quod nostris remediis congruebat, unus atque idem mediator Dei et hominum Christus Jesus et mori posset ex uno, et mori non posset ex altero. In integra ergo hominis perfectaque veri natura, verus natus est Deus, totus in suis, totus in nostris; et paulo post : Qui manens in forma Dei fecit hominem, idem in forma servi factus est homo, tenet enim sine defectu proprietatem suam utraque natura, et sicut forma servi Dei formam non adimit, ita forma Dei formam servi non minuit. Item paulo post : Agit enim utraque forma cum alterius communiōne quod proprium est, Verbo scilicet operante quod Verbi est, et in carne exsequente quod carnis est; unum horum coruseat miraculis, aliud succumbit injuriis, et sicut Verbum ab æqualitate paternæ gloriæ non recedit, ita caro naturam nostri generis non relinquit. Sanctus quoque Fulgentius in libro quem de Incarnatione Domini nostri Jesu Christi scripsit inter alia sic intulit : Dico itaque vobis juxta sanctorum patrum traditionem, Dominum nostrum Jesum Christum in duabus naturis inconfusis, id est divinitatis et humanitatis, unam personam sive substantiam confiteri; idem post alia : Si quis ergo in Domino nostro Jesu Christo, aut duas naturas aut unam noluerit, sive dubitaverit credere, aut prædicare personam, vel si quis noluerit confiteri eundem Deum atque hominem, id est Verbum incarnatum de Maria virgine pro nostra salute veraciter natum, tamen a catholica fide deprehenditur ac demonstratur extraneus, ut sacramento redemptionis humanæ resistat ingratus. Et paulo post : Verbum caro factum est, unus ex utraque et in utraque, id est in humana divinaque natura prorsus initio gloriosa persistit, ut sive divinitati Christi humanitatem quis demat, sive humanitati divinitatem detrahat, Christum sacrilega infidelitate et blasphemum prædicatione dissolvat. Item paulo post : Christus pro nobis carne est passus qui de Deo Patre natus solus est impassibilis Deus. Ipsum itaque Christum Filium Dei qui pro nobis mortem carne gustasse, salva immortalitate divinitatis ejus, veraciter credimus. Item post hoc : Quia non est alter Deus, alter homo, sed idem unus est Christus Deus et homo, profecto idem Deus Christus qui et mortem suam carne suscepit, et idem homo Christus est qui mortem suam divinitate destruxit, idem quippe Christus Dei Filius qui divinitate mori non potuit, carne mortuus est, quam mortalem Deus



immortalis accepit, et ideo Christus Dei Filius carne mortuus resurrexit, quia immortalitatem suæ divinitatis carne mortuus non amisit; hinc est quod etiam post resurrectionem suam sicut in cicatricibus veris et in vera comestione piscis et mellis soliditatem in se vere carnis edocuit, ita clausis foribus ingrediens veram in se virtutem sempiternæ divinitatis ostendit, ut agnosceretur et naturalis fuisse Christi morientis infirmitas, et eidem morienti naturalis inesse majestas: hæc quidem quæ tam divinæ Scripturæ quam etiam sanctorum Patrum eloquentia docuerunt, decretis nostris breviter inserta protulimus, demonstrantes geminam carnis et deitatis naturam in una Domini et Salvatoris nostri persona, passum quoque eundem in ea natura quæ corporis est, non passum in ea natura quæ deitatis est. Hinc ergo concordi sententia definitioni pro confirmatione sui propriam subscriptionem subjecimus. Isidorus in Christi nomine ecclesiæ Spalensis episcopus subscripsi. Bisinus in Christi nomine ecclesiæ Liberitanæ episcopus subscripsi. Rufinus in Christi

A nomine ecclesiæ Asilonensis episcopus subscripsi. Cambra in Christi nomine ecclesiæ Italensis episcopus subscripsi. Fidentius in Christi nomine ecclesiæ Tuicitanæ episcopus subscripsi. Theodulphus in Christi nomine ecclesiæ Cordubensis episcopus subscripsi. Honorius in Christi nomine ecclesiæ Malacitanæ episcopus subscripsi.

*Habes hucusque, studiose lector (auctore Isidoro Spalensi), quem ordinem observare debeant, qui concilium celebrare constituunt, canones item apostolorum, decreta quoque 30 pontificum, a Clemente scilicet usque ad Silvestrum, acta denique quinquaginta duorum conciliorum.*

**150** *Hactenus digestis conciliis sanctorum Patrum sequuntur decreta præsulum Romanorum præfatæ sedis apostolicæ præsulum constituta, quæ ad fidei regulam vel ecclesiasticam pertinent disciplinam in hoc libro diligentî cura collecta sunt, ita ut singulorum pontificum quotquot decreta a nobis reperia sunt sub uniuscujusque epistolæ serie propriis titulis prænotarentur eo modo quo superius priscorum Patrum canones nostro studio ordinati sunt, quatenus lectoris industria facilius intelligere possit, dum capitulis propriis distincta intendit.*

## INCIPIUNT DECRIPTIONES EX DECRETIS SANCTI SILVESTRI PAPÆ.

Temporibus sancti Silvestri papæ et Constantini piissimi Augusti factum est magnum concilium in Nicæna Bythinia, et congregati sunt regulariter ejusdem Silvestri papæ vocatione in idipsum trecenti decem et octo episcopi catholici qui exposuerunt fidem integram catholicam immaculatam, et damnaverunt Arium, Fotinum, Sabelliumque atque sequaces eorum. Eodemque tempore et xiii Kalendarum Juliarum, die qua memoratum, concilium magnum in Nicæa congregatum est, canonica jam facta papæ vocatione in urbem Romam congregavit, et ipse cum concilio præfati Constantini Augusti ducentos quinquaginta octo episcopos, et damnavit iterum tam Calixtum quam Arium, et Fotinum atque Sabellium, et constituit ut presbyterum Arianum resipiscentem non susciperet, nisi episcopus ejusdem loci eum reconciliaret, et sacrosancto chrismate per episcopalis manus impositionem sancti Spiritus gratia qua ab hæreticis dari non potest, confirmaret. In qua et consensu et subscriptione omnium constitutum est, ut nullus laicus crimen clerico audeat inferre, et ut presbyter non adversus episcopum, non diaconus adversus presbyterum, non subdiaconus adversus diaconum, non acolythus adversus subdiaconum, non exorcista adversus acolythum, non lector adversus exorcistam, non ostiarius adversus lectorem det accusationem aliquam, et non damnabitur præsul nisi in septuaginta duobus. Neque præsul summus a quoquam judicabitur, quoniam scriptum est: « Non est discipulus super magistrum (Matth. x, 24), » presbyter autem cardinalis nisi quadraginta quatuor testibus non damnabitur, diaconus cardinalis constructus urbis Romæ nisi in viginti sex non damna-

bitur, subdiaconus, acolythus, exorcista, lector, ostiarius nisi, sicut scriptum est, in septem testibus non damnabitur. Testes autem et accusatores sine aliqua sint infamia uxores et filios habentes, et omnino Christum prædicantes; testimonium laici adversus clericum nemo recipiat, nemo enim clericum quemlibet in publico examinare præsumat nisi in ecclesia; nemo enim clericus vel diaconus aut presbyter, propter quamlibet causam intret in curiam, nec ante judicem cinctum causam dicere præsumat, quoniam omnis curia a cruore dicitur et immolatione simulacrorum. Et si quis clericus accusans clericum in curiam introverit, anathema suscipiat. Hæc inter cetera in prædicta omni consulta constituit synodo, ut sacrificium altaris non in serico panno, aut tineto quisquam celebrare præsumeret, sed in puro lineo ab episcopo consecrato, terreno scilicet lino procreato atque contexto, sicut corpus Domini nostri Jesu Christi in sindone munda sepultum fuit. Et si quis desideraret in ecclesia militare, aut proficere, ut esset prius ostiarius, deinde lector, et postea exorcista per tempora quæ episcopus constituerit, deinde acolythus annos quinque, subdiaconus quinque annis, custos martyrum annis quinque, diaconus annis quinque, presbyter annis tribus, probatus ex omni parte in tantum ut etiam ab his qui foris sunt testimonium habeat bonum, unius videlicet uxoris virum quæ tamen a sacerdote sit benedicta, et si probatus fuerit dignus, et vota populi et cleri concurrerint canonice episcopis consecratur, quem postea nec clerus, nec populus perturbare debet; quia episcopi qui throni Dei vocantur non sunt lacerandi, de quibus ait beatus Paulus apo-

stolus: « Seniore[m] ne increpaveris, sed ut patrem obsecra (1 Tim. v, 1), » legimus namque ipso Domino dicente « non esse discipulum super magistrum (Matth. x, 24), » hoc est, non sibi debere quemquam ad injuriam doctorum vindicare doctrinam, nec aliqua machinatione Domini discipulos, id est, apostolorum successores detrahare aut infamare, quia injuria doctorum ad Christum pertinet cujus vice legatione funguntur; qualiter enim Dominum contristent, qui hoc agere præsumunt, Dominus in Evangelio testatur, ait enim ipse Salvator: « Quod expediat scandalizanti unum de pusillis istis in maris profunda demergi, et molam asinariam collo ejus suspendi (Matth. xviii, 6). » Si talis ergo pœna Domini discipulos scandalizantibus promittitur, quid in futuro eis provenire debeat summopere pensandum est, quam non parum periculi illis manere poterit ante Dominum, qui hæc detrectent suis exhibere ministris? Quod ita demum probare poterit, si Deum timeant qui talia exercere minime formidant, si imposito sibi[m]et improbo silentio a talibus se deinceps

custodiant: quia nihil prodest homini reliqua bona agere nisi mens ab iniquitate revocetur, et ab obtrectionibus lingua cohibeatur. Unde ait Propheta: « Cohibe linguam tuam a malo, et labia tua ne loquantur dolum, diverte a malo, et fac bonum. (Psal. xxxiii, 14). » Nemo enim bonum faciens, alteri verbo aut facto nocere vult, et reliqua. Hic in memorata constituit omnium consensu synodo, ut nullus presbyter missas celebrare præsumat, nisi in sacralis ab episcopo locis qui sui particeps de cætero voluerit esse sacerdotii. Et pietatis affectu hic sanctissimus papa subgesta synodica revocavit apostolica auctoritate multos ab aliis episcopis excommunicatos, et a tyrannis ejectos ab communionem, et restituit eos in ecclesiis quibus fuerant olim instituti sub satisfactione, atque purgatos eos recepit dans exempla futuris erudiendi sacerdotes de persequentium manibus. Constituit etiam nulla ratione transmarinum hominem penes nos in clericatus gradu suscipi, nisi quinque episcoporum designatus sit chirographis.

## INCIPIUNT DECRETA MARCI PAPÆ.

*Epistola Ægyptiorum pontificum ad Marcum papam pro exemplaribus Nicæni concilii, quia Arianorum exemplaria incenderant.*

Domino sancto et apostolici culminis venerando Marco sanctæ Romanæ et apostolicæ sedis, atque universalis Ecclesiæ papæ, ATHANASIUS et universi Ægyptiorum episcopi.

Ad vos pervenisse non dubitamus quanta et qualia ab hæreticis, et maxime ab Arianis quotidie patimur, quam in tantum ab eis persequamur, ut etiam vivere nos tædeat. Nam instanti tempore subito et insperate in nos irruentes, nosque juxta præceptum Domini, qui ait: « Si vos persecuti fuerint in unam civitatem, fugite in aliam (Matth. x, 23), » fugiendo propter cladem populi, declinantes nos comprehendere non valuerunt, sed omnia nostra depopulati sunt, in tantum enim nostra vastaverunt, ut nec libros, nec vestimenta ecclesiastica, aliaque ornamenta, nec reliqua utensilia nobis dimitterent. Libros vero nostros usque ad minimum incendentes, nec iota unum relinquentes propter veritatis fidem Nicænam synodum, qua clerus et populus imbuebatur, et maxime jam imbuti erant in contumeliam nostram, et omnium Christianorum incenderunt. Quapropter precamur, Pater beatissime, quia non dubitamus apud vos plenaria esse Nicæni concilii exemplaria, ut nobis illa quæ sanctæ recordationis prædecessoris vestri Sylvestri fuerunt sub tuta mittatis stipulatione. Nam quando prædictæ synodo cum beatæ memoriæ Alexandro, digno Deo, pontifice nostro, id est, Alexandrinæ magnæ civitatis episcopo, in diaconatus interfuimus officio sub nostræ poenitentiae testimonio per beatos viros Victorem, Vincentium presbyteros apostolicæ sedis apocrisarios, missa sunt prædicto papæ Sylvestro cum astipulatione

subnexa capitula septuaginta. Sane precantibus nobis octoginta in memorata capitula tractata sunt synodo, scilicet quadraginta, a Græcis Græca lingua edita, et quadraginta a Latinis similiter Latina edita lingua; sed visum est trecentis decem et octo Patribus in prædicto sancto Spiritu repletis concilio congregatis, et maxime jam dicto Alexandro, et apostolicæ sedis apocrisariis, ut decem capitula adunarentur, aliis atque congruis in locis inserebantur, et ad formam sexaginta discipulorum vel totius orbis terræ linguarum, sexaginta tanti et tam excellentis concilii fierent capitula, quæ omnem Christianorum informarent orbem et omnes sub sacerdotali et Christiano nomine degentes, una fides et una sacerdotalis atque clericalis regeret norma, nec quisquam a suo dissideret capite. Nunc ergo ut prædictum est inimici sanctæ Dei Ecclesiæ, et maxime Arianis a quibus quotidie expugnatur, conterimur et opprimimur præfata septuaginta Nicæni concilii capitula quæ de præfata synodo jam facta jubente Domino meo Alexandro, decreto omnium episcoporum attuli, quæ etiam coram omnibus recitavi atque transcripsi, sunt igne combusta, optamus ut a vestræ sanctæ sedis Ecclesiæ auctoritate quæ est mater et caput omnium Ecclesiarum ea ad correctionem et recreationem fidelium orthodoxorum percipere per præsentem legatos mereamur. Vere novimus apostolatus vestri cor gratia sancti Spiritus in tantum esse accensum, ut omnibus oppressis succurratis, quanto magis nobis qui, licet exigui ordinis, tamen vestri sumus vobisque obedientes cum omnibus nobis commissis, et sumus, et esse semper volumus. Ideo decet et oportet vos nobis hæc quæ rogamus, et alia quæ necessaria juxta sapientiam quam vobis



præstitit altissimus esse cognoveritis absque tarditate præstare, ut tantæ miseræ squalores a fidelium mentibus detergantur, et quasi vulnus corpori infixum aditu tantæ miseræ obsecrato salutarî curetur antidoto, ut divino freti juvamine, vestraque auctoritate atque auxilio roborati adversantium tergiversationes evadere valeamus, atque inconfuso vultu non fraude cujusquam percussî assistere æterno judicii mereamur, et vocem audire Christi : « Euge, serve bone et fidelis, quia super pauca fuisti fidelis, supra multa te constituam : intra in gaudium Domini tui (Matth. xxv, 23). » Et subscriptio : Orantem pro nobis sanctum apostolatium vestrum longævus Dominus conservet temporibus.

*Rescriptio Marci papæ, de missione capitulorum Nicæni concilii Athanasio et omnibus Ægyptiorum episcopis.*

Dominis venerabilibus fratribus ATHANASIO et universis Ægyptiorum episcopis, MARCUS sanctæ Romanæ et apostolicæ sedis, universalis Ecclesiæ episcopus.

Doleo, fratres, et nimium contristor super afflictione vestra, sed oppido consolor, quod vento agitata non estis arundo, sed recti in fide inter omnes procellarum et turbinum collutationes incessanter perduratis. Lectis ergo fraternitatis vestræ litteris vigorem constantiæ vestræ quem olim noveramus, agnovimus congratulantes vobis, quod ad custodiendum gregem pastorem curam vigilanter insequimini, ne lupi, qui sub specie ovium subintrarunt, bestiali sævitia supplices quasque dilacerent, qui non ad hoc subintrarunt, ut aliqua correctione proficiant seu ut ea quæ sunt sana, corrumpant. Quapropter moneo et hortor dilectionem vestram, ut bonum quod incepistis adminiculante divina gratia usque in finem perducere satagatis veritatis voce monente : « Beatus qui perseveraverit usque in finem (Matth. xxiv, 13) ; » unde enim beata perseverantia nisi de virtute patientiæ ? Nam juxta Apostolum omnes qui voluerint pie vivere, in Christo persecutionem patientur, quæ non in eo tamen computanda est, quod contra Christianam pietatem, aut ferro, aut ignibus agitur, aut quibuscunque suppliciis cum persecutionum sævitiam suppleant, sed dissimilitudines morum et contumaciæ inobedientium, et malignarum tela linguarum, quibusque conflictationibus communia semper membra pulsantur, a nulla piorum portio conflictatione sit libera. Ita ut periculis nec otio careant, nec labore, nam hæc et omnia incrementa probabilium studiorum, et in eis usque in finem perseverantia atque bonæ voluntatis incrementa ad Christi gratiam semper sunt referenda, ut in omnibus quæ agimus Deus omni perfecte laudetur tempore. De capitulorum namque verorum Nicæni concilii, quibus nos interfuisse litteris vestræ fraternitatis significatis a vobis qui una vobiscum interfuerunt diligentioribus requisivimus colloctionibus, qui ita ut vestræ testatæ sunt litteræ omnem nobis ordinem exposuerunt, et vestram epistolam per omnia veram esse

testificati sunt non ut nos aliquid sinistrum vestra ex parte arbitraremur, sed ut nos et vos illosque absque ulla in posterum titubatione unum sentire optaremus, et sancta Romana Ecclesia quæ semper immaculata mansit, et Domino prævidente, et beato Petro apostolo opem ferente in futuro manebit, sine ulla hæreticorum insultatione firma et immobilis omni tempore persisteret. Illis ita peractis diligenter requirentes in sancto nostræ et apostolicæ sedis serinio eadem quæ sanctæ recordationis prædecessori meo Silvestro sunt directa septuaginta (sicut significastis) capitula illæsa invenimus. Ipsa enim vobis propter auctoritatem, et subscriptionem tantorum Patrum, et ejus magni concilii minime misimus, sed per eadem coram apocrisiariis vestris alia similia, eundem numerum eademque verba, et ipsam subscriptionem continentia vobis rescribere, et sub certa stipulatione et confirmatione mittere curavimus. Et quis est qui fratribus suis talia negare audeat ? Nam non negligenda nobis hæc per sancti Spiritus gratiam Dominus docuit, sed fideliter exercenda et fratribus contradenda et docenda distribuit. Hæc apostolorum viva traditio, hæc est vera charitas quæ prædicanda est, et præcipue diligenda ac fovenda, atque fiducialiter ab omnibus tenenda, hæc sancta et apostolica mater omnium Ecclesiarum Christi Ecclesia quæ per omnipotentis Dei gratiam a tramite apostolicæ traditionis nunquam errasse probatur, nec hæreticorum novitatibus depravanda succubuit, sed ut in exordio normam fidei Christianæ percepit ab auctoribus suis apostolorum Christi principibus ilibata finctenus manet, secundum ipsius Domini Salvatoris divinam pollicitationem, qui discipulorum suorum principi in suis fatus est Evangelii : « Simon, inquit : Ecce Satan expetivit ut cribraret vos sicut qui cribrat triticum, ego autem pro te rogavi ut non deficiat fides tua, et tu aliquando confirma fratres tuos (Luc. xxii, 31). » Consideret itaque vestra excellens prudentia quam bonum sit supersistere in dispensatione vobis credita, et in fide recta, atque hæreticis et æmulis Christi repugnare, et nunquam a veritatis tramite declinare, quoniam Dominus et Salvator omnium ejus fide est, qui pro nobis mori non dubitavit, et proprio nos suo redemit sanguine, qui fidem beati Petri non defecturam promisit, et confirmare cum fratres suos admonuit quod apostolicos pontifices meæ exiguitatis prædecessores confidenter fecisse semper cunctis est cognitum, quorum et pusillitas mea, licet impar sit et infirma, pro suscepto tamen divina dignatione ministerio, pedissequa cupit existere. Væ enim erit nobis qui hujus ministerii onus susceptum habemus, si veritatem Salvatoris nostri Jesu Christi, quam apostoli prædicaverunt, prædicare neglexerimus ; væ erit nobis si silentio veritatem oppresserimus qui erogare nummulariis jubemur, id est Christianos populos imbuere et docere, quid in ipsius Christi futuro dicturi sumus examine, si sermonis ejus veritatem confundimus prædicare ? Quid

erit de nobis cum de commissis nobis animabus, et a de officio suscepto rationem justus iudex Christus Deus noster districtam exegerit. Ideo, fratres, hortor dilectionem vestram, obtestor et moneo, ut quæ debetis et potestis sollicitudine vigiletis ad investigandos hæreticos et inimicos sanctæ Dei Ecclesiæ, et a suis mentibus ne pestis hæc latius divulgetur, severitate qua potestis pro viribus exstirpetis, quo-

niam ut habebit a Deo digne remunerationis præmium qui diligentius quod ad salutem commissæ sibi plebis proficiat, fuerit exsecutus, ita ante tribunal Domini de reatu negligentiae se non poterit excusare quicumque plebem suam contra sacrilegæ præsuasione auctores noluerit custodire. Data xx Kalendas Novembris, Nepotiano et Secundo viris clarissimis consulibus.

## INCIPIUNT DECRETA JULII PAPÆ.

Incipit Romana synodus habita a Julio papa, et reliquis orthodoxis episcopis.

In nomine Domini Dei et Salvatoris nostri Jesu Christi, imperantibus quoque Constantio et Constante Augustis, anno quarto, sub die xix Kalendarum Octobrium, indictione sexta, presidente sancto ac beatissimo Julio papa sedis apostolicæ urbis Romæ, præpositis sacrosanctis et venerabilibus Evangeliiis in Ecclesia Domini Dei et Salvatoris nostri Jesu Christi, quæ vocatur Constantiniana, residentibus etiam viris venerabilibus pariterque cum eo audientibus Benedicto Aquileiensi episcopo, Rufo Carthaginiensi episcopo, Agapito Ravennatis ecclesiæ episcopo, Julio Mediolanensi episcopo, Luciano Maurianensi et reliquis cum eis centum sexdecim episcopis, Julius sanctissimus prædictus episcopus urbis Romæ dixit: Sanctæ Dei et apostolicæ synodo et Dei voluntate, et gratia indivisa communione sancti Spiritus in hac consonanter et unanimiter congregatæ antiqua alma urbe Romæ ad confirmationem sacram et correctionem fidei nostræ, et Christianorum immaculatæ disciplinæ, ut nostis, beatissimi fratres, necesse est cogitare, et consonanter omnes nos docere secundum naturam Dei summi, et Patris sapientiam Domini Dei et Salvatoris nostri Jesu Christi omni desideranti humanam divinamque in eò attestante Veritatis voce naturam, « quoniam qui confitebitur me coram hominibus confitebor et ego eum coram Patre meo qui in cœlis est. Qui autem negaverit me et verba mea, negabo eum et ego coram Patre meo qui in cœlis est (*Matth. x, 33*). » Unde oportet, ut primo fidem trecentorum decem et octo Patrum in Nicæna synodo corroboratam ponamus, et postmodum quæ necessaria sunt fideliter tractemus. Cui ab omnibus una voce responsum est: Ad hoc convenimus, ut post hoc primum secundum Dei voluntatem faciamus, et a fundamento Christi Jesu incipiamus, et denuo pro fratrum oppressione tractantes laboremus; quia dum illi graviter affliguntur, nos respirare, nec quiescere possumus, quia dum membra vexantur, corpus reliquum pacem, aut quietem minime habere poterit, hæc est enim fides Nicæna generali tractata synodo.

Credimus in unum Deum Patrem omnipotentem, omnium visibilium invisibiliumque factorem, et in unum Dominum Jesum Christum Filium Dei, natum ex Patre unigenitum; hoc est substantia Patris, Deum

ex Deo, lumen ex lumine, Deum verum ex Deo vero, natum, non factum, consubstantialem Patri per quem omnia facta sunt: et quæ in cœlo, et quæ in terra; qui propter nos homines et propter nostram salutem descendit; et incarnatus est, et homo factus est, passus. Et resurrexit tertia die, et ascendit in cœlos, et venturus est judicare vivos et mortuos. Et in Spiritum sanctum, dicentes autem erat quando non erat, aut non erat antequam fieret, aut quia ex non existentibus factus est, aut ex altera substantia vel essentia dicentes esse, aut creatum; aut convertibilem Filium Dei: hos tales anathematizavit catholica et apostolica Ecclesia, hanc fidem venerabiliter trecenti decem et octo agnoverunt et corroboraverunt consonantes et unanimes scriptis explanaverunt. Nam Dominus noster mittens ad prædicandum discipulos suos ait: « Euntes, docete omnes gentes, baptizantes eos in nomine Patris, et Filii, et Spiritus sancti (*Math. xxviii, 19*), » de quibus et affirmamus ita habere, et ita sapere, sed etiam dudum sic habuisse, et ita sapuisse, et usque ad mortem pro hac instare fide anathematizantes omnem sine Deo hæresim. Hæc omnia ex corde, et anima sapuisse, ex quo novimus nosmetipsos, et nunc sapere et dicere coram omnipotente Deo et Domino nostro Jesu Christo cum veritate testamur. His enim ita prælibatis ingenua Patris natura extranea est, sed prædicandum esse consubstantialem Patri Filium, eo quod nullam æqualitatem ad creaturas factas Dei Filius habeat, sed soli Patri genitori per omnem modum sit similis, et non sit ex alia qualibet substantia vel essentia, sed ex Patris ante omnia. Siquidem exquisita sunt impia et iniqua, et sine Deo dogmata Arii, et consentientia ei sub præsentique omnium decreto complacuit anathematizari impiam ejus sectam, et iniqua atque sine Deo verba simul et nomina quibus utebatur, Filio Dei blasphemans, et dicens ex non exstantibus esse, et iterum fuit aliquando quando non fuit. Quomodo enim fuit, aut quomodo iterum non fuit? Et pro libero arbitrio malitiæ, atque virtutis capabilem Filium Dei dicentes, creaturam nominantes eum atque facturam. Hæc ergo omnia fatua et anilia et blasphema anathematizavit sanctum et universale concilium, et nec usque ad auditum impiæ sectæ, atque timoris hujus, aut intellectum iniquorum sensum accommodant. Ea quidem quæ de illo gesta



sunt qualem terminum habuerunt omnia jam audistis, et audietis nec nos forte videamur viro obloqui, propter delictum suum impropria digna portanti. Eos enim qui dividunt a Patre substantia et divinitate, et alienatur verbum a Patre, dividi ab Ecclesia catholica convenit, et esse alienos a nomine Christiano. Sint igitur nobis et omnibus anathema, eo quod Verbum veritatis videantur esse cauponati. Apostolicum namque præceptum est : Si quis vobis annuntiaverit præter quod accepistis, anathema sit. His ergo nullum communicare denuntiate : nulla est enim communicatio lucis ad tenebras ; hos pellite procul ab omnibus : nulla enim concordia Christi ad Belial. Servate vos, fratres charissimi, ut neque scribatis eis, neque eorum scripta suscipiatis. Studete simul et vos, fratres charissimi et comministri, tanquam spiritum et præsentem nostro concilio consentire, atque subscriptione vestra decernere, ut ab omnibus ubique comministris nostris consonantia una servetur. Abdicamus autem illos et extra terminos catholicæ Ecclesiæ procul abjiciamus, qui non affirmant quod Deus est Christus, sed aiunt : verus Deus non est, quia Filius est, sed verus Filius non est, ne genitus sit simul et ingenus. Sic enim se intelligere natum profitentur, quia sic dixerunt : Quod natum est factum est. Et quia cum Christus ante sæcula sit, dederunt ei principium atque finem, quod non in tempore, sed habet ante sæcula. Oremus simul et pro nobis omnibus et reliquis oppressis fratribus, ut ipsi eruantur illæsi, et servantur immaculati, ut quæ bene placuerunt firma permaneant per Dominum nostrum Jesum Christum secundum bonam voluntatem facta, sicuti credimus Dei et Patris in Spiritu sancto, cui est gloria in sæcula sæculorum. Amen. Trinitas consubstantialis aterna est. Data Kalend. Novembris, Feliciano et Maximiano IV consulibus.

*Epistola increpatoria Julii papæ ad Orientales episcopos pro causis Athanasii, et excessibus contra Romanam Ecclesiam.*

Venerabilibus fratribus universis Orientalibus episcopis JULIUS.

Decuerat vos, fratres, alios ecclesiasticis instruere disciplinis, et non talibus arguere machinantibus dicente Joanne Baptista : « Neminem conculcatis, neque calumniam faciatis (Luc. iii, 14), » et reliqua. De qua re et apostolus Paulus nos instruit dicens : « Fratres, et si præoccupatus fuerit homo in aliquo delicto, vos qui spirituales estis instruite hujusmodi in spiritu lenitatis, considerans teipsum, ne et tu tenteris (Gal. vi, 1), » et reliqua. Et alibi Petrus apostolus ait : « Omnes unanimes in oratione estote, compatientes, fraternitatis amatores, misericordes, modesti, humiles, non reddentes malum pro malo, vel maledictum pro maledicto, sed e contrario benedicientes, quia in hoc vocati estis, ut benedictionem hæreditate possideatis. Qui enim vult vitam diligere et videre dies bonos, coerceat linguam suam a malo, et labia ejus ne loquantur dolum ; declinet a malo et faciat bonum, inquirat pa-

cem et sequatur eam, quia oculi Domini super justos, et aures ejus in preces eorum, vultus autem Domini super facientes mala (I Petr. iii, 8-12). » Quid pejus est, fratres, quam ut sacerdotes Domini qui ab omni mala coinquinatione, et a nocumeto omnium Christianorum alieni debent existere, quanto magis a fratrum et coepiscoporum quos tueri et sublevare debent ab insidiis, et quos fovere et diligere summopere oportet, persequuntur eos ejicere, et communionem privari detractant. Nec recordamini sapientiam quæ ait : « Perversæ enim cogitationes separant homines a Deo (Prov. xv, 26); » si perversæ cogitationes separant homines a Deo, quanto magis opera iniqua? Quid enim nequius est quam illis de quibus Dominus ait : « Qui vos tangit, tangit pupillam oculi mei (Zach. ii, 8), » quisquam avertere, persequi, destruere nitatur? Probata autem virtus portat, protegit, et consolatur oppressos et docet insipientem. Est enim Deus testis cordis hominis, scrutatorque verus singularum conscientiarum, et linguarum singularum auditor, quam spiritus Domini replevit orbem terrarum, « et hoc quod continet omnia scientiam habet vocis. » Et alias idem ipse ait : Deus charitas est, in hoc apparuit charitas Dei in nobis, quoniam Filium suum unigenitum misit Deus in mundum, ut vivamus per eum. In hoc est charitas non quasi nos dilexerimus Deum, scilicet quoniam ipse prior dilexit nos, et misit Filium suum propitiationem pro peccatis nostris. Charissimi, si Deus dilexit nos et nos debemus invicem diligere; Deum nemo vidit unquam. Si diligamus invicem, Deus in nobis manet, et charitas ejus in nobis perfecta est; in hoc intelligimus, quoniam in eo manemus, et ipse in nobis, quoniam de spiritu suo dedit nobis, et nos vidimus, et testificamur, quoniam Pater misit Filium suum Salvatorem mundi. Quisquis confessus fuerit, quoniam Jesus est Filius Dei, Deus in eo manet, et ipse in Deo; et nos cognovimus, et credimus charitati quam habet Deus in nobis; Deus charitas est, et qui manet in charitate, in Deo manet, et Deus in eo. In hoc perfecta est charitas non quasi nos dilexerimus Deum, sed quoniam ipse prior dilexit nos, quia sicut ille est, et nos sumus in hoc mundo. Timor non est in charitate, sed perfecta charitas, foras mittit timorem, quoniam pœnam timor habet; qui autem timet, non est perfectus in charitate. Nos ergo diligamus Deum, quoniam Deus prior dilexit nos. Si quis dixerit, quoniam diligo Deum, et fratrem suum oderit, mendax est. Qui enim non diligit fratrem suum quem videt, Deum quem non videt, quomodo potest diligere? Et hoc mandatum habemus a Deo, « ut qui diligit Deum, diligit fratrem suum. (I Joan. iv, 9-21). » Nam et ipsa Sapientia ait : « Lingua sapientium ornat scientiam, os fatuorum ebullit stultitiam. In omni loco oculi Domini contemplantur bonos et malos, lingua placabilis lignum vitæ, quæ autem immoderata est, conteret spiritum. Domus justi plurima fortitudo, et in fructibus impii conturbatio; labia sapientium disseminabunt scien-

tiam, eor stultorum dissimile erit, victimæ impiorum abominabiles erunt Domino, vota justorum placabilia. Qui sequitur justitiam, dirigitur a Domino. (*Prov. xv, 2-9*). » Item alibi : « Labia justi considerant placita, os impiorum perversa (*Prov. x, 32*), simplicitas justorum dirigit eos, et supplantatio perversorum vastabit eos; justitia rectorum liberabit eos, et in insidiis suis capientur iniqui; justus de angustia liberabitur, et tradetur impius pro eo. Simulator ore decipit amicum suum, justi autem liberabuntur scientia, in bonis justorum exaltabit civitas, et in perditione impiorum erit laudatio, benedictione justorum exaltabitur civitas (*Prov. xi, 3, 5, 6, 8, 11*). » Nec consideratis, qui fratres persequi non cessatis, qualia Job patientissimus inter cætera exorsus loquitur : « Auris audiens beatificabat me et oculus videns testimonium reddebat mihi, quod liberassem pauperem vociferantem, et pupillum cui non esset adjutor, benedictio perituri super me veniebat, et cor viduæ consolatus sum, justitia indutus sum, et vestivi me sicut vestimento, et diademate judicio meo. Oculus fui cæco, et pes claudus. Pater eram pauperum, et causam quam nesciebam diligentissime investigabam. Conterebam molas iniqui, et de dentibus illius auferabam prædam (*Job xxix, 11-17*), » et paulo post : « Si negavi, inquit, quod volebant pauperibus, et oculos viduæ exspectare feci. Si comedi buccellam meam solus, et non comedit pupillus ex ea, quia ab infantia mea crevit mecum misratio, et de utero egressa est mecum (*Job xxxi, 16-18*). » Nam si quis ex recto omnia consideraverit oculo nequaquam fratribus nocere, sed liberare festinabit; quia nihil deterius est, quam cives civibus invidere, et fratres fratribus insidiari, aut calumnias facere. Tõlibus enim refragari volentes insidiis, Patres sancti synodum congregaverunt generalem in Nicæa, vitam corrigere hominum cupientes in Ecclesia commorantium, licet dudum instituta sanctorum multa Patrum essent conscripta, posuerunt leges, quas sacros canones appellamus, quibus multa per necessaria ad statum Ecclesiæ sanctæ Dei, et supplementum columnarum ejus, id est, episcoporum qui eam propriis humeris gestant, sunt decreta, et nocumenta eorum prohibita : ita ut qui talia agere tentaverint, aut eis nocere præsumserint, siquidem clerici fuerint a proprio gradu decendant, si vero monachi aut laici fuerint, anathematizentur. Quibus armati exemplis oportere arbitrati sumus ab omnipotenti Deo inspirati, ut hanc accensam discordiæ flammam extinguere apostolica debeamus auctoritate, et non concedere eam ulterius animas depasci humanas. Quapropter una cum omnibus apostolicæ subjectis sancimus, ne quisquam deinceps Christianorum talia perpetrare, aut episcopis temere nocere præsumat, cum et doctor gentium, idipsum prohibeat, dicens : « Seniores ne increpaveris, sed obsecra ut patrem (*I Tim. v, 1*), » et reliqua; bonum est namque procul dubio, et omnibus timentibus Deum desiderabile, cohibere dissensiones, et alter-

ationes, fratribusque subvenire, et invicem non invidere, sed adjuvare. Audite, inquam, jam factam in Nicæna civitate synodum, cui et ego ipse conscientia meæ cultum decenter exhibui nihil aliud volens quam concordiam omnibus fabricare, et per cunctis arguere et remove hanc insidiantium altercationem, quas providentes sancti Patres, insidias, et illicitas altercationes unanimiter in prædicta Nicæna statuerunt synodo, ut nullus episcopus nisi in legitima synodo et suo tempore apostolica auctoritate convocata, super quibusdam criminationibus pulsatus audiat, id est, judicetur, vel damnetur. Sin aliter præsumptum a quibusdam fuerit, in vanum deducatur quid egerint, nec ecclesiastica ullo modo reputabuntur. Ipsi vero primæ sedis ecclesiæ convocandarum generalium synoderum jura et judicia episcoporum singulari privilegio evangelicis et apostolicis, atque canonicis concessa sunt institutis; quia semper majores causæ ad sedem apostolicam multis auctoritatibus referri præceptæ sunt, nec ullo modo potest major a minore judicari, ipsa namque omnibus major et prælata est ecclesiis, quæ non solummodo canonum sanctorum Patrum decretis, sed Domini Salvatoris nostri voce singularem obtinuit principatum. « Tu es, inquit, Petrus, et super hanc petram ædificabo Ecclesiam meam, » et reliqua. Et « quodeunque ligaveris super terram et solveris, erunt ligata et soluta in cælo et in terra (*Matth. xvi, 18, 19*). » Porro dudum a sanctis apostolis, successoribusque eorum in præfatis antiquis decretum fuerat statutis, quæ hæc tenet Ecclesia, non oportere præter sententiam Romani pontificis concilia celebrari, nec episcopum damnari, quoniam sanctam Romanam Ecclesiam primum omnium ecclesiarum esse voluerunt. Et sicut beatus Petrus apostolus primus fuit omnium apostolorum, ita et hæc Ecclesia suo nomine consecrata, Domino instituyente, primum caput sit cæterarum; et ad eam quasi ad apicem omnes majores ecclesiæ causæ et judicia episcoporum recurrant, ejusque juxta terminum sumant sententiam, nec extra Romanum quidquam ex his debere decerni pontificem, quatenus non ita proterve, et pro libitu quisquam suo proprio arbitrio, quibusque metropolitanus, sicut agere solebat, liceat inconsulto Romano pontifice, aut majores Ecclesiæ causas deturbare, aut episcopos damnare; sed communi sanctæ Romanæ sedis episcopi concilio, et concordii actione quæque sunt Christi zelo agenda disponant, unanimiterque recte sentiant; et ea quæ senserint non sibi met discrepando, sed Deo placita perficiant. Est etiam in jam fata Nicæna concorditer statutum synodo, ut accusatores et accusationes quas sæculi leges non admittunt a sacerdotali funditis averti nocumento. « Ecce (inquit Propheta) quam bonum et quam jucundum habitare, fratres, in unum! » (*Psal. cxxxii, 1*). Illi vero non in unum habitant, qui a fratrum se solatio subtrahunt, aut fratribus insidias præparant. Non alieno vos,



fratres, patiemini peccato gravari, quia quod necesse est, nos dicere veremur, id est, ne cuius religio dissipatur, indignatio provocetur. Præ oculis habete, et tota mentis acie reverenter aspiciate beati Petri gloriam, et cum ipso communes omnium apostolorum coronas cunctorum quæ martyrum palmas, qui pro fratrum non destructione, sed confirmatione, et veritate in Christo passi sunt. Nos ergo qui Domini discipuli et dici et esse volumus, portare crucem Christi, et compati fratribus debemus, non persequi. Subtrahite rogamus actus cogitationesque a talibus nocuentis, si non vultis ipsam in vos suscipere ultionem, quoniam talionem meretur, qui fratri foveam præparat. Et nos scitote hunc typum deinceps non esse passuros, ut ea quæ ad hanc specialiter sanctam pertinent sedem sicut iudicia episcoporum, et majores Ecclesiæ causas, ut paulo superius prælibatum est, nos patiamur nobis inconsultis invadere absque nostri periculo. Sed si quis ab hodierna die, et deinceps eum præter hujus sanctæ sedis sententiam damnare, aut propria pellere sede præsumperit, sciat se irrecoverabiliter esse damnatum, et proprio carere perpetim honore, eosque qui absque hujus sedis sunt ejecti sententia vel damnati, hujus sanctæ sedis auctoritate scitote pristinam recipere communionem, et in propriis restitui sedibus; quoniam et prius a tempore, scilicet apostolorum, hæc huic sedi sanctæ concessa sunt, et postea in memorata Nicæna synodo propter pravorum hominum infestationes, atque hereticorum persecutiones et insidiantium molimina fratrum sunt concorditer ab omnibus corroborata, ut magis singuli provideant, ne talia audeant perpetrare, et caveant, si non propter Deum et amorem fratrum, tamen propter opprobrium hominum, ruborem suum atque canonicam ultionem, saltem hæc timore et verecundia compressa silentio comprimentur, amputato, scilicet, totius usurpationis excessu; quia nullus debet præsumere, quæ sibi non videntur esse concessa; quam culpam nullo modo potuissetis incidere, si unde consecrationem honoris accipitis, inde legem totius observantiæ sumeretis, et beati apostoli Petri sedes quæ vobis sacerdotalis mater est dignitatis, esset ecclesiasticæ magistra rationis. Unde sicut multum nos ea quæ nobis pie recteque sunt acta lætificant, ita nimium ea quæ sunt perperam gesta contristant, quoniam necesse est post multarum talium experimenta causarum hæc in posterum sollicitudine prospici, et diligentius præcaveri, quatenus ea quæ sunt ab apostolis eorumque successoribus statuta, nulla desidia negligantur, nulla dissensione violenter, nulla concertatione turbentur. Nam sicut in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra; connexio totius corporis unam sanitatem, unam pulchritudinem facit, et hæc quidem connexio totius corporis unitatem requirit, sed præcipue exigit concordiam

A sacerdotum quibus, etsi dignitas communis non est, tamen ordo generalis est, quoniam inter beatissimos apostolos in similitudine honoris fuit quædam discretio potestatis, et cum omnium par esset electio, uni tamen datum ut cæteris præcerneret. De qua forma episcoporum quædam orta est distinctio, et magna ordinatione provisum est, ne omnes sibi omnia vindicarent, sed essent in singulis provinciis singuli, quorum inter fratres haberetur prima sententia; et rursus quidam in majoribus urbibus constituti, sollicitudinem ejus susceperent ampliorem, per quos ad unam Petri sedem universalis Ecclesiæ cura conflueret, et nihil usquam a suo capite dissideret. Qui ergo scit se quibusdam præpositum non moleste ferat aliquem sibi esse prælatum, sed obedientiam quam exigit, etiam ipse dependat. Nolite **153** itaque errare, fratres mei dilectissimi, doctrinis variis et extraneis nolite abduci, et instituta apostolorum et apostolicorum virorum canonesque habetis, his fruinini, his circumdamini, his delectamini, his armamini, ut freti contra inimicorum jacula persistere valeatis; satis enim indignum est quemquam vel pontificem vel ordinum subsequentium hanc regulam refutare quam beati Petri sedem, et sequi videat et docere. Multum enim convenit, ut totum corpus Ecclesiæ in hac sibi met observatione concordet quæ inde auctoritatem habet, ubi Dominus Ecclesiæ totius posuit principatum, dicente Scriptura: « Ordinate in me charitatem (Cant. II, 4); » et item: « Omnia cum ordine fiant. » Iterumque C Psalmista prædicante: « Circumdate Sion, et complectimini eam, narrate in turribus ejus. Ponite corda vestra in virtute ejus, ut enarretis in progenie altera, quoniam hic est Deus Dominus noster in æternum, et ipse reget nos in sæcula (Psalm. XLVII, 13-15). » Officii enim nostri consideratione non est nobis dissimulare, non est tacere libertas, quibus major cunctis Christianæ religionis zelus succumbit, ne per taciturnitatem, aut fovere, aut consentire videamur fratrum nocumenta. Data Kalend. Octobris, Feliciano et Maximiano viris clarissimis consulibus.

*Epistola Orientalium ad Julium papam causantium, quod in communionem receperit Athanasium et ceteros quos ipsi damnaverant.*

D Domino beatissimo et honorabili Patri JULIO apostolicæ sedis venerabili episcopo, EUSEBIUS, THEODORIUS, THEODORUS et BERINTHUS, una cum reliquis fratribus, et coepiscopis nostris in Antiochia congregatis.

Licet circa omnes Romanam Ecclesiam sciamus esse munificam et apostolicam habere curam, et semper matrem existere pietatis, quamquam ab Oriente ad eam prædicatores pietatis advenissent, tamen optaremus vos nobiscum concordare, et quos a communione suspendimus a vobis esse suspensos, et quos in ordine confirmamus episcoporum a vobis esse confirmandos, nec nos secundo loco habendos, cum ex his partibus ad vos usque dogmatizantes apostoli pervenerint. Nec enim nos vestris resultavimus, quam -

vis hoc agere potuissemus, quando Novatianus a Romana pulsus est Ecclesia; quoniam (uti juxta vulgarem consuetudinem loquamur) inimicitias quærit omnis qui vult recedere ab amico. Nec crimine carere potest, qui alterius excommunicationem absque ejus licentia a quo a communione est privatus in communionem suscepit, canonibus, scilicet jubentibus, ut excommunicatus ab aliis non suscipiant viventibus illis a quibus communione privatus esse dignoscitur. Nec solum in his nobis contumeliam irrogatis, sed etiam in his quod concilia nostra dissolvitis neque ea rata sinitis esse. Sunt namque a nobis et maxime a totius Orientis episcopis damnati, Athanasius Alexandrinus, Paclus Constantinopolitanus, Marcellus Ancyrae, Asclepius Gazæ, Lucianusque Adriopolites pro certis criminibus, quibus adversarii sunt apud nos inscripti, qui per præsentis hujus epistolæ lateres omnia sub certa relatione vestrae innotescere non omittimus sanctitati. Quibus agnitis si nostris placitis magis quam eorum machinationibus assentire, et ordinatos episcopos in damnatorum loco firmare eligitis, pacem vobiscum, et communionem habere volumus. Si vero aliter egeritis, et eis amplius quam nobis assentire judicaveritis, contraria celebrabimus, et vobiscum deinceps nec congregari, nec vobis obedire, nec vobis vestrisque favere volumus, sed per eos quicquid melius elegerimus agere conabimur. Nam nullus est in hac parte terrarum ætatem habens qui ignoret prædictorum molimina seductorum. Propter eos enim multa sunt mala peracta, multa concilia diversis et asperis temporibus celebrata, multæ seditiones, multæ machinationes, multa nobis opprobria illata, et alia multa quæ enumerare perlongum est. Nam si his consentire eligitis, tunc liquet quod nos perdere vultis, et non ut pater filios fovere. Dicunt enim et affirmant tam cives istorum, quam etiam sacerdotes eorum, hos vovere vos velle homicidas, sacrorum templorum eversores, virginum stupratores, sacrorum librorum incensores, sacrorumque vasorum, ac cæterorum sacrorum ministeriorum fraudatores, officiorum neglectores, imperatorum infidos, gentis et patriæ proditores, et inter sacerdotes maximam generantes discordiam, eo quod consubstantialitatis vocem, quæ scripta non invenitur in fidei doctrina, posuissent. Quid plura enumerare necesse est? cum propter eos nobis et cunctis hujus regionis habitatoribus scientibus tanta cædes hominum sit perpetrata, ut amplius quam mille homines sint prostrati? Talibus autem favere quid aliud est quam sceleribus eorum consentire? cum sacra Scriptura prohibeat, dicens: « Non solum qui faciunt, culpabiles existunt, sed etiam qui consentiunt facientibus (Rom. 1, 32). » Talibus enim vos obsistere totis viribus oportet, ne involvamini in peccatis eorum, et excommunicationem eorum ne suscipiatis. Tales enim a vobis procul abjicite, ne propter ani-

mositatem talium hominum infirmæ animæ et ignari populi sacrilega dissensione dispereant. Itaque oportet vos improbis probe resistere. Quapropter si neglexeritis deturbare perversos, liquet quod eorum protegatis errorem. Nec vero caret scrupulo societatis occulte, qui manifeste facinoribus desinit obviare. Decet enim vos ad arguendam proterviam eorum, linguam vestram exacuere, et velut venenosos a vobis repellere, ne eorum veneno vos vestrique in aliquo sauciamini. Igitur sufficiunt nobis querimoniæ contra eos delatæ, quoniam derelinquet nos tempus secundum quod ait Apostolus: « Si voluerimus omnium obloquentium oblatas contra eos producere querelas, maxime cum hæc nobis sufficiant quæ superius dicta sunt. » Nec vobis necesse est iterum eorum divulgare mala cum ipsa per se prodeant, et maxime omnes orientales testes super eorum malis existant, in ore eorum (juxta quod scriptum est) duorum vel trium testimonium stabit omne verbum, quanto magis in multitudine tantorum sacerdotum, et populorum, abbatum, vel monachorum in scripto, et sine scripto contra horum pravitatem nos quotidie vox acclamantium. Nos vero diu expectamus eos per multam patientiam, « ut crearent uvæ, sed illi e contrario fecerunt labruscas (Isai. v, 2). » Vos ergo non oportet de cætero negligere, et differre tales, ne (quod absit) memoratis criminibus eorum submittami irritabiliter eos episcopos ponentes, ipsi enim nisi cito corrigantur juxta quod beatus Apostolus protestatur, « secundum duritiam eorum, et cor impœnitens thesaurizant sibi iram in die iræ, et revelationis justi judicii Dei, qui reddet unicuique secundum opera ejus (Rom. 11, 5, 6), » quia corrigendi sunt, ne per temporalem delectationem, et per mendacia atque figmenta sua vobis assensum præbentibus, æterna perdant præmia, qui per veram pœnitentiam consequi poterunt. Nec hæc quæ prædicta sunt solummodo Athanasio et sequacibus ejus irrogamus, sed etiam quod contra regulam egerit, quam nos decreveramus, quia non decreto communis concilii episcoporum recepit sacerdotium, sed sibi et arrogando Ecclesiam fuisset ingressus, et in sede resedisset, cum dudum decretum fuisset nullum a pauciore numero restitui debere, quam depositum fuisse constaret. Deinde quanquam ejus adventu sit turba generata, plurimique seditione sint mortui, et non solum hæc per eum, et propter eum sunt peracta, sed etiam quidam a jam dicto Athanasio cæsi judicibus dicuntur esse contraditi, hæc et alia innumerabilia sunt ab eo, suisque sequacibus impudenter perpetrata, quos excommunicatos communioni ut audivimus, contra regulam in contumeliam omnium orientalium sociastis. Præfatio itaque debitæ salutationis officio propter beati Petri honorem impenso postulamus, ut deinceps ad vestras hinc venientes aures, non tam facile admittatis, neque a nobis excommunicatos ultra velitis excipere, ne canonum transgressores inveniamini, sed magis, salva fraterna charitate, erratum hoc in posterum minime patiamini, et subscriptio orantem



pro nobis apostolatium vestrum Dominus ævo custodiat longiore, beatissime Pater. Amen.

*Rescriptum Julii papæ contra Orientales pro Athanasio et cæteris.*

Julius sanctæ Romanæ et apostolicæ Ecclesiæ episcopis, EUSEBIO, THEOGNIO, THEODORO, BERTINIO et cæteris orientalibus episcopis.

Decuerat vos adversus sanctam Romanam Ecclesiam et apostolicam limare, et non ironice loqui, quoniam et ipse Dominus noster Jesus Christus eam decenter allocutus ait: Tu es, inquit, Petrus, et super hanc petram ædificabo Ecclesiam meam, et portæ inferi non prævalebunt adversus eam, et tibi dabo claves regni cælorum (*Matth. xvi, 18*). Habet enim potestatem singulari privilegio sibi concessam aperire et claudere januas regni cælestis quibus voluerit. Nam si ei detrudere quæ Domini ore sacrata atque desuper exaltata sunt, non renuistis, nec mirum si fratribus injurias irrogare minime cessatis, unde jam silentio non teguntur quæ vestro in concilio turbulentur atque cum tempestate decreta sunt. Apparet enim quoniam tumultuosa indiscipline veritas est oppressa, vobis quippe inconsiderantibus quæ placet Deo propter jurgia quæ contra proximos vestros habetis, et vota vestra inevitabilia esse contenditis, sed erit opus divinæ providentiæ, quatenus e contrario aperte deprehensa possint enarrari, et quidquid illic convenientes sive qualibet gratia, odio aut inimicitiarum causas gessistis funditus repelli. Quapropter cum omni festinatione vos omnes ad hujus sanctæ sedis reverentiam volo concurrere, quatenus gestorum apud nos integritatem per vos ipsos possitis ostendere; nam nec dubitare vos credo Athanasium sacræ legis doctorem non solum a nobis, sed etiam a Nicæna synodo veræ fidei cultorem esse comprobatum, qui, defuncto Alexandro mirabili sene qui Arii prostraverat blasphemias, post quinque menses Nicæni concilii Alexandrinorum Ecclesiæ suscepit præsulatum, adversus quem ejusque sectatores multa mendacia texentes, et nudas valde calumnias quasi veras accusationes componentes, nobis multorum malorum eum causam, et caput esse perhibuistis, et non solum apud Ægyptum, sed etiam apud Palestinam, et Phœnicem vicinasque gentes scriptis vestris illum perturbatorem esse significastis. Quare ecclesiasticam sequentes regulam, vos Romæ regulariter ad judicium die statuta non sub angusto temporis spatio (ut excusatio locum non inveniat) litteris et apocryphis evocavimus, illique vocatione suscepta ad diem præstitutum venire, sed vos ne vestris mendaciis caperemini, vestraque calumnia enudaretur, venire distulistis. Nec his machinationibus solummodo contenti estis, sed etiam videntes oves pastoribus desolatas lupos pro pastoribus super eas posuistis. Decuerat ergo ut ad regularem veniretis convocationem, qualiter de his et de aliis vestris præsumptionibus veram redderetis rationem: quoniam occurreret veritas, si falsitas displiceret; et nullus dubitat, quod ita judicium nocens subterfu-

git, quemadmodum innocens ut absolvatur, requiritur; nec suspicione caret, qui alium calumniis derogat falsa dixisse, cum ipse ad judicium ut probet quæ intulit evocatus venire distulerit. Vellem enim vos magis ad jam dictam canonicam convenire vocationem, ut coram universali concilio redderetis rationem, cur synodum ad statum ecclesiarum, et fratrum in Antiochiam subvertendum, et Nicæni magni concilii destructionem fecistis; aut cur nobis inconsultis episcopos in eam convocastis, ad quam nec maximus Hierosolymitanus venit, nec nostra interfuit legatio; canonibus quippe in Nicæna synodo jubentibus non debere præter sententiam Romani pontificis ullo modo concilio celebrari, nec episcopos damnari, aut cur in prædictorum loco fratrum alios ad ultimos posuistis antequam penes nos, aut apocryphis nostros eorum causa canonice esset examinata, si nemque perciperet rectum. Isti enim qui ad me **154** moratam regulariter venire vocationem videntes vos a prædictis subtrahere calumniis multa adversus vos lacrymabilia et doloribus plena referunt accusantes vos, et dicentes multa se importabilia a vobis esse passos. Vos ergo refugientes venire, illosque perseverantes in vera ratione, suisque calumniis reclamantes, super quibus et Ægyptiorum episcopi litteris nobis missis protestantur suis falsa esse qui contra Athanasium suosque sectatores machinantur cuncta Arianorum machinata blasphemias. Talibus namque figmentis liquet eos esse inculpabiles vosque culpabiles, quia si de vera confideretis innocentia, nullo modo a jam dicta vos canonica subtraheretis evocatione, quæ non subito sed spatiose denunciata est, sed omni subducta apologia absque tardatione venire, et causas reddere festinaretis. Quibus ita gestis scripsi vobis, et omnibus qui in Antiochiam contra apostolicam canonicamque regulam nobis inconsultis fueratis congregati, arguens vos primum de injuriis litterarum, deinde cur Athanasium suosque sectatores ad vestrum concilium convocassetis, canonibus, scilicet, præcipientibus nihil extra Romanum decerni pontificem, cui hæc et majora ecclesiarum negotia tam ab ipso Domino, quam ab omnibus universorum conciliorum fratribus speciali (ut jam dictum est) privilegio contradita sunt. Vobis vero refugientibus et ad concilium toties convocatis adesse nolentibus. Illis quoque in sua reclamatione, et justa ratione persistentibus, vestraque cognoscentes crimina, et illorum justam examinentes rationem, omnesque eos Nicæno concilio comperientes et nostris apostolicis jussionibus obtemperantes, visum est nobis ac universo concilio, ut nos divinis præceptis, et apostolicis monitis informati, qui pro omnium ecclesiarum statu impigro vigilare debemus effectu, si quidquam reprehensioni usquam invenitur obnoxium celeri sollicitudine ab ignorantia imperitia, aut a præsumptionis usurpatione revocemus. His taliter consideratis atque discretis tanquam omnium curam gerentes, propter sedis propriæ dignitatem suscepi-

mus eos in communionem, singulisque cum suis auctoritate hujus sanctæ sedis rebus, proprias reddidimus ecclesias, quoniam huic sanctæ sedi propter pravorum hominum insidias ipso Domino instituent et sanctis apostolis eorumque successoribus per singula concilia roborantibus hoc semper licuit, libebitque Domino auxiliante in perpetuum. Unde qui se scit aliis esse præpositum, non moleste ferat aliquem sibi esse prælatum, sed temperantiam quam ab aliis requirit gratis, et ipse dependat. Quapropter increpando vobis scribo, quia non recte tractastis viros inculpato, et a nobis minime examinatos de suis ecclesiis communionem privatos pel-lentes, et ecclesiasticæ disciplinæ injuriam irrogantes, constitutumque Nicæni concilii minime servantes, talia indiscipline agere non formidastis. Idcirco quoniam dudum venire vocati renuistis, modo ad certum diem, id est xv Kalend. Novemb., vos iterum regulariter litteris missisque evocamus, ut coram vobis ostendamus nos justam in eos protulisse sententiam, et de cætero non talia esse passuros. Est etenim in antiquis Ecclesiæ statutis decretum ut aliena qui invadit non exeat impunitus, sed cum multiplicatione restituat, unde et in Evangelio scriptum est: « Quod si aliquid defraudavi reddo quadruplum (*Luc. xix, 8*). » In lege quoque cautum est: « Maledictus omnis qui transfert terminos proximi sui, et dicit: omnis populus. Amen (*Deut. xxvii, 17*). » Quare miror vos tam audaces esse et tam impudenter egisse, et terminos ac jura beati Petri apostolorum principis invasisse. Sui enim (ut paulo superius comprobatum est) juris erat, ut absque ejus sanctæ Sedis auctoritate nullus deberet, aut concilia celebrare, aut episcopos ad synodum convocare, vel damnare, quæ omnia vos temerare non timuistis. Quid ergo est aliud talis præsumptio, nisi quod apostolorum eorumque successorum decreta transgredi, et maledictionem superius comprehensam in lege, scilicet, cautam quam omnis populus uno ore, consonaque responsione per Amen, id est fiat, confirmavit, suscipere non timuistis. Nam, ut reor, talibus transgressionum funiculis constricti, nostrum ne vestra proderentur flagitia examen declinastis, et ad supradictam vocationem venire distulistis. Sane manifestum est sum eos confiteri crimen, qui toties evocati absque inevitabili causa venire distulerint, et purgandi se voluntate non utuntur. Nam si de vestris dictis confideretis, et in faciem probare non distulissetis. Tales insidiatores spiritum prævidentes sancti Patres in Nicæa congregati leges statuerunt, quas canones appellamus, ne facile prohi ab improbis damnarentur, ex quibus nullas sententias his inseri judicavimus, ut tantorum Patrum auctoritate nostra roboraretur epistola, atque omnes orientales sive reliquarum partium episcopi hæc audientes, in tantam foveam non incidant, ne damnationem a Patribus decretam percipiant. Sequuntur enim hæc ex prædicto concilio Nicæno capitula, id est, xviii, xix, xxi, xxii, xxvi, xxvii, xxviii, xxxiii, xli, et v,

A viique, et ix, ac li, lii, liii, liv, lv, lvii, lviii, lix, lx, lxi, lxiii, lxvi.

Ut omnes episcopi qui in quibusdam gravioribus pulsantur vel criminantur causis, quoties necesse fuerit libere apostolicam appellent eedem, atque ad eam quasi ad matrem confugiant, ut ab ea, sicut semper fuit, pie fuleantur, defendantur, et liberentur. Cujus dispositionis omnes majores ecclesiasticas causas et episcoporum judicia antiqua apostolorum eorumque successorum atque canonum auctoritas reservavit.

Quoniam culpantur episcopi qui aliter erga fratres egerint, quam ejusdem sedis papæ fieri placuerit. Placuit, ut accusatus vel judicatus a provincialibus in aliqua causa episcopus licenter appellet, et adeat apostolicæ sedis pontificem, qui aut per se, aut vicarios suos ejus retractari negotium procuret; et dum iterato judicio pontifex causam suam agit, nullus alius in ejus loco ponatur, aut ordinetur episcopus, quoniam quanquam comprovincialibus episcopis accusati, causam pontificis scrutari liceat, non tamen definire inconsulto Romano pontifice permissum est, cum beato Petro apostolo non ab alio quam ab ipso dictum sit Domino: « Quæcunque ligaveris super terram, erunt ligata et in cælis, et quæcunque solveris super terram, erunt soluta et in cælis (*Matth. xvi, 19*). »

Si quis putaverit se a proprio metropolitano gravari apud primatem diocæseos, aut penes universalis apostolicæ Ecclesiæ papam judicetur.

C Accusatores et accusationes quas leges sæculi non asciscunt, et nos unanimiter submovemus, nec fiat in districta probatione impietas, cum recta sit iudicii in electione sententia.

Nullus episcopus alterius parochianum præsumat retinere, aut ordinare absque ejus voluntate vel judicare, salva tamen in omnibus apostolica auctoritate, quia sicut irrita erit ejus ordinatio, ita et didicatio, quoniam censemus nullum alterius iudicis, nisi sui sententia teneri. Nam qui eum ordinare non potuit nec judicare ullatenus potest.

Si quis erga episcopum vel actores Ecclesiæ se proprium habere crediderit negotium, non prius adeat iudices, quam ad eos recurrat charitatis studio, ut familiari colloquio commoniti ea sanare debeant, quæ in querimoniam deducuntur. Quod si aliter egerit, communionem privetur.

Nemo pontificem deinceps aliquem episcopum suis exspoliato rebus, aut a se depulsum excommunicare, aut judicare præsumat, quia non est privilegium quo possit spoliari jam nudatus. Pari tenore decernimus non credi accusatori, qui, absente adversario, causam suggerit ante utriusque partis discussionem, nec accusatores vel testes suscipi, qui non sunt idonei.

Placuit, si accusatus vel damnatus episcopus appellaverit Romanum pontificem id statuendum quid ipse juste censuerit, et omnes qui adversus Patres arguantur, infames esse censemus, neque eos qui



cum inimicis morantur ad accusationem, vel ad A blicis docuerint omni se carere suspitione atque testimonium recipiendos. inimicitia, et irreprehensibilem fidem atque conversationem ducere.

Placuit, ut semper in accusatione clericorum primo persona, fides, vita, et conversatio blasphemantium perscrutetur. Nam fides omnes actus hominis præcedere debet, quia dubius, infidelis est, nec eis omnino est credendum qui veritatis fidem ignorant; nec rectæ conversationis vitam ducant, quoniam tales et facile et indifferenter lacerant, et criminantur recte et pie viventes. Ideo suspitionum discutienda est primo et corrigenda, neque accusatoribus suspectis, et de inimicorum domo prodeuntibus credendum.

Quod non aliæ metropolitanæ ecclesiæ vel primates sint, nisi illæ quæ prius primates erant, et post Christi adventum auctoritate apostolica et synodali primatum habere meruerunt. Reliqui vero non primates, sed metropoles vocentur, eorumque episcopi non primatum, sed aut metropolitanorum, aut archiepiscoporum nomine fruantur.

Infames esse censemus omnes qui suam aut Christianam prævaricantur legem, aut canonicam possunt auctoritatem salvo in omnibus Romanæ Ecclesiæ privilegio, nullus metropolitanus absque cæterorum omnium comprovincialium episcoporum instantia aliquorum audiat causas eorum, quia irritæ erunt imo et causam in synodo pro facto dabit.

Alienis erroribus sociatum, vel a sui propositi tramite recedentem, aut sacris canonibus inobedientem suscipere non possumus, nec impetere recte credentes vel sanctorum Patrum sanctionibus C obtemperantes permittimus.

Peregrina iudicia generali sanctione prohibemus, quia indignum est ut ab exteris iudicetur, qui provinciales et a se electos debet habere iudices.

Salva apostolicæ Ecclesiæ auctoritate nullus episcopus extra suam provinciam ad iudicium devoceatur, sed evocatus ipse canonicè in loco omnibus congruo tempore synodali ab omnibus comprovincialibus episcopis audiatur, qui concordem super eum canonicamque proferre debent sententiam, quoniam si hoc minoribus tam clericis quam laicis concessum est, quanto magis de episcopis servari convenitur. Nam si ipse metropolitanus aut iudices suspectos habuerit, aut infensos senserit apud primates diocæseos, aut apud Romanæ sedis pontifices iudicetur. D

Nemini de se confesso credi potest super crimen alienum, quoniam ejus atque omnis rei professio periculosa est, et admitti adversus quemlibet non debet.

Incerta nemo unquam pontificum iudicare præsumat, quia quamvis vera sint, non tamen credenda, nisi quæ manifestis indictis comprobantur, nisi quæ manifesto iudicio convincuntur, nisi quæ iudiciario ordine publicantur.

Criminationes majorum natu per alios ne fiant, nisi per ipsos qui crimina intendunt, si tamen ipsi digni et irreprehensibiles apparuerint, et actis pu-

Et comprovincialis synodus retractetur per vicarios urbis Romæ episcopi, si ipse decreverit.

Placuit, ut a quibuscumque iudiciis ecclesiasticis ad alios iudices ecclesiasticos, ubi est auctoritas major fuerit provocatum, audientia non negetur. Si quis metropolitanus episcopus, nisi quod ad suam solummodo propriam pertinet parochiam, sine consilio et voluntate omnium comprovincialium episcoporum aliquid agere tentaverit gradus sui periculo subiacebit, et quod egerit, irritum habeatur, et vacuum; sed quidquid de comprovincialium episcoporum causis suarumque ecclesiarum et clericorum B atque sæcularium necessitatibus agere, aut disponere necesse fuerit, hoc cum omni consensu comprovincialium agatur pontificum, non aliquo dominationis fastu, sed humillima et concordia administratione, sicut Dominus ait: « Nec veni ministrari, sed ministrare (Marc. x, 45); » et alibi: « Qui major est vestrum erit 155. minister vester (Matth. 23, 11), » et reliqua. Similiter et ipsi comprovinciales episcopi cum ejus consilio, nisi quantum ad proprias pertinet parochias, agant juxta sanctorum constituta Patrum, ut uno ore, uno animo concorder sancta glorificetur Trinitas in sæcula.

Caveant iudices Ecclesiæ, ne absente eo cujus causa ventilatur, sententiam proferant; quia irrita erit, quippe et rationem pro actione reddent in synodo, et ut proditoris calumnia, nec eorum postea vox audiat, nemo enim debitorem amplius potest cognoscere, quam ille qui iniuriam ejusque sustinet nequitiam.

Si quis super quibuslibet criminibus clericum pulsandum crediderit, in provincia in qua ille consistit pulsatur, suas exerceat actiones, nec æstimet eum, accusator suus, alibi, aut longius pertrahendum ad iudicium; ille vero qui pulsatus fuerit, si iudices suspectos habuerit, liceat appellare. Primates accusatum discentientes episcopum non ante sententiam proferant damnationis quam apostolica freti auctoritate, aut reum se ipse confiteatur, aut per innocentes et canonicè examinatos regulariter testes vincatur. Irritam esse injustam episcoporum damnationem, et idcirco a synodo retractandam, ita ut oppressis ab omnibus in cunctis subveniatur causis; detractores qui divina auctoritate eradicandi sunt, et fautores inimicorum ab episcopali submovemus accusatione. Similiter ne summorum quispiam minorum accusationibus impetatur, aut dispereat, neque in re dubia detur sententia, nec ullum iudicium, nisi ordinabiliter habitum teneatur.

Plura de his ideo hic non inserimus ne vacuare vilemve prædictam facere synodum videremur, aut fastidium legentibus audientibusque proluxa faceret epistola. Si quis autem de his ampliora atque abundantiora scire voluerit, in sacro nostræ sedis ecclesiæ scrinio, et ea quæ prædiximus invenire poterit.

Verum me dixisse testis est divinitas, de receptione vero sedis et sacerdotii atque honoris, quæ dixistis Athanasium absque concilii decreto suscipere, non ita invenimus sicut calumniati estis, sed quorundam episcoporum consilio atque decreto recepit suum quod injuste perdidit sacerdotium, ac resedit in sede. Quod enim scripsistis, non eum posse a pauciore numero episcoporum restitui quam depositus fuerat, non ita est, nec hæc regula orthodoxorum sanctæ Ecclesiæ est episcoporum, sed Ariatorum sociorum, videlicet virorum hæc adinventio ad perditionem orthodoxorum episcoporum contexta est. Nam ut nobis a veracibus est testibus relatum, quando Antiochiæ pro damnatione fidei de consubstantialitate prolata fuistis congregati odio prædicti Athanasii hanc regulam protulistis quæ nullas habet vias, nec habere poterit, quoniam nec ab orthodoxis episcopis hoc concilium actum est, nec Romanæ Ecclesiæ legatio interfuit canonibus præcipientibus sine ejus auctoritate concilia fieri debere, nec ullum ratum est, aut erit unquam concilium quod non fultum fuerit ejus auctoritate.

Igitur de fuga super qua Athanasium reprehendistis non bene agitis, cum ipse Dominus mandatum hoc nobis dedit: « Cum persecuti vos fuerint in una civitate, fugite in aliam (*Matth. x, 23*), » et ipse Dominus per semetipsum exemplum nobis demonstrans, « quando Pharisei consilium fecerunt adversus eum, ut eum occiderent. Sciens autem Jesus discessit inde (*Matth. xii, 14, 15*); » et alibi: « Tulerunt lapides Judæi ut jacerent in eum. Jesus autem abscondit se, et exivit de templo (*Joan. viii, 59*), » et « transiens per medium eorum, abiit (*Luc. iv, 34*), » et ita discessit, nam et discipuli propter metum Judæorum recesserunt, celantes semetipsos, et Paulus in Damasco a principe gentis quæsitus, de muro in sporta depositus est, et manus quærentis effugit, et alii quam plurimi et innumerabiles sancti, tam in Veteri Testamento quam in Novo fugisse leguntur. Si ergo fugam improperatis fugientibus, erubescite potius persequi, et quiescite insidiari, quiescentque continuo fugientes. Nam sive perimatis eos, mors semper contra vos exclamat, sive rursus exsilia superponatis, ubique in vos mali memoriam destinare noscimini, et illi patiendo sibi proficiunt. Unde et Dominus ait: « Nolite timere eos qui occidunt corpus, animam autem non possunt occidere, sed potius eum timete qui potest animam et corpus perdere in gehennam (*Matth. x, 28*). » Multos enim cognovimus pessimis machinationibus injuste depositos. Ideo summopere me cui vice apostolorum principis universalis Ecclesiæ cura commissa est, providendum est, auxiliante ipso summo Apostolo, ne deinceps talia fiant, quoniam ideo hæc sanctæ sedi præfata privilegia specialiter sunt concessa, tam de congregandis conciliis, et judiciis ac restitutionibus episcoporum quam et de negotiis, ut ab ea omnes oppressi auxilium, et injuste damnati restitutionem sumant, et talia ab improbis ne præsumantur absque ultione,

A nec exerceantur absque damnatione. Non ergo recte egistis quod prædictos fratres calumniati estis, dicente Domino: « Non facies calumniam proximo tuo, nec vi opprimes eum (*Luc. xix, 13*). » Nec recte egistis quod nobis inconsultis concilium celebrastis, eosque ad concilium vocastis et damnare præsumpsistis canonibus (ut præmissum est) jubentibus, nihil ex his absque hujus sanctæ sedis auctoritate fieri debere. Non recte egistis quod regulariter a nobis ad concilium vocati venire distulistis. Non recte egistis quod contra eos rationem reddere, ut vestra erga eos aut probaretur recta sententia, aut improbaretur non venistis, nec rationalem mandastis causam, ut quod hæc renuistis.

B His ergo omnibus perpensis, manifestum est vos reos existere, et illos innocentes remanere, et vos recte excommunicatos, illosque juste liberari. Noluit itaque Dominus tam leviter suos tractari ministros sicut facitis, aut a vobis damnari, sed (sicut memoratum est) aut ab hac sede cui commissi sunt, aut suo reservari judicio; ait enim: « Qui vos contristabit, me contristabit; qui fecerit injuriam vobis, recipiet id quod inique gessit (*Coloss. iii, 15*). » Et quanta poena exspectet eos qui Domini scandalizant discipulos; Evangelium sufficienter exponit, ubi de scandalizantibus discipulis loquitur. Nam quod a vobis non sint dammandi, sed aut ab hac sancta (ut præfatum est) sede, aut sibi reservandi, ipse manifeste dat exemplum quando peccantes sacerdotes, quorum locum modo in sancta Ecclesia tenent episcopi, non per alium, sed per semetipsum vendentes et ementes ejecit de templo, et mensas numulariorum proprio evertit flagello, et ejecit de templo. Et ipse alibi ait: « Deus stetit in synagoga deorum, in medio autem deos decernit (*Psal. lxxxii, 1*), » et reliqua talia et his similia; et alibi idem ipse ait: « Nolite judicare, ut non judicemini; nolite condemnare, ut non condemnemini (*Luc. vi, 37*), » in quo enim judicio judicaveritis, judicabimini; quapropter non tam temere (ut vos facitis) quispiam suam præsumat evomere iniquitatem, sed judicantem cuncta oportet rimari, et ordinem rerum plena inquisitione discutere, nec de illis quæ ei inconcessa sunt nullo modo judicium præsumere, interrogandi ac proponendi adjiciendique patientia prohibita ab eo, ut ibi actio partium limitata sit pleniter. Hæc prius litigantibus sua velit sententia obviare, nisi quando ibi peractis omnibus jam nihil amplius habuerint in questione quod proponant, nec oportet quemquam judicari aut damnari antequam suos accusatores præsentés habeat, locumque defendendi accipiat spatiosum ad abluenda crimina. Similiter in jam fata synodo statutum est, ut ultra provinciæ terminos accusandi licentiam non progrediatur, nisi ad hanc apostolicam sedem provocatum, ad quam omnes qui voluerint libere et absque ullo impedimento a quibusdam agendo confluere debent. Similiter in jam præfixa synodo est decretum, ne suspecti, aut infames, aut criminosi, aut graves, vel calumniatores, vel



affines, aut scelerati, aut facile litigantes suscipiantur accusatores, sed tales qui omni careant suspitione; quia columnas suas Dominus firmiter stare voluit, nec a quibusdam agitari. Similiter statuit præfata synodus, ut nullum sententia non a suo iudice dicta constringat, iudices autem alii esse non debent quam quos ipse qui impeditur elegerit, aut quos suo cum consensu hæc sancta sedes, aut ejus primates auctoritate hujus sanctæ sedis delegaverint; ex his enim et aliis quæ tam in hac sancta sede quam et ab apostolis eorumque successoribus sunt statuta, nihil præfatis episcopis concessistis, sed vim eis inferentes, injusteque (ut superius commemoratum est) eos damnantes aliquos absentes expulistis, quod omni Christianæ religioni est inimicum, in quibus apparet quod nec Domino sua servastis jura, nec huic sanctæ matri et apostolicæ Ecclesiæ, quæ (ut præscriptum est) eos suo iudicio, aut huic sedi voluit reservari, ne a tam pravis, sicut estis, hominibus damnarentur aut ejicerentur; in his omnibus vos stultos et prævaricatores Evangeliorum et canonum esse nulli sane sapientium est absconditum; nec his contenti in vestra estis prævaricatione, sed etiam quod prius expulsos eos et suis exspoliatis rebus, quasi vocastis atque damnastis, cum nullus regulariter aut vocari aut judicari possit, antequam sit regulariter restitutus, et sua omnia ei legibus sint integerrime reformata; est namque in sæpe jam dicta sancta synodo ab omnibus unanimiter decretum, et apostolica auctoritate roboratum, ut si quis episcoporum suis fuerit rebus exspoliatus et in accusatione pulsatus, ordinatione pontificum oportet et decet sanctum propositum prima fronte certare, ut omnia quæ per suggestiones inimicorum suorum amiserat, legaliter primo potestati ejus ab honorabili concilio reintegrentur, et præsul regulariter prius statui pristino reddatur, et ipse dispositis ordinatisque suis tunc ad tempus veniat ad causam, et si ita juste videtur accusantium propositionibus respondeat; quare ergo transgressi estis terminos Patrum judicantes et damnantes eos quos non debuistis? quare judicastis eos quos non regulariter approbastis? Non observastis quod in regnorum libro scriptum est:

A « Non quo modo videt homo videt Deus, quia homo videt in facie, Deus autem in corde videt. » Et in Paralipomenon: « Omnia corda scrutatur Deus, et omnem cogitationem novit (I Par. xxviii, 9). » Et alibi scriptum est: « Non potest humano condemnari examine quem Deus suo reservavit iudicio; » hæc omnia summopere præcavenda sunt, nec accusatio episcoporum facile est recipienda, dicente Domino: « Non suscipias vocem mendacii; » et Apostolus inquit adversus presbyterum inscriptionem non suscipiendam absque duobus vel tribus idoneis testibus. Si hæc de presbyteris vel cæteris fidelibus sunt præcavenda, quanto magis de episcopis. Quibus cogitis magis vos dominari velle manifestum est, quam consulere fratribus, aut sustentare eos, quia honor inflat ad superbiam, et quod prævisum est ad concordiam, tendit ad noxam. Decuerat namque vos juxta præfatas regulas, si aliquid egissent contra suum ordinem mandare nobis, et expectare quod ad vestra consulta rescriberemus, in tantum ut si etiam quidquam grave intolerandumque committerent, nostra præstolaretur censura, et nihil prius aut aliud discernitis, quam quod [nobis] placere cognovissetis, ita ut a regulis præstitutis nulla, aut negligentia aut præsumptione recederetis; cesset hujusmodi pressa nostra auctoritate præsumptio, vitentur hujusmodi nocumenta, quia nequaquam talia patienter ferre possumus machinamenta, quoniam convenit nos paternarum sanctionum diligentes esse custodes, merito namque nos causam respicit, si silentio faveamus errori, est insuper in prædicta sancta Nicæna synodo statutum, ut nemo anathema in nostra suscipiatur accusatione, nec illi qui nos in sua nolunt recipere querela vel accusatione, cum nos super illos sciamus a Domino constitutos non illos super nos; et sicut major non potest a minori indicari, ita nec colligari, quia rarum est omne quod magnum est. Portemus onera omnium qui gravantur, quinimo hæc portat in nobis beatus apostolus Petrus, cujus vice fungimur legatione, et cujus regula informamur, quatenus ejus fulti auxilio ab omnibus nunc et in perpetuo tueamur adversis. Data Kalendis Novembris, Feliciano et Maximiano viris consulibus.

## INCIPIUNT DECRETA LIBERII PAPÆ.

*Epistola Athanasii et Ægyptiorum episcoporum ad eundem papam, de oppressionibus Ariænorum.*

Domino beatissimo et honorabili sancto patri LIBERIO PAPÆ ANASTASIO, et universi Ægyptiorum episcopi.

In unum synodice apud Alexandriam congregati, vestræ beatissimæ paternitatis jura **156** penes Deum sunt manifesta, dum prædicationibus scilicet apostolicis et doctrinis veræ fidei cultura universa repleta sit terra; per divinorum tamen eruditionem eloquiorum vestra instructe admonitione exhortatoria superædificatur orthodoxa Christi Ecclesia apostolica institutione fundata, et a fidelibus

D prioribus firmissime roborata, ad quam omnes beatissimi apostoli pari honoris et potestatis consortio præditi populorum agmina convertentes, pie sancteque de tenebris ad lumen, de lapsu ad veram fidem, de morte ad vitam homines divinæ prædestinationis genera præceptis ac monitis perduxerunt, quorum sanctorum apostolorum vestra fraternitas honoranda sequens merita, et profectus implens exempla Ecclesiam Dei morum probitate, et actuum sanctitate condecorat, et fide sacra Christianis moribus vicens, quæ fieri Deo placita præcepit studiis pontificalibus indesinenter operatur et proficit, ser-

vans legis divinæ mandata; quia non legis auditores justī sunt apud Deum, sicut narrat Apostolus, sed factores legis justificabuntur. Nos enim hæc meditari cupientes, et ea quæ a sancta sede vestra apostolorum eorumque successorum prædicatione suscepimus, atque quæ in Nicæna synodo roborata cognovimus prædicare, et Arianorum blasphemias, atque aliorum hæreticorum repellere cupientes quotidie ab his persequimur, et damnationi tradimur, atque mortī destinamur. Qua de re precamur, ut vestris exhortationibus, tam per vos quam et per apocriarios vestros adjuvemur, ne dum illi crescant et nos minuiamur, vera fides destruat, et eorum hæresis ultra fidem nostram crescat; quoniam timemus, ut postquam abundaverit iniquitas, refrigescat charitas multorum. Pro qua re multa vestræ sacræ doctrinæ, tam apud Deum quam apud cunctos fideles merces et laus reposita est, si vestra hæc recensentur auctoritate, nostram enim fidem quam a sanctis Patribus accepimus et tenemus atque docemus subter inservimus, ut si aliquis vobis aliter nos credere aut docere, aut accusando, aut mussitando retulerit, vel detrahendo scriptis mandaverit, per hanc manifeste nos ita credere et docere agnoscatis.

Credimus namque in unum Deum Patrem omnipotentem, omnium visibilium necnon invisibilium factorem, et in unum Dominum nostrum Jesum Christum Filium Dei, natum ex Patre unigenitum, hoc est ex substantia Patris: Deum ex Deo, lumen ex lumine. Deum verum ex Deo vero: natum, non creatum, omisionem, hoc est ejusdem cum Patre substantiæ, per quem omnia facta sunt, cœlestia, terrestria. Qui propter nos homines, et propter nostram salutem descendit de cœlis, et incarnatus est, et homo factus, passus est, et resurrexit tertia die, ascendit in cœlum, venturus est judicare vivos et mortuos. Et in Spiritum sanctum. Eos autem qui dicunt, erat tempus quando non erat, et priusquam nasceretur non erat, et quia ex nullis substantiis factus est, aut ex alia substantia vel essentia dicunt esse trepton, hoc est convertibilem atque mutabilem Filium Dei, hos anathematizat catholica et apostolica Ecclesia, hanc venerabilem fidem trecenti quidem decem et octo Patres agnoverunt, et amplexi sunt, et consonantes et unanimes scriptis explanaverunt.

Sed modo quoniam contra hæc (ut nostis) talia exsurgunt, qualia non debent, venite et nos, dilectissimi fratres, cum Deo descendamus ad visitationem, id est, inquisitionem sermonum eorum, et confundamus per approbationem verissimam ibidem linguas eorum elevatas contra scientiam unigeniti Filii Dei; et iniquitatem in altitudinem humanitatis ejus loquentes, « disrumpamus vincula eorum (*Psalm.* II, 3) » per gladium spiritualem, quod est verbum Dei, « et projiciamus a nobis jugum ipsorum (*Ibid.*) » per expugnationem profani sensus illorum. « Tunc enim ipse quoque Dominus irridebit eos, et

A subsannabit, et tunc loquetur ad eos in ira sua, et in furore suo conturbabit eos (*Psalm.* II, 4, 5), » secundum beatum Jeremiam dicens: « Falso prophetae isti vaticinantur in nomine meo; non enim misi eos, et non præcepi eis, neque locutus sum ad eos visionem mendacem, et divinationem et fraudulentiam et seductionem cordis sui prophetant vobis. Idcirco hæc dicit Dominus de prophetis qui prophetant in nomine meo mendacium: erunt projecti in viis Hierosolymæ (*Jer.* XIV, 14-16); » et conculcatio omnium pie confitentium me, et non erit qui sepe-liat eos. Nemo enim abscondere potest quibusdam subreptionem commenticiis, sicuti nec foliis fici antiquis transgressor præcepti Adam potuit, qui per propriam linguam inverecunde nudatur, laqueum enim fortis viro labia ejus, et captus propriis sermonibus, et opera manuum ejus, retributio autem laborum ejus dabitur ei, et impietatis reprehensio. « Arguam te, inquit, et statuam contra faciem tuam, existimasti inique quod essem tibi similis (*Psalm.* XLIX, 21). » Propterea, sicut dicit Dominus ad Gedeon: Deponamus eos ad aquam veræ discretionis, et probemus eos ibi regulari examinatione in idipsum pronos corruentes per ostensionem pravi intellectus eorum, utrum ne sint apud eos sapientes divini verbi scientiam ignorantes, quoniam dicentes se sapientes stulti facti sunt, et mutaverunt gloriam catholicæ Ecclesiæ propria novitate et voluntate, sive per ea quæ illicite in ejus defensione gesta sunt, hæreticam turbulentiam introducentes, illud competenter ad nos retinentes quod bene ad Jesum filium Sirachi dictum est: « Usque ad mortem certa pro veritate, et Dominus pugnabit pro te (*Eccli.* IV, 33). » Hujus rei gratia universalis vobis in Christo Jesu commissæ est Ecclesia, et pro omnibus laboretis, et cunctis opem ferre non negligatis, quia dum fortis armatus custodit atrium suum, in pace sunt omnia quæ possidet. Ideoque tanta urgente necessitate summo-pere comprimate vestra summa auctoritate infestos, relevate oppressos, ut absque gravi, Domino opitulante, facultate, ipsi gratanter omni tempore sacrificare mereamur illi, Et suscriptio. Æterna te servet divinitas per multos annos, sanctissime Patrum pater. Amen.

D *Rescriptum Liberii ad eosdem.*

Dilectissimo filio ATHANASTO et omnibus in unum congregatis, et de Trinitatis fide recte sentientibus Ægyptiorum episcopis LIBERIUS papa.

Olim et ab initio tantam percepimus a beato Petro apostolorum principe fiduciam, ut habeamus auctoritatem, pro universali Ecclesia ad rectam defendendam fidem, quatenus nulli liceat statum sanctæ Ecclesiæ commovere ad læsionem recte credentium absque sul periculo honoris. Epistolam siquidem vestram nobisque directam ante nos recitari fecimus, tribulationes et persecutiones quas pro recta fide patimini intelleximus. Super quibus et nos una nobiscum condolemus, et laborare pro vobis ut pater pro filiis



parati sumus, fidem vero Nicæni concilii in eadem A epistola rectam reperimus, super qua et Deo gratias uberrimas retulimus, pro qua non solummodo persecutiones, et passiones sustinere vobiscum parati sumus, sed etiam, si necesse fuerit, mori pro Christi nomine, in quantum nostra sinit fragilitas, non respuimus. Igitur prædictum sanctum concilium (ut legimus) definivit Nicenum, aliam fidem nulli licere proferre, aut conscribere, vel componere, aut sapere vel docere aliter, nec quidquam in fide sentire, aut proferre quod his Patrum regulis possit obviare. Qui autem præsumpserint componere aliam fidem aut proferre, docere, vel tradere aliud symbolum ad viam veritatis converti desiderantibus de quacunque hæresi, vel ex Judæis, vel ex paganis Christianos se fieri volentibus : hi si episcopi fuerint, aut clerici, alienari quidem episcopos ab episcopatu, clericos a clero. Si vero monachi, aut laici fuerint, anathemate feriri. Protestatur etenim beatus Apostolus dicens : « Si quis certat, non coronatur, nisi legitime certaverit (*II Tim.* II, 5); » et iterum Dominus ait : « Qui autem perseveraverit usque in finem, hic salvus erit (*Matth.* xxiv, 13); » videlicet certaminibus sacris propositis nobis pro defensione catholice Ecclesie, magnaque salute ex hoc sperata ab omnium bonorum datore Deo, non deficient manus nostre dilectissimi fratres, per occasionem cujuslibet, desidie dissolutæ, sed fortes efficiamur per gratiam Domini atque virtutem potentie ejus, quoniam perfecit pedes nostros tanquam suorum, et super excelsa firmius statuit intellectus summe ejus humanitatis propter nostram salutem, maxime tantum habentes impositam sanctorum testium nubem. Deponentes ergo omne pondus, et circumstantem adversariorum novitatem per patientiam curramus, aspicientes in auctorem fidei, et consummatorem Jesum qui in proposito nobis propter eum negotio, spiritum nobis sue veritatis condonet loquentem in nobis atque prohibentem magnalia fidei per doctrinam sanctorum Patrum quos adversarii calumniantur quotidie. In prophetis namque habetur : « Propter Sion non tacebo, et propter Sion non quiescam, donec egrediat, ut splendor justus ejus, et salvator ejus, ut lampas accendatur (*Isa.* lxii, 1). » Profecto catholica Ecclesia qua vera consistit Sion, et civitas Christi cœlorum regis per tot annorum spatia expugnata ab aversantibus verba fidei, qui neque Deum timent neque hominem reverentur, sed incassum perducuntibus pias et canonicas de hoc verbo doctrinas, dum adversis tantisque scripto, et sine scripto contestationibus invitati fuissent corrigere propriam, et sepelire hæresim, sicut et per anteriorem cognitionem luculentius demonstratum est, tam per libellos quam per suggestiones reverendissimorum sacerdotum, et venerabilium abbatum, Apostolo protestante nobis, ut hominem hæreticum post primam et secundam correptionem evitare debeamus, scientes quia hujusmodi subversus est, et delinquit proprio judicio

condemnatus, nullo modo oportet nos deinceps tacere, aut quiescere, ne quando iniqui judicemur odibilem Deo pacem amplectentes, quoniam scriptum est : Zelavi in peccatoribus pacem peccatorum videns, et dicatur etiam de nobis : Sacerdotes mei contempserunt legem meam, et polluerunt sanctuaria mea, inter sanctum et profanum non habuere distantiam, inter pollutum et mundum non intellexerunt, sed consurgere in Deo, et consistere prompte ei, et induentes arma spiritus adversus malignantes contra fidem ejus, ut approbemus spiritus sapienter, id est, verba eorum si ex Deo sunt. Scriptum est enim in Jeremia : « Probatores dedi te in populo meo robustum, scies et probabis viam eorum (*Jer.* vi, 27); » multa namque nobis necessaria est vigilantia, et tanta divinæ sapientiæ rimatio quæ occulta tenebrarum revelat ad requisitionem hujusmodi rei, et scrutationem, quoniam latet quodammodo et absconditur, vixque comprehenditur, dolosa existens malitia, pro eo quod sibi pietatem callide blandiatur, ut valeat scrutantium mentem latere; quod utique sciens beatus Apostolus, ait : « Nam hujusmodi pseudoapostoli et operarii subdoli transfigurant se in apostolos Christi (*II Cor.* xi, 13). » Sed non mirum, quoniam et ipse Satan as transfiguratur se velut angelus lucis, et ideo non mirum, si ministri ejus transfigurantur velut ministri justitiæ, quoniam finis secundum opera eorum, sed et Dominus in hoc præmunens nos, ait : « Attendite a falsis prophetis qui veniunt ad vos in vestimentis ovium, intrinsecus sunt lupi rapaces; a fructibus eorum cognoscetis eos (*Matth.* vii, 15, 16). » Ergo in idipsum ex toto corde referentes ante omnia super tali questione deprecationem, et dicentes cum David : « Revela oculos meos, et considerabo mirabilia de lege tua (*Psal.* cxviii, 18), » « lucerna enim pedibus meis verbum tuum, Domine, et lumen semitis meis (*Psal.* cxviii, 18), » quoniam ipsius est (sicut ait beatus Daniel propheta) « sapientia, fortitudo, dat sapientiam sapientibus, et scientiam intelligentibus disciplinam. Ipse revelat profunda et abscondita, et novit in tenebris constituta, et lux cum eo est (*Dan.* ii, 20-22). » Quia sapientiam, inquit, et fortitudinem dedisti mihi, et ostendisti mihi quæ rogavi te, cum opera divina uniuscujusque personæ descripta eorum qui pro novitatis commento accusati sunt de venerabili nostro sermone obsecundantibus, et nobis ordinabiliter offerentibus solertius intendamus, ita ut qui hæc præsumpserint prævaricari, primum quidem subiaceant judicio terribili omnipotentis Dei, deinde autem qualemcunque regalem indignationem revercantur, per quam quidem si episcopi aut clerici sunt, a sui sacerdotii, sive a sui cleri ordine modis omnibus excedant. Si autem monachi sunt, segregentur, et alieni sint de suis locis. Si autem dignitatem, aut cingulum, aut militiam habeant, nudentur de eis. Sin autem sunt privati, si quidem nobiles existant suarum substantiarum proscriptionem patiantur

tur. Si autem ignobiles consistunt, non solum in corpore verberentur, sed exsilio perpetuo castigentur; ut omnes timore Dei compressi, et comminata eis digna supplicia reverentes immobilem, et sine turbatione pacem sanctarum Dei Ecclesia-

rum custodiant. Data octava Kalendarum Junii, Asclepio, et Deodato IV, cc. consul. Gratia Jesu Christi Domino nostro, pax vobis. Amen, Deo gratias.

## INCIPIUNT DECRETA FELICIS PAPÆ.

*Epistola Ægyptiorum pontificum ad eundem de infestationibus Arianorum.*

Domino beatissimo et honorabili sancto patri FELICI sanctæ Sedis apostolicæ urbis Romæ papæ, ATHANASIUS, et universi Ægyptiorum, Thebaidorum et Libiorum episcopi in sancta Alexandrina synodo, gratia Dei congregati.

Vestro sancto suggerimus apostolatui, ut nostri more solito sollicitudinem gerere dignemini, juxta vestram prudentissimam sapientiam quæ omnibus luce clarius manifesta est; quia apostolicis vestra beatitudo visceribus commota per tribulationem nostram nos omnes hortata est ad tuitionem catholicæ et apostolicæ Ecclesiæ in unum convenire, et de nostra canonice oppressione, et unanimiter tractare dum constat nos una cum beato Paulo apostolo eadem compassibiliter dicere? « Quis infirmatur, et ego non infirmor? Quis scandalizatur, et ego non uror? » (II Cor, xi, 29.) sata-

gentes ne aliqua de eis quæ nobis creditæ sunt rationabilibus ovibus a bestiis capiat. Ideo, pater beatissime, quia semper antecessores nostri, et nos a vestra apostolica sancta sede auxilium hausimus, et nostri vos curam habere agnovimus, præfatam apostolicam, et summam expetimus, juxta canonum decreta, sedem, ut inde auxilium capiamus, unde prædecessores nostri ordinationes, et dogmata atque sublevationes ceperunt; ad eam quoque quasi ad matrem recurrimus, ut ejus uberibus nutriamur, quoniam non potest mater oblivisci infantem suum, sic et vos nolite oblivisci nos vobis commissos quoniam non levibus nos inimici nostri implicaverunt, et quotidie facere moliantur afflictionibus et apprehendere, aut ferro nos constringi minantur, nisi eorum consentiamus erroribus; quod nequaquam vobis inconsultis agere præsumimus, canonibus quippe jubentibus absque Romano nos de majoribus causis nihil debere decernere pontifice; ideoque ad propositum recurrentes et ad bravium properantes, vestræ apostolicæ sedis imploramus auxilium, quia, ut credimus, non desepit Deus preces cum lacrymis sibi oblatas servorum suorum, sed ob id vos prædecessoresque vestros apostolicos videlicet præsules in summitatis arce constituit, omniumque ecclesiarum eis curam habere præcepit, ut nobis succurratis, nosque tuentes, cui omne episcoporum judicium est commissum, liberare ab hostibus nostris non negligatis; nam scimus in Nicæna magna synodo trecentorum decem et octo episcoporum ab omnibus concorditer esse roboratum, non debere absque Romani pontificis sententia concilia celebrare, nec epi-

scopos damnare, licet hæc et alia quam plura necessaria ab hæreticis, qui nos quotidie infestant et perdere nituntur, ut facilius nos capere possint, sint synodica capitula incensa nobisque sublata. Quæ de re hac inventa occasione indifferenter omni canonica et apostolica postposita auctoritate, nos, vi a propriis vobis inconsultis, illicite expellunt sedibus; ovesque nobis a Christo Domino apostolica commissas gratia invadunt gradibus privant, et quod pessimum est, et omnibus Christianis legibus inimicæ perficere decertant. Vos ergo, ut semper vestræ sedi sanctæ consuetudo fuit, periclitantibus subvenite, oppressos roborate, tribulantibus manum porrigite, taliaque prohibete, et leges imponite, ut apostolica doctrina quæ in Deo est, cito ad victoriam judicium perducere valeat nostrum nosque apostolorum principe suffragante Petro ab imminentibus periculis liberare. Novimus namque in jam præfata Nicæna synodo generaliter esse decretum, ut nullus passim vageque episcopos aut præsumptivè lacerare, aut accusare; et qui non sunt rectæ fidei vel bonæ vitæ vel claræ conversationis aut infamare præsumat; sed prius si erga episcopos vel auctores Ecclesiæ quisquam causam habuerit, eos cum charitate mansuete conveniat, ut ab eis vulnus unde agitur recte sanet, aut ipse si secus egerit accusator excommunicetur. Quod si ab eis nihil valuerit recte percipere, tunc primo summos adeat primates, et ipsi tempore congruo canonice eos convocare debebunt; qui si aut suis rebus exspoliati, aut a propriis sedibus ejecti, aut exsultantes, vel oppressi, aut inique tractati fuerint, primo eruantur, et canonice restituantur, atque omnia sibi sublata, integerrime eis legibus reddantur; quoniam priusquam hæc fiant, ut in prædicto constitutum est concilio, nec canonice convocari, nec distringi a quoquo possunt, quoniam nec sæculi leges hæc fieri permittunt, quanto magis ecclesiasticæ? Similiter et a supradictis Patribus est definitum consonanter, ut si quisquam episcoporum, aut metropolitanum, aut comprovinciales, vel iudices suspectos habuerit, vestram sanctam Romanam interpellet sedem, cui ab ipso Domino potestas ligandi ac solvendi speciali est privilegio super alios concessa. Ipsa enim firmamentum a Deo fixum et immobile præcepit, quoniam ipsam formam universorum titulorum lucidissimam Dominus Jesus Christus vestram apostolicam constituit sedem, ipsa est enim sacer vertex in quo omnes vertuntur, sustentantur, relevantur, et sicut in Christo Christiani, et in petra, id est, Christo, Petrus, renovantur Eccle-



sia. Tu es (sicut divinum veraciter testatur eloquium) Petrus, et super fundamentum tuum Ecclesiae columnæ, id est, episcopi qui Ecclesiam sustinere, et propriis humeris portare debent, tibi sunt confirmatæ, tibi quæ claves regni cælorum commisit, atque ligare et solvere, potestative quæ in terra et quæ in cælis sunt, promulgavit. Tamen profanarum hæresium, et impetitorum atque omnium infestantium depositor, ut princeps et doctor, caputque omnium orthodoxæ doctrinæ immaculatæ fidei existis. Igitur ne despicias, pater, tuorum patrum pietatem, bonamque intentionem, et sicut illi patres et prædecessores nostros a multis liberaverunt oppressionibus et angustiis, ita nos liberare digneris. Nam fuit semper vestra sanctæ et apostolicæ sedi licentia injuste damnatos, vexelcommunicatos, potestative sua auctoritate restituere, et sua eis omnia reddere, et illos qui eos condemnaverunt, aut excommunicaverunt, apostolicopunireprivilegio, sicut etiam nostris et anterioribus cognovimus actum temporibus. Porro et ipsi primates qui episcoporum et summorum ecclesiasticorum negotiorum causas suscipere debent in præfixa Nicæna synodo sunt dinumerati, ne in posterum contentio ex hoc oriretur. O sanctissime pater, patrum absconde blasphemias, et jactantiam vaniloquorum, et insidiantium infestationes, nos et fratres nostros opprimentium atque perdere volentium, qui ad vos quasi ad caput confugimus, ut vestro suffulti auxilio liberemur, et vobis nobisque commissas Christi oves a luporum ore, Domino adminiculante, antequam deglutiantur, eripiamus. Nec enim fas est supplicum apostolicæ sedis scripto, aut sine scripto preces oblatas despiciere, sed ut concedet et privilegium vestrae sedis est, et nos et illi canonicaliter convocemur, et ante vos de nostris objectionibus canonice cum omni probitate concertemus, sicut prædecessores nostri penes vestros fecerunt antecessores, et sicut canonica in prædicta sancta synodo docent instituta, et veluti paleati verbi per ventilabrum canonice examinationis plenam purgationem in communi consistentes auditorio de maturis, et nutrientibus catholice Ecclesie dogmatibus quæ confirmant cor hominis, participationem paternarum consequamur institutionum. Antiquis enim regulis censuitur est, ut quidquid, quamvis in remotis, aut longinquis positis provinciis super episcoporum querelis, aut accusationibus ageretur, non prius tractandum vel accipiendum esset, quam ad notitiam almæ sedis vestrae fuisset pronuntiatio prolata, quæ infirmaret, aut firmaret, indeque sumerent normam, unde Ecclesie sumpserit prædicationis exordium, ne passim ab insidiatoribus columnæ everterentur Ecclesie. Certum est enim eidem sanctæ sedi vestrae in honorem beatissimi Petri patrum decreta peculiarem decrevisse reverentiam Dei pro rebus inquirendis atque determinandis quas sollicite decet justequè ab ipso præsulum examinare vertice apostolico, cujus sollicitudo semper fuit et est tam mala damnare, quam probare laudanda. Quocirca humillimum vestro apo-

stolico culmini perscriventes obsequium, ut ipse Dominus præcepit, et sanctorum decreta patrum statuerunt, cum lacrymis suggerimus quod sine gemitu cordis reticere non valemus. Nam in tantum a persecutoribus sanctæ Dei Ecclesie, nostrisque inimicis persequimur, ut magis nos tædeat vivere quam mori. Unde præ omnibus fatemur in tantum cor esse nostrum vulneratum, ut propheticum illum planctum exoptemus, dicentes: « Quis dabit capiti nostro aquam, aut oculis nostris fontem lacrymarum, ut sedentes ploremus die ac nocte (*Jer. ix, 1*)? » Ecce enim Ecclesia Dei non leviter perturbatur, columnæque ejus nimis infestantur, atque a pravis amoveri hominibus nituntur, Christianorum vero voces ac gemitus episcoporum longe lateque resonant, novitates insurgunt, calumniæ crescunt, persecutio grassatur, perditio fit populorum; vestrum est enim nobis manum porrigere, quia vobis commissi sumus; vestrum est nos defendere atque liberare, nostrumque est a vobis auxilium expetere, vestris parere jussionibus. Præ nimio ergo dolore et gemitu omnia quæ nobis instant, et nos infestant, necessario recordari, vobisque significare nequimus. Ideo alium vestrum exoramus apostolatam, ut superius legem quæ in memorata Nicæna synodo est promulgata, licet prædictorum insidiatorum et aliorum malorum hominum, ut facilius episcopos Deique ministros valeant illaqueare depravatione, sit suffocata reparetis, et quæ necessaria fore cognoscitis vestrae sanctæ sedis auctoritate nos cunctosque fratres informetis, ut malorum insidias hominum vestrae fulti auctoritate illasi, Domino opitulante, evadere valeamus, quia non est insidias luporum prævidere ovium, sed pastorum. Scimus enim ut semper vestrae sedis præsules primo apostoli, deinde successores eorum fecerunt vos universalis Ecclesie, et maxime episcoporum qui oculi propter contemplationem et speculationem vocantur Domini curam gerere, ac de revelatione, et lege nostra assidue cogitare debere, sicut scriptum est: « Beatus vir qui ineditatur in lege Domini die ac nocte (*Psal. i, 2*); » quæ meditatio non lectione per figuram litterarum tantum inspecta, sed exuberante in vobis Christi gratia in vestra cognoscitur conscientia immobiliter insita et nullatenus de vestro corde recedente lege Christi Dei Domini sacrosancta, sicut in psalmo dicit propheta: « Os justi meditabitur sapientiam, et lingua ejus loquetur iudicium, lex Dei ejus in corde ipsius (*Psal. xxxvi, 30*), » non atramento, sed spiritu Dei vivi vestra in arcana mente conscripta neque in tabulis lapideis, sed in tabulis cordis carnalibus, sicut beatissimi apostoli Pauli ad Corinthios missa nos docet epistola. Quibus præmissis significamus Deo, placita paternitati vestrae, die vii Kalendarum Augustarum indictionis quartæ nostram humilitatem divina gratia suo, ut præcepit, munere præveniente vestris sanctis ac Deo dignis precibus in sancta Romana Ecclesia pontificalis honoris accepisse consecrationem et stolam, in quo dignitatis fastigio, ut a Do-

omnipotente regamur altissimo et a malis omnibus liberemur, ut non sacerdotale nomen tantum, sed Christi Domini Dei nostri protegente auxilio, et meritum habeamus, vestris sanctis ac Deo acceptabilibus nos commendantes orationibus poscimus, quatenus et vestris deprecationibus pro nobis ad Deum effusis muniti, et eruditionibus bonis instructi, digni efficiamur cum omni nobis populo Christiano commisso illæsi protegi velamento divino. Ad salutationem ergo vestræ sanctæ et honorandæ paternitatis vice nostra benedictum humilem nostrum fratrem, vestrum episcopum, et Alexandrum presbyterum, Crispinum quoque diaconem vestros **158** famulos destinavimus, quos postulamus celerius nobis a vestra beatitudine persolvi, ut vestris cohortationibus roborati et vestris regulis informati, inimicis videlicet compressis, ad proprias prudenter consolati valeamus ecclesias ante hiemem Deo propitio remeare. Vestrum est quippe, pater sanctissime, canonica districtione sollicite ecclesiasticæ regule adversantibus et fratrum insidiatoribus obviare, nec permittere noviter dici quod patrum venerabilium auctoritas omnino non censuit. Nos enim humiles corde quæ recta sunt, adjuvante Domino, sapientes, uno vinculo charitatis vobiscum sumus constricti, verem fidem ac religionem catholicam in omnibus fortiter defensantes. Studiosius itaque a catholicis improbis probe resistere innitendum est, ne torpentes desidia oppressi culpæ taciturnitatis teneamur obnoxii, et quasi favorem impendentes judicemur, dum adversa catholicæ fidei propulsare negligimus, unde dictum est: Negligere quippe, dum possis conturbare, perversos nihil aliud est quam fovere, nec caret scrupulo societatis occultæ qui manifesto facinori desinit obviare, liquet, doctor sanctissime, venenosa serpentium sine simplicitate astutia dum manifesta est dolosa inimicorum fallacia. Succurrite, quæsumus, oppressis, liberate nos de manu persequentium, ut cum beato Job cantetis: « Benedictio perituri super me veniebat, et cor viduæ consolatus sum; iustitia indutus fui et vesti me sicut vestimento et diademate iudicio meo; oculus fui cæco et pes claudus, pater eram pauperum, et causam quam nesciebam diligentissime investigabam. Conterebam molas iniqui et de dentibus earum aufereram prædam (Job xxix, 13-17), » et reliqua. Nos enim quos tua maxima expectat cura, id est, omnes episcopi præcipue tuum mereri debemus iudicium, et non ab aliis devorari. Merito ergo nos Domini causa respicit sacerdotes, si silentio faveamus errori. Siquidem corripiantur huiusmodi nec sit liberum eis pro voluntate facere iudicium, desinat novitas lacescere vetustatem, desinat ecclesiarum quietem inquietudo turbare, nam ut omnes metropolitani vel reliqui episcopi sua odia, aut vindictas in reliquos episcopos exercere non valeant, ideo nominatim in Nicæna synodo expressi sunt primates, qui reliquos episcopos audire et judicare debeant, ne ulla fraus in iudicio episcoporum possit irruere. Vos ergo qui in

A summo speculo gratia Dei estis positi, attendere eos et opprimere oportet qui in fratres seditiones et scandala excitant, ideoque exoramus, ut minime despiciatis humilitatis nostræ et omnium orientalium orthodoxorum sacerdotum et populorum afflictiones et deprecationes cum lacrymis oblatas; sed sicut luminaria universo mundo verbum vitæ retinentes, introductas exstinguite tenebras nefandissimorum insidiatorum, temporibus etiam nostris procaciter germinatas, quatenus funditus extincta huiusmodi caligine Lucifer nobis resplendeat per vos, sanctissime pater, et dogmata definitio omnes lætificans, quam gloriosi Ecclesiæ sancti patres per propria piissime dogmata in æternæ vitæ firmam hæreditatem prædicasse noscuntur, et subscriptio. Incolumem te et beneplacitum Deo, sanctissime pater patrum, orantem pro nobis Dominus custodiat in ævum. Amen.

*Rescriptum Felicis papæ ad eosdem.*

Reverendissimis atque dilectissimis fratribus ATHANASIO et universis Ægyptiorum, Thebaidorum, Lybiorum episcopis in sancta Alexandrina synodo congregatis, FELIX almæ Romanæ urbis et universalis Ecclesiæ episcopus, et sancta synodus quæ in urbem Romam convenit in Domino, salutem. Sacram vestram synodicam epistolam per gratiam sancti Spiritus et Deo placitum studium conscriptam vestræ a Deo honorandæ sanctitatis gratia libenter suscepimus, atque instantem in synodo recitare per singula jussimus et omnes intente ejus colligere verba. C jussimus, super quæ dum letari sperabamus et cupiebamus, versa est in luctum cithara nostra, et cantatio in prolationem, et omne totius synodi gaudium in mœrorem translationem est, quia non deceuerat ut hi qui corpus Christi quotidie proprio conficiunt ore, tantam paterentur persecutionem, quoniam Deus noster salutem providens generis humani mandavit persecutiones non fieri, neque fluctuationes inferri, nec invideri laborantibus in agro Dominico, neque dispensatores magni regis vexari aut expelli. Quiescite, inquit sancta magna Nicæna synodus, et nolite persequi eos qui Deo perfecte ministrant et sincera voluntate Dei superni mandata custodiunt, et nostris legibus subjugantur, quia nec decet, nec ordo patitur ut iniqui et carnales spirituales persequantur; omnis enim qui resistit alicui nunc ver-  
D tendo, nunc celando veritatem, mentitur adversus eum contra quem litigat, et qui infestus est alicui omnia sicut hostis agit, et insuper loqui contendit. Vos enim monemus, fratres, in speculis esse debere, ut in quantum potestis et Dominus auxilium dederit, talibus nostra apostolica vestraque auctoritate resistatis, nec quisquam vestrum a fratris auxilio se subtrahat, sed pro viribus præstet adminiculum. Quoniam licet pauci sitis, si unanimis fueritis, nullatenus iustitia suffragante, Domino quoque opem ferente, superabimini, quia funiculus triplex difficile rumpitur. Nam si officiis sæcularibus humana lex subvenit, quanto magis ecclesiasticis et Domini sa-



cerdotibus maximeque divina atque catholica lex A suffragari debeat? Ait enim divinum de episcopis eloquium, « Qui vos tangit, tangit pupillam oculi mei (Zach. 11, 8). » Et si sæculares humana multipliciter explorantur homines lege et requisitiones atque induciæ eis multorum mensium conceduntur ne injuste damnentur, quanto magis episcopis qui proximiores sunt Deo, et super hos constituti positique in cœlesti militia quæ impensius ponderanda est, tempora sunt concedenda multo ampliora, ne a quibusdam graventur aut opprimantur, vel subito damnentur. Incipiamus ergo, adjuvante Deo et sancto Petro apostolo, per quem apostolatus et episcopatus in Christo cœpit exordium, quoniam plures sæpe emerunt causæ quæ in quibusdam non erant causæ, sed crimina, quia magis ut comperimus iniquitate quam charitate fratribus sunt impositæ. Et ut de cætero sollicitudo sit, ne talia deveniant, capitula quædam a sanctis patribus, tam in Nicæna synodo quam et in hac sede constituta ponamus, quibus fratres et coepiscopi nostri fulti, insidias inimicorum auxiliante Domino valeant evadere, et prout Dominus posse dederit, paucioribus tantorum malorum verbis imitemur compendium, et strictim quæ in volumine litterarum vestrarum comperimus, retractemus, et alia nonnulla instantis temporis necessaria, prout petitis, ponamus. Est namque synodici decretum institutis, ut nemo episcopum penes sæculares arbitros accuset, sed apud summos primates. Si quis adversus episcopum causam habuerit, non prius alios episcopos adeat ut eum accuset, quam familiariter ei suam indicet querelam, et ab eo aut justam emendationem aut rationabilem percipiat excusationem, et ipsa nos instruente Veritate : « Si peccaverit in te frater tuus, vade et corripe eum inter te et ipsum solum; si te non audierit, adhibe duos vel tres tecum, et si non vos audierit, dic Ecclesiæ (Matth. xviii, 15-17), » id est, accusa eum publice et non prius, et reliqua. Si quis episcopum post hæc elegerit accusare, summis primatibus episcoporum suam indicet causam, et non sæcularibus, qui magis ad pacem quam ad iudicium eos revocent, ut charitas in omnibus et ab omnibus custodiatur. Si primates accusatores episcoporum cum eis pacificare familiariter minime potuerint, tunc tempore legitimo eos ad synodum canonicè convocatam non infra angusta tempora canonicè convocent, et non prius quam eis per scripta significant, quod eis opponitur ut ad responsionem præparati adveniant. Nam si aut vi aut timore ejecti, aut suis rebus exspoliati fuerint, nec canonicè evocari ad synodum possunt, nec respondere æmulis debent antequam canonicè restituantur, et sua eis omnia legaliter reddantur. Si quis episcoporum fuerit suis rebus exspoliatus, aut a sua ecclesia vi aut timore expulsus, quod omni Christiano nomini est inimicum, oportet et decet episcoporum propositum semper prima fronte cedere, ut omnia quæ ablata sunt potestati ejus legaliter reddantur, et præsul prius re-

stituatur, et postea non statim, sed diu, et per spatiosa tempora suis potestative dispositis, et ad suam necessitatem præparatis, ad tempus veniat ad causam, et, si juste visum fuerit, accusatoribus respondeat suis. Nulli infami atque sacrilego de quocunque liceat negotio adversus religiosum Christianum quamvis humilis servilisque persona sit, testimonium dicere, nec de qualibet re, inscriptione, actione aut Christianum impetere. Si episcopus legitime accusatus, et supradicto ordine ad concilium canonicè convocatus fuerit, absque ulla trepidatione ire debebit, et si ire non potuerit, per se legatum ad synodum mittat. Nullæ causæ a iudicibus ecclesiasticis audiantur quæ legibus non continentur, vel quæ prohibita esse noscuntur. Si quis aliter non acquieverit, nisi ut episcopum accuset supra taxato hoc tenore agere debebit, quia aliter rata non potest accusatio existere : tunc primo accusati causam accusator apud primates canonicè deferat, nec a communione prohibeatur accusatus, nisi ad electorum iudicium canonicè convocatus infra tres aut sex vel plures menses, pro suis rationem redditurus venire distulerit; quod si probare potuerit quod non noluerit, sed non potuerit venire, nihil ei nocebit. Ille vero qui vi aut timore a sede pulsus, aut suis rebus exspoliatus fuerit, nisi prius vocetur ad synodum quam ei omnia legibus redintegrentur, et tandiu in sede propria pacifice et potestative cuncta disponens resideat, quamdiu expulsus vel exspoliatus carere visus est rebus. Cum autem ad iudicium venerit, si voluerit et necesse fuerit, induciæ ei et petenti a patribus constitutæ absque impedimento concedantur, et iudices a se electi tribuantur, ut in loco unde est ille qui accusatur, aut si alibi alicujus temerariæ multitudinis vim metuerit, locum sibi congruum eligat, quo absque timore suos, si necessitas exposcerit, testes habere et absque impedimento suam canonicè sententiam finire valeat, quia multa per subreptionem venire solent. Ut testificandi vel accusandi licentia denegetur qui Christianæ religionis et nominis dignitatem, et suæ legis, vel sui propositi normam, aut regulariter prohibita neglexerint. Multum derogatio prævalet quando derogator creditur, ideo variis detractionibus atque accusationibus non decet labefactari primatem, sed magis patrum regulis roborari, nec facile aut indifferenter suscipere accusationes presumat, dicente Domino : Non suscipias vocem mendacii; sed prius probare debet suspicionem et causam aut quo animo hoc faciat, et postmodum suscipere, quia veritatis professionem propinquitatis, inimicitie, timoris, amoris, odii et cupiditatis intentio impedire et adversa fratribus irrogare solet. Personæ accusantium tales esse debent quarum fides et conversatio et vita probabilis et absque reprehensione sit, et quæ omni careant suspitione, quia et hoc te præsentem, ut bene nosti, in Nicæna synodo propter malorum hominum infestationem ab omnibus definitum est, licet pravorum hominum insidiis sint hæc alia quamplura deleta

Primates illi et non alii sint quam in Nicæna synodo sunt constituti. Reliqui vero qui metropolis tenent sedes, archiepiscopi vocantur, et non primates, salva in omnibus apostolicæ sedis dignitate, quæ ei ab ipso Domino est concessa, et postea a sanctis prioribus reborata. Primo semper in omni episcoporum accusatione vita, persona et conversatio accusantium enucleatim inquirantur, et postmodum ea quæ obijciuntur fideliter pertractentur, quoniam nihil aliter fieri debet, nisi impetitorum prius requiratur fides. Personæ vita et actus discutiantur, quia non debet pravorum aut insidiantium hominum perniciæ vita lacerari innocentium. Sane sæpissime boni a malis disperguntur qui non cessant suis calamitatibus aliis derogare. Ideo summopere providendum est, ne hæc fiant. Nullus servus, nullus libertus, nullus infidus, nullus criminibus irretitus, nullus calumniator, nullus qui inimicitiiis studet, nullus qui frequenter litigat, et ad accusandum vel detrahendum est facilis, nulla infamis persona, vel omnes quos ad accusanda crimina publica leges publicæ non admittunt, permittantur episcopos accusare, quoniam accusatores et accusationes quas leges sæculi non recipiunt, qua ratione sacerdotalis eas recipere debet ordo, invenire nequeo, cum hæc **159** et in Nicæna synodo prohibita sint, et illi magis ab istis, non isti ab illis judicari debeant, et Apostolus dicat: Spiritualis judicat omnia, ipse vero a nemine judicatur. Hæretici a quibus nimium opprimimur excommunicatique homicidæ, malefici, fures, sacrilegi, raptores, venefici, adulteri, et qui raptum fecerint vel falsum testimonium dixerint, seu qui ad sortilegos magosque concurrerint, nullatenus ad accusationem vel ad testimonium erunt admittendi, nec ita in ecclesiasticis agendum est negotiis sicut in sæcularibus. Nam in sæcularibus postquam legibus vocatus venerit, et in foro decertare cøperit aliquis, non licet ante peractam causam recedere; in ecclesiasticis vero dicta causa recedere licet, si necesse fuerit aut si prægravari viderit. Quoties episcopus super certis accusatur criminibus, si tales fuerint accusatores qui juste et canonice recipi debeant, legitima in synodo suo in tempore congregata ab omnibus canonice audiantur qui sunt in provinciis episcopis; quod si legitimi non fuerint accusatores non fatigetur episcopus, quia sacerdotes ad sacrificandum vacare debent, non ad litigandum, nec illi qui throni Dei vocantur pravorum hominum insidiis turbari debent, sed libere Christo Domino famulari, quanquam comprovincialibus episcopis una cum eorum metropolitano, suæ provinciæ causas episcoporum liceat concorditer agitare, non tamen sicut in prædicta re præsentem constitutum est synodo licet definire absque Romani pontificis auctoritate; quod si secus a quibusdam præsumptum fuerit, ipsi qui hoc egerint suæ præsumptionis suscipiant damnum, et illi qui ab eis perperam excommunicati aut damnati fuerint, auctoritate hujus sanctæ Sedis et beati præceptoris nostri clavigeri Petri potestate solvantur, atque re-

stituantur. Ipse enim ait Dominus: « Quæcunque solveris super terram, erunt soluta in terra et in cælis (Matth. xvi, 19). » Quoties episcopi se a suis comprovincialibus, vel a metropolitano putaverint prægravari, aut eos suspectos habuerint, mox Romanam appellent Sedem, ad quam eos absque ulla detentione, aut suarum rerum ablatione, libere ire liceat, et dum prædictam Romanam matrem appellaverint ecclesiam, aut ab ea se audiri exposcerint, nullus eos aut excommunicare, aut eorum sedes subripere, aut eorum res auferre, aut aliquam eis vim inferre præsumat, antequam eorum causa Romani pontificis auctoritate finiatur. Quod si aliter a quoquam præsumptum fuerit, nihil erit, sed viribus carebit. Nam nec hoc perperam præsumimus, sed et ipsum in Nicæna synodo constitutum et antecessores nostros egisse bene, Athanasi, nosti, quoniam quando tu et Paulus Constantinopolitanus, Asclapius Gazæ et Lucianus Adriopolites ab orientalibus episcopis, inconsulto sanctæ memoriæ Julio prædecessore nostro, damnati estis, et ad eum quasi ad totius orbis caput (ut semper huic Sedi sanctæ licitum fuit) confugistis, cognita eorum nequitia et vestra justitia, vos in communionem suscepit, et omnium vestrum curam gerens, propter Sedis propriæ dignitatem suas singulis reddens ecclesiis orientalibus scripsit, culpans eos quod non recte tractassent, viros inculpabiles de suis ecclesiis expellentes et constituta Nicæni concilii minime conservantes. De quibus ad certum diem nonnullos sibi met adesse præcepit, ut de talibus præsumptionibus certam redderent rationem, et coram eis ostenderet iustum se super eis protulisse decretum. Interminatus est etiam non talia deinceps fratres esse passuros, et nisi ab hujusmodi præsumptionibus cessarent, a propriis esse gradibus eos recessuros. Tali enim hujus sanctæ Sedis privilegio tu et fratres tui proprias recepistis ecclesias cum omnibus sibi pertinentibus. His enim et aliis quamplurimis documentis manifestum est nullum damnari, aut suis exspoliari rebus debere episcopum qui hanc sanctam Sedem interpellaverit, aut sibi defensatricem asciverit, donec iudicium de eo nostræ apostolicæ auctoritatis, hoc est principis apostolorum Petri, agnoscat, quia solummodo Christus Jesus huic sanctæ Sedi, id est apostolicæ hoc facere commisit, utpote quoniam solus atque pro omnibus præfatus princeps apostolorum creditus est, atque percipere meruit a rege regum Christo Deo claves regni cælorum. De induciis vero episcoporum super quibus consuluistis, diversas a patribus regulas invenimus institutas; quidam enim ad repellenda imperitorum machinamenta et suas præparandas responsiones et testes confirmandos, et concilia episcoporum atque amicorum querenda, annum aut sex mandaverunt menses concedi; quidam autem annum in quo plurimi concordant, minus vero quam sex menses non reperi, quia et laicis hæc indulta sunt, quanto magis Domini sacerdotibus. Nam et nostris antecessoribus atque reliquis sanctis patribus multoties inhibuitur est, ne quis



Domini sacerdotibus detractationes irroget : quanto magis accusationes non ex radice charitatis prolatas. Quiescite, inquit, et nolite persequi eos qui perfecte Deo ministrant, quorum orationibus et terrena bella sedantur et recedentium a Deo angelorum pelluntur incursus, quique omnes demones qui corrupti sunt precum assiduitate confundunt. Induciæ namque non sub angusto tempore, sed sub longo spatio concedendæ sunt, ut accusati se præparare et universos communicatores in provinciis positos convenire, et testes præparare, atque contra insidiatores se pleniter armare valeant. Iudices enim et accusatores tales esse debent, qui omni careant suspitione et ex radice charitatis suam desiderent promovere sententiam. His ergo tam legaliter quam et canonicè prolatis, etiam omnium Christianorum reverentiam congaudere deprecimur, spirituali intercedente dilectione et timore Dominico per quem humana removetur offensio, et ecclesiarum ædificatio proponitur universis, ut magis universi ad ædificationem fratrum laborent quam ad damnationem, quum ait Dominus : « In hoc cognoscent omnes quia mei estis discipuli si dilectionem habueritis adinvicem (Joan. xiii, 31). » Jam enim formam dedimus et a prædecessoribus nostris datam esse cognovimus, ut si quis se esse agnovit Christianum, illud servet quod ab apostolis noscitur esse contradictum, dicente apostolo Paulo : « Si quis vobis annuntiaverit præter quod accepistis, anathema sit (Gal. i, 9) ; » Christus enim Dei Filius Dominus noster humano generi propria passione salutem plenissimam condonavit, ut nos liberaret. Et si Deus intantum nos dilexit, ut etiam proprio Filio non parceret, sed pro nobis omnibus illum traderet, ut nos liberaret, ut quid nos non diligimus fratres, aut eos temere judicamus, cum prædictus dicat Apostolus, « Nolite judicare invicem, sed hoc magis judicate, ne ponatis offendiculum fratri vel scandalum ? » (Rom. xiv, 13.) Nam si illi qui fratres diligunt, ex Deo nati sunt et vident Deum, quid ergo erunt illi qui eos persequuntur, et eos detrahendo, machinando, accusando, infestando damnate moliuntur ? Si illi filii Dei, procul dubio hi filii sunt diaboli, qui semper « sicut leo rugiens circuit quærens quem devoret (I Petr. v, 8), » ita fratres insequuntur, ut perdant. qui vero adjuvare fratres refugium majus peccatorum onus acquirunt, et fraternitatis solatio rei existunt ; « vae, inquit propheta, qui potum dat amico suo, mittens fel suum (Habac. ii, 15). » Et iterum sapientissimus Salomon ait, « Quoniam qui loquitur iniqua, non potest latere, ne præteriet illum corripienti judicium (Sap. i, 8). » In cogitationibus ergo impii interrogatio erit, sermonum autem illius ad Deum perveniet auditio ad correptionem iniquitatum illius, quoniam auris zeli audit omnia, et tumultus murmurantium non abscondetur ; hæc enim si amplecti voluissent, proprio et sano sensu ad reprobum sensum minime laberentur, sed per Dei timorem sermonum suorum præcaventes custodiam, piam sanctorum Patrum

definitionem sine quadam nocuamenti præsumptione utique conservarent, quoniam dicit sacrum eloquium : Concilium bonum conservabit te et mens bona custodiet te. Non enim de fontibus salutiferis spiritualiter ad inquisitionem æternæ vitæ procedunt tales accusationes et detractationes, atque ideo competenter nos beatus Paulus admonens ait, « Non debere plus sapere quam oportet sapere, sed sapere ad sobrietatem (Rom. xii, 3). » In definitione pietatis perdurantes : qui enim hanc prætereunt non tantum læsi sunt decedentes a corroboracione sua, sed insipientiæ suæ dereliquerunt hominibus memoriam, ut his in quibus peccaverunt, minime latere potuissent, gloria enim et contumelia in loquela et in lingua hominis casus illius est ; ideoque conveniens est hanc quidem ostensionem reprehensioni illorum nostris actibus inseri ne ulterius jam talia patiamini, seminantibus illis zizania et scandala, sed lætari in officiis et dogmatibus vestris mereamini. Igitur erubescant, talia et hujusmodi blasphema subtrahere festinent, si noluerint a sacerdotali nostro collegio segregari, et a totius Christiani populi societate divelli : licet namque de his plura et pernecessaria quæ in decretis Sedis apostolicæ et ab apostolicorumque successoribus nostris, videlicet prædecessoribus statuta inveniuntur, dicere et conscribere potuissimus, tamen melius nobis visum est ut epistolam oratione claudamus. Deus omnipotens et unus unigenitus Filius et Salvator noster Jesus Christus hoc vobis tribuat incitamentum, ut omnibus fratribus et coepiscopis nostris quibuscunque tribulationibus laborantibus totis succurratis viribus et cum eis compatientes crucem ejusdem Domini Salvatoris portetis, ut veri ipsius discipuli coram omnibus appareatis, ut et vos et qui vobiscum sunt hic et in futuro possideatis meliora, « quæ oculus non vidit, nec auris audivit, nec in cor hominis ascenderunt, quæ præparavit Deus diligentibus se (I Cor. ii, 9) ; » per Dominum nostrum Jesum Christum, per quem et cum quo omnipotenti Deo Patri gloria in sæcula sæculorum. Amen. Valere vos opto, fratres charissimi. Data Idus Februarii, Agario et Juliano viris clarissimis consulibus.

#### De oppressione Arianorum.

FELIX sanctæ universalis Ecclesiæ papa, atque per gratiam Dei catholicæ et apostolicæ Ecclesiæ urbis Romæ episcopus, una cum sancto concilio nostro reverendissimorum sacerdotum huc nobiscum convenientium in confirmatione piissimorum catholicæ Ecclesiæ dogmatum et revelatione oppressorum fratrum coepiscoporum videlicet nostrorum qui rectam Nicæni concilii tenent fidem, et fratres non infestent, universis spiritualibus fratribus nostris et reliquis in sacerdotali collegio Domino consecratis, atque omni plenitudini Ecclesiæ catholicæ gratia vobis et pax multiplicetur in confortatione et sancti Spiritus communione, quatenus in eo proficientes a gloria in gloriam et virtutes annuntiemus ejus qui

de tenebris nos vocavit in admirabile lumen suum (I Petr. II, 9) » « apud quem non est transmutatio, nec vicissitudinis obumbratio (Jac. I, 17). » Portate, fratres, hortamur persecutiones et tribulationes patienter ut ejus inveniamini filii quem quotidie patrem vocatis Deum in cœlis, et in eo vincatis omnia, qui propter nos vicit omnia; « qui etiam proprio Filio suo non pepercit, sed pro nobis omnibus tradidit illum (Rom. VIII, 32). » Imitatores quoque Dei convenit in omni verbo et opere imitari Deum, ideoque illud oportet nos dicere quod ipse de se perhibuit Dominus, « veniet princeps hujus mundi et in me nihil inveniet (Joan. XIV, 30), » venerunt et illi qui vos et nos persequuntur, quia vos sine nobis persequi non possunt, quia unus Dei membra sumus, et unum illius sacerdotium per ejus sanctificationem retinemus, et in nobis de suis nihil invenerunt, quia quidquid sumus gratia Dei sumus, licet propterea calumniari nos irrationabiliter studuerint quod facere solent inimici, suam ex hoc cooperire dementiam properantes, quatenus per mendacium veritatem valeant obumbrare. Scripsi enim vobis, inquit Apostolus, per multas lacrymas ut non contristemini, sed ut sciatis quam charitatem abundantius habeo in vobis; etenim detrahentibus detrachere non est bonum, ut non ad ea quæ scripta sunt commoti injuriæ certamen deficiamus. Non debemus omnino timere opprobrium hominum, neque eorum exprobrationibus vinci, quoniam hoc nobis Dominus jubet per Isaiam prophetam dicens: « Audite me qui scitis judicium, populus meus, in quorum cordibus lex mea est, nolite timere opprobrium hominum et blasphemias eorum ne timeatis (Isa. LI, 7). » Considerantes etiam quod in psalmo scriptum est: « Nonne Deus requirit ista! Ipse enim novit abscondita cordis (Psal. XLIII, 22), et cogitationes talium hominum, quoniam vanæ sunt: vana autem locutus est unusquisque ad proximum suum, et labia dolosa in corde, et corde locuti sunt mala, sed disperdet Dominus universa labia dolosa et linguam magniloquam. Qui dixerunt: Labia nostra a nobis sunt, quis noster Dominus est? (Psal. XI, 3-5.) » Nam si hæc in memoria retinerent minime ad tantam prosilirent iniquitatem; non enim probabili et paterna doctrina hoc faciunt, sed ut suam exerceant in servos Dei vindictam, scriptum namque est: Via stulti recta in oculis ejus, et sunt viæ quæ videntur homini justæ, novissima autem eorum deducunt ad mortem. Nos enim, qui hoc patimur, judici reservare debemus qui reddet unicuique secundum opera sua, qui etiam per ministros suos intonuit dicens, « Mihi vindictam, ego retribuam (Rom. XII, 19). » Vos enim in recta fide et pura ac bona succurrite voluntate vicissim, nec aliquis a supplemento fratris subtrahat manum, quoniam in hoc ait Dominus « Cognoscent omnes quia mei estis discipuli, si dilectionem habueritis adinvicem (Joan. XIII, 35). » Unde ipse per prophetam loquitur dicens: « Ecce quam bonum et quam jucundum habitare fratres in unum (Psal.

A CXXXII, 1). » Spirituali dico habitaculo et concordia quæ in Deo est, et unitate fidei hujus delectabilis, secundum veritatem inhabitaculi quæ videlicet in Aaron magis decorabatur atque sacerdotalem induentibus dignitatem, sicut unguentum super caput, principalem intellectum irrigans, et usque ad ipsam extremam scientiam deducens in hoc habitaculo benedictionem et æternam vitam promisit Dominus. Hujus ergo propheticæ vaticinationis meritum amplectentes, fraternam præsentem syllabam exposuimus nostra propter charitatem minime quærentes aut quæsituri. Non enim detrahentibus bonum est detrachere, aut palo secundum vulgarem fabulam excutere palum: absit. Non sunt nostra ista, quapropter hoc avertat Divinitas. Non sunt edocti habitus nostri ita vincere, sed in patientia longanimitatis et spiritu humilitatis, quia sicut per duritiam minime (ut prophetice dicamus) purgatur nigella, ita nec pacis soporatus fructus intelligentiæ per asperitatem exprimitur; propter hoc enim verborum supportavimus colaphos ut aut paulatim valeamus cum imitari, qui propter nos se humiliare dignatus est, et extremæ illius ultionis per hanc plagam verba declinemus. Audiamus ergo et consentiamus Ecclesiæ oratori qui per linguam Spiritus clara voce exclamat dicens: « Omnia vobis in charitate fiant (I Cor. XVI, 14). » Ergo sive quærimus, sive tantummodo dicimus, et tantummodo audimur charitas intercedat, ars aliqua existat ad compositiones concordie boni et conjunctiones. Oportet enim de Deo quærentibus nobis spiritum rectitudinis mentis nostræ dinumerantes intentiones templum pacifice inhabitare in eum propter Deum, qui per prophetam locutus est: « Quærens quære et apud me habita (Isa. XXI, 12). » Speculum enim edidit nos Deus populo suo, et aperit eos qui a Deo sunt deputati sacerdotium adipisci, ita in humilitate gressus mentis adinvicem tendere, ut in melius ædificentur hi qui ad nos respiciunt, quam (quod dicere piget) per nostram discordiam semitam pedum eorum concutere. Ad concordiam judicemus nos ipsos, et unum in charitate sapiamus, humilitatem veneremur, per quam apprehendi solet altitudo spiritus. Si enim verborum amplius usque nunc taciturnitatem quam garrulitatem dilexerimus, hoc quidem bene habere arbitrati sumus, ne scriptis vestris reciproce respondentibus injurie fomitem excitemus, et pusillanimitate dijudicemur ab eo qui omnia ad charitatem dirigere promulgavit. « Oravimus vero et tunc ostium circumstantiæ labiis nostris (Psal. CXL, 5) » imponi verbum in sonitum concipere potius quam verbum sonabile, et hoc tamen mihi donum est a Domino, « et factus sum sicut homo non audiens et non habens in ore suo redargutiones (Psal. XXXVII, 15). » Sed quia tempus est loquendi et tempus tacendi, operio verbum, et claudio ostium per taciturnitatem competenter exorans: « Domine, labia mea aperies (Psal. L, 17), » « et respondeam exprobrantibus mihi verbum (Psal. CXVIII, 42), »



licet enim tacuissemus, non semper tacebimus ap-  
 riente nobis Domino claves verbi. Igitur directis in  
 præsenti beatitudini fraternitatis vestræ apocrisia-  
 riis qui post multas factas inter nos de ecclesiastica  
 requisitione dissonantes sermocinationes, in fine ad  
 hoc pervenerunt, admonentes nos atque hortantes  
 interpretari unius veri Dei nostri voluntatis intel-  
 lectum atque huiusmodi interpretationem destinare  
 vestræ sacratissimæ venerationi. Nos acceptam ha-  
 bentes bonæ conscientie prædictorum venerabilium  
 virorum admonitionem, cognoscentes autem et quæ  
 principatus apostolorum summities docet paratos  
 esse ad satisfactionem omni poscenti verbum de spe  
 quæ in nobis est secundum Dei timorem, mansue-  
 tudinemque ad bonam scientiam temperantes, super  
 tali tantummodo requisitione mentem nostram per  
 has syllabas exponimus, superfluas exercitationes  
 et altercationes verborum propter satietatem et præ-  
 sentis temporis incongruitatem declinantes ac præca-  
 ventes, nihil omnino aliud intelligentes ac proferentes

A licet dicentes quam quod audivimus et cognovimus  
 a sanctis universalibus magis apostolis eorumque  
 successoribus, et patres nostri enarraverunt nobis,  
 et audientem prædicavimus ad supernam tendentes  
 vocationes. Nostrum est studium ubi pacis consti-  
 tutio manet, his qui in stadio pietatis sunt bene  
 unica gloria, intercessori tribuitur et corona, Deo  
 manifestati sumus qui iudicat omnia et comprobatur.  
 Non iurgialiter stamus, non ad contradictiones re-  
 spicimus, nec favorem inanem amplectimur, sed in  
 verbo Dei propositi huiusmodi requisitionis resolu-  
 tiones fecisse dignoscimur, confitentes quoniam paci  
 Dominus Deus, ad alterum nostrorum unitatem et  
 dilectiones conservavit in gloria ejus benignissimæ  
 majestatis. Omnem cum vestra beatitudine in Chri-  
 sto existentem fraternitatem tam nos quam qui  
 nobiscum sunt multum salutavimus. Data xiii Kal.  
 Novembris, Philemone et Attico viris clarissimis con-  
 sulibus.

## EPISTOLA LIBERII PAPÆ.

*Ut nullus pro persecutionibus dum durare potest suam relinquat Ecclesiam.*

Dominis sanctissimis et Deo amantissimis univer-  
 sis episcopis LIBERIUS episcopus in Domino salutem.  
 Nihil est quod diu stare possit nisi Dei gratia. Cæ-  
 terum nequitia diaboli contemptibile malum plenum  
 veneno mortifero sevit, qui sursum atque deorsum  
 « circuit quærens quem devoret (I Petr. v, 8). »  
 Unde vigilare et sobrii esse ad orationes, et Deo pro-  
 pinquare debemus, et fatuas, Domino auxiliante, ho-  
 minum insidias, prout Dominus posse dederit, re-  
 spueri, et patres sequi, et non transgredi terminos  
 patrum, non ut nostras relinquamus dum in eis per-  
 sistere aliquando valebimus ecclesiasticas, ut ad alias  
 properemus, aut populos commissos negligere, ut  
 quietem amplius quam pro eis elaborare, pro quibus  
 etiam animas ponere debemus, studeamus, quan-  
 quam multi nos persequantur et oves Christi dila-  
 cerare desiderant, qui « quasi vestibus ovium appa-  
 rent, intus autem sunt lupi rapaces, quos ex fructi-  
 bus cognoscimus (Matth. vii, 15, 16). » Isti primo  
 quidem videntur ex nobis esse, sed non sunt ex no-  
 bis, si enim fuissent ex nobis, mansissent utique  
 nobiscum. Quando vero suam evomuerint impieta-  
 tem, dolui qui in eis est erumpentes et apprehen-  
 dentes infirmiores, et eos qui ad eloquia divina  
 sensus inexercitatos habent, secum eos contrahunt  
 ad perditionem, subvertentes quos oportet præseien-  
 tes cavere, ne malitia eorum quidem seducti absin-  
 dantur a propria firmitate. « Exacuunt enim linguas  
 suas juxta prophetæ vocem, sicut serpentes. Vene-  
 num aspidum sub labiis eorum (Psal. cxxix, 4). »  
 Nec vos pigeat per temporales cruciatus pro Chri-  
 sti nomine laborare, sed emolumenta futuræ re-  
 muneracionis hujus sæculi vexationes tolerare per-

suadeant. Scriptum namque est : « Quid retribuam  
 Domino pro omnibus quæ retribuit mihi? Calicem  
 salutaris accipiam et nomen Domini invocabo (Psal.  
 C cxv, 12). » Tantum enim a nobis exigit quantum  
 possumus famulatus nostri obsequio commodare.  
 Unde quidem tanto nobis necesse est importunis præ-  
 dicationibus insistere, quanto nobis perfectæ nego-  
 tiationis creditur duplicata talentorum assignatio,  
 atque Dominica nobis ad suscipiendam ejus requiem  
 persuadet assertio. Suggestum namque nobis est  
 quod pro præteritis laboribus et infestationibus non-  
 nulli vestrum assignatas sibi met a Deo commissas  
 relinquunt plebes, et in futuro plures relinquere ve-  
 lint eas quas tueri debent ecclesias, et pro ovibus  
 sibi commissis laborare negligunt, et monasterio-  
 rum se quieti contradere festinent, et vacationem ab  
 episcopatus laboribus eligere, et silentio atque otio  
 vitam degere magis appetant, quam in his quæ sibi  
 commissæ sunt permanere, dicente Domino : « Bea-  
 tus qui perseveraverit usque in finem (Matth. xxiv,  
 13). » Unde namque est beata perseverantia, nisi  
 de virtute patientiæ? quam secundum apostolicam  
 prædicationem omnes qui voluerint in Christo pie  
 vivere persecutionem patiuntur. Ideoque, fratres  
 charissimi, non vos afflictionum amaritudo a pio  
 mentis vestræ proposito coarctet recedere. Conside-  
 rate namque quanta pro absolutione nostri et libera-  
 tione Creator, Dominusque et Redemptor noster  
 pertulerit, quibusve se contumeliis afficiendum tra-  
 diderit, ut nos a vinculis potestatis diabolicæ libera-  
 ret. Attendite itaque vobis et omni gregi in quo vos  
 « Spiritus sanctus constituit episcopos regere Eccle-  
 siam Dei (Act. xx, 28), » quam acquisivit proprie

sanguine, ut non sit qui vos decipiat aut seducat in subtilitate sermonis, ut vobis plebes commissas relinquantis, et alicui propter malorum opprobrium hominum quieti vos tradatis, ut vos solummodo salvetis et filios orphanos relinquantis. Apertissime enim Spiritus sanctus per Apostolum dicit, « quia in novissimis temporibus recedent quidam a fide et charitate, attendentes spiritibus seductoribus, et doctrinis dæmoniorum, hypocrisi mendacii locorum cauteriatam habentium suam conscientiam (1 Tim. iv, 1, 2). » Propter quod hortamur vestram charitatem exemplo ejus qui pro nobis pati voluit, promptos vos in cunctis ejus permanere servitiis, nec quidem quoquo modo a commissa cura recedere, sed totis viribus in commissis vobis negotiis fortiter usque in finem perdurare, quoniam beatus est qui perseveraverit usque in finem, nec laudatur initium, sed finis. « Nemo vos seducat inanibus verbis. Propterea enim venit ira Dei in filios diffidentiae (Ephes. v, 6). » Nolite ergo effici comparticipes eorum dogmatum, neque communicetis infructuosus verbis illorum, magis autem et redarguite; quoniam cœtus prævaricatorum sunt, et extenderunt linguam suam quasi arcum mendacii et non veritatis, completum est in eis, quia de malo ad malum egressi sunt, et me non cognoverunt, dicit Dominus. Veritatem enim non loquentur, docuerunt enim linguam suam persecutores ecclesiarum eorumque sacerdotum loqui mendacium ut impie agerent laboraverunt, et renuerunt scire me (Jer. ix, 6), » dicit Dominus. « State ergo vos, dilectissimi, super vias, et videte, interrogate de semitis Domini antiquis, et videte quæ est via bona sanctorum patrum, et ambulate in ea, et invenietis requiem animabus vestris (Matth. xi, 29). » Sed et si patimini propter Christum, beati eritis, metum autem eorum ne timeveritis, neque conturbemini, Dominum autem Deum sanctificate in cordibus vestris, ipso dicente: « Nolite timere eos qui corpus occidunt, animam autem non possunt occidere, sed potius eum timeate qui potest animam et corpus perdere in gehennam. Nonne duo passeressesse vident, et unus ex illis non cadet super terram sine Patre vestro? Vestri autem et capilli capitis omnes numerati sunt. Nolite ergo timere, multis passeribus meliores vos estis (Matth. x, 28-31). » Rememoramini ergo, fratres, eum qui talem sustinuit a peccatoribus adversus semetipsum contradictionem, ut ne fatigemini animis vestris deficientes, nondum enim usque ad sanguinem certavimus adversus peccatum repugnantes.

Confidimus autem de vobis, fratres charissimi, meliora et viciniore salutis, quia neque mors, neque vita, neque angeli, neque principatus, neque potestates, neque instantia, neque futura, neque fortitudo, neque altitudo, neque profundum, neque

A creatura alla, magistro gentium docente, poterit nos separare a charitate Domini nostri Jesu Christi (Rom. viii, 38, 39), et, quæ in ipso est, recta fide. Nolite itaque amittere confidentiam vestram, quæ magnam habet remunerationem. Patientia enim nobis necessaria est ad colluctationes adversariorum, quatenus fidem intemeratam usque in finem conservantes repromissionem percipiamus, quam repro-misit his qui legitime certare deproperant (Hebr. x, 35, 36). « Adhuc omnino modicum aliquantulum, **161** qui venturus est veniet, et non tardabit (Hebr. x, 37). » « Ecce enim judex ante januam assistit (Jac. v, 9), » coronas hilariter promittens his qui pro eo passionibus submittuntur. Quod si subtraxerit se quis, non placebit animæ suæ, sed cadet de promissione propter negationem. Nos autem non sumus subtractionis filii in perditionem, sed fidei in acquisitionem animæ. « Propter quod assumite arma Dei, ut possitis resistere in die malo adversus omnes inimicos sanctæ Dei Ecclesiæ et vestros, et induite vos lorica justitiæ, calceati pedes in præparatione Evangelii pacis, in omnibus assumentes scutum fidei, in quo possitis omnia jacula nequissimi ignita extinguere. Et galeam salutis accipite, et gladium spiritus, quod est verbum Dei, per omnem orationem et obsecrationem radicati et fundati in solatio fratrum pro Christo Jesu Domino nostro (Ephes. vi, 13, 14). » « Sed et nunc, fratres, commendamus vos omnes Domino et verbo gratiæ ejus, qui potest perficere et dare hæreditatem vobis cum omnibus sanctis (Act. xx, 32). » « Ipse autem Deus pacis et dilectionis det vobis idipsum sapere in alterutrum (Rom. xv, 5), » ut vobis invicem succurratis et non sitis divisi, ut unanimes uno ore, et uno corde honorificemus eum in concordia et consolatione fratrum, qui potest confirmare nos secundum Evangelium ejus juxta revelationem mysterii æterni, temporibus scilicet perpetuis, quibus vobis futurorum gaudiorum largienda sunt munera. Summopere etiam considerare debetis, quod hi qui fratribus invident, eosque damnare aut perdere cupiunt, per se sua dogmata destruunt; dicit enim Dominus: « Omne regnum in se divisum non stabit (Matth. xii, 25), » et omnis scientia et lex adversum se divisa non stabit. Ideoque necesse est ut concorditer salubres suscipiatis hortatus, et nihil per contentionem agentes, sed ad omne studium devotionis unanimes divinis et apostolicis constitutionibus pareatis, et in nullo patiamini providentissima canonum decreta violari, quatenus et Nicænorum canonum constituta, et quæ a nobis vel a prædecessoribus nostris sunt provide et salubriter decreta, intemerata permanent in futuro.

## INCIPIUNT DECRETA DAMASI PAPÆ.

*Epistola ejusdem ad Paulinum Antiochenum episcopum.*

I. Quod integrum hominem suscepit sine pec-

II. Quod unus sit Christus ante sæcula ex Patre natus, et in tempore ex Virgine editus.

Dilectissimo fratri PAULINO DAMASUS,



Per filium meum Vitalem ad te scripta direxeram, tuæ voluntati et tuo iudicio omnia derelinquens, et per Petrum presbyterum indicaveram me in articulo jam perfectionis ejus aliqua ex parte commotum. Unde ut nullus tibi scrupulus resideret, ne volentes forsitan Ecclesiæ copulari tua cautio præblanda differret fidem, misimus nostram, tam tibi, qui ejus fidei communionique sociaris, quam his qui in ea subscribentes tibi et nobis per te voluerunt sociari, dilectissime frater. Quapropter si supradictus filius meus Vitalis et hi qui cum eo sunt tibi voluerint aggregari, primum debet in ea expeditione fidei subscribere quæ aboud Nicæam pia Patrum voluntate firmata est.

I. Deinde, quoniam nemo potest futuris vulneribus adhibere medicinam, hæresis eradicanda est, quæ postea in Oriente dicitur pullulasse; id est, confitendus est ipse sapientiæ Filius, Dei Sermo, humanum suscepisse corpus, animam, sensum, id est integrum Adam et, ut expressius dicam, totum veterem nostrum sine peccato hominem. Sicut enim confitentes eum humanum corpus suscepisse, non statim ei et humanas vitiorum adjungimus passiones, ita et dicentes eum suscepisse et hominis animam et sensum, non statim dicimus et cogitationum humanarum subjacuisse peccato.

II. Si quis autem dixerit Verbum pro humano sensu in Domini carne versatum, hunc catholica Ecclesia anathematizat, necnon et eos qui duos in Salvatore filios confitentur, id est unum ante incarnationem, et aliter post assumptionem carnis ex Virgine, sed eundem Dei Filium, et ante et postea confiteantur quicumque huic epistolæ subscribere voluerint, ita tamen ut si et in ecclesiasticis canonibus quos optime nosti, et in Nicænam fidem ante subscriperint, hunc debeas absque aliqua ambiguitate suscipere. Non quod hæc ipsa quæ nos scripsimus, non poterimus convertentium susceptioni proponere, sed quod tibi consensus noster liberum in suscipiendo tribuat exemplum.

*Synodus Romana sub Damaso papa.*

Post Nicænum concilium aliud in urbe Romana postea congregatum est, quo catholici episcopi addiderunt de Spiritu sancto, quia postea is error inolevit ut quidam ore sacrilego auderent dicere Spiritum sanctum factum esse per Filium. Unde anathematizamus omnes qui non tota libertate proclamant eum cum Patre et Filio unius potestatis esse atque substantiæ. Anathematizamus quoque eos qui Sabellii sequuntur errorem, eundem dicentes Patrem esse quem et Filium. Anathematizamus Arium atque Eunomium, qui pari impietate, licet sermone dissimili, Filium et Spiritum sanctum asserunt esse creaturas. Anathematizamus Macedonianos, qui de Arii stirpe venientes non perfidiam mutaverunt, sed nomen. Anathematizamus Fotinum, qui Ebionis hæresim instaurat, qui Dominum Jesum Christum tantum ex Maria Virgine constitetur. Ana-

thematizamus eos qui duos filios asserunt, unum ante sæcula, et alterum post assumptionem carnis ex Virgine. Anathematizamus eos qui pro hominis anima rationali et intelligibili dicunt Dei Verbum in humana carne versatum cum ipse Filius sit Verbum Dei, et pro anima rationali et intelligibili in suo corpore fuerit, sed nostram, id est, rationalem et intelligibilem sine peccato animam suscepit atque salvaverit. Anathematizamus eos qui verum Dei Filium extensione aut collectione et a Patre separatim in substantivum et in finem habiturum esse contendunt. Si quis non dixerit semper Patrem, semper Filium, semper Spiritum sanctum, anathema sit. Si quis non dixerit Filium natum de Patre, id est de substantia divina ipsius, anathema sit. Si quis non dixerit Verbum Domini Filium, Dei Deum, et omnia posse et Patri æqualem, anathema sit. Si quis dixerit quod in carne constitutus Filius Dei cum esset in terra, in cælis cum Patre non erat, anathema sit. Si quis dixerit quod in passione crucis dolorem sustinuit Filius Dei Deus, et non caro cum anima quam induerat et in forma servi quam sibi acceperat, sicut ait Scriptura (*Phil. II, 7*), et anathema sit. Si quis non dixerit, quod in carne et quam assumpsit Christus, sedet ad dexteram Patris, in qua venturus est judicare vivos et mortuos (*II Tim. IV, 1*), et anathema sit. Si quis non dixerit Spiritum sanctum de Patre esse vere ac proprie sicut Filium de divina substantia et Deum verum, anathema sit. Si quis non dixerit omnia posse Spiritum sanctum, omnia nosse, et ubique esse sicut Patrem et Filium, anathema sit. Si quis dixerit Spiritum sanctum facturam, aut a Filio factum, anathema sit. Si quis non dixerit omnia per Filium et Spiritum sanctum Patrem fecisse, id est, visibilia et invisibilia, anathema sit. Si quis non dixerit, Patris, et Filii, et Spiritus sancti unam divinitatem, potentiam, unam gloriam, dominationem, unum regnum atque unam voluntatem ac veritatem, anathema sit. Si quis tres personas non dixerit veras Patris et Filii et Spiritus sancti æquales semper jubentes omnia, et continentes visibilia et invisibilia, omnipotentes, omnia judicantes, omnia vivificantes, omnia facientes, omnia salvantes, anathema sit. Si quis non dixerit Spiritum sanctum adorandum ab omni creatura, sicut et Filium, et Patrem, anathema sit. Si quis de Patre et Filio bene senserit, de Spiritu autem sancto non recte habuerit, hæreticus est.

*Epistola Damasi papæ ad Hieronymum presbyterum.*

DAMASUS episcopus, fratri et compresbytero Hieronymo, in Domino salutem.

Dum multa corpora librorum in meo arbitrio oblata fuissent, contigit ut et librum Psalmorum in meo animo festinus cognoscerem detineri, et memoriam capacitatis meæ imbuere cogitavi, frater amantissime et in Christo semper sacerdos, rogo te, ut secundum septuaginta interpretes, et presbyteros, id est, Matthiam, et Thelomæum, Muchium

Casium, Dithronium fratrem, Simonem, et cæteros, A inquantum tua poterit conscientia de LXX, invenire vestigia nobis transmittas. Peto etiam tuam charitatem, ut, sicut a rectore tuo Alexandro coepiscopo didicisti, Græcorum psallentiam ad nos dirigere tua fraternitas delectetur, quia tantæ apud nos simplicitatis indago est, ut tantum in die Dominico apostoli epistola una recitetur, et Evangelii capitulum unum dicatur, nec psallendi mos tenetur, nec hymni decus in nostro ore cognoscitur. Peto ergo per fratrem compresbyterum nostrum Bonifacium, ut libeat fraternitati tuæ nobis aperire vestigia. Missa quinto Kalend. Novemb. per Bonifacium presbyterum Hieronymum.

*Rescriptum Hieronymi presbyteri ad Damasum papam, ubi suggerit de Gloria Patri, et Alleluia, in fine psalmorum apud Romanam Ecclesiam concinendo.*

Beatissimo papæ DAMASO sedis apostolicæ urbis ROMÆ HIERONYMUS.

Supplex legi litteras apostolatus vestri poscentes, secundum simplicitatem LXX, Interpretum, canones, psalmographum interpretari festinem propter fastidium Romanorum ut ubi obscuritas impedit, apertius et Græce et Latine trahatur sensus. Cliens precatur ergo tuus ut vox ista psallentium in sede tua Romana die noctuque canatur, et in finem psalmi cujuslibet sive matutinis vel vespertinis horis conjungi præcipiat apostolatus tui ordo; *Gloria Patri et Filio et Spiritui sancto*, et reliqua. Istud carmen laudis omni psalmo conjungi præcipias, ut fides 318 episcoporum Nicæni concilii in vestro ore pari consortio declaretur. Ubi autem Deus et homo honorabili voce cantatur, *Alleluia* semper cum omnibus psalmis affigatur, ut omni loco communiter respondeatur nocturnis temporibus. In Ecclesia autem post resurrectionem usque sanctam Pentecostem finiat, inter dierum vero spatia, *tibi soli*, Quinquagesimæ propter novitatem sancti Paschæ, ut vox ista laudis canatur in Aleph, quod prologus Græce, Latine autem præfatio dicitur.

*Epistola Stephani archiepiscopi et trium conciliorum Africæ ad Damasum papam, de privilegio Romanæ sedis.*

Beatissimo Domino et apostolico culmine sublimato, sancto Patri Patrum, DAMASO papæ, et summo omnium præsulum pontifici, STEPHANUS archiepiscopus concilii Mauritanicæ, et universi episcopi de tribus conciliis Africanæ provincicæ.

Notum vestræ facimus beatitudini quod quidam fratres in confinio nobis positi quosdam fratres nostros, venerabiles videlicet episcopos, vobis inconsultis a proprio dejiciunt gradu, vel dejicere moluntur, cum vestræ sedi episcoporum judicia, et summorum finem ecclesiasticorum negotiorum in honore beatissimi Petri Patrum decreta omnium cunctam reservare sententiam, inquirendi reverentia de Dei rebus, quas omni cura et sollicitudine observare debemus. Maxime vero debent ab ipso præsulum exa-

minari vertice apostolico, cujus vetusta sollicitudo est, tam mala damnare, quam revelare laudanda. Antiquis enim regulis censum est, ut quidquid horum quamvis in remotis vel in longinquo positis ageretur provinciis, non prius tractandum vel accipiendum sit, nisi ad notitiam almæ sedis vestræ fuisset deductum, ut ejus auctoritate juxta quod fuisset pronuntiatum firmaretur, et reliqua multoties talia et his similia, quæ super his constituta sunt; quibus si illicite factum est, ut semper vestræ sedi consuetudo fuit, festinanter occurrere et his viriliter, ut pater pro filiis certantes, state sicut bene a Jesu, filio Sirach, dictum est, « Usque ad 162 mortem certa pro veritate et semper Dominus Deus tuus pugnabit pro te (Eccli. iv, 33). » Accipere enim personam impii non est bonum, ut declines a veritate judicii (Prov. xviii, 5). » Sin minus illicita sunt hæc, pateat nobis talis omnibus licentia, beatissime Pater, aut si liceat hos vel aliquos etiam minorum graduum clericos nisi canonice tempore legitimo vocatos, aut sine legitimis accusatoribus aut absque veris et innocentibus testibus, vel nisi manifeste canonice convictos aut semper confessos, vel a suis sedibus ejectos aut suis exspoliatis rebus vocare ad synodum, vel damnare, quia legimus eos non posse canonice ad synodum ante suam diu tenendam et gubernandam, viribus scilicet pleniter resumptis restitutionem, suisque omnibus sibi legaliter restitutis, integerrime vocari, aut ut veniant ad synodum, nisi sponte voluerint imperari. Deus ergo creator omnium conservet longævum apostolatum vestrum ad stabilitatem Ecclesiarum sanctarum, et orthodoxæ fidei, vosque pastorem bonum, qui spiritualibus pro ovibus vestram ponitis animam, atque baculo pastoralis lupos rapaces expellitis, omnibusque oppressis auxilium fertis, quod et istis atque omnibus vos semper facere optamus, sanctissime papa. Subscriptio ex alia manu. Ora pro nobis, charissime Pater.

*Rescripta Damasi papæ ad eosdem.*

DAMASUS, servus servorum Dei, atque per gratiam ejus episcopus sanctæ catholicæ Ecclesiæ urbis Romæ, STEPHANO archiepiscopo concilii Mauritanicæ, et universis episcopis Africanæ provincicæ. Lectis fraternitatis vestræ litteris, primo gratias ago quod tantorum fratrum merui benedictione frui, deinde quod circa fratres sollicitos vos reperi, et cum eis crucem Domini deferre qui ait: « Qui vult venire post me abneget semetipsum, et tollat crucem suam et sequatur me (Matth. xvi, 24), » et reliqua ad hunc modum pertinentia. Igitur quando in præsentī opportune gestorum consultatione apostolicis vestra beatitudo visceribus commota nos hortata est, tuitionem fratrum apostolica impendere auctoritate, et eorum injuriis subvenire, dum constet eadem vos cum apostolo compassibiliter dicere: Quis infirmatur, et ego non infirmor. quis scandalizatur et non uror? (II Cor. xi, 29) satagentes ne aliquis de his qui vobis crediti sunt a sævis bestiis laceretur, aut capiatur, pro qua re oportet juxta vestram prudentem



commonitionem, magis aut secundum Domini divi-  
nam præceptionem nos qui supra domum ejus, hoc  
est universalem Ecclesiam catholicam, episcopale  
suscepimus ministerium, sollicite vigilare, ut ne quid  
de sacris ejus muneribus, id est apostolicis viris,  
apostolorumque successoribus atque ministris quis-  
quam nobis inconsultisque damnari. Scitis, fratres  
charissimi, firmamentum adeo fixum et immobile  
atque titulum lucidissimum suorum sacerdotum, id  
est omnium episcoporum apostolicam sedem esse  
constitutam, et verticem Ecclesiarum, Tu es enim  
(sicut divinum pronuntiat Verbum veraciter) Petrus  
et super firmamentum tuum Ecclesiæ columnæ qui  
episcopi intelliguntur confirmatæ sunt, et tibi claves  
regni cælorum commisi, atque ligare et solvere  
potestatem quæ in cælis sunt et quæ in terris promul-  
gavi. Tu profanatorum hominum et membrorum meo-  
rum, maximeque discipulorum meorum existis ut  
princeps et doctor orthodoxæ et immaculatæ fidei,  
cujus vice hodie gratia Dei legatione pro Christo  
fungimur, et omnes hujus sanctæ sedis præsules  
ejus vicem gesserunt, gerunt et gerent. Ideo omnia  
quæ innotuistis non licere mandarem, nisi vos tam  
pleniter instructos esse scirem quod cuncta super  
quibus consulitis illicita esse non dubitetis. Discu-  
tere namque episcopos et summorum ecclesiasticorum  
negotiorum causas metropolitanos una cum omnibus  
suis comprovincialibus, ita ut nemo ex eis desit, et  
omnes in singulorum concordent negotiis, licet; sed  
definire eorum atque ecclesiasticarum summas  
querelas causarum, vel damnare episcopos, absque  
hujus sanctæ sedis auctoritate minime licet, quam  
omnes appellare (si necesse fuerit) et ejus fulciri  
auxilio oportet. Nam, ut nostis, synodum sine ejus  
auctoritate fieri non est catholicum, nec episcopus  
in legitima synodo, et suo tempore apostolica voca-  
tione congregata definite damnari potest, neque ulla  
unquam concilia rata leguntur, quæ non sunt fulta  
apostolica auctoritate. Accusatores autem episcopo-  
rum, et testes super quibus rogastis absque ulla infa-  
mia aut suspitione vel manifesta macula, et vere fidei  
pleniter instructi esse debent, et tales quales ad  
sacerdotium eligere jubet divina auctoritas, quoniam  
sacerdotes (ut antiqua tradit auctoritas) criminari  
non possunt, nec in eos testificari qui ad eundem  
non debent, nec possunt provehi ad honorem; vo-  
catio enim ad synodum juxta decreta Patrum cano-  
nica ejus qui impetitur tam sua præsentia, quam et  
scriptis atque apocrisiariis per spatium fieri debet  
congruum atque canonicum, quia nisi canonice  
vocatus fuerit suo tempore et canonica ordinatione,  
licet venerit ad conventum quæcunque ordinatione  
nisi sponte voluerit, nullatenus suis respondebit  
insidiatoribus, quoniam nec sæculi leges hoc permit-  
tunt fieri: quanto magis divinæ?

Dejectis vero atque suis rebus exspoliatis nihil  
vobis verius significare queo quam sanctissimi Pa-  
tres definierunt, et nostri prædecessores apostolica  
auctoritate roboraverunt. Ita enim hæc se habent,

A episcopos ejectos atque suis rebus exspoliatos  
Ecclesias proprias primo recipere et sua eis omnia  
legaliter reddi sancti canones decreverunt, et postea  
si quis eos accusare voluerit, æquo periculo facere  
sanciverunt judices esse decernentes episcopos recte  
sapientes et justè volentes ad tempus, diuque illis  
resumptis viris et suis potestative fruentibus rebus,  
amicisque et Dei servis sapientibus consulentibus  
viris in ecclesia convenientes ubi testes essent sin-  
gulorum qui oppressi esse videntur. Scimus enim  
homines inermes non posse cum armatis rite pu-  
gnare, sic nec illi qui ejecti vel suis bonis sunt  
exspoliati cum illis qui in suo stant gradu, et suis  
frauntur amicis atque bonis, litigare rite possint.  
Nec sæculi quoque leges hæc sæcularibus fieri per-  
mittunt, sed prius ejectos vel oppressos aut exspo-  
liatos cum suis omnibus restitui jubent, et postea  
suo tempore, sicut lex eorum continet, ad placita  
venire præcipiunt, nec ulla carceris custodia appel-  
lantem arceri permittunt. Docent enim ex parte  
sicut nostis terrena quæ sunt cælestia. Accusatores  
vero, et accusationes quas sæculi leges non asciscunt  
nullatenus sunt in horum admittendæ causis, quia  
omne quod irreprehensibile est catholica defendit  
Ecclesia. Decet enim Domini sacerdotes fratrum  
causas pie tractare, et venerabiliter intendere,  
atque eorum judicia super sacrificia ordinare, nec  
proterva aut tyrannica dominatione (ut de quibus-  
dam refertur) sed charitative pro Deo et fraterno  
amore cuncta peragere, et quod sibi quis fieri se-  
cundum Dominicam vocem non vult, alii inferre  
non præsumat, et in qua mensura mensi fueritis  
remetietur vobis. Ea vero quæ apostolorum prædi-  
catione et Patrum instructione præcepimus semper  
tenere debemus, ne aliqua nova cudere, aut ad  
noxam fratrum intendere videamur, sed alteru-  
trum onera portemus, ut juxta Apostolum legem Do-  
mini adimplere valeamus (*Gal. vi, 2*). Tempus enim  
congruum prævideri oportet, quoniam uniuscujusque  
accusatæ personæ causa rectissime in medio produ-  
catur, quatenus gravitatem ejus et consonantiam  
quæ contra Patrum decreta vel synodorum confes-  
sionem prodi minime cognoscant, quam ordinabiliter  
omnes intendant, ut ad eam in omnibus rationabi-  
liter respondeant, et justè se velle manifeste osten-  
dant. Nullus autem introducatur personaliter, sed  
accusatores et accusati æqua audiantur ratione  
juxta quod gestorum ordo exigit. Accusatores vero  
et judices non idem sint, sed per se accusatores,  
per se judices, per se testes, per se accusati,  
unusquisque in suo ordinabiliter ordine. Nam  
inscriptio primo semper fiat, ut talionem calum-  
niator recipiat, quia ante inscriptionem nemo debet  
judicari, vel damnari, cum et sæculi leges hæc  
eadem retineant, de quibus omnibus vera semper fiat  
æquitas, quatenus accusationis et judicii ac testi-  
monii mercedem per veritatem gestorum consequi  
valeant. Scriptum est enim: Abominatio Domino  
labia mendacia (*Prov. xii, 22*), et testem fallacem

proferentem mendacia, et seminantem inter fratres A scandala, atque litigia (*Prov. vi, 19*) » ipso monente atque dicente : « Non facies calumniam proximo tuo, nec vi opprimes eum, non facies quod iniquum est, nec injuste judicabis, non considerabis personam pauperis, nec honores vultum potentis, juste judica proximo tuo (*Levit. xix, 18 et seq.*), » et « quod tibi non vis fieri alteri ne facias (*Tob. ix, 16*), » et reliqua. Et maxime præceptum habentes apostolicum attendere nos ipsos et gregi « in quo nos Spiritus sanctus posuit episcopos regere Dei Ecclesiam, quam acquisivit per sanguinem suum proprium (*Act. xx, 28*). » Convenit et iterum attendere lupos, attendere malos operarios, qui perversa faciunt, et adversa loquuntur, ut detrudere semper discipulis Domini, et infamare querant, quos corrigere vos et omnes Domini sacerdotes summo studio oportet, quia pejus malum non est, quam ut cives civibus invadeant et sacerdotes vel clerici sacerdotibus vel pontificibus insidentur, testante etiam Veritatis voce : « Qui vos tangit, tangit pupillam oculi mei (*Zach. ii, 8*). » Et : « Qui scandalizaverit unum de pusillis istis, melius est ut suspendatur mola asinaria in collum ejus, et demergatur in profundum maris (*Matth. xviii, 6*). » Et item : « Beatus qui non fuerit scandalizatus in me (*Luc. vii, 23*). » Ille proculdubio scandalizatus est in Deum, qui ejus scandalizat episcopum vel sacerdotem, et multa talia quæ hic non inseruntur, ne nimis proluxa efficiatur epistola. Monentes quoque instruere debetis memoratos vicinos vestros, ut a talibus se subtrahant, et quæ illicite contra præfixos fratres egerunt cito corrigant, et quos nobis inconsultis læserunt nobis inconsultis plena satisfactione sanent et cito reconcilient, si noluerint apostolicæ sedis suscipere censuram. Nam si quid fortasse in eis aut contra eos emergerat, nostrum fuerat expectandum examen, ut nostra (ut semper huic fuit sedi concessum privilegium) aut condemnarentur auctoritate, aut fulcirentur auxilio. Neque enim suo pro libitu nostra debuerant jura pervadere absque apostolicæ sedis dispositione mandante. A talibus deinceps omnes se abstineant sacerdotes qui noluerint ab apostolicæ petra, super quam Christus (ut prædictum est) universalem construxit Ecclesiam, cui episcoporum summa judicia atque majorum causæ, sicut paulo superius memoratum est, reservatæ sunt atque soli datæ, censura a sacerdotali honore secludi. Induciæ enim accusatis in criminalibus episcopis sex mensium, vel eo amplius si necesse fuerit concedendæ sunt, quoniam et laicis hoc permisum nullis sæcularibus imbutus disciplinis ignorat, quanto magis sacerdotibus qui superiores esse eis non dubitantur?

Habetur quoque in decretis sanctorum Patrum sancitum non fore canonicum quemquam sacerdotum judicare vel damnare antequam accusatores canonicè examinatos præsentés habeat, locumque defendendi accipiat, id est inducias ecclesiasticas ad abluenda crimina, etc. Nec extra propriam fiat

provinciam primo discussionis accusatio sine apostolica præceptione, cui in omnibus causis debetur reverentia custodiri, quoniam et antiqua docet hoc Patrum regula, in qua et imperialia pariter statuta concinunt. Criminum, inquit, discussio ibi agenda est ubi crimen admissum est. Nam alibi criminum reus prohibetur audiri, et alibi in canonibus præcipitur. Quæcunque negotia in suis locis ubi orta sunt finienda sunt, et reliqua talia et his similia, salva in omnibus apostolica auctoritate, ut nihil in his deficiantur priusquam ei placere cognoscatur quia omnes fultos esse oportet, et si quid eis grave intollerandumque accideret, ejus est semper expectanda censura. Neque enim proterve aut stimulo suæ cogitationis impulsus (ut sæpe actum agnovimus) detrudere aut accusare præsumat quemquam sacerdotum, quia injuria eorum ad Christum pertinet, ejus vice legatione pro populo, Christi sanguine redempto, fungitur. Causas enim eorum, quia Dei causæ sunt, ejus esse, **163** judicio reservandas, qui valet corpus occidere, et animam mittere in gehennam (*Matth. x, 28*); qui dicit : Mihi vindictam, et ego retribuam (*Eph. x, 30*). Apud quem conscientia nuda est, cui non absconduntur occulta. Instruendi etiam omnes sunt, quoniam per nos illis Christus intonuit non esse ovium lupi insidias prævidere, sed pastoris (*Joann. x, 12, 13*). Monet ergo beatus apostolus Paulus « ne de his temere leviterque præsumatur judicium, de quibus nemo potest verius vel melius judicare quam Deus (*I Cor. iv, 5*). Tu, inquit, autem quare iudicas fratrem tuum, aut cur spernis eum? Omnes enim stabimus ante tribunal. Scriptum est enim : Vivo ego, dicit Dominus. Quoniam mihi flectetur omne genu, et omnis lingua confitebitur Domino, itaque unusquisque nostrum per se rationem reddet Deo (*Rom. xiv, 10*). In hoc ergo non sibi quispiam temerarios ausus usurpet, ut præter quod concordiam pertinet aliud agat unde unitas Ecclesiæ sic dissipetur. Non ergo leviter quisquam assentiat in detractone, vel judicatione, vel damnatione fratrum maximeque sacerdotum qui proximiores sunt Deo, et qui proprio ore corpus Christi conficiunt, quia ob hoc venit ira Dei in filios diffidentiae (*Eph. v, 6*) » qui Christum persequuntur in suis membris. « Nolite, fratres, nolite effici participes eorum (*Ibid. 7*), » nec communicetis peccatis talium, aut infructuosis verbis illorum. Magis autem redarguite talium coetus, qui extendere moluntur, quasi arcum in fratres linguas; defendite ergo, fratres, et omnes monete ut armentur contra fratrum persecutores. « Confidimus autem de vobis meliora et viciniore salutis (*Heb. vi, 9*), » quia « neque mors, neque vita, neque angeli, neque principatus, neque instantia, neque futura, neque fortitudo, neque altitudo, neque profundum, neque creatura alia, Magistro gentium docente, poterit nos separare a charitate Domini nostri Jesu Christi (*Rom. viii, 38, 39*), » quæ maxime in sacerdotibus et reliquis perficitur membris ejus. Nolite itaque amittere confidentiam vestram, quæ magnam habet



remunerationem. Ecce enim iudex ante januam assistit, coronas hilariter promittens his qui pro eo fratribus auxilium ferunt et oppressis succurrunt, atque in charitate collaborant. Quod si subtraxerit se quis, non placebit Deo, sed cadit, quia non sublevavit cadentem, sed emarcuit. Non autem simus subtractionis in oppressionem, sed adminiculi in acquisitionem et supplementum fratrum. Propter quod « assumite armaturam Dei, ut possitis resistere omnibus taliter præsumentibus, et induite vos loriceam justitiæ, et calceati pedes in præparationem Evangelii pacis, in omnibus sumentes scutum fidei, in quo possitis omnia tela nequissimi ignea extinguere, et galeam salutis assumite, et gladium spiritus, quod est verbum Dei, per omnem orationem et obsecrationem (*Eph. vi, 13 et seq.*) » « radicati et fundati (*Eph. iii, 17*), » ut idipsum dicatis omnes, et non sint in vobis schismata, dividentes corpus Ecclesiæ, bonum et integrum in tortuosas novitates. Monet ergo Apostolus non amplius nos invicem temere judicare (*Rom. xiv, 13*). » Temere enim iudicat, si quis episcopum absque sedis apostolicæ auctoritate condemnat, cum ei, ut paulo superius prælibatum est, hoc specialiter privilegium reservatum sit. « Sed hoc iudicate magis, inquit, ne ponatis offendiculum fratri vel scandalum (*Ibid., 14*). » Patenter enim his et aliis innumerabilibus decretorum testimoniis omnibus manifestum est non debere episcopum damnari, licet ejus perscrutetur opinio, donec iudicium de ore nostræ apostolicæ auctoritatis, hoc est Principis apostolorum cognoscatur, utpote quoniam solus et præ omnibus creditus est, atque percipere meruit a rege regnum Christo Deo claves regni cælorum ad aperiendum fidelibus et benevolis hominibus in eundem Dominum nostrum, et claudendum infidelibus et malevolis atque suis sacerdotibus, et sanctæ Ecclesiæ suo pretioso sanguine redemptæ impugnantibus sive nocentibus. Quod utique et nos facere postulavit non quod novi aliquid nunc imperatur, sed illud quod per desidiam aliquorum aut scienter aut negligenter transgreditur deinceps observetur ab omnibus, ut illa semper quæ apostolica et Patrum traditione constituta sunt sub metu irrefragabili auctoritate teneantur. Scriptum namque est in secunda ad Thessalonicenses Epistola, et ad Timotheum, Apostolo monente : « State, et tenete traditiones vestras quas didicistis, seu per verbum, seu per epistolam (*II Thess. ii, 14*). » Item alibi per prophetam : « Espectavi quoque, sicut beatus Isaias intonuit, ut facerent iudicium, fecerunt autem iniquitatem et non iustitiam, sed clamorem omnes popi conturbantes (*Isa. v, 7*), » et hoc scire debeant, quoniam « iudicium Dei est secundum veritatem in eos qui talia agunt, licet divitias bonitatis Dei, et sustentationis, et patientiæ ignorantes, quoniam benignitas Dei ad poenitentiam eos adducit, secundum duritiam autem eorum, et cor impenitens thesaurizant sibi iram in die iræ, et revelationis iusti iudicii Dei, qui reddet unicuique secundum opera ejus (*Rom.*

*ii, 5 et 6*). » Et alibi scriptum est : « Ego sum Dominus Deus vester. Non facietis iniquitatem, » « In iudicio non accipies personam hominis (*Matth. xxii, 16*), » « Neque mireris vultum potentis (*Levit. xix, 15*), » Ab omni iniquo verbo recedes, « Innocentem et iustum non oppugnabis, neque interficies (*Dan. xiii, 53*). » Ille procul dubio facit iniquitatem in iudicio quæ ea sibi vindicat quæ ei vindicare non licet. Ideo quæ huic sanctæ sedi concessa sunt, nullus usurpare sine ejus consulto præsumat, qui non vult honore ecclesiastico indignus ut contemptor iudicari. Itaque oportet negligentes propulsare, sed ita ut nocentes non roborentur, et bonos improbis aut insidiatoribus fratrum resistere, ne torpore desidie oppressi taciturnitatis teneantur obnoxii. Itaque qui potest obviare et perturbare perversos, et non facit, nihil aliud est quam favere eorum impietati. Nec enim caret scrupulo societatis occultæ qui manifesto facinori desinit obviare. Sitis autem perfecti et integri in eodem sensu, et in eadem scientia firmati, ut per eam vias vestras dirigentes in eundem inflexibiliter omnibus occurratis oppressis, quia vobis creditur Dominus, ad quem accedentes lapidem vivum ab hominibus quidem reprobatum, et propter talium impietatem, a Deo autem electum, et honorificatum, super quem « vos tanquam lapides vivi ædificamini in domum spirituales, in sacerdotium sanctum, offerentes spirituales hostias ipsi in odorem suavitatis (*II Petr. ii, 5*). » Gratum enim admodum est sacrificium Domino oppressis subvenire, quanto magis de quibus ait : Qui vos audit, me audit : et qui vos spernit me spernit, etc. (*Luc. x, 16*). Libat quidem Domino prospera, qui ab afflictis et oppressis pellit adversa. Sed et nunc, fratres, « commendamus vos Deo et verbo gratiæ ejus, qui potest perficere, et dare hæreditatem in omnibus sanctificatis (*Act. xx, 32*). » « Ipse autem Deus pacis et consolationis dei vobis idipsum sapere in alterutrum, et in ipso semper et in omnibus, ut unanimes uno ore, et uno corde honorificetis eum (*Rom. xiv, 5 et 6*) » in concordiam, et auxilium fratrum, « qui potens est confirmare omnes, et consolari secundum Evangelium ejus et juxta revelationem mysterii temporibus æternis taciti (*Rom. xvi, 25*), » patefacti autem per Scripturas sanctas et patrum orthodoxorum doctrinas secundum præceptum æterni Dei, « ad obediendum fidei in omnibus cognitis nobis (*Rom. i, 5*) » soli sapienti Deo Domino nostro Jesu Christo, cum quo Patri et Spiritui sancto, gloria, honor et imperium et potestas in sæcula seculorum. Amen (*Rom. xiv, 27*). Dominus vos custodiat, dilectissimi fratres, incolumes semper. Data 8 Novembris, Flaviano et Stilicone IV consulibus.

*Quod omnes de Filio Dei et Spiritu sancto, et de unitate Trinitatis male sentientes similes sint Judæis, et de unitate Trinitatis.*

Quod si quis patiatur Deum Patrem, et Deum Filium, et Spiritum sanctum deos dici, et non Deum propter unam divinitatem, et potentiam quam cre-

dimus esse, et scimus Patris, et Filii, et Spiritus sancti Deum, subtrahens aut Filium, aut Spiritum sanctum, ita solum æstimet esse, Deum Patrem dici, aut credi unum Deum anathematizamus, omnibus imo Judæis, quod nomen deorum in angelis et in sanctis omnibus a Deo est positum et donatum. De Patre autem et Filio, et Spiritu sancto propter unam et æqualem divinitatem non nomen deorum, sed Dei nobis ostenditur, atque indicatur, ut credimus, quia in Filio et Spiritu sancto solummodo baptizamus, et non in archangelorum nominibus aut angelorum, quod hæretici, aut Judæi, aut gentiles dementes faciunt. Hæc ergo est salus Christianorum, ut credentes Trinitati, id est Patri, et Filio, et Spiritui sancto in veram solamque divinitatem, unam et potentiam, majestatem, et substantiam ejusdem deitatis sine dubio credamus. Dicit quoque beatus Isaias: Propter Sion non tacebo, et propter Hierosolymam non quiescam, donec egrediatur ut splendor justus ejus, salvator ejus ut lampas accendatur (*Isa. LXII, 1*). Profecto catholice Ecclesie, quæ vera consistit Sion, civitas Christi cælorum regis per tot annorum spatia expugnata ab adversantibus verbo fidei, « qui neque Deum timent, neque hominem reverentur (*Luc. XVIII, 2*), » sed incassum producentibus pias et canonicas de hoc verbo doctrinas, dum et adversis tantisque quæ in scripto et sine scripto contestationibus invitati fuissent corrigere propriam et sepelire hæresim, sicuti et per anteriorem cognitionem luculentius demonstratum est tam per libellos quam per suggestiones reverendissimorum sacerdotum et venerabilium abbatum Apostolo protestante nobis « Hominem hæreticum post primam et secundam correctionem evitare debeamus (*Tit. III, 10*), » scientes quia subversus est hujusmodi, et delinquit proprio judicio condemnatus, nullo modo oportet nos deinceps tacere aut quiescere, ne quoquo modo iniqui judicemur odibilem Deo pacem amplectentes. Quoniam scriptum est: « Zelavi in peccatoribus pacem peccatorum videns (*Psal. LXXII, 3*), » et dicatur etiam de nobis: Sacerdotes mei contempserunt legem meam, et polluerunt sanctuaria mea (*Ezech. XXIII, 38*), inter sanctum et profanum non habuere distantiam, inter pollutum et mundum non intellexerunt; sed consurgere cum Deo, et consistere prompte induentes arma spiritus adversus malignantes contra fidem ejus, ut probemus spiritus sapienter, id est verba illorum, si ex Deo sunt. Scriptum est enim in Jeremia: « Probatorem dedi te in populo meo robustum, et scies et probabis viam eorum (*Jer. VI, 27*). » Multum namque nobis necessaria est vigilantia, et tantum divinum sapientiæ discretionis quæ occulta tenebrarum revelat requisitionem hujusmodi rei, et scrutationem, quoniam latet quodammodo et absconditur vixque comprehenditur dolosa existens malitia, pro eo quod sibi pietatem callide blandiatur, ut valeat scrutantium mentem latere, quod utique sciens beatus Apostolus ait: « Nam hujusmodi pseudoapostoli operarii subdoli transfigurant se in apostolos Christi.

Sed non mirum, ipse enim Satanas transfigurat se velut angelum lucis. Et non mirum, si ministri ejus transfigurentur velut ministri justitiæ, quorum finis secundum opera eorum (*II Cor. II, 13, 14*). » Sed et Dominus in hoc præmuniens nos ait: « Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces. A fructibus eorum cognoscetis eos (*Matth. VII, 15*). » Ergo in idipsum ex toto corde referentes ante omnia super tali quæstione deprecationem, et dicentes cum David: « Revela oculos meos, et considerabo mirabilia de lege tua (*Psal. CXVIII, 18*). » « Lucerna pedibus meis verbum tuum, Domine, et lumen semitis meis (*Ibid. 105*), » quoniam, sicut ait beatus Daniel propheta, « Sapientia et fortitudo ejus sunt, dat sapientiam sapientibus, et scientiam intelligentibus disciplinam, ipse revelat profunda et abscondita, et novit in tenebris constituta, et lux cum eo est, quia sapientiam et fortitudinem dedisti mihi, et ostendisti mihi quæ rogavi te (*Dan. II, 20-24*). » Cum ope divina uniuscujusque personæ conscripta per novitatis commentum accusati sunt, de venerabili scrinio obsecundantibus nobis ordinabiliter offerentibus solertius intendamus.

*De choreviscopis, et qui idem sint, aut si aliquid sint aut nihil.*

Dominis venerabilibus fratribus, PROSPERO Numidiæ primæ sedis episcopo, LEONI, REPARATO, ALEXANDRO, BENEDICTO, RUFO, et omnibus cæteris, ubique in recta sancta et apostolica fide consistentibus orthodoxis episcopis, DAMASUS.

Licet, fratres charissimi, vobis sint nota Patrum decreta, mirari tamen non possumus vestram solertiam circa instituta majorum, ut cuncta quæ possunt aliquam recipere dubitationem, ad nos quasi ad caput, ut semper fuit consuetudo, deferre non desinatis, ut inde capiat responsa unde accepistis institutionem et normam recte vivendi. Unde et vos non immemores canonum esse recordamur, qui et ipsum fieri præcipiunt non ut vobis scientiæ ecclesiasticæ regulæ aliquid desit, sed ut auctoritate sedis apostolicæ fulti in nullo ab ejus devietis regulis.

Igitur de chorepiscopis de quibus nos consulere quale sit eorum ministerium, aut quid eis agere liceat, aut quam auctoritatem habeant, vel si licet eos fieri an non, quia audivimus eos jam esse prohibitos, aut quid de eis, qui jam ordinati reperientur agendum sit, nil vobis certius respondere videtur quam olim a prædecessoribus nostris decretum reperimus, ut eis ad veniam nihil prorsus ad aliud reservetur quam privatio sacri ministerii quod illicite assumpserunt, quia prohibiti tam ab hac sacra sede quam a totius orbis fuerant episcopis. Nimis ergo eorum institutio improba, nimis est prava, quia ut hi de summo sacerdotii ministerio aliquid præsumant omni auctoritate caret, et sacris canonibus invenitur esse contrarium, atque ad totius Ecclesiæ perturbationem superba et superflua tendit elatio, et vacuum est et inane quicquid in



prædicto sacerdotii summi egerunt ministerio. Quod A ipsi idem sint qui et presbyteri sufficienter invenitur qui ad formam et exemplum septuaginta inveniuntur prius instituti. Sed quia, Deo gratias, modo necessarii, sicut in primitiva Ecclesia propter studium quod erga pauperes exigebant, non sunt, et quia illicita præsumebant, et quod agebant actum non erat, et propterea multi in securitatem lapsi ecclesiastico fraudabantur et frustrabantur ministerio, ideo tam ab hac sancta sede (ut superius memoravimus) quam ab omnibus totius orbis episcopis a pontificabilibus sunt remoti officiis. Nam, ut nobis relatum est, quidam episcoporum propter suam quietem eis plebes suas committere non formidant, et ut illicita atque prohibita agant, id est, ea quæ solis pontificibus debentur sibi usurpant, et ipsi in sua quiete torpent, B et curam sibi a Deo commissam negligunt, cum Dominus dicat : « Bonus pastor animam suam ponit pro ovibus suis, et vocat eas nominatim, et cognoscit suas, et suæ agnoscunt eum (*Joan. x, 2-11*). » Et item : « Sicut novit me Pater, et ego agnosco Patrem, et animam meam pono pro ovibus meis (*Ibid., 11*). » De mercenario autem quid dicat bene nostis, quia « vidit lupum venientem, et dimittit oves, et fugit, et lupus rapit, et dispergit oves » (*Ibid., 12*), et reliqua Pro talibus vero negligitur cura Ecclesiæ, et ejus status perturbatur, et ideo sunt prohibiti, intantum ut si aliquis ex his reperti fuerint, a proprio decendant gradu. Illi namque episcopi, qui talia sibi præsumunt, videntur mihi esse meretricibus similes, quæ, statim ut pariunt infantes suos, aliis nutricibus tradunt educandos, ut suam citius libidinem explere valeant; sic et isti infantes suos, id est populos, sibi commissos aliis educandos tradunt, ut suas libidines expleant, id est, ut suo pro libitu sæcularibus curis inhiant, et quod unicuique visum fuerit liberior agant; pro talibus enim animæ negliguntur, oves pereunt, morbi crescunt, hæreses et schismata prodeunt, Ecclesiæ destruuntur, sacerdotes vitiantur, et reliqua mala proveniunt. Non taliter Dominus docuit, nec apostoli instituerunt, sed ipsi qui curam suscipiunt ipsi peragant, et ipsi proprios manipulos Domino repræsentent. Nam ipse ovem perditam diligenter quæsit, ipse invenit, ipse propriis humeris reportavit, nosque idipsum facere perdocuit. Si ipse pro omnibus tantam curam habuerit, ipse docuit, ipse curavit, ipse sanavit, ipse propriis humeris reportavit, atque intantum dilexit, ut etiam animam suam multas sustinens injurias, multa opprobria, multasque passiones pro nobis traderet. Quod nos miseri et desides dicturi sumus, qui etiam pro ovibus nobis commissis curam impendere negligimus, et aliis eas deducandas tradimus? Corrigantur hæc, fratres, necesse est, quia qui plus laborat majorem mercedem accipiet. Nam non amplius quam duos ordines inter discipulos Domini esse cognovimus, id est duodecim apostolorum, et septuaginta discipulorum. Unde iste tertius processerit funditus ignoramus, et quod ratione caret

exstirpare necesse est. Quod enim episcopi non sint qui minus quam a tribus sunt ordinati episcopis omnibus patet, quoniam, ut bene nostis, prohibitum a sacris est Patribus, ut qui ab uno vel a duobus sunt ordinati episcopis, nec nominentur episcopi. Si nomen non habent qualiter officium habebunt? Quidquid enim inter episcopos, aut de rebus ad eos solummodo pertinentibus egerint, necesse est, ut superius jam prælibatum est, ut irritum fiat, quia quod non habent, dare nequaquam possunt, præsertim cum nullum ex septuaginta discipulis, quorum speciem isti antequam prohiberentur, ut superius memoratum est, in Ecclesia gerebant, nil de hoc quod apostolis eorumque successoribus specialiter debebatur, legitur assumpsisse, nec in lege Domini quæ Moysi ab ipso Domino legitur dictata, de his quæ summis sacerdotibus, id est Moysi, et Aaron erant specialiter concessa, filii Aaron quidquam præsumant. Nulli enim dubium est, quod Moyses et Aaron soli, præcipiente Domino, in tabernaculo Dei erigebant altare, soli ungebant, soli sacerdotes sacra unctione instituebant, et alia quæ ad summum sacerdotium pertinebant, de quibus sufficienter in divinis legitur litteris, agebant, quoniam summi Domini sacerdotes erant, sicut de eis scriptum est : « Moyses et Aaron in sacerdotibus ejus (*Psal. xcvm, 6*), » sic et modo, quia umbra legis transiit, et lux Evangelii in nos Dei gratia manifeste coruscat, de his quæ in summis sacerdotibus, id est episcopis quorum figuram Moyses et C Aaron tenuerunt, illi qui septuaginta discipulorum formam gestant, in quorum videlicet typo filii Aaron erant nihil præsumere debent, sicut nec illi quidquam de summi sacerdotii ministerio attingebant. Nam quod chorepiscopi antequam præfato prohiberentur tenore ad formam septuaginta instituti erant, canon sufficienter manifestat, ubi ait : Chorepiscopi quoque ad exemplum et formam septuaginta videntur esse, et reliqua. Nec illud prætereundum nobis videtur, quod alibi in canonibus expressum est : Qui in vicis et possessionibus chorepiscopi nominantur, quamvis manus impositionem episcoporum perceperint, et ut episcopi consecrati fuerint, et cætera.

Nec ab re dictum perpendo, quanquam manus D impositionem episcoporum perceperint, cum episcoporum nomen pluralem in se contineat numerum, et apud grammaticos pluralis sit genitivus, ut detur enim mihi quod tunc non ab uno, sed a pluribus ordinabantur, quia nullatenus diceret episcoporum, si ab uno fieret talium ordinatio, cum episcoporum pluraliter dictum sit. Cum autem dixit chorepiscopum, profecto villanum voluit intelligi episcopum; et si villanus, quid agit in civitate, cum in una civitate duo omnino prohibeantur esse episcopi? Et si in villa et in eo loco ubi antea episcopi non fuerunt, cum et in modica civitate, vel in villa, aut castello episcopus fieri prohibeatur, et in omnibus omnino locis, ubi antea episcopi non fuerant, ne

vilescat auctoritas et nomen episcopi fuerint constituti, quid, rogo, erunt? Ecce nec locus cum ordinatione concordat, nec ordinatio cum loco. Quoniam si episcoporum manus impositionem perceperunt, et ut episcopi sunt consecrati, ubi sunt consecrati ad villam, quia chore villa est apud Græcos, et qualiter ad villam, si nec in castello, aut in modica civitate licet fieri, rogo ut promatis, et si promere non potestis, quia scio per rationem, aut plenam auctoritatem minime potestis, digitum ori imponite, et eos omni auctoritate carere non dubitate, scilicet quia tria obstant quibus eorum cassatur actio vel institutio. Unum, quod ab uno episcopo ordinari solent, in quo eorum ordinatio a canonibus concordat, qui per manus episcoporum eos institui jubent. Aliud, si a pluribus episcopis sunt ordinati, et aut in villa, aut castello, seu in modica civitate, aut omnino non in eo loco præfixi, quo juste episcopi fieri debent, aut dudum non fuerunt ubi non vilescat auctoritas, et nomen episcopi, aut si in civitate cum altero episcopo, cum, ut prædictum est, in una civitate duo non debeant consistere episcopi. Tertium si absolute fuerint instituti, sicut de quibusdam audivimus, quæ omnia episcopali omnino carent auctoritate. Et illud adhuc restat, quod eorum ordo non habet in divinis litteris auctoritatem, quia, ut præfixum est, ordines sunt duo tantum primi in Ecclesia, id est apostolorum, et septuaginta discipulorum. Sane si nec episcopi sunt, quia pro præfatis causa episcopi esse non possunt, nec presbyteros se nominari volunt, quia amplius esse ambiunt, atque plusquam septuaginta discipulorum fecissent, ad quorum formam, ut paulo superius prælibavimus, hi antequam prohiberentur a quibusdam stultis, et « sua quærentibus, non quæ Christi Jesu (*Phil. II, 21*) » instituebantur, præsumere tentant, et illicita atque prohibita agere præsumunt, nec hoc dici se volunt quod sunt, rogo ut manifeste prodatis quid sint, quoniam aut aliquid sunt, aut nihil. Nam manifeste patet, quoniam episcopi non sunt, et si episcopi non sunt, et presbyteri esse despiciunt, quid erunt? Aut aliquid prorsus erunt, aut nihil, quia nihil potest esse nisi habeat unde sit, et si non habeat unde sit, aut unde originem ducat, nec auctoritatem habet, nec stare rite poterit, quia inane est, et ut destruat, et cadat necesse est, quoniam nihil est, et in nihilum reputabitur. Si vero nihil ex his sunt, quæ superius memoravimus, tunc necesse est ut nihil sint ex his quæ sacerdotibus debentur, et ideo nec in sacerdotali catalogo habeantur, nisi tantum, ut primo commemoravimus, ut pro misericordia illis qui humiliter hoc ferre voluerint, nec amplius ambierint, et per scriptum propria manu subter corroboratum id ipsum confirmaverint, hoc solummodo concedatur, ut inter sacerdotes locum habeant, et ministerio presbyterorum contenti sint, atque mensæ Domini tantummodo participes existant. Amplius autem qui ambire voluerint, nec hoc retineant, ut sacerdotes

A sint, sed omni ecclesiastico funditus priventur honore. Quod vero eis non liceat sacerdotes consecrare, nec diaconos, aut subdiaconos, nec virgines, nec altare erigere, nec ungere, aut sacrare, nec ecclesias dedicare, nec chrisma conficere, nec chrismate baptizatorum frontes signare, nec publice quidem in missa quemquam pœnitentem reconciliare, nec formatas epistolas mittere, nec populum benedicere, nec ante episcopum in baptisterio aut in sacrario introire, nec præsentem episcopo infantem tingere aut signare, nec pœnitentem sine præceptione episcopi sui reconciliare, nec eo præsentem, nisi illo iubente, sacrum corporis et sanguinis Christi conficere, nec eo coram posito populum docere, aut salutare, nec plebem exhortari. Quæ omnia solis pontificibus deberi tam ex superioribus quam ex aliis Patrum constitutis, aut sacris canonibus edocti estis, et si necesse est, quibusdam munus [f., minus] scientibus doceri pleniter, et instrui possunt, ut per hoc et discretio graduum, et dignitatis fastigium summorum pontificum demonstratur. Similiter et de presbyteris hæc habeantur, ut sine jussu proprii episcopi nil agant, quia quod rarum est hoc et pulchrius esse videtur. Et si nomen vilescit pontificum, omnis status perturbatur Ecclesiæ. Triplex itaque in hac parte reatus est: quod et prohibita agunt; et quod sacrum ministerium talis consortii vilitate polluitur: et episcoporum quantum ad illicitæ usurpationis temeritatem pertinet jura solvantur.

C Quod autem solis apostolis eorumque successoribus proprii sit officii tradere Spiritum sanctum, liber Actuum apostolorum docet, præsertim cum nullus ex septuaginta discipulis, quorum isti in Ecclesiæ specie gerunt, legatur donum sancti Spiritus per manus impositionem (ut prædictum est) tradidisse. Hæc ergo, quia omni carent ratione, nullus deinceps usurpet, aut consentiat sacerdotum qui noluerit a 165 nostro sacerdotali collegio separari. Nec quod a nobis exstinguitur, et a prædecessoribus nostris ac reliquis, ut dictum est, totius orbis episcopis jam extinctum est, apud aliquos tenebrosis seminetur radicibus; sed, quæ male pullulasse noscuntur, radicibus evellantur, ne messem Dominicam ulla corumpant zizania. Ita enim fructum uberem Domini sacerdotes præstabunt, si ea quæ natam segetem enecare consueverunt radicibus amputentur. Cesset ergo tot iudiciis prohibita et damnata præsumptio, nec imitentur summi sacerdotes mulieres meretrices, quæ infantes suos præfata voluptate aliis ad nutriendum tribuunt, sed ipsi Domino suo nutriant, ipsi fructum cum usura reddant, fructuososque manipulos et cum gloria representent. Nam si Dominus leprosos inter cæteras ovium suarum curas tetigit et mundavit, cur nos eadem agere dedignamur? aut cur nos ipsi qui pastorale officium suscepimus aliis alendas tradimus? maxime cum Dominus Petro præceptorum nostro dixerit: « Si diligis me, pasce oves meas, » et multa talia et h'is similia (*Joan.*



xxi, 17). Nam benedictio quam prædicti corepiscopi ante suam prohibitionem per manus impositionem dabant, magis nobis videtur vulnus inferre quam salutem, et illi qui pontificatus apicem habebant, quomodo ea quæ non habebant dare poterant, quoniam nihil danti erat quod ipse possit accipere? aut quis hominum, licet more humano loquamur, dare potest quod non habet? Præsertim cum pontifices non erant, ea quæ solis pontificibus debentur, dare non poterant. Et propterea magis vulnerabant capita quæ per manus impositionem tangebant, cum ea quæ eis collata non erant per aliquam benedictionem darent. Et ideo quicquid ex supradictis ministeriis pontificalibus præsumebant irritum erat, et nihil tactis perficiebant, sed magis juxta prophetam *« maledictionem pro benedictione, si ratum est dicere, conferebant (Jer. XLIV, 8). »* Quapropter per illam illicitam manus impositionem, ut paulo superius prælibavimus, vulneratum caput illi qui videbantur aliquid accepisse habebant. Et ubi vulnus infixum est, necesse est medicinam adhibere qua infixa sanetur macula, id est, reiterari necesse est, quod legitime actum, aut collatum minime approbatur, si perfectum esse debet. Nam quomodo honorem possit retinere qui ab illo acceperit, qui potestatem dare legitime non habuit, invenire non possum, cum ille qui honorem pontificalem non habuit, pontificalia non potest jura tribuere, nec hoc sibi poterant vindicare, cujus capaces per hoc quod illis obstiterat non fuerit. Hujus ergo discussionis curam nobis specialiter vindicantes ita misericordiam rogamus ut si qua forsitan his commissa sunt corrigantur, ne talia liceat ultra committi, et ne qua excusatio de ignoracione nascatur, quia ut nobis gratulationem facit Ecclesiarum status salubri dispositione attributus, vel adornatus, ita non levi nos mœrore contristat quoties aliquid contra instituta canonum vel ecclesiasticam disciplinam præsumptum, aut commissum cognoscimus. Quæ si non qua debemus vigilantia resecemus, illos qui nos speculatores esse volunt excusare non possumus, si ejus Ecclesiam quæ nobis generaliter commissa est in quantum prævaleamus puram a tam illicitis superstitionibus non custodiamus, quia non aliter unus grex, et unus pastor sumus, nisi quemadmodum Apostolus docet id ipsum dicamus omnes, *« simus autem perfecti in eodem sensu et in eadem sapientia (I Cor. I, 10). »* Nec aliter veri discipuli Domini erimus, nisi radicem amaritudinis sursum germinantem, sicut hæc, ut asseritis modo, facit ne nocere valeant ut episcopale ministerium vilesceat faciat per eorum negligentiam, id est omnium sacerdotum, qui evellere mala, et meliora plantare sunt ab eo præpositi, unusquisque pro viribus extirpare festinet, et ipse qui pro suis ovibus est æterno judici rationem redditurus eas fovere et educare decertet. Si Domini desideramus esse discipuli, ipsius imitemur vestigia, ut de nobis dicatur: *« Ego sum pastor bonus, et cognosco oves meas, et voco*

*eas nominatim, et cognoscunt me meæ, et reliqua (Joan. x, 14). »* Et iterum, monente Dominicæ vocis imperio, quo beatissimus apostolus Petrus trina repetitione mysticæ sanctionis imbitur, ut Christi oves, qui Christum amat diligenter, et cum magna cura pascat, quoniam ipsis sanctæ sedis cui (per abundantiam divinæ gratiæ præsumus) amore et reverentia coaretamur, ut tantæ superstitionis, quæ nulla (ut supra dictum est) fulcitur auctoritate, periculum, quantum possumus, declinemus, ne beati magistri nostri, et summi apostoli dilectio, qua se amatorem Dei esse testatus est, vana inveniat in nobis, quoniam omnis negligenter pascens toties sibi commendatum Dominicum gregem convincitur summum non amare pastorem, nec ejus se velle discipulum fieri, cujus exempla negligit imitari, nam gratia prorsus major acquireretur, si de commissis ovibus lucrum offerat Domino sollicitudo pastoris. Nam et beatum Jacob, qui pro uxoribus diu servierat, dixisse meminimus: *« Viginti annis fui tecum. Oves tuæ et capræ steriles non fuerunt, arietes gregis tui non comedi, nec captum a bestia ostendi tibi. Ego damnum omne reddebam, et quicquid furto perierat a me exigebas, die nocteque æstu urebar et gelu, fugiebat somnus ab oculis meis (Gen. xxxi, 38, 39). »* Si ergo laborat et vigilat qui pascit oves Laban, quanto labore, quantisque vigiliis debet intendere qui pascit oves Dei? Sed in his omnibus ipse nos instruat, qui pro suis dedit ovibus animam, et adjuvet nos ut de his qui nobis commissi sunt, fructum multiplicem ac mensuram superfluentem ad æterna gaudia reportare concedat, tantusque vos beati Petri apostolorum principis amor incendat, ut in ovili ipsius, cui omnes creaturæ sunt traditæ, omnes taliter errantes, et illicita atque prohibita præsumentes sanctis vestris studiis summo reintegrare eum desiderio festinetis, qualiter animæ pretioso Christi sanguine redemptæ eorum non pereant deceptione.

Restat enim quod per ostium hi nequaquam subintrarunt, quia non habebant ostium per quod ingrederentur, quia ut dictum est: Si nec episcopi sunt, et plusquam presbyteri esse ambiunt, per quod ostium intrabunt? cum hi tantum duo ordines in Ecclesia leguntur, nec amplius ad pastorale officium aliquod patet ostium per quod pastor intret. Audite, fratres, non me, sed ipsam dicentem Veritatem: *« Qui non intrat per ostium in ovile omnium, sed ascendit aliunde, hic fur est et latro (Joan. x, 1), »* et reliqua Cum etiam egregius prædicator dicat: *« Fundamentum enim aliud nemo potest ponere præter id quod positum est (I Cor. iii, 11). »* Cum prædicta duo fundamenta in Ecclesia tantum inveniantur posita, quicquid amplius positum in his invenitur, stare nullatenus poterit; et ideo cum omnibus suis fundamentis et actionibus, atque radicibus, ut evellatur necesse est, ita ut amplius pullulare nec germinare valeat. Non ergo generet, et non faciat vobis, fratres, toties repetita locutio fasti-

dium, quia summa necessitas est, sæpius prohiberi quod toties a vobis ut cognovimus illicite usurpatur, et quoniam Veritas sæpius exagitata magis splendescit ut lumen, et quod toties repetendo admonetur, nimis usurpatur. Super his enim multa jam ab antecessoribus nostris dicta sunt, a quibus ipsi sicut nunc a nobis, ita olim ab eis damnata et prohibita sunt. Ideo, sæpius repetentes omnes moneamus ut vitentur huiusmodi, et a talibus se abstineant, qui noluerint una cum eis a sacerdotali ministerio, ut rebelles fieri alieni, quod ita demum probare poterimus, si tales exstirpare, et non eis favere decertaveritis, et ita in postmodum de tali re querela cessabit, quia contumeliæ studio fit, quidquid interdictum toties usurpatur. Omnia hæc decretalia et cunctorum decessorum nostrorum constituta, quæ de ecclesiasticis ordinibus et canonum promulgata sunt disciplinis, ita vobis et omnibus episcopis ac cunctis generaliter sacerdotibus custodiri debere mandamus, ut si quis in illa commiserit, veniam sibi deinceps noverit denegari, quoniam occurreret veritas, si falsitas displiceret, et merito nos qui summa Ecclesiæ tenere debemus gubernacula causa respicit, si silentio faveamus errori. Data Kalendas Junii, Libio et Theodosio IV cc. consulibus.

*Item de sacerdotibus qui de ecclesiis suis ad alias migrant ecclesias.*

Eos autem sacerdotes qui de ecclesiis suis ad alias migraverunt, tandiu a communione nostra habemus alienos, quandiu ad eas redierint civitates, in quibus primum sunt constituti, quoniam si alius alio transmigrante in locum viventis ordinatus est, tandiu vacet sacerdotii dignitate qui suam deseruit civitatem, quandiu successor ejus quiescat in Domino.

*Item epistola Damasi et episcoporum qui ad eum in Romanam urbem ex Italia et Gallia conveniunt.*

DAMASUS et cæteri episcopi Romæ congregati, dilectissimis fratribus in Illyrico constitutis episcopis, in Domino salutem.

Credimus sanctam fidem vestram in apostolorum eruditione fundatam hanc tenere, et hanc populis universis exponere, quæ videlicet a constitutis Patrum nulla ratione dissentit, per quos justum est cæteros erudiri. Sed relatione Gallicanorum, et venerandorum fratrum quosdam hæresibus favere cognovimus. Quod malum non solum cavere debent episcopi, sed etiam reluctari contra ea quæ gesta sunt imperitia, aut simplicitate quorundam pravis interpretationibus deceptorum. Variis ergo doctrinis non decet labefactari, sed magis Patrum nostrorum laborare sententiis. Auxentium ergo Mediolanum præcipue in hac causa damnatum esse liquet. Unde justum est universo Romanorum orbe doctores legis ea quæ legis sunt sapere, et non fidem doctrinis variis maculare. Itaque dum primum hæreticorum cœpisset nequitia pollulare, sicut etiam nunc blasphemia bullulare patet Arianorum, tunc Patres

nostri, trecenti decem et octo electi, habito tractatu in urbe Nicæna, hunc murum fortissimum contra arma diabolica statuerunt, et hoc remedio venena mortifera sunt depulsa, ut Pater et Filius unius divinitatis, unius virtutis, uniusque magnitudinis debeat credi, uniusque essentiæ sive substantiæ simul et Spiritus sanctus. Aliter enim sapientes alienos esse a nostra communione judicaverunt. Quem terminum salutarem adorabilemque deliberationem corrumpere quidam aliis cogitationibus, atque temerare voluerunt, sed in ipso principio ab his ipsis qui in Arimino revocari, aut retractare compellebantur, usque ad hoc causa correpta est ut confiterentur alia sibi circumventiones subreptum, aut certe quia non intellexerunt Patrum sententiæ in Nicæna constitutæ hoc esse contrarium, neque enim præjudicium aliquod fieri potuit, per numerum Arimino congregatum, quando constat neque Romanum episcopum cujus ante omnia decebat eos expectare decretum, neque Vincentium qui tantis annis episcopatum inviolabiliter custodivit, neque alios talibus præbuisse consensum, maxime dum (sicuti prædiximus) isti ipsi qui per conventionem declinasse videbantur, ipsi denuo utentes meliori consilio hæc sibi displicere testati sunt. Perspicit itaque vestra salubritas hanc solam fidem quæ Nicæa apostolorum auctoritate fundata est esse perpetua firmitate servandam, et simul orientales hoc facere nobiscum qui se catholicos esse cognoscunt, occidentales etiam gloriari. Credimus autem languentes in isto conamine non tarde a nostra separandos esse communione, et ab eis episcopatus nomen auferri, quatenus populi eorum liberati errore respicerent. Nullo enim modo a deceptione poterunt corrigere populum, qui deceptionis laqueo detinentur. Concordet etiam cum omnibus Dei sacerdotibus etiam charitatis vestræ sententia in qua vos fixos ac firmos existere judicavimus. Si ergo nos vobiscum recte credere debemus, **166** vestræ nos charitatis litteris lætificate reciprocis. Valete, fratres charissimi. Data xvii Kalendarum Novembris, Siritio et Ardabure IV cc. consulibus.

*Item epistola Damasi ad episcopos Italiæ.*

Universis episcopis per Italiæ provincias constitutis, DAMASUS episcopus in Domino salutem.

Optaveram, dilectissimi, pro nostri charitate collegii omnes Domini sacerdotes, sicut in primitiva fuit Ecclesiæ, et unum esse cor et animam unam (Act. iv, 32), et atque in una devotione persistere, nec quemquam sacerdotum gratia, aut formidine secularium depravari, aut a via veritatis quoquo modo abscedere. Sed quia multa, quæ corrigi possunt, proveniunt, exsuperat culpas delinquentium misericordia Dei, atque ideo suspenditur ultio, ut possit locum habere correctio. Relatum est enim ad sedem apostolicam vos accusationes fratrum per scripta suscipere absque legitimo accusatore. Quod deinceps in omni orbe terrarum fieri apostolica auctoritate prohibemus, et quod nuper factum est absque ulla



retardatione corrigere rogamus, nec unquam prius **A** per scripta eorum qui accusantur causam discutere, nisi per querelarum institutiones vocati canonice ad synodum veniant, et præsens per præsentem agnoscat veraciter, et intelligat quæ ei obijciuntur. Quod bene et per sapientiam Salomonis dicitur: «Antequam scruteris ne reprehendas, intellige prius, et tunc increpa, antequam audieris ne respondeas (*Eccli. xi, 7-8*). » Et licet aptissima sit contrariorum reprehensio, verumtamen oportet his qui elati sunt ad eorum examinationem ordinem servari ab his qui secundum Deum perscrutari deputati sunt, quatenus ita cum operatione cooperante inveniamus, et confessorem Deum qui dicit: «Ubi duo sunt vel tres congregati in nomine meo, ibi sum in medio eorum (*Matth. xviii, 20*). » Nam et Dominus noster Jesus **B** Christus Judam furem esse sciebat, sed quoniam non est præsentialiter accusatus, ideo non est effectus. Nec vos ullo modo agere oportet, quod ille noluit

facere, leges enim sæculi accusatores præsentes exigunt, et non per scripta absentes. Unde canonica Patrum constituta non semel, sed sæpissime clamant nec accusationes, nec testimonia ulla per scripta posse proferri, nec de aliis negotiis quicunque testimonium dicant, nisi de his quæ sub præsentia eorum esse noscuntur. Similiter et qui alium accusare elegerit, præsens per se et non per alium accuset, scriptione videlicet præmissa, neque ullus unquam iudicetur, antequam legitimos accusatores præsentes habeat, locumque defendendi accipiat ad ablucanda crimina. Curandum quoque est ne ita quisquam subrepat, faciatque citius quod non licet. Omnipotens Deus hæc vos et cuncta divina mandata et apostolica præcepta custodientes in cunctis actibus vestris cœlestis brachii extensione protegat, atque ad cœlestis remunerationem porriæ cum multiplici animarum fructu perducatur. Amen. Data in Idus Aprilis, Siricio et Ardabure IV cc. consulibus.

## INCIPIUNT DECRETA SIRICII PAPÆ.

1. De Arianis catholicis non baptizandis.  
2. Ut præter Pascha et Pentecosten baptismus non celebretur.

3. De apostatis ab Ecclesia separandis.

4. Non liceat alterius sponsam in matrimonium **C** sociari.

5. De his qui acceptam poenitentiam minime servaverunt.

6. De monachis et virginibus propositum non servantibus.

7. De ministris incontinentibus.

8. Quales debeant ad clericatus officium pervenire.

9. De his qui grandævi ad sacram militiam convertuntur.

10. De clericis qui ad secundas nuptias transeunt ut deponantur.

11. De feminis quæ cum clericis debeant habitare.

12. De monachorum promotione ad clerum.

13. De clericis ut poenitentiam per impositionem manus sacerdotum accipiant. **D**

14. De poenitentibus et bigamis seu viduarum maritis, ut non permittantur ad clericatus ordinem admitti.

*Incipit epistola Siricii papæ ad Cumerium Tarracensem episcopum.*

SIRICIUS CUMERIO Tarraconensi episcopo salutem.

Directa ad decessorem nostrum sanctæ recordationis Damasum fraternitatis tuæ relatio jam me in sedem ipsius constitutum, quia sic Dominus ordinavit, invenit. Quam cum in conventu fratrum sollicitius legeremus, tanta invenimus quæ reprehensione et correctione sunt digna, quanta optaremus laudanda

cognoscere. Et quia necesse nos erat in ejus labores curasque succedere cui per Dei gratiam successimus in honorem, facto ut oportebat primitus meæ provectionis indicio, ad singula prout Dominus aspirare dignatus est, consultationi tuæ responsum competens non negamus, quia officii nostri consideratione non est nobis dissimulare, non est tacere libertas, quibus major cunctis Christianæ religionis zelus incumbit. Portamus onera omnium qui gravantur, quinimo hæc portat in nobis, beatus apostolus Petrus, qui nos in omnibus (ut confidimus) administrationis protegit et tuetur hæredes.

CAP. I. Prima itaque paginæ tuæ fronte signasti baptizatos ab impiis Arianis plurimos ad fidem catholicam festinare, et quosdam de fratribus nostris eos denuo baptizare velle, quod non licet, cum hoc fieri et apostolus vetet, et canones contradicant, et post cassatum Ariminense concilium missa ad provincias a venerandæ memoriæ prædecessore meo Liberio generalia decreta prohibeant: quod nos cum Novatianis aliisque hæreticis, sicut est in synodo constitutum, per invocationem solum septiformis Spiritus, et episcopalis manus impositionem catholicorum conventui sociamus, quod etiam totus Oriens Occidensque custodit, a quo tramite vos quoque post hæc minime convenit deviare, si non vultis a nostro collegio synodali separari sententia.

II. Sequitur de universis baptizandorum temporibus, prout unicuique libitum fuerit, improbabilis et emendanda confusio, quæ a nostris consacerdotibus, quod commoti dicimus, non ratione auctoritatis alicujus, sed sola temeritate præsumitur, ut passim ac libere natalitii Christi, seu apparitionis, necnon et apostolorum, seu martyrum festivitibus innumere (ut asseris) plebes baptismi mysterium consequantur,

cum hoc sibi privilegium apud nos et apud omnes ecclesias Dominicum specialiter cum Pentecoste sua Pascha defendat; quibus solis per annum diebus ad fidem confluentibus generalia baptismatis tradi convenit sacramenta, his duntaxat electis qui ante quadraginta, vel eo amplius dies nomen dederint, et exorcismis quotidianisque orationibus atque jejuniis fuerint expiati, quatenus apostolica impleatur illa præceptio, ut « expurgato fermento veteri nova incipiat esse conspersio (*I Cor. v, 7*). » Sicut sacram ergo paschalem reverentiam in nullo dicimus esse minuendam, ita infantibus qui nondum loqui potuerint per ætatem, vel his quibus in qualibet necessitate opus fuerit, sacri unda baptismatis omni volumus celeritate succurri, ne ad nostrarum perniciem tendat animarum, si negato desiderantibus fonte salutari, exiens unusquisque de sæculo, regnum perdat et vitam. Quicunque etiam discrimen naufragii, hostilitatis incursum, obsidionis ambiguum, vel cuiuslibet corporalis ægrotudinem desperationis inciderint, et sibi unico credulitatis auxilio poposcerint subveniri, eodem quo poscunt momento temporis expetitæ regenerationis præmia consequantur. Hactenus erratum in hac parte sufficiat, nunc præfatam regulam omnes teneant sacerdotes, qui nolunt ab apostolicæ petreæ super quam Christus universalem construxit Ecclesiam, soliditate divelli.

III. Adjectum est etiam quosdam Christianos ad apostasiam (quod dici nefas est) transeuntes, et idolorum cultu ac sacrificiorum contaminatione profanatos, quos a Christi corpore, et sanguine quo dum redempti fuerant nascendo iubemus abscindi, et si resipiscentes forte ad lamenta fuerint aliquando conversi, his quandiu vivunt agenda pœnitentia est, et in ultimo fine suo reconciliationis gratia tribuenda, quia dicente Domino: « Nolumus mortem peccatorum, sed ut convertantur et vivant (*Exech. xviii, 32*). »

IV. De conjugali autem vetatione requisiti, si desponsatam alii puellam, alter in matrimonium possit accipere, hoc ne fiat omnibus modis inhibemus, quia illa benedictio quam nupturæ sacerdos imponit, apud fideles cujusdam sacrilegii instar est, si ulla transgressione violetur.

V. De his vero non incongrue dilectio tua apostolicam sedem credit consulendam, qui aeta pœnitentia tanquam canes ac sues ad vomitus pristinos et volubra redeuntes, et militiæ cingulum, et ludicras voluptates, et nova conjugia, et inhibitos denuo appetivere concubitus. Quorum professam incontinentiam generati post absolutionem filii perdiderunt, de quibus jam, quia suffugium non habent pœnitendi, id duximus decernendum, ut sola intra ecclesiam fidelibus oratione jungantur, sacris mysteriorum celebratibus, quamvis non mereantur, intersint; a Dominicæ autem mensæ convivio segregentur, ut, hac saltem distictione correpti, et ipsi in se sua errata castigent, et aliis exemplum tribuant, quatenus ab obscenis cupiditatibus retrahantur, quibus tamen

quoniam carnali fragilitate ceciderunt viatico munere cum ad Dominum cœperint proficisci, per communionis gratiam volumus subveniri. Quam formam et circa mulieres quæ se post pœnitentiam talibus pollutionibus devinxerunt, servandam esse censemus.

VI. Præterea monachorum quosdam atque monacharum, abjecto proposito sanctitatis, in tantam protestaris demersos esse lasciviam, ut prius clanculo velut sub monasteriorum prætextu illicita ac sacrilega se contagione miscuerint. Postea vero in abruptum conscientiæ desperatione producti, de illicitis complexibus libere filios procreaverint, quod et publicæ leges et ecclesiastica jura condemnant, has ergo impudicas detestabilesque personas a monasteriorum cœtu ecclesiarumque conventibus eliminandas esse mandamus, quatenus retrusæ in suis ergastulis tantum facinus continua lamentatione deflentes, purificatorio possint pœnitundinis igne decoqui, ut eis vel ad mortem solius misericordiæ intuitu per communionis gratiam indulgentia subvenire possit.

VII. Veniamus nunc ad sacratissimos ordines clericorum quos in venerandæ religionis injuriam, ita per vestras provincias calcatos atque confusos, charitate tua insinuante reperimus, ut Jeremiæ nobis dicendum sit voce: « Quis dabit capiti meo aquam, aut oculis meis fontem lacrymarum, et flebo populum hunc die ac nocte? » (*Jer. xix, 1*.) Si ergo beatus propheta ad lugenda populi peccata non sibi ait lacrymas posse sufficere, quanto nos possumus dolore percelli, cum eorum qui in nostro sunt corpore compellimur facinora deplorare, quibus præcipue, secundum beatum Paulum, « instantia quotidiana et sollicitudo omnium Ecclesiarum indiesinenter incumbit, 167 quis enim infirmatur, et ego non infirmor? quis scandalizatur, et ego non uror? » (*II Cor. ii, 28, 29*.) Plurimos enim sacerdotes Christi atque levitas post longa consecrationis suæ tempora tam de conjugibus propriis quam etiam de turpi coitu sobolem didicimus procreasse, et crimen suum hac præsumptione defendere, quia in Veteri Testamento sacerdotibus ac ministris generandi facultas legitur attributa. Dicat mihi nunc quisquis ille est sectator libidinum, præceptorque vitiorum, si æstimat quod in lege Moysi passim sacris ordinibus a Deo nostro laxata sint frena luxuriæ, cur eos quibus committentur Sancta sanctorum præmonet dicens: « Sancti estote, quia et ego sanctus sum, Dominus Deus vester (*Levit. ii, 44*), » cur etiam procul a suis domibus anno vicis suæ in templo habitare jussi sunt sacerdotes, hac videlicet ratione, ne vel cum uxoribus possint carnale exercere commercium, ut conscientiæ integritate fulgentes, acceptabile Deo munus offerrent. Quibus, expleto deservitionis suæ tempore, uxoris usus solius successionis causa fuerat relaxatus, quia non ex alia, nisi ex tribu Levi quisquam ad Dei ministerium fuerat præceptus admitti, unde et Dominus Jesus cum nos suo illustrasset adventu, in evangelio protestatur, quia « legem venerit imple-



re, non solvere (*Matth. v, 17*), » et ideo Ecclesiam, A  
cujus sponsus est speciosus forma, castitatis voluit  
splendore radiare, ut in die iudicii, cum rursus ad-  
venerit « sine macula et ruga, eam possit (sicut per  
Apostolum instituit) reperire (*Eph. v, 27*). » Quorum  
sanctionum sacerdotes omnes atque levitæ insolubili  
lege constringimur ut a die ordinationis nostræ so-  
brietati, ac pudicitiae et corda nostra mancipemus  
et corpora, dummodo per omnia Deo nostro in his  
quæ quotidie offerimus, sacrificiis placeamus. « Qui  
autem in carne sunt, dicente electionis Vase, Deo  
placere non possunt, vos autem jam non estis in  
carne sed in spiritu, » tamen Spiritus Dei habitat  
in vobis (*Rom. viii, 8-9*). » Et ubi poterit, nisi in  
corporibus, sicut legimus, sanctis Dei Spiritus ha-  
bitare? Et quia aliquanti, de quibus loquimur, ut tua B  
sanctitas retulit, ignoranter se lapsos esse deflent,  
his hac conditione misericordiam dicimus non ne-  
gandam, ut sine ullo honoris augmento in hoc quo  
detecti sunt, quandiu vixerint, officio perseverent,  
si tamen post hæc continentes se studuerint exhi-  
bere. Illi vero qui illiciti privilegii excusatione nitun-  
tur, et sibi asserunt veteri hoc lege concessum, no-  
verint se ab omni ecclesiastico honore, quo indigne  
usi sunt, apostolicæ sedis auctoritate dejectos, nec  
anquam posse veneranda atrectare mysteria, a qui-  
bus se ipsi dum obscenis cupiditatibus inbiant, pri-  
vaverunt, et quia exempla præsentia cavere nos  
præmonent in futurum, si quilibet episcopus, pre-  
sbyter atque diaconus (quod non optamus) deinceps  
fuerit talis inventus, jam nunc sibi omnem per nos C  
indulgentiæ aditum intelligat obseratum, quia ferro  
necesse est excidantur vulnera quæ fomentorum non  
senserint medicinam.

VIII. Didicimus etiam licenter ac libere inexplora-  
tæ vitæ homines, quibus etiam fuerint numerosa  
conjugia ad præfatas dignitates, prout cuicumque  
libuerit, aspirare. Quod non tantum illis qui ad hæc  
immoderata ambitione perveniunt, quantum metro-  
politans specialiter pontificibus imputamus, qui  
dum inhibitis ausibus connivent, Dei nostri quantum  
in se est præcepta contemnunt, et, ut taceamus quod  
altius suspicamur, ubi illud est quod Deus noster, data  
per Moysen lege, constituit, dicens : « Sacerdotes  
mei semel nubant; » et alio loco : « Sacerdos uxorem  
virginem accipiat, non viduam, nec repudiatam, nec  
meretricem (*Levit. xxi, 14*). » Quod secutus Aposto-  
lus, ex persecutore prædicator, « unius uxoris virum,  
tam sacerdotem quam diaconum fieri debere man-  
davit (*I Tim. iii, 2, 12*). » Quæ omnia, ita a vestra-  
rum regionum despiciuntur episcopis, quasi in con-  
trarium magis fuerint constituta. Et quia non est  
nobis huiusmodi usurpationibus negligendum, ne  
nos indignantis Domini vox justa corripiat, quæ  
dicit : Videbas furem, et curcebas cum eo, et pone-  
bas tuam cum adulteris portionem (*Psal. xlix, 18*),  
quid ab universis post hæc Ecclesiis sequendum sit,  
quid vitandum generali pronuntiatione decerni-  
mus. Quicumque itaque se Ecclesiæ vovit obsequiis,

a sua infantia ante pubertatis annos baptizari, et  
lectorum debet ministerio sociari, quia ab accessu  
adolescentiæ usque ad tricesimum ætatis annum, si  
probabiliter vixerit, una tantum, et ea quam virginem  
communi per sacerdotem benedictione percepit  
uxore contentus, acolythus et subdiaconus esse de-  
bebit, postquam ad diaconii gradum, si se ipse pri-  
mitus continentia præeunte dignum probaverit, ac-  
cedat. Ubi si ultra quinque annos laudabiliter  
vixerit et ministraverit congrue, presbyterium con-  
sequatur. Exinde post decennium episcopalem ca-  
thedram poterit adipisci, si tamen per hæc tempora  
integritas vitæ ac fidei ejus fuerit approbata.

IX. Qui vero jam ætate grandævus, melioris pro-  
positi conversatione provocatus, ex laico ad sacram  
militiam pervenire festinat, desiderii sui fructum  
non aliter obtinebit, nisi eo quo baptizatur tempore  
statim lectorum aut exorcistarum numero societur,  
si tamen eum unam habuisse vel habere, hanc et  
virginem accepisse constet uxorem. Qui dum ini-  
tiatus fuerit, expleto biennio, per quinquennium aliud  
acolythus et subdiaconus fiat, et sic ad diaconatum  
( si per hæc temporalia dignus judicatus fuerit) pro-  
vehatur. Exinde jam accessu temporum presbyterio,  
vel episcopatu, si cum cleri ac plebis evocaverit,  
electio, non immerito societur.

X. Quisquis sane clericus, aut viduam, aut certa  
secundam conjugem duxerit, omni ecclesiasticæ di-  
gnitatis privilegio mox nudetur, laica sibi tantum  
communione concessa, quam ita demum poterit C  
possidere, si nihil postea propter quod hanc perdat,  
admittat.

XI. Feminas vero non alias esse patimur in do-  
mibus clericorum, nisi eas tantum quas propter  
solas necessitudinum causas habitare cum iisdem  
synodus Nicæna permisit.

XII. Monachos quoque quos tamen morum gravi-  
tas, et vitæ ac fidei institutio sancta commendat,  
clericorum officiis aggregari, et optamus, et volu-  
mus, ita ut qui intra tricesimum annum ætatis sunt  
digni in minoribus, per gradus singulos crescente  
tempore promoveantur ordinibus, et sic ad diacona-  
tus vel presbyterii insignia maturæ ætatis consecra-  
tione perveniant, nec per saltus ad episcopatus cul-  
men ascendant, nisi in his eadem quæ singulis D  
dignitatibus superius præfiximus, tempora fuerint  
custodita.

XIII. Illud quoque nos par fuit providere, ut sicut  
pœnitentiam agere cuiquam non conceditur clerico-  
rum, ita et post pœnitentiam, ac reconciliationem  
nulli unquam laico liceat honorem clericatus adi-  
pisci, quia quamvis sint omnium peccatorum conta-  
gione mundati, nulla tamen debent gerendorum  
sacramentorum instrumenta suscipere qui dudum  
fuerint vasa vitiorum.

XIV. Et quia in his omnibus quæ in reprehensio-  
nem veniunt, sola excusatio ignorationis obtendi-  
tur, cui nos interim solius pietatis intuitu necesse  
est clementer ignoscere. Quicumque ergo pœnitens,

quicumque bigamus, quicumque viduæ maritus, ad sacram militiam indebite et incompetenter irrepserit, hac sibi conditione a nobis veniam intelligat relaxatam, ut id magno debeat computare beneficio, si adempta sibi omni spe promotionis, in hoc, de quo invenitur ordine perpetua stabilitate permaneat, scituri posthac omnium provinciarum summi antistites, quod si ultra ad sacros ordines quemquam de talibus crediderint assumendum, et de suo et de eorum statu quos contra canones et interdicta nostra provexerint, congruam ab apostolica sede promendam esse sententiam.

*Exhortatio Siricii ad Cimerium.*

Explicuimus (ut arbitror), frater charissime, universa quæ digesta sunt in querelam, et ad singulas causas, de quibus per filium nostrum Basianum presbyterum ad Romanam Ecclesiam, utpote ad caput tui corporis retulisti sufficientia, quantum opinor, responsa reddidimus. Nunc fraternitatis tuæ animum ad servandos canones, et tenenda decretalia constituta magis ac magis incitamus, ut hæc quæ ad tua consulta rescripsimus, in omnium coepiscoporum nostrorum perferri facias notionem, et non solum eorum qui in tua sunt diœcesi constituti, sed etiam ad universos Carthaginenses atque Bæticos, Lusitanos atque Gallicos, vel eos qui vicinis tibi collimitant hinc inde provinciis, ut hæc quæ a nobis sunt salubri ordinatione disposita, sub litterarum tuarum prosecutione mittantur. Et quamquam statuta sedis apostolicæ, vel canonum venerabilia definita nulli sacerdotum Domini ignorare sit liberum, utilius tamen et pro antiquitate sacerdotii tui dilectioni tuæ esse admodum poterit gloriosum, si ea quæ ad te speciali nomine generaliter scripta sunt, per unanimis tuæ sollicitudinem in universorum fratrum nostrorum notitiam perferantur, quatenus et quæ a nobis non inconsulte, sed provide sub nimia cautela et deliberatione sunt salubriter constituta, intemerata permaneant, et omnibus in posterum excusationibus aditus, qui jam nulli apud nos patere poterit, obstruatur. Data tertio Idus Februarii, Archadio et Bautone IV consulibus.

*De damnatione Joviniani hæretici et epistola ejusdem.*

Optarem, fratres charissimi, semper dilectionis et pacis vestræ sinceritati gaudia nuntiare, ita ut vicissim discurrentibus litteris sospitatis indicia juvantur, si quietos nos ab incursione sua vacare hostis antiquus sineret. Quia ab initio mendax, inimicus veritatis, æmulus hominis, quem ut deciperet se ante decepit, pudicitiae adversarius, luxuriæ magister, crudelitatibus pascitur, abstinentia punitur, odit jejunia, ministris suis prædicantibus dum dicit esse superflua, spem non habens de futuris, apostoli sententia percussus dicentis; « Manducemus et bibamus, cras enim moriemur (Isa. xxii, 13). » O infelix audacia, o desperata mentis astutia, jam incognitus sermo hæreticorum intra Ecclesiam cancri more se respergebat, ut occupans pectus totum hominem præcipitaret in mortem, et nisi Dominus

A Sabaoth laqueum quem paraverat dirupisset, scena tanti mali et hypocrisis publica multorum simplicium corda traxerat in ruinam, quia facile ad deteriorem partem mens humanata transducitur, volens magis per spatiosam viam ambulare, quam arctæ viæ iter cum labore transire. Qua de re necessarium satis fuit, dilectissimi, hæc quæ gesta sunt hic ad vestram conscientiam cognoscendam mandare, ne ignorantia cujuspiam sacerdotis pessimorum hominum Ecclesiam irrupentium sub religioso nomine contagio violaret, sicut scriptum est, dicente Domino: « Multi veniunt ad vos in vestimentis ovium, intus autem sunt lupi rapaces, ex fructibus eorum cognoscetis eos (Matth. vii, 15). » Hi sunt videlicet qui subtiliter Christianos sese jactant, ut sub velamento pii nominis gradientes, domum orationis ingressi sermonem serpentinæ disputationis effundant, « ut sagittent in obscuro rectos corde (Psal. x, 3) » atque a veritate catholica avertendo, ad suæ doctrinæ rabiem diabolico ore transducant atque ovium simplicitatem defraudent. Et quidem multarum hæresum malignitatem ab apostolicis temporibus nunc usque didicimus, et experti probavimus, sed nunquam tales canes Ecclesiæ myterium latratibus fatigaverunt, quales nunc subito hostes fidei erumpentes doctrina perfidiæ **168** pullulata, ejus sint discipuli verborum fructibus prodiderunt. Nam cum alii hæretici singula sibi genera questionum male intelligenda proposuerint convellere atque concerpere de divinis institutionibus, isti « non habentes vestem nuptialem (Matth. xxii, 12), » sauciantes catholicos, Novi ac Veteris Testamenti, ut dixi, continentiam pervertentes, spiritu diabolico interpretantes; et illecebroso atque ficto sermone aliquantos Christianos cœperint jam vastare, atque suæ dementiæ sociare, intra se continentes nequitiae suæ virus, velut electi blasphemias suas conscriptione temeraria publice prodiderunt, et desperatæ mentis furore conciti, passim in furore gentilium publicarunt. Sed a fidelissimis Christianis viris, genere optimis, religione præclaris, ad meam humilitatem subito scriptura honorificata videtur esse delata, ut sacerdotali judicio detecta divinæ legi contraria spirituali sententia deleantur. Nos sane nuptiarum vota non aspernanter accepimus, quibus velamine interfuimus, sed virgines Deo devotas majore honorificentia muneramus. Facto ergo presbyterio, constitit doctrinæ nostræ, id est, Christianæ legi esse contraria. Unde apostolicum secuti præceptum, quia aliter quam accepimus annuntiabant, omnium nostrorum tam presbyterorum, tam diaconorum, quam etiam totius cleri unam factam constat esse sententiam, ubi Jovinianus, Ausentius, Genialis, Geminator, Felix, Plotinus, Martianus, Januarius, et Ingeniosus, qui accentores novæ hæresis et blasphemiae inventi sunt, divina sententia et nostro judicio in perpetuum damnati, extra Ecclesiam remanerent. Quod custodituram sanctitatem vestram non ambigens, hæc scripta direxi per





nostri episcopi Latoni, utrasque nunc nos referre A suggestio indicat, has recitari donate. Episcopi dixerunt: Recitentur epistolæ venerabilis memoriæ Siricii, ut noverimus quid earum textus contineat. Cumque traderentur, Privatus notarius dixit: Exemplum tractoriæ episcopi urbis Romæ.

*Item, epistola Siricii papæ.*

Dilectissimis fratribus et coepiscopis per Africam SIRICIUS.

Diversa quamvis cum in unum plurimi fratres convenissemus ad sancti apostoli Petri reliquias, per quem apostolatus et episcopatus in Christo cepit exordium, placueritque propter emergentes plurimas causas quæ in aliquantis non erant causæ, sed crimina, ut de cætero sollicitudo esset unicuique in Ecclesia curam huiusmodi habere, sicuti apostolus B prædicat Paulus: « Talem Deo Ecclesiam exhibendam non habentem maculam aut rugam (*Eph. v, 27*). » Ne per alicujus morbidæ afflatum ovis conscientia nostra contaminata videretur, qua de re meliore consilio id sedit, propter eos maxime qui in præsentī valetudine corporis aut fessæ ætatis causa adesse minime potuerunt. Quo perpetua istiusmodi forma servetur, litteras tales dare placuit, non quæ nova præcepta aliqua imperent, sed ea quæ per ignaviam desidiamque aliquorum neglecta sunt observari cupiamus, quæ tamen apostolica et Patrum constitutione sunt constituta. Scriptum est: « State, et tenete traditiones nostras, sive per verbum, sive per epistolam (*I Thess. ii, 14*). »

Illud certe vestram debet mentem, dilectissimi fratres, vehementius excutere, ut ab omni labe sæculi istius immunes ad Dei conspectum securi veniamus, nec enim erimus immunes, quia præsumus plebibus, cum scriptum sit: « Cui multum creditum fuerit, plus ab eodem requiretur (*Luc. xii, 48*). » Ergo quoniam non pro nobis tantum, sed pro populo credito cogimur præstare rationem, populum disciplinam deificam, humilem erudire debemus. Exstiterunt enim nonnulli, qui statuta majorum contemnentes, castitatem Ecclesiæ præsumptione violarunt, voluntatem populi sequentes, Dei iudicium non timentes.

Ergo ne pari more silentio connivere, atque adhibere consensum talibus videamur, unde gehennæ pœnas possimus incurrere, dicente Domino: « Furem videbas, et currebas cum eo, et cum adulteris portionem tuam ponebas (*Psal. xlix, 18*). » Hæc sunt quæ deinceps intuitu divini iudicii omnes catholicos episcopos expedit custodire.

Primum, ut extra conscientiam sedis apostolicæ, hoc est primatis, nemo audeat ordinare. Integrum enim iudicium est, quod plurimorum sententia consequitur, ne unus episcopus episcopum ordinare præsumat, propter arrogantiam, ne furtivum beneficium præstitum videatur. Hoc enim in synodo Nicæna constat esse definitum.

Item, si quis post remissionem peccatorum cingulum militiæ sæcularis habuerit, ad clerum admitti non debet.

Ut mulierem, id est viduam, clericus non ducat uxorem.

Ut is qui laicus viduam duxerit, non admittatur ad clerum.

Ut de aliena ecclesia ordinare clericum nullus usurpet, ut abjectum clericum alia ecclesia non admittat.

Ut venientes a Novatianis vel Montensibus per manus impositionem suscipiantur, præter eos quos rebaptizant.

Præterea quod dignum et pudicum et honestum est suademus, ut sacerdotes et levitæ cum uxoribus suis non coeant, quia in ministerio ministri quotidianis necessitatibus occupantur. Ad Corinthios namque Paulus scribit dicens: « Abstineat ut vacetis orationi (*I Cor. vii, 5*). » Si ergo laicis abstinentia imperatur ut possint deprecantes audiri, quanto magis sacerdos utique omni momento paratū esse debet munditiæ puritate 169 securus, ne aut sacrificium offerat, aut baptizare cogatur? qui si contaminatus est carnali concupiscentia, quid faciet? excusabit? quo pudore, qua mente usurpabit? qua conscientia, quo merito hic exaudiri se credit? cum dictum sit: « Omnia munda mundis, coinquinatis autem et infidelibus nihil mundum (*Tit. i, 15*). » Qua de re hortor, moneo, rogo, tollatur hoc opprobrium quod potest jure etiam gentilitas accusare, forte creditur quia scriptum est: « Unius uxoris virum (*I Tim. iii, 2*) » non permanentem in concupiscentia generandi dixit, sed propter continentiam C futuram qui ait, neque enim integros non admisit, vellem omnes homines sic esse sicuti et ego (*I Cor. vii, 7*). Et apertius declarat dicens: « Qui autem in carne sunt, Deo placere non possunt. Vos autem jam non estis in carne, sed in spiritu (*Rom. viii, 8, 9*). »

Hæc itaque, fratres, si plena vigilantia fuerint ab omnibus observata, cessabit ambitio, dissensio conquiescet, hæreses et schismata non emergent, locum non accipiet diabolus sæviendi, manebit unanimitas, iniquitas separata calcabitur. Charitas spiritali fervore flagrabit, pax prædicata labiis cum voluntate concordabit. Pax utique Dei nostri Salvatoris quam proximus passioni servandam esse præcepit, et hæreditariam nobis jure dereliquit, dicens:

D « Pacem do vobis, pacem relinquo vobis (*Joan. xiv, 27*). » et dictum Apostoli: « Unanimes unum sentientes permaneamus in Christo, nihil per contentionem nobis, neque per inanem gloriam vindicantes, nec hominibus, sed Deo nostro Salvatore placeamus (*Phil. ii, 2, 3*). » His præceptis omnibus si fideliter voluerimus obedire, custodiet Dominus corpora nostra et animas nostras in die qua redditurus est unicuique juxta opera sua. Si quis sane inflatus mente carnis suæ ab hac ratione voluerit evagari, sciat se et a nostra communione seclusum, et gehennæ pœnas habiturum. Præterea misericordia cum iudicio esse debet, talibus enim oportet labentibus manum porrigere, qui sic currentem non



pertrahant in ruinam. Data Romæ, in concilio episcoporum octoginta, sub die octavo Idus Januarii, post consulatum Arcadii, Augusti, et Bautois IV. consulis.

*Item, rescriptum episcoporum ad eundem Siricium.*

Dilectissimo Domino fratri SIRICIO, AMBROSIIUS, SÆLINUS, BASSIANUS, et cæteri.

Recognovimus litteras sanctitati tuæ boni pastoris excubias, qui diligenter commissam tibi januam serves, et pia sollicitudine Christo ovile custodias dignus, quem oves Domini audiant et sequantur, et ideo quia novisti oviculas Christi, lupos facile deprehendis, et occurris quasi providus pastor ne istis morsibus perfidiæ suæ ferali ululatu Dominicum ovile dispergant, laudamus hoc, domine frater nobis dilectissime, et toto celebramus affectu. Nec miramur si luporum rabiem grex Domini perhorruit, in quibus Christi vocem non recognovit. Agrestis enim ululatus est nullam virginitatis gratiam, nullum castitatis ordinem reservare, promiscue omnia velle confundere, diversorum gradus abrogare, meritorum et paupertatem quamdam cœlestium remunerationum inducere, quasi Christo una sit palma quam tribuit, ac non plurimi abundant tituli præmiorum, simulant se isti non donare conjugio, sed quæ potest laus esse conjugii, si nulla virginitatis est gloria? neque vero nos negamus sanctificatum a Christo esse conjugium, divina voce dicente: « Erunt ambo in una carne (Gen. II, 24), » et in uno spiritu, sed prius est, quod nati sumus, quam quod effecti, multoque præstantius divini operis mysterium quam humanæ fragilitatis remedium. Jure laudatur bona uxor, sed melius pia virgo præfertur, dicente Domino: « Qui jungit virginem suam bene facit, et qui non jungit melius facit (I Cor. VII, 38). » Hæc enim cogitat quæ Dei sunt, illa quæ mundi; illa conjugalibus vinculis colligata est, hæc libera vinculorum; illa sub lege, ista sub gratia. Bonum conjugium quo est inventa posteritas successionis humanæ, sed melior virginitas, per quam regni cœlestis hæreditas acquisita et cœlestium meritorum reperta successio, per mulierem cura successit, per Virginem salus evenit. Denique speciale sibi donum virginitati Christus elegit, et integritatis munus exhibuit, atque in se representavit quod elegit in matre. Quanta amentia funestorum latrantium, ut iidem dicerent Christum ex virgine non potuisse generari, qui asserunt ex muliere editis humanis partibus virgines permanere. Aliis præstat ergo Christus quod sibi dicunt præstare non potuit, ille vero carnem sic suscepit, et sic homo factus est, ut hominem redimeret, atque a morte revocaret, invitato tamen quasi Deum munere venit interim, ut quemadmodum dixerat: « Ecce faciam omnia nova (Apoc. XXI, 5), » partu immaculatæ Virginis nasceretur, et sicut scriptum est, crederetur nobiscum Deus (Isa. VII, 14). Sed de via perversitatis produntur dicere: Virgo concepit, sed

A non Virgo generavit, potuit ergo Virgo concipere, non potuit Virgo generare, cum semper conceptus præcedat, partus sequatur; sed si doctrinis non creditur sacerdotum, credatur oraculis Christi, credatur monitis angelorum dicentium: « Quia non est impossibile apud Deum omne verbum (Luc. I, 37), » credatur symbolo apostolorum, quod Ecclesia Romana intemerata semper custodit et servat. Audivit Maria vocem angeli, et quæ dixerat ante: « Quomodo fiet istud? (Ibid., 34), » non fide generationis interrogans, respondit postea: « Ecce ancilla Domini, contingat mihi secundum verbum tuum (Ibid., 38). » Hæc est Virgo quæ in utero concepit, Virgo quæ peperit filium, sic enim scriptum est: « Ecce Virgo in utero concipiet, et pariet filium (Isa. VII, 14), » non enim concepturam tantummodo Virginem, sed et parituram Virginem dixit. Quæ autem est illa porta exterior ad Orientem quæ manet clausa, et nemo, inquit, pertransivit per eam, sed solus Deus Israel transivit per eam (Ezech. XLIV, 1, 2), nonne hæc porta Maria est, per quam in hunc mundum Redemptor intravit? Hæc est porta justitiæ, sicut ipse dixit: « Sine nos implere omnem justitiam (Math. III, 15). » Hæc porta est Maria de qua scriptum est: Quia Dominus pertransivit eam, et erit clausa post partum, quia Virgo et concepit et peperit. Quid autem incredibile, si contra usum originis naturalis peperit Maria, et Virgo permanet, quando contra usum naturæ « mare vidit et fugit, atque in fontem suum Jordanis fluentia remearunt (Psalm. CXXII, 3). » Non ergo excedit fidem quod Virgo peperit, quando legimus, quod petra vomuit aquas, et in muri speciem maris unda solidata est; non excedit fidem quod homo exivit de Virgine, quando petra fontem profluum scaturivit, ferrum super aquas natavit, ambulavit homo super aquas. Ergo si hominem unda portavit, non potuit hominem Virgo generare? At quem hominem? de quo legimus: « Et mittit illis Dominus hominem qui salvos faciet eos, et notus erit Dominus Ægyptiis (Isa. XIX, 20, 21). » In Veteri itaque Testamento virga Hebræorum per mare duxit exercitum. In Novo Testamento Virgo regis aula cœlestis electa est ad salutem. Quid autem etiam viduitatis attexamus præconia, cum in Evangelio, post Virginis celeberrimum partum, Anna vidua subrogetur, quæ vixerat cum viro suo annis septem a virginitate sua, et hæc vidua annis 84. « Quæ non discedebat a templo jejuniis et obsecrationibus serviens die ac nocte? (Luc. II, 36.) » Merito ab illis viduitas despicitur, quæ solet observare jejunia, quibus se dolent isti aliquo tempore esse maceratos, et propriam ulciscuntur injuriam, quotidianisque conviviis, usuque luxuriæ laborem abstinentiæ propulsare desiderant, qui nihil rectius faciunt quam quod ipsi se suo ore condemnent, sed Deum metuunt ne in istis illud jejunium reputetur. Eligant quod volunt, si aliquando jejunaverint, gerant ergo boni facti sui poenitentiam. Si nunquam, suam ergo ipsi intemperantiam et luxuriam confi-

teantur, et ideo dicunt Paulum luxuriæ magistrum fuisse. At quis sit sobrietatis magister, si fuit ille luxuriæ, qui castigavit corpus suum, et in servitum redegit (*I Cor. ix, 27*), atque jejuniis multis se debitam Christo observantiam detulisse memoravit? non ut se suaque laudaret, sed ut nos quid sequeremur doceret. Ille ergo luxuriam docuit, qui ait: Qui adhuc velut viventes de hoc mundo decernitis, ne tetigeritis, ne attaminaveritis, ne gustaveritis quæ sunt omnia in corruptelam; qui ait: Non indulgentia corporis, non in honore aliquo ad saturitatem et diligentiam carnis, non in desideriis erroris, sed in spiritu quo renovamur esse vivendum? Si parum est quod Apostolus dixit, audiant prophetam dicentem: « Et cooperui in jejunio animam meam (*Psal. lxxviii*). » Ergo qui non jejunat, intectus et nudus est, patet vulneri. Denique si Adam se texisset in jejunio, non fuisset nudus effectus, Ninive se a morte jejunio liberavit (*Jon. iii, 5-9*), et ipse Dominus ait: « Non ejicietur hoc genus, nisi per orationem et jejunium (*Matth. xvii, 20*). » sed quid plura apud magistrum atque doctorem, cum jam dignum pretium retulerint illi perfidiæ suæ, qui ideo huc venerunt ne superesset locus in quo non damnarentur, qui vere se Manichæos probaverunt non credentes, quia ex Virgine utique venisse creditur? Quænam hæc est subpar novorum Judæorum

amentia si venisse non creditur, nec carnem creditur suscepisse? Ergo in phantasmate visus est, in phantasmate crucifixus est, in veritate Redemptor est noster. Manichæus est qui abnegat veritatem, qui carnem Christi negat, et ideo non est illis remissio peccatorum, sed impietas Manichæorum quam et clementissimus execratus est imperator, et omnes qui illos viderunt quasi quædam contagia refugerunt, sicut testes sunt fratres, et compresbyteri nostri Crescens, Leopardus, et Alexander sancto servientes spiritu, qui eos omnium execratione damnatos Mediolanensi ex urbe profugos reliquerunt. Itaque Jovinianum, Ausentium, Germinatorem, Felicem, Plotinum, Genialem, Martianum, Januarium, et Ingenium, quos sanctitas tua damnavit, scias apud nos quoque secundum judicium tuum esse damnatos. Incolumem te et florentissimum Deus noster tueatur Omnipotens, domine dilectissime frater. Item, subscriptio: ego Eventius episcopus saluto sanctitatem tuam in Domino, et huic Ecclesiæ subscripsi, Maximus episcopus, Felix episcopus, Bazianus episcopus, Theodolus episcopus ex jussu Domini episcopi Germiniani, ipso præsentē, Aprus presbyter, Eutasius episcopus, Constantius episcopus, Eustasius episcopus, eo omnes ordine subscripserunt.

## INCIPIUNT DECRETA ANASTASII PAPÆ.

ANASTASIUS episcopus, cunctis Germanicis et Burgundiæ regionis episcopis, in Domino salutem.

Exigit dilectio vestra, charissimi, ut ex auctoritate sedis apostolicæ vestris deberemus respondere consultis, et quævis non prolixè, sed succinctè, hoc agere propter quasdam alias occupationes festinaremus. Denuo tamen si necesse fuerit ob has vel alias occupationes quasi ad caput mittere charitative non dubitetis, quia vestras preces et nunc et tunc acceptas habemus. Significatis enim quos iam sacerdotes in ecclesia quando leguntur Evangelia sedere, et Domini Salvatoris verba non stantes, sed sedentes audire, et hoc ex majorum traditione se accepisse narrant. Quod nullatenus deinceps fieri sinatis apostolica auctoritate mandamus, sed dum sancta Evangelia in ecclesia recitantur, sacerdotes et ceteri omnes non sedentes, sed venerabiliter curvi in conspectu Evangelii stantes Dominica verba intente audiant, et fideliter adorent.

Similiter et transmarinos homines, de quibus nos consuluistis, in clericatus honore nolite suscipere, nisi quinque aut eo amplius episcoporum chirographis sint designati, quia multa per subreptionem solent evenire. Et ideo hæc summo opere sunt cavenda.

Manichæos vero quos in urbe Roma invenimus, et sequaces eorum nolite recipere, neque eis com-

municare, aut ullam cum eis participationem habere, priusquam ad rectam convertantur fidem, nec eorum male pullulantia semina quæ a nobis in urbe exstinguntur, pessimis vobiscum radicibus seminentur vel germinantur. **170** Plurimos vero eorum et suæ sequaces impietatis, atque illorum doctores investigatio nostra reperit, vigilantia divulgavit, auctoritas et censura coercuit, quos potuimus emendare correximus. Et ut damnarent Manichæum cum prædicatione et disciplinis suis publica in Ecclesia professione, et manus suæ subscriptione compulimus, et ita de voragine impietatis suæ confessos poenitentia concedendo levavimus. Aliquantum vero qui ita se demerserunt, ut nullum his auxiliantis remedium posset subvenire, subditi legibus secundum Christianorum principum constituta, ne sacrum gregem sua contagione polluerent, per publicos iudices perpetuo sunt exsilio relegati et omnia quæ tam in scriptis quam in occultis traditionibus suis habent profana vel turpia, ut nosset populus quid refugeret, aut vitaret, oculis Christianæ plebis certa manifestatione probavimus, adeo ut ipse qui dicebatur episcopus a nobis tentus proderet flagitiosa in suis mysteriis quæ teneret, sicut gestorum vos series poterit edocere. Ad instructionem enim vestram etiam ipsa direximus, quibus relictis, omnia quæ a nobis deprehensa sunt, nosse poteritis. Et quia aliquantos



de his quos ne absolverentur, acrior reatus involverat cognovimus aufugisse, hinc ad dilectionem vestram epistolam misimus, ut effecta certior sanctitas vestra sollicitius agere dignetur et cautius, nec ubi Manichæe perversitatis homines plebes vestras facultatem lædendi, et hujus sacrilegii possint invenire doctores. Aliter enim nobis commissos regere non possumus, nisi hos qui sunt perversi doctores et perditii, zelo fidei Dominicæ persequamur, et a suis mentibus (ne pestis hæc latius divulgetur) severitate qua possumus abscindamus. Unde hortor dilectionem vestram, obtestor et moneo, ut quæ debetis et potestis sollicitudine vigiletis ad investigandos eos, necubi occultandi se reperiant facultatem. Hi fratres valde cavendi sunt, ne Dominicum gregem perversitatibus quibus possunt contaminare valeant. Sunt ergo quidam eorum veste sua oves significantes, interius vero lupi rapaces existunt, quos juxta Veritatis vocem ex fructibus eorum debemus agnoscere (*Math. vii, 20*). Quando autem cœperint assumere impietatem, illud quod occultabitur in illis aperitur, et dolus omnis fit omnibus manifestus. Inveniantur quoque infirmæ fidei homines, et qui divinas lectiones sitiunt, secum eos in perditionem præcipitant, dissipant enim et vituperant Patrum disciplinas, et relinquunt sanctas Scripturas ad suam perditionem, quos (ut prædictum est) debemus providere, et ab his multum cavere, ne in malitia sui aliqui occupati concidant de sua firmitate. Saluto itaque vos, fratres, et omnes quæ vobiscum bene sentiunt Ecclesias. Nos quoque, ut modo facitis, et alloquamini peto crebrius litteris, et frequentius de fide et de bona intentione vestra atque sospitate lætificare, ut gaudium commune hæbeamus et Domino pari voto fideliter serviamus. Data Nonas Octobris, Archadio et Bautone IV consulib.

*Anastasii papæ Neriano nobilissimo viro directa epistola.*

Dilectissimo fratri NERIANO, ANASTASIUS.

Multa mihi in omnibus fidei et bonitatis tuæ litteris causa gaudii est, quod tantum studium circa religionis cultum exhibes, et Domini sacerdotes tuis in

partibus adjuvare studes. Unde et Domino gratias ago qui te ad hoc instigat, et ut perseverabilem in bonis operibus te faciat exoro. Nos tamen et in prosperis, et in adversis Deum laudare magnifice oportet, et ejusque sub potenti humiliari manu, ut in tempore vos tribulationis juxta beatum Petrum apostolum confortet et exaltet (*I Petr. v, 6*). » Fraternalis ergo vestræ afflictio quam de amissione parentum vestrorum vos habuisse audivimus, tantam nobis causam mœroris injecit, ut quia nos de duobus charitas unum fecit, cor nostrum in vestris specialiter tribulationibus sentiremus. Sed in hoc dolore multum me consolata est sanctitatis tuæ ad animum res deducta, quia et patienter ferre tristitiam decet, et de morte plebis tuæ ulterius longam non habere mœstitiam. Ne tamen aliqua adhuc tribulatio in vestra mente resideat, hortor quiescere a dolore, quia indecens est de illis tædio afflictionis addici, quos credendum est ad veram moriendo vitam pervenire. Habent forsitan illi justam longi doloris excusationem qui vitam alteram nesciunt, qui de hoc sæculo ad melius esse transitum non confidunt. Nos autem qui novimus, qui hoc credimus et docemus, contristari nimium de obeuntibus non debemus, ne quod apud alios pietatis tenet speciem, hoc nobis magis in culpa fiat. Nam diffidentiae quodammodo genus est contra hoc quod quisque prædicator quærit justitiam amans, dicente Apostolo: « Nolumus autem vos ignorare de dormientibus, ut non contristemini sicut et cæteri qui spem non habent (*I Thes. iv, 12*). » Hac itaque, frater charissime, ratione perspecta, studendum nobis est ne (sicut diximus) de mortuis affligamur, si affectum viventibus impendamus, quibus et pietas ad utilitatem, et sit ad fructum dilectio. Depone ergo, charissime, mœrorem, et assume spirituales fructus lætitiæ ad utilitatem sanctæ Dei Ecclesiæ, servorumque ejus profectum, et vitæ ejus quæcunque sint spatia æternis divinisque officiis illustrare contende, ut qui insignem te præstitit reddat sibi per sæcula sæculorum clariorem. Data vii Idus Junii, Theodosio, Augusto, VII et Palladio IV consulibus.

## INCIPIUNT DECRETA INNOCENTII PAPÆ.

*Incipiunt capitula Innocentii papæ.*

1. De pacis osculo dando post confecta mysteria.
2. De nominibus ante preceam sacerdoti non recitandis.
3. Quod non debeant baptizati, nisi ab episcopo consignari.
4. Quod rite omni Sabbato jejunetur.
5. De fermento quod civitatis tantum presbyteris dirigatur.
6. De energumenis baptizatis.
7. De pœnitentibus.
8. De epistola sancti Jacobi apostoli, in qua pro infirmis orare præcipitur.

INNOCENTIUS, DECENTIO episcopo Egubino, salutem.

**D** Si instituta ecclesiastica, ut sunt a beatis apostolis tradita, integra vellent servare Domini sacerdotes, nulla diversitas, nulla varietas in ipsis ordinibus et consecrationibus haberetur. Sed dum unusquisque non quod traditum est, sed quod sibi visum fuerit hoc existimat esse tenendum, inde diversa in diversis locis, vel ecclesiis aut teneri aut celebrari videntur, ac sit scandalum populis, quia dum nesciunt traditiones antiquas humana presumptione corruptas, putant sibi aut ecclesias non convenire, aut ab apostolis, scilicet ab apostolicis viris, contrarietatem inductam. Quis enim nesciat aut non advertat id quod a principe apostolorum Petro Romanæ Ecclesiæ traditum est ac nunc usque custoditur, ab omnibus de-

bere servari, nec superduci, aut introduci aliquid A quod aut auctoritatem non habeat, aut aliunde accipere videatur exemplum? Præsertim cum sit manifestum in omnem Italiam, Gallias, Hispanias, Africam, atque Siliciam insulasque interjacentes nullum instituisse Ecclesias, nisi eos quos venerabilis apostolus Petrus, aut ejus successores constituerunt sacerdotes, aut legant si in his provinciis, alius apostolorum invenitur aut legitur docuisse. Quod si non legunt, quia nusquam invenitur, oportet eos hoc sequi quod Ecclesia Romana custodit, a qua eos principium accepisse non dubium est, ne dum peregrinis assertionibus student, caput institutionum videantur omittere. Sæpe dilectionem tuam ad urbem venisse ac nobiscum in ecclesia convenisse non dubium est, et quem morem in consecrandis mysteriis vel in cæteris agendis arcanis teneat cognovisse. Quod sufficere arbitrarer ad informationem Ecclesiæ tuæ vel reformationem, si præcessores tui minus aliquid, aut aliter tenuerint satis certum haberem, nisi de aliquibus consulendos nos esse dixisses, quibus idcirco respondimus non quod te aliquid ignorare credamus, sed ut majori auctoritate vel tuos instituas, vel si qui a Romanæ Ecclesiæ institutionibus errant, aut commoneas, aut indicare non differas, ut scire valeamus qui sint qui aut novitates inducunt, aut alterius Ecclesiæ quam Romanæ existimant consuetudinem esse servandam.

CAP. I. *Pacem* ergo asseris ante confecta mysteria quosdam populis imperare, vel sibi inter sacerdotes tradere, cum, post omnia quæ aperire non debeo, pax sit necessaria indicenda, per quam constet populum ad omnia quæ in mysteriis aguntur, atque in ecclesia celebrantur, præbuisse consensum, ac finita esse pacis concludentis signaculo demonstrarentur.

II. De nominibus vero recitandis antequam presces sacerdos faciat, atque eorum oblationes, quorum nomina recitanda sunt, sua oratione commendet, quam superfluum sit, et ipse per tuam prudentiam recognoscis, ut ejus hostias nondum Deo offeras, ejus ante nomen insinues, quamvis illi incognitum sit nihil. Prius enim oblationes sunt commendandæ, ac tunc eorum nomina sunt edicenda, ut inter sacra mysteria nominentur, non inter alia quæ ante præmittimus, ut ipsis mysteriis viam futuris precibus aperiamus.

III. De consignandis vero infantibus manifestum est ab alio fieri quam ab episcopo non licere. Nam presbyteri, licet sint sacerdotes, pontificatus tamen apicem non habent, hæc autem pontificibus solis deberi, ut vel consignent, vel paracletum Spiritum tradant, non solum consuetudo ecclesiastica demonstrat, verum illa lectio Actuum apostolorum quæ asserit Petrum et Joannem esse directos, qui jam baptizatis traderent Spiritum sanctum. Nam presbyteris seu extra episcopum, seu præsentem episcopo cum baptizant, chrismate baptizatos ungere licet, sed quod ab episcopo fuerit consecratum, non tamen

frontem ex eodem oleo signare, quod solis debetur episcopis, cum tradunt Spiritum paracletum. Verba vero dicere non possum, ne magis prodere videar, quam ad consultationem respondere.

IV. Sabbato vero jejunandum esse ratio evidentissima demonstrat. Nam si diem Dominicum ob venerabilem resurrectionem Domini nostri Jesu Christi non solum in Pascha celebramus, verumetiam per singulos circulos hebdomadarum ipsius diei imaginem frequentamus, ac si sexta feria propter passionem Domini jejunamus, Sabbatum prætermittere non debemus, quod inter tristitiam atque lætitiā temporis illius videtur inclusum. Nam utique constat apostolos biduo in tristitia et in mœrore fuisse, et propter metum Judæorum se occuluisse. Quod utique B non dubium est in tantum eos jejunasse biduo memorato, ut traditio Ecclesiæ habeat isto biduo sacramenta penitus non celebrari; quæ utique forma per singulas tenenda est hebdomadas propter id quod commemoratio diei illius semper est celebranda. Quod si putant semel atque uno Sabbato jejunandum, ergo et Dominica, et sexta feria semel in Pascha erit utique celebranda. Si autem Dominici diei, et sextæ feriæ per singulas hebdomadas reparanda imago est, dementis est bidui agere consuetudinem Sabbato prætermisso, cum non disparem habet causam a sexta videlicet feria in qua Dominus passus est, quando et ad inferos fuit, ut tertia die resurgens redderet lætitiā post biduanam tristitiā præcedentem. Non ergo nos negamus sexta feria jejunandum, sed dicimus et Sabbato hoc agendum, quia ambo dies tristitiā apostolis, vel his qui Christum secuti sunt indixerunt, qui die Dominico exhilarati non solum ipsum festivissimum esse voluerunt, verum etiam per omnes hebdomadas frequentandum esse dixerunt.

171 V. De fermento vero quod die Dominico per titulos mittimus, superflue nos consulere voluistis, cum omnes Ecclesiæ vestræ intra civitatem sunt constitutæ, quarum presbyteri, quia die ipso propter plebem sibi creditam nobiscum convenire non possunt, idcirco fermentum a nobis confectum per acolythos accipiunt, ut se a nostra communione, maxime illa die non judicent separatos, quod per parochias fieri debere non puto, quia non longe portanda sunt sacramenta, nec nos per cœmeteria diversa constitutis presbyteris destinamus, ut et presbyteri eorum conficiendorum jus habeant atque licentiam.

VI. De his vero baptizatis, qui postea a demonio aut vitio aliquo, aut peccato interveniente, arripiuntur, quæsiit dilectio tua, si a presbytero vel diacono possint aut debeant consignari, quod hoc, nisi episcopus præceperit, non licet. Nam eis manus imponenda omnino non est, nisi episcopus auctoritatem dederit id faciendi, ut autem fiat, episcopi est imperare ut manus eis vel a presbytero, et a cæteris clericis imponatur. Nam quomodo id fieri sine magno labore poterit, ut longe constitutus energumenus ad episcopum deducatur, cum si talis casus



ei in itinere acciderit, ut nec ferri ad episcopum, A nec referri ad sua facile possit?

VII. De pœnitentibus vero qui sive ex gravioribus commissis, sive ex levioribus pœnitentiam gerunt, si nulla interveniat ægrotudo, quinta feria ante Pascha eis remittendum Romanæ Ecclesiæ consuetudo demonstrat. Cæterum de pondere æstimando delictorum sacerdotis est iudicare, ut attendat ad confessionem pœnitentis, et ad fletus atque lacrymas corrigentis, ac tum jubere dimitti, cum viderit congruam satisfactionem. Sane si quis in ægrotudinem inciderit, atque usque ad desperationem devenierit, ei est ante tempus Paschæ relaxandum, ne de sæculo absque communione discedat.

VIII. Sane quoniam de hoc sicuti de cæteris consulere voluit dilectio tua, adjecit etiam filius meus, Coelestinus, diaconus, in epistola sua esse a tua dilectione positum illud quod in apostoli Jacobi Epistola conscriptum est: « Infirmatur quis in vobis? inducat presbyteros, et orent super eum ungentes eum oleo in nomine Domini; et oratio fidei salvabit infirmum, et suscitabit illum Dominus, et si in peccatis fuerit, remittentur ei (*Jac. v, 14, 15*). » Quod non est dubium de fidelibus ægrotantibus accipi, vel intelligi debere, qui sancto oleo chrismatis perungi possunt, quod ab episcopo confectum, non solum sacerdotibus, sed omnibus uti Christianis licet, in sua, aut suorum necessitate inungendo. Cæterum illud superfluum videmus adjectum, ut de episcopo ambigatur quod presbyteris licere non dubium est. Nam idcirco de presbyteris dictum est, quia episcopi occupationibus aliis impediti, ad omnes languidos ire non possunt. Cæterum si episcopus postea dignum ducit aliquem a se visitandum, et benedicere et tangere chrismate sine cunctatione potest, cujus est ipsum chrisma conficere. Nam pœnitentibus illud fœdus non potest, quia genus est sacramenti. Nam quibus reliqua sacramenta negantur, quomodo unum genus posse putatur concedi? His ergo, frater charissime, omnibus quæ tua dilectio voluit a nobis exponi, prout potuimus respondere curavimus, ut Ecclesia tua Romanam consuetudinem a qua originem ducit, servare valeat atque custodire. Reliqua vero quæ scribi fas non erat, cum affueris, interrogati poterimus edicere. Erit autem Domini potentia etiam id procurare, ut et tuam Ecclesiam, et clericos nostros qui sub tuo pontificio divinis famulantur officiis, bene instituas, et aliis formam tribuas quam debeant imitari. Data xiv Kalendarum Aprilis, Theodosio, Augusto septies, Palladio IV, CC consulibus.

*Incipiunt capitula ejusdem ad Victoricum episcopum.*

1. Quod extra conscientiam metropolitani non sunt ordinandi episcopi.

2. De his qui post baptismum cingulum militiæ sæcularis acceperunt, non debere ad clericatus ordinem admitti.

3. De causis clericorum quæ in provincia juste non finiuntur, ut ab apostolica sede terminentur.

4. De uxoribus clericorum, ut virginibus socientur, et secundam non ducant uxorem.

5. Ut si laicus viduam duxerit, clericus non fiat.

6. Ut clericus non sit qui secundam uxorem duxerit.

7. Ut alterius clericum nullus episcopus ordinare usurpet.

8. Ut non rebaptizentur qui a Novatianis vel Montensibus veniunt.

9. Ut sacerdotes et levitæ cum mulieribus cohabitare non debeant.

10. Ut monachus, si clericus factus fuerit, propositum suum servare debeat.

11. Ut ex curialibus clericus non fiat propter voluptates quas a diabolo inventas exhibere compellitur.

12. De virginibus sacris, si lapsæ fuerint, ut publice nupserint.

13. De virginibus non velatis, si deviaverint.

INNOCENTIUS VICTORICO episcopo Rothomagensi salutem.

Etsi tibi, frater charissime, pro merito et honore sacerdotii quo plurimum polles, vivendi et docendi ecclesiasticæ regulæ nota sunt omnia, neque est aliquid quod de sacris lectionibus tibi minus collectum esse videatur, tamen quia Romanæ Ecclesiæ normam atque auctoritatem magnopere postulasti, voluntati tuæ morem admodum gerens de gestis vitæ, et morum probabilium disciplinas annexas litteris meis misi, per quas advertant Ecclesiarum regionis vestræ populi quibus rebus et regulis Christianorum vita in sua cujuscunque professione debeat contineri qualisque servetur in urbis Romæ ecclesiis disciplina. Erit dilectionis tuæ per plebes finitimas, et consacerdotes nostros qui in illis regionibus propriis ecclesiis præsent, regularum hunc librum quasi didasculum, atque monitorem sedulo insinuare, ut et nostros cognoscere, et ad fidem confluentium mores valeant docendi sedulitate formare. Aut enim propositum suum ex hac nostra congruenti lectione cognoscent, aut si quid adhuc desideratur, facile poterunt ex his bona imitatione supplere. Incipiamus ergo, adjuvante Deo et sancto Dei apostolo Petro, per quem et apostolatus et episcopatus in Christo cœpit exordium, ut quoniam sæpe plures emeruerunt causæ quæ in aliquantis non erant causæ, sed crimina, ut de cætero sollicitudo sit unicuique sacerdoti in sua Ecclesia curam hujusmodi habere, sicut beatus apostolus Paulus prædicat, talem Ecclesiam Deo exhibendam non habentem maculam, aut rugam (*Eph. v, 27*), ne alicujus morbidæ ovis afflatu conscientia nostra contaminata violetur. Propter eos ergo qui vel ignorantia vel desidia non tenent ecclesiasticam disciplinam, et multa non præsumenda præsumunt, recte postulasti, ut in illis partibus istiusmodi quam tenet Ecclesia Romana forma servetur, non quod nova præcepta aliqua imperentur, sed ea quæ per desidia aliquorum neglecta sunt, ab omnibus observari cupiamus, quæ tamen apostolica

et Patrum traditione sunt constituta. Scriptum est namque ad Thessalonicenses secundo, et ad Timotheum, apostolo Paulo monente : « State, et tenete traditiones nostras quas tradidimus vobis sive per verbum, sive per epistolam (*II Thess. II, 14*). » Illud certe tuam debet mentem vehementius excitare ut ab omni labe sæculi istius immunis ante Dei conspectum et securus inveniaris. « Cui multum enim creditur plus ab eo exigitur (*Luc. XII, 48*). » Ergo quoniam non pro nobis tantum, sed pro populo Christi cogimur præstare rationem, ideoque disciplina Dei sanctificare populum et erudire debemus. Quosdam enim asseris exstitisse qui statuta majorum non tenentes, castitatem Ecclesiæ sua præsumptione violant, populi favorem sequentes, et Dei iudicium non timentes. Ergo ne silentio nostro existimemur his præbere consensum, Domino dicente per prophetam ; « videbas furem et currebas cum eo, » (*Psal. XLIX, 18*) hæc sunt quæ deinceps intuitu divini iudicii, omnem catholicum episcopum expedit custodire.

**CAP. I.** Primum, ut extra conscientiam metropolitani episcopi nullus audeat ordinare episcopum. Integrum enim est iudicium quod plurimorum sententia confirmatur, nec unus episcopus ordinare præsumat episcopum, ne furtivum præstitum beneficium videatur, hoc enim et synodus Nicæna constituit atque definit.

**II.** Constituit etiam atque definit : Si quis post remissionem peccatorum cingulum militiæ sæcularis habuerit, ad clericatum admitti omnino non debet.

**III.** Si quæ autem causæ vel contentionis inter clericos vel inter laicos tam superioris gradus, quam etiam inferioris fuerint exortæ, placuit ut secundum synodum Nicænam congregatis omnibus ejusdem provinciæ episcopis iudicium terminetur, nec alicui liceat, sine præiudicio tamen Romanæ Ecclesiæ, cui in omnibus causis debetur reverentia custodiri, relictis his sacerdotibus qui in eadem provincia Dei Ecclesias nutu divino gubernant, ad alias convolare provincias, aut aliarum provinciarum prius episcoporum iudicium experiri. Quod si quis forte præsumpserit, ab officio cleri submotus et injuriarum reus ab omnibus iudicetur. Si autem majores causæ in medium fuerint devolutæ, ad sedem apostolicam, sicut synodus statuit, et beata consuetudo exigit, post iudicium episcopale referantur.

**IV.** Ut mulierem viduam clericus non ducat uxorem, quia scriptum est : « Sacerdos uxorem virginem accipiat, non viduam, non ejectam (*Ezech. XLIV, 22*), » utique qui ad sacerdotium labore suo et vitæ probitate contendit, cavere debet, ne hoc præiudicio impeditus pervenire non possit,

**V.** Ut si quis viduam licet laicus duxerit uxorem seu ante baptismum, seu post baptismum, non admitatur ad clerum, quia eodem videtur vitio exclusus, in baptismo enim crimina remittuntur, non acceptæ uxoris consortium relaxatur.

**VI.** Ne is qui secundam duxerit uxorem clericus

fiat, quia scriptum est. « Unius uxoris virum (*I Tim. II, 2*); » et iterum : « Sacerdotes mei semel nubant ; » et alibi : « Sacerdotes mei non nubant amplius. »

Ac ne ab aliquibus existimetur ante baptismum, si forte quis accepit uxorem, et ea de sæculo recedente alteram duxerit, et dixerit in baptismo esse dimissum, satis errat a regula, quia in baptismo peccata dimittuntur, non acceptarum uxorum numerus aboletur, cum utique uxor ex legis præcepto ducatur, in tantum ut in paradiso cum parentes humani generis jungerentur, ab ipso Domino sint benedicti, et Salomon dicat : « A Deo præparabitur viro uxor (*Prov. XIX, 14*). » Quam formam etiam sacerdotes omnes servare usus ipse demonstrat Ecclesiæ. Satis enim absurdum est aliquem credere uxorem ante baptismum acceptam post baptismum non computari, cum benedictio quæ per sacerdotem super nubentes imponitur, non materiam delinquendi dedisse, sed formam tenuisse legis a Deo antiquitus institutæ doceatur. Quod si non putatur uxor esse computanda quæ ante baptismum ducta est, ergo nec filii qui ante baptismum geniti sunt pro filiis habentur.

**172 VII.** Ut de aliena Ecclesia clericum ordinare, aut judicare nullus usurpet, nisi ejus episcopus precibus exoratus concedere voluerit, quod etiam Nicæna videtur synodus continere. Abiectus a sua Ecclesia clericus, ab altera non suscipiatur Ecclesia.

**VIII.** Ut venientes a Novatianis vel Montensibus per manus tantum impositionem suscipiantur, quia quamvis ab hæreticis, tamen in Christi nomine sunt baptizati, præter eos qui forte a nobis ad illos transeuntes rebaptizati sunt. Hi, si resipiscentes et ruinam suam cogitantes redire maluerint, sub longa poenitiæ satisfactione admittendi sunt.

**IX.** Præterea quod dignum et pudicum et honestum est tenere Ecclesia omnino debet, ut sacerdotes et levitæ cum uxoribus non misceantur, quia ministerii quotidiani necessitatibus occupantur, scriptum est enim : « Sancti estote, quoniam et ego sum sanctus, Dominus Deus vester (*Lev. XI, 44*). » Nam si priscis temporibus de templo Dei sacerdotes anno vicis suæ non discedebant, sicut de Zacharia legimus, nec domum suam omnino tangebant, quibus utique propter sobolis successionem uxoris usus fuerat relaxatus, quia ex alia tribu, et præter ex semine Aaron ad sacerdotium nullus fuerat præceptus accedere, quanto magis hi sacerdotes vel levitæ pudicitiam ex die ordinationis suæ servare debeant, quibus vel sacerdotium, vel ministerium sine successione est ? Nec præterit dies qua vel a sacrificiis divinis, vel a baptismatis officio vacent. Nam si beatus apostolus Paulus ad Corinthios scripsit, dicens : « Abstinete vos ad tempus ut vacetis orationi (*I Cor. VII, 5*), » et hoc utique laicis præcepit, multo magis sacerdotes quibus et orandi, et sacrificandi iuge officium est semper debebunt ab hujusmodi consortio abstinere. Quod si contaminatus fuerit a carnali concupiscentia, quo pudore sacrificare usurpabit, aut qua con-



scientia, quove merito exaudiri se credit? Cum dictum sit: « Omnia munda mundis, coinquinatis autem et infidelibus nihil mundum (Tit. 1, 15). » Sed forte licere hoc credit, quia scriptum est: « Unius uxoris virum, » non permanenti in concupiscentia generandi dixit, sed propter futuram continentiam. Neque enim integros corpore non admisit, qui ait: « Velle autem omnes esse sicut et ego (I Cor. vii, 17). » Quod apertius declarat, dicens: « Qui autem in carnes sunt, Deo placere non possunt; vos autem in carne non estis, sed in spiritu (Rom. viii, 8, 9). »

X. De monachis qui diu morantes in monasteriis, si postea ad clericatus ordinem pervenerint, non debere eos a priore proposito deviare. Aut enim, sicut in monasterio fuit, et quod diu servavit, in meliori gradu positus amittere non debet; aut si corruptus, postea baptizatur, et in monasterio sedens, ad clericatus ordinem accedere voluerit, uxorem omnino habere non poterit, quia nec benedici cum sponsa potest jam ante corruptus. Quæ forma servatur in clericis. Maxime cum vetus regula hoc habeat, ut quisquis corruptus baptizatus clericus esse voluisset, spondeat uxorem omnino non ducere.

XI. Præterea frequenter quidam ex fratribus nostris curiales, vel quibuscumque publicis functionibus occupatos clericos facere contendunt, quibus postea major tristitia cum de revocandis eis aliquid ab imperatore præcipitur quam gratia nascitur de ascito. Constat enim eos in ipsis muniis etiam voluptates exhibere, quas a diabolo inventas esse non dubium est, et lodorum vel munerum apparatus, aut præesse, aut forsitan interesse. Sit certe in exemplum, et sollicitudo et tristitia fratrum quam saepe protulimus imperatore præsentem, cum pro his sæpius roga-remus, quam ipse nobiscum positus cognovisti. Quibus non solum inferiores clerici ex curialibus, verum etiam in sacerdotio constituti ingens molestia ut redderentur instabat.

XII. Item, quæ Christo spiritualiter nubunt, et a sacerdote velantur, si postea nupserint, vel publice vel occulte corruptæ fuerint, non eas admittendas esse ad agendam poenitentiam, nisi is cui se junxerant de hac vita decesserit. Si enim de hominibus hæc ratio custoditur, « ut quæcumque vivente viro alteri nupserit habeatur adultera (Rom. vii, 3), » nec ei agendæ poenitentiae licentia concedatur, nisi unus ex eis defunctus fuerit, quanto magis de illa tenenda est, quæ ante immortalis se sponso conjunxerat, et postea ad humanas nuptias transire elegit!

XIII. Hæ vero quæ necdum sacro velamine tectæ, tamen in proposito virginali semper se simulaverunt permanere, licet velatæ non fuerint, si forte nupserint, his agenda aliquanto tempore poenitentia est, quia sponsio earum a Domino tenebatur. Si enim inter homines solet bonæ fidei contractus nulla ratione dissolvi, quanto magis ista pollicitatio quam cum Deo pegigerunt solvi sine vindicta non poterit? Nam si apostolus Paulus quæ a proposito viduitatis dis-

cesserant dixit « eas habere condemnationem quia primam fidem irritam fecerunt (I Tim. v, 12), » quanto potius virgines quæ prioris promissionis fidem minime servaverunt! Hæc itaque regula, frater charissime, si plena vigilantia fuerit ab omnibus Dei sacerdotibus custodita, cessabit ambitio, dissensio conquiescet, hæreses et schismata non emergent, locum non accipiet diabolus sæviendi, sed manebit unanimitas, iniquitas superata calcabitur, veritas spirituali fervore flagrabit, pax prædicata labiis cum voluntate animi concordabit, implebitur edictum apostoli, « ut unanimes unum sentientes permaneamus in Christo, nihil per contentionem nobis, neque per inanem gloriam vindicantes (Phil. ii, 2-3), » non hominibus, sed Deo nostro Salvatore placentes, « cui est honor et gloria in sæcula sæculorum. Amen (Rom. xvi, 27). » Datum sub die xv Kalendas Martii, Honorio, Augusto et Aristo consulibus.

*Item epistola ejusdem ad Exuperium Tolosanum episcopum.*

1. De innocentia sacerdotum vel levitarum.

2. De his qui post baptismum omni tempore incontinentiæ voluptatibus sunt dediti, et in ultimo poenitentiam poscunt.

3. De administratoribus vel iudicibus sæcularibus.

4. Quod viri cum adulteris uxoribus non conveniant.

5. Quod qui preces vel crimina dictant, habeantur immunes.

6. Quod hi qui intercedente repudio divortium petulerunt, si se nuptiis aliis junxerunt, adulteri esse monstrantur.

7. Qui libri in canone recipiantur.

INNOCENTIUS, EXUPERIO, episcopo Tolosano, salutem. Consulenti tibi, frater charissime, quid de proposita specie unaquaque sentirem, pro captu intelligentiæ meæ quæ sunt visa respondi, quid sequendum, vel quid docilis ratio persuaderet, vel auctoritas lectionis ostenderet, vel custodita series temporum demonstraret. Et quidem dilectio tua institutum secuta prudentium, ad sedem apostolicam referre maluit quid de rebus dubiis custodire deberet, potius quam usurpatione præsumpta quæ sibi viderentur de singulis obtinere. Cur enim magis pudendum putemus discere aliquid quam omnino nescire? Mihi quoque ipsi de collatione docilitas accedit, ut perscrutatis rationibus ad proposita respondere compellar, eoque fit ut semper aliquid addiscat qui postulatur ut doceat. Proponantur igitur singula, subjiciamque responsum.

CAP. I. Proposuisti quid de his observari debeat, quos in diaconi ministerio, aut in officio presbyterii positos incontinentes esse, aut fuisse generati illi prodiderunt. De his et divinarum legum est disciplina, et beatæ recordationis viri Siricii episcopi monita evidentia commearunt, ut incontinentes in officiis talibus positi, omni ecclesiastico honore priva-

rentur, nec admittantur ad tale ministerium, quod sola continentia oportet impleri. Est enim vetus admodum sacræ legis auctoritas jam inde ab initio custodita, quod in templo annæ vicis suæ habitare præcepti sunt sacerdotes, ut servientes sacris oblationibus, puros et ab omni labe mundatos sibi vindicent divina mysteria, neque eos ad sacrificia fas sit admitti, qui exercent vel cum uxore carnale consortium, quia scriptum est : « Sancti estote, quia et ego sanctus sum, Dominus Deus vester (*Lev. xi, 44*). » Quibus utique propter sobolis successionem uxoris usus fuerat relaxatus, quia ex alia tribu, et præter ex semine Aaron ad sacerdotium nullus fuerat præceptus accedere, quanto magis hi sacerdotes vel levitæ pudicitiam ex die ordinationis suæ servare debent, quibus vel sacerdotium, vel ministerium sine successionem est. Nec præterit dies quæ vel a sacrificiis divinis, vel a baptismatis officio vacent. Nam si beatus Paulus apostolus ad Corinthios scribit dicens : « Abstinete vos ad tempus ut vacetis orationi (*I Cor. vii, 5*), » et hoc utique laicis præcepit, multo magis sacerdotes, quibus et orandi et sacrificandi iuge officium est, semper debebunt huiusmodi consortio abstinere. Quod si contaminatus fuerit carnali concupiscentia, quo pudore sacrificare usurpabit, aut qua conscientia quove merito exaudiri se credit, cum dictum sit : « Omnia munda mundis, coinquinatis autem et infidelibus nihil mundum? (*Tit. i, 15*). » Sed fortasse hoc licere credit, quia scriptum est : « Unius uxoris virum (*I Tim. iii, 2*). » Non permanenti in concupiscentia generandi hoc dicit, sed propter continentiam futuram. Neque enim integros corpore non admisit qui ait : « Vellem omnes autem sic esse sicut et ego (*I Cor. vii, 7*). » Quod apertius declarat dicens : « Qui autem in carne sunt Deo placere non possunt, vos autem jam non estis in carne, sed in spiritu (*Rom. vii, 8-9*), » et ad habentem filios non generantem dixit, sed ea plane dispar et divisa sententia est. Nam si aliquis forma illa ecclesiasticæ vitæ pariter, et disciplinæ quæ ab episcopo Siricio ad provincias commeavit non probabitur pervenisse, his ignorantibus venia remittitur, ita ut de cætero penitus incipiant abstinere, et ita gradus suos in quibus inventi fuerint, sic retentent, ut eis non liceat ad potiora conscendere; quibus tamen beneficio esse debet, quod hunc ipsum locum quem retinent non amittunt. Si qui autem scisse formam vivendi missam a Siricio deteguntur, neque statim cupiditates libidinis abjecisse, illi sunt modis omnibus submovendi, quia post admonitionem cognitam præponendam arbitrati sunt voluptatem.

II. Et hoc quæsitum est, quid de eis observari oporteat, qui post baptismum omni tempore incontinentiæ voluptatibus dediti in extremo fine vitæ suæ poenitentiam simul et reconciliationem communionis exposcunt. De his observatio prior durior, posterior interveniente misericordia inclinatio est. Nam consuetudo prior tenuit, ut concederetur poenitentia, sed communio negaretur. Nam cum illis tem-

poribus crebræ persecutiones essent, nec communionis concessa facilitas homines de reconciliatione securos non revocaret a lapsu, negata merito communio est, concessa poenitentia, ne totum penitus negaretur, et duriores esse remissionem fecit temporis ratio. Sed postquam Dominus noster pacem Ecclesiis suis reddidit jam depulso terrore, communionem dare abeuntibus placuit, et propter Domini misericordiam, quia viaticum profecturis, et ne Novatiani hæretici negantis veniam, asperitatem et duritiam subsequi videamur. Tribuitur ergo cum poenitentia extrema communio, ut homines huiusmodi vel in supremis suis, permittente Salvatore nostro, a perpetuo exitio vindicentur.

**173** III. Quæsitum etiam est super his, qui post baptismum administraverunt, et aut tormenta sola exercuerunt, aut etiam capitalem protulere sententiam, nihil de his legibus a maioribus definitum est. Meminerant enim a Deo potestates has fuisse concessas, et propter vindictam noxiorum gladium fuisse permissum, et Dei ministrum esse datum in huiusmodi vindicem. Quomodo ergo reprehenderent factum quod auctore Deo viderent esse concessum? De his ergo ita ut hactenus servatum est, sic habeamus, ne aut disciplinam evertere, aut contra auctoritatem Domini venire videamur. Ipsis autem in ratione reddenda gesta sua omnia servabuntur.

IV. Et illud desideratum est sciri, cur communicantes viri cum adulteris uxoribus non conveniant, cum e contra uxores in consortio adulterorum virorum manere videantur. Super hoc Christiana religio adulterium in utroque sexu pari ratione condemnat, sed viros suos mulieres non facile de adulterio accusant, et non habent latentia peccata vindictam, viri autem liberius uxores adulteras apud sacerdotes deferre consueverunt. Et ideo mulieribus, prodito earum crimine, communio denegatur, virorum autem, latente commisso, non facile quisquam ex suspicionibus abstinetur, qui utique submovebitur, si ejus flagitium detegatur. Cum ergo par causa sit, interdum probatione cessante vindictæ ratio conquiescit.

V. Illud etiam sciscitari voluisti an preces dictantibus liberum concedatur, utique post baptismi regenerationem a principibus poscere mortem alicujus vel sanguinem de reatu; quam rem principes nunquam sine cognitione concedunt, sed ad iudices commissa ipsa vel crimina semper remittunt, ut causæ cognitæ vindicentur; quæ cum quæsitore fuerint delegata, aut absolutio, aut damnatio pro negotii qualitate profertur, et dum legum auctoritas in improbos exercetur, erit dicator immunis.

VI. De his etiam requisivit dilectio tua, qui interveniente repudio alii se matrimonio copularunt, quos in utraque parte adulteros esse manifestum est. Qui vero vel uxore vivente (quamvis dissociatum videatur esse conjugium) ad aliam copulam festina-



runt, neque possunt adulteri non videri, intantum ut etiam hæ personæ, quibus tales conjuncti sunt, etiam ipsæ adulterium commisisse videantur, secundum illud quod legimus in Evangelio : Qui dimiserit uxorem suam et duxerit aliam, mœchatur (*Marc. x, 41*). Similiter « et qui dimissam duxerit, mœchatur (*Matth. v, 32*), » et ideo tales omnes a communione fidelium abstinendos.

De parentibus autem, aut de propinquis eorum, nihil tale statui potest, nisi incentores illiciti consortii fuisse delegantur.

VII. Qui vero libri recipiantur in canone sanctorum Scripturarum brevis annexus ostendit. Hæc sunt ergo quæ desiderata moneri voce voluisti, Moysi libri 5, id est Genesis, Exodus, Leviticus, Numeri, Deuteronomium; necnon et Jesu Nave, et Judicum, et Regnorum libri quatuor; simul et Ruth, Prophetarum libri sedecim; Salomonis libri quinque, Psalterium; item historiarum Job liber unus, Esther unus, Judith unus, Machabæorum duo, Esdræ duo, Paralipomenon duo. Item Novi Testamenti Evangeliorum libri quatuor; Pauli apostoli Epistolæ 14; Epistolæ Joannis, quatuor; Epistolæ Petri duæ; Epistola Judæ; Epistola Jacobi; Actus apostolorum; Apocalypsis Joannis. Cætera autem quæ sub nomine Mathiæ, sive Jacobi minoris, et sub nomine Petri, et Joannis, quæ a quodam Leutio scripta sunt, vel sub nomine Andræ, quæ a Nechocharide et Leonida philosophis, et sub nomine Thomæ, et si quæ sunt alia non solum non aspi-cienda, verum etiam noverit esse damnanda. Datum x Kalend. Martii, Sillicone et Antemio consulibus.

*Epistola Innocentii ad Felicem Nucernanum episcopum.*

1. Si quis volens partem sui corporis amputaverit clericus esse non potest, nolens autem potest.

2. Quod digami ad clerum admitti non possunt.

3. Qui de laicis ad clerum non debent promoveri.

4. Qui de laicis possunt clerici fieri, hic aperte concubina prohibetur.

5. De temporibus in clero immorandis.

INNOCENTIUS, FELICI, episcopo Nucerniano.

Mirari non possumus dilectionem tuam sequi instituta majorum omniaque quæ possunt aliquam recipere dubitationem ad nos quasi ad caput atque ad apicem episcopatus referre, ut consulta videlicet sedes apostolica ex ipsis rebus dubiis certum aliquid faciendum pronuntiet. Quod et nos libenter accipimus et dilectionem tuam memorem canonum approbamus. Scripsisti ergo quod fervore fidei quo polles et amore sanctæ plebis, vel reparaveris ecclesias Dei, vel novas quasque construxeris, sed in his quos clericos constituas non habere, aliquos vero mutilos, aliquos digamos esse, ad quod stupimus prudentem virum, de his voluisse consulere quæ omnibus sunt certa ratione comperta. Ergo non

A quasi ignoranti dicimus, sed in aliis forsitan occupatos istud oblitos vos esse dicimus.

I. Qui igitur partem cujuslibet digiti sibi ipse volens abscidit, hunc ad clerum canones non admittunt. Cui vero casu aliquo contigerit dum aut operi rustico curam impendit, aut aliquid faciens se non sponte percussit, hos canones præcipiunt, et clericos fieri; et si in clero fuerint reperti non abjicit. In illis enim voluntas judicata est, quæ sibi ausa fuerit ferrum injicere. Quod scilicet et alii id facere dubitari non possit, in illis vero casus veniam meruit.

II. De digamis autem nec consuli debuit quod manifesta lectio sit Apostoli, « unus uxoris virum; » ad sacerdotium sive ad clericatum admitti debere, et B hæc ipsam tamen si virginem accepit. Nam ea quæ habuerit ante virum, licet defunctus sit, tamen si clerico postea fuerit copulata, clericus qui eam acceperit esse non poterit, quia in lege cautum est, « non viduam, non abjectam » habere posse conjugem sacerdotem.

III. De laicis vero religio tua consuluit quos canones ordinare prohibeat. Certum est quidem hoc regulas ecclesiasticas continere, sed non ita definitum est, ut de omnibus sit laicis constitutum. Neque enim clerici nasci, et non fieri possunt, sed designata sunt genera, de quibus ad clericatum pervenire non possunt, id est, si quis fidelis militaverit, si quis fidelis causas egerit, hoc est postulaverit, si quis fidelis administraverit. De curialibus C autem manifesta ratio est, quoniam et si inveniantur hujusmodi viri qui debeant clerici fieri, tamen quoniam sæpius ad curiam repetuntur, cavendum ab his est propter tribulationem quæ sæpe de his Ecclesie provenit.

IV. Laici vero, qui habentes uxores baptizati sunt, ac si se instituerunt, ut opinio eorum in nullo vacillet, ut aut clericis juncti sint, aut monasteriis ex quo baptizati sint hæserint, si non concubinam, non pellicem noverint, si in omnibus operibus vigilaverint, non prohibentur hujusmodi ad clericatus sortem assumi

V. Ita sane ut in eos tempora a majoribus constituta servantur, nec cito quilibet lector, cito acolytus, cito diaconus, cito sacerdos fiat, quia in minoribus officiis si diu perdurent et vita eorum pariter et obsequia comprobantur, ut ad sacerdotium posthac emensis stipendiorum meritis veniant, nec præripiant quod vita probata meretur accipere. Quoniam ergo certa definitione monstratum est qui debeant admitti quive reprobari, ex his omnibus quos videt dignatio tua non posse reprobari, eligere debes quos clericos facias. Si enim nullam gratiam hominibus aut beneficium præstare velimus, tales invenire possumus, de quorum assumptione nec incurrere nec erubescere valeamus.

*De his qui in presbyterio filios genuerunt, ut ab officio removeantur.*

INNOCENTIUS MAXIMO ET SEVERO episcopis per Brictos.

Ecclesiasticorum canonum norma nulli esse debet incognita sacerdoti, quia nesciri hæc a pontifice satis est indecorum, maxime cum a laicis religiosis viris sciatur et custodienda esse ducatur. Nuper quidem Maximilianus filius noster agens in rebus huiusmodi qualem querelam detulerit, libelli ejus series annexa declarat.

Qui zelo fidei et disciplinæ ductus non patitur Ecclesiam pollui ab indignis presbyteris, quos in presbyterio filios asserit procreasse: quod non licere exponerem nisi nossem vestram prudentiam legis totius habere notitiam. Et ideo, fratres charissimi, libelli qui subjectus est tenore perspecto, eos qui talia perpetrasse dicuntur, jubebitis in medio collocari, discussisque objectionibus quæ ipsis presbyteris impinguntur, si convieti fuerint, a sacerdotali removeantur officio, quia qui sancti non sunt, sancta tractare non possunt, atque alieni efficiantur a ministerio quod vivendo illicite polluerunt. Miramur hæc eorum dissimulare episcopos ut aut connivere, aut nescire esse illicita judicentur.

*Quod pœnitentium nullus ad clerum possit admittere.*

INNOCENTIUS AGAPITO, MACEDONIO et MAURIANO, episcopis Apulis.

Multa in provincia contra canones ecclesiasticos, decretaque majorum usurpari a plurimis, et relationes diversorum et suggestiones fidissimæ retulerunt, quæ quidem possent facile resecari, si episcopi in his non invenirentur auctores. Qui dum aut amicis aut obsequentibus gratiam prestare nituntur, religionem violant, ordinesque corrumpunt, ac sic evenit ut indigni quique honores suscipiant ecclesiasticos, et admittantur ad clerum, qui nec inter laicos quidem dignum locum habere mererentur, sicuti in nunc dato nobis libello monstratum est, Modestum quemdam multis criminibus involutum, propter quæ etiam pœnitentiam egisse dicitur, non solum clericum effectum, quod non licet, verum etiam ad episcopatus apicem eum tradere, cum canones apud Nicæam constituti pœnitentes etiam ab intimis officiis clericorum excludant. Et ideo, fratres charissimi, perspecto tenore libelli eum jubete presentari, ac si vere constiterit talem qualem libellus affirmat, non solum ab ambitione, sed etiam a clericatus removeatur officio.

*De Bubalio et Tauriano damnatis a provincialibus episcopis, quorum sententiam sedes apostolica retractatione curavit.*

INNOCENTIUS RUFO, GERONTIO, SOPHRONIO, FLAVIANO, MACEDONIO, PROSDOTIO et ORISTEO, episcopis per Macedoniam constitutis.

Mura coepiscoporum nostrorum Maximiani et Eumenii, vel potius importunitas temporis fecit, ut vos iteraretis de Bubalio et Tauriano querimoniam, et nos iterum in homines perditissimos insurgere-mus. Sed, ut possum, paucioribus verbis tantorum matrum imitator compendium, et strictim quæ in

A volumine litterarum nostrarum conspexerim retractabo. Grave non oportuit videri piissimis mentibus vestris cujuscunque retractari judicium, quia veritas exagitata sæpius magis splendet in luce, et perniciēs revocata in judicium gravior et sine pœnitentia condemnatur. Nam fructus divinus est justitiam sæpius 174 recenseri, fratres charissimi, verum illud video movisse animos vestros quod in multis Bubalio sæpe fallaciis deprehensus objecerit exemplaria fictarum quasi a nobis litterarum, cum pro consuetudine hominis nihil quod perferret jam fide dignissimum videretur. Sed sileatur omne jam de tali negotio murmur, et convicti diaboli ipsi anhelitus comprimantur. Subjunximus autem his priores litteras, quas per memoratos episcopos miseramus, quibus ita plenaria sensuum nostrorum sententia designata est, ut dum relegeritis nihil ambiguum, nihil requirendum in hac causa de cætero repetatis. Hanc autem paginulam nostram sollicitius credentibus sibi episcopis relegendam mittite, ut sciant plenissime quid sit de Bubalio et Tauriano cæterisque pronuntiatum, ut servant qui digni admonitione sunt cavere a talibus, ne talibus socientur.

*De invasione parochiæ alterius.*

INNOCENTIUS FLORENTIO episcopo Tiburtinensi.

Non semel sed aliquoties clānat Scripturā divina transferri non oportere terminos a prioribus institutos, quia nefas est, si quod alter semper possederit, alter invadat, quod tuam bonitatem frater et coepiscopus noster Ursus asserit perpetrasse. Nam Nomentanam sive Faciliensem parochiam ad suam diocesim a majoribus pertinentem invasisse te, atque illic divina celebrasse mysteria eodem ac nesciente, non sine dolore conquestus est. Quod si verum est, non leviter te incurrisse cognoscas. Unde si declinare cupis tantæ usurpationis invidiam, nostris litteris admonitum te convenit abstinere. Certe si aliquid tibi credis justitiæ suffragari, integris omnibus et in pristino statu manentibus, post dies venerabiles Paschæ adesse debebis, ut memoratis possis intentionibus respondere, præsentibusque in medio collocatis quid antiquitas aut veritas habeat inquiramus.

*De eo cujus de captivitate reversa est uxor ut eam recipiat, altera quam duxerat repudiata.*

INNOCENTIUS PROBO. Conturbatio procelle barbaricæ facultati legis intulit casum. Nam bene constituto matrimonio inter Fortunium et Ursam captivitatis incursus fecerat nævum, nisi sancta religionis statuta providerent. Cum enim in captivitate prædicta Ursam mulier teneretur, aliud conjugium cum Restituta Fortunius memoratus inisse cognoscitur. Sed favore Domini reversa Ursam adiit. Et nullo diffidente uxorem se memorati esse perdoceit. Qua de re, domine fili merito illustris, statuimus fide catholica suffragante illud esse conjugium quod primitus erat gratia divina fundatum, conventumque secundæ mulieris priore superstite, nec divortio ejectæ, nullo pacto posse esse legitimum.



*Epistola familiaris ad sanctos Dei sacerdotes Aurelium Carthaginensem, et Augustinum Hippo-  
nensem.*

INNOCENTIUS AURELIO ET AUGUSTINO, episcopis.

Acceptissimi mihi Germani compresbyteri illo recursus vacuus officio nostro esse non debuit, per charos enim salutare charissimos naturale quodammodo nobis videtur et consequens. Gaudere igitur in Domino vestram germanitatem, amantissimi, cupimus, et pro nobis paria ad Dominum vota rependere precamur, quia (ut bene nostis) communibus alternis plus agimus orationibus quam singularibus aut privatis.

*De ratione Paschali ad eundem Aurelium.*

INNOCENTIUS AURELIO. Charitatis nostræ officium nullo intervallo dirimitur, etiam si charta nullos apices ferat; vivit enim spiritualis gratia alternis in cordibus, et amorem nostrum confovet sacerdotalis ipsa societas. Cura ergo, ut dignum est, unitatem Ecclesiæ custodiri. Idemque omnes pariter et sentiamus et pronuntiemus, frater charissime. Has ergo litteras de ratione Paschali alterius (dico futuri) anni perscripsi. Nam cum ante diem undecimum Kalendarum Aprilium plena luna xvi colligatur (non quippiam minus est) itemque cum diem ante iv Kalendarum earundem veniat xxiii, æstimavi xi Kalendarum memoratarum die festa Paschalia celebranda, quoniam in vigesima tertia luna nullum Pasche unquam ante hoc Pascha factum esse cognoscimus. Sententiæ meæ exposui atque edixi tenorem. Jam prudentiæ tuæ erit, consors mihi frater, cum unanimis et consacerdotibus nostris, hanc ipsam rem in synodo religiosissima retractare, ut si nihil dispositioni nostræ insultat, nobis plenissime aperteque rescribas, quo deliberatam Paschalem diem jam litteris ante (ut moris est) reservandam suo tempore rescribamus. Compresbyterum autem archidiaconum quamvis noverim quod libentissime ac more suscipias consueto, tamen ex abundanti postulo utrum eum inter tuos habere digneris.

*Ut nullus [contra ordinationem canonum fiat episcopus.*

Dilectissimo fratri AURELIO INNOCENTIUS.

Qua indignitate, qua molestia male tractetur Ecclesia, præcipueque episcopus, relegam vel audiam, et tua fraternitas bene novit, et ego tam idonea tanto dolori verba invenire non possum, dum facile imponuntur inanus, dum negligenter summus sacerdos eligitur. Ecce facta est querela publica quæ fecit semper ut communis omnibus tremenda sit reverentia. Sic clerici ecclesiasticorum dogmatum nutriti vel honorati intra altaria Christi respuuntur, sic prætereuntes promoveantur, quasi nefas sit ad primatum per ordinem pervenire. Nam cum involuti mundanis nexibus, actibus vel moribus abrupte ascendantur ad tanti collegium sacerdotii, et illi videntur contemni, de quibus oportuerat eligi, et isti male introumitti, qui præter ordinem irrumpunt, potiusquam eliguntur. Quam enim miserum est cum

A magistrum fieri, qui nunquam discipulus fuit! Eum summum fieri sacerdotem qui nunquam in illo gradu obsecutus fuerit sacerdoti. Relege præfectorum litteras, et vide quæ falso vel pro certo sublimium potestatum adnotentur scriptis. Perdidimus profecto nos ipsi, nos, inquam, sanctimoniam reverentiam, qui quasi vilissimum aliquid summos efficitur sacerdotes, ut jam incipiat quasi noxium aliquid publicis interlectionibus condemnari. Frater charissime, hæc velim cuncta recitanda per omnes Africanas Ecclesias scripta dirigas, et istis connectas quas adjunximus litteras præfectorum, ut consilium de his quæ inique laudantur, iudiciumque, si quid tale probari poterit, fiat, ut præterita mala, si doceantur admissa, digna severitate coerceantur, et de cætero caveatur ne Ecclesiæ sanctitas per nostram fatigata negligentiam perdat privilegia quæ est per viros venerabiles consecuta. Deus te incolumem custodiat. Data iv nonas Junii, Julio IV et Palladio V consulibus.

*Ad Julianam nobilem feminam.*

Singulare membrum Ecclesiæ tuæ religionis amplitudinem existere, et a nobis reverentissime colatis est omnibus manifestum; in ipso enim apice nobilitatis multo nobiliorem Ecclesiæ devotionem impendis, et magis læta Christi agnitione præceptis ejus obtemperas, et in fide potius exultas quam tanti generis flore jactaris. Summæ virtutis est vicisse gloriam carnis, et magna est Christi gratia nobilitatem moribus superasse, domina filia, merito illustris. Certa igitur existens, dilectissima, hujus vitæ quæcunque sunt spatia, æternis divinisque officiis illustrare contendere, ut qui insignem te præstitit reddat sibi per sæcula clariorem.

*De Antiochena Ecclesia.*

INNOCENTIUS BONIFACIO presbytero. Ecclesia Antiochena quam priusquam ad urbem perveniret Romam beatus apostolus Petrus sua præsentia illustravit, velut germana Ecclesiæ Romanæ diu se ab eadem alienam esse non passa est. Nam missis legatis ita pacem postulavit et meruit, ut Evagrianos suis ordinibus ac locis interemerata ordinatione quam acceperant a Memorato susciperent, et Joannis sanctæ memoriæ, vel clericos, vel laicos in unum colligeret atque congregaret, promittens ipsius civitatis episcopus frater meus Alexander, etiamsi si quis forte vel a nobis, vel aliunde posterioris ordinationis ad eundem venerit, se sine controversia recepturum, ac nomen episcopi memorati inter quiescentes episcopos recitaturum. Cui rei nos noveris tradidisse manu, frater charissime, et eos in nostra viscera recepisse, ne diu membra quæ requisierant sanitatem ab unitate corporis haberentur aliena. Omnia vero quæ per ordinem gesta sunt, filius meus diaconus Paulus, harum scilicet portitor litterarum, dilectioni vestræ poterit enarrare, ut et gaudium commune nobiscum habeas, et eos informes qui pro Attici partibus intervenire consueverunt.

*Ad Alexandrum Antiochenum episcopum de pace.*

INNOCENTIUS ALEXANDRO episcopo. Quam grata mihi,

quam pia, quam necessaria legatio a tua sanctitate, frater charissime, ad nos directa fuerit, gestorum ipsorum replicatione cognoces. Voluit enim compresbyter noster Cassianus hanc amicitiarum nostrarum paginulam, per compresbyterum vestrum, Paulum Nicolaum diaconum, et Petrum subdiaconum, filios nostros quasi primitias pacis nostræ conscribi. Saluto itaque et tuam mihi in Christo germanitatem, et omnem illam quæ tecum bene sentit Ecclesiam, nosque, ut facitis, et alloquamini peto crebrius litteris, et frequentius de vestra salute lætificetis. Dabit enim, ut confido, Dominus totius nos præteriti temporis dispendia amantissimo litterarum colloquio recompensare.

*De Attico episcopo Constantinopolitano.*

INNOCENTIUS MAXIMIANO episcopo.

Miramur prudentiam tuam, scripta ad Atticum episcopum Constantinopolitanæ urbis a nobis, et prosecutione propria et dato libello, qui subter annexus est, postulare a quo nec missas ullas saltem epistolas ad vos vel ad vestram synodum utique protulisti. Idque non petenti tribuendum æstimes, quod vides deprecantibus discussa ratione concessum. Communio enim suspensa restituitur demonstranti causas, quibus id acciderat, jam esse detersas, et profluentem conditiones pacis impletas. Quod neque apud vos, neque apud nos (ut prædixi) Atticus missis aliquibus suorum vel dicere voluit, vel demonstrare completum, quemadmodum Antiochenæ Ecclesiæ frater et coepiscopus noster Alexander digna legatione et persecutus est et probavit. Quibus sigillatim omnibus utique interesse dignatus cognovisti, quemadmodum sigillatim omnia scriptorum nostrorum anteriorum hac de causa beatissimi Joannis quondam episcopi nostri discusserim, ut qui illi in omnibus satis evidenter ostenderint universa, quæ apud Antiochiam fieri debuerint, fuisse completa. Quorum amplexati pacem utique fidem fecimus, et magno tramite omnibus eandem quam præstolaris ostendimus, si modo quæ discussa sunt atque completa, etiam ipsi pro suo loco fecisse vel complere aliquando monstraverint, communionemque, ut isti, legatione solemniter destinata sibi rogaverint redhiberi. Expectamus ergo et professionem memorati de completis omnibus conditionibus, quas diversis temporibus prædiximus, et petitionem communionis, ut recte et petenti et probanti se eandem mereri reddamus, frater charissime. Nam de omnibus plenissimas ad sanctam nostrorum fratrum synodum dudum litteras percepisti.

*Ad ALEXANDRUM Antiochenum episcopum. De pace.*

**175** Apostolici favoris gratia magno pacis usque ad nos decore resplenduit, tantumque lucis gaudiorumque infulsit fidelibus, ut, dicentes Deo maximas laudes, majores debere nos fateamur, plusque a Deo jocundati sumus, quod, discussis omnibus lateribus actionum tuæ fraternitatis, ita totum pietate ac patientia gestum cognovimus, ut in omnibus Domi-

num laudaremus, successumque ipsum ideo præstitum tuis laboribus videamus, quod tota virtute pacis amator existens eam requisitam inveneris, et repertam summa charitate teneris cum erga omnes tum præcipue circa illos qui quondam Paulini atque Evagrii episcoporum censiti fuerant nomine. Habeo summam votorum meorum, quod antiqui nævi purgatio tuis temporibus, tuisque meritis prorogatur. Quorum etiam illos ejusdem nominis qui in Italia meritum clericatus acceperant, censui bono quietis gratiam retinere susceptam. Et quia noster compresbyter Cassianus, gratum duxit tuæ fore dignationi, si meo consilio in civitate vestra clericatus ordinem ducere censeantur, statui propter benevolentiam tuam promissaque memorati, ut inter

cæteros sacerdotes ministrosque qui in civitate sunt annumerentur, frater charissime, libenter. Præterea de episcopis Helpidio atque Papo cognovi quod sine quæstione suas Ecclesias recuperaverint, et multum in gestis, ut subscripta testantur, sollicitus inquisivi, utrum in omnibus esset conditionibus satisfactum in causa beati et vere Deo digni sacerdotis Joannis. Et cum per singula assertio legatorum ex voto completa esse fateretur, gratias agens Deo communionem Ecclesiæ vestræ ita recepi, ut præ me feram apostolicæ sedis condiscipulos primos dedisse cæteris viam pacis, in qua firmos vos, nosque Domini Christi ita benignitas amplexabitur atque communiet, ut nullo de cætero titillamento, vel levi cujusque contentionis pudore pulsantur. Scripta autem Attici episcopi, quoniam cum vestris sunt porrecta suscepimus, ne per vestram injuriam ille qui olim a nobis suspensus fuerat repudiaretur, et tamen satis abunde quæ in actis statuimus, sicut dignanter relegere procurabis, quid in ejus persona debeat custodiri, vel si per omnia vestris consiliis actibusque tam sanctis se rogaverit esse communem, præstentur seni favore vestro nostroque iudicio communionis atque litterarum a nobis gratia prorogata. Subscripterunt episcopi 20. Italiæ 24.

*Epistola ejusdem ad Alexandrum episcopum.*

1. Quod prima sedes beati Petri apud Antiochiam esse memoretur.
2. Quod non oportet secundum constituta imperatorem duos esse metropolis episcopos.
3. Quod Arianorum clerici non sunt recipiendi in suis officiis, quamvis eorum baptismum, qui catholicus constat, confirmet Ecclesia.

**CAP. I. INNOCENTIUS ALEXANDRO episcopo.** Et onus et honor nobis a tua fraternitate impositus necessarii tractatus causas induxit, quo litteris vel comonitorio vestro, ut dat sancti Spiritus gratia respondere possimus. Revolventes itaque auctoritatem Nicænæ synodi, quæ una omnium per orbem terrarum explicat mentem sacerdotum, quæ censuit de Antiochena Ecclesia cunctis fidelibus se dixerim sacerdotibus esse necessarium custodire, qua super diocesium suam prædictam Ecclesiam non super aliquam provinciam, recognoscimus, constitutam.



Unde advertimus non tam per civitatis magnificentiam hoc idem attributum, quam quod prima primi apostoli sedes esse monstratur, ubi et nomen accepit religio Christiana et quæ conventum apostolorum apud se fieri celeberrimum meruit, quæque urbis Romæ sedi non cederet, nisi quod illa in transitu meruit; ista suscepto apud se consummatoque gauderet. Itaque arbitramur, frater charissime, ut sicut metropolitanos auctoritate ordinas singulari, sic et cæteros non sine permissu conscientiaque tua sinas episcopos procreari. In quibus hunc modum recte servabis, ut longe positos litteris datis ordinari censeas ab his qui nunc eos suo tantum ordinant arbitratu, vicinos autem si æstimas ad manus impositionem tuæ gratiæ statuas pervenire. Quorum enim te maxima expectat cura præcipue tuum debent mereri iudicium.

II. Nam quod sciscitaris utrum divisis imperiali iudicio provinciis, ut duæ metropoles fiant, si duo metropolitani episcopi debent nominari, non verum visum est ad mobilitatem necessitatum mundanarum Dei Ecclesiam commutari, honoresque aut divisiones perpeti, quas pro suis causis faciendis duxerit imperator. Ergo secundum pristinum provinciarum morem metropolitanos episcopos convenit nominari. Cyprios sane asseris olim Arianæ impietatis potentia fatigatos non tenuisse Nicænos canones in ordinandis sibi episcopis, et usque adhuc habere præsumptum, ut suo arbitratu ordinent neminem consulentes. Quocirca persuademus eis, ut curent juxta canonum fidem catholicam sapere, atque unum cum cæteris sentire provinciis, ut appareat sancti Spiritus gratia, ipsos quoque ut omnes Ecclesias gubernari.

III. Arianos præterea cæterosque homini pestes qui eorum laicos conversos ad Dominum sub imagine penitentiae ac sancti Spiritus sanctificatione per manus impositionem suscipimus, non videtur clericos eorum consacerdotii aut ministerii cuiuspiam suscipi debere dignitate, quoniam quibus solum baptismum ratum esse permittimus quod utique in nomine Patris, et Filii, et Spiritus sancti perficitur, nec Spiritum sanctum eos habere ex illo baptismo, illisque mysteriis arbitramur, quoniam cum a catholica fide eorum auctores discederent, perfectionem Spiritus quem acceperant amiserunt. Nam nec dare ejus plenitudinem possunt, quæ maxime in ordinationibus operatur, quam per impietatis suæ perfidiam potius, quam per fidem dixerim, perdiderunt. Quomodo fieri potest, ut eorum, profanos sacerdotes dignos Christi honoribus arbitremur, quorum laicos imperfectos, ut dixi, ad sancti Spiritus præcipiendam gratiam cum penitentiae imagine recipimus? Gravitas itaque tua hæc ad notitiam coepiscoporum, vel per synodum, si potes, vel per eorum recitationem faciat pervenire, ut ea, quæ ipse tam necessario percunctatus es et nos tam eliminate respondimus, communi omnium consensu studioque serventur.

A Ad Atticum Beræ episcopum, de sancto Joanne Constantinopolitano episcopo.

Aggaudere litteris fraternitatem tuam de receptis Paulini, vel Evagrii episcoporum clericis, populisque, et de restitutis Heliado atque Papo coepiscopis percensuimus, et vel sero receptæ pacis gratiam refovere postposita omni contemplatione pervidimus. Unde has ad præstantissimum fratrem, et coepiscopum nostrum Alexandrum reddendas tuæ transmisi-mus unanimitati, videlicet, ut si omnes inimici-tiæ, omnis æmulatio, tam de nomine sancti Joannis Mirandi episcopi, quam de omnibus ejusdem communis participibus a tua animositate discessit, has nostræ societatis recipias litteras, frater charissime, modo ut omnia, quæ his actis firmata sunt, apud mediatorem nostrum amabilem Alexandrum ore proprio, ut communicantem, convenit, fatearis; ut enim nobis hæc unanimi-tatis charitatisque causa venerabilis est, sic inhæret sollicita, ne quid obliquum, aut succisivum esse in quoquam residere cognoscatur.

Item epistola Innocenti papæ ad Laurentium Symensem episcopum.

1. De Bonosiaci quod Judæis sint comparandi.

2. De suscipiendis clericis quos Bonosus antequam damnaretur ordinasse cognoscitur.

CAP. I. INNOCENTIUS LAURENTIO, episcopo Symensi. Diu mirati sumus dilectionis tuæ litteris lectis hæreticos Fotini, venena sectantes, in territorio dilectionis tuæ non solum esse, sed publice sibi conventicula in aliquorum possessionibus præparare, cum de toto pene orbe nusquam tam multi quam apud vos delegerint habitare. Quorum doctrinæ nefariæ auctor, Marcus dudum de urbe pulsus temeritatis tanta ductus est audacia, ut primum sibi inter eos vindicaret locum. Sed ne ulterius debacchandi habeant facultatem, et animas simplicium ac rusticanorum secum in gehennam, cui destinati sunt, trahant, actum est adversus eos a defensoribus Ecclesiæ nostræ, quo eos possint expellere, ut qui Christum Deum ex Patris substantia ante sæcula negant genitum, hi cum Judæis, qui ejus deitatem negaverunt et nunc usque negant, participium habeant damnationis. Tuum est, frater charissime, quæ præcepta sunt non segnius agere, ne plebem tibi creditam dissimulatione perdas et incipias Deo de perditis red-dere rationem.

D II. INNOCENTIUS MARTIANO, episcopo Naifitano. Superiori tempore, si tamen recte recorder, meminime tam ad dilectionem tuam quam ad fratres coepiscopos nostros Rufum, et cæteros hujusmodi litteras de clericis Naifensibus transmisisse, his videlicet quæ se ante damnationem Bonosi asserebant ab eodem tam presbyteros quam diaconos ordinatos, ut si, relicto atque damnato ejus errore, vellent Ecclesiæ copulari, libenter reciperentur, ne forte qui essent digni recuperandæ salutis in eodem errore deperirent. Verum nunc in Ravennati urbe mihi constituto propter Romani populi necessitates

creberrimas Germanus, qui asserit se esse presbyterum, atque Lupentinus qui se diaconum dicit, multorum talium, quasi legatione suscepta, prece fusa dolores proprios exprimere gestiverunt, asserentes siquidem Ecclesias in dilectionis tuæ constitutas parochiis retinere, scilicet tuam communionem non potuisse mereri; videlicet ea ratione, quia Rusticius quidem nomine iterata ordinatione presbyterium suscepisset, et non levi impedimento sit, dum aut illi dolent homini hominem in ecclesia retinere, aut ille si peccare debere in alios arbitretur, quemadmodum in se agnoscit esse peccatum. Et quamvis de eadem re plenius litteræ meæ contineant, quas superius memoravi, tamen nunc etiam admonendam duximus fraternitatem tuam, ut si vere constat aliquos ante damnationem Bonosi ab ecclesia ordinatos, postea voluisse vel nunc velle reverti, eos recipiendos esse censemus, maxime cum memorati asserant se intantum anteriori tempore ordinatos ut sanctæ recordationis virum Cornelium episcopum Syrimensis urbis, necnon et fratrem nostrum Nicetam aliosque nonnullos fuisse præsentem, cum honoribus quos se habere commemorant auferentur. Unde, frater charissime, si eorum assertio fidem recipit veri, suscipiendos esse ambigere non debes, quos tandiu Ecclesias sibi creditas passus est retinere.

*Item epistola ejusdem ad episcopos Macedoniae.*

1. Ut si sacerdos, vel quilibet ex clero, viduam uxorem duxerit, vel ejectam, suum perdat officium.

2. Ut si quis catechumenus habuerit uxorem, et defuncta ea post baptismum acceperit alteram, clericus esse non possit.

3. Quod non admittantur clerici ab hæreticis ordinati.

176 4. Quod, in ordinationibus crimina vel vitia, non bene credantur auferri.

5. Quod hi, qui a Bonoso hæretico ordinati sunt, propterea sint recepti, ne scandalum remaneret Ecclesiae.

6. Quod in Ecclesia peccatum populi multum soleat remanere.

7. Quod subreptum fuerit apostolicæ sedi, et suam in melius sententiam commutarit quando damnationem Fotini rescidit.

INNOCENTIUS RUFO ET EUSEBIO, et cæteris episcopis Macedonibus, et diaconis, in Domino salutem.

Magna me gratulatio habuit cum, post discrimina totius (ut ita dixerim) mundi, Vitalis archidiaconus vestrarum portitor litterarum ex illis partibus ad nos usque directus advenit. Quem cum vidissemus, illico ut oportebat, percunctati de vestro statu sumus. Verum, ubi reperimus vos ex sententia degere, Deo nostro uberes gratias retulimus, quod vos famulos suos suis altaribus servientes, et in adversis tueretur, et in prosperis gubernare dignatur. Qui cum tradidisset epistolam, eas præcepi illico recenseri, in quibus multa posita esse prævidi, quæ stuporem

mentibus nostris indicere, facerentque nos non modicum dubitare utrum aliter putaremus an ita illa essent posita quemadmodum personabant. Quæ cum sæpius repeti fecissem, adverti sedi apostolicæ fieri injuriam, ad quam relatio quasi ad caput Ecclesiarum missa currebat, cujus adhuc in ambiguum sententia duceretur. Unde de quibus jamdudum scripsisse me memini, nunc iterare formam augmentis evidentiore gemma percunctatio vestra compellit.

CAN. I. Eos qui viduas accepisse suggerunt uxores non solum clericos effectos agnovi, verum etiam usque ad infulas summi sacerdotii pervenisse, quod contra legis esse præcepta nullus ignorat. Nam cum Moyses legislator clamitet: Sacerdos uxorem virginem accipiet; ac ne in hoc præcepto aliquid putaretur antiquum addidit non viduam, neque ejectam (*Ezech. XLIV, 32*). » Contra quod præceptum divina auctoritate subnixum nulla defensio mandati alterius opponitur, nisi consuetudo vestra, quæ, ut ipsi fateamini, ex ignorantia (ut verecundius dicam), non ex apostolica traditione et ratione integra, statuta est. Nos autem omnes qui per Orientem Occidentemque Ecclesias regimus, noverit vestra dilectio hæc penitus non admittere, nec ad ultimum ecclesiastici ordinis locum tales assumere, et, si reperti fuerint, submovere.

II. Deinde ponitur non dici oportere digamum eum qui catechumenus habuerit atque amiserit uxorem, si post baptismum fuerit aliam sortitus, eamque primam videri quæ novo homini copulata sit, quia illud conjugium post baptismi sacramentum cum cæteris criminibus sit ablutum. Quod cum de una utique dicitur, certe si tres habuerit in vetere positus homine, uxor erit ejus quæ post baptismum quarta est, sic interpretantibus prima: virginis æque nomen accipiat quæ quarto ducta est loco. Quis, oro, istud non videat contra Apostoli esse præceptum, qui ait: « Unius uxoris virum opus fieri sacerdotem? (*Tit. I, 6*). » Sed objicitur quod in baptismo totum quidquid in vetere homine gestum est sit lotum. Dicite mihi, cum pace vestra loquor, crimina tantum dimittuntur in baptismo, an et alia quæ secundum Domini præcepta, ac Dei instituta complentur? uxorem ducere crimen est, annon esse crimen? Si crimen est, ergo (præfata venia dixerim) erit auctor in culpa qui, ut crimina committerentur in paradiso, cum ipse eos jungeret, benedixit. Si vero non est crimen, quia quod Deus junxit nefas sit crimen appellari, et Salomon addidit: « etenim a Deo præparatur viro uxor (*Prov. XIX, 14*). » Quomodo credit inter crimina esse dimissum quod auctore Deo legitur consummatum? quid de talium filiis percensetur? Nunquid non erunt admittendi in hæreditatis consortio, quia ex ea suscepti sunt quæ ante baptismum fuit uxor? Eruntque appellandi, scilicet naturales, vel spurii, quia non esse legitimum matrimonium, nisi illud, ut vobis videtur, quod post baptismum assumitur. Ipse Dominus cum interrogaretur a Judeis, si liceret dimittere uxorem (*Matth.*



xix, 3), atque exponeret fieri non debere, addidit: « Quod ergo Deus junxit, homo non separet (*Matth.* xix, 6). » Ac ne de his locutus esse credatur, quæ post baptismum sortiuntur, meminerint hoc et a Judæis interrogatum, et Judæis esse responsum. Quæro, et sollicitus quæro, si una eademque sit uxor ejus qui ante catechumenus susceperit, postea sit fidelis, filiosque ex ea cum esset catechumenus susceperit, ac postea alios cum fidelis, utrum sint appellandi fratres, an non habeant postea defuncto patre heriscundæ hæreditatis consortium, quibus filiorum nomen regeneratio spiritualis creditur abstulisse? Quod cum ita sentire atque judicare absurdum est, quæ ratio est hoc malum defendi, et vacua magis opinione jactari quam aliqua auctoritate roborari, cum non possit inter peccata deputari quod lex præcepit, et Deus junxit, et lex junxit? Nunquid si quis catechumenus virtutibus studuerit, humilitatem secutus fuerit, patientiam tenuerit, eleemosynas fecerit, morti destinatos qualibet ratione eripuerit, adulteria exhorruerit, castitatem tenuerit, quæro, si hæc, cum fuerit factus fidelis, amittit, quia per baptismum totum quod vetus homo gesserat, putatur auferri? Aspicimus gentilem hominem Cornelium orationibus atque eleemosynis per revelationem angelum Petrumque ipsum vidisse. Nunquid per baptismum hæc illi ablata sunt propter quæ ei baptismus videtur concessus? Si ita creditur, mihi credite. Non modicum erratur, quia quidquid bene gestum fuerit, et secundum præcepta legalia custoditum, non potest facientibus deperire. Nuptiarum ergo copula, quia Dei mandato perlicitur, non potest dici peccatum, et si peccatum non est, quia solvi inter peccata omnino non debet, eritque integrum æstimare aboleri non posse prioris nomen uxoris, cum non dimissum sit pro peccato, quia ex Dei sit voluntate completum.

III. Ventum est ad tertiam quætionem, quæ pro sui difficultate longiorem exigit disputationem, cum nos dicamus ab hæreticis ordinatos, vulnere per illam manus impositionem habere caput. Ubi vulnus infixum est, medicina est adhibenda, quæ possit recipere sanitatem. Quæ sanitas post vulnus secuta sine cicatrice esse non poterit, atque ubi pœnitentiæ remedium necessarium est, illic ordinationis honorem locum non posse habere. Nam sicut legitur « quod tetigerit immundus immundum erit (*Num.* xix, 22), » quod ei tribuetur, quomodo munditia ac puritas consuevit accipere? Sed e contrario asseritur eum, qui honorem amisit, honorem dare non posse, nec illum aliquid accepisse, quia nihil in dante erat, quod ille posset accipere. Acquiescimus, et verum est: certe qui non habuit dare non potuit. Damnationem utique quam habuit, per pravam manus impositionem dedit, et qui particeps effectus est damnato, quomodo debeat honorem accipere, invenire non possum.

IV. At dicitur vera ac justa legitimi sacerdotis benedictio auferre omne vitium quod a vitioso fuerat injectum. Ergo si ita est, applicentur ad ordines sacrilegi, adulteri, atque omnium criminum rei,

A qui a benedictione ordinationis crimina, vel vitia putantur auferri, nullus sit pœnitentiæ locus, quia id potest præstare ordinatio quod longa satisfactio præstare consuevit. Sed nostræ lex Ecclesiæ est venientibus ab hæreticis qui tamen illic baptizati sunt per manus impositionem laicam tantum tribuere communionem, nec ex his aliquem in clericatus honorem, vel exiguum, subrogare.

V. At vero hi qui a catholica fide ad hæresim transierunt, quos non aliter oportet, nisi pœnitentia suscipi, apud vos non solum pœnitentiam non agunt, verum etiam honore cumulantur. Sed Anisii quondam fratris nostri aliorumque sacerdotum summa deliberatio hæc fuit, ut quos Bonosus ordinaverat, ne cum eodem remanerent, ac fieret non mediocre scandalum, ordinati remanerent. Vicinus (ut opinor) ambigua. Jam ergo quod pro remedio ac necessitate temporis statutum est constat primitus non fuisse, ac fuisse regulas veteres, quas ab apostolis, vel apostolicis viris traditas Ecclesia Romana custodit, custodiendasque mandat his qui eam audire censuerunt. Sed necessitas temporis id fieri magnopere postulabat. Ergo quod necessitas pro remedio reperit cessante necessitate, debet utique cessare pariter quod urgebat, quia alius est ordo legitimus, alia est usurpatio quam ad præsens tempus fieri impellit. Sed canones apud Nicæam constituti de Novatianis fieri permiserunt. Prius ille canon a Patribus institutus ponendus est, ut possimus advertere, vel quid, vel qualiter ab eisdem sensum sit illud præceptum. De his, inquit, qui nominant seipsos catharos, id est mundos, et aliquando veniunt ad catholicam Ecclesiam, placuit sanctæ et magnæ synodo, ut, accepta manus impositione, sic maneat in clero. Possimus vero dicere de solis his Novatianis esse præceptum, nec ad aliarum hæresum clericos pertinere. Nam si utique de omnibus ita definirent, addidissent a Novatianis aliisque hæreticis revertentes debere in suum ordinem recipi. Quod si ita esset, etiam illud maxime, quod de Paulianistis dictum est, poterit confirmari, a quibus venientes etiam baptizari præcipiuntur. Nunquidnam cum de Paulianistis jubent omnes qui ab hæreticis revertuntur, erunt hoc exemplo baptizandi? Quod cum nullus audeat facere, de ipsis tantum esse præceptum ratio ipsa demonstrat. Denique baptizatos rite ab evangelista Philippo, Petrus, et Joannes sola manus impositione consummant. Illos vero quos apostolus Paulus Joannis baptismo baptizatos repererat interrogavit « an Spiritum sanctum accepissent, » respondentibusque « se ne illud quidem nomen audisse, jussit eos baptizari (*Act.* xix, 2-6). » Videtis ergo recte baptizatos illo dono iterare non posse, et aliter sola aqua lotos baptizari in nomine Patris, et Filii, et Spiritus sancti, necessarium provideri. Ita et de Novatianis tantum jussum esse lucida manifestatione perlegitur. Quod idcirco distinctum esse ipsis duabus hæresibus ratio manifesta declarat, quia Paulianistæ in nomine Patris, et Filii, et Spiritus sancti, mi

nime baptizant, nec apud istos de unitate potestatis divinæ, hoc est, Patris, Filii, et Spiritus sancti, quæstio aliquando commota est. Et ideo omnibus segregatis hæc sola electa est, cui istud crederet concedendum, quia nihil in Patris, et Filii, et Spiritus sancti sacramento peccaret. Si quis vero de fide catholica ad hæresim transiens, aut fidelis ab apostasia revertens, et resipiscens redire voluerit, nunquid eadem ratione poterit ad clerum admitti, cujus commissum nonnisi per longam pœnitentiam poterit aboleri? Nec post pœnitentiam clericum fieri ipsi canones sua auctoritate permittunt? Unde constat qui de catholica ad Bonosum transierunt damnatum, atque passi sunt, aut cupierunt ab eodem ordinari, non oportuisse ordinationis ecclesiasticæ suscipere dignitatem, qui communione omnium Ecclesiarum iudicium deserentes, suam spiritualiter in Bonoso unitatem sequendam esse duxerunt. Sed multos constat vim passos atque invitos attractos repugnantesque ab eodem ordinatos. Dicat mihi, volo, quisquis hoc credit, si non post ordinationem Bonosi interfuit, cum conficeret sacramenta, si communicationi ejus participatus non est, si statim discedens de ejus pessimo conciliabulo ad Ecclesiam rediit, iste talis potest habere colorem aliquem excusationis. Cæterum qui post annum aut mensem ad Ecclesiam redierunt, intelligimus eosque qui in catholicam noverant se propter vitia sua non posse suscipere ordinationem, idcirco ad illum perrexisse qui passim, et sine ulla discussione ordinationes illicitas faciebat, credentes se posse per istam institutionem locum in Ecclesia catholica recipere, de qua antea desperarant. Nunc illud quod superest, rogo, qui post mensem, aut eo amplius rediit, cum se presbyterum a Bonoso confideret ordinatum, si non sacramenta confecit, si non populis tribuit, si non missas secundum consuetudinem complevit, quid de his censeatis, quæso, prematis apertius. Ad summam certe qui nihil a Boroso acceperunt rei sunt usurpatae dignitatis, qui efficiendorum sacrorum sibi vindicaverunt auctoritatem, atque ad se putaverunt esse quod de his nulla fuerat regulari ratione concessum.

**177** VI. Pervi leat ergo dñe tio vestra hactenus talia transisse, et advertite quod utique, ut dicitis, necessitas imperavi in pacem ecclesias constitutas non præsumere, sed, ut sape accidit, quoties a populis, aut a turba peccatur, quia in omnes propter multitudinem non potest vindicari, multum soleat transire. Priora ergo dimitienda dico Dei iudicio, et de reliquo maxima sollicitudine præcavendum.

VII. Veram nunc ad maximum quasi ad quoddam thema contum, et quod mihi anxium est ac difficile, majorum revolvam sententias. Fuerat de illo quoque pacto, ut etiam ipsi commemorativis, aliud utique gravius constitutum. Verum quoniam id per rumorem falsum, ut asseritis, subreptum huic sedi, et elicium per insidias demonstratis, quia res ad salutem rediit, veniam nos hanc intantum vobis

annitentibus post condemnationem more apostolico subrogamus, tantisque vestris assertionibus vobisque tam bonis, tam charis non dare consensum, omnibus durius rebus arbitramur. Pro vestra ergo approbatione, fratres charissimi, et sententia, ac postulatione episcopum Fotinum Habetote. Licitum est ita constituere, ut deprecamini, et nostram in melius conversam sententiam labore, vel testimonio nostro compotem verbis suscipite. Æque Eustachium a me sæpissime comprobatum nolite expectare ut diaconi gratia spoliatur. Sollicitos enim vos pro salute libenter audio, contra caput etiam se faciendum est non libenter admitto. Cui manum porrigitis, vobiscum porrigo. Cui porrigo, mecum porrigite. Hæc enim ad Corinthios apostolica est declarata benignitas, ut in uno spiritu ductam ac reductam sententiam boni semper indifferenter sequantur (II Cor. iv, 13). Nam, fateor, hæc me primum res bene habet erga Eustachium diaconum, quod nec contra fidem quidquam locutus sit, nec loquentem admitteret, nec ad mortem crimen aliquod commississe, vel jactatum unquam vel fictum cognoverim. Et quia in his salvus est, si quo pacto conversationes amabiles non habet, habendus est, ut minus pro tempore dilectus, non ut inimicus æstimatus, diabolo in perpetuo mancipandus. Cognosco illum inter illas similitudines ac turbines contra multorum studia, non dico qualia, diversa sensisse, et cum hinc res ac calamitates ipsæ emendatæ sint, adhuc Dizoniani et Siriaci subdiaconorum non potuisse apud vos emendationem reviviscere. Compescite, quæso, ab illo prædictisque quorumcunque videtis animos, ane non justas æmulationes, ut ipse apud nos integer, apud vos cum suis reparatus mereatur pacem non fictam, providens charitatem. Omnibus igitur vobis, ac sigillatim occurrat charitas, et vinculis quæ nullis modis a Christo solvuntur, vobiscum pariter in perpetuum connexa lætetur in Domino.

*Ad synodum in Tolosana civitate constitutam.*

1. De Hispanorum reprehensione qui inordinate constituunt clericos.

2. Ut causidici, vel curiales, vel sæculari militiæ dediti, ad clerum non admittantur.

3. Ut quicumque tales ordinati fuerint cum ordinatoribus suis deponantur

4. De commemoratione Nicæni concilii, in quo supradicta prohibentur.

5. Quales eligendi sunt in ordine clericorum.

6. De eo qui ante baptismum uxorem habuit, et post baptismum aliam, clericus non fiat.

CAP. I. INNOCENTIUS universis episcopis, in Tolosana synodo constitutis, dulcissimis fratribus, in Domino salutem. Sæpe me et nimium cum teneret cura sollicitum super dissensionis schismata Ecclesiarum, quod malum per Hispanias latius in dies separationis gradu incedere fama proloquitur, necessarium tempus emerit quo non possit emendatio tanta differri, et deberet congrua medicina provideri. Nam de ordinationibus quas prave consuetu-



linis vitio Hispanienses episcopos celebrare cognoscimus; fuerat aliquid secundum majorum traditionem statuendum, nisi perpenderemus ne perturbationes quam plurimas Ecclesiis moveremus. Quorum factum ita reprehendimus, ut propter numerum eorrigendorum, ea quæ quoquo facta sunt non in dubium vocemus, sed Dei potius dimittamus iudicio.

II. Quantos enim ex eis, qui post acceptam baptismi gratiam in forensi exercitatione versati sunt, et obtinendi pertinaciam susceperunt, ascitos ad sacerdotium esse comperimus! Ex quorum numero Rufinus et Gregorius perhibentur. Quantos ex militia qui cum potestatibus obedierint severa necessario præcepta sunt exsecuti, quantos ex curialibus qui dum parent potestatibus quæ sibi sunt imperata fecerunt! Quantos qui voluptates et editiones populo celebrarunt, ad honorem summi sacerdotii pervenisse! Quorum omnium neminem ne ad societatem quidem ordinis clericorum oportuerat pervenisse. Quæ si singula discutienda mandemus, non modicos motus, aut scandala Hispaniensibus provinciis, quibus mederi cupimus, de studio emendationis indicemus; idcirco remittenda potius hæc putamus. Sed ne deinceps similia committantur, dilectionis vestræ maturitas providere debet, ut tantæ usurpationi saltem nunc finis necessarius imponatur, eo videlicet constituto, ut quicumque tales ordinati fuerint cum ordinatoribus suis deponantur.

III. Post hæc si quis adversus formas canonum, vel ad ecclesiasticum ordinem, vel ad ipsum sacerdotium venire tentaverit, una cum ordinatoribus suis ipso in quo inventi fuerint ordine et honore privetur. Et quamvis dilectioni vestræ, fratres charissimi, regulæ Nicænæ sint cognitæ, secundum quos ordines esse faciendos decernentes, tamen aliquam partem quæ de ordinationibus est provisâ inserendam putavi, ut secundum eam ordinationes in posterum celebrandas esse sciamus, nec interpretandi aliter liberum arbitrium relinquatur. Hæc primum quæ sunt prohibita digerantur.

IV. Ne quispiam qui post baptismum militaverit, ad ordinem debeat clericatus admitti, neque qui causas post acceptum baptismum egerint, aut qui post acceptam Dei gratiam administraverint; neque de curialibus aliquem ad ecclesiasticum ordinem venire posse, qui post baptismum vel coronati fuerint, vel sacerdotium quod dicitur, sustinuerint, et editiones publicas celebraverint. Nam et hoc de carnalibus est cavendum, ne iidem, qui ex curialibus fuerint, aliquando a suis curiis, quod frequenter videmus accidere, poscantur. Quæ omnia rationaliter prohibita oportet modis omnibus custodiri.

V. Quales vero eligendi sunt in ordine clericorum evidens forma declarat, id est, qui ab ineunte ætate baptizati fuerint, et lectorum officio sociati, vel si majores sunt, cum fuerint Dei gratiam consecuti, si statim se ecclesiasticis ordinibus manciperint. Et si uxores habuerint, quærendum si uxorem virgi-

nem habuerint, quia scriptum in Veteri Testamento: «Uxorem virginem accipiat sacerdos;» et alibi: «Sacerdotes mei semel nubant.» Neque qui duas uxores habuerint, quia Paulus apostolus ait, «unius uxoris virum» (Tit. 1, 6).

VI. Nec illud debere admitti quod aliquanti pro defensione prævi erroris opponunt et asserunt quod ante baptismum omnia dimittuntur, non intelligentes huiusmodi quod sola in baptismo peccata dimittuntur, nec uxoris numerus aboletur. Nam si a Deo, ut scriptum est «præparatur viro uxor (Prov. xix, 14),» et «quod Deus junxit, homo non separet (Math. xix, 6),» et ipsi auctores generis humani in origine a Deo benedicuntur, quomodo inter perfecta ista creduntur posse dimitti? Quod si secundum illos qui ita credunt, verum est, ergo omnis iustitia qua a catechumini ante baptismum fuerit operata, per baptismum aufertur. Nullus ergo contra apostolos tale aliquid sentiat, nec admittat, sed fideliter intelligat «unius uxoris virum,» sive ante baptismum esse nominatum, sive post baptismum. Si enim uxor ante baptismum accepta non ducitur in numerum, nec filii ex eadem suscepti inter filios debent communicari. Quod quam absurdum sit atque alienum prudentia vestra melius æstimabit. Unde neminem liceat interpretari aliter divinas Scripturas, nisi quod recta ratio permittit, ne dum quidam remedia sibi iniuncta ad excusationem præparant, ex eo rupisse legem, et regulas evertisse iudicentur, sed ea tenenda sunt quæ divinarum Scripturarum series continet, et a sacerdotibus utili ratione sunt constituta. Bene valeatis, fratres charissimi

*Epistola concilii Carthaginensis ad sanctum Innocentium Papam.*

Domino beatissimo et honoratissimo fratri, INNOCENTIO papæ, Aurelius, Numidius, Rusticianus, Fidentius, Evagrius, Antonius, Palatinus Adeodatus, Vincentius, Publianus, Theasius, Tutus, Pannonius, Victor, Restitutus, alius Restitutus, Rusticus, Fortunatianus, Ampelius, Avinius, Felix, Donatianus Adeodatus, Octavius, Serotinus, Majorinus, Porturianus, Crispolis, Victor, alius Victor, Leutius, Marinus, Fructuosus, Faustinianus, Quodvultdeus, Candorius, Maximus, Magarius, Rusticus, Rufinianus, Proculus, Thomas, Januarius, Octavianus, Prætextatus, Sixtus, Quodvultdeus, Pentadius, Cyprianus, Servilius, Pelagius, Marcellus, Venantius, Dydimus, Saturninus, Bazecenus, Germanianus, Germamenus, Juventius, Majorinus, Juventius, Candidus, Cyprianus, et Emilianus Romanus, Africanus, et Marcellinus, qui in consilio Ecclesiæ Cathaginensis affuimus.

Cum ex more ad Carthaginensem Ecclesiam solemnitè veniremus, atque ex diversis causis congregata ex nobis synodus haberetur, compresbyter noster Orosius nobis litteras sanctorum fratrum et consacerdotum nostrorum dedit Averothis et Lazari, quarum formam his constituimus esse subdendam. His ergo lectis, Pelagium et Cœlestium auctores

nefarii prorsus et anathematizandi ab omnibus nobis erroris advertimus. Unde factum est ut recensendum peteremus quid ante quinquennium super Cœlestii nomine hic apud Ecclesiam Carthaginensem fuerit exagitatum. Quo recitato, sicut ex subditis advertere poterit sanctitas tua, quamvis judicio manifesta constaret quia in illo tempore episcopali judicio excisum hoc tantum vulnus ab Ecclesia videretur, nihilominus tamen id comuni deliberatione censuimus, ut hujusmodi persuasionis auctores, quamvis et ad presbyterium idem Cœlestius postea pervenisse dicatur, nisi hi apertissime anathematizaverint, ipsos quoque anathematizari oportet, ut si ipsorum non potuerit, saltem eorum qui decepti sunt ab eis, vel decipi possunt, cognita sententia quæ in eos lata est, sanitas procuretur. Hoc itaque gestum, domine frater, sanctæ charitati tuæ intimandum duximus, ut statutis nostræ mediocritatis etiam apostolicæ sedis adhibeatur auctoritas pro tuenda salute multorum, et quorundam etiam perversitate corrigenda. Id enim agunt isti damnabilibus disputationibus suis ut non defendendo, sed potius in sacrilegam superbiam extollendo liberum arbitrium nullum relinquunt locum gratiæ Dei qua Christiani sumus. Qua et idipsum nostræ voluntatis arbitrium vere fit liberum, dum a carnalium concupiscentiarum damnatione liberatur, dicente Domino : « Si vos filius liberaverit, tunc vere liberi eritis (*Joan. viii, 36*). » Quod auxilium fides impetrat, quæ est in Christo Jesu Domino nostro. Isti autem asserunt (sicut a fratribus qui eorum libros legerint cognovimus) in eo Dei gratiam putandam, quod talem hominis instituit creavitque naturam, quæ per propriam voluntatem legem Dei possit implere sive naturaliter in corde conscriptam, sive in litteris datam, eandem quoque legem ad gratiam pertinere, quod illam Deus in adjutorium hominibus dedit. Illam vero gratiam qua, ut dictum est, Christiani sumus, cujus Apostolus prædicator est, dicens : « Condelector enim legi Dei secundum interiorem hominem; video autem aliam legem in membris meis, repugnantem legi mentis meæ, et captivantem me in lege peccati, quæ est in membris meis : miser ego homo, quis me liberabit de corpore mortis hujus? gratia Dei per Jesum Christum Dominum nostrum (*Rom. vii, 22-25*), nolunt omnes cognoscere omnino, nec aperte quidem oppugnare audent. Sed quid aliud agunt cum hominibus animalibus non percipientibus quæ sunt Spiritus Dei, persuadere non cessant ad operandam perficiendamque justitiam et Dei mandata complenda solam sibi humanam sufficere posse naturam, non attendentes quod scriptum est : « Spiritus adjuvat infirmitatem nostram (*Rom. viii, 25*); » et : « Non volentis neque currentis, sed miserentis est Dei gratia (*Rom. ix, 16*); » et : « Quod unum corpus sumus in Christo Jesu, singuli aut alter alterius membra habentes (*Rom. xii, 5*). » Dona diversa, secundum gratiam quæ data est nobis

(*II Cor. xii, 10*); » et : « Gratia Dei sum et quod sum, et gratia ejus in me vacua non fuit, sed plus omnibus illis laboravi, non ego autem, sed gratia Dei mecum (*I Cor. xv, 10*); » et : « Gratias ago Deo qui dedit nobis victoriam per Dominum nostrum Jesum Christum (*I Cor. xv, 57*), » « quia idonei non sumus aliquid cogitare quasi ex nobismetipsis, sed sufficientia nostra ex Deo se (*II Cor. iii, 5*); » et : « Habemus thesaurum istum in vasis fictilibus, ut eminentia sit virtutis Dei et non ex nobis (*II Cor. iv, 7*), » et innumerable quæ de Scripturis omnibus si colligere volumus tomus non sufficit. Et veremur ne apud te tempora ista commemorando quæ majore gratia de sede apostolica prædicas inconvenienter facere videamur, sed ideo facimus, quia in eo quod infirmiores sumus quaquaversus quisque nostrum verbum Dei prædicando putatur attentior, crebrius eos patimur in nos audacius insurgentes. Si ergo Pelagius episcopalibus gestis quæ in oriente confecta dicuntur omnia tuæ venerationi juste visus fuerit absolutus, error tamen ipse et impietas quæ jam multos assertores habent per diversa dispersos, etiam apostolicæ sedis auctoritate anathematizanda est. Consideret enim sanctitas tua, et pastoralibus nobis compatiatur visceribus, quam sit pestiferum et exitiale ovibus Christi quod istorum sacrilegas disputationes necessario sequitur, ut nec orare debeamus, ne intremus in tentationem, quod Dominus discipulos monuit, et posuit in oratione (*Matth. vi, 13*) quam docuit, ut non deficiat fides nostra, quod pro apostolo Petro se rogasse ipse testatus est (*Luc. xxii, 32*). Si enim possibilitate naturæ, et arbitrio voluntatis in potestate sunt constituta, quis non ea videat inaniter a Domino peti, et fallaciter orari cum orando poscuntur quæ naturæ jam ita conditæ sufficientibus viribus obtinentur, nec debuisset dicere Dominum Jesum Christum : « Vigilate et orate (*Marc. xiv, 38*), » sed tantummodo : « Vigilate, ut non intretis in tentationem; » nec beatissimo Petro primo apostolorum : « Rogavi pro te; » sed, moneo te, vel impero ac percipio, ne deficiat fides tua. Contradicitur enim istorum contempione benedictionibus nostris, ut incassum supra populum dicere videamur, quidquid eis a Domino precamur, ut recte ac pie vivendo illi placeant, vel illa quæ pro fidelibus precatur Apostolus, dicens : « Flecte genua mea ad Patrem Domini nostri Jesu Christi, ex quo omnis paternitas in cœlo et in terra nominatur, ut det nobis secundum divitias gloriæ suæ virtuti corroborari per Spiritum ejus (*Ephes. iii, 14-16*). » Si ergo voluerimus benedicendo super populum dicere : Da illi virtutem, Domine, corroborari per Spiritum tuum, istorum nobis disputatio contradicit, affirmans liberum negari arbitrium, si hoc a Deo poscitur, quod in nostra potestate est, virtute enim corroborari si volumus, inquam, possumus, ea possibilitate naturæ, non misericordiæ, quam nunc accipimus, sed quam, cum crearemur, accepimus. Parvulos etiam propter salutem quæ per Salvatorem



Christum datur baptizandos negant, ac si eos mortifera doctrina in æternum necant, promittentes etiam si non baptizantur, habituros vitam æternam, nec pertinere ad eos de quibus Dominus ait : « Venit enim filius hominis quærere et salvare quod perierat (*Matth.* xviii, 11). » Quia, inquit isti, non perierant, nec est quod in eis salvetur, vel tanto pretio redimantur, quia nihil est in eis vitiatum vel tenetur sub diaboli potestate captivum, nec pro eis fusus esse sanguis in remissionem legitur peccatorum. Quamquam per baptismum Christi etiam parvulorum dicant fieri redemptionem. Libello vero suo Cœlestius in Carthaginensi Ecclesia jam confessus est. Sed multi eorum qui perhibentur esse vel fuisse discipuli, hæc mala quibus fundamenta Christianæ fidei conantur evertere, quacunque possunt astutia affirmare non cessant, unde etiam si Pelagius Cœlestiusque correcti sunt, vel ista nunquam sensisse se dicunt, et quicumque scripta contra eos prolata fuerint, sua esse negabunt, nec est quemadmodum de mendacio convincantur. Generaliter tamen quicumque dogmatizat et affirmat humanam sibi ad vincenda peccata et Dei mandata facienda sufficere posse naturam, et eo modo gratiæ Dei quæ sanctorum evidentius orationibus declaratur adversarius invenitur, et quicumque negat parvulos per baptismum Christi a perditione liberari et salutem percipere sempiternam, anathema sit. Quæcunque autem alia eis objiciantur non dubito venerationem tuam, cum gesta episcopalia perspexerit quæ in oriente eadem causa confecta dicuntur, id indicaturam, unde omnes in Dei misericordia gaudeamus. Ora pro nobis, domine beatissime papa.

*Rescriptum Innocentii papæ ad concilium Cartha-  
ginense.*

INNOCENTIUS AURELIO, et omnibus sanctis epis-  
copis, et cæteris, qui in concilio Carthaginensi affue-  
runt, Ecclesiæ dilectissimis fratribus, in Domino  
salutem.

Inquirendo de his rebus quas omni cum sollicitudine decet a sacerdotibus, maxime a vero justoque et catholico tractari concilio, antiquæ traditionis exempla servantes, et ecclesiasticæ memores disciplinæ, nostræ religionis vigorem non minus nunc in consulendo quam antea cum pronuntiaretis, vera ratione firmatis, qui ad nostrum referendum approbatis esse judicium, scientes quid apostolicæ sedi (cum omnes, hoc loco positi, ipsum sequi desideremus apostolum) debeatur, a quo ipse episcopatus et tota auctoritas hujus nominis emersit. Quem sequentes, tam mala jam damnare cavemus quam probare laudanda; vel id vero quod Patrum instituta sacerdotali custodientes, officio non censetis esse calanda. Quod illi non humana, sed divina decrevere sententia, ut quidquid, quamvis disjunctis remotisque provinciis ageretur, non prius ducerent finiendum, nisi ad ejus sedis notitiam perveniret, ut tota hujus auctoritate (jura quæ fuerit) pronun-

A

liatio firmaretur, indeque sumerent cætera Ecclesiæ  
velut de natali suo fonte aquæ cunctæ procederent,  
et per diversas totius mundi regiones puri capitis  
incorruptæ manarent, quid præcipere, quos abluere,  
quos veluti in cæno immundabili sordidatos mundis  
digna corporibus unda vitaret. Gratulor igitur, cha-  
rissimi fratres, quod per fratrem et coepiscopum no-  
strum Julium litteras ad nos destinatis, et cum  
pro illius curam geritis quibus providetis Ecclesiis  
solicitudinem vestram pro omnium utilitate monstra-  
tis; et per cunctas totius orbis Ecclesias omnibus  
una quod prosit decernendum esse deposcitis, ut  
suis constabilitæ regulis Ecclesiæ, ex hoc quod illos  
caveat, pronuntiationis juste firmata decretalibus  
petere non possit, qui perversis instructi, imo de-  
structi verborum argutiis sub imagine catholicæ  
fidei disputantes, velut pestiferum exhalantes virus,  
et ut hominum recte sentientium in deteriorem par-  
tem corda corrumpant, totam veri dogmatis quæ-  
runt evertere disciplinam. Sanandum ergo celerius,  
ne longius exsecrandus animis morbus inserpat: ut  
si medicus, cum viderit hujus terreni corporis ali-  
quem esse languorem, magnum suæ artis æstimat  
documentum, si cito quis illius interventu despera-  
tus evadat, vel cum post se putre vulnus aspexerit,  
adhibet fomenta vel cætera quibus illud possit quod  
natum fuerat vulnus obduci. Ac si id manens sanari  
non poterit, ne corpus reliquum sua tabe corrup-  
pat, ferro amputet quod nocebat, quod reliquum in-  
tegrum et servet intactum. Præcidendum ergo id  
C est quod velut puro sanoque nimium corpori vulnus  
obrepsit, ne cum tardius abstergitur in ipsis pœnæ  
visceribus hujus mali non hauriendi post sentina  
considat. Nam quid nos de his post hæc rectum  
mentibus æstimemus qui sibi se putant deberi quod  
boni sunt, nec illum considerant, cujus quotidie  
gratiam consequuntur? Sed jam isti qui tales sunt  
nullam Dei gratiam consequuntur qui sine illo tan-  
tum assequi se posse confidunt, quantum vix illi  
qui an illo postulabant, et accipiunt, promerentur.  
Quid enim tam iniquum esse potest, tam barbarum,  
tam totius religionis ignarum, tam Christianis men-  
tibus inimicum quam huic te denegare debere, quid-  
quid in quotidiana gratia consequeris, cui te ipse  
confiteris debere quod natus es? Ergo eris tibi in-  
D providendo præstantior quam potest is esse qui te  
ut esses effecit? Et cum te putes ei debere quod  
vivis, quomodo tu non putas illi debere quod non  
quotidianam ejus consequendo gratiam taliter vivis.  
Et qui nos adjutorio negas indigere divino, quasi  
ex nostra ex toto possibilitate perfectos, quomodo  
non adjutorium in nos cum tales a nobis etiam esse  
possumus, provocamus?

Qui enim adiutorium Dei negat, vellem interrogare quod dicat : nos non mereri, an illum hoc non posse præstare, an nihil esse propter quod unusquisque hoc debeat postulare? Posse hoc Deum opera ipsa testantur. Adjutorio quotidiano nos egere negare non possumus. Hoc enim seu bene vivimus,

provocamus, ut melius sanctiusque vincamus, seu prave sentientes a bonis avertimur, ut ad rectam redeamus viam, ejus auxilio plus egemus. Nunquid tam mortiferum, tam præceps videatur ad casum, tam expositum ad omnia pericula, si hoc solum nobis putantes posse sufficere quod liberum arbitrium cum nasceremur accepimus, ultra jam a Domino nihil quæramus, id est, auctoris nostri obliti, ejus potentiam, ut nos ostendamus, liberos abjuremus, quasi jam amplius quod dare possit, non habeat, qui te in tuo ortu liberum fecit, nescientes quod, nisi magnis precibus gratia in nos implorata descendat, nequaquam terrenæ labis et mundani corporis vincere conemur errores, cum pares nos ad resistendum non liberum arbitrium, sed Dei solus facere possit auxilium. Nam si ille clamat adjutorio sibi opus esse divino qui digne hoc non quæreret, si cui liberum arbitrium plus prodesset, quippe cum vir beatus et jam electus a Domino nihil egerit, tamen ita Dominum deprecatur postulans. « Adjutor meus esto, ne derelinquas me, neque despicias me, Deus salutaris meus (*Psal. xxvi, 9*). » Nos nobis liberum arbitrium, ille Dominum postulat adjutorem. Quod nati sumus, posse sufficere nobis dicimus; ille Deum, ne derelinquatur, exorat. Non, rogo, manifeste dicimus quod oremus, cum ille tantopere beatus, sicut supra diximus, vir, ne despiciatur, exoptat, illi enim necesse est, ista arguant qui illa confirmant, David enim orationis ignarus, et suæ naturæ nescius, accusetur, qui cum sciat tamen in sua natura esse adjutorem sibi Dominum et assiduum adjutorem, nec illi sufficit assiduum, sed ne aliquando illum despiciat, orationibus protinus exoptat, et per corpus omnis psalterii hoc et prædicat, et clamat. Si ergo hoc ille ita magnum scit, ut assidue diceret, ita necessarium confessus est, ut doceret, quemadmodum Pelagius Cœlestiusque, seposita omni responsione psalmodum talique abdicata doctrina suasuros se aliquibus esse confidunt nos adjutorium Dei nec debere quærere, nec egere, cum omnes sancti nihil se sine hoc agere posse testantur. Libero enim arbitrio olim ille perversus, dum suis inconsultis utitur bonis, cadens in prævaricationis profunda, demersusque nihil quemadmodum exinde surgere posset, invenit, suaque in æternum libertate deceptus, hujus ruinæ jacuisset oppressus, nisi eum post Christi per suam gratiam relevasset adventus, qui per novæ regenerationis purificationem præteritum omne vitium sui baptismatis lavaero purgavit, et ejus confirmans statum quo rectius constabiliusque procederet, tamen suam gratiam in posterum non denegavit. Nam quisquis hominem redemisset a præteritis ille peccatis, tamen sciens **179** iterum posse peccare, ad reparationem sibi, quemadmodum posset ille et post illa corrigere, multa servavit. Quotidiana præstat illa remedia, quibus nisi freti confisque nitamur, nullatenus vincere humanos poterimus errores. Necesse est enim ut quo auxiliante vicimus, eo iterum non adjuvante

A vincamur. Sed possem plura dicere, nisi vos constaret cuncta dixisse. Quisquis ergo huic assentiens videtur esse sententiæ qua dicat adjutorio nobis non opus esse divino, inimicum se catholicæ fidei et Dei beneficio profitetur ingratum. Nam nec nostra communione sunt digni quam prædicando taliter polluerunt. Sic enim sua sponte dum sequuntur illa quæ dicuntur, longius a vera religione fugerunt. Cum enim hoc totum in nostra professione consistat, quotidianisque precibus nihil agamus, nisi quemadmodum Dei misericordiam consequamur, quemadmodum ferre possumus ista jactantes? Quis, rogo, tantos illorum pectora error obæcat, ut si ipsi nullam De gratiam sentiunt, quia nec digni sunt, nec merentur, nec de aliis considerant, quod quotidie singulis gratia divina largiatur? Sunt quidem isti omnes cæcitate dignissimi, qui nec hoc sibi reliquerunt, ut se auxilio credant evocari ab erroribus posse divino. Negantes enim Dei adjutorium non aliis, sed sibi hoc penitus abstulerunt, qui evellendi sunt longius et ab Ecclesiæ procul removendi visceribus, ne diutius multa occupans insanabilis post error increseat. Si enim diu fuerint sub hac impunitate versati, necesse est multas in hac sua pravitate mentes inducant, decipiantque innocentes vel potius imprudentes qui fidem catholicam non sequuntur; putabant enim eos recte sentire, quos adhuc vident in Ecclesia perdurare. Separetur ergo a sano corpore vulnus insanum, remotoque morbi sævientis afflatu, cautius quæ sunt sincera perdurent, et grex purior ab hac mali pecoris contagione purgetur. Sit totius corporis illibata perfectio, quam vos sequi et tenere, hac in illorum pronuntiatione cognovimus et una vobiscum pari assentione servamus. Qui si tamen aliquando in se Dei adjutorium quod huc usque negaverunt provocaverint, et opus ejus sibi auxilio esse cognoverint, ut de hac labe, in qua sui cordis incurvatione corruerant liberentur, et quasi in lucem de fœda tracti caligine, remotis abdicatisque omnibus quibus totus ne verum aspiceret fœdabatur et caligabat aspectus, damnent hæc quæ huc usque senserunt, et aliquando animum rectis disputationibus commodantes ab hac aliquantulum labe correcti, veris se sanandos consiliis tribuant atque submittant. Quod si fecerint, erit in potestate pontificum istis aliquatenus subvenire, et talibus aliquam curam præstare vulneribus, quam solet lapsis cum resipuerint et Ecclesia non negare, ut a suis præceptis intra ovile Domini redigantur, ne foris præsentis et tanto præsidio a fide minutionis exclusi periculis omnibus exponantur, devorandi luporum dentibus atque vexandi, quibus obsistere hac, qua illos in se irritaverant, doctrinæ perversitate non possunt. Sed satis vestris monitis et sic satis abundantibus nostræ legis exemplis probatur esse responsum, nec quidquam superesse dicimus, quod dicamus; cum nihil prætermisum a vobis, nihil constat esse suppressum quo illi refutati et penitus cognoscantur esse convicti. Ideo a nobis testimonia nulla ponuntur, quia et his plena relatio est, et satis



constat, ut doctissimos sacerdotes cuncta dixisse, nec A  
debet credere vos aliquid quod ad causam possit suffi-  
ficere præterisse. *Et alia manu* : Bene valete, fratres.

*Epistola concilii Milevitani ad Innocentium papam.*

Domino beatissimo, meritoque venerabili, et in  
Christo venerando papæ Innocentio, Silvanus senex,  
Valentinus, Aurelius, Donatus, Restitutus, Lucia-  
nus, Alippius, Augustinus, Placentius, Severus,  
Fortunatus, Possidius, Novatus, Secundus, Mau-  
rentius Leo, Faustinianus, Cresconius, Lucius, Ho-  
noriarius, Adeodatus, Processus, Secundus, Felix,  
Asiaticus, Rufinus, Faustinus, Malchus, Lictorius,  
Fortunatus, Donatus, Pontianus, Saturnius, Cresco-  
nius, Lucius, Honorius, Servius, Therentius, Cres-  
conius, Sperantius, Quadratus, Lucillus, Sabinus,  
item Sabinus, Cresconius, Victor, Honoratus, Do-  
natus, Petrus, Præsidius, Cresconius, Lampadius,  
Delphinus ex concilio Milevitano, in Domino salutem.

Quia te Dominus gratiæ suæ præcipuo munere  
in sede apostolica talemque nostris temporibus præ-  
stitit, ut nobis potius ad culpam negligentiae valeat,  
si apud tuam venerationem quæ pro Ecclesia sunt  
suggerenda tacuerimus quam ea tu possis vel fasti-  
diosæ vel negligenter accipere magnis periculis in-  
firmorum membrorum Christi pastoralera diligenti-  
am, quæsumus, adhibere digneris. Nova quippe  
hæresis et nimium perniciofa tentat assurgere ini-  
micorum gratiæ Christi, qui nobis Dominicam etiam  
orationem impiis disputationibus conantur auferre.  
Cum enim Dominus docuerit : « Dimitte nobis debita  
nostra, sicut et nos dimittimus debitoribus nostris  
(*Matth. vi, 12*), » isti dicunt posse hominem in hac  
vita, præceptis Dei cognitis, ad tantam perfectionem  
justitiæ sine adiutorio gratiæ Salvatoris per solum  
liberæ voluntatis arbitrium pervenire, ut etiam non  
sit necessarium dicere, « Dimitte nobis debita no-  
stra. » Illud vero quod sequitur : « Ne nos inferas in  
tentationem (*Ibid.*, 13), » non ita intelligendum  
tanquam divinum adiutorium poscere debeamus, ne  
in peccatum tentati decidamus, sed hoc in nostra  
positum esse potestate, et ad hoc implendum solam  
sufficere hominis voluntatem, tanquam frustra Apo-  
stolus dixerit : « Non volentis neque currentis, sed  
misericentis est Dei (*Rom. ix, 16*); » et : « Fidelis Deus  
qui vos non permittit tentari super id quod potestis,  
sed faciet cum tentatione etiam exitum, ut possitis  
sustinere (*I Cor. x, 13*). » Frustra enim Dominus  
dixerit apostolo Petro : « Rogavi pro te, ne deficiat  
fides tua (*Luc. xxii, 32*), » et omnibus suis : « Vigi-  
late et orate, ne intretis in tentationem (*Marc. xiv,*  
*38*). » Si hoc totum est potestatis humanæ, pueros  
quoque parvulos si nullis imbuantur Christianæ gra-  
tiæ sacramentis habituros vitam æternam, nequa-  
quam Christiana præsumptione contendunt, evacuan-  
tes quod dicit Apostolus : « Per unum hominem pec-  
catum intravit in mundum, et per peccatum mors,  
et ita in omnes homines pertransiit, in quo omnes  
peccaverunt (*Rom. v, 2*); » et alio loco : « Sicut in  
Adam omnes moriuntur, sic et in Christo omnes vi-

vificabuntur (*I Cor. xv, 22*). » Ut ergo alia omitta-  
mus quæ contra Scripturas sanctas plurima disse-  
runt, hæc interim duo quibus omnino totum quod  
Christiani sumus conantur evertere, quæ fidelia  
corda sustineant : non esse rogandum Deum, ut con-  
tra peccati malum atque ad operandam justitiam sit  
noster adjutor, et non opitulari parvulis ad conse-  
quendam vitam æternam Christianæ gratiæ sacra-  
mentum. Hæc insinuantes apostolico pectori tuo non  
habemus opus multa dicere, et tantam impietatem  
exaggerare, cum procudubio te ista permoveant,  
ut ab eis corrigendis, ne latius serpent, multosque  
contaminent, vel potius interimant, dum sub nomine  
Christi a gratia Christi penitus alienant, omnino dis-  
simulare non possis. Hujus autem perniciosissimi erro-  
ris auctores esse perhibentur Pelagius et Cœlestius,  
quos quidem in Ecclesia sanari maluimus quam  
desperata salute ab Ecclesia researi, si necessitas  
ulla compellat. Quorum unus, id est Cœlestius, etiam  
ad presbyterium in Asia pervenisse dicitur, de quo  
ante paucos annos quid gestum fuerit sanctitas tua  
de Carthaginensi Ecclesia melius instruetur. Pela-  
gius vero, sicut a quibusdam fratribus nostris missæ  
loquuntur epistolæ, Hierosolymis constitutus, non-  
nullos fallere asseritur. Veruntamen multo plures  
qui ejus sensus diligentius indagare potuerunt, ad-  
versus eum pro Christi gratia, et catholicæ fidei ve-  
ritate configunt, sed præcipue sanctus filius tuus,  
frater, et compresbyter noster Hieronymus. Sed  
arbitramur, adjuvante misericordia Domini Dei nostri  
Jesu Christi, quæ te regere consulenter et  
orantem exaudire dignatur, auctoritati sanctitatis  
tuæ de claro Scripturarum lumine depromptæ facilius  
eos qui tam perversa et tam perniciofa sentiunt esse  
cessuros, ut de correctione potius eorum gratulemur  
quam contristemur interitu, domine beatissime.  
Quamlibet autem ipsi eligant certe vel alios pluri-  
mos quos possunt, si ab eis dissimuletur, suis laqueis  
implicare, cernit venerabilitas tua instanter et cele-  
riter providendum. Hæc ad sanctitatem tuam de con-  
cilio Numidiæ scripta direximus, imitantes Cartha-  
ginensem Ecclesiam et Carthaginensis provinciæ  
coepiscopos nostros quos ad sedem apostolicam,  
quam beatus illustras de hac causa scripsisse com-  
perimus. *Et alia manu* : Memor nostri in Domini gra-  
tia augearis, domine beatissime, merito venerabilis,  
et in Christo honorande, sanctissime papa.

*Rescriptum Innocentii papæ ad Milevitanum Con-  
cilium.*

INNOCENTIUS SILVANO SENI, VALENTINO, et cæteris  
qui in Milevitana synodo interfuerunt, dilectissimis  
fratribus, in Domino salutem.

Inter cæteras Ecclesiæ Romanæ curas et apo-  
stolicæ sedis occupationes quibus diversorum con-  
sulta fidei ac modica disceptatione tractamus,  
frater et coepiscopus noster Julius dilectionis  
vestræ litteras, quas ex Milevitano nostra aucto-  
ritate concilio cura fidei propensiore misistis, mi-  
hi inopinanter ingressit, Carthaginensis etiam sy-

nodi querelæ patris scripta subjungens. Nimirum exsultat Ecclesia tantam sollicitudinem commissis gregibus exhibere pastores, ut non solum neminem ex his patiantur errare, sed si quas magis ovium obscenæ delectationis herba seduxit, ac si in errore permanserint, aut segregari penitus velint, aut illicite petita vitantes dudum, custodiæ pristinæ circumspectione tutari, in utraque parte videlicet consulentes, ne vel suscipiendo tales simili cæteræ ducantur exemplo, vel spernendo redeuntés luporum morsibus videantur ingestæ. Prudens admodum et catholicæ fidei plena consultationis voluntas. Quis enim aut tolerare possit errantem, aut non recipere corrigentem? Nam ut durum arbitror conniventiam præbere peccantibus, ita impium iudico manum negare conversis. Diligenter ergo et congrue apostolici consultiis honoris arcana. Honoris, inquam, illius quem præter illa sunt extrinsecus, sollicitudo manet omnium ecclesiarum super anxiiis rebus quæ sit tenenda sententia. Antiquæ scilicet regulæ formam secuti quam toto semper ab orbe mecum nostis esse servatam, verum hæc missa facio. Neque enim hæc vestram credo latere prudentiam, qui id etiam actione firmastis, nisi scientes quod per omnes provincias de apostolico fonte petentibus responsa semper emanent: præsertim quoties fidei ratio mutilatur, arbitror omnes fratres et coepiscopos nostros, non nisi ad Petrum, id est, sui nominis et honoris, auctorem referre debere, velut nunc retulit vestra dilectio quod per totum mundum possit Ecclesiis omnibus in commune prodesse. Fiant enim necesse est cautiore, cum inventores malorum ad duplicis relationem synodi sententiæ nostræ statutis viderint ab ecclesiastica communione sejunctos. Gemino igitur bono charitas vestra fungetur, nam et canonum potiemini gratia servatorum, et beneficio vestro totus orbis tutabitur. Quis enim catholicorum cum adversariis Christi velit ulterius miscere sermonem? Quis saltem ipsam vitæ lucem communione partiri novæ hæreseos nimirum fugiantur auctores? Quid enim acerbius in Dominum fingere potuerunt, quam cum adjutoria divina cessarent, causamque quotidianæ precationis auferrent? Hoc est dicere: Cur mihi opus Deo? Merito in hos David hymnum dicit: « Ecce homines qui non posuerunt Deum adiutorem sibi (Psal. LI, 9). » Negantes ergo auxilium Dei, inquit, hominem sibi posse sufficere, nec gratia hunc egere divina, qua privatus sufficere est, diaboli laqueis irretitis occumbat, dum ad omnia vitæ perficienda mandata sola tantummodo libertate confundat. Opravissimarum mentium perversa doctrina. Advertat id tandem quod primum hominem ita libertas ista decepit, ut dum indulgentius frenis utitur

**180** ejus in prævaricationis presumptione concideret. Neque ex hac potuit erui, nisi providentia regenerationis statum pristinae libertatis Christi Domini reformasset adventus, audiat David dicentem: « Adjutorium nostrum in nomine Domini (Psal. cxxiii, 8); » et: « Adjutor meus es tu, ne derelinquas me, neque

A despicias me, Deus salutaris meus (Psal. xxvi, 9). » Quæ incassum dixerit, si tantam in ejus erat positum voluntate, quod a Domino flebili sermone poscebat. Quæ cum ita sint, cumque in omnibus divinis paginis voluntati liberæ nonnisi adjutorium Dei legamus esse nectendum, eamque nihil posse cœlestibus præsiidiis destitutam, quonam modo huic soli possibilitatem hanc pertinaciter, ut asseritis, defendentes sibimet, imo, quod est dignius, dolori communi. Nam plurimis Pelagius Cœlestiusque persuadent, multifariis equidem ad instruendum tale magisterium uti possemus exemplis, nisi sciremus et sanctitatem vestram ad plenum Scripturas omnes scire, intelligere, callere, divinas præsertim, cum vestra relatio tantis ac talibus testimoniis sit referta, ut his solis valeat præsens dogma rescindi, opusque non esse recognitis, cum his qui facile vobis occurrentia posuistis, nec audeant obviare, nec possint. Ergo Dei gratiam conantur auferre, quam necesse est, etiam instituta status pristini libertate quæramus: quippe nec alias diaboli machinas, nisi eadem possumus juvante vitare; illud vero quod eos vestra fraternitas asserit prædicare parvulos æternæ vitæ præmiis absque baptismatis gratia posse donari, perfatum est: « Nisi enim manducaverint carnem Filii hominis et biberint sanguinem ejus, non habebunt vitam in semetipsis (Joan. vi, 54). » Qui autem hanc in eis sine regeneratione defendunt, videntur mihi ipsum baptismum velle cassare, cum prædicant hos id gratiæ habere quod in eis credunt nonnisi baptismo conferendum. Si ergo nihil volunt officere, non renasci, fateantur necesse est nec regenerationis sacra fluente prodesse. Verum ut superfluum hominum prava doctrina celeri veritatis possit ratione distinguere, proclamat Dominus in Evangelio dicens: « Sinite infantes, et nolite eos prohibere venire ad me, talium est enim regnum cœlorum (Marc. x, 14). » Quare Pelagium Cœlestiumque, id est, inventores vocum novarum, quæ (sicut dixit Apostolus) ædificationis nihilum, sed magis vanissimas consueverunt parare quæstiones (I Tim. i, 4), ecclesiastica communione privari apostolici vigoris auctoritate censemus, donec resipiscant a diaboli laqueis a quo captivi tenentur secundum ipsius voluntatem, eosque interim

D Dominico ovili non recipi, quoad ipsi perversæ viæ secuti tramitem deserere voluerint. Abscindendi sunt enim qui vos conturbant, et volunt Evangelium Christi perdere. Simul autem præcipimus ut quicumque ad id pertinentia similiter defensare nituntur, et par eos vindicta constringat. « Non solum enim qui faciunt, sed etiam qui consentiunt facientibus digni sunt morte (Rom. i, 32), » quia non multum interesse arbitror inter committentis animum et consentientis favorem. Addo et amplius: plerumque dediscit errare, cui nemo consentit. Hæc igitur, fratres charissimi, in supradicta maneat fixa sententia, absint atriis Domini, carcant duntaxat custodia pastoralis, ne duarum ovium dira contagia serpant forsitan per vulgus incautum, rapacique lupo corde lætetur



intra ovile Domini, cum per tantas ovium fusas cervas dum a custodibus dissimulatur, habetur vulnus duarum. Prospiciendum est ergo ne permittendo lupum mercenarii magis quam pastores videamur esse. Jubemus sane quia Christus Dominus noster propria voce signavit, nolle se mortem morientis tantum, sed revertatur et vivat, ut si unquam ad sanum de proposito pravi dogmatis errore respuerint, damnaverintque ea quorum seipsos prævicatione damnaverunt, eis medicinam solitam, id est, receptaculum suum ab Ecclesia non negari, ne dum eos redeuntes forsitan prohibemus vere extra ovile remanentes et expectantes hostis rapidi faucibus glutiantur, quas in semetipsos spiculis malæ disputationis armarunt. Bene valete, fratres. Data sexto Kalendarum Februarii, Honorio et Constantio consulibus.

*Item existola familiaris quinque episcoporum ad Innocentium papam.*

Domino beatissimo meritoque honoratissimo fratri INNOCENTIO papæ, AURELIUS, ALIPIUS, AUGUSTINUS, ENODIUS et POSSIDIUS, in Domino salutem.

De conciliis duobus provincie Carthaginensis atque Numidiæ ad tuam sanctitatem a non parvo episcoporum numero subscriptas litteras misimus contra inimicos gratiæ Christi qui confidunt in virtute sua, et Creatori nostro quodammodo dicunt: « Tu nos creasti homines, justos autem ipsi nos fecimus. Qui naturam humanam ideo dicunt liberam, ne quaerant liberatorem, ideo salvam ut judicent superfluum Salvatorem. Tantum enim dicunt valentem, ut suis viribus semel in origine suæ creationis acceptis possint per liberum arbitrium, nihil ulterius adjuvante illius gratia qui creavit, domare et extinguere omnes cupiditates, tentationesque superare. Multi eorum insurgunt adversum nos et dicunt animæ nostræ: Non est salus illi in Deo ejus (*Psal. III, 3*). » « Familia Christi quæ dicit, quando infirmior tunc fortis sum (*II Cor. XII, 10*), » et cui dicit Dominus ejus: « Salus tua ego sum (*Psal. XXXIV, 3*), » suspensio corde cum timore et tremore adjutorium Dei etiam per charitatem tuæ venerationis expectat. Audivimus enim esse in urbe Roma, ubi ille diu vixit, nonnullos qui diversis causis ei faveant. Quidam, scilicet qui nobis talia persuasisse perhibentur, plures vero qui eum talia sentire non credunt, præsertim quia in Oriente, ubi degit, gesta ecclesiastica facta esse credendum est, nisi quibus putatur esse purgatus, ubi quidam si episcopi eum catholicum pronuntiarunt, non ob aliud factum esse credendum est, nisi quia dixit se Dei gratiam confiteri, et ita posse hominem suo labore ac voluntate juste vivere, ut ad hoc adjuvari Dei gratia non negaret. His enim auditis verbis, catholici antistites nullam aliam Dei gratiam intelligere potuerunt, nisi quam in libris Dei legere et populis Dei prædicare consueverunt, eam utique, de qua dicit Apostolus: « Non irritam facio gratiam Dei. Nam si per legem iustitia, ergo Christus gratis mortuus est (*Gal. II, 21*). » Sine dubio gratiam qua

A justificamur ab iniquitate, et qua salvamur ab infirmitate, non qua creati sumus cum propria voluntate. Nam si intellexissent illi eam episcopi illum dicere gratiam quam etiam cum impiis habemus, cum quibus homines sumus, negari vero eam, qua Christiani et filii Dei sumus, quis eum patienter catholicorum sacerdotum, non dicimus audiret, sed ante oculos suos ferret? Quapropter non culpandi sunt iudices qui ecclesiastica consuetudine gratiæ nomen audierunt, nescientes quid hujusmodi homines vel suæ doctrinæ libris, vel suorum solent auribus spargere. Non agitur de uno Pelagio, quia fortasse correctus est (quod utinam ita sit), sed de tam multis quibus loquaciter contenduntibus et infirmas atque ineruditæ animas velut conjunctas trahentibus, firmas autem B et in fide stabiles ipsa contentione fatigantibus usquequaque jam plena sunt omnia. Aut ergo a tua veneratione accersendus est Romam et diligenter, interrogandus, quam dicat gratiam, qua fateatur, si tamen jam fatetur, non ad peccandum, sed juste vivendum homines adjuvari aut hoc ipsum cum eo per litteras agendum. Et cum inventus fuerit hanc dicere quam docet ecclesiastica et apostolica veritas, tunc sine ullo scrupulo Ecclesie et sine latibulo ambiguitatis illius absolvendus est, tunc est revera de ejus purgatione gaudendum. Sive enim dixerit gratiam esse liberum arbitrium, sive gratiam esse remissionem peccatorum, sive gratiam esse legis præceptum, nihil eorum dicit quod per ministrationem Spiritus sancti pertinet ad concupiscentiam tentationesque vincendas quem C ditissime effudit super nos, qui ascendit in cælum et captivavit captivitatem deditque dona hominibus (*Ephes. IV, 8*). Hinc enim oramus ut peccatorum tentationem superare possimus, ut Spiritus Dei (unde pignus accepimus) adjuvet infirmitatem nostram. Qui autem orat et dicit: « Ne nos inferas in tentationem (*Luc. II, 4*), » non utique id orat ut homo sit quod est natus, neque orat id quod habeat liberum arbitrium, quod jam accepit cum crearetur ipsa natura; neque orat remissionem peccatorum, quia hoc superius dicitur, « dimitte nobis debita nostra (*Matth. VI, 12*), » neque orat ut accipiat mandatum, sed plane orat ut faciat mandatum. Si enim in tentationem inductus fuerit, hoc est in tentatione defecerit, facit utique peccatum quod est contra mandatum. D Orat igitur ut non peccet, hoc est ut ne quid faciat mali quod pro Corinthiis orat Apostolus dicens: « Oramus autem ad Dominum ne quid faciatis mali (*II Cor. XIII, 6*). » Unde satis apparet quod non ad peccandum, id est, non ad malefaciendum, quamvis esse non dubitetur liberum arbitrium voluntatis, tamen ejus potestas non sufficiat, nisi adjuvetur infirmitas. Ipsa igitur oratio clarissima testificatio est: hanc ille confitetur, et eum gaudebimus sive rectum sive correctum. Distinguenda est lex et gratia; lex jubere novit, gratia juvare. Nec lex jubere, nisi esset voluntas, nec gratia juvaret, si satis esset voluntas. Jubetur ut habeatur intellectus, ubi dicitur: « Nolite esse sicut mulus et equus, quibus non est intellectus

(*Psal.* xxxi, 9), » et tamen oramus ut habeamus intellectum, ubi dicitur : « Da mihi intellectum ut discam mandata tua (*Psal.* cxviii, 73). » Jubetur ut habeamus sapientiam ubi dicitur : « Stulti, aliquando sapite (*Psal.* xciii, 8), » et tamen oratur ut sapientiam habeamus, ubi dicitur : « Si quis autem vestrum indiget sapientia, postulet a Deo qui dat omnibus affluenter, et non impropere, et dabitur ei (*Jac.* i, 5). » Jubetur ut habeamus continentiam, ubi dicitur : « Cum scirem quia nemo potest esse continens, nisi Deus det, et hoc ipsum erat sapientiæ scire cujus esset hoc donum, adi Dominum et deprecatus sum illum (*Sap.* viii, 21). » Postremo ne nimium longum sit cuncta percurrere, jubetur ut non faciamus malum, ubi dicitur : « Declina a malo (*Psal.* xxxvi, 27), » et tamen oratur ut non faciamus malum, ubi dicitur : « Oramus autem ad Dominum, ne quid faciatis mali (*II Cor.* xiii, 7). » Jubemur ut faciamus bonum, ubi dicitur : « Declina a malo et fac bonum (*Psal.* xxxvi, 27), » et tamen oratur, ut faciamus bonum, ubi dicitur : « Non cessamus pro vobis orantes et postulantes, » atque inter cætera quæ illis orat dicit, « ut ambuletis digne Deo in omne placitum, in omni opere et sermone bono (*Col.* i, 9, 10). » Sicut ergo agnoscimus voluntatem cum hæc præcipiuntur, sic et ipse agnoscat gratiam cum petuntur

Misimus reverentiæ tuæ librum quem dederunt religiosi et honesti adolescentes servi Dei, quorum etiam nomina non tacemus, nam Thimasius et Jacobus vocantur. Qui sicut audimus, et etiam nosse dignaris, ipsius Pelagii exhortatione spem quam habebant in seculo reliquerunt, et nunc continentes Deo serviunt. Qui cum errore eodem aliquando per qualemcunque operam nostram, Domino inspirante, caruissent, pertulerunt eundem librum Pelagii esse dicentes, et ut ei responderetur impendio rogaverunt. Factum est ad eosdem dum rescripta est ipsa responsio, agentes gratias rescripserunt, utrumque misimus, et cui responsum, et quod responsum est. Et ne nimium essemus onerosi, signa fecimus his locis ubi petimus inspicere non graveris, quemadmodum sibi objecta questione quod gratiam Dei negaret, ita respondit, ut eam esse non diceret, nisi naturam in qua nos condidit Deus. Si autem hunc esse suum librum negat, aut eadem in libro loca non contendimus, anathematizet illam et eam confiteatur aptissime gratiam quam doctrina Christiana demonstrat et prædicat esse propriam Christianorum quæ non est natura, sed qua salvatur. Quæ natura non auribus doctrina sonante vel aliquo adjumento visibili fovet, sicut plantatur quodammodo et irrigatur extrinsecus, sed subministratione Spiritus, et occulta misericordia sicut ille facit « qui dat incrementum Deus (*I Cor.* iii, 7). » Si enim quadam non improbanda ratione dicitur gratia Dei qua creati sumus, ut non nihil essemus, nec ita essemus aliud, aut cadaver quod non vivit, aut arbor quæ non sentit, aut pecus quod non intelligit, sed homines qui ut

essemus, et [viveremus, et sentiremus, et intelligeremus, et de hoc tantum beneficio Creatori nostro gratias agere valeamus, unde et merito gratia ista dici potest, quia non præcedentium aliquorum operum meritis, sed gratuita bonitate Dei donata est, alia est tamen qua prædestinati vocamur, justificamur, glorificamur, ut dicere possimus : **181** « Si Deus pro nobis, quis contra nos? Qui Filio suo proprio non pepercit, sed pro nobis omnibus tradidit illum (*Rom.* viii, 31 32), » de hac gratia quæstio vertebatur, quando ab his quos Pelagius graviter offendeat atque turbabat, dicebatur ei quod eam suis disputationibus oppugnaret, quibus assereret, non solum ad faciendam, verum etiam ad perficiendam mandata divina per liberum arbitrium sibi humanam sufficere naturam. Hanc apostolica doctrina gratiam non immerito isto nomine appellat qua salvamur, et justificamur ex fide Christi. De hac scriptum est : « Non irritam facio gratiam Dei, nam si per legem justitia, ergo Christus gratis mortuus est (*Gal.* ii, 21). » De hac scriptum est : « Evacuati estis a Christo, qui in lege justificamini, a gratia excidistis (*Gal.* v, 4). » De hac scriptum est : « Si autem gratia, jam non ex operibus, alioquin gratia jam non est gratia (*Rom.* ii, 6). » De hac scriptum est : « Ei autem qui non operatur, credenti autem in eum qui justificat impium, deputatur fides ejus ad justitiam; ei autem qui operatur merces non imputatur secundum gratiam, sed secundum debitum (*Rom.* iv, 4, 5), » et multa alia quæ melius potes meminisse et intelligere prudentius et illustrius prædicare. Illam vero gratiam qua creati sumus homines, etiamsi illam appellandam non immerito intelligimus, mirum est tamen, si ita appellatam in ullius legitimis propheticis, evangelicis, apostolicisque litteris legimus. Cum itaque de hac gratia, Christianis fidelibus catholicisque novissima illi objiceretur quæstio, ut eam oppugnare decerneret, quid est quod cum hoc sibi in libro suo, velut adversante persona, idem ipse objecisset, ut se respondendo purgaret, nihil aliud respondit, nisi naturam creati hominis referre gratiam Creatoris; atque se ita dicere sine peccato impleri posse justitiam per liberum arbitrium cum adjutorio divinæ gratiæ, quod Deus hoc dederit homini ipsa possibilitate naturæ? Cui merito respondetur : « Ergo evacuatum est scandalum crucis (*Gal.* v, 11), » ergo « Christus gratis mortuus est (*Gal.* ii, 21). » Non enim si non moreretur propter delicta nostra, et resurgeret propter justificationem nostram (*Rom.* iv, 25), « nec ascendisset in altum, et captivans captivitatem daret dona hominibus (*Ephes.* iv, 8), » ista naturæ possibilitas quam defendit, non esset in hominibus, an forte Dei mandatum deerrat. Et ideo Christus mortuus est? Imo etiam et hoc erat sanctum et justum et bonum, jam dictum



fuerat : Non concupisces (*Exod. xx, 17*), jam dictum fuerat : Diliges proximum tuum sicut teipsum (*Matth. xix, 19*). In quo sermone Apostolus omnem legem dicit impleri (*Gal. v, 14*), et quoniam nisi diligat Deum, nemo diligit seipsum. Ideoque Dominus in his duobus præceptis totam legem dixit prophetasque impleri (*Matth. xxii, 40*). Quæ duo præcepta jam erant hominibus divinitus data ; at æternum præmium justitiæ promissum nondum erat. Hoc ipse non dicit qui in suis litteris possint etiam in Veteri Testamento regnum cælorum esse promissum. Si ergo ad faciendam perficiendamque justitiam jam erat naturæ possibilitas per liberum arbitrium, jam erat legis Dei sanctum, justum, benignumque mandatum, jam erat promissum præmium sempiternum. Ergo Christus gratis mortuus est (*Gal. ii, 21*). Ergo neque per legem justitia, neque per naturæ possibilitatem, sed ex fide ac dono Dei per Jesum Christum Dominum nostrum unum mediatorem Dei et hominum (*I Tim. ii, 5*). Ex quo enim « per unum hominem peccatum intravit in mundum, et per peccatum mors et vita in omnes homines pertransiit, in quo omnes peccaverunt (*Rom. v, 12*), » procul dubio a corpore mortis hujus, ubi « lex alia repugnat legi mentis (*Rom. vii, 23*), » neminem liberavit aut liberat suæ possibilitatis naturæ, quæ perditâ redemptione indiget, sauciata Salvatore, sed gratia Dei per fidem unius hominis mediatoris Dei et hominum, hominis Jesu Christi qui et Deus cum esset, hominem fecit, et manens Deus, homo factus, refecit ipse quod fecit. Puto autem quod non lateat fides Christi, quæ postea in revelationem venit in occultis fuisse temporibus Patrum nostrorum, per quam tamen etiam ipsa Dei gratia liberati sunt, quicumque omnibus generis humani temporibus liberari potuerunt occulto Dei iudicio, non tamen vituperabili. Unde dicit Apostolus : « Habentes autem eundem spiritum fidei, utique eundem quem et illi secundum quod scriptum est : Credidi propter quod locutus sum, et nos credimus propter quod et loquimur (*II Cor. iv, 13*). » Inde est quod ait ipse Mediator : « Abraham concupivit videre diem meum, vidit et gavisus est (*Joan. viii, 56*). » Inde prolato sacramento Melchisedech mensæ Dominicæ novit æternum ejus sacerdotium figurare. Jam vero data in litteris lege quam dicit Apostolus subintrasse, « ut abundaret delictum (*Rom. v, 20*), » et de qua dicit : « Ex lege hæreditas, jam non ex promissione Abraham sed per repromissionem donavit Deus. » Quid igitur lex ? « transgressionis gratia posita est, donec veniret semen cui promissum est, dispositum per angelos in manu Mediatoris ; Mediator autem unius non est, Deus autem unus est. Lex ergo adversus promissa Dei ? Absit. Si enim data esset lex quæ posset justificare omnino, ex lege esset justitia, sed conclusit, Scri-

ptura dicente, omnia sub peccato, ut promissio ex fide Jesu Christi daretur credentibus (*Gal. iii, 18-22*). » Nonne satis ostendit hoc actum esse per legem, ut peccatum cognosceretur et prævaricatione augetur. Ubi enim lex non est, nec prævaricatio, et sic adversus victoriam peccati ad divinam gratiam quæ in promissionibus est confugeretur ; atque ita lex non esset adversus promissa Dei, quia ideo per illam fit cognitio peccati, et ex prævaricatione legis abundantia peccati, ut ad liberationem quærantur promissiones Dei, quod est gratia Dei, et incipiat esse in homine justitia, non sua, sed Dei, hoc est data dono Dei. Quam etiam nunc quidem sicut et tunc de Judæis dictum est : Ignorantes Dei justitiam, et suam volentes constituere, justitiæ Dei non sunt subjecti (*Rom. x, 3*). Per legem quippe et illi justificari se arbitrantur, sufficiente sibi ad eandem custodiendam libero arbitrio, hoc est justitia sua prolata ex natura humana, non donata ex gratia divina, propter quod justitia Dei dicitur. Unde scriptum est : Per legem enim cognitio peccati. Nunc autem sine lege justitia Dei manifestata est, testificata per legem et prophetas (*Rom. iii, 20, 21*). Cum dicit, manifestata est, ostendit quia et tunc erat, sed tanquam illa pluvia quam Gedeon impetravit (*Jud. vi, 37*), tunc velut in vellere occulta, nunc aut velut in area manifesta. Cum ergo lex, sine gratia, non mors peccati potuisset esse, sed virtus. Sic enim dictum est : « Aculeus mortis peccatum, virtus autem peccati lex (*I Cor. xv, 56*). » Sicut confugiant multi a facie repugnantis peccati ad gratiam velut in aream nunc patentem, ita pauci ad eam confugiebant, velut in vellere tunc latentem. Hæc vero temporum distributio refertur ad altitudinem divitiarum sapientiæ et scientiæ Dei, de qua dictum est : « Quam inscrutabilia sunt judicia ejus et investigabiles viæ ejus (*Rom. ii, 33*) ; » quapropter si ante tempus legis, et tempore ipso legis justos Patres ex fide viventes, non possibilitas naturæ infirmæ et indignæ ac vitiatæ, et sub peccato venundatæ, sed Dei gratia per fidem justificabat, et nunc eadem in apertum jam veniens revelata justificat. Anathematizet ergo Pelagius scripta sua, ubi contra eam, et si non per contumaciam, tamen ignorantiam disputat, possibilitatem defendendo naturæ, ad vincenda peccata et implenda mandata : aut si ea sua esse negat, aut scriptis suis, aut inimicis suis dicit inmissa quæ sua esse negat, anathematizet ea et damnet paterna exhortatione et auctoritate sanctimonie tuæ. Si ergo vult onerosum sibi et perniciosum, discat Ecclesiæ scandalum auferre, quod scandalum auditores et imperversum dilectores ejus usquequaque spargere non quiescunt. Si enim cognoverint eundem librum quem illius vel putant esse vel norunt episcoporum catholicorum auctoritate, et

maxime sanctitatis tuæ quam apud eum esse majoris ponderis minime dubitamus, ab eodem esse ipso anathematizatum atque damnatum, non eos ulterius æstimamus ansuros loquendo contra gratiam Dei quæ revelata est per passionem et resurrectionem Christi; nec pectora fidelia et simpliciter Christiana turbare, sed potius adjuvante misericordia Dei, certantibus nobiscum pietate et charitate flagrantibus, etiam orationibus tuis non solum ut in æternum beati, verum etiam justi et sancti sint, non in sua virtute, sed in eadem gratia confisuros. Unde et ad ipsum scriptam ab uno homine epistolam ad quem per quemdam orientalem diaconum, civem autem Hipponiensem, tanquam purgationis fieri quædam scripta transmisit, tuæ beatitudini potius credidimus dirigenda, melius judicantes et petentes ut eam ei mittere ipse digneris, sic enim eam legere potius non dedignabitur, magis in illa cum qui misit, quam qui scripsit attendens, illud vero quod dicunt posse hominem esse sine peccato, et mandata Dei facile custodire, si velit. Quamvis cum hoc per adiutorium Dei gratiæ, quæ tamen per incarnationem Unigeniti ejus revelata atque donata esse dicitur, tolerabilius dici videatur tamen quoniam merito quæri potest ubi et quando per eandem gratiam id efficiatur in nobis, ut sine illo prorsus peccato simus, utrum in hac vita quando caro concupiscit adversus spiritum, an vero in illa cum fiet sermo qui scriptus est: « Ubi est, mors, victoria tua, ubi est, mors, aculeus tuus? » (*I Cor. xv, 55.*) Aculeus enim mortis peccatum est diligentius pertractandum, propter alios quosdam qui inique senserunt atque in suis litteris memoriæ mandaverunt, etiam in hac vita esse posse hominem sine peccato, non ab initio natiuitatis suæ, sed conversione a peccatis ad justitiam, et a via reprobæ ad bonam vitam. Sic enim intellexerunt quod de Zacharia et Elisabeth scriptum est: « Anibalasse eos in omnibus justificationibus Dei sine querela (*Luc. i, 6.*) » Hoc quod dictum est sine querela, sine peccato dictum acceperunt, non quidem negantes, imo etiam quod aliis locis in litteris eorum invenitur pie confitentes adiutorium gratiæ Domini nostri non per naturalem spiritum hominis, sed per principalem Spiritum Dei. Qui parum videntur considerare ipsum Zachariam fuisse etiam sacerdotem. « Omnes autem tunc sacerdotes necesse habebant ex lege Dei primitus pro peccatis suis offerre sacrificium, deinde pro populo (*Hebr. v, 3.*) » Sicut ergo nunc per orationis sacrificium convincimur non esse sine peccato quoniam jussi sumus dicere: « Dimitte nobis debita nostra (*Matth. vi, 12.*) » Ita et tunc persacrificia victimarum animalium convincebantur sacerdotes sine peccato non esse, qui pro suis peccatis jubebantur offerre. Quod si res ita se habet, ut per gratiam Salvatoris proficiamus quidem in hac vita, deficientem cupiditate, charitate crescente, perficiamur autem in illa vita, cupiditate exstincta, charitate completa, profecto illud quod scriptum est:

A « Qui natus est ex Deo non peccat (*I Joan. v, 18.*) » Secundum illam charitatem dictum est quæ sola non peccat, ad natiuitatem quippe quæ ex Deo est, augenda et perficienda. Charitas pertinet, non ea quæ minuenda est et consumenda cupiditas. Quæ tamen quandiu est in membris nostris lege quadam sua repugnat legi mentis, sed natus ex Deo, nec obediens desideriis ejus, nec exhibens membra sua arma iniquitatis peccato potest dicere: « Jam non ego operor illud, sed id quod habitat in me peccatum (*Rom. vii, 17.*) » Sed quomodo se habeat ista quæstio, quia etsi non invenitur homo in hac vita sine peccato, id tamen dicitur posse fieri per adiutorium gratiæ et Spiritus Dei? Quod ut fiat conandum atque poscendum est. Tolerabiliter in id quisque fallitur, nec diabolica impietas, sed error humanus est, elaboranda et optanda affirmare, etiamsi quod affirmat non possit ostendere. Id enim credit fieri posse quod certe laudabile est velle. Nobis autem sufficit quod nullus in Ecclesia Dei fidelium reperitur in quolibet profectu excellenti atque justitia qui audiat dicere sibi non necessariam precationem orationis Dominicæ, « dimitte nobis debita nostra, » et dicat « se non habere peccatum, nec seipsum decipiat, et in eo veritas non sit (*I Joan. i, 8.*) » quis jam sine querela vivat? Non enim qualescunque, etiam tentationes humanæ, sed grave peccatum est quod in querela venit. Det veniam tua suavitas, si prolixior epistolam fortassis quam velles, tuæ misimus sanctitati. Non enim rivulum nostrum tuo largo fonti augendo refundimus, verum etiam noster, licet exiguus, ex eodem quo etiam tuus abundans emanat capite fluentorum, hoc aperte probare volumus tuis rescriptis de comuni participatione unius gratiæ consolari.

*Rescriptum Innocentii papæ de Pelagio heretico.*

INNOCENTIUS, AURELIO, ALIPIO, AUGUSTINO, EVODIO, PASSIDIO episcopis. Sanctæ fraternitatis vestræ litteras plenas fidei totoque religionis catholicæ vigore firmatas a vobis missas et conciliis vestris per fratrem et coepiscopum nostrum Julium pergrato suscepimus animo: quod earum tenor omnisque contextio in consideratione quotidianæ gratiæ Dei, et in eorum correctione qui contra sentiunt integra ratione consistit; et ut illis omnem tollere possit errorem, et idoneo dato quovis nostræ legis exemplo, quem sequi debeat dignum possint præbere doctorem. Sed de his, ut arbitror, jam satis supra diximus. Sed subinde contra eos subvenit, **182** et suppeditat quod dicatur, nec potest aliquando deesse quod vincat cum tam miserum impiumque sit quod nostræ virtute fidei et ipsa plenius veritate vincatur. Qui enim omnem vitæ spem respuit atque contempsit inimica damnabilique cor suum disputatione confundens, cum credit nihil esse quod a Deo accipiat, ne aliquid superesset quod petat ad sanandum, sed qui sibi hoc abstulit ulterius quid reliquit? Si ergo sunt aliqui, quos in sui defensionem perversitas tanta defixit, qui huic se dogmati dedant atque conjungant, sperantes hoc



ad catholicam pertinere doctrinam, quod abhorrens longius et penitus approbatur adversum, infecti illorum et monitis et verbis ut haberent, inducti, quatenus ad rectum vitæ tramitem redeant, festinabunt, ne diutius mentem obsidens, velut pestis eorum sensibus error invadat. Nam si Pelagius quocunque restitit loco eorum animos, qui facile vel simpliciter crederent disputandi, hac affirmatione decepit, seu hic illi in urbe sunt, quod nescientes nec manifestare possumus, nec negare, cum et si sunt lateant, nec aliquando audeant, vel illum prædicantem ista defendere, vel talia aliquo nostrorum præsentem jactare, et in tanta populi multitudine deprehendi aliquis facile nec alicubi possit agnosci, sive in quovis terrarum loco degant. Dei nostri misericordia, gratiaque credimus, quod facile corrigantur, audita ejus damnatione qui fuerit pertinax, et resistens hujus dogmatis auctor inventus, non interest, ubi isti fuerint, dum ubicunque inveniri potuerint, sunt sanandi. Nobis tamen nec suaderi potest eum esse purgatum, quamvis ad nos a nescio quibus laicis sint gesta perlata, quibus ille et auditum se crederet et absolutum. Quæ utrum vera sint dubitamus, quod sub nulla illius concilii executione venerunt, nec eorum aliquas accepimus de hac re litteras, apud quos istius rei præstitit causas. Quod si de sua ille potuisset purgatione confidere, hoc magis credimus quod egisset. Quod multo verius esse poterat, ut illos cogeret epistolis suis qui dijudicaverant judicare. Verum cum sint aliqua in ipsis posita gestis, quæ objecta partim musitando ille suppressit, partim multa in se verba retorquendo, tota obscuritate confudit, aliqua magis falsis argumentis quam vera ratione, ut ad tempus videre poterat, purgavit, alia negando, alia falsa interpretatione vertendo. Sed utinam quod magis optandum est etiam ille se ad veram catholicæ fidei viam ab illo sui tramitis errore convertat, ut cupiat velitque purgari, considerans quotidianam Dei gratiam adjutoriumque cognoscens, ut videatur verum, et approbetur ab omnibus manifesta ratione correctus, non gestorum judicio, sed ad catholicam fidem corde converso. Unde non possum illorum nec approbare nec culpæ judicium, cum nesciamus utrum vera sint gesta, aut si vera sunt, illum subterfugisse constet magis quam se in tota virtute purgasse. Qui si confidit, novitque non omni dignum esse indignatione quod dicat aut jam hoc totum se refutasse quod dixerat, non a nobis accersiri, sed ipse debet potius festinare, ut possit

A absolvi. Nam si adhuc taliter sentit, quando se nostro judicio quibusvis acceptis litteris cum sciat damnandum se esse, committet. Quod si accercendus esset, ab his melius fieret qui magis proximi et non longo terrarum spatio videntur esse disjuncti, sed non deerit cura si medicinæ præbeat ille materiam. Potest enim damnare quæ senserat ac datis litteris erroris sui, ut regressum ad nos decet veniam postulare, fratres charissimi. Librum sane qui ejus esse dicebatur nobis a vestra charitate transmissum evolvimus, in quo multa blasphema erant, nihil quod placeret, nihil quod penitus non displiceret, a quovis damnandum atque calcandum, cujus similia nisi qui ista scripserat, nemo alter in mentem reciperet atque sentiret. Nam hoc loci de lege laius disputare velut eorum posito repugnantique Pelagio necessarium esse non duximus, cum vobiscum totam rem scientibus, parique nobiscum assensione gaudentibus, colloquamur. Tunc enim melius hæc exempla ponuntur, quando cum his quos harum constat rerum prudentes esse tractamus. Nam de naturæ possibilitate, ac de libero arbitrio, et de omni Dei gratia, et quotidiana gratia, cui non sit recte sentienti uberrimum disputare. Anathematizet ergo ista quæ sensit, ut illi qui ejus sermonibus fuerant, præceptisque collapsi, quid tandem habeat fides vera cognoscant. Facilius enim revocari potuerunt, cum ista a suo senserint auctore damnari. Quod si ille pertinaci in hac voluerit impietate persistere, est agendum quatenus vel his possit subveniri, quos non suos sed hujus magis error induxit, ne et illis hæc medicina pereat, cujus iste talem non admittit, nec postulat curam. Deus vos custodiat incolumes, fratres charissimi. Data vi Kalend. Februarii.

Item epistola familiaris ad Aurelianum Carthaginensem episcopum.

INNOCENTIUS AURELIO episcopo Carthaginensi. In familiaribus scriptis dilectio vera consistit, et firmitus charitatis officia melius se orsa mereantur. Quamobrem per fratrem nostrum Julium epistolæ extrinsecus missæ respondere gestivi, ne apud me forsitan remaneret peculiaris negatæ salutationis offensa, supradictum igitur fratrem nostrum tuæ dilectioni restituo, cum apostolicæ sedi dignum ad relationem duplicis synodi judicatis. Superest, ut oratus a nobis Dominus præstare dignetur, quatenus omnis Ecclesiæ suæ macula continuis laboribus nostris possit abstergi. Dominus custodiat te incolumem, frater charissime. Data vi Kal. Febr.

## INCIPIUNT DECRETA ZOZIMI PAPÆ.

1. Quod monachi vel laici nisi per gradus ecclesiasticos non debeant ad summum sacerdotium pervenire.

2. Quod si quis interdicta despexerit, gradus sui periculo subiacebit.

3. Quæ in singulis clericorum gradibus tempora sint præfixa.

Episcopus Zozimus urbis Romæ HERSITIO episcopo Salonitano, salutem. Exigit dilectio tua præceptum apostolicæ sedis in quo Patrum decreta consentiunt,

et significas nonnullos ex monachorum cœtu, quo-  
rum sollicitudo quamvis frequentia major est, sed  
laicos ad sacerdotium festinare.

CAP. I. Hoc autem specialiter et sub prædecessoribus nostris et nuper a nobis interdictum constat litteris ad Gallias Hispaniasque transmissis, in quibus regionibus familiarior est ista præsumptio, quamvis nec Africa super hac admonitione nostra habeatur aliena, ne quis penitus contra Patrum præcepta qui ecclesiasticis disciplinis per ordinem non fuisset imbutus, et temporum approbatione divinis stipendiis eruditus, nequaquam ad summum sacerdotium aspirare præsumeret; et non solum in eo ambitio inefficax haberetur, verumetiam in ordinatores ejus, ut carerent eo ordine quem sine ordine contra præcepta Patrum crediderant præsumendum. Unde miramur ad dilectionem tuam statuta sedis apostolicæ non fuisse perlata. Laudamus igitur constantiam tuam, frater charissime, nec aliud de pontificii censura veteris auctoritatis genus expectandum fuit, quam ut talibus ambitionibus pro præceptis Patrum in procinctu fidei constituti occurreres. Igitur si quid auctoritati tuæ (quod non opinamur) æstimas defuisse, supplemus. Vos, obsistite talibus ordinationibus, obsistite superbæ et arrogantis venienti. Tecum faciunt præcepta Patrum, tecum apostolicæ sedis auctoritas. Si enim officia sæcularia principalem locum non vestibulum actionis ingressis, sed per plurimos gradus examinatis temporalibus deferunt, quis ille tam arrogans, tam impudens invenitur, ut in cœlesti militia, quæ propensius ponderanda est, et sicut aurum repetitis ignibus exploranda, statim dux esse desiderat cum tiro ante non fuerit, et prius velit docere quam discere? Assuescat in Domini castris, in lectorum primitus gradu, divini rudimentis servitii; nec illi vile sit exorcistam, acolythum, subdiaconum, diaconum per ordinem fieri; nec hoc saltu, sed statutis majorum ordinatione temporibus, jam vero ad presbyterii fastigium talis accedat, ut et nomen ætas impleat, et meritum probitatis stipendia ante acta testentur. Jure inde summi pontificis locum sperare debet. Facit hoc nimia remissio consacerdotum nostrorum qui pompam multitudinis quærunt, et putant ex hac turba aliquid sibi dignitatis acquiri. Hinc passim numerosa popularitas etiam his ubi solitudo est talium reperitur, dum parochias extendi cupiunt, aut quibus aliud præstare non possunt, divinos ordines largiuntur. Quod oportet districti semper esse judicii, rarum est enim omne quod magnum est.

II. Proinde nos ne quid meritis dilectionis tuæ derogaremus, ad te potissimum scripta direximus, quibus in omnium fratrum et coepiscoporum nostrorum facies ire notitiam, non tantum eorum qui in ea provincia sunt, sed etiam qui in vicinis dilectionis tuæ provinciis adjunguntur. Sciēt quisquis hoc

A postposita Patrum et apostolicæ sedis auctoritate neglexerit, a nobis districtius vindicandum, ut loci sui minime dubitet sibi constare rationem, si putat post tot prohibitiones impune posse tentari. Contumeliæ enim studio fit quidquid interdictum toties usurpatur.

III. Hæc autem singulis gradibus observanda sunt tempora, si ab infantia ecclesiasticis ministeriis nomen dederit, et inter lectores ad vigesimum ætatis annum continuata observatione perduret. Si major et grandævus accesserit, qui tamen post baptismum statim divinæ militiæ desiderat mancipari, sive inter lectores sive inter exorcistas quinquennio teneatur. Exinde acolythus vel subdiaconus, quatuor annis sit, et sic ad benedictionem diaconatus si mereatur accedat, in quo ordine quinque annis si inculcate se gesserit, adhærere debet. Exinde suffragantibus stipendiis per tot gradus datis propriæ fidei documentis, presbyterium poterit promereri. De quo loco si eum exactior ad bonos mores vita perduxerit, summum pontificatum sperare debet. Hac tamen lege servata, ut neque bigamus, neque viduæ maritus, neque pœnitens ad hos gradus possit admitti. Sane etiam defensores Ecclesiæ qui ex laicis fiunt supradicta observatione teneantur si meruerint in ordine esse clericatus. Data viii Kalend. Martii, Honorio XII et Theodosio VIII Augustis consulibus.

*Ad clerum Ravennensem monitorium.*

C ZOZIMUS episcopus urbis Romæ commonitorium presbyteris et diaconibus qui Ravennæ sunt. Ex relatione fratris nostri Archidami presbyteri qualiter suscepti sitis, vel quid egeritis cognovimus, vel qualiter illi suscepti sunt, qui contra canones adversum nos ad comitatum nescio qua audaci temeritate ire voluerunt. Ad vos hæc quæ nunc misimus, olim scripta feceramus, eorum quas injuriose miserant, respondentes epistolis. Sed quoniam non potuerunt rei in sua, hoc est in nostra Ecclesia Romana cum nostris compresbyteris commorari, hos ad vos illis tradendas litteras destinamus, in quibus decreto nostro sancimus, memoratos perturbatores omnium ab apostolicæ sedis nostræ communione alienos fuisse, atque nostra subscriptione probatam sententiam suscepisse. Illos etiam qui effrenato huic facto consilioque assensum commodare voluerunt, vestræ charitatis est æstimare qualiter habeantur. Quibus hoc objicere vos debetis, quod juxta canonum præcepta fortiter incurrerunt, et qualiter presbyteros non decebat rebelles existere, tentaverunt. Vos autem monemus in speculis esse debere, neque eorum prorumpat audacia, quos anathematizatos scit sancta apostolica Ecclesia. De his vero qui eorum se societati junxerunt, quid agere debeamus, cum reversi fueritis, consilio meliore tractabimus. Et alia manu. Data v Kalend. Octobris, Honorio XII et Theodosio Augustis consulibus.



## INCIPIUNT DECRETA BONIFACII PAPÆ.

*Epistola deprecatoria ad Honorium Augustum, ut constitutur a principe quatenus in urbe Romana per ambulum nunquam pontifex ordinetur.*

**183** BONIFACIUS episcopus HONORIO Augusto. Ecclesiæ meæ Romanæ (cui Deus noster meum sacerdotium vobis res humanas regentibus deputavit) cura constringit, ne causis ejus quamvis adhuc corporis incommoditate detinear propter conventus qui a sacerdotibus universis et clericis, et Christianæ plebis perturbationibus agitantur apud aures Christianissimi principis desim. Siquidem secus quam oportet eveniat, non vos id facere qui cuncta æqua moderatione componitis, sed nos per nostram tacentes desidiam videbimur, quod civitatis quietem et Ecclesiæ pacem pervertere valeat admisisse. Cum enim humanis rebus divinæ cultor religionis, Domino jubente, præsideas, nostra culpa erit, si non id sub vestra gloria quam certum est divinis semper rebus animo promptiore favisse firmo et stabili jure custodiatur, quod per tot annorum seriem et sub illis etiam principibus obtinuit, quos nulla nostræ religionis cura constrinxit, ut fidens utatur licitis, et sub vestra imperio clementiæ minime quæ sunt illicita formidentur. Ipsa enim Ecclesia devotionem tuam Christianissime imperator in eo quidem sermone, sed suo venerabili appellat affectu, quia Christus Dominus noster, vestri fidus rector et gubernator imperii, unam desponsatam sibi et intactam virginem servat, ne eam in aliquos patiamini insidiantium procellarum fluctus illidi, et quietam faciem tempestatis insolite tumore turbari gloriosissime et tranquillissime imperator Auguste. Ipsa ergo quæ uni desponsata est vestra tamen mater Ecclesia hanc pietatem vestram legatione quam suis sacerdotibus commisit appellat, præterita præsentiaque repetit, vobis (inquit) religiose imperantibus crevit meus qui modo tuus est populus, tam fidus Deo, quam tibi qui es princeps Christi. Ecce enim inter ipsa mysteria, inter preces suas quas pro nostri felicitate dependit imperii, teste apud quem et de ejus sede agitur sancto Petro, sollicitis pro religionis observantia vocibus clamat. Cum sollicita petitione miscetur oratione nos in varias res semel evulsa distrahat a Dei cultu solito tentatore sollicitante discordias, Ageret pluribus, princeps Christianissime, nisi apud te suarum esset securæ causarum et in oppressionibus idolorum, in hæreticorum correctionibus fide tua divino cultu pariter cum imperio semper florente vicisset. Habet refugium tuæ mansuetudinis animum cum suæ religionis veneratione conjunctum, cum quidquid huic proficiat vos agatis. Conferatis fratribus et sacerdotibus meis, probatissimis viris a me et ab omnibus qui Ecclesiam faciunt ista munda legatione, quibus precamur sacræ causam religionis prosequentibus in urbe vestræ mansuetudinis. Hoc animo quo postulatis a multis in perpetuum statui universalis Ecclesiæ consulatis. Data Kalend. Junii.

**A** *Constitutio Honorii imperatoris ad Bonifacium papam missa, ut si denuo Romæ duo episcopi ordinati fuerint, ambo de civitate pellantur.*

VICTOR HONORIUS inclytus triumphator, semper Augustus, sancto ac venerabili BONIFACIO papæ urbis Romæ.

Scripta beatitudinis tuæ debita reverentiæ gratulatione suscepimus. Quibus recensitis, egimus omnipotenti Deo maximas gratias quod sanctimoniam tuam post longum incommodum optate redditam didicimus sanitati. Et ideo reverentibus, venerabilibus viris gaudium nostrum sacrorum apicum attestatione signamus ac petimus, ut quotidianis orationibus apostolatus tuus studium ac votum suum circa salutem atque imperium nostrum dignetur impendere. Illud autem pietatis nostræ satis placitum esse cognosce, quod sanctimonia tua de Ecclesiarum aut populi perturbatione sollicita est. Quæ ne aliqua ratione possit evenire satis clementia vestra credidit esse provisus. Denique prædicante beatitudine tua id ad cunctorum clericorum notitiam volumus pervenire, ut si quod forte religioni tuæ (quod non optamus) humana sorte contigerit, sciant omnes ab ambitionibus esse cessandum, ac si duo forte contra fas temeritate certantium fuerint ordinati, nullum ex eis penitus futurum sacerdotem, se illum solum in sede apostolica permansurum, quem ex numero clericorum nova ordinatione divinum judicium et universitatis consensus elegerit. Unde id observandum est, ut omnes tranquillam mentem et pacificos animos ex serenitatis nostræ admonitione custodiant, nec aliquid seditiosis conspirationibus tentare conentur, cum certum sit nulli partium suarum studia profutura.

*Epistola Bonifacii papæ ad episcopos Galliæ de Maximo episcopo diversis criminibus accusato.*

BONIFACIUS episcopus, PATROCLO, REMIGIO, MAXIMO, HILARIO, SEVERO, VALERIO, JULIANO, CASTORIO, LEONTIO, CONSTANTINO, JOANNI, MONTANO, MARINO, MAURICIO, et cæteris episcopis per Gallias et septem provincias constitutis.

Valentinæ nos clerici civitatis adierunt proponentes per libellum crimina quæ Maximum, teste tota provinciæ, asserunt commisisse. Delegata toties cognitione illum constituta semper subterfugisse judicia, D ne confusus conscientia festinasse, ut si esset innocens examinatis omnibus purgaretur, quoties decreta ex nostrarum quoque chartarum instructione cognovimus. Qui e contrario probavit de se illa quæ dicta sunt, quæ ad ea confutanda cum essent innumera, a decessoribus meis provincialis est delegata cognitio. Conventus etiam dicitur evitasse, et adesse minime voluisse. Et nullus dubitat quod ita judicium innocens subterfugit, quemadmodum ut absolvatur qui est innocens quærit, seu astuta cavillatio eorum qui versutis agendum credunt esse consiliis, nunquam innocentæ nomen accipiet. Conficitur enim de omnibus, quisquis se subterfugere

judicium dilationibus putat. Veniet tamen aliquando ille qui talis perhibetur in medium, nec prodest illi toties latuisse, toties subterfugisse, quem sui actus e commissa, quocunque fugerit, ea quæ obijciuntur illi, si vera sunt crimina, persequuntur. Debueram quidem jam nunc dignam pro ejus accusatis in nostro judicio actibus qui cognitionem et decretum judicium sæpe declinando credidit illudendum, ferre sententiam. Hanc ne aliquis præco ei quem forsitan judicaret, et sibi qui absens est, licet sit quæsitus a nobis reservatum esse nihil diceret, maluimus intercapedine temporis data deferri. Cum hoc etiam ejus accusatores assererent, de quorum intentionibus et moribus sit securum maximum tanto magis damanda committere, quanto tardius se constituto judicio præsentarit. Quem Manichæorum involutura caligine arguunt turpis sectæ, olim ita ne eum posset abluere animum sordidasse in probationem objectæ rei gesta synodalia proferentes, et commissis involutum indique flagitiis nullum eum sanitatis habuisse respectum, quem furore suo et insana temeritate ad sæcularium quoque judicium tribunalia subditum quæstioni, quod in vili quoque persona turpissimum est objicerent pervenisse, et homicidii damnatum asserunt, gestis prolatis in medium. Et hunc talem, post tanta taliaque commissa, episcopatus adhuc sibi nomen in suis latibulis vindicare, in propriæ civitatis infamiam nimis doloribus conqueruntur, et sanctum nomen vindicando sibi velle polluere. Ideoque, fratres charissimi, qui audiendus hic præsentare se noluit, ne convictus forsitan ab accusantibus se clericis posset digna tandem aliquando præsentatus episcopali judicio pronuntiationis congruæ feriri sententia, quamquam illi hæc edocta fuerint quæ potest hujus nominis esse jactura qui pudorem nunquam sacerdotii habuisse perhibetur, et locum suum ne modico quidem tempore custodisse. Dilationem tantum dedimus, et decrevimus vestrum debere intra provinciam esse judicium, et congregari synodum ante diem Kalenarum Novembrium, ut si adesse voluerit præsens, si confidit, ad objecta respondeat. Si vero adesse neglexerit dilationem sententiæ de absentia non lucretur. Nam manifestum est confiteri eum de crimine, qui indulto, et toties delegato judicio purgandi se occasione non nititur. Nihil enim interest utrum in præsentis examine omnia quæ dicta sunt comprobentur, cum ipsa quoque pro confessione procurata toties constet absentia. Nos autem per omnes provincias litteras dirigemus, ne excusationem sibi ignorationis obtendat, ut ad provinciam venire cogatur, et illic se

A constituto præsentare judicio. Quidquid autem vestra charitas de hac causa duxerit decernendum, cum ad nos relatum fuerit, nostra ut concedet necesse est auctoritate firmentur. Data sub die Idus Junias, Monario II C. consule.

*Ut nullus contempto metropolitano ordinetur episcopus.*

BONIFACIUS, episcopus urbis Romæ, HILARIO, episcopo Narbonensi, salutem. Difficile quidem fidem querimoniis commodamus, quarum sacerdotes Domini pulsat intentio, maxime cum eos quidpiam contra Patrum statuta tentasse, sed frequenter has asserit, sicut nunc multitudo causantium. Ecce enim, ut charitas tua recognoscit, ex subditis Lucubensis Ecclesiæ, clerici ordo vel plebis preces suas, vel lacrymas ad nos, quantum datur intelligi magno cum dolore miserunt, dicentes episcopum nostrum Patroclum sua petitione cessante, in locum decedentis episcopi, nescio quem in aliena provincia prætermisso metropolitano, contra Patrum regulas ordinasse. Quod nequaquam possumus ferre patienter; quia convenit nos paternarum sanctionum esse diligentes custodes. Nulli etenim videtur incognita synodi constitutio Nicænæ, quæ ita præcepit, ut eadem proprie verba ponamus. Per unamquamque provinciam jus metropolitanos singulos habere debere, nec cuiquam duas esse posse subjectas, quod illi quia aliter credendum non est, servandum, sancto Spiritu suggerente, sibimet censuerunt. Unde, frater charissime, si ita res sunt, et Ecclesiam supradictam provinciæ tuæ limes includit, nostra auctoritate communias, quod quidem facere sponte deberes desiderii supplicantium et voluntate respecta. Ad eundem locum in quo ordinatio talis celebrata dicitur, metropolitani jure munitus et præceptionibus nostris fretus, accede intelligens arbitrio tuo secundum regulas Patrum quæcunque facienda sunt a nobis esse concessa, ita ut peractis omnibus, apostolicæ sedi quidquid statueris te referente clarescat, cui totius provinciæ ordinationem liquet esse mandatam. Nemo ergo eorum terminos audax temerator excedat, nec aliquid in illorum contumeliam partibus suis quæ sibi non videntur concessa defendat. Cesset hujusmodi præmissa nostra auctoritate presumptio eorum qui ultra dignitatis suæ limitem digitu extendunt. Quod idcirco dicimus, ut advertat charitas tua, adeo nos canonum præcepta servare, ut D ista constitutio quoque nostra definiat quatenus metropolitani sui unaquæque provincia in omnibus rebus semper ordinem exspectet. Data v Kalendas Februarii, Honorio XII et Theodosio X Augustis consulibus.

*Expliciunt decreta Bonifacii papæ.*

## INCIPIUNT DECRETA CŒLESTINI PAPÆ.

1. De Prospero et Hilario qui quosdam Galliæ presbyteros accusant.

2. De sancto Augustino episcopo mira laudis assertio.

3. Præteritorum sedis apostolicæ episcoporum auctoritas de gratia Dei contra Pelagii sectatores.

4. Quod Adam omnes homines leserit, nec quem-

quam 184 per liberum arbitrium posse consurgere nisi eum gratia Dei crexerit.

5. Quod nemo sit bonus suis viribus nisi participatione ejus qui solus est bonus.

6. Quod nisi gratia Dei continua juvemur insidias diaboli devitare non possumus.

7. Quod per Christum libero bene utamur arbitrio.



8. Quod omnia sanctorum merita dona sint A Dei.

9. Quod orans sancta cogitatio et motus piæ voluntatis ex Deo sit.

10. Quod gratia Dei non solum peccata dimittat, sed etiam adjuvet ne committantur, et præstet ut lex impleatur; non sicut Pelagius ait, facile, quasi sine gratia Dei difficilior possit impleri.

11. Quod præter statuta sedis apostolicæ omnes orationes Ecclesiæ Christi gratiam resonant, qua genus humanum reparatur et ab æterna damnatione reducitur.

12. Quod gratiam Dei etiam baptizandorum testatur instituta purgatio cum exorcismis et insufflationibus spiritus ab eis expelluntur immundi.

13. Quod profundiores quæstiones nec contemnendæ sunt, nec penitus asserendæ B

Dilectissimis fratribus VENERIO, MARINO, LEONTIO, AUXONIO, ARCHADIO, SILLUCIO, et cæteris Galliarum episcopis CŒLESTINUS.

Apostolici verba præcepti sunt apud Judæos, atque gentiles sine offensione nos esse debere, hoc quisquis Christianus ex tota animi virtute custodit. Quod cum ita sit non parum periculi illi manere poterit ante Dominum, qui hoc detrectat etiam fidelibus exhibere. Nam qualiter nos qui neminem perire volumus ista contristent quæ auctoribus Christianis præcellunt animos Christianos, Dominicus in Evangelio sermo testatur. Ait enim ipse Salvator quod « expediat scandalizanti unum de pusillis in maris profundum demergi (*Math. xviii, 6*). » Ideo quæ sit C jam ejus pœna quæramus, cui tale supplicium legimus expedire.

CAP. I. Filii nostri, præsentés, Prosper et Hilarius, quorum circa Dominum nostrum sollicitudo laudanda est, \* tantum nescio quibus presbyteris illic licere qui dissensionem Ecclesiarum studeant sunt apud nos prosecuti, ut indisciplinatas quæstiones vocantes in medium pertinaciter eos dicant prædicare adversantia veritati. Sed vestræ dilectioni justius imputamus, quoniam illi supra vos habent copiam disputandi. Legimus « super magistrum non esse discipulum (*Math. x, 24*), » hoc est non sibi debere quemquam ad injuriam doctorum vindicare doctrinam. Nam et hos ipsos a Deo nostro positos novimus ad docendum, cum sit, docente Apostolo, D eis « tertius locus (*I Cor. xii, 28*) » intra Ecclesiam deputandus. Quid illic speciei est ubi magistris tacentibus hi loquuntur? Qui, si ita est, eorum discipuli non fuerunt; timeo ne connivere sit hoc tacere, timeo ne magis ipsi loquantur qui permittunt illis taliter loqui. In talibus causis non caret suspitione taciturnitas, quia occurreret veritas, si falsitas displiceret. Merito namque causa nos respicit, si silentio faveamus errori. Ergo corripiantur hujusmodi, non sit his liberum habere pro voluntate sermonem. Deserat, si ita res sunt, inessere novitas vetustatem. Desinat Ecclesiarum quietem inquietudo turbare. Conantur sæpe naufragio mergere, quos

intra portum stantes statio facit fida securos. Fida quippe est omnium statio, quorum perfectis gressibus vestigia non moventur. Recurrerunt ad apostolicam prædicti sedem, hæc ipsa nobis quæ tentat perturbatio conquirit. Habete, fratres charissimi, pro catholicæ plebis pace tractatum. Sciant se, si tamen censeantur presbyterii dignitate vobis esse subjectos. Sciant omnes qui male docent quod sibi discere magis ac magis competat quam docere. Nam quid in Ecclesiis vos agitis, si illi summam teneant prædicandi? Nisi forte illud obsistat quod non auctoritate, non adhuc ratione colligitur, ut aliqui e fratrum numero nuper de laicorum consortio in collegium nostrum fortassis admissi, nesciant quid sibi debeant vindicare. Super his multa jam dicta sunt eo tempore quo ad fratris tuendi dedimus scripta responsum. Nunc tamen repetentes sæpius admonemus: Vetentur hujusmodi qui laborant per terras aliud quam ille noster jussit Agricola seminare. Nec tamen mirari possumus, si hæc erga viventes hi nunc tentare audent, qui nituntur etiam quiescentium fratrum memoriam dissipare.

II. Augustinum sanctæ recordationis virum quem pro vita sua atque meritis in nostra communione semper habuimus, nec unquam hunc sinistræ suspicionis saltem rumor aspersit, quem tantæ scientiæ olim fuisse meminimus, ut inter magistros optimos etiam ante a meis semper decessoribus haberetur. Bene ergo de eo omnes in commune senserunt, utpote qui ubique cunctis et amori fuerit et honori, unde resistatur talibus quos mala crescere videmus, nefas est hæc pati religiosas animas, quarum afflictione, quia membra nostra sunt, nos quoque convenit macerari, quamvis maneat hos beatitudo promissa quicumque probantur persecutionem propter justitiam sustinere, quibus quid promittat Dominus in futurum sequens sermo declarat. Non est agentium causa solarum, universalis Ecclesiæ quæcumque novitate pulsatur. Intelligamus hæc ipsa vobis quæ nobis non placent displicere. Quod ita demum probare poterimus, si imposito improbis silentio de tali re in posterum querela cessabit. Dominus incolumes vos custodiat, fratres charissimi.

III. Quia nonnulli catholico nomine glorianur, in damnatis hæreticorum sensibus seu pravitate sive imperitiâ demorantes piissimis disputationibus obviare præsumunt. Et cum Pelagium atque Cœlestium anathematizare non dubitent, magistros tamen vestros tanquam necessarium modum excesserint obloquuntur, eaque tantummodo sequi, et probare profitentur quæ sacratissima beati apostoli sedes contra inimicos gratiæ Dei per mysterium præsulum suorum sanxit et docuit. Necessarium igitur fuerit diligenter inquirere quid rectores Romanæ Ecclesiæ de hæresi quæ eorum temporibus exorta fuerat judicaverint, et contra nocentissimos liberi arbitrii defensores quid de gratia Dei sentiendum esse censuerint, ita ut etiam Africanorum concernorum quasdam sententias jungeremus, quas utique suas fece-

runt apostolici antistites et probarunt. Ut ergo plenius qui in aliquo dubitant, instruantur, constitutiones sanctorum Patrum compendioso manifestemus indiculo. Quod si quis non nimium est contentiosus, agnoscat omnium disputationum connexionem ex hac subditarum auctoritatum brevitate pendere, nullamque sibi contradictionis superesse rationem, si cum catholicis credat et dicat.

IV. In prævaricatione Adæ omnes homines naturalem possibilitatem et innocentiam perdidisse, et neminem de profundo illius ruinæ per liberum arbitrium posse consurgere, nisi eum gratia Dei miserentis erexerit, pronuntiante beatæ memoriæ Innocentio, atque dicente in epistola ad Carthaginense concilium. Liberum enim arbitrium ille perpersus, dum suis inconsultiis utitur bonis, cadens in prævaricationis profunda demersus est, et nihil quemadmodum exinde resurgere posset invenit, suaque in æternum libertate deceptus hujus ruina latuisset oppressus, nisi eum postea Christi per suam gratiam relevasset adventus, qui per novæ regenerationis purificationem omne præteriti peccati vitium sui baptismatis lavacro purgavit.

V. Neminem esse per semetipsum bonum, nisi participationem sui ille donet « qui solus est bonus (Marc. x, 18). » Quod in eisdem scriptis ejusdem pontificis sententiâ protestatur dicens : Nunquid nos de eorum posthæc rectum mentibus æstimemus, qui sibi se putant debere quod boni sunt, nec illum considerant, cujus quotidie gratiam consequuntur qui sine illo tantum se assequi posse dicunt.

VI. Neminem etiam baptismatis gratia renovatum idoneum esse ad superandas diaboli insidias, et ad evincendas carnis concupiscentias, nisi per quotidianum adiutorium Dei perseverantiam bonæ conversationis acceperit. Quod ejusdem antistitis in eisdem paginis doctrina confirmat dicens : Nam quavis hominem redimeret a præteritis ille peccatis, tamen sciens iterum posse peccare ad reparationem sibi, quemadmodum posset illum, et post ista corrigere multa servavit, quotidiana præstans illi remedia quibus nisi freti confisque nitamur, nullatenus humanos vincere poterimus errores. Necesse est enim ut quo auxiliante vincimus, eo iterum non adjuvante vincamur.

VII. Quod nemo nisi per gratiam libero bene utatur arbitrio. Idem magister in epistola ad Milevitanum concilium data prædicat dicens : Adverte tandem, o pravissimarum mentium perversa doctrina, quod primum hominem ita libertas ipsa decepit, ut dum indulgentius frenis ejus utitur in prævaricationem presumptionis incederet; nec ex hac potuit erui, nisi ei providentia regenerationis statum pristinae libertatis Christi Domini reformasset adventus.

VIII. Quod omnia studia et omnia opera ac merita sanctorum ad Dei gratiam laudemque referenda sunt, quia nemo aliunde ei placet, nisi ex eo quod ipse donaverit, in quam nos sententiam dirigit beate recordationis papæ Zozimi regularis auctoritas, cum

A scribens ad totius orbis episcopos ait : Nos autem instinctu Dei (omnia enim bona ad auctorem suum referenda sunt unde nascuntur) ad fratrum et coepiscoporum nostrorum conscientiam universa retulimus. Nunc autem sermonem sincerissimæ veritatis luce radiantem tanto Afri episcopi honore venerati sunt, ita ut ad eundem virum rescriberent, illud vero quod in litteris quas ad universas provincias curasti esse mittendas, posuisti, dicens : Nos tamen instinctu Dei, etc. Sic accepimus dictum, ut illos, qui contra Dei adiutorium extollunt, humani arbitrii libertatem districto gladio veritatis velut cursim transiens amputares. Quid enim tam libero fecistis arbitrio? quam quod universa in nostræ humilitatis conscientiam retulistis, et tamen instinctu Dei factum esse fideliter sapienterque vidistis, veraciter fideliterque ut dixistis, ideo utique quia « præparatur voluntas a Domino (Prov. xix, 21), » et ut boni aliquid agant paternis inspirationibus suorum ipse tangit corda fidelium. « Quotquot enim Spiritu Dei aguntur, hi filii sunt Dei (Rom. viii, 14), » ut nec nostrum deesse sentiamus arbitrium et in bonis quibusque voluntatis humanæ singulis moribus magis illius valere non dubitemus auxilium.

IX. Quod ita Deus in cordibus hominum, atque in ipso libero operetur arbitrio, ut sancta cogitatio pium consilium omnique motus bonæ voluntatis ex Deo sit, quia per illum aliquid boni possumus « sine quo nihil possumus (Joan. xv, 5). » Ad hanc enim C nos professionem idem doctor instituit, qui cum ad totius orbis episcopos de divinæ gratiæ opitulatione loqueretur : quod ergo tempus, ait, intervenit, quo ejus non egeamus auxilio? In omnibus igitur actibus, causis, cogitationibus, motibus, adiutor et protector orandus est, superbum est enim ut quidquam sibi humana natura præsumat, clamante Apostolo : « Non est nobis colluctatio adversus carnem et sanguinem, sed contra principes et potestates aeris hujus, contra spiritualia nequitiae 185 in cœlestibus. » Et sicut ipse iterum dicit : « Infelix ego homo, quis me liberabit de corpore mortis hujus. Gratia Dei per Jesum Christum Dominum nostrum (Rom. vii, 24, 25). » Et iterum : « Gratia Dei sum id quod sum, et gratia ejus in me vacua non fuit, sed plus illis D omnibus laboravi, non ego autem, sed gratia Dei mecum (I Cor. xv, 10). »

X. Illud etiam quod intra Carthaginensis synodi decreta constitutum est, quasi proprium apostolicæ Sedis amplectimur, quod scilicet tertio capitulo definitum est, ut quicumque dixerit gratiam Dei qua justificamur, per Jesum Christum Dominum nostrum ad solam remissionem peccatorum valere que jam commissa sunt, non etiam ad adiutorium ut non committantur, anathema sit. Et iterum quarto capitulo ait : Ut si quis dixerit gratiam Dei per Jesum Christum, propter hoc tantum nos adjuvare ad non peccandum, quia per ipsam nobis revelatur et aperitur intelligentia mandatorum, ut sciamus quod



appetere et quod vitare debeamus, non autem per illam nobis præstari, ut quid faciendum cognovimus etiam facere diligamus atque valeamus, anathema sit. Cum enim dicat Apostolus: « Scientia inflat, charitas vero ædificat valde (*I Cor. viii, 1*) », impium est ut credamus ad eam quæ inflat nos habere gratiam Christi, et ad eam quæ ædificat non habere, cum sit utrumque donum Dei, et scire quid facere debeamus, et diligere ut faciamus, ut, ædificante charitate, scientia non possit inflare. Sicut autem de Deo scriptum est: « Qui docet hominem scientiam (*Psal. xciii, 10*) », ita scriptum est etiam: « Charitas ex Deo est (*I Joan. iv, 7*). » Item quinto capitulo, ut quisquis dixerit ideo nobis gratiam justificationis dari, ut quod facere per liberum arbitrium jubemur facilius possimus implere per gratiam, tanquam et si gratia non daretur non quidem facile, sed tamen possimus etiam sine illa divina implere mandata, anathema sit. De fructibus enim mandatorum Dominus loquebatur, ubi non ait, sine me difficultius potestis facere, sed ait, « sine me nihil potestis facere (*Joan. xv, 5*). »

XI. Præter eas autem beatissimæ et apostolicæ Sedis inviolabiles sanctiones, quibus nos piissimi Patres pestiferæ novitatis elatione dejecta, et bonæ voluntatis exordia, et incrementa probabilium studiorum, et in eis usque in finem perseverantiam ad Christi gratiam referre docuerunt, obsecrationum quoque sacerdotalium sacramenta respiciamus, quæ ab apostolis tradita in toto mundo atque in communi Ecclesia catholica uniformiter celebrantur, ut legem credendi, lex statuatur supplicandi. Cum enim sanctorum plebium præsules mandata sibimet legatione funguntur, apud divinam clementiam humani generis agunt causam: et tota secum congemiscente Ecclesia postulant et precantur, ut infidelibus donetur fides, ut idololatræ ab impietatis suæ liberentur erroribus, ut Judæis ablato velamine lux veritatis appareat, ut hæretici catholicæ fidei perceptione resipiscant, ut schismatici spiritum redivivæ charitatis accipiant, ut lapsis poenitentix remedium conferatur, ut denique catechumenis ad regenerationis sacramenta perductis, cœlestis aula misericordiæ reseretur, hæc autem non perfunctorie, neque inaniter a Domino petierum ipsarum monstrat effectus, quandoquidem ex omni eorum genere plurimos Deus dignatur attrahere « quos erutos de potestate tenebrarum transferat in regnum filii charitatis suæ (*Coloss. i, 13*), » et ex vasis iræ faciat vasa misericordiæ, quod adeo totum divini operis esse sentitur, ut hæc efficiente Deo, gratiarum semper actio laudisque confessio pro illuminatione talium vel correctione referatur.

XII. Illud etiam quod circa baptizandos in universo mundo sancta Ecclesia uniformiter agit non otioso contemplamur intuitu, cum sive parvuli, sive juvenes ad regenerationis veniunt sacramentum, non prius ad fontem vitæ adeunt quam exorcismis et exsufflationibus clericorum spiritus ab eis immundus abigatur. tu tunc vere appareat quomodo princeps

A mundi hujus mittatur foras, et quomodo prius alligetur fortis, et deinceps vasa ejus diripiantur in possessionem translata victoris, « qui captivam ducit captivitatem, et dat dona hominibus (*Ephes. iv, 8*). » His ergo ecclesiasticis ex divina sumptis auctoritate documentis ita, adjuvante Domino, confortati sumus, ut omnium bonorum affectuum atque operum et omnium studiorum omniumque virtutum, quibus ab initio fidei ad Deum tenditur, Deum fateamur auctorem, et non dubitemus ab ipsius gratia omnia hominis merita præveniri, per quem fit ut aliquid boni et velle incipiamus et facere. Quod utique auxilio et munere Dei non aufertur liberum arbitrium, sed liberatur, ut de tenebroso lucidum, de pravo rectum, de languido sanum, de impudente sit providum.

B Tanta enim erga omnes homines est bonitas Dei, ut nostra velit esse merita quæ sunt ipsius dona, et pro his quæ largitus est æterna præmia sit donaturus, agit quippe in nobis ut quod vult et velimus et agamus, nec otiosa in nobis esse patitur, quæ exercenda non negligenda donavit, ut et nos cooperatores simus gratiæ Dei, ac si quid in nobis ex nostra viderimus remissione languescere, ad illum sollicitè recurramus qui sanat omnes languores nostros, et redimit de interitu vitam nostram, et cui quotidie dicimus, « ne inducas nos in tentationem, sed libera nos a malo (*Matth. vi, 13*). »

XIII. Profundiores vero difficiliioresque partes occurrentium quæstionum quas latius pertractarunt qui hæreticis restiterunt, sicut non audemus contemnere, ita non necessè habemus astruere; \* quia ad confitendum gratiam Dei ejus operi ac dignationi penitus subtrahendum est, satis sufficere credimus quidquid secundum prædictas regulas apostolicæ Sedis non [nos] scripta docuerunt, ut prorsus non opinemur catholicum quod apparuerit præfixis sententiis esse contrarium.

*Ad episcopos Galliæ epistola ejusdem.*

1. Quod non debeant sacerdotes aut clerici amicti palliis et præcincti lumbis in ecclesiis ministrare.
2. Quod nulli sit ultima poenitentia deneganda.
3. Quod per gradus ecclesiasticos ad episcopatus officium debeat quis pervenire.
4. Quod unaquæque provincia suo metropolitano debeat esse contenta.
- D 5. Quod nolentibus clericis vel populis nemo debeat episcopus ordinari.
6. Quod ab illicitis sit ordinationibus abstinendum.

COELESTINUS universis episcopis per Viennensem et Narbonensem provinciam constitutis in Domino salutem. Cuperemus quidem de vestrarum ecclesiarum ita ordinatione gaudere, ut gratularemur potius de propectu quam aliquid admissum contra disciplinam ecclesiasticam doleremus, et nostram enim lætitiā et benefacta præveniunt, et mœroris aculeis nos quæ fuerint malefacta compungunt. Nec silere possimus, cum hoc ut ab illicitis revocemus aliquos officii nostri, provocemur instinctu, in speculis a Deo constituti ut vigilantix nostræ diligentiam com-

probantes, et quæ coercenda sunt resecemus, et quæ observanda sunt sanciamus. Et quamvis circa longinqua spiritualis cura non deficiat, sed se per omnia qua nomen Dei prædicatur extendat, nec notitiam nostram subterfugiant, quæ in eversionem regularum novellæ præsumptionis auctoritate tentantur.

I. Didicimus enim quosdam Domini sacerdotes superstitioso potius cultui inservire, quam mentis vel fidei puritati. Sed non mirum si contra ecclesiasticum morem faciunt, qui in Ecclesia non creverunt, sed ab alio venientes itinere secum hæc in Ecclesiam, quæ in alia conversatione habuerant, intulerunt, amicti pallio et lumbos præcincti credunt sanctæ Scripturæ fidem, non per spiritum, sed per literam complexuros. Nam si ad hoc ista præcepta sunt ut taliter servarentur, cur non sunt pariter quæ sequuntur, ut lucernæ ardentes in manibus una cum baculo teneantur? Habeant autem suum ista mysterium et intelligentibus ita clara sunt, ut ea magis quam decet significatione servantur. Nam in lumborum præcinctione castitas, in baculo regimen pastorale. In lucernis ardentibus boni fulgor operis indicatur, de quo dicitur: « Sic opera vestra luceant (*Math. v, 16*). » Habent tamen istum forsitan cultum, morem potius quam rationem sequentes, qui remotioribus habitant locis, et procul a cæteris degunt, unde hic habitus in ecclesiis Gallicanis, ut tot annorum tantorumque pontificum in alterum habitum consuetudo vertatur, discernendi a plebe vel cæteris sumus doctrina non veste, conversatione non habitu, mentis puritate non cultu. Nam si studere incipiamus novitati, traditum nobis a Patribus ordinem calcabimus, ut locum supervacuis superstitionibus faciamus, rudes ergo fidelium mentes ad talia non debemus inducere, docendi enim potius sunt quam illudendi. Nec imponendum est eorum oculis, sed mentibus infundenda præcepta sunt. Erant quidem multa quæ pro disciplina ecclesiastica, vel ipsius rei dicere ratione possemus, sed ab his ad alia revocamur.

II. Agnovimus enim poenitentiam morientibus denegari, nec illorum desideriis annui qui obitus sui tempore hoc animæ suæ cupiunt remedio subveniri; horremus, fateor, tantæ impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, et periclitantem sub onere peccatorum hominem redimere quo se illi expediri desiderat et liberari? Quid hoc rogo aliud quam morienti mortem addere, ejusque animam sua credulitate ne absolvi possit occidere, cum Deus ad subveniendum sit paratissimus et invitans ad poenitentiam sic promittat peccatori, inquit, « quacunque die conversus fuerit, peccata ejus non imputabuntur ei (*Ezech. xxxiii, 12*); » et iterum: « Nolo mortem peccatoris, sed tantum convertatur et vivat (*Ezech. xxxiii, 11*). » Salutem ergo homini adimit, quisquis mortis tempore poenitentiam denegaverit. Et desperavit de clementia Dei, qui cum ad subveniendum morienti sufficere,

vel momento posse non credit. Perdidisset latro in cruce præmium ad Christi dexteram pendens si illum unius horæ poenitentia non juvisset. Cum esset in pœna poenituit et per unius sermonis promissionem habitaculum paradisi Deo promittente promeruit. Vera ergo ad Dominum conversio in ultimis peccatorum mente potius est existimanda, quam tempore, propheta hoc taliter asserente: « Cum conversus ingemueris, tunc salvus eris. » Cum ergo Dominus sit cordis inspector quovis tempore non est deneganda poenitentia postulanti, cum ille se obliget iudici, cui occulta omnia noverit revelari.

III. Ordinatos vero quosdam, fratres charissimi, episcopos, qui nullis ecclesiasticis ordinibus ad tantæ dignitatis fastigium fuerint instituti contra Patrum decreta hujus usurpatione, qui se hoc recognoscit fecisse didicimus, cum ad episcopatum his gradibus frequentissime cantum esse deberet perveniri, ut a minoribus initiati officiis ad majora firmentur. Debet enim ante esse discipulus quisquis doctor esse desiderat, ut possit docere quod didicit. Omnis vitæ institutio hæc ad id quod tendit se ratione confirmat. Qui minime litteris operam dederit præceptor non potest esse litterarum. Qui non per singula stipendia creverit, ad meritum ordinem stipendii non potest pervenire. Solum sacerdotium inter ista rogo vilius est? Quod facilius tribuitur cum difficilius impleatur. Sed jam non satis est laicos ordinare, quod nullus fieri ordo permittit, sed etiam quorum crimina longe lateque per omnes pene provincias nota sunt pontifices ordinantur. Daniel enim nuper missa relatione ex orientalibus ad nos partibus ab omni quod tenuerat virginum monasterio nefariis est objectionibus accusatus multa de multis objecta flagitiis. In quam lateret terrarum parte quæsitum est, ut si innocentiae confideret, contra iudicium postulatum minime declinaret. Missæ ad Arelatensem episcopum per Fortunatum subdiaconum nostrum præceptiones, ut ad iudicium destinaretur episcopale. Tantis gravatus testimoniis, tanta facinorum accusatione pulsatus sacrarum (ut dicitur) virginum pollutus incesto episcopus asseritur ordinatus, et ut in nostri libellis serinii continetur; quorum ad vos quoque exemplaria direxerimus, in pontificii dignitatem hoc tempore quo ad causam dicendam missis a nobis litteris vocabatur, obrepsit, sacro nomini absit injuria. \*Facilius est ut hanc dignitatem tali dando ipse amiserit ordinatus, quam eam obtineat ordinatus. Cui convicto sociabitur qui sibi eum credidit largiendo pontificium sociandum. Qualis enim ipse sit quisquis talem ordinaverit ostendit. His ergo in medium nunc deductis, cum plerique nostrum sint qui apostolicæ Sedis statuta cognoverint nobiscum tempore aliquanto versati ad discipline normam nostris conventa exhortationibus omnia fraternitas vestra festinet revocare.

IV. Primum juxta canonum decreta unaquæque provincia suo metropolitano contenta sit, ut decessoris



nostri data ad Narbonensem episcopum continent instituta, nec usurpationi locus alicui sacerdoti in alterius concedatur injuriam. Sit concessis sibi contentus unusquisque limitibus, alter in alterius provincia nihil præsumat, nec emeritis in suis ecclesiis peregrini et extranei, et qui ante ignorati sunt ad exclusionem eorum qui bene de suorum civium merentur testimonio præponantur, ne novum quoddam de quo episcopi fiant videatur esse collegium.

V. Nullus invitis detur episcopus: cleri plebis et ordinis consensus et desiderium requiratur. Tunc alter de altera eligatur ecclesia, si de civitatis ipsius clero cui est episcopus ordinandus, nullus dignus (quod evenire non credimus) potuerit reperiri. Primum enim illi reprobandi sunt, ut aliqui de alienis ecclesiis merito præferantur. Habeat unusquisque fructum suæ militiæ in ecclesia in qua suam per omnia officia transegit ætatem. In aliena stipendia minime alter obrepit, nec alii debitum alter sibi audeat vindicare mercedem. Sit facultas clericis renitendi si se viderint prægravari, et quos sibi ingeri ex transverso agnoverint non timeant refutare, qui si non debitum præmium vel liberum de eo eos qui rectorus est debent habere iudicium.

VI. Abstineatur etiam ab illicitis ordinationibus. Nullus ex laicis, nullus digamus, nullus qui sit viduæ maritus aut fuerit ordinetur, sed irreprehensibilis et qualem elegit apostolus fiat. Per Moysen Dominus præcepit: « Virginem accipiat sacerdos uxorem (Levit. xxi, 13). » Subsequitur et supplet Apostolus eodem locutus spiritu, « unus uxoris virum episcopum debere consecrari (I Tim. iii, 2). » Ad hanc ergo eligantur formulam sacerdotes, et si quæ factæ sunt ordinationes illicite, removeantur: quoniam stare non possunt, nec discussionem nostram subterfugere poterunt, quamvis latere se æstiment qui taliter pervenerunt; et ut nulla religionis reverentia obscuritate fucetur, non sit vana glorificatio palliatis, episcopalem morem qui episcopi sent sequantur. Daniel, ut diximus, qui accusationem pontificali honore subterfugere se credidit posse, et ad fastigium tantum accusatores suos latendo pervenit, a sanctitatis vestræ cœtu interim noverit segregatum qui se nostro iudicio debet objicere, si conscientie suæ novit fiduciam obtinere. Massiliensis vero ecclesiæ sacerdos qui dicitur (quod dictu nefas est) in necem fratris taliter gratulatus, ut huic qui ejus sanguine cruentatus advenerat portionem cum eodem habiturus occurreret, ex vestro eum audiendum collegio delegamus.

A Data vii Kalend. Augusti Felice et Tauro consulibus.

*Epistola ejusdem Cælestini ad episcopos Apuliæ et Calabriæ.*

1. Quod nulli sacerdotum liceat canones ignorare.

2. Quod non oporteat clericis ecclesiarum contemptis de laicis episcopos ordinare.

3. Quod docendus sit populus non sequendus.

CAP. I. CÆLESTINUS universis episcopis per Apuliam et Calabriam constitutis. Nulli sacerdoti liceat canones ignorare, nec quemquam facere quod Patrum possit regulis obviare. Quæ enim a nobis res digna reservabitur, si decretalium norma constitutorum pro aliquorum libitu licentia populis permissa frangatur.

M. Audivimus quasdam propriis destitutas rectoribus civitates episcopos sibi velle petere de laicis, tantumque fastigium tam vile credere, ut hoc his qui non Deo, sed sæculo militaverint, æstiment non posse conferre, non solum male de suis clericis in quorum contemptum hoc faciunt judicantes, sed de nobis pessime, quos credunt hoc posse facere sentientes. Quod nunquam auderent, si non quorundam illicitis consentiens sententia conjungeret. Ita nihil quæ frequentius sunt decreta proficiunt, ut hoc quasi nunquam de hac parte scriptum fuerit ignoretur. Quid proderit per singula clericos stipendia militasse, et omnem egisse in Dominicis castris ætatem, si hi qui præfuturi sunt ex laicis requirantur. Qui vacantes sæculo et omnem ecclesiasticum ordinem nescientes, saltu proprio in alienum honorem ambiunt immoderata cupiditate transcendere, et in aliud vitæ genus, calcata reverentia ecclesiasticæ disciplinæ, transire. Talibus itaque, fratres charissimi, qui juris nostri, id est canonum gubernacula custodimus, necesse est obviemus; hisque fraternitatem vestram epistolis commonemus, ne quis laicum ad ordinem clericatus admittat, et sinat fieri, unde et illum decipiat et sibi causas generet, quibus reus constitutis decretalibus fiat.

III. Docendus est populus non sequendus. Nosque si nesciunt eos, quid liceat, quidve non liceat commonere, non his consensum præbere debemus. Quisquis vero conatus fuerit tentare prohibita, sentiat censuram apostolicæ Sedis minime defuturam. Quæ enim sola admonitionis auctoritate non corrigimus, necesse est per severitatem congruentem regulis vindicemus. Per totas ergo hoc quæ propriis rectoribus carent ecclesias volumus innoscescat, ut nullus sibi spe aliqua forsitan blanditus illudat. Data xii Kalend. Augusti, Florentio et Dionisio consulibus.

## INCIPIUNT DECRETA SIXTI PAPÆ.

SIXTUS episcopus omnibus orientalibus episcopis in Domino salutem.

Gratias vestræ referimus sanctitati, quod in tri-

bulatione et persecutione nostra vos visitare misistis, et causæ nostræ finem bonum scire, et esse optastis, precibusque Deum exorastis ut mihi in tri-

bulatione succurreret, mea meque adjuvaret, et ab æmulis tribulantibus et persequentibus me liberaret. O quam bona est charitas, quæ absentes per imaginem præsentibus sibi exhibet per amorem; divisa quoque unit et confusa ordinat, inæqualia sociat, imperfecta confirmat. Quam recte prædicator egregius apostolus, videlicet Paulus, vinculum perfectionis vocat: quoniam virtutes quidem cæteræ perfectionem generant, sed tamen eas charitas ita ligat, ut ab amantis mente dissolvi jam nequeant. Ilac quoque virtute, fratres, plenos vos Spiritus sancti gratia esse reperio, dum solatiari mihi in meis anxietatibus sentio. Nec mirum, charissimi, si me persequuntur æmuli mei, cum caput nostrum quod est Christus olim æmuli quidem sanctæ Dei Ecclesiæ servorumque ejus sint persecuti; unde et ipsa per se Veritas dicit: « Si patremfamilias Belzebut vocaverunt, quanto magis domesticos ejus! » (*Matth. x, 25*). Quæ iterum dicit: « Si de hoc mundo essetis, mundus, quod suum erat diligeret. Sed quia de hoc mundo non estis, sed ego elegi vos de mundo, propterea odit vos mundus » (*Joan. xv, 19*). » Hæc, fratres, cum et nos sciamus, et aliis nosse prædicamus, vosque ea perfecte scire non dubitemus propter insidiantium vituperationes, aut accusationes, vel propter adulantium laudationes, nec ad dexteram, nec ad sinistram declinare debemus, sed inter verba laudantium sive vituperantium ad mentem semper recurrendum est, et si in ea non invenitur bonum quod nobis dicitur, magnum tristitiam generare debet. Et rursum si in ea non invenitur malum, quod de nobis homines loquuntur, in magna debemus lætitia prosilire. Quid enim si omnes laudant, et conscientia nos accuset, aut si omnes accusent et conscientia nos liberos demonstret? Habemus Paulum dicentem: « Gloria nostra hæc est testimonium conscientiæ nostræ » (*II Cor. i, 12*). » Job quoque dicit: « Ecce in cælis testis meus » (*Job xvi, 20*). » Si ergo est nobis testis in cælo, testis in corde, dimittamus stultos foris loqui quod volunt. Quid enim aliud detrahentes faciunt, nisi quod in pulverem sufflant, atque in oculos suos terram excitant? Unde plus detractionis perfiant inde magis nihil veritatis vident; vocandi tamen sunt etiam ipsi, et tranquille admonendi eisque satisfieri modis omnibus debet, scientes quod de Judæis Veritas ait: Ne forte scandalizemus eos. Si autem satis fieri sibi ex veritate noluerint, habes consolationem quam in Evangelio aspicias, quia cum Domino dictum fuisset, scis quia audit hoc verbo scandalizati sunt, respondit: « Sinite illos, cæci sunt duces cæcorum » (*Matth. xv, 14*). » Paulus quoque apostolus admonet dicens: « Si fieri potest quod ex vobis est, cum omnibus hominibus pacem habentes » (*Rom. xii, 18*); » dicturus cum omnibus hominibus pacem habentes quia hoc difficile esse perspexit, præmisit, si fieri potest, et subjunxit, quod potest fieri, cum dicit quod ex vobis est; quia si nos in mente charitatem erga odientes servare cupimus, et si illi

A pacem nobiscum non habent, nos tamen cum illis sine dubio habemus. Quod ergo mandastis, ut scriberem vobis qualiter instans jurgium contra me suscitatum sit, vel a quo, ut vestro adminiculo pelleretur, et causa mea firmaretur, scitote me criminari a quodam Basso et injuste persequi. Quod audiens Valentinianus Augustus, nostra auctoritate synodum congregari jussit, et facto concilio cum magna examinatione, satisfaciens omnibus, licet evadere satis aliter potuissem, suspicionem tamen fugiens coram omnibus me purgavi, me scilicet a suspitione et æmulatione liberans, sed non aliis qui noluerint, aut sponte hoc non elegerint, faciendo formam exemplumque dans, cum scriptum sit: Si quis crimen objicere voluerit, scribat se prius probaturum; et alibi: Criminationes adversus doctorem nemo recipiat; et iterum: Si quis episcopus, presbyter, aut diaconus, vel quilibet clericus, apud episcopum a qualibet persona fuerint accusati, quicumque fuerit, sive ille sublimis vir honoris, sive ullius alterius generis persona qui hoc genus illaudabilis intentionis arripuerit, noverit docenda probatoribus monstranda documentis se debere in-  
187 ferre. Si quis ergo circa hujusmodi personas non probanda detulerit, intelligat se jacturam infamiæ sustinere, et sub magna excommunicatione exsilio deportari. Ista omnia postposui non aliis, ut paulo superius prælibatum est, exemplum dando, sed me a præfata infamia et suspitione liberando.

C Condemnatus est autem memoratus Bassus a jam dicta synodo, ita tamen ut in ultima die viaticum ei non denegetur propter humilitatem dietatis Ecclesiæ.

Valentinianus quoque ante dictus imperator scripto cum condemnavit, cum Augusta matre Placida et omnia prædia facultatum ejus futuris de talibus dans hominibus formam ita faciendi, Ecclesiæ catholicæ sociavit.

Sæpe dictus ergo Bassus nutu divino non multo post moritur. Cujus corpus, licet dignum non esset sepulturæ, propter misericordiam tamen sepelivi eum in cubiculo parentum ejus. Et quanquam ipse erga me stulte et imprudenter egisset, ego vero misericorditer circa eum egi cogitans illud quod Dominus in

D Evangelio loquitur dicens: « Si non dimiseris hominibus peccata eorum, nec Pater vester cælestis dimittet vobis peccata vestra » (*Matth. vi, 15*). » Et in ipsa Dominica oratione quam Salvator noster discipulos orare docuit, quotidie supplicando Domino dicimus: « Dimitte nobis debita nostra, sicut et nos dimittimus debitoribus nostris » (*Matth. vii, 12*), » et multa sunt alia, et his similia. His itaque dimissis de me peractis, quia contra voluntatem episcoporum qui nobiscum erant, propter humilitatem sensus mei nullo compulsus judicio ac vim passus, sed sponte eligens hæc nec formam, ut jam dictum est, aliis dando, sed me purificando feci, in aliis tamen episcopis competens adhibenda est de talibus medicina



vulneribus, ne immatura curandi facilitas mortifera capitis peste nihil possit, sed segnius tracta perniciosius reatu non legitimæ curationis involvat pariter sauciatos et medentes. Ob id ergo statuentes decernimus, ut hi qui non sunt bonæ conversationis et quorum vita est accusabilis, vel quorum fides, vita et libertas nescitur, non possint Domini sacerdotes accusare, nec viles personæ ad accusationem eorum admittantur.

Similiter hi qui in aliquibus criminibus irretiti sunt, vel qui sunt suspiciosi vocem adversus majores natu non habeant accusandi, quia suspiciosa vox et inimica veritatem solet opprimere; peregrina vero judicia, salva in omnibus apostolica auctoritate, generali sanctione prohibemus, quia indignum est, ut ab externis judicetur, qui provinciales, et a se electos debet habere iudices, nisi fuerit appellatum; unde oportet, ut si aliquis episcoporum super certis accusetur criminibus, ut ab omnibus audiat, qui sunt in provincia episcopis, quia non oportet accusatum alicubi quam in foro suo audiri. Si quis vero iudicem adversum sibi senserit, vocem appellationis exhibeat, appellentem autem non debet afflictio ulla, aut detentionis injuriare custodia, sed liceat appellatori vitiatam causam appellationis remedio sublevare, liceat etiam in causis criminalibus appellare, nec appellandi vox denegetur ei quem supplicio sententiæ destinavit, pulsatus ante suum iudicem causam dicat, et non ante suum iudicem pulsatus, si voluerit liceat, et ut pulsatis quoties appellaverint induciæ dentur. Si quis ergo iratus crimen aliquod cuilibet temere objecerit, convicium non est pro accusatione habendum, sed permissio tractandi spatium, id quod iratus dixit, per scripturam se probaturum esse fateatur; ut si fortasse resipiscens quæ per iracundiam dixit, iterare aut scribere noluerit, non ut reus criminis teneatur. Omnis ergo qui crimen objicit, scribat se probaturum. Revera ibi semper causa agatur, ubi crimen admittitur. Et qui non probaverit quod objecit, ocnam quam intulerit ipse patiatur.

Placuit etiam, ut si episcopus accusatus appellaverit apostolicam sedem, id statuendum, quodejusdem sedis pontifex censuerit. Hæc tamen omni in sacerdotum causa forma servetur, ne quemquam sententia non a suo iudice dicta constringat. Occurrere quoque quisque fidelium ruinis debet oppressorum, et miserorum consilio, quo valeant ex revelatione alienæ vindictæ a se Dei removeere vindictam. Libat ergo prospera qui ab afflictis pellit adversa, unde scriptum est: « Frater fratrem adjuvans exaltabitur »: « Ecclesia enim Dei sine macula et ruga debet existere (*Ephes. v, 27*); » et ideo non oportet eam a quibusdam conculcari, aut maculari, quia scriptum est: « Una est columba mea perfecta mea (*Cant. ii, 10*); » hinc iterum Dominus ad Moysen ait: « Est locus penes me, et stabis supra petram (*Exod. xxxiii, 21*). » Quis est locus, qui non sit Domini, dum cuncta in ipso per quem creata sunt, continentur? Sed

A tamen locus apud eum videlicet sanctæ Ecclesiæ unitas est, in qua supra petram statur, dum confessionis soliditas humiliter tenetur. Vos quoque et omnes fratres nostros Ecclesiam Christi sanguine redemptam regentes monemus, ut omnes a præcepto in quo fratres et Domini pastores detrahendo et persequendo verbis labuntur, laqueis quibus potestis retentis, et labi eos in ima non permittatis, quia scriptum est: « Ira viri justitiam Dei non operatur (*Jac. i, 20*); » hinc rursus dicitur: « Sit omnis homo velox ad audiendum, tardus ad loquendum, et tardus ad iram (*Jac. i, 19*), » hæc autem vos auctore Deo omnia servare non ambigo, sed occasione admonitionis exorta bonis vestris operibus et desideriis me furtive subjungo, ut quod non admoniti facitis, B quando vobis et admonens additur, jam non soli faciatis.

Quapropter, fratres, oportet vos et omnes fideles diligere invicem, et non detrahere, aut accusare alterutrum, scriptum est enim: « Dilige proximum tuum (*Matth. v, 43*), » et conjunge fidem cum illo, quod si denudaveris absconsa illius non persequeris post eum. Sicut enim homo qui perdit amicum suum, sic qui perdit amicitiam proximi sui. Et sicut qui dimittit avem de manu sua, sic qui dereliquisti proximum tuum, et non eum capies, non illum sequaris, quoniam longe abest. Effugit enim quasi caprea de laqueo, quoniam vulnerata est anima ejus, ultra eum non poteris colligare, et maledicta est concordatio, denudare autem amici mysteria desperatio est animæ infidelis, annuens oculo fabricat iniqua, nemo eum abjiciet: In conspectu oculorum tuorum conculcabit os suum, et super sermone tuos admirabitur. Novissime autem pervertet os suum, et in verbis tuis dabit scandalum. Multa audiivi, et non coæquavi ei, et Dominus odiet illum. Qui in altum mittit lapidem, super caput ejus cadet et plaga, dolose dividet vulnera. Qui fodit foveam incidit in eam, et qui statuit lapidem proximo offendet in eo; et qui laqueum alio ponit, peribit in illo; facienti nequissimum consilium super ipsum devolvetur, et non agnoscat unde adveniet illi. Illusio et improprium superbiorum, et vindicta sicut leo insidiabitur illi; laqueo peribunt qui oblectantur casu justorum. Dolor autem consumet illos antequam moriantur. Ita et furor utraque execrabilia, et vir peccatorum continens erit illorum. Qui vindicari vult, a Deo inveniet vindictam, et peccata illius servans servabit. Relinque proximo tuo nocenti te, et tunc deprecanti tibi peccata solvantur; homo homini servat iram, et a Deo quaerit medelam. In hominem similem sibi non habet misericordiam, et de peccatis suis deprecatur altissimum? ipse dum caro sit, servat iram, et propitiationem petit a Deo? Quis exorabit pro delictis illius? Memento novissimorum, et desine inimicari? Tabitudo enim et mors imminet mandatis. Memorare timorem Dei, et non irasceris proximo. Memorare testamenti Altissimi, et despice ignorantiam proximi. Abstine te a lite, et minues peccata, homo enim iracundus incendit lites,

et vir peccator turbabit amicos, et in medio pacem A habentium immittet inimicitiam. Secundum enim ligna silvæ, sic ignis exardescet, et secundum virtutem hominis iracundia illius erit, et secundum substantiam suam exaltabit iram suam. Certamen festinatum incendet ignem, et lis festinans effundet sanguinem, et lingua testificans adducet mortem. Si sufflaveris, quasi ignis exardebit, et si expueris super illam exstinguetur, et utraque ex ore proficiunt. Susurro et bilinguis maledictus, multos turbavit pacem habentes, lingua tertia multos commovit, et dispersit illos a gente in gentem. Civitates muratas divitum destruxit, et domos magnatorum effodit, virtutes populorum concidit, et gentes fortes dissolvit. Lingua tertia mulieres viritas ejecit, et privavit eas de laboribus suis. Qui respicit illam non habebit requiem, nec habitabit cum requie. Flagelli plaga livorem facit, plaga autem linguæ comminuit ossa. Multi ceciderunt in ore gladii, sed non sic, quomodo qui interierunt per linguam suam. Beatus qui tectus est a lingua nequam, et qui in iracundiam illius non transivit, et qui non attraxit jugum illius, et vinculis illius non est ligatus. Jugum enim illius jugum ferreum est, et vinculum illius vinculum æreum est. Mors illius mors nequissima est, et utilis potius inferis quam illa perseverantia illius non permanebit, sed obtinebit vias injustorum, et flamma sua non comburet justos. Qui derelinquunt Deum, incidunt in illam, et exardescet in illis, et non exstinguetur, et immittetur in illos quasi leo, et quasi pardus lædet illos. Sepi aures tuas spinis, et noli au-

dire linguam nequam, et ori tuo facito ostia, et æras aufibus tuis, aurum tuum, et argentum tuum conflagra, et verbis tuis facito stateram, et frenos ori tuo rectos, et attende ne forte labaris in lingua tua, et cadas in conspectu inimicorum insidiantium tibi, et sit casus tuus insanabilis in mortem, ista caveant omnes et cohæbeant linguam suam a malo, et labiorum ne loquantur dolum.

« De cætero, charissimi, confortamini in Domino et in potentia virtutis ejus. Induite vos armatura Dei, ut possitis stare adversus insidias diaboli; quoniam non est nobis colluctatio adversus carnem et sanguinem, sed adversus principes et potestates, adversus mundi rectores tenebrarum harum contra spiritualia nequitiae in cœlestibus, propterea accipite armaturam Dei, ut possitis resistere in die malo et in omnibus perfecti stare. State ergo succincti lumbos vestros in veritate, et induite loriceam justitiae, et calceati pedes in præparatione Evangelii pacis in omnibus; sumentes scutum fidei, in quo positis omnia tela nequissimi ignea extinguere. Et galeam salutis assumite, et gladium spiritus quod est verbum Dei (Ephes. vi, 10-17). » Hæc, fratres, vobis scripsimus, et generaliter omnibus notum fieri volumus, ut quæ cæteros tangunt omnibus nota fiant. Omnipotens Deus vos et reliquos fratres ubique consistentes protegat usque in finem, qui cunctum mundum est dignatus redimere Jesus Christus Dominus noster, qui est benedictus in sæcula. Amen. Data Kalend. Aprilis, Valentiniano et Florentio IV consu-

## INCIPIUNT EPISTOLÆ LEONIS PAPÆ.

### I. — Ad Eutycen Constantinopolitanum abbatem adversus Nestorianam hæresim.

Dilectissimo filio EUTICETI presbytero LEO episcopus.

**188** Ad notitiam nostram tuæ dilectionis epistolam retulisti, quod Nestoriana hæresis quorundam rursus studiis pullularet. Sollicitudinem tuam ex hac parte nobis placuisse rescripsimus, quoniam index animi tui est sermo quem sumpsimus. Unde non ambigimus auctorem catholicæ fidei Dominum tibi in omnibus affuturum. Nos autem cum plenius quorum hoc improbitate fiat, potuerimus agnoscere, necesse est, auxiliante Domino, providere, quatenus nefandum virus dudumque damnatum radicitus possit exstingui. Deus te custodiat incolumem, dilectissime D

### II. — Ad Theodosium Augustum.

LEO THEODOSIO Augusto.

Quantum præsidii Dominus Ecclesiæ suæ in fide vestræ clementiæ præpararit, his etiam litteris quas ad me misisti ostenditur, ut vobis non solum regium, sed etiam sacerdotalem animum inesse gaudeamus. Siquidem propter imperiales et publicas curas, piissimam sollicitudinem Christianæ religionis habetis, ne scilicet, in populo Dei, aut schismata, aut hæreses, aut ulla

scandala convalescant, quia tunc est optimus regni vestri status, quando sempiternæ et incommutabilis Trinitati unius deitatis confessione servitur. Quid autem in Constantinopolitana ecclesia perturbationis acciderit, quid ita fratrem et coepiscopum nostrum Flavianum potuerit commovere? ut Euticen presbyterum communione privaret, nondum potui evidenter cognoscere. Quamvis enim prædictus presbyter ad Sedem apostolicam per libellum doloris sui querimoniam miserit, breviter tamen aliqua prælibavit asserens se Nicænæ synodi constituta servantem frustra in fidei diversitate culpatum; Eusebii autem episcopi accusatoris ejus libellus, cujus exemplaria ad nos prædictus presbyter misit, de objectionis evidentiā nihil habebat. Sed cum presbytero hæreseos crimen intenderet, quem tamen nostrum sensum arguerit, non evidenter expressit, quamvis et ipse et episcopus Nicænæ synodi profiteatur in hac re se esse \* decretis, propter quod non habuimus, unde aliquid diceremus. Et quia causæ meritum fidei ratio et laudabilis sollicitudo vestræ pietatis exegit, necesse est, jam locum subreptionibus non patere, scilicet prius de quibus eum æstimat arguendum instrui nos oportet, ut possit de bene cognitum congrue judicari. Ad prædictum autem episcopum dedi litteras



quibus mihi displicere cognosceret, quod ea quæ in tanta causa gesta fuerant etiam nimio silentio reticeret, cum studere debuerit primitus nobis cuncta reserare. Quem credimus, vel post admonitionem omnia ad nostram notitiam relaturum, ut in lucem ductis his quæ adhuc videntur occulta, id quod evangelicæ et apostolicæ doctrinæ convenit, iudicetur. Data ad Kalendas Martias, Asterio et Protogene consulis.

III. — *Ad Flavianum Constantinopolitanum episcopum ubi quærit, cur Eutices ab Ecclesiâ fuerit separatus.*

Dilectissimo fratri FLAVIANO LEO, et cætera.

Cum Christianissimus et elementissimus imperator sanctæ et laudabilis fidei pro Ecclesiæ catholicæ pace sollicitus ad nos scripta transmiserit, de his qui apud vos perturbationis strepitum moverant. Miramur fraternitatem tuam, quidquid illud scandali fuerit, nobis silere potuisse, et non potius procurasse, ut primitus nos insinuatō tuæ relationis instrueret, ne de rerum gestarum possemus fide ambigere. Accepimus enim libellum Euticetis presbyteri, qui se queritur accusante Eusebio episcopo immerito communione privatum, maxime cum evocatum se affuisse testetur, nec sui præsentiam denegasse, adeo ut in ipso iudicio libellum appellationis suæ asserat obtulisse, nec tamen fuisse susceptum, quæ ratione compulsus sit, ut contestatorios libellos in Constantinopolitana urbe proponeret. Quibus rebus intercedentibus, needum agnoscimus quæ iustitia a communione Ecclesiæ fuerit separatus. Sed respicientes ad causam facti tui nosse volumus rationem, et usque ad nostram notitiam cuncta deferri. Quoniam nos qui sacerdotum Domini C matura volumus esse iudicia, nihil possumus incognitis rebus in cuiusquam partis præiudiciū definire, priusquam universa quæ gesta sunt veraciter audiamus. Sed ideo fraternitas tua per idoneam maxime aptamque personam, plenissima nobis relatione significet, quid contra antiquam fidem novitatis emergerit, quid severiori sententia dignum fuerit vindicari. Nam et Ecclesiæ moderatio et religiosissimi principis fides multam nobis sollicitudinem Christianæ pacis indicunt, ut amputatis dissensionibus fides catholica inviolata servetur, et his qui prava defendunt ab errore revocatis, nostræ auctoritate, quorum fides, probata fuerit, muniantur. Nec aliqua poterit ex hac parte difficultas afferri, cum memoratus presbyter libello proprio sit professus, paratum se esse ad corrigendum, si quid in se inventum fuerit, quod reprehensione sit dignum. Decet enim in talibus causis hoc maxime provideri, ut sine strepitu concertationum, et charitas custodiatur, et veritas defendatur, frater charissime. Et ideo quia dilectio tua de tanta causa nos videt necessario esse sollicitos quam plenissime et lucide universa nobis quod ante facere debuit, indicare festinet, ne inter assertiones partium aliqua ambiguitate fallamur, et dissensio quæ in suis initiis abolenda est, nutriatur. Cum in corde nostro ea observantia, Deo inspirante, permaneat, ne constitutiones venerabilium Patrum divinitus roboratæ, et

A ad soliditatem fidei pertinentes, prava cuiusquam interpretatione violentur. Deus te custodiat incolumentem, frater charissime.

IV. — *Rescriptum Flaviani ad beatum Leonem papam.*

1. De subdoli hostis insidiis.

2. De fraudulenta subtilitate hæreticorum.

3. De blasphemis Euticetis.

4. De excommunicatione ejus justissima.

Domino beatissimo et Deo amabili Leoni Flaviano in Domino æternam salutem.

CAP. I. Nulla res diaboli venena compescit, nec continet mortiferas ejus sagittas. Sursum enim atque deorsum pervolans quærit quos possit occidere, quos possit superare, quos possit devorare. Propter quam rem vigilandum est in orationibus, atque id operandum est, ut fatuas inquisitiones evitare possimus. Decet autem sequi Patres nostros, nec commutare definitionem eorum perpetuam, quorum secundum sacras Scripturas didicimus regulam. Depositus ergo fletibus et lacrymis, quia summo clericus degens gradu invasus est a fero dæmone, et non potui eum liberare, nec auferre de tali lupo, qui animam meam pro illo paratus eram ponere. Quomodo raptus sit, quomodo resiliit a proposito divino, et ad illum cucurrit, qui perdere consuevit, præcepta Patrum declinans et constituta eorum despiciens, jara incipio enarrare.

II. Sunt enim quidam veste sua oves significantes, interius lupi raptores, quos ex fructibus eorum debemus agnoscere. Isti prima fronte videntur esse de numero nostro, sed non sunt de numero nostro. Si enim de numero nostro essent, nobiscum mansissent. Quantum autem cœperunt assumere impietatem, illud quod occultabatur in illis aperitur, et dolus omnis fit omnibus manifestus. Inveniuntur autem infirmæ fidei homines, et qui divinas lectiones nesciant, et secum eos in perditionem præcipitant, dissipantes et vituperantes Patrum disciplinas, et reliquas sanctas Scripturas ad suam perditionem, quos debemus prævidere, et a quibus multum cavere, ne in malitia sua aliqui occupati concidant de sua firmitate: « Exacerunt enim linguam suam quasi serpentes, et venenum in labiis habent quasi aspidēs (Psal. cxxxix, 4). » De his hæc Propheta clamavit.

III. Talis nobis Eutices emerit quondam presbyter et archimandrites, qui quasi nostræ religionis sectam sapiebat, et hanc præferebat; Nestorii autem impietatem confirmabat, et succingebatur pro Nestorio militare in pugna, quæ contra Nestorium parabatur. Trecentorum autem decem et octo sanctorum Patrum de fide expositionem factam, et sanctæ memoriæ Cyrilli epistolam scriptam ad Nestorium, vel ad similes ejus quibus omnes assenserunt, tentavi evellere, antiquam impij Valentini et Apollinaris reparans sectam, et non timuit præceptum veri Dei dicentis: « Quicumque scandalizaverit unum de pusillis istis, expedit ei ut mola asinaria alligetur collo ejus, et demergatur in profundum maris (Matth.

xviii, 6). » Verecundiam autem omnem abiecit, et quam gerebat infidelitatis pelle excutens in sancta synodo asserebat instanter dicens : Dominum Jesum Christum non oportere confiteri de duabus naturis post humanam susceptionem, cum a nobis unius substantiæ, et unius personæ cognoscitur, neque carnem Domini coessentialē nobis subsistere tanquam ex nobis susceptam, et coadunatam Dei Verbo secundum substantiam. Sed dicebat Virginem quidem quæ eum genuit secundum carnem consubstantialē nobis esse. Ipsum autem Dominum non suscepisse ex ea carnem consubstantialē nobis, sed corpus Domini non esse quidem corpus hominis, humanum vero corpus esse quod est ex Virgine.

IV. Sed ne multa dicens longam faciam epistolam, olim quidquid egerimus, misimus ad beatitudinem vestram, quibus litteris docuimus, et presbyterio illum esse nudatum, quia sic captus est, et iussimus eum cum monasteriis nullam habere rationem, et exclusimus eum a communione nostra, ut Sanctitas vestra hoc cognoscens quod circa illum actum est, omnibus episcopis sub beatitudine vestra degentibus manifestare dignetur illius impietatem, ne nescientes aliqui quod ille sentiret quasi ad orthodoxum vel per litteras, vel per aliquam conjunctionem loquantur.

V. — *Rescriptum Leonis papæ ad Flavianum Constantinopolitanum episcopum contra Euticetis hæresim.*

1. Quam ignorantia sanctorum Scripturarum Euticen hæreticum fecerit.

2. Contra eos qui in duos filios dispensationis Dominicæ mysterium scindere moluntur.

3. Contra eos qui passibilem divinitatem unigeniti Filii Dei audent asserere.

4. Contra eos qui in duas naturas Christi temperamentum vel confusionem argumentantur.

5. Contra eos qui cœlestem aut alterius cujusquam substantiæ existere formam servi quam ex nobis assumpsit insaniendo asserunt.

6. Contra eos qui duas quidem ante adunationem naturas Deum delirant, unam vero post adunationem confingunt.

LEO episcopus FLAVIANO Constantinopolitano episcopo.

Lectis dilectionis tuæ litteris quas miramur fuisse tam seras, et gestorum episcopalium ordine recensito, tandem, quid apud vos scandali contra integritatem fidei exortum fuisset, agnovimus, et quæ prius videbantur occulta, nunc nobis reserata patuerunt. Quibus Eutices qui presbyterii nomine honorabilis videbatur, multum imprudens et nimis imperitus ostenditur, ut etiam de ipso dictum **189** sit a Propheta : « Noluit intelligere ut bene ageret, iniquitatem meditatus est in cubili suo (Psal. xxxv, 4, 5). » Quid autem iniquius quam impia sapere, et sapientioribus doctioribusque non credere? Sed in hanc insipientiam cadunt, qui cum ad cognoscendam veritatem aliquo impediuntur ob-

scuro, non ad propheticas voces, non ad apostolicas litteras, nec ad evangelicas auctoritates, sed ad semetipsos recurrunt. Sed ideo magistri erroris existunt, quia veritatis discipuli non fuere. Quam enim eruditionem de sacris Novi et Veteris Testamenti paginis acquisivit, qui nec ipsius quidem symboli initia comprehendit? Et quidem per totum mundum omnium regenerandorum voce depromitur, istius adhuc senis corde non capitur. Nesciens igitur quid deberet de Verbi Dei incarnatione sentire, nec volens ad promerendum intelligentiæ lumen in sanctorum Scripturarum latitudine laborare, illam saltem communionem et indiscretam confessionem sollicito apprehendisset auditu, qua fidelium universitas proficitur credere se in Deum Patrem omnipotentem, et in Jesum Christum Filium ejus unicum Dominum nostrum, qui natus est de Spiritu sancto et Maria virgine. Quibus tribus sententiis omnium fere hæreticorum machinæ destruantur. Cum enim Deus et omnipotens creditur, et Pater sempiternus, eidem Filius demonstratur in nullo a Patre differens, quia de Deo Deus, de omnipotente omnipotens, de æterno natus est cœternus. Non posterior tempore, non inferior potestate, non dissimilis gloria, non divisus essentia. Idem vero sempiterni Genitoris Unigenitus sempiternus natus est de Spiritu sancto et Maria virgine. Quæ nativitas temporalis illi nativitati divinæ et sempiternæ nihil minuit, nihil contulit, sed totam se reparando homini qui erat deceptus, impendit, ut mortem vinceret, et diabolus qui mortis habebat imperium, sua virtute destrueret. Non enim superare possemus peccati et mortis auctorem, nisi naturam nostram ille susciperet, et suam faceret, quem nec peccatum contaminare, nec mors potuit detinere. Conceptus quippe est de Spiritu sancto intra uterum matris virginis, quæ ita illum salva virginitate edidit, quemadmodum salva virginitate concepit. Sed si de hoc Christianæ fidei fonte purissimo sincerum intellectum haurire non poterat, quia splendorem perspicuæ veritatis obcæcatione sibi propria tenebrarat, doctrinæ se Evangelicæ subdidisset, et dicente Matthæo : « Liber generationis Jesu Christi, filii David, filii Abraham (Math. 1, 1), » apostolicæ quoque prædicationis expetisset instructum, et legens in Epistola ad Romanos : « Paulus servus Jesu Christi vocatus apostolus, segregatus in Evangelium Dei, quod ante promiserat per prophetas suos in Scripturis sanctis de Filio suo qui factus est ei ex semine David secundum carnem (Rom. 1, 1-3), » ad propheticas paginas piam sollicitudinem contulisset, et invenisset promissionem Dei ad Abraham, dicentis : « In semine tuo benedicentur omnes gentes (Gen. xxvi, 4). » Sed ne de hujus seminis proprietate dubitaret, secutus fuisset Apostolum dicentem : « Abraham dictæ sunt promissiones, et semini ejus (Luc. 1, 55). » Non dicit in seminibus quasi in multis, sed quasi in uno, et semini tuo quod est Christus. Isaïæ quoque prædicationem interiore apprehendisset auditu, dicentis : « Ecce virgo in utero



concipiet, et pariet filium, et vocabitur nomen ejus Emmanuel, quod est interpretatum nobiscum Deus (Isa. vii, 14). » Ejusdemque prophete fideliter verba legisset : « Puer natus est nobis, filius datus est nobis, cujus potestas super humerum ejus, et vocabitur nomen ejus magni consilii Angelus, admirabilis, consiliarius, Deus fortis, princeps pacis, Pater futuri sæculi (Isa. ix, 6). » Nec frustratorie loquens, ita verbum diceret carnem factum, ut editus utero Virginis Christus haberet formam hominis, et non haberet materni corporis veritatem. An forte ideo putavit Dominum nostrum Jesum non nostræ esse naturæ, quia missus ad beatam Mariam angelus ait : « Spiritus sanctus superveniet in te, et virtus Altissimi obumbrabit tibi. Ideoque et quod nascetur ex te, sanctum vocabitur Filius Dei (Luc. i, 35), » ut quia conceptus Virginis divini fuit operis, non de natura concipientis fieret caro concepti? Sed non ita intelligenda est illa generatio singulariter mirabilis, et mirabiliter singularis, ut per novitatem Creatoris proprietas remota sit generis; fecunditatem enim Virgini Spiritus sanctus dedit, Veritas autem corporis sumpta de corpore est, et edificante sibi Sapientia domum « Verbum caro factum est, et habitavit in nobis (Joan. i, 14), » hoc est, in ea carne quam sumpsit ex homine, et quam spiritus vitæ rationalis animavit.

II. Salva igitur proprietate utriusque naturæ et in unam coeunte personam, suscepta est a majestate humilitas, a virtute infirmitas, ab æternitate mortalitas; et ad resolvendum conditionis nostræ debitum natura inviolabilis naturæ est unita passibili, ut quod nostris remediis congruebat unus atque idem mediator Dei et hominum, homo Christus Jesus, et mori posset ex uno, et mori non posset ex altero. In integra ergo veri hominis perfectaque natura verus natus est Deus, totus in suis, totus in nostris. Nostra autem dicimus quæ in nobis ab initio Creator condidit, et quæ reparanda suscepit. Nam illa quæ deceptor intulit, et homo deceptus admisit, nullum habuere in Salvatore vestigium. Nec quia communionem humanarum subiit infirmitatum, ideo nostrorum fuit particeps delictorum. Assumpsit formam servi sine sorde peccati, humana augens, divina non minuens. Quia exinanitio illa qua se invisibilis visibilem præbuit, et Creator ac Dominus omnium rerum unus voluit esse mortalium, inclinatio fuit miserationis, non defectio potestatis. Proinde qui manens in forma Dei fecit et hominem, idem in forma servi factus est homo. Tenet ergo sine defectu proprietatem suam utraque natura, et sicut formam servi Dei forma non adimit, ita formam Dei servi forma non minuit. Nam qua gloriabatur diabolus hominem sua fraude deceptum divinis caruisse muneribus et immortalitatis dote nudatum, duram mortis subiisse sententiam, seque in malis suis quoddam de prævaricatoris consortio invenisse solatium, Deum quoque justitiæ exigente ratione erga hominem quem in tanto honore condide-

A rat, propriam mutasse sententiam opus fuit secreti dispensatione concilii; ut incommutabilis Deus (cujus voluntas non potest sua benignitate privari) primam erga nos pietatis suæ dispensationem sacramento occultiore compleret, et homo diabolice iniquitatis versutia actus, in culpam contra Dei propositum non periret.

III. Ingreditur ergo hæc mundi infima Filius Dei de cœlesti sede descendens, et a paterna gloria non recedens, novo ordine, nova nativitate generatus. Novo ordine, quia invisibilis in suis, visibilis factus est in nostris. Incomprehensibilis voluit comprehendere; ante tempora manens, esse cœpit ex tempore; universitatis Dominus servilem formam obumbrata majestatis suæ immensitate suscepit. Impassibilis Deus non dedignatus est esse homo passibilis, et immortalis mortis legibus subjacere. Nova autem nativitate generatus, quia inviolata virginitas concupiscentiam nescivit, carnis materiam ministravit. Assumpta est igitur de matre Domini natura, non culpa; nec in Domino Jesu Christo ex utero Virginis genitò, quia nativitas est mirabilis, ideo nostræ est naturæ dissimilis; qui enim verus est Deus, idem verus est homo, et nullum est in hac unitate mendacium, dum invicem sunt, et humilitas hominis, et altitudo deitatis. Sicut enim Deus non mutatur miseratione, ita homo non consumitur dignitate. Egit enim utraque forma cum alterius communione quod proprium est Verbo, scilicet, operante quod Verbi est, et quod carnis est carne exsequente. Unum horum coruscat miraculis, aliud succumbit injuriis, et sicut Verbum ab æqualitate paternæ gloriæ non recessit, ita caro naturam nostri generis non reliquit. Unus enim idemque est, quod sæpe dicendum est vere Dei Filius, et vere hominis filius : « Deus, per id quod in principio erat Verbum, et Verbum erat apud Deum, et Deus erat Verbum (Joan. i, 1); » « homo, per id quod Verbum caro factum est, et habitavit in nobis (Joan. ii, 14); » « Deus, per id quod omnia per ipsum facta sunt, et sine ipso factum est nihil (Joan. i, 3); » homo, per id quod factus est ex muliere, factus est sub lege. Nativitas carnis manifestatio est humanæ naturæ. Partus Virginis divinæ est virtutis indicium. Infantia parvuli ostenditur humilitate cunarum. Magnitudo Altissimi declaratur vocibus angelorum. Similis est rudimentis hominum, quem Herodes impius molitur occidere. Sed Dominus est omnium, quem magi gaudent suppliciter adorare. Jam cum ad præcursoris sui Joannis baptismum veniret, nec lateret quod carnis velamine tegetetur, vox Patris de cœlo intonans, dixit : « Hic est Filius meus dilectus, in quo mihi bene complacui (Matth. iii, 17). » Quem itaque sicut hominem diabolica tentat astutia, eidem sicut Deo angelica famulantur officia. Esurire, sitire, lascessere, atque dormire evidenter humanum est. Sed et de quinque panibus, quinque millia hominum satiare, et largiri Samaritanæ aquam vivam cujus haustus bibenti præstat, ne ultrajam sitiatur, et su-

pra dorsum maris plantis non subsidentibus ambulare, et elationes fluctuum increpata tempestate consternere, sine ambiguitate divinum est. Sicut ergo (ut multa præteream) non ejusdem naturæ est flere miserationis affectu amicum mortuum, et eundem remoto quadriduanæ aggere sepulturæ ad vocis imperium excitare redivivum, aut in ligno pendere, et in noctem luce conversa omnia elementa tremefacere, aut clavis transfixum esse, et paradisi portas fidei latronis aperire, ita non ejusdem naturæ est dicere : « Ego et Pater unum sumus (*Joan. x, 30*), » et dicere : « Pater major me est (*Joan. xiv, 28*). » Quamvis enim in Domino Jesu Christo Dei et hominis una persona sit, alius tamen est unde contumelia, alius unde communis est gloria. De nostro enim illi est minor Patre humanitas, de Patre illi est æqualis cum Patre divinitas.

IV, V. Propter hanc unitatem personæ in utraque natura intelligendam, et filius hominis legitur descendisse de cœlo, cum Filius Dei carnem de ea virgine, de qua est natus, assumpserit. Et rursus Filius Dei crucifixus dicitur ac sepultus, cum hæc non in divinitate ipsa qua unigenitus consempiternus et consubstantialis est Patri, sed in naturæ humanæ sit infirmitate perpressus. Unde unigenitum Filium Dei crucifixum et sepultum omnes etiam in Symbolo confitemur secundum illud Apostoli : « Si enim cognovissent, nunquam Dominum majestatis crucifixissent (*I Cor. ii, 8*). » Cum autem ipse Dominus noster atque Salvator fidem discipulorum suorum suis interrogationibus erudiret, « quem, inquit, dicunt homines esse Filium hominis? » (*Matth. xvi, 13*.) Cumque illi diversas aliorum opiniones relexissent, « Vos autem, ait, quem me esse dicitis? » Ubi beatus Petrus divinitus inspiratus, et confessione sua omnibus gentibus profuturus : « Tu es, inquit, Christus Filius Dei vivi (*Matth. xvi, 16*). » Nec immerito beatus est pronuntiatus a Domino, et a principali petra soliditatem, et virtutis traxit et nominis, qui per revelationem Patris, eundem et Filium Dei est confessus et Christum, quia unum horum sine alio receptum non proderat ad salutem. Sed æqualis erat periculi Dominum Jesum Christum aut Deum tantummodo sine homine, aut sine Deo solum hominem credidisse. Post resurrectionem vero Domini quæ utique veri hominis fuit, quia alter non est resuscitatus, quam qui fuerat crucifixus, et infortunus, quid aliud quadraginta dierum mora gestum est, quam ut fidei nostræ integritas ab omni caligine mundaretur? Colloquens enim cum discipulis suis, et cohabitans atque convescens, et pertractari se diligenti curiosoque contactu ab eis quos dubitas perstringebat admittens. Ideo clausis ad discipulos januis introibat et flatu suo dabat Spiritum sanctum, et donato intelligentiæ lumine sanctarum Scripturarum occulta pandebat. Et rursus, idem vulnus lateris, fixuras clavorum, et omnia recentissimæ passionis signa monstrabat, dicens : « Videte manus meas et pedes, quia ego sum, palpate et vi-

A dete, quia spiritus carnem et ossa non habet sicut me videtis habere (*Luc. xxiv, 39*), » ut cognoscere-tur in eo proprietas divinæ humanæque naturæ individua permanere, et ita sciremus Verbum non hoc esse quod carnem, ut unum Dei Filium et Verbum confiteremur et carnem. Quo fidei sacramento Eutiches iste nimium æstimandus est vacuus, qui naturam nostram in unigenito Dei nec per humilitatem mortalitatis, nec per gloriam resurrectionis agnovit. Nec sententiam beati Pauli et evangelistæ Joannis expavit dicentes : « Omnis spiritus qui confitetur Jesum Christum in carne venisse ex Deo est, et omnis spiritus qui solvit Jesum, ex Deo non est, et hic est Antichristus (*I Joan. iv, 2, 3*). » Quid autem est solvere **190** Jesum nisi humanam ab eo separare naturam, et sacramentum fidei per quod salvati sumus imprudentissimis evacuare figmentis? Caligans vero circa naturam corporis Christi, necesse est ut etiam in passione ejus eadem obcecatione desipiat. Nam si crucem Domini non putat falsam et susceptum promundi salute supplicium verum fuisse non dubitat, ejus credit, agnoscat et carnem. Nec diffiteatur nostri corporis hominem quem cognoscit fuisse passibilem. Quoniam negatio veræ carnis, negatio est etiam corporeæ passionis. Si enim Christianam suscepit fidem, et a prædicatione Evangelii suum non avertit auditum, videat quæ natura transfixa clavis pependerit in crucis ligno, et, aperto per militis lanceam latere crucifixi, intelligat unde sanguis et aqua effluerint, ut Ecclesia Dei lavacro rigaretur et poculo. Audiat beatum Petrum apostolum prædicantem quod sanctificatio spiritus per aspersionem fiat sanguinis Christi. Nec transitorie legat ejusdem apostoli verba dicentis : « Scientes quod non corruptilibus argento et auro redempti estis de vana vestra conversatione pristinæ traditionis, sed pretioso sanguine, quasi agni incontaminati, Jesu Christi. (*I Petr. i, 18, 19*). » Beati quoque Joannis apostoli testimonio non resistat dicentis : « Sed sanguis Jesu filii Dei emundat nos ab omni peccato (*I Joan. i, 17*); » et iterum : Hæc est victoria quæ vincit mundum, fides nostra. Et quis est qui vincit mundum, nisi qui credit quoniam Jesus est Filius Dei? Hic est qui venit per aquam et sanguinem Jesus Christus. Non in aqua solum, sed in aqua et sanguine. Et Spiritus est qui testificatur quoniam Christus est Veritas. Quia « tres sunt qui testimonium dant : Spiritus, aqua, et sanguis, et hi tres unum sunt (*I Joan. v, 4, 8*). » Spiritus utique sanctificationis, et sanguis redemptionis, et aqua baptismatis, quæ tria unum sunt, et individua manent, nihilque eorum a sui connexionem sejungitur. Quia catholica Ecclesia hac fide vivit ac proficit, ut in Christo Jesu nec sine vera divinitate humanitas, nec sine vera credatur humanitate divinitas.

VI. Cum autem ad interlocutionem examinis vestri Eutyches responderit, dicens : Confiteor ex duabus naturis fuisse Dominum nostrum ante adunationem, post adunationem vero unam naturam confiteor ;



miror tam absurdam tamque perversam ejus professionem nulla judicantium increpatione reprehensam, et sermonem nimis insipientem, nimisque blasphemum ita omissum, quasi nihil quod offenderet, esset auditum, cum tam impie duarum naturarum ante incarnationem unigenitus Dei Filius fuisse dicatur quam nefarie, postquam Verbum caro factum est, natura in eo singularis asseritur; quod ne Eutyches ideo vel recte vel tolerabiliter æstimet dictum, quia nulla nostra est sententia confutatus, sollicitudinis tuæ diligentiam commonemus, frater charissime, ut si per inspirationem misericordie Dei ad satisfactionem causa perducitur, imprudentia hominis imperiti etiam ab hac sensus sui macula per te purgetur. Quia quidem, sicut gestorum ordo patefecit, bene coeperat a sua persuasione discedere cum ex vestra sententia coactatus profiteretur se dicere quod ante non dixerat, et fidei acquiescere cujus prius fuisset alienus. Sed cum anathematizando impio dogmati voluisset præbere consensum, intellexisset cum fraternitas vestra in sua manere perfidia, dignumque esse qui judicium condemnationis exciperet. De quo si fideliter atque utiliter dolet, et quam recte mota sit episcopalis auctoritas, vel se reum cognoscat; vel si ad satisfactionis plenitudinem omnia quæ ab eo male sunt sensa, viva voce, et in præsentis subscriptione damnaverit, non erit reprehensibilis erga correctum quam tactumque miseratio. Dominus noster verus et bonus pastor qui animam suam posuit pro ovibus suis (Joan. x, 15), et qui venit animas hominum salvare, non perdere (Luc. ix, 56), imitatores nos vult esse sue pietatis, ut peccantes quidem justitia coerceat, conversos autem misericordia non repellat. Tunc enim demum fructuosissime fides vera defenditur quando etiam a sectatoribus suis opinio falsa damnatur. Ad omnem vero causam pie ac fideliter exsequendam fratres nostros Julianum episcopum et Renatum presbyterum tituli sancti Clementis, sed et filium meum Hilarium diaconum vice nostra direximus. Quibus Dulcitium notarium nostrum, cujus fides nobis est sæpe probata, sociavimus, confidentes affuturum divinitatis auxilium, ut is qui erraverat, damnata sensus sui pravitate, salvetur. Data Idus Junii, Asterio et Protogene consulibus, æra CCCCLXXXVI.

VI.— *Item ejusdem epistolæ ad Julianum episcopum Coensem.*

Dilectissimo fratri JULIANO episcopo, Leo, etc.

Licet per nostros quos ab urbe pro fidei causa direximus plenissimas ad fratrem Flavianum litteras miserimus contra nimiam impietatis errorem, tamen quia per filium nostrum Basilium diaconem scripta tuæ dilectionis accepimus quæ multum nobis catholici sensus fervore placuerunt, etiam hanc paginam quæ illis epistolis consonaret adjecimus, ut unanimiter atque constanter his qui Evangelium Christi corrumpere cupiunt resistatis; quoniam sancti Spiritus in nobis atque vobis una est eruditio eademque doctrina quam quicumque non recipit, non est

A membrum corporis Christi, nec potest eo capite gloriari in quo naturam suam asserit non haberi. Quid autem prodest imprudentissimo seni Nestorianæ hæreseos nomine eorum lacerare opinionem quorum piissimam conveire non potest fidem, cum quantum Nestorius a veritate discessit deitatem Verbi ab assumpti hominis substantia separando tantum a recto tramite etiam iste deciscat qui unigenitum Dei Filium sic de utero beatæ Virginis prædicat natum ut humani quidem corporis spirituales gesserit, sed humanæ carnis Veritas Verbo unita non fuerit? De quo prodigio falsitatis, quis non videat quæ opinionum monstra nascantur? Negator enim mediatoris Dei et hominum hominis Jesu Christi, necesse est ut multis impietatibus impleatur, eumque Apollinaris sibi vindicet, aut Valentinianus usurpet, aut Manicheus obtineat, quorum nullus in Christo humanæ carnis credidit veritatem. Qua utique non recepta, non solum quod secundum carnem atque animam rationalem qui erat in forma Dei manens, idem in forma servi homo natus denegat, sed etiam quod crucifixus est, et mortuus, ac sepultus, quodque die tertia surrexit, et quod ad dexteram Patris ad judicandos vivos et mortuos in eo corpore sit venturus, in quo est judicatus, abnuittur. Quia hæc redemptionis nostræ sacramenta vacuantur, si Christus veram veri hominis totamque naturam suscepisse non creditur. An quia manifesta erant signa divina, falsa dicuntur documenta corporea et testimonia utriusque naturæ valebunt, ut creatura salvetur? Quid deitatis est, caro non C minuit; quod carnis est, deitas non peremit. Item enim et sempiternus ex Patre, et temporalis ex matre in sua virtute inviolabilis, in nostra infirmitate passibilis. In deitate Trinitatis cum Patre et cum Spiritu sancto unius ejusdemque naturæ. In susceptione autem hominis non unius substantiæ, sed unius ejusdemque personæ, ut idem esset dives in paupertate, omnipotens in abjectione, impassibilis in supplicio, in morte immortalis. Nec enim Verbum aut in carnem, aut in animam aliqua sui parte conversum est, cum simplex et incommutabilis natura deitatis tota sit semper in sua essentia, nec damnum sui recipiens, nec augmentum, et sic assumptam naturam beatificans ut glorificata in glificante permaneat. Cur autem inconveniens aut impossibile D videatur ut videlicet et caro et anima unus Jesus Christus, et unus Dei hominisque sit Filius, si caro et anima quæ dissimilium naturarum sunt, unam faciunt etiam sine Verbi incarnatione personam? cum multo facilius sit, ut hanc unitatem sui atque hominis deitati præstet potestas, quam ut eam in substantiis suis obtineat solius humanitatis infirmitas. Nec verbum igitur in carnem, nec in Verbum caro mutata est, sed utraque in uno manet, et unus in utroque est, non diversitate divinis, non permissione confusus, nec alter ex Patre, alter ex matre, sed demum aliter ex Patre ante omne principium, aliter de matre in fine sæculorum, ut esset mediator Dei et hominum, homo Jesus Christus. In quo habitaret

plenitudo divinitatis corporaliter, quia assumpti non assumptis profectio est, quod Deus illum exaltavit, et donavit illi nomen quod est super omne nomen, ut in nomine Jesu omne genuflectatur, cœlestium, terrestrium, et infernorum, et omnis lingua confiteatur quoniam Dominus Jesus Christus in gloria est Dei Patris (*Philip. II, 9, 11*). In eo quod Eutyches in episcopali iudicio ausus est dicere, ante incarnationem duas in Christo fuisse naturas, post incarnationem autem unam necessarium fuerat, ut ad reddendum rationem professionis suæ crebris atque sollicitis iudicum interrogationibus urgeretur, ne tanquam inane aliquid præterflueret, quod nonnisi de haustu veneratorum dogmatum apparebat effusum. Arbitror enim talia loquentem hoc habere persuasum, quod anima, quam Salvator assumpsit prius in cœlis sit commorata quam de Virgine nasceretur, eamque sibi Verbum in utero copularet. Sed hoc catholicæ mentes auresque non tolerant, quia nihil secum Dominus de cœlo veniens nostræ conditionis exhibuit. Nec animam enim quæ anterior exstisset, nec carnem quæ non materni corporis esset, accepit. Natura quippe nostra non sic assumpta est, ut prius creata post assumeretur, sed ut ipsa assumptione crearetur. Unde quod in Origene merito damnatum est, qui animarum antequam corporibus insererentur, non solum vitas, sed et diversas fuisse asserit actiones, necesse est, ut etiam in isto nisi maluerit sententiam abdicare, plectatur. Nativitas enim Domini secundum carnem, quamvis habeat quædam propria quibus humanæ conditionis initia transcendat, sive quod solus ex sancto Spiritu ab inviolata Virgine sine concupiscentia est conceptus et natus, sive quod ita visceribus matris est editus, ut et fecunditas pareret, et virginitas permaneret, non alterius tamen naturæ erat ejus quam nostra, nec alia illi quam cæteris hominibus anima est inspirata principio, quæ excelleret non diversitate generis, sed sublimitate virtutis. Nihil enim carnis suæ habebat adversum. Nec discordia desideriorum gignebat compugnantiam voluntatum. Sensus corporei vigeant sine lege peccati et veritas affectionum sub moderamine deitatis et mentis. Nec tentabatur illecebris, nec cedebat injuriis. Verus homo vero unitus est Deo, nec secundum existentem prius animam deductus est cœlo, nec secundum carnem creatus ex nihilo. Eandem gerens in Deo Verbi Dei personam, et tenens communem nobiscum in corpore animaque naturam. Non enim esset Dei hominumque mediator, nisi Deus idemque homo in utroque unus esset et verus. Incitat equidem nos ad latitudinem disserendi materiæ magnitudo, sed apud eruditionem tuam non est copia laborandum. Præsertim jam cum per nostros ad fratrem Flavianum sufficientes litteras miserimus ad confirmandos animos non solum sacerdotum, sed etiam laicorum. Præstabit, ut credimus, misericordia Dei, ut absque cujusque animæ detrimento possint adversum diaboli dolos et sana defendi et vulnerata

A curari. Data Idus Junii, Asterio et Protogene consulibus.

#### VII. — Ad Theodosium Augustum.

Cæsari THEODOSIO religiosissimo et piissimo Augusto LEO papa Ecclesiæ catholicæ urbis Romæ.

Quantum rebus humanis consulere providentia divina dignetur, sollicitudo clementiæ vestræ spiritu Dei incitata demonstrat, quæ in catholica Ecclesia nihil impacatum, nihil vult esse diversum, quoniam fides, quæ non nisi una est, in nullo potest esse sui dissimilis.

Unde licet Eutyches quantum gestorum episcopaliū ordo patefecit, imperite atque imprudenter errare detectus sit, debueritque a sua merito reprobabili persuasione discedere, quantum tamen pietas vestra, quæ in honorem Dei religiosissime catholicam diligit veritatem, apud Ephesum constituit synodale concilium **191** ut imperitus in quo nimis caligat, incalescat; fratres meos Julianum episcopum, et Renatum presbyterum, et filium meum Hilarium diaconum misi, qui ad vicem præsentiae meæ pro negotiū qualitate sufficerent, et qui eum secum deferrent justitiæ et benignitatis affectum, ut quia dubitari non potest quæ sit Christianæ confessionis integritas, et totius erroris pravitas damnaretur; et respiciens qui deviaverat, si pro venia supplicaret, sacerdotalis et benevolentia subveniret. Cum in libello suo quem ad nos misit, hoc saltem sibi ad promerendam veniam reservavit ut correcturum se esse promitteret quidquid nostra sententia de his quæ male senserat improbasset. Quid autem catholica Ecclesia universaliter de sacramento Dominicæ incarnationis credat et doceat, ad fratrem et coepiscopum nostrum Flavianum plenius continent scripta quæ misi. Data Idus Junii, Asterio et Protogene consulibus.

#### VIII. — Ad Pulcheriam Augustam.

LEO PULCHERIÆ Augustæ (2).

Quantum præsidii Dominus Ecclesiæ suæ in vestra clementia præparavit multis sæpe probavimus documentis, et quidquid nostris temporibus contra impugnatores catholicæ veritatis industria sacerdotalis obtinet ad vestram maxime gloriam redundabit, dum, sicut a Spiritu sancto didicistis, illi per omnia potestatem vestram subjicitis, ejus munere et protectione regnatis. Unde quia contra integritatem fidei Christianæ dissensionem quamdam in Constantinopolitana ecclesia Eutyche auctore generatam fratris et coepiscopi nostri Flaviani relatione cognovi, ita ut totius causæ species synodaliū gestorum textus ostenderit, dignum gloriæ vestræ est, ut error qui (ut arbitror) de imperitia magis quam de versutia natus est auferatur priusquam ulla sibi vires de consensu imprudentium, et pertinacia pravitatis acquirat, quia etiam ignorantia graves nonnunquam incidit lapsus, et plerumque in diaboli ruit foveas incauta simplicitas, per quam in supradicto subrepsisse intelligo spiritum falsitatis, ut dum æstimat se religiosius de Filii Dei majestate

(2) Editio vetus, *Pulcherrimæ Augustæ*, hic et infra.



sentire, si ei naturæ nostræ veritatem inesse non A  
 dicat totum illud, quod Verbum caro factum est  
 unius atque ejusdem putet esse substantiæ. Sed  
 quantum Nestorius a veritate excidit, dum Chri-  
 stum qui de matre solum hominem asserit natum,  
 tantum etiam hic a catholico tramite deviat, qui  
 de eadem Virgine non nostrum credit editam esse  
 substantiam; nolens utique eam solius deitatis  
 intelligi, ut quod in forma servi gessit, et quod nostri  
 similis fuit atque conformis, quædam nostræ naturæ  
 fuerit imago, non veritas. Nihil autem prodest  
 Dominum nostrum beatæ Mariæ virginis filium ve-  
 rum perfectumque hominem dicere, si non illius  
 generis homo creditur, cujus in Evangelio prædi-  
 catur. Dicit enim Matthæus: « Liber generationis  
 Jesu Christi, filii David, filii Abraham (*Matth.* 1, 1). »  
 Sed ita humanæ originis ordinem sequitur, ut gene-  
 rationum lineas usque ad Joseph, cui mater Domini  
 erat desponsata, deducat. Lucas vero retrorsum  
 successionum gradus relegens, ad ipsum humani  
 generis principem rediit, ut Adam primum, et  
 Adam novissimum ejusdem ostendat esse naturæ.  
 Potuerat quippe omnipotentis Filii Dei sic ad  
 docendos homines apparere, quomodo et patriar-  
 chis, et prophetis in specie carnis apparuit cum  
 aut luctamen iniit, aut sermonem conseruit, cum  
 vel officia hospitalitatis habuit, vel etiam appositum  
 cibum sumpsit. Sed illæ imagines hujus hominis  
 erant judicia cujus veritatem ex præcedentium Pa-  
 trum stirpe sumendam significationes mystice  
 nuntiabant. Sed ideo sacramentum reconciliationis  
 nostræ ante tempora æterna dispositum mille im-  
 plebant figuræ, quia nondum venerat Spiritus  
 sanctus in Virginem, nec virtus Altissimi obumbra-  
 verat ei, ut intra intemerata viscera ædificante  
 sibi Sapientia domum, Verbum caro fieret, et forma  
 Dei ac forma servi in unam conveniente personam  
 Creator temporum nasceretur in tempore, et per  
 quam facta sunt omnia, ipse inter omnia gigne-  
 retur. Nisi enim novus homo factus in similitu-  
 dinem carnis peccati nostram susciperet vetusta-  
 tem, et consubstantialis Patri, consubstantialis  
 esse dignaretur et matri, naturam sibi nostram  
 solus a peccato liber uniret, sub iugo diaboli genera-  
 liter teneretur humana captivitas, nec aliter possi-  
 deremus triumphantis victoriam, si extra nostram  
 esset confecta naturam. De hac autem participatione  
 mirabile sacramentum nobis regenerationis indulsit,  
 ut per ipsum Spiritum per quem Christus concep-  
 tus est et natus, etiam nos qui per concupiscen-  
 tiam carnis sumus geniti, spirituali iterum origine  
 nasceremur. Propter quod ab evangelista de creden-  
 tibus dicitur: « Qui non ex sanguinibus, neque  
 ex voluptate carnis, neque ex voluntate viri, sed ex  
 Deo nati sunt (*Joan.* 1, 13). » Cujus ineffabilis  
 gratiæ particeps non est, nec potest filiorum Dei  
 adoptionem consequi, quisquis a fide sua hoc quod  
 nos principaliter salvat excludit. Unde multum  
 doleo multumque contristor, quod hic qui ante de

humilitatis proposito laudabilis videbatur, contra  
 unicum spem nostram patrumque nostrorum vana  
 nimis et stolidam audet astruere. Qui dum viderit in-  
 sapientiæ suæ sensum catholicis auribus displicere,  
 revocare se a sua opinione debuerat, nec ita Eccle-  
 siæ præsules commovere, ut damnationis sententiam  
 mereretur accipere, quam utique si in sua sen-  
 tentiâ voluerit permanere nullus poterit relaxare.  
 Sedis enim apostolicæ moderatio hanc temperantiam  
 observat, ut severius agat cum obduratis, et veniam  
 cupiat præstare correctis. Quia ergo multa mihi  
 fiducia est de pietatis tuæ sincerissima fide, obse-  
 ro gloriam clementiæ tuæ, ut sicut sancto studio  
 tuo catholica prædicatio semper adjuncta est, ita  
 nunc quoque ejus faveat libertati, quam forte ideo  
 permisit Dominus hac tentatione pulsari, ut quales  
 intra Ecclesiam lateant, possit agnosci. Quorum  
 plane non est negligenda curatio, ut nec episcopo-  
 rum nos contristet amissio. Augustissimus vero et  
 Christianissimus imperator cupiens quam celerime  
 turbata componi episcopali concilio quod Ephesi  
 vult habere, nimium breve et angustum tempus in-  
 dixit dem Kalendarum præstituendo conventui,  
 cum a tertio die Iduum Maiarum, quo serenitatis  
 ejus scripta suscepimus, major pars reliqui sit  
 temporis absumentia, ut profectio sacerdotum, qui  
 negotio sufficiant, valeat ordinari. Nam illud quod  
 pietatis ejus etiam me credidit debere interesse  
 concilio, etiamsi secundum aliquod præcedens,  
 exigitur exemplum, nunc tamen nequaquam possit  
 impleri, quia rerum presentium nimis incerta con-  
 ditio tantæ urbis populis me abesse non sineret, et  
 in desperationem quandam animi tumultuantium  
 mitterentur, si per occasionem causæ ecclesiasticæ  
 viderer patriam et apostolicam Sedem velle dese-  
 rere. Quia igitur ad publicam hanc utilitatem  
 pertinuisse cognoscitis, ut salva clementiæ vestræ  
 venia charitati meæ, et precibus civium non nega-  
 rem in his fratribus meis quos vice mea misi, me  
 quoque adesse cum cæteris æstimate, qui secundum  
 causam satis mihi ex gestorum serie, et ipsius de  
 quo agitur professione patefactam evidenter, et  
 plene quid servandum esset, ostendi. Non enim de  
 portuincula fidei nostræ quæ nimis lucide clarescat  
 queritur, sed hoc stultissima resultatio audet in-  
 cessare, quod Dominus noster in Ecclesia neminem  
 sexus utriusque voluit ignorare. Siquidem ipsius  
 catholici symboli brevis et perfecta confessio, quæ  
 duodecim apostolorum totidem est, signata senten-  
 tiis, tam instructa sit munitione cælesti, ut omnes  
 hæreticorum opiniones solo ipsius possint gladio  
 detruncari. Cujus symboli plenitudinem, si Eutyches  
 puro et simplici voluisset corde concipere, in nullo  
 a decretis Nicæni concilii deviare, et hoc a sanctis  
 Patribus intelligeret constitutum, ut contra apostoli-  
 cam fidem, quæ non nisi una est, nullum se inge-  
 nium, nullum elevaret eloquium. Sed ideo pro  
 vestræ pietatis consuetudine laborare dignemini, ut  
 quod contra singulare sacramentum salutis humanæ

blasphema insipientia protulit, ab omnium animis repellatur. Ac si ipse qui in hanc tentationem incidit, respiscat, ita ut per liberalem satisfactionem proprium damnet errorem, communio ei sui ordinis reformetur. Quod etiam sancto Flaviano episcopo me clementia tua scripsisse cognoscat, ut charitas non negetur, si error aboletur.

IX. — *Ad Dioscorum Alexandrinum episc.*

LEO DIOSCORO Ecclesiæ Alexandrinæ episcopo.

Quantum dilectioni tuæ Dominicæ charitatis impendamus affectum, ex hoc poteris approbare, quod tua firmitus desideramus fundare initia; ne quid charitati tuæ ad perfectionem deesse videatur, cum tibi specialis gratiæ merita, ut probavimus, suffragentur. Paterna igitur, et fraterna collatio debet sanctitati tuæ esse gratissima, et a te taliter suscipi, quemadmodum a nobis eam intelligas proficisci. Unum enim nos sentire oportet et agere, ut sicut legimus, in nobis quoque « unum esse cor, et anima una (Act. iv, 32) » comprobatur. Cum enim beatissimus Petrus apostolicum a Domino acceperit principatum, et Romana Ecclesia in ejus permaneat institutis, nefas est credere quod sanctus discipulus ejus Marcus, qui Alexandrinam primus ecclesiam gubernavit, aliis regulis traditionum suarum decreta formaverit, cum de eodem fonte gratiæ unus spiritus fuerit, et discipuli, et magistri, nec aliud ordinatus tradere potuerit, quam quod ab ordinatore suscepit. Non ergo patimur, ut cum unius nos corporis et fidei fateamur in aliquo discrepemus, et alia doctoris, alia discipuli instituta videantur. Quod ergo a patribus nostris propensiore cura novimus esse servatum, a vobis volumus custodiri, ut non passim diebus omnibus sacerdotalis vel levitica ordinatio celebretur, sed post diem sabbati ejus noctis in prima sabbati quæ lucescit exordia delegantur, in quibus his qui consecrandi sunt jejunis, et a jejunantibus sacra benedictio conferatur. Quod ejusdem observantiæ erit, si mane ipse Dominico die continuato sabbati jejunio celebretur. A quo tempore præcedentis noctis initia non recedunt quam ad diem resurrectionis, sicut etiam in Pascha Domini declaratur pertinere non dubium est. Nam præter auctoritatem consuetudinis quam ex apostolica novimus venire doctrina, etiam sacra Scriptura manifestat, quod cum apostolum Paulum et Barnabam ex præcepto Spiritus sancti Evangelium mitterent ad prædicandum, « jejunantes et orantes imposuerunt eis manus (Act. vi, 6), » ut intelligamus quanta et dantium et accipientium devotione curandum sit, ne tantæ benedictionis sacramentum negligenter videatur impletum. Et ideo pie et laudabiliter apostolicis morem gesseris institutis, si hanc ordinandorum sacerdotum formam per ecclesias, quibus Dominus præesse te voluit, etiam ipse servaveris, ut his qui consecrandi sunt, nunquam benedictiones, nisi in die resurrectionis Dominicæ tribuantur, cui a vespera sabbati initium constat ascribi, et tantis divinarum dispositionum mysteriis

A consecratum, ut quicquid est a Domino insignius constitutum in hujus diei dignitate sit gestum. In hac mundus sumpsit exordium. In hac per resurrectionem Christi, et mors interitum, et vita accepit initium. In hac apostoli a Domino prædicandi in omnibus gentibus Evangelii tubam sumunt, et ferendum universo mundo sacramentum regenerationis accipiunt. In hac, sicut beatus Joannes evangelista testatur, congregatis in unum discipulis januis clausis, cum ad eos Dominus introisset, « insufflavit et dixit: Accipite Spiritum sanctum, quorum remiseritis peccata, remittuntur eis, et quorum retinueritis, retenta erunt (Joan. xx, 22, 23). » In hac denique promissus a Domino apostolis Spiritus sanctus advenit, ut cœlesti quadam regula insinuatum, et traditum noverimus in illa die celebranda nobis esse **192** mysteria sacerdotalium benedictionum, in quo collata sunt omnia dona gratiarum. Ut autem omnibus observantia nostra concordet, illud quoque volumus custodiri ut cum solemnior festività conventum populi numerositatis indixerit, et ad eam tanta multitudo convenit quam recipi basilica simul una non possit, sacrificii oblatio indubitanter iteretur, ne his tantum admissis ad hanc devotionem qui primi advenerint videantur ii qui post modum confluerint non recepti, cum plenum pietatis atque rationis sit, ut quoties basilicam in qua agitur præsentia novæ plebis impleverit, toties sacrificium subsequens offeratur. Necesse est autem ut quedam pars populi sua devotione privetur, si unius tantum missæ more servato sacrificium offerre non possint, nisi qui prima diei parte convenierint. Studiose ergo dilectionem tuam et familiariter admo-  
nemus, ut quod nostræ consuetudini ex forma paternæ traditionis insedit, tua quoque cura non negligat, ut omnia nobis ex fide et actibus congruant. Propter quod remeanti filio nostro Possidonio presbytero hanc ad fraternitatem tuam epistolam dedimus perferendam qui nostris processionibus atque ordinationibus frequenter interfuit, et toties admissus quid in omnibus apostolicæ auctoritatis teneremus, agnovit. Data Kalendis Juliis.

X. — *Ad Ephesinam synodum secundam, in qua provocat episcopos Eutychetis blasphemias condemnare.*

D LEO episcopus sanctæ synodo quæ apud Ephesum convenit.

Religiosa excellentissimi principis fides, sciens ad suam gloriam maxime pertinere si intra Ecclesiam catholicam nullius erroris germen exurgeret, hanc reverentiam divinis detulit institutis, ut ad sanctæ dispositionis effectum auctoritatem apostolicæ Sedis adhiberet, tanquam ab ipso beatissimo Petro cuperet declarari quid in ejus confessione laudatum sit, quando dicente Domino: « quem me esse dicunt homines filium hominis? » (Matth. xvi, 15.) varias quidem diversorum opiniones discipuli memorarunt. Sed cum ab eis quid ipsi crederent quæreretur, princeps apostolorum plenitudinem fidei brevi sermone complexus: « Tu es, inquit, Christus Filius Dei



vivi (*Matth. xvi, 16*); » hoc est, Tu qui es vere filius hominis, idem vere es Filius Dei vivi. Tu, inquam, verus in deitate, verus in carne, et salva geminæ proprietate naturæ, utrumque unus. Quod si Eutyches intelligenti ac vivaciter crederet, nequaquam ab hujus fidei tramite deviaret, propter quam ei responderetur a Domino: « Beatus es Simon Bar Jona, quia caro et sanguis non revelavit tibi, sed Pater meus qui est in cœlis. » Et ego dico tibi: « Quia tu es Petrus, et super hanc petram ædificabo Ecclesiam meam, et portæ inferi non prævalebunt adversus eam (*Matth. xvi, 17, 18*). » Nimis autem a compage hujus ædificationis alienus est, qui beati Petri confessionem non capit, et Christi Evangelio contradicit. Ostendens se nullum unquam studium cognoscendæ veritatis habuisse, et superfluo honorabilem visum qui nulla auctoritate cordis ornavit cantem senectutis. Verum quia etiam talium non est negligenda cura, pie ac religiose Christianissimus imperator habere voluit episcopale concilium, ut pleniori judicio omnis possit error aboleri, fratres nostros, Julianum episcopum, Renatum presbyterum, et filium nostrum Hilarium diaconem, et cum his Dulcitium notarium probatæ nobis fidei misi, qui vice mea sancto conventui vestræ fraternitatis intersint, et communi vobiscum sententiâ, quæ Domino sint placitura, constituent. Hoc est ut primum pestifero errore damnato, etiam de ipsius qui imprudenter erravit, restitutione tractetur: si tamen doctrinam veritatis amplectens sensus hæreticos quibus imperitia ejus fuerat irretita plene aperteque propria voce et subscriptione damnaverit. Quod etiam in libello quem ad nos miserat est professus, spondens per omnia nostram secuturum se esse sententiam. Acceptis autem fratris et coepiscopi nostri Flaviani litteris plenius ad eum de his quæ ad nos videtur retulisse rescripsimus, ut abolito hoc, qui natus videbatur errore, in laudem et gloriam Dei per totum mundum una sit fides, et una eademque confessio, « et in nomine Jesu omne genu flectatur cœlestium, terrestrium, et infernorum et omnis lingua confiteatur quia Dominus Jesus Christus in gloria est Dei Patris (*Philip. ii, 10, 11*). » Data Idus Junii, Asterio et Protogene viris clarissimis consulibus, æra qua supra.

#### XI. — Ad Constantinopolitanos.

LEO episcopus et sancta synodus quæ in urbe Roma convenit, clero et plebi consistenti Constantinopoli.

Licet de his quæ in concilio sacerdotum apud Ephesum gesta memorantur, multos nos mœror afficiat, eo quod sicut consonans fama dispersit, et ipso rerum monstratur effectu, nec justitiæ illie moderatio, nec fide est servata religio, vestræ tamen devotionis pietate gaudemus, et in sanctæ plebis acclamationibus, quarum ad nos exempla delata sunt, omnium vestrorum probamus affectum; quia et vivit ac permanet apud bonos filios optimi patris justa dilectio, et catholicæ doctrinæ eruditionem in

A nulla patimini parte corrumpi. Non dubie enim sicut vobis Spiritus sanctus reseravit Manichæorum confœderantur errori, qui ab unigenito Dei Filio, verum et nostræ naturæ hominem negant esse susceptum, omnesque ejus corporeas actiones simulatorii volunt fuisse phantasmatis. Cui impietati ne in aliquo præberetis assensum, jam per filium meum Epiphanium, et Dionysium Romanæ Ecclesiæ notarios cohortatoria ad dilectionem vestram scripta direximus, quibus confirmationem quam expetistis ultro præbuimus, ut nos paternam vobis curam non dubitetis impendere, ac modis omnibus laborare, ut, auxiliante misericordia Dei, omnia quæ ab imperitis et ab insipientibus excitata sunt scandala destruantur. Nec quisquam sibi audeat de sacerdotali honore blandiri qui potuerit in execrandi sensus impietate convinci. Nam si vix in laicis tolerabilis videtur inscitia, quanto magis in eis qui præsent; nec excusatione est digna, nec venia, maxime cum etiam defendere perversarum opinionum commenta præsumunt, et in consensum suum, aut errore, aut gratia insanabiles quosque traducunt. Separantur hujusmodi a sanctis membris corporis Christi, neque sibi catholica libertas infidelium jugum patiatur imponi. Extra enim donum divinæ gratiæ et extra sacramentum habendi sunt salutis humanæ, qui, negantes naturam nostræ carnis in Christo, et Evangelio contradicunt, et symbolo reluctantur, nec sentiunt se in hoc præruptum sua obæcatione deduci, ut nec in passionis Dominicæ, nec in resurrectionis veritate consistent; quia utrumque in Salvatore vacuatur, si in eo nostri generis caro non creditur. In quibus isti ignorantia tenebris, in quo hæc desidia torpore jacere, ut nec audita discerent, vel lectione cognoscerent, quod in Ecclesia Dei in omnium ore, tam consonum est, ut nec ab infantium linguis veritas corporis et sanguinis Christi inter communionis sacramenta fidei taceatur? Quia in illa mystica distributione spiritalis alimonie hoc impartitur, ut accipientes virtutem cœlestis cibi in carnem ipsius qui caro nostra factus est, transeamus. Unde et ad confirmationem charitatis vestræ quæ laudabili fide inimicis veritatis obnititur, apte atque opportune sermone affectuque apostoli utar et dicam. Propterea et ego audiens fidem vestram quæ est in Christo Jesu, et dilectionem in omnes sanctos, non cesso gratias agens pro vobis, memoriam vestri faciens in orationibus meis, ut Deus Domini nostri Pater gloriæ det vobis spiritum sapientiæ et revelationis, in agnitione ejus illuminatos oculos cordis vestri, ut sciatis quæ est spes vocationis ejus, quæ divitiæ, gloriæ, hæreditatis ejus in sanctis ejus, et quæ sit supereminens magnitudo virtutis ejus in nobis qui credidimus secundum operationem potentie virtutis ejus quam operatus est in Christo; suscitans illum a mortuis, et constituens illum ad dexteram suam in cœlestibus supra omnem principatum, et potestatem, et virtutem, et dominationem, omne nomen quod nominatur, non solum in hoc sæculo,

sed in futuro, et omnia subiecit sub pedibus ejus, et ipsum dedit caput supra omnem Ecclesiam, quæ est corpus ipsius, plenitudo ejus qui omnia in omnibus adimplet (*Ephes. i, 15-23*). Dicant hi adversarii veritatis quanto omnipotens Pater vel secundum quam naturam Filium suum super universa provererit? vel cui substantiæ cuncta subjecerit? deitas enim Verbi par in omnibus, et consubstantialis est Patri, et sempiternæ atque intemporaliter una eademque potentia est genitoris et geniti. Creator quippe omnium naturarum, quoniam « per ipsum omnia facta sunt, et sine ipso factum est nihil (*Joan. i, 3*), » superest omnibus quæ creavit, nec unquam Creatori suo non fuerunt subjecta quæ condidit. Cui proprium, et sempiternum est, nec aliunde quam de Patre, nec aliud esse quam Pater est. Huic si addita est potestas, si illustrata dignitas, si exaltata sublimitas, minor erat provehente qui crevit, nec habebat divitias ejus naturæ cujus indiguit largitate. Sed talia sentientem in societatem suam Arius rapit, cujus perversitati multum hæc suffragatur impietas, negans Verbo Dei humanam inesse naturam, ut, dum humilitatem in Dei majestate fastidit, aut falsatam in Christo asserat imaginem corporis, aut omnes actiones ejus, passionesque corporeas deitatis potius fuisse quam carnis. Quodlibet autem defendere audeat prorsus, insanum est, quia nec pietas fidei, nec ratio recipit sacramenti, ut aliquid passa sit deitas, aut in ullo mentita sit veritas. Impassibilis igitur Dei Filius, Deus cui cum Patre, et Spiritu sancto, una incommutabilis Trinitatis essentia, hoc quod est esse perpetuum est, in ea plenitudine temporis quæ sempiterno consilio fuerat præstituta, et prophetica dictorum atque gestorum significatione promissa, factus filius hominis, non sive conversione substantiæ, sed nostræ assumptione naturæ « venit querere et salvare quod perierat (*Matth. xviii, 11*). » Venit autem non locali accessu, nec monitione corporea tanquam præsens factus unde abfuisset, aut illinc recessurus unde venisset, sed venit per hoc quod erat visibile, et communione cernentibus declarandus, humanam scilicet carnem atque animam in visceribus Virginis matris accipiens, ut manens in forma Dei, formam servi sibiimet et similitudinem peccati carnis uniret, per quam non minueret divina humanis, sed augeret humana divinis. Talis enim erat omnium a primis ducta genitoribus causa mortalium, ut originali peccato transeunte per posteros nullus poenam damnationis evaderet, nisi Verbum caro fieret, et habitaret in nobis, in ea scilicet natura quæ nostri et sanguinis esset et generis. Propter quod dicit Apostolus: « Sicut per unius delictum in omnes homines in condemnationem, sic et per unius justitiam in omnes homines ad justificationem. Sicut enim per inobedientiam unius hominis peccatores constituti sunt multi, ita et per unius hominis obedientiam justi constituentur multi (*Rom. v, 18, 19*). » Et iterum: « Quia enim per hominem mors, et per hominem

resurrectio mortuorum, et sicut in Adam omnes moriuntur, ita in Christo omnes vivificabuntur (*I Cor. xv, 21, 22*). » Hi utique omnes qui licet in Adam sunt nati, in Christo tamen inveniuntur renati, habentes fidei testimonium, et de justificatione gratiæ et de communione naturæ, quam qui suscepit ab unigenito Dei Filio in utero Davidicæ virginis diffunditur, ab omni sacramento Christianæ religionis alienus est; et nec sponsam agnoscens, nec sponsam intelligens, nuptiali non potest interesse convivio. Caro enim Christi velamen est Verbi, quo omnis qui Christum confitetur, integre induitur. Erubescens autem illud, et quasi indignum refutans, nullum **193** ex eo habebit ornatum; ac licet se regio inserat festo, sacrisque se epulis importunus immisceat, discretionem tamen regis fallere improbus conviva non poterit, sed sicut ipse Dominus protestatus est, « tollitur ligatis manibus et pedibus, et mittetur in tenebras exteriores, ubi erit fletus et stridor dentium (*Matth. xxii, 13*). » Unde quicumque in Christo non confitetur corpus humanum, noverit se mysterio incarnationis indignum, nec ejus sacramenti habere consortium, quod Apostolus prædicat dicens: « quia membra sumus corporis de carne ejus et ossibus ejus. Propter hoc relinquet homo patrem et matrem, et adhærebit uxori suæ et erunt duo in carne una (*Ephes. v, 30, 31*). » Et exponens quid per hoc significetur, adjecit: « Sacramentum hoc magnum est. Ego autem dico in Christo et in Ecclesia (*Ephes. v, 32*). » Ab ipso ergo principio generis **C** humani, Christus est denuntiatus in carne venturus. In qua, sicut dictum est, et erunt duo in carne una. Utique duo sunt Deus et homo, Christus et Ecclesia, quæ de sponsi carne prodeunt, quando ex latere crucifixi manante sanguine et aqua sacramentum redemptionis et regenerationis accepit. Ipsa est enim nova conditio creaturæ humanæ, quæ in baptismo non indumento veræ carnis, sed contagio damnatæ vetustatis exiit, ut efficiatur homo corpus Christi, quia et Christus corpus est hominis. Unde non Deum tantum dicimus Christum sicut hæretici Manichæi, nec hominem tantum sicut hæretici Photiani, nec ita hominem ut aliquid ei desit quod ad humanam certum est pertinere naturam, sive animam sive mentem rationabilem, sive carnem quam non de femina sumpsit, sed factam de Verbo in carnem converso atque mutato, quæ tria falsa et vana Apollinistarum hæreticorum tres partes varie protulerunt. Nec dicimus quod beata virgo Maria hominem sine deitate conceperit, qui creatus a Spiritu sancto, postea sit susceptus a Verbo, quod Nestorium prædicantem merito justeque damnavimus. Sed dicimus Christum Dei Filium Deum verum natum de Deo Patre, sine ullo initio temporis, eundemque hominem verum natum de matre, hominem certa plenitudine temporis, nec ejus humanitatem qua major est Pater minuire aliquid ejus naturæ a qua æqualis est Patri. Hoc autem utrumque unum est Christus qui verissime dixit, et secundum Deum;



Ego et Pater unum sumus; et secundum hominem : A Pater major me est. Hanc fidem , dilectissimi , veram et indissolubilem , quæ sola veros efficit Christianos , quamque , ut intelligimus et probamus studio , et laudabili amore defenditis , perseveranter tenete , et constanter asserite. Et quoniam oportet vos post divinum auxilium etiam catholicorum principum gratiam promereri , humiliter et sapienter exposcite , ut petitioni nostræ qua plenariam indicii synodum postulamus , clementissimus imperator dignetur annuere , quo citius adjuvante misericordia Dei , et sanis fortitudo augeatur , et morbidis , si curari acquiescant , medicina præstetur.

#### XII. — *Ad Theodosium Augustum.*

Leo episcopus et sancta synodus quæ in urbe Roma convenit, THEODOSIO Augusto.

Litteris clementiæ vestræ quas dudum ad beati Petri apostoli sedem pro catholicæ fidei amore misistis , tantam fiduciam sumpsimus defendendæ , per vos veritatis et pacis , ut in causa tam simplici , tamque minuta , nihil putaremus posse existere quod noceret , præsertim cum ad episcopale concilium quod haberi apud Ephesum præcepistis tam instructi sint missi , ut si scripta quæ vel ad sanctam synodum vel ad Flavianum episcopum detulerunt , episcoporum publicari auribus Alexandrinus permisisset antistes. Ita manifestatione purissimæ fidei quam divinitus inspiratam et accepimus et tenemus , omnium congressionum strepitus quievisset , ut nec imperitia ultra desiperet , nec occasionem nocendi æmulatio reperiret. Sed dum privatæ causæ religionis exercentur obtentu , commissum est impietate paucorum quod universam Ecclesiam vulneraret. Comperimus enim non incerto nuntio , sed fidelissimo rerum quæ gestæ sunt , narratore Hilario diacono nostro qui vix ne subscribere cogeretur , effugit , convenisse ad synodum plurimos sacerdotes , quorum utique frequentia collationi et iudicio profuisset , si is qui sibi locum principalem vindicabat , sacerdotalem moderationem custodire voluisset , ut , sicut moris est , omnium sententiis ex libertate prolatis , id tranquillo et æquo constitueretur examine quod et fidei congrueret , et errantibus subveniret. In ipso autem iudicio non omnes qui convenerant interfuisse cognovimus. Nam alios rejectos , alios iudicium intromissos , qui pro supradicti sacerdotis arbitrio impiis subscriptionibus captivas manus dederant , et nociturum statui scirent , nisi imperata fecissent. Talemque ab ipso prolatam esse sententiam , ut dum homo unus impetitur , in omnem ecclesiam sæviretur. Quod nostri ab apostolica Sede directi adeo impium et catholicæ fidei contrarium esse viderunt , ut ad consentiendum nulla potuerint oppressione compelli , constanterque in eadem synodo , ut decuit , fuerunt protestati nequaquam id quod constituebatur Sedem apostolicam recepturam ; quoniam revera omne Christianæ fidei sacramentum (quod absit) a temporibus vestræ pietatis excinditur , nisi hoc scelestissimum facinus quod cum-

cta sacrilegia excedit , aboleatur. Quia vero diabolica nequitia subtiliter fallit incautos , et ita quorundam imprudentiam per similitudinem pietatis illudit , ut pro salubribus persuadeat nocitura , remove , quæsumus , aurem a vestræ pietatis conscientia in periculum religionis et fidei. Quod sæcularibus negotiis legumstrarum æquitate conceditur in rerum divinarum pertractione præstare , ut Christi Evangelio vim non inferat humana præsumptio. Ecce , Christianissime et venerabilis imperator , cum consacerdotibus meis implens erga reverentiam clementiæ vestræ sinceri amoris officium , cupiensque vos placere per omnia Deo , cui pro vobis ab Ecclesia supplicatur , ne ante tribunal Christi Domini rei de silentio iudicemur. Obsecramus coram unius deitatis inseparabili trinitate , quæ tali facto lædatur , cum ipsa vestri sit custos et auctrix imperii , et coram sanctis angelis Christi , ut omnia in eo statu manere jubeatis , in quo fuerunt ante omne iudicium , donec major ex toto orbe sacerdotum numerus congregetur. Nec alieno peccato patiamini vos gravari , quia quod necesse est nos dicere , veremur ne cuius religio dissipatur , indignatio provocetur. Præ oculis habete et tota mentis acie reverenter accipite beati Petri gloriam et communes cum ipso omnium apostolorum coronas , cunctorumque martyrum palmas , quibus alia non fuit causa patiendi , nisi confessio veræ divinitatis et veræ humanitatis in Christo. Cui sacramento quia impie nunc a paucis imprudentibus obviatur , omnes partium ecclesiæ nostrarum , omnes mansuetudini vestræ cum gemitibus et lacrymis supplicant sacerdotes , ut qui et nostri fideliter reclamant , et eisdem libellum appellationis Flavianus episcopus dedit , generalem synodum jubeatis intra Italiam celebrari , quæ omnes offensiones ita aut repellat aut mitiget , ne aliquid ultra sit , vel in fide dubium , vel in charitate divisum. Convenientibus utique orientalium provinciarum episcopis , quorum si qui superati minis atque injuriis a veritatis tramite deviarunt , salutaribus remediis in integrum revocentur , ipsique , quorum est causa durior si consiliis melioribus acquiescant , ab Ecclesiæ unitate non discedant. Quam autem post appellationem interpositam hoc necessarie postuletur , canonum Nicææ habitorum decreta testantur , quæ a totius mundi sunt sacerdotibus constituta , quæque subter adnexa sunt. Favete catholicis vestro more parentumque vestrorum , date defendendæ fidei libertatem , quam salva clementiæ vestræ reverentia , nulla vis , nullus poterit mundanus timor auferre. Cum enim Ecclesiæ causa statum regni vestri agamus et salutis , ut provinciarumstrarum quieto jure potiamini , defendite contra hæreticos inconcussam Ecclesiæ statum , ut et vestrum Christi dextera defendatur imperium. Data III Idus Octobris , Asterio et Protogene viris clarissimis consulibus , æra qua supra.

#### XIII. — *Ad Pulcheriam Augustam.*

Leo episcopus et sancta synodus quæ in urbe Roma convenit, PULCHERIÆ Augustæ.

Si epistolæ quæ in fidei causa ad pietatem vestram directæ sunt, per nostros clericos pervenissent, certum est remedium vobis his rebus quæ contra fidem factæ sunt, aspirantè vobis Domino, præstare potuisse. Quando sacerdotibus, quando Christianæ religioni aut fidei defuistis? Sed cum ad mansuetudinem vestram adeo non potuerint pervenire qui missi sunt, ut ad nos vix unus illorum Hilarius diaconus noster fugiens sit reversus, iteranda scripta credidimus, ut validiores preces nostræ esse mereantur, ipsorumque qui ad clementiam vestram non pervenerunt exempla subjecimus: amplioribus vos obtestationibus obsecrantes, ut quanto acerbiora facta sunt, quibus pro sede regia vos convenit contrahere, tanto majore gloria curam ejus in qua excellitis religionis habeatis, ne catholicæ fidei integritas ulla humanarum concertationum occasione violetur. Quæ enim congregata apud Ephesinam synodum sopienda et sananda pacis remedia credebantur, hæc non solum in majora pacis dispendia, sed (quod nimis dolendum est) etiam in ipsius fidei qua Christiani sumus, excidia processerunt. Et ii quidem qui missi sunt, quorumque unus vim Alexandrini episcopi sibi omnia vindicantis effugiens, rerum gestarum nobis ordinem fideliter nuntiavit, reclamaverunt in synodo sicut oportuit unius hominis non tam iudicio quam furori, protestantes ea quæ per vim metumque gererentur sacramentis Ecclesiæ et ipsi symbolo ab apostolis instituto præjudicare non posse, nec se ab ea fide ulla injuria separandos quam plenissime expositam atque digestam a sedè beati apostoli Petri ad sanctam synodum detulissent. Cujus recitatio poscentibus episcopis non sit admissa, uti scilicet remota ea fide quæ patriarchas, prophetas, apostolos, et martyres coronavit, generatio Jesu Christi Domini nostri secundum carnem, et veræ mortis ac resurrectionis ejus confessio (quod horremus dicere) solveretur. Scripsimus de hac re, ut potuimus, ad gloriosissimum principem, et, quod est maximum, Christianum. Cujus epistolæ pariter exempla subjecimus, ut fidem qua renatus per Dei gratiam regnat, nulla sineret novitate corrumpi. Quoniam Flavianus episcopus in nostra omnium communione persistit, atque hoc quod factum est sine consideratione justitiæ et contra omnium canonum disciplinam ratum haberi ratio nulla permittit. Et quia dissensionis scandalum non abstulisset Ephesina synodus, sed auxisset, habendi intra Italiam concilium et locus constitueretur, et tempus omnibus querelis et præjudiciis partis utriusque suspensis, quo diligentius universa quæ offensionem generaverant, retractentur, et absque vulnere fidei, absque religionis injuria, in pacem Christi redeant, sint sacerdotes, et soli auferantur errores. Quod ut obtinere mereamur probatissimæ nobis fidei pietas tua, quæ labores Ecclesiæ semper adjuvit, supplicationem nostram apud clementissimum principem sive specialiter a beatissimo Petro apostolo legationem commissam dignetur asserere,

A ut priusquam civile hoc exitiale bellum intra Ecclesiam hoc convalescat, redintegrandæ unitatis copiam Deo auxiliante concedat, sciens imperii sui viribus profuturum quidquid catholicæ libertati benigna ipsius fuerit **194** dispositione collatum. Data pridie Idus Octobris, Asterio et Protogene viris clarissimis consulibus, æra quâ supra.

#### XIV. — Ad eandem.

LEO episcopus PULCHERÆ Augustæ, etc.

Gaudere me plurimum et exsultare in Domino pietatis tuæ scripta fecere, quibus evidenter ostenditur quantum catholicam diligas fidem, et quantum hæreticum detesteris errorem. Hæresis quippe est nimis impia, et Evangelio veritatis inimica quæ non portionem aliquam lædere, sed ipsa religionis Christianæ conatur fundamenta convellere, negans sempiterni Patris Filium sempiternum de utero beatæ Virginis matris veram carnem nostræ sumpsisse naturæ; et eos damnatione percellens qui ab evangelica et apostolica fide nullo deduci errore poterunt, illudque frustra prætendens quod Nicænæ synodi fidem teneat, cujus eum constat esse alienum gloriosissima Augusta. Unde quia non deserit Ecclesiam suam divina protectio, dicente Domino: « Ecce ego vobiscum sum omnibus diebus usque ad consummationem sæculi (Matth. xxviii, 20), » eodemque opere et tempore spiritus Dei et clementiæ vestræ sollicitudinem et curam nostri cordis accendit, ut de remediis procurandis, eadem utrique cuperemus, quæ prius poposci. Nunc quoque instantius peto, majore utens fiducia deprecandi, posteaquam præsidium venerandæ exhortationis accipi, sperans affuturam misericordiam Dei, ut cooperante vestra clementiæ pestiferi erroris possit morbus auferri: ut quidquid ipse inspirante atque auxiliante potuerit salubriter fieri, cum vestræ fidei laude peragatur, quoniam res humanæ aliter tutæ esse non possunt, nisi quæ ad divinam confessionem pertinent, et regia et sacerdotalis defendat auctoritas. Data decimosexto Kalendas Aprilis, Valentiniano Augusto septimo, et Anieno viris clarissimis consulibus, æra CCCCLXXXVIII.

#### XV. — Ad Martianum et Faustum presbyteros.

LEO episcopus MARTIANO FAUSTOQUE presbyteris.

D Bonorum operum et spiritualium studiorum Deum auctorem esse non dubium est, qui quorum incitat mentes adjuvat actiones. Quod nobis præsentī experimento evidenter apparuit. Si quidem inter discretarum spatia longinqua regionum unum sumpserint corda nostra consilium, ut quod a nobis desiderabatis, eo vobis tempore quo epistolæ vestræ mittebantur, occurrerit. Si tamen dilectioni vestræ tradi scripta nostra potuere, quæ non solum apostolicæ Sedis auctoritate, sed etiam sanctæ synodi quæ ad nos frequens convenerat, unanimitate directa sunt, ut in his quantam curam totius Ecclesiæ habeamus, appareat, hortando scilicet omnium fidelium mentes et clementissimorum principum præsidia ad defensionem fidei postulando, quorum pios et catholicos



animos non diffidimus opem atque auctoritatem suam justis petitionibus præstituros; quo citius, auxiliante Domino, pernicioſa hæresis et dudum sanctorum Patrum auctoritate damnata quæ nuper Ephesi male adjuta est, auferatur. Interim vero det operam quantum fieri potest vestra dilectio ut omnibus Ecclesiæ filiis innotescat, quod impium sensum secundum doctrinam evangelicam et apostolicam prædicamus. Quia licet plene quæ semper fuisset, atque esset catholicorum sententia scripserimus, tamen nunc quoque ad confirmandas omnium mentes non parum exhortationis addidimus. Memor enim sum me sub illius nomine præsidere, cujus a Domino Jesu Christo est glorificata confessio, et cujus fides omnes quidem hæreses destruit, sed maxime impietatem præsentis erroris expugnat; et intelligo mihi aliud non licere quam ut omnes conatus meos ei causæ in qua universalis Ecclesiæ salus infestatur, impendam. Ne autem aliqua negligentiae occasione scripta nostra ad vos non potuerint pervenire, exemplaria eorundem nunc mittenda credidimus, ut nullo modo fidei quam defendimus, prædicatio nostræ notitiæ subtrahatur. Data decimo sexto Kalendas Aprilis, Valentiniano Augusto VII et Ameno V consulibus.

XVI. — *Ad Theodosium Augustum.*

LEO episcopus THEODOSIO Augusto, etc.

Omnibus quidem vestræ pietatis epistolis inter eas sollicitudines quas pro fide patimur spem nobis securitatis maximam præstitistis Nicænum commendando concilium, adeo ut ab illo, sicut sæpe jam scribitis, non patiamini sacerdotes Domini deviare. Sed ne aliquid in præjudicium catholicæ defensionis viderer egisse de ordinatione ejus qui Constantinopolitanæ coeperit ecclesiæ præsidere, nihil interim in alterutram partem temere rescribendum putavi, non dilectionem negans, sed manifestationem catholicæ veritatis expectans. Quod æquanimiter fêrat, obsecro, vestra clementia, ut cum talem se erga fidem catholicam qualem cupimus, approbarit, de sinceritate ipsius copiosius et securius gaudeamus. Ne vero aliqua illum de nostro animo mordeat sinistra suspicio, occasionem totius difficultatis amoveo, nec aliquid exigo quid aut arduum videatur aut dubium, sed ad id quod nullus catholicorum refutet invito. Noti enim sunt per universum mundum atque manifesti qui ante nos, sive Græca, sive Latina lingua in catholicæ veritatis prædicatione fulserunt, ad quorum scientiam atque doctrinam quidam etiam nostræ ætatis cedunt, de quorum scriptis par et multiplex profertur instructio. Quæ sicut Nestorianam hæresim destruxit, ita etiam hunc qui nunc repullulat abscondit errorem. Relegat itaque sollicite quæ a sanctis Patribus incarnationis Dominicæ fides fuerit custodita semperque similiter prædicata, et sanctæ memoriæ Cyrilli Alexandrini episcopi epistolam qua Nestorium corrigere et sanare voluit, pravas prædicationes ipsius arguens et evidentius fidem Nicænæ diffinitionis exponens, quanquam ab eo mis-

am apostolicæ Sedis scrinia susceperant, præcedentium sensui perspexerit consonantem, Ephesinæ etiam synodi gestare censent, quibus contra Nestorii impietatem et a sanctæ memoriæ Cyrillo inserta, et allegata sunt de incarnatione Domini catholicorum testimonia sacerdotum. Non aspernetur etiam meam epistolam recensere, quam pietati Patrum per omnia concordare reperiet. Cumque a se hoc quod eidem profuturum sit expeti desiderarique cognoverit, catholicorum sententiis toto corde consentiat. Ita ut sinceram communionis fidei professionem absolutissima subscriptione coram omni clero et universâ plebe declaret, apostolicæ Sedi et universis Domini sacerdotibus atque ecclesiis publicandam, ut, pacificato per unam fidem mundo, possimus omnes dicere quod angeli nato de Maria virgine Salvatore cecinerunt: « Gloria in excelsis Deo, et in terra pax hominibus bonæ voluntatis (*Luc. II, 14*). » Quia vero et nos et beati Patres nostri, quorum doctrinam et veneramur et sequimur, in unius fidei concordia sumus, sicut provinciarum omnium protestantur antistites, agat clementiæ vestræ devotissimâ fides, ut quamprimum ad nos Constantinopolitani episcopi, qualia debent probati et catholici sacerdotis scripta perveniant, aperte scilicet, atque dilucide protestantia, quod si quis de incarnatione Verbi Dei aliud aliquid credat aut asserat quam catholicorum omnium et mea professio protestatur, hunc a sua communione secernat, ut ei fraternam in Christo charitatem merito possimus impendere. Ut autem salubribus curis velocior pleniorque, auxiliante Domino, per vestræ clementiæ fidem præstetur affectus, ad pietatem vestram fratres et coepiscopos nostros Abundium et Asterium, sed et Basilium et Senatorem presbyteros, quorum mihi devotio est probata, direxi, per quos quæ nostræ forma sit fidei manifestatis instructionibus quas misimus, possitis dignanter agnoscere, ut si Constantinopolitanus antistes in eandem confessionem toto corde consentit, securi (ut dignum est) de ecclesiastica pace lætemur, neque aliud residere videatur ambiguum, ut de superfluis forsitan suspicionibus laboremus. Sin vero aliqui a puritate nostræ fidei atque Patrum auctoritate dissentiant, concilium universale intra Italiam sicut synodus quæ ob hanc causam Romæ convenerat, mecum petit, clementia vestra concedat, ut in unum convenientibus omnibus his qui aut ignorantia, aut timore prolapsi sunt correctionis remediis consulatur, nec cuiquam ultra sit liberum ita Nicænæ synodi facere mentionem, ut ejus fidei inveniatur esse contrarios. Quoniam universæ et Ecclesiæ et vestro hoc imperio profuturum est, si unus Deus, et una fides, unum sacramentum salutis humanæ, unius totius mundi confessione teneatur. Data decimo septimo Kalendarum Augusti.

XVII. — *Ad Pulcheriam Augustam.*

LEO episcopus PULCHERIAE Augustæ.

Gaudeo fidei clementiæ vestræ quod religiosum studium dignanter impenditis, ut pax ecclesiastica renovetur, quæ eorundem dissensionibus videtur

esse turbata. Debetur enim hoc vestræ specialiter gloriæ, ut ablatis omnibus scandalis quæ contra catholicam fidem inimicus excitaverat, una eademque sit per totum mundum confessio veritatis, quæ facilius cœrtiusque reparabitur si pravorum sensuum nulla semina, nulla vestigia relinquantur. Quod tamen mearum partium est, præterire non debeo, ut scilicet quid de incarnatione Filii Dei a Constantinopolitano episcopo teneatur agnoscam, præsertim cum in ordinatione ipsius dura præcesserint, taliaque ad nos debuerit scripta dirigere quæ illum a contagione hujus qui nuper emersit erroris, alienum evidenter ostenderent. Optans itaque securam cum eo habere concordiam, gratiamque illi fraternæ charitatis impendere, scribere ei interim distuli non dilectionem negans, sed manifestationem catholicæ veritatis exspectans. Simplex enim est atque absolutum, quod posco, ut, remoto longarum disputationum labore, sanctæ memoriæ Cyrilli Alexandrini episcopi epistolæ quam ipse ad Nestorium miserat, acquiescat, in qua et errorem Nestorii arguit et fidem Nicænæ definitionis exposuit, et epistolæ meæ quæ ad sanctæ recordationis Flavianum episcopum est directa, consentiat. Quibus vigilanter inspectis, Constantinopolitanus antistes repudiandum sibi quod ausa est contra puram et singularem fidem imperita insipientia definire, incunctanter agnoscat; quia et mea et sanctorum Patrum de incarnatione Domini consors et per omnia et una confessio est. Quam si quis æstimaverit non sequendam, ipse se a compage catholicæ veritatis abscindet, cum tamen nos ut in integrum omnia revocentur optemus. Ad effectum vero salubrium dispositionum velocius obtinendum, fratres et coepiscopos meos Abundium et Asterium, sed et Basilium et Senatorem presbyteros probatissimos viros misi, qui clementiæ vestræ formam fidei secundum doctrinam venerabilium Patrum prædicamus, offerent, et remotis circumlocutionibus, quibus obscurari veritas solet, quid de incarnatione Filii Dei a totius orbis probatis sacerdotibus defensum fuisset, ostenderent. Quos post divinam gratiam sancto vestræ pietatis auxilio dignum est adjuvari, ne in totius Ecclesiæ perturbationem imprudens præcedat contentio, cum correctione adhibita omnes oporteat in unius confessionis redire concordiam: a qua si forsitan ab aliquibus discrepatur, universale concilium sacerdotum haberi intra Italiam clementia vestra annuente jubeatur; quo remota arte fallendi, tandem pateat quid altiore tractatu aut coerceri debeat, aut sanari. Data tertio decimo Kalendas Augusti, Valentiniano Augusto VII et Aneno viris clarissimis consulibus, æra qua supra.

**195 XVIII. — Pulcheriæ Augustæ per Theosticum magistrianum.**

Religiosam clementiæ vestræ sollicitudinem, quam catholicæ fidei indesinenter impenditis per omnia recognosco; et Deo gratias ago, quod tantam universalis Ecclesiæ curam habere vos video, ut quod

A justitiæ et benevolentiae congruere arbitror confidenter insinuem, quo celerius quæ propitio Christo pietatis vestræ studio irreprehensibilem hactenus gesta sunt ad gratulandum perducantur effectum. Quod ergo synodum Chalcedonensem haberi clementia vestra præcepit cum a me ut in Italia haberetur mansuetudo vestra retineat postulatum, ut omnes nostrarum partium convocati antistites, si securitas temporis suppeteret convenirent, adeo tamen non aspernanter accepi, ut binos de coepiscopis meis et compresbyteris ordinarem, qui vicem meam implere sufficerent, datis ad venerabilem synodum congruentibus scriptis quibus fraternitas advocata cognosceret quam formam servare in hac dijudicatione deberet, ne ulla temeritas aut fidei regulis, aut canonum statutis, aut benignitatis remediis obviaret. Sicut enim a principio hujus causæ frequentissime scripsi, hanc inter discordes sensus et carnales æmulationes moderationem volui custodiri, ut integritati quidem fidei nihil evelli, nihil liceret apponi, ad unitatem vero pacemque redeuntibus remediis veniæ præstaretur. Quia tunc operum diaboli potentia destruantur, cum ad Dei et proximi dilectionem hominum corda revocantur. Sed quam contraria tunc his monitis atque observationibus meis acta sint multum est explicare; nec opus est epistolari pagina comprehendere, quod in illo Ephesino non iudicio, sed latrocinio potuit perpetrari. Ibi primates synodi nec resistentibus sibi fratribus nec consentientibus præceperunt, cum ad infringendam catholicam fidem, et ad execrabilem hæresim roborandam alios privilegio honoris exuerint, alios consortio impietatis infecerint, sæviore profecto in eos, quos persuadendo ab innocentia separabant, quam in illos, quos beatos confessores persequendo faciebant. Veruntamen quia tales sibi maxime sua iniquitate nocuerunt, et majoribus vulneribus diligentior est adhibenda medicina, nullis unquam epistolis definivi etiam talibus si respicerent veniam denegandam. Et quamvis incommutabiliter inimicissimam Christianæ religioni hæresim detestemur, ipsos tamen si corrigantur, et digna se satisfactione purificent, ab ineffabili misericordia Dei non iudicamus alienos, sed potius cum gementibus gemimus, cum flentibus flemus, et sic utimur justitia commotionis, ut non amittamus remedia charitatis. Quod sicut pietas vestra cognoscit non verbis solis promittitur, sed etiam factis docetur. Siquidem pene omnes qui in consensum præsidentium aut traducti fuerant, aut coacti resistendo, quod statutum fuerat ab illis, et condemnando quod scripserant perpetuam culpæ abolitionem et apostolicæ pacis gratiam sunt adepti. Si ergo clementia vestra propositum nostrum considerare dignetur, probabit in eo concilio cuncta gessisse, ut sine cuiusquam animæ detrimento hæreseos tantum obtineretur extinctio, et ob hoc circa auctores sævissimorum turbinum quiddam consuetudinis minuisse, ut ad indulgentiam postulandam compunctione aliqua



possit eorum tarditas excitari. Qui etsi post illud iudicium suum tam impium quam injustum non sunt catholice fraternitati ita honorabiles ut fuerunt, suas tamen adhuc obtinent sedes, et episcopatus sui honore potiuntur aut per veram et necessariam satisfactionem pacem Ecclesie recepturi, aut si haeresim (quod absit) tuebuntur, professionis suae merito iudicandi. Data tertio decimo Kalendas Augusti Helpidio V. C. consul.

XIX. — *Ad Faustum, Martinum, etc.*

LEO episcopus, FAUSTO, MARTINO, PETRO, MANIHELI, JOB, ANTIOCHO, ABRAHAMO, THEODORO, PIENTIO, EUSEBIO, HELPEDIO, PAULO, ASTERIO et CHARASO, presbyteris et archimandritis, et JACOBO diacono et archimandrite.

Causa fidei in qua salus Christiana consistit multa me sollicitudine laborare compellit, metuentem ne pravitas quae in suis fuerat amputanda principii processu temporis et pertinacior fiat et latior. Nam, cum clementissimus imperator talia ad nos scripta direxit, quibus sollicitudinem suam pro pace universalis Ecclesiae demonstraret, et ipse Constantinopolitanus episcopus, et ii qui eundem consecrarent, praeter id quod ad ordinem novi antistitis pertinebat, nihil nobis de compressis vel abdicatis erroribus indicarunt, quasi in illa ecclesia nullum scandalum, nulla exstisset offensio; aut non praecipue fuerint ordinati ad meritum demonstrandum, si aliena a se quae catholicorum sensibus sunt adversa docuisset. Ne ergo quod inter longinquas regiones accidere solet, ut nimias dilationes tenderent veritatis examina, fratres et coepiscopos nostros Habundium et Asterium, sed et Basilium et Senatorem, presbyteros, probatissimos viros et probatissimum principem cum sufficienti paternarum auctoritatum instructione direxerimus. Quos in omnibus, fratres clarissimi, diligentia ac sollicitudine vestra cupimus adjuvari, ut impietas quae caecis ausibus in exitalia abrupta processit, simplices quosque decipiendi ulterius non habeat potestatem, cum aptiore medicina etiam illis cupiamus per correctionis remedia subveniri, qui aut imperitia sunt lapsi, aut errore traducti. Et ideo vos qui justificamini per fidem, qui catholicam diligitis veritatem, et de singulari sacramento salutis humanae per Spiritum sanctum estis edocti, collaborate nobiscum, et quanta potestis devotione id agite, ut falsitate destructa, et fidei soliditate defensa, secura per totum mundum Dei pace potiamur. Data decimo sexto Kalendas Augusti, Valentiniano, et Augusto VI, et Anieno, viris clarissimis consulibus aera qua supra.

XX. — *Ad Martinum Aug.*

LEO MARTIANO Augusto.

Sanctum clementiae vestrae studium quo ad reparationem pacis ecclesiasticae synodum habere voluistis adeo libenter accepi, ut quamvis eam fieri intra Italiam poposcissem, et aptius expectari tempus optassem, quo scilicet plurimi possent episcopi

etiam de longinquis provinciis evocari, mox tamen ut mihi pietatis vestrae scripta sunt tradita: et Bonifacium de compresbyteris meis ab urbe direxerim, et de episcopis fratrem meum Pasehasium de Sicilia fecerim navigare, qui vicem meam sufficienter implerent, datis per eosdem epistolis ad eos qui legationem ante susceperant, ut ipsi quoque praedictis adimplendas partes meae praesentiae jungerentur. Unde quamvis nimis auctus dies synodo fuerit constitutus, spero tamen affuturum Omnipotentis auxilium, quo omnes valeant ad praefinitum tempus occurrere, et unanimiter cum sanctae fraternitatis assensu quae universali Ecclesiae congruant, definire. Compressa enim vel remota inquietudine ac pravitate paucorum facile firmabitur probanda concordia, si in eam

B fidem, quam evangelicis et apostolicis praedicationibus declaratam per antiquos Patres nostros accepi-mus et tenemus, omnium corda concurrant, nulla penitus disputatione cujusquam retractationis admissa, ne per vanam fallacemque versutiam aut infirma videantur aut dubia quae in ipso lapide angulari Christo fundata sunt et sine fine mansura. Hoc nobis indesinenter orantibus, ut a sacramento singularis fidei nemo inveniatur alienus, sed damnata impietate haereseos nullum de perditione cujusquam catholica Ecclesia sentiat detrimentum. Quod autem pietatem vestram de his per quos meas misi epistolas obsecravi, nunc quoque simili fiducia precor; ut vice mea acturos commendatos per omnia habere dignemini, quo facilius et diligentius quae optimo fidei vestrae ordinata sunt studio salubri impleantur affectu. Data quarto decimo Kalendas Augusti, Adelphio viro clarissimo consule.

XXI. — *Ad eundem.*

LEO episcopus MARTIANO Augusto, etc.

Quamvis per Constantinopolitanos clericos ad pietatem vestram ante rescripserim, sumptis tamen clementiae vestrae litteris per virum illustrem praefectum urbis, filium meum Tatianum, magnam materiam gratulationis accepi, quia studiosissimos vos ecclesiasticae pacis agnovi. Cui sancto desiderio digne aequitate confertur, ut quem statum esse cupitis religionis, eundem habeatis et regni. Nam inter principes Christianos spiritu Dei confirmante concordiam, gemina per totum mundum fiducia roboratur, quia profectus charitatis et fidei utrorumque armorum potentiam insuperabilem facit, ut propitiato per unam confessionem Deo, simul et haeretica falsitas et barbara destruat hostilitas, gloriosissime imperator. Aucta igitur per imperialem amicitiam spe caelestis auxilii confidentius pietatem vestram pro sacramento salutis humanae incitare praesumo, ne cujusquam procaci impudentisque versutia, quasi de incerto quid sequendum sit sinatis inquiri. Et cum ab evangelica apostolicaque doctrina, nec uno quidem verbo liceat dissidere, aut aliter de Scripturis divinis sapere quam beati Apostoli et patres nostri didicere atque docuerunt, nunc demum

indisciplinatae moveantur et impiae quaestiones, quas olim mox ut eas per apta sibi corda diabolus excitavit, per discipulos veritatis Spiritus sanctus exstinxit. Nimis autem iniquum est, ut per paucorum insipientiam ad conjecturas opinionum et bella revocemur, tanquam reparata disceptatione tractandum sit, utrum Eutyches impie senserit, et utrum impie Dioscorus judicavit, qui in sanctae memoriae Flaviani condemnatione se perculit, et simpliciores quosque ut in eandem ruinam provolverentur impiegit, quorum multis jam, ut cognovimus, ad satisfactionis remedia conversis, et veniam de inconstanti trepidatione poscentibus, non cujusmodi sit fides tractandum est, sed eorum precibus qualiter annuendum. Unde piissimae sollicitudini vestrae quam de indicenda synodo habere dignamini per legationem quae confestim ad dementiam vestram Deo annuente perveniet, quidquid ad causae utilitatem arbitror pertinere, plenius atque opportunius suggeretur. Data nono Kalendas Maii, Adhelesio viro clarissimo consule, aera qua supra.

XXII. *Ad eundem.*

LEO episcopus MARTIANO Augusto.

Poposceram quidem a gloriosa clementia vestra, ut synodum quam ad reparandam orientalis Ecclesiae pacem, a nobis etiam petitam necessariam judicatis aliquantisper differri ad tempus opportunius juberetis, ut liberioribus ab omni perturbatione animis, illi quoque episcopi quos hostilitatis metus detinet convenirent. Sed quia pio studio humanis negotiis divina praepositis, et rationabiliter ac religiose regni vestri viribus creditis profuturum, si nulla sit in sacerdotum sensibus dissonantia, nulla sit in Evangelii praedicatione discordia, ego etiam vestris dispositionibus non renitor, optans ut omnium cordibus catholica fides, quae non potest nisi una esse, firmetur. A cujus integritate et Nestorius antea, et nunc Eutyches diversis quidem callibus, sed impietate non impares deviarunt, abominandi prorsus persuasionibus suis quas contra sinceri, veri, luminis fontem de coenosis lacubus diabolicae falsitatis hauserunt. Prior itaque synodus Ephesina Nestorium cum dogmate suo **196** merito justequedamnavit, et quisquis in illo errore perstitit ad nullius potest spem remedii pertinere. Sequens vero in praedicta civitate non possum vocare concilium, quod in eversionem fidei fuisse constat agitatam, quodque vestra clementia amore veritatis catholicis affutura aliud statuendo quassavit, gloriosissime imperator. Unde per ipsum Dominum nostrum Jesum Christum, qui regni vestri est auctor et rector, obtestor et obsecro clementiam vestram, ut in praesenti synodo fidem quam beati Patres nostri ab apostolis sibi traditam praedicarunt non patiamini quasi dubiam retractari, et quae olim majorum sunt auctoritate damnata redivivis non permittatis conatibus excitari. Illudque potius jubeatis, ut antiquae Nicenae synodi constituta, remota haereticorum interpretatione, permaneant. Nec me quodque, ut vo-

luit vestra clementia, ab illo credatis abesse concilio, cum in his fratribus quos direxi, id est, Paschasiano et Lucentio episcopis, Bonifacio et Basilio presbyteris, sed et fratre meo Juliano, quem eorum volui esse participem, etiam mea sit aestimanda poenitentia. Quos auxiliante Christo ita jacturos esse confido, ut ea quae Domino nostro placeant, decernantur, accedente pietatis vestrae studio, quod et paci prosit et religioni sit custodia veritatis. Data vi Kalendas Junii, Adelphio viro clarissimo consule, aera qua sup.

XXIII. *Ad eundem.*

LEO episcopus MARTIANO Augusto.

Multam mihi fiduciam scribendi ad clementiam vestram et litterae vestrae, quas veneranter accepi, et coepiscopi mei revertentes Constantinopoli praebuerunt, non sola assertione verborum, sed ipsis operum effectibus demonstrantes, ad defensionem catholicae fidei divinum in vobis vigere praesidium. Quo utique non solum Ecclesiae status, sed etiam vestri robur munitur imperii, ut merito ejus exspectetis protectionem, cujus colitis veritatem, gloriosissime imperator. Nam, ut fratris mei Anatholii citius manifestaretur integritas, et olim damnati erroris redivivus assertor locum in Christi Ecclesia non haberet, ut catholici episcopi, quos nuper haereticorum persecutio degradare non potuit ab injustis revocarentur exsiliis, atque reliquis beatae memoriae Flaviani digno honore susceptis, impietatem suam condemnator ejus agnosceret, vestrae virtutis titulus, vestrae pietatis est fructus; cui confido etiam aliarum insignia accumulanda palmarum. Ut sicut Constantinopolitana Ecclesia recepta apostolicae fidei libertate laetatur, ita omnes regni vestri provinciae emundatas se a diabolici dogmatis contagione glorientur. Ut ergo praecedentibus litteris indicavi, fratres meos Lucensem episcopum et Basilium presbyterum qui sollicitudinis meae partes possint implere direxi, favori eos pietatis vestrae in omnibus, quae sunt agenda commendans. Nam cum et fratris mei Anatolii scriptis et nostrorum sermone cognoverim multos de his qui apud Ephesum Dioscori factione compulsi, de stabilibus statutis poenitendum praebuere consensum inconstantiae suae veniam postulare, et communionem catholicam per satisfactionem correctionis expetere non fuit talium negligenda conversio, qui non proprio sensu, sed impii praesumptoris impulsu in haec incidisse noscuntur, in quibus liberum non habuere iudicium. Ne itaque resipiscentium desideria mora longior fatigaret, vel incuriosa facilitas temere aliquos et sine discretionem susciperet, injunctum est ab apostolica Sede directis ut in consortium suae deliberationis accito Constantinopolitanae urbis antistite et pestilentiae contagia non admittantur, et sanitatis remedia non negentur. Quae industria in omnibus quae nequiter gesta sunt emendandis celerem, juvante Domino, consequetur effectum, si reparationi pacis ecclesiasticae opem suam vestra pietas dignetur adungere: ut vobis in terra regnantibus et Dei



regnum intra vos honore mereamini, et catholicam fidem nulla falsitas violet, nulla hæresis inquietet, nec cuiquam liceat doctrinam evangelicam deserere et sacerdotali honore gaudere. Synodum vero fieri, ut meminit vestra clementia etiam ipsi poposcimus, sacerdotes provinciarum omnium congregari præsentis temporis necessitas nulla ratione permittit, quoniam illæ provinciæ de quibus maxime sunt evocandi, inquietante bello, ab ecclesiis suis eos non patiuntur abscedere. Unde oportuniore tempore propitiato Domino cum firmior fuerit restituta securitas, jubeat vestra clementia reservari. De qua re plenius inter cætera apud pietatem vestram poterunt allegare quos misi. Data v Idus Junii, Adelphio viro clarissimo consule, æra qua supra.

XXIV. — *Ad Anatolium episcopum.*

1. De fide ejus scriptis missis probata.  
2. De his qui metu in hæresim lapsi sunt, ut si conversi fuerint recipiantur.

3. De nominibus hæreticorum ad altare non recitandis.

4. De commendatione Juliani episcopi, vel eorum clericorum qui Flaviano episcopo infide adhæserunt.

CAP. I. LEO EPISCOPUS ANATOLIO EPISCOPO.

Gaudemus in Domino et in dono gratiæ ipsius gloriamur, qui sicut dilectionis tuæ litteris et fratrum nostrorum, quos Constantinopolim miseramus, relatione cognovimus, sequacem evangelicæ eruditionis ostendit, ut per sacerdotis probabilem fidem merito præsumamus, quod tota Ecclesia eidem credita est ne rugam cujusquam sit erroris habitura vel maculam, dicente Apostolo: « Despondi enim vos uni viro virginem castam exhibere Christo (II Cor. xi, 12); » illa enim virgo Ecclesia, sponsa unius viri Christi, quæ nullo se patitur errore vitari, in qua societatem tuæ dilectionis amplectimur, et gestorum quæ sumpsimus seriem necessariis (sicut oportuit) munitam subscriptionibus approbavimus. Ut ergo invicem dilectionis tuæ animus nostris confirmaretur alloquiis, filios nostros Casterium presbyterum, Patricium et Asclepiadem diaconos, qui ad nos tua scripta detulere cum epistolis nostris, post venerabilem diem festi paschalis emisimus, indicantes nos, ut supra diximus, de Constantinopolitanæ ecclesiæ pace gaudere, cui hanc curam semper impendimus, ut eam nulla velinus hæreticorum fraude violari.

H. De fratribus vero quos in epistolis tuis et legatorum nostrorum relatione communionis nostræ cupidissime cognovimus, eo quod doleant se contra potentiam, contraque terrores non tenuisse constantiam in alieno scelere præbuisse consensum, cum ita eos formido turbasset, ut in damnationem catholici atque innocentis antistitis, et in receptionem detestabilis pravitatis trepido famularentur obsequio. Illud quidem quod præsentibus et agentibus nostris constitutum est approbamus, ut suarum interim ecclesiarum essent communionem contenti, sed cum legatis nostris, quos misimus, participata tecum sollicitudine volumus disponatur, quatenus hi qui plenis

A satisfactionibus male gesta condemnant, et accusare magis se eligunt quam tueri pacis et communionis nostræ unitatem lætantur. Ita ut digno prius anathemate quæ contra fidem catholicam sunt recepta damnentur; aliter enim in Ecclesia Dei, quæ corpus est Christi, nec rata sunt sacerdotia, nec vera sacrificia, nisi in nostræ proprietate naturæ verus nos pontifex reconciliat, verus immaculati agni sanguis emundat, licet in Patris sit dextera constitutus, in eadem tamen carne quam sumpsit ex Virgine sacramentum propitiationis exsequitur, dicente Apostolo: « Christus Jesus qui mortuus est, imo qui et resurrexit, qui est in dextera, qui etiam interpellat pro nobis (Rom. viii, 34). » Neque enim potest in aliquo benignitas nostra reprehendi cum satisfaciens recepimus quos doluimus esse deceptos. Nec aspere igitur communionis nostræ gratia deneganda est, nec temere largienda, quia sicut plenum pietatis est oppressis charitatem Dominicam redhiberi, ita justum est omnia perturbationis auctoribus imputari.

B III. De nominibus autem Dioscori, Juvenalis, et Eustatii adsacrum altare recitandis, dilectionem tuam hoc decet custodire quod nostri ibidem constituti faciendum esse dixerunt, quodque honorandæ sancto Flaviano memoriæ non repugnet, et a gratia tua Christianæ plebis animos non avertat. Nam iniquum nimis est atque incongruum eos qui innocentes et catholicos sua persecutione vexarunt, sanctorum nominibus sine discretionem misceri, condemnatam impietatem non deserentes ipsi se sua pravitate condemnant quos convenit aut percelli pro perfidia, aut laborare pro venia.

C IV. Fratrem vero et coepiscopum nostrum Julianum vel clericos qui sanctæ memoriæ Flaviano fidelibus officiis adhæserunt, dilectioni quoque tuæ volumus adhærere, ut quem fidei suæ meritis vivere apud Dominum nostrum novimus in te sibi eum præsentem agnoscant; illudque dilectionem tuam nosse volumus fratrem et coepiscopum nostrum Eusebium, qui causa fidei multa discrimina laboresque toleravit, nobiscum interim demorari et in nostra nunc communionem persistere, cujus ecclesiam tua sollicitudine volumus esse defensam, ut nihil eodem absente depereat, et nullus ei in aliquo præjudicare præsumat, donec cum litterarum nostrarum ad vos prosecutione perveniat, et ut major circa te vel nostra vel totius Christianæ plebis affectio provocetur hoc quod ad dilectionem tuam scripsimus, in omnium volumus notitiam pervenire, ut qui Deo non deserviunt de confirmata apud te pace Sedis apostolicæ gratulentur. De cæteris vero causis atque personis dilectio tua litteris quas per nostras accipiet, plenius instruetur. Data Idus Aprilis, æra qua supra.

XXV. — *Ad Natholium episcopum Constantinopolitanum*

LEO EPISCOPUS ANATHOLIO EPISCOPO.

Diligentiam necessariæ sollicitudinis quam fraternitas tua in dirigendis ad nos litteris exsequitur, approbamus, et acceptis per filium nostrum Olim-

pium paganis tuis sacerdotalem in te curam vigere sentimus, cui nos quoque quantum Dominus dat posse non desumus, exorantes dilectionem tuam, ut quia tempus laboris indicimus in sancta vigilantia perseveres, donec dextera Domini faciat virtutem, et sub pedibus Ecclesiæ suæ conterat tentatorem. Consolatur etenim nos per omnia præparata divinitus clementissimi principis fides, quem in eo rursus sicut oportuit sum cohortatus alloquio, ut impiissimorum latronum ausibus districtiore constantia faciat obviari, quos nefas est tantum de suo favore præsumere ut etiam apud Constantinopolim audeant insanire. Sed hoc eis ideo divinæ providentiæ ratione permittitur, ut magis ac magis quo spiritu agitentur appareat, ne dubitari possit in quantam essent audaciam prorupturi, si post damnationem impiissimæ hæresis disceptandi contra fidem acciperent potestatem, ut quantum in ipsis est, latius hoc furore sævirent, quem fratres et coepiscopi nostri qui ad nos nuper ex Ægypti partibus confugere se pertulisse deplorat, quibus et Christianissimo principe et a tua fraternitate Deo placita charitate solatia pietatis impendi non ambigerem, etiam si ipse non scriberes. Opportunum autem credidi ut ad ipsos quoque scripta dirigerem quæ illos possint in communis fidei proposito roborare et quod pro patientia sua superna remuneratione mereantur, agnoscerent. Sicut beatus Apostolus docet, dicens: « Excipite itaque illos cum gaudio in Domino, et ejusmodi cum honore habete, quoniam propter fidem Christi usque ad mortem accesserunt (Philip. II, 29, 30). » Illud sane plurimum mihi displicere significo, quod inter dilectionis tuæ clericis quidam esse dicuntur, qui adversariorum conniveant pravitati, et vasa iræ vasis misericordiæ misceantur. Quibus investigandis et severitate congrua coercendis debet diligentia vigilanter insistere. Ita ut **197** his quibus prodesse non potuerit correctio, non pareat abscissio. Oportuit etenim nos evangelici meminisse mandati, quod ipsa Veritate præcipitur, « ut si nos oculus, aut pes, aut dextera scandalizaverit, manus a compage corporis auferatur (Matth. XVIII, 8), » quia melius sit his in Ecclesia carere membris, quam cum ipsis in æterna ire supplicia. Nam superflue extra Ecclesiam positos resistimus, si ab his qui ab intus sunt in eis quos decipiunt vulneramur. Abjicienda prorsus pestifera hæc sacerdotali vigore patientia est, quæ sibi met peccatis aliorum parendo non parcat. Sicut Heli quondam sacerdos filiorum suorum delicta tolerando, cum ipsis divinæ justitiæ sententiam meruit experiri, quia segni indulgentia dissimulavit plectere peccatores. Quantum itaque opportunitas invitat officii religiosissimum principem dilectio tua studeat frequentare, et non solum regiam, sed et sacerdotalem ipsius mentem precibus meis obsecrare persiste, ut memor communis fidei quam Spiritu sancto docente suscepimus, omnium hereticorum machinamenta confringat, neque quidquam illis in ecclesiis Christi licere patia-

tur, ne in eorum potestate sint divina mysteria, quibus in domo Dei pro scelerum suorum magnitudine nec habitandi jus residet nec orandi. Data pridie Idus Octobris, Constantino et Ruffo, viris clarissimis consulibus.

# XXVI. — Ad eundem.

LEO episcopus ANATHOLIO episcopo.

Licet sperem dilectionem tuam ad omne opus bonum esse devotam, ut tamen efficacior tua fieri possit industria, et hoc congruum fuit fratres meos Lucensium episcopum et Basilium presbyterum, ut promissimus, destinare quibus tua dilectio societetur, ut nihil in his quæ ad universalis Ecclesiæ statum aut dubie pertinent aut segniter, cum residentibus vobis quibus executionem nostræ dispositionis injunximus ea possint agi cuncta moderatione, ut nec benevolentiae partes ne justitiæ negligantur, sed absque personarum acceptione divinum in omnibus iudicium cogitetur. Quod ut recta observantia valeat custodiri catholice primitus fidei servetur integritas, ut quia per omnia « angusta et ardua via est quæ ducit ad vitam (Matth. VII, 14), » neque in sinistram, neque ad dexteram ab ejus tramite devietur. Et quia evangelica et apostolica fides omnes expugnat errores, et ab uno latere Nestorium dejecit, ab alio Eutychen et participes ejus elidit. Hanc regulam mementote servandam, ut quicumque in illa synodo quæ nomen synodi nec habere potuit nec meretur, et in qua malevolentiam suam Dioscorus, imperitiam autem Juvenalis ostendit, dolent ut dilectionis tuæ relatione comperimus, se metu victos et terrore superatos ad consensum scelestissimi iudicii potuisse compelli, et communionem catholicam obtinere desiderant, satisfactioni eorum pax fraterna præstetur, ita ut non dubiis professionibus Eutychen cum suo dogmate cumque consortibus suis anathematis execratione condemnent. De his autem qui in hac causa gravius peccavere, et ob hoc superiorem sibi locum in eadem infelici synodo vindicarunt, ut humiliorum fratrum simplicitatem arrogantiae suæ præjudiciis aggravarent, si forte respiscunt et a facti sui defensione cessantes in condemnationem proprii convertuntur erroris, horum si satisfactio talis accedit, quæ non refutanda videatur, maturioribus apostolicæ Sedis conciliis reservetur, ut examinatis omnibus atque perpensis de ipsis eorum agnitionibus quid constitui debeat aestimetur. Neque prius in Ecclesia, cui te Dominus voluit præsidere cujusquam talium, ut ante jam scripsimus, nomen ad altare recitetur, quam quid de eis constitui debeat, rerum processus ostendat. De commonitorio vero a clericis dilectionis tuæ nobis oblato necessarium non fuit epistolis quid videretur inserere, cum sufficeret legatis cuncta committi, quorum sermone ex omnibus diligentius instrueris. Annitere igitur, frater charissime, ut quæ Ecclesiæ Dei congruunt fideliter et efficaciter cum his fratribus, quos tantæ rei idoneos auctores elegimus, exsequaris, præsertim cum ipsa vos causæ ratio, spesque divini auxilii cohort-



tentur, et clementissimorum principum, tam sancta sit fides, tam religiosa devotio, ut in eis non solum Christianum, sed etiam sacerdotalem experiamur affectum. Qui utique pro pietate qua se Dei famulos esse gloriantur omnes suggestiones vestras fidei catholicæ profuturas dignanter accipiant, ut ipsorum quoque ope et pax Christiana reparari, et error impius possit aboleri. Ac si de aliquibus amplius fuerit deliberandum, celeriter ad nos relatio dirigatur, ut pertractata qualitate causarum nostra quid observari debeat sollicitudo constituat. Data quinto Idus Junii, Adelphio viro clarissimo consule, æra qua supra.

XXVIII. — *Ad synodum Chalcedonensem.*

Leo sanctæ synodo apud Chalcedonam constituta.

Optaveram quidem, charissimi, pro nostri charitate collegii omnes Domini sacerdotes in una catholicæ fidei devotione persistere, nec quemquam gratia aut formidine potestatum secularium depravari, ut a via veritatis abscederet. Sed quia multa sæpe quæ plenitudinem possint generare proveniunt, et superat culpas delinquentium misericordia Dei, atque ideo suspenditur ultio, ut possit locum habere correctio, amplectendum est clementissimi principis plenum religione consilium, quo sanctam fraternitatem vestram ad destruendas insidias diaboli et ad reformandam ecclesiasticam pacem voluit convenire, beatissimi Petri jure atque honore servato, adeo ut nos quoque suis ad hoc litteris invitaret, ut venerabili synodo nostram præsentiam præberemus, quod quidem nec necessitas temporis, nec ulla consuetudo poterat permittere. Tamen in his fratribus Paschasiano et Lucentio episcopis, Bonifacio et Basilio presbyteris, qui ab apostolica Sede directi sunt, me synodo vestra fraternitas æstimet præsidere, non ab injecta a vobis præsentia mea qui nunc in vicariis meis adsum et jamdudum fidei catholicæ prædicatione non desum, ut qui non potestis ignorare quid ex antiqua traditione credamus, non possitis dubitare quid cupiam. Unde, fratres charissimi, rejecta penitus audacia disputandi contra fidem divinitus inspiratam, vana errantium infidelitas conquiescat nec liceat defendi quod non liceat credi, cum secundum evangelicas auctoritates, secundum propheticas voces apostolicamque doctrinam plenissime et lucidissime per litteras, quas ad beatæ memoriæ Flavianum episcopum misimus, fuerit declaratum quæ sit de sacramento incarnationis Domini nostri Jesu Christi pia et sincera confessio. Quia vero non ignoramus per pravas æmulationes multarum ecclesiarum statum fuisse turbatum, plurimosque episcopos qui hæresim non reciperent sedibus suis pulsos et in exilia deportatos, atque in locum superstitem alios substitutos, vulneribus his primitus adhibeatur medicina justitiæ, nec quisquam ita careat propriis ut alter utatur alienis, cum si, ut cupimus, errorem omnes relinquunt, nemini quidem perire honor debeat, sed illis qui pro fide laboraverunt cum omni

A privilegio oporteat jus proprium reformari. Prioris autem Ephesinæ synodi cui sanctæ memoriæ Cyrillus episcopus tunc præsedit in Nestorium specialiter statuta permaneant, ne tunc damnata impietas, ideo sibi in aliquo blandiatur, quia Eutyches justa exsecratione percellitur. Puritas enim fidei atque doctrinæ, quam eodem quo sancti Patres nostri spiritu prædicamus, et Nestorianam et Eutychemianam cum suis auctoribus condemnat pariter et persequitur pravitatem. Data quinto Kalendas Julii, Adelphio viro clarissimo consule.

XXVIII. — *Ad Anatolium.*

Leo episcopus ANATOLIO episcopo.

Manifestato, sicut optavimus, per gratiam Dei lumine evangelicæ veritatis, et ab universali Ecclesia B perniciosissimi erroris nocte depulsa, ineffabiliter gaudemus in Domino quod creditæ nobis dispensationis labor ad desideratum pervenit effectum, sicut etiam epistolæ tuæ textus eloquitur, ut secundum apostolicam doctrinam idipsum dicamus omnes et non sint in nobis schisinata. Simus autem perfecti in eodem sensu et in eadem sententia. In cujus operis devotione gratulamur dilectionem tuam esse consortem, ut et corrigendis tua prodesset industria, et ab omni te deviantium participatione et factione purgares, decessore enim tuo beatæ memoriæ Flaviano propter defensionem catholicæ veritatis ejecto, non immerito credebatur, quod ordinatores tui contra sanctorum canonum constituta viderentur sui similem consecrasse. Sed adfuit misericordia Dei in hoc te C redigens atque confirmans, ut malis principiis bene uteris, et non te judicio hominum, sed Dei protectum benignitate monstres. Quod ita accipiendum est, si hanc divini muneris gratiam alia offensione non perdas. Virum etiam catholicum et præcipue Domini sacerdotem sicut nullo errore implicari, i a nulla oportet cupiditate violari. Dicente quippe Scriptura sancta: « Post concupiscentias tuas non eas, et a voluntate tua vetare (Eccli. xviii, 30), » multis mundi hujus illecebres, multis vanitatis resistendum est, ut vere continentia obtineatur integritas, cujus prima est labes superbia initium transgressionis, et origo peccati. Quoniam mens potentie avida, nec abstinere novit a velitis, nec gaudere concessis, dum inordinato pravoque processu impunitarum transgressionum augentur excessus, et crebrescunt culpæ, quæ toleratæ sunt studio fidei reparandæ et amore concordie. Post illa itaque ordinationis tuæ non culpata principia post consecrationem Antiocheni episcopi quam tibi met contra canonicam regulam vindicasti, doleo etiam in hoc dilectionem tuam esse prolapsam, ut sacratissimas Nicænorum canonum constitutiones conareris infringere, tanquam opportune se tibi hoc tempus obtulerit, quo secundi honoris privilegium sedes Alexandrina perdidit et Antiochæna Ecclesia proprietatem tertiæ dignitatis amiserit, ut his locis juri tuo subditis omnes metropolitani episcopi proprio honore priventur. Quibus inauditis et nunquam ante tentatis ita prive-

ris excessibus, ut sanctam synodum ad extinguendam solam hæresim et confirmationem fidei catholice studio Christianissimi principis congregatam in occasionem ambitus trabas, et ut conniventiam suam tibi det impellas, tanquam refutari nequeat, quod illicite voluerit multitudo, et illa Nicænorum canonum per sanctum vere Spiritum ordinata conditio aliqua cuiquam sit parte solubilis. Nulla sibi met de multiplicatione congregationis synodalia concilia blandiantur, neque trecentis illis decem atque octo copiosior numerus sacerdotum, comparare se audeat et præferre, cum tanto divinitus privilegio Nicæna sit synodus consecrata, ut sive per pauciores, sive per plures ecclesiastica judicia celebrentur, omni penitus auctoritate sit vacuum quicquid ab illorum fuerit constitutione diversum. Nimis ergo hæc improba, nimis sunt prava quæ sacratissimis canonibus inveniuntur esse contraria, in totius Ecclesiæ perturbationem superba hæc tendit elatio, quæ ita abuti voluit concilio synodali, ut fratres in fidei tantummodo negotium convocatos ad consentiendum sibi depravando compelleret. Inde enim fratres nostri, ab apostolica Sede directi, qui vice mea synodo præsidebant probabiliter atque constanter illicitis ausibus obstiterunt, aperte clamantes ne contra instituta Nicæna præsumptio reprobæ novitatis **198** assurgeret, nec potest de eorum contradictione dubitari, de quibus in epistola tua etiam ipse conquereris, quod conatibus tuis voluerint obviare. In quo eos quidem multum mihi hæc scribendo commendas, sed temetipsum quod eis parere nolueris, dum illicita moliris accusas superflue non concedenda appetens et salubriter contraria concupiscens, quæ nullum unquam potuerunt nostrum obtinere consensum. Absit enim a conscientia mea ut tam prava cupiditas meis studiis adjuvetur ac non potius et meo et omnium qui non alta sapiunt, sed humilibus consentiunt opere subruatur. Sancti illi et venerabiles Patres qui in urbe Nicæna sacrilego Ario cum sua impietate damnato mansuras usque in finem mundi leges ecclesiasticorum canonum condiderunt, et apud nos in toto orbe terrarum in suis constitutionibus munierunt, etsi quid usquam aliter quam illi statuere præsumitur, sine cunctatione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa. Et manentibus terminis quos constituerunt Patres non invadat alienum. Sed intra fines proprios atque legitimos prout quis valuerit in latitudine se charitatis exerceat, cujus satis uberes fructus Constantinopolitanus potest antistes acquirere, si magis humilitatis virtute nitatur, quam si spiritus ambitionis inflatur. Noli, frater, altum sapere, sed time, et Christianissimorum principum piissimas aures improbis petitionibus inquietare desiste, quibus certum habeo modestia te magis quam elatione placiturum. Persuasioni enim tuæ in nullo penitus suffragatur quorundam episcoporum ante sexaginta, ut jactas, annos facta subscriptio, nun-

A quam a prædecessoribus tuis ad apostolicæ Sedis transmissa notitiam cui ab initio sui caducæ dudumque collapsæ, sera nunc et inutilia subijcere fomenta voluisti, eliciendo a fratribus speciem consensionis quam tibi in suam injuriam verecundia fatigata præberet. Memento quid Dominus ei qui unum de pusillis scandalizaverit cominator, et sapienter intellige quale sit iudicium Dei subiturus, qui tot ecclesiis, tot sacerdotibus scandalum inferre non nescit, fateor enim ita me dilectione universæ fraternitatis obstringi, ut nemini prorsus in his quæ contra se poscit assentiat, possisque evidenter agnoscerem me dilectioni tuæ benevolo animo contraire, ut saniore consilio ab universalis te Ecclesiæ perturbatione contineas. Non convellantur provincialium jura primatum, nec privilegiis antiquitus institutis metropolitanis antistes fraudentur. Nihil Alexandrinæ sedi ejus quam per sanctum Marcum evangelistam beati Petri discipulum meruit pereat dignitatis. Nec Dioscoro impietatis suæ pertinacia corruente splendor tantæ Ecclesiæ tenebris obscuretur alienis, Antiochæna quoque Ecclesia, in qua primum prædicante apostolo Petro Christianum nomen exortum est in paternæ constitutionis ordine perseveret, et in gradu tertio collocata nunquam se fiat inferior. Aliud enim sunt sedes aliud præsidentes, et magnus unicuique honor est integritas sua, quæ cum in quibuslibet locis propria ornamenta non perdat, quanto magis in Constantinopolitanæ urbis magnificentia potest esse gloriosa, si per observantiam tuam et defensionem paterni canones et exemplum probitatis multi habeant sacerdotes? Hæc tibi scribens, frater, in Domino hortor ac moneo, ut deposito ambitionis desiderio spiritu potius ferveas charitatis ejus quoque virtutibus secundum doctrinam apostolicam proficenter orneris. « Est enim patiens, et benigna et non æmulatur, non agit perperam, non inflatur, non est ambitiosa, non quærit quæ sua sunt (I Cor. xiii, 4, 5). » Unde si charitas non quærit propria, quantum peccat qui concupiscit aliena? A quibus volo ut te prorsus abstineas, memor sis sententiæ quæ dicit: Tene quod tenes, ne alius accipiat coronam tuam. Nam si inconcessa quæsieris, ipse tuo opere atque iudicio universalis Ecclesiæ pace privaberis. Frater autem et coepiscopus noster D Lucianus et filius noster Basilius diaconus quantum in ipsis fuit, studiose his, quæ eis injunxeras affuere. Sed actioni eorum justitia negavit effectum. Data xi Kalend. Julii, Herculiano viro clarissimo consule, æra quæ supra.

#### XXIX. — Ad Martianum Aug.

LEO MARTIANO Augusto per Lucianum episcopum et Basilium diaconum de ambitu Anatolii.

Magno munere misericordiæ Dei totius Ecclesiæ catholicæ multiplicata sunt gaudia, cum sancto et glorioso clementiæ vestræ studio perniciosissimus error exstinctus est, ut labor noster citius ad desideratum perveniret effectum, quem Deo serviens principatum et fidem et potestatem juvisset. Quia



etsi in virtute Spiritus sancti inter quaslibet dissensiones per Sedis apostolicæ famulatum Evangelii erat defendenda libertas, manifestior tamen apparuit gratia Dei quæ præstitit mundo, ut in victoria veritatis auctores tantum violatæ fidei deperirent, et sua integritas Ecclesiæ redderetur. Bellum igitur quod noster inimicus excitaverat a Deo feliciter, dextera Domini pugnante, confectum est ut triumphante Christo omnium sacerdotum esset una victoria, et coruscante lumine veritatis, erroris tenebræ cum suis assertoribus pellerentur. Nam sicut in ipsa Domini resurrectione credenda ad corroboranda initia fidei multum securitatis accessit quod quidam apostoli de corporea Domini nostri Jesu Christi veritate dubitavere, et visu atque contactu fixuras clavorum, et, vulnus lanceæ perscrutando ambiguitatem cunctis dum ambigunt abstulerunt. Ita nunc quoque cum aliquorum infidelitas confutatur, omnium hæsitantium corda firmata sunt, et profecit universis ad illuminationem quod quibusdam intulit cæcitatem. In quo opere digne et juste exultat vestra clementia, quæ fideliter propriæque prospexit, ut orientalibus Ecclesiis diabolicæ insidiæ non nocerent, sed ad propitiandum Deum efficaciora ubique offerrentur holocausta, quando per mediatorem Dei et hominum hominem Christum Jesum eadem confessio plebium, eadem sacerdotum, eadem esset et regum. His autem propter quæ tanta facta est congregatio sacerdotum, bene et optabili fine compositis miror et doleo, quod pacem universalis Ecclesiæ divinitus reformatam, ambitionis rursus spiritus inquietat. Quamvis enim necessarie sibi frater meus Anatólius consuluisse videatur ut ordinatorum suorum errorem deserens in assensum catholicæ fidei salubri correctione transiret, custodire tamen debuit, ut quod vestro beneficio noscitur consecutus, nullius pravitatis cupiditate turbaret. Nos enim vestræ fidei et interventionis habentes intuitum, cum secundum suæ consecrationis auctores ejus initia turbarent, benigniores circa ipsum quam justiores esse volumus, quo perturbationes omnes quæ operante diabolo fuerant excitatæ, adhibitis remediis leniremus, quæ illum modestum magis quam immoderatum facere debuere. Qui etiam si præcipuis meritis, optimoque judicio legitime fuisset ac solemniter ordinatus, contra reverentiam tamen canonum paternorum, contra sancti Spiritus instituta, contra antiquitatis exempla, nullis posset suffragiis adjuvari. Apud Christianum et vere religiosum, vereque orthodoxum principem loquor. Multum Anatólius episcopus proprio detrahit merito, si illicito crescere optat augmento. Habeat, sicut optamus, Constantinopolitana cunctam gloriam suam, ac protegente dextera Dei diuturno clementiæ vestræ fruatur imperio. Alia tamen ratio est rerum sæcularium, alia divinarum, nec præter illam petram, quam Dominus in fundamento posuit, stabilis erit ulla constructio. Propria perdit qui indebita concupiscit. Satis sit quod prædicto vestræ pietatis auxilio, et mei fa-

voris assensu episcopatum tantæ urbis obtinuit. Non dedignetur regiam civitatem, quam apostolicam non potest facere Sedem. Nec ullo speret modo, quod per aliorum possit offensiones augeri. Privilegia enim Ecclesiarum sanctorum Patrum canonibus instituta, et venerabilis Nicænæ synodi fixa decretis, nulla possunt improbitate convelli, nulla novitate mutari. In quo opere auxiliante Christo fideliter exsequendo, necesse est me perseveranter exhibere famulatum, quoniam dispensatio mihi credita est, et ad meum tendit reatum, si paternarum regulæ sanctionum quæ in synodo Nicæna ad totius Ecclesiæ regimen Spiritu Dei instruite sunt conditæ, me, quod absit, connivente violentur, et major sit apud me unius fratris voluntas, quam universæ domus Domini communis utilitas. Et ideo sciens gloriosam clementiam vestram ecclesiasticæ studere concordiæ, et his quæ pacifice congruunt unitati, piissimum præstare consensum, precor et sedula suggestionem vos obsecro, ut ausus improbos unitati Christianæ pacique contrarios, ab omni pietatis vestræ abdicetis assensu, et fratris mei Anatólii nocituram ipsi, si persisterit, cupiditatem salubriter comprimatis, ne ea quæ vestræ gloriæ atque temporibus inimica sunt cupiens, major suis velit esse prioribus, liberumque illi sit quantis potuerit splendere virtutibus, quarum non aliter particeps erit, nisi charitate magis voluerit ornari, quam ambitione distendi. Hanc autem improbi desiderii conceptionem, nunquam debuit intra cordis sui recipere secretum, sed cum illi fratres, et coepiscopi mei, qui vice mea aderant, obviarent, ab illicito appetitu eorum saltem salubri contradictione cessasset. Nam et vestræ pietatis apices, et ipsius scripta declarant, legatos Sedis apostolicæ, sicut oportuit, contradictione justissima restitisse, ut inexcusabilior esset præsumptio, quæ se nec increpata cohiberet. Unde quia convenit fidei vestræ vel gloriæ, ut sicut hæresis, Deo per vos agente, destructa est, ita etiam omnis ambitus retundatur, agite quod et Christianæ est probitatis et regiæ, ut prædictus episcopus pareat Patribus, consulat paci, neque sibi æstimet licuisse, quod Antiochænum sine ullo exemplo contra statuta canonum episcopum ordinare præsumpsit, quod amore reparandæ fidei, et pacis studio retractare cessavimus. Abstineat ergo ab ecclesiasticarum injuria regularum, et illicitos declinet excessus, ne se ab universali Ecclesia, dum inimica paci tentat, abscindat. Quem opto magis irreprehensibiliter agentem diligere, quam in hac præsumptione quæ illum ab omnibus poterit separare perdurare. Frater autem et coepiscopus meus Lucianus, qui cum filio meo Basilio diacono clementiæ vestræ ad me scripta portavit, omni devotione partem susceptæ legationis implevit, quia non est æstimandus negotio defuisse quem potius causa deseruit. Data xi Kalendas Junii, Herculano viro clarissimo consule.

XXX. — *Ad Pulcheriam Aug.*

LEO PULCHERÆ Augustæ, de ambitu Anatólii.

Sanctis et Deo placitis clementiæ vestræ studiis defensam contra hæreticos catholicam fidem, et universæ Ecclesiæ redditam pacem ineffabiliter cum vestra pietate gaudemus, gratias agentes misericordiæ omnipotentis Dei, quod, exceptis his qui magis dilexerunt tenebras quam lucem, neminem passus est evangelica veritate fraudari, ut, abstersa erroris caligine, in omnium cordibus purissimum lumen oriretur, nec de infirmis quorundam animis tenebrosus ille exsultaret inimicus, quem non solum hi qui illæsi steterant, sed etiam quos fecerat nutare, superaverunt, ut, errore abolito, per totum mundum fides vera regnaret, « et omnis lingua confiteatur, quoniam Dominus Jesus Christus in gloria est Dei Patris (*Philip. II, 11*). » Confirmato autem in unitate Evangelii universo mundo, et in eodem Spiritu sensus directis cordibus omnium **199** sacerdotum optimus fuerat supra illa propter quæ sancta est synodus congregata, et quæ secundum pietatis vestræ studium probabili sunt fine conclusa, nihil quod tanto bono contrarium esset inferri, nec per occasionem episcopalis concilii id in commune appeti, quod non lieuit concupisci, frater enim et coepiscopus meus Anatolius parum consideravit quanto pietatis vestræ beneficio, et mei favoris assensu Constantinopolitanæ Ecclesiæ sacerdotium fuerit consecutus, non tam de adeptis gavisus quam de immodicis appetendis supra mensuram sui honoris abscessus est, credens huic tam impetranti cupiditati posse prodesse qui ei quorundam consensum præbuisse dicitur extorta subscriptio, cum tam destruendis mox conatibus contradictio fratrum, et coepiscoporum meorum vicem meam agentium, fideliter et laudabiliter obviaret.

Quoniam contra statuta paternorum canonum quæ ante longissime ætatis annos in urbe Nicæna spiritualibus sunt fraudata decretis, nihil cuique addere conceditur. Ita ut si quis diversum aliquid decernere velit se potius minuât quam illa corrumpat, quæ si, ut oportet, a cunctis pontificibus intemerata servantur, per universas ecclesias tranquilla erit pax, et firma concordia, nullæ de mensuris harum dissensiones, nullæ de ordinationibus lites, nullæ de privilegiis ambiguitates, nulla erunt de alieni usurpatione certamina, sed ea quæ jure charitatis rationabilis est, et morum, et officiorum servabitur unanimitas. Et ille vere erit magnus qui fuerit totius ambitionis alienus, dicente Domino: « Quicumque voluerit inter vos major fieri sit vester minister. » Et « quicumque voluerit inter vos primus esse, erit vester servus. Sicut filius hominis non venit ministrari, sed ministrare (*Matth. xx, 26-28*). » Et tamen hæc illis tunc insinuabuntur, qui de pusillo volebant crescere, et de infimis ad summa transire. Constantinopolitanæ vero præsul Ecclesiæ, quia amplius quam assecutus est concupiscit, aut quid illi satisfaciet, si tantæ urbis magnificentia et claritudo non sufficit. Superbum nimis est et immoderatum ultra fines proprios tendere et antiqui-

tate calcata alienum jus velle præripere, atque ut minus crescat dignitas tot metropolitano-  
rum impugnare primatus, quietisque provinciis, et olim sanctæ synodi Nicænæ moderatione dispositis bellum novæ perturbationis inferre, atque ut venerabilium Patrum decreta solvantur quorundam episcoporum proferre consensum, cui tot annorum series negavit effectum. Nam sexagesimus fere annus hujus jactantiæ esse jactatur, quæ se prædictus episcopus æstimat adjuvari, frustra cupiens id sibi prodesse, quod etiam si quisquam ausus est velle, nullus tamen potuit obtinere. Agnoscat cui successit viro, et repulso omni spiritu elationis, Flaviani modestiam, Flaviani humilitatem, quæ illum usque ad confessoris gloriam provexit, imitetur. Cujus si velit splendere virtutibus, laudabilis erit, et in omni loco plurimum dilectionis acquireret, non ambiendo humana, sed promerendo divina. Hanc autem observantiam cum quæque illi animum spondet copulandum, et apostolicæ Sedis dilectionem, quam Constantinopolitanæ Ecclesiæ semper impendimus, nulla mobilitate violanda. Quia si interdum immoderati præsules aliquas incidunt culpas, Ecclesiarum tamen Christi integra gratia perseverat. Consensiones vero episcoporum sanctorum canonum apud Nicænam conditorum regulis repugnantes, unita nobiscum vestræ fidei pietate in irritum mittimus, et per auctoritatem beati Petri apostoli, generali prorsus definitione cassamus. In omnibus ecclesiasticis his legibus obsequentes, quas ad pacificationem omnium sacerdotum, per trecentos decem et octo antistes Spiritus sanctus instituit, ita ut etiam si multo plures alii quam illi statuere decernere, in nulla reverentia sit habendum, quidquid fuerit a prædictorum constitutione diversum. Prolixitatem itaque epistolæ meæ qua necesse habui explicare quid sentiam, rogo ut per fratrem et coepiscopum meum Lucianum, qui, quantum in ipso est, sollicitudinem susceptæ legationis est fideliter exsecutus, et per filium meum Basilium diaconem pietas vestra dignanter accipiat. Et quia moris vestri est pro pace et unitate Ecclesiæ laborare, fratrem meum Anatolium episcopum ex vestra insinuatione dilectum, salubriter in his quæ ipsi profutura sint continete, ut gloria clementiæ vestræ, sicut magnificatur de fide reparata, ita prædicetur de ambitione compressa. Data xi Kalendas Junii, Herculano viro clarissimo consule.

XXXI. — *Ad Martianum Aug.*

LEO EPISCOPUS MARTIANO AUGUSTO.

Multa mihi in omnibus clementiæ vestræ litteris causa gaudii est, dum ex magna providentiæ divinæ misericordia præstitum humanis rebus experior, quod ecclesiasticam pacem (quæ non nisi unitate prædicationis evangelicæ custoditur) piissimo studio juvare dignamini, ut fidei vestræ gloria non solum utilitate reipublicæ, sed etiam religionis profectibus augeatur, gloriosissime imperator, unde ineffabiliter Deo gratias ago, qui temporibus quibus



obortura hæreticorum scandala præsciebat, vos imperii fastigio collocavit. In quibus ad totius mundi salutem, et regia potentia, et sacerdotalis vigeret industria. Nam vestro præcipue opere sit effectum, ut per synodale concilium damnatis impii dogmatis defensoribus, omnes vires sacrilegus error amitteret, ad ejusdem devotionis pertinet palmam, si malum quod in suis ducibus est oppressum, etiam in quibuscunque reliquiis deleatur. Quod facilius clementia vestra arbitretur implendum, si per universas Ecclesias definitiones sanctæ synodi Chalcedonensis apostolicæ Sedi placuisse doceantur, de quo quidem ratio non fuit ambigendi, cum ei fidei omnium subscribendi consensus accesserit, quæ ad me secundum apostolicæ doctrinæ, ac paternæ traditionis emissa est, et per fratrem meum Lucianum episcopum talia ad gloriam vestram, et ad Constantinopolitanum antistitem scripta direxerim, quæ evidenter ostenderent me ea quæ de fide catholica in prædicta synodo definita fuerant, approbare. Sed quia in eisdem litteris ea quæ per occasionem synodi male sunt attentata reprehenderam, maluit prædictus antistes meam gratulationem tacere, quam suum ambitum publicare. Mihi autem multum fiduciæ Deo per vos operante collatum est, quod probassem vos observantiam de custodia canonum paternorum pietatis vestræ affatibus indicastis, et merito geminatur gaudium meum, cum vobis religiosissime placere cognosco, ut fides Nicæna suam teneat firmitatem, et privilegia Ecclesiarum illibata permaneant. Quamvis autem de præclaro fidei vestræ opere, nihil vestra pietas indicavit mihi, tamen per veneratorem una mecum spiritualiter vestram pietatem per fratrem meum Julianum episcopum innotuisse significo, quam pio dignati fueritis responso imperitorum monachorum animos cohibere pariter et docere, ut si illos non penitus deseruerit divina miseria, sentiant se et didicisse quod credant, et agnovisse quod timeant. Quia vero omnibus modis obediendum est pietati vestræ, religiosissimæque voluntati, constitutionibus synodalibus quæ mihi de confirmatione fidei catholicæ, et hæreticorum damnatione placuerunt, libens adjeci sententiam meam. Quæ si ut in notitiam omnium sacerdotum ecclesiarumque perveniat, vestræ clementiæ præcepto ordinare dignabitur, affuturam credo et spero gratiam Dei, quæ tam sanctam tanti principis curam plenissimi desiderii sui fructum faciat obtinere, ut omnibus dissentienti occasionibus amputatis, apostolicæ ubique doctrinæ et pax regnet, et veritas. Fratri autem meo Juliano episcopo noverit vestra clementia hoc me proprie delegasse, ut quidquid illic ad custodiam fidei pertinere probaverit, meo nomine vestræ fiducialiter suggerat pietati, quoniam certum vos ad hæc omnia emendanda vel defendenda Deo auxiliante, sufficere. Data duodecimo Kalendas Aprilis, Opilione viro clarissimo consule, æra ccccxvi.

XXXII. — *Ad eundem.*

LEO episcopus MARTIANO Augusto.

Puritatem fidei Christianæ, qua clementia vestra præfulget, etiam his litteris, quas frater et coepiscopus meus Nestorianus detulit demonstratis, justissimum fratri meo Proterio Alexandrinæ urbis antistiti impendentes favorem, quo mihi per omnia esset acceptior. Nam cui vestra pietas testimonium perhibere dignatur, indubitanter esset probandus, etiam si taceret. Sed accedit ad gratiam quod proprio quoque sermone cognoscitur, et quam sincerus sit catholici dogmatis prædicator ipsius professione clarescit. Unde plenissimo affectu dilectionem orthodoxi fratris amplector, et Deo gratias ago, quod amoto eo qui Evangelio Christi voluit contraire, et a sanctorum Patrum intelligentia dissentire, talem prospexit Alexandrinæ Ecclesiæ sacerdotem qui præcedentibus rectoribus et fide concordaret et vita. Nam cum amplecti se epistolam meam quam ad beatæ memoriæ Flavianum contra Eutichen impium misi toto corde proficetur, quid aliud quam apostolorum se discipulum ostendit, quoniam doctrina veritatis in lumine suo permanet, et non potest esse diversum quod unum est atque divinum. Rescripsi itaque prædicto fratri quod debui, atque in sancto studio ut perseveraret admonui. Quod sine dubio constantior erit, si etiam clementia vestræ cohortationibus adjuvetur, nec in aliquo eum terreat quorundam imperita dissensio quos paucorum hæreticorum instigationibus ignorantia facit obnoxios. Quod sua ergo diligentia assequi nequeunt opportune eorum insinuetur auditui, et ne memoratus nova inferre, et propria videatur astruere, venerabilium Patrum qui eidem Ecclesiæ præfuerunt, scripta relegantur, et quid beatus Athanasius, quid Theophylus, quid Cyrillus, quid etiam orientales magistri de incarnatione Domini sentiant, recognoscant. Nec repullulantibus decipiantur erroribus, qui olim evangelici sermonis sunt virtute prostrati. Quoniam omnes fere hæreses quæ diversis temporibus exstiterunt, dum sacramentum corporeæ nativitatis et passionis ac resurrectionis Christi, non intelligunt ab Evangelio deviare. Et possumus minus laborare in hæreticis repellendis, si rudes animos ipsa non turbarent mendacia, quæ peremit antiquitas. Sed nunc, ut dixi, hic docendi optimus modus est, ut paternorum sensuum linea Alexandrinæ plebis et cleri auribus innotescat, ac si qui sunt qui nostra scripta despiciant, illis saltem qui nobiscum apostolicis sensibus congruunt, acquiescant. In quo opere multum consacerdotis mei devotione gaudebo, et semper ipsius unanimitate lætabor, quia fraterna pax nonnisi una fidei confessione servatur. Quia vero quorundam hæreticorum versuta nequitia ad conturbandam aliorum simplicitatem epistolam meam quam ad beatæ memoriæ Flavianum dedi falsasse perhibetur, ut commutatis quibusdam verbis vel syllabis, receptorem me Nestoriani erroris assererem, obsecro venerabilem

clementiam vestram, ut eandem epistolam per fratrem meum Julianum episcopum, vel eos quos idoneos ad opus pietas vestra delegerit, in Græcum sermonem jubeatis integre diligenterque translata per idoneum latorem sub vestri signaculi impressione deferri, tradendam judicibus Alexandrinis qui eam clero, et plebi ipsius civitatis, cum prædictorum episcoporum prædicationibus, qui et meo scripto consentiunt faciant recitari, ut agnoscant se fallacium hominum fraude ulterius non deberi, et probentur apostolicæ Sedis sinceri esse discipuli, apud quam nec Eutiches, nec Nestorius ulli obtinent locum, quia sicut alios hæreticos ita et istos Ecclesia universalis damnavit. Data VI Idus Martii, Etio et Studio viris clarissimis. cons. æra cccc nonagesima secunda.

**200 XXXIII. — Ad eundem.**

LEO episcopus MARTIANO Augusto.

Quod sæpissime per multa jam experimenta sanctum pietatis vestræ studium circa religionem Christianam gloriosis perseverat et crescit augmentis, et hæc fides vestræ clementiæ non solum me, sed et omnes Domini sacerdotes consolatur et roborat, dum in Christianissimo principe sacerdotalem experimur affectum. Quem si orientalium partium sacerdotes studeant imitari, nihil scandalorum, neque pax, neque fides Christiana patietur. Unde cum Constantinopolitanus episcopus ad omnem pietatis profectum præsentī clementiæ vestræ doceatur exemplo, si fidei vestris acquiescat hortatibus, habet in me sinceræ gratiæ animum, tamen ut quod verbis spondet corde perficiat. Si vero quæ Deo et pietati vestræ displicent pertinaci intentione delegerit salva mansuetudinis vestræ reverentia utar cum omnibus, et pro omnibus vobis quoque adnitentibus adversum superbientem liberiore constantia quem, quod sæpe dicendum est, mallet pro sanctis actibus fraterna charitate complecti, gloriosissime imperator. Quia vero suggestiones meas pro tranquillitate catholici fidei libenter accepistis, significatum mihi fratris et coepiscopi mei Juliani sermonem cognoscite, Eutichen impium pro suis quidem meritis exulare, sed in ipso suæ damnationis loco multa adversus integritatem catholicam blasphemiarum desperatius venena profundere, et quod in illo totus mundus horruit, atque damnavit impudentia majore, ut innocentes decipere possit, evomere. Plenum itaque rationis æstimo, ut vestra clementia ad longinquiora eum jubeat, et secretiora transferri. Monasterio vero ejus Constantinopoli constituto in quo habitatores ipsius monachi evangelica apostolicaque doctrina crebrius sunt, et plenius roborandi, salubriter, ut arbitror, fiet, si is qui ipsi monasterio præpositus esse dicitur, a societate veneratoris vestri Juliani episcopi quem in speculis propter fidem illic esse constitui, non recedat, cujus assidua visitatione profectus servorum Dei illic habitantium possit augeri. Petitionem autem de festiuitate Paschali gaudeo, ita a vestra pietate susceptam, ut confestim agentem in re-

bus Alexandriam mitteretis de errore removendo, quem sanctæ memoriæ Theophili constitutio videtur inferre, de qua re sicut scribere dignamini quidquid ad pietatis vestræ notitiam perlatum fuerit, jubere me nosse, ut de observantia quam non licet esse diversam, quid potissimum sit tenendum Ecclesia universalis agnoscat. Precor autem quod vestræ novi clementiæ convenire, ut eos maxime tueamini contra omnes insidias quos mihi et vestræ mansuetudini propter amorem Dei placere cognoscitis, ut eos Constantinopolitanus episcopus lædendi non habeat facultatem. Data XVII Kalend. Maii, Etio et Studio, viris clarissimis consulibus, æra qua supra.

**XXXIV. — Ad Julianum episcopum Coensem.**

LEO JULIANO episcopo Coensi de Etio et Andrea.

B Agnovi in dilectionis tuæ litteris fraternæ charitatis affectum quod de multis malis quæ multa et sæva pertulimus, pio nobiscum dolore compatieris. Sed hæc quæ perpeti nos Dominus aut permisit, aut voluit ad correctionem proficiant multorum, et ut desinant adversitates, finiantur offensæ. Quod utrumque de magna erit misericordia Dei, si et flagella removeat, et ad se suorum corda convertat. Sicut autem fraternitatem ea quæ apud nos fuit, contristavit hostilitas, ita me anxium facit quod in Constantinopolitana Ecclesia, quantum tuæ indicant litteræ, hæreticorum insidiæ non quiescunt, et quæsitis occasionibus hi qui catholici fidei defensores fuere vexantur. Nam dum Etius ab officio archidiaconatus per speciem provectionis amovetur, et in locum C ejus Andreas qui ob hæreticorum societatem fuerat abjectus assumitur, dum beatæ memoriæ Flaviani accusatoribus honor redditur, et piissimi confessoris participes, aut discipuli conternuntur, nimis aperte qui Christo Ecclesiæ ipsius placeat, demonstratur. In quem pro causæ merito differo commoveri. Et quid ipse mecum suis epistolis agat, quas missurum eum filius noster Etius indicavit, exspecto, dans locum voluntariæ emendationi, qua dolorem meum cupio mitigari. Clementissimo tamen principi et piissimæ Augustæ de his quæ ad custodiam pacis ecclesiasticæ pertinent, scripsi, quos devotione suæ fidei provisuros esse non dubito, ne contra gloriam operis ipsorum damnata hæresis queat pullulare. Studeat ergo dilectio tua, frater charissime, piam et necessariam curam sollicitudini apostolicæ Sedis impendere, quæ tibi apud se nutritio catholicam contra Nestorianos et Eutichianos hæreticos actionem materno jure commendat, ut divino fultus auxilio, speculati de Constantinopolitanæ urbis opportunitate ut non desinas, prædictorum dogmatum impius nunquam turbo consurgat. Et quia tanta est gloriosorum principum clementia, ut confidenter eis possis quæ sunt insinuanda suggerere, pietate ipsorum ad utilitatem Ecclesiæ universalis utaris. Consulente autem dilectione tua de his in quibus putaveris ambigendum, non deerit relationibus tuis meæ responsionis instructio, ut sequestrata earum actione, causæ quæ in quibuscunque ecclesiis præsulum suorum debent



cognitione firmari, hac speciali cura vice mea functus utaris, ne hæresis Nestoriana vel Eutichiana in aliqua parte revirescat, quia in episcopo Constantinopolitano catholicus vigor non est, nec multum aut pro sacramento salutis humanæ, aut pro sua est æstimatione sollicitus. Cum si quid illi inesset spiritualis industriæ, ita et a quibus ordinatus sit, et cui viro successerit, cogitare deberet, ut magis beatum Flavianum quam sui honoris sequeretur auctores. Et ideo cum piissimi principes secundum obsecrationes meas dignati fuerunt fratrem Anatolium de his quæ merito in querelam veniunt increpare, vigeat charitas tua diligentia sua, ut universa scandala adhibita plenissima correctione recensentur, et a filii nostri ac tua cesset injuria. Nam apud catholicum episcopum, etiam si erat utcumque decus sacerdotale sacerdoti archidiaconus propter fidei reverentiam, debuit præmitti potius quam locum catholici nequissimus hæreticus obtineret. Cum itaque quæ sequantur agnovero, tunc manifestius quid agi oporteat æstimabo. Nam interim dolore cohibito, malim indulgere patientiæ, ut locus esset veniæ, de Palestiniis vero monachis qui jampridem in tumultu dissensionis esse dicuntur, quo adhuc animo moveantur, ignoro. Neque ejusquam sermone mihi patefactum est, quas causas videantur antefactæ præferre discordiæ, utrum, scilicet, Eutichianæ perversitati tali furore famulentur, an implacabiliter doleant ipsum suum in hanc impietatem posse traduci, quæ contra ipsorum locorum sanctorum testimonia, quibus totus mundus instruitur, ab incarnationis Dominicæ veritate desciverit, et quod in aliis per indulgentiam curare placuit, in illo putent non esse veniale. Unde cupio me super his plenius edoceri, ut etiam talium correctioni congruæ studeatur, quia aliud est contra fidem impie armari, aliud in errorem quempiam deveneri. Chartas etiam quas Actius presbyter ante indicavit esse directas, et breviarium fidei quod te misisse significas, nec dum ad me noveris pervenisse. Unde si expeditior occasio se præbuerit perlatores libenter habeo, ut si qua est quæ utilis videatur quamprimum ad me mittatur instructio. De Ægyptiis monachis quam quieti, aut cujus sint fidei scire desidero, et de Alexandrinæ Ecclesiæ pace quid ad vos veris nuntiis perferatur ad ejus episcopum vel ordinatores ipsius, seu clericos quod alia scripta direxerim, missis exemplaribus scire te volui. Ad clementissimum quoque principem, et religiosissimam Augustam quis nunc meus sermo sit, missa exemplaria docebunt. Utrum autem epistola mea de incarnationis Dominicæ fide incolumi adhuc sanctæ memoriæ Flaviano ad dilectionem tuam per Basilium diaconum miseram, fraternitatem tuæ tradita sit scire desidero, quoniam suspectum habeo, quod de ejus textu nollum unquam iudicium reddidisti. Gestorum synodalia quæ omnibus diebus concilii in Chalcedonensi civitate confecta sunt, parum clara linguæ diversitatem apud nos habetur instructio, et ideo fraternitati tuæ specialiter injungo, ut in unum

A codicem universa facias congregari in Latinum sermonem absolutissima interpretatione translata, ut in nulla parte actionum dubitare possimus, neque ullo modo esse possit ambiguum quod ad plenam intelligentiam te fuerit studente perductum. Data v Idus Martii, Opilione viro clarissimo consule.

XXXV. — *Ad Martianum Aug.*

LEO MARTIANO Augusto de Etio et Andrea.

Quam excellenti pietate et quam glorioso clementiæ vestræ studio in integrum nuper fides Christiana revocata sit, totus mundus agnoscit, et salutis suæ singulare præsidium per vos a Domino esse reparatum. Ac si quid adversum tanti operis consummationem de contrario spiritu sentitur oboriri, necesse est ut ad vestræ revocetur pietatis auxilium, quod ad custodiam catholicæ veritatis divina providentia præparavit, ut cum pietatis vestræ sit scandala etiam in longinquum nata resecare, multo magis ea quæ sub vestris audent oculis surgere non sinatis accrescere. Anatolii episcopi ordinationem, sicut scientia Dei testis est, suspectam quod faciendum est mihi fecerant consecrationis ejus auctores, nec dissimilem ab elegantibus arbitrabar electum, secutumque est, ut dum communione apostolicæ Sedis existeret alienus, diu dandis ad eum epistolis pacis me abstinerem. Sed cum illi pietatis vestræ testimonium suffragaretur, cum de fide atque unanimitate ejus optanda quæque et placitura promitteret, professionem ejus, ita credidi esse sinceram, ut tandem qua observantia se agere deberet non desinerem commovere, sedulo ipsi ac diligenter inculcans, ut de persecutoribus beatæ memoriæ Flaviani neminem auderet in suo habere consortio, et Eutichianæ hærescos defensorem a se indicaret esse dejectum. Secutumque est ut de his quæ pro catholica fide in synodali concilio fuerant definita, talia ad me scripserit, qualia catholicum sacerdotem scribere congruebat. Cum ergo ad commendanda ipsius primordia ista præcesserint quid causæ aut occasionis emergerit, ut virum catholicæ fidei et Nestorianis atque Eutichianis hæreticis constanter etiam adversum archidiaconum sub honoris specie degradaret, et dispensationem totius causæ et curæ ecclesiasticæ in Andream Eutichianistam repente transferret, adeo nimia commotione turbatus ut consecrationem quam pro injuria dabat, sexta sabbati traditionis Apostolicæ ut nescius aut oblitus inferret, quasi non ad episcopum magis quam ad presbyterum ordinationis illius vitium pertineret, qui non inveniens quid argueret in fide, quod improbaret in moribus, defectionem innocentis per speciem provectionis implevit, addens sententiæ illud injuriæ, ut eum cœmeterio deputando condemnaret exsilio. Quem tamen pietati vestræ commendare præsumo, ne ullis ulterius noxiis ingravare possit, aut insidiis quem Dominus, ut comperi, sub vestra defensione constituit. Adjicio autem etiam hanc obsecrationem ut prædictum episcopum a professione sua dissonum, et nimium testimonii vestri ac favoris oblitum necessarie increpare dignemini. Cesset

catholicos infestare. Cesset eos qui sanctæ memorie Flaviano placere contere, et eorum societatem quos improbat eligere, fraternam enim illi charitatem non aliter poterimus impendere quam ut se ab inimicis catholicæ fidei approbet exsecrari, eorumque a se consortium atque commercium abscindat, qui etiam si magna fuisset satisfactione purgatus, post **201** dubium tamen reversus errorem. Catholicis diaconibus postponi debet, non præponi. Illud quoque clementiæ vestræ benevolentiam peto, ut veneratorem nostrum fratrem meum Julianum episcopum in vestro, sicut facere dignamini, habeatis affectu, cujus obsequiis præsentiae meæ vobis imago reddatur. Nam et de fidei ejus sinceritate confidens, vicem ipsi meam contra temporis nostri hæreticos delegavi, atque propter Ecclesiarum pacisque custodiam, ut a comitatu vestro non abesset exegi; cujus suggestiones pro concordia catholicæ unitatis, tanquam meas audire dignemini, placentes Deo qui vobis præter regiam coronam etiam sacerdotalem conferat palmam. Data vi Idus Martii, Opilione viro clarissimo cons.

XXXVI. — *Ad Pulcheriam Aug.*

LEO PULCHERIE Augustæ de Etio et Andrea.

Multis exstantibus documentis quibus in dilectionem Ecclesiæ Dei pietatis vestræ manifestatur affectio, merito quoties aliquid noscitur scandalorum, vestrum desideratur auxilium, ut fides quæ adnitionibus vobis contra hæreticorum commenta defensa est, securæ pacis perpetem obtineat firmitatem. Nam quid prodest foris adversarios veritatis oppressos, si eosdem habeamus intra Dominica septa redivos? Quod itaque circa personam filii mei Etii gestum esse cognovi, nimium me anxium facit, et metuere certa ratione compellit, ne poenitendum mihi sit quod de episcopo Constantinopolitano, qui ab impugnatoribus fuerat ordinatus fidei, vobis adhortantibus acquievi meliora sentire cum tanto pietatis vestræ testimonio juvaretur, ne illum gravaret suæ ordinationis infirmitas, ubi vestra interventio præstaretur. Unde gratulari cœperam, quod beati Flaviani honoraret memoriam, et hæreticorum conatibus obsistere diceretur. Sed doleo illum, sicut prædicti lacrymabilis querela demonstrat, in deteriora mutatum, et eum nunc constituisse archidiaconem, quem ipse professus est a se esse rejectum, qui Eutichianæ hæresis se apud nos prodiderat defensorem. Quem, quia nunc ecclesiasticis negotiis præposuit, propter hæreticam perversitatem eidem favorem suum præstare convincitur. Qui etiamsi magna satisfactione potuisset indulgentiam promereri, nequaquam debuit his qui in fide permanerant anteferri. Unde quia non latet clementiam vestram, quantum periculi, aut per pudendam discordiam, aut per dolosam nequitiam nutriatur, dignamini episcopum ad professionem suæ fidei auctoritate vestræ clementiæ revocare ne sibi has maculas superducat, ne æstimationem suam quam vestro acquisivit favore, contemnat, societatem hæretici

A quem dudum a se removit, abscindat. Cujus innocentiae ita adfuisse vos gaudeo, ut mœrori ejus digna consolatione vestra pietas subveniret. Circa fratrem meum veneratorem vestrum Julianum episcopum, quantum debeat crescere vestra dignatio apostolicæ Sedis existimate iudicio, cum in causa fidei cui gloria vestra famulatur vicem ipsi meam eatenus delegaram, ut ab ea quæ vobis debetur observantia non recedens pietati me vestræ præsentare non desinat, exsequens in custodia fidei et in ecclesiasticis disciplinis per omnia sollicitudinem, et opportunis suggestionibus quod universali Ecclesiæ prosit insinuans, ut in ipso nec catholicis vestrum præsidium quibus volumus subvenire, nec vobis meum desit obsequium. Data vi Idus Martii, Opilione viro clarissimo consule.

XXXVII. — *Ad eandem.*

LEO episcopus PULCHERIE Augustæ.

Quod semper de pietatis vestræ mente præsumpsimus, id plenissime experiendo cognovimus, Christianam fidem quamvis diversis pravorum appetere insidiis, vobis tamen præsentibus, et in defensionem ejus a Domino preparatis, non posse turbari. Non enim Deus aut suæ misericordiæ sacramentum, aut vestri laboris deserit meritum, quo dudum subdolum sanctæ religionis hostem ab ipsis visceribus Ecclesiæ depulistis, cum hæresim suam tueri impietas Nestoriana non potuit, quia non fefellit famulam et discipulam veritatis, quantum simplicibus infunderetur veneni per illa loquacis hominis colorata mendacia, de quo virtutum agone processit, ut per sollicitudinem vestram ea quæ per Eutichen diabolus molitus est non laterent, ut qui sibi singulas partes geminæ impietatis elegerant, una catholicæ fidei virtute procumberent. Secunda ergo hæc vobis de pereunpto Eutichetis errore victoria est, quem si quid sani cordis habuisset, dudum in auctoribus suis perculsum, olimque prostratum facile potuerat declinare, ne de sepultis cineribus rediiva tentaret incendia commovere, ut in eorum transisset consortium quorum secutus esset exemplum gloriosissima Augusta. Libet igitur exultare cum gaudio, et pro vestræ clementiæ prosperitate digna Deo vota persolvere, qui tibi per omnes mundi partes, in quibus Domini Evangelium prædicatur, duplicem jam et palmam contulit et coronam. Clementia igitur vestra agnoscat omnem Romanam Ecclesiam universis fidei vestræ opibus plurimum gratulari, sive quod legationem nostram pio per omnia adjuvisti affectu, et quod sacerdotes catholicos qui de ecclesiis suis injusta fuerunt ejecti sententia reduxistis, sive quod reliquias sanctæ memoriæ Flaviani innocentis et catholici sacerdotis, ad ecclesiam, cui bene præfuit, fecistis cum honore debito revocari. In quibus utique omnibus gloriæ vestræ multipliciter augmentum, dum et sanctos pro suis meritis veneramini, et ab agro Domini spinas et tribulos vultis auferri. Quosdam sane episcopos de his qui rebus impiis videntur præbuisse consensum, reconciliationem reposeeri, et catholicorum



communione desiderare, tam nostrorum quam fratris et coepiscopi mei Anatolii, cui testimonium ferre dignamini, relatione cognovimus, quorum desideris sic præbemus effectum, ut correctis et quæ male sunt facta propria subscriptione damnantibus participata nostrorum quos misimus cura cum supradicto episcopo pacis gratia tribuatur, quia devotionis utrumque est Christianæ, ut et pertinaces veritas justa coerceat, et conversos charitas non repellat. Quia vero novimus quantum piæ sollicitudinis catholicis sacerdotibus mansuetudo vestra digne impendere, indicandum esse curavimus fratrem et coepiscopum nostrum Eusebium nobiscum degere, et nostræ communionis esse consortem, cujus commendamus ecclesiam, quam dicitur vastare qui illi injuste asseritur subrogatus. Illud etiam a tua pietate poscentes, quod vos spontaneo facere non dubitamus arbitrio, ut tam fratrem et coepiscopum meum Julianum, quam Constantinopolitanos clericos, qui sanctæ memoriæ Flaviano fidelibus officiis adhæserunt, ea qua debetis gratia faveatis. De omnibus vero pietatem vestram per nostros, quid fieri aut declinari deberet, instruximus. Data Idus Aprilis, Adelphio viro clarissimo consule, æra cccclxxxviii.

XXXVIII. — *Ad Julianum episcopum Coensem.*

LEO JULIANO episcopo Coensi.

Litteras dilectionis tuæ quas per filium meum virum illustrem Isidium direxisti, eo tempore accepi, quo recentioribus epistolis tuis iterata jam occasione responderam. Unde quia etiam in his alloquiis tuis eadem de impiissimis hæreticis justo dolore conquestus es, congruum fuit, quoad scribendi opportunitas exstitit, non tacere. In causa itaque fidei quidquid pro nostro officio oportuit, ac potest juvante Domino, et sollicite et libenter exsequimur, ut Evangelio et irreprehensibiliter serviamus, ne per desidiam nostram ulla pars Ecclesiæ catholicæ neglecta videatur. Propter quod sicut omnibus notum est, non destiti laborare, ut manifestata atque defensa incarnationis Dominicæ veritate, omnis fraternitas, quid ubique secundum doctrinam apostolicam, et tenendum et docendum esset, agnosceret, accedente gloriosissimorum principum studio divinitus inspirato, ut in civitate Chalcedonensi synodo congregata, hæretica damnetur impietas, ne vel quisquam sectator Nestorii, vel ullus discipulus Eutichis liberum possit cum catholicis habere consortium, cum, quod ad sancti concilii auctoritatem pertinet, nulla usquam remanserit discordia. Si qui autem sua obduratione cæcati, ita in reprobi sensus amentiam transierunt, ut mallent furere quam sanari, ad imperialem pertinet potestatem, ut perturbatores Ecclesiæ pacis, et reipublice, quæ Christianis principibus merito gloriatur, inimici sollicitius comprimantur. Ut autem imperialis est, ut diximus, potestatis, tumultus publicos ac seditiones sacrilegas severius coercere, ita auctoritatis est sacerdotalis monachis prædicandi aliquam contra fidem licentiam non præbere, et omni virtuti

A resistere, ne ea quæ ad sacerdotes pertinent, sibi audeant vindicare. Unde miramur fratrem Thalasium episcopum quod Georgio, nescio cui, qui præsumendo illicita, et propositum monachi, et nomen amisit, scribendi vel prædicandi aliquam permiserit facultatem. Ad quem episcopum; si dilectioni tuæ visum fuerit, ex hac parte competentia scripta mittamus. Agat itaque fraternitas tua opportunis suggestionibus, ut elementissimus princeps quæ Domino sint placitura præcipiat, et incentores cruentarum seditionum jubeat competentius coerceri, ut nec illi impuniti sint, quorum manus scelera perpetrarunt, nec illi qui talium utuntur insaniam. Si autem inquisitio judiciaria, et confessio reorum ad eas personas pervenit, quarum vel consilio, vel impulsu mala tantum commissa sunt, nullius favoris eis præstanda sunt solatia. Quantum enim meliora de ipsis sunt credita, tantum sunt amplius detestandi, quorum nunc impietas quæ per hypocrisim fuerat velata detegitur. Et ideo agat Christianissimus et piissimus imperator, quod paci ecclesiasticæ intelligit profuturum. Quem superna inspiratione ita instruendum esse, confide, ut et disciplina inquietos revocare, et a sanguine eorum jubeat abstinere, quamvis multorum non mereantur subire, qui ausi sunt et divinis et humanis constitutionibus repugnare.

XXXIX. — *Ad Eudochium Aug.*

LEO EUDOCIÆ Augustæ de Palæstinis monachis.

C Quanta mihi catholicæ cura sit fidei, et qua sollicitudine, in quantum Dominus adjuvat, debeat præcaveri, ne unquam ab imperitis et impiis veritatis Evangelio resistatur, pietatem vestram scire non dubito. Et ideo cum salutationis officio, quo semper mihi est oranda clementia, obsecro Dominum, ut me tuam incolumitatem in causa fidei, in quo quorundam provinciam intra Palæstinam monachorum fuerant corda turbata, magis magisque faciat adjuvare, ut tantum quod pietatis tuæ studio fieri potest, hæreticæ perversitati omnis fiducia subtrahatur. Quos enim nec ratio sacramentorum, nec auctoritas scriptorum, nec ipsa sacratorum locorum testimonia commovebant, quid eis nisi abruptum periculum timeretur? Prosit ergo ecclesiis sicut, favente Deo, et prodest, et prosit generi humano, in verbis Dei vestram ibi esse voluntatem, ubi Dominum nostrum Jesum Christum vobis sicut Deum verum, et verum quoque hominem in unitate personæ, et mirabilium judicia, et passionum documenta loquuntur. Si ergo prædicti nomen catholicum venerantur et diligunt, et inter Domini corpus se volunt membra nominari, pravos errores quos temere admiserant detestentur, et agant penitentiam impiarum blasphemiarum, 202 cruentorumque factorum. Succumbant pro salute animarum suarum synodalibus quæ in civitate Chalcedonensi sunt confirmata decretis. Et quia ad intelligendum sacramentum salutis humanæ, nisi fides vera, et humilitas quieta non pervenit, credant in Evangelio, quod continentur in symbolo, nec impiis dogmatibus misceantur. Fides enim catholica

sicut damnat Nestorium qui in uno Domino nostro A multis Christi populos conturbaverant, disserendi, et clementissimis principibus, et sancto concilio synodali, et Constantinopolitanæ Ecclesiæ quid de incarnatione Verbi secundum evangelicam apostolicamque doctrinam deberemus sapere ac sentire patefeci, et in nullo a sanctorum Patrum confessione discessi, quia una est, vera, singularis, perfecta, inviolabilis catholica fides, cui nihil addi, nec minui potest. Quam Nestorius prius, et nunc Eutiches diversa quidem assertionem, sed simili impietate impugnare conati sunt, et Ecclesiæ Dei duas hæreses sibimet contrarias inferre tentarunt, ut uterque a discipulis veritatis merito damnetur, quia insanum nimis et sacrilegum fuit quod varia falsitate ambo sensere.

XL. — *Epistola Leonis papæ.*

Frequentissime dilectionem tuam ad hanc curam et diligentiam meis litteris cohortatus, ut de his quæ circa fidem aguntur, sollicitudinem meam indesinenter instrueres, et cum omnibus occasionibus scribere non quiescam. Quibusdam tamen scriptis meis idem per filium nostrum Rodanum domesticum filii nostri viri illustrissimi Aspiratii datis, nullum responsum tuæ fraternitatis accepi, tanquam ratio temporis non habuerit, ut quid post mea scripta sit gestum potueris indicare, et ideo per filium meum Rodanum his litteris saluto, et ut opportunitatem scribendi non negligas, in quo questus sollicitudinis meæ revelatur admoneo. Cum enim in te quamdam mei Constantinopolitani habeant portionem, dignum pro communi amicitia est, et pro totius Ecclesiæ dilectione, incessabili te vigore prospicere, ne quid possit de statu fidei me latere. Quæ ergo per prædictos vel ad gloriosissimum principem, vel ad tuam dilectionem scripsi, ut celerrime tradantur effectui opportunitis suggestionibus elabora. Et quicquid fuerit, Deo auxiliante, dispositum scire me facito, ut perductis in effectum his quæ rationabiliter ordinata sunt, pax fidei canonumque custodia, et securior ubique habeatur et fortior. Data vii Kalendarum Julii, Opilione viro clarissimo consule.

XLI. — *Ad Palæstinos.*

LEO AD PALÆSTINOS.

Sollicitudini meæ quam universali Ecclesiæ omnibusque ejus filiis debeo, multorum relatione patefactum est dilectionis vestræ animis quiddam offensionis illatum, dum aut imperiti, ut apparet interpretes, aut maligni, quædam vos aliter intelligere, quam a me sunt prædicta fecerunt, non valentes in Græcum eloquium apte et proprie Latina transferre, cum in rebus subtilibus et difficilibus explicandis, vix sibi etiam in sua lingua disputator quisque sufficiat. Quod tamen apud me eo profecit, ut dum ea quæ catholica fides respuat improbitatis, intelligamus vos veris amiciores esse, quam falsis, et id merito refutare, quod ex antiquæ institutione doctrinæ etiam ipse Eutiches detestatur. Quamvis enim epistola mea ad sanctæ memoriæ Flavianum episcopum data, satis sibi ad manifestationem sui ipsa sufficiat, neque in aliquo aut purificationis aut expositionis indigeat, et alia tamen cum eadem mea scripta concordant, in quibus similiter prædicationis meæ sensus in aperto est. Necessitatem enim habens contra hæreticos, qui

B Anathematizetur ergo Nestorius qui beatam virginem Mariam hominis tantummodo credidit genitricem, ut aliam personam carnis, aliam faceret deitatis, nec unum Christum in Verbo Dei, et carne sentiret, sed separatim ac sejunctum alium Filium Dei, alium hominis prædicaret, cum manente illa incommutabilis Verbi essentia, quæ ei cum Patre et Spiritu sancto intemporalis atque coæterna est, ita intra virginea viscera Verbum caro sit factum, uti uno conceptu, unoque partu eadem Virgo secundum unionem utriusque substantiæ, et ancilla Domini esset, et mater. Quod etiam Elizabeth, sicut Evangelista declarat, intellexit, et dixit: « Unde hoc mihi ut veniat mater Domini mei ad me? » (Luc. 1, 43.) Eutiches quoque eodem percellatur anathemate, qui C per impios veterum hæreticorum volutatus errores, tertium Apollinaris dogma delegit, ut negata humanæ carnis atque animæ veritate, totum Dominum nostrum Jesum Christum unius asserat esse naturæ tanquam Verbi deitas ipsa se in carnem animamque converterit, et concipi ac nasci, nutriri, ac crescere, crucifigi, ac mori, sepeliri, ac resurgere, et ascendere in cælum, et in Patris dextera, unde ad judicandos vivos et mortuos veniet, considerare, ejus tantum essentiæ fuerit, quæ nihil horum in se sine carnis veritate recepit, quoniam natura unigeniti, natura est Patris, natura est Spiritus sancti, simulque impassibiliter, simul est incommutabiliter, sempiternæ Trinitatis indivisa unitas, et consubstantialiter æqualitas. Unde se ab Apollinaris perversitate hæreticus iste desciscit, ne convincatur deitatem passibilem sentire, atque mortalem, et tamen Verbi incarnati, id est, Verbi et carnis unam audens pronuntiare naturam, non dubie in Manichæi et Marcionis transit insaniam, et mediatorem Dei et hominum hominem Jesum Christum simulatorie credit egisse, nec humanum in ipso corpus, sed phantasticam corporis speciem oculis apparuisse cernentium. Quæ impietatis mendacia, quoniam olim fides catholica detestatur, et talium sacrilegia concordibus per totum mundum beatorum Patrum sunt damnata sententiis, quicunque illi sunt ita obercati, et a lumine veritatis alieni, ut Verbo Dei a tempore incarnationis humanam, id est nostram, negent inesse na-



turam, ostendant in quo sibi Christianum nomen usurpent, et cum Evangelio veritatis qua ratione deitatis, aut deitas est orta sine carne. Si enim negari non potest quod « Verbum caro factum est, et habitavit in nobis (*Matth. i, 14*), » ita negari non potest quod Deus erat in Christo mundum reconcilians sibi. Quæ autem reconciliatio esse potest, qua humano generi propitiaretur Deus, nisi omnium causam mediator Dei hominisque susciperet? Qua vero ratione veritatem mediatoris impleteret, nisi qui in forma servi particeps esset et nostri? ut per unum novum hominem fieret renovatio vetustatis, et mortis vinculum unius prævaricatione contractum, unius morte, qui solus morti nihil debuit solveretur? Effusio enim pro injustis sanguinis justis, tam potens fuit ad privilegium, tam dives ad pretium ut si universitas captivorum in Redemptorem suum crederet, nullum tyrannica vincula retinerent, quoniam sicut Apostolus ait: « Ubi abundavit peccatum, superabundavit et gratia (*Rom. v, 20*), » et cum sub peccati præjudicio nati potestatem acceperint ad iustitiam renascendi, validius factum est donum libertatis quam debitum servitutis. Quam itaque sibi in huius sacramenti præsidio spem relinquunt, qui in Salvatoris nostri corpore negant humanæ substantiæ veritatem? Dicant in quo sacrificio reconciliati, dicant quo sanguine sint redempti. Quis est « qui tradidit semetipsum pro nobis oblationem, et hostiam Deo in odorem suavitatis (*Ephes. v, 2*), » aut quid unquam sacrificium sacratius fuit, quam quod verus pontifex altari crucis per immolationem suæ carnis imposuit? Quamvis enim « multorum sanctorum in conspectu Domini pretiosa mors fuerit (*Psal. cxv, 15*), » illius tamen insonitis occisio, propitiatio fuit mundi. Accepere justis, non dederunt coronas, et de fortitudine fidelium exempla nata sunt patientiæ non dona iustitiæ. Singulares quippe in singulis mortes fuere, nec alterius quisquam debitum suo fine persolvit, cum inter filios hominum unus solus Dominus noster Jesus Christus exstiterit, in quo omnes crucifixi, omnes mortui, omnes sepulti, omnes sunt etiam suscitati, de quibus ipse dicebat: « Cum exaltatus fuero, omnia traham ad me (*Joan. xii, 32*). » Fides etenim vera justificans impios, et creans justos ad humanitatis suæ tracta participem in illo exquirat salutem, in quo solo homo se invenit innocentem, liberum habens per gratiam Dei de ejus potentia gloriari, qui contra hostem superbum in carnis nostræ humilitate congressus, his victoriam suam tribuit, in quorum corpore triumphavit. Quamvis ergo in uno Domino nostro Jesu Christo vero Dei atque hominis Filio Verbi et carnis una persona sit, et utraque essentia communes habeat actiones, intelligendæ tamen sunt ipsorum operum qualitates, et sinceræ fidei contemplatione cernendum est, ad quæ provehatur humilitas infirmitatis, et ad quæ inclinetur altitudo virtutis. Quid sit quod caro sine Verbo non agit, et quid sit quod Verbum sine carne non efficit. Sine Verbi enim potentia nec conciperet Virgo, nec pareret, et sine

A veritate carnis ovoluta pannis infantia non jaceret. Sine Verbi potentia non adorarent magi puerum novo sidere declaratum, et sine veritate carnis non juberetur transferri in Ægyptum puer, et ab Herodis persecutione subduci. Sine Verbi potentia non diceret vox Patris missa de cælo, « hic est Filius meus dilectus, in quo mihi complacui (*Matth. iii, 17*), » et sine veritate carnis non protestaretur Joannes: « Ecce agnus Dei, ecce qui tollit peccata mundi (*Joan. i, 29*). » Sine Verbi potentia redintegratio debilium, et vivificatio mortuorum, et sine veritate carnis, nec cibus jejuno, nec somnus esset necessarius fatigato. Postremo sine Verbi potentia non se Dominus Patri profiteretur æqualem, sine veritate carnis non idem diceret Patrem esse majorem, cum catholica fides utrumque suscipiat utrumque defendat, quæ secundum proprietatem divinæ humanæque substantiæ, unum Dei Filium et hominem credit et Verbum. Quamvis ergo ab illo initio, quo in utero virginis Verbum caro factum est, nihil unquam inter divinam humanamque substantiam divisionis exstiterit, ut per omnia incrementa corporea unius personæ fuerint totius temporis actiones, et ipsa tamen quæ inseparabiliter facta sunt nulla permistione confundamus, sed quid cujus formæ sit ex operum qualitate sentimus, nec divina enim humanis præjudicant, nec humana divinis, cum ita in idipsum utraque concurrant, ut in eis nec proprietas absumatur, nec persona germinetur. Dicant igitur isti phantastici Christiani, quæ substantia Salvatoris affixa sit ligno, quæ jacuerit in sepulcro, et revoluta monumenti lapide, quæ tertia die caro surrexit, vel quale corpus Jesus discipulorum visui clausis ad eos ostiis ingressus intulerit, cum ad abigendam cernentium diffidentiam inspicere oculis, digitisque tractari, patientes adhuc fixuras clavorum et recens compuncti lateris vulnus exigeret. Ac si in tanta luce veritatis tenebras suas hæretica obduratio non relinquit. Ostendant unde sibi spem vitæ polliceantur æternæ, ad quam nisi per mediatorem Dei et hominum, hominem Jesum Christum non potest perveniri. « Non est enim aliud nomen datum hominibus sub cælo in quo oporteat salvos fieri (*Act. iv, 12*), » nec est redemptio captivitatis humanæ, nisi in sanguine ejus qui dedit semetipsum redemptionem pro omnibus. « Qui, » sicut prædicat beatus Apostolus, « cum in forma Dei esset non rapinam arbitratus est esse se æqualem Deo, sed semetipsum exinanivit, formam 203 servi accipiens, in similitudine hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus illum exaltavit, et donavit illi nomen quod est super omne nomen, ut in nomine Jesu omne genu flectatur, cælestium, terrestrium, et infernorum, et omnis lingua confiteatur quia Dominus Jesus Christus in gloria est Dei Patris (*Ephes. ii, 6-11*). » Quamvis ergo unus sit Dominus Jesus Christus, et veræ deitatis veræque humanitatis in ipso una prorsus eademque persona sit,

neque hujus unitiois soliditas ulla possit divisione sejungi, exaltationem tamen qua illum exaltavit Deus, et donavit illi nomen quod est super omne nomen excellit, ad eam intelligimus pertinere formam quæ ditanda erat tantæ glorificationis augmento. In forma quippe Dei æqualis erat Filius Patri, et inter genitorem atque unigenitum nulla erat in essentia discretio, nulla in majestate diversitas, nec per incarnationis mysterium aliquid decesserat Verbo quod ei Patris munere redderetur. Forma autem servi per quam impassibilis deitas sacramentum magnæ pietatis implevit, humana humilitas est, et in gloria divinæ potestatis evecta est in tantam unitatem ab ipso conceptu virginis deitate et humanitate connexa, ut nec sine homine divina, nec sine Deo agerentur humana. Propter quod sicut Dominus majestatis dicitur crucifixus, ita qui ex sempiternitate æqualis est Deo, dicitur exaltatus. Nec interest ex qua Christus substantia nominetur, cum inseparabiliter manente unitate personæ, idem sit et totus hominis filius propter carnem, et totus Dei Filius propter unam cum Patre deitatem. Quidquid ergo in tempore accepit Christus, secundum hominem accepit, cuique non habuit conferuntur. Nam secundum potentiam Verbi indifferenter omnia quæ habet Pater, etiam Filius habet, et quæ in forma servi a Patre accepit, eadem in forma Patris etiam ipse donavit, et idem ipse et dives et pauper. Dives, quia « in principio erat Verbum, et Verbum erat apud Deum, et Deus erat Verbum. Hoc erat in principio apud Deum; omnia per ipsum facta sunt, et sine ipso factum est nihil (*Joan. 1, 1-3*); » pauper vero, quia « Verbum caro factum est, et habitavit in nobis (*Joan. 1, 14*). » Quæ autem est ejus exinanitio, quæve paupertas, nisi formæ servilis acceptio, per quam Verbi majestate velata, dispensatio humanæ redemptionis impleta est. Nam quia captivata nostræ resolvi originalia vincula non poterant, et ab hostis imperio relaxari, nisi existeret homo nostri generis, nostræque naturæ quem veteris debiti præjudicia non tenerent, et qui immaculato sanguine suo chirographum lethale dilueret, sicut ab initio erat divinitus præordinatum, et prophetarum oraculis prænuntiatum, ita est in plenitudine præfiniti temporis factum, ut multis modis, significata promissio in diu expectatum veniret effectum, nec posset esse ambiguum, quod continuis significationibus semper fuerat nuntiatum. Destructis itaque tot hæresibus, quæ per sanctam devotionem præidentium Patrum a corpore sunt catholice unitatis abscissæ quæque ideo extorres a Christo esse meruere, quia Verbi incarnationem, quæ singularis est recte credentium salus, fecerunt sibi « lapidem offensionis, et petram scandali (*Rom. 1x, 36*), » miror dilectionem vestram in discernendo veritatis lumine laborare, et cum multis manifestationibus declaratum sit, quam recte et Nestorium et Eutichen cum Dioscoro fides Christiana damnaverit, nec Christianus possit vocari, qui vel illius, vel horum impietati præbet assensum. Doleo vos evangeli

ca et apostolicæ doctrinæ, ut audio, resultare, exagitando seditionibus civitates, conturbando ecclesias, nec solum injurias, sed etiam cædes presbyteris atque episcopis inferendo, ut præ furore et sævitia propositi vestri, et professionis sitis immemores. Ubi est regula mansuetudinis et quietis, ubi longanimitas patientiæ, ubi tranquillitas pacis, ubi firmamentum dilectionis et tolerantiae fortitudo? Quæ vos ab Evangelio Christi aut persuasio abduxit aut persecutio separavit? vel quæ tanta cœstitit decipientis astutia, ut obliti prophetarum, et apostolorum, obliti symboli salutaris, et confessionis qua pronuntiantes coram multis testibus sacramentum baptismi suscepistis, diabolicis vos illusionibus subderetis? Quid apud vos acturæ fuerant ungulæ, quid sæva tormenta, si

**B** ad expugnandam fidei vestræ integritatem tantum vana hæreticorum commenta valuerunt? Pro fide vos agere creditis, et fidei contraitis; Ecclesiæ nomine armamini, et contra Ecclesiam dimicatis. Hoc a prophetis, hoc ab evangelistis, hoc ab apostolis didicistis, ut negantes Christi carnem, et ipsam Verbi essentiam passioni mortique subdentes, alienam faciatis nostram a suo reparatore naturam, totumque quod crux intulit, quod lancea vulneravit, quod sepulchri lapis suscepit et reddidit solum fuisse opus divinæ potentiæ, non etiam humilitatis humanæ? Propter quam Apostolus dicit: « Non enim erubesco Evangelium (*Rom. 1, 16*), » quoniam noverat quale Christianis objiceretur opprobrium ab inimicis. Et ideo Dominus protestabatur, dicens: « Qui me confessus fuerit coram hominibus, et ego confitebor illum coram Patre meo (*Matth. x, 32*). » Hi enim non erunt digni confessione Filii et Patris, quibus nunc caro Christi verecundiam facit, probabuntque se nullam de ligno crucis sumpsisse virtutem, qui quod præferendum frontibus acceperunt, promere labiis erubescunt. Declinate, filii, ab his diabolicis persuasionibus, declinate. Veritatem Dei nulla res violat, sed veritas nos nisi in nostra carne non salvat. « Veritas quippe (sicut propheta ait) de terra orta est (*Psal. lxxxiv, 12*), » et sic Verbum Maria concepit, ut unendam sibi carnem de sua substantia ministraret, nec cum adiectione personæ, nec cum evacuatione naturæ, quoniam qui erat in forma Dei, ita accepit formam servi, ut unus atque idem in forma

**D** utraque sit Christus inclinante se Deo usque ad infima hominis, et proficiente homine usque ad summa deitatis, dicente Apostolo: « Quorum Patres et ex quibus Christus secundum carnem, qui est super omnia Deus benedictus in sæcula (*Rom. ix, 5*). » Amen.

#### XLII. — Ad Theodoricum episcopum.

LEO THEODORICO episcopo de fidei perseverantia.

Remeantibus ad nos fratribus et consecratoribus nostris quos ad sanctum concilium sedes beati Petri direxit, agnovimus dilectionem tuam superno adiutorio nobiscum tam Nestorianæ impietatis, quam Eutichianæ vesaniæ exstitisse victricem. Unde gloriamur in Domino cum Propheta cantantes: « Adjutorium nostrum in nomine Domini, qui fecit cælum



et terram (*Psal.* cxxiii, 8). » Qui nullum nos in nostris fratribus detrimentum sustinere permisit, sed quæ nostro prius ministerio definierat, universæ fraternitatis irretractabili firmavit assensu, ut vere a se prodesse ostenderit, quod prius a prima omnium sede formatum totius Christiani orbis iudicium recepisset, ut in hoc quoque capite membra concordent. In quo amplior nobis in hac re fit gaudendi materia, dum et tanto magis perculit inimicus, quanto contra Christi ministros servus insurrexit. Nam ne aliarum sedium ab ea quam cæteris omnium Dominus statuit præsidere consensus absentatio videretur, aut alia quælibet subrepere posset adversa suspicio, inventi prius sunt qui de iudiciis nostris ambigerent. Et dum nonnulli ad dissensiones incitati ab auctore contradictionis ad insana bella prosiliunt, ad majus bonum, malum ejus auctore totius bonitatis dispensante proventum convertitur. Dulcius si quidem munera gratiæ divini proveniunt, quoties non sine magnis sudoribus acquiruntur. Et minus bonum videri solet pax continuata per otium, quam reddita post laborem. Ipsa quoque veritas et clarius renitescit, et fortius retinetur, dum quæ fides prius docuerat, hæc postea examinatio confirmaret. Multum denique sacerdotalis officii meritum splendescit ubi sic summorum servatur auctoritas, ut in nullo inferiorum putetur imminuta libertas. Et ad majorem gloriam proficit finis examinis quando ad hoc se accepit exercendi fiducia, ut vincatur adversitas, ne quod per se probatur reprobum silentii præjudicio videatur oppressum. Exsulta igitur, charissime frater, in unico filio victor exsulta. Vicit per nos ille, cujus carnis veritas negabatur, vicit per nos, et pro nobis ille cui vicimus. Secunda est post adventum Domini hæc orbi festivitas. Redditum sæculo est prædone prostrato incarnationis divini mysterium, quod humani generis inimicus, quia rebus ipsis auferre non poterat, calumniis obscurabat. Quinimo ab incredulorum corde perierat immortale mysterium, quia nihil prodest tanta salus incredulis, ipsa Veritate suis dicente discipulis: « Qui crediderit et baptizatus fuerit, salvus erit: qui autem non crediderit, condemnabitur (*Marc.* xvi, 16). » Solis justitiæ jubar, densis per orientem Nestorii et Eutichetis nebulis impeditum, pure ab occidente resplenduit, ubi commercium in apostolis et doctoribus principaliter collocavit, quamvis nec illic unquam defuisse credendus sit, quo confessores sibi egregios reservavit. Ita ut dum denuo conaretur hostis antiquus per secundi Pharaonis impeniens cor, fidei Abrahamæ semen et filios exstinguere, Deo miserante, languescens, nisi sibi nocere nihil possit. De quo et illud omnipotens mirabilis egit, quia et quos sibi conscios ad Israelitici populi sedes asciverat, non cum tyrannidis auctore submersit, sed cum suo populo congregavit, et sicut revera se dignum et soli sibi possibile fons misericordiæ noverat, victos a nobis nobiscum fecit esse victuros. Nam dum solus vere sit humani gene-

ris hostis spiritus falsitatis, omnes de illo jam triumphare non dubium est quos sibi Veritas vindicavit. Nunc prorsus illa Redemptoris nostri dicta quam sint divini auctoritatis apparet, dum contra hostes fidei sic aptantur, ut de ipsis dubitare dictis non liceat. « Vos, inquit, ex patre diabolo estis. Et desideria patris vestri vultis implere. Ille homicida fuit ab initio, et in veritate non stetit, quia veritas in eo non est. Quando loquitur mendacium, ex suis propriis loquitur, quia mendax est et pater ejus (*Joan.* viii, 44). » Nihil ergo mirandum est, quod hi qui in veritate Dei nostræ naturæ mendacium crediderunt, patri suo et circa ista concordant, quidquid visum, quidquid auditum, quidquid denique teste Evangelio tactum est atque palpatum in unico Dei Filio, non ejus cujus probatum est asserentes, sed coæternæ et coessentialis Patri fuisse substantiæ, quasi aut divinitatis natura crucis ligno transfixa sit, aut inconvertibilis crescere per ætates, et in sapientia proficere, sapientia sempiterna vel spiritu Deus, qui spiritus est, subinde repleti poterit. In hoc quoque se acerba vesania, ex quo auctore processerit, prodit, quod quantum in se est, universis nocere molita. Nam qui nos persequendo afflixit, cæteros ad consensum sceleris impellendo depravavit. Sed nec nos, licet in singulis fratribus, quia membra nostra sunt, vulnerasset, a speciali dolore fecit exceptos, quibus nova et inaudita, atque incredibili audacia inferre contra suum caput est molitus injuriam. Sed utinam vel post tot pessima respiscens, non nos etiam de suo æternæ damnationis interitum contristarit. Quam mensuram sceleris prætermisit, cui nec hoc sufficere potuit, quod nec vivis parendo, nec mortuis etiam in sanguinem innocentis et catholici sacerdotis pollutas jampridem abdicata veritate, atque approbata falsitate, manus intinxit, et cum scriptum sit: « Qui odit fratrem suum, homicida est (*I Joan.* ii, 11), » ille quod odio jam fecisset, addictus est, implevit operibus, quasi nec audisset, nec aliud quod Dominus ait: « Discite a me quia mitis sum et humilis corde, et invenietis requiem animabus vestris. Jugum enim meum suave est, et onus meum leve est (*Matth.* xi, 29, 30). » Dignus diabolici prædicator erroris Ægyptius vastator inventus est, quia tanquam sævissimus tyrannus Ecclesiæ nefandas blasphemias per violentem seditiosorum turbam, et per cruentas manus militum, venerandis 204 fratribus imponebat, et cum voce nostri Redemptoris firmatum sit unum eundemque homicidii et falsitatis auctorem, ille pariter utcumque complevit, quasi non ut caveantur, sed ut perpetrentur scripta sint, ad perditionis suæ cumulum trahens quæ Dei Filius monuit ad salutem; illud quoque surda nimis aure præteriens quod ab eodem Domino dictum est: « Ergo quod vidi apud Patrem meum loquor, et vos ergo quod vidistis apud Patrem vestrum facitis (*Joan.* viii, 58). » Igitur dum sanctæ memoriæ Flaviano vitam præsentis sæculi moliretur

auferre se serenæ vitæ luce privavit. Dum vos ab A sancto indicante quisquam non victor exire, quorum jam vicerat fides. Quod superest exhortamur, ut quia illic nonnullas Eutichiani ac Nestoriani erroris reliquias cognovimus remansisse, nunc etiam Sedi apostolicæ collabores. Victoria enim quam Deus noster suæ donavit Ecclesiæ, quandiu in hoc mundo versamur, licet fiduciam majorem tribuat, non tamen in totum sollicitudinem perimit, nec ut dormiamus donata est, sed ut suavius laboremus. Unde in hoc quoque tuæ vigiliantiae sollicitudinem volumus adjuvari, ut tua relatione currente, quid apud illos religionis doctrina Dominica proficiat, apostolicam Sedem festines instruere, quatenus illius religionis sacerdotes in quocunque usus exegerit adjuvemus. De his vero quæ in suprascripto concilio illicita contra venerabiles Nicænos canones præsumptione tentata sunt ad fratrem et episcopum nostrum Antiochænæ sedis præsulem scripsimus, adjicientes et illud quod nobis propter improbitatem monachorum quorundam religionis vestræ verbo mandasti, per vicarios nostros et specialiter statuantes, ut præter Domini sacerdotes, nullus audeat prædicare, seu monachus sive ille sit laicus cujuslibet scientiæ nomine gloriatur. Quas tamen litteras pro utilitate universalis Ecclesiæ per prædictum fratrem et coepiscopum nostrum Maximum ad omnium volumus pervenire notitiam, et ob hoc id nolumus earum exemplar adjicere, quia quæ prædicto fratri injunximus non dubitamus implenda. Et alia manu : Deus te incolumem custodiat, frater charissime. Data C quarto Idus Junii, Opilione viro clarissimo consule.

XLIII. — *Ad Julianum episcopum.*

LEO JULIANO episcopo.

Christianissimi principis fidem sæpe evidentissimis probavimus documentis, ac de nostro gratias ago qui talem dignatus est rebus humanis concedere pro sua pietate rectorem, qui fidei causas et reipublicæ summæ vigiliantiae studio tueretur, hæreticorum ausibus semper obsistens, et nihil eorum insanix adversum catholicam fidem licere permittere, cuius post Deum beneficiis hoc debetur, quod Hierosolymitanus episcopus est receptus, et monachos quos perfidia hæreticæ falsitatis invaserat ad sanitatem augusta auctoritas revocavit. Mox itaque, ut accepi epistolas tuas talia continentes, non solum D eadem die, sed prope eadem die responsum reddere maturavi, ut certior de omnibus quæ scripseras reddideris. Fratrem Proterium Alexandrinæ urbis episcopum gratulor satisfactionis plenas de fide sua ad nos litteras direxisse, et manifeste, quidnam teneat indicasse, cui me dignam gratiam pro fidei ipsius sinceritate necesse est præstare, ut honorem in nullo suæ perdat ecclesiæ, sedis suæ privilegia paternæ antiquitatis exemplo, juxta canonum illibata jura possideat, de præsentis anni Pascha, nulla dubitatio esse nobis potuit. Sed de futuro quod scivimus, quod Theophilus Alexandrinæ urbis episcopus nono Kalendarum Maiarum die, quod nunquam ita a tempore Dominicæ resurrectionis celebratum est



credidit ascribendum. Unde sollicitius congruit inquiri, ut omnis occasio tollatur erroris. Nam in nostris annalibus Kalendarum Maiarum die, aptissime a Patribus nostris et constitutus legitur et celebratus. Ac ne vel apud nos, vel apud orientales nascatur ex hac parte diversitas, hoc instantius nostro nomine cum Christianissimo principe agere tua dignetur dilectio. Quamvis et ipse clementissimus princeps se inquisitione sollicitissima curam hanc Ægyptiis delegasset suis episcopis dignatus sit indicare. Epistolam sane meam ad Chalcedonensem synodum datam presentibus episcopis et clericis lectam fuisse tuis epistolis retulisse. Sed usque ad illud capitulum quo ea quæ de fide acta sunt, meus videtur firmasse consensus. Unde miratus sum, quod reliqua quæ secuta fuerunt, non pariter in notitiam eorum quibus sunt lecta prolata sint, cum maxime omnibus innotescere debuisset, improbum a nobis ambitum notatum fuisse, et novis usurpationibus constituta, inviolata, ut semper scripsimus, servarentur. Et jam presbyterum quem asseris fuisse discussum gratulamur cognitione habita in omnibus fuisse purgatum. Epistolam quoque ad Christianissimum principem noveris me misisse in qua illi gratias egi, quia curam mihi suam tam pro fidei causa quam pro securitate reipublicæ dignatus est indicare. Aliam quoque ad nos epistolam dedit interveniens pro Anatolio episcopo, ut nostri illi animi gratia præbeatur, quoniam correctionem ejus permittit, et in omnibus satisfactorum esse quæ ad fidei observationem pertinentur, pollicet. Data quinto Idus Januarii, Elio et Studio viris clarissimis consulibus.

XLIV. — *Ad Anatolium episcopum per Patricium diaconum missa.*

Lectis dilectionis tuæ litteris quas per filium nostrum Patricium diaconum direxisti, intellexi tibi studium meæ sollicitudinis displicere, qua secundum Dominicam charitatem, quam tibi a nobis impendi experimentis plurimis approbasti, de cavendis his qui communis fidei adversarii dicerentur admonui, ne ad negligentiam rectoris referretur, si quisquam in Ecclesia catholica ea prædicare præsumeret quæ hæreticorum sensibus convenirent. Quod utrum veraciter fama jactaret dilectionis tuæ inquirendum judicio delegavi. Neque in aliquo honorem tuum læsi, cui discutienda ea quæ ad me erant perlata commisi, ut scilicet Atticus presbyter, quem talia audere cognoveram, nisi perfecta se satisfactione purgasset, et non solum voce hæreticos, sed etiam propriæ manus subscriptione damnasset, a communionis gratia esset alienus. Qui scripta mittendo dubiæ fidei et professionis incertæ confirmavit magis quam diluit quidquid ad nos de eo fama pertulerat. Cum si conscientiam suam voluisset probare sinceram, non Eutichen sibi odiosum fuisse, sed quod perfidiam ipsius reprobarat atque damnaret, debuerat confiteri, quia aliud sunt humanæ etiam inter catholicos simultates, aliud diabolici, quos fides catholica damnat errores. Et ideo, frater charis-

simè, in nullo debes de nostra dilectione dubitare si prophetæ exemplum sequaris et dicas : « Nonne qui te oderant, Domine, oderam illos, et super inimicos tuos tabescebam ? » (*Psal. cxxxviii, 21.*) Per omnia enim volo te esse certissimum, quod sicut meam æstimationem illæsam cupio permanere, ita opto te quoque in omnibus irreprehensibilem reperiri. Prædictus autem ut ab omni suspitione contraria lilear appareat, quid in Eutichen anathematizet ac damnet evidenter ostendat, et in damnationem erroris expressi, remota omni dubitatione subscribat. Ita ut Chalcedonensis symboli definitionem de fide, cui etiam dilectio tua subscribendo consensit, et quam apostolicæ Sedis firmavit auctoritas profiteatur se per omnia servaturum, adjecta suscriptione propriæ manus, quæ in ecclesia Christiano populo præsentē recitetur, ut pro catholica fide, neque nos negligentes, neque ipsa umbra suspectus habeatur. Qui si in eadem pravitate perdurans præceptis salubribus parere noluerit, sententiam synodi Chalcedonensis, cujus definitionibus resultat, recipiet. Data quinto-decimo Kalendas Aprilis, gloria Majoriano Augusto, consule.

XLV. — *Ad eundem.*

Leo episcopus ANATOLIO episcopo.

Si firmo incommutabilique proposito dilectio tuæ curam gratiæ communis habuisset, nihil profecto quod ullam anxietatem tibi ingereret, exstitisset. Non enim sinet alio ratio, ut ejus charitatem spernerem quam amore pacis et studio reparandæ catholice fidei inter ipsa episcopatus rudimenta juvissem, obstandi in ecclesiasticis curis talem habere consocium, ut mihi de sanctis præcursoribus tuis, nec Joannis specialem copiosamque doctrinam, nec auctoritatem Attici, nec industriam Procli, nec fidem beati Flaviani deesse sentirem, et ita studiis tuis uterer, ut nullus auderet vel fidei catholice resultare, vel Nicænis venerabilium Patrum regulis contraire. Sed cum in injuriam canonum, ut agnoscis, illa tentata sunt quæ omnibus ecclesiis scandalum maximum generarent, quid aptius ac modestius facerem quam ut te primum ut ab hac intentione discederes, fraterno animo missis litteris admonerem ? Ad quas cum non rescriberes, ipse a colloqui mei consortio **205** separasti. Denique inde jam tacui, sed clementissimo principi custodi fidei frequentius litterarum petitionem suggessi, ut pro pace ecclesiarum quam tibi maxime prodesse cognoscis, hæc quæ nunc a dilectione facta sunt implerentur. Cui ineffabiles gratias ago, quod secundum eruditionem Spiritus sancti, cujus est virtute plenissimus sacerdotali dignatur studere concordie, sciens sibi orationes supplicantium copiosius profuturas, si famuli unius Domini in nullo sint a vera pacis unitate divisi. Quod ergo in Constantinopolitana Ecclesia quædam in officiis clericorum correctæ significas, ut etenim presbyterum in gratiam tuam affectionemque revocaveris, et Andream archidiaconi actiones submoveris, nobis placuisse rescribo, quia æstimationem

tuam, ut optabam, plurimum erigit atque commendat, et merito post correctionem in oblivionem deducitur quod reprehensioni obnoxium videbatur, cum hæreticorum profectione et sanctæ memoriæ Flaviani injuria gravaveris quæ nunc simul ab omni offensione cum tui, ut volui, laude cessarunt, quia in ordinem suum quæ fuerant turbata redierunt. Andreæ sane qui rationabiliter archidiaconi est privatus officio, et Eufraatem qui sanctæ memoriæ Flaviani, ut comperi, improbus exstitit accusator, si professionibus plenissime scriptis, non minus Eutichianam hæresim quam Nestorianum execrabile dogma condemnant, quoniam venia est præstanda correctis, presbyteros consecrabis, ut sibi remedium catholicæ fidei sentiant profuisse, electo primitus et probato qui archidiaconi officium possit implere, id est, quem nulla unquam prædictarum impietatum fama resperserit. Cæteri vero quos par reatus involverat, si veniam simili professione cum satisfactione deposcunt, suis ordinibus reformentur, his tantum ad officiorum primatum admissis quos ab omni errore liberos fuisse constitit. Illam autem culpam quam de augenda potestate aliena, ut asseris, adhortatione contraxeras efficacius atque sincerius tua charitas diluisset, si quod tentari sine tua voluntate non potuit, non ad sua clericorum consilia transtulisses, quia sicut in mala suasionem delinquitur, ita et in mala consensione peccatur. Sed gratum mihi, frater charissime, est, quod dilectio tua proficitur sibi displicere, quod tunc etiam placere non debuit. Sufficit in gratiæ communis regressum professio dilectionis tuæ, et attestatio principis Christiani, ne cui detur tarda correctio, cui tam venerabilis assertor accessit. Abjiciatur penitus inconcessi juris qui dissensionem fecerat appetitus. Sufficiant limites quos sanctorum Patrum providentissima decreta posuerunt, ut quieta sit suis meritis et antiquis privilegiis dignitas omnium sacerdotum renovetur, et maneat in te Dominicæ charitatis affectio, ad quam dilectionem tuam sæpius cohortatus sum cum fratre et coepiscopo nostro Juliano, qui communem gratiam semper optavit, cujus industria et sollicitudines tuæ relevabuntur, et fides catholica muniatur. Super omnia autem fraterna charitate hortor et moneo, ut ea quæ ad gloriam vel ad munimen pertinent sacerdotalis officii Nicænorum canonum universalis Ecclesiæ pacem servantia decreta custodias. Sic enim inter Domini sacerdotes inviolata charitas permanebit, si paribus studiis quæ sunt a sanctis Patribus constituta, servantur. Data quarto Kalendas Junii, Etio et Studio viris clarissimis consulibus.

XLVI. — *Ad Juvenalem Hierosolymitanum et cæteros episcopos qui in sancta synodo Chalcedonensi congregati fuerunt.*

Omni quidem fraternitatem vestram nosse non ambigo definitionem sanctæ synodi, quæ ob confirmationem fidei in Chalcedonensi civitate celebrata est, toto corde me fuisse complexum. Quia nulla

A sinebat ratio, ut qui unitatem catholicæ fidei dolabant ab hæreticis fuisse turbatam non exultanter in integrum reddisse gauderem. Hoc autem non solum ab ipso beatissimæ confessionis effectu, sed etiam ex epistolis meis quas post reditum meorum ad Constantinopolitanæ urbis antistitem dedi, potuissetis agnoscere, si vobis responsionem sedis apostolicæ manifestare voluisset. Ne ergo per malignos interpretes dubitabile videatur, utrum quæ in synodo Chalcedonensi per unitatem vestram de fide statuta sunt, approbem. Hoc ad omnes fratres et coepiscopos nostros qui prædicto concilio interfuerunt, scripta direxi, quæ gloriosissimus et clementissimus princeps, sicut poposci, in notitiam vestram mittere pro catholicæ fidei amore dignabitur, ut et fraterna universitas, et omnium fidelium corda cognoscant me non solum per fratres qui vicem meam exsecuti sunt, sed etiam per approbationem gestorum synodaliū propriam vobiscum iniisse sententiam in sola videlicet fidei causa quod sæpe dicendum est, propter quam generale concilium et ex præcepto Christianorum principum, et ex consensu apostolicæ Sedis placuit congregari, damnatis hæreticis qui si congrui esse voluissent, nulla penitus resideret de vera Domini nostri Jesu Christi incarnatione dubitatio. Unde si quis unquam ausus fuerit vel Nestoriani perfidiam tueri, vel Eutichetis ac Dioscori impium dogma defendere, et a catholicorum communione rescetur, nec habeat ejus corporis participationem, cujus abnegat veritatem. De custodiendis quoque sanctorum Patrum statutis, quæ in synodo Nicæna inviolabilibus sunt fixa decretis observantiam vestræ sanctitatis admoneo, ut jura ecclesiarum sicut ab illis 318 Patribus divinitus inspirata sunt ordinata permaneant. Nihil alienum improbus ambitus concupiscat, nec per alterius immunitionem suum aliquis quærat augmentum. Quantumlibet enim exortis assensionibus se instruat vanitatis elatio, et appetitus suos conciliorum æstimet nomine roborandos, infirmum atque irritum erit quidquid a prædictorum canonibus discreparit, quorum regulis apostolica Sedes quam reverenter utatur scriptorum meorum, quibus Constantinopolitani antistitis conatus repuli poterit sanctitas vestra lectione cognoscere, me auxiliante Domino nostro, et catholicæ fidei et paternarum traditionum esse custodem. Data duodecimo Kalendas Aprilis, Opilione viro clarissimo consule.

XLVII. — *Ad Juvenalem Hierosolymitanum episcopum.*

Acceptis dilectionis tuæ litteris quas ad me filii nostri Andreas presbyter, et Petrus diaconus detulerunt, gavisus quidem sum, quod ad episcopatus tui sedem redire licuisset; sed confluentibus in recordationem omnibus quæ te per quosdam excessus laborare fecerunt, doli adversitatum tuarum temetipsum tibi fuisse materiam, et resistendi hæreticis constantiam perdidisse, qui æstiment non esse tibi liberum ut eos audeas redarguere, quos tibi



liberum ut eos audeas redarguere, quos tibi professus sis in suo errore placuisse. Beatæ enim memoriæ Flaviani condemnatio et impiissimi Eutychetis receptio, quod nisi Domini nostri Jesu Christi secundum carnem negatio fuit? quam ipse grandi misericordia sua fecit resolvi cum detestandum illud Ephesinæ synodi iudicium ita sancta Chalcedonensis synodi auctoritate destruxit, ut nullum depravatorum a remedio correctionis arceret. Unde quia in tempore indulgentiæ respicientiam magis quam pertinaciam delegisti, ita gaudeo te cœlestem expetisse medicinam, ut fidei ab hæreticis impugnatæ tandem possis esse defensor. Quamvis enim nulli sacerdotum liceat nescire quod prædicat. Quoniam qui ignorat ignorabitur, inexcusabilior tamen est omnibus imperitis quilibet Hierosolymis habitans Christianus, qui ad cognoscendam virtutem Evangelii non solum paginarum eloquiis, sed ipsorum locorum testimoniis eruditur; et quod alibi non licet non credi, ibi non potest non videri. Quid laborat intellectus, ubi est magister aspectus? Et cur lecta vel audita sunt dubia, ubi se vel visui et tactui tot humanæ salutis ingerunt sacramenta? Quasi ad singulos quosque cunctantes Dominus adhuc voce corporea utatur et dicat: « Quid turbati estis, et quare cogitationes ascendunt in corda vestra? Videte manus meas, et pedes meos, quia ipse ego sum. Palpate et videte, quia spiritus ossa et carnem non habet sicut me videtis habere (Luc. xxiv, 38, 39). » Utere ergo, frater charissime, invictissimis catholicæ fidei documentis, et evangelistarum prædicationem sanctorum locorum, in quibus degis, testificatione defende. Apud te est Bethlehem, in qua salutaris Davidicæ virginis partus iluxit, quem obvolutum pannis inter angustias diversorii præsepe suscepit. Apud te est declarata ab angelis, adorata a magis, et per multorum infantum mortes ab Herode quesita Salvatoris infantia. Apud te est ubi pueritia ejus adolevit, ubi adolescentia maturuit, et per omnia incrementa corporea in virum perfectum veri hominis natura proficit, non sine cibo eruditionis, non sine somno quietis, non sine fletu miserationis, nec sine pavore formidinis. Unus enim atque idem est qui et in Dei forma operatus est miracula magna virtutis, et in forma servi subiit sævitiam passionis. Hoc tibi ipsa crux indesinenter loquitur, hoc lapis clamat sepulcri, in quo Dominus humana conditione jacuit, et de quo divina potentia resurrexit, et cum ad montem Oliveti locum ascensionis veneraturus accedis, an non illa vox angelica in tuo resultat auditu, qua elevatione Domini stupentibus dicitur: « Viri Galilæi, quid statis aspicientes in cœlum, hic Jesus qui assumptus est a vobis, sic venit quemadmodum vidistis eum in cœlum (Act. i, 11)? » Veram igitur Christi generationem crux vera confirmat, quoniam ipse in nostra carne nascitur qui in nostra crucifigitur, quæ nullo interveniente peccato, nisi fuisset nostri generis, non potuisset esse mortalis. Ut autem repararet

A omnium vitam, recepit omnium causam, et vim veteris chirographi, quod solus inter omnes non debuit, pro omnibus solvendo vacuavit: ut sicut per unius reatum omnes facti fuerant peccatores, ita per unius innocentiam omnes fierent innocentes. Inde in homines manante justitia ubi est humana suscepta natura. Nulla enim ratione extra nostri est corporis veritatem, de quo evangelista prædicationem inchoans dicit: « Liber generationis Jesu Christi filii David, filii Abraham (Matth. i, 1). » Et qui Samaritanæ mulieri protestatur, quoniam salus ex Judæis est, beati Pauli apostoli consonante doctrina cum dicit: « Quorum patres et ex quibus Christus secundum carnem, qui est super omnia Deus benedictus in sæcula (Rom. ix, 5). » Itemque ad Timotheum: « Memento, inquit, Jesum Christum resurrexisse a mortuis ex semine David secundum carnem (II Tim. ii, 8). » Hæc autem charitas quantis et novi et Veteris Testamenti auctoritatibus declaretur, pro antiquitate sacerdotii tui evidenter agnoscis, cum fides Patrum et scripta mea ad sanctæ memoriæ Flavianum data, quorum mentionem ipse fecisti, adjecta universalis synodi confirmatione sufficiant. Unde prospicere oportet dilectionem tuam ne contra redemptionis ac spei nostræ ineffabile sacramentum ullus obmurmuret. Sed, si qui sunt qui adhuc, aut ignorantia caligant, aut perversitate discordant, eorum quorum in Ecclesia Dei apostolica fuit et est clara doctrina auctoritatibus instruantur, et de incarnatione Verbi Dei hæc nos credere quod illi credidere cognoscant, neque se extra corpus Christi in quo commortui et comresuscitati sumus sua obduratione constituent, quia nec pietas fidei, nec ratio recipit sacramenti, ut aut in sua essentia passibilis fuerit deitas, aut in nostræ naturæ susceptione mentita sit veritas. Particulam Dominicæ crucis cum eulogiis dilectionis vestræ veneranter accepi. Data pridie Nonas Septembris, Etio et Studio viris clarissimis consulibus.

**206 XLVIII.** — *Epistola Ravennii aliorumque episcoporum Gallorum ad Leonem papam, fidei ejus quam ad Orientem direxit laudes dicentium.*

Domino vere sancto, merito in Christo beatissimo et apostolico honore venerando papæ Leoni, Ravennius, Rusticus, Venerius, Constantinus, Maximus, Armatus, Florus, Gavinus, Valerianus, Constantius, Nestorius, Maximus, Asclepius. Item Maximus, Ursus, Ingenulus, Justus, Valerius, Superventus, Crisaphius, Fonteius, Petronius, Hydacius, Etherius, Gladius, Euticius. Fraternalis, Venturus, Eugenius, Hilarius, Verus, Amandus, Gerontius, Procleianus, Julianus, Helladius, Amentarius, Honoratus, Hepartius, Amenius, Dinatius, Maximus et Hernantius, Palladius.

Perlata ad nos epistola beatitudinis vestræ quam ad Orientem pro catholicæ fidei assertionem misistis, optassemus et statim apostolatui vestro pro tam immenso munere gratiarum actionem referre, nisi nobis difficultatem qua in unum celeriter non po-

tuinus convenire, vel spatia quibus a nobis disparati sumus longa terrarum nostrarum quæ in regionibus nostris, præter consuetudinem, fuit intemperies attulisset. Det ergo apostolatus vester nostræ veniam tarditati, quæ non otio aut dissimulatione, sed de certa necessitate descendit, quæque a nobis etsi celeritatis gratiam abstulit, exsultandi tamen materiam auferre non potuit. Exsultamus itaque Christiano populo lectis beatitudinis vestræ litteris, et omnium instructione patefacta, omnes intra Gallias constitutos exsultare mox fecimus, dolentes pariter pro his nobiscum qui, catholicæ fidei lumine derelicto, errorum tenebras inciderunt. Quæ apostolatus vestri scripta, ita ut symbolum fidei quisquis redemptionis sacramenta non negligit, tabulis cordis ascripsit, et tenaci quo ad confundendos hæreticorum errores paratior fit memoriæ commendavit. Multi itaque in ea pariter gaudentes exsultantes recognoverunt fidei suæ sensum, et ita se semper ex traditione paterna tenuisse, ut vester apostolatus exposuit jure letantur. Nonnulli sollicitiores facti, beatitudinis vestræ admonitione percepta, modis omnibus se gratulantur instructos, datamque sibi occasionem gaudent, qua libere ac fiducialiter, suffragante etiam apostolicæ Sedis auctoritate, eloquantur, et asserit unusquisque quod credit. Quis autem apostolatu vestro pro hoc tanto munere quod non solum Gallias, sed totum mundum velut quibusdam pretiosissimis gemmis ornavit, dignas æstimet gratias posse persolvere? Doctrinæ post Deum vestræ debet fidelis, ut constanter teneat quod credebat; debet etiam infidelis, ut a perfidia sua agnita perfratate discedat, et apostolicæ institutionis luce perfratatus erroris sui tenebras derelinquat, magisque sequatur et credat quod per os vestrum Dominus noster Jesus Christus de sacramento incarnationis suæ docet, quam id teneat quod diabolus humanæ salutis et veritatis inimicus stillat. Optassemus etiam ad filium vestrum gloriosissimum ac fidelissimum principem super eandem causam litteras dare quibus congratulantes fidei ipsius, humilitatis quoque nostræ sollicitudinem qua vos in Christo sequimur proderemus, nisi ad nos de orientalibus nuntio perlato fieri hoc minime necessarium putaremus. Meritis autem apostolatus vestri pius dominus præstitit, ut hæresim jam diu occulte nutritam vestris temporibus proderet. Ad laudem enim sollicitudinis vestræ pertinet, quod malorum error latere non potuit, et gloriose fidei redundat quod prava persuasio percipies, aut non invenit, aut inventos amisit. Respiciat itaque conservando apostolatam vestrum misericors Dominus Ecclesiam suam toto orbe diffusam. Vobis enim ita invigilantibus, et hi qui curam animæ suæ gerunt sollicitiores in fide redduntur, et hi qui paulo desides sunt, tanto ad sollicitudinem accenduntur exemplo. Quod nos ante oculos semper habentes, non desinemus Deo ac Domino nostro gratias agere, et pariter supplicare gratulantes quod tantæ sanctitatis, tantæ fidei, tantaque doctrinæ, aposto-

lica Sedi, unde religionis nostræ, propitio Christo, fons et origo manavit, antistitem dederit: petentes etiam ut datum concessumque munus pontificii vestri longissima ad ædificationem ecclesiarum suarum ætate custodiat. Nos autem etsi impares meritis, paris tamen fidei, si quid (quod absit) contra Ecclesiam catholicam profana infestatione tentetur, parati sumus, confortante Domino, cum beatitudine vestra, pro veritate fidei animas nostras ponere, et vitam hanc auctori salutis nostræ et largitori æternitatis impendere. *Et alia manu*: Ora pro me, domine beatissime merito et apostolico honore venerande papa: Rusticus episcopus, apostolatam tuam in Domino, venerande, saluto, et ut digneris pro me orare supplex rogo. Venerius: Te dominum in Christo meum, reverendissime, saluto, et ut digneris pro me orare supplex rogo. Constantinus episcopus: Beatitudinem vestram saluto. Similiter et omnes episcopi suprascripti salutaverunt.

**XLIX. — Epistola Leonis ad omnes episcopos Galliarum de damnatione hæreticorum.**

LEO RAVENNO, RUSTICO, VENERIO, CONSTANTINO, MAXIMO, ARMENTARIO, FLORO, SAMIO, VALERIANO, CONSTANTINO, NECTARIO, MAXIMO, ASCLIPIO, MAXIMO, URSO, INGENULO, JUSTO, VALERIANO, SUPERVENTO, CRISAPHIO, PONTEIO, PETRONIO, HYDACIO, ETHERIO, EULALIO, EUTICEO, FRATERNIO, VENTURO, EUGENIO, HILARIO, VERO, AMANDO, GERONTIO, PROCULEIANO, JULIANO, HELLADIO, ARMENTARIO, HONORATO, HEPARTIO, AMENIO, DINATIO, MAXIMINIO, HERNANTIO ET C. PALLADIO episcopis per Gallias constitutis.

Optassemus quidem fraternitatis vestræ litteras eo tempore quo promiseratis accipere, ut profecturis ad Orientem fratribus nostris, quos ad sanctam synodum vice nostra pro catholicæ fidei defensione direximus, etiam vestræ sententiæ professio jungeretur. Sed cum multa obstacula inopinatam nobis intulerint tarditatem, quamlibet seras et diu expectatas epistolas per fratrem et coepiscopum nostrum Ingenulam gratanter accepimus, easque cum gaudio recensentes probavimus, sicut confidebamus, eruditione Spiritus sancti cœlestem in vobis vigere doctrinam, quam in orientalibus ecclesiis versutia hostis antiqui, per eos quos sequaces suos reperit falsitas fatigare conata est, cum catholica fides, quæ nulla sui est parte mutabilis, per ipsas adversantium exercitationes et validior efficiatur semper et clarior, operante hæc gratia Dei, ut si qui forte ad hæc subtilia inimici jacula declinanda minus erant instructi minusque solliciti, perceptis veritatis armis, fierent contra impiorum mendacia fortiores. Quid ergo sicut causa posceat fiduciam nostram quam de vobis habemus in Domino fideliter atque obedienter auxistis multa exultatione gaudemus, et merito nos cognoscimus fratres et coepiscopis nostris orientalibus intimasse, quod secundum evangelicam et apostolicam traditionem de incarnatione Domini nostri Jesu Christi una esset omnium nostrum et indiscreta confessio: neque illis eorum



disputationibus detineri, ut aliter aliquid de summi et salutiferi sacramenti veritate sapiamus, quam ex prædicatione sanctorum Patrum, et ex auctoritate incommutabilis symboli didicimus et docemus, damnatis ab universali Ecclesia et nunc Eutycheti et antea Nestorio, quorum si quis non ferendis impietatibus inhærere delegerit, ipse se a corpore Christianæ unitatis abscidit. Non enim ultra jam cuiquam excusationis refugium de ignorantia et inscientia, vel de intelligentiæ difficultate conceditur, cum hoc ipso sexcentorum fere fratrum coepiscoporumque nostrorum synodus congregata nullam artem ratiocinandi, nullum eloquium disserendi contra fundamentum fidei inspirare promiserit, quoniam admittentibus per auxilium gratiæ Dei fratribus vicariis nostris, quorum plenissima exstitit in omni actione devotio, non solum sacerdotibus Christi, sed etiam principibus et potestatibus Christianis, cunctisque clericis, plebibus, ordinibus, plene atque evidenter apparuit hanc esse vere apostolicam fidem ex divinæ pietatis fonte manantem, quam sinceram et ab omni fece totius erroris alienam (sicut accepimus) prædicamus, et universo jam mundo consentiente defendimus, extinctis toto orbe dogmatibus quæ vel præcedens hæreticus ausus est inferre vel subsequens, dissimili quidem commento, sed impietate compari. Nam sicut Nestorius non est toleratus, affirmans beatam Mariam hominis tantummodo fuisse genitricem qui postmodum sit a Verbo deitatis susceptus, duabus scilicet naturis ex personis distinctis, ut neque ipse esset filius hominis qui Filius Dei, nec unus Christus in utraque natura, sed alter sempiternus ex Patre, alter temporalis ex matre, cum evangelica auctoritas ita Verbum prædicet carnem factum, ut non duos Christos nec duos filios, sed in uno Domino Jesu Christo et Dei et hominis nobis insinuet veritatem, ut utriusque substantiæ, id est, salvantis atque salvatæ, nec proprietas possit confundi, nec persona geminari. Sicut ergo Nestorius in suo dogmate execrabilis, sic et Eutyches damnatum olim sectatus errorem, alia profanitate blasphemans a catholicæ soliditatis compage resecatu est, quia indoctis quibusdam nimiumque simplicibus persuadere tentavit quod Verbum Dei ita caro sit factum, ut veram carnem de ventre Virginis non sumpserit, nec nostri illum generis corpus habuisse, sed divinitatis ejus et carnis una esset natura, ut unum Dominum nostrum Jesum et falsum hominem et Deum diceret esse passibilem. Quod nec pietas fidei, nec ratio recipit sacramenti, ut aut in sua natura passibilis fuerit deitas, aut in susceptione humana mentita sit veritas. Quæ diabolicorum sensuum prodigiosa commenta, sancta nunc synodus humilitatis nostræ scriptis auctoritate domini mei beatissimi Petri apostoli, et merito roboratis religiosa unanimitate consentiens abominando ab Ecclesia Dei amputavit. Dioscorum quoque Alexandrinum in sua impietate manentem, ne illa Ecclesia quæ inter ipsa Evangelii

A principia beatum Marcum beatissimi Petri apostoli discipulum in omnibus utique doctrinis sui doctoris magisterio consonantem habuit fundatorem, quæque postea recentioribus a nostra ætate temporibus Athanasium, Theophilum, et proxime Cyrillum probatissimos præsules habuit, indignam captivitatem sub hæretici dominatione pateretur. Unde secundum magnam misericordiam Dei universos diaboli conatus, quibus Ecclesiam Domini conturbare molitus est, noveritis esse destructos. Reddite igitur Deo gratias, fratres charissimi, dignam gratiarum actionem, et oret nobiscum vestra dilectio, ut fratres nostros, quos expectatio nostra desiderat, incolumes quam primum rediisse lætemur, et de omnibus quæ, Domino adjuvante, sunt gesta plenius vos possemus instruere. Nam fratrem Ingenulum nolumus hac expectatione tardari, cum ob hoc ipsum properatius remeare debuerit, nec diutius vobis esset incognita omnium materia gaudiorum, quæ volumus per curam dilectionis vestræ etiam ad fratres nostros Hispaniæ episcopos pervenire, ut quod Deus operatus est, nulli esse possit incognitum. Data Kalendis Februarii, Herculano viro clarissimo consule.

207 L. — *Ad Martianum Augustum de Pascha.*

Tam multis documentis per omnes Christi ecclesias fides vestræ pietatis innotuit, ut si quid sollicitudinum pro communi religione generator, merito vestrum quærat auxilium. Et quia memor dispensationis, mihi credite, necesse habeo curas meas, etiam in ea quæ sunt futura, præmittere, non improbe cupio clementiæ vestræ studiis adjuvari, ut in ea observantia, quæ certa semper ratione variatur, nihil possit erroris incurri. Paschale etenim festum quo sacramentum salutis humanæ maxime continetur, quamvis in primo semper mense celebrandum sit, ita tamen est lunaris cursus conditione mutabile, ut plerumque sacratissimi diei ambigua currat electio, et ex hoc fiat plerumque quod non licet, ut non simul omnis Ecclesia, quod non nisi unum esse oportet, observet. Studereque sancti Patres occasionem hujus erroris auferre; omnem hanc curam Alexandrino episcopo delegantes, quoniam apud Ægyptios hujus supputationis antiquitus tradita esse videbatur peritia, per quam qui annis singulis dies predictæ solemnitatis eveniret, Sedi apostolicæ indicaretur, hujus scripti ad longinquiores ecclesias judicium generaliter percurri. Sed sanctæ memoriæ Theophilus Alexandrinæ ecclesiæ urbis episcopus cum hujus observationis annos centum numero collegisset, septuagesimo sexto paschale festum longe aliter quam alii decreverant tenendum esse constituit, a primo augustæ memoriæ Theodosii senioris consulo, succedentes sibi sacræ observantiæ ordines ponens, ut longioris temporis ratio ejus litteris teneretur ascripta, cujus complexionis septuagesimus et quartus est annus; in qua pridie Idus Aprilis sanctum Pascha celebravimus, sequenti vero anno pridie Nonas Aprilis eadem, propitio Deo, erit habenda festivitas, sicut regulariter centenariæ annorum ra-

tionis ordo deciarat. Sed in anno qui erit septuagesimus sextus Paschæ dies invenietur ascriptus, quem a passione Domini nullius exempli, nullius constitutionis admittit auctoritas. Nam diem octavum Kalendarum Maiarum ab eo cognoscimus præfinitum, qui anni limitem antiquitus constitutum excedit, cum alii quinto decimo Kalendarum Maiarum huic festivitati deputaverint diem. Siquidem ab undecimo Kalendarum Aprilium usque in decimo Kalendarum Maiarum legitimum spatium sit præfinitum. Intra quod omnium varietatum necessitas concludatur, ut Pascha Dominicum, nec prius possimus habere nec tardius. Quod enim in decimum et in nonum Kalendarum Maiarum videtur nonnunquam pervenisse festivitas, quadam ratione defenditur. Quia etsi dies resurrectionis ultra terminum videtur exisse, dies tamen passionis limitem positum non invenietur egressus. Ad octavum autem Kalendarum Maiarum paschalem observantiam perducere nimis insolens et aperta transgressio est. Quia ergo in illa, ut dixi, centenaria supputatione Theophili septuagesimus sextus annus diem Paschæ contra morem ecclesiasticum statuisse monstratur, et non leviter delinquitur si in principio sacramenti veritas et unitas ab universali Ecclesia non tenetur, obsecro clementiam vestram, ut studium vestrum præstare dignemini, quatenus Ægyptii, vel si qui sunt alii qui certam hujus supputationis videntur habere notitiam, scrupulum hujus sollicitudinis absolvant, ut eum diem generalis observantia dirigat, qui nec paternarum constitutionum normam relinquat, nec ultra præfixos terminos evagetur. Quidquid autem pietas vestra de hac consultatione cognoverit, ad meam jubeat mox notitiam pervenire, ut in divinis mysteriis nulla dissonantiæ culpa nascatur. Data sexto decimo Kalendas Julii, Opilione viro clarissimo consule.

LI. — *Ad Eudochiam Aug. de Pascha.*

LEO EUDOCIÆ Augustæ.

Sanctæ memoriæ Theophilus ad Augustum Theodosium seniore scribens, per centum annos a primo prædicti principis consulatu digessit ordinem festi. Cujus instructionis septuagesimus quartus nunc annus evolvitur Opilione consule. Pridie Idus Aprilis celebrata est sacra solemnitas, unde sequenti anno pridie Nonas Aprilis eadem festivitas rationabiliter consequitur. Sed annus qui erat septuagesimus sextus memorati episcopi annotationem habere cognoscitur, quæ a totius antiquitatis exemplo, et ab omni auctoritate Patrum discordat. Siquidem in octavum Kalendarum Maiarum Dominicum Pascha transtulerit, præfinitos antiquitatis limites nimis audenter excedens, cum die quinto decimo Kalendarum Maiarum paschalem solemnitatem (sicut constituere alii) potuerit annotare. Unde quia non mediocris mihi sollicitudo generatur, ne apud Ægyptios hæc persuasio protaretur, ad Christianissimum et clementissimum principem scripta direximus, quibus causam scrupuli diligenter exposui, et suppliciter postulavi, ut operam suam, quemadmodum consuevit, religionis

A cultui dignanter impendat, ut eos qui hujus supputationis perfectam videntur habere notitiam, in unum jubeat convenire, et diligenter inquirere, ne forte hæc definitio teneatur, et hic excessus qui prioribus videtur repugnare temporibus nostræ conniventiae vel negligentiae deputetur, et fiat in nostris diebus quod nunquam ante præsumptum est. Quia vero oportet fraternitatem tuam curæ istius mecum esse participem, et ne quid tale accadat præcavere, crebrius religiosissimo et fidelissimo principi dignare suggerere, ut indissimulanter jubeat Ægyptios admonere, ne in summæ festivitatis die, aut dissensionem aliqua, aut transgressione peccetur. Quidquid autem de hac re diligentius investigare sollicitudo vestra potuerit, cito ad notitiam meam gloriosissimus imperator jubeat pervenire, quia et ad ipsius, et ad omnium salutem pertinet, ut Dei cultus nullo errore lædatur. Data sexto decimo Kalendas Julii, Opilione clarissimo consule.

LII. — *Ad Leonem Augustum.*

LEO episcopus LEONI Augusto.

Multo gaudio mens mea exultat in Domino, et magna est mihi ratio gloriandi, cum clementiæ vestræ excellentissimam fidem augeri per omnia donis gratiæ cœlestis agnosco et per incrementa diligentiae devotionem in vobis animi sacerdotalis experior. Nam in vestræ pietatis alloquiis non dubie patet quod per vos in totius Ecclesiæ salute Spiritus sanctus operetur, et quantum universorum fidelium precibus sit optandum, ut in omnem gloriam vestrum extendatur imperium, qui supra curam rerum temporalium religiosæ providentiæ famulatum divinis et æternis dispositionibus perseveranter impenditis, ut scilicet catholica fides, quæ humanum genus sola vivificat, sola sanctificat, in una confessione permaneat; et dissensiones quæ de terrenarum opinionum varietate nascuntur, a soliditate illius petræ supra quam civitas Dei ædificatur, abigantur. Hæc autem Dei munera ita divinitus demum nobis conferrentur, si de his quæ præstita sunt non inveniamur ingrati, et tanquam nulla sint quæ adepti sumus contraria potius exspectemus. Nam quæ patefacta sunt quærere, quæ perfecta sunt retractare, et quæ sunt definita convellere, quid aliud est quam de adeptis gratiam non referre, et ad interdictæ arboris cibum improbos appetitus mortiferæ cupiditatis extendere? Unde quia ad pacem universalis Ecclesiæ et ad custodiam catholicæ fidei cura dignamini sollicitiore respicere, evidenter agnoscitis quod magis hæreticorum audetur insidiis, ut inter Eutychetis Dioscorique discipulos et eum quem apostolica sedes direxerit diligentior, tanquam nihil fuerit ante definitum, tractatus habeatur, et quod totius mundi catholici sacerdotes sancta Chalcedonensi synodo probant gaudentque firmatum, in injuriam etiam sacratissimi concilii Nicæni efficiatur infirmum. Quod enim nostris temporibus apud Chalcedonam de Domini nostri Jesu Christi incarnatione firmatum est, hoc etiam apud Nicæam mysticus ille Patrum numerus



definivit, ne catholicorum confessio, aut unigenitum Dei Filium in aliquo crederet Patri imparem, aut eundem cum factus est filius hominis non veram carnis nostræ atque animæ habuisse naturam. Detestandum ergo nobis est perseveranterque vitandum, quod fraus hæretica nititur obtinere, nec in aliquam disceptationem pie et plene definita revocanda sunt, ne ad arbitrium damnatorum ipsi de his videamur ambigere, quæ manifestum est per omnia prophetis et evangelicis et apostolicis auctoritatibus consonare. Unde si qui sunt qui ab his quæ cœlitus sunt constituta dissentiunt, suis opinionibus relinquantur, et ab unitate Ecclesiæ cum ea quam elegere perversitate discedant. Nam nullomodo fieri potest, ut qui divinis audent contradicere sacramentis, aliqua nobis communione socientur. Jactent se in sui eloquii vanitate, et de argumentationum suarum versutia, quæ inimica est fidei, glorientur, nobis placet apostolicis obedire præceptis, dicentibus: « Videte ne quis vos decipiat per philosophiam et inanem seductionem hominum (Coloss. ii, 8). » Nam secundum eundem Apostolum « si quæ destruxi hæc ædifico, prævaricatore me constituo (Gal. ii, 18), » et eis me ultionum conditionibus subdo, quas non solum auctoritas beatæ memoriæ principis Martiani, sed etiam ego mea consensione firmavi. Quia, sicut sancte veraciterque dixistis, perfectio incrementum, et adjectionem plenitudo non recipit. Unde cum sciam te, venerabilis princeps, sincerissimo veritatis lumine imbutum in nulla fidei parte nutare, sed sancto perfecto judicio a pravis recta discernere, et a refutandis amplectenda dividere, oosecro te ne humilitatem meam de diffidentia putes esse culpandam, cum hæc mea cautio non solum universali Ecclesiæ consulat, sed etiam tuæ gloriæ famuletur; ne sub imperii tui tempore et hæreticorum aucta videatur improbitas, et catholicorum perturbata securitas. Quamvis ergo multum per omnia de pietatis vestræ corde confidam, et per inhabitantem in vobis spiritum Dei satis vos instructum esse perspiciam, ne fidei vestræ ullus possit error illudere, præceptioni tamen vestræ in eo adnitar obedire, ut aliquos de fratribus meis dirigam, qui apud vos præsentis meæ instar exhibeant, et quæ sit apostolica fidei regula, licet (ut dixi) vobis bene sit nota, demonstrent, patefacientes in omnibus et probantes non esse omnino inter catholicos computandos, qui definitionem venerabilis synodi Nicænæ, vel sancti Chalcedonensis concilii regulas non sequuntur, cum utrorumque sancta decreta ex evangelico et apostolico sit manifestum fonte prodire, et quidquid non est de irrigatione Christi, poculi esse viperei. Prænoscat igitur pietas vestra, venerabilis imperator, hos, quos spondeo dirigendos non ad confligendum cum hostibus fidei, nec ad certandum contra illos a Sede apostolica profecturos, quia de rebus et apud Nicæam et apud Chalcedonam (sicut Deo placuit) definitis, nullum audemus inire tractatum, tanquam dubia vel infirma sint quæ tanta per Spiritum sanctum fixit

Auctoritas. Instructioni autem parvulorum nostrorum qui post lactis alimoniam cibo desiderant solidiore satiari, ministerii nostri præsidium non negamus. Et sicut simpliciores non spernimus, ita a rebellibus hæreticis abstinemus. memores præcepti Dominici dicentis: « Nolite dare sanctum canibus, neque miseritis margaritas vestras ante porcos (Matth. vii, 6). » Nimis quippe indignum, nimis injustum est eos ad libertatem disceptationis admitti, quos significat Spiritus sanctus per prophetam dicens: « Filii alieni mentiti sunt mihi (Psal. xvii, 46). » Qui etiam si Evangelio non resisterent, de illis tamen se esse monstrarent de quibus scriptum est: « Deum se profitentur scire, factis autem negant (Tit. i, 16). » Clamante adhuc justus Abel sanguine adversum impium Cain, qui increpatus a Domino non requievit ad poenitendum, sed exarsit ad cædem, cujus vindictam sic Domini judicio volumus reservari, ut improbus et parricida crudelis in seipsum recidat, et nostra non teneat, neque sanctæ ecclesiæ Alexandrinæ lamentabilem captivitatem patiamini ulterius prolongari, cui oportet fidei vestræ justitiæque præsidio suam restitui libertatem, et per omnes Ægypti urbes dignitas Patrum et jus sacerdotale reparetur. Data undecimo Kalendas Aprilis, Calippio, Majoriano Augusto consulibus.

LIII. — Ad eundem.

1. De blasphemis Nestorii et Eutichetis, eorumque digno anathemate.

2. Quod in una Domini persona gemina sit deitatis et humanitatis asserenda natura.

3. De capitulis fidei ex sanctorum Patrum libris collectis.

LEO episcopus LEONI Augusto.

CAP. I. Promisisse me memini, venerabilis imperator, in causa fidei de qua clementiam tuam novi pie esse sollicitam, pleniorum humilitatis meæ dirigendum esse sermonem, quem nunc auxiliante Domino fideli occasione persolvo, ut sancto pietatis tuæ studio, utilis (quantum arbitror) deesse non possit instructio. Quamvis enim sciam clementiam tuam humanis institutionibus non egere, et sincerissimam de abundantia Spiritus sancti hausisse doctrinam, officii tamen mei est et patefacere quod intelligis, et prædicare quod credis, ut ignis ille quem Dominus veniens misit in terram motu crebræ meditationis agitatus sic concalescat ut ferveat, et sic inflammetur ut luceat. Magnas enim caligines Eutychniana hæresis Orientis partibus inferre molita est, et ab illa luce quæ (sicut Evangelium loquitur) lucet in tenebris, et tenebræ eam non comprehenderunt (Joan. i, 5), imperitorum oculis tentavit avertere. Cumque ipsa in suam reciderit cæcitatem, nunc in discipulis recrudescit quod in actore defecit. Non longo namque temporis intervallo catholica fides quæ est singularis et vera, cui nihil addi nec minui potest, a duobus est hostibus appetita,

quorum prior Nestorius, Eutyches secundus emer-  
sit, qui Ecclesiæ Dei duas hæreses sibimet con-  
trarias inferre voluerunt, ut uterque a prædi-  
catoribus veritatis merito damnaretur, quia insanum  
nimis et sacrilegum fuit quod variâ falsitate  
ambo senserunt. Anathematizetur ergo Nestorius  
qui beatam Virginem Mariam non Dei, sed ho-  
minis tantummodo credidit genitricem esse, ut  
aliam personam carnis, aliam faceret deitatis :  
nec unum Christum in Verbo Dei et carne sen-  
tiret, sed separatim atque seunctim alterum  
Filium Dei, alterum hominis prædicaret; cum  
manente illa incommutabilis Verbi, essentia quæ  
ei cum Patre et Spiritu sancto intemporalis at-  
que cœterna est, ita intra virginea viscera  
Verbum caro sit factum, ut per id quod ineffa-  
bile est sacramentum uno conceptu, unoque partu  
secundum veritatem utriusque naturæ ea virgo  
et ancilla Dei esset et mater. Quod etiam Eli-  
sabeth (sicut Lucas evangelista declarat) intellexit et  
dixit : « Unde hoc mihi, ut veniat mater Do-  
mini mei ad me ? » (*Luc. 1, 45.*) Eutyches quo-  
que eodem percellatur anathemate, qui per im-  
pios veterum hæreticorum volutatus errores, tertium  
Apollinaris dogma delegit, ut negata humanæ  
carnis atque animæ veritate totum Dominum no-  
strum Jesum Christum unius asserat esse naturæ,  
tanquam Verbi deitas ipsa se in carnem con-  
verterit, et concipi ac nasci, nutriri et crescere,  
crucifigi ac mori, sepeliri ac resurgere, et ascen-  
dere in cœlum, et in Patris dextera, unde ad  
judicandos vivos et mortuos veniet considerare,  
divinæ tantum essentiae fuerit, quæ nihil horum  
in se sine carnis recipit veritate, quoniam na-  
tura Unigeniti natura est Patris, natura est Spi-  
ritus Sancti. Simulque impassibilis, simul est in-  
commutabilis sempiternæ Trinitatis, indivisa unitas  
et consubstantialis aequalitas. Unde si Apollina-  
ris perversitate Eutychianus quisque desciscit, ne  
convincatur deitatem passibilem sentire atque mor-  
talem, et tamen Verbi incarnati, id est, Verbi  
et carnis unam audet pronuntiare naturam, ma-  
nifeste in Valentini et Manichæi transit insaniam;  
et mediatorem Dei et hominum, hominem Jesum Chri-  
stum simulatorie credit omnia egisse, nec humanum  
in ipso corpus, sed phantasmaticam corporis spe-  
ciem oculis apparuisse cernentium. Quæ impie-  
tatis mendacia, quoniam olim fides catholica de-  
testatur, et aliarum assertionum sacrilegia concor-  
dibus per totum mundum beatorum Patrum  
dudum sunt damnata sententiis, non dubium est  
eam nos fidem prædicare atque defendere, quam  
sancta Synodus Nicæna confirmavit dicens : Cre-  
dinus in unum Deum Patrem omnipotentem,  
visibilem et invisibilem factorem, et in unum  
Dominum Jesum Christum Filium Dei, natum de  
Patre unigenitum, hoc est in substantia Patris.  
Deum de Deo, lumen de lumine, Deum verum de  
Deo vero; natum non factum, unius substantiæ cum

A Patre (quod Græci dicunt omousion) per quem  
omnia facta sunt, sive quæ in cœlo, sive quæ in  
terra. Qui propter nos et propter nostram sa-  
lutem descendit de cœlo, et incarnatus est, et  
homo factus, passus est, et resurrexit tertia die  
ascendit ad cœlos, venturus judicare vivos et  
mortuos. Et in Spiritum sanctum. In qua profes-  
sione hoc evidentissime continetur, quod etiam  
nos de Domini incarnatione confitemur, et cre-  
dimus qui ad salutem humani generis reforman-  
dam, veram carnem nostræ fragilitatis non de  
cœlo secum detulit, sed in utero Virginis ma-  
tris assumpsit.

H. Quicunque ergo sunt ita obcæcati et a  
lumine veritatis alieni ut Verbo Dei a tempore  
incarnationis humanæ carnis denegent veritatem,  
ostendant in quo sibi Christianum nomen usurpent.  
Et cum Evangelio veritatis qua ratione concor-  
dent, si beatæ Virginis partu aut caro sine dei-  
tate, aut deitas est orta sine carne. Sicut enim  
negari non potest, evangelista dicente, quod « Ver-  
bum caro factum est, et habitavit in nobis  
(*Joan. 1, 14*) ; » ita negari non potest, beato  
Paulo apostolo prædicante, quod « Deus erat in  
Christo mundum reconcilians sibi (*I Cor. v, 19*). »  
Quæ autem hæc reconciliatio esse posset qua  
humano generi propitiaretur Deus nisi omnium  
causam mediator Dei hominumque susceperet ?  
Qua vero ratione veritatem Mediatoris imple-  
ret, nisi qui in forma Dei æqualis est Patri in  
forma servi particeps esset et nostri, ut mortis vin-  
culum unius prævaricatione contractum, unius  
morte (qui solus morti nihil debuit) solveretur ? Ef-  
fusio enim pro injustis sanguinis Justi tam potens  
fuit ad privilegium, tam dives ad pretium; ut si uni-  
versitas captivorum in Redemptorem suum crederet;  
nulla diaboli vincula retinerent; quoniam, sicut Apo-  
stolus ait, « ubi abundavit peccatum superabundavit  
et gratia (*Rom. v, 20*). » Et cum sub peccati præju-  
dicio nati potestatem acceperunt ad justitiam renas-  
cendi, validius factum est donum libertatis quam  
debitum servitutis. Quam itaque sibi in hujus sacra-  
menti præsidio spem relinquunt, qui in Salvatore  
nostro negant humani corporis veritatem ? Dicant  
quo sacrificio reconciliati, dicant quo sanguine sint  
redempti ? « Quis est (ut Apostolus ait) qui tradidit  
semetipsum pro nobis oblationem et hostiam Deo  
in odorem suavitatis (*Ephes. v, 2*) ? » Aut quod un-  
quam sacrificium sacratius fuit, quam quod verus  
et æternus pontifex altari crucis per immolationem  
sux carnis imposuit ? Quamvis enim multorum san-  
ctorum in conspectu Domini pretiosa mors fuerit,  
nullius tamen insontis occisio redemptio fuit mundi.  
Acceperunt justi, non dederunt coronas, et de forti-  
tudine fidelium exempla nata sunt patientiæ, non  
dona justitiæ. Singulares quippe in singulis mortes  
fuerunt, nec alterius quisquam debitum suo fine  
persolvit, cum inter filios hominum unus solus Do-  
minus noster Jesus-Christus, qui vere erat agnus im-



maculatus exstiterit, in quo omnes crucifixi, omnes mortui, omnes sepulti, omnes sunt etiam suscitati. De quibus ipse dicebat: « Cum exaltatus fuero a terra, omnia traham ad meipsum (*Joan. xii, 32*). » Fides enim vestra justificans impios et creans justos ad humanitatis suæ tracta participem, in illo acquirit salutem, in quo solo homo se invenit innocentem, liberum habens per gratiam Dei de potentia ejus gloriari qui contra hostem humani generis in carnis nostræ humilitate congressus his victoriam suam tribuit, in quorum corpore triumphavit. Licet ergo in uno Domino Jesu Christo vero Dei atque hominis filio Verbi et carnis una persona sit, quæ inseparabiliter atque indivise communes habeat actiones, intelligendæ tamen sunt ipsorum operum qualitates, et sinceræ fidei contemplatione cernendum est, ad quæ provehatur humilitas carnis, et ad quæ inclinetur altitudo divinitatis. Quid sit quod caro sine Verbo non agit; quid sit quod Verbum sine carne non efficit. Sine Verbi enim potentia nec conciperet Virgo nec pareret, et sine Verbi veritate carnis obvoluta pannis infantia non jaceret. Sine Verbi potentia non adorarent magi puerum stella indice declaratum, et sine veritate carnis non juberetur in Ægyptum transferri puer et ab Herodis persecutione abduci. Sine Verbi potentia non diceret vox Patris missa de cælo: « Hic est Filius meus dilectus, in quo mihi bene complacui, ipsum audite (*Matth. iii, 17*). » Et sine veritate carnis non protestaretur Joannes: « Ecce agnus Dei, ecce qui tollit peccata mundi (*Joan. i, 29*). » Sine Verbi potentia non fieret redintegratio debiliū et vivificatio mortuorum, et sine veritate carnis nec cibus jejuno, nec somnus esset necessarius fatigato. Postremo sine Verbi potentia non se Dominus Patri profiteretur æqualem, et sine veritate carnis non idem diceret Patrem esse majorem, cum catholica fides utrumque suscipiat, utrumque defendat quæ secundum confessionem beati apostoli Petri unum Christum Dei vivi Filium et hominem credit et Verbum. Quamvis itaque ab illo initio quo in utero virginis Verbum caro factum est nihil unquam inter utramque formam divisionis exstiterit, et per omnia incrementa corporea unius personæ fuerint totius temporis actiones, ea ipsa tamen quæ inseparabiliter facta sunt, nulla commistione confundimus, sed quid cujus formæ sit ex operum qualitate sentimus. Dicant ergo isti hypocritæ, qui cæcis mentibus lumen nolunt recipere veritatis, in qua forma crucis ligno Dominus majestatis Christus affixus sit? quid jacuerit in sepulcro? et revoluti monumenti lapide, quæ tertio die caro resurrexit? et in quo post resurrectionem suam non credentes quosdam discipulos arguebat, et hæitationem cunctantium confutabat cum diceret: « Palpate et videte, quia spiritus carnem et ossa non habet sicut me videtis habere (*Luc. xxiv, 39*). » Et apostolo Thomæ: « Infer manum tuam in latus meum, et vide manus meas et pedes, et noli esse incredulus sed fidelis (*Joan. xx, 27*). » Quanta manifestatione corporis sui jam hæ-

A reticorum mendacia destruebat, ut universa Ecclesia Christi imbuenda doctrinis hoc non sibi dubitaret credendum quod apostoli susceperant prædicandum. Ac si in tanta luce veritatis tenebras suas hæretica obduratio non relinquit, ostendant unde sibi spem vitæ polliceantur æternæ, ad quem nisi per mediatorem Dei et hominum, hominem Jesum Christum non potest perveniri. Sicut enim ait beatus Petrus apostolus, « Non est aliud nomen datum hominibus sub cælo, in quo oporteat nos salvos fieri (*Act. iv, 12*), » nec redemptio captivitatis humanæ nisi in sanguine ejus « qui dedit semetipsum redemptionem pro omnibus (*I Tim. ii, 6*), » et qui, sicut prædicat beatus Paulus apostolus, « cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens in similitudinem hominum factus, et habitu inventus ut homo. Humiliavit semetipsum factus obediens usque ad mortem, mortem autem crucis. Propter quod et Deus exaltavit illum et donavit illi nomen quod est super omne nomen, ut in nomine Jesu omne genu flectatur cælestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris (*Philip. ii, 6-11*). » Cum ergo unus sit Dominus Jesus Christus et vere deitatis vereque humanitatis in ipso una prorsus eademque persona sit, exaltationem tamen qua illum sicut doctor gentium dicit, exaltavit Deus et donavit illi nomen quod est super omne nomen excellit, ad eam intelligimus pertinere formam quæ ditanda erat tantæ glorificationis augmento.

C In forma quippe Dei æqualis erat Filius Patri, et inter genitorem atque unigenitum nulla in essentia discretio, nulla in majestate diversitas, nec per incarnationis mysterium aliquid decesserat Verbo quod ei Patris munere redderetur. Forma autem servi per quam impassibilis deitas sacramentum magnæ pietatis implevit, humana humilitas est, quæ in gloriam divinæ potestatis evecta est, in tantam unitatem ab ipso conceptu virginis deitate et humanitate conserta, ut nec sine homine divina, nec sine Deo agerentur humana. Propter quod sicut Dominus majestatis dicitur crucifixus, ita qui ex sempiternitate æqualis est Deo, dicitur exaltatus, quia inseparabiliter manente unitate personæ, unus atque idem est, et totus Dei Filius propter unam cum Patre deitatem. Quidquid enim in tempore accepit Christus secundum hominem accepit, cui quæ non habuit conferrentur. Nam secundum potentiam deitatis indifferenter omnia quæ habet Pater, etiam Filius habet, et quæ in forma servi a Patre accepit, eadem in forma Dei etiam ipse donavit.

D III. Secundum formam enim Dei ipse et Pater unum sunt; secundum formam autem servi « non venit facere voluntatem suam, sed voluntatem ejus qui misit eum (*Joan. vi, 38*). »

Secundum formam Dei « sicut Pater habet vitam in semetipso, sic dedit et Filio vitam habere in semetipso (*Joan. v, 26*). »

Secundum formam servi « tristis est anima mea usque ad mortem (*Matth. xxxvi, 28*), » et « idem ipse est, sicut ait Apostolus, et dives et pauper (*II Cor. viii, 9*). » Dives, quia evangelista dicente, « In principio erat Verbum et Verbum erat apud Deum, et Deus erat Verbum. Hoc erat in principio apud Deum, omnia per ipsum facta sunt, et sine ipso factum est nihil (*Joan. i, 1-3*). »

Pauper vero, quia propter nos « Verbum caro factum est, et habitavit in nobis (*Joan. i, 14*). » Quæ autem est ejus exinanitio, quæve paupertas? nisi formæ servilis acceptio? per quam, Verbi maiestate velata, dispensatio humanæ redemptionis impleta est. Nam quia captivitatis nostræ resolvendi originalia vincula non poterant, nisi existeret homo nostri generis nostræque naturæ, quem peccati præjudicia non tenerent, et qui immaculato sanguine suo chirographum lethale dilueret, sicut ab initio erat divinitus præordinatum, ita est in plenitudine præfiniti temporis factum, ut multis modis significata promissio in diu expectatum veniat effectum, nec posset esse ambiguum quod continuis testificationibus semper fuerat nuntiaturum. In magno autem sacrilegio se versari hæreticorum manifestat impietas, cum sub specie deitatis honorandæ humanæ carnis in Christo denegant veritatem, et religiose æstimant credi si dicatur in Salvatore nostro, verum non esse quod salvat cum ita, secundum promissionem omnia sæcula præcurrentem, mundus sit Deo reconciliatus in Christo, ut nisi Verbum dignaretur caro fieri, nulla possit caro salvari. Omne enim sacramentum fidei Christianæ magno (ut hæretici volunt) decoloratur obscuro, si lux veritatis sub mendacio putatur latuisse phantasmatis. Non ergo quisquam sibi erubescendum existimet Christianus de nostri in Christi corpore veritate, quia omnes apostoli apostolorumque discipuli et præclari ecclesiarum quique doctores, qui ad martyrii coronam vel confessionis meruere gloriam pervenire, in hujus fide lumine splenduerunt consonis ubique sententiis intonantes, quod in Domino Jesu Christo deitatis et carnis una sit confitenda persona. Qua autem rationis similitudine, qua divinorum voluminum portione hæretica impietas se existimat adjuvari, quæ veritatem negat corporis Christi, cum hanc non lex testificari, non prophetia præcinere, non evangelista docere, non ipse destiterit Christus ostendere? Quærant per omnem seriem Scripturarum, quo tenebras suas fugiant, in quo verum lumen obscurent. Et per omnia sæcula ita veritatem invenient coruscantem, ut magnum hoc et mirabile sacramentum ab initio videant creditum, quod est in fine completum. De quo cum sanctorum litterarum nulla pars sileat, sufficit quædam consona veritatis signa patuisse, quibus diligentia fidei splendidissima latitudine dirigatur, et sincera intelligentiæ luce perspiciat, quod in Filio Dei qui se incessabiliter filium hominis et hominem profitetur non sit Christianis erubescendum, sed constantissime gloriandum. Ut autem pietas tua cum venera-

bilium Patrum prædicationibus nos concordari cognoscat, aliquantas eorum sententias huic credidi subiiciendas esse sermoni. Quibus si digneris attendere recensitis, non aliud nos prædicare reperies quam quod sancti Patres nostri toto orbe docuere, nec quemquam ab illis nisi solos impios hæreticos discrepare. His igitur, gloriosissime et venerabilis imperator, quanta potui brevitate perstrictis, cum inspirata tibi divinitus fide etiam nostram prædicationem unitam esse cognosce, nec in aliquo nos ab evangelica apostolicaque doctrina, vel a catholice professionis symbolo discrepare, quoniam, sicut docet beatus apostolus Paulus, « magnum est pietatis sacramentum quod manifestatum est in carne, justificatum est spiritu, apparuit angelis, prædicatum est gentibus, creditum est in mundo, assumptum est in gloria (*I Tim. iii, 16*). » Quid igitur tuæ utilius est saluti, quid tuæ congruentius potestati, quam ut paci ecclesiarum Domini tua constitutione prospicias, et in omnibus tibi subditis dona Dei defendas, neque ulla ratione patiaris per invidiam diaboli ministros ipsius in cujusque sævire perniciem, ut qui in hoc sancto temporali emines regno in æternum merearis regnare cum Christo.

Sancti Hilarii Pictaviensis episcopi et confessoris in libro secundo inter cætera. Unum igitur hoc est immobile fundamentum, una hæc felix fidei petra Petri ore confessa: « Tu es, inquit, Christus Filius Dei vivi (*Joan. xi, 27*), » tanta in se argumenta sustinens veritatis, quantæ perversitatum quæstiones infidelitatis calumnia movebuntur. Jam in cæteris dispensatio voluntatis paternæ sit, virgo, partus et corpus, post quæ crux, mors, inferi, salus nostra est. Humani enim generis causa Dei Filius natus ex virgine est, et Spiritu sancto ipso sibi in hac operatione famulante, et sua Dei videlicet inumbrante virtute corporis sibi initia consevit, et exordia carnis instituit; ut homo factus ex virgine naturam in se carnis exciperet, per quæ hujus admistionis societas sanctificatum in eo universi generis humani corpus existeret, ut quemadmodum omnes in se per id quod corporeum se esse voluit conderetur, ita rursus in omnes ipse per id quod ejus est invisibile referretur. Dei igitur imago invisibilis pudorem humani exordii non recusavit, et per conceptionem partum, vagitum et cunas, omnes naturæ nostræ contumelias transcucurrit. Quid tandem dignationis affectui rependetur? Inenarrabilis a Deo originis unus unigenitus Deus in corpusculi humani formam sanctæ Virginis utero insertus accrescit. Qui omnia continet, et intra quem et per quem cuncta sunt, humani partus lege profertur, et ad cujus vocem archangeli atque angeli tremunt, cælum et terra et omnia hujus mundi resolvuntur elementa, vagitu infantis auditur. Qui invisibilis et incomprehensibilis est, non visu, sensu tractuque moderandus, cunis est obvolutus. Hæc si quis indigna Deo recolit, tanto se majoris beneficii obnoxium confitebitur, quanto minus hæc Dei convenerint maiestati. Non ille eguit homo effici, per



quem homo factus est, sed nos eguimus ut Deus caro fieret et habitaret in nobis, id est, assumptione carnis unius internæ universæ carnis incoheret : humilitas ejus nostra nobilitas est, contumelia ejus noster honor est. Quod ille Deus in carne consistens, hoc nos vicissim in Domini carne renovati. Item ejusdem in libro nono inter cætera : Nescit plane vitam suam, nescit qui Christum Jesum ut verum Deum ita et verum hominem ignorat, et ejusdem periculi res est Christum Jesum vel spiritum Deum vel carnem nostri corporis denegare : « Omnis ergo qui confitebitur me coram hominibus, confitebor et ego eum coram Patre meo, qui est in cœlis. Qui autem negaverit me coram hominibus, negabo et ego eum coram Patre meo, qui est in cœlis (*Matth* x, 32, 33). » Hoc Verbum caro factum loquebatur, et homo Jesus Christus Dominus majestatis docebat, mediator ipse in se ad salutem Ecclesiæ constitutus, et ipso illo inter Deum et homines mediatoris sacramento utrumque unus existens, dum ipse ex unitis in idipsum naturæ utriusque res eadem est, ita tamen ut neutro careret in utroque, ne forte Deus esse homo nascendo desineret, et homo rursus Deus manendo non esset. Hæc utique humanæ beatitudinis fides vera est Deum et hominem prædicare, Verbum et carnem confiteri, neque Deum nescire quod et homo sit, neque carnem ignorare quod Verbum sit. Item ejusdem in eodem libro inter cætera : Natus igitur unigenitus Deus ex Virgine homo et secundum plenitudinem temporum in semetipso profecturus in Deum hominem, hunc per omnia evangelici sermonis modum tenuit, ut se Filium Dei credi doceret, et hominis filium prædicari admoneret, locutus et gerens homo universa quæ Dei sunt, loquens deinde et gerens Deus universa quæ hominis sunt. Ita tamen ut ipso illo utriusque generis sermone nunquam nisi cum significatione et hominis locutus et Dei sit. Item alio loco in eodem libro inter cætera : Hinc itaque fallendi simplices atque ignorantes hæreticis occasio est, ut quæ ab eo secundum hominem dicta sunt, dicta esse secundum naturæ divinæ infirmitatem mentiantur, et quia unus atque idem est loquens omnia quæ loquitur de semetipso, omnia eum locutum esse contendant. \* Ne sane negamus totum illum qui ejus manet naturæ suæ esse sermonem. Sed si Jesus Christus et homo et Deus, et neque cum homo tum, primum Deus, neque tum cum et homo tum non etiam et Deus, neque post nomen in Deo non totus homo totus Deus, unum atque idem necesse dictorum sacramentum ejus esse quod generis, et cum in eo secundum tempus discernis hominem a Deo, Dei tum atque hominis discerne sermonem. Et cum Deum atque hominem in tempore confiteberis, Dei atque hominis in tempore dicta dijudica. Cum vero ex homine et Deo rursus totius hominis totius jam Dei temporis intelligis, si quid illud ad demonstrationem ejus temporis dictum est tempori coaptato quæ dicta sunt, ut cum aliud sit ante hominem Deus, aliud sit homo et Deus, aliud sit post hominem et

A Deum totus homo et totus Deus, non confundas temporibus et generibus dispensationis sacramentum, cum pro qualitate generum ac naturarum, aliud ei in sacramento hominis necesse est sermonem fuisse non nato, aliud adhuc morituro, aliud jam æterno. Nostri igitur cansa hæc omnia Jesus Christus manens et corporis nostri homo natus, secundum consuetudinem naturæ nostræ locutus est, non tamen omittens naturæ suæ esse quod Deus est. Nam tametsi in partu et passione et morte, naturæ nostræ res peregerit, res tamen ipsas omnes virtute naturæ suæ gessit. Et reliqua. Item alio loco in eodem libro inter cætera : Vides ne ita Deum et hominem prædicari ut mors homini, Deo vero carnis exercitatio deputetur? Non tamen ut alius sit qui mortuus est, et alius sit per quem mortuus resurgit. Spoliata ei carne **210** Christus est mortuus, et rursus Christum a mortuis excitans idem Christus est carne se exspolians. Naturam Dei in virtute resurrectionis intellige, dispensationem hominis in morte cognosce. Et cum sint utraque suis gesta naturis, unum tamen Christum Jesum eum memento esse qui utrumque est. Item post pauca : Hæc igitur demonstranda a me paucis fuerunt, ut utriusque naturæ personam tractari in Domino Jesu Christo meminissemus, quia manens in forma Dei formam servi suscepit. Item sancti Athanasii Alexandrinæ ecclesiæ episcopi et confessoris ad Epictetum Corinthiorum episcopum : Quomodo autem vel dubitare ausi sunt qui dicuntur Christiani, si Dominus qui ex Maria virgine processit filius quidem substantia et natura Dei est, quod secundum carnem ex semine David est et carne sanctæ Mariæ? Item sancti Ambrosii episcopi et confessoris Medionalensis ecclesiæ, quod misit ad imperatorem Gratianum in libro secundo de fide inter cætera : Unum illud quod lectum est Dominum majestatis crucifixum esse, non quasi in majestate crucifixum putemus. Sed quia idem Deus, idem homo, per divinitatem Deus, per susceptionem carnis homo Christus Jesus Dominus majestatis dicitur crucifixus, quia consors utriusque naturæ, id est, humanæ atque divinæ in natura hominis subiit passionem, ut indiscrete et Dominus majestatis dicatur esse qui passus est, et filius hominis, sicuti scriptum est, qui descendit de cœlo. Item alio loco in eodem libro inter cætera : Sileant igitur inanes de sermonibus quæstiones, quia « regnum Dei (sicut scriptum est) non in persuasionem verbi est, sed ostensione virtutis (*I Cor.* ii, 4). » Servemus distinctionem divinitatis et carnis : unus in utroque loquitur Dei Filius, quia in eodem utraque natura est, et si idem loquitur, non uno semper loquitur modo. Intende mecum nunc gloriam Dei, nunc hominis passionem. Quasi Deus loquitur quæ sunt divina, quia Verbum est; quasi homo dicit quæ sunt humana, quia in ea substantia loquebatur. Item ejusdem in libro de Incarnatione Domini contra Apollinaristas : Sed dum hos redarguimus emergunt, alii qui carnem Domini dicant et divinitatem unius naturæ. Quæ

tantum sacrilegium inferna vomuere? Jam tolerabiliores sunt Ariani, quorum per istos perfidiæ robur adolescit, ut majore contentione asserant Patrem et Filium et Spiritum sanctum unius non esse substantiæ, quia isti divinitatem Domini et carnem substantiæ unius dicere tentavere. Item infra: Et hi mihi frequenter Nicæni concilii tractatum se tenere commemorant, sed in illo tractatu Patres nostri non carnem sed Dei Verbum unius substantiæ cum Patre esse dixere. Et Verbum quidem ex paterna processisse substantia, carnem aut ex virgine esse confessi sunt. Quomodo igitur Nicæni concilii nomen obtenditur et nova inducuntur quæ nunquam nostri sensere majores? Et reliqua. Item ejusdem ad Sabinum episcopum inter cætera: Unde pulchra Apostolus ejusdem verbi repetitione usus est dicens de Domino Jesu Christo: « Cum in forma Dei esset non rapinam arbitratus est esse se æqualem Deo, sed semetipsum exinanivit formam servi accipiens (*Philip. II, 6, 7*). » Quid est in forma Dei nisi in plenitudine deitatis in illa perfectionis diviniæ expressione? Ergo cum esset in plenitudine divinitatis, exinanivit se et accepit plenitudinem naturæ et perfectionis humanæ. Sicut Deo nihil deerat, ita nec homini consummationis ut esset perfectus in utraque forma. Unde et David dicit: « Speciosus forma præ filiis hominum (*Psal. XLIV, 3*). » Concluditur Apollinarista, nec quo se vertat habet, suis clauditur retibus. Ipse enim dixit formam servi accepit, non servus locutus est. Iterum ergo interrogo: Quid est in forma Dei? Respondit in natura Dei: « Sunt enim (ait Apostolus) qui non sunt natura dii (*Gal. IV, 8*). » Quæro quid sit formam servi accipiens: sine dubio perfectionem naturæ et conditionis, ut dixi, humanæ, ut esset in hominum similitudine. Et pulchre nec carnis sed hominum dixit similitudinem, quia in carne eadem est. Sed quia sine peccato erat solus, omnis autem homo in peccato, in specie hominis videbatur. Unde et propheta ait: « Et homo est et quis cognoscit eum? » homo secundum carnem, sed ultra hominem divina operatio. Denique cum leprosum tangeret, homo videbatur, sed ultra hominem cum mundaret. Et cum Lazarum mortuum fieret, mortuum quasi homo flebat, sed supra hominem erat cum mortuum vinctum jubebat pedibus exire. Homo videbatur cum penderet in cruce, sed supra hominem cum reseratis tunulis mortuos suscitaret. Sancti Augustini episcopi Hipponensis ecclesie ad Dardanum inter cætera: Noli itaque dubitare ibi nunc esse hominem Christum unde venturus est, memoriterque recole, et fideliter tene Christianam confessionem qua resurrexit a mortuis, ascendit in cælum, sedet ad dexteram Patris, nec aliunde quam inde ad judicandos venturus est vivos et mortuos. Et sic venturus illa angelica voce testante quemadmodum est ire visus in cælum, id est, in eadem forma carnis atque substantia cui profecto immortalitatem dedit, naturam non abstulit. Item ejusdem in epistola ad Voluianum inter cætera. Nunc vero ita inter Deum

et homines mediator apparuit et unitate personæ copulans utramque naturam, ut solita sublimaret insolitis, et insolita solitis temperaret. Item ejusdem in expositione Evangelii secundum Joannem inter cætera: Quid igitur, hæretice, cum Christus sit Deus et homo, loquitur ut homo et calumniaris Deo? Ille in se naturam commendat humanam, tu in illo audes deformare divinam. Et iterum infra: Agnoscamus geminam substantiam Christi, divinam scilicet qua æqualis est Patri, humanam qua minor est Patre. Utrumque autem simul non duo, sed unus Christus, ne sit quaternitas non trinitas Deus. Sicut enim unus est homo anima rationalis et caro, sic unus est Deus, Christus et homo, ac per hoc Christus est Deus anima rationalis et caro. Christum in his omnibus, Christum in singulis confitemur. Quis est ergo per quem factus est mundus? Christus Jesus, sed in forma Dei. Quis est sub Pontio Pilato crucifixus? Christus Jesus, sed in forma servi. Item ejusdem ejus supra: Quis non est derelictus in inferno? Christus Jesus, sed in anima sola. Quis resurrecturus triduo jacuit in sepulcro? Christus Jesus, sed in carne sola. Dicitur ergo in his singulis Christus. Verum hæc omnia non duo vel tres, sed unus est Christus. Ideo ergo dicit: « Si diligeretis me, gauderetis utique, quia vado ad Patrem (*Joan. XIV, 28*); » quoniam naturæ humanæ gratulandum est, eo quod sic assumpta est a Verbo unigenito ut immortalis constitueretur in cælo, atque ita fieret terra sublimis, ut incorruptibilis pulvis sederet ad dexteram Patris. Sancti Joannis Constantinopolitani episcopi et confessoris in homelia de cruce et latrone: Sed cur cum cruce veniat videamus, scilicet ut hi qui eum crucifixere suæ sentiant dementiae cæcitatem, ideo impudentiæ eorum signum portatur. Ideo propheta ait: « Tunc lamentabuntur omnes tribus terræ (*Math. XXIV, 39*), » videntes accusatorem, agnoscentes peccatum. Et quid mirum si crucem portans adveniet, quomodo et vulnera corporis ipsa demonstrant. Tunc enim (inquit) videbunt quem confixere. Et sicut post resurrectionem Thomæ voluit diffidentiam confutare, et illi clavorum loca monstravit, et lateris vulnera declaravit, et dixit: « Mitte manum tuam et vide quoniam spiritus carnem et ossa non habet sicut me vides habere (*Luc. XXIV, 39*). » Sic et tunc ostendens vulnera crucemque demonstrabit, ut ostendat illum se esse qui fuerat crucifixus. Item ejusdem in homelia de Ascensione Domini: Nam sicut duobus jurgio separatis unus in medio positus altercantium litem discordiamque dissolvit, ita et Christus nobis fecit. Deus nobis juste irascebatur, et nos contemnebamur iratum, et clementem Dominum declinabamus, et se medium Christus ingressit, et sociavit utramque naturam, et nobis quod imminabat supplicium ipse sustinuit. Item ejusdem in eadem homilia. Ut inter cætera: Christus, igitur nostræ naturæ primitias obtulit Patri, et oblatum donum miratus est Pater. Quod tanta dignitas offerebatur,



et quod offerebatur nulla macula foedebatur. Nam et suis manibus suscepit oblatum, et suæ sedis fecit esse participem, et, quod plus est, ad Patrem suæ dexteræ collocavit. Cognoscamus quis ille est qui audit : Sede ad dexteram meam ; quæ natura est, cui dixit : Esto meæ particeps sedis ; illa natura quæ audit : terra es et in terram ibis. Item ejusdem in eadem homelia inter cætera : Quo sermone utar ; quo verbo dicam reperire non possum. Natura fragilis, natura contempta, et omnibus monstrata deterior omnia vici, omnia superavit, omnibus hodierna die meruit excelsior reperiri. Hodie angeli diu vota desiderata cepèrunt, hodie archangeli, quod multo tempore cupiebant, inspicere valuerunt, naturam nostram in sede Dominica immortalis fulgentem gloria præviderunt. Sancti Theophili episcopi Alexandrini de epistola paschali, quam per Ægyptum destinavit : Cujus rei testis est ille qui loquitur. « Omnes declinavere, simul inutiles facti sunt (*Psal. xiii, 3*). » Et prophetæ Christi auxilium deprecantes : « Domine, inclina cœlos tuos et descende (*Psal. xvii, 40*). » Non ut mutaret loca in quo omnia sunt, sed ut propter salutem nostram carnem humanæ fragilitatis assumeret. Paulo apostolo eadem concinente : « Cum esset dives, pro nobis pauper factus est (*II Cor. viii, 9*), » ut nos illius paupertate ditaremur, venitique in terras, et de virginali utero, quem sanctificavit, egressus homo, interpretationem nominis sui Emmanuel, id est, nobiscum Deus, dispensatione confirmans, mirum in modum cœpit esse quod nos sumus, et non desiit esse quod erat. Sic assumens naturam nostram, ut quod erat ipse non perderet. Quamquam enim Joannes scribat, Verbum caro factum est, id est aliis verbis Deus homo factus est, Verbum tamen non est versum in carnem, quia nunquam Deus esse cessavit. Ad quem et Spiritus sanctus loquitur : « Tu autem idem ipse es (*Hebr. i, 42*) : » Et Pater de cœlo contestatur, et dicit, « Tu es Filius meus dilectus, in quo mihi bene complacui (*Matth. iii, 17*). » Ut et homo factus nostra confessione permanere dicat, quod fuit priusquam homo fieret, Paulo nobiscum eadem prædicante : « Jesus Christus heri et hodie idem ipse et in æternum (*Hebr. xiii, 8*). » In eo enim quod ait ipse, ostendit eum pristinam non mutasse naturam, nec divinitatis suæ imminuisse divitias, quia propter nos pauper effectus plenam similitudinem nostræ conditionis assumpserat. Item ejusdem in alia epistola paschali contra Origenem inter cætera : « Unus Filius Patris nostri mediator, nec qualitatem ejus amisit, nec a nostro consortio separatus est. Invisibilis Deus et visibilis homo, forma servi absconditus et Dominus gloriæ confessione credentium comprobatus. Neque enim privavit eum Pater nature suæ nomine postquam pro nobis homo et pauper effectus est, nec in Jordane fluvio baptizatum altero appellavit vocabulo, sed Filium unigenitum : « Tu es Filius meus dilectus in quo mihi bene complacui (*Matth. 3, 17*). » Nec similitudo nostra in divinitatis est mutata natu-

ram, nec divinitas in nostræ nature versa est similitudinem. » Sancti Gregorii episcopi Nazianzeni in homilia de Epiphania inter cætera : Cum ergo processisset ex Virgine Deus in ea quam assumpserat, humana natura, unum e duobus sibi invicem contrariis existens carne et spiritu, aliud in Deum assumitur, aliud deitatis gratiam præstat. Item infra : Misus est quidem sed ut homo, duplex enim erat in eo natura. Inde denique et laboravit ex itinere, idem et esuriit, et sitivit, et contristatus est, et flevit humani corporis lege. Sancti Basilii episcopi Capadocis : Cum ergo quædam in Christo ita videmus humana, ut nihil a communi mortalium fragilitate distare videantur, quædam ita divina quæ nulli alii nisi illi ineffabili nature convenient deitatis, hæret humani intellectus angustia, et tantæ admirationis stupore percussa quo declinet, quid teneat, quo se vertat, ignorat. Si hominem putet, devicto mortis regno cum spoliis redeuntem a mortuis cernit. Propter quod cum omni metu et reverentia contemplandum est, ut in uno eodemque ita utriusque nature veritas demonstretur, ut neque aliquid indignum et indecens de divina illa et ineffabili substantia sentiat, neque rursum quæ gesta sunt falsis illusa imaginibus æstimentur. Sancti Cyrilli episcopi Alexandrini : Homo nominatus est cum sit natura Deus Dei Patris Verbum, quoniam similiter **211** ut nos sanguini communicavit et carni : si enim in torris apparuit non amittens id quod erat, sed assumens humanitatis naturam in sua ratione perfectam. Item ejusdem in libro qui dicitur Colia : Unus igitur est et ante incarnationem Deus verus, et qui in divinitate mansit in qua erat, est, et erit. Non discernendum igitur unum Dominum Jesum Christum in hominem seorsum, et seorsum in Deum, sed unum eundemque Jesum Christum esse dicimus : non ignorantes differentias naturarum, sed eas inconfusas inter se servantes. Item ejus supra : Diciturque nam tanquam aliud in alio habitare, id est, divina natura in humanitate non perpessa commistione ut esset quod non erat. Quidquid enim in alio habitare dicitur non ipsum sit tale quale est id in quo habitat, sed aliud in alio magis intelligitur. At vero in Verbi persona, et humanitatis nobis solam differentiam designat diversitas naturarum. Unus enim ex utroque intelligitur Christus. Ergo in confusione, ut ante dixi, servata inhabitasse ait Verbum in nobis. Scit enim unum esse filium unigenitum carnem factum et hominem. Item ejus supra ad Nestorium.

Ait igitur sancta et magna synodus ipsum qui est ex Deo Patre natus naturaliter Filium unigenitum Deum verum de Deo vero, lumen de lumine. Per quem et cum quo omnia fecerit Pater hunc descendisse, incarnatum esse, et hominem factum, passum esse, resurrexisse tertia die, et ascendisse rursus ad cœlos. Hæc nos sequi verba debemus, his nos convenit obtemperare dogmatibus, considerantes quid sit incarnatum esse et hominem factum Dei Verbum.

Non enim dicimus quod Dei natura conversa vel immutata facta sit caro, nec quod in totum hominem qui est ex anima et corpore transformata sit, sed illud magis quod carnem animatam anima rationali sibi copulaverit Verbum, et substantialiter, ineffabiliter et irreprehensibiliter factus sit homo, et nuncupatus sit etiam filius hominis, non nuda tantummodo voluntate, sed nec assumptione sola personæ, sed quod diversæ quidem naturæ, in unum convenerint, unus tamen ex ambabus Christus et filius, non evacuata aut sublata diversitate naturarum per conjunctionem, sed quia simul in nobis effecerunt unum Dominum et Christum et filium, id est divinitas et humanitas per arcanam illam ineffabilemque copulationis adunationem. Itaque is qui ante sæcula omnia est natus ex Patre, etiam ex muliere carnaliter dicitur procreatus. Non quia divina ipsius natura de sacra Virgine sumpsit exordium, nec quod propter seipsam opus habuit secundo nasci post illam nativitatem quam habebat ex Patre. Est enim ineptum et stultum hoc dicere, quod is qui ante omnia sæcula est consempiternus Patri secundæ generationis egerit ut esse inciperet. Sed quia propter nos et nostram salutem naturam Filii copulavit humanam et processit ex muliere, idcirco dicitur natus esse carnaliter. Neque enim prius natus est homo communis de sancta Virgine, et tunc demum habitavit in eo Verbum, sed in ipsa vulva utroque virginali secum carnem conjunxit et sustinuit cognationem carnalem, carnis suæ nativitatem suam faciens. Sic illum dicimus et passum esse et resurrexisse, non quia Deus Verbum in sua natura passus sit, aut clavorum transfixiones, aut alia vulnera; Deus namque incorporealis extra passionem est, sed quia corpus illud quod ipsius proprium factum est, passum est, ideo hæc omnia pro nobis ipse dicitur passus. Inerat enim in eo corpore quod patiebatur Deus qui pati non poterat. Simili modo et mortem ipsius intelligimus. Immortale enim et incorruptibile est naturaliter et vita et vivificans Dei Verbum. Sed quia corpus ipsius proprium gratia Dei juxta Pauli vocem « pro omnibus mortem gustavit (Hebr. ii, 9), » idcirco ipse dicitur mortem passus esse pro nobis, non quod in se mortem esset expertus quantum ad ipsius naturam pertinet. Insania est enim hoc vel sentire vel dicere. Sed quod (ut supra diximus) caro ipsius mortem gustavit. Ita et resurgente carnis ipsius rursus resurrectionem diximus, non quia in corruptionem ceciderit quod absit, sed quia ejus surrexit corpus. Ita Christum et Dominum unum confitemur, non tanquam hominem cum Verbo coadorantes, ne divisionis quamdam species inducatur, sed unum jam et eundem adorantes, quia non est alienum a Verbo corpus suum, cum quo ipsi etiam assident Patri. Nec hoc ita dicimus quasi duobus filiis assidentibus, sed uno cum carne pro unitatem. Qui si talem copulationem factam per substantiam, aut quasi passibilem, aut quasi parum decoram noluerit-

mus accipere, in id incidimus ut duos filios esse dicamus. Necesse est enim discernere et dicere hominem separatim fuisse sola Filii persona honoratum, et rursum Verbum quod est ex Deo et nomine et veritate Filium Dei, sed discernere in duos filios non debemus unum Dominum Jesum Christum. Neque enim id adjuvat rectam fidei rationem, licet nonnulli nescio quam perhibeant divisionem personarum. Non dixit enim Scriptura Verbum Dei personam hominis sibi assumpsisse, sed carnem factum esse. Id autem est ostendere Dei Verbum similiter ad nos participationem habuisse carnis et sanguinis, et corpus nostrum proprie suum fecisse, et hominem ex muliere processisse, non abjecta nec deposita deitate aut generatione illa quam habebat ex Patre, sed mansisse etiam in assumptione carnis Dominum quod erat. Hoc ubique rectæ fidei ratio protestatur, in tali sensu sanctos Patres fuisse comperimus. Ideo illi non dubitavere sanctam Virginem dicere theotocon, non quod Verbi natura deitasque in sancta Virgine sumpsit exordium, sed quod ex ea natum sit sacrum illud corpus animatum, anima rationali, cui substantialiter adunatum Dei Verbum carnaliter natum esse dicitur.

LIV. — *Epistola decretalis Leonis papæ ad Anastasium episcopum Thessalonicensem.*

Quanta fraternitati tuæ a beatissimo patre apostolo sint commissa, et qualia etiam nostro tibi favore sint credita, si vera ratione perspiceres, et justo examine ponderares, multum possemus de injuncta tibi sollicitudinis devotione gaudere. Quoniam sicut præcessores mei præcessoribus tuis, ita etiam ego dilectioni tuæ priorum secutus exemplum, vices mei moderaminis delegavi, ut curam quam universis ecclesiis principaliter ex divina institutione debemus, imitator nostræ mansuetudinis, adjuvares, et longinquis ab apostolica sede provinciis præsentiam quodammodo nostræ visitationis impenderes; quia de continenti oportunoque profectu, promptum tibi esset agnoscere quid vel in quibus rebus vel studio componeres vel nostro judicio reservares. Nam cum majora negotia et difficiliores causarum exitus liberum tibi esset sub nostræ sententiæ expectatione suspendere, nec ratio nec necessitas fuit in id quod mensuram tuam excederet deviandi. Abundant enim apud te monumentorum scripta nostrorum, quibus te de omnium actionum temperantia frequenter instruximus, ut commendatas tibi ecclesias per exhortationem charitatis ad salubritatem obedientia provocares. Quia etsi plerumque existunt inter negligentes vel desides fratres, quæ oporteat majore austeritate curari, sic tamen est adhibenda correctio, ut semper sit salva dilectio. Unde et beatus apostolus Paulus ad ecclesiasticum regimen Timotheum imbuens dicit: « Seniores ne increpaveris, sed obsecra ut patrem, juvenes ut fratres, anus ut matres, juvenulas ut sorores in omni castitate (I Tim. v, 1, 2). » Quæ moderatio si quibuscunque inferioribus membris ex



apostolica institutione debetur, quanto magis fratribus et coepiscopis sine offensione reddenda est? Ut licet nonnunquam accidant, quæ in sacerdotalibus sint reprehendenda personis, plus tamen erga corrigenda se agat benevolentia quam severitas, plus cohortatio quam commotio, plus charitas quam potestas. Sed hi, qui quæ sua sunt quaerunt, non quæ Jesu Christi, facile ab hac lege discernuntur; et dum donari magis quam consulere subditis quaerunt, placet honor, inflat superbia, et, quod provisum est ad concordiam tendit ad noxam. Quod ut necesse habeamus ita dicere non de parvo animi dolore procedit. Meipsum enim quodammodo in culpa sentio, cum te a traditis tibi regulis in modico deviasse cognosco. Qui si tuæ æstimationis parum diligens eras, meæ saltem famæ parcere debuisti: ne quæ tuo tantum facta sunt animo nostro viderentur gesta iudicio. Relegat fraternitas tua paginas nostras, omniaque ad tuos missa majores apostolicæ Sedis præsules scripta decurrat, et vel a me vel a præcessoribus meis inveniatur ordinatum quod a te cognovi esse præsumptum. Venit namque ad nos cum episcopis provinciæ suæ frater noster Atticus veteris Ephiri metropolitanus antistes, et de indignissima astrictione quam pertulit lacrymabili actione conquestus est coram astantibus diaconibus tuis, qui querelis flebilibus nihil contra referendo ea quæ nobis ingerebantur fide non carere monstrabant. Legebatur quoque in litteris tuis, quas idem diaconi detulere, quod frater Atticus Thessalonicam venisset, quodque consensum suum etiam scripturæ professione signasset, ut de illo non aliud a nobis intelligi posset quam proprii arbitrii et spontaneæ devotionis fuisse quod venerat, quoque chartulam de obedientiæ spon- sione conscripserat. In cujus tamen chartulæ mentione signum prodebat injuriæ. Non enim necessarium fuerat ut obligaretur scripto, qui obedientiam suam ipso jam voluntarii adventus probabat officio. Unde deplorationibus supradictis, hæc verba epistolæ tuæ testimonium prætulere. Et per hoc quod non est tacitum nudatum est illud quod silentio fuerat adopertum, adhibitam scilicet Illyrici præfecturam et sublimissimam inter mundanos apices potentantem in exhibitionem insontis antistitis incitatam, ut missa executione terribili quæ omnia sibi officia publica ad effectum præceptionis adjungeret, a sacris ecclesiæ abditis nullo vel falso insinulatus crimine extraheretur sacerdos, cui non ob molestiam ægritudinis obstantis hiemis darentur induciæ, sed iter aspidum et periculis plenum per invias cautes agere cogeret. Quid tanti laboris tantique discriminis fuit, ut ex his qui episcopum comitatis sunt quidam defecisse dicantur. Multum stupeo, frater charissime, sed et plurimum doleo, quod in eum de quo nihil amplius indicaveras quam quod evocatus adesse differret, et excusationem infirmitatis obtenderet, tam atrociter et tam vehementer potueris commoveri, præsertim cum etsi tale aliquid mereretur, expectandum tibi fuerat quid ad tua

A consulta rescriberet. Sed, ut video, bene de moribus meis æstimasti, et quam civilia pro conservanda sacerdotali concordia responsurus essem, verissime prævidisti, et ideo motus tuos exsequi sine dilatione properasti, ne cum moderationis nostræ aliud disponentis scripta sumpsisses, faciendi id quod factum est licentiam non haberes. An forte aliquod tibi facinus fratris innouerat, et metropolitanum episcopum novi apud te criminis pondus urgebat? Quod quidem alienum ab illo etiam tu nihil ei obijciendo confirmas. Sed etiamsi quid intolerandum gessisset, nostra erat expectanda censura, ut nihil prius ipse decerneres quam quid nobis placeret agnosceres. Vices enim nostras ita tuæ credidimus charitati ut in partem sis vocatus sollicitudinis, non plenitudinem potestatis. Unde sicut multum nos ea quæ a te pie sunt curata lætificant, ita nimium ea quæ perperam sunt gesta contristant. Et necesse est post multarum experimenta causarum sollicitius prospici et diligentius præcaveri, quatenus per spiritum charitatis et pacis omnis materia scandalorum de ecclesiis Domini (quas tibi commendavimus) auferatur, præeminente quidem in illis provinciis episcopatus tui fastigio, sed amputato totius usurpationis excessu. Igitur secundum sanctorum Patrum canones spiritum Dei conditos et totius mundi reverentia consecratos, metropolitanos singularum provinciarum episcopos, quibus ex delegatione **212** nostra fraternitatis cura prælenditur, jus traditæ sibi antiquitatis dignitatis intemeratum habere decernimus, ita ut a regulis præstitutis nulla aut negligentia, aut præsumptione discedant.

In civitatibus, quarum rectores obierint, de substituendis episcopis hæc forma servetur, ut qui ordinandus est, etiam si bonæ vitæ habeat testimonium, non laicus, non neophytus, nec secundæ conjugis maritus, aut qui unam quidem habeat, vel habuerit, sed quam sibi viduam copularit. Sacerdotum enim tam excellens est electio ut hæc quæ in aliis Ecclesiæ membris non vocantur in culpam, in illis tamen habeantur illicita. Nam cum extra clericorum ordinem constitutis nuptiarum societati et procreationi liberorum studere sit liberum, ad exhibendam tamen perfectæ continentiæ puritatem, nec subdiaconibus carnale connubium conceditur, ut qui habent sint tanquam non habentes, et qui non habent, permaneant singulares. Quod si in hoc ordine, qui quartus a capite est, dignum est custodiri, quanto magis in primo, aut secundo, vel tertio servandum est, ne aut Levitico ministerio, aut presbyterali honore, aut episcopali excellentia quisquam idoneus æstimetur, qui se a voluptate uxoriarum necdum frenasse detegitur.

Cum ergo de summi sacerdotis electione tractabitur, ille omnibus præponatur, quem cleris plebisque consensus concorditer postulaverit. Ita ut si in aliam forte personam partium se vota diviserint, metropolitani iudicio, is alteri præferatur, qui maioribus et studiis juvatur, et meritis. Tantum ut nullus invitis et non petentibus ordinetur, ne civitas

episcopum non optatum, aut contemnat, aut oderit, ut fiat minus religiosa quam convenit, cui non licuerit habere quem voluit. De persona autem consecrandi episcopi, et de cleri plebisque consensu metropolitanus episcopus ad fraternitatem tuam referat, quidque in provincia bene placuit, scire te faciat, ut ordinationem rite celebrandam tua quoque firmet auctoritas. Quæ rectis dispositionibus nihil moræ, aut difficultatis debet afferre, ne gregibus Domini diu desit cura pastorum.

Metropolitano vero defuncto, cum in loco ejus alius fuerit subrogandus, provinciales episcopi ad civitatem metropolitanam convenire debebunt, ut omnium clericorum atque omnium civium voluntate discussa, ex presbyteris ejusdem ecclesiæ, vel ex diaconibus optimus eligatur, de cujus nomine ad tuam notitiam provinciales referant sacerdotes, impleturi vota poscentium, si quod ipsis placuit, tibi quoque placuisse cognoverint. Sicut enim justas electiones nullis dilationibus volumus fatigari, ita nihil permittimus te ignorante præsumi.

De conciliis autem episcopalibus non aliud judicamus quam sancti Patres salubriter ordinarunt, ut scilicet bini conventus per annos singulos habeantur, in quibus de omnibus querelis quæ inter diversos Ecclesiæ ordines nasci assolent, judicetur. Et si forte inter ipsos qui præsumt de majoribus (quod absit) peccatis causa nascatur, quæ provinciali nequeat examine diffiniri, fraternitatem tuam de totius negotii qualitate metropolitanus curabit instruere, et si coram positis partibus, nec tuo fuerit res sopita iudicio, ad nostram cognitionem quidquid illud est, transferatur.

Si episcopus, mediocritate civitatis suæ despecta, administrationem loci celebrioris ambierit, et ad majorem se plebem quacunque occasione transtulerit, a cathedra quidem pellatur aliena, sed carebit et propria, ut nec illis præsideat quos per avaritiam concupivit, nec illis quos per superbiam sprexit; suis igitur terminis contentus sit quisque nec supra mensuram juris sui affectet augeri.

Alienum clericum invito episcopo ipsius nemo suspiciat, et nemo sollicitet, nisi forte ex pacto charitatis id inter dantem accipientemque convenit. Nam gravis injuriæ reus est qui de fratris ecclesiæ id quod est utilius aut pretiosius auget vel allicere, vel tenere. Itaque si intra provinciam res agatur, transfugam clericum ad suam ecclesiam metropolitanus redire compellat. Si autem longius processit, tui præcepti auctoritate revocabitur, ut nec cupiditati nec ambitioni occasio relinquatur.

In evocandis autem ad te episcopis, moderatissimum te esse volumus, ne per majoris diligentiae speciem, fraternis videaris gloriari injuriis. Unde si causa aliqua major exstiterit, ob quam necessarium sit fratrum advocare conventum, binos de singulis provinciis episcopos, quos metropolitanus crediderint esse mittendos ad fraternitatem tuam venire sufficiat. Ita ut in præstituto tempore non ultra

A quindecim dies qui convenerint, retardentur. Si autem in eo quod cum fratribus tractandum definiendumque credideris diversa eorum fuerit a tua voluntate sententia, ad nos omnia sub gestorum testificatione referantur, ut, remotis ambiguitatibus, quod Deo placeat decernatur. Ad hunc enim finem, omnem effectum nostrum curamque dirigimus, ut quod ad unitatem concordiae, et quod ad custodiam pertinet disciplinæ, nulla dissensione violetur, nulla desidia negligatur. Et te igitur, frater charissime, et eos fratres nostros qui de tuis offendantur excessibus, cum tamen non similis sit omnium materia querelarum, hortor et moneo, ut quæ pie sunt ordinata, salubriterque disposita, nulla concertatione turbentur. Nemo quod suum esse querat, sed quod alterius, sicut Apostolus ait: « Unusquisque vestrum proximo suo placeat in bono ad ædificationem (*Rom. xv, 2*). » Nec enim poterit veritatis nostræ firma esse compago, nisi nos ad inseparabilem soliditatem vinculum charitatis astrinxerit; quia sicut in uno corpore multa membra habemus, omnia autem membra non eundem actum habent, ita multi unum corpus sumus in Christo, singuli autem alter alterius membra. Hæc connexio totius quidem corporis unanimitate requirit, sed præcipue exigit concordiam sacerdotum. Quibus cum dignitas sit communis, non est tamen ordo generalis; quoniam et inter beatissimos apostolos in similitudine honoris fuit quædam discretio potestatis; et cum omnium par esset electio, uni tamen datum est, ut cæteris præcineret, de qua forma episcoporum quoque est orta distinctio, et magna dispositione provisum est, ne omnes sibi omnia vindicarent, sed essent in singulis provinciis singuli, quorum inter fratres haberetur prima sententia; et rursus quidam in majoribus urbibus constituti, sollicitudinem susciperent ampliorem, per quos ad unam Petri sedem universalis ecclesiæ cura conflueret, et nihil unquam a suo capite dissideret. Qui ergo quibusdam scit se esse præpositum, non moleste ferat aliquem sibi esse prælatum, sed obedientiam quam exigit, etiam ipse dependat, et sicut non vult gravis oneris sarcinam ferre, ita non audeat alii importabile pondus imponere. Discipuli enim sumus humilis et mitis magistri dicentis: « Discite a me quia mitis sum et humilis corde, et invenietis requiem animabus vestris. jugum enim meum suave est, et onus meum leve est (*Matth. xi, 29, 30*). » Quod quomodo experiemur, nisi et illud in observantiam veniat, quod idem Dominus ait: « Qui major est vestrum, erit minister vester (*Matth. xxiii, 11*). » « qui autem se exaltat, humiliabitur; et qui se humiliat, exaltabitur (*Luc. xiv, 11*). »

#### LV. — Ad Septimum episcopum Alinum.

LEO SEPTIMO episcopo Alino.

Lectis tuæ fraternitatis litteris vigorem fidei tuæ quam olim noveramus, agnovimus, congratulantes tibi quod ad custodiam gregum Christi pastoralem curam vigilanter exsequeris, ne lupi, qui sub specie



ovium subintrant, bestiarum sævitia simplices quosque dilacerent, non solum ipsi nulla correctione proficiant, sed etiam ea quæ sunt sana corrumpant. Quod ne viperea possit obtinere fallacia, ad metropolitanum episcopum provincie Venetiæ scripta direximus quibus ad status sui periculum cognosceret pertinere, si quisquam de Pelagianorum et Cœlestianorum consortio veniens in communione catholica sine professione legitimæ satisfactionis habeatur. Saluberrimum enim est, et spiritualis medicinæ utilitate plenissimum, ut sive presbyteri, sive diaconi, sive alii cujuslibet ordinis clerici qui se correctos videri volunt, errorem suum et ipsos erroris auctores damari a se sine ambiguitate fateantur, ut sensibus pravis et dudum peremptis nulla sperandi supersit occasio, ne ullum membrum Ecclesiæ talium possit societate violari, cum per omnia illis professio propria cœperit obviare. Circa quos etiam illam canonum constitutionem præcipimus custodiri, ne ab his ecclesiis ad quas proprie pertinent sinantur abscedere, et pro suo arbitrio ad loca sibi non deputata transire. Quod cum recte non permittitur inculpatis, minus minus debet licere suspectis. Proinde dilectio tua, ejus devotio gaudemus, jungat curam suam dispositionibus nostris, et cum supradicto metropolitano det operam ut circumspice velociter impleantur ea quæ ad totius Ecclesiæ incolumitatem et laudabiliter sunt gesta et salubriter ordinata.

LVI. — *Item ejusdem ad eundem.*

Relatione fratris et coepiscopi nostri Septimi, quæ in subditis habetur, agnovimus quosdam presbyteros, diacones, ac diversi ordinis clericos, quos Pelagiana, vel Cœlestiana hæresis habuerit implicatos, ita in vestram provinciam ad communionem catholicam pervenisse, ut nulla ab eis damnatio proprii exigeretur erroris, ut pastoralibus excubiis, nimium dormitantibus, lupus ovium pellibus tectus in ovile Dominicum, non depositis bestialibus animis, introiret. Et per auctoritatem canonum decretorumque nostrorum, ne insontibus quidem conceditur, usurparet, ut relictis ecclesiis in quibus clericatum aut acceperant, aut receperant, instabilitate sua per diversa circumferantur, amantes semper errare, et nunquam in fundamento apostolico permanere. Quoniam quod nullo discussi examine, nullo sunt præjudicio suæ professionis obstricti, hunc maxime fructum expetunt, ut sub velamento communionis plures domos adeant, et per falsi nominis scientiam, multorum corda corrumpant. Quodque utique efficere non possent, si ecclesiarum presules necessariam diligentiam in talium receptione servarent, nec cuiquam eorum evagari licuisset. Ne ergo ulterius audeatur, neve per quorundam negligentiam introducta perniciēs ad eversionem multarum tendat animarum, hac nostri auctoritate præcepti industrie tuæ fraternitatis indicimus, ut congregata apud vos synodo provincialium sacerdotum, omnes sive presbyteri,

A sive diaconi, sive ejusque ordinis clerici, qui de Pelagianorum Cœlestianorumque consortio in communionem catholicam ea imprudentia sunt præcepti ut non prius ad damnationem coarctarentur erroris, nunc saltem posteaquam hypocrisis eorum ex quadam parte detegitur, ad veram correctionem, quæ et ipsis prodesse et nullis possit nocere, cogantur; damnent apertis professionibus sui superbi erroris auctores, et quidquid in doctrina eorum universalis Ecclesia exhorruit, detestentur, omniaque decreta synodalia quæ ad excisionem hæreseos apostolicæ Sedis confirmavit auctoritas amplecti se, et in omnibus approbare plenis et apertis ac propria manu subscriptis protestationibus eloquantur. Nihil in verbis eorum obscurum, nihil inveniat ambiguum.

B Quoniam novimus hanc istorum esse versutiam, ut in quacunque particula dogmatis execrandi, qua se a damnatorum societate discreverint, nihil sibi sensuum suorum æstiment esse non salvum. Cumque omnes diffinitiones suas ad tantam facilitatem improbare se simulent, atque deponere, hoc sibi tota arte fallendi, nisi intelligatur, excipiant, ut gratia Dei secundum merita dari accipientium sentiatur. Quæ nisi gratis datur, non est gratia, sed merces retributioque meritorum, dicente beato Apostolo: « Gratia salvi facti estis per fidem, hoc non ex vobis, sed Dei donum est. Non ex operibus ne forte quis extollatur, ipsius enim sumus figmentum creati in Christo Jesu in operibus quæ præparavit Deus, ut in illo ambulemus (Ephes. ii, 8-10). » Omnis itaque

C que bonorum operum devotio divina præparatio est, nec propria quisquam justificatur virtute, quoniam gratia unicuique principium justitiæ et bonorum fons atque origo meritorum est. Sed ab istis ideo per naturalem industriam dicitur præveniri, ut quæ ante gratiam proprio clara sit studio, nullo videatur peccati originalis vulnere sauciata. Ideo etiam parvulos dicunt, si sine baptismo hinc de sæculo 213 exierint, non posse damari, neque reos in peccato Ade teneri, sed ad regnum Dei vel ad vitam æternam sine ulla eunctione venire, cum Apostolus dicat: « Per unum hominem peccatum intravit in mundum, et per peccatum mors, et ita in omnes homines pertransiit (Rom. v, 12); » propter quod et ipsi parvuli baptizantur. Quamvis in illo uno possint D intelligi plura peccata, si unum ipsum in sua quasi membra singula dividatur.

Item et superbia est illis, quia in sua homo potius esse quam in Dei potestate dilexit; et sacrilegium, quia Deo non credit; et homicidium, quia se præcipitavit in mortem; et fornicatio spiritualis, quia integritas mentis humanæ serpentina suasionem corrupta est; et furtum, quia prohibitus usurpatus est cibus; et avaritia, quia plus quam sufficere illi debuit appetivit, et si quod aliud in hoc uno admisso diligenti consideratione poterit inveniri. Parentum quoque peccatis parvulos obligari non solum primorum hominum, sed etiam suorum de quibus ipsi nati sunt, non improbabiliter dicitur. Illa quippe sententia

reddam peccata primum in filios, tenet eos utique antequam per generationem ad Testamentum Novum incipiant pertinere, quod Testamentum prophetabatur, cum diceretur per Ezechielem, non accepturos filios peccata parentum suorum, nec ulterius futuram in Israel parabolam illam: « Patres manducaverunt uvam acerbam, et dentes filiorum obstupescunt (*Jer. xxxi, 29*). » Ideo enim quousque renascitur, ut solvatur in eo quidquid peccati est cum quo nascitur. Nam peccata quæ male agendo postea committuntur, possunt et poenitendo sanari, sicut etiam post baptismum fieri videmus. Ac per hoc non est instituta regeneratio, nisi quia vitiosa est generatio, usque adeo ut etiam de legitimo matrimonio procreatus dicat: « In iniquitatibus conceptus sum, et in peccatis mater me in utero aluit (*Psal. l, 6*). » B Neque hic dixit iniquitate, vel in peccato, cum hoc recte dici posset, sed iniquitates et peccata dicere maluit, quia et in illo uno quod in omnes homines pertransivit, atque tam magnum est ut eo mutaretur, et converteretur in necessitatem moris humana natura, sicut supra disserui, reperiuntur plura peccata et alia parentum, quæ non possunt mutare naturam, reatu tamen obligant filios, nisi gratuita gratia et misericordia divina subveniant. A parvulo enim recens nato, usque ad decrepitem senem, quamlibet corporis ætatem gerant, sicut nullus prohibendus est a baptismo, ita nullus est qui non peccato moriatur in baptismo. Sed parvuli originali, majores autem etiam his omnibus moriuntur peccatis quæcunque male vivendo addidere ad illud quod nascendo traxere. Cavendum ergo dilectioni tuæ est magnaue diligentia providendum, ne per hujusmodi homines extincta dudum scandala suscitantur, et de exciso olim dogmate aliquid in provincia ejusdem mali germen oriatur, quod non solum in radicibus suis crescat, sed etiam sanctæ Ecclesiæ sobolem veneno sui odoris inficiat. Qui correctos se videri volunt ab omni suspitione se purgent, et obediendo nobis præbent se esse nostros. Quorum si quisquam salubribus præceptis satisfacere detrectarit, sive ille clericus, sive sit laicus, ab Ecclesiæ societate pellatur, ne perditior animæ suæ saluti insidiatur alienæ. Illam quoque partem ecclesiasticæ disciplinæ qua olim a sanctis Patribus et a nobis sæpe decretum est, ut nec in presbyteratus gradu nec in diaconatus ordine, nec in subsequenti officio clericorum ab Ecclesia cuiquam transire sit liberum, ut in integrum revoces, admonemus. Et unusquisque non ambitione illectus, non cupiditate seductus, non persuasione hominum depravatus, ibi ubi ordinatus est perseveret. Ita ut si quis sua quærens, non quæ Jesu Christi, ad ecclesiam suam redire neglexerit, et ab honoris privilegio, et a communionis vinculo habeatur extraneus. Non autem dubitet dilectio tua nos si (ut non arbitramur) neglecta fuerint, quæ pro custodia canonum, et pro fidei integritate decernimus, vehementius commovendos, quia inferiorum ordinum culpæ ad nullos magis referendæ sunt, quam ad desides negligentesque rectores, qui

A multam sæpe nutriunt pestilentiam, dum austeriorem dissimulant adhibere medicinam.

LXVII. — *Ad universos episcopos per Campaniam.*

Leo universis episcopis per Campaniam, Samnium Picenium.

Magna indignatione commoveor, et multo dolore contristor, quod quosdam ex vobis comperiesse apostolicæ traditionis oblitos, et studio sui erroris intentos, ut præter Paschæ festum, cui sola Pentecostes solemnitas comparatur, audeant sibimet non aliqua humanæ infirmitatis necessitate cogente, sed sola in-disciplinati arbitrii libertate, jus baptismatis vindicare, et in natalibus martyrum quorum finis aliter honorandus est quam dies Dominicæ passionis, regenerationis celebrare mysteria, ac sine ullis spiritualium eruditionibus præparationum, ita rudibus et imperitis tradere sacramentum, ut circa renovandos nihil doctrina ecclesiastica, nihil exorcismis impositio manuum, nihil ipsa jejunia quibus vetus homo destruitur, operentur; neque in tanto mysterio salutis humanæ nulla ejus diei habeatur exceptio, quo ipsum donum est conditum renascentibus. Admonemus igitur, et non sine periculo status eorum qui hæc faciunt protestamur, ut ab hac præsumptione cessetur, et summam hanc potentissimamque Dei gratiam non nisi in Paschali et Pentecostes die considerantibus et credentibus conferatis, manente quolibet tempore gravium necessitatum ac periculorum consideratione secundum quam oporteat subveniri, ne conditione mortali coarctata infirmitas necessaria liberatione fraudetur, cum servata (sicut perlocuti sumus) duarum tantummodo festivitatum reverentia, propter multa pericula sit cavendum, ne cuiquam aut indesperata aegritudine, aut in hostilitatis incursu, aut in timore naufragii per sacerdotes Domini regeneratio denegetur. Si quis vero post interdictum in eadem fuerit usurpatione detectus, dignam pertinaciæ suæ incidet ultionem; quoniam ostendit se turpe potius lucrum quam religionis cultum esse sectatum. Illam etiam contra apostolicam regulam præsumptionem, quam nuper agnovi a quibusdam illicita usurpatione committi, modis omnibus constituo submoveri. De poenitentia videlicet quæ a fidelibus postulatur, ne de singulorum genere libellis scripta professio publice recitetur, cum reatus conscientiarum sufficiat solis sacerdotibus indicare confessione secreta. Quamvis enim plenitudo fidei videatur esse laudabilis quæ propter Dei timorem apud homines erubescere non veretur, tamen quia non omnium hujusmodi sunt peccata ut ea poenitentiam poscunt non timeant publicare, removeatur improbabiliter consuetudo, ne multi a poenitentiae remediis arceantur, dum aut erubescunt, aut metuunt inimicis suis sua facta reserare, quibus possunt legum constitutiones percelli. Sufficit enim illa confessio quæ primum Deo offertur, tunc etiam sacerdoti pro delictis poenitentium peccator accedit. Tunc enim demum plures ad poenitentiam poterunt provocari, si populi auribus non publicetur conscientia confitentis.



LVIII. — *Ad episcopos per Campaniam, etc., constitutos.*

1. Ut nullus episcopus servum alterius ad officium clericatus promoveat.

2. Ut quicumque ad sacerdotium vel viduarum mariti, vel habentes numerosa conjugia promoti fuerint, ab ecclesiasticis officiis arceantur.

3. Quod usuras non solum clerici exigere non debeant sed nec laici.

4. Ut clericus nec suos nec alieno nomine fenus exercent.

5. Ut si quis sacerdotum contra interdicta fecerit a suo submoveatur officio.

LEO episcopus urbis Romæ universis episcopis per Campaniam, et Picenum, vel Tusciam, et per universas provincias constitutis in Domino salutem. B

CAP. I. Ut nobis gratulationem facit ecclesiarum status salubri dispositione compositus, ita non levi nos mœrore contristat, quoties aliqua contra statuta canonum ecclesiasticamque disciplinam præsumpta vel commissa cognoscimus, quæ si non qua debemus vigilantiam recensemus illi qui nos speculatores esse voluit excusare non possumus, permittentes sincerum corpus Ecclesiæ quod ab omni purum macula custodire debemus ambientium improba contagione fœdari, cum ipsa sidi membrorum per dissimulationem con pago non congruat. Admittuntur passim ad ordinem sacrum quibus nulla natalium, nulla morum dignitas suffragatur, et qui a dominis suis libertatem consequi minime potuerunt ad fastigium sacerdotii, tanquam servilitas honorem capiat provehantur, et probari Deo se posse creditur, qui Domino suo necdum probare se potuit. Duplex itaque in hac per te reatus est, quod et sacrum mysterium talis consortii vilitate polluitur, et dominorum quantum ad illicitæ usupationis temeritatem pertinet jura solvuntur. Ab his itaque, fratres charissimi, omnes vestræ provinciæ abstineant sacerdotes, et non tantum ab his, sed ab illis etiam qui ab originali aut alicui conditioni obligati sunt, volumus temperari, nisi forte eorum petitio, aut voluntas accesserit, qui aliquid sibi in eis vindicant potestatis. Debet enim esse immunis ab aliis qui divinæ militiæ fuerit aggregandus, ut a castris Dominicis quibus nomen ejus ascribitur nullis necessitatis vinculis abstrahatur.

II. Qualis vero cum unicuique constiterit natalium honestas, et morum esse debeat sacri altaris mysterio sociandus, et Apostolo nos docente, et divina præceptione didicimus, et canonum regulis, a quibus plerosque fratrum declinasse, et penitus deviasse reperimus. Nam constat ad sacerdotium pervenisse viduarum maritos, quosdam etiam quibus fuerint numerosa conjugia, et cum omni licentia vitæ liberioris, ad sacrum ordinem passim patefactis obicibus fuisse permisos, contra illam beati Apostoli vocem qua talibus exclamat, dicens: « Unius uxoris virum, » contra illud antiquæ legis præceptum quod dicitur et cavetur: « Sacerdos virginem uxorem accipiat, non viduam, non repudiatam (Lev. xxi, 13,

A 14). » Hos ergo quicumque tales admissi sunt ab ecclesiasticis officiis, et a sacerdotali nomine, apostolicæ Sedis auctoritate jubemus arceri. Nec hoc enim sibi poterunt pro arbitrio vindicare, cujus capaces per hoc quod illis obstiterat, non fuerunt. Hujus discussionis curam nobis specialiter vindicantes, ut si qua forsitan de his commissa sunt, corrigantur, ne liceat ultra committi, et ne excusatio de ignorantia nascatur, quanquam ignorare nunquam licuerit sacerdotem quod canonum fuerit regulis definitum. Hæc ergo ad provincias vestras per Innocentium legitimum et Segetium fratres et coepiscopos nostros scripta direximus, ut quæ male pullulasse noscuntur, radicitus evellantur, et messem Dominicam zizania nulla corrumpant. Ita enim fructum uberem quæ sunt sincera præstabunt, si ea quæ natam segetem enecare consueverunt, diligentius amputentur.

III. Nec hoc quoque prætereundum duximus quosdam luci turpis cupiditate captos usurariam exercere pecuniam, et fenore velle ditescere. Quod nos non dicam in eos qui sunt in clericali officio constituti, sed in laicos cadere, qui Christianos se dici cupiunt, condolemus, quod vindicari acrius in eos qui fuerint comprobati decernimus, ut omnis peccandi opportunitas adimatur.

IV. Illud etiam diximus præmonendum, ut sicut non suo, ita nec alieno nomine aliquis clericorum exercendum fenus attentet. Indecens enim est crimen suum commodis alienis impendere. Fenus autem hoc solum aspicere, et exercere debemus, ut quod hic misericorditer tribuimus, 214 a Domino qui multipliciter, et in perpetuum mensura retribuet, recipere valeamus.

V. Hoc itaque admonitio nostra denuntiat, quod si quis fratrum contra hæc constituta venerit, vel venire tentaverit, et prohibita fuerit ausus admittere, a suo se noverit officio submovendum, nec communionis nostræ futurum esse consortem qui socius esse noluit disciplinæ. Ne quid vero sit quod prætermisum a nobis forte credatur, omnia decretalia constituta tam beatæ recordationis Innocentii quam omnium decessorum nostrorum quæ de ecclesiasticis ordinationibus canonum ordinata sunt disciplinis, ita vestram dilectionem custodire debere mandamus, ut si quis illa contempserit, veniam sibi deinceps noverit denegari. Data sexto Idus Octobris, Maximo vero et Paterio viris clarissimis consulibus.

LIX. — *Ad Nicetam episcopum Aquileiensem.*

LEO NICETÆ episcopo Aquileiensi.

Regressus ad nos filius meus Adeodatus diaconus sedis nostræ dilectionem tuam poposcisse memoravit, ut de his a nobis auctoritatem apostolicæ Sedis acciperes, quæ quidem magnam difficultatem dijudicationis videntur afferre, sed pro inspectione temporalium necessitatum adhibenda curatio est, ut vulnera quæ hostilitatis adversitate illata sunt religionis maxime ratione sanentur. Cum ergo per bellicam cladem, et per gravissimos hostilitatis incursum, ita quedam dicatis divisa esse conjugia ut abdu-

etis in captivitatem viris feminae eorum remanserint destitutæ, quæ viros proprios aut interemptos putarint, aut nunquam a dominatione crediderint liberandos, et ad aliorum conjugium sollicitudine cogente transierint, cumque nunc statu rerum auxiliante Domino in meliora converso, nonnulli eorum qui putabantur periisse remeaverint, merito charitas tua videtur ambigere quid de mulieribus quæ aliis junctæ sunt viris, a nobis debeat ordinari. Sed quia novimus scriptum, quod a Deo jungitur mulier viro, et iterum præceptum agnovimus, ut « quod Deus junxit, homo non sepat (Matth. xix, 6), » necesse est ut legitimarum fœdera nuptiarum reintegranda credamus, et remotis malis quæ hostilitas intulit, unicuique hoc quod legitime habuit, reformetur. Omnique studio procurandum est ut recipiat unusquisque quod proprium est. Nec tamen culpabilis judicetur, et tanquam alieni juris pervasor, qui personam ejus mariti qui jam non esse aestimabatur, assumpsit. Sic enim multa quæ ad eos qui in captivitatem ducti sunt, pertinebant, in jus alienum transire potuerunt, et tamen plenum justitiæ est, ut iisdem reversis propria reformentur. Quod si in mancipiis vel in agris, aut etiam in domibus ac possessionibus rite servatur, quanto magis in conjugiorum reintegratione faciendum est, ut quod bellica necessitate turbatum est pacis remedio reformetur? Et ideo si qui post longam captivitatem reversi, ita in dilectione suarum conjugum perseverant, ut eas cupiant in suum redire consortium, omittendum est et inculpabile judicandum quod necessitas intulit, et restituendum quod fides poscit. Si autem aliquæ mulieres ita posteriorum virorum amore sunt captæ ut malint his coherere, quam in legitimum redire consortium, merito sunt notandæ, ita ut etiam ecclesiastica communione priventur, quia inexcusabiliter contaminationem criminis elegerunt, ostendentes sibi pro sua incontinentia placuisse quod justa remissio potuit expiare. Redeant ergo in suum statum voluntaria reintegratione conjugia, neque ullo modo ad opprobrium malæ voluntatis trahatur, quod conditio necessitatis extorsit, quia sicut hæ mulieres quæ reverti ad viros suos nolunt impiæ habendæ sunt, ita illæ quæ in affectum initum ex Deo redeunt merito sunt laudandæ judicio. De his autem Christianis qui inter eos a quibus fuerant captivati immolatiis cibis asseruntur polluti, consultationi charitatis tuæ hoc etiam respondendum esse credimus ut poenitiæ satisfactione purgentur. Quæ non tam temporis longitudine quam cordis compunctione pensanda est, et sive hoc terror extorserit, sive fames suaserit, non dubitetur abolendum, cum hujusmodi cibus pro metu, aut indigentia non pro religionis veneratione sit sumptus. His vero de quibus dilectio tua similiter nos credidit consulendos, qui ad iterandum baptismum vel metu coacti sunt, vel errore traducti, et nunc se contra catholicæ fidei sacramentum egisse cognoscunt, ea custodienda est ratio, qua in societatem nostram non nisi per poeni-

tentia remedium, et per impositionem episcopalis manus, communionis recipiant unitatem, temporis poenitudinis habita moderatione tuo constituyente judicio, prout conversorum animos perspexeris esse devotos, pariter etiam habens senilis ætatis intuitum, et periculorum quorumque aut ægritudinis respiciens necessitates, in quibus si quis ita graviter urgeatur, ut dum adhuc poenitet de salute ipsius desperetur, oportet ei per sacerdotalem sollicitudinem communionis gratia subveniri. Nam hi qui baptismum ab hæreticis acceperunt cum baptizati antea non fuissent, sola invocatione Spiritus sancti per impositionem manuum confirmandi sunt, quia formam tantum baptismi sine sanctificationis virtute sumpserunt. Et hanc regulam ut sciatis servandam omnibus ecclesiis prædicamus, ut lavacrum semel initum nulla iteratione violetur, dicente Apostolo : « Unus Dominus, una fides, unum baptismum (Ephes. iv, 5), » ejus ablutio nulla iteratione tentanda est, sed, ut diximus, sola sanctificatio sancti Spiritus invocanda est, ut quod ab hæreticis nemo accipit, a catholicis sacerdotibus consequatur. Hanc autem epistolam nostram quam ad consultationem tuæ fraternitatis emisimus, ad omnes fratres comprovinciales episcopos facies pervenire, ut omnium observantiæ data prosit auctoritas.

LX. — *Ad Julianum episcopum Aquileiensem.*

Leo episcopus JULIANO episcopo Aquileiensi.

Lectis fraternitatis tuæ litteris vigorem fidei tuæ quem olim noveramus, agnovimus, congratulantes, quod ad custodiam gregum Christi pastorem curam vigilanter exsequeris, ne lupi qui sub specie ovium subintrant bestiali sævitia simplices quosque dilacerent, et non solum ipsi nulla correctione proficiant, sed etiam ea quæ sunt sana corrumpant. Quod ne viperea possit obtinere fallacia, dilectionem tuam duximus commonendam, insinuantes ad animæ periculum pertinere, si quisquam de his qui a nobis in hæreticorum sectam delapsus, et se utcumque hæreticæ communionis contagione macularit, resipiscens in communione catholica sine promotione legitimæ satisfactionis habeatur. Saluberrimum enim et spirituali medicinæ utilitate plenissimum est, ut sive presbyteri, sive diaconi, aut cujuslibet ordinis clerici, qui se correctos videri volunt, atque ad catholicam fidem, quam jam pridem amiserant, rursum reverti ambiunt, prius errores suos, et ipsos auctores errorum damnari a se sine ambiguitate fateantur, ut sensibus pravis etiam peremptis, nulla sperandi supersit occasio, ne ullum membrum talium possit societate violari, cum per omnia illis professio propria cœperit obviare. Circa quos etiam illam canonum constitutionem præcipimus custodiri, ut in magno habeant beneficio, si adempta sibi omnino spe promotionis, in quo inveniuntur ordine stabilitate perpetua maneat, si tamen iterata tinctione non fuerint maculati. Non levem apud Deum noxam incurrit, qui de talibus ad sacros promovendos ordines judicavit. Quod si cum grandi examinatione



promotio conceditur inculpatis, multo magis non debet licere suspectis. Proinde dilectio tua cujus devotione gaudemus, jungat ad totius curam suam dispositionibus nostris, et det operam, ut circumspice atque velociter impleantur, quæ ad totius ecclesiæ incolumitatem, et laudabiliter suggesta sunt et salubriter ordinata. Non autem debiliter dilectio tua nos, si, quod non arbitramur, neglecta fuerint, quæ pro custodia canonum, et pro fidei integritate decernimus, vehementius commovendos, quia inferiorum ordinum culpæ ad nullos magis referendæ sunt, quam ad desides, negligentesque rectores, qui multam sæpe nutriunt pestilentiam dum necessariam dissimulant adhibere medicinam. Data pridie Kalendas Julii, Alipio et Ardaburæ consulibus.

LXI. — *Ad Dorum Beneventanum episcopum.*

Dilectissimo fratri Doro, LEO episcopus.

Judicium quod de te sperabamus dolemus esse frustratum, quando ea te commisisse perspicimus quæ omnem ecclesiasticæ sanctionis regulam culpabili novitate fœdarent, cum plenissime noveris, quanta sollicitudine per omnes Domini ecclesias paternorum velimus canonum præcepta servare, et hanc maxime curam ad sacerdotes universarum plebium pertinere, ut sanctorum constitutionum regulæ nullis corrumpantur excessibus. Unde miramur te quem auctoritatum apostolicæ Sedis observantissimum esse convenerat, tam negligenter, ac potius insolenter egisse, ut traditarum tibi legum non custos sed transgressor existeres. Libello etenim Pauli presbyteri tui qui in subditis habentur, cognovimus apud te novo ambitu, fœdoque colluvio presbyterii ordinem fuisse turbatum ita ut unius, festina, et immatura profectio quædam eorum dejectio facta sit, quod ætas commendabat, et nulla culpa minuebat. Quod si ambietis intentio, aut imperita faventium studia id quod nunquam habuit consuetudo poscebant, ut incipiens emeritis, et novellus præferretur antiquius, tuæ fuerat industriæ atque doctrinæ, ut injuste petentium desideria rationabili auctoritate cohiberes, ne quem in sacerdotali propere provehas honore ad injuriam eorum quibus sociebatur inciperet. Miror qui si fieret in illo non humilitatis virtus, sed elationis vitium roboraretur. Neque enim ignorabas dixisse Dominum, quod qui se humiliat, exaltabitur, qui vero se exaltat, humiliabitur (*Luc. xiv, 11*). Eundemque dixisse vos autem quæritis de pusillo crescere, et de honore majores esse. Utrumque enim inordinatum, utrumque præposterum est, et omnis laborum fructus auferitur, omnis meritorum mensura vacuatur, si tantum quis has sequitur dignitates quantum adulationis obtinuit, ut cupiditas eminendi non solum superbientem minuatur, sed etiam conviventem. Si vero, ut asseritur, primi secundique presbyteri circa Epicarpius sibi met præponendum, tam huic assentatio fuit, ut illum cum sui dedecore poscerent honorari. Nec hoc quidem illis proprio se judicio deficientibus tribui debuit, quod volebant, cui tam miseræ voluntati te dignius fuerat obviare,

quam cedere. Deformis autem et ignava subjectio bene sibi conscius, et non irritam facientibus gratiam Dei præjudicare non potuit, ut primatus suos quocunque commercio in alterutrum transferentes subsequentium suorum minuerent dignitatem, et quia ultimum sibi anteposuerant cæteris præminerent. Prædicti igitur presbyteri qui indignos se honoris sui ordine sunt professi licet privari etiam sacerdotio mererentur, tamen ut pro apostolicæ sedis pietate parcat, ultimi inter omnes ecclesiæ presbyteros habeantur. Et ut judicii sui sententiam ferant, inferiores etiam illo erunt quem propria sententia sibi met prætulere, cæteris omnibus presbyteris in eo ordine permanentibus quem unicuique ordinationis suæ tempus ascripsit. **215** Nec quisquam præter prædictos duos imminutæ dignitatis patiat injuriam, sed in eorum statum tantummodo hoc recurrat opprobrium quod novello et immature ordinato inferiores fieri elegere, ut illam evangelicam sententiam ad se sentiant pertinere, qua dicitur: « Quo judicio judicaveritis judicabitur de vobis, et qua mensura mensi fueritis, eadem remetietur vobis. (*Matth. vii, 2*) » Paulus vero presbyter ordinem suum de quo laudabili firmitate non cessit, obtineat. Nec ulterius aliquid in cujusquam præsumat injuriam, ita ut dilectio tua quam non immerito tota facti hujus pulsata invidia hoc saltem remedio curare se properet, ut sine dissimulatione hæc quæ decernimus tradantur effectui, ne si iterato ad nos imploratio justa confugerit, necesse sit severius commoveri cum his quæ male sunt facta correctis malimus reintegrare disciplinam quam augere vindictam. Executionem vero præceptionumstrarum fratri et coepiscopo nostro Julio commisisse nos noveris, ut omnia illi quemadmodum constituimus roborentur. Data Idus Martii, Posthumiano viro clarissimo consule.

LXII. — *Ad universos episcopos per Siciliam constitutos.*

Leo universis episcopis per Siciliam constitutis.

Divinis præceptis et apostolicis monitis incitatur, ut pro omnium ecclesiarum statu impigro vigilemus affectu, aut si quid usquam reprehensioni inveniatur obnoxium celeri sollicitudine, aut ab ignorantie imperitia, aut a præsumptionis usurpatione revocemus. Monente enim Dominicæ vocis imperio, quo beatissimus apostolus Petrus trina repetitione mysticæ sanctionis imbuatur, ut Christi oves qui Christum diligit pascatur, ipsius sedis cui per abundantiam divinæ gratiæ præsumus reverentia cohortamur ut periculum desidii quantum possumus declinemus, ne professio summi apostoli qui se amatorem Domini esse testatus est non inveniatur in nobis. Quia negligens toties commendatum gregem convincitur suum non amare pastorem. Cum ergo mihi de charitatis vestræ actibus fraterna actione sollicito certis indicibus innotuerit, vos in eo quod inter sacramenta Ecclesiæ principale est, ab apostolica institutionis consuetudine discrepare, ita ut baptismi sacramentum

numerius in die Epiphaniæ quam paschali tempore celebratis, miror vos vel præcessores vestros tam irrationabilem novitatem usurpare potuisse, ut confuso temporis utriusque mysterio nullam esse differentiam crederetis inter diem quo adoratus est Christus a magis, et diem quo resurrexit a mortuis. Quam culpam nullo modo potuissetis incidere si unde consecrationem honoris accipitis, inde legem totius observantiæ sumeretis, et beati Petri apostoli sedes quæ vobis sacerdotalis mater est dignitatis, esset ecclesiasticæ magistrationis. A cuius vos regulis recessisse minus posset æquanimiter tolerari, si aliqua commonitionis nostræ pagina præcessisset. Nunc autem quia non desperatur correctio, mansuetudo servanda est. Et licet vix ferenda sit sacerdotalis excusatio quæ prætendat inscientiam, maluimus tamen et censuram necessariam temperare, et ratione vos apertissimæ veritatis instruere. Semper quidem in æterno consilio Dei mansit humani generis incommutabiliter præordinata reparatio, sed ordo rerum per Jesum Christum Dominum nostrum temporaliter gerendarum incarnatione Verbi sumpsit exordium. Unde aliud tempus est quo annuntiante angelo beata Maria fecundandam se per Spiritum sanctum credidit et concepit, aliud quo salva integritate virginea puer editus, exultante gaudio cœlestium ministrorum pastoribus indicatur, aliud quo infans circumciditur, aliud quo hostia pro eo regularis offertur, aliud quo tres magi claritate novi sideris incitati in Bethlehem ab oriente perveniunt, et adoratum parvulum mystica munerum oblatione venerantur. Nec idem sunt dies quibus impio Herodi ordinata divinitus in Ægyptum translatione substractus est, vel quibus ab Ægypto in Galilæam persecutore mortuo revocatus est. Inter has autem dispensationum varietates accedunt augmenta corporea, crescit Dominus, sicut evangelista testatur, profectibus ætatis et gratiæ. Per dies Paschæ in templum cum parentibus venit, et cum abesset societate, redeuntium sedens cum senioribus et inter admirantes magistros invenitur, rationemque remansionis suæ reddens, qui est, inquit, quod me quærebatis? Nesciebatis quod in his quæ Patris mei sunt oportet me esse? Significans ejus se esse filium cuius esset et templum. Jam vero cum in annis majoribus apertius declarandus baptismum præcursoris sui Joannis expetiit quid deitatis ejus remansit ambiguum quando Spiritus sanctus in columbæ specie super eum descendit et mansit, audita de cœlis Patris voce dicentis: « Tu es Filius meus dilectus, in te bene complacui? » (*Marc. i, 11.*) Quæ omnia ideo quanta potuimus brevitate perstrinximus, ut notum sit dilectioni vestræ universos dies Christi innumeris consecratos fuisse virtutibus et in cunctis ejus actionibus sacramentorum mysteria coruscasse, sed aliter signis denuntiari, aliter rebus impleri, nec quæcunque numerantur in operibus Salvatoris, ad tempus pertinere baptismatis. Nam si etiam illa quæ post beati Joannis lavacrum ab eo gesta cognovimus, sub indiscreto honore colamus, omnia tempora con-

tinuatis erunt deputanda festis, quia omnia sunt plena miraculis. Verum quia spiritus sapientiæ et intellectus, ita apostolos et totius Ecclesiæ erudit magistros, ut in Christiana observantiâ nihil inordinatum, nihil pateretur esse confusum, discernendæ erant causæ solemnitatum, et in omnibus constitutis Patrum principumque nostrorum rationabilis servanda discretio. Quia non aliter unus grex, et unus pastor sumus, nisi, quemadmodum Apostolus docet) idipsum dicamus omnes. Simus autem perfecti in eodem sensu, et in eadem scientia. Quamvis ergo et illa quæ ad humilitatem, et quæ ad gloriam pertinent Christi in unam percurrant eandemque personam, totumque quidquid in illo, et virtutis divinæ est, et infirmitatis humanæ ad nostræ reparationis tendat effectum, propriæ tamen in morte crucifixi, et in resurrectione mortui potentia baptismatis novam creaturam condit ex veteri, ut renascentibus, et mors Christi operetur et vita, dicente beato apostolo Paulo: « An ignoratis quia quicumque baptizati sumus in Christo Jesu, in morte ipsius baptizati sumus? Consepulti enim sumus cum illo per baptismum in mortem, ut quomodo surrexit Christus a mortuis per gloriam Patris, ita et nos in novitate vitæ ambulemus. Si enim complantati facti sumus similitudini mortis ejus, simul et resurrectionis erimus (*Rom. vi, 3-5*). » Et cætera quæ latius magister gentium ad commendandum sacramentum baptismatis deputavit, ut appareret ex hujus doctrinæ spiritu regenerandis filiis hominum, et in Dei filiis adoptandis illum diem esse, illud tempus electum, in quo per similitudinem mysterii ea quærantur membris quæ in ipso capite sunt gesta congruere, dum baptismatis regula mors intervenit interfectioni peccati, et sepulturam triduanam imitatur trina dimersio, et ab aquis lavatio insurgentis ad instar est de sepulcro. Ipsa igitur operis qualitas docet celebrandæ generaliter gratiæ eum esse legitimum diem, in quo orta est, et virtus muneris, et species actionis. Ad cuius rei confirmationem plurimum valet quod ipse Dominus Jesus Christus, postea quam resurrexit a mortuis, discipulis in quibus omnes ecclesiarum præsules docebantur, et formam et potestatem tradidit baptizandi, dicens: « Euntes ergo nunc docete omnes gentes, baptizantes eos in nomine Patris et Filii et Spiritus sancti (*Matth. xxviii, 19*). » De quo utique eos etiam ante passionem potuisset instruere, nisi propriæ voluisset intelligi regenerationis gratiam ex sua resurrectione cepisse. Additur sane huic observantiæ etiam Pentecostes ex adventu Spiritus sancti consecrata solemnitas, quæ de paschalis festi pendet articulo, et cum ad alios dies alia festa pertineant, hæc semper ad eundem qui resurrectione Domini est insignis, occurrat, porrigens quodammodo auxiliantis gratiæ manum, ut hi quos a die Paschæ, aut molestia infirmitatis, aut longinquitas itineris, aut navigationis difficultas interclusit invitos, aut quibuslibet necessitatibus impeditis, desiderii sui effectum dono Spiritus sancti consequantur. Ipse enim unigenitus Dei



in fide credentium, et in virtute operum nullam inter se et Spiritum sanctum voluit esse distantiam, quia nulla est diversitas in natura, dicens : « Ego rogabo Patrem et alium Paracletum dabit vobis, ut vobiscum sit in æternum, Spiritum veritatis (*Joan. xiv, 16, 17*) ; » et iterum : « Paracletus autem Spiritus quem mittet Pater in nomine meo, ille vos docebit omnia, et suggeret universa quæcunque dixi vobis (*Ibid.*) ; » et iterum : « Cum venerit ille Spiritus veritatis, ille diriget vos in omnem veritatem (*Joan. xvi, 13*). » Cum itaque veritas Christus est, et spiritus veritatis Spiritus sanctus, nomenque Paracleti utrique proprium, non dissimile est festum ubi unum esset sacramentum. Hoc autem nos non ex nostra persuasione defendere, sed ex apostolica auctoritate servare, satis idoneo probamus exemplo sequentes beatum apostolum Petrum qui in eo die quo omnem credentium numerum promissus Spiritus sancti replevit adventus trium millium populum sua prædicatione conversum, lavacro baptismatis consecravit, quod sancta Scriptura quæ apostolorum actus continet, fidei historia docet, dicens : « His auditis compuncti sunt corde, et dixere ad Petrum, et ad reliquos apostolos, quid faciemus viri fratres? Petrus vero ait ad illos, poenitentiam, inquit, agite, et baptizetur unusquisque in nomine Jesu Christi in remedium peccatorum, et accipietis donum Spiritus sancti ; vobis enim repromissio est, et filiis vestris, et omnibus qui longe sunt quoscunque advocaverit Dominus Deus noster. Aliis etiam verbis testificatus exhortabatur eos, dicens : Salvamini a generatione ista prava. Qui ergo receperunt sermonem ejus baptizati sunt, et appositæ sunt in illa die animæ circiter tria millia (*Act. ii, 37-41*). » Unde quia manifestissime patet baptizandis in Ecclesia electis hæc duo tempora, de quibus locuti sumus, esse legitima, dilectionem vestram monemus, ut nullos alios dies huic observantiæ misceatis. Quia et si sunt alio quoque festa quibus multa in honorem Dei reverentia debeat, principalis tamen et maximi sacramenti custodienda nobis mysticæ rationis exceptio, non interdicta licentia qua in baptismo tribuendo quolibet tempore periclitantibus subvenitur. Ita enim ad has duas festivitates connexas sibi met atque cognatas incolumum, et in pacis securitate degentium libera vota differimus, ut in mortis periculo, in obsidionis discrimine, in persecutionis angustiis, in timore naufragii, nullo tempore hoc veræ salutis remedium cuiquam denegemus. Si quis autem Epiphaniæ festivitatem quæ in suo ordine debito honore veneranda est ob hoc æstimat privilegium habere baptismatis, quia hoc quidam dicunt quod in eadem die ad baptismum Dominus sancti Joannis accesserit, sciat illius baptismi aliam gratiam, aliam fuisse rationem, nec ad eandem pertinuisse virtutem, qua per Spiritum sanctum renascuntur, de quibus dicitur : « Qui non ex sanguinibus, neque ex voluntate carnis, neque ex voluntate viri, sed ex Deo nati sunt (*Joan. i, 13*). » Dominus enim nullius indigens remissione peccati, nec quæ-

rens remedium renascendi, sic voluit baptizari, sicut voluit circumcidi, hostiamque pro se mundationis offerri, ut « qui factus erat ex muliere (sicut Apostolus ait) fieret sub lege (*Gal. iv, 4*) ; » « quam non venerat solvere, sed adimplere (*Math. v, 17*), » et implendo finire, sicut beatus Apostolus prædicat, dicens : « Finis autem legis Christus ad justitiam omni credenti (*Rom. x, 4*). » Baptismi autem sui in se condidit sacramentum, quia in omnibus primatum tenens se docuit esse principium. Et nunc regenerationis potentiam sanxit, quando de latere ipsius fluxerunt sanguis redemptionis, et aqua baptismatis. Sicut ergo Vetus Testamentum testificatio fuit Novi, et lex per Moysen data est, gratia autem et veritas per Jesum Christum facta est, sic diversa sacrificia unam hostiam præformare et multorum agnorum occisio illius immolatione finita est, de quo dicitur : « Ecce agnus Dei, ecce qui tollit peccata mundi (*Joan. i, 29*). » Sic et Joannes, non Christus, sed Christi prævius ; non sponsus, sed sponsi amicus, fuit adeo fidelis, et non sua quærens, sed quæ Jesu Christi, ut se profiteretur ad solvenda calceamenta pedum ejus indignum, quoniam ipse quidem baptizaret in aqua in poenitentiam, ille baptizaturus esset in Spiritu sancto et igni, qui duplici potestate et vitam redderet, et peccata consumeret. His itaque, fratres, tot tantisque existentibus documentis, quibus omni ambiguitate submota evidenter agnoscitis, in baptizandis electis qui secundum apostolicam regulam et exorcismis scrutandi, et jejuniis sanctificandi, et frequentibus sunt prædicationibus imbuendi, duo tantum tempora, id est Pascha et Pentecosten, esse servanda. Hoc vestræ indicimus charitati, ut apostolicis institutis nullo ulterius recedatis excessu. Quia multum post hæc esse non poterit, si quisquam apostolicas regulas in aliquo crediderit negligendas. Quare illud primitus pro custodia concordissimæ unitatis exigimus, ut quia saluberrime a sanctis Patribus constitutum est binos in annis episcoporum debere esse conventus, terni semper ex vobis ad diem tertium Kalendarum Octobrium Romam fraterno concilio sociandi occurrant, et indissimulanter a vobis hæc consuetudo servetur. Quoniam adjuvante gratia Dei facilius poterit provideri, ut in ecclesiis Christi nulla scandala, nulli nascentur errores, cum coram beatissimo apostolo Petro semper in communionem tractatum fuerit, ut omnia instituta canonumque decreta apud omnes Domini sacerdotes inviolata permaneant. Hæc autem quæ vobis inspirante Domino iusinuanda credidimus, per fratres et coepiscopos nostros Bachillum atque Paschasium ad vestram volumus notitiam pervenire. Quibus referentibus agnoscamus quam reverenter a vobis apostolicæ sedis instituta serventur.

LXIII. — *Ad episcopos per Italiæ provincias constitutos.*

LEO universis episcopis per Italiæ provincias constitutis in Domino salutem.

In consortium vos nostræ sollicitudinis, dilectis

simi fratres, advocamus, ut vigilantia pastorali, ne quid diabolicæ licere possit astutiæ, commissis vobis gregibus diligentius consulatis, ne is qui Domini misericordia revelante per nostram curam a nostris ovibus morbus abjicitur, necdum vobis præmonitis et adhuc quid agatur ignaris, per vestras se dispergat ecclesias, et suarum furtim cuniculos inveniat latebrarum, ut quod a nobis in urbe exstinguitur, tenebrosis apud vos radicibus seminetur. Plurimos impietatis Manichææ sequaces doctores in urbe investigatio nostra reperit, vigilantia divulgavit, auctoritas et censura coercuit, quos potuimus emendare, correximus, et ut damnarent Manichæum cum prædicationibus et discipulis suis, publica in ecclesia confessione et manus suæ subscriptione compulimus, et ita de voragine impietatis suæ confessos poenitentiam concedendo levavimus. Aliquantum vero qui ita se demerserant, ut nullum his auxiliantis posset auxilium subvenire subditi legibus secundum Christianorum principum constituta, ne sanctum gregem sua contagione polluerent per publicos iudices perpetuo sunt exilio relegati. Et omnia quæ tam in Scripturis quam in oculitis traditionibus suis habent profana vel turpia, ut nosset populus quid refugeret aut vitaret, oculis Christianæ plebis certa manifestatione probavimus, adeo ut ipse qui eorum dicebatur episcopus a nobis tentus proderet flagitiosa in suis mysteriis quæ teneret, sicut gestorum vos series potest edocere, ad instructionem enim vestram etiam ista direximus, quibus lectis, omnia quæ a nobis deprehensa sunt, nosse poteritis. Et quia aliquantos de his quos ne absolverentur, actior reatus involverat, cognovimus aufugisse, hanc ad dilectionem vestram epistolam misimus per acolythum nostrum, ut effecta certior sanctitas vestra sollicitius agere dignetur et cautius, nec ubi Manichææ perversitatis homines plebes vestras facultatem ledendi et hujus sacrilegii possint invenire doctores. Aliter enim nobis commissos regere non possumus, nisi hos qui sunt perditores et perditum zelo fidei Dominicæ persequamur, et a sanis mentibus, ne pestis latius divulgetur severitate qua possumus abscindamus. Unde hortor dilectionem vestram, obtestor et moneo, ut quam debetis et potestis sollicitudine vigiletis ad investigandos eos, nec ubi occultandi se reperiant facultatem. Ut enim habeat adeo ingens remunerationis præmium qui diligentius quod ad salutem commissæ sibi plebis proficiat fuerit exsecutus, ita ante tribunal Domini de reatu negligentie se non poterit excusare quicumque plebem suam contra sacrilegæ persuasionis auctores noluerit custodire. Data tertio Kalendas Februarii, Theodosio XVIII et Aluino viris clarissimis consulibus.

LXIV. — *Ad Neoniam episcopum Ravennatem.*

LEO NEONIE episcopo Ravennati de his qui redeunt de captivitate, incertum habent utrum ante captivitatem baptismum consecuti sunt.

Frequenter quidem in diversarum ambiguo quæ-

stionum titubantia fratrum corda spiritu Dei instituente solidavimus, responsionis formam vel ex sanctarum Scripturarum disciplinis, vel ex Patrum regulis colligentes. Sed nuper in synodo novum et inauditum antea genus consultationis exortum est. Nam quorundam fratrum suggestione comperimus aliquos captivorum ad sedes suas libertatemque redeunt, qui scilicet in captivitatem illa ætate pervenerint quæ nullius rei firmam potuerit habere notitiam, remedium quidem implorare baptismi. Sed utrum ejusdem remedii ante sacramenta perceperint, infantie inscientia non posse reminisci, et ideo sub hoc latentis recordationis incerto animas suas in discrimen adduci dum sub specie cautionis negatur his gratia, quæ ideo non impenditur, quia putatur impensa. Cum itaque tribuere talibus Dominici sacramenta mysterii non immerito quorundam fratrum formido dubitaret, in synodali, ut diximus, cœtu formam hujusmodi consultationis accepimus. Quam diligentius discuti, et pro uniuscujusque sensu sollicita volumus ratione tractari, quod ad veritatem adhibita cogitatione multorum certius pervenire possemus. Eadem ergo quæ in sensum nostrum divina inspiratione venere, frequens etiam fratrum firmavit assensio. Inprimis itaque providere debemus, ne dum speciem quamdam cautionis tenemus, damnum regenerandarum incidamus animarum. Quis enim ita sit suspitionibus suis deditus, ut verum esse definiat, quod omni manifestatione cessante ex opinione ambigua suspicatur? Cum itaque baptizatum se, nec ille recordetur qui regenerationis est cupidus, nec alter attestari de eo possit, quod nesciat, consecratum nihil est in quo peccatum possit obrepere, cum in hac parte conscientie suæ nec ille reus sit qui consecratur, nec ille qui consecrat. Scimus quidem inexpiabile esse facinus, quoties juxta hæreticorum damnata a sanctis Patribus instituta cogitur aliquis lavacrum quod regenerandis semel tributum est, bis subire apostolica reclamante doctrina, quæ nobis unam prædicat in trinitate deitatem, unam in fide confessionem, unum in baptismo sacramentum. Sed in hoc nihil simile formidatur, quoniam non potest in iterationis crimen devenire, quod factum esse omnino nescitur. Atque ideo quoties persona talis inciderit, sollicita primum examinatione discuti, et longo tempore, nisi forte supremus finis immineat, indagate, utrum nemo sit penitus quid testimonio suo jurare possit ignorantiam nescientis. Et cum constituerit hunc qui baptismatis indiget sacramento, sola inaniter suspitione prohiberi accedat intrepidus ad consequendam gratiam, cujus in se nullum scit esse vestigium. Nec veneramur huic salutis januam aperire, quam nunquam docetur ingressus, quod si ab hæreticis baptizatum quempiam fuisse constituerit, erga hunc nullatenus sacramentum regenerationis iteretur, sed hoc tantum quod ibi deficit, conferatur, ut per episcopalem manus impositionem



virtutem sancti Spiritus ~~consequatur~~. Quam rem, A frater charissime, ideo generaliter ad omnium vestrum volumus pervenire notitiam, ne dum plus justo metuitur misericordia Dei salvari cupientibus denegetur. Data nono Kalendas Novembris, consulatu Martiani Augusti.

LXV. — *Ad episcopos Africæ.*

Leo universis episcopis per Africam constitutis in Domino salutem.

Cum in ordinationibus sacerdotum quædam apud vos illicite usurpata crebrior fama narraret, ratio pietatis exegit, ut pro sollicitudine quam universæ Ecclesiæ ex divina institutione dependimus, rerum fidem studeremus agnoscere, vicem curæ nostræ proficiscenti a nobis fratri et consacerdoti nostro Potentio injungentes, qui secundum scripta quæ B per ipsum ad vos direximus de episcopis, quorum culpabilis ferebatur electio, quod veritas haberet inquireret, nobisque omnia fideliter indicaret. Unde quia idem plenissime notitiæ nostræ cuncta reseravit, et sub quibus qualibusque rectoribus quædam Christi plebes in partibus provinciae Caesariensis habeatur, sincera nobis relatione patefecit, necessarium fuit ut dolorem cordis nostri quo pro Dominicorum gregum periculis æstuamus, datis ad vos litteris promeremus. Mirantes tantum apud vos per occasionem temporis impacati aut ambientum præsumptionem, aut tumultum valuisse popularem, ut indignis quibusque, et longe extra sacerdotale meritum constitutis pastorale fastigium, et gubernatio Ecclesiæ crederetur. Non est hoc consulere C populis, sed nocere, nec præstare regimen, sed augere discrimen. Integritas enim præsidium salus est subditorum et ubi est incolumitas obedientiæ, ibi sana est forma doctrinæ. Principatus autem quem aut seditio extorsit, aut ambitus occupavit, etiam si moribus atque actibus non offendit, ipsius tamen initii sui est perniciosus exemplo, et difficile est, ut bono peragantur exitu, quæ malo sunt inchoata principio. Quod si in quibuslibet Ecclesiæ gradibus providenter scienterque curandum est, ut in Domini domo nihil sit inordinatum, nihilque præposterum quanto magis elaborandum est, ut in electione ejus qui super omnes gradus constituitur, non erretur? Nam totius familiæ Domini status et ordo nutabit, si quod sequitur in corpore non inveniatur in capite. Ubi est beati Pauli apostoli per spiritum Dei emissa præceptio, qua in persona Timothei omnium sacerdotum Christi numerus eruditur, et perinde unicuique nostrum dicitur: « Manus cito nemini imposueris, neque communicaveris peccatis alienis? » (I Tim. v, 22.) Quid est cito manus imponere, nisi ante ætatem maturitatis, ante tempus examinis, ante meritum laboris, ante experientiam disciplinæ, sacerdotalem honorem tribuere non probatis? et quid est communicare peccatis alienis, nisi talem effici ordinantem qualis ille est qui non meruit ordinari? Sicut enim boni operis sibi comparat fructum, qui rectum sectatur

in eligendo sacerdote iudicium, ita gravi semetipsum afficit damno, qui ad suæ dignitatis collegium sublimat indignum. 217 Non enim in cuiusquam persona prætermittendum est quod institutis generalibus continetur, nec putandus est honor ille legitimus qui fuerit de prævaricatione collatus, dicente enim Apostolo: Ut inter electionis regulas, is episcopus ordinetur, quem « unius uxoris virum (I Tim. iii, 2) » fuisse, aut esse consulerit. Tam sacra semper habita est ista præceptio, ut etiam de muliere sacerdotis eligendi eadem intelligatur servanda conditio, ne forte illa priusquam in matrimonium ejus veniret qui aliam non habuisset uxorem, alterius viri esset experta conjugium. Quis ergo dissimulare audeat quod in tanti sacramenti perpetratur injuriam? Cum huic magno venerandoque mysterio ne legis quidem statuta defuerint, quibus evidenter est definitum, ut virginem sacerdos accipiat et alterius torum nesciat conjugis quæ uxor est futura pontificis? Jam tunc enim in sacerdotibus figurabatur Christi et Ecclesiæ spirituale conjugium, ut quoniam vir caput est mulieris, discat sponsa Verbi non alium virum nosse Christum, qui eam unam quam legit, unam diligit, et aliam præter ipsam suo consortio non adjungit. Si ergo etiam in Veteri Testamento hæc sacerdotalium conjugiorum forma servata est, quanto magis sub revelata jam gratia constituti apostolicis debemus servire præceptis, ut quomodolibet quis bonis moribus præditus, et sanctis operibus inveniatur ornatus, nequaquam tamen vel ad diaconii gradum, vel ad presbyterii honorem, vel ad episcopatus culmen ascendat, si aut ipsum non unius uxoris virum, aut uxorem ejus non unius viri fuisse claruerit, monente vero Apostolo atque dicente: « Et hi aut probentur primum, et sic ministrent (I Tim. iii, 10). »

Quid aliud intelligendum putemus, nisi ut in his provectionibus non solum matrimoniorum privilegia, sed etiam laborum merita cogitemus, ne aut a baptismo rudibus, aut a sæculari actu repente conversis officium pastorale credatur, cum omnis gradus militiæ Christianæ de incrementis profectuum debeat æstimari, an possint cuiquam majora committi? Merito sanctorum Patrum venerabiles sanctiones cum de sacerdotum electione loquerentur eos demum idoneos sacris administrationibus censuere, quorum omnis ætas a puerilibus exordiis usque ad provectiones annos per disciplinæ ecclesiasticæ stipendia ecurrisset, ut unicuique testimonium prior vita præberet, nec posset de ejus provectione dubitari, cui pro laboribus multis, pro moribus castis, pro actibus strenuis celsioris loci præmium deberetur. Si enim ad honorem mundi sine suffragio temporis, sine merito laboris indigeum est pervenire, et notari ambitus solent, quos probitatis documenta non adjuvant, quam diligens, et quam prudens habenda est dispensatio divinarum munerum, et cælestium dignitatum, ne in aliquo apostolica, et canonica decreta violentur, et his

Ecclesia Domini regenda credatur qui legitimarum institutionum nescii, et totius humilitatis ignari non ab infimis sumere incrementum, sed a summis volunt habere principium? cum valde iniquum sit et absurdum ut imperiti magistris, novi antiquis, et rudes præferantur emeritis. « In domo quidem magna necesse est, sicut Apostolus ait, vasa diversa sint, quædam aurea, argentea, quædam vero lignea et fictilia (*II Tim. II, 20*), » sed horum ministerium pro materiæ qualitate discernitur, nec qui est pretiosorum, idem usus est vilium. Nam inordinata sunt omnia si fictilia aureis, et lignea præferantur argenteis. Sicut autem in ligneis et fictilibus eorum omnium species figuratur, qui nullis adhuc virtutibus nitent, ita in aureis et argenteis, hi sine dubio declarantur, qui per longum eruditionis ignem, et per fornacem diuturni laboris excocti, aurum probatum et argentum purum esse meruerunt. Quibus si merces pro devotione non redditur, omnis ecclesiastica disciplina resolvitur, omnis ordo turbatur, dum in Ecclesia, qui nullum subire ministerium perverso elegantium iudicio debitum obtinent principatum. Cum ergo inter vos tantum valuerint, aut studia popularium, aut ambitus superborum, ut non solum laicos, sed etiam secundarum uxorum viros, aut viduarum maritos ad officium cognoscamus pastoralis provectos, nonne aptissime exigunt causæ, ut ecclesiæ in quibus ista commissa sunt, iudicio severiore purgentur, et non solum in tales præsules, sed etiam in ordinatores eorum ultio competens proferatur? Sed circumstant nos hinc mansuetudo clementiæ, hinc censura iustitiæ? Et quia « universæ viæ Domini misericordia et veritas (*Psal. xxiv, 10*), » cogimur secundum sedis apostolicæ pietatem, ista nostram temperare sententiam, ut trutinato pondere delictorum, quæ constat non unius esse mensuræ quædam definiamus utcumque toleranda, quædam vero penitus amputanda. Eos enim qui vel secundas nuptias inierunt, vel viduarum se conjugio sociarunt, nec apostolica nec legalis auctoritas sacerdotum obtinere permittit, et multo magis illum, si fuerit vestro iudicio confutatus, qui, sicut ad nos relatum est, duarum simul est maritus uxorum, vel illum qui a prima uxore dimissus, alteram duxisse perhibetur. Cæteros vero quorum provectio hoc tantum reprehensionis incurrit, quod ex laicis ad officium episcopale defecti sunt, neque ex hoc quod uxores habeant, possunt esse culpabiles, susceptum sacerdotium tenere permittimus, non præiudicantes apostolicæ sedis statutis, nec præcessorum nostrorum nostrisque decretis quibus salubriter statutum est, ne primum vel secundum, aut tertium in ecclesia gradum quisquam laicorum quibuslibet suffragiis fultus ascendat, priusquam ad hoc meritum per legitima augmenta perveniat, quod enim utrumque patimur esse veniale multum postmodum esse non poterit, si quisquam omnino id quod interdiximus usurpare præsumpserit, quia remissio peccati non dat licentiam delinquendi, nec quod potuit aliqua

A ratione concedi, fas erit amplius impune committi. Donatum autem Salicinensem ex Novatiano cum sua (ut comperimus) plebe conversum, ita Dominico volumus gregi præsidere, ut libellum fidei suæ ad nos meminerit dirigendum, quod et Novatiani dogmatis damnet errorem et plenissime confiteatur catholicam veritatem. Maximum quoque ex laico licet reprehensibiliter ordinatum, tamen si Donatista jam non est, et a spiritu schismaticæ pravitatis alienus, ab episcopali quam quouomodo adeptus est non repellamus dignitate, ita ut et ipse libello ad nos edito catholicum se esse manifestet. De Aggaro et Tyberiano, quorum a cæteris qui ex laicis ordinati sunt in hoc causa diversa est, quod eorum ordinationi atroces tumultus, et sævæ seditiones memorantur esse famulatæ, vestro iudicio cuncta commisimus, ut relata habiti apud vos examinis fide quid de supradictis statuendum sit, scire possimus. Ille autem famulæ Dei quæ integritatem pudoris oppressione barbarica perdidit, laudabiliores erunt in humilitate ac verecundia si se incontaminatis non audeant comparare virginibus. Quamvis enim omne peccatum ex voluntate nascatur, et potuerit corruptione carnis mens invita non pollui, minus tamen eisdem oberit, si quod potuerint animo non amittere doleant se vel corpore perdidisse. Cum itaque de omnibus fere quæ fratris nostri Potentii relatio continebat plenissime dilectionem vestram per David fratrem et coepiscopum nostrum, qui et sacerdotii merito nobis est probatus, et moribus videatis instructam. Superest, fratres, ut concordia obedientia salubres suscipiatis hortatus, et nihil per contentionem agentes, sed ad omne studium devotionis unanimis divinis et apostolicis constitutionibus pareatis, et in nullo patiamini pia canonum decreta violari. Quæ enim nunc certarum remisimus consideratione causarum, antiquis deinceps custodienda sunt regulis, ne quod ad tempus pia lenitate concessimus, iusta post hæc ultione plectamus.

LXVI. *Leo papa de privilegio episcoporum sive presbyterorum ad universos Germaniæ atque Galliæ ecclesiarum episcopos.*

Cum in Dei nomine in Romana Ecclesia synodum episcoporum sive cæterorum consacerdotum Christianique fidelium coadunatum habuissemus, et de ordinationibus illicitis, super quibus crebrior ad nos illarum partium commeatium sermo pervenerat, atque de aliis necessitatibus ecclesiasticis negotiis tractantes, sacrosque canones relegentes solerter egissemus, a multis lacrymabili vultu relatum est nobis, quod quidam Germaniarum ac Galliarum urbium episcopi frequenter coepiscopos, qui juxta canones Neocæsarienses, sive secundum aliorum decreta Patrum iidem sunt qui et presbyteri vel presbyteros destinarent, qui absente pontifice altaria erigerent, basilicasque consecrarent. Quod quidem non est mirum id præcepisse viros ecclesiasticæ disciplinæ ignaros quod est canonicæ regulæ contrarium, et statim a sæculari militia in sacerdotalē



ministerium delegatos atque promotos. Ergo ne ultra talis a vobis licentia usurpetur communi sententia, statuendum oportuit scientes quia, sicut coepiscopo vel presbytero illicita consecratio est altaris, ita et constitutio. In divinis enim litteris præcipiente Domino, solus Moyses in tabernaculo Dei erexit altare, solus ipse unxit, qui utique summus sacerdos Dei erat, sicut scriptum est de eo: « Moyses et Aaron in sacerdotibus ejus (*Psal. xcvm, 6*). » Ideoque id quod tantum facere principibus sacerdotum jussum est, quorum typum Moyses et Aaron tenuerunt, omnino decretum est ut coepiscopi vel presbyteri qui filiorum Aaron gestant figuram arripere non præsumant. Nam quamvis cum episcopis plurima illis ministeriorum communis sit dispensatio, quædam tamen auctoritate veteris legis, quædam novæ etiam ecclesiasticis regulis sibi prohibita noverint, sicut presbyterorum et diaconorum, aut virginum consecratio, sicut constitutio altaris ac benedictio vel unctio. Siquidem nec erigere eis altaria, nec ecclesias vel altaria consecrare licet, nec per impositiones manuum fidelibus baptizandis vel conversis, vel ex hæresi paracletum Spiritum sanctum tradere, nec chrisma conficere, nec chrismate baptizatorum frontes signare, nec publice quidem in missa quemquam pœnitentem reconciliare, nec formatas cuilibet epistolas mittere. Hæc enim omnia illicita sunt coepiscopis, qui ad exemplum et formam septuaginta discipulorum esse noscuntur, vel presbyteris qui eandem gestant figuram. Quoniam quanquam consecrationem habeant, pontificatus tamen apicem non habent. Quæ omnia solis debere summis pontificibus auctoritate canonum præcipitur, ut per hoc et discretio graduum, et dignitatis fastigium summi pontificis demonstretur. Sed neque coram episcopo licet presbyteris in baptisterium introire, nec præsentem antistitem infantem tingere, aut signare, nec pœnitentem sine præceptione episcopi sui reconciliare, nec eo præsentem, nisi illo jubente sacramentum corporis et sanguinis Christi conficere, nec eo coram posito populum docere, vel benedicere aut salutare, nec plebem utique exhortari, in eos specialius et propensius commovendi qui in episcopis ordinandis sanctorum Patrum statuta neglexerint, et quos refutare debuerant, consecrarint. Unde si qui episcopi talem consecraverint sacerdotem, qualem non liceat, etiamsi aliquo modo damnum proprii honoris evaserint, ordinationis tamen jus ulterius non habebunt, nec ei sacramento interesse, quod neglecto divino iudicio immerito præstiterit. Illud sane quod ad sacerdotalem pertinet dignitatem, inter omnia volumus canonum statuta servari. Cum ubi minores sunt plebes, minoresque conventus, presbyterorum cura sufficiat. Episcopalia autem gubernacula non nisi majoribus populis, et frequentioribus civitatibus oporteat præsidere, ne quod sanctorum Patrum divinitus inspirata decreta vetuere vinculis, et possessionibus vel obscuris et solitariis municipiis tribuatur sacerdotale fastigium, et **218** honor cui

A debent excellentiora committi, ipse sui numerositate vilescat. Quod nunc in sua diœcesi restitutus episcopus factum esse causatus est, et rationabiliter postulavit, ut episcopi eorum locorum, in quibus non debuerant ordinari humana conditione decesserint, loca ipsa ad jus ejus antistitis redigantur. Cujus ante fuerant ante priora. Et inutile est ut sacerdotalis dignitas inconsiderata ordinantis facilitate et superflua multiplicatione minuatur. De his autem quæ in sacro virginitatis proposito constitutæ barbaricam pertulere violentiam, et integritatem pudoris, non animo, sed corpore perdidere, ea nobis servanda videtur moderatio, ut neque in viduarum dejiciantur gradum, nec in sacrarum et perseverantium virginum numero censeantur. Quibus si in omnibus virginalibus perseverant et castimonie soliditatem mente custodiunt sacramentorum non cessanda communio, quia injustum est eas in eo argui, vel notari, quod non voluntas admisit, sed vis hostilis eripuit. Causam quoque Lupicini episcopi illic jubemus audiri. Cui multum et sæpius postulanti communionem hac ratione reddidimus, quoniam ad nostrum iudicium provocasset immerito cum pendente negotio a communione videbamus fuisse suspensum. Adjectum etiam illud est quod huic temere superordinatus esse cognoscitur, qui non debuit ordinari antequam Lupicinus in præsentem positus, aut confutatus, aut certe confessus, justæ posset subjacere sententiæ, ut vacantem locum, quemadmodum disciplina ecclesiastica exigit, is qui consecratur, exciperet. Sive vero aliæ emerserint causæ quæ ad statum ecclesiarum, et ad concordiam pertineant sacerdotum, illic sub timore Domini volumus ventulentur, et de componendis atque compositis omnibus ad nos relatio plena mittatur, ut ea quæ juxta ecclesiasticum morem juste et rationabiliter fuerint definita, mea quoque sententia roborentur. Data quarto Idus Augusti.

LXVII. — *Ad episcopos per Viennensem provinciam constitutos.*

LEO dilectissimis fratribus universis episcopis per Viennensem provinciam constitutis.

Divinæ cultum religionis, quem in omnes gentes, omnesque nationes Dei voluit gratia coruscare, ita Dominus noster Jesus Christus humani generis D Salvator instituit, ut veritas quæ antea legis et prophetarum præconio continebatur, per apostolicam tubam in salutem in universitatis exiret, sicut scriptum est: « In omnem terram exivit sonus eorum, et in fines orbis terræ verba eorum (*Psal. xviii, 3*). » Sed hujus muneris sacramentum ita Dominus ad omnium apostolorum officium pertinere voluit, ut in beatissimo Petro apostolorum omnium summo principaliter collocaret, ut ab ipso quasi quodam capite dona sua velut in corpus omne diffunderet, ut exsortem se mysterii intelligeret esse divini, qui ausus fuisset a Petri soliditate recedere. Hunc enim in consortium individue unitatis assumptum id quod ipse erat, voluit dominari, di-

cendo : « Tu es Petrus et super hanc petram ædificabo Ecclesiam ineam (*Matth. xvi, 18*), » ut æterni ædificatio templi mirabili munere gratiæ Dei in Petri soliditate consisteret. Hac Ecclesiam suam firmitate corroborans ut illam, nec humana temeritas posset appetere, nec portæ contra illam inferi prævalerent. Verum hanc petræ istius sacratissimam firmitatem, Deo, ut diximus, ædificante, constructam nimis impia vult præsumptione violare quisquis ejus potestatem tentat infringere, favendo cupiditatibus suis, et id quod accepit a veteribus non sequendo, cum nulli se subditum legi, nullis institutionis Dominicæ credit regulis contineri, a vestro nostroque per novæ usurpationis ambitum more desciscens, præsumendo illicita, et quæ custodire debuit negligendo. Verum hæc nos Deo, ut credimus, aspirante servata circa vos nostræ charitatis gratia quam sanctitati vestræ apostolica semper sedes, ut meministis impendit, nitimur consilio maturiore corrigere, et vestrarum Ecclesiarum statum communicato vobiscum labore componere, non nova instituentes, sed vetera renovantes, ut in status consuetudine quæ nobis a nostris Patribus est tradita perduremus, et de nostro per boni operis ministerium, remotis perturbationum scandalis, placeamus. Nobiscum itaque vestra fraternitas recognoscat apostolicam sedem pro sui reverentia a vestræ etiam provinciæ sacerdotibus innumeris relationibus esse consultam, et pro diversarum, quemadmodum vetus consuetudo poscebat, appellatione causarum, aut retractata aut confirmata fuisse judicia, adeo ut servata unitate spiritus in vinculo pacis commeanantibus, hinc inde litteris quo sanctæ agebatur perpetuæ proficeret charitati. Quam sollicitudo nostra non sua quærens, sed quæ sunt Christi, dignitatem divinitus datam, nec ecclesiis nec ecclesiarum sacerdotibus arrogabat. Sed hunc tramitem semper inter majores nostros et beneficentum et salubriter constitutum, Hilarius ecclesiarum statum et concordiam sacerdotum novis præsumptionibus turbaturus excessit, iterum suæ vos cupientes subdere potestati, ut se beato apostolo Petro non patiaturs esse subjectum, ordinationes sibi omnium per Gallias ecclesiarum vindicans, et debitam metropolitans sacerdotibus in suum jus transferens dignitatem, ipsius quoque beatissimi Petri reverentiam verbis arrogantioribus minuendo, cui cum præ cæteris solvendi, et ligandi tradita sit potestas, pasceendarum tamen ovium cura specialis mandata est. Cui quisquis principatum æstimat denegandum, illius quidem nullo modo potest minuire dignitatem, sed inflatus spiritu superbiæ suæ semetipsum in inferna demergit. Quæ igitur apud nos in causa Celedonii episcopi gesta confecta sint et quæ Hilarius dixerit dum cum eodem præsentem supradicto episcopo audiretur, inditus chartis rerum ordo demonstrat. Ubi postquam Hilarius rationabile quod in sanctorum concilio sacerdotum posset respondere non habuit, ad ea se occulta cordis ipsius transtulerunt, quæ nullus laicorum dicere,

nullus sacerdotum posset audire. Doluimus, fateor, fratres, et hunc ejus meritis timorem medelis patientiæ nostræ curare tentavimus. Nolebamus enim ea illi exacerbare vulnera quæ suæ animæ insolentibus subinde sermonibus infligebat, et quem suscepimus ut fratrem, delinire magis ipsum, quamvis ipse suis responsionibus invitaret, quam contristare interlocutionibus nitebamur. Absolutus est Celedonius episcopus, quoniam se injuste sacerdotio fuisse dejectum manifeste testium responsione ipso etiam præsentem monstraverat, ita ut quod Hilarius nobiscum residens posset opponere non haberet. Remotum est ergo judicium quod prolatum in hac sententia legebatur, quo tanquam viduæ maritus sacerdotium tenere non posset. Quod nos quidem servantes legalia constituta sollicitius volumus custodiri non solum circa sacerdotes, sed circa clericos quoque minoris officii, ne ad sacram militiam hi permittantur accedere, quibus sit tale conjugium, vel contra apostolicam disciplinam non unius tantum uxoris viri fuisse monstrentur. Sed sicut eos quod factum suum non potest excusare, aut non admittendos, aut si fuerint decernimus removendos, ita quibus hoc falsum objicit, ab ea necesse est examinatione purgemus, et suum officium perdere non sinamus. Mansisset namque in illum prolata sententia, si obsectorum veritas exstitisset. Redditus itaque est ecclesiæ suæ, et huic quam amittere non debuit dignitati coepiscopus noster Celedonius, sicut gestorum series et post decursam cognitionem sententia quæ a nobis est prolata testatur. Huic negotio sic finito fratris et coepiscopi nostri projecti querela successit. Cujus ad nos litteræ lacrymabiles et dolendæ desuper ordinato sibi episcopo sunt directæ. Epistola quoque ingesta est civium ipsius et numerosa subscriptione singulorum firmata invidiosissimis contra Hilarium plena querimoniis, quo projecto episcopo suo ægrotare liberum non fuisset, ejusque sacerdotium in alium præter suam notitiam esse translatum, et tam qui in vacuum possessionem ab Hilario perversore hæredem viventis inductum. Quid hic fraternitas vestra sentiat cuperemus audire, quanquam de vestris animis nostra non debeat sententia dubitare, cum fratrem in lectulo constitutum, non tam infirmitate corporis aggravari, quam alio videatis dolore torqueri, quæ spes illi de vita relinquitur, cui de sacerdotio suo, dum illi aliter substituitur, irrogatur desperatio? Apparet ergo quam mitis sit corde Hilarius, qui obesse præsumptioni suæ fraternæ mortis credidit tarditatem. Quantum enim in se fuit, illi subtraxit lucem, abstulit vitam, quæ hunc dolorem in locum ejus, alterum subrogando, ne ad salutem illi recursus esset, iniecit. Esto ut brevis fratri eveniret humane conditionis consueta migratio, quid sibi Hilarius quærit in aliena provincia, et id quod nullus decessorum ipsius aut Patroclus habuerit cur usurpat, cum et ipsum quod Patroclo a sede apostolica temporaliter videbatur esse concessum, postmodum sit senten-



tia meliore sublatum? Expectaretur certe vota civium, testimonia populorum, quaereretur honoratorum arbitrium, electio clericorum, qui in sacerdotum solent ordinationibus ab his quæ norunt Patrum regulas custodiri, ut apostolicæ auctoritatis norma in omnibus servaretur, quæ præcipit ut sacerdos ecclesiæ præfutura non solum attestazione fidelium, sed etiam eorum qui foris sunt testimonio, muniatur neque ullius scandali relinquatur occasio, cum per pacem et Deo placitam concordiam consonis omnium studiis, qui doctor pacis futurus est, ordinatur. Sed insperatus nescientibus supervenit et improvisus abscessit, cursu, ut didicimus, celeri, itinera multa conficiens, et per longinquas provincias tanta immaturitate discurrens ut videatur gloriam de scurrili velocitate potius quam sacerdotali moderatione captasse. Hæc enim directorem ad nos civium verba sunt litterarum. Ante abscessit quam eum venisse nossemus. Non est hoc redire, sed fugere, nec salubritatem impendere diligentiae pastoralis, sed vim inferre latronis et furis, dicente Domino: « Qui non intrat per januam in curtem ovium, sed ascendit aliunde, hic fur et latro est (Joan. x, 1). » Non ergo Hilarius tam studuit episcopum consecrare, quam eum potius qui ægotabat occidere, et ipsum quem superposuit male ordinando decipere. Nos tamen quod vobis credimus Deo iudice placiturum, in communione cunctis fratribus consulentes, et male ordinatum subinvereri et episcopum et projectum in suo sacerdotio permanere debere decrevimus. Id statuentes, ut si quisquam fratrum nostrorum in quacunque provincie decesserit, is sibi ordinatione vindicet sacerdotis, quem illius provincie metropolitanum esse constituerit, quia, ut videmus, causæ transactæ sunt, in quibus enim multa sunt, quæ præter rationem ecclesiasticam videantur esse commissa, et iusti iudicii debeant expectare censuram. Sed nos diutius hic non possumus immorari, cum ad alia quæ nobiscum vestra sanctitate conferenda sunt, provocemur. Militaris manus, ut didicimus, per provincias sequitur sacerdotem, et armatis præsumptione suffultum ad invadendas famulatus ecclesias quæ proprios amiserint. Trahuntur ordinandi ante hoc officium his quibus præficiendi sunt civitatibus ignorati. Ut enim notus qui fuerit probatus per pacem petitur, ita per vim necesse est qui ignotus adducitur, imponatur. Obtestor et obsecro, et sub Dei vos invocatione convenio, prohibere, fratres, Italia, et omnem dissensionis materiam de vestris provinciis remove. Certe nos ante Deum absolvimus, qui vos ne permittatis ultra hæc fieri convenimus. Per pacem et quietem sacerdotes, qui futuri sunt postulentur. Teneatur subscriptio clericorum, honoratorum testimonium, ordinis consensus et plebis. Qui præfutura est omnibus ab omnibus eligatur. Ordinationem sibi, ut ante jam diximus, singuli metropolitani suarum provinciarum cum his qui ceteros sacerdotii antiquitate præveniunt, restituito

A sibi jure defendant. Alienum jus alter sibi non audeat vindicare. Suis limitibus, suis terminis, sit unusquisque contentus. Et privilegium sibi debitum in alium transferre se nosse noverit non licere. Quod si quis negligens apostolicas sanctiones, plus gratiæ tribuens personali, sui honoris desertor esse voluerit, privilegium suum in alium transferre posse se credens, non is cui cesserit, sed is qui intra provinciam antiquitate episcopali cæteros  
 219 prævenit sacerdotes ordinandi sibi vindicet potestatem, non quæ passim, sed die legitimo celebretur. Nec sibi constare status sui noverit firmitatem, qui non die sabbati vespere, quod luceat in primam sabbati vel ipso Dominico die fuerit ordinatus. Solum enim majores nostri resurrectionis Dominicæ diem honore dignum iudicavere, ut sacerdotes qui sumuntur hoc die potissimum tribuantur. Suis una, quæque provincia sit contenta consiliis, nec ultra Hilarius audeat conventus indicere synodales, et sacerdotum Domini judicia se interserendo turbare, qui non tantum noverit se ab alieno jure depulsum, sed etiam Viennensis provincie quam male usurpaverat potestate privatum. Dignum est enim, fratres, antiquitatis statuta reparari, cum is qui sibi ordinationem provincie indebitæ vendicabat, talis in præsentem etiam probatus fuerit, ut cum ipse frequentius temerariis et insolentibus verbis sententiam damnationis expeteret, suæ tantum civitatis illi sacerdotium pro sedis apostolicæ pietate præceptio nostra servaverit. Non ergo sit illi ordinationi non ordini, qui meriti sui conscius cum quaeretur ad accusandum, turpi fuga se credit subtrahendum ex oris apostolicæ communionis, cuius particeps esse non meruit, Deo, ut credimus, hoc agente, qui illum opinantibus nobis et ad iudicia nostra pertraxit, et inter examinationes habitas, ne communionis nostræ consors fieret, ut abscederet latenter effecit, nulli Christianorum facile communio, denegetur, nec ad indignantis fiat hoc arbitrium sacerdotis quid in magni reatus ultionem invitus et dolens quodammodo debet animus vindicantis. Cognitionem enim pro commissis et levibus verbis quosdam a gratia communionis exclusos, et animam pro qua Christi sanguis effusus est, irrogatione tam sævi supplicii sauciata, et inermem quodammodo, exitumque omni munimine diabolicis incursibus, ut facile caperetur, objectam. Certe si quando causa talis emergerit, ut pro commissi criminis qualitate aliquem iuste faciat communionem privari, is tantum pene subdendus est, quem reatus involvit, nec particeps esse supplicii, qui consors non docetur commissi. Sed quid mirum eum in laicos talem existere, qui soleat sacerdotum dominatione gaudere? Unde quia nostra longe alia videtur intentio, nam omnium ecclesiarum statum et concordiam custodiri cupimus sacerdotum, ad unitatem vos vinculo charitatis hortantes obtestamur, et affectione congrua commovemus, ut ea quæ a nobis Deo inspirante et beatissimo Petro apostolo discussis probatisque nunc om-

nibus causis decreta sunt, pro vestra pace et dignitate servetis, certi non tam nostro honori proficere quod talia statuisset cognoscimur. Non enim nobis ordinationes vestrarum provinciarum defendimus quod potest forsitan ad depravandos vestrae sanctitatis animos Hilarius pro suo more mentiri, sed per vestram sollicitudinem vindicamus, ne quid ulterius liceat novitati, nec præsumptori locus ultra jam pateat privilegia nostra cassandi. Nostræ enim gratulationi hoc solum crescere profitemur, si apostolicæ sedis diligentia apud vos illibata servetur, et per sacerdotalis disciplinæ custodiam ori vestro perire quod suum est pro novis usurpationibus non sinamus. Et quoniam honoranda est semper antiquitas, fratrem et coepiscopum nostrum Leontium probabilem sacerdotem, hac, si vobis placet, dignitate volumus decorari, ut præter ejus consensum alterius provinciae non indicatur a vestra sanctitate concilium, et a vobis omnibus, quemadmodum vetustas ejus et probitas exigit, honoretur metropolitanis privilegii sui dignitate servata. Æquum est enim nec ulli fratribus fieri videtur injuria, si his qui vetustate præcedunt, pro ætatis suæ merito in suis provinciis a sacerdotibus cæteris deferatur. Deus vos incolumes custodiat, fratres mei.

LXVIII.—*Ad Ravennium Arelatensem archiepiscopum.*

Profectionem dilectionis tuæ quæ summi sacerdotii adepta est dignitate ita nobis placere cognosce, ut non solum tibi de honoris augmento, sed etiam Arelatensi Ecclesiae, cui te Dominus præposuit, gaudeamus. Ad omnium enim fidelium decus atque utilitatem redundat cum talis habetur antistes, cujus plurimi et adjuventur præsidio, et incitentur exemplo. Unde quia non ignoras quid de sinceritate animi tui secundum præsentem notitiam senserimus justitiæ nos agnoscitis exigere, ut quod præsumimus hoc probemus, frater charissime. Modestiae igitur tuæ non auctoritas constantiam, sed mansuetudo commendet, justitiam lenitas temperet, patientia contineat libertatem, et declinata superbia cui proximum est, ut decidat ametur humilitas cui semper debetur ut crescat, ecclesiasticarum legum non ignara est delectio tua, ut intra earum regulas atque mensuras omnia potestatis tuæ jura contineas. « Justo » tamen dicitur, « lex non est posita (I Tim. I, 9), » quia normam præceptionis implet judicio voluntatis, cum verus recti amor in semetipso habet et apostolicas auctoritates et canonicas sanctiones. Quarum devotus sectator et diligens exsecutor in eorum procul dubio consortio gloriaberis, qui de creditorum sibi profectibus talentorum audire meruerunt: « Euge, serve bone et fidelis, quia super pauca fuisti fidelis, supra multa te constituam: intra in gaudium Domini tui (Matth. xxvii, 21). » Ut autem fiduciam dilectionis erga te nostræ habere non dubites, sæpius nos de processu actuum tuorum facias certiores, quoniam judicii nostri memores cupimus semper de tuis profectibus in Domino gloriari, Deus te incolumen custodiat, frater charissime.

LXIX.—*Ad Theodorum Forojuliensem episcopum.*  
LEO THEODORO episcopo Forojulensi.

Sollicitudinis quidem tuæ is ordo esse debuerat, ut cum metropolitano tuo primitus, de eo quod quaerendum videbatur esse, conferres, ac si id quod ignorabat dilectio tua, etiam ipse nesciret, instrui vos pariter posceretis, quia in causis quæ ad generalem observantiam pertinent omnium Domini sacerdotum sine primatibus oportet inquiri. Sed, ut quoquo modo instruat ambiguitas consulentis, quid de poenitentium statu ecclesiastica habeat regula non tacebo. Multiplex misericordia Dei ita lapsibus subvenit humanis, ut non solum per baptismi gratiam, sed etiam per poenitentiae medicinam spes vitæ reparetur aeternæ, et qui regenerationis donum violasset proprio se judicio condemnantes ad remissionem criminum pervenirent, sic divinæ bonitatis præsidii ordinatis, ut indulgentia Dei, nisi supplicatione sacerdotum nequeat obtineri. Mediatorem enim Dei et hominum, homo Christus Jesus, hanc præpositis Ecclesiae tradidit potestatem, ut et confitentibus actionem poenitentiae darent, et salubri satisfactione purgatos communionem sacramentorum per januam reconciliationis admitterent. Cui utique operi ipse Salvator intervenit, nec unquam ab his abest quæ ministris suis exsequenda commisit, dicens: « Ecce ego vobiscum sum omnibus diebus usque ad consummationem sæculi (Matth. xxviii 20), » ut si quid per servitutem nostram bono ordine et gratulando impletur effectum, non ambigamus per Spiritum sanctum fuisse donatum. Si autem aliquis eorum pro quibus Domino supplicamus quocunque interceptus obstaculo a munere indulgentiæ præsentis exciderit, et priusquam ad constituta remedia perveniret, temporalem vitam humana conditione finierit, quod manens in corpore, non receperit consequi, exutus carne non poterit. Nec necesse est nobis eorum qui sic obierint merita actusque discutere, cum Dominus Deus noster, cujus judicio nequeunt comprehendendi, quod sacerdotali ministerium implere non potuit suæ justitiæ reservaverit. Ita potestatem suam timere volens ut hic terror omnibus prosit, et quod quibusdam tepidis aut negligentibus accidit, nemo non metuat, multum enim utile ac necessarium est, ut peccatorum reatus ante ultimum diem sacerdotali supplicatione solvatur. His autem qui in tempore necessitatis et in periculi urgentis instantia præsidium poenitentiae et mox reconciliationis implorant, nec satisfactio interdicenda est, nec reconciliatio deneganda, quia misericordiae Dei nec mensuras possumus ponere, nec tempora definire, apud quem nullas patitur venire moras conversio, dicente Spiritu Dei per prophetam: « Cum conversus ingemueris, tunc salvus eris (Ezech. iii, 24). » Et alibi: « Dic tu iniquitates tuas ut justifice- ris (Psal. xxxi, 5); » et iterum: « Quia apud Dominum misericordia est, et copiosa apud eum redemptio (Psal. cxxix, 7). » In dispensandis itaque Dei donis non debemus esse difficiles, nec accusantium



se lacrymas gemitusque negligere, cum ipsam poenitentiam ex Dei credamus inspiratione conceptam, dicente Apostolo: « Ne forte det illis Deus poenitentiam ut respiciant a diaboli laqueis, a quo capti tenentur ad ipsius voluntatem (*II Tim. II, 26*). » Unde oportet unumquemque Christianum conscientiae suae habere iudicium, ne converti ad Dominum de die in diem differat, nec satisfactionis sibi tempus in fine vitae suae constituat, quem periculose ignorantia humana concludit, ut ad paucarum horarum se reservet incertum, et cum possit pleniore satisfactione indulgentiam promereri, illius temporis angustias eligat, quo vix inveniat spatium vel confessio poenitentis vel reconciliatio sacerdotis. Verum, ut dixi, etiam talium necessitati ita auxiliandum est, ut nec actio illis poenitentiae, nec communionis gratia denegetur, si eam etiam amisso vocis officio per iudicium integri sensus quaerere comprobentur, quod si aliqua in aegritudine ita fuerint aggravati, ut quod paulo ante poscebant, sub praesentia sacerdotis significare non valeant, testimonia eis fidelium circumstantium prodesse debebunt, ut simul et poenitentiae et reconciliationis beneficium consequantur, servata tamen regula canonum patrum circa eorum personas qui in Deum a fide discedendo peccarunt. Haec autem, frater, quae ad interrogationem dilectionis tuae, ideo respondi, ne aliquid contrarium sub ignorantiae excusatione gereretur in metropolitani tui notitiam facies pervenire, ut si qui forte sunt fratrum qui de his antea putaverant ambigendum, per ipsum de omnibus quae ad te scripta sunt, instruantur.

LXX. — *Ad Rusticum Narbonensem episcopum.*  
LEO episcopus, Rustico Narbonensi episcopo.

Epistolas fraternitatis tuae quas Hermes archidiaconus tuus detulit libenter accepi, diversarum quidem causarum connexionem multiplices, sed non ita patientiae onerosas ut aliquid earum per incurrentes undique sollicitudines fuerit praetermissum. Unde totius sermonis tui allegatione comperta et gestis quae in episcoporum honoratorumque examine confecta sunt recensitis, Saviniano et Leoni presbyteris actionis suae intelleximus fiduciam defuisse, nec eis justam superesse querimoniam qui se ab inchoatis disceptationibus sponte subdlexerint. Circa quos quam formam quamve mensuram debeas tenere iustitiae tuo relinquo moderamini, suadens tamen charitatis hortatu ut sanandis aegris spiritualem adhibere debeas medicinam, et dicente Scriptura: « Noli esse nimium justus (*Eccli. XXI, 20*) » mitius agas cum eis qui impudicitiae zelo videntur modum excessisse vindictae, ne diabolus qui decepit adulteros de adulterii exsulet ulioribus. Miror autem dilectionem tuam in tantum scandalorum quacunque occasione noscentium adversitate turbari, ut vacationem ab episcopatus laboribus optare te dicas, et male in silentio atque otio vitam degere, quam in his quae tibi commissa sunt permanere. Dicente vero Domino: « Beatus qui perseveraverit usque in finem (*Matth. XXIV, 13*). »

A Unde beata erit perseverantia, nisi de virtute patientiae? Nam secundum apostolicam praedicationem, « omnis qui voluerit pie vivere in Christo Jesu persecutionem patietur (*II Tim. III, 12*). » **220** Quae non in eo tantum computanda, quod contra Christianam pietatem aut ferro, aut ignibus agitur, aut quibuscunque suppliciis, cum persecutionum saevitiam suppleant et dissimilitudines morum, et contumaciae inobedientia, et malignarum tela linguarum, quibus conflictationibus cum omnia semper Ecclesiae membra pulsantur, et nulla piorum portio hic a tentatione sit libera, ita ut periculis nec otia careant, nec labores. Quis inter fluctus maris naves dirigit, si gubernator abscedat? Quis ab insidiis luporum oves custodiet, si pastoris cura non vigilet? Quis denique latronibus obsistet et furibus si speculatorem in conspectu explorationis locatum, ab intentione sollicitudinis amor quietis abducat? Permanendum ergo in opere est credito et in labore suscepto. Constanter tenenda est iustitia, et benigne praestanda clementia. Odio habeantur peccata non homines. Nunc corripiantur timidi, nunc tolerantur infirmi et quod in peccatis severius castigare necesse est, non saevientis plectatur animo sed medentis. At si vehementior tribulatio incubuerit, non ita expavescamus quasi illi adversitati propriis sit viribus resistendum, cum et consilium nostrum et fortitudo sit Christus, ut, sine quo nihil possumus, per ipsum cuncta possimus, quia confirmans praedicatores Evangelii, et sacramentorum ministros. « Ecce ego, inquit, vobiscum sum usque ad consummationem saeculi (*Matth. XXVIII, 20*). » Et iterum: « Haec, inquit, locutus sum vobis ut in me pacem habeatis. In mundo autem tribulationes habebitis, sed bono animo estote, quia ego vici mundum (*Joan. XVI, 33*). » Quae pollicitationes quia sine dubitatione manifeste sunt, nullis debemus scandalis infirmari ne electioni Dei videamur ingrati, cujus tam potentia sunt adjutoria quam vera promissa. De consultationibus autem dilectionis tuae quas separatim conscriptas archidiaconus tuus detulit, quid sentiendum sit inter praesentes opportunius quaeretur si nobis tui conspectus copia proveniret. Nam cum quaedam interrogationes modum diligentiae videantur excedere, intelligo eas colloquiis aptiores esse quam scriptis. Quia sicut quaedam sunt quae nulla possunt traditione convelli, ita multa sunt, quae aut pro consideratione aetatum, aut pro necessitudine rerum oporteat temperari, illa semper conditione servata, ut in his quae vel dubia fuerint aut obscura, id noverimus sequendum, quod ne praecipis evangelicis contrarium, nec decretis sanctorum Patrum inveniatur adversum.

INCIPIUNT AD INQUISITIONEM EJUSDEM EPISCOPI SUBJECTA RESPONSA.

*Quod non habeantur episcopi, quos nec clerus elegit, nec populus exquisivit, nec provinciales episcopi consecrarunt.*

Nulla ratio sinit, ut inter episcopos habeantur, qui

nec a clericis sunt electi, nec a plebibus expetiti, nec a provincialibus episcopis cum metropolitani iudicio consecrati. Unde cum sæpe quaestio de male accepto honore nascatur, quis ambigat nequaquam istis esse tribuendum, quod non doceatur fuisse collatum? Si qui autem clerici ab istis pseudoepiscopis in eis ecclesiis ordinati sunt, quæ ad proprios episcopos pertinebant, et ordinatio eorum consensu et iudicio præsentium facta est prout rata haberi, ita ut in ipsis Ecclesiis perseverent. Aliter autem vana est habenda ordinatio, quæ nec loco fundata est, nec auctore munita.

*Quod presbyteri aut diaconi, si in aliquo crimine delapsi fuerint, non possunt per manus impositionem penitendi remedium consequi.*

Alienum est a consuetudine ecclesiastica, ut qui presbyteralem honorem aut diaconi gradum fuerint consecuti, hi qui pro crimine aliquo suo per manus impositionem remedium accipiant penitendi, quod sine apostolica traditione descendit, secundum quod scriptum est: « Sacerdos si peccaverit quis orabit pro eo (Levit. v, 18). » Unde huiusmodi lapsis ad promerendam misericordiam Dei privata est expectanda secessio, ubi illis satisfactio digna sit etiam fructuosa.

*Quod diaconus sicut episcopus et presbyter cessare debet ab opere conjugali, non tamen repudiare conjugia.*

Lex continentiae eadem est ministris altaris quæ episcopis atque presbyteris. Qui cum essent laici sive lectores, licite et uxores ducere et filios procreare potuerunt. Sed cum ad prædictos pervenerint gradus, coepit eis non licere quod licuit. Unde ut de carnali fiat spirituale conjugium, oportet eos nec dimittere uxores et quasi non habeant sic habere, quod et salva sit charitas conjugiorum, et cessent opera nuptiarum.

*Quod aliud sit uxor, aliud concubina, nec erret quisquam si filiam suam in matrimonium concubinam habenti tradiderit.*

Non omnis mulier juncta viro uxor est viri, quia nec omnis filius hæres est patris. Nuptiarum autem fœdera inter ingenuos sunt legitima et inter æquales, multo prius hoc ipsum Domino constituyente quam initium Romani juris exstiterit. Itaque aliud uxor, aliud concubina, sicut aliud ancilla, aliud libera. Propter quod etiam Apostolus ad manifestandarum harum personarum discretionem testimonium ponit ex Genesi ubi dicitur Abraham: « Ejice ancillam et filium ejus. Non enim hæres erit filius ancillæ cum filio liberæ (Gen. xxi, 10). » Unde societas nuptiarum ita ab initio constituta sit, ut præter servum conjunctionem haberent in se Christi et Ecclesiæ sacramentum, dubium non est eam mulierem non pertinere ad matrimonium in quo non docetur nuptiale fuisse mysterium. Igitur cujuslibet loci clericus, si filiam suam viro habenti concubinam in matrimonium dederit, non ita accipiendum est quasi de conjugato eam dederit, nisi forte illa mulier ingenua facta et dotata legitime et pœnitis nuptiis

honestata videatur. Paterno arbitrio viris junctæ carent culpa si mulieres quæ a viris habebantur in matrimonio non fuerint, quia aliud est nupta aliud concubina.

*Quod non sit conjugii duplicatio, quando ancilla rejecta assumitur uxor.*

Ancillam a toro abjicere et uxorem certæ ingenuitatis accipere, non duplicatio conjugii, sed perfectus est honestatis. Culpanda est talium negligentia, sed non penitus discutienda, ut crebris cohortationibus incitati quod necessarie expetierunt fideliter et exsequantur. Nemo enim desperandus est dum in corpore constituitur: quia nonnunquam quod diffidentia ætatis differtur, consilio maturiore perficitur.

*De communione privatis, et vita defunctis.*

Horum causa Dei iudicio reservanda est, in cujus manu fuit, ut talium obitus usque ad communionis remedium differretur. Nos autem quibus viventibus non communicavimus, mortuis communicare non possumus.

*De his qui penitentiam agere differunt.*

Dissimulatio hæc potest non de contemptu esse remedii, sed de modo gravius delinquendi, ut penitentia quæ dilata est cum studiosius petita fuerit non negetur, ut quoquo modo ad indulgentiæ medicinam anima vulnerata perveniat.

*Quod oporteat eum qui pro illicitis veniam poscit, etiam a multis licitis abstinere.*

Aliud quidem est debita juste reposcere, aliud propria perfectionis amore continere. Sed illicitorum veniam postulantem oportet multis etiam licitis abstinere, dicente Apostolo: « Omnia licent, sed non omnia expediunt (1 Cor. vi, 12). » Unde si penitens habet causam quam negligere non debeat, melius exigit ecclesiasticum quam forense iudicium.

*Quod penitenti nulla lucra negotiationis exercere conveniat.*

Qualitas lucris negotiantem aut excusat aut arguit, quia est honestus quæstus et turpis. Verumtamen penitenti melius est dispendia pati, quam periculis negotiationis obstringi, quia difficile est inter ementis vendentisque commercium non intervenire peccatum.

*Quod ad militiam sæcularem post penitentiam redire non debeat.*

Contrarium est omnino ecclesiasticis regulis post penitentiam actionem redire ad militiam sæcularem, cum Apostolus dicat: « Nemo militans Deo implicet se negotiis secularibus (II Tim. ii, 4), » unde non est liber laqueis qui se militiæ mundanæ voluerit implicare.

*Quod adolescens se urgente quocunque periculo penitentiam gessit, et non se contineat ab uxoris amplexu, potest remedium sustinere.*

In adolescentia constitutus, si urgente aut metu, aut captivitatis periculo penitentiam gessit, et postea timens lapsum incontinentiæ juvenis copulam uxoris elegit, ne crimen fornicationis incurreret, rem videtur fecisse venialem, si propter conjugem nullam



omnino cognoverit. In quo tamen non regulam constituimus, sed quid sit tolerabilius, æstimamus. Nam secundum veram cognitionem nihil magis ei congruit qui pœnitentiam gessit, quam castitas perseverans et mentis et corporis.

*Quod si quis propositum monachi deseruerit, publica sit satisfactione purgandus.*

Propositum monachi proprio arbitrio aut voluntate susceptum, deseriri non potest absque peccato. Quod enim quis vovit Deo, debet et reddere. Unde qui relicta singularitatis professione ad militiam, vel ad nuptias devolutus est, publicæ pœnitentiæ satisfactione purgandus est, quia etsi innocens militia, et honestum potest esse conjugium, electionem meliorum desernisse, transgressio est.

*Quod puellæ quæ non coactæ, sed voluntate propria virginitatis propositum susceperunt, delinquent cum nupserint, et si nondum fuerint consecratæ.*

Puellæ quæ non coactæ parentum imperio, sed spontaneo iudicio virginitatis propositum atque habitum susceperunt, si postea nuptias eligunt prævaricantur, et si consecratio non accessit, cuius utique non fraudarentur munere, si in proposito permanerent.

*De his quibus dubium est, utrum baptismum receperint, necesse est ut renascantur.*

Si nulla existant judicia inter propinquos aut familiares, nulla inter clericos atque vicinos, quibus hi de quibus quæritur, baptizati fuissent, doceantur, agendum est ut renascantur, ne manifeste pereant. In quibus quod non ostenditur gestum, ratio non sinit ut videatur iteratum. Qui autem possunt reminisci, quod ad ecclesiam veniebant cum parentibus suis, possent recordari an quod eorum parentibus dabatur, acceperint. Sed si hoc etiam ab eorum memoria alienum est, conferendum eis videtur quod collatum esse nescitur. Quia non temeritas intervenit præsumptionis, ubi est diligentia pietatis.

*Quod eos qui se baptizatos agnoscunt, sed in qua fide nesciunt, per manus impositionem suscipi conveniat.*

Si autem de quibus scripsisti non se baptizatos nesciunt, sed cuius fidei fuerint qui eos baptizavere se nescire profitentur, quolibet modo formam baptismatis acceperint, baptizandi non sunt, sed per manus impositionem invocata virtute Spiritus sancti quam ab hæreticis accipere non potuerunt, catholicis copulandi sunt.

*De his qui convivii gentilium et escis immolatis usi sunt.*

Si convivio solo gentilium et escis immolatis usi sunt, possunt jejuniis et manus impositione purgari, ut deinceps ab idololatriis abstinentes, sacrorum Christi possunt esse participes. Si autem idola adoravere aut homicidiis vel fornicationibus contaminati sunt, ad communionem eos, nisi per pœnitentiam publicam, non oportet admitti.

LXXI. — Ad Tornulum episcopum Astorigensem.

LEO TORNULO episcopo Austorigensi.

Quam laudabiliter pro catholice fidei veritate movearis, et quam sollicitè Dominico gregi devotionem

A officii pastoralis impendas tradita nobis per diaconum tuum fraternitatis tuæ scripta demonstrant, quibus lætitiæ nostræ insinuare curasti, qualis in regionibus vestris de antiquis pestilentie reliquiis error ac morbus exarserit. Nam et epistolæ sermo et commonitorii series et libelli tui textus demonstrat, Priscillianistarum fetidissimam apud vos recaluisse sentinam. Nihil est enim sordium in quorumque sensibus impiorum quod in hoc dogmate non confluerit, quoniam de omnium terrenarum opinionum luto multiplicem sibi fecerunt commiscuerunt, ut soli totum hiberent quidquid alii ex parte gustassent. Denique, si universæ hæreses quæ ante Priscilliani tempus exortæ sunt diligentius retractentur, nullus pene invenietur error, de quo non traxerit impietas ista contagium, quæ non commenta eorum receperit falsitas, qui ab Evangelio Christi sub Christi nomine deviaverunt tenebris etiam paganitatis immersi, ut per magicarum artium profana secreta, et mathematicorum vana mendacia religionis fidem, morumque rationem in potestate dæmonum et effectu siderum collocarent. Quod si credi liceat et doceri, nec virtutibus præmium, nec vitiiis pœna debetur, omniaque non solum humanarum legum, sed etiam divinarum constitutionem decreta solventur, quia neque de bonis neque de malis actibus ullum poterit esse iudicium, si in utramque partem fatalis necessitas motum mentis impellit, et quidquid ab hominibus agitur non est hominum, sed astrorum. Ad hanc insaniam pertinet prodigiosa illa totius humani corporis per duodecim cœli signa distinctio, ut diversis partibus diversæ præsideant potestates, et creatura, quam Deus ad imaginem suam fecit, in tanta sit obligatione siderum in quanta est connexione membrorum. Merito patres nostri, sub quorum temporibus hæresis hæc nefanda prorupit, per totum mundum instanter egere, ut impius furor ab universa Ecclesia pellere-  
C tur. Quando etiam principes mundi ita hanc sacrilegam amentiam detestati sunt, ut auctorem ejus ac plerosque discipulos legum publicarum ense prosternerent. Videbant enim omnem curam honestatis auferri, omnem conjugiorum copulam solvi, simulque divinum jus humanumque subverti, si hujusmodi hominibus usquam vivere cum tali professione licuisset. Et profuit diu ista districtio ecclesiasticæ lenitatis, quæ et si sacerdotali contenta  
D iudicio cruentas refugit ultiones, severis tamen Christianorum principum constitutionibus adjuvatur, dum ad spiritale nonnunquam recurrunt remedium qui timent corporale supplicium. Ex quo autem multas provincias hostilis occupavit irruptio, et executionem legum tempestates interdixere bellorum; ex quo inter sacerdotes Dei difficiles commeatibus et rari cœperunt esse conventus, invenit ad publicam perturbationem secreta perfidia libertatem, et ad multarum mentium subversionem his malis est incitata quibus debuit esse correctæ. Quæ vero illic aut quanta pars plebium pestis hujus aliena est, ubi, sicut charitas tua indicat, lethali morbo etiam quo-

rumdam sacerdotum corda corrupta sunt, et per quos opprimenda falsitas et defendenda veritas fuerat per ipsos doctrinæ Priscilliani Evangelium subditur Christi; ut ad profanos sensus pietate sanctorum voluminum depravata, sub nominibus prophetarum et apostolorum non hoc prædicetur, quod Spiritus sanctus docuit, sed quod diaboli minister inseruit. Quia ergo dilectio tuæ fidei quantum potuit diligentia damnatas olim opiniones decem et septem capitulis comprehendit, nos quoque strictim omnia retractemus, ne aliquid harum blasphemiarum aut tolerabile videatur aut dubium.

I. Primo itaque capitulo demonstratur quam impie sentiant de Trinitate divina, qui et Patris, et Filii, et Spiritus sancti unam atque eandem asserunt esse personam, tanquam idem Deus, nunc Pater, nunc Filius, nunc Spiritus sanctus nominetur, nec alius sit qui genuit, alius qui genitus est, alius qui de utroque processit, sed singularis unitas in tribus quidem vocabulis, sed non tribus sit accipienda personis. Quod blasphemiae genus de Sabellii opinione sumpserunt, cujus discipuli etiam Patripassiani merito nuncupantur, quia si ipse est Filius qui et Pater, crux Filii Patris est passio, et quidquid in forma servi Filius Patri obediendo sustinuit, totum in se Pater ipse suscepit. Quod catholicæ fidei sine ambiguitate contrarium est, quæ Trinitatem unitatis sic ὁμοῦσιον confitetur, ut Patrem et Filium et Spiritum sine confusione indivisus, sine tempore sempiternos, sine differentia credat æquales, quia unitate in Trinitatem non ex eadem persona, sed eadem implement essentia.

II. In secundo capitulo ostendit ineptum vanumque commentum de processionibus quarumdam virtutum ex Deo quas habere cœperit, et quas essentia sua ipse præcesserit. In quo Arianorum suffragantur errori dicentium quod Pater Filio prior sit, quia fuerit aliquando sine Filio, et tunc Pater esse cœperit, quando Filium genuerit. Sed sicut illos catholica Ecclesia detestatur, ita et istos qui putant unquam Deo id quod ejusdem est essentiae fuisse. Quem sicut mutabilem ita proficientem dicere nefas est. Quam enim mutatur quod minuitur, tam mutatur etiam quod augetur.

III. Tertii vero capituli sermo designat, quod idem impii asserant, ideo unigenitum dici Filium Dei, quia solus sit natus ex Virgine. Quod utique non auderent dicere, nisi Pauli Samosateni et Photini virus hausissent, qui dixere Dominum nostrum Jesum Christum, antequam nasceretur ex virgine Maria non fuisse. Si autem isti aliud de suo sensu intelligi volunt atque principium de matre dant Christo, asserant necesse est non unum esse Filium Dei, sed alios quoque ex summo Patre progenitos, quorum hic unus sit natus ex femina, et hic ob hoc appellatur unigenitus, quia hanc nascendi conditionem alius filiorum Dei nemo suscepit. Quoquo versum igitur se contulerint, in magnæ tendunt impietatis abruptum, si Christum Deum, vel ex matre volunt habere principium, vel Patris Dei unigenitum diffidenter, cum et de matre is natus

sit qui erat Deus Verbum, et de Patre nemo sit genitus præter Verbum.

IV. Quarto autem capitulo continetur quod natalem Christi, quem secundum susceptionem veri hominis catholica Ecclesia veneratur, quia « Verbum caro factum est, et habitavit in nobis (Joan. 1, 14), » non vere isti honorent, sed honorare se simulent, jejunantes eodem die sicut et die Dominico, qui est dies resurrectionis Christi. Quod utique ideo faciunt, quia Christum Dominum in vera hominis natura natum esse non credunt, sed per quamdam illusionem ostentata videri volunt, quæ vera non fuerint, sequentes dogma Cerdonis atque Marconis, et cognatis suis Manichæis per omnia concordantes. Qui sicut in nostro examine detecti atque convicti sunt, Dominicum diem quem nobis Salvatoris nostri resurrectione consecravit, exigunt in mœnore jejunii, soli, ut proditum est, reverentiæ hanc continentiam devotes, ut per omnia sint a nostræ fidei unitate discordes, et dies qui a nobis cum lætitia habetur, ab illis in afflictione ducatur. Unde dignum est ut inimici crucis Christi et resurrectionis talem accipiant sententiam qualem elegere doctrinam.

V. Quinto autem capitulo refertur quod animam hominis divinæ asserant esse substantiæ, nec a natura Creatoris sui conditionis nostræ distare naturam. Quam impietatem ex philosophorum quorundam et Manichæorum opinione manantem catholica fides damnat, sciens nullam tam sublimem tamque præcipuam esse facturam cui Deus ipse natura sit. Quod enim de seipso est, id est, quod ipse. Nec id aliud est quam Filius et Spiritus sanctus. Præter hanc autem summæ Trinitatis, unam consubstantialem et sempiternam atque incommutabilem deitatem, nihil omnium creaturarum est, quod non in exordio sui ex nihilo creatum sit. Non autem quidquid inter creaturas eminet Deus est, nec si quid magnum est atque mirabile hoc est quod ille « qui facit mirabilia magna solus (Psal. LXXI, 18). » Nemo hominum veritas, nemo justitia est, sed multi participes sunt veritatis et sapientiæ atque justitiæ. Solus autem Deus nullius participationis dignus est. De quo quidquid digne utcumque sentitur, non qualitas est sed essentia. Incommutabili enim nihil accedit, nihil deperit, quia esse illi quod est sempiternum semper est proprium. Unde in se manens innovat omnia, et nihil accipit quod ipse non dedit. Nimium igitur superbi, nimiumque sunt cæci, qui cum dicunt humanam animam divinam esse substantiam, non intelligunt nihil se aliud dicere quam Deum esse mutabilem, et ipsum perpeti quidquid potest naturæ ejus inferri.

VI. Sexta annotatio indicat eos dicere, quod diabolus nunquam fuerit bonus, nec natura ejus opificium Dei sit, sed eum ex chao et tenebris emersisse, quia scilicet nullum sui habeat auctorem, sed omnis mali ipse sit principium atque substantia, cum fides vera quæ est catholica omnium creaturarum, sive spiritualium, sive corporalium, bonam confiteatur substantiam, et mali nullam esse naturam, quia Deus, qui universitatis est conditor, nihil non bonum



fecit. Unde et diabolus bonus esset, si in eo quod factus est permaneret. Sed quia naturali excellentia male usus est, et in veritate non stetit, non in contrariam transiit substantiam, sed a summo bono cui debuit adhærere descivit, sicut ipsi qui talia asserunt a veris in falsa prouunt, et naturam in eo arguunt, in quo sponte delinquant, ac pro sua voluntaria perversitate damnantur. Quod utique in ipsis malum erit, et ipsum malum non erit substantia, sed pœna substantiæ.

VII. Septimo loco sequitur quod nuptias damnant et procreationem nascentium perhœrescant. In quo sicut pene in omnibus cum Manichæorum profanitate concordant. Ideo sicut ipsorum mores probant conjugalem copulam detestantes, quia non est illic libertas turpitudinis ubi pudor matrimonii servatur et sobolis.

VIII. Octavum eorum est plasmationem humanorum corporum diaboli dicere esse figmentum, et semina conceptionum opere dæmonum in mulieris uteris figurari. Propterea resurrectionem carnis non esse credendam, quia concreatio corporis non sit congruens animæ dignitati. Quæ falsitas sine dubio opus diaboli est, et talia prodigia opinionum figmenta sunt dæmonum, qui non in feminarum ventribus formant homines, sed in hæreticorum cordibus tales fabricantur errores. Quod immundissimum virus de Manichææ impietatis specialiter fonte procedens, olim fides catholica deprehendit atque damnavit.

IX. Nona autem adnotatio manifestat quod filios promissionis ex mulieribus quidem natos, sed ex Spiritu sancto dicant esse conceptos, ne illa soboles quæ de carnis semine nascitur ad Dei conditionem pertinere videatur. Quod catholicæ fidei repugnans atque contrarium est, quæ omnem hominem et corporis animæque substantiam a Conditor universitatis formari atque animari intra materna viscera conficitur, manente quidem illo peccati mortalitatisque contagio, quod in prolem a primo parente transeurrit, sed regenerationis sacramento subveniente, quo ex Spiritu sancto promissionis filii renascuntur, non in utero carnis, sed in virtute baptismatis. Unde et David quod utique erat promissionis filius dicit ad Deum: « Manus tuæ fecerunt me et plasmaverunt me (*Psal. cxviii, 73*); » et ad Jeremiam Dominus ait: « Priusquam te formarem in utero novi te, et in vulva matris tuæ sanctificavi te (*Jer. i, 5*). »

X. Decimo autem capitulo referuntur asserere animas quæ humanis corporibus inseruntur fuisse in corpore, et in cœlesti habitatione peccasse, atque a sublimibus ad inferiora dilapsas in diversæ qualitatis principes incidisse, et per aerias ac sidereas potestates, alias duriores, alias mitiores corporibus esse inclusas a sorte diversa et conditione dissimili, ut quidquid in hac vita varie et inæqualiter provenit ex præcedentibus causis videatur accidere. Quam impietatis fabulam ex multorum sibi erroribus texerunt, sed omnes eos catholica fides a corpore suæ unitatis absceidit constanter prædicans atque veraci-

ter quod animæ hominum priusquam suis inspirarentur corporibus non fuere nec ab ullo incorporantur nisi ab opifice Deo, qui et ipsarum est creator et corporum. Et, quia per primi hominis prævaricationem, tota humani generis propago vitata sit, neminem posse a conditione veteris hominis liberari, nisi per sacramentum baptismatis Christi, in quo nulla est discretio renatorum, dicente Apostolo: « Quicumque enim in Christo baptizati estis Christum induistis. Non est Judæus neque Græcus, non est servus neque liber, non est masculus neque femina; omnes enim unum estis in Christo Jesu (*Gal. iii, 27, 28*). » Quid enim agunt cursus siderum, quid figmenta fatorum, quid mundanarum rerum mobilis status, inquieta diversitas? Ecce tot infæres gratia Dei facit æquales, qui inter quoslibet vitæ hujus labores si fideles permanent, miseri esse non possunt, apostolicum illud in tentatione dicentes: « Quis nos separabit a charitate Christi? tribulatio an angustia, an persecutio, an fares, an nuditas, an periculum, an gladius? Sicut scriptum est, quia propter te morte afficimur tota die, æstimati sumus ut oves occisionis. Sed in his omnibus superamus in eo qui nos dilexit (*Rom. viii, 35, 36*). » Et ideo Ecclesia, quæ corpus est Christi, nihil de mundi inæqualitatibus metuit, quæ nihil de bonis corporalibus concupiscit. Nec timetur inani strepitu fatorum gravari, quæ patientia tribulationum novit augeri.

XI. Undecima ipsorum blasphemia est, qua fatalibus stellis et animas hominum et corpora opinantur astringi, per quam amentiam necesse est, ut omnibus paganorum erroribus implicati et faventia sibi (ut putant) sidera colere, et adversantia studeant mitigare. Verum ista sectantibus nullus in Ecclesia catholica locus est, quoniam qui se talibus persuasionibus dedit, a Christi corpore totus abscessit.

XII. Duodecimum inter hæc illud quod est sub aliis potestatibus partes animæ, sub aliis corporis membra describunt et qualitates interiorum præsumunt in patriarcharum nominibus statuunt, quibus e diverso signa siderea, quorum virtuti corpora subijciantur opponunt. Et in his omnibus inextricabili se errore præpediunt, non audientes dicentem Apostolum: « Videte ne quis vos decipiat per philosophiam et inanem fallaciam secundum traditionem hominum, secundum elementa mundi et non secundum Christum, quia in ipso inhabitat omnis plenitudo divinitatis corporaliter, et estis in illo repleti, qui est caput omnis principatus et potestatis (*Coloss. ii, 8-10*). » Et iterum: « Nemo vos seducat, volens in humilitate et religione angelorum, quæ non vidit ambulus, frustra inflatus sensu carnis suæ, non tenens caput, ex quo totum corpus pernexum et conjunctiones subministratum et constructum crescit in augmentum Dei (*Coloss. ii, 18, 19*). » Quid ergo opus est in cor admittere, quod lex non docuit, quod prophetia non cecinit, quod Evangelii veritas non prædicavit, quod apostolica doctrina non tradidit? Sed hæc opera sunt eorum mentibus de

quibus Apostolus dicit : « Erit enim tempus cum sanam doctrinam non sustinebunt, sed ad sua desideria coacervabunt sibi magistros prurientes auribus, et a veritate quidem auditum avertent, ad fabulas autem convertentur (*II Tim. iv, 3, 4*). » Nihil itaque nobiscum commune habeant, qui talia audent vel docere, vel credere, et quibuscumque modis nituntur astruere quod substantia carnis ab spe resurrectionis aliena sit, atque ita omne sacramentum incarnationis Christi resolvunt. Quia indignum fuit integrum hominem suscipi, si indignum erat integrum liberari.

XIII. Tertio decimo loco positum est eosdem dicere, quod omne corpus Scripturarum canonicarum sub patriarcharum nominibus accipiendum sit, quia ille duodecim virtutes quæ reformationem hominis interioris operantur, in horum vocabulis indicentur, sine qua scientia nullam animam posse assequi, ut in eam substantiam, de qua prodiit reformetur. Sed hanc impiam vanitatem despectui habet Christiana sapientia, quæ novit vere deitatis inviolabilem et inconvertibilem esse naturam, animam autem sive in corpore viventem, sive a corpore separatam multis passionibus subiacere. Quæ utique si divinæ esset essentiae, nihil adversi posset incidere. Et ideo incorporaliter aliud Creator est, aliud creatura. Ille enim semper idem est, et nulla varietate mutatur, hæc autem mutabilis est etiam non mutata, quia ut non mutetur datum poterit habere non proprium.

XIV. Sub quarto decimo vero capitulo de statu corporis sentire dicuntur, quod sub potestate siderum atque signorum pro terrena qualitate teneatur, et ideo multi in sanctis libris, quæ ad exteriorem hominem pertineant reperiri, ut in ipsis Scripturis inter divinam terrenamque naturam quædam sibi repugnet adversitas, et aliud sit quod sibi vindicent animæ præsules, et aliud quod corporis conditores. Quæ fabulæ ideo disseruntur, ut et animæ divinæ affirmetur esse substantiæ et caro credatur malæ esse naturæ, quoniam et ipsum mundum cum elementis suis non opus Dei boni, sed conditionem mali profitentur auctoris, atque ut hæc mendaciorum suorum sacrilegia bonis titulis colorarent, omnia pene divina eloquia sensuum nefandorum immisione violarunt.

XV. De qua re quinti decimi capituli sermo conqueritur et præsumptionem diabolicam merito detestatur, quia et nos istud vera cum testimoniorum relatione comperimus, et multos corruptissimos eorum codices qui canonici titulatur invenimus. Quomodo enim decipere simplices possent, nisi venenata pocula quodam melle prælinirent, ne usquequaque sentirentur insuavia quæ essent futura mortifera. Curandum ergo est, et sacerdotali diligentia maxime providendum, ut falsati codices et a sincera veritate discordes in nullo usu lectionis habeantur. Apocryphæ autem Scripturæ, quæ sub nominibus apostolorum multarum habent seminarium falsitatum, non solum intercidendæ, sed etiam penitus auferendæ

sunt atque ignibus concremandæ. Quamvis enim sint in illis quædam, quæ videantur speciem habere pietatis, nunquam tamen vacua sunt venenis, et per fabularum illecebras hoc latenter operantur, ut mirabilium narratione seductos laqueis cujuscunque erroris involvant. Unde si quis episcoporum vel apocrypha haberi per domos non prohibuerit, vel sub canonicorum nomine eos codices permiserit legere, qui Priscilliani adulterina sunt emendatione corrupti, hæreticum se noverit judicandum. Quoniam qui alium ab errore non revocat seipsum errare demonstrat.

XVI. Postremo autem capitulo hoc prodidit justa querimonia, quod Dicticinii tractus, quos secundum Priscillianum dogma conscripsit, a multis cum veneratione legerentur, cum, si aliquid memoriæ Dicticinii tribuendum putant, reparationem ejus magis debeant amare quam lapsum. Non ergo Dicticinium, sed Priscillianum legunt; et illud probant quod errans docuit, non quod correctus elegit. Sed nemo hoc impune præsumat, nec inter catholicos censeatur, quisquis utitur Scripturis, non ab Ecclesia solummodo catholica, sed a suo auctore damnatis. Non sit perversis liberum simulare quod fingunt, nec sub velamine nominis Christiani, decretorum imperialium statuta declinent. Ideo enim ad Ecclesiam catholicam cum tanta cordis diversitate conveniunt, ut et quos possunt suos faciant, et legum severitatem, dum se nostros mentiuntur, effugiant. Faciunt hoc Priscillianistæ, faciunt hoc Manichæi, quorum cum istis tam foederata sunt corda, ut solis nominibus discreti, sacrilegiis autem suis inveniantur uniti. Quia etsi Vetus Testamentum, quod isti se suscipere simulant, Manichæi refutant, ad unum tamen finem utrorumque tendit intentio, cum isti recipiendo corrumpunt, illi abdicando impugnant. In execrabilibus autem mysteriis eorum, quæ quanto immundiora sunt, tanto diligentius occultantur, unum prorsus nefas est, una est obscenitas, et similis turpitudine. Quæ, si eloqui erubescimus, sollicitissimis tamen inquisitionibus judicata, et Manichæorum, qui comprehensi sunt, confessionibus detecta, ad publicam fecimus pervenire notitiam, ne ullo modo possit dubium videri, quod in judicio nostro, cui non solum frequentissima præsentia sacerdotum, sed etiam illustrium virorum dignitas, et pars quædam senatus ac plebis interfuit, ipsorum, qui omne facinus perpetrarant, ore reseratum est, sicut ea quæ ad dilectionem tuam nunc direximus gesta demonstrant. Quod autem de Manichæorum foedissimo scelere, hoc etiam de Priscillianistarum incestissima consuetudine olim compertum, multumque vulgatum est. Qui enim per omnia sunt impietate sensuum pares, non possunt in sacris suis esse dissimiles. Decursis itaque omnibus, quæ libelli series comprehendit, et a quibus commonitorii forma non discrepet, sufficienter (ut opinor) ostendimus, quid de his, quæ ad nos fraternitas tua retulit, censeamus, et quam non sit ferendum, si tam pro-



fanis erroribus etiam quorundam sacerdotum corda consentiunt; vel, ut mitius dixerim, non resistunt, qua conscientia honorem sibi debitum vindicant, qui pro animabus sibi creditis non laborant. Bestiæ irruunt, et ovium septa non claudunt; fures insidiantur, et exubias non prætendunt; morbi crebrescunt, et remedia nulla faciunt. Cum autem etiam illud addunt, ut his qui sollicitius agunt, consentire detrectent, et impietates olim toto orbe damnatas subscriptionibus suis se anathematizare dissimulent, quid de se intelligi volunt, nisi quod de numero fratrum non sunt, sed de parte hostium.

XVII. In eo vero quod in extrema familiaris epistolæ tuæ parte posuisti, miror ejusquam catholici intelligentiam laborare, tanquam incertum sit, an, descendente ad inferna Christo, caro ejus requieverit in sepulcro. Quæ sicut vere et mortua est et sepulta, ita vere est die tertia resuscitata. Hoc enim ipse Dominus denuntiaverat, dicens ad Judæos: « Solvite templum hoc, et in triduo resuscitabo illud (Joan. 2, 19). » Ubi evangelista subjungit: « hoc autem dicebat de templo corporis sui (Ibid., 21). » Cujus rei veritatem etiam David propheta prædixerat, loquens sub persona Domini Salvatoris dicens: « Insuper et caro mea requiescet in spe. Quoniam non derelinques animam meam in inferno, nec dabis Sanctum tuum videre corruptionem (Psal. xv, 10). » Quibus utique verbis manifestum est, quod caro Domini, et vere sepulta, requievit, et corruptionem non subiit, quia, celeriter vivificata reditu animæ, resurrexit. Quod non credere satis impium est, et ad Manichæi Priscillianique doctrinam pertinere non dubium est; qui sacrilego sensu, ita se Christum simulanti confiteri, ut incarnationis et mortis et resurrectionis auferant veritatem. Habeatur ergo inter vos episcopale concilium, et ad eum locum qui omnibus opportunus sit, vicinarum provinciarum convenient sacerdotes, ut secundum ea quæ ad tua consulta respondimus plenissimo exquiratur examine, an sint aliqui inter episcopos, qui hujus hæreseos contagio polluantur a communione sine dubio separandi, si nefandissimam sectam per omnium sensuum pravitates damnare noluerint. Nulla enim ratione tolerandum est ut, qui prædicandæ fidei suscepit officium, is contra evangelium Christi, contra apostolicam doctrinam, contra universalis Ecclesiæ symbolum audeat disputare. Quales illic erunt discipuli, ubi tales docebunt magistri? Quæ illic religio populi? quæ salus plebis? ubi contra humanam societatem pudoris scissi verecundia tollitur, conjugiorum fœdera auferuntur, propagatio generationis inhibetur, carnis natura damnatur, contra verum autem Dei cultum Trinitas deitatis negatur, personarum proprietas confunditur, anima hominis divina essentia prædicatur, et eadem ad diaboli arbitrium carne concluditur; Dei Filius per id quod ex Virgine ortus, non per id quod ex Patre natus est, unigenitus prædicatur, idemque nec vera Dei proles, nec verus Filius Virginis asserit, ut

per falsam passionem, mortemque non veram mendax. etiam resurrectio resumptæ de sepulcro carnis habeatur. Frustra autem utuntur catholico nomine, qui istis impietatibus non resistunt, possunt hæc credere, qui possunt talia patienter audire. Dedimus itaque litteras ad fratres et coepiscopos nostros Tarragonenses, Carthaginenses, Lusitanos, atque Gallicos, eisque concilium synodi generalis indiximus. Ad tuæ dilectionis sollicitudinem pertinebit, ut nostræ ordinationis auctoritas, ad prædictarum provinciarum episcopos deferatur. Si autem aliquid (quod absit) obstiterit, quominus possit celebrari generale concilium, Gallicæ saltem in uno conveniant sacerdotes, quibus congregatis, fratres nostri, Hydacius et Ceponius imminébunt conjuncta cum eis instantia tua, quatenus de provinciali conventu remedium tantis vulncribus afferatur.

*Epistola Aurelii Carthaginensis episcopi ad omnes episcopos per B. zanzanam et Arzidnitānam provinciam constitutos de damnatione Pelagii atque Cælestii hæreticorum.*

Dilectissimis, ac desiderabilibus et consacerdotibus, PRIMIANO, GAIANO, et ali GAIANO, JANUARIO, et VICTORINO, cæteris per tractum provincie Bizanzenæ et Arzidnitane constitutis, AURELIUS episcopus.

Super Cælestii et Pelagii damnatione eorumque dogmatibus participem sanctam dilectionem vestram in plenario concilio fuisse cognovi, dilectissimi et desiderabiles fratres. Sed quoniam pro honore Dei, in cujus manu cor regis est constitutum gloriosissimorum principum Christianorum fidem rectam et catholicam custodientium accessit auctoritas, quam per humilitatem meam universis episcopis meis volui intimare; ideo honorabilem fraternitatem vestram missis exemplaribus instruere curavi, ne in aliqua parte provincie supradictorum serpentina persuasio ab universali Ecclesia totius orbis exclusa fortasse subrepat. Ob hoc ergo tam necessaria constitutio principum Christianorum charitatem vestram latere non debuit, et ad me ab eis datæ litteræ quarum simul exemplaribus lectis (quemadmodum subscribere unusquisque vestrum debeat) dilectio vestra cognosceret, sive quorum synodalibus gestis subscriptio jam tenetur, sive qui non potuistis eidem plenario totius Africae interesse concilio, quod cum in supra dictorum hæreticorum damnatione omnium vestrum fuerit integrata subscriptio, nihil omnino unde illis dissimulationis vel negligentiae, vel occultatæ forsitan pravitatis, aliqua videatur merito remansisse suspicio. Alia manu. Opto, fratres, bene vivatis, mei memores. Data Kalendas Augusti, Carthaginæ, Monaxio et Pluita, consulibus.

*Excerpta ex gestis habitis contra Pelagium hæreticum, et alia de libellis ejusdem, quæ in Palæstina sibi objecta damnare compulsus est.*

Quod ad Hierusalem nolentem colligi filios suos Dominus clamabat, hoc nos clamamus adversus eos qui filios Ecclesiæ colligi nolunt. Nec saltem post judicium, quod de ipso Pelagio in Palæstina factum est, corriguntur, de quo damnatus exisset, nisi objecta sibi contra gratiam Dei dicta, quæ obscurare non potuit, ipse damnasset. Præter illa quæ quomodo potuit, ausus est quacunque ratione defendere, objecta sunt quædam, quæ nisi remota omni tergiversatione anathematizasset, ipse anathema factus fuisset.

*Dogma Pelagii hæretici.*

Cum diceret Adam mortalem factum, qui sive

peccasset, sive non peccasset, moriturus esset; et quod peccatum ipsius ipsum solum læserit, non genus humanum; et quod infantes, nuper nati, in illo statu sunt, in quo Adam fuit ante prævaricationem; et quod neque per mortem, vel prævaricationem Adæ, omne genus moriatur, neque per resurrectionem Christi omne genus hominum resurgat; infantes enim, si non baptizentur habere vitam æternam, et divites baptizatos, nisi omnibus abrenuntient, si quid boni visi sunt facere, non reportare illos, nec eos habere posse regnum Dei, et gratiam Dei, atque adiutorium, non ad singulos actus dari, sed in libero arbitrio esse, vel in lege atque doctrina; et Dei gratiam secundum merita nostra dari; et filios Dei non posse vocari, nisi omnimodo absque peccato fuerint effecti; et non esse liberum arbitrium, si Dei eget auxilio, quoniam in propria voluntate habet unusquisque facere aliquid, aut non facere; et victoriam nostram non esse ex Dei adiutorio, sed ex libero arbitrio; et quod pœnitentibus venia non detur secundum gratiam et misericordiam Dei, sed secundum meritum et laborem eorum, qui per pœnitentiam digni fuerint misericordia. Ille omnia Pelagius sic anathematizavit. Quod satis gesta ipsa testantur, ut nihil ad ea quoquomodo defendenda disputationis attulerit. Unde fit consequens, ut quisquis secutor illius fuerit episcopalis auctoritate iudicii, et ipsius Pelagii confessione, hæc tenere debeat, quæ semper tenuit catholica Ecclesia.

*Dogma catholicorum contra Pelagium.*

Quod Adam, nisi peccasset, moriturus non fuisset. Secundo, quod peccatum ejus non ipsam solum læserit, sed et genus humanum. Tertio, quod infantes nuper nati non sunt in illo statu, in quo Adam fuit ante prævaricationem. Quarto, ut ad ipsos etiam pertineat, quod breviter ait Apostolus: « Per unum hominem mors et per unum hominem resurrectio mortuorum. Sicut enim in Adam omnes moriuntur, ita et in Christo omnes vivificabuntur (I Cor. xv, 21, 22). » Unde fit, ut infantes non baptizati, non solum regnum cælorum, verum etiam vitam æternam habere non possunt. Quinto, ut confiteatur divites baptizatos, etiam si divitiis suis non careant, et sint tales quales ad Timotheum describit Apostolus, dicens: « Præcipe divitibus hujus sæculi non superbe sapere, neque sperare in incerto divitiarum suarum, sed in Deum vivum, qui præstat nobis abundanter ad fructum, divites sint in operibus bonis, facile tribuant, communicent, thesaurizent sibi fundamentum bonum in futurum, ut apprehendant veram vitam (I Tim. vi, 17-19), » non eos regno Dei posse privari. Sexto, ut confiteatur gratiam Dei, et adiutorium etiam ad singulos actus dari, eamque non secundum merita nostra, ut vera sit gratia, id est, gratis data per ejus misericordiam, qui dixit: « Miserebor cui miseratus fuero, et misericordiam præstabo, cui misericors fuero (Exod. xxxiii, 19). » Septimo, ut filios Dei fateatur illos posse vocari, qui quotidie dicunt: « Dimitte nobis debita nostra (Matth. vi, 12), » quod utique veraciter non dicerent, si essent omnino absque peccato. Octavo, ut fateatur esse liberum arbitrium, etiam si divino indiget adiutorio. Nono, ut fateatur quando contra tentationes concupiscentiasque illicitas dimicamus, quamvis illic habeamus et propriam voluntatem, non tamen ex illa, sed ex Dei misericordia nostram salutem, quia non aliter verum erit quod Apostolus dicit: « Non volentis, neque currentis, sed ut salvemur, miserentis est Dei (Rom. ix, 16). » Decimo, ut fateatur secundum gratiam et misericordiam Dei, veniam petentibus dari, non secundum meritum eorum, quandoquidem ipsam pœnitentiam, donum Dei, dixit Apostolus, ubi ait de quibusdam: « Ne forte det illis Deus pœnitentiam. » Ille omnia simpliciter sine ullis fateatur ambagibus. Si quis in

A auctoritatem catholicam, et ipsius Pelagii expressa ecclesiasticis gestis verba consentit, neque enim illa quæ his sunt contraria, veraciter anathematizata esse credendum est, nisi hæc quibus sunt contraria fide et corde teneantur, et aperta confessione promantur.

LXXII. — *Ad Rusticum, Ravennum, Venerium, et ceteros episcopos Galliarum.*

Impletis per misericordiam Dei communibus votis, dignum est fraternitatem vestram sanctorum gaudiorum habere consortium. Nam fratres mei, qui vice mea Orientali synodo præsederunt, quæ vota retulere significo confirmata catholica fide, et glorificato apostolicæ prædicationis triumpho. Quod etiam hi qui ad deviandum, vel seducti fuerant, vel impulsii, recepta veritatis luce lætantur. Siquidem, omnes B Domini sacerdotes in una sententia sancto Spiritu docente consensere, et de sacramento Dominicæ incarnationis in qua multorum intelligentia caligabat, ita tenebræ erroris ablatae sunt, ut in uno Domino nostro, veræ Dei et hominis Filio, nec de humanitatis ambigatur natura, nec de deitatis essentia. In impios autem nefandi erroris auctores qui indignos se Dei gratia judicantes correctionis uti remediis noluere, qualis sit lata sententia exemplaria quæ misimus edocebunt, ut agnoscat vestra dilectio, fratres charissimi, in sancto examine divinum non defuisse iudicium, quo et vindicta tributa est obduratis, et pax impensa correctis. Dominus vos incolumes custodiat, fratres charissimi.

LXXIII. — *Ad Julianum episcopum.*

C Litteræ dilectionis tuæ quæ mihi nuper sunt reditæ, quam spirituali catholicæ fidei vigeas amore demonstrant, et multum gaudere me faciunt, quod in eadem sententia pia corda concurrunt ut secundum doctrinam Spiritus sancti impleatur in nobis quod Apostolus ait: « Obsecro autem vos, fratres, per nomen Domini nostri Jesu Christi, ut idipsam dicatis omnes, et non sint in verbis schismata. Situs autem perfecti in eodem sensu, et in eadem sententia (I Cor. i, 10), » cujus unitatis nimium se Eutiches fecit extraneum, si in sua perversitate veterascit, nec adhuc quibus vinculis a Domine sit obligatus, intelligit. Et quanquam sacerdotem Domini repudiandum putat, qui ejus imperitiæ, amentiaque consentiat, diu apud nos incertum fuit, quid in ipso catholicis displiceret, et cum fratris nostri Flaviani nullas litteras sumeremus, ipse autem scriptis suis Nestorianam hæresim repullulare quereretur, non plene potuimus discere, unde procederet, vel quo tenderet tam dolosa causatio. Sed posteaquam gestorum ad nos episcoporum documenta perlata sunt, omnia illa quæ fallacium querelarum velamine tegebantur, quæ essent detestanda patuerunt. Et quia clementissimus imperator, pro benevolentia ac pietate animi sui, de statu hujus qui ante honorabilis videbatur, diligentius voluit iudicari, atque ob hoc indicendum credidit episcopale concilium, per fratres nostros Julianum episcopum et Renatum presbyterum, sed et filium meum dia-



conum Hilarium, et quos ex latere meo vice mea misi ad fratrem nostrum Flavianum sufficientia pro qualitate causæ scripta direxi, quibus et vestra dilectio et Ecclesia universa cognoscat de antiqua et singulari fide, quam indoctus impugnator incessit, quid divinitus traditum teneamus, et quid incommutabiliter prædicemus. Quia tamen non debemus partes miserationis omittere, congrua moderatione credidimus sanciendum, ut si condemnatus presbyter plena satisfactione corrigitur, sententia qua obstrictus est, relaxetur. Si vero in eodem insipientiæ suæ luto jacere delegerit, statuta permaneant, et cum eis habeat sortem quorum est secutus errorem. Data Idus Junii, Asturio et Protogene consulibus.

**224 LXXIV.** — *Item ad Flavianum Constantinopolitanum.*

Litteras tuæ dilectionis accepi, cum gestis quæ apud vos fidei quæstione confecta sunt. Et quia clementissimus imperator, pro Ecclesiæ pace sollicitus synodum voluit congregari, quamvis evidenter appareat rem, de qua agitur nequaquam synodali indigere tractatu, tamen, frater charissime, subsecutos esse significo, quos in hac re placuit destinare. Nec necessarium fuit nunc amplius scribi, cum proptio de his quæ causæ credidimus convenire, per ea quæ ipsi portabunt scripta, sis plenius instruendus. Data xv Kalendas Julii, Austurio et Protogene consulibus.

**LXXV.** — *Item ejusdem ad Theodosium Augustum.*

Acceptis clementiæ vestræ litteris, et multum universali Ecclesiæ gaudendum esse prospexi, quod Christianam fidem qua divinitas honoratur, et colitur, in nullo dissimilem, in nullo vult esse discordem. Quid enim rebus humanis ad exorandam misericordiam Dei efficacius suffragetur, quam si una gratiarum actio, et unius confessionis sacrificium majestati ejus ab omnibus offeratur? In quo et sacerdotum, et cunctorum fidelium, ita demum erit plena devotio, si in his quæ per unicum Dei Filium Deum Verbum, pro nostra redemptione sunt gesta, nihil aliud sentiat, quam quod ipse prædicari de se jussit, et credi. Unde quamvis ad diem concilii episcopalis quem pietas vestra constituit occurrere me ratio nulla permittat, cum nec aliqua ex hoc exempla præcesserint, et temporalis necessitas me non patiatur deserere civitatem, præsertim cum tam evidens fidei causa sit, ut rationalibus causis ab indicenda synodo fuisset abstinendum, tamen inquantum Dominus juvare dignatur meum studium commodavi, ut clementiæ vestræ statutis aliquatenus pareatur, ordinatis hinc fratribus meis quæ amputandis scandalis, pro causæ æquitate sufficiant, quique præsentis meæ impleant vicem, quia non talis quæstio orta est, unde aut possit, aut debeat dubitari. Data xii Kalendas Julii, Asturio et Protogene consulibus.

**LXXVI.** — *Ejusdem ad Flavianum episcopum.*

Profecti jam nostris, quos ad vos in fidei causa direximus, per filium nostrum diaconum scripta tuæ dilectionis accepimus, quibus merito parum de ne-

gotio communis sollicitudinis indidisses, quoniam et gesta ante delata de omnibus nos sufficienter instruxerant, et ad familiarem interrogationem idoneus erat sermo prædicti per quem nunc alloquia reddentes dilectionem tuam per Dei gratiam, in qua fidimus, cohortamur utentes verbis apostolicis atque dicentes: « In nullo terreamini ab adversariis, quæ est illis causa perditionis, vobis autem salutis (Phil. 1, 28). » Quid enim tam exitiabile quam negata veritate incarnationis Christi, omnem spem salutis humanæ velle dissolvere, et Apostolo contraire dicenti manifeste: « Magnum est pietatis sacramentum quod manifestatum est in carne (I Tim. 3, 16). » Quid tam gloriosum quam contra inimicos natiuitatis et crucis Christi pro fide Evangelica dimicare? De cujus purissimo lumine invictaque virtute datis jam ad tuam dilectionem litteris, quid in nostro esset corde patefecimus, ne de illis quæ secundum doctrinam catholicam didicimus, et docemus, aliquid inter nos videri possit ambiguum. Quia vero tam valida, et tam clara sunt testimonia veritatis, ut nimis cæcus nimisque obduratus habendus sit, qui ad coruscationem lucis atque rationis non confestim se a tenebris falsitatis excusserit, ad curandam imperitorum insaniam, etiam patientiæ volumus adhibere medicinam, ut paternas increpationes hi qui in senectute carnis suæ mente sunt parvuli, discant obedire majoribus, ac si deposita imperitiæ suæ vanitate resipiscunt, omnique errore damnato fidem, veram singularemque suscipiunt, misericordia eisdem episcopalis benevolentia non negetur, mansuro judicio quod præcessit, si impietas merito condemnata in sua pravitate perstiterit. Data x Kalendas Augusti, Asturio et Protogene consulibus.

**LXXVII.** — *Iterum ad eundem Constantinopolitanum episcopum.*

Augēt sollicitudinem nostram taciturnitas tua, qui jamdiu nulla dilectionis tuæ scripta suscepimus, cum nos curarum tuarum participes pro fidei defensione solliciti frequenter per occasiones idoneas ad dilectionem tuam litteras miserimus, ut adhortationum nostrarum consolationibus te juvaremus, ut adversariorum stimulis pro fidei defensione non cederes, cum laboris tui participes nos probares. Olim ad fraternitatem tuam nostros credimus pervenisse, per quos plenius scriptis, mandatisque nostris instructum te esse retines, et Basilium ad te (ut volueras) ipsi remisimus. Nunc ne aliqua prætermissum occasione te crederes, per filium nostrum honorabilem et amabilem nobis virum Esitium hanc paginam dedimus, ut tota celeritate ad scripta nostra respondeas, nosque subinde de tuis actibus, nostrorumque, et de totius causæ absolute facias certiores, ut sollicitudinem quam nunc pro fidei defensione gerimus, prosperioribus nuntiis molliamus. Data iii Idus Augusti, Asturio et Protogene consulibus.

**LXXVIII.** — *Ad clerum et plebem CP.*

Leo et sancta synodus quæ in Urbe convenit, cleris honoratis, et plebi Constantinopoli-

In notitiam nostram, quæ Ephesi contra opinionem omnium sunt acta, prælatis, magno animum nostrum fatemur mœrore confusum, nec tantum lieuisse iniquitati facile potuissimus credere, nisi filius noster Hilarius diaconus, qui a nobis vice nostra cum aliis, ut interesset synodo, missus fuerat, fugiens revertisset, declinans injuste particeps esse sententiæ. Quippe cum vox illic a nostris contradictionis emissa sit, quam Alexandrinus antistes, qui totum solus potentiæ suæ vindicavit, audire contempsit, in consortium suæ voluntatis invitos protrahens sacerdotes, ut per vim coacti subscriberent, qui nullam damnationis causam idoneam reperissent. Sed hos ausus pio et Christianissimo principi confidimus, minime placituros. Nunc quia Ecclesiam vestram hac ratione cognovimus dissipatam, consolandos adhortandosque vos esse credimus nostris epistolis, ut pro catholice fidei defensione perfidorum nequitie resistatis. Nolumus enim dilectionem vestram hoc mœrore percelli, cum major gloria vestra subsequatur constantiam si a probabili sacerdote vestro nullæ minæ vos nulla formido divulserit. Quisquis enim incolemi atque superstite Flaviano episcopo vestro sacerdotium ejus fuerit ausus invadere, nunquam in communione nostra habebitur, nec inter episcopos poterit numerari. Nos enim sicut Nestorium in sua perversitate anathematizavimus, ita eos qui veritatem carnis nostræ in Domino Jesu Christo denegant, pari execratione damnamus. State igitur in spiritu catholice veritatis, et apostolicam cohortationem ministerio vestri oris accipite, quia vobis donatum est, pro Christo non solum, ut in eum credatis, sed etiam ut pro illo patiamini (Phil. 1, 29). Nolite arbitrari, dilectissimi, quod sanctæ Ecclesiæ suæ desit, aut defutura sit divina protectio. Splendescit enim fidei puritas, cum ab ea sordes separantur errorum. Unde iterum iterumque vos ante conspectum Domini obtestamur pariter et monemus, ut a fide in qua fundati estis, et in qua Christianissimum principem novimus permanere, non insidiis, non cujusquam persuasionibus moveamini, sed in personam episcopi vestri illum in cordis oculis habeatis, pro quo idem omnia pati quæ fuerint illata, non metuit; cujus per omnia imitatores vos esse cupimus, ut commune cum ipso præmium fidei habere possitis. Data Idus Octobris, Asturio et Protogene consulibus.

LXXIX. — *Item Leo papa ad Anastasium episcopum Thessalonicensem.*

Quantum relatione Hilarii diaconi nostri cognovimus, magnum facinus Alexandrino episcopo auctore vel exsecutore commissum est, ut dum in fratrem nostrum Flavianum, veteres æmulationes, et odia privata desceviunt, nec innocentie probatissimi sacerdotis, nec Christianæ fidei parceretur. Unde multum dilectioni tuæ congratulamur, quod te ad illam synodum ire cupientem opportunis obstaculis manus divina obtinuit. Ne abstenturus procul dubio

A a tanto scelere indignis injuriis subjaceres, et furori impio militibus quantum didicimus armisque suffulto contraire non posses. Quia ergo prorupit in aptum perfidia quæ latebat, et in nefandissimam hæresim unius imperitissimi senis asseclæ transierunt, tempus probationis nostræ debemus agnoscere, et contra impetus adversantium munitionibus cœlestibus freti incommutabiliter animis constantiam præparare. Scimus, frater charissime, quia sacramento magnæ pietatis suæ adierit divina protectio. Si quid igitur fraternitati tuæ de impiis constitutionibus fuerit ingestum, protestamur pariter ac monemus, ne vel in damnatione fratris insontis, vel in receptione nefarii dogmatis consensum tui cordis immisceas. Major est enim qui in nobis est, quam qui adversus nos. Annittere potius quantum te ipse naturæ nostræ susceptor et glorificator adjuverit, ut omnium fratrum nostrorum corda confirmes. Nobis enim ab Evangelio generationis et mortis ac resurrectionis Domini Jesu Christi nullatenus recedentibus, diffinitissimum est in nostræ communionis numero non futuros eos qui conantur antiquæ catholice fidei fundamenta convellere. Data 11 Idus Octobris, Asturio et Protogene consulibus.

LXXX. — *Item ejusdem ad Theodosium Augustum.*

Pro integritate fidei catholice Christianissimum principem convenit esse sollicitum, et hoc indefessis precibus divinam misericordiam posco, ut cordi vestro id quod est veritatis inspiret, neque falli vos in aliquo humanarum calliditatum æmulatione patiat. A me autem atque ab omnibus catholicis sacerdotibus quæ angelicæ fidei pietas defendat, satis plene ac lucide litteris meis quas elementiam vestram jamdudum per famulum vestrum Epiphanium tribunum, qui pro hac causa missus est, arbitror accepisse. Ratum est, nec ambigi potest hoc nos purissime credere, hoc constanter asserere quod etiam venerandi patres quondam apud Nicæam congregati secundum fidem symboli credendum et confitendum sacratissima auctoritate sanxerunt. Nos enim, venerabilis imperator, sicut Nestorii dogma perversum merito anathematizavimus, ita juste etiam horum impietatem qui veritatem carnis nostræ negant a Domino Jesu Christo susceptam esse damnamus. Unde si pietas vestra suggestioni ac supplicationi nostræ dignetur annuere, ut intra Italiam haberi jubeatis episcopale concilium, cito (auxiliante Deo) poterunt omnia scandala quæ in perturbationem totius Ecclesiæ sunt commota resecari, ut per universum regnum vestrum catholice fidei integritate servata, et pacem Christianam manere, et vestram apud Deum crescere gloriam gaudeamus. Data viii Kalendas Junias, Asturio et Protogene consulibus.

LXXXI. — *Ejusdem ad Flavianum Constantinopolitanum episcopum.*

Quæ et quanta dilectio tua pro catholice fidei defensione patiat, qui diaconum qui ab Epheso furtim est lapsus, cognovimus. Et licet magnificemus Deum qui te gratiæ suæ virtute 225 confor-



tat, necesse est tamen nos dolere eorum ruinas, per quos veritas impugnatur, et ipsa totius Ecclesiae fundamenta quatuntur. Quia vero providentia Dei semper suis necessarium præstat auxilium, scire debet fraternitas tua nos pro communi causa nihil eorum quæ agenda sunt præterire, ut primitus ad ea quæ universitati fidelium prosint, pervenire mereamur. Sin est ut fortiter interim dilectio tua toleret, quæ sibi ad æternam gloriam non dubitat profutura. Perlator sane brevis hujus epistolæ fidei sermone poterit enarrare quicquid illud est, ad quod adjuvante Domino, studio fidei et charitatis intendimus. Data III Kalendas Octobris, Asturio et Protogene consulibus.

LXXXII. — *Cujus superior ad Julianum episcopum.*

Cognitis quæ apud Ephesum unius hominis præsumptione sunt gesta, magno quidem dolore affecti sumus, de his quæ impie furioseque commissa sunt; sed ad Dominum nostrum animos dirigentes, multam fiduciam ab ipsa quam sequimur veritate concipimus, non omittentes omnia agere, quæ auxiliante Dei gratia, credimus profutura. Tenendum ergo nobis est quod tenemus, et sæviante unius turbinis procella, serenissima fidei est amplectenda tranquillitas, donec radios suos veritas per universa diffundat, et caliginem infidelitatis consumat. Quæ autem disposita sunt per latoris sermonem agnosces. Data III Idus Octobris, Asturio et Protogene consulibus.

LXXXIII. — *Ad Faustum et cæteros Archimandritas Constantinopolitanos.*

Leo et sancta synodus quæ in urbe Roma convenit, FAUSTO, MARTINO, PETRO, MAGNO, et ELIÆ presbyteris, et Archimandritis Constantinopolitanis, dilectissimis filiis, in Domino, salutem.

Quamvis ea quæ ad Constantinopolitanam Ecclesiam scripsimus, sollicitudinem devotionis vestræ latere non possunt, tamen etiam specialibus dilectionem vestram litteris cohortandam esse credidimus, ut memores sanctæ professionis vestræ quæ proprie in fide et charitate consistit, omnia scandala quæ contra pacem Ecclesiæ orta sunt, a vestris cordibus repellatis beati Apostoli sententiam pia mente retinentes: « Si quis vobis evangelizaverit præter id quod accepistis, anathema sit (Gal. 1, 8), » custodientes unitatem cum fratre nostro Flaviano episcopo, quem ad tempus Dominus permisit impiorum factione tentari, ut probatum sibi sacerdotem suum perseverantiæ merito faceret clariorem. Hæ autem perturbationes, necesse est, auxiliante Dei gratia, celeriter destruantur, et omne quod reprobum est ab Ecclesiæ puritate, quæ nec maculam, nec rugam recipit, respuatur, maxime cum ab insana imperitia in hoc usque præruptum sit, ut contra sacramentum salutis humanæ incarnationis Domini nostri Jesu Christi veritas denegetur, atque antiquæ fidei prædicator atque defensor, quia non acquievit blasphemis, quas olim sancti Patres nostri in multis hæreticis damnavere, subjiçatur injuriis. In qua utique omnium Domini sacerdotum reverentia ceditur, et

A universa corporis Christi membra pulsantur. Sed quia gloriosum nobis est, quicquid nos pati Deus voluerit, pro veritate tolerare, in consortium vos patientiæ paternis exhortationibus advocamus, ut per dilectionem vestram, omnibus Deo servientibus, quæ scripsimus innotescant, et inimicis Evangelii resistentes, nec pastoris vestri dilectionem, nec unitatem catholicæ fidei deseratis. Quoniam ea quæ in Epheso nuper contra justitiam vel canonum disciplinam per unius hominis impudentiam gesta sunt, nulla catholicæ fidei ratio rata esse permittit. Data VIII Idus Octobris, Asturio et Protogene consulibus.

LXXXIV. — *Item Leonis ad Martinum presbyterum.*

B Gratias agimus Deo, et multam fiduciam piæ exultationis accepimus, cum dilectionem tuam et catholicam fraternitatem, ita spiritum fidei vigere cognoscimus, ut cordibus vestris nihil infirmitatis hæretica possit inferre tentatio, ad quam divinitus destruendam, nec deficit, (ut scitis) sollicitudo nostra, nec deerit, donec Omnipotens dextera omnia diaboli arma confringat. Cui ob hoc aliquid audere permittitur, ut a fidelibus Christi gloria majore vincatur. Sed quid autem difficultatum intervenit, aut morarum, cum æquanimirate tolerandum est, quoniam ubi veritas est magistra, nunquam desunt divina solatia, fratres charissimi. Quamvis ergo magna locorum intervalla nos dividant, unitate tamen fidei vobiscum sumus, et toto corde Jesum Christum Dominum nostrum verum Deum, et verum hominem confitentes, nulla in vobis detrimenta perpetimur, cum de vestræ professionis concordia gloriamur, tantum ut sit, (auxiliante Domino), constantia perseverans, dicente Apostolo: « Vobis enim datum est pro Christo non solum ut in eum credatis, sed etiam ut pro illo patiamini (Philip. 1, 29). » Ad quam fortitudinem sanctarum mentium roborandam, fratres nostros atque legatos, quos pro apostolicæ fidei libertate direximus, et quos dudum apud vos esse confidimus, plurimum credimus profuturos, cum totius actionis nostræ didiceretis affectum, et curam vestram atque consilium operi junxeritis, de qua re non necesse est nunc latius scribere, cum jam per supradictos sufficientes epistolas miserimus, quibus abundantissime omnis catholica fraternitas instruitur, divinæ erit virtutis et gratiæ, ut Dei Filius, qui naturam humani generis suam fecit, amplius quam videmus, aut sapimus, magnum pietatis suæ asserat sacramentum, quod impia temeritas sibi quidem fraudavit, sed rectis cordibus non potuit. Data Idus Septembris, Valentiniano et Avennio consulibus.

LXXXV. — *Ejusdem ad Martianum Augustum.*

Litteras pietatis vestræ accepisse me gaudeo, et ad significationem totius prosperitatis pertinere cognosco, cum sermones vestri vos faciant integritate securos. Quantas itaque clementiæ vestræ gratias referamus, non ex verbis nostris, sed ex beneficiis

vestris, quæ Ecclesiæ contulistis, agnoscite, non ambigentes qualem illum retributorem in omnibus habeatis, pro cuius estis tam pia religione sollicitus, et qui vos (ut res ipsa demonstrat) ad hoc ut fides catholica ab insidiis inimicorum suorum defenderetur, elegit. Hæc a me nunc breviter per fratris mei Anatolii clericos pietas vestra dignanter accipiat. Pleniora autem de omnibus quæ ad curam meam pro statu ecclesiarum et concordia pertinent Domini sacerdotum, per legatos nostros scripta direximus. Data Idus Aprilis, Adelphio consule.

LXXXVI. — *Cujus supra ad Julianum episcopum.*

Litteras fraternitatis tuæ per filios nostros Constantinopolitanos clericos nuntias tuæ salutis accepi, quibus te magnis tribulationibus gravatum fuisse significas, cum utique non defuerit materia sollicitudini et laboribus, quæ inter procaces catholicæ fidei adversarios inhærentem veritati animum fatigaret, idque, ut scribis, fuerit animo ut per occasionem necessitatis et nobis te et patriæ præsentares. Quod vero futurum speraveram, ut aptius omnium hæreticorum ambages tuo ore cognoscerem. Sed gratias ago Deo, quod ita incolumitas tua et Ecclesiæ causa perfecit, ut liberum tibi fuerit apud eos interim degere, quorum nobis parabolis consensus innotuit, sicut et fratris Anatholii scripta profitentur, et gesta quæ apud ipsum coram nostris sunt confecta demonstrant fratribus remeantibus. Ergo prædictis salutationibus vicissitudinem reddo; et ut contra falsitatis astutias perseverantem diligentiam teneas fidenter exhortor, cum tibi ad hoc et tuus animus et nostra auctoritas suffragetur. Quoniam licet de multis meliora indicata sunt, quod scilicet doleant se deceptos, et damnata perfidia cum auctoribus suis gratiam nostræ communionis exposecant, quod nos adeo libenter accepimus, reddituri his hanc quam desiderant communionem, cum promissa compleverint, quosdam persistere in sua obduratione cognovimus, quos oportet districtius comprimi, si nequeunt benignitate sanari. Ad quam rem nostros post diem venerabilem dirigemus, qui tecum participato consilio ea quæ a nobis constituta fuerint exsequantur. Data Idus Aprilis, Adelphio, viro clarissimo, consule.

LXXXVII. — *Leo ad Pulcheriam Augustam.*

Religiosam pietatis vestræ sollicitudinem, qua universo mundo, Deo inspirante, consulitis crebrioribus alloquiis incitare præsumo, ut operum vestrorum profectum necessaria perfectio subsequatur, ac sicut de statu Constantinopolitanæ Ecclesiæ gratulamur, cuius et sacerdos et populus catholicæ puritatis fidem jam tenere cognoscitur, ita etiam aliorum concurs nobiscum sit de verbi incarnatione confessio. Unde quod facturum me aliis litteris indicaveram Lucensem episcopum, et Basilium presbyterum fratres meos dirigere præparavi, qui dispositiones meas fratris mei Anatolii devotione sociata secundum eas quas acceperunt regulas exsequantur. Sicut enim prædicti episcopi scriptis, et

A clericorum ejus suggestiones patefactum est, multa sunt, quæ indulgentius sunt curanda, multa quæ justius coercenda, ut in causa tantæ perturbationis, nec districtio nimis sit aspera, nec remissio parum cauta, cum aliud satisfaciendis, aliud pertinacibus debeatur. Offeritur ergo pietati vestræ digna materia, quæ placitam Domino curam sancti cordis exerceat, et præcedentium meritorum coronas etiam de præsentis erroris abolitione multiplicet. Sicut Nestoriana impietas ita et Eutichiana blasphemia ab omnium est catholicorum eliminanda consortio. Quia tam impium est consubstantialem et consempiternam Patri Filii deitatem etiam ex utero Virginis matris partu editam negare corporeo, quam unam in Dei Filio post incarnationis sacramentum affirmare naturam, ut scilicet aut humanitas ejus refutetur, aut deitas, cum unione utriusque essentiae, nec altera sit in alterutram versa, nec assumpta in assumente finita. Sed et Verbi incommutabilitas, et carnis atque animæ veritas maneat inseparabiliter in unitate personæ, quod qui, testificante lege, credentibus patriarchis, annuentibus prophetis, prædicante Evangelio, docentibus apostolis, et toto mundo confitente, non credunt, extra sacramentum corporis Christi, extra unitatem sunt nominis Christiani. Quorum sicut ruinam dolemus, ita perfidiam detestamur. Ut autem circa talium personas sincerum servetur ubique iudicium, et aliud correctis, et aliud pertinacibus rependatur, vestra pietas nostros, qui ab apostolica sede sunt missi, fovere dignetur, eorumque omnes quas injunximus adjuvet actiones, quæ citius ac facilius, auxiliante Domino, quæ ad vestram gloriam, et ad totius Ecclesiæ pacem proficiant, exsequantur. De Eutiche autem totius scandali et pravitatis auctore, hoc clementia vestra præcipiat, ut ab eo loco qui Constantinopolitanæ urbi nimis vicinus est, longius transferatur, ne frequentioribus solatiis eorum quos ad impietatem suam traxit, utatur. Monasterio quoque ipsius cui perniciose indigneque præsedet, catholicum abbatem jubete præponi, qui illam servorum Dei congregationem, et a pravo dogmate liberare, et institutis veritatis possit imbuiere. Data Idus Junii, Adelphio, viro clarissimo, consule.

LXXXVIII. — *Item ejusdem ad Anatolium episcopum.*

D 226 Ad declinandam erroris maculam, qua nonnullos aut Nestoriana impietas, aut Eutichiana labefecit insania, laudabilem curam filii nostri Basilus et Joannes presbyteri, suæ æstimationis habuerunt, ut inter pugnancia dogmata falsitatis, vera catholicæ fidei pace gauderent. Si quidem longinquo peregrinationis labore suscepto, sensum cordis sui in apostolica sede patefecere, damnantes utramque hæresim, quarum supra fecimus mentionem, et de incarnatione Domini nostri Jesu Christi non aliud recipientes quam quod instruente sacro Spiritu, et didicimus et docemus. Per hos ergo, frater charissime, cum testimonio nostro ad propria revertentes, dilectioni tuæ nostra scripta direximus, fidentes orantes ut qui gratia apostolicæ communionis ornantur,



etiam tuo favore per omnia se gaudeant adjuvari. A  
Data xiii Kalendas Julii, Adelphio, viro clarissimo, consule.

LXXXIX. — *Cujus supra ad Martianum Augustum.*

Credebamus clementiam vestram id desiderio nostro posse præstare, ut, præsentī necessitate respecta differri ad opportunius tempus sacerdotalem synodum juberetis, ut vocatis de cunctis provinciis sacerdotibus vere posset esse universale concilium. Sed, quia vos amore catholicæ fidei congregationem nunc fieri voluistis, ne devoto obviare viderer arbitrio, fratrem et coepiscopum meum Paschasium de eadem provincia quæ videtur esse securior, evocatum, qui vicem præsentiae meæ possit implere direxi, Bonifacio, fratre nostro compresbytero sociato, et his quos antea miseramus adjunctis, consortem illis fratrem quoque meum Julianum addentes episcopum. Quos ea moderatione universa, Domino auxiliante, credimus esse gesturos, ut quæcunque in querelam perturbationemque venerunt ad unitatem pacis et fidei, compressa omni dissensione revocentur, nec ullum in aliquorum cordibus sacerdotum, vel Nestorianæ, vel Eutichianæ impietatis vestigium relinquatur, quoniam catholica fides quam instruente nos Spiritu Dei per sanctos Patres a beatis apostolis didicimus, et docemus, neutrum subrepere permittat errorem. Si quid ergo morborum, si quod est vulnere, quid sincera possit correctione curari, ut ad veram sanitatem revocetur, optamus. Quæ nunc utique non erant dubia, nec cujusquam simplicitati deinceps nocitura, si nullis se excusationibus voluerit obumbrare, cum absolutionem peccati non obtineat, nisi vera confessio. Quia vero quidam de fratribus (quod sine dolore non dicimus) contra turbines falsitatis non valere catholicam tenere constantiam, prædictum fratrem et coepiscopum meum vice mea synodo convenit præsidere, certus quod absque odio et gratia ibidem ab his, quibus hoc commisimus, laboretur, ut cum solius hæreticæ impietatis excidio in omnibus Ecclesiis Dei veritas regnet et charitas. Data vi Kalendas Julii, Adelphio viro clarissimo consule.

XC. — *Cujus supra ad Pulcheriam Augustam.*

Quamvis nullas nunc litteras tuæ pietatis acceperim, scribente tamen gloriosissimo principe, non aliter dignatione ipsius sum gavisus, quam si etiam tuæ serenitatis redderentur alloquia. Unde consuetudinem me debitam mei officii oportuit custodire, per quam significarem clementiæ vestræ absolute me gaudere, et incessabilibus a Deo precibus postulare, ut vos et Romanæ reipublicæ catholicæ Ecclesiæ in omni prosperitate conservet. De vigore autem fidei vestræ quod indesinenter Domino sacrificium laudis offertis, quantas Deo gratias agam enarrare non valeo, quantum principibus temporis nostri non solum potentiam regiam, sed etiam sacerdotalem cognoscimus inesse doctrinam. Judicante enim fratre meo Juliano episcopo, pervenerunt ad nos in exemplaribus perceptionum vestrarum salu-

berrimæ sanctiones quibus insanam imperitiam monachorum dignati estis parendo plectere, et docendo punire, ut si eos ad penitentiam miseratio divina converterit, multis lacrymis, et a nefandis cædibus, et ab hæreticorum blasphemis diluantur. Quod vero piissimus imperator ad omnes episcopos qui Chalcedonsi synodo interfuere, voluit me scripta dirigere, quibus quæ illic de fidei sunt regula definita firmarem, libenter implevi, nec fallax quisquam simulatio sententiam meam haberi vellet incertam, cum per Constantinopolitanum episcopum, cui lætitiā meam largiter indicavi, in omnium potuerit notitiā pervenire quod scripseram, nisi maluisset meum gaudium tacere quam repulsam sui ambitus publicare, fratri et coepiscopo meo Juliano cui sollicitudinem meam in causam fidei delegavi, rogo ut eam fiduciam præbere dignemini qua pietati vestræ possit quæ universali Ecclesiæ sint profutura suggerere. Data xii Kalendas Aprilis, Opilione viro clarissimo consule.

XCI. — *Ad Maximum Antiochenum episcopum.*

Quantum dilectioni tuæ placeat communis fidei sacratissima unitas, et pacis ecclesiasticæ tranquilla concordia, litterarum tuarum textus ostendit, quas ad nos filii nostri Martianus presbyter, et Olympius diaconus detulere, eo nobis gratiores quid per ipsas alloquia alterna miscemus, et magis magisque innotescere gratiam Dei, qua sit ut per totum mundum de manifesto catholicæ veritatis lumine gaudeatur. Quamvis (quod multum dolemus) quidam adhuc sicut sermo indicat nuntiorum, tenebras suas diligant, et cum ubique dei splendor exortus sit, etiam nunc cæcitatē suæ delectentur obscuro, et perdita fide solo et vacuo remanserint nomine Christiani, non habentes intelligentiam, qua errorem ab errore discernant, et blasphemiam Nestorii ab Eutichis impietate distinguant. Nec enim ideo excusabilis videri aliqua eorum falsitas potest, quia ipsi sunt in sua perversitate contrarii. Nam cum Nestorium Eutichetis discipuli detestentur, et Eutichen anathematizent Nestorii sectatores, catholicorum iudicio pars utraque damnatur, et ambæ simul hæreses a corpore Ecclesiæ resecantur, quia neutra falsitas nobiscum potest habere concordiam. Nec interest quo sacrilegio ab incarnationis Dominicæ veritate discordent, dum id quod pravissime sentiunt, nec auctoritas Evangelii, nec ratio recipiat sacramenti. Et ideo, frater charissime, oportet dilectionem tuam toto corde perspicere, cujus Ecclesiæ gubernaculis te Dominus voluerit præsidere, et ejus meminisse doctrinæ, quam præcipuus apostolorum omnium beatissimus Petrus per totum mundum quidem uniformi prædicatione, sed speciali magisterio in Antiochenā et Romanā urbē fundavit, ut illum in suæ glorificationis domicilio præminentem, ea intelligas reposcere instituta quæ tradidit, sicut ab ipsa quam confessus est veritate suscepit. Neque ullo modo sinas in Orientalibus Ecclesiis maximeque in his quas Antiochenæ sedi sacratissimorum Patrum

Nicæni canones deputare ab improbis hæreticis Evangelio resultari, et vel Nestorii, vel Eutichetis a quoquam dogma defendi. Quoniam (sicut dixi) catholicæ fidei petra, cujus cognomen beatus apostolus Petrus sumpsit, a Domino nullum recipit ab utraque impietate vestigium, sed evidenter atque perspicue et Nestorium anathematizat, qui verbi carnisque naturam in beate Virginis conjunctione sejunges, unumque Christum in duos dividens, aliam deitatis, et aliam humanitatis voluit esse personam, cum omnino unus idemque sit, qui et secundum sempiternam deitatem de Patre est natus sine tempore, et de matre natus in tempore. Et Eutichen similiter exsecratur, qui in Domino Jesu Christo veritatem humanæ carnis evacuans ipsum Verbum in carnem asserit transformatum, ut nasci, nutrir, perficere, pati, mori, atque sepeliri, et die tertio suscitari, solius fuerit deitatis, quæ servilis formæ non veritatem suscepit, sed figuram. Summa itaque vigilantia cautum te esse convenit, ne quid sibi hæretica pravitas audeat vindicare, cum te deceat his sacerdotali auctoritate resistere, nosque sæpius de profectu Ecclesiarum tuis relationibus quid agatur instruere. Dignum est enim te apostolicæ sedis in hac sollicitudine consortem, et ad augendam fiduciam privilegia tertiæ sedis agnoscere, in nullo cujusquam ambitione minuantur, quia tanta apud me est Nicænorum canonum reverentia, ut ea quæ sunt a sanctis Patribus constituta, nec permiserim, nec patiar aliqua novitate violari. Etsi enim diversa nonnunquam sunt merita præsulum, tamen jura permanent sedium quibus possunt æmuli perturbationem aliquam fortassis inferre, non tamen possunt minuere dignitatem. Unde cum aliquid pro Antiochenæ Ecclesiæ privilegiis dilectio tua agendum esse crediderit propriis litteris studeat explicare, et ut nos consultationi tuæ absolute et congrue respondere possimus. Nunc autem ad omnia generaliter pronuntiare sufficiat, quod si quid a quoquam contra Nicænorum canonum statuta in quacunque synodo vel tentatum est, vel ad tempus videtur exortum, nihil præjudicii potest inviolabilibus inferre decretis, et facilius erit quorumlibet consensionum pactum dissolvere quam prædictorum canonum regulas ex ulla parte corrumpi. Subrepenti enim occasiones non prætermittit ambitio, et quoties ob incurrentes causas generalis congregatio facta fuerit sacerdotum, difficile est ut cupiditas improborum non aliquid supra mensuram suam molitur appetere. Sicut etiam de Ephesina synodo, quæ impium Nestorium cum dogmate suo pertulit, Juvenalis episcopus ad obtinendum Palæstinæ provinciæ principatum credidit se posse sufficere, et insolentes ausus per commentitia scripta firmare, quod sanctæ memoriæ Cyrillus Alexandrinus episcopus merito perhorrescens scriptis suis mihi quid prædicta cupiditas ausa sit, indicavit, et sollicita pace multum poposcit, ut nulla illicitis conatibus præberetur assensio. Nam ejus epistolæ ad nos exemplaria direxisti sanctæ memoriæ Cyrilli eam in nostro scrinio requisitam nos

A authenticam noveris reperisse, hoc tamen proprium diffinitionis meæ est, ut quantumlibet numerus sacerdotum amplior aliquid per quorundam subreptionem decernat, quod illis trecentorum decem et octo constitutionibus inveniatur adversum, id justitiæ consideratione cassetur, quoniam universæ pacis tranquillitas non aliter poterit custodiri, nisi sua canonibus reverentia intemerata servetur. Si quid sane ab his fratribus, quod ad sanctam synodum vice mea, nisi præter id quod ad causam fidei pertinebat gestum fuisse perhibetur, nullus erit penitus firmitatis, quia ad hoc tantum ab apostolica sede sunt directi, ut excussis hæresibus catholicæ essent fidei defensores. Quidquid enim præter speciales causas synodalia conciliorum ad examen episcopale defertur, potest aliquam dijudicandi habere rationem, si nihil de eo est a sanctis Patribus apud Nicæam definitum. Nam quod ab illorum regulis constitutioneque discordat, apostolicæ sedis nunquam obtinebit consensum. Quanta vero hoc diligentia custodiatur a nobis exemplaribus ejus epistolæ quam ad Constantinopolitanum episcopum refrenantes ipsius cupiditatem direximus instrueris, quam in omnium fratrum et sacerdotum nostrorum facias notitiam pervenire, ut noverint pacem ecclesiasticam per concordiam Deo placitam debere servari. Illud quoque dilectionem tuam convenit præcavere, ut præter eos qui sunt Domini sacerdotes, nullus sibi jus docendi, et prædicandi audeat vindicare, sive sit ille monachus, sive sit laicus, qui alicujus scientiæ nomine gloriatur. Quia et si optandum est, ut omnes Ecclesiæ filii quæ recta et sana sunt sapiant, non tamen permittendum est, ut quisquam extra sacerdotalem ordinem constitutus gradum prædicatoris assumat, cum in Ecclesia Dei omnia ordinata esse conveniat, ut in uno Christi corpore, et excellentiora membra suum officium impleant, et inferiora superioribus non resultent. Data in Idus Junii, Opillione viro clarissimo consule.

## 227 XCII. — Cujus supra ad Leonem Augustum.

Officiis quæ ad gratulationem imperii vestri pertinent persolutis, etiam hanc paginam necessariæ supplicationis adjeci, qua catholicæ fidei divinitus præparatum favoris vestri posco præsidium. Nam talia in Alexandrina Ecclesia perpetrata fratris et coepiscopi mei Anatolii relatione cognovi, ut omnis Christiana religio sentiat se impeti, atque violari, nisi universali fidei vestra devotione prospiciatur, et memoratæ Ecclesiæ quæ antea catholicis fuit clara doctoribus reddatur Christiana libertas, ut cessantibus hæreticorum impugnationibus, evangelica doctrina quæ illis ante Dioscorum vixit, unita cum totius Ecclesiæ pace reparetur. Quod opus virtutibus vestris gloriæque conveniens, celerem et Deo placitum habebit effectum, si apud sanctam Chalcedonensem synodum de Domini Christi Incarnatione firmata nulla permiseritis retractatione pulsari. Quia in illo concilio per Spiritum sanctum congregato, plenius atque perfectis diffinitionibus cuncta firmata



sunt, ut nihil ei regulæ quæ ex divina inspiratione prolata est, aut addi possit, aut minui. Hoc autem etiam apud clementiæ vestræ scientiam non ambigimus esse perspicuum, siquidem ut multorum ante relationem comperimus, molitiones hæreticorum quæ contra prædictæ synodi auctoritatem conabantur assurgere, nihil ex hoc permiseritis audere. Unde quod negandum illis sponte vidistis gloriosum vobis est universali Ecclesiæ me suspicante concedere, et incommutabiliter perpetueque præstare, ut quæ secundum Evangelium Christi et prædicationis evangelicæ veritatem omnibus retro sæculis, una fide, unaque intelligentia roborata sunt, nulla ulterius possint actione convelli. Prout ergo misericordia Dei consilio Spiritus sui mentem vestræ pietatis instruxerit, sanctæ primitus Alexandrinæ Ecclesiæ pacis reparationi consulite, et per catholicos sacerdotes talem provideri jubete pontificem, in quo et in actu probitate, et in fidei perfectione nihil possit reprehensibile reperiri, ut omnibus rite compositis, eadem utique servetur prædicationis veritatis. Data quinto Idus Junii, Constante et Rufo consulibus.

XCIII. — *Ejusdem ad Leonem Augustum.*

Licet proxime ad clementiam vestram gemina scripta direxerim, quorum unum debitum salutationis impleveret, aliud pro statu Ecclesiæ supplicaret, tamen occasione quæ Deo providente se præbuit iterari utrumque conveniit. Secundum ergo fiduciam illam quam ex Dei inspiratione universali Ecclesiæ præstitistis ante ejusquam preces constituendo quod maxime ab omnibus fuerat expetendum, non desinimus gratias agere, et providentiam Dei in fidei vestræ fervore benedicere, qui sancto et catholico spiritu, sicut fratris et coepiscopi mei Anatolii sermone cognovi. Ita hæreticorum impudentiæ restitistis, ut profiteremini totius mundi pacem Chalcedonensis synodi vos esse custodem. Quod cum ex vestræ fidei sententia saluberrime definitum sit, quanto studiosius universali Ecclesiæ est conferendum, ut tranquillitas fidei Christianæ etiam vestro prosit imperio, nec improbitas hæretica in aliquo suo molimine gloriatur. Cujus pertinax insidiosa contentio illico conquiescet si imperiali potestate frenetur. Data Kalendas Septembris, Constantio et Rufo consulibus.

XCIV. — *Item, ejusdem ad eundem.*

Litteras clementiæ tuæ plenas virtute fidei et lumine veritatis veneranter accepi, quibus cuperem etiam in eo quod præsentiam meam pietas vestra necessarium existimat obedire, ut majori fructu conspectum vestri splendoris assequeretur, sed magis id vobis arbitrator placitum quod eligendum ratio demonstravit. Nam cum sancto spiritualique studio universam pacem Ecclesiæ muniatis, nihilque sit convenientius fidei defendendæ, quam his quæ per omnia instruente Spiritu sancto irreprehensibiliter definita sunt inhærere, ipsi bene videbimur statuta convellere, et auctoritates quas Ecclesia universalis amplexa est ad arbitrium hæreticæ petitionis infrin-

gere, atque ita nullum colligendis Ecclesiis modum ponere, sed data licentia debellandi dilatare magis quam sopire certamina. Unde quia post illas Ephesinæ synodi impietates, quibus Dioscori scelere fides catholica refutata perversitas Eutichiana suscepta est, nihil ad confirmationem fidei Christianæ utilius potuit ordinari, quam ut prædicti facinus sancta synodus Chalcedonensis aboleret, et tanta illic haberetur cœlestis cura doctrinæ, ut nihil ejusquam opinione resideret quod a prædicationibus vel prophetis et apostolicis dissonaret, ea scilicet moderatione servata, ut rebellibus tantum ac pertinacibus ab Ecclesiæ unitate rejectis, nulli correctio venia negaretur, quid probabilius, quid religiosius poterit pietas vestra decernere quam ut quæ non tam humanis quam divinis sunt statuta decretis, nullus ultra sinatur impetere, ne vere digni sint Dei munus amittere qui de veritate ipsius ausi fuerint dubitare. Cum ergo universalis Ecclesia per illius principalis petrae ædificationem facta sit petra, et primus apostolorum beatissimus Petrus voce Domini audierit: « Tu es Petrus et super hanc Petram ædificabo Ecclesiam meam (Matth. xvi, 16). » Quis est nisi aut Antichristus, aut diabolus qui pulsare audeat inexpugnabilem veritatem, qui in malitia sua incorvertibilis perseverans, per vasa iræ et suæ apta fallaciæ falso diligentiae nomine dum veritatem se mentitur inquirere, mendacia desiderat seminare, atque contemnenda et vitanda merito sibi incontinens furor et impietas cæca præscripsit, ut diabolico instructum quod in sanctam Alexandrinam sævit Ecclesiam, quales essent qui Chalcedonensem synodum retractati cupiunt disceretur, in qua nullo modo accedere potuit, ut a vobis contra sanctam Nicænam synodum sentiretur, quod hæretici mentiuntur, qui se fidem Nicæni concilii tenere confingunt, in quo sancti et venerabiles Patres nostri contra Arium congregati, non carnem Domini, sed deitatem filii omouision Patri esse firmavere? In Chalcedonensi autem concilio adversum Eutichianam impietatem definitum est, de substantia Virginis matris Dominum Jesum Christum sumpsisse nostri corporis veritatem. Apud Christianissimum principem igitur et inter Christi prædicationes digno honore numerandum utor catholicæ fidei libertate, et ad consortium te apostolorum ac prophetarum securus exhortor, ut constanter despicias ac repellas eos qui se Christiano nomine privare, nec patiaris impios parricidas sacrilega simulatione de fide agere, quos constat a fide deviare. Cum enim clementiam tuam Dominus tanta sacramenti sui illuminatione ditaverit, debes incunctanter advertere regiam potestatem tibi non solum ad mundi regimen, sed maxime ad Ecclesiæ præsidium esse collatam, ut ausus nefarios comprimendo, et quæ bene sunt statuta defendas, et veram pacem his quæ sunt turbata restituas, depellendo scilicet pervasores juris alieni, et antiquæ fidei sedem Alexandrinæ Ecclesiæ reformando, ut correctionibus tuis Dei iracundia mitigata, regni antea civitati non retribuat

quæ admissa sunt sed remittat. Constitue ante oculos cordis tui, venerabilis imperator, omnes qui per totum orbem sunt Domini sacerdotes pro ea tibi fide, in qua totius mundi est redemptio supplicare, in qua re specialius ambiunt, qui apostolicæ fidei sectatores Alexandrinæ Ecclesiæ præsidere, agentes apud pietatem tuam ne hæreticos homines et merito pro sua perversitate damnatos, uti sua persuasione patiamini, cum sive impietatem errorum aspicias, sive opus perpetrati furoris attendas, non solum ad sacerdotii honorem admitti nequeant, sed ab ipso Christiano nomine mereantur abscindi. Nam quod exorata pietatis vestræ venia dixerim, quodam contagio splendorem vestræ serenitatis offuscant, cum sacrilegi parricidæ id audeant petere, quod nec innocentes liceat obtinere. Oblatæ sunt pietati vestræ preces, quarum exempla vestris litteris subdidistis, sed in his quæ catholicorum sunt deplorationum subscriptio continetur, et quia causa probabilis est, fiducialiter nomina singulorum, et dignitas sui honoris aperitur. In illis autem quas orthodoxo principi hæretica porrigere non formidavit obreptio, sub incerto confusæ unitatis vocabulo, ideo certum nomen retrahitur, ne non solum paucitas personarum, sed etiam meritum delegatur. Latere enim sibi utile aestimat eorum quantitas, quorum est qualitas iudicata, nec incongruè ejus loci homines sunt, profiteri metuunt, qui meruere damnari. In una ergo catholicorum supplicatione continetur, in alia hæreticorum commenta panduntur. Hic sacerdotum Domini, et totius Christiani populi ac monasteriorum defletur eversio, ibi immanium scelerum continuatio demonstratur, ut quod non licuit audiri, liceat dilatarı. Nonne perspicuum est quibus pietas vestra succurrere, et quibus debeat obviare, ne Alexandrina Ecclesia, quæ semper fuit domus orationis, spelunca nunc sit latronum. Manifestum quippe est per crudelissimam insanissimamque sævitiam, omne illic cœlestium sacramentorum lumen extinctum. Intercepta est sacrificii oblatio, defecit chrismatis sanctificatio et parricidalibus manibus impiorum omnia se subtraxere mysteria. Nec ullo modo ambigi potest, quid de his decernendum sit, qui post nefanda sacrilegia, post sanguinem probatissimi sacerdotis effusum, et concremati corporis cinerem in contumeliam aeris cœlique dispersum audent sibi jus pervasæ dignitatis expetere, et apostolicæ doctrinæ inviolabilem fidem ad concilia provocare. Magnum ergo vobis est, ut diademati vestro de manu Domini etiam fidei addatur corona, et de hostibus Ecclesiæ triumphetis, quia si laudabile vobis est adversarum gentium arma contere, quanta erit gloria ab insanissimo tyranno Alexandrinam Ecclesiam, in cujus contritione omnium Christianorum est injuriâ liberare? Ut autem litteræ meæ pietati tuæ colloquimur quasi præsentis exhibeant, quidquid de communi fide fueram suggesturus, scriptis prosequentibus insinuandum esse perspexi, ac ne hujus epistolæ pagina in nimiam longitudinem

A tenderetur, aliis litteris quæ assertioni catholicæ fidei congruunt, comprehendı, ut licet ea quæ a sede apostolica sunt prædicata sufficerent, insidias tamen hæreticorum, etiam hæc quæ sunt adjecta reserarent. Sacerdotalem namque et apostolicum tuæ pietatis animum, etiam hoc malum ad justitiam ultionis debet accedere, quod Constantinopolitanæ Ecclesiæ puritatem pestilenter obscurat, in qua inveniuntur quidam hæreticorum clerici sensui consonantes, et intra ipsa catholicorum viscera, assertionibus suis hæreticorum adjuvantes. In quibus deturbandis frater meus Anatholius, cum nimis benignæ parcat, signior invenitur. Dignamini pro fide vestra etiam Ecclesiæ istam præstare medicinam, ut tales non solum ab ordine clericatus, sed etiam B ab urbis habitatione pellantur, ne ulterius sanctus Dei populus perversorum hominum contagio polluat. Cultores autem pietatis tuæ Julianum episcopum et Eutichium presbyterum mea petitione commendo, ut suggestiones eorum pro catholicæ defensione fidei placide digneris audire, quia vere sunt ejusmodi, ut fidei vestræ possint per omnia utiles inveniri. Data Kalendas Novembris, Constantino et Rufo viris clarissimis consulibus.

XCv. — *Ad Pulcheriam Augustam.*

228 Quantum sibi fiduciæ de fide vestræ clementiæ Ecclesia Dei debeat polliceri, multis probavimus sæpe documentis, dum sicut Spiritu sancto docente didicistis, illi per omnia potestatem vestram subjecit, ejus munere et protectione regnatis. Unde C quia contra integritatem fidei Christianæ dissensionem quamdam in Constantinopolitana Ecclesia Eutiche auctore generatam fratris et coepiscopi mei relatione cognovi, ut totius causæ speciem synodaliū gestorum textus ostenderet, dignum gloriæ vestræ est, ut error qui de imperitia magis quam de versutia natus est auferatur, priusquam ullas vires de consensu imprudentium pertinacia pravitatis acquirat. Nam quantum Nestorius a veritate excedit, dum Dominum Jesum Christum de matre Virginæ hominem solum asserit natum etiam hic a catholico tramite deviauit, qui de eadem virgine editum non nostræ credidit esse naturæ, ut quod formam servi gessit, quod nostri similis fuit atque conformis, quædam nostræ carnis fuerit D imago, non veritas. Nihil autem prodest Dominum nostrum beatæ Mariæ virginis filium hominem dicere, si non illius generis atque seminis homo creditur, cujus in ipso Evangelii exordio prædicatur. Unde multum doleo, multumque contristor, quod hic qui ante de humilitatis proposito laudabilis videbatur, contra unicam spem nostram, patrumque nostrorum, vana et nimis perversa audet astruere, qui cum videret insipientiæ suæ sensum catholicis auribus displicere, revocare se a sua opinione debuerat, ne ita Ecclesiæ præses commoveret, ut sententiam damnationis exciperet. Quam utique si in suo sensu voluerit permanere, nullus poterit relaxare. Sedis enim apostolicæ moderatio hanc tem-



perantiam servat, ut et severius agat cum obduratis A et veniam cupiat præstare correctis. Quia ergo mihi multa fiducia est de pietatis vestræ sincerissima fide, obsecro clementiam vestram, ut sicut sancto studio tuo catholica prædicatio semper adjuta est, ita nunc quoque ejusdem libertati faveas. Non enim portiuuncula aliqua fidei nostræ quæ minus lucide sit clara pulsatur. Sed hoc imperta resultatio audet incessere, quod Dominus in Ecclesia sua neminem voluit ignorare. Et ideo pro vestræ pietatis consuetudine elaborare dignemini, ut contra singulare sacramentum salutis humanæ, quod blasphema insipientia protulit, ab omnium animis repellatur, ac si ipse qui in hac tentatione incidit, resipiscat, ita ut quod male senserat propria voce et subscriptione condemnet, communioni illi sui ordinis reformetur. Quod etiam fratri et coepiscopo meo Faviano me clementia vestra cognoscat, et his quos misimus delegasse, ut venia concedatur, si error aboletur. Ne autem piissimi principis dispositioni quæ episcopale concilium voluit congregari, nostra videretur præsentia defuisse, fratres meos Julianum episcopum, Renatum presbyterum, et filium meum Hilarium diaconum misi, qui vicem præsentiae meæ implere sufficerent. Sed ei qui in errore est melius consulatur, si ibi ubi desipuit, ibidem resipiscat, et ubi damnationem meruit, illic indulgentiam consequatur. Data Idus Junii, Asturio et Protogene viris clavis. cons.

XCVI. — *Ad universos episcopos per Galliam et Hispaniam constitutos.*

Leo dilectissimis fratribus universis episcopis catholicis per Galliam et Hispaniam constitutis de Pascha.

Cum in omnibus divinorum præceptorum regulis exsequendis, sacerdotalem observantiam oporteat esse concordem, maxime nobis et principaliter providendum est, ne in paschalis festi die vel ignorantia vel præsumptio peccatum diversitatis incurrat. Unde quia tempus sacratissimæ solemnitatis ita dispositos habet limites suos, ut salutare sacramentum nunc citius, nunc tardius oporteat celebrari, non desinit apostolicæ sedis sollicitudo prospicere, ne devotio ecclesiastica aliquo turbetur incerto. Cum igitur in quibusdam ascriptionibus Patrum futurum proxime Pascha Domini ab aliis in diem quintumdecimum Kalendas Maii, ab aliis in diem octavum Kalendarum earundem inveniretur ascriptum, tantum me diversitas ista permovit, ut clementissimo principi Marciano curam de hac re animi mei panderem, ut præcipiente ipso ab his qui

habent hujus supputationis peritiam, diligentius illi discussa ratione, quæreretur quo die posset veneranda solemnitas rectius celebrari. Quo rescribente, octavo Kalendas Maii definitus est dies. Quia ergo studio unitatis et pacis malui Orientalium definitioni acquiescere, quam in tantæ festivitatis observantia dissidere, noverit fraternitas vestra die octavo Kalendarum Maiarum ab omnibus resurrectionem Dominicam celebrandam, et hoc ipsum per vos aliis esse fratribus intimandum, ut divinæ pacis consortio, sicut una fide jungimur, ita una solemnitate feriemur.

XCVII. — *Ad Samarionem, Carathonem, etc.*

Dominis fratribus merito beatissimis in Christo venerabilibus, Samarioni, Carathoni, Desiderio, episcopis et presbyteris omnium ecclesiarum quæ sunt intra provinciam Thraciam constitutæ, Leo, Victorius, Eustatius episcopi.

Tanta sæculi potestates circa sacerdotalem ordinem reverentia pervaluere, etiam hi quos sub imperiali nomine terris divina potentia præesse præcepit, ut jus distringendorum negotiorum episcopis sanctis, juxta divalia constituta permiserint. Quod cum et juris antiqui formulis et illatis frequentius sit et legibus confirmatum, præsertim tempore a plerisque invenimus fuisse calcatum. Nam prætermisso sacerdotali iudicio passim ad examen sæculare transire. Quocirca nobis visum est, ut hanc et sacræ legis et nostri ordinis contumeliam et ad præsens ulcisceretur plena districtio, et observandam formulam constitueret in futurum. Censemus itaque ut quicumque prætermisso sacerdote ecclesiæ suæ ad disceputationem venerit sæcularium, sacris liminibus expulsus a cœlesti arceatur altario. Neque ullus post hanc definitionem qui communi sedit arbitrio quidquam sibi ultra præscriptum vindicare nitatur. Ita fieri, ut hi qui ante erravere congrua emendatione se corrigant, et qui sub observatione clericali cœlesti probatur servire officio, ex clero abjiciendum, si prætermisso sacerdotum iudicio sæcularem adierit potestatem. Quod ideo singulos universosque volumus agnoscere, ut quod pleno justitiæ et juris ordine constitutum est, effectum totius firmitatis in omnibus clericorum negotiis sortiatur. Sane si clericus laicum pulset, prius se audiri ab episcopis poscat, tum si petitioni suæ laicum viderit obviare ex permissu episcopi sui in sæculi moderatores disceputatione configat. Leo episcopus scribit; Victorius episcopus scribit; Eustatius episcopus scribit.

## INCIPIUNT DECRETA HILARII PAPÆ.

### INCIPIUNT CAPITULA.

1. Ut canones Nicæni vel apostolicæ sedis decreta custodiantur.

2. Ut bigami, aut viduæ, aut corruptæ mariti ad ecclesiasticos gradus non accedant.

3. Ut penitentes aut inscii litterarum sive de-

fectu membrorum, aut decisione aliquid minus habentes ad superiorem ordinem non veniant.

4. Ut ea quæ illicite episcopus vel decessor ejus ordinavit, ab eo qui superest emendentur.

5. Ut nullus episcopus, sibi eligat successorem.

CAP. I. Flavio Basileo, et Hermineico viris clarissimis consulibus, sub die decimo sexto Kalendarum Decembrium. In basilica sanctæ Mariæ residente venerabili papa Hilario una cum episcopis, numero quinquaginta, residentibus etiam universis presbyteris, astantibus quoque diaconibus, Hilarius episcopus Ecclesiæ catholicæ urbis Romæ synodo præsidens, dixit: Quoniam religiosus sancto Spiritu congregante conventus hortatur, ut quædam quæ pro disciplina ecclesiastica necessaria sunt, cura diligentiore tractemus, si placet, fratres, ea quæ ad ordinationis tenorem pertinent, juxta divinæ legis præcepta, et Nicænorum canonum constituta, juvante Domino in omne ævum mansura solidemus, ut nulli fas sit sine status sui periculo, vel divinas constitutiones, vel apostolicæ sedis decreta temerare, quia nos qui potentissimi sacerdotis administramus officia, talium transgressionum culpa respiciet, si in causis Dei desides fuerimus inventi, quia meminimus quod timere debemus qualiter comminetur Dominus negligentiae sacerdotum. Si quidem reatu majore delinquit qui potiori honore fruitur, et graviora facit vitia peccatorum sublimitas dignitatum.

III. Cavendum ergo in primis ne ad sacros gradus, sicut gestis prioribus ante scriptum est, quisquam qui uxorem virginem non duxit, aspiret. Repellendi sunt etiam quicumque in secundæ uxoris nuptias contra apostolica præcepta conveniunt.

XL. Ut pœnitentes vel inscii litterarum, aut aliqua membrorum defectu damna perpassi, vel hi qui ex pœnitentibus sunt, ad sacros ordines aspirare non audeant. Quisque talium consecrator exstiterit factum suum ipse dissolvat.

IV. Sed quodeunque quis commisit illicite, aut a decessoribus suis invenit admissum, si proprium periculum vult vitare, damnabit; nos enim in nullo volumus severitatem ultionis exercere. Sed qui in causis Dei vel contumacia vel in aliquo decessu deliquerit, aut ipse quod proprius prædecessor ejus fecit, abolere noluerit in se quidquid in alio non resecaverit, inveniet. Quod ut deinceps possit tenacius custodiri (si placet sententias omnes, et subscriptiones proprias commodatæ) ut synodali judicio aditus claudatur illicitis. Ab universis episcopis, et presbyteris acclamatum est. Exaudi, Christe, Hilario vita, dictum est sexies. Hoc confirmamus et docemus, dictum est octies. Hæc tenenda sunt, hæc servanda sunt, dictum est quinquies. Doctrinæ vestræ gratias agimus, dictum est quindecies. Ista in perpetuum serventur rogamus, dictum est quindecies. Ista per sanctum Petrum ut in perpetuum serventur aptamus, dictum est octies. Hæc præsumptio nunquam fiat, dictum est decies. Qui hæc violaverit, in se inveniet. Et facto silentio, Hilarius episcopus dixit:

V. Præterea, fratres, nova et inaudita, sicut ad

A nos missis de Hispaniis epistolis sub certa relatione pervenit, in quibusdam locis perversitatum semina subinde nascuntur. Denique nonnulli episcopatum, qui non nisi meritis præcedentibus datur, non divinum munus, sed hæreditarium putant esse compendium. Et credunt sicut res caducas atque mortales, ita sacerdotum velut legatorio aut testamentario jure posse dimitti. Nam plerique sacerdotes, et in mortis confinio constituti, in locum suum feruntur alios designatis nominibus subrogare, ut, scilicet non legitima expectatur electio, sed defuncti gratificatio, pro populi habeatur assensu. Quod quam grave sit existimate. Atque ideo, si placet, etiam hanc licentiam generaliter de Ecclesiis auferamus, ne (quod turpe dictu est) homini quisquam putet deberi, quod Dei est. Ut autem quod ad nos perlatum est, ad vestram etiam possit pervenire notitiam, Hispanorum fratrum et coepiscoporum nostrorum scripta legantur. Paulus notarius recitavit. Et statutum est, ne quid ultra hujusmodi a sacerdotibus præsumatur.

229 *Epistola ejusdem Hilarii papæ ad Tarraconenses episcopos.*

1. Ut nullus sine consensu episcopi metropolitani episcopus ordinetur.

2. Ut nullus episcoporum relicta propria Ecclesia, ad aliam transeat.

3. Ut Hirenus remotus ab Artimoniensi ad propria revertatur.

C 4. De removendis episcopis qui illicite ordinati sunt et ne in una Ecclesia duo episcopi habeantur.

5. De damnatione Hirenæi, si ad suam Ecclesiam non revertitur.

Dilectissimis fratribus ASCANIO et universis episcopis Tarraconensis provinciæ, HILARIUS episcopus.

Postquam litteras vestræ dilectionis accepimus, quibus præsumptiones Silvani episcopi Calagurensium Ecclesiæ retundi petistis, et rursus Barcinonensium quæritis nimis illicita vota firmari honoratorum et possessorum, Tyriasonensium, Castanensium, Calagurtanorum, Virigensium, Triciensium civitatis cum scriptionibus diversorum litteras nobis constat ingestas, per quas id quod de Silvano querela vestra deprompserat, excusabant. Sed reprehensione justissima eorum pariter allegatio non carebat, quia præter conscientiam metropolitani fratris et coepiscopi nostri Ascanii nonnullis civitatibus ordinatos claruit sacerdotes. Unde quoniam quidquid ab alterutra parte est indicatum omni videmus perversitate confusum, temporum necessitate perspecta, hac ratione decernimus ad veniam pertinere quod gestum est, ut nihil deinceps contra præcepta beati apostoli, nihil contra Nicænorum canonum constituta tentetur.

CAP. I. Hoc autem primum juxta eorundem Patrum regulas volumus custodiri, ut nullus præter notitiam atque consensum fratris Ascanii metropolitani aliquatenus consecratur antistes, quia hoc vetus ordo tenuit. Hoc trecentorum decem et octo san-



etorum Patrum definitivè auctoritas, cui quisquis obvias tetenderit manus, eorum se consortio fatetur indignum, quorum præceptionibus resultat.

II. In quorum contumeliam superbo spiritu etiam pars illa contemnitur quæ veretur, ne quis relicta Ecclesia sua, ad alteram transire præsumat. Quod nimis improbe conniventibus, et ut doleatur gravius vobis asserentibus; Hireneus episcopus conatur admittere. Quod nostra auctoritate roborare cupitis, quos maxime de rebus illicitis magna indignatione probatis accendi, lectis ergo in conventu fratrum, quos natalis mei festività congregarat litteris vestris quæ de ordinandis episcopis secundum statuta canonum vel prædecessorum meorum decreta fuerit probata sententia gestorum quæ pariter direximus tenore discetis.

III. Unde remoto ab Ecclesia Barcinonensi, atque ad suam remisso Hireneo episcopo, sedatis per sacerdotalem modestiam voluntatibus, quæ per ignorantiam ecclesiasticarum legum desiderant. Quod non licet obtinere talem protinus de clero proprio Barcinonensibus episcopus ordinetur, qualem te præcipue, frater Ascani, oporteat eligere, et deceat consecrare, ne si aliter forte factum fuerit, non sine objurgatione, maxime tui nominis retundat nostra præceptio, quod in injuriam Dei, a quo specialiter sacerdotalium est gratia dignitatum didicerimus admissum. Nec episcopalis honor hæreditarium jus putetur, quod nobis sola Dei nostri benignitate confertur.

IV. Ordinatos nunc ergo episcopos, qui licet dum te ignorante proventi sunt cum suis auctoribus meruerint submoveri hac ratione firmamus, si nec viduæ maritus fuerit quisquam, nec in secundæ conjugio nuptias ac vota convenerit, sicut et legalia constituta præcipiunt, dicendo : Sacerdos uxorem virginem accipiat, non viduam, non repudiatam, secundum quod etiam beatus Apostolus magister gentium de his qui fieri desiderant sacerdotes propria institutione non tacuit dicens, unius uxoris virum cujus tenore sane ita informati esse debetis, fratres charissimi, ut inter cætera quæ cavenda sunt hæc studeatis præcipue custodiri, quæ noscitis ante universa mandari. In quibus etiam perspicendum est, ne duo simul sint unius Ecclesiæ sacerdotes, aut litterarum ignarus, aut carens aliqua parte membrorum, aut etiam ex pœnitentibus aliquis ad sacrum ministerium prorsus sinatur accedere. Nec tantum putetis petitiones valere populorum, ut cum his parere cupitis voluntatem Dei nostri, quæ nos peccare prohibet deseratis. Cujus indignatio ex hoc gravius commovetur, quia benignitas ejus, dum fiunt, illicita per eos qui sunt interpretes placationis offenditur.

V. Ut autem omnia secundum hæc quæ scripsimus corrigantur præsentibus litteris Trajano subdiacono nostro veniente direximus. Quod si Hireneus episcopo ad Ecclesiam suam deposito, improbitatis ambitu redire neglexerit, quod ei non iudicio, sed humanitate præstabitur removendum se ab episco-

pali consortio esse cognoscat. Deus incolumes vos custodiat.

*Item epistola Hilarii ad Ascanium, de his quæ sunt scripta superius.*

Dilectissimo fratri ASCANIO, HILARIUS episcopus.

Divinæ circa nos gratiæ memores esse debemus, qui nos per dignationis suæ misericordiam ob hoc ad fastigium sacerdotale provexit, ut mandatis ipsius inhaerentes, et in quadam sacerdotii ejus specula constituti prohibeamus illicita, et sequenda doceamus. Unde directis per Trajanum subdiaconum nostrum litteris admonemus, ut qui male facta sunt, corrigantur. Et miramur admodum dilectionem tuam Barcinonensium petitiones non solum nulla auctoritate retulisse, verum etiam directis ad nos litteris, consummationem pravi desiderii postulasse adhibendo in epistolarum procœmio concilii mentionem, tanquam culpæ minuerentur excessus, per multitudinem imperitorum, cum etiam sub significatione unusquisque sui nominis tecum pariter retulisset, et subscriptiones proprias factas singuli commodassent, dilectionem tamen tuam rei de qua displicet summa tangebatur, quia pro loco et honore tibi debito cæteri sacerdotes docendi fuerant, non sequendi. Unde sicut in generalibus litteris indicavi, Hireneus ad propriam revertatur Ecclesiam, et Barcinonensibus de suo clero protinus consecratur antistes, cui tamen statuta canonum, et apostolica præcepta concordent. Et licet hi qui propter notitiam atque consensum tuæ dilectionis ordinati sunt sacerdotes, cum suis debuerint auctoribus submoveri, ne quid tamen in tanta necessitate decernamus austerum, eos qui episcopi facti sunt ita volumus permanere, si apostolicis præceptionibus et statutis sanctorum Patrum non reperiantur obnoxii, ac deinceps nihil quod contra disciplinam ecclesiasticam veniat, sicut hactenus factum est perpetretur, tuæ sollicitudinis est, frater charissime, debitam tibi auctoritatem tueri, et illicitis non modo non præbere assensum, sed etiam cuncta quæ contra regulam facta reperiis coercere, atque ante omnia quæ sola unitate decernimus, Hireneum ad Ecclesiam suam redire compelle. Ad quam sponte potius redire debebit, si a sacerdotali consortio meruit separari, nec unus Ecclesiæ duo esse permittantur antistes, quod opportunius subpredicti subdiaconi fieri delegamus, instantia quam etiam pro conservanda Ecclesiæ disciplina commovere ad Hispanias dispositionis nostræ fecit auctoritas. Deus autem incolumem te custodiat, frater charissime.

*Epistola Hilarii papæ, ad Leontium, Veranum, Victurium, episcopos.*

Dilectissimis fratribus VERANO, LEONTIO, VICTURIO, episcopis, HILARIUS papa.

Movemur ratione justitiæ, quæ licet ab omnibus qui recta sapiunt, debeat custodiri, cum præcipue Domini sacerdotibus non est temere negligenda, quorum cæteros informari convenit institutis. Frater igitur et coepiscopus noster Ingenius Ebredunensis Alpium maritimarum pro-

vinciæ metropolitani semper honore subnixus in præjudicium suum, sicut annexa declaravit quædam nos petente fratre et coepiscopo nostro Auxamio statuisset commemorat, quæ universis in hac eadem causa defensionibus contrairerent. Si quidem relationibus in nostro iudicio recensitis, quas frater et coepiscopus noster Veranus ad sanctæ memoriæ decessorem meum cum cæteris provinciæ sacerdotibus misit, et apostolicæ sedis, quæ tunc directa fuerat patefacta, responsione manifestatum est, nihil postea debuisse tentari, nec ad injuriam synodaliū regularum quidquam per obreptionem, quæ proxime facta est, oportere constitui. Nam licet ex hoc etiam quod a nobis est elicitum, censeatur infirmum, quia ex ipso insinuatum est, exsequi voluisse qui meruit, tamen ne odio vel gratia moveamur, quæ in causarum disceptationibus esse non debet, ita vestræ charitati cognitionem annexæ querimonie delegamus, ut nihil adversum venerandos canones, nihil contra sanctæ memoriæ decessoris mei iudicium valeat quidquid obreptum nobis esse constiterit. Nolumus namque, fratres charissimi, Ecclesiarum privilegia quæ semper sunt servanda confundi, nec in alterius provincia sacerdotis alterum jus habere permittimus, quia per hoc non minus in sanctarum traditionum delinquitur sanctiones, quam in injuriam ipsius Domini prosilitur, cujus expectatio fructus nostri ministerii non in latitudine regionum, sed in acquisitione ponitur animarum. Habeat itaque pontificium frater et coepiscopus noster Ingenuus provinciæ suæ, de cujus dudum ab apostolica sede est illicita cessione culpatus, et custoditis omnibus, quæ super Ecclesiis Ceruelenensis civitatis, vel castelli Nicensis, sicut diximus sanctæ memoriæ decessoris mei definivit auctoritas, nihil Ecclesiarum juri noceat, quod in alterum memoratorum a prædicto fratre ad excludendam cupiditatem, quemadmodum prohibuit ambitionis alienæ proxime est episcopus consecratus, sed statutæ correctionis forma permaneat, ut ad unius antistitis prædicta loca regimen revertantur, quæ in duos dividi non decuit sacerdotes. Dominus vos incolumes custodiat, dilectissimi fratres.

*Epistola Tarraconensium episcoporum ad Hilarium papam.*

Beatissimo et apostolica reverentia a nobis in Christo colendo papæ HILARIO, ASCANIUS et universi episcopi Tarraconensis provinciæ. Quoniam curam apostolatus vester provinciarum suarum sacerdotibus gerat filio nostro illustri Vincentio duce provinciæ nostræ referente cognovimus. Cujus impulsu votum nostrum in ausu scribendi prona devotione surrexit. Ergo provinciales litterario sermone debita coactione vestræ obsequia deferentes, his quæsumus ut dignatione qua cæteros etiam humilitatem vestram in orationibus vestris, in mente habere dignemini, beatissime, et apostolica reverentia in Christo a nobis, colende Pater. Illud specialius deprecantes, ut factum nostrum quod tamen voto pene omnes pro-

A vinciæ quam exemplo vetustatis in notitiam nostram defertur propensis assertionibus nostris roborare dignemini. Et cum legerent ab universis episcopis et presbyteris exclamatum **230** est. Exaudi, Christe, Hilario vita, dictum est decies. Hæc præsumptio nunquam fiat, dictum est sexies. Quæ Dei sunt ab homine dari non possunt, dictum est sexies. Per dominum Petrum rogamus ut in perpetuum serventur, dictum est sexies. Hæc ut reserventur rogamus.

Hilarius episcopus dixit : Lege. Paulus notarius recitavit. Episcopus Varohiensium civitatis, sanctus Nundinarius sortem explevit conditionis humanæ. Illic episcopo venerabili fratri nostro Hireneo quem ipse antea in diocesi sua nobis volentibus constituerat, relinquens ei quod potuit habere paupertas supremæ voluntatis arbitrio in locum suum, ut substitueretur optavit. Sed defuncti iudicium in ejus meritum non vacillat. Et cum legeret Probus episcopus e confesso surgens dixit : Illud licuit. Hoc non licuit : Successores Deus dat. Auctoritate vestra resistite huic rei per apostolatū vestrum.

Hilarius episcopus dixit : Percurre quod cœperas. Paulus notarius recitavit. Si quidem omnis clerus et plebs ejusdem civitatis et optimi et plurimi provinciales, ut idem ejus locum observaret a nobis speraverunt dato consensu. Nos cogitantes defuncti iudicium et probantes ejus vitam, et eorum nobilitatem atque multitudinem qui petebant simul et utilitatem Ecclesiæ memoratæ optimum duximus, ut tanto sacerdoti qui ad divina migraverat, non minoris meriti substitueretur antistes, præsertim cum ecclesia illius municipii in qua ante fuerat ordinatus semper hujus civitatis Ecclesiæ fuisse diocesis constet. Ergo suppliciter precamur apostolatū vestrum, ut humilitatis nostræ quod justè a nobis videtur factum vestra auctoritate firmetis. Jamdudum sane questi fueramus litteris vestris de præsumptione Salvini episcopi, et miramur quod nulla epistolatus vestri responsa suscepimus. Nunc hæc eadem suggerentes petimus, ut quid super his rebus observandum sit apostolicis sermonibus, nos dignemini informare. Et ne forsitan per negligentiam portitoris, aut longinqui itineris difficultatem humilitatis nostræ ad vos scripta non potuerit ex hoc negotio pervenire, etiam suggestionem nostram malimus iterare. Et subscriptio : Ora pro nobis. Sanctum apostolatū vestrum jugi ævo divina conservet æternitas nobis omnibus et Ecclesiæ suæ, domine vere noster apostolice papa.

*Epistola episcoporum Tarraconensium ad Hilarium papam.*

Domino beatissimo et apostolica reverentia a nobis in Christo colendo papæ HILARIO, ASCANIUS et universi episcopi Tarraconensis provinciæ.

Etiamsi nulla dictaret necessitas ecclesiasticæ disciplinæ, expetendum revera nobis fuerat illud privilegium sedis vestræ, quo susceptis regni clavibus post



resurrectionem Salvatoris per totum orbem beatissimi Petri singularis prædicatione universorum illuminatione prospexit. Cujus vicarii principatus sicut eminet, ita metuendus est ab omnibus et amandus. Proinde nos Deum in nobis primitus adorantes, cui sine querela servitis, ad fidem recurrimus apostolico ore laudatam, inde responsa quærentes unde nihil errore, nihil præsumptione, sed pontificali totum deliberatione præcipitur. Cum hæc ita se habeant, est tamen inter nos falsus frater, cujus præsumptionem sicut diutius tacere non licuit, ita et loqui futuri iudicii necessitas imperavit. Silvanus quidam episcopus Calagurre, in ultima parte vestræ provinciæ constitutus, divinationes sibi indebitas usurpando, humilitatem nostram ad hoc usque perduxit, ut contra ejus vanissimam superstitionem sedis vestræ unicum remedium flagitemus. Hic namque jam ante octo aut septem amplius annos postponens Patrum regulas, et vestra instituta despiciens, nullis petentibus populis episcopum ordinavit. Cujus præproperum factum existimantes fraterna et pacifica posse admonitione sanari perfecit in pejus. Denique cum contra vetustatem canonum, contra synodi constituta alterius fratris nostri presbyteri spiritum tantum præsumptionis accensus, in eodem loco qui illi fuerat destinatus cui invito et repugnanti imposuerat manus, et qui nostro jam cœtui fuerat aggregatus, episcopum fecit. Hinc factum est, ut de ejus miserrima temeritate ad nos Cæsaraugustanæ urbis frater noster universa referret, cujus diligentia et sollicitudo admodum prospexerat, si in aliquo profuisset. Siquidem cunctis in vicinia positus episcopis ne se schismatico adjungerent frequentissime contradixit; sed obstinatione damnabili totum quod erat illicitum, et quod nobis pudor est dicere, non erubuit ille solus committere. Proinde quia his præsumptionibus quæ unitatem dividunt, quæ schisma faciunt, velociter debet occurrere, quæsumus sedem vestram, ut quid super hanc partem observare velitis apostolicis affatibus instruamur, quatenus fraternitate collecta, prolatis in medium venerandis synodi constitutis, contra rebellionis spiritum vestra auctoritate subnixi, quod oporteat et de ordinatione et de ordinato fieri intelligere (Deo juvante) possimus. Erit profecto vester triumphus apostolatus vestri temporibus si quod sancti Petri cathedra obtinet catholica audiat Ecclesia, si novella zizaniorum semina fuerint exstirpata. Et subscriptio. Orantem pro nobis sanctum apostolatuum vestrum jugi ævo divina conservet æternitas. Ut hæc emendantur rogamus, dictum sexies. Ut hæc recidantur rogamus, dictum septies. Ut disciplina servetur rogamus, dictum quinquies. Ut canones

A custodianur, rogamus, dictum septies. Ut in præsumptionibus vindicetur, rogamus, dictum septies. Ordinatio apostolica illibata servetur, dictum septies. Exaudi, Christe, Hilario vita, dictum quinquies. Dignus papa, dignus doctor, dictum est octavies. Ut antiquitas servetur, rogamus, dictum septies. Ut disciplina servetur rogamus. Hilarius episcopus dixit: Acceptis quæ recitata sunt de omnibus, nunc, fratres, speciales sententias, Deo vobis inspirante, depromite. Maximus episcopus Ecclesiæ Tauritanis dixit: In custodiendis omnibus quæ ad sacras ordinationes pertinent disciplinis, melius sententiæ meæ, professione denuntio, nihil a me unquam eorum quæ prohibita sunt esse facienda. De reliquis censeo, ut quisquis talia fecerit, aut detecta in ecclesiis rescare noluerit, noverit se graves causas apostolicæ in sedis iudicio redditurum. In quo illi necesse erit subire sententiam. Ingenus episcopus Ebredunensis dixit: Mihi quoque eadem de omnibus partibus sententia est, qua me ipse constringo, ne quid a me unquam de his quæ sunt interdicta tentetur, quia novi statum et professionem meam; de cæteris etiam censeo, ut quisquis transgressor exstiterit, sciat se ecclesiasticæ regulæ laqueis innodari, et reatum apostolicæ sedis incurrere. Paulus episcopus Aquæ Vivæ dixit: Ego quoque simili me lege constringo. Et de cæteris quæ transgressores fuerint pariter censeo, nec eis sine periculo sui quidquam tale tentare liceat, quod merito debeat vindicari. Primus episcopus Ecclesiæ Atellanæ dixit: Hoc et ego censeo esse observandum. Pallidus episcopus Ecclesiæ Salpinæ dixit: Nihil me contra disciplinam ecclesiasticam vel statuta sanctorum canonum facturum esse polliceor. Tyberius episcopus Ecclesiæ Sabinensis dixit: Profiteor me statuta sedis apostolicæ in omnibus custodire. Et si in Ecclesia mea clericorum aliquem contra præcepta sanctorum canonum deprehendero, aut mulierem duxisse, aut duas habere uxores, ab ecclesiastico officio separare. Ab universis dictum est episcopis: Sententias fratrum omnes sequimur, omnes confirmamus, et observandas esse decernimus. Exaudi, Christe, Hilario vita, dictum sexies. Quæ male admissa sunt, per te corrigantur, dictum octavies. Quod non licet, non fiat, dictum octavies. Hilarius episcopus Ecclesiæ urbis Romæ synodo præsidens dixit: Quoniam præsentis definitionis, formam quæ secundum sanctorum statuta est sententiam, in omnium Ecclesiarum notitiam pervenire decrevimus, ne cuiquam pro sui possit ignorance licere quod non licet edere, gesta notariorum sollicitudo curabit.

## INCIPIUNT DECRETA SIMPLICII PAPÆ

*Ad Zenonem Spalensem episcopum de commissa vice apostolicæ sedis.*

Dilectissimo fratri Zenoni, Simplicius. Plurimorum

relatu comperimus dilectionem tuam fervore et spiritus sanctitate Ecclesiæ gubernatorem existere, ut naufragii detrimenta Deo auctore non

sensiat. Talibus idcirco gloriantes iudiciis congruum duximus vicaria sedis nostræ te auctoritate fulciri, cuius vigore munitus, apostolicæ institutionis decreta vel sanctorum terminos Patrum nullo modo transcendere permittas, quoniam digna honoris remuneratione cumulandus es, per quem et in his regionibus divinitus crescere innotuit cultus, Deus te incolumem custodiat, frater charissime.

*Epistola Simplicii papæ ad Joannem Ravennatem episcopum.*

Si quis esset intuitus ecclesiasticæ disciplinæ, vel si quid apud te sacerdotalis modestiæ teneretur, nunquam plectibiles perpetrarentur excessus, a quibus si nullo te paternarum regularum poteras continere præcepto, saltem sanctæ memoriæ prædecessoris tui fueras revocandus exemplo. Qui cum faciendo presbyterum minus deliquisset invitum, senserat tamen dignum pro tali usurpatione iudicium. Ubi ista didicisti, quæ in fratrem et coepiscopum nostrum Gregorium, non electione sed invidia perpetrasti, quem inexcusabili violentia pertrahi ad te passus es atque vexari, ut ei honorem tantum non per animi tranquillitatem, sed per amentiam sicut dicendum est irrogares? Neque enim talia potuissent fieri sanitate consilii. Nolumus exaggerare quod gestum est, ne cogamur iudicare quod dignum est. Nam privilegium meretur amittere, qui permissa sibi abutitur potestate. Sed una nos ratio facit esse sententiæ mollioris, quam maluimus te fratre et coepiscopo nostro Projecto referente cognoscere, non nostris litteris propter opprobrium publicare. Nam scandala, cuius auctor agnosceris, ita moderatio nostra compescuit, ut frater et coepiscopus meus Greg. quem non provectum constat esse, sed pulsum, nullam causam, sicut petit, tecum habiturus, Mucirensem gubernet Ecclesiam, et contubernium spiritale quod sortiri non oportebat invitum, non recuset amplecti. Cui si quid negotii forsitan emergerit, nostrum ex eo vel contra eum petatur examen. Necessitatibus etiam, quas faciente te compellitur sustinere, hac definitione consulimus, ut refuso prædio quod ante annum sibi datum esse commemorat, atque ad Ecclesiam Ravennatem reverso Possessio in Bononiensi triginta solidorum redditus liberorum sine dubitatione tradatur in diem scilicet vitæ ejus, salvo proprietatis jure Ravennatis Ecclesiæ, ad quam post prædicti obitum revertetur. Quod si non fuerit nostris partium constitutis quid post transgressionem maneat, contumacem ipse perpendis. Denuntiamus autem, quod si posthac quidquam tale præsumpseris, et aliquem, seu episcopum, seu presbyterum, seu diaconum invitum facere forte credideris, ordinationes tibi Ravennatis Ecclesiæ vel Emiliensis noveris auferendas. Data III Kalendas Junii, Severiano viro clarissimo consule.

*Epistola Simplicii papæ ad Florentium, Equitium, et Severum, episcopos.*

Simplicius episcopus Florentio, Equitio, et Se-

A vero episcopis. Relatio nos vestræ dilectionis instruxit, et gestorum serie intimavit, Gaudentium Aununiensis Ecclesiæ sacerdotem contra statuta canonum ac nostra præcepta ordinationes illicitas perpetrasse, quarum illi totam penitus auferri præcipimus potestatem. Scripsimus enim ad Severum fratrem et coepiscopum nostrum, ut si necesse fuerit, ipse in supradicta Ecclesia, consideratis Patrum regulis, hoc fungatur officio, quo ille abusus esse convictus est, ita ut hi qui illicite ab eo sunt provecti, ab ecclesiasticis ministeriis sint remoti. Simul etiam de redditibus Ecclesiæ vel oblatione fidelium quid deceat nescienti nihil licere permittat, sed sola ei ex his quarta portio remittatur; duæ ecclesiasticis fabricis, et erogationi peregrinorum et pauperum profuturæ ab Ovagio presbytero sub periculo sui ordinis ministrentur; ultima inter se clericis pro singulorum meritis dividatur. At vero ministeria Ecclesiæ quæ alienata comperimus reparare præsumptor prædicti fratris compellatur instantia, cui etiam in hoc specialiter præcipimus immingere, ut tres illas portiones quas per triennium dicitur sibi tantummodo vindicasse, restituat. Data XIII Kalendas Decembris, post consulatum Leonis Augusti.

**231** *Simplicius Acacio.*

Dilectissimo fratri Acacio Simplicius. Cogitationum ferias non habemus, nec enim quiescere nos causa permittit, quam si relinquamus, Christo Domino nostro cuius interest, inexcusabiles sumus. Et mirum est dilectionem tuam tot emensis temporibus, et tot opportunitatibus inde venientibus, nihil nos de Alexandrina Ecclesia, quæ tam graviter quatitur, instruere voluisse, cum monere te, nec increpatio nostra destiterit, ut participata sollicitudine litteras meas apud Christianissimum principem, presentibus tuæ dilectionis prosequeris alloquiis, et instituti veteris memor in orthodoxorum defensionem nobiscum, sicut semper incumberes, ne quisquam nostram Christiana plebe pereunte reatum deditionis incurrat. Unde hortamur dilectionem tuam, ut opportune atque importune piis auribus insinuare non desinat, quatenus Alexandrinæ Ecclesiæ pax optata reddatur, et celeriter vigilantia tuæ proventus inducatur. Data VIII Idus Novemb., Severino cons., directa per Restitutum.

*Rescriptum Acacii ad Simplicium urbis Romæ archiepiscopum.*

Domino sancto patri archiepiscopo Simplicio Acacius. Sollicitudinem omnium Ecclesiarum secundum Apostolum circumferentes nos indesinenter hortamini, quamvis sponte vigilantes ac præcurrentes, sed vos divino zelo sollicitos demonstratis, statum Alexandrinæ Ecclesiæ certius requirentes, ut pro paternis canonibus suscipiatis laborem piissimo stillantes sudore pro his, sicut semper est approbatum; sed Christus Deus noster qui diligentibus se in bonum cooperatur, nostris cogitationibus insidens, et unam nobis in his mentem atque eam-



dem gloriam esse cognoscens, omnem victoriam ipse perfecit, consortes nos cum tranquillissimo principe faciens. Et Timotheum quidem decessorem spirantem procellas et ecclesiasticam tranquillitatem, sicut apparuit conturbantem, vitæ subtraxit humanæ, dicens ei : Tace et obmutesce : Petrum quoque qui ab Alexandria more similis procellæ surrexerat, dissipavit atque in æternam fugam sancto Spiritu flante convertit, unum ex his qui olim fuerant damnati. Sicut enim in nostris archivis vel conciliis inventum est, et de nostris scriniis, si dignamini requirere, poteritis agnoscere quæ de eodem subsecuta ab Alexandrino episcopo ad Romanam alterutrum sint relata. Qui Petrus noctis existens filius, et operum diei iuventium alienus apparens, omnino tenebras ad latrocinium congruas peragendum earum cooperatores inveniens, media

A nocte adhuc jacente cadavere illius qui paternos canones subvertit insepulto, subripuit in sedem, sicut ipse arbitratus est uno et solo præsentem et eo qui consors illius insistebat insanix, qui nusquam penitus omnino postea comparuit. Timotheus autem qui Davidicæ mansuetudinis exemplo subditur et usque in finem patiens, atque potestati propriæ restitutus a Christo propriæ sedis honore lætatur, et spiritualium filiorum voces accipiens, gratiam curationis exspectat, multiplicato in se honore a Christo principe sacerdotum, propter quem et tolerantix coronam sibi met religavit. Attentius igitur oret vestra beatitudo pro Christianissimo imperatore et pro nobis ipsis. Universam fraternitatem quæ vobiscum est in Christo, ego et B qui mecum sunt, salutamus. *Et alia manu* : In Domino ora pro nobis, iustissime pater.

## INCIPIUNT DECRETA FELICIS PAPÆ.

*d Siculos episcopos.*

1. De his qui baptizati doluerunt, et postea poenitere noluerunt.

2. De presbyteris vel diaconibus qui in lapsu hæreticorum se baptismati dederunt.

3. De his qui se rebaptizandos impie dederunt.

4. De his qui oer ignorantiam ætatis rebaptizati sunt.

5. De his qui ab hæreticis baptizati, aut rebaptizati sunt, ut ad ecclesiasticam militiam non conveniant.

6. De poenitentibus ut ab aliis episcopis non suscipiantur.

Flavio, Boetio, viris clarissimis consulibus, sub die III Iduum Martiarum, in basilica Constantiniana, residente venerabili viro papa Felice, una cum quadraginta episcopis considentibus universis presbyteris, astantibus etiam diaconibus, Felix episcopus Ecclesiæ catholicæ urbis Romæ synodo præsidens, dixit : Communis dolor et generalis est gemitus quod intra Africam rebaptizatos, etiam episcopos, presbyteros, diaconosque cognovimus. Quæ res sine dubio ad nostræ quoque pervenit normam sanctitatis, de quo quid observari debeat, ordinare nos convenit. Proinde ut manifesta sit super hoc nostra sententia, quæ nobis sunt visa, recitentur. Astasius diaconus recitavit.

Dilectissimis in Christo Jesu fratribus universis episcopis per diversas provincias constitutis. Qualiter in Africanis regionibus astutia diaboli sævierit in populum Christianum atque id multiplici deceptione proruperit, ut non modo vulgus incautum, sed ipsos in mortis profunda demerserit sacerdotes, nullus orbis non gemit, nulla terra nescivit. Unde in grandi mœrore positi dissimulare non possumus pereuntium atque a nobis exigendarum discrimen animarum. Quapropter competens adhibenda talibus medicina vulneribus, ne immatura

curandi facilitas mortifera capitis peste nihil prosit : sed segnius tracta perniciem reatu non legitime curationis involvat variter saucios et medentes.

CAP. I. In primis itaque venientis ad vos et remedium postulantis sollicitè discutienda est confessio, et persona decepti, ut medela possit congruens exhiberi. Et qui satisfactorius Deo per poenitentiam se rebaptizatum legitime doluerit, utrum ad hoc facinus occurrerit an impulsus accesserit requiratur sciens quod se decipiat ipse qui fallit, nihilque per nostram facilitatem tribunalis excelsi iudicio derogari, cui illa sunt rata, quæ pia, quæ vera, quæ iusta sunt, et aliter necessitatis, aliter tractanda est ratio voluntatis. Deterior est autem causa illius, qui forte pretio sollicitatus est, ut periret. Nihil enim intentatum reliquit inimicus, cui, ne de sua liceat gaudere captura, succurrendum est irretitis, et conterendus est venantis laqueus, ut infucatum lamentantibus lapsum tam iustitiæ moderatione, quam compunctione pietatis ad aulam quam reliquerant sit regressus, nec pudeat forsitan, aut pigeat indictis jejuniorum gemituumque temporibus obedire, aut aliis observantiæ salubrioris obtemperare præceptis, quia humilibus datur gratia, non superbis. Sit ergo ruinæ suæ dolore prostratus quisquis in Christo fieri quærit electus, et per dispositionis nostræ mysterium, quod vestram sequi convenit charitatem, nec alicui fas est vel velle vel posse transcendere causas ejus, qui contra apostolicam doctrinam ad iterationem se baptismatis nimis infaustum dedit, vel ejus qui aliquibus argumentis excusandum callide proprium putaverit esse consensum. Sacerdotali vigore et humanitate in eis fides, quæ nisi est una jam nulla est, adiutorio Domini iudicis ad salutem, sine nostræ operationis offensione reparetur, quia cum peccatoris a nobis satisfactio protrahatur, non præter laudem nostram

atque lætitiā mens ejus ad veniam purgatio-  
venitur. Et ideo meminertis hanc super his nos  
habere sententiā, ut, servata discretione peccan-  
tium, non eadē cuncti qui lapsi sunt lance pen-  
sentur, quoniam majoris castigationis exigendus est  
usura, cui domus Domini commissā fuerit disciplina.

II. Ut ergo ab Ecclesiæ summitatibus inchoemus,  
eos quos episcopos, presbyteros vel diaconos fuisse  
constiterit, et se optantes forsitan, seu coactos  
lavraei illius unici salutarisque claruerit fecisse  
jacturam, et Christum quem non solum dono rege-  
nerationis, verum etiam gratiam præcepti honoris  
induerant exuisse cum constet, neminem ad secun-  
dam tinctionem venire potuisse, nisi se palam  
Christianum negaverit, et professus fuerit se esse  
paganum. Quod cum generaliter sit in omnibus  
exsecrandum, multo magis in episcopis, presbyteris,  
diaconibus auditum saltem dictoque probatur horrendum.  
Sed quia idem Dominus atque Salvator clem-  
mentissimus est et neminem vult perire, usque ad  
exitus sui diem in pœnitentia si respiscunt jacere  
conveniet, nec orationi non modo fidelium, sed nec  
catechumenorum omnimodis interesse. Quibus com-  
munio laica in morte redhibenda est. Quam rem dili-  
gentius explorare vel facere probatissimi sacerdotis  
cura debebit.

III. De clericis autem et monachis, aut puel-  
lis Dei, aut sæcularibus, præcipimus, hunc teno-  
rem quem Nicæna synodus circa eos qui lapsi  
sunt vel fuerint servandum esse constituit, ut sci-  
licet qui nulla necessitate, nullius rei timore aut  
periculo, se ut rebaptizentur hæreticis impie de-  
derunt, si tamen eos ex corde pœniteat, tribus  
annis inter audientes sint. Septem autem annis  
subjaceant inter pœnitentes manibus sacerdotum,  
duobus autem oblationes modis omnibus non si-  
nantur offerre, sed tantummodo sæcularibus in  
oratione societur. Nec confundatur Deo colla sub-  
mittere, qui non eum timuit abnegare. Quod si ut-  
pote mortales intra metas præscripti temporis co-  
eperit vitæ finis urgere, subveniendum est imploranti,  
et seu ab episcopo qui pœnitentiā dederit, seu ab alio qui tamen datam esse probaverit, aut  
similiter presbytero viaticum abeunti de sæculo non  
negetur.

IV. Pueris autem quibus quod adhuc imberbes  
sunt a pubertate vocabulum est, seu clericis sive  
laicis etiam similibus puellis, quibus ignorantia  
suffragatur ætatis, aliquandiu sub manus impositione  
detentis reddenda communicatio est, nec eorum ex-  
spectanda pœnitentia, quos excipit a coercitione  
censura. Quod est a nobis provide constitutum, ne  
hi quibus in terreni labe contagii plus minusve  
restat ad vitam, dum adhuc in pœnitentia sunt,  
pœnitenda committant. Quod si ante præfinitum  
pœnitentiæ tempus despectus a medicis, aut evi-  
dentibus mortis pressus iudiciis recepta quisquam  
communione gratia convalescat, servemus in eo  
quod Nicæni canones ordinaverunt, ut habeatur in-

ter eos qui oratione sola communicant, donec im-  
pleatur spatium temporis eidem præstitutum. Nec  
catechumenos nostros, qui sub tali professione  
baptizati sunt prætermittimus, quia non est causa  
dissimilis: sicut iidem sancti canones ordinaverunt  
eius qui quolibet modo Christum quem semel con-  
fessus abjuravit. Tribus annis inter audientes sint,  
et postea cum catechumenis permittantur orare, per  
manus impositionem communionis catholicæ gra-  
tiam percepturi, exceptis sane tantummodo episcopis,  
presbyteris et diaconibus quos solo mortis suæ  
tempore reconciliandos esse jam duximus. Cæte-  
ros, id est seu clericos, sive monachos, seu laicos  
utriusque sexus personas, quos violentia periculis  
coactos iterationem baptismatis subisse constiterit,  
vel qui aliquo commento hujus se facinoris piaculo  
dixerint non teneri, his pœnitentiā per trien-  
nium durare decrevimus, et per manus impositionem  
ad societatem recipi eos sacramenti

V. Illo per omnia custodito, ne ex eis unquam  
qui in qualibet ætate alibi quam in Ecclesia catholica,  
aut **232** baptizati, aut rebaptizati sunt, ad eccle-  
siasticam militiam prorsus permittantur accedere.  
Quibus satis esse debet, quod in catholicorum nu-  
mero sunt recepti, quoniam de suo ordine et com-  
munionem videbitur ferre iudicium, quisquis hoc  
violaverit antistitum, vel qui non removerit eum  
quem ex eis ad ministerium clericale obrepsisse  
cognoverit.

VI. Curandum vero maxime et omni cautela est  
providendum, ne quis fratrum coepiscoporumque  
nostrorum, aut etiam presbyterorum in alterius ci-  
vitate vel diocesi pœnitentem, vel sub manu positum  
sacerdotis, aut eum qui reconciliatum se esse dixe-  
rit, sine episcopi vel presbyteri testimonio, et litte-  
ris, aut in parochia presbyter, aut episcopus in civi-  
tate suscipiat. Quod si aliqua dissimulatione negli-  
gitur, culpa tangit etiam clerum qui in locis in quibus  
hoc minus curatum fuerit, commoratur. His itaque  
rite dispositis et Ecclesiarum vestrarum ad notitiam  
nostra deliberatione perlatis, parere vos convenit  
quibus licet ad animarum reparationem nihil deesse  
videatur, tamen si cui novi aliquid et quod prætere-  
ire nos potuit, fuerit revelatum, secundum beatum  
apostolum Paulum, tacente priore fideliter insinuet,  
quia Spiritus ubi vult spirat, maxime cum sua causa  
tractatur, nec nos pigebit audire. Et si quæ sunt  
omissa, non arroganter abnuere, sed rationabiliter  
ordinare. Deus custodiat vos, dilectissimi fratres.  
Data Idus Martii, Divanie et Sinidio IV cc. consu-  
libus.

*Epistola ejusdem ad Acacium Constantinopolitanum  
episcopum, qua eum condemnat propter Euthyciano-  
rum communionem.*

FELIX episcopus sanctæ Ecclesiæ catholicæ urbis  
Romæ ACACIO.

Multarum transgressionum reperiris obnoxius,  
et in venerabilis concilii Nicæni contumelia sæpe  
versatus, alienarum tibi provinciârum jura te-



merarie vindicasti, hæreticos et pervasores, atque ab hæreticis ordinatos, et quos ipse damnaverās, atque ab apostolica sede petisti damnari, nou modo communioni tuæ recipiendos putasti, verum etiam aliis Ecclesijs, quod nec de catholicis fieri poterat, præsidere fecisti, atque etiam honoribus quod non merebantur, auxisti. Testatur hoc Joannes, quem a catholicis Apamiæ non receptum, pulsumque de Antiochia. Tyriis præfecisti, et Numerius tunc de diacono ejectus atque Christiani nominis appellatione privatus, a te etiam in presbyterii proVectus officium; et quasi hæc minora tibi viderentur, in ipsam doctrinæ apostolicæ veritatem ausus tuos et superbiam tetendisti, ut Petrus quem damnatum a sanctæ memoriæ decessore meo ipse retuleras, sicut testantur annexa, beati Evangelistæ sedem te iubente B rursus invaderet, et fugatis orthodoxis episcopis, et clericis suis procul dubio similes ordinaret, pulsoque eo qui illic fuerat regulariter constitutus, captivam teneret Ecclesiam. Cujus tibi adeo grata persona est, et ministerium ejus acceptum, ut episcopos et clericos plurimos orthodoxos tunc Constantinopolim venientes detegaris affligere, et apocrisiarios ejus confovere, atque anathematizantem eundem Petrum Chalcedonensis decreta concilii, et violentam sanctæ memoriæ Timothei sepulturam, sicut ad nos certiores nunc quoque nuntii detulerunt, per Messenum et Vitalem crederes excusandum, nec eum laudare desineres, et multis efferre præconiis, ita ut damnationem ipsius quam ante retuleras, veram non fuisse jactares. Tantum autem C perseveras in hominis defensione perversi, ut quondam episcopos, nunc vero honore et communione privatos, Vitalem atque Messenum, quos ad ejus expulsionem specialiter miseramus, sublato custodiæ passus fueris mancipari, et ad processionem quæ tibi cum hæreticis habetur, exinde productos, sicut eorum professionibus patefactum est ad hæreticorum tuamque communionem contempta, quæ vel gentium jure servari debuit, legatione pertraheres, præmiisque corrumperes, et in læsionem beati Petri apostoli, a cujus sede profecti fuerant, non solum inefficaces redire faceres, sed etiam impugnatores omnium quæ fuerant mandata monstrares. In quorum deceptionem tuam nequitiam prodidisti, et a libello D fratris et coepiscopi mei Joannis, qui te gravissimis

A objectionibus impetivit, in apostolica secundum canones respondere diffidens, abjecta firmasti; Felicem quoque defensorem fidelissimum nobis necessitate faciente servis subsecutum indignum tuis censuisti oculis. Eos quoque tecum litteris communicare testatus quos constat hæreticos. Quid enim sunt aliud qui post obitum sanctæ memoriæ Timothei ad Ecclesiam sub Petro redeunt, vel qui se ex catholica eidem tradiderunt, nisi quod Petrus qui ab universa Ecclesia, atque a te fuerat judicatus? Habe ergo cum his quos libenter amplecteris portionem, et sententia præsentem quam per tuæ tibi direximus Ecclesiæ defensorem, sacerdotali honore et communione catholica, necnon etiam a fidelium numero segregatus, sublato tibi nomen et munus ministerii sacerdotalis agnosce sancti Spiritus judicio, et apostolica per nos auctoritate damnatus, nec jam anathematis vinculis eruentus.

*Felix papa Zenoni.*

Dilectissimo fratri Zenoni Felix episcopus. Filius meus, vir clarissimus Terentianus ad Italiam dudum veniens dilectionis tuæ singularis exstitit prædicator talemque te esse vulgavit, qui ita Christi gratia redundares, ut inter mundi turbines gubernator Ecclesiæ præcipuus appareres. Quapropter, frater charissime, cum ad provinciam commearet, seduleque deposceret nostras ad dilectionem tuam litteras destinare, gratanter annuimus, quia et dignum Deo sermone complecti cuperemus antistitem, et per eum maxime vellemus id fieri cujus nobis fuerat laudibus intimatus. Quamvis ergo sanctis operibus ex omni parte prædictam fraternitatem tuam vir præfatus astruxerit, multumque fiduciæ de tua benevolentia teneret, tamen æquum est, ut quod desiderabat magnopere consequatur, quatenus qui tuis olim gratus est animis, contemplatione nostri reddatur acceptior, simulque materna et sacerdotali consolatione foveatur, peregrinationisque præsidium pastoralis pietate reperiat, ut vestræ dignitatis affectu appareat apud sinceritatem vestram, nostram quoque, non minimum salutaris valuisse colloquium, Deus te incolumen custodiat, frater charissime. Celiis felix episcopus sanctæ Ecclesiæ catholicæ urbis Romæ subscripsi. Data v Kalendarum Augusti, Venantio II consule. Simul septem et sexaginta episcopi absque papa subscripserunt.

## EPISTOLÆ GELASII PAPÆ.

*Epistola Gelasii papæ ad episcopos per Lucaniam et Brutios et Siciliam constitutos.*

1. De institutis ecclesiasticis moderate pro temporum qualitate dispositis.

2. Ut ubi nulla perurget necessitas, constituta Patrum inviolata servantur.

3. Ut cum defuerint clerici, de monachis eligantur.

4. Ut si de laicis eligantur ad clerum, quantum temporis observatur

5. De bigamis aliisque personis quæ ad ministerium clericatus nullatenus applicantur.

6. Ut sine præceptione papæ novæ basilicæ non dedicentur.

7. Ut nulla pretia de baptizandis consignandisque fidelibus exigantur.

8. De presbyteris, ut nihil de his quæ episcoporum sunt præsumant.

9. Ut diaconos mensuram propriam juxta Patrum decreta custodiant.

10. Quod diaconi in presbyterio residere non possint.

11. Quod apostolica sedes paternos canones pio studio devotique custodiat.

12. Ut præter paschale tempus et Pentecosten, nemo baptizare præsumat, nisi eos tamen quos ægritudo extrema compulerit.

13. De presbyterorum et diaconum ordinationibus certis celebrandis temporibus.

14. De virginibus sacris quando velentur.

15. Ut viduæ non velentur.

16. Ut servi sub obtentu religionis non suscipiantur in clerum vel in monasterium.

17. Ut clerici nullas negotiationes inhonestas et turpia lucra sectentur.

18. Ut nemo illiteratus, vel aliqua parte corporis imminutus, ad clerum promoveatur.

19. De his qui seipsos abscindunt.

20. De criminosis ut ad clerum non promoveantur.

21. Quod dæmoniis aliisque passionibus irretitis ministeria sancta tractare non liceat.

22. Quod hi qui sacris virginibus se sociant, et fœdera incesta commiscunt communicare non possint, nisi publicam poenitentiam gesserint.

23. Quod viduæ, ut supra dictum est, non velentur, sed si professam continentiam proposito mutato calcaverint, ipsæ pro se rationem reddant.

24. Quod secunda conjugia sæcularibus non negentur, quibus tamen ad clerum minime venire conceditur.

25. Ut si quis susceperit Ecclesiæ propriæ desertorem, et in aliqua provexerit dignitate, utrique subjaceant sententiæ quam canones præfixerunt.

26. De laicis vel monachis, qui per premium ordinantur, ut dantem et accipientem Simonis Magi crimen involvat.

27. Ut nulla basilica sub defunctorum constituta nomine dedicetur.

28. De feminis ut sacris altaribus non ministrent, vel aliquid ex his quæ virorum sunt officiis deputata præsumant.

29. De redditibus Ecclesiæ vel oblationibus fidei-  
lium quod in quatuor portiones fieri debeant.

30. Ut episcopus, presbyter et diaconus, qui contra hæc statuta fecerit sui honoris periculum sit sub-  
iutus.

CAP. I. Dilectissimis fratribus universis episcopis per  
Lucaniam, Brutios et Siciliam constitutis. GELASIUS.

Necessaria rerum dispositione perstringimur, et apostolicæ sedis moderamine convenimur, sic canonum paternorum decreta librare, et retro præ-  
sulum decessorumque nostrorum præcepta metiri, ut quæ præsentium necessitas temporum restaurandis  
Ecclesiis relaxanda deposcit, adhibita considera-

tione diligenti, quantum potest fieri, temperemus, quo nec in totam formam veterum videamur ex-  
cedere regularum, et reparandis militiæ clericalis offi-  
ciis quæ per diversas Italiæ partes, ita belli fami-  
que consumpsit incursio, ut in multis Ecclesiis  
sicut fratris et coepiscopi nostri Joannis Ravanensis  
Ecclesiæ sacerdotis frequenti relatione comperimus,  
usquequaque deficiente servitio ministrorum, nisi  
remittendo paulisper ecclesiasticis promotionibus  
antiquitus intervalla præfixa remaneant, sine quibus  
administrari nequeunt sacris ordinibus Ecclesiæ  
funditus destitutæ; atque in plurimis locis per in-  
opiam competentis auxilii salutæ subsidium redi-  
mendarum desit animarum, nosque magno reatu  
si tanto coarctante periculo non aliquatenus consu-  
lamus innecti.

II. Præcis igitur pro sua reverentiâ manentibus con-  
stitutis, quæ ubi nulla vel rerum vel temporum  
perurget angustia, regulariter convenit custodiri,  
eatenus Ecclesiis quæ vel cunctis sunt privatæ mini-  
stris vel sufficientibus usque adeo despoliatæ servi-  
tiis, ut plebibus ad se pertinentibus **233** divina  
munera supplere non valeant, tam instituendi quam  
providendi clericalis obsequii sic spatia dispensanda  
concedimus.

III. Ut si quis etiam de religioso proposito et disci-  
plinis monasterialibus eruditus, ad clericale munus  
accedat, imprimis ejus vita præteritis acta temporibus  
inquiratur, si nullo gravi facinore probatur infectus,  
si secundam non habuit fortasse uxorem, nec a ma-  
rito rejectam sortitus ostenditur, si poenitentiam pu-  
blicam non gessit, nec ulla parte corporis vitiatus  
apparet, si servilis aut originariæ non est conditionis  
obnoxius, si curiæ etiam probatur nexibus absolutus,  
si assecutus est litteras sine quibus vix fortassis  
ostiarium possit implere. Et si is in omnibus quæ  
sunt prædicta fulcitur, continuo lector vel notarius,  
aut certe defensor effectus post tres menses existat  
acolythus. Maxime si huic etiam monachi suffragatur,  
sexto mense subdiaconi nomen accipiat. Ac si mo-  
destæ conversationis honestæque voluntatis existit,  
nono mense diaconus, completoque anno fit presby-  
ter. Cui tamen, quod annorum interstitia fuerant col-  
latura, sancti propositi sponte suscepta docetur præ-  
stitisse devotio.

IV. Si vero laicus quispiam ecclesiasticis est ag-  
gregandus officiis, tanto sollicitius in singulis quæ  
superius comprehensa sunt, hujusmodi decet exami-  
nare personam, quantum inter mundanam religio-  
samque vitam constat esse discriminis, quia utique  
convenientia Ecclesiæ ministeria reparanda sunt,  
non inconvenientibus meritis ingerenda, tantoque  
magis quod sacris aptum possit esse servitiis in eo-  
rum quærendum est institutis, quantum de tempore  
quo fuerant hæc assequenda decerpitur, ut morum  
habere doceatur hoc probitas, quod prælixior con-  
suetudo non contulit, nec per occasionem supplendæ  
penuriæ clericalis vitia potius divinis cultibus intu-  
lisse, non legitimæ familiæ computemur procurasse



compendia. Quorum promotionibus super anni metas sex menses nihilominus subrogamus, quoniam, sicut dictum est, distare convenit inter personam divino cultui deditam, et de laicorum conversatione venientem. Quæ tamen eatenus indulgenda credidimus, ut illis Ecclesiis quibus infestatione bellorum vel nulla penitus vel exigua remanserunt ministeria renoventur, quatenus his Deo propitio restitutis, in ecclesiasticis gradibus subrogandis canonum paternorum vetus forma servetur. Nec contra eos ulla ratione prævaleat, quod pro accidentis remedio defectus providetur, non adversus scita majorum nova lege proponitur: cæteris Ecclesiis ab hac occasione cessantibus, quas non simili clade vastatas pristinam faciendis ordinationibus convenit tenere sententiam. Quo magis hac opportunitate commoniti observantiam venerandorum canonum propensius delegamus, singulorum graduum conscientias admonentes, ne in illicitos prorumpere moliantur excessus.

V. Nec fas esse confidat quisquis pontificum bigamos, aut conjugia sortientes ab aliis derelicta, sive quolibet post pœnitentiam vel sine litteris, vel corpore vitiatos, vel conditionarios, aut curiæ publicarumque rerum nexibus implicatos, aut passim nulla temporis congruentis expectatione discussos, divinis servitibus applicare ministeriis, neque pro suo libitu jura studeant aliena pervadere, absque sedis apostolicæ justa dispositione mandante.

VI. Basilicas noviter institutas non petitis ex more præceptionibus dedicare nemo audeat, nec ambiant sibi episcopi vindicare clericos potestatis aliæ.

VII. Baptizandis consignandisque fidelibus pretia nulla præfigantur, nec illationibus quibuslibet impositis exagitare cupiant renascentes, quoniam quæ gratis accipimus, gratis dare mandamur, et ideo nihil a prædictis prorsus exigere moliantur, quo vel paupertate cogente deterriti, vel indignatione revocati, redemptionis causas suæ audire despiciant; certum habentes quod qui prohibita deprehensi fuerint admisisse, vel commissa non potius sua sponte correxerint, periculum subituri proprii sint honoris.

VIII. Nec minus etiam presbyteros ultra modum suum tendere prohibemus, nec episcopali fastigio indebita sibi audacter assumere, non conficiendi chrismatis, non consignationis pontificalis adhibendæ sibi accipere facultatem, non præsentem quolibet antistite, nisi fortasse jubeantur, vel orationis, vel actionis sacræ suppetere sibi præsumant esse licentiam, neque sub ejus aspectu, nisi jubeantur, aut sedere præsumant, aut veneranda tractare mysteria; nec sibi meminerint ulla ratione concedi, sine summo pontifice subdiaconum, aut acolythum jus habere faciendi, nec prorsus id dubitent, si quidquam ad episcopale ministerium specialiter pertinens suo motu putaverint exsequendum, continuo se presbyterii dignitate, et sacra communione privari. Quod fieri necesse est censeamus, si eorum præsule deferente hujusmodi fuerit prævaricatio comprobata, nec ipso eorum episcopo a culpa conniventiae, et ultione va-

caturo si immoderata facientes dissimulaverit vindicare.

IX. Diaconos quoque propriam constitutionis servare mensuram, nec ultra tenorem paternis canonibus deputatum quidpiam tentare, nihil eorum suo ministerio permitimus applicare quæ primis ordinibus proprie decrevit antiquitas. Absque episcopo vel presbytero baptizare non præsumantur, nisi prædictis fortassis officiis longius constitutis necessitas extrema compellat. Quod et laicis Christianis facere plerumque conceditur.

X. Eos non in presbyterio insidere cum divina celebrantur, vel ecclesiasticus habetur quicunque tractatus. Sacri corporis prærogationem sub conspectu pontificis seu presbyteri, nisi his absentibus jus non habeant exercendi. Cum enim decreta venerabilium sanctionum nos quoque magnopere custodire nitamur, ac sine eorum dispendio etiam illa quæ pro alienius utilitatis fortasse compendio videantur laxanda cedamus.

XI. Cumque nobis contra salutarium reverentiam regularum cupiamus temere nihil licere, et cum sedes apostolica superior his omnibus, favente Domino, quæ paternis canonibus sunt præfixa, pio devotoque animo studeat tenere proposito, satis indignum est quemquam vel pontificum vel ordinum subsequendum hanc observantiam refutare, quam beati Petri sedem et sequi videat et docere, satisque conveniens sit, ut totum corpus Ecclesiæ in hac sibi observatione concordet, quam illic vigere conspiciat, ubi Dominus Ecclesiæ totius posuit principatum dicente Scriptura: « Ordinate in me charitatem (*Cant. II, 4.*) » Et iterum: « Omnia certo ordine fiant (*Gen. XLII, 28.*) » Atque iterum Psalmista prædicante: « Circumdate Sion et complectimini eam narrate in turribus ejus. Ponite corda vestra in virtute ejus, et distribuite domos ejus, ut enarretis in progenie altera, quoniam hic est Deus noster in æternum, et ipse reget nos in sæcula (*Psal. XLVII, 13-15.*) » Hic procul dubio qui in ecclesiasticarum narratur altitudine dignitatum, et in ejus virtute bonis operibus corda ponenda sunt, gradibus utique distributis, cunctis Deus noster et rector populi prædicandus est Christianis, ubi nemo sibi aliquo jam existimet imminutum, cum et uniuscujusque gradus protectione nil deperit, et convenienter retinendo, quod cœlesti dispensatione donatum est, pariter nobis, et cognoscibilem Deum fieri tribuit esse et rectorem. Nam et si quid indulgetur de temporum quantitate moribus aggregata strenuitate pensatur: si vitæ etiam proposito continetur, quod pro relata fuerit ætate curandum, dummodo illa nullatenus dissimulata subrepant, quorum quodlibet, si inesse claruerit, merito clericalibus infulis reprobabilem convincat esse personam. Etsi illa nunquam sinenda sunt, quæ, si cæterorum constet integritas, sola nocere non valeant; illa tamen sunt magnopere præcavenda, quæ recipi nisi manifesta decoloratione non possint. Ac si ea ipsa quæ nullo detrimento aliquoties indulgenda creduntur, vel re-

rum temporumque cogit intuitus, vel accelerate provisionis respectus excusat: quanto magis illa nullatenus mutilanda sunt quæ nec ulla necessitas, nec ecclesiastica prorsus extorquet utilitas?

• XII. Baptizandi sibi quispiam passim quocunque tempore nullam credat inesse fiduciam. Præter paschale festum et Pentecostes venerabile sacramentum, excepto duntaxat gravissimi languoris incursu, in quo verendum est ne, morbi crescente periculo, sine remedio salutari fortassis ægrotans, exitio præventus abscedat.

XIII. Ordinationes etiam presbyterorum, et diaconorum nisi certis temporibus et diebus exercere non debeant. Id est quarti mensis jejunio septimi et decimi, sed et etiam quadragesimalis initii, ac mediana Quadragesimæ die Sabbati jejunio circa Vesperas noverint celebrandas. Nec cujuslibet utilitatis, seu presbyterum, seu diaconum, his præferre qui ante ipsos fuerint ordinati.

XIV. Devotis quoque virginibus nisi aut in Epiphaniarum, aut in albis paschalibus, aut apostolorum natalitiis sacrum minime velamen imponant, nisi forsitan, sicut de baptismo dictum est, gravi languore correptis, ne sine hoc munere de sæculo exeant, implorantibus non negetur.

XV. Viduas autem velare pontificum nullus attentet, quod nec auctoritas divina delegat, nec canonum forma præstituit. Non est ergo penitus usurpandum eis, quia sic ecclesiastica sunt conferenda præsidia, ut nihil committatur illicitum.

XVI. Generalis etiam querelæ vitanda præsumptio est, qua propemodum causantur universi, passim servos et originarios dominorum jura, possessionumque fugientes, sub religiosæ conversationis obtentu, vel ad monasteria sese conferre, vel ad ecclesiasticum famulatum, conniventibus quoque præsulibus indifferenter admitti, quæ modis omnibus est amovenda perniciēs, ne per Christiani nominis institutionem, aut aliena pervadi, aut publica videatur disciplina subverti, præcipue cum nunc ipsam ministerii clericalis hanc obligationem suspicari conveniat dignitatem, cogaturque pro statu militantium sibi conditioneque iurgari, aut videri, quod absit, obnoxia. Quibus sollicita competenter interdictione prohibitis quisque episcopus, presbyter, aut diaconus, vel eorum qui monasteriis præesse noscuntur, hujusmodi personas apud se tenentes non restituendas patronis, aut deinceps vel ecclesiasticæ servituti, vel religiosis congregationibus putaverint applicandas, non voluntate forsitan dominorum, sub Scripturæ testimonio primitus absolutas, vel legitima transactione concessas, periculum se honoris proprii non ambigant communionisque subituros, si super hac re cujusquam verax nos querela pulsaverit. Magnis quippe studiis secundum beatum Apostolum præcavendum est, ne fides et disciplina Domini blasphemetur.

XVII. Consequens fuit, ut illa quoque quæ de Picensi partibus nuper ad nos missa relatio nuntiavit nec nunc prætereunda putaremus, id est, plurimos

A clericorum negotiationibus inhonestis et lucris turpibus imminere, nullo pudore cernentes evangelicam lectionem, quæ ipse Dominus negotiatores e templo verberatos flagellis asseritur expulisse, nec Apostoli verba recolentes quibus ait: « Nemo militans Deo implicat se negotiis sæcularibus (II Tim. II, 4). » Psalmista quoque David surda dissimulantes aure cantantem: « Quoniam non cognovi negotiationes, introibo in potentias Domini (Psal. Lxx, 16). » Proinde hujusmodi et ab indignis **234** postea quæstibus noverit abstinendum, et ab omni cujuslibet negotiationis ingenio vel cupiditate cessandum, aut in quocunque gradu sint positi mox a clericalibus officiis abstinere cogantur, quoniam domus Dei, quæ domus orationis et esse debet et dici, ne officina negotiationis et spelunca potius sit latronum.

B XVIII. Illitteratos quoque et nonnulla parte corporis imminutos sine ullo respectu ad ecclesiasticum venire servitium didicimus. Quod simul antiqua traditio et apostolicæ sedis vetus forma non recipit, quia nec litteris carens sacris esse potest aptus officiis et vitiosum nihil prorsus Deo offerri legalia præcepta sanxerunt. Itaque de cætero modis omnibus hæc vitentur, nec quisquam talis suscipiatur in clerum. Si qui vero vel temeritatem propria vel incuria præsidentium tales ante suscepti sunt, in his in quibus constituti sunt locis eatenus perseverent, ut nihil unquam promotionis arripiant, satisque habeant, hoc ipsum sibi pro nimia miseratione permissum.

C XIX. De his autem qui seipsos abscindunt, paterni canones evidenter sequenda posuerunt, quorum tenorem sufficiat indidisse, dicunt enim talia perpetrantes, mox ut agniti fuerint, a munere clericali debere eos secludi, quod modis omnibus custodire nos convenit, quia fas esse nulli suppeditat quidquam præter illa quæ memorabilis decrevit forma censere.

XX. Comperimus etiam horrendis quibusdam criminibus implicatos tota discretione submoti non solum de factis atrocibus necessariam pœnitudinem non habere, sed nec aliquem correctione penitus succedente ad divinum ministerium honoremque contendere. Nonnullos autem in ipsis ordinibus constitutos gravibus delinquentes facinoribus non repelli, cum mandet Apostolus nemini cito manus imponendas neque communicandum peccatis alienis, et majorum veneranda constituta pronuntiant. Hujusmodi etiam si forte subreperint, tam qui ante peccaverunt detectos oportere repelli quam sacræ professionis oblitos prævaricatoresque sancti propositi procul dubio submovendos.

D XXI. Usque adeo sane comperimus illicita quæque prorumpere, ut dæmonis aliisque passionibus retitis ministeria sacrosancta tractare tribuatur. Quibus si in hoc opere positis aliquid propriæ necessitatis occurrat, quis de sua ac fidelium salute confidat. Ubi ministros ipsos curationis humanæ tanta perspexerit calamitate vexari? Atque ideo ne cessario removendi sunt, ne quibuslibet quibus Christus est mortuus, scandalum generetur infirmis



Postremo si corpore sauciatus fortassis aut debilem nequaquam sancta contingere lex divina permittit, quanto magis doni dispensatores esse non convenit, quod est deterius mente percussos.

XXII. Virginibus autem sacris temere se quosdam sociare cognovimus, et post dedicatum Deo propositum incesta foedera sacrilegaque miscere. Quos protinus æquum est a sancta communione detrudi, et nisi per publicam probatamque pœnitentiam omnino non recipi, aut his certe viaticum de sæculo transeuntibus, si tamen pœniterint, non negari.

XXIII. Nam de viduis sub nulla benedictione velandis superius late sufficienterque prædiximus; quæ si propria voluntate professam pristini conjugii castitatem mutabili mente calcaverint, periculi ejus intererit, quali Deum debeant satisfactione placare, quia juxta Apostolum primam fidem irritam fecerunt: sic habita secum deliberatione promissam Deo pudicitiae fidem debent custodire. Nos autem talibus nullum laqueum debemus injicere, sed solum adhortationes præmii sempiterni, pœnasque proponere divini judicii, ut et nostra sit absoluta conscientia et illarum pro se rationem Deo reddat intentio. Cavendum est quippe quæ de earum moribus actibusque beatus Paulus apostolus testatur, quod plenius exponere præterimus, ne sexus instabilis non tam deterri quam admoneri videatur.

XXIV. Secundas nuptias sicut sæcularibus inire conceditur, ita post eas nullus ad clericale sinitur venire collegium. Alia est enim humane fragilitati generaliter concessa licentia, alia debet esse vita divinarum rerum servitio dedicata.

XXV. Quisquis proprie desertor Ecclesiæ nullis exstantibus causis ad aliam putaverit transeundum, temereque susceptus fuerit, et promotus, reverendorum canonum vel ipse, vel receptor ejus atque provector constituta non effugiet, quæ de hujusmodi præsumptoribus prefixere servanda.

XXVI. De monachis laicisque in prima copiosius præceptionis hujus parte digestum est, vel quæ quatenus his pro rerum temporumque necessitate concessa sint, vel quemadmodum ubi nullius necessitatis interesse probatur, non nisi vetus institutio debeat custodiri. Quos vero constiterit indignos meritis sacram mercatos esse pretio dignitatem, convictos oportet arceri, non nisi periculo facinus tale perpetrantes, quia dantem pariter et accipientem damnatio Simonis, quam sacra lectio testatur, involvit.

XXVII. De locorum consecratione sanctorum quamvis superius strictim fuerit comprehensum, nobis quoque patefactum est, quod absque præcepto sedis apostolicæ nonnulli factas ecclesias vel oratoria sacrare præsumant; hoc sumus tamen judicio detestabiliore permoti, quod in quocunque nomine defunctorum et quantum dicitur, non omnino fidelium constructiones ædificatas sacris professionibus audacter instituere memorantur. Quæ quoniam tam acerba, tam dura sunt, ut eadem vix noster ferre possit auditus, si vere Christianitatis affectus in illis regionibus

A certus, et fixus est, et districtius ista quaerantur, et a quibus fuerint gesta, prodantur, quoniam sicut latentibus in hac atrocitate nominibus non exstat in quem sententia debita proferatur, ita cum manifestis fuerit documentis expositus, quem tanti sceleris poscit immanitas, non vitabit ullatenus ultionem.

• XXVIII. Nihilominus impatienter audivimus tantum divinarum rerum subisse despectum, ut feminae sacris altaribus ministrare firmentur, cunctaque quæ non nisi virorum famulatu deputata, sexum cui non competit exhibere, nisi quod omnium delictorum quæ sigillatim perstrinximus noxa omnis et crimen eos respicit sacerdotes qui vel ista committunt, vel committentes minime publicando pravis excessibus se favere significant, si tamen sacerdotum jam sint vocabulo nuncupandi qui delegatum sibi religionis officium sic prosternere moliantur, ut in perversa quæque profanaque proclives sine ullo respectu regulæ Christianæ præcipitia funesta sectantur. Cumque scriptum sit: « Minima qui spernit paulatim decedit (*Eccli.* xix, 1), » quid est de talibus existimandum qui immensis ac multiplicibus pravitatum molibus ingente ruinam multimodis impulsionebus ediderint? Non ambigant qui hæc ausi sunt exercere, sed etiam qui hactenus cognita siluerint sub, honoris proprii se jacere dispendio, si non quanta possint celeritatem festinent, ut lethalia vulnera competenti medicina sanentur. Quo enim more teneant jura pontificum qui pontificalibus excubiis eatenus injecta dissimulant, ut contraria domui Dei cui præsent, potius operantur quantumque apud Dominum possent, si ei convenientia procurarent, tamen quid mereantur aspiciant, cum execrabili studio sectentur adversa. Et quasi magis hæc regula sit qua Ecclesiæ debeant gubernari si quidquid ecclesiasticis inimicum regulis perpetratur, cum et si cognitos habeat canones unusquisque pontificum intemerata debuerit tenere custodia.

XXIX. Quatuor autem tam de reddito quam de oblatione fidelium convenit fieri portiones. Quarum sit una pontificis, altera clericorum, pauperum tertia, quarta fabricis applicanda. De quibus, sicut sacerdotis intererit, integram ministris Ecclesiæ memoratam dependere quantitatem, sic clericus ultra delegatam sibi summam nihil insolenter noverit expetendum. Ea vero quæ ecclesiasticis ædificiis attributa sunt huic operi veraciter prærogata, locorum doceat instauratio manifesta sanctorum, ipsam nihilominus ascriptam pauperibus portionem quamvis divinis rationibus se dispensasse monstraturus esse videatur, tamen juxta quod scriptum est: « Ut videant opera vestra bona, et glorificent Patrem vestrum, qui in cælis est (*Matth.* v, 16), » opus etiam in præsentī testificatione prædicari, et bonæ famæ præconiis non taceri.

XXX. Quapropter nec clericorum qui sapientia se hujus offensæ futurum confidat immunem, si in his quæ salubriter sequenda deprompsimus, sive episcopum, sive presbyterum, sive diaconum viderit

excedentem, non protinus ad aures nostras deferre curaverit. Sic vero modis omnibus erit unusquisque pontificum ordinis et honoris elisor, si cuiquam clericorum vel Ecclesiæ totius auditui hæc putaverit supprimenda. Data v Idus Martii, Asterio et Præsidio IV consulibus.

*Epistola Gelasii ad Siculos.*

1. De bene regendis rebus Ecclesiæ ab episcopis.

2. De tricenali præscriptione.

GELASIUS Romanæ Ecclesiæ episcopus dilectissimis et in Christo charitate unanimiter connexis fratribus episcopis qui in Sicilia sunt constituti.

CAP. I. Præsulum auctoritas nostrorum emanavit, ut facultates Ecclesiæ Christi ad regendum habeant potestatem. Ita tamen ut viduarum, pupillorum, atque pauperum, necnon et clericorum stipendia distribuere debeant. Hoc eis statuimus dari quod hactenus decretum est. Reliquum sibi vindicent, ut, sicut ante diximus, peregrinorum atque captivorum largiores esse possint.

II. Illud annecti placuit ut si, quod absit, facultatem Ecclesiæ, necnon et dioceses quæ ab aliquibus possidentur episcopis jure sibi vindicent, quia tricenalis lex conclusit, quia et filiorum nostrorum principum ita emanavit auctoritas, ut ultra triginta annos nulli liceat appellare quos legum tempus exclusit. Data Idus Maii, Asterio et Præsidio IV consulibus. *Incipit tomus de anathematis vinculo Gelasii papæ.*

Ne forte quod solent, dicant, quod si synodus Chalcedonensis admittitur, omnia constare debeant, quæ illic videntur esse deprompta, aut enim ex toto eam admitti oportere, aut ex parte si repudiabilis est, firmam ex toto constare non posse. Cognoscant igitur quoniam illud secundum Scripturas sanctas traditionemque majorum secundum canones regulasque Ecclesiæ pro fide communi et veritate catholica et apostolica, pro qua hanc fieri sedes apostolica delegavit, factamque firmavit, a tota Ecclesia indubitanter admitti. Alia autem quæ per incompetentem præsumptionem illic prolata sunt, vel potius ventilata, quæ sedes apostolica gerenda delegavit, quæ mox a vicariis sedis apostolicæ contradieta manifestum; est quæ sedes apostolica, etiam petente Martino principe, nullatenus approbavit; quæ præsul Ecclesiæ Constantinopolitane tunc Anatholius, nec se præsumpsisse professus est, et in apostolicæ sedis antistitis non negavit, posita potestate. Quod ideo sic (ut dictum est) sedes apostolica non recepit, quia quæ privilegiis venerabilis Ecclesiæ contraria probantur, nulla ratione sustinet. Quid enim? Quia in libris sanctis quos utique veneramus et sequimur, quoniam quorundam illic et profanitates esse feruntur, et scelera gesta narrantur. Ideo nobis pariter, aut veneranda sunt, aut sequenda quia in illis sanctis libris et venerabilibus continentur. Sanctus Petrus primus apostolorum, sic existimans Novi Testamenti gratiam prædicandam, ut a legis veteris non recederet institutis, quædam per simulationem legitur inter Judæos gentilesque gessisse. Nunquid ideo aut illa

235

ejus redarguit, et postea consequenter vitavit, pariterque assumenda sunt, cum his quæ utpote primus apostolus salubria prædicavit? Nunquidnam aut ejus recta doctrina cum his quæ humanitus accesserant repudianda est, aut illa adhuc imbecillis inscientia, cum perfecta ejus suscipienda est doctrina? Nunquidnam in ipsorum hæreticorum libris non multa quæ ad veritatem pertineant posita releguntur? Nunquidnam ideo veritas refutanda est, quia libri, ubi pravitas interest, refutantur? Aut ideo pravi libri suscipiendi sunt eorum, quia veritas quæ illic inserta est non negatur? Ait Apostolus: « Omnia probate, quæ bona sunt tenete (1 Thess. v, 21). » Scimus Apostolum etiam de paganorum libris aliqua posuisse. Nunquid ideo et cuncta recipienda sunt, quæ cum his pariter sunt prolata? Ipse Apostolus ait: Multos prædicatores aliter atque aliter Christum prædicare, ubi tamen licet quocunque modo Christum prædicatum oportet admitti. Tamen non ideo illum morem quo non recte prædicatum est admonet evitare. Malos operarios ipse conqueritur, quorum alia refutanda, alia docet esse sectanda. Hæc et hujusmodi exempla nos docent et testimonia divina confirmant, non omnia pessime a quocunque dicta vel ubicunque scripta indifferenter accipere, sed retentis bonis, quæ noceant refutare. Peccatori homini mors illata est, et tamen homini Jesu Christo mors illata reum fecit esse diabolum, quia ubi causa mortis non erat, ibi peccati non debebatur et pœna. Sententia præfigitur vel præfixa est semper errori. Quæ sententia huic errori præfixa nunquam omnino resolvetur, sicut enim in quantum est ipse error, nunquam error esse desistit, sic a sententia nunquam præfixa resolvetur, quia error qui agnoscitur esse damnatus, eadem quandiu manet error probatur astrictus. Itaque qui in eo errore sunt sententia erroris obstricti sunt, et quandiu in eo manent nullatenus absoluti sunt, sicut nec ipse in quo sunt error absolvitur. Error enim ipse nunquam veniam promeretur, sed qui in eo veraciter caruerit, atque ab ejus participatione discedit. Quandiu ergo in eis est error damnationem suam tenet, nunquam resolvitur, quia error semper pœnam meretur. Participes vero ejus sunt semper et ejus pœnæ participes, si in eodem perstare non desinant, aut si ab eodem recesserint quam alieni facti sunt ab errore, et ab ejus participatione discreti, tam et pœnæ ejus erunt consequenter alieni. Cum erranti pœna præfigitur quandiu manet errans, eadem pœna constringitur; quia errans esse non potest sine pœna erratis. Hæc eadem pœna perpetua est nunquamque solvenda quandiu errans esse perstiterit. Qui si errans esse destiterit, pœna quæ erranti est præfixa perpetua, non erranti, id est alteri effecto, quam cui præfixa est, non solum non potest esse perpetua, sed nec etiam jam pœna. Non est enim ipse cui præfixa est. Erranti enim præfixa est, nec non erranti. Quæ enim erranti præfixa est, perpetua est, et perpetuo constringit errantem, non errantem non potest jam tenere. Sit erranti dicta fore perpetua, sit



erranti dicta nunquam esse solvenda. Manet omnino et vere, certumque est quod in ea præfixum est, nec potest prorsus absolvi, quandiu manenti præfixa, debetur erranti. Non erranti autem nec pœna potest esse, quæ non erranti non debet inferri. Nec mutatur illa omnino nec solvitur quæ debetur erranti. In suo ergo tenore illa præfixa est, in suo jure non potest omnino resolvi; in non suo tenore quæ esse non potest jam docetur esse vacuata, et jus illic penitus non habere, ubi causam non habet existendi. Plenæ sunt sanctæ Scripturæ tali forma justitiæ. Dicitur : « Pereant peccatores a terra, ita ut non sint (*Psal. lxxvii, 3*), » ut non sint peccatores, ut desistant esse peccatores : secundum Prophetæ sententiam usquequaque deperirent, ut substantialiter non subessent, qui salvari potuissent a Redemptore nostro qui venit non justos vocare sed peccatores, vel de quibus dicit Apostolus : « Christus venit in hunc mundum peccatores salvos facere, quorum primus ego sum, et cum peccatores essemus misit Deus Filium suum (*I Tim. i, 15; Gal. iv, 4*), » et cætera hujusmodi. Hic revera plurimi etiam substantialiter perierunt peccatores, in peccatis suis utique permanentes, veraque in eis sententia dicta permansit, nunquamque resoluta est, et tamen eadem in talibus, quibus præfixa est, permanente perpetua, quodam genere factum est, ut in talibus non usquequaque manentibus et in peccatis suis, non usquequaque durantibus sententia tamen præfixa talibus permaneret. Nam ipsi pereunt, sed esse peccatores, ut dictum est, non pœnaliter, sed remedialiter quodam et ipsi genere perierunt. Quodam genere et in ipsis mansit præfixa sententia, donec permanens eos efficeret non esse peccatores, vel peccatores non esse perficeret. Completa est in eis sententia, nec quo tenore peracto permanens illa sententia pereuntibus peccatoribus, ita ut non essent utique peccatores. Ea jam in non peccatoribus manere non potuit, quia in eis in quibus inflicta non fuerat, jus manendi penitus non habebat. Ita nunc in suo jure vel tramite ullatenus sententia resoluta est, et eadem in his in quibus inflicta est permanente, ab his qui ab ejus jure discreti sunt, aliena prorsus effecta est, ne in his salva sui conditione fas haberet manendi quibus inflicta non erat. Dixit Dominus quod in Spiritum sanctum peccantibus nec hic esset nec in futuro sæculo remittendum. Quantos autem cognoscimus in Spiritum sanctum delinquentes sicut hæreticos diversos, Arianos, Macedonianos, ad fidem catholicam revertentes, et hic remissionem suæ percepisse blasphemie et in futurum spem sumpsisse indulgentiæ consequendæ? Nec ideo non vera est Domini sententia, aut putabitur esse ullatenus resoluta, cum circa tales, si hoc esse permaneant, nunquam omnino solvenda persistat, effectis autem non talibus non irrogata. Sicut etiam consequenter illud beati Joannis apostoli : Est peccatum ad mortem, non dico ut oretr pro eo. Est peccatum non ad mortem, dico ut oretr pro eo. Est peccatum ad mortem in eodem

A peccato manentibus. Nullum est quippe peccatum pro quo aut non oretr Ecclesia remittendum, aut quod, data sibi divinitus potestate, desistentibus ab eodem non possit absolvere, vel pœnitentibus relaxare, cui dicitur : « Quæcunque dimiseritis super terram dimissa erunt et in cœlis, et quæcunque solveritis super terram, erunt soluta et in cœlis (*Matth. xvi, 18*). » In quibuscunque omnia sunt quantacunque sint et qualiacunque sint : veraci nihilominus manente sententia, quæ nunquam solvenda esse denuntiatur; in eorum tenore consistens in Acacii sententia rationaliter intuendum est, in qua non etiam ab eodem post recedens. Quod etiam si ei dictum est nunquamque solvendus, non est adjectum tamen etiamsi resipueris, etiamsi ab errore discesseris, etiamsi prævaricator esse destiteris. Quapropter in aperto est ita dictum, nunquam solvendus si talis scilicet, qualis est et ligatus, non autem talis effectus sicut ligandus non erat, sic absolutus esse docebatur. Sicut caret obligatione cum obligationis causa caruisset, sic utique absolutus existeret, quatenus et ipse non necessitate dictæ sententiæ videretur non posse quodammodo jam solvi, nisi talis effectus et obligatione carens fieret absolutus, et circa tales præfixa sententia nullomodo solubilis redderetur. Nunquid enim misit, quæsit, expetiit et abjectus est, itaque ipse in se insolubilem fecit esse sententiam qui talis permanere delegit, qualis veraciter non possit absolvi, et voluit talis effici, circa qualem, permanente sententia circa talem, effectum non talem insolubilis sententia non permaneret, quæ circa effectum non talem non haberet licentiam permanendi. Quo magis ut dictum est exemplo atque periculo moniti qui eodem tenore sunt constricti festinare debent, ut non tales esse permaneant, quibus sententia illa non solvenda præfixa est, et esse tales incipiant, qualibus non insolubilis præfixa sententia possit esse solubilis. Quoniam autem effecto non tali quali non solvenda præfixa sententia est, effecto, inquam, non tali, potest solubilis esse sententia; quia jam Acacio non volenti non talem esse sicut tali usque in finem permanenti permansit in absoluta sententia, ita jam non tali effici non volenti solubilis non potest esse sententia. Nonne tantos habebat Acacius, quorum exemplum sequi potuisset antistites qui in Ephesino prolapsi latrocinio, quolibet modo in consensione reciderent pravitatis? Utique tamen et si dictum non erat, et perpetuam damnationem ferre potuissent, nisi resipiscentes non tales effici quales illic facti fuerant, damnationemque perpetuam merebantur, solvi circa se damnationem recedentes a perpetuæ damnationis causa meruerunt, quam qui persistere circa se insolubilem reddiderunt. Nihil interest igitur, nihil differt, utrum dicatur quia ecclesiastica sententia reos et prævaricatores obligat. Quia sicut ei non potest quod non est suffragari, quod non est dictus nunquam solvendus, sed si in errore permanserit insolubilis modis omnibus perseverat, nec potest inde nisi non talis effectus absolvi : sic cuiquam præjudi-

care non potest : tametsi dictum est nunquam esse solvendum manifesta ratione monstrante quia nunquam sit omnino solvendus, si talis qualis ligatus esse persistat, vel talis utique nunquam solvendus qualis est obligatus. Non abjecto autem etiam si respiscat et corrigat, patere prorsus et liberum non dubium sit, ut non talis effectus qualis nunquam dictus, nunquam esse solvendus, sed talis qualis non est, dictus nunquam esse solvendus, id est correctus et emendatus consequenter correctus et possit solvi. Notandum quod quolibet genere blasphemantibus in Spiritum sanctum si respiscant et corrigant, et hic eis et in futuro sæculo remittatur, nec inde possit Domini mutari sententia, quæ circa tales utique permanentes permanere dicta est, non circa non tales effectos. Quandiu autem in hoc manent, tales sunt, qualibus non remittendum esse præfixum est. Cum autem ab hoc recesserint, non tales efficiuntur, qualibus non remittendum esse prædictum est. Et ideo non talibus effectis potest et hic et in futuro sæculo jam dimitti. Alioquin, quod absit, frustra videtur Ecclesia huiusmodi sua reconciliatione suscipere. Quia autem frustrari non potest, hoc intellectum modis omnibus, salva Domini sententia, prædicandum est quantum ad nos pertinet, omnino non posse. Talis igitur dictus est Acacius qualis ligatus est nunquam esse solvendus. Talis usque in finem permansit, talis esse non destitit, ita talis est hodie qualis est dictus. Non talis esse jam non potest, nunquam igitur talis permanendo solvendus est, quia si talis esse desisteret non in non tali permansisset, et nunquam esse solvendum, quia non talis qualis dictus est, nunquam esse possit absolvi, et non tali nunquam solvi recederet, et ideo ut solvi posset accederet. Quod sedes apostolica non consensit, nunc imperator imposuit, nec Anatolius usurpavit. Totumque, ut dictum est, in sedis apostolicæ potestate. Ita quod firmavit in synodo sedes apostolica, hoc robur obtinuit, quod refutavit habere non potuit firmitatem, et sola rescindit, quod præter ordinem congregatio synodica putaverat usurpandum. Non promulgatrix iteratæ sententiæ, sed cum apostolica sede veteris executrix. Hoc tamen quod de uno eodemque homine dictum est, sive tali persistente qualis sententiam competentem accepit, sive non tali effecto et ab illa sententia quæ non tali non dicta est absoluto, et in unaquaque civitate legitur, similiter esse præfixum, et in populo ac simul gente depromptum potius, quæ in toto orbe portio est. Idem enim mundus est qui et periturus est dictus, et sermo Dei non potest excidere, et in ipso mundo nihilominus a pravis intentionibus recedente non promittitur. Sic Tyrus et Beriton gaza, et Ægyptus pronuntiatae sunt periturae quas postea per Evangelium novimus esse salvatas. Perierunt itaque duplici modo : aut permanentes in eo quod talem sententiam susceperunt, aut deficientes ab eo quo tales fuerant ; quibus est illa sententia ut consequenter ad non tales non pertineret illa sententia quæ non talibus præfixa non fuerat. Sic etiam de

A gente Judæorum adeo etiam per Isaiam prophetam peremptorie veluti pronuntiatum est : **236** « Clau- de oculos eorum, et obtura aures eorum, et videntes non videant, et audientes non audiant (*Isai. vi, 10*), » ne quando intelligant, et obdura cor populi huius, ne unquam convertantur, et sanem illos. Hic etiam correctio et emendatio interdicta monstratur, et respiscendi quoque spes prorsus absconditur. De quo inde populo apostolos et Ecclesiam primitivam novimus processisse, et tot millia hominem una die de baptisate fuisse salvata. Ecce et in persistentibus qualis est illa sententia promulgata permansit, nec ad correctionem prorsus venire sanitatis admissi sunt, sed adjudicati sunt in sua nequitia deperire, et, manente divina sententia, non per ipsorum propriam emendationem suoque intellectu vel motu, suaque virtute vel possibilitate conversi sunt, ut sanarentur, sed per gratiam sanati sunt, ut converterentur : Ne convertantur, inquit, et sanem eos, ne sua sponte, ne suis operibus quibus utique confidebant, ne suam justitiam sectantes, justitiæ Dei non debeant esse subjecti, de suis viribus confidentes, non divinæ se misericordia illuminationique subdentes. Et ideo inhibetur eis superbæ præsumptionis effectus, ne convertantur suis intentionibus, suis nisibus, ut putarent, et sanem eos, ne eorum quasi ex meritis, ex propria facultate venientibus salvatrix gratia daretur, atque ita gratia jam non esset gratia, si non gratis dare esset immeritis, sed merces tanquam meritis restituta. Non ergo ipsi convertantur, et sapem eos, sed **C** sanati per gratiam qualiter ad humilitatem Christi convertantur, agnoscant. Ita in utrisque, hoc est, et in eo permanentibus in quo talem sententiam perceperunt, et in salvatis exinde sententia Dominica fixa permansit, et tamen cum permanente sic eis miro genere sanitas introducta est, ut illa sententia non mutata videretur, sed eadem perdurante sanitas non eorum confidentia, sed divino munere proveniret. Quod si hæc tentare formidant, nec ad suæ pertinere cognoscunt modulum potestatis, cui tantum de humanis rebus permissum est, non etiam eam præesse divinis, quomodo de his per quos divina ministrantur judicare præsumunt? Fuerint hæc ante adventum Christi, ut quidem figuraliter, adhuc tamen in carnalibus actibus constituti, pariter reges **D** existerent, et pariter sacerdotes. Quod sanctum Melchisedech fuisse sacra prodit historia. Quod in suis quoque diabolus imitatus est, utpote qui semper quæ divino cultui convenirent sibi tyrannico spiritui vindicare contendit, ut pagani imperatores iidem et maximi pontifices dicerentur.

Sed cum ad verum ventum est, eundem regem atque pontificem ultra sibi nec imperator pontificis nomen imposuit, nec pontifex regale fastigium vendicavit. Quamvis enim membra ipsius, id est, veri regis atque pontificis secundum participationem magnifice, utrumque in sacra generositate sumpsisse dicantur, ut simul regale genus et sacerdotale sub- sistant, quoniam Christus memor fragilitatis huma-



næ, quod suorum saluti congrueret dispensatione A magnifica temperavit, sic actionibus propriis dignitatibusque distinctis officia potestatis utriusque discrevit, suos volens medicinali humilitate salvari, non humana superbia rursus intercipi, ita ut et Christiani imperatores pro æterna vita pontificibus indigerent, et pontifices pro temporalium cursu rerum imperialibus dispositionibus uterentur, quatenus spiritalis actio a carnalibus distaret incuris; et ideo militans Deo minime se negotiis sæcularibus implicaret, ac vicissim non ille rebus divinis præsidere videretur, qui esset negotiis sæcularibus implicatus, ut et modestia utriusque ordinis curaretur, ne extolleretur utroque suffultus; et competens qualitatibus actionum specialiter professio aptaretur. Quibus omnibus rite collectis satis evidenter ostenditur a sæculari potestate, nec ligari prorsus, nec solvi posse pontificem. Quo manifestius approbatur Alexandrinum Petrum per imperialem tantummodo sententiam nullo modo potuisse prorsus absolvi; ubi si pontificum quoque sociatur assensus, quærimus utrum processerit, an fuerit subsecutus. Si subsecutus est nihilominus ad id redditur, ut absolutio sæculari potestate præcepta et principaliter inchoata valere non possit, pontificumque secutus assensus adulationis potius fuerit, quam legitimæ sanctionis. Si præcessit, doceatur a quibus et ubi ille sit gestus, si secundum Ecclesiæ regulam celebratus, si paterna traditione profectus, si majorum more prolatus, si competenti examinatione depromptus. Ubi procul dubio requirendum est, C si synodali congregatione celebratus, quod in receptione damnari, et depulsione catholici, quia nova est causa, fieri certissimum est; si ad primam sedem, cujus intererat sententiæ, qua Petrus tenebatur, obstrictus, et secundum regulas est relatum; si eadem quæ ligavit, absolvit; si illa quæ non ligaverat resolvende, imo etiam nesciente potuisset dissolvi. Si hæc gesta non sunt, quo more, quo ritu Alexandrinus Petrus prætenditur absolutus, cum nec a pontificibus legitime, et ecclesiasticis legibus fuerit expeditus, nec a sæculari potestate potuerit præter Ecclesiæ tramitem prorsus absolvi? Tanto magis poscenti imperatori a pontificibus fuerat suggerendum, ut si eum legitime vellet absolvi legitima ecclesiastici tenoris absolutio proveniret, et hæc D omnia quæ superius dicta sunt secundum Ecclesiæ tramitem servarentur: præcipue cum de secundæ sedis ageretur antistite, nec ab inferiore qualibet, sed a prima sede jure possit absolvi. Inferior quippe potiorum absolvere non potest, sola ergo potior inferiorem convenienter absolvit. Proinde inferioris loci pontifices qui nullatenus se noverant potiorum sibi sine prima sede posse resolvere, præcipue quem ejus sententia noverant obligatum, prævaricatoria absolute potius non illum penitus exuerunt, sed prævaricatione potius nexuerunt. Ita Petri absolutio ex utroque non constat, quia nec prævaricatoria absolute rei reum absolvere potuerunt, et depulsis undique pontificibus catholi-

cis hæreticisque suppositis, vel his qui hæreticorum tenebantur communione polluti, etiam sacre religionis in sinceritate polluti, participem suum, tam absolvere nequiverunt, quam ipsi non erant absoluti. Ac proinde tam ecclesiasticæ regulæ prævaricatores quam sacrosanctæ communionis integritatem maculantes consortio perfidorum, quod de reo simillimo potuerunt ferre iudicium. De catholicis enim pontificibus per totum Orientem, aut quicumque perstitit, est ejectus, aut ille restitit qui consensit errori, et se ab errantium contagione retraxit. Quod igitur eorum potuit de cujusquam errore esse iudicium, qui nunquam non errasse monstrantur, sed hæreticorum similiter catholicorumque confessione permista cunctas religionis veræ et sinceræ sedes turbasse, catholicam apostolicamque confudisse puritatem. Ecce qui reum absolvere, qui rei præ omnibus docebantur effecti. Ecce cum quibus de absolvendo reo synodus fuerat ineunda. Si fides et communio catholica retinebatur, cur catholici pellebantur antistites, quomodo tantummodo hæretici servabantur?

*Item epistola Gelasii papæ ad Faustum magistrum fungentem legationis officio Constantinopoli.*

Ego quoque mente percepi Græcos in sua obstinatione mansuros, ne cui velut insperatum videri potest, quod est in ante præcognitum. Quapropter non tam propter legationis causas student dispositionibus publicis obviare, sed potius per occasionem legationis regiæ catholicam fidem moluntur evertere, et tali commento nituntur sperata præstare. Quid sibi vult autem quod dixerit imperator, a nobis se in religione damnatum, cum super hac parte et prædecessor meus non solum minime nomen ejus attigerit, sed insuper quando principia adeptus regiæ potestatis exercuit, in ejus se rescripsit imperii promotione gaudere, et ego nulla ipsius unquam scripta percipiens honorificis nostris eum litteris salutare curaverim? Prædecessores mei sacerdotes qui prævaricatoribus se communicasse propria voce confessi sunt, a communione eos apostolica submoverunt. Si ita placet se miscere damnatis, nobis non potest imputari si ab eis velit abscedere, tanto magis a nobis non potest esse damnatus, sed potius ad gratiam sinceræ communionis admissus. Ad senatum pertinet Romanum, ut memor fidei quam a parentibus se suscepisse meminit, contagia vitet communionis externæ, neque ob hoc communionis sedis apostolicæ (quod absit) reddatur externus, et veniam sibi dari debere præponat. Legatur, ex quo est religio Christiana, vel certe detur exemplum in Ecclesia Dei a quibuslibet pontificibus, aut ab ipsis apostolis, ab ipso denique Salvatore veniam non corrigitibus fuisse concessam. Auditum autem sub ipso cælo, nec legitur omnino nec dicitur, quod eorum voce depromitur, Pate nobis veniam, ut tantum nos in errore duremus. Id quoque parum est. Ostendant qui nobis canones nituntur opponere, quibus hoc canonibus, quibus regulis, qua lectione, quove documento, sive a majoribus

nostris, sive ab ipsis apostolis quos potiores merito A fuisse non dubium est, seu ab ipso Domino Salvatore qui iudicaturus creditur vivos et mortuos, sive factum est unquam vel faciendum esse mandatum. Mortuos suscitasse legimus Christum. In errore mortuos absolvisse non legimus. Et qui hoc certam faciendi solus habuit potestatem, beato Petro principaliter mandat apostolo : « Quæ ligaveris super terram, ligata erunt et in cœlo, et quæ solveris super terram erunt soluta et in cœlo (*Matth. xvi, 18*). » Super terram, inquit, nam in hac ligatione defunctum nunquam dicit absolvi. Quod ergo nunquam factum est vel mente conspiciere formidamus, scientes in divino iudicio non posse penitus excusari. Si autem, quod nunc prætendunt, a Romana Ecclesia se divisuri sunt, id jamdudum fecisse monstrantur, B eo minus vere miror si ignorantiam suam ipse non perspicit qui dicit Acacium ab uno non potuisse damnari. Itane non perspicit secundum formam synodi Chalcedonensis Acacium fuisse damnatum, nec novit aut se nosse dissimulat, quantos utique per numerosas sententiam sacerdotes erroris hujus auctores constat fuisse damnatos, sicut in unaquaque hæresi a principio Christianæ religionis et factum fuisse et fieri manifesta rerum ratione monstratur, prædecessoremque meum executorem fuisse veteris constituti, non novæ constitutionis auctorem. Quod non solum præsul apostolico facere licet, scilicet cuicunque pontifici, ut quoslibet et quemlibet locum, secundum regulam hæreseos ipsius ante damnata a catholica communione discernant.

Acacius quippe non fuit novi vel proprii inventor erroris, ut in eum nova scita procederent, sed aliorum facinori suam communionem miscuit. Itaque necesse est ut in illam recideret justa lance sententiam quam cum suis successoribus per conniventiam synodalem susceperat auctor erroris. Nobis opponunt canones, dum nesciunt quid loquantur. Contra quos hoc ipsi venire se produnt quod primæ sedi sana rectaque suadenti parere fugiunt; ipsi sunt canones, qui appellationes totius Ecclesiæ ad hujus sedis examen volvere deferri. Ab ipsa vero nusquam prorsus appellari debere sanxerunt, ac per hoc illam de tota Ecclesia judicare, ipsam ad nullius commeare iudicium, nec de ejus unquam præceperunt iudicio judicari, sententiamque illius constituerunt non oportere dissolvi, cujus potius decreta sequenda mandarunt. In hac ipsa causa Timotheus Alexandrinus, et Petrus Antiochenus, Petrus, Paulus, Joannes, et cæteri non solum unus, sed plures nomen sacerdotii præferentes, sola sedis apostolicæ sunt auctoritate defecti, cujus rei testis etiam docetur ipse Acacius qui præceptionis hujus existit executor. Quod utique sicut apostolicam sedem juxta formam synodicam fecisse manifestum est, sic neminem resultare potuisse certissimum. Hoc igitur modo recidens in consortium damnatorum est damnatus Acacius, qui eorum damnationem antequam prævaricator existeret, fuerat

exsecutus. Nobis ausi sunt facere canonum mentionem, contra quos vos semper ambitionibus illicitis tenendi esse monstrantur. Qua in synodo vel secundum cujus synodi formam Alexandrinum Joannem de Ecclesia cui ordinatus fuerat expulerunt? Qui nullis causis evidentibus, nec ante conventus, nec postea provocatus, etiam in iudicio competenti potuit accusari. Quod si dicunt: Imperator hoc fecit, hoc ipsum quibus canonibus, quibus regulis est præceptum? Cur huic tam pravo facto consensit Acacius cum auctoritas divina dicat: **237** Non solum qui faciunt prava reos esse, sed etiam qui consentiunt facientibus. Quibus canonibus, quibusve regulis Calendion exclusus est, vel primi urbium diversarum catholici sacerdotes? qua traditione majorum apostolicam sedem in iudicio vocant? An secundæ sedis antistites, et tertiæ cæterique bene sibi conscii sacerdotes debuerunt, et qui religionis existit inimicus, depelli non debuit? Viderint ergo si alios habent canones, quibus suas ineptias exsequantur. Cæterum isti qui sacri, qui ecclesiastici, qui legitimi celebrantur, non solum sedem apostolicam ad iudicium vocare non possunt; et Constantinopolitanæ civitatis episcopus, quæ utique per canones inter sedes nullum nomen accepit, in communionem recidens perfidorum non debuit submoverti? An qui homini mentitus dicitur imperatori, et imperatorem læsisse perhibentur depelli debuerunt, et in Deum qui summus est imperator Acacium delinquentem sinceramque communionem divini C sacramenti studentem miscere cum infidis, secundum synodum qua est damnata perfidia non oportebat excludi? Sed velint nolint ipsius iudicio antiqua canonum constitutione firmabuntur. Sed religiosi viri atque perfecti secundum canones concessam sedi apostolicæ potestatem nimirum conantur eripere, et sibimet eam contra canones usurpare contendunt? O canonum magistros atque custodes, nobis nullum fas est inire certamen cum hominibus communionis alienæ, divina Scriptura prædicante, hominem hæreticum post primam et secundam correptionem devita. Sciens quod hujusmodi delinquat proprio iudicio condemnatus. Ecce cognoscant, quia non solum ab alio, sed a se proprie quoque damnetur hæreticus, illud autem nimis est impudens, quod Acacium veniam postulasse confingant, et nos exstitisse difficiles.

D Testis est frater vester vir illustris filius meus Andromachus, qui et a nobis abundanter instructus est, ut cohortaretur Acacium deposita obstinatione resipiscere, et ad sedis apostolicæ remeare consortium, quique se sub iurejurando magnis cum eodem molitionibus egisse testatur, nec ad ea quæ recta sunt potuisse deflecti, sicut rerum probatur effectus. Certe proferatur iudicium quando miserit, quando veniam postularit correptionemque suam nobis promiserit exhibendam, nisi forte hunc animum gessit quem successores ejus habere perspicimus. Ut tamen si veniam postularet impendi, sic sibi vellet, ut ni-



hilominus in errore persisteret; ubi utique non tam a nobis recipi videretur, quam nos potius in suam traducere pravitatem. Quem reatum se confessurum asseruit ante certamen? Si reatus est, utique corripiendus est. Si corrigendum non putant, fallaciter se reatum perhibent profiteri; nisi quod est infelicius, cum et fatentur reatum, et non æstimant corrigendum. Illud quoque me ridere libuit, quod ait: Si necesse fuerit veniam postulare, et existimans nimirum tunc se peccati veniam necessario postulare, si ei concedamus ne peccare desistat, imo etiam (quod absit) certe cum eodem consentiamus nos quoque peccare. Nescio inter quæ mundi prodigia hæc vox possit admitti. Remitti culpa de præterito potest correctione sine dubio subsequente. Nam si deinceps sinitur mansara perversitas, non est benignitas remittentis, sed consentientis assensio. Non mirum si isti sedem beati Petri apostoli blasphemare præsumunt, qui talia portentia vel corde gerunt, vel ore diffundunt, et nos insuper superbos esse pronuntiant, cum eis prima sedes, quidquid est pietatis, non desistat offerre, illi eam ipso protervo spiritu subjugare posse confidant. Sed captos mente facere ista non mirum est. Si phrenetici solent medicantes quoque velut hostes putare vel cedere. Quæro tamen iudicium ab his quod prætendunt, ubi nam possit agitari: an apud ipsos ut iidem sint inimici et testes et iudices? Sed tali iudicio nec humana debent committi negotia, nedum divinæ legis integritas. Si quantum ad religionem pertinet, non nisi apostolicæ sedi juxta canones debetur summa iudicii totius. Si quantum ad sæculi potestatem ille a pontificibus, et præcipue a beati Petri vicario debet cognoscere quæ divina sunt, non potest ipse eadem judicare, nec sibi hoc quisquam potentissimus sæculi, qui tamen Christianus est, vindicare præsumat, nisi religionem forsitan persequentes. Quid tamen dicent, si non chartis suis in omnibus vincerentur? Ineptias utique suas sibi servant, nisi respiciant, potius cogitantes Christi vocem non esse superfluum quæ confessione beati Petri apostoli inferni portas nunquid prævalituras asseruit. Quapropter non veremur, ne apostolica sententia resolvatur, quam et vox Christi, et majorum traditio, et canonum fulcit auctoritas, ut totam potius Ecclesiam semper ipsa dijudicet. Sed cogitent magis, si quis in ejus religionis est sensus, ne pravitate suam nullatenus deponentes apud Deum hominesque sedis apostolicæ perpetua constitutione damnentur. Sic autem dicitur fuisse definitum, ut deinceps de negotio nihil dicatur quasi vel nunc eos (quemadmodum nostis) meo duxerim nomine specialiter alloquendos. Neque plane cum istis non corrigentibus ineunda congressio, quemadmodum cum aliarum quoque hæresium sectatoribus diminutio renuenda. Vos autem salvos et sospites quantocius huc reverti, continuis divinitatem votis expetimus.

*Epistola Gelasii ad Anastasium Augustum.*

Famuli vestræ pietatis, filii mei, Faustinus magi-

ster et Hirenæus viri consulares atque eorum comites publica legatione, fungentes ad Urbem reversi, clementiam vestram quæsisse dicuntur, cur ad vos meæ salutationis scripta non miserim. Non meo fateor instituto. Sed cum directi dudum de partibus Orientis vel videndi me licentiam sibi vestris præceptionibus abnegatam, tota Urbe disperserint a literis credidi temperandum ne onerosus potius quam officiosus existerem. Videtis igitur non mea dissimulatione provenisse, sed competentis fuisse cautelæ, ne respicientibus animis molestiam irrogarem. Sed ubi serenitatis tuæ benevolentia comperi, præfatis indicantibus, humilitatis meæ clementer expectasse sermonem jam revera perpendi imputandum non immerito mihi si tacerem, quia, gloriose fili, te sicut Romæ natus Romanum principem, amo, colo, suscipio, et sicut Christianus cum eo qui zelum Dei habet, secundum scientiam veritatis habere desidero, et qualiscunque apostolicæ sedis vicarius, quodcunque plenæ fidei catholicæ deesse comperero, pro meo modulo suggestionibus opportunis supplere contendo. Dispensatio etenim mihi divini sermonis injuncta: Væ mihi est, si non evangelizavero. Quod cum vas electionis beatus Paulus apostolus formidet, clamet, multo magis mihi exiguo metuendum est si divinitus inspiratum, et paterna devotione transmissum subtraxero ministerium prædicandi. Pietatem tuam precor, ne arrogantiam iudices divinæ rationis officium. Absit, quæso, a Romano principe, ut intimatam suis sedibus veritatem arbitretur injuriam.

Duo quippe sunt, imperator Auguste, quibus principaliter mundus hic regitur, auctoritas sacra pontificum, et regalis potestas. In quibus tanto gravius est pondus sacerdotum, quanto etiam pro ipsis regibus hominem in divino reddituri sunt examine rationem. Nosti etenim, fili clementissime, quod licet præsideas humano generi dignitate, rerum tamen præsulibus divinarum devotus colla submittis, atque ab eis causas tuæ salutis expectas, inque sumendis cælestibus sacramentis, eisque, ut competit, disponendis, subdi te debere cognoscis religionis ordine potius quam præesse. Itaque inter hæc illorum te pendere iudicio. Non illos ad tuam velle redigi voluntatem. Si enim quantum ad ordinem pertinet publicæ disciplinæ, cognoscentes imperium tibi superna dispositione collatum legibus tuis, ipsi quoque parent religionis antistites, ne vel in rebus humanis exclusæ videantur obviare sententiæ, quo rogo te decet affectu eis obedire, qui prorogandis venerabilibus sunt attributi mysteriis? Proinde sicut non leve discrimen incumbit pontificibus siluisse pro divinitatis cultu quæ congruit, ita his (quod absit) non mediocre periculum qui cum parere debeant, despiciunt. Et si cunctis generaliter sacerdotibus recte divina tractantibus fidelium convenit corda submitti, quanto potius sedis illius præsuli consensus est adhibendus, quem cunctis sacerdotibus et divinitas summa voluit pervenire, et subsequens Ecclesiæ generalis ju-

giter pietas celebravit? Ubi pietas tua evidenter advertit nunquam quolibet et penitus humano consilio elevare se quemquam posse illius privilegio vel confessioni quem Christi vox prætulit universis. Quæ Ecclesia veneranda confessa superest, et habet devota primatum. Impeti non possunt humanis præsumptionibus quæ divino sunt iudicio constituta. Vinci aut quorumlibet potestate non possunt. Atque utinam sic contra nitentibus perniciose non sit audacia, quemadmodum quod ab ipso sacræ religionis auctore præfixum est, non potest ulla virtute convelli. Firmamentum enim Dei stat. Nunquidnam cum aliquibus infesta religio est, quantacunque potuit novitate superari, et non magis hæc invicta permansit, quo æstimata est posse succumbere? Desinant ergo, quæso te, temporibus tuis quidam per occasionem perturbationum ecclesiastica præcipitanter ambire quæ non licet, ne et illa quæ male appetunt nullatenus apprehendant, et modum suum apud Deum et homines non teneant. Quapropter sub conspectu Dei sincere pietatem tuam deprecor, obtestor, et exhortor, ut petitionem meam non indignanter accipias; rogo inquam ut me in hac vita potius audias deprecantem, quam (quod absit) in divino iudicio sentias accusantem. Nec me latet, imperator Auguste, quod pietatis tuæ studium fuerit in privata vita. Optasti semper fieri particeps promissionis æternæ.

Quapropter noli irasci, si te tamen diligo, ut regnum, quod temporaliter assecutus es, velim te habere perpetuum, et qui imperas sæculo, possis regnare cum Christo. Tuis certe legibus, imperator, pateris nihil perire; Romano nomini nulli admittis ingerere detrimentum, itane verum est, princeps egregie, quod non solum præsentia Christi beneficia, sed desideras et futura, ut religioni, ut veritati, ut sinceritati catholicæ communionis et fidei temporibus tuis non patiaris quemquam inferre dispendium? Qua fiducia, rogo te, illic ejus præmia petiturus es, cujus hic damna non prohibes? Non sint gravia, quæso te, quæ pro tuæ salutis æternitate dicuntur. Scriptum legisti: Meliora sunt vulnera amici quam oscula inimici. Quæso pietatem tuam, ut quo affectu dicuntur a me, eo tuis sensibus intimentur. Nemo pietatem tuam fallat, verum est quod singulariter per prophetam Scriptura testatur: « Una est columba mea; una est perfecta mea (*Can. vi, 8*), » **D** una est Christiana fides, quam veneratur universa Ecclesia catholica; catholica autem veraciter illa est, quæ ab omnium perfidorum atque ab eorum successoribus atque consortibus, sincera, pura, immaculata communionem divisa est. Alioquin non erit divinitus mandata discretio, sed miseranda confusio. Nec ulla causa jam superest, si hoc in quolibet contagio voluerimus admittere, ne cunctis hæresibus aditum januamque pandamus. « Qui enim in uno offenderit, omnium reus est, et qui minima spernit, paulatim decidit (*Jac. ii, 10; Eccli. xix, 1*), » hoc est, quod sedes apostolica magno prætaxavit, ut quia mundo radix est Apostoli gloriosa confessio,

**A** nulla rima pravitatis, nulla prorsus contagione maculetur. Nam si, quod Deus avertat, quod fieri non posse confidimus, tale aliquid proveniret, vel unde cuiquam resistere auderemus errori, vel unde correptionem errantibus posceremus? Proinde si pietas tua unius civitatis populum negat posse pace componi, quod nos de totius orbis terrarum sumus universitate facturi, si (quod absit) nostra fuerit prævaricatione deceptus? Si totus correctus est mundus, profana primum suorum traditione despecta, quomodo non corrigatur unius civitatis populus, si prædicatio fidei succedat? Ergo, gloriose imperator, nolo ego Ecclesiarum pacem, quam etiamsi cum mei sanguinis impendio provenisse posset, amplector. Sed precor cujusmodi debeat esse pax ipsa, non utcunque scilicet veraciter Christiana mente libremus. Quod enim potest esse pax vera, cui charitas intermerata defuerit? Charitas autem qualiter esse debeat nobis evidenter Apostolus prædicat, qui ait: « Charitas de corde puro et conscientia bona, et fide non ficta (*I Tim. i, 5*). » Quomodo, quæso te, de corde **238** erit puro, si contagio inficiatur externo? Quomodo de conscientia bona si pravis fuerit malisque commista? Quemadmodum fide non ficta si maneat sociata cum perfidis? Quæ cum a nobis sæpe jam dicta sint, necesse est tamen incessabiliter iterari, et tandiu non tacere quandiu nomen pacis obtenditur, ut nostrum non sit, ut, invidiose jactatur, facere pacem. Sed talem velle doceamus qualis et sola pax esse, et præterquam pax nulla esse monstratur. Euthycianum dogma contra apostolicæ sedes cautelam **C** pervigilat, si creditur salva fidei catholicæ posse veritate constare, promatur, asseratur, et quantislibet viribus astruatur, ut non solum per seipsum quam inimicum sit fidei Christianæ possit ostendi, sed quantæ et quam lethales hæreses in sua contineat colluvione monstrari. Si autem, ut magis confidimus, a catholicis iudicatis mentibus excludendum, quæso te, cur non contagia simul eorum qui hæc probantur esse polluti, decernitis refutanda, cum dicat Apostolus: Qui non solum non facienda faciunt reos videri, sed etiam qui consentiunt facientibus. Proinde sicut non potest perversitatis communicatore suscepto non pariter perversitas approbari, sic non potest refutari perversitas, complice perversitatis admisso. Legibus certe, fratres, criminum consilii susceptoresque latrocinantium pari iudiciorum pœna constringuntur, nec expers facinoris æstimatur, qui, licet ipse non fecerit, facientes tamen familiaritatem fœdusque receperit.

Proinde cum Chalcedonense concilium pro fidei catholicæ atque apostolicæ veritate communioneque celebratum damnaverat Eutychem detestandi furoris auctorem, non satis habuit, nisi ut pariter ejus quoque consortem Dioscorum cæterosque propelleret. Hoc igitur modo sicut in unaquaque hæresi vel factum semper vel fieri non habetur ambiguum, successores eorum Timotheum, Petrum, atque alterum Antiochenum Petrum non viritum propter singulos quosquis rursus facto concilio, sed synodi semel



jacta regula consequenter elisit. Quemadmodum ergo non evidenter apparet etiam cunctos simili tenore constringi, et qui eorum communicatores et complices exstiterunt, atque omnes omnino a catholica atque apostolica merito communione discerni. Hinc Acacium quoque jure dicimus a nostro consortio submovendum qui maluit in sortem transire perfidiæ quam in catholicæ atque apostolicæ communionis sinceritate constare, cum fere triennium ne id veniret apostolicæ sedis epistolis doceatur competenter instructus. Postquam vero communionis est factus alienæ, non potuit non catholicæ et apostolicæ mox societate præcidi, ne per eum si vel paululum cessarem, nos quoque videremur subisse contagia perfidorum. Sed revera vel tali percussus pœna resipuit, correctionem promisit, emendavit errorem. Aut ille tractatus lenius valeat coerceri, qui etiam verbera dura non sensit? Quo in sua perfidia et damnatione manente, tam ejus in ecclesiastica recitatione non potest nomen ascribi, quam externæ contagium communionis admitti. Quapropter aut doceatur ab hæretica participatione sincerus, quorum si ille communioni permiscuit, aut cum iisdem non potest non repelli. Si aut susurrant Orientis episcopi ad eos sedes apostolica non ista conscripserit, quasi vel ipsi de recipiendo legitime Petræ sedem apostolicam suis litteris fecerint certiore, vel hujus receptionis inconditæ non jam pariter complices exstiterint, quem sicut vere non possunt docere ab hæretica pravitate fuisse purgatum, ita se hæreticorum nullatenus poterunt excusare consortes. Quod si fortassis astruxerint quod ad apostolicam sedem de susceptione Petri per Acacium cuncti consona voce retulerint per eundem sibi met omnes pari vice sentiunt fuisse rescriptum, apostolicæ vero sedis auctoritas, quod cunctis secundis Christianis et Ecclesiæ prælata sit universæ et canonum series paternorum et multiplici traditione firmatur. Sed licet hinc vel utrum sibi quisque contra Nicænæ synodi constituta quippiam valeat usurpare, collegio potest unus communionis ostendi non mentibus externæ societatis aperiri. Apud illos si quis confidit egrediatur in medio, et apostolicam sedem de utraque parte revineat et instruat. Tollatur ergo nomen e medio quod Ecclesiarum discretione procul a catholica communione operatur, ut sincera pax fidei communionisque repararetur, et unitas. Et tunc quisquis nostrum contra venerandam vel insurrexit, vel nitatur insurgere vetustatem, competenter et legitime perquiratur. Et illic apparebit quis modesto proposito custodiat formam traditionemque majorum, quis supra hæc irreverenter insiliens, quis rapinam æqualem posse fieri arbitretur. Quod si mihi populi Constantinopolitani persona proponitur, per quam dicatur nomen scandali, id est, Acacii non posse removeri, id est, taceo quia et hæretico quodam Macedonio pulso, et Nestorio nuper ejectione plebs Constantinopolitana catholica permanere delegerit, quam majorum præsulum damnatorum affectione retinet.

A Taceo quos ab eisdem ipsis damnatis præsulibus, quibus baptizati fuerant in fide catholica manentes nulla sint exagitatione turbati. Taceo quod rebus ludicris populares tumultus, nunc est vestræ pietatis auctoritas refrenarit, atque ideo multo magis pro salute animarum suarum necessario nobis Constantinopolitanæ civitatis obtemperare multitudo, si eam ad catholicam et apostolicam communionem vos principes reducat. Etenim, imperator Auguste, si contra leges publicas aliquid (quod absit) quispiam fortasse tentaret, nulla pati ratione potuisses ad unitatis puram sinceramque devotionem. Ut tibi plebs subdita redigatur conscientia tuæ non putas interesse. Postremo, si unus populi civitatis animus non putatur offendi, ne divina, ut res postulat, corrigantur, quanto magis ne divina offendantur catholici nominis universi piam fidem, nec lædere debemus omnino, nec possumus? Et tamen idem nostra se poscunt voluntate sanari. Competentibus ergo sinant curari se posse remediis. Alioquin (quod absit) in eorum transeundo perniciem cum illis perire possumus; ipsos vero salvare non possumus. Jam hic quid sit magis sequendum sub divino judicio vestræ conscientia derelinquo utrum sicut nos optamus similiter omnes certam redeamus ad vitam, an sicut illi poscunt, manifestam redeamus ad mortem. Sed adhuc apostolicam fidem sibi medicinalia suggerentem, superbiam vocare arrogantemque contendunt. Habet hoc qualitas sæpe languentium, ut accusent medicos congruis observationibus ad salubria revocantes, quam ut ipsi suos noxios appetitus depromere vel reprobare consentiant. Si nos superbi sumus qui animarum remedia convenientia ministramus, qui vocandi sunt qui resultant? Si nos superbi sumus qui obediendum paternis dicimus institutis, qui refragantur quo appellandi sunt nomine? Si nos elati sumus, qui divinum cultum puro atque illibato cupimus tenore servare, qui contra divinitatem quoque sentiunt, dicant qualiter nuncupentur? Sic et nos cæterique qui in errore sunt, æstimant quod eorum non consentiamus insanie, ubi tamen Spiritus superbiæ veraciter consistat et pugnet, veritas ipsa dicat.

*Item Gelasius ad episcopos Dardaniæ Acacium a sede apostolica competenter fuisse damnatum.*

D Dilectissimis fratribus universis episcopis per Dardaniam constitutis GELASIUS.

Valde mirati sumus, quod vestra dilectio quasi novam et veluti difficilem questionem, et adhuc tanquam inauditum quidpiam nosse desideratis, quod Eutichianæ pestilentia communicatores, non habentes quod pro suæ perditionis observatione respondeant frequenti jam ratione convicti sola contentione submurmurant, non quia sit alienigena momenti quod garrunt, nec inveniant penitus quid loquantur, ubi magis eas qui catholicis sensibus instituti sunt, adhuc hæerere miramur, quam illos qui a veritate exciderant, et ab antiqua Ecclesiæ traditione sunt devii, profanas vocum novitates et ineptas caducæ perversitatis obtinere qui-

bus eos retulit vestra dilectio jactare. Ideo Acacium non putare jure damnatum, quod non speciali synodo videatur fuisse dejectus, et insuper dementiae suae vanitatis accumulatur pueriliter dicentes, præcipue pontificem regiae civitatis. Quapropter stultitiam respuentes inanum querelarum, percurrere vos oportet, ab ipsis beatis apostolis et considerare prudenter, quoniam Patres nostri catholici, videlicet docti pontifices in unaquaque hæresi quolibet tempore suscitata, quidquid pro fide, pro veritate, pro communione catholica atque apostolica secundum Scripturarum tramitem prædicationemque majorum facta semel congregatione sanxerunt, inviolatum voluerunt deinceps firmum constare; nec in eadem hac causa denuo quæ præfixa fuerant, retractari qualibet recenti præsumptione permiserint, sapientissime providentes, quoniam si decreta salubriter cuiquam liceret iterare nullum contra singulos quosque prorsus errores stabile persisteret Ecclesiae constitutum, ac super iisdem furoribus recidivis omnis integra definitio turbaretur. Nam si limitibus etiam præfixis positarum semel synodalium regularum non essent elisæ pestes resumptis certaminibus contra fundamentum sese veritatis attollere, et simplicia quæque corda percutere. Quid fieret, si subinde fas esset perfidis inire concilium? Cum quælibet illi manifesta sit veritas, nunquam desit quod perniciose depromat falsitas tametsi ratione vel auctoritate deficiens, sola tamen intentione non cædens. Quæ majores nostri divina inspiratione cernentes, necessarie præcaverunt, ne contra unamquamque hæresim quod acta semel synodus pro fide, communione, et veritate catholica atque apostolica promulgasset, non sincerent novis post hæc recitationibus mutari, ne pravis occasio præberetur, quæ medicinaliter fuerant statuta pulsandi, sed auctore cujuslibet insanitæ ac pariter errore damnato sufficere judicarunt, ut quisquis aliquando hujus erroris communicator existeret, principali sententia damnationis ejus esset obstrictus, quoniam manifeste quilibet vel professione sua vel communione possit cognosci. Et ut brevitas causa priora taceamus, quæ diligens inquisitor facile poterit investigare Sabellium damnavit synodus, nunc fuit necesse, ut ejus sectatores postea damnarentur, singulas viritum synodos celebrari, sed pro tenore constitutionis antiquæ, cunctos qui vel pravitatis illius vel communionis exstiterint participes, universalis Ecclesia dixit esse refutandos. Sic propter blasphemias Arii forma fidei communionisque catholicæ Nicæno prolata conventu, Arianos omnes, vel quisquis in hanc pestem sive consensu, sive communione deciderit sine retractatione conclusit. Sic Eunomium, Macedonium, Nestorium synodus semel gesta condemnans ulterius ad nova concilia venire non sinat, sed universos quocunque modo in has blasphemias recidentes tradito sibi limite synodali, refutavit Ecclesia nec unquam recte cessisse manifestum est, qualibet necessitate cogente novis ausibus quæ fuerant salubriter con-

stituta temerasse. Non autem nos latet in tempestate persecutionis Arianæ plurimos pontifices de exiliis, pace reddita, respirantes per certas provincias congregatis secum fratribus Ecclesias composuisse turbatas. Non tamen utilius synodi Nicænæ quidquid de fide et communione catholica definierant, immutarent, nec nova quemquam prolapsam damnatione percellerent. Sed illius terrore decreti, nisi resipuisent, judicarent damnatos esse, quibus convenienter, ut dictum est, ex paterna traditione perpensis, confidimus quod nullus jam veraciter Christianus ignoret uniuscujusque synodi constitutum, quid universalis Ecclesiae probavit assensus, nullam magis assequi sedem præ cæteris oportere quam primam, quæ et unamquamque synodum sua auctoritate confirmat, et continuata moderatione custodit, pro suo scilicet principatu, quem beatus Petrus apostolus Domini voce præcepit. Ecclesia nihilominus subsequente, et tenuit semper, et retinet. Hæc dum Acacius certis comperisset indicibus a veritate apostolica deviasse diutius ista non credens, quippe quem noverat executorem sæpe necessariæ dispositionis se contra hæreticos exstitisse, per triennium fere litteris destinatis eundem monere non destitit, sicut per diversos missa familiariter scripta testantur. Quibus ille dum primum tanquam debito silentio, nihil respondere proponeret, tandem aliquando missis litteris proficitur, sed Alexandrino Petro quem expetita apostolicæ Sedis auctoritate exsecutor ipse quoque damnaverat, absque Sedis apostolicæ notitia communione permistum, beati autem Petri sedes quæ Alexandrinum Petrum se tantummodo damnasse non etiam solvisse noverat, non recepit, atque ideo ne per **239** Acacium in Petri consortium duceretur, ipsum quoque a sua communione submovit et multis molibus transgressionem a sua societate fecit alienum. Hic si examinatio queritur, jam judicio non erit opus, postquam litteris suis ipse confessus est. Si auctoritatis pondus inquiritur Chalcedonensis synodi tenore ilius definitionis executio reperitur, quo damnati illic erroris communicator effectus, præfixe nihilominus particeps damnationis existeret, quoniam idem ipse error qui semel est cum suo auctore damnatus in particeps quolibet pravæ communionis effectum, et execrationem sui gestat et pœnam.

**D** Quo tenore Timotheus etiam atque ipse Alexandrinus Petrus, qui secundam certe sedem tenuisse videbant, non repetit a synodo, sed auctoritate tantummodo sedis apostolicæ, ipso quoque Acacio postulante vel exsequente probantur esse damnati. Quod si utrum errori vel prævaricationi communicarent, Acacius forsitan dicatur oportuisse constare, breviter præbeamus ad ista responsum. Aut enim ipsi doceant Petrum legitime veraciterque purgatum, et ab omni contagione hæreticorum rite discretum, cum ei communicavit Acacius, si ejus communicatorum putant Acacium aliquatenus excusandum, aut si ut magis est verum convenienter atque legitime Petrum non probaverint expiatum.



Restat ut ejus in expiatione fuerit, et qui ei communicavit infectus. Nec plane tacemus, quod cuncta per mundum novit Ecclesia, quoniam non quorumlibet sententia ligata pontificum sede beati Petri apostoli vis habeat resolvi, utpote quæ de omni Ecclesia fas habeat judicandi, neque cuiquam de ejus liceat judicare judicio. Siquidem ad illam de qualibet mundi parte canones appellare voluerunt, ab illa autem nemo sit appellare permissus. Quapropter satis constet Acacium nullum pontificium habuisse sententias sedis apostolicæ sine ulla ejus notione solvendi. Qua certe synodo hoc ille præsumpsit, quod nec sit ab apostolica sede fas quidem haberet efficere, cujus sedis episcopus, cujus metropolitane civitatis antistes. Nonne parochiæ Erracensis Ecclesiæ? Si illi certe licuit sine synodo sententiam apostolicæ Sedis abrumper, nulla citius consultatione quesita, ita ne vero non licuit primæ sedi Chalcedonensi synodi constituta, sicut decuit exsequendi hujusmodi prævaricatorem se auctoritatem detrudere? Sed nec illa præterimus quod apostolicæ Sedi frequenter datum est more majorum, etiam sine ulla synodo præcedente exsolvendi quod synodus iniqua damnaverat, et damnandi nulla existenti synodo, quos oportuit, habuerit facultatem, sanctæ memoriæ quippe Athanasium synodus Orientalis addixerat. Quem tamen exceptum sedes apostolica, quia damnationi Græcorum non consensit, absolvit. Sanctæ memoriæ nihilominus Joannem Constantinopolitanum synodus etiam catholicorum præsulum certe damnaverat, quem simili modo sedes apostolica etiam sola, quia non consensit, absolvit. Item sanctum Flavianum, pontificem Græcorum, congregatione damnatum pari tenore, quoniam sola sedes apostolica non consensit, absolvit potius quam illic receptus fuerat. Dioscorum secundæ sedis præsulum sua auctoritate damnavit, et impiam synodum non consentiendo submovit sola et auctoritate ut synodus Chalcedonensis fieret sola decrevit. In qua ergo ut sola vis habuit absolvendi eos quos synodica decreta protulerant, sic etiam sine synodo in hac eadem causa plurimos etiam metropolitanos damnasse cognoscitur. Quod si quis hæc ab apostolica sede, ut sancta synodo acta reprehendit, præter quod prisca rerum probatione convincitur. Iterum multo magis Acacium non licuisse fatebitur. Dicit ergo qua ipse synodo secundæ sedis antistitem, qualemcunque certe catholicum et a catholicis ordinatum, nec de catholica fide et communione aliquatenus impeditum duxerit excludendum, et hæreticum manifestum Petrum sua quoque executione damnatum, pontifici catholico permisit subrogandum. Qua synodo tertiæ sedis apostolicæ episcopum sanctum Calendionem fecit expelli, ac nihilominus eidem Petrum tam hæreticum manifestum, ut eidem palam nec se communione prætenderet sua passis dispositione substitui. Qua denique per totum Orientem synodo ejectis orthodoxis, nullo crimine maculatis, pravos quoque et criminibus involutos sua provi-

sione supposuit? Qua synodo tot aliena privilegia nefandus populator invaserit? Sed libri non sufficerent, si tragœdias ejus quas per Ecclesias totius Orientis exercuit sigillatim describere moliamur. An illud ipsius argumentum nobis æstimavit opponendum, quo facinora sua in imperialem visus est jactare personam. Cur igitur, quando voluit, obsistit Basilisco tyranno certe et hæretico vehementer infesto? Cur ipsi imperatori Zenoni, quia palam Antiocheno Petro communicare noluit, suam nimirum subdidit voluntatem. Ecce potuit in aliis resultare, sed noluit. Annon Apostolus dixit: « Non solum qui faciunt, sed etiam qui consentiunt facientibus (Rom. 1, 32) » reatu pariter sunt irretiti. Sed ut ea quæ latius explicanda sunt omittamus, quidquid ipse Zeno imperator suis litteris profitetur cuncta se ex Acacii gessisse concilio, nec hoc enim litteris suis fallere ipse quoque testatur Acacius. Qui et eum nihilominus universa recta gessisse conscripsit, et suo concilio hæc eadem gesta non tacuit. Quasi vero tantum in Alexandrini Petri communione Acacius prævaricator exstiterit, et non in omnibus quos fecit, vel depulsis catholicis pontificibus, unquam tyrannos Ecclesiis præponi ut taliter præpositis perversa communione permistus est. Qui hoc ipso secundum canones fuerant ab ecclesiastica communione petendi quod se passi sunt successores vivos sacerdotibus adhiberi. Quis autem non perspiciat Christianos qui, catholicis pontificibus propria sede dejectis, nonnisi hæretici potuerunt introduci? Quibus tamen cunctis vel auctor fuit Acacius, subrogandis vel subrogatis communicator accessit; his itaque, quia communione hæreticorum nullatenus discrepabant. Cur igitur vel cum hæc fieri viderit, non sicut sub Basilisco jam fecerat, ad apostolicam Sedem referre curavit, ut si solus ipse non poterat conjunctis cum eodem consiliis atque tractatibus apud imperatorem, quæ regioni competere, allegaret. Nam si Basiliscus (ut dictum est) tyrannus hæreticus, scriptis apostolicæ Sedis vehementer infestus, a pluribus revocatus ad eum accessibus, quanto magis legitimus imperator qui se catholicum videri volebat, potuit cum apostolica sede cunctorum quoque pontificum moderata suggestionem mitigari, præcipue cum ejusdem Acacii esset specialis fautor et amator, et qui litteris suis, tam ipsum Acacium quam sanctum papam Simplicium magnis laudibus extulisset, quod hæreticis constantissime restitissent. Cur tanto tempore Acacius inter ista continet, nisi quia prohibere nolebat ullatenus quæ desiderabat expleri. Perimus tamen etiam, si nulla synodus præcessisset, cujus apostolica sedes recte fieret exsecutrix. Cum quibus erat de Acacio synodus inenda? Nunquid cum his qui jam participes tenebantur Acacio, et per Orientem totum catholicos sacerdotes violenter exclusissent. Per exilia diversa relegatis sociis evidenter existebant communionis æternæ, nec prius se ad hæc consortia transferentes, quam sedis apostolicæ scita consulerent. Cum quibus ergo erat synodus in-

eunda? Catholici pontifices fuerant undique jam depulsi, solique remanserant socii perfidorum, cum quibus nec licebat habere conventum, dicente Psalmista: « Non sedi in concilio vanitatis, et cum iniqua gerentibus non introibo (*Psal.* xxv, 4), » nec ecclesiastici moris est cum his qui pollutam habent communionem permistamque, cum perfidis miscere concilium. Recte igitur per Chalcedonensis synodi formam huiusmodi prævaricatio repulsa est potius quam ad concilium, quod nec opus erat post primam synodum, nec cum talibus habere licebat. Nam et quid ageretur de fide catholica intelligere, si vellet ignorare, non poterant, cum viderent catholicos pontifices nulla synodi discussione, nullo concilio, præcipue cum novas causas esse perpererent, toto Oriente depelli, et cæteri quid caverent ex illorum discere qualitate potuissent. Restat igitur ut illius partis illos fuisse hæreseos sit clarum, cui se post tot experimenta dederunt, meritoque apostolica sede cæterisque catholicis non jam consulendi erunt, sed potius notandi. Risimus autem quod prærogativam volunt Acacio comparari, quod episcopus fuerit regiae civitatis. Nunquid apud Mediolanum, apud Ravennam, apud Firmium, apud Treveros multis temporibus non constitit imperator. Nunquid harum urbium sacerdotes ultra mensuram sibiimet antiquitus deputatam quidpiam suis dignitatibus usurparunt. Nunquid Acacius ut Joannem quantumlibet hominem catholicum, tamen a catholicis ordinatum de Alexandria excuteret Petrumque in hæresim jam dejectum atque damnatum absque sedis apostolicæ consultatione reciperet. Aliqua synodo saltem illic habita hoc audacter arripuit. Ut Calendionem de Antiochia depelleret, hæreticumque Petrum ipse damnaverat, absque notitia sedis apostolicæ rursus admitteret aliqua synodo id fecisse monstratur.

Si certe de dignitate agitur civitatum, secundæ sedis et tertiæ major est dignitas sacerdotum, quam ejus civitas quæ non solum inter sedes minime numeratur, sed nec inter metropolitanorum jura censetur. Nam quod dicitis regiae civitatis, alia potestas est regni sæcularis, alia ecclesiasticarum distributio dignitatum. Sicut enim, quamvis parva civitas, prærogativam præsentis regni non minuit, sic imperialis præsentia mensuram dispensationis religiosæ non mutat. Sic clara urbs illa potestate præsentis imperii religiosa sub eodem tunc firma, tunc libera, tunc provecta consistit, si potius hoc præsentis propriam teneat sine ulla perturbatione mensuram. Sed dicatur forsitan de Alexandrino et Antiocheno, certis ex causis principem magis illa quæ gesta sunt non Acacium præcepisse. Sed principi Christiano decuerat suggerere sacerdotem, maxime cujus familiaritate et favore fruebatur, salvam fore de ejus injuria contumeliæque vindictam, tantum ut Ecclesiæ sineret Christianus princeps regulas custodiri, quia et nova in utroque pontifice causa esset exorta, et novam discussionem consequenter inquireret, et sicut semper esset effectum sacerdotali concilio de sacerdo-

atibus judicia provenirent, non a sæculari viderentur qualescunque pontifices, etsi errore humanitatis accidente, non tamen contra religionem ullatenus excedentes potestate procelli. Aut et hæc juxta rationem principis suggerenda non erant. Regiæ civitatis honore sublimis, si factus erat regia civitate sublimior, tanto magis in his suggerendis debuit esse constantior. Si autem in his quæ pro religione fuerant exerenda exstitit contemptibilis, aut despectus, aut segnis, aut fiduciam non habens intimidandi, in quo per regiam civitatem major effectus est. Nathan prophetam palam publiceque in faciem regi David et commissum pronuntiavit errorem, et ipsum commississe non tacuit, et confessione correctum consequenter absolvit (*II Reg.* xi). Ille autem vir bonus et sacerdos egregius in tantum se et suggerere potuisse monstravit et noluisse deprompsit, imo fuisse patefecit, ut et imperator cuncta se ex ejus concilio gessisse taceret, et ipse imperatorem magnis præconiis elevaret ista facientem, seseque proderet his agendis rebus fuisse participem. Sed esto Calendion nomen imperatoris abstulerit Joannis principi mentitus fuisse jactetur. Quæ tamen cum novæ essent causæ, nova debuerit ecclesiastica pervenire discussio, qui in hominem imperatorem peccasse dicebantur, nullatenus venientes synodo dejici debuerunt, et in Deum, qui summus et verus est imperator, Acacium delinquentem sinceramque communionem divini sacramenti studentem miscere cum perfidis sancta synodo qua hæc est damnata perfidia; non oportebat excludi? Quid per totum Orientem de innumeris urbibus pulsi catholici sacerdotes et hæretici subrogati? Nonne certe erant causæ, et his consequenter una synodus debebatur. Cur tamen non venit in mentem, ut in talibus causis peteret a principe saltem qualemcunque synodum celebrandam, ut quocunque colorato judicio traditionis ecclesiasticæ passim pontifices viderentur exclusi, non solum quarumcunque urbium sacerdotes, sed metropolitani incunctanter antistites. His omnibus cum non restitit suggestionem qua potuit consensit Acacius communicando cunctis qui catholicorum in locum hæretici fuerunt subrogati. Apostolus autem dicit, non solum « qui faciunt, 240 sed qui consentiant facientibus (*Rom.* i, 32), » reos indubitanter ascribi. An hæc licet sæculari potestati et actis talibus Acacio consentiente absque ulla synodo, quam ipsa rerum novitas exigebat absque sedis apostolicæ consultatione perficere, et sedi apostolicæ non licuit, secundum tenorem synodi Chalcedonensis, in veteri utique causa et veteri constituto juxta utique definitione damnatum inimicis synodi Chalcedonensis Acacium communicandum a sua communione depellere. Sed, inquit, Acacius principibus obviare non potuit, cur Basilisco, quia voluit obviavit. Cur ipsi Zenoni, ne palam Petro Antiocheno, quamvis latenter hoc fecerit, communicare videretur, non communicavit assensum. Ecce resultanti non restitit imperator. Ecce vim nolenti non intulit. Ecce fugienti contra manifesta con-



cessit. Póstrremo cur tanto tempore cum ista gererentur, lēx gerenda cognosceret, et non ad sedem apostolicam, a qua sibi curam illarum regionum noverat delegatam referre curaverit. Sed prius laudator factus est ipse gestorum, quia lex præmoneret talia non esse tentanda vel ne tentarentur obsisteret, sicut sub Basilisco jam fecerat. Cur illis cæteris communicare consensit, qui depulsis catholicis sacerdotibus indubitanter hæretici singulis urbibus fuerant substituti. Postremo, si ille defuit suis partibus, et quæ sacerdoti catholico competerent, agere non curavit, ideo sedes apostolica quod ad eam pertinebat non potuit, nec debuit præterire. Quolibet modo hæreticorum complicem refutavit et consortem communionis externæ a sua communione dimovit.

Nec opus fuit nova synodo cum veteris constituti sufficienter hæc forma præscriberet, nec opus fuit hæc facienda episcopis Orientis intimare, quos et expulsionem catholicorum, quæ agebatur in causa fidei non ignorasse manifestum sit, et communicando hæreticis subrogatis facto tali consensisse non dubium est, etiam externæ communionis effectos, atque ideo cum eis nec jam potuisse, nec debuisse sedis apostolicæ scita tractari. Ecce agnoverunt in eorum professione, qui constantissime perdurarunt, quid fidei communionique catholicæ deberetur. Ecce agnoverunt, quemadmodum a talibus recedendo, imo talibus contraria moliendo, a fide et communione catholica atque apostolica deviarit Acacius, sequæ eodem pariter errori subdiderunt. Ecce agnoverunt quam justis ex causis pro fide et communione catholica atque apostolica, cui et illi qui in ea persisterant, congruebant, et illi qui perstantibus obviabant ab eadem docebantur alieni sedis apostolicæ auctoritate sit remotus Acacius, ejusque pariter quicumque complices exstiterint, atque ab illorum merito cum his communione discretus, a qua se ipse primum cum suis consortibus catholicis pontificibus discrepando cognoscitur separasse, jureque sententiam ille damnationis excepit cæteris consortibus promulgandam qui solus pro omnibus suis consortibus in communione se recidisse perfidiæ ad apostolicam sedem missis est professus. Cui si communicaverant Orientales episcopi antequam referretur huc, pari utique reatu sine dubio probabantur involvi, jureque per illum transgressionis sententiam susceperunt, tanquam facti cum eodem communionis externæ. Qui utique non consui tanquam nostræ communionis homines jam deberent. Sed tanquam in contrario positi consortio refutari. Si vero non communicaverant antequam Acacius huc referretur, et communicantem notare debuerant, ipse de eodem potius huc referre, atque apostolicæ sedis vigore perculsum merito comprobare. Cumque sede apostolica tantisque illis pontificibus magis tenere concordiam. Sed quia ab eorum societate desciverant, et eorum successoribus communicare delegarant, ideo cum sede apostolica minime congruebant, quia in sectam reciderant prævaricatoris Acacii illius sine dubio providebant sententia consequenter

A constringi, et ob hæc videri eum noverant damnatum, quia se cognoscebant in eadem prævaricatione damnatos, in qua hodie manere persistunt. Sed sicut hi simili conditione constricti complicem suum non possunt judicare, non jure damnatum, neque rei reum possunt compenter absolvere sic ille jure prævaricator damnato, isti quoque pari jacent damnatione prostrati, neque nisi resipiscentes inde poterunt prorsus absolvi, quia sicut per unum scribentem eorum omnium vulgata transgressio est qui in eandem perfidiæ reciderant actionem, sic in unum eundemque qui pro omnibus scripserat vel scribendo prodiderat voluntates transgressionem punita cunctorum quæ ad instructionem vestræ dilectionis fas satis abundeque sufficere judicamus, quamvis eadem latius, si Dominus concesserit facultatem studeamus exponere, quatenus et fidelium quisque cognoscat, nihil apostolicam sedem, quod absit, propere censuisse. Quæ tamen sententia in Acacio destinata, et si nomine tantummodo præsulis apostolici cujus erat utroque potestatis legitime probatus esse deprompta præcipue cum secretim dirigenda videretur, ne ostensa ubique præsentis dispositio salutaris quibuslibet difficultatibus impedita necessarium habere non posset effectum, tamen quia orthodoxis ubique disiectis et hæreticis tantummodo, eorumque consortibus jam relictis in Oriente catholici pontifices aut residui omnino non essent, aut nullam gererent libertatem plurimorum in Italia catholicorum congregatio sacerdotum rationabiliter cognovit in Acacium fuisse prolatam. C Quæ congregatio facta pontificum non contra Chalcedonensem, non tanquam nova synodus contra veterem primamque convenit, sed potius secundum tenorem veteris constituti particeps apostolicæ executionis effecta est, ut satis appareat Ecclesiam sedemque apostolicam, quia alibi jam omnino non posset ubi potuit, et cum quibus potuit nihil penitus omisisse quod ad fraternum pertineret pro intemerata fide et sincera communione tractatum. Quid ergo isti prudentes viri et argutis mentibus totius regionis interna rimantes in Orientis partibus constituti, si cognoverunt hujusmodi personam in Antiochena Ecclesia constitutam. Cur communicandum talibus præbuere consensum. Cur non illico reclamaverunt? Cur non se tali contagio submoverunt, cum evidenter adverterent ideo Calendonem depulsum, ut hæreticis panderetur introitus. Quare hic nihil de synodo, nihil de re, nihil de fide Christiana, nihil de personarum examinatione tractarunt. Si vero ille se communioni voluntarie subdiderunt, ab apostolica sede certe separati sunt cum talibus, et apud tales si esset necessarie fieri nulla posset omnino synodus provenire. Quod si ignorasse se dixerint, qualis in Antiochia post Calendonem successit antistes, quid mirum, si qui in Oriente positi, quæ in regione sua contigerint scire nequiverant ea quæ apud apostolicam sedem gesta fuerant scire ignorarent. Cur tamen postquam ad eorum notitiam pervenit, qualis esset sacerdos apud Antiochiam

tutus, non ejus consortia respuerunt continuo. Cur A excusationem de ignorantia colore prætendunt, cum hodie et manifesta contagio perfidorum, et a nobis sæpius exprobrata sectantur. Quo satis apparet, quia nec tunc quidem, etiam si cognoscerent, refutarent, quando nunc etiam publicata non renuunt, prorsus in quamlibet se partem excusationemque convertant, manifeste veritati, si talia quæ eis suffocantur, ut suis ipsi verbis possint actibusque concludi, nec nisi solam perniciem obstinata perfidia residuum ventilare.

Hæc autem quæ de Calendione venerabili dicta sunt, et in Joannis Alexandrini conveniunt certa ratione personam, imo si causa eadem latius inquiretur, tantæ illie tragœdiæ, tanti reperiuntur errores, ut si ipsi sunt iudices qui hæc perpetrarunt, cum evidenter fuerint confutati, a sua damnatione non enim temperent. Talem enim illic antequam monstratur nihil aliud quam quæsitam causam quemadmodum catholico qualicumque deposito pontifice, hæretico Petro reseraretur accessus. Nunc istud nemo discutebat synodum nemo posebat, passim omnia licito fieri a quibuscunque videbantur, nullum discrimen rerum, nulla examinatio postulabatur Ecclesiæ, sed prout unicuique venisset in mentem, de filiis urbis catholicis pellebatur episcopus, non solam metropolitanus, sed etiam tertiæ et secundæ sedis antistes. In his nulla rerum investigatio quærebatur, nulla facienda consilia tractabantur, subrogabantur hæretici, nemo resultabat, sed velut muta pecora in captionem ducta, subditis voluntatibus perfidiam sectabantur, non mirum quidem, si nunc eos defendere moliantur, quorum indiscussam a sanctis mentibus secuti sunt vilitatem. Sed miramur cur cos non pudeat in istorum damnatione de synodo non facta causari, cum sciant tot tantosque pontifices nulla synodo fuisse depulsos, in istorum rejectionem si de non inito concilio conqueruntur cognoscant se, cur non et hoc in aliorum rejectione quæsierunt accusari. Si vero in cæterorum rejectione concilia necessaria non fuerunt, nec in istis necessaria fuisse cognoscant. An in catholicorum dejectione non fuit opus, et fuit magnopere congregandi in prævaricatoris damnatione confessi. Quid igitur restat, nisi ut dicant hæreticos non fuisse. Non ergo de synodo conquerantur, qui se palam communionis externæ perhibent sectatores. Cur ergo eis synodus necessaria fuisse videatur, qui se contra Chalcedonensem synodum venire cognoscunt. Quid Eutichianus error cum suis auctoribus generalis Ecclesiæ voce damnatus est. Nec dubium quod sicut in unaquaque hæresi, quod incessabiliter repetendum est, quia firmum esse nullus ambigit Christianus, omnes complices sectatores communicatores damnatæ semel pravitate pari sorte censentur. Ideoque sit consequens, ut sicut Timotheus atque Petrus talium sectatores secundum illius synodi tenorem nulla recenti facta pontificum congregatione damnati sunt, sic et Petro quia communicavit Acacius, ut criminis particeps, ita consors sit factus et pœnæ. Quid igitur ambagibus et nebulis ista prætexunt, ut impa-

dentiam suam mentemque vesanam inanibus potius fabulis celare letaliter quam perdendo medicinaliter sanare contendant? Nihil enim vobis commune cum hominibus communionis externæ. Ideo vocatur ad iudicium certum quæcunque persona, ut aut fateatur objecta, aut convincatur objectis. Post confessionem porro litterarum tenore deprompto, cur ad iudicium vocaretur Acacius qui se confessus est Petro, quem petiit a sedis apostolicæ præceptione damnari communionis sociasse, nec ei jam credi externæ communionis effecto, vel pro sua, vel pro illorum, vel pro Petri defensione jam posset, cujus se superius miscuerat nefando consortio. Feceratque se cum ejus causa sine dubitatione communem, cui examinatione præmissa et legitima esset, si ita purgatione suscepta regulariter misceretur. Sed cum eodem non legitime discusso atque purgato communionem sociatus, quam adhuc reo se miscuit, tam pro eodem non habuit loquendi fiduciam. Nam Acacius cum nullo privilegio fulciretur, ut de secunda sede posset ferre iudicium, potuit jure damnari simili modo, nisi primæ sedis auctoritate percepta, nec examinandi Petri jus habuit, nec recipiendi penitus potestatem. Quia regulariter constiti, nec apud nos Petro ullatenus absoluto quem damnasse nos novimus examinasse vel absolvisse nescimus. Restat ut illud demonstremus eundem Petrum quem se purgatum communionem recepisse prætendit Acacius, nunquam ab hæreticæ communionis contagione cessasse, nec non solum ipso tempore quo communicavit ei Acacius semper Alexandrinum Petrum, et in hæreticorum collegio perdrasse atque ita et per hunc Acacium perfidæ communionis suscepisse contagium, et per eandem illis hæreticis, quibus Petrus communicabat eadem peste convictum. Qui præsumpsit non servato ordine Petrum suscipere nec examinatum eum, nec agnoscitur recepisse purgatum, et ideo præter sedis apostolicæ licentiam, non legitimam sibi ejus receptionem usurpare voluisse, ut examinationem ejus et purgationem posset pro sua voluntate mentiri, atque eum nec examinatum, nec reciperet omnino purgatum. Quem si revera vellet examinatum purgatumque recipere, ordinem in ejus examinatione ac receptione potius custodisset, sed ut videretur magis quam veraciter esset jure prorogari. Sicut ergo ante non prius damnavit, quam et referret et posceret ab apostolica potestate damnandum, sic et recipiendo modum servare debuisset, ut priusquam se ei communioni misceret per sedem apostolicam posceret examinari eum, et legitima ratione purgari, cum nec examinandi aut recipiendi eum haberet ipse pontificium, et non nisi per illius sedis auctoritatem **241** consensumque hoc posset implere, sine cujus auctoritate eum non poterat ipse damnare, et cum principali diligentia, et discuti potuit, et purgari, et ad communionem convenientem admitti. Cum enim constet super auctoritate sedis apostolicæ hujusmodi personas, aut discussas vel esse purgatas, aut sic ab aliis quibus competeat episcopis absolutas, ut



tamen absolutio earum ex sedis apostolicæ consensione penderet, ubi utrumque defuit, nec discussionem legitimam, nec purgationem firmam, ac per hanc receptionem fuisse constat indebitam. Si tu absque mea communione Petrum iudicasti esse catholicum, neque despecto tuo eum jure recepisti, quod caesaris, si illum ego a communione mea quam tu voluisti contemptam, tanquam absque tua notitia vel consultatione repellerem. Vis acquiescere, meus es: non vis acquiescere, meus non es. « Qui enim mecum non est, contra me est, et qui mecum non colligit, spargit (*Matth.* xii, 30). » Quæro abs te, Petrum hæreticum fuisse putes, an catholicum, an ab hæresi postea esse correctum? Si hæreticum, nullatenus ei communicare debuisti, et eidem communicando, hæretici te manifestum est factum fuisse participem, et ejus consequenter ex synodi tenore venientem damnatione constringi. Si catholicum, palam totias dogmatis es defensor, quod catholicum, pronuntias ac nihilominus illius erroris censes, si hæreticum fuisse definias, ac postea correxisse prætendas, eique te purgato communicasse pronuntias. Interim cujus persona me negligendum esse credidisti? Causari non potes quod in hac eadem neglexerim, deinde quod sine me jus non habueris vel absolvendi vel recipiendi hujusmodi rite personam. Hanc enim personam nec purgatam legaliter, nec regulariter constat esse receptam, quam regulariter non receptam tam legaliter non constat esse purgatam. Et ideo non jure purgatam, quia legaliter non receptam. Mea enim in illum mea manente sententia, tu sine pontificio meo, ut meam sententiam resolveres jus non habens, qua potestate vel discussus est vel qua auctoritate receptus asseritur. Ecce interim in his causis vestra nutat et labitur auctoritas, et si hæc sola sit prorsus tota subruetur. Sed adducite adhuc aliud quod ad cumulum vestræ commotionis accedat. Quid enim si doceatur non solum priusquam in ejus communionem veniretis, neque tantummodo cum ad ejus communionem venistis, postea in hæreticorum nihilominus communione durasse, nonne aut per illum apud vos communio perveniebat hæretica, aut in hæreticorum communionem vos ejus commercio transibatis. Docete igitur Petrum Alexandrinum ab Antiocheni Petri unquam communione descisse, et non usque ad diem cum Antiochenus Petrus in hac luce versatus est Individuum utriusque fuisse consortium. An dicturi estis, et Antiochenum Petrum fuisse correctum. Cur isti usque in finem non communicasse gloriabatur Acacius. Sed quid profuit quod per seipsum communicare non voluit, cum eidem per Alexandrinum Petrum sine ulla se communicare putaret invidia. Quid facimus de tot tantisque civitatibus ex quibus catholici pontifices sunt expulsi. Si catholici subrogati sunt, cur catholici sunt rejecti? Si evidenter apparet, quia cum catholici sunt rejecti, non catholici fuerunt subrogati, restat ut catholici non sunt, sed hæretici quicunque successerunt. Cur eis temere communicastis?

A Cur non ut ista nova facies rerum, et tanta tragœdia de pontificum successionem viventium synodo discutiretur, egistis? An de uno dolent Acacio, quod speciali synodo non fuerit confutatus, cum proprium crimen litteris suis ipse detexerit, nec audiri debuerit, jam sponte confessus, et de tantis pontificibus catholicis non dolent, sine ulla discussione seclusis. Si catholicos nossent eos, quorum communionem vitaverant, his potius communicare maluissent quam non communicantes eis dura persecutione depelli. Ecce catholici tanti sacerdotes hoc ipso se judicant, quid apostolica sedes censuerit cognovisse, constanterque probasse retinendum, qui communionem catholicam resonantes, et eos qui apostolicæ sedi communicarent, usque ad persecutionis incursus tenere consortes. Certe quæ sedes apostolica decreverat orientalibus episcopis non innotuisse jactatur. Unde ergo tot tantique pontifices unum idemque cum sede apostolica sentientes, eamque probantes apertè religione sacrosanctam, veraque sanxisse quæ non solum sequenda sibi judicaverunt, sed etiam usque ad persecutionem viriliter exercenda. Ecce habuistis qui apostolicæ constitutionis et notitiam vobis ingererent et retinendi constantiam ministrarent. Si apostolica sedes misisse, vix duos aut tres dirigere potuisset. Ecce tot pontifices apostolicæ sedis scita sectantes, ingerunt nobis notitiam, et præbent servandæ veritatis exempla qui contra tantos clausistis oculos ibidem constitutos, quomodo duas vel tres audire possetis. Hoc ipso sine dubio cognovistis, illos apostolicæ sedi placere, quo vobis displicere videbatis. Aut illos ergo sectamini per quos intelligebatis sedis apostolicæ voluntatem, aut ad nihilum quidem de ignorantia velitis obtendere, cum judiciis tantis et talibus abutentes sedis apostolicæ constituta testimoniis prædicantibus respiciere potius quam recipere maluistis. Nunquid omnes isti quos memoravimus episcopi imperatori mentiti sunt? Nunquid omnes imperatoris nomen ex diptichis abstulerunt? Cumque pellerentur et vivis pontificibus catholicis, successores hæretici, et non de inferioribus quibusque civitatibus, sed etiam metropolitani pontifices in catholica communione jugiter durantes, cur igitur compassi non estis tantis fratribus vestris, cur non adiistis imperatorem? Cur non Ecclesiæ causam et sacerdotii miserabilem decolorationem continuatis vocibus deflevistis, allegantes nunquam de pontificibus, nisi Ecclesiam judicasse non esse humanarum legum de talibus ferre sententiam absque Ecclesiæ principaliter constitutis, obsequi solere principes Christianos decretis Ecclesiæ non suam proponere potestatem, episcopis caput subdere principem solitum, non de eorum capitibus judicare, quibus Ecclesiæ consiliis, qua synodo pellerentur, quid denique commisissent, ut sine ulla discussione rerum tot ecclesiarum præsules pro humano libito et sæcularis potestatis arbitrio pellerentur, inauditos, indiscussos, inconvocatos non debere percelli, maxime cum novæ causæ et nova rerum facies appa-

reret, ut rectores ipsi plebium repentinis incursionibus pro mundanæ potentie voluntate sacris dignitatibus privarentur ex nulla veteri causa, ex nullo collegio reus nec participatione cuiuslibet erroris jam ante damnatos teneri eos convincique consortes, ut tanquam ex præterita definitione judicarentur obstricti. Et ideo quia nullus ante præcedentibus causis recentes essent, cur ejicerentur incursus qui illi essent debent monstrari, et ecclesiasticis legibus ut semper oportere constare saltem vel pro vestro loco illorum duceretis miseris consulendum, formidantes in vobis quod in aliis cernitis, præter illum morem violenter admitti, si crimine respersi erant. Aliquid de ecclesiastica debuit examinatione cognosci, taceo, et ad sedem apostolicam ex more referri, ne nostra privilegia curare videamur. Satis sit ostendere quid secundum regulas Patrum et canones facere deberetis, præcipue cum etiam ipsæ leges pulchre ecclesiasticam regulam sequentes, tales personas non nisi ab episcopis sanxerunt judicari. Si vero de qualibet hæresi fuerint impetiti, tanto magis eos decet ista cognoscere, qui et secundum religionis tenorem possent ista discutere, et haberent pristinum, ex quo est christiana religio, pontificium judicandi, aut catholici enim erant, aut hæretici, de quibus passim illa ludibria gerebantur et latrocinia detestanda sæviebant; si hæretici prodi, discuti, et legitime convinci modis omnibus debuerant, vel suis confessionibus, vel aliorum vocibus confutari, taceo quia ad nos paterna fuerat consuetudine referendum, tantumque commoneo quid fieri ecclesiastico jure convenerat, si vero catholici probantur vos qui non solum in eorum depulsione cessatis, sed etiam subrogatis communicare delegistis indubitanter hæreticis, quibus depulsis catholicis succedentibus non ignorastis causam fidei, communionisque catholicæ per tantos antistites toto orbe patefactos. Sed plane scientes volentesque sine ulla discussione rerum, sine ulla synodali examinatione, sine ulla sedis apostolicæ reverentia et assensistis hæreticis libenter habentes, patienterque sinentes catholicos antistites inaudita prius et miserabili sorte detrudi. Quos si a fide integra communioneque catholica putaretis errare ad apostolicam sedem secundum scita majorum, et sicut semper est factum referre debuistis, sicut de Petro Alexandrino vel Antiocheno Petro de Joanne Pauloque fecisse monstratur Acacius. Sed quia noveratis eos cum apostolica sede sentire, et quid sedes apostolica sua definitione censeret, per illos tantos ac tales episcopos constat Orientales antistites nullatenus ignorasse, et per illos catholicæ atque apostolicæ communioni prodiisse contrarios, et ab eadem defecisse cum non illis estis passione conjuncti, sed potius persecutoribus eorum societate connexi. Hic vobis synodus nunquam venit in mentem, et certe de personis (ut dictum est) nulla veteri lege constrictis. Hic nullo concilio, non unius urbis vel unius episcopi, sed totius orientis Ecclesiam subit animum veatrum

A facto sacerdotali concilio, debere curari. Sed homines qui in contrariam partem toto proposito et toto recideratis affectu, concilia potius necessaria etiam studio declinastis, ne per eadem tale aliquid censere-tur, quo vobis rebus evidenter offensis et legitime confutatis, in hæreticorum non licere venire consortium. Quid ergo de ignorantia prætenditis, cum per totum Orientem catholicam fidem communionemque sinceram sedi apostolicæ congruentem non solum cognovisse tot pontifices videbatis, etiam usque ad extremum constantissime defendisse. Si vos non audieratis quid de fide et communione catholica atque apostolica censeremus, illos aspicere debuistis et aut sequi si credebatis esse catholicos, aut apud apostolicam sedem potius accusare, si credebatis errasse. B quid illos aut suo proposito illam tenuisse sententiam, aut cognoscendo quid sedes apostolica definiret, et aut igitur collegas et fratres de proximo in conspectu vestro vel catholicos sequi debuistis, vel impetere si credebatis errare; nec illos a quibus nullo discrimine vexabantur præbere consensum, donec veritas ex omnibus patefacta constaret, et regulariter de eis ecclesiastici iudicii forma procederet. Sin vero sedis apostolicæ regulam subsequendo perspiciebatis illos hanc tenere constantiam, consequenter per illos, et quid nostra definitio contineret, non habuistis incertum, et illorum persecutoribus annuendo a sedis apostolicæ non ignorantes ejus sententiam consortio retraxistis, et adhuc dicitis ignorare vos quid sedes apostolica censuisset. C Cum illis sacerdotibus catholica fide et communione nolentibus non verbis aut litteris, sed personis præsentibus didiceritis universa, et ab eadem vos proprio iudicio separasse videamini, et adhuc dicitis synodum in unius hominis personam debuisse tractari, quam in damnandis totis pontificibus catholicis non quæstistis. Quibus autem vultis ut de talium causarum relatione credamus catholicis an hæreticis ab omni contagione hæreticorum discretis, an hæretico cum communione pollutis? Quis autem non videat illos Ecclesiæ catholicos, et ab omni hæretica peste, prorsus alienos, qui propriis urbibus detrusi, et in exilium sunt reducti, et eos qui superstitibus catholicis successores fieri ausi sunt, catholicos omnino non esse, sed aut Eutichiani manifesti, aut eorum sectatoribus communicantes hæc pestis apud eos hodieque perdurat. Siquidem et cum Petro Alexandrino et cum Antiocheno Petro indifferenter hi qui catholicis successerant, communione permisti sunt, et successoribus utriusque Petri hodieque miscentur. His adde etiam illos qui catholicis, licet non successerunt, sed cum catholici pontifices haberentur talium se communioni junxerunt, hæc illa mistura. Hæc est illa confusio quæ per Orientem totum inter catholicam, hæreticamque, communionemque nulla discretio est. Imo qui discerni tentaverit potius hæreticus habetur, persecutione percellitur, exiliis et afflictione multatur.

Restat ergo ut in hac colluvione eunctorum, sicut



quisquis ab eadem separatus comprobatur, ita quisquis sinceræ est communionis, et ideo catholicus, ita quisquis illius detestandi, commercii particeps invenietur, quantum a sincera communione, tantum a catholica atque apostolica sit remotus. Nec prætendat quisquis quod alicui forsitan evidentiori non communicasset **242** vel non communicare videatur hæretico. Quid enim juvat, si illi non communicet, et his tamen communione jungantur qui ab illius non sunt communione diversi? Quid si eorum nulli communicavit vel omnino non communicat? Hic erit ille sinceræ, catholicæque, apostolicæque communionis et fidei, alioquin nullo modo poterit indiseretæ illius mistionis insincerum vitare contagium. Hoc modo etiam ille vir bonus Acacius Antiocheno Petro, cui se palam non communicare jactabat per alios sine ambiguo communicasse detegitur. Neque enim ab omnium qui Antiocheno Petro communicabant, semet Acacius communione suspendit, ac per hoc quid profuit quod videri volebat. Illi palam non communicare, cui per suos complices sub signo communionis nectebatur, Alexandrino Petro communicavit Acacius. Sed donec advixit Antiochenus Petrus, qui utique post Acacianum cum Petro Alexandrino foelus initum defunctus ostenditur nunquam Antiocheno Petro Alexandrinus Petrus communicare desinit. Quod catholicorum continet relatio sacerdotum sanctorumque in catholica fide durantium. Nec conscientiam latere potest totius Orientis. Et ut taceam quod per ipsum Zenonem imperatorem, qui utique Antiocheno Petro quem introduxerat, et ejus sacerdotium comprobaverat, sine dubio communione permistus communicabat Acacius. Plurimos diversarum urbium præsules possumus demonstrare, quibus cum Antiocheno Petro communicantibus, nihilominus communicabat Acacius, et per illos Antiochenos communicabat consequenter et Petro. Sed hæc apud Græcos facilis et inculpabilis putatur esse permistio, apud quos nulla est veri falsique discretio. Et cum omnibus reprobis volunt esse communes, in nulla monstrantur probitate constare. Hic autem ille est Petrus Antiochenus, quem nec per pœnitentiam, aut communionem catholicam recipi, etiam a sede apostolica poposcit Acacium, ac per hoc quod queruntur a nobis Acacium fuisse damnatum cum hac professione præmissa, et per anfractus Antiocheni petitur recepta communione se doceatur ipse damnasse. Ubi tamen non solum reus tenetur Acacius, sed omnes pontifices Orientis, qui pari modo in hæc recidere contagia, meritoque simili damnatione tenentur obstricti. Nec inde possunt ullatenus expediri, nisi, dum supersunt, a talibus abstinendo. Nec nos oportet in talibus causis, nisi illis credere qui aut omnino se sciunt ab hujus perfidiæ nexibus divino beneficio servare discretos, aut ab his qui a perfidorum consortio recesserunt. Nam in perfidorum contagio constitutis, quam fidem pro sinceræ communionis testificatione possumus adhibere, qui in sincera

A communione sunt positi, nec eorum testimoniis inniti pro veritate poterimus qui impugnare nituntur falsitatibus veritatem. Restat, ut non nisi illis credere debeamus qui ab omni contagione sunt liberi.

*Epistola Gelasii papæ ad Eumizium.*

Dilectissimo fratri EUMIZIO, GELASIUS.

Quod plane cupimus atque sinceræ fidei communionisque catholicæ reintegratione firmari, asserit tua dilectio. Quod alteri solus non sufficiat auditus, nisi per litteras spectaverit significant provocantem, de his quæ circa nos dispensatio divina perfecit, ut si in secundis vicem salutationis impenderem. Non arbitramur vel dilectionem tuam vel aliquam se hoc sperare potuisse, ut putaret nos vel aliquempiam potioem quæ sunt gesta referentes debuissè responsa promereri, qua nimis judicaretur arrogans, si de prima sede taliter existimasset. Quod si magis opinamur, quasi sociis, quibus præesse Christi munere delegata est, apostolicam sedem institutum sibi noviter sacerdotem præcuntibus oportuisse, dixisti litteris indicare. Fuit quondam ecclesiastica vetus hæc regula apud Patres nostros quibus una catholica, apostolicaque communio ab omni prævaricatorum libera pollutione constabat. Nunc autem cum societatem præferre malitis extraneam quam ad beati Petri purum redire illibatamque consortium.

« Quomodo cantabimus canticum Domini in terra aliena (*Psal. cxxxvi, 4*). Quomodo dispositionis apostolicæ antiqua fœdera præbeamus hominibus communionis extraneæ? Quemadmodum nobis ordinationem renuntiatura est, cui vestro etiam testimonio hæreticos damnationemque præponitis. Dicat forsitan tua dilectio hæreticos damnatos dici Acacium et Petrum. Cur, si fas non est, presentibus saltem litteris colloquamur? Quia aliter appellamus Dominicæ mensæ participes, aliter qui in ejus nobiscum societate dissentiant, quia ipse Dominus alio modo verba faciebat a sua prædicatione discretis, alio discipulis regni cœlestis secreta pandebat. Consequenter quoque Apostoli non ita a suo collegio separatis, quemadmodum fidei domesticis consortibusque loquebantur. Sed ait dilectio tua tantum circa me sese charitatis habuisse, ut non solum ad scribendum fueris contentus affectu audire, lege sententiam: « Fides ex auditu, auditus autem per verbum Dei (*Rom. x, 17*), » illud scilicet Verbum quod confessioni beati apostoli Petri « portas inferni nunquam prævalituras esse promisit (*Matth. xvi, 18*). » Atque ideo rationabiliter existimasti, quia fidelis Deus in verbis suis non nisi aliquid tale promississet, institueret, unam sponsionis suæ promissionem impleret. Ait denique nos divinæ providentiæ gratia tua dilectio quod ille monstraverit sanctarum Ecclesiarum se non deserere charitatem, quia me in pontificali sede locaverit non indigentem, sicut ait doceri, sed intendentem omnia necessaria ad ecclesiastici corporis unitatem. Ego quidem sunt omnium hominum minimus satis immeritus tantæ

sedis officium, nisi quod superna gratia semper operatur magna de parvis. « Quid enim de me sentiam cum hoc ipse id de se magistro gentium ille testetur, qui se ultimum, et non vocari dignum apostolum profitetur? » (*I Cor. xv, 9.*) Verumtamen ut ad dilectionis tuæ verba redeamus, si veraciter exsecutus es hæc divinitus mihi fuisse collata, quæ et profecto quæcunque sunt bona dona sunt Dei, sequere ergo hortamenta non indigentis doceri, et secundum supernam dispositionem universa cuncta inspicientis quæ ad Ecclesiarum pertinent unitatem. Et adversus diabolum conturbatorem vere pacis atque compagis, ut asseris, fortiter resistantem. Si ergo de me ista pronuntias, aut sectanda tibi sunt quæ a Christo, ut prohibes, constituta sunt, aut palam te quod Christi dispositionibus obviare depromis, aut ad veniam luxuriæ de me cognosceris ista jactare. Sed consequenter adnectis condescendibilem me, et optima dispositione revocare posse concordiam. Proinde quoniam isto verbo frequenter utimini, quid sibi velit explorem. Optima enim illa est Ecclesiæ catholicæ atque apostolicæ dispositio quæ ad meliora proficiendo condescendere non ad inferiora descendendo defecere. Cum autem dicis condescendere nos debere vobiscum. Interim jam vos, aut descendere aut descendisse monstratis. Unde, quæso, vel quo ista descensio est? Utique ex superiori quodam loco ad inferiora quæque deponitis a catholica apostolicaque communione ad hæreticam damnatamque prolapsos videtis, cognoscitis, non negatis, et non solum vos in infirmis jacere delectat, sed etiam in superiore manentes sede vultis impelli. Condescendere nos vobiscum invitatis, ad ima de summis nos coascendere vos nobiscum rogatus ad summa de imis. Nunc igitur conspectu illius excelsæ justitiæ judicet genus humanum, quis nostrum debeat alteri obedire. An dicis ut cætera nunc omitam, descendit Dominus ipse de cælo? Descendit plane, sed ut hominem ab errore liberaret, non ut ejus misceretur errori. Nonne ipse præmonuit, ut qui in tecto consistent non descenderent, nec ad ea quæ in domo videntur esse tollenda? Nonne pro omnibus Apostolus « clamat unus, qui, plus omnibus laboravit » (*I Cor. xv, 40*), « cum de custodia veritatis ageretur, quibus nec ad horam cessimus subjectionis gratia et veritas Evangelii permaneret apud vos? Videtis cœlestem Magistrum condescendere noxiis recusantem? Postremo faciamus aliquem corruisse ad quem benignissimæ sublevandum paululum quispiam velit inflecti. Ergo ut erigatur jacens miserantem convenit inclinari non ut cum eodem præcipitetur in foveam. Igitur per litteras, quos per Sinelicium diaconem destinastis de his quos baptizavit, quos ordinavit Acacius majorum traditione confectam, et vera præcipue religionum sollicitudini vestræ congruam præbemus sine difficultate medicinam. Quo nos vultis ultra descendere? Quid tacetis? Quid verecundamini verbis exprimere quod corde gestatis? Ipsa vos

saltem verecundia quod nonnunquam sit debuit commonere. An forsitan ut hæreticorum damnatorumque, et his vel eorum successoribus communicantium nomina consentiamus admitti? Hoc non est condescendere ad subveniendum, sed evidenter in inferna demergi. Parcite, quæso, et nobis et vobis. Quod si curam vestri adeo non habetis, date veniam nobis. Dolere et flere possumus et debemus, in hæc abrupta deduci nec possumus, nec debemus, qui, præstante Deo nostro, sinceram puramque paternæ traditionis fidem communionemque retinere, et ab omni prævaricatorum contagione discretam etiam intentato periculo mortis optamus eligentes (si velit Deus) quælibet illa perpeti, quam causas incidere damnationis æternæ. Date, inquam, veniam, si cum vos propter amorem cujuslibet hominis, vel timorem hæc libenter incurritis. Nos propter amorem Dei, et timorem gehenna talia refutamus. Nec vos credatis dissimulando causas atque personas cujuslibet amicitias posse subripere, quia neque vos ita subtilis estis, qui non possitis intelligi, et nos præstante Deo nostro non reperitis incautos.

Nonne missis huc sæpe litteris indicastis cum cæteris hæreticis vos Eutichen quoque respuere. Hoc si verum, aut eos qui communicaverunt Eutichetis successoribus pariter abdicatæ, aut aliorum quoque hæreticorum successoribus communicantes admittite. Sed Acacius, inquis, nihil contra fidem sicut Eutiches et successor ejus legitur ubicunque dixisse, quasi non sit deterius, et non ignorasse veritatem, et tamen communicasse veritatis inimicis. Si enim cum aliquis recte sapiens de fide catholica communicet illis hæreticis inter quos Euticheten posuistis, vel successoribus eorum, non est fas eos inter catholicorum altaria nominare. Ita ne ergo illius Eutichetis successoribus communicando simili sorte teneatur obnoxius. De talibus quippe convenienter dicitur: « Descendant in infernum viventes » (*Psal. lrv, 16*), « qui dum illa vita, qua justus vivit, vera atque catholica putantur vivere, repente aut in prona pravitate, aut in hæreticæ communionis inferna vergunt. Ecce quales Christo dicitis esse præponendos. Cum ille nec animas nostras sibiimet præcipit anteponi. Imo et adhuc quæritis quando fuerit damnatus Acacius, quasi revera etiamsi eum nullus ante damnasset non fuerit orthodoxæ et apostolicæ communionis, ejus prævaricator exstitit et desertor participatione secludi. Sicut etiam quilibet qui fuerit ante catholicus, cuicumque hæresi communicans merito judicatur a nostra societate removendus, aut in tali sorte defunctus inter catholicorum nomina nullatenus computari. Miramur tamen quomodo ista profertis, hoc est ut et synodum Chalcedonensem vos suscipere pro fide catholica profiteamini, et eos quos damnavit sectantium communicatores non pariter generaliterque putetis fuisse damnatos. Ostendite ergo quæ synodus in unaquaque hæresi cum erroribus successores eorum his communicantes simulque omnes non dam-



net, et complices. Itaque ille vester Acacius qui A Eutichianis hæresibus detestabili communione factus est particeps ab eadem synodo sine dubitatione damnatus est. Quæ Eutichen Dioscorumque cum successoribus eorum hisque communicantes synodico tenore prostavit. Sic vos sequaces quoque eorum Timotheum Petrumque simili definitione **243** deiecit. Proinde si ea quæ in synodo Chalcedonensi pro fide et communione catholica lege apostolica definita sunt, vere certeque sectamini, sicut vestra professione multiplici continetur, aut successores ab illa synodo damnatorum hisque communicantes abjicite, aut si istos admittitis ea quæ nulla synodo pro fide, et communione catholica et apostolica sunt perplexa, non solum falso vos retinere perpenditis, sed insuper labefactare conamini, et in Eutichianam hæresim sine retractatione reciditis meritoque a catholicis probamini esse vitandi, quia, ut talem pestilentiam perpetuo possemus evadere, ea quæ contra ipsam ab illa congregatione sanctorum Patrum salubriter decreta leguntur nullatenus mutilanda, non solum sedis apostolicæ præsules, sed etiam Orientalium regionum catholice censuere pontifices. An Petrum dicitis fuisse purgatum, cui communicavit Acacius, verum assertionibus edoceat. Hoc ostendite, hoc probate. Quibus ille modis. Quibus ille regulis ab Eutichiana fuerit professione vel communione mundatus, ut cum id nihilominus evidenter rerum claruerit demonstratione convictum, palam aperteque possitis advertere, aut vos debere cedere veritati, aut adversus hanc manifesta dimicatione configere, nec vobis blandiamini, quia fidem catholicam profiteamini vos tenere qui Euthicis nomen adjuvistis, quia ea veluti prædicare videamini quæ orthodoxa prædicavit antiquitas. Clamat enim vobis illa evangelica sententia : « Aut facite arborem bonam et fructus ejus bonos, aut facite arborem malam, et fructus ejus malos (*Matth. xii, 33*). » A fructibus enim arbor cognoscitur, id est, si voce, si fide, si professione catholica et apostolica fideliter veraciterque gloriamini hujus et communionem recipite. Si vero hæreticorum scilicet damnatorumque vel his aut successoribus eorum communicantium communio vobis placet. Quid statis? Quid circumspicitis simul et eorum aperte manifesteque remotis obstaculis dogma defendite. Quid enim juvat? Imo et satis gravat dictis polliceri, quod factis negatur ut non solum ipsa per se hæresis Eutichiana, quam sit funesta Christiano sacramento possitis agnoscere, sed quanta et quam gravia hæresis in sui definitione contineat. Ecce ad quæ nos præcipitia condescendere provocatis, atque nos vitæ æternæ pericula cupitis inclinare, hoc descensu salvare est ægrotantem, an cum languente consumi? Hæc erit optima dispositio illa quam memoras reparandæ concordie. An illa potius, ut rejectis contagiis perfidorum integra fide sincera sui communione potiaturs communio catholica atque apostolica hæreticorum tabe depulsa, intemeratam suæ fidei confes-

sionem nitatur astruere, atque invicem sibi met congruentis orthodoxæ professionis communionisque sit unitas? Hanc sicut dilectionis tuæ litteræ cohortantur, meis quoque temporibus custodiri, qua valeo, prece depono quæ per tot annos ab illis Patribus gloriosis illibata intactaque servata est. Hæc enim est, sicut ipse dicis, quam Deus noster de omnibus bene futuram, et secundum suam veritatem, et regulam gubernandam, et præscius ante constituit, et singulis quibusque temporibus sua dispositione convenienter aptavit. Hæc est voluntas Dei, cujus tu ingeris mentionem quam ego quoque pro meo modulo, quem Dominus donare dignetur, cupio prorsus implere, ut non reus de hujus talenti cælestis diminutione reperiar, in hoc talento, sicut ipse quoque nos admones, incrementum Christi postulo consequi, et nullum prorsus incidere detrimentum. Hinc est quod prioribus dilectionis tuæ litteris, sicut tua quoque pagina designavit, pro vestra sumpsi salute tristitiam, ubi comperi quod erat vobis noxium, et veræ pacis contrarium reperi. Contristatur enim Apostolus de errore deviantium, et lætitiā recipit de eisdem sua prædicatione correctis, si autem tua charitas, ut dixit, nescio quorum necessitate constringitur, quod pace tua diverim, sacerdos pro veritate promenda, nec facere deberet omnino non dicere, ignoscite nobis hominibus timidissimis, si cohortante nos terribili, et divini judicii grandi necessitate constringimur, sicut qualescunque ministros Christi decet, nos animas nostras ponere pro veritate salvandas, quam eas lucrari velle veritatis diminutione perdendas, ut non dicam eujuslibet contra fidem libitis abdicandas. Istæ mihi sunt quas dilectio tua commendat certe fidei perpetuæ cum eo quicumque voluit in Christi visceribus amicitiae. Hic non tam optamus præponi aliis, sicut prædicis, quam cum fidelibus cunctis sanctum et Deo placitum habere consortium.

Hæc mihi, quam mandat dilectio tua, pax solida. Inconvulsa et perennis hoc unum vinculum, sicut etiam ipse desideras salutare, quo cuncta uniri possit Ecclesia. Hoc quibus est creditum, sicut et ipse deprecaris, protectio divina perficiat. Hæc est quæ « Deus est charitas (*I Joan. iv, 8*), » qua poscis « de corde puro et conscientia bona, et fide non ficta (*I Tim. i, 5*). » Quomodo ergo de corde puro, si hæreticorum fuerit participatio polluta? Quomodo conscientia bona, si malorum fuerit confusio permista? Quomodo fide non ficta, si fuerit mista cum perfidis? Quæ si prudentia tua, sicut Deum prædicamus, diligenter advertat, perspicit apostolicam sedem non vitare pacem, sed hæreticorum damnatorumque vitare vestigia. Quæ etiam vos rationabiliter intuentes creditis componendum populum Constantinopolitanum, non permittere submoveri nomine perfidorum. Quisnam hoc in Ecclesia Dei, quæso te, possit audire, cum utique pastorem sequi grex debeat ad pascua salutaria revocantem, non per devia gregem pastor errantem. Dic mihi, rogo te, grex,

pro te, an te pro grege redditurus es rationem? Certe, si vobis hoc placet, multo magis causa nobis est justior, qui populum Romanum a fide illa sua laudabili, majorum traditione percepta declinare nos penitus non sinentem libenter audivimus, si vos Constantinopolitanam plebem ab hæretica communione discedere, recusantem non vultis offendere, sed nos dicitis debere dirigere qui eam valeant mitigare. Quomodo me auditura est quem videtur habere suspectum, si præsules suos despiciit admonentes, nonne ipsis apostolis est præceptum in aliquibus regionibus verbi prædicatione non uti? Hi quippe, inquis, non fuerant audiendi, veniemus, frater Eunifimi, sine dubitatione veniemus ad illud pavendum tribunal Christi, ut taceam quia ex hoc sit metuenda vindicta, et circumstantibus illis a quibus fides ipsa defensa est. Non illic inficiationibus, non dilationibus, non inclusionibus est agendum, sed manifestissime comprobandum, utrum beati Petri gloriosa confessio cuiquam eorum quos regendos accepit, quidquam subtraxerit ad salutem. An eam occultare nolle, etiam cum suo periculo rebellis exstiterit obstinata perniciēs. Ibi certe dilucidabitur utrum ego, sicut putatis, acerbus, asper, et nimis durus difficilisque sim vobis qui cum ratione vestram salutem parturio, qui clamo etiam, si austerum videtur antidotum, accipite, quæso, bibite, vivite, nolo moriamini. An vos qui a noxiis prohibiti medicos ducitis execrandos, imo qui vultis vobiscum medicos ægrotare quam vos recipere sanitatem. Et alia manu. Dominus te incolumem custodiat.

*Ordo Veteris Testamenti, quem sancta et catholica Romana suscipit et venerat Ecclesia, digestus a Gelasio papa, cum LXX episcopis.*

Genesis liber unus. Exodi liber unus. Levitici liber unus. Numeri liber unus. Deuteronomii liber unus. Jesu Nave liber unus. Judicum liber unus. Ruth liber unus. Regnorum liber unus. Paralipomenon libri duo. Psalmorum cxi. liber unus. Salomonis libri iii. Proverborum, Ecclesiastes et Cantica canticorum. Item, Sapientiæ liber unus. Ecclesiasticus liber unus. Item, ordo prophetarum. Isaïæ liber unus. Jeremiæ liber unus. Ezechielis liber unus. Danielis liber unus. Osee liber unus. Amos liber unus. Michæ liber unus. Joel liber unus. Abdæ liber unus. Jonæ liber unus. Nahum liber unus. Habacuc liber unus. Sophoniæ liber unus. Aggei liber unus. Zachariæ liber unus. Malachiæ liber unus. Item, ordo historicarum. Job liber unus. Tobiae liber unus. Esdra liber unus. Esther liber unus. Judith liber unus. Machabæorum liber unus. Item, ordo Scripturarum Novi et æterni Testamenti. Evangeliorum libri iv. Secundum Matthæum liber unus, secundum Marcum liber unus, secundum Lucam liber unus, secundum Joannem liber unus. Actuum apostolorum liber unus. Epistolæ Pauli apostoli, numero xiv. Ad Romanos epistola una. Ad Corinthios epistolæ duæ. Ad Ephesios epistola una. Ad Thessalonicenses epistolæ

duæ. Ad Galathas epistola una. Ad Philippenses epistola una. Ad Timotheum epistolæ duæ. Ad Titum epistola una. Ad Philamonem epistola una. Ad Hebræos epistola una. Item, Apocalypsis Joannis liber unus. Item, canonicæ epistolæ, numero vii; Petri apostoli epistolæ duæ. Jacobi apostoli epistola una. Joannis apostoli epistolæ tres. Judæ Zelotis apostoli epistola una.

*Incipiunt decreta Gelasii papæ. Decretum cum LXX episcopis habitum de apocryphis Scripturis.*

Post propheticas, evangelicas atque apostolicas Scripturas, quibus Ecclesia catholica per gratiam Dei fundata est, illud etiam intimandum putamus, quod quamvis universæ per orbem catholice Ecclesiæ unus thalamus Christi sit. Sancta tamen Romana, catholica et apostolica Ecclesia nullis synodis constitutis cæteris Ecclesiis prælata est. Sed evangelica voce Domini et Salvatoris nostri primatum obtinuit: « Tu es Petrus, inquit, et super hanc petram ædificabo Ecclesiam meam, et portæ inferi non prævalebunt adversus eam, et tibi dabo claves regni cælorum, et quæcunque ligaveris super terram, erunt ligata et in cælo; et quæcunque solveris super terram, erunt soluta et in cælo (Matth. xvi, 18, 19). » Cui data est etiam societas beatissimi Pauli apostoli vasis electionis, qui non diverso, sicut hæretici garriunt, sed uno tempore, uno eodemque die gloriosa morte cum Petro in urbe Roma, sub Cæsare Nerone agonizans, coronatus est, et pariter supradictam sanctam Romanam Ecclesiam Christo Domino consecraverunt, talesque omnibus urbibus in universo mundo sua præsentia atque venerando triumpho prætulerunt. Est ergo prima Petri apostoli sedes Romana Ecclesia non habens maculam neque rugam, nec aliquid hujusmodi. Secunda autem sedes apud Alexandriam beati Petri nomine a Marco ejus discipulo, et evangelista consecrata est. Ipseque a Petro apostolo in Ægypto directus, verbum veritatis prædicavit, et gloriosum consummavit martyrium. Tertia vero sedes apud Antiochiam ejusdem beatissimi Petri apostoli habetur honorabilis, eo quod illic, priusquam Romam venisset, habitavit. Et illic primum nomen Christianorum novellæ gentis exortum est. Et quamvis aliud fundamentum nullus possit ponere præter id quod positum est, qui est Christus Jesus (I Cor. iii, 11), tamen ad ædificationem nostram eadem sancta Romana Ecclesia post illas Veteris et Novi Testamenti quas regulariter suscepimus, etiam suscipi non prohibet Scripturas, id est, sanctam synodum Nicænam trecentorum decem et octo Patrum, mediante Maximo Constantino Augusto. Sanctam synodum Ephesinam, in qua Nestorius condemnatus est, consensu beatissimi Cœlestini papæ, mediante Cyrillo Alexandriæ sedis antistite, et Arcadio ab Italia destinato. Sanctam synodum Chalcedonensem, mediante Martino Augusto et Anatolio Constantinopolitano episcopo, in qua Nestoriana et Euthiciana similiter cum Dioscoro ejusque complicibus damnatæ sunt, et si quæ sunt concilia a sanctis



Patribus instituta. Post horum auctoritatem, et custodienda, et recipienda mandamus. Item opuscula beati Cyrilli, Cypriani martyris, et Carthaginensis episcopi. **244** Item, opuscula beati Gregorii Nazanzeni episcopi. Item, opuscula beati Basilii Cappadociae episcopi. Item, opuscula beati Athanasii Alexandrini episcopi. Item, opuscula beati Cyrilli Alexandrini episcopi. Item, opuscula beati Joannis Constantinopolitani episcopi. Item, opuscula beati Theophili Alexandrini episcopi. Item, opuscula beati Hilarii Pictavensis episcopi. Item, opuscula beati Ambrosii Mediolanensis episcopi. Item, opuscula beati Augustini Hipponensis episcopi. Item, opuscula beati Hieronymi presbyteri. Item, opuscula Prosperi viri religiosissimi. Item, epistola Leonis papae ad Flavianum Constantinopolitanum episcopum destinata. Cujus textum quispiam, si usque ad unum iota disputaverit, et non eam in omnibus venerabiliter receperit, anathema sit. Item, opuscula atque tractatus omnium orthodoxorum Patrum qui in nullo a sanctae Ecclesiae Romanae consortio deviarunt, nec ab ejus fide vel praedicatione sejuncti sunt, sed ipsius communionis per gratiam Dei usque in ultimum diem vitae suae fuere participes legendos decernimus. Item, decretales epistolas quas beatissimi papae diversis temporibus ab urbe Romana pro diversorum Patrum consolatione dederunt venerabiliter recipiendas. Item, gesta sanctorum martyrum qui multiplicibus tormentorum cruciatibus, et mirabilibus confessionum triumphis irradiant. Quis ista catholicorum dubitet, et majora eos in agonibus fuisse perpassos, nec suis viribus sed gratia Dei et adjutorio universa tolerasse? Sed ideo secundum antiquam consuetudinem singulari cautela in sancta Romana Ecclesia non leguntur, quia et eorum qui conscripsere nomina penitus ignorantur, et ab infidelibus idiotis superflua, aut minus apta quam rei ordo fuerit esse putantur, sicut ejusdem Cyrilli et Julitae, sicut Georgii aliorumque hujusmodi passiones quae ab haereticis perhibentur compositae, propter quod, ut dictum est, ne vel levis subsannandi oriretur occasio in sancta Romana Ecclesia non leguntur. Nos tamen cum praedicta Ecclesia omnes martyres, et eorum gloriosos agones qui eis magis quam hominibus noti sunt omni devotione veneramur. Item, vitas Patrum, Pauli, Antonii, Hilariensis, et omnium eremitarum eas tamen, quas vir beatissimus descripsit Hieronymus cum omni honore suscipimus. Item actus beati Silvestri apostolicae sedis praesulis. Licet ejus qui conscripsit nomen ignoretur, a multis tamen in urbe Roma catholicis legi cognovimus, et pro antiquo usu multa haec mutantur Ecclesiae. Item, scripturam de inventione crucis Dominicae, et aliam scripturam de inventione capitis Joannis Baptistae novellae quaedam relationes sunt et nonnulli eas catholici legunt. Sed cum haec ad catholicorum manus adveniunt beati Pauli apostoli praecedat sententia. Omnia probate, quod bonum est tenete. Item, Rufinus vir religiosus plurimos ecclesiastici operis edidit libros nonnullas etiam scriptu-

ras interpretatus est. Sed quoniam beatus Hieronymus eum in aliquibus de arbitrii libertate notavit. Illa sentimus quae praedictum beatum Hieronymum sentire cognoscimus, et non solum de Rufino, sed etiam de diversis quos vir saepius memoratus zelo Dei, et fidei religione reprehendit. Item, Origenis nonnulla opuscula quae vir beatissimus Hieronymus non repudiat legenda suscepimus, Reliqua autem omnia cum auctore suo dicimus esse reauenda, Chronica Eusebii Caesariensis et ejusdem ecclesiasticae Historiae liber quamvis in primo narrationis suae libro tepuerit. Et postea in laudibus atque excusatione Origenis schismatici unum conscripserit librum, propter rerum tamen notitiam singularem, quae ad instructionem pertinent usquequaque non dicimus renuendos. Item, Orosium virum eruditissimum collaudamus, quia valde nobis necessariam adversus paganorum calumnias dignam ordinavit historiam, mira quoque brevitate contexuit. Item, veneramur sedulii Paschale opus, quod heroicis descripsit versibus, et insigni laude praeferrimus. Item, Juvenci nihilominus laboriosum opus non spernimus, sed miramur.

Cetera quae ab haereticis sive schismaticis conscripta vel praedicata sunt nullatenus recipit catholica et apostolica Romana Ecclesia, e quibus pauca quae ad memoriam veniunt, et a catholicis vitanda sunt credimus esse subdenda. Item, notitia librorum apocryphorum qui non recipiuntur. Armenensem synodum a Constantio Caesare Constantini filio congregatam, mediante Tauro praefecto, ex tunc et nunc, et usque in aeternum constitetur esse damnatam. Itinerarium nomine Petri apostoli quod appellatur sancti Clementis libri numero decem apocryphi. Actus nomine Andreae apostoli apoc. Actus nomine Thomae apostoli apoc. Actus nomine Philippi apoc. Evangelium nomine Matthiae apoc. Evangelium nomine Petri apostoli apoc. Evangelium nomine Jacobi apoc. Evangelium nomine Barnabae apoc. Evangelium nomine Thomae, quo utuntur Manichaei apoc. Evangelium nomine Bartholomaei apostoli apoc. Evangelia quae falsavit Lucianus apoc. Liber de infantia Salvatoris apoc. Evangelia quae falsavit Esitius apoc. Liber de nativitate Salvatoris et de Maria et obstericae apoc. Liber qui appellatur Pastoris apoc. Libri omnes quos fecit Lucius discipulus diaboli apoc. Liber qui appellatur Fundamentum apoc. Liber qui appellatur Thesaurus apoc. Liber de filiabus Adae Geneseos apoc. Liber qui appellatur actus Teclae et Pauli apostoli apoc. Liber qui appellatur Nepotis apoc. Liber Proverbiorum qui ab haereticis conscriptus et sancti Syrti nomine prænотatus est apoc. Revelatio quae appellatur Thomae apostoli apoc. Revelatio quae appellatur Stephani apoc. Revelatio quae appellatur Pauli apoc. Liber qui appellatur Transitus, id est, assumptio sanctae Mariae apoc. Liber qui appellatur Pœnitentia Adae apoc. Liber Ogiae nomine gigantis qui cum dracone post diluvium pugnasse perhibetur apoc. Liber qui appellatur Testamentum Job, apoc. Liber qui appellatur pœnitentia S. Cy-

priani, apoc. Liber qui appellatur poenitentia Januæ Apta sunt, apoc. Hæc et omnia similia Simon Magus, Nicolaus Cerintus, Marcion, Basilides, Ebion, Paulus etiam Samosathænus, Photinus, et Bonosus, et qui simili errore defecerunt. Montanus quoque cum suis obscenissimis sequacibus, Apollinaris, Valentinus, Faustus, Africanus, Sabellius, Arius, Macedonius, Eunomius, Novatus, Sabbatius, Coelestius, Donatus, Eustathius, Jovinianus, Pelagius, Julianus Celanensis, Coelestius, Maximinus, Priscillianus ab Hispania, Nestorius Constantinopolitanus, Maximus unicus, Lampetius, Dioscorus, Eutichius, Petrus et alius Petrus, e quibus unus Alexandriam, alius Antiochiam maculavit, Acacius Constantinopolitanus cum consortibus suis, necnon et omnes hæresei hæreseorumque discipuli sive schismatici docuerunt, quorum nomina minime retinentur, non solum repudiata, sed ab omni Romana, catholica et apostolica Ecclesia eliminata, atque cum suis auctoribus, auctorumque sequacibus sub anathemate insolubili vinculo in æternum confitemur esse damnata.

Historia Eusebii Pamphili apoc. Opuscula Tertulliani apoc. Opuscula Lactantii apoc. Opuscula Africani apoc. Opuscula Postumani et Galli apoc. Opuscula Montani, Priscillæ, et Maximillæ apoc. Opuscula omnia Fausti Manichæi apoc. Opuscula Commodi ni apoc. Opuscula alterius Clementis Alexandrini apoc. Opuscula Tascii Cypriani apoc. Opuscula Arnobii apoc. Opuscula Tyconii apoc. Opuscula Cassiani presbyteri Galliarum apoc. Opuscula Victorini Pithionensis apoc. Opuscula Fausti Regensis Galliarum apoc. Opuscula Frumenti cecili Centon de Christo Virgilianis compactum versibus, apoc. Epistola Jesu ad Abagarum regem apoc. Epistola Abagari ad Jesum apoc. Passio Cyrilli et Julitæ apoc. Passio Georgii apoc. Scriptura quæ appellatur Contradictio Salomonis apoc. Philacteria omnia quæ non angelorum, ut illi confingunt, sed dæmonum magis arte conscri-

## INCIPIUNT DECRETA ANASTASII PAPÆ.

1. Quod pro Christo fungatur legatione, dum pro pace precatur Ecclesie.

2. Quod non sit temere judicandum de his qui ad Dominum migraverunt.

3. Ut specialiter in ecclesia nomen taceatur Acacii.

4. Quod magnopere contentio sit cavenda.

5. Ut Alexandrinus imperator admoveat ad fidem sinceram, et ad pacem redire catholicam.

6. Admonet imperatorem ut constitutis apostolicæ sedis obtemperet.

7. Quod eos quos post damnationem suam vel baptizavit vel ordinavit Acacius, nulla portio læsionis attingat.

8. Quod mali bona ministrando sibi tantummodo noceant, nec Ecclesiæ sacramenta commaculent.

*Ad Anastasium Augustum.*

Gloriosissimo et clementissimo filio ANASTASIO Augusto, ANASTASIS episcopus.

Exordium pontificatus mei primitus oblata populis pace pronuntio, confidenter pro fide catholicæ humilis pietati vestræ peccator occurro, in quo primum mihi divinum favorem propinquasse confido, quod nunc consonantia in me augustissimi nominis tui non dubium præstat auxilium, ut sicut præcelsum vocabulum pietatis tuæ per universas gentes toto orbe præfulget, ita per ministerium humilitatis meæ, sicut semper est, sedes beatissimi Petri in universa Ecclesia assignatum sibi a Domino Deo teneat principatum. Nec propter unum mortuum diutius tunica illa Salvatoris desu-

per contexta per totum malæ sortis patiat incertum, quæ sola in discussionem pro firmitate sui venire non potuit, serenitate tua præcipue reipublice gubernante. Cui etiam in privata vita tamen circa sinceræ religionis studium fuit, ut sicut fama certissime celebravit, nemo magis vel inter præcipuos sacerdotes præfixas a sanctis Patribus regulas Ecclesiæ custodisse dicatur. Quod sanctum studium cum majestate imperii crevisse confidimus.

CAP. I. Legatione itaque fungimur pro Christo, nec eos propter offensionem vel scandalum patiamini publice nominari, quorum merita vel actus illum judicem latere non possunt, in ejus jam sunt judicio constituti. Nec illic se præest interserere in corpore mortali adhuc temeraria præsumptio, in quo non solum confessio facit aperta merita singulorum, sed etiam silentii ipsius non potest latere secretum. Namque et prædecessor noster papa Felix et etiam Acacius illic procul dubio sunt ubi unusquisque sub tanto iudice non potest perdere sui meriti qualitatem.

II. Itaque monente nos beatissimo Apostolo, neque sit in hoc offendiculum in Ecclesia, dum quod facere non possumus de his qui jam transierunt judicare conemur, observandum esse tranquillitas tua cognoscat. Ait enim de his qui de rebus ad Deum solum pertinentibus judicare præsumunt: « Nemo enim nostrum sibi vivit, et nemo nostrum sibi moritur. Sive enim vivimus sive morimur, Domini sumus, in hoc enim Christus resurrexit a mortuis, ut et vivo-



rum et mortuorum dominetur. Tu autem quid iudicas fratrem tuum, aut quare spernis fratrem tuum? Omnes **245** stabimus ante tribunal Christi. Scriptum est enim : « Vivo ego dicit Dominus, quoniam mihi flectetur omne genu et omnis lingua confitebitur Deo. Itaque unusquisque pro se ratione reddet Deo. Non ergo amplius invicem iudicemus, sed hoc iudicate magis ne ponatis offendiculum fratri vel scandalum (*Rom. xiv, 7-14*). » Monet igitur beatus Apostolus ne de his nobis præsumamus iudicium de quibus nemo potest melius vel verius iudicare quam Deus, sibi in hoc quispiam temerarios ausus usurpet, et propter hoc pax atque unitas Ecclesiæ dissipetur. Nam et in Regnorum libro dicitur : « Non quomodo videt homo, videt et Deus, quia homo videt in facie, Deus autem videt in corde (*I Reg. xvi, 7*). » Item in Paralipomenon libro primo : « Et nunc, o Salomon scito Deum Patrum tuorum, et servi illi in corde perfecto et in animo perfecto, et in animo volente, quoniam omnia corda scrutatur Deus et omnem cogitationem novit (*I Par. xxviii, 9*). » Item in Ezechiele hæc dicit Dominus Deus : « Si dixistis, domus Israel, et cogitationes spiritus vestri, ego novi (*Ezech. xi, 5*). » Unde et de Domino iudice dicitur in Evangelio : « Sciens autem Jesus cogitationes eorum dixit : Quid cogitatis mala in cordibus vestris (*Matth. ix, 4*). »

III. Precamur itaque dilectionem vestram, ut specialiter nomen taceatur Acacii, ut quod multis ex causis scandalum vel offendiculum Ecclesiæ concitavit, speciali appellatione taceatur, cum, sicut diximus, in generalitate sacerdotum uniuscuiusque meritum illum latere non possit, qui novit quid cuique tribuendum sit, pro æstimata dispensatione meritorum, cui soli cogitationes quoque manifestæ sunt. Quantos vero excessus atque præsumptiones habuerit Acacius ne clementiæ tuæ suggerere per singula fortasse videatur onerosum, Cresconio vel etiam Germano fratribus et coepiscopis meis, quos misimus ad serenitatem tuam de causis singulis Acacii qualis fuerit instructionem plenissimam dedimus clementiæ vestræ, specialius recensendam, si hoc pietati tuæ placuerit curiosius indagare, ne in aliquo suggestionis nostræ veritas, defuisse videatur, ut pro divina sapientia vestra perspicue videre possitis non superbia vel elatione sedis apostolicæ in Acacium talem processisse sententiam, sed facinoribus certis quantum nos illud iudicium quod solum falli non potest æstimamus zelo magis divinitatis extortam.

IV. Nos vero humiliter supplicantes controversiam in Ecclesia remanere nolumus, cum magis vitanda contentio sit sicut dicitur in proverbiiis : « Odium suscitatur contentio (*Prov. x, 12*). » Omnes autem qui non contendunt, protegit anima mea amicitia. Nam et Apostolus ad Corinthios : « Cum enim sint inter vos emulationes et contentiones, nonne carnales estis et secundum hominem ambulatis (*II Cor. xii, 20*). » Item ad Philippenses : « Si qua ergo consolatio in Christo, si qua allocutio charitatis. Si qua societas spiri-

tus, si qua viscera miserationes implete gaudium meum, ut idipsum dicatis omnes eandem charitatem habentes nihil per contentionem neque per inanem gloriam, sed in humilitate mentis invicem æstimantes semetipsi superiores non sua singuli respicientes, sed aliorum (*Phil. ii, 1-5*). »

V. Hoc tamen præcipue insinno serenitati tuæ gloriosissimæ et clementissimæ, fili Auguste, ut cum causæ Alexandrinorum patuerint piissimis auribus vestris, ad catholicam et sinceram fidem eos auctoritate, sapientia, divinisque vestris monitis redire faciatis : nam quid tenendum sit in religione catholica secundum definita Patrum et prædicationem omnium sacerdotum qui in Ecclesia floruerunt, si hoc quoque præceperitis scientibus in memoriam transmittendo renovabimus ignorantibus ad discendum pro officio nostræ instructionis offeremus, ut nulla extra hæc ingeniorum jactantia vel pravitas audiat.

VI. Illud vero peculiarius pro amore imperii vestri et beatitudine quæ consequi potuerit regimen pro apostolico beneficio prædicamus, ut sicut decet et Spiritus sanctus dictat monitis nostris obedientia præbeatur, ut bona omnia vestram rempublicam consequantur, sicut in Exodo promittitur : « Si audieris vocem Domini Dei tui, et quæ placent ei feceris coram ipso, et obedieris præceptis ejus et custodieris omnem justitiam ejus, omnem infirmitatem quam importavi Ægyptiis non importabo in te. Ego enim Dominus sum, qui salvum facio te (*Exod. xv, 27*). » Et illic iterum tuba potentissima canitur. « Nunc, Israel, quid Dominus Deus tuus postulat a te aliud, quam ut timeas Dominum tuum, et ambules in omnibus viis ejus, et diligas eum, et servias Domino Deo tuo ex toto corde et ex tota anima tua custodire præcepta Domini Dei tui et justitias, quas ego mando tibi (*Deut. x, 12, 13*). » Hæc suggerentem frequentius non spernat pietas tua. Ante oculos tuos habens Domini in Evangelio verbum : « Qui audit vos, me audit. Et qui vos spernit, me spernit; et qui me spernit, spernit eum qui me misit (*Luc. x, 16*). » Nam et Apostolus concinens Salvatori nostro ita loquitur : « Quapropter qui hæc spernit, non hominem spernit, sed Dominum qui dedit Spiritum sanctum suum in vobis (*I Thess. iv, 8*). » Pectus clementiæ vestræ sacrarium est publicæ felicitatis, ut præstantia vestra, quæ velut vicarium præsidere jussit in terris, evangelicis apostolicisque præceptis non dura superbia resistat, sed per obedientiam quæ sunt salutifera, compleantur.

VII. Jam secundum Ecclesiæ catholicæ conductum sacratissimum serenitatis tuæ pectus agnoscat, quod nullum de his vel quos baptizavit Acacius, vel quos sacerdotes, seu levitas secundum canones ordinavit ulla eos ex nomine Acacii portio læsionis attingat, quo forsitan per iniquum tradita sacramenti gratia minus firma videatur. Nam et baptismum quod procul sit ab Ecclesia sive ab adultero vel a fure fuerit datum ad percipientem munus pervenit illibatam, quia vox illa quæ per columbam sonuit,

omnem maculam humanæ pollutionis exclusit, quæ declaratur ac dicitur: « Hic est qui baptizatus in Spiritu et igne (Joan. 1, 33). » Nam si visibilis solis istius radii cum per loca foetidissima transeunt nulla contactus iniquatione maculantur, multo magis illius qui istum visibilem fecit virtus nulla ministri indignitate constringitur. Nam et Judas cum fuerit sacrilegus atque fur, quidquid egit inter apostolos pro dignitate commissa beneficia per indignum data nulla ex hoc detrimenta senserunt, declarante hoc ipsum Domino manifestissima voce: « Scribæ, inquit, et Pharisei super cathedram Moysi sedent; quæ dicunt facite, quæ autem faciunt nolite facere, dicunt enim et non faciunt (Math. xxiii, 3). » Quidquid ergo ad hominem perfectum quilibet in ecclesia minister officio suo videtur operari, hoc totum contineri implendo divinitatis affectum. Ita ille per quem Christus loquitur Paulus affirmat: « Ego plantavi, Apollo rigavit, sed Deus incrementum dedit, itaque neque qui plantat est aliquid, neque qui rigat, sed qui incrementum dat, Deus (1 Cor. 3, 7). » A Deo autem non quaeritur, quis vel qualia prædicet, sed quæ prædicet et ut invidiosus esse bene prædicare Christum confirmet quo malo diabolus ipse dejectus et hoc ipso prædicare non desinit.

VIII. Ideo ergo et hic cujus nomen dicimus retinendum male bona ministrando sibi quantum nocuit. Nam inviolabile sacramentum quod per illum datum est aliis perfectionem suæ virtutis obtinuit. Quod cum ita sit aliquorum in tantum se extendit curiosa suspicio, ut imaginetur prolato a papa Felice judicio C postea inefficaciter in sacramentis quæ Acacius usur-

pavit egisse, ac proinde eos metuere qui vel in consecrationibus vel in baptismate mysteria tradita susceperunt, ne irrita beneficia divina videantur. Meminerint in hac quoque parte similiter tractatum prævalere superiorem, quia non sine usurpatione nominis sacerdotii adjudicatus hoc egit, in quo virtutem suam obtinentibus mysteriis. In hoc quoque rea sibi persona non nocuit. Nam ad illum pertinuit, quod tuba Davitica canitur: « Verumtamen Deus conquassabit capita inimicorum suorum, verticem capilli perambulantium in delictis suis (Psalm. lxxvii, 24). » Nam superbia semper sibi non aliis facit ruinam, quod universa Scripturarum coelestium testatur auctoritas, sicut etiam per Spiritum sanctum dicitur in prophetico: « Non habitabit in medio domus mea qui facit superbiam (Psalm. c, 7). » Unde cum sibi sacerdotis nomen vindicaverit damnatus in ipsius verticem superbiæ tumor inflicus est, quia non populus qui in ministeriis domus ipsius scribebat exclusus est, sed anima sola illa quæ peccaverat, justo iudicio propriæ culpæ erat obnoxia. Quid ubique numerosa Scripturarum testatur instructio, unde remotis hominem studiis sive versutiis, in hac adhuc præsentis fragilitate positorum secundum preces nostras annisu et auctoritate imperiali offerte Deo nostro unam catholicam Ecclesiam et apostolicam, quia hoc solum est in quo non solum in terris, sed etiam in cælo triumphare sine fine possitis. Subscripto, omnipotens Deus regnum et salutem tuam perpetua protectione custodiat, gloriosissime et clementissime, semper Auguste.

## INCIPIUNT DECRETA SIMMACHI PAPÆ.

1. Ut res ecclesiæ non alienentur, sed clericis vel monachis aut peregrinis in usum tantummodo largiantur.

2. Ut nullus honorem præmiis accipiat.

3. Ut raptores viduarum vel virginum ab ecclesiæ communione pellantur.

4. Ut viduæ vel virgines professæ continentiam, ultra non nubant.

5. Ut nullus per ambitum ad episcopatum accedat. Dilectissimo fratri CÆSARIO SYMMACHUS.

Hortatur nos æquitas postulationis desiderio tuæ fraternitatis gratanter annuere, quia de singulis quæ ab apostolica sede concedere supplicas quod a Patrum cautela et provisione non discrepat. Et quamvis ecclesiasticæ poenæ regule omnia comprehendant, tamen superfluum esse non credimus, nunc quæ sunt sæpius interdicta repetere.

CAP. I. Possessiones igitur, quas unusquisque ecclesiæ propriæ dedit aut reliquit arbitrio, alienare quibuslibet titulis atque distractionibus vel sub quo-

cunque argumento non patimur, nisi forsitan aut clericis honorum meritis, aut monasteriis religionis intuitu, aut certe peregrinis si necessitas largiri suaserit, sic tamen ut hæc ipsa non peræterito sed temporaliter fruuantur.

II. Illud magnopere commonens ut hi qui non Dei gratia, sed promissione rerum ecclesiasticarum præmissa ad sacerdotium conantur accedere desiderio talium reprimantur effectus. Qui autem ab huiusmodi se intentione non cohibent vindictis canonum sciunt se sine dubitatione subjiendos, ne facile ad sacerdotium permittantur accedere, quibus et gradus et tempora constituta sunt, per quæ ad hanc dignitatem debeant aspirare, quia quicumque sine statuto promovetur non facile caret offensa, et sine experimento non potest quis electionis obtinere sententiam.

III. Raptores igitur vel viduarum vel virginum ob immanitatem tanti facinoris detestamur, illos vehementius persequendo qui sacras virgines vel volentes vel invitas matrimonio sociare tentaverunt. Quæ



pro ea nefandissimi criminis atrocitate a communione suspendi precipimus.

IV. Neque viduas ad nuptias transire patimur, quæ in religioso proposito diurna observatione permanserunt. Similiter virgines nubere prohibemus, quas annis plurimis in monasteriis ætatem peregissee contigerit.

**246 V.** Nullus itaque per ambitum ad episcopalem honorem permittatur accedere. Nam cum hic excessus in laica conversatione culpetur, quis dubitat quod religiosi et Deo servantibus incurrat opprobrium? Si quis episcopatum desiderans, data pecunia potentes personas minime suffragatrices adhibeat, nec ad decretum sibi faciendum clericos vel cives subscribere, adhibito cujuslibet generis timore, compellat, vel præmiis aliquibus hortetur. Decretum sine visitoris præsentia nemo faciat, ejus testimonio clericorum ac civium possit unanimitas declarari. Hortamur itaque ut pro catholice religionis intuitu Ecclesiarum pace hæc universa fideles devota mente custodiant, quia non est dubium prævaricatores interdictionum talium juxta venerandos canones propriæ communionis subire jacturam, hoc tamen ad omnium episcoporum volumus efferri notitiam. Deus te incolumem custodiat, frater charissime. Data viii Idus Januarii, Probo C. consule.

*Incipiunt capitula primæ synodi Romanæ sub Symmacho papa.*

1. Suggestio Fulgentii archidiaconi Ecclesiæ Romanæ de congregata synodo ex præcepto papæ Symmachii.

2. Interlocutio Symmachii ut episcopalis ambitus radicitus amputetur.

3. Sententia synodi ut si quis papa superstitie pro Romano pontificatu cuiquam quolibet modo favorem præstare convingitur, loci sui ordine vel communione privetur.

4. Ut papa præventus morte non potuerit ante de sui successoris electione decernere, is ordinetur antistes quem cunctus clerus, aut certe pars major elegerit.

5. Ut si quis ambientes, vel fautores ambientium conjuratoresque prodiderit, non solum purgatus videatur esse, si fuerit particeps, verum etiam remuneratione dignissimus æstimetur.

Post consulatum Paulini, viri clarissimi, Kalendas Martii in basilica beati Petri apostoli, synodo præsidente beatissimo papa Symmacho, Fulgentius archidiaconus dixit:

CAP. I. Beatitudo vestra directis antehac per provincias auctoritatibus frequenter Italiæ sacerdotum synodum convocavit, quorum præsentia in vestris videtur oculis constituta. Nunc beatitudo vestra quæ ad ecclesiasticas indemnitates vel ad pacem totius Ecclesiæ pertinent, sive concordiam dignetur tractabiliter ordinare. Acclamatum est ab omnibus episcopis et presbyteris: Exaudi, Christe, Symmacho vita. Dictum decies. Cujus sedem et annos, di-

ctum est nonies. Ut facias rogamus, dictum est decies.

II. Symmachus, episcopus Ecclesiæ catholice urbis Romæ, dixit: Concilium dilectionis vestræ neglecta hiemis asperitate, sollicitudo vestra pro ecclesiastica indemnitate specialiter congregavit, ut episcopalem ambitum et confusionis incertum, vel popularem tumultum quem per subreptionem diaboli usurpatione aliquorum tempore ordinationis meæ constat exortum, communicato pariter tractatu in futurum possimus robuste ac vivaciter amputare. Atque ideo caveamus in posterum, ne subversio disciplinæ, aut audacia præsumptuum gestiat tentare similia, et pari adjuvatione tractemus expressis, scilicet sententiis sancientes quid circa Romani episcopi ordinationem debeat custodiri. Universi episcopi vel presbyteri dixerunt, ut fiat rogamus, dictum est decies; ut scandala amputentur rogamus, dictum est nonies; ut ambitus extinguatur rogamus, dictum est decies; exaudi, Christe, Symmacho vita, dictum est septies. Cujus sedem et annos, dictum est quinquies; ut de præsentis fiat, dictum est decies. Symmachus episcopus dixit: Quoniam fraternitas vestra curam provisionis nostræ suis exhortationibus incitavit, et parilem circa Ecclesiæ tranquillitatem Dei nostri contemplatio animum præstat, sicut præfati sumus, de liberatione in præsentis habita quid placeat ex omnibus vestris informate in sententiis quæ in hoc venerabili concilio per ecclesiastica recipientur officia. Cumque surrexissent, et paulo post iterum consedissem, Emilianus notarius synodi decreta vulgavit.

III. Propter frequentes ambitus quorundam et Ecclesiæ nuditatem, vel populi collisionem quæ moleste et incompetenter episcopatum desiderantium generavit aviditas, ut extinguatur futuris præsumptio, tam perniciose temporibus constituit sancta synodus, ut si quis presbyter, aut diaconus, aut clericus papa incolumi, et eo inconsulto, aut subscriptionem pro Romano pontificatu commodare, aut pretia promittere, aut sacramentum præbere tentaverit, aut aliquid certe suffragium polliceri, vel de hac causa privatis conventiculis factis deliberare, aut decernere, loci sui dignitate atque communione privetur, universa synodus surgens, acclamavit: Exaudi, Christe, Symmacho vita, dictum est decies; hic pax cum Symmacho, dictum est quindecies; ejus sedem et annos, dictum est octies. Pari severitate feriendo eo qui hoc vivo sicut dictum est pontifice quolibet modo fuerit convictus, aut certe tentasse omnibus pariter hujus culpæ reis anathematis pœna plectendis. Symmachus episcopus dixit. Ergo universitati placet, et omnibus recognoscitur vel probatur ista sententia. Universa synodus dixit: Placet, et quod omnibus placet, fiat.

IV. Si, quod absit, transitus papæ inopinatus evenierit, ut de sui electione successoris (ut supra placuit) non possit ante decernere, siquidem in unam totius inclinaverit ecclesiastici ordinis electio con-

secreetur electus episcopus. Si enim, ut fieri solet, studia cœperint esse diversa eorum de quibus certamen emerit, vincat sententia plurimorum. Synodus dixit, placeat, dictum est decies.

V. Propter occultas autem fraudes quas hujus sententia districtio consequitur. Si quis ad ecclesiasticam pertulerit notitiam consilia eorum qui contra hanc synodum de pontificatus egerint ambitu, et rationabili probatione convicerit particeps actionis hujusmodi, non solum purgatus ab omni culpa sit, sed etiam remuneratione quæ non indigna sit, sublevetur, universa synodus dixit: Placent omnia. Et adjecit: Exaudi, Christe, Symmacho vita dictum est tredecies; ut ista servantur rogamus, dictum est decies. Symmachus episcopus catholicæ Ecclesiæ urbis Romæ dixit, acclamationes vestras synodique indicium præsentia gesta suscipient. Et adjecit: Ea quæ ad sapiendos veterinosæ præsumptionis errores vel infensæ rebus ecclesiasticis ægritudinis morbos quibus universalis inficiebatur Ecclesia, deliberatio religioni congrua paciæ restituit firmitatem perpetim sortiantur, ut præstante Deo quem custodem rerum constat esse bonarum synodalis ordinatio vigeat, atque omnis qui sine personæ alicujus distinctione venire præsumperit, indicta superius districtione plectetur. Et subscripserunt Celius Symmachus, episcopus Ecclesiæ catholicæ urbis Romæ, his synodalibus constitutis a me probatis atque firmatis consentiens subscripsi. Celius rusticus episcopus civitatis Minturnensis subscripsi et consensi synodalibus constitutis, atque in hac profiteor me manere sententia. Celius Bonifacius episcopus Ecclesiæ Beneventensis subscripsi et consensi synodalibus constitutis, atque in hac me profiteor manere sententia. Mesenus, Humanus, Rufinus Camisinus, Cresconius Tudertinus, Clarus Allifanis, Basilus Toletanus, Vitalis Fundanus, Decius Trincabernus, Innocentius Nubanatis, Vitalianus Rosellanus, Maximus Bresanus, Constantius Capuanus, Benignus Aquenensis, Fortunatus Suesanus, Palladius Sulmontinus, Vindemius Anteatinus, Constantius Utriculanus, Joannes Ariminensis, Germanus Pisaurensis, Martinus Terracinensis, Candidus Tiburtinus, Laurentius Tribensis, Titalianus Narmiensis, Pachasius Vultinuensis, Fortunatus episcopus Ecclesiæ Anagninæ pro sanctulo episcopo civitatis Signinæ, quia subscribere non potuit pro eodem subscripsi; Valerius Calenotanus, Felicissimus Forosumpromensis, Valentinus Amiterninus pro Romano episcopo Ecclesiæ Pitanitium subscripsi; Colonius Foroliviensis, Epiphanius Beneventanus, Joannes Spolelinus, Constantius Benefranus, Maximianus Perusinus, Salustius Cameanus, Lucianus Tarquinensis, Molensis Centumcellensis, Florentius Plestanus, Maximianus Subaugustanus, Fortunatus Fulgentanus, Joannes Vinonensis, Gaudentius Tadinatis, Mercurius Surinus, Serenus Murnentanus, Justus Acerontinus, Adeodatus Ceronis, Stephanus Mirsinensi, Dulcitus Sabinensis, Fortunatus Anagninus, Felix Nepesinus,

A Serenus Nolanus, Ancipius Puteolanus, Timotheus Abellinaris, Rosarius Surrentinus, Stephanus Neapolitanus, Rosarius episcopus pro fratre meo Urso episcopo subscripsi Bellator Ostiensis, Gaudentius Vulcinensis, Marius Tisernitius. Item Gaudentius episcopus Vulcinensis, Lampadius pro Projecto episcopo Forononano, Adeodatus Formensis, Quintus Theanensis, Ursus Stabianus Gaudentius Salernitanus, Saturninus Herdonitanus. Subscripserunt episcopi numero septuaginta tres, Celius, Laurentius archipresbyter tituli Lixidæ, hic subscripsi et consensi synodalibus constitutis, atque in hac me profiteor manere sententia. Januarius presbyter tit. Vestinæ, Sebastianus pr. tit. Equitii, Martianus pr. tit. sanctæ Cecilie, Valentinus pr. tit. Eusebii, Gordianus pr. tit. Pammachi, Anastasius pr. tit. Anastasie, Petrus, pr. tit. sancti Clementis, Genasius pr. tit. Nichomedis, Urbicus, pr. tit. sancti Clementis, Dionisius pr. tit. Emiliane, Paulirius pr. tit. sancti Julii, Epiphanius pr. tit. apostolorum, Valens pr. tit. sanctæ Sabinæ, Aceritus pr. tit. Faciole, Agapitus pr. tit. apostolorum, Adeodatus pr. tit. Equitii, Petrus pr. tit. Grisogonii, Benedictus pr. tit. Gaii, Sopanus pr. tit. Vestinæ, Dominicus pr. tit. Priscæ, Isterius pr. tit. Pudentis, Redemptus pr. tit. Trigidæ, Felix pr. tit. Equitii, Severus pr. tit. Gaii, Redemptus pr. tit. Grisogoni, Stephanus pr. tit. Marcelli, Prorecticius pr. tit. Damasci, Crescensius pr. tit. apostolorum, Jovinus pr. tit. Emilia æ. Julianus pr. tit. Anastasie, Bonus pr. tit. Crescentiane, Septimius pr. tit. Julii, Paschasius pr. tit. Eusebii, Ciprianus pr. tit. Marci, Joannes pr. tit. Pammachii, Epiphanius pr. tit. Faciole, Sebastianus pr. tit. Nichomedis, Bonifacius pr. tit. Cecilie, Martinus pr. tit. Ciriaci, Petrus pr. tit. Praxedis, Andreas pr. tit. sancti Timothei, Timotheus pr. tit. Marcelli, Epiphanius pr. tit. Ciriaci, Hilarius pr. tit. Lucinæ, Servusdei pr. tit. sancti Clementis, Victorius pr. tit. Sabinæ, Opilio pr. tit. Vestinæ, Laurentius pr. tit. sancti Laurentii, Petrus pr. tit. Grisogoni, Eutic s pr. tit. Emiliane, Romanus pr. tit. Trigildæ, Julianus pr. tit. Anastasie, Marcellianus pr. tit. Julii, Marcus pr. tit. Lucinæ, Dominicus pr. tit. Crescentiane, Vicemalus pr. tit. Crescentii, Abundantius pr. tit. Sabinæ, Abundius pr. tit. Marci, Marcellus pr. tit. Romalii, Venantius pr. tit. Marcelli, Asellus pr. tit. Vitantii, Stephanus pr. tit. Eusebii, Agatho pr. tit. Vizantis, Paulinus pr. tit. sancti Laurentii. Subscripserunt episcopi [forte presbyteri] numero sexaginta tres.

Cyprianus diaconus sanctæ Ecclesiæ Romanæ regionis septimæ his subscripsi et consensi synodalibus constitutis, atque in hac me profiteor manere sententia. Anastasius diaconus regionis primæ subscripsi, Citonatus diaconus quintæ regionis, subscripsi, Joannes diaconus regionis secundæ subscripsi, Tarensis diaconus regionis primæ subscripsi, Tertullus diaconus regionis quartæ subscripsi.



**247** *Exemplar constituti facti a Domino Symmacho A  
papa de rebus ecclesiæ conservandis.*

Flavio, viro clarissimo juniore consule, sub die octavo Iduum Novembrium in basilica beati Petri apostoli, residente venerabili viro papa Symmacho, una cum venerabilibus viris Laurentio, Maximo residentibus episcopis, etiam Petro, Laurentio, Emiliano, Trigidio, Felice Bassiano, Cresconio, Pacatiano, Benigno, Rusentio, Innocentio, Joanne, Maximo, Stephano, Joanne, Sereno, Eulalio, Proculo, Fortunato, Laurentio, Eustachio, Martino, Jocundo, Candido, Fortunato, Felice, Euticio, Heli-  
pidio, Aprile, Innocentio, Mercurio, Hilario, Fortunato, Concordio, Asello, Innocentio, Stephano, Gerontio, Paschasio, Vitale, Memore, Severino, Hilario, Venerioso, Innocentio, Casto, Colonico, B  
Silvino, Maximiliano, Arestone, Severio, Propinquo, Martino, Valentino, Sebastiano, Romano, Vindemio, Dulcitio Victore, Urso, Mercurio, Asello, Servodei, Adeodato, Asterio, Martiniano, Felice, Eusebio, Augusto, Projecticio, Crisogono, Venantio, Rustico, Solustio, Probo, Amando, Basilio et Florentio episcopis; residentibus etiam. Projecto, Martino, Epiphonio, Sebastiano, Servodei, Octaviano, Epiphonio, Anastasio, Abundantio, Vicomalo, Paulino, Juliano, Marcello, Agathone, Benedicto, Crescentiano, Paschasio, Juliano, Severo, Paulino, Adeodato, Joanne, Timotheo, Laurentio, Hilario, Marco, Stephano, Binantio, Petro, Petro Crisogono, Littorio et Crisogono, Timulo vel Maximino, Fortunato presbyteris, astantibus quoque diaconibus, C  
Anastasio, Hormisda, Joanne et Agapito, Symmachus, episcopus Ecclesiæ urbis Romæ dixit :

Bene quidem fraternitas vestra ecclesiasticis legibus obsecuta. Sub divini timore iudicii, quæ erant instituenda diffinivit, et ad iustitiæ cumulum perduxit sufficienter dum universa complectitur, nec adjectione indiget plenitudo, maxime de clericis quos amor damnationis invasit, et jugum disciplinæ ecclesiasticæ fecit respuere, quos propterea schisma fecisse apud vos constitit, quibus misericordiam tamen quam Deus mandat universis impendi, ut oportuit non negastis, si duritia cordis eorum non sibi acquirat pœnam dum contemnit oblata remedia. Quorum excessus ad enarrandum difficile est, imum tamen quod occurrit venerando ordini vestro intima-  
re non differo. Dixerunt inter alia scripturam quamdam illustris memoriæ Basilium quasi per ecclesiasticæ amore substantiæ conscripsisse, in qua nullus Romanæ Ecclesiæ nec interfuit, nec subscripsit antistes per quem potuisset sortiri legitimam firmitatem. Me ego inde disputem, unde potest vestrum iudicare concilium requiratur et deferatur in medium, ut lectione agnoscatis cujusmodi possit habere constantiam. Sancta synodus respondit : Deferatur in medium, utcu jusmodi sit possit agnosci. Et dum diceret Hormisda diaconus recitavit.

Cum in unum apud beatum Petrum apostolum resedisset, sublimis et eminentissimus vir præfectus

prætorio atque patricius agens etiam vices præcellentissimi regis Oloacris Basilus dixit : Quanquam studij nostri et religionis intersit, ut in episcopatus electione concordia principaliter servetur Ecclesiæ, nec per occasionem seditionis status civilitatis vocetur in dubium, tamen admonitione beatissimi viri papæ nostri Simplicii quem ante oculos semper habere debemus, hoc nobis meministis sub obtestatione fuisse mandatum, ut præter ullum strepitum et venerabilis Ecclesiæ detrimentum, si eum de hac luce transire contigerit, non sine nostra consultatione cujuslibet celebretur electio. Et cum legeret, Cresconius episcopus civitatis Tuderlinæ Ecclesiæ surgens e consensu dixit : Ille perpendat sancta synodus, ut prætermis-  
sis religiosis personis, quibus maxime cura est, de tanto pontifice in suam redigeret potestatem, quod contra canones esse manifestum est. Item Hormisda diaconus legit, ne quid confusionis atque dispendii venerabilis Ecclesia sustineret, miramur prætermis-  
sis nobis quidquam fuisse tentatum cum sacerdote nostro superstite nihil debuisset assumere. Quare si amplitudini vestræ vel sanctitati placet incolumia omnia quæ ad futuri antistitis electionem respiciunt, religiosa honoratione servemus. Hanc legem specialiter præferentes, quam nobis hæredibus pro nostris Christianæ mentis devotione sancimus, ne unquam prædium, seu rusticum sive urbanum, vel ornamenta, aut ministeria ecclesiarum, quæ nunc sunt vel ex quibuslibet titulis ad ecclesiarum jura pervenerunt, ab eo qui nunc antistes sub electione communi fuerit ordinandus et illis qui futuris sæculis sequentur, quocunque titulo atque commento alienare voluerit, inefficax atque irritum judicetur, sitque facienti, consentienti, accipientique anathema. Maximus episcopus Pledanæ Ecclesiæ dixit : Modo sancta synodus dignetur edicere, licuit laico homini anathema in ordine ecclesiastico dictare, aut si potuit laicus sacerdoti anathema dicere, et contra canones quod ei non compete-  
bat constituere. Dicite nobis quid videtur de me licuit laico legem dare. Sancta synodus dixit, non licuit. Et adiecit, lege sequentia. Hormisda diaconus legit. Et his qui prædium rusticum vel urbanum juris ecclesiastici fuerit consecutus, noverit se nulla lege vel præscriptione munitum, sed sive is qui alienaverit, sive eum qui frequenter et voluntate contraria prædium hujusmodi alienatum revocare tentaverit, id cum fructibus restituat, qui illud fuerit consecutus. Et cum legeret Stephanus episcopus Venusinus Ecclesiæ surgens, e consensu, dixit, perlegatur. Hormisda diaconus legit : Quam etiam pœnam placuit accipientis hæredes pro hæredesque respicere, in qua re cuilibet clericorum contradicendi libera sit facultas; iniquum est enim et sacrilegii instar, ut quæ vel pro salute, vel pro requie animarum suarum unusquisque venerabili Ecclesiæ pauperum causa contulerit, aut certe reliquerit, ab his quos maxime servare convenerat in alienitatem transferantur. Plane quæcunque in

gemmis auro vel argento, necnon et vestibus minus apta usibus vel ornatui ecclesiæ videbuntur, quæ servari ac diu manere non possunt, sub justâ æstimatione vendantur, et erogationi religiøsæ proficiant. Cumque lecta fuissent Laurentius, Mediolanensis Ecclesiæ episcopus, dixit. Ista scriptura nulum Romanæ civitatis potuit obligare pontificem, quia non licuit laico statuenti in Ecclesia præter papam Romanum habere aliquam potestatem, cui obsequendi manet necessitas, non auctoritas imperandi, maxime cum nec papa Romanus subscripserit, nec alicujus secundum canones metropolitani assensus legatur. Petrus episcopus Ravennatis Ecclesiæ dixit. Scripturam quæ in nostra congregatione vulgata est, nullis etiam viribus sustineri manifestum est, quia nec canonibus convenit et a laicali concepta persona videtur, maxime quia in ea nullus præsul sedis apostolicæ interfuisse, vel propria subscriptione firmasse monstratur. Eulalius episcopus Siracusanæ Ecclesiæ dixit : Scriptura quæ in sacerdotali concilio recitata est evidentissimis documentis constat invalida. Primum quod contra Patrum regulas a laicis quamvis religiosis quibus nulla de ecclesiasticis facultatibus aliquid disponendi legitur unquam attributa facultas factam videtur. Deinde quod nullius præsulis apostolicæ sedis subscriptione firmatâ docetur. Quod si cujlibet provinciæ sacerdos intra suos terminos concilio habito, quidquid sine metropolitani suive antistitis auctoritate testatus fuerit irritum esse debere Patres sancti sanxerunt, quanto magis quod in apostolica sede non existente præsule qui per prærogativam meriti beati Petri apostoli per universum orbem primatum obtinens sacerdotii statuti synodalibus consuevit tribuere firmitatem a laicis illis consentientibus aliquantibus episcopis, qui tamen pontificio quò consecrari probantur præjudicium inferre non potuerint præsumptum fuisse cognoscitur, viribus carere non dubium est, nec posse inter ecclesiastica illo modo statuta censi?

Sacra synodus dixit, licet secundum prosecutiones venerabilium fratrum nostrorum Laurentii, Petri, Eulalii, Cresconii, Maximi, vel Stephani, nec apud nos incertum habetur hanc ipsam scripturam nullius esse momenti, quam etiam, si aliqua possit subsistere ratione, modis omnibus in synodali conventu provida beatitudinis vestræ sententia enervari conveniebat, et in irritum deduci, nec in exemplum remaneret præsumendi quibuslibet laicis, quamvis religiosi vel potentibus, in quacunque civitate quolibet modo aliquid decernere de ecclesiasticis facultatibus, quarum solis sacerdotibus disponendi indiscusse a Deo cura commissa docetur. Symmachus episcopus dixit : Modo quia Deus præsentiam vestram votivam mihi sub qualibet occasione concessit, volo, si placet, rem fieri firmam quam credo ecclesiasticis facultatibus convenire, ut noscant omnes quos in me vanus furor excitavit nihil me magis studere quam ut salvum esse possit

A quod mihi est a Deo sub dispensatione commissum, sed etiam quibuslibet Dominum timentibus gratum esse debeat, et ad ecclesiastici custodiam patrimonii pertinere. Sancta synodus dixit : Scimus provisionem tuam necessariis studere, et ideo in vestra est potestate sequenda disponere. Symmachus episcopus Ecclesiæ catholicæ urbis Romæ dixit : Magna quidem veneranda et sacerdotali debetur cura proposito cui imminet de studio quæ recta sunt non de necessitate disponere. Sed quoniam in aliquibus, in aliena postulantis vitiorum mater avaritia repudiatis honestatis repagulis, totum putat expedire quodlibet, et ita dum præda inhiat patientia supernæ pietatis abutitur expectantibus correctionem cælo moderante judiciis se existimant non teneri, cum clarum sit quod apud certos in occasionem rapiendi procedat divinæ mora sententiæ. Sed nobis quos pastoralis cura et ecclesiasticæ astringit pro dispensatione credita ratio reddenda substantiæ opus est, ut sollicitudinem nostram non solum ad præsentia, sed etiam ad secutura sæcula porrigamus, ne ad animæ nostræ detrimenta contingat; sed hi qui possunt statutis debere innocentiam præsumentes de libertate deliquerant, cum religiosa possint et nostra et successoris nostri potestate fulciri, legibus ecclesiasticis servientes.

Ille ergo perpensis mansuro cum Dei nostri divina consideratione decreto, sanximus ut nulli apostolicæ sedis præsuli a præsentī die donec disponente Domino catholicæ fidei manserit doctrina Salvatoris liceat prædium rusticum quantæcunque fuerit vel magnitudinis vel exiguitatis, sub alienatione perpetua vel commutatione ad cujuslibet jura transferre. Nec cujusquam excusentur necessitatis obtentu, quippe cum non sit personale quod loquimur, nec aliquis clericorum vel laicorum sub hac occasione accepta tueatur, sed nec in usu fructuario aliquibus dare liceat, nec data retinere præter clericos et captivos et peregrinos, nec male tractationis ministretur occasio cum liberalitate illi alia itinera reserventur.

Sane tantum domus cujuslibet et urbibus constitutæ quarum statum necesse est expensa non modica sustentari acceptis offerri si contigerit sub justâ æstimatione redditibus et divini timore judicii commutentur.

Pari etiam Ecclesiarum per omnes Romanæ civitatis titulos qui sunt presbyteri vel quicunque fuerint astringi volumus lege custodes, quia nefas dictum est obligationem quam se per charitatem Christi connectit summus pontifex, ea hominem secundi in ecclesia ordinis non teneri. Quicunque tamen oblitus Dei et decreti hujus immemor cujus Romanæ civitatis sacerdotes volumus religionis nexibus devinciri, in constitutum præsens committens quidquam de jure titulorum vel Ecclesias superius præfatas quolibet modo præter aurum, argentum vel gemmas, vestes quoque si sunt vel si accesserint aliqua mobilia ad ornamenta divina minime pertinentia per



petuo iure exceptis duntaxat sub præfata conditione domibus alienare tentaverit donator, alienator, ac venditor honoris sui amissione multetur.

Præterea qui petierit aut acceperit, aut qui presbyterorum, aut diaconorum seu defensorum danti subscripserit, 248 quo iratus Deus animas percutit anathemate feriat, sitque accipienti vel subscribenti de personis superius comprehensis, id est, quis anathemate feriri censuimus, instituta pœna contubernalium servata, quam præmisimus in alienatore vindicta, nisi forte et alienator sibi dum repetit, et qui acceperit celeri restitutione prospexerit.

Quod si minore animæ suæ cura quisquam remedium oblatum forte neglexerit, supra ea pœnarum genera quæ superius tenentur ascripta contra fas, si quod conceptum fuerit documentum universis viribus quamvis ab initio nullas habuerint, effertur, sed etiam liceat quibuscunque ecclesiasticis personis vocem contradictionis offerre, et ecclesiastica auctoritate fulciri, ita ut cum fructibus possit alienata reposcere, ne aliquo se ante tribunal Christi obstaculo muniat, quia religiosis animabus vel substantiam pauperum derelicta contra fas sine aliqua pietatis consideratione dispergit. Hujus autem constituti legem in apostolica tantum sede volumus servari, universis ecclesiis per provincias secundum animarum considerationem quem proposito religionis convenire rectores earum viderint more servato. Et subscripserunt. Cilius Symmachus episcopus Ecclesiæ Romanæ huic constituto a nobis facto conscripsi. Cilius Laurentius episcopus sanctæ Mediolanensis Ecclesiæ huic constituto a venerabili papa Symmacho sancto subscripsi. Petrus episcopus Ecclesiæ catholicæ Ravennatis, huic constituto a venerabili papa Symmacho sancto subscripsi. Eulalius episcopus Ecclesiæ Syracusanæ huic constituto a venerabili papa Symmacho sancto subscripsi. Felix Terraconensis, Chrysogonus Tudertinus, Emilianus Vercellensis, Jocundus Augustanus, Tigridus Taurinatis, Vitalis Fundanus, Bassus Mutinensis, Pacatianus Colaminensis, Maximus Bleranus, Martyrius Traconensis, Rufentius Signinus, Vindemius Antequinus, Candidus Tiburtinus, Fortunatus Fuligenatis, Proculeianus Sepinatis, Fortunatus Anagninus, Paschasius Vulturnensis, Martianus Ecamensis, Maximianus Perusinus, Chrysogonus Albanensis, Euticius Tranensis, Laurentius Vobianensis, Marcus Samninus, Aprillis Micernius, Memor Canusinus, Innocentius Forosimpromensis, Florentinus Plestinensis, Felix Nepesinus, Concordius Mesenatis, Amandus Potenninus, Ansellus Plommensis, Basilius Tullentinus, Martinus Ostensis, Benignus Aquiminnensis, Fortunatus Vessaniensis, Severinus Lundarniensis, Eucarpus Messanensis, Joannes Spoletinus, Stephanus Venusinus, Valentinus Amiterninus, Romulus Prænestinus, Probus Carminiensis, Colonus Forocodiensis, Heliplus Voliterninus, Projectus Formovi, Veneriosus Pellensis, Bonifacius

A Forofflaminensis, Sebastianus Siranus, Rusticus Buxantinus, Venantius Sinogalliensis, Victor Dunensis, Innocentius Tifernantius Tybernorum, Sylvius Veliterninus Justus Simensis, Arestonius Ostensis, Augustus Liparitanus, Felix Nepesinus pro Urso, Asterius Quinatis, Propinquus Trebiatis, Eusebius Favestris, Romanus Numentanus.

*Incipit synodus quarta romana sub Theodorico rege ex diversis regionibus congregata.*

Rufino magno, Fausto, Ameno, viris clarissimis consulibus sub die Kalendarum Novembrium sancta synodus apud urbem Romam ex præcepto gloriosissimi regis Theodorici ex diversis regionibus congregata in Christi nomine dixit: Cum ex diversis provinciis ad urbem Romam convenire sacerdotes regia præcepisset auctoritas, ut de his quæ venerabili papæ Symmacho apostolicæ sedis præsuli ab adversariis ipsius dicebantur impingi sanctum concilium judicaret, Liguriæ, Emiliæ, vel Venetiarum episcopos quos ad præsentiam principis spe itineris ductos attraxit consulimus regem incubuit necessitas consulendi, qua nos voluisset ætate fractos, debilitate et impotentia corporis invalidos congregari, respondit præfatus rex piissimus bonæ conversationis affectu plura ad se de papæ Symmachi actibus, horrenda fuisse perlata, et in synodi oportet, si vera esset inimicorum ejus objectio, indicatione constare. Memorati pontifices quibus allegandi imminabat occasio, suggererunt ipsum qui judicabatur impetitus debuisse synodum convocare, scientes, quia ejus sedes primum Petri apostoli meritum vel principatus. Deinde secuta jussione Domini, conciliorum venerandorum auctoritas singularem in Ecclesiis tradidit potestatem, nec antedictæ sedis antistitem inimicorum subjacuisse judicio in propositione facile simili forma aliqua testaretur, sed piissimus princeps ipsum quoque papam in colligenda synodo voluntate sua litteris demonstrasse significavit. Unde a mansuetudine ejus paginæ postulatæ sunt, quas ab eo directas constabat. Iis dari sacerdotibus sine tarditate constituit, vel quidquid in eodem negotio actum scriptis Romam ex diversis terrarum vel regionum partibus Dei prosecutione perventum est. Et dum venerabili collectione, de incipiendo haberetur negotio, prout poscebat causa tractatus. Sanctus papa Symmachus basilicam Julii in qua pontificum erat congregatio, prout habuit cura cœlestis ingressus est, et de evocatione synodali elementissimo regi gratias tulit, et rem desiderii sui evenisse testatus est. Causa ergo de sacerdotum animis quæ de concilio nondum firmato tristitiam ministrabat abscissa est. Auctoritatem ordinis colligendo sicut poscebant ecclesiastica statuta in omnium qui ibidem conveniant episcopi, præsentia se dare professus est, sperans, ut visitator qui contra religionem, contra statuta veterum, vel contra regulas majorum a parte cleri vel ab aliquibus laicis, fuerat postulatus, ex ordinatione antistitem sicut dicebat sanctum

propositum-firma fronte caderet, et omnia quæ per suggestiones inimicorum suorum amiserat potestati ejus ab honorabili concilio redderentur, et tanti loci præsul legaliter prius statui pristino redderetur, et tunc non ante veniret ad causam, et si ita recte videretur, accusantium propositionibus responderet. Digna res visa est maximo sacerdotum numero, atque mereretur; effectum decernere tamen aliquid synodus sine regia notitia non præsumpsit, sed suggestio justa per legatorum negligentiam non meruit, secundum vota responsum jussus est regis præceptionibus papa Symmachus ante patrimonii vel Ecclesiarum quas amiserat receptionem cum impugnatoribus suis in disceptatione configere. Qui potestatis suæ privilegia, et quæ pro conscientia quantum juste æstimamus emundatione submiserat, ne hac voluit vice resumere.

Sed dum esset synodus in Hierusalem basilica Sessoria palatii constituta, aliquibus sacerdotibus visum est, ut libellus quem accusatores paraverant qui quotidie seditionibus appellabant, susciperetur a synodo; in quo suscepto, duo erant quæ vel veritati inimica essent, vel ipsi quantum ostenditur ecclesiastico proposito repugnarent. Unum, quia dicebant crimina memorati superius Symmachi papæ apud regiam constituisse notitiam: quod falsum esse declaravit. Non enim quasi novam causam audientia commisisset, si ejus conscientia convicta de errore solam se sciret expectare sententiam. Aliud quod per servos de his quæ objiciebant se eam loquebantur posse convincere, addentes quod ipse mancia traderet, quibus quantum ille asserabant, possit in indicatione superari. Quæ res canonibus et ipsis publicis erat legibus inimica, cum Patrum statuta sanxissent, ut quos ad accusationem leges sæculi non admittunt, his dicendi in cognitione vel assequendi aliquid denegandam esse licentiam. Et dum inter ista quæ essent facienda tractabatur, præfatus papa, ut causam diceret, occurrebat. Qui veniens ab irruentibus turbis æmulorum suorum ita tractatus est, ut multis presbyteris qui cum ipso erant per eadem ipsam mortis fuisset occasio, et recentium adhuc vestigia vulnorum illustris vir comes Aligenius, et sublimes viri Gudila, et Vedulfus majores domus regis perspexissent, quos secum unde egressus fuerat, ad beati Petri apostoli septa convexerit. His ita actis, et rebus varia confusione turbatis, iterum nos ad justitiam contulimus principalem, scientes divinitate propria regere Dominum, quem ad Italiae gubernacula provideret ipse. Cujus mansuetudini omnia per relationis seriem, sicut res poscebat, ingessimus, intimantes etiam sæpe nominatum papam per sedem, cui subjacebat cum suis, si voluntatem rursus haberet exeundi, ad judicium fuisse commonitum, sed allegasse eum per directos episcopos mandatis canonibus sibi concessisse affectu purgationis suæ culmen humiliat quantis periculis pene oppressus dominum regem habere quod vellet faciendi se interim justitiæ

renitentem statutis canonicis non posse compelli. Ad hæc serenissimus rex taliter Deo aspirante, respondit in synodali esse arbitrio in tanto negotio sequenda perscribere, ne aliquid ad se præter reverentiam de ecclesiasticis negotiis pertinere; committens etiam potestati pontificum ut sive præpositum vellent audire negotium, sive nollent, quod magis putarent utile, deliberarent, dummodo venerandi provisione concilii pax in civitate Romana Christianis omnibus redderetur. Quæ cum juste offeruntur mandata Dei complentur Italiae suæ dare rectorem. Agnoscentes nullum nobis laborem remansisse, nisi ut dissidentes cum humilitate propositi nostri ad concordiam hortaremur, quia unum tantæ rei restabat, unde Deo pareremus, ut sanctæ principis voluntati invitemus senatum amplissimum, quali oportuit legatione destinata monentes, et instruantes causas Dei ipsius judicio esse committendas, qui valet corpus occidere, et animam mittere in gehennam, qui dixit mihi vindictam, et ego retribuam, apud quem conscientia nuda est, cui non absconduntur occulta. Cogitare prudentes viros oportere, quanta inconvenienter, et præjudicialiter in hujus negotiis principis contigissent, et nos viam per hanc quam ipsi vocabant remissionem peccatis non aperire sed claudere, qui quod dicebatur majoris judicii servamus instruantes eos, quia per nos illius Christus innotuit, non esse ovium lupi insidias prævidere sed pastoris. Maxime quia in causa præfata multos qui se dedignabantur cognoscere, et Deo satisfacere error involverat, et quia non poterant plura sub hac occasione Ecclesiæ membra dispergi, sed magis per mansuetudinem sustineri. Sicut boni nos operis Paulus magister instruxerat, dicens: Sanandos esse plurimos per patientiam et doctrinam; et quicunque putantur rei, et gravibus peccatis involuti, quamvis nullus sit qui delicto careat, sicut Joannes testatur apostolus: Si dicam quoniam peccatum non habeo; mendax sum, eos tamen magis pressuris hominem sustentari et præterteri, hasque passiones judicio divino suspendi. Maxime cum illa quæ præmisimus inter alia de auctoritate sedis obstarent, quia quod possessor ejus quondam beatus Petrus meruit in nobilitate possessionis accessit, et claritatem veterem vobis dat, dei Christi rectoribus devote clamantibus; scriptum esse per prophetam ex persona Dei: Nunquid non valet manus mea ad consumendum eos qui erraverunt? Hæc eadem sæpissime ut oportuit commonentes ut habita intentione discederent, et factum nostrum quod Deus inspiraverat juxta mandatum principis non discuterent, sed sequerentur, sicut decebat filios Ecclesiæ, nec sub hac intermissione contenderent, et crescerent Ecclesiæ detrimenta quæ res poscebat cum festinatione succurri, et nobis hujus celeritatis, et illius obedientia necessitas imminerebat. Maxime cum omnem pene plebem cernimus ejus communioni indissociabiliter adhæsisse, cujus nos non modica quidem cura stimulabat, ne in ali



quo laberetur errore. Quibus allegatis Dei nostri A obtestatione decernimus, harum necessitatum vel religionum consideratione astricti, et celesti perpensis omnibus quæ in causa erant inspiratione secretis Symmachus papa sedis apostolicæ præsul ab huiusmodi propositionibus impetitus quantum ad homines respicit, quia totum causis obsistentibus superius designatis, constat **249** arbitrio divino fuisse dimissum, sit immunis, et liber, et Christianæ plebi sine aliqua de objectis oblationem in omnibus ecclesiis suis ad jus sedis suæ pertinentibus tradat divinâ mysteria, quia eum ab impugnatorum suorum petitione, et propter superius designatas causas obligari non potuisse cognovimus unde secundum principalia præcepta quæ nostræ huic tribuunt potestati, ei quidquid ecclesiastici intra sacram urbem Roman, vel foris est juris reformamus totam causam Dei iudicio reservantes universos hortamur, ut sacram communionem sicut res postulat ab eo percipiant, et Dei animarum suarum meminerint, quia et ipse amator pacis est, et ipse pax est qui monet: « Pacem meam do vobis, pacem relinquo vobis (Joan. xiv, 27). » Et in quacunque civitate pacem esse confirmandam affirmant beatos esse pacificos. Hæc quicunque ex instructione nostra quod non æstimamus, vel non admitti, vel detrectari posse, crediderit, videat, quia in divino iudicio contemptus sui rationem est (sicut de Deo confidimus) redditurus. De clericis memorati papæ qui ab episcopo suo ante tempus alienj, contra regulas discesserint, et schisma fecerint, hoc fieri decernimus, ut eos satisfaciens episcopo, sua misericordia subsequatur, et officiis ecclesiasticis se gaudeant restitui, quia Dominus et redemptor noster oves perditas ab errore lætatur inventas, et super profugum filium paternam liberalitatem celestis mediator accommodat. Quisquis vero clericorum post hanc formam a nobis probatam, quocunque sacro Deo loco in Ecclesiam Romanam missam celebrare præsumpserit præter conscientiam papæ Symmachi, dum vivit statutis canonicis, velut schismaticus percellatur. Ista sufficiant, nunc cum Dei notitia sincere protulisse. Laurentius episcopus Ecclesiæ Mediolanensis, huic statuto nostro in quo totam causam Dei iudicio commisimus, subscripsi. Petrus episcopus Ravennanus huic statuto nostro in quo totam Dei iudicio commisimus, sub. Felix Terracinensis, Bonifacius Aquemuenis, Maximus Bleramus, Emilianus Furanus, Maximus Ticinensis, Cassianus Mutinensis, Gerontius Fidudensis, Stephanus Venusinus, Laurentius Boensis, Fortunatus Fulgineis, Mercurius Sutrinus, Stephanus Neapolitanus, Hilarius Tensanus, Maximilianus Perusinus, Innocentius Fortunatus, Cordius Mesinatis, Vitalis Fundanus, Castus Portuensis, Aristus Ostensis, Martyrius Terracinensis, Victor Lunensis, Asterius Aquinatis, Chrysogonus Albanensis, Amandus Potentinus, Romanus Numentanus, Ursus Reatinus, Paschasius Vulturnensis, Innocentius For-

simpromensis, Felix Nepesinus, Hilarius Tempranensis, Innocentius Tarentinus, Tybernorum, Severinus Tundaritanus, Sylvanus Veliternus, Sebastianus Suranus, Mercurius Gavinati, Felix Atellanus, Rusticus Bruxantinus, Propinquus Tribensis, Adeodatus Fornitanus, Bonifacius Cameritanus, Justus Signatinus, Vindemius Anteatinus, Augustus Liparitanus, Valentinus Amiterninus, Fortunatus Sues-tanus, Jocundus Augustanus, Tigidius Taurigranus, Viticanus Celunensis, Joannes Ariminensis, Porculeianus Sepniatis, Candidus Triportinus, Crescencius Tudertinus, Innocentius Binatis, Joannes Spoletinus, Eustasius Cremonensis, Laurentius Verginatis, Eucarpus Meresapæ, Rufentius Agnatinus, Serenus Nolanus, Martianus Acanus, Euticius Tranensis, B Fortunatus Anagninus, Aprilis Laterianensis, Asellus Populoniensis, Memor Canusinus, Aadrudatus Silvæ Candidæ, Venerius Pallensis, Rogatus Tauro-minitanus, Servusdei Ferensis, Probus Carmeianensis, Dulcitus Sancti Antimi.

*Incipit præfatio Ennodii in librum sequentem.*

Solet dicendi affectum multarum rerum ardor exigere. Si autem avarus laudis avidus est, et favorem desiderat sudore mercari, aut per blandimenta gloriæ crucem narrantis ignorat, aut lucri astrictus compedibus linguæ vendit obsequium, ut dum animus habendi cupidine subjugatus præsumptum æstimat jam tenere compendium, sic ingruentia per styli exercitum nescit timere discrimina, aut necessitate conclusus profert eloquium sine quacunque lima captivum, et nesciam pudoris frontem monstrat in medium, ut dum intentioni famulatur, diligentiam decoris aburat, quia dicendi ornamenta non sunt intentionis negotiij, sed quietis, nec militiæ sunt picta verba, sed otii. Campus fortem postulat, pax profunda redimit ornatum, qui profutura asserit, loquelam quæ periculo artis est colorata contemnit. His ergo ita se habentibus causam narrationis insinuo, et coactam vocem pravorum latratu religionis mentibus commendo, scriptum esse reminiscens « tempus tacendi, et tempus loquendi (Eccl. iii, 7), » vel post fidem prophetici oraculi ejusdam oratoris exemplum qui refert, nisi cum necessariam dicendi nimis ineptam esse conditionem. Oris ergo ministerium pro validudine ingenij sacerdotibus dedi, adversus quos sibilantium effusa sunt venena linguarum, licet sento munita fidei spiculatorum inbrem patientia religiosa non timeat, et ad auctorem redeant tela, quæ sine bellandi arte diriguntur. Quibus enim pro lorica Christus est, vim non metuant, et inimicos longa expectatione prosternunt. Quisquam ne tamen in hac acie prælium putet esse foridini, in qua Deo et pontificibus infertur sine virium æstimatione certamen. Quisquam ne fluxum et lacescentem hostem videat, et præliorum causis adversarium debilem expavescat? Invidet ipse sibi victoriam qui conscientia vulneratum aggredi cessat inimicum. Ad lucrum hostis sui procedit, qui in conflictibus non prius causas quam aliud expedit. Dat vires jaculis innocentia, et mucronem acunt ex æquo venientia vota bellandi. Percutendi impetum plus justum dolorem scimus dedisse quam brachij, inde paucorum telis multitudo non subsistit. Dicente ergo mecum propheta plures nobiscum sunt quam cum illis, placitum bonis, quantum æstimo opus, incipiam.

*incipit liber Ennodii sanctæ Ecclesiæ Romanæ diaconi contra obtreactiones quartæ synodi habitæ Romæ palmari a Symmacho papa sub Theodorico rege.*

• Sufficeret quidem schismaticam imperitiam propositione cecidisse, maxime cum secum habeant objecta responsum, et mereatur titulus sine lectionis discussione cum auctoritate damnari, cum in prænotatione ipsa significantia operis innotescat immundi dicentium adversus synodum absolutionis incongruæ. Ego tamen nunc agam quasi opus sit alieno ense perire mala proponentem. Istud proloquium potest clementissimo homini tantum inscientie ascribi. Et ne aliquis præter vos sicut inter oves ulcerosas deputatus et erraticas, qui magnum gregem potuisset lacessere, pastorem dicente propheta: « Filios nutriti et exaltavi, ipsi autem spreverunt me (Isa. 1, 2). » Et Domino de apostolis. « Qui vos spernit, me spernit (Luc. x, 16). » Quos episcopos fuisse propheta testatur de Juda dicendo, « et episcopatum ejus accipiat alter (Psal. cxxxviii, 8), » et apostolo acque Paulo proclamante, « obedite præpositis vestris, quoniam ipsi exorabunt pro vobis (Hebr. xvi, 17). » Nec hic immoremur, sed redeamus ad gravem et venerabilem non solum ex alia productam, sed mysticam propositionem. Non omnes (inquunt) sacerdotes regis ad concilium ascivit auctoritas, nec omnes in judicatione senserunt. Mincipia tartari, et liquido Satanae ministri, quoscunque non evocavit scriptum principis novis nexibus et actuum vestrorum in volutionibus serpentis spiris cauda pertraxit. Nolo dicere in quo fuerint voto, in qua deliberatione discedentes, quibus tedium illa peperit expectatio. Cum viderent venerabilem papam longas in vita contra fas suum inducias accepisse. Videbant aethera tantum directis a se jaculis verberari. Illis ne liceret infelicibus in malorum actibus consolatione secreto delitescere? Libris vestris nudantur absconditi, et per vos in turpi facto habere solitudinem non simuntur, dicente Domino in Evangelio: « Omnis malus odit lucem (Joan. iii, 20). » Post hæc absentis adversarii papæ Romani dici non debuisse qui prædictis prolatis petitionibus accusabant dolose videlicet hoc agentes eo quod adversarios suspectosque canonica synodalibus clamante in decretis auctoritate, in suam recipi accusationem episcopos minime oportuisse, vos non latuisset, ad assertiones fidem jungentes quod eos isto nomine præcepta regis non vocassent. O homines omni artibus compositos, et caninis fabrilibus excocotos, qui ad stipulationem doctorum desudata invenire tes-  
tationi! Amamus reverendi viri sententiam veram, et (ut aiunt) in ipsam pelibus imus. Cognoscimus errata quæ dicitis; inimicum vocet aliquis accusantem, et tragico nomine appellet contumeliam non mentem. Dehinc subjunctam questionem rhetorica argumentatione fibula monordistis, addendo, allegando: Testis est Romana civitas. Si omnes episcopi senes et debiles convenerunt, ecce orationem veri nervis nitentem, et ipsi Cepasio preferendum nitore sermonum. Ergo qui se ætate valentes, et corpore imbecilles esse dixerunt, ipsi se ineptos judicio esse testantur, quoniam membrorum se dixerunt jam sustinere disperdia, maxime si hoc ingere-  
re clementissimi Domini auribus præsumpserunt. Vos putatis ab universis Dei conspectibus pulsi illorum virorum more congressuum ubique narranda confundi, et apud principem de collectione pontificum alios prætulisse sermonem, nisi quos ætatis maturitas erudiendæ loquæ fecit auctores, quibus anni veteres reverentiam contulerunt, qui putabant bonorum meritorum suffragio in longum fuisse servati. Ipsos ergo de gravidæ ætatis fatigationibus queri deiecit, quos ætas jusserat allegare. Viri optimi, subditis ex præceptis regis evocationis causam fuisse jam cognitam, et Italie summa moderantem non fuisse, quasi de novo negotio consensum, plus

A chartæ et scriptioni religionis debitum quam præsentia principali. Nullus ergo in prædicto negotio titulus remanserat, ad cuius inquisitionem pergentes illud jure præloquerentur exordium. Ex hinc digressi bonarum rerum in rege laudatis affectum, et colitis verbis innocentiam quam actibus ignoratis. Si tamen cultus est in loquela vestra, quam scabroso vomere velut agentes per devium arata proscinditis macenti solo zizania et lolia commendantes, recepturi pro tali impendio paleas quibus gehennæ in perniciem vestram animetur ignis. Sed nunc ut quidam fertur dixisse, quæ quibus anteferam? Contra Apostolum dicitis impugnatores summi pontificis non auditos, qui cœlestis mandati memores partem suam a consortio adulteri subdixerunt. Illic non incesso ignorantiam rimosam memoriam non accuso. Nolo dicere quod propheta verba Apostolo contulistis, quia novi et ipsos apostolos recte vocari, quos missos esse non nescio. David enim dicit: « Furem videbas, et currebas cum eo, et cum adulteris portionem tuam ponebas (Psal. xliix, 18). » Deinde quis se de illa vestra enodem faciat questionem qua dicitis in criminibus objectis quod non excluditur, approbatur? Et vocem Romanæ Ecclesiæ militibus congruentem, in qua nescias, utrum prius nitorem prædices, an saporem. Putasne audistis legi, quod justum est juste exsequeris? Audistis de malefactis hominum, si tamen aliquando conversatio humana vos tenuit, quidquid non suis ordinibus approbatur excludi? Ubi est illud propheta? « Dominus ad iudicium veniet cum senibus populi sui (Isa. m, 14), » et de vobis dictum: peccatum suum quasi Sodoma  
250 prædicaverunt: vae animabus eorum? Sed quid facto opus est, quoties desperatis nulla medela succurrit, nisi implorandus est Dominus qui promisit per Prophetam futurum se super omnem superbum et excelsum, et super arrogantem, ut humilietur? Sed fetidum opus vestigiis insequar et ferrata si possum, calce contundam. Ut vere dicam res cum re, causa cum causa, ratio cum ea quam putant ratione pugnabit. Oblucos sacerdotes præceptionibus regis allegatis, et quoddam sacrilegium creditis, mali aliqui cum cœlestem nesciatis de terreni Domini jussione sentiri, opponendo quis regi debuit dicere, papam synodum oportuisse convocare? Certe quod in hac parte constat exemplum illum præcipue qui criminosis multorum propositionibus jam jacebat, quem hoc fuerat damnare, quod argui, cui prærogativam cœlestis ascriptam hostium suorum jam obloquio tulisset. Ad hanc vos elementiam malorum actuum per gradus suos incrementa traxerunt, ut hoc credatis esse lacessere quod convincere, nec apud vos habeant a veritate doctrinam, odia quæ plerumque contra meritum impediti studiis, non rationi obsequentia vota concinnant. Ubi est illud: « Priusquam agnoscas ne adjudices quemquam (Eccli. xi, 7). » Olim vos accepit grex positus in sinistra collegas, apud quos ex præjudicio exceperisse sententiam creditur, qui meruit ad examen adduci et hoc est reum existere quod libram disceptationis intrare. Præloctioni tamen optime divinum subdidistis exemplum, quod ita quadratis constat alloquiis, ut ipsum in eo Chrysippum tenere lineam putes. Peccatori dicit Deus: « Quare tu enarras justitias meas? » (Psal. xliix, 16.) Illic dicto conserentes quasi ad sacerdotis apostrophen, qui beati Petri apostoli vicarius æstimatur: prohibetis archiatrum ejus corpori asferre medicinam. Quomodo vos animæ ejus curationem exhibere renuitis? Magnum per divina ridiculum, an maxima lamenta sint nescio. Vos alienæ febri curam queritis, vos fatiscienti animæ medelam adhibere cupitis, et in lethi proximitate positi, vestri immemores, de alterius salate tractatis; quid si illud vere vobis a propheta dictum sit: « Nunquid parum vobis est quod molesti estis hominibus: quia molesti estis et Deo meo (Isa. vii, 15). » Et iterum: « Medice, cura teipsum (Luc. iv, 27). » Sed hinc alias novimus, quia sanari non



potest, conclamatus et improbus in profundum deveniens mira temeritate contemnit. Sed credo vivit in istis, et in male conversationis suae morte concilium, et potest optare quis alteri, quod ipse jam perdidit. Nunc recte vobis cum propheta dicimus: Omnia quae loquitur populus iste iuratio est, et timorem ejus ne timeatis, neque formidetis. Procul sit a nobis, facessat a nobis qui in nobis est pruritus iste linguarum quos vere idem propheta arguit: Scribentes injustitiam scripserunt. Non nos beatum Petrum sicut dicitis a Domino cum sedis privilegiis, vel successores ejus peccandi judicamus licentiam suscepisse, ille perennem meritorem dotem cum hereditate innocentiae misit ad posteros. Quod illi concessam est pro actuum luce, ad illos pertinet quos par conversationis splendor illuminat. Quis enim sanctum esse dubitet, quem apex tantae dignitatis attollit? In quo si desunt bona acquisita per meritum sufficiunt quae a loci decessore praestantur. Aut enim claros ad haec fastigia erigit, aut qui eriguntur, illustrat. Praenoscit enim quid ecclesiarum fundamento sit habile, super quod ipsa moles innititur. Sed hinc actibus nostris coelestem potentiam putatis esse suffragio, quod ad praesidium beati Petri apostoli adjutricem, ut dicitis, dexteram commodatis. Nascitis solem facibus non advari, nec ad praesidium diurnae lucis lychnos accendi. Scriptum est enim: «Scrutatur renes et corda Deus (Psal. vii, 10).» Sed in illa potestate quis argumentis audeat vestris respondere, nisi quia sine arte dicitur verum et fides mendacio sermonum et chus assuitur? Cur (inquiunt) ad principem convenistis, si audiri non licebat impetum? Sic vos in stuporem pecualem peccati nebula, aut divinus horror oblimat, ut verecundam excusationem, aut fraude mens vestra transeat, aut belluarum pressa hebetudine non agnoscat. An forte aliud putatis fuisse, quod dictum est ipsum debuisset synodum convocare, cujus opus erat officio ut vos videlicet per pontificale examen divina sententia praecelleret, et quos a capitis sui compage in salutis detrimento insanus furor abscederat. Post Esau mentionem operi vestro nescio verbis an latratibus indidistis, comparantes ei antistitem vestrum qui senioris naturae beneficium unius cibi commutatione perdiderit, et primogeniti canam dignitatem amiserit faucibus obsequendo. Ad ista quid referam, qui ex omni obsectorum parte concludor? Quis, rogo, vestrum Symmacho benedictionem, dum patri plus deservit, eripuit? Cui tantorum munerum Jacob vice est collata nobilitas? Quis ex vobis caeci parentis desiderii pariturs occurrit? Quis vestrum devotione sua genitorem venerabilem capium oculis nulla fecit lucis damna sentire? Nonne collatione tenebrarum vestrarum nox putatur per sudum rutilans iubar ostendere? Et omnis obscuritas actibus vestris collata decorem solis assumi. Praeterea tunc Jacob quamvis congruentem moribus filii benedictionem tamen contulit jam promissam. Nunc quid his longius immoramur, cum docendi non sint, qui calces stimulis intulerant? Credite mihi, pacis inimica sunt, impugnationi non sunt idonea quae profertis. Sed sequitur vinculum cum aenigmate quod nescio, qua replicationis arte solvamus. Tullianae enim profunditatis pelagus ingressi cymbalum nostrae sterilitatis quae stationem flatibus per litorum incerta transmittunt. In qua tamen Christo clavum tenente portum ingrediari, et sigillatim de turbinibus vestris universa discutiam, habiturus in ductu illorum facultatem, non meam. Aiunt enim: Si vera episcoporum assertio est, sedis apostolicae praesulem minorum nunquam subjacuisse sententiae, cur ad iudicium districta conventionem perductus est. Multum quidem annosa hic in vobis laborat infantia. Cui ille advocandus est, qui ineluctata nobiscum semper pondus propositionis exsuperat, cum manifeste pro sacerdotibus cum propheta clamitem: «Nonquid gladiabitur securis contra eum qui secat in ea, aut exaltabitur serra contra eum qui trahit eam (Isa. x, 15),» ut

A sit mihi illud suffragio divinum oraeculum. Quomodo si cessavit exactor, tributum quiescit, ita contrivit Dominus baculum impiorum. Tribue, Domine, quod praedixisti in illum, ut sicut errat ebrius et vomens, ita pereat incredulus, qui infideliter agit. Propter hoc propheta vobis insultans vociferatur: «Audite verbum Domini, viri illusores (Isa. xxviii, 14),» quisquam ne causarum ex praecognitione sancit eventum, et rabidis terminum positura conflictibus sic metitur, ut pernix decisio dum inquisitione esse senior innotescit, anticipet, favorem censentis accuset. Nunc paulisper ore actibus annis indignus, pontificali voce vos arguam. Nos qui statuta nostra non una apud vos volumus lance constare, quibus de impugnatorum qualitate lati sunt canones, apud quos nefas est cana Patrum definita transcendere, quibus scriptum est in Carthaginensi concilio. Quod apostolicae sedis per Faustum episcopum qui tunc ab ea missus interfuit, probavit auctoritas; accusatoribus de inimici domo prodeuntibus non credendum, in quibus odio successa vicinitas, per nutrimenta arida flammam persecutionum exsuscitat, et universam doli fabricam sumptu, et machinis coherentibus secreta dispositione componit. Istos quae domus exomeret, qui scire potuisset nostra collectio, nisi praesentes? et impugnationis qualitem, unde nisi ex scripta propositione didicisset? in quibus sentinam criminum, dum simulato fuerunt persecutionem se debere criminibus agnovisset.

B Post illa quae de accusatoribus prolata sunt, addidistis: Cur personae iussae sunt presentari quas saepe imperialis flagitasset auctoritas. Ad defraudationem ingenii pertinere ejus qui nunc in sede apostolica quasi in quadam arce consistit. Vere vobis dicit Sapia: «Homo infirmus et exigui temporis ad intellectum non perveniet, sed laboret ut sciat quod acceptum sit apud Dominum (Sap. ix, 5).» Et iterum dicunt Proverbia: O lit se qui negligit studia. Imperitis enim obviat mors. Quid enim illam quae in pervia scientia descendit, ignorantiam fingitis? C Quid adhibetis mira latrocinandi arte falsitatem, vel dolositatum praestigia, simplicitatem fronte monstrando? De vobis nunc dictum est: Qui loquitur mendacium, ex propriis loquitur. Istam laetitiae faciem, ex judiciorum censura venientem callida provisione sacerdotis vestri oculis abstulistis, ut eum talibus adversus acies vestras instructum munitionibus et innocentiae in testimonio orbis tela deferentes ab ipsis judiciorum adytis pelleretis, providentes ut nec sine impugnatione insons viveret, nec haberet solatium de incorrupta iudicium inquisitione pulsatus. Vos praefato et dedistis et invidistis examen, cum uno eodemque itinere a vobis disceputationum dubia subire, et prohibetur, et cogitur, et per singularem callem, ad causam arcendus evocatur, non manifestam salutem, aut non lacessitus obtineret, aut subriperet absolutus. Adolescentiae meae memini me legisse temporibus de quodam dictum: Exsili exilium imperas, nec das. Vos propheta impetit sententia: «Isti sunt viri qui conturbaverunt terram, et qui concusserunt regna (Isa. xiv, 16).» Et iterum: «Excidentur ramusculi eorum faucibus, et quae derelicta fuerint, abscidentur (Isa. xlviii, 5).» Et rursus: «Dum non speratis veniet contritio vestra, et commineatur sicut lagena figuli multitudo vestra (Isa. xxx, 13, 14).» Nec non propheta ad hanc causam specialiter locutus intonat: «Dominus inclinavit manum suam, et corruet qui fert malis auxilium, et cadet, cui prestat auxilium, simulque omnes consumerunt (Isa. xxxi, 5).» Redeo tamen post multa exemplorum suffragia ad novellas cononum definitiones. Clamat in alio loco Carthaginense concilium, quascunque ad accusationem personas leges publicae non admittunt his impugnandi alterum, et nos licentiam submovemus, et nulla accusationes a iudicibus audiantur ecclesiasticis quae legibus saeculi prohibentur. Quero a vobis viri quibus indita est ad arguendum

posita polita perfectio, ejus conditionis fuerint ista A  
municipia quæ postulata scriptis principalibus intimastis, si ea servilis adhuc in potestate alterius catena retinebat, et nulla obscenæ obligationis compedibus vestigia in libertatem missa laxabant vel vobis disceptantibus fidem aliquam prædictorum verba portassent? Sed, credo, replicabitis veritatem quæ sponte prolata in illis vox habere non poterat, hanc diversis cruciatibus est latebris suis religiosus tortor exegerat, ut dum pœnis corpora solverentur, quæ gesta fuisse noverat, anima non celaret. Sed, quæso, primum ad leges publicas deinde ad iudices ora convertite, qui possunt in defensione sua sic eloqui, nos quos Dei servitium pro istarum rerum abjectione fecit ingenuos, qui servulorum insultantium contumelias aut despiciunt, aut ridemus; quibus scriptum est de famulis per Apostolum: «Memento quia vester et illorum Dominus in cœlis est (Ephes. vi, 9).» Ad hæc sæculi mala revocabimur, faciendum a nobis est, quod facientem alterum profanum esse contendimus, quod per ministerium jussionis, et manus aliene incestaret aspectum vestrum nostro perageretur imperio. Nolite hanc ad universas Ecclesiæ mentem rapacium luporum more et natura servare, quia postquam nos maculasset forte pro desideriis vestris cruenta discussio effectum in his quo tenditis non haberet. Sed dicente vobis Propheta: «Ponamus circulum in raribus vestris, et frenum in labiis, et reducamus vos in viam qua venistis (IV Reg. xix, 28).» Qui eodem propheta asserente impugnamini qui dicit: «Erunť quasi non s'nt, et peribunt viri qui contradicunt vobis (Isa. xli, 11).»

Iloc etiam novo adversum nos subdidistis invento ipsum Dominum, et redemptorem nostrum servorum subisse judicia, et cœli operatorem particulæ cui-dam sponte subiacuisse terrenæ, dum testatur, et loquitur: «O Juda et Hierusalem, judicate inter me, et inter vineam meam (Isa. v, 3).» hoc etiam beatum Petrum, hoc Paulum apostolum non horruisse narratis, et illam vestram elegantiam ad jus pertrahitis exemplorum 251 nexibus præcedentem quasi vobis in hac parte remanserit, cum renitente contentio, et validis faciendæ vestræ digitis exigantur oblata. Samuel enim etiam prophetam mirificum de conscientie suæ serenitate vulgi dicitis implorasse testimonium. Quid enim Samuel dixit? Scire Dominum quod nullus unquam substantiam, nullus pecus abegisset, adversatum se muneribus et quod est supra hominem sponte venientia dona vitasse, providens scilicet ne pro suspicionem præjudicio (3) Homirius damna pateretur. Postremum sub divina attestatione patefecit innocentiam, ne humanum subiret examen. Redemptoris nostri judicium quod inter se et vineam suam optat evenire, dum vestra in præsentī negotio mala respicit, magis implorat S. Athanasius Alexandrinæ urbis episcopus, dum participum vestrorum argueret invidia agnoscens sibi per contumeliarum multitudinem exercitum contingere non timorem, vere ad coronæ pretium junxit, quod de dignitate submisit, et ante cœlestem de absolute sententiam personam rei innocentie bonus æstimator implevit, sic enim milites Christi sudore suo honorum sibi incrementa parturiunt, dum concessa fastigia celsiore humilitate castigant, inde laudum cumulos mercaturi, unde indepta culmina sublimi parcitate moderantur. Sed quamvis beatum Athanasium Romano antistiti quantum nosse datur imparem, locus ostendat? Facto tamen in negotiis comparantur; ille præsto fuit iudicibus, iste quantum et vos dicitis advocavit, ille intentatam discussionem ut Dei famulus non refugit, iste triumphum suum in discussorum collectione constituit. Sed quid his longis collationibus immoramur? judicia et iste voluit, amavit, attraxit, ingressus est, et quod posset fidelium corda doloris justī aculeis excitare venerando concilio, auctoritatem etiam contra se, si mereretur,

indulsit. Quis in hac allegationis ipsius fronte nesciret, fultum ad coepiscopos puritatis testimoniis convenisse, qui hoc quod restrictionem eorum minus licebat, exhorruit, æstimans illud magis quolibet modo labefactandum quod statuisset censor invalidus. Quid præfatum incessistis canina loquacitate? Quid læditis non mœrentem? Votum ejus est, quod vestrum putatis esse terrorem. Sed astinor in vobis quam in Athanasii adversariis novelli virus serpentis insibilat. Illi nescierunt quod optime calletis qualiter triumphus tolleretur impetito; illi provocatum: Ne audiendus occurreret formidabant. Vos morem quem habebant examinari non ferentes, venientes jaculis repulistis, et tedium vobis de sententia præparatum, ulticium armorum assumptione commutastis. O malorum commemoratio, quæ vocem et præstat et subruit, dum illos quos in clamorem coegerit, eorum etiam gravitate facti verba confundit! Quis patiat vobis æquo animo garrientes? Ergo nos secundum assertionem vestram novellæ utilitatis commoda non amamus, dum definitis senioribus præstare obsequium. Illic tota ingenii vela suspenditis, hic resupinæ cervicis ex secessu pectoris quidquid habuit spiritus flaminis ructus evomit. Aiunt enim: Moysi a vobis jejunia et Elisei miracula, quæ egit dum mortuum suscitavit, si annosa tantum sectamini, confundantur. Quid hic rationis invenit scrutator idoneus? Non si auri pallidus inquisitor occurrat in sensibus vestris latentium venarum motus inveniet, et insuetis lucem latebris sermonum fossor admittet. Idcirco ergo cana miracula non probamus, si juvenilibus consensum non præbemus excessibus. Si servum Domino discipulum magistro evangelii minores subjungamus, quidquid potuit prodesse negligimus. Alia sunt improbiis hominum quæ ad usum recentem sine injuria vetustatis adhibemus. Novam deinde culpam, et quam investigatio nostra transierat, reclusistis: quare papa sine exempli instituto præcedentis synodum convocavit, ut de criminum ejus objectione cognosceret.

Post hæc nos falsitatis arguitis coram principe, Quæ in præfato negotio scripta sunt, didicimus postulata. Præsta, Domine, ut labyrinthi hujus sine errore sinuosus superemus anfractus: dirige semitam quam flexibilis coluber juxta fabricam proprii corporis aut mentis operatur, ut vere dicamus: Dominus virtutum nobiscum, adjutor noster Deus Jacob (Psal. xlv, 8). Et cum Salomone exsultemus dicente: «Equus paratur ad diem belli, apud Dominum autem est omne præsidium (Prov. xxi, 31).» Supervacuum quidem est absurdus respondere propositionibus, dicente propheta: «Ne respondeas imprudenti ad imprudentiam ejus (Prov. xxvi, 4).» Sed si quod contemptus transierit, vereor ne quasi validus putetur; non tetigisse formido. Melius nobis est cum beato Paulo insultationis causas incidere, et plena voce testari: «Factus sum insipiens, vos me coegistis (II Cor. xii, 11).» Hoccine ergo nullo constabat exemplo, ut sacerdotum papa concilium convocaret, cujus arbitrium est collectio synodalis, aut parva erant quæ de vestris cum hac multitudine facinoribus damnarentur? Nonne directa sunt verba canonum? Quicunque clericorum ab episcopo suo ante sententiæ tempus pro dubia suspitione discesserit, manifestam in eum manere censuram. Hujus rei ad ministerium devotum Deo oportuit agmen occurrere, ut perditū et profligatū gregis ulceribus medicorum exercitus subveniret, quia quoties morborum violentia celeri gressu ad animæ secreta festinat, obvias manus albere non potest salutare consilium, nisi ex collatione multorum. Nam et hoc a rege vestra poscit allegatio, ut abscissis clericorum præjudiciis de accusatorum papa merito per humanum os superum judicaret imperium.

Videamus tamen, si placet, et illas disputatoris didascalici libelli vestri relegamus argutias. Habenti-

(3) Sic ed. Merlini; alias, *opinionis*.



bus etiam nobis ante oculos Patrum sanctiones, quibus excessuum vestrorum scintilla ponderetur, lex ecclesiastica pontificem ab aliis accusatum priusquam sub luce objecta consulerint, exigit non relinquit. Vos divini vero utputa juris memores, quia levia errata despicitis qui peccati nobilitate gaudetis ne una vos ex desertione sacerdotis culpa respiceret, accusatis cum incrementis delictorum. Ad hanc vos valetudinem, ille qui est praevisus ves'er adduxit, ut post desolatum, post impetum pontificem, sine ulius rigore sententiae totius pene Italia improbandam antistitem crederetis esse censuram. Quomodo quidam dixit de cohorte vestra : festinantem animum morti credidit vestri. Potestne mens indocilis criminum jam ditata successibus et detestabili proposito volut effata ferri? Ille vos his locupletes malis effecit cui elationum copiae opes angelicas sustulerunt, et divinum censum nocendi quod exuberat thesaurus invidit. Sed promissionis memores universa quae operi ipsorum recolimus, inserta tangamus. Arguitur stylo splendidissimo papa Symmachus, quare conventionem praeveniens, cum populorum coetibus examine intravit, et post iudicia cum evocatus quater fuisset, spreverit. Sic a vobis veri discessit affectio, ut mendaciorum nebulis urbis testimonium puteis involvi, et fallaciae periculo depicta verba, plus virum credatis habere quam veritatem Roma, quam retinet. Ergone ille disceptationem vel importunus adiit, vel expectatum aufugit? Ergone illam multitudinem devota plebis non pro fidei diligentia Christiana magis expectatio, quam furor evocavit? Quisquam ne ad inferendam violentiam currens lacrymas comites habet, et qui studet esse formidini vultum timentis ostendit? Multitudo illa vineta sacerdotis officii altitudo ad nos lamenta, non iacula, nec venit telorum minax, sed fletibus miserabilis, una tantum intentionem vestram ostentatione gravatura, quia uberibus oculorum fluminibus demonstrabat quam esset per acerbitationem vestram conditione dolenda pulsati et in sobrietate venerandi examinis, afflictione propria commendabat, quem voce non poterat. Sed habetis manifestum ex hac re qui bilem furor accendat, qui pene absolutus ad iudicia venit, pro quo oib' illacrymat, et dum rebus extraneam in praedictum invidiam sermone colligitis, paulisper reverentiae vestrae diu cervix superba submittitur. Sacram enim congregationem tunc vocatis, quando extinctorem nostrum Symmachum vultis asserere, et crudeli pietate honori nostro putatis accrescere, quod residuas in ecclesiarum arce perdidit. Nos ita non solum non sensimus, sed diversa sentimus. Ad alios magis tutelae vestrae venena convertite. Non habet testimonium defensoris, qui repugnanti impendit oris obsequium. Perdit quam esse putat beneficii gratiam, qui aliquid praestat invito, quia non est munus, nisi quod velis accipere. Nunc longa non opus est admonitione jam perditis; odium debemus operi de cuius jam non superest quod damnetur auctoribus. Mulierum turbas asseritis urbanis coloribus cum praefato ad iudicia convenisse et illa vestra subtilitate ostendit sicut qui majorem antistiti debuisset affectum; profanissimi hominum scriptum retineo : Aliud est dicere male, aliud accusare. Et prophetam dixisse : Probantes verbum sperastis in calumnia, et in tumultu, et estis in eo. Propterea erit vobis iniquitas haec sicut interruptio, quia pro nobis dicit Deus (*Isa. xxx, 12, 13*). Eos qui iudicant vos iudicabo. Et iterum ad servos suos dicit : Nolite timere opprobrium hominum, et blasphemiam eorum ne metuatis (*Muth. x, 26*). Rursum etiam vobis clamat : Accedite huc semen adulterii et fornicarii, super quem insistis, super quem dilatatis os, et eiecistis linguam? Nunquid non vos filii scelesti estis semen mendax? (*Isa. lviii, 3-4*). Quae quibus copulatis advertite. Dicatis in dicta causa defensoribus papa discessit; fori vobis in praesenti negotio et platearum quarum estis hypocrite exempla proponentes : Nobis

A scriptum est, per Paulum apostolum : « Quibus crucifixus est mundus (*Gal. vi, 14*). » Quid illis cum foro? Sed ista nescitis, aut quod est gravius nota contemnitis. Peregrinum credo aliquid, et a ratione separatum postulans papa discessit. Nonne hoc speraverit pro statu labentis Ecclesiae pastoralis cura constrictus, quod et religiosa providentia, et causae ipsius ordo flagitabat? Quae enim iudiciorum forma praecesserat ut vobis hostiliter disruptis etiam per suggestionem vestram, sublatis Ecclesiae opibus, qui diu fuerat cibus esurientium, famis mancipium videretur affectus, dum alimentis distributor egebat, ut fieret in dominatu servitus, et in servitute dominatus; usque hoc qualitas praecedentis aevi per memoriam in medium transacta redibat, qualiter habuit effici ex censura convictus indicatio in quo causam adjudicatur, praecedebat. Non fuit privilegium, quo spoliari potuit jam nudatus; unum vobis putatis residere in sacra collectione subsidium, ut ad tuendum immanitatem criminum sacerdotes vobis comites iungeritis, et fieret impunitum facinus pollutione multorum; nusquam convenienti tempore censor asciscitur, quia ad decimum pene negotium convocantur criminosi. Et si est meritum, tollit accusator, qui in eo plus furori suo vult licere quam iudici. Dicit enim vobis impetens propheta : « Haec est pars eorum qui vastaverunt nos, et sors diripientium nos (*Isa. xvii, 14*). » — « Item angeli veloces ad gregem convulsum et dilaceratum ad populum terribilem (*Isa. xlviii, 2*). » Ad vos angelus missus est, scilicet per sacerdotes, quorum voce ac merito proferenda Christo dona suscipiunt, et placato dominante impetrata a mortalibus vota concedunt, per quos vobis oblata sunt munera repudiata concordiae, qui poenam morientibus delectationis praemia detulerunt, qui dum se considerant in nullo quod merebamini respexerunt. Quis enim (inquit) vidit cum accusatoribus suis aperta (ut aiunt) pugna configere? Imprudentissimi omnium qui cum quibus vultis decertare, respicite, et utriusque partis si quid salutis in vobis resedit, loca, tempora, et personas attendite, et si vos nefarie congesta cordis adhuc pravi non subegit opulencia, oculos ad Dominum paulisper attollite, et vel brevi tempore sinistri monitoris iussa contemnite. Agnoscite **252** summi regis praecceptionibus vos in his quae merito plectenda sunt non muniri, quia quamvis responsi qualitatem dicent dogmata postulata et petitio, dum existit, praevia quae sunt seculura describat. Nunquam tamen casibus vestris libera regnantis verba cepistis, nunquam desideritis per aucupiam calliditatis imperialia vobis scripta militarunt. Quoties vanis hiatibus nocendi inefficax morsus increpuit, toties de accusato quidquid spe tenuistis effugit, et vacuos imago praesumptione occupata deseruit. Deo gratias quae hanc, providentiam indidit ei cui rerum humanarum summam commisit. Spes certa quietis est, et salutis, perfecta in gubernatore sapientia. Puppis, cuius magister ad clavi regimen intellectus dote praeparatur, ubique stationem ubique portum habet in fluctibus. Certa generalitatis securitas quando republicam nobilibus regit artibus institutus. Sit imperatoris nostri caelo infusa dispensatio obviam manum famosis in fulgendo ingeniis exhibere. Labore apud eum non opus est, quem sortita est olim nuda veritas defensore. Cessent impia commentitia apud illum simplicitatem fraude mentiri, quidquid sit, dum iustitiam noverit, mox teneatur. Nihil apud praedictum tutius innocentia est; lectione valida utitur quia aequitati res congruenter insinuat. Quae gravis est plerumque principibus impugnationi minus fidelium blanditis non ligatur. Sed haec Deo narrantur melius a quo frugis huius planta descendit.

Ad vos me reducit propositi operis non amica conditio, quam melioribus hactenus operam volui pervagari sermonibus, dum captivum orationem exigit imperiosa necessitas. Dixistis enim : Quomodo de ea vel qualitate ejus primitus tractabitis, etiam

nunc dum haberet synodus firmitatem. O frontem dictionis immundæ, et faciem libelli, quam non sola maculavit imperitia. Tractatus nostri provinciam et narratis et queritis. Hinc eramus nempe dubii, quia quemadmodum loquimini, non habebat synodus firmitatem. Transibat negotii qualitas audituros et plus adhuc remanserat in reverentia pulsati, quam esset in integritate collegii. Deinde post questionum tormenti venerabilem Laurentium, et Petrum episcopos a communione papæ se suspendisse replicatis, et quidquid providit cautio convocationum ducitis ad crimen impetiti. Ullone ergo tempore dum celebrarentur ab his sacra missarum a nominis ejus commemoratione cessatum est? Unquam pro desideriis vestris sine ritu catholico et cano more semiplenas nominati antistites hostias obtulerunt. Aliquando quod capiti vestro ascribatur, facta est apud Dominum offensæ per gratiam, et exstitit nutrix peccati veniæ mater oblatio; fuerunt quedam corporis tantum conventionem separati, quos loqueris, animarum tamen presentiam non vitarunt. Si eo putas a consortio motu dissociatos quos fibula religionis pia mordente conjungit procul te ab ætimatione catholica culparum duxit affectus. Mandati cœlestis obauditio nos aut miscet, aut separat. Non interest quæ intervalla nos congregent, si uno in superna mansionem conclavi retinemur. Vere hinc convincimus esse servos vos ventris et corporis, et per hanc sententiæ vestræ vilitatem declaratis, mancipia vos esse terrena. Scriptum est enim: « Animalis homo non percipit ea quæ sunt spiritus (I Cor. II, 14). » Post hæc versis in fugam ordinibus lymphatici more sermones addidisti: Ergo concilia sacerdotum ecclesiasticis legibus quotannis decreta per provincias, quia presentiam papæ non habent validitatem, perdidit. Legite, insanissimum, aliquando in illis præter apostolici apicis sanctionem aliquid constitutum, et non de majoribus negotiis ad collationem, si quid occurrerit, prælatæ sedis arbitrio fuisse servatum. Sic enim habes: Si quis episcoporum judicio provinciali depositus fuerit, Romanum papam, si placet, rursus appellet, et ipse, si videtur, reparet judicia in oblatione damnati. Ecce enode est quod ad laqueum preparastis, nisi forte arctissimis in illa parte nexibus astringamur, et replicationum nobis itinera non pateant, dum callis ante prævisi idem et his novella interclusione vestitur, his enim nos eloquii vepribus dum gradimur, per plana retinetis, cum dicitis Jesum principem, quare attributum visitatorem contra ecclesiasticas regulas prima volumus fronte discedere, et nihil amplius liceret hunc vitis ne ducesceret lolium, ne profana messis nulla discipline ante maturitatem succisa falce decumberet, et putaretur non licere quod iudices non vetabant. Unde ex aperto constat nulla vos extra præstantiam piissimi regis quam frustra desideratis noxæ copulari, exemplorum auctoritate fulciri.

Superest ut et ipsum doceam in his excessibus quod bono universalitatis contigit non teneri, quia directum non occasione litis, nec fomitem jurgii, sed causam voluit esse concordie, prævidens scilicet quod nisi simplicem jussionum suarum tutelam valeret, cito in escam dissidii toxica vestra subirent. Scriptum est enim: Vir simplex credit omni verbo, ideoque mandati limitem fixit, quem nulla liceret transgressionem violari, præfatum ad beati Petri basilicam mox Romam fuisset perductus, mandavit occurrere faciens de sacerdotis voto regis imperium. Quis enim non putaret pontificem sponte paritarum, in ea parte quam licere sibi princeps non ere li it, etiam si vetaret, ibique papam ab eo salutatum ore jussit affari, ut traderet coepiscopus mancipia nullis subleuda tormentis; servanda profecto ad inspectionem synodalis examinis. O castitatem præcepti quæ dum faciem presentibus præferret temporibus, in umbram cogit antiquam quæ rapit lumen veteribus in auspiciis splendore novitatis.

A Quis hoc lingua dives, quanquam merito pauper vel opinionis fabricator adjunxit quis taliter commendatiliis laudibus locupletavit fama Dominum actuum suorum veritate mendicem? Non derogo vobis descriptoribus, quorum beneficium contigit ornata ad nos majorum gesta perducere, sed Dei beneficia non tacebo, quia princeps noster rebus superat decora sermonum obnoxiam linguis gloriam munerabilis causarum trutinatore inspexerit, ut cum petitioni vestræ effectus artifex præstaretur, in omnibus tamen jura ecclesiastica custodiret. Quæ ad hanc æstimationem, quamvis acutiora cæteris corda sufficiunt uno tempore, una scriptione, sine æquitatis detrimento desideria vestra suppletur, et eadem charta ad ministerium religionis, et vestrum destinatur ad gaudium, boni enim prævidit principis inquisitio servilem assertionem innocentis examine non probandam. In electione enim venerandorum judicum ipse accusantes extra ordinem repulit, ipse ad spem retulit accusatum. Videamus tamen ista si facta sunt, si Dei inimici, etiam terreni Domini non fuistis, dum Christum et regem parili temeritate despiciatis, et unus vobis ad utramque contumeliam ductus est criminum. Destinatos antistes ab ipso complendæ jussionis confinio oris vestri spiritus abripitur, et ad incentivam confusionis aptatur. Qui paci militaturus advenerat, invisit beati apostoli liminibus, ad usum furoris vestri jam nescius sui advocatur, et illud quod ex omnibus orbis cardinibus devotos attrahit positum in vicinitate transitur, ecclesiarum fundamentum adire non permittitur, structuram mediocris tunc spei bonorum fructuum perdidit a radice separatus. Dicitis forsitan apostoli genio decerpi, si putatur cœli civis terrarum locis includi. Tamen quamvis benedictio poscentibus ubique præstetur, et exigit præsentiam martyris fides, et devotio supplicantis, negari non potest diligentie natali solo suo plus tribui, et majorem affectum loca impetrare, de quibus ad superna transitur. Quam fidem allegationi curationum multitudinem jam præstitit, et utitur post obsidionem diabolicam, testibus jam sanatis. Hæc licet per redemptorem nostrum in toto orbe celebrentur, est tamen non modica monumenti illius per frequentiam comparata nobilitas, quia per eum qui hominem mutavit in angelum, illustrari potuit natura telluris. Hanc visitatori vestro invidistis, gratiam, æstimantes quia errorum vestrorum sectator esse desisteret, si reverendæ passionis penetralia contigisset. Ecce non habetis in regia auctoritate subsidium. Ecce post cœlestem commotionem juste vos et principalis, quam sperni fecistis, censura percellit.

Videamus si superest aliqua de regulari propositione defensio. Visitatores inquit, et alii episcopos dedit ipse, et justum est, ut facti sui lege teneatur, non vos in hoc titulo falsitatis incesso, et diu mendacis adherentia verba non arguo. Dico tamen latorem juris diffinitionis suæ, nisi velit terminis non includi, et nisi princeps fastigii summa moderetur, frustra ad illud de clericis quod dederit, ipse vocatur. Lex prohibitæ et mentis est quæ hominem viventem sine lege castigat, propriis moribus impendit, quia necessitati non debet disciplinam. Aliorum forte hominum causas Deus voluerit per homines terminare, sed istius præsulis suo sine questione reservavit arbitrio, voluit beati Petri apostoli successores cœlo tantum debere innocentiam, et subtilissimam discussoris indagini inviolatam exhibere conscientiam. Nolite æstimare eas animas de inquisitoribus non habere formidinem quas Deus præ cæteris suo reservavit examini. Non habet apud illum reus de allegationis nitore subsidium, quando ipso factorum utitur teste; quo iudice, dicas forsitan, omnium animarum talis erit in illa disceptatione conditio. Replicabo uni dictum: Tu es Petrus et super hanc petram ædificabo Ecclesiam meam, et quæcunque solveris super terram, erunt soluta et in cœlo (Matth. xvi, 18, 19). Et rursus sanctorum voce pontificum di-



gnitatem sedis ejus factam toto orbe venerabilem, dum illi quidquid fidelium est, ubique submittitur, dum totius corporis caput esse designatur, de qua mihi videtur dictum per prophetam: Si hic humiliatur, ad cuius confugietis auxilium, et ubi relinquitis gloriam vestram? Quid si immunda mihi labia habenti, et nullis succensa carbonibus, ut Isaie concessum est, ut his ablatis ipsum ad possessionis suae tuenda privilegia Petrum apostolum liceret evocare, quod ait precibus humana voce loqueretur? Quem si audiretis, hæc diceret: « Filii hominum usquequo graves corde, ut quid diligitis vanitatem et queritis incedacium. Scitote quoniam mirificavit Dominus Sanctum suum (*Psal.* iv, 3-4). » Quid stabilita Christi manibus cupitis fundamenta subruere? Dehonestat venerandi reverentiam nominis, qui adiutorem se in his quæ Deum jactat commissa pollicetur. Contumelie genus est quasi in solatio adesse sublimi, juxta Apostolum: « Tu quis es, qui judicas alienam servum (*Rom.* xiv, 4). » Quid auribus imperitis illuditis, et graviorem vindictæ speciem facitis esse quam culpæ? Si odium debetis excessibus vos munde. Cur liberior condemnatis scelera quam vitetis? Sui impugnator est, qui fornicationis officii urget adulteria, et per animarum stupra carnis accusat. Scriptum nempe retinetis: « Maledicti omnes qui fornicantur abs te (*Psal.* lxxii, 27). » Fœdera ergo a nitore Domini sui obligatione dissolvitur, qui statutus celestibus minus mera fidei dependit officia; possessionis vestre, vobis ut video claritas movit invidiam quam simulata in mali possessoris indignatione transfertis, dum desudatis impendiis. Arcem qua fuistis conspicui, crebris labefactatam ictibus, nisi obsisterem, propostis subruere et cœlo stabilitam machinam quanta sit obtendere per ruinam. Nolite præstolari de clade vestram victoriam; nolite triumphum superando perdere meis laboribus, meo sudore quæsitum; quidquid ad triumphum ducit, obtinui, quidquid vos illustres faceret in sede congegni. Vobis tribuit claritatem fax ista quam viperino liquore putatis exstingui. In perniciem propriam accenditur, qui sic sævit in gratie suæ germina ut plantas abscidat, liberior justo iracundia plus quam alios læcessit auctorem. Symmachi quos vocatis excessus si sunt illa qui et vos expectatione sustineo nefas est peccantem patientiam iudicis non amare. Quid nisi ultionem flagitat qui cum reus et ipse sit, vindictæ in alterum moras accensat?

**253** Hæc illis a me vox debetur studiis, quoniam Deum dixisse teneo pronum hominem esse in malitiam, et omnem carnem amicum esse peccatis. Nolo occasione personæ innumeris datura dignitatem, fiat in abiectione possessio, ne dum homo incessit lex divina frangatur; mihi credite, si sunt ista quæ dicitis. Respicio quia et in illis quibus nil tale dicebatur quid fuisset, inspexi. Errat qui falli Deo proximum credit: « Mihi vindicta, ego retribuam, dicit Dominus (*Hebr.* xii, 19), » vos potius olim filii, de quibus spiritalis ventrem partus onerabat ad abjuratam concordiam redite. Pro vos sinu, sicut habuerit haecenus Ecclesia mater accipiat, nunquam est sera correctio. Scit diu expectare immodico labore quæsitos, nescit pro viribus despiciere magno pretio comparatos; multis gradibus recursus est ad salutem. Præter desperantem nullus excluditur, fructus venie proximus est coronæ. Nolite Symmachum papam pressuris vestris juvare. Si reus est, mihi credite, cœna cessaverit humane impugnationis ministerium, divinum mox succedet arbitrium. Nonne splendidissimi cognitoris lance predicto aut pœna debetur, aut præmium. Syllogismos a me sermonum et schemata non queratis. Antiquo adhuc utor reti post hominem, et irrisam a sapientibus sæculi cymbalam non reliqui. Illa me per mundi freta sustentat, dilatat probatum in captionem hominum recte quod cermitis; redite ergo quia fuga vos nec dum essetis agrestes eripuit; currite ad ovile, nec luporum vos expонатis insidiis, ne per moram amittatis gratiam

A sponte venientium, quia contemptam invitationem gehenna subsequitur. Ergo si quid dulcedinis, ut patet, debui, si quid distractionis ut attributus adeo magister implevi, providete ne diutius qualemcumque crucis meæ angulum rara levitarum corona circumdet, ne dolenda etiam extraneis in longum solitudo dominetur, ne labor uteri mei sterilitatis in te hostilem peperisset familiam, et numerosa proles per sinistros actus infecunditatem p. rentis ostendat.

Pauca sunt quæ asserui, sed quanta ex eis pendant æstimate: « Venite, filii, audite me, timorem Domini docui vos (*Psal.* xxxiii, 12); » Romani respicite quam ab idolorum servitute sine auri, sine argenti pretio liberam sanguinis Christi fecit effusio, cui etiam meam servuli sui mortem jussit impendi, quæ per multa tempora famosis cultum delubris exhibuit, quæ diu venerata est in imaginibus dæmonum, quæ in laborante censu indiderat manus magistra terrorem, quæ suspexit potestatem numinum emptam pretio metallorum, cui sublimiores deos peperit exercitatio manus artificis, et divinitatem quam homo per fabricam contulit apud homines Dei habuerit formam majorem. Ecce jam Christo propitio ad novas fornaces simulacra redierunt. Ecce jam de obsoleta superstitione usus vester accepit quod letetur. Dum de veteri Tonante nova merito vascula præparantur. Quid hanc aditumini interrompere quietem? Quid ludere vanis intentionibus felicitatem? Excusationem non habet furor iste si creditis. Non interest quibus itineribus ad mundi principem tendat, qui a sancta unitate discordat. Pingues hostias litat diabolo qui contristat Ecclesiam. Vanas ergo repudiate tendiculas, simplicem habet defensionem pacis affectus. Nimis armatus est qui illa quæ adversarius concordie ministrat tela contemnit. Sufficit contra omnia jacula gurgiorum fidei nuda oppositio. Quid Eulalii et Bonifacii tempora, dum malorum solatia queritis revocatis in medium? Quid incrementis excessum presentatis vetusta contagia, et per iniquam voluntatem senectuti in operiendis delictis facitis nil licere? Alia tunc fuit causa discordie, et ubi narrando cogeret sustinere transacta, ostendere vobis nullum evenire solatium de comparatione factorum, quia illos quos ad pontificale fastigium intentioni obsequens fervor evexerat, utrosque repulsi. Hunc elegi, quia ex illis teste exitu nemo mihi placuit de istis contra regulas nitentem profugum feci; propectum legitime mundo impugnante servavi. Scitis ista, nec nova sunt, quia dum ille traditur, iste firmatur, vester mihi militavit assensus. Deinde cur in perniciem vestram helitis sacerdotale concilium? Cur laceratis sententiam, in qua inspirante Christo oracula superna patuerunt, et inter Deum atque homines interpretis existit lingua pontificum? Quid generalis Ecclesie dolorem facitis, quamvis in principali, tamen in una commissum? Illa enim cœli curia variorum dotibus aucta curatum, et multo Redemptoris nostri auro, ostroque decorata, nihil in illa discussione auctore se protulit, sed per humanæ lingue ministerium divino militavit imperio, intellexit non esse suum quidquid impulsa constituit, nihil habet in illa sententia, nisi unde solata devotione grateletur, peregrinum stylus sensit eloquium, inde sumens gloriam solam, quod infusa sibi et servavit et coluit. Quod his de exemplis evangelicis præparasti calumniæ, sicut de vobis scriptum est: « erraverunt in ebrietate, nescierunt videntem, ignoraverunt iudicium (*Isai.* xxvii, 7). » Nam profanis memoratis verbis caecis, et in-citiam proditis et livorem. Isti ergo resurrectionem corporis quam prædicant non credentes, hæreticis misereuere contagiis; isti quidquid abjurant linguis corae sætantur. Ergo quia dixerunt eum timendum esse qui potest occidere, et animam mittere in gehennam, ideo a fide aliena texuerunt. Ecce profundam imperitiam. En beatum Lucam ejus potestis assertionem convinci, quid clamat: Tunc cum qui post

quam occiderit corpus, habet potestatem animam mittere in gehennam. Quis locus hic erroris, nisi congruentia pari dicti exempli et historię verba concurrunt, nec diversum est ab intellectu catholico et lectionibus quod proferitur? Nunquam bene nodus in scirpo quæritur, non involvit nebula prædicatæ lucis auctores. Resurrectionem ergo carnis non credunt, quia posse confitentur corpus occidi, quia peccatricem animam gehenna mancipari, deas cor vestrum vepribus suffocatur, interna vitia aliis certat ascribere, Joannis etiam apostoli jactis scripta violari, quia ejus verbis dictum est: « Si dicamus quia peccatum non habuerimus, nos ipsos seducimus, et veritas in nobis non est (1 Jo. 1, 8). » De coctum diversitate nihil quæror, ideo ergo corrupta sunt apostoli monita, quia non junxerunt mendaces sumus, et quia non junxerunt, nos ipsos decipimus, non solum divinæ, sed etiam humanæ rationis ignari. Qui veritatem non habet, timendus recte censetur, nec alia re, nisi falsitate plenus est, qui integritate vacuus innolescit. Sed hæc in vobis non curanda sunt lingue oratione, sed gemituum, nec magis sunt vobis exhibenda verba quam lacrymæ, quia liquido nocens est qui insonatibus, aut meritis culpabilis, aut nomen opponit.

Rel qua objectionum vestrarum capita non revolvam, præstat silentio damnanda sepeliri; nobilitatem dat facinoribus qui ventilationem ipsorum multiplici ad aures posteras relatione transmittit, beati Pauli est sequendam sententia qui monet per discipulum cunctos, et clamat: inanes questiones evita multa enim sunt in vestris propositionibus quæ ita feculentis ulnis peccandi amor amplectitur, ut fiant indigna memoratu. Plura levitas debonestat dum subductis eviscerantur verba vestra ponderibus, et de religionis causis elocutio ventosa componitur. Auris congruenter sortita gravitatem quæ in palearum abundantia nihil est horreis illatura de tritico, dum infecundam frugibus culmorum parturit ubertatem, et spem de herbe luxuria mentitur agricolis. De quibus nihil luci ventilabra reperimus igni debita incendioque peritura. De his scriptum est: « dormierunt somnum suum, et nihil invenerunt (Psal. LXXV, 6). » Nihil est, charissimi, pace dulcis, si tamen saporem ejus non plenum amaritudine pectus excludat, breviorum quidem admonitionem delucram quam prolixam non parva vestri consideratio, et divini vobis jurgiis excitata fons protulit, usus est multa peccantium stricta allocutione non corrigi, et effusionem plurimi quam in delictis habuerunt, in monitoriis sermonibus hanc requirunt. Me satis est, et diligentia vestræ, et ijsis cœlestibus obsecutum in his quæ secuta sunt locum sermonibus non relinquam, quia hæc refero mundi caput Romam per vestras intentiones esse prostratam, et nutricem pontificis cathedram quasi ultimum videre sedile despectam. Cujus vocem beatus Paulus excepit, et illa qua semper usus est eloqui intonuit libertate. Apostolorum principem lenitatis incessitis quod fluxis et profligatis mentibus parentis adhuc servaret affectum, ne in profundum ductis ulceribus ferro medicante succurreret, rescindenda docens lacrymis secreta morborum, et manifeste desperationi salutiferum esse vulnus adhibendum, ne dum manus medici per impietatem a sectione corrupte carnis suspenditur, de abstinentia teli invitet exitium, quia dum parit aëris dextera curandos interficit. Nec grandis est differentia utrum lethum inferas, an admittas, mortem languentibus qui cum possit non excludit, inflixit. His ergo adversus eos oris janua patefecit aliquis. Omnis qui judicas in quo alium judicas teipsum condemnas. Eadem enim quæ judicas agis. Scimus quia iudicium Dei est secundum veritatem in his qui talia agunt. Et iterum: « Beatus qui non iudicat in quo probat seipsum (Rom. XIV, 22). » Quenam est ratio, ut prædicet non furandum qui furatur, et pro-

A digam verecundiæ frontem nube vestiati impugnationis alienæ. Nemo recte monitoris personam accipit, nisi qui actibus suis errata condemnat. Et amorem innocentie conversatione demonstrat. Nam adjacet etiam publicanis amicis moribus vitia dammare sermone, et sceleratoribus lingue officiis punire quod diligunt, quasi non quoddam genus sit majorum excessuum dare rei affectum labiis quam mente despicias et ingenii virus colloqui melle vestire. Hæc si ago quasi vobis pudor, pudicitia, venustas aspectui liceret accusare doctorem, et adversus electum oris lividi morsus aptare, cum ante futura præscius per epistolam ad vos datam plena voce monuissem. « Quis accusabit adversus electos Dei? Deus qui justificat. Quis est qui condemnetur? » (Rom. VIII, 33.) Et iterum: « O homo qui judicas eos qui talia agunt, et facis illa, putas quoniam effugies iudicium Dei? (Rom. II, 5). » An divitias bonitatis ejus, et patientie et longanimitatis contemnunt?

B Accusatis maritiam repleti iniquitate, fornicatione, immunditia, avaritia, nequitia, invidia, homicidiis, contentione, dolo, malignantia, superbi, elati, inventores malorum, parentibus non obediens, insipientes, incompositi, sine affectione, sine misericordia, docetis fornicatoribus neminem esse miscendum adulteri Laurentii, aut sequaces, aut prævi per quos ille aut exercuit quæ habebat toxica, aut effundens monstravit quæ accepit. Post illam illecebræ communionis maculam, et pestem toto orbe execrabilem sacerdotes Dei quasi obsoleta comparatos communionem culpatis, reos putatis esse qui subire consortium nullo teste convicti, et sectamini hominem toto ecclesiasticæ inscriptionis, non dicam stylo, sed ense perfossum. Quod licet, non licet; et quod non licet, licet. « Quemadmodum Jannes et Mambres resistunt veritati (II Tim. III, 8), » sic et vos mentem reprobam circa fidem proditores protervi, inflati, amantes voluptatem magis quam Deum habentes, speciem quidem pietatis, virtutem autem ipsius abnegantes. C O vim doloris interni qui nequit expedire quod concepit, qui profundis ingestum visceribus loquendi affectum quem imperat vi irrumpit.

Nihil vobis ultra plus eloquar quod de oratione remanet, lamenta supplebunt. Post hæc si inter manus medicorum curatione agrescitis, nunc aliqua cœpto salutis consideratio vos reducit saltem orbis parentem urbem vestram respicite. Ipsa vos post defensores suos apostolos macrens aggreditur. Ipsa compellat, et si quid est pietatis, in reliquum orditur impetratura sermonem. Me quam Dei summi templa repudiatis favorem cultibus et novæ lucis nitore gaudente fecerunt esse conspicuam, quam post sacella sordentia, et multo peccatum tabo polluta ab hostiarum cruore Domini et apostolici sanguinis effusione purgavit, quam reducta post longum sanitas febrim fecit delubra contemnere, quam a victimis 254 liberavit oblatio, quæ pacem Christi post multorum inimicitias acquisivi, cui non fuerunt pene numerosiora dona quam numina, quam religio sua reddebant varia devotione mendicam, quam egestas oppresserat frequentia a diis suis beneficia postulante, quæ Curios, Torquatos, Camillos quos Ecclesia irregeneravit, et reliquos nisi plurimæ proles infecunda mater ad tartarum dum exhaustis emarcuit male feta viscibus; quia Fabios servata patria non redemit decus multo sudore gloria parta nihil restitit, profugata est operum sine fide innocentia criminosis junctus est equi observantissimus, quia Christum ignoravit Scipio. Per totam vellem styllum ducere non orbat pectus sustinere pateretur infantiam. Sed quisquis lamentationis transacta relegit, lacrymarum tempora videtur optare, nemo creditur non odisse quorum relatione non leditur, quia siccam faciem de filiorum funeribus referens servat certo teste crudelitatis arguitur. Illa posteritas plus



mœroris attulit perdita, quam iocunditatis acquisita, relegamus, tamen quibus mutata sunt ista successibus. Ecce jam in illo sacrario libertatis nihil servile de idolorum cultibus inveiatur. Ecce bonorum corona, orbis genius, flos Romanus qui diu veneratus est plenus sanctitate calcat altaria. Ecce jam zuria mea ad cœlum vocatur, laudatur, accipitur. Nec possum dicere perdidisse me sobolem post gratiam baptismi quam repentina mors abstulit. Multos trabearum, et curulum possessores supremus regnator sine dispendio cultus, aut dignitatis amplectitur. Pene jam terreni munificentia triumphi divinum mereamur affectum, et ad Christi gloriam proficit quod mundo studeatis e se venerabiles, mentior nisi egena agnina consulatus nostri in subsidio miseriarum præstolantur adventum, et enim purpura vestra quo anni vocabulum nobilitatis subripientem miseris vestimentorum largitate pellit algorem, prope jam iterum necessitatibus fuerunt auxilium decora fastorum, et in veteri infidelitate deposita in tali præparatione census dispendia efficiuntur lucra animarum. Ecce nunc ad gestatorium sellam apostolicæ confessionis uda mittunt lumina candidatos, et uberibus gaudio exactore fletibus collata Dei beneficio dona geminantur. Quis tempore quo pretiosis verba paribus quo prolem nostram æterna genitrix rursus paritura nunc suscipit, cujus post primam natiuitatem grandævis fletibus alvus impletur, quæ mihi prolem regenerando dulcem fecit esse quam peperit, quæ ad se venientes senium facit exuere et ad vitæ principia redire confractos? Quis hanc felicitatem, rogo, interpellatione committat? Quis per discordiam viperina mente compositam aure mihi sæculi jubet perire beneficia? Quis in renovatione mea occasum clandestinus inspirat, et per blandæ frontis speciem inimicitii vires acquirit, generosam in tali negotio prospiciam non agnosco? Si qui sunt tamen summorum quos vilibus tempestatis hujus procella sociavit aliis auctoribus facinorum participatione maculantur. Splendor sanguinis, et si communionem criminum incurrit, nescit tamen ducem se præbere peccantibus. Habet forsitan reatum de neglecta cautione, non habet dignum supplicium de scelerum principatu. Sub quadam verecundia jungitur delinquentibus qui ad adulta jurgia convocat. Non meretur desperationem perdidit, in quo facilis tantum crudelitatis improbat. Vos potius video triviorum germina. Vos agnosco in quibus naturæ vilitas convenientes sibi mores peperit, quos degenerasse claritas fuerat, qui per mentis titulum religionis gaudetis impunitate vitiorum, quorum labia nunquam aut honorum sapor tetigit, aut quietis, qui fas omne origini parendo violatis, quos de latebris et specubus productos præsens causa monstravit. Quis ante concinnationem mali hujus qui cæteris agnovit diu favistis secreta quibus vos nox generationis abdidit. Redite potius ad amicam cecitatem, nobis serenam et diurnam lucem relinquit. Concordiam Ecclesiæ, aut absentia, aut correctione præstate. Si tamen vultis vos numerari inter splendidas prospicias actuum emendatione cognoscant.

*Incipit actio quintæ synodi cccxviii episcoporum  
sub Symmacho papa, tempore Theodorici regis.*

Post consulatum Amen! cum in unum annuente Domino ante confessionem beati Petri apostolorum principis resedissemus, sancta synodus dixit, libellus qui synodali auctoritate contra eos qui adversus quartam nostram synodum quæ habita est Romæ palmari mutre præsumpserunt ad Ennodio conscriptus est coram omnibus deferatur, et in presentia omnium legatur atque roboretur. Quo recitato, et ab omnibus consona voce roborato sancta syno-

A dus dixit: hæc futuris temporibus conserventur atque ab omnibus teneantur et in omnibus serventur. Hic libellus integerrime synodaliter ab omnibus teneatur atque inter quartæ et quintæ synodorum nostrorum actiones interponatur, et ita sicut harum synodorum decreta habeatur, quia synodali auctoritate conscriptus est, et roboratus. Ad quæ beatissimus papa respondit juxta vestram omnium fiat voluntatem, et ut iudicatus apostolica habeatur auctoritas et inter apostolica quod dicitis interponatur decreta, et sicut cætera apostolica ab omnibus teneatur decreta. Ad quæ omnes ter una voce responderunt dicentes, ut fiat rogamus. Post quæ acclamatum est ab omnibus episcopis et presbyteris.

B Illi qui papam Symmachum accusaverunt, et damnationem ei inferre tentaverunt, et illi qui eum judicaverunt, aut contra nostram synodum garrere, aut scribere præsumpserunt, ut damnentur rogamus. Et paulo post omnes episcopi et presbyteri voce magna clamantes dixerunt: Exaudi, Christe, Symmacho papæ vita; dictum est octies. Cujus sedem et annos, dictum est decies; ut fiat rogamus, dictum est duodecies. Quibus cessatis, Symmachus episcopus Ecclesiæ catholice urbis Romæ dixit: Quoniam fraternitas vestra singulari charitatis studio, pio ac vigilant! affectu, indefessis laboribus ac spiritu vivaci studuistis, venerandi patres, tutelam rerum ecclesiasticarum fovere, sedem apostolicam (quæ solida Petri confessione stabilita est) tueri viriliter, cui licet indigni Domino sic disponente præsumus, ac pravitate nostram jam dudum multis afflictionibus impulsam virili protectione defendistis oblocutoribus et susurrantibus resistendo, qui novis semper insidiis, semper aliquod adversum nos et famam nostram moliantur, quos spiritus ille divisionis continuis exagitat aculeis, quibus est pax inimica, et discordia placens. Et quia vestra bonitas curam provisionis nostræ suis exhortationibus incitavit, et parilem circa Ecclesiæ tranquillitatem, Domini nostri contemplationem animi præstet flagitamus, ut circa insidiatores, et persecutores nostros mitius agatis, et licet juste damnentur propter misericordiam tamen conserventur ut in nobis illa Domini declaretur sententia, qua præcipitur, ita fratribus dimitti, sicut sibi a Domino cupiunt dimitti. De cætero vero ne unquam D talia, non solummodo in apostolicæ sedis præsule a quoquam præsumantur, sed nec in ullo Christianorum episcopo usurpentur. Non ergo necesse est super his nova cadere, sed vetera recitare atque firmare. Est enim a multis antecessoribus nostris synodaliter decretum atque firmatum ut eves quæ pastori suo commissæ fuerunt eum nec reprehendere, nisi a recta fide exorbitaverit, præsumant, nec ullatenus pro quacunque re alia, nisi pro sua injustitia accusare audeant, quoniam pastoris actus gladio oris non sunt feriendi, quoniam rite reprehendendi æstimentur, nec vi vel episcopos suis rebus expoliatos, vel a sedibus vi aut dolo, aut quocunque ingenio pulsos, sicut et vos de nobis judicastis, aut ad syno-

dum tam provincialem quam generalem posse convocare, aut in aliquo judicare antequam cuncta quæ eis ablata sunt legibus potestati eorum pacifice per omnia reintegrentur, decernimus. Prius ergo oportet omnia illis legibus redintegrari, et Ecclesias quæ sublata sibi sunt cum omni privilegio suo restituui, et postmodum non sub angusto temporis spatio, sed tantum temporis spatium eis indulgeatur, quantum exspoliati vel expulsi esse videntur, antequam ad synodum convocentur, et ab omnibus quisque provincie suæ episcopis audiat. Nam nec convocari ad causam, nec dijudicari potest, exspoliatus vel expulsus, quia non est privilegium quo exspoliari possit jam nudatus. Unde et antiquitus decretum est omnes possessiones et omnia sibi sublata atque fructus cunctos ante contestatam litem præceptor, aut primas, possessori restituat. Et alibi scriptum habetur: ille qui violentiam pertulit, universa in statu quo fuerant recipiat, et quæ possedit securus teneat. Et alibi in synodalibus Patrum decretis, et regum edictis legitur statutum, redintegranda sunt omnia exspoliatis, vel ejectis episcopis præsentialiter ordinatione pontificum, et in eorum unde abscesserunt potestate funditus revocanda quæcunque conditione temporis, aut dolo, aut captivitate, aut virtute majorum, aut per quascunque injustas causas res ecclesiarum vel proprias aut substantias perdidisse suas noscuntur, ante accusationem, aut regularem ad synodum vocationem eorum, et reliqua. Est etiam in antiquis Ecclesiarum statutis decretum, ut qui aliena invadit, non exeat impunitus, sed cum multiplicatione omnia restituat. Unde et in Evangelio scriptum est: « Quod si aliquid defraudavi, reddo quadruplum (*Luc. xix, 8*). » Et in legibus sæculi cautum habetur: Qui rem subripit alienam, illi cujus res direpta et in undecuplum quæ sublata sunt, restituat. Et in lege divina legitur: « Maledictus omnis qui transfert terminos proximi sui, et dicit omnis populus; Amen (*Deut. xxvii, 17*). » Talia ergo non præsumantur absque ulla ultione, nec exerceantur absque sua damnatione. Accusatoribus vero inimicis vel de inimici domo procedentibus, vel qui cum inimicis immorantur aut suspecti sunt ne credatur, ne irati nocere cupiant, ne læsi ulcisci se velint.

Quid ad hæc vobis, charissimi fratres, videntur prudentia vestra pro ecclesiastica quiete vel indemnitate universi edicite. Universa synodus dixit: Episcopalem persecutionem et ecclesiarum vel vastationem atque servorum Dei insectationem fulti prædicta auctoritate et omnium sanctorum Patrum prohibitionem, vestraque consolatione communi tractatu pariter in futurum robuste ac veraciter amputantes sanctorumque Patrum statuta firmantes expressis sententiis sancimus, ne unquam talia a quoquam nostris, aut futuris temporibus præsumantur. Et silentio facto, Symmachus episcopus Ecclesiarum urbis Romæ dixit: Quod si aliqui hæc transgressi fuerint, et talia præsumperint, quid super his vobis videtur

A pari adunatione manifestate. Cumque surrexissent, et paulo post iterum consedissem una voce dixerunt: Si quis hæc quæ hodie in hac sancta synodo prohibita sunt infringere præsumperit, aut voluntarie transgredi tentaverit, si clericus est, gradu proprio penitus careat, si vero monachus aut laicus fuerit, communione privetur, et si non emendaverit, vicino anathemate feriatur. Secretas vero insidias vel manifestas pontificibus a quibuscunque illatas, vel ea quæ hujus sanctæ synodi sententia complectitur, si quis ad Ecclesiarum pertulerit notitiam, potatur honore, et hi qui adversa eis moluntur, sicut a sanctis Patribus dudum statutum est, et hodie synodali et apostolica auctoritate firmatur, penitus abjiciuntur, et exsilio suis omnibus sublatis perpetuo tradantur, hæc vero quæ in hac sancta synodo statuta sunt, et ea quæ in libello quem Ennodius nostra auctoritate conscripsit, sicut in præsentia nostra relecta sunt, ut propriis manibus roborentur, rogamus atque in perpetuum conserventur, sicut prædictum est, vestra apostolica auctoritate firmentur. Sed Symmachus Ecclesiarum urbis Romæ catholicæ episcopus dixit: Acclamationes vestras synodique iudicium præsentia suscipient gesta. Adjecitque et dixit: Ea quæ ad suscipiendos veterinosæ præsumptionis errores vel infensæ **255** pontificibus præsumptionis morbos quibus status affligi solet Ecclesiarum servorumque ejus deliberatio religioni congrua pacique constituit, perpetua sortientur firmitate, ut annuente Domino quem custodem rerum constat esse bonarum synodalis ordinatio vigeat, atque omnis qui sine personæ aliqujus distinctione venire præsumperit, imposita superius districtione plectetur, universa synodus dixit: Ut fiat rogamus, dictum est decies; ut scandala amputentur et insidie atque detractiones erga episcopos vitentur rogamus, dictum est duodecies. Et facto silentio universi in sancta synodo congregati clamantes dixerunt: Exaudi, Christe, Symmacho vita, dictum est octies; hic est pax cum Symmacho, dictum est novies. Cujus sedem et annos, dictum est decies; ut de præseati fiat, dictum est duodecies. Et paulo post cum resedissem, facto silentio universa synodus dixit: Quisquis clericorum aut monachorum, aut laicorum tam majoris ordinis quam etiam inferioris, post hanc formam nobis prolatam his decretis contraire præsumperit, statutis canonicis velut schismaticis percellatur. Et subscripserunt: Celsus Symmachus, episcopus sanctæ Ecclesiarum catholicæ urbis Romæ huic statuto a nobis inspirante Domino pacto subscripsi; Laurentius episcopus Ecclesiarum Mediolanensis huic statuto a nobis inspirante Domino peracto subscripsi. Petrus Ecclesiarum Ravennatis huic statuto a nobis inspirante Domino peracto subscripsi. Eulalius episcopus Ecclesiarum Syracusanæ huic statuto a nobis inspirante Domino peracto subscripsi. Felix episcopus Terracinensis subscripsi. Stephanus episcopus Ecclesiarum Cordubensis subscripsi. Fortunatus episcopus Ecclesiarum Valensis subscripsi. Benignus Equivensis, Joannes Spoletanus,



Romulus Prænestinus, Stephanus Venusinus, Candidus Tudertinus, Valentinus Amiterninus, Fortunatus Fulgenatus, Grisogonus Albanensis, Euticius Tranensis, Amandus Poturanus, Laurentius Bobianensis, Clorensis Caletensis, Eusebius Fanestis, Romanus Numentanus, Propinques Trebatii, Asterius Equinatis, Sylvanus Voliterinus, Epafroditus Cameasenus, Cirtus Gerohensis, Helias Benedicanus, Paulus Tripolitanus, Polycarpus Gabalensis, Patricius Crassensis Menecratis Carosensis, Florentius Sardouensis, Julianus Ipepotanus, Paulinus Perperentinus, Noenius Insenius, Petronius Martineus, Hesperos Epitanensis, Isaias Cleas, Olimpius Evacitonacius, Rufinus Brionolitanus, Philippus Neasletanus, Basilicus Peleasicanus, Didimus Lampidensis, Justus Firmiensis, Aretion Ostiensis, Augustus Liparitinus, Rusticus Bersentinus, Venantius Sinagoliensis, Victor Dunensis, Innocentius Tifernatus, Bonifacius Forolammiensis, Sebastianus Siraninus, Aseilus Populonitanus, Emplius Voliterinus, Proiectus Forinovi, Venerius Pellensis, Colonius Forocloidiensis, Probus Carmamelensis, Vindecius Aventinus, Proculeianus Sepniatius, Fortunatus Abenignus, Vascasius Vulturnensis, Martinus Ecamensis, Bassus Mutinensis, Pacatianus Coraliensis, Mera Colonensis, Macedam Maidonensis, Marcellinus Illidonensis, Paulus Progloriensis, Diodorus Listiniensis, Necinus Musii, Theodorus Adria, Epiphanius Pergensis, Levansa Amphorensis, Alcimedescides Contraconicensis, Dionysius Ananensis, Andreas Satalenus, Amaxius Salconensis, Croton Parsidonensis, Philippus Barbarensis, Theodorus Antipolleus, Leontius Araxenus, Antipatros Canimenos, Gratinus Panormitanus, Andreas Tholantanus, Nichilo Sacrafuranus, Romanus Bobonensis, Oniforus Iconiensis, Neoptolensis Chronensis, Paulus Dernensis, Patharchos Listrionensis, Eugenius Careufossides, Tyrannus Imadianensis, Ascolias Lalandenus, Steros Profladensis, Predialis Gizonus, Quintinus Focensis, Irentinus Magnisias, Manias Amitii, Quiriacus Eleæ, Valerianus Bossionensis, Fominus Zitrenus, Fericius Archodonensis, Didimus Lapidensis, Steros Prodofianensis, Fnodorus Ametimos, Epafroditus Camesenus, Olimpius Canensis, Didimus Lapidensis, Barachos Laxs, Efrontius Bui, Florentius Motilensis, Joannes Rodensis, Genadius Mosonensis, Evandros Diupoleos, Joannes Trapotutanus, Philippus Agerecitanus, Thomas Tilensis, Genadius Amoneensis, Caris Diapolitanus, Paulus Aristensis, Mathias Themessianensis, Eulalius Fibriensis, Amphilotius Fidicensis, Gaius Sctetranensis, Eudoxius Eletensis, Martinus Corallensis, Eusebius Coctinensis, Obrenus Coracesiensis, Romanus Mirrensis, Aristoditos Climponensis, Eudoxius Cotuatensis, Palladius Capalenensis, Cirinus Patarenensis, Stephanus Limirensis, Zenodotus Telnisu, Maximus Zetilonensis, Musenus Lunensis, Florentinus Adrianopolitanus, Bassones Neaspilitani, Mesalimus Laudicensis, Fotianus Salagessunensis, Olimpius Sozopolites

Alexander Seleucensis, Valerianus Aphrus, Epafroditus Camesensis, Barrachos Nazensis, Charis Dionysiopolitanus, Eusebius Clazomenus, et Baventia Mipolitanus, Thomas Arliocomenus, Eliodorus Ametimos, Pergamius Atticeus, Eutropius Adadomenis, Paulus Philodemensis, Longinus Apapermenus, Theocustus Tyren, Forticius Metropolitanus, Cirtus Simondensis, Libanus Palatonensis, Doolestus Sebastensis, Danielus Cadolensis, Monicheus Lardicias, Trunitanus....., Strategius Pilobatenis, Aquila Antodenus, Basilus Nacoriensis, Eustochius Docunius, Quiriacus Eucarpensis, Abirecitus Hieropolitanus, Epiphanius Mardagensis, Philippus Liciados, Mocinius Ephesinus, Mauro Baladensis, Eusebius Dorileu, Martinus Sinalidensis, Calandion Alacarenensis, Joannes Enidensis, Theodoretus Alabaudensis, Tigamus Appollonensis, Joannes Amizonensis, Empitius Staconensis, Menandros Eracleos, Dinisius Latomenus, Panias Eristodensis, Placalus Lassus, Joannes Alinsdonensis, Diosisius Antiochenus, Crotonianus Afrondisius, Etherius Sinirnensis, Stephanus Ephesinus, Patricius Aidonopolites, Daniel Lampasacenus, Firmas Abidensis, Theusebius Ilai, Stephanus Pinameni, Pionius Trodensis, Eulalius Pianensis, David Ardimensis, Thalassius Panus, Petrus Dardanensis, Diogenis Geticonos, Olimpius Prudisiadensis, Theophilusadeo Adriopolites, Apramonus Titanos, Theodorus Eradensis, Caligonus Cladipotus, Theodorus Serunensis, Polichonus Dipodidensis, Renos Juliolpoltus, Etherius Papiu, Petrus Gagrotanus, Antiochus Sinoponus, Atticus Lanensis, Uranus Iborensis Paralys Adriponensis, Lucadius Minzitanus, Eustasius Galatinensis, Ministerus Amorrui, Aquilas Eudoxiados, Quiriacus Troanodensis, Pios Prothenissensis.

Explicit quinta synodus Romana sub Symmacho papa, indictione nona.

*Incipit sexta synodus Romana sub Symmacho papa habita, tempore Theodorici regis, die Kalendas Octobris.*

Cum in unum apud beatum Petrum apostolum sancta sexta synodus canonice a beato Symmacho Romæ congregata resedisset, Symmachus prædictus episcopus Ecclesiæ catholice urbis Romæ eidem synodo præsidens dixit. Quoniam religiosus sancto Spiritu congregante conventus hortatur, ut quæcumque pro disciplina ecclesiastica necessaria sunt cura diligentiori tractemus? Nos enim et apostolicæ sedis moderamine compellimur, et ecclesiasticarum dispositione constringimur, sic canonum paternorum decreta liberare et retro præsulum antecessorumque nostrorum decreta metiri, ut quæ præsentium necessitas temporum restauranda sunt Ecclesiæ relaxanda exposcit, adhibita diligenti consideratione quantum fieri potest auxiliante Domino temperemus, quia nos qui potissimi sacerdotis administramus officia transgressionum culpa respiciet, si in causis Dei desides fuerimus inventi, quia meminimus quod timere debemus et qualiter comminetur Dominus

negligentiæ sacerdotum. Sane reatu majore delinquit qui potiore honore perfruitur et graviora facit vitia peccaminum sublimitas dignitatum. Ideo tacere non debemus sed ea quæ necessaria fore agnoverimus, viriliter corrigere et emendare satagamus, et ea quæ nociva sunt exstirpare, prout Dominus dederit, non negligamus. Ab universis episcopis et presbyteris acclamatum est : Exaudi, Christe, Symmacho papæ vita; dictum est septies. Hæc, confirmamus, et hæc docemus; dictum est octies. Doctrinæ vestræ gratias agimus ingentes; dictum est decies. Ista teneantur et ista observentur rogamus; dictum est duodecies. Dignus papa, dignus doctor. Et facto silentio, Symmachus episcopus dixit : Communis dolor et generalis est gemitus, quod intra Ecclesiam nostris et retroactis temporibus de invasione rerum ecclesiasticarum et vexatione sacerdotum cognovimus, quæ res non nos solos, sed omnes Domini tangit sacerdotes. Et, licet hæc a prædecessoribus nostris jam prohibita sunt, et tales præsumptores damnati, et a sanctis canonibus anathematizati, ne tamen denuo præsumantur, est etiam super his promenda sententia, ut qui eorum casum non timent, timeant saltem eorum perpetuam damnationem, et quod sæpe præsumitur, sæpius ut inhibeatur necesse est. Sancta synodus dixit : Hæc ne fiant denuo synodali conventu provida beatitudini vestræ sententia enervari convenit, et ne in exemplum remaneat præsumendi fundius exstirpari. Symmachus episcopus dixit : Modo quia Deus præsentiam vestram votivam mihi concessit, necesse est rem fieri firmam, quam credo ecclesiasticis facultatibus convenire, ut agnoscant omnes quos vanus furor et avaritia excitavit, talia absque ultione non posse præsumi. Sancta synodus dixit : Scimus provisionem vestram necessariis studere. Et ideo in vestra est potestate sequenda disponere. Symmachus episcopus catholicæ Ecclesiæ urbis Romæ dixit : Magna quidem venerando et sacerdotali debetur cultura proposito cum imminet de studio quæ recta sunt non de necessitate disponere. Sed quoniam in aliquibus aliena postulantis, vitiorum mater avaritia, repudiatis honestatis repagulis, totum putat expedire quodlibet; et ita dum prædæ inhiat, patientia supernæ civitatis abutitur expectantibus correctionem cælo moderante judiciis se existimant non teneri, cum clarum sit quod apud certos in occasione rapiendi procedat divinæ mora sententiæ. Sed nobis quos pastoralis cura et ecclesiastica astringit, pro dispensatione certa ratio reddenda substantiæ opus est, ut sollicitudinem nostram non solum ad præsentia, sed etiam ad futura sæcula porrigamus, ne ad animæ nostræ detrimenta contingat, si hi qui possunt statutis debere innocentiam præsumentes de libertate deliquerunt, cum religiosa possint et nostra successores nostri potestate fulciri, legibus ecclesiasticis servientes. Sancta synodus dixit : Scimus spiritum Dei cor vestrum esse successum, et instinctu Dei vos ita loqui. Quapropter

A omnibus summopere convenit observare ut oblationes fidelium a nemine præsumantur, et absque consensu et voluntate episcopi in cuius dignoscuntur esse parochia et potestate possidere vel dominari tententur; quoniam nonnulli memores sui pro remissione peccaminum suorum et paternæ vitæ in creatione de facultatibus suis tam rerum immobilium quædam vero per scripturas Ecclesiis tradiderunt et Deo creatori suo perpetualiter habenda dederunt; quo contra adversis Deum minus timentibus, catenus mortifera caliditate tenentur, ut aliorum oblatio illis pertineat ad ruinam. Nec intueri corde possunt diem iudicii, dum nimis cupiditatis delectantur ardore. Unde precamur ut antiquorum Patrum regulas quæ modo propter injuriam quorundam quasi oblitæ habentur, renovetis, ut tale iudicium super eis fiat, ut **256** aut manifeste hæretici qui Ecclesiam Dei scindunt, et anathematizati atque ab Ecclesia Dei extorres habeantur, aut per satisfactionem Ecclesiæ ad poenitentiam, et demum juxta regulas ecclesiasticas ad reconciliationem recipiantur.

Symmachus episcopus Ecclesiæ catholicæ urbis Romæ dixit : His ergo rite perpensis, ne illi in ruinam incidant et perpetuo damnentur exitio, et sancta Ecclesia pretioso Christi sanguine redempta restauretur, eique pie famulantes non opprimantur. Sed releventur mensura cum Dei nostri consideratione una cum nostro iudicio saneimus, ut quicumque immemor aut memor interitus sui res ecclesiæ delegatas et Domino oblatas, absque proprii episcopi jussu possidens præsumpsit deinceps tenere, quocumque in loco et veritate comperta res Dei servis suis dissimulaverit, aut renuerit reformare, liminibus ecclesiæ ab episcopo ejusdem loci prius arceatur; indigne enim ad altare Dei properare permittitur qui res ecclesiasticas audet invadere, aut injuste, id est, sine licentia episcopi possidere, aut iniqua vel injusta defensione in eis perduret. Necatores enim pauperum judicandi sunt præfixo tenore, et si non emendaverint vitium exstirpandi. Debet tamen esse provisio ut vindictam admonitio manifeste præcedat et res usurpatae injuste qui abstulit aut injuste ablatas retinet, æquitate patrocinante legibus restituat. Quod si neglexerit, et necessitas compulerit demum prædonem sacerdotalis districtio maturata percellat, neque quisquam per internas res Deum defensare nitatur, quia Dei potentia cunctorum regnorum terminos singulari dominatione concludit. Quod si præsumperit et ipsius offensam et prædictæ damnationis periculum sustinebit. Competitoribus etiam hujusmodi frena districtiois imponimus qui facultates ecclesiæ sub specie largitatis regie vel cujuscunque potestatis improba subreptione pervaserint. Sera namque de his rebus poenitudine commovemur, cum jam transactis temporibus contra hujusmodi personas canonum suffulti præsidio se sacerdotes Domini erigere debuisse, ut non mansuetudo indulgentiæ ad similia perpetranda improborum audacia adhue



quotidie provocaret. Nunc arde injuriarum mole A depressi damnis quoque compellentibus excitamur. Quod si is qui res Domini competit in aliis quam nisi res agitur maxime solet territoriiis commorari sacerdotem loci ipsius ubi habebat episcopus hujusmodi pravitare contentus, neglectu personæ litteris instructum reddat. Tunc antistes; ipsius fratris anxietate comperta, aut pervasorem rerum Dominicarum admonitione corrigat, aut prætaxata canonica districtione condemnetur. Unde et in canonibus in Gangrensi Ecclesia apostolica auctoritate conditis, de fructuum oblationibus quæ ministris ecclesiæ debentur, et de his quæ in usus pauperum conferuntur, scriptum habetur.

Si quis oblationes ecclesiæ accipere vel dare voluerit præter episcopi conscientiam vel ejus cui hujusmodi sunt officia commissa, nec cum ejus voluerit agere consilio, anathema sit. Et iterum in eodem consilio : Si quis oblata Deo dederit vel acceperit præter episcopum, vel eum qui constitutus est ab eo dispensandam misericordiam pauperibus, et qui dat et qui accipit, anathema sit. Valde iniquum ergo et ingens sacrilegium ut quicunque vel pro remedio peccatorum, vel salute, vel requie animarum suarum unusquisque venerabili ecclesiæ contulerit, aut certe reliquerit ab his quibus hæc maxime servari convenit, id est, Christianis et Deum timentibus hominibus, et super omnia a principibus est primis regionum in aliud transferri vel converti. Propterea qui hæc non præviderit et aliter quam scriptum est prædia ecclesiis tradita petierit, vel acceperit aut possederit, vel injuste defenderit aut retinuerit, nisi cito se correxerit, quo iratus Deus animas percussit, anathemate feriat, sitque accipienti et danti et possidenti anathema, et institutæ pœnæ contubernium assiduum. Nec aliquo se ante tribunal Christi obstaculo muniat, qui a religiosis animabus ad substantiam pauperum derelicta contra fas sine aliqua pietatis consideratione dispergit. Ab universis episcopis et presbyteris acclamatum est : Ut hæc penitus abscindantur, rogamus. Dictum est quinquies : Ut hæc amputentur precamur. Dictum est septies : Ut res ecclesiæ quibus traditæ sunt, intemerato jure serventur, rogamus. Dictum est septies : Ut se dum hoc quod persecutus est synodali conventu per omnia fiant unanimiter deprecantes rogamus. Dictum est octies : Ut in presumptoribus vindicetur rogamus. Dictum est decies : Ut disciplina servetur rogamus. Dictum est undecies : Quæ regale admissa sunt, per vos corrigantur. Dictum est duodecies : Ut illicita facta amputentur, ita ut deinceps non fiant rogamus. Dictum est tredecies : Ut apostolica ordinatio illibata servetur. Dictum est quatuordecies : Dignus papa quod non licet non fiat. Dictum est quindecies : Exaudi, Christe, Symmacho vita. Dictum est sexdecies : Ut canones custodiantur rogamus. Dictum quindecies : Ut ordinatio apostolica servetur. Dignus papa, dignus doctor, dictum est novemdecies. Hæc omnes unanimiter confirmamus, et ut unanimiter

serventur rogamus, dictum vigesies. Per dominum Petrum ut perpetuo serventur rogamus, dictum vigesies. Qui hæc violarit, in se juxta in prætaxatum modum inveniat, dictum est vigesies.

Et facto silentio, Symmachus episcopus Ecclesiæ catholicæ urbis Romæ dixit : Præsentis diffinitionis formam quæ juxta sanctorum Patrum est statuta sententias in omnium Ecclesiarum notitiam pervenire decernimus, ne cuiquam possit pro sua ignorantia licere quod non licet, et qui talia præsumpserint, sciant se prætaxato condemnatos esse modo. Similiter et hoc ad Ecclesiarum notitiam vestra cunctorum exhortatione et judicio censemus pervenire, et ab omnibus firmiter teneri, quia episcoporum res ecclesiæ non dubitantur esse, si in eorum facultatibus simili fuerit crudelitate pervasores rerum memoratarum prædictæ canonum districtionis feriantur vindicta, ut qui majoribus propriis ac nulla conscientia castigatione corriguntur, saltem ecclesiasticæ et canonicæ vindictæ perfodiantur aculeis; generaliter vero quicumque res ecclesiæ confiscare aut impetere, aut pervadere periculosa aut sua infestatione præsumpserit, nisi se citissime per ecclesiæ, de qua agitur, satisfactionem correxerit, perpetuo anathemate feriat. Similiter et hi qui res ecclesiæ jussu vel largitione principum, vel quorumdam potentum, aut quadam invasione aut tyrannica potestate retinuerint, et filiis vel hæredibus suis, ut a quibusdam jam factum audivimus, quasi hæreditarias reliquerint, nisi cito res Dei admoniti a pontifice, agnita veritate reddiderint, perpetuo anathemate feriantur. Iniquum enim esse censemus, ut potius custodes chartarum quam defensores rerum creditarum, ut præceptum est, judicemur. Sanandum est ergo celerius, ne longius exsecrandus animi morbus inserpat, ut si medicus, cum viderit hujus terreni corporis aliquem esse languorem, magnum suæ artis æstimat documentum, si cito quis illius interventu desperatus evadat, vel cum posse vulnus aspexeris adhibet fomenta, vel cætera quibus illud posset quod natum fuerat vulnus obduci, ac si id manens sanari non poterit ne corpus reliquum sua tæbe corumpat, ferro amputet quod nocebat, quo reliquum integrum et servet intactum. Præcidendum id ergo est quod velut puro sanoque nimium corporis vulnus obrepserit : ne cum tardius abstergitur, in ipsis pœnæ visceribus hujus mali non haurienda sentina confidat. Ferro enim abscidenda sunt vulnera quæ fomenta non sentiunt. Similiter et illi extorres debent fieri ab Ecclesia qui sacerdotali admonitione non corriguntur, dicente Domino : « Auferte malum a vobis (Deut. xix, 19). » Universa synodus acclamavit : Ut ista fiant rogamus; dictum est octies. Ista serventur precamur, dictum est decies. Ut in perpetuum maneant et vestra auctoritate firmentur, dictum est duodecies. Exaudi, Christe, Symmacho papæ vita, dictum est duodecies. Et facto silentio, Symmachus episcopus Ecclesiæ catholicæ urbis Romæ, synodo præsidentis dixit : In hoc cognoscimus omnes quia Deum diliga-

Mandata ejus faciamus minus. Hæc enim charitas Dei, ut mandata ejus custodiamus, et mandata ejus gravia non sunt. Justus est enim Dominus, et omnia judicia ejus justa sunt, atque omnes viæ ejus misericordia et veritas et judicium, in manu Dei potestas terræ, cui execrabilis est omnis iniquitas, in manu Dei potestas hominis, et super faciem scribæ imponet honorem suum. Perdit Deus memoriam superborum et iniqua gerentium, et relinquit memoriam humilium et bonorum hominum; hoc autem pro certo habet omnis qui recte colit Deum, quia vita ejus si in probatione fuerit, coronabitur, et si in tribulatione, liberabitur. Si vero in correctione fuerit, ad misericordiam perveniet. Omne quod irreprehensibile est catholica defendit Ecclesia. Non licet ergo imperatori vel cuiquam pietatem custodienti aliquid contra mandata divina præsumere, nec quidquam quod evangelicis prophetisque et apostolicis regulis obviat agere, injustum enim judicium et definitio injusta regio metu vel jussu a judicibus ordinata non valeat, nec quidquam quod contra evangelicæ vel propheticæ aut apostolicæ doctrinæ constitutionem eorum, sive sanctorum Patrum actum fuerit, stabit, et quod ab infidelibus aut hæreticis factum fuerit omnino cassabitur.

Nociva ergo sancti prædecessores mei damnare confidenter studuerunt, quorum et pusillitas mea, licet impar et minima, pro suscepto tamen divina dignatione ministerio pedissequi cupit existere; væ enim erit nobis qui hujus ministerii onus susceptum habemus veritatem Salvatoris nostri Jesu Christi quam apostoli prædicaverunt, prædicare neglexerimus; væ enim erit nobis si silentio veritatem oppresserimus qui erogare nummularii jubemur, id est, Christianos populos inbuere et docere. Qui in ipsius Christi futuro dicturi sumus examine, si sermonum ejus veritatem confundimur, prædicare? Quid erit de nobis cum commissis nobis animabus et de officio suscepto rationem justus iudex Deus noster districtim exegerit? Ideo nos oportet semper nociva resecare, et, auxiliante Domino, profutura erigere. Unde objurando, hortando, suadendo, blandiendo, consulendo, prodesse quibus possumus festinemus; lingua nostra bonis fomentum sit, pravus aculeus, timidos retundat, iratos mitiget, pigros exacuat, desides hortando succendat, refugientibus suadeat; asperis blandiatur, desperatos consoletur, ut quia doctores dicimur viam salutis gradientibus ostendamus. Simus in custodia vigilantes, aditus contra hostis insidias solliciti muniamus, et si quando ovem perditam de commissis gregibus error abduxerit, toto illam adnitu ad caulas revocare Dominicas contendamus, ut de pastoris nomine, quod habemus, non supplicium, sed præmium consequamur. Quia ergo in his omnibus divinæ gratiæ adjutorio opus est omnipotentis Dei assiduis precibus clementiam exoremus, quatenus ad hæc nobis operanda, et velle tribuat, et posse concedat, atque in ea nos via cum fructu boni operis, quam se pastor pastorum

esse testatus est dirigat, ut sine quo nihil possumus per ipsum omnia implere valeamus. Universa synodus surgens acclamavit Placent omnia; ut perpetua stabilitate firmentur rogamus; dictum est octies. Et adjecit: Exaudi, Christe, Symmacho vita, dictum est octies. Ut hæc intemerata serventur, dictum est decies. Ut ista intemerato jure custodiantur precamur, dictum est duodecies. Qui hæc sponte violaverit, perpetuo anathemate feriat rogamus, dictum est quindecies. Ut decreta nostra confirmes precamur, dictum est decies et octies. Et facto silentio, Symmachus episcopus Ecclesiæ catholicæ urbis Romæ dixit: Acclamationes vestras synodique judicium præsentia gesta suscipiant. Et adjecit: Ea quæ ad sopiendos veterinosæ præsumptionis errores vel infensæ rebus ecclesiasticis ægritudinis morbos, quibus universalis affliciebatur Ecclesia deliberatio religioni congrua constituit firmitate perpetue socientur, ut præstante Deo quem custodem rerum constat esse bonarum synodalis ordinatio vigeat, atque omnis qui sine personæ alienius districtione venire præsumperit, indita superius districtione plectatur. Et subscripserunt: Celius Symmachus episcopus Ecclesiæ catholicæ urbis Romæ his constitutis synodalibus a me probatis atque firmatis annuens sub.; Petrus episcopus Ravennatis Ecclesiæ his constitutis synodalibus a nobis probatis atque firmatis annuens sub.; Innocentius Directum Tiberinorum, Felix Trarvensis, Severinus Tundaritanus, Bonifacius Aquileianensis; Silianus Veliternus, Maximus Bleranus, Sebastianus Furanus, Emilianus Furanus, Mercurius Ganinati, Maximus Ticinensis, Felix Atellanus, Cassianus Mutinensis, Rusticus Fuxentinus, Cerentius Siculensis, Propinquus Tabensis, Stephanus Venusinus, Adeodatus Formianus, Laurentius Benensis, Bonifacius Cameritanus, Fortunatus Fulginensis, Justus Signatinus, Mercurius Sivitermus, Vindemius Anteatinus, Stephanus Neapolitanus, Augustus Liparitanus, Hilarius Teusanus, Valentinus Amiternus, Maximilianus Perusinus, Fortunatus Suestanus, Innocentius Ferentinatis, Jocundus Augustanus, Concordius Mesitanus, Trigidius Tauriganus, Vitalis Fundanus, Viticanus Celemensis, Castus Portuensis, Joannes Ariminensis, Aristus Ostiensis, Procleianus Sepinatis, Martirius Traconensis, Candidus Tiburtinus, Victor Lunensis, Aprilis Laterianensis, Asterius Aquinatis, Asellus Populoniensis, Grisogonus Albanensis, Memor Cassinus, Amadus Potentinus, Colomus Foroelodiensis, Romanus Numentanus, Heliadius Voliternus, Ursus Reatinus, Joannes Turritanus, Cresconius Tudertinus, Adeodatus Silvæ candidæ, Innocentius Navenatis, Venerius Pallensis, Joannes Spolitanus, Rogatus Tauromentitanus, Eustasius Cremonensis, Servusdei Forevensis, Laurus Vergomatis, Probus Carcimeianensis, Eusebius Meresarpæ, Dulcius sancti Autimi, Ruffertius Agnatinus, Leucadius Injuricanus, Serenus Nolanus, Eufadius Galatinensis, Martianus Acanus, Theotistos Pessimitus, Euticius Tranensis, Heliadius



Mencenenterius, Fortunatus Anagninus; Misterius Amorruius, Paschasius Vulturnensis, Aquilas Eudoxiadus, Innocentius Forosimpronensis, Quiriacus Troodanensis, Felix Nepesinus, Pios Petenissensis, Hilarus Tempranensis, Longinus Ortissu, Joannes Neapolitanus, Talasius Caesariensis, Constantinus Militinensis, Musonius Hissenus, Acasius Arimatheus, Firminus Termus, Adonius Gravissu, Patricius Tianeensis, Joannes Artis, Theodotius Naciazensis, Dorrocheus Neocesariensis, Aristomachus Colenensis, Ciro Cibistrinensis, Joannes Sebastensis, Ceccupius Sebastranopolis, Joannes Polemnacus, Grandus Cerassitenus, Atarbius Talebuntis, Seleuco Amassenus, Anthonius Amissenus.

Explicit sexta synodus Romana sub Symmacho papa.

*Epistola ejusdem ad Laurentium Mediolanensem archiepiscopum.*

Dilectissimo atque charissimo fratri Laurentio Mediolanensis Ecclesiae archiepiscopo Symmachus episcopus in Domino salutem. Prodit religiosae votum conscientiae mens laudibus devota pontificum assertio ingenii est Deo obsequentibus mancipare quod loquimur, in quorum praeconiis forte angustus sermo praefulget imperitiam manifestat, tamen si abstinence infantia quis mendicam narrationem aestimet quam vota locupletant? Saep in facundiae dotibus pauper invenitur vena praedicantis, et e diverso thesaurus cordis irradiat in egestate verborum. Qui vice Dei judicat non desiderat picta alloquia, sed quae infucatus commendat nitor ingenii, quia in his etiam sine amore blanditur eloquentia in illis splendorem suum veritas nuda commendat. Sive falleris, est omne quod dictat affectio ad unguem fabricatur illa quae volumus non tam speciem recti habere quam similitudinem. Ad te, venerabilis mihi antistes, maxime sermo est cui immeritorum testimonio virtus cepit vocabulo in quo actus eloquitur vel quod qui nomen appellat. Provida parentum diligentia tuorum, prius te eligi voluit quam probari. Te olim saecularibus inherentem titulis castrensis sudor excoluit. Et ad Ecclesiae gubernacula pars adversa solidavit, sicut Dominus loquitur per prophetam: « Qui in minimo fidelis, et in magno fidelis est (Luc, xvi, 10). » Te sacrum iudex et consilii comitem meruit et laboris. Bene initiandus altaribus et in laica conversatione quod sacrum esset elegisti. Tu pudicitiae in illa aetate custos inventus es. In qua et lex obsequitur desiderii. Satis enim pueritiae ambitum, quam licentia fulcit horrore, Christus nobiles suos quos in personam dulcis attollat inter acies, quaerit hostiles. Ascitus Ecclesiae pontificem actibus implesti ante tempora dignitatis. Non advena benignitas fuit quae naturae innixa radicibus de cano flore germen ostendit. Temporale enim est omne quod fingitur, perpetuum quod cum aetate maturescit. Non tibi sacerdotium rem doni credimus evenisse sed praemii. Alii vulgari gratia lenocinante commendantur, tibi rigida circa culpabiles districtio dedit affectum. Manet te singularis sapientia, quae hec

A generaliter optanda est, tamen existit in magistro necessari frustra monitoris personam suscipit, qui impacti non praevalet aestimare pondus officii vilissimus comparandus est, nisi praecellat scientia, qui est honore praestantior. Dedit tibi apicem res iudicii non favoris dignus pontifice est amor, quem censura conciliat. Devenustat institutoris genium, qui per solam gratiam vult placere. Tu his eruditus et formatus coeli beneficiis plus agendo populum instituis quam docendo. Illa monita discipulorum conscientiam erudiunt quae probantur exemplo. Sine pudore invitat ad innocentiam, qui illam fuerit ipse sectatus. Te inter secreta penetralium quo si testem metuunt qui peccare disponunt. Nascentibus culpis metus, et reverentia tua negat effectum. Qui inter exordia occurrat vitiis, et occasionem lapsuum adimit, et concupiscentiae purgat auctorem, haec beatitudini tuae quasi strictim pro linguae meae commendatione dedicavi, si precibus vitae successus arriserit gestorum tuorum plena me relatione consecrabo, ut quae universis nota sunt mansuris in posterum litteris quatenus gaudeat acta secutura serventur.

*Item epistola ejusdem ad Liberium patricium.*

Symmachus episcopus Ecclesiae catholicae urbis Romae Liberio patricio salutem. Cum pro veneranda religione conscientiae verba dirigitis in Aquileiensis electione pontificis et divinis initiata lingua cultibus militat consecrando in ignoti nos diligentia sermonum vincula tenuerunt, quia nihil superat divitiis, quoties aliquid probatus extulerit. Quid enim sententiae sequacium derelinquat quando iustitiae obsequitur, cujus in examen definitio non vocatur. Agitis bono conscientiae quod vestro vix negatur imperio. Exivit inter arbitros Marcellini venerabilis collega, maxime hominum humilitate sublimior, et ne potestati favor pro aliquo ascriberetur interpretes, quod de proprio decerpserit ingenio, laudati junxit ad pretium. Egistis mediocrem, ne praecelsi esset suscepta praedicatione, clarissimorum testimonia ut vires accipiant culmina castigantur, felix sacerdotium cui faciem praetulit plena mens luminis. Beata conversatio, quae idcirco in discussionem deducta est, ut tanto viro affabulante superaret. Quae non didicisset saporem victoriae, nisi subjacuisset incertis. Semper innocentibus gloriam adversa pepererunt, providet defensores fortissimos mediocris impugnatio. Sed quid epistolae terminos loquacitate produxi, coactas lege paginas in humana concinnatione transgressus. Jungo et ego amplissimis partibus pro modulo exiguitatis proprie vobis caelo obsequente consensum, et quod mirabile inter homines habetur consideratione vestri attrahor ad amorem, inspirata mihi per alterum placere affectio, dum manet charitas imis inserta visceribus, peregrinante persona comitem se tamen coelestis gratia desiderii jungat, et dum cupitis datur affectus, aut veniat bonum pontificatus aut faciat. Data xviii Kalend. die, indictione viii.

## INCIPIUNT DECRETA HORMISDÆ PAPÆ.

1. Adversus Nestorii et Eutichetis blasphemias.
2. De mysterio Trinitatis, quid personæ, quid designent substantiæ.
3. De divinitate et humanitate Domini Jesu Christi.

Gloriosissimo atque clementissimo filio JUSTINO, AUGUSTO, HORMISDÆ episcopus.

Inter ea quæ ad unitatem Ecclesiæ pertinent, propterquam Deus clementiæ vestræ elegit imperium, in litteris contastis, hoc quoque venerabilis imperator cura fidei cui multipliciter vos studere declarastis, adjecit, ut aliquorum preces perferendæ ad humilitatis meæ notitiam jungerentur; quibus vel quid quæstionis oriretur agnoscerem, vel ad submovendam propositæ consultationis ambiguum responsum a me religiose sententiæ conveniens redderetur, legi omnia sollicitudine quam decebat; et licet ad responsi plenitudinem sufficere potuisset, si illa tantum quæ ab auctoribus sunt definita subscriberem, tamen, ut religiosi propositi vestri remunerarem affectum, non subtrahendum credidi mihi quoque sermonis obsequium.

CAP. I. Quid enim est quod emergentibus Nestorii et Eutichetis venenis paterna omisit instructio? Pene omnes impietates cum inventoribus tam nefandorum dogmatum convenientia in unum synodica decreta presserunt, nec ulterius remansit locus ullus tam diris perfidiæ seminibus amputatis, aut Christum Dominum credere sine carnis fuisse veritate, aut eundem non et Deum et hominem de materni uteri intemerata fecunditate prodiisse, cum alter eorum dispensationem, qua salvati sumus negando quantum in ipso est irritam faceret, alter opinione contraria sed impietate consimili in eodem Domino nostro Jesu Christo potestatem divinam a vera humanitate secluderet; neque ille recordatus, quia palpandam carnem suam Christus ostenderit, neque ille Evangelii memor verbum carnem factum esse dicentis, cui vox Domini indeficienter insonare debuerat, quia dixit et docuit: « Nemo ascendit in cælum, nisi qui de cælo descendit, filius hominis qui est in cælo (Joan. III, 13). » Sæpe hæc et multis precedentium sunt comprehensa sententiis. Sed nec clementia vestra, licet jam dicta sint, fastidiose poterit repetita cognoscere, nec nobis pudor ea quæ sunt a prædecessoribus nostris prædicata revolvere. Neque enim possibile est, ut sit diversitas prædicationis ubi est una forma veritatis; nec ab re judicabitur alienum, si cum his cum quibus convenimus fide congruamus et dogmate. Revolvantur piis mansuetudinis vestræ auribus decreta synodica. Et beatæ papæ Leonis convenientia sacræ fidei constituta. Eadem invenietis in illis quæ recesseritis in nostris. Quid ergo est post illum fontem fidei statuum? Quid amplius si

A tamen fidei terminos servat, quilibet curiosus scrutator inquirat. **258** Non opus adjectione plebis, aut instructione perfectis, nisi forte mavult quisquam dubitare quam credere, certare quam nosse, sequi dubia quam servare decreta.

M. Nam si Trinitas Deus, hoc est, Pater, et Filius, et Spiritus sanctus. Deus autem unus specialiter legislatore dicente: « Audi, Israel, Dominus Deus tuus unus est (Deut. VI, 3), » qui aliter habet, necesse est, aut divinitatem in multa dividat, aut specialiter passionem ipsi essentiæ Trinitatis impingat, et quod absit a fidelium mentibus, hoc est, aut plures deos more profanæ gentilitatis inducere, aut sensibilem pœnam ad eam naturam quæ aliena est ab omni passione transferre. Unum est sancta Trinitas, non multiplicatur numero, nec crescit augmento, nec potest aut intelligentia comprehendî, aut hoc quod Deus est discretione sejungi. Quis ergo illi secreto æternæ impenetrabilisque substantiæ, quod neque ulla visibilibus vel invisibilibus creaturarum potuit investigare natura profanam divisionem tentet ingerere, et divini arcani mysterium revocare ad calculum moris humani? Adoremus Patrem, et Filium, et Spiritum sanctum, indistinctam distincte, incomprehensibilem et inenarrabilem substantiam Trinitatis, ubi et si admittit numerum ratio personarum, unitas tamen non admittit essentiæ separationem. Ita tamen ut servemus divinæ propriæ naturæ, servemus propria unicuique personæ: ut nec personis divinitatis singularitas denegetur, nec ad essentiæ hoc quod est proprium nominum transferatur. Magnū est sanctæ et incomprehensibile mysterium Trinitatis. Deus Pater, Deus Filius, Deus Spiritus sanctus, Trinitas indivisa. Et tamen notum est, quia proprium est Patris ut generaret Filium, proprium Filii Dei, ut ex Patre Patri nasceretur æqualis proprium Spiritus sancti, ut de Patre et Filio procederet sub una substantia deitatis.

III. Proprium quoque Filii Dei, ut juxta id quod scriptum est, in novissimis temporibus Verbum caro fieret, et habitaret in nobis, ita intra viscera sanctæ Mariæ virginis genitricis Dei unitis utrisque sine aliqua confusione naturis, ut qui ante tempora erat Filius Dei, fieret filius hominis, et nasceretur in tempore, hominis matris vulvam non aperiens, et virginitatem matris deitatis virtute non solvens. Dignum plane Deo nascente mysterium, ut servaret partum sine corruptione, qui conceptum fecit esse sine semine servans quod ex Patre erat et repræsentans quod ex matre suscepit. Nam jacens in præsepio videbatur in cælo; involutus pannis adoratur a magis, inter animalia editus ab angelis nuntiatur, vix ingressus infantiam annuntians mysticam sine iustituente doctrinam: inter rudimenta annorum puerium edens cœlestium signa virtutum. Idem enim



Deus et homo non ut ab infidelibus dicitur sub quarta introductione personæ, sed ipse Dei Filius Deus et homo idem virtus et infirmitas, humilitas, et majestas, redimens, et venditus, in cruce positus, et cœli regna largitus. Ita nostræ infirmitatis particeps ut possit interim, ita ingenitæ potentie Dominus ne possit morte consumi. Sepultus est juxta id quod homo voluit nasci; et juxta id quod Patri erat similis, resurrexit, patiens vulnere et Salvator ægrorum unus defunctorum, et vivificator obeuntium, ad inferna descendens, et a Patris gremio non recedens. Unde et animam quam pro communi conditione posuit, pro singulari virtute et admirabili potentia mox resumpsit. Hæc ita esse, nec ullam dubitationem oportere recipere, id est, ne Dominus noster Jesus Christus aut inter corporis passiones Deus non esse crederetur, aut ne Deus tantum non etiam homo inter opera mirabilium stupenda virtutum proposito nos duorum apostolorum informavit exemplo Deum esse se Christum Dominum nostrum Petri fide, hominem Thomæ dubitatione declarans. Quid intererat, ut quem se homines dicerent discipulos vellet inquirere, nisi ut respondente Petro: « Tu es Christus Filius Dei vivi (Joan. xi, 27), » fateretur non hoc de carne et sanguine proditum, sed Patre Deo inspirante revelatum, ut per testimonium laudare responsionis fides patefieret veritatis? Quid etiam intererat, ut apparente post resurrectionem Domino, Thomas tantum abesset cæteris, ut solus ambigeret, ut dum unius manibus se pateretur tangi, ab universitate fidelium quis esset, possit agnosci? Non ergo ad explorandum discipulum interposita est dubitatio sed quæsitæ prosperitatis instructio. An ne aliud expectat quod se idem Dominus Cleopæ cum alio discipulo, cum ad Emmaus tendentes de se loquerentur, inseruit. Et quamquam de resurrectione Domini per mulieres quæ primæ ad monumentum convenerant, agnovissent, tamen ut per eorum dubitationem daret futuris sæculis credendi firmitatem incipiens a Moyse et omnibus prophetis « oportuisse Christum pati, et ita intrare in gloriam suam (Luc. xxiv, 26), » interpretatur. Ostendit per passionem humanam naturam et divinam in eo esse per gloriam multiplicibus hæc sanctarum Scripturarum insinuantur exemplis. Nec apud religiosos conscientiam tuam, venerabilis imperator, tanquam ignota dicuntur, fides enim ipsa quam a te constanter asseritur tibi, reddit hoc muneri, ut sensibus tuis et affectum sui inferat, et scientiam per quam diligentius asseratur, infundat. Et tamen interest dispensationis mihi creditæ, ut ego quoque vel apud scientes nota, non taceam, ut succedente sibi per vices temporum catholicorum prædicatione sensuum, quod indeficienter asseritur, sine fine credatur, latius hæc quæ ad deitatem humanitatemque Domini nostri Jesu Christi pertinent, et in eo unitas sine confusione naturas potui, secundum veterum definita disserere, si esset adversus eos qui his discutiant disputandum. Sed cum in

A manibus omnia sint, et synodica constituta, et beati papæ Leonis dogmata, perstrinxisse, potius pauca quam evolvere credidi convenientius universa. Nunc vero agnoscere satis est et cavere, ita proprietate et essentiam cogitandam ut sciatur quod personæ, quod nos oporteat deferre substantiæ. Quæ qui indecenter ignorant, aut callida impietate dissimulant, dum omittunt quod sit proprium Filii in Trinitate tendunt insidias unitati. Sed si quæ prædicata sunt, validis teneantur fixa radicibus, nec a paterna traditione receditur, et constanter quæstionibus obviatur.

*Sacra Justinii imperatoris ad Hormisdam papam.*

Sacratissimo ac beatissimo archiepiscopo almæ urbis Romæ et patriarchæ HORMISDÆ, JUSTINUS imperator.

B Scias nobis, Pater religiosissime, quod diu summis studiis quærebat patrefactum, et antequam advenerint, qui a nobis destinati sunt, quod Joannes vir beatissimus antistes novæ Romæ noster, una cum clero vobis consentiunt, nullis variantes ambiguitatibus, nullis divisi discordiis. Scias libellum ab eo subscriptum quem offerendum indicaveras sanctissimorum Patrum concilio congruentem, quo omnes concurrunt alacri opere suscipienda vota, tam nostræ quam Constantinopolitanæ sedis quæ veritatis coruscus fulgor illuminat. Omnes accelerant libentissime quos oblectat via dilucida, ut sequantur scita Patrum sanctissimas leges probatissimasque, et consiliis quorundam firmatis, qui rectum tenebant tramitem aliorum correctis qui vagabantur, incerti in eos res colligitur, ut unitatem individue Trinitatis ipsi quoque in unitate colant mentium, negatum esse inter divina mysteria memoriam in posterum fieri libelli quem diximus Acacii prævaricatoris quondam regis hujus urbis episcopi, nec non et aliorum sacerdotum qui vel primi contra constituta venerunt apostolica, vel successores erroris facti sunt, et nulla usque ad ultimum diem sunt poenitentia correcti. Et quoniam omnes nostræ religionis admonendi sunt, ut exemplum imitentur civitatis regis, destinanda ubique principalia præcepta ediximus. Tanto flagramus religionis officio, tanto affectamus studio pacem catholicæ fidei pro rememoranda celeriter pacem, nostræ reipublicæ pro conciliando subjectis meis superno præsidio. Quid enim gratius reperiri potest, quid justius, quid illustrius, quam quis idem regnum continet idemque fidei cultus irradiat, eos non diversa contendere, sed collectis in eisdem sensibus instituta venerari non humana mente illata, sed in divinæ providentiæ spiritum? Oret igitur vestræ religionis sanctitas, ut quod pervigili studio pro concordia Ecclesiarum catholicæ fidei procuratur, divini muneris opitulatio jugi perpetuitate servari annuat. Data decimo Kalendas Maii, Constantinopoli.

*Libellus fidei Joannis Constantinopolitani episcopi directus ad sanctum Hormisdam papam, in quo anathematizat Nestorii et Eutichetis et reliquorum hæreticorum blasphemias.*

Redditis mihi litteris vestræ sanctitatis in Christo,

frater charissime, per Gratum charissimum comitem, et nunc per Germanum et Joannem reverendissimos episcopos et Felicem et Dioscorum sanctissimos diaconos, et Blandum presbyterum lætissimum de speciali charitatis vestrae sanctitate quod unitatem sanctissimarum Dei Ecclesiarum secundum veterum Patrum requiris traditionem, et dilaceratores rationabilis gregis Christi amore pulsare festinas. Certus igitur scito per omnia, sanctissime, quia secundum quod vobis scripsi tecum cum veritate sentiens omnes a te repudiatos hæreticos renuo, et ego pacem diligens sanctissimas Dei Ecclesias, id est, superioris vestrae et novellæ istius Romæ unam esse accipio illam sedem apostoli Petri et istius augustæ civitatis unam esse definitio. Omnibus actis a sanctissimis quatuor synodis, id est, Nicæna, Constantinopoli et Ephesi et Chalcedonæ, de confirmatione fidei instituta esse Ecclesiæ assentio, et nihil titubare de bene judicatis patior. Sed et conantes aut nisos usque ad unum apicem placitorum perturbare lapsos esse a sancta Dei generali et apostolica Ecclesia scio, et tuis verbis recte dictis evidenter utens per præsentia scripta hæc dico, quia prima salus est recte fidei regulam custodire, et a Patrum traditione nullatenus deviare; quia non potest Domini nostri Jesu prætermitti sententia dicentis: « Tu es Petrus et super hanc petram ædificabo Ecclesiam meam (Matth. xvi, 18), » hæc quæ dicta sunt rerum probantur effectibus, quia in sede apostolica inviolabilis semper catholica custoditur religio: hæc igitur fides. Nec cadere cupientes, sed Patrum sequentes in omnibus constituta anathematizantes omnes hæreses et præcipue Nestorium hæreticum, qui quondam Constantinopolitanæ urbis fuit episcopus, damnatum in concilio Ephesino a beato Cælestino papa urbis Romæ, et a venerabili viro Cyrillo episcopo Alexandrinæ civitatis et una cum illo anathematizamus, et Eutichem, et Dioscorum Alexandrinæ civitatis episcopum, damnatum in sancta synodo Chalcedonensi quam venerantes sequimur et amplectimur. Quæ sequens sanctam synodum Nicenam apostolicam fidem prædicavit; his conjugentes Timotheum parricidam, Hellurum cognominatum, anathematizamus, et hujus discipulum et sequacem in omnibus Petrum Alexandrinum similiter condemnantes. Anathematizamus similiter Acacium quondam Constantinopolitanæ urbis episcopum, complicem eorum et sequacem factum, nec non et perseverantem eorum communioni et participationi. Quorum enim quis communionem amplectitur eorum similem adjudicationem in condemnatione consequitur. Simili modo et Petrum Antiochenum condemnantes anathematizamus cum sequacibus suis, et omnibus suprascriptis: unde probamus et amplectimur epistolas omnes beati Leonis papæ urbis Romæ quas conscripsit de recta fide. Quapropter, sicut prædiximus sequentes in omnibus sedem apostolicam, et prædicamus omnia quæ ab ipsa decreta sunt et propterea spero in una communicatione vobiscum quam apo-

A stolica sedes prædicat me futurum, in qua est integra devotio Christianæ religionis et perfecta soliditas, promittens in sequenti tempore sequestratos a communione Ecclesiæ catholicæ id est in omnibus non consentientes sedi apostolicæ eorum nomen inter sacra non recitandum esse mysteria. Quod si in aliqua professione mea deviare tentavero, his quos condemnavi et per condemnationem propriam consortem 259 me esse profiteor. Huic vero professioni subscripsi manu mea et direxi per scripta tibi Hormisdæ sancto et beatissimo fratri et papæ magnæ Romæ per supradictos Germanum et Joannem venerabiles episcopos, Felicem et Dioscorum diaconos, et Blandum presbyterum. Et alia manu: Joannes, misericordia Dei episcopus Constantinopolitanæ novellæ Romæ huic me professioni consentiens omnibus supradictis subscripsi sanus in Domino. Ora pro nobis, sanctissime et beatissime frater. Data mense Martio, die xxviii, indictione xi, consulibus Domino Justino imperatore Augusto et Heradio iv cc. æra dc.

*Epistola Hormisdæ papæ ad Joannem episcopum Militanæ Ecclesiæ de communione Constantinopolitanæ Ecclesiæ.*

Vota nostra charitatem tuam latere nolumus, ne qui particeps fuit sollicitudinis gaudiorum fructu reddatur extorris, et ideo Constantinopolitanam Ecclesiam ad communionem nostram rediisse Domino propitiante tradentibus significamus alloquiis, et mandatorum quæ legatis nostris dedimus in omnibus C seriem fuisse completam, de qua parte, ut ad dilectionem tuam plenius perfectæ gaudium perveniret, libelli Joannis fratris et consacerdotis nostri episcopi Constantinopolitani et Justinii clementissimi principis Orientis sacrarum litterarum exemplaria pariter credidimus destinanda, judicantes nihilominus per Orientis partes plurimòs episcopos sic fecisse. Superest ut a nobis competentibus precibus divinitas exorata concedat, quatenus de aliarum quoque Ecclesiarum redintegratione gratulemur. Ea vero quæ significare curavimus, in eorum sacerdotum qui fraternitati tuæ vicini sunt curabis perferre notitiam ut et ipsi de effectu tantæ rei gratias nobiscum cœlestis misericordiæ beneficiis referre non cessent. Deus te incolumem custodiat, frater charissime.

D *Item ad Joannem episcopum de directis institutis et vice commissis.*

Dilectissimo fratri JOANNI HORMISDÆ.

Fecit dilectio tua rem charitati et fidei congruentem ut adventum suum ad Italiam nobis directis litteris indicaret, et quæ in te sit summa religiosæ voluntatis ostenderet. Atque utinam ad plenioris affectus satiæ præsentia tuæ nobis gaudia contigissent, ut gratularemur nos et colloquio et pœnitentia frui, quam sumus ante per scripta complexi, verumtamen probasti, dilectissime frater, quo Christianam fidem veneraris affectu. Dum ea quæ ad regulas Patrum pertinent, et ad mandata catholica sine aliqua cupis transgressionem servare sperans, ut prorogatis generalibus ad



Hispanienses Ecclesias constitutis super quæ aut A negligentius aut irreligiosus fiunt ecclesiasticis disciplinis congruentia sanciamus quod amplexi sumus. Quid enim aut nobis dulcius quam cum fidelibus loqui, aut Deo aptius quam deviantes ab errore revocare? Salutantes igitur charitatem qua jungimur per Cassianum diaconum tuum significamus nos direxisse generalia constituta, quibus vel ea quæ juxta canones servari debeant competenter edicimus, vel circa eos qui ex clero Græcorum veniunt, quam habere oporteat cautionem, sufficienter instruximus. Sed causæ ipsius ordinem instructionemque abunde decretis ecclesiasticis vos docebunt, ut agnoscentes et impiorum transgressionem et apostolicæ sedis curam pro Patrum regulis exubantem, ostendatis vos perosos damnatorum consortia, et amare fidelium. Et quia per insinuationem dilectionis tuæ hujus nobis est viæ patefacta prudentia, remuneramus sollicitudinem tuam, et servatis privilegiis metropolitanoꝝ vices vobis apostolicæ sedis catenus delegamus, ut inspectis istis sive ea quæ ad canones pertinent, sive ea quæ a nobis sunt nuper mandata servantur, sive quæ de ecclesiasticis causis tuæ revelationi contigerunt sub tua nobis insinuatione pandantur. Erit hic studii ac sollicitudinis tuæ, ut talem te in his quæ injunguntur exhibeas, ut fidem integritatemque ejus cujusque curam suscipis inviteris.

Data IV Nonas Aprilis Agapito II consule, æra DCLXVIII.

*Item epistola Hormisdæ ad episcopos Hispaniæ.*

1. De sacerdotibus juxta instituta canonum ordinandis.

2. Ut pro episcopatu præmium non accipiatur.

3. De concilio per annos singulos celebrando.

Dilectissimis fratribus episcopis per Hispaniam constitutis HORMISDA.

Benedicta Trinitas Deus noster qui per misericordiam suam Romanæ reipublicæ per universas partes suæ pacis tranquillitate diffusa, nobis quoque viam demonstrandæ circa nos charitatis indulsit, ut qui cohæremus firmitate fidei, jungamur quoque votiva jocunditate colloqui, quo facilius dum per litterarum ministeria ad vos usque pertendimus, etiam corda vestra ad religiosum cultum apostolicis admonitionibus incitemus; et dum dilectionis pignus nostræ reddidimus, velut quoddam debitum plenum circa Dominum monstremus affectum. Jungamus igitur, dilectissimi fratres, continuas et humiles preces, et Dominum nostrum oris et cordis lacrymis supplicantes jugi deprecatione poscamus, ut et institutione et opere illi cuius esse membra cupimus hæreamus, nec unquam ab illa via quæ Christus est devio tramite declinemus, ne ab eo juste quem nos impie relinquimus deseramus. Quod cum superni favoris auxilio ea nobis potestate contingere, si apostolica dogmata, si Patrum mandata servemus. Dixit enim Dominus noster: « Qui diligit me, sermonem meum servabit, et Pater meus diliget eum, et ad eum veniemus, et mansionem apud eum faciemus (Joan. xiv, 23). » Et licet hæc possint generaliter dicta sufficere, ut vel decli-

nemus errata, vel custodiamus catholica constituta, tamen quia Joannis fratris, et coepiscopi nostri nobis insinuatione vulgatum est contra canonum reverentiam nonnulla præsumi, periculum quod doctoribus imminet de taciturnitate declinans, et prophetica voce compunctus qua dicit, loquere ne taceas, generalibus edicendum credidi constitutis.

CAP. I. Ut in sacerdotibus ordinandis quæ sunt a Patribus præscripta, et definita cogitetis, quia sicut est caput Ecclesiæ Christus, Christi autem vicarii sacerdotes, sic et in eligendis his curam oportet esse perspicuam. Irreprehensibiles enim esse convenit quos præesse necesse est corrigendis, nec quidquid illi deesse personæ penes quam est religionis summa, et substantia disciplinæ. Æstimet quis pretium Domini gregis, ut sciat quod meritum constituendi deceat esse pastoris; hoc fiet ita, si non sacerdotii gradus saltu quodam passim laicis transferantur. Longa debet vitam suam probatione monstrare, cui gubernacula committuntur Ecclesiæ. Non negamus esse in laicis Deo placitos mores, sed milites suos probatos sibi quæerunt instituta fidelia. Discere quisque debet antequam doceat, et exemplum religiosæ conversationis de se potius aliis præstare quam præsumere. Emendatiorem esse convenit populo, quem necesse est orare pro populo; longa observatione religiosus cultus tradatur ut liceat, et clericalibus obsequiis erudiendus inserviat, ut ad venerandi gradus summa perductus, qui sit fructus humilitatis ostendit. Nec leve nec vacuum fuit, quod nec apud veteres quidem nisi levitici generis viri ad sancta admittebantur altaria, ne pessime meritis aut pretio aut præsumptione contemptis ad sacros cultus impar accederet. Tunc, migrabant prærogativa familiarum ad instituta cultorum: nunc est doctrina pro genere. Quod illis fuit nasci, hoc nobis imbu. Illos tabernaculo dabat natura, nos altaribus paritur disciplina; nec tantum de laicis consecrari inhibemus, sed ne de poenitentibus quisquam quidem ad hujusmodi gradum profanus temerator aspiret. Satis illi postulanti sit venia. Qua conscientia absolvat reum qui se peccata sua populo scit teste confessum. Quis enim quem paulo ante vidit jacentem veniretur antistitem? præferens miserandi criminis labem non habet lucidam sacerdotii dignitatem.

D II. Hoc quoque ad præmissa conjungimus ne benedictionem per impositionem manus quæ divina esse creditur, quis pretio comparet, quoniam ante oculos esse convenit, quod Simon Spiritum sanctum volens redemptione mercari, Apostoli fuerit detestatione percussus. Tunc deinde quis non vile putat esse quod venditur? Istam sacerdotibus ordinandis reverentiam servet electio, ut in gravi murmure populorum divinum credatur esse iudicium. Ibi enim Deus ubi simplex sine pravitate consensus; verum ne hanc quidem partem sollicitudinis et admonitionis omittimus, ne vel ille se a culpa æstimet alienum, qui et si ipse quidem a redemptione liber initiaverit benedictione mystica sacerdotem, et tamen ad alterius

redempti voluntatem, vel sponte in hoc vel necessitate consenserit. Quid prodest illi suo errore non pollui, qui consensum præstat erranti? Procul dubio contra mandata committit, et qui habet peccatum proprium, et qui peccatum sequitur alienum incassum animus resistit cupiditati, si non resistit et timori. Adversus hæc facilius Deo adjuvante providebitur, si circa metropolitanos privilegia a sanctis Patribus constituta permaneant, si metropolitani circa parochias suas ordinem suum, ea qua decet veneratione custodiant, ut nec electio præsulis empti detur preliis, et nec obsequentis sit quæsitæ operibus, sed ita fixa habeantur in cordibus quemadmodum releguntur in Scripturis. Si nulla sint in templis emptionum semina, nulla erunt fomenta discordiæ, sed regnante charitate sub illa quam nobis promisit Deus, et retribuit, pace vivatur.

III. Ob hoc Patres providentia qua Spiritus sanctus cultores suos compungere dignatus est incitati, bis in anno per parochias singulas concilia haberi docuerunt, ut in unum juxta salubris institutionis dogmata congregati, pro ecclesiasticis causis tractandis libere convenirent, ut si juxta votum universa consistunt, Deum junctis vocibus qui præstat desiderata collaudent. Difficile est enim ut cujusquam cor pravis sic cogitationibus induretur, ut a se patiatur culpanda fieri, cum noverit se judicium futurum esse concilii. Præcinctos ad hanc viam semper lumbos habeant, scientes rationem actuum suorum esse reddendam. Suspendantur ab illicitis per formidinem, et qui nequiverint per pudorem. De conveniendo notum est canones sanctos bis in anno constituisse, et præfinitum quidem si possibile est, inviolabiliter convenit custodiri. Sed si aut temporum necessitas, aut emergentes causæ hoc non patiuntur impleri, semel saltem quamvis non licuerit sine ulla excusatione, præcipimus convenire. Hæc, fratres charissimi, et alia quæ Patrum regulis continentur, in labiis et in cordibus nostris indivisa retractatione meditemur, et sicut scriptum est, narremus ea filiis nostris, ut ea meditentur in cordibus suis, sedentes in domo, ambulantes in itinere, dormientes atque surgentes, quia « beatus in Domino qui in lege ejus meditabitur die ac nocte (Psal. i, 2). » Hoc et magister gentium discipulum suum æcutus instituit admonens : hæc meditare, in his esto, subjiciens plenitudinem : attende tibi et doctrinæ, quia si fidelibus sine intermissione incumbimus institutis, separabimur a vitiis, dum impensa cura divino operi humano locum non reliquit errari. Data iv Nonas Aprilis, Agapeto II consule.

*Item epistola Hormisdæ papæ ad episcopos Hispaniæ, in qua eis Joannis Constantinopolitani episcopi professionem dirigit, propter orientales clericos qui eorum communionem poposcerant.*

**260** Dilectissimis fratribus episcopis per Hispaniam constitutis HORMISDÆ.

Interea quæ notitiæ nostræ Joannes frater et coepiscopus noster studio Ecclesiasticæ utilitatis ingessit, hoc quoque pro affectu catholice fidei,

A et apostolicæ sedis veneratione consuluit, quo ordine ex clero Græcorum venientibus tribui deberet sancta, communio, propter causam scilicet Acacii a prædecessoribus nostris pro hæreticorum communione damnati, in qua qui se ab ejus contagione non dividunt, a nostra communione habeantur excepti. Laudo propositum viri hoc zelo circa fidem, et apostolica instituta ferventis, ut neque per ignorantiam quidem quanquam cæno erroris alieni pateretur, immergit. Digna hæc cura fidelibus ut sollicito studio semper invigilent, et inculpato se ab omni perversitate conservent. Ipsa est enim fidei innocentia ut prævideat, ne vel casu possit errare. Satisfacientes igitur et laudabilibus desideriis memorati viri, et memores nostri sicut oportet officii documenta quæque de Ecclesiæ scriniis assumentes ad concilium vestrum pro generalitatis instructione direximus, ut ex illis plenius quæ sunt acta discentes, ab omni vos errantium communione separetis, neque enim est personalis odii causa in impios transgressores dicta, Deo inspirante sententia, in qua quidem causa, nequaquam a prædicatione cessavimus, et principes supplicando, et sacerdotes, et populos et admonendo, ut transgressores absoluti ad rectam fidem affectu Dei, et judicii timore converterent. Sed obstinatio miseranda eo perduxerat illos, ut nullis modis mortifera venena vincantur, sed mala semina fixis in deterius pullulent radicibus. Ergo dilectissimi fratres ad omnia competentes instructi, servate vos et Ecclesiam Dei Apostoli exhortatione compuncti. Nos

C autem libellum misimus, sub quo si quis communionem vestram de orientalibus clericis poposcerit, ad eam possit admitti, secundum quam et de Thraciæ et Scythiæ, Illyriciæ partibus vel Epiri veteris, sed et secundum quam de Syriæ multos jam constat esse susceptos, gaudentes ad recta confluere, et devia declinasse. Unde pro subreptione mandamus ut omnis cura et sollicitudo omnis invigilet, jam nullus si ignorantie locus, nullus utatur simplicitatis excusatione præterita. Scienti peccare necessaria confessio est. Necesse est ut errorem sibi scribat qui monstratur institisse pravo itineri. Bonifacius notarius sanctæ Ecclesiæ Romanæ ex scrinio editi exemplaria libelli exsequitur.

D Prima salus est rectæ fidei regulam custodire, et a constitutis Patrum nullatenus deviare; et quia non potest Domini nostri Jesu Christi prætermitti sententia, dicentis : « Tu es Petrus, et super hanc petram ædificabo Ecclesiam meam (Matth. xvi, 18), etc., hæc quæ dicta sunt rerum probantur effectibus, quia in sede apostolica extra maculam semper est catholica servata religio. De qua spe, et fide minime separari cupientes, et Patrum sequentes constituta, anathematizamus omnes hæreses, præcipue Nestorium hæreticum, qui quondam Constantinopolitane fuit urbis episcopus, damnatum in concilio Ephesino a beato Cœlestino papa urbis Romæ, et a venerabili viro Cyrillo Alexandrinæ civitatis antistite. Similiter anathematizamus Eutichem, et Dioscorum



Alexandrinum in sancta synodo quam sequimur et amplectimur Chalcedonensi damnatum, quæ secuta sanctum concilium Nicænum fidem apostolicam prædicavit. Detestamur et Timotheum parricidam Heliurum cognomento, discipulum quoque ipsius et sequacem in omnibus Petrum Alexandrinum condemnamus. Etiam anathematizamus Acacium Constantinopolitanum quondam episcopum, ab apostolica sede damnatum, eorum complicem et sequacem, vel qui in eorum communione permanserint. Qui Acacius, quorum se communioni miscuit ipsorum similem habere meruit in damnatione sententiam. Petrum nihilominus Antiochenum damnamus cum sequacibus suis, et omnibus superscriptis. Suscipimus autem et probamus epistolas beati Leonis papæ universas quas de religione Christiana conscripsit, sicut prædiximus sequentes in omnibus apostolicam sedem, et prædicantes omnia ejus constituta. Et per omnia spero ut in una communione vobiscum quam sedes apostolica prædicat, esse merear, in qua est integra et vera Christianæ religionis, et perfecta soliditas, promittens sequestratos a communione Ecclesiæ catholicæ, id est, non consentientes sedi apostolicæ, eorum nomina inter sacra non recitanda esse mysteria. Quod si in aliquo a mea professione deviare tentavero, his quos damnavi, complicem me mea sententia esse profiteor. Hanc autem professionem meam ego manu mea subscripsi, et Hormisdæ sancto ac venerabili papæ urbis Romæ direxi.

*De reconciliatione Romanæ et Constantinopolitanæ Ecclesiæ.*

Dilectissimo fratri EPIPHANTIO HORMISDÆ.

Multo gaudio sum repletus quod circa Ecclesiæ pacem, et sanctissimi imperatoris, et dilectionis tuæ, tale studium litteris indicasti, quod legatorum quoque meorum assertione cognovi manifestum. Hinc enim supernæ misericordiæ documentum perdocetur, quando et mundani principes causas fidei cum reipublicæ ordinatione conjungunt, et Ecclesiarum præsules quod ad dispensationem sui pertinet officii memores exsequuntur. Talibus enim indigebat post discordiæ procellas religio Christiana rectoribus qui, compressis provida dispensatione turbinibus, diu peregrinatam pacem depulsa tempestate reducerent, ut in futura post sæcula ad propositi sui exempla tendentes, sibi ad scribendum indubitanter ostenderent, quidquid Deo placitum posteris pro sua imitatione fecissent. Benedicamus Dominum, fratres charissimi, hoc diebus nostris fuisse concessum, et totis orationum, et curarum viribus adnitamur, ut quæ Dei opere bene cœpta sunt, ipso adjuvante per omnia compleantur. Sperandum enim est, ut ad compagem corporis sui reliqua quæ adhuc desunt, membra, festinent, et a potioribus minora non discrepant. Ad quod me cum dilectione tua Christianæ studio charitatis hortatur, debet quod invitat sequi, et quod amandum suadet amplecti. Similem enim jam fidei curam gerentes per religiosam patientiam par etiam præmium de boni operis speramus affectu.

A Neque enim difficultatibus est cedendum. Non enim fatigatur asperis fides, nec ad cælorum ardua per proclive contenditur, nec remunerationem citra laboris exercitium quis meretur. Unde ne facientes bona deficiamus, specialiter admonemur, etiam teste Psalmista: « Beati qui custodiunt iudicium, et faciunt justitiam in omni tempore (Psalm. cv, 3), » quia non initium laboris remunerationem præmii consuevit invenire, sed terminus. Ergo studium sollicitudinis assume, quibus est una in communione societas et credulitas quemadmodum de unitate sedis apostolicæ, et Constantinopolitanæ Ecclesiæ pariter exultamus in Domino; ita de reliquorum quoque sicut affectione admones reintegratione lætemur, et euremus primum ut fidem integritatemque nostram  
B immaculatam ab omni contagione servemus; nosti enim, frater charissime, ac sanctissime, quia Ecclesiastica servant vincula concordiam quæ nos ab hæreticorum tuncantur insidiis, per quæ etiam canonum custoditur integritas. His in robore suo omni circumspectione servatis, remedia sperantibus conferuntur. Habet enim ecclesiasticarum ordo regularum, et ipsius forma justitiæ ut medicina rationabilis benignæ, et fideliter sperantibus non negetur, nec quisquam ita est ab humanitate discretus, quem non a rigore discretionis inclinet cauta simplicitas. Sed ut caute hoc cæterasque querelas, aut errores alicujus eo valeas expedire, dilectissime frater, personam meam te in hoc oportet induere, scientem in hujusmodi causis, sicut prædictum est, quid cavendum  
C sit; ita omnia prævidendum, ut non ambigas te rationem dispensationis hujus Deo esse reddendam, ita tamen ut eos qui vobis fuerint in communione sociati, vel per vos sedi apostolicæ vestra nobis scripta declarent, quibus etiam et qui continentiam libellorum obtulerint, inseratur. Sic enim et Severi vel Sulpicii vel complicum, aut similium absolvemus errores. Nec eorum qui sanari potuerint, dispendia patiamur. Quod ideo vobis specialiter credidimus imponendum ad diligentiam vestram a nostro onere transferentes, quia non parva jam documenta resistentes hæreticis reddidistis, nec debet de eo ambigi, quem bene contingerit explorari. Simul assidue medelam medicinæ, simul accingere auctoritate justitiæ. Et sic circa simplices humanitate mollire, ut in hæreticorum contagione perdurantes, aut eos qui innocentiam simulant, et cum nostris sola voce consentiunt, ab his quibus pro Ecclesiæ reintegratione consulitur et providetur, excludantur. Nec enim expedit circa eos ecclesiasticam temperare censuram. Non enim erunt jam miserationes bonæ pro eorum quibus consuli oportet necessitate collatæ, et si indiscrete fuerint bonis malisque communes. Et quia Hierosolymitanorum faciendam credidit in litteris tua dilectio mentionem, quorum etiam ad nos quædam delata proessio est, necessarium diximus respondere quæ congrua sunt. His qui sanctorum Patrum constituta custodiunt. Si illa fidei fundamenta venerantur, ab his quoque qui per eos Spiritu sancto

componente definita sunt, non removeantur. Aut enim perfecta sunt, et adjectione non indigent : aut bene valida, et ideo non mutanda, quando per ea omnia hæreticorum venena compressa sunt; nec quidquam Chalcedonensis synodus quod utile qualibet diligentia potuisset exercitare præteriiit, quæ præcedentium quoque dogmata, vel clarius manifestavit vel repetita auctoritate firmavit speciale quoddam adversus Nestorium, et Eutichem aggressa certamen, et alterum deitatem Domini nostri Jesu Christi a carne separatam, et ideo sanctam Mariam Dei genitricem pronuntiare vitantem, alterum veritatem carnis in Domino rennentem. Quando Dominus noster Jesus Christus idem Filius Dei, idem filius hominis, una in duabus naturis persona divinitatis, et carnis nec naturis ad unitatem confusis, ne velut quarta persona addita Trinitati, « sed ipse Filius Dei exinanivit semetipsum formam servi accipiens (*Philipp.* II, 7); » propter quod et unam nec divisibilem profiteamur essentiam Trinitatis, et proprietatem tamen suam scimus inesse personis : unam enim Patris profiteamur esse personam, unam Filii Dei eum assumpta carne, unam Spiritus sancti, et personas proprietatibus designantes, et per unitatem essentiae inseparabile Trinitatis mysterium confitentes; neque enim ambigi potest verbum Dei inter virginis viscera per carnem humanam assumpsisse naturam, nec ab obstetrice factum intra vulvam naturarum munitione divisum. Nam sicut non est in eo humanitas sine Deo edita, sic in crucem non est impassibilis divinitas a carnis passione divisa, quod virginis partus, et intemerata fecunditas, et singularis a mortuis resurrectio, et ad cœlos declarat ascensio. Hæc si quemadmodum a Patribus constituta sunt, servata credant, nec definita transcendant a quo tramite qui declinant ipsi sibi nebulam dubitationis obtendunt. Nos autem illud apostolicum contemplantes contentiosis respondere non necesse est; et nos hanc consuetudinem non habemus, et nec Ecclesia Dei. Hæc ideo breviter defini, quia nec ambigi convenit de rebus, ita per fidem definitis sæpius, et pene supervacua est allegatio quæ adhibetur instructis, cum super hæc ad clementissimum principem non parva jam perstrinxerimus. Ut quia de Hierosolymitanorum professione respondimus. Hoc quoque æstimavimus salutis eorum causa competenter addendum, ut si communionis apostolicæ se dederint unitati, et professionem suam scripto **261** indicent, quam legeris vestris apud Constantinopolim positus offerant, aut per suos ad nos dirigant, aut fraternitati vestræ tradant, eodem tamen sicut diximus, tenore conscriptam, quæ ad nos modis omnibus sub nostra ordinatione deferatur. De Thessalonicensibus quorum ad nos legati per clementissimi et fidelissimi principis filii nostri ordinationem venerunt, ne quid omisisse credamus, nosse vos volumus secundum hoc quod Domino nostro Jesu Christo inspirante placuerit omnem causam nostra dispositione tractandam, et sicut oportet impleri ordinandam, hæc per fratrem

A et coepiscopum nostrum venerabilem virum Joannem, sed et filios nostros Heraclium, Probum et Constantinum diacones ecclesiastico honore dignissimos ad causam pertinentia rescripsisse contenti, gratulati sumus in viro ordinis nostri, et meritum, et religiosum nos invenisse propositum et cum legationis mandato sapientia, et moribus congruens votiva eorum res et plena gaudii est ut sunt juxta æstimationem probabiles, et quos sancti communionis officii contigerit esse consortes.

*Item Hormisdæ ad Salustium. Hispal, episc. de commissa vice per Baticam et Lusitaniam provincias.*

B Charissimo fratri Salustio Hormisdæ. Suscipientes plena fraternitatis tuæ votiva gratulatione colloquia quæ nos geminæ salutis tuæ letificaverunt indicio, siquidem retulerunt te corporali cum spiritualibus officiis incolumitate subnixum, congruum esse perspeximus hanc ipsam quam mente gerimus verbis expedire lætitiā. Edidisti enim boni documenta pontificis dum et prædicanda facis, et ea suadere non differs. Prærogativam de nostri sumpsimus electione judicii, quando id te sponte amplecti didicimus quod cæteris imperamus. Oramus siquidem divinam clementiam cunctos agnoscere, et hæc ad studia ecclesiasticæ pacis istrumenta transmisimus. Tu vota nostra, et fideli intelligentia percepisti, et officii protinus devotione complesti, cunctis fratribus innotescens, quæ per cœlestem gratiam cunctis profutura cognoveras. Suffragantibus igitur tibi tot meritis piæ sollicitudinis et laboris, certe jam delectat C injungere, quæ ad nostri curam constat officii pertinere, ut provinciis tanta longinquitate disjunctis, et nostram possis exhibere personam, et Patrum regulis adhibere custodiam. Vices itaque nostras per Baticam Lusitaniamque provincias salvis privilegiis quæ metropolitanis episcopis decrevit antiquitas, præsentiauctoritate committimus, augentes tuam hujus participatione ministerii dignitatem, relevantes nostras ejusdem remedio dispensationis excubias. Et licet de singulis non indigeas edoceri quem jam probavimus cautius universa servare, gratius tamen esse solet, si iterum trames ostendatur, et laboris injectio superius formata monstretur. Paternas igitur regulas et decreta a sanctis definita conciliis ab omnibus servanda mandamus. In his vigilantiam D tuam, in his curam fraternæ monitu exhortationis extendimus. His ea qua dignum est reverentia custoditis, nullum relinquit culpæ locum, nec sanctæ observationis obstaculum. Ibi fas nefasque præscriptum est, ibi prohibitum ad quod nullus audeat aspirare, ibi concessum quid debeat mens Deo placitura præsumere. Quoties universalis poscit religionis causa ad concilium te cuncti fratres evocante conveniant, et si quos eorum spiritalis negotii pulsat intentio, jurgia inter eos oborta compesce, discussa sacris legibus determinando certamina. Quidquid autem illi pro fide veteribus constitutis vel provida dispositione præcipies, vel personæ auctoritate nostræ formabis, totum ad scientiam nostram instructæ relationis attestatione perveniat. Eo fit



ut noster animus officii charitate dati, et tuus securitate perfruatur accepti. Deus te incolumem custodiat, frater charissime.

*Rescriptum Hormisdæ papæ ad episcopos Bæticæ provinciae de congratulatione pacis.*

Fratribus dilectissimis universis episcopis per Bæticam provinciam constitutis HORMISDÆ episcopus.

Quid tam dulce sollicito, quam quod mihi de vobis innotescunt illa quæ cupio? Quid tam religiosis conveniens institutis quam ut inter se sacerdotes pacem quam eos necesse est aliis pro officio annuntiare conservent? Plenam fateor gratulationem suscepi quod votiva mihi de charitate quæ inter vos est, et Ecclesiarum pace litteris indicastis; sponte mihi quidquid hortari poterant, quidquid monere delatum est. « Confirmet hoc Deus quod est operatus in vobis, » et quæ præcepit pro animarum salute facienda, hæc ipse quæ præcepit pro ea qua nos redemit, pietate faciat, et in istam boni nuntii nos quoque religiosorum vicem reddidimus nuntiorum. Quidquid cum orientalibus quos ad Ecclesiæ corpus unitatemque revocatos Dei nostri ope litteris significavimus destinatis, denuo cum aptum fuerit repetitis vobiscum participabimus indicis. Mox post nostrorum reditum ab orientalibus missa legatio est; certa speravit, certa consuluit, sed facinus de his quæ fuerant dicenda compendium, ipsa potius ad instruendam notitiam vestram quæ a nobis sunt responsa dirigentes, ne quid sibi sub spatio prolixiore terrarum, aut opinio vindicet, aut error assumat, cum ad rerum fidem ipsam teneri sufficit veritatem. Quod autem ad continentiam vestrarum pertinet litterarum, oportuit quidem desideria plenius expedire, ut æstimates omnibus responsum rationi congruum redderetur. Sed quia privilegiorum veterum, et statutorum pater-norum indidistis iisdem litteris mentionem ad Salustium fratrem, et coepiscopum nostrum sub hac parte rescripsimus, vobis quoque strictim quæ dicta sunt illis latius indicantes, ne privilegia nos indulta convellerent, et nihil tam conveniens fidei judicare, quam ut in honore suo a Patribus decreta serventur. Deus autem vos incolumes custodiat, fratres charissimi.

*Justinus imperator Hormisdæ papæ.*

Quo fuimus nuper et quo sumus studio pro conciliandis sententiis catholicam fidem colentium ut eodem animo cuncti venerentur nomen individuum Trinitatis palam fecisse dignoscitur; nunc legatum ad vestram beatitudinem ultro ob hoc ipsum dirigentes Gratum virum magistrum scri-nii, quo remedium tandem reperiat discordiis varia certantium nunc prono libentique suscipientes affectu viros religiosissimos, quos interventores unitatis vestra sedes apostolica credidit destinandos. Profecto etenim tanquam ipsam pacem, et jocundis eos oculis aspeximus, et extensis manibus duximus amplectendos, quin etiam

A omni intentione ordinavimus, ut venerabilis Ecclesia Constantinopolitana, necnon complures aliæ vota suscipiant vestra, non solum in cæteris, sed in auferendis etiam nominibus ex sacris diptichis quæ removenda maxime postulastis, verum nonnullæ fuerunt urbes, et Ecclesiæ tam Ponti quam Asiæ, ac præcipue orientales, quarum clerici vel populi omnibus pertentati minis atque persuasionibus, tamen nequaquam flexi sunt, ut tollant antistitum, et repellant nomina quorum apud eos opinio floruit, sed morte vitam duriorē æstimant, si mortuos condemnaverint, quorum gloriabantur jura superstitum. Quid igitur faciamus hujusmodi pertinaciæ, quæ nec Deum audiens existit, et tormenta in tantum despicit, ut amplum sibi ac festivum judicet, si corpore priusquam religioso desistat consilio? Nobis quidem videtur opus esse mollius agendi, et clementius. Quæ si non in tua sanctitudine jam nec in alio poterant inveniri. Nam neque sanguinis, et suppliciorum cupidi, quod dictum etiam grave est, libellum, suscepimus, neque ut parvo discrimine remaneant imperfecta concordie desideria, sed ad propagandam quo possumus ordine conjunctionem membrorum Ecclesiæ. Utrum itaque præstantius erit minorum gratia in totum esse nobis acceptas tantas multitudines, an concessis exiguis et remissis majora, et omni ratione querenda corrigi, ut quæ non licuit per omnia saltem ex necessariis partibus allegentur, veniam itaque nominum postulamus, non Acacii, non utriusque Petri, non Dioscori vel Timothei, quorum vocabula ad nos datæ sanctitatis tuæ epistolæ continebant, sed quos in aliis celebravit civitatibus episcoporum reverentia, et hoc exceptis urbibus ubi vestræ beatitudinis libellis jam in plenum admissus est, nisi hanc quoque partem benevolentia statuerit vestra mitius corrigendam. Verum nec judicio caret res sedis apostolicæ, ut non magis venia dicenda sit, quam deliberata jam ac perspecta definitio. Anastasius siquidem religiosissime memoriæ vestræ culmen Ecclesiæ palam aperteque constituit, cum hoc idem scriberet, negotium decessori nostro satis esse pacem affectantibus, si nomen tantum retineatur D Acacii. Ergo priora vestræ sedis constituta sequitur, qui non omnes memorias mortuorum judicat contemnendas, ut indignum habeatur et incongruum, si non placidior omnibus non solum defunctis, sed etiam superstitibus vestra divulgetur in omni fine terrarum lenitas. Et hoc quidem non dubitavimus, ita gratiosum vobis futurum ut pacifico statim responso letior mundus reddatur; retineat autem vestra sanctitas quod dudum scripsimus ex Oriente supplicationes nobis esse destinatas, voluntatem ipsorum continentem, et arbitrium in quo se duraturos ostendunt firmiter, et quo nulla ratione desistendum æstimant. Ille itaque chartulam secundam nostra

promissa, per Joannem virum reverendissimum A episcopum dirigendam vobis in præsentem merito credidimus, ut a vestra sede etiam tenor ejus admissus ad colligendas proficiat, et adunandas ubique venerabiles Ecclesias, et Hierosolymitanam præcipue, cui tantum omnes favorem impendunt quasi matri Christiani nominis, ut nemo audeat ab ea sese discernere. Consensum itaque proprium tuam sanctitatem epistolari quoque pagina convenit declarare, ut cognito omnibus atque patefacto tenorem ejusdem chartulæ a vobis etiam laudari, et tenaciter custodiri, lætior mundus existat. Data v Idus Septembris Chalcedone, Rustico consule, accepta pridie Kalendas Decemb. cons. s.

*Exemplar precum.*

Deo amabili ac piissimo imperatori ex Deo B Augusto, et principi Justino Christianissimo, deprecatio, et supplicatio ab Hierosolymitanis, et Antiochenis, et secundæ Syriæ clericis, et abbatibus et possessoribus provincie Syriæ: « Haurite aquam cum lætitia ex fontibus salutis (Isa. xii, 3), » vociferator Isaias propheta exclamat, fontes salutis evangelicæ veritatis prædicationes manifeste ostendens, ex quibus beati Apostoli, et eorum qui per ordinem fuerunt discipuli, et sapientes Ecclesie doctores salutarem aquam fidei haurientes, omnem sanctam Dei Ecclesiam irrigaverunt, quæ in petra summi apostolorum subnixæ, rectam et inflexibilem confessionem custodiens, fiducialiter cum eo ad unigenitum Filium Dei omni tempore exclamat, dicens: « Tu C es Christus Filius Dei vivi (Joan. xi, 27). » Hanc salutarem confessionem a sanctis quatuor synodis quæ evangelicis præceptis sunt honoratæ suscipientes, nunquam per Christi gratiam a traditis nobis rectis dogmatibus deviavimus, sicut rerum testatur probatio, et tempore necessitatis fidei constantia demonstrat. Si igitur ut Christiani rationis fidei sumus participes, domine piissime, et ad communem pacem, et ad unitatem festinamus, nostram fidem quam ab initio suscepimus, per hanc satisfactionem nostram manifestam vestræ facimus pietati, ut notum sit, quia et paci concurrimus, et a recta cum Dei juvamine non divertimus fide, sed omnem ex æquo hæresim execramur non solum et Eutichianistas, et Acephalos, sed et Nestorianos, et hominem colentes toto animo 262 o.lientes anathematizamus; nos autem, Christianissime imperator, sicut superius dictum est, in Patrem, et Filium, et Spiritum sanctum ab initio baptizati quoque et credentes, unam essentiam Dei in tribus subsistentiis adoramus, et secundum sanctorum Patrum mathema, et symbolum credentes, in unum Dominum Patrem omnipotentem, et in unum Dominum nostrum Jesum Christum unigenitum Dominum Verbum similiter, et unum Spiritum sanctum, et secundum hoc divinum mathema definitionem a sancta Chalcedonensi synodo promulga-

tam. Intelligimus quoque et suscipimus confidentes, et confitentes quia unam substantiam vel personam quod idem ipsa sancta synodus in duabus naturis, id est deitate, et humanitate indivise et inconfuse prædicavit, Deum verbum; et Dominus noster Jesus Christus unus est ex sancta, et unius essentiae Trinitate. Sic enim Dominum in tribus substantiis, sicut dictum est, accepimus; Pater autem non est incarnatus, nec Spiritus sanctus; Deus Verbum incarnatus, et homo factus est unus ex sancta, et unius essentiae Trinitate, secundum filiationis proprietatem. Sic itaque secundum prædictas sanctas quatuor synodos credentes, et secundam Dei Verbi nativitatem, secundum carnem confiteri non renuimus. Unde proprie Dei genitrix sancta Virgo esse creditur, tanquam quæ natura, et veritate unius essentiae Patris Filium Dominum Verbum per naturam immutabilem ex ipsa factum hominem enixa est; et duas naturas in Christo, per essentiam vel substantiam unitas confitentes, sicut in unius persona vel substantia. Neque harum diversitatem, vel proprietatem post unionem auferimus, et nec eas dividere in duabus personis et substantiis per unionem sumus edocti; eundemque scimus unigenitum Filium Dei, et ante incarnationem ejus, et post Deum similiter et hominem passibilem carne, impassibilem deitate, circumscriptum corpore, non conscriptum spiritu, id est, terrenum et coelestem, quem mundus ut hominem cepit, et Dominum continere non potuit, et mortalem, et immortalem nusquam naturarum diversitate sublata, neque dividentes per essentiam unionem. Hoc enim vere magnum pietatis mysterium, quia unus ex sancta, et unius essentia Trinitatis incarnatus, et homo factus Deus Verbum in utraque natura deitatis, et humanitatis, et indivise et inconfuse cognoscitur, et adoratur, non conversionem vel mutationem sustinens, sed proprietatem utriusque naturæ in una persona in semetipso conservans. Ob hanc igitur fidem prædictas sanctas synodos suscipientes et custodientes, anathematizamus omnes qui adversus eas, quocunque tempore vel modo aliquid conscripserunt, præcipue Joannem Egotam, qui adversus memoratam sanctam Chalcedonensem synodum multas ut Nestorianus blasphemias evomuit; similiter condemnantes Timotheum Melluram cognominatum, sicut Eutichianistam, adversus eam cum suis latrantem sequacibus. Ita ergo cum Dei juvamine semper sensimus, et jam nunc sentimus exponere; quia quidam hæretici dum suam malam fidem occultare festinant, nostram in Christo libertatem, et rectam fidem detrectare conantur. Supplicamus igitur vestram clementiam sollicitudinemque de perfecta Ecclesiarum unionem sanctarum habere debere, ut unitas quæ cum Dei facta fuerit juvamine, nec ullo deinceps rationabili, aut irrationabili occasionis fomite inquietari pax possit; Deus autem omnium vestrum pium adimpleat desiderium in gloriam sui et reipublicæ disciplinam.



## INCIPIUNT DECRETA JOANNIS PAPÆ.

JOANNES urbis Romæ episcopus ZACHARIÆ archiepiscopo salutem.

Exigit dilectio tua, frater charissime, præceptum apostolicæ sedis, in quo Patrum decreta consentiunt, quod nec tibi, nec ulli recte viventium, et credentium sacerdotum negare fas esse credimus. Et licet tibi pro merito et honore sacerdotii quo plurimum pelles vivendi, et docendi ecclesiasticæ regulæ nota sint omnia, tamen quia Romanæ Ecclesiæ normam atque auctoritatem magnopere postulasti scriptis tuis breviter respondere curavimus. De occultis enim cordis alieni temere judicare iniquum est: etenim ejus non videntur opera nisi bona peccatorum est ex suspitione reprehendere. Oves ergo quæ pastori suo commissæ fuerunt, eum nec reprehendere nisi a recta fide exorbitaverit, debent, et nullatenus accusare possunt; quia facta pastorum oris gladio ferienda non sunt, quanquam recte reprehendenda videantur. Ideo ista dicimus, quia in scriptis vestris reperimus quosdam episcopos vestris in partibus a propriis ovibus accusatos, aliquos videlicet ex suspitione, et aliquos ex certa ratione: et ideo quosdam suis esse rebus exspoliatos, quosdam vero a propria sede pulsos. Quos scias nec ad synodum comprovincialem, nec ad generalem posse convocare, nec aliquid judicare antequam cuncta quæ eis ablata sunt legibus potestati eorum reintegrentur. Prius ergo oportet omnia illa legibus reintegrari, et ecclesias quæ sibi sublata sunt, cum omni privilegio suo restitui; et postmodum non sub angusti temporis spatio, sed tantum temporis spatium eis indulgeatur quantum exspoliati vel expulsi esse videntur, antequam ad synodum convocentur, et ab omnibus quisque suæ provinciæ episcopis audiat. Nam nec convocari ad causam, nec judicari potest exspoliatus vel expulsus, quia non est privilegium quo exspoliari possit nudatus; unde et antiquitus decretum est omnes possessiones, et omnia sibi sublata atque fructus cunctos ante litem contestatam, præceptor vel primas possessori restituat. Et alibi scriptum habetur: Ille qui violentiam pertulit universa in statu quo fuerant, recipiat, et quæ possedit securus teneat. Et alibi in synodalibus Patrum decretis, et regum edictis legitur statutum: Reintegranda sunt omnia exspoliatis vel ejectis episcopis, præsentialiter ordinatione pontificum, et in eorum unde abscesserunt potestatem funditus revocanda, quacunque conditione temporis, aut dolo, aut captivitate, aut virtute majorum, aut per quascunque injustas causas, res Ecclesiæ vel proprias, aut substantias suas perdidisse noscuntur, ante accusationem, aut regularem ad synodum vocationem eorum, et reliqua. Est etiam in antiquis Ecclesiæ statutis decretum, ut qui aliena invadit,

A non exeat impunitus, sed cum multiplicatione omnia restituat; unde et in Evangelio scriptum est: « Quod si aliquid defraulavi, reddo quadruplum (Luc. xix, 8). » Et in legibus sæculi cautum habetur: Qui rem subripit alienam, illi ejus res direpta est, in undecuplum quæ sublata sunt, restituat. Et in lege divina legitur: « Maleficus omnis qui transfert terminos proximi sui. Et dicet populus, Amen (Deut. xxvii, 17). » Talia ergo non præsumantur absque ultione, nec exerceantur absque sua damnatione. Tu vero, frater charissime, hæc vide ne transgrediaris, et reliquos episcopos tam tuæ curæ commissos, et alios firmiter tenere doceto, quia transgredi apostolica statuta absque transgressoris gradus periculo nullatenus possunt. Inimicis vero accusatoribus, vel de inimici domo prodeuntibus, seu qui cum inimicis morantur non credatur, ne irati nocere cupiant, ne læsi se velint ulcisci hi quoque rejiciendi sunt, non approbandi. Hæc, charissime, tene, et prohibita semper cave. Illud adimplere stude, quod bene ad Jesum filium Syrach dictum est: Usque ad mortem certa pro veritate, et semper Dominus Deus tuus pugnabit pro te. Hujus ergo rei gratia vobis et nobis sancta commissa est Ecclesia, ut pro omnibus laboribus et cunctis opem ferre non negligamus; quoniam dum fortis armatus custodit atrium suum, in pace sunt omnia quæ possidet. Ideoque tanta urgente necessitate summopere vestra apostolicæ auctoritate, et reliquos episcopos oportet reprimere infestos, relevare oppressos, ut absque gravi Domino auxiliante difficultate, ipsi gratanter omni tempore sacrificare mereamur illæsi. Ad vos quoque me reverti cogit propositi operis amica conditio, qui melioribus hactenus opera volui novare sermonibus, dum talem rationem exigit toxicata necessitas, mandati cælestis habitatio nos aut miscet, aut separat; nec interest quæ intervalla nos segregent, si una in supernæ mansionis clave retinentur; nec vobis tales nocere maluerint, si invicem adjutorium facere non distuleritis: inauditum enim genus sacrilegii est quod mentis religionis honorem præfixi æmuli colorant. Dehonestat enim venerandi reverentiam nominis qui adiutorem se in his quæ in Deum jactat, commissa pollicetur. Contumeliæ genus est quasi in solatio esse sublimi juxta Apostolum: « Tu qui es qui judicas alienum servum? » Quid auribus imperitis illudunt et graviores vindictæ speciem faciunt esse quam culpæ? Si odium habent, excessibus emulant. Cur ergo liberior condempnant scelera quam vitæ? Si profecto impugnator est omnis qui Patres insequitur, aut detrudere non formidat. Nihil est enim inimicorum in quo tela Domino opem ferente non

superare valeatis. si juxta veritatis vocem talem A  
qualem Dominus præcepit, habueritis dilectionem  
ad invicem. Data xv Kalendas Novembris, Maximo  
et Olibrio IV consulibus.

*Ad episcopos Italiæ de Theodorico rege.*

Joannes episcopus omnibus per provincias Italiæ  
constitutis episcopis in Domino salutem.

Sæpissime multo jam experimento didici sanctum  
pietatis vestræ studium circa religionem Christianam  
gloriosius crescere, et dilatari augmentis; et fides  
recta quæ non solum me, sed omnes Domini sacer-  
dotes consolatur et roborat, vestris in mentibus et  
operibus per sacerdotale agnosceat opus, et dilata-  
tur. Quapropter, fratres, hortor vos, et moneo con-  
tra Arianam perfidiam quæ olim non semel, sed  
sæpe damnata est, et modo in quibusdam reviviscit B  
armari gladio Spiritus sancti, ut eam adminiculante  
divina gratia, opprimere et exstirpare valeamus, ut  
nec radix ejus in posterum inveniatur. Ecclesias  
vero Arianorum ubicunque inveneritis catholicas  
eas divinis precibus et operibus absque ulla mora  
consecrate, quia et nos quando fuimus Constanti-  
nopolim tam religione catholica quam et regis Theo-  
dorici causa suadente atque hortante Arianosque  
exstirpante piissimo atque Christianissimo justis-  
simo Justino orthodoxo imperatore, quascunque in  
partibus Ecclesias reperire potuimus catholicas, eas  
Domino opem ferente consecravimus. Et quanquam  
predictus Theodoricus rex eorum peste tactus in-  
trinsecus et obvolutus, extrinsecus nos et omnem  
regionem nostram perdere et gladio et igne consu-  
mere minetur. Nolite tamen propterea deficere, sed  
viriliter in agro Dominico elaborare studete, et,  
juxta Veritatis vocem, « nolite timere eos qui occi-  
dunt corpus, animam autem non possunt occidere,  
sed potius eum timete qui potest animam et corpus  
mittere in gehennam (Matth. x, 28), » et egregius gen-  
tium Apostolus inquit: Non enim nosmetipsos  
prædicamus, sed Jesum Christum Dominum nostrum:  
nos autem servos vestros per Jesum, quoniam Deus  
qui dixit de tenebris lumen splendescere, illuxit in  
cordibus nostris ad illuminationem scientiæ clari-  
tatis Dei in faciem Christi Jesu. Habemus autem  
thesaurum istum, in vasis fictilibus ut sublimitas  
sit virtutis Dei, et non ex nobis. In omnibus tribu-  
lationem patimur, sed non angustiamur, adorimur,  
et non destituimur. Persecutionem patimur, et non  
derelinquimur. Dejici mur, et non perimus. Semper  
mortificationem Jesu in corpore nostro circumfe-  
rentes ut et vita Jesu in corporibus nostris mani-  
festetur. Semper enim nos qui vivimus in mortem  
tradimur propter Jesum, ut et vita Jesu manifestetur  
in carne nostra mortali. Ergo mors in nobis  
operatur, vita autem in vobis, habentes autem eum-  
dem spiritum fidei, sicut scriptum est: « Credidi  
propter quod locutus sum, » et nos credimus propter  
quod et loquimur, scientes, quoniam qui suscitavit  
Jesum et nos cum Jesu suscitabit et constituet vobis-  
cum. Omnia enim propter vos ut gratia abundans

per multas gratiarum actiones, abundet in gloriam  
263 Dei. Propter quod non deficimus, sed licet is  
qui foris est, noster homo corrumpat, tamen is, qui  
intus est, renovatur de die in diem, id enim quod in  
præsenti est momentaneum et leve tribulationis no-  
stræ supra modum in sublimitate æternum gloriæ  
pondus operatur in nobis, non contemplantibus quæ  
videntur, sed quæ non videntur. Quæ videntur  
enim, temporalia sunt: quæ autem non videntur,  
æterna sunt (II Cor. iv, 1-18). » « Scimus enim  
quoniam si terrestris domus nostra hujus habitatio-  
nis dissolvatur, quod ex Deo ædificationem habemus,  
domum non manufactam æternam in cœlis. Nam  
et in hoc ingemiscimus habitationem nostram, quæ  
de cœlo est, superindui cupientes: si tamen vestiti  
et non nudi inveniamur. Nam et qui sumus in hoc  
tabernaculo, ingemiscimus gravati, eo quod nolumus  
spoliari, sed supervestiri, ut absorbeatur quod mor-  
tale est, a vita. Qui autem efficit nos in hoc ipsum  
Deus, qui dedit nobis pignus spiritus. Audentes igitur  
semper et scientes, quoniam dum sumus in hoc  
corpore peregrinamur a Domino. Per fidem enim  
ambulamus, et non per speciem. Audemus autem et  
bonam voluntatem habemus magis peregrinari a  
corpore, et præsentem esse ad Deum; et ideo con-  
tendimus, sive absentes, sive præsentem placere ei.  
Omnes enim nos manifestari oportet ante tribunal  
Christi, ut referat unusquisque propria corporis  
prout gessit, sive bonum, sive malum. Scientes ergo  
timorem Domini hominibus suademus, Deo autem  
manifesti sumus. Spero autem et in conscientiis vestris  
manifestos nos esse. Non iterum nos commen-  
damus vobis, sed occasionem damus vobis gloriam  
pro nobis, ut habeatis ad eos qui in facie gloriantur,  
et non in corde; sive enim mente excedimus, Deo,  
sive sobrii sumus, vobis. Caritas enim Christi ur-  
get nos, æstimantes hoc, quoniam si unus pro om-  
nibus mortuus est, ergo omnes mortui sunt, ut et  
qui vivunt, jam non sibi vivant, sed ei qui pro ipsis  
mortuus est, et resurrexit. Itaque nos ex hoc nemi-  
nem jam novimus secundum carnem, et si agnovimus  
secundum carnem Christum, sed nunc jam non  
novimus. Si qua ergo in Christo nova creatura, vete-  
ra transierunt, ecce facta sunt omnia vera. Omnia  
autem ex Deo qui reconciliavit nos sibi per Chri-  
stum, et dedit nobis ministerium reconciliationis  
quoniam quidem Deus erat in Christo mundum recon-  
cilians sibi, non reputans illis delicta ipsorum,  
et posuit in nobis verbum reconciliationis. Pro  
Christo ergo legatione fungimur, tanquam Deo ex-  
hortante per nos. Obsecramus pro Christo reconcili-  
amini Deo. Eum qui non noverat peccatum pro  
nobis peccatum fecit, ut nos efficeremur justitia Dei  
in ipso (II Cor. v, 1-21). » « Adjuvantes autem ex-  
hortamur ne in vacuum gratiam Dei recipiatis. Ait  
enim: Tempore accepto exaudivi te, et in die salutis  
adjuvi te. Ecce nunc tempus acceptabile, ecce nunc  
dies salutis. Nemini dantes ullam offensionem, ut  
non vituperetur ministerium nostrum, sed in omni-



bus exaibeamus nosmetipsos sicut Dei ministros in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei; per arma iustitiæ a dextris et a sinistris, per gratiam et ignobilitatem, per infamiam et bonam famam, ut seductores et veraces, sicut ignoti et cogniti, quasi morientes, et ecce vi-

A vinus, ut castigati, et non mortificati, quasi tristes, semper autem gaudentes, sicut egentes, multos autem locupletantes, tanquam nihil habentes, et omnia possidentes (II Cor. vi, 4-10). » « De cætero, fratres, gaudete, perfecti estote, exhortamini, pacem habete, ut Deus pacis et dilectionis sit semper vobiscum (II Cor. xiii, 14). » Amen. Data III Idus Junii, Maximo et Olibrio viris clarissimis consulibus.

## INCIPIUNT DECRETA FELICIS PAPÆ.

1. Quod missarum celebratio, alibi quam in Deo B dicatis locis, non debeat fieri, nisi magna compulerit necessitas.

2. De ecclesiarum sacrationum dubitatione. Quid sit agendum.

Dilectissimis fratribus, omnibus episcopis per diversas provincias constitutis FELIX episcopus, in Domino salutem.

Magno munere misericordiæ Dei totius Ecclesiæ catholicæ multiplicata sunt gaudia, cum Ecclesiæ status eo viget ordine, quo apostolorum successores illum statuerunt. Et, cum antiqui hostis astutia eum turbari agnoscimus, non modico contristamur mœrore. Quam ob causam, fratres, hortamur vos, monemus, et flagitamus, ut a tramite apostolicæ institutionis nequaquam recedatis; nec a Capite dissidatis, sed fidem et ordinem, quem apostoli et apostolici viri statuerunt absque ulla hæsitatione teneatis. Nam si columnæ alicujus magnæ domus ruerint, ipsa postea domus minime stabit; sic et vos columnæ Ecclesiæ estis, si labefactari cœperitis, sancta Ecclesia, quæ per vos regitur, tabescit et labitur. Hæc, fratres, quæ dico valde timenda sunt, et summo moderamine pensanda, atque ne fiant cavenda. Ipsa enim per se Veritas ait: « Vos estis sal terræ; quod si sal evanuerit, in quo salietur? (Matth. v, 13.) » Ecce terra, ideo, charissimi, vos moneo, quia debitor sum vobis, et valde vos diligo, et quando bona audio de vobis nimis sum gavisus; et e contra, quando mala, nimis conturbatus. Ego vero quamvis a vobis per longa terrarum atque maris intervalla disjunctus sim, sum tamen omnino vobis corde conjunctus, idque de beatitudine vestra erga me modis omnibus confido, quia, cum me vicissim diligitis, a me non estis longe. Unde gratias referimus illi grano sinapis, quod ex modici despiciabilisque seminis specie, ita ramis ex eadem radice surgentibus atque se distendentibus, usquequaque diffusis [diffusus sit], ut in [illis] volatilia cœli cuncta nidificent (Matth. xiii, 31, 32), gratiaque sit fermento illi quod tribus farinæ satis (Ibid., 33), totius humani generis massam in unitate conspersit, atque

parvo lapidi, qui abscissus est de monte sine manibus, et occupavit universam faciem orbis terræ (Dan. ii, 34, 35); qui ad hæc se usquequaque distendit, ut omni humano genere in unitate redacto, totius corpus perficeret Ecclesiæ, atque ita ad totius compagis pertineret commodum membrorum participalis ista distinctio. Unde nos quoque a vobis non longe sumus, quia in illo qui ubique est, unum sumus. Agamus ergo ei gratias, qui solutis inimicitis in carne sua (Ephes. ii, 14) fecit, ut in omni orbe terrarum unus esset grex, et unum ovile sub se uno pastore, semper memores quod egregius Prædicator admoneat, dicens: « Solliciti servate unitatem Spiritus in vinculo pacis (Ephes. iv, 3). » Sanctitatis vestræ scripta, quæ ad sedem apostolicam misistis super quibusdam consultis, quasi ad caput ut inde acciperetis responsa, unde omnis Ecclesia totius religionis sumpsit exordium, gratanter suscepi et breviter vobis respondere curavi.

CAP. I. De ecclesiarum enim consecratione, et de missarum celebrationibus, non alicubi quam in sacratis Domino locis absque magna necessitate fieri debere liquet omnibus quibus sunt nota Novi ac Veteris Testamenti præcepta. Tabernaculum vero Moysen, Domino præcipiente, fecisse, et sacrasse cum mensa et altari ejus, et cæteris vasis utensilibus ad divinum cultum explendum legimus: et non solum divinis precibus ea sacrasse, sed etiam sancti olei unctione, Domino jubente, perluisse novimus. Qualiter autem hæc facta sint, et non alii ipsa sacra quam sacerdotes sacra unctione delibuti, Dominoque cum vestibus sanctis sacrati, et levite tractabant, ferebant, erigebant, et deponebant, in ipsis institutionibus quæ, Domino jubente, per Moysen conscriptæ sunt, reperitur. Qualiter ergo David, regum piissimus, amplificaverit cultum Dei, et templum Domini ædificare voluit, sed propter multum sanguinem quem effuderat prohibitus est, et ipse collegerat expensas; Salomonque filius ejus idipsum quod ipse facere optaverat, jubente et auxiliante Deo, perfecit, et templum cum altari, et reliqua ad divinum cultum peragendum consecravit in libro tertio Regum inter cætera legitur ita: « Aedificans, »

inquit, Salomon, « Domno ædificavi habitaculum tuum fortissimum, solium tuum sempiternum, » convertitque rex faciem suam et benedixit omni Ecclesie Israel. Omnis enim Ecclesia Israel stabat. Et ait : « Benedictus Dominus Deus Israel, qui locutus est ore suo ad David patrem meum, et in manibus meis perfecit dicens : A die, qua eduxi populum meum Israel de Ægypto, non elegi civitatem de universis tribubus Israel; ut ædificaretur domus, et esset nomen meum ibi, sed elegi David ut esset super populum meum Israel, voluitque David pater meus ædificare domum nomini Domini Dei Israel, et ait Dominus ad David patrem meum : Quod cogitasti in corde tuo ædificare domum nomini meo, benefecisti, hoc ipsum mente tractans. Verumtamen tu non ædificabis domum, sed filius tuus qui egredietur de renibus tuis ipse ædificabit domum nomini meo. Confirmavit Dominus sermonem suum quem locutus est, stetitque pro David patre meo, et sedi super thronum Israel sicut locutus est Dominus. Et ædificavi domum nomini Domini Dei Israel, et constitui ibi locum arce, in qua fœdus Domini est quod percussit cum patribus nostris, quando egressi sunt de terra Ægypti. Stetit autem Salomon ante altare Domini in conspectu Ecclesie Israel et expandit manus suas in cœlum, et ait : Domine Deus Israel, non est similis tui in cœlo desuper, et super terram deorsum, qui custodispactum et misericordiam servis tuis, qui ambulant coram te in toto corde suo, qui custodisti David patri meo quæ locutus es eis; ore locutus es, et manibus perfecisti, ut hæc dies probat. Nunc igitur, Domine Deus Israel, et conserva David famulo tuo patri meo quæ locutus es ei, dicens : Non auferetur de te vir coram me, qui sedeat super thronum Israel, ita tamen si custodierint filii tui viam suam, ut ambulent coram me sicut ambulasti in conspectu meo. Et nunc, Domine Deus Israel, firmentur verba tua quæ locutus es David servo tuo patri meo. Ergone putandum est quod vere Deus habitet super terram? Si enim cœlum et cœli cœlorum te capere non possunt, quanto magis domus hæc quam ædificavi! Sed respice ad orationem servi tui, et ad preces ejus, Domine Deus meus. Audi, Domine, hymnum et orationem quam servus tuus orat coram te hodie, ut sicut oculi tui aperti sunt super domum hanc nocte et die, super domum, de qua dixisti : Erit nomen meum ibi, ut exaudias deprecationem servi tui, et populi tui Israel, quodcumque oraverit in loco isto, et exaudias in loco habitaculi tui in cœlo, et cum exaudieris, propitius eris. Si peccaverit homo in proximum suum, et habuerit aliquod juramentum quo teneatur astrictus, et venerit propter juramentum coram altari tuo in domum tuam, tu exaudies in cœlo, et facies, et judicabis servos tuos condemnans impium, et reddens viam suam super caput ejus, justificansque justum et retribuens ei secundum justitiam suam. Si fugerit populus tuus super inimicos suos, (quia peccaturus est tibi), et agentes pœnitentiam, et confitentes nomini tuo ve-

nerint, et oraverint, et deprecati te fuerint in domo hac, exaudi in cœlo et dimitte peccatum populi tui Israel, et reduces eos in terram, quam dedisti patribus eorum. Si clausum fuerit cœlum et non pluerit propter peccatum eorum, et orantes in loco isto, pœnitentiam egerint nomini tuo, et a peccatis suis conversi fuerint propter afflictionem suam, exaudies eos in cœlo; et dimitte peccata servorum tuorum et populi tui Israel, et ostende eis viam bonam, per quam ambulent, et da pluviam super terram, quam dedisti populo tuo in possessionem. Fames si oborta fuerit in terra, aut pestilentia, aut corruptus aer, aut ærugo, locusta, rubigo : et afflixerit eum inimicus ejus, portas obsidens, omnis plaga, universa infirmitas, cunctaque devoratio et imprecatio, quæ acciderit **264** omni homini de populo tuo Israel; si quis agnoverit plagam cordis sui et expandierit manus suas in domo hac, tu exaudies in cœlo in loco habitationis tuæ et repropitiaberis et facies ut des unicuique secundum vias suas, sicut videris cor ejus (quia tu nosti solus cor omnium filiorum hominum), ut timeant te cunctis diebus quibus vivunt super faciem terræ quam dedisti patribus nostris. Insuper et alienigena, qui non est de populo tuo Israel, cum venerit de terra longinqua propter nomen tuum (audietur enim nomen tuum magnum, et manus tua fortis, et brachium tuum extensum ubique), cum venerit ergo et oraverit in loco hoc, tu exaudies in cœlo, in firmamento habitaculi tui, et facies omnia pro quibus invocaverit te alienigena, ut discant universi populi terrarum nomen tuum timere, sicut populus tuus Israel, et probent, quia nomen tuum invocatum est super domum hanc quam ædificavi. Si egressus fuerit populus tuus ad bellum contra inimicos suos per viam quocumque miseris eos, orabunt te contra viam civitatis quam elegisti, et contra domum quam ædificavi nomini tuo, et exaudies in cœlo orationem eorum, et preces eorum, et facies iudicium eorum. Quod si peccaverint tibi (non est enim homo qui non peccet), et iratus tradideris eos inimicis suis et captivi ducti fuerint in terram inimicorum longe vel prope, et egerint pœnitentiam in corde suo, in loco captivitatis, et conversi deprecati fuerint te in captivitate sua dicentes : Peccavimus, inique egimus, impie gessimus; et reversi fuerint ad te in universo corde suo, et tota anima sua, in terra inimicorum suorum ad quam captivi ducti fuerant, et oraverint te contra viam terræ suæ, quam dedisti patribus eorum, et civitatis quam elegisti, et templi quod ædificavi nomini tuo, exaudies in cœlo, in firmamento solii tui, orationem et preces eorum, et facies iudicium eorum, et propitiaberis populo tuo qui peccavit tibi, et omnibus iniquitatibus eorum quibus prevaricati sunt in te, et dabis misericordiam coram eis qui eos captivos habuerint, ut misceantur eis. Populus enim tuus est et hæreditas tua, quos eduxisti de terra Ægypti, de medio fornacis ferreae, ut sint oculi tui aperti ad deprecationem servi tui et populi tui Israel, et exaudies eos in universis pro-



quibus invocabunt te. Tu enim separasti eos tibi in hereditatem de universis populis terræ, sicut locutus es per Moysen, servum tuum, quando eduxisti patres nostros de terra Ægypti, Domine Deus. Factum est autem, cum complisset Salomon, orans Dominum orationem et deprecationem hanc, surrexit de conspectu altaris Domini. Utrumque enim genu in terra fixerat, et manus expanderat ad cælum. Stetit ergo et benedixit omni Ecclesiæ Israel voce magna dicens: Benedictus Dominus, qui dedit requiem populo suo Israel, juxta omnia quæ locutus est; non cecidit ne unus quidem sermo in omnibus quæ locutus est per Moysen servum suum. Sit Dominus Deus nobiscum, sicut fuit cum patribus nostris, non derelinquens nos neque projiciens, sed inclinet corda nostra ad se, ut ambulemus in universis viis ejus, et custodiamus mandata ejus et caeremonias et judicia quæcumque mandavit patribus nostris, et sint sermones mei isti quibus deprecatus sum coram Domino appropinquantes Domino Deo nostro die ac nocte, ut faciat judicium servo suo et populo suo Israel per singulos dies, ut sciânt omnes populi terræ, quia Dominus ipse est Deus, et non est alius absque eo. Sit quoque cor nostrum perfectum cum Domino Deo nostro, ut ambulemus in decretis ejus, et custodiamus mandata ejus sicut et hodie. Igitur rex et omnis Israel cum eo immolabant victimas coram Domino. Mactavitque hostias pacificas quas immolavit Domino, bovi vigintiduo millia, ovium centum viginti millia, et dedicaverunt templum Domino rex et filii Israel. In die illa sanctificavit rex medium atrii quod erat ante domum Domini. Fecit autem ibi holocaustum et sacrificium et adipem pacificorum, quia altare æneum quod erat coram Domino minus erat, et capere non poterat holocaustum et sacrificium et adipem pacificorum. Fecit autem Salomon in tempore illo festivitatem celebrem, et omnis Israel cum eo multitudo magna, ab introitu Emath usque ad rivum Ægypti, coram Domino Deo nostro septem diebus et septem diebus, id est quatuordecim diebus et in die octava dimisit populos (*III Reg. viii, 43-66*). » Judæi ergo loca, in quibus Domino sacrificabant, divinis habebant supplicationibus consecrata, nec in aliis quam in Deo dicatis locis munera Domino offerebant. Si enim Judæi qui umbræ legis deservebant, hæc faciebant, multo magis quibus veritas patefacta est, et gratia et veritas per Jesum Christum data est, templa Domino ædificare, et, prout melius possumus, ornare, eaque divinis precibus et sanctis unctionibus suis cum altaribus, et vasis, vestibus quoque et reliquis ad divinum cultum explendum utensilibus devote et solemniter sacrare, et non in aliis quam in Domino sacratis ab episcopis, et non a corepiscopis, qui sæpe prohibiti sunt, nisi (ut prædictum est) summa exigente necessitate missas celebrare, nec sacrificia Domino offerre debemus. Et hoc si summa necessitas agere compulerit, non in domibus, quia in sacris canonibus sacrificia in domibus offerri prohibita sunt, sed in tabernaculis

A divinis precibus a pontificibus dicatis et in mensis Domino sacratis, et sacra unctione a pontificibus delibutis pro summa (ut præfixum est) necessitate, et non pro libito cujusquam et pigritia agatur. Satius ergo est missam non cantare, aut non audire, quam in illis locis ubi fieri non oportet, nisi (ut sæpe dictum est) pro summa contingat necessitate, quoniam necessitas non habet legem. Unde scriptum est: « Vide ne offeras holocausta tua in omni loco quem videris, sed in loco quem elegerit Dominus Deus tuus (*Deut. xii, 13*). » Et in Exodo legitur: « Vos vidistis, quia de cælo locutus sum vobis. Non facietis deos argenteos, nec deos aureos facietis vobis. Altare de terra facietis mihi, et offeretis super illud holocausta et pacifica vestra. Oves vestras et boves in omni loco, in quo memoria fuerit nominis mei (*Exod. xx, 22-24*). » Et sicut non alii quam sacrati Domino sacerdotes debent missas cantare, nec sacrificia offerre, sic nec in aliis quam in præfatis Domino sacratis locis missas cantare, aut sacrificia offerre licebit. Si autem ut legitur in concilio Laodicensi, cap. 26. quod hi, qui non sunt ab episcopis ordinati, tam in ecclesiis, quam in domibus exorcizare non possunt; multo magis majoris gradus ministeria, nisi ab episcopis, qui ad eos gradus sunt sacrati, quibus fungi debent officia agi, vel sacrificia offerri licet. Quod autem (ut paulo superius prælibatum est) oblationes in domibus offerri non debent, in eodem concilio cap. 59, prohibitum habet ita: Non oportet in domibus oblationes celebrari ab episcopis et presbyteris; solemnitates vero dedicationum ecclesiarum et sacerdotum per singulos annos sunt celebrandæ, ipso Domino exempla dante, qui ad festum dedicationis templi omnibus id faciendum dans formam, cum reliquis populis eandem festivitatem celebraturus venit, sicut scriptum est: « Facta sunt encenia in Hierosolymis et hiems erat. Et ambulabat Jesus in templo, in porticu Salomonis (*Joan. x, 28*). » Quod autem octo dierum sint encenia celebranda, in libro Regum peracta dedicatione templi reperies.

II. De ecclesiarum consecratione quoties dubitatur, et nec certa scriptura, nec certi testes existunt, a quibus consecratio sciatur, absque ulla dubitatione scitote eas esse consecrandas, nec talis trepidatio faciat deteriorationem, quoniam non monstratur esse iteratum, quod nescitur factum. His, fratres, testimoniis Scripturarum apostolica auctoritate consultis vestris breviter respondisse sufficiat. Vobis tamen prævidendum est et omnibus prædicandum ut illicita non agantur, et Domini præcepta conserventur et fideliter peragantur. Rogamus autem vos, fratres, ut dicta Apostoli replicemus: « Corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat, sed semper quod bonum est sectamini in invicem, et in omnes. Semper gaudete, sine intermissione orate, in omnibus gratias agite. Hæc est enim voluntas Dei in Christo Jesu in omnibus vobis. Spiritum nolite

extinguere; prophetias nolite spernere. Omnia autem probate, quod bonum est tenete. Ab omni specie mala abstinete vos. Ipse autem Deus pacis sanctificet vos per omnia, ut integer spiritus vester, et anima et corpus sine querela in adventu Domini nostri Jesu Christi servetur (*I Thess. v, 14*). » Data Kalendas Martii, Lampadio et Oreste IV consulibus.

*Epistola ejusdem exhortatoria ad Sabinam.*

Singulare membrum Ecclesiæ tuæ religionis amplitudinem existere, et a nobis reverendissime colitis est omnibus manifestum; in ipso enim apice nobilitatis multo nobiliorem Ecclesiæ devotionem impendis, et magis læta Christi agnitione præceptis ejus obtemperas, et in fide potius exsultas quam tanti generis flore jactaris. Summa virtus est vicisse gloriam carnis, et magna est Christi gratia nobilitatem moribus superasse, domina filia merito illustris. Certa igitur existens, dilectissima, vitæ hujus quæcunque sunt spatia æternis divinisque officiis illustrare contende, ut qui insignem te præstitit, reddat tibi per sæcula clariorem. Quapropter tuam hortamur dilectionem ut bonum quod cœpisti semper impleri non differas, quia non laudatur initium sed finis. Sapientiam enim te hortamur diligere et scrutari, ut rationabiliter et sapienter disponas et judices ea quæ tibi commissa sunt, dicente Domino per Prophetam: « Erudimini qui judicatis terram (*Psal. ii, 10*). » Time ergo Dominum, et mandata ejus serva, et dilige eum totis visceribus, et proximum tuum sicut teipsum. « Deus altissimus creavit sapientiam in Spiritu sancto, et vidit et dinumeravit eam, et mensus est, et effudit illam super omnia opera sua, et super omnem carnem secundum datum suum, et præbuit illam diligentibus se. Timor Domini gloria et gloriatio, et lætitia, et corona exsultationis. Timor Domini delectabit cor, et dabit lætitiā et gaudium in longitudinem dierum. Timenti Dominum bene erit in extremis, et in die defunctionis suæ benedicetur. Dilectio Dei honorabilis sapientia; quibus autem apparuerit in visu, diligunt eam in visione et in agnitione magnalium suorum. Initium sapientiæ timor Domini, et cum fidelibus in vulva concreatus est, et cum electis feminis graditur, et cum justis et fidelibus agnoscitur. Timor Domini scientiæ religiositas. Religiositas custodiet et justificabit cor, jucunditatem atque gaudium dabit. Timenti Dominum bene erit, et in diebus consummationis illius benedicetur. Plenitudo sapientiæ est timere Dominum, et plenitudo a fructibus illius. Omnem domum illius implebit a generationibus, et receptacula a thesauris illius. Corona sapientiæ timor Domini, replens pacem et salutis fructum. U vidit, et dinumeravit eam. Utraque autem sunt dona Dei. Scientiam et intellectum prudentiæ Sapientia comparat, et gloriam timentium se exaltat. Radix sapientiæ est timere Dominum. Rami

enim illius longævi. In thesauris sapientiæ intellectus et scientiæ religiositas, execratio autem peccatoribus sapientia. Timor Domini expellit peccatum; nam qui sine timore est, non poterit justificari: iracundia enim animositatis illius, subversio illius est. Usque in tempus sustinebit patiens, et postea redditio jucunditatis. Bonus sensus usque ad tempus abscondet verba illius, et labia multorum enarrabunt sensum illius. In thesauris sapientiæ significatio disciplinæ; execratio autem peccatori cultura Dei. Fili, concupiscens sapientiam, serva justitiam, et Deus præbebit illam tibi. Sapientia enim et disciplina timor Domini, et hoc quod beneplacitum est illi fides et mansuetudo, et adimplebit thesauros illius. Contumax non sis et incredibilis timori Domini, et ne accesseris ad illum duplici corde. Ne fueris hypocrita in conspectu hominum, et non scandalizeris in labiis tuis. Attende in illis ne forte cadas et ponas scandalum animæ tuæ, et adducas inhonorationem tibi, et revelet Deus absconsa tua (*Eccli. i, 9-40*). Pro fide et justitia ac pro salute animæ certa semper et pro adjutorio fratrum viriliter age, ut a Domino recipias remunerationem. Scriptum est enim: « Fili, conserva tempus et devota a malo. Pro anima tua non confundaris dicere verum. Est enim confusio adducens peccatum, et est confusio adducens gratiam et gloriam. Ne accipias faciem adversus faciem tuam, nec adversus animam tuam mendacium. Non reverearis proximum tuum in casu tuo, nec retineas verbum in tempore salutis. Non abscondas sapientiam tuam in decore ejus. In lingua enim agnoscitur sapientia, et sensus, et scientia, et doctrina in verbis veritatis, et firmamentum in operibus justitiæ. Non contradicas veritati ullo modo, et de mendacio ineruditionis tuæ confundere. Non confundaris confiteri peccata tua, et ne subicias te homini pro peccato. Noli resistere contra faciem potentis, nec coneris contra ictum fluminis. Pro justitia agonizare pro anima tua, et usque ad mortem certa pro justitia, et Deus expugnabit pro te inimicos tuos. Noli citatus esse in lingua tua, et inutilis et remissus in operibus tuis. Noli esse sicut leo in domo tua, evertens domesticos tuos, et opprimens subjectos tibi. Non sit manus tua porrecta ad accipiendum et ad dandum collecta (*Eccli. iv, 23-36*). » His fulta Scripturarum auctoritatibus semper sta recta, et a via veritatis ne avertaris, ut gratiam Dei acquiras et honorem, hominum amicitia fruaris, tantoque tua voluntas facilius ab amore hujus sæculi exeat, quanto et impellitur dum vocatur. Nam nos et præsentem vos videre cupimus et absentibus per epistolam saltem colloqui desideramus. Unde et optamus ut vos beatus Petrus apostolorum princeps ad sua limina feliciter perducatur, quatenus in Omnipotentis gratia perfrui vestra præsentia mereamur. Data xii Kalend. Novem. Lampadio et Oreste IV consulibus



## INCIPIUNT DECRETA BONIFACII PAPÆ

*Epistola ejusdem ad Eulaliū Alexandrinū episcopum, de reconciliatione Carthaginensis Ecclesiæ, directā.*

BONIFACIUS episcopus EULALIO coepiscopo salutem.

Olim et ab initio tantam percepimus a beato Petro apostolorum principe fiduciam, ut habeamus auctoritatem universali Ecclesiæ, auxiliante Domino, subvenire, et quidquid nocivum est auctoritate apostolica corrigere et emendare. Ad hoc enim divinæ dispositionis provisio gradus diversos constituit esse distinctos, ut dum reverentiam minores potioribus exhiberent, et potiores minoribus dilectionem impenderent, una concordie fieret ex diversitate contextio, et recte officiorum generaretur administratio singulorum, neque universitas alia poterit ratione subsistere, nisi hujusmodi magnus eam differentie ordo servaret. Quia vero creatura in una eademque æqualitate gubernari vel vivere non potest, cœlestium militarium exempla nos instruunt, quia dum sint angeli, sint archangeli, liquet quia non æquales sunt, sed in potestate et ordine, sicut nostis, differt alter ab altero. Si ergo inter hos qui sine peccato sunt constat ista esse distinctio, quis hominum abnuat se libenter dispositioni submittere? Hinc enim pax et charitas mutua se vice complectuntur, et manet firma concordia in alterna et Deo placita dilectionis sinceritate. Quia igitur unumquodque salubriter tunc completur officium, cum fuerit unus ad quem possit recurri præpositus, vota nostra charitatem tuam latere nolumus, ne qui particeps fuit sollicitudinis, gaudiorum fructus reddatur extorris. Et ideo Carthaginensem Ecclesiam ad communionem nostram rediisse Domino propitiante tradentibus significamus alloquiis, et mandatorum quæ legatis nostris dedimus seriem in omnibus fuisse completam. De qua parte, ut ad dilectionem tuam plenius perfecte gaudium perveniret, libellum Eulalii fratris et consacerdotis nostri, Carthaginensis episcopi, et Justini elementissimi principis Orientis sacrarum litterarum exemplaria pariter credidimus destinanda, judicantes nihilominus per Orientis partes plurimos episcopos sic fecisse. Superest ut a nobis competentibus precibus Divinitas exorata concedat, quatenus de aliarum quoque Ecclesiarum redintegratione gratulemur. Ea vero quæ significare curavimus, in eorum sacerdotum qui fraternitati tue vicini sunt, curabis proferre notitiam, ut et ipsi de effectu tantæ rei gratias nobiscum cœlestis misericordiæ beneficiis referre non cessent. Aurelius enim perfecte Carthaginensis Ecclesiæ olim episcopus, cum collegis suis, instigante diabolo, superbire temporibus præde-

cessorum nostrorum Bonifacii atque Cœlestini contra Romanam Ecclesiam cœpit; sed videns se modo peccatis Aurelii Eulalius a Romanæ Ecclesiæ communione segregatum, humilians recognovit se, pacem et communionem Romanæ Ecclesiæ petens subscribendo una cum collegis suis damnavit apostolica auctoritate omnes scripturas quæ adversus Romanæ Ecclesiæ privilegia factæ quoquo ingenio fuerint.

*Exemplar precum ejus et Justini prædicti principis.*

« Prima salus est, rectæ fidei regulam custodire, et a constitutis Patrum nullatenus deviare, et quia non potest Domini nostri Jesu Christi prætermitti sententia dicentis: « Tu es Petrus et super hanc petram ædificabo Ecclesiam meam (Matth. xvi, 18). » Et hæc quæ dicta sunt, rerum probantur effectibus, quia in sede apostolica extra maculam semper est catholica servata religio. De qua spe et fide minime separari cupientes, et Patrum sequentes constituta, anathematizamus omnes qui contra sanctam Romanam et apostolicam Ecclesiam superbiendo suas erigunt cervices, sequentes in omnibus apostolicam sedem et prædicantes ejus omnia constituta; et per omnia spero ut in una communione vobiscum, quam sedes apostolica prædicat, esse merear, in quo est integra et vera Christianæ religionis et perfectæ soliditas, promittens sequestratos a communione Ecclesiæ catholicæ, id est non consentientes sedi apostolicæ, eorum nomina sacra inter non recitanda esse mysteria. Quod si in aliquo a professione mea deviare tentavero, his quos damnavi complicem mea sententia me esse profiteor, hanc autem professionem meam manu mea subscripsi, et Bonifacio sancto et venerabili papæ urbis Romæ direxi, damnans et antecessores et successores meos, et omnes qui sanctæ Romanæ et apostolicæ Ecclesiæ privilegia cassare nituntur. »

Hinc enim supernæ misericordiæ documentum perdocetur quoniam et mundani principes causas fidei cum reipublicæ ordinatione conjungunt, et ecclesiarum præsules quod ad dispensationem suam pertinet officii memores exsequuntur. Talibus enim indigebat post discordiæ procellas religio Christiana rectoribus, qui, compressis provida dispensatione turbinibus, diu peregrinatam pacem depulsa tempestate reducerent, ut in futura post sæcula ad propositi sui exempla tendentes sibi ascribendum indubitanter ostenderent quidquid Domino placitum posteris pro sua imitatione fecissent. Benedicamus Dominum, fratres charissimi, nostris hoc diebus fuisse concessum, et totis orationum et curarum viribus annitamur ut, quæ Dei opere bene cœpta sunt, ipso adjuvante per omnia compleantur. Sperandum enim est

ut ad compagem corporis sui reliqua quæ adhuc di-  
 visa sunt membra festinent, et a potioribus minora  
 non discrepent. Ad quod cum me dilectio tua Chri-  
 stianæ studio charitatis hortatur, debet quod invi-  
 tat sequi, et quod amandum suadet amplecti. Simi-  
 lem enim jam fidei curam gerentes per religiosam  
 patientiam, per etiam præmium de boni operis spe-  
 ramus effectum. Neque enim difficultatibus est ce-  
 dendum. Non enim fatigatur asperis fides, nec ad  
 cælorum ardua per proclive tenditur; nec remune-  
 rationem citra laboris exercitium quis meretur.  
 Unde ne facientes bona deficiamus specialiter admo-  
 nemur, etiam teste Psalmista: « Beati qui custo-  
 diunt iudicium, et faciunt iustitiam in omni tempore  
 (Psal. viii, 32), » quia non initium laboris remune-  
 rationem præmii consuevit invenire, sed terminus. B  
 Ergo studium sollicitudinis assumentes, quibus est  
 una in communione societas et credulitas, quemad-  
 modum de unitate sedis apostolicæ et Constantino-  
 politanæ Ecclesiæ pariter exsultamus in Domino, ita  
 de reliquorum quoque sicut affectione admones, re-  
 dintegratione lætemur, et curemus præmium, ut  
 fidem integritatemque nostram immaculatam ab  
 omni contagione servemus. Nosti enim, frater cha-  
 rissime ac sanctissime, quia ecclesiastica servant  
 vincula concordiam quæ nos ab hæreticorum tueat-  
 ur insidiis, per quam etiam canonum custoditur

integritas. His in robore suo omni circumspectione  
 servatis remedia sperantibus conservantur. Habet  
 enim ecclesiasticarum ordo regularum, et ipsius  
 forma iustitiæ, ut medicina rationabilis benigne et  
 fideliter sperantibus non negetur, nec quisquam  
 est ita ab humanitate discretus, quem non a rigore  
 distractionis inclinet cauta simplicitas. Sed ut caute  
 hoc cæterasque querelas aut errores alicujus avi-  
 valeas expedire, dilectissime frater, personam meam  
 te in hoc oportet induere, scientem in hujusmodi  
 causis, sicut prædictum est, quid cavendum sit, et  
 ita omnia providendum, ut te non ambigas rationem  
 dispensationis hujus Deo esse reddendam: ita ta-  
 men ut eos qui vobis fuerunt communione sociati,  
 vel per vos sedi apostolicæ vestra nobis scripta de-  
 clarent, quibus etiam et quam continentiam libello-  
 rum obtulerint inseratur. Sic quoque humilitatem  
 debemus tenere in mente, ut inde ordinis nostri  
 dignitatem servemus in honore, quatenus in nobis,  
 nec humilitas timenda, nec ratio sit superba. Omni-  
 potens Deus, charissime, sua te protectione custo-  
 diat, atque ad cælestis remunerationem patriæ mul-  
 tiplici animarum fructu perducatur. Deus te incolu-  
 men custodiat, reverendissime frater. Amen. Data  
 octavo Kalend. Octobris, Valentiniano II et Oreste  
 IV consulibus.

## INCIPIUNT DECRETA JOANNIS PAPÆ.

Reverendissimo fratri VALERIO episcopo JOAN- C  
 NES.

Scripta tuæ sanctitatis suscipiens plena ea fidei  
 regula qua primum polles inveni, et Deo gratias re-  
 tuli quod anima et corpore te bene vigere didici.  
 Sane ea quæ significasti quosdam dicere quod non  
 sit Filius æqualis Patri, et quod in Evangelio scriptum  
 sit: « Pater major me est, » scias non recte intel-  
 ligere tales fidei regulas, nec rectam fidem penes  
 se habere. Paulus apostolus non secundum deitatis  
 naturam Christum creatum insinuat, sed secundum  
 humanæ naturæ substantiam eundem creatum affir-  
 mat, ipso Ephesiis vespiciente: « Renovamini,  
 inquit, spiritu mentis vestræ et induite novum ho-  
 minem qui secundum Deum creatus est in iustitia  
 et sanctitate veritatis. (Ephes. iv, 23) » Et ad He-  
 bræos: « In eo enim in quo passus est ille et ten-  
 tatus, etiam potest his qui tentantur auxiliari.  
 Unde sancte vocationis participes, considerate apo-  
 stolum et pontificem confessionis nostræ Jesum,  
 fidelem existentem ei qui creavit eum (Hebr. ii, 18). »  
 Et ad Colossenses: « Nunc autem deponite et vos  
 universa: iram, indignationem, malitiam, blasphemiam;  
 turpiaque ex ore vestro non procedant. No-  
 lite mentiri invicem, exspoliantes vos veterem homi-

nem cum actibus suis, et induentes novum cum eo  
 qui renovatur in agnitione secundum imaginem ejus  
 qui creavit eum (Col. iii, 8). » Nunquid is qui univer-  
 sam creaturam, visibilia et invisibilia a propria pote-  
 statis virtute procreavit ac fecit, seipsum antea vel  
 postmodum, quod dicere nefas est, creavit vel facere  
 potuit. Filius minor est Patre in assumpti hominis  
 forma, æqualis vero Patri est in deitatis naturæ sub-  
 stantia; eodem protestante: « Ego et Pater unum su-  
 mus 266 (Joan. x, 30). » Et iterum: « Qui me  
 videt, videt et Patrem (Joan. xiv, 9). » Et iterum:  
 « Qui odit me, odit et Patrem (Joan. xv, 23). » Et  
 iterum: « Ut omnes honorificent Filium, sicut ho-  
 norificavit Patrem (Joan. v, 23). » Et iterum: « Ut  
 sint in nobis unum, sicut et nos sumus unum (Joan.  
 xv, 21). » Et iterum: « Tu in me et ego in eis (Ibid.). »  
 Et iterum: « Omnia mea tua sunt (Ibid., 10). » Et  
 iterum: « Ego in Patre, et Pater in me (Ibid.). »  
 Et iterum: « Pater in me manens, facit opera hæc  
 (Joan. xiv, 10). » Et Joannes evangelista ait: « In  
 principio erat Verbum et Verbum erat apud Deum,  
 et Deus erat Verbum (Joan. i, 1). » Et iterum ipse  
 ad Parthos: « Tres sunt, inquit, qui testimonium  
 perhibent in terra: aqua, sanguis et spiritus. Tres  
 in nobis sunt, et tres qui testimonium perhibent in



cælo, Pater, Verbum et Spiritus. Et hi tres unum sunt. » Nos itaque in natura deitatis, quia unum sunt Pater et Filius, nec Patrem credimus aliquo tempore præcessisse, ne major sit Filio, nec Filium postea natum esse, ut deitate Patris minoretur. Si æqualis Patri Filius non est, cur ita de illo Joannes evangelista testatus est: Propterea, inquit, persequebantur Judæi Jesum et quærebant eum occidere, quia non solum solvebat Sabbatum, sed et Patrem suum dicebat Deum, æqualem se faciens Deo. Et Paulus apostolus: « Hoc sentite in vobis, inquit, quod et in Christo Jesu. Qui cum in forma Dei esset constitutus, non rapinam arbitratus est esse se æqualem Deo, sed semetipsum exinanivit formam servi accipiens (Philipp. 11, 5). Et in Salomone: « Qui genuit me requievit in tabernaculo meo (Eccli. xxiv, 42). » Et Isaias: Sicut est ab initio, ita usque in

seculum, neque adjectus est ei, neque minuatur illi; ipse est enim dominus creaturæ suæ, qui nihil eguit ab aliquo. Et in psal LXXII: « Quid enim mihi est in cælo, et ad te quid volui super terram. » Hæc omnia Filium non inferiorem naturam demonstrant, sed æqualitatem deitatis annuntiant, quoniam qui utraque locutus est, verum dixit, quia Veritas mentiri non potuit. Taliter, frater charissime, semper age, cæterosque omnes agere mone, ut abolito hoc qui natus videbatur errore, in laudem et gloriam Dei per totum mundum una fides sit et una eademque confessio, « ut in nomine Jesu omne genu flectatur, cœlestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris (Philipp. 11, 10). » Data... Nonas Augusti, Justiniano et Athalarico IV consulibus.

## INCIPIT EPISTOLA AGAPITI PAPÆ

*Ad Antemium Constantinopolitanum episcopum de duabus naturis in uno Christo.*

AGAPITUS ANTEMIO episcopo salutem.

Multo gaudio essem repletus, si te talem circa Ecclesiæ pacem et gloriosissimi imperatoris atque populi doctrinam reperissem, qualem te in primordio esse audivi. Sed nunc quia didicimus a reverendissimis fratribus te contra statuta Patrum imperatorem et reliquos populos docere, ita ut negata humanæ carnis atque animæ veritate tantum Dominum nostrum Jesum Christum unius asseras esse naturæ, tanquam Verbi deitas ipsa se in carnem animamque verterit, et tanquam concipi ac nasci, nutrirī et crescere, crucifigi ac mori, sepeliri ac resurgere, et ascendere in cœlum, sedere ad dexteram Patris, venire ad judicandos vivos et mortuos, divinæ tantum voluntatis fuerit quæ nihil horum in se sine carnis recepit veritate, quæ natura unita naturæ Patris natura est Spiritus sancti simulque impassibilis, simulque incommutabilis sempiternæ Trinitatis indivisa unitas, et unius voluntatis æqualitas, unde si aliquis maxime voluntatis hoc, aut infidelis quisque desciscit ne convincatur deitatem passibilem sentire atque mortalem, et tamen Verbi incarnati, id est Verbi et carnis unam ausus fuerit pronuntiare naturam, manifeste in apertam et ideo odibilem transit insaniam, qui mediatorem Dei et hominum Jesum Christum simulatorie credit omnia egisse, nec verum in Christo corpus, sed phantasma ejus corporis speciem oculis apparuisse cernentium. Quæ impietatis mendacia quoniam olim fides catholica detestatur, et talia assertionum sacrilegia concordibus per totum mundum beatorum Patrum dudum sunt damnata sententiis, non dubium est eam nos fidem prædicare atque defendere quam sancti

apostoli docuerunt, et hactenus eorum suorumque successorum sequens, sancta hæc Romana et apostolica Ecclesia doctrinam tenuit ac tenet, docuit et docet. Siquidem enim ita sunt obsecrati, et a lumine veritatis alieni, ut Verbi Dei a tempore incarnationis denegent veritatem, ostendant in quo sibi Christianum nomen usurpent, et cum Evangelio veritatis qua ratione concordent, si per Virginis partum, aut caro sine deitate, aut deitas est orta sine carne. Sicut enim negari non potest (evangelista dicente) quod Verbum caro factum est et habitavit in nobis, ita negari non potest (beato apostolo Paulo prædicante) quod Deus erat in Christo, mundum reconcilians sibi. Quæ autem reconciliatio esse posset qua humano generi repropitiaretur Deus, si hominis causam Mediator Dei et hominum non susciperet? Qua vero ratione veritatem mediatoris implet, nisi qui in forma Dei æqualis est Patri, in forma servi particeps esset et nostri, ut mortis vinculum unius prævaricatione contractum unius morte, qui solus morti nihil debuit, solveretur? Effusio enim justi sanguinis Christi tam fuit dives ad pretium, ut si universitas captivorum in redemptorem suum crederet, nullum diaboli vinculum retineret; quoniam sicut Apostolus ait: « Ubi abundavit peccatum, superabundavit et gratia (I Tim. 1, 14). » Et cum sub peccati præjudicio nati potestatem acceperint ad justitiam renascendi, validius factum est donum libertatis quam debitum servitutis. Quam itaque sibi in hujus sacramenti præsidio spem relinquunt, qui in Salvatore nostro negant humani corporis veritatem? Dicant quo sacrificio reconciliati, quo sanguine sunt redempti? « Quis est, ut Apostolus ait, qui tra-

didit semetipsum pro nobis oblationem et hostiam Deo in odorem suavitatis; » aut quod unquam sacrificium fuit sacratius quam quod verus et æternus Pontifex altari crucis per immolationem suæ carnis imposuit? In conspectu Domini pretiosa mors iustorum fuit, nullius tamen insontis occisio redemptio fuit mundi. Acceperunt iusti, non dederunt coronas. De fortitudine fidelium exempla nata sunt patientiæ, non dona iustitiæ. Singulares quippe singulis mortes fuerunt, nec alterius quisquam debitum suo sine persolvit, cum filius hominis, unus solus Dominus noster Jesus Christus, qui vere agnus erat immaculatus, exstiterit. In quo omnes crucifixi, omnes mortui, omnes sepulti, omnes sunt etiam suscitati, de quibus ipse dicebat: « Cum exaltatus fuero a terra, omnia traham ad meipsum (Joan. xii, 32), » fides etenim justificans impios et creans iustos ad humilitatis retracta participium, in illo acquirit salutem in quo solo homo se invenit innocentem, liberum habens per gratiam Dei de ejus potentia gloriari, qui contra hostem humani generis in carnis nostræ humilitate congressus, his victoriam suam tribuit in quorum corpore triumphavit. Licet ergo in uno Domino nostro Jesu Christo vero Dei atque hominis Filio, Verbi et carnis una persona sit, quæ inseparabiliter atque indivise habeat actiones communes, intelligendæ tamen sunt ipsorum operum qualitates, et sic veræ fidei contemplatione cernendum est, ad quæ provehatur humilitas carnis, et ad quæ inclinetur altitudo deitatis; quid sit quod caro sine Verbo non agit, et quid sit quod Verbum sine carne non efficit. Sine Verbi enim potentia nec conciperet Virgo nec pareret, et sine veritate carnis obvoluta pannis infantia non jaceret. Sine Verbi potentia non adorarent magi puerum, stella indice

A declaratum, sine veritate carnis non juberetur transferri in Ægyptum puer, et ab Herodis persecutione subduci. Sine Verbi potentia non diceret vox Patris missa de cœlo: « Ille est Filius meus dilectus in quo mihi bene complacui, ipsum audite (Matth. iii, 17); » et sine veritate carnis non protestaretur Joannes: « Ecce Agnus Dei, ecce qui tollit peccata mundi (Joan. i, 29). » Sine Verbi potentia reintegratio non fieret debilius et vivificatio mortuorum; et sine veritate carnis, nec cibus jejuno, nec somnus esset necessarius fatigato. Postremo sine Verbi potentia non se Dominus Patri profiteretur æqualem; et sine veritate carnis non idem diceret Patri se esse minorem, cum catholica fides utrumque suscipiat, utrumque defendat, quæ secundum confessionem beati Petri apostoli unum Christum Dei vivi Filium et hominem credit et verum, Christus Deus noster verus ita inter Deum et hominem mediator apparuit, ut in unitate personæ copulas utramque naturam, et solita sublimaret insolitis, et insolita solitis temperaret. Quid igitur? Cum Christus sit Deus et homo, loquitur homo, et calumniaris Deo? Ille in se naturam commendat humanam, in illo audes deformare divinam? Gemina ergo est substantia Christi, divina scilicet, quæ æqualis est Patri, humana vero quæ minor est Patri: utrumque autem simul non duo, sed unus Christus, ne sit quaternitas Deus. Sicut enim unus est homo in anima rationali et carne, sic unus est Christus Deus et homo, et per hoc Christus Deus anima rationalis et caro. Christum in his omnibus, Christum in singulis confitemur. Deus te convertat in bonum, frater, et rectæ fidei normam te in omnibus tenere et docere concedat. Amen. Data Kalen. Maii, Justiniano quarto et Theodato IV consulibus.

## INCIPIUNT DECRETA SILVERII PAPÆ

*Epistola Amatoris episcopi ad eundem.*

Beatis-imo SILVERIO AMATOR episcopus

A quibusdam, Pater dilectissime, illic a Patribus adventatibus audivimus vos a sede sancti Petri injuste pulsum exsilio destinatum. Quod nimis grave ferentes misimus parva manuscula, id est argenti libras xxx, ad vestram vestrorumque sustentationem, quæ petimus ut ita grato animo suscipiatis sicut grata mittuntur intentione. Precamur quoque ut per vestram epistolam nobis remendare non dedignemini qualiter circa vos sit actum vel modo agitur, ut certam rationem de vobis scire et fratribus valeam nuntiare. Quid enim putas de nobis fieri, Pater summe, cum de summo pastore et vicario sancti Petri talia sunt? Vos tamen nolite multum tristari, sed confortamini semper in Domino, quoniam potens est divinitas immense tempestatis in-

certa bono serenitatis amovere. Ora pro nobis, beatissime papa.

*Rescriptum ejusdem ad Amatorem episcopum.*

Dilectissimo atque amantissimo AMATORI episcopo, SILVERIUS.

O quam bona est caritas quæ absentia per imaginem præsentia sibi metipsi exhibet per amorem. Divisa tangit, confusa ordinat, inæqualia sociat, imperfecta perficit. Quam recte prædicator egregius vinculum perfectionis vocat, quia virtutes quidem cæteræ perfectionem generant, sed tamen eas caritas ligat, ut ab amantis mente dissolvi jam nequeant. Hac itaque virtute, frater charissime, plenum te reperio dum non solum de me suscitando et visitando curam habes, sed etiam bonis tuis me fulcire et sustentare non desinis. Quanta autem mala in me peracta sunt, nec enarrare, nec scribere



tibi per omnia possum. Ante omnia vero patricia infesta mihi erat, eo quod non restituebam Antemium dudum patriarcham Constantinopolitanum, quem sanctæ memoriæ Agapitus prædecessor meus suis meritis damnavit. Urgente quoque ejus jussione exierunt quidam falsi testes dicentes adversum me crimina, quorum particeps non fui.

**267** Sed dum multi in eadem accusatione persisterent, timuit Julisarius patricius noster, et mandavit me ad se venire pacifice pro quibusdam ecclesiasticis dispositionibus in palatium principis et ad primum et secundum velum retinuit omnem clerum et populum qui mecum veniebat, et nullum permisit introire, nisi me solum et Vigilium diaconem meum. Me vero vi retento, et ante prædictam patriciam deducto miserunt in exsilium, in quo modo sustentor pane tribulationis et aqua angustiae. Ego tamen propterea non dimisi nec dimitto officium meum, sed cum episcopis quos congregare potui, eos qui talia erga me egerunt anathematizavi; et una cum illis apostolica synodali auctoritate statui nullum unquam taliter decipiendum sicut deceptus sum, et si aliquis deinceps ullum unquam episcoporum ita deciperet, anathema maranatha fieret in conspectu Dei et sanctorum angelorum. Similiter sanctorum Patrum roborantes decreta statuimus, licet sæpissime jam statutum fuerit, nec falsos, nec inimicos suspectos accusatores vel testes unquam super episcopos suscipi, eisque nocere nullatenus posse, quia falsam aut odiosam vocem aut funestam potius interdicti quam audiri sanctis Patribus placuit. Summopere, charissime, tales cavendi sunt, et avertendi atque rejiciendi, si nocentes apparuerint, quia non solum ecclesiasticæ, sed etiam sæculi leges tales non suscipiunt, sed repellunt; unde scriptum est : « Os impiorum devorat iniquitatem (*Prov. xix, 28*); » et Dominus per prophetam loquitur dicens : « Cum sancto sanctus eris, et cum viro innocente innocenter agis. Cum electus eris, et cum perverso perverteris (*II Reg. xxii, 26*); » et Apostolus inquit : « Pervertunt mores bonos colloquia mala (*I Cor. xv, 53*); » idcirco, ut jam prælibatum est, mali semper cavendi, et bonis atque benevolis est inhærendum, ut periculum desidiae, quantum possumus, devitemus; et ne pestis hæc latius divulgetur, severitate qua possumus abscindamus, quoniam non temeritas intervenit præsumptionis ubi est diligentia pietatis. Agat semper unusquisque vestrum hac informa-

tionem apostolicam fulvus juxta vires suas, et fraterna dilectione a sancta religione mores proprios conservare et in communione alterutrum adjuvare, et in charitate permanere, et Dei voluntati indesinenter studeant inhærere, ut simul laudantes Dominum indefessas illi gratias semper agamus. Vale in Christo semper, et prædicta prout melius poteris, Domino ope ferente, adimplere, et reliquos fratres apostolica auctoritate informare studeo. Data ix Kalend. Decembris, Justiniano V et Juliano IV consulibus.

*Epistola Silverii papæ ad Vigilium papam.*<sup>1</sup>

SILVERIUS episcopus VIGILIO.

Multis te transgressionibus irretitum sacerdotalis jamdudum novit generalitas. Et quia cruciatus [cruentis] humano sanguine manibus decessoribus nostris perveracia tua subripiens leviticis præsumpseris excubare mysteriis, plerique noverint fidelium. Nam quia contra jura canonica temporibus sanctæ memoriæ Bonifacii papæ, ipso vivente successor ejus designari conabaris, nisi tibi amplissimi senatus obviasset justitia, tunc providentia pastorali auspicia tua pontificali auctoritate execranda jam debuerant truncari. Sed dum parvum vulnus in te neglectum est, insanabile accrevit apostema, quod nisi ferro altius abscindatur, fomentum sentire non potest medicinam : quippe qui nequissimi spiritus audacia, ambitionis frenesim concipiens, in illius apostolicæ medici cui animas ligandi solvendique collata et concessa potestas est, versaris contumeliam, novumque scelus in apostolica sede rursus nitaris inducere et in more Simonis, cujus discipulum te ostendis operibus, data pecunia, \* neque repulso qui favente Domino tribus jam jugiter emensis temporibus ei præsidio tempora mea nitaris invadere. Habe ergo cum his qui tibi consentiunt poenæ damnationisque sententiam, sublatumque tibi nomen et munus ministerii sacerdotalis agnosce sancti Spiritus judicio, et apostolica a nobis auctoritate damnatus. Sic enim decet fidem sanctorum Patrum in Ecclesia servari catholica, ut quod habuit amittat, qui improbabili temeritate quod non accepit assumpserit. Data octavo Kalend. Julii principii Basilii. Caelius Silverius papa urbis æternæ huic decreto anathematizatus in Vigilio pervasore facto, ad omnia statuta consensum præbens subscripsi pariter, et quatuor episcopi subscripserunt, id est, Terrocinensis, Fundanus, Firmensis et Meterrensis. Data ista chartula per Anastasium subdiaconum.

## INCIPIUNT DECRETA VIGILII PAPÆ.

1. De Priscillianistis qui ab esu carnum se subtrahunt.

2. De trina mersione.

3. De his qui ab Arianis iterum baptizantur.

4. De ecclesiarum restauratione in fabricis vel dedicatione quid sit observandum.

5. De Paschæ festivitate et precum ordine ac missarum solemnibus.

6. Quod in nomine Trinitatis debeat baptizari. •

7. Quod beati apostoli Petri Romanæ scilicet Ecclesiæ sedes sacerdotalis mater sit dignitatis, atque ecclesiasticæ magistra rationis.

CAP. I. Dilectissimo fratri EUTERO VIGILIUS.

Directas ad nos tuæ charitatis epistolas plenas catholicæ inquisitionis sollicitudine gratanter accipimus, benedicentes Dei nostri clementiam, quia tales extremis mundi partibus dignatur suis oculis providere pastores, per quos et pascuis valeant salutaribus abundare, et ab antiqui hostis rapacitate servari, ut insidias nequeant ejus subreptionis incurere. Unde certum est quia promissæ vos beatitudinis gratia subsequatur, quando a vobis cœlestium perfectio doctrinarum tanta votiva suscitatione perquiritur. Scriptum est enim : « Beati qui scrutantur testimonia ejus, in toto corde exquirunt eum (Psal. cxviii, 2). » Hoc igitur, frater charissime, propositum tuæ consultationis tota mente tractantes, de te quoque provenire contendimus, qui regulam catholicæ fidei iisdem studeas tenere vestigiis quibus eam apostolica fide cognoscis esse fundatam. Et quamvis sonus eorum toto orbe diffusus et usque ad fines orbis terræ verba eorum distensa, dilectionis tuæ corda Christo probaverint esse fidelia; tamen si quid ex his in Ecclesia, quæ tuæ gubernationi Deo auxiliante commissa est, necdum plena luce claruerit, ad eundem fontem de quo illa salutaris manarat lympha, recurritis, id est quod debita charitate sumus amplexi, quia fiducialiter de his, unde apud eos observantiam esse dixistis ambiguum, nostra voluistis responsione firmari. Quapropter dilectionem tuam in Domino salutantes de singulis quid juxta catholicam disciplinam teneat apostolicæ sedis auctoritas, subjectis aliquibus etiam sanctarum capitulis regularum, te credimus instruendum. Ac primum his quos Priscillianæ hæresis indicasti vitiiis inquinari sancta et convenienti religioni catholicæ eos detestatione judicas arguendos, qui ita se sub abstinentiæ simulate prætextu ab escis videntur carniū submovere, ut hoc execrationis potius animo quam devotionis probeantur efficere : in qua re quia nefandissimis Manichæis esse consimiles approbantur, juste Patrum venerabilium constitutis ab hac superstitione sub anathematis sunt interminatione prohibiti, quando aliquid ciborum contagione carniū creditur esse pollutum, quia de his omnibus quæ ad humanum victum misericordia Dei contulit, nihil catholicis esse videatur immundum. Sic enim Titum doctor gentium Paulus monet apostolus dicens : « Omnia munda mundis : coinquinatis autem et infidelibus nihil est mundum, sed polluta sunt eorum mens et conscientia. Deum confitentur se nosse, factis autem negant, abominabiles et increduli, et ad omne opus bonum reprobi (Tit. 1, 15). » Similiter et alio in loco ad Timotheum de hujusmodi cavendis erroribus prædicavit dicens : « In novissimis temporibus discedent quidam a fide, attendentes spiritibus erroris et doctrinis demoniorum; in hypocrisi loquentium men-

dacium, et cauteriatam habentium suam conscientiam; prohibentes nubere, et abstinentes a cibis, quos Deus creavit ad percipiendum cum gratiarum actione fidelibus et his qui cognoverunt veritatem, quia omnis creatura Dei bona est, et nihil rejiciendum quod cum gratiarum actione percipitur (1 Tim. iv, 1). » Hæc igitur sequentia Patrum venerabilium constituta, specialiter eos censuerunt esse damnandos, qui cum carnibus abstinerent, ea quoque credebant esse vitanda quæ carnibus fuisse videbantur admista. Nam et ipse Dominus noster Jesus Christus ita præmonuit dicens : « Non quod intrat in os coinquinat homines, sed quæ procedunt de ore, hæc sunt quæ coinquant hominem (Matth. xv, 11). » Quapropter nec abstinentiam Deo placitam reprobamus, nec eos qui execrantur Domini creaturam recipimus in nostra societate.

*De renascentium trina mersione*

II. De baptismo quoque solemniter adimplendo, similiter quid apostolica, vel sanxerit vel conservet auctoritas, in subjectis tua charitas evidenter agnosceat; illud autem novelli esse judicamus erroris, quod cum in fine psalmorum ab omnibus catholicis ex more dicatur : « Gloria Patri, et Filio, et Spiritui sancto, » aliqui sicut indicas, subducta syllaba conjunctiva, perfectum conantur minuere vocabulum Trinitatis, « gloria Patri, et Filio, et Spiritui sancto. » Quamvis ergo ipsa nos ratio evidenter edoceat, quia subducta una syllaba, personam Filii et Spiritus sancti unam quodammodo esse designant, tamen ad errorem talium convincendum sufficit, quod Dominus Jesus Christus designans in invocatione Trinitatis credentium debere baptismum celebrari, dixit : « Ite, docete omnes gentes, baptizantes eos, in nomine Patris, et Filii, et Spiritus sancti (Matth. xxviii, 19). » Ergo cum non dixerit, In nomine Patris, et Filii, et Spiritus sancti, sed æqualibus distinctionibus, Patrem et Filium et Spiritum sanctum jusserit nominari, constat illos omnino a Deo doctrina deviare, qui aliquid huic voluerint confessioni derogare. Qui si in errore permanserint, socii nobis esse non possunt.

III. De his etiam qui baptismatis gratia salutaris accepta, apud Arianos iterum baptizati, profundæ voraginis sunt morte demersi, quid per singulos ordines vel ætates antecessorum nostrorum decreta censuerunt, quæ multiplici sunt digesta ratione, et nostro scrinio relevata capitula his subjecta direximus, in quibus tamen illud speciali charitate etiam convenit observari; ut quia pro peccatis plurimis in gentibus iniquitas ipsa surrexit in æstimatione fraternitatis tuæ aliorumque pontificum per suas dioceses relinquatur, ut si qualitas et pœnitentis devotio fuerit approbata, indulgentiæ quoque remedio sit vicina. Quorum tamen reconciliatio non per illam impositionem manus quæ per invocationem sancti Spiritus operatur, sed per illam qua pœnitentiæ fructus acquiritur, et sanctæ communionis restitutio perficitur.



IV. De fabrica vero cujuslibet ecclesiæ, si diruta fuerit, instauranda, et si in eo loco consecrationis solemnitas debeat iterari. In quo sanctuaria non fuerint, nihil judicamus efficere, sed per eam minime aqua benedicta jactetur, quia consecrationem cujuslibet ecclesiæ in qua Spiritus sancti ara non ponitur, celebritatem tantum scimus esse missarum, et ideo si qua sanctorum basilica a fundamentis etiam fuerit innovata, sine aliqua dubitatione cum in ea missarum fuerit celebrata solemnitas, totius sanctificationis implebitur. Si vero sanctuaria quæ habebat ablata sunt, rursus earum depositione et missarum solemnitate reverentiam sanctificationis accipiet.

*De Paschæ solemnitate et precum ordine.*

V. Pascha vero futurum nos, si Deus voluerit x<sup>i</sup> Kalendarum Maiarum die celebraturus esse cognoscite. Ordinem quoque precum in celebritate missarum nullo nos tempore, nulla festivitate significamus habere divisum, sed semper eodem tenore oblata Deo munera consecrare. Quoties vero paschalis, aut ascensionis Domini vel Pentecostes, et Epiphaniæ sanctorumque Dei fuerit agenda festivitas, singula capitula diebus apta subjungimus, quibus commemorationem sanctæ solemnitatis, aut eorum faciamus, quorum natalitia celebramus, cætera vero ordine consueto persequimur. Quapropter et ipsius canonicæ precis textum direximus subter adjectum, quem Deo propitio ex apostolica traditione suscepimus; et ut charitas tua cognoscat quibus locis aliqua festivitibus apta connectas, paschalis diei preces simul adjecimus. His igitur fraternitatis tuæ inquisitioni responsis, Dominum nostrum quantum possumus exoramus, ut omnibus catholicæ religionis Ecclesiis circa universos quos fideles sibi efficit, gratiæ suæ dona multiplicet, et ab omnibus insidiis spiritualis hostis atque carnalis cunctos populos suos redigere dignetur immunes. Significatur etiam beatorum apostolorum vel mar-

tyrum sicut speramus sancto nos affectui tuo direxisse reliquias, præsumentes fidem vestram eorum deinceps plenius esse meritis adjuvandam.

VI. Si quis episcopus aut presbyter juxta præceptum Domini non baptizaverit in nomine Patris, et Filii, et Spiritus sancti, sed in una persona Trinitatis, aut duabus, aut in tribus patribus, aut in tribus filiis, aut tribus paracletis, projiciatur de Ecclesia Dei.

VII. Nulli vel tenuiter sentienti, vel pleniter sapienti dubium est, quod Ecclesia Romana fundamentum et forma sit Ecclesiarum, a qua omnes ecclesias principium sumpsisse nemo recte creditum ignorat: quoniam licet omnium apostolorum par esset electio, beato tamen Petro concessum est, ut cæteris præmineret, unde et Cephass vocatur, quia caput est et primus omnium apostolorum. Et quod in capite præcessit, in membris sequi necesse est. Quamobrem sancta Romana Ecclesia ejus merito Domini voce consecrata, et sanctorum Patrum auctoritate roborata, primatum tenet omnium Ecclesiarum, ad quam tam summa episcoporum negotia et judicia atque querelæ, quam et majores ecclesiarum quæstiones, quasi ad caput semper referenda sunt. Nam et qui se scit aliis esse præpositum, non moleste ferat aliquem esse sibi prælatum. Ipsa namque Ecclesia quæ prima est ita reliquis ecclesiis vices suas credidit largiendas, ut in parte sint vocatæ sollicitudinis, non in plenitudine potestatis, unde omnium appellantium apostolicam sedem episcoporum judicia et cunctarum majorum negotia causarum eidem sanctæ sedi reservata esse liquet, præsertim cum in his omnibus ejus semper sit expectandum consultum: cujus tramiti si quis obviare tentaverit, sacerdotum causas se non sine honoris sui periculo apud eandem sanctam sedem noverit redditurum. Data Kalend. Martii, Wisiliano et Johanne IV consulibus.

## INCIPIUNT DECRETA PELAGII PAPÆ.

*Epistola Pelagii papæ ad Vigilium.*

PELAGIUS episcopus VIGILIO coepiscopo salutem.

Gaudeo fidei devotione tuæ quod religiosum studium et divinum officium dignanter impendis, et maxime quod fidei inimicos æmularis apostolicæ sedis querens exempla. Didici sane tam per latorem tuarum quam et per litteras tuas quod sint quidam penes vos qui dicentes garriunt: Qualiter Pater et Filius unus potest esse Deus, cum præter Patrem alius non sit Deus, qui dicatur ingenuus atque invisibilis? Hi sane si scirent donum Dei, et veræ fidei regulas intelligerent, nequaquam talia muscitarent; sed quia non habentes munda corda quæ videre

Decreta Dei et intelligere mysteria valeant divina, et mundanda sunt prius corda eorum per poenitentiam ut intelligere postmodum, et capere lumen veritatis possint. Quibus tamen ad eorum ac multorum illuminationem corrigendo talium errorem apostolica auctoritate respondendum est ita: Quomodo vos Patrem et Filium unum profiteri non vultis? Eos etiam nos unum et verum Deum a prophetis et apostolis ostendimus prædicatum, a quibus etiam Spiritum credimus sanctum non esse discretum, Isaia propheta dicente: « Ego sum Deus, et non est alius præter me. Et per memetipsum juro, quia exivit ex ore meo veritas, et sermo

meus non avertitur, quia mihi inclinabitur omne genu, et omnis lingua jurabit per Dominum dicens: Justitia et gloria ad eum veniet (*Isa. xlv, 21-25*). » Et ut hoc in testimonio Patrem simul et Filium cognoscas fuisse, Paulum audi dicentem, « ut in nomine, inquit, Jesu omne genu flectatur celestium, terrestrium et infernorum. Et omnis lingua confiteatur, quia Dominus Jesus Christus in gloria est Dei Patris omnipotentis (*Philipp. ii, 11*). » Quod si iste Filius minor est Patre suo, ergo minorata est gloria Patris in Filio. Et ubi est quod in Salomone Scriptura loquitur dicens: « Sicut etiam in conspectu eorum, inquit, magnificatus es in nobis, ita in conspectu nostro magnificaberis in illis, ut cognoscant te sicut et nos cognovimus, quoniam non est Deus præter te, Domine (*Eccli. xxxvi, 4*). » Diligenter attende et agnosce Filium esse, qui magnificabitur in judicio dum venerit vivos et mortuos judicare. Item Isaias: Audite me, domus Jacob et residuum domus Israel, qui egredimini ex utero meo, et erudimini a puero usque ad senectutem. Ab initio ego sum, et quousque senescatis ego sum. Ego vos feci, et ego sustineo. Ego remittam, et ego suscipiam, dicit Dominus. Et iterum: Ego sum Dominus Deus, et præter me non est alius Deus, annuntians novissima priusquam fiant, et statim consummata sunt. Item alibi. Audi me, Jacob et Israel, quem ego feci. Ego sum Dominus Deus tuus, et non est alius præter me. Item alibi: Ego sum Dominus Deus tuus, primus et ego novissimus, et in ea quæ superventura sunt in novissimo ego sum. C Item alibi: Ego sum Deus qui te creavi, qui te adivi, et communivi dextera mea. Et unitatem Patris et Filii assignans loquitur dicens: Ego testis vester, dicit Dominus Deus, et puer meus tu quem ego elegi, ut sciatis et credatis quia ego sum, ante me non fuit alius Deus, et post me non erit. Unum, hæretice, elige e duobus: aut fateri Patrem et Filium unum Deum; aut si solum Patrem Deum esse contendis, ergo tibi Dominus Deus Jesus Christus Dei Filius non erit Deus, quia scriptum est: « Ante me non fuit alius Deus, et post me non erit. » Si secundum te ita est, cur Apostolus talia prædicat et eundem Filium Deum super omnia benedictum insinuat? « Quorum patres, inquit, ex quibus Christus secundum carnem, qui est super omnia Deus benedictus in sæcula (*Rom. ix, 5*). » Item Isaias dicit: Dominus Deus Israel, qui liberabit eum Ægypto. Ego sum primus et ego post hæc, et præter me non est Deus sicut ego sum qui stet, et vocet et præparet mihi ex quo hominem feci in sæculum. Item ibi: Iste est Deus et nesciebamus, Deus, et non est alius deus præter te. Tu enim es Deus et nesciebamus, Deus Israel salvator unus Deus. Non sunt Pater et Filius dii, quia est Deus in quo esse dicitur Deus; præter alium Deum non esse propheta sæpenumero protestatur. Et Jeremias: « Hic Deus noster, ait, et non applicabitur alter ad eum, qui invenit omnem scientiæ viam, et dedit eam Jacob puero suo et

A Israel dilecto suo. Post hæc in terris visus est, et inter homines conversatus est (*Baruch iii, 36*). » Et in Salomone: « Miserere nobis, Deus omnium, et ostende nobis lumen miserationis, et immitte timorem tuum super gentes quæ non exquisierunt te, ut cognoscant quia non est alius Deus, nisi tu (*Eccli. xxxvi, 1*). » Item ibi: « Domine Deus Israel, non est tibi similis in cælo sursum, neque in terra deorsum (*Deut. iv, 59*). » Et in psalmo xvii: « Quoniam quis deus præter Dominum, aut quis deus præter Deum nostrum? » Et in Genesi: « Et pluit Dominus a Domino ignem et sulphur super Sodomam et Gomorrhæam, et evertit civitates illas (*Gen. xix, 24*). » Si solus Pater Deus est, quis pluit ignem et sulphur a Domino, vel supradictas civitates evertit? Quæso, responde. Et Deuteronomium: Dominus solus deducebat eos, et non fuit cum illis deus alienus. Et Paulus apostolus: « Unus Deus qui justificat circumcisionem ex fide et præputium per fidem (*Rom. iii, 30*). » Et ad Corinthios: « Deus erat in Christo mundum reconcilians sibi (*II Cor. v, 19*). » Et iterum: « Non est Deus, nisi unus. » Et ad Galatas: « Mediator autem unius non est, Deus autem unus est (*Gal. iii, 30*). » Et unitatem Patris et Filii et Spiritus sancti demonstrans, Ephesiis scribens, ita confirmat: « Sufferentes invicem in charitate solliciti servare unitatem spiritus in vinculo pacis, unum corpus et unus spiritus, sicut vocati estis in una spe vocationis vestræ, unus Dominus, una fides, unum baptisma, unus Deus (*Ephes. iv, 5*). » Si enim prædicti hæretici unitatem fidei voluerint simplici corde recipere, ex hoc jam testimonio in uno spiritu possunt simul Patris et Filii unitatem condiscere. Patrem igitur ut ipsi se dicunt invenisse in divinis litteris ingenitum proprie positum nec legere possunt penitus, nec probare: sed quia idipsum fides exigit Christiana absque ulla dubitatione ingenitus creditur, qui tamen secundum seriem Scripturarum in Filio a se genito visus esse monstratur. Apostolus vero Paulus missionem Filii Dei in Spiritu sancto longe ante conspiciens, Romanæ Ecclesiæ scribens hæc testatus est dicens: « Quod enim impossibile erat legi, in quo infirmabatur per carnem, Deus Filium suum misit in similitudinem carnis peccati, et de peccato damnavit peccatum in carne, ut justitia legis impleretur (*Rom. viii, 3*). » Cernisne quoniam Filius non secundum deitatem a Patre missus est, sed secundum carnem, quam clementer et pie pro nobis assumere non dedignatus est. Nam quod semetipsum exinanita majestatis suæ potentia, idem se Filius miserit, Apostolus contestatur dicens: « Semetipsum exinanivit formam servi accipiens, humiliavit semetipsum factus obediens usque ad mortem, mortem autem crucis (*Philipp. ii, 7*). » Et Isaias: Non legatus, neque angelus, sed ipse Dominus veniet, et salvabit eos. Item ibi: Palam apparui non quærentibus me. Et in Jeremia: Dereliqui domum meam, dimisi hereditatem meam, et



veni, et factus sum illis in opprobrium. Et in Michæa: Ecce Dominus veniet, et commovebuntur montes sub eo. Et in Zacharia: Gaude et exsulta, filia Sion, quia ecce ego venio, et commorabor in medio tui, dicit Dominus. Et Apostolus ad Timotheum: « Fidelis sermo et omni acceptione dignus, quia Jesus Christus venit in hunc mundum peccatores salvos facere (*I Tim. i, 15*). » Et Malachias: « Ecce subito veniet in templo suo Dominus, quem vos quæritis, et angelus testamenti, quem vos vultis (*Malach. iii, 1*). » Et in Evangelio: Non veni vocare justos, sed peccatores in penitentia. Iterum ibi: « Quid nobis et quid tibi, Jesu Fili Dei, venisti ante tempus perdere nos? (*Matth. viii, 29*). » Item ibi: « Venit filius hominis quærere et salvum facere quod perierat (*Luc. xix, 10*). » Item ibi: Ego veni ut vitam habeant, et ut abundantius habeant. Item ibi: « Nemo ascendit in cælum nisi qui descendit de cælo, filius hominis qui est in cælo (*Joan. iii, 13*). » Nunquid in his tantis ac talibus testimoniis, quibus se Filius Dei a semetipso venisse testatus est, poteris dicere ab alio et non a semetipso venisse. Dum manifestum est eum qui carnem nostram dignanter assumpsit voluntarie et non ab alio missus advenerit. Nam qui in Patre ma-

nens, ubique potentia sua consistit, ubi a Patre mitteretur omnino non habuit. Scimus enim quoniam nulla pars cælorum ac terræ a conspectu Patris excipitur, ubi secundum eos a Patre Filius mitteretur. **269** Interim vero det operam, quantum fieri potest, tua dilectio, ut omnibus Ecclesiæ filiis innotescat, quid contra impium sensum secundum Evangelicam doctrinam et apostolicam prædicemus, quia licet plene quæ semper fuisset atque esset catholicorum sententia scripserimus, tamen nunc quoque ad confirmandas omnium mentes non parum exhortationis addimus. Memor enim sum me sub illius nomine Ecclesiæ præsidere, cujus a Domino Jesu Christo est glorificata confessio, et cujus fides omnes quidem hæreses destruit, sed maxime impietatem præsentis erroris expugnat; et intelligo aliter mihi non licere, quam ut omnes conatus meos ei causæ in qua universalis Ecclesiæ salus infestatur, impendam. Ne autem alicujus negligentiae occasione scripta nostra ad vos non potuerint pervenire, et exemplaria eorum nunc mittenda credimus, ut nullomodo fidei quam defendimus prædicatio vestræ doctrinæ notitiæ subtrahatur. Data v Non. Maii, Joanne Narsete IV consulibus.

## INCIPIUNT DECRETA JOANNIS PAPÆ.

JOANNES episcopus, universis episcopis per Germaniæ et Galliæ provincias constitutis, in Domino salutem. Optaveram siquidem, charissimi, pro nostri charitate collegii omnes Domini sacerdotes in una devotione persistere, nec quemquam, prohibita gratia, aut favore sacerdotum sectari, aut a via recta discedere; et quanquam credamus dilectionem vestram ad omne opus bonum esse paratam, ut tamen efficacior fiat, congruum nobis visum est, litteris sedis apostolicæ, ut antecessorum quoque nostrorum vestigia imitemur, vos monere præcepta divina et apostolicæ sedis instituta viriliter peragere, et prohibita non tangere, sed cavere; nec cuiquam liceat unquam doctrinam Patrum deserere, et sacerdotali honore gaudere. Perlatum est ad sedem apostolicam emersisse, et denuo reviviscere prohibitum, et funditus exstirpandum, tam a sancto Damaso quam a sancto Leone, viris apostolicis atque ab universis synodali auctoritate episcopis reprehensibilem atque oppido insolitum usum, eo quod quidam corepiscopi, qui et a prædictorum antecessorum sanctorum apostolicorum Patribus et viris apostolicis, et ab ipsis sive a nobis sunt prohibiti, sicut eorum hæcenus testantur decreta ultra modum suum progredientes, donum sancti Spiritus per impositionem manuum tradant, et alia quæ solum pontificibus debentur contra fas peragant; præsertim cum ex septuaginta discipulis quorum speciem in Ecclesia gerunt legatur

nullus donum Spiritus sancti per manus impositionem tradidisse. Quod autem solis apostolis eorumque successoribus proprii sit officii tradere Spiritum sanctum, liber Actuum apostolorum docet. In concilio vero Cæsariensi ita de corepiscopis habetur scriptum: Corepiscopi quoque ad exemplum et formam septuaginta videntur esse, ut comministri autem propter studium quod erga pauperes exhibent honorentur. Si enim meliores sanctioresque sanctis apostolis esse putatis, facite quæ illi non fecerunt, et superextollite vos illis. Si enim ejusdem ordinis estis et æquiparare vos vultis illis, nolite agere quæ illi non egerunt, sed imitamini, prout melius potestis, exempla et vestigia eorum: illis autem præcipiente Domino, illisque denuntiante, ut illi et successores eorum tantummodo per manus impositionem traderent Spiritum sanctum, et nullum unquam ex septuaginta scientes eis illicitum fore, quorum typum (ut prædictum est) corepiscopi, antequam prohibiti essent, in Ecclesia gerebant, tradere per manus impositionem Spiritum sanctum permiserunt, dantes successoribus eorum exemplum, ne unquam talia præsumerent. Unde in Actibus apostolorum scriptum est: « Cum audissent apostoli, qui erant Hierosolymis, quia recepit Samaria verbum Dei, miserunt ad eos Petrum et Joannem. Qui cum venissent oraverunt pro ipsis, ut acciperent Spiritum sanctum. Needum enim in quemquam illorum venerat, sed baptizat

tantum in nomine Domini Jesu. Tunc imponebant manus super illos, et accipiebant Spiritum sanctum (Act. viii, 14-17). » Non ergo, ut jam dictum est, aliquem ex septuaginta, licet pauci essent apostoli ad hoc opus perlicendum, direxerunt, sed Petrum et Joannem apostolos per manus impositionem tradere Spiritum sanctum miserunt, quorum vicem episcopi in Ecclesia gerunt, et non corepiscopi, qui septuaginta discipulorum formam ante prohibitionem eorum gerebant. Quod illi non fecerunt vos facere nolite, ne dissimiles eis, et indigni eorum successione et ministerio esse videamini, quia ut ait Dominus in Evangelio: « Qui non est mecum adversum me est, et qui non colligit mecum dispergit (Luc. xi, 23). » Sic autem Petrus, princeps apostolorum, adiutores sibi ascivit Linum et Cletum, non tamen potestate pontificii, aut ligandi vel solvendi eis normam tradidit, sed successori suo sancto Clementi qui sedem apostolicam post eum, et potestatem pontificalem, tradente sibi beato Petro, tenere promeruit. Linus vero et Cletus ministrabant exteriora, princeps autem apostolorum, Petrus verbo et orationi insistebat, et quæ non incongrue ad traditionem Spiritus sancti per manus impositionem pertinent. Unde et in Actibus apostolorum scriptum habetur. « Non est æquum nos relinquere verbum Dei et ministrare mensis (Act. vi, 2). » Quapropter septuaginta electi sunt discipuli qui exteriora peragerent, ipsi vero apostoli verbo et orationi insisterent, inde et in Evangelio secundum Lucam scriptum est ita: « Posthæc autem designavit Dominus et alios septuaginta duos, et misit illos binos ante faciem suam in omnem civitatem et locum quo erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ecce ego mitto vos sicut agnos inter lupos. Nolite portare sacculum, neque peram, neque calciamenta, et neminem per viam salutaveritis. In quacunque domum intraveritis, primum dicite: Pax huic domui. Et si ibi fuerit filius pacis, requiescet super illum pax vestra. Sin autem ad vos revertetur. In eadem autem domo manete edentes et bibentes quæ apud illos sunt, dignus est enim operarius mercede sua. Nolite transire de domo in domum. Et in quacunque civitatem intraveritis, et susceperint vos, manducate quæ apponuntur vobis, et curate infirmos qui in illa sunt, et dicite illis: Appropinquabit in vos regnum Dei. In quacunque civitatem intraveritis, et non receperint vos, exeuntes in plateis ejus dicite: Etiam pulverem qui adhæsit nobis de civitate vestra extergimus in vos; tamen hæc scitote: Quia appropinquabit regnum Dei. Dico vobis quia Sodomis in illa die remissius erit quam illi civitati (Luc. x, 1-12). » Et in Matthæo evangelista scriptum est: « Ecce ego mitto vos sicut oves in medio luporum. Estote ergo prudentes sicut serpentes, et simplices sicut columbæ. Cavete autem ab hominibus, tradent enim vos in conciliis, et in Synagogis suis flagellabunt vos, et

ante reges et præsides ducemini propter me in testimonium illis et gentibus. Cum autem tradent vos, nolite cogitare quomodo, aut quid loquamini, dabitur enim in illa hora quid loquamini; non enim vos estis qui loquimini, sed Spiritus Patris vestri qui loquitur in vobis. Tradet autem frater fratrem in mortem, et pater filium, et exsurgent filii in parentes et morte eos afficient, et eritis odio omnibus propter nomen meum. Qui autem perseveraverit usque in finem, hic salvus erit (Matth. x, 16-27). » Linum namque et Cletum nihil legitur unquam ex pontificali ministerio egisse potestative, sed quantum eis a beato Petro præcipiebatur, tantum solummodo agebant. Nam et in canone legitur Nicæno: Episcopum namque convenit maxime quidem ab omnibus qui sunt in provincia episcopis ordinari. Si autem hoc difficile fuerit, aut propter instantem necessitatem, aut propter itineris longitudinem, a tribus tamen omnimodis in ipsam convenientibus, et absentibus quoque pari modo decernentibus, et per scripta consentientibus tunc ordinatio celebretur, firmitas autem eorum qui geruntur per unanimitatem provinciam metropolitano tribuatur episcopo. Omnia quoque maxima concilia affirmant eum non esse episcopum, qui minus quam a Patribus episcopis auctoritate etiam metropolitani fuerit factus episcopus; ideoque illos quos corepiscopos vocatis, quia ab uno ut audivimus sunt episcopo episcopos non esse, nec aliquid de pontificali privilegio agere debere perspicuum est, quoniam si nomen non habent, quomodo officium possunt habere? Si ergo episcopi non sunt, et presbyteri quorum vicem gerunt, quia ad exemplum et formam septuaginta olim fiebant esse despicunt, quid erunt? Profecto quod ratione caret, aut nihil, aut parum provectum est. Si quis de his amplius, et quod fieri non debet voluerit scire, legat prædictorum apostolicorum decreta, et ibi reperiet. De quibus aliqua et hic inserere dignum duximus. Si Domini desideramus esse discipuli ipsius imitemur vestigia, ut de nobis dicatur: « Ego sum pastor bonus et agnosco oves meas, et voco eas nominatim, et cognoscunt me meæ (Luc. x, 14), » etc. Et iterum monente Dominicæ vocis imperio, quo beatissimus apostolus Petrus trina repetitione mysticæ sanctionis imbuitur, ut Christi oves qui Christum amat, diligenter et cum magna cura pascatur, quoniam ipsius sanctæ sedis, cui per abundantiam divinæ gratiæ præsumus, ipsius amore et reverentia cohortamur, ut tantæ superstitionis quæ nullius (ut sæpe dictum est) fulcitur auctoritate, periculum, quantum possumus, declinemus, ne beati magistri nostri Petri, summi apostoli dilectio, qua se amatorem Dei esse testatus est, vana inveniatur in nobis; quoniam omnis negligenter pascens, toties commendatum sibi Dominicum gregem, convincitur summum non amare Pastorem, nec ejus velle se discipulum fieri, cujus exempla negligit imitari. Nam gratia prorsus major acquiritur, si de commissis ovibus lucrum offerat Deo sollicitudo pastoris. Nam



et beatum Jacob, qui pro uxoribus diu servierat dixisse meminimus : « Viginti annis fui tecum, oves tuæ et capræ steriles non fuerunt, arietes gregis tui non comedi, nec captum a bestia ostenditur; ego damnum omne reddebam, et quidquid furto perierat a me exigebas. Die noctuque æstu urebar et gelu, fugebat somnus ab oculis meis (*Gen. xxxi, 38-40*). » Si igitur laborat et vigilat qui pascit oves Laban, quanto labore quantisque vigiliis debet intendere qui pascit oves Dei? Sed in his omnibus ipse nos instruat, qui pro suis dedit ovibus animam, et adjuvet nos, ut de his, qui nobis commissi sunt, fructum multiplicem, et mensuram supereffluentem ad æterna gaudia reportare concedat, tantusque nos beati Petri, apostolorum principis, amor accendat, ut in ovili ipsius, cui omnes creature sunt traditæ, omnes taliter errantes, et illicita atque prohibita præsumentes, sanctis vestris studiis summo reintegrare cum desiderio festinetis, qualiter animæ, pretioso Christi sanguine redemptæ eorum non depereant deceptione. Restat etiam quod per ostium hi nequam subintrarunt, quia non habebant ostium per quod ingrederentur, quia, ut dictum est, si nec episcopi sunt, et plusquam presbyteri esse ambiunt, per quod ostium intrabunt, cum hi tamen ordines in Ecclesia legantur, nec amplius ad pastorate officium aliquod patet ostium per quod pastor intret? Audite, fratres, non me, sed ipsam dicentem Veritatem : « Qui non intrat per ostium in ovile ovium, sed ascendit aliunde, ille fur est et latro (*Joan. x, 1*), » etc. Cum etiam egregius prædicator dicat : « Fundamentum aliud nemo potest ponere præter quod positum est (*I Cor. iii, 11*). » Cum prædicta duo fundamenta in Ecclesia tantummodo inveniuntur posita, quidquid amplius positum in his inveniatur, stare nullatenus poterit. Et ideo, cum omnibus suis fundamentis et actionibus atque radicibus ut elevatur, necesse est. Ita ut amplius pullulare, nec germinare valeat. Non ergo generet et non faciat vobis, fratres, toties repetita locutio fastidium; et quia summa necessitas est sæpius prohiberi, quod toties illicite usurpatur, et quoniam veritas sæpius exagitata magis splendet in lucem, et quod toties repetendo admonetur minus usurpatur. Super his enim multa jam ab antecessoribus nostris dicta sunt, a quibus ipsi sicut nunc a nobis, ita olim ab ipsis damnati et prohibiti sunt. Ideo sæpius repetentes omnes monemus, ut vitentur hujusmodi et a talibus se **270** absterneant, qui noluerint, una cum eis a sacerdotali ministerio, ut rebelles, fieri alieni. Quod ita demum probare poterimus, si tales exstirpare, et non eis favere decertaveritis, et ita postmodum de tali re querela cessabit, quia contumeliæ studio fit quidquid interdictum toties usurpatur. Omnia hæc decretalia, et cunctorum decessorum nostrorum constituta, quæ de ecclesiasticis ordinibus et canonum promulgata sunt disciplinis, ita vobis et omnibus episcopis ac cunctis generaliter sacerdotibus custodiri debere mandamus, ut si quis in illa commiserit, veniam sibi deinceps noverit denegari: quoniam occurreret veritas, si falsitas displiceret. Et merito nos qui summa Ecclesiæ tenere debemus gubernacula, causa respicit, si silentio faveamus errori. Data xiv Kal. Augusti, Justiniano VI et Narsete IV cc. consulibus.

## INCIPIUNT DECRETA BENEDICTI PAPÆ.

Reverendissimo fratri episcopo DAVID, BENEDICTUS salutem in Domino.

Respondere litteris vestris plenius cogitavi, sed, cum hoc meditarer, tantus me dolor tetigit, ut magis flere quam aliquid dicere delectatus sim. Sed ne funditus remaneret, pauca vobis rescribere curavi, ad potiora vos tempora congrue invitans. Quod autem litteræ tuæ testes sunt quosdam intra provinciam Baticam esse, qui dicerent neminem veraciter posse probare Trinitatem unitatem fieri; cum neque tres unum, neque unum in tribus posse quemquam proprie approbari: quas ob causas, dilectissime fili, consulta ibi apostolicæ sedis misimus, ut aut eos ad rectam fidem converti facias, aut ab Ecclesia, antequam pestis hæc latius divulgetur, repellas. His, frater, Scripturarum testimoniis unitatem Trinitatis agnosce, et desine Arianorum pravitatem sequi, ut ab eadem possis peccatorum indulgentia promereri, Isaia propheta dicente : « Vidi Dominum sabaoth sedentem super thronum excelsum, et Seraphim stan-

bant in circuitu ejus, sex alæ uni, et sex alæ alteri; duabus velabant faciem, duabus autem velabant pedes; et duabus volabant et clamabant ad alterutrum, dicentes : Sanctus, sanctus, sanctus Dominus Deus Sabaoth (*Isa. vi, 1-2*). » Si trinitas non est, quare tertio « sanctus » dixerunt? Et si unitas non est, quare sub trina repetitione unum Deum ac Dominum intimarunt? Si trinitas non est, cur in Genesios dicitur : « Dixit Deus, fecit Deus, et benedixit Deus (*Gen. i, 24, 27*). » Si vero unitas non est, quare tertio dixit : « Deus, » et non tertio « deos » plurali numero commendavit? Et si trinitas non est, quare in Exodo dictum est tertio : « Domine, Domine, Domine, miserator et misericors (*Exod. xxxiv, 6*). » Si unitas non est, quare dum tertio diceret Domine, postea « miserator » singulariter dicit, et non miserratores, ut plures ostenderet, intimavit? Si trinitas non est, cur Abraham ad illicem Membre sedens, tribusque occurrens, uni « Domine » (*Gen. xvi, 3*) dixit, et non ut viderat tribus salutationis obsequium

reddit? Si unitas non est, quare cum Moysi « Deus Abraham, et Deus Isaac, et Deus Jacob, » tertio diceret, unitatem ostendens, « hoc mihi nomen est (*Exod. iii, 15*) » dixit: Nonne hæc sunt quæ nostra nomina designavit? Si trinitas non est, quare David tertio dixit: « Benedicat nos Deus, Deus noster, benedicat nos Deus (*Psal. lxxvii, 8*). » Si unitas non est, quare cum « Deus » tertio nominasset, « benedicat » et non benedicant adjunxit? Si trinitas non est, cur Isaias denuo dixit: « Domine, Deus sabaoth, Deus Israel, qui sedes super Cherubim? » (*Isa. xxxvii, 16*.) Si unitas non est, quare qui « sedes » dixit, et non qui sedetis adjunxit? Si trinitas non est, quare in Regnorum libro dicitur: « Domine, Deus omnipotens, Deus Israel, sermones tui fideles sunt? » (*II Reg. xxii, 3*.) Si unitas non est, quare « tui » dicitur, et non vestri potius intimatur? Si trinitas non est, cur in psalmo quinquagesimo octavo cantatur: « Domine virtutum, Deus Israel, intende ad visitandas omnes gentes? » Si unitas non est, quare « intende » posuit et non intendite, ut prædicatus est, intimavit? Si trinitas non est, quare in Apocalypsi tertio dixit: « Sanctus, sanctus, sanctus Dominus, Deus omnipotens, qui est et qui erat? » (*Apoc. iv, 8*.) Si unitas non est, quare non qui sunt pluraliter, sed qui « erat » designavit? Si trinitas non est, quare in Deuteronomio dictum est: « Dominus Deus tuus, Deus misericors est, et audiet vocem tuam (*Deut. iv, 31*). » Si unitas non est, quare « audiet » posuit, et non audient intimavit? Si trinitas non est, quare in Iest: Nave dicitur libro: « Dominus Deus deorum est (*Deut. x, 17*). » Si unitas non est, quare « est » dixit, et non sunt, more locutionis, induxit? Si trinitas non est, quare Elias hortando: « Domine, Domine, Domine, Deus Israel, ostende quia tu es Deus meus (*III Reg. xviii, 36*), » dixit? Si unitas non est, quare « ostende » et non ostendite posuit? Si trinitas non est, cur Mardocheus orando: « Domine, Deus omnipotens, omnia in potestate tua sunt (*Esth. xiv, 12*) » dixit? Si unitas non est, quare in Iest: tua » posuit, et non in vestra signavit? Si trinitas non est, cur etiam Judith orando dixit: « Domine, Domine, Deus omnium virtutum, respice in orationem meam? » (*Judith. ix, 3*.) Si unitas non est, quare « respice » posuit, et non respicite designavit? Si trinitas non est, quare in Jeremia dicitur: « Dominus Deus vester Deus verax est? » (*Jerem. x, 10*.) Si unitas non est, quare in Apocalypsi scriptum est: « Dominus, Deus, et Spiritus prophetarum misit angelum suum ostendere servis suis quæ oportet fieri cito? » (*Apoc. xxii, 6*.) Si unitas non est, quare cum Patrem et Filium et Spiritum sanctum nominasset, « misit » Dominus dixit, et non miserunt, sub prætextu trium personarum et nomen introduxit? Si trinitas non est, quare in Deuteronomio dicitur: « Dominus Deus vester, hic est Deus? » (*Deut. i, 30*) Si unitas non est, quare « hic est » dixit, et non hi sunt plurali numero designavit? Si trinitas non est, quare in eodem dicitur libro: « Dominus Deus tuus,

A Deus magnus et potens est? » (*Deut. x, 17*.) Si unitas non est, quare « magnus et potens » non pluraliter nominatur? Si trinitas non est, cur Tobias filium suum cum in Rages civitatem cum Raphaelæ angelo mitteret, benedicens eos, ita dixisse docetur: « Deus Abraham, et Deus Isaac, et Deus Jacob, ipse impleat benedictionem suam in vobis? » (*Tob. vii, 15*.) Si unitas non est, quare « ipse impleat » dixit, et non ipsi impleant intimavit? Postremo si trinitas non est, quare Dominus discipulos suos in nomine Patris, et Filii, et Spiritus sancti universas gentes posuit baptizare? (*Matth. xxviii, 19*.) Si unitas non est, quare « in nomine » dixit, et non in nominibus præcipiendo perdocuit? Si trinitas non est, quare apostolus Paulus ait: « Ex ipso et per ipsum et in ipso sunt omnia? » (*Rom. xi, 36*.) Si unitas non est, quare « ex ipso » posuit, et non ex ipsis astruxit? Si enim certo certius volueris unitatem Trinitatis agnoscere a sapiedicto doctore gentium apostolo, poteris universa condiscere, et sequi catholicam fidem et Arianorum pravitatem respuere; gratia Domini nostri Jesu Christi, inquit, et charitas Dei et communicatio sancti Spiritus (*III Cor. xiii, 13*), ipsa est Patris, et Filii, et Spiritus sancti. Quomodo in Trinitate unum sunt, quia natura atque ab invicem separari non possunt?

Cæterum, frater charissime, quæ tua continebant scripta ex subjectis sententiis maxime omnia poteris colligere. Necesse est, frater charissime, adesse divinum, ubi humanum cessat auxilium. Et ut juxta Apostolum dicamus, licet verba replicemus quæ ipse Timotheo scribit, dicens: « Ecclesia Dei vivi columna et firmamentum est veritatis. Et manifeste magnum est pietatis sacramentum, quod manifestatum est in carne, justificatum est in spiritu, apparuit angelis, prædicatum est gentibus, creditum est in mundo, assumptum est in gloria (*I Tim. iii, 15, 16*). » « Spiritus autem manifeste dicit, quia in novissimis temporibus discedent quidam a fide attendentes spiritibus erroris et doctrinis demoniorum in hypocrisi loquentium mendacium, et cauteriatam habentium suam conscientiam, prohibentium nubere, abstinere a cibis, quos Deus creavit ad percipiendum cum gratiarum actione, fidelibus et his qui cognoverunt veritatem, quia omnis creatura Dei bona, et nihil rejiciendum quod cum gratiarum actione percipitur, sanctificatur enim per verbum Dei et orationem. Hæc proponens fratribus, bonus eris minister Christi Jesu, enutritus verbo fidei et bonæ doctrinæ, quam assecutus es. Ineptas autem et inanes fabulas devita, et exerce teipsum ad pietatem. Nam corporalis exercitatio ad modicum utilis est. Pietas autem ad omnia utilis est, promissionem habens vitæ, quæ nunc est et futuræ. Fidelis sermo et omni acceptione dignus. In hoc enim laboramus et maledicimur, quia speramus in Deum vivum, qui est Salvator omnium hominum, maximeque fidelium. Præcipe hæc et doce. Nemo adolescentiam tuam contemnat; sed exemplum esto fidelium, in verbo, in conversatione, in chari-



tate, in fide, in castitate. Dum venio, attende lectioni, A exhortationi, doctrinæ. Noli negligere gratiam quæ data est tibi per prophetiam cum impositione manuum presbyteri. Hæc meditare, in his esto, ut profectus tuus manifestus sit omnibus. Attende tibi et doctrinæ, insta in illis; hoc enim faciens et tempus salvum facies, et eos qui te audiunt (*I Tim. iv, 1-16*). » Famæ enim nimis affligitur quam clade

atque aliis anxietatibus vexatus, longam epistolam minime scribere valui. Tempore congruo denuo, si necesse fuerit, mitte, et ea quæ desideraveris sume. Deus te incolumem custodiat, frater charissime. Amen.

Data iv Nonas Aprilis, Justiniano et Libio IV consulibus.

## INCIPIUNT DECRETA SECUNDI PELAGII PAPÆ.

Dilectissimis fratribus, universis episcopis, qui, illicita vocatione Joannis Constantinopolitani episcopi, ad synodum Constantinopolim convenerunt, PELAGIUS.

Manifesto, sicut optavimus, per gratiam Dei lumine evangelicæ veritatis ab universali Ecclesia perniciosissimi erroris nocte depulsa, ineffabiliter gaudemus in Domino, sed non modico contristamur mœrore, quia ea quæ olim calcata fuerant et funditus damnata, nec unquam fieri debuerant, redi-vis radicibus germinant atque pullulant. Et quoniam multa, quæ pœnitudinem possunt generare proveniunt, necesse est accusare quæ contra ordinem et omnem auctoritatem facta esse noscuntur. Unde, fratres, relicta penitus audacia, quæ contra apostolicam sedem, contra ipsam Domini Salvatoris vocem, qua dictum est: « Tu es Petrus, et super hanc petram ædificabo Ecclesiam meam (*Matth. xvi, 18*); » sumpta est disputandi contra Domini præcepta, vana errantium corda conquiescant, nec liceat defendi quod non liceat agere. Relatum est ergo ad apostolicam sedem Joannem Constantinopolitanum episcopum, universalem se subscribere, vosque ex hac sua præsumptione ad synodum convocare generalem, cum generalium synodorum convocandi auctoritas apostolicæ sedi beati Petri singulari privilegio sit tradita, et nulla unquam synodus rata legatur quæ apostolica auctoritate non fuerit fulta. Quapropter quidquid in prædicto vestro conventiculo, quia synodus taliter præsumpta esse non potuit, statutis ex auctoritate sancti Petri apostolorum principis, et Domini Salvatoris voce, qua beato Petro potestatem ligandi atque absolvendi ipse Salvator dedit, quæ etiam potestas in successoribus ejus indubitanter transivit, præcipio omnia quæ ibi statuistis et vana et cassata esse, ita ut deinceps nunquam appareant nec ventilentur. Ait enim ipse Salvator beato Petro, sicut ipse per se Veritas loquitur, dicens: « Quæcunque ligaveris super terram, erunt ligata et in cœlo, et quæcunque solveris super terram, erunt soluta et in cœlo (*Ibid., 19*). » Multis denuo apostolicis et canonicis atque ecclesiasticis instruimur regulis non debere absque sententia Romanorum pontificum concilia celebrari, quapropter, ut jam dictum est recte, non concilium, sed vestrum conventium

vel conciliabulum cassatur, et quidquid in eo actum est irritum habetur et vacuum. Vos quoque deinceps videte, ut nullius hortatu talia præsumatis, si apostolicæ sedis communione carere non vultis. Modo verò B ideo suspenditur ultio, ut locum possit habere correctio. 271 Prædecessores verò Joannis, et ipse Joannes, non semel, sed sæpissime, epistolas atque libellos propria manu subscriptos sanctis antecessoribus nostris miserunt, quibus coram Domino protestati sunt nihil unquam protervè contra apostolicam sedem agere, nec de illius aut aliorum privilegiis quidquam usurpare, qui hactenus in archivo sanctæ Romanæ Ecclesiæ sub sigillis chirographis eorum roborati habentur integri. In ipsis enim epistolis vel libellis, anathematis vinculo se et successores eorum constrinxerunt, si unquam aliquod contra eos præsumpissent, aut contra apostolicam vel ullius alterius episcopi sedem quidquam adversi quoquo modo essent moliti. Idcirco eos non est necesse excommunicare aut anathematizare, quia ipsi anathematis C vinculo, propriis manibus professiones suas, suaque scripta roboranda constrinxerunt; sciat se tamen et ipse Joannes, nisi errorem suum cito correxerit, a nobis excommunicandum fore, et apostolicæ sedis atque omnium sanctorum episcoporum communione carere; universitatis quoque nomen, quod sibi illicite usurpavit, nolite attendere, nec vocatione ejus ad synodum absque auctoritate sedis apostolicæ unquam venire, si apostolicæ sedis et cæterorum episcoporum communione vultis frui; nullus enim patriarcharum hoc tam profano vocabulo unquam utatur, quia si unus patriarcha universalis dicitur, patriarcharum nomen cæteris derogatur. Sed absit hoc a fidelis ejusquam mente, hoc sibi vel velle quempiam arripere ut honorem fratrum suorum imminuere ex quantalacunque D parte videatur. Quapropter charitas vestra neminem unquam suis epistolis universalem nominet, ne sibi debitum subtrahat, cum alteri honorem offert indubitum. « Adversarius namque diabolus, » qui contra humiles sæviens « sicut leo rugiens circuit, quærens quem devoret (*I Petr. v, 8*), » non jam, ut cernimus, caulas circuit, sed ita valide in quibusdam Ecclesiæ necessariis membris dentem figit, ut nulli sit dubium, quia nisi unanimiter favente Domino cunctorum provida pastorum turba concurrat, omne (quod absit)

citius ovile dilaniet. Perpenditis, fratres charissimi, quid et vicinio subsequitur, cum et in sacerdotibus erumpunt tam perversa priordia, quia enim iuxta est ille de quo scriptum est: « Ipse est rex super universos filios superbiæ (*Job* xli, 25), » quod non sine gravi dolore dicere compellor, dum frater et coepiscopus noster Joannes mandata Dominica et apostolica præcepta, regulasque Patrum despiciens, eum per elationem percurrere conatur in nomine. Vestrae autem beatitudini indicet omnipotens Deus quam gravi considerationis hujus gemitu torqueor, quod ille quondam mihi notissimus, ille omnibus dilectus, orationibus atque jejuniis videbatur occupatus, et ex eo quo fotebat cinere, ex ea quam prætendebat humilitate jactantiam sumpsit, ita universa sibi tentet ascribere, et omnia quæ soli uni capiti coherent vide licet Christo, per electionem pompatici sermonis ejusdem Christi sibi studeant membra subjugare. Ecd mirum quod ille tentator, qui « initium omnis peccati scit esse superbiam (*Eccli.* x, 15), » et tunc ea in primo homine ante omnia usus est, et nunc eam in quibusdam hominibus ponit in fine virtutum; et, qui aliquatenus bonis vitæ studiis videbatur crudelissimas manus ejus effugero, eis in ipsis mentis boni operis, et in ipsa quodammodo apponat perfectionis conclusionem tendiculum. Unde magnopere orandum est et omnipotens Deus assiduus precibus implorandus, ut hunc a mente illius avertat errorem, hoc ab unitate atque humilitate Ecclesiæ malum superbiæ et confusionis amoveat, et favente Deo omnibus viribus concurrendum atque providendum, ne in unius veneno sermonis viventia in Christi corpore membra moriantur. Si enim dici hoc licenter permittitur, honor patriarcharum omnium negatur, et fortasse is in errore perit qui universalis dicitur, et nullus jam episcopus remansisse in statu veritatis invenitur. Oportet ergo ut constanter ac sine præjudicio servetis, sicut accepistis Ecclesias, et nihil sibi in vobis hæc tentatio diabolice usurpationis ascribat. State fortes, state securi, scriptaque universalis nominis falsa nec dare unquam, nec accipere præsumatis. Omnes episcopos curæ vestræ subjectos ab hujus adulationis iniquatione prohibete, ut universa vos Ecclesia patriarchas, non solum in bonis operibus, sed etiam in veritatis auctoritate cognoscat. Si qua autem forsitan adversa subsequantur, unanimiter persistentes etiam moriendo debemus ostendere, quia in damno generalitatis nostrum specialiter aliquid non amamus; dicamus cum Paulo: « Mihi vivere Christus est, et mori lucrum (*Philip.* i, 21). » Audiamus quod primus omnium apostolorum dicit: « Si quid prætimini propter justitiam, beati eritis (*I Petr.* iii, 14). » Mihi enim credite, quia honorem quem pro prædicanda suscepimus veritate, si necessitatis causa exigit, securius pro eadem veritate relinquimus quam tenemus. Orate, fratres, ut honor ecclesiasticus nostris diebus non evacuetur, nec unquam Romana sedes qui instituite Domino caput est omnium Ecclesiarum, privilegiis suis usquam ca-

reat aut exspolietur. « Confidimus autem de vobis, charissimi, meliora atque viciniora saluti (*Hebr.* vi, 9), » quia « neque mors, neque vita, neque angeli, neque principatus, neque instantia, neque futura, neque fortitudo, neque altitudo, neque profundum, neque creatura alia, « magistro gentium docente, « poterit nos separare a charitate Domini nostri Jesu Christi, et quæ in ipso est recta fide (*Rom.* viii, 38, 39). » « Nolite itaque amittere confidentiam vestram quæ magnam habet remunerationem. » Patientia enim nobis necessaria est ad colluctationes adversariorum, quatenus fidem intemeratam usque in finem conservantes, repromissionem percipiamus quam repromisit his qui legitime certare deproperant. « Adhuc enim modicum quantulum qui venturas est veniet, et non tardabit (*Hebr.* x, 37). » « Ecce enim iudex ante januam assistit (*Jac.* v, 9), » coronas hilariter promittens his qui pro eo passionibus submituntur; quod si quis se subtraxerit non placebit animæ meæ, sed cadet de promissione propter negationem. « Nos autem non sumus subtractionis filii in perditionem, sed fidei in acquisitionem animæ (*Hebr.* x, 39). » « Propter quod assumite arma Dei, ut possitis resistere in die malo (*Ephes.* vi, 15) » adversus omnes inimicos sanctæ Dei Ecclesiæ et vestros, « et induite loriceam justitiæ, calceati pedes in præparatione Evangelii pacis, in omnibus assumentes scutum fidei in quo possitis omnia jacula nequissimi ignea extinguere, et galeam salutis accipite, et gladium Spiritus sancti, quod est verbum Dei, per omnem orationem et obsecrationem (*Ibid.*, 14-18) » « radicati, et fundatis (*Ephes.* iii, 17) » in solatio fratrum pro Christo Jesu Domino nostro.

Sed et nunc, fratres, commendamus vos omnes in Domino, et verbo gratiæ ejus qui potest perficere, et dare hereditatem vobis cum omnibus sanctis. « Ipse autem Deus pacis et consolationis det vobis id ipsum sapere in alterutrum (*Rom.* xv, 5), » ut vobis invicem succurratis, et non sitis divisi, ut unanimes, uno ore, et uno corde honorificemus eum in concordiam et consolationem fratrum, qui potens est confirmare vos secundum Evangelium ejus, et juxta revelationem mysterii æternis temporibus scilicet perpetuis quibus vobis futurorum gaudiorum largienda sunt munera. Summopere etiam considerare debetis quod hi qui fratribus invident, eosque damnare aut perdere cupiunt per se, et sua dogmata destruantur. Dicit enim Dominus: « Omne regnum in se divisum non stabit (*Matth.* xii, 25), » et omnis scientia et lex adversum se divisa non stabit. Ideoque necesse est, ut concorditer salubres suscipiatis hortatus, et nihil per contentionem agentes, sed ad omne studium devotionis unanimes divinis et apostolicis constitutionibus pareatis, et in nulla patiamini providentissima canonum decreta violari, quatenus et Nicænorum canonum constituta, quæ a nobis, vel a prædecessoribus nostris sunt provide et salubriter decreta, intemerata permaneant in futuro. Et in Apocalypsi Dominus per Joannem loquitur, dicens: « Noli timere, ego sum primus, et novissimus, et vivus, et ru-



mortuus, et ecce sum vivens in sæcula sæculorum, A et habeo claves mortis, et inferni (*Apoc. i, 17, 18*). » Et paulo post : « Vincenti dabo edere de ligno vitæ quod est in paradiso Dei mei (*Apoc. ii, 7*). » Item idem : « Esto fidelis usque ad mortem. Et dabo tibi coronam vitæ (*Ibid., 10*). » Et iterum : « Qui vicerit, et custodierit usque in finem opera mea, dabo illi potestatem super gentes, et reget illas in virga ferrea, et tanquam vas figuli confringentur (*Ibid., 26, 27*). » Item idem : « Ecce sto ad ostium et pulso. Si quis audierit vocem meam, et aperuerit januam, introibo ad illum, et cœnabo cum illo, et ipse mecum. Qui vicerit, dabo ei sedere mecum in throno meo, sicut et ego vici, et sedeo cum Patre meo in throno ejus (*Apoc. iii, 20, 21*). » « Vos, fratres, si non vultis cum eo damnari, quia non solum qui faciunt, sed qui consentiunt facientibus (*Rom. i, 32*) » rei sunt, hortamini eum, et monete recedere a præfatis illicitis, et memor sit unde exciderit et agat pœnitentiam, et prima opera faciat (*Apoc. ii, 5*). Si minus non mea loquor verba, sed ipsa Domini salvatoris quæ per predictum Joannem in jam dicto libro locutus est, replicans aio : « Veniam et movebo candelabrum tuum de loco suo, nisi pœnitentiam egeris (*Ibid.*). » Ipse enim magis tenet doctrinam Balaam, qui docebat Balac mittere scandalum eorum filiis Israel (*Num. xxii, 7*), sicut iste docet vos scandalizare sanctam matrem Ecclesiam, et universum cœtum sacerdotum, unde et in supradicto libro continetur ita : Semper enim potius vos verbis Domini salvatoris ferire, et instrui cupio quam meis, licet et ipsa apostolica auctoritate sint ponderibus plena : « Novi opera tua novissima pejora prioribus, sed habeo adversus te, quia præmittis mulierem Jezabel quæ se dicit prophetam docere et seducere servos meos, fornicari et manducare et idolothytis, et dedi illi tempus ut pœnitentiam ageret, et non vult pœnitere a fornicatione sua. Ecce ego mitto eam in lectum, et qui mœchantur cum ea in tribulationem maximam, nisi pœnitentiam egerint ab operibus suis, et filios ejus interficiam in mortem. Et scient omnes Ecclesiæ, quia ego sum scrutans corda et renes, et dabo unicuique vestrum secundum opera vestra (*Apoc. ii, 19-25*). » Hæc, fratres, valde cavenda sunt, et præcepta Domini, atque sancte sedis apostolicæ quæ vice Domini salvatoris legatione fungitur, fideliter amplectenda et peragenda. De cætero, fratres, super provinciæ causa unde sedem apostolicam dudum consulere voluistis, videtur nobis sufficienter tractatum a sanctis prædecessoribus nostris. Sed quia denuo nostram mediocritatem de eadem re interrogare dignum duxistis, scitote certam provinciam esse, quæ habet decem vel undecim civitates, et unum regem, et totidem minores potestates sub se, et unum episcopum aliosque suffragatores decem vel undecim episcopos judices, ad quorum judicium omnes causæ episcoporum, et reliquorum sacerdotum ac civitatum causæ referantur, ut ab his omnibus juste consona voce discernantur, nisi ad majorem auctoritatem fuerit ab his qui judi-

candi sunt appellatum, unde non oportet ut degradetur, vel dehonoretur unaquæque provincia, sed apud semetipsam habeat judices, sacerdotes, et episcopos singulos, videlicet juxta ordines suos; et quicumque causam habuerit a suis judicibus judicetur, et non ab alienis, id est, a suæ justis judicibus provinciæ, et non ab externis, nisi ut jam prælibatum est, a judicatis fuerit appellatum. Si vero in qualibet provincia ortæ fuerint quæstiones, et inter ipsius provinciæ episcopos discrepare cœperit ratio, atque inter episcopos dissidentes non conveniat, ad majorem tunc sedem referantur. Et si illic facile et juste non discernuntur, ubi fuerit synodus regulariter congregata, canonice et juste judicentur. Majores vero et difficiles quæstiones ut sancta synodus statuit et beata consuetudo exigit, ad sedem apostolicam semper referantur. Cæterum sanctorum Patrum statuta sequentes synodali auctoritate omnes qui adversus Patres armanentur, ut Patrum invasores et mactatores infames esse censemus, quoniam ea vulnera quæ fomentis non sanantur, ferro abscindi vel curari necesse est. Unde, fratres, cessent injustæ æmulationes, cessent insidiæ, cessent falsæ criminationes, ne infirmus quisquam propter quem Christus mortuus est, talibus laceretur insidiis, ne ovis pretio Christi redempta lupinis a fratre saucietur morsibus. Merito ergo causa nos respicit, si talibus favere cœperimus. Corripiantur semper talia nec illis qui hæc exercere conantur, aut **272** Patribus vel fratribus insidiantur libere loqui concedatur, aut pro voluntate sermo proferri permittatur. Liquet omnino quod conniveant illis qui talia eos loqui permittunt, quoniam occurreret veritas, si falsitas et calumnia displiceret, vel odium. Desinat igitur falsitas incescere veritatem; desinat suspicio quæ juste repellitur insidiari, desinat odium et inimicitia persequi Patres vel fratres; desinat conspiratio, quæ ab omnibus est repudianda, infestare magistros. Horum igitur vitiorum auctores vel patratores non sunt in accusatione pontificum recipiendi, sed penitus repellendi; quoniam jubent canonica decreta Patrum ut accusatio vel testimonium eorum qui odio quoslibet insequuntur, vel qui inimici aut suspecti habentur, nullo modo recipiantur. Quorum statuta et nos firmantes eadem omnibus inviolabiliter futuris temporibus tenere censemus. Quidquid autem super hac causa Patres nostri decernendum duxere dignum ut concedet, necesse est, cum labefactari, vel infirmari cœperit apostolica denno auctoritate firmari ac renovari fratribusque dari. Data Kalend. Martii, indictione 13.

*Item, epistola secundi Pelagii papæ Benigno archiepiscopo, de mutatione episcoporum.*

Dilectissimo fratri BENIGNO archiepiscopo PELAGIUS episcopus.

Lectis fraternitatis tuæ litteris, vigorem fidei tuæ, quem dudum noveramus, agnovimus, congratulantes dilectioni tuæ quod, ad custodiendum gregem Christi, pastorem curam vigilanter impendis, et pro tibi subditis sollicitus existis. Ad nostram

enim lætitiā et benefacta perveniunt, et si aliqua secus quam oportet provenerint, non modico nos mœrore conturbant. Magnam enim gratulationem divina concedit gratia, quando tribuit inter nos salutari disciplinæ normam litteris conferre, et provenire ad pacificorum studia facit præoptata. Exigit ergo dilectio tua consulta sedis apostolicæ, si licitum foret episcopum transire aut mutari de civitate ad civitatem, dum quidam canones, ut tibi videtur, hoc fieri prohibeant. Significasti etiam litteris tuis quemdam fratrum, nomine et actu Dei Servum causa utilitatis te velle mutare in locum et civitatem defuncti, licet quidam dicant hoc fieri non licere nisi consensum apostolicæ sedis habuisses. Quapropter scias, frater dilectissime, aliud esse causam necessitatis et utilitatis, et aliud causam presumptionis et propriæ voluntatis. Non ergo mutat sedem qui non mutat mentem, id est, qui non causa avaritiæ, aut dominationis, aut propriæ voluntatis, vel suæ electionis migrat de civitate ad civitatem, sed causa necessitatis aut utilitatis mutatur. Nam plurimorum utilitas unius utilitati aut voluntati præferenda est. Aliud est enim mutare, aliud mutari, sicut aliud est ministrare, et aliud ministrari. Unde Dominus in Evangelio loquitur, dicens: « Non veni ministrari sed ministrare (*Matth. xx, 28*). » Quod enim in canonibus iegitur non debere episcopum de civitate ad civitatem transire vel transferri, non de his dicitur, qui aut vi expulsi, aut necessitate coacti, aut auctoritate majorum hoc agunt, sed de his, qui avaritiæ ardore inflammati sponte sua prosiliunt, et potius ambitioni quam utilitati Ecclesiæ servire, et ut dominationem agant, insistere cupiunt. Unde et in subjectis canonibus continetur: Si aliquis exstiterit temerarius, qui forsitan excusationem afferat quod populi litteras acceperit, et ideo migraverit, dum manifestum sit præmio et mercede paucos qui sinceram fidem non habent, potuisse corrumpi, ut clamarent in Ecclesia, et ipsum petere viderentur, omnino has fraudes removendas esse censemus. His verbis et aliis multis exemplis liquet non de his dicere, ut paulo superius prælibatum est, qui pulsi aut non recepti a civibus, vel a quibuscunque, aut necessitate cogente, vel auctoritate majorum transeunt de civitate ad civitatem, sed de his qui sponte prosiliunt, aut temeritatis aut ambitionis causa hoc faciunt. Nam et aliud est coacte aut necessitate venire; unde non isti mutant civitates, sed mutantur, quia non sponte sed coacte hoc agunt. Quis enim unquam audet dicere sanctum Petrum apostolorum principem non bene egisse, quando mutavit sedem de Antiochia in Romam? Aut quis eum negat ob id sanctum non esse, aut dignitatem, aut meritum unquam apostolatus tam in cælis quam in terris perdidisse? Aut quis negat sanctos non esse multos alios episcopos, qui de civitatibus ad civitates translati sunt, aut meritum pontificatus perdidisse? Quorum nomina si cœperim enumerare, ante dies pertransiet quam hæc omnia conscribere possem, et prolixior erit epistola quam necesse sit.

A Aut quis unquam potest approbare sanctum non esse Alexandrum, qui Hierosolimam de altera civitate translatus est; aut sanctum Gregorium Nazianzenum, qui in Nazianzo constitutus est, aut sanctum Proclum qui de Cyzico translatus et Constantinopolim intronizatus est? Non ergo bene intelligunt ecclesiasticas regulas qui hoc negant causa utilitatis aut necessitatis fieri posse, quoties communis utilitas aut necessitas persuaserit. Nulium enim ex his, aut ex aliis, qui meliori consilio mutaverunt civitates necessitate quadam vel utilitate ecclesiastica, aut laica communione, carere reperimus; nec ullatenus unquam fieri debet. Sententia vero, quæ in Antiocheno concilio habetur, ut episcopus ab alia parochia nequaquam migret ad aliam, tota atque omnes sententiæ de ea re vim superius comprehensam retinent, et nihil prætaxato modo translationibus episcoporum actis, aut ægenis nocent, sed magis robur eis ac donum Salvatoris quæ omnes canonicos superexaltat libros, auctoritatem præstant. Tales autem quæstiones magis ex invidia quam ex charitate aut utilitate nasci videntur, cum ipsa perse Veritas dicat: « Si vos persecuti fuerint in unam civitatem, fugite in aliam (*Matth. x, 23*), » et reliqua. Huic ergo sententiæ nullus catholicorum usquam contradicere potest, quæ non alterius sed ipsius proprio Domini ore prolata, et firmata esse dignoscitur. Cui si aliquis contradixerit, non solum extorris, sed etiam anathematizatus ab Ecclesia pellatur. Et Dominus in Evangelio alias dicit: « Beati qui persecutionem patiuntur propter justitiam (*Matth. v, 10*). » Si eos Dominus beatos dicit, qui persecutionem patiuntur propter justitiam, quis eos damnare potest? Et si ipse de civitate ad civitatem, propter persecutionem fugere præcepit, quis eos detrachere aut damnare propterea audet vel potest, quod verbis Dominiis obtemperant? Profecto his qui contradicunt aut resistit, seipsum damnat, quia ori Domini contumax, et inobediens existit. Unde et ipsa per se Veritas dicit: « Quis ex vobis arguet me de peccato? Si veritatem dico, quare vos non creditis mihi? Qui ex Deo est, verba Dei audit. Propterea vos non auditis, quia ex Deo non estis (*Joan. viii, 46, 47*). » Omnino « oportet Deo obedire plus quam hominibus (*Act. v, 29*); » et idcirco quod Deo obedimus, de civitate ad civitatem, ipso præcipiente, persecutionis causa, id est, necessitatis, aut utilitatis transimus, dammandi sumus? Non omnino, sed potius venerandi atque portandi, quoniam nec ipsis episcopis hoc imputari potest. « Qui his resistit, profecto Dei ordinationi resistit (*Rom. xiii, 2*), » et « est infideli deterior (*I Tim. v, 8*), » quia melius est non cognoscere viam veritatis, quam post agnitionem retrorsum abire. Nam et ipse Dominus de loco ad locum recessit, id est, transivit, Judæis illum quærentibus. « Fugiens ille quærentes et persequentes se (*Joan. viii, 59*), » et de civitate ad civitatem transire præcepit, dicens: « Si vos persecuti fuerint in civitatem istam, fugite in aliam (*Matth. x, 23*), » et cætera talia.



his similia. Nam si fugere malum est, persequi multo deterius. Illic quidem ne moriatur, absconditur; hic tamen persequitur ut occidat, et ut fugiatur precipitur, et quia qui querit occidere prævaricatur legem, et magis fugiendi præbet occasionem. Si fugam improperant persequentes, erubescant potius semetipsos, et quiescant insidiari, et quiescent continuo fugientes. Nemo enim mitem fugit aliquando, sed magis ferocem simul et callidum. Omnis enim qui gemebat et vexabatur a Saul fugebat et veniebat ad David (*Reg. xxxi, 7*). Si ergo piissimus atque iustissimus David sciret peccatum esse persecutionem fugientes, et transeuntes de loco ad locum, et de civitate ad civitatem, tales nequaquam reciperet, nec secum teneret, nec in aliis civitatibus eos collocaret. Qui enim persequuntur Domini episcopos, eosque de civitatibus ad civitates transire compellunt, non eos tantum persequuntur, quantum Dominum nostrum Jesum Christum, «cujus legatione funguntur (*II Cor. v, 20*), » nec ipsi in hoc peccant episcopi, quoniam non sponte sed coacte hoc agunt, sed illi a quibus persequuntur, nec ipsis episcopis hoc imputari potest, sed illis qui eos hoc agere cogunt. Sanctus enim protomartyr Stephanus lapidabatur, sed Jesus suscipiebat plagas (*Act. vii, 58*), ideoque unicuique providendum est, ne aliquem injuste persequatur, judicet vel puniat, ne Jesum persequatur, judicet et puniat. Qui autem negant misericordiam faciendam fugientibus ac necessitatem patientibus, ipsorum Christum negant, qui est misericordia et veritas, et omnibus necessitatem patientibus subvenire jubet. Pauca sunt, frater, que asserui, sed quanta ex his pendeat tua providentia poteris æstimare. Quare hanc annitantur malevoli interrompere misericordiam? Cur ledere vanis intentionibus felicitatem? Excusationem jam non habet furor iste erudentibus, nec interest quibus itineribus «ad mundi principem (*Joan. xii, 31*) » currat, qui a benevolentia fratrum delitescit, aut necessitatem patientibus misericordiam negat. Negat misericordiam patientibus qui populis indigentibus divinis mysteriis, et non habentibus proprium episcopum, qui eos instruat causa utilitatis atque necessitatis, aut ex alia civitate, licet minor sit, in eam quæ non habet episcopum, doctiorem vel utiliorem, meliori consilio non sponte transeuntem, sed majorum exhortatione mutare, aut episcopum ejectum, et persecutionem patientem causa utilitatis aut necessitatis intronizare non permittit. Apud veteres enim sine ulla differentia de una civitate ad alteram migrabat episcopus, dum utilitas aut necessitas evocaret. Quapropter ipsam etiam regulam huic epistole placuit inseri, ut monstretur eos mentitos esse qui episcopum non posse intronizare dixerunt; unde et in canonibus legitur ita: Si quis episcopus ordinatus ad parochiam, in qua ordinatus est, minime proficisci, non sua culpa, sed aut populo respicient, aut propter aliam quamlibet causam, non necessitate factam, hunc honore ministerioque participare tamen; nec eum misceri rebus Ecclesiæ in

A qua collectas celebrat, sed sustinere quod provincie synodus suo judicio terminaverit. Huic regule contradicere nullus potest, quæ etiam causa utilitatis aut nece sitatis intronizare episcopum jubet, et mutare ac transire eum de civitate ad aliam civitatem non proprium habentem episcopum, sinit. Pingues hostias litat diabolo, qui his resistere nititur, aut misericordiam et utilitatem Ecclesiæ jam dictis negat, id est, et episcopis, et populis. In vanum ergo contra simplices, qui hæc olim dicentes agere prohibuerunt, tendicula deinceps parabant, cum his et aliis armati adminiculis, noverint quid super his sit agendum, et quid vitandum. Nimis enim armatus est, qui illa quæ adversarius misericordie, utilitatis atque concordie ministrat, tela contemnit. Sufficit ergo B contra omnia jacula jurgiorum fidei nuda oppositio. Scio te non ignorare, frater, memoratas canonum sententias apud evangelicas sanctiones, novas non esse, sed nostro assensui mancipari. Cur his contradicentes emigrationes episcoporum utilitatis et necessitatis causa fieri prohibentes, ut sæpe dictum est, et non avaritiæ aut temeritatis in perniciem sacerdotum ac populorum ledunt sacerdotale concilium? Cur lacerant sententiam in qua inspirante Christo oracula superna patuerunt, et inter Deum et homines interpretis exstitit lingua pontificum? Illa enim cœli curia variarum dotibus aucta curulum, et multo Redemptoris nostri auro ostroque decorata, nihil in illa decisione auctore se protulit, sed per humanæ linguæ ministerium divino militavit imperio. Intellexit non esse suum quicquid impulsa constituit, C nihil quoque habet in illa sententia, nisi unde de sola devotione grateletur. Nam dum profanis memoratorum verbis ceditur, et suæ vesaniæ incertiam produnt et livorem, quis hic locus erroris, ubi congruentia pari ductu exempli, et historie verba concurrant? Nec diversum est ab intellectu catholico et lectionibus quod profertur. Nam non bene nodus in scirpo quæritur, dum involvit nebula prædicatæ lucis 273 auctores; fœda namque a nitore Domini sui obligatione dissolvitur, qui statutus cœlestibus minus mera fide dependit officia. Talium ergo dictiones vel prohibitiones indignæ etiam sunt memoratu. Profunda est ergo nimis imperitia eorum, «et sepulcrum patens guttur eorum, quia linguis suis dolose agebant (*Psal. v, 41*). » Non est enim in ore eorum rectum, interiora eorum insidiæ, densis cor eorum vepribus suffocatur, et interna vitia aliis certant ascribere. Nobilitatem ergo dat facinoribus, qui in talibus ventilationem ipsorum in exemplum sumit, aut ad aures posteras digna relatione transmittit. Tibi autem non sit cura talium quæstionum, sed sequere sententiam beati Pauli apostoli, qui monet per discipulum cunctos, et clamat, dicens: Inanes quæstiones devita; inanes namque, juxta Apostolum, quæstiones semper devita, et age quod meliori consilio non avaritiæ, vel temeritatis, vel utilitatis, et necessitatis, ut sæpe dictum est, causa faciendum, utiliter perspexeris.

Quapropter, charissime, his apostolicis fultus auctoritatibus, muta episcopum causa necessitatis aut utilitatis, super quo consulere nos voluisti, et alios fratres nostros quibus hoc faciendum necessitas aut utilitas compulerit, agere doce, quia hoc quod tibi soli scribimus generaliter omnibus tenere mandamus; quia sicut potestatem habemus episcopos et sacerdotes regulariter titulare, et ordinare, ita, ut predictum est, causa necessitatis, aut utilitatis habes et mutare, ac de titulo ad titulum translatare, licet de minori ad maiorem urbem mutandus sit; hoc tamen summo previdendum est, ne causa arrogantiae aut avaritiæ unquam fiat, quia hi a predictis canonibus damnantur, non illi qui necessitate, aut utilitate majorum consilio et sana ac pura, et Deo placita intentione hoc faciunt. Tu, frater semper sectare justitiam, pietatem, fidem, charitatem, patientiam et mansuetudinem. Certa etiam bonum certamen fidei, et apprehende vitam æternam, in qua vocatus es, quoniam spiritus timentium Dominum queritur ab illo, et in respectu illius benedicitur. Spes enim illorum in salvandum illos, et oculi Domini in diligentes se. Qui timet Dominum, nihil trepidabit, et non pavebit, quoniam ipse est spes ejus. Timentis Dominum beata est anima. Ad quem respicit, et quis est fortitudo ejus? Oculi Domini super timentes eum, protector potentie, firmamentum virtutis, tegmen ardoris, et umbraculum meridianum, et prædicatio offensionis, et adjuterium casus, exaltans animam, et illuminans oculos, dans sanitatem, et vitam, et benedictionem. Immolantis ex iniquo oblatio est maculata, et non sunt beneplacite subsannationes injustorum, Dominus solus sustententibus se in via veritatis, et justitiæ. Dona iniqui non probat Altissimus, nec respicit in oblationibus injustorum, nec in multitudine sacrificiorum eorum propitiabitur peccatis. Qui offert sacrificium ex substantia pauperum, quasi qui victimat filium in conspectu patris sui. Panis egentium vita pauperis est, qui defraudat illum homo sanguinis est. Qui aufert in sudore panem, et sudantis cibos quasi qui cecidit proximum suum. Qui effundit sanguinem, et qui facit fraudem mercenario, fratres sunt: unus ædificans, et unus destruens: quid prodest illi nisi labor? Qui baptizatur a mortuo et iterum tangit eum, quid proficit lavatio ipsius? Sic homo qui jejuna in peccatis suis, et iterum eadem faciens, quid proficit humiliando se? Orationem illius quis exaudiet? Qui conservat legem, multiplicat orationem. Sacrificium salutare est attendere mandatis, et discedere ab omni iniquitate, et propitiatio litare sacrificium super injustitiam, et deprecatio pro peccatis recedere ab injustitia. Retribuit gratiam qui offert similaginem, et qui facit misericordiam offert sacrificium. Beneplacitum est Deo recedere ab iniquitate, et deprecatio recedere ab injustitia. Non apparebis ante conspectum Dei vacuus: hæc enim omnia propter mandatum Domini sunt. Oblatio justi impingat altare, et odor sua-

vitatis est in conspectu Altissimi. Sacrificium juxta acceptum est, et memoriam ejus non obliviscetur Dominus. Bono animo gloriam redde Deo, et non minuas primitias frugum tuarum. In omni dato fac hilarem vultum tuum, et in exultatione sanctifica decimas tuas. Da Altissimo secundum datum ejus, et in oculo bono ad inventionem fac manuum tuarum, quoniam Dominus retribuens est, et septies tantum reddet tibi. Noli offerre munera prava, non enim suscipiet illa, et noli inspicere sacrificium injustum, quoniam Dominus iudex est, et non est apud illum gloria personæ. Non accipiet Dominus personam in paupere, et precationem laesi exaudiet. Non despiciet preces pupilli nec viduam, si effundat loquelam gemitus. Nonne lacrymæ viduæ ad maxillam descendant, et exclamatio ejus super deducentem eas? A maxilla enim ascendunt usque ad cælum, et Dominus exauditor non delectabitur in illis. Qui adorat Dominum, in oblatione suscipietur, et precatio illius usque ad nubes propinquabit. Oratio humiliantis se nubes penetrabit, donec propinquet, non consolabitur, et non discedet, donec aspiciat Altissimus, et Dominus non elongabit; sed judicabit injustos, et faciet judicium, et fortissimus non habebit in illis patientiam, ut contribulet dorsum ipsorum, et gentibus reddet vindictam, donec tollat plenitudinem superiorum, et sceptrum iniquorum contribulet; donec reddat omnibus secundum actus suos, et secundum opera Adæ, et secundum præsumptionem illius; donec judicet judicium plebis suæ, et oblectabit justos in misericordia sua (*Eccli. xxxv, 8-25*). Deus autem, frater charissime, impleat desiderium, et ministerium tibi divinitus collatum secundum divitias suas in gloria in Christo Jesu Domino nostro, Deo autem Patri nostro gloria in sæcula sæculorum. Amen. Data xlii die Augusti, indictione quartadecima.

*Item epistola Pelagii papæ ad universos episcopos Italiae.*

Dilectissimis atque charissimis fratribus universis episcopis, et cunctis specialiter per Campaniam, et Italiae provincias militantibus Domino PELAGIUS salutem.

Sollicitudinem omnium Ecclesiarum juxta Apostolum circumferentes divinæ circa nos gratiæ memores esse debemus, quod nos per dignationis suæ Dominus misericordiam ad hoc fastigium sacerdotale provexit, ut mandatis ipsius inherentes in quodam sacerdotum ejus speculo constituti prohibeamus illicita, et sequenda doceamus. Omnes, charissimi, qui volunt in Christo pie vivere, necesse est ut ab impiis et dissimilibus patiantur opprobria, et despiciantur tanquam stulti, et insani qui ideo præsentia bona perdunt, ut invisibilia, ac sibi profutura acquirant. Sed hæc despectio, et irrisio in ipsos retorquetur dum et abundantia eorum in egestatem, et superbia eorum transierunt in confusione. Justo enim iudicio datur plerumque potestas peccatoribus, qua sanctos ejus persequantur, ut qui Spiritu Dei juvantur et aguntur, fiant per



laborum exercitia clariores. Et quanquam, fratres, ita hæc se habeant, non tamen sunt consentiendi, sed reprobandi, qui prælatos suos vel reprehendunt, vel accusant; unde canonica sanctorum Patrum statuta, ne columnæ sanctæ Ecclesiæ vacillent, sequentes, ac roborantes omnes infames cunctosque suspectos vel inimicos, et eos qui non sunt eorum gentis, vel quorum fides, vita, et libertas nescitur, et qui non sunt bonæ conversationis, vel quorum vita est accusabilis ab omni accusatione episcoporum funditus submovemus. Similiter et omnes quos divinæ leges mortuos appellant, submovendos esse ab eadem accusatione, et publicæ pœnitentiæ submittebimus; neque dum Ecclesiæ alicujus episcopi, aut possessiones, vel res ab æmulis ejus, vel a quibuscunque aliis non sua sponte detinentur, aliquid illi debet, aut potest a quoquam ante reintegrationem omnium rerum suarum objicere, sed prius illi legibus reintegranda sunt omnia, et postea tempore a Patribus præfinito sunt negotia ventilanda: refutandi sunt etiam raptores, fures, sacrilegi, adulteri, et horum similes; manifestum est enim quod semper tales magis discordiam quam pacem sectantur. Nullus quoque monachus talia unquam arripial, nec secularia, aut ecclesiastica negotia perturbare præsumat, quia mortua in talibus vox est eorum; immobiles enim Dominus suos summos semper vult manere prædicatores, et non a quibusdam temerari, sed sibi libere et quiete famulari, unde et ipse ait: « Qui vos tangit, tangit pupillam oculi mei (*Zach. ii, 8*). » Et qui vos contristat, me contristat. Et qui fecerit injuriam, recipiet quod inique gessit. Et alibi: « Qui vos recipit, me recipit; et qui vos spernit, me spernit (*Matth. x, 40*); » ita quoque et a p'ebibus, et cæteris generaliter omnibus sunt timendi, et feriendi, atque venerandi pastores, et prædicatores Ecclesiæ, ut sub exercitatione bonæ voluntatis sustineantur temporalia, sperentur æterna. Auget enim merita virtutis qui propositum non violat, sed auget religionis. Charitas vero semper hominem invocat. Et sicut malignitas veteres ita dilectio novos facit, fides eorum qui Deum visuri sunt, quod non videt, credit. Nam si videt, non est fides. Credenti colligit meritum, videnti redditur præmium. Tunc pretiosum pastoris diadema est, quando suasioni ejus grex ecclesiasticus dum ad probitatem graditur, non repugnat, ille sine furo monitorem, et feriato ore diligit, qui ejus instituta sectatur. Præbent hominibus naturæ institutionem, et muta responsum; relict ad mortales vicissitudo clamoræ sollicitudinis, quia unusquisque prout gesserit, recipiet. Nam perit quod lingue acceperunt, frustra beneficium nisi legitime ceptum fuerit negotium, et canonice peractum. De fiducia enim partium nostrarum mittitur, quod apostolica mandat auctoritas, vos tantummodo præsules Christi benigni vestra salva aurium animorumque æquitate, et bona voluntate semper præstare. Nam adversus impetus

A juvare, peregrinantiem reducere post intervalla, est justitia. Libat enim Domino prospera qui ab afflictis pellit adversa. Statutus, venerandi præsules, sudoris fructus est judicio reddendus purissime, ut in utroque congruus nitor nec suscipientem devenustet, si indigna auctoritate pervenerit, nec si conferatur, immerito maculet largientem. Sit semper adversus pravos et impios atque servorum Dei persecutores libera vox, et oris gladio feriantur et redarguantur, persequantur et repellantur, confundantur et avertantur, nec lædendi pie viventes ullam habeant facultatem. Plerumque periculis plena sunt quæ videntur esse tutissima; videte quantis laborent tales insidiis; ideo absconditum esse non licet, quod a didimus. Jam latebat nostra persecutio manifesta; misericordia est circa persecutores et facinorosos servata districtio. Ergo sopori quietem tribuite, cœlestium mandatorum hostem quoque depellite, ne candida conversatio vobiscum habitantium fusca supervenientis contagione violetur. Ante enim providenda sunt remedia quam morbus increseat, sanctorum quoque apostolorum, et reliquorum sacerdotum petamus exercitum, et prædictorum persecutorum ora claudamus. Sæculi conversatio legum metu retinetur, ecclesiastica quoque custodia regularum frenis servatur et regitur. Deus, charissimi, semper procul avertat invidiam. Vos ergo armamini, juxta Apostolum, gladio spiritus, quod est verbum Dei, et apostolicæ auctoritatis clypeo, ut ecclesiasticæ fecunditatis jura nulla sævientis procellæ possit impulsione subverti; nolite unquam præjudicio gravare quemquam, sed inspicite semper quæ regularum testimonio declarantur. Superest salute prælati, ut ad gaudia semper, frater, devote properetis, quia divina beneficia gradibus sæpe accedunt, et quibus bona conferunt meliora pollicentur; semper enim incrementis ad culmen ascenditur, ubi supernus favor præstat exordium. Deus omnipotens indulta semper custodiat, augeatque successibus profutura. Omnia vobis semper in charitate fiant, et detrahentes nolite detrahare, quoniam detrahentibus detrahare non est bonum, ne ad ea quæ scripta sunt commoti minime certamen faciant.

**274.** Non debemus timere opprobrium hominum, neque eorum exprobrationibus vinci, quoniam hoc nobis Dominus jubet per Isaiam prophetam: « Audite me, qui scitis judicium; populus meus in quorum cordibus lex mea est, nolite timere opprobrium hominum, et blasphemias eorum ne timeatis (*Isa. li, 7*). » considerantes quod in psalmo scriptum est: « Nonne Deus requirit ista. Ipse enim novit occulta cordis, et cogitationes talium hominum, quoniam vanæ sunt, vana autem locutus est unusquisque ad proximum suum, labia dolosa in corde, et corde locuti sunt mala. Sed disperdat Dominus universa labia dolosa, et linguam magniloquam. Qui dixerunt: Linguam nostram magnificabimus, labia nostra a nobis sunt, quis noster Dominus est? (*Psal. xliii. 22; xciii, 11; xi, 3-5*). » Nam si hæc in memoria retinerent minime ad tantam

prosilirent iniquitatem, non enim per probabilem et pristinam doctrinam hoc faciunt, sed ut suam exerceant in servos Dei vindictam. Scriptum est enim: « Via stulti recta in oculis ejus (*Prov. xii, 15*); et: « Sunt viæ quæ videntur homini justæ, novissima autem earum deducunt ad mortem (*Prov. xiv, 12*); » nos enim qui hæc patimur iudicio Dei hæc reservare debemus, qui reddet unicuique juxta opera sua. Qui etiam per

A ministros suos intonuit, dicens: « Mihi vindictam ego retribuam (*Rom. xii, 19*). » vos enim in recta fide ac pura et bona voluntate succurrite vicissim, nec aliquis a supplemento fratris subtrahat manum, quoniam in hoc, ait Dominus, cognoscent omnes, quia mei estis discipuli, si dilectionem habueritis ad invicem. Data Kalend. Novemb., indictione 15.

## INCIPIUNT DECRETA GREGORII PAPÆ.

### *De trina mersione baptismatis.*

Reverendissimo et sanctissimo fratri LEANDRO coepiscopo GREGORIUS servus servorum Dei.

Respondere epistolis vestris tota intentione voluissim nisi pastoralis curæ ita me labor attereret, ut mihi magis flere libeat quam aliquid dicere. Quod vestra quoque reverentia in ipso litterarum mearum textu vigilanter intelliget, quando ei negligenter loquor, quem vehementer diligo. Tantis quippe in hoc loco hujus mundi fluctibus quatuor, ut vetustam ac fatiscentem navem quam regendam occulta Dei dispensatione suscepi, ad portum dirigere nullatenus possim. Nunc ex diverso fluctus irruunt. Nunc ex latere cumuli spumosi maris intumescunt. Nunc a tergo tempestas insequitur, interque omnia turbatus cogor modo inter ipsas undarum moles navem dirigere, modo curvato navis latere minas fluctuum ex cubliquo declinare. Sed ingemisco, quia sentio quod negligente me crescit sentina vitiorum, tempestate fortiter obviante, jam præ putredine naufragium tabulæ sonant; flens reminiscor quod perdidici mee placidum littus quietis, et suspirando terram conspicio, quam tamen rerum eventis adversantibus tenere non possum. Si ergo me, frater charissime, diligis, his tunc mihi orationis in fluctibus manum tendas, quo laborantem me adjuves, quia ex ipsa vice mercedis in tuis quoque laboribus valentior existas. Explere autem loquendo nullatenus valeo gaudium meum quod communem filium gloriosum Beccaredum regem ad catholicam fidem integerrima agnovi devotione conversum. Cujus, dum mihi per scripta vestra mores exprimitis, amare me etiam quem nescio fecistis. Sed quia antiqui hostis insidias scitis, quoniam bellum durius contra victores proponit, nunc erga eundem filium nostrum vestra solerter sanctitas vigilet, ut bene cœpta perficiat, nec se de perfectis bonis operibus extollat, ut fidem cognitam vitæ quoque meritis teneat, et quia æterni regni, cuius sit, operibus ostendat, quatenus post multa anorum curricula de regno ad regnum transeat. De trina vero mersione baptismatis nihil responderi verius potest quam quod ipsi sensitis, quia in una fide nihil officit sanctæ Ecclesiæ consuetudo diversa. Nos autem quod tertio mergimus triduanæ sepulturæ

B sacramenta signamus, ut dum tertio ab aquis infans educitur, resurrectio triduanæ temporis exprimitur.

### *Item ad Leandrum Spalensem episcopum.*

Sanctitatis vestræ suscepi epistolam solius charitatis calamo scriptam; ex corde enim lingua tinxerat, quod in chartæ pagina refundebat. Boni autem sapientesque viri cum legeretur adfuerunt, quorum statim in compunctione viscera commota sunt. Cœpit quisque amoris manu in suo corde te rapere, quia in illa epistola tuæ mentis dulcedinem non erat audire, sed cernere. Accendebantur et mirabantur singuli, atque ipse ignis audientium demonstrabat qui fuerit ardor dicentis; nisi enim prius in se faces ardeant, alium non succendunt. Ibi igitur vidimus quanta charitate tua mens arserit quæ sic et alios accendit. Vitam vero vestram, ejus ego semper cum magna veneratione reminiscor, minime norant, sed eis altitudo vestri cordis patuit ex humilitate sermonis. Vitam autem meam cunctis esse imitabilem illa vestra epistola loquitur. Sed quod non est ita ut dicitur, sit ita quia dicitur, ne qui non solet mentiatur. Ad hæc autem breviter ejusdam veteris mulieris verba loquor: « Nolite me vocare Noemi, id est, pulchram, sed vocate me Maram, quia amaritudine plena sum (*Ruth. i, 20*); » neque, bone vir, hodie ego sum ille quem nosti. Omnino, fateor, exterius proficiendo interius cecidi, meque de eorum numero esse pertimesco, de quibus scriptum est: « Dejecisti eos dum allevarentur (*Psal. lxxii, 18*). » Cum allevatur enim deicitur qui honoribus proficit; et moribus cadit. Ego enim vias mei capitis sequens, summopere esse decreveram opprobrium hominum, et abjectio plebis atque in ejus sortem currere, de quo rursum per Psalmistam dicitur: « Ascensus in corde ejus disposuisti in convalle lacrymarum, » ut videlicet tanto vehementius intus ascenderem, quantum per valem lacrymarum foris humiliter jacerem. At nunc multum deprimit honor onerosus, curæ innumeræ perstrepunt, et cum sese ad Deum animus colligit, hunc suis impulsibus quasi quibusdam gladiis scindunt, nulla cordis quies est; prostratum in infimis, et suæ cogitationis pondere depressum aut rara valde, aut nulla hunc in sublimibus penna contemplationis levat. Torpet ignavia mens, et circum-



latrantibus curis temporalibus jam pene ad stuporem deducta cogitur, modo terrena agere, modo etiam carnalia dispensare; aliquando vero fastidio exigente compellitur quædam etiam cum culpa disponere. Quid multa loquar? Victa suo pondere sanguinem sudat; nisi enim sanguinis nomine culpa censeretur, Psalmista non diceret: « Libera me de sanguinibus (Psal. L, 16). » Cum vero culpas culpis jungimus, hoc quoque quod per alium prophetam dictum est, implemus: « Sanguis sanguinem tetigit (Ose. iv, 2). » Sanguis enim sanguinem tangere dicitur, cum culpa culpæ adjungitur, ut iniquitatis cumulus multiplicetur. Sed inter hæc per omnipotentem Deum deprecor in perturbationis fluctibus elapsus, tuæ orationis manum sentiam. Etenim quasi prospero flatu navigabam cum tranquillam vitam in monasterio agerem, sed procellosis subito motibus tempestas in sua perturbatione me rapuit, et prosperitatem itineris amisi, quia quiete perdita; mentis naufragium pertuli. At nunc in undis versor, et tuæ intercessionis tabulam quæro, ut qui navi integra dives pervenire non merui, saltem post damna ad littus per tabulam reducar. De podagræ vero molestia sanectas vestra, ut scribit, affligitur, cuius dolore assiduo et ipse vehementer attritus sum; sed facilis erit consolatio, si inter flagella quæ patimur quæque fecimus ad memoriam delicta revocamus, atque et non jam flagella, sed dona esse conspicimus, si quæ carnis delectatione peccavimus, carnis dolore purgantur. Præterea ex benedictione beati Petri apostolorum principis pallium vobis transmisimus ad sola missarum solemnia utendum. Quo transmissio valde debui qualiter vobis vivendum esset admonere, sed locutionem supprimo, quia verba moribus antehis. Omnipotens Deus sua vos protectione custodiat, atque ad cœlestis remunerationem patriæ cum multiplici animarum fructu perducatur. Ego autem quanta occupatione deprimor et debilitate, brevis testatur epistola, in qua et ei quem multum diligo parum loquor. Deus te incolumem custodiat, reverendissime frater.

*Ad Recarredum regem Visigothorum.*

1. De laude ejusdem principis quod per eum ad catholicam fidem gens Gothorum conversa est.

2. De muneribus beato Petro apostolo a memorato principe missis.

3. De constitutione ejus adversus Judæos quod auri dono non sit corrupta.

4. Ut principes humilitatem habeant cordis.

5. Ut principes castitati corporis studeant,

6. Ut principes moderati et mites erga subjectos existant.

7. De clave ostioli beati Petri, et de cruce Domini missa, sive de pallio beato Leandro episcopo directo.

Gloriosissimo atque excellentissimo filio RECCARDO regi Gothorum atque Suevorum GREGORIUS servus servorum Dei.

Cap. I. Explere verbis, excellentissime fili, non

A valeo quantum tuo opere, tua vita delector. Audita quippe novi diebus nostris virtute miraculi, quod per excellentiam tuam cuncta Gothorum gens ab errore Arianæ hærescos in fidei rectæ soliditatem translata est, exclamare cum propheta libet. « Hæc est mutatio dexteræ Excelsi (Psal. LXXVI, 41). » Cujus enim vel saxeum pectus hæc opus tanto opere cognito non statim in omnipotentis Dei laudibus atque in tuæ excellentiæ amore mollescat? Hæc me, fateor, quæ per vos acta sunt, sæpe convenientibus filiis meis dicere, sæpe cum eis pariter admirari delectat; hæc me plerumque etiam contra me excitant, quod piger ego et inutilis tunc inertis otio torpeo, quando in animarum congregationibus pro lucro cœlestis patriæ reges elaborant. Quid itaque ego in illo tremendo examine Judici venienti dicturus sum, si tunc illuc vacuus venero ubi tua excellentia greges post se fidelium ducet, quos modo ad vere fidei gratiam per studiosam et continuam prædicationem traxit? Sed est mihi, bone vir, hoc in Dei munere magna consolatio, quia opus sanctum quod in me non habeo, diligo in te, cumque de bonis actibus tuis magna exultatione gaudeo, ea quæ per laborem tua sunt, mea per charitatem sunt. De conversione igitur Gothorum in vestro opere, et nostra exultatione libet cum angelis exclamare: « Gloria in excelsis Deo, et in terra pax hominibus bonæ voluntatis (Luc. II, 14). » Per vos enim ut astimo nos gratiarum amplius omnipotenti Domino debitores existimus, quia etsi vobiscum nihil egimus, vestro tamen operi congaudentes participes sumus.

B  
C  
E. Beatus vero Petrus apostolorum princeps quam libenter munera excellentiæ vestræ suscepit, ita cunctis liquet, ut debita vestra testantur. Scriptum quippe est: « Vota justorum placabilia (Prov. xv, 8), » neque enim in omnipotentis Dei judicio quid datur, sed a quo datur, aspicitur. Hinc est enim quod scriptum est: « Respexit Deus ad Abel, et ad munera ejus; ad Cain autem, et ad munera ejus non respexit (Gen. iv, 4); » dicturus quippe quia Dominus respexit ad munera, præmisit sollicite quia respexit ad Abel. Ex qua re patenter ostenditur quia non offerens a muneribus, sed munera ab offerente placuerunt. Vestra itaque oblatio quam sit **275** grata ostenditis, quia daturi vestra prius ex conversione gentis subditæ animum cum munere dedisti. Quod vero transmissos abbates, qui oblationem vestram beato Petro apostolo deferrebant, in mari, dicitis fatigatos ex ipso itinere, ad Hispanias remeasse, non munera vestra repulsa sunt quæ postmodum venerunt, sed eorum qui transmissi fuerant constantia est probata, ut seirent sancto desiderio objecta pericula vincere, et in fatigatione corporis mentem minime lassari. Adversitas enim quæ bonis votis objicitur, probatio virtutis est, non judicium reprobationis. Quis enim nesciat quam prosperum fuit, quod beatus Paulus apostolus prædicaturus ad Italiam veniebat? Et tamen naufragium pertulit, sed navis cordis in fluctibus integra stetit.

III. Præterea indico quia de vestro opere crevit A  
ia laudibus Dei hoc quod de dilectissimo filio meo  
Profino cognovi, quia cum vestræ excellentiæ con-  
stitutionem quamdam contra Judeorum perfidiam  
dedit, hi, de quibus probata fuerat, rectitudinem  
mentis vestræ inflectere, pecuniarum summam offe-  
rendo, moliti sunt, quam excellentia vestra con-  
tempnit, et omnipotenti Deo placere quærens auro  
innocentiam prætulit. Qua in re mihi David regis  
factum ad memoriam venit, cui dum concupita aqua  
de cisterna Bethlemitica quæ inter hostiles cuneos  
habebatur, ab obsequentibus militibus fuisset oblata,  
protinus dixit: Absit a me ut sanguinem isterum  
hominum bibam (II Reg. xxiii, 16, 17). Quam quia  
fudit, et bibere noluit, scriptum est: « Et libavit  
eam Domino (Ibid., 16). » Si igitur ab armato rege  
in sacrificium Dei versa est aqua contempta, pense-  
mus quale sacrificium omnipotenti Deo rex obtulit,  
qui pro amore illius non aquam, sed aurum accipere  
contempsit. Itaque, fili excellentissime, fidenter  
dicam, quia libasti aurum Domino quod contra eum  
habere noluisti.

IV. Magna sunt hæc et omnipotentis Dei laudibus  
referenda. Sed inter hæc vigilantia sunt studio anti-  
qui hostis insidiæ cavendæ, qui quanto majora in  
hominibus dona conspiciat, tanto hæc auferre subti-  
lioribus insidiis exquirat, neque enim latrunculi in  
via capere viatores vacuos expetunt, sed eos qui auri  
vascula vel argenti ferunt; via est quippe vita præ-  
sens, et tanto cuique necesse est ut insidiantes  
spiritus caveat, quanto majora sunt dona quæ  
portat. Oportet ergo excellentiam vestram in tanto  
hoc de conversione gentis subditæ munere quod  
accepit, summopere custodire primum humilitatem  
cordis, ac deinde munditiam corporis. Cum enim  
scriptum sit: « Omnis qui se exaltat humiliabitur,  
et qui se humiliat exaltabitur (Luc. xvi, 14), » pro-  
fecto liquet, quia ille veraciter alta amat qui mentem  
suam ab humilitatis radice non desecat, sæpe nam-  
que malignus spiritus ut bona destruat, quibus prius  
adversari non valuit ad operantis mentem post per-  
actam operationem venit, eamque tacitis cogitati-  
onibus in quibusdam suis laudibus exentit, ita ut  
decepta mens admiretur ipsa quam sint magna  
quæ fecit; quæ dum per occultum tumorem  
apud semetipsam extollitur, ejus qui donum tribuit  
gratia privatur. Hinc enim est quod per prophetæ  
vocem contra superbientem animum dicitur: « Ha-  
bens fiduciam in pulchritudine tua, fornicata es in  
nomine tuo (Ezech. xvi, 15); » fiduciam quippe  
animæ in pulchritudine sua habere est in semetipsa  
de justa operatione præsumere. Quæ in suo nomine  
fornicatur, quando in hoc quod recte egit non Con-  
ditoris laudem dilatare appetit, sed opinionis  
gloriam requirit. Hinc rursum per prophetam scri-  
ptum est: « Quo pulchrior es descende (Ezech.  
xxxii, 19). » Anima etenim unde est pulchrior inde  
descendit, quoniam ex virtutis decore quo exaltari  
apud Dominum debuit, ab ejus gratia per suam

elationem cadit. Quid ergo in his agendum, nisi ut  
malignus spiritus, cum nobis ad elevandam mentem  
reducit bona quæ egimus, semper nos ad memoriam  
nostra mala revocemus, quamvis et nostra cogno-  
scamus esse quæ peccando fecimus, solius omnipo-  
tentis Dei munera, cum peccata declinamus?

V. Custodienda quoque est munditia corporis in  
studiis bonæ actionis, quia juxta vocem prædicantis  
Apostoli, « Templum Dei sanctum est, quod estis  
vos (I Cor. iii, 17). » Qui rursus ait: « Hæc est enim  
voluntas Dei, sanctificatio vestra (I Thess. iv, 3), »  
quam sanctificationem dixerit ostendens protinus  
adimplevit, « ut abstineatis vos a fornicatione, et sciat  
unusquisque vestrum suum vas possidere in sancti-  
ficatione et honore, et non in passionibus desiderii  
B (Ibid. iv, 5). »

VI. Ipsa quoque gubernacula erga subjectos magno  
sunt moderamine temperanda, ne potestas menti  
subrepat. Tunc enim regnum bene regitur, cum  
regnandi gloria animo non dominatur. Curandum  
quoque est ne ira subrepat, faciatque citius omne  
quod licet. Ira quippe etiam cum delinquentium  
culpas exquirat, non debet menti quasi domina præ-  
ire, sed post rationis tergum velut ancilla famulari,  
ut ad faciem jussa veniat. Nam si semel possidens  
racentem cœperit, justum esse reputat, etiam quod  
crudeliter facit. Hinc enim scriptum est: « Ira enim  
viri justitiam Dei non operatur (Jac. i, 20); » hinc  
rursum dicitur: « Sit omnis homo velox ad audien-  
dum, tardus autem ad loquendum, et tardus ad iram  
C (Ibid., 19). » Hæc autem vos, auctore Deo, omnia  
servare non ambigo, sed occasione admonitionis  
exorta, bonis vestris actibus me furtive subjungo,  
ut quod non admoniti facitis quando vobis admonens  
additur, jam non soli faciatis. Omnipotens autem  
Deus in cunctis actibus vestris cœlestis brachii  
extensione vos protegat, vobisque et præsentis vitæ  
prospera, et post multa annorum curricula, æterna  
concedat.

VII. Clavem vero parvulam a sacratissimo beati  
Petri apostoli corpore pro ejus benedictione trans-  
misimus, in qua inest ferrum de catenis inclusum,  
ut quod collum illius ad martyrium ligaverat, vos ab  
omnibus absolvat. Crucem quoque latori præsentī  
dedimus vobis ferendam, in qua lignum Dominicæ  
D crucis inest, et capilli beati Joannis Baptistæ; ex  
qua semper solatium nostri Salvatoris, per inter-  
cessionem præcursoris ejus habeatis. Reverendis-  
simo autem viro Patri, et coepiscopo nostro Leand-  
ro pallium a beati Petri apostoli sede transmisimus,  
quod ex antiqua consuetudine, et vestris moribus,  
et ejus bonitati atque dignitati debebamus.

Item, epistola ejusdem ad Secundinum inclusum.

Dilectissimo fratri SECUNDINO, servo Dei, incluso,  
GREGORIUS, servus servorum Dei.

Dilectionis tuæ litteras suscepi, quæ in meo sensu  
amoris melle conditæ sapuerunt. O quanta aspiratione  
vitæ plena sunt, quæ per gratiam Spiritus proferuntur!  
Non in eis cultus eloquentiæ, non verborum typus ap-



parebant, sed sola veritatis atque charitatis radicem A tenentia per omne quod locuta sunt cœlestis patriæ amore flammabant. In eis vero tua me dilectio petere studuit, ut ad hanc libellum exhortatorium scribere studerem. Sed scire te necesse est, fili charissime, quia tantis podagræ doloribus, tantisque curarum tumultibus premor, ut quamvis unquam me aliquid fuisse reminiscar, valde tamen me videam non esse quod fuerim. Quod autem se tua charitas ultra ætatem quinquagenariam adhuc juvenilibus desideriis asserit subiacere, in hoc quoque divini oraculi implere præceptum, quo scriptum est : « Justus in principio accusator est sui (*Prov. xviii, 17*). » Nec tamen dubito majores te hostis callidi insidias perpeti, qui majora contra eum bella præparasti. Tanto quippe ille deceptionis molimina B ardentius exquirat quanto te cœlesti patriæ ferventius inhiare cognoscit. Etenim nos quidem, qui vitam cum pluribus ducimus, etsi formidolosi ac timidi, tamen, quia contra antiquum hostem bella proposuimus, quasi in acie stamus. Vos autem, qui solitariam vitam ducitis, et quid aliud quam quia monachos dixerim, qui etiam fervore virtutis ante aciem exire festinatis? Cur ergo cum singulariter hostis non impetat a quo se impeti singulariter expectat? Et nos quidem, qui inter homines vivimus, sæpe per hominem a callido hoste tentamur; vos autem qui jam vitam presentem extra hominum frequentiam ducitis, et tanto majora certamina pati necesse est, quanto ipse ad vos magister tentationum accedit. Neque enim vacare orationibus ac laudibus Dei sine aliqua interruptione temporis potestis, quia etsi intentio continue prompta est, ipsa tamen humanitatis infirmitas in semetipsam relabitur, ut alienando fessa jaceat, atque ab studii sui exercitatione torpescat. Antiquus vero hostis mox ut otiosam mentem invenerit, et ad eam sub quibusdam occasionibus locuturus venit et quædam, ei de gestis præteritis ad memoriam reducit, audita quondam verba indecenter cogitatione resonat, et si qua dudum turpiter acta sunt, eorum species oculis cordis opponit, ut, quam de præsentibus non valet inquinare, de malis transactis violet; et decepta mens sæpe in dilectionem reparat, unde diu se jam per penitentiam afflixit, ita ut vere cum Psalmista dicat : « Computruerunt et corruptæ sunt cicatrices a facie insipientiæ meæ (*Psal. xxxvii, 6*). » Cicatrix quippe figura est vulneris; sed sanati. Cicatrix ergo ad putredinem redit, quando peccati vulnere, quod jam per penitentiam sanatum est, in delectationem sui animus concutitur. Sæpe namque quod fecimus, per hostis callidi insidias oculis cordis videmus. Cumque insensibiliter in hoc delectatio subrepat, quamvis jam plangat quod fecerit, tædet tamen infelicem animum quædam fecisse quæ plangat. Hæ sunt cordis nostræ tenebræ, quas in hac vita, volentes, nolentes, sustinemus. Quis contra hæc quærendus est, nisi « adjutor in opportunitatibus in tribulatione? » (*Psal. ix, 10*).)

Valde autem libenter accepi quod tua me charitas de sua dubitatione requisivit, an Orientis Ecclesiæ fidem atque doctrinam sanctæ memoriæ Leonis sequantur, an forte earum sensus inter semetipsas pro trium capitulorum defensione divisus sit, unde certam dilectionem tuam esse desidero, quia prædictæ sanctissimæ Orientales Ecclesiæ uno sensu, una doctrina, fidem ejusdem sanctæ memoriæ Leonis tenent, et sanctam Chalcedonensem synodum ita nobiscum custodiunt atque venerantur, ut nullus episcopus esse reputetur, qui ejusdem synodi defensor sectatorque non fuerit. Hinc est enim ut, quoties in quatuor præcipuis sedibus antistites ordinantur, synodales epistolas vicissim mittant, in quibus se sanctam Chalcedonensem synodum cum aliis generalibus synodis custodire fateantur, sicut et nos aversamur atque anathemate plectendos ducimus, si quis de fide ejusdem synodi aliquid imminuere, vel aliud in ea addere præsumit. Nam synodus quæ postea generaliter facta est, idcirco a nobis custoditur, quia ejusdem synodi sequax in omnibus illius honorem auctoritatemque custodit. Unde necesse est ut dulcissima mihi dilectio tua in id quod præcipue in sanctis moribus vivit, quod se per abstinentiam affligit, quod doctrinæ Dei vehementius insistit, hoc studiosius cogitet, ne errorem schismaticorum sequens, a sancta universalis Ecclesiæ communionem divisa possit inveniri. Et quid tot labores proderunt, si in unitate fidei inventi non fuerint, qui ante omnipotentis Dei oculos in bonis actibus animam præcipue custodiunt? Hinc enim dicitur : « Una est columba mea (*Cant. vi, 8*). » Hinc iterum Dominus ad Moysen ait : « Est locus penes me, et stabis supra petram (*Exod. xxxiii, 21*). » Quis est locus qui non sit Domini, dum cuncta in ipso, per quem creata sunt, continentur? Sed tamen est locus apud eum, videlicet sanctæ Ecclesiæ unitas, in qua velut supra petram statur, dum confessionis soliditas humiliter tenetur. De quo loco subjungitur : « Tunc videbis posteriora mea (*Ibid., 25*). » in petra enim, id est, sancta 276 Ecclesia stantes, Dei posteriora videbimus, quando ea, quæ in fine promissa sunt, cœlestis patriæ gaudia contemplantur; perversi autem homines, qui trium capitulorum occasione reperta, ecclesiasticam disciplinam fugiunt, de suis carnalibus actibus reprehendi pertimescunt, et subesse sedi apostolicæ nolunt, et nos quasi de fide reprehendunt quam ipsi nesciunt. Et dum neque in fide recti sunt, neque in bonis operibus intenti, student ut certare pro fide videantur. Sicque quotidie deteriores fiunt, dum in eis culpa grossescit. Qui quasi de zelo fervoris fieri etiam laudabiles appetunt, sed juxta quod scriptum est : « Ex operibus eorum cognoscetis eos (*Matth. vii, 20*); » vitam eorum tua charitas ostendat, et meritum intentionis aspiciat. Ut enim dilectioni tuæ de eadem re breviter loquar, tota Chalcedonensis synodus usque ad definitionem fidei et prolationem canonum de generalibus causis locuta est. Nam, post

probationem canonum, specialia episcoporum certamina sopire curavit.

Epistolam vero, quam in ea reverendissimus Ibas denegat suam, quam in extrema parte synodi jaceat, cognoscis, quæ videlicet epistola Nestorium inauditum, et inquisitione non facta damnatum asserit; Cyrillum vero in Apollinaris dogma cecidisse suspicatur. Et, si totus superior textus prædictæ synodi legitur, quantum hæc epistola eidem synodo adversatur invenitur, quia, scilicet sancta synodus et Nestorium, sicut est, hæreticum denuntiat, et beatum Cyrillum Patrem catholicum veneratur. Epistola ergo, quæ illum defendit qui a synodo damnatus est, et eum accusat qui a synodo veneratus est, procul dubio definitioni sanctæ synodi probatur adversari. Qui enim tantorum Patrum definitam non servant sententiam procul dubio adversantur Ecclesiæ. Nam tua sanctitas inde a nobis requisivit ut tibi sacerdotali officio post lapsum resurgendi scriberemus, dum dicit de hoc canonum diversorum legisse diversas sententias, alias resurgendi, alias nequam posse. Ideo nos generales synodos a Nicæna incipientes, cum reliquis quatuor veneramus; quia, ipsam sequentes, in eunctis sententiis unanimes concordant; quia et nos præcedentes nos Patres sequimur; quia, auctore Deo, a sacra doctrina illorum non discordamus. A capite itaque incipientes usque in quartum altaris ministrum, hanc formam sequendam cognoscimus, ut qui minor est major ei præcedat; sed sicut honore, ita et in crimine, et quem major sequitur culpa, majore implicetur vindicta, et post penitentiam credatur esse fructuosa. Quid enim prodest triticum seminare, et fructum illius non tollere? aut domum construere, et non illic habitare? Post dignam satisfactionem credimus redire posse ad honorem, Propheta dicente: « Nunquid qui cadit non adjiciet ut resurgat? » (*Psal. xl, 9.*) Et qui adversus est non revertetur? Idem quoque ait: « Peccator in quacunque die conversus ingemuerit, salvus erit (*Ezech. xxxiii, 12.*) » Unde Psalmista: « Cor mundum crea in me, Deus, et spiritum rectum innova in visceribus meis. Ne projicias me a facie tua, et Spiritum sanctum tuum ne auferas a me (*Psal. l, 12, 13.*) » Cum enim petit, ne ab eo projiceretur, prolapsi culpa, quod alienam rex et propheta simul rapuisset uxorem, tremefactus expavit. propheta, indicante flagitium suum, unde penitentiam agens addidit: « Redde mihi lætitiā Salutis tui, et spiritu principali confirma me (*Ibid., 14.*) » Si enim dignam Deo penitentiam non fecisset, nequaquam aliis prædicaret. Ait enim: « Doccam iniquos vias tuas, et impii ad te convertentur (*Ibid., 15.*) » Cum enim peccata sua prospexit Propheta mandata per penitentiam, non dubitavit prædicando curare aliena. Et sacrificium de semetipso offerre Deo studuit, cum dicebat: « Sacrificium Deo spiritus contribulatus (*Ibid., 19.*) » Ad hæc ista suffecerant, sed omnis sententia quoque sacre Scripturæ testimoniis confirmatur, fa-

cilium creditur, de hoc enim propheta dicit: « Nolo mortem peccatoris, sed ut convertatur et vivat (*Ezech. xxxiii, 11.*) » et hoc peccantibus dicitur: « Peccator in quacunque die conversus ingemuerit; omnes iniquitates ejus in oblivione traduntur (*Ezech. xviii, 21, 22.*) » Si enim Redemptor, qui peccatores minime perdere, sed justificare venit (*Luc. ix, 56*) in oblivione peccantes non derelinquit, quis hominum condemnandos reservat, cum Apostolus dicat: « Si Deus justificat, quis est qui condemnet? » (*Rom. viii, 33, 34.*) Ad fontem misericordiæ recurrentes, Evangelicam referamus sententiam: « Gaudeo, inquit, magis super uno peccatore penitentiam agente quam super nonaginta novem justis qui non indigent penitentia (*Luc. xv, 7.*) » Et ovem perditam, nonaginta novem non errantibus relictis, humero reportatam dicit (*Ibid., 4, 5*). Si ovis errans post inventionem ad ovile humero reportatur, cur post penitentiam pœnam ad Ecclesiæ ministerium peccator non revocetur? Quid enim est gravius carnale delictum admittere, sine quo in multis pauci inveniuntur, an Dei Filium timendo negare? in quo uno ipsum beatum Petrum, apostolorum principem, ad cujus nunc corpus indigni sedemus, lapsum esse cognoscimus, sed post negationem penitentia secuta, et post penitentiam misericordia data (*Luc. xxii, 57-61*), quia illum ab apostolatu non depulit, quem ante se ipsum negare prædixit (*Matth. xxvi, 75*). Tibi hæc, fili charissime, dicta sufficiant, ut illum quem conspicias fletu delicta delere, in conspectu divinitatis non dubites misericordiam consequi, quia nullum peccantem conversum despiciit qui peccatores redimere venit.

Quod imaginem illius, quem colis, tibi dirigendam, per Dulcerium, diaconem tuum, rogasti, valde nobis tua postulatio placuit, quia illum in corde tota intentione quæris, ejus imaginem præ oculis habere desideras. Ut visio corporalis quotidiana reddat exoptatum, et, dum picturam vides, ad illum animo inardescas, ejus imaginem videre desideras, ab re non facimus, si per visibilia invisibilia demonstramus. Sic homo, qui alium ardentem videre desiderat, atque ex more sponsam amando desiderat, atque videre conatur, si contingit illam ad balneum ire, aut ad ecclesiam procedere, festinus in via se præparat, ut de ejus visione hilaris recedat. Scimus quia tu imaginem Salvatoris nostri ideo non petis, ut quasi Deum colas, sed ob recordationem filii Dei ut in ejus amore recalescas, ejus imaginem videre desideras. Et nos quidem, non quasi ante divinitatem ante ipsam prosternimur, sed illum adoramus quem per imaginem aut natum, aut passum, vel in throno sedentem recordamur. Et dum nos ipsa pictura quasi scriptura ad memoriam Filium Dei reducimus, animum nostrum de resurrectione lætificat aut de passione mulcet. Ideoque direximus tibi surtirias duas, imaginem Salvatoris, et sanctæ Dei genitricis Mariæ, et beatorum apostolorum Petri et Pauli continentes, per supra dictum filium nostram



diaconem, et unam crucem et clavem, pro benedictione, a sanctissimo corpore Petri apostolorum principis, ut per eum sis ab hoste maligno defensus, cujus per sanctum lignum te esse munitum credis; et ex eo te protegat qui juveniles affectiones tibi suggerit. Recordare ut, in bonis tuis actibus perseverans, alios in ejus accensas amore propter quem solitarium te fecisti habitare, ut vitæ hujus mala quæque in corde inimicus suggerit retroacta, mentis propectibus quasi facibus inardescas, pro cuius amore vitam etiam velis finire, ipse quoque te protegat usque in finem, qui cunctum mundum dignatus est redimere, Jesus Christus Dominus noster qui est in sæcula.

*Item, Gregorius Theolistæ patriciæ. De discordia sedanda.*

Magnas omnipotenti Deo gratias agere debemus, quod piissimi et benignissimi imperatores nostri tales de suo genere juxta se propinquos habent, de quorum conversatione nobis omnibus grande sit gaudium. Unde et pro eisdem dominis continue nobis orandum est, ut eorum vita cum suis omnibus, protegente cœlesti gratia, per longa tempora tranquilla servetur. Indico autem quod levitate populi tumultum contra vos detractionis exortum quibusdam nuntiantibus cognovi. Qua ex re excellentiam vestram audio fuisse non modice contristatam. Quod si ita est, valde miror, qui cor fixistis in cœlo, verba hominum agitent in terra. Beatus etenim Job, cum amici ejus qui ad consolandum eum venerant, in increpatione prosiluissent, ait: « Ecce enim de cœlo testis meus et conscius in excelsis (Job xvi, 20). » Qui enim vitæ suæ in cœlo testem habet, judicia hominum pertimescere in terra non debet. Dux quoque bonorum Paulus dicit: « Opus autem suum probet unusquisque, et sic in semetipso tantum gloriam habebit, et non in altero (Gal. vi, 4). » Si enim aut laudibus lætamur, aut vituperatione frangimur, nostram gloriam non in nobis, sed in aliorum ore posuimus. Et: « Fatuæ virgines oleum in vasis suis non sumpserunt; sapientes autem sumpserunt oleum in vasis suis cum lampadibus (Matth. xxv, 3, 4); » lampades quippe nostræ bona sunt opera, de quibus scriptum est: « Luceat lux vestra coram hominibus, ut videant opera vestra bona, et glorificent Patrem vestrum qui in cœlis est (Matth. v, 16). » Tunc autem oleum in vasis eum lampadibus sumimus, quando de bonis actibus nitorem gloriæ non a laudantibus proximis quærimus, sed hæc intra testimonium conscientiæ servamus; in omne autem quod de nobis extra dicitur, recurrere ad arcana mentis debemus. Etsi omnes vituperent, liber est quam conscientia non accusat, quia, et si omnes laudant, liber esse non potest si hunc conscientia accusat. De Joanne Veritas dicit: « Quid existis in desertum videre? arundinem vento agitatum? » (Matth. xi, 7.) Quod videlicet per negationem dicitur non per confirmationem, cum subditur: « Sed quid existis videre? hominem mollibus

A vestitum? Ecce qui mollibus vestiuntur in domibus regum sunt (Ibid., 8); » quamvis enim juxta veritatem Evangelii Joannes vestimento aspero fuerit indutus (Matth. iii, 4), per significationem in mollibus vestiti sunt qui adulationibus ac laudibus delectantur. Negatur autem quia Joannes arundo vento agitata fuerit, quoniam mentis ejus fortitudinem nulla humani oris aura flectebat. Nos enim si laudibus erigimur, vituperationibus humiliamur, arundo vento agitata sumus. Sed absit hoc, absit a corde vestræ excellentiæ. Scio qui magistrum gentium studiose legistis, qui ait: « Si adhuc hominibus placerem, Christi servus non essem (Gal. i, 10). » Si qua tamen vel parva tristitia ex hac re menti vestræ exorta est, credo quod hoc omnipotens B Deus fieri benigne permisit. Neque enim electis suis in hac vita promisit gaudia delectationis, sed amaritudines et tribulationes (Matth. xxiv, 19), ut medicinæ more per amarum poculum ad dulcedinem æternæ redeant salutis. Quid namque dicit: « Mundus gaudebit, vos lugebitis? » (Joan. xvi, 20.) Quæ spe, qua promissione paulo post subditur: « Iterum videbo vos, et gaudebit cor vestrum, et gaudium vestrum nemo auferat a vobis (Ibid., 22). » Hinc iterum discipulis dicit: « In patientia vestra possidebitis animas vestras (Luc. xxi, 19). » Pensate, quæso, ubi erit patientia, si deest quod toleretur. Non suspicor enim Abel esse quem Cain malitia non exaceraverit. Boni enim sine malis si fuerint, perfecte esse boni non possunt, quia minime purgantur. Ipsa autem malorum societas purgatio bonorum est. Tres in C arca filii Noe fuerunt; unus irrisor patris exstitit (Gen. ix, 22), qui etsi in æ benedictus fuerit, maledictionis tamen sententiam in filio suscepit (Ibid., 23). Duos Abraham, priusquam Cethuram uxorem acciperet, filios habuit, sed tamen carnalis ejus repromissionis est filium persecutus. Quod magnus doctor exponit, dicens: « Sicut is qui secundum carnem est, persequatur eum qui secundum Spiritum, ita et nunc (Gal. iv, 29). Duos Isaac filios habuit, sed unus, qui spiritualis exstitit, ante minas fratris carnalis fugit (Gen. xxvii, 43). Duodecim Jacob filios habuit, sed unum qui rectius vivebat, decem in Ægypto vendiderunt (Gen. xxxvii, 36). In David propheta, actum est ut persecutorem filium patere D retur (II Reg. xv, 16). Beatus Job de societate reproborum dicit: « Frater fui draconum, et socius struthionum (Job xxx, 29). » Ad Ezechielem Dominus ait: « Fili hominis, increduli et subversores sunt tecum, et cum scorpionibus habitas (Ezech. ii, 6). » Interdum inter duodecim apostolos unus reprobus mistus est (Joan. vi, 71), ut esset ejus persecutione undecim tentarentur. Apostolorum princeps discipulis loquitur, dicens: « Justum Loth oppressum a nefandorum injuria eripuit; aspectu enim et auditu justus erat, 277 habitans cum eis, qui de die in diem animam justi iniquis operibus cruciabant (II Petr. ii, 7, 8). » Paulus quoque apostolus

discipulis loquitur dicens : « In medio nationis prave et perversæ, inter quos lucetis sicut luminaria in mundo, verbum vite continentes (*Philip. II, 15, 16*) » Quia ergo, Scriptura teste, cognovimus in hac vita bonos sine malis esse non posse, de stultorum vocibus excellentia vestra turbari nullatenus debet, et maxime in omnipotenti Deo tunc certa fiducia est quando pro bono opere adversitatis aliquid in hoc mundo recipitur, ut plena merces in æterna retributione servetur. Unde in sancto Evangelio dicit : « Beati eritis cum adversus vos omne malum dixerint homines, mentientes propter nomen meum (*Matth. v, 11*). » Qui in consolatione nostra sua in exemplum adducere opprobria dignatus est, dicens : « Si patremfamilias Beelzebub vocaverunt, quanto magis domesticos ejus. » (*Matth. x, 25*.)

Sunt autem plerique qui vitam bonorum fortasse amplius quam debent, laudant. Et ne qua elatio de laude subrepat, permittit omnipotens Deus malos in obtrectionem et objurgationem prorumpere, ut si qua culpa ab ore laudantium in corde nascitur, ab ore vituperantium suffocetur. Hinc est quod Doctor gentium se in predicatione currere testatur, « inter infamiam et bonam famam (*II Cor. vi, 8*). » Qui etiam dicit, « ut seductores et veraces (*Ibid.*) » Si igitur fuerunt, qui malam famam Paulo imponent, qui hunc seductorem vocarent, quis ergo Christianus debet indignum ducere pro Christo injurias audire? Quante autem virtutis præcursor nostri Redemptoris fuerit novimus, qui per sacrum eloquium non solum plusquam propheta, sed etiam angelus vocatur (*Matth. II, 9, 10*); et tamen, sicut ecclesiastica historia testatur, post mortem a persecutoribus corpus ejus incensum est. Sed qui ista de sanctis omnibus Dominus, de ipso sancto sanctorum, id est de Deo, qui pro nobis homo factus est (*Joan. I, 14*), loquamur, qui ante injuriam, quia demonia haberet (*Joan. viii, 48*), audivit, post mortem vero a suis persecutoribus seductor appellatus est, cum dicerent : « Scimus quia seductor ille dixit : Post tres dies resurgam (*Matth. xxvii, 63*). » Quanta autem nos peccatores a lingua vel manibus iniquorum hominum portare necesse est, qui in adventu æterni iudicis judicandi sumus, si et ipse tanta etiam post mortem pertulit qui iudex venit. Hæc, dulcissima et excellentissima filia, breviter dixi, ne quoties stultos homines tibi derogare cognoscis, qualibet vel parvula mentis tristitia tangaris. Sed quia sedari hoc ipsum stultorum hominum murmur tranquilla ratione potest, peccatum credo, si bonum quod valet fieri negligitur, ut fiat. Nam cum placare insanas mentes atque ad salutem reducere possumus, scandalizare eos minime debemus.

Sunt enim quedam scandala, quæ omnino despicienda sunt, quedam vero, cum vitari sine culpa non possunt, despicienda non sunt, ne cum culpa servantur. Quod sacro Evangelio predicante cognovimus, quia, cum Veritas diceret : « Non quod intrat in os conquinat hominem, sed quod procedit

A de ore conquinat hominem (*Matth. xv, 11*); et discipuli responderent dicentes : « Scis quia Pharisæi, audito hoc verbo, scandalizati sunt (*Ibid., 12*), » protinus respondit : « Omnis plantatio quam non plantavit Pater meus cœlestis, eradicabitur; sinite illos, cæci sunt et duces cæcorum (*Ibid., 13, 14*). » Et tamen cum tributum peteretur, prius rationem reddidit, per quam tributum solvere non deberent, (*Matth. xvii, 24*), atque illico subjunxit : « Ut autem non scandalizemus eos, vade ad mare et mitte hamum, et eum piscem qui prius ascenderit, tolle, et aperto ore ejus invenies staterem, et sumens, da illum pro me et te (*Ibid., 26*). » Quid est autem quod de scandalizatis aliis dicitur : « Sinite illos; cæci sunt et duces cæcorum : » et aliis ne scandalizetur,

B a Domino tributum solvitur, etiam quod non debetur? Quid est quod aliud scandalum esse permiserit, aliud vero venire prohibuit, nisi ut nos doceret et illa scandala quæ nos implicant in peccato contemnere, et illa quæ placare sine peccato possumus, modis omnibus mitigare? Vestra itaque excellentia potest, protegente Domino, pravorum hominum scandala cum magna tranquillitate declinare. Prius enim a vobis secreto vocandi sunt ac ipsis ratio reddenda, et perversa quedam capitula quæ nos tenere existimant, coram ipsis anathematizanda. Quod si etiam, sicut dicitur, dari anathema fidei suspicantur, et jurejurando firmandum est vos eadem capitula nunquam tenere, nunquam tenuisse. Nec vobis videatur indignum tali eis modo satisfacere, nec de imperiali genere sit contra eos aliquod in vestra mente fastigium. Omnes enim fratres sumus, unius imperatoris potestate conditi, et ejus sanguine redempti, et ideo fratres nostros quantumlibet pauperes et abjectos in nullo despiciere debemus. Certe etenim Petrus potestatem regni cœlestis acceperat, ut quod in terra ligaret vel solveret, esset in cœlo ligatum vel solutum (*Matth. xvi, 19*), super mare ambulabat (*Joan. xxi, 7*), ægrotantes umbra curabat (*Act. v, 15*), peccantes vero occidebat (*Ibid. v, 10*), mortuos oratione suscitabat (*Act. ix, 40*); et quia ex admonitione Spiritus ad Cornelium gentilem fuerat ingressus (*Act. x, 19*), contra eum a fidelibus quæstio facta est : Cur ad gentiles fuerat ingressus et comedisset cum eis; cur eos in baptismo recepisset (*Ibid., 28*). Et tamen idem, apostolorum primus, tanta donorum gratia repletus, tanta miraculorum potestate suffultus, querelæ fidelium non ex potestate, sed ex ratione respondit, causam per ordinem exposuit, quomodo vas quoddam velut linteam in quo quadrupedia terræ et bestię, reptilia atque volatilia inerant, de cœlo submitti viderit, vocemque audierit : « Surge, Petre, occide et manduca, » qualiter tres viri venerint, eum ad Cornelium vocantes, qualiter Spiritus sanctus hunc cum eis ire præceperat, qualiter idem Spiritus sanctus qui venire in baptizatos in Judea post baptismum consueverat, in gentibus ante baptismum venit (*Ibid., 41-48*). Si enim, cum a fidelibus culparetur, auctoritatem,



quam in sancta Ecclesia acceperat, attendisse respondere poterat, ut pastorem suum oves, quæ commissæ fuerint, reprehendere non auderent, sed si in querela fidelium aliquid de sua potestate diceret, profecto doctor mansuetudinis non fuisset. Humili ergo eos ratione placavit atque in causa reprehensionis suæ, etiam testes adhibuit, dicens: « Venerunt autem mecum et sex fratres isti (Act. xi, 12). »

Si igitur, et pastor Ecclesie, et apostolorum princeps, signa et miracula singulariter faciens, non dedignatus est in causa reprehensionis suæ rationem humiliter reddere, quanto magis nos peccatores, cum in re aliqua reprehendimur, reprehensores nostros ratione humili placare debemus? Ad me etenim, sicut nostis, cum apud vestigia dominorum in regia urbe demorarer, multi ex eis venire consueverant qui de prædictis capitulis accusabantur. Sed, teste conscientia, fateor nunquam in eis aliquid pravitatis, aliquid erroris de his, quæ contra eos dicebantur, inveni. Unde et eos opinione contempta familiariter suscipere et magis ab insequentibus defendere curabam; dicebatur namque contra eos quod sub obtentu religionis conjugia solverent, et quia dicerent quod baptismata peccata penitus non auferret; et si de iniquitatibus suis quis pœnitentiam in triennium ageret, postmodum ei perverse vivere liceret; et quia si compulsi aliquid de quibus reprehendebantur, anathematizare se dicerent anathematis vincolo nullo modo teneri. Et si qui sunt, qui certissime talia sentiunt, vel tenent, quia Christiani non sunt, dubium non est, eosque et ego et omnes catholici episcopi, atque universa Ecclesia anathematizamus, quia veritati contraria sentiunt et contraria loquuntur. Si enim dicunt religionis causa conjugia debere dissolvi, sciendum est quia etsi hoc lex humana concessit, lex divina prohibuit. Per se enim Veritas dicit: « Quod Deus conjunxit, homo non separet (Matth. xix, 9). » Qui etiam ait: « Non licet dimittere uxorem, excepta causa fornicationis (Ibid.). » Quis ergo huic cœlesti legislatori contradicat? Scimus quia scriptum est: « Erunt duo in carne una (Gen. ii, 24). » Si igitur vir et uxor una caro sunt, et religionis causa, vir dimittit uxorem, vel mulier virum in hoc mundo remanentem, vel forte ad illicita migrantem, quæ est ista conversio, in qua una eademque caro et ex parte transit ad continentiam, et ex parte remanet in pollutione. Si vero utrisque conveniat continentem vitam ducere, hoc quis audeat accusare, quando certum est quia omnipotens Deus qui minora concessit, majora non prohibuit? Et multos sanctorum novimus cum suis conjugibus et prius continentem vitam duxisse, et postmodum ad sanctæ Ecclesiæ regimina migrasse.

Duobus etenim modis sancti viri etiam a licitis abstinere solent: aliquando, ut meritum sibi apud omnipotentem Deum augeant, aliquando vero ut ante vitæ actæ culpas detergant. Tres etenim pueri in regis Babylonici obsequio deducti legumina ad

vescendum petentes (Dan. i, 12), cibis regiis uti noluerunt (Ibid., 5), non quia culpa esset, si ea quæ Deus creavit ederent. Noluerunt ergo sumere ea quæ licebat ut per continentiam virtus exeresceret. David vero qui alienam conjugem tulerat, et valde pro sua culpa fuerat flagellatus, aquam bibere longe post de Bethleemica cisterna noluit (II Reg. xxiii, 16).

Quam, cum ei fortissimi milites detulissent, bibere recusavit, eaque fundendo Domino libavit (Ibid.), licebat enim bibere si voluisset, sed qui illicita se cessisse meminerat, laudabiliter et a licitis abstinebat, et qui prius pro culpa sua morientium militum sanguinem fundi non metuit, postmodum, si aquam biberet, etiam pro culpa sua morientium militum sanguinem se fudisse iudicavit, dicens: « Num sanguinem hominum istorum, qui profecti sunt, et animarum periculum bibam? » (Ibid., 17.) Proinde, cum boni conjuges aut meritum augere desiderant, aut ante actæ vitæ culpas delere, ut se ad continentiam constringant, et meliorem vitam appetant licet. Si ero continentiam, quam uxor appetit, vir recusat, dividi conjugium non licet, quia scriptum est: « Mulier sui corporis potestatem non habet, sed vir (I Cor. vii, 4). » Si qui vero sunt qui dicunt, in baptismate peccata superficie tenus dimitti, quid est hac prædicatione infidelius, in qua ipsum fidei sacramentum festinant solvere, in quo principaliter ad cœlestis munditiæ mysterium anima ligatur, ut absoluta radicitus a peccatis omnibus soli illi inhæreat, de quo scriptum est: « Mihi autem adherere Deo bonum est (Psal. lxxii, 28). » Certe Rubri maris transitus figura sacri baptismatis fuit (I Cor. x, 2), in quo hostes a tergo mortui sunt, sed alii contra faciem in eremo inventi. Sic quippe omnibus qui in sancto baptismate tinguntur, eorum peccata præterita omnia laxantur, quia eis velut Ægyptii hostes, a tergo moriuntur. Sed in eremo alios hostes invenimus priusquam ad promissionis patriam pertingamus. Multæ nos tentationes fatigant, et ad terram viventium tendentibus iter intercludere festinant. Qui ergo dicit, peccata in baptismate funditus non dimitti, dicat in mari Rubro Ægyptios veraciter non mortuos. Si autem fateatur Ægyptios veraciter mortuos, fateatur necesse est peccata in baptismate funditus mori, quia nimirum plus valet in absolute nostra veritas, quam umbra veritatis. In Evangelio Dominus dicit: « Qui lotus est, non indiget nisi ut pedes lavet, sed est mundus totus (Joan. xiii, 19). » Si igitur peccata in baptismate funditus non dimittuntur, neque is qui lotus est mundus est totus. Totus enim mundus dici non potest, cui de peccato aliquid remansit. Sed nemo resistit voci Veritatis, quæ ait: « Qui lotus est, mundus est totus (Ibid.). » Nihil ergo ei de peccati sui contagione remanet quem totum fateatur mundum ipse qui redemit. Si qui autem dicunt, de peccato quolibet, et triennio pœnitentia agenda est, et post triennium in voluptatibus vivendum, isti adhuc nec predicamenta

verè fidei, nec sacre Scripturæ præcepta cognoverunt. Contra hos prædicator egregius Paulus dicit : « Qui seminat in carne sua, de carne sua et metet corruptionem (*Gal. vi, 8*). » Contra hos iterum dicit : « Qui in carne sunt, Deo placere non possunt (*Rom. viii, 8*) ; » ubi discipulis subjungit : « Vos autem non estis in carne, sed in spiritu (*Ibid., 9*) : » hi quippe in carne sunt qui in carnalibus voluptatibus vivunt. Contra hos dicitur : « Neque corruptio in corruptelam possidebit (*I Cor. xv, 50*). » Si autem dicunt pauci temporis pœnitentiam contra peccatum debere sufficere, ut iterum liceat ad peccatum redire, recte hos pastoris primi sententia percutit, qui ait : « Contigit illis illud veri proverbii : Canis reversus ad vomitum, et sus lota in volutabro luti (*II Petr. ii, 22*). » Magnum est enim contra peccatum virtus pœnitentiæ, sed, si quis in eadem **278** pœnitentia perseveret. Nam scriptum est : « Qui perseveraverit usque in finem hic salvus erit (*Matth. x, 22*). » Hinc scriptum : « Qui baptizatur a mortuo, et iterum tangit eum, quid proficit lavatio ejus ? » (*Eccli. xxxiv, 50*). Mortuum quippe est omne opus perversum, quod pertrahit ad mortem, quod vitam justitiæ non vivit. Baptizatur ergo a mortuo et iterum tangit eum, qui prava opera, quæ se egisse meminit, deplorat, sed se eisdem iterum post lacrymas implicat. Anima ita quælibet ejusdem mortui lavatione non proficit, quia hoc iterum faciendo quod planxit, nec per lamenta pœnitentiæ ad rectitudinem justitiæ exsurgit. Pœnitentiam enim vere agere est commissæ plangere, et iterum plangenda declinare. Si qui vero sunt qui dicunt, quia, compulsus quispiam necessitate, si anathematizaverit, anathematis vinculo non tenetur, ipsi sibi testes sunt quia Christiani non sunt; quia ligamenta sanctæ Ecclesiæ vanis se æstimant conatibus solvere, ac per hoc nec absolutione sanctæ Ecclesiæ, quam præstat fidelibus, veram putant, si legationem ejus valere non æstimant. Contra quos diutius disputandum non est, quia per omnia despiciendi et anathematizandi sunt, ut unde se fallere veritatem credunt, inde in peccatis suis veraciter ligentur. Si qui sunt igitur qui sub nomine Christiano hæc, quæ prædiximus, errorum capitula aut prædicare audent aut tacite apud semetipsos tenere, hos procul dubio anathematizamus. Ex omnibus tamen capitulis in eis, sicut prædixi, qui ad me in regia urbe venire consueverant, nullum omnino errorem cujuslibet prædicti capituli agnovi, sed neque fuisse existimo, nam si fuisset agnovissem. Quia vero sunt multi fidelium qui imperitiæ zelo accenduntur, et sæpe, dum quosdam quasi hæreticos insequuntur, hæreses faciunt, eorum infirmitati consulendum est, et sicut prædixi ratione ac mansuetudine sunt placandi. Illis quippe sunt similes, de quibus scriptum est : « Testimonium perhibeo de illis quod æmulationem Dei habent, sed non secundum scientiam (*Rom. x, 2*). » Vestra itaque excellentia, quæ in lectione, in lacrymis atque in elemosynis incessabiliter vivit, eorum sicut

A petii imperitiæ placare mansuetis exhortationibus ac responsionibus debet, ut non solum de semetipsa, sed etiam de illis gloriam æternæ retributionis inveniat. Hæc me dicere vobis nimis amor suavit, quia in vestra lætitia me crescere, et in vestra tristitia me existimo minorari. Omnipotens Deus gratia vos cœlesti custodiat, et salva Domini pietate et piissima Domini tranquillitate pro parvulorum dominorum nutrimento vitam vestram longius extendat.

*Epistola Gregorii pape ad Augustinum.*

Reverendissimo et sanctissimo fratri AUGUSTINO, GREGORIUS, servus servorum Dei.

Desiderabilem mihi a te missus Denuel religiosus presbyter, attulit nuntium, cum te sospitem narravit; et ex ministerio, pro quo missus est, favente Deo, proficere nuntiavit. Detulit etiam a te missas litteras, ubi indicasti quod ager Dominicus qui incultus jacebat, et spinarum aculeis ex infidelitate riguerat vomere tuæ doctrinæ exarante, semen verbi suscepit, et fertilem messem protulit fidelitatis. In eisdem litteris quedam subnexuisti capitula, sciscitando qualiter teneat, vel doceat hæc sancta apostolica Romana Ecclesia. Bene satis quia beatus apostolus Petrus, et apostolatus, et episcopatus principium exstitit, et consulenti tibi de statu Ecclesiæ non ex nobis quasi ex nobis, sed ex gratia « quæ aperit os mutum, et linguas infantium facit disertas (*Sap. x, 21*) ; » qualiter tenere debeas apostolici vigoris doctrina edicimus. Igitur in primis legebatur quota progenies propinquorum matrimonio copuletur, dicimus quod oportuerat quidem quandiu se cognoscunt affinitate propinquos ad hujus copulæ non accedere societatem; sed quia temperantia magis, et præsertim in tam barbara gente placet plusquam districtio censuræ, concedendum est, ut post quartam generationem jungantur. Nam quod posuisti, quod si mulier infirmitate correpta non valuerit viro debitum reddere, quid ejus faciat jugalis, bonum esset, si sic permaneret, ut abstinentiæ vacaret. Sed quia hoc magnorum est, ille qui se non poterit continere, nubat magis, non tamen subsidii opem subtrahat ab illa cui infirmitas præpedit, et non detestabilis culpa excludit. Presbyter vero vel quilibet sacerdos, si a populo fuerit accusatus, et certi non fuerint testes qui criminis illati approbent veritatem, jusjurandum erit in medio, et illum testem proferat de innocentia suæ puritate, « cui nuda et aperta sunt omnia (*Hebr. iv, 13*), » sicque maneat in proprio gradu. Nam de homine qui a pontifice confirmatus fuerit, denuo illa talis reiteratio prohibenda est. In missarum autem solemnibus, illud observandum est, quod Dominus noster Jesus Christus sanctis suis tribuit discipulis : accepit namque calicem et dat eis, dicens : « Hic calix novi testamenti est in meo sanguine. Hoc facite quotiescunque sumitis (*Matth. xxvi, 28*). » Unde congruum non est, duos vel tres calices in altario ponere, cum missarum solemnibus celebrantur. De immolativis autem escis consulisti, si a fidelibus



cum supradictum fuerit, vivifice crucis signum edideret, an non? Illud sufficit respondere quod beatus Apostolus dicit: « Si quis dixerit: Hoc inmolatum est; nolite edere propter eum qui indicavit, et propter conscientiam (I Cor. x, 28). » Addidisti adhuc quod, si Pater vel mater, filium vel filiam intra septa monasterii in infantiae annis sub regulari tradiderint disciplina, utrum liceat eis, postquam pubertatis impleverint annos, egredi et matrimonio copulari. Hoc omnino evitamus, quia nefas est, ut oblati a parentibus Deo filiis voluptatis frena laxentur. Enimvero quosdam, absque interrogatione symboli, ab adulteris et indignis presbyteris fassus es baptizatos. In his tua dilectio teneat antiquum morem Ecclesiae, quia, quisquis in nomine Patris et Filii et Spiritus sancti baptizatus est, rebaptizari eum minime liceat. Non enim in nomine baptizantis, sed in nomine Trinitatis hujus gratiae donum percepit, et teneatur quod Apostolus dicit: « Unus Deus, una fides, unum baptisma (Ephes. iv, 5), » doctrinam vero spiritalem talibus studiosius ut impertias demandamus.

*Incipiunt quaestiones S. Augustini Cantuariensis archiepiscopi, et responsiones Gregorii papae.*

*Interrogatio beati Augustini, episcopi Cantuariensis Ecclesiae, de episcopis qualiter cum suis clericis conversentur, vel de his, quae fidelium orationibus accedunt ad altarium, quantae debeant fieri portiones, et qualiter episcopus in ecclesia agere debeat.*

*Responsio Gregorii.* Sacra Scriptura testatur, quam bene te nosse non dubito, et specialiter beati Pauli ad Timotheum Epistolae, in quibus erudire studuit, qualiter eum in domo Dei conversari oportuisset. Mos autem sedis est apostolicae ordinatis episcopis praecipua tradere, ut ex omni stipendio quod accedit, quatuor fieri debeant portiones, una videlicet episcopo et familiae, propter hospitalitatem atque susceptionem; alia clero; tertia pauperibus; quarta ecclesiis reparandis. Sed quia tua fraternitas monasteriorum regulis erudita seorsum vivere non debet, a clericis suis in Ecclesia Anglorum, quae, auctore Deo, nuper ad fidem perducta est, hanc debet conversationem instituire, quae initio nascentis Ecclesiae fuit patribus nostris, in quibus « nullus eorum ex his quae possidebat, aliquid suum esse dicebat, sed erant eis omnia communia (Act. iv, 32). » Si qui vero clerici sunt extra sacros ordines constituti, qui se continere non possunt, sortiri uxores debent, et stipendia sua exterius accipere, quia et de his, de quibus praefati sumus, novimus scriptum, « quod dividebatur singulis, prout cuique opus erat (Ibid., 35), » de eorum quoque stipendio cogitandum atque providendum est, et sub ecclesiastica regula tenendum, ut bonis moribus vivant, et canendis psalmis invigilent, et ab omnibus illicitis cor et linguam et corpus, Deo auctore conservent. Communi vita viventibus jam de faciendis portionibus, vel exhibenda hospitalitate, et adimplenda misericordia nobis quid erit loquendum, cum omne quod super-

est in causis piis ac religiosis erogandum est, Domino et magistro omnium docente: « Quod superest date eleemosynam, et ecce omnia munda sunt vobis (Luc. xi, 41). »

*Interrogatio Augustini.* Cum una sit fides, cur sunt Ecclesiarum diversae consuetudines, et aliter consuetudo missarum in sancta Romana Ecclesia, atque aliter in Galliarum Ecclesiis tenetur?

*Responsio Gregorii.* Novit fraternitas tua Romanae Ecclesiae consuetudinem, in qua se meminit nutritam, quam valde amabilem te habeat. Sed mihi placeat, ut sive in Romana, sive in Galliarum, sive in qualibet Ecclesia aliquid invenisti, quod plus omnipotenti Deo possit placere, sollicite eligas in Anglorum Ecclesia, quae adhuc ad fidem nova est, institutione praecipua quae de multis Ecclesiis colligere potuisti infundas. Non enim pro locis res, sed pro bonis rebus loca amanda sunt. Ex singulis ergo quibusque Ecclesiis, quae pia, quae religiosa, quae recta sunt elige, et haec, quasi in fasciculo collecta apud Anglorum mentes, in consuetudinem depone.

*Interrogatio Augustini.* Obsecro quid pati debeat, si quis aliquid de ecclesia furto abstulerit.

*Responsio Gregorii.* Hoc tua fraternitas ex persona furis pensare potest qualiter valeat corrigi. Sunt enim qui habentes subsidia, furtum perpetrant, et sunt alii qui in hac re ex inopia delinquant; unde necesse est, ut quidam damnis, quidam vero verberibus, et quidam districtius, quidam levius corrigantur. Et cum paululum districtius agitur, ex charitate agendum est, non ex furore, quia ipsi hoc praestatur qui corrigitur, ne gehennae ignibus tradatur. Sic enim nos fidelibus tenere disciplinam debemus, sicut boni patres carnalibus filiis solent. Quos et pro culpis verberibus feriunt, et tamen ipsos quos doloribus affligunt, habere haeredes quaerunt, et quae possident ipsis servant, quos irati insequi videntur. Haec igitur charitas mente tenenda est, et ipsa modum correctionis dicet, ita ut mens extra rationis regulam omnino nihil faciat. Addis etiam quomodo ea quae furto de ecclesiis abstulerunt reddere debeant. Sed absit ut Ecclesia cum augmento recipiat, quod de terrenis rebus videtur amittere, et lucra de vanis quaerat.

*Interrogatio Augustini.* Si debent duo germani fratres singulas sorores accipere, quae sunt ab illis longa progenie generatae.

*Responsio Gregorii.* Modis omnibus hoc fieri licet. Nequaquam enim in sacris eloquiis invenitur, quod huic capitulo contradicere videatur.

*Interrogatio Augustini.* Usque ad quotam generationem fidelis debeat cum propinquis sibi copulari, et novercis, et cognatis, si liceat copulari conjugio?

*Responsio Gregorii.* Et quidem terrena lex in Romana republica permittit, ut sive fratris, sororis, seu duorum fratrum germanorum, vel duarum sororum filius et filia misceantur; sed experimento didicimus ex tali conjugio sobolem non posse succrescere, et sacra lex prohibet cognationis turpitudinem revelare. Unde

necesse est ut jam tertia vel quarta generatio fidelium licenter sibi jungi debeat. Nam secunda, quam prædiximus, a se omnino debet abstinere. Cum noverca autem miscere, grave est facinus, quia et in lege scriptum est: « Turpitudinem patris tui non revelabis (Lev. xviii, 7). » Neque enim patris turpitudinem filius revelare potest, sed quia scriptum est: « Erunt duo in carne una (Gen. ii, 24), » qui turpitudinem novercæ quæ una caro cum patre fuit, revelare præsumperit, profecto patris turpitudinem revelabit. Cum cognata quoque miscere prohibitum est, quia per conjunctionem priorum caro fratris fuerit facta, pro qua re etiam Joannes Baptista capite truncatus et sancto martyrio coronatus est (Matth. xiv, 10). Cui non est dictum, ut Christum negaret, et pro Christi confessione occisus est. Sed quia eisdem Dominus noster Jesus Christus dixerat, « ego sum veritas (Joan. xiv, 6) » quia pro **279** veritate Joannes occisus est, videlicet pro Christo sanguinem fudit. Quia vero sunt in Anglorum gente, qui, dum adhuc in infidelitate essent, huic nefando conjugio dicuntur admisti, ad fidem venientes, admonendi sunt ut se abstineant, et grave hoc esse peccatum agnoscant, tremendum Dei judicium timeant, ne pro carnali delectatione tormenta æterni cruciatus incurrant. Non tamen pro hac re sacri corporis ac sanguinis Domini communione privandi sunt, ne in eis illa ulcisci videamur, in quibus se per ignorantiam ante lavacrum baptismatis astrinxerunt. In hoc enim tempore sancta Ecclesia quædam per fervorem corrigit, quædam per mansuetudinem tolerat, quædam per considerationem dissimulat atque portat, ut sæpe malum quod aversatur, portando et dissimulando compescat. Omnes hi qui ad fidem veniunt, admonendi sunt, ne tale aliquid audeant perpetrare. Si perpetraverunt, corporis et sanguinis Domini communione privandi sunt, quia sicut in his qui per ignorantiam fecerunt, culpa aliquatenus toleranda est, ita in his fortiter insequenda, qui non mentuunt sciendo peccare.

*Interrogatio Augustini.* — Si longinquitas itineris magna interjacet, ut episcopi non facile valeant convenire, an debeant sine aliorum episcoporum præsentia episcopi ordinari?

*Responsio Gregorii.* — Et quidem in Anglorum Ecclesia, in qua solus tu episcopus inveniris, ordinare episcopum non aliter nisi sine episcopis potes. Nam quando de Galliis episcopi veniunt, qui in ordinatione ipsi testes assistant? Sed fraternitatem tuam ita volumus episcopos ordinare, ut ipsi sibi episcopi longo intervallo minime disjungantur, quatenus nulla sit necessitas ut in ordinatione episcopi convenire non possint; pastorum quoque aliquorum præsentia, quia valde est utilis, facillime debeant convenire. Cum igitur, auctore Deo, ita fuerint episcopi in propinquis sibi locis ordinati, per omnia episcoporum ordinatio sine aggregatis tribus vel quatuor episcopis fieri non debet. Nam quod in ipsis

rebus spiritualibus ut sapienter et mature disponantur, exemplum a rebus etiam carnalibus sumere possumus. Certe enim, dum conjugia in mundo celebrantur, conjugati quique vocantur, ut qui in via jam conjugii præcesserunt, in subsequenti quoque copulæ gaudio misceantur. Cur non ergo nobiscum in hac speciali ordinatione qua per sacrum ministerium homo Deo conjungitur, tales convenient, qui in profectu ordinati episcopi gaudeant, vel pro ejus custodia omnium ipsi Domino preces pariter fundantur?

*Interrogatio Augustini.* — Qualiter debemus cum Galliarum atque Britannorum episcopis agere?

*Responsio Gregorii.* — In Galliarum episcopis nullam tibi auctoritatem tribuimus, quia ab antiquis prædecessorum meorum temporibus pallium Arelatensis episcopus accepit, quem nos privare auctoritate percepta minime debemus. Si igitur contingat, ut tua fraternitas ad Galliarum provinciam transeat, cum eodem Arelatensi episcopo debet agere, qualiter si quæ sunt in episcopis vitia corrigantur. Qui si forte in disciplina vigore tepidus existat, tuæ fraternitatis zelo accendendus est. Cui etiam epistolas fecimus, ut cum tuæ sanctitatis præsentiam in Galliis et ipse tota mente subveniat, et quæ sunt Creatoris nostri jussioni contraria ab episcoporum moribus compescat; ipse autem ex auctoritate propria episcopos Galliarum judicare non poteris, sed suadendo, blandiendo, bonaque tua operum imitationi monstrando, pravorum mentes ad studium sanctitatis reforma, quia scriptum est in lege: « Per alienam messem falcem mittere non debes, sed manu spicas conterere et manducare (Deut. xxiii, 25). » Falcem enim judicii mittere non potes in ea segete, quæ videtur alteri commissa, sed per effectum boni operis frumenta Dominica vitiorum suorum paleis exspolia, et in Ecclesiæ corpore moriendo et persuadendo quasi mandendo converte. Quidquid vero ex auctoritate agendum est, cum prædicto Arelatensi episcopo agatur, nec prætermitti possit hoc quod antiqua Patrum constitutio invenit. Britannorum vero omnes episcopos tuæ fraternitati committimus, ut indocti doceantur, infirmi persuasionem roborentur, perversi auctoritate corrigantur.

*Obsecratio Augustini.* — Obsecro ut reliquæ sancti Sixti martyris transmittantur.

*Concessio Gregorii.* — Fecimus quod petisti, quatenus populus, qui in loco quondam S. Sixti martyris corpus dixerunt venerari, quod tuæ fraternitati nec verum nec veraciter sanctum videtur, certa sanctissimi et probatissimi martyris beneficia suscipiens, colere incerte non debeat. Mihi tamen videtur, quia si corpus quod a populo cujusdam martyris esse creditur nullis illic miraculis coruscat, et neque aliqui de antiquioribus existant, qui se a parentibus passionem



eius audisse fateantur, ita reliquæ quas petistis seorsum condendæ sunt, ut locus quo præfatum jacet modis omnibus obstruatur, nec permittatur populus certum deserere, et incertum venerari.

*Interrogatio Augustini.* — Si prægnans mulier debeat baptizari, aut postquam genuerit, post quantum possit tempus ecclesiam intrare, aut etiam baptizari, ne morte præoccupetur; quod si genuerit, post quot dies hanc liceat sacri baptismatis sacramenta percipere; aut post quantum temporis huic vir suus in carnis copulatione conjungi; et, si menstrua consuetudine teneatur, an in ecclesia intrare ei liceat; aut sacræ communionis sacramenta percipere; aut viro suo conjungi permittitur, priusquam lavetur aqua; si ecclesiam possit intrare, vel etiam ad mysterium sanctæ communionis accedere. Quæ omnia rudi Anglorum genti oportet habere comperta.

*Responsio Gregorii.* — Hoc non ambigo fraternitatem tuam esse requisitam, cui jam et responsum reddidisse me arbitror. Sed hoc quod ipse dicere, et sentire potuisti, credo quia mea apud te volueris responsione firmari. Mulier enim prægnans, cur non debeat baptizari, cum non sit ante omnipotentis Dei oculos culpa aliqua fecunditas carnis? Nam cum primi parentes nostri in paradiso deliquissent, immortalitatem quam acceperant recto Dei judicio perdiderunt, quia idem omnipotens Deus humanum genus culpa sua funditus extinguere noluit, et immortalitatem homini pro peccato suo abstulit, et tamen per benignitatem suæ pietatis fecunditatem ei sobolis reservavit. Quod ergo naturæ humanæ ex omnipotentis Dei dono servatum est, qua ratione poterit a sacri baptismatis gratia prohiberi? in illo quippe mysterio, in quo omnis culpa funditus exstinguitur, valde stultum, si donum gratiæ contradicere posse videatur. Cum vero enixa fuerit mulier post quot debeat dies ecclesiam intrare, Testamenti Veteris præceptione didicisti, ut pro masculo diebus triginta tribus (*Lev. xii, 4*), pro femina autem sexaginta sex (*Ibid. 5*) debeat abstinere. Quod tamen sciendum est, quia in mysterio accipitur. Nam si hora eadem qua genuerit, accitura gratias intret ecclesiam, nullo peccati pondere gravatur; voluptas enim carnis non dolor in culpa est, in carnis enim commistione voluptas est. Nam in prolis prolatione gemitus, unde et ipse Dominus primus magister omnium dixit: « In doloribus paries (*Gen. iii, 16*). » Si enim enixam mulierem prohibemus ecclesiam intrare, ipsam ei poenitentiam suam in culpam deputamus. Baptizare autem vel enixam mulierem, vel hoc quod genuerit, si periculo mortis urgetur, vel ipsam hora eadem qua gignit, vel hoc quod gignit eadem hora qua natum est, nullomodo prohibetur, quia sicut sancti mysterii gratia viventibus atque

A discernentibus cum magna discretione providenda est, ita his quibus mors imminet sine ulla dilatione offerenda, ne dum adhuc tempus ad præbendum redemptionis mysterium quæritur, interveniente paululum mora, inveniri non valeat qui redimatur. Ad ejus vero concubitus vir suus accedere non debet, quoad usque proles, quæ gignitur, ablactetur. Prava autem in conjugatorum moribus consuetudo surrexit, ut mulieres filios quos gignunt nutrire contemnant, eosque aliis mulieribus ad nutriendum tradant. Quod videlicet ex sola causa incontinentiæ videtur inventum, quia dum se continere nolunt, despiciunt lactare quos gignunt. Hæ itaque quæ filios suos ex prava consuetudine aliis ad nutriendum tradunt, nisi purgationis tempus transierint, viris suis non debent admisceri, quippe quia et sine partus causa cum inconsuetis menstruis detinentur, viris suis misceri prohibeantur, ita ut morte lex sacra feriat, si quis vir ad mulierem menstruatam accedat. Quæ tamen mulier, dum consuetudinem menstruaalem patitur, prohiberi ab ecclesia non debet, quia natura ei superflua in culpa non valet reputari, et per hoc quod invita patitur, justum non est, ut ab ingressu templi privetur. Novimus namque quod mulier quæ fluxum patiebatur sanguinis, post tergum Domini humiliter veniens, vestimenti ejus fimbriam tetigit, atque ab ea statim sua infirmitas recessit (*Math. ix, 20, 22*)? Si ergo in fluxu sanguinis posita laudabiliter potuit vestimentum Domini tangere, cur quæ menstrua sanguinis patitur ei non liceat Domini ecclesiam intrare. Sed dicis: Hanc infirmitas compulit, has vero, de quibus loquimur, consuetudo constringit. Perpende enim, frater charissime, quia omne quod in hac carne mortali patimur ex infirmitate naturæ est digno Dei judicio per culpam ordinatum. Esurire namque, sitire, æstuarè, algere, lassessere ex infirmitate naturæ est. Et quid est aliud contra famem alimenta, contra sitim potum, contra æstum auras, et contra frigus vestem, contra lassitudinem requiem quærere, nisi medicamenta quædam contra agridudines explorare? Feminæ namque et menstruus sui sanguinis fluxus ægritudo est. Si igitur bene præsumpsit, quod vestimentum Domini in languore posita tetigit, quod uni personæ infirmatæ conceditur, cur non concedatur cunctis mulieribus quæ naturæ suæ vitio infirmantur? Sanctæ etenim communionis mysterium in eisdem diebus percipere non debet prohiberi. Si enim ex magna veneratione percipere non præsumit, laudanda est; sed si perceperit, non judicanda. Bonarum quippe mentium est etiam ibi aliquo modo culpas suas cognoscere, ubi culpa non est, quia sæpe sine culpa agitur quod venit ex culpa; unde etiam cum esurimus, sine culpa comedimus, quibus ex culpa primi hominis factum est ut esuriamus. Menstrua enim consuetudo mulieribus non aliqua culpa est, videlicet quia naturaliter accidit; sed quod natura tamen ipsa vitiata est, ut etiam sine voluntatis studio videatur esse polluta, ex culpa venit vitium, in quo

se ipsam qualis per iudicium facta sit humana natura cognoscat, et homo qui culpam sponte perpetravit, reatum culpæ portet invitus. Atque ideo feminae, cum semetipsas considerant, et quæ menstrua consuetudine ad sacramentum Dominici corporis et sanguinis accedere non præsumunt, de sua recta consuetudine laudandæ sunt. Cum vero percipiendi ex religiosæ vitæ consuetudine ejusdem mysterii amore rapiuntur, reprimendæ, sicut prædicimus, non sunt. Sicut enim in Testamento Veteri exteriora observantur opera, ita in Testamento Novo non tam quod exterius agitur, quam id quod interius cogitatur sollicita intentione attenditur, ut subtili sententia puniatur. Nam cum multa lex velut immunda manducare prohibeat, in Evangelio tamen Dominus dicit: « Non quod intrat in os coinquinat hominem, sed ea quæ exeunt de ore illa sunt quæ coinquinant hominem (Matth. xv, 11). » Atque paulo post subjicit, exponens: « Ex corde exeunt cogitationes malæ (Ibid., 19), » ubi ubertim judicandum est, quia illud ab omnipotente Deo pollutum esse in opere ostenditur, quod ex polluta cogitationis radice generatur. Unde Paulus quoque apostolus dicit: « Omnia munda mundis, coinquinatis autem et infidelibus nihil est mundum (Tit. 1, 15). » Atque mox ejusdem causas coinquinationis annuntians subjungit: « Coinquinata sunt enim eorum et mens et conscientia (Ibid.). » Si ergo ei cibus immundus non est, cui mens munda, cur quod mente munda mulier ex natura patitur, ei in immunditiam reputetur? Vir enim cum propria conjugē dormiens, nisi lotus aqua ecclesiam intrare non debet, sed neque lotus intrare statim debet. Lex autem veteri populo præcepit dicens, ut mistus vir mulieri **280** et lavari aqua debeat, et ante solis occasum ecclesiam non intrare; quod tamen intelligi specialiter potest, quia mulieri vir miscetur, quando illicitæ concupiscentiæ animus in cogitatione per delectationem conjungitur, quia nisi prius ignis concupiscentiæ a mente deferbeat, dignum se congregationi fratrum æstimare non debet, qui se gravari per nequitiam prævæ voluptatis videt. Quamvis de hac re diversæ hominum nationes diversa sentiant, atque alia custodire videantur, Romanorum tamen semper ab antiquioribus usus fuit, post admistionem propriæ conjugis, et lavaeri purificationem quærere, et ab ingressu ecclesiæ paululum reverenter abstinere. Nec hæc dicentes culpam deputamus esse conjugium, sed quia ipsa licita admistio conjugis sine voluptate carnis fieri non potest, a sacri loci ingressu abstinendum est, quia voluptas esse sine culpa non potest. Non enim de fornicatione vel de adulterio natus fuerat qui dicebat: « Ecce enim in iniquitatibus conceptus sum, et in peccatis peperit me mater mea (Psal. 1, 7). » Qui enim in iniquitatibus conceptum se noverat, a delicto se natum gemebat, quia portat arbor in ramo humorem vitii, quem traxit ex radice; in quibus tamen verbis non admistionem conjugum iniquitatem nominat, sed ipsam videlicet voluptatem. Commistiones enim sunt multæ et licitæ

A ac legitimæ, et tamen in earum actu aliquatenus fœdamur, sicut sæpe irascendo culpas insequimur, et tranquillitatem in nobis animi perturbamus. Et cum rectum sit quod agitur, non est tamen approbabile, quod in eis animus perturbatur. Contra vitia quippe delinquentium iratus fuerat, qui dicebat: « Turbatus est præ ira oculus meus (Psal. vi, 8); » quia enim, nisi tranquilla mens non valet in contemplatione se ad lucem suspendere, et in ira ipsum oculum turbatum dolebat; quia dum mala acta deorsum insequitur, confundi atque turbari a summorum contemplatione cogebatur. Et laudabilis est ergo ira contra vitium, et tamen molesta, quia turbatum se aliquem reatum incurrisse æstimabat. Legitima ergo carnalis copula oportet ut causa prolis sit, non voluptatis, et carnis commistio creandorum liberorum sit gratia, non satisfactio vitiorum. Si quis sua conjugē, non cupidine voluptatis raptus, sed solummodo creandorum liberorum gratia utitur, ipse profecto sive de ingressu ecclesiæ, seu de sumendo corporis Dominici et sanguinis mysterio suo est iudicio relinquendus, quia a nobis prohiberi non debet accipere, qui in igne positus nescit uri. Cum vero non amor procreandæ sobolis, sed voluptas dominatur in opere commistionis, habent conjuges etiam de sua commistione, quod defleant: hoc enim eis concedit sancta prædicatio, et tamen de ipsa concessione metus animum concutit. Nam cum Paulus apostolus diceret: Qui se continere non potest, habeat suam uxorem (I Cor. vii, 2); statim subjungere curavit: « Hoc autem dico secundum indulgentiam, non secundum imperium (Ibid., 6). » Non enim indulgetur quod licet et justum est. Quod igitur indulgeri dixit, culpam esse demonstravit. Vigilanti vero mente pensandum est, quod in Sina monte Dominus populum abstinere a mulieribus præcepit (Exod. xix, 15). Et si illic ubi Dominus per creaturam subditam hominibus loquebatur, tanta provisione est munditia corporis requisita, ut qui verba Dei reciperent mulieribus misti non essent, quanto magis mulieres, quæ corpus Domini omnipotentis accipiunt custodire se in carnis munditia debent, ne ipsa inæstimabilis magnitudine mysterii graventur? Hinc etiam ad David de pueris suis per sacerdotem dicitur, ut si a mulieribus mundi essent, panem propositionis acciperent; quos omnino non perciperent, nisi prius mundos eos David a mulieribus fateretur (I Reg. xxi, 4). Tunc autem vir qui post admistionem conjugis lotus aqua fuerit, etiam sacræ communionis mysterium valet accipere, cum ei juxta præfinitam sententiam, etiam ecclesiam licuerit intrare.

*Interrogatio Augustini.* — Si post illusionem, quæ per somnium solet accidere, vel corpus Domini quilibet accipere valeat, vel si sacerdos, sacra mysteria celebrare.

*Responsio Gregorii.* — Et quidem hunc Testamentum veteris legis, sicut in superiori capitulo jam diximus, pollutum dicit, et nisi lotum aqua, ei usque



ad vespereum intrare ecclesiam non concedit. Quod A tamen specialiter ad illum populum, spiritualiter autem intelligens, sub eodem intellectu accipiet quo præfati sumus, quia quasi per somnium illuditur qui, tentatus in immunditia, vanis imaginibus in cogitationibus inquinatur. Sed lavandus est aqua, ut culpas cogitationis lacrymis abluat. Et nisi prius ignis tentationis recesserit, reum se quasi usque ad vesperam cognoscat. Sed est in eadem illusione necessaria valde discretio, quæ subtiliter pensare debeat, ex qua re accidat menti dormientis. Aliquando enim ex crapula, aliquando ex naturæ superfluitate, aliquando ex cogitatione contigit, aliquando per infirmitatem. Et quidem cum ex naturæ superfluitate vel infirmitate evenit, omnino hæc illusio non est timenda, quia hanc, animo nesciente, pertulisse magis dolendum est quam fecisse. Cum vero ultra modum appetitus gulæ in sumendis alimentis rapitur, atque idcirco humorum receptacula gravantur, habet exinde animus aliquem reatum, non tamen usque ad prohibitionem percipiendi sancti mysterii, vel missarum solemniam celebrandi, cum fortasse aut dies festus exigit, aut exhibere mysterium, pro eo quod sacerdos alius in loco deest, ipsa necessitas compellit. Nam si adsunt alii qui implere ministerium valeant, illusio pro crapula facta, a perceptione sacri mysterii prohibere non debet, sed ab immolatione sacri mysterii abstinere (ut arbitror) humiliter debet, si tamen animum dormientis turpes imaginationes concusserunt. Nam sunt quibus ita plerumque illusio nascitur, ut eorum animus etiam in somno corporis positus, turpibus imaginationibus non fœdetur. Qua in re unum ibi ostenditur; ipsa mens non rea, nec tamen suo iudicio libera, cum se, etsi dormiente corpore, nihil meminit vidisse, tamen in vigiliis corporis meminit in ingluviem cecidisse. Si vero ex turpi cogitatione dormientis oritur illusio dormientis, patet animo reatus suus videt; etenim a qua radice inquinatio illa processerit, quia quod cogitavit sciens, hoc pertulit nesciens. Sed pensandum est ipsa cogitatio utrum in suggestione, an in delectatione, an, quod majus est, in peccati consensu ceciderit. Tribus enim modis impletur omne peccatum, videlicet suggestione, delectatione, consensu. Suggestio est quod fit per diabolum; delectatio per carnem; consensus per spiritum: quia cum primum culpam serpens suggessit, Eva velut caro delectata est, Adam vero velut spiritus consensit. Et necessarium est magna discretionem inter suggestionem, et delectionem atque consensum iudicem sui prodere animum. Cum enim malignus spiritus peccatum suggerit in mente, si nulla peccati delectatio sequitur, peccatum omnino perpetratum non est. Cum vero delectari caro cœperit, tunc peccatum incipit nasci. Si autem etiam ad consensionem ex deliberatione descendit, tunc peccatum cognoscitur perfici. In suggestione igitur peccati initium est, in delectatione nutrimentum, in consensu perfectio. Et sæpe contingit ut hoc, quod malignus spiritus seminat in cogitatione, caro

in delectatione trahat, nec tamen anima eidem delectationi consentiat. Et, cum caro sine anima delectari nequeat, ipse tamen animus, carnis voluptatibus reluctans, in delectatione carnali aliquo modo ligatur invitus, ut ei ex ratione contradicat, nec consentiat, et tamen delectatione ligatus sit, sed ligatum se vehementer ingemiscat. Unde et ille cœlestis exercitus præcipuus miles gemebat dicens: « Video aliam legem in membris meis repugnantem legi mentis meæ, et captivum me ducentem in lege peccati, quæ est in membris meis (Rom. vii, 23). » Si autem captivus erat minime pugnabat, sed et pugnabat. Quapropter et captivus erat, et captivus non erat, et pugnabat. Igitur legi mentis lex, quæ in membris est, repugnabat. Si autem pugnabat, captivus non erat. Ecce ita est homo, ut ita dixerim, et captivus et liber; liber ex iustitia quam diligit, captivus ex delectatione quam portat invitus.

*Incipit synodus Romana habita a Gregorio papa primo.*

Regnante in perpetuum Domino nostro Jesu Christo, temporibus piissimi ac serenissimi domini Mauricii, et Theodosii Tiberii, Augustorum, ejusdem domini Mauricii imperii anno 13, indictione 13, quinta die mensis Julii, Gregorius papa, coram sacratissimo beati Petri apostoli corpore, cum episcopis omnibus Romanæ Ecclesiæ et presbyteris residentibus, assistantibus diaconibus, et cuncto clero dixit: La sancta hac Romana Ecclesia, cui divina dispensatio præesse me voluit, dudum consuetudo est valde reprehensibilis exorta, ut quidam ad sacri altaris mysterium cantores eligantur, et in diaconatus ordine constituti modulationi vocis inserviant, quos ad prædicationis officium et eleemosynarum studium vacare congruebat. Unde fit plerumque ut ad sacrum ministerium dum blanda vox queritur, quæri congrua vita negligatur, et cantor, minister Domini, moribus stimuletur, cum populum vocibus delectet. Qua de re præsentis decreto constituo, ut in sede hac sacri altaris ministri cantare non debeant, solumque Evangelicæ lectionis officium inter missarum solemniam exsolvant. Psalmos vero ac reliquas lectiones censeo per subdiaconos, vel si necessitas exigit, per minores ordines exhiberi. Si quis autem contra hoc decretum meum venire tentaverit, anathema sit. Et responderunt omnes: Anathema sit.

Verecundus mos torpore indiscretionis inolevit, ut hujus sedis pontificibus ad secreta cubili servitia laici pueri ac sæculares obsequantur. Et cum pastoris vita esse discipulis semper debeat in exemplo, plerumque clerici qualis in secreto sit vita sui pontificis nesciunt, quam tamen, ut dictum est, sæculares pueri sciunt. De qua re præsentis decreto constituo ut quidam ex clericis vel etiam ex monachis electi ministerio cubiculi pontificalis obsequantur, ut is, qui in loco est regiminis, habeat testes tales qui veram ejus in secreto conversationem videant, qui ex visione sedula exemplum profectus sumant.

Consuetudo nova in ecclesia hac et valde repre-

hensibilis erupit, ut cum rectores ejus patrimonii urbana vel rustica prædia jure illis competere posse suspicantur, fiscali more titulos imprimant, atque hoc, quod competere pauperibus æstinant, non judicio, sed manibus defendant.

Et cum per prædicatores suos Veritas dicat : « Nihil per contentionem (*Philip. II, 2*), » etiam ipsum litigiosæ contentionis malum transcenditur, et res quælibet, cum æstinatur ecclesiæ posse competere, vi tenetur. Proinde præsentii decreto constituo, ut si quis ecclesiasticorum unquam titulos ponere sive in rustico, sive in urbano prædio sua sponte præsumperit, anathema sit. Et responderunt omne : Anathema sit.

Is autem qui præest ecclesiæ, si hoc vel ipse fieri præcipit, vel sine sua præceptione factum digna punire animadversione neglexerit, anathema sit. Et responderunt omnes : Anathema sit.

Sicut indignos nos per beati Petri apostoli reverentiam mens fidelium veneratur, ita nostram infirmitatem decet semetipsam semper agnoscere, et impensæ sibi venerationis onera declinare. Ex amore quippe fidelium hujus sedis rectoribus mos ultra meritum erupit, ut cum eorum corpora humanda deferuntur, hæc dalmaticis contegant, easdem dalmaticas, pro sanctitatis reverentia, sibimet partiendas populus scindat, et cum adsint multa sacris corporibus apostolorum martyrumque velamina, et a peccatorum corpore sumitur quod pro magna reverentia reservetur. De qua re præsentii decreto constituo, ut feretrum, quo Romani pontificis corpus ad sepeliendum ducitur, nullo tegmine veletur. Quam decreti mei curam gerere sedis hujus presbyteros ac diaconos censemus. Si quis vero ex eorum ordine hoc **281** curare neglexerit, anathema sit. Et responderunt omnes : Anathema sit.

Antiquam Patrum regulam sequens, nihil unquam de ordinationibus accipiendum esse constituo, neque ex datione pallii, neque ex traditione chartarum, neque ex ea quam nova per ambitionem simulatio invenit appellatione pastelli. Quia enim ordinando episcopo pontifex manum imponit, evangelicam vero lectionem minister legit, confirmationis vero hujus epistolam notarius scribit, sicut pontificem manum non decet, quam imponit vendere, ita minister, vel notarius non debet, in ordinatione ejus, vocem suam aut calamum venundare. Pro ordinatione ergo, vel pallio, seu chartis, atque pastello, eundem qui ordinandus est, vel ordinatus, omnino aliquid dare prohibeo. Ex prædictis rebus si quis aliquid commodi appellatione exigere, vel petere forte præsumperit, in districto omnipotentis Dei examine reatui subjaceat. Is autem qui ordinatus fuerat, si non ex placito, neque exactus, aut petitus, post acceptas chartas et pallium offerre aliquid cuilibet ex clero gratiæ tantummodo causa voluerit, hoc accipi nullo modo prohibemus, quia ejus oblatio nullam culpæ maculam ingerit, quæ ex accipientis ambitu non processit. Multos ex ecclesiastica familia novi-

mus ad omnipotentis Dei servitium festinare, ut ab humana servitute liberi in divino mysterio valeant in monasteriis conversari. Quod si passim dimittimus, omnibus fugiendi ecclesiastici juris dominium occasionem præbemus. Si vero festinantes, ad omnipotentis Dei servitium incaute retinemus, illi invenimur negare quædam qui dedit omnia. Unde necesse est ut, si quis ex juris ecclesiastici servitute ad Dei servitium converti desiderat, probetur prius in laico habitu constitutus, et si mores illius atque conversatio bono desiderio illius testimonium ferunt, absque ulla retractione servire in monasterio omnipotenti Domino permittatur, et ab humano servitio liber recedat, qui pro divino obsequio districtiorem subire appetit servitutem.

**B** *Incipit epistola Felicis Siciliæ episcopi sancto Gregorio papæ Romanorum directæ.*

Domino beatissimo et honorabili sancto Patri, GREGORIO, FELIX vestræ salutis amator.

Beatissimæ vestræ salutis, ac sanctitatis jura penes Deum sunt manifesta, dum prædicationibus scilicet apostolicis, et doctrinæ veræ fidei cultura universa repleta sit terra, per divinorum tamen eruditionem eloquiorum, vestra instruente admonitione exhortatoria superædificatur orthodoxa Christi Ecclesia, apostolica institutione fundata et a fidelibus Patribus firmissime roborata. Ad quam omnes beatissimi apostoli pari honoris et potestatis consortio præditi, populorum agmina convertentes, pie sancteque « de tenebris ad lumen (*Petr. II, 9*) » de lapsu infidelitatis ad veram fidem, de morte ad vitam homines, divinæ prædestinationis gratia præscitos, salutaribus præceptis ac monitis perduxerunt. Quorum sanctorum apostolorum vestra fraternitas honoranda sequens merita, et perfectius implens exempla, Ecclesiam Dei morum probitate, et actuum sanctitate condecorat, et fide sacra Christianisque moribus vicens, quæ fieri Deo placita præcipit, studiis pontificalibus indesinenter operatur, et perficit, servans divinæ legis præcepta, quia « non auditores legis justi sunt apud Deum, » sicut narrat Apostolus, « sed factores legis justificabuntur (*Rom. II, 13*). » Hæc quidem meditantibus, perlatus est, sicut a quibusdam Roma venientibus, vos Augustino, consodali nostro, per venerabilem sanctitatem vestram postmodum episcopo Anglorum genti ordinato, et illuc directo, atque Anglis scripsisse, quos olim ad fidem conversos per vos cognovimus, ut quarta progenie conjuncti non separentur. Quæ consuetudo dudum in illis, aut in istis partibus, quando una vobiscum ab infantia nutritus atque edoctus fui, non erat, nec in ullis prædecessorum vestrorum decretis aut reliquorum generaliter, vel specialiter Patrum institutis legi, aut hactenus ab ullis sapientibus esse concessum didici, sed semper usque septimum originis suæ gradum hoc a sanctis antecessoribus vestris, et cæteris sanctis Patribus, tam in Nicæna synodo quam et in aliis sanctis conciliis congregatis servari debere reperi, et a recte viventibus, ac Deum timentibus



hominibus studiosè prævideri cognovi. Dum hæc nobiscum versabantur, supervenere et alia de quibus necessarium nobis videtur vestram consulere auctoritatem. Devenerunt quippe ad nos tam Benedictus Siracusanae Ecclesiae episcopus, quam et alii fratres nostri equidem lacrymantes ac dicentes per sæculares et laicos nimis se esse turbatos, atque animo afflictos super immoderatis actibus eorum, pro quibus et aliqua merita eis impingebantur. Sunt etiam quædam ecclesiae in nostra provincia super quarum consecrationibus dubitatur, et tam propter rerum antiquitatem quam et propter earum custodum incuriam, nescitur utrum dedicatæ ab episcopis fuerint necne; super quibus omnibus nos a vestra sanctitate, ac vestrae sedis auctoritate instrui precamur. Et utrum ea quæ, sicut prædiximus, vos præfato consodali nostro Augustino episcopo, et Anglorum genti scripsisse audivimus specialiter eis, an generaliter omnibus scripta sunt scriptis vestris imbui quærimus, et de hac sive de aliis præscriptis rebus pleniter informari cupimus. Nos enim ea quæ regimus, et observari a fidelibus cognovimus non increpando, quod absit vobis significamus, sed quid rationabiliter, et fideliter super his observare debeamus, requirimus. Et quoniam non modicum murmur super hac re nobiscum versatur, quid respondere fratribus, et coepiscopis nostris debeamus, a vobis quasi a capite responsum quærimus, ne super his ancipites remaneamus, aut murmur ullum tam nostris temporibus quam posteris inter nos, et alios remaneat, rumorque vester, qui semper bonus et optimus fuit, detractionibus laceretur, vel subrodatur, aut nomen vestrum, quod absit, superveniens temporibus blasphemetur. Nos autem quæ recta sunt auctore Deo humili corde servantes, uno vinculo charitatis vobis constricti, vestram religionem in omnibus ut fideles alumni defendentes, a vobis quæ recta sunt quærimus. Scimus enim, ut semper sanctæ sedis præsules, primo apostoli, deinde successores eorum fecerunt vos universalis Ecclesiae, et maxime episcoporum qui oculi propter contemplationem et speculationem vocantur, Domini curam gerere, ac de religione et lege vestra assidue cogitare sicut scriptum est : « Beatus vir qui meditabitur in lege Domini die ac nocte (*Psal.* i, 2). » Quæ meditatio non lectione per figuram litterarum tantum conspecta, sed exuberante in vobis Christi gratia, in vestra cognoscitur conscientia immobiliter insita. Nullatenus de vestro corde recedente lege Christi, et justitia Domini sacrosancta, sicut in psalmis dicit Propheta : « Os iusti meditabitur sapientiam, et lingua ejus loquetur iudicium. Lex Dei ejus in corde ipsius (*Psal.* xxxvi, 30, 31). » non atramento, sed spiritu Dei vivi vestris in arcanis conscripta; non igitur in tabulis lapideis, sed in tabulis cordis. Exstinguatur, oramus, vestris sapientissimis responsis, et auxiliis omnis tenebrarum caligo, ut lucifer nobis resplendeat per vos, sanctissime Pater, et dogmatica definitio omnes

A ubique letificans, qua gloriosi sanctæ Ecclesiae Patres propria et piissima dogmata, in æternæ vitæ firmam hæreditatem prædicare noscuntur. Et subscriptio : Incolumem vos, et Deo placitum, sancte Pater Patrum orantem pro nobis, Dominus custodiat in ævum. Amen.

*Rescriptum sancti Gregorii papæ Felici Siciliae episcopo.*

Fratri reverendissimo FELICI coepiscopo, GREGORIUS servus servorum Dei.

Caput nostrum, quod est Christus, ad hoc sua membra nos esse voluit, ut per ejus largam charitatem, et fidem unum nos in se corpus efficeret. Cui ita nos adhærere convenit, ut quia sine ipso nihil esse possumus, per ipsum esse possimus quod dicimur. Ab arce capitis nulla res nos dividat, ne ab eo (si ejus membrum esse refugimus) relinquamur, et velut dejecti de vite palmites arescamus. Ut ergo Redemptoris nostri habitaculum esse mereamur, in dilectione ipsius toto mentis studio maneamus, ipse namque ait : « Qui diligit me, sermonem meum servabit, et Pater meus diligit eum, et ad eum veniemus, et mansionem apud eum faciemus (*Joan.* xiv, 23). » Exegit ergo dilectio tua, frater charissime, ut ex auctoritate sedis apostolicæ tuis deberemus consultis respondere. Quod licet non prolixè, sed succincte agere festinarem, propter quasdam importunitates, quæ nostris impredientibus peccatis in nos supervenere, tuis tamen hæc per reliqua sanctorum Patrum instituta studiis perquirere latius, et investigare committimus. Non enim potest mens attrita oneribus atque importunitatibus prægravata, tantum boni peragere, quantum delectata et oppressionibus soluta. Non ergo ista ob id pertulimus, ut hæc et alia quæ necessaria fore cognoverimus tuæ sanctitati velimus denegare, sed ut quod hic minus invenitur, latius inquiratur. Ex tribus enim apostolicam sedem, in qua alitus es et edoctus, capitulis consulendam prædecessorum tuorum sequens exempla, credidisti, id est, de consanguinitatis conjunctione, et de vexatione episcoporum a subditis, et de ecclesiarum dubitatione consecrationum. Quod igitur scripsi Augustino, Anglorum genti episcopo, alumno videlicet et recordaris tuo, de consanguinitatis conjunctione, ipsi et Anglorum genti quæ nuper ad fidem venerat, ne a bono quod cœperat, metuendo austeriora, recederet, specialiter et non generaliter cæteris me scripsisse cognoscas : unde et mihi omnis Romana civitas testis existit. Nec illa intentione illis scripta mandavi, ut post firma radice in fide summe solidati, si infra propriam consanguinitatem inventi fuerint non separentur, aut infra affinitatis lineam, id est, usque ad septimam generationem conjungantur; sed adhuc illos neophytos existentes sæpissime prius eos illicita edocere, et verbis ac exemplis instruere, et quæ post de talibus egerint, rationabiliter et fideliter excludere oportet. Nam juxta Apostolum qui ait : « Lac vobis potum dedi non escam (*I Cor.* iii, 2), » ista illis modo non

posteris, ut supra dictum est, temporibus tenenda indulimus, ne bonum quod infirma adhuc radice plantatum erat, erueretur, sed coeptum firmaretur, et usque ad perfectionem custodiretur. Sane, si in his secus quam debuimus aliquid egimus, non propter ipsam in futurum servandam, sed commiserando actum esse cognoscas. Unde et testem invoco Deum, qui cogitationes omnium novit hominum, «cujus etiam oculis omnia nuda sunt, et aperta (Hebr. iv, 13).» Nam si ea destruerem quæ antecessores nostri statuerunt, non constructor, sed eversor esse juste comprobarem, testante Veritatis voce, quæ ait: «Omne regnum in se divisum non stabit (Luc. xi, 17),» et omnis scientia, et lex adversum se divisa destruetur; ideoque necesse est ut concorditer omnia statuta sanctorum Patrum nostrorum teneamus, nihil per contentionem agentes, sed ad omne studium bonæ devotionis unanimes, divinis et apostolicis constitutionibus, auxiliante Domino, pareamus. O quam bona est charitas, quæ absentia per imaginem, præsentia sibi exhibet per amorem, divisa unit, confusa ordinat, inæqualia sociat, imperfecta consummat! Quam recte prædicator egregius «vinculum perfectionis (Col. iii, 14)» vocat, quia virtutes quidem cæteræ perfectionem generant, sed tamen eas charitas ligat, ut ab amantis amore dissolvi nequeant! His rite perpensis charitative jam dictis indulti, nec præceptum dedi, sed consilium, neque regulam, in his posteris nullis tenendam tradidi, sed de duobus periculis, quod facilius sit vitandum, ostendi. Si igitur in rebus sæcularibus suum cuique jus et proprius ordo servandus est, quanto magis in ecclesiasticis dispositionibus, nulla debet induci confusio, ne ibi discordia locum inveniatur, unde pacis debent bona procedere? Quod hac ratione servabitur, si nihil potestati, sed totum æquitati tribuitur. **282** Quapropter multum cor nostrum magnitudini vestræ congaudet, quod sic vos in vestris actibus studiosos invenimus, ut vos et nostri curam habeatis, et talia suscitando inquirere studeatis, quatenus et talia vobis, non solum apud homines gloriam, sed et apud omnipotentem Deum præmia mercedis inquirant.

Cæterum super vexatione episcoporum, de qua nos consulere voluistis, scimus quia nullis vita præsulum perturbari debeat excessibus, quia valde indignum est ut hi qui throni Dei vocantur, aliqua motione a reliquis vel subditis turbentur; quoniam si David regum justissimus in Saul, quem constabat jam a Domino reprobatum et abjectum esse, manum mittere non præsumpsit (*I Reg. xxiv, 7*), quanto magis cavendum est, ne manum detractiois, aut vituperationis, sive indiscretionis, aut dehonorationis quidam mittant in unctum Domini, vel in prædicatores sanctæ Ecclesiæ, quia eorum vexatio, sive detractio ad Christum pertinet, cujus vice in Ecclesia legatione funguntur (*II Cor. v, 20*)? Unde summopere cavendum est omnibus fidelibus ne clanculo, aut publice episcopum suum, id est, unctum Domini detractio-

bus, aut vituperationibus dilanient, perpendentes illud exemplum Mariæ, quia pro eo quod pro Moysi famulo Domini propter Æthiopissam detraxit (*Num. xii, 1*), immundissima lepra multata sit (*Ibid.*, 10). Et aliud Psalmistæ: «Nolite tangere christos meos, et in prophetis meis nolite malignari (*Psal. civ, 15*).» Et in lege divina legitur; «Diis non detrahes, et principi populi tui non maledices (*Exod. xxii, 28*).» Unde valde prævidendum est subditis tam clericis quam laicis, ne episcoporum, aut præpositorum suorum vitam reprehendere audeant, ne, unde mala redarguunt, inde per elationis impulsu in profundiora mergantur. Admonendi sunt etiam ne, cum culpas præpositorum suorum considerant, contra eos audaciores fiant, sed sic eorum prava apud semetipsos dijudicent, ut divino timore constricti ferre sub eis jugum reverentiæ non recusent, quoniam facta episcoporum, vel præpositorum oris gladio feriendi non sunt, etiam cum recte reprehendenda videantur, quoniam a prædecessoribus nostris, et a reliquis multis sanctis statutum fore cognovimus, ut oves pastores suos leviter non reprehendant, nec eos criminari, vel accusare præsumant, quia cum in præpositis nostris delinquimus, ejus ordinationi qui eos nobis prætulit obviamus (*Rom. xiii, 2*). Unde Moyses cum contra se et Aaron populum conqueri cognovisset, ait: «Nos enim quid sumus? Nec contra nos est murmur vestrum, sed contra Dominum (*Exod. xvi, 8*).» Quapropter admonendi sunt subditi utriusque ordinis viri, ut cum magistrorum facta conspiciunt, ad cor suum redeant, et de eorum increpationibus non præsumant, «quia non est discipulus super magistrum, nec servus super dominum suum (*Matth. x, 24*).» De dedicationum vero ecclesiarum dubitatione super qua nos inter cætera consulere voluistis, hoc vos rite tenere debetis quod ab antecessoribus nostris traditum accepimus, id est, ut quoties tam de baptismo aliquorum, vel confirmatione, quam et de ecclesiarum consecratione dedicationum in dubium habetur, et nec scriptis, nec testibus certa ratio habetur, utrum baptizati, vel confirmati, sive ecclesiæ consecratæ sint, ut baptizentur tales, ac confirmentur, atque ecclesiæ canonicæ dedificentur, ne talis dubitatio ruina fidelibus fiat, quoniam non monstratur iteratum quod non certis indiciis ostenditur rite peractum. Hæc nos, adminiculante divina gratia ita tenere cupimus, vobisque ut postulastis tenere et docere mandamus, et ea quæ a sanctis Patribus ante nos sunt statuta, non proterve interrumpere, sed fideliter servare mandamus. Unde Redemptoris nostri misericordiam exoramus, ut sua vobis in omnibus gratia suffragetur et effectu vos implere tribuat quod velle concessit. Progeniem vero suam unumquemque de his qui fideliter edocti et jam firma radice plantati stant, inconvulsæ usque ad septimam observare decernimus generationem, et quandiu se agnoscunt affinitate propinquos ad hujus copulæ non accedere societatem, nec eam quam aliquis ex propria consanguinitate conjugem habuit,



vel aliqua illicita pollutione maculavit in conjugium A ducere ulli profecto Christianorum licet vel licebit, quia incestus est talis coitus, et abominabilis Deo, et cunctis bonis hominibus. Incestuosos vero nullo conjugii nomine deputandos, et a sanctis Patribus dudum statutum esse legimus a Deo nolimus nos in hac re a cæteris fidelibus reprehendi, quia quod in his illi Anglorum genti indulimus, non formam dando, sed considerationem, ne Christianitatis bonum quod cœperant imperfectum dimitterent egimus.

Quia ergo hac in re tanto commoda retributionis accrescunt, quanto et studium laboris augetur, paternam vos dulcedine salutantes, hortamur ut præposita opportunitatis occasione, in vestra efficacia enixius elaborare studeatis, atque id modis omnibus, ut possibile fuerit omnium studio agere contendatis, B quatenus prædicabile desiderium vestrum auxilio omnium adjuvante Domino compleatis. Nec hoc quoque in hac sollicitudinis parte relinquimus, quod omnes incestuosi a liminibus sanctæ Ecclesiæ sint separandi, usque dum per satisfactionem precibus sacerdotum eidem sanctæ Ecclesiæ canonice reconcilientur. Sunt enim mali segregandi a bonis, et iniqui a justis, ut saltē rubore suo conscientias suas recognoscant, et convertantur a pravitatibus suis. Ac si incorrigibiles apparuerint segregentur a fidelibus usque ad satisfactionem, juxta Domini salvatoris sententiam, qui inter cætera de peccante in sefratre ait: « Si peccaverit in te frater tuus, corripe eum inter te et ipsum solum. Si te audierit lucratus eris fratrem tuum. Si te non audierit, adhibe tecum unum vel duos, ut in ore duorum vel trium testium stet omne verbum. Quod si non audierit eos, dic Ecclesiæ. Si autem Ecclesiam non audierit, sit tibi sicut ethnicus et publicanus (Matth. xviii, 15-17). » His ergo et multis aliis sanctorum Patrum auctoritatibus sunt mali a bonis separandi, ne pereant iusti pro injustis, sicut scriptum est: « Periit iustus pro injusto (I Petr. iii, 18). » Debet enim semper discretio fieri inter bonos et malos, sicut est inter hædos et oves. Manifesta quoque peccata non sunt occulta correptione purganda, sed palam sunt arguendi qui palam nocent, ut dum aperta purgatione sanantur, hi qui eos imitando deliquerant, corrigantur. Dum enim unus corripitur, plurimi emendantur. Et melius est ut pro multorum salvatione unus condemnatur, quam per unius licentiam multi periclitentur. Nec mirum si inter homines hæc ratio custoditur, cum inter jumenta hæc fieri persæpe cognoscimus. Et enim quæ scabiem, aut impetiginem habere videntur, separantur a sanis, ne illorum morbo cætera damnentur, vel pereant. Satiùs ergo ut mali aperte corrigantur, quam pro illis boni pereant. Unde volumus vos omnes in unum convenire episcopos, ut de incidentibus causis fiat disceptatio, et salubris de ecclesiastica observatione collatio, quatenus dum per hoc et præterita corrigantur, et regulam futura suscipiunt, omnipotens ubique Dominus fratrum con-

cordia conaudetur. Cujus vobis adesse præsentiam si hæc observabitis, scitote, quia scriptum est: « Ubi fuerint duo vel tres congregati in nomine meo, ibi ero in medio eorum (Matth. xviii, 20). » Si ergo adesse dignatur, ubi duo vel tres sunt, quanto magis non deerit ubi plures conveniunt sacerdotes? Et quidem quia adhibendum bis in anno concilium Patrum sit regulis institutum non latet, sed ne forte aliqua excusatio sit, semel decernimus congregari, ut expectatione concilii nihil prævum, nihil præsumatur illicitum. Nam plerumque, etsi non amore justitiæ, metu tamen examinationis abstinetur ab hoc quod omnium notum est posse displicere judicio. Hanc, frater charissime, observantiam nostris relinquendam posteris teneamus. Certum quippe est, quia si in toto corde præceptis nos salutaribus occupamus, omnem vitiorum labem effugiemus. Quapropter oportet, ut enixius in cunctis studiosos vos circa fratres atque subjectos ostendatis, ut omnes te, quia nobiscum alitus es atque sanctæ Romanæ Ecclesiæ præceptoribus parere apostolicæ sedis præcepta multiplicare apertissimeque nota facere cognoscant, quia quod specialiter tibi, et fratrum tuorum charitati, ut tuæ litteræ innotuerunt, consulta scribimus, generaliter omnibus tenere mandamus. Circa subjectorum autem actus fraternitas vestra sit vigilans; vestrum illis exemplum instructio, et vita magistra sit, linguæ vestræ exhortatione discant quod metuant, et doceantur quod diligant, ut dum talenti crediti lucra multiplicentur, in die retributionis, annuente divina gratia audire mereamini: « Euge, serve bone et fidelis: intra in gaudium Domini tui (Matth. xxv, 21). » Curam præterea de omnibus quæ vobis aliisque fratribus nostris, et generaliter cunctis pro illicitarum rerum prohibitionem scripsimus habere vos per omnia cognoscamus quæ omni studio omnique annisu necesse est, ut fraternitatis vestræ vigilantia compleantur, atque omnia illic quæ pro animarum salute scripsimus fideliter recenseantur, quatenus per hoc, et vos zelum vestrum, et qualiter vobis illicita displiceant ostendatis, et nos utiliter providisse qui vestram ad hoc præ cæteris personam elegimus, videamur. Omnipotens autem Deus sua vos protectione custodiat, honoremque præceptum vos moribus servare concedat. Amen.

Quantum conjiciendum est ex præfatione quam huic operi præposuit Isidorus, collectio decretorum conciliorum, ac sanctionum pontificum, quæ in unum comportavit presbyter et collegit idem auctor, hic clauditur.

Reliquæ vero constitutiones quæ sequuntur, videlicet Gregorii minoris, Vitaliani, Martini, Gregorii tertii, ac Zachariæ Romanorum pontificum, ob id præfatæ collectioni appositæ sunt quia veteres codices ita habent. Auctores item illarum, quam plurima egregia atque præclara Ecclesiæ contulerunt, ut indignum duxerim tam insignium præsulum acta obliterari, atque præteriri intacta.

## INCIPIUNT DECRETA GREGORII MINORIS.

1. Ut nullus audeat presbyteram in conjugium ducere.
2. Item, de diacona.
3. Item, de monacha quam Dei ancillam appellant.
4. Item, de commatre spirituali.
5. Item, de fratris uxore.
6. Item, de nepte.
7. Item, de noverca, aut nuru.
8. Item, de consobrina.
9. Item, de propria cognatione, vel quam cognatus habuit.
10. Ut viduam nemo furetur in uxorem.
11. Item, ut virginem nemo furetur in uxorem.
12. De aruspiciis vel incantatoribus, seu phileteris.
13. De præceptis Ecclesiæ observandis.
14. De Adriano filio Exhilarati.
15. De Epiphania diacona.
16. Ut nullus audeat assensum tribuere.
17. De coma clerici non relaxanda.

In nomine Domini salvatoris, Dei nostri Jesu Christi, imperante domino piissimo Augusto Leone, a Deo coronato magno et pacifico imperatore anno 6, post consulatum vero ejus anno 17, sed et Constantino imperatore ejus filio anno 2, mense Aprili, indictione 4, præsidente sanctissimo Gregorio apostolico papa in basilica beati Petri apostolorum principis ante confessionem, considentibus etiam sanctissimis episcopis Agnello Ferentinati, Agnello Sutirino, Joanne Belliternensi, Triburatio Filaris, Vitale Alatrino, Anastasio Tiburtino. Opportuno Maurianensi, Joanne Blerano, Mauriciano Sabis, Wiliarit Narmensi, Georgio Portuensi, Sergio Prenestino, Tiberio Silvæ Candidæ, Petro Camerino, Gregorio

**233** Anagnias, Sinderedo archiepiscopo Spamæ, Georgio Nepæ, Sedulo episcopo Britannia, Joanne Signias, Fergusto episcopo Scotia, Andrea Albanensi, et Maurino Palmari, seu venerabilibus presbyteris, Sisinnio Joanne, item Joanne, Eustratio, Georgio, Talasio, Marino, Constantino, Gregorio, Joanne, Epiphanio, Marino, Joanne, et Joanne, astantibus quoque diaconibus, Petro archidiacono, Georgio Orascho, seu Benedicto, vel cuncto clero, Gregorius sanctissimus, ac beatissimus papa, ante corpus beatissimi Petri in synodo residens dixit:

Cum simus Dominicæ plebis superna miseratione rectores, studiosius nos convenit Dei præsidium pro eorum sæpe rogare salute, ne de creditis frustratisque (quod absit) animabus insidiis antiqui hostis ante pastorem omnium, nisi succedat preveniendo de offensis correctio, districtam cogamur solvere rationem, dumque perpendo vel ad animum reduco quanta circumspectione nos oporteat invigilando contra sui cujusque sceleris nequitiam obviare, et si quanto insilierit ad perturbandas fidelium mentes adiutorio superno ictui ejus resistere valde concu-

A tior, atque nimis tabesco, ne serpentina calliditate (quod absit) leviores quosque decipiat, Deo vero favente sollicitudine nimia freti, animam æquiore mente divino juvamine pro salute omnium studere debemus, ut inconfuso vultu non de fraude cujusquam perculsi assistere æterno iudici mereamur, et vocem audire inquietem: «Euge, serve bone, et fidelis, quia super pauca fuisti fidelis, supra multa te constituam: intra in gaudium Domini tui (Matth. xxv, 21).» Hinc namque est quod ingemiscens dico: Quia populi Christiani aliquos per provinciam Italia commorantes, audio temere contra catholicam fidem, et Patrum statuta patrare, ita ut Deo sacratas feminas ducere præsumant mulieres, et propinquas conjugio sociant. Quod opportunum est spiritali amputare mucrone, atque si vestra placet sanctitati: radicitus evelli, ne seges boni agricolæ zizaniorum inista horrentibus frutetis sordescat. Sanctissimi episcopi, seu venerabiles responderunt: Vêre cognoscimus gratia sancti Spiritus cor apostolatus vestri succensum, et ut radicitus tantæ miseriæ squalores a fidelium mentibus detergantur, et quia vulnus corpori infixum aditu talis miseriæ obserato salutari antidoto curetur, sicut bene prævisum est interdictione anathematis, ne denuo hoc quispiam Romanus, Longobardus, vel cujuscunque sit gentis, sacrique baptismatis unda lotus attentet, ut non tanti piaculi mole oppressus præcipationem incidat, aut voragine mergatur iniquitatis, vitari debeat, atque radicitus evellat. Post hanc omnium consonam responsionem

C Gregorius apostolicus papa ante corpus memoratum venerabilis Christiani apostolorum principis inferendo sententiam dixit:

I. Si quis presbyteram duxerit in conjugium, anathema sit. Et responderunt omnes: Anathema sit.

II. Si quis diaconam in conjugium duxerit, anathema sit. Et responderunt omnes tertio: Anathema sit.

III. Si quis monacham quam Dei ancillam appellamus, in conjugium duxerit, anathema sit. Et responderunt omnes tertio: Anathema sit.

IV. Si quis commatrem spiritalem duxerit in conjugium, anathema sit. Et responderunt omnes tertio:

D Anathema sit.

V. Si quis fratris uxorem duxerit in conjugium, anathema sit. Et responderunt omnes: Anathema sit.

VI. Si quis neptem duxerit in conjugium, anathema sit. Et responderunt omnes tertio: Anathema sit.

VII. Si quis novercam, aut nurum duxerit in conjugium, anathema sit. Et responderunt omnes tertio: Anathema sit.

VIII. Si quis consobrinam duxerit in conjugium, anathema sit. Et responderunt omnes tertio: Anathema sit.



IX. Si quis de propria cognatione, vel quam cognatus habuit, duxerit uxorem, anathema sit. Et responderunt omnes tertio : Anathema sit.

X. Si quis viduam furatus fuerit in uxorem, vel consentiens ei, anathema sit. Et responderunt omnes tertio : Anathema sit.

XI. Si quis virginem, nisi desponsaverit, rapuerit, vel furatus fuerit in uxorem, vel consentiens ei, anathema sit. Et responderunt omnes tertio : Anathema sit.

XII. Si quis ariolos, aruspices, incantatores observaverit, aut phylacteriis usus fuerit, anathema sit. Et responderunt omnes tertio : Anathema sit.

XIII. Si quis in quamquam partem nostra præcepta ante emissâ apostolicæ ecclesiæ de Olivetis, et locis diversis temeraverit, et non in omnibus observaverit, anathema sit. Et responderunt omnes tertio : Anathema sit.

XIV. Adrianus filius Exhilarati, qui post præstitum sacramentum apostolica confessione Epyphaniam diaconam illicito ausu in uxorem habet, anathema sit. Et responderunt omnes tertio : Anathema sit.

XV. Epyphania diacona, quæ post prædictum sacramentum cum Adriano Exhilarati filio fuga lapsa est in uxorem, anathema sit. Et responderunt omnes tertio : Anathema sit.

XVI. Si quis ei in tam crudeli actu consensum præbuit, anathema sit. Et responderunt omnes tertio : Anathema sit.

XVII. Si quis ex clericis relaxaverit comam, anathema sit. Et responderunt omnes tertio : Anathema sit.

*Et subscriptio :* Gregorius episcopus catholicæ, atque apostolicæ Romanæ Ecclesiæ, huic constituto a nobis promulgato subscripsi. Agnellus episcopus sanctæ Ecclesiæ Ferentiniensis huic constituto a nobis promulgato subscripsi; Joannes humilis episcopus sanctæ Ecclesiæ Beliternensis, huic constituto a nobis promulgato subscripsi. Et cæteri episcopi numero 14, et diaconi numero 4, die Nonas Aprilis, indictione 4.

#### INCIPIUNT EPISTOLÆ VITALIANI PAPÆ.

VITALIANUS episcopus servus servorum Dei, PAULO archiepiscopo Cretensi.

Decimo nono die mensis Decembris præsentis indictionis 11, Joannes episcopus Lampeon urbis intra basilicam venerabilem beati principis apostolorum Petri nobis obtulit petitionem, per quam nos obnixè postulavit, atque conjuravit, per terribilem, inquiens, adventum magni Dei, atque Salvatoris nostri Jesu Christi, ut secundum sacratissimos canones, institutaque sanctorum Patrum ejus causæ meritum requireremus et sententiam promulgaremus. Obtulit illico et sententiam apud tuam fraternitatem confectam, subscriptamque ejus

eorumque episcoporum manibus. Igitur post aliquos dies ad ejus preces facientes coacervari cœtum in hac urbe Romana antistitem fecimus, ut nobiscum considerentes et petito ejusdem episcopi, et acta sacerdotaliter cognoscerentur. Dum ergo esset in hac Romana urbe congregata eadem synodus episcoporum pro hujusmodi negotio audiendo vel faciendo, statim nobis nuntiata sunt ejusdem exemplaria actionis a tua fraternitate directa, quæ suscipientes atque conferentes invicem ita invenimus contineri in verbis et sensibus, sicut ea quæ nobis præfatus episcopus obtulerat subscripta manu episcoporum et tuæ dilectionis. Quamobrem admirati sumus, quia per suum clericum hanc vobis minime direxerit. Si enim forsitan tempus hoc prohibuit incongruum, cur absque suo scripto hanc usque nos minime direxerit? Cumque recensita esset sententia coram nostris fratribus episcopis, visum nobis eisque est, quod non secundum timorem Dei, neque secundum instituta Patrum sacrosque canones ejusdem Joannis antistitis Lampeon est causa cognita et terminata; vel pœnalibus submissa ejus persona. Propterea non leviter contristati sumus, maxime quia et sub custodia missus idem Joannes antistes Lampeon diebus, et exinde adducebatur in secretarium tuæ fraternitatis, ut quod velles, inquit, loqueretur, ac rursus sub custodia ducebatur ad clausuram, sicuti habet confessio defensoris tuæ dilectionis in sententia ab eo facta. Insuper et hortabatur contra canonum jussa contraque legum instituta existens, ut daret fidejussorem. Deinde oportebat tuam fraternitatem secundum canonum vigorem tempore quo se petiit ad nos venire eum absolvere tuis litteris; quem non solum noluisti canonice absolvere ad principis apostolorum limina, sed magis respondisti ei indecenter, inquiens : quia non competenter quæris. Quæ ergo sancti sanxerunt Patres indecentia sunt? An placencia tibi decentia sunt? Quem igitur præfatum Joannem antistitem æque inculpabilem repredientes, juxta textum sententiæ a te nobis directæ, fecimus nobiscum cum episcopis ad missarum solemnia in ecclesias Dei præcedere. Itaque statuimus et firmamus per hujus nostræ præceptionis auctoritatem omnia quæ a te tuæque synodo contra canonum instituta, contraque legum decreta, gesta, confectave sunt, vel sententiam promulgatam adversus eum inania et vacua esse, sed quidquid claruerit eum damnificatum ejusdemque ecclesiam a quoquam, ei tua dilectio faciat reddi, per omnia conservans eum absque damno; denominatum enim Joannem utpote innocentem existentem, cum pœnitenti nostra præceptione absolvimus hinc, ut sicut cæteri tuæ dilectionis episcopi, et is suæ ecclesiæ utilitatibus cum Dei peragere timore sacrarumque regularum institutione debeat morem. Oportebat denique, dilectissime frater, oportebat nos similia similibus retribuere. Sed hæc magis per ignorantiam opinamur gesta esse quam per calliditatem. Propterea quæ præcipimus tibi secundum Deum, et propter Dominum tuæ-

que peragere synodo, stude illico peragere, ne cogamur non misericorditer, sed secundum virtutem sacratissimorum canonum conversari. Scriptum namque est: « Dominus inquit: Petre, rogavi pro te, ut non deficeret fides tua, et tu aliquando, conversus confirma fratres tuos (*Luc. xii, 32*); » et rursum: « Quodcunque ligaveris, Petre, in terra, erit ligatum in cœlo, et quodcunque solveris in terra, erit solutum et in cœlo (*Matth. xvi, 19*). » Postquam vero nostram præceptionem tua dilectio relegerit hanc pœnitenti portitori Joannis episcopi nimirum reddat pro sui ejusdemque Ecclesiæ munitione. Data die vi Kalendarum Septemb., indictione undecima.

*Item epistola ejusaem.*

VITALIANUS VAANI cubiculario et imperiali chartulario.

Semper celsitudo vestra piis hominibus præbuit concursus, semperque irreprehensibiliter viventibus tribuit libenter opem. Ideoque congruum prævidimus per præsentia nostra scripta Joannem antistitem Ecclesiæ Lampensis, sitæ in insula Creta, ei in omnibus commendare, quatenus divina ope prævia, ejusque suffultus suffragio valeat ad sanctam celeriter remeare Ecclesiam. Per Septembrem enim mensem præsentem undecimæ indictionis in hac Romana urbe ad apostolorum nostri culminis protectorum limina veniens, obtulit nobis petitionem per quam suppliciter precatus est nos, ut ejus causæ meritum cognoscentes canonice terminaremus. Obtulit denique nobis et sententiam quam promulgavit ejus metropolitanus cum suis episcopis adversus eundem Joannem, volens eum ostendere reprehensibilem, per quam eum contra canonum decreta pœnalis submisit. Cujus exemplar et idem ejus metropolitanus nobis dixit. Propterea facientes congregari episcopos in hac urbe, ejus causa est cognita, relecta videlicet petitione ejus. Et præfata sententia ab eodem metropolitano ejus nobis directa, visum nobis est, non secundum sacros canones eandem esse sententiam promulgatam, ideoque eam inanem atque **284** vacuam statuimus fore, decernentes eundem Joannem innocentem existere, et absque aliqua culpa eum ab ejus metropolita querimus subivisse, quem merito absolvimus ad suam Ecclesiam regredi, scribentes ejus sæpius nominatæ metropolitæ, ut quæ per simplicitatem egerit in ejus personam contra canonum decreta, essent vacua et inania. Eundem itaque Joannem, ut dictum est, antistitem vestræ eximie charitati per has nostras litteras commendantes, hinc absolvimus; ad vestra nimirum ambulaturum vestigia, ut exinde rursus cum suis scriptis eum absolvere festinet, quæsumus ad suam Ecclesiam, commendantes eum quibus præviderit, ut illesus debeat esse. Profecto enim una mecum cunctis diebus vitæ suæ, et ipse pro vestræ excellentissimæ charitatis prosperitate ac longævitate deprecabitur Dominum. Data die vi Kal. Febr. indictione undecima.

*Item ejusdem ad Paulum Cretensem.*

VITALIANUS PAULO episcopo Cretensi.

Ad cognitionem tuæ dilectionis congruum prævidimus perducere, eo quod Joannes episcopus Lampensis Ecclesiæ nobis suggesserit, asserens quod ejus parochiæ pertinentia monasteria unum, quod appellabatur Palea, et alterum, quod vocatur Arsilli, a tua Ecclesia esse invasa. Ideoque si ita est, hortamur tuam charissimam fraternitatem, ut ei, secundum terminos sanctorum canonum, reddere faciat, quia unicuique quod justum est volumus conservari, maxime a nostris fratribus. Cognovimus denique quod quidam diaconus, nomine Joannes, postquam consecratus est minister accepisset uxorem, et non solum hoc, sed in duabus Ecclesiis militet. Ideoque si ita est, hoc tua dilectissima fraternitas pro Dei amore corrigat, ne denuo hujusmodi nefas proveniat ad instar male viventium. Deinde cognovimus quod quemdam curialem, nomine Eulampium, habeat quasi consiliarium. Non enim ut nobis suggestum est, eum constat esse bonæ vitæ. Ille enim quotidie, ut fertur, inter fratres zizania seminat, ut de eorum discordia marsupium impleat. Quamobrem, si ita est, hortamur tuam fraternitatem eum a se projicere, ut ejus opinio coram Deo, et hominibus floreat. Data, ut supra.

*Item epistola ejusdem.*

VITALIANUS GEORGIO episcopo Syracusano.

Gesta sive sententiam a tua fraternitate directam dilectissimo filio nostro Gaudenio primicerio, sibi ab antistite Cretensis insulæ transmissam pro causa episcopi Lampensis Ecclesiæ suscepimus. Quamobrem admirati sumus, cur ipse, Cretensis antistes nobis aut per suum clericum hanc minime direxerit, aut per sua scripta non indicaverit quæ erant necessaria. Præfatus enim Joannes Lampensis Ecclesiæ hujusmodi sententiam manu ejus metropolitæ, episcoporumque subscriptam, cum sua nobis obtulit petitione, postulans suæ causæ meritum canonice requiri. Cujus precibus moti, pro tali re in hac urbe fecimus congregari synodum, ut cognosceretur hujusmodi negotium. Cumque esset congregata, relicta est nimirum petitio Joannis præsulis, ac sententia a tua directa fraternitate. Quibus nobis eisque visum est, non secundum sacratissimos canones, neque secundum instituta Patrum esse eadem gesta promulgata adversus prænominatum Lampeon Ecclesiæ episcopum. Idcirco decrevimus eam per nostræ præceptionis auctoritatem esse inanem et vacuam, absolventes eum ad suam Ecclesiam remeare cum nostra præceptione ad eundem ejus metropolitam facta. Ideoque eo illic ad tuam fraternitatem conjungente ei ita concurret, ut cum litteris commendatitiis domini excellentissimi Vaani filii nostri imperialis cubicularii et chartularii ad suam Ecclesiam prospere revertatur. Viva enim voce pro sua causa subtiliter tuæ fraternitati, dum ab ea requisitus fuerit, profecto indicabit, ostendens ei exemplar præcepti nostri ad Cretensem metropolitam directi. Propterea, Sylvius



tibi intimabit omnia prędicata, ne modum transgredi litterarum cerneremur. Data ut supra.

### EXEMPLAR EPISTOLę MARTINI PAPę AD AMANDUM.

Dilectissimo fratri AMANDO MARTINUS.

Fraternitatis tuę studio pietatis congestam epistolam suscipientes, animos nostros relevare cognoscitur. Quippe quoniam, hujus sæculi fluctivagas atque transitorias despiciens oblectationes, illa quę perpetua et sublimia dona pro Domino Deo nostro obsequiis tribuuntur appetere certum est. Ex relatione igitur juxta tenorem tuę fraternitatis epistolę, latoris pręsentium, laborum tuorum certamen cognovimus, ex quibus cęlestis patrię assensu, humilitatis mentibus atque contritis corporibus, vobis futurorum gaudiorum largienda sunt munera. Nam cum sit nulli comparationi omnino cęquandum quod a Creatore nostro pro bonis servitiis recompensatur, dum brevi atque parvo temporis spatio finiuntur labores, quos pro dilectione ipsius sustinemus, consideratione refrigerii nos oportet libenti animo tolerare pręsentis vitę angustias. Sed quantum nobis laborum vestrorum operatio magnam gaudii ubertatem inducit, tantum pro duritia sacerdotum gentis illius conterimur, quod postpositis salutis suę suffragiis, atque redemptoris nostri servitiis contemnendo, viliorum fętoribus ingravantur, quibus ad pręparandam salutem, quandoquidem tantum nos necesse est importunis prędicationibus imminere quantum nos perfectę negotiationis creditorum nobis talentorum duplicat assignatio, atque Dominicis vocibus ad suscipiendam ejus requiem persuadet assertio. Suggestum est namque nobis eo quod presbyteri, seu diaconi, alique sacerdotalis officii post suas ordinationes in lapsu inquinantur, et propterea nimio męrore fraternitatem astringi, velleque pastorale obsequium pro eorum obedientia deponere, et vocationem episcopatus laboribus eligere, et silentio atque otio vitam degere, quam in his quę tibi commissa sunt permanere, dicente Domino: « Beatus qui perseveraverit usque in finem (*Matth. x, 22*). » Unde namque beata perseverantia, nisi de virtute patientię, quia secundum apostolicam prędicationem, « omnes qui voluerint in Christo pie vivere persecutiones patiuntur (*II Tim. iii, 12*). » Ideoque, frater charissime, non vos afflictionum amaritudo a pię mentis vestrę proposito coarctet incedere, considerans quanta pro absolutione, nostri, et liberatione Creator Dominusque noster pertulerit, quibusve contumeliis se afficiendum tradiderit, ut nos a vinculis potestatis diabolicę liberaret. Propterea nullatenus in hujusmodi peccato delinquentibus ad destructionem canonum exhibeas compassionem.

Nam qui semel post suam ordinationem in lapsu ceciderit, deinceps jam depositus erit, nullumque gradum sacerdotii poterit adipisci, sed sufficiat ei lamentationibus fletibusque assiduus, quousque advixerit, in eadem pęnitentia perdurare, ut com-

missum delictum divina gratia extinguere valeat. Si enim tales quęrimus ad sacros ordines promovendos, quibus nulla ruga, nullumque vitę contagium prępediat, quanto magis, si post ordinationem suam quispiam in lapsu ceciderit, et pręvaricationis peccato deprehendatur obnoxius, omnino prohibendum est cum manibus lutulentis, atque pollutus mysterium nostrę salutis tractare; sitque hujusmodi semper juxta sacrorum canonum decreta in hac vita depositus, ut ab illo qui mentis interiora scrutatur, nullumque de ovibus errare congauDET, dum aspexerit sinceram pęnitentiam ejus, in terribili judicio habeat reconciliatum. Ideoque iterum hortamur charitatem tuam, exemplo ejus qui pro nobis pati et mori voluit, promptos vos in cunctis ejus servitiis permanere. Neque nos pigeat temporales cruciatus pro Christi nomine sustinere, sed emolumenta futurę remunerationis hujus sæculi vexationes tolerare persuadeant. Scriptum namque est: « Quid retribuam Domino pro omnibus quę retribuit mihi? Calicem salutaris accipiam, et nomen Domini invocabo (*Psal. cxv, 12*). » Tantum enim a nobis exigitur, quantum possumus famulatus nostri obsequio commodare, cumque cuncta, quę a nobis ad confortandos fraternitatis vestrę animos poterant ministrari, largiente supernę majestatis clementia, vobis fuerint procul dubio manifestata; restat ut de aliis, quę nos per sua scripta consuluit, fraternitati vestrę significemus. Credimus enim ad vos pervenisse, quomodo in conturbatione rectę fidei, et catholicę Ecclesię conculatione, ante hos plus minus quindecim annos, a Sergio, falso episcopo Constantinopolitano, in auxilio habente tunc imperantem Heraclium, execranda et abominanda hęresis pululavit, et Apollinaristarum, et Severianorum, et Eutichianistarum, atque Manichęorum errores renovante; quam successor ejus Pyrrhus idemque episcopus, qui ambitionis fastu Constantinopolitanam sedem arripuit, in deterius auxit. Pro qua re sæpius apostolica sedes persuasionibus, contestationibus, atque increpationibus plurimis admonuit eos quatenus ab hujusmodi errore recederent, et ad lumen pietatis ex quo lapsi sunt remearent. Et non solum quia hoc facere nullatenus voluerunt, sed et nunc successor ejus Paulus temerator fidei episcopus Constantinopolitanus aliud nequius excogitavit in pręjudicio catholicę fidei conamen, quasi quę a prędecessoribus suis hęretice exposita fuerant destruens, et imperialem typum sacrilego ausu totius plenum perfidię a clementissimo principe nostro fieri persuasit, in quo promulgatum est, ut omnes populi Christiani credere debuissent; ideoque nunc cessare habuimus, ne pro quadam negligentia et animarum detrimento quę nobis commissę sunt culpę reatu astringamur, cętum generalem fratrum et episcoporum nostrorum in hac Romana civitate congregare. Quorum pręsentia memoratorum hęreticorum scelerosa conscripta examinata atque denudata sunt, et apostolico mucrone, Patrumque definitionibus uso

ore, unoque spiritu condemnauimus, ut agnoscentes universi errorem, qui in eis continetur, eorum pollutione nullatenus maculentur. Unde prævidimus volumina gestorum synodaliū in præsentī vobis dirigere, una cum encyclia nostra, ex quorum serie omnia subtiliter potestis addiscere, et tenebras illorum nobiscum ut filii lucis extinguere. Idecirco studeat fraternitas tua omnibus eadem innotescere, ut tam abominandam hæresim nobiscum exsecrentur, quamque suæ salutis sacramenta addiscere valeant, atque synodali contentione omnium fratrum, et coepiscoporum nostrorum partium illarum effecta secundum tenorem encycliæ a nobis directæ una cum scriptoribus vestris scripta nobismet destinanda concelebrent, confirmantes atque consentientes eis quæ pro orthodoxa fide, et destructione hæreticorum vesaniæ nuper exortæ a nobis statuta sunt; et Sigebertum præcellentissimum filium nostrum, regem Francorum, pro suæ Christianitatis remedio consultissime admonere atque precari, dirigere nobis ex corpore fratrum nostrorum dilectissimos episcopos, qui sedis apostolicæ legatione, divina concedente propitiatione, fungi debeant, et quæ nostro consilio peracta sunt cum his synodalibus apicibus nostris ad clementissimum principem nostrum sine dubio asportare valeant, ut nostrorum laborum particeps effectus mercedis cumulum adipisci valeat, et sui regni protectorem invenire eum, cuius causa flagitari dignoscitur. Hoc namque et in ejus epistola exhortari eum cognovimus. Reliquias vero sanctorum de quibus præsentium lator nos admonuit dari præcepimus. Nam codices jam exinaniti sunt a nostra bibliotheca, et unde dare ei nullatenus habuimus. Transcribere autem non potuit, quoniam festinanter de hac civitate egredi properavit. His igitur ita prælibatis quæ a nobis per epistolam vobis scripta sunt, effectui mancipare fraternitatem vestram hortamur. Deus te incolumem custodiat, dilectissime frater.

### 285 DECRETA GREGORII PAPÆ III ET ZACHARIÆ.

In nomine Domini Dei, et Salvatoris nostri Jesu Christi, imperante domino Leone, a Deo coronato magno imperatore, anno sexto, post consulatum ejus, sed et Constantino magno imperatore ejus filio anno quarto indictionis sextæ. Promitto, ego Bonifacius gratia Dei episcopus, vobis, beato Petro apostolorum principi, vicarioque tuo, beato papæ Gregorio, successoribusque ejus per Patrem, et Filium, et Spiritum sanctum, Trinitatem inseparabilem, et hoc sacratissimum corpus tuum, me omnem fidem, et puritatem sanctæ fidei catholicæ exhibere, et in unitate ejusdem fidei, Deo operante persistere, in qua Christianorum salus esse sine dubio comprobatur, nullo modo me contra unitatem communis et universalis Ecclesiæ, suadente quopiam, consentire, sed ut dixi, fidem et puritatem meam atque concursum tibi, et utilitatibus tuæ Ecclesiæ, cui a Domino Deo potestas ligandi solvendiue data est

A (Matth. xvi, 19), et prædicto vicario tuo, atque successoribus ejus per omnia exhibere; sed et si agnovero antistites contra instituta antiqua sanctorum Patrum conversari, cum eis nullam habere communionem aut conjunctionem, sed magis si valuerō, prohibere prohibeam, si minus fideliter Domino meo apostolico renuntiabo. Quod si (quod absit) contra hujus permissionis seriem aliquid facere quolibet modo vel occasione tentaverō, reus inveniar in æterno judicio ultionem Ananiæ et Saphiræ (Act. v, 5-10) incurram, qui vobis etiam de rebus propriis fraudem facere vel falsum dicere præsumpserim. Hoc autem indiculum sacramenti, ego Bonifacius exiguus episcopus manu propria subscripsi, atque positum supra sacratissimum corpus B tuum, ut superius legitur, Deo teste, et iudice præstiti sacramentum, quod et conservare promitto.

*Epistola Gregorii papæ ad Bonifacium presbyterum.*

GREGORIUS SERVUS SERVORUM DEI BONIFACIO religioso presbytero.

Exigit manifestata nobis religiosi propositi tui pie in Christo flagrantis intentio et approbata sincerissima fidei tuæ perlata relatio, ut ad dispensationem verbi divini cujus per gratiam Dei curam gerimus, te comministro utamur. Experientes provide te ab infantia sacras litteras didicisse profectusque indolem ad augmentum crediti cœlitus talenti prospectu divini amoris extendere, videlicet gratiam cognitionis cœlestis oraculi in laborem salutiferæ prædicationis ad innotescendum gentibus incredulis ministerium fidei instanti conatu expendere, collætatur fidei tuæ, et adjutores esse cupimus gratiæ prærogatæ. Idecirco qui præmissi conatus pium affectum usque ad apostolicæ sedis modesta prævisione perduxisti consultum, ut membrum ex membro proprii corporis caput requirens motum mentis probares, capitisque arbitrio humiliter se submittens ejus directioni justo tramite properans, soliditati compaginis plenitudo existas. Ideo in nomine indivisibiliter Trinitatis per inconcussam auctoritatem beati Petri apostolorum principis, cuius doctrinæ magisteriis dispensatione fungimur, et locum sacræ sedis administramus, modestiam tunc religionis instituimus, atque præcipimus, ut in verbo gratiæ Dei quo igne salutifero, quem mittere Dominus venit in terram (Luc. xii, 49), enitere Judæis ad gentes quascunque infidelitatis errore detentas properare, Deo annitente, potueris, mysterium regni Dei per insinuationem nominis Christi Domini nostri veritatis suasionem designes, et per spiritum veritatis, et dilectionis, et sobrietatis prædicationem utriusque Testamenti mentibus indoctis consona ratione transfundas. Disciplinam denique sacramenti quam ad mittendos Deo prævio credituros tenere studeas ex formula officiorum sanctæ nostræ apostolicæ sedis instructionis tuæ gratia prælibata volumus ut intendas. Quod vero actionis susceptæ



tibi deesse perspexeris, nobis ut valueris intimare curabis. Bene vale. Data Idus Maii, imperante domino piissimo Augusto Leone, a Deo coronato magno imperatore, anno 3 imperii ejus, indictione 2.

*Epistola ejusdem ad episcopos, presbyteros, seu diaconos, et ad cunctos Christianos.*

GREGORIUS, servus servorum Dei, universis reverendissimis et sanctissimis fratribus coepiscopis, religiosis, presbyteris, seu diaconibus, gloriosis ducibus, magnificis castaldis, comitibus, etiam vel cupetis Christianis Deum timentibus.

Sollicitudinem nimiam gerentes pro speculatione credita, quia in umbram mortis aliquas gentes in Germaniæ partibus, vel plaga orientali Rheni fluminis antiquo hoste suadente errare, et quasi sub religione Christiana idolorum culturæ eos servire cognovimus, aliquos vero, qui necdum cognitionem Dei habentes, nec baptismatis sacri unda sunt loti, sed comparatione brutorum animalium pagani factorem non recognoscunt, necessario pro utrorumque illuminatione ad prædicandam rectæ fidei verbum harum portitorem Bonifacium reverendissimum fratrem nostrum episcopum apud easdem partes dirigere studuimus, ut et illa prædicando verbum salutis vitam provideat, sempiternam, et si quos forte vel ubicunque a recte fidei tramite destitisse cognoverit, aut astutia diabolica persuasos erroneos reppererit, corrigat, atque sui educatione ad portum reportet salutis, eosque ex apostolicæ sedis hujus doctrina informet, et in eadem catholica fide permanere instituat. Cui hortamur ob amorem Domini nostri Jesu Christi, et apostolorum ejus reverentiam, ut in omnibus solatiari nisibus totis debeatis, cumque in nomine Jesu Christi recipiatis, ut scriptum est de suis discipulis: « Qui vos recipit, me recipit (Matth. x, 40). » Providentes insuper necessaria itineris ejus, comites tribuentes cibum etiam ac potum, vel si quo egerit largientes, ut uno labore et socia voluntate opus sibi creditum pietatis, et negotium salutis, annitente Deo, perficiatur, atque præmia laboris percipere mereamini, deque conversione errantium merces vobis ascribatur in cœlis. Si quis itaque huic Dei famulo ad illuminationem gentium ab apostolica atque catholica Dei Ecclesia destinato assensum vel concursum præbuerit, exorantibus apostolorum principibus consortia mereatur sanctorum et martyrum Jesu Christi. Si quis vero (quod non optamus) adversande ejus præpedire conatus fuerit laborem, aut contrarius exstiterit ministerio sibi credito, successorumque ejus eundem laborem intrantium ex sententia divina anathematis vinculo percellatur, et perpetuæ damnationi subiaceat. Bene valete. Data Kal. Decembris, imperante domino piissimo Augusto Leone, a Deo coronato, magno imperatore, anno septimo, sed et Constantino magno imperatore ejus filio, anno quarto, in indictione sexta.

*Item epistola Gregorii papæ ad universum clerum et plebem Thuringiæ.*

GREGORIUS episcopus servus servorum Dei, clero, ordini, et plebi consistenti Thuringi, dilectissimis filiis, in Domino salutem. Probabilibus desideriis nihil attulimus tarditatis, fratrem jam et coepiscopum nostrum Bonifacium vobis ordinavimus sacerdotem, cui dedimus in mandatis ne unquam ordinationes præsumat illicitas, ne bigamum, aut qui virginem non est sortitus uxorem, neque illiteratum, vel in qualibet corporis parte vitiatum, aut in pœnitentia, vel curiæ, aut cuilibet conditioni obnoxium notatumque ad sacros ordines permittat accedere, sed si quos hujusmodi forte repperit, non audeat promovere, Afros passim ad ecclesiasticos ordines prætendentes, nulla ratione suscipiat, quia aliqui eorum Manichæi, aliqui rebaptizati sæpius sunt probati. Ministeria atque ornatum ecclesiæ, vel quidquid illud est in patrimonio ejusdem non minuire studeat sed augere; de redditu vero ecclesiæ, vel oblatione fidelium, quatuor faciat portiones, quarum unam sibi ipse retineat, alteram clericis pro officiorum suorum sedulitate distribuat. Tertiam pauperibus et peregrinis, quartam ecclesiasticis fabricis noverit reservandam, de quibus divino erit redditurus iudicio rationem. Ordinationes vero presbyterorum seu diaconorum non nisi quarti, septimi, et decimi mensium jejuniis, sed et ingressu quadragesimali, atque mediante vespere Sabbati noverit celebrandas. Sacrosancti autem baptismi sacramentum non nisi in Paschali festivitate et Pentecoste noverit esse præbendum, exceptis his qui, mortis urgente periculo, ne in æternum pereant, talibus oportet remediis subvenire. Huic ergo sedis nostræ præcepta servanti devotis animis obsequi nos oportet, ut irreprehensibile placidumque fiat corpus Ecclesiæ per Dominum nostrum, qui vivit et regnat cum Deo Patre omnipotente et Spiritu sancto per omnia sæcula sæculorum. Deus vos incolumes custodiat, dilectissimi filii. Data Kal. Decemb., imperante domino piissimo Augusto Leone, a Deo coronato, magno imperatore, anno 7, sed et Constantino magno imperatore ejus filio, anno 4, indictione 6.

*Item alia epistola Gregorii papæ ad clerum et plebem Thuringiæ.*

Viris magnificis filiis ASUELO, GUODELANO, MULE-REO, GUNTAREO, ALVALDO, et omnibus Deo dilectis Thuringis fidelibus Christianis, GREGORIUS papa.

Insinuatam nobis magnifice in Christo fidei vestræ constantiam agnoscentes, quod paganis compellentibus vos ad idola colenda fide plena responderitis magis velle feliciter mori, quam fidem semel in Christo acceptam aliquatenus violare, nimia exultatione repleti, grates debitas persolvimus Deo nostro, et Redemptori bonorum omnium largitori. Cujus gratia comitante, vos ad meliora et potiora optamus proficere, et ad confirmandum fidei vestræ propositum sanctæ sedi apostolicæ religiosi mentibus adhæ-

rere, et, prout opus poposcerit sacrae religionis a memorata sancta sede apostolica spiritali omnium fidelium matre solatium quaerere, sicut decet filios cohæredes regni a regali parente. Ministerio quoque præsentis fratris charissimi Bonifacii quem ad vos consecratum episcopum in sorte prædicationis destinavimus apostolicis institutionibus informatum, ad instruendam fidem vestram in omnibus volumus, et hortamur obediens ei consentire, ad complementum in Domino vestrae salvationis.

*Item epistola Gregorii papæ ad Thuringios.*

GREGORIUS servus servorum Dei universo populo Thuringiorum.

Dominus Jesus Christus Filius Dei, Deus verus de cælo descendit, factus homo est pro nobis, pati et crucifigi dignatus est, et sepultus, tertia die resurrexit a mortuis, et ascendit in cælos, discipulis etiam suis sanctis apostolis ait: « Euntes, docete omnes gentes baptizantes eos in nomine Patris, et Filii, et Spiritus sancti (Matth. xxviii, 19). » Ipse enim credentibus in se vitam æternam promisit (Joan. iii, 36). Cupientes ergo vos in perpetuum nobiscum gaudere ubi finis nullus est, nec tribulatio, nec aliqua amaritudo, sed gloria sempiterna, ideo fratrem nostrum sanctissimum Bonifacium episcopum apud vos direximus, ut vos debeat baptizare, et fidem Christi docere et ab errore ad viam salutis reducere, ut salutem habeatis, et vitam æternam. Sed vos ei in omnibus obedite, et sicut, Patrem vestrum illum honorate, et ad ejus doctrinam corda vestra inclinate, quia illum non pro lucro aliquo temporali conquirendo direximus, sed pro lucro animarum vestrarum apud vos eum misimus: diligite ergo Dominum, et in nomine ejus baptismum suscipite, quia Dominus Deus noster, quod oculus hominis nunquam vidit, nec in cor hominis ascendit, præparavit diligentibus se (I Cor. ii, 9). Jam recedite a **286** malis operibus, et agite bene, non adoretis idola, nec immoletis carnes, quia Dominus non recipit ista. Sed in omnibus, secundum quod vos frater noster Bonifacius docuerit, observate, et agite, et salvi eritis, et vos, et filii vestri in sempiternum. Facite ergo et domum ubi et ipse Pater vester debeat habitare, et Ecclesias ubi debeatis orare, ut Deus vobis indulgeat peccata vestra, et donet vobis vitam perpetuam.

*Item epistola Gregorii papæ ad Saxones.*

GREGORIUS papa universo populo provinciae Saxonum.

« Sapientibus et insipientibus debitor sum (Rom. i, 14), » fateor, charissimi, « volens vos scire qualem sollicitudinem habeam pro vobis (Col. ii, 1), » et pro his qui verbum exhortationis fidei Jesu Christi susceperunt, et qui adhuc suscepturi sunt, ut consolentur corda vestra, instructa in charitate, et in omnes divitias plenitudinis intellectus, in agnitionem mysterii Dei Patris Jesu Christi » ut ait egregius Apostolus, « in quo sunt omnes thesauri sapientiæ et scientiæ absconditi (Ibid., 2). » Hoc autem dico,

« quoniam prope est regnum Dei (Luc. xxi, 31), » ut « nemo vos decipiat amplius in subtilitate sermonum (Col. ii, 4) » aut in quocunque metallo vestram salutem quaeratis adorantes idola manu facta, aurea, argentea, ærea, lapidea, vel de quacunque materia facta, qui falsifico nomine a paganis antiquitus quasi dii vocati sunt, in quibus dæmones habitare noseuntur. « Quoniam omnes dii gentium dæmonia sunt (Psal. xcv, 5), » ut ait Propheta: « Dominus autem cælos fecit (Ibid.) » Quicunque autem in vobis susceperunt Christum Dominum nostrum, in ipso ambulent radicati, et superædificati, et confirmati fide, « abundantes in gratiarum actione, videte ne quis vos decipiat amplius per philosophiam, et inanem fallaciam (Col. ii, 6-8). » Astutiores sunt enim filii tenebrarum, quam filii lucis (Luc. xvi, 8). Discedite, filii, ab idolorum cultura (I Cor. x, 14), et accedite, et adorate Dominum Deum nostrum qui fecit cælum et terram, mare et omnia quæ in eis sunt (Apoc. xiv, 7), et vultus vestri non erubescant, unus enim Dominus hominum, volucrum, quadrupedum, et piscium « qui est benedictus in sæcula sæculorum (II Cor. xi, 31). » Exspoliare ergo veterem hominem, et induite Christum novum, deponentes omnia, iram, indignationem, malitiam, blasphemiam, turpem sermonem nolite de ore vestro producere (Col. iii, 8-10). « Ab idolorum cultu recedite, » jam enim advesperascit dies. Nolite esse otiosi (Matth. xx, 6), sed potius operamini opus bonum, ut Christus habitet in vobis. « Et quodcunque facitis in verbo, aut in opere in nomine Domini nostri Jesu Christi facite, gratias agentes Deo et Patri per ipsum (Col. iii, 17). » Respuentes gentilitatis sectam, scientes vos Deum habere in cælis. Orationi instantes (Act. vi, 4), ad Christum cor erigite, quoniam magnus est Dominus noster et laudabilis nimis et terribilis super omnes deos (Psal. xcv, 4), « qui vult omnes salvos fieri, et ad agnitionem veritatis pervenire (I Tim. ii, 4), » hoc autem commoneo, fratres, ut quicunque voluerit ex vobis ad Christum converti, nullo modo eum prohibeatis; neque vim ei faciatis sculptilia adorare, quia Christus ipse Dominus, vivit cum Deo Patre omnipotente in unitate Spiritus sancti per omnia sæcula sæculorum, Amen. Charissimi, fidelem ministrum, et conservum misi ad vos Bonifacium fratrem, et coepiscopum meum, ad hoc ipsum ut cognoscat quæ circa vos sunt, et consoletur corda vestra certæ exhortationis verbo in Christo Jesu Domino nostro, ut a diabolica fraude liberati, mereamini adoptionis filiis aggregari, et ut ab æterna damnatione liberati, vitam habeatis æternam.

*Item epistola ejusdem ad Bonifacium episcopum.*

Reverendissimo et sanctissimo fratri BONIFACIO coepiscopo GREGORIUS servus servorum Dei.

Credita speculationis sollicitudine permoti, evangelica quoque institutione qua ait: « Obsecrate Dominum messis, ut eiciat operarios in messem suam (Luc. x, 2). » Tuam proinde reverendam fraternitatem ad imitationem apostolorum, ut Domino jubente præcepti



sunt; et cunctes prædicate Evangelium regni: gratis accepistis, gratis date (*Matth. x, 7, 8*) in partibus Hesperiarum ad illuminationem Germaniæ gentis in umbra mortis sedentis (*Luc. i, 79*) dirigere prævidimus, lucrum inde ut apportare deberes, quasi servus ille de negotio talenti, sicut scriptum est, fidus in futuro auctori asserit Deo fecisse. Quod quia ex obedientiæ munere ministerium verbi cernimus adolere, et prædicationis præconio populum infidelem, ut innotuisti, audivimus converti, Domini potentiæ gratias referentes, ut ipse a quo bonum procedit (*Jac. i, 17*), et ad agnitionem vult omnes venire veritatis (*I Tim. ii, 4*), tibi optamus, ut coope-  
retur et a tenebris ad lucem populum illum suæ potentiæ inspiratione reducat (*I Petr. ii, 9*). Hinc enim vobis merces copiosa credimus, quod ab omnipotente Domino ascribatur in cælis (*Matth. v, 12*). « Bonum enim certamen, » si perseveraveris, possis cum Apostolo dicere: « Certavi, cursum consummavi, fidem servavi (*I Tim. iv, 7*). » Sed ut coronam percipias laboris insiste. Pollicetur enim Deus perseverantibus in fine salutem, nec te minæ terreant, nec dejiciant terrores, sed fixam in Deo tenens fiduciam veritatis verbum denuntia. Erit enim ex adjutorio divino perfectio, tantum sit bonum in voluntate opus. Igitur quantos ab errore converteris, syllabarum tuarum recensito textu cognovimus, læti uberes Deo gratias agentes, de lucro animarum exsultamus. Porro pro episcopo illo qui nunc usque desidia quadam in eadem gente prædicationis verbum disseminare neglexerat, et nunc sibi partem, quasi in parochiam defendat, Carolo excellentissimo filio nostro, ut eum compescat suadentes, paternis litteris scripsimus et credimus, quod hoc vetari præcipiat. Ipse vero opportune, importune prædicare quæ sunt salutis, non desinas (*II Tim. iv, 2*). Igitur Thuringis et Germaniæ populo ea quæ ad animæ respiciunt utilitatem et salutem scribere non omisimus, inter alia ut construat episcopia et Ecclesias condant injungentes. Ipse enim qui non vult mortem peccatoris, sed magis ut convertatur, et vivat (*Ezech. xxxiii, 11*), erit omnibus daturus incrementum (*I Cor. iii, 7*). Deus te incolumem custodiat. Data pridie Nonas Decemb. imperante domino piissimo Augusto Leone a Deo coronato, magno imperatore, anno 8; sed et Constantino magno imperatore ejus filio, anno quinto, indictione 8.

*Epistola Gregorii papæ ad Bonifacium episcopum.*

Reverendissimo et sanctissimo fratri BONIFACIO coepiscopo ad illuminationem gentis Germaniæ vel circumquaque in umbra mortis morantibus (*Luc. i, 79*), gentibus in errore constitutis ab hac apostolica Dei Ecclesia directo, GREGORIUS servus servorum Dei.

Magna nos habuit gratulatio, lectis sanctissimæ fraternitatis tuæ litteris, cum in eis, relecta serie, fuisset repertum Domini nostri Jesu Christi gratia plurimos te a gentilitate et errore ad veræ fidei agnitionem convertisse. Quod quia divina institutione docemur in parabolis, cui quinque talenta credita fuerant, alia quinque fuisse lucratum (*Matth. xxv, 20*),

in talis commercii lucro cum tota plaudimus Ecclesia. Hinc jure tibi sacri pallii direximus munus, quod beati Petri apostoli auctoritate suscipiens induaris, atque inter archiepiscopos unus Deo auctore præcipimus ut censearis. Qualiter enim eo utaris ex mandato apostolico informatus cognosces, ita ut dum missarum solemniam geris, vel episcopum te contigerit consecrare, illo tantummodo tempore eo utaris. Quia vero turbas, Domini gratia in eisdem partibus ad rectam fidem asseruisti conversas, nequire te occurrere omnibus ea quæ salutis sunt impendere, aut intimare, cum jam longe lateque gratia Christi ejus fides in illis partibus propagetur, præcipimus ut juxta sacrorum canonum statuta, ubi multitudo excrevit fidelium, ex vigore apostolicæ sedis debeas ordinare episcopos; pia tamen contemplatione, ut non vilescat dignitas episcopatus. Presbyterum namque quem præterito asseruisti anno ad nos advenisse, nostroque judicio fuisse a suis nefariis absolutum actionibus credas, neque nobis confessiones aliquas fecit, nec a nobis, ut suos expleat libitus, absolutus est, sed si eum errori deditum, hunc apostolicæ sedis vigore, ut juxta sanctorum canonum censuram corrigas præcipimus, et emendes, vel si quos fuisse tales inveneris. Ille enim, presbyter sum, ait. Commendatitias apud filium nostrum Carolum litteras expetiit. Nullam illi aliam concessimus licentiam, quem vitari si prave conversatur cum reliquis volumus, eosdemque quos a paganis baptizatos esse asseruisti, si ita habetur ut denuo baptizes in nomine Trinitatis mandamus. Interea agrestem caballum aliquantos adjunxisti comedere, plerosque et domesticum. Hoc nequaquam fieri deinceps, sanctissime, sinas, frater, sed quibus potueris Deo, juvante, modis per omnia compesce, et dignam eis indicito poenitentiam. Immundum est enim atque execrabile. Pro obeuntibus quippe consuluisse dignosceris, si liceat oblationes offerre. Sancta sic tenet Ecclesia, ut quisque pro suis mortuis vere Christianis offerat oblationes, atque presbyter eorum memoriam faciat. Et quamvis omnes peccatis subjaceamus, congruit ut sacerdos pro mortuis catholicis memoriam faciat et intercedat, non tamen pro impiis, quamvis Christiani fuerint, tale quid agere licebit. Nam et eos qui se dubitant fuisse baptizatos an non, vel qui a presbytero Jovi mactante, et immolatiis carnes vescente, ut rebaptizentur præcipimus. Progeniem vero suam quemque usque ad septimam observare decernimus generationem. Et, si valueris, devota, ne amplius cui mulieres obierint duabus debeat copulari. De his vero dicimus qui patrem, matrem, fratrem, aut sororem occiderint, ut toto vitæ suæ tempore corpus non suscipiant Dominicum nisi tempore exitus pro viatico. Abstineant etiam se, et a carnis comestione, et potu vini, donec advixerint, jejurent secundam, quartam et sextam ferias, ut sic possint defluentes diluere commissum scelus. Nam et hoc inter alia discrimen agi in præsentibus illis dixisti, quod quidam ex fidelibus ad immolandum paganis

sua venundant mancipia, hoc ut magnopere corrigere debeas, frater, admonemus, nec sinas fieri ultra. Scelus enim est et impietas. Eis ergo qui hoc perpetraverunt similem homicidæ indices pœnitentiam. At quoties episcopum consecraveris, duo vel tres convenient tecum episcopi, ut Deo sit gratum quod geritur, et eis convenientibus ipsisque præsentibus consecres. Hæc te, frater charissime, diligenter servare volumus, et studio pietatis cœptum negotium salutis exsequere, ut de lucro apportato valeas a Domino Deo nostro mercedem percipere in æterna beatitudine. Privilegium vero juxta quod petisti facientes, his junctum direximus, optantes te Domini Dei nostri præsidio de conversione errantium Christo Deo nostro plenissimum atque integrum apportare lucrum. Deus te incolumem custodiat, reverendissime frater.

*Hucusque Gregorius a primo secundus. Hinc Gregorius a secundo junior.*

GREGORIUS episcopus, servus servorum Dei, dilectissimis nobis omnibus episcopis, venerabilibus presbyteris, religiosis abbatibus omnium provinciarum.

« Domino cooperante et sermonem confirmante (Marc. xvi, 20), » præsens sanctissimus vir, Bonifacius, frater ac coepiscopus noster, verbum veritatis sicut a prædecessore nostro sanctæ recordationis Gregorio præsule in illis partibus missus fuerat prædicare verbum Dei post multum temporis, Domino cooperante anhelanti desiderio, orationis causa, liminibus sacris beatorum principum apostolorum Petri et Pauli præsentandus advenit. Qui perfecta oratione ad acceptum laborem angelo Domini præviante a nobis est absolutus. Cui vestra omnium dilectio seu reverentia, et religiositas propter Christi amorem juvamina impendere dignemini, **287** dum et agnoscitis quæ Dominus noster Jesus Christus inquit, dicens : Qui susceperit prophetam in nomine prophete, mercedem prophete accipiet; et qui susceperit justum in nomine justi, mercedem justi accipiet (Matth. x, 41). Et si forsitan quis ex vestris ministris sese ipso sanctissimo viro in ministerio exhortationis sanctæ catholicæque fidei adjungere voluerit, nullo modo prohibeatis, charissimi. Magis autem concursum præbete, et ex vestro ovili adjuutores ei tribuite qui possint per Dei gratiam sufficienter gentibus ministrare verbum prædicationis, ut omnipotenti Deo nostro animas lucrifaciant, ut et vestra communitas boni operis portionem sortiat, atque illi mereantur Dominicam vocem audire : Vos qui dereliquistis omnia et secuti estis me, centuplum accipietis, et vitam æternam possidebitis (Matth. xix, 29). Bene valete.

*Epistola Gregorii papa.*

GREGORIUS papa universis optimatibus et populo provinciarum Germaniæ, Thuringiæ et Thesie, et Bortharis, et Nistresis, Unedredis, et Lognais, Sudnodis, et Graffeltis vel omnibus in orientali plaga constitutis.

Quoniam prædecessor noster sanctæ recordationis Gregorius præsul, nutu divino motus ad

A faciendam Deo plebem perfectam (Luc. i, 17), præsentium portitorem litterarum Bonifacium, reverendissimum fratrem nostrum ac coepiscopum ordinans ad vos usque destinavit, eumque regulam et normam apostolicæ et catholicæ fidei Romanæ cui Deo auctore deservimus Ecclesiæ edocens direxit, et post temporum spatia, orationis causa, ad limina beatorum Principum apostolorum sese præsentavit, et quæ ad salutem animarum pertinent, a nobis exposcit imbui, nos, Deo favente, ut sacra docet Scriptura, eum edocentes, ad vos, charissimi, remeaturum, absolvimus, hortantes vos in Domino, ut digne suscipiatis ab eo verbum exhortationis, et episcopos vel presbyteros, quos ipse ordinaverit per apostolicam sibi datam auctoritatem in Ecclesiæ ministerio B recipiatis, et quos forsitan deviantes invenerit a rectæ fidei tramite, seu canonica doctrina, eosque prohibuerit, a vobis nullo modo impediatur, et quod eis impositum fuerit obediendo propter Deum suscipiant. Nam qui temerator exstiterit ad obediendum sibiipsi damnationem acquirit, vos autem, charissimi, qui in nomine Christi baptizati estis, Christum induistis (Gal. iii, 27), abstinete et prohibete vosmetipsos ab omni culpa paganorum non tantum vosmetipsos corrigentes, charissimi, sed et subditos vestros. Divinos autem vel sortilegos, sacrificia mortuorum vel lucorum, vel fontium auguria, vel phylacteria, vel incantatores et veneficos, id est, maleficos et observationes sacrilegas, quæ in vestris finibus fieri solebant, omnino respuentes, tota mentis intentione ad Dominum convertimini, ipsum timeate, C adorare et honorificate, sanctorum memoriis communicantes, ut ait Apostolus (Rom. xii, 13). Si enim fides vestra, Domino dicente, fuerit ut granum sinapis, dicetis monti huic, Transfer et transferetur (Matth. xvi, 19). Ipse enim Dominus et Salvator noster, Jesus Christus, in suo sacro eloquio inquit, dicens : « Diliges Dominum Deum tuum ex toto corde tuo, et ex tota anima tua, et ex tota virtute tua (Matth. xxii, 37), » et iterum : « Qui me confessus fuerit coram hominibus, et ego confitebor eum coram Patre meo qui est in cœlis (Matth. x, 32). » Unde et in alio loco promisit dicens : « Quodcunque petieritis Patrem in nomine meo fiet vobis (Joan. xiv, 13). » Et iterum : « Petite et accipietis, quærite et invenietis, pulsate et aperietur vobis. Omnis enim qui petit, accipit : et qui quærit, invenit : et pulsanti aperietur (Luc. xi, 9, 10). » Et vos, charissimi, facite fructus dignos, ut in die adventus Domini nostri Jesu Christi sidereas increamini adipisci mansiones. Bene valete.

*Item epistola beati Gregorii papa.*

Dilectissimis nobis filiis in provincia Bajoariorum et Alamannia constitutis. JUGCO, LUDONI, RIDOLTO, et PHIPHILO, SEVADÆ GREGORIUS papa.

Catholica et sanctorum Patrum jubet auctoritas, ut bis in anno pro salute populi Christiani seu exhortatione adoptionis filiorum synodalia debeant celebrari, et causarum canonicarum examinatio provenire, ut unicuique, prout necessitas poposcerit, pia educatione sub-



veniat. Inde, secundum Apostoli doctrinam, admo-  
neo, et hortor vos, charissimi, per misericordiam  
Dei, ut digne ambuletis vocatione qua vocati estis  
(*Ephes. iv, 1*), ut ministerium vestrum perfectum  
sit coram Deo. Opportunum namque est vos nosse  
fratrem ac coepiscopum præsentem Bonifacium, no-  
stram et agentem vicem, cum digno et debito ho-  
nore pro Christi nomine suscipere, et ministerium  
ecclesiasticum cum fide catholica secundum nor-  
mam et morem sanctum catholicæ et apostolicæ Dei  
Ecclesiæ, cui, misericordia Dei præveniente, præesse  
videmur, sicut apostolica auctoritate a nobis desti-  
natus est, ab eo suscipientes dignanter teneatis, et  
gentilitatis ritum et doctrinam vel venientium Bri-  
tonum, vel falsorum sacerdotum hæreticorum, sive  
adulteros, aut undecunque sint renuentes ac prohi-  
bentes abiciatis, et ut populum vobis a Deo commis-  
sum piis admonitionibus edoceatis, et a sacrificiis  
mortuorum omnino devitetis, et juxta quod fueritis  
a prædicto nostro consacerdote edocti, ita catholi-  
cam et apostolicam doctrinam tenentes, Domino Deo  
et Salvatori nostro placere festinetis. Et in quo vobis  
loco ad celebranda concilia convenire mandaverit,  
sive juxta Danubium, sive in civitate Augusta, vel  
ubicunque judicaverit, pro nomine Christi parati esse  
inveniamini, quatenus cognoscamus per ejus man-  
datum de vestro conventu, ut in diem adventus Chri-  
sti Jesu cum fructu boni operis ante ejus tribunal as-  
sistere mereamur, dicentes: « Ecce nos et pueri  
quos dedisti nobis, Domine (*Hebr. ii, 13*), » non per-  
didimus ex eis quemquam (*Joan. xviii, 9*), ut et vos  
Dominicam vocem audire mereamini, dicentem:  
« Venite, benedicti Patris mei, percipite regnum  
quod vobis paratum est ab origine mundi (*Matth.*  
*xxv, 34*). » Bene valete.

*Epistola ejusdem ad Bonifacium.*

Reverendissimo et sanctissimo fratri BONIFACIO  
coepiscopo, GREGORIUS, servus servorum Dei.

Desiderabilem mihi a te missus Denuel religiosus  
presbyter attulit nuntium, cum te sospitem narravit,  
et in ministerio, pro quo missus es favente Deo, profi-  
cere nuntiavit. Detulit etiam a te missas litteras, ubi  
indicasti quod ager Dominicus, qui incultus jacebat,  
et spinarum aculeis ex infidelitate riguerat, vomere  
tuæ doctrinæ exarante, semen verbi suscepit, et fer-  
tilem messem protulit fidelitatis. In eisdem litteris  
quibusdam subnexuistis capitulis, sciscitando qua-  
liter teneat vel doceat hæc sancta apostolica Ro-  
mana Ecclesia. Bene nosti satis, quia beatus aposto-  
lus Petrus et episcopatus principium exstitit. Et con-  
sulerenti tibi de statu Ecclesiæ non ex nobis quasi ex  
nobis, sed ejus gratia, « qui aperit os mutum, et lin-  
guas infantium facit disertas (*Sap. x, 21*), » qualiter  
tenere debeas apostolici vigoris doctrina dicimus.  
Igitur in primis legebatur, ut quota progenies pro-  
pinquorum matrimonio copuletur. Dicimus quod  
oportuerat quidem quandiu se agnoscunt affinitate  
propinquos ad hujus copulæ non accedere societa-  
tem. Sed quia temperantia magis, et præsertim in

tam barbaram gentem plus placet quam districtio  
censuræ, concedendum est ut post quartam genera-  
tionem jungantur. Nam quod posuisti, quod si mu-  
lier infirmitate correpta non valuerit debitum viro  
reddere, quid ejus faciat jugalis, bonum esset si sic  
permaneret, ut ab continentia vacaret. Sed quia hoc  
magnorum est, ille qui se non poterit continere, nu-  
bat magis, non tamen subsidii opem subtrahat ab  
illa cui infirmitas præpedit, et non detestabilis culpa  
excludit. De presbytero vero, vel quilibet sacerdos  
a populo accusatus, si certi non fuerint testes, qui  
crimini illato approbent veritatem jusjurandum erit  
in medio, et illum testem proferat de innocentia  
sux puritate, « cui nuda et aperta sunt omnia  
(*Hebr. iv, 13*), » sicque maneat in proprio gradu.  
Nam de homine qui a pontifice confirmatus fuerit,  
denno illi talis reiteratio prohibenda est. In missa-  
rum solemnibus observandum est quod Dominus noster  
Jesus Christus sanctis suis tribuit discipulis: « Ac-  
cepit namque calicem, et dedit eis dicens: Hic est  
calix Novi Testamenti in meo sanguine, hoc facite  
quotiescunque sumitis (*Matth. xxvi, 27, 28*). » Unde  
congruum non est duos vel tres calices in altario  
ponere cum missarum solemnibus celebrantur. De  
immolatiis autem escis consulisti si a fidelibus su-  
perductum fuerit vivificæ crucis signum edi liceret,  
an non, illud sufficit respondere, quod beatus Apo-  
stolus dicit: « Si quis dixerit quod hoc immolati-  
um est, nolite edere propter eum qui indicavit, et pro-  
pter conscientiam (*I Cor. x, 28*). » Addidisti adhuc  
quod si pater vel mater filium filiamque intra septa  
monasterii in infantia annis sub regulari tradiderint  
disciplina, utrum liceat eis postquam pubertatis im-  
pleverint annos egredi, et matrimonio copulare.  
Hoc omnino devitamus, quia nefas est, ut oblati  
a parentibus Deo filiis voluptatis frena laxentur.  
Enimvero quosdam baptizatos absque interrogatione  
symboli ab adulteris presbyteris et indignis fassus  
es. In his tua dilectio teneat antiquum morem Eccle-  
siæ, quia quisquis in nomine Patris, et Filii, et Spi-  
ritus sancti baptizatus est (*Matth. xxviii, 19*), rebap-  
tizari minime liceat. Non enim in nomine baptizan-  
tis, sed in nomine Trinitatis hujus gratiæ donum  
percepit. Et teneatur quod Apostolus ait: « Unus  
Deus, una fides, unum baptisma (*Ephes. iv, 5*). »  
Doctrinam vero spiritalem talibus studiosius, ut im-  
pertias demandamus: pro parvulis vero qui a pa-  
rentibus subtracti sunt, et an baptizati sunt, an non  
ignorant, hos ut baptizare debeas secundum Patrum  
traditionem, si non fuerit qui testificetur, ratio po-  
scit. Leprosis autem, si fideles Christiani fuerint,  
Dominici corporis et sanguinis participatio tribua-  
tur, cum sanis autem communia celebrare negentur.  
Adjecisti etiam quod si pestifer morbus aut mor-  
talitas in ecclesia, vel monasteriis irrepserit, quos  
necdum tetigit a loco fugiunt evitantes periculum,  
unde fatuum hoc videtur. Non enim valet quisquam  
Dei effugere manus. In finem epistola continebat,  
quod sunt quidam presbyteri seu episcopi in multis

vitiis irretiti, quorum vita in se ipsis sacerdotium maculat. Et si tibi liceret cum eis edere aut loqui, nisi coerciti fuerint, dicimus ut hos ex apostolica auctoritate redarguendo admoneas, et ad munditiam ecclesiasticæ disciplinæ reducas. Et siquidem obediunt, salvabunt animas suas, et ipse mercedem lucratus es, veruntamen colloquutionem et mensam communem cum eis agere non recuses. Plerumque contingit ut quos correctio disciplinæ tardos facit ad percipiendam veritatis normam, conviviorum sedulitas, et admonitio blanda ad viam perducit iustitiæ. Idipsum autem et in illis proceribus qui tibi adiutorium præstant, observare debebis. Hæc, frater charissime, ex apostolicæ sedis vigore scripsisse sufficiant, de reliquo implorantes misericordiam Dei, ut qui te illis in regionibus vice nostra ex apostolica auctoritate peragere fecit, et in opacam silvam lumina veritatis per os tuum micare prædestinavit, opitulationis suæ misericordissimum tribuat incrementum, quatenus de fructu operis, et ipse valeas præmia percipere, et veniam peccatorum invenire. Deus te incolumem custodiat, reverendissime frater. Data decimo Kal. Decembris imperante Domino piissimo Augusto, Leone a Deo coronato magno imperatore, anno decimo imperii ejus, sed et Constantino magno imperatore, regni ejus anno septimo, indictione decima.

*Item epistola ejusdem ad Bonifacium.*

Reverendissimo et sanctissimo fratri BONIFACIO, GREGORIUS, servus servorum Dei.

Doctoris omnium gentium egregii Pauli apostoli vox est dicentis : « Diligentibus Dominum omnia cooperantur in bonum (Rom. viii, 28). » Agnoscentes itaque in syllabis fraternitatis tuæ quæ innotuisti tam de Germaniæ gentibus, quas sua pietate Deus noster de potestate paganorum **288** liberavit, et ad centum millia animas in sinu sanctæ matris Ecclesiæ, tuo conamine et Caroli, principis Francorum aggregare dignatus est, sed et in Bajoariorum provincia, quæ a te acta sunt, agnoscentes, datori omnium bonorum Domino Deo nostro, extensis ad cælum palmis, gratias retulimus, qui januam misericordiæ et pietatis in illis partibus Hesperii, ad cognoscendam viam salutis ostium misericordiæ aperuit, et misit angelum suum qui præparavit viam tuam ante te (Mal. iii, 1), ipsi est gloria in sæcula sæculorum. Amen.

Igitur, quia indicasti perrexisse te ad gentem Bajoariorum, invenisse eos extra ordinem ecclesiasticum viventes, dum episcopos non habebant in provincia, nisi unum, nomine Vivilo, quem nos ante tempus ordinavimus; et quia cum assensu Ottonis ducis eorundem Bajoariorum seu optimatum provincie illius, tres alios ordinasse episcopos, et in quatuor partes provinciarum illam divisisti, id est, in quatuor parochias, ut unusquisque suam habeat parochiam, bene et satis prudenter peregristi, frater, et quoniam apostolicam præceptionem ex nostra vice implesti, et sicut tibi præcepimus, ita peregristi. Itaque non desinas, frater, reverendis-

A sime, docendo eos sanctam catholicam et apostolicam Romanæ sedis traditionem, ut illuminentur rudes, et viam salutis teneant, per quam possint ad æterna præmia pervenire. Presbyteros vero, quos ibidem reperisti, si incogniti fuerint, illi a quibus fuerint ordinati, et dubium est eos episcopos fuisse annon qui eos ordinaverunt, si bonæ actionis, et catholici viri sunt ipsi presbyteri, et in ministerio Christi omnique lege sancta edocti, apti, ab episcopo suo benedictionem presbyteratus suscipiant, et consecrentur, et sic ministerio sacro fungantur. Illi vero qui baptizati sunt per diversitatem et declinationem linguarum gentilitatis, tamen quia in nomine Trinitatis baptizati sunt, oportet eos per manus impositionem et sacri chrismatis unctionem confirmari. Nam

B Vivilo episcopus a nobis ordinatus est. Etsi aliquid excedit extra canonicam regulam, doce et corrige eum juxta Romanæ Ecclesiæ traditionem, quam a nobis accepisti. De concilio vero, ut juxta ripam Danubii debeas celebrare nostra vice, præcipimus fraternitati tuæ apostolica auctoritate ibidem presentari, et inquantum Dominus tibi vires dederit, prædicare verbum salutis ne cesses, ut religio Christiana in nomine Domini crescat et multiplicetur. Nec enim habebis licentiam, frater, pro jure cœpti laboris in uno morari loco, sed confirmatis cordibus fratrum et omnium fidelium, qui rudes sunt in illis Hesperii partibus, ubi tibi Dominus aperuerit viam salutis prædicare non desistas, et ubi locum inveneris necessarium secundum canonicam regulam, episcopos ordina ex nostra vice, et apostolicam atque catholicam traditionem eos tenere edocebis. Ex hoc enim magnum mercedis præmium tibi præparabis, quoniam omnipotenti Deo nostro facies plebem perfectam. Non pigeat, dilectissime frater, itinera carpere aspera et diversa, ut Christiana fides longe lateque tuo conamine extendatur. Scriptum namque est : « Arcta et angusta via est quæ ducit ad vitam (Matth. vii, 14). » Operare itaque, frater, bonum opus quod cœpisti, ut in die Christi Dei nostri merearis dicere, inter cœtum sanctorum probabilium Patrum assistens : « Ecce ego et pueri quos dedisti mihi, non perdi ex eis quemquam (Rom. ii, 15). » Et iterum : « Domine quinque talenta tradidisti mihi, ecce alia quinque superlucratus sum (Matth. xxv, 20). » Ut subsequenter merearis vocem Domini audire dicentis : « Euge serve bone et fidelis, quia super pauca fuisti fidelis, supra multa te constituam, intra in gaudium domini tui (Ibid., 25). » Deus te incolumem custodiat, reverendissime frater. Data quarto Kal. Novemb., imperante domino piissimo Augusto Leone, imperii ejus anno vicesimo tertio, sed et Constantino, magno imperatore, ejus filio, anno vicesimo, indictione 8.

*Epistola Bonifacii ad Zachariam papam.*

Domino charissimo, summi pontificatus infula præditi, viro apostolico, ZACHARIÆ, BONIFACIUS, servus servorum Dei.



Confitemur, domine pater, quia postquam per nuntios referentes audivimus, quod venerandę memorię apostolatus vestri prędecessor, Gregorius, pontifex apostolicę sedis, ergastulo corporis absolutus, ad Dominum migravit, majorem lætitię, et majus gaudium nobis non audivimus, et suspensis ad æthera palmis, Deo gratias egimus, quam quod clementem paternitatem vestram altissimus Arbiter canonica jura regere, et apostolicę sedis gubernacula tenere concessit. Ego non aliter, quam ut ante vestigia vestra geniculantes, intimis subnixę flagitamus precibus ut sicut prędecessorum vestrorum pro auctoritate sancti Petri pietatis servi devoti et subditi discipuli fuimus, sic et vestrę pietatis servi obedientes subditi sub jure canonico fieri mereamur, optantes catholicam fidem, et unitatem Romanę Ecclesię servando dilatare, et quantoscunque audientes vel discipulos in ista legatione mihi Deus donaverit, ad obedientiam apostolicę sedis invitare et inclinare non cesso. Necesse quoque habemus indicare paternitati vestrę quia per Dei gratiam, Germanię populis aliquantulum percussis vel correctis, tres ordinavimus episcopos, et provinciam in tres parochias discrevimus, et illa tria oppida sive urbes in quibus constituti et ordinati sunt, scriptis auctoritatis vestrę confirmari, et stabiliri precantes, desideramus: unam esse sedem episcopatus decrevimus in castello quod dicitur Vivotzburg, et alteram in oppido quod nominatur Buraburg, tertiam in loco quę dicitur Erpesfryod, qui fuit jam olim urbis paganorum rusticorum. Hęc tria loca propria charta et auctoritate apostolatus vestri roborari et confirmari diligenter postulamus, ut, si Dominus voluerit, per auctoritatem et pręceptum sancti Petri, jussionibus apostolicis fundatę et stabilite sint tres in Germanię episcopales sedes, et ut pręsentes, vel futurę generationes non pręsumant vel parochias corrumpere vel violare pręceptum apostolicę sedis. Notum similiter sit paternitati vestrę quod Carlomannus, dux Francorum, me accersitum ad se rogavit in parte regni Francorum, quę in sua est potestate, synodum incipere, congregare, et promisit se de ecclesiastica religione, quę jam longo tempore, id est, non minus quam per sexaginta vel septuaginta annos, calcata et dissipata fuit, aliquid corrigere et emendare velle. Quapropter, si hoc, Deo inspirante, veraciter implere voluerit consilium, et pręceptum sanctę vestrę auctoritatis, id est, apostolicę sedis habere et sapere debeo. Franci enim, ut seniores dicunt, plusquam per tempus octoginta annorum synodum non fecerunt, nec archiepiscopum habuerunt, nec Ecclesię canonica jura alicubi fundabant vel renovabant. Modo autem maxima ex parte per civitates, episcopales sedes traditę sunt laicis, cupidis ad possidendum, vel a luteratis clericis, scortatoribus et publicanis sæculariter ad perfruendum. Nam si per verbum vestrum hoc negotium, duce rogante supradicto, movere et pręcipere debeo, pręceptum et judicium

A apostolicę sedis cum canonibus ecclesiasticis pręsto habere cupio. Si invenero inter illos diacones, quos nominant, qui a pueritia sua semper in stupris, semper in adulteriis, et in omnibus semper spurciis vitam ducentes, sub tali testimonio venerunt ad diaconatum, et modo in diaconatu concubinas quatuor, vel quinque, vel plures noctu in lecto habentes, Evangelium tamen legere, et diaconos se nominare non erubescunt, nec metuunt, et sic in talibus incestis ad ordinem presbyteratus venientes, officio fungentes, dicunt se pro populo intercedere, et sacras oblationes offerre, novissime, quod pejus est, sub talibus testimoniis per gradus singulos ascendentes, ordinantur et nominantur episcopi, ut habeant, pręceptum et conscriptum auctoritatis vestrę quid de talibus definitis, et per responsum apostolicum cavincantur, et arguantur peccatores. Et inveniuntur quidam inter eos episcopi, qui licet dicant se fornicarios vel adulteros non esse, sed sunt ebriosi, et incuriosi vel venatores, et qui pugnant in exercitu armati, et effundunt propria manu sanguinem hominum, sive paganorum, sive Christianorum. Et quia servus et legatus apostolicę sedis esse dignoscor, et unum sit verbum, meum hic, et vestrum ibi, si contingat ad judicium auctoritatis vestrę, ut pariter missos dirigamus. Pręterea de una re et consilium quærere, et licentiam petere necesse habeo, eo quod venerandę memorię prędecessor vester, sicut audistis, in pręsentia vestra mihi pręcepit ut presbyterum post obitum meum, Deo volente, in ecclesiastico ministerio hæredem et successorem constituere deberem, et hoc mihi, si Dei voluntas est, placet, sed modo dubito et nescio, si fieri possit, quia postea frater illius avunculum ducis Francorum occidit, et adhuc ignoramus qualiter ista discordia pacificari et finiri valeat. Et obsecro ut auctoritatis vestrę licentię sit, ut cum consilio servorum Dei de ista electione faciam quod nobis in commune pro Deo et pro Ecclesię utilitate, vel fructu spiritali et defensione religionis optimum esse videatur, ut consensum vestrum habeam de hoc facere quod optimum esse videatur, mihi inspirare dignetur Deus, quia hoc non videtur posse fieri, si contrarius princeps fuerit. Interca quærere et interrogare paternitatis vestrę consilium debeo de quadam confusione, et scandalo prædicationis, quę nuper ad vos veniens, mentem vestram conturbavit, et sacerdotibus Ecclesiarum verecundiam incutiebant, quia laicus quidam magnę personę ad nos veniens dicebat sibi ab apostolicę sedis pontifice, sanctę memorię Gregorio, datam fuisse licentiam ut in matrimonium acciperet viduam avunculi sui, quę et ipsa fuit uxor consobrini, et illa, illo vivente, discessit ab eo, et isti viro qui nunc eam accipere desiderans affirmat sibi licentiam datam; in tertio geniculo propinqua illius esse dignoscitur, et votum vovit Deo castitatis, et velata fuit, et iterum abjecto velamine maritali; tale enim matrimonium supradictus homo ab apo-

stolica sede sibi affirmat esse concessum, quod non aestimavimus verum, quia synodus, et Ecclesia, in qua natus et nutritus fui, id est, in transmarina Saxonia, Lugdunensis synodus in primis a discipulis sancti Gregorii, id est, Augustino, Laurentio, Justo, Miletio, archiepiscopis, constituta et ordinata fuit, tale copulam et matrimonium maximum scelus, et incestum, et horribile flagitium, et damnable piaculum fieri ex auctoritate sanctæ Scripturæ judicabant. Quapropter paternitas vestra hujus rei veritatem nobis indicare non dedignetur, ut Ecclesiæ sacerdotibus, vel populo Christiano inde scandala, vel schismata, vel novi errores non oriantur et concrecant. Et quia carnales homines, idiotæ, Alamanni, vel Baugarvi, vel Franei, si juxta Romanam urbem aliquid facere viderint, ex his peccatis, quæ nos prohibemus, licitum et concessum a sacerdotibus esse putant, et dum nobis improprium deputant, sibi scandalum vitæ accipiunt, sicut affirmant se vidisse annis singulis in Romana urbe, et juxta Ecclesiam sancti Petri, in die vel nocte, quando Kalend. Januarii intrant, paganorum consuetudine choros ducere per plateas et acclamationes ritu gentilium, et cantationes sacrilegas celebrare, et mensas illa die vel nocte dapibus onerare, et nullum de domo sua ignem, vel ferramentum, vel aliquid commodi vicino suo præstare velle. Dicunt quoque se vidisse ibi mulieres pagano ritu phylacteria et ligaturas, et in brachiis, et cruribus ligatas habere, et publice ad vendendum venales ad comparandum aliis offerre. Quæ omnia eo quod ibi a carnalibus, et insipientibus videntur, nobis hic improprium et impedimentum prædicationis et doctrinæ perficiunt. De talibus ait Apostolus, increpans: **289** « Dies observatis, et tempora. Timeo ne sine causa laboraverim in vobis (*Psal. iv, 10, 11*). » Et sanctus Augustinus dixit: Nam qui prædictis malis, id est, carnis, et divinis, et aruspiciis, vel phylacteriis, et aliis quibuscumque auguriis crediderit, etsi jejundet, etsi oret, etsi jugiter ad ecclesias currat, etsi largas eleemosynas faciat, etsi corpusculum suum in omni afflictione cruciaverit, nihil ei proderit, quandiu sacrilegia illa non reliquerit. Nam si istas paganas paternitas vestra ibi in Romana urbe prohibuerit, et sibi mercedem, et nobis maximum profectum in doctrina ecclesiastica perficiet. Episcopi quoque et presbyteri generis Francorum, qui fuerunt adulteri, et fornicatores acerrimi, quos in gradu episcopatus, vel presbyterii fornicationum filii nati arguunt, revenientes ab apostolica sede, dicunt sibi Romanum pontificem licentiam dedisse ministerium episcopale in Ecclesia ministrare. Quos contra contendimus, quia apostolicam sedem nequaquam contra decreta canonum audivimus judicasse. Hæc omnia, domine charissime, propterea vobis nota facimus, ut vestræ auctoritatis responsum talibus dare possimus, ut per cautelam vestræ doctrinæ oves Ecclesiæ non seducantur, sed lupi rapaces commoti et superati pereant. Interea munuscula parva vobis

direximus, non quia digna sunt paternitate vestra, sed pro indicio charitatis et obedientiæ devotionis, id est, villosam unam, et argenti et auri tantillum. Dextera Domini protegente, incolumem valere, et in Christo proficere beatitudinem vestram in longitudinem dierum optamus.

Te Deus altitonus sancta conservet in æde sedis apostolicæ rectorem in tempora longa, melliflua gratum populis doctrina per orbem, Perficiatque Deo dignum pia gratia Christi. Splendida perficiat florens sua gaudia Mater, atque domus Domini letetur plebe secunda.

*Epistola Zachariæ ad Wittam.*

Dilectissimo nobis WITTÆ sanctæ Ecclesiæ Barbaræ ZACHARIAS papa.

Domino cooperante et sermonem confirmante (*Mar. xvi, 20*) ad dilatandam Christianitatis legem et orthodoxæ fidei tramitem, ad docendum juxta quod prædicat sancta hæc Romana, cui Deo auctore præsidemus, Ecclesia innotuit nobis sanctissimus ac reverendissimus frater et coepiscopus noster, Bonifacius, nuper se decrevisse et ordinasse in Germaniæ partibus episcopales sedes, ubi præest vestra dilectio, et provinciam in tres divisisse parochias; quo cognito cum magna exultatione extensis ad sidera palmis, illuminatori et datori omnium bonorum, Domino Deo et Salvatore nostro Jesu Christo gratias egimus, qui facit utraque unum (*Ephes. ii, 14*). Flagitavit autem a nobis pro suis syllabis jam dictus sanctissimus vir, per apostolicam auctoritatem vestras confirmari sedes. Pro quo et nos ardenti animo, et divino juvamine ac auctoritate beati Petri, apostolorum principis, cui data est a Deo et Salvatore nostro Jesu Christo ligandi solvendique potestas (*Math. xvi, 19*) peccata hominum in cælo et in terra, confirmamus atque solidas permanere vestras episcopales sedes sancimus, interdicentes, ipsius principis apostolorum auctoritate a præsentibus omnibus et in futuris generationes, ut nullus audeat contra eandem vestram venire ordinationem quæ dignante Deo ex nostra præceptione in vobis facta est, et hoc interdicentes, ut nullus audeat juxta sanctorum canonum traditionem, ex alio episcopatu ibidem transferri, aut ordinare episcopum, post vestram de hoc sæculo evocationem, nisi is qui apostolicæ nostræ sedis in illis potestatibus præsentaverit vicem. Sed nec unus alterius parochias invadere, aut Ecclesias subtrahere præsumat. Nam, quod non credimus, si quis ille fuerit qui contra hanc vestram præceptionem temerario ausu venire tentaverit, sciat se aeterno Dei judicio anathematis vinculo esse innodatum. Si quis vero apostolica servaverit præcepta, et normam rectæ et orthodoxæ fidei fuerit assecutus, benedictionis gratiam consequatur. De cætero, penitus divinam rogamus clementiam, ut confirmet et corroboret hoc quod operatus est Dominus in vobis. Et charitas Dei, gratia et pax vera sit cum spiritu vestro. Sanctissimi et dilectissimi nobis, toto conamine elaborate pro fide Christi, et ad ministerium



ejus perficiendum decertate, ut et cum egregio Apostolo mereamini dicere : « Bonum certamen certavi, cursum consummavi, fidem servavi. De reliquo, reposita est mihi corona justitiæ, quam reddet mihi Dominus in illum diem justus iudex (II Tim. iv, 8). » Salutantes vos in Domino valere optamus. Bene valete. Data Kal. Aprilis, imperante domino Constantino, magno imperatore, anno 24, imperii ejus anno 2, indictione sexta.

*Epistola Zachariæ ad Bonifacium episcopum.*

Reverendissimo et sanctissimo fratri, BONIFACIO coepiscopo ZACHARIAS, servus servorum Dei.

Virgilius et Sodomus, viri religiosi, apud Bajoariorum provinciam degentes, suis apud nos litteris usi sunt, per quas intimaverunt, quod tua reverenda fraternitas eis injungeret Christianos denovo baptizare. Quod audientes, nimis fuimus conturbati, et in admirationem quamdam incidimus, si habetur, ut dictum est. Retulerunt quippe quod fuerit in eadem provincia sacerdos, qui Latinam linguam penitus ignorabat, et dum baptizaret, nesciens Latini eloqui, infringens linguam, diceret : Baptizo te in nomine Patria, et Filia, et Spiritu sancta, ac per hoc tua fraternitas consideravit rebaptizare. Sed, sanctissime frater, si ille qui baptizavit, non errorem introducens, aut hæresim, sed pro sola ignorantia Romanæ locutionis infringendo linguam, ut supra, sati sumus, baptizans dixisset, non possumus consentire, ut denovo baptizentur, quia, tua quod bene compertum habet sancta fraternitas, quicumque baptizatus fuerit ab hæreticis, in nomine Patris, et Filii, et Spiritus sancti, nullo modo rebaptizari debet, sed per solam manus impositionem purgari debet. Nam, sanctissime frater, si ita est, ut nobis relatum est, non amplius a te illis prædicentur hujusmodi, sed ut Patres sancti docent et prædicant, tua sanctitas studeat conservare. Deus te incolumem custodiat, reverendissime frater. Data Kal. Julii, imperante domino piissimo Augusto Constantino, a Deo coronato, magno imperatore, anno 26, imperii ejus anno quarto, indictione quarta decima.

*Item epistola ejusdem ad episcopos diversos.*

Dilectissimis nobis, REGNIFRIDO Rothomagensi episcopo, RIMBERTO Ambianensi episcopo, DEODATO Belovacensi episcopo, HALESEO Novionensi episcopo, FULCIRICO Tungiensis episcopo, DAVID Spitonensi episcopo, ETHEREO Chardomenensi episcopo, TRENNARDO Cameracensi episcopo, BURGARDO Wizarburnensi episcopo, GENEBAUDO Laudunensi episcopo, ROMANO Meldensi episcopo, AGILOLPHO Coloniensi episcopo, HENNO Straburgensi episcopo, et cæteris amantissimis episcopis, presbyteris, et etiam diaconibus, cunctisque orthodoxis Ecclesiarum Dei clericis apostolicam doctrinam tenentibus, ZACHARIAS divina gratia præditus apostolicæ sedis pontifex, servus autem servorum Dei, in Domino salutem dicit.

Gratias ago Deo Patri omnipotenti, et Domino Jesu Christo unico Filio ejus, et Spiritui sancto, qui vestra omnium corda inflammare dignatus est per

A diffusam a se gratiam, ut in unitate fidei, et in vinculo pacis ambuletis, et « sit splendor Domini Dei nostri super nos (Psal. lxxxix, 17) » dilectissimi mihi, et abundans gratia pacis et charitatis, ut sitis unum corpus spiritalis matris vestræ sanctæ catholicæ et apostolicæ Dei Ecclesiæ, in qua, Deo auctore et disponente, quamvis tanto fastigio viribus longe impares, præsumus, implentes illud propheticum dictum : « Ecce quam bonum, et quam jucundum habitare, fratres in unum (Psal. cxxxii, 1). » Etenim et si pro itineris longitudine quanquam corpore sumus absentes, in Spiritu tamen dilectionis semper sumus vobis præsentēs, habentes vos in visceribus nostris, et assidue orantes, ut Deus et Dominus noster Jesus Christus multo amplius confirmet corda vestra, et corroboret in exhortationem Evangelii in ministerio quo fungimini, ut credita vobis plebs vestris piis admonitionibus, auctore Deo, a diabolica fraude liberata, salva persistat, vosque mereamini de eorum animabus in die Christi apportare lucrum. Scriptum quippe est : « Filii sapientiæ, Ecclesia justorum, et natio eorum, obedientia et charitas (Eccli. iii, 1). » Obsecro ergo vos, charissimi mei, ut digne ambuletis vocatione qua vocati estis, ut decet sanctos cum multa sapientia, supportantes invicem in charitate, solliciti servare unitatem Spiritus in vinculo pacis, et charitatis (Ephes. iv, 13), quia « finis præcepti charitas est de corde puro et conscientia bona, et fide non ficta (I Tim. i, 5). » Gaudeo in vobis, charissimi, quoniam fides vestra, et unitas erga nos pretiosa est, et manifesta non solum coram Deo, sed etiam coram omnibus hominibus, dum ad fautorem et magistrum vestrum a Deo constitutum, beatum apostolorum principem, Petrum, benignissima volentate conversi estis. Laudabilis fides vestra et bona fama, quoniam « idipsum sapitis quod oportet sapere (Rom. xii, 3). » Et nunc, Deo cooperante, est aggregata sanctitas vestra nostræ societati in uno pastoralis ovili. Et est nobis unus pastor, qui a pastore pastorum Domino Deo et Salvatore nostro Jesu Christo, princeps apostolorum et noster doctor est institutus. Habetis itaque nostra vice ad confirmandam dilectionem vestram, et collaborandum vobis in Evangelio Christi sanctissimum ac reverendissimum Bonifacium, fratrem nostrum, archiepiscopum, apostolicæ sedis legatum et vicem nostram presentantem. Sit ergo constantia vestra adversus contentiones eorum qui adversa sapiunt, et non quæ Dei sunt (Marc. viii, 33), et erit fortior petra constantia vestra, sicut scriptum est : « Ne timueritis ab eis, neque timeamini a facie eorum qui corpus occidunt, animam autem non possunt occidere. » Quod autem in aure auditis, prædicare in lumine, illum timentes qui potest corpus et animam occidere, et mittere in gehennam (Matth. x, 28, 29). » Fratres mei, in carne ambulantes, non secundum carnem militamus. « Arma enim militiæ nostræ non carnalia, sed po-

tentia Deo ad destructionem munitionum, consilia destruentes et omnem exaltationem extollentem se adversus scientiam Dei, in captivitatem redigentes omnem intellectum, et omnem cogitationem in obsequium Christi perducentes (*II Cor. x, 4, 5*). » De cætero, fratres, confortamini in Domino et in potentia fortitudinis ejus. Pax vobis multa et gratia a Deo et Domino nostro Jesu Christo ministretur. Amplectimur et osculamur, ac si præsentem charitatem vestram in unitatem Spiritus, in vinculo pacis et charitatis Christi. Deus vos incolumes custodiat, dilectissimi nobis

*Ejusdem ad Bonifacium.*

Reverendissimo et sanctissimo fratri, BONIFACIO coepiscopo, ZACHARIAS, servus servorum Dei.

Cum nobis sanctissimæ fraternitatis tuæ syllabæ delatæ fuissent, atque per singula relegi fecissemus, et reperissemus in earumdem litterarum tuarum serie quod peccatis nostris facientibus, dum Dominici tritici semina quæreres elaborare, ad augendam segetem spiritalem subito inimici superseminant zizania (*Math. xiii, 25*) ut sanctitatem tuam in bono opere impediunt. Sed tua sancta fraternitas incessanter orationi instet, pariter cum fratribus qui secum laborant, et spiritales sarculos construens, zizania eradicans deportet ad comburendum (*Ibid.*, 30), ut ait beatus Gregorius papa: Bonum enim, inquit, opus nobis sit in voluntate: nam ex divino adjutorio erit in perfectione. His ita se habentibus, charissime frater, confortare in Domino, et ipse erit adjutor tuus. De incursione autem gentium, quæ in tuis plebibus facta est, mœrendum nobis est: sed hæc adversitas nullatenus tuam fraternitatem conturbet, quia et Romana civitas ex accidentibus facinoribus sæpius est depopulata, et tamen omnipotentia sua Dominus ex supernis eam dignatus est consolari. Sed populis tibi commissis, reverendissime **290** frater, prædica jejuniis, supplicationibus apud Dominum litaniarum, et supereminens ejus clementia adjuvabit te. Te autem, ut prædiximus, nullatenus adversa perturbent. Sed in bono opere quod coepisti nullo modo deficias. Nos vero, licet immeriti et peccatores existamus, nostris precibus vel consacerdotum nostrorum, in quantum possumus, adjuvamus. De synodo autem congregata apud Francorum provinciam, mediantibus Pippino et Carlomanno, excellentissimis filiis nostris, juxta syllabarumstrarum commonitionem, peragente nostra vice, tua sanctifica qualiter egisses cognovimus, et omnipotenti Deo nostro gratias egimus, qui eorum corda confirmavit, ut in hoc pio opere adjutores existerent, et omnia optime, et canonice peregisti, tam de falsis episcopis, et fornicariis, et schismaticis; quamque etiam et in reliquis nomine sacerdotibus contra canonum instituta agentibus, vel contra catholicam Dei, et apostolicam Ecclesiam, de quibus secundum tuam relationem, per singula respondemus. De eo namque quod suggestisti, quod elegerunt civitatem unam omnes Franco-

rum principes conjungentem usque ad paganorum fines, et in partes Germanicarum gentium, ubi ante prædicasti, quatenus ibi sedem metropolitanam perpetuo tempore habere debeas, ut inde cæteros episcopos ad viam instrueres rectitudinis, et post te tui successores perpetuo jure possideant; hoc quod decreverunt læto nos suscipimus animo, eo quod ex Dei nutu factum est, vel si quidem falsi sacerdotes, et schismatici hoc impedire conati sunt, quorum vanum agnoscimus Dominus dissipabit, et illa faciet stabilita quæ sanctorum Patrum statutis conveniunt concordare. Et quia tibi ipsi principes Francorum in hoc etiam adjutores exstiterunt, retribuatur illis omnipotens Deus vicissitudinis præmium, et innumera largiatur bona. Nam similiter de illo falso episcopo, quem dixisti adulterati clerici, et homicidæ filium ac in adulterio natum, et absque disciplina nutritum, et cætera mala, et horribilia, quæ per singula enarrasti, ac per hoc, et sui similes sacerdotes consecravimus, de hoc meminit tua reverenda fraternitas quod tribus jam vicibus scripsimus, ut nullus homicida, nullus adulter, nullus fornicator sacrum ministerium debeat obtrectare, sed neque pœnitens, aut talis qualem sacri canones prohibent esse sacerdotem.

De baptizatis ab illo, seu ecclesiis consecratis requirat tua fraternitas, si aut ecclesias in nomine Trinitatis consecravimus aut parvulos similiter baptizavit, dum sacerdotio fungebatur; et sic et consecratio ecclesiarum et parvulorum baptisma sit confirmatum. Et hoc pariter suggestisti quod illi qui a te projecti sunt sacerdotes, a nobis absolutos se apud Francorum provinciam divulgant, quod tua sancta fraternitas nullo modo credat, quia quod impossibile est, si hoc fecissemus, tuæ charitati per nostras indicassemus litteras. Sed hoc, quod impossibile est, nullo modo credas, quia non aliud prædicamus, et aliud agimus, aut dirigimus ut illi garrunt, sed, auxiliante Deo, illud quod prædicamus finetenus observandum censemus. Hoc autem sanctitatem tuam firmissime ut teneas hortamur, ut sanctorum Patrum institutis, et consultis sacrorum canonum omnimodo obsequi debeas, quia nos nullatenus aliud prædicamus et aliud agimus. Nam de eo quod obsecrasti, ut Francorum principibus scriberemus, vel cæteris Francis, ut petisti, eis per singula scripsimus ut tibi et amici sint, et adjutores in Dominico opere existant. De censu vero expetendo, eo quod impetrare a Francis ad reddendum ecclesiis vel monasteriis non potuisti, quam ut vertente anno ab unoquoque conjugio servorum duodecim denarii reddantur, et hoc gratias Deo, quia potuisti impetrare, et Dominus donaverit quietem. Anguntur et luminaria sanctorum pro eo quod nunc tribulatio accedit Saracenorum, Saxonum vel Frisonum, sicut tu ipse nobis innotuisti. De eo namque quod interrogasti, quod illi qui depositi sunt pro capitalibus peccatis de gradu sacerdotali, dum eos reperissemus adulteros, homicidas, ut nec sacerdotes,



nec clerici esse possint, nec sub pœnitentia monachi A esse volunt, sed, pergentes apud palatium regis Francorum rogant ut eis loca tribuat ecclesiarum vel mōnasteriorum, ut laicam vitam vivant, et dispergentes sanctorum loca, sed et de hoc pariter qualiter fieri debeat, Francorum principibus commonentes direximus. In alia quippe tua epistola reperimus contineri omnia quæ contra te egerant falsi, et schismatici episcopi Aldebertus et Clemens, per quæ omnia acta ipsorum et impiissimum errorem sigillatim indicasti. Nos vero congregatis fratribus et consacerdotibus nostris, eorundem pravorum sceleratissima acta in eorum pœnitentia relegi fecimus, et dum nobis coram concilio relecta fuissent, pio studio omnes eadem schismatica dogmata ipsorum atque iniquissimas traditiones, seu sceleratissimam vitam quam sibi Aldebertus conscribere fecit, una voce exclamaverunt ut igni cremarentur. Sed nos hoc non rectum judicavimus, pro eo quod ad reservandum, sive in æternum eos condemnandum in scrinio sanctæ Ecclesiæ reservanda mandavimus, suscipientes ipsi dignam sententiam, cujus instar actionis ad tuam direximus, frater, sanctitatem, ut relecta in provincia Francorum, omnis schismaticus audiens taliter a sancta Dei catholica et apostolica Ecclesia judicatum a sensus sui pravitate respiscat. In tertia namque tua epistola intimasti nobis de alio seductore, nomine Geolebo, qui antea tali episcopi honore fungebatur, et quia sine cujuscunque consultu apud nos properat, et dum advenerit, ut Domino placuerit, fiet. Tua autem reverentia, ut, auxiliante Domino, corpit, vice nostra volumus ut, omni anno, apto tempore in Francorum provincia concilium debeat celebrari, ut frequentia sacerdotum sive institutis sacrorum canonum mediantibus illis quid adversum nullo modo audeat pullulare, sed magis Ecclesiæ Dei unitate, et disciplina ecclesiastica, atque apostolica ubique in illis partibus dilatata, cunctæ populorum turbæ etiam in occiduis partibus veri catholici esse possint, et non amplius per falsos sacerdotes erroribus involuti demergantur in interitum. Dum vero concilium aggregaveris, sic tua fraternitas conflictum habeat cum metropolitanis, quos confirmavimus, de eo quod dixisti, ut nullus sine commendatitiis epistolis suscipiatur. Tamen, et pro hoc ipso, et pro omnibus Francorum principibus, commonitionis direximus litteras, ut jam superius fati sumus, de civitate namque illa, quæ nuper Agrippina vocabatur, nunc vero Colonia, juxta petitionem Francorum, nostræ auctoritatis per præceptum nomini tuo metropolim confirmavimus, et tuæ sanctitati direximus pro futuris temporibus ejusdem metropolitanæ Ecclesiæ stabilitatem. Deus te incolumem custodiat reverendissime et sanctissime frater. Data pridie Kalendas Novembris, imperante domino piissimo Augusto Constantino, a Deo coronato, magno imperatore, anno 27, imperii ejus quinto anno, indictione decima quarta

*Item epistola Zachariæ ad Bonifacium*

Sanctissimo et reverendissimo fratri, BONIFACIO copiscopo, ZACHARIAS episcopus, servus servorum Dei. Benedictus Deus Pater Domini nostri Jesu Christi, qui dispersa congregat et congregata conservat, augetque fidem et fiduciam servis suis ad prædicandum verbum Evangelii Jesu Christi Domini nostri, cum eodem Patre et Spiritu sancto in unitate viventi in sæcula sæculorum, ipsi gloria et laus, qui adjutor et protector est in se credentibus; ipse enim dixit: « Qui credit in me vita vivet, et non morietur (Joan. vi, 47), » quoniam « ego sum via, veritas et vita (Joan. xiv, 6). » Laudamus et superexaltamus sanctum nomen ejus, læti, gaudentes, per horum gerulos, et sanctæ fraternitatis tuæ litteris B allatis, superstitem in hac vita, et in Domino te valere cognoscentes, petentes immensam Dei nostri divinitatem, ut ad prædicandum multo amplius Evangelii atque sanctæ fidei ejus sacramentum, longævum te servet, suaque protectione te muniat, et ab adversantium insidiis pie miserando custodiat. Suggestit itaque sancta fraternitas tua in suis apicibus quod prædecessor noster beatæ memoriæ Gregorius, hujus sanctæ sedis apostolicæ præsul, dum ad prædicandum verbum Evangelii tuam misisset fraternitatem in Germaniæ partibus, et gentibus illis paganis, verbo pollicitationis a te esse muniti, ita ut orthodoxos episcopos, presbyteros, vel quoscumque reperire potuisses, in verbo exhortationis perfectos amplius confirmares, et eis communicares quod et factum est. Si quos vero seductores episcopos, aut pseudopresbyteros, vel quoscumque a recto fidei tramite deviantes reperisses, nulla tibi cum eis esset communio. Quod te, Deo solatiante usque ad præsens spiritualiter servasse confessus es, vel si omnino propter principalem, et humanum favorem gentis Francorum, dum ad eos accessisses corporaliter abstinere non valuisti, cogente necessitate Ecclesiarum Dei, et tamen in eorum concilio, et consensu communionis anima tua non est coinquinata. Itaque propter hoc, quod cum eis conservatus es, non consentiens iniquitati eorum, nullum tibi est detrimentum coram Deo. Te enim prædicante, si obedirent, salvi essent. Si autem in iniquitate sua permanent, ipsi peribunt: Tu autem juxta prophetæ dictum: « Salvasti animam tuam (Ezech. xxxiii, 9). » De episcopis autem et palliis Francorum scripsisti, quod juxta promissionem suam nondum impleverunt, qui si impleverint juxta verbum suum, habebunt ex eo laudem (Rom. xiii, 3). Sin vero aliter egerint, ipsi videbunt, nos enim, divina gratia largiente, quod gratis accepinus, gratis damus (Matth. x, 8). Tua quidem, propter hoc benigna voluntas a nobis suscepta est. Igitur et hoc petisti monasterium in vastissima solitudine, et in medio gentium quibus prædicas constitutum, et a te fundatum esse, atque in honore Salvatoris Dei nostri dedicatum, ubi etiam et

monachos sub regula beati Benedicti degere ordinasti, hoc venerabile monasterium nomini tuo privilegio sedis apostolicæ muniri. Quod votis tuis acquiescentes ordinavimus juxta petitionem et desiderium tuum. Congruit enim divini ministerii prædicatorem optimumque ministrum ad desiderata pertingere, et cœptum bonum opus usque in finem perficere, sicut scriptum in Dominico præcepto: « Qui perseveraverit usque in finem, hic salvus erit (*Math. x, 22*). » Et « beatus servus ille, quem cum venerit Dominus, invenerit sic facientem; etenim super omnia bona sua constituet eum (*Math. xxiv, 46, 47*). » Interea prædictus tuus Gerulus Lul, cum cæteris suis concomitibus, quæ injuncta fuerunt a tua fraterna sanctitate, tam in verbo, quam in præscripto omnia liquidius suggerentes innotuerunt, de quibus tam in verbo responsum dantes, et præscripto, tuæ remisimus fraternitati. Continuebant enim capitula in pitatio ab eis porrecto, quæ inferius annexa sunt, de quibus flagitasti a nobis quæ recipienda, quæ respuenda sunt.

In primis de volatilibus, id est, graculis et corniculis, atque ciconiis, quæ omnino cavendæ sunt ab esu Christianorum, etiam et fibri, atque lepores, et equi silvatici multo amplius cavendi. Attamen, sanctissime frater, de omnibus Scripturis sacris bene compertus es. De igne autem Paschali, quod inquisisti a sanctis priscis Patribus, ex quo per Dei et Domini nostri Jesu Christi gratiam, et pretioso sanguine ejus ecclesia dedicata est quinta feria Paschæ, dum sacrum chrisma consecratur, tres lampades magnæ capacitatis ex diversis candelis Ecclesiæ oleo collecto, in secretiori ecclesiæ loco, ad figuram interioris tabernaculi insistente indeficienter, cum multa diligentia inspecte ardebunt, ita ut oleum ipsum sufficere possit usque ad tertium diem. De quibus candelis Sabbato sancto, pro fontis sacri baptismate sumptus ignis per sacerdotem renovabitur. De cristallis autem, ut asseruisti, nullam habemus traditionem. De his, qui regio morbo vexantur inquisisti, sive equi sint, quid faciendum sit de illis. Si homines ex nativitate, aut genere hujus morbi sunt, hi extra civitatem comitari debent, elemosynam vero ad accipiendum a populo non devitari. Si autem contigerit magnum vel parvum non nativitate, sed superveniente ægritudine vexari, non est projiciendus, sed si possibile est curandus. Attamen in ecclesia, dum ad communionem venerit, post omnium suppletionem crit ingressurus ad participandum munus. Equi vero qui præfato morbo fuerint coinquinati, si curari non valuerint, in puteis et foveis projiciendi sunt, ne ejusdem morbi contagione cæteri coinquentur. De animalibus autem quæ a furentibus, id est rabidis lupis et canibus fuerint lacerata, oportet ea a cæteris separari, ne per furentes et mordentes cætera coinquentur. Quod si pauca sunt, ut supra diximus, in foveas projicienda sunt. Nam et hoc inquisivit fraternitas tua, si liceat sanctimoniales feminas

A quemadmodum viris, sibi invicem pedes anuere, tam in cœna Domini, quam in aliis diebus. Hoc Dominicum præceptum est, quod qui per fidem impleverit, habebit ex eo laudem. Etenim viri et mulieres unum Deum habemus qui in cœlis est. Pro benedictionibus autem quas faciunt Galli, ut nosti, frater, multis vitiis variantur. Nam non ex apostolica traditione hoc faciunt, sed per vanam gloriam hoc operantur, sibi ipsis damnationem adhibentes, dum scriptum est: « Si quis vobis evangelizaverit præter id quod evangelizatum est, anathema sit (*Gal. i, 9*). » Regulam catholicæ traditionis suscepisti, frater amantissime. Sic omnibus prædica, omnesque doce, sicut a sancta Romana, cui Deo auctore deservimus, accepisti Ecclesia. Inquisisti etiam et hoc, si ante tricesimum annum liceat sacerdotem ordinari. Bonum et congruum, charissime frater, si fieri et inveniri potest, ut provectæ ætatis et boni viri testimonii juxta sacrorum canonum instituta, ordinentur sacerdotes. Si autem minime reperiuntur, et necessitas exposcit, a viginti quinque annis et supra levita et sacerdotes ordinentur, quemadmodum in lege Domini continetur. De Milone autem et ejusmodi similibus, qui Ecclesiis Dei plurimum nocent, ut a tali nefario opere recedant, juxta Apostoli vocem: « Opportune, importune prædica (*I Tim. iv, 2*). » Si acquieverint admonitionibus tuis, salvabunt animas suas. Sin vero ipsi peribunt obvoluti in peccatis suis. Tu autem qui recte prædicas, non perdes mercedem tuam. Nam et hoc inquisisti, post quantum temporis debet lardus comedi, nobis a Patribus constitutum per hoc non est. Tibi autem petenti consilium præbemus, quod non oporteat eum mandî, priusquam super fumo siccetur, aut igne coquatur. Si vero libet ut incoctum manducetur, post Paschalem festivitatem erit manducandum.

Episcopus autem condemnatus, de quo inquisisti, qui impugnator et fornicator existit, atque res ecclesiæ post degradationem sibi vindicare nititur, hic omnino ac detestabiliter respuendus est. « Quæ enim portio infidelis cum fidei? Aut quæ communio Christi ad Belial? » (*II Cor. vi, 15*.) Has sanctorum Patrum traditiones, et sanctorum canonum instituta condemnaverunt. De ordinatione etiam presbyterorum et diaconorum, qui cogente necessitate et paupertate rogantium non legitimis temporibus et diebus a te provenerunt, si aliquam habentes ex hoc offensionem insinuasti, dicimus autem tibi, frater, bene nosti quod sacri canones docent aptis temporibus sacerdotes ordinandos. Attamen in eo quod a te propter zelum fidei actum est, a Domino Deo nostro indulgentiam postulamus. De censu autem ecclesiarum, id est, solidum de cassata suscipe, et nullam habeas hæsitacionem, dum ex eo poteris elemosynam tribuere, ac in Christi pauperes parti, et opus perficere sacrarum ecclesiarum, juxta canonum instituta. Si quos vero presbyteros, qui de laicis promoti fuerint, et antea criminalibus causis obvoluti celantes peccatum suum ordinati sunt, postmo-



dum vero et manifestata est eorum iniqua actio, hos sacerdotali habitu privatos poenitentiae submitte. Non enim odit Deus peccantem et confitentem, sed peccantem et negantem. Nam hoc flagitasti a nobis, si licet persecutionem paganorum fugere an non. Et pro hoc, frater, salutare consilium damus. Si fieri potest, et locum inveneris, insta ad prædicandum illis. Si autem supportare non valueris eorum persecutionem, habes præceptum Dominicum, ut in aliam ingrediaris civitatem (*Matth. x, 23*). Nam et hoc inquisisti quid faciendum sit de excommunicato episcopo, et apostolicam auctoritatem negligente. Hic detestabilis est coram Deo et hominibus cui condemnationi inordinatus non communicabit; ipsi enim condemnabuntur et in die iræ et revelationis Domini et Salvatoris nostri Jesu Christi, cum sederit ad iudicandum genus humanum (*Rom. ii, 5*), sicut scriptum est: Superbis ego resistam, dicit Dominus (*I Petr. v, 5*). Etenim de Sclavis Christianorum terram inhabitantibus, si oporteat censum accipere interrogasti, frater. Hoc quidem consilio non indiget, dum rei causa est manifesta. Si enim sine tributo sederint, ipsam quandoque propriam sibi vindicant terram. Si vero tributum dederint, norunt dominatorem ipsam terram habere. Nam et hoc flagitasti a nobis, sanctissime frater, in sacri canonis prædicatione, quot in locis cruces fieri debeant, tuæ significemus sanctitati, votis autem tuis clementer inclinati, in rotulo dato Lul religioso presbytero tuo per loca signa sanctæ crucis quanta fieri debeant infiximus. His autem se habentibus, Domini deprecamur clementiam licet peccatores, ut suo te muniat et confortet auxilio, nosque annuat prosperitatis tuæ semper læta suscipere nuntia. Deus te incolumem custodiat, reverendissime frater. Data secundo Nonas Novembris, imperante Domino piissimo Augusto Constantino a Deo coronato, magno imperatore, anno 50, imperii ejus anno 11, indictione 4.

*Epistola Zachariæ papæ ad Bonifacium episcopum.*

Reverendissimo et sanctissimo fratri BONIFACIO episcopo ZACHARIAS servus servorum Dei.

Susceptis, sanctissime, fraternitatis tuæ litteris per Deneardum, religiosum presbyterum tuum, quia sospitem te, ut semper cupimus, esse cognovimus, omnipotenti ac misericordissimo Deo nostro magnas retulimus gratias, qui tibi in omnibus bonis prosperari dignatur. Magnam enim in cordibus nostris infundis lætitiā, quoties nobis sanctitatis tuæ scripta mittuntur, quando reperimus quæ ad salutem respiciunt animarum, dum quotidie in gremio sanctæ matris Ecclesiæ, per tuam prædicationem, novi populi adduntur. Ubi et tres episcopos per loca singula secundum seriem syllabarum tuarum te ordinasse cognovimus, qui eidem populo, quem sibi Dominus Deus noster per tuam sanctitatem aggregare dignatus est, præesse debeant et petisti, ut per auctoritatem nostræ sedis episcopales ibidem sedes firmentur. Sed tua sancta fraternitas pertractet mature, et

A subtili consideratione discernat, si expedit, aut si loca vel populorum turbæ talia esse probantur, ut episcopos habere mereantur. Memineris enim quid in sacris canonibus præcipimus observare, ut minime in villulas vel in modicas civitates episcopos ordinemus, ne vilescat nomen episcopi. Sed nos tuis sincerissimis atque a nobis dilectis syllabis provocati, quæ proposuisti absque mora concedi patimur, et statuimus per apostolicam auctoritatem episcopales illic esse sedes quæ per successionem episcopos mereantur, et populis præsent, atque verbum prædicationis subjectis insinuetur, id est, in castello quod dicitur Mursaburg, et alterum in oppido quod nominatur Buraburg, tertium in loco qui dicitur Erphesfurt. Ita ut nulli post hæc liceat cuiquam hæc quæ a nobis sancita sunt quoquomodo violare, quæ auctoritate beati Petri apostoli firma esse decrevimus. De eo autem quod intimasti nobis, quod te Carlomannus filius noster ad se rogavit accedere, ut in urbe regni Francorum in sua ditione, sive potestate constituta, synodum celebrare debeas, eo quod omnis ecclesiastica regula sive disciplina ab eadem provincia funditus abolita sit, quod nimis merendum est, quod per spatia temporum ibidem synodus sacerdotum minime celebraretur, unde neque quid sit quod sacerdotium ab eis qui se sacerdotes existimant, cognoscitur. Sed dum, juvante Deo, quæ a præfato filio nostro promissa sunt, ad effectum perducta fuerint tuæque fraternitas memorato concilio condesciderit cum eodem excellentissimo viro, si quos repererit episcopos, presbyteros aut diaconos contra canones vel statuta Patrum excessisse, id est, in adulterio, vel si plures uxores habuerunt, aut si sanguinem Christianorum, sive paganorum effuderunt, vel etiam aliis capitulis, quibus canonibus obviasse repererit tua sanctitas, nulla ratione apostolica auctoritate permittat sacerdotio fungi, quia tales a suo proprio ore falsi nominantur sacerdotes, et peiores ac deteriores secularibus esse noscuntur, qui se neque a fornicationibus, neque a nefariis matrimoniis abstinere, neque ab hominum sanguinis effusione manus servant innoxias, quales se esse sacerdotes existimant, aut quid inde sentiant, dicente Deo: Sacerdotes mei semel nubant, et Apostolus, unius uxoris virum, et cætera (*Tit. i, 6*), et hoc ante susceptum sacerdotium, uti licitum est. Nam a die suscepti sacerdotii etiam ab ipso proprio conjugio prohibendi sunt. Quomodo sacerdotio fungi considerant, qui talibus sceleribus involuti esse monstrantur, ut neque sæculares fideles his facinoribus obvolutos optemus? Quomodo non pertimescunt divina mysteria contingere, aut quomodo ad orandum pro peccatis populi accedere præsumunt, dum sacri canones, neque purum clericum, cui sacerdotium non est, secundis copulari nuptiis præcipiunt? Isti enim e contrario, non solum post susceptum sacerdotium se abstinere ab una uxore noluunt, imo luxuriæ obvoluti pejora sæcularium scelera committunt, ut plures uxores habere præsumant, quibus neque

unam concessum est post susceptum ministerium attrahere. Sed ista parvipendentes, atque ad iracundiam provocantes, majora committunt facinora, dum propriis manibus Christianos atque paganos homines necant. Et fit ut quibus in remissionem peccatorum debuerunt lavacrum regenerationis impendere, atque Christi sacramentum donare, ne in æternum perirent, eorumdem sacrilegis manibus ipsi extinguantur. Quis enim sapiens habens cor eos æstimet sacerdotes, qui neque a fornicationibus abstinent, neque ab effusione sanguinum manus servant innoxias? Quisve eorum sacrificiis Deum credit esse placatum, dicente Propheta: « Virum sanguinem et dolosum abominabitur Dominus (*Psal. v, 7*). » Isti namque, ut præmissi, ne sacerdotio fungi patiantur, neque divina contingere mysteria commoneamus. Quicquid vero aliud, ut dictum est, eos contra ecclesiasticam regulam excessisse reperiatis, canones, sive instituta Patrum, præ manibus habeto, juxta quod in eis edoctus fueris discerne. De eo autem quod tibi successorem constituere dixisti, ut, te jubente, in tuo loco eligatur episcopus, hoc nulla ratione concedi patimur, quia contra omnem ecclesiasticam regulam, vel instituta Patrum esse monstratur, sed volumus ut tibi ministret, et sit in Evangelium Christi adjutor, dicente Apostolo: « Si quis bene ministraverit, gradum sibi bonum acquirat (*I Tim. iii, 15*). » Nimis enim reprehensibile manifestum est, ut te vivente tibi alium substituamus. Sed hoc commonemus ut, quandiu te divina jusserit clementia superesse, sine intermissione orare non cesses, ut tibi Deus illum successorem concedat, qui ei possit esse placabilis, et populum, quem ad suam gratiam per æternæ sanctitatis industriam vocare voluit irreprehensibiliter regere valeat, atque ad viam vitæ elaboret perducere. Nam quomodo hæc quæ poposcisti, si et voverimus, concedere, possumus, dum nos fragiles homines existentes, et sub conditione mortis constituti, ignorantes, quid superventura dies pariat, non valentes investigare qui de nobis prior de præsentī sæculo migret. Sin autem et eundem divina voluerit clementia prius tui diem transitus superesse, si eum aptum cognoveris, et in tua voluntate fuerit definitum, ea hora qua te de præsentī sæculo migraturum cognoveris, præsentibus cunctis tibi successorem designa, ut huc veniat ordinandus, quod nulli alii concedi patimur, quod tibi charitate cogente largiri censuimus. De illo namque qui viduam avunculi sui, quæ et ipsa fuit uxor consobrini sui, et sacrum velamen habere monstrata est, et a beatæ memoriæ prædecessore nostro sibi licentiam concessam esse divulgavit, ut eam in pernicioso matrimonio assumere debuisset, absit hoc ut prædecessor noster ita præciperet. Nec enim ab apostolica sede illa diriguntur, quæ contraria esse Patrum, sive canonum institutis perhibentur. Admonere, adhortari, increpare eos, frater, ne cesses, quatenus a tali scelesto recedant matrimonio, ut non in æternum pereant. Reminiscentur enim se Christi

A sanguine esse redemptos, et non sponte se contrahant, nisi ab ipso recesserint incesto matrimonio diaboli potestati, seu magis illi Deo et Christo filio ejus, Spiritui sancto quoque in cujus nomine ab illius antiqui hostis erepti sunt potestate. Elabora namque, sanctissime frater, in eis, quia scriptum cognoscis: « Qui converti fecerit peccatorem ab errore vitæ suæ, salvabit animam ejus a morte, et suorum operit multitudinem peccatorum (*Jac. v, 20*). » Nam et nos ei pro hoc communitaria scripta direximus.

292 De Kalendis vero Januariis, vel cæteris auguriis, phylacteriis et incantationibus, vel aliis diversis observationibus, quæ gentili more observari dixisti apud beatum Petrum apostolum, vel in urbe Roma, hoc a nobis et omnibus Christianis detestabile et perniciosum esse judicamus, dicente Deo: « Non augurabimini, vel certe non observabitis somnia (*Lev. xix, 26*). » Et iterum: « Non est augurium in Israel, nec observatio in domo Jacob (*Num. xxiii, 23*). » ita et a nobis cavendum esse censuimus, ut nullis auguriis vel observationibus attendamus, quia omnia hæc abscissa esse a Patribus sumus edocti. Et quia per instigationem diaboli iterum pullulabant a die qua nos jussit divina clementia, quanquam immeriti existimamus, apostoli vicem gerere, illico omnia hæc amputavimus. Pari etenim modo volumus tuam sanctitatem populis sibi subditis prædicare, atque ad viam æternæ perducere vitæ. Nam et sanctæ recordationis prædecessoris atque nutritoris nostri Domini Gregorii papæ constitutione omnia hæc pie ac fideliter amputata sunt, et alia diversa quam plura quæ diabolo suggerente pullulabant in Christi ovili, cujus instar pro illius populi salute dirigere maturavimus. Nam de sacerdotibus illis qui falsa opinantur, qui etiam adulteri et fornicatores probantur, et sibi ab apostolica sede indultum esse, et e contrario sibi licentiam prædicationis largitam esse, hoc nulla ratione credat tua sancta fraternitas, sed similiter in eis canonicam exerce vindictam, quemadmodum de his quibus superius a nobis edoctus monstraris. Non enim aliud te agere volumus præterquam quæ sacri præcipiunt canones, vel etiam ab hac apostolica sede instructus esse dignosceris. Secundum tuæ namque sanctitatis petitionem et tribus episcopis tuis singulas confirmationis epistolas misimus, quas per tuæ sanctitatis manus eis largiri volumus. Et Carlomanno filio nostro alia scripta direximus, ut quæ tibi promisit adimplere festinet, atque adminicula præstet. Sed hæc, frater charissime, de omnibus superius comprehensis capitulis, ut Dominus donavit, respondemus ad omnia amputanda diabolicæ fraudis scandala. Tua vero sancta fraternitas, si quid de cætero evenerit, ut sacri doceant canones, studeat emendare in plebibus sibi a Deo commissis. Non enim aliud nobis convenit prædicare, præter quod a sanctis Patribus sumus edocti. Si vero et novi aliquid inimici astutia agente, acciderit, quod tua sancta fraternitas minime per canonicæ instituta discernere possit, hoc nobis non pigeat ita



sinuare, quatenus, Deo juvante, quæcunque ad emendationem novæ plebis esse possunt, tibi absque tarditate respondere maturemus. Cognoscat enim, frater charissime, tua sancta fraternitas ita dilectionem tuam nos habere in nostris præcordiis, ut te præsentialiter quotidie videre desideremus, et ita te in nostro consortio habeamus, ut certe ministrum Dei et dispensatorem Ecclesiarum Christi. De cætero namque confortare in Domino, frater charissime, et esto robustus (*Deut.* xxxi, 7), et elabora in opus ad quod te divina voluit evocare clementia. Magna enim te spes remunerationis exspectat, quam promisit

Habe gratiam studiosis, Lector studiosæ, quod nunc ad manum habeas, tam conciliorum acta quam pontificum, quæ ex Græcorum et Latinorum promptuariis in unum recollegit volumen Isidorus Hispalensis, adjunctis sanctionibus pontificum summorum, Gregorii secundi, Vitaliani, Martini Gregorii tertii, atque Zachariæ. Quibus finem imposuit solers chalcographus et honestus civis Coloniensis Petrus Quentellus, anno Domini MDXXX, iii Kal. Aprilis.

A Deus diligentibus se (*Jac.* ii, 5). Et nos licet peccatores existamus, tamen Dei nostri non cessamus absque intermissione immensam exorare clementiam, ut qui cepit in vobis perficiat opus bonum usque adhuc (*Philip.* i, 6). Et beatus apostolorum princeps Petrus cooperetur tibi in omnibus bonis quæ ei parare desideras. Deus te incolumem custodiat, reverendissime et sanctissime frater. Data Kal. Aprilis, imperante domino piissimo Augusto Constantino, a Deo coronato magno imperatore, anno 24, imperii ejus anno 2, indictione 11.

## MARCUS VALERIUS PROBUS.

### NOTITIA HISTORICA.

De Marco Valerio Probo hæc leguntur in editione opusculi De notis antiquis Parisiis data anno 1510, procurante Godefredo Torin : « Marcus Valerius Probus, Berrytius, diu centuriatum petiit donec tædio ad studia se contulit. Legerat in Provincia quosdam veteres libellos apud grammatastam, durante adhuc ibi antiquorum memoria, necdum omnino abolita sicut Roma. Hos cum diligentius repetere atque alios deinceps cognoscere cuperet, quamvis se contemni magisque opprobrio legentibus quam gloriæ et fructui esse animadvertet, nihilominus in proposito mansit, multaque exemplaria contracta emendare ac distinguere et adnotare curavit : soli huic nec ulli præterea grammatices parti deditus. Hic non tam discipulos quam sectatores aliquot habuit, nunquam ita docuit ut magistri personam sustineret. Unum vel alterum vel cum plurimos treis aut quatuor pomeridianis horis admittere solebat, cubansque, inter longos ac vulgares sermones, legere quædam, idque perraro, nimis pauca et exigua de quibusdam minutis quæstiunculis edidit. Reliquit autem non mediocrem silvam observationum sermonis antiqui. »

### GODOFREDUS TORINUS BITURICUS, LECTORI SALUTEM.

E quo tempore Probum Valerium imprimere bonis, ut reor, avibus incepi, ne liber unius aut duorum codicum enchiridio minus aptus exiret, plusscula scitu non indigna comprimere venit in mentem. Tractatum de ponderibus et mensuris ex Prisciano; quemadmodum datæ formæ agrorum metiri debeant ex Columella... Da, precor, bone lector, operam ne tibi, quod etiam ænigmatice Plautus in *Milite* ait : *Glaucoma ob oculos objecerim*. Vale.

### EJUSDEM EPISTOLA DEDICATORIA.

Godofredus TORINUS Bituricus, ornatissimos Philibertum BABOU et Joannem ALEMANUM juniorem, cives Bituricos, pari inter se amicitia conjunctissimos, salutat.

Debetur vobis, viri singulari virtute plenissimi, omnes quos et noctu et interdum assumere possum (etiam de industria) labores. Ecce, quia moribus antiquis, id est, honestis et vere bonis, haud mediocriter utimini et gaudetis, Probum Valerium scripturarum antiquarum et abbreviationum, quæ in numismatis, sepulcris et tabellis antiquitus perbelle consignabantur, diligentissimum coacervatorem, certissimumque explanatorem sub vestro mihi semper amando nomine, lubens, ut vel tantillum reipublicæ valeam prodesse, characteribus et impressionibus cum nostra, utinam tam felici quam diligenti, recognitione trado. Sinite, quæso, auctorem, perquam singularem primum in vestras, omnem ad virtutem aptissimas, deinde studiosorum omnium aliorum manus commode jam et festiviter exire. Valete.

Parrhisii apud collegium Plesseiacum, vi Idus.

Maias 1510.

CIVIS

# M. VALERII PROBI

GRAMMATICI

## OPUSCULUM DE NOTIS ANTIQUIS.

*Valerii probi grammatici de interpretandis A Romanorum notis antiquis seu litteris opusculum feliciter incipit*

Est etiam circa perscribendas vel paucioribus litteris notandas voces studium necessarium, quod partim pro voluntate, cujusque sit, partim pro usu publico et observatione communi. Apud veteres namque, cum usus notarum nullus esset, propter scribendi facultatem, maxime in senatu qui aderant, in scribendo ut celeriter comprehenderent, quædam verba atque nomina ex communi sensu primis litteris notabant, et singulæ litteræ quid significarent in promptu erat; quod in nominibus, legibus publicis pontificumque monumentis et in juris civilis studio et nunc manet. Ad quas notationes publicas accedit etiam et studiorum voluntas ut unusquisque familiares sibi notis pro voluntate signaret: quas comprehendere infinitum est. Publicæ sane tenentur, quæ in monumentis plurimis et historiarum libris saepe et criske publicis reperiuntur, ut sunt ista.

### A

A. Aulus *vel* ager.  
AVG. Augustus *vel* augur.  
AA. *vel* AV. Augusta.  
AA. *vel* AVG. Augustalis.  
AVR. Aurelius  
AG. agit.  
AC. actio.  
AC. Acon *vel* Acontius.  
ACON. Achonum.  
ACON. actiones.  
ACIN. actionem  
AM. amicus.  
AMN. amicus noster.  
AVC, AVT. auctoritas.  
AT. autem.  
ACM. ANM. actionem mandat.  
AP. apud.  
APP. appellat.  
ACC. acceperat; acceptat.  
ADM. adjutor.  
ADL.P. adjutor provincie, potentie, patrie, *vel* populi.

ADL. ad locum *vel* ad limites.  
AD. F. Ad finem.  
ADE. ad exactorem *vel* ad effectum *vel* effectorem.  
ABVC. ab Urbe condita.  
AED. ædes.

AAAAFF. ære argento, auro flato, ferundo *vel* flavo ferundo *vel* fecundo.

ALE. arbitrium litis æstimandæ.

ADP. ante diem pridie.

A.A.L.M. apud agrum locum monumenti.

A.P.R.C. anno post Romam conditam.

AGR. agrum *vel* Agrippa.

AEDIL. CVR. ædilis curulis.

AED.PL. ædilis plebis.

A.P.Q. Auli Publi Quinti.

A.A. apud agrum

APP. Appius.

ANN. *vel* AN. annis *vel* annos.

ANT. ante *vel* antea.

A.N. ante noctem.

A.X. annis decem.

ANT.T.C. ante terminum constitutum.

AAA.FF. auri argenti, æris flator fabricæ.

QV.TI. Quirinalis Tiberi

ADP. *vel* ADOP. adoptivus.

ACVB. AVGG. a cubiculo Augustorum.

*Additio.*

ADIAB. adiabemicus.

A.B. alia bona.

A.B.V. a bono viro.

AB.S. absolutus.

AER. COL. ære collato

A.L. alia lex.

AER. ærarius.

AM.P. amabilis persona *vel* amicus principis.

A.O. alii omnes.

AP.IVD. apud judicem.

AEQ.P. æqualis *vel* equestris præses.

A.TER. a tergo.

A. F. Auli filius.

AVGG. duo *vel* plures Augusti.

AV. Aucus.

AVREL. Aurelius.

AVR. aurum *vel* Aurelius.

AVG. LIBER. Augusti libertas *vel* libertus.

A.A.V. ambo alterve.

A.F.P.R. aptum *vel* actum fide Publîi Rutillii.

### B

B. Bonus, *vel* Brutus, *vel* Balbius, *vel* Balbus.

B.R. honorum.

B.F. bona fide *vel* fortuna, *vel* bona filia.

BF. beneficium, *vel* bonum factum, *vel* benefecit.

B.F.C. bona fide contractum.

### D



B.M. bonæ memoriæ, *vel* bene meriti, *vel* bene A merenti.

B.A. bonam actionem.

B.P. bona possessio.

B.M.F. Bene merenti fecit.

B.M.P. bene merenti posuit.

B.P. bonum publicum *vel* bona paterna.

B.F. bene fecit.

B.A.V. bonis auspiciis *vel* bonis avibus.

B.V. bonus vir.

B.F. bona femina

B.R.P.N. bono reipublicæ nato.

B.F.P. bonæ fidei possessor.

*Additio.*

B.R. bonorum rector.

B.C. bonis cessit.

B.D. bonum datum.

B.G. bona grātia.

B.H. bonus homo, *vel* bona hæreditaria.

B.I. bonum iudicium.

B. L. bona lex.

B.I.I. bonum iudicis iudicium

B.N. bonum nomen, *vel* bona nostra.

B.O. bene optine.

B.Q. bona quæsitæ.

B.S.F. bene satisfecit.

B.T. bonorum tutor.

BRT. Britannicus.

BEM. ME. bene merenti.

B.V. bene vixit.

C

C. Caius.

CS. consulum sententia.

CL. Claudius.

CIPP. cippum.

CM. comis *vel* comes.

CN. Cnevius *vel* Cneus.

COR. Cornelius.

CAES. Cæsar.

CAES. A, *vel* AVG. Cæsar Augustus

CR. contractum.

C. CR. CT. Contrarium contractum.

Ca. Caia *vel* con.

Co. *vel* Co. controversia.

CC. circum

CA. causa.

C.M. *vel* C.A.M. causa mortis *vel* Caius Marius.

C.R.C. ejus rei causa

C.R.C.P. ejus rei causam, *vel* causa promittis.

COS. consul.

COSS. consules.

C.L. *vel* LIB. Caius libertus *vel* libertas.

CON. consularis.

C.R. civis Romanus.

COL. colonia *vel* coloniæ; coloni *vel* collega.

COLL. collega *vel* collegia, *vel* collegium, *vel* coloniæ, *vel* coloni.

CoL. conlibertus *vel* conliberta.

CO. *vel* COIUX. conjux *vel* conjunxit.

CN. ARR. Cneus Arrius.

C.C. concilium cœpit, *vel* cessat, *vel* cognita causa.

C.R. Creticus

CONS. consiliarius.

C.V. centumvirum.

COM. OB. comicia obchiaca *vel* obdriaca, *vel* obdiaca.

CES. A. censoris arbitrato.

COH. cohors.

COS. DES. consules designati.

C.F. Caii filius.

CR. Crispus.

CT. Caia liberta.

CTM. Caia libertæ charissimæ

B CVR. curionum, *vel* curiarum, *vel* cursor.

CENT. centenarium *vel* centario, *vel* centuria, centurionum.

CENTN. centuriones.

CA. *vel* CAM. Camillus.

CENS. *vel* CNSP. censor perpetuus, *vel* peregrinus.

CL. Caius libertus,

CONLIB. conlibertus.

*Additio.*

CES. Cespius,

CAESS. Cæsares.

CS. consiliarius.

CSS. consiliarii.

C. P. civis publicus.

C C.R. Caius Rufus.

CV. clarissimus vir *vel* consularis.

CEN. AR. censoris arbitrato

CAR. carissimus.

C.N. Caius noster *vel* civis noster.

CVL. cultores.

C.D. capite diminutus, *vel* Caius Dacius, *vel* Drusus.

CONTUB. contubernalis.

C.O. civitas omnis.

CA. Camillus, *vel* canis, *vel* Cato,

C.B. commune bonum.

C.C.C. censa civium capita.

C.H. custos hæredum.

C.F.C. clam fugiendi causa.

COLLE. FABR. MR. collegio fabrorum militiæ D Ravennatis.

COER. cœravit.

CVR. VIAR. curator viarum.

COS. II. consul iterum.

COS. III. consul tertium.

CON. SEN. ET. EQ. OR. P.Q. R. consensu senatus et equestris ordinis populique Romani.

D

D. divus.

D. *vel* C. diva.

DEST. destinatio.

D.PP. Deo perpetuo.

D.P. Deo perpetuo.

D.P. divus Pius *vel* Diis Penatibus.

D. devotus.  
 D.D. Deo dicavit, *vel* Diis dantibus.  
 DEC. Decius.  
 D.D. dotis dictio, *vel* Diis dantibus, *vel* dono dedit.  
 DD. dedicaverunt.  
 D.V. devotus vir, *ve.* vester, *vel* Diis volentibus.  
 DOT. dotem.  
 D.P. dotem petiit, *vel* Diis paternis.  
 D.F. dotem fecit, *vel* dolum, *vel* donum, *vel* Decii filius.  
 D.M. *vel* DM. dolum malum, *vel* dubium malum, *vel* Diis Manibus, *vel* domus mortui.  
 DDS. Diis deabus sacris.  
 DMS. Diis Manibus sacrum.  
 DT. duntaxat.  
 DN. dominus.  
 DNN. dominis.  
 DL. delego.  
 DF. defunctus.  
 DIC. dictator.  
 DIL. dilectissimus.  
 DUL. dulcissimus.  
 D.Q. Diis Quirinalibus.  
 D.Q.R. de qua re.  
 D.Q.S. de quo supra.  
 D.C.S. de consulum sententia.  
 DIG.M. dignus memoria.  
 D.PEC.R. de pecuniis repetundis.  
 D.T.S.P. diem tertium sive perendie.  
 D.V. Diis volentibus.  
 D.L.R. Diis Laribus sacrum.  
 DR. Drusus.  
 D.N. Dominus noster.  
 DD. NN. dominis nostris.  
 D.D.D. datus decreto seu dono decurionum, *vel* dono dedit, dicavit decurio.  
 D.M.Æ. Deo magno æterno.  
 D.D. Deo domestico.  
 DIL.S. dilectissimus servus.  
 DEC. DEC. decem decani, *vel* decreto decurionum, *vel* decuriones.  
 DL. dat laudes.  
 DES. designavit.  
 D.D. LM. dono dedit libero munere.  
 D.C. divus Cæsar.  
 D.P.S. Deo posuit sibi.  
 D.L.M.P. Diis locum dedit publice.  
 DVC. DVC. ducum ductore, *vel* ductorum ductor.  
 D.IMM.S. Diis immortalibus sacrum.  
 D.I.M. Diis inferis maledictis.  
 D.D.D.D. Deo dignum dono donavit.  
 D.V. devotus Vestæ.  
 D. AUG. divo Augusto.  
 D.C.A. divus Cæsar Augustus.  
 DOMIC. COS. XIII. LVD. SACR. F. C. Domitius consul tertium decim ludos sacros seu sæculares faciendum curavit.  
 Additio.  
 D.Q. divus quæstor.

A D.G. dedit gratis.  
 D.H. dedit hæredibus.  
 D.I. Diis immortalibus, *vel* dari jussit.  
 D.L. donavit locum *vel* Decii libertus.  
 D.O.M. Deo Optimo Maximo, *vel* Diis omnibus Manibus.  
 D.M.F. v. e. doli mali fraudisve causa.  
 D.P.S.D.L.D.P. deposuit sibi Diis locum dedit publice.  
 D. quingenta, *vel* Decius, Drusus, devotus, dedit.  
 D.S.P. de sua pecunia.  
 D.S.P.L.D. de sua pecunia laribus dant *vel* dedit.  
 D.L.A.P. donum libens animo posuit.  
 DEC. decurio.  
 D.V. dies quintus.  
 DES. designatus.  
 D.E.R.I.C. de ea re ita curatum, *vel* consultum est.

## E

E. est.  
 EE. esse.  
 ER. erunt *vel* erit, *vel* ærarii.  
 EI.M. *vel* E.M. ejusmodi.  
 E.N. etiamnunc.  
 EG. eger.  
 EP.M. epistolam misit.  
 E.Q.R. eques Romanus.  
 E.X.R. exactis regibus.  
 EOR. eorum.  
 E.F. ejus filius.  
 C ED. CVR. ædilis curulis.  
 Additio.  
 E. Ennius.  
 E.Q.P. equalis *vel* equestris persona, *vel* equus publicus.  
 ER. COL. ere collato.  
 EDIL.P. edilis plebis.  
 ER.P. ere publico  
 E.B. ejus bona.  
 E.D. ejus domus.  
 E.E. ejus ætas.  
 E.H. ejus hæres.  
 E.L. edita lex.  
 EMP. emptæ.  
 EX.S.C.D. ex senatusconsulto et decreto.  
 D EQ.AVR. eques auratus.  
 E.M.SP. equitum magister Spurius Pompeius.

## F

F. *vel* FIL. filius.  
 F *vel* g. filia.  
 F.FA. filius familias.  
 F.S. fratres.  
 FR.F. fratris filius.  
 FOR. Foris *vel* foras, forum forte, fortuna.  
 FR.L.I. forum Liliū et Julium  
 F.F.F. fortior fortuna fato, *vel* fortius fortuna fatum.  
 F.M. fati munus, *vel* fieri mandavit.  
 F.M.I. fati munus implevit.



F.C. fidei commissum, *vel* fiduciæ causa, *vel* fraude A creditoris.

F.F. fecerunt, *vel* fundaverunt, *vel* fabricatura.

F.R. fronte.

F.L. Flavius *vel* Flamminius.

FAC. facti.

F.A pro F. et dicitur digamma, et ponebatur pro V. ut SERJIVS pro *Servius*, et AVLGVS pro *vulgus*.

F.V.C. fraudisve causa.

F.H. filius hæres.

#### Additio.

F.E.D. factum esse dicitur.

FABR. Fabricius.

FAC. C. faciendum curavit.

F.D. fides data, *vel* fide data.

F.E. fides ejus.

F.F.E. fiat fides ejus.

F.I. fieri jussit.

F.N. fides nostra.

F.R.S. forum Sempronianum.

FOR. RED. fortunæ reduci.

FEBR. FEB. Februarius.

F.F.F. ferro, flamma fame *vel* Flavius filius cecit.

F.F. fidem fecit.

F.N.C. fidei nostræ commisit.

F. fecit.

F.M. fieri mandavit.

#### G

G. gaudium, *vel* genius, *vel* genus.

G.R. gratis *vel* gerit.

GS. GG. gesserunt.

G.R. genus regium *vel* rerum.

GL. gloria.

GL.P. gloria parentum, *vel* patriæ, *vel* populi.

GL.E.R. gloria exercitus Romani.

G.S. genio sacro *vel* sacrum.

G. AVG. genio Augusti.

GL.N.L. gloria nominis Latini.

GER. Germanicus.

GL. R. gloria Romanorum.

GL.P.R. gloria populi Romani.

#### Additio.

G. Gelius, *vel* Gades, *vel* Gaius.

GN. Gneus.

GNS. genio sacrum *vel* Gnei sacro.

GRAC. Gracchus.

GRAT., GR. D. gratis dedit.

GL.C. gloria consulum.

GL.V.R. gloria urbis Romæ.

#### H

H. honori, honos, honestas, *vel* hæres, *vel* hora,

H.V. honestus vir, honesta vita.

H.M. *vel* H. honesta mulier.

H.F. honesta femina.

H.L.N. honesto loco natus.

H.B.M. hora bona; mala.

H.P. hora pessima.

H.S. hora secunda *vel* sacra.

H.H. homo honestus.

H.P. hic posuit *vel* hi possunt.

H.S. hoc sic.

H.I. hæreditario jure.

H.F. hic fundat *vel* fundavit.

H.M. H.S. hoc monumentum hæredes sequitur.

H.DD. hic dedicavit.

H.S.V.F.M. hoc sibi vivens fieri mandavit.

H.L.H.N.S.I. hic locus hæres non sequitur.

#### Additio.

H.R. hæreditas.

H.M.AD.H.N. TRAN. hoc monumentum ad hæredes non transit.

H.VI. hora sexta *vel* horis sex.

IIS. Sextertium.

#### B

HDR. Hadrianus.

H.B.F. homo bonæ fidei, *vel* homo bonus fecit.

H.POSS. hæres possessor, *vel* hæreditatis possessor.

H.L.D. hunc locum donavit *vel* habet.

H.M.P. hoc memoriæ posuit, *vel* hoc monumentum posuit.

HOS. hostis *vel* hospes.

H.R. honesta ratio.

H.S.S. hic sepulti sunt.

HD. hoc, *vel* hic donavit, *vel* dicavit.

H.S. sestertia.

HS.III.M.N. sestertia tria millia nummum.

H.T. hæres ex testamento.

H.B.M.F.C. hæres bene merenti faciendum curavit.

H.M.EX.N.R. hoc monumentum exterum non recipit.

H.M.D.M.A. huic monumento dolus malus abesto.

#### I

I. inter, in, Julius, justus.

ID. interdum.

IA.P. intra provinciam.

I. L. intra limitem.

I. C. intra circulum.

I.T.C. intra tempus constitutum.

IMP. imperator.

IMPP. imperatores.

I.D. in dimidio.

D I.D. iurisdicendi *vel* iuridicundo.

I.P. in possessione.

I.L.S. in loco sacro.

I.L.R.D. in loco religioso, divino.

I.F.P.XIII.I.A.P.T. in fronte pedes tredecim agro pedes totidem.

I.E. judex esto.

I.LP. in loco publico.

I.S. iudicium solvi *vel* in senatus.

I.S.C. in senatus consulto.

I.P. justus possessor.

I.F. in foro.

I.F.C. in foro Caesaris.

I.FO.P. in foro Pacis *vel* Palladis.

I.FO.TR. in foro Trajani.  
 I.FO.IV. *vel* I. in foro Julii, *vel* Lucii, *vel* Livii.  
 I.R. jure rogavit *vel* jure Romano.  
 I.FO.FLAM. in foro Flamini *vel* Flaminis.  
 I.FO.POP. in foro Pompili.  
 VI *vel* IIII.VIR. sextumvir *vel* sexium.  
 I.FO.P.R. in foro pro rostris.  
 I.N.Q. injustis nuptiis quæsitus.  
 I.D.P. juri dicundo præerit.  
 III.VIR. quartumvir.  
 II.VIR. duumvir.  
 I.D.C. juris dicendi causa.  
 I.C.E.V. justa causa esse videtur.  
 I.O.M.S. Jovi optimo maximo sacrum.  
 I.D. inferis diis.  
 I.N.A.P.X. in agro pedum decem.  
 IVNON. ET PROSERP. Junoni et Proserpinæ.

## Additio.

I.A. interea.  
 I.C. Julius Cæsar *vel* intra circulum.  
 I.T. intra tempus.  
 I.S.S. inferius scripta sunt.  
 I.F.B. in foro Boario.  
 IVD. judicium.  
 I.H. justus homo *vel* in hostem.  
 I.L. jure legis *vel* justa lege.  
 IAN. Januarius.  
 III.V. triumviri.  
 X.V. decemviri.  
 IVR.D. jurisdictio.  
 I.P. justa persona.  
 I.O.M.IM. Jovi optimo maximo immortal.  
 I.SN.R. in senatu Romano.  
 IMP. imperator.  
 IN.FR.P. in fronte pedes.  
 I. unum, *vel* Junius, *vel* Julius.  
 IOVI. SABAZ. Jovi Sabazio.  
 II. iterum *vel* secundus.  
 IVN. Junius.  
 IVL. Julius.  
 II.V. duumviri.  
 I.P. jus pontificum.  
 I.D. judicatum solvi.

## K

K.,KL. Kalendæ.  
 K.Q. Kalendæ quintiles.  
 K I *vel* IAN. Kalendæ Januarii.  
 K.S. Kalendæ sextiles.  
 K.D. capite diminutus.  
 K.C. capite census, *vel* censuum, *vel* Carthago civitas.  
 K.P. cardo positus.  
 K.T. capite tonsus.  
 KAR. Carthago.  
 K.M. cardo maximus.  
 K.F. cardo finalis.  
 K. castra.  
 K.P. castra ponit.  
 K.DD. castra dedicamus.

A K.Y. carissima.  
 K. caput.  
 K.K. calumniæ causa.  
 K. cardo.

## L

L. Lucius *vel* Lælius.  
 L.C. Lucius Catius.  
 L.M. Lucius Murena.  
 L.C.S. lucrum sacrum.  
 L.C.D. lucrum divinum.  
 I.D. locum deditum.  
 L.EM. locus emptus.  
 L.P. locus propitijs, *vel* proprijs.  
 L.Q.S. locus quo supra.  
 L.A.C. Latini coloni.

## B

L.S. Laribus sacrum.  
 L.P.S.R. Latini prisca civis Romani.  
 L.D.D.D. locum diis dedicavit, *vel* locus datus decreto decurionum.

LGM.D. legem dat *vel* dedit.  
 L.D.A.B.M. locum dedit Aulus bene merenti.  
 L.AG. lex agraria.  
 L.IV. lex Julia.  
 L.VOC. lex Voconia.  
 L.CIN. lex Cinthia.  
 LIB. libertas.  
 L.L. Lucii liberti.  
 LEG.X. legio decima.  
 L.PVB. loco publico.  
 L.PR. loco privato.  
 C L.H. locum hunc.  
 L.F. Lucii filius.  
 L.D. locum dedit.  
 L.L.Q.F. Lucium Luceium Quinti filium.  
 L.L.L. Lucii liberti locus.

## Additio.

L.V.G.P. Lucius vetus, *vel* Verus, Galliæ proeurator.

LG. legavit *vel* legatum.  
 L.A.P. ludi Apollinis *vel* Apollinaris.  
 L.P.D. locus publice datus.  
 LG.D. legio decima.  
 L. S. liberto suo.  
 LL.SS *vel* L.SS. libertis suis.  
 L.M. locus monumenti.

## D

L.P. lege punitus.  
 L.Q.S. locus quæsitus senatui.  
 L.F. Lucius Flavius, *vel* Flaminius, *vel* Lucii filius.  
 L.A.N. Lucius Annius, *vel* quinquaginta annis.  
 L.L.L.M.M. lacerat, lacertum Largii, mordax, Memmius.  
 LAD. locus alteri datus.  
 L.B.M.D. locum bene merenti dedit *vel* donavit.  
 L.E.D. lex ejus damnatus.  
 L.R. lege rogatus, *vel* lex Romana.  
 L.V. lex vetat, *vel* quinquaginta quinque.  
 L.F. Lucii filius.  
 L. quinquaginta.



L.V.D. ludus *vel* ludi.  
 L.V.D.SEC. ludi sæculares.  
 L.V.D.SEC.FAC.C. ludos sæculares faciendum *vel*  
 faciendos curavit.  
 LEG.X. legionis decimæ.  
 LEG.III. legionis tertie.  
 LAT.P.VIII.S. latum pedes octo et semis.  
 L.Q.ET LIB. libertisque et libertabus.  
 L.C. Latini coloni, *vel* Lucius Cornelius.  
 L.D. legem dat *vel* locus divinus.  
 L.P. locus populi.  
 L.S. locus *vel* lucus sacer.  
 L.D.DD. locum dono dedit.  
 L PUB. Lucius Publius.  
 L.II. locus hæredum *vel* locum hæredibus.

## M

M. Marcus, *vel* monumentum, *vel* Mucius, *vel*  
 mille, *vel* moneta.  
 MAX. Maximus.  
 MA. Macuvius.  
 MVN. municipia *vel* municeps.  
 M.E.M. municipia ejus municipii,  
 MAG.EQ. magister equitum.  
 M.V. Mutius.  
 M.F. Marci filius  
 M.L. Marci liberti, *vel* militis locus, *vel* mille  
 quinquaginta.  
 M.N. meo nomine.  
 MV. F. Mutii filius.  
 W. mulier.  
 M.S. mensibus *vel* menses.  
 MNF.L. manifestus locus.  
 M.P. *vel* POS. mensam posuit.  
 MIL. miles.  
 M.C. monumentum condidit *vel* consecravit.  
 M.MAN. Marcus Manlius.  
 M.N. millia nummorum.  
 M.R. militia Ravennatis.  
 M.POP. Marcus Popilius.  
 M.AEM. Marcus Æmilius.  
 M.REG. militiæ Regiensium.  
 M.LEP.C.REG.INST. Marcus Lepidus civitatem  
 Regii instauravit.  
 M.C.F. mortis causa fecit.

## Additio.

MAG. magister *vel* magistratus.  
 MO. monumentum *vel* moneta.  
 M.P. Marcus Pacuvius.  
 M.C. Marcus Cicero *vel* Cato *vel* Calpurnius.  
 MER.S. Mercurio sacrum.  
 M.H. magnus homo.  
 M.I. maximo Jovi.  
 M.R. miles Romanus.  
 M.S.P. monumentum suum *vel* memoriæ suæ po-  
 suit.  
 M.B. *vel* MVL.B. mulier bona.  
 M.AVR. Marcus Aurelius.  
 M.M. milites.

## A

M.X. menses decem.  
 MAXX. maximi in multitudine.  
 MET. Metius.  
 MAN. Manius.  
 MILIT. militavit.

## N

N. Nonius *vel* non, noster, nepos.  
 N.L. nominis Latini.  
 N.C.C. non calumniæ causa.  
 NON. Nonarum.  
 N. numismatis *vel* nummus.  
 N. nostro *vel* Neptuno.  
 N.F.N. nobili familia natus.  
 N.CL. Nero Claudius.  
 N.G. nobilis genere.  
 N.MACR. Nonus Macrinus.  
 NEP.S. Neptuni sacellum.  
 NN.PP. nostrorum principum.  
 NEG. negotiator.  
 N.L. non licet.  
 NOB. nobilis.  
 N.FC. nostrum *vel* nostræ fidei commissum.  
 N.Q. nunquam, nequam, *vel* nusquam.  
 N.H. notus homo.  
 NAT. natalis, natalia *vel* natalitia.  
 NAV. naves *vel* nauta.  
 NVP. nuptiæ.  
 NATOR. natorum.  
 N.FA.NA. nobili familia natus.

## B

## Additio.

## C

NEP. Neptunus.  
 NR. Nero.  
 NAC. nactus.  
 NEP.RED. Neptuno reduci.  
 N.L. non liquet.  
 NON. Nonis.  
 NV. Numa.  
 N. numerus.  
 NON.APR. Nonis Aprilis.

## O

O. *vel* OP. optimo, *vel* ordo, *vel* opertum, mortem  
 subiit.  
 OP. oportet.  
 OP.P. optimo principi.  
 OR. ornato.  
 OB.M.E. ob merita ejus.  
 OB.M.P.E.C. ob merita pietatis et concordie.  
 OM.V.F. omnibus viris fecit.  
 OB. obiter.  
 OR.M. ordo militum.  
 ORB.PAR. orbatu parentes.  
 O.V.D. omni virtuti dedito.

## Additio.

O.M. optimus maximus.  
 O.P.F. optimo principi fecit, *vel* patrono, *vel* pa-  
 truo.  
 OPP. oppidum.  
 O.V.F. omnia vivens fecit.

Q P.F. optimo principi fecit.

OB.C.S. ob cives servatos.

P

P. Publius, *vel* pupillus.

POP. populus.

P.R. populus Romanus.

P.I.R. populum jure rogavit.

P.S. Posuit sibi *vel* plebiscitum.

PR. prætor.

PRR. prætores.

P.C. patres conscripti, *vel* pactum conventum, *vel* pecunia constituta.

P.P. Pater patriæ.

P.P.P. primus pater patriæ.

PR.S. prætoris sententia.

P.R.E. post reges exactæ.

PROC. proconsul.

PONT.MAX. pontifex maximus.

PR.VR. prætor urbanus.

P.H.C. publicus honor curandus.

PAR. parentum.

P. M. principi militum.

PA. pupilla.

PR. PER. prætor peregrinus.

PIENT. pientissimus.

P. P. Pater patratus.

P. IV. *vel* I. principi juventutis.

PROCOSS. proconsules.

PRAE. VIGIL. præfectus vigilum

PRAE. VRB. præfectus Urbis.

P. S. F. publice sibi fecit.

P. F. Publii filius *vel* Fius Felix.

P. L. Publii libertus.

PRID. KL. pridie Kalendas.

P. M. pontifex maximus.

PATR. patritius.

PLEB. plebis.

P. S. F. C. publicæ salutis faciendum curavit, *vel* publico, *vel* proprio sumptu faciendum curavit.

(In arcu Romæ Sibylla sculpi fecit has litteras quæ postea per Bedam declaratæ sunt : )

P. P. P. P. E. S. S. S. E. V. V. V. V. V. V. V.

F. F. F. F.

Primus pater patriæ profectus est; secum salus sublata est. Venit victor validus vincens vires urbis vestræ ferro, fame, flamma, frigore.

P. P. R. pace populo Romano.

Additio.

P. IR. populus, *vel* Publius irrogavit.

PA. DIG. *vel* P. D. patritiatus dignitas.

POT. potestas.

PARTH. Parthicus.

P. D. publice dedit.

PEC. peculium *vel* pecunia.

PRI. K. pridie Kalendas.

P. Q. postquam.

PROV. provincia.

POM. Pomponius.

PRS. præses.

A PVB. Publicus.

PICEN. Piceni.

PRON. pronepos *vel* proneptis.

PRAEF. præfectus.

PERT. Pertinax.

PRS. P. præses provinciae.

P. AEL. AVG. LIB. Publius Ælius Augusti libertus.

P. S. F. publicæ salutis *vel* sibi fecit.

P. posuit, *vel* pes, *vel* passus, *vel* Publius.

POST. Posthumius, *vel* Posthumus.

PROPR. proprætor.

PRID. N. AP. pridie Nonas Aprilis.

P. P. HISP. C. præses provinciae Hispaniæ Citerioris.

PAL. Palmensi.

B P. SS. plebiscita.

P. F. publice fecit.

Q

Q. Quintus, *vel* Quintius, *vel* quartus.

Q. M. quomodo.

QAM. *vel* AM. quemadmodum.

Q. S. S. S. quæ supra scripta sunt.

Q. R. F. E. V. quod recte factum esse videbitur.

QVES. quæstores.

Q. L. Quinti liberti.

Q. N. A. N. N. quando neque ais, neque negas.

Q. B. F. querere bonum factum.

Q. E. R. E. quanti ea res erit.

Q. F. Quinti filius.

QVINT. Quintilius.

C

Additio.

Q. B. M. V. quæ bene mecum vixit.

Q. E. R. E. IV. D. quanti ea res erit judicium dabo.

QVIR. Quirites.

Q. M. Quintus Mutius.

Q. B. F. quare bene factum.

R

R. L. P. recte legi possit.

R. F. E. D. recte factum esse dicetur.

R. F. E. V. recte factum esse videbitur.

R. P. respublica.

RET. P. XX. retro pedum viginti.

RVR. rura.

R. P. C. retro pedes centum.

R. P. Romani principes.

R. C. Roma civitas.

R. R. rurum Romanorum.

R. REG. rurum Regiensium.

R. R. ruderibus recolligendis.

R. D. regis domus.

R. R. R. F. F. F. regnum Romæ ruet ferro, flamma, fame.

R. P. C. reipublicæ constituto.

R. N. LON. P. X. retro non longe pedes decem.

Additio.

R. Roma.

RO. Romani.

REG. regio.

REI. M. rei militaris.



R. R. rejectis rudibus *vel* ruderibus.  
 R. VE. res Veronensis.  
 R. G. F. regis filius.  
 R. G. C. rei gerendæ causa.  
 R. S. P. res sua publica.  
 RVR. rursus.

## S

SP. Spurius.  
 SER. Sergius *vel* Servius.  
 S. C. senatusconsultum.  
 SEX. Sextus.  
 S. D. sententia dicit *vel* dedit.  
 SYL. Sylla *vel* Sylvius.  
 S. N. L. socii nominis Latini.  
 S. F. S. sine fraude sua.  
 S. T. A. sine tutoris auctoritate.  
 S. P. Q. R. senatus populusque Romanus.  
 S. N. S. Q. si negat sacro quærito.  
 S. S. C. secundum suam causam.  
 S. L. sacrorum ludorum, *vel* sacrum ludum.  
 S. S. sacri scrinii.  
 S. P. sacri palatii.  
 S. \* *vel*. semisve cum dimidio.  
 S. P. D. salutem plurimam dicit.  
 S. S. S. senio sanctissimo sacrum.  
 S. C. F. E. senatusconsultum factum est.  
 SS. sanctissimus.  
 S. sacrum, *vel* sacellum, *vel* Sulpitius, *vel* sanctus.  
 S. S. somnium, somniator.  
 SIC. V. sicut voluit.

## Additio.

SEX. P. Sextus Pompeius.  
 SARM. Sarmatius.  
 S. *vel* SN. senatus.  
 SATVR. Saturnus *vel* Saturnalia.  
 ST. sitibus (*pro* litibus).  
 SEPT. Septimus *vel* Septimius.  
 S. sacrum.  
 ST. Statius.  
 SER. sertor.  
 SAC. SOL. DED. sacrum soli dedicavit.  
 S. D. senatus decretum.  
 SCRIB. AEDIL. scribæ ædilitio.  
 S. S. sententia senatus.  
 SS. Sestertius.

## T

T. Titus.  
 TIB. Tiberius.  
 T. A. Titus Anius *vel* tutoris auctoritate.  
 TR. PL. tribunus plebis.  
 TVL. Tullius.  
 TR. M. tribunus militum.  
 TR. AER. tribunus ærarii.  
 TR. POT. tribunitiæ potestatis.  
 TR. CEL. tribunus celerum.  
 TR. V. CAP. triumviri capitales.  
 TR. V. MON. triumviri monetales.  
 T. F. Titi filius.

A T. F. I. testamento fieri iussit.  
 TIB. D. F. M. tibi dulci filio meo.  
 T. V. *vel* TIT. V. titulo usus.  
 Additio.  
 TP. B. *vel* T. B. tempus bonum.  
 T. M. D. *vel* DD. terminum dicavit.  
 T. C. testamento cavetur.  
 TAR. Tarquinius.  
 TER. Terentius *vel* terminus.  
 T. L. Titus Livius *vel* Titi libertus.  
 TR. LEG. II. tribunus legionis secundæ.  
 T. P. terminum *vel* titulum posuit.  
 TUT. tutela.  
 T. S. F. I. testamento suo fieri iussit.  
 TT. Titi duo, *vel* plures, *vel* testamenta.  
 B TIT. V. Titus Vespasianus.  
 TRANS. P. A. trans Padum amnem.  
 TIT. V. titulo usus.

## V

V. FS. et S. Vivens, *vel* vivus fecit sibi et suis.  
 V. R. urbs Roma.  
 VRBISAL. urbisalia, *vel* urbs Salvia.  
 VAT. vates.  
 V. A. veterano assignatum.  
 V. FR. usufructus.  
 V. F. vivens *vel* vivus fecit.  
 V. B. A. viri boni arbitrato.  
 V. P. R. veteri possessori relictum.  
 V. PRAE. vir prætorius.  
 V. DICT. vir dictatorius.  
 C V. VRB. Vir urbanus.  
 VI. VIR. sextumvir.  
 V. S. L. M. vivens sibi locum monumenti.  
 V. C. Quinti consulis.  
 V. P. vivens posuit.  
 V. D. vivens donavit.  
 V. S. vivens statuit.  
 V. F. vale feliciter.  
 VX. uxor.  
 V. S. L. M. voto soluto, *vel* solemnino libero munere.

V. M. M. votum merito Minervæ.

## Additio.

V. F. vir fortis.  
 D VAL. Valerius.  
 V. B. F. vir bonæ fidei.  
 V. E. verum etiam.  
 V. I. vir justus.  
 VIC. victor.  
 V. V. virgo vestalis.  
 VIR. Virgilius, *vel* virtus.  
 VRB. Urbs *vel* urbanus.  
 V. N. quinto Nonas.  
 V. V. viva Venus.  
 V. *vel* VIX. vixit.  
 V. F. vivens fecit.  
 V. C. vir clarus *vel* consularis.  
 V. S. L. M. P. vivus sibi locum monumenti posuit.

V. Q. A. L. K. S. viginti quinque asses legitime A  
condemnati sunt.

V. quinque.

V. V. MAX. virgo vestalis maxima.

V. A. XII. M. II. D. III. H. III. vixit annos  
duodecim, menses duo, dies tres, quatuorque  
horas.

VOL. Volesus.

VOP. Vopiscus.

VO. Volero.

VI. S. sex et semis.

VI. V. sextumvir.

V. P. vir prudens *vel* vir perfectus.

V. S. vir sacer.

## X

X. V. decemvir *vel* viri.

X. decem *vel* denarii.

XV. VIR. S. F. quindecimvir sacris faciendis.

XXII. S. viginti duo et semis.

IXI *significat* mille *videre in* marmore.

Romanorum civium nomina pronomina ac cogno-  
mina eorumque magistratuum quæ in antiquis  
descripta codicibus reperiuntur, per abbreviationem  
litterarum sunt, ut infra patebit.

Per primum nomen prænomen intelliges.

Per secundum proprium nomen.

Per tertium vero agnomen. Idemque est supra  
nomen interdum, ut in exemplo :

C. IVLIUS CAESAR

CN. POMPEIUS MAGNUS

L. STATIVS DIODORVS

L. POMPEIUS CORNELIANVS.

Et sic debent poni omnia in eo casu et proferri  
in quo positæ sunt dictiones, ad quas refe-  
runtur :

M. CICERO IM. CAES. AVG.

Marcus Cicero imperator. Cæsar Augustus.

HIRCIVS ET PANSÆ IMPP.

Hircius et Pansa imperatores.

SYLVANVS ET MVRENA COSS. DESIG.  
Sylvanus et Murena consules designati.

## DE NUMERIS.

Exprimuntur unus per I, binarius per II, quina-  
rius per V, denarius per X. Littera I ut sic IX ha-  
bebit novem, si postponatur habetur undecim XI.  
L quinquaginta, C centum, D quinquaginta, M mille,  
sic; et nota quod quolibet figura si imponatur ei  
linea ex transverso directa, tot significabit millena-  
rios quot per se significat unitates, ut mille uni-  
tates.

I mille significat.

V, quinque millia

X, decem millia.

∞ *vel* CC, ducenta

M *vel* ∞, mille.

I. ∞∞ quinque millia.

CCICCC; X; CM; IMI, decem millia.

DMICCC; D quinquaginta millia.

CCCCCCC, centum millia *vel* C, *vel* CM.

CMQ *vel* CQQ, mille millia.

B

## ALIÆ ABBREVIATIONES.

P. I. R. P. Q. I. S. I. F. P. R. E. A. D. P. popu-  
lus jure rogavit populusque jure suscepit in foro  
pro rostris et ante diem pridie.

E. H. O. L. N. R. ejus hac omnibus legem nihi-  
lum rogatur.

S. R. L. E. E. C. Q. O. R. E. si rem lex ex ejus  
causaque omnium rerum esto.

C M. E. M. D. D. E. municeps ejus municipii dare  
damnatus esto.

C. E. D. conjunctum esse dicetur.

S. Q. M. D. E. R. A. P. P. V. O. E. CONSPR.  
TR. P. L. Q. N. S. Q. E. V. A. P. PL. F. Si quod  
me de ea re ad populum plebum valeto opus est  
conspreto. Tribuni plebis qui nunc sunt quod ejus  
videbitur ad populum plebis ferant.

Et sic ad infinitum.

# ÆVI CAROLINI CARMINA.

## I.

*Versus in laudem Lotharii imperatoris positi  
in fronte textus Evangeliorum quem ipse  
obtulit monasterio sancti Martini Meten-  
sis (4).*

[Apud Baluz., *Capitul.* tom. II, col. 1565.]

Arbiter altithronus mundi, formator et auctor,  
Quique polos servas, et cuncta potenter et ævi;  
Qui regnare jubes reges per sæcula mundi,

D Hlotharium, qui nunc fultus pietate tua alma  
Induperator habetur rex Augustus in orbe,  
Dextera celsa tua exaltet, defendat et ornet,  
Imperium ut teneat, dilatet, firmet, adunet,  
Utatur bene pace fruens et prosperitate,  
Ac valeat, vigeat, vivat per sæcula felix.  
Nam pius ipse Augustus, Christi ductus amore,  
Hoc decus almuificum Ecclesiæ prævidit ut esset,  
Præsulis atque beati Martini veneratu

(4) Codex ille Evangeliorum a Lothario datus mo-  
nasterio S. Martini Metensis, servatur in præsen-  
tiarum in Bibliotheca Regia, in cujus initio apposita

est imago Lotharii de qua vers.-22: *Pictus habe-  
tur, etc.*, BALUZ.



Hunc pulchreque gregem lilrum intra scribere A  
[jussit.

Ipsius ornari auro et picturis venerande,  
Ut notum faciat quantum pollet locus ille.  
Sed Sigilaus parens jussis regis studiose  
Hoc Evangelium illic totum scribere jussit.  
Præscripti atque gregis voluit frater fore Cæsar,  
Scilicet ut humilis donum capiatque supernum.  
Nempe ipse grex toto nisu cunctipotentem  
Pro virtute Augusti et prosperitate perenni,  
Pro veneranda et conjuge necnon prole præcatur.  
Pictus habetur ob hoc necnon rex pagina in ista,  
Ut quisquis vultum Augusti hic conspexerit un-  
[quam,

Supplex ipse Deo dicat [: Laus] Cunctipotenti ;  
Lotharius requiem mereatur habere perennem,  
Per Dominum nostrum Christum, qui regnat ubi-  
[que

## II.

*Versus in fronte Biblorum positi et aureis  
litteris exarati in vetustissimo codice ms.  
monasterii sancti Dionysii, qui nunc  
exstat in bibliotheca Regia.*

[Baluz., *ibid.*]

Biblorum seriem Carolus rex inclytus istam  
Contextit chryso corde colens catharo.  
O miranda nimis Domini sapientia summi,  
Quæ præsens aderat dum cælos ipse parabat !  
Nec spectanda minus quod sic disponere cuncta  
Ordine composito nostri sub jure coapto.  
Tu stellas stellis interposuisse videris,  
Sidereas vario expungens discrimine metas,  
Luminibus cunctis statuens præponere solem.  
Tu quoque circuiens cæli sic undique gyrum,  
Nexisti mediam convexo climate terram.  
Tu mare fluctifluum divisa parte locasti.  
Diversas gentes habitus sic mosque reservant.  
Sed tu primatum cunctis in gentibus æquum  
Sola tenes, propria reprimens virtute superbos.  
Regibus et regnis semper tu jura dedisti ;  
Paruit atque tuis quisquis de regibus orsis,  
Culmine sublimi micuit sublimior ipse.  
Felices dicti, felices sunt quoque facti.  
Quique hædere tibi, tua laus et gloria regnant.  
Biblorum serie de multis multa feruntur,  
Correctis aliis, reprobatis denique multis.  
Quosdam glorifico rexisti nomine reges.  
Sed servasse tuum tibi specialiter unum  
Ac proprium Carolum claret sapientibus orbis,  
Quem solem solum regali schemate clarum,  
Lumine conspicuum ponis, sapientia, primum.  
Nunc licet atque libet scrutari funditus illum  
Rite modum reges tibi quo placuisse sciuntur :  
Sicque tuus dici Carolus vel possit haberi,  
Pandatur saltem paucis rudibusque loquelis.  
Fortis namque David per te regnavit et egit,  
Arma beatorum, necnon et norma reorum,  
Stare docens sanctos, rursusque resurgere lapsos.  
Non pateris humiles penitus tu, sancta, perire,

Quos te corde tuo satis acceptasse tateris.  
Corripis et reprimis quos corrigis, erigis æque.  
Exerces cunctos animo quos diligis almo :  
Viribus et validis virtutes grata ministras.  
Displicuisse putant stolidi quos diligis imo.  
Rex Salomon quoniam potus tua dona petivit,  
Ut sapiens posset fieri, præcelsior ullis  
Regibus existens, opibus pollebat opimis,  
Judicioque rato tecum bona plurima sanxit,  
Doctrinaque tua mundum redimivit abunde,  
Mirificum Domino meruit quoque condere templum,  
A te secedens, in se dispendia passus,  
Dogma quod exhausit de te, per sæcula lucet.  
Ergone tute tuum Carolum non diligis ultro ?  
An hominum cuiquam humili fit corde secundus ?  
B An pietate calet caluitque tanta vel alter ?  
Qui memorans adeo cunctarum pectore rerum  
Ut nihil auditum vel visum oblivio carpat.  
Propria sola latet delata injuria mente.  
An de justitiæ dicam sileamve tenere ?  
Si quid forte minus, fateor, miseratio vincit  
Eia age, prome manum largam, vox libera dictu :  
Testis erit verax nunc orphanus atque pupillus.  
Sic merito cunctos istorum nomine signo,  
Dum non excipitur quisquam, nec pellitur usquam.  
Nec mare præterea fervens in gurgite vasto  
Hanc retinere manum potuit poteritque vel unquam.  
Diversæ hoc linguæ diversa parte loquuntur :  
Diversi mores laudant concorditer ipsam.  
C Felix ergo manus, sed mens feliciter hujus  
Pauper quæ potius secum quin constat egena,  
Non inflata tumens regalis stemmate typi.  
Sed caro dum gemmis auroque ornata refulget,  
Hæc secum semper meditatatur nocte dieque,  
Lucidior Christo quo sole resplendeat ipso.  
Sicque tuum Carolum facis, o sapientia, solem.  
Nempe ubi thesaurus, cor ibi fore rite probatur,  
Quod hujus domino semper constanter adhæret ;  
In quo quidquid habet, dulci pietate recondit.  
Quid si nunc ipsum terris in carne videret ?  
Quo sub amore pedes, quo voto figeret ori,  
Quando datam legem tanto veneratur honore ?  
Quid de evangelico textu replicabo colendo ?  
En ipsos apices gemmis circumdat et auro.  
D O quanto Christum mens servida diligit ista,  
Cujus amore sibi vilescunt omnia mundi !  
Est modus ut nec habens habeat, nec habere cupi-  
[scat ;  
Est et habens sicut nec habens, sed et erogat ultro.  
Ista virum virtus condigno nomine comit.  
Ecce patet Salomon quoniam, o sapientia, temet  
Non plus dilexit Carolo sine fine beando.  
Tu quoque nec David tantisper quæque probasti.  
Inter quæ quædam de quodam gratia facto  
Multa tibi toto debetur corde ferenda.  
Amisit David regnum rursusque recepit.  
Morte tamen geniti tristatus valde dolebat :  
Tuque tuo Carolo reparasti regna paterna.  
Nec dolor accessit, sed amor fraternus adhæsit.

Unde tuum Carolum semper servabis ubique.  
 Ergo nec hunc David, nec Job magis esse probatos  
 Apparet plane, pro te nec plura tulisse.  
 Quanta tuis Carolus, mitis, pius atque benignus,  
 sobrius sapiens fortis atque justus.  
 ΝΗΦΑΛΕΟC ΦΡΟΝΙΜΟC CΠΟΥΔΑΙΟC ΚΑΙΔΕ ΔΙΚΑΙΟC

Æquivoco Carolo frustratus germine digno,  
 Indulsit pro te sævo scævoque tyranno;  
 Omnibus atque suis regno privantibus ipsum  
 Tam bonitate proba, tanta pietate pepercit.  
 Quin pervalde suis inimicis maxima rursus  
 Prædia restituit, donans ac plura quibusdam.  
 Quid mereatur herus sancti, sapientia, tantus.  
 Judicio nostro primus præ regibus exstat.  
 Pragmate posco pio, populorum pectora pando.  
 Præcluo prosit perprobra proprietas.

### III.

*Versus in fronte Bibliorum aureis characteribus exarati in vetustissimo codice ms. bibliothecæ Colbertinæ, qui fuit sancti Stephani Metensis.*

[Baluz. *ibid.*, col. 1568.]

Rex benedicte, tibi hæc placeat bibliotheca, Carle,  
 Testamenta duo quæ relegenda gerit.  
 Fert quod amas, quod amare velis, quod discere  
 [prosit,

Quod capias, teneas, quodque frequenter agas.  
 Corrigit, hortatur, reficit, castigat, honestat,  
 Arguit, obsecrat, increpat, ornat, alit.  
 Eloquium, mores, studium componit et actus;  
 Estque cibus, potus, norma, via, arma, salus.  
 Interiora hominis promit, cœlestia pandit,  
 Aptat utrumque sibi munere plena Dei,  
 Et præsens transacta canit, præsentia monstrans.  
 Singula jura silet, singula sed resonat.  
 Instabilem quamvis stabilem post reddet amantem  
 Se si sit fassis deditus ille suis.  
 . . . . . us ut verum credat quod continet omne  
 Inde sequens veri spes fiat æqua pii.  
 Dulcis amor nimium mox rite duobus in ollis  
 Tertius incedat, jungat et ipse tria.  
 Jam subeant menti fuerint quæ noxia culpæ,  
 Per lacrymas genitus perque doloris opus.  
 Sic sic cum precibus quæretur gratia Christi,  
 Muneris est cujus quidquid in orbe boni:  
 Quid volumus, petimus, facimus, quid scimus, ha-

[benus,

Inde datur nostris utile non meritis.  
 Aut vanum aut vacuum aut nil aut laudabile nns-  
 [quam  
 Spiritus auctor agens cui nisi sanctus eat.  
 Quo duce res ad aperta patet quæ clausa latebat,  
 Antea eo nutu hanc reserante suo:  
 Cum quo mens pollet, sine quo tenebrascit in um-  
 [bris,

Ceu careat luce vel rationis ope.  
 Præterea corpus minuant jejunia digne  
 Casta atque exubria noctis ubique bene.

A Quatenus ingenium concresecat acumine sensus,

Cum caro putris abit, cum tenuata perit.

Carne fatigata, pedetentim gliscit acumen

Cordis, et initium sumit habere datum.

Cos acuit ferrum, mihi crede, secare capillum,

Radere seu pariter absque labore caput.

Nec minus affectum justo moderamine corpus

Intellectum effert, sanat et augeat eum.

Denique dum superent gazæ, dum larga facultas,

Dem majora inhies, dum utiliora roges,

Da quod egent miseris, miserum defensio fito;

Pauper, egenus, inops te miserante boet.

Te miserante boet vivat quicumque misellus,

Te auxilium vitæ postulat esse suæ.

Esto pater, frater, mater, soror, agnus utriusque.

B Debilibus spes, res, gloria summa, dies.

Dilige justitiam, callis comitetur amicus

Justitiæ tecum primus ad omne bonum.

Exalta, muni, custodi, collige, lauda,

Sublima clerum seu venerare tuum.

Ædibus et sacris meritos sic defer honores

Sedibus in sanctis ut merearis opem.

Tempore manduca, bibe, dormi, surge, labora,

Sunt facienda suis omnia temporibus.

His habitis aliisque bonis in nomine trino

Cunctipotentis heri cum deitate sui,

Hujus ab initio tomi scrutarier, oro,

Ejus scripta pia mente, opere, fide, oro.

Hic fons, hic doctrina potens, hic flumina opima

Ecclesiæ sanctæ candidiora nive.

C Scilicet alticianori quinque volumina Moysi

Juncta nitent mortem illius usque canant.

Josue dux ducens consurgit fortis in armis

In patriam populum jure tenente locum.

Septimus ecce liber censorum nomina fatur

Quorum Hebræa fuit sub ditione manus.

Horum facta, genus, tempus, loca, bella, triumphi

Sunt inserta sibi debito honore sui.

Femina quis sociata sedet Ruth nobilis una,

Quam Job eximiae consequitur fidei.

Hunc imitare libens, quoniam patientia pura.

Exstitit, ac nobis magna figura fuit.

Quattuor et Regum libris bis octo prophetas

Ante, quibus David jungitur hymnificus;

Hymnica Psalmorum cecinit qui carmina David,

D Plurima de Christo mystica sæpe loquens;

Prodiit ex cujus regali virgo Maria

Semine, quæ peperit virgo beata Deum.

Pacificus Salomon, necnon Sapientia juxta,

Tertius est Jesus continuatus eis.

Post Paralipomenon, Ezras quoque, sive Nemias,

Hinc Ester, Judith, et Tobias recinit.

Inclita bella deinde tonant Machabea quondam

Pro lege ac patria proque salute data.

Hæc Scriptura quidem breviter memorata vetusta

Stat, quanquam modico rusticologo stylo.

Initiant Testamenti præcepta Novelli

Bis de o concordii famine sanctivomi,

Mattheus, Marcus, Lucas celsusque Joannes,



In sensu parili dogma tonando Dei :  
 Personæ quorum variæ, doctrina sed una,  
 Unus utrisque tenor, una sequenda via.  
 Illi quid, vel quæ, quanta seu vel qualiter egit  
 A Patre descendens Natus, ubique docent.  
 Hinc hominis primo facies ascribitur, orsus  
 Est, quia sat Domini cœlitus ex Genesi.  
 Forma leonis inest pulchre formata secundo,  
 Quod tetigit rura devia voce sua.  
 Rebus ait sacris siquidem quia tertius, inde  
 Nunc olli species imprimitur vituli  
 More aquilæ quoniam transcendit sidera quartus,  
 Ejus ob id specimen stemnatis ipse gerit.  
 Quis et apostolicos Lucas quos edidit Actus  
 Subdit, ubi totus instruitur populus.  
 Catholicæ hinc septem redolent mirabile chartæ,  
 Format apostolicus quas operando stylus.  
 His hærent bis septem Pauli scripta deinde,  
 Ante lupina cui vox, modo ovina micat.  
 Hoc concludit opus jam visio sancta Joannis,  
 Visio sancta satis ac memoranda nimis.  
 Hæc nova rite cluit series sub juncta priori,  
 Umbra prior quarum causaque posterior.  
 Ergo iter est duplex utriusque effectus in uno  
 Quo tribuente datur scansio celsa poli :  
 Ille quia divitiæ æternæ vitalia mense  
 Implent omnino nectare perpetuo;  
 Illic, paradise, tuus nitida ratione patescit  
 Multimodus fructus melliferaxque locus.  
 Ille sitiens potum, esuriens panem, anxius æque  
 Lætitiâ inveniet, lætus et inde fiet.  
 Hæc tamen in hoc mortali dum corpore quisquis  
 Degit habetque magis, plus ab amore velit.  
 Sic si ligna magis dentur, magis æstuat ignis.  
 Sic mage vina sitit prout mage quisque bibit.  
 Cum vero spes res fuerit, tunc pleniter horum  
 Plenus amator erit, jam satiaturo ero.  
 Ad quod hæc domus, hæc doctrina, hæc semita tan-  
 tum

Mens instet vere sub deitatis ope.  
 In physicis, logicis, etiam moralibus isthic  
 Omnia sunt, lector, in brevitate tibi.  
 Ille hic argentum, aurum, gemmæ, vascula, vestes,  
 Et quidquid terræ carius esse valet.  
 Ille et lex pretiosa. Nihil pretiosius illa  
 Aut est, aut viget, aut ridet, oletve sacre.  
 Justa jubens, injusta vetans, mala cuncta repellens,  
 Omnibus inque bonis nobilitate potens.  
 Discidium, furor, ira, dolus, discordia, rixa  
 Concilio Legis hujus obire queunt.  
 Erudit indoctos, quosdam sapientibus æquans,  
 Contribuit mediis dogma salutis ita.  
 Magna pluit magnis, disponit parvula parvis.  
 Est in utroque stylus justitiæ validus.  
 Notitiâ Jesu præbet confessio munda.  
 Exstat ea en homini lex veneranda sibi.  
 Exstat ea en homini lumen per compita mundi  
 Terribili voce lux et origo sui.  
 Artibus ingenuis præcellit dignius ista.

A Ars, genere, eloquio, vi, ratione, vice.  
 Utile sive decens necnon perstringit honestum.  
 Imbuit, exornat, instruit, armat, amat.  
 Hæc aperit totus postquam mutaverit orbis  
 Quid sit ibi Ecclesia mox reditura citim.  
 Terret ibi plures, quosdam demulcet et illic  
 Fixa futura notans nec dubitata quidem.  
 Ante tamen reserat clare primordia cosmi,  
 Et per quam illius esse fuit sophiam.  
 In primis cœli terræque marisque creator,  
 Ipsius et Natus, Spiritus atque agius.  
 Hujus ab amne fluit divina scientia late,  
 Mundum pestiferis exspolians tenebris,  
 Quoque modo quisquis caveat munitus ab armis  
 Hostis perversi tela inimica nimis.

B Quadrivium gignit virtutis nobile sane,  
 Terrigenum mittit per quod in astra genus.  
 Hæc quam multiplici sermone salubria semper  
 Attrahit atque monet, sive monendo jubet.  
 Hæc jubet, atra fugat, dehinc fallacia pellit,  
 Vera superna cupit : hæc facit, illa fugit.  
 Exsul ab exsilio dapibus solatur opimis,  
 Cum legit aut relegit, cumque relecta sapit.  
 Hæc mala vile vehit coeuntia temporis hujus,  
 Nec digna æternis æstimat esse bonis,  
 Aut ea cerne timet, tantum formidat am...a  
 Quantum ne non sit cœtibus in superis.  
 Ille Dominus loquitur, hic nos ei corde loquamur,  
 Quo nil majus adit, nil vel adire potest.  
 Quisquis es instructus mundanis usibus hisce,

C Quis Salomon opibus ditior emicuit,  
 Hoc concessa cui dives sapientia fecit,  
 Regibus ac cunctis hunc ea præposuit.  
 Tu quoque qui es humilis, prudens, intentio sancta,  
 Se propter sophiam dilige, posce, cape.  
 Annon plus id pro quo aliud sit quam actio quæ sit.  
 Se tamen hæc sophia plus nec habere quirit.  
 Ergo Deus trinus, pax, seu sapientia vera,  
 Ultra non laus, nec versificalis apex.  
 Huic operi magno magnis te nisibus aptas,  
 Inclyte rex Carole, lumine chare mage,  
 Es splendor populi, lux mundi, gloria regni,  
 Et bonitate prior, nec pietate minor,  
 Nunc etiam cunctis prælatus justius alme  
 In genere humano nisu, opere, arte, fide.

D Vi David, intellectu Salomon benedicto,  
 In specie Joseph, spe induperator ovans.  
 Qui mare, qui terram, qui totum continet orbem,  
 Te conservet, amet, ducat adusque polum.  
 It tibi honor, pax, ordo, decus, patientia, regnum,  
 Prosperitas omnis, et sine fine vale.

*In fronte Novi Testamenti.*

Exsulta lætare satis, rex inclyte David  
 Egregii voti compos ubique tui.  
 Carle decus regni, fax cosmi, gloria cleri,  
 Ecclesiæ fautor militiæque decor.  
 En jam lecta tibi series transacta vetusta,  
 Sed nova rite sequens ista legenda patet.

Cujus in initio clare primordia clara  
 Matthæus Domini concinit ex Genesi.  
 Ceu leo per deserta, fremit deserta minando  
 Vox tua, Marce, suo fulta perenne Deo.  
 Mystica sacra sacræ partes per quattuor orbis  
 Fert studium Lucæ lucis ab arce pie.  
 Ad Genitum Patris super æthera, celse Joannes,  
 Scandis, et ex Verbo verba colenda canis.  
 Eximii hi jaciunt late mysteria Christi,  
 In sensu parili conveniuntque sibi.  
 Plusve minusve vel æqua boant, sua sicque dehiscunt.  
 Attamen effectus unus utrinque novus.  
 Hoc Evangelium sanat, blanditur, honorat,  
 Castigat, reficit, munit, honestat, alit.  
 Hic modus effandi, hic virtus, hic actio munda,  
 Hic cibus, hic potus, hic benedicta salus.  
 Hic vita, charitas, via, spes, verumque, fidesque,  
 Seu bona cuncta simul consociata vigent.  
 His assuesce diu, hæc meditare, hæc dilige, sive  
 n sermone opere hæc habitare stude.  
 Rex bone, rex sapiens, rex prudens, rex venerande,  
 Rex Carole alme, vale cum pietatis ope.  
 Det tibi sceptrâ patris Jesus, confirmet, adunet,  
 Præmia sanctorum ut merearis. Amen.

*In fine codicis.*

O decus, o veneranda salus, o splendente David,  
 Rex Carole alme vige cunctipotentis ope.  
 Gloria, laus, honor, omne decens, miseratio clemens  
 Pictus es hic studio artis ab eximio.  
 Sed quia tam hæc rutilans species it nonnisi fecit  
 Vera tui omnis cui cedit imago viri,  
 Es prior effigie, sensu prior, artibus, odis :  
 His prior aut illis, restat in ambiguis.  
 Et bene grata tuis hæc ignoratio, David,  
 Fulget ubique locus lætitiæ nimius.  
 Fert et eis manifeste quod sis major utrinque  
 Magnis in cunctis omnibus orbe viris.  
 Justa jubes, injusta vetas, mala cuncta recidis :  
 Dictis seu factis is via sancta tuis.  
 Quæ canis ipse facis, neque in his reprehensio  
 [sordet,  
 Aut in utroque nisi actio pura Dei.  
 Ecclesiæ fautor, cleris populisque levamen  
 Ordinibusque sacris quam sacer ordo satis.  
 Per te pontifices pueros cum chrismate sancto  
 Nomine de Christi rite novare queunt ;  
 Quis tribuis meritos merito deitatis honores,  
 Dum te subdis eis corde, opere, ore, fide.  
 Scis ideo servas quod portio debeat ire  
 Prima tui Domini, qui dedit esse tibi.  
 Pauper, egenus, Ælops, vidua, orphanus, anxius,  
 [orbus,  
 His aliisque datus es pater atque cibus.  
 Iudicii volvis totiens extrema diei,  
 Quodque putris caro sis ac periturus homo.  
 Propterea es justus, prudens, fortis, moderatus :  
 Semper larga manus, et pietatis opus.  
 Qui pluvie guttas, numerum qui novit arenæ,

A Te laudare potest pleniter aut merite.  
 Ceu plumbum argento, æs auro, rus sidere distat,  
 Gemma vitro, scandit plus tua fama modo.  
 Ante Brito stabilis fiet vel musio muri  
 Pax bona quam nomen desit honosque tuum.  
 Jam jam pro tanto, pro tali rege profusas  
 Orbis agat mecum totus abunde preces,  
 Ut valeat, vigeat, vivat per sæcula felix,  
 Utatur pace, prosperitate fruens,  
 Regnum habeat, teneat, dilatet, fulciat, ornet,  
 Addat ei jura legis ab arce pia,  
 Insuper his habitis præclare in tempore mortis  
 Perpetuam requiem hic mereatur. Amen.

*In ultima libri pagina, ante imaginem cujus mentis  
 B facta est in nota ad carmen primum.*

Hæc etiam pictura recludit qualiter heros  
 Offert Vivianus cum grege nunc hoc opus.  
 Ante ubi post patrem primites mundus amandus,  
 Signaldus justus, summus Aregarius.  
 Quis tribus est probitas, pietas verumque, fidesque  
 Cætera honesta quoque consociata simul.  
 Quartus his hæret junctus sanctissime David,  
 Qui te vi tota mentis amore colit.  
 Illi proni timent Domino de parte beati  
 Martini ac fratrum ecce librum tribuunt ;  
 Cujus honore rogant placeat, laudetur, ametur  
 Scrutetur, prosit, auxilietur, alat ;  
 In quo nil aliud quam fratrum sola voluntas  
 C Ex tua quas villis jussio reddiderat.  
 Reddis eas, Cæsar, Martini pro veneratu ,  
 Domni seu precibus semper amabilibus  
 Perpetui, necnon Briccii tutamine sancti,  
 Proque aliis reliquis, o paradise, tuis.  
 Imo magis pro te, Jesu Salvator amate,  
 Sis ut ei vita denique perpetua.  
 Pro famulis nobis etiam oratoribus aptis,  
 Quos sitis obruerat, frigus et atra fames.  
 O rex, o reverende, fiat renovatio fixa  
 A mercede tua sive salute tua.  
 Prævaleat regale decus, superetque potestas  
 Regum de more qui coluere bonum.  
 Præceptum genitoris, avi, proavi renovasti.  
 Hoc stet, hoc maneat, hoc nec obire queat.  
 D Quod tua sancta manus nuper firmavit honeste  
 Præcepti serie, prorsus eat stabile.  
 Quid facient alii regis mutatio tanti  
 In facto hoc fuerit si hoste vigente malo.  
 I procul atque procul scelus hoc crudele per omne.  
 Tu prope justitia vince nociva, fuga.  
 Quas laudes tibi, quas grates, quæ carmina, David  
 Quod par dulce melos, vox, lyra chorda canet.  
 Nos siquidem psalmos, missas speciale precamur,  
 Psallemus pro te, conjuge, prole, pie.  
 Sic nostri vere post nos quicumque fuuri  
 Assiduas fundent multiplicisque preces.  
 Sint tibi spes, virtus, lumen, victoria, Christus,  
 Pax, laus continue, rex bone David, ave.



## IV.

*De morte Hugonis Caroli Magni ex Regina concubina filii.*

[Apud Lebeuf, *Recueil de divers écrits, etc. Monuments historiques sur Charlemagne et Charles le Chauve.*]

## MONITUM.

Ceux qui travaillent sur l'histoire regardent ordinairement les cantiques ou chansons comme des monuments où sont renfermés les faits les plus véritables, parce qu'ils ont été composés par des auteurs contemporains, et que c'étaient des écrits publics où l'on n'aurait osé insérer des faussetés, qui auraient été relevées aussitôt par les familles intéressées. Je ne proposerais pas aujourd'hui au public un de ces anciens cantiques, si je n'avais devant les yeux l'exemple de dom Mabillon, qui en a fait imprimer un du 1<sup>re</sup> siècle dans les *Annales Bénédictines*. Celui que je vais donner est du même siècle, il est en langage latin; mais dans le manuscrit d'où je l'ai tiré, qui est à peu près du même temps, la première strophe est notée avec les caractères dont on usait alors pour transmettre le chant, c'est-à-dire de petits points et de petits crochets très-difficiles à démêler. Les lecteurs qui peuvent être dans le goût du célèbre M. de Tillemont, que je sais avoir aimé pour le moins autant le chant que l'histoire<sup>(5)</sup>, auraient de quoi se contenter dans l'un et l'autre genre. Dans le chant d'abord que le nombre de syllabes pourra leur donner à deviner, s'ils veulent recourir au manuscrit. Ils y remarqueront dans la troisième, septième, huitième strophes une répétition des mêmes paroles, qui fait voir que ces sortes de cantiques se chantaient quelquefois en forme de rondeau. Celui-ci est une espèce de complainte, qui fut faite à l'occasion de la mort tragique du prince Hugues, célèbre abbé au 1<sup>re</sup> siècle. L'air en était apparemment triste et languissant, comme le sujet le demandait. Ce qui re-

garde l'histoire se borne aux circonstances de cette mort que nous ignorions, et à quelques-unes de la vie de ce prince. Le même cantique renferme aussi quelques particularités touchant Pepin, roi d'Aquitaine.

Hugues mourut au siège que Charles le Chauve faisait de la ville de Toulouse. Mais ces auteurs modernes se trompent, et il faut suivre sur ce point les annales de Prudence (dites de Saint-Bertin) qui marquent que ce fut dans le pays d'Angoumois, l'an 844. Hugues voulut aider à conduire des troupes à Charles le Chauve pour avancer dans ce siège; l'armée du roi Pepin vint au-devant d'eux, et les défit sans aucune perte, tua Hugues et un autre abbé parent des princes nommé Richbodon, les comtes Eccard et Ravan, avec d'autres, et fit plusieurs notables prisonniers, du nombre desquels furent Ebroin, évêque de Poitiers, et Ragenaire, évêque d'Amiens.

Les deux premières strophes du cantique n'ajoutent rien aux historiens du temps. La troisième indique que l'abbé Hugues fut cruellement percé de lances, et que son corps fut mis en pièces. Les strophes suivantes ajoutent que Pepin, roi d'Aquitaine, qui avait été l'agresseur, n'avait pu retenir ses larmes en voyant le corps d'Hugues couché nu sur la terre. Il fait même remarquer que ce prince aurait voulu qu'il lui en eût coûté cent talents d'or, et que Hugues eût été encore plein de vie : qu'au reste Pepin dit qu'il fallait le faire porter à Charroux dont il avait été prêtre, pour y recevoir la sépulture de la main des religieux, parmi lesquels dès son vivant il avait demandé à être inhumé. Les deux dernières strophes sont un éloge de la beauté corporelle de cet abbé, et de son caractère doux et bienfaisant qui le faisait regretter de tout le monde,

A Cette complainte paraît être du même style que celle qui fut composée par Angelbert sur la bataille de Fontenai, et je la crois du même auteur, lequel demeurait dans le royaume d'Aquitaine, et était probablement fils d'Angelbert, officier (*primicerius*) du palais de Pepin, auquel est adressée la 42<sup>e</sup> lettre d'Alcuin. Voici ce morceau :

*Placitus Ugonis abbatis.*

Hugo dulce nomen,  
Hugo propago nobilis  
Carli potentis  
Ac sereni principis,  
Insons sub armis  
Tam repente saucius

## Occubuisti.

Sed cur adire  
Carolum præsumeres,  
Quem Hludovicus  
Imperator inclytus  
Regem libenter  
Visus est ex filio  
Constituisse ?

Sed non ob hoc tu  
Perforandus lance's,  
Nec membra tua  
Lanianda fuerant,  
Cum plus prodesse  
Quam nocere cuiquam  
Semper amares.

Nam rex Pipinus  
Lacrymasse dicitur.  
Cum te vidisset  
Ullis absque vestibis  
Nudum jacere  
Turpiter in medio  
Pulvere campi.

Quin immo de te  
Subsecutus addidit :  
Hunc si vidissem  
Sospitem nunc corpore,  
Talanta centum  
Non placerent aurea  
Hoc mihi quantum.

Karoff honeste  
Collocetur tumulo,  
De quo sacerdos  
Extitit, a monachis,  
Et ubi vivens  
Postulavit mortuum

## Se sepeliri.

O quam venustam  
Quamque pulcram speciem  
Circumferebas  
Omnibus præ cæteris ;  
Cum plus prodesse  
Quam nocere cuiquam  
Semper amares.

(5) Ce sont les termes de ce fameux historien, dans une de ses lettres du 3 juillet 1635, que je conserve en original.

Non crimen ullum  
Non rapinam quamlibet  
Te perpetrasse  
Cum fores mitissimus :  
Cum plus prodesse  
Quam nocere cuiquam  
Semper amares.

## V.

*Epitaphium Clodarii pueri regis (6).*

[Apud abbatem Lebeuf, *ubi supra*.]

Hoc satus in viridi servatur flosculus arvo  
Pulchrior en lacte candidiorque nive.  
Donec altipotens veniat per sæcula iudex  
Qui metet ostrifluus falce perenne rosas.  
Hunc tua Jordanis sacrata protulit unda  
Pampinus Engaddi rore beavit eum.  
Vivida purpureis vaticinia cincta rosetis  
Vernat ventre solum gliscit in omne decus,  
Pallida seu sandix inter viburna refulget,  
Et ruit imbrifluus Cynthius altus aquis.  
Et rutit obriza flagranti cocta camœnæ,  
Et rutilat vario Indus honore lapis.  
Hunc secus emicuit gracilis infantia nati,  
Quem Pater omnipotens misit ad astra poli  
Hic erat altus amor, prolita in melle sagitta  
Vulnifico fodiit corda mucrone patris.  
Ileu genitricis hujus violavit gaudia lucis  
Decoxitque satis pectus adusta suæ.  
Sola sed inde manet felix fiducia spei  
Quod talis coeli spiritus astra petit.  
Hunc galeata phalanx non traxit ad arma duelli :  
Perpetuus miles regnat in aula Dei.  
Gazarum non hausit opes, non prædia rerum,  
Nec rapuit mundi captus amore dapes.  
Contentus cunulis Christi gratissimus heros  
Divitias meruit lactis ab amne poli.  
Stemmate clarigero regali sanguine cretus  
Aurea non valuit sceptrâ videre patris.  
Priscorum nimium regum devictus amore  
Hlotharium genitor nomen habere dedit.  
Ut gemini surgunt uno de germine flores,  
Sic pariles genitrix fudit utrosque sinu :  
Alter in ante manens vernali cespite pollet,  
Alter ad astra volans aurea sæcla tenet.  
Hoc tibi chare decus Carolus lacrymabile carmen,  
Edidit, ensipotens rex genitorque tuus.  
Ast ego, nate, tibi genitrix regina remitto  
Hildegarda meus basia dulcis amor.  
Senos q. prius menses quam volveret annus  
Gemmula defloret nocte repulsa...  
Hoc niveum sacra præliba munus in ara  
Judicis altithroni virgo Maria precor.  
O vos Christicolæ qui fertis munera templi  
Nobiscum matrem corde rogate, precor.  
Ut patrem solio dignetur nominis alti  
Associare suis vocibus illa sacris.  
*Eadem manu infra scriptum :*

(6) Caroli Magni filii.

A Obiit autem die vi Id. Febr., anno x, regnante  
patre ipsius Carl. gl. rege.

## VI.

*Incerti poetæ versus de ordine comprovincialis pontificum.*

[Apud Mabill., *Vet. Analect.* nov. ed., col. 346.]

1. *Episcopi Saltzburgenses.*

Dicta Juvavo fuit quondam metropolis ista,  
Quam primo fundans Hrodbertus rexerat almus.  
Post hunc Vitalis antistes rexit eandem.  
Ipsius inde Flobargisus, qui est fultus honoris.  
Quartus Johannes fuerat, sedemque regendo.  
Advena Virgilius statuens quam plurima quintus.  
Multo plura gerens Arno super omnia sextus.  
B Septimus hinc successit Adalram pastor optimus.  
Tempore namque suo statuens quam plurima pulchre.  
Octavus veniens Liuphrammus præsul ovilis,  
Officium Domini renovens formosius æque.

2. *Archiepiscopi Saltzburgenses.*

Hic locus, ut fertur, dudum Juvavo vocatus,  
Magnus honore fuit, ut modo signa probant,  
Tempore quo gentem Hrodbertus episcopus istam  
Rexerat, et struxit sedis ovile sacrum hic :  
In qua pontifices multos post rite sedentes  
Arn successit ovans rector ovile regens.  
Quem Carolus princeps regni superauxit honore  
Archisacerdotis, dignior ut fieret.  
Quem Leo papa sui veste vestivit honoris,  
C Et privilegia dans mox solidavit eum.  
Ut regionis apex ac summus episcopus esset,  
Urbisque hæc metropolis tempus in omne foret.  
Huic successit Adalrammus antestis amatus,  
Quem papa Eugenius compsit honore pio.  
Post hunc successit Liuphrammus rite sacerdos,  
Functus apostolici munere Gregorii.  
Nam velut archisacerdotes in sede manentes,  
Legitime functi numine apostolico,  
Plurima diversis struxerunt stemmata rebus,  
Ut vice quisque sua optime prævaluit :  
Sic reliquos successores in sede futuros  
Talia vota simul semper habere decet.  
Cunctis præteritis patribus simul atque futuris  
Donet in arce poli gaudia magna Deus :  
D Et veniam scelerum subjectis præstet eorum,  
Et gaudere simul in requie jugiter.

3. *Episcopi Ratisponenses.*

Hic Reginensis sedis vocitatur ab urbe  
Quam rexit primo Wicterpus episcopus ille.  
Post alius Cauvipaldus qui nomine dictus.  
Tertius Sigiricus erat sacratus ad aulam.  
Post hunc jam fuerat Sindbertus in ordine quartus.  
Quintus Adalwinus fuerat, sedemque regendo.  
Post hunc Baturicus tenuit pius optime sedem.  
Erchanfredus ovans sequitur hinc pastor optimus.

4. *Episcopi Frisingenses.*

Frigisiensis enim sedis hæc aula vocata est,



Corbiniacus ovans quam primus rexerat almus.  
 Inde Dei famulus Ermperhtus nomine sedit.  
 Tertius hinc Joseph, præclarus nempe magister.  
 Arpeo quartus erat facundo fame fretus.  
 Quintus apostolicam tenuit pius Atto cathedram.  
 Post hunc Hitto pater sedem jam rexerat almus.  
 Exhinc successit Erchanperht pastor amatus.  
 Ecce pius sedem præsens nunc Anno gubernat.

5. *Patavienses episcopi.*

Pattaviensi ergo sedi est hæc aula dicata,  
 Quam tenuit primo Vivolvus jam ipse sacerdos.  
 Nomine post illum antistes mox rite Beatus.  
 Tertius est etenim Sidonius auctus honore.  
 Anthelmus quartus meritis et dogmate magnus.  
 Hinc Wisuricus ovans sedis conscendit honorem  
 Nuper Waldricus felix vir in ordine sextus.  
 Nunc sedet antistes magnus ill. sedis honorem (7).

6. *Episcopi Sabionenses.*

Hæc sedis vallis Noricanæ dicta Sebana,  
 Ingenuinus habens primo quam rexerat almus.  
 Mastulo secundus seditque regendo cathedram.  
 Post illum pastor servavit ovile Joannes.  
 Præsul Alimus erat meritis qui et dogmate quartus.  
 Quintus honore sedet ill. fultus eodem (8).

*Epitaphium Virgilii episcopi Saltzburgensis.*

Hic pater et pastor, humilis doctusque sacerdos,  
 Corpore Virgilius pausat, quem Hibernica tellus  
 Disponente Deo partes direxit in istas,  
 Quique regebat ovans præsentis culmina sedis  
 Ferme quaterdenos charis cum fratribus annos :  
 A quibus ille et amatus erat, pie quos et amavit.  
 Interim et erexit pulchro molimine multa  
 Tempa, loco quædam nunc quæ cernuntur in isto.  
 Insuper et miseris largus simul omnibus aptus.  
 Pro quo, quisque legis versus, orare memento.

*Epitaphium Arnonis archiepiscopi Saltzburgensis.*

Quisque velis cryptam subsistens nosse, viator,  
 Scito quod ipse mihi vivus hanc Arno peregi,  
 Qui fueram rector præsentis regmine sedis,  
 Ac opibus multis, multoque potitus honore  
 Nunc hic omissis cunctis, mea membra quiescunt.  
 Te rogo, nunc Dominum precibus pulsare memento,  
 Ut mihi det veniam scelerum quæcunque patravi :  
 Quatenus æternam merear habitare quietem.

*Epitaphium Adalrammi archiepiscopi Saltzburgensis.*

Sum [I. Tu] quod es ipse fui, tu nunc perpende, viator,  
 Communem et mecum commiseresce vicem :  
 Nunc vivis, spiras, et agis fortasse quod optas,  
 Atque tuis mundus usibus ipse patet.  
 Ad votum famulantur opes, elementaque cedunt,  
 Ac rerum servit machina trina tibi.  
 Usus et his ego, dum præsens mihi vita maneret,  
 Omnia et hæc habui suppeditante Deo.  
 At cum fallacem vultum fortuna recepit,  
 Me mea tunc modo jam non habuisse liquet.

(7) Uroffus.

A Amisi sed non mea nunc, quæ sunt mea mecum,  
 Sentio : pro simili conditione geme.  
 Flecte etiam precibus pro me jamjamque Tonantem,  
 Atque animæ veniam, quæso, precare meæ.  
 Dicor Adalrammus, fueram qui rector ovilis  
 Præsentis Domini istius ecclesiæ.  
 Corpus Adalrammi, quod præsule floruit urbs hæc,  
 Hæc sub mole jacet, tu rape, Christe, animam.

*Aliud ejusdem.*

Si quis non valeas præsens cum voce referre,  
 Qualia jam fuerant pontificis merita :  
 Solve tamen gemitus more compunctus amici,  
 Quod cito migravit tantus amore Pater,  
 Nomine Adalrammus, sedem qui rexerat istam,  
 Cujus in hac aula membra sepulta jacent.

B Strenuus ipse ministerio super omnia sacro,  
 Ut decuit, fuerat per tria lustra vigens.  
 Creditur hinc animam gaudere per alta polorum,  
 Quo Dominus meritis præmia retribuit.  
 Pro qua qui recitas versus, dic pectore puro :  
 Da, Domine clemens, huic animæ requiem  
 Ut cum vivificet salpinx hanc ultima carne,  
 Integrum facias gaudia bina frui.

*Epitaphium Liuphrammi archiepiscopi Saltzburgensis.*

Palma sacerdotum, rerum doctrina bonarum,  
 Ecclesiæ princeps, sidus in orbe micans,  
 O Liuphramme pater inopum, tutor miserorum  
 Omnia tu peragis, jusserat ut Dominus.  
 Te pastore lupus vacuum detraxerat alvum,

C Latrandi sciolos nutrieras catulos.  
 Et quia cuncta placent Christo tua gesta sereno,  
 Ventilat en sordes, ut suus esse queas.  
 Castigat sobolem, recipit quam rector in aulam,  
 Pulveris ut maculas discutiat pedibus.  
 Corpus inane cadit, melior pars inde resurgit :  
 Nunc æterna vigent, et moritura ruunt.  
 Spiritus exhilarat, vitiorum pugna recedit.  
 Non virtus animæ perficietur ita.

Gaudia sic etiam rutilant, peccata peribunt.  
 Tristia despicias, prospera fata videns.

O quam dulce fiet regnum, quod constat in ævum!  
 Quod sine peste manet et bona cuncta tenet!

In quo nobilium turmæ lætantur avorum,  
 Et cupiunt patriam nos retinere suam.

D Ac simul et sanctæ matres castæque sorores,  
 Optantes placidam nos remeare viam.

Insuper Omnipotens, cunctæ bonitatis origo,  
 Nos properare jubet, et pietate juvat.

Qui te perpetuo sanum perducat ad illum,  
 Ut laudes Christi nomen in arce poli.

*De Ariele episcopo.*

Nobilis hanc Aries cognomine dictus avito,  
 Dignanter chartam perlegat ore sacro.  
 Jure, Pater, tali vocitatis nomine sancte,  
 Caularum Domini qui bene pascis oves.  
 Dux Aries gregis ad vitam, cui nemo resistit,

(8) Heinricus.

Factus apostolico pastor honore cluiss.  
 Illic Ælim locus et bissono fonte redundat.  
 Et palmis septem frugifer est decies.  
 Quapropter pastor, præsul, Pater atque sacerdos,  
 In prece quam fundes, sis memor, oro, mei.  
 Advena sim licet, exilis, vilissimus, excors;  
 Sublestus vestris sum tamen obsequiis.  
 Inde precor, si quid possum, mandare memento,  
 Quod prompto faciam pectore servitii.  
 Certius ut credar, precor indulgere velitis  
 Usus in nostros ut salis exiguum.  
 Sal siquidem terram debet condire fidelem.  
 Fiat ut a votis id quoque quæso mihi.  
 Corporeum sal significet rem quam peto justam,  
 Quod præstare, Pater, supplico chare velis.  
 Tu sal namque potens salis impertire saporem,  
 Escæ ne nostræ sint nimis insipidæ  
 Quæ dignanter agens in sæcula sine fine ullo,  
 Perpetua antestis obsecro pace vale.

## III. REX.

Immensas grates volumus tibi dicere, Baldo,  
 Quod tua magna fides sic inconcussa moratur,  
 Nobiscum dictis firmasti ut tempore prisco.  
 Namque animum nostrum pia lætificat tua scripta,  
 Quæ nobis sæpe mittis, hortaris et optime nobis,  
 Et bonitate tua pandis in amore benigno,  
 Quæ tua sic nobis mittit sollertia magna.  
 Nunc vero nuper misisti talia scripta,  
 Non potuit totum noster quod noscere sensus  
 Est quia per totum contextum in ænigmate firme.  
 Conscius ipse tuis quid opus addiscere verbis?  
 Hoc tamen oramus ut nobis pandas aperte.

## ADNOTATIONES.

Ex præmissis versibus, quos sæculo IX scriptos fuisse constat, corrigendi sunt vulgati indices episcoporum metropolis Saltzburgensis.

Et primo quidem ex classe Saltzburgensium episcoporum expungendi sunt Ansalogus, Savolus et Ezius, qui post Vitalem apud Hundium recensentur. Deinde post Virgilium Bertricus quoque removen-

Secundo multum discriminis est item in catalogo vulgato episcoporum Ratisponensium, quorum duplex est classis. Una episcoporum qui quasi extra ordinem eam Ecclesiam rexerunt, octo numero, nempe S. Lupus, Ratharius, S. Rudpertus, S. Emmeramus, S. Erhardus, Albertus, Velipholægus, Vioterbus, et S. Winifridus seu Bonifacius. Altera classis est episcoporum post hos ordinariorum, quorum primus S. Garibaldus nominatur, hic Cau-

vibaldus Gauvibadus seu appellatur. Nulla est in Frisingensibus, nisi penes nominum lectionem, diversitas; at in Pataviensibus magna est. Nam ante Vivolum seu Vivilonem, qui hic primus habetur, numerantur apud Hundium duodecim episcopi, et post Vivilum Beatus desideratur.

In ordine Sabionensium antistitem, vulgo *Seben*, quorum sedes postea Brixinum migravit, ante Ingenuinum ponitur S. Cassianus; et post Ingenuinum undecim alii ante Mastulonem, qui in his versibus secundus est.

Quis sit Aries episcopus, fictum an verum nomen; quisve locus Ælim, ubi ejus sedes, nobis incomper- tum. Alienigenam se dicit poeta, et forsitan Anglus

A erat. Atqui Aries Anglica lingua *Aramme*, vocatur. An is Adalrammus archiepiscopus Saltzburgensis? Fateor me hærare, maxime cum vocabulum Ælim nescio quo pacto Saltzburgo tribui possit.

Eadem ferme difficultas de Baldone episcopo, ad quem sequentes versus. Is videretur esse Bardo Moguntinus sæculo XI antistes, nisi codicis obstaret antiquitas, itemque Ludovici regis nomen versibus inscriptum, quod de Ludovico Germaniæ rege interpretor. Atque ob hanc rationem non possunt hi versus convenire Waldoni episcopo Basileensi, qui ante Carolum Magnum vivere desiit. Sed hæc non sunt tanti ut iis diutius immoremur.

## VII.

*Rhythmici versus de eversione monasterii Glonnensis (9).*

[Mab. II., *Annal. ord. S. Bened.*, tom. II, append., p. 753.]

B Dulces modos et carmina  
 Præbe, lyra Triceia,  
 Commota quis cacumina  
 Planxere hyperborea.  
 Montes simulque flumina  
 Illa putent nunc orphea,  
 Respondeantque carmina,  
 Silvæ canant melliflua,  
 Gravis det organum tuba:  
 Alte resultet fistula:  
 Omnis canat harmonia:  
 Det philomena cantica.  
 Olim nitens clarissima,  
 Terrisque famosissima,  
 Sancti Patris basilica  
 Florentii præcipua,  
 Sensit fera incendia,  
 A gente crudelissima  
 Vere bruta Britannia;  
 Lugete cuncti talia.  
 Omnis enim cum Gallia  
 Florentii suffragia  
 Deposceret tunc cernua;  
 Contempsit hæc gens impia.  
 Olim pius rex Carolus,  
 Magnus ac potentissimus,  
 Fecit hunc locum devotus  
 Pro beati virtutibus.  
 Terris datis fecundibus,  
 Auxit honorem largius,  
 Et præbuit tunc vasculum  
 Cœnæ Dei magnificum.  
 Per hunc fugatur sæpius  
 Infirmas languentibus,  
 Et sanitas fidelibus  
 Præstatur ex hoc protinus.  
 Post imperans Ludovicus,  
 Magni Caroli filius,  
 Ipsum locum benignus  
 Colit piis ornatibus.  
 Qui filiis rebellibus

(9) S. Florentii Veteris (*Saint-Florent le Vieil*) in pago Andegavensi. Monasterium Glonnense in favil-

las redegit anno 818 Nomenoius dux Britonum, post multa Britannicæ ac finitimis regionibus damna illata.



Concussus altis fluctibus  
Et Franciam turbantibus  
Regnum reliquit mortuus.

His quatuor mox partibus  
Regnum sibi secantibus,  
Per Franciam jurgantibus,  
Bellum fuit horridius.

Imperio sic turbido  
Crescit malorum factio ;  
Surgensque tunc dissensio,  
Permiscet omnes jurgio.

Invadit alter socios,  
Crescunt mali super bonos,  
Tyrannus omnis infremis,  
Dantur honores impio.

Fit plurium vastatio,  
Sanctis locis prædatio,  
Cunctis bonis turbatio,  
Rerum simul confusio.

Quidam fuit hoc tempore,  
Nomenioius nomine,  
Pauper prius progenie,  
Agrum colebat vomere.

Sed repperit largissimum  
Thesaurum terræ conditum,  
Qui plurimorum divitum  
Junxit sibi solatium.

Dehinc per artem fallere  
Cœpitque innox succrescere,  
Donec super cunctos ope  
Transcenderet potentia.

Sic ergo discordantibus  
Francis simul cum regibus,  
Cum cæteris rebellibus  
Fit Carolo contrarius.

Ille Carolus cum fratribus  
Bellum gerebat sæpius,  
Nec prævalebat hostibus,  
Tantis repulsus cladibus.

Confidit unde impius,  
Prædas agit Nemenioius,  
Instando Redonensibus,  
Simulque Namnetensibus.

Deinde Pictavensium  
Trans Ligerim manentium  
Pagum petit Medalgicum  
Glouannam locum pulcherrimum.

Turram vocat monachicam,  
Multamque dat pecuniam,  
Jubet mox suam statuam  
Effigiari splendidam,

Quam ponerent pinnaculo  
Ad orientem patulo,  
Signum quod esset, Carolum  
Se non timere dominum.

Illi statim regi suo  
Hæc pertulerunt Carolo,  
Qui audiens superbiam,

A

Miratus est audaciam.

Tunc jussit ut pecuniam  
Totam sibi disponentem,  
Illius albo lapide  
Sculpta risus imagine,  
Quam ponerent pinnaculi  
Ad orientem patulo,  
Signum foret quod impio  
Se subjugandum Carolo.

Iratus ille talibus,  
Locum petit velocius ;  
Prædas jubet militibus :  
Accendit ignem protinus.

Flammias ubique Britones  
Mox inferunt iras truces :  
Sanctus locus comburitur,  
Tantum decus consumitur.  
Heu me ! dolores patriæ,  
Heu me ! honores gloriæ,  
Quam novit orbis pristinae,  
Heu me ! fluunt nunc lacrymæ.

Tunc excitatus cœlitus  
Sanctus adest Florentius,  
Respexit inflammantibus  
Locum suum Britonibus.

O quanta esset ultio !  
Si non foret permissio.  
Percussus est sed impius  
Debilitatis pedibus.

Precatur indulgentiam,  
Redire posset patriam :  
Reversus ad Britanniam  
Nimiam dat pecuniam.

Abbas erat Dido bonus,  
Regi Carolo proximus,  
Cui convocatis fratribus  
Regem adit quantocius.

Exponit iras Britonum,  
Magnum scelus crudelium.  
Tunc rex dolens in pectore,  
Quærit vicem mox reddere.

Illic Andegavam protinus  
Urbem petit tristissimus :  
Dat abbatiam loculi  
Sancti Joannis dediti.

Sed hoc parum visum fuit,  
Moxque alteram tradidit  
Sancti Gundulfi nomine,  
Quæ partibus est Franciæ.

Magnis data muneribus  
Circa locum sit sedulus,  
Restituit felicius,  
Decorat atque pulchrius.

Gaudete cuncti cordibus,  
Cantate magnis vocibus,  
Sancte Florenti, quæsumus,  
Adesto nobis cœlitus.

Amen.

B

C

D

## VIII.

*Versus de Bella (10) quæ fuit acta Fontaneto.*

[Lebeuf, *Dissertation sur la bataille de Fontenay.*]

## MONITUM.

Cod. Reg. 4458 carmen exhibet de prælio Fontenico sub nomine Angelberti cujusdam, qui ut oculatus testis loquitur. Versibus trochaicis constat, et puncta quædam primis versibus superimposita canticum quoddam notis distinctum indicant vel oden. Carmen damus ut legitur in manuscripto codice qui sæculo circiter decimo videtur ascribendus. De prælio ad Fonteniacum vide narrationem Nithardi, *Patrologiæ* tomo CXVI.

Aurora cum primo mane  
Tetram noctem dividens,  
Sabbatum non illud fuit,  
Sed Saturni dolium :  
De fraterna rupta pace.  
Gaudet dæmon impius.

Bella clamant hinc et inde,  
Pugna gravis oritur :  
Frater fratri mortem parat,  
Nepoti avunculus,  
Filius nec patri suo  
Exhibet quod meruit.  
Cædes nulla pejor fuit  
Campo nec in Martio,  
Facta est lex Christianorum  
Sanguine proluvi...  
Unde manus infernorum  
Gaudet gula Cerberi.

Dextera præpotens Dei  
Protexit Hlotharium ;  
Victor ille manu sua  
Pugnavitque fortiter ;  
Cæteri, si sic pugnassent,  
Mox foret concordia.

Ecce olim velut Judas  
Salvatorem tradidit,  
Sic te, rex, tuique duces  
Tradiderunt gladio ;  
Esto cautus ne frauderis  
Agnus lupo prævio.

Fontaneto font... (11) dicunt,  
Villam quoque rustici,  
In qua strages et ruinæ

A

Francorum de sanguine :  
Horrent campi, horrent silvæ,  
Horrent ipsi paludes.

Gramen illud ros et imber  
Nec humectet pluvia,  
In quo fortes ceciderunt  
Prælio doctissimi ;  
Plangent illos qui fuerunt  
Illo casu mortui.

Hoc autem scelus peractum  
Quod descripsi rhythice,  
Angelbertus ego vidi,  
Pugnansque cum aliis  
Solus de multis remans  
Prima fontis acie.

B

Ima vallis retrospecti  
Verticemque jugeri  
Ubi suos inimicos  
Rex fortis Hlotharius  
Expugnabat fugientes  
Usque forum rivuli.

Karoli de parte vero  
Hiladovici pariter  
Albescebant campi vestes  
Mortuorum lineas,  
Velut solent in autumno  
Albescere avibus.

Laude pugna non est digna,  
Nec canatur melode :  
Oriens, Meridianus,  
Occidens vel Aquilo  
Plangent illos qui fuerunt  
Illic casu mortui.

Maledicta dies illa,  
Nec in anni circulis  
Numeretur, sed radatur  
Ab omni memoria ;  
Jubar solis illi desit,  
Aurora crepusculo.

Noxque illa nox amara  
Noxque dura nimium,  
In qua fortes ceciderunt  
Prælio doctissimi,  
Pater, mater, soror, frater,  
Quos amici fleverant.

C

## IX.

*Ἑπτακτον seu Rhythmus Teutonicus, Ludovico, Balbi filio, acclamatus, cum Nortmannos anno 883 vicisset, cum versione Latina Joannis Schilleri.*

[Apud. Mabill. *Annal.* tom. III, append., p. 684.]

Einen kuning weiz ich,  
Heisset herr Ludwig,  
Der gerne Gott dienet,  
Weil er ihms lohnet.

Kind wart er vatterlos,  
Deff warth ihme sehr boss.  
Holoda'nan Truhtin.  
Magaczogo warth her sin.

D

Regem novi,  
Vocatur dominus Ludovicus,  
Qui lubens Deo servit,  
Quippe qui eum præmiis afficit.  
Minorennis orbabatur patre,  
Id quod ipsi erat valde noxium.  
Suscepit ipsum Dominus,  
Ductor fiebat ipsius.

(10) Sic cod.

(11) Voculæ hujus evanuerunt ultimæ litteræ, sed legendum sine dubio *fontem*.



*Gab her ihme Dugidi,  
Fronisc githigini,}  
Stuel hier in Vrankon.  
So bruche her es lango.*

*Das gedeild er thanne  
Sar mit Karlomanne  
Bruder sinemo,  
Thia czala wanniano.*

*Odas warth al geendist.  
Koron wolda sin God iz,  
Ob her arbeidi  
So lang tholon makti.*

*Liess der heidine mann  
Obar sie lidan,  
Thiot Vrancono  
Mannon sin diono.*

*Sume sar verlорane,  
Wurden sum erkorane.  
Haranscara tholota  
Ther er misselebeta.*

*Ther ther thanne thiob was,  
Ind er thanana ginas,  
Nam sine vaston  
Sidd warth her guotman.*

*Sum was luginari,  
Sum was skachari,  
Sum falloses,  
Ind er giburtha sih thes.*

*Kuning was ehruirrit.  
Das richi al girrit,  
Was ehrbolgan Krist,  
Leid her thes ingaldiz.*

*Thoh erbarmet es God,  
Wiss er alla thia nod,  
Hiess herr HLudwigan!  
Tharot sar ritan.*

*Hlu. lwig kuning min  
Hilph minan liutin,  
Heigun sa Nordman  
Harto bidurungan.*

*Thanne sprach Hludwig.  
Herro so duon hi,  
Dot nj rette mir iz,  
Al thas thu gibiudist.*

*Tho nam her Godes urluh  
Huob her gundfanon uf,  
Reit her thura in Vrankon,  
Ingagan Nortmannon.*

*Gode thanco. dun  
The sin beidodun.  
Quad : Hin al fromin,  
So lango beiden uuir thin.*

*Thanno sprach luto  
Hludwig der guoto :  
Trostet hiu gesellion,  
Mine notstallon,*

*Hera santa mid God,  
Doh mir selbo genod,*

A

*Dedit ei Heroes,  
Illustres comites,  
Sedem hic in Francia.  
Sic utatur illis diu !*

*Hæc divisit postea  
Cum Carolomanno  
Fratre suo,  
Portionibus fraude absque.*

*Cum hoc esset omne finitum,  
Axperiri volebat ipsius Deus hoc,  
An is tribulationes  
Aliquandiu tolerare posset.*

*Permisiit gentilium militem  
Super eos duci :  
Populum Francorum  
Militibus eorum servire.*

*Alii statim defecerunt,  
Fuerunt alii tentati (solicitati);  
Contumelias patiebatur  
Quicumque secus viveret.*

*Is qui tum latrunculus fuerat,  
Atque hinc (his in turbis) invaluerat,  
Occupavit ejus (regis) castra :  
Ex quo factus is nobilis.*

*Alius erat mendax (falsarius),  
Alius erat sicarius,  
Alius desertor,  
Et quilibet extollebat se eo (crimine)*

*Rex erat attonitus.  
Regnum totum perplexum.  
Erat iratus Christus,  
Permisiit hanc tyrannidem.*

*At misertus est Deus :  
Cognoverat omnem hanc calamitatem.  
Jussit Dominum HLudovicum  
Eo illico proficisci.*

*HLudovice, Rex mi  
Juva meum populum,  
Eum Nortmanni  
Dure presserunt.*

*Tunc dixit Ludovicus :  
Domine, sic faciam,  
Mors ne prohibeat mihi hoc  
Omne quod tu mandas.*

*Tunc cepit is Dei veniam,  
Sustulit vexillum classicum,  
Expeditionem fecit in Franciam  
Adversus Nortmannos :*

*Deo gratias agens,  
Hunc exspectans,  
Dixit : Agedum Domine,  
Tam diu exspectamus Te.*

*Postea elocutus clare  
Ludovicus ille illustris :  
Bono estote animo, commilitones,  
Constabularii mei.*

*Huc misit me Deus,  
Qui et mihi ipse graciosus sit !*

B

C

D

*Os hiu rat thuti,  
Thaz ih hier gefurti.*

*Mih selbon ni sparoti,  
Unz ih hiu ginerrti.  
Nu uuil ih thas mir uolgon  
Alle Godes holdon.*

*Giskerit ist thiū hieruuiſt  
So lango ſo uuil Krist.  
Vuil her unſa bina uuarth,  
Thero habet giuuaht.*

*So uuer ſo hier in ellian  
Giduut Godes uuillian,  
Quimit he giſund us,  
Ih gilonon imos.*

*Bilibit her thorinne.  
Sinemo kunnie.  
Tho nam her ſkild indi ſper,  
Ellianliho reit her.*

*Vuold her uuarer rahchon  
Sina uuidar ſahchon,  
Tho ni uuas iz buro lango  
Fand her thia Northmannon.*

*Gode lob! ſageta  
Mer ſiht thes her gereda.  
Tæ kunig reit kuono.  
Sarg lioth frano.*

*Joh alle ſaman ſungun  
Kyrieleiſon.  
Sang uuas geſungen.  
Vuig uuas bigunnen.*

*Bluot ſkein in uuangon  
Spilodun der Vrankon.  
Thar raht thegeno gelih,  
Ni chein ſo ſo Hluduuiſg.*

*Snel indi kuoni,  
Thas uuas imo gekunni.  
Suman thuruch ſluog her,  
Suman thuruel ſtach her.*

*Her ſkancta cehanto  
Sinan ſianton  
Bitteres lides.  
So uuehin hio thes libes.*

*Gilobet ſi thiū Godes kraft,  
Hludwig uuarth ſighaſt.  
Sag allin heiligen thanc.  
Sin warth ther Sigikamf.*

*Odar abur HLudwig  
Kuning uuar ſalig.  
Gar ſo ſer hio uuas  
Swar ſo ſes turſt uuas.  
Gihalde inan, Truhtin,  
Bi ſinam ergrehtin.*

A

*Ut vos conſilium detis,  
Ut ego exercitum educam.*

*Mihi ipſi non parcam,  
Donec ego vos liberem.  
Nunc volo ut me ſequantur  
Omnes Dei fideles.*

*Data eſt hæc vita  
Tam diu quam vult Chriſtu  
Quia iſ noſtra oſſa ſeruat,  
Eorum habet cuſtodiam.*

*Quicumque hic in alacritate  
Facit Dei voluntatem,  
Egreditur iſ integer (ex prælio);  
Ego præmio afficiam ipſum.*

B

*Si quis morietur hic (in prælio)  
Ejus familiæ (dabo).  
Tunc arripuit ſcutum et lanceam,  
Feſtinanter equitans.*

*Volebat iſ vere vindictam ſumere  
De ſuis aduerſariis.  
Tunc nec erat intervallum longum,  
Inveniebat Nortmannos.*

*Deo ſit laus! dicebat,  
Videns id quod deſiderabat.  
Rex currit audacter  
Præcinit canticum publicum (litaniam).*

C

*Atque omnes conjunctim cantabant  
Kyrie eleiſon.  
Canticum erat decapſatum;  
Prælium cœptum.*

*Sanguis apparuit in genis  
Exultantium Francorum.  
Hic vindictam ſumpsit miles pariter,  
Nemo ſic ut Ludovicus.*

*Alacer et audax,  
Hoc erat ipſi congenitum.  
Alium percussit.  
Alium perfodit.*

D

*Propinavit ſubinde  
Suis hoſtibus  
Amarum potum.  
Sic ceſſerunt hic de vita,*

*Benedicta ſit Dei virtus!  
Ludovicus factus victor.  
Dic omnibus ſanctis gratias.  
Ipſius facta victoriosa pugna.*

*At vero Ludovicus  
Rex fuit felix.  
Promptus uti hic fuit,  
Gravis quantum opus erat  
Sera ipſum, Domine,  
In ſua Majeſtate!*



## X.

*Versus asclepiadei, quibus finitur codex Gothicus Vigilanus seu Albeldensis dictus (12).*

[Apud Florez, *España Sagrada*, tom. XXXIII, p. 471.]

## I.

Y	Irtus nempe Christi mici solacium Vigilani prebens humillimo sep	
I	ncepta Canonis sacri hujus libri ad calcem opera perduxit navite	E
G	lobans en vivida almorum florida patrum orientum clara concili	R
I	ngentia dehinc nectens almifica regum ac presulum occidentaliu	A
L	ucet sicut luna sancta Ecclesia illustrata fulgens lumine Domin	M
A	postolorum claris ornata doctrinis sacris lota limphis rutilat ceu so	I
S	uscipit fulgidam sanamque doctrinam inlitarum fucis recipiens nici	L
A	pravo dogmate rerum manantium manet luciflua sancto in oper	L
R	adio exempli mundum inluminans vita purissima simul cum angeli	E
R	enitens elucet in celica sede quorum tandem prece perducamur ib	S
A	lmifica sepe agmina cernentes sanctorum spirituum simulque martyru	I
C	oncretaque una Virginum fulgida almorumque patrum turma lucilla	N
I	nlustri merito una cum opere turmis sidereis atque celicoli	A
N	ostrorum nomina libro vite scribta connemur ipsis in atria cel	S
V	ernantia pura atque florigera vivorum fruenter cumulo fruct	I
S	arracinus Salbi ipseque Vigila magistri optimi adjuvati pree	V
Q	uorum digessimus clara nunc nomina scribtores gemini que tenet liber hi	E
U	natum post illuc uniti jugiter ipsis conletemur angelorum cel	C
E	oo instar turma cencies bina cenobii Albelda plurimum candid	U
E	n sancti Martini una fraternitas cum sanctis ad celum pervolet parite	A
D	ucatus quidem sancti Evangelii pergentes Dñi. vias ut adii	R
I	lle qui pro nobis sustinuit probra cuius nos sequi nam decet vestigi	T
D	ecies centena ac unum decies quarta era labens pernotaque abi	A
E	t notatum tempus Kalendarum Maii quintus vicesimus seu cursus lun	D
R	animiri fratre regnante Sancio rege orthodoxo scriptus est liber hi	E
U	na cum regina Urraca preclara sexto anno obitus regis Garsean	C
N	unc omnes cernui legentes precamur nos ut exiguos apud sanctissima	I
T	rinitatem simplam commendetis una fruamur gloria cuncta in secul	M

## II

O	Dei Verbum Patris ore proditu		U	irtus hunc locum summi Dei Fili	
R	utilant nutu cujus mundi macin		M	uniat semper et sanctorum atriu	I
E	ternum tuum ut fruamur delecte	M	R	loreat lucens sic lumine Dñ	M
X	pte. oramus nobis jam advenia	A	U	ngenti alma vigens et per secul	T
G	audium magnum scribentibus tih	R	N	unc aula Dei claritate fulgea	R
E	nixe cuncti petimus ut munime	T	I	ntersit nostris Christe animis splendo	I
N	abum hic prestes tui almi Martini	I	S	acre ac aule Martini episcop	U
I	ubar enitens semper in his atrii	S	Q	ujus precatu tua protecta man	M
T	ua et alma fulgeat hic glori	I	U	igeat alma turba hic monacore	T
E	t gloriosum adspiret verum lume	N	E	t gaudens sacris virtutibus florea	U
I	nfestus hostis victus sepe eat hin	C	C	elibes facti tuo sancto Spirit	E
N	obis et almu tuum juvamen adsi	T	R	epleti bono tue ac clementi	R
I	mmense Christe Filius Dei viv	I	I	nradiati fulgeamus jugite	E
T	egamur omnes tuis sub signaculi	S	S	acris sic semper actibus justiti	R
I	nlata luce nobis tui lumini	S	T	ua ut alma coronemur glori	E

(12) In bibliotheca Escorialensi asservatur. Continet concilia sexaginta unum et epistolas decretales. Quæ omnia scripta sunt manu Vigile et Sarracini monachorum Albeldensium, et ejusdam Vigile discipuli, Garcie nomine. Labori finem impositum

notant die 25 Maii æræ mxxv, id est anni Christi 976, regnantibus in Navarra D. Sancho et D. Urraca et D. Ranimiro in Viguera, de quibus specialis mentio fit in his versibus.

E terni regis tutamen domus he  
 I bi et cuncti tegamur suis signi  
 N os habitantes sacra in hac atri  
 G audium nobis rex Jesus Emanue  
 E nitens donet de almo et spirit  
 N ostro sic regi Sancioni glori  
 I nelite Christe prebe et presidii  
 T uo humili Ranimiro angel  
 I mparti clemens ac justitie lume  
 P ossint ut frui tua semper grati

C S A L V A M O N A

A ctus est liber Era labens enim hi  
 T erna ducta centena in calcul  
 R ite decies septem anni parite  
 I uncti collectim seni sic in transit  
 S olutum ubi revolutum circulu  
 L aus sit Patri honor atque glori  
 U nico Proli equali semper hui  
 M anenti simul cum utrisque perpeti  
 E x equo almo Spiritui sanctoqu  
 N unc et futura secula curres

C O R U M A C M E N A M E N

## INDEX ALPHABETICUS

### FIDELISSIMUS

## IN ISIDORUM MERCATOREM.

*Revocatur Lector ad numeros crassiores in textu positos.*

### A

Aaron primus chrismate unctus fuit, et super populum constitutus, 9. Aaron primus in lege nomine sacerdotali fuit insignitus, 15.

Abbatē qualiter vendere possunt, 97. Episcoporum potestati habent, 97. Abbas idem duobus monasteriis non potest præsiderē, 97. Abortivum fetum procurantes, qualiter puniantur, 62.

Absens damari non debet, 28, 155.

Abstinētia post Pentecosten celebranda, 102. Abstinentium aliquando a licitis, 177.

Acacii rescriptum ad Simplicium papam, 151.

Acacii damnatio facta per Felicem papam, 132.

Acacius communionem suam alterius miscuit errori, 156.

Accusanti et accusato quando auferenda sit communio, 78. Accusantium vita debet esse probabilis, 158. Accusatus non ante supplicio addicendus qui fuerit convictus, 119.

Accusatio Christianorum per quos fieri possit, 48. Accusatores qui esse non possunt, 17. Accusatores sacerdotum quales esse debeant, 15, 23. Accusantis fides imprimis spectanda, 154. Accusator clerici si defecerit, excommunicatur, 140. Accusator et iudex idem esse non potest, 162.

Accusantium mores debent imprimis explorari, 158. Accusandi via temperanda est, 94. Accusationes clericorum qualiter fieri debent et iudicia terminari, 27. Accusatio episcoporum per quos fieri debeat, 40, 51. Accusare qui possunt et qui non, 86.

Acolythus qualiter sit ordinandus, 82.

Acta illicita prædecessorum debent a successoribus rescari, 28.

Adæ transgressio causa fuit mortis naturalis, 86.

Adolescens post pœnitentiam, si abstinere non potest, uxorem potest ducere, 220. Adolescens si post fidem lavari mœchetur, 10).

Adulta ætate recipiens sacramentum baptismi, si idololatram, 99.

Adulteræ uxores habentes, persuadendi sunt, ne alias accipiant uxores, 89.

Adulteræ uxores cur a maritis separantur, et non e contrario, 173.

Adulteræ maritus non est ad clerum provehendus, 142.

Adulteræ mariti alienum thorum violentis pena, 144.

Adulterium septenni pœnitentia eluitur, 62.

Adunctus Christi probatio, 26.

Egrotantes suæ fidei præstantes argumentum baptizentur, 79.

Ætas omnis ab adolescentia prona est ad malum, 114.

Afflictis succurrendum est, 37.

Africani concilii epistola ad Cœlestinum papam, 85.

Africanæ Ecclesiæ concilium per singulos annos debet celebrari, 78. Africanorum episcoporum rescriptum ad Siricium papam, 169. Africanæ Ecclesiæ ab Ecclesia Carthaginensi normam suscipiunt, 78.

Agitatores a communicatione debent abstinere, 88.

Alea ludentis pœna, 401.

Alexandria secundam habet ecclesiæ sedem, 17.

Alexandriæ et Antiochiæ sedium precellentia, 59. Alexandrinæ et Antiochenæ sedium dignitas, 85.

Alienandæ non sunt res ecclesiasticæ, 61.

Alienatio rerum ecclesiasticarum nemini est permissa, 96. Alienatio omnis rerum ecclesiasticarum inhibetur episcopo, 82. Alienatio quarundem rerum ad Ecclesiam Romanam pertinentium potest fieri, 247.

Alleluia tempore quadragesimæ non debet cantari, 115.

Aitaria benedictione sacerdotali sacrandæ sunt, 95. Altaris ministri tantum circa altare debent insistere, 68.

Amentibus pietatis studia conferenda sunt, 95.

Amicorum omnia communia. 12. Amicus hujus sæculi inimicus est Dei, 15.

Anacleti papæ decreta de oppressione episcoporum, 12. Anacleti epistola de patriarchis et primatibus, 16.

Ananias et Saphira mors, 12.

Anastasii diaconi verba de Africanorum lapsu, 251. Anastasii papæ decreta, 169. Anastasii papæ epistola ad Anastasium Augustum, 244.

Anatolii carpitur ambitio, 197.

Anicellæ vel libertæ a clericorum secretario submotæ sint, 95.

Angeli, quibus Deus non pepercit, exemplum sunt impiorum, 25.

Angelorum episcopis nihil est juris in episcopos Galliarum, 279.

Anima Christi ad inferos descendente, caro Christi vere in sepulcro requievit, 222. Anima non est de substantia Dei, 221. Animæ vel angelos credens esse ex substantia Dei est hæreticus, 158. Animæ nostræ, antequam corporibus inserentur, non fuerunt in cœlo, 221. Animas putans signis obnoxias, est hæreticus, 158. Animas suos habere præsules, et corpora suos diversos conditores, vanum est dicere, 222. Animas putans in cœlo prius peccasse, est hæreticus, 158.

Animadversio in paladium calumniatorem, 91.

Annuntiationis beatæ Mariæ festum quando celebretur, 128.

Antiochia tertiam Ecclesiæ sedem sortitur, 17.



Apocalypsis liber inter libros divinos est annumerandus, 115.

Apocryphæ scripturæ numerantur, 214.

Apostolica sedes nunquam passa est rugam, 265.

Apostatantes post religionis professionem, qua sint penitentia digni, 97. Apostatantibus usque ad finem vitæ neganda est communio. 89. Apostata revertens in gremium Ecclesiæ recipiendus est, 100.

Apostolorum corpora levantur, 37.

Appellare potest episcopus ad Romanam sedem aut metropolitanam, 151.

Appellationis remedium nulli denegandum est, 36.

Appellationes ad metropolitanos devolvuntur, 66. Appellationes omnes ad Ecclesiam Romanam deferri possunt, ab ea autem nemo appellat, 239. Appellationes in causis ecclesiasticis ad papam devolvendæ sunt, 42. Appellationum iudices, appellantes recipiant, 134.

Aqua sale conspersa benedicendus est populus, 21.

Arboris vitæ fructum rapit, qui sæpius definita revocat in dubium, 107. Arboribus more gentilium non licet cingere domos, 144.

Arceuocitis nunquam danda communio, 101.

Archidiaconi officium in celebrandis conciliis generalibus, 1. Archidiaconatus officium impotenti adimplere dandus est collega, 95.

Arelatensis episcopi arbitrio congreganda est synodus, 90.

Ariani fideles opprimunt, 139. Ariani utrum sint rebaptizandi, 89. Ariani sacerdotes donum Spiritus non potuerunt immittere, 175. Ariani in Ægypto exemplaria Nicæni concilii incenderunt, 130.

Arma projicientes in pace, a communione abstineant, 88.

Assertio concilii Ephesini, 71.

Augures et pantomimi artibus suis renuntiantes possunt ad fidem recipi, 100.

Auguria et cætera id genus deliramenta omnino vitanda sunt, 292. Auguriis et divinationibus vacans excommunicatur, 96.

Augustini Cantuariensis archiepiscopi quæstiones, 278.

Augustini commendatio, 184.

Aulici et principum assecræ raro debent ordinari, 172.

Aurelii Carthaginiensis episcopi de damnatione Pelagii et Cælestini epistola, 225. Aurelio episcopo Carthaginiensi ab omnibus episcopis datur facultas reliquis locis constituendi episcopos, 80.

Avaritia omnium malorum radix sacerdotum mentes invasit, 114.

## B

Balsamum quod pro baptismo benedicitur, non debet vendi, 141.

Baptisia ab hæreticis non est suscipiendus, 5. Baptismus non omnia solvit, 177. Baptismatis trina immersio signatur in epistola Gregorii papæ ad Leandrum episcopum, 274.

Baptizatus in ægritudine non debet ad sacerdotium promoveri, 62. Baptismus an iter iterandum, 176. Baptismus in nomine trium personarum debet fieri, 267. Baptismus aquæ ad quid conferat, 12. Baptismus suscepturi qualiter se debeant præparare, 85. Baptismus potest his conferri qui nesciunt se baptizatos, 216. Baptismi forma qualis esse debeat, 5. Baptismi non tollit efficaciam, malus minister, 257. Baptismi sui fidem ignorantes per manus impositionem sunt et suscipiendi, 220. Baptizari potest mulier si prægnans velit, 145. Baptismus quibus diebus solebat conferri, 166. Baptismus non potest dicimere matrimonium, 176. Baptizandum non est passim, 253. Baptismus passim dare prohibet Leo papa, 215. Baptizandi onus habens si aliquo pergat, habeat secum christum, 93. Baptizandi mos Hispaniorum, 112. Baptismus debet his conferri quos non constat esse baptizatos, 220. Baptisterium presbyter non debet prius episcopo ingredi, 143. Baptizati uxores habentes an promoveri possint, 173. Baptizati extra ecclesiam aut rebaptizati, militiæ ecclesiasticæ non sunt ascribendi, 251. Baptizati a presbyteris imperitis et incongrue loquentibus non debent rebaptizari, 289. Baptismatis gratia non est sufficiens ad superandum diabolum, 254. Baptismus non debet esse venialis, 140. Baptizati post baptismum chrismate liniri debent, 68. Baptismus qualiter est Judæis confendus, 128. Baptismi favor omni studio circumspiciendus, 95. Baptizandos ætatis proventu prius fidei symbolum decet edoceri, 68. Baptismi trine mersionis formam non observantis poena, 5. Baptismi et confirmationis differentia, 55. Baptismi necessitas quæ illicita sunt reddit licita, 98. Baptizati non debent rebaptizari, 166. Baptismi modus unus debet observari in provincia Braccarensi, 139. Baptismi sacramentum non est iterandum, 76.

Baptismus fit ad originalis maculæ deletionem, 87. Baptizari debent sine scrupulo, qui non probantur baptizati, 84. Baptismus recipiens adulta ætate ubi idololatravit, 99. Baptisini occasione non debet dari aliquid pretium, 100. Harbaris moribus aliquid indulgetur, alias negandum, 287.

Basilicæ in potestate sunt episcopi cujus est territorium, 98. Non debent dedicari nisi sub nomine sanctorum vere approbatorum, 251. Basilicæ noviter extructæ quo modo sint dedicandæ, 255. Basilica si ignoretur cujus sit dioceseos, 146. Basilica cum restaurantur, non indigent nova consecratione, 267. Basilicæ extructæ ad quæsum non sunt consecrandæ, 140. Basilicæ sunt episcopi in cujus territorio extructæ sunt, 114.

Benedicendi sunt per episcopum quos diaconus attentavit baptizare, 101. Benedicere populo in ecclesia non licet presbytero, 96.

Benedicti papæ epistola ad Davidem episcopum, quo Trinitas sit unitas in Deo, 270.

Benedictio post orationem Dominicam debet fieri, 115.

Benedictiones ab hæreticis non sunt recipiendæ, 144.

Beneficium ecclesiæ per principem collatum debet esse inviolabile, 119. Beneficiorum pingue loco non debet quem incitare ut promoveatur, 245.

Benignitas severitati præferenda, 211.

Bestiæ se immiscerunt poena, 144.

Bigamus non est ordinandus, 85.

Bonifacii papæ epistola ad honorium Augustum, 183.

Bonifacii epistola ad Zachariam papam, 288.

Bonifacius remittitur ab Urbe ad Germanos qui eos de fide instruat, 286.

Bonitas nos commendat creatori, 14.

Noniani hæretici sola cum manus impositione possunt recipi, 90.

Bonus per se nemo nisi participationem sui donet qui solus est bonus, 184.

## C

Calendion et Joannes Alexandrinus injuste depositi, 240.

Calix unicus in missarum solemnibus offerendus est, 187.

Calumniator in uno genere delicti repertus, ad cætera non admittatur, 86. A limine iudicii repellendus, 27.

Canonicæ scripturæ sub nomine prophetarum non sunt accipiendæ, 222. Canonicæ tantum scripturæ legi debent in ecclesiis, 80. Canonici tantum libri sunt in ecclesiis legendi, 144.

Canonum generalium condendorum exordium, 58. Canones penitentiales observandi sunt, 110. Canones in accusationibus leges sequuntur imperiales, 154. Canones apostolorum per Clementem papam prolati, 2.

Capite dolente cætera membra languescunt, 34.

Carere debet omni vitio qui in alterum dicere paratus est, 45.

Carnium abstinens quasi eas exsecrans deponendus est, 143.

Caro asserenda est vivificatrix et propria Verbi, 71.

Carolomannus Francorum rex fidei instaurator, 288.

Carolus Francorum rex magnam Germaniæ partem a tenebris infidelitatis ad fidei lucem revocavit, 288.

Castitatis professæ desertores ut prævaricatores puniendi, 95.

Catechumenis tantum sal diebus paschalis debet dari, 78. Catechumenis evangelium legi non debet in ecclesia, 93. Catechumenus qui per infinita tempora ecclesiam non adiit, ad baptismum potest recipi. Catechumeni quo tempore sint baptizandi, 102. Pro catechumenis sine baptismo defunctis non est psallendum, 159. Catechumeni informandi sunt, 93. Inter domesticas orationes possunt admitti, 95. Catechumenorum qui lapsi sunt penitentia, 62. Catechumena infra quod tempus possit baptizari, 99. Catechumena conceptum adulterium necans, 100.

Catharis accedentibus ad Ecclesiam quid faciendum, 85.

Cathedræ episcopalis celsitudo quid signet, 52. Cathedram propriam nullus episcopus contemnat, 84.

Catholicus filios hæreticos offerens baptizandos non auditor, 103. Catholicus ad iudicem alterius sectæ provocans excommunicatur, 85. Catholicorum dogma contra Pelagium, 225.

Causæ cognitio tractari debet antequam feratur sententia, 188. Causæ propriæ in propria terminentur provincia, 87.

Cellulæ novæ monachorum, præter episcopi scientia, non possunt extrui, 97.

Cereus in vigilia Paschæ benedicendus, 115. Cerei per diem non sunt in cernere his accendendi, 100.

Chalcedonensis concilii, tractatus, 107, 108.



Cham filius Noe exemplar eorum perditionis qui in patres peccant, 8.

Charitas est omnium bonorum magistra, 51. Charitatis vinculum multitudinem superas, 158. Charitas ad inimicorum dilectionem extenditur, 51. Charitate prius est tendenda, quam strepitu forensi, 154.

Chrisma episcopus omni tempore potest conficere, 145. Chrismatismat consignatio hominem reddit perfectum Christianum, 42. Chrisma conficere solus potest episcopus, 105. Chrisma per singulos annos conficiendum, 55. Chrismatismat confectioem, poenitentium reconciliationem puellarum consecrationem non debent attentare sacerdotes, 77. Chrisma presbyteri benedicere, nec altarium possunt consecrare, 159.

Christi doctrina ad discipulos, 10. Christus secundum deitatem unicus est cum Patre naturæ, secundum carnem unius nobiscum naturæ, 27. Christus divinas et humanas Voces locutus est, 70. Christus veniens ignorantie ruinis scientiam veritatis opposuit, 11. Christus secundum varias formas passibilis et impassibilis, 200. Christus dives et pauper, 210. Christus a celesti sede descendens a paterna gloria non recessit, 189. Christus verus Deus et homo est innoce Verbi ad carnem, 70. Christus venturus est iudicare vivos et mortuos, 70. Christus verus Deus et verus homo passus est, 48. Christi damna licet, non prohibens, qualiter ab eo quaeretur præmia, 257. Christus verus Deus est credendus, 71. Christi præclaræ virtutes, 10. Christi opera non separatim Verbo, sed Christo sunt tribuenda, 71. Christus est caput Christianorum et sponsus Ecclesiæ, 18. Christus est verus pontifex, et apostolus nostræ confessionis, 70. Christus a Spiritu sancto glorificatus, aliena virtute non usus est, 70. Christi naturarum duæ proprietates, 147. Christi servorum suorum subiit iudicium, 250. Christus secundum solam carnem passus est, 148. Christi hominis negantem veritatem necesse est multis erroribus implicari, 189.

Christiani non merentur nomen, qui Christi negant incarnationem, 48. Christianos quoslibet turpe est spectaculis interesse secularibus, 79. Christianus pro fide afflictus a sacerdotibus est honorandus, 82. Christiani apostatæ qualiter debeat recipi, 166. Christianus pro Christo omnia ferre debet, 52. Christianus in Christianum sanguinolentus non ordinatur, 104. Christiani publicas comessiones fugere debent, 68. Christianam legem prævaricationes sunt infames, 154. Christiani Judæorum vitæ convivia, 96. Christianæ legis perfectio super alias, 11.

Ciborum discrimen non debet facere Christianos, 27. Cibus aliquis iudicans immundus, est hæreticus, 158. Cibus cum Judæo non debet sumere Christianus, 100.

Cives civibus invidere, pessimum, 45. Civium poena qui non sunt cum episcopis diebus solemnibus, 97.

Clemens per modestam cathedram pontificiam refugit, 3. Clementis papæ episcopa ad Jacobum fratrem Domini, 5. Ejusdem ad eundem, de Sacratiss vestibus et vas, 7.

Clementia magis quam severitate sunt emendandi subditi, 152.

Clericali non ligetur quid unico actu, 87.

Clerici non debent esse iustiores vel famuli divitum, 73. Clericus artificulo præter offensam suæ professionis vestimentum sibi debet parare, 82. Clerici ab humano sanguine, etiam hostili, debent temperare, 102. Clericus episcopi insidiator, curiæ servituti mancipetur, 56. Clerico alieno non debet communicare episcopus, 103. Clerici bona ecclesiæ tenentes, conficere debent instrumenta precaria, 118. Clericus extra provinciam non est in jus vocandus, 155. Clericus in duabus ecclesiis non debet ordinari, 73. Clericus scurrilis ab officio deponatur, 85. Clericus alieno nomine fenus non debet exercere, 213. Clericus ab episcopo excommunicatus, provinciales consulat episcopos, 75. Clericus sine litteris episcopi commendatitiis ambulanti-bus nemo communicet, 96. Clericus episcoporum communi iudicio pro crimine damnatus, non debet a quoque defen-sari, 84. Clerici litigiosi testimonium difficile recipiatur, 85. Clericus ut comam nutrire non debet, ita nec barbam radere, 82. Clerici sæcularis militiæ non merentur honores, 75. Clericus alterius episcopi nemo debet ordinare vel retinere, 172. Clerici coram suo episcopo suas que-reas debent experiri, 75. Clericorum, monachorum et puel-larum Dei rephaptizorum poena, 151. Clericos magos ab Ecclesia convenit eliminari, 68.

Clericus extraneus sine commendatitiis litteris episcopi sui nullibi debet ministrare, 75. Clericus turpi lucro vacans a clero deponatur, 90. Clerici qui se putant a suis episcopis laesos, qualiter suo juri debeant consulere, 85 88. Clerici examen refugientes ecclesiasticum, debent in sua causa periclitari, 79. Clericus episcopi forum negligens, et sæcularem iudicem eligens, excommunicatur, 228. Clericus nullibi sedulo ecclesiæ inserviens, non clericus repu-

tetur, 104. Clericus quantumlibet eruditus, artificio debet vitium querere, 82. Clericus per nundinas cursitans, ab officio deponendus est, 82. Clerici coronam ferre de-bent, 115. Clerici poenitentiam petentibus non est dene-ganda, 95. Clericus per plateas non debet esse vagus, 82. Clericus cum extraneis mulieribus non debet habitare, 82. Clericus ex vestimentorum splendore commendatio-nem querere non debet, 82. Clericus servum suum ad ec-clesiam confugientem inde non extrahat, 105. Clericum alienum invito proprio episcopo nemo debet suscipere, 212. Cleri sortem quæ personæ possunt assequi, 113. Clerici ecclesiis inservientes, condignam recipere debent mercedem, 96. Clerici non debent esse feneratores, 77. Clericos non oportet inire convivia ante horam tertiam, 144. Clericus nec monachis non liceat evagari sine litteris commendatitiis, 96. Clerici quocunque temporis lapsu rem ecclesiasticam propriam facere non possunt, 97. Cleri-corum contentiones ab episcopis sunt dirimendæ, 171. Clericus ubi accusare, et accusari potest, 96. Clerici præ-sertim monachi arcendi sunt, ne vagentur per civitates, 74. Clericorum qui diebus solemnihus a sua ecclesia absunt pena, 97. Clericus documenta iurium ecclesiæ intervertens omnia ecclesiæ dispendia refundat, 96.

Clerici comam non nutriant, nec calceis utantur inde-centibus, 95. Clerici in seditione arma sumentes ab officio deponantur, 115. Clerici ingenui ab omni iuditione publica debent esse immunes, 115. Clerici turpibus lacris non de-bent implicari, 255. Clericus officium suum relinquens, ex-communicatur, 95. Clericus (si furtum fecerit) a commu-nione arceatur, 95. Clerici uxorem ducentes sine consensu episcopi ab eo excommunicantur, 115. Clericorum et lai-corum diversa esse debent fora, 55. Clericus ecclesiæ de-potatus, si officio interesse nolit, deponatur, 144. Clericus liberam vitam ingredi nonasticam, 115. Clericum akerius episcopus non ordinet, nisi cum dimissoriis litteris, 159. Clericorum contemptus in prasules qualiter puniatur, 2. Clerici, vel laici, non temere admittendi in accusationem episcoporum, 74. Clerici quibus interdictæ sunt nuptiæ, nuptiarum convivii, aut ubi lascivitur, non intersint, 96. Clericus absque litteris dimissoriis sui episcopi non est reci-piendus, 66. Clerici a laicis non sunt iudicandi, 154. Cle-ricus ecclesiæ cui ab initio fuit deditus, debet semper restitui, 146. Clerici usurarii animadversio, 99. Clericus extraneæ mulieris familiaritati non coniungatur, 95. Cle-ricorum jejunium quadragesimale, 25. Clericus mutuas aut solidum, aut speciem appreciatam recipiat ad concur-rentiam solidi, 101. Clericus non debet esse negotiator, 101.

Clericus uxorem adulteram scienter retinens tanquam patronus turpitudinis a communione pellatur, 100. Clerici factiosi adversum suos superiores proprii gradus priven-tur honore, 74. Clerici negotiis sæcularibus non debent se immiscere, 76. Clericus abstinent a carnibus, eas reputans immundas, deponatur, 61. Clericorum in mutuum eadem prurupentium poena, 105. Clericus viduus, aut secundam ducens conjugem, debet honore ecclesiastico nudari, 167. Clerici ad agapem vocati non debent partes tollere, 68. Clerici in ecclesia primitiva omnibus utebantur communiter, 51. Clerici ab opere sancto si absunt, episcopi puniuntur arbitrio, 94. Clericus negligens ab officio debet amoveri, 82. Clericus qualiter ire debet ad comitatum, 88. Clericus qui ali-jus cause fuit cognitor, non potest in eadem esse testis, 84. Clericus peregrinus qualiter est recipiendus, 2. Cleri sortem nactus, ætate adulta baptizatus multo tempore probandus est, 142. Cle-ricis a diaconatu insolito non liceat habere mulierem, 89, 106. Clericus ab episcopo depositus pro restitutione principum non debet auxilium implorare, 66. Clerici quorum delictis puniendis superiorum convivent oculi, intra annum se purgant, 84. Clericus susurro (nisi veniam po-sulet) ab officio deponatur, 85. Clerici et litteras, et artifi-ciosa debent edoceri, 82. Clerici vel monachi ad feminas non sit conversatio, 101. Clericus absque prælati auctori-tate non debet peregrinari, 68.

Clericis ad virgines, vel viduas non debet esse singula-ris accessus, 79. Clericus cum hæreticis nequaquam conver-setur, 85. Clericus alterius diocesis, præter episcopi consensum, non est ordinandus, 80. Clerici cauponas pu-blicas, nisi peregrinantes, non debent ingredi, 79. Cleri-rici præter necessitatem in aliena civitate non debent immorari, 79. Clerici præter matrem aut sororem mu-lieres secum habere non debent, 158. Clerici nego-tiandi causa non debent nundinas sectari, 99. Clericus conclericum ad sæculare forum ne trahat, 100. Clerici cibo carniū non utentes, ab hujusmodi stulta religione coercendi sunt, 153. Clericum alienum nemo ordinet, 104, 79, 74. Clerici obligati alienis rationibus, non sunt ordi-nandi, 106. Clericus ordinatus contra canones, 103. Cleri-



eos ex familia fisci ecclesiæ donatos, nullus audeat expectare, 109. Clericus in regiam maiestatem non debet conspirare, 128. Clericus fratribus invidens non debet promovere, 85. Clerici pro suis facinoribus a nemine debent foveri, 77. Clericorum accusatorum causæ qualiter discutiantur, 78. Clericus sub ipsa tentatione officium non desereus est honore sublimandus, 82. Clerici ex turpi negotio vitam non debent queritare, 79. Clericus ultra multum sortem nihil recipiat, 79. Clericus proditor degradetur, 85. Clerici jejuniis ecclesiæ non obediatis, minuitur nomen, 85. Clericus inter epulas cantans, est cohibendus, 85. Clericus ne per creaturas juret, 83. Clericorum prædefuncti episcopi bona dripientium pœna, 103. Clericus monachum agens, et aliorum clericorum statui difformis, corrigatur, 102. Clericorum alterius diocesis episcopus non ordinet, 95. Clerici vagi et instabiles ab episcopis arcendi, 104. Clerici omnes, vel monachi sub sui sunt episcopi potestare, 75. Clericum quem proprius episcopus benigne imbuat, alius episcopus ne sibi vendeat, 106. Clerici cujuscunque sint ordinis canponas non debent ingredi, 18. Clericus non debet secum habere mulierem extraneam, 59. Clerici non debent esse magi, 97.

Clero vel monachatu addicendi qualiter probari debeant, 106. Clero non ascribuntur qui sunt ratiocinatis vel tutelæ rationibus obnoxii, 77. Clero non ascribatur facile veniens ab hæresi, 100.

Cœlestini papæ epistola ad episcopos Galliæ, 184, 185. Cœmeteria hæreticorum vel basilicas non debent ingredi fideles, 67.

Cœpiscopii nomine qui censendi sunt, 163. Cœpiscoporum auctoritas, 66.

Cogitationes præve confestim Christo sunt alligandæ et statim sacerdoti detegendæ, 6.

Cognitio Dei dilectionem præcedit, 7.

Coma proluxa clericis est indecens, 114. Comam mulier non debet rescicare, 65.

Comessiones et accubitus non debent fieri in ecclesia, 68.

Commaterem spirituales non oportet accipere uxorem, 263.

Commentitium non potest diu celari, 156.

Communicans a suo gradu cadat, 88.

Communicare debent in oblatione episcopi et reliqui clerici, 2.

Communicare non debemus cum his qui extra nos sunt, 56. Communicare debent seculares ter in anno, 95.

Communicatorias litteras tradentes interrogandi si omnia recte gerantur, 100.

Communione gratia in extremis laboranti nemini est deneganda, 85. Communione propriæ provinciæ privatus alteri provinciæ per obreptionem.

Concilii generalis celebrandi ordo, 1. Concilia generalia ab omnibus servanda sunt, 77. Concilium qualiter debet solvi, 1. Concilio non acta debent uniformiter observari, 87. Concilium in silentio, non in tumultu fieri debet, 151. Concilium nemo debet deserere ante ipsius dissolutionem, 90. Concilii est adversus hæreticos principis implorare favorem, 87. Conciliorum generalium definitioni non est reluctandum, 25. Concilia generalia præter Romani pontificis auctoritatem celebrari non debent, 154.

Concilii Toletani sexti institutio, 118.

Concilii Nicæni comunitorium petitur in medium produci, 84. Concilii Nicæni recitatio, 85.

Concilii Nicæni per episcopos Afros confirmatio, 85. Concilii Nicæni relectio in concilio Carthaginiensi sexto, 84.

Concilii Nicæni præfatio, 58. Concilii Nicæni celebrandi causa, 58. Concilium Nicænum ex Græco in Latinum versum est, 59. Concilii Nicæni approbatio, 69.

Concilium Ancyranum, 61.

Concilium Neocæsariense, 62.

Concilium Gangrense, 62.

Concilium Sardicense, 64.

Concilium Antiochenum congregatur, 63.

Concilium Laodicenum, 67.

Concilium Constantinopolitanum, 69.

Concilium Ephesinum, 69.

Concilium Calcedonense celebratur, 71. Concilium Calcedonensis subscriptiones, 74.

Concilium Carthaginense primum congregatur, 76. Concilii Carthaginensis secundi congregatio, 77. Concilii Carthaginensis secundi conclusio, 78. Concilium Carthaginense tertium capit exordium, 78. Concilium Carthaginense quartum incipit, 81. Concilium quintum Carthaginense incipit, 84. Concilium sextum Carthaginense incipit, 84. Concilii Carthaginensis septimi celebratio, 86.

Concilii Milevitani consessus, 87.

Concilium Arelatense primum celebratur, 88. Concilium

Arelatense secundum, 89. Concilium Arelatense tertium, 90.

Concilium Valentinum, 90.

Concilium Taurinate, 91.

Concilium Rhegiense, 91.

Concilium Auracense, 95.

Concilii Valensis celebratio, 94.

Concilii Agathensis celebratio, 95.

Concilii Agathensis conclusio, 97.

Concilium Aurelianense incipit, 97.

Concilii Elibertini celebratio, 99.

Concilii Cesaraugustani celebratio, 102.

Concilium Tarraconense, 101.

Concilii Gerundensis celebratio, 101.

Concilii Herundensis celebratio, 102.

Concilii Valentini celebratio, 103.

Concilii Toletani primi celebratio, 104. Concilii primi Toletani conclusio, 105. Concilii Toletani secundi institutio, 105. Concilii Toletani tertii institutio, 106. Concilii Toletani quarti institutio, 112. Concilii Toletani quinti celebratio, 117. Concilii Toletani quinti conclusio, 117. Concilii Toletani sexti conclusio, 120. Concilii Toletani septimi institutio de pœna transfugorum, 120. Concilii Toletani octavi edictum nomine principis, 125. Concilii Toletani octavi institutio, 121. Concilii Toletani noni celebratio, 127.

Concilii Toletani decimi institutio, 128. Concilii Toletani undecimi institutio, 130. Concilii Toletani undecimi conclusio, 133. Concilium Toletanum duodecimum instituitur, 133. Concilii Toletani duodecimi subscriptio, 134.

Concilii Toletani duodecimi conclusio, 137. Concilii Toletani decimi tertii institutio, 137. Concilii Toletani decimi tertii conclusio, 138. Concilii Braccarenensis celebratio, folio 138. Concilii Braccarenensis primi conclusio, 139.

Concilii Braccarenensis secundi institutio, 140. Concilium Braccarense tertium, 144. Concilii primi Spalensis ordinatio, 146. Concilii secundi Spalensis celebratio, 146.

Concilium provinciale Kalendis Novembris annuatim celebrandum, 137. Concilium provinciale quando debeat celebrari, 66, 74, 121, 133, 142. Concilium per Hispanias semel in anno jubetur celebrari, 110.

Concordia parit victoriam, discordia ruinam, 28. Concordia ad portum quietis evahit, 4.

Conferenda non debent esse in convivio, 143.

Confessionis forma a Novatianis ad fidem revertentium, 60.

Confessio cleri et primorum Gothicæ gentis ad fidem conversæ, 108.

Confesso de se super alieno crimine non creditur, 134.

Confessorias litteras afferentes puniantur, 99.

Confirmatio decreti Symmachi, 248.

Conjugatus non potest esse sacerdos, 89. Conjugati lapsi semel in adulterium pœna, 100.

Conjugium damnans sit anathema, 138.

Connubia non sunt miscenda cum hæreticis, 97.

Consanguinei in quinto gradu matrimonium contrahere possunt, 287. Consanguineam non licet uxorem accipere, 98.

Conscientia bona non est, quæ est malorum confusione permixta, 245.

Consecrata Deo loca non debent in habitacula profana redigi, 145. Consecrari debent ecclesiæ quarum ignoratur consecratio, 264.

Consecratio altaris ad episcopum pertinet, 147. Consecratio basilicæ fieri non debet nisi prius sit dotata, 140.

Consignare infantes solus potest episcopus, 170. Consignari an debeant arrepti a demonio, 171.

Consignatio nullo pretio comparetur, 233.

Consohrinam nemini licet uxorem accipere, 285.

Conspirans in principem, aut conspirantium consors, reus est æterni iudicii, 119.

Conspirantium in suos principes detestatio, 116.

Conspiratio fieri non debet in episcopos, 50. Conspirationis crimen etiam apud gentiles est odiosum, 50.

Constantinopolis post Romanam sedem primatus obtinet honorem, 69.

Constantinus, Romanorum imperator primus, Joem Christi patenter adeptus est, 56. Constantinus imperium suum ecclesiasticæ potestati supponit, 57. Constantinus collegium clericorum urbis Romæ senatoria dignitate sublimat, 58. Constantinus decretum propria manu roboratum super corpus beati Petri collocat, 58.

Consubstantialitatis vox ab Athanasio inventa, 133.

Consuetudo mala tanquam corruptela eradicanda, 64.

Contentio cum episcopo non debet eneeque ab Ecclesiæ communione arceri, 98. Contentiones vitandæ sunt, 245.

Contumaces clerici ab episcopo corripantur, 95. Contumaci tardius datur venia, 105.

Conversi et in habitu penitentia viventes non debent ad cultus rebus luxuriam, 119.

Convivari non deceat in ecclesiis, 79.

Corpora humana et animæ non subjacent fatalibus astris, 222. Corporis humani plasmatio non est attribuenda diavolo, 138.

Correctio sic est adhibenda ut salva semper sit dilectio, 211.

Correctus volens videri errorem et erroris auctorem damnet, 122.

Corruptores morum furibus sunt deteriores, 55.

Crapulosi subdiaconi aut cantoris poena, 2.

Creationem universæ carnis non attribuent, Deo est hæreticus, 158.

Crimen falsum objecisse fratri convictus, ad exitum vitæ a communione sit alienus, 90. Crimen læsæ majestatis principi clementiæ reservandum est, 117. Crimine mortali implicatus tempore ordinationis, ad ipsa ordinatione submovendus est, 91.

Criminationes ab ipsis fieri debent auctoribus, 154.

Criminator et falsus testis qualiter debeant puniri, 89.

Criminatos contra doctorem recipi non debent, 29, 41.

Criminosi poena qui se permisit ordinari diaconum, 101.

Criminosi accusationis via debet occludi, 77. Criminosi non debent ordinari, 142, 254.

Crucis Domini inventio, 54.

Cubyularii papæ debent esse clerici, 280.

Cyrali Alexandrini ad concilium Africanum rescripta, 84. Cyrillus recedentes ab heresi Nestoriana recipi, 69.

## D

Dæmonibus post lavacrum baptismi sacrificantes quasi sint poenitentia digni, 91.

Damasi papæ decreta, 161. Damasi papæ epistola ad Paulinum Antiochenum, 161. Damasi papæ epistola ad Hieronymum presbyterum, 161. Damasi rescriptum ad Stephanum Mauritanie archiepiscopum, 162.

Dari non potest quod non habetur, 176.

Decreta Anaclei papæ, 12. Decreta Evaristi papæ, 18. Decreta Alexandri papæ, 20. Decreta Sixti papæ, 22. Decreta Theleforti papæ, 23. Decreta Iginii papæ, 24. Decreta Pii papæ, 25. Decreta Anitii papæ, 26. Decreta Soteris papæ, 26. Decreta Eleutheri papæ, 27. Decreta Victoris papæ, 28. Decreta Zepherini papæ, 28. Decreta Calixti papæ, 29. Decreta Urbani papæ, 51. Decreta Pontiani papæ, 52. Decreta Anterii papæ, 55. Decreta Fabiani papæ, 54. Decreta Cornelli papæ, 57. Decreta Lucii papæ, 58. Decreta Stephani papæ, 40. Decreta Sixti papæ, 186, G. 42. Decreta Dionisii papæ, 45. Decreta Euticiani papæ, 46. Decreta Gaii papæ, 48. Decreta Marcellini papæ, 49. Decreta Marcelli papæ, 50. Decreta Eusebii papæ, 52. Decreta Melchias papæ, 55. Decretiones et decretis sancti Silvestri papæ, 150. Decreta Marci papæ, 150. Decreta Julii papæ, 151. Decreta Liberii papæ, 155. Decreta Siricii papæ, 166. Decreta Innocentii papæ, 170. Decreta Zozimi papæ, 182. Decreta Bonifacii papæ, 185, 265. Decreta Celestini papæ, 184. Decreta Hilari papæ, 228. Decreta Simplicii papæ, 250. Decreta Felicii papæ, 251, 265, 157. Decreta Gelasii, 252, 215. Decreta Anastasii papæ, 241, 169. Decreta Symmachi papæ, 245. Decreta Hormisdæ papæ, 25. Decreta Joannis papæ, 262, 265. Decreta Silverii papæ, 263. Decreta Vigili papæ, 267. Decreta Pelagii papæ, 268. Decreta Benedicti papæ, 270. Decreta Pelagii secundi papæ, 270. Decreta Gregorii papæ, 274. Decreta Gregorii iminoris, 282.

Decretum ex concilio Valentino, 121.

Decretum pro Potamio episcopo, 129.

Decretum in favorem principis constitutum per singula concilia referendum, 117.

Decretum testamentarium, 129.

Defendi non debet quod non credi non licet, 197.

Defunctorum piam voluntatem exsequi retardantes excommunicentur, 95. Defunctorum corpora quomodo sunt inhumanda, 110. Defunctorum oblationes defraudans ab Ecclesia pellatur, 94.

Deitas quomodo ad carnem unita intelligatur, 70.

Delationis unde mors vel proscriptio sequatur, poena, 101.

Depositus ob delictum post ordinationem nullum sperare debet restitutionis remedium, 284.

Desponsata viro puella non debet alteri in matrimonium dari, 166. Desponsatæ puellæ, etiam corruptæ, sponsis debent restitui, 61.

Detractio in sacerdotes non est exercenda, 15. Detractiones obloquentium patienter ferendæ sunt, 277.

Deus est auctor omnium bonorum, 181. Deum contemnit qui ejus negligit sacerdotes, 245. Deus Pater unicum Filium pro nobis passurum misit, 21. Deus bono, Verbum caro, humanæ beatitudinis est fides, 46. Deus est primus motor liberi arbitrii ad bonum, 184. Deus est omnium creator, 9. Deus corrigit ut obtemperantes ducat ad vitam, 6. Deus invisibilis visus est in cunabulis, 66. Deus

metitur animum, non tempus, 8. Dei auxilio quotidiano egemus, 178. Deus vitæ nostræ est auctor, parentes ministri, 11. Deus maxime exoratur cum una gratiarum actio ei offertur, 224.

Devota si peccaverit, 105.

Diabolus credens per se effectorem aliorum animarum vel tonitruum, est hæreticus, 158. Diabolus tanto callidius agit quanto quis est melior, 275. Diabolus negans a principio sui creaturam Dei bonam, est hæreticus, 158. Diaboli opera destruantur cum corda hominum ad Dei et proximi charitatem revocantur, 186. Diabolus ab initio fuit bonus et est Dei opificium, 221. Diabolus prætextu pietatis imprudentibus illudit, 195.

Diaconissa ordinari non debet ante 40 annos, 75. Diaconissam in conjugem nemo ducat, 285. Diaconissæ non ordinandæ, 93.

Diaconi non debent offerre, 89. Diaconi presbyteros debent revereri, 90. Diaconus vel presbyter ad cellarii secretum puellam non debet admittre, 89. Diaconi rei ad se non pertinenti non se debent immiscere, 235. Diaconus non est promovendus nisi castitatem profiteatur, 145. Diacones uxori modo caste viverit, ordinari possunt sacerdotes, 104. Diaconus quando debeat alba indui, 82. Diaconi conjugati non promovendi debent ad sacerdotium, 95. Diaconus aut presbyter si crimen capitale commiserit qualiter puniatur, 93. Diaconorum septem per singulas urbes institutio, 54. Diaconus ante 25 annos non ordinetur, 95, 78. Diaconus episcopi et presbyteri se debet agnoscere ministrum, 82. Diacones urbani supra presbyteros nihil presumant, 89. Diaconus non potest panem dare vel aquam benedicere, 68. Diaconus inter presbyteros non nisi interrogatus debet loqui, 82. Diaconi ad presbyterum debent esse reverentia, 97. Diaconi in presbyteros non debent superbire, 114. Diaconi et presbyteri ad opere, debent abstinere conjugali, 220. Diacones qui immolaverunt, 61. Diaconus jubente presbytero sedere potest, 82. Diaconi protestantes non posse continere, an promoveri debeant ad sacerdotium, 61. Diaconus præsentem presbytero, si jubente, populo eucharistiam ministrare potest, 82. Diaconorum officium, qui oculi dicuntur episcopi, 4. Diaconus qualiter ordinetur, 81. Diaconos septem in unaquaque civitate determinat Evaristus, 18.

Dies paschalis apud Aphros qualiter designetur, 80.

Dignus ad clerum non potest promoveri, 91, 175. Dignam ordinati non consecrant aut ministrant, 95.

Dilectio Dei et proximi. Legis est consummatio, 5.

Dimitte nobis debita nostra. qualibet justus etiam ex persona propria vere dicit, 87.

Dioecesanii presbyteri res ecclesiasticas non possunt alienare, 95.

Discipuli Domini LXX Spiritum sanctum tradidisse non leguntur, 164.

Discordia sedanda est, 267. Discordiam clericorum ad concordiam revocat episcopus, 83.

Divinationum observatores qualiter puniantur, 62.

Divortio interveniente non potest cum altero contrahi matrimonium, 165. Divortium nemini licet propria auctoritate facere, 96.

Docibiles debent omnes esse, sed sacerdotes aliorum debent esse doctores, 5.

Doctoris nomen nemo sibi vendicat, 102.

Dolus in verbo vitandus est, 51.

Domina rerum per meum et tuum inquietantur, 12.

Dominicis diebus non est jejunandum, 102. Dominicis diebus missarum solemnibus clerici debent interesse, 144.

Dominicis diebus non sunt exercenda fora, 101. Dominico die audienda est missa, 96. Dominico die jejunans non est habendus catholicus, 85.

Domus ejus qui abstinetur nullus debet ingredi, 105. Domus Dei nulli debet esse contemptibilis, 63.

Duodecim signa putans esse per corous distributa hæreticus est, 158.

## E

Ebredunensis Ecclesiæ juvandæ consilium, 92.

Ebredunensis Ecclesiæ benignitas erga Armentarium invasorem, 92.

Ebrietas vitiorum nutrit a clericis fugienda, 96.

Ebriosi, aut aleatores episcopi, et presbyteri esse non debent, 2, cap. 42.

Ebriosi corpore et animo sunt mortui, 6.

Ecclesia quibus non communicavit vivis, non communicat mortuis, 220. Ecclesia magne navi similis est, 15. Ecclesiastica decreta negligentis poena est ignis, 7. Ecclesiæ quibus in locis sint constituendæ, 8. Ecclesiæ apud nationes barbaras locatæ, qualiter reguntur, 69. Ecclesiæ redditus qualiter sint distribuendi, 250. Ecclesiæ prædica non sunt alienanda, 245. Ecclesiastica sacramenta uno



more debent ministrari, 112. Ecclesia communis proprius est orandi locus, 68. Ecclesias persecutionum pena, 254. Ecclesiae res relictas occupantium pena, 256. Ecclesiae Carthaginensis reconciliatio, 265. Ecclesiae dos ab episcopo consecratae ejus ordinationi subest, 110. Ecclesiae quoscunque proventus propria auctoritate rapiens auaritia est, 65. Ecclesiae propriae desertor poenis subiacet canonicis, 254. Ecclesiam privatum nemo debet congregare, 65. Ecclesiastica onera viritum exercenda sunt, 101. Ecclesiae vacandum est a. 16, calendarum Januarii usque ad epiphaniam, 102. Ecclesiae non dedicandae sunt, nisi sub nomine sancti approbati, 254. Ecclesia orat pro universis, 185. Ecclesiae bona : et ea quae propria sunt sacerdotis dividi debent, 127. Ecclesia catholica unica est, 275. Ecclesiae res in tres partes dividuntur, 159. Ecclesiae inferiores ritui ecclesiae metropolitanae debent esse conformes, 132. Ecclesiae immunitas non est a quoque violanda, 156. Ecclesia praescribit, et praescribitur spatio, xxx annorum, 114. Ecclesiae bona auferens fur sacrilegus et homicida censetur, 59. Ecclesiae praesidentes ab ea recipere debent compendium mercedis, 114. Ecclesiae immunitas cum ab eam reus confugit, 97. Ecclesia non debet in eos exercere severitatem quibus principes communicat, 155. Ecclesiae Arianæ ad fidem converse subsunt episcopo territorii, 109. Ecclesiam intrantes, et non communicantur, 103. Ecclesiae bona inter episcopum et clericum dividenda sunt, ex æquo, 95.

Ecclesiae res si utilitatem ejus non gravent possunt alienari, 109. Ecclesiam alterius nemo invadat vel clericum ordinet, 91. Ecclesiae cedere licet unam parochiarum suarum, 92. Ecclesia non permittat extrahi qui ad eam confugerit, 95. Ecclesia pro immunitate quam praestat non debet damnicari, 95. Ecclesiarum dedicationes ad episcopos territorii pertinent, 95. Ecclesiam propriam nullus clericus relinquat, 90. Ecclesiastica res quomodo possit alienari, 84. Ecclesiae desertor monitus contemnens, ab officio deponatur, 143. Ecclesiae aliquis intercessor cathedram ultra annum non potest retinere, 84. Ecclesiae quæ pro hostilitatem deciderunt, prisco statui debent reintegrari, 164. Ecclesiam propriam pro contemptum reliquens in nulla recipiatur, 143. Ecclesiae mundanæ mutationi non debet subiacere, 175. Ecclesia sponsa Christi neque rugam, neque scissuram admittit, 196. Ecclesiae frustra resistitur hostibus externis, si domesticis inimicis non obviatur, 196. Ecclesiae res in cuius sint potestate, 2. Ecclesiam potestate sæculari obtinens deponendus est, 2. Ecclesiastico munere rescanda sunt mala, 39. Ecclesiae cantus non recipiat versiculos ab idiotis æditos, 68. Ecclesiae rector non est praeficiendus sine episcopi auctoritate, 77. Ecclesia sponsa est Christi quæ nullo potest errore polui, 27. Ecclesiae bona potest episcopus dispensare agentibus, 142.

Economus, rerum ecclesiasticorum non debent esse laici, 147. Economus assumere debent episcopi pro rebus ecclesiae regendis, 115.

Edictum regis Reccardi de confirmatione concilii, 110. Edictum in Judæos, 156.

Electio summi pontificis qualiter est celebranda, 246.

Electio metropolitana qualiter est celebranda, 212.

Electus in episcopum debet in fratres menses ordinari, 74.

Electio promoveendorum ad clerum non debet a populo pendere, 141.

Elmosyna de alienis non est facienda, 63.

Energumeni, et reliqui erratici spiritu correpti non debent in Ecclesia ministrare, 100. Energumeni ad nullum ordinem clericatus promoveendi sunt, 95. Energumeni post baptismum an communicant, 93. Energumenorum officium, 83.

Ennodii praefatio, 249.

Ennodii diaconi liber contra obtractatores synodi sub Symmacho papa Romae habitæ, ibidem.

Ephesina synodus secunda reprobat, 193.

Epileptici et ceteri qui offenso sunt cerebro non debent ordinari, 153.

Episcoporum ordinationes qualiter et a quibus sunt celebrandae, 2, 15, 59, 79, 81, 83, 89, 93. Episcopus ordinare non debet præter metropolitanam auctoritatem, 78, 168, 171, 229. Episcopi confirmatio ad metropolitanum pertinet, 59. Episcopus in alterius episcopi territorio nihil debet attentare, 66, 76, 78, 79. Episcopus cui in electione aliquid obijciat, prius est purgandus quam ordinandus, 79. Episcopi dioceses visitantes non debent esse onerosi, 121. Episcopus per singulos annos semel suam debent visitare diocesim, 114, 101. Episcopi per suas dioceses vigilanter debent ecclesias visitare, 140. Episcopus diocesim visitans quid exigere potest, ibidem. Episcopus ecclesiam hærejem non instituens, si quid alienaverit, revocetur,

96. Episcopis (qui subditorum lux esse debent) est obediendum, 10. Episcoporum unus est ordo, 17. Episcopus Economist debet habere qui res ecclesiasticas gubernet, 74. Episcopi sunt ecclesiae columnæ, 42. Episcoporum inimicis non debent esse amici subditi, 17. Episcopus vel quicumque clericus magis consulens ab officio deponatur, 114. Episcopi inobedientes sunt infames, 6. Episcopus licet viciosus non est a quovis arguendus 19. Episcoporum qualiter potest fieri mutatio, 55. Episcopos oportet omnium quibus præpositi sunt curam gerere, 11. Episcopi in plebisque magis tolerandi quam accusandi, 52. Episcopus debet assumi quem vita nota et probabilis commendat, 67. Episcopus, presbyter, aut diaconus a gradu suo injuste dejectus qualiter restituitur, 114. Episcopi loco suam causam in causa appellationis forentis nullus est præficiendus, 151. Episcopis incumbit pauperes, et oppressos defendere, 114. Episcopus clericum innocentem, aut ex levi causa excommunicans ad synodum vocetur, 95. Episcopi, presbyteri, diaconi ab uxoribus debent abstinere, 77. Episcopi peregrino celebrandi locus debet assignari, 89. Episcopus alterius sedem ambiens a propria cadere debet, 212. Episcopi ad synodum vocati debent comparere, 68. Episcopi non habentur quos nec clerus elegit, nec populus exquisivit, nec metropolitanus consecravit, 220. Episcoporum ad synodum convocatio debet esse modesta, 212. Episcopo defuncto intestato mox a clericis omnium bonorum fiat inventarium, 101. Episcopus vocatus ad concilium debet accedere, 142. Episcopi et clerici mulierum careant consortio, 145. Episcopus creditæ sibi ecclesiae curam non agens excommunicatur, 142.

Episcopus Geolebus sedentor apud Gallias, 290. Episcopus nullus debet vexari excessibus, 282. Episcopatus non debet jure testamentario relinqui, 228. Episcopus præter necessitatem res ecclesiae distrahere reus est furti, 142. Episcopi ut ceteris sunt eminentiores auctoritate, ita moribus et doctrina præstare debent, 152. Episcopus alterius visitans ecclesiam non debet honore suo privari, 82. Episcopus non rei familiari, sed orationi, et lectioni debet vacare, 82. Episcopus fulvus qualis debeat esse, 229. Episcopus vel presbyter non baptizans in nomine Patris et Filii et Spiritus sancti, debet ab ecclesia dejecti, 268. Episcopus sedens, presbyterum stare non præmittat, 82. Episcopales sedes aliquando obtinuerunt laici in galliis, 288. Episcopus mutari potest urgente necessitate, 275. Episcopus mortuum episcopum urgente quam habeat mercedem, 127. Episcopus non pompa supellectilis, sed vite meritis debet commendari, 82. Episcopus gentium libros non debet curiose versare, ibidem. Episcopus viduarum et pupillorum gubernationi per archidiaconum debet providere, ibidem. Episcopus diocesis sibi denominatam obtineat, 61. Episcopus non debet esse executor testamentorum, 82. Episcopum ordinandum quali oportet esse ingenio, 81. Episcoporum concilii Toletani duodecim subscriptiones, 157. Episcopo a synodo vel presbytero ab episcopo deposito, aliquid sacri mysterii tentanti, nulla sit ei spes restitutionis, 65. Episcopus, presbyter, vel diaconus filium devotum maritum accipientem paterno non prosequantur affectu, 105. Episcopus dissidentes reconciliat synodus, 82. Episcopi personas debent secum habere quæ sint moribus integre, 114. Episcopi vel clerici qualiter filios debeant emancipare, 79. Episcopus unam de parochiis erigens in monasterium debet monachis providere, 109. Episcopi iudicio Dei reservari sunt, 6. Episcopi propria libidine ecclesiam deserere non debent, 2. Episcopus non invitatus in alterius episcopi provinciam transire non debet, 64. Episcoporum cause coram iudicibus ecclesiasticis tractandæ sunt, 153. Episcopus nisi provocatus pro rebus caducis non debet litigare, 82. Episcopali sede vacante, vigilet episcopus vicinior, ne seditio moveatur, 92. Episcopus deferendus est synodo qui excommunicato alterius communicat, 95. Episcopus clericum alterius vagum apud se retinens communione privetur, 84. Episcopus de rebus propriis suo disponat arbi rio, 95. Episcopi non communicant cum illo cum quo proprius episcopus non communicat, 86. Episcopatus dignitas, presbyterii, vel diaconatus honor quomodo conferri debeat laico, 90. Episcopus, vel presbyter aucto 30 annis, diaconus ante 25, non debet ordinari, 90. Episcopi, presbyteri, vel diaconi non ordinantur nisi conversis ad fidem his quibus cum vivunt domesticæ, 79. Episcopi necessitate exigente, sed non passim constituendi sunt, 64. Episcoporum defunctorum bona non debent invadi, 105. Episcopus depositus si appellaverit, non est aliquis ejus loco substituendus, donec re finita, 64. Episcopus non debet res ecclesiasticas alienare, 95. Episcopi benevolentiae non potest obesse legis sæcularis præscriptio, 98. Episcopi non debent in clerum tyrannidem exercere, 110. Episcopi, presbyteri, et diaconi ab uxorio concubitu penitus debent abstinere, 109.



Episcopi pro summi pontificis electione vocati debent continuo venire. 96.

Episcopus spoliatus imprimis est restituendus, 166. Episcopus licet nonnunquam propriis rebus apud principes observare, 64. Episcoporum et clericorum irritæ sūt donationes in homines non catholicos collatæ, 76. Episcopus a Metropolitano monitus venire debet ad synodum, 101. Episcopus ordinatus consulere debet Metropolitano, ut ob eo instruantur, 101. Episcopus restitutus vocatus ad iudicium venire debet, 158. Episcopi a sua civitate diu non debent abesse, 65. Episcopus condemnatus appellare potest ad sedem Ro., 64. Episcopi præ cæteris munditia carnis enitere debent, 124. Episcopi, et omnes clerici sicut nomine, ita meritis debent esse commendabiles, 114. Episcopus non est dandus in ius, 186. Episcopus suam doctrinam debet ecclesiis sedulo, 19. Episcopus clericorum controversias debet cognoscere, 36. Episcopus successorem non potest sibi substituere, 66, 142. Episcopus alterius episcopi clericum non debet ordinare, 65. Episcopus contritans, Christum contristare videtur, 4. Episcopus ut præest ita et prodesse debet, ibidem. Episcopo vera docente omnes debent obedire, 4. Episcopi quibus debeant moribus exornari, 15. Episcopo non communicantibus non debent communicare subditi, 4. Episcopus a sua diocesi in aliam commigrare non debet, 66. Episcopus consecratus mox plebem sibi commissam debet regere, 66. Ecclesiæ pastores pro merito plebis sæpe depravantur, 17. Episcopi tantum spiritum sanctum ecclesiasticarum potestatem debent habere ad dispensandum pauperibus, 17. Episcopus in alterius episcopi civitate non debet diu immorari, 64. Episcopo decedente rerum ecclesiæ, et episcopi fieri debet prudens separatio, 66. Episcopus quilibet sua sit diocesi contentus, 69. Episcopi non invitati in alia diocesi nihil debent attentare, ibidem. Episcopi sanguinis favore indigni non debent conferre beneficia, 128. Episcopus rerum ecclesiæ non debet esse dilapidator, 2. Episcopi eiectioni sunt imprimis restituendi, 29. Episcopi et sacerdotes domino sacrificantes soli esse non debent, 15. Episcopus per quos gradus pervenire debet ad episcopatum, 49. Episcopus qui possint accusare, 15. Episcopalis honor per ambitum a nemine debet obtineri, 246. Episcoporum et sacerdotum reprobationem non debet diu immorari, 64. Episcopus vacans in vacantem ecclesiam non debet irrumpere, 65. Episcopi provinciales absque Metropolitano nihil moliantur, 141. Episcopus die Dominico præsertim ab ecclesiis cui proximus est non debet abesse, 98. Episcopus solus non debet attentare ordinationem episcopi, 89. Episcopi ecclesias quas suæ prætendunt esse iurisdictionis propria auctoritate non debent invadere, 88. Episcopus satagat omnia loca quæ ad suam pertinent catholicam unitatem ecclesiæ connectere, 88. Episcopi presbyteri, diaconi de civitate in civitatem non transferantur, 85. Episcopi (nisi legitima subit causa) ad concilium debent accedere, 84. Episcopi sententia in clericum a diaconi ab uxoribus debent abstinere, 84. Episcopi, presbyteri, et diaconi calumniatores excommunicantur, 85.

Episcopis successores dat Deus, non homo, 250. Episcoporum et sacerdotum diversa sunt munera et privilegia, 217. Episcopi Galliarum aliquando bellatores extiterunt, 288. Electio ministrantium altari non est populo credenda, 67. Episcopus clericum non suum absolvere non potest, 65. Episcopi, presbyteri, et diaconi mulierum, nisi forte consanguinearum, careant contubernio, 85. Episcopus bigamum scienter ordinans sede privetur episcopali, 85. Episcopus publicæ poenitentem ordinans scienter episcopatu privetur, 85. Episcopus in ecclesia sublimior sedeat, in domo presbyterorum collegam se cognoscat, 82. Episcopus alterum episcopum non debet conculcare, 89. Episcopus decreta maturitate, et ex concilio suorum clericorum clericos debet ordinare, 82. Episcopus siue assessorum præsentia causas non ventilet aut diffinit, ibidem. Episcopi domus non procul esse debet ab ecclesia, ibidem. Episcoporum translationes non sunt permittendæ, 79. Episcopus si crimen impingat clericum, res deducatur ad synodum, 82. Episcopus qualiter debeat funerari, 104. Episcopus vel presbyter putans se iniuste excommunicatum ad majores recurrat, 145. Episcoporum iniusta damnatio ad synodum debet retractari, 82. Episcopi et presbyteri uno modo debent salutare populum, 139. Episcopus pro virili, 82. Episcopus, aut presbyter orans cum hæretico deductus, 82. Episcopus non debet transferri spe pinguior ductus, 82. Episcopus extra proprium territorium non debet ordinare, 2. Episcopus populum suum non pascens de-

ponendus, 2. Epis opus præter consensum episcoporum provinciarum non debet adire principem, 66. Episcopi et clerici negotiis sæcularibus non debent implicari, 2. Episcopus tempore suæ ordinationis nihil habens quicquid acquirit, censetur ex bonis ecclesiæ quesitum, 80. Episcopus vel presbyter percussor qualiter puniendus, 2. Episcopo defuncto qualis sit substituendus, 212. Episcoporum vita non debet perturbari, 152. Episcopus rem ecclesiasticam, xxx annis prescribit, 75. Episcopi alicuius provincie dissidentibus accedendus est alterius provincie Metropolitano, 66. Episcopus de laico non est assumendus, 186. Episcopus vel presbyter ante xxx annos debet ordinari, 95. Episcopus a sua civitate pulso humanitatis officium debet impendi, 65. Episcopi hæredes non debent bona ejusdem absque auctoritate vendicare, 104. Episcopi et abbates modeste castigare debent suos subditos, 145. Episcopi gravati ad Romanam sedem appellent, 154. Episcoporum oppressioni occurrat anacletus, 12. Episcopo incumbit pauperes alere, 98. Episcopi, nec presbyteris liceat habere canes ad venandum, 97. Episcopus nullus debet ordinari contempto Metropoli, 185. Episcopi et alii clerici si mæchati fuerint, 99. Episcopi diaconi et subdiaconi penitus ab uxoribus debent abstinere, 100. Episcopus (nisi grandis prohibet necessitas) ad synodum veniat, 82. Episcopus per principum curias evagari vilissimum, 64. Episcopi ultra marinam perigrinationem capessere non debent, nisi auctoritate a Metropolitano, 79. Episcopus alterius episcopi clericum ordinare, vel apud se retinere non debet sine litteris dimissoriis, 76. Episcopus alicuius vanitatis sector non est in communionem recipiendus, 64. Episcopus rebus ecclesiæ velut suæ fidei commissis non tanquam propriis utatur, 82. Episcopus Constantinopolis non meretur dici maximus, 96. Episcopi reatus qualiter sit eluendus, 77.

Epistola Clementis papæ de communi vita ad discipulos Hierosolymis agentes, 12. Epistola Siricii papæ, 168. Epistola Joannis papæ ad episcopos Italiae, 262. Epistola Gregorii papæ ad cunctos Christianos, 285. Epistola Innocentii ad Antiochenum episcopum de pace, 285. Epistola Innocentii ad Aurelium episcopum, 174. Epistola Vigili papæ ad Euterum, 207. Epistola Felicis papæ ad Benignum episcopum, 45. Epistola Liberii papæ ut nullus temere suam relinquat ecclesiam, 160. Epistola Evaristi papæ de regimine ecclesiarum, 18. Epistola Alexandri papæ, 22. Epistola Euticiani papæ ad episcopos Ciliciæ, 47. Epistola Fabiani papæ ad episcopos Orientales, 35. Epistola Siricii papæ ad Cumerum episcopum, 166. Epistola Clementis papæ ad universum populum Christianum, 9. Epistola Damasi papæ ad episcopos Illyricos, 165. Epistola Anacleti papæ de ordinationibus, 15. Epistola Formata qualiter fieri debeat, 174. Epistola Eusebii papæ ad Aegyptios, 52. Epistola Cyrilli ad Nestorum hæreticum, 69. Epistola Siricii papæ de damnatione Joviniani hæretici, 167. Epistola Innocentii ad Flarentium episcopum Tiburtinensem, 174. Epistola Zepherini papæ ad Aegyptios, 29. Epistola Clementis papæ ad suos discipulos maiorum contagione sautos, 11. Epistola Siricii papæ ad universos orthodoxos, 168. Epistola episcoporum Aegypti ad Felicem papam, 157. Epistola Marcellini papæ, 49. Epistola Alexandri papæ de vitandis obsecrationibus, 22. Epistola Anastasii papæ ad Nerianum, 170. Epistola famularis quique episcoporum ad Innocentium papam, 180. Epistola Fabiani papæ, 56. Epistola concilii Carthaginensis ad sanctum Innocentium papam, 177. Epistola Cælestini papæ ad episcopos Apulie, 186. Epistola Julii papæ ad Orientales episcopos de primatu Petri, 151. Epistola orientalium episcoporum ad Julium papam, 155. Epistola beati Clementis papæ recipitur, 94. Epistola Cornelii papæ ad Orientales episcopos, 58. Epistola Justiniani imperatoris ad Hormisdam papam, 261. Epistola concilii Valentini ad clerum et plebem foro Juliensem, 91. Epistola concilii Milevitani ad Innocentium papam, 179. Epistola Victorii papæ ad Afros, 28. Epistola Africani concilii ad Bonifacium papam, 85. Epistola Actici Constantinopolitani ad synodum Carthaginensem, 54. Epistola Cyrilli Alexandrini ad synodum Carthagenensem, 175. Epistola Pii papæ ad Italiam, 25. Epistola Athanasii et Aegyptiorum ad Liberium papam, 155. Epistola Innocentii ad Marianum episcopum Naistatum, 175. Epistola Innocentii ad episcopos Macedoniæ, 176. Epistola Silverii papæ ad Vigilium papam, 297. Epistola Felicis papæ ad Sabianum, 264. Epistola Pontiani papæ de directione, 52. Epistola Innocentii papæ ad Laurentium episcopum Symmensensem, 175. Epistola Sixti papæ, 25, 42. Epistola Innocentii ad synodum Tolosanensem, 77. Epistola Innocentii ad Atticum Beræ episcopum, 175. Epistola Innocentii papæ ad Alexandrum episcopum, ibidem. Epistola Eleutherii papæ ad ecclesias Galliarum, 27. Epistola Stephani papæ de accusationibus sacerdotum, 40. Epistola Symmachi papæ ad Liberium patricium, 257. Epistola Eusebii papæ



ad episcopum Tusciae, 51. Epistola Innocentii papae ad Bonifacium presbyterum, 174. Epistola Bonifacii papae ad episcopos Galliae, 183. Epistola Aegyptiorum pontificum ad Marcum papam, 150. Epistola Marcelli papae ad Maxentium tyrannum, 51. Epistola episcoporum Tarraconensium ad Hilarium papam, 229. Epistola Innocentii ad Aurelium episcopum, 174. Epistola Symmachii papae ad Laurentium episcopum Medionalensem, 257. Epistola Innocentii ad episcopum Constantinopolitanum, 174. Epistola Innocentii papae ad felicem Nucernianum episcopum, 175. Epistola Gregorii papae ad Bonifacium presbyterum, 285, 286. Epistola Iginii papae ad Athenienses, 125. Epistola Gregorii papae ad diversos, 287. Epistola Innocentii papae ad Aurelium et Augustinum episcopos, 174. Epistola Vitaliani papae ad diversos, 285, 284. Epistola Innocentii papae Maximo, et Severo episcopis, 175. Epistola Innocentii papae ad episcopos Apuliae, ibidem. Epistola Gregorii papae ad Reccaredum regem Gothorum, 274. Epistola Pelagii papae ad episcopos qui Constantinopolim conveniunt, 270, 272. Epistola Soteris papae, 27. Epistola Felicis papae, 44. Epistola Damasi papae ad episcopos Italiae, 166. Epistola Calixti papae ad Gallitanum episcopos, 50. Epistola Stephani archipresulis Mauritaniae ad Damasum papam, 161. Epistola Dionisi papae ad Severianum episcopum, 43. Epistola Innocentii ad Julianam nobilem feminam, 174. Epistola Simplicii papae ad diversos, 250. Epistola Leonis papae ad diversos, 187, usque ad 229. Epistolae per metropolitanos sunt dirigendae pro convocatione synodi, 101.

Eringius rex concilium Toletanum xii, confirmat, 136. Eringii regis confirmatio per concilium, 135. Eringii regis compellatio ad concilium, 154. Erroris solent esse magistri, qui veritatis non fuerit discipuli, 188.

Escae vitandae, 290. Eucharistia non est ministranda corporibus defunctorum, 78. Eucharistiae vaticum quibus debeat tradi, 60. Eucharistiae receptionis propriam volentes observare disciplinam, reprimendi sunt, 65. Eucharistiam non consumens excommunicatur, 102. Eucharistiam acceptam non consumens tanquam sacrilegus habetur, 105. Eucharistiae admixtio simul consecranda est, 95. Eucharistia a jejunio tantum celebratur nisi forsitan die cenae Domini, 79. Eucharistia de corpore exeunti non est deneganda, 144.

Eunuchus an possit promoveri, 2, cap. 21, 84, 89, 142. Eutycheis libri jubentur cremari, 75. Eutychanistae neminem debent ordinare, 75. Eutyches haereticus, 188. Eutycheis confutatio negantis in Christo duas naturas, 189. Eutyches promissit se abdicaturum haeresim, 191. Eutyches unicam in Christo naturam credens anathematizatus, 202. Evangelii lectio cathecumenis et poenitentibus facienda, 105. Evangelium cantandum est post apostolicam lectionem, 115.

Exaristi papae epistola de regimine ecclesiarum, 18. Excommunicatus non est communicandum, 144. Excommunicatus accusare non potest, 86. Excommunicatus debet ab officio cessare, 145. Excommunicatus nullus debet recipere, 50. Excommunicati munera non sunt recipienda, 400. Excommunicati a propriis episcopis ab aliis non debent recipi, 102. Excommunicato communicans excommunicationis sit particeps, 85. Excommunicati reconciliatio faciunda ubi excommunicatio, 89. Excommunicatum unus episcopi alter episcopus non debet recipere, 89. Excommunicato communicare non licet, 139.

Exemplaria Niceni concilii directa ad concilium Carthaginense, 84.

Exorcista qualiter debet ordinari, 82. Exsecutoribus in iustis desideriis est obsecundandum, 87. Exsuperantii presbyteri calumniae castigatio, 91. Exsuperius Tolosanus laudatur, quod in dubio sedem consuluerit apostolicam, 172.

## F

Facinorosa ventillare est ipsa nobilitare, 255. Falsariorum clericorum poena, 97. Falsus testis secundum falci differentia puniendus es, 101.

Familiaritate extraneorum mulierum interdicendi sunt clerici, 105.

Felcis papae ad diversos epistolae, 232. Felcis Siciliae episcopi ad sanctum Gregorium papam, 281. Femine non debent altaribus ministrare, 254. Femina si ancillam occiderit, 99. Feminae proprio nomine non debent litteras mittere, 101. Feminae maritum adulterum relinquentis, et alteri se copulantis poena, 99. Feminae, Deo sacratae sacra vasa non debent tangere, 27. Feminae extraneae cum clericis non debent habitare, 115. Feminae quaecumque interdicta sunt consortia clericis ab episcopo auferantur, 115. Feminas Deo sacratas, vel sanguine proptinquant non decet uxores ducere, 285. Feminarum taber-

naulum clerici non debent ingredi soli, 8. Feminis religiosi praeficiendus probetur, 85.

Funerator esse non debet episcopus, presbyter, nec diaconus, 42. Funeratores ministri a communione arceantur, 89.

Fenus omne illicitum ministris altaris, 67. Fenus omne clericis interdictum est, 145.

Feria non licet cum Iudaeis, 68.

Ferunt mittendi modus, 171.

Festis solemnibus saltationes et tripudia non debent fieri, 110.

Fetum animatum necantium poena, 144.

Fidejussor non debet esse clericus, 2, cap. 20.

Fides est fundamentum tam praesentis quam futurae vitae, 5. Fidei arcana peccatorum sordibus involutis non sunt passim narranda, 11. Fidei regulam tenere principium est salutis, 260. Fidei assertio, quod Christus secundum solam humanitatem sit passus, 148. Fidem volenti capessere necessaria, 9. Fides sanctae Romanae ecclesiae rugam non admittit, 45. Fidei assertio concilii Braccarensis, 144. Fides concilii Toletani undecimi, 130. Fides cuiuslibet quam primum suggerenda est, 46. Fidei confessio sexti concilii Toletani, 118. Fides Christi in Iudaea apparentis ad gentes translata est, 10. Fides, et infidelitas sunt duo principia sanitatis et morbi, 9. Fidei tranquillitas tenenda, ubi haeresis procillas concitat, 229. Fidei puritas tunc maxime splendescit, cum ab ea tolluntur errorum sordes, 224. Fides concilii primi Toletani, 105. Fides evangelica in lapide angulari fundata disputationibus non potest esse mutabilis, 195. Fides Trinitatis, 168. Fidem volentes accipere quanto tempore sunt probandi antequam baptizentur, 100. Fides patrum in concilio Toletano octavo considerandum, 122. Fidem non excedit, quod virgo peperit, 169. Fides Niceni concilii, 107, 158. Fidei Trinitatis probatio, 21. Fidem relinquere persuasentes qua poena plectantur, 61. Fides principii ab omnibus servanda est, 117.

Fiducia in Deum quidquid petit obtinet, 14.

Filia episcopi Deo dicata si matrimonium contrahat, 145.

Filii et Spiritu sancti fidem temerantes similes sunt Iudeis, 163. Filius ut Pater lucem habitat inaccessibilem, 18. Filius an sit pater minor, 151. Filius Patri est aequalis, 263. Filius hominis de coelo descendit, qualiter intelligitur, 189. Filium Dei ante incarnationem fuisse negans est haereticus, 158. Filius sicut et Pater verus est Deus, 23.

Filii ob Dei cultum parentes fideles non debent deserere, 65. Filii patrum sequaces in errore socii sunt in damnatione, 165. Filii praetextu religionis non sunt a parentibus deserendi, 65. Filii vel filiae episcoporum non debent haereticis in matrimonium sociari, 79. Filius fidelis ab incredulis parentibus est separandus, 11.

Finis commendatur non initium, 264.

Flagella Dei neminem trahere debent in desperationem, 41.

Flamines si munus idolis dederint, 99. Flamines si post baptismum idolis sacrificaverint, 99.

Flavianii episcopi rescriptum ad Leonem papam, 188. Flavianii reliquiae ad ecclesiam Constantinopolitanam revoantur, 201.

Fornicatio grave est apud Deum crimen, 5.

Fragmenta corporis Christi prudenter locanda sunt, 8. Fragmenta mensae Domini non sunt danda excommunicatis, 7.

Frater fratris thorum defuncti non ascendat, 98. Fratres duo singulas sorores possunt accipere conjuges, 278.

Fuga prudens est laudabilis, 115.

Fugiens ad hostes quali sit vindicta dignus, 119.

Funerationi episcopi interesse negligentium poena, 49.

Fur est qui non intrat in hostium per ovile, 165.

Furti poena ex furantis persona examinanda est, 278.

## G

Galli non sunt in Galliis discutiendi, 94.

Galli recusant pendere censum legato Romani pontificis, 290.

Gelasii papae decreta de scripturis apocryphis, 245. Gelasii papae tomus de Anathematismo vinculo, 254. Gelasii epistolae ad diversos, 237, 298, 241, 254.

Genitalibus sectus an possit ad sacerdotium promoveri, 59.

Gentiles quorum vita aliter honesta est, in infirmitate possunt baptizari, 100.

Gentilium ritus Christiani non debent observare, 144.

Germania tres sedes episcopales accipit, 288.

Gloria Patri pro ratione temporis cantandum, 115. Gloria Patri mutatio, 164.

Gratia invisibilis questu non debet venditari, 132. Gratia Dei non est in vanum recipienda, 95. Gratia Dei

Christum non solum docet, sed etiam juvat sequi quod debemus, ibid. Gratia Dei per Jesum remissionem peccatorum et auxilium præstat, 184. Gratia sola Dei miserentis hominem restituit innocentiae, ibid.

Gregorii epistola ad Theodistam patriciam de sedanda discordia, 276. Gregorii papæ epistola ad Secundinum inclusum, 275. Gregorii papæ ad Bonifatium epistola, 287. Gregorii papæ epistola ad Augustinum, 278. Gregorii papæ epistolæ et decreta, 274. Gregorius papa synodum Romæ celebrat, 280. Gregorii papæ rescriptum ad felicem Siculorum episcopum, 281.

Gubernacula erga subjectos magno moderamine sunt temperanda, 275.

## H

Hæredes defuncti episcopi bona hæreditaria propria auctoritate non debent vindicare, 104.

Hæreditarium non debet reputare quod sola Dei benignitate confertur, 229.

Hæresens dilutio afferentium filium minorem patre, 49. Hæresibus condemnatis reviviscuntibus ad præca Patrum statuta recurrendum est, 184. Hæresis facile pelleretur si rudes animos non turbarent negotia, quæ jam perem t antiquitas, 199. Hæresis est sentina omnium sordium, 44.

Hæreticorum cælus non ecclesia, sed conciliabulum debet dici, 85. Hæreticus ad fidem revertens, non est recipiendus, 99. Hæreticorum se repugnantia eos non excusat, 226. Hæretici nomen non est refricandum, 245. Hæreticorum ad fidem revertentium poenitentia, 97. Hæreticis in mortis discrimine positis poenitentibus, non est deneganda manus impositio, 93. Hæreticorum dogmata nemo tueri debet. 205. Hæreticis non licet miscere conubia nisi profiteantur se futuros catholicos, 68. Hæretici nolentes impietatem abnegare, similes sunt Cain qui monitus a Domino, poenitentiam a se repulsi, 207. Hæreticorum benedictiones non sunt recipiendæ, 68. Hæretici solent infirmos, et ignorantes præcipitare, 188. Hæreticorum confutatio qui dicebant quæ filium patrem non videat, 45. Hæretici sunt qui unam et eandem asserunt Patris et Filii et Spiritus sancti personam, 221. Hæretici ad fidem revertentes per manus impositionem suscipiuntur, 52. Hæretici et illusores novissimis temporibus venturi sunt, 14. Hæreticorum confutatio dicentium unigenitum Dei Filium ante incarnationem non fuisse, 221. Hæreticis non debet pateri domus Dei, 62. Hæreticorum confutatio huiusmodi generat soliditatem, 198. Hæreticorum scripta tutantes, pro hæreticis sunt censendi, 139. Hæreticorum confutatio duas in Christo post unionem naturas negantium, 147. Hæreticis non sunt miscendæ nuptiæ, 62.

Hebraei ad fidem conversi non debent esse frequentes in Judaismo permanentibus, 115.

Herbarum collectiones superstitiosa religione carere debent, 144.

Hermes revelationem habet ab angelo de celebratione Paschæ, 25.

Hieronymi rescriptum ad Damasum papam, 161.

Hieronymus postulat a Damaso, *Gloria Patri* poni in fine cujuslibet psalmi, 161.

Hierosolymitanorum et Antiochenorum clericorum supplicatio ad Justinum imperatorem, 261.

Hilarii papæ epistolæ ad diversos episcopos, 229.

Hispaniarum episcopi quo tempore synodum celebrent, 112.

Homicidarum poenitentia, 62.

Homicidæ et falsi testes ab Ecclesiæ communione debent arceri, 96.

Homicidii voluntarii poena, 144.

Homo assumptus non est adorandus velut alter a verbo, 71. Homo solus omnium animalium est rationis participans, 9.

Honor ob primatum deferendus est, 119.

Honorii Augusti ordinatio super electionem summi pontificis, 185.

Horæ canonicæ quo ordine dicendæ sunt, 96.

Hormisdæ papæ epistola ad diversos, 239.

Hormisdæ papæ decreta, 257.

Hostis domesticus nequior extraneo, 20.

Humana natura non est diaboli figmentum, sed Dei opificum, 221. Humanæ carnis veritatem negantes in Verbo Dei ab incarnatione non possunt nomen sibi vindicare Christianum, 208.

Humanitatis assumptæ mysterii declaratio, 189.

Humilis exaltatur et perit impius, 25. Humilior tanto quis esse debet, quanto est major, 3.

Hymni a sanctis viris compositi sunt cantandi in ecclesia, 115. Hymnus trium puerorum per ecclesias Hispaniarum jubetur decantari, 113.

## I

Idola confringens et ibi occisus non est habendus martyr, 100. Idola non sunt habenda domi, 100.

Idolatriis escis contaminati qualiter reconcilientur, 220.

Idolis semel oblata non debent comedere, parte prima, 20. Idolis datum a nemine recipiendum, 100.

Idolatriæ omnis species fugienda, 156.

Ignorantes ebrio sunt similes, 9.

Ignorantia est origo totius mali et impedit libertatem humanæ mentis, 9. Ignorantia est tolerabilior quam veritatis cognitæ conculcatio, 91. Ignorantia mitius punitur quam dolus, 167. Ignorantia intolerabilis quæ se putat aliquid scire, 9. Ignorantia in his qui præsumunt, est prorsus intolerabilis, 192. Ignorantia omnium errorum mater in sacerdotibus est intolerabilis, 114.

Illicite non debent fieri, 250.

Illetterati et corpore vitiati non sunt in clerum recipiendi, 254.

Ilusio carnis an a communione impediatur, 280.

Immolationis cibis pollutorum poenitentia, 214.

Imperatorum Valentiani et Martiani sanctio contra hæreticos, 74.

Imperialis potentia mensuram dispensationis religiose non mutat, 259.

Impia sapere et sapientioribus non credere, nihil iniquius, 188.

Incarnati Verbi veritas, 215.

Incarnationis veritas, 205. Incarnationis Filii Dei declaratio, 46.

Incerta iudicanda non sunt, 28, 134.

Incestorum poena, 97.

Incestu pollutorum poena, 105.

Incestuosi a liminibus ecclesiæ sunt arcendi, 282.

Incubatores plebis a sedibus suis sunt repellendi, 80.

Induciæ quales sunt dandæ episcopis, 159.

Infames qui dicantur, 40.

Infantibus expositis compatiendum, 94.

Inferiores majoribus cedere debent, 87.

Infideles communicans non potest esse fidelis, 211.

Infidelis fidelem non potest accusare, 35. Infidelium spes est tanquam lanugo quæ a vento tollitur, 35.

Infirmi credere volentes, in infirmitate benedicantur, 88.

Ingratitudo ad vincula servitutis revocat libertatem, 147.

Inimicitias querit discedere volens ab amico, 153.

Innocens solus potest alios auctoritate docere, 45.

Innocentii papæ decreta, 170. Innocentii papæ rescriptum ad concilium Carthaginense, 178.

Innocentii papæ epistola ad Exuperium episcopum Tholosanum, 179. Innocentii rescriptum de Pelagio hæretico, 172.

Innocentii papæ epistola ad Aurelium episcopum, 182. Innocentii papæ epistola ad Victorium Rothomagenum episcopum, 171.

Inobedientes superioribus similes sunt Luciferi, 6.

Inobedientia labi fecit primum hominem, 9.

Instrumenta conficiantur si quid negotii ecclesiastici contrahatur, 127.

Intellectus laborare non debet ubi sensus dat experimentum, 205. Intellectus humanus per injuria noxias sibi contrahit opiniones, 11.

Intelligentiam refugientis gravis erit ultio, 11.

Irenæus a sede Barcinonensi deponitur, 229.

Itinerarium Clementis papæ, 5.

## J

Jeiunandum non est diebus Dominicis, 65. Nec est feria quinta quæ dicitur Cæna Domini, 138. Jeiunandum non est mensibus Julii et Augusti, 99. Jeiunare die natalis Domini, hæresim sapit, 221. Jeiunans die Dominica habendus est hæreticus, 85, 102, 145.

Jeiunia Ecclesiæ non debent esse contemptibilia, 63.

Jeiuniorum tempore confirmatio petentibus danda est, 85.

Jeiunii Quatuor Temporum institutio, 29. Jeiunium solvere non licet feria, 5. Novissimæ septimanæ Quadragesimæ, jeiunium fieri non debet die Dominica, 55. Jeiunium Sabbato non faciendum, 99. Jeiunium quadragesimale a Teophoro papa, 25.

Jeiunus sacerdos debet celebrare, 141.

Joannes episcopus Lampeus commendaturæ imperiali cubiculario, 285.

Joannis papæ decreta, 262.

Joannis Constantinopolitani libellus fidei, 253.

Judei Christum venturum acceperunt, 10. Judei ad fidem venientes, 96. Judei fides debet esse libera, 115.

Jude Christianas non habeant uxores, nec muneribus fungantur publicis, 110. Judei ab omni officio publico sunt alieni, 116. Judei post fidem susceptam prævaricati non



est admittendum testimonium, 113. Judæi servos non possunt habere Christianos, 116. Judæus nisi convertatur, uxorem fidelem non potest retinere, 115. Judæo patrocini-  
ans cupiditate excommunicetur, 115. Judæorum azymis non est communicandum, 68. Judæorum benedictiones super fructus non sunt permittendæ, 100. Judæorum filii vel filiz debent ab eorum separari consortio, 115. Judæorum hæreticorum filii fideles jure hæreditario non debent fraudari, 115.

Judex ecclesiasticus in absentem non debet diffinire, 82. Judices ecclesiastici causas legibus repugnantes non audiant, 158.

Judicium de aliis ferre non debemus sed benigne succurrere, 9, 244.

Julii purgatio contra Orientales, 165. Jurandum omnino non est propria libidine, 38.

Justi a Domino preservantur, 47.

Justini imperatoris sacra ad Hormisdam papam, 258.

Justitia Dei imprimis est requirenda, 10. Justitia a Deo est sicut peccatum a diabolo, 14.

## K

Kalendarum Januariaum superstitio apud Gallos, 292.

## L

Lac in sacrificio missæ non est offerendum, 145.

Laici qui promoveri vetentur, 175. Laicus qualiter est admittendus ad sacerdotium, 235. Laicus, quantumvis potens, nihil statuere potest in Romanum pontificem, 247. Laici qualiter ad sacerdotium sunt promovendi, 159. Laicus ne quid præsumat in præsentia clericorum, 85. Laicus post uxorem aliam cognoscens non est promovendus ad clerum, 102.

Lañificia mulieres vanis superstitionibus non debet observare, 144. Lapsi per ignorantiam aut errore traducti est succurrendum, 195.

Lector qualiter ordinatur, 82. Lector si viduam accipiat, 145. Lectores in quo habitu debeant psallere, 159. Lectores puberes facti, aut ducant uxores, aut continentiam voveant, 79. Lector fidelis si viduam accipiat uxorem, 104. Lectores et psalmistæ uti non debent orariis, 68. Lectores vel ostiarii sese adulteris miscuerint, 101.

Legatione Christi funguntur episcopi, 244.

Leges non ligant in necessitate, 88.

Legis profectio ex charitate pendet, 52.

Legislator an suis legibus subdatur, 252. Legislatoris intentio, 252.

Leo orat Augustam ut Eutyches procul mittatur a Constantinopoli, de sua familiaritate alios inquinat, 225.

Leo imperator custos concilii Chalcedonensis, 227.

Leonis papæ epistolæ ad diversos, 187 ad 229.

Leprosi danda est communio, 287.

Levita factus cum uxore vivens incontinenter deponatur, 95.

Lex justo non est posita, 219. Lex Dei humana libidine non est interpretanda, 12. Lex edita in concilio Toletano octavo, 226.

Libelli formatio in causa criminali, 47. Libelli ejusdam Didascalici adversus Symmachum papam confutatio, 251. Libellos famosos edentes excommunicantur, 100. Liber missus ad Innocentium, 180. Liberalitas amatoris episcopi in Silverium papam, 266. Liberum arbitrium non auferitur Dei munere, 185. Libero arbitrio uti ad bonum nemo potest, nisi per gratiam Dei, 184.

Liberti debent illi ecclesiæ obsequia, a qua gratiam obtinuerunt libertatis, 128. Liberti Ecclesiæ suæ conditionis professionem facere debent, 119. Liberti ecclesiæ patrocini desertos in servitutem relabuntur, 116.

Liberti ecclesiæ intra ecclesiam debent alicui præstare obsequia, 119. Liberti si ad clerum promoveantur, 109. Liberti ecclesiæ patrocini astricti ab ea debet protegi, 116. Liberti ecclesiæ de rebus quas ab ecclesia tenent nihil possunt alienare, 128. Liberti quorum patroni fuerunt sæculares, 101. Liberti contra statum conjugiale uxorem ducentes, 128. Liberti ecclesiæ ab illius patrociniis non possunt abdicari, 116.

Libertos ecclesiæ non potest episcopus ab obsequiis absolvere, 116. Libertos a dominis suis factos defendat ecclesia, 96.

Libri recepti ab ecclesia, 68. Libri canonici sunt in ecclesia legendi, 144.

Lingua difficilis est moderatio, 50. Litaniarum celebratio, 117. Litanie secundæ celebrandæ sunt Kalendis Novembris, 102.

Lucretii episcopi compellatio ad fratres coepiscopos, 159. Lustrationibus paganis utendum pena.

## M

Machinari non debemus in alium quod pati volemus, 32.

Magia clericis est interdicta, 145.

Magistratus duum viratum agens, ab ecclesia debet cohereri, 100.

Major a minore judicari non potest, 49.

Maleficio alterum interficientis poena, 99. Mali justos continuo affligunt, 29. Mali fugiendi quorum deplorata est emendatio, 40.

Mancia ecclesiæ episcopus distrahens, de proprio debet ecclesiæ damnum facere, 146.

Maniaci non sunt ad clerum recipiendi, 254.

Manichæus et Marcion Christum quo ad carnem dicebant omnia gessisse simulatione, 202. Manichæi qualiter ad fidem recipiantur, 169.

Manumissio facta per episcopum non debet ecclesiæ præjudicare, 146. Manumissi directe et simpliciter ad clerum possunt promoveri, 116. Manumissio servorum ecclesiæ qualiter fieri debet, 116. Manumissus presbyter ordinatus patronam suam habeat heredem, 116. Manumittere aliquando licet episcopum, 116.

Marcus papa exemplum fideliter exscriptum Nicæni concilii misit ad episcopos Ægyptiorum, 150.

Margaritæ sacrorum mysteriorum non sunt mittendæ ante porcos, 10.

Maria Deum carnem factum genuit, 76.

Mariani imperatoris et Patrum concilii Chalcedonensis consensus, 74.

Maritus vel uxor vivente consorte alteri non potest copulari, 88. Maritus si fuerit concisus mœchiæ uxoris, 100.

Martiani imperatoris edictum, 74. Martiani imperatoris verba ad concilium Chalcedonensem consensus, 74. Martiani ad Paladium secunda sanctio, 75.

Martini episcopi Braccarensis præfatio, 141.

Martini papæ epistola ad Amandum, 262.

Martyres falsi non sunt venerandi, 68.

Martyrum dignitatem nemo debet infamare, 76. Martyrum causa patiendi fuit confessio veræ divinitatis et humanitatis in Christo, 195.

Martyrum damnans venerationem anathema, 63. Martyrum natalia non debet in quadragesima celebrari, 145.

Massiliæ civitatis primatus, 91.

Matrimonia libertorum quomodo faciendæ, 127. Matrimonia inter consanguineos ab episcopis sunt prohibenda, 50. Matrimonii fidem maculans concubinatu communione privetur, 105. Matrimonium damnas Eutachijs damnatur, 65. Matrimonium occasione religionis non est solvendum, 65. Matrimonium nulla religio dirimere potest, 278. Matrimonium attentatum cum duobus sororibus poena, 144. Matrimonium non duplicatur, si ancilla abjecta ducatur uxor, 220.

Membra corporis non eundem actum habent, 152.

Mendaciorum duo sunt genera, 125.

Mendacium non debet in ore versari, 6.

Mensa sacerdotum debet habere lectionem, 109.

Menstruante mulieri misceri est execrabile, 12.

Meretrix ad fidem veniens recipienda, 100.

Metropolitani in causarum examine comprovincialis episcopos debet accersere, 24. Metropolitani duo non possunt esse in eadem provincia, 75. Metropolitanus delinquens a quibus est arguendus, 26. Metropolitanus officium in conciliis generalibus, 1. Metropolitanus superbum nomen summi sacerdotis non debet usurpare, 79. Metropolitanus non debet esse negligens circa hæreticam pravitatem, 88. Metropolitanus vicinæ provincie accersendus est, si discrepent episcopi, 142. Metropolitanus in qualibet provincia constituendus est, 2. Metropolitanus in qualibet provincia debet designari, 186. Metropolitanus electio quomodo faciendæ, 169.

Miles certamine probatur, 15.

Militia nostra non debet esse carnalis, 14. Militiæ sæcularis post peccatorum remissionem cingulum accipiens non est ordinandus, 171.

Ministeria sacra qui tangere debeant, 143. Ministeria non sunt portanda in campum, 114. Ministeriis divinæ mensuræ quales sint initiandi, 7. Ministeriorum regulas transgredientis poena, 144.

Ministri altaris vanisspectaculis non debent interesse, 68. Minor in majorem non debet insurgere, 76.

Misericordia in pauperes penitentiam locupletat, 8. Misericordiæ Dei humana presumptio modum metiri non debet, 219.

Missa dicenda nocte nativitatis Domini, 25. Missæ in provincia Braccæ sunt eodem ordine celebrandæ, 159. Missa quo tempore celebranda sit, 25.

Missæ præter necessitatem non debent celebrari nisi in locis consecratis, 265. Missa integra audienda die Dominico, 96. Missæ mysterium ab uno incomptum ab alio potest profici, 120.

Modus funerandi corpora defunctorum, 110.

Mœchanti sæpius et præsertim post convalescentiam deneganda est communio, 100. Mœchans cum Judæa, qualiter sit puniendus, 101.

Mœchiæ uxoris maritus conscius qua pœna punit, 100.

Monacha in uxorem duci non debet, 233.

Monachi clerici effecti debent in proposito monastico perseverare, 172. Monachorum et monialium filios procreantium pœna, 166.

Monachum aut paterna devotio aut propria professio facit, 113. Monachi ad sacros ordines possunt promoveri, 167. Monachi vagi, etiam uxorem ducentes, ad monasterium sunt reducendi, 113. Monachi episcopali imperio non sunt officio servili mancipandi, 113. Monachum alterius monast. ii alius non promoveat, vel apud se retineat, 84. Monachi moniales debent instruere familiaritate seclusa, 147. Monachi vel moniales personarum extraneas ad se non debent accersere, 76. Monacho orarium non licet habere in monasterio, 98. Monachus fratrum suorum cellulas non debet deserere, 98.

Monasterium si episcopus exstruxerit, 127. Monasteria puellarum a monachorum monasteriis longius extruantur, 96. Monasterium novum sine episcopi auctoritate fundari non potest, 97. Monasteriis oblata non debet sibi vindicare episcopus, 103. Monasterium ordinis sancti Benedicti fundatur in Gallis per Bonifacium papæ legatum, 220.

Monastica vita deserens qualiter est puniendus, 220. Monasticæ professionis prævaricator est arcendus, 118. Monasticis regulis imbutus ad munus clericale veniens qualiter sit admittendus, 233.

Morientibus accepta pœnitentia quomodo licet communicare, 93. Morientium in pœnitentia sine communione oblationes non sunt recipiende, 85, 94.

Mors pie viventium non debet nos contristare, 176. Mortem sibi inferentes, et pro suis sceleribus puniti ecclesiasticæ non sunt tradendi sepulture, 139. Mortis et peccati auctorem non superaremus, nisi naturam nostram assumpsisset Deus, 188. Mortis ruinæ propinquus sine consulto episcopi, pœnitentiam non debet agere, 100.

Mortuorum corpora in basilicis sanctorum non sunt sepelienda, 139.

Mulieres non debent ingredi in altare, 68. Mulier non baptizet, 3. Mulieres fideles alienorum vinorum cœus erant, 182. Mulier vesie virilis utens peccat, 63. Mulieres nude nasci possit sinistra su picio, cum clericis non cohabitent, 79. Mulieris usque ad finem vite mœchantis pœna, 100. Mulieres prohibite cum clericis habitare, 167. Mulier quantumvis docta in coeuvu viros docere non præsumat, 83. Mulieris purgatio post partum, 230. Mulieris duobus fratribus nubentibus pœna, 62. Mulier per aulterium conceptum fetum necans nunquam ad communionem recipienda est, 100. Mulier non ingreditur secretarium, 145. Mulieris devote peccantis pœnitentia, 113.

Munditia corporis custodienda, 275.

Munerimus nemo debet promoveri sed meritis, 118.

Mutus baptizari potest, 93.

## N

Natale Christi non vere honorans secundum carnem hæreticus est, 98. Natalis Domini vel Quadragesimæ solemnitate nullus debet in villa celebrare, 93.

Natura humana sine prævio Dei auxilio nihil potest mereri, 177. Natura coelestibus presidis destituta nihil potest, 179. Nature duæ in Christo, 266.

Necantes fetus editos vel pharmacis abortum accersentes, 163.

Negligentia est mater ignorantiae, 9.

Negligentiores tardius debent reconciliari, 83.

Neptis non est in uxorem ducenda, 283.

Nescientis ea quæ sunt Domini a Domino nesciuntur, 86.

Nestor et Eutychetis error, 287. Nestorius Marianum solum hominis dicens genitricem anathemate ferit, 202.

Neophytus in fide non est facile admittendus ad clerum, 59. Neophytus non est promovendus, 67. Neophyti in episcopos debent assumi, 84. Neophyti qualiter ab initio debeant vivere, 83. Neophytus diaconus, vel sacerdos non debet ordinari, 83.

Nicæni concilii canones non licet ad arbitrium proprium expungere, 177. Nicæni concilii canonibus nihil addendum, 199. Nicæni concilii exemplaria authentica Græca a Patribus concilii Carthagineusis sexti poscuntur, 84, 1 numero variante.

Nomina quando recitanda sunt, 170.

Novatus hæreticus in Africa grassatur, 54. Novatiani qualiter recipiantur, 127. Novatianus et Nicostratus hæretici, 37. Novatianus qualiter ad communionem admittatur, 90. Novatiani non recipiendi, nisi prius abdicata hæresi, 67.

Noverca aut nurus in uxorem ducenda non est, 283.

Nubentes Christo fidei violatrices qualiter ad pœnitentiam sunt admittendæ, 272.

Nudus nullo privilegio potest nudari, 23.

Nuptiæ quadragesimæ tempore non sunt celebrandæ, 68. Nuptiæ laudandæ sunt non reprobandæ, 221. Nuptialia convivia turpibus carere debent tripudiis, 68. Nuptias accusans, anathema est, 63. Nuptiis secundis presbyter non debet esse conviva, 143. Nuptiis multis copulatus, debet agere pœnitentiam, 144. Nuptiis secundis copulatus, ad clerum nullus admittat, 234.

## O

Oblationes fœventium odia, et similitates non sunt recipiendæ, 152. Oblatio filiorum per parentes usque ad quam ætatem potest fieri, 129. Oblata per festivitates martyrum æqualiter sunt clericis dividenda, 139. Oblationes fidelium in quatuor partes debent dividi, 234. Oblationes dissidentium non debent recipi, 85. Oblationes decedentium in pœnitentia recipiantur, 99. Oblatio episcoporum, vel presbyterorum ad altare ex quibus est facienda, 2. Oblationes defunctorum negantes ecclesiis, excommunicantur, 82.

Obtrectationes vitandæ, 32.

Odia diu fœventes, nec in gratiam redire volentes excommunicant, 96. Odi fautores sunt homicide, 6.

Octavi Ursionis et aliorum consortium repressio, 91.

Offerenda ad altare tempore consecrationis, 2. Offerri prohibita ad altare, 2.

Officia minorum viam parare debent, 185. Officii matutini, et vespertini unus esse debet ordo, 139.

Opera legis non iustificat, sed fides Jesu Christi, 9. Operum hic locus est futurum sæculum tempus meritum, 10.

Orandum est recto vultu certis diebus, 143. Orandum est ut fatuas inquisitiones evitare possimus, 188. Orandum non est cum hæreticis, 68.

Orantis cum excommunicato pœna, 2. Orantis cum clerico damnato pœna, 2, cap. 12.

Oraris minister non utatur, 68.

Orariorum gerendorum modus, 114.

Oratio Dominica singulis diebus est dicenda, 113. Oratio Dominica post matutinas et vespas debet a sacerdotibus proferri, 102. Oratio dicenda prima, secunda, et tertia die concilii, 1. Orationi et communicationi est invigilandum, 2. Orationibus communibus plus agimus quam privatis, 174.

Oratorium permittitur in agro constitui ad revelandum fatigationem familiæ, 95. Oratorium non debet constitui sine episcopi auctoritate, 75.

Ordinandi qualis debeat morum esse ornatus, 239. Ordinandi non sunt seditiosi, usurarii et ultores, 23. Ordinandus qualis debeat esse, 215. Ordinandus quæ debeat polliceri, 133. Ordinari qui possunt, 186. Ordinari cælibes mulieres habere non debent qui familiarum eorum curent, 102. Ordinari non debet quis per alienum episcopum, 60. Ordinati suæ ordinationis litteras ab episcopo debent obtinere, 87. Ordinati non debet cingulum militiæ secularis post peccatorum remissionem accipiens, 168. Ordinati contra interdictum vel in ministerio filiis generantes qualiter puniantur, 91. Ordinati a foro, vel militia venientes cum suis ordinatoribus debent deponi. Ordinati per surreptionem deponantur, 83. Ordinati per peram ab ordine suo sequestrandi sunt, 147. Ordinari minister ubi facta est ejus ordinatio, 88. Ordinatus qui non potest ecclesia sibi data potiri, concilii expectet decreta, 142.

Ordinatio facta a non suo episcopo est inanis, 142. Ordinatio episcopi qualiter est celebranda, 141. Ordinatio episcoporum faciendia est pro ratione locorum, 279. Ordinatio episcopi sine metropolitani auctoritate non est celebranda, 65, 89, 141. Ordinatio non est muneribus obtinenda, 140. Ordinationis indignus vocabulo non meretur ordinari, 75.

Ordines pretio non sunt conferendi, 132. Ordines capessere non debent illiterati, 124. Ordines quibus temporum interstitiis conferendi sunt, 167. Ordines non sunt passim, et omni tempore celebrandi, 191. Ordo ad clerum promovendi, 182. Ordo accusationis, 15. Ordo decantandi horas canonicas, 96.

Orientales ab antiquo pervicaces in sedem Romanam, 240.

Ostiarium qualiter ordinatur, 82. Ostiarii ab ostio diu non debent abesse, 140.

## P

Pacis osculum quando dandum sit, 170.

Pacta servanda sunt, 76.

Palli datio non debet pretio comparari, 281.

Panis vinum et aqua materia sunt sacramenti altaris, 21, 79, 143.

Papæ electio qualiter est faciendia, 212. Papam in ar-



duis debere consuli luculenta phrasis, 192.  
Parentum error non impedit quin eorum fideles filii altaris fiant ministri, 80.  
Parochialium proventuum quanta portio debeat episcopo affici, 127.  
Parricidarum poenitentia, 286.  
Parricidium edicto Reccardi regis prohibetur, 199.  
Paschæ solemnitas et precum ordo, 268. Paschæ celebritas ab universis aequaliter observetur, 88. Paschæ celebritatis et ineundi concilii huius debet insinuat. 84. Pascha quando sit celebrandum, 2, 28, 207. Paschalem festivitatem per concilium Nicænum constitutam infringentium poena, 65. Paschalis festività apud Hispanos qualiter denuntiatur, 112. Paschalis dies in conciliis provincialibus celebrandis est designanda, 140.  
Passionis ministerium prædicandum est, 113.  
Pastor ecclesiæ negotiis secularibus non debet implicari, 8. Pastorem oves non reprehendant, nisi a fide exorbitet, 38.  
Pater et Filius unus sunt Deus qui semper simul fuerunt, 22. Pater et Filius communes habent operationes, 49. Pater in Deo vocabulum est inscrutabilis mysterii, 5. Patris et Filii nomina non sunt in laudandis precibus confundenda, 79.  
Patientia Dei abuti magna est damnationis pars, 8. Patientia nobis necessaria est ad collocationem adversariorum, 169.  
Patrem, Filium et Spiritum sanctum non confitens tres personas est hæreticus, 183.  
Patri vel matri surripieus aliquid est velut homicida, 14.  
Patriarcharum et primatum institutio ionis causa, 16.  
Patronis ecclesiarum si fuerint indigentes ex ecclesiæ bonis succurrendum est, 114.  
Patronorum vel aliquid ecclesiæ donantium, non est frandanda voluntas, 127.  
Patrum canonibus non est obediendum, 109.  
Paulus Ecclesiæ dicitur orator, 160.  
Pauperes et senes Ecclesiæ sunt cæteris honoratiores, 83. Pauperes opprimentium dona a sacerdotibus rejiciantur, 85. Pauperum de ensores adversus potentes sunt stabilendi, 84.  
Pax Dei solum datur hominibus bonæ voluntatis, 52.  
Peccans ante ordinationem presbyterii, 142.  
Peccata latentia vindictam non habent, 175. Peccati vindicta propter multitudinem dissimulatur, 177. Peccatum non habere se affirmans Joannis vere dictum, 87. Peccatum est duplex, 18.  
Peccatoribus in bonis nonnunquam datur potestas pro clariori virtutis exercitio, 275.  
Pelagiana errata excerpta ex gestis contra eundem, 225. Pelagiani vel Coelestiani hæretici aequaliter debeant puniri, 212.  
Pelagii hæretici dogma, 225.  
Pelagii papæ epistolæ et decreta, 275.  
Peregre baptizati non sunt promovendi in aliis provinciis, 99.  
Pernocitare non debent feminae in cœmeteriis, 100.  
Persecutores sanctorum Patrum a liminibus ecclesiæ arcendi sunt, 20.  
Pertinaciter et cum juramento litigantis poena, 103.  
Petri apostoli sedem conveniens est sequi, 235. Petrus apostolus mortem suam Clementi prædixit, 5.  
Petrus et Paulus sub nocte silenti Constantino apparent, 57.  
Photini reconciliatio per Innocentium facta, 177. Photiani hæretici revertentes baptizandi sunt, 90.  
Pictura non debeat esse in ecclesiis, ne in cultu sit error, 100.  
Poenitentes publicæ clerici non ordinantur, 85. Poenitentes vere si ante completam poenitentiam casu decesserint in orationibus ecclesiæ eorum commendatur memoria, 85. Poenitentes ad adultianum ad clerum, 104. Poenitens tempore poenitentiae matrimonium contrahere non debet, 90. Poenitens reconciliatus ubi debet locari, 142. Poenitens nulli negotiationi se debet asstringere, 220. Poenitens post poenitentiam non debent militiam adire sæcularem, 220. Poenitens continere non potens poenitentiam differat, 119. Poenitentem publicum simplex sacerdos non reconciliet, 79. Poenitentes sunt reconciliandi feria quinta ante Pascha, 171. Poenitentes ecclesiæ mortuos efferant et sepellant, 85. Poenitentes publici ad clericatum non debent promoveri, 167. Poenitentes ad sacerdotium non debent ordinari, 96. Poenitenti etiam pessimo non est in morte neganda communio, 172. Poenitentes litterarum inscii, membris mutili non promoveantur, 228. Poenitentibus et reversis ignoscendum, 67. Poenitentibus in infirmitate constitutis non denegetur viaticum, 185. Poenitentium relabentium ad pristinas sordes poena, 166

Poenitentia conjugatis qualiter sit danda, 90. Poenitentia suscepta suæ professionis oblii ad sæculum redeuntes a nemine recipiantur, 98. Poenitentia signa exhibenti, ministranda sunt sacramenta, etiam in extremis, 85. Poenitentia prævaricantium præter necessitatem qualis sit, 85. Poenitentia conversi ab hæresi indagetur, 88. Poenitentiam nullus differre debet, 8. Poenitentia quem reddit amico honore dignum, 276. Poenitentia dilata rejicienda non est, 220. Poenitentiam accipientes, an promoveantur, 115. Poenitentiam reflere debet, sicuti peccata refluant, 118. Poenitentiam accipiens non debet eam prævaricari, 175. Poenitentiam agens (si mortis impendat periculum) confestum reconciliandus est, 135. Poenitentia nullo tempore deneganda est, 185. Poenitentia debet esse humilis et lugubris, 95. Poenitentia modus his qui lapsi sunt, 60. Poenitentiam petenti quis mos sit observandus, 110. Poenitentium cingulum militie deponentibus, demum ad vomitum revertentibus qualis sit injungenda, 83.  
Pontifex Romanus non potest alienare ea quæ sunt ecclesiæ Romanæ, 245. Pontifex Romanus in dubiis est adeundus, 84. Pontifex Romanus in arduis est consulendus, 84. Pontificum auctoritas, et regalis potestas duo sunt quibus mundus regitur, 237.  
Pontificatum per ambitionem venantis consilia detegentia parcat, 245. Pontificatum urbis Romæ papa incolumi sectantium poena, 247.  
Populo rectorem petenti qualiter sit consulendum, 8. Populus ad celebrationem missarum conveniens ante benedictionem non debet discedere, 98. Populus est docendus, non sequendus, 186.  
Populosæ civitates episcopos debent habere, 5.  
Postulatus in episcopum quo ordine sit admittendus, 61.  
Potestas nocendi est rescanda malis, 53.  
Præcepta nova inducentium elegans confutatio, 65.  
Prædestinati non a spiritu sancto sunt concepti sed ex ratione seminali, 121.  
Prædia et possessiones cur non habebant ecclesiæ primitivæ cultores, 56. Prædia divis usibus donati non audent invadi, 26.  
Prædicator negligens veritatem dicere maledictus, 39.  
Prægnans quando vult debet baptizari 62, 279.  
Prælati ecclesia non relecta, censetur ecclesiæ relecta, 95. Prælati redarguens cui assimulatur, 8.  
Præscriptio xxx annorum actionem perimit, 231.  
Prævaricantium in fide poena, 90. Prævaricatorem non suscipit ecclesia, 154.  
Prædia deferenda non sunt ad sepulchra mortuorum, 141.  
Presbyter præsentem episcopum non debet signare infantes, 145. Presbyteris foranes præsentibus illis civitatibus non licet ministrare, ibid. Presbyterorum et diaconorum ordo honoris, 68. Presbyter conjugati dedignans sacrificium, anathema sit, 65. Presbyterorum ordinationes quando fieri debeant, 255. Presbyter in ea debet ecclesiæ manere quam sortitus est, 142. Presbyteri dejectione non est leviter facienda, 147. Presbyter ante xxx annos non ordinatur, 62, 142. Presbyteri penitus a mulierum vaca e debent confortio, 124. Presbyteri in episcopos non debent esse loquaces, 184. Presbyteri convivio secularium nuptiarum interesse non debent, 62. Presbyteri uxorem ducunt, vel adulterantis poena, 62. Presbyteri et levitæ quando debeant ordinari, 114. Presbyteri a nemine duci debet uxor, 285. Presbyteri, vel diaconi per parochias honestatis fidem faciant episcopo, 114. Presbyteri non congregiales, 62. Presbyter aut diaconus fornicatus, agat poenitentiam, 142. Presbyter, aut diaconus vendens aliquid de ministeriis ecclesiæ, ab ordine movendus est, 142. Presbyteri qui immolaverunt, 61. Presbyter nemo debet promoveri non examinatus, 60. Presbyter vel diaconus altare privatum non erigat, 66. Presbyter, vel diaconus propriam non debet ecclesiam deserere, 2, c. p. 15, 66. Presbyteri, et reliqui clerici in cunctis agendis episcopi consulant oraculum, 2, cap. 40, 89. Presbyteri et alii clerici quomodo debent ordinari, 2, cap. 2, 81. Presbyteri fragilitate carnis lapsi punia, 105. Presbyteris a diaconis ad torum uxorum redire volentibus, quid faciendum, 95. Presbyteri debent per singulos annos chrisma petere a suis propriis episcopis, 94. Presbyteri ante suum episcopum in tribunalibus non debent sedere, 68. Presbyteri et diacones locis quibus præfixi sunt debent inservire, 89, 82. Presbyteri, vel diaconi a sua ecclesia discedentes ab alia non debent suscipi, 85. Presbyterorum et diaconorum qualis debeat esse honoris discretio, 85. Presbyter proprium episcopum, etiam excommunicatus, non debet fastidire, 77. Presbyteri metus suæ dignitatis non debent excedere, 255. Presbyter inconsulto episcopo, non potest virgines consecrare, 79. Presbyter in consulto episcopo nihil temere debet agredi, 77.

Pretium pro baptismo non debet accipi, 100.  
 Primates qui appellantur, 40.  
 Primatus et metropolis quid discriminis habeant, 184.  
 Princeps jurare debet in diadematis susceptione, se non futurum hæreticorum fautorem, 118. Princeps subditos hærari debet ad rectam fidem, 245. Principe vivente non est in incertum ferendus favor, 119. Principe vivente non est de quoquam alio consulendum, 117. Principi non est maledicendum, 117. Principis beneficium non est alicui aufertur, 117. Principis Christiani est coercere hæreticos furentes, 201. Principis boni est ecclesiam lueri, 51. Principis acta contra Ecclesiam rescandanda sunt, 153. Principium malum vix bonum sortitur exitum, 216.  
 Privata utilitas rebus ecclesiasticis non est præferenda, 145.  
 Privignam suam nemo debet in uxorem accipere, 100.  
 Privilegia ecclesiarum non sunt confundenda, 229. Privilegium meretur amittere qui præmissa sibi abutitur potestate, 251.  
 Prodesse studentum est omnibus, 55.  
 Professa vel vidua cum confessore domi non decantet antiphonas, 104.  
 Prohibita sæpius tentare est contumeliosum, 182.  
 Promoti contra ordinationes ecclesiasticis debent deponi, 60. Promotus contra canonem deponendus est, 8. Promovendus prius examinetur, 79. Promoveri non permittantur bigamus nec concubiniarius, 2 cap. 17. Promoveri non debet qui non duxit uxorem, 123.  
 Psalmistæ et lectores uxores ducere possunt, 173. Psalmista sive cantor qualiter sit ordinandus, 82.  
 Puellæ propositum virginitatis accipientes peccant, si conjugio se mancipent, 220. Puellæ non velatæ quæ se asservierunt in proposito virginali permanere, si nubant, 172. Puella Dei nullius alieni sanguinis debet uti consortio, 104. Puellæ catholicæ erroneæ sectæ viris non sunt copulandæ, 99. Puellæ Christianorum gentilibus non sunt sociandæ, ibid. Puellæ Deo se voventes, si ad nuptias convolent, qualiter ad penitentiam admittuntur, 91. Puellæ gentilibus nubentes dies aliquot a communione suspensæ sint, 89.  
 Pueri immaturo partu editi possunt mox baptizari, 102. Puerorum imberbium clericorum et puellarum per ignorantiam rebaptizatorum poena, 251.  
 Pugna gerenda est in hac vita, 11.  
 Pulpitum non debent omnibus patere ad psallendum, 115.

Q

Quadragesima tenenda est ante Paschæ sollemnitate, 98. Quadragesimæ tempore non semper baptizetur, 143. Quadragesimæ tempore carniū ejus est illicitus, 124. Quadragesima tota jejunandum est, 68.

R

Rapientium sibi uxores poena, 74.  
 Raptores etiam ecclesiastica gaudent immunitate, 97. Raptorum virginum, viduarum, et qui sacras virgines uxores ducunt poena, 245. Raptus fieri non debet per clericos in bona defuncti episcopi, 74.  
 Rebaptizare non debet episcopus vel presbyter, 3, cap. 47. Rebaptizati ad clericatum non promoveantur, 84. Rebaptizati si prævaricentur, qualiter puniantur, 103. Rebaptizati non est communicandum, 103. Rebaptizatorum in Africa ordinatio, 251.  
 Reccardi laus, quam Judæorum munera contemperit, 275. Reccardi regis verba ad clericum, 109.  
 Reccesiunthi Gothorum regis fides, 121.  
 Richardi regis ab hæresi Ariana conversi de fide professio, 106.  
 Reconciliatio venientium ab hæresi Ariana, 267. Reconciliatio Romanæ et Constantinopolitanæ Ecclesiæ, 260. Reconciliatio periclitantis, absentis episcopi fieri debet auctoritate, 77.  
 Reconciliatum se dicens qualiter est recipiendus, 252.  
 Rector ecclesiæ ex bonis illius nihil distrahere potest, 97.  
 Refugis et regni proditoribus an sit temperandus rigor, 122.  
 Regale fastigium ambiens, qua sit poena dignus, 117. Regalis potestas et pontificalis dignitas distinguuntur, 256.  
 Reges eligendi forma, 125. Regis status tunc apprime floret ubi Deo pie servitur, 188.  
 Religio angelorum non est a nobis tentanda, 25. Religionem propriam habere volentes, ab episcopis sunt arcendi, 115.  
 Religiosis feminis præficiendus ab episcopo prohibetur, 85. Religiosus homo aliorum inimicitias debet extinguere, 8.  
 Reliquiæ missæ a Gregorio papa ad Reccardum regem,

275. Reliquiæ in simulacris vel lucis non debent constitui, 84. Reliquiæ martyrum non sunt ab episcopis in collo gestandæ, 145.  
 Remediis novis opus est ubi causæ novæ superveniunt, 72.  
 Reprehensores nostros modeste placare debemus, 277.  
 Rescriptio Martii papæ ad Athanasium et Ægyptios episcopos, 150.  
 Rescriptum Felicis papæ ad episcopos Ægypti, 158. Rescriptum Julii papæ contra Orientales episcopos, 155. Rescriptum Innocentii papæ ad concilium Milevitanum, 179. Rescriptum Liberii papæ ad episcopos Ægyptiorum, 156.  
 Reus in sua provincia in jus vocandus est, 44.  
 Rogationes quando et qualiter sint celebrandæ, 98.  
 Roma primam habet Ecclesiæ sedem, 17, 209. Romam ab idololatria liberavit Christi sanguinis effusio, 258.  
 Romanæ Ecclesiæ res pertinentes nullus presbyter potest alienare, 95. Romana Ecclesia cæterarum est fundamentum, 268. Romana Ecclesia Petri sacerdotio ditata est, 54. Romana Ecclesia est caput cæterarum ecclesiarum, 156.  
 Romani pontifices honorem sibi impensum declinare debent, 280.

## S

Sabbatis est jejunandum, 170. Sabotorum diebus cessare a labore sapit Judaismum, 68.  
 Sacella vel altaria per agros siue certitudinæ reliquiarum constituta evertantur, 84.  
 Sacerdos non debet solus celebrare, 153. Sacerdos ordinatus nullo subterfugio ordinem defraudare potest, 124. Sacerdos penitentiam sine personæ acceptione debet injungere, 83. Sacerdotalis honor qualiter sit conferendus, 216. Sacerdotalis ordo nullo prorsus munere haberi debet, 124. Sacerdote verba Dei prædicante, nemo sub anathematis poena ecclesiam egrediatur, 82. Sacerdotes quoties sacrificant, toties eucharistiam debent suscipere, 115. Sacerdotes patroni pro impensis patrociniiis utili debent accipere. Sacerdotes iudicium sanguinis non debent exercere, 152. Sacerdotes non debent aliqui ordinari a jure prohibiti, sede Romana inconsulta, 253. Sacerdotes pro basilicis constructis sunt præficiendi, non dilapidatores, 127. Sacerdotes non debent titulos figere in suis prædiis, 280. Sacerdotes persequens, vel amovens temerarie reus est læsæ majestatis, 24. Sacerdotes turpia lucra sectari non debent, 60. Sacerdotes instrumentum debent habere, quando aliquibus mancipantur ecclesiis, 114. Sacerdotes sibi Dominus elegit ad sacrificandum, 36. Sacerdotes post lapsum penitentes ministrare possunt, 31. Sacerdotes omni carere debent avaritia, 4. Sacerdotes legati sunt ad Deum pro aliis, 52. Sacerdotes, et levitæ ab uxorum suarum debent abstinere complexibus, 168. Sacerdotes alios anteire debent doctrinæ, 9. Sacerdotes qui et quales possunt accusare, 5. Sacerdotes recipiens Deum recipit, 22. Sacerdotes sacris, non litibus vacare debent, 159. Sacerdotes et levitæ cum uxoribus non debent misceri, 172. Sacerdotes unius civitatis in alia civitate non debent diu immorari, 65. Sacerdoti peccanti non est imponenda manus, 88. Sacerdotibus a die consecrationis omnis prohibitum est concubitus, 166. Sacerdotis dignitatem appetens quibus moribus debet exornari, 167. Sacerdotis cum propria sorore non est iuta familiaritas, 145. Sacerdotium non debet parari pretio, 75. Sacerdotium qui non possunt assequi, 90. Sacerdotum mensis divinæ Scripturæ lectio debet immiscere, 109. Sacerdotum vita debet esse irreprehensibilis, 114. Sacerdotum ordo bipertitus est, 17. Sacerdotum negligentia ab ecclesiâ disciplinam dispolit, 112. Sacerdotum oppressores membra sunt diaboli, 24. Sacerdotum proles patribus non succedit, 127. Sacerdotum Capitolii ad Constantinum pessimum consilium, 56. Sacerdotum partes, 3. Sacerdotum et diaconorum post consecrationem uxoris se immiscendum poena, 172. Sacerdotum ad alias ecclesias temere migrantium poena, 165. Sacerdotum levis non debet esse accusatus, 36.  
 Sacramenta divinorum secretorum quibus commissa sunt, 7. Sacramenta ab indigno ministro tradita nihil nocent accipienti, 245.  
 Sacrarium ingredi non liceat laicis, 159.  
 Sacrificandi causa non est ascendendum ad idola Capitolii, 100. Sacrificans per violentiam non est a communione arcendus, 61. Sacrificantes deportati nisi metu, 61. Sacrificantes dæmonibus post lavacrum baptismi qua penitentia plectendi sunt, 91. Sacrificantium per vim poena, 90.  
 Sacrilegos a sua tuitione repellit Ecclesia, 40.  
 Sæculares detonso capite penitentiam accipientes non debent ad laicorum vitam reverti, 115. Sæculares diebus Dominicis missam integram debent audire, 96.  
 Salus prima est rectæ fidei regulas custodire, 54.



Sanctimonialia ante xl. annum non velentur, 95. Sanctimonialis penuria necessarium si delinquant, ad episcopi pertinet reatum, 83. Sanctimonialis virgo qualiter debeat consecrari, 82.

Sanctorum opera et merita ad Dei gratiam referenda sunt, 184. Sancti qui non sunt, quæ sancta sunt tractare non debent, 173. Sancti duobus modis a licitis abstinere solent, 277.

Saxones ab idolorum cultu monentur averti, 186.

Scandalorum duo sunt genera, 277. Scandalum inter cuiuscunque sectæ homines vitari debet, 55.

Scenicis apostatis conversis, vel reversis, non denegetur reconciliatio, 79.

Scientia boni emendationis ministrat incitabulum, 11.

Scripturæ canonicæ quæ sunt, 173. Scripturæ sacramenta sine fide et humilitate non possunt intelligi, 201.

Scripturæ apocryphæ sub nomine sanctorum sunt omnino reprobandæ, 222. Scripturas sacras tradentes, vel sacra vasa qualiter puniantur, 89. Scripturis sensum nolentes accommodare diaboli revinci possunt testimonio, 49.

Scurilis clericus ab officio deponendus, 97.

Secantes sibi genitalia ad clerum non promoveantur, 89.

Secundas nuptias ineuntium æqualis poena, 67.

Secretarius mulier non debet ingredi, 145.

Sedes Petri Antiohiæ primum fuit, deinde Romam translata, 50.

Seditionarii, nec usurarii unquam sunt ordinandi, 85, 97.

Sententia non suo iudice lata, non ligat, 42. Sententia iudicis a quo per iudicem superiore resoluta, non debet innocere, 79. Sententia uniformis omnium episcoporum provinciae debet rata manere, 66. Sententia lata contra Joannem episcopum Lamponis rescinditur, 285. Sententia summi pontificis ad quem fuerit appellatum, standum est, 187. Sententia non est ferenda præcipitanter, 19.

Sepulera demolens excommunicatur, 115.

Sermo Dei verum Adam suscepit, 161.

Servi Dei non sunt temere iudicandi, 155. Servi fugitivi familias deserentes puniantur, 96. Servi invitis dominis non sunt ordinandi, 235. Servi ecclesiae volentes esse monachi qualiter sint probandi, 281. Servi olim fuerunt apud Francos, 290. Servi fiscales si ecclesias extruxerint, 110. Servi ecclesiae si adveniant in clerum debent ab episcopis manumitti, 119. Servum occidere sine auctoritate publica non licet, 97. Servum mali non potest esse portio boni, 10. Servus, si, nesciente domino, fuerit promotus ab episcopo sciente, 98. Servus non est docendus dominum continere religionis prætextu, 63, 145. Servus an gaudeat ecclesie immunitate, 97.

Servitus matrimonium non dirimit.

Servuli tributo obligatus quomodo possit ordinari, 142.

Sextæ synodi Romanæ conclusio, 236.

Signis non subjacent corporis humani partes, 221.

Silverii papæ rescriptum ad Amatorem episcopum, 266.

Silvester papa Constantino penitentem tempus indicit, 57. Silvestri papæ decreta et quædam ex his excerpta, 150.

Simoniacæ ordinationis poena, 2.

Simplicii papæ decreta, 250.

Siricii papæ exhortatio ad Cimerium episcopum, 167.

Sixti martyris corpus mittitur in Angliam, 279. Sixti papæ epistola ad orientales episcopos, 186.

Sodomitarum et incestuosorum poena, 61.

Solvere illi est qui ligavit, 100.

Sophistæ callidissimi confutatio per simplicissimum sacerdotem, 59.

Sorores duas, vel fratris filiam conjuges accipientis inhabilitas, 2, cap. 19. Sorori sponsæ suæ vitium inferens qualiter puniantur, 62.

Sortes a clericis non sunt observandæ, 98.

Spectacula, conventu ecclesiae prætermissa, visens excommunicatur, 85. Spectaculis secularibus Christiani non intersint, 79. Spectaculis non debent clerici interesse, 145.

Spei anchora firmari debemus, 12. Spes in adversis non deserenda, 219. Spes futurorum præsentem laborem ferre monet, 40.

Spiritu immundo vexati, 100.

Spirituali non sunt pretio comparanda, 234.

Spiritus Christum clarificavit, quamvis Spiritus non sit Christo superior, 70.

Sponsaliorum fidem frangentium poena, 110.

Spoliatus imprimis est restituendus, 40. Spoliatus rebus suis non est excommunicandus, 154.

Sponsus et sponsa nocte benedictionis pro reverentia virginitatem debent illibatam servare, 82.

Stare volentes apostolicis debent obedire præceptis, 54. Stantes orare debemus, 88. Statuta quadam concilii Chalcedonensis, 72.

Stuprum viduis, vel monialibus inferentium poena, 105. Subdiaconus si secundum duxerit uxorem, 143. Subdiaconis uxorem ducere non licet, 125. Subdiacones a diaconibus habitu distingui debent, 159. Subdiaconi septem instituuntur, qui martyrum gesta conscribant, 51. Subdiaconus si mortua uxore aliam ducat, 104. Subdiaconus sacrum non debet ingredi, 68. Subdiaconus qualiter ordinetur, 82.

Subsistentiis vel personis duabus non sunt attribuendæ voces quæ de Christo dicuntur, 70.

Superstitiosus ab ecclesiae liminibus arcendus est, 85. Supplicationes hora 9, et ad vesp. debent celebrari, 68. Suspendus a communione non debet in alia civitate recipi, 2, c. 13.

Symbolum Nicæni concilii, 60, 72, 108, 181. Symbolum Nicæni assertio per episcopos Ægypti, 136. Symbolum concilii, 69. Symbolum concilii Constantinopolitani, 69, 72. Symbolum fidei ante Pascha publice predicandum est in ecclesia, 95.

Symmachi papæ decreta, 243. Symmachi accusationis declaratio, 248. Symmachi papæ verba ad clerum 246. Symmachi verba ad clerum, 247. Symmachi papæ de rebus ecclesiae conservandis ordinatio. Symmachi papæ accusatores confutatio, 250.

Synodus Ephesina, *ibid.* Synodus Chalcedonensis anteriores confirmat synodos, 75. Synodus quo tempore ab Hispanis celebretur, 112. Synodus Romana habita a Julio papa, 151. Synodus nulla rata legitur, quæ auctoritate apostolica non fuit fuerit, 262. Synodus aliquem damnans hæreticum ejus damnat et sequaces, 258. Synodus congregata in Francia sub Pipino et Carlomanno, 95. Synodus Romana habita a Gregorio papa, 280. Synodi celebratio in urbe Roma sub Theodorico rege, 218. Synodus prima Romana sub Symmacho papa, 246. Synodi primæ sub Symmacho papa conclusio, *ibidem.* Synodus tertia Romana sub Symmacho papa, 247. Synodus quarta Romana sub Symmacho papa, 248. Synodus quinta Romana sub Symmacho papa, 254. Synodus sexta Romana sub Symmacho papa, 255.

## T

Terminos antiquos transgredientur qui patrum statua negligunt, 20.

Terras et prædiola ecclesiae inutilia alienare potest episcopus, 96. Terris in fundo ecclesiae per clericum exculcatis, ac melioratis toto tempore vite utatur clericus, 106.

Terrenorum non debet esse ordinatio, cum cœleste sit sacerdotum, 168.

Testamenti Veteris ordo, quæ sancta suscipit ecclesia, 245. Testamenti Veteris aliquid poetice compositum non debet in ecclesia legi, 159.

Testes de domo inimici prodientes non sunt recipiendi, 154. Testis vel accusator esse non potest religionis suæ prævaricator, 158.

Testificandi fides potest recuperari, 156.

Testimonium ferre qui sint inhabiles, 159.

Theatrici debent a communione repelli, 58. Theatricorum abominatio, 90.

Theodericus rex Italia Arianus, 262.

Theriacæ sive lavacra virorum et feminarum debent esse distincta, 68.

Titulos privatos sacerdotes non debent infligere suis prædiis, 250.

Toletanus pontifex præsentatos sibi a rege potest episcopos instituere, 156.

Trinitatis sanctæ mysterio imbuendi sunt ignorantēs, 77.

Trinitatis personarum distinctæ sunt proprietates, 258. Trinitas et unitas in Deo sunt, 270.

Transfugorum et regis prædicatorum poena, 120.

Translatio fieri non debet propria libidine, 229. Translatio episcopi fieri non debet de minori ad majorem civitatem propria ambitione, 142.

Transmarini homines qualiter ad clericatus honorem debent recipi, 169.

## U

Unctio sacri olei quibus, et a quibus, debet tradi, 171

Usura omni Christiano est illicita, 213.

Uxorum fidei conjugalitatis violatricum auctoritas citra necem penes maritum consistit, 104. Uxore non valente reddere debitum viro licet aliam accipere, 287. Uxor a viro non est dimittenda, 156. Uxore vivente non potest alia duci, 174. Uxor ab episcopo, vel presbytero non est repellenda, 2, 4, 6.

Uxores ducere qui clerici possunt, c. 27. Uxor differt

a concubina, 220. Uxor e propria progenita cognatione non est accipienda, 285. Uxoris suæ sororem ducens in uxorem qua pœna debeat plecti, 100. Uxor marito qualiter copulanda est, 18. Uxorem laicum dimittens communione privandus, 3, c. 48, p. 2. Uxorem fratris ducere non licet in uxorem, 285.

## V

Vagabundi simulantes se sacerdotes vel monachos districti sunt explorandi, 168.

Vasa sacra qualiter debeant disponi, 7. Vasa sacra lectiones tractare non debent, 159. Vasa sacra non debent humanis usibus servire, 23, 145.

Velandæ non sunt virgines Deo dicatæ nisi quadragenariæ, 102.

Venditor et emptor rerum ad Ecclesiam Romanam pertinentem pari feriuntur anathemate, 247.

Veneris sanctæ non est solvendum jejunium, 113.

Verbi incarnandi multæ figuræ præcitant mysterium, 191. Verbi Dei auditus nemini denegetur, 83. Verbi ad carnem unio, 253. Verbi deitas pater est et Patri consubstantialis, 192. Verbi abbreviati intelligentia, 16. Verbum Dei Patris non est Deus, aut Dominus Christi, 70. Verbum Dei passum est, et crucifixum carne, 71. Verbum Patris supra Christum nihil habet, sed verus est Deus et homo, 71. Veritas solatia divina nunquam deesse permittit, 225.

Veritas est via ad vitam ingredi volentium, 9. Veritas sepius agitata magis illucescit, 172. Veritas et error lux et tenebræ dicuntur, 11. Veritatem non ignorare, et veritatis communicare inimicis grandis est iniquitas, 242. Vestimenta debent præstari ad pompam sæcularem, 100. Vestimenta ecclesiastica qualia esse debent.

Vestis concludit alicuius professionem, 128. Vestis viduitatis a proficiente non est deserenda, 95. Vestium varietati non est tribuenda religio, 65. Vigiliis dierum solennium diversæ lectiones non debent legi in ecclesiis, 159.

Viduae quæ castitatem voverunt (si fidem violent) extra communione sunt fidelium, 85. Viduae quæ ecclesiæ stipendiis aluntur suis precibus ecclesiam debent adjuvare, 85. Viduæ adolescentes debiles a sua ecclesia aluntur, 85. Viduæ episcopi vel clerici ad secundas nuptias convolanti nullus communicet, 105. Viduæ mochantis et postea nubentis pœna, 101. Viduæ religionis propositum

diu observantes, quæ in monasteriis diu vixerunt, non debent ad nuptias convolare, 245. Viduæ episcopi vel presbyteri ad nuptias convolantis detestatio, 143. Viduæ vel sancti moniales quibus creditæ sunt mulieres baptizandæ, 82. Viduæ maritus admitti non debet ad clerum, 168. Viduam vel secum iam ducens uxorem non debet in clerum admitti, 171. Viduam ducentis inhabilitas, 2, c. 18. Viduam clericus non debet uxorem accipere, 168, 171. Viduam accipiens non ordinatur, 142. Viduam furans in uxorem anathema est, 285. Viduarum mariti diaconi non possunt esse, 147. Viduarum mariti ad clerum non sunt promovendi, 176. Viduis non est injiciendus laqueus, ne nubant, 251. Viduis et virginibus opio sit, aut nubere aut castitati inservire, 110. Viduæ castimoniam deditæ cum personis extraneis non habeant congressum, 76.

Viduitatem perpetuam eligens, qualiter debeat profiteri, 128.

Vindictæ cupidus apud Deum ne speret veniam, 36.

Violentiam passo, sunt imprimis omnia restituenda, 53. Violentia in clericis vel pauperes reprimenda est, 105.

Virginem rapiens, nisi desponsaverit excommunicatur, 285. Virgines sacræ parentibus orbatæ in ministerio virginum debent commendari, 79. Virgines sacræ quando sint velandæ, 255. Virgines non vellent nisi quadragenariæ, 102. Virgibus sacris se immiscendum pœna, 234.

Virginitatem eligens conjugatos non debet vituperare, 65.

Virginitas sic laudanda quod non damnetur matrimonium, 65.

Virginum Deo dicatarum quæ fidem violarunt pœna, 99.

Virginum quæ violatores in maritos accipiunt pœnæ, 99.

Virgo Deo dedicata matrimonium contrahere non potest, 75.

Virilia sibi voluntariæ amputantis pœna, 2. Virilia sibi secantes non sunt ordinandi, 231.

Virtutis magnæ opus est superare carnis gloriam, 174.

Virtutum processionis reprobatio, 221.

## Z

Zachariæ papæ epistola ad diversos, 290.

Zozimi papæ epistola ad episcopum Salonitanum de ordinandis monachis, vel laicis, 182. Zozimi papæ monitorium ad clerum Ravennem, ibidem.

## ORDO RERUM

## QUÆ IN HOC TOMO CONTINENTUR.

## ISIDORUS MERCATOR.

COLLECTIO DECRETALIU.	2
Jacobi Merlini doctoris epistolæ nuncupatoria.	2
Origo conciliorum generalium.	3
Quo tempore concilia celebrari cœperunt et de quatuor conciliis.	5
Item de synodis principalibus, quibus in locis, quibus pro causis, quibus temporibus, quibus auctoribus celebratæ sint.	5
Item adnotatio synodorum quarum gesta in hoc codice continentur.	4
Incipit epistola Aurelii Carthaginensis episcopi ad Damasum papam.	5
Rescriptum Damasi ad Aurelium.	6
Præfatio Isidori in sequens opus.	7
Incipiunt CANONES, id est REGULÆ ECCLESIASTICÆ a SS. Patribus constitutæ, et ab Isidoro in unius codicis corpus collectæ.	11
Ordo de celebrando concilio.	11
DECRETA CLEMENTIS PAPÆ.	13
Incipiunt Canones apostolorum per Clementem papam prolati.	13
Incipit epistola prima Clementis ad Jacobum fratrem Domini.	20
Epistola II. — De sacratis vestibus et vasis.	37
Epistola III. — De officio sacerdotum et clericorum.	41
Epistola IV. — Scripta discipulis suis, qui maiorum hominum persuasionibus aliquatenus deviant, et gentibus inter quas habitant.	53
Epistola V. — De comuni vita reliquis suis discipulis scripta Hierosolymisque directæ.	53

## DECRETA ANACLETI PAPÆ.

De oppressione episcoporum, et de ordinatione archiepiscoporum, et de primatibus et de patriarchis eorumque ministris.	69
Epistola de ordinatione archiepiscoporum et reliquorum episcoporum atque sacerdotum. De fide cæterisque causis.	59
De episcopis et primatibus et patriarchis eorumque ministris.	67
Epistola altera de patriarchis et primatibus ac reliquis episcopis; et quod Ecclesia Romana cardo, et caput omnium ecclesiarum sit.	73
De ordine episcoporum vel primatum.	76
De subjectis qui amici sunt inimicis episcoporum suorum.	76

## DECRETA EVARISTI PAPÆ.

De ordinatione diaconorum et legitimo coniugio, atque de fide, et non injuriandis episcopis aut laicis.	80
Epistola Evaristi. — Quod Christus sit caput et sponsus Ecclesiæ, et qualiter sacerdotes suas ecclesias et ecclesiarum eorum eos debeant diligere.	81
DECRETA ALEXANDRI PRIMI PAPÆ.	81
De sacerdotibus non vexandis nec scriptis ab eis per metum aut aliquam fraudem exigendis; et de passione Domini in consecratione corporis ejus miscenda et de aqua cum sale populis benedicenda; et de fide sanctæ Trinitatis.	89

Epistola prima. De causis vel gravationibus sacerdotum.

Epistola secunda. Ut vitentur detractationes et injuste pulsationes.	97
--	----



DECRETA SIXTI PAPÆ PRIMÆ.	99	Concilium Arelatense secundum.	578
DECRETA TELESPHORI PAPÆ.	103	Concilium Arelatense tertium.	582
De jejuniis septem hebdomadarum ante Pascha et de missarum celebratione in nocte sancti Natalis Domini, et quo tempore aliis diebus misse celebrentur, et de episcoporum defensione.	103	Concilium Taurinense.	585
DECRETA IGINII PAPÆ.	108	Concilium Regiense.	588
De fide et reliquis causis.	108	Concilium Auracense.	592
Epistola Iginii papæ ad Athenienses.	109	Concilium Valense.	596
DECRETA PII PAPÆ.	111	Concilium Agathense.	599
Ut die Domini Pascha celebretur.	111	Concilium Aurelianense.	610
DECRETA ANTHI PAPÆ.	113	CONCILIA HISPANIÆ.	612
De ordinatione archiepiscoporum et reliquorum episcoporum et de appellationibus minorum ad majorum sedes vel ad Romanam Ecclesiam.	113	Concilium Elibertinum.	614
DECRETA SOTERIS PAPÆ.	117	Concilium Tarraconense.	622
De fide epistola ejusdem.	119	Concilium Gerundense.	624
DECRETA ELEUTHERII PAPÆ.	119	Concilium Cæsaraugustanum.	625
DECRETA VICTORIS PAPÆ.	121	Concilium Herdense.	628
De Pascha et causis reliquis.	121	Concilium Valentinum.	630
Epistola ad Afros.	123	Concilium primum Toletanum.	634
DECRETA ZEPHERINI PAPÆ.	125	Concilium Toletanum secundum.	640
Epistola ejusdem.	127	Concilium Toletanum tertium.	642
DECRETA CALIXTI PAPÆ.	129	Decreta ejusdem concilii.	643
De jejuniis Quatuor Temporum et reliquis causis.	129	Concilium Toletanum quartum.	661
Epistola ad omnes Galliarum episcopos. De conspirationibus et reliquis causis illicitis ne fiant.	131	Concilium Toletanum quintum.	684
DECRETA URBANI PAPÆ.	137	Concilium Toletanum sextum.	686
De communi vita et oblatione fidelium.	137	Concilium Toletanum septimum.	693
DECRETA PONTIANI PAPÆ.	142	Concilium Toletanum octavum.	696
Epistola ejusdem. De fraterna dilectione et vitandis malis.	143	Concilium nonum Toletanum.	698
DECRETA ANTERII PAPÆ.	143	Concilium Toletanum decimum.	726
DECRETA SABIANI PAPÆ.	152	Concilium Toletanum undecimum.	731
Epistola ad omnes episcopos.	153	Concilium Toletanum duodecimum.	748
Epistola altera.	159	Concilium Toletanum decimum tertium.	762
DECRETA CORNELII PAPÆ.	165	Concilium Braccarense primum.	766
De translatione corporum apostolorum, et quibusdam hæreticis.	165	Concilium Braccarense secundum.	772
Epistola ejusdem. Ne sacerdotes Domini jurare præsumant vel compellantur.	165	Incipit præfatio sancti Martini Braccarensis episcopi in libro Capitulorum ex Græcorum synodis collectorum.	776
DECRETA LUCII PAPÆ.	167	Concilium Braccarense tertium.	788
DECRETA STEPHANI PAPÆ.	175	Concilium Spalense primum.	794
DECRETA SIXTI PAPÆ SECUNDI.	181	Concilium Spalense secundum.	796
Epistola ejusdem.	183	DECRETA SYLVESTRI PAPÆ.	810
DECRETA DIONYSII PAPÆ.	188	DECRETA JULII PAPÆ.	816
Epistola ejusdem.	188	DECRETA LIBERII PAPÆ.	835
DECRETA FELICIS PAPÆ.	199	DECRETA FELICIS PAPÆ.	840
Epistola ejusdem.	194	DECRETA LIBERII PAPÆ.	854
DECRETA EUTICIANI PAPÆ.	200	Ut nullus pro persecutionibus dum dante potest suam reliquat ecclesiam.	854
Epistola ejusdem universis episcopis per Siciliam constitutis directa.	204	DECRETA DAMASI PAPÆ.	856
DECRETA GAI PAPÆ.	208	DECRETA SIRICII PAPÆ.	877
DECRETA MARCELLINI PAPÆ.	213	DECRETA ANASTASII PAPÆ.	892
Epistola ejusdem.	216	DECRETA INNOCENTII PAPÆ.	894
DECRETA MARCELLI PAPÆ.	217	DECRETA ZOZIMI PAPÆ.	942
Epistola ejusdem ad Maxentium tyrannem.	221	DECRETA BONIFACII PAPÆ.	948
DECRETA EUSEBII PAPÆ.	225	DECRETA CELESTINI PAPÆ.	948
Epistola ejusdem ad Aegyptios.	228	DECRETA SIXTI PAPÆ.	958
Epistola ejusdem episcopis Tuscorum et Campaniarum.	235	EPISTOLÆ LEONIS PAPÆ.	965
DECRETA MELCHIADES PAPÆ.	238	Epistola I, ad Eutichen Constantinopolitanum abbatem adversus Nestorianam hæresim, 765. — II. Ad Theodosium Augustum, 765. — III. Ad Flavianum Constantinopolitanum episcopum, 765. — IV. Rescriptum Flaviani ad Leonem papam, 766. — V. Rescriptum Leonis papæ ad Flavianum Constantinopolitanum episcopum contra Eutichetis hæresim, 767. — VI. Item ejusdem epistolæ ad Julianum episcopum Coensem, 773. — VII. Ad Theodosium Augustum, 776. VIII. Ad Pulcherium Augustum, 776. — IX. Ad Dioscorum Alexandrinum episcopum, 779. — X. Ad Ephesinam synodum secundam in qua provocat episcopos Eutichetis blasphemias condemnare, 780. — XI. Ad Constantinopolitanos, 781. — XII. Ad Theodosium Augustum, 785. — XIII. Ad Pulcherium Augustum, 786. — XIV. Ad eundem, 788. — XV. Ad Martinum et Faustum presbyteros, 788. — XVI. Ad Theodosium Augustum, 787. — XVII. Ad Pulcherium Augustum, 790. — XVIII. Pulcheriæ Augustæ per Theodosium magistratam, 791. — XIX. Ad Faustum, Martinum, etc., 795. — XX. Ad Martinum Augustum, 795. — XXI. Ad eundem, 794. — XXII. Ad eundem, 795. — XXIII. Ad eundem, 796. — XXIV. Ad Anatolium episcopum, 797. — XXV. Ad Natholium episcopum Constantinopolitanum, 798. — XXVI. Ad eundem, 800. — XXVII. Ad synodum Chalcedonensem, 801. — XXVIII. Ad Anatolium, 802. — XXIX. Ad Martinum Augustum, 801. — XXX. Ad Pulcherium Augustum, 806. — XXXI. Ad Martinum Augustum, 808. — XXXII. Ad eundem, 810. — XXXIII. Ad eundem, 811. — XXXIV. Ad Julianum episcopum Coensem, 812. — XXXV. Ad Martinum Augustum, 814. — XXXVI. Ad Pulcherium Augustum, 813. — XXXVII. Ad eundem, 816. — XXXVIII. Ad Julianum episcopum Coensem, 817. — XXXIX. Ad Eudochiam Augustam, 818. — XL. Epistola Leonis papæ, 819. — XLI. Ad Pakestinos, 819. — XLII. Ad Theodorium episcopum, 821. — XLIII. Ad Julianum episcopum, 828. — XLIV. Ad Anatolium episcopum per patrem Diaconum missa. —	

XLV. Ad eundem, 830. — XLVI. Ad Juvenalem hierosolymitanum et ceteros episcopos qui in sancta synodo Chalcedonensi congregati fuerunt, 251. — XLVII. Ad Juvenalem hierosolymitanum episcopum, 832. — XLVIII. Epistola Savennii a'forumque episcoporum Galliarum ad Leonem papam, fidei ejus quam ad Orientem d'exit laudes dicentium, 834. — XLIX. Epistola Leonis ad omnes episcopos Galliarum de damnatione hæreticorum, 836. — L. Ad Martinum Augustum de Pascha, 838. — LI. Ad Eudochiam Augustam de Pascha. — LII. Ad Leonem Augustum, 840. — LIII. Ad eundem, 842. — LIV. Epistola decretalis Leonis papæ ad Anastasium episcopum Thessalonicensem, 856. — LV. Ad Septimum episcopum Altinum, 860. — LVI. Item ejusdem ad eundem. — LVII. Ad universos episcopos per Campaniam, 864. — LVIII. Ad episcopos per Campaniam, etc., constitutos, 865. — LIX. Ad Nectam episcopum Aquileiensem, 866. — LX. Ad Julianum episcopum Aquileiensem, 868. — LXI. Ad Dorum Beneventanum episcopum, 869. — LXII. Ad universos episcopos per Siciliam constitutos, 870. — LXIII. Ad episcopos per Italiæ provincias constitutos, 874. — LXIV. Ad Neonium episcopum Ravennatem, 875. — LXV. Ad episcopos Africa, 877. — LXVI. Leo papa de privilegiis episcoporum sive presbyterorum ad universos Germaniæ atque Galliæ ecclesiarum episcopos, 880. — LXVII. Ad episcopos per Viennensem provinciam constitutos, 882. — LXVIII. Ad Ravennium Arelatensem episcopum, 887. — LXIX. Ad Theodorum Forojuliensem episcopum, 889. — LXX. Ad Rusticum Narbonensem episcopum, 888. — LXXI. Incipiunt ad inquisitionem ejusdem episcopi subjecta responsa. Quod non habeantur episcopi quos nec clerus elegit, nec populus exquisivit, nec provinciales episcopi consecraverunt, 890. — LXXII. Ad Rusticum, Ravennium, Venerium et ceteros episcopos Galliarum, 904. — LXXIII. Ad Julianum episcopum, 904. — LXXIV. Item ad Flavianum Constantinopolitanum, 905. — LXXV. Item ejusdem ad Theodosium Augustum, 905. — LXXVI. Eiusdem ad Flavianum Constantinopolitanum episcopum, 906. — LXXVII. Item ad eundem Constantinopolitanum episcopum, 906. — LXXVIII. Ad clerum et plebem, 906. — LXXIX. Item Leo papa ad Anastasium episcopum Thessalonicensem, 907. — LXXX. Item ejusdem ad Theodosium Augustum, 908. — LXXXI. Eiusdem ad Flavianum Constantinopolitanum episcopum, 908. — LXXXII. Cujus superior ad Julianum episcopum, 909. — LXXXIII. Ad Faustum et ceteros archimandritas Constantinopolitanos, 909. — LXXXIV. Item Leonis ad Martinum presbyterum, 910. — LXXXV. ejusdem ad Martinum Augustum, 910. — LXXXVI. Cujus supra ad Julianum episcopum, 911. — LXXXVII. Leo ad Pulcheriam Augustam, 912. — LXXXVIII. Item ejusdem ad Anatolum episcopum, 912. — LXXXIX. Cujus supra ad Martinum Augustum, 913. — XC. Cujus supra ad Pulcheriam Augustam, 913. — XCI. Ad maximum Antiochenum, 914. — XCII. Cujus supra ad Leonem Augustum, 916. — XCIII. Ejusdem ad Leonem Augustum, 917. — XCIV. Item ejusdem et ad eundem, 917. — XCV. Ad Pul-

cheriam Augustam, 920. — XCVI. Ad universos episcopos per Galliam et Hispaniam constitutos, 921. — XCVII. Ad Samarthionem Carathionem, etc., 922.

DECRETA HILARII PAPÆ.	922
DECRETA SIMPLICII PAPÆ.	929
DECRETA FELICIS PAPÆ.	93
EPISTOLÆ GELASII PAPÆ.	97
DECRETA ANASTASII PAPÆ.	987
DECRETA SYMMACHI PAPÆ.	991
DECRETA JOANNIS PAPÆ.	1055
DECRETA FELICIS PAPÆ.	1057
DECRETA BONIFACII PAPÆ.	1063
DECRETA JOANNIS PAPÆ.	1068
DECRETA AGAPITI PAPÆ.	1070
Epistola Ad Antenum Constantinopolitanum episcopum de duabus naturis in uno Christo.	1070
DECRETA SYLVERII PAPÆ.	1071
DECRETA VIGILII PAPÆ.	1074
DECRETA PELAGII PAPÆ.	1077
DECRETA JOANNIS PAPÆ.	1082
DECRETA BENEDICTI PAPÆ.	1086
DECRETA SECUNDI PELAGII PAPÆ.	1089
DECRETA GREGORII PAPÆ.	1105
DECRETA GREGORII MINORIS.	1159
EPISTOLÆ VITALIANI PAPÆ.	1141
DECRETA GREGORII PAPÆ.	1147

#### VALERIUS PROBUS.

Notitia historica.	1177
Valerii Probi opusculum de notis antiquis.	1179

#### ÆVI CAROLINI CARMINA.

I. — Versus in laudem Lotharii imperatoris positi in fronte textus Evangeliorum quem ipse obtulit monasterio sancti Martini Metensis.	1193
II. — Versus in fronte biblicorum positi et aureis litteris exarati in vetustissimo codice manuscripto monasterii sancti Dionysii, qui nunc exstat in bibliotheca Regia.	1197
III. — Versus in fronte biblicorum aureis characteribus exarati in vetustissimo codice manuscripto bibliothecæ Colbertinæ qui fuit sancti S ephani Mettensis.	1199
IV. — De morte Hugonis Caroli magni ex regina concubina filii.	1205
V. — Epitaphium Clodarii pueri regis.	1207
VI. — Luceti poetæ versus de ordine comprovincialium pontificum.	1208
VII. — Rhythmicus versus de eversione monasterii Glou-nensis.	1212
VIII. — Versus de Bello quo l'ait acum Fontaneto.	1215
IX. — Rhythmus Teutonicus, Ludovico Balbi filio, acclamatus cum Nortmannis anno 885 vicisset, cum versione Latina Joannis Schilleri.	1216
X. — Versus Asclepiadei, quibus finitur codex Gothicus Vigilanus, seu Abeldensis dictus.	1221
Index alphabeticus fidelissimus in Isidorum Mercatorum.	122









NOT TO BE TAKEN  
FROM THIS ROOM.



